

Q
7



R. P. FRANCISCI
SUAREZ

GRANATENSIS è Societate JESU,

Doct̃oris Eximii,

OPUS

DE VIRTUTE ET STATU
RELIGIONIS.

VOLUMEN PRIMUM

*Quo quid contineatur , Index
proximus indicabit.*


OPERUM TOMUS DUODECIMUS.



230.24
5m 13



V E N E T I I S,
APUD SEBASTIANUM COLETI.
M D C C X L I I.



Superiorum Permissu , ac Privilegiis.

Digitized by the Internet Archive
in 2014



ALPHONSO A CASTELBRANCO

Episcopo Conimbricensi, Comiti Arganilensi.



Pus de religione, quod per hosce annos meditabar, tuo nomine, Illustrissime Præsul, testum, ac tutum prodibit in lucem: neque enim de religione tractatus alium deposcit patronum, aut amabit defensorem, quam eum præfulem, in quo sic religionis amor efflorescit, ut cum cætera summa habeat, hic tamen cæteris magnis, ac summis longe videatur eminare. Totam veteris Pontificis pulchritudinem, ac vestium ornamenta Dei vocabulum, teste Hieronymo, protegebat, & coronabat. Dum enim Pontifex sacrosanctum Dei nomen religiose colit, & capiti impositum humiliter reveretur, quidquid induit venustatis, ac decoris, nova exornare gloria, novis insignire luminibus, novis creditur ornamentis coronare. Haud aliter, quæ tibi beneficio arridens vultu natura dedit ornamenta, quæ tua tibi peperit industria, quæ immortalis Deus manu contulit liberali; ea omnia, tua in Deum religio, tua in superos pietas, tua in sacra loca observantia, ita locupletat, & exornat, ut coronam addere, ac diadema imponere videatur. Tua quidem nobilitas, longa proavorum serie ab antiquis hausta temporibus, neminem latere potest, eam tu, sua satis luce promicantem, triplici ampliasti incremento: Pontificis dignitatem addidisti; Comitum prærogativa cumulasti; Supremi Lusitaniæ Gubernatoris insignibus eve-xisti. Hanc tamen generis claritudinem tua religionis observantia protegit, & coronat: *Summa enim nobilitas est clarum esse virtutibus*, ut olim Hieronymus dictitabat. Inter cæteras vero, quæ generis commendant splendorem, pietas in Deum, ac religio certum obtinent principatum; præclare etiam Nazianzenus, cum Heronem dilaudaret, & ex optimis optimum, ex nobilissimis diceret nobilissimum, caute adjunxit: *Nobilitatem dico, quam pietas, & mores notant*. Sed generis omitto splendorem, quem non tam tua tibi peperit industria, quam majorum invexit excellentia. De qua doctrina, quam assiduo studio, perennique Sanctorum Patrum lectione comparasti, quid commemorem? Non possum sane & ingenii felicitatem, & studii vigilantiam, & memoriæ ubertatem non demirari, cum te audiam frequenter de rebus difficilibus diserte, de gravibus copiose, de subtilibus acute, de omnibus luculente philosophantem; sed hanc ingenii tui excellentiam, ac doctrinæ ubertatem tua in Deum singularis religio protegit, & coronat: *Non enim* (inquit Ambrosius) *sufficit ad consummationem sapientiæ, verbis præferre virtutem, nisi doctrina ornetur ex rebus*. Nulla vero est, quæ majorem sapientiæ afferat splendorem, quam illa, quæ in Superis colendis infudat, & Deo religiose famulatur. Jam vero quantus in te existat religionis amor, qui hæc omnia felici coronat ornamento, neminem credo posse ignorare: cum omnes tuæ curæ, & studia eo tendant, ut divinus in tua diœcesi cultus præcipue efflorescat. Testatur hoc in primis tua sedes cathedralis, cui augendæ, & exornandæ tam liberales opes contulisti, ut cum eam multis rebus indigam inveneris, nunc omnibus ornamentis ita possideas abundantem, ut in te mirifice quadret, quod in Gorgoniæ sororis laudem olim dixit Nazianzenus, ita Sanctam Gorgoniam templum, in quo ipse perorabat, suis exornasse muneribus, ut nusquam postea ita videretur honestandum. Testem quoque laudo ejusdem rei sacrarum Virginum Partheonem, Annæ nuncupatum, quem ab imis fundamentis ad summum fastigium propriis impensis erexisti, situ amplum, opere magnificum, redditibus locupletem: denique talem, ut ejus fama non Lusitaniæ terminis concludatur, sed ad exterarum nationes meritissimo tuæ magnificentiæ præconio eve-cta deferatur. Ad hæc duo religionis argumenta, accedit ille tui animi affectus erga religiosos ordines singularis, quos ad studia pietatis non solum dictis promoves, sed factis. Seorsim vero nostra Societas tam multa a te accepit beneficia, ut non immerito diffidat paria apud te posse obsequia collocare. Nam a primis annis, quibus literarum studia iniisti ad hoc temporis, quo Pontificiis infulis splendescis, semper tuus in nos amor majora in dies habuit incrementa. Sed quid communia persequor beneficia, cum propria, quæ in me ipsum contulisti, tam multa sint, ut nequeant a me omnia recenseri? Nam ab eo die, quo in hanc urbem pedem posui, te unum habere cœpi singularem meorum studiorum Meccenatem, qui non solum editis a me libris auctoritatem conciliabas, & honorem; sed etiam benevolis me verbis ad ulterius scribendum erigebas, & liberalibus factis ad scripta evulganda adjuvabas. Quæ cum ita sint, librum hunc tam multis tibi debitum nominibus tuo tibi jure non dico, sed solvo; non dono, sed reddo. Tuus est, quia tuo favore prodit; tuus sit, ut tuo patrocinio defendatur.

D. Hieron.
in epist. ad
Fabium.D. Hieron.
epist. 14.Nazianz.
orat. 23.D. Ambr.
de penit.
c. 8. u. 5.D. Greg.
Nazianz.
orat. 11.

I N D E X

TRACTATUUM, LIBRORUM, ET CAPITUM,

Qua in hoc Volumine continentur.

TRACTATUS I.

De natura, & essentia virtutis Religionis.

L I B E R I.

De objecto, & materia virtutis religionis. 3

Cap. I.	D E etymologia, & multiplici significatione vocis religionis.	3
Cap. II.	De divisione religionis in virtutem, & statum.	4
Cap. III.	Quomodo Deus sub objecto virtutis religionis comprehendatur.	5
Cap. IV.	Sitne Deus solus objectum cui virtutis religionis.	6
Cap. V.	An sola religio respiciat Deum ut objectum cui.	7
Cap. VI.	Sub qua ratione Deus sit objectum religionis.	8
Cap. VII.	Quanam sit materia proxima religionis.	10
Cap. VIII.	De cultu, quem exercet religio.	11
Cap. IX.	De debito, quod reddit religio.	12

L I B E R II.

De actibus religionis in generali. 14

Cap. I.	De interioribus actibus proxime a religione elicitis.	14
Cap. II.	De actibus externis religionis.	16
Cap. III.	An cultus externus a religione imperetur.	17
Cap. IV.	Habeantne religio actus proprios specie inter se diversos.	18

L I B E R III.

De habitu virtutis religionis. 20

Cap. I.	An religio sit habitus proprius nature create intellectualis.	20
Cap. II.	Quomodo distinguatur religio a fide, spe, & charitate.	23
Cap. III.	An religio sit virtus theologica, vel moralis.	25
Cap. IV.	Quomodo religio a iustitia distinguatur.	27
Cap. V.	De distinctione religionis a dulia.	30
Cap. VI.	An religio ab obedientia distinguatur.	35
Cap. VII.	Sitne religio distincta virtus a poenitentia.	36
Cap. VIII.	De unitate specifica religionis.	38
Cap. IX.	De perfectione hujus virtutis inter alias.	39

TRACTATUS II.

De preceptis affirmativis religionis ad Dei cultum, & adorationem, praesertim externam pertinentibus.

L I B E R I.

De preceptis divini cultus, praesertim quoad oblationes, decimas, & primitias. 43

Cap. I.	An praeceptum adorandi Deum sit naturale.	43
Cap. II.	Quomodo adorandus sit Deus ex lege naturali.	46

Cap. III.	An sit praeceptum offerendi Deo sacrificium.	48
Cap. IV.	An ritus simplicium oblationum nunc liceat.	50
Cap. V.	An oblationes ecclesia debeantur.	52
Cap. VI.	A quibus personis recipiende sint oblationes.	56
Cap. VII.	Quibus, & de quibus rebus danda sint oblationes.	59
Cap. VIII.	De primitiis.	60
Cap. IX.	An sit in ecclesia praeceptum decimarum.	63
Cap. X.	Cujus juris sit in ecclesia praeceptum decimarum.	66
Cap. XI.	An conveniens sit determinatio decimarum.	67
Cap. XII.	Quid in decimis possit consuetudo.	71
Cap. XIII.	Quod tempus requirat praescriptio non solvendi decimas.	74
Cap. XIV.	Quid pontifex possit in dispensandis decimis.	75
Cap. XV.	Privilegium decimarum sine causa datum quale sit.	76
Cap. XVI.	Quibus locis sit impositum decimarum praeceptum.	80
Cap. XVII.	An clerici teneantur ad solvendas decimas.	84
Cap. XVIII.	An aliqui exempti sint a debito decimarum.	90
Cap. XIX.	Dubia circa exemptionem decimarum.	91
Cap. XX.	Quomodo amittatur exemptio a decimarum solut.	95
Cap. XXI.	An parochialibus ecclesiis decimae solvenda sint.	97
Cap. XXII.	De consuetudine solvendi decimas in aliena parochia.	99
Cap. XXIII.	De privilegio decimandi extra parochiam.	101
Cap. XXIV.	An in ecclesia baptismali decimae solvenda sint.	102
Cap. XXV.	An laicis debeantur decimae.	104
Cap. XXVI.	An decimae dentur in feudum perpetuum.	106
Cap. XXVII.	An laici possint praescribere decimarum perceptionem.	109
Cap. XXVIII.	Ad quos clericos decimae pertineant jure communi.	110
Cap. XXIX.	Corollaria, & assertiones ex doctrina superioris cap.	114
Cap. XXX.	Possintne ecclesiastici praescribere jus decimarum.	116
Cap. XXXI.	Ex quibus rebus decimae personales solvenda sint.	117
Cap. XXXII.	An aliqua propria lucra immunita sint a decimarum solut.	119
Cap. XXXIII.	An personales decimae integra solvenda sint.	121
Cap. XXXIV.	Ex quibus bonis praediales decimae solvenda sint.	122
Cap. XXXV.	Quomodo praediales decimae solvenda sint.	124
Cap. XXXVI.	Quomodo sint decimae debita ecclesiae.	127
Cap. XXXVII.	Quando, & ubi teneantur fideles decimis solvendis.	131
Cap. XXXVIII.	Quomodo possit ecclesia non solutas decimas recuperare.	133

LIBER II.

	D E sacrorum dierum observatione, & precepto. 137
Cap. I.	De observatione sabbathi. ibid.
Cap. II.	An conveniens sit preceptum servandi festa in ecclesia. 140
Cap. III.	De diebus ab universa ecclesia observandis in generali. 142
Cap. IV.	De festo dominice, atque Trinitatis. ibid.
Cap. V.	De festis ad vitam, & mortem Christi pertinentibus. 145
Cap. VI.	De resurrectionis festo. 149
Cap. VII.	De festis Christi post resurrectionem. 156
Cap. VIII.	De festis Beatissima Virginis Mariae. 159
Cap. IX.	De festis Sanctorum. 161
Cap. X.	De numero, & comparatione generalium festivitatum. 165
Cap. XI.	De festis, quae in aliquibus diocesis servantur. 166
Cap. XII.	De festis, quae a principe seculari instituuntur. 169
Cap. XIII.	An obligentur peregrini ad festa patriae. 170
Cap. XIV.	An obligentur peregrini ad festa loci. 171
Cap. XV.	De missa in die festo audienda. 177
Cap. XVI.	De aliis actionibus sacris in die festo exercendis. 179
Cap. XVII.	Non omnia corporalia opera prohiberi in festis. 182
Cap. XVIII.	An per peccatum mortale festum violatur. 184
Cap. XIX.	An opus omne mercenarium prohibeatur in die festo. 187
Cap. XX.	Servile opus quid sit. 191
Cap. XXI.	De aliquibus operibus servilibus non prohibitis. 192
Cap. XXII.	De operibus liberalibus non prohibitis. 194
Cap. XXIII.	Dentur ne opera media, & quomodo se habeant ad hoc preceptum. 195
Cap. XXIV.	An scribere interdum sit vetitum in die festo. 197
Cap. XXV.	An transcribere sit prohibitum in die festo. 198
Cap. XXVI.	Actiopingendi an servilis, & prohibita in die festo. 200
Cap. XXVII.	De itineratione, & aliis corporis agitationibus. 201
Cap. XXVIII.	De venatione, piscatione, & militia. 202
Cap. XXIX.	De operibus liberis speciali jure prohibitis. 204
Cap. XXX.	De operibus forensibus irritis, vel prohibitis in festo. 206
Cap. XXXI.	De obligatione, & duratione hujus prohibitionis. 210
Cap. XXXII.	De excusationibus ad laborandum in festo. 211
Cap. XXXIII.	De dispensatione in veneratione festi. 213

LIBER III.

	D E templorum religioso cultu, & ecclesiarum immunitate. 215
Cap. I.	Qua reverentia locis sacris debeatur. 215
Cap. II.	De actibus locum sacrum polluentibus. 217
Cap. III.	De actibus, quibus sacra loca profanantur. 221
Cap. IV.	De actibus solo jure humano in ecclesia prohibitis. 223
Cap. V.	De actionibus furti in templo prohibitis ecclesiasticis jure. 226

Cap. VI.	De aliis actionibus in templo prohibitis. 228
Cap. VII.	Sintne aliqua opera in templo facta mala ex hac sola circumstantia. 229
Cap. VIII.	De immunitate ecclesiarum quoad delinquentes tuendos. 232
Cap. IX.	Quae ecclesia propria gaudeant immunitate. 235
Cap. X.	De personis, quae gaudent templorum immunitate. 237
Cap. XI.	In quibus causis valeat templorum immunitas. 239
Cap. XII.	De effectibus immunitatis ecclesiarum. 242
Cap. XIII.	De culpa, & poena immunitatem ecclesia violantium. 244

TRACTATUS III.

De vitiis religioni contrariis, & preceptis negativis, quibus prohibentur.

LIBER I.

	D E irre'ligiositate, & ejus speciebus, tentatione Dei, & blasphemia 248
Cap. I.	Quid sit irre'ligiositas, & quot modis dicatur, &c. 248
Cap. II.	De tentatione Dei formali. 250
Cap. III.	De tentatione Dei interpretativa. 253
Cap. IV.	Quid sit blasphemia. 256
Cap. V.	Quotuplex sit blasphemia. 258
Cap. VI.	Qualis sit malitia blasphemiae. 259
Cap. VII.	Quae sit blasphemia poena. 263

LIBER II

	D E sacrilegio, ejusque speciebus. 264
Cap. I.	Quid sit superstitio, & quomodo committi possit. 264
Cap. II.	De modis, & gravitate superstitutionis in cultu veri Dei. 267
Cap. III.	Quid sit idololatria, & quod ejus obiectum. 271
Cap. IV.	Quomodo adoratio divina tribui possit idolo. 272
Cap. V.	Quenam fuerit idololatriae origo. 275
Cap. VI.	Quam gravis culpa sit idololatria, & ejus poena. 277
Cap. VII.	Quid sit divinatio, & unde habeat malitiam. 281
Cap. VIII.	De malitia divinationis expresse a demone postulata. 284
Cap. IX.	De superstitiosa divinatione per implicitum pactum. 289
Cap. X.	Solvuntur difficultates circa praedictas species divinationum. 292
Cap. XI.	De prohibitione judicandi occulta per astra. 295
Cap. XII.	An sortes semper sint superstitiosae, ac prohibita. 302
Cap. XIII.	Quae divinatio per somnia superstitiosa sit. 309
Cap. XIV.	An in operibus magia pactum cum demone detur? 315
Cap. XV.	Quae sint species magia. 328
Cap. XVI.	An opera magia prestigiosa sint, an vera? 324
Cap. XVII.	Quae media liceant ad tollenda maleficia. 330
Cap. XVIII.	An liceat uti maleficio ad tollendum aliud? 334
Cap. XIX.	De poenis, quas divini, magi, & malefici incurrunt. 436


LIBER III.

- D**E sacrilegio, ejusque speciebus, & praeceptis. 340
 Cap. I. Quid sit, & quotuplex sacrilegium. ibid.
 Cap. II. De sacrilegio contra personam sacram. 341
 Cap. III. De sacrilegio per violationem castitatis. 343
 Cap. IV. De sacrilegio contra locum, & alias res sacras. 345
 Cap. V. Qualis sit divisio sacrilegii in tres species. 346
 Cap. VI. Dubia circa res aliquas sacras. 347
 Cap. VII. De sacrilegii malitia, & poena. 349

LIBER IV.

- D**E simonia. 351
 Cap. I. Quid sit simonia. ibid.
 Cap. II. An sit aliqua simonia jure Divino prohibita. 354
 Cap. III. De malitia simoniae. 357
 Cap. IV. An in simonia detur aliqua malitia contra iustitiam. 360
 Cap. V. An simonia sit solum in lege nova, an etiam in veteri. 362
 Cap. VI. An in lege natura simonia vitium daretur. 365
 Cap. VII. An detur aliqua simonia solo ecclesiast. jure prohibita. 368
 Cap. VIII. An detur aliqua simonia in materia mercenaturali. 371
 Cap. IX. An possit esse materia simoniae gratia sanctificans, &c. 377
 Cap. X. An sacramenta ecclesiae sint materia simoniae. 380
 Cap. XI. An materia sacramentorum vendi possit. 382
 Cap. XII. An possit sacramentum emi in necessitate. 384
 Cap. XIII. An omnes actus potestatis ordinis sint materia simoniae. 389
 Cap. XIV. An sacramentalia sint materia simoniae. 391
 Cap. XV. An divina officia sint materia simoniae. 397
 Cap. XVI. An actus spirituales soli operanti utiles sint materia simoniae. 399
 Cap. XVII. An religiosi ingressus ad habitum, vel professionem, sit materia simoniae. 403
 Cap. XVIII. An functiones supernaturalis doctrinae sint materia simoniae. 407
 Cap. XIX. An actus jurisdictionis interni fori sint materia simoniae. 412
 Cap. XX. An actus ecclesiasticae jurisdictionis externi fori sint materia simoniae. 415
 Cap. XXI. An defatigatio corporalis circa opera spiritualia, & obligatio ad illa sit materia simoniae. 419
 Cap. XXII. An omissio spiritualium actuum sit materia simoniae. 423
 Cap. XXIII. An non spirituale ob annexionem ad spirituale sit materia simoniae. 428
 Cap. XXIV. An beneficia ecclesiastica sint materia simoniae ex divino, & eccl. jure. 429
 Cap. XXV. An prestimonia sint materia simoniae contra jus divinum, vel humanum. 437
 Cap. XXVI. An pensiones ecclesiast. sint materia simoniae. 438
 Cap. XXVII. An commendae, coadiutoriae, vel hospitalia sint materia simoniae. 442
 Cap. XXVIII. An jus Patronat. sit materia simoniae, ubi de jure sepeliendi, & similibus. 445
 Cap. XXIX. An temporalia officia eccl. vel actus eorum sint materia simoniae. 450
 Cap. XXX. Quale pretium ad simoniam requira-

- tur, ubi disquiritur, an commutatio spiritualis pro spirituali simoniaca sit. 454
 Cap. XXXI. Utrum in commutatione spiritualium committatur simonia saltem contra jus ecclesiasticum. 456
 Cap. XXXII. Utrum praelati auctoritas necessaria sit, ut permutatio spiritualium non sit simoniaca. 460
 Cap. XXXIII. Utrum beneficium ecclesiasticum possit cum pensione permutari absque sim. 463
 Cap. XXXIV. Utrum possint beneficia inaequalia permutari, facta recompensatione, absque simonia. 465
 Cap. XXXV. Utrum renunciare beneficio in favorem tertii sit simonia. 469
 Cap. XXXVI. Quando temporale donum sit pretium rei spiritualis. 474
 Cap. XXXVII. Utrum sufficienter dividatur pretium simoniae in tria vulgata membra. 477
 Cap. XXXVIII. Quid per munus a manu intelligatur. 481
 Cap. XXXIX. Quid sub munere ab obsequio comprehendatur. 484
 Cap. XL. Quid per munus a lingua significetur. 488
 Cap. XLI. De divisione simoniae in mentalem, conventionalem, & realem. 491
 Cap. XLII. De simonia ficta. 493
 Cap. XLIII. De simonia confidentiali. 495
 Cap. XLIV. De intentione ad mentalem simoniam necessaria. 497
 Cap. XLV. Utrum intentio remunerandi spirituali dono temporalem obligationem sit simonia. 501
 Cap. XLVI. Utrum pactum spiritualis functionis non debita ex officio sit conventionalis simonia. 503
 Cap. XLVII. Utrum exactio stipendii pro spirituali functione debita ex officio, sit conventionalis simonia. 509
 Cap. XLVIII. Utrum consuetudo exigendi temporalia pro spiritualibus conventionalem simoniam incurrat. 511
 Cap. XLIX. Utrum possit esse realis simonia sine conventionali. 514
 Cap. L. Utrum redemptio vexationis interveniente pacto simoniam realem, & conventionalem contineat. 516
 Cap. LI. An transactio, seu pactum onerosum, ut lis finiat in spiritualibus, simonia sit? 525
 Cap. LII. An simonia cadere possit in pontificem, vel ejus curiam? 530
 Cap. LIII. Quibus modis inferiores praelati, vel eorum ministri, aut familiares simoniam committere possint. 532
 Cap. LIV. Quomodo in aliis hominibus cujuscumque status possit sim. inveniri. 535
 Cap. LV. Pro quibus simoniis nulla poena ipso jure imposita sit. 537
 Cap. LVI. Pro quibus simoniis aliqua censura sit imposita, & quae illa sit. 542
 Cap. LVII. An beneficium, vel res spiritualis per simoniam comparata retineri possit, vel dimittenda sit. 549
 Cap. LVIII. An beneficia priusrite obtenta per simoniam circa beneficium amittantur. 560
 Cap. LIX. An pretium pro re spirituali acceptum ex naturali jure restitutioni obnoxium sit. 562
 Cap. LX. An pretium simoniacum ex jure ecclesiastico sit restituendum ante condemnationem, & quibus. 571
 Cap. LXI. An dispensatio cadere possit in simoniam, & quomodo. 573



I N D E X

QUÆSTIONUM, ET ARTICULORUM

D. THOMÆ IN 2. 2. QUI IN HOC VOLUMINE
EXPLICANTUR.



Ractavit D. Thomas de virtute religionis, & de vitiis illi contrariis in 2. 2. a qu. 81. usque ad 100. Cujus omnes articuli in hoc, & in sequenti volumine explicantur, ordine aliquantulum mutato, & ideo pro studentium utilitate loca, in quibus singuli articuli exponuntur, in præsentī indicabimus.

QUÆSTIO LXXXI.

De religione.

Articulus I.

Utrum religio consistat tantum in ordine ad Deum tract. 1. lib. 1. c. 3. 4. 5. & 6.

Articulus II.

Utrum religio sit virtus, tract. 1. lib. 3. c. 8.

Articulus III.

Utrum religio sit una virtus, tract. 1. l. 3. c. 8.

Articulus IV.

Utrum religio sit specialis virtus, tract. 1. l. 3. c. 24. usque ad 8.

Articulus V.

Utrum religio sit virtus Theologica, tract. 1. lib. 3. cap. 3.

Articulus VI.

Utrum religio sit præferenda aliis virtutibus moralibus, tract. 1. l. 3. c. 9.

Articulus VII.

Utrum religio habeat exteriores actus, tract. 1. l. 2. per totum.

Articulus VIII.

Utrum religio sit eadem sanctitati, tract. 1. l. 3. c. 2. n. 13.

QUÆSTIO LXXXII.

De devotione.

QUÆSTIO LXXXIII.

De oratione.

Omittuntur in sequens volumen.

QUÆSTIO LXXXIV.

De adoratione.

Articulus I.

Utrum adoratio sit actus latriæ, tract. 2. lib. 1. cap. 1. & 2.

Articulus II.

Utrum adoratio importet exteriorem, & interiorem actum, tractat. 2. l. 2. c. 2. & 3. & tract. 3. l. 1. c. 1. per totum.

Articulus III.

Utrum adoratio requirat determinationem loci, tract. 2. l. 3. per totum.

QUÆSTIO LXXXV.

De sacrificiis.

Hæc quæstio breviter perstringitur, tract. 2. lib. 1. cap. 3.

Quia ex professo tractata est in tertio tomo, 3. part. disp. 73. & seq.

QUÆSTIO LXXXVI.

De oblationibus, & primitiis.

Articulus I.

Utrum aliquæ oblationes sint de necessitate præcepti, tract. 2. l. 1. ca. 4. & 5.

Articulus II.

Quibus oblationes debeantur, d. l. 1. c. 7.

Articulus III.

De quibus rebus fieri debeant, eod. l. 1. c. 7. n. 6.

Articulus IV.

De oblationibus primitiarum, eod. l. 1. c. 8.

QUÆSTIO LXXXVII.

De decimis.

Articulus I.

Utrum homines teneantur dare decimas ex necessitate præcepti, tract. 2. l. 1. a ca. 9. usque ad 16.

Articulus II.

De quibus rebus sint decimæ dandæ, eod. lib. 1. a c. 31. usque ad 35.

Articulus III.

An decimæ sint solvendæ clericis, eod. lib. 1. a ca. 21. usque ad 30.

Articulus IV.

Utrum clerici teneantur dare, d. l. 1. ca. 17. & seq.

QUÆSTIO LXXXVIII.

De voto.

QUÆSTIO LXXXIX.

De juramento.

QUÆSTIO XC.

De adjuratione.

QUÆSTIO XCI.

De assumptione divini nominis ad invocandum per orationem, vel laudem.

Hæc quæstiones in sequens volumen reservantur.

QUÆSTIO XCII.

De superstitione.

Articulus I.

Utrum superstitio sit vitium religioni contrarium tr. 3. l. 1. c. 1. præsertim n. 7.

Articulus II.

Utrum sint diversæ superstitionis species, eodem c. 1. & l. 2. c. 1.

QUÆSTIO XCIII.

De superstitione in cultu veri Dei incipit explicari tract. 3. l. 2. c. 1.

Articulus I.

Utrum in cultu veri Dei possit esse aliquid perniciosum, l. 2. c. 1. & 2.

Articulus II.

Utrum in cultu Dei possit esse aliquid superfluum, ibid.

QUÆSTIO XCIV.

De idololatria.

Articulus I.

Utrum idololatria sit species superstitionis, tract. 3. l. 2. c. 3. & 4.

Articulus II.

Utrum idololatria sit peccatum, eodem lib. 2. cap. 6.

Articulus III.

Utrum idololatria sit gravissimum peccatorum, eod. c. 6.

Articulus IV.

Utrum causa idololatriæ fuerit ex parte hominis, eod. l. 2. c. 5.

QUÆSTIO XCV.

De superstitione divinatoria.

Arti

Articulus I.

Utrum divinatio sit peccatum, tract. 3. l. 2. c. 7.

Articulus II.

Utrum divinatio sit species superstitionis, cod. c. 7.

Articulus III.

De variis speciebus divinationis, ibid.

Articulus IV.

Utrum divinatio per invocationem demonum sit licita, explicatur, cod. l. 2. c. 8. 9. 10.

Articulus V.

Utrum divinatio, quæ sit per astra, sit illicita, cod. l. 2. cap. 11.

Articulus VI.

Utrum divinatio, quæ sit per somnia, sit illicita, cod. l. 2. c. 13.

Articulus VII.

Utrum divinatio per auguria, &c. sit illicita, explicatur in d. c. 8.

Articulus VIII.

Utrum divinatio sortium sit illicita, cod. lib. 2. cap. 12.

Q U Æ S T I O XCVI.

De superstitionum observantia.

Articulus I.

Utrum uti observantiis artis notoriæ sit illicitum, cod. l. 2. c. 15. a n. 4.

Articulus II.

Utrum observationes ad corporum immutationes sint illicitæ, cod. c. 15. a n. 8.

Articulus III.

Utrum observationes ordinatæ ad præcognoscendum, &c. sint illicitæ, cod. l. 2. c. 10. num. 4. & 5.

Articulus IV.

Utrum suspendere divina ad collum sit illicitum, cod. l. 2. cap. 15. a n. 10.

Et ad explicationem harum duarum questionum pertinent alia, quæ de Magia disputantur, cod. lib. c. 14. 16. 17. 18.

Q U Æ S T I O XCVII.

De tentatione Dei.

Articulus I.

Dei tentatio consistit in aliquibus factis, in quibus solius divinæ potestatis expectatur effectus, tract. 3. l. 1. c. 2. & 3.

Articulus II.

Utrum tentare Deum sit peccatum, cod. ca. 2. n. 4. & 14. & c. 3. n. 5.

Articulus III.

Utrum tentatio Dei opponatur virtuti religionis, cod. c. 2. n. 4. & c. 3. n. 5.

Articulus IV.

Utrum tentatio Dei sit gravius peccatum, quam superstitio, explicatur partim tract. 3. l. 2. ca. 6. partim l. 1. c. 3. n. 15. & 16.

Q U Æ S T I O XCVIII.

De perjurio.

Relinquitur in sequens volumen.

Q U Æ S T I O XCIX.

De sacrilegio.

Articulus I.

Utrum sacrilegium sit sacræ rei violatio, tract. 3. l. 3. cap. 1.

Articulus II.

Utrum sacrilegium sit peccatum speciale, eodem l. 3. cap. 7.

Articulus III.

Utrum species sacrilegii distinguantur secundum res sacras, cod. l. a c. 1. usque ad 6.

Articulus IV.

De pœna sacrilegii, cod. l. c. 7.

Q U Æ S T I O C.

De simonia.

Articulus I.

Utrum simonia sit studiosa voluntas, &c. tractat. 3. 4. c. 1.

Articulus II.

Utrum semper sit illicitum pro Sacramentis pecuniam dare, cod. l. 4. c. 10. & seq.

Articulus III.

Utrum liceat dare, recipereve pecuniam pro spiritualibus actibus, cod. l. 4. a c. 15. usque ad 20.

Articulus IV.

Utrum sit licitum pecuniam accipere pro his, quæ sunt spiritualibus annexa, a cap. 21. usque ad 2.

Articulus V.

Utrum liceat spiritualia dare pro munere ab obsequio, vel a lingua, cod. l. c. 37. usque ad 40.

Articulus VI.

Utrum sit conveniens simoniaci pœna, cod. lib. 4. a c. 55. usque ad 61.

Alia multa in discursu illius libri tractantur, quæ tantum obiter D. Thom. attingit.

Præter has quæstiones exponitur q. 13. ejusdem 2. 2. D. Thom. quæ est de blasphemia, in tract. 3. l. 1. a cap. 4. usque ad finem.

OPUS DE VIRTUTE, ET STATU RELIGIONIS.

PROOEMIUM, ET RATIO

TOTIUS OPERIS DE RELIGIONE.



SACRA Theologia ita subtili divinarum rerum speculatione detinetur, ut humanas etiam dirigat actiones, speculatrix enim est, & practica. Hinc fit, ut cum Deum tanquam objectum contempleretur, non solum ejus nobis ingerat cognitionem, sed etiam modum ostendat, quo cognitum debito Majestati cultu veneremur. Minus quidem laudabilis esset Theologia, si mentem illustraret, non mores dirigeret, si Divinae majestatis notitiam conferret, neque ad eam colendam viam, modumque ostenderet. Deum enim cogno-

scere, & non ut Deum honorificare, flagitium est omnium maximum, quod in antiquis Philosophis Paulus reprehendit ad Roman. 1. ut ibi Chrysostom. adnotavit: ideoque Divina Sapiencia non solum mentem cognitione illustrat, sed etiam normam praefigit voluntati, qua Deum ita cognitum supremo cultu, ac veneratione extollamus. Cum ergo aequum sit, Theologum doctorem Theologiam, quam profitetur, aemulari, postquam ea Dei mysteria, in quibus speculatrix Theologia praecipue versatur, pro meo captu evulgavi, non potui me amplius continere, quin ad explicanda illa descenderem, quae nos Deo debitum cultum edocerent. Cum enim hic semper fuerit meorum laborum scopus, ut Deus ab hominibus & cognoscatur magis, & ardentius, sanctiusque colatur. Hoc peculiari opere id mihi perficiendum putavi, quo specialius homines ad cultum, & honorem Deo exhibendum incitarem. Cum vero, teste Clemente Alexand. 2. Strom. *Religio ceteras virtutes superans, antiquissimam, & supremam causam doceat colere, & venerari*, de Religione hanc institui tractationem.

Haec praecipua causa suscepti operis, cui accessit alia non minoris ponderis, quae ex superiorum fumitur auctoritate, a quibus saepe ad hoc opus aggrediendum fui excitatus: eorum autem nutum, & voluntatis significationem tanquam imperium mihi suscipiendum semper existimavi. Quamquam facile illud censeatur imperium, in quod animus ipse sponte propendet, atque in hoc ita libenter voluntas ferebatur, ut calcaribus non indigeret. Enim vero cum tractatus de religioso statu iis sit connectendus, quae de virtute religionis a nobis sunt explicanda, mirum non est, si animus, quo se gratum exhiberet, ad illius status commendationem properaret, ad quem divina gratia ipsum evexit, & per plures annos consecravimus. Sicut enim conferre gratiam bonum est, ita non referre est durissimum, ut in libr. 1. de Offic. eleganter dixit Ambrosius.

Illud etiam benigno Lectori attente considerandum est, multa ex his, quae ad tertiam partem D. Thom. superioribus annis disputavimus, qualia sunt, quae de Adoratione Sacrificio, Sacramentis, aliisque similibus in lucem dedimus, ad materiam, & actus Religionis vel directe spectare, vel proxime revocari; ideoque universam illam doctrinam ex hujus virtutis cognitione pendere, eique quodammodo subordinari; ac subinde tractationem hanc a superiori non discrepare, sed eam quodammodo perficere, ac consummare. Jam vero quae de Sacramento Ordinis dicenda erunt, majori quadam ratione cum virtute Religionis copulantur: nam per illud Sacramentum ministri Divini cultus consecrantur, & a virtute Religionis de actibus, quos in eo munere exercere debent, instruuntur. Denique ipsum etiam Matrimonii Sacramentum cum votis tam solennibus, quam simplicibus, quae inter actus Religionis numerantur, connexionem habet. Unde si favente Deo ad incipitum Sacramentorum opus aliquando revertar, expeditior erit cursus, multis in hoc opere enodatis, quae in illo incommode permiscerentur. Quod si vita, virtusque defecerit, priusquam ad illud opus animum iterum appellam, quod video quam sit probabile, non me facti poenitebit, ut spero, quia non sunt poenitendae rationes, quibus inductus illud opus interrumpi, ut hoc aggrederer.

Est ergo Religio totus hujus operis scopus, & objectum. Sed quia duos hoc nomen *Religio* praecipuos habet significatus; alterum, quo exprimit virtutem quamdam omnibus Christianis communem, alterum, quo peculiarem significat statum eorum,

qui proprie religiosi appellantur, duas etiam præcipuas partes totum hoc opus continebit, quarum una virtutis, altera status cognitionem comprehendat. Quamvis enim D. Thom. 2.2. 2. quæst. 84. usque ad 110 de virtute Religionis disputaverit, & postea multis interjectis a quæst. 183. & præsertim in 186. & sequentibus de Statu differuerit: nihilominus virtus, & status Religionis ita mutuo nexu copulantur, ut ad unius exactam cognitionem alterius notitia requiri videatur. Nam religiosus status & ad virtutis religionis exercitium instituitur; ideoque statui Angelorum semper laudantium, & colentium Deum comparatur ab Ambrosio, & ejusdem virtutis actibus constituitur, consueta nimirum votorum emissionem, sine quibus status ille non cohæret, immo ipsam religiosæ vitæ professionem gratum Deo sacrificium S. Augustinus appellavit, & Gregorius addidit gratissimum esse Deo holocaustum. At votum, sacrificium, & divina laus actus virtutis religionis sunt; non potest ergo ille status ab hac virtute disputatione sejungi.

Ex dictis tamen manifeste deducitur, priorem hujus operis locum virtuti essetribuendum, quoniam ad illam, ut ad finem, & efficientem causam, status religiosus refertur. In virtute autem explicanda, quem in pertractandis aliis virtutibus tenere soleo, ordinem observando. Prius enim ejus naturam, subjectum, materiam, actus, essentiam, proprietates, unitatem, & distinctionem ab aliis investigabo. Gradum postea faciam ad moralem doctrinam, atque adeo tam divinam, quam humana præcepta ad hanc virtutem spectantia explicabo: tum ea, quæ aliquid imperant, tum etiam ea, quæ quippiam prohibent, & cum illis vitia omnia, quæ eidem virtuti opponuntur, recensebo, & explanabo. Quamvis enim in virtutum tractatione moralis doctrina, & copiosior, & præcipua intenta esse debeat: nisi tamen exacta cognitio, speculatioque præcedat, non possunt fundamenta deprehendi, a quibus moralis doctrina derivatur.

Est tamen postremo loco observandum, licet hujus virtutis actus Physice (ut ajunt) spectati multiplices sint, in præsentī nonnisi sub ea ratione considerari, qua cultum Deo debitum continent. Sunt tamen nonnulli actus proprii hujus virtutis, qui rationem ipsam cultus fundatam habent in quadam alia peculiari proprietate morali, ex qua nova, & specialis consideratio moralis confurgit. Hi vere actus tres præcipue inveniri videntur. Oratio, Juramentum, ac Votum. Oratio enim ad impetrandum aliquid ab alio refertur. Juramentum ad confirmandam veritatem infallibili testimonio. Votum ad obligandum hominem peculiari modo ratione promissionis; quæ omnes rationes sunt substratæ ad rationem cultus, & satis morales sunt, peculiareque tractatus exigunt. Quapropter prius generatim de ipsa religionis virtute, ejusque præceptis, ac vitiis illi oppositis dicam: postea vero de tribus actibus paulo antea explicatis, & aliis, qui ad illos revocantur, differam: quamvis in materia de voto, & quia copiosior, & quia valde necessaria est, lentius erit immorandum. Atque de industria hunc de voto tractatum in ultimum hujus virtutis locum reservabimus, quia ex voti, ejusque naturæ consideratione, accommodato ordine, ac proclivi quasi ductu ad religiosi status considerationem transitum faciemus.



L I B E R P R I M U S

D E O B J E C T O , E T M A T E R I A

V I R T U T I S R E L I G I O N I S .



HUNC de religione tractatum in tres præcipuas partes, seu libros dividemus: in primo tam materiale, quam formale objectum virtutis religionis explicabimus. In secundo generalem doctrinam de actibus ejus trademus. In tertio virtutem quoad ejus habitum, excellentiam, seu perfectionis gradum, ac distinctionem a cæteris virtutibus exponemus. Prius vero quam ad rem ipsam accedamus, pauca de nomine religionis præmittere opportunum judicavimus.

C A P U T I .

Religio unde dicta sit, & quomodo solius Dei cultum proprie significet, licet ad alia etiam transferatur.

EX Latinis Patribus, & Doctoribus Augustin. lib. 10. de Civitate, cap. 1. quem imitatus est Jonas Aurelianensis lib. 1. de cultu imaginum ante medium, Religionem dixit, juxta Latine loquendi consuetudinem non imperitorum, sed doctissimorum, non significare solius Dei cultum, sed etiam officium, quod hominibus cognatis, & affinis, vel alia quacumque ratione nobis conjunctis exhibemus. Hanc tamen sententiam expendens D. Thomas 2.2. quæstione octuagesima prima, articulo primo, ad secundam dicit: Augustinum late religionis voce usum fuisse, & sc.

Religio-
nis signi-
ficatum
ex D. Au-
gust. alio-
rumque
sententia.

& secundum vocis proprietatem soli Deo attributam esse, quod verum censeo, & hanc esse propriam, & primam hujus vocis significationem, non solum ex usu, & accommodatione Latinorum Patrum, quod certum est, sed etiam apud Latinos auctores. Nam Cicero lib. 2. de inventione: *Religio*, inquit, *est, quæ superioris cujusdam nature, quam divinam vocant, curam, ceremoniamque affert*. Quam definitionem usurpavit August. lib. 83. quæstionum, quæstione 31. & in hac significatione a nobis in hac materia usurpatur. Ad cognatos autem, nobisque conjunctos, pietas, vel amicitia, aut observantia haberi dicitur; non autem religio, nisi fortasse quatenus vel per exaggerationem, vel per translationem, (ut infra declarabo) quidquid magna cura, & studio animi sit, ex religione, vel religiose fieri dicitur, vel etiam quatenus ipsamet Dei religio beneficentiam proximorum, & præcipue nobis conjunctorum imperat, juxta illud Jacobi 1. *Religio munda, & immaculata hæc est, visitare pupillos, & viduas in tribulatione eorum*.

2 Religio ergo Deum solum, ejusque cultum respicit. Quam significationem ex ipsa vocis origine, seu etymologia colligere possumus, quæ multiplex etiam ab auctoribus traditur. Primo enim quidam religionis nomen deducere voluerunt a verbo *Relinquo*, quia religiosum illud esse dicitur, quod propter sanctitatem aliquam remotum est, ac separatam a communi usu. Ita refert ex Masurio Sabino Aulus Gellius lib. 4. Noctium Atticar. cap. 9. Nimis autem remota videtur deductio hæc, sive effectum, ex quo desumitur, sive ipsarum vocum dissimilitudinem consideremus. Secundo existimatum esse, vocem *Religio* a verbo *religendi* derivatum esse. Sic D. Aug. 10. de Civit. c. 4. de Deo loquens. *Ipse (inquit) fons nostræ beatitudinis, ipse omnis appetitionis est finis, hunc eligentes vel potius religentes, amiseramus negligentes: hunc ergo religentes, unde & religio dicta perhibetur, ad eum dilectione tendimus, &c.* Ejusdem meminit 1. retractation. cap. 13. eamque tribuit Latini sermonis auctoribus, Ciceronem subindicans: fortasse enim ita intellexit illa verba Ciceronis secundo, de natura Deorum. *Hi dicti religiosi ex religendo, tanquam eligendo eligentes, & diligendo diligentes, intelligendo intelligentes*. Verum tamen constat, Ciceronem in alio sensu loquutum esse, ut statim dicam. Aliqui etiam putant, Isidorum hanc sequi etymologiam, licet in alio sensu, scil. quia religiosi Deum religant, non quem amiserant, sed quem prius elegerant. Verum tamen Isidorus nihil aliud facit, quam sententiam Ciceronis sequi, & referre.

3 Denique August. ipse in ea sententia non permansit. Neque nobis placet, sive vocem, sive rem attendamus. Nam in primis nullum est verbum proprium Latinum *religendi*, ex quo illa vox deduci poterit, immo nec *religo* usitatum invenitur. Quin etiam illud admittamus, non tam significabit eligere, quod neglectum erat, quam iterum eligere, quod jam erat electum. Sicut religare non significare ligare ea, quæ soluta erant, sed iterum ligare ea, quæ jam erant ligata. Accedit, quod eligere Deum jam negligenter amissum, vel non est munus religionis, sed pœnitentiæ, vel si pœnitentia aliquo modo sub religione continetur, illud munus est quasi secundarium, & accidentarium: nam religio per se respicit Deum, & ad illum tendit, etiam si nunquam negligenter amissus sit. Non est ergo verisimile, nomen religionis fuisse tractum ex comparatione (ut sic dicam) ad priorem negligentiam, seu ad negligentem Dei amissionem.

4 Tertio igitur derivata censetur vox religio a verbo *relegendi*, quia nimirum ea, quæ ad Dei cultum pertinent iterum, atque iterum legenda, seu cogitanda sunt. Ita Cicero lib. 2. de natura Deorum, quem sequutus est Isidor. lib. 10. Originum lit. R. in princip. Quorum sensus constat ex illis Ciceronis verbis: *Qui omnia qui ad cultum Dei pertinerent, retractarent, & relegerent, hi dicti sunt religiosi a relegendo*. Alia autem verba supra citata adducuntur tanquam exempla, non quia ex verbo *eligendi*, aut *religendi*, in alia signi-

ficatione sumpta sit etymologia, sed ex hac, qua proprie significat legere, quatenus ad cognitionem ordinatur. Estque probabilis deductio, sive vocum similitudinem, sive munus ipsum religionis spectemus.

5 Nihilominus Lactant. lib. 4. de vera sapientia c. 28. Ciceronem in hoc deserit, & religionem ex verbo *religandi* deducit, dicens: *Hac conditione gignimur, ut generati nos Deo iusta, & debita obsequia præbeamus, hunc solum noverimus, hunc sequamur, hoc vinculo pietatis obstricti Deo, & religati sumus, unde ipsa religio nomen accepit, non, ut Cicero interpretatus est, a relegendo*. Atque hanc Lactantii sententiam approbaverunt D. Hieronym. circa illa verba Amos 9. *Qui edificat in cælo ascensionem suam, & fasciculum suum super terram fundavit*. Et D. Aug. lib. de vera religione cap. ult. qui primam suam etymologiam retractat l. 1. Retract. c. 13. Atque hæc sententia est maxime verisimilis, sive spectemus vocum allusionem, & propinquitatem, sive munus ipsum religionis.

6 Est autem differentia inter Lactantium, & Hieronymum: Lactantius enim vult religionem esse dictam, quia ipsa Deo homines ligat: Hieronym. vero quia ipsos homines inter se ligat, & quasi in unum congregat ad colendum Deum: & ideo ait: *Grege iustorum, seu electorum fasciculum appellari, quia una Domini religione constrictus est: unde, & ipsa religio a religando, & in fascem Domini vinciendo, nomen accepit*. Lactantium videtur sequi Bernard. lib. de Natura, & dignitate divini amoris cap. 15. dicens: *Corporalibus religamur sacramentis, ne a Deo recedamus, unde etiam a religando religio dicitur*. E contrario Abulens. Exodi 12. sub quæst. 49. *Religio, inquit, dicitur modus specialis colendi Deum, sive verum, sive falsos Deos, vocaturque religio a religando, quia religant se homines illi modo vivendi, & colendi Deum*. Mihi magis placet, ut religio dicatur, quia ipsamet religat homines Deo. Nam expositio Hieronymi est quidem accommodatissima ad eam significationem, qua vox *religio* pro statu religionis accipitur: tamen quia illa primitiva non est, sed derivata, ut infra dicam, ideo Lactantii consideratio potior videtur, & primario effectui religionis accommodatior. Religio enim primum omnium unit nos Deo, hinc vero consequenter fit, ut qui eundem Deum colunt, aliquo modo inter se colligati maneant, magis autem vel minus, juxta rationem cultus.

7 Rursus vero considerari potest aliud discrimen inter Lactantium, & Augustin. nam Lactantius significat, religionem dictam esse ab illo vinculo naturali, quo Deo obligamur ex propria naturæ conditione: Augustinus autem potius dictam significat, quia huic vinculo novum vinculum superaddit. Quod explicuit D. Tho. Opusc. 19. contra impugnantes religionem c. 1. dicens: *Religio iteratam ligationem importans, ostendit ad illum aliquem ligari, cui primo conjunctus fuerat, & ab eo distare incepit, & quia omnis creatura prius in Deo exstitit, quam in se ipsa, & a Deo processit, quodammodo ab eo distare incipiens secundum essentiam per creationem, ideo rationalis creatura ad ipsum Deum debet religari, cui primo conjuncta fuerat, antequam esset, ut sic ad locum, unde exeunt, flumina revertantur*. Quæ explicatio subtilis quidem est, magis vero faver sententiæ Lactantii, quatenus declarat, cur ipsum naturale vinculum subjectionis rationalis creaturæ ad Deum, dicatur potius religio, quam ligamentum. Tamen nimis metaphorica, minusque propria videtur illa deductio: nam creaturæ, prout sunt in Deo, non tam dici possunt alligatæ Deo, quam esse ipse met Deus: solum ergo ligantur illi, quatenus sunt in se productæ, & ab illo distinctæ: ergo primum vinculum, quo illi conjunguntur, non proprie dicitur religio, sed ligamentum tantum. Nec dicuntur tantum religari, quæ dissoluta jam sunt, cum prius fuerint ligata, sed etiam & forte proprius illa, quæ licet ligata jam sint, ut fortius adhæreant, & non dissolvantur, iterum religantur. Juxta hanc ergo proprietatem videtur religionis nomen recte posse explicari: nam cum creatura rationalis per naturale debitum, & inditam propensionem ligata sit ad colendum unum

Religionē a religando Lactantius dicit, vavi

In quo Lactans. & Hieron. diffideant

Approbat. inter D. Lactans. & Hieron. Religio, nem ita dicta credit, quia religas homines Deo

Discrimē inter D. Aug. Lactantique sententiā.

Ligantur non solum dissoluta sed ligata, ut firmius adhæreant, qui sensus opinio quadraginta in religione.

auctorem suum, per voluntariam electionem, & superadditam habitus inclinationem religatur: & ideo virtus, quæ hoc officium præstat, religio dici poruit.

8 Quod si fortasse obiiciat aliquis, hanc considerationem habere locum in omni habitu, nam augeat inclinationem potentia, & ita quasi iterato eam ligat suo obiecto. Respondemus, hoc nihil referre; tum quia potuit hæc ratio, in hoc nomine imponendo considerari, & non in aliis; tum etiam quia hæc propositio rationalis creaturæ ad suum creatorem maxima est: nam quia est perfectissima subjectio, & servitus, magnum debitum, & obligationem inducit, ideoque merito vinculum, seu ligamen dicitur: & quia hæc est nobilitas creaturæ rationalis, ut per se, & ex vi suæ originis, ad nullum alium, nisi ad Deum ut ad finem, ordinetur, ideo quasi per antonomasiam soli Deo naturaliter alligata censetur: merito ergo illa virtus, quæ hoc vinculum confirmat, & debitum solvit, religio dicta est. Unde etiam obiter intelligitur, ubi novum vinculum voti superadditur in ordine ad hunc ipsum cultum, ibi specialiori quadam ratione quadrare nomen *Religionis*, hoc modo deductum, ideoque ratio sic vivendi, & colendi Deum fere jam sibi usurpavit in ecclesia hoc nomen religionis simpliciter dictum.

9 Ultimo, ex his, quæ dicta sunt de propria significatione, & etymologia huius vocis, intelligere licet, si quas alias significationes habet hæc vox, deductas esse aliquo modo ex comparatione, vel habitudine ad vinculum cum Deo jam declaratum, etiam si aliquid immediate ad Deum ordinatum continere non videantur. Ut, verbi gratia, religio apud Latinos aliquando sumi solet pro *anxia cura*; sic Cicero de Clar. Orat. dixit, quorumdam hominum orationem esse attenuatam *nimia religione*, id est, sollicitudine. Nam quia in divino cultu maxima cura adhibenda est, & illa cæteris curis præferenda, ideo translata est hæc vox ad significandam quamdam nimiam anxietatem in aliqua re agenda. Simili modo religionis nomine significari solet scrupulus conscientia, ac timor, juxta illud Pamphili apud Terrentium in Andrian. *Dignus es odio cum tua religione*, id est, cum tuo timore, & scrupulo. Quomodo est frequens apud Ciceronem, *Religionem injicere*, id est, conscientia scrupulum aliquid esse religioni, id est, in debito conscientia, & similia. Intellexisse enim suo modo videntur etiam Philosophi, timorem conscientia ad cultum Dei aliquo modo pertinere; & e converso contra conscientiam agere, nihil aliud esse, quam Deum offendere. Sic ergo religionis vox ex significatione divini cultus ad significandum conscientia scrupulum translata est. Et inde etiam ulterius ad significandum nimium scrupulum, vel timorem in aliis rebus, vel actionibus traducta est.

10 Tandem debitum officium, in quocumque munere præstando, solet etiam a Latinis religionis nomine significari. Quod forte significavit August. in principio citatus, cum dixit, religionem etiam dici ad cognatos, vel affines. Generalius autem dixit Cicero 4. in Ver. *Ego quos adhuc magistratus mihi populus Romanus mandavit, sic accepi, ut me omnium officiorum religione obstringi arbitrarer*. Quæ extensio eandem fere rationem habet, quam præcedentes: nam debitum officium præstare in omnibus, eatenus ad divinum cultum pertinere potest, quatenus in eo edificare redundat in offensionem Dei: vel certe, quia honor divinus est officium maxime debitum per quamdam analogiam ad illud, omne debitum officium religionis nomine appellatur. Omnes ergo hæc significationes huius vocis, per extensionem quamdam derivatæ sunt a principali, & propria, qua religio solius Dei cultum im-
porrat.

CAPUT II.

Quot modis dicatur religio ad Deum, & sub quo illorum virtus, vel status sit.

1 PRimum omnium notanda est divisio religionis valde usitata ab antiquis Patribus, in veram, & falsam, quam supponit Lactantius in suis institutionibus: nam in primo libro agit de falsa religione, in quarto vero, & sexto agit de vera sapientia, & de vero cultu. Augustinus etiam in libro de Vera religione, in ipso titulo tacite indicat dari etiam religionem falsam, seu per errorem introductam, & statim in capite primo significat, & in discursu operis latius prosequitur. Cum autem verum, & falsum proprie ad intellectum referantur, & rebus etiam tribui soleant, declarare oportet, quo ex his modis religioni accommodentur. Pro quo est animadvertendum, religionem, juxta modum etiam loquendi antiquorum, aliquando tribui intellectui, aliquando vero affectui. Priori modo dixit Mercurius Trismegistus *ἡ ἀληθὴς πρῶτος ἐστὶν θεὸς* Quem imitatus Salvianus lib. 2. ad ecclesiam Catholicam non longe a fine dixit, *Religio scientia est Dei*. At vero Lactantius lib. 4. de Vera sapientia, cap. 4. religionem aperte tribuit voluntati, dum ait, religionem, & sapientiam ita esse conjunctas, ut nunquam separentur, quia idem Deus est, qui intelligi debet, quod est sapientia, & honorari, quod est religionis. *Sed sapientia, inquit, præcedit, religio sequitur, quia prius est Deum scire, consequens colere*. Sicut ergo voluntas intellectum, ita religio sapientiam sequitur. Statim vero videtur hæc duo confundere, dicens: *Ita in duobus nominibus una vis est, quamvis diversa esse videantur*. Sed non negat hæc duo esse distincta, nam subdit; *Alterum est in sensu, alterum in actione*, id est, in intellectu, & affectu, sed illa unum appellat in radice, & fundamento, nam *similia sunt, inquit, duobus rivis ex uno fonte manantibus, fons autem sapientia, & religionis Deus est*. Clemens etiam Alexandrinus lib. 2. Strom. n. 8. religionem a sapientia distinguit, significat autem, religionem esse priorem, dum ait *Religionem esse initium sapientia*, sed aliter loquitur de sapientia, quam Lactantius; nam hic sapientiam vocat fidem ipsam, seu quancumque veram Dei cognitionem: Clemens vero loquitur de sapientia perfecta, quæ cum charitate conjuncta est, cujus initium dicitur esse religio, vel eodem modo, quo timor, vel quia a Deo est impetranda per orationem, quæ est actus religionis.

2 Ex hac ergo conjunctione inter sapientiam, & religionem ortum est, ut aliquando sapientia ipsa vocetur religio, & religio sapientia. Hoc enim sensisse videtur Clemens Alexandrinus supra dicens: *Intelligentia est, rerum sanctorum cura, & providentia*, quod est religionis munus, juxta illud Ciceronis in principio citati. *Religio est, quæ divina natura cultum, ceremoniamque affert*. Hæc autem cura proxime quidem affectus est, tamen quia ex vera Dei cognitione nascitur, intelligentia vocatur. Sic igitur, si religio sumatur secundum id, quod in intellectu supponit, vera, vel falsa appellatur proprie, ac formaliter, prout hæc attributa in intellectu inveniuntur. Atque ita *Vera religio erit veri Dei, verique cultus illi debiti vera cognitio*. Atque hoc modo fides Christiana solet frequenter a Patribus appellari *sola, & vera religio*. Quia veritatem continet in ostendendo Deo, qui colendus est, & in proponendo modo, quo colendus est, utrumque enim ad veram religionem necessarium est. Est enim fides simul & eminenter speculativa, & practica: speculativa quidem, ostendens Deum esse, & dignum esse omni honore; practica vero, quatenus etiam docet modum, & obligationem collendi illum, & in utroque munere veritatem requirit, ut simpliciter vera religio sit.

3 Unde e contrario falsa religio ex parte cognitionis duobus modis potest contingere (nam malum ex quocumque defectu) Primo, quando pro Deo habetur,

Cum rationalis creatura naturaliter Deo sit subjecta & alligata, merito religio illa dicitur, quæ hoc vinculum relegat

Alia religionis Etymologia per habitudinem ad vinculum deducta

Religio in veram & falsam bipartitur

Religionem qui attribuerint intellectui, & qui voluntati

Ludovicus Vives in Schol. ad 4. cap. lib. 10. de Civit. Dei

Religio a sapientia distinguitur, sed se invicem commiscantur

Religio, secundum id, quod in intellectu supponit, formaliter dicitur vera, vel falsa

Quib. mo-
dis falsa
est religio
ex parte
cognitio-
nis

berur, & colitur, quod Deus non est, & hoc modo fuit falsa religio apud Gentiles colentes falsos Deos, & est apud omnes illos, qui divinum cultum creantur, aut dæmonibus aliquo modo communicant, ut late prosequitur Augustinus libro secundo de doctrina Christiana cap. 19. & sequentibus. Alio modo contingit error in ipso cultu, quia licet colatur verus Deus, honor tamen ejus in eis rebus ponitur, quibus vera non colitur, neque adoratur. Et hoc modo est nunc falsa religio apud Judæos, & Paganos, & omnes illos infideles, & hæreticos, qui unum verum Deum, & creatorem recognoscunt, & se colere profitentur, re tamen vera non colunt, quia vel falsis signis ad Deum colendum utuntur maxime Judæi, vel cæremoniis superfluis, & ad salutem animæ nihil conferentibus, ut Pagani, & multi ex hæreticis: vel certe quia in his omnibus nunquam deest aliquis error circa ipsius Dei cognitionem, neque illi mentem subjiciunt, quod esse debet veræ religionis fundamentum. Propter quod Divus Thomas dixit dicto Opusculo 19. capite primo: *Primum vinculum, quo Deo ligatur homo, esse fidem*, scilicet veram, & quæ ita in ipso Deo fundetur, ut in nulla re aberrare possit.

Vera reli-
gio, quæ
in vera
fide fun-
datur

4 Atque hinc ulterius religio, prout spectat ad affectum (quæ est propria, & formalis religio) denominabitur vera vel falsa, vel in esse rei, vel (quod perinde est) per habitudinem ad suum fundamentum, quod est fides, aut cognitio Dei. Erit ergo vera religio, quæ in vera fide fundatur, & consequenter circa verum cultum veri Dei versatur: falsa autem erit omnis illa, quæ in errore fundata est, quæ etiam solet *superstitio* appellari, de qua postea dicemus. Unde in priori est verum, esse religionis, quia constat ex illis principiis, quæ vera religio postulat, & ideo dicitur *vera* in esse rei, & per conformitatem ad veras causas religionis, quæ sunt verus Deus, veraque cognitio ejus. Alia vero solum habet nomen, & apparentiam religionis, & ideo falsa dicitur, vel potius nulla, nam religio simpliciter dicta solum est illa, quæ vera existit. Unde etiam constat: religionem falsam non esse virtutem, immo nihil, quod ad veram virtutem spectet, in ea, quatenus talis est; reperiri. Nam (ut recte dicit Lactantius dicto lib. 4. cap. 4.) *Fons sapientia, & religionis Deus est, a quo hi duo rivi si aberraverint, arescant necesse est*, nihil ergo veræ virtutis fructificare possunt. Virtus enim opus honestum requirit, in cultu autem falsi Dei, vel in falso, & superstitioso cultu nulla honestas esse potest, cum rectæ rationi repugnet; quidquid ergo virtutis in religione esse potest, in vera religione querendum est.

Religio-
nis nomen
non solum
interno
affectui,
sed etiam
externis
actibus,
atque do-
ctrinæ,
quibus Deus
colitur,
tribuitur

5 Rursus vero circa veram religionem (& cum proportionem idem est in falsa) advertere oportet, nomen religionis non solum interno affectui, sed etiam exterioribus actionibus, immo & rebus, quibus Deus colitur, tribui solere, atque etiam doctrinæ, quæ talem cultum, vel cæremoniam docet. Hoc constat ex communi usu loquendi etiam Scripturæ. Nam Exodi duodecimo de Phase dicitur: *Quæ est ista religio?* id est, quid est ista cæremonia sacra, & actio religiosa? Et nu. 19. *Ista est religio victima, &c.* Ubi sermo est de sacrificio vaccæ rufæ. Sic etiam Exodi 29. Lev. 7. & 16. dicitur aliquid esse faciendum *religione perpetua*, id est, lege stabili ad religionem, & cultum Dei pertinente. Sic etiam dixit Clemens Alexand. lib. 2., Strom. nu. 5. *Religio est actio, quæ Deum sequitur*. Denique sicut Fidei nomine significari solet & doctrina Fidei, & actus, vel habitus Fidei, vel sicut votum dici solet & res, quæ vovetur, & ipsa promissio, ita etiam religio dicitur, & cultus ipse, seu modus colendi Deum, sive in hominis actibus, sive in rebus, quæ talibus actibus deserviunt, consideretur, & actiones ipsæ sive exteriores, per quas talis cultus exercetur, sive interiores, a quibus proficiuntur, & consequenter etiam habitus, a quo tales actiones proprie, & sub ratione cultus efficiuntur.

6 Atque in his omnibus, prout ad veram religionem pertinent, aliqua honestas reperitur, sed diverso modo.

Suarez. Tom. XII.

Nam in ipso cultu reperitur tanquam in objecto, & materia, circa quam aliquæ actiones humane versantur. Est enim illud objectum quoddam rectæ rationi consentaneum, id est secundum rectam rationem amabile, seu eligibile. In actibus autem quatenus voluntarie, seu libere exercentur, invenitur moralis honestas, quia studiosæ sunt, & divinæ legi conformes. In habitu etiam reperitur rectitudo, quatenus conaturalis, & proximum principium est talium actionum, præbens optimum modum illas operandi.

7 Unde tandem constat, ex his omnibus, quæ vera religio complectitur, & quæ nomen religionis aliquo modo participant, aliquid esse, quo vera virtus sit, nempe habitus ille, qui ad tales actiones inclinat: nam virtus simpliciter dicta nihil aliud est, quam habitus per se studiosus, & honestus, qualem hunc esse constat ex dictis, ampliusque ex discursu materiæ constabit. Atque in hac significatione, quæ hujusmodi habitum designat, fere semper voce religionis utemur; dico autem *fere*, quia non possumus aliam omittere, in qua etiam pro statu religionis sumitur, quæ licet ex priori derivata sit, ut supra tetigimus, & ideo analogiam quamdam continere videatur, tamen jam vox illa accipitur, ut omnino æquivoca, proprie, & simpliciter utrumque significans, statum scilicet, & virtutem, & ita etiam nos illa utemur: nam ex materia subjecta constabit, in qua significatione accipiat. Quin etiam *religionis* vox, prout statum significat, æquivocationem continet, ut notavit Abulens. Levitici septimo circa finem. Nam generalis status ecclesiæ Catholice, quæ talem doctrinam, talemque modum colendi Deum profiteretur, religio Christiana dicitur, immo & unica, & sola religio dici potest, quia extra illam nulla esse potest vera religio. Et eodem modo ante legem gratiæ synagoga Judæorum erat vera religio, quamvis non esset universalis, sicut nunc est ecclesia Catholica; speciali autem modo *religionis* vox applicata est ad significandum peculiarem vivendi modum, & statum, in quo aliqui fideles congregantur ad perfectiori modo colendum Deum, & hæc significatio nobis deserviet simul cum alia priori, quæ virtutem indicat.

Quomodo
aliqua
honestas
reperia-
tur in iis
omnibus,
quæ b. re-
ligionis
nomen at-
tribuitur

Ex supra-
dictis co-
stat, ali-
quem esse
habitum
religionis
qui vera
virtus sit

Religio-
nis vox
pro status
sententia
Abulensis
et æqui-
voca

CAPUT III.

Quomodo Deus sub objecto virtutis religionis comprehendatur.

EX vocis declaratione supponimus, ut per se notum, dari in nobis aliquam virtutem, quæ religio vocatur, ad ejusque naturam explicandam ab objecto incipimus. Videtur enim ex dictis colligi, objectum illud aut esse solum Deum, aut Deum saltem principaliter complecti. In contrarium vero facere potest D. Th. dicta qu. 81. ar. 5. non permittit, Deum vocari materiam, vel objectum religionis, sed finem.

2 Dicendum nihilominus in primis est, Deum vere, ac proprie pertinere ad objectum virtutis religionis. Ita sumitur ex D. Tho. ar. 3. & ibi Cajetan. annotat. Et probatur, quia omne id, circa quod virtus versatur, & ad quod tendit, pertinet ad objectum ejus; ostensum autem est, virtutem religionis ordinari ad Deum, immo circa illum solum aliquo modo versari, quatenus solius Dei cultum, & honorem procurat; ergo Deus pertinet ad objectum hujus virtutis. Potest quoque declarari ex illa vulgata divisione virtutis moralis in eam, quæ ordinatur primario ad moderandas passionem, & eam, quæ perficit operationes circa alterum, quam tradit D. Th. 1. 2. qu. 60. ar. 2. & tunc a nobis supponenda est potius, quam explicanda: sumpta vero est ex propriis objectis, seu materiis, circa quas variæ virtutes versantur. Nam quarundam principale munus est, passionem reprimere, & ideo passionem ipse dicuntur materia, seu objectum illarum. Aliæ vero virtutes pro fine proximo habent recte, & convenienter operari circa alios, & ideo dicuntur versari circa operationes, easque respicere, ut materiam circa quam versantur. Hæ autem virtutes, sub hac materia, includunt personam illam, circa quam operantur, quia illam respiciunt ut terminum habitudinis suæ.

Scanditur,
Deum vere,
ac proprie
ad objectum
religionis
pertinere

Divisio
virtutis
moralis
ex D. Th.

3 Rursus hæc virtutes, quæ sunt ad alterum, religionem sub se comprehendunt. Nam (ut recte adnotavit Cajetanus in dicta quæst. 81. art. 1.) Sicut omnem peccatum contra alterum est contra personam aliquam, quia per se non peccat homo contra brutum animal, ita etiam virtus ad alterum solum est circa rationalem, vel intellectualem personam. Hæc autem esse potest aut proximus, ad quem ordinatur iustitia, aut Deus, ad quem ordinatur religio: Angeli vero in hac partitione non numerantur, quia pro hoc statu non videntur habere nobiscum necessitudinem aliquam, vel communicationem naturalem, quæ a nobis officium aliquod virtutis iustitiæ circa illos requirat, sed si quam habent, non est secundum propriam, & specificam conditionem suæ naturæ, sed secundum communem rationem sanctitatis, ejusque beatitudinis, ad quam cum illis ordinamur, & sub qua proximorum nomine comprehenduntur. Est ergo religio essentialiter virtus ad alterum, scilicet Deum. Sicut ergo iustitia sub objecto suo comprehendit proximum, ad quem ordinatur, & universum, quidquid est ad alterum, illum respicit ut finem, vel terminum, ita religio in Deum tendit, & consequenter sub objecto suo illum complectitur; nam in habitibus finis proprius, ac terminus habitudinis, seu tendentiæ ipsius, & objectum, idem sunt.

4 Ut autem hoc amplius declararetur, dubitari potest, quomodo Deus sit objectum religionis, an proximum, vel remotum. Si enim tantum remotum est, nihil in hoc habet speciale religio, nam cujuscunque virtutis moralis potest Deus esse objectum remotum, nam potest esse finis remotus, quod perinde esse videretur. Si autem dicamus, Deum esse finem immediatum, religionem extra ordinem virtutum moralium ponemus. Nam cum virtutes morales immediate versentur circa operationes, vel passiones, necessario respiciunt, ut objectum proximum, aliquid creatum: ergo nulla virtus moralis potest Deum respicere, ut objectum proximum.

5 Ad hoc breviter dicendum, Deum quodammodo esse objectum remotum, & quodammodo proximum religionis. Possunt enim hæc voces sumi vel in absoluta significatione, vel respectiva. Absolute dicitur objectum proximum illud, inter quod, & internum actum a virtute elicited nihil mediat; sicut Deus est immediatum objectum charitatis, & moderata comestio temperantiæ. Hoc ergo modo negamus, Deum esse immediatum objectum religionis, & hoc sensu locutus est D. Thom. dicto artic. 5. ut distingueret hanc virtutem a Theologicis, ut in sequentibus videbimus. Hoc etiam convincit ratio facta: quia religionis affectus, qui est ejus actus internus, nunquam ita Deum attingit, quin mediet aliqua alia actio hominis, qua Deo cultum, aut reverentiam exhibet. Sicut etiam virtus iustitiæ nunquam ita immediate attingit proximum, quin mediet actio aliqua, quajus proximi conservatur, aut restituitur. Sub nomine autem actionis, intellige etiam moralem carentiam ejus, nam illa etiam potest esse medium attingendi alterum, ut quando volo non infamare proximum, vel non blasphemare Deum.

6 Alio modo potest esse objectum proximum respectiva, seu comparatione facta ad finem extrinsecum, & remotum, seu ad omne illud objectum, quod per se non attingitur ab actu elicito a tali virtute, ut ab ea progreditur, sed solum, ut ab alia imperatur: quomodo Deus dici potest objectum remotum castitatis, quamvis juxta usitatum modum loquendi potius dicatur finis remotus. In hoc sensu dicimus, Deum non esse objectum remotum religionis, sed sub proximo comprehendendi. Quod etiam probat ratio prius facta. Et declaratur amplius, quia religio ex vi ejusdem affectus, qui ab illa manat, & quasi eodem impetu, (ut sic dicam) quo versatur circa aliquam operationem, attingit etiam Deum, quia non in illa sistit, sed per illam transit in Deum, ut hæc locutio, & similes declarant, *Volo honorare Deum*: ergo, hac ratione, merito dicitur Deus sub proximo religionis objecto contineri. Possetque non incommode dici, Deum esse objectum proximum religionis, sed indire-

ctum. Sicut quando relatio cognoscitur, sub objectum talis cognitionis non solum cadit relatio, sed etiam terminus ejus, diverso tamen modo: nam relatio immediate, & directe: terminus vero media relatione, & quasi indirecte sub talem cognitionem cadit; & ideo, comparatione relationis, non videtur objectum ita propinquum; tamen quatenus illa cognitio non terminatur in relatione, nisi in ordinem ad aliud vere contingitur sub objecto propinquo, quamvis indirecto: ad hunc ergo modum in præfenti philosophandum est.

7 Et fortasse ita recte explicatur, quod communiter dici solet ex Cajetani dicto ar. 3., & 5., Deum esse objectum religionis non *quod*, sed *cui*. Appellatum est enim *objectum quod* illud, quod omnino directe, & immediate per internum actum virtutis attingitur: ut se habet Deus ad actum, quo amatur, nam talis amor immediate, & directe circa Deum ipsum versatur. Objectum autem *cui* est illud, quod solum, mediante alia actione, attingitur, quamvis cum illa conjunctum sit, ut se habet res, quam honoramus, respectu voluntatis honorandi illam. Atque hoc etiam objectum *cui* solet vocari finis virtutis: sicque Div. Thom. dicto ar. 5., Deum vocat finem religionis; intelligendum enim hoc est de fine intrinseco, & proximo, nam extrinsecus, & remotus est quasi per accidens, ideoque sub scientiam non cadit. Præterquamquod illo modo Deus est finis virtutum omnium extrinsecus, & remotus. Religionis ergo est finis proximus per se, & intrinsece, qui finis non est extra rationem objecti, in quod virtus tendit, ideoque ab illo fine actus talis virtutis suam speciem sumunt.

C A P U T I V.

Sine Deus solus objectum Cui virtutis religionis?

1 Dixerimus, Deum esse objectum religionis, jam exponere oportet, an in ea ratione adæquata sit. Dico autem *in ea ratione*, quia comparatione ad objectum *quod*, seu materiam ejusdem virtutis, constat non esse adæquatum objectum: nam præter illud necessaria est alia materia, circa quam proxime versatur talis virtus, quæ materia objectum sine dubio est, seu quasi pars objecti, licet suo modo ad actiones externas ejusdem virtutis pertineat, ut postea dicemus. Ut autem Deus priori modo sit objectum adæquatum huius virtutis, tria necessaria videntur. Primo, ut semper sit objectum *cui*, & nunquam sit objectum *quod* religionis. Secundum, ut religio solum Deum hoc modo attingat, & nullam aliam rem, vel personam attingat, ut objectum *cui*. Tertium, ut Deus ad nullam virtutem præterquam ad religionem pertinere possit, ut objectum *cui*. Atque hæc tria breviter a nobis explicanda sunt, quia revera sunt necessaria ad perfectam, & (ut sic dicam) convertibilem adæquationem, & multum conferre possunt ad naturam, & excellentiam huius virtutis explicandam.

2 Circa primum difficultas est, quia licet constet, religionem per plures actus suos, tantum attingere Deum ut objectum *cui*, tamen per aliquos videtur immediatius attingere Deum, ut objectum *quod*. At si hoc verum est, non minus dicendus est Deus proximum, & immediatum objectum *quod* religionis, quam charitatis, & fidei. Quia etiam hæc virtutes non omnibus actibus suis proxime attingunt Deum, ut objectum *quod*, sed per multos versantur immediate circa res alias, ut patet in amore proximi, & in actu credendi Virginis integritatem. Assumptum ergo probatur, quia oratio est actus virtutis religionis, ut infra videbimus. Oratio autem immediate attingit Deum, ut objectum *quod*, oramus enim Deum, sicut amamus Deum, & petimus a Deo, sicut speramus in Deo.

3 Dicit aliquis, semper proximam, & directam materiam orationis esse aliud a Deo, rem nimirum illam,

Religio ordinatur ad Deum, iustitia ad homines, sed neutra ad Angelos ordinatur.

Cajetani sententia explicatur.

Quo sensu Deus sit objectum religionis proximum, & quo remotum.

Ut Deus sit adæquatum objectum Cui religionis, tria requiruntur.

illam, quam postulamus: personam autem, a qua postulamus, semper se habere, ut obiectum *cui*, quia indirecte, & per aliud attingitur, scilicet, per petendi actum. Sed contra hoc insto, quia non solum petimus a Deo res alias, sed etiam Deum ipsum: sic enim interrogatus D. Th. *Quam mercedem accipies?* respondit: *Domine, non aliam nisi teipsum*. Sicut ergo hæc merces desiderari potest, & sperari, ita etiam postulari: ergo talis oratio omnino habet pro materia proxima directa, & indirecta Deum, quia petit Deum a Deo. Item dantur iustis non tantum Spiritus S. dona, sed etiam persona ipsa Spiritus S. ergo etiam persona ipsa postulari potest. Hoc ergo satis erit, ut dicatur Deus obiectum proximum, & directum religionis, sicut ob similem causam est obiectum spei, quia Deum a Deo speramus, quamvis res alias ab ipso speremus.

Religio-
nis virtus
nunquam
Deum at-
tingit, ut
obiectum
(quod) sed
ut obiectum
[cui.]

4 Nihilominus dicendum est, virtutem religionis nunquam attingere Deum, ut obiectum *quod*, sed tantum ut *cui*. Quod facile probabitur, & solvetur difficultas proposita, si advertamus sermonem esse de obiecto virtutis, quantum ad proprium, & internum actum immediate ab ipsa elicitum. Illud enim obiectum, quod per talem actum directe, & immediate attingitur, dicitur esse obiectum proximum eiusdem virtutis cum eadem proportionem. Et respectu talis actus, satis quidem esse, quod virtus per unum actum immediate, & directe attingat aliquod obiectum, ut illud dicatur esse proximum, & directum obiectum *quod* talis virtutis, siue sit adæquatum, siue principale, hoc enim convincunt exempla adducta de fide, & charitate. Ratio vero est, quia illud, in quo virtus versatur, vere dicitur obiectum eius: ergo etiam illo modo, quo circa illud versatur.

5 Negandum vero est, habere religionem aliquem talem actum, quo circa Deum ita versetur: nam petitio, de qua difficultas procedebat, non est hoc modo proprius, & internus actus religionis. Aliud enim est velle petere, aliud petere, sicut aliud est honorare, aliud velle honorare: velle ergo petere est actus internus immediate elicitus a virtute religionis, qui non attingit Deum, nisi media petitione: sicut voluntas credendi Deum, & Deo, directe, & immediate non attingit Deum, sed credulitatem Dei. Ob hanc ergo causam ipsa religionis virtus directe, & immediate non attingit Deum per talem actum, quia cum ipsa sit virtus voluntatis, immediatus actus eius est velle: non vult autem directe Deum, hoc enim ad charitatem, vel spem spectat, sed vult petere Deum, vel a Deo: ergo inter immediatum actum eius, & Deum interponitur petitio, ratione cuius non omnino proxime, & directe attingit Deum, vel circa illum versatur.

6 Statim vero oriebatur difficultas, quænam virtus sit, ad quam pertineat elicere actum petitionis Dei, & quomodo illa respiciat Deum, ut obiectum proximum, & immediatum; sed hoc melius infra dicetur disputando de oratione. Nunc solum addo, in ipsa petitione Dei, seu a Deo, duos respectus, seu rationes posse considerari. Prior est, quatenus illa petitio cedit in bonum, & commodum petentis, & ut sic non pertinet ad religionem, ut per se constat, quia religio ad alterum tendit, eique debitum reddit. Posterior est, quatenus ipsa petitio est quidam cultus, & honor ejus, a quo aliquid postulat, & ut sic pertinet ad religionem. Constat autem sub hac ratione Deum non considerari, nisi ut personam, cui honor defertur; ideoque non comparari ad religionem, ut obiectum *quod*, seu directum, sed ut obiectum *cui*, religio vult talem honorem deferre.

7 Circa secundum punctum ratio dubitandi est, quia videtur religio habere plures actus, qui non habent Deum pro obiecto *cui*, sed alias personas, vel res: ac proinde non esse Deum sub ea ratione obiectum adæquatum. Assumptum probatur in actu adorandi sanctos viros, qui videtur ad officium huius virtutis pertinere, idemque est de actu venerandi res sacras, ut imagines, calicem, & similia: nam hic actus non attingit talem materiam, ut obiectum *quod* sed *cui*: Deumque non proxime attingit, sed remote,

Suarez Tom. XII.

quatenus propter ipsum hæc omnia in veneratione habentur.

8 Nihilominus dicendum est, Deum etiam quoad hanc partem esse obiectum adæquatum *cui*, religionis. Quia nimirum nullum habet actum externum proprium, quo non attingat Deum illo modo. Ut autem hoc probetur, & solvatur difficultas proposita, advertendum est, non omnem actum huiusmodi attingere Deum eodem modo. Sunt enim quidam actus primarii, quibus colitur Deus in seipso, ut sacrificium, & similes, & hi proxime tendunt in Deum ipsum, in quem explicite diriguntur per intentionem colentis Deum. Alii vero sunt actus secundarii, quibus colitur Deus non in se, sed in alio, ut in imagine, vel in re sacra, quando illa sumitur ut tota materia proxima adorationis. Quia vero talis res non propter se adoratur, sed propter habitudinem aliquam, vel coniunctionem, quam habet cum Deo, ipse Deus attingitur per talem actum, tanquam ratio adorandi. Hoc autem satis est, ut talis actus ex vi talis virtutis in Deum tendat, quia licet expressa intentione tunc non dirigatur talis actus colendi in Deum ut in rem adoratam, implicite tamen, & virtute ad eum refertur.

9 Cum ergo dicitur Deus esse dicto modo adæquatum obiectum religionis, seu (quod perinde est) religionem circa solius Dei cultum versari, intelligendum est abstracte, ita ut quilibet illorum modorum sufficiat, ut religio secundum totam latitudinem suorum actuum sic operetur. Quod clarius constabit, explicando ipsos actus religionis & in genere, & in specie. Et multa, quæ huc spectant, attingimus in 1. tomo 3. p. disp. 54. sect. 5. & 6. & 3. tomo disp. 81. sect. 8. Actus ergo, quibus colimus Sanctos gloriosos, si in eisistant, ut in re per se adorata propter propriam excellentiam, non sunt actus huius virtutis religionis, de qua tractamus, & ita non potest ab illis sumi argumentum: si vero solum considerentur Sancti, ut templa Dei, in eisque colatur Deus quoquo modo, ex vi talis actus, iam Deus ipse erit etiam obiectum *cui*, eiusdem actus. Sancti vero per illos non coluntur, nisi in quantum aliquo modo sunt unum cum ipso Deo. Idemque est, quoad hanc partem, de quibusvis rebus sacris, quæ ob habitudinem aliquam immediatam ad Deum adorantur. Atque ita semper Deus ingreditur in obiecto *cui*, huius virtutis, quoad omnes actus illius.

C A P U T V.

Sitne Deus solius virtutis religionis proprium obiectum cui?

1 **M**Aior nonnulla difficultas est in tertio puncto explicando, quomodo, scilicet, Deus ita sit obiectum adæquatum religionis, ut non solum religio aliam personam non respiciat, ut obiectum per se adorabile, verumtamen Deus ipse alteri virtuti morali non obiciatur, sub simili habitudine obiecti *cui*. Quæ difficultas, ut intelligatur, advertendum est, Deum non esse obiectum unius tantum virtutis voluntatis, sed plurium, ut minimum charitatis, spei, & religionis: unde absolute, & secundum rem, non potest dici esse obiectum adæquatum unius tantum virtutis, sed plurium; & ideo distinguimus in illo plures rationes, vel modos obiecti, ut circa illum plures virtutes voluntatis versari possint. Distinximus autem superius duos generales modos, quibus Deus obici potest virtuti voluntatis, scilicet, ut *quod*, vel tantum *cui*, seu omnino proxime, & directe, vel non omnino proxime, sed indirecte, & media alia actione. Prior ergo modus non est omnino specificus: Deus enim illo modo non uni tantum virtuti obiciatur, sed duabus, scilicet charitati, & spei, quas oportet proinde distinguere ex aliis rationibus obiectivis, quæ in ipsamet bonitate Dei considerari possunt, de quibus alibi. Inquirimus ergo, an Deus sub alia ratione obiecti *cui* uni tantum religioni obiciatur, vel etiam aliis virtutibus. Quæ difficultas videtur esse coniuncta cum alia quæstio-

Religio
ita Deum
attingit ut
obiectum
(Cui) us
nihil a-
liud sub
eadem ob-
iecti ra-
tione re-
spiciat.

Deus ita
est ob-
iectum, Cui
religionis
ut neque
ipsa aliud
obiectum,
neque ipse
aliam vir-
tutem sub
eadem ha-
bitudine
respiciant

ne infra tractanda, an virtus religionis una sit: nunc autem ab illa abstrahimus, & de toto genere religionis (sive plures sub se species comprehendat, sive non) quaerimus, an Deus, ut objectum *cui*, illi soli objiciatur, vel etiam aliis.

2 Et quidem videtur non illi soli objici, sed aliis etiam virtutibus voluntatis. Primo, quia voluntas credendi Deo, & Deum, attingit aliquo modo Deum, ut objectum, non attingit immediate, & directe, quia inter Deum, & voluntatem mediat ipsum credere: ergo attingit indirecte, & tanquam objectum, *cui* fides adhibetur, vel de quo aliquid creditur: ergo in hoc convenit talis voluntas cum actibus elicitis a religione. Illi autem voluntati credendi respondet in voluntate proprius habitus, ut suppono ex doctrina Sancti Thomae 2. 2. quaestione quarta, articulo secundo, & ex his, quae notavi in primo tomo, quaestione septima, articulo tertio. Qui habitus virtus est, nam est de objecto valde honesto, & recte rationi consentaneo, estque virtus a religione distincta, quia per se non respicit cultum, sed credulitatem. Unde actus ipse credendi, prout relatus ad cultum Dei imperativo tantum, & extrinsece censetur ad religionem pertinere, ut infra dicam. Et ob eandem causam, quamvis religio infusa non maneat in peccatore, fides tamen manet, etiam quoad habitum pie affectionis, quem in voluntate ponit. Datur ergo alia virtus in voluntate praeter religionem, quae attingat Deum, ut objectum *cui*.

3 Idem videtur dicendum de virtute obedientiae, quia voluntas obediendi Deo est actus internus immediate elicitus a tali virtute, & ille versatur circa Deum aliquo modo immediate, & vi sua, non tamen omnino directe, & immediate, sed mediante illo actu, per quem illi obedire aliquis vult: ergo in modo attingendi Deum convenit etiam cum religione, a qua tamen distincta virtus est, ut nunc suppono ex sententia D. Thomae 2. 2. quaestione centesima quarta, articulo secundo, & tertio, communiter recepta. Tertio loco afferri posset poenitentia ad idem confirmandum; tamen quia de illa quaestio est, an sub religione comprehendatur, eam nunc omitto. Ratione denique uti possumus, quia si Deus, ut objectum *quod*, cadit in multas virtutes voluntatis, cur non etiam ut objectum *cui*? Nulla profecto specialis ratio afferri posse videtur. Item, quia sicut voluntas suis actibus elicitis potest diversis modis directe attingere Deum ipsum, ita etiam aliae actiones, quas voluntas proxime vult, ut tendentes in Deum, possunt diversas habitudines dicere ad Deum ipsum, quales sunt ratio cultus, obedientiae, aut credulitatis.

4 In hoc puncto dicendum est, dari quidem in voluntate alios habitus, seu virtutes attingentes Deum per modum objecti *cui*: nihilominus tamen Deum peculiari modo objici virtuti religionis, ut objectum *cui*: quo nulli alteri objicitur. Priorem partem probant rationes, & exempla allata. Posterior autem necessaria est, ut inde possit religio habere propriam, & specificam rationem suam. Ut autem explicetur, quid proprium in hoc habeat religio, adverto, duobus modis pertinere posse Deum ad objectum alicujus virtutis moralis. Primo tanquam personam, cujus bonum, vel commodum (ut nostro modo loquamur) per talem virtutem intenditur. Alio modo solum, ut informans extrinsece materiam, circa quam talis virtus versatur, id est, ut conferens illi fundamentum illius honestatis, quam talis virtus per se respicit. Qui duo modi ex genere suo sunt valde diversi, & sufficientes ad distinguendas virtutes non minus, quam Dei bonitas, ut amabilis ipsi Deo propter se, vel ut est summum bonum ipsis amantis, sufficit ad distinguendas virtutes charitatis, & spei.

5 Obedientia igitur, & pia affectio voluntatis attingunt Deum posteriori modo spectatum, sed inter se differunt, quod altera respicit honestatem in ordine ad intellectum; alia vero in ordine ad voluntatem: Deus enim revelando, seu testificando aliquid, constituit illud objectum fide dignum, & ideo fides talis objecti proponitur voluntati, ut eligenda secundum rectam, & divinam rationem. Voluntas ergo cre-

dendi Deo tendit in tale objectum suum, quod est ipsa fides, non ut per eam colat Deum, aut aliquid ei retribuatur, sed quia tale objectum credibile est ex testimonio Dei. Similiter cum Deus aliquid praecipit, sua lege facit, ut res illa sic praecpta inde habeat specialem quamdam rationem bonitatis in ordine ad voluntatem, quae subiecta esse debet suo superiori. Et ideo virtus obedientiae, quae, quatenus specialis virtus est, hanc formalem bonitatem intuetur, non ita tendit in Deum, ut illi aliquid proprie retribuatur, sed tendit in rem praecptam ratione specialis bonitatis, & necessitatis, quae in ea moraliter resultat ex praecpto Dei. Hac ergo ratione dicimus has virtutes solum attingere Deum ut extrinsece informantem materias earum.

6 Religio autem tendit in Deum, quasi in ipsum referendo totam materiam suam, intendens per illam debitum cultum, & quasi jus suum Deo reddere. Propter quod forte Divus Thomas dicto articulo quinto vocavit Deum finem religionis, quod non tam proprie dici potest de voluntate credendi, aut obediendi Deo. Atque hanc doctrinam insinuasce videtur idem Divus Thomas dicta quaestione centesima quarta, articulo secundo ad quartam dicens: *Reverentiam directe respicere personam excellentem, obedientiam vero respicere personam excellentis praecptum*. Haec enim diversitas non in alio consistit, nisi quod reverentia respicit quasi commodum, seu bonum extrinsecum personae, cui exhibetur, & ideo dicitur directe respicere illam, obedientia vero non ita respicit personam, sed praecptum ejus, quatenus a tali persona habet talem bonitatem, seu amabilitatem. Quod idem Divus Thomas iterum explicuit ibi articulo tertio ad primam dicens: *Obedientiam procedere ex reverentia, quae exhibet cultum, & honorem superiori, & quantum ad hoc sub diversis virtutibus contineri, licet secundum se considerata, quatenus respicit rationem praecpti, sit una specialis virtus*. Quae doctrina suo modo applicari potest pie affectioni ad fidem, nam etiam illa non respicit directe personam, sed dictu n ejus, quatenus sub auctoritate ejus verum ostenditur.

Sic igitur Deus, quatenus est persona, ad quam proxime, & directe refertur aliqua materia, seu actio hominis, est objectum *cui*, solius religionis, ita illi adaequatum, ut & religio totam materiam suam in hoc objectum proxime referat, & nulla alia virtus hoc munus exerceat, quae religio non sit, vel sub religione non comprehendatur; neque contra hanc doctrinam procedunt exempla de pia affectione, & obedientia, ut explicatum jam est: de poenitentia vero adhuc superest difficultas infra tractanda.

C A P U T I V.

Deus sub qua ratione virtuti religionis objicitur?

UT titulus intelligatur, supponendum est, cum voluntas studiose tendit in aliquam personam, referendo in eam operationem aliquam, vel actionem, necessarium esse, ut respiciat in tali persona aliquam rationem, quae talem actionem honestet, ut justitia respicit jus, quod persona habet ad talem rem, vel actionem, misericordia indigentiam, & sic de aliis. Sic ergo oportet, ut religio etiam respiciat in Deo rationem aliquam, ob quam justum, & honestum sit, cultum, vel quippiam simile illi tribuere. Inquirimus ergo, quanam haec ratio in Deo sit?

2 Est autem ratio dubitandi; quia licet Deus sit unus, & simplicissimus, plura attributa habet, quorum distinctio, quamvis rationis tantum sit, inter-dum sufficit ad distinguendas in nobis virtutes, quae talia attributa ut objecta formalia respiciunt, ut in fide, & charitate videre licet. Et ratio est, quia nostrae virtutes accommodantur actibus nostris, unde sicut nos propter distinctos conceptus, & actus ratione distinguimus illa attributa, ita & virtutes nostrae possunt optime distingui per formales habitudines ad diversa attributa. In praesenti ergo plura possunt

Omnis virtus in personam, in quam refertur, respicit rationem aliquam, qua honesta actionem.

Quaestio- nis status aperitur, & objicitur plura esse attributa, sub quibus religio Dei respicitur.

esse attributa, propter quæ religio cultum, orationem, & similia Deo offerat. Primum est excellentia, & perfectio divina secundum se: & hoc attributum assignat Divus Thomas tanquam proprium, & formale religionis, dicta questione octuagesima prima, articulo quarto, in Corpore, & ad tertiam. Aliud attributum est, esse principium primum creationis, & gubernationis rerum, & hoc assignat D. Thomas articulo primo, & tertio. Hoc autem attributum esse diversum a primo, constat, quia diversis conceptibus nostris subordinatur. Et per mentis præcisionem intelligimus, aliquam personam esse dignam honore propter excellentiam aliquam, etiamsi nihil operetur.

3 Præter hæc considerari potest in Deo aliud attributum sufficiens ad fundandum hunc respectum, nimirum peculiare dominium, vel jus, quod Deus habet in res omnes, præsertim vero in res, & actiones humanas; nam hoc titulo debitum est illi, ut, quod suum est, ei reddatur, & jus illius in nullo violatur. Hoc ergo titulo debet homo Deo non tantum cultum, sed servitutem, ut attigit D. Thomas articulo tertio ad secundam. Constat autem dominium esse attributum distinctum, & a causalitate, & ab intrinseca excellentia. Denique datur aliud attributum benefactoris, cui sub tali ratione gratitudo debetur, unde etiam gratiarum actio ad religionem pertinere creditur. Aut ergo hæc omnia attributa formaliter concurrunt in objecto religionis, vel unum eorum tantum. Hoc posterius dici non potest, tum propter dicta; tum etiam quia non est major ratio de uno, quam de alio. Neque etiam videtur prius dici posse, alias vel tot essent religiones, quot sunt formalia attributa, quæ considerantur in reddendo cultu Deo: vel una, & eadem virtus sub diversis formalibus rationibus tenderet in Deum, quod non videtur fieri posse.

4 Nihilominus dicendum est, religionem tendere in Deum sub una aliqua ratione ipsi attributa, quæ sit veluti adæquata ratio honestatis, quam habet ex parte talis objecti actus religionis. Ita supponit D. Thomas in his artic. quem sequuntur Cajetanus, & omnes. Sufficenterque probatur ex proportionem, & adæquationem requisita inter intrinsecum finem, seu objectum, & virtutem. Eo igitur modo, quo religio una est, aut per modum unius concipitur, necesse est ex parte Dei fundari in aliqua formali ratione aliquo modo una. Et ideo hoc supponit tanquam manifestum D. Thom. art. 3. Addendum vero est, non oportere hanc rationem formalem consistere in aliquo simplici attributo potentie, bonitatis, aut alio simili, quatenus a nobis concipitur, ut præcisum ab aliis. Nam divina excellentia, quatenus coalescens nostro modo intelligendi ex omnibus attributis, potest intelligi, ut adæquata ratio, ob quam religio colit Deum, Hoc etiam insinuat D. Thom. dicto artic. 3. ad 1. dicens: *Diverse rationes attributorum concurrunt ad rationem primi principii, quia Deus producit omnia, & gubernat sapientia, voluntate, & potentia bonitatis suæ; ex quo immediate infert: Et ideo religio est una virtus.* Subtrahit tamen, & nobis intelligendum reliquit subsumendam propositionem, videlicet rationem primi principii, quatenus ad eam omnia attributa concurrunt, esse sufficienter unam ad constituendam formalitatem hujus objecti. Non est autem intelligendum, attributa concurrere ad hanc rationem primi principii, quasi ab illis resulter tanquam novum attributum ita peculiare in suo conceptu, ut ab aliis ratione sit distinctum, sicut ex bonitate, & cognitione resultat amor. Sed intelligendum est omnia illa attributa concurrere intrinsece; & formaliter ad constituendum primum principium, ut sic, quia neque extra illa potest intelligi aliud simplex attributum ab eis resultans, nec sine illorum formali perfectione concipi potest primum principium constitutum.

5 Immo ulterius advertendum est, hoc primum principium duobus modis concipi posse. Primo, in potentia tantum ad se communicandum. Secundo, ut actu se communicans, & benefaciens hominibus, ac gerens curam eorum. Videri ergo potest, quando dicimus rationem primi principii esse ex parte Dei formale fundamentum religionis, intelligendum id esse

ratione primi principii, solum quantum ad infinitam virtutem agendi, quam habet, & infinitam bonitatem, ac sapientiam, quibus de se est aptum (ut sic dicam) & propensum ad agendum, quia hoc tantum pertinet ad intrinsecam excellentiam ejus, quæ est unica ratio colendi illum. Actualis enim operatio vel in ipso non est, vel nihil perfectionis in ipso addit: ergo non potest illo modo simul concurrere ad constituendam illam rationem primi principii, quæ est ratio colendi Deum.

6 Nihilominus Divus Thomas dicto articulo tertio, ad 2. sentit, utrumque esse necessarium ad constituendam illam rationem: *Quia eodem*, inquit, *actu homo servit Deo, & colit ipsum.* Unde per omnes actus religionis protestatur homo & divinam excellentiam, & servitutem suam; dum autem servitutem suam profitetur, dominium Dei profiteri necesse est, quod habet Deus per aliquam operationem ad extra, & non sine illa; ergo talis actus religionis non fundatur adæquate in sola excellentia Dei intrinseca, sed etiam in extrinseca dominatione: nec in sola virtute agendi, sed etiam in operatione. Atque hoc ipsum indicavit Lactantius libr. de ira Dei, cap. 8. ubi conatur ostendere, ablata ira Dei, id est, iustitia vindicativa ejus, & consequenter ablata etiam remunerativa, omnem religionem everti, & *Si Deus nihil boni tribuit, nec gratiam refert colentibus, vanum esse illum colere.* Statim vero sibi objicit dicens, *Atqui enim naturam excellentem honorare oportet.* Respondet, *Quis honos haberi potest nihil curanti, & ingrato? An aliqua ratione obstricti esse possumus ei, qui nihil habeat commune nobiscum? Deus* (inquit Cicero) *si talis est, ut nullagratia, nulla hominum charitate teneatur, valeat.* Quæ verba sano modo intelligenda sunt: nam Deus a nobis colendus esset, etiamsi nullam mercedem, vel nullum beneficium propterea esset redditurus, nam per se tenemur illum colere, seclusa retributione, ut infra dicemus. Sensus ergo debet esse, ablata Dei providentia, & omni operatione, auferri Dei cultum. Quia si apprehendatur Deus, ut nullam habens humanarum rerum providentiam, hoc ipso non apprehenditur ut summe excellens, ac supremus Dominus, quod est quasi fundamentum religionis, & cultus ejus.

7 Nec refert, quod actualis operatio non sit perfectio Dei; tum quia cultus, & reverentia non solum propter intrinsecam perfectionem, sed etiam propter extrinsecam operationem ab interna perfectione manantem deberi potest; tum etiam quia ipse honor non est intrinsecum bonum, sed extrinsecum ejus, qui honoratur: quid ergo mirum, quod propter extrinsecam etiam rationem deberi possit? Maxime cum operatio, quæ ipsi Deo extrinseca est, redundet in bonum, & commodum intrinsecum ipsius hominis, qui ad Divinum cultum obligatur, & ipsemet cultus ita sit quoddam extrinsecum bonum Dei, ut sit intrinseca perfectio ipsiusmet hominis honorantis Deum; tum etiam, quia operatio Dei est quasi vinculum, & conjungens hominem cum Deo, ut inde oriatur obligatio colendi Deum.

8 Et fortasse ob hanc causam, quando Scriptura loquitur de reverentia, & honore, quem Deo debemus, utitur nominibus respectivis indicantibus hujusmodi vinculum inter nos, & Deum. Hujusmodi est illud Malachiæ primo: *Filius honorat patrem, & servus Dominum suum, si ergo ego pater sum, ubi est honor meus? Et si Dominus ego sum, ubi est timor meus?* Igitur divina excellentia, quatenus nobiscum habet hanc conjunctionem, vel respectum supremi principii, & Domini, est ex parte Dei objectiva ratio cultus debiti per religionem. An vero hæc sit ratio omnino specifica, vel tantum generica, & sub illa possint aliæ distingui, nondum explicatum est, nec potest commode fieri, donec varios actus religionis declaremus, & juxta illos ipsius virtutis unitatem investigemus, quod in sequentibus libris præstabimus: & ibi etiam explicabimus, quando operatio Dei in nobis sit tantum conditio sine qua non, quando vero sit etiam ratio formalis, & movens ad colendum illum.

Solvitur objectio, & ratio primi principii, quomodo sit religionis fundamentum.

Concluditur religio tendere in Deum sub una aliqua ratione.

Ratio, sub qua religio Deum respicit, est divina excellentia, quatenus coalescit ex omnibus attributis

Subiicitur objectio.

CAPUT VII.

Quenam sit materia proxima, circa quam religio versatur,

Religiones humanas, quibus cultus Deo deferimus esse proximam materiam, siue obiectum quod religionis

Diximus, Deum ita pertinere ad obiectum religionis, ut non sit obiectum proximum, & directum. Hinc ergo sequitur necessarium esse, ut hæc virtus habeat aliam materiam propinquam, ut ea mediante Deum attingat, quæ materia etiam appellatur recte communi usu *obiectum materiale quod religionis*, nam illud est, quod immediate vult religio, quamvis in ordine ad Deum, cui illud vult. De hoc ergo materiali obiecto certum in primis est, consistere vel omnino, vel principaliter in aliquibus actionibus humanis, quibus honorem, & reverentiam Deo deferimus, quæ sub nomine cultus Deo debiti comprehenduntur, ut notavit Cajetan. dicta quæst. 81. artic. 2. notab. 2. dicens: *Reddere Deo debitum cultum seu honorem, esse adequatum actum religionis*: quod ibidem D. Thom. non obscure docet, & artic. 3. ad 2. & artic. 4. ad 2. expressius vero artic. 5. dicit: *Hunc cultum se habere per modum materiae, & obiecti ad religionem*.

2 Est enim maxime advertendum, quod supra indicavi, in his virtutibus moralibus eisdem actus externos, (quia virtute fiunt, & sunt effectus internorum actuum voluntatis elicitorum a virtute) secundum se sumptos, & ut priores in ordine intentionis (ut sic dicam) esse obiectum, seu materiam talium virtutum. Ita ergo est in virtute religionis, quia sicut Philosophia docet, finem, & effectum in idem coincidere, sub diversis respectibus; ita hic dicimus, eundem cultum, quem efficienter religio exhibet Deo, esse materiam, quæ proxime obijcit eidem virtuti religionis. Constat autem, hunc cultum consistere in actionibus humanis, quales sunt *sacrificare, laudare Deum*, & similes. Ergo hæc actiones sunt *obiectum quod materiale* huius virtutis.

Quo pacto hoc sit instrumentum sub materia proxima religionis consideratur

3 Dixi autem omnino, vel principaliter, quia præter actus hominis possunt dici materia huius virtutis omnes illæ res sacræ, quibus aliquo modo utimur, ut instrumentis ad Dei honorem, & cultum, cujusmodi sunt *imagines, cerei accensi, vestimenta, aut vasa sacra*, &c. Omnia enim hæc volumus, & procuramus ad cultum Dei, & sub hac ratione dici possunt materia huius virtutis. Tamen omnia illa reducuntur ad operationem, quia ipsa sola per se non continent cultum, sed in quantum alicui operationi deserviunt, & hac ratione sub operatione continentur. Unde sub sacrificio continentur templa, altaria, & aliæ similes res sacræ: sub adoratione continentur imagines, & sic de aliis; & ideo de hac materia, prout in his rebus consistit, nihil amplius dicemus, sed circa unumquemque actum consideranda erit, prout ad illum spectaverit.

Propositio superius assertio confirmatur.

4 Jam vero superest explicandum, quoniam sint actus hominis, in quibus hæc materia religionis posita est. Hanc vero questionem late disputavi tom. I. in 3. part. disput. 51. sect. 2. & 3. tractando de actu adorationis, & occasione illius de omni actu, quo potest ab homine coli Deus. Et ideo, omittis opinionibus, resolutum breviter est, omnem actum humanum honestum, quatenus in Dei honorem, & gloriam refertur potest, esse posse materiam religionis. Nam in huiusmodi actu duo possunt considerari: unum est, actus ipse materialis, quo Deus coli dicitur; aliud est, quod actus ille sit aliquo modo extrinsecum bonum Dei, & per hoc videtur formaliter compleri in ratione cultus: nam si hoc non habeat, nihil erit in tali actu, propter quod ad Deum pertinere dicatur. Hoc autem bonum, cum sit mere extrinsecum Deo, & non pertineat ad ejus utilitatem, vel commoditatem, solum potest ad honorem, vel famam, seu æstimationem Dei spectare. Quia respectu personæ intellectualis, præter bonam inhærentiam, & quæ ad illa consequenda sunt utilia, solum hæc duo bona extrinseca talia reputantur: nam si qua alia sunt, quæ etiam videantur esse bona, & amabilia, ut sunt ama-

ri, vel timeri, hæc ipsa, vel ad illa revocantur, vel solum apprehenduntur ut utilia ad alios fines, ut videlicet apud Aristot. 6. Ethic. cap. 8.

5 Est autem advertendum, illa duo, scilicet famam, & honorem ita indifferenter accipi ab auctoribus in hac materia, ut pro eodem reputari videantur, ut constat ex modo loquendi D. Thom. in omnibus articulis dicta quæstione 81. & ex his, quæ in dicta disputat. 51. de adoratione tractavimus. Re tamen vera in hominibus hæc duo bona censentur distincta, ut colligitur ex eo, quod gloria consistit in bona æstimatione, & fama juxta definitionem Augustini. libr. 83. quæstionum quæstione 31. & tractat. 100. & 105. in Joannem, nam *Gloria est clara cum laude notitia*; quam definitionem ex Ambrosio refert D. Thom. 1. 2. quæst. 2. artic. 3. Augustini. vero dixit, *esse frequentem famam cum laude*. Honor autem non in hoc consistit, sed in significatione, seu rectificatione virtutis alterius, ut docet D. Thom. dicta quæstione 2. ex Aristot. 1. Ethic. cap. 5. & 4. Ethicor. cap. 3. & 8. Ethic. cap. 14. Sunt ergo illa duo nobis distincta: ergo etiam respectu Dei distincta erunt. Sicut Paulus illa distinguit 1. ad Timoth. 1. dicens: *Soli Deo honor, & gloria*. Judas vero in sua epistola: *Soli Deo* (dixit) *gloria, & magnificentia, imperium, & potestas*, id est, recognitio, & laudatio ex talibus attributis proveniens. Declarandum ergo superest, an religio utrumque horum, vel alterum tantum intendat, & si utrumque, an per modum unius, vel unum propter alterum.

Religio Dei honorem, & gloriam intendit.

6 In quo primo dicendum est, religionem Dei honorem, & gloriam simul intendere. Probat, quia utrumque spectat ad debitum Dei cultum, utriusque ergo officium, & cura ad virtutem spectat, sed non ad aliam, nisi ad religionem; ergo ad illam spectat. Confirmatur, quia non est virtus multiplicanda propter illa duo, quæ ita sunt in actione conjuncta, ut vix possint separari. Immo si recte advertatur, definitio gloriæ data ab Augustino utrumque comprehendit, scilicet, bonam æstimationem, & honorem; laus enim quidam est honor, quatenus est bonitatis, & excellentiæ significatio, solumque differt, quod laus proprie tunc dicitur, quando verbis fit, honor autem quibuscumque signis exhibetur. Igitur gloria ex bona æstimatione, seu fama, & illius significatione, & manifestatione completur. Hæc autem duo ita videntur inter se comparari, ut æstimatio sit veluti finis, & terminus honoris, & laudis, quia actus honoris ad hoc videtur ordinari, ut debita æstimatio divini excellentiæ in nobis, vel in aliis generetur, conservetur, vel augeatur.

In quo honor & laus differant.

7 Propter quod aliqui censent, licet cultus respectu Dei sit materia proxima religionis, nihilominus in ipso cultu illa duo distinguenda esse, scilicet actum, quo utimur ad significandam internam Dei æstimationem, & æstimationem ipsam: nam hæc inter se comparantur, ut materiale, & formale: quia actus, quo Deum colimus, ad ejus æstimationem generandam proxime refertur. Quod quidem in multis actibus contingere potest, & recte consideratum est, non tamen est necessarium, in omni actu religionis illa duo distinguere, vel illum ordinem servari. Nam interdum sola ipsa debita æstimatio Dei potest interius exerceri ex affectu religionis, quia illam continet honorem Dei. Est enim hæc differentia inter hominem, & Deum: quod homini non manifestamus æstimationem, quam de illo habemus, nisi per aliquod signum, quo testimonium præbamus excellentiæ ejus, & opinionis, quam de illo habemus. Deo autem ipsammet æstimationem, quam de illo habemus, illi offerimus in testimonium (ut sic dicam) ejusdem bonæ famæ, quam apud nos habet, quia ipse per se sine alio signo eam intueri potest. Atque hoc modo honor divinus aliquando unico actu internæ æstimationis Deum decentis perficitur; solumque possunt æstimatio, & cultus ratione, aut denominatione distinguere. Sæpe vero actus aliquis exercetur distinctus ab æstimatione, & in ordine ad illam, non tamen semper ad generandam, aut perficiendam illam vel in nobis, vel in aliis, sed ad exercendam illam in laudem, vel honorem ejus, quem sic æstimamus: ut

Ut plurimum non distinguuntur in cultu actus, quo significatur interna æstimatio Dei & æstimatio ipsa.

hoc modo æstimatione perficiatur, & quasi consummetur in ratione gloriæ, quæ debet esse bona fama cum laude, id est, cum significatione, & testificatione illius bonitatis, vel excellentiæ, quam de alio conceptam habemus.

Objectio. 8 Dices, hoc quidem habere locum inter homines, ut saltem ei, quem honoramus, significemus bonam æstimationem, quam de illo habemus: in Deo autem minime: cum ipse mentem nostram intueatur: ergo si actio, qua significamus excellentiam Dei, non ordinatur ad notificandam, vel manifestandam illam hominibus, superflua est, nec potest habere veram rationem virtutis, de cuius ratione est, ut ad finem intrinsecum convenientem tendat. Respondetur ex dictis, significationem non semper ordinari ad novam cognitionem gignendam in se, vel in alio, sed sæpe fieri ad exercendam, & profitendam interiorem cognitionem. Quod practice, & moraliter loquendo sæpe est conveniens in ordine ad alios, vel ut ipsi, quam nos habemus de Deo opinionem, agnoscant, vel ut similem concipiant, vel ad eam exercendam excitentur: nam totum hoc pertinet ad gloriam Dei, & ita totum cadit sub munus religionis. Aliquando vero illud officium confert ad conservandam in operante, vel augendam, vel actuandam illammet æstimationem, quam de Deo habet, & maxime ad accendendum ipsummet affectum devotionis ad Deum.

Solvitur objectio.

9 Addo denique, etiam seclusis his effectibus, qui proprii videntur huius vitæ, usum talium actuum, vel signorum, respectu Dei, esse convenientem per se, & non tantum propter alicujus utilitatem, sed propter ipsammet Dei gloriam, quæ per se appetibilis est; tum quia illam Deus intendit in operibus omnibus suis, & illam maxime a nobis postulat in omnibus Scripturis, præsertim in Psalmis, & epistolis Pauli, adeo ut omnia velit in gloriam Dei fieri, 1. ad Corinth. 10, & ideo hæc gloria in æternum duratura dicitur, nam hoc est præcipuum beatorum officium, ut in Apocal. passim describitur: tum etiam quia non potest homo, vel intellectualis creatura aliud veluti tributum Deo reddere ratione suæ servitutis, & hoc est valde accommodatum, & rationi consentaneum, ut homo servitutem Deo debitam & mente, & opere, & affectu recognoscat, & prout potest, exerceat.

C A P U T VIII.

Corollaria ex præcedenti doctrina, quibus materia divini cultus magis explicatur.

Proxima religionis materia æstimationem, & actus alios illam manifestantes comprehendit, hi in ratione signi, illa in ratione cognitionis requiritur.

1 **E**X dictis constare in primis potest, materiam religionis comprehendere & convenientem de Deo æstimationem, & actus alios, quibus illa manifestatur, aut quovismodo significatur. In priori consistit bonum Dei nomen seu fama, quam in nobis habet, in posteriori consistit honor, quem illi exhibemus, (sub honore comprehendendo adorationem, laudem, & omnia similia) & utrumque horum amplectitur religio in sua proxima materia, quatenus ex utroque divina gloria confurgit: & ideo in Scriptura hæc omnia quasi pro eodem accipiuntur; atque hinc etiam fit, ut præter internam de Deo æstimationem, quæ requiritur in ratione cognitionis, reliqui omnes actus solum cadant sub materiam religionis, & veniant in usum ejus in ratione signi, non naturaliter representantis, sed ex aliqua impositione, vel voluntate hominis cum aliquo fundamento in ipso actu, ut statim explicabimus. Hoc autem signum interdum oportet esse publicum, id est, publicam, & aliis notam significationem habens, quando, scilicet, ita oportet exhibere Deo honorem, ut vel communi omnium nomine fiat, vel certe expediat aliis esse manifestum. Aliquando vero sufficere potest signum privatum, id est, proprio hominis arbitrio, & quasi impositione sumptum ad talem sui animi significationem, ut quando cultus privatus est, & inter solum hominem, & Deum fit: nam cum Deum latere non possit aliquis modus locu-

tionis, vel significationis, respectu illius quilibet sufficiens est.

2 Atque hinc ulterius sequitur, tam internos actus hominis, quam externos posse esse materiam proximam religionis. Possunt autem exteriores actus appellari vel illi tantum, qui per corpus, aut res corporales exercentur; vel etiam illi, qui licet sint intra animam, sunt extra voluntatem; vel generalius etiam illi, qui licet sint in voluntate, sunt tamen extra ipsam virtutem religionis, id est, non sunt ab ea elicit: de qua distinctione dicemus plura libro sequenti. Nunc primo modo magis communi, & vulgari accipimus exteriorem actum, & interiorem, prout ab illo distinguitur. Non est autem existimandum, quemlibet actum exteriorem, vel interiorem esse posse materiam religionis: sed illum, qui habet proportionem, ut ratio cultus, & significatio divini honoris in eo fundari possit, quod non habent actus, verbi gratia, mali, neque omnes indifferentes, ut deambulare, aut similes, ut per se notum est. Duobus autem modis potest aliquis actus esse proportionatus ad officium religionis, ut sumitur ex D. Thom. art. 1. ad 1. Unus est, si talis actus habeat ex se aliquam honestatem in alio genere virtutis, ratione cujus ordinabilis sit ad cultum religiosum. Et hoc modo ait D. Thom. opera misericordiæ esse posse materiam religionis, quatenus per illammet opera potest honorari Deus, si per religionem ad hoc referantur. Alius modus est, quando actus, licet ex se non habeat peculiarem honestatem, sed indifferens sit, habet nihilominus proportionem ad dictam significationem.

Tam interni actus, quam externi possunt esse materia proxima religionis.

3 Circa priorem tamen modum dubitari potest, an quilibet actus honestus hoc ipso, quod honestus est, possit esse apta materia religionis? Multi enim videntur esse actus ad hunc finem improporionati, licet alias honesti sint, ut, verbi gratia, studere, temperate comedere, debitum ex justitia solvere, & similia. Nihilominus dicta disput. 51. sect. 2. in fine oppositum tanquam probabilius defendi, ex illo Pauli 1. ad Corinth. 10. *Omnia in Dei gloriam facite*. Quam sententiam D. Thom. & Augustini esse ostendi. Nunc autem addere possumus locum D. Thom. 2. 2. quæst. 104. artic. 3. ad 1. ubi universaliter inquit: *Observationem præcepti, seu obedientiam, quatenus procedit ex reverentia Dei, sub religionem cadere*. Intelligit autem cadere, tanquam materiam religionis, seu devotionis. Per obedientiam vero intelligit, vel quancumque studiosam præcepti observationem, vel illam maxime, quæ formaliter respicit complementum voluntatis Dei: nam tunc præcipue videtur obedientia procedere ex reverentia Dei. Ex hoc ergo infero, omnem actum honestum hoc ipso, quod honestus est, habere in se fundamentum, ut in divinum cultum assumi possit. Nam si absolute præceptus sit, eo ipso habet illam proportionem, quam consideravit D. Thom. & quamvis non sit præceptus absolute: semper est aliquomodo præceptus, saltem quoad specificationem, id est, ut si talis faciendus sit, tali modo, & cum talibus circumstantiis, talique rectitudine fiat. Quoties ergo homo operatur aliquid servans, & respiciens honestatem ejus, prout ad actum virtutis est necessarium, implet aliquod præceptum divinum; ergo eo ipso potest referre opus illud in divinum honorem.

Quilibet actus honestus est apta materia religionis.

4 Nihilominus tamen considerari circa hoc potest distinctio aliqua inter varios virtutis actus. Nam multi illorum in hoc nihil habent speciale in ordine ad Deum, præter generalem rationem honestatis, aut præcepti, & quod tendunt in Deum tanquam ultimum finem, quod etiam ad divinum honorem spectat; & hujusmodi sunt supra numerati. Alii vero sunt actus honesti, qui non solum ex dictis rationibus communibus, sed etiam ex propriis, & peculiaribus modis habent majorem proportionem ad cultum, vel adorationem Dei; & hujusmodi esse videntur, inter actus internos, actus fidei, timoris, spei, atque etiam charitatis; inter externos vero, fortiter, & patienter ferre aliquid propter Deum, & actus misericordiæ, ut in citato loco latius explicuimus.

Actus in-
terni ora-
tionis, &
promif-
sionis, ut
sunt ma-
teria reli-
gionis
proxima,
proxima
honestati
habent ex
divino
cultu.

5 Circa alium modum, quo potest actus non habens aliam honestatem esse proportionatus ad Dei cultum, dubitari potest, an hoc contingat in solis externis actibus, vel etiam in internis: nam in interioribus difficile videtur invenire huiusmodi actum, in quo prior aliqua honestas non requiratur. Nam devotio, cui hoc maxime tribui posset, non est proprie materia religionis, sed potius actus proxime elicitus ab illa, quod longe diversum est, ut infra videbimus. Tantum ergo videntur esse actus interiores hoc modo proprii religionis, vel mentalis oratio, vel promissio aliqua interior, sola etiam mente facta. In utroque autem istorum actuum videtur requiri aliqua prior honestas. Nam, ut religio velit aliquam orationem offerre Deo, supponit, & requirit, illam esse de re honesta, & ex affectu recto, & cum circumstantiis debiti; ergo supponit in tali opere aliquam propriam honestatem, sine qua non esset aptum, ut in cultum Dei fieret. Atque idem cum proportionem est de promissione. Nihilominus tamen recte dici potest, hos actus ita esse materiam proximam religionis, ut prima honestas objectiva illorum sit divinus cultus, quamvis in aliis materiis, in quibus ipsi versantur, aliam honestatem supponant. Est enim attente considerandum, orationem, quæ est materia religionis, habere aliam materiam, in qua ipsa versatur; nam est petitio alicujus rei, & idem est de promissione. Quamvis ergo in ea re, quæ petitur, vel promittitur, supponi possit alia honestas, in ipsa tamen oratione, vel promissione non necessario supponitur, sed per se primo, & immediate ad religionem pertinere potest, ut velle, vel vovere paupertatem, solum ex intentione cultus, & sic de aliis, ut latius in propriis locis declarabitur.

Externi
actus, &
qui sunt
propria
materia
religionis
istorum
significa-
tio proven-
it ex ho-
minum
voluntate
cum fun-
damento.

6 In actibus autem exterioribus facilius invenimus huiusmodi materiam, nam sacrificium, genuflexio, & similes sunt materia valde propria huius virtutis, quæ per se se ad aliam virtutem non spectat, neque alterius honestatem participat: in ordine vero ad voluntatem religiosam habet sufficientem honestatem objectivam, ut in eam merito versari possit. Hæc autem honestas fundatur in hoc, quod illi actus sunt proportionati, & secundum rectam rationem accommodati ad cultum Dei significandum. In quo superest advertendum, significationem talis actus ex voluntate, seu institutione divina, vel humana provenire, quia non est mere naturalis, ut per se notum est, & late declaravi in 3. tom. disput. 73. de sacrificio in genere. Ubi ostendi, hanc impositionem in sacrificio proprie dicto debere fieri auctoritate publica, quia cultus, & significatio publica sunt. In privato autem cultu, seu adoratione fieri potest impositio privata voluntate operantis contraria ratione. Quia vero talis impositio non ita est ad placitum, quin debeat esse prudens, & cum aliquo fundamento in re, ideo in tali materia semper supponitur decencia, & aptitudo ad talem usum, & significationem. Hæc autem decencia sumi potest partim ex natura ipsius actionis; oportet enim ut per se sit decens, & modum aliquem subjectionis præferat, ut in genuflexione per se statim apparet: partim ex communi usu, & apprehensione hominum utentium similibus actionibus ad significationem honoris, vel præminentie; nam tunc mutata intentione, facile possunt accommodari, & elevari ad divinum cultum, si per accidens aliquid non obstat.

C A P U T I X.

Quomodo ratio debiti pertineat ad formale obiectum religionis.

Quæstio-
nis status
aperitur.

1 **R**atio dubitandi esse potest, quia religio non solum reddit Deo cultum debitum, sed etiam non debitum, nam reddit, verbi gratia, cultum per votum, quod mere voluntarium est, & non debitum. Quamquam enim solvere votum debitum sit, tamen facere non est debitum, cum sit religiosus cultus. Item, oratio non solum est ex religione, quando est debita, sed etiam quando est omnino spontanea; ergo signum est, rationem debiti non cadere formaliter

in obiectum religionis, sed materialiter, seu per accidens, sicut cadere potest in materiam temperantiae, quæ non minus exercet abstinentiam voluntariam, quam præceptam. Alias distinguere oportebit duplicem religionem, unam, quæ reddat formaliter: aliam, quæ præbeat cultum mere liberaliter, sicut inter homines circa tribuendas pecunias, alia est virtus, quæ solvendo debitum illas reddit: alia, quæ omnino liberaliter donat. Rursus intra rationem debiti plura obiecta formalia distingui poterunt, sicut inter homines, aliud est debitum gratitudinis, aliud fidei-
litaris, aliud iustitiæ, quæ in formalibus rationibus obiectorum adeo distincta sunt, ut virtutes etiam distinguant; ergo eisdem modis distingui poterit debitum respectu Dei, ita ut aliquod esse intelligatur omnino rigorosum ex speciali iure Dei ad talem rem, vel actionem; aliud vero ex gratitudine tantum, vel alio simili modo. Hæc autem non censentur formalia in obiecto religionis, cum illam non distinguant; ergo nec ipsa ratio debiti pertinet ad formalitatem obiecti ejus.

Debitum
potest ef-
se ex va-
riis situ-
lis.

2 Nihilominus communis vox omnium est, reddere Deo debitum cultum esse proprium, & adæquatum munus religionis, ut constat ex D. Thoma in dicta quæst. 81. fere in omnibus articulis. Nam in prima hac ratione dicit, appellatam esse religionem, quia alligari debemus Deo, tanquam indeficienti principio. Et in solutione ad 3. hoc munus religionis vocat specialem servitutem ad Deum; constat autem, servitutem debitum intrinsece includere. Et in solutione ad 4. ait specialem rationem honoris, & cultus Deo deberi, cui attendit religio. Et artic. 2. ait, ad religionem pertinere, reddere honorem debitum Deo: ubi Cajetan. advertit, hunc esse adæquatum actum, seu materiam proximam religionis. Idem repetunt sæpe D. Thom. & Cajetan. in cæteris articulis. Soto ibidem, Aragonius, & alii tum ibi, tum etiam supra quæst. 57. artic. 4. Ergo signum est, rationem debiti attendi formaliter in obiecto religionis, seu (quod idem est) formaliter intendi ab ipsa met religione, quando munus suum exercet. Ratione ostendi potest: nam munus iustitiæ est reddere debitum; religio autem est pars potestativa iustitiæ, ergo. Præterea ideo diximus, Deum sub ratione primi principii obijci religioni, ut in eo spectetur aliqua ratio, ob quam honore ei debeat; ergo honor, & cultus Dei non cadit in religionem, nisi ut ei debitus.

Statuitur
proprium
& adæqua-
tum reli-
gionis
munus ef-
se reddere
Deo debi-
tum cul-
tum.

3 Declarari præterea potest in hunc modum, quia homo nihil potest tribuere Deo per modum liberalitatis, quia cum sit servus, & omnia, quæ habet, vel operatur servus, sint magis domini, quam sua, non potest liberalitatem circa dominum exercere: quidquid ergo facit in obsequium ejus, facit per modum debiti, quia inter donationem, seu officium mere liberale, ac debitum non est medium. Unde in hoc cernitur magna differentia hominis ad Deum, & hominum inter se, propter quam inter homines præter virtutes ad alterum, quæ solvunt debita, datur virtus liberalitatis; respectu vero Dei nulla datur virtus, quæ in modo operandi liberalitatem imitetur: tum quia liberalitas proprie dicta, ut respicit alios, videtur respicere utilitatem illorum, & versari in his rebus, quæ in eorum dominium transferri, vel in eorum commodum expendi possint: hæc autem respectu Dei locum habere non possunt: tum etiam, quia in modo operandi ita se habet liberalitas, ut in usu pecuniæ, vel donatione alicujus rei non consideret in altero conditionem aliquam, quæ vel minimam rationem debiti personalis inducat ad talem donationem. Nunquam autem homo ita operatur circa Deum, & ideo dicimus, nullam esse virtutem hominis ad Deum, quæ in modo conferendi aliquid liberalitatem intendat. Cum ergo religio sit virtus, per quam homo aliquid Deo retribuit, necesse est, ut id faciat sub aliqua ratione debiti.

Declarat-
ur magis
proposita
doctrina.

4 Ad solvendas autem difficultates priori loco positas, distingui solet duplex debitum, unum legale, & alterum morale ex D. Thom. 2. 2. quæst. 80. ubi ait debitum legale esse, ad quod reddendum aliquis lege astringitur; morale vero, quod aliquis debet ex honestate

Debitum
a D. Tho.
in legale,
ac morale
dividitur,
ac definitur,
&
quod ali-
qui reli-
gioni tri-
buant.

neſtate virtutis, in quo dicit eſſe latitudinem, nam aliquando eſt tantum hoc debitum, ut ſine illius obſervatione, non poſſit honeſtas virtutis conſervari, aliquando vero tale debitum ſolum conſert ad majorem honeſtatem. Dicunt ergo aliqui, debitum religionis non eſſe legale, ſed morale, quod interdum poteſt eſſe neceſſarium ad honeſtatem morum, interdum vero ſolum ad melius eſſe, & ita ſatiſſeri putant difficultatibus poſitis, quæ ad ſummum probant hoc debitum non eſſe legale. Et confirmari, ac declarari amplius poteſt hæc reſponſio: quia reddere Deo illud legale debitum formaliter, ac proprie eſt virtutis obedientiæ; ergo non pertinet ad religionem. Unde etiam quando aliquis audit ſacrum in die feſto, ſi opus illud formaliter conſideretur ſolum, ut præceptum eſt, & ſub illa ratione fiat, non proprie ex religione, ſed ex obedientia fit: e contrario vero ſi fiat formaliter ad reddendum Deo cultum illi debitum ratione ſuæ excellentiæ, eſt actus religionis. Superest ergo, ut cum dicimus, rationem debiti pertinere formaliter ad obſectum religionis, intelligendum ſit de debito morali, quod per ſe ſeparabile eſt a priori, & ſolet eſſe fundamentum ejus, ut in aliis etiam præceptis, ac virtutibus videre licet. Sic enim dicunt Theologi, moralia præcepta fundari in bonitate debita iſtis rebus, vel actionibus, ac ſubinde quædam opera eſſe prohibita, quia mala ſunt, id eſt, quia carent bonitate debita: ſunt ergo talia opera præcepta propter intrinſecam bonitatem ſibi moraliter debita, ſicut colere parentes, ideo præceptum eſt, quia ex ſe bonum eſt, & moraliter debitum parentibus; eſt ergo morale debitum a legali diſtinctum, & prius illo: ſic ergo poteſt attendi erga Deum per virtutem religionis.

5 Dicit vero aliquis: hoc genus debiti moralis commune eſt omni virtuti, maxime quoad aliquos actus, qui natura ſua habent bonitatem tam neceſſariam homini, ut ex illa ſequatur obligatio præcepti, ut notavit Cajetan. infra quæſt. 10. art. 2. ad 1. cum D. Thomas: ibi ergo nihil in hoc habet ſpeciale religio, ut ei hoc debitum tribuatur tanquam pertinens ad formalitatem ſui obſecti. Reſponderi poteſt: hoc debitum morale ſpectandum eſſe juxta exigentiam materiæ, in qua virtus verſatur. Nam revera omnis virtus aliquo modo verſatur circa debitum, quia omnis virtus ſervat modum, ſpeciem, & ordinem, ut ex Auguſtino ſumitur, quem hic D. Thom. art. 2. citat, & ex ratione boni, quam virtus per ſe reſpicit, hæc autem includunt aliquam rationem debiti, ſecundum convenientem proportionem unius rei ad aliam. Sed in hoc eſt diverſitas inter virtutes morales, quæ ſolum ad operantem, vel ad alterum pertinent. Nam priores ſolum reſpiciunt debitum ſecundum convenientiam talis materiæ ad propriam naturam rationalem, poſteriores vero reſpiciunt debitum ſecundum jus, vel conditionem alterius perſonæ rationalis, vel intellectualis, conſiderata etiam conditione operantis comparatione illius. Et ſecundum hunc reſpectum ad alterum intelligitur ratio debiti, quando de his virtutibus loquimur. Variatur autem hoc debitum juxta conditiones, & proportionem perſonarum, & ideo, quatenus eſt hominis ad Deum, habet ſpecialem rationem, quam virtus religionis formaliter reſpicit.

6 Verumtamen licet hæc explicatio debiti moralis communis ſit: tamen applicatio ejus ad virtutem religionis, & reſponſio etiam, juxta diſtinctionem datam, aperte eſt contra mentem D. Thom. citato loco. Nam potius ibi diſtinxerat virtutes, quæ non deficiunt a proprietate juſtitia in ratione debiti, ab illis, quæ in hoc patiuntur defectum. Et ſub priori membro comprehenderat religionem, & totum illud pertinere di-

cit ad debitum legale: ſub poſteriori autem membro complectitur virtutes, quæ ſolum reddunt debitum morale in ordine ad alterum: debitum ergo religionis ex ſententia D. Thom. legale eſt non minus, quam debitum juſtitia ad homines. Immo ex ſuo genere majus debitum eſt, ſicut debitum pietatis inter homines legale etiam eſt, ut ibidem docet D. Thomas, & majus, quam ſit debitum juſtitia ad homines, ut recte notavit Cajetan. 2. 2. quæſt. 57. artic. 4. & ibi Soto, & alii Doctores. Debitum autem ad Deum majus eſt, quam ad parentes. Non dicitur autem hoc debitum legale, quia per legem conſtituatur, aut quia formaliter conſideretur, ut eſt obligatio legis, & obedientia, ut in priori reſponſione inſinuabatur; ſed dicitur legale, quia hoc debitum eſt, quod maxime attendunt leges reipublicæ. Id enim, quod hoc modo eſt debitum, unicuique debetur ex proprio jure invento in ipſo: maxime autem intereſt bono reipublicæ, & paci ejus, ut hoc jus illæſum conſervetur. Religio ergo hoc modo reddit cultum Deo jure proprio illi debitum, & ideo debitum ejus non utrumque morale, ſed proprium, & legale eſt.

7 Ut autem difficultati poſitæ ſatiſfaciamus, advertendum eſt, quamquam hoc debitum non ſit ſemper tale, ut ex eo naſcatur in ſingulis actibus obligatio præcepti, tale tamen eſſe, ut per ſingulos religionis actus poſſit aliqua ex parte ſolvi, & expleri: idque ſatis eſt, ut talis virtus poſſit reſpicere rationem debiti. Sicut v. g. qui ex juſtitia aliquid debet, etiam ſi ſolvat ante tempus, pro quo obligatur, vere ſolvit debitum, & intuitu illius operatur, vel ſi in communi debeat aliquid, quod poſſit in hoc, vel illo opere, vel in hac, aut illa re præſtare, quamvis ſpontanea hoc, vel illud faciat, nihilominus debitum ſolvit, & intuitu illius operatur. Ita ergo intelligendum eſt fieri in actibus religionis, quamvis ſpontanei videantur. Neque inde ſit, ut materia, vel debitum religionis exhauriri poſſit: quia huic virtuti peculiare eſt, ut debitum ejus nunquam poſſit impleri ſolutione; tum quia debitum quodammodo infinitum eſt; tum etiam quia ipſa ſolutione creſcit, nam per eam novum beneficium homini conſertur. Quod non ita eſt in juſtitia ad hominem, nam per ſolutionem ejus poteſt ita ſniri debitum, ut locum jam non habeat juſtitia exhibitio. Per actus autem religionis nunquam poteſt homo exhaurire debitum, quod ad Deum habet, ſive in gratiis agendis, ſive in quolibet alio cultu deferendo.

8 Aliter etiam poteſt hoc debitum religionis explicari, ut non tam intelligatur eſſe in exercitio actus, quam in ſpecificatione illius. Dicitur enim actus debiti quoad exercitium, quando urget obligatio exercendi illum: quæ obligatio non ſemper conjuncta eſt cum honeſtate actus, quia raro ſequitur ex illa præciſe conſiderata, ſed ex ſpeciali præcepto, vel ex ſpeciali neceſſitate. Quoad ſpecificationem autem dici poteſt actus debitus alicui perſonæ, quando talis perſona ratione ſuæ excellentiæ, vel alio ſimili titulo jure ſuo poſtulat talem actum, qui licet non ſemper neceſſarius ſit, tamen & aliquando eſſe poteſt, & ſaltem ſemper eſt neceſſarium non operari contra tale debitum.

9 Per hæc igitur ſufficienter explicata videtur aſſertio poſita, & ſolutæ difficultates omnes in principio poſitæ præter ultimam, quæ in præſenti non poteſt ſufficienter explicari. Poſtulat enim illa difficultas, an ſub hac ratione generali cultus Deo debiti contineantur variæ rationes debiti, adeo diverſæ, ut ſufficienter actus morales ſpecie diſtinguere, & conſequenter, an ex his actibus diverſi etiam habitus generentur? Utrumque autem horum commodius examinabimus in libris ſequentibus.

Vera ſolutio propoſitæ obſectio- nis, & explicatur quale ſit religionis debitum.

Debitum religionis magis explicatur.

Obſectio inſurgit.

Reſpon- detur ob- ſectæ ju- ſta alias ſententiæ.

Conclu- ditur deo- bitum re- ligionis eſſe lega- le.

LIBER SECUNDUS DE ACTIBUS RELIGIONIS IN GENERALI.



DE his actibus nihil in communi differuit D. Thom. in d. q. 81. sed statim in q. 82. incipit agere de actibus hujus virtutis in particulari. Nobis autem ad majus doctrinæ complementum, majoremque claritatem, necessarium visum est, pauca de his actibus generatim præmittere: sic enim postea in singulis brevior, & facilius erit doctrina, meliusque ipsius virtutis essentia, & unitas explicari poterit. Nam religio habitus operativus est, unde a suis actibus speciem sumit, sicut ceteræ virtutes, & potentiæ. Brevis igitur præ oculis ponemus hujus virtutis actus secundum generales rationes eorum, singulorum vero considerationem secundum proprias rationes eorum postea suis locis trademus.

CAPUT I.

De interioribus actibus proxime a religione elicitis.

IDuplices esse solent virtutum moralium actus, interni scilicet, & externi. Quoniam vero hæc voces varias habent significatione, ut supra attigi, in præsentem per internos actus solum intelligimus eos, qui proxime, ac per se fiunt, vel fieri possunt ab ipso habitu, proceduntque ex immediata inclinatione ipsius, quando ex habitu fiunt, aut si illum præcedant, ipsum secum afferunt, vel efficiendo, ut in acquisitis, vel proxime ad illum disponendo, ut in infusis. Externos autem actus voco omnes illos, qui non fiunt ab habitu, nisi mediantibus his prioribus actibus. In hoc ergo capite solum de prioribus agimus, de aliis dicemus postea: nam abstractior consideratio communis utriusque necessaria non est, neque utilis, quia non habent rationem communem, sed valde analogam, ut ex dicendis constabit, & ex generali doctrina actuum humanorum, quæ traditur in 1. 2. q. 18. notum esse debet.

Interior
religionis
actus est
voluntatis
supponens
rationis
judicium.

2 Dico ergo primo, interiorum actuum religionis esse actum voluntatis, qui supponit superioris rationis judicium. Hoc notum est ex dictis, de objecto, & munere religionis. Nam ad cultum debitum Deo reddendum, duo necessaria sunt. Unum est, agnoscere tale debitum, ideoque judicare Deo esse reddendum. Aliud est voluntas solvendi tale debitum, exhibendo cultum illi proportionatum, & ex his duobus sequitur executio ipsius honoris, & cultus, quæ ad exteriores actus jam pertinet. Primum pertinet ad intellectum, sive operantem per naturale lumen, sive per fidem, vel per prudentiam, de quo postea. In illo autem actu non consistit religio, sed est prævius ad religionem, sicut ad omnem virtutem moralem antecedit judicium de agendis in tali materia, cum quo iudicio etiam, hominem non operari virtutem, si nolit, vel etiam contrarium operari, si velit, quamvis hoc moraliter non contingat sine aliquo defectu in ipso iudicio. Et ita in præsentem materia potest quis recte judicare de cultu Deo reddendo, & illum non reddere.

3 Dices: Quando homo circa hoc recte judicat, convenientem habet æstimationem de excellentia Dei: nisi enim hanc habeat, non potest recte judicare de honore illi debito: diximus autem supra, ipsam debitam æstimationem de Deo esse quendam cultum ejus; ergo qui illam habet, jam religionis actum exercet. Respondeo, hic optime accommodari, quod Jacobus ait cap. 2. *Quid proderit, si quis dicet, fidem se habere, & opera non habeat, nam & demones credunt, & contremiscunt.* Sic enim nos dicimus, ad officium religionis (æstimationem parum prodesse sine voluntate. Conveniens enim de Deo æstimatio objective

pertinet ad cultum religionis, formaliter autem non continebit cultum, nisi ex intentione honorandi, & colendi Deum voluntarie exerceatur.

4 Relinquitur ergo, ut internus actus religionis voluntatis proprius sit. Est ergo affectus quidam ad divinum cultum, qui si sit perfectus, & efficax, erit voluntas illa, quæ movet ceteras potentias ad exhibendum actus, quibus colitur Deus. Probatur, quia hic est actus primus hujus virtutis, & ab illo ceteri manant; ergo hic est proprius internus actus ejus. Atque hoc confirmari potest ex ratione virtutis moralis, quæ est ad alterum: nam ex propria materia habet, ut ad voluntatem primo pertineat. Quod maxime verum est in virtute religionis, tum propter excellentiam personæ, cujus honorem procurat, tum etiam propter ipsam rationem cultus, & honoris, quæ valde spiritualis est, & ideo non nisi per rationem proponi, & per voluntatem intendi potest. Nec circa hanc partem difficultas ulla occurrit.

Posita
affectio
de-
claratur,
& proba-
tur.

5 Dubitari vero potest, an hic actus religionis naturalis sit, vel infusus, sed supernaturalis, vel in hæc duo membra sit distinguendus. Ad quod breviter respondeo primo, possibile esse dari aliquem actum naturalem, quo voluntas sola recta ratione naturali regulata velit debitum cultum dare Deo, tanquam auctori, & principio suæ naturæ. Nam per se loquendo hoc objectum naturali ratione cognosci potest: ergo honestas ejus naturalis est: ergo voluntas per naturalem actum potest illam velle, & exequi. Antecedens est D. Thom. d. q. 81. artic. 2. ad 3. & Cajetan. ibi dicentium, reddere Deo debitum cultum esse de dictamine rationis naturalis, licet determinatio ad hunc, vel illum modum colendi Deum, sit ex lege divina, vel humana, de qua re in 3. part. sæpe dixi, tractando de sacrificio, & Sacramentis. Hoc ergo satis est, ut honestus actus religionis possit esse naturalis.

Probabile
est dari
actum re-
ligionis
naturalem.

6 Nec modo disputo, an requiratur aliquis modus gratiæ, vel specialis providentiæ Dei ad perficiendum talem actum cum omnibus requisitis circumstantiis: nam hæc quæstio communis est omnibus actibus moralibus, licet in hoc videatur habere nonnullam specialem difficultatem propter majorem nobilitatem ejus. Nihilominus communis doctrina, quæ de reliquis dari solet, in hoc etiam locum habet, quod nimirum per se, & ex ratione specifica talis actus, ad illum non requiritur gratia, quia licet nobilis appareat, non excedit nobilitatem voluntatis, & rectæ rationis naturalis, & hoc præcipue modo, dicimus illum esse actum naturalem. Ad illum enim lex naturæ obligat, nam ob hoc Paulus ad Roman. 1. Gentes reprehendit: *Quia cum cognovissent Deum, non sicut Deum glorificaverunt, aut gratias egerunt.* Lex autem naturalis non nisi ad actus naturales obligat. Unde in natura integra certum est, potuisse esse talem actum per vires naturæ. In natura vero corrupta alia ratio est propter impedimentum peccati. Et saltem est verum, non posse esse perfectum ex vero Dei amore super omnia, cum perseverantia, & sine admisione errorum, & superstitionum absque auxilio gratiæ. An vero supposita naturali cognitione veri Dei, possit semel, aut iterum ille actus haberi sine speciali gratia, alia quæstio est, quæ ad præsens non spectat.

Ad actum
religionis
naturalem
an requi-
ratur spe-
cialis Dei
gratia.

7 Secundo vero dicendum est, voluntatem perfectam colendi Deum fidei cultu, esse per se infusam, atque in sua specie supernaturalem. Potest autem distinctio hujus actus ab alio, ejusque supernaturalitas ex triplici capite considerari, scilicet ex parte Dei, ex parte materiæ, & ex formali honestate, seu conformitate ad rationem. Primum patet, quia per actum

Perfecta
voluntas
colendi
Deum si-
deli cultu
est super-
naturalis.

actum naturalem colimus Deum, ut principium naturæ: per actum autem infusum colimus Deum, ut est primum principium gratiæ, & finis supernaturalis. Unde nostro modo concipiendi apprehendimus Deum quasi sub excellentiis diversarum rationum, & ordinum, quod satis est ad distinguendas voluntates colendi Deum. Secundum patet, quia materia, qua colitur Deus per actum mere naturalem, est tantum naturalis ordinis: materia autem posterioris voluntatis infusa, aliquando est supernaturalis, qualis est, *captivare intellectum in obsequium Christi*, 2. Corin. 10. & in universum actus fidei, spei, & charitatis, quatenus aliquando possunt imperari ex voluntate colendi Deum. Item sacrificium, & sacramenta a Christo instituta, & similia materiam continent supernaturalem. Actus ergo voluntatis, qui circa illam versatur, si illi proportionatus sit, non est mere naturalis.

Virtutes
morales
acquisite,
ab infusis
disting-
uuntur.

8 Tertium patet ex ratione communi omnibus virtutibus moralibus per se infusis, quæ juxta anteriorem sententiam ab acquisitis distinguuntur, etiam si in eisdem materiis versentur, propter honestates diversarum rationum, quæ in eis cerni possunt ex conformitate ad dictamen rationis supernaturaliter illuminatæ, vel (quod perinde est) per conformitatem ad naturam rationalem secundum se, vel ad naturam elevatam per gratiam ad participationem divinæ naturæ. Ut videre licet apud D. Thom. 1. 2. quæst. 63. art. 3. & 4. & expositores ibi. Hæc igitur distinctio in actibus religionis locum habet, quia licet honestas religionis dicatur sumi per comparisonem ad alium, scilicet Deum, non tamen excluditur comparatio, & conformitas ad ipsum operantem, quem religio ordinat ad Deum, & ideo sicut in ipso homine quodammodo sunt duæ formæ diversorum ordinum, scilicet naturæ, & gratiæ, ita & honestates, & actus colendi Deum sunt ordinum diversorum.

Actus nō
esse super-
naturales
ex solis
principiis

9 Alii contenti sunt distinguendo hos actus ex parte principiorum, ita ut unus sit naturalis solum, quia a naturali principio procedit, tanquam proportionatus illi: alius vero sit supernaturalis, quia procedit a principio supernaturali: etiam si ex parte objecti nihil amplius, neque alio modo sit volitum per unum actum, quam per alium. Sed (quidquid sit, an simpliciter sit possibilis talis distinctio actuum) mihi nunquam visa est apta ad actus gratiæ explicandos; tum quia nulla est necessitas, vel ratio exigendi supernaturales actus, quando ipsa objecta illos non requirunt, neque hoc est juxta providentiam debitam, & consentaneam rebus ipsis: tum etiam, quia principia connaturalia his actibus sunt habitus, qui potius ex actibus distinguuntur, quam e converso, loquendo de formali, seu essentiali distinctione, & primaria: quamvis in existentia (ut sic dicam) distinguantur actus ex habitu, tanquam ex causa efficienti; sed de hoc latius in materia de gratia.

Actus re-
ligionis
ex diver-
so modo
tendendi
in ob-
jectum di-
stinguun-
tur.

10 Alii dividunt actus religionis utriusque ordinis, id est, tam infusum, quam naturalis, ex diversis modis, quibus voluntas solet tendere in bonum, vel averti a malo, nam eisdem modis potest religio operari circa suam materiam; est enim eadem ratio. Illi autem modi operandi vel sunt communes appetitui sensitivo, & rationali, ut *amare, desiderare, delectari*, vel includunt proprium modum appetitus rationalis, ut sunt *intendere, & eligere*. Sic ergo potest religio habere actum amoris simplicis complacentiæ in divino cultu per se spectato, & in honestate, quæ in actu ipso colendi Deum inest, & consideratur. Potest item habere propositum, & intentionem colendi Deum in omnibus, & ad hunc finem eligere media. Præterea potest habere voluntatem, qua per modum usus activi applicet corporis membra, aut utatur aliis rebus, aut potentiis ad exercendum ipsum cultum Dei. Potest denique de ipso, & in ipso actuali cultu delectari propter ipsum honorem Dei. Nam per omnes hos actus tendit voluntas in eandem honestatem religionis, licet diverso modo propositam, aut applicatam: omnesque illi actus ita sunt inter se connexi, ut unus ex alio oriatur, ideoque non est dubium, quin omnes ad eandem virtutem pertineant,

quidquid sit de physica distinctione eorum inter se. Idemque dicendum est de actibus, quibus voluntas vult vitare malum immediate oppositum honestati divini cultus, seu quibus fugit carentiam illius boni.

11 Circa hos ergo actus, quantum ad modum, & distinctionem formalem ex parte voluntatis, nihil speciale occurrit adverendum, sed applicanda est generalis doctrina, quæ ex 1. 2. supponitur. Ex parte vero materiæ licet considerare, quosdam actus voluntatis proxime imperare ipsum cultum Dei, ut est, v. g. voluntas sacrificandi, vel orandi; alios vero solum imperare, vel eligere aliquod ordinatum ad cultum Dei, ut est, v. g. mundare vasa, quibus sacrificandum est. Nam licet hæc actiones, quæ ad alias ordinari videntur, possint ab ipso operante immediate referri, ut per illas honorificetur Deus, & ut ipsemet sint signa subjectionis debitæ, & exhibiti Deo: nihilominus illa ordinatio est quasi extrinseca ex parte ipsius operantis, propria autem ratio honestatis in tali actione est, quod ordinatur ad aliam, in qua cultus consistit: quod notandum est ad explicandas multas actiones religioni attributas, de quibus infra dicam. Sic etiam ex parte materiæ distingui potest interior actus religionis, ut quidam sit prosequens bonum, alius autem fugiens, vel vitans oppositum malum: omnis enim virtus utrumque munus amplectitur, immo in universum omnis appetitus, servata proportionem, utroque modo operatur: immo omnis facultas agendi aliquid resistit contrario, quantum potest.

Quomodo
actus
religionis
ex parte
materiæ
disting-
uantur.

12 Hic vero suboritur difficultas, quomodo voluntas non perjurandi, seu non blasphemandi Deum possit esse actus religionis: hoc enim ex dictis aperte sequitur. Ratio autem difficultatis est, quia respectu proximi, voluntas non inferendi contumeliam non pertinet solum ad observantiam, sed etiam ad justitiam commutativam, cui opponitur vitium contumeliæ, ut patet 2. 2. quæst. 72. Et ratio est manifesta, quia alterum honorare non est ex debito justitiæ, sed observantiæ: non privare autem alium honore suo, est ex debito justitiæ, sicut non auferre aliena: auferatur autem honor per contumeliam, ideoque nolle contumeliam inferre justitiæ est; ergo multo magis erit opus justitiæ non dicere convitium contra Deum, vel blasphemiam, vel aliquid hujusmodi; ergo voluntas vitandi hoc malum non est virtutis religionis, (quæ est quasi observantia respectu Dei) sed justitiæ.

Suboritur
difficultas.

13 Respondeo primo: Hunc actum non esse justitiæ commutativæ: hæc enim ad homines, non ad Deum ordinatur, ut nunc supponimus, & aliis locis terigimus. Si ergo talis actus ad aliquam justitiam pertinet, illa erit justitia hominis ad Deum, & longe altioris rationis. Deficiens quidem a proprietate justitiæ, quæ est inter homines in facienda æqualitate, & in omnimoda distinctione tam absoluta, quam respectiva inter eos, inter quos versatur, nam homo & est aliquid Dei, & æquale illi reddere non potest. Excedit tamen ille actus in ratione debiti, quia excellentius est jus, quod Deus habet ad suum honorem, & gloriam, quam quod habet homo, majorque injuria illi fit, cum privatur proprio honore, quam creaturæ. Sicut detractio, seu falsum testimonium contra Deum majorem rationem injuriæ habet, quam contra homines. Unde actus voluntatis, quo homo statuit vitare omnem actionem, quæ cedit in contumeliam, infamiam, vel aliam similem injuriam divini nominis, non ad justitiam commutativam humanam, sed ad altiore virtutem pertinet, quam nunc sub religione comprehendimus, quia cum illa convenit in respectu ad alterum, quatenus ille alter semper est idem Deus: quem respicit media aliqua materia, nempe divino honore, quem aliquo modo custodit, & procurat. An vero in hac latitudine objecti distinguendæ sint plures virtutes ad Deum, insequentibus explicabimus.

Difficultas pro-
posita ex-
pediatur.
Disput. de
Justitia
Dei, & in
4. tom.
disput. de
virtute
Pœnitentiæ.

14 Ultimo distinguuntur hi actus immediate a religione elicti ex parte proximi motivi: nam licet hoc motivum respectu totius virtutis ad æquate unum esse videatur, tamen ad diversos actus videtur applicari secundum rationes valde diversas, quales sunt hono-

Actus a
religione
elicti et
iam ex
parte mo-
tivi pro-
ximi di-
stinguun-
tur.

honorare Deum propter excellentiam, quam in se habet, velle gratias agere propter beneficium collatum, profiteri illum esse auctorem omnis boni aliquid ab eo petendo, velle servare votum propter speciale debitum ex promissione contractum. Huiusmodi enim voluntates non tantum in materialibus objectis, sed etiam motivis proximis videntur differre. An vero tanta sit hæc diversitas, ut sufficiat ad distinctionem specificam dicemus cap. 4. prius enim de exterioribus actibus dicere necesse est.

C A P U T I I.

Utrum præter actus internos habeat religio actus externos, & qui illi sint.

HÆ quæstio fere explicata est in superioribus declarando materiam huius virtutis, quia, ut dixi, proxima materia virtutis moralis, illius præfertim, quæ est ad alterum, & exteriores actus ejus, idem sunt, solumque sub diversis rationibus, vel habitudinibus sic denominantur, *materia*, quatenus subijcitur virtuti, *actus*, quatenus ab illa efficiuntur. Ex his ergo manifestum est, habere hanc virtutem aliquos actus exteriores, & hoc nomine, late illo utendo, appellari posse omnes illos, circa quos versatur voluntas colendi Deum. Probatur, quia omnes illi sunt materia proxima huius virtutis, quatenus in illis omnibus ratio cultus aliquo modo invenitur.

2 Et juxta hunc loquendi modum, hi exteriores actus distinguere possunt: nam quidam sunt corporales, quidam vero spirituales. Rursus spirituales distinguere possunt in actus intellectus, & voluntatis, nam utrique colipotest Deus, ut infra dicetur, & latius dixi in 1. tom. 3. part. Hic autem cultus, qui per actus mentis fit, communi usu interior potius appellatur, ut distinguatur ab illo, qui exhibetur per actus corporis: nos autem explicuimus proprium respectum, quem tales actus habent ad ipsam virtutem. Quamquam adverti potest, aliud esse loqui de cultu sub nomine cultus, aliud vero sub nomine actus; cultus enim solum dicitur internus, vel externus, quia intus in anima, vel extra per corpus fit: uterque autem cultus dici potest actus externus ipsius religionis, quia sic denominatur per habitudinem ad virtutem, tanquam ad principium suum quodammodo extrinsecum, seu remotum. Actus autem ipse immediate procedens a religione, quem vocamus internum, non est proprie cultus neque intrinsecus, neque extrinsecus, sed est affectus colendi, qui a cultu distinguitur, sicut actus a materiali objecto. Nihilominus sæpe confundi solent hæc voces, ita ut omnis cultus interior dicatur etiam actus interior religionis, quomodo nos sæpe cum multis loquemur, advertendo illa duo non converti, quia non omnis actus internus potest dici cultus, sed ille tantum, qui remotus, seu imperatus est, nam alius, qui est propinquior, & elicited, non est cultus, sed affectus cultus, ut dixi.

Quamquam dubitari hic potest, an ipsemet affectus colendi possit etiam inducere rationem cultus, & consequenter, an possit idem actus, qui proxime fit a religione, esse etiam materia ejus, ac demum simul esse actus proxime elicited, seu internus, & externus, in priori, & rigorosa consideratione. Ad quæ omnia breviter respondeo, unum, & eundem actum per se simpliciter, ac solitarie sumptum non posse illas duas rationes simul induere, seu participare: tamen si fiat reflexio unius actus in alium, posse. Patet prior pars, quia illæ denominationes includunt conditiones oppositas, & includentes contradictionem, ut sunt, immediate oriri a virtute, vel mediate: hæc autem duo non possunt eidem actui solitarie sumptum, ac per se convenire. Similiter esse objectum, & esse affectum immediatum ejusdem potentie, vel virtutis animi, non potest eidem actui per se, ac nude spectato convenire, quia virtus per actum, quem facit, tendit directe in aliquod objectum. Nec refert, quod actus a voluntate elicited per seipsum sit intrinsece voluntarius, ut obiter attigi lib. 1. de Trinitate, &

latius in 1. 2. Deo dante dicemus. Nam est voluntarius, non per modum objecti, & effectus, sed solum per modum actus, & implicite potius, quam explicite: unde id non satis est, ut in præsentis talis actus denominetur cultus, quia non est voluntarius, ut cultus, sed ut affectus colendi.

4 Altera vero pars declaratur, quia non repugnat ex generali affectu colendi Deum, habere voluntatem sacrificandi, aut communicandi, maxime quando deest opportunitas exercendi exteriores actus. Tunc ergo ex illo affectu possum Deo in cultum offerre ipsam voluntatem sacrificandi, vel communicandi. Illa ergo eadem voluntas & est affectus cultus externi, & est quidam internus cultus. Est item a religione proxime factus, quia versatur circa materiam ejus, & est etiam imperatus ab eadem medio illo priori affectu colendi Deum. Ac denique simul est actus proprius religionis, & materia ejus ratione prioris actus. Ratio vero a priori est, quia voluntas est reflexiva, & imperativa unius actus proprii per alium, nam vult velle, seu amare, & hoc modo comprehendit actus suos sub materia sua. Et similiter potest habere duplicem respectum ad eundem actum, scilicet imperantis, & ejicientis. His autem modis potest operari intra materiam religionis, quia eadem est ratio de illa, ac de aliis. Ob eandem ergo causam eadem religionis virtus illum modum operandi participat, & per unum actum sibi imperat alium, quem ipsa etiam elicit. Semper autem ratio cultus convenit tali actui per ordinem ad alium, cujus est objectum, & a quo in talem finem ordinatur.

5 Jam vero, ut aliud membrum propositum explicemus, actus colendi omnino externi sunt actus corporis, vel usus cujuscunque rei corporalis, circa quem per se, & directe versatur affectus ipse colendi Deum; tum quia ille cultus non resultat ex alio actu, sed per illam directam voluntatem imperatur; tum etiam quia illi actus per se assumuntur in gloriam, vel honorem Dei, tanquam signa, per quæ homo protestatur divinam excellentiam. Hic ergo cultus Dei exterior multiplex esse potest juxta varietatem actionum, quas explicatas reliquimus tractando de objecto materiali: est enim eadem ratio.

6 Solum ut ea, quæ tractanda sunt, præ oculis habeantur, oportet advertere, hos actus ex parte materie in duo principalia membra distinguere a D. Thom. d. quæst. 81. art. 3. ad 2. & quæst. 89. in capite illius; quia possumus Deum honorare vel exhibendo illi aliquid, vel assumendo quasi ad nostrum usum aliquid divinum. Hic posterior modus exercetur in usu sacramentorum, in quo subijcitur homo Deo, ut sanctificatori suo, de quo usu in 3. part. D. Thom. dictum est. Exercetur etiam hic modus in assumptione divini nominis ad confirmandum aliquid, ut per Juramentum, vel aliquid simile.

7 Rursus prior modus honorandi Deum esse potest per varios actus. Quidam enim sunt, qui per membra corporis immediate exercentur, ut sunt genuflexio, capitis inclinatio, totius corporis prostratio, &c. Alii vero sunt, qui per alias res externas exercentur, ut per sacrificia, & oblationes, quæ interdum sunt immediate ipsi Deo: interdum vero mediate, propinque autem ejus ministris, ut decimarum, & primitiarum solutio. Præter hos etiam est alius actus, qui duos complectitur. Prior est promissio alicujus rei facta Deo, nam per talem promissionem speciali modo ipsa res promissa exhibetur Deo in honorem ejus. Alius est actus, quo talis promissio impletur, & solvitur Deo debitum, per illam specialiter contractum. De quibus actibus postea in speciali dicendum est. Hic autem solum adverte, illos interdum esse posse pure internos, regulariter vero ab hominibus exterius fieri, & ideo inter externos actus collocari. Oratio vero e converso ponitur inter actus internos, quia ibi principaliter consummatur, licet in actum etiam exteriorem prodire possit, & soleat.

8 Difficulus vero circa dicta suboritur, quia motus appetitus sensitivi non videntur sub dicta numeratione comprehendi, & tamen illis possumus etiam uti ad colendum Deum; ergo non videtur sufficiens divisio

Quomodo per reflexionem actus internus possit esse cultus.

Actus externi cultus ex parte materie in duo membra dividuntur.

Suboritur difficultas.

sio. Major patet, quia illi actus spirituales non sunt, ut constat, nec sunt ita corporales, ut ex affectu colendi Deum directe imperari, aut in nobis excitari valeant. Minor vero patet, tum quia devotio est actus religionis, & tamen magna ex parte pertinet ad appetitum sensitivum: tum etiam, quia appetitus sensitivus potest aliquo modo in Deum moveri, juxta illud Pl. 83. *Cor meum, & caro mea exultaverunt in Deum vivum*: ibi enim nomine cordis spiritualis appetitus, nomine carnis sensitivus appetitus intelligitur. At hic appetitus non movetur, nisi media phantasia proponente objectum; potest ergo phantasia aliquo modo illi proponere Deum; ergo possunt tales actus hujus inferioris portionis in divinum cultum, & honorem referri.

Dupliciter voluntas ordinatur appetitus directe scilicet, & indirecte.

9 Circa hanc difficultatem adverto, duobus modis posse voluntatem per affectum in Deum excitare, vel ordinare motus aliquos sentientis appetitus, scilicet, vel indirecte, & per quamdam comitantiam, & sympathiam potentiarum, vel directe volendo talem actum, ita ut inferior actus sit objectum superioris actus voluntatis. Priori modo movetur appetitus, quando ex meditatione intellectualem rerum divinarum, & ex affectu voluntatis in Deum, excitatur in phantasia apprehensio aliqua, & representatio earundem rerum sub aliqua materiali forma, vel habitudine, & consequenter insurgit in appetitu motus proportionatus affectui voluntatis, delectationis, vel tristitiae, timoris, aut desiderii, vel alius similis. Fit enim saepe haec motio appetitus, homine nihil de illa cogitante per intellectum, neque directe illam volendo per voluntatem: sed solum ex conjunctione potentiarum, quae in eadem anima corpori conjuncta radicanatur. Posteriori autem modo movetur appetitus, vel phantasia, quando homo directe vult applicare internum sensum, seu cogitativam ad cogitandum, prout potest, de rebus divinis, ut de Deo sub ratione benefactoris, aut alia simili, sub aliqua ratione materiali, & similiter movet appetitum ad aliquos affectus circa talia objecta exercendos. Quomodo etiam potest voluntas ex affectu religionis movere directe appetitum sensitivum, ut suo modo subiiciatur Deo, vel doleat, vel gaudeat, in ordine ad cultum ejus.

Suborta difficultas dissolvitur.

10 Quando ergo appetitus movetur priori modo, & elevatur aliquo modo ad exercendos suos actus ex affectu, & consideratione superiori divinarum rerum, tunc actus appetitus sub interiori cultu computantur, tanquam accessorium sub principali. Posteriori autem modo imperari pertinent magis motus appetitus ad cultum corporalem, & externum; tum quia directe intenduntur, & imperantur in ipso corpore; tum etiam quia tunc moraliter loquendo, non separantur ab actibus externis corporis, ad quos fere semper ordinantur. Et ideo non oportuit hos actus ab interiori, & exteriori cultu distinguere; nam sub illis sufficienter comprehenduntur.

C A P U T III.

An cultus externus sit actus a religione elicited, vel imperatus.

Argumentum quod probatur cultum a religione virtute non posse elici.

1 SUB extremo comprehendimus omnem actum alterius potentiae a voluntate: & hinc oritur ratio dubitandi, quia actus elicited ab habitu debet etiam esse elicited a potentia, in qua inest habitus; sed hic cultus externus non elicited a voluntate, in qua inest religio, ut infra videbimus: ergo neque ab ipsa religione elicited. Minor per se clara est, quia ille cultus externus per corpus immediate exercetur, voluntas autem per se, & immediate non afficit motus corporis: sed solum applicat potentias exequentes ad movendum, non ergo talem cultum elicited: nam elicere est proprie, & per se efficere. Neque, ut voluntas dicatur elicere motum aliquem satis est, ut applicet aliam potentiam ad efficiendum talem cultum; alias voluntas eliceret assensum fidei, vel opinionis, & actum visionis corporalis, & similia, quae dici non possunt. Major autem probatur, quia habitus non est principium per se efficiens, sed solum coadiuvans potentiam, & ideo in tantum habitus operatur, in quantum potentia, *Snarez* Tom. XII.

cui adhereret, utitur illo, & ideo habitibus utimur, cum volumus: ergo non potest habitus elicere actum, nisi cum sua potentia; ergo necesse est, ut potentia eundem eliciat, & quod ad illum elicendum applicet habitum, seu habitu utatur. Et confirmatur, quia elicere actum, juxta propriam illius verbi significationem communi usu receptam idem est, quod immediate, ac per se efficere actum, qui elici dicitur, at vero habitus non efficit hoc modo, nisi actus suae potentiae; ergo.

2 Nihilominus D. Th. d. q. 81. art. 2. ad 1. & art. 4. ad 2. sentit, actus aliquos exterioris cultus divini esse elicited a virtute religionis. Et quia hoc non poterat in universum de omnibus affirmari, distinctionem talem indicat. Nam cum colimus Deum per actus aliarum virtutum ut fidei, misericordiae, &c. tunc cultus ille non est elicited a religione, sed tantum imperatus, quando vero actus, quo Deum colimus, non habet per se honestatem alterius virtutis, ut est sacrificium, adoratio, tunc actus ille est proprie elicited a virtute religionis. Ratio hujus sententiae esse potest, quia necesse est, omnem actum virtutis tam externum, quam internum elici ab alia virtute; sed actus, quibus colimus Deum, qui ex se non habent aliam honestatem, praeter rationem cultus, non elicitedur ab alia virtute extra religionem; ergo elicitedur ab illa.

D. Th. in hac re sententia proponitur.

3 Unde refert Cajet. non esse de ratione actus elicited ab aliqua virtute, quod sit elicited ab eadem potentia, in qua est virtus, sed solum, quod non elicitedur ab alia virtute, & quod sit a voluntate movente aliam potentiam ad talem actum ex immediata inclinatione talis virtutis. Nam ut actus sit elicited a virtute, non est necesse, ut sit ab illa quoad substantiam suam, sed satis est, quod ab illa habeat modum, id est, facilitatem, & promptitudinem. At vero quando sit immediata ex propensione religionis, non interveniente aliqua alia virtute morali, tunc licet non sit actus voluntatis, sed intellectus, aut alterius facultatis, a sola religione habet, quod facile, & prompte fiat; ergo est elicited ab illa. Quae ratio cessat, quando actus habet propriam honestatem alterius virtutis, nam tunc ab illa habet immediate promptitudinem, & facilitatem, ut eleemosyna a misericordia, & ideo talis actus non est elicited a religione, sed tantum imperatus.

Cajet. collationem.

4 Unde ad rationem in contrarium in summa respondet Cajet. negando majorem, quia ut actus sit elicited a virtute, non est necesse, ut ab illa habeat substantiam, sed modum, hunc autem potest habere actus a virtute superioris potentiae, etiam si ab illa non elicitedur. Unde alii inferunt, etiam actum virtutis existentem in voluntate, & ab illa sola per se effectum, quoad suam entitatem, & substantiam posse etiam esse elicited a virtute existente in appetitu sensitivo, quia mediante moderatione passionis alicujus, ab illa habet immediate facilitatem, & modum virtutis; ut actus temperantiae, qui est in voluntate, elicitedur a virtute temperantiae, quae est in appetitu sensitivo. Alii vero moderantur loquendi modum, & ajunt, virtutem voluntatis elicere actum potentiae exequentis, non physice, propter rationem a nobis in principio factam, sed moraliter, propter illam facilitatem, & modum virtutis.

Solvitur arg. ex doctrina Cajet.

5 Sed ne fortasse sit quaestio de nomine, vel propter abusum vocis alicujus circa rem ipsam erremus, explicemus prius, quid res ipsa habeat, & inde facile constabit, quomodo loquendum sit. Primo ergo certum videtur, religionem non habere efficientiam aliquam sive physicam, sive moralem in exteriorem actum, nisi medio actio elicited ab ipsa voluntate simul cum virtute religionis. De physica efficientia, hoc est per se notum ex ratione in principio posita, quia habitus non operatur per se, sed quatenus illo utitur potentia, & ideo nihil potest immediate, ac per se efficere physice, nisi proprium actum talis potentiae. Item quia habitus per se efficere non potest nisi in ordine ad objectum suum, in suo autem objecto servat proportionem cum potentia, & ideo non potest immediate operari nisi circa objectum suae potentiae, & sub particulari aliqua ratione illius, atque ita immediate nihil per se efficit, nisi cooperando ipsi potentiae. De morali autem efficientia patet, quia religio non est *B* causa

Quaestio magis explicatur.

causa moralis per se actus exterioris, nisi quatenus moraliter applicat potentiam exequentem ad operandum: sed non applicat illam nisi in edianie actu elicitio a voluntate, id est, media voluntate sacrificandi, vel sectandi genus, vel quid simile: ergo.

Quos modis virtus unius potentie faciliatatem præbeat ad actionem alterius.

6 Unde obiter intelligitur, quomodo virtus unius potentie det facilitatem ad actionem alterius potentie; variis enim modis potest illam conferre, uno modo per accidenstantum, tollendo impedimenta, & hoc modo habitus appetitus sensitivi, quatenus moderatur affectum ejus, potest dare facilitatem ad actum voluntatis. Hic tamen modus non satis est, ut actus voluntatis dicatur elici ab habitu appetitus sensitivi, quia illa facilitas solum est in tali habitu, ut a causa per accidens. Alioquin etiam posset dici elici a frigefactione corporis, aut a complexione sic, vel sic temperata, quia hæc etiam conferunt ad facilitatem removendo prohibens. Alio modo confert virtus ad facilitatem ex parte objecti, & per quamdam concomitantiam, quia qualis unusquisque est, talis finis sibi videtur, & quia facilius, & attentius cogitamus de his, ad quæ afficimur, vel inclinamur. Et hic etiam modus non sufficit, ut actus unius potentie fiat ab alia, vel a virtute ejus, quia est etiam modus valde extrinsecus, & per accidens, magis per quamdam occasionem, quam per efficientiam.

Tertius facilitatis modus magis proprius explicatur.

7 Tertio ergo modo potest virtus unius potentie dare facilitatem ad actionem alterius potentie, quatenus illæ potentie per se subordinantur, & superior applicat inferiorem ad operandum, quæ applicatio est moralis influxus per se. Et hoc modo in tantum virtus superioris potentie, v.g. religio, dat facilitatem in actum inferioris facultatis, in quantum voluntati dat facilitatem in efficiendo illummet actum, quo movet inferiorem potentiam. Alio enim modo facilitatem per se dare non potest. Unde si potentia exequens in se habet aliam difficultatem, vel defectum virtutis, non sufficit virtus superioris potentie ad dandam facilitatem intrinsecam, ut sic dicam, sed per proprias dispositiones, vel habitus danda est, ut per se constat, & supponitur ex D. Th. 1. 2. q. 56. art. 4. & 22. q. 4. art. 2. Facilitas ergo in actu potentie exequentis solum potest esse per denominationem extrinsecam ab actu voluntatis, quatenus ille facilius fit ex habitu. Unde propter illam solum rationem non poterit dici elici ab habitu tali, quia etiam actus imperatus participat hanc denominationem ab actu imperante: eo enim facilius fit talis actus, quo voluntas majorem facultatem habet in imperando; ergo participat illam ut actus imperatus, non ut elicitus.

Actum exterioris sive voluntatis, alii proxime a religione imperantur, alii remote.

8 Secundo nihilominus certum est, quosdam esse actus externos, qui in ratione actus honesti, & studiosi non possunt fieri, nisi ex motione immediata religionis per actum voluntatis pertinentem de se ad illam virtutem: alios vero esse, qui non fiunt ex immediata motione voluntatis per actum religionis, sed per actum alterius virtutis misericordie, aut temperantie, vel alterius similis. Hoc constat satis ex supradictis, & ex doctrina D. Th. & Caietani. Iam ergo, recte ne dicantur priores actus elicti a religione, & posteriores imperati propter dictam differentiam, & ad explicandam illam, quæstio est de nomine. Tamen quia periti in hac arte ita loquuntur, ita etiam nos loqui possumus. Satis vero esset, priores vocare proxime imperatos, posteriores vero remote, quia illi sine alia virtute media imperantur, hi vero media alia virtute. Non video enim, cur sicut voluntas dicitur imperare genuflexionem, immediate illam volendo, non dicatur etiam religio illam imperare, immediate concurrente, & efficiendo illam voluntatem.

9 Immo ut actus sit imperatus a virtute, non semper necesse est, ut eliciatur medio alio habitu; nam assensus fidei imperatur a pia affectione voluntatis, licet fiat medio habitu fidei, & actus fortitudinis existens in irascibili, imperatur immediate a voluntate, & ab habitu eius (si quis est) licet eliciatur ab appetitu medio habitu, quem in se habet. Tunc ergo dicitur actus alterius potentie a voluntate immediate imperari a virtute voluntatis, quando illa potentia applicatur immediate per actum voluntatis elicitum a tali virtu-

te. Quando autem voluntas utens una virtute sua non applicat aliam potentiam, nisi media alia virtute ejusdem voluntatis, & actus illius, tunc dicitur mediate imperare actum exteriorem, & hoc modo se habet religio ad opera misericordie, & alia similia. Et ita satis constat distinctio talium actuum, sive quidam vocentur elicti, & quidam imperati, sive illi dicantur proprii, & quasi connaturales religioni, alii adventitii, & extranei; sive denique hi dicantur immediate imperati a religione, alii mediate. Quod proprie locum habet in actibus externis secundum se spectatis, ut distinctis ab internis: nam si consideretur actus externus, ut conjunctus interno, & quatenus ex utroque sit unus moraliter, sic optime dicitur talis actus elicitus a religione, quando eliciendo internum immediate trahit externum, & illum proxime informat, & ita locutus est D. Tho.

10 Ex quibus facile intelliguntur verba Jacobi. *Religio munda, & immaculata hæc est, visitare pupillos, & viduas in tribulatione eorum, & immaculatum se custodire ab hoc seculo.* Quæ existimat D. Th. d. ar. 1. ad 1. esse dicta, quia hæc officia solent a religionis virtute imperari. Quod potest facile sustineri verba illa nude considerando, quia in re verum est. Tamen inspecta intentione Jacobi, non videtur loqui de speciali virtute religionis, sed de statu, seu professione religiosa, ut patet ex antecedentibus verbis: *Si quis putat se religiosum esse, non refrenans linguam suam, sed seducens cor suum, hujus vana est religio.* Ibi enim religiosum appellat non sola virtute religionis, ut constat, quia non frenare linguam non est contra specialem virtutem, sed contra sanctitatem, ut complectitur omnem virtutem, & consequenter veram professionem religiosam. Contrariam ergo professionem vocat vanam religionem, cui veram opponit, cum subiungit: *Religio munda &c.* Quæ profecto munda, & immaculata erit, etiam si illi actus visitandi pupillos non fiant ex imperio peculiaris virtutis religionis, sed ex propriis virtutibus. Potest autem hoc intelligi, vel de professione religiosa, ut dicit statum perfectionis; quomodo dixit Euseb. in vita Hieron. *Sacerdos & monachus sine misericordia, navis est in medio pelagi undique perforata, sunt hi monachi solo habitu, & nomine, quorum vana est religio.* Vel magis ad mentem Jacobi intelligi potest de religione christiana; ac si dicat, non esse solidum, ac bonum Christianum, qui linguam non moderatur, neque opera misericordie exercet. Et hanc esse Jacobi sententiam, dixit Abbas Isaias oratio. 21. de Pentec. to. 2. Bibl.

D Jacobi verbaliter a D. Th. ad actus a religione imperatos applicentur, proprius tamen de religione statu intelligenda sunt.

CAPUT IV.

Habeatne religio actus proprios inter se specie differentes.

NON est difficultas de actibus proprie imperatis secundum se spectatis, quia constat, illos posse esse omnium virtutum, ut fidei, misericordie, ut supra dictum est, qui secundum se essentialiter distinguuntur. Idemque est de multis actibus exterioribus, ut sunt, v.g. jurare, vovere, sacrificare, nam quoad materialiæ actiones aperte distinguuntur. Difficultas vero est, an in ordine ad religionem essentialiter distinguantur. Ubi simul querendum est de internis actibus voluntatis, an voluntas ordinandi, v.g. & sacrificandi sint actus inter se distincti.

2 Ut autem intelligatur difficultas, & videntur distinctiones inutiles, advertere oportet, in interiori actu voluntatis (si intrinsece & ex objecto est actus virtutis, ipsam differentiam, per quam constituitur in tali esse virtutis, esse etiam differentiam constituentem ipsum actum in suo esse entitativo, neque recte considerari ipsum esse virtutis tanquam adiacens entitati essentiali talis actus. Secundo suppono de ratione actus voluntatis ex objecto honesti esse, ut tendat in honestum, quia honestum est: quia omnis actus voluntatis tendit in bonum sub ratione boni: nullum autem honestum est per se rectum & consentaneum rationi, nisi quod honestum est, & ideo nullum bonum reddit per se actum studiosum, & virtutis, nisi honestum, quatenus honestum est. Atque eadem

Differentia quæ constituit actum in tali esse virtutis, ipsam etiam in tali esse entitativo constituit.

eadem proportionem , & ratione tale bonum honestum , quatenus tale est , constituit actum in tali esse virtutis . Et hæc est ratio a priori , ob quam ipsum esse virtutis est substantiale interno actui voluntatis , quia nimirum sumitur ex tendentia ad primum objectum talis actus , in qua tendentia consistit substantiale esse ejusdem actus . Tandem suppono , quod sæpe dixi , exteriores actus esse objecta internarum voluntatum . Unde in illis considerari potest vel materiale objectum , quod est talis , vel talis actus , vel formale , quod est honestas obiectiva existens in tali actione , quatenus cultus Dei est , a qua habet interior actus voluntatis suam honestatem formalem , quam etiam appellamus ipsum esse virtutis .

1. Sententia.
In prologo
sententia.

3. Duæ igitur sunt opiniones extreme contrariæ . Prima est dicentium , quoties exteriores actus religionis in suo esse naturali , & materiali , specie distinguuntur , etiam distinguuntur specie interiores voluntates , quæ circa illos versantur ob divinum cultum . Ita sentiunt Nominales non in particulari de religione , sed univèrse , de quocumque habitu , vel virtute morali . Fundamentum eorum est , quia sicut loqui , v.g. vel genua flectere , vel sicut credere , & petere sunt actus natura sua specie distincti , ita velle hunc , vel illum actum facere , requirit volitionem specie distinctam , quia motio activa debet accommodari passivæ . Nec refert (ajunt) quod illæ omnes actiones sint volitæ ad cultum Dei : nam inde solum sequitur , internas voluntates convenire in eodem esse morali virtutis , non autem in eadem specifica entitate actus .

Proposita
sententia
sciatur .

4. Hæc vero sententia communiter rejicitur , quia distinctio , & constitutio actuum , & habituum non sumitur sufficienter ex objectis materialibus , quia & circa idem materiale objectum contingit versari distinctos actus intellectus , & voluntatis , & eundem actum circa diversa materialia objecta , ut latius traditum est in Metaphysica . In præsentia etiam non admittimus distinctionem illam de esse morali , & naturali , seu entitativo in ipso interno actu virtutis , ut diximus . Quocirca si interiores actus virtutis religionis , qui sunt in voluntate , dicuntur convenire in specifico esse virtutis , simpliciter fatendum est esse ejusdem speciei etiam in entitate . Neque oportet volitiones esse in sua entitate specie distinctas , etiam si causent exteriores actiones , vel motiones in specie distinctas , quia ut exterior actio causetur ab interiori voluntate , sufficit , quod sit volita , sive ex hoc , sive ex alio motivo volita sit ; ut autem speciem conferat , non sufficit sola materia , sed formale obiectum attendendum est .

5. Est ergo secunda sententia , quæ affirmat , omnes actus religionis formaliter esse ejusdem speciei . Cuius sensus esse debet , exteriores actus , quamvis in entitate distinguantur , tamen in honestate , quam habent in ordine ad divinum cultum , convenire , esseque ejusdem rationis in ratione obiecti honeste appetibilis : ac proinde interiores actus voluntatis , quibus talia objecta , seu tales actus exteriores (sub quibus omnem Dei cultum comprehendimus) appetuntur , seu imperantur , esse ejusdem speciei etiam quoad entitates physicas , seu naturales ipsorum . Unde etiam fit , ut ipsi actus exteriores , quatenus ab his interioribus imperantur , & denominantur , moraliter conveniant in esse talis virtutis , quantumcunque in esse naturali distinguantur . Atque hæc sententia censetur esse D. Tho. in his articulis , præsertim in 3. ad 1. & 2. & in 4. ad 1. & 2. Et eam sequuntur frequentius moderni Thomistæ . Fundamentum est , quia religio est una virtus in specie , ut hic docet D. Th. ergo est unus habitus specie : ergo omnes actus eius sunt ejusdem speciei . Probatur ultima consequentia ; tum quia actus generant habitum ; ergo , si sunt specie diversi , non possunt generare eundem habitum in specie : tum etiam , quia si habitus est unus , habet unum formale obiectum : ergo & omnes actus in eodem formali obiecto cōveniunt , quia habitus non attingit obiectum nisi per actum : ergo etiam actus sunt ejusdem speciei : nam ex obiecto formali speciem sumunt immediatius , [ut ita dicam] quam habitus ; nam ut est vulgare , habitus per actus , & actus per obiecta specificantur .

Suarez, Tom. XII.

6. Inter has sententias media via tenenda est . Et in primis certum existimo , dari aliquam distinctionem specificam in actibus religionis , eam scilicet , quæ communis est omnibus habitibus , præsertim voluntatibus . Nam (ut attigi in 4. tom. tractando de virtute poenitentia , & generalius disp. 45. Metaphysicæ sect. 11.) quando actus sunt inter se ordinati , ut unus ex alio per se oriatur , ut odium mali ex amore Dei , desiderium , & delectatio ex amore boni præsentis , vel absentis , electio ex intentione , &c. tunc omnes tales actus radicati in eodem obiecto formali pertinent ad eundem simplicem habitum : quamvis tales actus specie physica , seu entitativa distinguantur ex diverso modo attingendi tale obiectum , & participandi honestatem eius . Constat autem , virtutem religionis omnes hos actus voluntatis posse exercere circa eundem cultum Dei ; nam habet affectum illum per modum simplicis amoris , & simili modo potest odio habere divinam irreverentiam , vel defectum in cultu . Constat item amorem , & odium specie distinguuntur inter se , & ex eodem principio nasci , ergo saltem ex hac parte elicitur religio actus specie distinctos . Et eodem modo discuti potest per ceteros actus insinuos . Neque in his habet difficultatem fundamentum secundæ sententiæ , quia talis actus ratione connexionis pertinere possunt ad eundem habitum , tanquam ad idem principium ; & eadem ratione possunt illum generare , præsertim ratione primarii actus , qui est quasi fundamentum reliquorum , ut in fine d. sect. 11. in Metaphysica declaravi .

Affertio.

7. Hæc vero distinctio actuum interiorum , circa eundem externum actum , seu obiectum versari potest , ut ex dictis facile constat . Difficultas ergo propria relinquitur de actibus voluntatis , qui in generali modo tendendi sunt ejusdem rationis , ut sunt actus amoris , vel intentionis , quando versantur circa diversos actus externos , seu diversos cultus Dei : est , inquam , difficultas , an inde habere possint distinctionem specificam . In quo secundo censeo certum , non semper illam habere , neque ad eam sufficere quamcumque distinctionem cultuum . Hoc patet ex dictis contra primam sententiam . Deinde declaratur exemplis , & ratione ; nam genuflexio , verbi gratia , & vocalis confessio divinæ excellentiæ actus sunt materialiter , & physice distincti , & tamen si fiant animo honorandi Deum , ut supremum dominum , non habent in ratione cultus honestates diversarum rationum : ergo interiores actus voluntatis , & religionis , qui circa tales materias versantur , erunt ejusdem speciei substantialis , cum illam sumant ab honestate obiectorum . Consequentia patet ex dictis : & antecedens videtur per se evidens ; quia honor resultans ex tali actione est idem , & inde habet hic actus suam honestatem ; ergo accidentarium est , quod per hanc , vel illam actionem materiale fiat . Ratio autem est a priori : quia honor est in genere signi , unde sub ea ratione fundat honestatem , quæ in tali casu reperitur : signum autem non variatur formaliter ex materia , quæ ad significandum imponitur , sed ex re proxime significata : ergo si cultus Dei ad eandem honoris significationem refertur , non variatur formaliter , nec sufficit ad distinguendos interiores actus religionis , etiam si materia cultus sit . Denique confirmatur a contrario : nam si quis neget fidem flectendo genua Idolo , aut verbis confitendo illud esse Deum , idem peccatum in specie est : ergo & e contrario idem est religionis cultus vero Deo tributus , sive hoc , sive illo signo fiat .

2. Affertio.

8. Adhuc superest difficultas , an inter varios actus exteriores cultus divini sint aliqui formaliter etiam diversi in ratione cultus , ita ut interiores voluntates , quæ circa illos versantur , distinguantur specie . Et quoad hanc partem assero tertio , in latitudine actuum religionis inveniri specificam diversitatem . Probo primo inductione , nam promittere aliquid Deo , & implere promissam , sunt actus , qui moraliter , & per ordinem ad rectam rationem spectati , habent bonitates specie distinctas , propter diversam rationem debiti , quam includunt . Similiter observare votum , & facere juramentum , etiam val-

3. Affertio.

de diversis res videntur, non materialiter tantum, sed etiam formaliter, & in ratione cultus, & honestatis, quia per unum actum servatur fidelitas debita Deo, per alium vero recognoscitur Deus, ut prima, & infallibilis veritas, cui falsum dicere, aut confirmare repugnat: quæ duo plane videntur etiam in ratione honesti maxime diversa; ergo voluntates interiores, quæ circa tales actus versantur, sunt etiam specie distinctæ. Cuius etiam argumentum a posteriori, seu a contrario est, quia peccata his actibus opposita sunt specie distincta, ac proinde in confessione distincte aperienda; & idem est de peccato, verbi gratia, omittendi missam, vel non implendi vorum.

9 Quod autem quidam Theologi moderni dicunt, hæc peccata esse eiusdem speciei, & nihilominus esse distincte confitenda propter circumstantias varias notabiliter aggravantes. Hoc, inquam, ut verum fatear, probabile non est: quis enim unquam dixit, periurium, & orationis omissionem ex voto debitæ esse eiusdem speciei? aut quomodo id credi potest, cum in aliis actibus inferatur Deo iniuria valde diversæ rationis? Denique opinio asserens, circumstantias non mutant species, sed intra eamdem notabiliter aggravantes, esse confitendas, non est adeo certa, quin opposita sit practice probabilis: posset ergo aliquis conformando se illi opinioni non explicare hæc circumstantias, sed duas omissiones contra religionem confiteri, vel certe unam, si in die festo sacrum omisit, quamvis etiam ex voto ad id teneatur; quia tota illa tantum esset una gravior malitia, si esset eiusdem speciei, quod dicere esset absurdissimum, & periculosus error moralis. Et similia argumenta possunt fieri multa ex peccato periurii, blasphemiarum, simoniæ, & similibus.

Obje-
cti
oc-
currit:


10 Apparentius responderi posset, ex diversitate specifica maliciarum non inferri similem distinctionem ab actibus virtutum, quibus talia peccata, seu malitiæ opponuntur; quia eidem virtuti opponuntur vitia non solum specie diversa, sed etiam contraria. Sed contra, nam iuxta veram doctrinam malitia moralis in interiori actu voluntatis non est, nisi privatio alicuius honestatis moraliter debitæ tali actui; ergo satis probabile argumentum sumitur a privatione ad habitum, nam privationes proxime distinguuntur ex positivis, quibus privant per se primo, & immediate. Unde licet eidem habitui virtutis opponantur

vitia extrema, nihilominus actus virtutis, quibus opponuntur vitiosi actus contrarii, etiam sunt inter se distincti, ut verbi gratia, in liberalitate, cui opponitur avaritia, & prodigalitas, distincti actus sunt prudenter retinere, vel donare, habentque honestates actuales valde diversas, quibus opponuntur vel nimia largitio, vel nimia retentio. Idemque considerare licebit in omnibus similibus vitiis. Est autem res clarior in his peccatis, quæ non distinguuntur tantum ex diversis modis recedendi ab eodem medio virtutis per accessum, vel recessum, sed etiam per diversam participationem obiecti talis virtutis, in quo invenitur extensio quædam non solum in materiis particularibus talis obiecti, sed etiam in participatione motivi, seu formalitatis eius.

11 Atque hinc sumenda est ratio a priori huius partis, quia multi sunt actus voluntatis ad religionem pertinentes, qui non solum in materialibus, sed etiam in formalibus obiectis talium actuum distinguuntur; ergo huiusmodi actus sunt specie diversi iuxta generale principium, quod supponimus, actus distinguuntur specie ex obiectis formalibus. Antecedens probatur, ac declaratur, quia ad formale obiectum actus religiosi pertinet ratio honoris, seu cultus divini, quæ consistit in exhibendo aliquo signo æstimationis debitæ, quæ habetur de divina excellentia: hoc autem signum, & hic honor aliquando exhibetur solum in testimonium divinæ auctoritatis in testificando, ut in iuramento; aliquando vero exhibetur præcise in testimonium supremi dominii Dei, ut in sacrificio. Quæ rationes sunt valde diversæ formaliter, præsertim in ordine ad nostros inæquatos conceptus, & actus illis correspondentes; ergo sufficit illa distinctio obiectorum ad distinguendos illos actus. Simile argumentum fieri potest: quia ratio debiti etiam intrat obiectum formale religionis, ut supra ostensum est; sed hæc ratio valde diverso modo participatur in diversis materiis partialibus religionis, ut patet in debito ex voto, vel ex simplici cultu, vel adoratione; quæ omnia magis patebunt ex discursu materiæ. Difficultas, quæ hic superest, quamque tetigit contraria sententia de unitate, vel distinctione habitus, vel virtutis religionis tractabitur melius in sequentibus.

Ratio a
priori di-
stinctio-
nis inter
religionis
actus pro-
ponitur.

Finis libri secundi.



LIBER TERTIUS. DE HABITU VIRTUTIS RELIGIONIS.

Explicatis obiecto, & actibus religionis superest, ut de ipso habitu, seu, quod idem est, de propria virtute tractemus, de qua prius quædam generalia expediemus, quia ex dictis faciliora sunt; deinde distinctionem illius a cæteris virtutibus investigabimus, ut tandem, quod difficilius est, unitatem ejus, ac specificam rationem investigare possimus.

CAPUT I.

An religio sit habitus proprius naturæ creatæ intellectualis.

1 PRIMO certum est dari in nobis habitum religionis, obiecto, & actibus supra declaratis correspondentem. Hoc pro certo supponunt D. Thom. & omnes, qui de hac materia disputant. Potestque

experimento constare aliquo modo, nam huiusmodi actibus fit homo promptior, & facilior ad similes actus efficiendos. Ratio enim generalis, ob quam in nobis generantur habitus, maxime locum habet hic, quia prædicti actus difficiles sunt, & ex multis capitibus repugnantes aliquo modo inclinationi naturali. Quæ rationes probant maxime de habitu acquisito, qui actibus naturalibus proportionatus est. Tamen supponendo ex supra dictis, dari etiam actus religionis supernaturales, ad quorum singulos gratia est necessaria, evidentius est, dari etiam habitum religionis per se infusum, & supernaturalem. Quia talis habitus non est necessarius propter solam facilitatem talium actuum, sed etiam propter substantiam eorum, scilicet ut sit principium intrinsecum ad eliciendos tales actus connaturali modo; hæc enim est causa, ob quam in aliis materiis huiusmodi habitus inveniuntur. Datur ergo duplex habitus religionis unus acquisitus, & alter infusus respectu diversorum actuum,

Ne

1. assertio
dari in no-
bis habi-
tum reli-
gionis.

Ne tamen oporteat semper de illis sigillatim dicere, theologico more loquemur semper de infusa religione, & cum proportionem applicanda erunt omnia ad religionem acquisitam, quod si in aliquo fuerit diverfitas, id adnotabimus.

2 Secundo dicendum est, hunc habitum religionis essentialiter esse virtutem. Assertio certa est, quam recte probat D. Thomas dicta quæst. 81. artic. 2. quia actus religionis sunt boni, & honesti: ergo & habitus, qui ab eis generatur, vel est principium per se illorum; vel est habitus per se honestus, quod est esse habitum virtutis. Præterea D. Th. art. 2. eandem veritatem demonstrat ex hoc principio, quod ad omnem actum per se honestum, & bonum necessaria est aliqua virtus, sed actus colendi Deum est per se honestus, & bonus: ergo ad illum est necessaria virtus; illam autem religionem appellamus, nam illius officium est reddere Deo honorem debitum. Atque ita minor est satis nota ex dictis. Majorem autem probat D. Thom. ex definitione virtutis, scilicet, esse illam, quæ bonum facit habentem, & opus ejus bonum reddit. Circa quam probationem dubitat Cajetan. quia videtur supponere, quod omnis actus per se bonus est ab aliquo habitu, ut significat D. Thom. dicens: *Omnis actus bonus ad virtutem pertinet*: & tamen hoc fallit in actibus, qui antecedunt habitum. Sed inspectis D. Thom. verbis non habet locum dubitatio, quia non dicit D. Thom. Omnem actum bonum fieri ab habitu virtutis, sed *pertinere ad virtutem*, id est: postulare habitum, ut bene, & convenienter fiat: majus dubium habere posset, an de omni actu voluntatis honesto illa propositio vera sit absque exceptione. Sed nunc non est necessarium id examinare. Quia de his actibus divini cultus satis notum est, indigere habitu, ut in præcedenti assertione ostensum est. Atque ideo licet principium illud haberet aliquam exceptionem (in quo nunc non immoror) illa non haberet locum in præsentii, quia constat, hos actus habere specialem, ac propriam honestatem, esseque satis difficiles, licet fortasse probabilius etiam sit, principium illud sine exceptione verum esse, de quo alias.

3 Assertio. 4 Tercio dicendum est, virtutem religionis esse propriam naturæ creatæ intellectualis, ut rationalis. In qua assertione non solum loquor de religione, prout est habitus, vel qualitas, sic enim nulla virtus esse potest, nisi in natura creata, quia increata non est capax accidentium. Loquor ergo de religione formaliter quoad perfectionem, & honestatem ejus. Sicut loquendo de justitia & misericordia dicimus, esse in Deo formaliter, & secundum se, licet non quoad qualitates, vel alias materiales conditiones. In hoc ergo constituimus differentiam inter religionem, & illas virtutes, vel alias similes. Quod religio non habet conceptum communem naturæ creatæ, & increatæ, sicut sapientia, justitia, sed definitum ex se ad naturam creatam: & hoc modo dicimus, esse propriam perfectionem illius. Unde fit, ut ex proprio conceptu, seu ratione formali non dicat perfectionem simpliciter simplicem, sicut dictæ virtutes. Ratio est, quia intrinsece respicit superiorem; habere autem superiorem imperfectionem involvit, propriumque naturæ creatæ est: sicut ergo natura divina superiorem non habet, ita nec capax est religionis. Et declaratur, quia religio est ad alterum, nemo enim colit seipsum, sed alium: at Deus non habet alterum Deum, quem colat, neque aliquem infra se colere potest, sed amare, benefacere, aut misereri, quia omnia respicit, ut sibi inferiora, & indigentia.

5 Dices: saltem posse unam personam divinam colere aliam, quatenus habet excellentiam relativam distinctam. Respondeo, non posse, tum quia omnes personæ sunt unum in voluntate; tum etiam quia sunt unum in illa excellentia, secundum quam sunt dignæ cultu, & veneratione religiosa. Nam perfectio relativa tantum ad hoc sufficit, in quantum essentialem perfectionem in se includit: & ideo Trinitas unica tantum adoratione simpliciter adoratur. Dices rursus: Deus vult gloriam suam formaliter, quatenus gloria est, juxta illud: *Gloriam meam alteri non dabo*: ergo vult, ut alii ipsum glorificent, & honorent: ergo formaliter.

Suarez. Tom. XII.

ter vult cultum sub ratione cultus: sed in hoc consistit propria, & formalis perfectio religionis; ergo. Respondeo, aliud esse velle sibi deferri cultum, aliud velle deferre cultum alteri: hoc posterius pertinet ad observantiam, & religionem, non vero illud prius; quia revera non est motus ad alterum, sed ad se: unde magis spectat vel ad amorem sui, seu proprii commodi, aut quasi commodi, vel ad summum pertinet ad simplicem affectum boni honesti, quod ab unoquoque amari, vel desiderari potest in alterius voluntate.

6 Addidi vero in assertione, talem naturam debere esse intellectualem, vel rationalem; non solum propter generalem rationem virtutis moralis, ad quam est necessarius usus rationis propter libertatem, quam postulat virtus moralis, & propter cognitionem boni honesti, in quod tendit virtus; sed etiam propter specialem rationem hujus virtutis; quæ habet pro immediato, & proximo subjecto voluntatem; tum quia proprius actus ejus est in voluntate, ut supra ostendi; tum etiam quia non versatur immediate circa passiones, sed circa operationes, & ad alterum tendit. De his autem virtutibus, quæ sunt ad alterum, extra controversiam est, quod sint in voluntate, (quidquid sit de aliis virtutibus;) ergo religio dicitur ex intrinseca ratione habitudinem ad voluntatem creatam, quæ non est nisi in natura intellectuali, & ideo dicitur esse propria illius.

7 Addo etiam, dici propriam talis naturæ, quia habet quandam adæquationem cum illa. Nam licet religio, ut est habitus quidam, non insit omni voluntati creatæ: nihilominus semina huius virtutis cuicumque intellectuali naturæ indita sunt, omnisque voluntas creata respicit Deum, ut superiorem, estque sub illius dominio, & ideo capax est religionis, & illam postulat, ut magnam perfectionem suam, quia perfectio voluntatis creatæ consistit in debita conjunctione, & subiectione ad Deum. Quod adeo verum est, ut in humana Christi voluntate, quantumvis Deificata, virtus hæc locum habuerit & necessaria fuerit, quia semper mansit inferior, & subiecta, & ideo attente non dixi, hanc virtutem esse propriam personæ creatæ, sed naturæ, quia potest esse in persona increata secundum creatam naturam. Unde a fortiori esse potest in omni persona creata. Ideoque in omnibus voluntatibus beatorum hæc virtus invenitur, quia maxime sunt subiectæ Deo, & ipsum adorant. Nec refert, quod habeant necessariam reëritudinem ex perfecta conjunctione ad ipsum Deum, quia ad hanc ipsam reëritudinem cooperatur religio in eis existens.

2 De inferioribus autem voluntatibus, seu existentibus in inferiori statu constat, voluntates damnatorum esse incapaces hujus virtutis non secundum se, sed ratione status. Quod quidem generale quodammodo est omni virtuti propter obstinationem damnatorum in malo: speciali tamen ratione in hac verum est propter maximum odium Dei, quo semper tenentur: ex quo fit, ut illum blasphement, & contemnant, quantum possunt. Quod si coguntur illi genua flectere, juxta illud ad Philipenses secundo: *Omne genua flectatur caelestium, terrestrium, & infernorum*: ut multi exponunt, tamen illum ipsum non faciunt ex virtute, sed ex necessitate, quia, velint, nolint, coguntur recognoscere Christum, ut Deum, & Dominum, quamvis illi reverentiæ signa non exhibeant, nisi vel ex prava intentione, vel necessitate coacti a Deo per Sanctorum Angelorum ministerium, de quo alias. At vero viatores ex se capaces sunt hujus virtutis: ex defectu autem cognitionis divinæ, aut reëritudinis voluntatis possunt illa privari.

9 Specialiter autem dubitari posset de hac virtute quatenus infusa est, an locum habeat in homine peccatore habente fidem & spem. Et ratio dubitandi esse potest, quia talis homo potest habere actus proprios, & perfectos hujus virtutis, & maxime potest orare Deum, ut supernaturalem finem, & auctorem, cum debira fiducia, & aliis requisitis ad impetrationem. Immo hoc est unum ex potissimis mediis, quæ talis homo habet ad recuperandam gratiam: sed oratio supernaturalis est actus religionis infusæ: ergo etiam virtus

Solutio ejusdem.

3 Assertio magis explicatur.

Sine religio in dā natis.

ipsa habet locum in peccatore. In contrarium vero est, quia nulla alia virtus moralis censetur esse in peccatore nec recuperari, nisi recuperata gratia. Propter quod hæc dubitatio videri potest generalis omnibus virtutibus moralibus, ut revera est: habet tamen hic specialem rationem dubitandi, quam proposui.

10 Videtur autem mihi ratio illa convincere, posse peccatorem habere veros actus supernaturales pertinentes ad virtutem infusam religionis, ut de oratione explicui, & idem censeo de sacrificio, non solum ut exterius sit, quod per se est clarum; sed etiam ut procedat ex vera existimatione, & interiori affectu colendi Deum, ut fide proposuit. Nam veram, & supernaturalem existimationem de Deo, & de cultu illi debito præbet fides, quæ in peccatore manet, quæ supposita voluntas cum auxilio Dei, quod de se paratum est, pro libertate sua potest velle exhibere Deo illum cultum, quamvis non exhibeat perfectum amorem. Quia isti duo actus non sunt ita inter se connexi, ut honor necessario supponat amorem, præsertim perfectum appetitive, & super omnia; & ideo ex parte Dei etiam non negatur auxilium sufficiens ad efficiendum priorem actum, etiamsi alius non fiat. Nam peccator ponit in Deo suam totam fiduciam, & spem, etiamsi nondum in eo collocet totum amorem suum. Ergo simili proportionem potest ad illum orare, vel sacrificium offerre ex affectu supremi cultus. Itaque quod ad actum attinet, mihi non est dubium, quin habere possit locum in voluntate peccatoris.

11 De habitu vero non est ita necessarium: nam licet indirecte inferatur, nullam esse repugnantiam, quod talis habitus sit in tali voluntate; nihilominus de facto verisimile est, sequi hanc virtutem legem communem aliis virtutibus moralibus infusis, nimirum, ut charitatem comiretur, & ab illa non separaretur. Fides ergo cum primum mortaliter peccat, religionem infusam cum gratia amittit: postea vero quamvis actus religionis supernaturalis, & ex auxilio gratiæ efficiat, non statim virtutem ipsam infusam recuperat, donec sufficientem de peccato poenitentiam agat, quia neque illam meretur de condigno, cum non sit in statu gratiæ, neque ad illam sufficienter se disponit. Quia hæc virtus non est talis, ut per se conferatur, sed ut proprietates consequens ad formam gratiæ; & ideo sola illa est dispositio sufficiens ad talem virtutem recuperandam, quæ sufficit ad iterum obtinendam gratiam. Actus ergo illi pro eo statu non sunt connaturali modo, sed sunt ab auxilio speciali Dei operantis, nondum vero inhabitantis per sanctificantem gratiam.

12 Tandem queri hic potest: an hæc virtus possit esse solum in rationali natura secundum mentem, seu voluntatem spiritualem, vel etiam secundum appetitum sensitivum. Nam rationes superius factæ videntur probare, nullo modo posse esse in tali appetitu; tum quia iustitia, & virtus ad alterum non est in illo; tum etiam quia excellentia objecti hujus virtutis videtur transcendere illum inferiorem appetitum. In contrarium autem est, quia hic appetitus potest aliquo modo tendere in Deum, ut supra dixi, posse hunc appetitum habere aliquos actus, quibus ad divinum cultum suo modo cooperatur, in quibus actibus difficultatem aliquam patitur, ut experimento constat. Est ergo capax habituum, quibus ad hujusmodi actus promptior fiat, prout ipso usu, & experientia cognoscitur. Talis ergo habitus ad hanc virtutem pertinet, illique inservit, ut voluntas facilius, & suavius operibus hujus virtutis se exerceat, dum appetitus ipse prompte in hoc officio illi cooperatur. Denique in simili causa, & ob rationes similes diximus tractando de poenitentia dari in appetitu sensitivo habitum aliquem poenitentię, seu deservientem virtuti poenitentię, ergo cum proportionem est hic dicendum. Quod sane concedimus. Quamquam, ut ibi etiam dixi, talis habitus non mereatur nomen virtutis per se spectatus, sed ad summum ut conjunctus virtuti voluntatis, ab illa quasi informatus moraliter. Et ideo nullam rationem illius habitus in præsentem habemus, sed solius virtutis, quæ in rationali, & creato appetitu existit.

Corollarium primum de causis virtutis religionis.

13 **E**X dictis obiter intelligi potest, quas causas habeat hæc virtus: & ideo non oportet de hac respectualem disputationem instituere. Prima enim causa, quæ est finalis, jam declarata est: coincidit enim cum objecto hujus virtutis, si sit sermo de fine per se, & intrinseco, nam finis extrinsecus, quem adhibere potest operans, per accidens est, & variari potest, nec cadit sub scientia. Causa efficiens propria, & physica in acquisito habitu sunt actus, in infuso Deus, supposita dispositione subjecti, quæ sit etiam per actus proportionatos. Moralis autem causa per meritum, vel impetrationem, & instrumentalis per sacramenta, ita possunt intervenire in hac virtute, sicut in aliis, neque in hoc habet aliquid speciale hæc virtus. Causa formalis physica, & propria hic nulla est, quia ipsa religio est quædam forma: metaphysica vero est differentia specifica ejus, quam mox inquiremus. Obiectum vero, quod solet reputari quasi forma virtutis quatenus specificat illam, jam explicatum est. Denique materialis causa virtutis non est nisi subjectum ejus, quod in hoc ipso capite a nobis declaratum est, tam quoad subjectum proximum, quod est voluntas, quam quoad remotum, quod est natura, vel persona. Alia item materia, quæ in virtutibus intervenit, & vocatur *circa quam*, cum materiali objecto coincidit, quod etiam declaratum est, nihil ergo de his causis dicendum superest.

Corollarium secundum de effectibus virtutis religionis.

14 **O**Mnes item effectus, qui in hac virtute considerari possunt, ex dictis colligi, & facillime intelligi possunt: si tales sint, ut generaliter ad ipsam virtutem pertineant, ad duo enim capita revocantur. Nam hic effectus potest esse vel formalis, vel in genere causæ efficientis, quia causalitas materialis hic locum non habet, ut per se constat. Finalis vero inveniri potest, multa enim ab homine fieri possunt propter hanc virtutem obtinendam, & tunc illa omnia possunt dici effectus hujus virtutis in genere finis: tamen quia illa sunt extrinseca, & pro arbitrio operantis multiplicari possunt, non pertinent ad particularem considerationem hujus virtutis. Tantum ergo supersunt illi duo effectus, qui communes sunt omni virtuti, & tanguntur in definitione virtutis, cum de illa dicitur, quod *facit bonum habentem, & opus ejus in bonum reddit*. Nam primum horum facit formaliter; id autem præstat unaquæque virtus ex parte, & ita hæc virtus facit habentem religiosum, id est, promptum, & facilem ad religiosum cultum Deo persolvendum; vel si loquamur de infusa, inclinatur ad colendum Deum superiori quadam ratione, & ad hoc dat & potestatem, & quamdam connaturalitatem, & in hoc terminatur formalis effectus huius virtutis. In quo proportionem servat cum reliquis, neque habet aliquid speciale notatione dignum. Secundum autem, id est, opus bonum facit hæc virtus effective, sive physice eliciendo, sive moraliter imperando juxta superius tractata. Quibus hic nihil addere necesse est, quia hujusmodi effectus cum actibus hujus virtutis coincidunt. Potest autem hæc virtus mediis suis actibus habere alios effectus, non tam physico, quam morali modo, & sic peculiariter habet effectum imperandi, media oratione, de quo infra dicemus, & habere potest etiam effectus merendi, vel satisfaciendi, sed hi communes sunt aliis virtutibus, & siquid habent peculiare aliqui actus hujus virtutis, propter quod censeantur habere peculiarem aptitudinem ad hos effectus, cum ipsis actibus explicandum est: ideoque nihil amplius de his effectibus hoc loco dicere necesse est.

C A P U T II.

Quomodo distinguatur religio a fide, spe, & charitate.

Ratio dubitandi.

Ratio dubitandi sumi potest ex Augustino in Enchi. cap. 2. & 3. dicente, *Deum coli a nobis fide, spe, & charitate*: ergo cum religio tantum sit ad colendum Deum, non est necessaria tanquam distincta ab illis virtutibus, cum dictum officium per illas sufficienter impleatur. Unde idem August. lib. 10. de Civitate cap. 9. de dilectione Dei ait: *Hic est Dei cultus, hac vera religio*. Deinde de spe, & charitate est specialis difficultas: quia vel in religione consideramus reverentiam, quam Deo exhibet, vel affectum reverendi Deum. Illa prior reverentia videtur ad virtutem spei pertinere sub una ratione, licet sub alia possit ad charitatem spectare: affectus autem ad charitatem omnino pertinet; non est ergo necessarium, distinctam addere virtutem. Minor quoad priorem partem probatur, quia reverentia Dei est quidam timor ejus, ex sententia Divi Thomæ 2. 2. quæstione 18. articulo secundo ad primum. Timor autem est actus virtutis spei, ut alibi dixi, quatenus ejusdem virtutis est rendere in finem, & timere illo carere. Quod si timor est filialis, charitatis est actus. Quoad aliam vero partem probatur eadem minor. Quia ille affectus reverendi Deum est quidam amor ejus propter ipsum, sicut affectus querendi in omnibus gloriam, & honorem Dei, actus est charitatis ejusdem Dei, quia est benevolentia ad ipsum propter ipsum; ergo nullus est affectus proprius religionis, qui non sit etiam charitatis. Religio ergo non dicit virtutem distinctam, sed continet, & declarat veluti secundarium affectum charitatis, quo primo vult Deo intrinseca bona; deinde etiam extrinseca, inter quæ sunt cultus, timor, &c. Confirmatur, quia religio dicitur esse idem, quod sanctitas: at sanctitas vera non est, nisi charitas; ergo.

Unica assertio, religionis virtus a fide, spe, & charitate distincta saltem specie

2 Dicendum nihilominus est, religionem esse virtutem a tribus Theologicis distinctam. Assertio est communis, & certa ex D. Th. dicta qu. 81. art. 4. & 5. & cæteris theologis in 3. distinct. 9. ubi breviter de hac virtute disputant, & hoc ut certum supponunt. Et probatur facile ex dictis de objecto formali religionis: nam distinctio virtutum ex objecto proximo, & formali petenda est; objectum autem proximum & formale religionis est diversum ab objectis illarum virtutum; ergo. Minor patet, quia si considerentur omnes hæc virtutes, ut tendunt in Deum, religio formaliter respicit in Deo excellentiam, sub ratione cujus dignus est supremo cultu, & honore. At fides attingit Deum sub ratione primæ veritatis; spes sub ratione maximæ boni nostri; charitas sub ratione summi boni in se, & propter se amabilis: quæ rationes omnes sunt valde diversæ ab ea, quam observat religio. Item si consideretur in his virtutibus materia proxima, in religione semper est aliquid creatum, ut supra visum est; in illis vero tribus est Deus ipse; ergo.

Religio a fide quomodo distinguatur

3 Melius vero hoc confirmabitur discurrendo per dictas virtutes singulas. Et primo de fide loqui possumus, vel quoad habitum, quem ponit in intellectu, vel quoad illum, quem requirit in voluntate. De primo nota est distinctio, quia fides, quoad illum habitum, est virtus intellectualis, religio est affectiva, seu appetitiva; unde fides est in intellectu, religio in voluntate; est ergo clara distinctio. De secundo vero habitu convenit ille quidem cum religione in subiecto proximo, quia uterque habitus est in voluntate: conveniunt item, quia uterque attingit aliquo modo Deum, ut objectum cui; unde uterque immediate versatur circa aliquam materiam creatam, seu circa aliquem actum humanum, quo mediante attingit Deum, & utraque respicit Deum, ut objectum quæ, seu formale talis materiæ, ut de religione supra est ostensum. De alio autem habitu patet, quia Deus revelans, sicut facit, res a se dictas credibiles, ita reddit fidem eam amabilem, & rectæ rationi consentaneam. Dist.

Suarez. Tom. XII.

ferunt autem, quia pia voluntatis affectio dum movet, ac determinat intellectum ad credendum, non respicit in actu credendi honorem, vel cultum Dei, sed veritatem infallibilem, sub testimonio Dei propositam per judicium. Quod intelligitur ex judicio, quod antecedit illam voluntatem. Judicat enim homo, credendum esse Deo dicenti, non quia Deus est dignus cultu, & honore, sed quia est prima veritas testificans, quæ digna est credulitate. Unde etiam inter homines aliud est esse fide dignum aliquem, quod habere potest, etiam si sit infimus de plebe; aliud vero esse dignum speciali observantia, quod requirit aliquam excellentiam. Est ergo clara distinctio religionis a fide quoad utrumque habitum ejusdem fidei.

4 Quod ad spem attinet, generalis, & primaria distinctio inter ipsam, & religionem explicabitur in ca. seq. quæ consistit in hoc, quod spes attingit Deum, ut obiectum quod, non autem religio. Illa vero, quæ tacta est, sufficit, estque magis specifica, quod spes non attingit Deum, ut superiorem, & excellentem formaliter; sed ut bonum summum sperantis. Unde cum spes confidit in Deo, vel sperat ipsum consequi, non id facit, ut colat Deum, vel reverentiam exhibeat, sed ut in illum tendat, ut in bonum consequendum. In quo officio statim apparet longe diversæ honestas, & ratio virtutis, quam sit in religione.

Religio ab spe quomodo distinguatur

5 Ad difficultatem autem tactam de actu reverentia respondeo, nomen hoc *reverentia* æquivocum esse, nam cum homo dicitur reverentiam exhibere Deo, tria ibi concurrere possunt, duo interiora, & unum externum. Primo enim interior concipitur æstimatio quædam, per quam aliquis magnam reputat divinam excellentiam, & hoc fit per actus intellectus vel fidei, vel sapientiæ, aut scientiæ. Secundo inde nascitur in animo veluti fuga quædam accedendi ad Deum, aut nimis familiariter tractandi cum illo, quæ ad voluntatem spectat, & sine dubio timor quidam est, qualis erat in illis, qui dicebant ad Moysen: *loquere tu nobis, non loquatur nobis Dominus*. Tercio hinc nascitur, ut tractando cum Deo, vel ad illum accedentes signa aliqua illius æstimationis, & timoris exhibeamus. Nomen ergo *reverentia* his omnibus tribuitur. Unde Herinc. quodlib. 10. quæstione sexta, & Paludan. in 3. distinctione nona, quæstione prima, articulo primo dicunt, *revereri aliquem, esse bonum alicujus magnum reputare*, quod pertinet ad primum actum. Divus Thomas autem dicta quæstione 81. articulo 2. ad 1. ait: *Revereri Deum esse actum doni timoris*; unde sentit, reverentiam consistere in acta secundo. At Cicero lib. 2. de Invent. *Observantia*, inquit, *est, per quam astate, aut sapientia, aut timore, aut aliqua dignitate antecedentes reveremur, & colimus*, & lib. 1. Officior. *adhibenda est* [inquit] *quædam reverentia adversus homines*. Unde ad tertium illud, quod proposuimus, significandum, videtur vocem illam usurpare. Atque ita expeditur facile difficultas; nam reverentia sumpta primo modo non est actus a religione elicitus, sed a fide, vel alio dono intellectus. Secundo item modo: quamvis D. Thom. significet, non elici a religione, sed ab speciali dono timoris, nihilominus probabile est, sub aliqua ratione elici a spe, & a charitate, quod non obstat distinctioni harum virtutum a religione, ut per se constat. An vero reverentia illis modis accepta possit esse actus imperatus a religione, in superioribus tactum est, & paulo inferius in hoc capite dicemus. Esto tamen sit actus imperatus, non sequitur, quod religio non sit virtus distincta, quia una virtus imperare potest alteri a se distinctæ. Addo insuper, aliquem timorem reverentialem posse esse elicitum a religione, sub diversa tamen ratione. Nam charitas timet accedere ad Deum indebito modo, ne illum offendat; spes, ne privetur Deo, & pœnam incurrat; religio, ne deficiat in debito cultu Dei. Sic abstinere a frequentia communionis potest esse actus religionis, & ab ea elicitus, sicut odisse irreverentiam Dei. Reverentia item tertio modo sumpta est actus religionis. Et sic dicit D. Thom. dicta solut. ad 1. *Ad religionem pertinere, facere aliqua propter divinam reverentiam*; id est, exhibere signa interioris æstimationis, & timoris

Reverentia qui sit & a qua virtute.

divini, quæ etiam nomine reverentiæ significantur. Reverentia vero hoc tertio modo accepta non significat solum actum internum præcise spectatum, sed ut procedit ab affectu accedendi ad Deum cum talibus signis, vel tali modo, qui consentaneus sit æstimationi, quam de illo habemus. Et hic affectus non est spei, nec charitatis, sed religionis immediate ab ea elicitus; exterior vero exhibitio signorum est actus exterior vel elicitus, vel proxime imperatus ab eadem religione.

Religio
quomodo
a charita-
te distin-
guatur.

6 Venio ad charitatem, de qua non est dubium, quin nullum commercium habeat cum religione, quoad officium amandi Deum propter se ipsum, volendo illi omne intrinsecum bonum, quod habet, seu est. Difficultas vero est de charitate quoad amorem, quem Deo exhibet, volendo illi etiam externa bona, quæ præcipue sunt honor, adoratio, & gloria Dei: cum enim affectus exhibendi Deo hæc eadem bona pertineat ad religionem, videntur quoad hos actus non distinguui, & consequenter nomine religionis non significari virtutem a charitate Dei distinctam, sed significari eandem charitatem subinadæquato quodam conceptu, scilicet, quatenus est veluti quædam beneficentia in Deum. Sicut beneficentia ad proximum non est alia virtus ab amicitia illius, sed dicitur illam, ut afficit hominem ad benefaciendum amico.

7 Verumtamen ex hac ipsa comparatione ad res humanas, illam amplius expendendo intelligitur facile distinctio, & solvetur difficultas tacta. Nam esto amicitia humana, vel charitas erga proximum sit benefactiva, hoc non impedit, quominus iustitia, gratitudo, & observantia, quibus proximo etiam aliquod bonum conferimus, & conferre volumus, sint virtutes distinctæ a charitate proximi, seu amicitia, & beneficentia. Ita vero comparantur charitas, & religio ad Deum, sicut amicitia, & iustitia ad proximum. Nam charitas Dei amicitia quædam est cum illo, ut constat. 2. 2. quæstione 23. Et religio est quædam iustitia, & observantia ad Deum, ut infra dicemus. Amicitia itaque per se primo respicit benevolentiam personæ, cui vult bonum formaliter, ac præcise propter bonum eius; iustitia vero intendit reddere alterius suum; quod quidem quamvis re ipsa cadat in bonum, vel commodum eius, cui sit solutio, iustitia tamen ipsa formaliter non attendit hoc bonum, vel commodum, sed honestatem, quæ in constituenda æquitate per talem solutionem invenitur. Ita ergo distinguetur charitas a religione etiam in his actibus, in quibus videntur circa eandem, vel similem materiam versari. Nam si aliquando charitas amat divinam gloriam, & honorem, illud ipsum est ex amicitia, & benevolentia ad ipsam personam Dei, neque in eo attendit honestatem, quæ est in reddendo debito, sed hoc solum, quod sit aliquo modo bonum Dei, quem propter se diligit, tanquam vera amicitia ad Deum ipsum. Religio autem in divina gloria procuranda, aut reddenda respicit divinam excellentiam, & debitum, quod ex illa nascitur, ut supra satis declaratum est.

expositio
verum
Aug.

8 Ad rationem ergo præcipuam dubitandi ex dictis satis responsum est. Testimonium vero Aug. ibi adductum varie exponitur. Primo D. Thom. dicta qu. 81. art. 5. ad 1. respondet, sensum Augustini esse, Fidem, spem & Charitatem generare in nobis verum cultum Dei, ita ut sensus sit causalis, his nimirum virtutibus coli Deum, non quia ipsæ eliciant cultum Dei, sed quia generant, & inducunt illum vel illuminando, vel imperando. Eodem modo intellexerunt Augustinum Durand. 3. d. 9. q. 1. Marfil. q. 8. art. 1. dub. 3. Et quidem sententia verissima est in se: quod vero ille fuerit sensus Augustini, non audeo dicere, quia in cap. 2. expresse interrogat, quomodo colendus sit Deus, & respondet in cap. 3. *Fide, spe, & charitate, & in c. 6. repetit illa tria, per quæ colendus est*; non ergo agit de principio, & causa cultus, sed de ipso cultu, & de modo, & actibus, quibus Deus colendus est, quia in eis verus cultus continetur. Existimoque, cum Augustinus fidem, spem, & charitatem numerat, non solos actus internos ab his virtutibus elicitos intelligere, sed etiam omnes actus quacumque ratione ab his virtutibus procedentes comprehendere, ut

in altero loco lib. 10. de Civitate cap. 6. & 7. clarius constat.

Altera
expositio.

9 Aliter ergo idem D. Thomas in 3. d. 9. q. 1. artic. 1. quæst. 3. respondet: Coli Deum fide, spe, & charitate tanquam actibus, quibus religio utitur, seu quos imperat ad colendum Deum, quia ipsi continent in se quasi materiale cultum Dei supremum omnium, licet formalis intentio ejus sub ratione cultus ad religionem pertineat. Sicut contritio ex charitate est nobilissimus actus *Pœnitentiæ*, licet intendere illum sub ratione recompensationis sit specialis virtus pœnitentiæ, & non charitatis. Unde constat, non esse inconveniens, actus theologiarum virtutum a morali aliqua imperari, etiam si illæ perfectiores sint. Quia hoc imperium non est nisi motio, seu applicatio ad actum proprium propter finem alterius virtutis, quæ applicatio potest fieri ex libertate voluntatis, etiam si ex natura rei necessaria non sit, arque ita potest virtus inferior uti actu superioris virtutis ad suum finem propter proportionem, quam ad illam habet. In quo nulla est inordinatio moralis, sed potius quoddam argumentum perfectionis, saltem extrinsecum, & accidentarium, quod in divinam gloriam tandem ordinatur.

10 Nihilominus hæc expositio aliis non probatur, tum quia non est de mente Augustini; tum etiam quia falsam continet doctrinam. Putant enim non posse fieri, ut actus fidei, spei, & charitatis a religione imperentur in Dei cultum. Non quia religio non possit imperare actus perfectissimarum virtutum, id enim non repugnat, ut ostensum est, sed quia oportet, quando sic imperat, ut actus imperatus habeat proportionem, & aptitudinem ad finem religionis, propter quem imperatur. Actus autem fidei, spei, & charitatis de se non sunt apti ad cultum religionis, quia non continent notam subjectionis ex parte colentis, nec significationem, vel rectificationem divinæ excellentiæ, & recognitionis ejus. Unde Bonav. 3. d. 9. art. 2. quæst. 2. ad 1. & 2. ad Augustinum responderi, locutum fuisse late de cultu, non prout pertinet ad specialem virtutem religionis. Distinguit enim ibi triplicem acceptionem cultus communis, proprii, & propriissimi. Primo modo significat omnem actum virtutis relatum in Deum, ut in finem. Secundo significat actus, quibus unimur Deo ut objecto immediato, ut sunt actus fidei, spei, & charitatis. Tertio significat actus, qui fiunt specialiter in honorem Dei, & testimonium excellentiæ divinæ. Ait ergo, Augustinum locutum fuisse in secunda significatione.

Proposita
D. Th. ex-
positio
ab aliqui-
bus impu-
gnatur.

11 Ego vero in 3. par. 10. 1. ostendi, posse religionem imperare actus theologiarum virtutum in peculiarem, & maximum, ac propriissimum Dei cultum, quod etiam D. Thom. dicta qu. 81. articulo 8. satis significavit, dum universaliter tribuit sanctitati (quam idem esse cum religione docet, ut statim dicemus) posse imperare actus omnium aliarum virtutum. Ubi Cajet. expresse id docet de actibus theologis: immo tunc (ait) religionem mereri nomen sanctitatis, quando imperat unionem cum Deo per tales actus. Art. item 6. ad 1. & 2. ejusdem quæstionis sine limitatione dicit, religionem esse virtutem universalem in imperando aliis, & omnia opera virtutum omnium, ut sunt ex imperio religionis, esse quædam sacrificia. Sub qua universali locutione actus theologicos etiam ipsius charitatis comprehendit, sicut & August. quem refert, & exponit. Idem tenet Gregorius de Valent. 3. tom. disput. 6. quæst. 1. puncto 2. Et uterque utitur argumento ex voto sumpto, quia actus virtutum theologiarum possunt esse materia voti; ergo possunt imperari a religione. Quam rationem aliqui putant infirmam, quia sine promissione non possumus affectum reverentiæ attribuire his virtutibus, sicut nec aliis extra religionem; at facta promissione, jam habet locum in tali actu promisso affectus fidelitatis ad Deum, quem religio ibi exerceat. At profecto argumentum satis firmum est, quia non solum pertinet ad religionem implere promissionem circa illos actus, postquam facta est, sed etiam promittere illos: nam ipsemet actus votendi religionis est; in votendo autem non cernitur affectus fidelitatis,

D. Th. re-
sponso
propu-
gnatur ut
verissima.

ratis, sed cultus; ergo materia illa, quæ potest sub
vorum cadere, non potest esse inepta ad cultum. Nec
video, quid desit actibus theologiarum virtutum,
quominus assumi possint ut notæ reverentiæ, & sub-
missionis, acculus. Quia eo ipso, quod per fidem
captivatur intellectus in obsequium Dei, est aptissima
nota subjectionis, & submissionis. Idemque est de
aliis. Quapropter licet affectus colendi non pertineat
ad virtutes has, nec ad alias extra religionem, (hoc
enim nullus dicit:) tamen actus theologiarum vir-
tutum aptissimi sunt, ut ex affectu colendi Deum, &
tanquam testimonia excellentiæ ejus Deo offerantur.

12 Hæc ergo veritate supposita, recte juxta illam
Augustini verba intelliguntur, quia & intentio totius
operis, & verborum proprietas optime huic sensui ac-
commodantur. Et ideo in alio loco de civitate semper
loquitur de actibus harum, & aliarum virtutum non
secundum se, sed ut in Deum referuntur, & hoc mo-
do vocat illa sacrificia, non ut sacrificium dicitur de
quodam peculiari signo externo divini domini, ut in-
fra videbimus: sed ut dicitur de omni cultu Dei ex vera
religione profecto. Ac denique licet illam expositio-
nem Bonaventuræ admittamus, & illas varias signifi-
cationes cultus, (quamvis non omnes videantur satis
usu receptæ) nihilominus ex illis, & ex dicta interpre-
tatione intelligi potest, in actibus theologiarum vir-
tutum esse sufficiens fundamentum, ut a religione im-
perari possint ex affectu cultus; ideo enim dicuntur ef-
se proprii cultus de se, licet non propriissimi, quia de
se non habent formalitatem illam, quæ est in effectu
colendi, habent tamen quasi in actu exercito ipsam
Dei reverentiam, & quamdam subjectionem ad ipsum,
ratione cujus possunt ex affectu formali cultus imperari.
Ex quo tandem patet, hinc non sequi identitatem
inter religionem, & has virtutes, sed potius inde dis-
tinctionem illarum inter se clarius innoscere.

13 Superest, ut de sanctitate, quod in ultima con-
firmatione petebatur, pauca dicamus, propter Divum
Thomam dicta q. 81. art. 8. Ubi docet, sanctitatem
speciali ratione significare religionem ipsam, quod
pertinet magis ad usum, & etymologiam vocis, quam
ad rem novam explicandam: nec dubitari potest, quin
juxta proprietatem vocis latinæ sanctitas ad religio-
nem pertineat; nam proprie dicitur sancte fieri, quod
religiose fit, ac proinde sanctitas propriissime dicitur
de ipsa religione, sub diversa consideratione, seu ap-
pellatione; nam religio vocatur, ut præbet cultum Deo,
sanctitas vero quatenus mentem purificat, & dispo-
nit, (imperando etiam ad hunc finem actus aliarum
virtutum) ut firmius conjungatur Deo; ubi obiter no-
tare lice, pro his, quæ diximus, religionem non tan-
tum posse imperare actus aliarum virtutum, ut conti-
nent cultum materiale, sed etiam ut bene homi-
nem disponant ad colendum Deum. Quod usu satis
constat; nam homo affectus ad orationem temperate
comedit, ut sit ad orandum melius dispositus. Tunc
ergo abstinencia a religione imperatur: existimoque
religionem, ut officium sanctitatis exercet, imperare
actus theologicos, ut supremum cultum, alios au-
tem morales regulariter imperare, ut dispositiones ad
cultum. Sic ergo religio sanctitas est.

14 Oportet tamen advertere, hanc vocem *sancti-
tas* varias habere significationes, ut notavit August.
sermon. 14. de verbis Apostoli circa finem, & atti-
gimus in 1. tom. 3. part. disp. 18. sect. 1. Sumpta vero
sanctitas, prout attribuitur homini, & ad animam, ver-
ramque ejus salutem refertur, generalius sumi solet
pro ipsa gratia, vel justitia, per quam formaliter san-
ctificamur; Quid enim proprius sanctitas dici potest,
quam illud, quo proprie sancti efficiuntur? illud autem
est gratia, seu justitia. Et hoc sensu videtur dixisse
Paul. ad Hebr. 12. *Pacem habete cum omnibus, & san-
ctimoniam, sine qua nemo videbit Deum.* Similiter
Concil. Trident. sess. 5. c. 1. in hoc sensu dicit: *Adam
in Paradiso sanctitatem, & justitiam, in qua consti-
tutus fuerat, amisisse, & c. 2. subdit: Acceptam a
Deo sanctitatem, & justitiam sibi, & nobis perdidisse.*
Hanc autem sanctitatem declarat postea in sess. 6.
consistere in gratia, & donis Spiritus sancti, & ideo
c. 7. justificationem sanctificationem appellat; quia ni-

mitum ipsa justitia sanctitas est, qua Deus nos sancti-
ficat: *Signans, & urgens nos Spiritu promissionis san-
cto.* Et in eodem sensu dixit Basil. lib. de Spiritu san-
cto: *Sanctificationem non esse absque Spiritu sancto.*
Ita ut angelici spiritus sapientia natura sancti non sint,
sine communicatione Spiritus: *Alias inquit nihil ab
ipso Spiritu sancto differrent.* August. vero lib. de sa-
lutaribus docum. c. 9. dixit: *Sanctitatem in operibus
justitia positam esse:* quod intelligendum est de justitia
christiana, & ad Deum relata.

25 Hinc ergo charitas merito etiam dici potest san-
ctitas animæ; nam Aug. dixit lib. de Natur. & grat.
c. 42. *Charitas est verissima, plenissima, perfectissima-
que justitia;* habet enim semper adjunctam secum gra-
tiam, & cætera dona. Nam si religio vocatur sancti-
tas, eo quod aliarum virtutum opera ad Dei gloriam
referat: majori titulo potest charitas hoc nomen sibi
vindicare, quia altiori modo refert omnes virtutes,
& ipsam religionem in Deum, & quia illa est, quæ
præbet majorem firmitatem, & animi puritatem ad ip-
sum divinum cultum præstandum. Itaque fatemur,
hoc nomen commune esse religioni, & charitati: ne-
gamus tamen, inde sequi, illas esse eandem virtutem,
quia vel æquivoce de illis dicitur, vel solum quate-
nus aliquo modo conveniunt in tendendo ad Deum,
& ordinando ad illum cætera virtutum opera, quæ ra-
tio generica est, & non specifica.

CAPUT III.

*An religio sit virtus Theologica, vel
moralis?*

1 **Q**UAMVIS jam constet, religionem non esse ali-
quam ex illis tribus virtutibus theologis,
adhuc dubitari potest an theologica sit, & cum illis
virtutibus sub tali genere proximo constituenda. Ra-
tio dubitandi esse potest, quia videtur religio habere
quamdam specialem communicationem, seu conven-
ientiam cum virtutibus theologis, ratione cujus
solet illis annumerari, & ab aliis moralibus condistin-
gui: sic enim D. Thom. 22. qu. 30. art. 4. cum mise-
ricordiam præfert omnibus virtutibus moralibus, non
videtur sub illis comprehendere religionem, nec q. 58.
art. 12. ubi similiter loquitur de justitia legali: ergo vi-
detur religio ad altius virtutis genus pertinere, quod
esse non potest, nisi theologica virtus. Quod sic de-
claratur; nam virtutes theologice illæ sunt, quæ ho-
minem ipsi Deo conjungunt; talis autem est religio:
ergo. Patet minor, quia religionis munus est, to-
tum hominem consecrare Deo, ideo enim devotio po-
nitur præcipuus religionis actus, & religio ipsa hac
ratione sanctitas appellatur, ut vidimus: ergo vere,
& proprie unit nos Deo. Cur ergo non erit theolo-
gica virtus?

2 Solet responderi, non unire nos Deo immedia-
te, sed mediante aliqua materia creata, seu actione
distincta ab affectu ipsius virtutis, de ratione autem
virtutis theologice esse, ut uniat nos Deo immedia-
te per actum internum proxime a se elicito. Sed con-
tra hoc insto discurrendo per singulas virtutes theo-
logicas. Nam fides theologica virtus est etiam quoad
habitu, quem ponit in voluntate, & tamen ille
habitus non attingit Deum immediate, sed mediante
alia actione distincta ab affectu proxime elicito ab illo
habitu: qui est pia affectio, non immediate ad Deum,
sed ad credendum Deo: ergo. Major probatur, quia
fides habet, quod sit virtus proprie a voluntate, nam
inde habet, quod actus ejus honeste, & libere fiat;
ergo si habitus voluntatis non est virtus theologica,
nec fides erit absolute theologica virtus. Præterea de
spe est vulgare argumentum, quia non attingit im-
mediate Deum, sed mediante beatitudine formali, per
quam ipsi uniri speramus: & ita non unit nos Deo ip-
si per suum proximum affectum, sed beatitudini, qua
illi unimur, quæ beatitudo aliquid creatum est. Tan-
dem charitas non solum est virtus theologica, quate-
nus amat Deum in se, sed etiam quatenus amat Deo
gloriam, & honorem propter ipsum, quia per hoc
etiam amat Deum ipsum in se. Unde talis amor res-
pectu Dei

Nomen
sanctitas
religionis
& chari-
tatis com-
mune est.

Ratio du-
bitandi
proposita
tur.

Argumen-
ta quæ
suscitant
religionem
esse theo-
logicam
virtutem.

1 Argum.

2 Argum.

3 Argum.

Religio
qua ratio-
ne sancti-
tas di-
citur.

Nomen
sanctitas
varias ha-
bet signi-
ficationes
juxta D.
Aug.

Actu Dei est benevolentia, licet respectu honoris, & gloriae Dei sit concupiscentia.

3 Nihilominus dicendum est, religionem non esse theologiam virtutem. Ita docet D. Thom. dicta qu. 81. art. 4. & 5. ibi Cajetan. & omnes Theologi communiter in 3. d. 9. & supposita doctrina præcedentis capituli, sumitur ex communi sensu ecclesiae, quia virtutes theologales tres tantum esse creduntur, de quibus propterea singulariter dixit Paulus: *Nunc autem manet fides, spes, & charitas, tria hæc.* Rationem aliqui conantur desumere ex sola ratione formali objecti, quæ debet esse Deus sub aliqua ratione increata. Sed hoc satis non est, quia religio etiam habet pro objecto formali Deum ipsum, id est, divinam, & increatam excellentiam: illa enim est ratio, sub qua religio præbet cultum, vel adorationem, ut aperte docet D. Thom. hic art. 4. ubi ex speciali ratione excellentiæ divinæ colligit propriam, & specialem rationem virtutis religionis, & distinctionem ejus ab aliis virtutibus. Est ergo illa ratio formalis objecti hujus virtutis, quod etiam ex superius disputatis constat; ergo si ad rationem virtutis theologice sufficeret, ut respiciat Deum ipsum, ut objectum formale sub aliqua ratione increata, nihil deesset religioni, quominus virtus theologica sit.

Quæ sint
ad theo-
logicam
virtutem
necessaria

4 Addendum ergo est, quamvis hujusmodi formale objectum sit necessarium ad virtutem theologiam, non tamen esse sufficiens, sed oportere, ut etiam proxime, & immediate attingat Deum ut objectum quod. Quia ut perfecte, & simpliciter sit virtus divina, necesse est, ut utroque modo Deum attingat, id est, quod in illo nitatur tanquam in objecto formali, & quod nos immediate coniungat Deo ut ultimo fini, & primo principio, quod spectat ad objectum proximum, & immediatum, ut sumitur ex D. Th. supra, & 12. q. 62. art. 1. 2. & 4. Religio vero licet nitatur Deo, & excellentiæ eius, ut objecto formali, non tamen nos illi immediate uniat ut objecto quod, & ideo non est theologica virtus. Quod a simili confirmari potest exemplo poenitentiae, & obedientiæ, quæ hac ratione non sunt theologice virtutes.

Denique potest declarari in hunc modum. Nam excellentia divina ita est formalis ratio objectiva religionis, ut tamen non sit objectum, quod immediate vult ipsa religio, quia velle Deo ipsam excellentiam potius est affectus charitatis, quam religionis: velle autem illam alteri, quam Deo, non esset actus virtutis. Solum ergo respicit divinam excellentiam medio honore, vel cultu, quatenus, scilicet, ratione illius Deus sic honorabilis est, & ab illa talis honor habet, qui sit honestus, & debitus Deo: quod secus est in omnibus virtutibus theologis. Quod in fide est clarum, nam illa ita credit primæ veritati, ut credat etiam ipsam primam veritatem esse, vel infallibilem esse, vel quid simile. In charitate etiam est manifestum; quia ita nititur bonitati divinæ in amando, ut illam etiam amet ipsius Deo, & ita per se primo amat Deum ipsum. Idem denique est in spe; nam ita sperat aliquid a Deo, ut primo, & principaliter speret, & amet ipsum Deum tanquam summum quoddam bonum ejus, qui illum, & in illo sperat. Quia tamen hoc bonum non est (ut ita dicam) actuale bonum ipsius hominis, nisi ei uniatur, & jungatur, ideo non speratur tale bonum, quin simul speretur passio ejus; sicut amatur calor unitus, & pecunia possessa, amor vero non tendit immediate ad solam unionem, vel possessionem, sed maxime ad calorem, vel pecuniam: quod tamen non ita est in religione, quæ tantum respicit Deum, ut terminum cultus, non ut bonum, quod immediate amet, ut declaratum est.

6 Atque hinc a sufficienti divisione concluditur, religionem esse virtutem moralem. Quia virtus voluntatis sufficienter dividitur in theologalem, & moralem; ostensum est autem, non esse theologalem; ergo est moralis. Atque est hæc communis sententia. Solum Durandus in 4. dist. 14. quæst. 2. dixit, partim esse moralem, & partim quasi theologiam, quod exponens num. 7. ait, Latram non esse pure moralem, quia non potest exire in actum suum, nisi prævis actibus virtutum theologiarum ostendentium objectum

sub circumstantiis, ad quas ratio naturalis non possit attingere. Sed hoc non recte dicitur, nec ipse Durandus in 3. d. 9. ita loquitur, sed absolute moralem eam vocat, sicut revera est, quia nulla est virtus, quæ in sua essentiali ratione non habeat puram naturam virtutis moralis, vel theologice, Neque ratio Durandi est alicujus momenti, quia religio operari potest ex proprio motivo sine imperio charitatis, vel spei, & religio infusa solum indiget proxima directione prudentiæ infusæ. Quod autem supponat fidei fundamentum, non est contra rationem virtutis moralis, sed commune est omnibus infusis. Sed objici potest, quia virtus moralis consistit in medio, religio autem minime: quia nunquam potest homo tantum reddere Deo, quin plus debeat. Respondetur ex Divo Thoma dicta quæst. 81. art. 5. ad 3. & Durando 3. dist. 9. quæst. 1. ad 1. medium religionis imitari medium justitiæ, quod est æqualitatem constituere. Quia tamen non potest illam attingere, servat eam prout potest, servata proportionem ad conditionem hominis, & Dei, ita ut & Deum deceat, & hominis conditionem non excedat.

Solutio
obijectionum
ex
D. Th. &
Durand.

7 Ratio dubitandi in principio posita ex dictis soluta est. Ad instantias vero factas de tribus virtutibus respondendum est. Ad primam de fide nego, habitum piæ affectionis, qui est in voluntate ad credendum, esse virtutem theologiam, quia revera ille habitus per se spectatus plus habet virtutis moralis, quam theologice. Neque inde fit, fidem in ratione virtutis non esse theologiam; quia fides proprie, & per se est virtus intellectualis, & sub ea ratione est virtus theologica, non secundum eas denominationes morales, quas habet ab actu voluntatis. Adde, quod sicut actus credendi, ut includit affectum, & assensum, est moraliter unus actus, qui simpliciter est theologicus, quia per aliquid sui immediate attingit Deum, ut objectum, ita etiam virtus fidei est suo modo moraliter una, ut constans ex habitu piæ affectionis, & luminis intellectualis: & illa est simpliciter theologica, quia per actum suum immediate attingit Deum, ut objectum. Neque quoad hoc æquiparatur illi religio; quantumcumque enim actus voluntatis cum actu intellectus per modum unius conjungatur, nunquam attingit Deum, ut objectum, ex vi, & influxu religionis, sed solum ut terminum cultus. Nam si per actum petitionis, contemplationis, aut similem attingitur Deus, ut immediatum objectum, id semper provenit aliunde, scilicet, quia ille actus vel est fidei, vel alterius similis virtutis, ut supra tactum est, & disputando de oratione latius dicemus.

8 Ad secundam difficultatem de spe communis responsio est, virtutem spei immediate attingere Deum in se, quia ipse est summum bonum nostrum, quem nobis amamus per illam eandem virtutem, atque etiam speramus ut mercedem potissimam nostrorum meritorum. Nec refert, quod non speremus illum, nisi sperando simul visionem, tanquam possessionem illius boni, quia non propterea spes attingit Deum mediante visione, sed utrumque immediate, ut bonum possessum, & id, quo possidetur. Quæ duo quasi componunt unum finem ex formali, & objectivo constanter, ut latius in Metaphysica, & in 1. 2. traditur. Neque est simile de religione, ut dictum est, quia non Deum immediate amat, sed ut reddatur cultus Deo. Nec Deus, ut cultus, potest proprie dici immediatum objectum religionis, quia ibi involvitur denominatio ab exteriori actu religionis, qui est proximum objectum ejus, non vero Deus ipse secundum se.

Solutio
secundi
argum.

9 In tertia instantia de charitate petitur, an charitas, ut amat gloriam Deo, exerceat proprie officium virtutis theologice ex parte objecti quod, ita ut illud sufficiat, etiam si per impossibile perfectior modus attingendi Deum præscindatur. Ut autem intelligatur interrogatio, est advertendum, virtutem theologiam non in omnibus actibus sui operari (ut sic dicam) quatenus theologica est, quoad objectum materiale, quia non semper operatur circa illud objectum; a quo theologica denominatur, ut charitas, amando proximum, non operatur theologice, & sic de aliis. Et ratio est; quia virtus non denominatur theologica ex

Solutio
tertiæ arg-
quæ etiam
ostendit
virtutem theo-
logicam
non opera-
ri in omni-
bus
actibus
quæ talem

adæquata materia, sed ex primario objecto, quod proxime, & per se attingit, quod est Deus. Hinc ergo oritur dubium, quando ex charitate amamus gloriam Deo, an ille actus possit dici proprie, & formaliter theologicus ex ea parte, qua est amor benevolentia Dei, quamvis illi solum amet bonum extrinsecum creatum, & ex illa parte, qua est amor concupiscentia ipsius gloriæ Dei, deficiat a ratione, & excellentia virtutis theologicæ.

10 In hoc ergo dubio utraque pars videtur probabilis, & facile defendi posset. Nam quod ille affectus proprie theologicus non sit, probare videtur difficultas tacta, retorquendo argumentum ab actu religionis ad actum charitatis ex similitudine rationis, quia per illum actum non attingitur Deus immediate, sed gloria Dei. Et sequendo hanc partem manet solum argumentum. Quia vero actus ille est verus amor amicitia, qui primo, & per se fertur ad personam tanquam ad objectum, ideo satis verisimile est, illum actum esse theologicum, quia unit nos ipsi Deo, ut amico. Neque hoc admissio sequitur, idem dicendum esse de actu religionis, quia licet per illum etiam velimus reddere gloriam Deo, nihilominus per illum actum non attingitur Deus, ut objectum, quod amatur proprio amore amicitia. Et propria ratio esse videtur, quia ad amorem amicitia non sufficit velle alicui, quod est ei bonum, sed necesse est velle, quatenus bonum ejus est, & propter ipsum: quomodo charitas vult gloriam Deo, vel potius vult, Deum esse gloria affectum, & propter hunc specialem modum amandi dicitur immediate conjungere affectum ipsi personæ amata, & non tantum gloriæ ejus. At vero religio vult præbere gloriam Deo non formaliter ex affectu ad ipsam personam, neque propter ipsam, seu propter bonum ejus, sed solum propter iustitiæ æquitatem, & honestatem, ut supra dicebam: & ideo talis actus formaliter, & proprie loquendo non est amor amicitia ad Deum, nec tendit in illum, ut immediatum objectum, quod, ac proinde ex vi talis actus non est religio theologica virtus. Si autem attente consideremus, hoc totum provenit ex eo, quod illemet Deus, cui amo gloriam ex charitate, est in se, & propter se primario amatus per eandem charitatem, & non per religionem, & ideo in hac differentia potissime sistendum est.

C A P U T IV.

Quomodo religio a vera, & propria iustitia distinguatur.

1 P OSt comparisonem religionis cum virtutibus theologicis, quibus propinquissima est, cum moralibus est conferenda, ut tandem eius unitas, ratio, & dignitas intelligatur. Suppono autem primo, hic solum esse sermonem de virtutibus moralibus appetitivis, seu voluntatis, ut excludamus virtutem moralem intellectualem, ut est prudentia, quæ, cum in intellectu sit, satis claram distinctionem habet a religione, quamvis religio necessario debeat esse coniuncta prudentiæ, ut ab illa in suis actibus dirigatur, quod commune illi est cum cæteris virtutibus. De qua prudentia religiosa, (ut sic dicam) an sit distincta a prudentia, prout versatur in materia aliarum virtutum, questionem habet generalem de unitate prudentiæ, quæ ad hunc locum nil spectat: nam, utcumque se habeat prudentia in se, & in suo esse, & unitate, certum est, distingui a virtute religionis, etiam prout versatur circa materiam ejus, sicut distinguitur intellectus a voluntate, quia versatur circa illam materiam sub ratione veri, religio vero sub ratione boni, & honesti secundum talem speciem honestatis.

Secundo suppono, nullam hic esse difficultatem de comparisonem religionis ad fortitudinem, vel temperantiam: sub his virtutibus includendo virtutes omnes, quæ huiusmodi partes potentiales appellantur, nam ab his omnibus differt religio, non tantum specie, sed etiam quoad modum generis. Nam virtutem moralem appetitivam generali partitione dividit S. Thom. 1. 2.

questionem 59. artic. 4. & questionem 60. articulo 2. in duo immediata membra, unum dicit esse virtutum circa operationes, aliud circa passiones, quæ sub aliis vocibus dicuntur virtutes ad alterum, vel ad se. Quæ divisio non est dubium quin esse possit in omni rigore generis in species proximas, & immediatas, licet quælibet illarum subalterna sit, & genus continens sub se plures species, vel etiam plura genera minus universalis, quia omnes virtutes sub illo quasi supremo genere, seu diviso comprehensæ, sunt proprie, & univoce virtutes morales. Et illa prima duo membra ratione suæ honestatis habent inter se essentialiter diversitatem, quæ ita potest explicari. Nam sicut in accidentibus absolutum, & relativum essentialiter differunt: ita in virtutibus habere honestatem per respectum ad alterum, vel solum per conformitatem ad ipsum operantem sunt differentia virtutum, & honestatum valde essentielles. Unde honestates habent valde distinctas, & media diversarum rationum. Immo multi volunt, etiam in subiecto differre, quia virtutes ad alterum sunt in voluntate, alie vero a multis creduntur esse in appetitu, de quo alias. Cum ergo religio sub priori membro virtutum ad alterum comprehendatur, ut ex supra dictis constat, & ex D. Thom. 2. 2. q. 80. sit plusquam specie, & quasi genere distingui ab omnibus aliis virtutibus, quæ ad se, vel circa passiones esse dicuntur, & sub temperantia, & fortitudine includuntur.

3 Atque hinc ulterius sequitur, si accipiamus illum communem conceptum virtutis moralis ad alterum, illum vere, & proprie, ac simpliciter esse unum genus complexens eas virtutes, quæ proprie, & univoce sunt ad alterum. Quæ mihi videtur esse doctrina D. Thom. 1. 2. q. 60. art. 3. ubi in solutione ad 1. ait, illam communem rationem posse appellari nomine iustitiæ, & sic non esse iustitiam unam specialem virtutem, & q. 61. art. 3. dicit expresse, sacros Doctores, & Philosophos interdum loqui de virtutibus sub generalibus rationibus, & sic iustitiam complexi virtutes omnes, quæ reddunt alteri debitum, ut partes subiectivas. Ratio autem est, quia omnes illæ sunt proprie, ac simpliciter, & univoce virtutes morales voluntatis, quæ habent inter se convenientiam essentialem in hoc, quod circa operationes ad alterum per se primo versantur; ergo ab illa convenientia possunt accipere genericam, seu subalternam differentiam communem, in qua a cæteris omnibus virtutibus, quæ sunt circa passiones, generaliter differunt, inter se autem in illa conveniunt. Ergo ex illa differentia eum genere communi constituitur una species subalterna, quæ est verum, & proprium genus ad omnes illas virtutes, quæ sunt ad alterum.

4 Hoc ergo genus, quod uno simplici conceptu, id est, incomplexo habere possumus, possumus etiam simplici voce nominare. Non invenio autem vocem aliquam simplicem ad hoc genus ita significandum impositam, vel communiter usurpata. Nisi quis velit dicere, ita esse accipiendum nomen iustitiæ, quando generaliter sumitur, tanquam unum membrum sufficienter dividens virtutem moralem appetitivam in iustitiam, fortitudinem, & temperantiam: & quid sit de hoc usu vocis, tamen non est dubium, quin potuerit vel illa vox, vel alia si similis ad illud genus significandum imponi. Quod posito, clarum est, religionem esse veram, & propriam iustitiam illo modo acceptam, quia essentialiter, & univoce continetur, immo fortasse sub illo genere est perfectissima species, ut inferius dicam. At genus vere, & proprie, ac simpliciter dicitur de specie sua: erit ergo religio sub hac consideratione vera, ac propria iustitia. Differet autem ab illa, tanquam species a genere, non enim convertitur cum illa, sed ratio talis iustitiæ sic sumptæ multo universalior est, ut per se constat. Ita ergo utendo his terminis, satis clare constat propositæ questionis resolutio.

5 Non sumimus autem in titulo questionis nomen propriæ, ac veræ iustitiæ in hoc sensu, sed in ea significatione, quæ Philosophi morales, & Theologi, præsertim D. Th. pressius, & rigorosius illam utuntur.

Resolutio
suboritur
dubitatio-
nis.

Quæstio-
nis ratio
aperitur
ac prima
suppositio
pro præ-
sentatur.

2 Suppositio
tio.

Sub qua
considera-
tione reli-
gio sit ve-
ra & pro-
pria ius-
titia.

Multi-
plex iusti-
tie subdi-
visio.

tur. Pro quo est ulterius sciendum, genus illud virtutis moralis ad alterum, quod explicuimus, subdividi posse in proxima membra, vel genera, aut species subalternas variis modis. Nam quia ille conceptus virtutis est ad alterum, qui alter potest esse vel Deus, vel homo: ideo immediate dividi potest in virtutem, quæ est ad hominem, vel ad Deum: item quia illa virtus, quæ est ad alterum, reddit ei debitum, ideo proxime dividi potest in eam, quæ reddit debitum rigorosum, & quod legale vocant, vel debitum solum ex quadam decentia, quod vocant morale. Item quia munus huius virtutis est constituere æqualitatem, etiam potest dividi in eam, quæ tendit ad constituendam absolutam, & perfectam æqualitatem, & eam, quæ tantum secundum quid reddit æquale, prout potest. Omnis alii divisionibus, quæ præsentī instituto non serviunt.

6 At vero D. Th. 2. 2. q. 61. in principio, & q. 80. indicat, genus illud dividendum esse in iustitiam formalem, (ut sic dicam) & potentialem. Distinguit enim ibi duplices partes iustitiæ, quasdam subjectivas vocat, inter quas ponit iustitiam commutativam, & distributivam, alias appellat potentiales, inter quas ponit religionem, gratitudinem, pietatem, & plures alias. Et in partibus subjectivis significat servari propriam, & perfectam rationem formalem iustitiæ, in potentialibus autem esse tantum convenientiam aliquam cum formali iustitia cum aliquo defectu ab illius proprietate. Dum autem priores vocat partes subjectivas, significat habere genus commune, in quo vera ratio formalis iustitiæ integre salvatur: & ideo vocavi hoc genus iustitiam formalem. Et similiter dum alias omnes virtutes ad alterum, quæ hanc perfectionem iustitiæ non attingunt, potentiales vocat, etiam sentit, in alio genere proximo convenire, quod nos ex penuria vocum potentialem iustitiam appellavimus.

Iustitia legalis ex doctrina D. Th. est vera, & propria iustitia.

7 In qua divisione adverto, quantum ad prius membrum, omissam videri iustitiam legalem, quam vocavit generalem D. Th. licet virtutem specialem esse declarat 2. 2. q. 58. art. 5. & 6. præter quam ponit iustitiam eadem quæst. 58. art. 7. Quam rursus subdividit in commutativam, & distributivam, quæ 61. artic. 1. Et ideo aliqui dubitant, an iustitia legalis sit propriissima & formalis iustitia. Sed sine dubio D. Th. supponit, esse veram, & propriam, & (ut ita dicam) formalem iustitiam, & perfectiorem aliis, & ideo nunquam illam ponit inter partes potentiales iustitiæ, Sed agens de propria iustitia prius dividit illam in generalem, & particularem, ut patet ex d. quæ 58. art. 6. & 7. quæ 59. art. 7. ubi simili modo dividit iustitiam. Et q. 79. art. 1. ubi explicat partes, quas integrales vocat, utriusque iustitiæ generalis, & specialis, quatenus in communi, & propria ratione iustitiæ conveniunt. Eandem distinctionem habet 1. 2. q. 60. art. 3. ad 2. Unde cum 22. q. 61. in principio quæstionis, & in artic. 1. solum ponit duas partes subjectivas iustitiæ, loquitur de iustitia, quam specialem vocat, nam de priori iustitia generali, seu legali post quæstionem 58. nihil amplius ex professo tractat. De illa vero, & de tota hac re nonnulla tetigimus in speciali disputatione de iustitia Dei.

Iustitia quæ inter homines exercetur tres conditiones habere debet.

Ut autem aliud membrum, & ratio totius divisionis intelligatur, quantum præsentī instituto necesse est, adverto ex D. Th. in omnibus locis proxime citatis, & ex communi doctrina, cum munus, & materia iustitiæ sit actio, per quam redditur debitum alteri, tria postulari ad quamdam perfectam integritatem, & quasi consummatam rationem iustitiæ, scilicet, quod verum, & perfectum reddat debitum, quod cum æqualitate integre reddat, quodque alterum omnino distinctum respiciat. Unde fit, ut loquendo de iustitia humana, illa dicatur, & censeatur propria, & perfecta iustitia, in qua illa tria exacte inveniuntur: censeantur autem inveniri in illa iustitia, quæ inter homines versatur, sive respiciat debitum communitati, ut sic, sive debitum personæ privatz in ordine ad commutationes, sive in ordine ad distributionem cum æquitate factam. Et ideo iustitia, ut dicit communem conceptum his virtutibus, vendicavit sibi nomen iustitiæ propriæ, seu formalis, quæ comprehendit sub

terres iustitias, legalem, distributivam, & commutativam, ut tres partes subjectivas, de quibus hic amplius dicendum non est.

9 Aliæ igitur virtutes omnes ad alterum, vocantur partes potentiales illius propriæ iustitiæ, & sub illa consideratione censeantur esse iustitiæ secundum quid, quod nos significavimus per vocem illam *potentialis*, quia per quamdam imitationem iustitiæ vocantur, vel quia deficiunt in aliqua ex dictis conditionibus iustitiæ, ut in illa quæ 80. late D. Th. declarat. Addit vero in 1. 2. q. 61. art. 3. quod licet hæc partes potentiales iustitiæ dicantur deficere ab illa principalitate iustitiæ, nihilominus possunt habere aliunde principalitatem aliam, ratione cuius emineant. Et ego addo, posse in aliqua conditione propria iustitiæ habere tantum excessum, & eminentiam, ut etiam in vera latitudine iustitiæ emineant, dicanturque deficere a proprietate iustitiæ potius per excessum, quam per defectum, ut in secunda assertione statim explicabo.

Quæ sunt partes potentiales iustitiæ.

10 Dico ergo primo: Religio non est vera, & propria iustitia, sed ab illa distinguitur essentialiter, & ab omnibus partibus subjectivis sub illa contentis, atque hoc modo ponitur inter partes potentiales iustitiæ. Assertio est D. Thom. & communis. Ratio autem est, quia ex dictis tribus conditionibus iustitiæ, saltem duæ non inveniuntur cum omni proprietate in religione. Una est conditio ad alterum: nam licet homo sit res satis distincta a Deo physice, seu entitative, tamen moraliter est quasi unum cum illo, quatenus est res Dei, filius, & servus. Sic enim in hominibus non censeatur esse inter patrem, & filium, Dominum, & servum tam perfecta distinctio, seu alteritas, quanta ad propriam iustitiam necessaria est; idem ergo est in homine respectu Dei, ut bene notavit D. Th. 2. 2. q. 57. art. 3. & 3. p. q. 83. art. 5. Alia conditio iustitiæ, in qua maxime deficit religio, est in constituenda æqualitate: nam homo propter infirmam conditionem suam comparatione Dei, & quia quidquid est, vel habet, totum est Dei, ideo non potest debitum Deo cum æqualitate reddere: ergo deficit religio a proprietate iustitiæ. Immo concludit hæc ratio, si attente consideretur, nullam virtutem, per quam homo reddat debitum Deo, posse esse veram, ac propriam iustitiam in illo sensu, quia necesse est, ut in omni tali virtute duæ illæ conditiones deficiant. Unde etiam sequitur, nullum actum virtutis, quo homo reddit debitum Deo, posse esse elicatum ab aliqua ex illis tribus propriis iustitiis, quas inter homines esse posse diximus, quia illæ virtutes cum veram æqualitatem de se constituent, non attingunt Deum. Et ita primo, & per se differt religio a propria iustitia, quod iustitia propria, & humana versatur inter homines, religio autem per se respicit debitum Deo.

Prima assertio.

11 Contra hanc assertionem referri potest Durandus in 4. d. 14. q. 2. ubi vult, poenitentiam, quatenus Deo reddit satisfactionem, esse propriam iustitiam, eandem nimirum commutativam, quæ inter homines versatur. Quod si verum est, inde concludi potest, illum defectum in religione inventum non obstare, quo minus illa sit propria iustitia, & eadem cum humana. Et ratio reddi potest, quia debitum ad Deum satis rigorosum est, non minus, quam ad hominem. Unde differentia illa, quod persona, cui redditur debitum, sit homo, vel Deus, materialis videtur, quantum spectat ad formalitatem debiti. Quod autem homo non possit reddere æquale, etiam videtur accidentarium ad essentiam virtutis: quia virtus non respicit effectum, sed affectum, ut dixit D. Th. dicta quæ 81. art. 6. ad 1. Nam etiam ipsa iustitia commutativa sæpe non potest solvere æquale ex defectu facultatis, & nihilominus ejusdem virtutis, & honestatis actum elicit dando affectum solvendi, quantum quis potest, etiam si non sit tantum, quantum debet. Ad hoc autem etiam religio inclinatur, nam si non reddit æquale, non est ex parte affectus, sed ex impotentia subjecti, ex qua non variatur ratio virtutis. Quod si hæc duo servantur, non potest deesse sufficiens ratio ad alterum, quia verum debitum, & vera solutio non potest esse nisi

Obiectio Durandi contra propositum assertur.

nisi inter personas diversas, vel secundum rationales naturas. Et licet inter eas intercedat aliqua habitudo filii, vel servi, &c. illa est quasi materialis, & solum facit quasi metaphoricam unitatem, quæ non excludit propriissimam distinctionem, & alteritatem; ergo non potest impedire proprietatem iustitiæ.

Confirmatio 12 Potestque hæc difficultas augeri auctoritate D. Thom. 2. 2. q. 79. ar. 1. ubi docet, hæc duo, *declinare a malo, & facere bonum*, speciali quadam ratione (quam ibi explicat) esse integrales partes propriæ iustitiæ generalis, vel specialis, ut in corpore articuli distinge declaratur; & tamen subdit ibidem: *Ad iustitiam generalem pertinet facere bonum debitum in ordine ad communitatem, vel ad Deum*, vel vitare malum oppositum. Sentit ergo, virtutem, quæ reddit debitum Deo, esse propriam iustitiam, sicut iustitia generalis est propria iustitia, ut diximus.

Obiectio 13 Respondeo, sententiam Durandi de poenitentia esse falsam, & communiter reprobata, ut in proprio locotate ostendi. Et certe Durandus ipse non consequenter loquitur, nam in 3. d. 9. q. 1. ex eodem principio docuerat, religionem deficere a propria, & perfecta ratione iustitiæ; tum quia homo est aliquid Dei, cui per religionem debitum reddit, tum etiam quia non potest illi reddere æquale. Et hoc confirmatur ab eo exemplo pietatis, quæ est ad parentes: nam propter similes causas distinguitur a propria iustitia. Unde ad rationem a nobis factam libenter admittimus, debitum religionis in tota latitudine sua rigorosius esse, quam debitum iustitiæ commutativæ: ac subinde ex eo capite non descendere a rigore iustitiæ, sed fortasse excedere, ut in sequenti assertionem dicam. Nihilominus (quidquid sit de illo rigore) dico, ex hoc capite posse sufficienter distinguere religionem ab omni humana iustitia, ut D. Th. in locis citatis ex 2. 2. satis indicavit. Et ratio est, quia debitum illud ad Deum est alterius ordinis ab omni humano debito: si ve respiciamus excellentiam Dei in, qua fundatur, si ve dominium, & superioritatem Dei in homines, si ve quemcumque alium particularem titulum, in quo possit tale debitum fundari.

**Secunda pars ob-
jectionis
expedietur** 14 Unde ad aliam partem de æqualitate dicitur, quando impotentia reddendi æquale non nascitur ab intrinseco, sed ex debiti magnitudine, seu quantitate materiali, & quasi homogenea, tunc habere locum obiectionem factam; secus vero esse quando impotentia ab intrinseco nascitur, id est, ex debiti excellentia, quod est alterius ordinis, & ex conditione personæ, quia vel nihil habere potest proprium respectu illius, cuius est debitor, vel quia quo magis conatur reddere, eo magis crescit debitum, quia debitum est quasi transcendente respectu omnium operum talis debitoris ad talem creditorem comparati. Tunc enim impotentia reddendi æquale ostendit plane singularem naturam illius virtutis, quæ tale debitum reddit, longe diversam a iustitia, quæ per se potest reddere æquale, & solum per accidens interdum non potest. Unde licet verum sit, virtutem magis respicere affectum, quam effectum: tamen etiam inclinatur ad effectum proportionatum objecto, seu debito ex natura sua talem conditionem habenti: atque ita responsum est ad ultimam partem. Nam diversa conditio ad alterum tunc confert ad variandam rationem virtutis, vel iustitiæ, quando ratione illius oritur diversa ratio debiti, vel intrinseca impotentia reddendi æquale, & ita contingit inter Deum, & hominem, ut explicatum est.

Ad D. Th. 15 Ad testimonium D. Th. respondeo in primis, D. Th. accepisse iustitiam non proprie, sed late, ut dicitur de omni virtute, quæ versatur circa operationem, & non per se circa passionem. Hoc patet ex solutione ad 1. ubi ait, illas duas partes, *Declinare a malo, & facere bonum*, quæ generales videntur, speciali ratione appropriari iustitiæ, & non aliis virtutibus moralibus: *Quia alia virtutes morales* (inquit) *consistunt circa passionem*: ergo intelligit, partes illas appropriari iustitiæ, ut adæquate distinguitur a virtutibus, quæ consistunt circa passionem, alias inadæquate esset ratio, & in rigore falsum in ea assumeret. Unde quod in corpore art. numeret iustitiam specialem, & gene-

ralem, & religionem, gratia exempli accipiendum est; potuisset enim, si voluisset, alia adiungere, ut pietatem, quæ facit bonum reddendo debitum parenti, & declinat a contrario malo. Unde cum D. Th. ibi dicit, ad iustitiam generalem pertinere facere equitatem in ordine ad communitatem, vel ad Deum, probabile est sumere iustitiam generalem non pro sola iustitia legali; alias illam confunderet cum religione, sed largius, prout includit partes potentiales iustitiæ. Adde tandem, ibi insinuasse D. Th. religionem habere quamdam maiorem proprietatem iustitiæ, quam habeant reliquæ virtutes annexæ religiosæ iustitiæ, ut in sequenti assertionem declarabo.

16 Dico ergo secundo: Religio in ratione debiti, quod Deo reddit, magis rigorosa iustitia est, quam ipsamet propriissima, & perfectissima iustitia, & quam omnes alie partes potentiales iustitiæ, quæ extra Deum versantur, a quibus proinde essentialiter differt, unde non tantum metaphorice, sed cum quadam proprietate iustitia ad Deum dici potest. Ad explicandam, & probandam hanc assertionem adverto, inter virtutes circa operationes, seu ad alterum, quæ ponuntur potentiales partes iustitiæ, posse discrimen quoddam considerari; nam quædam illarum reddunt proprie debitum, non minus, vel interdum magis rigorosum, quam iustitia propriissima: alie vero solum reddunt debitum large sumptum, & interdum largissime. Hoc significavit D. Th. 2. 2. q. 80. dum distinxit duo membra illarum virtutum. Unum est earum, quæ deficient in equalitate, alterum illarum, quæ deficient in ratione debiti: sub priori membro ponit primo loco religionem, secundo pietatem, tertio observantiam: sub posteriori autem membro ponit veritatem, gratitudinem, gratiam, vindicationem, prout sine iniustitia fieri potest privata auctoritate, liberalitatem etiam, affabilitatem, & amicitiam. Sentit ergo, virtutes sub priori membro contentas non deficere a perfecta ratione debiti: immo statim declarat illas reddere debitum morale, & legale, ac necessitatis: nam de cæteris in secundo membro contentis dicit reddere debitum morale tantum. Quod ulterius subdistinguit, nam quoddam dicit esse necessarium ad honestatem virtutis, quale dicit esse in tribus illis nempe veritate, gratitudine, & vindicatione; aliud esse tantum congruentiæ, seu ad melius, ut in affabilitate, & similibus, quas parum dicit habere de ratione debiti.

17 Ex hac doctrina constat ex mente Div. Thom. religionem non deficere a proprietate iustitiæ ex parte debiti. Quod autem excedat ex genere suo, probatur facile, quia excellentius est dominium divinum, quam humanum, quodcumque illud sit, & gravior est injuria facta Deo, quam homini, & promissio facta Deo majus debitum legale, & morale inducit, quam facta homini. Confirmatur. Quia pietas proprie dicta, prout est virtus, quæ reddit parentibus debitum, excedit iustitiam in ratione debiti ex suo genere, nam conjunctio major ex se non debet minuire obligationem debitoris, nec jus creditoris, sed potius augere. Unde recte dixit Cajetan. 2. 2. quest. 57. art. 4. inter patrem, & filium non esse proprie jus, sed esse plusquam jus. Et in eandem sententiam Soro inclinat lib. 1. de Justit. quest. 1. art. 4. ubi dixit, licet inter patrem, & filium minuatur ratio iusti, non tamen minui rationem debiti, sed augeri. Et addit (quod hic nos intendimus,) multo magis hoc convenire homini respectu Dei. Et merito, nam quo major est excellentia, & beneficentia Dei, quam parentum, eo majus est debitum honorandi, & colendi Deum, quam parentes. Et ideo dixit Christus Luc. 4. *Si quis venit ad me, & non odit patrem, & matrem, &c. propter me, non est me dignus*. Ergo debitum, quod religio respicit, superat debitum pietatis. Propter quod dixit Ambrosius in c. 12. Luc. *Necessitas tui generis divine religionis pietas antefertur*. Si ergo pietas in ratione debiti superat iustitiam, multo magis superabit religio.

18 Atque inde tandem efficitur, religionem superare in ratione debiti omnes alias virtutes, quæ sunt ad alterum extra Deum; nam omnes illæ inferiores sunt pietate in ratione debiti, & quia ratio sumpta ex di-

Secunda
assertio.

Probatur
1 pars as-
sertio.

2 Assertio
nis pars
confirmatur.

Tertia
pars assertio-
nis ratio-
nabilis.

ex divina excellentia de omnibus concludit. Addidi autem limitationem illam *Extra Deum*, ut abstinentiam a comparatione religionis cum obedientia, & penitentia, quæ aliquo modo Deum respiciunt, & debitum illi reddunt, in quibus non habent locum rationes factæ, & ideo peculiari comparatione indigent, quam sequenti capite faciemus. Hinc vero satis per se constat altera pars assertionis, nimirum, distinguere religionem specie essentialiter a virtutibus omnibus, quæ versantur circa operationes ordinatas ad alterum extra Deum, ut sunt partes potentiales iustitiæ: tum quia ratio debiti in omnibus est diversæ rationis, ut ostendimus; tum etiam quia eo ipso, quod Deum proxime non attingunt, differunt a religione in objecto formali, & magna ex parte in materiali.

Debitum
sive præse-
rendum
debitum
religionis
debitum ju-
stitiæ.

19 Una vero gravis, & moralis difficultas ex hac comparatione oriebatur. An propter solvendum debitum ex religione prætermittendum sit debitum ex iustitia, vel ex pietate, aut alia simili virtute. Nam ex dictis videtur sequi pars affirmativa. In contrarium vero est, quia non potest quis iuste omittere solutionem debiti, ut sacrificet Deo, nec patrem in necessitate relinquere, ut religiosus fiat, nec relinquere sponsam, ut votum castitatis impleat. Sed hæc quaestiones, quæ gravissimæ sunt, non sunt hic obiter transigendæ. Omittamus ergo illas in propria loca, quæ partim occurrunt in materia de voto, partim in materia de statu religioso, partim ad alios tractatus pertinent.

Brevis re-
solutio.

20 Nunc dico breviter, aliud esse loqui de obligatione negativæ præcepti, aliud de affirmativi. De priori verum est, nunquam esse agendum contra religionem, hoc est contra Dei honorem, & gloriam propter servandum, vel solvendum iustitiæ, vel pietatis humanæ debitum: & hoc probat illatio facta, quia divinus honor omni rei creatæ præferendus est. De posteriori autem obligatione dicendum est, non semper esse præferendum religionis opus aliis obligationibus: nam in primis si religionis actus tantum sit in consilio, & alias sit obligatio necessitatis, & ex præcepto, clarum est, præferendam esse. Deinde præceptum affirmativum religionis non solum humanum, sed etiam divinum, quod obligat, quando aliæ circumstantiæ, vel obligationes non occurrerent, cessat scire, & desinit obligare pro tali tempore propter obligationes alias iustitiæ, vel pietatis occurrentes; vel quia illæ magis urgent, & obligatio religionis potest in aliud tempus differri; vel quia, stantibus talibus obligationibus, aut circumstantiis, deest materia apta ad colendum Deum. Quia non vult Deus coli bonis alienis, sed propriis, nec cum alterius iniuria, vel damno gravi: sed de hac re (ut dixi) latius in sequentibus dicemus.

Religio quo-
modo sit
propria
iustitiæ.

21 Tandem ex dictis colligitur ultima pars proposita in assertionem, nimirum, religionem esse aliquo modo propriam iustitiæ, nam licet non sit cum illa exacta ratione, quæ in iustitia humana reperitur, & explicata iam est, est tamen cum ea proprietate, quæ ad metaphoram excludendam satis sit. Quod annotarunt in 22. Aragon. quæst. 58. artic. 3. post 2. conclusionem, & Salon. quæst. 57. artic. 4. & quæst. 58. artic. 5. Eamque sumo ex Div. Thom. in dicta quæst. 80. Nam postquam dixit, religionem, (idemque est quoad hoc de pietate, & observantia) non deficere a proprietate iustitiæ in ratione debiti, subdit, hoc debitum esse legale, quod pertinet (ait) *Ad principalem iustitiæ*, ubi per *principalem iustitiæ* non intelligit solum iustitiæ propriissimam specialem, & legalem. Nam etiam religioni attribuerat, quod reddat tale debitum proprium, & (ut sic dicam) rigorosum: ergo comprehendit sub illa principali iustitia omnes virtutes, quæ reddunt proprium, & principale debitum; ergo religio est quædam principalis iustitia, atque adeo propria iustitia, licet non exacta modo iam explicato.

22 Unde insinuat Div. Thom. ibi alium modum dividendi iustitiæ communissime sumptam pro virtute, quæ versantur circa operationes ad alterum. Nam quædam est principalis, & propria, ut est om-

nis illa, quæ reddit proprium, & rigorosum debitum; alia magis metaphorica. Et utraque subdividitur, nam propria iustitia, quædam est exacta, & rigorosa, quæ jam vocatur simpliciter iustitia; alia est, quæ deficit in ratione ad alterum, & æqualitate constituenda, & sub hoc genere primum locum tenet religio. Aliud item membrum subdividi potest in eam, quæ reddit debitum morale necessarium ad honestatem morum, & in eam, quæ solum habet congruitatem, seu decentiam absque necessitate. Estque consentanea hæc divisio, & doctrina alteri doctrinæ D. Thom. 1. 2. qu. 60. art. 3. ubi docet, ex ratione debiti distinguendas esse iustitias; ergo ubi in objecto virtutis ad alterum fuerit vera, & propria ratio debiti, ibi salvatur propria, & vera iustitia, etiam si in aliis conditionibus non attingat omnimodam æqualitatem, & proprietatem iustitiæ. Ubi autem ratio debiti fuerit quasi metaphorica, erit etiam metaphorica iustitia.

Due condi-
tiones
ad rigoro-
sam iustiti-
am quomo-
do in
religione
reperiuntur.

23 Neque huic proprietati iustitiæ obstant defectus illi in æqualitate constituenda, vel in respectu ad alterum, quia neuter defectus tantus est, ut excludat sufficientem proprietatem in utraque conditione, licet non cum exactissima ratione. Nam æqualitatem facit, quantum potest, & quantum Deus a debitore prudentissime exigit, & hoc satis est ad propriam quamdam æqualitatem, licet non summam. Et quoad hoc juvat objectio supra facta, quod laus virtutis in voluntate, non in potestate consistat, ut dixit D. Thom. dicta quæst. 81. art. 6. ad 1. Quod vero spectat ad aliam conditionem, etiam constat, inter Deum, & homines esse propriam habitudinem ad alterum, ut supra etiam in quadam objectione tactum est. Et licet ex aliis conditionibus minuatur hæc ratio ad alterum, id quidem satis est, ut religio non sit exactissima iustitia, non vero ut non sit propria, ut a metaphorica distinguitur. Denique illa conditio ad alterum in tantum necessaria est, in quantum ad verum debitum, & solutionem ejus per aliquam operationem est necessaria; ad hoc autem sufficit ille modus alteritatis, qui est inter homines, & Deum, ut ex dictis constat; ergo.

C A P U T V.

An religio sit virtus distincta ab omni virtute morali, quæ circa homines versatur, præsertim a Dulia.

1 **T**ota difficultas hujus quæstionis consistit in explicanda distinctione virtutis religionis ab illa virtute, quæ colimus Sanctos: (nam de cæteris non est difficultas, ut ex dictis facile constat.) Ratio autem difficultatis est, quia ex dictis sequitur, virtutem religionis, quæ colimus Deum, essentialiter distinctam esse a virtute, quæ colimus Sanctos, quæ Dulia specialiter appellatur, consequens autem videtur difficile. Sequela patet, quia dictum est, religionem esse quamdam iustitiæ respectu Dei, quæ essentialiter distinguitur ab omni iustitia propriissima, vel potenti, quæ versatur circa operationes ad alterum creatum, qualis est Dulia. Minor autem probatur primo, quia una est charitatis virtus, quæ Deum, & proximum diligimus; ergo una est virtus religionis, quæ Deum, & proximum colimus. Probatur consequentia, quia sicut diligitur Deus per se, & homo propter Deum, ita etiam colitur Deus propter se, & Sancti propter Deum; vel sicut coli possunt Sancti propter suam sanctitatem creatam, ita etiam possunt amari propter virtutem creatam, ac supernaturalem, quam in se habent: ergo sicut est una charitas ad Deum, & Sanctos, ita & una religio. Secundo fieri potest argumentum de virtute obedientiæ: nam una est tantum virtus, per quam Deo, & hominibus superioribus nobis obedimus; ergo est etiam una virtus, quæ utroque colimus; sed per Duliam colimus superiores homines; ergo religio non est alia virtus ab illa.

Prima du-
bitandi
ratio.

2 Circa hanc difficultatem Marfil. in 3. quæst. 8. art. 1. ad 1. opinatur, eandem esse virtutem, quæ co-

limus

Maestlii
sententia
existiman-
vis eadem
nos virtu-
te colere
Deum, &
Sanctos.

linus Deum, & Sanctos: licet diversa nomina habeat secundum inadæquatos conceptus suos, nam prout colit Deum, vocatur religio, prout Sanctos, vocatur Dulia, sicut etiam eadem Dulia vocatur Hyperdulia, prout colit quosdam excellentes Sanctos. Et iuxta hanc sententiam facilis est responsio ad primam difficultatem, concedendo totum, quod infertur. Immo ex illa difficultate fortasse nata est hæc opinio, argumento sumpto a paritate rationis. Quia vero argumentum hoc ab extrinseco sumptum est, per locum intrinsecum potest reddi ratio, quia totus Sanctorum cultus est respectivus ad Deum. Ubi autem est unum propter aliud, ibi est unum tantum. Sed dicit aliquis, hoc solum esse verum de illo cultu, quo in Sanctis adoratur Deus principaliter, & Sancti sunt solum, ut materia, vel locus, in quo adoratur Deus, de quo cultu verum est esse a virtute religionis, negari autem non posse, quin Sancti, ut tales sunt, aliter colantur propter intrinsecam, & supernaturalem dignitatem, quam in se habent: immo communi, & morali usu hoc tantum modo colendos esse, ut alibi diximus, hic autem cultus non videtur respectivus. Sed contra, nam illa etiam posterior adoratio Sanctorum respectiva est. De illa enim loquuntur Sancti, cum dicunt: *Qui colit martyrem, Deum ipsum colere*, ut ex Leoncio in quodam dialogo, & ex Germano in epistola ad Joannem refertur in 7. Syno. Actor. 4. & ita etiam loqui solent alii patres, ut ex propria materia constat.

Superior
sententia
exemplis
probat.

3 Ratio vero est, quia ipsa sanctitas, quæ est per gratiam, natura sua est respectiva ad Deum, nam est participatio quædam divinæ naturæ, & filium Dei constituit. Ideoque sicut honor exhibitus filio regis, etiam si ad filium ipsum vere terminetur propter dignitatem, quæ revera in ipso est, nihilominus est respectivus ad patrem, & in eum aliquo modo redundat, ita honor Sancti, ut sic, natura sua tendit in Deum, non solum tanquam in ultimum finem, quomodo tendunt in eum omnia opera, eo ipso quod honesta sunt: sed speciali quodam modo tanquam in objectum aliquo modo conjunctum. Hic enim modus conjunctionis videtur sufficiens ad unitatem habitus virtutis; sicut in exemplo posito conjunctio inter patrem, & filium satis est, ut ab eodem habitu procedat utriusque honor. Item legatus regis, licet in se vere adoretur propter dignitatem, quam in se habet, videtur nihilominus colere ex vi ejusdem virtutis, qua colitur princeps, cujus legatus est. Et pontifex, quatenus Vicarius est Christi, colitur quidem per se, & propriissime, ut persona digna tali honore propter dignitatem, quam in se vere habet, & nihilominus satis verisimile est, colere ex vi ejusdem virtutis religionis, qua Christus ipse colitur, quia semper est respectivus aliquo modo cultus ille. Quia ex vi illius virtutis, qua colitur Christus, inclinatur quis ad colendum Vicarium ejus, & illa virtus est sufficiens ad vincendam totam difficultatem, quæ est in illo actu; ergo non est necessaria alia virtus.

Prima at-
ferentia. Re-
ligio di-
stinguitur
re ipsa, &
essentia a
Dulia, &
ab omni a-
liavirtute
quæ respi-
cit rem
creatum.

4 Nihilominus communis sententia est, religionem esse virtutem re ipsa, & essentia distinctam a virtute Dulia, & omni alia, quæ reddit cultum personæ creatæ. Hæc sententia est Div. Thom. 2. q. 85. art. 4. & quæst. 103. artic. 3. & communis Theologorum in 3. d. 9. Bonav. Alber. Durand. Richard. Gabr. & aliorum, & Alens. 3. part. quæst. 30. m. 1. artic. 1. §. 2. ubi utitur nominibus *Latria*, & *Dulia*, tamen perinde est, nam *Latria* idem est, quod religio, ut ex Div. Thom. constat, 2. 2. quæst. 84. art. 1. & ex communi usu. Item Concilia, & Patres, quando communiter docent, Deum solum coli *Latria*, Sanctos Hyperdulia, indicant distinctionem inter has virtutes, saltem quoad actus ipsos, maxime quoad internos, & quoad intentiones, sub quibus cultus Deo, & Sanctis deferretur. Nam in externis actibus sæpe potest esse similitudo, & convenientia, ut constat ex materia de adoratione, intentio autem est, quæ moraliter, & formaliter cultus distinguit. Ergo distinguuntur religio, & Dulia in primariis actibus suis, & internis affectibus; ergo etiam habitus distincti sunt. Probatur consequentia, quia distinctio inter illos

actus non qualiscumque est, sed ex objectis formalibus primo diversis desumitur, sine intrinseca connectione, & habitudine eorum inter se; habitus autem, & virtutes distinguuntur solent ex hujusmodi actibus, & objectis. Unde Alens. ex differentia, quæ est inter excellentiam increatam Dei, & excellentiam cujuscumque creaturæ, colligit differentiam harum virtutum, Div. Thom. vero ex diversa ratione debiti, quia debitum respectu Dei est longe alterius ordinis, quam respectu creaturæ. Quam etiam rationem tetigit Alens. in solut. argumentorum. Totum vero fundamentum est in diversitate excellentiæ; nam inde accipit religio totam excellentiam, & ut ita dicam, singularitatem suam: & inde etiam variatur ratio debiti.

5 Ut autem hæc ratio magis explicetur, & solvatur ratio ostensiva in contrarium facta, advertendum est ex superius dictis circa actus, & objectum religionis, non esse de ratione religionis, ut non colat, aut veneretur nisi solum Deum, aut personas increatas; potest enim interdum proxime versari circa rem, vel personam creatam, tanquam in materia immediata, quam veneratur, vel colit; sed de ratione illius esse, ut semper immediata ratio colendi aliquid, quidquid illud sit, sit excellentia increata ipsiusmet Dei, quomodocumque ad illam applicetur, id est, sive intrinsece, ut divinis personis, ac divinitati, sive extrinsece per aliquam habitudinem ut rebus sacris, & ipsi Deo immediate consecratis, ut tales sunt. Omnis ergo cultus, qui neutro ex his modis fundatur immediate in excellentia increata, sed in aliqua creata, non pertinet ad religionem, sed novum genus virtutis moralis requirit. Cultus autem Dulia, qui tribuitur Sanctis, non fundatur immediate in excellentia increata, sed in illa participatione creata excellentiæ, quæ illis communicata est, ut ex materia de adoratione constat. Non pertinet ergo elicitive ad religionem, sed propriam virtutem requirit.

Cultus
qui fundat-
ur in ex-
cellentia
creata, &
quamvis
applicata
ad rem
creatam
pertinet
proprie ad
religionem.

6 Neque verum est, cultum hunc, seu adorationem Sanctorum respectivum esse proprie, & formaliter, sicut est cultus imaginum, vel rerum sacrarum, sed solum virtualiter, seu largo modo dici potest respectivus, quia qui Sanctos veneratur, virtute colit Deum, qui de suorum Sanctorum honore gaudet, & illum nobis commendat, & ita loquuntur interdum Patres, sicut Christus dixit: *Quandiu fecisti uni ex his fratribus meis minimis, mihi fecisti*. Nec gratia creata est talis, ut solum sit adorabilis ex denominatione aliqua, vel habitudine ad excellentiam increatam Dei, sed ipsa in se est quædam absoluta excellentia, quæ formaliter reddit dignam honore, & cultu personam, cui inest. Sicut natura ipsa rationalis, vel intellectualis, licet creata, reddit personam aliquo honore dignam. Neque honor in illa fundatus potest dici formaliter respectivus ad Deum, eo quod natura illa sit ad imaginem Dei, & participatio quædam intellectualis gradus per essentiam, qui in Deo est; quia ille honor non fundatur proxime in illo respectu formali, neque in termino ejus, sed fundatur in absoluto esse, & perfectione talis naturæ. Idem ergo est in altiori veneratione, quæ fundatur in excellentia gratiæ creatæ: nam licet illa in se sit participatio divinæ naturæ, & perfectior quædam similitudo ejus, quam sit sola rationalis natura: nihilominus suum absolutum esse habet, ac intrinsecam excellentiam, quæ est fundamentum illius honoris.

Cultus Du-
lie nomi-
est forma-
liter res-
pectivus,
sed virtua-
liter tan-
tum ad in-
creatam
excellen-
tiam.

7 Ad exemplum autem de patre, & filio, suppono in primis, non esse sermonem de illis formaliter, ut relativa sunt: quia vel relationes ipsæ formaliter sumptæ non sunt rationes adorandi, vel si ita sumuntur, non erit exemplum ad rem, quia gratia non est ratio cultus propter relationem, ut relatio est, sed propter absolutam perfectionem suam. Sic ergo loquendo de filio, prout habet absolutam naturam, quam a patre accepit, respondeo, si sermo sit de filio naturali, esse longe diversam rationem, quia inter talem patrem, & filium est quædam æqualitas, & ideo mirum non est, quod eorum veneratio ad eandem virtutem pertineat: sic autem gratia creata non facit filium, sed longe inferiori, & quasi metaphorica ratione.

Superioris
sententia
exempla
non con-
vincunt.

tionem. Si autem sit sermo de filio adoptivo inter homines, sic etiam non tenet similitudo, quia illa filiationem non confert absolutam, & intrinsecam perfectionem, sicut confert gratia, & adoptio divina: & ideo si aliqua veneratio talis filii in ea fundatur, illa magis est respectiva, de qua potest esse questio, ad quem habitum pertineat. Idemque est de aliis exemplis, legati regis, & Vicarii Christi, illæ enim dignitates nullam realem perfectionem, vel physicam excellentiam addunt personæ; & ideo in illis exemplis adoratio videri potest magis respectiva, & pertinere ad eundem habitum cum cultu regis, vel Christi. Nihilominus tamen contrarium forte est etiam probabilius in illis exemplis, quia in illa persona est propria excellentia, & moralis dignitas, quam sufficit ad fundandum honorem absolutum diversæ rationis. Sed de hoc alias, ad præfens enim non refert, quia ut dixit excellentia gratiæ creatæ multo magis absoluta est, magisque intrinseca. Unde cum diversam rationem absolutam excellentiæ habeat, per se etiam habet propriam honestatem, propriamque difficultatem, quæ requirit propriam virtutem. Quia licet religio possit imperando juvare ad illum actum, non tamen per se elidere.

Prima difficultas ratio in intro posita de exemplo charitatis expeditur

8 Superest vero, ut ad primam difficultatem ex exemplo charitatis desumptam respondeamus; quæ difficultas expeditur non potest, nisi prius examinando veritatem exempli de unitate charitatis erga Deum, & proximum, quod ex professo tractare, videtur ab hoc loco extraneum, tamen ut difficultas expediatur, attingemus tantum, quod videbitur necessarium. Quidam ergo moderni superati illa difficultate fatentur, esse omnimodam rationem de charitate, & de religione. Nam sicut duobus modis potest coli Sanctus, ita etiam duobus modis potest amari proximus, & sicut cultus Sanctorum uno modo factus est a virtute religionis, alio vero modo requirit virtutem distinctam. Ita amor proximi uno modo exercitus est ab eadem virtute charitatis, qua diligitur Deus, alio vero modo postulat distinctam virtutem, quæ amicitia, vel beneficentia, aut specialis charitas proximi dici potest: ergo nulla est differentia. Antecedens totum, quoad eam partem, quæ ad cultum spectat, in superioribus declaratum est. Nam Sancti (secluso periculo) adorari possunt non propter se, sed ut imagines, & templa sunt Spiritus sancti, qui in eis adoratur tanquam in sua peculiari imagine, ac sede. Et hic cultus ad religionem, qua Deus ipse colitur, pertinet ex omnium sententia, ut patet ex D. Thom. 3. part. quæst. 25. art. 3. ad 3. Cajetan. ibi, & 2. 2. quæst. 103. artic. 3. ad 4. Alenf. 3. part. quæst. 30. m. 3. art. 2. §. 1. Albert. in 3. dist. 9. ar. 4. ad 2. & 3. Vuald. tom. 3. cap. 154. & latius a nobis dictum est in citato loco 3. part. Alio vero modo magis proprio, & usitato adorantur Sancti propter intrinsecam dignitatem creatam, & excellentiam gratiæ, quam habent, & ita coluntur propria virtute Dulciæ distincta a religione.

9 Quoad alteram vero partem declaratur assumptum. Quia charitas per se primo est amicitia ad Deum, cui ex vitalis amicitiae volumus non solum bona intrinseca ejus, sed etiam extrinseca, ex quibus unum est, quod in hominibus honoretur, & glorificetur. Sic ergo possumus uno modo amare proximo omne bonum, etiam supernaturalem gratiam, & gloriam ex affectu immediato, & formali ad ipsum Deum, cujus bonum, id est, honor, & gloria reputatur totum illud, quod proximo amatur, seu proximus ipse, ut talibus affectibus bonis. Alio vero modo potest diligere proximus ex sola benevolentia, & complacentia ipsius, volendo illi bonum quodcumque, etiam supernaturale, & Deum ipsum ob ipsiusmet proximi commodum, ut sic dicam, sistendo in ipso tanquam in proximo, & formali objecto, licet nunquam excludatur relatio ad Deum tanquam ad ultimum finem. Quæ distinctio amorum videtur per se manifesta, quia in illis objectis cernitur illa duplex ratio amandi, & nihil repugnat ita exerceri, immo usu videtur compertum ita fieri. Primus ergo amor non est amor amicitiae ad proximum, sed ad Deum: nam

per illum actum Deo ipsi volumus bonum propter ipsum, proximo autem non ita, sed volumus illi bonum, ut sit suo modo quoddam bonum ipsius Dei: & ita ibi potius amatur proximus amore concupiscentiæ comparatione ad Deum. Et ideo ille amor ab ipsamet charitate Dei elicitus est, & hic correspondet primæ adorationi Sanctorum, quæ est ex eadem religione Dei. Secundus vero amor est amicitiae ad proximum, nam ex complacentia ad personam ejus illi volumus omne bonum; quod per illum actum volumus: unde etiam si illi velimus charitatem ipsam, & Deum, non est amor amicitiae ad Deum, sed tantum concupiscentiæ, quia illo actu non volumus Deo bonum propter ipsum, sed potius volumus Deum ipsum proximo, ut bonum ejus, sicut gratia ipsa, vel charitas amatur hic ex concupiscentiæ amore comparatione proximi. Ergo talis amor non est ex charitate Dei elicitus, cum non sit amicitia ad ipsum: ergo necesse est, ut ad aliam virtutem pertineat, quæ per se, & adæquate, ut sic dicam, versetur circa proximum, ut circa personam per se amatam, quæ propterea vocari poterit beneficentia, vel amicitia humana. Et hic amor respondet proprie Dulciæ sanctorum, & ita nulla relinquitur differentia inter illas virtutes in pluralitate, vel unitate earum circa Deum, & proximum.

10 Potestque hæc sententia attribui Durando in 3. d. 9. qu. 3. ad 1. nam respondens argumento facto de comparatione inter cultum sanctorum, & amorem proximi respondet: In charitate non esse aliam formalem rationem diligendi Deum, & proximum, quia per charitatem diligitur Deus per seipsum, & proximus solum propter Deum. Et ideo est una charitas; & subjungit: Amicitia autem, per quam diligitur proximus propter aliquam aliam rationem, quam propter relationem, quam habet ad Deum, differt a charitate secundum speciem. Et huic posteriori amicitiae significat esse similem cultum Sanctorum, quia fundatur in propria eorum excellentia, ut est distincta ab excellentia Dei. Alterius vero modi colendi Sanctos mentionem non facit, quia neque est, neque esse debet usuratus. Atque hoc modo videtur respondisse ad idem argumentum D. Thom. 2. 2. qu. 103. art. 3. ad 2. Dicendum est (inquit) rationem diligendi proximum esse Deum. Non enim per charitatem diligimus in proximo nisi Deum, & ideo eadem charitas est, qua diligitur Deus, & proximus. Sunt autem alia amicitia differentes a charitate secundum alias rationes, quibus homines amantur. Et his posterioribus amicitias dicit comparari Dulciam, non priori amori, in quibus verbis illa exclusiva maxime ponderanda est: Per charitatem non diligimus in proximo, nisi Deum. Nam inde videtur colligi, amorem charitatis circa proximum observare tantum proportionem cum illo cultu proximi, quo solus Deus per se colitur in proximo, seu in homine, & ita in his servari proportionem, neque esse necessarium alias differentias inquirere inter charitatem, & religionem.

Proposita sententia Durando adscribitur.

11 Nihilominus Theologi communiter differentiam aliquam quoad unitatem, vel distinctionem assignare conati sunt inter charitatem, ut versatur circa Deum, & proximum, & religionem, ac Dulciam, ut versatur circa Deum, & Sanctos, ut patet ex Divo Thom. 2. 2. quæst. 25. artic. 1. ad 2. & q. 81. artic. 4. ad 3. Alenf. dicta quæst. 30. memb. 1. artic. 1. §. 2. ad argum. Bonav. in 3. d. 9. artic. 2. quæst. 4. ad 2. Albert. ibid. artic. 6. ad 1. Richard. artic. 3. quæst. 1. ad 1. & in 3. d. 27. & 28. Ubi etiam Argent. qu. 1. art. 1. in fin. & artic. 3. & 4. Durand. quæst. 1. Scor. Gabr. Richard. Albert. ibi. Quorum sententiam ego veram existimo, licet non sit facilis ad explicandum, & probandum. Ut autem hoc utrunque præstemus, pauca de charitate, ut est una circa Deum, & proximos, præmittenda sunt. Quod enim sit aliquo modo una dubitari non potest: quia Scriptura hoc satis significat, cum de charitate, ut de una virtute loquitur 1. Corinth. 13. illicque tribuit dilectionem Dei; & proximi, 1. Joann. 4. Si diligamus invicem: charitas Dei in nobis perfecta est. Unde Augustin. epistol. vigesima nona expresse dicit, charitate di-

Vera sententia, in qua assignatur differentia inter charitatem, & religionem, ut versatur circa Deum, & proximum.

te diligere Deum, & proximum, idemque constanter docent Theologi. Estque totius ecclesiæ unanimi consensione ita receptum, ut negari nullo modo possit. Unde Greg. de Valento. 3. disp. 3. quæst. 3. p. 1. in fine, certum esse dixit, eadem charitate, qua diligitur Deus, diligere proximum.

12 Addo ulterius, ex charitate diligere proximum ut amicum, atque adeo amorem charitatis, ut est amor amicitiae, non solum erga Deum, sed etiam circa proximum versari. Ita docent Theologi, quos retuli. Et ratione declaratur, quia proximus diligendus est ex charitate, non autem res irrationales, ut citati Theologi recte distinguunt in hoc differentiam constituentes, quod proximum ex charitate diligimus, ut amicum, hoc enim significatur proprie illa voce ex charitate, quia charitas amicitia est, res autem irrationales amare possumus per charitatem amore concupiscentiæ illarum, ex amicitia Dei, vel proximi, non vero ipsarum, & ideo illæ non dicuntur proprie diligere ex charitate: ergo charitate diligitur proximus amore amicitiae ad ipsum.

13 Secundo, Deus amat nos amore amicitiae, licet propter suam bonitatem nos præcipue amet, & licet nos amando magis amet seipsum, quia nos amat, ut res suas, & ut media, vel materiam gloriæ suæ; ergo licet nos amemus proximum ad imitationem hujus amoris Dei ex charitate, nihilominus vere dicemus amare illum amore amicitiae. Antecedens commune est Theologorum, Div. Tho. 1. parte, qu. 20. art. 2. & 2. qu. 23. art. 1. Scotus in 3. distinct. 32. ad 2. Et ibi Capreol. in 1. distinct. 45. quæst. 1. art. 1. & aliorum. Et de illo plura dixi Relect. 1. sect. 2. m. 16. & sequentibus. Consequentia probatur ex paritate rationis, si enim in divino amore non est contra rationem amicitiae ad hominem, quod Deus sibi hominem amet, cur in amore meo ad Petrum, erit contra rationem amicitiae ad eundem Petrum, quod cum Deo amem? Nulla profecto reddi potest ratio. Idem argumentum sumi potest ex verbis Christi: *Hoc est præceptum meum, ut diligatis invicem, sicut dilexi vos*. Diligit enim nos Christus, ut vere amicos, sicut ibidem subdit: *Vos amici mei estis &c.* Jo. 15. Nec dubitari potest, quin ex charitate nos amet ut amicos, nam de se ibidem ait: *Sicut dilexit me Pater, & ego dilexi vos*. At Pater ex charitate filium diligit; ex eadem ergo nos diligit Christus illa dilectione, de qua ibidem subjungit: *Majorem hac dilectione nemo habet*. Ergo ex eadem charitate possumus, & debemus nos invicem diligere ut amicos. Et certe unitatem illam animorum, de qua legimus Act. 4. *Multitudinis autem credentium erat cor unum, & anima una*: nec negare possumus, fuisse ex charitate, nec etiam negari potest, fuisse veram, & supernaturalem amicitiam, ut ex Patribus recte ibi confirmat noster Lorinus. Charitas ergo & Deum, & proximum amat, ut amicum.

14 Tercio ita hoc ostenditur, quia amor amicitiae nihil aliud est, quam benevolentia cum redamatione, juxta Arist. 9. Eth. c. 5. sed hujusmodi est amor charitatis ad proximum; est ergo vera amicitia ad illum. Minor quoad posteriorem partem nota est, nam ita diligimus proximum, ut ab illo redamari possimus, & debeamus: unde quantum est ex hoc capite amor ille amicitiae est. Prior vero pars probatur, quia ex charitate volumus proximo maximum bonum ejus, scilicet charitatem ipsam per essentiam illi unitam media charitate participata. Et quamvis hoc etiam simul velimus, ut bonum Dei suo modo, id est, ut pertinet ad gloriæ ejus, hoc tamen non excludit, quin illud velimus vere, & proprie ipsi proximo, ut verum bonum ejus: nam hæc duo repugnantia non sunt; ut patet in ipso amore Dei, quo nostrum bonum, ut nostrum, simulque ut gloriæ suam amat. In hoc enim differt creatura rationalis ab irrationali, ut notavit D. Tho. 2. 2. qu. 25. art. 3. quod irrationalis non est capax habendi bonum tanquam proprium, quia non habet rationem, & libertatem: & ideo, licet velimus bonum creature irrationali, non tamen, ut ipsius, sed solum ut nostrum. At vero creatura rationalis est capax proprii boni propter intellectum, & libertatem, per quam potest uti

suo bono, ut proprio. Unde fit ulterius, ut sicut non est contra rationem boni proprii creature rationalis, quod sit bonum Dei, & ad hoc principaliter ordinatum, immo hoc pertinet ad perfectionem, & honestatem ejus, ita etiam non sit contra veram, & perfectam benevolentiam rationalis naturæ, velle totum ejus bonum, ut cedit in gloriæ Dei: quia nihilominus illud est velle bonum verum, ac proprium ejusdem creature, immo etiam quatenus tale est specificative, licet talis amor non ibi sistat, sed transeat in Deum. Simili ratione declaravi in dicta relectione, amorem amicitiae Dei erga nos; quia non est propter aliorum utilitatem, vel commodum, sed propter suam gloriæ, qui respectus est adeo intrinsecus, ut excludi non debeat a vero, & honesto amore amicitiae; pari ergo ratione non imminuet veram benevolentiam, & amicitiam proximorum inter se ex charitate. Quæ rationes utique probant etiam, illam dilectionem charitatis, qua proximo velimus Deum, & supernaturalia dona intuitu divinæ benevolentiae, & affectus erga Deum, esse etiam veram, & supernaturalem amicitiam, non solum Dei, sed etiam proximorum. Quanquam respectu Dei sit veluti secundarius amor (nam prior est, quo Deus in se, & propter se diligitur: respectu vero proximi est primus, & purissimus amor).

15 Hinc ulterius addo, valde probabile esse, nullam esse inter homines amicitiam per se infusam intrinsece supernaturalem ex objecto tam formali, quam materiali præter charitatem. Declaratur; nam duobus modis potest aliqua virtus esse per se infusa, uno modo ex objecto formali tantum, quia sc. in eo consideratur conformitas ad supernaturalem regulam, etiam si materia virtutis tota naturalis sit, ut contingit, v. g. in temperantia infusa; alio modo potest esse virtus infusa, quia & rationem formalem, & materiam, totumque fundamentum suum habet supernaturale, ideoque conformitas ad rationem supernaturalem in ea supernaturalis est, quia illa sola est proportionata tali materię, & non tantum, quia ad illam veluti elevetur. Suppono deinde ut probabile, homines ex natura rei esse capaces virtutis moralis amicitiae inter se, quæ naturalis sit, & acquisita. Unde etiam sit probabile, posse huic virtuti respondere in ordine gratiæ aliam virtutem infusam, quæ in illam materiam versetur sub altiori ratione, & consideratione honestatis, & conformitatis ad rationem rectam supernaturalem, de qua virtute probabile etiam erit, esse moralem tantum, & a theologo charitate distinctam: de hac ergo virtute modo non disputo, neque aliquid hujusmodi de illa affirmo, vel nego. Sed assero homines, ut per gratiam uniantur in supernaturali quadam natura, & quasi divina, ratione cujus communicant in eodem fine supernaturali, esse capaces altioris, & supernaturalis amicitiae, quam ideo voco intrinsece supernaturalem, quia totum id, in quo per se fundatur, supernaturale est, eique debita est supernaturalis ratio diligendi, ut amor proportionatus sit. Hanc ergo amicitiam censeo probabilissime esse ipsam charitatem, & non aliam virtutem specialem, ut in hoc clarius cernatur differentia inter charitatem, & religionem.

16 Probatur autem assertio; primo ex dictis, quia ostensum est, proximum amari per charitatem vero amore amicitiae: ergo superfluum est, aliam amicitiam in hoc genere multiplicare, cum hæc sufficiat ad omne officium amicitiae proximorum inter se. Deinde in eadem unitate communicatione bonorum, & sine unica tantum amicitia proportionata, & ejusdem ordinis fundatur: sed inter homines, ut elevatos per gratiam ad finem supernaturalem est unica communicatio, & quasi unitas in participatione divinæ naturæ, & beatitudinis; ergo & unica amicitia infusa. Si ergo charitas est vera amicitia infusa non solum cum Deo, sed etiam cum proximo, ut est consequens ad prædictam unitatem, & communicationem, profecto nulla alia fingenda est.

17 Tercio si esset alia, esset maxime ad amandum proximo charitatem, & alia supernaturalia dona, & Deum ipsum, ut sunt bonum ejus, in eo sistendo, ut in proximo objecto, & sine. Hoc enim genus amoris, possibile esse admittimus, esseque bonum, & honestum, quia

Inter homines amicitiam per se infusam non esse nisi charitatem.

Probat per ipsam sententiam.

Secunda probatio.

quia habet bonum objectum, & nullam malam circumstantiam. Estque talis amor pertinens ad amorem amicitiae talis personae, ut per se pater, & non est amor formalis amicitiae Dei; quia non est formalis benevolentiae ejus, etiam si virtute dici posset amor Dei, vel potius propter Deum, ut ultimum finem, quia talis actus fertur ex se in ipsum, sicut omnis bonus, & honestus amor. Nihilominus tamen asserimus, non esse necessarium, ut propter hunc actum, novam charitatem, amicitiam omnino supernaturalem ad proximum introducamus, a charitate distinctam. Probatur primo ab inconvenienti, quia talis virtus esset theologalis, & distincta a tribus communiter numeratis. Quod enim sit distincta a fide, & spe, ut manifestum supponitur; quod vero distinguatur a charitate, asseritur ab adversariis. Quod autem theologalis sit, probatur, quia immediate fertur in Deum, ut in objectum, quod diligitur, ut in finem ultimum supernaturalem proximi; erit ergo theologalis virtus, nam omnis virtus, quae attingit Deum immediate, ut proximum objectum, & finem, est theologalis, ut diximus. Quod si quis dicat, hunc finem, Deumque ipsum per talem virtutem amari proximo; hoc nihil obstat, quia solum amatur illi, ut objecto, seu fini, cui tale bonum desideratur; hoc autem non est contra rationem virtutis theologicae. Nam unusquisque etiam amat Deum sibi, ut fini cui, & nihilominus talis amor spectat ad spem virtutem theologalem, quia bonum proxime amatum, & finis, propter quem, est ipsemet Deus; ergo si milis virtus proportionata respectu proximi erit theologica, sicut spes est virtus theologica. Neque etiam refert, si quis dicat, spem esse virtutem theologicam, quia sperat illud bonum ab ipso Deo; nam simili modo amatur, & desideratur proximo; vel ergo admittenda est talis virtus theologica voluntatis a charitate, & spe distincta, vel dicendum est, amicitiam, qua volumus proximo supernaturalia bona, inter quae primum, ac praecipuum est ipse Deus, non esse aliam a charitate, qua diligimus Deum.

18 Ultimo declaratur, quia licet amor amicitiae dicatur esse ad personam, cui bonum propter se amatur, ad bonum autem, quod personae amatur, dicatur esse concupiscentia; nihilominus absolute, & simpliciter ipsa amicitia, unica, & simplex existens, utrumque amat, ut ait D. Tho. 2.2.q.25.art.3. nam ex utroque conficit sibi unum objectum, in quod simpliciter, & adaequate fertur. Quocirca cum distingui solet amor amicitiae ab amore concupiscentiae secundum realem, & essentialem distinctionem, non sumitur distinctio secundum illos tantum respectus inadaequatos eidem actui, sed per respectum ad diversas personas, quae amantur propter se, & propter bonum earum; nam quando talis amor est ad propriam personam amantem, dicitur concupiscentiae, quando vero est ad alteram, est amicitiae. Quomodo dixit Greg. hom. 17. in Evang. amorem debere esse ad alterum, ut possit & charitas, seu amicitia. At vero licet amicitiae amor in hac proprietate sumptus sit ad alterum, semper tamen supponit, ut fundamentum, vel conditionem requisitam, unitatem aliquam inter diligentem, & dilectum, seu communicationem in aliquo bono, juxta doctrinam D. Tho. 2.2. qu. 23. art. 5. & qu. 25. art. 4.

19 Hinc ergo fit, ut licet personae, quae amicitia conjunguntur, alioqui inaequales sint, si tamen uniuntur per communicationem alicujus boni communis omnibus, eadem amicitia omnes diligantur. Ita vero contingit in supernaturali amicitia inter Deum, & homines. Nam ratio primaria, & fundamentum hujus amicitiae est Deus ipse secundum se; tum quia ejus bonum propter ipsum primum per hanc amicitiam diligitur; tum etiam quia hoc bonum infinitum Dei, quatenus objectum est aeternae fruitionis, est quasi unicum centrum, in quo tota haec amicitia versatur, & terminatur. Et ideo Deus eadem charitate per essentiam, qua diligit se, etiam homines sibi amicos diligit, & in hoc nostra charitas participata divinam charitatem imitatur. Nec refert, quod participatio hujus boni, & formalis beatitudo sit inaequalis, quia hic principaliter, & formaliter attenditur ipsum bonum, quo fruendum est; reliqua vero quasi ad

illud, quae materiale potius, quam formale diversitatem faciunt. Maxime quia tota illa participatio est divini ordinis, & quodammodo ejusdem formalitatis ex parte objecti: unde licet in entitate sit diversa, non tamen ita per se constituit diversum gradum naturae creatae, ut possit aliter haberi, quam per specialem, & superadditam participationem divinitatis, & in eodem genere amoris diligitur, quo ipsa divinitas, sicut necessarium cum principali.

20 Ex quibus omnibus recte concluditur necessario constituendam esse aliquam differentiam inter charitatem, & religionem. Nam charitas ipsa per seipsam inclinat nos ad proximos, non solum, ut ad bona amici, qui est Deus, sed etiam ut ad eos, ad quos amicitiam habemus, volendo illis supernaturalia bona, ut expresse ait D. Tho. 2.2.q.25.art.2.ad 1. Religio vero per se sola, & immediate solum inclinat ad divinam maiestatem, & excellentiam, non vero ad sanctos, ut propriam quamdam excellentiam habent, sed hoc est alterius virtutis munus, scilicet, dulcia. Volens autem D. Tho. rationem hujus differentiae assignare, 2.2.q.25.art.1.ad 2. dixit: *Amorem respicere bonum in communi, honorem vero propriam excellentiam honorati.* Quae verba apparent difficilia, quia etiam amor talis respicit particulare bonum personae sic amatae. Eandemque difficultatem habet: quod ait qu. 81.art.5.ad 3. Objectum amoris esse bonum, honoris vero esse excellens: creaturae autem communicari bonitatem Dei, non vero excellentiam. Quod est difficile, quia, prout in se sunt, nec bonitas, nec excellentia divina communicatur personis creatis, secundum aliquam autem participationem ambae communicantur.

21 Possumus autem & rem, & mentem. D. Tho. ita exponere. Nam religio formaliter respicit debitum ratione excellentiae, unde ex propria ratione habet respicere excellentiam secundum illum peculiarem modum, quem habet in persona tali, & sic excellentia divina incommunicabilis est. At charitas respicit unionem amicitiae, in qua non ita formaliter consideratur ille respectus, sed absolute talis bonitas, & communicatio. Quam differentiam latius attigi in 1.tom.3.p. disp. 52. sect. 3. ubi etiam declaravi, hanc esse mentem D. Tho. locis cit. Cum enim ait, amorem ferri ad bonum absolute, vel in communi, non est sensus, ferri ad bonum in communi, & non in particulari: hoc enim tam aperte falsum est, ut non potuerit in mentem D. Tho. cadere. Intelligit ergo, amorem amicitiae ex formali ratione sua non niti in bonitate, ut constituit unum superiorem alteri, sed ut constituit unum cum altero. Unde quamvis in exercito, & modo, seu gradu amoris etiam attendat modum, & gradum bonitatis, quia hoc spectat ad debitum ordinem, quem omnis virtus observat, nihilominus ad unitatem amicitiae sufficit convenientia in aliquo communi bono, licet illud bonum non aequale ab omnibus participetur; hunc enim respectum non ita attendit amor, sicut honor. Quae differentia etiam ex vulgari, & communi sensu omnium hominum comprobari potest. Nam ubi personae inaequales sese communicant, ut amici, quodammodo obliviscuntur inaequalitatis, vel illam dissimulant, ut amicitia locum habere possit: cum vero honoris ratio habenda est, tunc unusquisque excellentia, & dignitas formaliter attenditur.

22 Denique declaratur in hunc modum, quia amor amicitiae semper fundatur in aliqua unitate; impossibile enim est, ut ego alicui velle bonum propter ipsum, nisi supponam illum tanquam unum mecum. Religio vero, & observantia, seu dulcia potius respiciunt distinctionem, & diversitatem inter honorantem, & honoratum, & in ea fundantur. Hinc ergo fit, ut plures, (qui alias inter se diversi sunt) in quantum in aliqua unitate conveniunt, possint etiam eadem amicitia amari, licet in ratione cultus, & honoris suam distinctionem retineant. Ita ergo videtur esse in praesenti: nam charitas est specialis amicitia supernaturalis hominis cum Deo, quae fundatur in speciali unitate spiritus, quam efficit gratia inter Deum, & homines, quae unitas ejusdem formalis rationis est inter homines inter se, licet non sit in eodem gradu, quod est veluti materiale quid ad rationem amicitiae: & ideo charitas

Differentia inter charitatem & religio.

D. Th. loca difficilia de charitate, & religionis dantur.

Quarta, & ultima probatio.

Eadem distinctio videtur magis & rationi dubitandi in principio possit fieri satis.

non est tantum amicitia inter homines, & Deum, sed etiam inter ipsos homines, quatenus eodem vinculo inter se, quo cum Deo, uniantur per gratiam. Religio vero non respicit hanc unitatem, sed prorsus diversitatem, ut dictum est. Et in hoc sensu dicitur excellentia divina incommunicabilis creaturæ, scilicet ut ratio est talis cultus. Bonitas autem dicitur communicabilis, non quidem ita ut reddat creaturam æque bonam, ac Deum; sed ita ut conjungat creaturam cum Deo in vera amicitia unitate, & consequenter etiam conjungat in eadem amicitia personas omnes creatas, quæ illam participant. Ita ergo satisfactum est rationi dubitandi in principio positæ. De confirmatione vero, & de virtute obedientiæ dicemus cap. sequenti.

C A P U T V I.

Utrum religio sit virtus distincta ab illa, quæ debitam obedientiam Deo reddit.

I AD considerandam propriam unitatem virtutis religionis, & distinctionem ejus ab aliis superest, ut cum aliis virtutibus moralibus, quæ aliquo modo circa Deum proxime versantur, eiq; aliquod debitum reddere videntur, eam conferamus. Duas autem invenio virtutes, quæ in hoc puncto difficultatem aliquam ingerere possunt. Una est obedientia, & altera poenitentia, de priori dicemus in hoc capite, de altera in sequenti. Ratio igitur dubitandi ex supra dictis oritur. Nam diximus, religionem esse justitiam quamdam ad Deum, quia illi proprium quoddam, & rigorosum debitum reddit, at hoc etiam convenit virtuti obedientiæ, reddit enim obedientiam Deo, quæ illi summa cum proprietate, & rigore debetur, non minus, quam cultus, aut veneratio, ergo obedientia est quædam justitia ad Deum; ergo erit idem cum religione, nam justitia ad Deum una tantum est. Respondet aliquis fortasse, obedientiam non considerare rationem debiti respectu Dei, sed solum respicere honestatem, quæ in materia præcepta resultat, ex hoc præcise, quod præcepta est, quod nos supra tractando de objecto insinuavimus.

2 Contra hoc vero objicitur, quia obedientia est revera debita Deo, unde illi fit injuria, si ei non obediatur; ergo ad aliquam virtutem pertinet hoc debitum reddere; ergo ad obedientiam. Illa enim videtur maxime formalis obedientia, immo sola illa videtur specialem virtutem requirere, nam illa honestas, quæ in materia præcepta resultat, posito præcepto, non est una, sed nunc ad temperantiam, nunc ad justitiam, vel aliam similem virtutem pertinet. Ergo propria, & formalis obedientia est justitia quædam propria (licet potentialis) ad Deum. Unde D. Tho. 2. 2. questione centesima quarta art. 2. ex ratione debiti colligit honestatem obedientiæ: *Qui a cum multa (inquit) debeant subditi suis superiorgibus; unum eorum est obedire illis: quod habet specialem rationem boni;* & art. 4. subjungit: *Moveri hominem ad obediendum Deo ex quadam necessitate justitiæ.* Ergo obedientia & reddit debitum Deo, & est quædam justitia ad ipsum, est ergo idem, quod religio; nam sola religio est justitia ad Deum, & omne debitum reddit ei, alias essent plures virtutes distinguendæ, quæ varia debita Deo redderent, quod admittendum non est, ut l. 1. tetigi, & infra dicam. Tandem confirmatur: nam qui vovit obedientiam Deo, certum est, debere illam ex speciali virtute religionis; sed non est, minus debitum illud, quo ex se, & ex vi supremæ jurisdictionis Dei ipsa obedientia debita illi est; ergo, etiam secluso voto, reddere obedientiam debitam Deo, pertinet ad illam virtutem, quæ pro officio habet reddere debitum Deo.

3 In hoc puncto nullam invenio moveri questionem a Doctoribus, sed omnes pro comperto videntur supponere, religionem esse virtutem distinctam ab obedientia, ut patet ex D. Thom. 2. quæst. 104. art. & ibi Cajet. Valent. &c. Patres etiam semper de his virtutibus, ut de distinctis, loquuntur. Et aperte Greg. distinguit actus earum cum dixit: *Melior est obedientia, quam victimæ*: de quo testimonio plura in sequentibus. Ratio autem reddi potest, quia formaliter, & in ratione

honesti aliud est colere, aliud obedire, prius est officium religionis, posterius obedientiæ; virtutes autem ex officiis, seu actibus distinguuntur; ergo virtutes illæ distinctæ sunt. Dicit aliquis, obedire, & colere non distingui tanquam duo membra specifica omnino distincta, sed distingui, ut generale, & speciale, nam colere generalius est, obedire autem est quoddam colere. Nam obediendo Deo magnum cultum ei exhibemus: transgrediendo autem præceptum ejus injuriam, & irreverentiam illi facimus; sicut colere, & orare distinguuntur, ut generale, & speciale, quia orare quidam cultus est.

4 Sed contra, quia licet obedire possit esse materia cultus, si ex intentione formali ad eum finem dirigatur, sicut etiam credere, vel jejunare; tamen obedire formaliter non est colere; nec adæquate, nec tanquam particulare contentum sub generali, considerata ratione formali utriusque, quæ ad distinctionem virtutum maxime spectanda est. Assumptum declaratur, quia formalis ratio, & intentio obediendi non respicit reverentiam debitam personæ, cui obeditur, propter excellentiam ejus, sed respicit solum honestatem, quæ est in observantia præcepti, seu (quod perinde est) quæ est in conformitate voluntatis subditi cum voluntate superioris volentis, & potentis obligare. Et hoc significavit D. Thom. dicta quæst. 104. art. 2. ad 4. dicens: *Reverentia directe respicit personam excellentem, obedientia vero respicit præceptum personæ excellentis.* Velle ergo obedire formaliter non est velle colere superiorem: & ideo talis actus respectu Dei non est actus a religione elicitus, ac proinde nec obedientia ipsa est religio. Et potest ex dictis hæc differentia explicari, quia obedientia etiam, prout versatur circa præcepta Dei, non ita proxime tendit in Deum, sicut religio: tum quia obedientia tota versatur immediate circa præceptum, & auctorem præcepti solum respicit, tanquam extrinsecam causam efficientem præcepti, vel tanquam regulam extrinsecam, cui secundum voluntatem conformari tenetur. Unde D. Thom. dicta quæst. 104. art. 2. in corp. & ad 3. dicit: *Proprium objectum obedientiæ esse præceptum, quod ex alterius voluntate procedit.* Et ad 1. dicit, non facere aliquem formalem actum obedientiæ, nisi quando operatur ex intentione implendi præceptum. Et Aug. 14. de civit. cap. 12. dixit: *obedientia commendata esse in præcepto.* At religio immediatius, & directius tendit in Deum; immediatius quidem, quia non nititur in præcepto ejus, sed in excellentia ejus, atq; ita in eo, quod ipse est. Directius vero, quia non respicit Deum, ut causam efficientem, sed ut personam, ad quam tendit colendo illam tanquam proximum finem, seu objectum, cui reverentiam defert.

5 Ad difficultatem igitur propositam bene respondum est, obedientiam non attendere formaliter ad rationem debiti respectu personæ superioris, quod attendit religio. Sed generaliter dicit reddere debitum, quia implet obligationem præcepti, & hanc obligationem formaliter respicit. Ad replicam vero concedimus, Deo esse debitam obedientiam. Advertimus autem hoc duobus modis considerari posse: uno modo, ut est quid pertinens ad bona Dei, vel (ut ita dicam) ad jus quoddam, quod Deus habet in creaturam suam, pertinetque ad integritatem domini ejus, quod debet illæsum servari: alio modo considerari posse solum, ut ex debito, & ex usu illius potestatis nascitur quædam specialis honestas, quæ in re præcepta invenitur, ex hoc præcise, quod præcepta est. Dico ergo obedientiam non habere curam solvendi hoc debitum priori ratione spectatum, sed tantum posteriori, ut explicatum est. Cum autem queritur, an formaliter intendere, debitum hoc reddere Deo priori modo spectatum, scilicet, quatenus quid illius, & in bonis ejus extrinsecis computatur, pertineat ad aliquam virtutem, & quænam illa sit; respondeo, pertinere quidem ad aliquam virtutem; nam ibi profecto cernitur magna quædam, & specialis ratio honestatis. Arbitrorque pertinere ad specialem justitiam ad Deum, de qua statim in puncto sequenti dicam. Et hoc existimo, sensisse Divum Thom. dicta solutione ad 4. cum distinguit inter reverentiam, & obedientiam, & subdit, obedientiam formaliter non respicere reverentiam personæ (utique

Offendit
ita diver-
sas effera-
tiones
formales
cultus, &
reverentiæ;
ut unum
non conti-
neatur
sub alio
tanquam
sub, super-
tiori.

Ratio du-
biandi
ponitur.

Responsi.

Refutatur
ratio
tradita
responsio.

Vera as-
sert. Reli-
gio ab o-
bedientia
proprie
distingui-
tur.

Ad ratio-
nem dubi-
tandi ini-
tio posita
responde-
tur.

reddendo illi jus suum) posse tamen imperari ex reverentia personæ. Quia nimirum ab illa virtute, quæ respicit hoc jus divinum, optime imperatur obedientia in præceptis Dei.

Loca D. Thom. supra posita in meliorem sensum trahuntur juxta ejus doctrinam.
 6 Ad D. Thom. respondeo, loca illa ex aliis ejusdem doctrinæ locis explicanda esse. Intelligit ergo obedientiam solvere quoddam debitum generali quadam ratione, quatenus omnis obligatio præcepti est debitum quoddam: in quo solvendo hoc habet proprium, & speciale obedientia, quod illam obligationem præcepti formaliter, ac præcise attendit. Et hæc obligatio vocatur etiam quædam necessitas justitiæ latæ sumptæ pro quacumque obligatione, quæ quovismodo alterum respicit. Sic etiam facile solvitur confirmatio ibi addita, de debito orto ex obedientiæ voto, in implementatione enim illius voti formaliter loquendo, id est, si præcise ex vi voti impleatur, attenditur speciale jus acquisitum Deo ex vi talis voti, ideoque actus ille, ut sic non est formaliter ex virtute obedientiæ, sed religionis.

Eadē obedientia inclinatur ad obtemperandum Deo, & hominibus, non solum eandem religionem, sed etiam Deum, & sanctos.

7 Denique ex his potest sumi aliqua ratio respondendi ad comparationem relictam in præcedenti cap. inter obedientiam, & religionem in unitate. Quamquam enim hic nec tractare velimus, nec definire illam quæstionem, an virtus obedientiæ, quatenus inclinatur ad obediendum Deo, & hominibus, una sit: supponendo tamen id, ut probabile, ratio differentiæ inquiratur, ob quam obedientia habeat illam amplitudinem, religio vero sistat in solo Deo, & non habeat unitatem cum virtute, quæ sanctos homines veneratur. Ratio igitur ex dictis reddi potest, quia obedientia solum attendit honestatem, quæ est in observatione præcepti ut sic; quæ ejusdem rationis esse videtur, si tale præceptum manet immediate a Deo, si per hominem. Religio autem respicit excellentiam, & debitum ratione excellentiæ, prout singularis rationis est, in Deo supra omnē creaturam, & ideo singularem virtutem requirit. Quam rationem attingit D. Tho. dicta quæst. 104. art. 2. ad 4. ubi etiam adjungit, quod licet obedientia præceptorum unius rationis sit, potest imperari a causis specie distinctis, quia obedientia ad præceptum hominis imperari potest a justitia ad hominem, vel ab observantia: obedientia vero ad Deum a religione, seu justitia ad ipsam.

C A P U T VII.

Sine religio virtus a poenitentia distincta.

Quæstion. hæc sex pñditur.

1 De hoc puncto tractavi in 4. to. 3. part. & plenam ejus resolutionem in hunc locum remisi, solum quoad distinctionem inter virtutem religionis, & poenitentiam. Nam de aliis opinionibus, & variis modis explicandi poenitentiam virtutem, & reducendi illam ad alias virtutes, vel charitatis, vel justitiæ commutativæ, vel vindicativæ, vel in universum ad omnes virtutes secundum varios actus, & materias poenitentiam, ibi satis dixi. Quapropter nunc supponimus, proprios actus poenitentiam, qui reducuntur ad voluntatem efficacem satisfaciendi Deo, & recompensandi injurias ei factas, & destruendi illas, in quantum in nobis est: suppono (inquam) hos actus, ut tales sunt, non elici a charitate, nec a justitia morali, & propriissima, neque ab aliqua alia virtute particulari, excepta religione. De hac ergo virtute solum videndum est, an eliciat illos, & consequenter an præter illam non sit necessarium, ponere aliam virtutem propter illos actus, sed illam et secundum quemdam inadæquatam conceptum vocetur poenitentia.

Opinio Cajet. de unitate religionis & poenitentiam.

Ratio Cajetana.

2 Cajetan. ergo 3. part. qu. 85. art. 2. asseruit, religionem ipsam elicere ipsum affectum poenitentiam, ideoque non esse necessariam aliam virtutem. Fundamentum Cajet. præcipuum, quod dicit convinci intellectum suum, est, quia actus poenitentiam non potest esse primarius, seu per se primo conveniens alicui virtuti, sed tantum secundarius alicuius virtutis; ergo poenitentia non est virtus specialis; condistincta ab omnibus aliis; ergo maxime cum religione coincidit. Primum antecedens probat, quia nulla virtus, ut sit, vel ut operetur simplici-

ter, & absolute necessario supponit peccatum, aut actum sibi contrarium in tali persona præcessisse. At poenitentia quoad actus proprios poenitentiam, ut sic, supponit præcessisse peccatum; ergo signum est virtutem, a qua illi actus procedunt, non respicere illos actus per se primo, nec ut primarios, sed habere alios, ratione quorum potest & esse, & operari in subiecto suo, etiam si in illo actus peccati non præcesserit.

Aliquorum responsio.

3 Cui rationi aliqui satisfactum iri putant, excipiendo poenitentiam in hoc a cæteris omnibus virtutibus. Nam cæteræ (inquiunt) non sunt primario ad destruendum malum, sed ad bonum per se primo tendunt, consequenter autem averfantur malum, prout tali bono contrarium. At poenitentia tanquam medicina quædam per se primo est ad destruendum malum, ideoque nil mirum est, quod peccatum in subiecto supponat, ut in eo sit, vel saltem ut operari possint. Sed hoc modo, ut existimo, non evacuatur difficultas argumenti. Nam de omni virtute in universum verum censeo, nunquam ita versari per se primo, vel adæquate circa destructionem mali, quia principaliter intendat bonum, vel ut introducendum, vel saltem ut conservandum. Hoc late probavi in dicto tom. 4. Sumiturque satis aperte ex D. Thom. 2. 2. quæst. 79. art. 1. ubi in principio ait: *Si loquamur de bono, & malo in communi, facere bonum, & vitare malum pertinet ad omnem virtutem; & infra dicit: Ejusdem virtutis est constituere aliquid, & constitutum conservare in his quæ sunt ad alterum. Constituit quis æqualitatem justitiæ faciendum unum, id est, reddendo alteri, quod ei debet: Conservat autem æqualitatem justitiæ jam constitutæ, declinando a malo, id est, nullum nocumentum proximo inferendo.*

4 Hæc doctrina applicari potest ad poenitentiam cum proportionem. Nam si ad illam pertinet facere bonum, & constituere æqualitatem ad Deum, prout potest recompensando offensam, ad eam etiam spectat declinare a malo nullam injuriam ei inferendo, quod non importat negationem, sed motum voluntatis repudiantis malum, ut in eodem art. ad 2. D. Tho. dicit; ergo ex hac parte non supponit illa virtus, quæ est poenitentia, peccatum, vel injuriam, quæ præcesserit in tali subiecto, quia per se potest conservare illud jus divinum illatum, & ad hoc afficere voluntatem. Quod etiam expresse docuit Alenf. 4. p. q. 1. 2. m. 1. art. 1. §. *Ad ult.* alias q. 54. mem. 1. art. 4. ubi respondet poenitentiam esse in eo, qui non peccavit, *ad actum detestandi peccatum simpliciter.*

Cajet. principium recipitur, improbat illarum & probatio.

5 Fundamentum ergo Cajet. non deficit in antecedente, quod assumit, sed in illatione, vel saltem in ejus probatione videtur deficere. Esto enim poenitentia sit talis virtus, quæ non necessario prærequirit, quod præcesserit peccatum in subiecto suo, non in immediate sequitur esse religionem: quia potest esse alia species virtutis, ad quam pertineat continere voluntatem, ne Deum offendar, & intendere in omnibus vitare divinam injuriam, divinumque ius illatum conservare, quæ ratio obiectiva videtur diversa ratione cultus, quam attendit religio: ac proinde religionem non esse illam virtutem, ad quam actus poenitentiam spectant. Sed contra hoc urgere possumus argumentum in favorem Caietani. Quia religio habet pro fine intrinseco, & adæquato reddere Deo debitum proprium, & legale; sed sub hoc debito includitur vel recompensatio injuriæ commissæ, vel obligatio, ne fiat; ergo totum hoc pertinet ad religionis munus. Confirmatur primo, quia religio est iustitia ad Deum vera, ac propria, quantum inter Deum, & homines esse potest, sed ad virtutem iustitiæ respectu alicuius pertinet recompensatio debiti, tam contracti in actione alteri involuntaria, ut est iniuria, quam ex quocumque alio titulo: ergo. Respondent aliqui, poenitentiam in hoc differre a iustitia, quia non pure intendit redditionem debiti, sed intendit destructionem peccati, ne Deus nobis amplius iratus sit, sed placatus: iustitia vero solum intendit æqualitatem facere, si alter, accepta satisfactione, maneat offensus, si placatus. Unde aiunt, recompensationem pro iniuria Deo facta peccando, ut præcise reddit debitum Deo; pertinere ad religionem, ut vero tendit ad placandum Deum offensum, pertinere ad poenitentiam.

Instantia pro Cajetana.

Responsio aliorum.

Urgetur
instantia
in favorem
Cajetani.

6 Sed certe D. Thom. 3. part. quæst. 85. art. 3. plane fatetur, esse poenitentiae munus reddere Deo quoddam debitum, ideoque esse partem iustitiae, solumque deficere a perfecta iustitia in reddendo æquale; nunquam vero distinguit poenitentiam a iustitia, vel religione in hoc, quod intendit placare Deum, ne peccatori amplius iratus sit, & ad hunc finem intendit destructionem peccati. Nec potest revera ex hoc sine poenitentia distinguui ab aliis virtutibus. Quia placare Deum, ne nobis amplius iratus sit, ex duplici affectu potest in nobis procedere. Primo ex affectu benevolentiae ad Deum in se, seu ex complacentia ad ipsum, & sic intendere illum finem est proprius actus charitatis, ad quam pertinet, & velle Deo omne bonum ejus propter seipsum, & complacentia in ipso propter ipsum, & auferre omnia impedimenta amicitiae ejus, quatenus talia sunt. Unde si in actione, & satisfactione poenitentiae, interdum ex hac intentione homo operatur, quæ optima est, ex imperio, & motione charitatis operatur. Secundo potest quis intendere placare Deum antea offensum, ne sibi amplius iratus sit, ex benevolentia ad seipsum, & propter proprium commodum, quia magnum suum detrimentum reputat, & merito, habere Deum sibi iratum. Et hic affectus, sicut non est iustitiae, ita non est proprius poenitentiae, sed est amoris proprii commodi, qui est benevolentia quædam ad seipsum, quæ concupiscentia nominatur. Quod si supernaturaliter habeatur, pertinet proprie ad virtutem spei, ad quam pertinet (ut alibi dixi) supernaturalis amor concupiscentiae sui ipsius. Unde illa intentio placandi Deum sic accepta non differt ab eo, quod Concil. Trid. dixit, veram poenitentiam debere esse cum spe veniæ. Quid est enim placere Deum, nisi intendere consequi veniam ab illo? Intendere autem veniam, & sperare illam, idem sunt: habere autem spem veniæ, omnes fatentur esse actum spei prævium ad poenitentiam, & quasi imperantem illam. Non ergo debet illud motivum placandi Deum poni, ut peculiare poenitentiae, neque involvi cum proprio ejus motivo, quod est recompensare Dei offensam propter iustitiae aequitatem.

Durandi
locutio
recipitur
illatio re-
suatur.

7 Et quoad hoc melius locutus est Durand. æquiparando poenitentiam cum iustitia humana. Nam sicut respectu hominis, cui injuriam intuli, illud motivum resarciendi inæqualitatem factam est per se honestum, & constituit iustitiam ad hominem: ita respectu Dei simile motivum est sufficiens ad aliquam virtutem constituendam, quæ non est nisi poenitentia. At inter homines, licet etiam possit quis intendere per satisfactionem simul placare personam, ne sibi amplius sit offensa, vel irata: hoc per se non spectat ad iustitiam humanam, nec potest aliunde procedere, quam vel ex amore benevolentiae erga personam offensam, propter puram amicitiam, vel gratitudinem, vel aliquid hujusmodi, vel ex timore humano illius, radicato in amore concupiscentiae, seu proprio. Sic enim interdum quis procurat placare amicum, quem offendit, solum quia illum, illiusque amicitiam amat: aliquando vero intendit quis placare regem offensum, quia illum timet. Neque hinc multiplicantur aliæ virtutes, præter iustitiam elicientem, & amicitiam, vel amorem sui imperantem. Ita ergo contingit profecto in recompensatione divinæ offensæ: nec quoad hoc ratio aliqua diversitatis reddi potest. In hoc ergo nihil erravit Durandus, sed in eo, quod idem intulit identitatem inter iustitiam humanam, & divinam, falsum dixit, quia non attendit altiore rationem debiti ex parte Dei, & inæqualitatem recompensationis ex parte hominis, quæ postulant iustitiam alterius, & altioris rationis, ut supra dixi.

Discursus
pro Cajetani
sententia,
quo tandem
pro abili
judicatur.

8 At vero hæc omnia videntur suadere opinionem Cajetan. quia hæc iustitia excellentior erga Deum non videtur esse, nisi religio. Et confirmatur, quia vel redditio debiti ad Deum, in hac generali, & adæquata ratione sumpta, est specificata in ratione objectiva, ita ut unam tantum, & specialissimam virtutem iustitiae constituat, & sic non distinguuntur poenitentia, & religio: vel est generica, & sub illa distinguui possunt rationes debiti ad Deum speciales, quæ sufficiant distinguere essentialiter plures virtutes reddentes debitum

Suarez Tom. XII.

Deo, & sic non solum duæ distinguendæ erunt, scilicet religio, & poenitentia, sed plures aliæ, puta, gratitudo ad Deum, fidelitas ad Deum, observantia ad Deum, quæ specialissime videtur dici religio. Patet sequela, quia sicut aliud est debitum, quod nascitur ex injuria illata, ita aliud est, quod nascitur ex beneficio accepto, aliud ex promissione facta, aliud ex dominio, vel excellentia personæ; ergo vel hæc omnia distinguunt virtutem, vel nullum: multiplicare autem tot virtutes videtur difficile, & inusitatum; ergo sistendum est in una virtute, quæ hoc totum munus exerceat, totumque revocet ad cultum adæquatum Dei. Quia cum Deus non sit capax boni utilis, vel alterius commodi, quidquid illi redditur ut debitum, quocumque titulo, ad gloriam, & cultum ejus pertinet, nec potest esse aliquid hujusmodi, quod non innitatur divinæ excellentiæ, eamque respiciat.

9 Sic igitur videtur fieri verisimilis, & probabilis opinio Cajetani, quod religio sit unica virtus specialissima habens innumeros actus reddendi debita Deo, ex quibus quidam pertinent ad reddendum debitum pro peccato, sub qua habitudine peculiari, & per conceptum inadæquatum illa virtus denominatur poenitentia, re tamen vera est ipsa religio. Est ergo hæc opinio probabilis.

10 Nihilominus existimo non fuisse opinionem D. Thomæ, nec antiquorum Theologorum, ut in 4. to. probavi, ideoque probabilius censeo, iustitiam ad Deum, seu virtutem, quæ reddit debitum Deo, ad minus distinguendam esse in duo membra essentialiter distincta, ut species sub proximo genere, sive singula membra sint species specialissimæ, sive subalternæ, de quo statim. Illa autem duo membra usuratis nominibus dici possunt religio, & poenitentia. Quarum distinctio ex duobus attendi potest: primo, ac principaliter in ratione debiti, nam licet conveniant, quod utraque respicit debitum Dei, tamen strictius, ac rigorosius videtur esse debitum poenitentiae, quam religionis: Quod ita potest explicari, nam duplex jus ex parte Dei considerare possumus, unum, quod habet tanquam proprius, & peculiaris Dominus vel famæ suæ, vel honoris, vel aliorum rerum externarum, ad quod specialiter pertinet dominium vitæ, & mortis humanæ, & jurisdictio suprema, quam in omnes homines habet ad præcipiendum, &c. Aliud jus est, quod præcise ratione suæ excellentiæ, potentiæ, & operationis habet, ut ab omnibus colatur, & honoretur. Ex quibus duobus jurebus primum videtur rigorosius, & inducere quendam majorem rationem debiti. Unde etiam violatio prioris juris videtur esse ex genere suo magis propria injuria, seu injustitia contra Deum. Quomodo dixit D. Thom. 2. 2. quæst. 94. art. 5. ad 1. occidere seipsum esse actum injustitiæ contra Deum, quod videtur intelligendum de altiori injustitia, quam sit contra hominem. Quia sicut dominium Dei in vitam hominis altius est, ita violatio illius domini est injustitia altioris, & gravioris rationis. Sic etiam in speciali disput. de iustitia sect. 2. dixi, infamationem Dei, vel detractionem de Deo esse propriissimam injuriam Dei altioris rationis, quam sit erga homines. Unde dici potest non solum injuria, sed plusquam injuria, ut in simili loquitur Cajetan. 2. 2. quæst. 57. art. 4. Igitur juxta has duas considerationes divini juris, videntur satis probabiliter distinguui duo genera virtutum, unum religionis, quod reddit Deo debitum ratione excellentiæ suæ, aliud, quod illæsum servat ius divinum in tota latitudine domini, & jurisdictionis ejus, quod dici potest esse eiusdem strictioris iustitiæ, ad quam pertinet poenitentia.

11 Potest præterea discrimen aliud inter hæc duo genera virtutum considerari: nam hæc virtus, quam generico nomine iustitiam ad Deum appellamus, per se non exercet erga Deum, saltem ex necessitate, actum positivum in effectu, seu objecto, aut materia, sed solum in affectu, quia ex vitalis virtutis homo declinat ab omni injuria Dei, habetque affectum conservandi illæsum ius divinum. Religio autem per se postulat ex parte objecti, & materiæ positivos actus, quibus colatur Deus, gratiæ agantur, &c. Tamen supposita læsione iustitiæ divinæ priori modo sumptæ, ipsamet obligat ad

Unica assertio: religio a virtute poenitentiae distinguitur

Probat 1. assertio ex diversa consideratione divini juris, quod respicit utroque virtutem

2. Probat 2. assertio ex diverso genere actus, & materiae, & inæqualitate debiti.

positivos actus, quibus illa injuria recompensetur, & ad æqualitatem reducat, quoad fieri possit. Et ideo tale actus censetur esse præcipui in tali virtute, & ab illis maxime denominatur poenitentia. Hinc ergo intelligitur alius, & rigorosius esse debitum prioris justitiæ, quam religionis, licet utrumque proprium, & gravissimum sit. Nam respectu superioris, & maxime Dei, majus est debitum non violandi jura eius, & non inferendi illi injuriam, quam sit reddendi ei cultum positivum, & demonstrationem servitutis. Eademque ratione debitum recompensandi injuriam, quod est proprium poenitentiae, ut sic, videtur ex suo genere alius, quam sit debitum colendi, (ubi injuria non præcesserit) solum ex observantia debita tali excellentiæ.

12 Tandem in constituenda æqualitate videtur esse alia diversitas inter has virtutes. Nam respectu Dei potentior est homo ad injuriam faciendam, quam ad refarciendam, ut in 1. tom. 3. part. disput. 4. late tractavi. Nam homo per se potest injuriam facere Deo suo modo infinitam, recompensare autem æqualitatem non potest non solum per seipsum, suisque viribus (sic enim in hoc negotio nihil potest) sed nec per auxilium gratiæ, quia semper infinite distat a persona offensa, ex qua magnitudo injuriæ pensatur. Quocirca si homo consideretur antequam injuriam Deo inferat, peccando in ipsum, eumque offendendo, non potest proprie per justitiam ad Deum æqualitatem aliquam cum illo constituere, sed ad summum potest non facere summam inæqualitatem abstinendo ab omni injuria Dei, quantum est ex affectu, & propensione talis virtutis. Quod idcirco addo, quia homo per se, neque hoc simpliciter potest, nisi per Dei gratiam sibi donetur. Postquam autem homo injuriam in Deum commisit, etiamsi per illam virtutem ad recompensandam injuriam afficiatur, & hoc intendat, non potest quidquam facere, quo æqualiter tale debitum solvat; tum quia non solum habet naturalem conditionem infimam suæ personæ, sed etiam superadditam indignitatem peccati; tum etiam, quia infinitis aliis titulis Deo debet, quidquid in satisfactionem offerre illi potest. At vero religio, seclusa omni culpa, & injuria, potest aliquid Deo reddere pro suo debito, quod licet non sit omnino æquale, saltem continet aliqualem solutionem primi debiti ad Deum, & in eo solvendo servat æqualitatem, quam potest. Hæc ergo videntur sufficere ad intelligendam differentiam aliquam essentialē inter has virtutes. Quia vero communiter non solent distingui virtutes, quæ justitiam quamdam ad Deum servant, nisi sub nomine poenitentiae, & religionis: ideo his nominibus semper utemur. Et omnes actus, qui ad poenitentiam proprie non spectaverint, sub religione comprehendemus, & eandem proportionem in pertractandis vitiis religioni contrariis observabimus.

C A P U T VIII.

An virtus religionis sit una secundum speciem ultimam, vel solum secundum genus continens sub se plures species.

1 Hæc quaestio de unitate, vel de distinctione specifica virtutum, & habituum difficilem habet resolutionem, quia valde difficile est, ultimam rerum differentiam cognoscere, & proxima motiva internorum actuum, & uniuscujusque rationes exacte discernere, & ideo proponam utriusque partis verisimiles rationes, & unicuique liberam opinandi facultatem relinquam; brevissime tamen, quid mihi vel consultius, vel verisimilius videatur, insinuo.

2 Quod ergo hæc virtus una tantum genere sit, & sub se plures species contineat, hæc potissimum suadere videntur. Primum, quod virtutes, quæ reddunt debitum alteri, juxta varias rationes debiti distinguuntur; sed intra latitudinem religionis inveniuntur debita diversarum rationum; ergo & virtutes. Major est Divi Thomæ prima secundæ quaestione sexagesima, articulo 3. ubi ex diversa ratione debiti concludit, esse plures virtutes circa operationes. Sunt autem

verba ejus notanda: *Sed debitum non est unius rationis in omnibus, aliter enim debetur aliquid equali, aliter superiori, & aliter minori: & aliter ex pacto, vel ex promisso, vel ex beneficio suscepto. Et secundum has diversas rationes debiti, sumuntur diverse virtutes.* Et similem fere doctrinam habet 2. 2. qu. 80. Et ratio est, quia si ratio debiti formaliter respicitur a virtute, profecto diversa ratio debiti faciet formalem distinctionem in objecto, & consequenter in ipsa virtute. Minor autem probatur ex iisdem verbis D. Thomæ. Nam licet in religione non inveniatur prima diversitas ex parte personæ, cui debitum solvit, quia semper est ad superiorem, tamen altera diversitas ex titulo ipsius debiti hic invenitur. Nam aliquid debetur Deo ex pacto, seu promisso, aliquid ex beneficio accepto, aliquid etiam ex vi solius excellentiæ ejus. Confirmatur, quia similis varietas debiti erga proximum sufficit ad distinctionem virtutum circa eundem; nam debitum ex pacto solvit justitia, ex promissione fidelitas, ex beneficio gratitudo, ex dignitate personæ observantia.

3 Secundo argumentor, quia in hac virtute sunt plures habitus specie distincti; ergo & plures virtutes. Patet consequentia, quia omnes illi habitus sunt virtutes essentialiter; ergo si in propriis differentiis specificis distinguuntur, plane distinguuntur in specie virtutis, & consequenter sunt plures virtutes essentialiter. Antecedens patet, quia supra dictum est inveniri in hac virtute actus specie distinctos ex diversa honestate proximi objecti, quorum unus ex alio non oritur, nec habent inter se connexionem, sed solum genericam convenientiam in ratione cultus divini, ut sunt vovere, vel jurare, orare, sacrificare. Quilibet autem ex his actibus est sufficiens ad generandum habitum, & habitus, qui per unum sit, non recipit ab actu alio specie diverso argumentum vel promptitudinem aliquam circa suum actum, sed, hoc est sufficiens signum distinctionis habituum, ut generatim dictum est in Metaphysica disputatione quadragésima quarta, sectione 11. Ergo unusquisque ex his actibus generat simplicem habitum distinctum ab alio, atque adeo distinctam virtutem.

4 Ultimo argumentari possumus, quia in duobus proxime præcedentibus capitulis ostendimus distinctionem religionis a poenitentia, & obedientia, ex diversis debitis respectu ipsius Dei, vel ex diverso modo, aut motivo solvendi, vel implendi debitum. Sed non videtur intercedere minor ratio distinctionis inter debitum, verbi gratia, quod confurgit ex promissione jam facta Deo, & cultum redditum promittendo, nam illud prius est plane magis rigorosum, & legale, & necessarium ad honestatem morum, & fortasse est cujusdam justitiæ superioris ordinis: debitum autem, quod ante promissionem potest considerari in ipsa promissione, nec justitia est, nec rigorosum, nec necessarium ad honestatem morum, sed ex quadam decentia, & voluntario cultu; ergo fere similis ratio distinctionis hic intervenit.

5 Contrariam partem, nimirum unicum esse, & simplicem religionis habitum, unamque virtutem, quæ totum id, quod generali nomine divini cultus comprehenditur, exhibet Deo, suadet in primis auctoritas D. Thomæ. nam ita videtur sentire in dicta quaest. 81. art. 3. & 4. quem etiam ita intelligunt, & sequuntur Cajetan. Valent. Aragon. & alii moderni, & hoc etiam supponit Soto libro 7. de justitia. Unde idem D. Tho. proxima quaest. 80. licet respectu hominum veritatem, gratitudinem, & observantiam distinguat, de religione nihilominus semper loquitur, ut de una tantum virtute, eique tribuit omnes illos actus orandi, vovendi, & solvendi votum, adorandi, sacrificandi, &c. Et similiter in 1. 2. quaest. 60. & ubique de hac virtute loquitur, vel de una tantum, eodemque modo loquuntur alii Theologi in 3. distinct. 9.

6 Accedit ratio satis congrua; nam quidquid homo reddit Deo per dictos actus religionis, totum est sub ratione cultus, vel gloriæ, ac honoris Dei, semperque in omnibus attenditur ratio divinæ excellentiæ, nam cum homo agit gratias Deo, respectum habet ad excellentiam ejus, nimirum, ut aliter, & sub alia æstimatione illi agantur, quam homini; & sic de aliis: ergo hoc satis est ad unitatem virtutis. Antecedens decla-

3. Probatur ex inæqualitate solutionis, quæ variis speciebus solvitur.

2. Ratio ex universitate specifice habituum.

3. Ratio sumitur a distinctione religionis a poenitentia, & obedientia.

Altera pars quæstionis quæ simplicem religionem habet, & in qua species creditur proponitur ac præfertur.

Et sententia religionis genericam aliter, quæ variis speciebus solvitur. 1. Ratio ex diversitate rationis debiti.

4. Ratio.

declaratur amplius, quia homo reddendo Deo hæc debita, nullum commodum, vel utilitatem ei afferre potest, nec proprie dominium ejus augere, quia ipse ex se, & ex sua potestate, & actione, est supremus Dominus omnium; ergo solum superest ratio cultus, & honor, quæ in his omnibus actionibus religionis intendi possit. Ergo licet in modo colendi, vel in qualitate debiti sit in eis aliqua diversitas, illa convenientia in ratione cultus cum connexionem in eadem excellentia Dei, erit sufficiens ad unitatem habitus, & virtutis.

7 Tandem quia sine necessitate cogente non sunt multiplicandæ res, præsertim illæ, quæ tantum sunt propter necessitatem operandi, jam vero admisimus distinctionem inter quamdam justitiam ad Deum, seu inter poenitentiam, & religionem propter aliquam objectorum diversitatem: sed ad hæc duo membra possunt facile reduci omnes actus, quibus Deo debitum reddimus; nam si qui videntur magis rigorosum debitum solvere, quam religio observet, pertinebunt ad justitiam erga Deum, & omnes alii ad unam religionem spectabunt: ergo. Unde confirmatur, quia illa virtus justitiæ ad Deum una esse censetur; nam si justitia commutativa ad hominem unica est, multo magis illa justitia ad Deum, quæ commutativam imitatur, quantum potest; ergo etiam virtus religionis, prout ab illa condistincta, erit unica species virtutis. Est enim æqualis ratio, nam sicut justitia illa intendit divinum jus illesum conservare, & in hoc fine connectit omnes actus suos, etiam si varii esse videantur, ita religio intendit cultum integrum, & completum divinæ excellentiæ tribuere, & omnes actus exercet, ut habent connexionem in hoc adæquato motivo.

8 Utraque pars habere videtur suam probabilitatem, ut argumenta facta ostendunt. Juxta priora vero argumenta maxime distingui possent in latitudine hujus virtutis tres habitus, quos fidelitatem ad Deum, gratitudinem ad Deum, & latriam possumus appellare. Nam latria proprie respicit divinam excellentiam, ut sic, quam suis actibus, tanquam signis honoris, & excellentiæ protestatur, & ideo unica sub illa saltem ratione esse videtur; tum quia ratio debiti videtur eadem, cum immediate ex eadem excellentia nascatur; tum etiam quia illa distinctio signorum materialis esse videtur; tum denique quia observantia erga homines, quando eandem excellentiam respicit, una est, licet ex parte personarum, vel signorum aliquam variationem ad Deum, immo & obligationum admittat, ut docet D. Tho. 2. 2. qu. 102. art. 1. ad 2. Ad hæc, latria est tanquam observantia ad Deum: ergo erit in se una. Gratitude autem non fundatur in excellentia, sed in beneficio accepto, & magis exhibet, & proficitur grati animi significationem, quam protestationem divinæ excellentiæ, & ideo videtur præferre diversam honestatem, sicut etiam diverso fundamento nititur: ideoque non est improbabile, ad officium hoc constituendam esse specialem virtutem ad Deum, ut sensit Cano in Relect. de Poenit. Quod si hoc de gratitudine admittitur, majori ratione de fidelitate ad Deum idem sentiendum est: fundatur enim proxime non in sola excellentia Dei, neque in actione Dei erga homines, sed potius in actione hominis erga Deum, & ideo diversam rationem honesti habet, ac proinde propriam virtutem postulare videtur. Præter has autem rationes non apparet alia probabilis ad multiplicandos plures religionis habitus. Et ita hæc pars visa est mihi probabilis in 4. tom. saltem quoad distinctionem simplicium habituum. Nam potest quis dicere, ex tribus illis habitibus coalescere unam virtutem religionis, quæ aliquam unitatem habet ex eo, quod respicit adæquatam observantiam, & cultum Dei, quæ sine illis tribus habitibus consistere non potest, & ideo inter se habent connexionem aliquam. De quo modo loquendi contendendum non est, cum modus distinctionis, vel unitatis jam declaratus sit, & congruum sit ita loqui, saltem propter communem usum.

9 Nihilominus etiam potest probabiliter defendi, unam, ac simplicissimam esse virtutem religionis, quæ omnes illos actus exercet. Quod certe de virtute per se infusa facilius defendi, accredi potest. Quia non

Suarez Tom. XII.

acquiritur per actus, nec dat tantum facultatem operandi, sed est quasi potentia quædam, quæ facilius admittit specificam distinctionem in suis actibus. Infunditur autem hæc virtus per se primo ad digne, & cum debita reverentia tractandum omnia, quæ ad exhibendam Deo servitutem, illi debitam ratione suæ excellentiæ, & supremi dominii, pertinent. In quo objecto, & sine videtur esse sufficiens unitas, ut virtus ipsa una sit. Maxime quia tota illa varietas, quæ est in actibus hujus virtutis, habet connexionem quamdam ratione unitatis divinæ excellentiæ, quæ tota in quolibet illorum actuum semper attenditur. Nam etiam cum Deo gratiæ aguntur, habetur ratio divinæ excellentiæ, & ratione illius intelligitur, illi esse singulari modo debita animi gratitudo. Unde si solam honestatem grati animi spectet, non oportebit ad aliam virtutem recurrere, præter communem gratiam: ergo, ut eleveur aliquo modo respectu Dei, necessario debet observari divina excellentia, & ita confurgit quædam gratitudo reddens honorem Deo, & reverentiam excellentiæ ejus, & ita jam operatur ibi religio. Idemque cum proportionem de fidelitate dicatur. Quare melius dicimus, omnes hos actus esse unius latriæ, atque ita latriam, seu religionem esse unam simplicem virtutem, saltem infusam. Nam de acquisita probabile est, quod in alio loco insinuavi.

CAPUT IX.

Quem perfectionis, & excellentiæ gradum habeat religio inter virtutes omnes.

1 **D**IV. Thom. 2. 2. qu. 81. art. 6. similem proponens quæstionem, solum comparat religionem ad alias virtutes morales, nec sine causa; quia cum ostensum sit, illam non esse virtutem theologalem, tamquam manifestum supponit, religionem esse inferiorem virtutibus theologicis. Nec immerito, ita enim sentiunt communiter Theologi, & sumitur ex illo Pauli 1. ad Corinth. 13. *Nunc autem manent Fides, Spes, Charitas, tria hæc.* Ubi illis tribus quasi per antonomasiam tribuit excellentiam, & eminentiam virtutis, ideoque de illis solis est certa, & indubitata sententia, esse virtutes per se infusas: de cæteris enim solum est opinio probabilior. Quare in illis principaliter, & quasi essentialiter consistit supernaturalis justitia infusa, ut sumitur ex Trident. sess. 6. cap. 7. Ratio denique est, quia perfectio virtutis est, ut conjungat mentem Deo, saltem ut fini: ergo illæ virtutes, quæ immediatius, & perfectius attingunt Deum, perfectiores sunt cæteris, quæ remotius in Deum ordinantur: sed virtutes theologales propinquius, & perfectius attingunt Deum, quam religio, ut supra dictis constat; sunt ergo perfectiores illa.

2 Solum posset quispiam dubitare de habitu piæ affectionis, qui comitatur fidem, prout est in intellectu. Nam de illo non procedit ratio facta, quia non immediate nos unit Deo, nec præcise spectatus est virtus theologica, ut supra dixi, sed magis est moralis. Unde cogitare quis posset, cum religio præferretur omnibus virtutibus moralibus, illi etiam habitui præferri. Nihilominus existimo, fidem quoad illum habitum antecedere, & præferri religioni, quia licet per se non sit theologica virtus, tamen per se est necessaria ad quamdam theologiam virtutem, cujus est quasi moralis forma. Item versatur circa nobilissimam materiam, puta intellectum, quem captivat in obsequium fidei, unde ex hac parte superat religionem, & ex alia non est inferior in attingendo Deum in se, quia per illam materiam nobilissimo modo, & immediate illum attingit; plus est enim ad Deum ipsum, ipsimet credendo, accedere, quam signa quæcumque reverentiæ illi exhibere: ergo habitus voluntatis, qui immediate movet hominem, & ejus mentem, ut priori modo Deo conjungatur, perfectior est, quam religio, quæ posteriori modo eum movet. Nec refert, quod religio movere possit ipsam fidem, & charitatem, ut sub ratione sua in Deum ferantur: tum quia religio ad summum movere potest ad exercitium illorum actuum; pia vero affectio quoad specificationem ad actus credendi

Religio: nis virtus theologali cuique eedit in excellentia, & dignitate.

Pia voluntas affectus & o. religio per se superior est

intellectum determinat, quod longe altius, ac difficilius est: tum etiam quia religio solum utitur actibus illarum virtutum, tanquam signis recognitionis, & subiectivis ad divinam excellentiam, supponit autem aliunde substantiam illorum actuum. At pia affectio utitur intellectu ad eliciendum actum fidei quoad substantiam ejus. Estque suo modo per se necessaria ad illam, & ideo hinc magis commendatur ejus perfectio. Virtutes ergo theologales quoad omnes habitus, quos includunt, perfectiores religione sunt.

Ex D. Th. sententia: una religio ex ceteris virtutibus moralibus longe superat in intervalla.

3 Comparando autem religionem ad virtutes morales, D. Thom. dicta q. 81. art. 6. absolute, & sine limitatione affirmat, religionem esse perfectiorem virtutem omnibus virtutibus moralibus. Potestque hoc persuaderi, quia virtutes theologales perfectiores sunt omnibus moralibus: ergo etiam religio est perfectior illis. Patet consequentia, quia, licet religio non sit virtus theologalis, ita proxime ad eas accedit, ut minimum ab illis distinguatur: ergo erit perfectior aliis, quæ magis a theologalibus distant. Nam id, quod est perfectissimum, est quasi metrum, & mensura ceterorum, quod ergo ad illud propinquius accedit, ceteris perfectius est. Ratio item a priori est, quam D. Thom. tetigit, quia virtutes theologales habent excellentiam suam ex immediata conjunctione ad Deum, quia virtus sicut ab objecto habet speciem suam, ita ex eodem habet suam nobilitatem. Deus autem est nobilissimum objectum, & immediata tendentia in ipsum, omnium etiam excellentior est, & virtutes theologales sunt nobilissimæ. Post illas vero religio attingit Deum propinquius, quam reliquæ virtutes morales: ergo inde majorem nobilitatem participat.

4 Hæc vero assertio D. Thomæ, licet quoad plures virtutes, & fere omnes certissima, & per se clara sit, in quibusdam peculiaribus comparationibus habere potest nonnullam dubitationem, an scilicet aliqua exceptio admittenda sit. Itaque quoad omnes virtutes, quæ versantur circa passionem, emperantiam, scilicet fortitudinem, & omnes virtutes illis connexas, nulla est controversia, nec occasio dubitandi. Item de nonnullis virtutibus connexis justitiæ, quæ cum proportionem exercent cum proximo illud officium, quod religio exercet cum Deo, clarum est, esse longe inferiores, ut constat de pietate, dulcia, seu observantia, &c.

Cajetani sententia: legalem justitiam præferens religioni, ea tamē impugnat.

5 Primum vero dubium est de justitia legali, de qua Cajetanus dicto art. 6. contendit, præferendam esse religioni. Nam D. Thom. 2. 2. q. 58. art. 1. absolute, & sine limitatione dixit, justitiam legalem esse præclariorem inter omnes virtutes morales. Tamen religio sine dubio præstat etiam justitiæ legali. Et D. Tho. in dicto art. 6. dum generalem, & sine ulla restrictione, vel prælatione facit comparisonem, tacite declarat comparisonem in alio loco factam, scilicet ut intelligatur esse de virtutibus moralibus, quæ Deum ut objectum non attingunt, sed circa ea versantur, quæ in Deum, ut in finem ordinantur, ut ibi expresse dixit D. Tho. Deinde hoc etiam declarat, & suadet ratio, quæ Div. Tho. utitur in dicto art. 1. 2. Inde enim probat, justitiam legalem esse excellentiorem, quia bonum commune præminet bono particulari unius personæ. Ex hac enim ratione constat, solum comparare justitiam legalem cum virtutibus moralibus, quæ circa personas creatas versantur. De hujusmodi enim personis loquitur: nam si de honore, & gloria Dei sit sermo, præferendum sine dubio est hoc bonum cuicumque bono creato, etiam communi. Unde sic potest ratio concludi, quia religio nobilius objectum habet, quam justitia legalis, nam illa habet pro objecto cui Deum, & pro objecto quod cultum illi debitum: hæc vero pro objecto cui habet reipublicam, vel communitatem humanam, quæ Deo longe inferior est; pro objecto vero quod habet jus, seu bonum debitum huic communitati. Obiectum ergo religionis excellentius est: ergo & ipsa religio.

6 Sed ait Cajet. justitiam legalem non omnino excludere Deum, quia etiam ad justitiam pertinet reddere debitum, vel satis esse inquit, quod Deus sit finis particularis justitiæ legalis. Unde ita argumentantur, justitia legalis comparatur ad religionem, sicut totum

ad partem, vel sicut imperans, & ordinans ad imperatum, & ordinatum: nam & leges late inveniuntur de his, quæ ad religionem spectant, & justitia legalis non minus ordinat de reddendo debito Deo, quam proximo: ergo. Sed non satis percipio, quid Cajet. his rationibus intendat. Nam si per justitiam legalem intelligit totam collectionem virtutum, vel omnium simpliciter, vel eorum, quæ sunt ad alterum, sic verum est, justitiam legalem comparari ad religionem, sicut totum ad partem, esseque perfectiorem non intensive (si de sola collectione moralium virtutum loquamur) sed extensive, quia justitia sic sumpta non est una virtus simpliciter, sed plures virtutes. Hæc vero comparatio impertinens est, nec D. Thomas ita loquitur de justitia legali, cum eius perfectionem exagereat. Neque etiam Aristot. 1. 1. Eth. cap. 1. juxta probabiliorem intellectum. Si autem legalis justitia accipitur pro una speciali virtute justitiæ, quæ a commutativa, & distributiva distinguitur, juxta Doctoris Angelici doctrinam dicta q. 58. art. 5. & 6. Sic falsum comparari ad religionem, ut totum ad partem.

7 Nam justitia legalis sic sumpta dici solet universalis justitia secundum quamdam causalitatem, & materiæ extensionem. Quod videtur Cajet. considerasse, ut eam compararet ad religionem, ut totum ad partem. Et præcipue videtur eam considerasse, quatenus in principe est legum lativa, & ferre potest leges in materia religionis, in quibus ferendis etiam observat rationem boni communis, quod respicit hæc justitia: verum tamen neque ob illam causam justitia legalis potest præferri religioni, neque ad illam comparari, ut totum, vel superior, sed ut pars, & inferior. Probatur, quia etiam religio in causalitate, & materia habet universalitatem quamdam, in qua non solum æquiparatur, sed superat etiam justitiam legalem. Patet prior pars ex supra dictis de materia, & actibus imperatis ab hac virtute, nam omnium virtutum actus sub imperio suo complectitur, quatenus eos ordinare potest ad cultum Dei. Posterior vero pars patet; primo: quia religio non tantum moralibus virtutibus, sed etiam theologis imperare potest, quod non potest ita proprie, & vere dici de justitia legali. Deinde, quia conferendo illas duas virtutes inter se, potius religio imperat, & ordinat justitiam legalem ad suum finem, quam e converso. Proprio enim, & recto ordine, non debet divinus cultus ordinari ad bonum reipublicæ, ut ad pacem, & quietem eius, vel quid simile: sed potius totum reipublicæ bonum ad hoc referri debet, ut Deus melius colatur, & in maiorem Dei gloriam cedat.

9 Non nego, quin etiam liceat aliquando curam religionis in reipublica haberi, ut pax eius, & omne aliud bonum melius in ea conservetur, quia hic finis honestus est, & medium illud ad eum obtinendum est sine dubio utilissimum. Tamen ita hoc licitum est, sicut licet sæpe ordinare superiora bona ad bonum inferius, ita scilicet ut tandem omnia in maiorem Dei gloriam redundant. Nam humanæ reipublicæ bonum inferius est, ad divinam gloriam comparatum, & ideo divinum bonum, quo est Deus propinquius, eo ex se magis comparatur, ut finis, quam ut medium ad quodlibet humanum bonum. Cuius signum evidens est, quia Deus ipse vult bonum commune humanum propter gloriam suam. Igitur considerando has virtutes secundum se, & non per accidens ex intentione hominis operantis, religio imperat justitiæ legali, & omne bonum eius infert in finem obiectum suum. Nullo ergo modo comparatur justitia legalis ad religionem, ut totum ad partem. Quia non in essentia, cum sint essentialiter distinctæ, neque in integritate, aut alio genere compositionis, cum neque una ex alia, neque ex utraque aliquid tertium componatur. Nec denique in virtute, aut causalitate universali, cum religio absolute, & simpliciter prior sit, ac universalior, & eminentior in agendo.

9 Neque quidquam refert, quod religio ponatur inter partes potentiales justitiæ, ac proinde deficere videatur a perfecta ratione justitiæ. Nam si hæc ratio quidquam valeret, probaret, religionem esse virtutem minus perfectam justitiæ commutativa, immo etiam

Solutio magis expeditur, & ostenditur actus omnium virtutum, vel etiam theologalium sub imperio religionis contineri

Religio & liquando potest per justitiam ordinari; id tamen magis fit intentione operantis quam virtutis.

Religio ita est præstabilissima in ratione virtutis, ut sit in ratione justitiæ a. his virtutibus inferior.

Instantia pro Cajet. sententia tamē dissolvitur.

etiam probaret, justitiam commutativam esse perfectionem legali, quia conditiones justitiæ magis integre, & exacte in ea inveniuntur. Aliud ergo est considerare rigorem, & proprietatem justitiæ, aliud excellentiam virtutis: nam in priori deficit aliquando religio, & ideo pars potentialis justitiæ dicitur, ut supra explicatum est. Nihilominus tamen hoc non impedit, quominus in perfectione virtutis simpliciter superet propter excellentiam objecti, & affectus voluntatis. Unde D. Thom. in dicto art. 6. ad 1. in simili respondet, posse esse religionem perfectionem simpliciter in esse virtutis, licet in attingendo medium justitiæ deficiat, magis ex impotentia subjecti, quam ex imperfectione voluntatis.

Cajet. ff. damenta magis eveniunt.

10 Quod vero Cajetanus assumit, leges etiam ferri de his, quæ ad religionem spectant, non video quid ad causam referat. Nam si in legislatore consideretur potentia legumlativa, hæc est bonum alterius ordinis, & cum illa non fit comparatio, ut per se constat. Si vero consideretur prudentia legislativa, quatenus est vera virtus, non solum intellectualis, sed etiam moralis; sic quidem illa præferri potest moralibus virtutibus: sed illa non est justitia legalis, neque cum illa fit comparatio. At vero si in legislatore consideretur illa virtus voluntatis, quæ dirigit intentionem ejus, ut recte præcipiat in quacumque materia in ordine ad commune bonum, sic quidem habet justitia legalis excellentiam quamdam, tamen illa vincitur a religione, quæ multo magis dirigere debet intentionem legislatoris, ut divinam gloriam in ferendis legibus respiciat. Unde hoc modo etiam dici potest religio imperare, ut leges ferantur non solum in sua materia, sed etiam in materiis aliarum virtutum, si ad divinum honorem id spectet.

Deus non est finis particularis justitiæ legalis.

11 Quapropter falsum absolute est, Deum esse finem particularem justitiæ legalis, quia non est finis intrinsecus, & proprius, sicut est religionis, quia non est objectum, in quod immediate dirigit justitia legalis actiones suas. Neque etiam est finis comprehensus (ut ita dicam) intrinsece in communitate illa, cujus bonum procurat justitia legalis. Nam Deus potius est finis ultimus extrinsecus, seu objectivus, in cujus gloriam quodlibet humanum bonum referendum est: quod ad religionem spectat. Denique ob eandem causam falsum est, quod Cajetanus ait, ad justitiam legalem spectare reddere debitum Deo, nisi justitiam legalem sumat pro collectione aliqua, vel pro aliquo genere virtutum, in quibus religio contineatur. Nam loquendo de propria, & speciali virtute justitiæ legalis, non pertinet ad illam reddere debitum Deo, vel proximo, qui sit privata persona, ut talis est; sed solum communitati ut sic, seu quatenus ad commune bonum illius jus spectat. Quod hoc loco solius explicari non potest, satis vero inde probatur, quod justitia humana, sub qua legalis continetur, non attingit ullo modo Deum, ut objectum, cui: & hoc titulo longe inferior est religio.

Misericordia ex sententia Cajetani præferat religioni.

12 Secunda comparatio, de qua dubitari potest, cum misericordia fit. Nam Cajet. misericordiam præfert justitiæ legali in dicta q. 58. & 12. ergo si legalem justitiam præfert religioni, multo magis misericordiam. Favet D. Thom. 2. 2. qu. 30. artic. 4. ubi solum charitatem videtur misericordiam præferre in nobis: nam in Deo etiam charitati misericordiam anteponebat. Denique ad hoc suadendum afferri possunt illa verba Matth. 9. & 12. ex Oseæ 6. *Misericordiam volo, non sacrificium.* Quod perinde est, ac si diceretur. Malo misericordiam opera, quam religionis; ergo testimonio Christi, & Oseæ, opera misericordiam meliora sunt operibus religionis, quia quod Deus præfert, & eligit, melius est; ergo & virtus ipsa misericordiam est melior.

Vera D. Thom. sententia misericordiam alius virtutibus præferat religioni tamen concedere.

13 Nihilominus dicendum est, religionem esse perfectionem virtutem misericordiam. Ita sumitur ex D. Thom. dicta qu. 30. ubi, cum limitatione ait: *Misericordiam esse potentissimam inter omnes virtutes, quæ ad proximum pertinent*, non vero excedere illas virtutes, quæ conjungunt hominem Deo. Nam ei, qui supra se aliquem habet, melius est conjungi superiori, quam supplere defectum inferioris. Et quamvis ibi

D. Thomas solum ponat exemplum in charitate, non est tamen dubium, quin ea doctrina locum habeat in spe, & fide, quæ etiam conjungunt hominem Deo. Ob eandem ergo rationem habebit locum in religione, quæ licet non æque, ac virtutes theologice, tamen proxime post illas conjungit nos Deo, ut supremo principio, cui cultum defert. Idem confirmat D. Thomas dicta q. 81. art. 6. dum sine limitatione præfert religionem ceteris virtutibus moralibus. Et ratio, qua id probat, procedit etiam respectu misericordiam, quæ non ita proxime nos unit Deo, sicut religio. Unde in eadem qu. art. 1. ad 1. significat idem D. Thom. ita excedi misericordiam a religione, sicut medium a fine, quia religio attingit finem, propter quem misericordiam actus imperandi sunt. Arque ita simul ratione, & auctoritate probata est nostra resolutio.

Scripture loca pro Cajet. al. lata explicantur.

14 Ad locum autem Oseæ, & Matth. Hieronymus super Oseam, per *misericordiam* videtur intelligere non nostram erga pauperes, sed Dei erga nos, quam exercet remittendo nobis peccata, unde sic exponit: *Non in sacrificiis delector, & victimis, & multitudine holocaustorum: victima mea, & holocausta salus credentium, & conversio peccatorum est.* Quo sensu hæc sententia æquivaleret illi Psal. *Quoniam si voluisses sacrificium dedissem, utique holocaustis non delectaberis. Sacrificium Deo spiritus contribulatus, &c.* At communius exponitur de misericordia hominis; & exponitur primo: *Misericordiam volo, & non tantum sacrificium*, seu, *nolo sacrificium sine misericordia.* Ita Anselm. Matth. 29. Non velle Deum sacrificium externum sine interno, vel quod internum præferat externo: nam per misericordiam omnia charitatis opera ex amore Dei facta intelliguntur. Ita Maldo. Matth. 9. & sumitur ex August. libr. 10. de Civitate cap. 5. & 20. contra Faustum, cap. 16. Tercio significat Dominus, se non velle sacrificia hæc externa, quia illis indigeat in suam utilitatem, ideoque, ubi necessitas proximi occurrerit, se malle misericordiam. Ita fere Bellarm. tom. 1. libro 3. de cultu Sanctorum cap. 6. Unde non fit, misericordiam esse meliorem, sed interdum esse magis necessariam, quamquam etiam tunc melius sit ipsammet misericordiam intuitu religionis exercere propter Deum. Et ita licet interdum materia externa propria religionis omittenda sit propter misericordiam, internus vero cultus nunquam est necessario omittendus. Et sic facile conciliantur omnes expositiones, & veritas constat.

Obfertur religio esse obedientiam, & præferatur.

15 Tertia comparatio fieri potest cum virtute obedientiæ: nam de obedientia scriptum est, 1. Reg. c. 11. *Melior est obedientia, quam victimæ.* Item obedientia videtur conjunctissima charitati, & similis in materia, quatenus voluntatem propriam voluntati Dei subijcit. Nihilominus est dicendum, religionem esse simpliciter perfectionem. Ita sentit, licet obscure, D. Thom. 2. 2. quæst. 104. artic. 3. Expressius vero Cajetan. ibi, qui paucis verbis rationem comprehendit dicens: *Quoniam religio Deum, qui præcipit, colit, obedientia vero ad ejus præceptum attendit.* Rationes etiam supra factæ de justitia legali hic habent locum, quia religio propinquior est virtutibus theologalibus, quam obedientia, magisque devotet Deo totum hominem, quam obedientia. Et in hoc est charitati similior, ut ex supra dictis constare potest, & infra, cum agemus de devotione, magis constabit. Cum ergo obedientia præfertur externo sacrificio, non ideo præfertur toti religioni. Sed ut Cajetanus bene noravit, præfertur sacrificium internum externo, quia illo voluntas Deo mactatur, ut Greg. dixit ult. Moral. cap. 12. At illa interior mactatio per religionem fit media devotione.

Comparatur religio cum poenitentia, illa tamen ignobilior judicatur.

16 Quarto, conferri potest cum virtute poenitentiae religio, de qua comparatione nihil scriptum invenio. Tractat quidem D. Thom. 3. part. quæst. 85. art. 6. an poenitentia sit prima virtutum, & significat, natura esse inferiorem aliis, id est, excellentia, & perfectione, quia quod est per se, melius est, quam id, quod est per accidens, aliarum autem virtutes sunt per se necessariæ, poenitentia vero per accidens, supposito peccato. Verumtamen D. Thom. illo in loco, in primis non comparat poenitentiam ad alias virtutes in

in perfectione, sed in usu sui actus, & in hoc dicit, quodammodo esse imperfectiorem poenitentiam; quæ comparatio est tantum secundum quid, & præterea juxta nostram sententiam non habet locum in virtute poenitentiae, quoad totam latitudinem sui objecti, suorumque actuum, sed solum in propriissimo actu detestandi peccatum commissum; nam in aliis per se habet illa virtus usum suorum actuum, quoad odium peccati secundum se, & quoad propositum cavendi omnem divinam injuriam, & similes.

17 Quocirca facta comparatione absolute, & simpliciter inter illas virtutes, quoad perfectionem earum, verisimile mihi est, antecedere virtutem justitiæ ad Deum, quæ nomine poenitentiae significatur, si distincta est a religione. Ratio est, quia cum modo attingendi Deum immediate convenit cum religione, & in reddendo illi debito, attendit strictius, magisque rigorosum debitum. Unde sicut in ordine ad proximum nobis non specialiter conjunctum perfectior virtus est justitia propria, & rigorosa, quam aliæ virtutes illi annexæ eundem proximum respicientes, ut liberalitas, observantia, &c. ita inter virtutes, quæ reddunt debitum Deo, illa videtur perfectior, quæ magis de perfectione, & obligatione justitiæ participat. Nec refert, quod in constituenda æqualitate magis videatur deficere poenitentia, quam religio, ut supra insinuavimus; nam, ut notavimus ex D. Thoma dicta quæstione 81. articulo 1. ad 1. defectus æqualitatis cum non sit voluntatis, sed potestatis, parum minuit perfectionem virtutis. Magis vero illam augeat,

quod ad conservandum illæsum omne divinum jus, quantum in se est, toto affectu tendit, & quando læsum est, illud, quantum potest, restaurare studet. Et in Psalm. 50. maxime commendatur sacrificium contriti cordis, ut notavit Augustinus 10. de Civitate, capite 5. Nec D. Thom. alienus est ab hac sententia in illa quæstione 81. articulo 6. Nam cum facit comparationem simpliciter, solas virtutes theologales præfert absolute poenitentiae. Cajetanus vero saltem æquiparat poenitentiam religioni, quia illas non distinguit. Unde cum religio numerari solet inter virtutes proximo loco post theologales, intelligendum existimo de religione in communi, & generice, prout omnem justitiam ad Deum sub se comprehendit.

18 Ultimo fieri potest comparatio religionis ad prudentiam, sed hanc omittimus, quia est inter res diversorum ordinum. Prudentia enim non tantum moralis, sed etiam intellectualis est virtus, de cujus præstantia supra reliquas virtutes morales alibi dicendum est. Atque ex his, quæ diximus de virtute religionis, satis videtur natura ejus declarata, simulque causas, materiam, & effectum ejus exposuimus generatim: nam in particulari tractari amplius non possunt, nisi discurrendo per singulos actus internos, & externos hujus virtutis, quod in sequentibus tractatibus faciemus, simulque dicemus de præceptis pertinentibus ad hanc virtutem, quia hæc dantur de actibus in particulari, & quia doctrina moralis circa particularia etiam versatur.

FINIS LIBRI III.

Comparatur cum Prudentia

TRACTATUS SECUNDUS

De præceptis affirmativis religionis ad Dei cultum, & adorationem, præsertim externam, pertinentibus.

Tractatus hujusmodi tractatum explicatur.



EXPLICATA doctrina quasi speculativa virtutis religionis (servando methodum, quam in pertractandis aliis virtutibus, vel sacramentis tenere soleo.) materiam moralem hujus virtutis quasi generaliter in hoc, & sequenti tractatu tradere decrevi, priusquam ad nonnullos particulares actus ejusdem virtutis, qui sub specialibus, & propriis rationibus proprias, & prelixas postulant disputationes, descendam. Quia vero doctrina moralis de actibus humanis datur, & ut practica sit, & utilis, ad particularia descendere debet, ideo necessarium

Interia capita divi duntur actus ad religionem pertinentem.

erit in præsentī de nonnullis actibus religionis in particulari dicere. Tria vero capita illorum actuum distinguimus, ut totam moralem materiam comprehendamus. Primum complectitur actus, qui secundum substantiam suam pertinent ad alias virtutes, a quibus eliciuntur, licet a religione possint ad suum proprium finem imperari, ut sunt actus fidei, humilitatis, & virtutum omnium, ut supra tractatum est, & statim attingemus. Secundum comprehendit actus, qui ex intrinseca ratione sua continent cultum Dei, & in nulla alia specie virtutis per se collocantur, quos ad tres revoco, qui sunt oratio, juramentum, & votum: & ad orationem devotionem reduco. Quamvis enim propriissime sumpta magis pertineat ad effectum cultus, quam ad cultum; hæc enim duo distincta sunt, ut supra declaravi, & statim attingam: tamen quia devotio maxime comitari solet orationem præcipue mentalem, de hac tractando simul rationem devotionis, & obligationem declarabimus. Tertium genus est illorum actuum, qui ex se non habent aliquam rationem virtutis, aut cultus assumuntur tamen, ad protestandum divinam excellentiam; cujuscumodi sunt actus quidam externi, ut genuflexio, sacrificium, & similes. De primo ergo genere actuum nihil dicendum est, quia proprias habent rationes, & præcepta, quæ aliis in locis considerantur; quomodo autem applicari possint ad cultum Dei, obiter attingemus. De actibus vero secundi ordinis, quantum ad ea, quæ illis propria sunt, dicemus postea: hic enim solum ea, quæ generaliter pertinent ad rationem cultus, ad illos poterunt applicari. In hoc ergo tractatu solum explicabimus illa præcepta affirmativa, quæ circa actus tertii ordinis versantur. Dividemus autem hunc tractatum in tres libros. Primus erit de præceptis pertinentibus ad actus ipsos: in secundo vero, & tertio de temporibus, ac locis ad divinum cultum destinatis differemus: quoniam hæc duæ circumstantiæ præcipue spectantur in divino cultu, & materiam continent ad complementum hujus doctrinæ maxime necessariam.

Tractatus hujusmodi tractatum explicatur.

LIBER PRIMUS.

DE DIVINO CULTU EX PRÆCEPTO NECESSARIO PRÆSERTIM PER OBLATIONES, DECIMAS, AC PRIMITIAS.

IN hoc libro prius a nobis explicandum est generale præceptum de divino cultu, prout iuris naturalis est, ac divini. Hoc autem in generali breviter poterit expediri, quia præceptum illud, quatenus affirmativum est, & mere naturale, valde generale est, & indefinitum, ideoque vix potest sine positiva determinatione ad praxin applicari: quapropter consequenter explicabimus, quomodo ex institutione divina, vel humana ad aliquos particulares actus hæc obligatio applicetur. Unde quoniam hæc institutio non datur de actibus pure internis, sed de externis, ideo fere totus hic liber erit de actibus externis divini cultus, qui sub præceptum cadunt, qui ad tres positos revocantur, videlicet oblationem, sub qua sacrificium comprehendimus, primitiarum, ac decimarum solutionem: nam præceptum orationis in alium tractatum reservamus, ut dixi.

C A P U T I.

An præceptum colendi, & adorandi Deum tam corpore, quam spiritus, naturale sit.

Nonnulli Philosophi omnem cultum, & venerationem superioris numinis abiecerunt, & reprobarunt, ut significat Lactant. lib. 2. div. instit. c. 3. Quia cum ratione naturali cognoscerent falsas esse religiones plurium deorum, quas Gentiles profitebantur, & veram non valent attingere, sine religione manserunt. Et in hoc numero solet referri Comment. in 12. Met. Immo Cajet. 1. 2. q. 85. art. 1. suspicatur, etiam Aristotelem in eodem errore fuisse. Sed hi omnes, ut ait Paulus Rom. 1. *Videntes sibi esse sapientes stulti facti sunt.* Nam si illi credebant, nullum esse verum Deum, quid magis stultum cogitari potest? si autem agnoscentes esse aliquem verum Deum, a cuius potentia, & providentia pendemus, & nihilominus senserunt, non esse nobis colendum, contra omnem etiam naturalem rationem locuti sunt. Nam si ratio naturalis dicat, parentes esse honorandos, multo magis dicat, Deum verum esse colendum. Unde propter hos Philosophos recte dixit Paulus: *Cum cognovissent Deum, non sicut Deum glorificaverunt, aut gratias egerunt, unde etiam, sunt inexcusabiles.* Fortasse tamen hi non de omni cultu, sed de externo tantum loquebantur. Putarunt enim aliqui, hæc signa externa cultus respectu Dei permitti quidem posse propter vulgus, vere tamen nihil deservire ad cultum Dei; neque minus errarunt hæretici, qui dixerunt, Deum non esse adorandum actibus corporalibus, quia, *Spiritus est Deus, & in spiritu, & veritate debet adorari.* E contrario quorundam etiam Catholicorum sententia fuit, adorationem propriam per sola corporis membra, illa inflectendo, vel hoc, aut illo modo in notam submissionis componendo, exhiberi posse, etiam ad Deum, quia signo, vel actu spirituali non potest talis nota submissionis intelligi, licet interius exerceri possint alii actus colendi Deum, ut orandi, gratias agendi, & similes, qui non sunt adorationes. Ex qua sententia sequitur, proprium præceptum adorationis dari posse de adoratione externa, & corporali, non vero de interna, & spirituali. Contra primum errorem disputant late in 3. to. 3. p. disp. 3. sect. 1. & disp. 15. sect. 2. & tota disp. 73. Posteriori autem sententiam copiose tractavi in 1. tom. 3. part. disp. 51. sect. 2. ubi ostendi, adorationem Dei non solum esse posse internam, & spiritua-lem, verum potius illam esse perfectissimam: illa ergo, quæ ibi dicta sunt, hoc loco repetere necessarium non est.

Philosophi, qui cultum Dei abiecerunt.

Impugnatur hi Philosophi.

Hæreticorum sumeror.

Catholicorum falsa opinio.

2 Dico ergo in primis, Deum posse, & debere adorari a nobis actibus mere internis, & spiritualibus. Ita docet D. Thomas d. quæst. 84. art. 2. Unde cum in initio illius quæstionis proponit se acturum de actibus exterioribus patriæ, & primo loco ponit adorationem illam, per quam aliquis corpus suum ad Deum venerandum exhibet, non intelligit, solam hanc venerationem per corpus proprium habere veram rationem adorationis, sed potius supponit, Deum aliis etiam modis adorari posse; in illa autem quæstione de illo speciali modo adorandi tractare intendit, quia de aliis, vel jam dixerat, scilicet, de adoratione pure interna. in q. 82. De alia vero externa, quæ per alias actiones fieri potest, in sequentibus quæstionibus ibidem tractare disponit. Unde in eodem articulo 2. ad 2. expresse comparat adorationem cum oratione, & dicit sicut datur oratio mentalis, ita etiam posse dari adorationem mentalem, seu internam; non datur autem in mente solus affectus orandi, sed etiam vera oratio, ergo etiam datur interius in mente non solum affectus adorandi Deum, sed etiam executio (ut sic dicam) illius affectus, atque adeo vera adoratio. Eadem est communis sententia Theologorum in 3. d. 9. Et sumitur ex Aug. 10. de Civit. c. 4. Damasc. lib. 4. de fide cap. 63. & optime orat. 3. de imagin. circa medium, & aliis Patribus, quos citato loco retuli. Immo etiam in Scripturis hic modus loquendi de adoratione, quam Angeli exhibent Deo, & quæ in spiritu exhiberi potest, tam frequens est, ut cum per metaphoram, vel tropum exponere alienum a sincera Scripturæ intelligentia videatur. Ratio autem est, quia inter puros spiritus esse potest ordo, & consequenter esse possunt diversi gradus honoris, & reverentiæ. Nam in omni republica bene instituta, & in omni corpore mystico recte composito hoc necessarium est: potest ergo esse reverentia, seu honoratio spiritualis, & interna; ergo etiam potest esse adoratio spiritualis, & interna Angeli ad Deum; ergo etiam in homine suo modo esse potest.

An Deus possit actibus mere externis adorari.

Angeli vere Deum adorant.

Cujus potentia sit actus adorationis interna.

3 Hic vero statim occurrit quæstio similis illi, quam de oratione Theologi tractant, cujusnam potentia actus sit hæc interna adoratio. Necesse est enim, ut consistat in aliqua operatione; nam adoratio actus virtutis moralis est, unde in operatione consistit; ergo cum sit interna, & spiritualis, & proxime ad Deum referatur, ut ad personam adoratam, necesse est, ut voluntatis, vel intellectus actus sit. Præterea in nostra anima corpori unita manifestum est, si non utatur membris corporis ad Deum adorandum, non posse id facere nisi actibus intellectus, vel voluntatis, per quod non excluditur, quin possit etiam cooperari phantasia. Necesse est ergo, ut mentalis adoratio præcipue sit actus intellectus, vel voluntatis: non videtur autem esse voluntatis, quia in ea est affectus adorandi, qui affectus non est adoratio, sed habet illam pro objecto, sicut affectus orandi non est oratio, sed imperat illam. Neque etiam videtur esse actus intellectus, quia omnis actus intellectus est cognitio; tum quia cognitio Dei est actus fidei, vel scientiæ; tum etiam quia stat cognoscere, & non adorare; Dæmones enim vel inviti recognoscunt majestatem Dei, quam non adorant.

4 Respondeo, hanc adorationem posse esse utriusque potentia actum, si ex affectu adorandi procedat, ut sit aptus ad profitendam, indicandam, vel exercendam submissionem animi ad Deum. Et quidem in intellectu potest hic actus per modum cognitionis, & in nobis etiam esse poterit per modum locutionis humanæ mentalis, & internæ. Prior actus est, quando ex affectu colendi Deum applicatur intellectus ad recognoscendam divinam excellentiam, & recognoscit Deum, ut supremum principem, & Dominum, & hanc

Resolutio quæstionis.

hanc ipsam recogitationem illi offert in cultum, & adorationem. Quod enim hic actus in puro spiritu exerceri possit, per se notum est, neque minus evidens est illum esse sanctum & honestum. At non est alterius virtutis nisi religionis formaliter loquendo, cum moralem honestatem habeat ab affectu, a quo procedit, & immediate oriatur ab affectu religionis: neque intra virtutem religionis aliud esse potest, quam adoratio, quia formaliter non est oratio, ut per se patet, neque etiam est devotio, sed potius affectus ipse, a quo procedit, dici posset quædam devotio; est ergo propriissima adoratio.

5 Neque refert, quod illa cogitatio substantialiter (ut sic dicam) sit actus fidei, vel scientiæ, vel alterius doni Spiritus sancti, dummodo libere, & ex dicto affectu exerceatur; nam inde sumit nomen, & formalem rationem adorationis, sicut genuflexio materialiter est motus localis, tamen ex tali affectu, & intentione habet, quod sit adoratio latræ, vel dulciæ, &c. Vel sicut detestatio peccati propter Deum potest esse substantialiter actus charitatis, & tamen factus ex affectu pœnitentiæ dici potest quædam satisfactio, vel recompensatio pro offensa, quantum ab homine exhiberi potest. Atque hoc modo est etiam aptissimus actus ad hanc adorationem internam recogitatio propriæ naturæ, quatenus tam Angelus, quam homo sensibilis est, & vel peccat, vel peccare posset, & in omnibus bonis a Deo pendet; hæc enim cognitio, sicut animi submissionem fovet, ac generat, ita est aptissima materia, ut in signum, & notam ejusdem submissionis exhibeatur. Multo enim magis genuflectitur specialiter anima coram Deo per illam recogitationem ad hunc finem ordinatam ex affectu colendi Deum, quam corporaliter genuflectatur per crurium plicationem, & demissionem usque ad terram.

Adoratio
potest esse
per modum
locutio-
nis.

6 Per modum etiam locutionis potest in nobis esse talis actus eodem fere modo, quo potest esse in nostro intellectu petitio, & gratiarum actio, mentaliter loquendo per conceptus vocum nobis ad placitum significantium. Quod in primis explicatur in actu laudandi Deum, qui absque ulla controversia potest dicto modo in mente fieri. Et licet laus Dei specialiter numerari soleat ut actus distinctus ab adoratione, prout exhibetur per signa, quæ non sunt voces, nec ita expresse significant, sicut voces: nihilominus distinctio illa materialis potius est in signis ad cultum exhibendum assumptis, quam in formali ratione adorationis, si laudatio fiat ex affectu ostendendi submissionem animi ad Deum, & profitendi supremum dominium ejus; sicut ergo possumus solo spiritu, & mente laudare Deum, ita etiam adorare. Deinde intelligi hoc potest in actu interiori expressæ confessionis divinæ excellentiæ, & supremi domini, facto in ejusdem Dei præsentia per verba mentalia expresse significantia subjectionem, & submissionem illi majestati debitam. Hæc enim interna confessio, (quam esse possibilem nemo vertit in dubium) distincta est a confessione laudis divinæ, quia formaliter non ad hoc tendit, sed ad exhibendam debitam servitutem, saltem confitendo, & assumendo esse illi debitam ratione suæ excellentiæ, & supremi domini, & hanc ipsam confessionem in signum illius recognitionis exhibendo. Sicut enim homo confitendo interius coram Deo se esse peccatorem, illammet confessionem offert Deo in aliqualem satisfactionem pro peccatis, ita confitendo interius dominatum Dei in nos, & subjectionem nostram ad illum ipsammet subjectionem offerimus in notam, & signum talis subjectionis, & submissionis ad Deum, & hoc est esse adorationem.

Qui volu-
erit actus
ad oratio-
nem spe-
ciali.

Admira-
tio quid
sit.

7 Denique in voluntate multi actus inveniri possunt aptissimi ad hanc animi submissionem significandum, ut in citato loco satis copiose prosecutus sum. Unus autem videtur propriissimus, qui est admiratio, qua post considerationem divinæ majestatis, & excellentiæ, anima quasi suspenditur, & suspensa quiescit in conspectu Dei. In quo actu multi Patres perfectissimam collocant contemplationem, ut infra videbimus. Est autem admiratio actus voluntatis, ut in primo tomo tertiæ partis, questione decimo quinta, articulo octavo declaravi, & quomodo in illo

constat interior reverentia, & veneratio Dei, explicui in quaest. 7. disp. 20. sect. 2. Est enim vel genus quoddam suavissimæ complacentiæ, seu gaudii, quo aliquis veluti in stuporem rapitur contemplans summam excellentiam Dei super omnia dilecti, vel est genus quoddam reverentialis timoris, quo aliquis veluti reformidat ad Deum accedere, aut majestatem ejus contemplari, prout significabant Seraphin velantia capita, & pedes suos, Isaia sexto *Significabant enim* (ait Dionysius cap. 13. de cœlesti Hierarch.) *Sacram illam, ac plenam horrore venerationem, qua sancti celsiorem mysteriorum indaginem perhorrescunt.* Et Chrysostomus homilia 1. in eadem verba Isaia: *Duobus* (inquit) *alis velabant faciem, simul excludentia radium e throno procedentem, eo quod ferre non possent immensam illius gloriam, simul autem suam religionem, & reverentiam significantia, quam habent erga Dominum: Tali gaudio gaudent illa, tali letitia exultant;* & infra: *Facies quidem velabant propter metuendum spectaculum, quodque non possent inaccessam gloriam obtineri;* & infra: *Quare pedes velant? inexplabilem erga conditorem reverentiam exhibere student;* & homilia 2. Cum (inquit) *etiam ipsas supernas virtutes semper maximus obtineat stupor, propterea avertunt facies, alasque vice murorum obijciunt;* & in alia enarrat. in cap. 6. Isaï. sic ait: *Quod velabant pedes, quodque operiebant terga, utrumque indicat, eos admiratione fuisse percussos, & ad fulgorem tanta majestatis contremuisse;* & in oratione septima ex decem nuper impressis in fine romi quinti eleganter hanc ipsam adorationem exponit. Hanc ergo internam reverentiam, & adorationem participare possumus in hac vita per Spiritus sancti dona, & ita interius Deum adorare per actus voluntatis nostræ; immo etiam per ipsos actus spei, orationis, & similes, ut in loco citato latius sum prosecutus.

8 Dico secundo: Etiam actibus corporis ex affectu reverentis, ac submissi animi procedentibus adorare possumus Deum, & debemus. Assertio est de fide, quam docent omnes Theologi 3. distinct. 9. cum D. Th. supra, & Damasceno lib. 4. de fide cap. 13. Supponit autem hæc assertio posse Deum ab homine adorari etiam actib. corporis, quod supra lib. 1. satis est declaratum, estque ex se, & ex usu satis notum, quia potest homo per actum externum corporis indicare suam mentem, & internum affectum, & hæc ipsa manifestatio dicitur adoratio, quando ex affectu submittendi se alteri procedit. Supponit etiam, illum modum adorandi Deum esse honestum. Et hoc etiam est per se evidens, quia est rationi consentaneus, & ex eo, quod sit corporalis, non habet intrinsicam indecentiam, quia non ordinatur ad Deum, ut illi innotescat noster animus, ac si illum ignoraret, sed ut nos omni modo nobis possibile ei servitutem exhibeamus.

An externa
nis corpo-
ris actibus
Dei ad-
rare pos-
simus.

9 Unde concluditur tertium, quod intendimus, nempe, quod hæc etiam adoratio Deo debeat, scilicet, quia nos duplici natura constamus, corporali nimirum, & spiritali, & ideo utriusque actibus colere debemus Deum, quia utriusque auctor est. Quam rationem cum aliis declarabimus de oratione vocali disputando; est enim eadem ratio. Hoc etiam suadet vetustissima consuetudo, non solum ecclesiæ in lege gratiæ (de quo mirum non est, quod Deum factum carnem, ipsis etiam corporeis membris, & genibus flexis, & manibus extensis adoret) verum etiam omnium fidelium Sanctorum tam in lege veteri, quam naturali, ut in veteri testamento passim legimus. Est etiam hic modus colendi tam naturalis homini, ut vix possit modo sibi accommodato aliter Deum adorare. Quia sicut intelligit spiritalia per sensibilia, & ad modum rerum corporalium, ita vix exprimit interiore reverentiam, & submissionem, nisi exhibendo aliqua sensibilia signa illius, per quæ, & suo affectui quodammodo satisfacit, & rursus per eadem in illo interiori affectu confirmatur, & crescit. Præterquam quod, cum homo non sit solitarium animal, sed sociale, & inter homines vivat, expedit, ut existimationem, quam de Deo habet, & adorationem, quam illi præbet, aliis ostendat: hoc autem non fit, nisi per corporalem adorationem, quia homines non vident inter-

Utriusque
naturæ
actibus
Deum co-
lere debe-
mus.

internos actus nostros, sed sensibiles. His ergo rationibus, & infinitis aliis necesse est, Deo adorationem etiam corporalem exhibere.

An modus
externæ
adorationis
habeat
locum in
spiritibus
separatis.

10 Hic vero fortasse aliquis curiose inquireret, an modus hic externæ adorationis etiam in spiritibus separatis locum habere possit, & an possit esse debitus. Respondeo in primis, adorationem per propria membra corporis non habere in eis locum, quia corpora non habent. Deinde in assumptis corporibus posse illam exercere, si velint, uti in Scriptura sæpe legimus, & optime declarat Chrysostomus in oratione 7. supra citata: & non est dubium, quin possit Deus eam illis præcipere. Nam licet hoc non exigat eorum natura, tamen ad exercitium obedientiæ, vel propter communicationem cum hominibus, posset eis præcipi. Præterea motus ipse localis angelicus potest interdum habere rationem cultus, & adorationis, ut si Angelus, cum a cælo in terram descendit ex obedientia Dei, illammet descensionem offerat Deo in cultum, & adorationem. Sic Angeli, cum descenderunt ad præsepe, ut Christum natum adorarent, & glorificarent, illammet descensionem, & detentionem in illo loco potuerunt in divinitatis ejus recognitionem ordinare. Et quando illum ascendentem in cælum comitabantur, tota illa comitatio habebat veram rationem cultus, & adorationis. Et his modis ad litteram impletum est, quod Paul. ad Hebr. ait: *Et cum iterum introducit primogenitum in orbem terræ, dicit, & adorent eum omnes Angeli Dei, & quod dicit ad Philipp. 2. In nomine Jesu omne genuflectatur cælestium &c.*

Animæ
purgato-
rii possunt
Deum
adorare.

11 Immo existimo, ipsas purgatorii animas posse adorare, & colere Deum ipsammet detentionem in illo loco, & passionem ab igne in Deum referendo. Nam sicut violenta detentio in animabus damnatis habet veram rationem pænæ, & coactæ humiliationis, eo quod sit detentio in loco infimo, & vilissimo, repugnante voluntate, ita e converso voluntaria detentio in loco illo pænali, sicut habet quendam rationem voluntariæ pænæ, ita potest assumi ut nota, & signum debitæ subjectionis ad Deum, potestque illi offerri in recognitionem supremi dominii, & potestatis ejus. Quamvis enim illa detentio, seu permanentia in illo loco fortasse non sit ex imperio proprio ipsarum animarum, nec sit in potestate earum inde discedere, nihilominus potest esse objective voluntaria, & hoc satis est, ut per eandem voluntatem ordinetur in cultum, & adorationem Dei. Sicut passio Martyris, vel etiam Christi Domini non erat effective a voluntate ejus, sed a militibus, seu ministris; erat tamen objective voluntaria: & hoc satis fuit, ut per modum cultus sacrificium potuerit Deo offerre. His ergo modis potest in spiritibus separatis, seu Angelis intelligi cultus, & adoratio per actus externos, seu imperatos, seu voluntarie ordinatos in recognitionem divinæ excellentiæ.

Tam in-
terna,
quam ex-
terna ad-
oratio Dei
est de præ-
cepto natu-
rali. Ex-
plicatur
quæstio,
& pro-
ponitur
scriptura
ad-
oratio.

12 Dico tertio, utramque adorationem Dei tam spirituales, quam corporales esse homini in præcepto ex vi ipsius legis naturalis. Loquor de hominibus, quia de Angelis dicta sufficiunt. Est ergo hæc veritas certa omnino, & communis: ut autem illam probeamus, prius explicanda est. Distinguere enim possumus duplicem, vel, ut alii volunt, triplicem adorationem, pure spirituales, constantem ex spirituali, & corporali, & pure corporalem. Ego vero hanc tertiam prætermitto, quia vera non est, sed ficta. Ut enim exterior adoratio vera sit, debet vere significare talem existimationem de excellentia rei adoratæ, qualem exteriores actiones significant, & procedere ex voluntate, & affectu illam profitendi, nam si hæc conformitas signi cum interiori mente deficiat, fictio est, & mendacium, non vera adoratio, non recte dixit Chrysost. homil. 8. in Matth. Si autem externum signum ex tali mente procedat, vocamus illam adorationem mixtam ex corpore, & spiritu compositam. Pure autem spiritualis est, quando sine corporali signo Deus mente colitur, ut in prima assertionem explicatum est. Quod ergo ad fictam adorationem attinet, non solum præcepta non est, verum etiam est omnino prohibita, tanquam continens perniciosum mendacium, ut infra dicemus. Adoratio autem pure spiritualis non est

in hac vita determinate præcepta hominibus, quia si semper colamus Deum adoratione mixta, satis implemus obligationem colendi Deum: nam licet adoremus corpore, simul adoramus ipsum in spiritu, & veritate. Et ideo dixi, non præcipi puram spirituales adorationem determinate, quia licet præcepto adorandi Deum sæpe satisfieri possit per solam internam adorationem, nunquam tamen nobis præceptum est, ut in illa sola sistamus, & ita quoad illam particulam puram, non est determinate præcepta, quia non est prohibitum, quin semper conjungi cum illa possit corporalis adoratio. Nulli enim talis prohibitio reperitur, nec ratione aliqua naturali ostendi potest, nec est, cur homini prohibeatur semper operari modo faciliiori, magisque accommodato naturæ suæ.

Quomodo
adoratio
mixta sit
homini
præcepta.

13 At vero e contrario adoratio mixta, seu exterior est homini determinate præcepta etiam ex lege naturæ. Quod non est ita intelligendum, ut existimetur homo obligari ad utendum semper hoc genere adorationis: est enim hoc præceptum affirmativum, quod non semper obligat; & sicut potest homo in multis temporibus non adorare Deum, ita potest, si velit, sæpe adorare sola mente sine usu membrorum corporis, quia illa adoratio est prior, & abstractior, & non pendet a posteriori, neque ut fiat, neque ut honestissime fiat. Immo utilissimum est, sæpe exercere animum in hoc adorationis modo, vel ut assuescat ad rerum spiritualium contemplationem, & usum, ut sæpius, ac frequentius possit adorare Deum, etiam ubi non est commoditas exercendi externa signa adorationis. Quod ergo dicimus, est, obligari homines ex lege naturæ, ut interdum etiam corpore Deum adorent, quia cum animo, & corpore consent, & utrumque a Deo habeant, utrumque debent Deo exhibere hostiam viventem, ac ei placentem in cultum, & adorationem ejus. Item quia moraliter loquendo, & humano modo, non facile potest homo reverenter ad Deum accedere, nisi corpore ipso signa reverentiæ exhibeat, & per corpus ipsum animum componat: hic est enim modus homini maxime connaturalis, & licet interdum possit per spiritum ad Deum ascendere sine demonstratione corporis, raro tamen, & post longam consuetudinem; & ideo cultus exterior homini præcipitur tanquam maxime connaturalis. Denique quod Paulus dixit, *Corde creditur ad justitiam, ore autem confessio fit ad salutem*, ad cultum etiam religiosum Dei applicari potest; oportet enim ut homo exterius se ostendat Dei servum, & cultorem, & hoc etiam ipsa ratio naturalis dicitur: ostendit autem se talem per veri Dei verum cultum externum. Est ergo hæc adoratio sub naturalis legis obligatione.

Obiectio.

14 Dices: si de hoc divino cultu datum est naturale præceptum, quomodo in Decalogo inter præcepta primæ tabulæ, quæ ad Deum pertinent, datum non est? In illa enim tabula tantum tria præcepta scripta esse legimus, ex quibus duo priora, quæ moralia erant, negativa fuere: *Non habebis Deos alienos coram me, & non assumes nomen Domini Dei tui in vanum*. Tertium vero quod affirmativum fuit de sabbathi sanctificatione, non fuit morale, sed cæremoniale, propterea enim cessavit, & non servatur, ut docuit Irenæus lib. 4. contra Hæres. cap. 31. & Aug. 19. contra Faustum cap. 18. & lib. 3. contra duas epistolas Pelagianorum, cap. 4. Respondeo, præceptum hoc naturale, de quo hic agimus, in primo præcepto Decalogi indicari, & tertium etiam posse reduci, nec fuisse necessarium, ut expressius traderetur. Primum patet, quia licet primum præceptum per formam negationis detur, supponit, & virtute includit affirmationem, in qua illa negatio fundatur, ideo enim idololatria prohibetur, quia cultus vero Deo debitus non est ad falsos Deos transferendus. Et hoc significatum est in ipsa forma præcepti in verbo *Coram me*: perinde enim fuit, ac si diceret Deus, me solum habebis tanquam verum Deum, quem colas, neque alium in consortium deitatis mecum tibi propones.

Hinc Hebræi (& Abulens. ibi quæst. 2. refert) dixerunt verba illa: *Ego sum Dominus Deus tuus*, quæ præcedunt ante illam negationem: *Non habebis Deos alienos, coram me*, continere primum præceptum De.

Abulens.
sensus
verborum
primi præ-
cepti De-
calogi.

Decalogi, & illud esse affirmativum de adoratione Dei, & sequens negat, istum esse secundum. Quinimo etiam Hieron. Osee 10. circa illa verba: *Corripientur propter duas iniquitates suas*, dicit, illas duas iniquitates populi Israel fuisse contra duo præcepta Decalogi: *ego sum Dominus Deus tuus, & non habebis Deos alienos*. Sicut etiam illa præcepta distinguit Ezechius Levitici vigesimo sexto, quem refert D. Thomas 12. questione centesima, articulo quarto. Verumtamen licet non sit hoc admittendum; tum quia verba illa non habent formam præcepti, nullum enim verbum præceptivum continent; tum etiam quia alias plura essent præcepta Decalogi, quam decem, contra id, quod habetur Exod. 31. & 34. & Deut. 4. nihilominus verum est in verbis illis insinuatum esse, Deum verum esse singulariter colendum, & adorandum, & hoc fuisse propositum, & in memoriam redactum, ut inde facile intelligeretur ratio præcepti negativi statim subjuncti: *Non habebis Deos alienos*. Unde D. Thom. art. 4. ait, *Cum scriptum sit Matth. 7. nemo potest duobus dominis servire, ejusdem rationis esse, & sub eodem præcepto cadere: Ego sum Dominus Deus tuus, & non habebis Deos alienos*.

An 3. præceptum Decalogi sit morale.

16 Secundum patet, quia tertium præceptum licet quoad determinationem diei sabbathi ceremoniale sit, ut citati sancti docent, & est per se clarum, tamen quoad substantiam est morale, quatenus præcipit, ut per aliquod tempus divino cultui, & adorationi vacemus, ut recte D. Thom. 12. q. 100. art. 3. ad 2. & Abulens. quæst. 3. & latius in 11. in cap. 20. Exodi, ubi ait, ibi præcipi etiam aliquam externam Dei adorationem, quia propter illam præcipiebatur vacatio ab operibus, non propter corporis otium; & ideo in eodem præcepto dicitur: *Memento ut diem sabbathi sanctifices*, sanctificatio enim dies per opera religionis, quæ in eo exercenda sunt. Et ideo etiam erravit Ezechius, ut D. Thom. notat dicto art. 4. excludens præceptum de sabbathi sanctificatione a præceptis Decalogi, eo quod ceremoniale sit. Nam præterquam quod hoc repugnat contextui Scripturæ, est contra communem sententiam Patrum, & sensum totius ecclesiæ, & contra rationem: quia (ut dixi) præceptum illud non tantum ceremoniale est, sed etiam morale, & ideo ex illa parte potuit optime inter præcepta Decalogi poni. Et fuit etiam conveniens, quoniam in illo præcepto indicatur servitus Deo debita in recognitionem beneficiorum ejus, ut D. Thomas ait dicto articulo 4. & 5. & ideo debuit ab ipso Deo tradi inter illa decem verba, quæ in tabulis digito suo scripsit.

Adoratio non Dei non fuit necesse trahi expressius in Decalogo.

17 Tertium, videlicet non fuisse necessarium præceptum hoc adorandi Deum, clarius, & expressius tradit in Decalogo, probatur ab Abulens. supra q. 2. quia præceptum affirmativum colendi Deum non est unum, sed multiplex, nam complectitur præcepta fidei, spei, & charitatis, quibus maxime colitur Deus, teste Augustino in Enchir. cap. 3. & 5. & lib. 12. de Trinitate, cap. 14. Sed hoc parum urget, nam licet præceptum adorandi Deum possit esse generale, quoad materiam, qua potest homo uti ad colendum Deum, nihilominus formaliter, & sub ratione adorationis, & religiosi cultus potest esse speciale, saltem specie subalterna pertinente ad virtutem religionis, juxta illa, quæ de actibus hujus virtutis præcedenti tractatu diximus. Aliter ergo D. Thom. dicta quæst. 100. articulo 4. ad 2. ait, præceptum affirmativum non distinguatur a negativo, quando unum comprehenditur sub alio, sicut non est aliud præceptum restituendi a præcepto non furandi; hic autem præceptum adorandi Deum, & non colendi alium Deum, ita comparari, ut unum sub alio comprehendatur. Addo vero, illud ipsum præceptum magis fuisse explicatum in primo præcepto per negationem, quam per affirmationem; quia tam naturale est homini adorare Deum, ut solum fuerit necessarium impedimenta remove; quod factum est per illam prohibitionem, quæ illi populo, & illo tempore fuit maxime necessaria propter pronitatem ad idololatriam, quam ex consuetudine, & conversatione cum gentibus conceperat. Ablato autem hoc impedimento solum oportuit, certum aliquod tem-

pus exigere ad cultum Dei exercendum, quod in tertio præcepto factum est.

C A P U T II.

Quomodo sit colendus, seu adorandus Deus ex vi legis, seu præcepti naturalis.

Diximus in generali de præcepto adorandi, seu colendi Deum, quia vero illud non potest in universali impleri, sed aliquo actu modo particulari; ideo necesse est, exponere, quomodo hæc determinatio vel præcipiatur, vel fieri possit, ita ut præceptum impleatur. Possumus autem loqui vel de adoratione interna, quæ mente, vel de externa, quæ corpore fit. Item loqui possumus vel de præcepto naturali modum, & speciem adorationis præcipiente, vel de præcepto positivo, aut divino, aut ecclesiastico. Cum autem loquimur de divino jure naturali, non illud tantum intelligimus, quod pura naturalis ratio sine fidei lumine dicat, sed illud præcipue, quod ipsi gratiæ connaturale est, & ex ipso fidei lumine intrinsece, & connaturaliter nascitur, & quod de illo dixerimus, poterit cum proportionem applicari ad jus ipsum naturale, quod in pura natura humana bene instituta, & ordinata ad suum naturalem finem inveniretur.

Status quæstionis.

2 Dico ergo primo: Ex vi solius legis naturalis non tenetur homo colere, vel adorare Deum alio cultu pure interno, præter illum, qui in actibus fidei, spei, charitatis, & poenitentiae (si necessarij sit) continetur; immo in rigore præcepti legis naturæ non tenetur homo hos actus exercere formaliter sub ratione adorationis, & cultus, sed tantum materialiter, seu in actu exercito; atque ita præceptum naturale in rigore non obligat ad adorationem pure mentalem. Utergo intelligatur assertio, suppono, teneri hominem ex divino jure ad credendum, amandum, & sperandum in Deum, & ad poenitentiam agendam, si moraliter peccavit. Per fidem autem habet homo de Deo convenientem estimationem; per amorem vero, & spem illi unitur ut summo bono, & supremæ causæ salutis suæ. Et (si per peccatum a Deo averfus erat) per poenitentiam ad eum convertitur. Et hinc fit, ut illi actus sint aptissimi de se, ut in internum Dei cultum, veramque adorationem referantur: sicut in primo tomo tertiæ part. disputation. 51. sect. 2. ex mente Augustini, & D. Thom. & ex rationibus ipsorum satis ostendi. Si ergo homo illis actibus colat Deum, & per virtutem religionis eos imperet ad recognoscendam, & profitendam divinam excellentiam, eique debitam subjectionem tribuendam, satis implet obligationem adorandi Deum pura mente, & spiritu, quatenus ad illam supremam mentis partem hoc officium pertinere potest. Et ita patet prima pars assertionis; nam licet fortasse possit mens nostra aliis etiam internis actibus Deum colere, tamen cum illi nos uniant Deo sufficienter, in aliis non est tanta necessitas.

Quo cultu interno teneatur homo Deum adorare.

Explicatur assertio.

3 Neque aliquem moveat actus obedientiæ ad Deum, nam quatenus necessarius est, in perfecta Dei dilectione continetur, quatenus vero sub speciali formalitate virtutis moralis exerceri potest, non est necessarius simpliciter ad salutem. Dices, etiam poenitentia posset in rigore per charitatem sufficienter exerceri. Respondeo, verum id esse, nec distincte numerari, ut in rigore postuletur per modum specialis actus virtutis moralis, sed ut significetur in eo, qui peccavit, necessarium esse, ut non solum amet, sed etiam doleat, & se Deo submittat, sive per solam charitatem utrumque faciat, sive alio modo. Et hoc modo Augustinus in Enchir. cap. tertio, & libro decimo de Civitate cap. 4. & 12. de Trinit. capite decimo quarto, a S. Damascenus orat. 3. de Imaginibus circa medium, hos actus ponunt inter præcipuos actus divinæ adorationis.

An obedientiæ actus sit necessarius.

4 Item vero probatur altera pars assertionis; nam duobus modis possunt hi actus theologicarum virtutum exerceri, vel ex propriis rationibus tantum, prout eliciuntur a propriis virtutibus, vel ex affectu colendi Deum,

Prima pars assertionis probatur.

Deum, a quo suo modo imperari possunt, ut dixi. Ex his autem duobus modis prior est per se, & natura sua ex vi talium virtutum necessarius, quia substantia, & essentia talium actuum in illo consistit, & ideo cum illi actus præcipiuntur, necessario præcipiuntur quoad proprias rationes suas, in quibus materialiter, (ut sic dicam) seu in exercitio includunt cultum Dei, & subjectionem ad ipsum. Posterior autem modus est accidentalis illius actibus, & ideo propter proprium illorum usum, & exercitium necessarius non est. Neque vero est aliquod naturale principium, unde colligi possit naturalis obligatio exercendi illos actus sub tali ratione, & imperio. Dices, etiam postulari ab homine, ut ex virtute religionis, & proprio affectu illius reddat Deo debitam servitutem. Respondeo, esto ita sit in genere loquendo, non tamen in particulari esse necessarium ex sola rei natura, ut religio utatur illis actibus internis ad Deum adorandum, quia vel potest id præstare aliis actibus, ut laude Dei interna, vel gratiarum actione, vel admiratione, vel pia meditatione, aut aliis similibus: vel certe posset illud officium exhiberi sufficienter per externos actus adorationis; nam cum illis mens subicitur, ut supra declaravi. Et ita in rigore præcepti naturalis non obligatur homo ad adorationem Dei pure mentalem, quia per mistam potest naturali obligationi satisfacere, sicut inferius etiam de oratione dicemus.

Obiectio-
nis satis sit.

In exerci-
tio adora-
tionis in-
ternæ nul-
la deter-
minatio.

5 Atque hinc tandem fit, in hoc genere adorationis internæ nullam determinationem quoad exercitium (ut sic dicam) factam esse per proprias leges præcipientes divinum cultum, & adorationem, ut talis est; quia nec naturalis lex facit hanc determinationem, ut declaravi, nec leges positivæ divinæ, vel humanæ illam fecerunt. Nam leges humanæ non dantur de actibus pure internis secundum se: divinæ autem quoad actus internos nullæ sunt præter eos, qui ex natura rei sunt necessarii: nullæ enim aliæ nobis datæ, aut promulgatæ sunt. Hæc ergo determinatio ad arbitrium ipsius hominis operantis fieri potest, solumque oportet, ut legitimis actibus, (ut sic dicam) & Deo decentibus fiat, quæ obligatio ex naturali quidem lege nascitur, sed pertinet magis ad negativum præceptum non exhibendi Deo supersticiosum cultum, quam ad affirmativum; de quo præcepto infra dicendum est.

Ex lege
naturali
an sit de-
termina-
tus cultus
externus
adoratio-
nis.

6 Dico secundo: Ex vi solius legis naturalis non est positive determinatus modus particularis adorandi Deum cultu externo, nec quoad genera actionum, nec quoad tempora, vel alias circumstantias, sed solum datur vel præceptum affirmativum generale quoad exercitium, scilicet, ut talis adoratio aliquando exerceatur, vel etiam quoad specificationem genericam, seu subalternam, ut modo decenti, & proportionato fiat, vel ad summum est affirmativum præceptum cum negativo conjunctum, scilicet, ut adoraretur Deus sine modo supersticioso, aut indecente. Hæc conclusio sumitur ex his, quæ latius, & distinctius tractavimus in 3. tom. disputatione 73. per totam, præsertim sectio octava, quibus hic nihil fere addendum occurrit. Probatur ergo prima pars ratione sumpta ex D. Thom. 2. 2. quæstion. 85. artic. 1. ad 3. quia licet sit homini naturale significare conceptus suos per sensibilia signa, tamen determinatio talium signorum est secundum humanum placitum: ergo similiter cum adoratio hæc consistat in usu aliquorum signorum externorum, licet usus illorum in genere sit de lege naturæ, determinatio illorum non erit de lege naturæ, sed aliunde. Et confirmatur, quia nulla sunt principia naturalia, ex quibus necessario inferatur, his potius, quam illis signis esse utendum ad Deum adorandum. Confirmatur secundo ex varietate talium signorum: nam quæ lege naturali præscripta sunt, eadem sunt apud omnes; at in modo colendi Deum cultu externo, magna varietas fuit a principio orbis etiam inter veros Dei cultores; ergo. Arque eodem modo constat, non habere præceptum hoc determinationem temporis ex sola lege naturali, nam est præceptum affirmativum, quod non obligat pro semper, nec pro certo numero actionum in anno, mense,

vel hebdomada, & sic de aliis circumstantiis. Relinquitur ergo, ut solum in generali sint hæc omnia sub proprio præcepto legis naturæ, determinationem autem faciendam esse vel per positivam legem, vel per prudens arbitrium operantis. Quod vero in hac determinatione necessaria sit prudentia, & decencia, per se notum est.

7 Ut autem breviter declaremus, quomodo hæc determinatio facienda sit, præsertim in modo actionum, adverto, quod si consideremus omnes actiones, vel signa externa posita in actionibus, vel motibus corporis (extra locutionem) quibus aliis honorem deferimus, omnia sunt indifferentia, & ad honorandos homines usurpari solent, ut notavit August. lib. 10. de civitate cap. 4. dicens: *Multa de cultu divino usurpata, quæ honoribus deferuntur humanis, sive humilitate nimia, sive adulatione pestifera, ita tamen ut quibus deferantur, homines haberentur. Quis vero sacrificandum censuit, nisi ei, quem Deum aut scivit, aut putavit, aut finxit?* Immo Greg. Nyssen. quem D. Thom. refert Luc. 22. in Catena circa illa verba, & positis genibus orabat, dicit: *honorifica signa, quæ invicem exhibemus, fatentes nos humiliores esse respectu excellentiæ proximi, transumpta a nobis ad obsequia incomparabilis naturæ: quia humana natura nihil habet Deo condignum, quo ejus excellentiam protestetur, ac recognoscat.* Unde fit, ut hæc signa de se indifferentia sint ad humanam, & divinam adorationem, solumque ex adorantis intentione, aut verbis discerni possint, nisi aliqua peculiari consuetudine, vel institutione signum aliquod soli Deo accomodatum sit. Unde & in Scriptura legimus, & usu observari videmus, ut fere omnia signa reverentiæ, quæ Deo ipsi per corpus exhibentur, hominibus etiam tribuantur, ut sunt genuflexio, corporis humiliatio, prostratio, & similia. Sic Ruth. 2. prostrata in terram adoravit Booz: & Abigail adoravit David 1. Regum 25. & Judith, cap. 10. viso Holoferne, adoravit eum prosternens se super terram.

Externæ
adoratio-
nes sunt
indifferen-
tes ad
Deum, &
homines,

8 Similiter genuflexio ad hominem adorandum fit, sed ordinarie fit tantum uno genu: & ideo qui reverenter Deum colunt, solent utrumque genu in terram figere, ut de Salomone legimus 3. Regum 8. & de Petro, & Paulo, & Stephano, aliisque fidelibus Actuum septimo, 9. 20. & 21. Verumtamen hoc signum interdum etiam exhibetur homini in signum adorationis, sicut de quodam Quinquagenario legimus 4. Regum 1. qui hoc modo adoravit etiam, & nunc solemus utrumque genu coram pontifice flectere. Addi præterea solet, in divina adoratione manuum elevatio ad cælum, ut significetur, totam adorationem ad Deum specialiter referri, sicut de Salomone loco supra citato, & 2. Paral. cap. 6. legitur, & 1. Esdræ, cap. 9. *Curvavi genua mea, & expandi manus ad Dominum Deum meum;* & ideo Psal. 43. dicebat David: *si expandimus manus nostras ad Deum alienum*, quasi hoc sit proprium signum adorationis veri Dei: unde Psalm. 140. ait: *elevatio manuum mearum sacrificium vespertinum.* Et nihilominus etiam hoc signum interdum extenditur ad homines: quia magis videtur ordinari ad postulandam misericordiam, vel auxilium, quam ad exhibendam reverentiam, licet utroque respectu fieri possit: inde enim est illud Augustini libro de Cura pro mortuis agenda, cap. 5. *Orantes de membris corporis suis faciunt, quod supplicantibus congruit, cum genua figunt, cum extendunt manus, &c.* Unde eo modo, quo potest ab homine misericordia, vel auxilium postulari, possunt etiam supplices manus ad illum elevari, sicut facere solent pauperes coram divitibus: & nos religiosius ad sanctos cum Christo regnantes genua flectimus, & manus cum debita intentione extendimus, ac elevamus.

Utroque
genu flecto
Deus
reverenter
colitur.

Manuum
elevatio
ad cælum
quid si-
gnificet.

9 Signum etiam tundendi pectus videtur esse maxime proprium divinæ reverentiæ, quia est signum postulandi veniam peccatorum, quæ solum Deus remittit. Unde August. libro 50. Homil. in 10. refert, consuetum fuisse Christianis tundere pectus, cum dicerent, *dimitte nobis debita nostra*; exemplo scilicet illius publicani, qui non audebat oculos suos levare in cælum, sed pectus suum percutiebat dicens:

Pectus tu-
dendi si-
gnum cui
competa-

Deus propitijs est mihi peccatori. De quo videri possunt multa apud Durandum lib. 2. de Ritib. c. 12. n. 5. & ita Ceruuba lib. 1. quæst. 5. dub. 6. Ubi inter actus ad propriam Dei adorationem designatos ponit hunc percutiendi pectus. Et fortasse ex usu frequenti, & communi ita est, tamen ex natura actus sine dubio indifferens etiam est. Nam solum est actus ostendens submissionem animi petentis veniam pro offensione aliqua, quæ submitto fieri potest etiam homini a nobis offenso ad postulandam etiam ab eo remissionem, quatenus ab eo fieri potest; posset ergo per illum actum etiam significari, si consuevendo id ferrer. Præterquamquod illud magis assumitur in signum contriti cordis, juxta illud Augustini Enar. 2. in Psal. 41. *Tunso pectoris contritio cordis.* Sic ergo potius ad virtutem pœnitentiæ spectat, quam ad propriam adorationem, quatenus religionis actus est.

Adoratio externa determinanda per actum internum.

10 Igitur adoratio externa aut est privata, aut publica. Item aut fit signo non habente certam significationem ex impositione, aut fit signo jam imposito sufficienter ad aliquid determinate significandum. Quando ergo adoratio est privata, & fit signo de se communi, tunc ut fiat divina, & propria religionis, quantum ad ipsum operantem, per intentionem ejus determinanda est, quia non est aliud principium, unde talem determinationem accipere possit, & quia actus externus, ut exercitus, ab interno, seu ab intentione accipit rationem suam. Item quia hæc externa opera non significant naturaliter talem, vel talem excellentiam ejus, cui exhibentur, sed ex institutione, & ad placitum; ergo respectu ipsius operantis, & quoad privatum usum ejus non potest commune signum aliunde habere talem significationem, seu animi expressionem, nisi ex voluntate, & intentione ejus. Dicitur autem adoratio privata in rigore omnis illa, quam unusquisque exhibet pro se tantum, & in persona sua tanquam privatus cultor Dei. Hæc tamen ipsa privata adoratio potest fieri, vel occulte, vel publice. Quando fit occulte, ordinariæ solæ intentioni bona ex vera fide, ac devotione perfecta sufficit ad determinationem faciendam: nam ex parte Dei nihil aliud requiritur, nec ex parte aliorum hominum, quia supponitur, actionem esse occultam. Et ita potest fieri quocumque tempore, loco, &c. Solum ex parte operantis attendendum erit, ut talis sit gestus, vel actio, aut usus exteriorum membrorum, ut ad reverentiam conciliandam, ac submissionem, & devotionem internam excitandam sit accommodatus: & ut corporis etiam infirmitati, ac defatigationi sit proportionatus, ita ut prudens mediocritas fervetur.

Adoratio privata quæ.

11 Quando vero hæc ipsa adoratio privata publice fit, tunc aliorum ratio habenda est, & ideo tunc non satis est bona intentione operari, sed necesse est, talibus signis uti, quæ alios non offendant, & cavere, ne ex circumstantiis loci, temporis, & personarum astantium possint actiones significare aliud, quam operans intendit, nimirum, aut adorationem illam non esse consentaneam Deo, vel non indicare in ipso adorante veram existimationem de excellentia ejus, aut significare, propriam Dei adorationem tribui alteri, qui non est verus Deus, ut latius infra dicemus de idololatria tractantes.

Quid servandum sit in hac adoratione, quando sit publice.

12 Quando denique adoratio fit signo jam imposito ad significandum peculiari modo divinam excellentiam, jam in ipso opere ablata est indifferentia, ideoque soli Deo potest per tale signum adoratio exhiberi. Hæc autem determinatio (secluso sacrificio, de quo nunc agimus) vix invenitur in actionibus externis, quæ solum in aliquo usu, vel inflexione membrorum corporis positæ sint: sed tantum in verbis, & consequenter in usu lingue, quatenus illa profert, vel manus, quatenus illa scribit. Et hac ratione oportet laudare, seu adorare Deum, quando ore adoratur, vocibus vere significantibus excellentiam ejus. Neque hoc loco plura de hac adoratione privata dicam, quia de modo hujus privatae adorationis nulla sunt orta positiva præcepta, quæ explicare necesse sit. Reliqua vero, quæ de hac adoratione desiderari pos-

Aliud signorum exteriorum genus.

sunt in dicto 1. tom. 3. part. tractata sunt, quæ vero spectant ad sacramentorum usum, in suis locis explicata sunt.

13 Atque hinc etiam constat, quid dicendum sit de adoratione Dei publica. Voco autem publicam non omnem illam, quæ coram aliis fit, sed illam, quæ ita de se fit coram aliis, ut nomine omnium fiat, sicut fit ab ecclesia per ministros, & sacerdotes suos colentes Deum. Hoc enim genus adorationis necesse est fieri aliquo signo visibili, quia communitas hominum non potest in alio signorum genere coalescere, & convenire, ut recte dixit contra Faustum Augustinus lib. 19. cap. 11. Estque per se notum, quia interiora signa per se occulta sunt hominibus, qui non intuentur cor: adoratio autem, quæ nomine omnium fit, debet ex se nota esse omnibus; debet ergo fieri signo visibili. Oportet etiam, ut habeat significationem auctoritatis publicæ, & communi, alias etiam non posset nomine omnium fieri. Et consequenter oportet, ut jam tale signum habeat ex impositione determinatam significationem, & quod illa sit accommodata veræ excellentiæ Dei, sive ille modus quoad alias circumstantias per naturalem prudentiam determinandus sit, sive per publicas leges sit præscriptus, utrumque enim conjungi potest, & utrumque servandum est, ut in sequentibus videbimus.

Adoratio publica requiritur externum signum.

14 Est autem observandum circa hanc adorationem publicam, seu communem, duobus tantum modis esse, & fuisse in usu inter homines. Unus est per actionem sacrificii: alius per orationem publicam, inter quos duos modos prior semper habitus est, ut præcipuus, & primarius: juxta illud Pauli ad Hebr. 5. *Omnis homo ex hominibus assumptus pro hominibus constituitur in his, quæ sunt ad Deum, ut offerat:* & cap. 8. *Omnis pontifex ad offerendum munera, & hostiis constituitur.* Huic autem muneri semper conjuncta fuit oratio, sive ad impetrandum, sive ad laudandum Deum, vel ei gratias agendum. Hæc enim duo actionum genera inventa sunt apta, & sufficientia, ad Deum adorandum publico ritu, & cultu, aliæ enim actiones vel ordinantur ad sanctificationem ipsorum fidelium proxime, & immediate, ad cultum vero remote, ut est sacramentorum usus, vel sunt ad ornatum, & decentiam illarum actionum principium. De publico ergo cultu Dei, qui oratione, vel laude fit, infra ex professo disputaturi sumus, de illo vero, qui consistit in sacrificiis, & oblationibus in citato 3. tom. 3. part. fuisse disputatum est. Hic ergo supponendo breviter ea, quæ ibi dicta sunt, solum addemus ea, quæ ad præcepta ecclesiastica potissimum spectant: & ad convenientem usum dictarum actionum ordinantur, & ibi in hunc locum remissa sunt.

Duo genera publicæ adorationis.

C A P U T III.

An offerre Deo aliqua sacrificia in cultum ejus, sit lege naturali, divina, vel ecclesiastica præceptum.

1 Hic breviter explicabo, quæ Divus Thomas in hac materia quæst. 85. 22. attigit, solum quatenus necessaria videbuntur ad hujus materiæ complementum, & ad ea intelligenda, quæ postea de superstitione, Idololatria, & aliis vitiis religioni contrariis, seu (quod perinde est) ad intelligenda præcepta negativa huic virtuti annexa, necessaria sunt. Quia vero sacrificium oblatio quædam est, ideo prius ratio nominum oblationis, & sacrificii præmittenda est. Differunt enim illa duo tanquam genus, & species: omne enim sacrificium oblatio est, non vero omnis oblatio est sacrificium, proprie, & stricte tam de oblatione, quam de sacrificio loquendo. Nomen enim oblationis latissime patet: nam potest esse oblatio interna, & externa, prior proprie pertinet ad devotionem, qua homo se totum, & sua offert in obsequium Dei; posterior vero fit per actiones sensibiles, & externas. Rursum potest homo offerre se ipsum Deo, non solum interius, & affectu, sed etiam exterius, & cum reali affectu, quomodo

Oblatio, & sacrificium eundem in quo differant.

modo se offert quis Deo per professionem religionis, vel per sacram ordinationem, immo & per baptismum, vel confirmationem, aut pœnitentiam, & sic etiam martyr per martyrium vitam suam Deo offert. Et ita nonnulli inter actus peculiariter designatos ad cultum Dei ponunt martyrium, ut ex August. 10. de Civit. cap. 4. notat Wald. tom. 3. de Sacrament. cap. 17. num. 4. Cordub. lib. 1. quæst. 5. dub. 6. Aragon. 22. quæst. 84. art. 2. in fine. Verumtamen non agimus hic de his oblationibus; nam illæ secundum proprias rationes aut habent peculiare virtutes, ad quas pertineant, ut martyrium fortitudinem, & charitatem, satisfactio, vel castigatio proprii corporis pœnitentiam. Licet ad cultum, & adorationem per religionem assumi possint, vel certe multæ ex illis pertinent ad cultum sacramentorum. Solum illa de professione religionis habere potest in hac materia peculiarem considerationem, quam infra trademus, tractando de voto præsertim solenni.

Quid sit oblatio proprie.

Oblatio- nis varie divi- sio- nes.

2 Oblatio ergo proprie dicitur actio exterior, per quam aliquid ex nostris sensibilibus bonis Deo offerimus in recognitionem dominii, & excellentiæ ejus, & servitutis nostræ ad ipsum, vel in quemcumque cultum religiosum Dei. Hæc vero oblatio ulterius dividi potest, nam quædam offeruntur Deo ipsi immediate, tanquam illi, cui directe donantur, etiam si postea cedant in aliquem hominum usum, ut sunt multa ex his, quæ in ecclesia, vel in altari offeruntur, alia offeruntur Deo tanquam ei, propter quem donantur; proxime vero, & directe donantur ministris ejus, ut sit in decimarum solutione, sed illæ communiter non censentur proprie oblationes: & ita D. Thom. 2. 2. quæst. 85. artic. 3. ad 3. dixit, decimas non esse oblationes. Nunc ergo de oblatione in hac stricta significatione tractamus: & adhuc sic accepta tandem subdividitur in oblationem simplicem, seu puram, & in sacrificium, quæ est oblatio cum aliqua consecratione, vel mutatione rei oblata, ita ut ipsa consecratio, vel mutatio fiat in peculiarem Dei venerationem. Et ita distinxit Divus Thomas supra oblationem a sacrificio, eamque distinctionem late declaravimus, & ex Patribus confirmavimus in tom. 3. 3. part. disput. 73. sect. 5. In hoc ergo capite de solo sacrificio tractamus, insequentibus de oblationibus dicemus.

Sacrifici- um externum est quasi de jure gentium.

3 Dico ergo primo: Colere Deum per visibile sacrificium, & externam oblationem, licet non sit in rigore præscriptum sola lege naturæ, est adeo consentaneum illi, ut semper fuerit quasi de jure gentium, quod quodammodo naturale dicitur. Hanc etiam assertionem attingi citato loco, & juxta illam interpretor D. Thom. dict. quæst. 85. artic. 1. dicentem, sacrificium esse de lege naturæ, quod de oblatione etiam dicit; quæst. 86. art. 4. Prima ergo pars sequitur aperte ex præcedentibus, quia licet cultus per externas oblationes, vel sacrificia generalis sit, & hac ratione videatur esse posse naturalis: nihilominus comparatus ad cultum externum in communi jam addit determinationem aliquam: nam multi sunt cultus externi, qui non sunt sacrificia nec oblationes externarum rerum, ut sunt genuflectio, tussio pectoris, laudatio vocalis, & similes. Possent ergo homines esse contenti similibus actionibus, ad Deum adorandum sine aliis oblationibus: neque hoc haberet intrinsecam deformitatem ex vi legis naturæ, ut per se constat, quia ex nullo principio ostendi potest intrinseca malitia in limitatione talium signorum, cum negatione (ut sic dicam) aliorum. Ergo ex solis principiis naturæ non ostenditur necessarium præceptum talium oblationum.

Probat- ur conclusio

4 Altera nihilominus pars probatur ex ipso usu, qui satis ostendit inclinationem hominis naturalem; nam in primis ex Scriptura habemus, statim a principio mundi Abel, & Cain obtulisse Deo de bonis suis, quos naturali lege ductos fecisse testatur Chrysost. homilia 18. in Genes. & Cassian. collat. 8. cap. 23. & oblationes illas sacrificium fuisse sentiunt, estque communis expositio in illum locum. Et licet de Adam simile quid non legatur, verisimilimum est filios a patris doctrina, & exemplo id didicisse. Nec oportuit Scripturam omnia narrare, ut dixit D. Thomas dicto artic. 1.

Suarez, Tom. XII.

ad 5. ubi etiam congruentiam addit, eum neque de Adam, neque de Isaac id in Scriptura referatur, quæ ibi videri potest. De aliis vero patriarchis ante legem scriptam frequenter refertur, de Noe, Abraham, Jacob, Melchisedech. Nec solum de fidelium oblationibus, & sacrificiis, sed etiam de gentium sacerdotibus, & sacrificiis, quæ diis suis, & idolis faciebant, Scriptura loquitur, & præcipue Genes. 47. fit mentio sacerdotum Egypti, & singularis immunitatis eorum. Aristoteles etiam lib. 7. Polit. cap. 8. inter alia ad perfectam remp. necessaria, *Primum*, id est, præcipuum esse dicit, *circare rem divinam cultum, quem vocant sacrificium*. Unde in fine concludit, inter alios artifices, vel magistratus necesarios esse *sacerdotes*, de quibus etiam dixerat lib. 6. cap. ult. quosdam vocari sacerdotes, alios ædituos, qui templorum curam habent, & earum rerum, quæ ad divinum cultum pertinent: alios autem vocari sacrificulos, alios reges sacrorum, alios pontifices maximos: & lib. 8. Ethic. cap. 9. sacrificia dicit esse antiqua. In Romana etiam rep. & aliis hunc morem fuisse constat: satis ergo hinc ostenditur, quam sit naturalis hic cultus. Non defuerunt tamen Philosophi, qui dixerint, hunc ritum visibilibus sacrificiorum solum propter continentium vulgus permitti, non vero quia ad Dei cultum conferant. Ut de Seneca refert Augustin. lib. 6. de Civitat. cap. 10. sed hi ex dictis in cap. præced. satis confutantur.

5 Quod ergo hic modus colendi Deum, si alias in verum Deum referatur, & debitis circumstantiis fiat, honestus sit ex vi legis naturæ, manifestum est ex usu omnium piorum, & vera fide colentium Deum; item quia in tali actu est aptitudo, & congruentia, ut ad divinum cultum ordinetur, & alioquin nulla deordinatio, vel prava circumstantia per se illi conjuncta est. Quæ omnia in dicto loco late deduxi, & parè breviter, quia dum res aliqua Deo offertur, gratitudo animi erga illum ostenditur, & ipse tanquam bonorum omnium auctor recognoscitur. Neque enim hæc dona illi offeruntur, quia eis indigeat, vel quia illi sint utilia, sed *Offerentium utilitati prospicitur* (ait Philo lib. de Sacerdotum honoribus in principio) *dum enim assuescunt semper alimenti partem Deo decidere, nunquam in ejus oblivionem veniunt, quare nihil in vita potest contingere felicius homini*. Deinde cum huic oblationi adjungitur aliqua cæremonia facta, qua res oblata mactatur, vel aliquo modo conficitur, vel consumitur, additur expressa quædam significatio dominii supremi Dei, a quo omnium aliarum rerum vita, & esse pendet, & interdum etiam ex divina institutione ad aliquid aliud mystice significandum accommodatur, quod totum sanctum, & religiosum est.

Hunc modum colendi Deum esse honestum.

6 Et hinc orta est conformitas, & consonantia inter hunc cultum, & naturam hominis, quæ sensibilis simul, ac rationalis est, ut Damas. Orat. 3. de Imag. & lib. 4. de Fide cap. 13. adnotavit. Nam quia homo per sensibilia intelligit, per usus etiam signorum sensibilium explicat mentem suam, & memoriam renovat, & affectum suum movet. Quod jucundius, & cum majori attentione, & quasi admiratione facit, quando non tantum verbis, sed etiam factis, nec tantum usu membrorum corporis, sed etiam aliis actionibus, & rebus ipsis, seu bonis suis externis animum suum ostendit. Ita ergo in exhibenda reverentia, præsertim Deo, his omnibus signis utitur, estque hoc illi valde conaturale, & propensioni naturali consentaneum. Hic vero statim occurrebat declarandum, quæ circumstantiæ necessariæ sint, ut sacrificium honeste offeratur: sed hoc in 3. tom. late tractatum est. Est summa est, primo ex parte materiæ servandum esse, ut res Deo digna illi offeratur; secundo, ut vero Deo offeratur; tertio, ut juxta legitimam institutionem; quarto, ut a debito ministro. Omnia vero pendent maxime ex institutione: qualis vero esse possit, an humana, vel tantum divina, dicto loco late differui.

Conformitas inter hunc cultum, & hominis naturam.

7 Tandem, ut explicemus amplius ultimam partem assertionis, interrogare possumus, quid sibi voluerit Divus Thomas, constituendo in hoc discrimen aliquod inter sacrificium, & simplicem oblationem, ut ex ipso licet colligere in 22. quæst. 85. artic. 1.

D &

Diffen-
tas pro-
ponitur:

& quæst. 86. art. 1. Nam in priori simpliciter asserit sacrificium esse de lege naturæ, in posteriori vero ait, *huiusmodi oblationes de sui ratione habere, ut voluntarie offerantur, secundum illud Exod. 23, ab homine qui offert ultronens, accipietis eas.* Videtur enim difficile explicatu, in quo hæc differentia posita sit: nam si loquamur proprie, & in rigore de lege naturali, prout dicit præceptum obligans ex solo discursu rationis naturalis, non magis sacrificium, quam oblatio simplex est de lege naturæ, ut ostensum est: si vero loquamur latius de lege naturæ, prout dicit solum moralem quemdam usum de se honestum, ac religiosum, & consentaneum naturæ hominis, non minus simplex oblatio est de jure naturæ, quam sacrificium: immo simplex oblatio videtur de se magis connaturalis, quia sine speciali impositione, aut institutione statim ipsa dictante natura oblatio munerum, & fructuum a Deo receptorum repræsentatur, ut apta ad ipsius dominatum, & beneficentiam recognoscendam, ac protestandam. Respondeo breviter, quod ad legem pure naturalem attinet, nullam in hoc inveniri differentiam inter oblationem simplicem, & sacrificium, ut ratio facta convincit, nec Divus Thomas talem differentiam constituere intendit. Quin potius cum in artic. 1. dictæ quæst. 85. dicit, sacrificium esse de lege naturæ, late videtur loqui de omni oblatione alicujus rei facta Deo in recognitionem dominii ejus: hoc enim tantum probat ejus ratio, unde postea in artic. 3. ad 3. distinctionem constituit inter oblationem, & sacrificium; sentit ergo, doctrinam priorem utrique esse communem. Postea vero in quæst. 86. artic. 1. potius explicat, quibus modis nunc contingat interventu humanæ voluntatis oblationem cadere sub obligationem.

Sacrifici-
um est actio,
magis sacra,
quam
oblatio.

8 Ex illo tamen loco videtur colligi quædam differentia; quia sacrificium semper habitum est ut actio magis sacra, & publica, quam simplex oblatio, & ideo regulariter de ritu sacrificandi in unaquaque republica semper fuerunt instituta jura, & præcepta specialia tam spectantia ad modum, & ritum sacrificii, quam præcipientia usum, & exercitium eorum. Sicut in lege veteri factum esse scimus, & in nova conspiciamus, & verisimile est, idem fuisse in lege naturæ tam inter cultores veri Dei, quam inter gentes suo modo, quamvis enim non omnes etiam fideles eodem modo sacrificarent, ut in sacrificio Melchisedech, & sacrificiis Noe, vel Abraham notari potest: tamen in unaquaque congregatione credibile est fuisse solennem sacrificandi ritum, neque fuisse unicuique licitum, vel permissum suo arbitrio, & auctoritate ad libitum sacrificare, ut in dicta disputat. 73. latius tractavi. At vero usus simplicium oblationum videtur fuisse semper magis liber, & voluntarius, & ideo D. Thom. illis oblationibus specialiter tribuit, quod ex sua natura spontaneæ sint, non solum purum jus naturæ considerando, sed etiam spectando ad communem usum, & quasi jus gentium. Et ideo licet utraque oblatio simplex, & sacrificium suo modo sit de jure naturæ, quantum ad honestatem, & congruitatem ad divinum cultum, tamen sacrificium specialius videtur fuisse semper in præcepto, quasi ex communi consensu omnium nationum; usus vero oblationum, & modus earum minorem determinationem semper habuit, & uniuscujusque arbitrio relictus est. Ex his ergo satis tota hæc conclusio declarata, & probata est.

Sacrifici-
um in nova
lege est
de jure
divino.

9 Dico secundo: Cultus Dei per verum sacrificium in lege nova præceptum est jure divino a Christo ipso institutum. Hæc assertio est de fide ex verbis Christi Domini Matth. 6. *Hoc facite in meam commemorationem*: addita sententia Concil. Trident. sess. 2. cap. 1. dicentis, Christum illis verbis, *Hoc facite in meam commemorationem, Apostolis, eorumque, in sacerdotio successoribus, ut offerrent, præcepisse, uti semper catholica ecclesia intellexit, & docuit*; & Can. 2. ita definit: *Si quis dixerit illis verbis, Hoc facite in meam commemorationem, Christum non instituisse Apostolos sacerdotes, aut non ordinasse, ut ipsi, alique sacerdotes offerrent corpus, & sanguinem suum, anathemata sit.* Ratio vero hujus præcepti est, quia ecclesia Christi

Ratio
præcepti.

est visibilis congregatio sub una fide, & uno capite ad verum Dei cultum instituta, & ideo habere debuit a suo institutore visibile sacrificium, quo maxime Deum colere teneretur. Ergo Christus, qui est auctor ecclesiæ, ritum etiam sacrificandi in ea instituit, & præcipit. De hac autem veritate late disputatum est in 3. tom. 3. part. disputat. 73. sect. 1. & 2. declaratum est, quomodo sacrificium hoc in mysterio Eucharistiæ conficiendo celebratur, & offeratur, & in toto discursu illius, & sequentium disputationum declaratum est, in quo consistat essentia illius sacrificii, & quas causas, & effectus habeat. Et specialiter in disput. 80. declaratum est præceptum hujus sacrificii, quatenus ad ministros illius pertinet, & in disput. 88. quatenus ad alios fideles spectare potest.

10 Unde hic solum advertere necesse est præceptum hoc quatenus divinum est, per se primo datum esse ipsi ecclesiæ, relinquendo pastoribus ecclesiæ determinationem ejus, tam quoad tempus, seu frequentiam, quam quoad modum observandi tale præceptum personis accommodatum; aliter enim per sacerdotes, ut tales sunt, offerri potest, & debet, aliter per alios fideles inferioris status, quibus propterea præcipitur, ut certis quibusdam diebus huic sacrificio assistant, & suo modo per sacerdotem offerant; ipsis vero sacerdotibus injungitur, ut immediate offerant; nam ad hoc sunt ordinati ministri, nec præceptum datum universæ ecclesiæ potest aliter impleri, nisi per sacerdotes offerendo. Et ira de obligatione hujus præcepti, & quando, ac quomodo a singulis implendum sit, nihil hic occurrit addendum. Cur autem non liceat in hac ecclesia uti alio sacrificio, & quomodo in Christi institutione hæc prohibitio contenta sit, in disput. 74. sect. 4. explicatum est.

Præcepti
sacrificii
datum est
se eccle-
siæ.

C A P U T I V.

De ritu simplicium oblationum, præsertim in lege gratiæ.

I P Rincipio statuendum est, hunc oblationum ritum de se non esse malum, sed legi naturali consentaneum: quoniam divinus cultus, & adoratio non tantum sacrificiis, sed etiam aliis oblationibus exerceri potest. Hæc assertio de fide certa est: nam ex Scriptura colligitur satis aperte; quia in lege veteri tam oblationum, quam sacrificiorum usus fuit approbatus, & præceptus. Nam Exod. vigesimo tertio generaliter dicitur: *Non apparebis in conspectu meo vacuus*, & ibi præcipitur oblatio primitiarum: item capitis vigesimi quinti principia, & capite 35. & Levit. 23. præcipitur oblatio de manipulis novarum spicarum, &c. & de panibus propositionis, qui Deo per sacerdotes offerebantur, Levit. vigesimo primo, & vigesimo quarto, Exod. vigesimo quinto, Deut. 18. sacrificia, & oblationes distincte numerantur. Item, multi putant, oblationem Cain de fructibus terræ non fuisse sacrificium, sed simplicem oblationem, quæ non ideo displicuit Deo, sed quia non debita devotione offerebat. Immo & de oblatione Abel eodem modo loquitur Concil. Matiscon. 2. Canon. 4. & in Canone Missæ solum vocatur *Munerum oblatio*. Præterea etiam oblatio decimarum, quam vovit Jacob, videtur fuisse per modum simplicis oblationis propriæ, quia tunc non erant ministri, pro quibus decimæ redderentur, ipse enim Jacob, tanquam primogeniti jure utens, sacerdos erat, & aliis ministris non indigebat, sed immediate videtur illa obtulisse. Denique quod Paulus ait de pontifice, assumi, *ut offerat dona, & sacrificia*, multi per dona simplices oblationes intelligunt; illæ ergo non solum ex institutione legis veteris, sed ex dictamine rationis naturalis, præsertim fide illuminatæ in verum Dei cultum assumi possunt. Et ratio est clara, quia in illa actione est proportio ad significandum animum subjectum, & gratum Deo, recteque de illius excellentia & providentia sentientem, & aliunde nihil est in tali actione, per se loquendo, quod a recta ratione exorbitet, ut ex principiis positis de externo Dei cultu notum esse potest, & per se est satis evidens.

Probatur
asserio.

Antiqua
consuetudo
panis,
& vini
offerendi.

Canon.
Trull. pa-
nis bene-
dicti usus.

2 Ex his ergo ulterius dicendum est, usum oblationum etiam in lege gratiæ esse licitum, & sanctum. Prob. quia in ecclesia usus simplicium oblationum ultra sacram Missæ oblationem antiquissimus est. De hoc etiam videtur loqui Hieronymus epistol. 2. ad Neporianum, cum ait, *si aletri serviens, altaris oblatione sustentor*. Nam de oblatione sacrificii Eucharistiæ non possunt ministri altaris sustentari; supponit ergo, cum illo sacrificio conjungi solitas alias oblationes, quæ in usum ministrorum cedere possent. Unde Paulus accommodans ad ministros novi testamenti illud: *Qui altari deserviunt, cum altari participant*, etiam supponit, futuras fuisse similes oblationes in altari novi testamenti, sed hæc loca possent in rigore exponi de solutione decimarum, vel etiam primitiarum, quæ altaris vocari possunt: quia propter altare fiunt, etiam si in altari non fiant. Clarius ergo ostenditur conclusio ex antiquissima consuetudine ecclesiæ offerendi in altari, vel in ecclesia tempore Missæ, ordinarie panem, vinum, interdum vero etiam oleum, ceramque. Sic legitur in Canon. octavo sextæ synod. *Concurrendum est Dominico die cum oblationibus ad Missarum solemniam*, & Canon. 28. Trullano declaratur, quomodo possint fructus aliqui offerri, ut verbi gratia, uvæ, non ut distribuuntur cum Eucharistia, sed ut benedicantur, &c. At in Canon. 57. dicitur, non oportere offerre ad altare lac, & mel. Sed fortasse illa prohibitio specialis facta est ad vitandam aliquam superstitionem, quæ illa occasione introducebatur, ibi autem significatur, aliarum rerum oblationes licitas esse. Unde in Canon. 69. permittitur imperatori intra sacrarium ingredi, *quando voluerit Creatori dona offerre*. Præterea in Concilio Matiscon. 2. cap. 4. præceptum videtur imponi de ferendis oblationibus panis, & vini ad ecclesiam omnibus Dominicis diebus: *Decernimus (ait) ut omnibus Dominicis diebus altaris oblatio ab omnibus viris, & mulieribus offeratur tam panis, quam vini*. Et infra concludit, ut anathemate percellantur, qui fuerint inobedientes. Referturque in tom. 1. Conciliorum inter decreta Fabiani papæ similis constitutio ex cod. decretorum sexdecim librorum libro 5. cap. 7. eisdem fere verbis. De quo præcepto capite sequenti dicitur.

3 Videtur autem consuetudo hæc offerendi panem, & vinum, introducta esse in ordine ad Missæ sacrificium; primo propter ejus participationem, quia ex illis materiis conficitur & distribuitur. Unde Cyprianus in libr. de oper. & eleemosyn. circa medium reprehendit divitem feminam, *quæ ad Dominum (utique templum & sacrificium) sine sacrificio (id est materia sacrificii) venit, & partem de sacrificio, quod pauper obtulit, sumit*. Sic etiam Augustin. serm. 215. Oblationes (ait) quæ in altari consecrantur, offerte: *Erubescere debet homo idoneus (id est, potens, vel dives) si de aliena oblatione communicaverit*. Et quia hæc oblatio panis, & vini ad Eucharistiam ordinabatur, ideo in Concilio Laodicen. cap. 49. ordinabatur, ut oblationes per Quadragesimam non fierent, nisi in sabbatho, vel Dominica, quia juxta veterem Orientis consuetudinem solum illis diebus consecrari poterat, & communicari, ut constat ex Canon. 52. Trullano. Deinde videtur consuetudo habuisse occasionem ex alio usu panis benedicti, qui in ecclesia introduci cæpit, quando quotidiana communio fidelium omnium, qui Missæ assistebant, incæpit intermitteri. Nam pro his, qui communicaturi non erant, cæpit panis benedici, qui in symbolum charitatis inter omnes sacrificio assistentes divideretur. Potestque hoc colligi ex Concil. Laodicen. cap. 14. ubi dicitur, tempore Paschæ non esse faciendam hanc oblationem, & distributionem panis benedicti: *Quia nimirum illo die omnes debent Eucharistiam accipere*. Solebat etiam panis benedictus mitti a prælatis ad suos parochos, vel ad alios prælatos in signum concordiæ, & mutuæ communicationis, ut sumitur ex Innocen. 1. epistol. 1. capite quinto. De quo usu panis benedicti (qui usque ad nostra tempora multis in locis perseverat aliqua ex parte) videri potest Guillel. Durand. lib. 4. Ration. offic. cap. 53. & quæ refert, ac notat Pamelius

Suarez. Tom. XII.

in libr. de oper. & eleemosyn. Cypriani sub num. 5. & Stephanus Durand. lib. 2. de ritibus cap. 58. ubi ostendit, usum panis benedicti valde antiquum esse, & solitum fuisse dari Catechumenis loco Eucharistiæ ex August. lib. 1. de peccator. mer. cap. 20. & lib. 2. cap. 26.

4 Præter panem autem, & vinum offerri solebant oleum pro luminaribus, Thymiana ad incensum, & spicæ, ac uvæ novæ pro primitiis (de quibus postea dicemus) ita habetur in Canon. 2. alias 3. & 4. Apostol. & Eurychius papa epist. 5. citans illum Canonem uvis adjungit fabas, & fortasse idem erat de primitiis quorumcumque leguminum, ut juxta quamdam versionem in illo Canone Apostolorum legitur. Denique oleo adjungit ceram August. dicto serm. 215. de tempore dicens: *Qui possunt, aut cereolos, aut oleum, quod in candelis mittatur, exhibeant*. Optime Ambros. serm. 33. in feria 2. post 1. Dominicam Quadragesimæ ubi multa in particulari recenset, videri etiam potest Justin. Martyr. Apolog. 2. pro Christi. in fine. ubi meminit oblationum, seu collectarum, quæ in fine missæ fieri solebant. Denique Concilium Emeritan. cap. 14. etiam pecuniam dicit solitam fuisse offerri a fidelibus.

5 Ut vero partem hanc ratione declaremus, obijci prius contra illam potest, quia in Christi ecclesia non licet aliud sacrificium offerre præter illud, quod ipse instituit; ergo nec aliam oblationem offerre loquendo de oblatione, quæ ipsimet Deo immediate fiat. Antecedens supponitur ex loco supra allegato, in tertio tomo, consequentia vero probatur primo a paritate rationis, quia sicut uno sacrificio omnia comprehendit, & complevit sacrificia; & illud instituyendo, consequenter cætera prohibuit, non solum vetera, sed etiam quæcumque alia, nec solum significativa futurorum, sed etiam moralia, aut mysteria jam facta vere significantia, ita pari ratione consummavit omnem oblationem, & virtute cæteras prohibuit. Atque ita in capite *Non oportet*, de Conf. d. 2. dicitur, *Non oportere aliquid in sanctuario offerri præter panem, & vinum, & aqua, quæ typo Christi benedicuntur*, sumptumque est ex canonibus Martini Bracharensis episcopi Canon. 55. Secundo quia ex oblatione simplici facile fit transitus ad sacrificium, ut verbi gratia, oblationi panis benedicti nihil videtur deesse ad rationem sacrificii: nam sic oblatio cum benedictione, fractione, & distributione panis, ut consumatur. Unde interdum ab Augustino sacramentum appellatur, ut patet libro secundo, de peccator. mer. cap. 26. Tertio omnes hæc oblationes pertinebant ad cæremonialia legis veteris; ergo non debuerunt in nova lege retineri, vel renovari.

6 Respondetur in primis distinguendos esse varios modos harum oblationum. Nam interdum comprehenduntur sub oblationibus omnia munera, vel dona, quæ fideles in vita, vel per mortem donant ecclesiis, aut piis locis, etiam si non in templo, nec in missa Deo offerantur. Et in hac ampla significatione videtur D. Thom. de oblationibus loqui, cum dicta q. 87. art. 2. inter oblationes debitas ponit, *cum aliquis offert donatione inter vivos, vel testamento relinquit ecclesiæ aliquam rem mobilem, vel immobilem in posterum solvendam*. Et in hoc genere oblationum non procedunt difficultates factæ, quia in illis nihil est cæremoniale (ut sic dicam) sed morale tantum, plane honestum & sanctum, & de se ad servitium, & cultum ipsiusmet sacrificii Eucharistiæ ordinatum. Secundo interdum fideles offerunt aliqua Deo per ministros ejus non intentione ea donandi, seu a se alienandi, sed solum ad quamdam sanctificationem, vel benedictionem, ut postea illa sic benedicta recuperent, ut majori cum fructu, vel fiducia illis utantur. De his videtur loqui Canon. 28. Trullanus, seu cap. Didicimus, de Consecr. dist. 2. nam prius prohibet uvas offerri, & distribui cum Eucharistia, & postea subdit, *tamquam primitias autem uvæ allationem existimantes sacerdotes eam seorsum benedicentes, petentibus impertire possunt ad gratiarum actionem datoris fructuum, per quos corpora nostra divina dispositione aluntur*. Brevius tamen dixit Gratianus, *uvas seorsum benedictas populus, qui petierit, accipiat, & fructum gratias agat*. De hujusmodi etiam oblationibus

Aliæ oblationes.

Objectiones proponuntur.

Satisfactio oblationibus suis præpositis.

nibus loqui videtur August. lib. 8. de Civit. cap. ult. cum agens de more piorum fidelium deferentium epulas ad sepulchra Martyrum, ait: *quas cum apposuerint, orant, & auferunt, ut vescantur, vel ex eis etiam indigentibus largiantur, sanctificare eas volunt ibi per merita Martyrum in nomine Domini Martyrum.* Hec ergo devotio bona fide, & mente facta honesta est, nec de illa procedunt difficultates supra factæ. Quia hæc revera non est propria oblatio, sed impetratio potius cuiusdam benedictionis, vel auxilii. Sicut quando quis offert pontifici imagines, grana, vel similia, ut eis suam benedictionem, vel aliquam indulgentiam impetietur, non facit oblationem propriam, sed potius gratiam aliquam postulat.

Oblatio-
nes sacer-
dotibus
factæ,

7 Tercio offeruntur aliqua sacerdotibus per se, & directe ad eorum sustentationem, non ea intentione, ut offerantur immediate Deo per modum specialis cultus, & huiusmodi videntur esse quædam oblationes, quæ prohibentur fieri in ecclesia, vel altari, sed in privatis domibus sacerdotum, de quibus sic habetur in Can. 3. & 4. alias 5. Apost. *Non liceat autem aliquid aliud ad altare offerre, quam oleum, & incensum tempore sanctæ oblationis: Omnis autem alius fructus domum mittatur, primitiæ episcopo, & presbyteris, clarum autem est, quod episcopus, & presbyteri diaconis, & reliquis clericis distribuunt.* Hæc igitur oblationes non continent ipsum immediatum cultum Dei, sed se habent ad modum decimarum, immo interdum fieri debent in defectum illarum, ut mox dicemus. Et ideo etiam de hoc oblationum genere non procedunt difficultates factæ, quia non sunt oblationes ceremoniales, aut mysticæ (ut sic dicam) sed sunt largitiones morales, ac piæ subventiones ordinatæ ad cultum Dei, Eademque ratio est de omnibus, quæ tribuuntur immediate ecclesiis ad ornatum earum, vel ad fabricam, vel ad vestimenta, & vasa sacra conficienda, & similibus, quando non prius offeruntur Deo immediate, & directe in cultum specialem, sed immediate donantur ecclesiæ ad aliquem usum sacrum; habent enim eandem rationem honestatis, quam habent aliæ donationes rerum mobilium, vel immobilium ecclesiis factæ, & ita in eis non procedunt difficultates propositæ.

Pun-ctum
difficulta-
tis solvi-
tur,

8 Tota ergo oblatio est de oblatione simplici, quæ immediate fit Deo de aliquibus bonis ab eo datis in recognitionem beneficii ab eo suscepti, quales videntur esse oblationes illæ, quæ in altari, & quasi conjunctim cum ipso met sacrificio Missæ fieri conceduntur. Ut, verbi gratia, oblatio illa panis, quæ fit Deo cum aliqua benedictione, ut postea inter fideles in symbolum concordie distribuatur. Item oblatio, & benedictio cerei paschalis videtur esse ejusdem modi. Item oblatio incensi cum benedictione, & thurificatione, quæ in Missa, & divinis officiis fit. De his ergo oblationibus dicimus, etiam esse honestas debita institutione, & intentione factas, quia non sunt jure aliquo positivo divino prohibitæ, nec per se male sunt, cum nullam contineant superstitionem, aut falsitatem. Ac denique usus ecclesiæ satis illas approbat. Neque contra hoc obstat cap. *Non oportet* supra citatum, quia loquitur de his, quæ in ipsamet oblatione constitutiva (ut sic dicam) sacrificii Missæ offerenda sunt. De qua etiam loquuntur alia multa jura, quæ in illa d. 2. de Consecr. referuntur; materia ergo illius oblationis non potest esse nisi panis, & vinum aqua mistum, quod autem alia genera oblationum de aliis rebus fieri possint, non est contrarium illis juribus. Neque etiam ex vi institutionis sacrificii Missæ, prohibita sunt aliæ oblationes simplices, quæ vel tantum sunt morales, & quasi connaturales homini, sicut est oblatio alicujus patris fructuum in recognitionem divini beneficii, vel si habent aliquam significationem quasi mysticam ex impositione ecclesiæ, non in ea ponitur principalis, & quasi supremus cultus Dei, qui est in sacrificio, sed ordinatur potius ad majorem solemnitatem & honorem ipsius sacrificii Missæ.

9 Et ita etiam responsum est ad secundum; nam tota illa cæremonia, & significatio est quasi sacramentale quoddam ad conciliandam majorem reveren-

tiam ipsi sacramento, & sacrificio Eucharistico. Et ideo hæc signa interdum vocantur sacramenta lato modo, prout de omnibus signis aliquo modo sacris, & occultis interdum illa vox dicitur: proprie vero nec ad sacramenta, nec ad sacrificium pertinent. Ad 3. respondetur oblationes legales, quatenus tales sunt, cessasse in lege nova; de quibus loquitur Augustin. Enar. in Psalm. 50. cum ait, Deum velle oblationem cordis, non vitulorum; dicuntur autem oblationes legales, vel quoad propriam significationem illius legis, quæ erat præfiguratio futurorum mysteriorum Christi, & interdum etiam erat recordatio specialium beneficiorum temporalium illi populo concessorum, maxime liberationis ab Ægyptiaca servitute, vel etiam dicuntur legales, quoad obligationem positivam illius legis. Sic ergo cessarunt oblationes legales, ut tales, & propriæ cæremoniæ illius legis. At ratio oblationis ut sic non est legalis, sed moralis, sicut ratio templi, sacerdotii, & similes, & ideo non cessarunt per ablationem illius legis, sed in sua morali, & quasi connaturali ratione permanserunt, & possunt per novam legem positivam præcipi, sicut de primitiis, & decimis dicemus. Ita fere Divus Thomas quæstione 86. articulo 1. ad 1. & articulo 4. ad 1. Durand. in 4. distinct. 1. quæst. 9. ad 1. de qua re videri potest Covar. libro 1. Vari. cap. 17. num. 1. §. *Hinc non*, in fine, ubi alios refert.

C A P U T V.

An oblationes ecclesiæ ex præcepto debeantur.

1 Ratio dubitandi esse potest, quia ex patribus, & decretis videtur colligi, oblationes esse simpliciter sub obligatione: nam in primis Ambr. serm. 58 de Ascens. inter opera boni Christiani ponit, quod *quando ad ecclesiam venit, oblationem, quæ altari debetur, exhibet;* & ibidem: *Qui de fructibus suis non gustat, nisi prius ex ipsis Deo aliquid offerat.* Et Clem. Rom. libro 4. Constitut. capite 7. dicit, *oblationes populi fieri ad victum sacerdotum, & elemosynas pauperum;* habent ergo, vel habere possunt eandem rationem obligationis, quam decimæ, vel primitiæ; & ita in cap. *Præter*, d. 32. idem præceptum eodem tenore verborum de primitiis, decimis, & oblationibus ponitur. Similis ratio, & necessitas oblationum supponitur in cap. *De his*, & cap. *Antiquos*, 10. quæstione 1. ex Concil. Aurel. cap. 16. & 17. & in tribus cap. ultimis ejusdem quæstionis fertur anathema in laicos, qui ecclesiæ oblationes usurpant, & in cap. *Statuimus*, 16. quæstione 1. Anastas. papa similem facit prohibitionem, & supponit, populum debere suæ ecclesiæ baptismali tales oblationes. Item habet Gregor. VII. in cap. *Omnis Christianus*, de consecr. d. 1. Denique cap. præcedenti retulimus verba Fabiani, & Conc. Matifcon. quibus hæc oblationes præcipi videntur. Propter hæc aliqui Canonistæ absolute docuerunt, oblationes aliquas facere, esse in præcepto ecclesiastico. Referuntur pro hac sententia Glossæ in dicto cap. *Statuimus*, & dicto cap. *Omnis Christianus*, & Hostiens. in Rub. de parochiis, & latius in summ. titul. de parochi. §. *in quibus*, vers. *sed nunquid tenetur*, &c. Lapus Alleg. 58. num. 1. & 7. Sed revera hi omnes nihil diversum docent ab his, qui solent etiam in contrarium referri, ut legenti constabit. Non enim fundant obligationem in pura lege ecclesiastica, sed in consuetudine, indigentia parochi, vel promissione, aut legato.

Ratio du-
bitandi.

2 Vera ergo resolutio est, quam tradit Divus Thomas, huiusmodi oblationes per se, & natura sua spontaneas esse, & de consilio, posse autem cadere sub obligationem aliquo ex quatuor modis paulo ante insinuat. Est autem supponendum, nunc esse sermonem de oblationibus, prout distinguuntur a primitiis, & decimis. Nam de his separatim dicendum est, sic autem nullum invenitur decretum absolute, & in rigore præcipientis oblationes fieri, sed jura omnia citata præcipiunt, ut oblationes, quæ

Non est
præceptum
faciendi
oblatio-
nes.

Solutio-
tur reli-
qua argu-
mentis.

quæ aliquo titulo debentur, solvantur a laicis, & declarant, illas oblationes debitas reddendas esse ecclesiis, & clericis, & non posse usurpari a laicis. Et ita loquuntur fere omnia jura citata, simpliciter autem, ac per se, oblationes spontaneas esse, declaratur in Concil. Cabilon. sub Carol. Magn. cap. 6. his verbis: *Animarum salutem inquirere sacerdos, non lucrata terrena debet, quoniam fideles ad res suas dandas non sunt cogendi, neque circumveniendi: Oblatio enim spontanea esse debet, juxta id, quod ait Scriptura, voluntarie sacrificabo tibi. Psalm. 55. Et illud omnis populus mente devota obtulerunt donaria Domino. Exodi 33.* Atque ita docent communiter Theologi cum Divo Thoma supra, & canonistæ, ac summissæ infra referendi; præsertim Anton. 3. part. tit. 12. cap. 11. Gabriel. in Can. lect. 6.

Quomodo hic sumatur oblatio.

3 Magis vero hoc constabit, discurrendo per quatuor titulos a Divo Thoma positos, ex quibus potest oriri hæc obligatio. Ad quos explicandos supponendum est, hic non sumi oblationem pro sola illa simplici oblatione, quæ in ecclesia, vel altari offertur immediate ipsi Deo per modum proprii cultus, & adorationis, sed sumitur latius pro quacumque donatione facta ecclesiæ de aliqua parte bonorum temporalium, sive immediate detur ministris ad sustentationem eorum, sive ecclesiæ ad fabricam, & ornatum, vel alias expensas ejus, & sive detur res immobilis in perpetuum, & quoad proprietatem, sive ad tempus, vel quoad fructum, vel usum tantum, sive detur res mobilis, &c. Quamvis enim priores oblationes Deo immediate factæ in ecclesia frequentius soleant illa voce intelligi, tamen Divus Thomas generalius loquitur, & jura etiam citata ita loquuntur, & hoc modo omnia pia legata solent nomine oblationum significari, etiam si sint *sacrificia elemosynarum*, ut loquitur Augustin. libr. quæst. ad Dulcitium quæst. 2. Et colligitur ex capite. *Qui oblationes 1. & 2. & cap. Clerici, 13. quæst. 2.*

1. Titulus oblationis, debita oblationem.

4 Primus ergo titulus a Divo Thoma positus est, quando oblatio debetur per modum census, ratione conventionis prius factæ, ut cum quis vel in morte, vel in vita donat alteri talem possessionem cum onere faciendi talem oblationem ecclesiæ talibus temporibus. Tunc enim nota est obligatio orta ex contractu, nihilque refert, quod fuerit donatio legatum, aut venditio, vel alia commutatio, dummodo fuerit pactio. Et tunc obligatio erit justitiæ tam respectu primi donantis, seu contrahentis, quam respectu ecclesiæ, supposita ejus acceptione. Quia & justum pactum obligat ex justitia respectu ejus, cum quo fit, & ecclesiæ ex vi talis legis, vel donationis datum est peculiare jus ad talem oblationem, seu pensionem, sive hoc jus sit tantum ad rem, sive in re, & sive sit cum actione in foro exteriori, sive absque illa; hoc enim pendet ex modo contractus, aut legati, & acceptionis ex parte ecclesiæ. Neque hoc est in præfenti latius tractandum, oportet enim huc advocare totam materiam de legatis piis, & multa ex materia de voto, quod est a præfenti instituto alienum.

2. Titulus voti, vel legati.

5 Et eadem ratione nihil amplius dicere necesse est ex secundo titulo a Divo Thoma posito, qui a præcedenti parum differt, videlicet, quando per votum, vel legatum aliqua bona temporalia directe relinquuntur ecclesiæ, sive illa mobilia sint, sive immobilia: nam tunc obligatur, qui vovit, rem promissam offerre, & donare ecclesiæ non ex justitia, neque ex præcepto humano, sed ex religione, & naturali jure dictante, vota esse reddenda. Et similiter obligatur hæres ad implendum legatum defuncti, quæ obligatio ex justitia est, ut constat. Hæ autem oblationes non limitantur ad eas, quæ in ecclesia fiunt, & immediate Deo in se offeruntur, sed generaliter comprehendunt omnes elemosynas, & donationes factas, vel promissas ecclesiis, nam omnes dicuntur offerri Deo, quia ad ejus cultum proxime ordinantur.

3. Titulus sustentandi ministrorum ecclesiæ.

6 Tertius titulus est, quando ministri ecclesiæ aliunde non habent commodam sustentationem: & hunc præcipue, & sequentem ponunt omnes Cano-

Suarez. Tom. XII.

nistæ superius citati, neque aliud revera intendunt. Et ita cum eis conveniunt Panorm. Anchar. & alii in Rub. de parochiis, & Summissæ omnes, & alii Doctores, quos refert, & sequitur Covar. dicto libr. 1. Variar. capit. 17. numer. 3. & Gutierrez in Canon. q. q. cap. 21. numer. 139. & sequentibus Gregor. Lopez in leg. 9. tit. 19. part. 1. Soto l. 9. de Justit. quæst. 3. art. 1. Solum est advertendum, hanc obligationem reduci ad illam generalem, qua tenentur laici fideles alere ministros sacramentorum: *Nam dignus est operarius mercede sua*, de qua obligatione latius dicemus infra tractando de decimis. Ex vi autem hujus generalis principii non tenetur homo magis subvenire parochio, aut prælato indigenti per propriam oblationem, quam per primitias, vel decimas, vel per quemcumque alium modum contribuendi. Et ideo cum dicuntur fideles habere obligationes ad oblationes propter indigentiam ministrorum, intelligitur late de oblationibus pro quocumque genere donationis seu contributionis. Ubi autem vel ex consuetudine, vel ex pacto aliquo, seu transactione, aut concordia modus sustentandi ministros determinatus fuerit ad talem modum oblationum, tunc erit obligatio determinata ad tales oblationes, quia jam simul cum hoc titulo concurrat alius ex dictis, vel titulus consuetudinis, de quo statim. Tunc etiam fieri potest talis determinatio ad oblationes, vel quantitatem, aut modum earum per ecclesiastica præcepta. Nam licet Divus Thomas dicat, quando oblatio fit ex hoc titulo, licet oblatio ipsa sit necessitatis, quantitatem esse voluntatis, limitandum id est, nisi tam parva sit quantitas oblationum, ut non sufficiat ad congruam sustentationem; ad hanc enim obligat naturalis lex justitiæ, & ideo in eo casu etiam obligat ad quantitatem oblationis ad hunc finem sufficientem, ultra illam vero erit voluntaria quantitas, nisi per legem, vel conventionem taxata sit, vel certe nisi sit introducta consuetudo de tali oblatione, & in tanta quantitate determinata: nam tunc eadem erit utriusque ratio. Cum his ergo limitationibus sententia illa Div. Thomæ intelligenda est.

7 Attendz vero ulterius sunt circa hunc titulum duæ aliæ declarationes. Una est, ut procedat, quando necessitas ministrorum oritur ex eo, quod parochiani non solvunt decimas, neque primitias sufficientes, tunc enim necesse est, ut aliquo alio modo tribuant pro ministrorum sustentatione, & totum illud comprehenditur sub oblationibus. At vero si parochiani solvunt primitias, & decimas non solum sufficientes, sed etiam abundantes ad sustentationem ministrorum, tam proprii, ut est parochus, quam communium, ut sunt episcopus, & alii prælati necessarii, ad quorum sustentationem cum debita proportionem debent concurrere omnes fideles: si (inquam) parochiani solvunt decimas sufficientes, & nihilominus parochus, aut vicarius non habet sustentationem congruam, quia decimæ ad alios usus applicatæ sunt, vel in plura beneficia simplicia, aut præstimonialia divisæ fuerunt, vel quia unus possidet beneficium, & vicario nihil fere tribuit: aut e converso, quia beneficiarius nihil accipit ex decimis, sed omnes fructus alteri pro pensione dati sunt: in his, & similibus casibus non juste coguntur fideles ad novas oblationes faciendas, seclusa consuetudine, vel alio titulo, propter solam indigentiam ministrantis proxime, sive proprietarius sit, sive mercenarius.

Apponitur hæc declaratio hujusmodi.

9 Ratio est, quia nullus juste cogitur, ut duplicatam mercedem solvat pro eadem opera, sed parochiani illi solvendo decimas dant stipendium, & sustentationem ministris, non tantum sufficientem, sed etiam ordinarie abundantem; ergo titulo sustentationis non possunt juste obligari ad novas oblationes. Atque ita docent communiter Doctores superius citati. Unde in eo casu, qui recipit decimarum fructus, tenetur sufficienter ecclesiæ, & ministris ejus providere: & prælati tenentur sollicitè curare, ut ita fiat, & ne pauperes, & fideles nimium graventur. Atque hæc resolutio indubitata est, quando de facto proprius beneficiatus accipit decimas a parochianis;

Ratione confirmatur.

quia tunc maxime procedit ratio facta. Difficultas vero nonnulla esse potest, quando papa illas accipit, vel applicat, cui vult, de qua difficultate dicemus infra tractando de decimis.

Secunda
declara-
tio.

9 Alia declaratio, seu limitatio est, nisi parochiani sint adeo pauperes, ut non habeant, unde tot oblationes facere valeant, quod ad parochi sustentationem necessariae sunt. Ita advertit Hostiens. in summ. tit. de parochiis, idem Silvester vers. *Decima*, quæst. 2. citans Gloss. Innocent. & Raymund, sed tunc ait, vel sacerdos quærat aliquid ad supplendam sustentationem suam ex aliqua arte non indecente, juxta cap. *Clericus victum*, cum sequent. distin. 91. vel certe episcopus providere debet, unde illius ecclesiæ, & ministrorum ejus, necessitati subveniatur, quia ad hoc facultatem habet in sua diocesi, juxta cap. *episcopus ecclesiarum*, & cap. *Præcipimus*, 12. quæst. 1. & significat Hostiensis, episcopum teneri ex propriis redditibus tali ecclesiæ indigentem providere, si aliunde non habet, unde provideat. Quod existimo verum, quando commode potest, attentis aliis sui status oneribus. Quod si episcopus per se remedium adhibere non poterit, uti debet remediis traditis a Concilio Trident. sess. 21. capite 7. & 8. de reform. & sess. 4. cap. 3. de reform. & quando illa sufficientia non fuerint, summum pontificem consulere oportebit, ut tanquam supremus dispensator bonorum ecclesiæ illi necessitati provideat.

Quarum
titulus
consuetu-
dinis an
obliget.

10 Circa quartum ritulum de consuetudine variz sunt sententiæ. Aliqui enim existimant, per hujusmodi consuetudinem non induci præcepti obligationem, Quia semper fit ex devotione tantum spontanea, hujusmodi autem consuetudines non inducunt legis obligationem, etiam si diuturnæ sint, ut notantur Cajet. in summ. vers. *Hæc Canonica*, §. 2. & Soto libr. 2. de Justit. quæst. 7. art. 2. quia actus agentium non operatur ultra intentionem earum; qui ergo nunquam operatur intentione se obligandi, sed ex pura devotione, etiam si sæpius id faciat, non obligabitur. Sicut qui quotidie dat eleemosynam pauperi ad januam petenti, non propterea obligatur tandem dare, nec pauper acquirit jus, etiam si per multum tempus petat, & accipiat. Quod autem talis sit hæc consuetudo, declaratur argumento Innocentii statim citandi, quia vel oblatio in principio fuit spontanea, vel extorta: si dicatur hoc secundum, talis coactio est injusta, & simoniaca, & ideo ex vi illius non potest obligatio induci, licet eodem modo sæpius reperatur. Si vero dicatur primum, procedit argumentum factum, quo per spontaneam donationem etiam continuatam non inducitur obligatio. Eo vel maxime quod hæc consuetudines oblationum non sunt adeo regulares, & continuæ, quin sæpius omittantur sine scrupulo peccati, quod satis est ad interrumpendam consuetudinem, seu præscriptionem.

11 Dices; licet ab hac, vel illa privata persona omittatur interdum oblatio, tamen a populo nunquam omittitur, sed ad minimum fit a majori parte, & hoc satis est ad præscriptionem. Sed contra, quia obligatio non inducitur in communitatem, nisi ratione singulorum; sed singuli non obligantur, si singuli interrumpant actus: ergo nec populus manebit obligatus, etiam si in diversis personis actus ille continueatur, sed habebit semper illam moralem continuationem, sine obligatione tamen. Confirmatur ex cap. *Cum in ecclesia*, & cap. *suam*, de simonia ubi damnatur actio talium oblationum, non obstante quacumque consuetudine, quæ ibi *corruptela* dicitur, & magis aggravare culpam, quam excusare; at vero si talis oblatio ideo esset debita, quia consueta, eadem ratione posset peti, & exigi, non minus quam decimæ, vel primitiæ: sicut etiam in tribus casibus prius dictis non solum possunt recipi oblationes, cum offeruntur, sed etiam exigi, si non solvantur; ergo signum est, in hoc quarto casu esse semper voluntariam oblationem, non obstante consuetudine. Et ita tenet Angel. in verb. *Oblationes*, num. 1. in additione ad illum, & inclinat Sot. libr. 9. de Justit. quæst. 6. artic. 1. nam ubi decimæ solvantur, non putat consuetudinem oblationum obligare.

12 Nihilominus contraria sententia communis est, eam enim tenet D. Thom. 2. 2. quæst. 86. art. 1. & ibi Cajetan. Aragon, & alii. Major in 4. distin. 15. quæst. 4. Conc. 2. & ad argumenta contra illam, Panor. Hostiens. & alii in cap. *suam*, & cap. *Ad audientiam* de simon. Silvest. verb. *Decima*, quæst. 2. & frequentius summissæ, Covar. dict. num. 3. ubi ait, esse communiter receptam sententiam, *nemine refragante*: quam etiam multis allegationibus confirmat Gutierrez dict. cap. 21. num. 140. & sequentibus. Videtur autem sufficienter probati ex dicto cap. *Ad audientiam*, ubi in primis *laudabilis* dicitur consuetudo introducta in ecclesia *pia devotione fidelium* offerendi aliquid pro exequiis defunctorum, vel benedictionibus nuptiarum, aut aliis similibus sacramentorum administrationibus, & deinde dicitur, *non esse permittendum fidelibus, ut has consuetudines laudabiles infringant, aut immutent, sed compescendos esse, qui hoc tentaverint*. In quo aperte supponitur, hanc consuetudinem inducere obligationem, non enim posset episcopus cogere fideles ad solvendas hujusmodi oblationes titulo consuetudinis, nisi eadem consuetudo obligationem induxisset.

13 Responderi vero potest, in illo textu non dici, ut fideles cogantur confusas oblationes solvere, sed verba textus esse; *Sed per episcopum loci, veritate cognita, compescantur, qui malitiose nituntur laudabilem consuetudinem immutare*: dixerat enim superius: *Quidam laudabilem consuetudinem erga sanctam ecclesiam pia devotione fidelium introductam ex fermento hereticæ pravitatis nituntur infringere, sub prætextu canonice pietatis*. Quando ergo præcipit, ut compescantur, qui laudabilem consuetudinem malitiose immutare nituntur, videtur loqui de his, qui pravo spiritu nituntur infringere piam consuetudinem, vel damnando illam ut malam, vel simoniacam, quæ pertinent *ad fermentum hereticæ pravitatis*, vel alio modo impediendo fideles, ne piam consuetudinem observent. At vero hinc non sequitur, ipsos fideles, qui non malitiose, sed propria voluntate oblationes omittunt, quia non putant, illas esse ex obligatione, sed spontaneas, esse cogendos ad illas solvendas propter solam consuetudinem. Nec ex eo textu id colligi potest: aliud enim est, malitiose infringere piam consuetudinem ex fermento heresios: aliud propria sponte nolle oblationem offerre. Et hunc sensum expresse sequitur Innocent. in dict. cap. *Ad apostolicam*, dicens non pertinere ad officium episcopi cogere fideles, ut oblationes solvant, neque hoc in illo textu doceri, sed tantum compescere eos, qui volunt tales consuetudines mutare, sollicitando, vel statuendo, ne tales consuetudines serventur. Idemque videtur sentire ibi Anr. de Burr.

Consue-
tudinem
oblatio-
num obli-
gare.

14 Alii vero Canonistæ, præsertim Hostiens. & Panormit. absolute intelligunt illum textum, videlicet in eo supponi, talem consuetudinem induxisse obligationem, & ideo cogi posse fideles per episcopum, & debito modo, ut illas observent. Et huic sensui favent multum illa verba textus: *Pravam exactionem fieri prohibemus, & pias consuetudines præcipimus observari*. Nam hæc posteriora verba absolutum continent præceptum, quod non sufficienter impleteretur, solum compescendo impediens malitiose. Respondere autem posset Innocent. illa verba intelligenda esse juxta casus proportionem, & juxta verba ultima explicantia præceptum illud. Uade sensus illorum esse posset, ut præcipiantur observari consuetudines, id est, non immutari, nec impediri, sed in sua libertate relinqui, ut ita observentur, sicut introductæ fuerunt, id est, ut sponte offerentes aliquid libere, & sine impedimento possint id facere, qui vero noluerint, non cogantur. Ita enim moraliter loquendo fiet, ut semper consuetudo in sua observantia perseveret, quia ex tota multitudine populi semper aliqui offerent, licet alii omittant, & qui offerunt, sponte id faciant, & non ex obligatione. Atque ita fateor, textum illum non omnino cogere, maxime cum sint alia decreta multum repugnantia huic actioni, & obligationi.

Respon-
sio ad ar-
gumentum.

15 Nihilominus hic posterior sensus Hostiensis, & Panormitani est simplicior, & magis pius, & ideo præferendus est. Et juxta illum simpliciter fate-
ndum

dum est, per hanc consuetudinem induci obligationem. Et ad hominem confirmari hoc potest contra Innocentium. Nam ille concedit, per consuetudinem voluntariam posse induci obligationem, quando non ipsa collatione sacramenti, vel rei spiritualis administratione aliquid ex consuetudine datur, sed postea: *quia qui tanto tempore (ait) exsoluerunt, creditur, quod voluntarie se obligaverint.* Sed hæc ratio etiam habet locum in consuetudine offerendi aliquid tempore ipso, quo sacramentum ministratur; ergo. Et confirmatur, quia vel talis consuetudo non obligat, solum, quia per spontaneam actionem incipit, & duravit, vel quia simoniæ labe infecta est. Hoc posterius dici non potest, tum quia in illo metextu vocatur hæc pia consuetudo; tum etiam quia ibi non datur aliquid pro re spirituali, licet simul detur, sed datur gratis: hæc enim duo non repugnant. Primum item non recte dicitur, quandoquidem in aliis exemplis admittitur, per gratuitam oblationem continuatam posse obligationem induci: & nulla ratio afferatur, cur hic etiam non possit.

Solvuntur rationes in oppositum factæ.

Duplex caput huius obligationis proponitur.

16 Ratio autem huius sententiæ magis constabit respondendo ad rationes in oppositum. Circa primam, ac præcipuam de intentione sponte offerentium occurrit advertendum, duobus modis posse intelligi hanc obligationem, scilicet vel per modum consuetudinis habentis vim legis, & introducens rigorosum præceptum, vel per modum præscriptionis ecclesiæ, seu parochorum contra laicos, seu parochianos offerentes: sunt enim hæc duo valde diversa, ut infra capite decimo tertio latius explicabo. Si priori modo intelligatur, consequenter dicendum est, quod licet hæc consuetudo in principio gratis, & spontanea intentione inciperet, postea paulatim mutata est intentio in voluntatem solvendi illam oblationem, ut jam debitam sive ex voluntate sponte se obligandi formali, aut virtuali, sive ex conscientia erronea: quia cum priores offerentes gratis darent, successores cogitantes, illam esse obligationem, in eodem officio perseverarunt, & cum illa apprehensione reliqui profecti sunt; & ita tandem inducta est consuetudo habens vim legis. Atque ita explicat hanc obligationem Major dict. quæstione quarta; & non putat esse singulare in hoc genere operis pii, sed generale ad similia opera religionis publicæ, & communia, ut est observatio alicujus diei festi, vel jejunii alicujus vigiliæ, verbi gratia, nativitatis Virginis, vel alterius similis: unde doctrina Cajetan. & Sor. supra in contrarium allegata intelligenda erit, quando usus incipit sub apprehensione, & intentione voluntariæ intentionis, & cum eadem continuatur; secus vero erit, si paulatim mutetur intentio dicto modo, ut dictum est.

Præcedens expositio impugnatur.

Solvitur argumentum.

Duplex proponitur difficultas circa solutionem datam.

17 Contra hanc vero expositionem objici potest, quia omnes Doctores ad valorem huius consuetudinis, requirunt, ut sit spontanea, & mere voluntaria oblatio, ut in supra allegatis videri potest ex dicto cap. *Ad Apostolicam*, ibi, *Pia fidelium devotione introducta.* Hoc vero non urget; tum quia jam supponitur, consuetudinis initium fuisse omnino purum ab omni actione, & coactione, ac perfecte voluntarium; tum quia etiam continuatio fuit sine actione, & compulsionem, ut supponimus. Quod autem pro aliquo tempore fuerit ex conscientia oblationis, aut intentione se obligandi, non obstat, quo minus absolute sit spontanea oblatio, quia illam obligatio voluntarie assumpta supponitur, non per aliquam coactionem. Sicut quod ex voto redditur, dicitur esse spontaneum, & gratuitum in sua radice, cap. *ex parte*, de censibus.

18 Adhuc vero responsio illa duas patitur difficultates. Una est, quia saltem sequitur, decisionem capituli *ad Apostolicam* non esse universalem: nam ubi constituitur, offerentes nunquam habuisse intentionem se obligandi, neque ex tali conscientia, aut estimatione rei debite aliquid tale obtulisse, sed tantum ex pia devotione voluntaria, non erit inducta lex, nec obligatio, nec poterunt fideles compelli ad similes oblationes faciendas. Non est autem impossibile sæpius posse constare de tali intentione: immo est verisimile in multis populis, vel ecclesiis ita expli-

Suarez Tom. XII.

caturos fideles mentem suam, si interrogentur. Alia difficultas est, quia licet fideles ex erronea conscientia habuerint illam intentionem solvendi debitum, non videtur sufficiens ad inducendam obligationem, quia illa obligatio debet esse voluntarie inducta, error autem ille causat involuntarium, & ita non sufficit ad inducendam talem obligationem. Quocirca si aliquando talis consuetudo obrinet vim legis, necesse est, ut non præsumatur, ex tali errore fuisse inductam, sed ex voluntate se obligandi; in hac autem materia supponitur ut constans, initium talium oblationum fuisse spontaneum, & non transisse in cogitationem obligationis nisi per errorem; ergo difficile est, hoc modo salvare obligationem cum solido fundamento, nisi aliquid aliud addatur, quod statim videbimus.

19 Alio ergo modo potest hæc obligatio intelligi per modum præscriptionis; nam in præscriptione non intervenit abrogatio, vel inductio legis, sed acquisitio alicujus domicii, vel juris in re, vel ad rem, in aliquem locum, vel in rem alterius, vel ad opus, aut servitium ejus, quod jus acquiri solet per diuturnum usum cum bona fide, & aliis conditionibus in jure requisitis: sic enim acquiritur jus servitutis in fundum, vel domum, vel etiam in personam, aut jus ad aliquam actionem humanam, ut ad eligendum juxta cap. *Cumana* de electione, & clarius in cap. *Cum ecclesia sutrina*, de caus. possess. & propriet. Hæc autem præscriptio in alterius personam, vel actionem, aut rem ejus, non requiritur ex parte ejus, super quem cadit, consensum, aut voluntatem dandi tale jus alteri, aut obligandi se illi, sed ipso usu, & facto ipso acquiritur adminiculo juris. Unde sæpe acquiritur, alio nihil sciente, & consequenter ipso neque expresse, neque tacite consentiente. Quæ est differentia quædam notanda inter hanc præscriptionem, & consuetudinem derogantem legem positivam; nam illa non potest hunc effectum habere, nisi interveniente tacito consensu principis, cujus legi per talem consuetudinem derogatur, ut ex materia de legibus suppono. In præscriptione vero non requiritur consensus ejus, contra quem præscribitur, quia jura illum non requirunt, & præscriptio inducit virtute legis, immo videtur a lege inducta ad supplendum consensum alterius, ut possit translatio juri fieri ipso usu, sine consensu alterius, ad quem antea pertinebat. Et nihilominus consummata præscriptione, ille, contra quem præscriptum est, obligatus manet ex justitia ad servandum alteri jus acquisitum per præscriptionem, non quidem in virtute alicujus legis positivæ inductæ per consuetudinem, sed ex vi naturalis justitiæ, quæ obligat ad servandum unicuique jus suum.

20 Sic igitur in præsentis dicimus per diuturnam consuetudinem offerendi acquiri ecclesiæ, seu clericis jus ad similes oblationes per modum cujusdam præscriptionis, & consequenter parochianos manere obligatos ad oblationes non ex voto, vel ex speciali voluntate, & intentione se obligandi, sed ex vi juris acquisiti ecclesiæ, quod servandum est ex ipso naturali jure, postquam revera semel acquisitum est: Ut autem acquiratur, non est necessarius specialis consensus offerentium involuntariam oblationem continuatam tanto tempore, quia ad præscriptionem, ut dixi, non requiritur similis consensus ex parte ejus, contra quem præscribitur. Necessarium vero est adminiculum juris, & hoc videtur præstari in dicto cap. *Ad Audientiam*, in quo præcipue hæc obligatio fundatur. Quod si quis dicat, illud jus fundari in præsumptione, quia ut Innocentius agebat, qui tanto tempore obtulerunt, præsumuntur voluisse, se obligare, & ideo si veritas in re ipsa non respondeat præsumptioni, legem illam in conscientia saltem non obligare. Respondemus primo, negando consequentiam, quicquid sit de antecedenti, nam illa præsumptio fuit (ut sic dicam) occasio legis, non causa, & proprium fundamentum: nam non immerito haberi poterat talis præsumptio, & quia illa non sufficiebat ad certitudinem obligationis, voluit ecclesia tollere omnem dubitationem conferendi ecclesiæ jus, & modum præscribendi: ideoque supposito illo jure,

An consuetudo errore introducta obliget.

a. Caput obligationis, quod est præscriptio.

Præscriptio non requiritur consensus.

Discrimine inter abrogationem & præscriptionem.

Clerici per modum præscriptionis acquirunt jus ad oblationes.

quæ voluntarie perseverant tanto tempore in oblatione, convincuntur velle se obligare juxta illud jus, etiam si illud ignorent, & nihil de hoc cogitent. Secundo respondetur cum Panorm. Covar. & aliis, negando hoc jus esse inductum propter præsumptionem; sed in favorem ecclesiæ, & piæ causæ. Addit etiam Panorm. cum Bart. hoc maxime habere locum in actionibus, quæ referuntur ad alium sub aliquo respectu ad recompensationem, ut in præsentii offertur aliquid ministris in recognitionem beneficii, & in ordine ad sustentationem eorum, simulque in Dei honorem; & ideo ecclesia ita acceptat illam oblationem, ut si tanto tempore dureret, etiam jus acquirat.

Quæ con-
tinuatio
requira-
tur ad
hanc ob-
ligationem

Limitatio
conclu-
sionis.

21 Sed quæres, quanta continuatio, & quanto tempore necessaria sit ad hanc obligationem inducendam. Respondeo breviter, in primis sufficere tempus decem annorum. Ita docent Panorm. & ratio est, quia hæc consuetudo non est contra jus, sed potius illi conformis, & est pia, & favorabilis; & ideo decennium in illa sufficit, quia in hujusmodi rebus non solent jura longius tempus postulare ad præscriptionem. Addenda vero est limitatio, nisi constet, consuetudinem illam inchoatam, & continuatam esse in ordine ad certum effectum, ut ad ædificationem ecclesiæ, vel quid simile; nam tunc finito effectu, potest cessare consuetudo, quia tunc non habet locum absoluta obligatio, vel præscriptio, ut per se notum est, & notat Panorm. in cap. *Abolenda* de sepult. Modus autem continuandi, seu frequentandi actum sine interruptione, debet esse accommodatus materiæ, & actioni. Hæc namque oblationes interdum sunt a particularibus, & solis singularibus personis, ut ab sponis in benedictionibus nuptialibus, ab ordinatis, qui solent candela offerre; & in his non oportet, quod ab eisdem personis actus frequententur, sed satis est, quod a diversis in simili occasione, vel causa. Aliquando vero sunt oblationes a populo congregato in ecclesia ad sacrificium, vel aliud divinum officium, ita ut singuli aliquid offerant, & tunc satis est, ut pro majori parte assistentes offerre soleant, vel qui potentes sunt, quia hoc satis est, ut absolute censetur esse in illo populo talis consuetudo, ut late Paul. Castrensis probat Conf. 296. quem cum aliis refert Gutierrez supra num. 148. Tunc autem licet unus, vel alius interdum omitat, non solum non interruptitur consuetudo, verum etiam nec fortasse graviter peccatur, præsertim si rationabilis causa interveniat, quia juxta communem morem non introducuntur hæc consuetudines cum majori rigore. Et ita responsum est sufficienter ad secundam rationem dubitandi.

Responsus
datus ju-
ris capiti-
bus pro-
hibenti-
bus exac-
tionem obla-
tionum.

22 Ad alia vero jura, quæ videntur prohibere exactionem talium oblationum, Major respondet, illa loqui de oblationibus nondum satis præscriptis, & consuetudine firmatis. Addo vero etiam post jus acquisitionis prohiberi indebitum, & indecentem modum exigendæ. Nam in primis privatus parochus non habet propriam jurisdictionem ad cogendum alium, & ideo non potest auctoritate sua extorquere oblationem, neque cogere illum, qui non vult dare, sed per episcopum cogi debet, & ab episcopo peti debet, ut ipse exigat, & solvere cogat, prout caveretur in dicto cap. *Ad Apostolicam*. Deinde specialiter damnatur in illis jurebus modus extorquendi oblationes, negando sacramenta, vel spiritualia officia, nisi oblationes prius afferantur, vel detur cautio, aut aliquid simile. Hoc enim habet quamdam speciem simoniæ, & venditionis sacramentorum. Et ideo prohibent jura, ne ita fiat, in quo non contradicit cap. *Ad Apostolicam*. Et ideo servandum id est, ut etiam D. Thom. & omnes Doctores admonent.

An possit
negari,
sacramen-
tum non
solventi
oblationi-
bus.

23 Interrogat autem Cajetan. d. quæst. 86. artic. 1. Quid faciet parochus, si videat parochianum esse in malo statu, eo quod non solvit oblationem, & nihilominus petere sacramentum, nam tunc tenebitur illud negare, ne conferat indigno, & negando illud, videtur agere contra prædicta jura. Dicendum vero est, in primis necessarium esse, ut sit omnino certum, subditum esse in statu peccati; nam si sit res aliquo modo dubia, præsumi potest, illum habere bonam fidem, & sequi probabilem opinionem, vel consilium

alicujus hominis docti, & ita poterit illi dari sacramentum sine culpa. Immo ulterius oportet, ut crimen sit publicum, si sacramentum publice negandum est, quia peccatori occulto petenti publice sacramentum, dari potest sine culpa, immo etiam dari debet ab eo, qui ex officio tenetur, ut ex materia de sacramentis, & censuris constat. Si autem crimen est certum, & publicum, si illud consistat in non dandis oblationibus debitis, si in non solvendis decimis, si in quacumque alia materia, negari potest, & debet sacramentum. Neque fit contra dicta jura, quia non negatur ad extorquendum temporale commodum, sed ne indigne conferatur sacramentum, & tunc satis erit moderatam diligentiam adhiberi, ut hoc etiam publice intelligatur, & ita omne scandalum vitetur.

24 Ex quibus a fortiori sequitur, post inductam talem consuetudinem non posse populum, vel laicum aliquem statuere contra illam, ut non servetur, vel continetur, nam id esset contra jus ecclesiæ acquisitum, ac subinde contra libertatem ecclesiasticam, ut bene notavit Abbas dicto cap. *Abolenda* cum Bart. in leg. *Privilegia* Cod. de sacros. eccles. Et hoc ipsum ut notius supponit Innocent. Nam etiam si consuetudo nondum induxisset obligationem, illam prohibere, cum sit pia, impium esset, & contra ecclesiasticam libertatem, quia esset dispositio in spirituali materia a potestate laica omnino aliena.

Contra
consuetu-
dinem non
potest po-
pulus ali-
quid statu-
ere.

25 Sed quæret tandem aliquis, an qui non solvunt oblationes debitas, censuram aliquam, vel pœnam ecclesiasticam eo ipso incurrant. Respondeo breviter, nullam esse talem pœnam, vel censuram ipso facto incurrendam per ecclesiam latam aliquo jure: nullum enim tale invenitur: sunt quidem aliqua jura, quæ præcipiunt excommunicari, vel ab ecclesia ut infideles excludi eos, qui bona ecclesiæ legata non solvunt, vel qui bona semel ecclesiæ donata auferre moliantur, ut patet in cap. *Qui oblationes*, 1. & 2. & cap. *Clerici* 13. quæst. 2. Sed ibi nulla censura fertur ipso jure, ut Glossa etiam notavit. Et illa jura non de omnibus oblationibus loquuntur, sed de illis specialiter, quæ vel jam donata sunt ecclesiæ, & actu transierunt in ejus Dominium, ejusque bona sunt effecta, vel testamento ei legata sunt, & post mortem testatoris etiam suo modo ad ecclesiastica bona pertinent. De aliis vero oblationibus, quæ solum ex consuetudine debentur, nihil peculiare statutum est in jure circa modum, quo cogendi sunt fideles ad illas solvendas præter illud, quod circa hoc statuitur in dicto cap. *Ad Apostolicam*, ubi hoc videtur committi arbitrio episcopi, ut veritate cognita, id est, consuetudine, & obligatione bene examinata, faciat pias consuetudines servari, prudenti arbitrio pœnam, & coactionem adhibendo. De quadam vero censura specialiter lata in Concil. Trident. sess. 22. cap. 11. de reform. & alia, quæ habetur in bulla cœnæ, estque num. 17. an possit, vel debeat ad hanc materiam applicari, dicemus commodius infra tractando de Decimis; quia difficultas potest esse communis ad oblationes, decimas, & primitias; & in decimis, quæ magis debite esse solent, magisque pertinent ad ecclesiasticos fructus, melius expendetur.

Qui obla-
tiones ad
solvunt,
an incur-
rant cen-
suram.

C A P U T V I.

Quæ persone admitti possint, vel debeant ad ecclesiasticas oblationes faciendas.

1 IN hoc actu facile considerari possunt circumstantiæ omnes communes cæteris actibus moralibus; nam omnes cum proportionem sunt necessariae in his oblationibus faciendis, & in eis, quatenus ex solo jure naturali postulari possunt, nihil fere occurrit peculiariter adnotandum; quatenus vero ex jure ecclesiastico aliquid circa nonnulla illarum positum est, sunt aliqua consideranda, præsertim ex parte personæ offerentis, & ejus, cui offertur, & rei oblatae; nam reliquæ vel nihil habent peculiare, vel in superioribus tactæ sunt. Nam de loco diximus, quando, & quomodo faciendæ sint in ecclesia, vel alibi, & in discursu

Varia cir-
cumstan-
tiæ nume-
rantur.

hujus

hujus capituli aliquid attingemus. De tempore constat, faciendas esse vel tempore consueto, vel debito ex alio titulo. Quod si oblatio sit mere voluntaria, etiam determinationis temporis proprio arbitrio fiet. De modo dictum est, debere fieri sponte, & sine coactione, &c. Denique de fine constat, debere fieri in Dei cultum, vel propter alium pium finem, ut est subventio pauperum, aut ministrorum: in his ergo amplius immorari non est necesse.

Persona offerens qualis debeat esse
2 Circa personam ergo offerentem communiter dici solet, necessarium esse, ut sit persona baptizata, & fidelis, & ab ecclesia non pręcisā, neque publicus peccator. Et quidem de pręcisā ab ecclesia, seu excommunicatis frequentius sermo est in sacris canonibus. Nam in Concil. Illibertin. cap. 28. sic habetur: *Episcopum, placuit, ab eo, qui non communicat, munera accipere non debere.* Qui canon duobus modis intelligi potest. Primo de communione, id est, receptione Eucharistię, ita ut sensus sit, ab eo, qui cum assistit divino sacrificio, de illo non participat, communicando, non esse oblationem suscipiendam. Fuit enim olim consuetudo, ut omnes audientes sacrum, in illo communicarent, quę colligi potest probabiliter ex Can. 9. & 10. Apost. & ex Concil. Antiochen. can. 2. ideo ad verecundiam, & confusionem eorum, qui tamen consuetudinem non servabant, potuit Concilium ordinare, ut eorum oblationes non reciperentur. Sed hoc ad summum habere poterat locum in missa dici publica, & solenni; quia non est verisimile, ut in privatis omnibus missis omnes audientes communicare cogerentur: alias vel sæpius intra eundem diem communicare licuisset, vel non licuisset, plures missas in eodem die audire, vel certe oporteret excusationem asserere non communicandi, eo quod jam eodem die communicasset, quod esset fraudibus, & scandalis expositum. Et fortasse nunquam fuit consuetudo obligans ex rigoro pręcepto communicare in missa etiam solenni, de quo alibi dictum est.

Proprie Concilii sensus
3 Proprie ergo in allegatis verbis de excommunicatis sermo est, qui non solum actu, verum etiam neque potestate communicant, nec solum a communicatione Eucharistię arcantur, sed etiam ab omni alia communicatione, pręsertim spiritali, & ecclesiastica. Quia ergo datio, & receptio oblationum magna communicatio est, & suo modo spiritalis, ideo cum excommunicatis prohibetur. Quod ab Apostolis manasse testatur Clemen. lib. 3. Const. Apost. cap. 8. & lib. 4. c. 7. Et confirmatur in Conc. Nicen. c. 27. juxta versionem Pisani. Et constat ex propria materia de Censuris, & a fortiori ex aliis juribus statim citandis.

A quibus peccatoribus non sine recipiendę oblationes
4 De peccatoribus autem publicis, licet sint multa jura specialia, nullum tamen invenitur decretum, in quo generaliter sit sermo de quocumque peccatore publico: & ideo quęri potest, an idem dicendum sit de quocumque publico peccatore, quod nimirum ejus oblatio recipienda non sit. Nam Glossa in c. *Oblationes* d. 90. simpliciter negat, & probabili quidem ratione: *Nam hec (inquit) est pœna (est enim veluti quedam censura, & infamia;) ergo non est extendenda ultra casus in jure expressos.*

Argumentum
5 In contrarium vero facit primo, quod eadem Glossa extendit hoc ad publicas meretrices, cum tamen expresse in jure non habeatur. Nam licet in quadam nota marginali ibidem allegeretur Authentica de Lenonib. in princ. Collat. 3. illa non habet auctoritatem legis in materia, & pœna ecclesiastica, pręsertim quia nec de tali pœna ibi mentio fit; non est ergo ad rem jus illud, nec Glossa in eo fundata est, sed in ipsa rei decentia & paritate rationis: ergo eadem ratione nec a publico concubinario oblatio recipienda est, & consequenter nec a quolibet peccatore publico. Pręterea videtur esse hoc quasi divinum naturale jus, nam ipsi naturales philosophi illud agnovisse videntur: Plato enim lib. 4. de Repub. dixit, nec virum bonum ab impio se donari velle, nedum ipsum Deum; & Cicero lib. 2. de legib. dixit, non placari Deum donis impiorum. Quibus consonat illud Eccles. 34. *Dona iniquorum non probat Altissimus, nec respicit in*

oblationibus iniquorum. Accedit, quod etiam in ecclesia videtur fuisse hoc semper prohibitum: nam Clem. d. dicto l. 4. c. 6. generaliter ait: *Qui dereliquerunt, & eos non pœnitet delictorum suorum, non solum non exaudientur, cum preces faciant, sed magis Deum irritabunt. Prohibita igitur hujusmodi ministeria oblationum, & c. 7. Pręstet, fame perire, quam ab inimicis Dei quicquam accipere, & c. 9. ait, si contingat aliquid ob necessitatem ab impiis recipi, id non esse infumendum in cibos pauperum, sed in ligna, vel carbones esse impendendum. Item Per. Dam. Epist. *Dona (inquit) vel oblationes ab iniquo suscipere, quid est aliud, quam propriam animam ex dantis squalore fœdare?* Denique interdum etiam propter indecentiam corporalem prohibetur oblatio, & de fœminis menstruatis refert Burchard. lib. 16. sui decret. cap. 140. Ex Concil. Mogunt. can. 6. ergo multo magis pro indecentia status publici in peccato mortali accendus quis est ab oblatione, & si ad illam accedere pręsumperit, non est admittendus.*

6 Hęc interrogatio non videtur posse habere unam simplicem, & universalem responsionem. Nam distinguere oportet de vitio, quia vel ipsam oblationem commaculat, & est veluti circumstantia ejus prava, vel tantum afficit personam, & quasi materialiter se habet respectu oblationis. Quando vitium est prioris generis, constat, non esse oblationem recipiendam, quia esset cooperari actioni injustę, vel irreligiöse. Exempla sunt, primum in oblatione usurarii, quę recipi prohibetur in c. *Quia in omnibus*, de usuris, non solum in pœnam, & odium talis delicti, sed etiam quia acquisita per usuram aliena sunt, ideoque illa Deo offerre, non solum sacrilegium est, sed etiam nova injustitia; ac propterea ibidem pręcipitur, ut talis oblatio statim restituatur, ut ibidem Glossa notavit addens, rem oblatam offerenti esse reddendam, ut ipse vero Domino illam restituat, & eadem ratione caveretur in c. *Super eo*, de Raptor. ne raptorum elemosynę recipiantur ab ecclesia. Atque eadem ratio est de omnibus injuste possessis, seu acquisitis, ut notavit Div. Tho. d. q. 86. ar. 3. cum August. ser. 35. de verb. Domini, & ita exponit illud Eccl. 34. *Immolantis ex iniquo oblatio est maculata*, & habet locum in quacumque alia oblatione, vel elemosyna, ut late tradit Greg. lib. 7. ep. 110. & habetur in c. *Non est*, l. q. 1. Qui etiam adjungit illud eccl. 34. *Qui offert sacrificium ex substantia pauperum, quasi qui vitimat filium in conspectu patris sui.*

7 Et similis ratio est de his rebus, quę licet juste possideantur, secundum ordinem justitię, vel charitatis sunt obnoxie alteri priori, & majori obligationi: tunc enim licet offerens non supponatur esse in statu peccati, peccaret tamen vel contra justitiam, vel contra charitatem, aut pietatem, rem suam offerendo Deo, vel ecclesię, & ideo ejus oblatio recipienda non est. Talis est oblatio, quam filius facere vult de re necessaria ad sustentationem parentis, quam reprehendit Dominus Matth. 15. & eadem, vel major ratio est de parente, qui oblationem facere vult de rebus necessariis filiis, vel alias eis debitis. Item de creditore, qui ex bonis debitis offert, & idem contingere potest in elemosyna, quando necessitas proximorum urget, quia tunc Deus magis vult misericordiam, quam oblationem Matth. 9.

8 At vero quando vitium est tantum personę offerentis, & in rem oblatam non redundat, per se loquendo non obstat, quominus oblatio talis personę recipi possit, quantumvis ejus peccatum publicum sit. Ita sumitur ex D. Thom. supra, & ex Gloss. in c. *Oblationes* d. 90. Et ratio est, quia illa conditio personę non obstat, quominus illa obligatio sit verus religionis actus; ergo nec obstat potest, quominus recipere illam licitum sit, quia tunc nulla est ad malum cooperatio, nec alia malicia in tali acceptatione cogitari potest. Dixi autem *per se loquendo*, quia oportet duos casus excipere. Primus est, quando ex tali oblatione sequitur scandalum, & hac ratione ait D. Tho. supra non licere nunc accipere oblationem a publica meretrice, quia intelligitur esse de mercede prostibuli, quam accipere prohibitum erat Deut. 23. & licet illa

Questioni
satisfacta
per varios
casus

Ab usurario
non
accipienda
oblatio

Oblatio
rei alteri
obnoxie,
non est
accipienda

Quando
vitium est
personę
& non rei
oblata
potest re-
cipi oblatio

Excipiuntur
duo
casus, quorum
primus est
scandalum

illallex: quatenus cærimonialis erat, cessaverit, ut habet moralem rationem, potest durare. Ratio autem scandali est moralis, ne videatur ecclesia favere iniquitati, si de mercede iniquitatis oblationem accipiet. Et ideo non est eadem ratio de publico concubinario, qui non offert aliquid ex iniquitate comparatum, quia cessat dicta ratio scandali; si vero aliunde oriretur, etiam vitandum esset, ut si crederetur ecclesia connivere, & tolerare talem statum in tali persona, propter oblationem ejus, vel quid simile. Sicut e contrario, si ratio scandali in meretrice cessaret, posset ejus oblatio recipi, ut si meretrix publica publice convertatur, & statum mutet, & postea de bonis prius comparatis non injuste, licet inhoneste, aliquid ecclesiæ offerat, acceptari posset, quia jam tunc cessat scandalum: tunc enim non potest existimari, quia ecclesia faveat iniquitati, sed pœnitentiæ, & satisfactioni pro præteritis peccatis. Nec aliunde est hoc prohibitum jure positivo, ut bene supra probatum est.

Se. ut dicitur
cap. 13.

9 Alia exceptio est, nisi speciali jure prohibitum sit, talis peccatoris oblationem accipere, tunc enim quod jus statuit, servandum est. Ita notat Glossa dicto cap. *oblationes*, d. 90. Et ex parte sumitur ex illo textu, quatenus ait, oblationes dissidentium fratrum recipiendas non esse. Altera vero pars illius textus, in qua dicitur, dona eorum, qui pauperes opprimunt, a sacerdotibus recipienda non esse, magis pertinet ad aliud membrum prius explicatum de obligationibus injustis ex parte etiam rei oblatae, ut ex dictis constat. Et ita in Concil. Carthag. 4. illi sunt Canon. diverſi 93. & 94. Ad hanc vero partem spectat c. *De viro*, 12. quæst. 2. ubi sacrilegis quibusdam in partem pœnitentiæ imponitur, ut in tertio anno pœnitentiæ, permittantur esse in ecclesia *Inter audientes sine oblatione*. Et simile quid de Martirida statuit Nicolaus Papa in cap. *Latorem* 33. quæst. 2. Et de his, qui rebaptizantur Felix Papa in cap. *Eos, quos*, de conse. d. 4. Et de his, qui infantes suos rebaptizandos tradunt, Concil. Illerdenſ. cap. 13. Item facit, quod ex Aug. Epist. 187. refertur in cap. *Miror*, 17. q. 4. præcepisse nimirum, ne reciperentur oblationes Bonifacii præſidis, qui homines de ecclesia extraxerat. Ad hoc etiam adduci solet Canon 37. Concilii Loadic. sed diversa est illius decreti dispositio: Nam in primis loquitur de Judeis, & Hæreticis, ex quibus primi baptizati non sunt, postremi sunt præſiſi, & excommunicati. Deinde non videtur loqui de oblationibus ecclesiasticis, sed de quibuscumque muneribus, quæ indicant amicitiam, vel communicationem, præſertim in ritu religionis: Verba Concilii sunt: *Quod non oporteat a Judæis, vel Hæreticis, quæ mittuntur, munera festiva ſuſcipere, nec cum eis feſta celebrare*. Ubi munera festiva appellari videntur illa, quæ pro aliquo diei feſtivitæ, vel ſolemnitate mitti ſolent, non tantum ecclesiæ, vel clericis, sed etiam inter amicos, vel quovis alio modo. In casibus ergo a jure expreſſis non sunt oblationes iniquorum hominum ſuſcipiendæ, etiamſi alias ſiant de rebus convenientibus & juſte poſſeſſis. Non sunt tamen extendenda illa jura ad alios casus, etiamſi ſimiles eſſe videantur, quia in pœnalibus legibus non habet locum hæc extenſio, ut dicta Glossa notavit, quam ibi Turrecr. & alii ſequuntur, & Silveſt. verb. *Decima* num. 8. & ibidem Angel. Limitat hoc tantum Silveſter, niſi crimen ſit horrendum, quod habere poterit locum ratione ſcandali, non ex vi legis pœnalis, quicquid ipſe dicat.

An jura
ſolum
intelligenda
de oblationibus
ſacris ad
altare

10 Interrogabit vero aliquis primo, an hæc jura intelligenda ſint tantum de oblationibus, quæ ſunt ad altare, & in ecclesia, vel univerſe de omni donatione, quomodocumque facta ecclesiæ inter vivos, vel in legato, aut teſtamento, aut quovis alio modo. Quidam de quocumque modo offerendi jura illa intelligunt, quia Laici nunquam offerebant immediate per ſe, ſed per Diaconum, juxta cap. *Perleſtis*, 25. d. nec deferrebant oblata ad altare, ſed ad ſacrarium, vel gazophylacium, quod etiam prohibetur his peccatoribus in dicto c. *Oblationes* 90. d. At vero Glossa in dicto c. *Eos, quos*, de conse. d. 4. de oblatione tantum, quæ ſit ad altare, intelligit textum illum, & ca-

pitulum *De viro* 12. quæst. 2. Ubi Turrecremata etiam cum Hugone reſtringit jus illud ad oblationem, quæ ad altare ad manus ſacerdotis deferretur, juxta c. *Omniſ Christianus*, de conse. d. 1. Et ſimili modo exponit cap. *Latorem*, 33. quæst. 2. de oblationibus, quæ diebus Dominicis, & feſtivis in ecclesia fieri ſolent. Et in eodem ſenſu videtur locutus Auguſt. in dict. ca. *Miror*. Et regulariter loquendo, eſt hæc expoſitio magis accommodata juribus, & materiæ pœnali, quæ reſtringenda eſt. Nec reſert, quod laici non accedant ad altare immediate ad offerendum, ſatis enim eſt, quod immediate offerant, vel in manu ſacerdotis, vel per diaconum; nam ſemper talis oblatio cenſetur fieri immediate Deo, & cenſetur magis ſacra, & per ſe magis publica, ideoque ſpecialius acceptari prohibetur. Hoc tamen non impedit, quominus prohibitio poſſit generalius fieri, & exponi ſpecialia verba alicujus Canonis, quando vel materia ipſa id poſtulaverit.

An prohibita ſint
ſolum ad
oblationes
necceſſarias, vel
etiam ad
ſpontaneas

11 Ulterius interrogari poteſt, an extendatur hæc prohibitio ad oblationes neceſſarias, vel tantum ad ſpontaneas: nam Glossa, Hugo, Archid. Turrecrem. & alii communiter exponunt de oblationibus tantum ſpontaneis, quia neceſſariæ, id eſt, quæ ſunt in præcepto, ut primitiæ, ac decimæ non ſolum accipiendæ, ſed etiam exigendæ ſunt, etiam ab his malefactoribus, alias commodum ex ſua iniquitate reportarent, & id cederet in ecclesiæ gravamen. Omiſſis tamen decimis, & primitiis, petimus, quid dicendum ſit de oblationibus, quæ in principio ſpontaneæ fuerunt, jam vero uſu factæ ſunt neceſſariæ: nam hinc apparet, doctrinam, & rationem illorum auctorum in his locum habere, ut ſolvi debeant, & recipi poſſint. Item de oblationibus neceſſariis ad ſuſtentionem miniſtrorum, non videtur dubium, quin ſolvi debeant a publicis peccatoribus, & recipi poſſint, immo & exigi. Aliunde vero obſtat, quia tales ſolent eſſe oblationes, quæ ordinariæ ſunt in ecclesia ad miſſam in diebus Dominicis, & feſtivis, & tamen iidem auctores dicunt, hæc oblationes ſuſcipiendas non eſſe in casibus prohibitis; ergo intelligenda ſunt illa jura non ſolum de voluntariis, ſed etiam de neceſſariis oblationibus.

Sententia
Auctoris

12 Mihi ergo breviter videtur, nullas oblationes etiam neceſſarias aliquo ex dictis modis recipiendas eſſe ab his peccatoribus in ecclesia, ad altare, vel in publica oblatione ad manum ſacerdotis: nam hoc absolute, & ſine reſtriſtione prohibent dicta jura. Nec æſtimant inconſuetudinem, quod ecclesia tunc privetur illo temporali commo in deteſtationem talis delicti, & ad conſuſionem, & humiliatorem talis peccatoris, ad quos fines parum reſert, quod talis oblatio voluntaria ſit, vel neceſſaria; & hoc modo neque primitiæ a talibus recipiendæ ſunt per modum ſacrarum oblationum, quæ ſuo modo offeruntur immediate in Dei cultum. Nihilominus vero res ipſæ, ſi alias ſint debite in ſuſtentionem miniſtrorum, poſſunt alio modo privatim tradi, vel exigi, quia hoc non eſt prohibitum, ut dixi, & ratio juſtitie id per ſe poſtulat. Item hoc modo exigi poſſunt primitiæ: ſicut & decimæ, & quoad hoc eadem eſt ratio de oblationibus neceſſariis ad ſuſtentionem miniſtrorum, quia illæ per ſe primo debentur miniſtris, & modus offerendi illas in miſſa, vel ecclesia accidentarius eſt illi fini. Confirmatur hoc ex c. *Quanto* de uſuris, ubi dicitur etiam Judæos compelli poſſe ad ſolvendum valorem oblationum, vel penſionum; quas accipere ſolebat ecclesia a domibus, vel terris, priuſquam ad Judæos deveniſſent; de quo vide Silveſtrum ſupra n. 8. Addo tandem, quando obligatio non naſcitur ex ſimili jure ecclesiæ, neque ex indigentia miniſtrorum, ſed ex pura conſuetudine, recipi quidem poſſe valorem illum, ſi extra actionem ſacram datur, non tamen poſſe exigi, ut alio modo detur, quia conſuetudo non obligat, niſi ad dandum tali modo, loco, & tempore; & ideo ſi tunc ecclesia illas recipere non vult, peccator non obligatur aliter illas offerre.

13 Tandem interrogari poteſt, an miniſtri altaris teneantur hæc oblationes non accipere ab his peccatoribus

si obla-
tiones nō
accipian-
tur, an ex-
pectanda
sit con-
demnatio

ribus eo ipso, quod peccatum de facto notum est, ante condemnationem, vel etiam ante declarationem per sententiam. Ratio dubii esse potest, quia dicta Glossa nihil aliud requirit, nisi ut delictum sit notorium, id est, facto ipso publicum, & eam videntur approbare ceteri Doctores, unde non requirunt condemnationem, vel sententiam. In contrarium vero est, quia (ut supponitur) hæc prohibitio non fit ratione scandali, nec quia ipsa oblatio, vel receptio ejus mala sit, sed solum in pœnam: at pœna non est executioni mandanda ante sententiam, vel præceptum iudicis, seu superioris; ergo eadem regula in præsentī servanda est. Unde Augustin. in dicto cap. *Mirror*, specialiter dicit, *oblatio vero domus tue a clericis ne recipiatur indixi, vel interdixi*, quia videlicet sine ipsius præcepto, vel iudicio non poterant ministri ecclesiæ alterius oblationem non recipere, seu illum ab oblatione excludere. Confirmatur, ac declaratur. Quia hæc est veluti excommunicatio quædam partialis, quia est privatio cuiusdam ecclesiasticæ communicationis; ergo non incurritur ipso facto, nisi in ipsa lege exprimat.

Vera sententia.

14 Circa rem hanc considerandum occurrit, duobus modis posse hanc pœnam, seu prohibitionem imponi. Primo ex parte ipsius peccatoris, ut quando illi præcipitur, ne offerat, sicut fit in dicto cap. *De viro*, & dicto cap. *Tenorem*, & dicto cap. *Eos, quos*. Secundo fit prohibitio ex parte ministrorum ecclesiæ interdicens eis, ne talium peccatorum oblationes recipiant, ut fit in dicto cap. *Mirror*, & in dicto cap. *oblationes*, & in dicto Concilio Laodiceno. Quando fit prohibitio priori modo, sine dubio non obligat peccatorem, ut ipse ab oblatione absteineat, donec per ecclesiasticum pastorem arceatur, nisi ubi lex aliud disposuerit verbis satis expressis, quod in decretis citatis ex jure communi factum non invenio, & hoc mihi satis probant rationes posteriori loco factæ. Et tunc consequenti ratione non tenentur ecclesiæ ministri oblationes tales non recipere, donec offerens per sententiam superioris damnatus sit, vel declaratus, juxta legis exigentiam, vel donec ipsis a superiori prælato præcipiatur. Quia nulla lege directe eis prohibetur receptio talium oblationum, ut supponitur, nec etiam consequenter, cum alteri non sit prohibita donatio, & alioqui talis receptio per se, & natura sua mala non est, ut constat. At vero quando prohibitio fit directe ipsis clericis, ne talium hominum oblationes recipiant, tunc non videtur necessaria sententia, sed sufficit, delictum esse publicum, quia illud præceptum, licet redundet in pœnam peccatoris, respectu eorum, quibus directe imponitur, non est pœnale, sed directivum, & ita eos obligat ante omnem sententiam, & ideo satis est, quod materia præcepti supponatur. Oportet tamen, factum esse notorium, & publicum, quia separatio illa, & quasi denegatio illius ecclesiasticæ communicationis publica est, & scandalum posset generare, nisi delictum esset publicum, & in hoc casu loquuntur Glossa, & Doctores allegati.

CAPUT VII.

Quibus personis, & de quibus rebus faciendæ sint oblationes.

Conditio-
nes requi-
sitiæ ex
parte il-
lius cui
fiunt ob-
lationes

1 Dixerimus de conditionibus requisitis ex parte offerentis, sequitur, ut dicamus de eo, cui debent hujusmodi oblationes fieri, & de qua materia fieri debeant. In priori puncto breviter considerandum est, oblationes has principaliter offerri Deo, & secundario ministris ejus, sed non omnes eodem modo. Dupliciter enim potest aliquid offerri Deo principaliter, scilicet ut quod, & ut quo (ut præcis, & Scholasticis verbis rem explicem) interdum enim Deus ipse est persona, cui directe, & proxime res offertur, quomodo sacrificium dicitur offerri soli Deo: aliquando non Deus, sed homo est, cui directe, & proxime res aliqua donatur: ratio autem, præterquam proxime donatur, est ipse Deus, seu cultus ejus, ut per talem donationem conservari: seu pro-

moveri possit: & sic decimæ dicuntur offerri Deo, licet proxime ministris ejus dentur. Oblationes ergo sunt veluti mediæ inter sacrificium, & decimas, unde utroque modo fieri possunt, ut sæpius dictum est: aliquando enim Deo ipsi immediate offeruntur, ita ut proprium cultum ejus immediate contineant, & tunc ex parte ejus, cui offeruntur, conveniunt cum sacrificio, ut cap. 3. declaravi. Hujusmodi ergo oblatio ex parte ejus, cui directe offertur, solum requirit, ut sit verus Deus, quia fit in recognitionem supremi dominii, & offertur quasi tributum soli Deo debitum.

Ille, cui
fit obla-
tio, debet
esse verus
Deus.

2 Aliquando vero fiunt oblationes directe, & immediate hominibus, & tunc ut oblatio sit religiosa, (de qua sola nunc loquimur) oportet, ut ratio offerendi, & donandi proxima sit Deus, ac divinus honor, & cultus, & hoc modo pertinent ad oblationes multa, quæ ipsis sacerdotibus sponte donantur, ut ad Divinum cultum nutrantur, & sustententur, & sic etiam ad oblationes pertinent ea, quæ ad ornatum, vel ministerium sacrum templis donantur. In his ergo oblationibus ex parte ejus, cui donatio fit proxime, & ut quod, postulatur, ut sit clericus, seu Dei minister in spiritualibus, vel persona ad Divinum cultum aliquo modo deputata, quia alias oblatio non esset religiosa, nec ad cultum Dei pertineret.

Aliquādo
immedi-
te fit ho-
mini, sed
ratio ofe-
rendi est
Deus.

3 Atque hinc constat, jus ad hujusmodi oblationes, seu ad res, quæ offeruntur, ecclesiasticum esse, & spirituale, & quodammodo divinum, ideoque solis clericis, & ecclesiasticis personis convenire posse, ut declarat Damasus in c. ult. ro. q. 1. Et idem sumitur ex duobus antecedentibus capitulis, & ex c. 1. & c. *Pervenies*, 16. q. 7. Idem tradit D. Thom. 2.2. q. 86. ar. 2. Alen. 3. par. q. 53. m. 2. & omnes. Et ratio est, quia ministerium divini cultus, & cura ejus, & salutis animarum ad solos sacerdotes, & ecclesiasticos per se pertinet, & ideo ad illos etiam pertinent omnia, quæ in divinum cultum offeruntur: non tamen eodem modo, sed quædam ut illorum usui cedant, in eorumque sustentationem consumantur, quædam, ut divino cultui dicata maneant, & in eum finem conserventur sub cura, & dispositione ministrorum Dei; quædam vero, ut in eodem divino cultu, vel eleemosynis pauperum consumantur, juxta varia genera oblationum, & intentionem offerentium. Et in hoc sensu dixit D. Thom. supra: *Oblationes pertinere ad Clericos, vel ut in suos usus eas convertant, vel ut eas fideliter dispensent*. An vero acquirant earum dominium, vel solum jus utendi, ac dispensandi, quæstio generalis est de omnibus redditibus ecclesiasticis, ac decimarum, & primitiarum, de qua alio loco, ubi de beneficiis ecclesiasticis tractabimus, differemus. Nunc solum advertendum est, quod licet jus oblationum sit proprium Clericorum, res tamen ipsæ oblatæ præsertim nobiles, si consecratæ non sint, possunt in laicorum usum converti per donationem, vel alium justum contractum, quia nec res illæ in se sacræ sunt, nec aliquo jure est prohibitum; secus vero est post consecrationem talis rei, ut Div. Thom. notavit ex Damaso in c. *Hanc consuetudinem*, 10. q. 1.

Jus ad ob-
lationes
est eccle-
siasticum,
& ad cie-
ricos perti-
nens.

19 Sed quæres; an monachi, seu religiosi sint capaces oblationum. Respondet D. Tho. d. ar. 2. ad 2. religiosos tribus modis posse oblationes accipere, vel de illis participare. Primo, ut pauperes per dispensationem sacerdotum. Secundo, si sint ministri altaris, possunt recipere voluntarias oblationes. Tercio, si annexam habeant animarum curam, seu parochiam, tunc etiam oblationes debitas accipiunt. Unde videtur fieri, ut religiosi, quia religiosi sunt, non recipiant oblationes. Nam in primo modo recipiunt ut pauperes, & ad illum effectum accidentarium est, quod sint pauperes voluntarii, vel necessarii: præterquam quod non recipiunt proprium jus decimarum, sed usum; secundo autem modo recipiunt oblationes, ut non religiosi, sed ut ministri altaris: unde si exercent idem ministerium non ex professione religiosa, sed ex devotione, poterunt etiam spontaneas oblationes recipere. Addo etiam, secundum idem modum non posse dici habere jus oblationum, sed capacitatem. Hanc vero etiam habere possunt omnes per-

Tribus
modis sive
Religiosi
oblationes
capaces

personæ peculiariter deputatæ divino cultui, & orationi, potest enim intuitu divini cultus aliquid eis sponte offerri, habebitque veram rationem spontaneæ oblationis. In tertio vero modo religiosi subeunt vicem parochorum, & ideo proprium jus oblationum participare possunt, sicut etiam recipere possunt decimas, ut infra videbimus.

An possit
consuetu-
do intro-
duci ut
clerici
aliquid
dant la-
icis

20 Tractat etiam hic potest, an possit consuetudine introduci, ut in aliquo festo, & divino officio clerici aliquid tribuant laicis, ut v.g., in die festo Purificationis cereos albos, vel quid simile. Hoc arguit Freder. de Senen. conf. 155. & affirmat, posse valere talem consuetudinem. Sequitur Rosel. verb. *Decima*. Additio ad Abb. c. 1. de consuet. n. 2. Greg. Lopez in l. 15. tit. 17. part. 1. illam vero Frederici resolutionem improbat Sylvester, verb. *Decima*, n. 7. & in eandem partem inclinat Gattierrez referens Menochium lib. 2. q. Canonic. c. 21. n. 156. Sed profecto non est talis consuetudo per se, & intrinsece irrationabilis, ut prævalere non possit, quia non fit eo titulo, ut ecclesia solvat tributum laicis, neque ut eis offerat loco Dei, sed est donatio quædam ejusdem rei sacræ, qua fideles juventur, & excitentur ad devotionem. Unde falsum est, quod Sylvester ait, per illam consuetudinem subijci ecclesiam laicis; non enim ita est, sed potius se ostendit marrem erga illos. Sicut sacerdos dando aliis Eucharistiam, non se illis subijcit. Deinde hac largitione non multum gravatur ecclesia. Sed ait Sylvester, licet una candela non sit gravamen, dare autem multas, esse gravamen notabile. Dico tamen, in hoc rationem esse habendam & multitudinis populi, & facultatis ecclesiæ, ut non nimium gravetur, vel per ejusdem populi oblationes juveretur: in quo judicio pastoris ecclesiæ standum est, qui hoc modo potest consuetudinem temperare, & alia etiam incommode cavere, quæ, cum accidentaria sint, non considerantur.

De con-
ditionib.
rei oblate

21 Ultimo dicendum superest de conditionibus rei oblatæ, de qua re egit D. Th. d. qu. 86. ar. 3. Ex cuius doctrina breviter dicendum est, aliter loquendum esse de oblatione, quæ fit ex debito, & aliter de illa, quæ sponte fit. Nam quando oblatio fit ex debito, oportet, ut res oblata correspondeat debito, id est, ut talis sit, qualis debetur, ut verbi gratia. Si debeatur oblatio ex voto, ut talis offeratur, qualis necessaria sit, ac sufficiat ad implendum integre votum. Si vero debeatur ex consuetudine, aut superioris præcepto, eas condiciones habeat, quas habet consuetudo, vel præceptum postulat. Ratio clara est, quia alias non satisfit obligationi. Sed quid si obligatio cadat in rem absolute dictam? nunquid satisfaciat quis offerendo quamcumque rem talis speciei, etiam vilem, vel infirmam, vel tenebitur optimam offerre; ut v.g. si lex præcipiat offerre oleum, satisfacietne offerendo quodcumque, etiam vilissimum, vel quale oportebit offerre? Idem de vino, & quacumque alia re simili interrogari potest, & in materia voti, & similibus eadem quæstio locum habet. Ad quam respondendum est, quando ex verbis legis, aut voti, aut intentione votantis huiusmodi circumstantiæ rei offerendæ determinatæ non sunt, tunc in primis considerandas esse circumstantias, & præsertim finem, propter quam res offertur, nam ex illis sæpe determinari poterit qualitas, quæ in re oblata postulat. Si vero nec ex his circumstantiis satis colligi potest, arbitraria res est, & prudentis iudicio definienda, semper tamen cavenda est fraus, & dolus, & ne aliquid contra reverentiam Deo debitam committatur, juxta illud Malach. 1. *Maledictus dolosus, qui habet in grege suo masculum* (supple integrum, & sine vitio) *& votum faciens, immolat debile Domino, quia Rex magnus ego, dicit Dominus exercituum, & nomen meum horribile in gentibus*. Itaque quando obligatio simpliciter est de offerenda tali re, saltem intelligi debet de re sana, & integra, & usui sacro accommodata, & illam offerens, satisfaciet obligationi suæ: si autem optimum obtulerit, melius faciet.

Qualis
res offe-
renda in
oblatione
spontanea

12 At vero quando oblatio est spontanea, tunc ex parte rei oblatæ nulla specialis conditio requiritur, quasi positive (ut sic dicam) præter illam supra in-

sinuatam, quod scilicet sit de bonis propriis, & non de alienis; propriis (inquam) vel quoad dominium, vel saltem quoad dispensationem, & usum saltem ex licentia veri domini, ita ut oblatio sine alicujus injuria fiat. Quantitas vero rei offerendæ ordinariæ in his oblationibus spontaneis arbitraria est, ut D. Th. & omnes notant, licet consuetudine possit interdum etiam quantitas præscribi, ut supra notatum est. Dico autem non requiri specialem conditionem positivam, quia generatim, seu negative observare oportet, ut res oblata non habeat conditionem aliquam non decentem ad divinum cultum. Qua ratione apud Malachiam d. c. 1. simpliciter dicitur esse malum, offerre Deo claudum, aut cæcum, quia ex natura rei videtur esse contra reverentiam Deo debitam, vel quia ejus majestas videtur contempni haberi, vel quia per talem oblationem non recte significatur perfectio Dei in efficiendis suis operibus. Regulariter autem, & secluso contemptu, & scandalo, non videtur hoc peccatum grave, etiam si ex avaritia, vel negligentia procedat, quia oblatio est spontanea, & defectus rei oblatæ non est simpliciter contra substantiam oblationis, ut supponitur, sed contra perfectionem ejus, & licet aliquam indecentiam includat, regulariter levis est: ut si quis ad offerendum in ecclesia, & maxime in sacrificio vile triticum, aut vinum eligat; si vero eligeret jam corruptum, ut vinum factum acrum, gravis esset culpa, quia esset contra substantiam oblationis.

C A P U T VIII.

De præcepto solvendi primitias.

1 **P**rimitiæ sub oblationibus continentur, habent tamen specialem quamdam rationem, & obligationem: & ideo aliquid de illis in particulari dicendum est, cum D. Th. d. qu. 86. a. 4. Alex. 3. p. qu. 52: primitiæ igitur dicuntur primi fructus frugum terræ, ut ex Deu. 6. colligitur. Addit Host. in Sum. Raim. & alii, esse primam partem fructuum Domino offerendam, sed non oportet, hanc posteriorem particulam addere, quia nec ex vi vocis significatur, nec pertinet ad rationem primitiarum. Non enim ideo primitiæ sunt, quia Domino sunt offerendæ, sed potius, quia sunt primitiæ, id est, primi fructus frugum, ideo præcipiuntur Deo offerri. Potest autem dici fructus primus, vel origine, seu tempore, quia prius maturefcit, & ante alios colligitur, vel dignitate, quia est ceteris melior, aut pinguior. Interrogari ergo potest, an primitiæ dicantur primi fructus tempore, vel bonitate, id est, optimi. Nam in modo loquendi Scripturæ videtur esse in hoc aliqua ambiguitas; nam num. 18. sic dicitur: *Primitias, quas voverint, & obtulerint filii Israel: tibi dedi*, &c. Quæ autem istæ primitiæ, ita explicatur: *Omnem medullam olei, vini, ac frumenti, quicquid offerunt primitiarum, tibi dedi*. Ubi medulla vocatur id, quod est optimum, & hoc ipsum nomine primitiarum significatur.

Quid sint
Primitiæ

Primitiæ
an sint
primi fru-
ctus, an
meliores

2 Dicendum tamen est, licet nomen primitiarum varium sit, & multiplex in Scriptura, ut late tractat Abulen. in c. 23. Matth. a q. 209. & Exod. 25. n. 18. & sæpe alias: nihilominus, ut significat materiam propriam illius præcepti de primitiis quotannis solvendis, non a dignitate, sed ab ordine temporis sumptum est, id est, non optimos fructus, sed primos significat. Ita enim explicatur statim in eod. c. 18. nu. *Universa frugum initia, quæ gignit humus, & Domino deportantur, cedent in usus tuos*; & infra: *Quicquid primum erumpit de vulva, &c.* Itaque sicut primogenita dicuntur, primi foetus animalium, etiam si optima non sint, ita primitiæ secundum ordinem originis considerantur, non secundum bonitatis gradum. Denique in præceptis tradendis vox in propria significatione accipitur, primitiarum autem vox proprie significat primos in origine fructus: aliæ vero significationes metaphorice sunt. E converso autem iidem primitiarum fructus per quamdam metaphoram vocantur medulla, vel quia multum solent æstimari, vel quia ordinariæ solent esse præcipui, vel ut tales reputari. Et hoc

an solvantur
quæst.

hoc significavit D. Thom. d. qu. 86. ar. 4. infra vero aliam expositionem trademus. Circa hoc ergo primitiarum præceptum primo videndum est, quid jus naturæ statuatur, deinde quid fuerit in veteri lege præceptum, ac tandem quid in lege nova observandum sit.

3 Circa primum aliqui existimant, præceptum offerendi Deo primitias naturale esse, ac subinde pertinere ad jus divinum morale. Quod videntur sentire multi ex auctoribus, qui dicunt, præceptum de solvendis decimis esse de jure naturali, quos seq. cap. referemus. Nam eodem fere modo loquuntur de præcepto primitiarum; nam primitiæ eodem modo censentur debita, quo decimæ, juxta Glossam in §. *Hirita*, ver. *Et primitias*, post c. 1. 13. q. 1. ex c. *Revertimini*, 16. q. 1. Et hoc videtur tenere Andr. Hispan. tract. de decim. q. 8. quem sequitur Rebus. tract. de decim. q. 1. n. 21. Dicunt enim non valere consuetudinem contra præceptum de solvendis primitiis, quia est contra gratitudinem, & honorem Deo debitum. Et potest hæc scientia suaderi ex usu antiquissimo honorandi Deum, primitias frugum, vel cum proportionem primogenita pecorum ei offerendo: sicut de Abel legitur Genes. 4. obtulisse Domino de primogenitis gregis sui, & Plinius lib. 18. ca. 2. refert, Romanos olim non prius degustasse novas fruges, aut vina, quam sacerdotes primitias libassent. Et multa similia ex antiquitate refert Alex. ab Alexand. l. 5. Genial. c. 18. Tiraquel de primogen. in Præfat. n. 65.

Tria in
primitiis
confide-
ntia.

4 Sed hæc sententia, si de proprio præcepto intelligatur, probabilis non est. Tria enim in primitiis distinguere possunt. Unum est, quod aliqua pars fructuum Deo in recognitionem beneficii offeratur: secundum est, ut illa pars sit primorum fructuum: tertium, ut sit in tanta quantitate. Quoad hoc tertium omnes fatentur, nihil esse determinatum de jure naturali in solutione primitiarum; immo nec de jure positivo divino, aut humano id definitum est, sed arbitrio offerentium relinquitur, vel consuetudine interdum determinatur, ut videbimus. Unde in hoc differunt primitiæ a decimis, quod decima in rigore sumpta dicit certam partem aliquotam fructuum, ut vox ipsa præfert, primitia vero non dicit partem certæ quantitatis, etiam proportionalis, sed absolute primam partem fructuum. De secundo etiam manifestum est, nullum esse præceptum naturalis juris obligans ad colendum Deum per oblationem primorum fructuum, ut recte docuit D. Th. d. ar. 4. quem omnes sequuntur, & Henr. Boic. in c. 1. de decimis. Et fatetur etiam Rebus. sup. n. 22. ubi hac ratione dicit præceptum primitiarum in lege veteri non fuisse morale, sed judiciale. At denique est communis, & certa sententia: quia nulla ratio naturalis dicat, esse ad honestatem morum necessarium offerre Deo primos fructus, quia aliis modis, & oblationibus potest coli Deus, & ostendi gratitudo ad ipsum, quantum satis sit ad non peccandum; ut ex dictis in c. 3. aperte constat, & amplius statim declarabitur.

Quomodo
Primitiæ
dicantur
de jure
naturali

5 De tertio vero ait D. Thom. supra: *Pertinere ad jus naturale, ut homo de rebus suis aliquid Deo exhibeat in ejus honorem*. Et sequitur Cajet. ibi, & Anton. 2. p. tit. 4. c. 3. §. 3. & late Didac. Per. in l. 1. ord. tit. 5. l. 5. Et in re consentit Abulens. Matth. 23. q. 21. nam fatetur, de jure naturali esse, ut aliud detur Deo in recognitionem; unde sine causa reprobat D. Th. sententiam, cum revera nihil aliud dicat. Verumtamen etiam illud dictum D. Th. explicandum est, juxta dicta in c. 3. dici de jure naturali, non quia sit de absoluto præcepto legis naturalis, cum præceptum naturale colendi Deum possit aliis modis impleri, si omnis determinatio juris positivi excludatur. Sed dicitur pertinere ad jus naturale, quia habet quamdam honestatem, & congruentiam moralem, valde consentaneam naturali rationi: & quia ipsa natura valde inclinat ad hunc modum colendi Deum, & recognoscendi eum ut supremum benefactorem, & auctorem bonorum fructuum.

Obje-
ctio
impugnatur.

6 Occurrit vero statim objectio: quia hoc modo etiam primitiarum oblatio est de jure naturali, quia etiam in oblatione primorum fructuum est peculiaris

congruitas, & aptitudo ad significandum gratum animum ad Deum, tanquam ad primum auctorem omnium fructuum, & maxime benefactorem, & supremum dominum, cujus est terra, & plenitudo ejus. Item inter homines est peculiare signum benevolentie donare amico primos fructus arboris, & si id fiat ab inferiori respectu superioris, est signum peculiaris reverentiae, & hoc fit dictante, & inclinante natura; ergo in dicto sensu dici potest de jure naturali; ergo idem a fortiori verum est de oblatione primitiarum facta Deo. Denique hoc ostendit antiquitas hujus consuetudinis etiam inter gentiles, ut diximus. Respondet, hæc argumenta probare locutionem illam in bono sensu expositam posse ut veram admitti, nimirum oblationem primitiarum etiam quoad eam circumstantiam, scilicet ut de primis fructibus solvatur tributum, esse de jure naturæ, non ut simpliciter necessarium, sed ut honestum, congruum, & conforme naturali dictamini, & propensione. Neque hoc negat D. Th. nam in eodem art. solut. ad 1. ait, hujusmodi oblationem primitiarum esse retentam in lege gratiæ, quia est secundum dictamen rationis naturalis. Inter has ergo circumstantias solum potest differentia hæc constitui, quod offerre aliquam partem fructuum abstrahendo a prima, vel alia qualibet, generaliter quidem est, & ideo immediatius dictatur a ratione naturali, & moralem quamdam necessitatem, seu congruentiam habere videtur majorem, quam oblatio ex primitiis fructuum.

Satisfit

7 Interrogat autem Cajet. in d. ar. an oblatio primitiarum, vel alicujus partis fructuum intelligatur esse hoc modo de jure naturæ, etiam ut est distincta a sacrificio, vel solum ut in ipso sacrificio fieri, & includi potest; & responderet, intelligendum id esse de tali oblatione, ut distincta a sacrificio, quia in hoc sensu de illa tractat D. Th. & in alio sensu nihil suo discursu conficeret. Addit tamen Cajet. sacrificium esse quasi per se de jure naturali, oblationem vero primitiarum ut distinctam a sacrificio solum esse de jure naturali, supposita indigentia ministrorum. Sed dico, in rigore juris naturalis stando, unica oblatio sacrificii satisfieri posse rationi naturali dictanti, Deo esse offerendam aliquam partem fructuum etiam primam in recognitionem domini, & beneficiorum ejus, siue intelligatur hoc dictari ut necessarium, siue ut congruum, & consentaneum rationi naturali. Patet, quia primitiæ directe, & proxime Deo ipsi offeruntur in cultum, & honorem, & non ministris ejus: licet consequenter ad usus eorum applicari soleant, quod sane pendet ex institutione: nam possent etiam pauperibus applicari, vel permanentiter conservari, aut suspendi in signum honoris, donec per se consummerentur, & perirent. In quo differunt primitiæ a decimis, quæ directe, & proxime ministris solvuntur, & conveniunt cum sacrificio, ex sententia ejusdem D. Th. & omnium. Ergo primitiæ fructuum possunt simul & Deo offerri, & in oblatione ipsa aliquid sacrum circa ipsas exerceri; ergo illa unica actio posset in rigore satisfieri, & cultui sacrificandi, & recognitioni Divini beneficii per oblationem primitiarum: non enim est de ratione hujus recognitionis, ut oblatio primitiarum simplex sit, & sine aliqua consecratione, quin potius quo actio fuerit magis sacra, eo aptior erit ad gratias Deo agendas.

An primi-
tiæ prout
a sacrifi-
cio distin-
guuntur
sint de ju-
re naturæ

8 Nec etiam est necessarium, ut primitiæ Deo oblatae salvæ conserventur, sed possent comburi, vel alio modo consumi in Dei honorem: non enim offeruntur Deo, quia illis eget, sed solum in signum reverentiae, & gratitudinis. Et quod cedant, vel cedere possint in usum ministrorum, est per accidens, nam ex decimis, vel aliunde possent sustentari. Nec denique obstat, quod sacrificium, & primitiæ sub diversis rationibus offerri Deo videantur: sacrificium enim Dei majestatem, & excellentiam secundum se respicit, & protestatur: oblatio autem primitiarum ipsius beneficentiam, & singularem providentiam recognoscit: nam licet hoc ita sit, utrumque potest eadem oblatione sacra significari, illud, quatenus in Dei honorem res consumitur, hoc vero, quatenus materia ipsa oblata ex primis terræ fructibus ad Deum hono-

Obliga-
tioni pri-
marum
sacrificii
per unam
actionem
posse sa-
tisfieri.

honorandum offertur. Atque hoc modo utrique rationi, & obligationi satisfacit Abel offerendo Deo primogenitos gregis sui, & illos mactando, & sacrificando. Et idem intelligi potest in oblatione Cain ex fructibus terræ, potuit enim esse ex prima parte fructuum, & per modum sacrificii comburi. Et in lege veteri oblatio primitiarum non fiebat sine aliquo genere sacrificiationis, ut mox dicemus. Et in nostro divino sacrificio etiam offerimus Deo primitias omnium beneficiorum Dei, quia Christum offerimus, qui est primogenitus mortuorum, & primitiæ resurgentium, & primus prædestinatus in gloriam nostram.

Oblatio-
nem pri-
mitiarum
distinctam
a sacrifici-
o fieri,
consentan-
teum est
juri naturæ

9 Nihilominus tamen dicendum etiam est, consentaneum esse juri naturali, ut præter sacrificium proprium offerantur Deo primitiæ oblatione distinctæ, etiam sine indigentia ministrorum. Declaratur, & probatur; quia non dicitur, hoc esse de jure naturali, quia præceptum illo jure, sed quia ratio naturalis ad id inclinat dictando, esse honestum, & congruum, ut jam explicatum est. At ratio naturalis inclinat ad colendum Deum non tantum uno modo, sed multiplici, non tantum corde, sed etiam ore, nec tantum ore, sed etiam gestibus corporis, neque his solum, sed etiam aliis actionibus, & rebus externis: ergo, cum sacrificatio, & oblatio primitiarum ad diversos fines ordinentur, satis consentaneum rationi est, ut rebus, & signis, seu oblationibus diversis fiant. Nec esse ridiculum (ut Cajet. objicit) offerre Deo simpliciter primitias, etiam sine indigentia ministrorum; tum quia possent prius simpliciter offerri in signum gratitudinis ad Deum, & postea ab ipsis offerentibus consumi, non ita ut consumptio esset veluti pars actionis sacræ, sed solum ad propriam sustentationem, sicut David comedit de panibus propositionis: tum etiam quia possent suspendi in loco Deo dicato, vel in propria domo in signum, & memoriale permanens beneficiorum Dei, sicut nunc interdum & spontanea pietate fieri videmus in floribus, & in nonnullis primis fructibus. Et hæc sunt satis de oblatione primitiarum, stando in jure naturæ.

De præcep-
to pri-
mitiarum
in lege
veteri

10 De tempore autem legis veteris certum est, scilicet latum esse præceptum de primitiis Deo offerendis. In quo præcepto in primis continebatur, quidquid ex vi legis naturalis desiderari poterat, ut per se constat; addebantur autem plures circumstantiæ, vel determinationes, quas ratio naturalis vel non exigit, vel etiam non diceret per se solum, sed ex peculiari-
bus occasionibus fuerunt illi populo, tempori, ac legi accommodatæ secundum ordinem divinæ sapientiæ. Nam in primis præceptum fuit illi populo peculiari modo offerre Deo primogenitos *Tam de hominibus, quam de jumentis*. Exod. 13. Quod fortasse ratio naturalis non allegueretur, præsertim quoad proprios filios, nec etiam forte extenderetur ad primos fœtus omnium aliorum animalium; sed satis esse crederet, aliquos offerre, præsertim ex his pecudibus, quæ ad cibum, & vestitum corporis humani maxime inferviunt. Deinde ampliatum est illud præceptum *ad primitias omnium frugum*, Exod. 23. 34. num. 18. Deut. 16. Unde Aug. li. 9. in num. 9. 32. distinguit primitivos fructus animalium a primitiis, quas dicit fuisse ex primis fructibus terræ jam collectis, nam in dictis locis hæc vocantur *primitiæ frugum terræ*: generalius tamen nomen, *primitiarum*, etiam primogenita animalium comprehendere potest. Addit vero Abul. sub nomine primitiarum non fuisse comprehensos in veteri lege fructus arborum: nam ex primitiis fructuum arborum, ait, nihil erat debitum Deo, quod non ex Scriptura, sed solum ex quadam traditione Rabbino-
rum confirmat; oppositum vero sentit Aug. d. 9. 32. in num. ibi. *vel de arbore, vel de vite*. Et videtur plane colligi ex allegatis locis Scripturæ, in quibus sic dicitur: *Primitias frugum terræ tuæ offeres*: constat autem nomine frugum etiam fructus arborum comprehendi in omni proprietate latini sermonis, unde Varabl. vertit: *Principium primitivorum fructuum terræ tuæ inferes in domum Domini Dei tui*, at fructus arborum fructus sunt terræ, ut notum est: non potest ergo illa limitatio admitti, maxime cum

Deut. 26. addatur distributio *de cunctis frugibus terræ*, seu *cunctorum fructuum telluris*. Erat ergo materia hujus præcepti universalis de omnibus fructibus, qui ad sustentationem corporis humani deservire poterant.

11 Tercio non una tantum erat primitiarum oblatio, sed multiplex: unde Aug. d. 9. 32. præter primogenita animalium distinguit duplices primitias frugum terræ. Quædam specialiter offerebantur ex ipsis fructibus arborum, aut segetum ante generalem fructuum collectionem: aliæ vero solvebantur de fructibus jam reductis ab agro. De prioribus primitiis videtur esse sermo Levit. 2. cum dicitur: *Si obtuleris munus primitiarum tuarum Domino de speciebus adhuc viventibus, torrebis igni, & confringes in morem farinis, & sic offeres primitias tuas Domino*. Et ex illo loco colligitur, illam non fuisse simplicem oblationem, sed per modum sacrificii, ut notat Q. Th. 1. 2. qu. 102. art. 3. ad 12. De eodem primitiarum genere videtur fuisse manipulus spicarum, qui Lev. 23. ferri præcipitur ad sacerdotem, tanquam primitiæ messis in festo Azimorum. Item panes etiam primitiarum, qui offerebantur in Pentecoste, ut ibidem habetur. At vero aliæ primitiæ offerebantur, vel dabantur sacerdotibus ex fructibus jam collectis, & congregatis in dolio, vel in area, aut alio simili loco, & de his primitiis videtur specialiter sermo esse Deut. 26. cum dicitur: *Tolles de cunctis frugibus terræ, &c.* Quod fieri solitum fuisse in festo Tabernaculorum, notat Abul.

Multiplex
primitia-
rum obla-
tio

12 Itaque ante decimarum computationem, & exactionem aliquid pro primitiis solvebatur, quod non erat in determinata quantitate taxatum, sed pro arbitrio solventium dabatur. Usu autem receptum erat, ut ex fructibus terræ ad summum daretur pars quadragesima, & ad minimum daretur sexagesima, vel inter hæc duo extrema pro voluntate offerentium, ut Hier. tradit Ezech. 45. & ex eo refertur in cap. 1. *De decimis*. Addit vero Hieron. propter sacerdotum avaritiam, & duram exactionem determinatam esse ibi ab Ezechiele propheta quantitatem offerendam in primitiis, quod in lege prætermisum fuerat. Dices: quomodo poterant primitiæ ex fructibus omnibus jam collectis deduci, cum illic jam non posset fieri distinctio inter primos, & cæteros fructus? Respon-
deo, vel tunc quantitatem aliquam fuisse solutam loco primitiarum, etiam si non fuisset prima, quæ collecta, vel maturata fuerat, vel debuisse esse primam partem, quæ ex tali cumulo extraheretur, vel certe tunc locum habet, ut ex optimis fructibus pars aliqua eligeretur, quæ pro principiis penderetur.

Primitias
rum quan-
titas non
certa.
Vi. Abul.

13 Quarto habebat hæc primitiarum oblatio peculiarem determinationem in illa lege ex parte cause: tum quia non tantum offerebatur in recognitionem generalium beneficiorum Dei, qui & terram ipsam hominibus dedit, & fructus ejus multiplicat, sed specialiter in memoriam peculiarium beneficiorum illi populo collatorum tam in liberatione de terra Ægypti, quam in donatione terræ promissionis, ut ex allegatis locis constat, præsertim Deut. 26. tum etiam quia peculiariter applicatæ fuerunt primitiæ Aaron, & filiis ejus, num. 18. Rationem autem illius applicationis reddit Div. Thom. d. a. 4. quia primitiæ singulariter offerebantur tanquam supremo benefactori, & quia sacerdos est sequester, & specialis intercessor ad Deum pro populo, ideo peculiariter, & in signum majoris dignitatis applicatæ fuerunt sacerdotibus. Levitis autem tanquam inferioribus decimæ donatæ fuerunt, ipsi vero etiam decimas decimarum sacerdotibus tribuebant, quæ nomine etiam primitiarum aliquando in Scriptura appellantur. Et hæc de veteribus primitiis nostræ intentioni sufficiunt; alia legi possunt in Abulenti, & aliis expositoribus veteris testamenti.

Que causa
offerendi
di primi-
tias in le-
ge veteri

14 Ultimo ergo dicendum superest de tempore legis gratiæ. De quo primo certum est, latum esse in ecclesia Christi præceptum aliquod solvendi primitias Deo. Ita docent Theologi omnes, & Canonistæ, & Glossa supra citata in c. 13. q. 2. primitias æquiparat decimis quoad præcepti obligationem, & idem tradit

In lege
gratiæ est
præceptum
solvendi
primitias.

Glossa

Glossa in cap. 1. de decimis, verb. *In primitiis*, & colligitur ex Hier. in eodem textu relato. Et hoc ad minimum affirmat Malach. 3. & refertur in c. *Reverimini*, 16. q. 1. Idemque supponit Greg. 7. in c. *Decimas*, 16. q. 7. & Orig. dicta hom. 11. in num. & Ambros. ser. 33. Favent etiam Concil. Arelaten. 3. c. 9. & Concil. Foro juli. cap. 14.

15 Secundo vero etiam est certum, hoc præceptum non durare in ecclesia ex vi præcepti legis veteris, quia (ut ostendimus) illud non fuit morale, seu naturale, sed mere positivum, sive judiciale fuerit, sive (quod magis videtur) ceremoniale: at illa lex quoad utraque præcepta cessavit, ita ut nec observari possit ratione antiquæ obligationis, nec retineri, seu renovari quoad ceremonias, quæ specialiter ad illum populum pertinebant. Unde fit, ut solutio primitiarum, quæ in nova lege retinetur, abstrahat ab omni peculiari determinatione veteris legis, quia non præcipiuntur primitiæ in recognitionem beneficiorum liberationis ex Ægypto, aut donationis terræ promissionis, sed præcipue ad ecclesiæ sumptus, & consequenter in recognitionem quasi naturalem beneficiorum Dei, & providentiæ ipsius. Nec determinatio quantitatis primitiarum olim introducta modo a Hieron. relato nunc durat, sed omnino arbitraria est. Nec applicatio specialis sacerdotibus facta nunc retinetur, sed indifferenter primitiæ cum decimis clericis, ecclesiis, & pauperibus dispensantur. Denique hæc primitiarum solutio non videtur nunc in ecclesia retineri per modum propriæ oblationis, quæ directe, & proxime Deo fiat; sed per modum tributi ad onera ecclesiæ sustentanda, quia ubicunque in jure fit mentio primitiarum, in hunc finem præcipue instituta esse declaratur eodem modo, quo decimarum solutio; nec in ecclesia est aliquis usus aliter offerendi primitias in templo, vel ad altare. Et ita omnia, quæ in illo præcepto veteri ceremonialia fuerunt, in lege nova cessarunt. Et consequenter sublata est illa multiplex primitiarum oblatio, quia tota illa in ceremoniarum ritu fundabatur. Quamvis non propterea prohibuitur sit, quin manipulus spicarum, vel aliorum fructuum possit in ecclesia offerri, vel suspendi in signum gratitudinis, & gratiarum actionis, dummodo ex devotione, non ex ritu legis id fiat, quia illud per se morale est, & nullum vestigium superstitionis habet.

16 Tertio hinc constat, obligationem hanc solvendi primitias, posse consuetudine non solum minui, variari, & augeri, sed etiam omnino auferri. Quod affirmant Doctores in 1. puncto citati contra Rebuff. & Andreæ Hisp. Estque sententia communis, & clara, quoad priorem quidem partem; quia in tali præcepto nulla quantitas determinata est; ergo de se est arbitraria; ergo potest consuetudine determinari; ergo & variari, vel in diversis locis, vel in eodem pro diversis temporibus: nam humanæ consuetudines sunt variabiles etiam sine malitia. Quoad alteram vero partem patet, quia consuetudo potest prævalere contra legem humanam. Idem a fortiori constabit ex his, quæ de decimis statim dicemus, est enim eadem ratio. Unde, quia (ut dixi) primitiæ hoc habent commune cum decimis, quod propter sustentationem ministrorum exigantur, semper subintelligendum est, tunc valere dictam consuetudinem, quando ad sustentationem ministrorum primitiæ non sunt necessariae, nec ad alia ecclesiæ onera sustentanda, tamen quia regulariter satis provisum his est, aut provideri potest per alias oblationes, & decimas, & possessiones, seu redditus ecclesiasticos, ideo moraliter loquendo talis consuetudo valet. Immo ex communi sententia Doctorum in hac materia pro regula hujus obligationis habenda est tam quoad gradum obligationis, quam quoad quantitatem solvendam, & quoad personas, quæ ad primitias solvendas obligantur, & quoad loca, vel personas, quibus reddendæ sunt, ut sumitur ex Innocen. & aliis in c. 1. de decimis, Sylvest. verb. *Decima*. quæst. 1. circa finem, ubi alios refert: unde quæ de decimis quoad hanc partem dicturi sumus, ad primitias poterunt applicari.

CAPUT IX.

De præcepto solvendi decimas, an sit in evangelica lege.

1 PRæceptum hoc esse nunc in ecclesia, tanquam certum supponimus: quinque enim ecclesiæ præcepta fidelibus communia etiam inter ipsa fidei rudimenta traduntur, & quintum eorum est de decimis solvendis, sicut de primitiis diximus: & statim allegabimus jura, in quibus fundatur. Deinde præceptum hoc ad religionis virtutem pertinere, supponit D. Thom. 2. 2. qu. 87. & cum eo Theologia omnis; quod non caret aliqua difficultate, quia videtur potius pertinere ad justitiam; sed explicando modum, & fundamentum illius præcepti explicabimus, quomodo id verum sit. Nunc solum supponimus tanquam manifestum, hoc præceptum trahere necessitatem suam a virtute religionis, & a quibusdam actibus ejus, tanquam ex primaria radice. Dictum est enim, ad officium religionis pertinere, ut sit in ecclesia sacrificium, & cætera omnia, quæ ad illius religionem, & debitum cultum communem, & publicum Dei necessaria sunt, ad quem etiam pertinent omnia sacramenta, & sacramentalia. Hinc ergo factum est, ut in christiana republica sint maxime necessarij ministri ad hoc sacrificium, & ad hunc Dei cultum specialiter deputati, quibus consequenter spiritualis cura, & regimen animarum peculiariter commissum est, quia medio sacrificio, & sacramentis simul cum verâ fide, & verbo Dei, animarum salus procuratur.

2 Hoc ergo fuit primum decimarum fundamentum: nam hi ecclesiæ ministri corporali sustentatione indigent, & non debent a divino cultu, & aliis spiritualibus muneribus abstrahi, ut sibi necessaria ad vitam transigendam procurent; tum quia neque id erat decens, vel conveniens ad divinum cultum, neque ad bonum animarum erat utile: tum etiam quia ratio postulat, ut qui laborant aliis spiritualia ministrando, ab eisdem corporaliter alantur, unde est illud Pauli 1. ad Cor. 9. *Si nos vobis spiritualia seminamus, magnum est, si carnalia vestrametamus?* Et juxta alia testimonia, & jura, quæ infra referemus. Hinc Doctores omnes duo distinguunt in decimis solvendis: unum est, ut ministris ecclesiasticis congrua sustentatio tribuatur. Aliud est, ut ad hunc finem designetur decima pars fructuum, & illa reddi præcipiatur. Nam primum de se abstrahit a quota parte, ut vocant, posset enim esse major, vel minor ad sustentandos ministros necessaria. Unde, si de illa tantum congrua sustentatione sermo esset, vel nihil, vel parum difficultatis haberet, quia ex suppositione facta, & ex tali statu reipublicæ fidelis ratio ipsa naturaliter dictat, illam sustentationem esse debitam lege non tantum religionis, sed etiam naturalis justitiæ, ad quam pertinet illud Pauli citato loco: *Quis militat suis stipendiis unquam?* Et illud: *Non alligabis os bovi trituranti.* Et illud: *Qui in sacrario operantur, quæ de sacrario sunt, edunt: & qui altari deservit, cum altari participat.* Hic autem non de sustentatione in genere, sed de propria decima tractamus.

3 Est igitur quæstio, an præceptum solvendi decimam partem fructuum naturale, aut positivum, divinum, aut humanum sit. Quia vero ad intelligendas opiniones, & ad claritatem materiæ oportet terminos exponere, ideo advertere necesse est, duplices, vel triplices decimas solere distingui; scilicet prædiales, & personales, quibus Hostiensis in principio hujus materiæ in summa, mistas addit, quem Angel. Sylv. & alii secuti sunt. Et late Navar. conf. 1. de decim. Prædiales dicuntur, quæ ex fructibus provenientibus ex terra, seu prædiis resultant, ut sunt frumentum, vinum, & oleum, & sub his etiam continentur omnes fructus arborum, & olæra, & si qua sunt similia. Personales dicuntur, quæ ex lucro per negotiationem, vel per quamcumque actionem personæ comparato solvuntur, juxta c. *Ad Apostolicam*, &c. *Non est*, &c. *Pastoralis*, de decimis, ut ex mercatura,

Præceptum hoc est in ecclesia, & ad virtutem religionis pertinet.

Quale fuerit in ecclesia institutio decimarum fundam.

Duo distinguuntur Doctores in decimis.

Triplex decimarum distinctio proponitur.

Hoc præceptum non durat in ecclesia ex legis veteris.

Obligatioem primitiarum potest consuetudine variari, & auferri.

rura, venatione, opificio, & similibus: in his enim exempla posuit August. relatus in cap. *Decima*, 16. quæst. 1. Mista dicuntur, quæ ex fructibus animalium debentur, ut ex ovibus, & similibus, sive sint fœtus ipsi, sive lana, caseus, & similia. Vocantur autem hæ mistæ, quia non proveniunt ex solis prædiis, sed ex illis simul cum industria hominum.

Medie decimæ im-
pugnatur

4 Fortasse tamen hoc membrum non est necessarium, quia nullæ fere sunt prædiales decimæ, quæ juxta illam considerationem non possint dici mistæ, quia nulli essent terræ proveniunt, si industria hominum ad illos non cooperaretur, plantando, rigando, trititando, quibus modis cooperatur homo ad fructus animalium, custodiendo, pascendo, &c. Et quamvis negari non possit, quin circa animalia major industria, & custodia hominum requiratur, tamen in ipsis prædiis hoc ipsum reperitur, majorem enim industriam requirunt segetes, quam arbores: & inter arbores majorem olivæ, quam poma. Unde Jurisperiti ipsos prædiales fructus distinguunt in naturales, & industriales, ut notavit Covar. l. 1. Var. c. 3. n. 6. cum Gloss. in l. *Divortio*. ver. *fructus*, ff. solut. Matri. Non quia in prioribus nulla sit necessaria industria, & in posterioribus nihil operetur natura, sed quia in illis multum facit natura cum parva industria, in his vero multa industria necessaria est, ut juvetur natura: & ita fructus arborum vocant naturales, segetum industriales, & oleum inter industriales ponunt, ut patet ex Barr. in l. *Ex diverso*, c. de rei vendi. Et eadem ratio est de vino, ut indicatur in l. *sejzus* ff. de leg. 1. Et hoc modo etiam lac, lana, & animalium fœtus inter industriales fructus numerantur a Barr. supra, & Bald. in l. *Ancilla*, c. de Fur. & Panor. in c. *Gravis*. de Resti. spoliat. Qui addunt alios fructus, quos civiles vocant, ut pensiones domorum, & similes, quos tamen Bald. industriales etiam vocat in l. ult. c. de usuris, & fructibus legatorum. Omnes ergo decimæ horum fructuum prædiales censendæ videntur, nisi velimus tot membra decimarum distinguere, quot fructuum distinguuntur: unde Gloss. in d. c. *Ad Apostolicæ*, duo tantum membra ponit, & animalium decimas inter prædiales computat, eamque communiter approbari testatur Navar. d. conf. de decimis, n. 8. Et habent fundamentum in textu: nam duo tantum membra ponit, constat autem apud omnes, illas decimas non esse personales. Et ad tollendam ambiguitatem contra personales decimas possent distingui decimæ reales, quæ omnes dictas comprehendant, ut indicavit Tyndarus tract. de decimis n. 4. Differentiaque inter eas est, quia personales sunt ex lucris provenientibus ab actionibus, mere personalibus, ut sunt corporales, & artificiales omnes, vel doctrinales: & inter has etiam venatio, & piscatio computantur, ut notavit Innoc. in c. *Non est*, de decimis, & Tyndar. supra. Reales vero, seu prædiales sunt ex bonis provenientibus a rebus distinctis a nobis, quas possidemus. Interdum autem brevitaris causa utemur nomine mistarum ad significandas decimas ex fructibus animalium, ubi specialis difficultas circa eas occurrerit. Non est autem semper facile discernere an aliqua decima sit realis, vel personalis, cum tamen id multum intersit ad sciendum, cui solvenda sit. Sed hoc pendet ex dicendis, & præcipue in cap. 19. explicabitur.

2. Asserti-
Præcepti
solvendi
decimas
non est de
puro jure
naturali

3 His positis, de præcepto solvendi decimas unum constat apud omnes, scilicet, non esse de puro jure naturali, secluso omni positivo divino, & humano, quia nulla ratio naturalis dicat, necessarium esse ad honestatem morum dare decimam partem proveniuntium sacerdotibus ad suam sustentationem, quia nec certum, nec evidens est, illam copiam esse illis necessariam, aut esse justum stipendium. Unde hoc non solum est verum loquendo de lege naturæ, qualis in pura natura esse potuisset, sed etiam loquendo de lege connaturali fidei, seu rationi illustratæ per fidem. Neque etiam hoc solum fundari potest in hoc, quod ipsemet ritus sacrificii, & sacerdotii, ut sic, non est ita necessarius ex puro jure naturali, quin aliquo etiam jure positivo divino, vel fortasse jure gentium fue-

rit introductum: nec etiam procedit, facta suppositione talis status sacerdotalis ad cultum Dei, & ministerium cæterorum fidelium ordinati: nam etiam hoc modo ex puro discursu rationis non sequitur obligatio reddendi illam quotam partem, sed solum convenientem sustentationem. Et ita ante legem scriptam nullum fuit præceptum de solvendis decimis, ut docuit D. Thom. 2. 2. q. 87. a. 1. ad 2. ideoque in Scriptura de toto illo tempore non legimus obligationem aliquam solvendi decimas ex præcepto: nam licet Gen. 14. Abraham decimas dederit Melchisedech, non constat id fecisse ex obligatione, sed ex gratitudine, vel reverentia, ac devotione, & gratiarum actione pro victoria in bello parata, & in recognitionem dignitatis, & sacerdotii Melchisedech, & fortasse spiritu prophetico, ut Christum in sua figura veneraretur, juxta doctrinam Pauli ad Heb. 7. Similiter licet Gen. 28. Jacob obrulerit Deo decimas dicens: *Cunctorum, quæ dederis mihi, decimas offeram tibi*, tamen ipse modus offerendi ex voto (ut recte notantur Hugo de S. Victor. infra citandus, & Abul. ibi) ostendit, non fuisse ex obligatione, sed ex devotione, & spontanea promissione. Præterquamquod illa decimarum solutio alterius rationis, & considerationis fuit, ut infra probabo. Utrumque autem modum offerendi decimas in Dei cultum, scilicet ex voto, & in gratiarum actionem pro aliqua victoria fuisse etiam inter gentiles usitatum, ex humanis historiis constat, quas breviter indicat Cæsar. Bar. to. 1. anno Christi 57. n. 74. & plura Azor. l. 7. Instit. c. 34. q. 2. Salmer. to. 4. in Evang. p. 3. tract. 34. & videri potest Plin. l. 19. c. 14. Plutarch. in Problemat. c. 16. Hec vero omnia non indicant naturale præceptum, sed ad summum consonantiam cum lege naturali. Et quamvis in contrarium referri soleant Innoc. in c. ult. de Parochiis, & Hostiensium sum. tit. de decimis, §. 7. & Panor. in c. *In aliquibus*, de decimis, & alii, quos refert Covar. l. 1. Variar. c. 17. n. 2. §. *Et præter has*; tamen neque illi satis declarant, de quo jure loquantur, sed consuevalde tractant de jure divino, neque illa sententia in illo sensu intellecta probabiliter, aut verisimilitudinem habet, nec rationem, aut testimonium, cui respondere necessarium sit.

6 Secundo constans, & certum est, in lege veteri fuisse datum divinum præceptum de solvendis decimis sacerdotibus, & Levitis: res est notissima Exod. 22. & 23. Levit. 27. &c. Duo autem circa præceptum illud declarare necesse est: Primum, an fuerit datū de solis decimis prædialibus, vel etiam de personalibus? Nonnulli enim Canonistæ, ut Innocentius, Panormitanus, & alii indicant de utrisque datum esse illud præceptum, quatenus ajunt, etiam nunc præceptum solvendi decimas personales esse de jure divino. Tamen D. Th. 2. 2. q. 87. a. 2. ad 1. docet, tantum decimas prædiales fuisse tunc preceptas, quia de personalibus nullum invenitur datum præceptum, & eo ipso, quod in lege datum non est, recte colligitur non fuisse, quia non erat naturale, ut dictum est, & idem colligo ex Philone lib. de Sacerdotibus honorandis, ubi post explicatum usum Judaici populi de solvendis decimis, subdit: *Et hæc quidem solvantur ex privatis possessionibus*. Sub prædialibus autem mistas comprehendere intelligendum est, ut diserte explicatur Levit. 27. *Omnes (inquit) decimæ tertiæ, sive de frugibus, sive de pomis arborum Domini sunt*. Sub quibus etiam minimi fructus comprehenduntur, juxta illud Luc. 11. *Decimarum mentham, & rutam, & omne olus*. Et additur in prædicta lege: *Omnium decimarum bovis, & ovium, & caprarum, quæ sub pastoris virga transeunt, quicquid decimum venerit, sanctificabitur Domino*: quod etiam de quibuscumque fœtibus, & fructibus aliorum animalium intelligendum est. Unde Lucæ 18. Phariseus ille dicebat: *Decimas do omnium, quæ possideo*. Ubi etiam notari potest, quod licet se maxime laudare cuperet, non dixit, decimas do omnium, quæ lucrò, vel acquiro: quod est signum, prædiales, non personales decimas fuisse tunc preceptas. Atque hæc sententia vera est, & communiter recepta, ut videre licet in Soto l. 9. de Just. q. 4. a. 2. Covar. Gutierrez, & aliis, quos infra referemus, & tenuit etiam Hostiens. in d. §. 7.

Ante legem sursum præceptum decimarum Abraham quas ob causas solvere decimas

2. Asserti-
in lege
veteri
datum est
divinum
præceptum
de solvendi
decimis

Prima sententia
est uetus
præceptum
de decimis
esse cere-
moniale, non
vero judi-
ciale, nec
morale.

Probatur.

Confirma-
tore ex eo,
quod il-
lud præce-
ptum erat
significa-
tivum.

Versus D.
Th. & al-
iorum
sent. esse
judicial-
quoad de-
termina-
tionem par-
tis deci-
marum.

7 Alterum explicandum circa illam legem est, an præceptum illud decimarum fuerit iudiciale, vel ceremoniale. Suppono enim ex materia de legibus notam distinctionem triplicium præceptorum illius legis, moralium, judicialium, & ceremoniarum. Suppono etiam, præceptum decimarum non fuisse pure morale, ut ex prima assertione manifestum est, quia præcepta moralia dicuntur illa, quæ sunt de lege naturæ, in hoc autem præcepto specialis determinatio addita fuit ex iure divino positivo, ad quod pertinebant præcepta judicialia, & ceremonialia. Inquirimus ergo, sub quo illorum membrorum contineretur hoc præceptum; videri autem potest esse præceptum ceremoniale, quia erat præceptum pertinens ad virtutem religionis, omnes autem actus religionis sub ceremoniis merito comprehenduntur; ergo præceptum de tali actu ceremoniale erat, quia præceptum ceremoniale nihil aliud esse videtur, quam præceptum de ceremonia religiosa. Item præceptum illud significationem aliquam habebat, quod etiam erat proprium ceremoniarum præceptorum. Assumptum patet, quia denarius est numerus perfectus, unde qui decimam sacerdoti solvit, dum novem tantum partes retinet, imperfectionem suam profitetur, ut notavit Philos. libr. de Congressu querendæ eruditionis gratia ad medium, & ita etiam populus ille solvendo decimam imperfectionem sui status, & perfectionem per Christum expectandam præfigurabat: & Paulus ad Hebræos 7. perfectionem Melchisedech indicatam dicit in eo, quod Abraham ei decimas solvit: *Intuemini* (inquit) *quantus sit hic, cui & decimas dedit de præcipuis Abraham Patriarcha*, quæ perfectio in Christo præcipua futura significabatur, ut ibidem exponit Divus Thomas, & latius 3. part. qu. 31. art. 8. Accedit, quod Divus Thomas 12. quæst. 104. art. 4. reducens præcepta judicialia ad quatuor membra, nullum assignat, sub quo possit hoc præceptum contineri, & in 3. part. qu. 65. art. 1. ad 7. decimas ponit inter sacramenta vetera, at veto præcepta sacramentorum ceremonialia erant iuxta doctrinam ejusdem Sancti 12. qu. 101. art. 4. Ergo præceptum decimarum erat ceremoniale, quoad quoriam. Atque ita sensit Heric. quodlib. 4. qu. 28.

8 Nihilominus D. Thom. d. qu. 87. art. 1. (quam Soro, Aragon. Valencia, & alii sequuntur, & Astenensis in Sum. 2. part. lib. 6. num. 35.) docet, præceptum illud fuisse iudiciale, quoad determinationem partis decimarum. Ratio est, quia præcepta judicialia dicebantur, quæ ad debitum ordinem, & æquitatem inter partes illius populi servandam ordinabantur, ut late D. Thom. declarat 12. qu. 104. Præceptum autem decimarum ordinabatur ad constituendam æquitatem quandam inter homines illius populi secundum specialem, & determinatum modum, quem sola naturalis ratio non dictabat ut necessarium; erat ergo ex præceptis judicialibus. Minor declaratur, quia in primis tribus Levi non habuit partem cum aliis tribus in divisione terræ quoad prædia, & possessiones, & ideo oportuit aliquo modo illud recompensari, quod factum est per solutionem decimarum. Deinde quia Levitæ, & sacerdotes ministrabant populo; & ideo ratio etiam postulabat, ut a populo alerentur solutis decimis, juxta illud numerorum 18. *Filiis Levi dedi omnes decimas Israel in possessionem pro ministerio, quo serviunt mihi*; & infra: *Nihil aliud possidebunt, decimarum oblatione contenti, quas in usus eorum, & necessaria præparavi*. Idem Deuter. 10. & 18. Præterea præceptum illud non fuit primo, & per se datum propter significationem, sed propter convenientem ordinem illius reip. consequenter autem, vel indirecte habere potuit significationem supra positam; nam id etiam præceptis judicialibus convenit. Tandem ceremonialia præcepta ita cessant, ut renovari non possint per legem humanam. Præceptum autem decimarum retentum est in ecclesia, ut videbimus, quod in judicialibus præceptis fieri potest, ut constat ex D. Thom. d. qu. 104. art. 3. ergo signum est, esse iudiciale.

9 Ad rationem igitur in oppositum respondemus, si consideretur actus solvendi decimas, quatenus ad

Suarez Tom. XII.

cultum Dei ordinatur, aliquid sine dubio participare de ceremonialibus præceptis; ut dixit etiam D. Th. quodlib. 2. artic. 8. Quia vero actus solvendi decimas immediate; & quasi ex obiecto proximo pertinet ad iustitiam, ad religionem autem quasi remote, quia formaliter non continet ipsum cultum Dei, sed ad illum ordinatur; ideo magis censetur illud præceptum iudiciale, quam ceremoniale. Et sic dixit D. Thom. 2. 2. qu. 85. artic. 3. ad 3. decimas non offerri Deo immediate, sed ministris divini cultus, & ideo non esse oblationes, neque sacrificia. Unde etiam in rigore, & proprietate sermonis decimarum solutio non potest dici proprie ceremonia: nam sustentatio ministrorum non est ceremonia, ut per se patet: determinatio autem ad talem modum non fit propter ceremoniam, sed propter quamdam prudentem legis moralis determinationem. Quod autem dicebatur de significatione iam solutum est; nam facile potuit nunc retineri ille usus sine illa significatione. Nihil autem impedit, quod nunc etiam significet imperfectionem populi laici respectu sacerdotalis. Ad primum autem locum D. Thomæ responderetur, præceptum hoc reduci ad illud membrum ordinis debiti inter principes, & subditos; hunc enim judicialia præcepta constituiebant, & inter principes possunt sacerdotes numerari, quod eleganter sensit Philos. supra dicto lib. de sacerdotibus, ubi explicato præcepto decimarum subiungit: *Ex his liquet juxta legis iudicium sacerdotes equiparari honore, ac majestate Regibus, siquidem illis tamquam principibus conferri tributa imperat*. In altero vero loco tertiæ partis late utitur Divus Thomas nomine sacramenti pro quocumque signo facto: sic enim loquitur Hugo de S. Victor. 1. de sacram. p. 12. c. 10. quem ibi D. Thom. interpretatur, & ideo iuxta illius modum loquitur.

10 Tercio principaliter dicendum est, fidelibus Christianis datum esse præceptum solvendi decimas. Hoc in genere sumptum certissimum est, ac de fide. Quia vero in decima duo distinxiimus, scilicet, congruam sustentationem clericorum, quæ vocari potest decima sustentationis, & determinationem tantæ partis, quæ vocatur decima quoræ quæ diversis fundamentis, utrumque probandum est: nam quoad primum solutio decimarum de iure naturali rigorosa est, ut in principio diximus. Est etiam de iure divino evangelico quasi confirmante, & explicante jus ipsum morale; quod aperte docuit Paulus 1. ad Corin. 9. ubi prius jus naturæ declarat dicens: *Quis militat suis stipendiis unquam?* & pluribus aliis similibus verbis: Deinde evangelicum ostendit, dicens *Ita & dominus ordinavit iis, qui evangelium annunciant, de evangelio vivere*. Significavit autem hoc Christus Dominus Luc. 10. dicens: *In eadem autem domo manete edentes, & bibentes, quæ apud illos sunt, dignus est enim operarius mercede sua*. Idem docuit Paulus 1. ad Timoth. 5. dicens: *Qui bene præsumunt præbyteri, duplici honore digni habeantur, maxime qui laborant, in verbo, & doctrina, dicit enim Scriptura: Non alligabis os bovi trituranti, & dignus est operarius mercede sua*. Ubi Ambrosius & alii interpretes per duplicem honorem intelligunt exteriorem reverentiam, & sustentationem; Chrysostomus autem ibi homil. 15. de solo honore subsidii verba intelligit, sed illum futurum dicit esse duplicem, id est, non solum sufficientem, sed etiam abundantem, juxta phrasim Scripturæ: *Duplici contritione conteret eos*. Jer. 16. id est, magna. *Oportet enim* (inquit) *doctoribus necessaria affatim ministrare, ne deficiant, neque solvantur, neque minimis occupati, magnis seipsum, atque alios prævent*. Gregorius autem hom. 17. in evangelia duplicem honorem declarat subsidii convenientis in terris, & condigni præmii in cælis: *Ut hic* (inquit) *de labore prædicationis merces inchoetur, quæ ibi de veritatis visione perficitur*. Quocumque autem modo illa verba exponantur, in eis naturale, & evangelicum præceptum de congrua, immo & abundanti sustentatione ministris evangelicis debita continetur.

11 Altera vero pars hujus præcepti de quora probatur ab aliquibus Canonistis etiam ex evangelio Matth. 23. *Vobis scribe, & Pharisei, qui decimatis, &c.*

& ad id
damentum
respondetur
D. Th.

D. Thom.
loca ex-
planantur.

3 Assertio
Præceptum
solvendi
decimas,
quo sensu
est de iure
naturali,
& divino
evangelico.

Probatur
hoc præcep-
tum ex
traditione
no. 66.

E

& in.

2 Sententia
est, am-
plius

aliquæ, &
jure Ca-
nonico.

& infra, hæc oportuit facere, & illa non omittere, &c. Quod etiam habet Luc. c. 11. Sed inde nihil probatur, quia Christus de tempore antiquæ legis ibi loquitur, & laudat Phariseos in hoc, quod præceptum illud servabant, reprehendit autem, quia alia prætermittabant. Inde vero colligi non potest, quod illud idem præceptum pro tempore legis gratiæ approbaverit. Solum ergo probandum est hoc præceptum ex traditione ecclesiæ, & ex jure Canonico; ita enim habetur in decretis, 16. q. 1. per multa capita, capit. *Ecclesiæ*, capit. *de Decimis*, & capit. *Decimas*, & capit. *Statuimus*, & capit. *In sacris*, capit. *In Canonibus*, capit. *Revertimi*, & capit. *Decima*, ubi specialiter August. ait, *Decima ex debito requiruntur, & qui eas dare noluerit, res alienas invasit*, ferm. 219. de tempore. Idem præceptum habetur in titulis de decimis libr. 3. decretal. & in 6. Ex quibus aliqua decreta statim indicabimus. Et in Clementina, *Cupientes*, de pœnis, excommunicantur religiosi, qui concionando, vel alio modo ab alienant homines a solvendis decimis debitis; & in Concil. Trident. sess. 25. cap. 13. de Refor. dicitur: *Non sunt ferendi, qui variis artibus decimas ecclesiis obvenientes subtrahere moluntur, &c. Cum decimarum solutio debita sit Deo, & qui eas dare noluerint, aut dantes impediunt, res alienas invadunt*. Deinde adjungit præceptum reddendi integre decimas debitas. Et in concil. Const. session. 8. damnatur error Wicleph, qui dicebat, decimas tantum esse voluntarias elemosynas, quas populus pro arbitrio negare potest sacerdotibus maleviventibus. Rationem autem, & antiquitatem hujus præcepti explicabimus commodius cap. sequentibus.

CAPUT X.

An præceptum decimarum nunc sit juris divini, vel tantum ecclesiastici?

SUPPOSITIS his, quæ in superiori capite diximus, vix relinquitur huic quæstioni locus: solet tamen latissime tractari, & ideo non possumus omittere, quin breviter illam attingamus, Canonistæ itaque contendunt esse de jure divino, quod aliqui etiam naturale vocant. Inter ipsos vero duæ sunt opiniones. Prima affirmat, esse simpliciter de jure divino hoc præceptum, tam quoad personales, quam quoad prædiales decimas. Hæc fuit opinio Innocentii in Rubrica de decimis, & in c. ult. de Parochiis, quam secuta est Glossa in c. 1. de decimis in 6. & Archidiaconus in c. *Decima*, 19. q. 1. & in c. *Quicumque*, ubi etiam Glossa, 16. q. 7. & Anton. de Butrio in c. *Parochianos*, de decimis: & esse communem sententiam Canonistarum ait Tyndarus tractatu de decimis, qu. 2. n. 36. & eam constanter sequitur Andr. Hispan. tract. de decimis §. 2. ubi sentit, fuisse præceptum naturale, & morale, & esse immutabile, etiam quoad quoriam per ecclesiasticam potestatem. At vero Rebus. in tract. de decimis q. 1. n. 9. & 10. declarat, non esse de jure naturali, sed de jure divino positivo dictante ratione naturali, fundantur præcipue in aliquibus decretis Canonici, quæ ita loqui videntur sub tit. de decimis, ut in cap. *Parochianos*, ait papa: *Cum decima non ab homine, sed a Deo sint instituta, tamquam debitum exigere possunt*. Et cap. *Tua nobis*, dicitur, *Decima, quas Deus in signum universalis domini sibi reddi præcipit*, & idem in c. *Cum non sit*, & 16. q. 1. c. *decimas*, & c. *Revertimini*, cum similibus, & in c. *decimas*, & c. ult. ejusdem causæ, & q. 15. & c. *Majores*, 16. qu. 7. c. *Quadragesima*, de consec. d. 5. ex Greg. idemque habet Ambros. ferm. 33. in fer. 2. post Dom. 1. Quadrag. & clarius ferm. 34. & habetur cap. *Nam qui*, 16. q. 2. & cap. *Quicumque*, 16. q. 7.

2 Secunda opinio Canonistarum est, præceptum solvendi decimas prædiales esse de jure divino, præceptum autem solvendi decimas personales esse tantum ecclesiasticum. Hæc fuit opinio Hostiensis in sum. tit. de decimis §. 7. & in capit. *In aliquibus*, de decimis: eandem tenet Joannes Andr. in regula, *Qui prior*, in Mercurialibus, & Imola, & Florianus, quos refert Tyndarus supra, & Felinus in cap. *Causam*, de

præscription. Cardinalis, & Henricus cum aliis, quos moderni referunt, de quibus statim. Hæc opinio videtur orta ex eo, quod supra diximus, prædiales decimas fuisse præceptas jure divino legis veteris, non vero personales. Unde sentiunt hi auctores, hoc jus divinum, quod nunc obligat ad decimarum prædialium solutionem esse illud ipsum, quod in lege veteri obligavit, & vix possunt exponi, ut solum loquantur secundum quamdam imitationem, vel confirmationem, & non formaliter, ac per se; nam addunt, tale esse illud jus divinum circa prædiales decimas, ut nulla humana consuetudo possit contra illud prævalere etiam quoad quoriam. In personalibus autem id facile admittunt: quia præceptum eas solvendi humanum est.

3 Vera tamen sententia est, quæ ex discussu, & assertionibus cap. præced. positæ facile colligitur, nempe obligationem alendi ecclesiasticos ministros de jure naturali esse, explicato etiam, & confirmato in evangelica lege per Christum ipsum, & Apostolos, modum autem, seu determinationem decimæ quoad quoriam ad prædictum finem reddendam in tempore legis gratiæ formaliter esse de jure ecclesiastico: exemplariter autem (ut sic dicam) constitutum esse ad imitationem juris divini legis veteris. Adde præterea, radicaliter, seu potestative manasse ex jure evangelico, & potestate a Christo specialiter data. Hæc est doctrina D. Th. 2. 2. q. 87. art. 1. ubi satis expresse omnes partes a nobis positæ declarat, ultima excepta, idem quodlib. 2. art. 8. Item etiam est intelligenda sententia Hugonis de S. Victor. de Sacrament. libr. 1. c. 4. & 11. qui dixit, decimas ante legem fuisse in consilio, sub lege in præcepto divino, nunc de ecclesiastico: idem Alens. 3. p. q. 51. m. 1. 2. & 3. D. Anton. 2. p. tit. 4. cap. 3. §. 5. Richard. in 4. d. 17. art. 2. q. 7. ad 4. Mai. 4. d. 15. q. 4. ad 2. cont. 3. c. & idem sentit in d. 25. qu. 4. & in 3. d. 37. q. 36. Idem tenet Henr. Quodlib. 4. q. 28. Adrian. quodlib. 5. Abulens. Matt. 23. q. 63. Soto l. 9. de just. q. 4. ar. 1. & recentiores Theologi omnes, atque etiam moderni Canonistæ, præsertim Navar. in Manuali cap. 21. n. 28. & in Apolog. de redditibus ecclesiasticis q. 1. monito. 69. Covar. l. 1. Variar. c. 17. a principio; & Gutierrez lib. 2. Canon. q. c. 21. n. 8. & seqq.

4 Ratio totius sententiæ facilis est ex dictis: nam in prima parte nulla est dissensio, sed omnes conveniunt, decimam sustentationis jure naturæ, & divino evangelico deberi. Cum autem evangelicum jus conjungimus naturali, non existimamus in hac parte esse diversum, quia in lege gratiæ non habemus specialia præcepta judicialia, vel ceremonialia, præter præcepta sacrificii, & sacramentorum, & præcepta fidei, sub quibus spiritualis potestas in ecclesia a Christo relicta, cum obligatione illi obediendi, comprehenditur; sed dicimus, hoc naturale præceptum peculiariter fuisse a Christo Domino in evangelio declaratum, confirmatum, & ad usum ecclesiæ suæ accommodatum, in quibus omnibus nulla, ut dixi, dissensio est. Deinde loquendo in rigore de decima quoad quoriam, & de proprio præcepto legis divinæ naturalis, evidentissimum est, non esse nunc in ecclesia hoc præceptum juris divini in hoc sensu, quia ex natura sua tale non est, & in hoc tempore non habet aliam naturam, neque est nunc peculiaris aliqua ratio naturalis, quæ per se sola convincat, magis esse debitam clericis decimam partem fructuum, quam octavam, vel duodecimam, & sic de aliis. Ac denique usus ipse ostendit, non esse hoc naturale præceptum, cum non eodem modo in omnibus ecclesiæ provinciis fervetur; idque sine peccato, ut postea videbimus.

3 Si vero sit sermo de jure divino positivo, duobus modis intelligi potest, decimam quoræ esse nunc de hoc jure divino. Primo, quia illudmet præceptum, quod populo Israel fuit datum, adhuc durat, ita ut ex vi illius obligentur nunc fideles. Et in hoc sensu id sentire, hæreticum esset, quia de fide est, legem illam veterem jam non obligare, maxime quoad ceremonialia, & judicialia præcepta, immo nec quoad moralia, quatenus illius erant, sed solum quatenus naturali ratione dictantur. Et ideo Major in tertio Canonistarum sententiam quoad hanc partem hæreticam

4 Afferunt præceptum alendi ministros ecclesiæ esse de jure naturali determinationem quoad quoriam de jure ecclesiastico.

Probatur tota assertio.

Præceptum decimarum non est idem, quod legis veteris.

Notanda est sententia Andr. Hispani & Rebusii.

Sententia afferens præceptum solvendi decimas prædiales esse de jure divino, personas vero ecclesiasticas.

reticam vocavit; quia revera interdum significant, obligare nunc illud præceptum eo ipso, quod non invenitur expresse revocatum, ut videre licet in Rebuffo, & aliis relatis ab ipso, & a nobis supra. Verumtamen non fuit necessaria revocatio, quia illa lex non erat perpetua, sed temporalis: lex autem, quæ pro aliquo tempore datur, illo completo, desinit obligare absque alia revocatione; illa autem lex posita est, donec veniret semen, ut dicit Paul. ad Galat. 3. & ideo adventante Christo, & consummata redemptione cessavit; fuit enim illa lex (ait Paulus citato loco) *pedagogus fidelium in Christo, at ubi venit fides, jam non sumus sub pedagogo*. Et propterea, quod hoc præceptum nunc non obliget in virtute illius legis, evidens argumentum est, quia illa lex non obligabat omnes homines, sed tantum judaicum populum, vel eos, qui per circumcisionem ad illum transibant. Hoc autem præceptum non obligat de se universum mundum, & non media circumcissione, sed baptismo.

Commo-
diori mo-
do expli-
catur il-
lud jus di-
vinum
& impu-
gnatur.

6 Alio ergo modo posset hoc jus divinum positivum intelligi, quia illud præceptum divinum ex peculiari Christi confirmatione prorogatum est pro lege gratiæ. Et hic sensus non continet apertum errorem contra fidem: quia, ut est communis sententia Div. Thom. & Theologorum, præcepta judicialia legis veteris, licet, ut erant illius, cessaverint, & mortua sint; posunt secundum eandem formam retineri in aliqua republica, si per legitimum principem ferantur. Unde multo magis potuit hoc præceptum a Christo Domino pro sua ecclesia confirmari, vel potius de novo tradi. Est tamen illa sententia in hoc sensu voluntaria, & improbabilis; tum quia nullum habet fundamentum in evangelio, neque in traditione, aut doctrina Patrum: nam quæ Hostiens. Innocent. & alii Canonistæ asserunt ex Greg. Ambros. Augustin. & Hieron. relatis apud Gratianum supra, nihil probant; quia non loquuntur de speciali præcepto a Christo dato, sed ab ecclesia tradito ad imitationem divinæ legis antiquæ, ut ex Cypriano, & aliis capit. seq. referemus. Est etiam contra receptam doctrinam Theologorum, quod cum lege nova non sunt a Christo data præcepta judicialia, nec caeremonialia præterquam sacramentorum, & est D. Thom. 1. 2. q. 108. art. 1. & 2. & quodlib. art. 13. Relinquitur ergo, præceptum hoc quoad hanc partem ecclesiasticum esse.

Supervacua
est distinc-
tio.

7 Unde etiam constat, nullam esse in hoc necessariam distinctionem inter decimas prædiales, & personales, si in rigore loquamur, quoad præcepti obligationem; quia si solum considerentur, quatenus sunt decimæ sustentationis, sic verius dicunt, qui indifferenter asserunt, omnes esse de jure naturali divino, quia etiam illi fideles, qui possessiones non habent, tenentur concurrere ad sustentandos ministros spirituales, si ex labore, & actionibus suis habeant, unde id facere possint. Si autem loquamur de decimis, quoad quoram, neutra sunt de jure divino quoad obligationem, ut dixi. At vero quoad imitationem admitti potest distinctio Hostiensis: nam prædiales retentæ sunt in ecclesia ad imitationem antiqui juris divini, personales vero sine exemplo additæ sunt: cur autem id fecerit ecclesia, postea videbimus. Atque ita constat, quo sensu intelligenda sint jura canonica, quando decimas dicunt esse ex Dei præcepto, vel de jure divino: loquuntur enim de præcepto divino, non quod nunc obliget, sed quod aliquando fuit, & quo primum fuerunt decimæ sub necessitate constitutæ: & quia inde, seu exemplo illius sumptum est ecclesiasticum præceptum, ideo etiam hoc per quamdam imitationem divinum dicitur. Sicut solent Patres præceptum quadragesimæ servandæ divinum vocare, quia exemplum ejus in Domino præcessit, ut est apud Ambros. serm. 21. in 1. Dom. quadrag. & per nonnulla capita de Conf. d. 5. Unde allegata jura præsertim loqui videntur de prædialibus decimis; nam personales neque isto modo dici possunt de jure divino, nisi nimis remote, & per quamdam similitudinem rationis.

Ultima
asser. pars
confirmatur.

8 Addidi vero in fine assertionis modum alium utriusque decimis prædialibus, & personalibus communem, quo possunt omnes dici esse jure divino evangelico, non actu, sed potestate, seu in radice. Quod

Sharez Tom. XII.

utile est ad intelligendum, per quam potestatem potuerit hæc determinatio decimarum quoad quoram in ecclesia fieri: dicimus enim, hoc pertinere ad potestatem spirituales ecclesiæ, non ad temporalem, seu civilem. Quod certum de fide est, quia disponere de spiritualibus, & de spiritualibus annexis, ad spirituales potestatem pertinet, non ad temporalem, ut in materia de legibus, & in peculiari tractatu de immunitate ecclesiæ latius diximus: jus autem decimarum spirituale est, & decimæ ipsæ spiritualibus sunt annexæ; ergo taxatio, seu determinatio illarum ad spirituales potestatem spectat. Unde etiam omnes causæ decimales ecclesiasticæ sunt, ut est indubitatum. Ac denique decimæ ipsæ peculiari titulo sunt bona Dei, & ideo tota cura, & providentia circa illas ad dispensatores Dei per Christum constitutos pertinet. Ergo determinatio decimarum quoad quoram in tempore legis gratiæ actus est spiritualis potestatis. Hæc autem potestas supernaturalis est, & ab ipso Christo immediate data, & instituta in ecclesia sua: ergo hæc determinatio peculiari modo trahit originem a jure divino evangelico, saltem radicaliter, seu potestative. Hæc ergo ratione possunt etiam dici decimæ aliquo modo de jure divino. Adde, postquam hoc jus decimarum in ecclesia constitutum est, decimas deberi Dei in ministris suis, & hac ratione jam peculiari modo pertinere ad jus divinum. Item decimæ sunt res sacræ, ac religiosæ, & jus percipiendi illas spirituale est, & ad divinum cultum pertinet, & ideo hæc etiam ratione divinum appellari potest, id est jus Deo ipsi comparatum.

9 Atque hinc obiter constat, hanc potestatem determinandi quoram decimæ primo, ac per se residere in summo pontifice, & jure divino soli illi immediate convenire; quia tota potestas spiritualis, quæ est in ecclesia, in illo solo est immediate ex divino jure, aliis vero per ipsum communicatur, ut nunc suppono; est enim sermo de potestate spiritualis jurisdictionis, & gubernationis, non de potestate ordinis: sub illa autem generali potestate comprehenditur hæc, de qua nunc tractamus. Quoad usum vero hujus potestatis advertendum est, quod licet per se primo pertineat ad pontificem, præsertim respectu totius ecclesiæ universalis, tamen in his, quæ ipse non prohibet, vel si ipse non præveniat modum, & ordinem universalem in hac determinatione constituendo, ad unumquemque episcopum in sua diocesi pertinere, hujusmodi facere determinationem, & consequenter etiam potuisse unumquemque episcopum decimam in sua diocesi imperare, etiam si pro tota ecclesia non esset lex lata per pontifices, vel generalia concilia, dummodo (ut dixi) non esset prohibitum. Quia unusquisque episcopus potest in sua diocesi facere omnia, quæ ad convenientem spirituales administrationem pertinent in his, quæ sibi per pontificem prohibita, aut limitata non sunt; inter hæc autem continetur decimarum determinatio; sed in eo casu, ut supponimus, nulla esset prohibitio; ergo. Quantam vero potestatem circa hoc habeant nunc episcopi, infra declarabimus. Difficultates etiam, quæ circa hoc præceptum occurrere possunt, in sequenti capite elucidabuntur.

Potestatem
determinandi
quoram decimas
de jure
divino
residere in
summo
pontifice.

C A P U T XI.

An determinatio decimarum convenienti ratione in tempore legis gratiæ facta sit.

1 **R**atio dubitandi esse potest, quia hæc determinatio facta est ad imitationem legis veteris non est autem eadem proportio inter hoc tempus, & illud, hanc legem, & illam, & ideo non videtur servata æquitatis ratio. Declaratur minor; primo, quia in populo Israelitico ex duodecim tribubus una integra erat sacerdotalis, & ita fere servabatur propor-

Prima ratio
est dubitandi.

quo inter partem decimam fructuum, & partem duodecimam totius gentis: at vero in ecclesia non duodecima, nec vigesima pars fidelis populi pertinet ad clericum, seu brachium ecclesiasticum; ergo non cum debita proportionem imperatur, sed sufficeret vigesima, vel trigesima. Secundo, est alia magna differentia, nam in lege veteri non sunt datæ possessiones tribui Levi in terra promissionis, & ideo etiam sine causa ministerii quodammodo debebatur illi tribui aliquis census, vel subsidium loco possessionum. Nam licet receperit civitates cum suburbii usque ad mille passus, tamen civitates solum erant ad habitandum, & suburbia non poterant deservire ad sustentationem, sed ad summum ad quandam civium commoditatem, & necessariam recreationem; ergo debebantur illis alimenta, si prædia denegabantur. At nunc ecclesiastici omnes possunt habere, & multi habent divitias, & possessiones temporales æque, ac Laici, ergo non est in eis eadem adæquata ratio, ut persolvantur ipsi decimæ; ergo neque ipsa quota stipendii debuit esse æqualis. Tertio est aliud discrimen supra indicatum, quia in lege veteri solum imperabantur decimæ prædiales, nunc autem etiam personales, juxta c. *Decima*, 16. q. 1. cum similibus, quod videtur nimium rigorosum. Præsertim cum ministri evangelii debeant liberalius donare, quod gratis acceperunt, esseque minus affecti ad hæc temporalia, quam fuerint Levitici sacerdotes.

In hac re graviter erravit Erasmus in annotationibus ad novum testamentum: nam ausus est dicere, exactionem decimarum esse tyrannidem. Referuntur etiam quidam hæretici vocati Fratricelli, qui dixerunt, decimas non esse solvendas his clericis, qui pauperatatem Apostolicam non profitentur. Ita refert Turrecrem. in summa de ecclesia lib. 4. p. 2. c. 37. & in eodem errore fuerunt Pseudoapostoli, ut refert Guido Carmelita, & Castro lib. 4. de hæreticis, verb. *Decima*. Fundamenta hujus erroris vel sunt eadem, quæ in ratione dubitandi indicata sunt, vel etiam supponunt alium errorem, scilicet, clericos, & sacerdotes legis gratiæ esse prohibitos jure divino, ne possint habere rerum temporalium dominium, de quo errore nunc dicendum non est. Nam spectat ad proprium tractatum de Sacramento ordinis, & statu ecclesiastico. Aliqui etiam catholici Doctores moti fortasse conjecturis propositis existimant necessarium ad justificandam hanc institutionem decimarum in lege gratiæ, dicere non eo sine imperari decimas, ut in dominium sacerdotum transferantur, sed ut dispensationi eorum committantur, ita ut ex illis congruam, & decentem pro ratione status sustentationem accipiant, & ecclesiarum usibus, ac sumptibus provideant, & reliqua, quæ superflua fuerint, pauperibus erogent.

3. Dicendum vero in primis est, præceptum hoc, etiam prout ecclesiasticum est, quoad quotam justæ, ac convenienter institutum, & latum fuisse. Assertio est de fide, ad quam probandam sufficiunt jura, & concilia supra citata. Sufficit etiam auctoritas, & consensus universalis ecclesiæ, quæ errare non potest in moribus, & præsertim in re tam gravi. Confirmatur vero hoc amplius ex antiquitate hujus institutionis. Nam illius meminit Clem. Rom. lib. 2. Constit. Apost. c. 25. dicens: *Quæ secundum Dei mandatum tribuuntur, decimas dico, & primitias, insumat episcopus ut homo Dei*, & lib. 8. c. 30. idem dicit. Item Cyprian. epist. 34. in fine, & clarius ep. 66. prius commemorat veteris legis institutum: *Quod, inquit, fiebat de auctoritate, & dispositione divina, ut qui operationibus divinis insisterent, in nulla re advocarentur, ne cogitare, aut agere secularia cogerebantur*. Et statim de tempore legis gratiæ subjungit: *Quæ nunc ratio, & forma clero tenetur, ut qui in ecclesia Domini ordinatione clericale tenentur, in nullo ab administratione divina advocentur, nec molestiis, & negotiis secularibus aligentur, sed in honore sportulantium fratrum, tamquam decimas ex fructibus accipientes ab altari, & sacrificiis non recedant*, &c. Origenes etiam Hom. 11. in 18. cap. Numeror. dicit, præcepta primitiarum, & decimarum esse ex his, quæ ad literam sunt servanda in lege gratiæ: immo indicat, jus ipsum naturale, &

divinum hoc exigere, quod ut sit verum secundum magnam congruentiam, & propinquitatem, intelligendum est, & hoc modo præsentis instituto deservit.

4. Sic etiam Chrysostom. Hom. 4. ad Ephes. in fine agens de eleemosyna, & solutione decimarum: *Quanto est, inquit, hoc plenum probro, & dedecore, si apud Judeos non habebatur in admiratione, hoc apud Christianos factum est admirabile. Si tunc erat periculum, decimas non relinquere, cogita quantum nunc sit*. Divus etiam Hier. in epist. 2. ad Nepotianum decimarum meminit dicens: *Si pars domini sum, & quasi sacerdos vivo de decimis, habens victum, & vestitum, his contentus ero*, & Malach. 3. quod de primitiis ibi a Propheta dicitur, etiam in ecclesiæ populis locum habere dicit. Hanc etiam antiquam consuetudinem aperte indicat Aug. l. 50. Hom. in 84. dicens: *Majores nostri ideo copiis omnibus abundabant, quia Deo decimas dabant*, &c. quæ referuntur in cap. *Majores*, 16. q. 7. de reddendis etiam decimis habet integrum sermonem August. 219. de tempore, ubi etiam locum Malachiæ accommodat, & inter alia decimas vocat *tributa agentium animarum*. Quem Aug. sermonem refert Conc. Triburiense Canon. 13. Ubi etiam adducit Gelasium papam in epist. 1. cap. 29. præcipientem, quatuor fieri partes de redditibus ecclesiarum, & oblationibus fidelium, quod de decimis concilium dictum intelligit. Et multa alia ex conciliis, & patribus infra afferemus explicando, quibus personis, & de quibus rebus dandæ sint decimæ.

5. Ratione declarari potest hæc veritas, ostendendo, & congruentiam hujus institutionis, seu taxæ, & vindicando illam ab omni injustitia; nam absolutam necessitatem ejus non possumus ostendere, cum ex impositione, & arbitrio pendeat, ut diximus. Congruentia ergo est primo limitatio legis divinæ: nam hujus considerationis magnam rationem habent jura omnia canonica, ut visum est. In quo etiam animadvertere possumus, non tantum in lege veteri, sed etiam ante legem insignes Dei cultores Abraham, & Jacob eam quotam elegisse non sine instinctu Spiritus sancti, ut credimus, ad eundem Deum colendum, & ut auctorem omnium beneficiorum recognoscendum. Immo quasi naturali instinctu etiam gentiles infideles decimarum solutionibus utebantur ad gratias agendas suis Diis, ut supra attigimus. Est ergo in hac parte aliqua moralis congruitas, quam ecclesia etiam merito observare voluit. Illa autem esse potest, vel ut fideles christiani non minus gratos se ostendant erga Deum, quam antiqui iusti, vel auctores legis veteris, vel etiam falsorum deorum adoratores: hanc enim rationem, & August. supra, & Hieron. & nonnulla jura citata indicant, & Chrysost. Hom. 43. in 1. ad Cor. Vel etiam esse potest significatio mystica, non repugnans, sed potius valde accommodata statui legis gratiæ. Nam quæ in illa sacerdotibus dantur, Christo, cujus personam gerunt, principaliter offeruntur. Decima autem Christi perfectionem significat, nam *decimus numerus* (ait Chrysost. Hom. 1. in Matth. in imperfecto) *quia numerus est perfectionis, mysterium habet Christi perfecti*, quod etiam supra tactum est, & ideo recte illi quasi in tributum decima designatur: & fortasse ob similem causam Deo ipsi semper oblata fuit, vel ad recognoscendum in illo omnem perfectionem, quæ nobis deest, vel ad proficendum, habere nos ab illo, quicquid boni, vel abundantia nobis provenit. Quæ omnia, & similia convenientissime possunt etiam nunc fideles intendere, & confiteri in decimarum solutione.

6. Sed considerando ulterius decimas secundum moralem usum, prout ordinantur ad sustentationem ministrorum ecclesiæ, & ad onera ecclesiastica (ut sic dicam) sustentanda, non potest hæc quota videri rigorosa exactio. Et in primis si spectemus antiquam institutionem præcipientem, fieri distributionem decimarum in quatuor partes. Unam pro episcopo, aliam pro clero, aliam pro fabrica ecclesiæ, & quartam pro pauperibus, statim apparebit, esse æquissimam decimarum exactionem. Habetur autem hæc institutio ex Gelasio papa in epist. 1. c. 21. Et habetur in c. *Quatuor*, 12. q. 2. ubi ex multis aliis pontificibus, &

Congruentia probatur decimarum de terminatio.

Decimarum quotam non esse rigorosam, probatur ex iis ad quæ fuit instituta.

2 Ratio.

3 Ratio.

Hæreticorum error.

Aliquorum Doctorum sententia.

Ecclesiasticum præceptum de decimis quoad quotam justæ institutionis.

Confirmatio.

conciliis eadem refertur: & idem habetur in concilio Moguntino 3. sub Greg. IV. cap. 10. ubi specialiter dicitur, decimas esse ad usum ecclesie, & pauperum; & in concil. Turonico tempore Leonis III. & Carol. Magn. cap. 16. similiter dicitur, esse dispensandas in usum ecclesie, & pauperum, & in concil. Meldensi c. 65. presbyteris dicitur, ut si decimas acceperint, sarta tela ecclesie, & luminaria exinde competenter provideant, & restorationem ecclesiarum, & hospitum, ac pauperum receptionem exhibeant, populi necessitatibus invigilent. Et similia leguntur passim in decretis antiquis: si hæc ergo institutio servaretur, nulla esset prorsus difficultas, quin decimarum quantitas sit ecclesiastico statui necessaria.

Cura pauperum cur pastoribus specialiter commissa.

7. Nec etiam potest esse dubium, quin potuerit ecclesia imperare decimas intuitu subventionis pauperum (præter alia capita, quæ per se clarissima sunt;) quia hæc cura, & sollicitudo pauperum ad spirituale regimen ecclesie maxime pertinet, & ideo pastoribus ecclesie specialiter commissa est, ut alibi tractatum est. Verumtamen hinc statim insurgit ardua illa questio de redditibus ecclesie, & de obligatione, quam præbendarii in ecclesia habent ad eleemosynas faciendas, an sit ex iustitia, vel charitate, a qua nunc abstinere intendimus, quia in proprium tractatum de beneficiis illam reservamus. Ideoque addimus, siue stipendia decimarum dentur clericis cum onere, & obligatione iustitiæ dandi superflua pauperibus, siue absolute in proprium stipendium cum speciali obligatione charitatis, utroque modo habere posse æquitatem, & omnibus pensatis, esse moderatum stipendium: quod declarabitur melius, respondendo ad difficultates propositas.

Solvuntur rationes partis contrarie.

8. Prima ratio dubitandi erat, quia in populo christiano pars clericorum est multo minor respectu totius corporis ecclesie, quam esset tribus Leviticis respectu duodecim tribuum. Ad quam respondemus primo, quod licet quantitate sit minor, qualitate, & dignitate est multo major, & ideo nunc indiget majori splendore, & auctoritate, ut in debita veneratione ab omnibus habeatur. In quo etiam considerandum est, hierarchiam ecclesiasticam esse multo majorem, & altiorum, quam fuerit in Levitico sacerdotio: nam & dignitas summi pontificatus longe excellentior est, & sub illo sunt varii ordines pontificum, dignitatum, sacerdotum, & clericorum, qui non possunt sine magnis sumptibus cum debito honore tractari. Accedit præterea (quod D. Th. advertit dicta quest. 87. art. 2. ad 1.) sacerdotes legis grati debere magis abstractos esse ab omni negotiatione, quam sacerdotes Leviticos, quibus non prohibebatur, quin possent honeste lucrari, sicut alii Judæi. Præterea considerari potest, in lege veteri fuisse sacrificia carnalia, quæ magna ex parte cedebant in usum sacerdotum cum innumeris oblationibus panis, & aliorum fructuum, & rerum utensilium, quæ vere ad vitæ sustentationem potuissent sufficere: quæ omnia in lege nova non inveniuntur ex vi divinæ institutionis circa sacrificium: aliæ vero oblationes fere sunt spontaneæ, ut supra visum est præter primitias, quæ etiam in lege veteri imperabantur.

Sacerdotes alias divites possunt decimas recipere.

9. Secunda ratio dubitandi petit dubium, an sacerdotes alias divites possint decimas recipere, & laici teneantur eis illas solvere. Aliqui enim dixerunt, decimas non esse solendas clericis, quando divites sunt, neque ipsos posse tuta conscientia illas recipere, quomodo videntur loqui Hieronymus, & Prosper relati in cap. Clericos, & cap. Pastores, 1. quest. 2. Dicendum vero est, & sacerdotes divites posse licite decimas recipere, si beneficium habent ecclesiasticum, cui ministrant, & fideles teneri ad eas solvendas sacerdoti, quantumvis alias divites sit. Ratio est, quia id, quod est per accidens, & non est fundamentum obligationis, non tollit jus, neque debitum iustitiæ, decimæ autem non debentur sacerdoti, quia pauper est, sed quia ex officio ministrat; & ideo, quod sit dives, accidentarium est, neque ab illo tollit jus suum, neque ab altero debitum, Et hæc est certa, & indubitata sententia inter Catholicos, ut constat ex Divo Thoma, quodlibet. 6. art. 10. & 22. quest. 87. artic. 3. ad

Suarez, Tom. XII.

1. & ibi Cajetan. Sor. & reliquis Theologis, Castro verb. Decima, & Covar. d. cap. 17. num. 4. Dicit vero Hieron. & Prosper. videntur intelligenda de clericis simplicibus, qui licet ecclesie non deserviant, volunt ex bonis ecclesie sustentari, etiam si alias divites sint. De illis enim recte dicitur, inique bona pauperum usurpare, quia alimenta non debentur clericis ex eo tantum, quod clerici sunt, sed quia ex officio ministrare tenentur. Unde licet clericus sit pauper, si non ministrat, non debentur ei decimæ ex iustitia commutativa, sed ex misericordia, vel ad summum ex religione; e contrario vero si ministrat ex officio, ei debentur ex iustitia, licet alias sit dives.

Hieron. & Prosper. dicta explicatur.

10. Ad improprietatem autem, quæ inde videtur sequi inter institutionem Dei in veteri testamento, & hanc ecclesie determinationem, respondet Div. Thom. d. quest. 87. art. 3. ad 1. nullam esse. Quia in lege veteri ultra decimas, quæ dabantur tribui Levi, aliæ reservabantur vel ad sacrificandum, aut offerendum, vel comedendum in templo, de quibus etiam Levitæ participabant, & ultra has reservabantur aliæ tertio quoque anno ad usum pauperum, & peregrinorum, de quibus etiam Levitæ indigentes participare poterant. Quæ omnia constant ex Deut. 14. & 26. & explicantur a Hieronymo. libr. 14. in Ezech. in principio circa cap. 45. qui refertur in cap. 1. de decimis, & de illis videri etiam potest Abul. Deut. 12. quest. 7. & qu. 10. & Deut. 14. post qu. 4. & in fine, & Deut. 26. q. 4. & Rebus. tract. de decim. quest. 3. num. 9. & 11. At vero in lege nova tantum una decima imperatur, non solum ad integram sustentationem ministrorum altaris, sed etiam (ait Div. Thom.) ut ex eis subveniant pauperibus, & ideo non superfluum, sed ad hoc necessaria sunt possessiones ecclesiasticæ, & oblationes, & primitiæ simul cum decimis.

11. Hinc Cajet. art. 1. & 3. d. q. 87. dixit, non posse plene justificari hanc determinationem decimarum, prout in lege gratiæ sit, nisi ex eo, quod pro subventionem pauperum simul cum sustentatione sacerdotum largiuntur, quia pro pauperibus nunquam satis sufficere possunt, licet amplissima sint; & eodem modo expedit hanc difficultatem Castro contra heres. ver. Decima, ubi pauperum egestatem ponit inter causas justificantes exactiones decimarum. Et subiungit, propter hanc causam docere periculosis Theologos, sacerdotes etiam alias abundantes in divitiis posse decimas recipere, tanquam earum dispensatores, ut eas videlicet pauperibus distribuunt, & qui hoc non faciunt, inquit, iniuste eas retinent. Et certe Hieronymus. Malach. 3. ad hoc videtur alludere, cum sic inquit: Quod de decimis, primitiisque diximus, quæ olim dabantur a populo sacerdotibus, ac Levitis, in ecclesia quoque populis intelligite, quibus præceptum est, non solum decimas dare, & primitias, sed & vendere omnia, quæ habent, & dare pauperibus, & sequi Dominum Salvatorem: quod si facere nolumus, saltem Judæorum imitemur exordia, ut pauperibus partem demus ex toto, & Sacerdotibus, ac Levitis honorem debitum deferamus. Honorem utique abundantis subsidii, quem duplicem honorem appellavit Paul. 1. ad Tim. 5. quem ibidem Hier. allegat: sentit ergo primitias, & decimas nunc solvi ad utrumque finem subveniendi, & sacerdotibus, & pauperibus. Atque hic est communis modus loquendi patrum, qui late refertur a Gratiano 16. q. 1. cap. Cunctis, & sequentibus, & qu. 7. & 13. q. 1. & 2. & nonnulla alia supra indicavimus.

Sacerdotes divites esse decimarum dispensatores, & hoc alii qui.

12. Hæc autem responsio, ut supra etiam tetigi, licet plenissime expediat totam hanc difficultatem, videtur tamen nimium coarctare potestatem, & dominium ministrorum evangelii circa decimas, in quo videntur fieri multo deterioris conditionis, quam essent sacerdotes, aut Levitæ in lege veteri. Nam illi habebant proprium, & verum dominium illarum decimarum, quæ ipsi in solidum solvebantur; & præterea habebant usum secundarum decimarum, quæ ad offerendum, & epulandum in templo reservabantur, præter alias victimas, & sacrificia, quæ vel ex præcepto, vel voluntate fiebant, & magna ex parte in usum ministrorum cedebant. Et ultra hoc videntur fuisse exempti ab speciali onere

Differentia præcedentis religionis.

elemosynarum, quia aliæ tres ad hunc finem tertiam decimam reservabant, ex qua poterat sufficienter subveniri pauperibus. Igitur juxta illam responsionem videtur nimium inclinari in contrarium extremum. Et ideo non oportet ita rem hanc intelligere, ac si decimæ non potuerint imperari in lege nova, ut inter ecclesiæ ministros simpliciter distribuantur, juxta munera, & dignitates suas, siue alias habeant secularia bona, siue non; id enim accidentarium est, & minus frequens, ideoque in moralem considerationem non venit.

Decimas in dominium ecclesiæ, & sacerdotum transferri absolute. Ratio asseritionis.

13 Censeo ergo, simpliciter potuisse hoc modo imperari, & de facto ita fuisse hoc præceptum impositum, ut omnes decimæ in ecclesiæ dominium transferantur, & sacerdotibus, ac ministris ecclesiasticis ex iustitia debeantur integre, & sine diminutione, supposito ecclesiæ præcepto in sua vi permanente, ut nunc loquimur. Ratio est, quia decimæ dantur pauperibus ecclesiæ ad sustentanda onera sui officii, inter quæ præter propriam sustentationem congruam tam personarum, quam dignitatum, & statu uniuscujusque numerantur sumptus ecclesiarum, receptio peregrinorum, & subsidia pauperum. Nam, ut recte adnotavit Cæsar. d. q. 87. prælati ecclesiæ ex officio sunt patres pauperum, quia ut boni pastores tenentur, etiam animam suam, nedum exteriora bona offerre pro ovibus suis; Joann. 10. & ideo Paul. 2. ad Timoth. 2. ait: *Oportet, episcopum hospitalem esse*. Item, loquendo de toto clero, includendo caput cum inferioribus prælati, & clericis, sæpe necessarium est, ut possint etiam temporalibus principibus subvenire ad defendendam ecclesiam. Item sæpe necesse est illis se gratos ostendere, adjuvando illos ex redditibus ecclesiæ.

Alia personæ ecclesiæ ex decimis aluntur, licet sacramenta non ministrent.

14 Præterea licet non omnes clerici voluntariam paupertatem profiteantur, magna tamen pars personarum ecclesiasticarum hujusmodi paupertatem observat, & multi ex his decimis ecclesiæ aluntur, etiam si ex officio non ministrent sacramenta, neque per modum stipendii decimas recipiant, sed per modum liberalis largitionis, seu applicationis pontificum. Alii vero clerici, licet capaces sint hæreditatum temporalium, nihilominus experientia constat, eos maxime applicari ad ecclesiasticum ordinem, qui illas non habent, siue illi sint ex communi plebe, siue ex nobilibus, quibus etiam ecclesiasticus ordo ornatur, expeditque, ut juxta suam conditionem commode possint ex ecclesiasticis redditibus sustentari. Omnibus ergo pensatis, non est excessus in hujusmodi designatione quotæ partis; & sane experientia ipsa tot annorum satis ostendit, fuisse hanc determinationem ecclesiæ convenientem, ac necessariam. Et licet in particulari interdum eveniat, ut quidam clerici plus nimio abundant, alii vero, & fortasse digniores, & qui plus laborant, multum egeant, id non potest imputari excessui, vel superfluitati decimarum, sed interdum sunt particulares defectus, vel casu contingentes, vel ex negligentia aliquorum prælatorum; qui defectus non possunt omnino impediri in rebus humanis.

Decimæ clero dantur, habent respectum subventionis pauperum.

15 Concedo ergo, suboneribus clericorum percipientium decimas comprehendere subventionem pauperum, & consequenter decimas, quæ ad sustentanda onera clericatus dantur, habere peculiarem respectum subventionis pauperum. Hinc autem non oportet inferre, aliquam partem decimarum non transferri in ecclesiam, seu in clerum quoad dominium, sed solum quoad dispensationem; hoc enim nec necessarium est, nec fortasse verum, præsertim loquendo in communi de clero: alioquin laici in rigore iustitiæ non tenerentur saltem eam partem decimarum solvere ecclesiæ, nec illam ecclesiæ restituere, si non soliti essent. Paret sequela, quia præceptum decimarum solum pertinet ad iustitiam, quatenus est solutio stipendii debiti, & quasi taxati ab ecclesiâ, nam eo ipso materia illa transit in rationem iustitiæ: at vero pars illa, quæ revera non datur clericis, sed pauperibus, non habet rationem stipendii; non est ergo materia iustitiæ, sed elemosynæ. Et licet ex speciali præcepto positivo ecclesiâ obliget ad dandam partem in elemosynam per pastores ecclesiæ, tanquam per dispensatores, nihilominus totum hoc pertinebit ad circum-

Occurritur diffinitioni.

stantiam elemosynæ, non vero ad materiam iustitiæ; ergo, qui omiserit dare illam partem, peccabit contra misericordiam, non contra iustitiam, & qui suo arbitrio illam dederit in elemosynam, peccabit contra ordinem, & modum præceptum ab ecclesiâ, non tamen contra iustitiam, nec tenebitur aliquid restituere. Immo posset quis excusari a culpa, si propterea illam partem daret pauperibus, & non parochi, quia certo experimento scit, si intraret in possessionem parochi, non esse perventuram ad pauperes. Hæc autem, & similia admittenda non sunt, nam plane repugnant legibus, & consuetudini ecclesiæ, & possunt asserere multa practica incommoda; ergo,

Decimæ etiam in partes possent dari parochi & pontif.

16 Dico ergo, decimas omnes, & in integrum transire in verum jus, & dominium ecclesiæ, & cleri, generatim loquendo, & quantum est ex vi determinationis decimarum. Quod ideo addo, quia ipsam ecclesiâ, seu pontifices, aut concilia, approbantibus pontificibus, optime possunt cumulum decimarum in aliquas partes dividere, & unam ita applicare pauperibus, & alteram fabricæ ecclesiæ, ut neutra transeat in dominium parochi, aut episcopi, vel rectoris ecclesiæ, aut alterius beneficiarii, quia suprema potestas dispensandi hæc bona est in summo pontifice, & ille modus dispensationis, & distributionis esse potest satis rationabilis. Et illo non obstante, semper laici tenentur integras decimas solvere ex iustitia, quia respectu totius cleri absolute imperantur ut iusta stipendia, & necessaria ad sustentanda onera ministrorum ecclesiæ, quamvis modus applicandi, & distribuendi decimas, vel partes earum per ipsosmet ecclesiæ pastores, & præsertim per pontificem variis modis determinari possit. Inter quos ille, quem diximus, possibilis est, & non incongruus. An vero sit de facto, necne, non est huic loco necessarium; quia si ne illo modo distributionis recte intelligimus, assignationem decimarum habere æquitatem, & proportionem cum officio ministrorum ecclesiæ adjuncto etiam onere subveniendi pauperibus, siue hæc subventio faciendi sit ab ipsis ex decimis, tanquam ex bonis jam propriis, & sibi concessis in verum dominium, siue tanquam a meris dispensatoribus: uterque enim modus sufficit ad prædictam æquitatem.

Cur personæ decimæ imperentur in lege nova, & non in veteri. D. Thom. prima ratio.

17 Tertia ratio postulabat causam, ob quam personales decimæ imperentur in lege nova, cum non præciperentur in veteri, quia hinc videtur augeri difficultas circa æquitatem hujus impositionis. Quam difficultatem attigit D. Thom. dicta qu. 87. art. 2. ad 1. & duas indicat rationes, vel unam adæquatam, quæ ex duab. partibus coalescit. Prima est, quia in lege veteri omnes undecim tribus extra Leviticam habuerunt in sortitione terræ suas proprias possessiones, ex quibus sufficienter poterant decimas solvere Levitis, tam pro ministerio, quam quia carebant possessionibus. At in lege nova non sunt datæ possessiones fidelibus omnibus, quin potius maxima illorum pars prædia non habet, cum tamen æque fruantur labore, & ministerio sacerdotum; unde si ex propriis operibus decimas non solverent, nullo modo contribuerent ad sustentationem ministrorum sibi servantium, quod præter rationem, & æquitatem iustitiæ videretur. Et potest hæc ratio amplius explicari, quia in lege veteri, etiam si in singulis tribubus possent esse multi pauperes non habentes possessiones, & ideo non solverent decimas; nihilominus ipse usus sacrificiorum, & caeremoniarum talis erat, ut non posset quis uti ministerio, & opera sacerdotum, aut Levitarum, quin per ipsosmet materias sacrificiorum, & oblationum aliquo sufficienti modo contribuerent ad sustentationem Levitarum. In lege autem nova non ita est. Nam ex sacrificio, ut tale est, vel ex sacramentorum administratione nulla utilitas temporalis, per se loquendo, provenit ministris: nam si quæ oblationes cum his conjungantur, id accidentarium est, & per se loquendo spontaneum, ut supra visum est. Et ideo oportuit, ut quota decimarum communis esset de se omnibus fidelibus, undecumque haberent proventus, aut lucra, cum omnibus sint communia spiritualia, quæ per se, & intrinsece stipendium non includunt, ut explicatum est,

18 Altera ratio D. Thom. est, quia sacerdotes Levitici licet privati fuerint possessionibus in sortitione terræ, non fuerunt privati potestate negotiandi, & lucrandi eodem modo, quo alii concives, & ideo non fuit aliis impositum onus solvendi ipsis aliquid ex suis lucris. At vero in lege nova clerici, ut possint digne intendere divino cultui, & ministeriis spiritualibus, quibus omnino dicati sunt, arcantur a negotiationibus secularibus, & lucris, & ideo merito laicis imponitur, ut ex suis lucris aliquam partem eis impertiantur, cum propter eorum utilitatem ipsi clerici priventur similibus lucris. Quæ ratio optima est: supponit tamen, quod totus cumulus decimarum conflurgens ex prædialibus, & personalibus, non excedit convenientem quantitatem reddituum ecclesiasticorum: quod ex dictis in duobus prioribus punctis declarandum, & probandum est.

CAPUT XII.

Quid possit consuetudo circa obligationem, vel modum solvendi decimas.

PRIUSquam de circumstantiis hujus præcepti dicamus, videtur hæc quæstio hoc loco necessaria; tum quia pendet ex dictis in capitibus proxime præcedentibus, & illius resolutio doctrinam in eis datam magis declarabit, & confirmabit; tum etiam quia lucem afferet ad omnia sequentia, quia majori ex parte ex consuetudine definienda sunt. Sub consuetudine autem per se non comprehendimus, quamvis aliquo modo inter se differant, ut dicemus. Præcipua ergo quæstio in præsentia est, an obligatio solvendi decimas, possit per consuetudinem auferri. In qua consequenter loquuntur Canonistæ, ut late tractat, & refert Covar. d. c. 17. n. 8. & Gutierrez d. lib. 2. c. 20. n. 31. & sequentibus præsertim usque ad 3. Qui ergo dixerunt, decimas deberi ex jure Divino etiam quoad quotam, consequenter asserunt, nec tolli, nec diminui posse per contrariam consuetudinem, quia hæc non potest derogare juri divino: nam si naturale sit, illud est immutabile: si vero est positivum, pendet ex divina voluntate, quæ non mutatur, neque auferit legem, propter pravam hominum consuetudinem. Et hæc opinionem tenent Innoc. & Joann. And. quos tandem sequitur Pan. in c. *In aliquibus*, de Decim. nu. 7. licet satis dubius, & perplexus in hac re fuisse videatur. Nonnulli vero relati a dictis auctoribus valde inconstanter loquuntur, & errant, quia ex una parte asserunt, quotam decimæ esse de jure divino, & ex alia affirmant, posse diminui per consuetudinem, licet non prorsus tolli; quia jus, inquit, divinum, licet non possit tolli, potest diminui. Quod omnino falsum est: nam ratio facta æque probat de immutabilitate quoad diminutionem, & quoad ablationem. Eo vel maxime quod lex taxans stipendium, sicut & pretium, quasi in indivisibili consistit, nam ex eo, quod præcipitur, & taxatur tanta quantitas, si illa non impletur, non servatur lex. Isti ergo, dum illa duo admittunt, licet propriam vocem ignorare videantur, in re dicunt, quotam non esse de jure divino, sed aliquid aliud, quod per minorem partem impleri potest, nempe sustentatio ministrorum.

2 Alii, qui inter prædiales, & personales decimas distinguebant, asserendo, priores esse de jure divino, & posteriores de humano, consequenter distinguunt cum proportionem in præsentia, dicentes, prædiales nec tolli, nec diminui posse per contrariam consuetudinem, utpote repugnantem divino juri: personales autem, ajunt, posse & diminui, & tolli per consuetudinem, quia consuetudo potest prævalere contra humanam legem, hæc autem decimæ tantum ecclesiastica lege debentur, ut supponitur. Atque ita distinguit Turrecr. in c. *Revertimini*, 16. q. 1. ar. 7. cum Hostiens. & aliis, quos latius referunt Covar. & Gutierrez. supra. Hoc modo interpretantur multi. Ille quippe, cap. *in aliquibus*, de decimis, in quo dicitur, illas decimas necessario esse solvendas: *Quæ debentur ex lege divina, vel loci consuetudine probata*. Nam prior pars censetur posita propter decimas prædiales, quas

Suarez. Tom. XII,

dicunt non pendere ex consuetudine, quia in lege divina taxatæ sunt: posteriorem vero partem accommodant ad decimas personales, nam, quia illæ de jure humano sunt, ipsæmet jus humanum potuit approbare, vel tolerare consuetudinem illis derogantem.

3 Non defuerunt alii, qui aliter distinguerent dicentes, consuetudinem per se solam, & non approbatam a papa non posse prævalere contra decimas, etiam ad diminuendas illas, si sint de jure divino, si ve de humano. Si vero sit approbata a papa, putant sufficere, cujuscumque etiam juris sint. Ita refert Abb. d. cap. *In aliquibus*, & non multum refragatur. Et idem significat Gloss. ibi, ver. *Consuetudinem*. Late illam defendit Didac. Perez in l. 1. tit. 5. libr. 1. Ordin. Ratio prioris partis quoad jus divinum jam constat ex dictis: quoad humanum vero reddi potest, quia non quæcumque consuetudo potens est ad derogandum juri ecclesiastico, sed illa tantum, quæ rationalis est; consuetudo autem non solvendi integre decimas irrationabilis est. Quod declarari potest ex dictis in præcedenti capite, nam si quora decimæ secundum prudentem æstimationem pontificum, & totius ecclesiæ est conveniens subsidium clericorum, & moraliter necessarium ad sustentanda onera illius status, profecto consuetudo diminuens illam quotam irrationabilis censenda est. Quod etiam ex affectibus declarari potest, quia necesse est, per talem consuetudinem diminui & subsidium pauperum, & divinum cultum, aut ornatum ejus, & decentiam sacerdotum, seu clericorum, quæ omnia sunt a recta ratione aliena.

4 Altera vero pars, scilicet, quod interveniente approbatione pontificis, hæc consuetudo prævalere possit, si supponamus, quotam decimæ tantum de jure ecclesiastico deberi, facilis est; quia pontifex potest ecclesiasticam legem immediate immutare; ergo etiam potest id facere, approbando consuetudinem. Item, tunc cessat ratio in contrarium facta; quia pontificis approbatio præsumitur rationabilis, & non fieri, nisi ubi aliter est sufficienter provisum ecclesiæ, & ministris ejus. At vero si quora decimæ esset in rigore de præcepto divino, difficile videretur illam partem sustinere: quia non potest pontifex divinum præceptum auferre, etiam ex parte. Posset autem quis dicere, posse pontificem cedere juri suo, vel ecclesiarum, & hoc modo probare consuetudinem, non directe mutando jus divinum, sed quasi subtrahendo materiam ejus, sicut qui remittit promissionem, tollit ab altero obligationem, nullam mutationem faciendo in jure divino naturali.

5 Alia distinctio magis recepta, & communis est de decima sustentationis, vel decima quotæ. Nam contra priorem non potest valere consuetudo, potest autem prævalere contra posteriorem, quando tota illa necessaria non est ad congruam sustentationem ministrorum. Ita tenet Covar. sup. n. 8. & Gutierrez nu. 35. & in re idem Sor. de Just. q. 4. ad 4. & Aragon. 22. q. 87. art. 1. circa solutionem ad 5. Rebus. etiam tract. de decimis q. 13. hoc ipsum sentit, licet aliter loqui videatur, quod fere in omnibus Juristis citatis observari potest, & in Abulens. & aliis, quos statim referam. Et ex hac distinctione colligunt dicti auctores consuetudine fieri posse, ut minuantur decimæ, quoad quotam, id est, quod sufficiat solvere vigesimam, vel trigessimam partem, non vero posse fieri, ut omnino tollantur, quia cum diminutione potest manere sufficiens sustentatio ministrorum, non vero si omnino nihil solvatur. Unde fit, ut etiam in diminutione necessario sit assignandus terminus, ultra quem jam non relinqueretur congrua sustentatio.

6 Deinde inferunt, consuetudine facile posse introduci, ut personales decimæ absque culpa non solvantur, quia prædiales sufficientes ad sustentationem ministrorum. Consequentia autem ratione videtur posse inferri, ubi fuerit consuetudo solvendi decimas personales, & illæ fuerint sufficientes ad sustentationem ministrorum, posse valere consuetudinem nihil solvendi de decimis prædialibus, quia tunc eadem procedit ratio. Neque auctores citati hoc negant, licet illud taceant, fortasse quia vel raro, vel nunquam contingit talis modus consuetudinis. Cu-

E 4 jus

Opinio auctorum in hac materia

Posterior pars opinionis probatur.

Alia distinctio de decima sustentationis, & quotæ.

Doctrina quæ ex superiori opinione inferitur.

jusratio esse potest: quia solventes prædiales decimas ordinarie sunt divites, solventes autem personales frequentius sunt pauperes, rationabile autem est, ut divites potius, quam pauperes ministros alant. Fructus etiam prædiales sunt magis naturales, ut sic dicam, ut sunt magis certi, & magis noti, & ideo, ubi est consuetudo solvendi decimas, ordinarie incipit a prædialibus. Nisi fortasse in aliqua civitate (qualis potest cogitari Venetia, vel alia similis) in qua pauca, vel nulla sunt prædia, & ideo omnes vel artibus, vel negotiationibus incumbunt. In hujusmodi enim locis, facile posset introduci consuetudo non solvendi decimas prædiales, dummodo personales persolvantur: e contrario vero non item, quia sine decimis personalibus non haberent ecclesiastici sufficientem sustentationem, ut notatur Gregor. Lup. in lib. 1. tit. 20. p. 1. & Archid. in lib. 1. tit. 5. lib. 1. Nov. recopila, quos refert, & sequitur Gutier. sup. nu. 33. cum Covar. d. nu. 8. Ratio denique fundamentalis hujus sententiæ est, quia decima sustentationis est de jure naturali: ergo debitum ejus non potest tolli per consuetudinem, decima autem quotæ de jure humano est, ergo potest per consuetudinem tolli, vel quod perinde est, diminui in omni illa parte, quæ non repugnaret congruæ sustentationi.

7 Et hæc quidem sententia in re vera est, indiget tamen explicatione quoad utrumque membrum. Nam contra primum obijci potest, quia supra dictum est, solvendas esse primitias ex præcepto, quantitatem vero primitiarum, aut voluntate, aut consuetudine determinari. Si ergo esset consuetudo solvendi tantum quantitatem primitiarum, ut ad congruam sustentationem ministrorum sufficeret, posset ibi valere consuetudo nihil omnino solvendi ex decimis, tam prædialibus, quam personalibus; ergo non tantum decima quotæ, sed etiam decima sustentationis potest consuetudine abrogari. Simile argumentum sumi potest ex oblationibus; nam illæ etiam cedunt in sustentationem ministrorum, si ergo illæ tantæ sint, ut sufficiant, non erit contra naturale jus, vel divinum nihil omnino ex decimisolvere, Præsertim, quia supra dictum est, interdum teneri fideles ad oblationes solvendas solum, quia ministri illis indigent ad suam sustentationem; ergo commutata proportione, quando ministri sufficienter aluntur per oblationes, poterit per consuetudinem tolli integre, & omnino obligatio solvendi decimas. Tandem ecclesiis dantur a fidelibus multa prædia, & bona immobilia fructifera, & solvuntur census per pia legata, vel aliis modis ecclesiæ relictæ; ergo fieri potest, ut ex his fructibus habeant ministri ecclesiarum sufficientem sustentationem; ergo ibi etiam non erit juri naturali contraria consuetudo nihil omnino solvendi ex decimis, poterit ergo prævalere. Atque ita sine ulla distinctione decimarum hoc asseruit Gloss. in cap. *Quia cognovimus*, 10. q. 3. & in cap. *In aliquibus*, §. *Ille quippe*, de Decim. Abulens. qu. 85. in cap. 22. Matth. & eandem opinionem constanter defendit Menchac. libr. 2. controver. Illustr. cap. 89. num. 8. Nec dissentit Rebuff. dicta q. 13. n. 43. & 44. ait enim, non valere consuetudinem non solvendi decimas, nisi eadem consuetudo habeat, ut detur aliquid pro ipsis decimis, nam tunc, inquit, valeat: hoc autem in omnibus dictis casibus fit.

8 Dico ergo hujusmodi argumenta non procedere contra mentem, & intentionem præcedentis sententiæ, si convenienter declaratur. Non enim facienda est vis in voce, *decima*, neque in hoc, quod sustentatio congrua ministrorum deducenda necessario sit ex aliqua parte aliquota fructuum prædialium, vel negotiorum, aut operum, sed in hoc tantum, quod clericis provideatur de congrua sustentatione; nam hoc est debitum ex jure naturali; quod autem impleatur hoc, vel illo modo, non est de jure naturali, vel divino, & ideo si alia via sufficienter provisorum est ecclesiis, non est dubium, quin possit consuetudine introduci, ut nulla alia pars fructuum, vel lucrorum clericis solvatur. Et hæc consuetudo dicitur esse in Italia, atque eadem dicitur viguisse inter Græcos.

Unde non video, cur Covar. d. cap. 17. cum prius D. Thom. & Theologorum sententiam defendisset,

necessario ex præcepto.

postea in fine, n. 8. ver. *Undecimo*, simpliciter damnet, ut irrationabilem consuetudinem non solvendi aliquas decimas: *Etiamsi Sacerdotes* (inquit) *spiritualia ministrantes, aliunde habeant, unde congrue alimenta recipiant*. Nec reddi aliam rationem, nisi quia est nimia illa exemptio, si quidem ex ea tollitur recognitio, quam exhibere debent laici Sacerdotibus ministrantibus eis sacramenta, præbendo eis aliquod stipendium. Verum tamen si supponatur ministri altaris habere ratione sui ministerii congrua alimenta, non possunt dici omnino privati stipendio, nec Laici prorsus exempti ab illo solvendo. Ideoque licet talis consuetudo laudanda non sit, ubi fuerit præscripta legitime, ecclesia non repugnante, non videtur damnanda. At vero si Covar. loquatur in eo casu, in quo ministri ecclesiæ ab illa nihil habent, licet aliunde ex patrimonio, vel ex industria, seu arte alimentum habere possint: tunc vera esset ejus sententia; nam esset irrationabilis talis consuetudo, ut ejus ratio probat. Non autem loquimur semper in priori sensu.

9 Atque hoc modo potuit contingere, ut hujusmodi consuetudines in principio introductæ fuerint ex benigna conventionione inter clericos, & laicos, consentientibus episcopis, & approbante, vel saltem non repugnante summo pontifice. Potuerunt etiam in principio clerici voluntarie cedere juri decimarum, contenti solis spontaneis oblationibus: (Sicut Paulus 1. ad Cor. 9. de se dicit, non fuisse usum potestatem exigendi sustentationem, sed propriis manibus laborasse ad ea, quæ sibi necessaria erant, comparanda,) & postea usu temporis illam consuetudinem præscriptam esse. Contra hunc ergo sensum non procedunt objectiones factæ. Sed obijci potest, quia nemo potest præscriptione liberari ab obligatione solvendi tributum Regi, leg. *Comperimus*, cap. de præscriptione, trigint. &c. ergo minus poterit liberari a solutione divini tributi, qualis est decima, juxta cap. *Tua nobis*, de decim. Respondent Abbas, Felin. & alii in cap. *Ad audientiam*, de præscript. negando consequentiam, quia tributa immediate solvuntur in recognitionem regis potestatis, decimæ vero in commodum, & sustentationem ministrorum, & protectio divini domini est quasi annexa, & secundaria in hoc actu, nam aliis actionibus primario fit. Dicit etiam potest, ob hanc, & aliam rationem jus civile non admittit illam præscriptionem, jus autem Canonicum illam admittit in decimis, quia noluit cum majori rigore decimas imperare.

10 Circa hæc vero partem est advertendum ex mente D. Thomæ dicta q. 67. art. 1. & quolib. 6. art. 10. ad 2. quod docte animadvertit Soto dicto art. 1. in fine, hanc consuetudinem minuentem, vel tollentem solutionem decimarum, nunquam posse ita contra ecclesiam præscribi, ut priveretur ecclesia potestate imperandi decimas, etiam quoad quotam, non obstante tali consuetudine, quoties ad bonum ecclesiæ expedire judicaverit. Atque in hoc sensu verum est, præceptum decimarum non posse tolli, aut diminui per consuetudinem, nisi sit a pontifice approbata, vel saltem tolerata; est autem tolerata, quandiu pontifex illi non resistit, maxime si illam non ignoret. Verum tamen etiam si ignoret illam rationem juris communis, censetur eam approbare, neque enim necessaria est specialis approbatio, quæ prærequirit facti cognitionem; nullo enim jure hoc cavetur, & ex natura rei non est necessarium, ut probant omnia, quæ diximus. Sufficit ergo jus commune, quod frequenter in hac materia disponit, in decimarum solutione consuetudinem attendendam esse, ut patet ex cap. *Commisum*, c. *Cum sint homines*, & in c. *Delicti*, & c. *Apostolica*, de decimis; & idem probat dictum capitulum, in quibusdam, §. *Ille*. Sensus enim supra relatus necessarius non est, sed proprius intellectus esse videtur, decimam solvendam esse ex rigore legis quoad quotam: ubi autem minus solum fuerit, debere esse ex consuetudine approbata, censetur autem approbata, ut dixi, eo ipso, quod est legitimo tempore præscripta, & illi contradicendum non est per eum, qui habet legitimam potestatem.

11 Non obstante vero hoc jure communi, & quacumque consuetudine, etiam immemoriali, semper manet

Approbat
tur præce
dens opi
nio, & ex
plicatur
Obiectio
contra
primam
partem.

Unde ta
lis consue
tudo pos
set oriri.

Argumen
ta facta
non proce
dere con
tra supe
riorē sen
tentiam.

Impugna
tur Covar.

Quo sensu
verum sit
præcep
tum deci
marum
non tolli
per con
suetudinē.

In ecclesia est potestas ad imponendam decimam de novo, etiam contra consuetudinem.

Hoc solum ad summum pontificem spectat.

manet in ecclesia spiritualis potestas ad imponendam decimam de novo, etiam ubi nunquam soluta fuit, si iudicaverit, expedire. Hec autem potestas de facto non est in aliquo inferiori summo Pontifice. Itaque ubi est præscripta consuetudo non solvendi quotam decimæ, vel simpliciter, vel ex talibus rebus, non possunt Clerici sua auctoritate illam petere, vel exigere, & injuste facerent, si per coactionem vellent illam extorquere. Immo neque episcopi particulares, cujuscunque dignitatis sint infra pontificem, possunt imponere obligationem solvendi decimam contra consuetudinem receptam. Ratio est, quia hoc est contra jus commune, inferiores autem episcopi non possunt contra jus commune quicquam disponere, præsertim in re tam gravi, & quæ potest esse onerosa fidelibus, & scandalum generare, quando de novo introducitur. At vero in summo Pontifice semper manet integra hæc potestas: nam in primis semper potest juri communi derogare, & licite id facit ex legitima causa. Deinde potestas illa imperandi decimas, quam supra diximus pontificem habere, divina est & per nullam consuetudinem tolli, aut diminui potest. Et ideo sicut in principio, antequam esset in ecclesia hæc, vel illa consuetudo, potuerunt pontifices præceptum decimarum imponere, ita semper possunt, non obstante quacunque consuetudine. Unde licet semper possint cedere juri suo, vel ecclesiarum, vel conivere, aut privilegia concedere, ut capite sequenti dicam, nunquam potest seipsum private potestate condendi hoc jus, quando, & ubi expedire censuerit, neque subditi possunt ita præscribere contra hanc potestatem, quin teneantur consuetudinem relinquere, quoties pontifex illam reprobaverit, aut mutaverit, & hæc est communis resolutio, quam expresset tenet Anton. 2. p. tit. 4. c. 3. §. 16. & Silvest. ver. *decima*, q. 4. 5. *Quantum ad tertium*. Covar. dicto cap. 17. num. 12. & Gutierrez allegat plures d. cap. 2. l. num. 51.

2 Et juxta hæc intelligendus est D. Th. quando in dicto articulo 1. ad 5. ait, *eos, qui propter desuetudinem non solvunt decimas, non esse in statu peccati, nisi forte propter obstinationem animi habentes voluntatem non solvendi, etiam si ab eis petantur*. Duobus enim modis hoc potest intelligi: primo, quando adeo est obstinatus animus, ut licet clerici servientes ecclesiæ, non habeant congruentem sustentationem, & ideo illam petant, nihilominus fideles non sint parati ad illam dandam prætextu consuetudinis: nam hoc contra justiciam esset. Unde si fortasse ecclesia aliqua superiori tempore habebat prædia, vel alios redditus, ex quibus posset ministros sustentare, & postea per mutationem rerum & temporum ad pauperatatem perveniret, & ideo de novo petat decimas, sine dubio tenebuntur fideles illas solvere, saltem in ea quantitate, quæ ad sustentationem sufficiat, dummodo ipsis de necessitate constet, quia jam tunc illud incipit esse debitum justitiæ, & divini, ac naturalis juris, quod reddendum est, etiam sine intervenitu humani præcepti. Immo si ecclesia semper fuit indigens, & nihilominus antecessores parochi non petebant decimas, nec sustentationem, sed cedebant juri suo, & aliunde victum, ac vestitum, & necessaria sibi quærebant, postea vero succedentes Clerici nolint cedere juri suo, sed petant sibi sustentationem debitam, tenebuntur fideles eam præstare, & consequenter ubicumque status ecclesiæ est hujusmodi, quamvis decimæ sine peccato non solvantur, quandiu non petuntur, quia ita habet consuetudo, & quia censentur Pastores cedere juri suo, nihilominus tenentur fideles esse parati ad dandum saltem congrua, si petantur, & tunc procedit, quod D. Th. ait, illos esse in statu peccati, si sint obstinati in contrario proposito.

Cur D. Th. pariter eam forte addiderit.

13 Dixit autem forte, non quia jus sit incertum, sed quia factum potest esse dubium, id est, an ecclesia vere indigeat, & an non solutio decimarum fundetur in voluntaria cessione Clericorum, vel in alia recompensatione. Tamen supposita facti certitudine, obligatio satis certa est, quia contra naturale jus præscribi non potest, & quia liberalitas unius cedentis juri suo non potest successori præjudicium asserere, nec

obligare illum, ut etiam ipse cedat juri suo. Immo neque eadem persona, propterea quod aliquo tempore cessit, vel dissimulavit, obligatur, aut cogitur ad non petendum postea congruam sustentationem, si revera illa indiget.

14 Alio modo potest intelligi illud dictum D. Th. de petitione decimarum, etiam quoad quotam, quamvis non tota sit necessaria ad congruam sustentationem ministrorum talis ecclesiæ, vel provincie, vel etiam si petatur in minori parte nova tamen, & non solita solvi, neque propter novam mutationem, & penuriam in bonis ecclesiæ factam, sed solum propter universale ius ecclesiæ, eiusque potestatem. Et in hoc sensu erit hoc etiam verum in ordine ad potestatem pontificis, propter rationem supra factam, & quia ipse respicit universale bonum ecclesiæ, & ita potest statuere de novo aliquid, quod obliget particularem ecclesiam, vel provinciam, etiam si ibi non sit facta nova mutatio, neque occurrat particularis necessitas, quia universalis gubernator, & dispensator potest uti sua potestate propter universaliores causas. Qui ergo in huiusmodi Provinciis, ubi nunc est talis consuetudo non solvendi decimas, essent in animo obstinato non reddendi, etiam si a pontifice præciperentur, essent sine dubio in statu peccati mortalis. Si solum autem essent in proposito non dandi quotam decimæ, vel aliam partem non necessariam ad sustentationem, etiam inferioribus Clericis petentibus, tunc non esse in statu peccati mortalis. Et ita videtur clarius locutus D. Thom. in quodlibeto 2. artic. 8. dum ait, non obstante quocunque consuetudine, ecclesiam posse imperare decimas, & fideles debere esse paratos ad obediendum illi: nam per ecclesiam supremam eius potestatem intelligit, ut auctores citati recte intellexerunt.

15 Ex his, quæ diximus de virtute consuetudinis ad minuendam, vel abrogandam obligationem solvendi decimas ecclesiæ absolute, & simpliciter supposita aliunde sufficienti sustentatione ministrorum, sequitur a fortiori, posse consuetudine introduci mutationem, seu varietatem in circumstantiis (ut sic dicam) circa solutionem decimarum, ut verbi gratia, quod solvantur ex his rebus, & non ex illis, quod solvantur huic loco potius, quam illi, v.g. ecclesiæ, ubi quis habet prædia, vel ubi recipit sacramenta. Item quod solvantur hoc tempore, hac mensura, hoc modo potius, quam illo, ut v.g. quod solum solvantur, quando petuntur, vel etiam si non petantur, vel quod solvantur in arca, aut deferantur in ecclesiam, seu domum parochi, & similia: hæc enim omnia ex consuetudine pendent, ut iura supra citata docent, & in sequentibus in particulari dicemus. Ratio vero generalis est, quia iura nihil statuunt in particulari de his circumstantiis singulis, & consuetudo de se habet vim sufficientem ad introducendam humanam regulam in his rebus servandam, præsertim quando alia deest. Quod ideo addo, quia sub consuetudine comprehendi debent pacta, & conventiones humanæ, seu concordie, quæ in huiusmodi circumstantiis possunt transigi, & constitui inter laicos & clericos, dummodo sufficienti auctoritate confirmatæ sint. Nam si sint perpetuæ, episcopi consensum requirunt, si vero ad tempus tantum, vel vicam fiant, ex partium conventionem fieri possunt. Ut notat Glos. in c. *Ex multiplici*, de decim. per textum ibi, & c. *Suggestum*, & c. *Nuper*, eod. tit. & c. *Statuimus*, c. *Veniens*, de transact. Denique semper in his consuetudinibus supponendum est manere integrum ius naturale dandi sufficientem sustentationem ministris ecclesiæ: nam huic iuri nunquam potest consuetudo derogare, & hæc regula applicanda semper est ad particulares casus, quos infra attingemus.

16 Secundo sequitur ex dictis, posse aliquem usu, & consuetudine legitime præscripta liberari a debito solvendi decimas, vel ex parte, vel etiam in toto. Ita sentit Covar. dicto c. 17. num. 10. contra nonnullos Canonistas, quos ibi refert. Verumtamen illi Canonistæ fundabantur in opinione supra reprobata, quod consuetudo non possit decimarum debitum tollere. Suppositis autem iis, quæ diximus, nulla in hoc

2 Modus explicandi.

Possit e. b. consuetudine introduci varietatem in circumstantiis decimarum.

Possit per consuetudinem aliqui liberari a solvendis decimis.

hoc potest esse dubitatio, quia si consuetudo potest liberare ab hac obligatione totam communitatem, a fortiori poterit unam, vel aliam personam eximere quia minus est eximere unam personam, quam omnes. Item sicut consuetudo potest abrogare legem, ita & aliquem liberare ab obligatione legis humanæ: sed ostendimus, hanc legem decimarum quoad quorundam esse humanam, & ideo posse abrogari per consuetudinem; ergo eadem ratione potest limitari (ut sic dicam,) seu exceptionem pati quoad unam, vel aliam personam, supponimus enim per hoc non privari ministros sacramentorum congruenti sustentatione: hoc enim jus semper debet manere illis. Et ita sequitur Guttier, sup. n. 64. citans etiam Menchac, lib. 2. contr. illustr. ca. 59. num. 10.

Objeçio. 17 Sed objici solet, quia laicus non potest præscribere jus decimarum, id est, ut ei solvantur decimæ ab aliis; ergo nec potest præscribere jus retinendi decimas, quas ipse solvere deberet. Consequentia probatur. Quia hæc duo paria sunt, nam retinendo decimas, quasi a se ipso illas recipit: antecedens autem certum est apud Jurisperitos ex cap. *Causam*, quæ, de præscripti. ubi videtur esse expressa distinctio: & ratio est, quia laicus est incapax spiritualis juris, & persona incapax nunquam præscribit. Respondetur tamen negando consequentiam: nam longe diversa sunt acquirere jus decimarum, vel liberari ab onere solvendi decimas, illud enim prius est acquirere jus spirituale: nam jus obtinendi decimas spirituale est, onus autem solvendi decimas temporale, & ideo immunitas ab hoc onere in rigore tantum est quædam commoditas, vel libertas temporalis, quæ consuetudine præscribi potest.

Augetur
argumenti
vis

Respon-
detur.

Sed urgebis: quia videtur contra justiciam, quod is, qui fruitur ministerio, & labore alterius, non solvat stipendium; cur enim onus hoc aliis accrescat, cum non magis participant de hujusmodi ministerio, quam ille alius, qui decimas non solvit? Respondetur, posse hanc consuetudinem legitime præscriptam non esse contra justiciam, nam vel injustitia consideratur respectu parochi, vel respectu aliorum parochianorum, qui solvant decimas. At vero respectu parochi non est injustitia, quia supponitur habere congruentem sustentationem, & illius parum interest, quod ab hoc, vel ab ipso solvantur, integræ autem decimæ non debentur illi, nisi juxta consuetudinem præscriptam. Neque etiam respectu aliorum parochianorum intercedit necessario injustitia; tum quia fieri optime potest, ut licet alius non solvat decimas, ipsi non plus solvant: tum etiam quia potest interdum rationabilis causa intervenire eximendi aliquem privatum a communi onere aliorum, & quando invenitur consuetudo præscripta legitime, præsumitur, exemptionem illam ex aliqua legitima causa factam esse, immo etiam præsumitur, privilegium aliquod præcessisse, vel saltem bona fide reputatum semper esse, quia non est verisimile, pastores, & parochos, ad quos pertinebat jus talium decimarum, tanto tempore dissimulasse, & patienter tolerasse, non solvi sibi decimas sine aliquo iusto titulo.

C A P U T XIII.

De tempore necessario, ut consuetudo non solvendi decimas sit legitime præscripta.

Quanto
tempore
opus sit
ad præ-
scribendum
in deci-
mis.

Aliter de
communi-
tate lo-
quendum,
aliter de
particu-
lari in hac
materiam.

I Dicendum est in primis, in hac præscriptione servandam esse regulam capit. primi de præscriptionibus in 6. Oportere, talem consuetudinem immemorabilem esse, vel necessarium esse ostendere titulum, in quo talis præscriptio fundata fuerit. Nam ad præscribendum contra ecclesiam in his, quæ simul sunt contra jus commune, talis modus consuetudinis, & probationis ibi postulatur: hæc autem præscriptio, de qua loquimur, & est contra ecclesiam, & contra jus commune, ut constat; ergo in ea jus illius decreti servandum est. Et ita docent allegando alios, Covarruvias dicto cap. 17. n. 7. 8. & 10. & Guttierrez n. 65. & 67. & Molina tract. 2. de iust. disp. 75. Addunt vero iidem auctores, non esse eandem rationem de consuetudine totius communitatis in non solvendis deci-

mis, quia in illa sufficit tempus quadraginta annorum, etiam sine titulo iuxta capitulum ult. de consuetudine, adiuncta Glossa, verb. *Legitime præscripta*, & quæ ibi a Panormitano, & aliis norantur, & cap. *Auditis*, de præscriptionibus cum similibus.

Impugna-
tur tradi-
ta diffé-
ren-
tia.

2 Contra hanc vero differentiam ob stare videtur ratio supra facta, quod facilius videtur eximere unam personam ab onere solvendi decimas, quam totam communitatem: si ergo ut prævaleat consuetudo totius communitatis contra debitum decimarum, sufficit tempus quadraginta annorum absque alio titulo, cur in privata persona ultra tempus quadraginta annorum postuletur titulus, & deficiente titulo, immemorialis consuetudo requiritur? Ad hoc respondent di. & auctores, & rationem diversitatis reddunt, quia peculiaris persona non eximitur ex vi solius consuetudinis, sed ex vi præscriptionis: communitas autem eximitur ex vi consuetudinis absque præscriptione, & ideo præscriptio privatorum regulanda est juxta ius statutum in dicto capite primo, de præscriptionibus in sexto, quod de præscriptione contra ecclesiam, quæ si resistente iure, expresse loquitur. Illud autem ius, cum odiosum quodammodo sit, & restringens, non est extendendum ad consuetudinem, quæ non est præscriptio, qualis est consuetudo totius communitatis de non solvendis decimis. Cum ergo iuxta ius commune ad talem consuetudinem sufficiat tempus quadraginta annorum cum aliis conditionibus requisitis, ut suum effectum habeat, idem dicendum erit de consuetudine communitatis non solvendi decimas.

Responso

3 In hac vero resolutione, quam veram existimo, statim occurrit illa difficultas cur, vel in quo præscriptio a consuetudine distinguatur: quia præscriptio essentialiter videtur includere consuetudinem, cum nihil aliud sit, quam ius quoddam usu longi temporis bona fide acquisitum; usus autem longi temporis, & consuetudo idem esse videntur, & e contrario omnis consuetudo debet esse legitime præscripta, ut vim habeat, ut dicitur in dicto cap. ultim. de Conf. Omnis ergo consuetudo præscriptionem aliquam inducit. Quæ est ergo illa differentia? Et quæ reddi potest ratio, ob quam ad consuetudinem non solvendi decimas sufficiat tempus quadraginta annorum absque titulo, non vero ad præscriptionem? Item, cur immunitas privatorum a debito decimarum vocatur præscriptio, & non liberatio, & immunitas totius immunitatis? Quod enim aliqui respondent, præscriptionem, & consuetudinem differre, quod præscriptione ius acquiritur privatis personis, consuetudine autem communitati, & est petitio principii, & ad summum est quædam vocabulorum accommodatio, non vero declarat rationem, ob quam plus in privata persona, quam in communitate postuletur. Eo vel maxime quod etiam communitas potest præscribere tam contra aliam communitatem, quam contra personas privatas, ut civitas contra civitatem, & contra cives, ut est res clara.

In quo
differant
consuetu-
do, & præ-
scriptio.

Responso
quorundam
impugnans
tur.

4 In hac differentia assignanda inter consuetudinem, & præscriptionem laborant iurisperiti cum Glossa in cap. ult. de consuet. & in cap. ult. 18. q. 2. Covarruvias allegans alios in regula *Possessor* 2. p. §. 3. n. 2. & Matienzo in lege 1. tit. 7. lib. 5. novæ recopilat. Gloss. n. 3. Molina libr. de Primogeniis cap. 6. numer. 10. Guttierrez, qui alios etiam refert dicto cap. 21. nu. 68. & seqq. Omissis vero variis differentiis, quas ibi assignant, breviter dicendum videtur, si ad usum tantum terminorum attendamus, variam, & multiplicem esse, nam interdum consuetudo consummata vocatur præscriptio, & e converso, ut ex Paulo de Castro notavit Guttierrez supra. In rigore vero illæ duæ voces videntur se habere, ut generalis, & specialis; nam omnis præscriptio consuetudo quædam est, ut ratio supra facta probat, non tamen omnis consuetudo est præscriptio, ut statim declarabimus. Hinc ergo est, ut consuetudo soleat interdum a præscriptione distingui applicando genericum nomen uni speciei, prout est Dialecticis consuetum, & hoc modo loquuntur auctores citati in præsentis puncto.

Assigna-
tur différen-
tia.

5 Differentia autem, quæ constituenda videtur in-

ter

Preter-
prio est
quid facti,
consuetu-
do autem
est quid
iuris.

ter prescriptionem, & consuetudinem, & ad rem præ-
sentem maxime facit, est, quod præscriptio videtur
esse quid facti (ut sic dicam); consuetudo autem quid iu-
ris, accipiendo ius, prout ad legem pertinet, quia
etiam illa vox æquivoca est. Nam ius interdum sumi-
tur pro lege, interdum vero pro facultate utendi, vel
non utendi aliqua re, ut est dominium, vel servitus,
& alia huiusmodi. Et ius hoc posteriori modo sum-
ptum vocamus quid facti, quia non constituit legem,
nec aliquid illi æquivalens, sed respicit tantum domi-
nia, & potestates morales utendi rebus. Hoc ergo
modo dicimus prescriptionem esse quid facti, quia per
se non constituit, vel mutat ius legale, sed mutat do-
minia rerum, vel æquivalentia iura, quæ generaliter
loquendo consistunt in facultate utendi, vel non uten-
di rebus, consuetudinem vero specialiter sumptam di-
cimus esse quid iuris, quia proprie dicitur consuetudo
illa, quæ habet vim legis, vel quæ habet vim abro-
gandi legem, seu liberandi a iugo legis; nam semper
privatio ad habitum reducitur, & eiusdem ordinis re-
putatur. In qua differentia res ipsa satis nota est, nam
sine dubio invenitur ille duplex modus iuris, seu fa-
cultatis, ut constat ex materia de legibus, & iustitia,
& iure. Constat etiam, utrumque illorum posse usu,
ac frequentia actuum acquiri, ut ex eisdem materiis
manifestum est. Quod autem vocabula consuetudinis,
& prescriptionis ad illa duo significanda recte accom-
modentur, ex usu sapientium est etiam notum, suffi-
citque ad usum terminorum. Maxime cum non habea-
mus alias voces, quibus illa duo distincte significemus.

6 Ex hac ergo differentia expeditur optime difficul-
tas tacta, & redditur ratio discriminis supra consti-
tuti circa tempus prescriptionis privatæ personæ, vel
consuetudinis communitatis de non solvendis decimis.
Nam privata persona non potest liberari a lege decima-
rum per solam vim consuetudinis strictæ sumptæ, &
ideo ut liberetur, necesse est, ut proprie præscribat
cum omnibus conditionibus in iure requisitis ad ve-
ram prescriptionem talis rei. Ratio autem cur non
possit liberari per consuetudinem, est, quia unus tan-
tum personæ usus longævus non potest legem introdu-
cere, nam lex proprie respicit communitatem. Et ead-
em ratione privatus usus unius personæ non potest le-
gem abrogare, neque immutare, quia eiusdem ratio-
nis, & potestatis est ferre, aut abrogare illam, vel
in illa dispensare. Et hinc est, ut privata persona nun-
quam eximatur ab obligatione legis propter diuturnam
non observantiam eius, etiam si ex ignorantia invinci-
bili bona fide in illa perstiterit, sed quamprimum igno-
rantiam depulerit, incipiat lege obligari. Ergo per
privatam consuetudinem, ut est quid iuris, non potest
aliquis eximi ab obligatione præcepti solvendi decimas:
oportet ergo ut eximatur per prescriptionem, ut est
quid facti, id est, ut potest dominia rerum augere,
vel mutare, obligationes, & debita extinguere, ser-
vitutes introducere, vel ab illis liberare, & similia.

Diuturnus
usus com-
munitatis
habet vim
introdu-
cendi le-
gem.

7 At vero communitas potest liberari a iugo deci-
marum per consuetudinem, ut est quid iuris: & ra-
tio est, quia frequens, & diuturnus usus communi-
tatis habet vim introducendi legem, & ideo potest et-
iam illam abrogare, si legitimo tempore daret. Ad
abrogandam autem legem ecclesiasticam sufficit con-
suetudo quadraginta annorum, ut ex materia de legi-
bus notum est, ideoque etiam sufficit ad abrogandum
præceptum de solvendis decimis respectu talis commu-
nitatis, in qua illa consuetudo introducta tolerata est.
Immo sunt, qui putent minus tempus sufficere, ut lex
ecclesiastica per contraria consuetudinem abrogetur.
Sed hoc in generali pertinet ad materiam de legibus:
in hac vero particulari lege decimarum omnes aucto-
res hoc tempus requirunt. Estque securior sententia,
tum quia est iuri communi conformior, esto non sit
in illo satis; tum etiam quia illa consuetudo est in gra-
ve damnum ecclesiæ, & ideo temperanda est; tum eti-
am quia non potest prudenter præsumi in minori
tempore de tacito consensu pontificis, sine quo nihil
potest consuetudo illa operari. Ob dictam vero cau-
sam in communitate non petuntur conditiones ali-
æ ad prescriptionem requisitæ: non quidem quia
communitas etiam præscribere non possit: hoc enim

non est in universum verum, & ut objectiones pro-
bant, sed quia non oportet expectare rigorosam præ-
scriptionem: sed sola consuetudo sufficit, ut nota-
tum est.

8 Potest denique hæc ratio amplius explicari ex alia
differentia noranda inter prescriptionem, & consue-
tudinem, sumptæ eo modo, quo a nobis explicatæ
sunt. Nam ad prescriptionem requiritur bona fides in
præscribente ab initio temporis usque ad consumma-
tionem ejus: maxime secundum ius canonicum, ut
suppono ex toto titulo de Prescriptionibus, & ex pro-
pria materia. At vero ad consuetudinem abrogantem
legem non requiritur bona fides toto tempore illius.
Nam in principio quando consuetudo nititur contra
legem, solet inchoari cum mala fide, & per actus pra-
vos, utpote legi contrarios, ut omnes farentur, alias
nulla consuetudo humana posset legem positivam ab-
rogare. Ex hac ergo differentia sequitur, merito ad
prescriptionem non solvendi decimas in particulari
persona postulari immemoriam consuetudinem, aut
in illius defectum postulari saltem consuetudinem lon-
gi temporis cum titulo. Quia, ut præscriptio inducat,
requiritur bona fides, quando autem consuetudo est
immemoralis, præsumitur bona fides, etiam si de ti-
tulo non constat: quia sicut initium consuetudinis
extra memoriam hominum est, ita etiam facile potuit
oblivisci titulus, & ideo præsumitur bonus, cum
probari non possit malus; immo si conjectura uten-
dum sit, verisimilium apparet, tam diuturnum, &
constantem usum non potuisse sine bona fide introdu-
ci. Immo licet in principio male inchoatus fuisset,
postea potuit bona fide continuari, & ex quo coepit
bona fides, potuit etiam sufficienti tempore præscribi,
quia immemorale tempus totum hoc comprehendere
potest, & ideo totum præsumitur, quando aliud non
constat.

Ad præ-
scriptionem
requiritur
bona fi-
des, non
vero in
consuetu-
dine.

Quando
præsuma-
tur bona
fides in
consuetu-
dine, etiam si
non constet
de titulo.

9 At vero quando de initio consuetudinis constat,
& non apparet titulus, eo ipso merito præsumitur ma-
la fides, quia actus sine legitimo titulo factus contra
communem legem de se malus est. At vero actus ille,
quo inchoatur præscriptio, nisi habeat legitimam ex-
culationem, de se iniustus est, quia est, verbi gra-
tia, usus, vel detentio rei alienæ, & ideo nisi ostenda-
tur titulus, contra se habet prescriptionem, maxime
in præsentem, ubi non solvere decimas est contra ius
commune, & adeo grave, ut difficile dispenseretur, aut
privilegium contra illud concedatur. Item quia non
potest quis in eo casu justam causam oblivionis tituli
allegare, cum ipsummet initium consuetudinis im-
memorale non sit. At vero ad consuetudinem alicu-
jus communitatis de non solvendis decimis sufficere
censetur tempus quadraginta annorum absque alio ti-
tulo, quia, ut dixi, illa non est præscriptio, sed ali-
ud genus consuetudinis, in quo in principio non re-
quiritur bona fides, & ideo non postulatur præsumptio
ejus, sed si præcesserit, si non, consuetudo est
sufficiens ad derogandum legi, dummodo habeat alias
conditiones in tali consuetudine requisitas, & præ-
fertim quod sciente, & tolerante pontifice, ad eum
statum pervenerit. Et per hæc satis responsum est ad
difficultates omnes supra insinuatæ.

Quando
præsuma-
tur mala
fides in
consuetu-
dine.

CAPUT XIII.

*Quid possit Summus pontifex in remittendis, vel
dispensandis decimis.*

1 **E**X potestate Summi pontificis insurgit specialis
difficultas circa doctrinam capite undecimo
quæ hoc loco expedienda est, & simul declarabimus,
quantum extendatur potestas pontificia, vel prout in
ipso est, vel prout participatur ab aliis episcopis tam
circa jus decimarum, quam circa proventus, seu red-
ditus ipsos. Quod magna ex parte attingit materiam
de beneficiis, non tamen involvemus illam, sed tan-
tum nonnulla fundamenta jaciemus. Difficultas ergo
est, quia videtur sequi ex dictis, pontificem Sum-
mum posse abrogare totam legem decimarum, salva
tantum congrua sustentatione clericorum. Conse-
quens nulla ratione videtur admittendum, quia ef-
fet

Difficul-
tas an
pontifex
possit ab-
rogare
totam le-
gem deci-
marum.

secundam magnam perniciem ecclesiæ, & in destructionem, & non ædificationem; ergo, Sequela patet, quia dictum est, præceptum decimarum quoad quotam esse mere ecclesiasticum, solumque pertinere ad jus divinum naturale ratione congrui stipendii: pontifex autem potest abrogare totum id, quod est de solo jure ecclesiastico: quia totum pendet ex voluntate ipsius, quia per quam voluntatem introductum est, potest etiam tolli; nam si affirmatio est causa adæquata affirmationis, negatio erit negationis.

2. An possit liberare a decimis quemlibet ecclesiasticum sufficiens stipendium.

2. Secunda difficultas est, quia sequitur, posse pontificem sibi usurpare totas decimas quoad quotam, relinquendo ceteris inferioribus omnibus ecclesiasticis ministris solum certum stipendium sufficiens ad congruam sustentationem juxta uniuscujusque statum. Consequens est durissimum, & nullo modo admittendum. Sequela patet, quia pontifex habet in se supremam potestatem; ergo in rigore solum tenetur ad id, ad quod iure Divino naturali obligatur: nam positivum ipse potest mutare; sed dando aliis stipendium sufficiens satisfacit juri divino naturali; ergo usurpando reliqua contra nullam legem facit; ergo potest licite id facere. Tertia difficultas similis est, quia sequitur, posse pontificem suo arbitrio liberare, quem voluerit a debito solvendi decimas, & dare, cum voluerit, jus recipiendi illas, vel applicare illas ad hunc, vel illum locum, aut personam, ita ut etiam licite id faciat, si ex rationabili causa, vel saltem valide, etiam si absque illa pro sola voluntate faciat: Consequens autem non est admittendum; ergo. Sequela probatur eodem modo, quod alix, quia in omnibus illis factis nihil est contra jus naturale, sed tantum contra ecclesiasticum.

3. An possit liberare a decimis quemlibet pauperem.

3. Circa questionem hanc multi ex Canonistis doctores, summum pontificem non posse tollere in totum, seu absolute, & simpliciter præceptum de decima solvenda, etiam quoad quotam; sed solum posse eximere aliquem ab hac obligatione, & concedere huic, vel illi usum, aut jus decimarum. Ita tenuit Glossa in cap. *Anobis* de decimis. Quam scribentes fere sequuntur Hostiensis, Joann. Andr. Panorm. & alii in mibi, tum etiam in cap. *Licet*, & c. *Ad audientiam*, & c. *Ex parte tua*, eodem titulo. Fundantur autem quoad primum dictum in hoc, quod præceptum decimarum est divinum, & ideo non potest in totum abrogari a papa. Confirmant hoc, & declarant, quia Deus ipse retinuit sibi decimas in signum universalis dominii, juxta cap. *Tu nobis*, de decimis: Non potest autem papa facere, quin homines recognoscant Deum, ut universalem Dominum.

4. An possit liberare aliquem a decimis.

4. Nihilominus vero addunt, posse pontificem eximere aliquos particulares ab onere solvendi decimas, quia potest, inquit, remittere ex parte ius divinum, & naturale. Ponit Glossa illa exemplum in iure liberatis humanis, quod naturale est; & ideo non potest in totum tolli; non enim possunt omnes homines fieri servi, potest autem ex parte remitti, quia possunt aliqui in servitutem redigi. Aliter vero Pan. & Host. cum existiment, præceptum hoc decimarum pertinere ad moralia, differentiam constituunt inter illud, & alia moralia, quod alia non possunt per pontificem tolli, nec remitti, quia continent immutabilem honestatem. In hoc autem præcepto duplicem distinguunt considerationem: una est, quatenus ordinatur ad recognitionem supremi dominii Dei, & hac ratione dicunt, non posse tolli omnino a papa. Alia consideratio est, quatenus concernit commodum clericorum; & hac ratione dicunt posse ex parte, & quoad aliquas personas remitti. De tercio autem puncto, scilicet de potestate applicandi decimam ad hanc, vel illam personam ait Panormitanus, rem esse claram, quando personæ sunt ecclesiasticæ, quia ibi nihil fit contra præceptum divinum, seu ad summum contra ecclesiasticum. Si vero decimæ conferantur laico est inter Canonistas nonnulla dissensio, quam in sequentibus attingemus: nunc de duobus primis punctis pauca dicenda sunt.

Refellitur primum Canonistarum dictum.

5. Primum ergo dictum Canonistarum falso nititur fundamento, quia, ut ostendimus, totum hoc præceptum decimarum non est de jure divino mere posi-

tivo, quia jus positivum legis veteris omnino cessavit; in lege autem evangelica nullum est jus positivum divinum de decima quoad quotam: Et licet inveniantur jus evangelicum de decima sustentationis, illud non est proprie positivum, sed est explicatio juris naturalis, quod in ecclesia locum habet supposita institutione ejus, & ministrorum illius. Ex hoc ergo iure divino solum potest colligi, pontificem non posse dispensare, aut efficere, quominus ministris evangelicis congrua sustentatio debeat, quia hoc est contra jus naturale. Si autem ipse alio sufficienti modo provideat clericis, & ecclesiis de sustentatione congrua, ex illo principio non potest ostendi, hoc esse extra pontificis potestatem. Nec confirmatio illa de recognitione universalis dominii divini alicujus momenti est; nam licet sit de jure naturali hæc recognitio, & protestatio illius per aliquod signum sensibile, determinatio autem hujus signi per solutionem decimæ non est de puro jure naturali, ut est evidens ex dictis in principio hujus libri. Quod si illa determinatio facta est in lege veteri, quoad illam fuit jus illud positivum, & temporale, licet divinum; & inde jam nunc non obligat, ut lex divina fuit. Ac subinde si talis determinatio nunc etiam est in lege gratiæ, solum est, in quantum ecclesia vult illam facere, & in ea imitari antiquum jus divinum; & ideo quantum est ex hoc capite per eandem ecclesiam poterit talis determinatio auferri, & constitui, ut illa recognitio universalis dominii Dei fiat per alias oblationes, vel contributiones, præterquam quod etiam fit per divinum sacrificium.

6. Præterea in secundo puncto non satis constanter loquuntur. Nam verum jus divinum, ut supra dixi, non solum non potest in totum auferri, verum etiam nec diminui circa propriam materiam suam. Quod in primis clarum est in jure naturali, seu morali proprio, i.e. quod ex se necessarium est, seclusa omni lege positiva divina, & humana: nam quod est contrarium tali juri naturali intrinsece malum est, & prohibitum, quia malum, non malum, quia prohibitum; & ideo in quocumque individuo semper est malum, quia semper secum deferret intrinsecam rationem suam; ergo tale jus non solum in totum, sed etiam quoad quancumque partem immutabile, & irremissibile est, maxime per potestatem homini concessam. Neque exemplum adductum a Glossa ad rem facit, quia, quod homines sint liberi, & non servi, non est de jure naturali præceptivo (ut sic dicam) sed de jure naturali concessivo, seu creativo (ut sic etiam rem declararem): si enim puram naturam hominis consideremus, ab illa habent homines naturaliter, ut liberi procreentur. Non est autem aliqua lex naturalis, quæ præcipiat, ut homines in illa libertate conserventur, aut generentur semper. Et ita cum jus libertatis dicitur naturale, illud ius non est proprie legale, sed dominativum, ut supra in simili distinximus; quia videlicet dominium libertatis, seu propriarum actionum naturale est, & ideo auferri non potest, nisi ex legitima causa, & potestate: nam quod hoc modo auferatur, non est prohibitum præcepto naturali. Et in idem cedit, quod alias dici solet, libertatem esse de iure naturæ negative non affirmative, quia lex naturalis non facit hominem servum, neque etiam positive præcipit, ut semper sit liber. In illo ergo exemplo nec tollitur, nec remittitur jus naturale præceptivum, de quo tantum in præsentī sermo est.

Re fellitur secundum punctum.

7. Differentia autem a Panormitano, & Hostiensis assignata inter hoc præceptum, & alia moralia, subsistere non potest, supponendo, ut supponunt, hoc etiam præceptum morale esse. Nam si ius naturæ determinate præcipit, ut homines habentes fructus terræ, solvant Deo quasi tributum decimæ partis in recognitionem universalis dominii eius, nullus hominum poterit eximi ab hac lege, sicut nullus alius eximi potest a lege honorandi parentes, & sicut nullus hominum potest eximi a lege colendi Deum cultu externo illi naturaliter debito, quicumque tandem ille sit. Quapropter ex illo principio non solum deberent concludere, hanc recognitionem divini dominii non posse in universum auferri, vel diminui, nec posse diminui, aut aliquem ab illa eximi. Ve-

Differentiam supra traditam non subsistere.

Verumtamen quia jus illud quoad talem determinationem, ut dixi, naturale non est, ideo quantum est ex hoc capite non minus in totum auferri, quam ex parte remitti potest. Addo, quod licet hoc jus esset positivum divinum, nihilominus dicendum jam esset, non posse ex parte remitti magis, quam auferri in totum, quia non potest pontifex dispensare in iure divino positivo, nisi fortasse in casu sibi specialiter concessio. Unde sicut non potest auferre præceptum divinum confitendi, vel communicandi, ita non potest cum aliqua persona in talibus præceptis dispensare. Dices: posse pontificem remittere decimas debitas ecclesiæ, etiam si debeantur iure divino, quia hoc non est dispensare in præcepto divino. Respondeo in primis, hoc non satis esse, ut dicatur remittere ipsum jus divinum in parte. Nam hoc modo quilibet parochus, vel beneficiatus habens ius ad decimas, potest eximere aliquem remittendo ius suum: nam ibi intervenit quædam virtualis donatio, & consequenter ex parte alterius præcedit virtualis solutio, per quam servat præceptum solvendi decimas. Deinde illa remissio facienda a pontifice solum haberet locum in decimis ad ipsum speciali titulo pertinentibus, qui non faceret illam per potestatem supra legem decimarum, sed per ius proprium, seu dominium, quod haberet circa tales decimas.

Objectioni
ni respon
deatur.

Pontificis
potestas
dupl. specari.

8 Omittis ergo fundamentis illius doctrinæ, & supposita communi sententia Theologorum supra explicata circa modum, quo decimæ sunt de iure divino, vel ecclesiastico, advertendum ulterius est, potestatem pontificis quoad jurisdictionem, seu administrationem ecclesiasticam, duobus modis spectari posse. Primo secundum se, seu nude sumptam, quomodo dici potest quædam absoluta potentia: secundo prout subest directioni, & regimini Spiritus sancti, quomodo dici potest potentia quædam ordinata. Rursum in usu huius potestatis distinguendum est inter licitum, & validum. Multa enim per potestatem jurisdictionis hunc, quæ licet illicite fiant, facta tamen, Quamquam e converso nihil fiat invalide, quin etiam illicite fiat, per se loquendo, seu nisi ignorantia excuset, quia semper ibi intervenit illicita usurpatione jurisdictionis, seu potestatis, quæ non habetur. Optimus autem usus potestatis est, quando & est validus, & licitus.

Pontifex
quomodo
valere
possit de
decimis
tolle
re.

9 Dico ergo primo, pontificem absolutam potestatem utendo posse omnino obligationem decimarum tollere, ita ut si id faceret, factum teneret, quamvis male faceret, salvo tamen semper naturali iure alendi ecclesiasticos ministros. Ita docent communiter Theologi supra citati, quos Covarr. Guttier. & alii moderni Canonistæ sequuntur ex principio posito, quod hæc obligatio est de iure ecclesiastico; potest autem pontifex auferre totum ecclesiasticum præceptum, quia semper pendet ex eius voluntate, non ut talis, vel talis persona est, sed ut pontifex est. Si ergo per impossibile daretur casus, in quo pontifex totum hoc præceptum abrogaret, laici non tenerentur ad quotam decimæ solvendam, neque in rigore ad aliquam determinatam partem fructuum, sed retinerent tantum naturalem obligationem alendi ministros suos: hanc enim auferre non potest pontifex, etiam si universa ecclesiastica præcepta everteret per impossibile (ut dixi). Et consequenti ratione si in eo casu pontifex non determinaret modum alendi ministros, episcopi possent, & deberent illum determinare, quia sunt ordinarii pastores, & habent sufficientem jurisdictionem, nisi impediantur. Quod si ipsi etiam hoc facere omitterent, tunc ipsi nec fideles prudenti arbitrio possent modum illum determinare, præsertim per modum compositionis cum clericis divina ministrantibus. Et iuxta hanc assertionem, & sensum eius existimo, intelligendos esse auctores modernos dicentes, posse pontificem remittere decimam, reducendo illam in vigesimam, aut trigessimam partem, non tamen posse in universum præceptum de decimis auferre, ut videre licet in Soto dicto libr. 9. de just. quæst. 4. artic. 1. Covarr. dicto cap. 17. a num. 9. Guttierrez dicto cap. 21. n. 30. qui alios allegant. Intelligunt autem,

ut aperte explicant, non posse auferre in totum præceptum decimarum, quatenus continet sustentationem necessariam ministrorum, vel nisi hæc aliunde suppleatur. Posset etiam id interpretari juxta sequentem assertionem.

10 Dico secundo, simpliciter loquendo, non posse pontificem legem decimarum in totum abrogare, etiam quatenus ecclesiastica est. In hoc Canonistis assensior, Theologis non repugnantibus, ut ex declaratione patebit: nam in primis certum est, talem abrogationem non posse licite fieri, quia non esset dispensatio, sed dissipatio reddituum ecclesiasticorum. Deinde talis usus supremæ potestatis a Christo data pontifici sine dubio cederet in gravissimum, & generale damnum totius ecclesiæ, non solum temporale, sed etiam spirituale; tum quia necessario fieret consequens, ut divinus cultus, & maxima ex parte minueretur, & fere in universum indecenter, vel sine convenienti ornatu, & honore fieret. Præterea ecclesiasticæ persone vilescerent, essentque veluti mercenarii operarii laicorum, & ita ab eis contemnerentur, & sæpe etiam cogerentur ad sacramenta indigne tractanda. Unde ulterius ipsimet Clerici habentes animarum curam, nec de illa essent multum solliciti, humano, & morali modo loquendo, neque in administrando suo munere auctoritatem, & libertatem necessariam habere possent. Tandem subventio pauperum, & miserabilium personarum magna ex parte periclitaretur. Hinc ergo magna cum probabilitate inferimus, cum ad providentiam Spiritus sancti pertineat, regere, & gubernare supremam potestatem pontificis, ut non erraret, saltem cum notabili, & communi detrimento totius ecclesiæ fieri non posse, ut eum huiusmodi abrogationem facere permittat. Hoc ergo modo dicimus simpliciter, non posse in totum tollere decimas, sicut etiam a libi diximus, non posse ecclesiasticam immunitatem abrogare, vel ecclesiasticas caeremonias auferre, aut similibus modis universalem ecclesiæ statum perturbare. Atque hic etiam loquendi modus consentaneus est modo loquendi ipsorum pontificum, ut constat ex c. *Litteras*, de restit. spoliar. cum similibus.

Quomodo
non possit
pontifex
decimas
legem ab-
rogare.

11 Dico tertio: Potest Summus pontifex in particulari eximere aliquos a solutione decimarum, non tantum cedendo juri suo, sed dispensando, vel in præcepto ipso solvendi decimas, vel in usu, & applicatione ipsorum fructuum decimarum. Tota hæc assertio communis est, & satis certa ex usu ipso, & praxi pontificum: frequenter enim hæc privilegia conceduntur, ut colligitur ex c. *Anobis*, & c. *Ex parte* de decimis, & ex cap. *Nuper*, eodem titulo eadem potestas colligitur, quamvis similia privilegia ibi aliquo modo restringantur. Eadem potestas colligitur ex c. 2. de ecclesiis ædificandis, & ex c. ult. *Ut lite pendente*, & ex variis privilegiis religionibus concessis, quæ interdum satis ampla sunt, & juri etiam communi derogant, quæ fortasse inferius tractando de statu religionis explicabimus: hic enim provinciam hanc non assumimus, ne doctrinæ ordinem pervertamus. Videri potest interim Joannes Azorius in 1. tom. lib. 7. c. 37. q. 6. 7. & 8. Ratio denique est, quia præceptum solvendi decimas, ecclesiasticum est, ut sæpe dixi, & ideo per potestatem ecclesiasticam possunt aliqui eximi ab ejus obligatione. Dices, præceptum hoc naturale esse saltem quoad decimam sustentationis; ergo dispensatio Pontificis non poterit omnino eximere a decimis solvendis, saltem quoad sustentationem. Respondeo quamvis naturale jus dicat, dandam esse ministris congruentem sustentationem, non tamen dicere, ut detur ab omnibus, & singulis personis seu membris communitatis; ideoque potest pontifex eximere omnino aliqua membra in particulari, dummodo ex decimis, quas alii solvunt, habeant ecclesiastici ministri congruam sustentationem, vel aliunde eis sufficienter sit provisum; hæc enim conditio semper subintelligenda est, ne illam repetere necessarium sit.

Pontifex
potest etiam
aliquibus
dispensare
in decimis

12 Et ex ratione data constant aliæ partes assertionis, scilicet, hoc privilegium non concedi per modum donationis, seu cessionis ex rebus propriis, vel pertinentibus ad proprium, & speciale jus pontificis.

Nam

Nam constat generaliter, privilegia concedi respectu cuiuscumque ecclesiæ, episcopatus, vel beneficii. Datur ergo per modum dispensationis in lege communi, ut probatum est. Vel certe intelligi etiam posset per modum applicationis talium decimarum ad usum, & sustentationem eorum, quibus tale privilegium conceditur, ut in privilegiis religiosorum facile considerari, & credi potest. Unde circa huiusmodi dispensationes, ac privilegia in primis necessaria est iusta causa, saltem ut licite concedantur; quia dispensatio in lege communi causam iustam requirit, ut licite fiat, sicut in materia de legibus constans est. Maxime vero est necessaria talis causa, quando dispensatio redundat in aliquod præjudicium, vel gravamen aliorum, ut in præfenti contingit; nam exemptio aliquorum a decimarum solutione minuit redditus ecclesiasticorum. Quocirca, etiamsi hæc dispensatio consideretur, ut distributio, & applicatio reddituum ecclesiasticorum, magnam causam requirit, ut aliis applicentur, quam illis, quibus ex communi, & ordinario jure competeant. An vero hæc causa necessaria sit etiam ad valorem concessionis, statim dicemus. Est enim ulterius considerandum, qualis sit persona, quæ a solutione decimarum eximitur: potest enim esse vel ecclesiastica, vel laica.

ro sit etiam necessaria ad valorem eius, in sequenti capite dicemus,

CAPUT XV.

An privilegium de non solvendis, vel de recipiendis decimis sine causa laico concessum validum sit?

I Dicemus prius de privilegio non solvendi decimas. Illud enim sine causa concessum laico esse invalidum, tenet Anton. in dicto cap. *A nobis*. Fundaturque in hoc, quod talis exemptio derogat iuri divino decimarum; dispensatio autem, quæ attingit jus divinum, si absque causa detur, invalida est, ut patet in voto, & juramento, in quo ipse ponit exemplum. Sequitur hanc opinionem Panor. ibi dicens, sic privilegiatum non esse tutum in conscientia ex remissione papæ: quia licet papa (inquit) habeat plenitudinem potestatis, debet tamen facere sicut diligens pater familias, dispensando unicuique, prout opus est. Cajer. etiam capit. prim. 16. quæst. 7. sed ibi nihil agitur de potestate pontificis, sed de retentione, vel usurpatione decimarum propria auctoritate: Panormitanum vero sequi videtur Silvester ver. *Decima* q. 5. ubi refert Innocentium, & alios.

2 Hæc autem sententia communiter non videtur probari ab aliis auctoribus, qui simpliciter asserunt, posse pontificem eximere quoscumque fideles a solutione decimarum, dummodo id fiat sine præjudicio naturalis juris sustentandi congruentem ministris ecclesiæ, & licet in particulari non definiant, validam esse exemptionem in dicto casu, tamen ex eorum principiis colligi videtur: quia tota hæc dispensatio est tantum in jure ecclesiastico, & non in divino positivo, vel naturali. De positivo est res clara, quia nullum est jus divinum a Christo specialiter traditum, quod omnes christiani in particulari obliget ad decimas solvendas. De naturali probatur, quia (ut supponimus:) per exemptionem unius non gravantur alii solventes decimas (quod videri posset contra naturalem iustitiam:) quia non plus solvunt, quam si alter non esset exemptus. Neque etiam fit propria injuria ecclesiæ, quia nondum habet jus in decimis solvendis, priusquam solvantur: & quod talis persona in particulari teneatur solvere decimas, non est debitum ecclesiæ ex iustitia, sed ex solo præcepto ecclesiæ; ergo exemptio alicujus ab hoc præcepto, licet sit illicita, non est contra iustitiam commutativam respectu ecclesiæ; ergo talis dispensatio ex hac parte non est contra jus naturale; ergo nec est invalida ex tali capite; ergo simpliciter valida est, quia licet sit illicita ex suppositione præcepti communis ecclesiastici, & ex defectu causæ legitimæ, hoc non satis est ad nullitatem. Et confirmatur: nam laicus potest præscriptione acquirere hanc exemptionem, ut diximus, neque ad valorem talis præscriptionis specialis causa examinatur, aut postulatur: ergo signum est, hunc effectum tantum derogare iuri ecclesiastico, ac subinde posse fieri a pontifice valide, licet inordinate fiat. Dixi autem, *dummodo id fiat sine præjudicio*, &c. quia si propter talem exemptionem ecclesia tantam indigentiam pateretur, ut non posset ministros, & fabricam sufficienter sustentare, tunc privilegium non excusaret, quominus privilegiatus teneretur solvere decimas saltem ad hunc finem necessarias, ut satis constat ex hæcenus dictis.

3 Major difficultas est, quando ex decimis, quæ revera solvuntur ecclesiæ a fidelibus, magna pars applicatur aliquibus laicis per pontificem. In qua supponimus in primis, posse pontificem non solum ecclesiis, vel personis ecclesiasticis, sed etiam laicis applicare aliquam partem decimarum & valide, & licite, si iusta sit causa. Ita docent omnes, & constat ex usu. Ratio vero est, quia licet laicus sit incapax spiritualis juris, non est tamen incapax fructuum decimarum, qui temporales sunt: pontifex autem est supremus dispensator horum fructuum; ergo potest illos applicare cuicumque personæ capaci, si secundum rectam, & convenientem causam expedire judicaverit.

Potest pontifex applicare partem decimarum a laicis personis, etiam laicis.

Validam esse exemptionem a pontifice factam sine causa.

Dispensatio in decimis requirit iustam causam.

Exemptio a decimis ecclesiasticis facile potest concedi.

Privilegium hoc sine causa concessum adhuc est validum.

Quomodo laici possint concedi hoc privilegium.

13 De ecclesiasticis indubitatum est apud omnes, facile posse illis hanc exemptionem concedi, ut advertunt Anton. & Panorm. in c. *A nobis* de decimis. Immo si quis recte consideret iura omnia, & indulta, quæ supra ad hoc confirmandum allegavimus, inveniet, per illa omnia concedi hoc privilegium ecclesiasticis personis; nam religiosi omnes in hoc ordine continentur. Unde certum existimo, privilegium hoc ecclesiasticis concessum validum semper esse absque alia extrinseca causa, tum quia ipsamet subventio personarum ecclesiasticarum, vel alicuius particularis ecclesiæ est causa iusta, & quasi intrinsece inclusa in hac dispensatione; tum etiam quia per hoc privilegium non immutatur generalis ratio, & quasi adæquatus finis, & per se intentus in decimis, qui est divinus cultus, & sustentatio ministrorum Dei, ac pauperum; sed immutatur particulare ius applicandi hanc partem decimarum huic ecclesiæ, vel illi, his personis, vel illis: hoc autem licet aliquam causam requirat, quatenus per tale privilegium aliquo modo ius commune immutatur, tanto vero minor causa sufficit, quanto minor est immutatio. Præcipue tamen cavendum est, ne tale privilegium cedat in aliorum scandalum, vel rationabilem querimoniam, iuxta capitulum *Suggestum* de decimis. Nihilominus tamen etiamsi in hoc Summus pontifex interdum sit nimium liberalis, ita ut excedat iustitiam causæ, ac denique licet in tali concessionem peccet; nihilominus censeo, privilegium esse validum, quia contra nullum divinum ius est, nec contra naturale: semper enim suppono, ecclesiæ, & clericis relinqui sufficientes redditus; & ita in rigore non fit illis iniuria contra iustitiam commutativam, licet fiat contra legalem, & fortasse etiam contra prudentem distributionem, & fidelem dispensationem. Et in hoc etiam videntur convenire Anton. & Panorm. supra.

14 At vero in personis laicis habet hoc privilegium nonnullam maiorem difficultatem; quia per exemptionem earum non hæc, vel illa ecclesia, aut hæc, vel illa pars personarum ecclesiasticarum, sed in universum totum ecclesiasticum corpus illis ecclesiasticis redditibus privatur. Quod videtur esse magnum præiudicium ecclesiæ, & contra ipsam institutionem decimarum. Unde ex nullo iure canonico (quantum invenire potui) probari potest tale privilegium laicis concessum. Nihilominus certum est, ex iusta causa posse hoc privilegium concedi laicis. Probat; primo, quia per hoc non læditur ius divinum, vel naturale: ergo non est, cur potestas papæ ad hoc non extendatur. Secundo probatur a fortiori; quia Laico potest pontifex concedere decimas, quas alii solvunt ecclesiæ: ergo ex simili, vel proportionali causa potest idem pontifex laico concedere, ut decimas non solvat, sed sibi retineat. Ut autem tale privilegium licite concedatur, iusta causa necessaria est, ut ex dictis constat: an ve-

Potest autem hæc causa esse vel pia subventio personæ vere indigentis, & dignæ tali subsidio, vel adiutorium alicuius principis ad defendendam ecclesiam, vel gratitudo pro magnis laboribus pro ecclesia susceptis, & aliæ similes. Quod totum ex frequenti usu ecclesiæ manifestum est.

Applicatio ad personas ecclesiasticas valida est, etiam sine causa sufficiente facta.

4 Denique solum quærimus de laicis; quia quando hæc distributio, vel applicatio fit inter ipsas ecclesias, vel personas ecclesiasticas, aliter tamen, quam in iure comuni ordinatum sit, tunc etiam videtur certum, applicationem esse validam, etiam si absque sufficienti causa fiat, non sine aliqua culpa, vel inordinatione. Ratio est, quia etiam tunc fit dispensatio tantum in iure ecclesiastico, & si aliquis defectus ibi committitur, non est in rigore contra iustitiam commutativam, & ideo non sufficit, actum facere invalidum. Quod totum constabit ex sequenti puncto, in quo major difficultas.

Applicatio facta laico sine causa, nulla est.

5 Ultimo ergo videtur dicendum, largitionem decimarum factam laico per modum dispensationis, vel applicationis pontificiæ sine causa pietatis, quæ honestæ actionem, esse in conscientia nullam, & non reddere tutum nec pontificem applicantem, nec eum, cui applicatur. Hæc assertio ex hypothese tantum procedit ad veritatem explicandam: credendum est enim, pontifices, quoties has decimas distribuunt, habere rationabiles, & pias causas; & ideo, qui has gratias recipiunt, si bona fide procedant, & veram informationem causarum tribuant, securos posse esse in conscientia, præsumendo semper legitimam esse concessionem. Dicimus nihilominus, si contingat, talem dispensationem fieri sine causa, solum ex humano affectu, vel prodigalitate quadam; & hoc constet recipienti gratiam non reddere illum tutum in conscientia. Hoc a fortiori sumitur ex sententia Panormitani, & Anton. supra citata, & ex eorum fundamento, nimirum, quia hoc repugnat aliquo modo iuri divino naturali. Quod tamen fundamentum longe aliter, quam ipsi sentiant, nos explicamus. Non enim agimus de præcepto ipso solvendi decimas, sed de alio divino iure, quod illo posito resultat. Quod in primis declarari potest iuxta opinionem eorum, qui dicunt, decimas, & redditus omnes ecclesiasticos ipsi Deo immediate donari, & sub illius dominio tantum esse; homines vero, etiam pontificem, tantum esse illorum dispensatores. Nam ex hoc principio optime sequitur, dispensationem talium bonorum contra Dei voluntatem factam esse nullam, utpote contra veri domini voluntatem, & ultra illius commissionem; talis enim est dispensatio, quæ fit sine causa legitima, seu ad pietatem pertinente. Confirmatur: quia dispensatio in his, quæ attingunt divinum jus facta sine causa legitima est nulla, ut constat in dispensatione voti: ergo similiter in præfenti applicatio est nulla, quia est contra jus Deo acquiritum.

Aliud fundamentum commodius assignatur.

6 Quia vero principium illud non est certum, nec fortasse verum, ideo possumus aliter rationem explicare, supponendo ecclesiasticos redditus sub dominio aliquo humano constitui, sive illorum dominus censetur esse determinata persona, cui ratione beneficii applicati sunt, sive ipsa communitas ecclesiæ, ad quam tales redditus pertinent, illique collati sunt, ut in divino cultu, & sustentatione ministrorum ejus, & pauperum, aliisque piis operibus consumuntur. Sic enim etiam papa non est dominus decimarum, seu ecclesiasticorum reddituum, his exceptis, qui illi in particulari ratione suæ dignitatis, & officii, seu beneficii applicati sunt, (de quibus hic nunc non tractamus.) Ergo contra iustitiam, atque adeo contra ius divinum naturale facit, quando decimas ex primæva institutione sua ecclesiæ tribuas ad prædictos fines in usus merer humanos, & profanos convertit, ac prodigit: est ergo talis elargitio nulla, quia etiam est contra voluntatem veri domini, & contra iustam intentionem eorum, qui decimas solvunt, ac denique sine potestate legitima facta; quia Deus non dedit pontifici potestatem dispensandi in dissipationem, sed in ædificationem. Neque in hoc juvenio obiectionem aliquam, vel rationem, quæ contrarium probabiliter suadeat.

7 Hinc vero obiter inferitur, quoties decimæ, seu fructus alicujus beneficii ita applicantur alteri loco, vel personæ, ut beneficiarius ipse, seu minister ecclesiæ debita sustentatione privetur, injustam esse applicationem, & nullam, saltem quoad partem necessariam ad congruam sustentationem ministri. Ratio est; quia talis actio est contra naturalem iustitiam, quæ dicitur, dignum esse operarium mercede sua: quæ ratio procedit, etiam si is, cui applicati sunt fructus, sit persona ecclesiastica, vel locus pius, quia semper committitur dicta injustitia. Unde fit, ut non obstante tali applicatione, teneatur is, cui tales fructus applicati sunt, congruenter alere beneficiarium, nisi pontifex ipse aliter illi provideat, vel conferendo ei aliud beneficium sufficiens, vel pensionem, vel ex propriis bonis illum sustentando. Pater, quia non potest aliter illa inæqualitas ad debitam æquitatem redigi. In quo tamen considerandum est, (ut latius dicemus infra tractando de horis canonicis) dupliciter posse aliquem recipere beneficium quoad titulum sine fructibus etiam ad sustentationem necessariis: uno modo sciens, & videns, ac libere consentiens, & tunc nulla illi fit injuria, ideoque obligatur satisfacere officio, propter quod beneficium datur, etiam si nullum emolumentum ei conferatur, quia voluntarie se obligavit suis expensis inservire, quando scienter tali modo beneficium accepit. Et hoc generale est in omnibus beneficiis tam curatis, quam habentibus ministerium aliquod annexum, sive omnino simplicibus, servata proportionem, quia ratio facta in omnibus militat. Alio vero modo potest quis recipere tale beneficium per deceptionem, & ignorantiam, & tunc non tenetur sine stipendio saltem sustentationis congruæ ministrare, quia nec se sponte obligavit, nec iuste cogi potest, ut involuntarie ita faciat sine aliqua extrema ecclesiæ necessitate. Neque etiam cogi potest, ut beneficium relinquat, si absque stipendio ministrare non vult, quia postquam illud recepit, est verus dominus, & habet ius illud retinendi debito modo. Nec denique cogi potest, ut non inserviat, vel minister, ut sic pontifex, vel tertia persona, quæ fruitur decimis, liberetur obligatione sustentandi illum: tum quia si beneficium habeat curam animarum, illa deferenda non est, si vero habeat annexum aliud ministerium, vel servitium ecclesiæ, etiam est præstandum, quia non debet ecclesia privari servitio suo, maxime quando ad spirituale regimen, vel bonum commune spectat, & eadem ratione nunquam potest obligari beneficiarius ut non præstet officium proprium sui beneficii, ne jus ad propriam sustentationem acquirat, quia hoc semper est & contra commune bonum ecclesiæ, & contra proprium jus, quod acquiritur ex vi tituli beneficii; talis ergo applicatio decimarum quoad hanc partem valere non potest.

Injustam esse applicationem si minister propriæ ecclesiæ sustentatione careat.

Sed quid si in eo casu nec papa, nec pensionarius provideat ministro ecclesiæ de congruenti sustentatione, & ipse nihilominus inserviat, tenebiturne populus, qui alias sufficientes solvit decimas, illum congruenter alere, augendo oblationes, vel alio modo illi providendo? Aliqui affirmant, tribuique solet Divo Th. 2. 2. q. 86. art. 1. quia affirmat, populum teneri ad alendum ministrum ex oblationibus, quando indiget; quæ est certa, & communis sententia, ut etiam supra a nobis dictum est: sed in eo casu sacerdos indiget, ut supponitur; ergo. Confirmatur primo; quia ille sacerdos non potest licite deferere ministerium suum, cum sit pastor ovium, nec tenetur gratis ministrare, & aliunde quærere victum; nam qui altari deservit, de altari vivere debet; ergo tenetur populus illum alere. Confirmatur secundo; quia ille populus simpliciter debet huic ministro sustentationem, & licet solvat decimas, illæ tamen cum effectu non perveniunt ad ministrum, nec ex illis sustentatur; ergo non satisfcit debito ejus; ergo semper manet apud populum obligatio implendi tale debitum. Sicut si debitor mittat per famulum pecunias debitas creditori, & famulus ei non tribuat, sed defraudet, tenebitur debitor iterum easolvere. Aliis videtur dura hæc sententia; quia populus ille semel jam solvit iustum stipendium suorum mi-

Si nec pontifex, nec pensionarius provideat ministro ecclesiæ, an populus ad id teneatur. Pars affirmativa.

ministeriorum per decimarum exhibitionem; ergo non potest iuste obligari, ut iterum aliat ministros, quia nemo tenetur duplicatum stipendium pro ministerio præstare. Item, qui semel misit debitam pecuniam creditori per ministrum ab eo designatum, vel admissum, vel certe publica auctoritate constitutum, etiam si per iniquitatem ministri talis pecunia cum effectu non solvatur creditori, non tenetur debitor iterum eam solvere; sic autem est in præsentī, & in hoc multum deficit exemplum in contrarium allatum. Denique onus sustentandi Vicarium, seu ministrum est quasi reale, & inhærens ipsis decimis, unde cum illis transit ad eum, cui conferuntur, vel ad pontificem, per quem applicantur; ergo non potest simul manere in ipso populo.

Dirimitur
quæstio.

9 In hac re primo certum est de iure, non teneri talem ministrum, sive beneficiarium, sive vicarium ministrare suis stipendiis, sed illi deberi de iustitia sustentationem ab aliquo. Secundo est certum, primum debitorem (ut sic dicam) hujus congruæ sustentationis esse illum, qui decimas recipit, sive ille habeat etiam titulum beneficii, & minister sit vicarius ejus, sive e contrario ipse minister habeat titulum beneficii, & alius recipiat omnes decimas per modum pensionis; utroque enim modo potest casus accidere. Et in priori est res clarius, quia ille est proprius pastor, & vicarius subit vicem eius; verum tamen etiam in posteriori modo assertio locum habet propter rationem supra insinuatam, quod decimæ transeunt cum hoc onere, quæ statim amplius confirmabitur. Tertio videtur etiam certum in casu, quem tractamus, scilicet, quando sine iusta causa decimæ alteri donatæ sunt, seu applicatæ per pontificem, ipsummet pontificem teneri secundo loco (ut sic dicam) ad ministrum alendum, id est, in defectum alterius, cui applicatæ sunt decimæ: quando nec ipse præbet congruam sustentationem, nec pontifex vult eum cogere. Tunc enim pontifex ipse tenetur, quia est prima radix, & causa illius iniustitiæ: unde non potest iterum gravare populum sine gravissima causa ad commune bonum pertinente. Difficultas vero superest quando neuter satisfaciit huic obligationi, an cadat in populum quasi tertio loco: nam pars quidem affirmans videtur sane proaabilis propter rationem priori loco factam: juxta quam dicendum esset, semper manere jus apud populum ad recuperandos hujusmodi sumptus, e converso eum, qui recipit decimas, & in defectum ejus pontificem, teneri ad resarciendum populo damnum illud, quia est causa eius contra iustitiam.

Non tene-
ri populum
in eo casu
ad sustentationem
ministri.

10 Nihilominus cenſeo contrariam ſententiam veriorē, ſcilicet non obligari populum ad præbendam ſuſtentationem in eo caſu, etiam cum dicto ordine: quam indicat Covar. lib. 5. Variar. cap. 17. num. 3. in fine, abſolute affirmans, non poſſe cogi in eo caſu populum ad alendum miniſtrum, citatque in eandem ſententiam Sorum libr. 9. de iuſt. quæſt. 3. artic. 1. qui non tam clare loquitur. Et quidem quando ille, qui ſervit beneficio, eſt vicarius alterius proprii beneficiarii, res eſt clara, quia jam populus ſatisfacit proprio paſtori: & vicarius non cum populo, ſed cum ipſo beneficiario paſciſcitur, propriæque eſt miniſter ejus, & ideo ab illo, & non a populo iniuriā patitur, quare populum gravare non poſteſt. Et ideo Concilium Trident. ſæpius providit de congrua portione vicariis designanda, & ſolvenda, ſeſſ. 6. c. 2. de reſor. & ſeſſ. 7. c. 5. & 7. & ſeſſ. 25. c. 16. Deinde licet proprius paſtor, ſeu beneficiatus ſit, qui miniſtrat & pontifex alteri injuſte applicuerit decimas, non relicta congrua ſuſtentatione miniſtranti, non eſt ad illam præſtandam populum gravandus, nec in conſcientia obligandus, quia revera ſolvendo decimas ſatisfecit ſuæ obligationi. Nec obſtat, quod non dederit ei, qui immediate ſervit tanquam proximus paſtor, quia ſatis eſt, quod dederit ſupremo paſtori, qui eſt etiam immediatus paſtor, ſi vult, aut debet de illo ſufficienter providere. Sicut etiam ſi rex non ſolvat ſtipendia debita prætoribus, vel iudicibus regni, non tenetur regnum illa ſolvere, quia iam ſolvit regi (ut ſuppo-

nitur) ſufficientia tributa, ut per ſe, & miniſtros ſuos regnum gubernet, & iudicet. Ad hunc enim modum ſe habet populus Chriſtianus reſpectu pontificis, nec poſſunt fideles aliter reddere ſuis proximis miniſtris ſuſtentationem ex decimis debitam; ergo ſi per ipſum pontificem impediatur, ne pars illa decimarum cum effectu perveniat ad beneficiatum miniſtrantem, non poſteſt obligatio illa iterum in populum recidere. Neque tunc cogitur beneficiatus ſine ſtipendio miniſtrare, nam ſemper habet ius ſtipendii, & papa, vel alius tertius ſemper tenetur illud ei præſtare: quod ſi non faciunt, & cogi non poſſunt propter potentiam eorum, non poſteſt propterea populus obligari ad reſarciendam iniuriā, quam alius committit.

ii Ultimo, eſt in fine huius cap. addendum, reliquos prælatos eccleſiæ inferiores Pontifice nullam habere poteſtatem circa iura decimarum immutanda, vel decimas ipſi aliter diſtribuendas vel applicandas, quam iure communi ſtatum ſit, vel legitima conſuetudine receptum. Concluſio eſt communiter recepta ab auctoribus in hoc, & ſuperiori cap. citatis, maxime ab his, qui vix in Summo pontifice hanc poteſtatem agnoſcunt. Et de episcopis in ſpeciali id docet Rebuſ. qu. 5. de decimis, n. 32. ubi multa iura adducit. Ratio vero eſt, quia cæteri episcopi, vel prælati ſunt inferiores iure communi, & non poſſunt immutare ea, quæ per Summos pontifices ſtabilita ſunt, niſi in caſibus ſibi conceſſis; hic autem nulla talis conceſſio eis facta eſt, neque in iure, vel conciliis legitur: ſed ſolum in quibusdam ſpecialibus caſibus eis committitur, ut decimas, vel aliquam earum partem, aut beneficia ex illis inſtituta ad aliqua opera, vel loca pia applicare poſſint, nunc uniendo beneficia, nunc dividendo, vel decimarum partem applicando. Quæ conceſſiones maxime in Concilio Trident. factæ ſunt, ut videre licet ſeſſ. 7. c. 5. 6. 7. & 8. de reſor. & ſeſſ. 21. c. 3. 4. 5. & 7. & ſeſſ. 22. c. 9. & ſeſſ. 23. c. 18. ſeſſ. 24. c. 13. & ſeſſ. 25. c. 9. Et in plerique ex his locis dicitur, hanc poteſtatem tribui episcopis, ut apoſtolicæ ſedis legatis, & ſi attente inſpiciantur omnia dicta iura, & ſimilia, conceſſiones illæ non tam ſunt relaxationes communis juris ad decimarum ſolutionem, & applicationem pertinentis, quam directiones, & providentiſſima remedia, ut finis decimarum fructuoſius compareretur, & ius ipſum executioni mandetur. Aliæ ergo diſpenſationes, vel exemptiones, aut liberales conceſſiones circa decimas, nec ad ordinariam poteſtatem episcoporum pertinent, neque ipſis conceſſæ inveniuntur.

Prælatos
inferiores
non poſſe
ius deci-
marum
mutare.

C A P U T XVI.

*Utrum præceptum ſolvendi decimas obliget omnes,
& ſolos fideles, præſertim laicos.*

1 Explicata vi, & origine huius præcepti, de circumſtantiis, & modo implendi illud agendum eſt: inter quæ primum occurrit perſona, cui præceptum impoſitum eſt, in qua explicanda regula generalis facilis eſt: exceptiones autem ſunt variæ, & obſcuriores ad explicandum. Regula igitur generalis eſt, omnes baptizatos, qui de manu ſacerdotum ſacramenta tenentur recipere, teneri per ſe loquendo, & ex vi communis juris ad decimas ſolvendas, niſi aliquo legitimo titulo exempti ſint. Hæc regula ſumitur ex D. Th. 2. 2. q. 87. art. 1. & 4. & aliis Theologis, Canoniſtis, & Summiſtis infra referendis: & probatur ex c. *Ex tranſmiſſa*, & c. *A nobis*, de decimis: nam in priori dicitur, fideles omnes teneri ad decimas ſolvendas: in poſteriori additur exceptio, *niſi quis exemptum oſtendat*. Ratione declarabitur, & probabitur melius per ſingulas propoſitæ regulæ partes diſcurrendo.

Omnes
baptizatos
ad decimas
obligari.

2 Tres enim principales partes in propoſita regula conſiderandæ ſunt. Prima explicat conditionem neceſſariam, ut aliquis hoc præcepto obligetur, nimirum quod baptizatus ſit, per quam excluduntur infideles omnes non baptizati. Et ratio eſt, quia præceptum decimarum conſiderari poſteſt, vel quatenus naturale eſt, vel quatenus eccleſiaſticum. Priori modo non obligat infideles, quia illi non ſunt eccleſiæ membra, & conſequenter ſacerdotes eccleſiæ non ſunt eorum

Expendit
tur ex
partes po-
ſitæ regu-
læ.

pastores, nec ministrant illis spiritualia, nec pro illis offerunt; ergo nec possunt ab eis exigere decimas, nec ipsi tenentur eas solvere ex vi juris naturæ, cum in eis deficiat fundamentum illius obligationis, scilicet illud: *Dignus est operarius mercede sua*. Posteriori etiam ratione non possunt obligari, quia præcepta ecclesiastica solum obligant baptizatos: nam de his, quæ foris sunt, nihil ad nos 1. Corinth. 25. Dixi autem, baptizatos omnes obligari hoc præcepto, ut hoc modo explicarem verba dicti capit. *Ex transmissa. Fideles omnes*. Intelligenda enim sunt de fidelibus in foro ecclesiæ, cujuscumodi sunt baptizati omnes: nam per baptismum unusquisque ecclesiæ subijcitur, & præceptis ejus.

Hæretici
tenentur
decimas
solvere.

3 Unde hæretici baptizati revera obligantur hoc præcepto; tum quia ratione characteris obligantur ecclesiasticis præceptis; tum etiam quia ante hæresim erant obligati, ut constat; non eximuntur autem a tali obligatione suo vitio, & voluntate, non est enim hoc in subditi potestate: tum præterea, quia licet de facto non sint fideles propter iniquitatem suam, jure tenentur esse fideles, & per ecclesiam cogi possunt, ut ad fidem revertantur. Et similiter, licet fortasse de facto non recipiant spiritualia ab ecclesiæ ministris, tenentur recipere, & ipsi sacerdotes parati sunt ad ministrandum, immo ex officio ad hoc tenentur, & debent actu facere, prout possunt vel eos monendo, & illuminando, quantum possint, vel certe eos cogendo, vel puniendo propter hæresim, & apostasiam.

Qui cate-
chumeni
obligan-
tur ad de-
cimas.

E contrario vero licet aliquis fidelis sit, quandiu baptizatus non est, sed catechumenus, in rigore non tenetur ad solvendas decimas, propter rationem dictam, quia sola fides absque characteris, & solenni fidei professione, quæ in susceptione baptismi fit, non subijcit homines præceptis ecclesiæ. Loquor autem de catechumeno filio infidelium, qui sua sponte ad ecclesiam venit: nam filii Christianorum ex vi originis subduntur ecclesiæ propter characterem parentum, & per voluntatem, seu obligationem eorum, & ideo si contingat, eos habere dominia rerum, & fructuum prius, quam baptizentur, decimis solvendis sunt obnoxii, & tanquam baptizati censentur.

Obje-
ctio.

4 Duæ vero difficultates circa istam partem occurrunt. Prima est, quia per jus ecclesiasticum Judæi non baptizati tenentur solvere decimas, cap. *De terris*, de decimis & cap. *Quanto*, de usur. ergo non est in universum vera regula posita. Respondent aliqui distinguendo inter personales, & prædiales decimas, & limitando regulam a nobis positam ad personales decimas; nam ad prædiales solvendas cogi possunt etiam infideles non baptizati, ut jura facta probant. In qua distinctione prior pars, nimirum hos infideles non teneri ad personales decimas communis est cum Glossa in dicto c. *De terris*. Et convincitur rationib. factis. Panor. vero in dicto cap. *De terris* num. 6. illam limitat, ut intelligatur per se, & formaliter (ut sic dicam) de decima; nam per modum compensationis, ait, obligari Judæum non baptizatum habitantem in parochia Christianorum ad solvendum ecclesiæ valorem decime personalis, quam Christianus ibidem habitans posset solvere: nam infidelis habitando ibi impedit, ne Christianus habitet, & consequenter defraudat ecclesiam personali decima, quam esset perceptura a fidei ibi habitante, & ideo cogi potest ad satisfaciendum interesse. Et hoc fortasse significavit Glossa in c. *Tua nos*, ver. *Pretextu* de decimis, dicens: *Nam & Judæus præstat personales decimas quasdam quandoque, sed non omnem, licet non ratione divini obsequii*. Non explicat enim, quæ sint illæ decimæ, nec qua ratione solvendæ sint, nec videtur alia posse excogitari præter eam, quam Abbas expressit.

Judæos
non obli-
gari ad
decimas
personales.

5 Hanc vero sententiam non probat Soto lib. 9. de Justitia, quæstion. 4. art. 4. Nec mihi verisimilis videtur. Quia nullo jure fundatur, immo si quis recte expendat caput penultimum de usur. inde sumet argumentum ab speciali satis probabile contra hanc sententiam. Dicitur enim ibi, cogi posse Judæos ad satisfaciendum ecclesiis pro decimis, quas de domibus, & aliis possessionibus recipere consueverant; non ergo pro personis. Deinde neque in ratione habet illa sententia.

Suarez, Tom. XII.

tenia fundamentum, nam ille prætextus non est solidus, neque verus: quia parochialis ecclesia non habet jus acquisitum, ut omnes, qui intra eam habitant, laborent, & lucrentur aliquid manibus, aut negotiatione sua, ex quo decimam solvant, sed hoc liberum est, ac voluntarium etiam ipsis fidelibus. Alioquin nobilis habitans in aliqua parochia, cum personales decimas non habeat, deberet nihilominus satisfacere ecclesiæ interesse pro decima personali, quam negotiator ibidem habitans posset dare, & similiter clericus habitans intra parochiam, quia impedit, ne ibi habitet artifex, qui solveret personales decimas, deberet solvere interesse: hæc autem, vel similia admittere, ridiculum est; ergo etiam respectu infidelis similis prætextus fictus est, & non verus. Adde, posse Judæum venire ad habitandum in parochia Christianorum, de novo ibi domum ædificando, & consequenter neminem impediendo. Denique si nunc in Japonia dividerentur parochiæ, & in singulis manerent gentiles habitantes inter fideles, posset obligari ad solvendas decimas personales ratione interesse. Quod dicere nec pium, nec utile esset, & sine dubio verum non est. Quia quod gentilis hic habitans impedit, vel non impedit habitatorem fidelem, & obnoxium personalibus decimis, & incertum, atque contingens, & accidentarium est: nam ille utitur jure suo, & per se non facit contra aliquod jus ecclesiæ acquisitum; ergo ad nullam satisfactionem tenetur.

6 De prædialibus autem decimis videtur illa sententia frequentior: quam tenet Glossa in dicto cap. *Tua nobis*, Panormitanus supra, & Silvester ver. *Decima* quæst. 7. cap. 1. citans Hostiensem, & hoc maxime videtur probari per jura citata: sed, ut recte advertit Glossa in dicto cap. *De terris*, Judæi non obligantur ad solvendas decimas ut sic etiam prædiales, sed solum obligantur ad solvenda onera realia talium prædiorum. Nam ipsi Judæi, vel quicumque infideles non baptizati ratione suarum personarum non obligantur solvere aliquid, ut probatum est. Et ideo in assertione posui illam partem *per se*, quia hic consideramus vim directam præcepti de solvenda decima. Nihilominus tamen, quia prædia ipsa habent annexam decimam ecclesiæ solvendam tanquam onus ipsiusmet rei, necesse est, ut ad Judæum, & quemlibet alium transeat cum illo onere, ut ecclesia servetur illæsa, & hoc modo potest infidelis obligari ad decimas prædiales per modum satisfactionis interesse. Quod satis in jure ipso declaratur: nam in dicto cap. *terris*, dicitur, *Ne forte illa occasione ecclesia valeant suo jure fraudari*. Itaque supponit, ecclesiæ jus esse acquisitum in tali fundo quoad talem pensionem, & Judæos cogi non ad decimam ut sic, sed ad non lædendam ecclesiam. Immo in dicto cap. *Quanto*, dicitur, pœna etiam imposita cogendos esse Judæos ad satisfaciendum ecclesiis pro decimis, & oblationibus debitis, quas de domibus, & possessionibus aliis accipere consueverant, antequam ad Judæos quocumque titulo devenissent. Ubi Glossa notat rationem: *Quia res* (inquit) *transit cum onere*. Supponitur ergo jus illud acquisitum in rem ipsam.

Ad præ-
diales de-
cimas ob-
ligantur
Judæi.

7 Quod autem onus hoc intelligatur esse reale, & quasi adhærens ipsis rebus, duobus modis accidere potest. Primo ex vi alicujus contractus, vel per specialem donationem factam ecclesiæ aut inter vivos, aut per testamentum, aut legatum, vel quia possessio illa fuit aliquando ecclesiæ, & cum illo onere illam alienavit, vel alio simili modo, & tunc nulla est difficultas, neque id pertinet ad jus decimarum, sed potius ad oblationes, de quibus supra dictum est. Alius modus est, ut possessio aliqua intelligatur habere hoc ex vi juris decimarum, & hoc est, quod ad præsens spectat: quando autem prædium aliquod intelligatur habere tale onus reale, & quæ conditiones ad hoc requirantur, in cap. seq. explicabimus.

Duplex
modus
quo eccle-
sia acqui-
rit jus rea-
le in decimis.

8 Ex his vero juribus convincitur, falsam esse sententiam Abbatis, ubi supra, & Oldrad. Consil. 9. omnes infideles ubicumque degant, debere ecclesiæ prædiales decimas, & jure ad eas solvendas cogi posse, si factum esset possibile: & si nunc con-

Infideles
ubicum-
que degant
decimas
ecclesiæ
debere
falso qui-
dā ajunt.
Fundamē-
tum eorū.

vertantur, teneri in conscientia ad persolvendas omnes decimas, quas antea non solverant. Fundamentum eorum esse potuit, quia ecclesia habet jus possidendi totam universam terram, & consequenter exigendi decimas ab omnibus prædiis ubique gentium, & inique ab infidelibus impediri, ne hoc jure utatur, & fruatur. Hæc ergo sententia falsa est, & impossibilis, ut Soto supra notavit, & ex illo capite *Quanto* satis improbat: nam ibi dicitur, Judæos posse cogi pro decimis: *Quas ecclesia de possessionibus prius accipere consueverant.* Ergo alii infideles non possunt obligari pro decimis prædiorum, quæ ad ecclesiam nunquam pertinuerunt. Ratio itaque est, quia illa prædia nunquam habuerunt tale onus reale, neque cum illo pervenerunt ad gentiles verbi gratia, a quibus possidentur; ergo illi non tenentur ad tales decimas, nec ratione suarum personarum, nec ratione rerum ipsarum; ergo nullo titulo. Nec ratio in contrarium quicquam probat, quia ecclesia non habet proprium jus iustitiæ ad terras infidelium, nec ipsi peccant contra iustitiam, ve eas occupando, vel fidem non recipiendo, sed tantum contra fidem ipsam, & contra salutem propriam, ideoque non habet in eis locum obligatio per modum satisfactionis, seu cuiusdam restitutionis. Habet tamen nonnullam probabilitatem in terris, quæ aliquando fuerunt Christianorum, & in eis fuerunt erectæ ecclesiæ, & prædia in jus decimarum attributa fuerunt, postea vero ab infidelibus, & paganis per injusta bella usurpata sunt. Nunquam enim privata fuit ecclesia jure acquisito in illa prædia, ut a fortiori sumitur ex Concil. Hispal. 2. capit. 1. & habetur in capit. *Prima*, 16. quæst. 3. & capit. *Cum per bellicam* 34. quæstion. 1. neque contra hoc jus ab infidelibus præscribi potuit; ideoque semper videntur obligari ad satisfactionem reddendam ecclesiæ pro illo interesse.

Quam
probabili-
tatem hic
habeat in
terris, quæ
jam fue-
runt Chri-
stianorum.

Vide Bar-
holam in
leg. (Di-
vino)
§. Interdū
a n. 7. ff.
solut. ma-
trimon.

Quid de
hoc sen-
tiendum.

9 Sed licet hoc de rigore juris, & speculative fortasse verum sit, tamen moraliter loquendo est nullius utilitatis; quia isti infideles, dum in sua infidelitate manent, moraliter obligari non possunt ad hanc compensationem, multoque minus possunt cogi, & facile possunt excusari, saltem per ignorantiam invincibilem: nam licet fidei ignorantiam invincibilem non habeant, hujus tamen ecclesiastici juris omnino illam habere possunt. Si vero ad fidem convertantur, nulla ratione obligandi sunt ad aliquid satisfaciendum ecclesiæ pro hujusmodi decimis, seu interesse illius non soluto; tum quia esset intolerabile onus, & magnum fidei impedimentum; tum etiam quia ecclesia id facere non consuevit: eo vel maxime, quia licet jus ecclesiæ semper duret quasi in habitu, ut scilicet, si contingat, provincias illas ad ecclesiam catholicam revocari, dioceses, & parochiæ cum suis prædiis, quantum de illis constare poterit, instaurentur, quod ad summum probant juracitæ: nihilominus quando ibi spiritualia non ministrantur, videtur cessare jus illud, vel quasi suspendi in actu, quia debentur ecclesiæ propter ministerium, & in sustentationem ministrorum, ecclesiarum instaurationem, & cultum; cum ergo hæc omnia in illis regionibus cessent, non videtur peculiaris aliqua injuria inferri ecclesiæ, eo quod decimæ illi non solvantur, sed sit injuria generalis in detentione injusta illius terræ totius, & omnium fructuum ejus, quos omnes tyranni illi, & infideles restituere tenentur; sed illa restitutio (ut dixi) non potest ad praxin reduci.

10 Statim vero occurrit altera obiectio, quia licet infideles non sint subiecti ecclesiastico juri, subji- ciuntur nihilominus juri divino, ergo ratione illius obligantur ad solvendas decimas. Primo, quia ipsi etiam tenentur recognoscere Deum ut supremum dominum: Deus autem ipse decimas sibi solvi præcipit in recognitionem sui supremi domini, ut dicitur in capit. *Tua nobis* de decimis; ergo. Secundo quia licet non teneantur Gentilesolvere decimam quoad quotam, tenentur tamen quoad sustentationem, quia tenentur auditum fidei præbere, & prædicatores evangelii recipere; & ad hoc possunt a pontifice Summo cogi: ergo etiam cogi possunt ad alendos hujusmodi prædicatores, & pastores ecclesiæ, quatenus huic muneri in-

cumbunt, & ad illud parati sunt, & ex officio obligati. Et hoc modo sacerdotes ecclesiæ, etiam respectu infidelium, sunt ministri sacramentorum saltem quoad baptismum, & seminant illis spiritualia per fidei doctrinam, & præcepta, ac sacramenta; ergo etiam in illis habet locum illud Pauli: *Si nos vobis spiritualia seminamus, magnum est, si nos carnalia vestra metamus?* 1. Corint. 9. Confirmatur ipso usu, & experientia: nam ad mittendos prædicatores evangelii ad Cinas, verbi gratia, vel Japonios, magnas expensas facere necesse est, & plures ad conservandos, nutriendos, & augendos illos; ergo potest ecclesia has expensas ab ipsismet Gentilibus exigere, cum teneatur hoc modo illos pascere, & nemo milites suis stipendiis unquam alit.

11 Prior pars hujus objectionis facilis est. Nam licet omnes homines teneantur jure naturæ divinum dominium recognoscere, non tamen ex vi ejusdem juris tenentur illam recognitionem facere per solutionem decimarum, ut supra ostensum est. Fuit ergo illa determinatio facta jure divino positivo, quod olim non omnibus hominibus, sed populo Israelitico positum fuit, nunc vero etiam si demus sub illa etiam ratione morali fuisse ab ecclesia retentum, tamen ut sic non potest extra ecclesiam extendi, ut probatum est. Qui ergo sunt extra ecclesiam, non tenentur hoc peculiari modo divinum dominium recognoscere, donec baptizentur, sicut non tenentur ad colendum Deum per sacrificium missæ, sed solum quantum naturalis ratio dicat. Difficilior est altera pars, non enim satisfacit, quod Soto ait, infideles non baptizatos, licet immediate obligentur ad fidem, & baptismum suscipiendum, non tamen ad alia ecclesiæ præcepta. Hoc enim verum est de præceptis positivis ecclesiæ: & ita solum concludit de decima quoad quotam: obiectio autem procedit de decima quoad sustentationem, & de præcepto juris divini, quod addatur annexum illi præcepto recipiendi fidem, & baptismum. Quia qui præcipit actum, præcipit omnia, quæ ad actum consequuntur; Deus autem ipse subjecit omnes gentes ecclesiæ, quoad hoc, ut teneantur prædicationem evangelii per ejus ministros suscipere, audire, & eis parere proxime, & immediate quoad fidei, & baptismi susceptionem; sed ad hoc necessarii sunt ministri, & consequenter eorum sustentatio; ergo.

Respon-
detur ob-
jectioni.

12 Probabile profecto est, hoc titulo posse ecclesiam, & principes ejus aliquod tributum ab infidelibus exigere, ad quos de facto prædicatores evangelii mittuntur, tum ad expensas itineris, tum ad eos sustentandos, quandiu inter ipsos versantur. Sicut Romæ v. g. posset exigere a Judæis tributum specialiter deputatum ad sustentandum prædicatorem evangelii, qui illos doceat, & illuminet: ecclesia vero non solet uti hac potestate maxime circa infideles sibi non subditos temporaliter, quia fortasse scandalum esset infidelibus. Unde in principio prius a Christo, post ab Apostolis missi sunt prædicatores, qui omnino gratis sine stipendio, etiam sustentationis, verbum Dei prædicarent, victum, & vestitum vel suo labore quærendo, vel ab his, qui fidem admittebant, accipiendo, vel certe ab ipsismet infidelibus elemosynam postulando. Postquam vero ecclesia, & pontifices habere cœperunt ecclesiasticos redditus, quos possent dispensare, ex decimis, quæ ab ipsis fidelibus præstantur, sustentare potuerunt ministros, quos ad infidelium ministerium mittebant, & eis providere, donec a fidelibus in singulis provinciis conversis sustentari possent. Et certe cum hæc cura pertineat ad universalem ecclesiæ pastorem, qui est pontifex, merito potest ab ecclesia fidelium exigere redditus sufficientes ad sustentandos ministros evangelii etiam pro infidelibus, quando necessarii fuerint. Et fortasse hæc ratio aliis addita, quas supra tractavimus, non parum cohonestat quotam decimarum, & abundantium reddituum ecclesiasticorum. Atque ita consu- lendum profecto est, ut Gentiles ipsi non graventur, nec vexentur tributis pro prædicatoribus evangelii, sed a pontifice, & Christianis principibus alendi sunt, donec fideles denuo ad fidem conversi ex gen-
tibus.

Probabile
est posse
exigi tri-
butum ab
infidelibus
ad prædica-
tores eorum
alendos.

Propen-
dit ob-
jectio.

ribus, eos ex bonis suis sponte alant. Eo vel maxime quod Deus semper vocat aliquos in ecclesia sua, qui cum voluntarie pauperes sint, sine certo stipendio, vel viatico huic muneri incumbant, ex elemosynis victitando.

13 Secunda pars regulæ positæ continetur illis verbis, *Qui de manu sacerdotum sacramenta recipiunt*, per quæ partim limitatur, partim ampliatur hæc regula. Limitatur enim ad eos fideles, qui sacramenta a sacerdotibus recipiunt: ipsi enim sacerdotes fideles etiam sunt, & baptizati, tamen quia ipsi sunt ministri constituti ad ministrandum aliis sacramentum (sub quibus nunc omnia spiritualia comprehendimus) ideo non solvunt ipsi, ut tales sunt, decimas, sed potius ipsi penduntur. Sicut in veteri lege tribus undecim decimas solvebant Leviticæ: hæc autem aliis non solvebat: sic ergo limitatur assertio ad fideles, quibus ministrantur sacramenta. intelligitur autem de his fidelibus, qui pro sacramentorum susceptione alicui subiecti sunt, qui ex officio teneantur illa eis ministrare; nam illi per se debentur decimæ, ut infra ostendimus, & ita solum fideles sic subiecti illas debent. Inter hos vero extenditur regula ad omnes, siue pauperes sint, siue divites, siue nobiles, siue principes, & reges. Et ratio est, quia præceptum de se universale est, & generalibus verbis propositum, ut patet ex citatis iuribus, & ex communi forma ecclesiasticorum præceptorum universali ecclesiæ traditione recepta, & alioquin in his omnibus est capacitas hujus obligationis, quia sunt fideles baptizati, subditique pastoribus ecclesiæ, & invenitur etiam in eis fundamentum obligationis; nam omnes fruuntur opera, & labore ministrorum ecclesiæ; ergo par est, ut omnes ad eorum sustentationem concurrant; ergo omnes obligantur ad solutionem decimarum, quæ ad hunc finem proxime, ac præcipue ordinantur.

14 Circa utramque vero partem occurrit difficultas, & primo circa ampliationem: primo ex parte pauperum, videtur enim inhumanum, pauperes ad solvendas decimas obligare, cum innumeri sint, qui vix possint se ipsos, suamque familiam alere. Item, quia ipsæmet decimæ exiguntur ad pauperum sustentationem, ut supra visum est; quomodo ergo ab ipsismet pauperibus extorqueri possunt? Secundo ex parte divitum, quia si omnes omnino fideles, quibus ecclesia spiritualia ministrat, tenerentur per se loquendo, & ex vi juris decimas omnium suorum reddituum, & lucrorum reddere, obligarentur omnes reges, & principes ecclesiæ decimam partem omnium suorum reddituum, tributorum, ac fructuum, vel bonorum undecumque sibi quotannis provenientium ecclesiæ reddere; similiter omnes mercatores decimam partem omnium, quæ lucrantur, & sic de aliis, hoc autem incredibile est, alias immensæ essent ecclesiæ opes.

15 Ad primam difficultatem Doctores simpliciter docent, pauperes obligari ad decimas solvendas. Ita D. Thom. dicta quæst. 87. art. 4. & ibi Sor. & alii: Alens. 3. p. q. 51. Memb. 7. art. 1. & Silvest. Angel. & alii summistæ. Rebuffus dicto tract. q. 5. num. 14. cum Panor. & aliis in capit. *Cum homines*, de decimis: Hostiens. in sum. §. de decim. Ratio vero præter supra tactam addi potest ex Alense, quia pauperes non eximuntur a tributis regiis solvendis; ergo nec eximi debent a solutione decimarum. D. Thom. aliam rationem indicat, quia pauperibus fidelibus subveniendum est per dispensationem ecclesiæ, & ministrorum ejus, & ideo non oportet, ut ipsi a solutione decimarum se ipsos eximant, oportet enim, ut solvendo decimas, Deum colant, & subjectionem ecclesiæ recognoscant, quod si alias indigerint, melius illis per ecclesiam subveniatur, quam si ipsi suam partem decimarum præoccupent: immo addit Alensis, promissionem esse Dei, ut qui fideliter decimas solverit, penuriam non sentiat, per Malach. cap. 3. dicentem: *Inferte omnes decimam, &c. Et probate me super hoc, dicit Dominus, &c.* Juxta quam promissionem dixit etiam August. *Majores nostri ideo omnibus copiis abundabant, quia Deo decimas dabant, &c.* libr. quinquaginta homil. in. 48. & similia habet serm. 219. de tempore, & refertur 16. quæst. 7. cap. *Majores*.

Suarez Tom. XII.

16 Verumtamen quod ad promissionem attinet, existimo illam, quatenus erat de temporali abundantia, vel extendendam non esse ad legem gratiæ, vel non esse absolutam, sed sub conditione, si ad spirituale fructum fuerit conveniens. Unde licet verum sit, quod Augustinus refert, non oportet, ut ex rigorosa promissione id fieri soleat, sed ex ordinatissima providentia Dei. Quod vero spectat ad pauperum obligationem, licet doctrina communis vera simpliciter sit, intelligenda videtur de his pauperibus, qui licet tenuissimos proventus, aut lucra habeant, nihilominus habet necessaria ad congruam sustentationem personæ, & familiæ, etiam si decimas solvant. Nec enim verisimile est, ut ecclesia velit cum tanto rigore obligare pauperes ad decimas solvendas, ut etiam ex rebus sibi moraliter necessariis illasolvere teneantur, & postea mendicando illas postulare. Præsertim hoc tempore, quando pars in ecclesiasticorum reddituum, quæ pauperibus destinata erat, disparuit, vel cum aliis confusa est, & subventio pauperum ex arbitrio clericorum pendet.

17 Hæc declaratio, & moderatio fuit antiqui cujusdam Doctoris Canonistæ, ut Innocent. refert in cap. *Licet*, de censibus, quam ipse non videtur improbare. Panor. autem cum Joanne Andr. & aliis eam non probat. Primo quia decimæ debentur ex iustitia cap. *Parochianos*, de decimis: sed propter inopiam non potest committi injustitia; ergo. Confirmatur, quia decimæ sunt ipsius ecclesiæ ex reservatione divina cap. *Tua*, de decimis: ergo non possunt a quoquam detineri, etiam si pauper sit, nisi fortasse in casu extremæ necessitatis, in quo omnia sunt communia. Et ita solum illum casum excipiendum esse, tenet in specie Rebuff. supra: immo addit etiam, in illo casu debere pauperem habere propositum reddendi, si venerit ad pinguiorum fortunam, & in confessione id aperire, ac promittere. Sed hoc ultimum est plane falsum, nam qui in casu extremæ necessitatis accipit alienum, & illud consumit, postea non tenetur aliquid restituere, quia nec ratione acceptionis, quæ iusta fuit, nec ratione rei acceptæ, quæ consumpta jam est; ergo a fortiori in præsentia: item quia tunc non consumitur res ut aliena, sed ut propria. At vero extra casum extremæ necessitatis pium, ac probabile est, quod dicti auctores asserunt, pauperem debere suam necessitatem ecclesiæ ostendere, id est, pastoribus ecclesiæ eam comprobare, & tunc ipsi pastores tenentur decimam remittere, non tamen posse pauperem sua auctoritate eam retinere. Quod maxime probabile est, si sententia illa vera est, quæ affirmat, decimas esse sub dominio ecclesiæ, etiam antequam solvantur, quam postea discutimus: illa tamen supposita, est consecutio valde apparens, quia nemo potest accipere alienum in gravi necessitate auctoritate sua, sed debet a domino postulare. Item, Oeconomus non potest consumere sua auctoritate, & sine domini voluntate propter necessitatem gravem; ergo idem est in præsentia, supposita illa sententia.

18 At vero quia illa sententia incerta est, & contraria est probabilis, ideo non videtur improbabile, quod excusetur a culpa, qui propter solam necessitatem gravem decimam non solvit. Quia illa revera indiget ad sustentationem suam, & familiæ suæ: hæc enim necessitas gravis reputatur. Neque tunc facit injuriam propter vitandam inopiam, sed ipsa inopia facit, ut iustitia tunc non obliget, quia hoc præceptum affirmativum est, & non obligat pro semper, sed cum certis circumstantiis, & ita etiam licet decima per se debeat, pro tunc tamen non urget ejus debitum. Immo licet dicatur, decimam esse sub dominio ecclesiæ, antequam tradatur, dici posset, obligationem ad tradendam illam etiam postulare circumstantias suas, & posse prorogari propter necessitatem. Sicut qui possidet rem alienam, & non potest reddere statim sine magna jactura personæ, vel status, potest differre. Maxime vero potest hæc opinio locum habere, quando pauper certus est de sua necessitate, & timet probabiliter, non esse subveniendum illi, nec remittendam decimam, etiam

De quibus pauperibus sententia communis intelligenda.

Aliqui præcedentem doctrinam impugnantes.

Qui in necessitate extrema aliena consumit, non tenetur postea restituere.

In gravi necessitate non tenetur quæpiam ad decimas esse probabile.

si necessitatem suam ostendat, & comprobet. In hoc vero casu, sive mala, sive bona conscientia decima non solvatur propter paupertatem, restituenda integreerit postea, si ad pinguiorem fortunam deveniarur; & hoc ad minimum probant fundamenta contrariæ sententiæ.

C A P U T XVII.

An clerici, & ecclesiastici omnes ad decimas solvendas teneantur.

HÆc quæstio repetitur in secunda parte prioris difficultatis in præcedenti capite propositæ: quam hic separatim proponimus, quia largiorem disputationem requirit. Et ratio dubitandi pro utraque parte oritur ex cap. 2. de decimis. Nam in priori ejus parte dicitur *novum esse, ut clerici a clericis decimas exigant*: appellat autem *novum*, id est, insolitum, & præter jus, ut ex contextu constat, & ita sentit ibi Glossa ultima in fine. Contrarium vero suaderi potest ex eodem textu in fine, ubi quasi comprobando regulam contrariam, ait, clericos, qui a clericis spiritualia recipiunt, debere illis decimas persolvere. D. Thom. ergo dicta quæstione octuagesima septima, articulo quarto, clericos sub duplici ratione considerari posse, dicit, scilicet vel quatenus clerici sunt, & ministri spiritualium, vel quatenus fideles sunt, & a sacerdotibus possunt spiritualia recipere. Priori modo ait, non teneri clericos ad decimas solvendas, sed potius ad illos sub ea ratione spectatos pertinere decimas recipere, posteriori autem modo ait, ex vi juris teneri ad solvendas decimas, quia sic sub dicta regula includuntur, & nullo jure eximuntur. Et hanc doctrinam communiter recipiunt ibi Sor. Aragon. Valenti. & alii, & communiter Canonistæ (licet sub diversis terminis) in dicto cap. 2. & Summistæ in verb. *Decima*, Covar. lib. 1. var. c. 17. n. 8. Gutierrez dicto cap. 21. n. 52. qui alios referunt.

2. Atque ex hac distinctione, & doctrina inferunt primo, clericum non teneri solvere decimas prædiales ex redditibus ecclesiæ, quos recipit ratione beneficii vel spiritualis ministerii ex decimis fidelium, vel ex prædiis ecclesiæ, quæ aliquo titulo ecclesiastico possidet. Ita sumitur ex D. Thoma supra, & docet expresse Alenf. 3. p. q. 51. memb. 7. art. 2. & alii Theologi, & summistæ supra relati; idemque sentiunt Canonistæ cum Gloss. ult. in dicto c. secundo, & Abbas ibi. numero quarto. Et sumitur ex textu illo in principio, ubi in hoc comparat sacerdotes Levitis, qui non tenebantur solvere decimas, quia non habebant propria bona, sed tantum decimalia; ergo simpliciter clerici ex his saltem bonis non solvunt decimas. Præterea probatur ex dicto principio, quia hi fructus competunt clerico, ut clericus est, & minister ecclesiæ: si ergo ex illis solveret decimas, jam solveret ut clericus contra dictum cap. 2. de decimis, et contra rationem supra innuatam, quod talia bona potius debentur ipsi clerico, ut talis est ratione sui muneris: ergo repugnat ex illis, ut decimas debeat. Alias sibi ipsi illas deberet, quod moraliter esse non potest; quia iustitia, & obligatio, seu debitum proprium est ad alterum, & ideo nemo potest sibi solvere tributum, & similia, & in universum inter dantem, & accipientem debet esse distinctio, ut dicitur in capite ultim. de institut. Circa hanc vero rationem occurrit difficultas, quam infra tractabo.

3. Secundo inferunt, clericos teneri ad solvendas decimas prædiales ex prædiis, quæ temporalis, seu seculari titulo possident, ut ex bonis patrimonialibus aut alio simili titulo acquisitis. Ita Divus Thomas Alenf. Sor. & alii Theologi, & Silvest. Angel. ac summistæ. Covar. Gutierrez & alii Canonistæ, quos referunt cum Glossa in dicto capite 2. Ex quo textu in ultima parte illius etiam hæc pars probatur: ibi enim asseritur, clericos posse esse obnoxios decimis solvendis aliis, a quibus sacramenta recipiunt; ergo maxime ex his bonis temporalibus, cum ex spiritualibus illas non debeant, ut dictum est. Confirmatur, quia respectu talium bonorum per accidens est, quod talis

persona sit clericus, aut beneficiatus; ergo habet illa non ut clericus, sed ut civis; ergo ut sic non est exemptus a solutione decimarum ex talibus bonis: & aliunde est fidelis baptizatus, & ab alio potest recipere sacramenta; ergo comprehenditur quoad hæc bona sub generali regula eorum, qui ad decimas solvendas tenentur.

4. Tercio inferunt, idem esse de personalibus statuentum cum proportionem: nam persona clerici potest aliqua lucrari, ut clericus, id est titulo, & actione spirituali, sicut comparat stipendium, seu elemosinam pro missa, vel anniversario &c. Aliqua vero lucratur ut artifex, vel corporaliter laborans. De priori ergo lucro non debet clericus personales decimas, quia nullas decimas debet ut clericus; illi autem proventus ad illum pertinent ut clericum: & ita tenet Covar. dicto capite 17. num. 8. verb. *Primum* immo ibi absolute sentit, esse probabilius clericos jure communi esse exemptos a personalibus decimis, quam sententiam dicit esse communem. Sed intelligenda videtur de his decimis ex lucris spiritualibus: nam de aliis temporalibus consequenter dicendum videtur, clericos non esse exemptos ex vi juris communis a decimis personalibus ex talibus bonis propter contrariam rationem, quæ eundem locum habet in his decimis personalibus, quem in prædialibus ex patrimonio. Nec est textus in jure, unde talis exemptio colligi possit: & ita sentit aperte Silvest. verb. *Decima*, num. 13. excipit tamen clericos communiter viventes; sed hoc spectat ad tertiam partem regulæ.

5. Duæ vero difficultates circa hanc doctrinam occurrunt. Una est circa fundamentum, quod in hac doctrina supponitur, alia circa consequentiam doctrinæ. Supponitur enim in hac doctrina, clericos esse debitores decimarum, saltem ut sacramenta ab aliis clericis recipiunt, declaratur autem hoc debitum posse cadere in bonis laicis, non in clericalibus. Circa primum igitur est difficultas, quia sequitur primo, etiam summum pontificem posse esse obnoxium decimis solvendis, saltem ex laicis bonis, si illa habet. Consequens est falsum; ergo. Sequela patet, quia etiam ipse recipit sacramenta vel confessionis, dum est sanus, vel extremæ unctionis, & communionis, quando est ager, immo & ordinem, & consecrationem recipere potest jam electus pontifex, quin etiam confirmationem, si enim contingat, nondum confirmatum eligi, verus erit pontifex, & confirmatione indigebit; ergo, ut homo fidelis est, indiget aliquo veluti spirituali ministro, quicui necessaria, vel utilia sacramenta ministret, & pro illo offerat, vel sacrum faciat, quando ipse non potest; ergo ut sic poterit esse obnoxius decimis solvendis. Falsitas autem consequentis patet, quia repugnat, principem supremum solvere tributum: cui enim solvere? certe non superiori, illum enim non habet, neque ecclesiæ, nam etiam est supra totam illam, nec sibi ipsi, quia hoc repugnat, ut supra dixi: sed decima est veluti quoddam tributum, quod ecclesiæ solvitur; ergo pontifex non est illi subiectus. Secundo sequitur, clericos posse esse debitores decimarum, etiam ut clerici sunt, quod est contra dicta. Sequela patet, quia ut clerici sunt, spiritualiter pascuntur ab aliis clericis, quod in omnibus inferioribus summo pontifice videre licet. Nam in primis omnes clerici ab episcopis ordinantur; ergo sacramenta recipiunt ab illis, etiam ut clerici sunt. Deinde inferiores omnes reguntur spiritualiter a superioribus, ut sacerdotes simplices a parochis, hi ab episcopis, & omnes a pontifice: regimen autem illud spirituale est, & cadit in clericos formaliter, ut clerici sunt, sic enim subjiunguntur ecclesiasticæ potestati, & regimini; ergo ratione illius debent decimas, etiam ut sunt clerici. Et confirmatur primo: nam omnes subditi in aliquo ordine debent recognitionem aliquam superiori ejusdem ordinis; ergo omnes clerici inferiores in ordine clericatus eandem recognitionem debent superiori, cui ut tales subordinantur: illam autem recognitio sit optime per solutionem decimarum; ergo. Confirmatur, quia hoc modo levitæ in veteri lege ex decimis solvebant decimas summo sacerdoti.

Idem cum proportionem de decimis personalibus dico, dum.

Duæ difficultates contra doctrinam prædictam proponuntur.

Clericos non teneri ad decimas prædiales de redditibus ecclesiæ.

Clericos teneri ad decimas prædiales ex prædiis alio titulo possidentibus.

Secunda
difficul-
tas.

5 Atque hinc oritur secunda difficultas circa consecutionem doctrinæ. Nam si clerici possunt esse debitores decimarum, profecto non minus ex spiritualibus redditibus, quam ex temporalibus possunt illas debere: primo quidem, quia possunt illas debere ut clerici, sicut ostensum est, & possunt illud debitum solvere ex fructibus beneficiorum. Respondent aliqui, non posse, quia non faciunt illos fructus suos, sed solum eis dantur, ut ex eis sumant necessaria, & reliqua dent pauperibus. Et hoc titulo illos eximunt Innoc. & Abbas, cap. 2. de decimis: sed illud impugnant ibi Ant. & Anchar. & ex contrario fundamento fatentur, teneri clericos ad decimas solvendas ex illis fructibus tanquam ex lucro personali; quia revera faciunt illos suos. Ego addo, licet non facerent illos suos, fundamentum videri invalidum, quia inter necessarios usus suos unus est, solvere decimas fiventibus, & ministrantibus sibi; ergo hoc titulo debent solvere decimas ante omnes elemosynas. Secundo, quia si clericus debet decimas, ideo est, quia recipit ab alio spiritualia, & ideo debet illi temporalia ministrare; ergo undecunque illa habeat, teneretur ex illis huic debito satisfacere, sive illa temporalia acquisita sint titulo spirituali, sive temporalis; hoc enim valde accidentarium videtur ad rationem illius debiti, & ad solutionem ejus. Nam si clericus debeat famulo stipendium, & non habeat, unde solvat, nisi ex fructibus sui beneficii, certe ex illis teneretur solvere; & si unus clericus alteri promittat justa stipendia centum missarum, teneretur illa solvere ex quibuscumque bonis titulo etiam spirituali acquisitis: ergo simplex clericus, verbi gratia, debet suo parochio decimas, quia revera est parochianus ejus, & profecto tenebitur illas solvere ex quibuscumque fructibus, aut lucris etiam ecclesiastico titulo acquisitis.

6 Unde apparent valde infirmæ rationes adductæ pro dicto primo; quia licet clericus solvat decimas ex fructibus ecclesiasticis sibi alias competentibus, si illas tantum solvat, quatenus fruitur opera, & ministerio parochi communialibus fidelibus laicis, semper solvet illas non ut clericus, sed ut unus ex fidelibus subditis. Quia hæc formalitas (ut sic dicam) non est attendenda ex titulo, quo acquiruntur bona, ex quibus solvuntur decimæ, sed ex titulo, propter quem decima solvitur: quia hæc est ratio solvendi, non alia, & per illam reduplicationem ratio solvendi significatur. Sicut, licet mercator solvat decimas ex lucro suæ negotiationis, & agricola ex fructibus sui agri, & venator ex præda, & sic de aliis, omnes solvunt sub eadem ratione fidelis subditi, quia hoc titulo debent, non sub ratione venatoris, aut mercatoris, &c. quia hoc materiale est ad rationem debendi decimam. Unde a contrario, si clericus debeat decimam, non solum quia recipit sacramenta modo communi aliis fidelibus, sed etiam quia speciali modo vel sacramenta, vel alia spiritualia ministeria recipit ab alio, cui subicitur, profecto dicendus est debere decimas ut clericus, & ut talis solvere, etiam si ex patrimonialibus, seu laicalibus bonis illas solvat. Videtur ergo illa distinctio sine fundamento conficta, sed potius esse universaliter dicendum, clericos & communi ratione, & titulo aliorum fidelium, & speciali, ac proprio clericorum recipientium ab aliis spiritualia, vel communia, vel propria modo explicato, esse posse debitores decimarum. Et quando tales sunt, illas debere tam ex personalibus, quam ex prædialibus, undecunque illas comparent, attento naturali jure ut determinato per ecclesiasticum, si aliunde non eximantur.

7 Accedit tandem, quod illa distinctio videtur inventa ad conciliandas duas partes illius capitis secundi de decimis. Nam in priori dicitur esse novum, & improbatum, quod clerici a clericis exigant decimas: in posteriori vero subjungitur, illos clericos, qui ab aliis clericis sacramenta recipiunt, debere illis solvere decimas. At utrumque potest universaliter, & simpliciter intelligi, si prior pars intelligatur de clericis, ut ministrant active spiritualia; posterior vero de clericis, ut recipiunt illa. Nam in priori modo non respi-

Suarez, Tom. XII.

ciunt alios clericos ut superiores, vel pastores, sed ad summum ut cooperatores, vel coadjutores; & ut sic non possunt esse debitores decimarum, sed potius eis debetur pars decimarum. At posteriori modo respiciunt alios clericos ut pastores suos, & sic merito possunt illis debere decimas; & in hoc sensu admitti poterit distinctio de clerico, ut clericus est, vel ut fidelis recipiens, id est, ut active, vel passive comparatur ad spiritualia ministeria. Quamvis in secundo membro possit habere locum eadem distinctio in alio sensu; nam in ipsamet receptione sacramentorum ab alio interdum se habet clericus generali modo laicorum, interdum vero speciali, & ut clericus: quomodo antiqui Canones distinguunt interdum communionem laicam a clericali, & præcipiunt aliquando, clericum non communicare ut clericum, sed ut laicum. Igitur, ut clericus dicatur solvere decimas ut clericus, non satis est, quod solvat illas ex prædiis ecclesiasticis, si alioquin debet illas, quia communi modo aliorum fidelium sacramenta recipit. Et in hoc videtur D. Thom. in dict. art. 4. quamdam æquivocationem committere: prius enim explicat distinctionem illam, clericus ut clericus, & ut fidelis per respectum activum, vel passivum ad ministerium sacramentorum; postea vero explicat, clericum non debere decimas ut clericum, id est in quantum habet ecclesiasticam possessionem. Hoc enim longe diversum est: nam licet verum sit, clericum non debere decimas, in quantum habet talem possessionem, id est, licet non inde nascatur ratio obligationis, potest nihilominus debere decimas ex illis ratione ministerii passivi sacramentorum, & tunc revera non debet illas ut clericus, ut explicatur est. Distinctio ergo illa de decimis solvendis ex proventibus temporalibus, vel ecclesiasticis, neque necessaria est ad intelligentiam illius capitis secundi, nec veram doctrinam continere videtur.

8 Hæ difficultates postulant, ut doctrinam illam magis in particulari explicemus, & ad omnes ordines, seu gradus clericorum illam applicemus. In prima ergo difficultate petitur, an Summus pontifex teneatur aliquo titulo, vel ex aliquibus bonis solvere decimas. In qua re aliqui canonistæ sentiunt, papam teneri ad decimarum solutionem. Ita Rebuff. dicta q. 5. num. 26. cum Andrea Hisp. sua regula 10. q. 11. qui addunt rationem, quia etiam papa teneretur Deo recognitionem facere; quia omnes sumus de populo ejus, & oves pascuæ ejus, & nihil habemus, quod ab eo non possideamus. Confirmari potest; quia episcopus in sua ecclesia, & parochus in sua teneretur solvere decimas; ergo pontifex in sua, vel in quacumque possessionem habuerit. Dicendum vero est, præceptum decimarum proprie, & per se non obligare pontificem ratione suæ personæ, interdum vero posse obligare ad aliquam decimam ratione possessionis, & debiti realis. Ad intelligendam utramque partem suppono, quod in præcedenti puncto retigi, decimam duplici titulo deberi, scilicet vel ratione personæ, vel ratione prædii. Quæ distinctio tangitur in c. *Tua nobis*, de decimis circa finem, eamque intelligo non juxta distinctionem decimarum in personales, & prædiales, sed juxta distinctionem debiti in personale, & reale: interdum enim debitum oritur ex actione, vel passione ipsius personæ, interdum vero ex re accepta, vel possessa, quia secum affert onus illud. Et hoc modo dicebamus in puncto præcedenti, præceptum decimarum directe, & per se respicere ipsos fideles, & ipsos obligare; interdum vero onus solvendi aliquam decimam advenire cum re ipsa habente tale onus, & sic posse transire hoc debitum etiam ad infideles. Ad eum ergo modum nunc loquimur de pontifice, quia ratione suæ personæ non obligatur hoc præcepto; potest autem obligari ad aliquam decimam ratione rei.

9 Probatum prima pars: primo ratione facta, proponendo priorem difficultatem. Secundo, quia clerici ut clerici vel non debent decimas, vel non nisi superioribus, ut infra dicam: pontifex autem non habet superiores; ergo ut clericus, & pontifex non debet decimas, nec etiam ut fidelis, quia etiam non habet pastorem, cui in perceptione sacramentorum ex officio subdatur, quod necessarium

An pontifex sum-
mus ad decimas te-
neatur.

Resolutio
questionis

Ratione
in contra-
rium sola
vultur.

Augetur
difficul-
tas.

est ad personale debitum decimarum, ut in regula declaravi; ergo nullo modo habet hoc debitum per se, & ut personale. Unde ratio in contrarium, quam tangit Rebuffus de recognitione ad Deum, parvi momenti est, quia non est hæc propria, & per se ratio institutionis decimarum, sed sustentatio ministrorum, & sunt multi alii modi, quibus pontifex proficiatur recognitionem ad Deum. Nec etiam obstat ratio illa, quod pontifex recipit aliqua sacramenta, & habere debet confessorem, vel ministrum ad hoc deputatum: quia hinc ad summum sequitur, debere huic ministro sustentationem; eam vero præstare illi potest, non solvendo decimam, sed vel aliquod ei stipendium præstando, vel ex decimis aliorum fidelium partem aliquam illi applicando: eo vel maxime quod ille confessor pontificis non est proprie ordinarius pastor ejus, sed commissarius ab ipso electus, & tanquam vicarius, & minister ab ipso constitutus. Unde sicut alios officiales suos alit pontifex, non solvendo illis decimas, sed applicando eis partem vel decimarum; quas universi fideles solvunt, vel aliorum ecclesiasticorum reddituum, vel certum stipendium, ita & hunc alere potest. Ipsi enim pontifici ex vi sui muneris debitum est ex redditibus ecclesiasticis totum id, quod ad sui, suæque familiæ, & omnium officialium suorum sustentationem necessarium fuerit, ut statim explicabimus. Non reperitur ergo in pontifice proprium fundamentum decimarum, quantum ad debitum personale earum, ideoque nec debitum ipsum inveniri potest. Denique hoc modo habet etiam vim alia ratio, scilicet, quod præceptum solvendi decimas, non obligat pontificem, quatenus naturale est, quia ut sic obligat ad sustentationem ministrorum, de qua jam dictum est. Nec etiam ut ecclesiasticum, quia ut sic papa est supra Canones. Et licet obligetur legibus ecclesiasticis quoad vim directivam, illud procedit, quando lex respicit rationem universalem, & honestatem communem principi, & subditis, non est autem huiusmodi hoc præceptum decimarum, sed directe respicit fideles aliquo modo subditos in spiritualibus: ut dictum est, & amplius jam exponetur. Et hanc partem sequitur Abulens. Matth. 23. quæst. 193. infra.

Altera
pars de
debito
reali con-
firmatur.

10 Alteram partem de debito reali non videtur admittere Abulensis: est tamen vera, & fortasse intentata canonistis supra citatis, & illa ad summum fœdatur ex proportionem ad episcopos, vel parochos. Et breviter declaratur, quia post parochiarum, vel diocesium divisionem prædia unicuique ecclesiæ assignata habent annexum, tanquam onus reale, debitum decimarum respectu talis, vel talis ecclesiæ, ut nunc supponimus, & cap. 21. ex professo ostendimus. Ergo si pontifex quocumque temporali titulo acquirat, vel possideat possessiones illas, ut proprias, acquirat illas cum suo onere; ergo tenetur ex illis solvere decimas illis ecclesiis, quibus antea debebantur, quia res transiit cum onere suo. Et licet Summus pontifex sit supremus dispensator decimarum, & jurium earum, non est tamen dominus, & ideo non potest arbitrio suo illas usurpare. Quapropter si cardinalis antequam eligeretur in pontificem, haberet prædia patrimonialia, vel alio modo propria, ratione quorum deberet alicui ecclesiæ decimas, easdem ex eisdem, eidemque ecclesiæ debebit postea etiam electus pontifex; eademque ratio est, licet jam factus pontifex talem possessionem acquirat. Quod si fortasse uti velit potestate pontificia secum ipse dispensando, & se eximendo ab illarum solutione, oportet, ut ex rationabili causa id faciat, quomodo posset sibi applicare decimas alicui ecclesiæ debitas ex aliis prædiis; & ideo hæc potestas non impedit, quominus simpliciter, & ex vi iustitiæ decimarum talium prædiorum solvendæ sint ecclesiæ, etiam si dominium prædiorum ad pontificem transeat titulo temporali. Quod semper addo, quia si prædia pertineant ad pontificem, ut pontifex est, quia scilicet sunt de patrimonio Petri, sic constat, non posse ex eis debere decimas, quia sibi ipsi illas deberet, & quia non sola decima, sed simpliciter omnes fructus talium prædiorum ad ipsum pertinent. An vero teneatur ex eis quorundam aliquam partem vel pauperibus, vel fabri-

cæ applicare, alia quæstio est, quæ ad debitum decimarum non pertinet. Et hæc satis sunt de pontifice, per quæ prima pars primæ difficultatis satis expedita est.

11 In secunda de episcopis, & prælatis peritur, an teneantur ad decimas; & omisso opinionibus, dicendum est, non teneri ad solvendas decimas debito personali, attento jure ecclesiastico, posse tamen teneri debito reali quoad aliquas prædiales decimas, non vero quoad personales etiam temporali titulo acquisitas. Probatur prima pars, quia episcopi non teneantur solvere decimas parochis, aut Summo pontifici, nec aliis episcopis, vel archiepiscopis, nec clericis sibi inferioribus; ergo per se non obligantur hoc debito, ut personali. Consequentia tenet a sufficienti partium enumeratione, quia hoc debitum immediate debet esse ad aliquem hominem, sub homine comprehendendo corpus mysticum ex hominibus constans; hoc autem sufficienter comprehenditur sub illis tribus membris; ergo illis exclusis, non manet debitum, quia nemo constituitur debitor, nisi respectu alicujus. Probatur ergo prima pars, quia licet attento jure divino naturali possit pontifex postulare ab omnibus episcopis quorundam aliquam suorum reddituum tam ecclesiasticorum, quam temporalium ad se, suæque onera sustentanda; nihilominus jure communi, & ecclesiastico non est usus hac potestate quoad quorundam decimarum episcopatum, sed aliis modis sustentationi, & quasi stipendio pontifici debito provium est. Et ideo non dixi, episcopos non posse ad hanc decimam obligari, nec dixi, simpliciter non teneri, sed cum limitatione non teneri, attento jure ecclesiastico. Nam quod in rigore obligari possent, mihi satis probant omnia adducta in secunda parte primæ difficultatis, & in tota difficultate secunda, quæ maxime procedit in debito personali decimarum, possibili absolute attenta ratione naturali. Et ita etiam fatetur D. Th. dicto art. 4. ad 3. quem omnes sequuntur. Et loquitur non solum de episcopis, sed absolute de clericis, quia eadem est ratio de omnibus, cum pontifex sit universalis omnium pastor.

Episcopo
teneri ad
decimas
debito
reali, non
vero per-
sonali.

12 Quod autem secundum commune jus pontifex non utatur hac potestate, sentiunt idem D. Thom. & omnes, & constat, quia nullum tale jus ecclesiasticum invenitur, nec usus illud ostendit. Sed aliter pontifex, & sustentat onera sua partim ex tributis, & redditibus sui domini temporales, quod Petri patrimonium vocatur, partim ex decimis, & redditibus ecclesiasticis sui Romani episcopatus, partim ex partitione aliqua beneficiorum ecclesiasticorum, & episcopatum vacantium, aut de novo provisorum, quam sibi sedes Apostolica applicavit, in quo consuetudines provinciarum, & regnorum observari solent, partim ex certis quibusdam juri- bus, quæ in expeditionibus diversarum literarum illi sedi debentur, vel aliis similibus redditibus. Et nihilominus potestatem retinet plura exigendi, & non solum decimam decimarum, sed etiam majorem quorundam, quando necessitas vel occasio aliqua id postulaverit; tamen defacto, & ex vi juris communis constituti non tenentur episcopi solvere decimas pontifici: unde a fortiori non tenentur aliis sive superioribus, sive inferioribus, aut æqualibus prælatis, vel clericis, quia in his nec jus invenitur, nec fundamentum juris, cum non sint pastores episcoporum, nec illis spiritualia ministrent. Et licet in superioribus videri posset, esse aliquod fundamentum respectu inferiorum, ut in archiepiscopo respectu suffraganeorum episcoporum, & similibus, nihilominus ex vi juris communis nullum est tale debitum, nec sufficiens fundamentum ejus, quia illa subjectio, & subordinatio parva est, & non meretur tantam recompensationem: sed onus illud vel censetur esse superiori dignitati annexum, eique sufficienter provium per redditus talis dignitatis, vel per contributiones alias, quæ pro actibus judicialibus, aut visitationibus debentur, sufficienter compensatur.

13 Ex his ergo satis probata manet assertio quoad personale debitum; quoad alteram vero partem de debito

Probatur
assertio
quoad de-
bitum
reale.

debito reali, quod nimirum hoc modo obligentur episcopi ad decimas prædiales sæculari titulo possessas, communis sententia est, ut ex D. Thoma, & Theologis referemus in puncto sequenti, & ex Innocent. & aliis Canonistis sumitur in capite 2. de decimis, & sequitur Rebuff. dicta questio. 5. num. 3. & 4. cum Cardin. con. 88. num. 7. Probari autem solet ex cap. *Questio. 16. questio. 1.* quod Gratianus refert ex Concilio Moguntino, invenitur tamen solum in Cabilonensi. 2. cap. 19. Nihil vero ad rem præsentem facit, nam verba sunt: *Questi sunt quidam fratres, quod essent aliqui episcopi, & abbates, qui decimas non solum dari ecclesiis, ubi illi coloni missas audiunt. Proinde decrevit sacer iste conventus, ut episcopi, & abbates de agris, & vineis, quæ ad suum, & fratrum stipendium habent, decimas ecclesiis dari faciant. Familiae vero decimas, ubi infantes eorum baptizantur, & usque per totum anni circulum missas audiunt.* Ex quibus verbis aperte constat, non esse sermonem de prædiis patrimonialibus, seu sæcularibus episcoporum, sed de his, quæ ecclesia possidet ad clericorum suorum stipendium, & sustentationem, ut patet ex illis verbis: *Quæ ad suum, & fratrum stipendium habent.* Episcopi enim non habent patrimonialia bona ad suum, & fratrum stipendium, ut per se constat; ad hoc autem dicuntur ecclesiasticas possessiones habere, quia illas sub sua cura, & dispensatione habent.

Objectioni
non occurritur.

15 Dices, hinc augeri difficultatem, quia sequitur, teneri episcopos ad solvendas decimas ex ecclesiasticis prædiis. Nam ibi concluditur, ut ex dictis agris decimas ad ecclesias dari faciant. Unde a fortiori sumitur argumentum, quod multo magis ex patrimonialibus prædiis decimasolvere teneantur. Sed verba illa contrarium habent sensum; nam intelligendum est, ut faciant dari decimas ad ecclesias suas. Ita enim addit Gratianus, & forte ita invenit in antiquo Concilio, licet nunc in Cabilon. non legatur. Estque consonum casui, & decisioni Concilii. Nam querimonia erat, quia episcopi non permittebant, colonosolvere decimas in suis ecclesiis parochialibus, quæ (ut aperte supponitur) erant distinctæ ab ecclesiis episcoporum, vel abbatum. Decisio autem Concilii est, ut si possessiones sint ecclesiasticæ, & ad sustentationem ministrorum ecclesiæ deputatæ, episcopi non solvant decimas prædiales parochiis colonorum, sed illas retineant pro suis ecclesiis; ipsorum autem colonos (quos nomine familia intelligit) sinant in parochiis suisolvere decimas, utique vel personales, vel parciales, quas ex prædiis conductis habere solent, si prædia sunt intra terminos suarum parochiarum constituta, & in summario illius textus negative legitur: *Non persolvant de propriis prædiis abbates, & episcopi decimas.* Qui tamen titulus sano modo intelligendus est de prædiis ecclesiasticis, seu suarum ecclesiarum. Atque ad hoc propositum adducitur textus ille a Gratiano. Ac denique sensus ille evidentius exprimitur in Canone Urbani papæ, qui sub dicto capite. *Questi* refertur in novo Decreto Gregoriano: *Perlatum est ad sancta synodum, quod sint quidam episcopi, & abbates, qui colonos ad se pertinentes non sinant decimas dare ad ecclesias, ubi missas audiunt, & infantes eorum baptizantur. Proinde decrevit sacer iste conventus, ut episcopi, & abbates de vineis, vel agris, ac frugibus, quæ ad suum, vel fratrum usum laborant, decimas sibi pro benedictione, vel hospitum susceptione habeant: familia vero ibi dent decimas suas, ubi per totum anni circulum missas audiunt, & infantes eorum baptizantur.* Ille ergo textus nihil ad rem præsentem facit. Alii vero id probare conantur ex dicto capite 2. de decimis; sed nihiletiam probant, nam in priori parte ejus potius negatur obligatio solvendi decimas: posterior vero, ubi affirmatur, non potest applicari ad episcopos, quia per se loquendo non sunt ex illis clericis, qui ab aliis clericis sacramenta recipiunt: quia in ea parte sermo est de debito personali, non de reali.

Probat
ratione
objectionis.

15 Illa ergo pars eodem modo probanda est, quo similem de pontifice ostendimus, quia res transit cum onere suo, & quia ecclesia non debet in bonis suis lædi, eo quod ad temporale dominium episcopi prædia

Suarez. Tom. XII.

transseant. Quæ rationes eo fortius in cæteris prælatis infra pontificem procedunt, quo minorem illi potestatem habent circa decimarum dispensationem; unde constat, partem hanc non procedere in prædiis ecclesiasticis, si qua fortasse specialiter episcopo applicentur in stipendium, & sustentationem propriam; ex illis enim decimasolvere non tenetur, ut a fortiori constabit ex his, quæ de parochiis dicemus. Idemque judicium est de quibuscumque decimis personalibus, quia in illis non habet locum reale debitum, ut iterum etiam statim dicemus.

16 Tercio ponitur in eadem parte similis questio de paracho uniuscujusque ecclesiæ, an teneatur illeolvere decimas. Cui cum proportionem respondendum est, parochos teneri quidem posse debito reali ad decimas prædiales solvendas, propterea tamen non teneri ad solvendas ullas debito personali, attento jure communi. Prima pars a fortiori constat ex dictis; & juxta illam intelligo dictum D. Thom. in dicto art. 4. ad 1. ubi ait, clericos debere decimas de prioris prædiis, *Etiamsi sint clerici illarum ecclesiarum, in quibus tales decimæ solvuntur.* Sub quibus clericis etiam parochos comprehendere expressius, quam alii, declarant Covarr. & Gutier. supra. Et sic est res clara ex his, quæ de pontifice, & episcopis diximus: nam si prædia ipsa habent hodie reale onus, cum illo transeunt ad clericum, etiamsi parochus sit. Limitandum autem hoc est ad prædia laicalia, seu titulo sæculari acquisita, ut Soto dixit, & D. Thomas aperte sentit. Quia si prædia sint ecclesiastica, & paracho sint in particulari applicata ad ejus sustentationem, non potest ex illis debere decimas, nam potius illæ habent locum decimarum, quæ ipsi paracho dantur ratione sui ministerii. Quod si ecclesiæ prædium non sit in particulari applicatum paracho, tunc non decimas, sed omnes fructus ejus ad ecclesiam perveniunt, ex quibus sua pars ad parochum juxta modum sui beneficii pertinebit, ex qua parte nullam decimam cogiturolvere propter eandem rationem. Secus vero est de fructibus sæcularis prædii; nam illi non pertinent ad personam parochi ratione sui ministerii, & ideo ex illis debetolvere decimas, saltem ex debito reali.

Parochus
teneri ad
decimas
reale,
non
vero
personali.

17 Dices: in ecclesia parochiali decimæ solvuntur ipsi paracho; ergo si parochus illius ecclesiæ tales decimas debet, sibi debet, quod repugnat, ut supra argumentabamur. Respondetur primo, licet antecedens esset verum, nihilominus debere in hac persona distinguere rationem debitoris, & ejus, cui debetur: & verum semper esset, quod decima illius prædii non competit huic personæ, quatenus Dominus temporalis illius prædii est, sed quatenus tale beneficium habet. Secundo vero dicitur, antecedens esse falsum in rigore, quia decimæ non paracho proprie, sed clero, seu ministris hujus ecclesiæ debentur, ex quibus pars aliqua ad parochum pertinere solet, ut magis sequenti capite explicabimus. Et hoc significavit Divus Thomas in ratione, quam subdit dicens, *Quia aliud est habere aliquid ut proprium: aliud ut commune.* Decima ergo ex tali prædio non potest usurpari a paracho tanquam propria, sed debet illam exhibere suæ ecclesiæ, ut communem, etiamsi postea ex ipsa tanquam beneficiatus participare debeat. Unde longe diverso modo, & distincto onere possidebit illos fructus, ut proprios ratione temporalis dominii, vel ut receptos ratione sui beneficii, ut constat.

Satisfit
objectioni.

18 Secundam partem de debito personali, in curato specialiter, indicavit Soto; sententiam enim, curatum solum propter temporalem possessionem posse debere decimas, non vero ratione suæ personæ. Et idem sentit Rebuffus d. quest. 5. num. 9. & probatur ex dictis, quia debitum personale decimarum fundatur in receptione spiritualium ab aliquo pastore, qui ex officio ad hoc teneatur, & per jus ecclesiasticum consummatur; at in paracho vel deest fundamentum illud, vel per jus ecclesiæ non consummatur: ergo debitum illud non habet locum in paracho ratione suæ personæ. Minor declaratur, quia parochus non habet proprium pastorem, nisi episcopum, & pontificem (nam sub episcopo comprehendendo quemlibet alium participantem aliquo modo episcopalem

Probat
secunda
pars de
debito
personali.

jurisdictionem, si esse contingat, nam eadem est ratio de illo. Respectu ergo summi pontificis, quæ dicta sunt de episcopo, a fortiori de parochis procedunt, quantum ad potestatem exigendi ab eis decimas pro summo pontifice, tamen de facto etiam non est illis hoc onus imposuium jure communi, ut sentit Divus Thom. dicta solut. ad 3. & eodem modo declarari, ac persuaderi potest, quo in episcopo; & ideo licet respectu pontificis non desit fundamentum, deest tamen commune jus, & ideo attento jure, non est in parochis talis obligatio. Respectu etiam episcopi non deest fundamentum, ut probant objectiones supra factæ, quia etiam episcopus est pastor ordinarius parochorum sibi subditorum, ejusque spiritualia administrat; nam licet ordinarie non tribuat illis sacramenta, pascit eos verbo, & doctrina, & spiritualiter ipsos gubernat, sicut & cæteras oves suas, & in multis casibus specialiori modo. Ergo intercedit inter parochum, & episcopum sufficiens fundamentum persolvendi decimas, de possibili loquendo.

Differen-
tia inter
summum
pontificem
& episco-
pos in de-
cimis im-
ponendis.

19 Est tamen hæc differentia inter pontificem, & episcopum, quod pontifex habet suo jure potestatem imponendi decimas parochis, sicut & episcopi: episcopus autem non potest illas imperare parochis sibi subiectis, nec tributum aliquod, aut subsidium ab illis exigere, præter id, quod jure communi statutum est, ut patet ex c. *Constitutum*, c. *Nulli episcoporum*, c. *Ad hoc*, c. *Predicator*, 16. qu. 1. Ratio vero est, quia episcopi non sunt supremi dispensatores decimarum, sicut pontifex, nec illis commissæ est potestas ad imponendas decimas, non solum parochis, verum etiam quibuslibet clericis, vel laicis, ut ex dictis juribus, quæ fere omnia pontificia sunt, constat. Ex hoc ergo capite non tenentur, nec obligari possunt parochi ab episcopis suis sibi decimas persolvere: illisque, & eorum sustentationi, ac oneri sufficienter provisum est per communium decimarum portionem eis juxta sacros canones designatam, vel (ubi commune jus receptum non est) per alios ecclesiasticos redditus ubique ecclesiæ designatos. Denique in unoquoque parochia respectu aliorum extraneorum episcoporum, vel clericorum, aut parochorum deest non tantum jus, sed etiam fundamentum decimarum, quia non recipiunt ab illis divina, neque eis subordinantur. Et hoc sensu dixerunt aliqui, ut refert Rebuff. supra num. 6. clericos non debere decimas clericis æqualibus, ita intelligentes cap. 2. de decimis, quæ sententia in se vera est, & rationi conformis, quicquid sit de accommodatione illius ad textum prædictum. Nominem autem æqualium comprehenduntur omnes non superiores in jurisdictione, vel pastoralis munere respectu ipsorum.

Parochus
non tenetur
ad decimas
sol-
vendas ra-
tione per-
sonarum.

20 Ita ergo inductione facta constat, parochos non teneri ad decimas solvendas ratione suarum personarum, quia nulla persona invenitur, cui debitores constituantur. Dici vero potest debere illas suæ ecclesiæ, ut in eumulum communem veniant cum aliis decimis, & postea omnes cum proportionem dividantur juxta canones, vel consuetudinem, sicut supra dicebamus de debito reali decimarum prædialium ex secularibus possessionibus. Sed hoc etiam dici non potest, quia parochus ad suam ecclesiam non comparatur, ut recipiens, sed ut conferens sacra, ut hic Soto advertit; ergo non est, cur obligetur ad solvendas decimas, quia ad hoc solum obligantur clerici, quatenus recipiunt ab aliis divina, ut patet ex dicto capite 2. de decimis in fine. Nec refert, quod ipse etiam parochus sacramenta interdum ab alio recipiat, nam per se tantum recipit illa a suo episcopo, vel pontifice, vel a vicario, quem loco illorum ex eorum consensu speciali, vel generali habet: & ideo non magis illi debet decimas, quam pontifici, vel episcopo. Nec est eadem ratio de decimis prædialibus debitis ratione ipsarum rerum, seu possessionum, quia in illis & jus, & fundamentum est longe diversum, ut explicatum est. Atque ex his aperte concluditur, parochum non teneri ad solvendas personales decimas, seu spirituali titulo, siue temporali acquisitæ sint. Probatur, quia non tenetur ad solvendas illas ex debito personali, quia ad nullas omnino decimas hoc titulo obligatur, ut osten-

sum est: debitum autem reale non cadit in decimas personales, quia persona de se non habet annexum onus solvendi decimam, nisi quatenus resultat ex receptione divinorum per laborem, & operam ministrorum ecclesiæ, quod pertinet ad personale debitum. Atque ita tenet Rebuff. d. quæst. 5. num. 9. Covar. supra, qui etiam generalius loquuntur, ut in sequenti puncto declarabo.

21 Quarto tandem similis interrogatio peti potest de aliis simplicibus clericis, de quibus alia ratio esse videtur. Et ideo dicendum est, alios clericos, qui non sunt pastores ecclesiæ, nec ex officio divina ministrant aliis fidelibus, perse, & ex vi juris communis teneri ad decimas persolvendas, non solum re ali debito (ubi contingerit illud habere) sed etiam personali. Hæc conclusio in genere sumpta est Divi Thomæ, & communis in dicto capite 2. de decimis, ubi Hostiens. Anton. Abbas, Henric. Cardin. Conf. 90. Covarr. Soto, Guttier. Rebuff. & alii supra citati. Probaturque sufficienter ex posteriori parte illius textus, in qua dicitur, clericos, qui ab aliis clericis recipiunt sacramenta, decimis esse obnoxios: non quidem ratione rei possessæ, sed ratione operis, & laboris in eorum commodum impensæ, ex quo titulo oritur debitum personale. Sine causa vero Glossa ibi hoc limitat ad clericos conjugatos; tum quia textus absolute loquitur; tum quia ratio textus in omnibus clericis recipientibus dicto modo sacramenta locum habet, ut notavit Rebuff. supra. Et ideo nec limitandus est ille textus ad clericos inferiores primæ tonsuræ, vel minorum ordinum, (quicquid ille insinuet) quia eadem ratio est de clericis in sacris: etiam si sacerdotes sint, ut Antoninus ibi, & alii dixerunt. Quia licet sacerdotes non ab alio, sed a se videantur sacramenta suscipere, hoc solum est verum de eucharistiæ communione, quæ in ipso sacrificio fit: in aliis vero etiam ipsi subduntur parochis quoad spiritualia, quia eorum curæ subsumt in sacramentorum receptione, ut communiter norant Canonistæ in cap. *Omnis utriusque*, de Pœnit. & remissi, ergo sub regula solvendi decimas comprehenduntur in rigore juris.

Clerici
simplices
tenentur
ex vi juris
ad decimas
non
solum rea-
li, sed per-
sonali de-
bito.

22 Ab hac tamen obligatione excipiunt aliqui clericos intervenientes alicui ecclesiæ, cui decimæ debentur: nam illos, ajunt, non teneri ad solvendas decimas etiam de patrimonialibus bonis. Ita Alensis supra, quem Silvester & Angel. sequuntur, solumque id probant ex capite secundo de decimis, sed inde nihil probari potest, quantum ad decimas ex secularibus bonis, ut ex dictis facile constat. Si ergo illa limitatio intelligatur de debito reali decimarum ex prædiis secularibus, probabilis profecto non est, estque contra Divum Thomam, & communem supra allegatam, & sine fundamento: si enim parochas ipse tenetur illas decimas solvere, multo magis quilibet alius tali ecclesiæ interveniens. Item illud onus est annexum rei, & ideo diximus etiam episcopum, & papam obligari; ergo. Item alias graviter læderetur ecclesia, quia possent canonici, & alii intervenientes ei multas possessiones acquirere, & eam decimis privare. Denique hoc evidenter supponitur in cap. *Si quis laicus, vel clericus*, 16. quæstione 1. ubi dicitur, non posse clericum rem propriam legare, aut dare privando priorem ecclesiam decimarum proventu; supponit ergo habere ecclesiam decimarum proventum ex rebus clericorum. Si vero illa sententia intelligatur de personali debito, erit fortasse magis tolerabilis. Simpliciter tamen vera non est, neque in jure habet fundamentum, quia capite 2. quod pro illa citatur, in secunda parte sua potius contrarium probat, ut deductum est, in priori vero non agit de clericis, quatenus possident prædia more laicorum, sed ad summam ut clerici sunt, ut omnes exponunt, & ratio facta convincit: unde contraria sententia est etiam ratione destituta, nam in his clericis invenitur fundamentum obligationis personalis harum decimarum, & forma generalis præcepti illos comprehendit tanquam fideles sacramenta recipientes, & nullum est jus illos eximens; ergo.

Limitatio
a quibus
dam as-
signata.

23 Intellecta vero illa exceptio de decimis ex possessionibus, vel redditibus ecclesiasticis, est probabilis,

Exceptio
precedens
quomodo
possit esse
vera.

bilis, & communius recepta, & habet in illo capite 2. magnum fundamentum, juxta expositionem D. Th. communiter etiam approbatam: & ita accommodatur exemplum a Levitis in eo textu sumptum; nam illi non solvebant decimas aliis Levitis, quia non habebant alia bona, nisi decimarum; ergo & nostri clerici non solvant aliis clericis decimas ex fructibus ecclesiasticis. Tandem ratione declarari potest, quia ad solvendas hujusmodi decimas non obligantur hi clerici ex debito reali, quia possessiones ecclesie non habent annexum onus solvendi decimas eidem ecclesie, cujus sunt, ut supra ostensum est cum D. Tho. & aliis; & eadem ratio est de omnibus fructibus, seu redditibus, nam secundum jus commune ecclesie decimæ non sunt obnoxie, ut ex illis solvantur aliæ decimæ, neque in hoc ecclesia imitata est legem veterem. Neque etiam obligantur hi clerici ad prædictas decimas solvendas ex debito personalium; tum quia illo modo non plus obligantur, quam laici, quia titulo, & onere laicorum obligantur, & ideo solum obligantur ad solvendam decimam ex redditibus possessionum secularium, sicut laici; tum etiam quia eo ipso, quod eidem ecclesie ministrant, & illo titulo accipiunt ecclesiasticos redditus in stipendium, & sustentationem, censentur illud stipendium accipere integrum, & liberum ab omni ecclesiastico onere, & hoc est, quod in dicto capite 2. in principio significatur. Quamdam vero limitationem in hoc puncto invenio positam ab Alensi supra, videl. quando Clerici testari possunt ex fructibus suorum beneficiorum, teneantur etiam ad decimas præstandas ex eorum redditibus. Sed hoc nullo jure fundatum esse video, nec ratione probari potest, & ideo admittendum non est, nisi ubi eadem consuetudo, quæ facultatem testandi induxerit, simul etiam decimandi obligationem introducat, quod tamen nec necessarium est, quia illa duo non sunt per se connexa, nec de facto consuetudine servatur, quantum intelligo.

24 Denique ex his colligi potest, quid dicendum sit de personalibus decimis. Verosimilius enim est, clericos nunquam teneri ad decimas personales solvendas ex lucris acquisitis spirituali titulo propter eandem rationem cum proportionem applicatam. Et potest etiam alia supra insinuatam induci, quia ecclesia non vult, clericos gravari in ecclesiasticis bonis, nisi casibus in jure expressis, hic autem casus, seu decimandi modus non est in jure expressus. De aliis vero decimis personalibus ex lucris temporalibus varieg sunt opiniones: tamen in rigore juris eadem ratio de illis est, quæ de prædialibus decimis ex secularibus possessionibus, licet consuetudo esse dicatur, ut tales decimæ non solvantur, maxime a clericis; quæ consuetudo, ubi fuerit, servanda est juxta supra dicta. Et dicenda in sequenti capite.

Religiosos teneri ad solvendas decimas.

25 Atque ex his constat, quid dicendum sit de religiosis, & de quibuscumque personis ecclesiasticis, quocumque modo, aut titulo tales censeantur. Dicendum enim est, omnes teneri ad persolvendas decimas, quantum est ex vi communis juris. Probat, quia non eximuntur ex eo præcise, quod ecclesiasticæ personæ sunt, nam clerici simplicius, & propius sunt ecclesiasticæ personæ, & non propterea eximuntur, neque etiam ex eo, quod sub generali regula non comprehendantur, nam etiam illi sunt fideles participantes sacramenta, & divina a pastoribus ecclesie. Quod si interdum ipsi participant curam animarum ex officio, non id habent, quatenus religiosi sunt, sed quatenus clerici, & beneficiati, & ut sic, illorum regulam sequuntur. Religiosi autem per se, & ut religiosi sunt, decimas debent, ut in cap. *De cetero*, cap. *Ex parte*, & cap. *Licet*, & aliis de decimis habetur, & cap. 2. §. *ceterum*, de decimis in 6, & idem supponitur in cap. *veniens*, de transactio.

26 Tandem ex his omnibus satisfactum est toti primæ difficultati, nam explicuimus, quomodo decimarum obligatio in singulos clericorum ordines cadere possit. Solum est cavenda æquivocatio circa illam reduplicationem *De clericis, ut clerici sunt*, quia non in eo sensu accipitur a Divo Tho. & aliis doctoribus, in quo illa objectionem accipitur, non enim negantur

clerici solvere decimas ut clerici, eo quod illas non solvant suis superioribus, qui illos speciali modo paſcunt, & gubernant, etiam ut clericos; nihil enim repugnat, quin hoc titulo illas solvant, ut ostensum est: sed dicuntur non solvere ut clerici, quia quovis cumque decimas solvant, non solvant illas ex ecclesiasticis bonis, sed ex temporalibus, nam in illa formalitate solvendi (ut sic dicam) magis intenditur respectus ad bona, ex quibus fit solutio, quam ad modum subjectionis ad prælatos ecclesie, seu ad influxum spirituales pastorum in subditos debentes decimas; nam quod ille influxus sit communis fidelibus, vel proprius clericorum, materiale quid est in ordine ad solutionem decimarum. Et ita manet etiam expedita tertia secunda difficultas, quæ in prædicta æquivocatione fere fundata est. Cur autem bona, seu prædia seculari titulo possessa sint obnoxia solutioni decimarum; non autem ecclesiastica prædia, jam satis explicatum est.

27 Una vero superest difficultas circa hæc prædia ecclesiastica, quando prædia unius parochie propria sita sunt intra terminos alterius parochie, an tunc ecclesia, cujus est prædium, teneatur solvere decimam illi ecclesie, in cujus territorio est prædium: nam ex dictis videtur sequi teneri saltem ex debito reali, licet personale hic intercedere non possit, sequela patet, quia res transit cum suo onere; sed prædia existentia in termino alicujus ecclesie, habent onus reale decimarum illi ecclesie solvendarum; ergo licet perveniant ad dominium alterius ecclesie, ad illam transeunt cum suo onere, scil. solvendi decimas alterius ecclesie. Et confirmatur, quia dictum est, etiam ad summum pontificem, & episcopos transire cum hoc onere; ergo multo magis ad aliam particularem ecclesiam. Confirmatur secundo, quia alias monasterium emens, & colens prædia in alicujus ecclesie terminis existentia, non teneretur ex illis solvere decimas tali ecclesie ex vi juris communis, quia jam efficiuntur ecclesiastica prædia. Consequens est contra multa decreta, capit. *Commissum*, cap. *Nuper*, cum aliis de decimis, & 16. quæst. 1. ergo.

Cum prædia unius ecclesie sita intra terminos alterius ecclesie teneatur ad decimas.

28 Ad hancigitur difficultatem primo responderi potest, concedendo sequelam, nimirum tales ecclesias tunc teneri ad solvendas decimas alteri ecclesie, in qua sunt prædia debito reali. Quam sententiam tenent Abbas in dicto cap. 2. numero 6. & in dicto capite *Nuper* de decimis, Rebuffus in dicta quæstione quinta, numero vigesimo, Gutierrez dicto capite vigesimo primo numero 54. & esse communius receptam, affirmat Covarruvias dicto capite 17. numero 8. §. *Secunde*. Et a fortiori tenet eandem sententiam Glossa in capite primo de Censibus vers. *Ullo onere*, ampliando illam etiam ad mansum, seu proprium fundum ecclesie. Nam licet de illo manso in illo textu dicatur debere esse liberum ab omni onere, nihilominus Glossa illa dicit, quod si prius ex illo solvebantur decimæ alteri ecclesie, etiam postea solvendæ sunt. Habetque hæc sententia magnum fundamentum in capit. *Ecclesie*, & capite *Quicumque*, 16. quæstione 1. Quibus statuitur, antiquiores ecclesias non esse privandas decimis prædiorum, propter novas ecclesias in eis edificatas. Addi etiam potest ratio ultra supra dictas, quia alias posset una ecclesia grave detrimentum pati, si aliarum possessiones intra illius terminos sitas acquirerent, quia ratione utuntur sæpe jura citata, cum de religiosis loquuntur.

Pars affirmat. proponitur.

29 Nihilominus contrariam sententiam nimirum, ex prædicto casu ecclesiam, cujus est possessio aliqua, non teneri ad solvendas decimas alteri ecclesie, in qua est possessio, tenet expresse D. Thom. dicta quæst. 87. art. 4. ad 1. ubi Cajetan, Soto, Aragon, qui omnes limitationem adhibent, nisi contingat, ob eam causam ecclesiam, in qua sunt prædia, magnam pati jacturam. Hi vero auctores nullam probationem ex jure offerunt, sed solum hanc conjecturam, scil. quod fundus eo ipso, quod sit ecclesie, efficitur ecclesiasticus, ac subinde spirituali muneri, ac ecclesie fabricæ mancipatus: & ideo ad solvendas decimas alteri ecclesie non manet obnoxius. Quæ conjectura parvi momenti esse videtur. Primo quia non potest de novo huic ecclesie man-

Pars negativa explicatur.

mancipari, cum injuria prioris ecclesiæ; & ita per hanc rationem non satis sit objectioni factæ, nec juribus in contrarium adductis. Secundo quia non repugnat, fundum, vel possessionem aliquam habentem antiquum censum, vel pensionem, donari, aut vendi ecclesiæ, & cum ipso met onere transire ad ecclesiam, ut in libr. de Immunit. ecclesiast. late tractavi, ut res est vulgaris, & receptissima. Maximeque hoc verum est, quando onus illud spirituale etiam est juxta cap. 1. de Censibus in fin. Nihil ergo repugnat, fundum esse ecclesiasticum, & fructus ejus quoad nonam partem esse unius ecclesiæ, & decimam esse alterius; nam ita etiam totus fundus erit mancipatus spirituali muneri, vel fabricæ ecclesiæ, non tamen unius, & ejusdem, sed plurium, juxta earum quasi partialia jura.

30 Melius posset suaderi hæc sententia ex dicto cap. *Questi* 16. quæstione 1. cum his, quæ circa illud supra notavimus: videtur enim ibi facta concessio unicuique ecclesiæ, ut ex suis possessionibus, quas habet ad suorum ministrorum sustentationem, decimas alteri ecclesiæ non solvat. Quod videtur generaliter intelligendum, ubicumque illæ possessiones sitæ sint; tum quia textus absolute loquitur; tum quia ex contextu colligi potest de hujusmodi decimis ibi esse sermonem. Nam alias nulla esset ratio, cur clerici alterius ecclesiæ conquirerentur, quia episcopus non sinebat, colonos suorum prædiorum alteri parochiæ solvere decimas. Neque enim est verisimile, querelam fuisse pro solis personalibus decimis colonorum, quia nec de illis ita solent curari episcopi, neque Concilium tanta cum distinctione respondisset, si de solis illis esset quæstio; & ita videtur intellexisse textum illum Glossa in dicto cap. 2. de decimis, verb. *A clericis*.

31 Et vero Glossa in eodem capit. *Questi*, in proponendo casum illius textus, aliquid addit huic textui, & tertiam opinionem inducit; ait enim, ecclesiam dominam agri altera in ecclesia sita, si colat illum suis sumptibus, & famulis, non teneri ad solvendas decimas alteri ecclesiæ, & quoad hoc approbat posteriorem sententiam. Indicat vero per argumentum a contrario, quod si per colonos agrum colat, tunc decimas solvere debet alteri ecclesiæ juxta prioram opinionem. Quam sententiam etiam approbat Turrecrem. sed profecto non habet in textu illo fundamentum; quia textus non ponit illam conditionem, *Si agros suos propriis colunt stipendiis*; sed verba textus sunt, *De vineis, & agris, quæ ad suum vel fratrum stipendium habent*. Quocirca, licet illa distinctio in aliis casibus a pontificibus tradi solet, maxime in privilegiis religiosorum, ut infra videbimus, in præsentī quæstione non habet fundamentum in illo textu, nec in alio jure, quod ego sciam. Omīssa ergo hac distinctione, alix duæ opiniones probabiles sunt, quamvis prior magis nitatur rigore justitiæ, & ideo in jure videatur habere majus fundamentum: nam sensus illius capituli *Questi* dubius est, & satis obscurus. Defendendo autem illum sensum juxta secundam opinionem dicendum consequenter est ad objectionem factam, illam procedere secundum generalem regulam, tamen in hoc ecclesiam statuisse speciale jus in favorem ecclesiasticorum prædiorum, quod sine dubio facere potuit, mutando aliqua ex parte jura ecclesiasticum, ut bona ecclesiastica essent magis certa, & integra. Et ideo non est eadem ratio de prædiis, quæ veniunt in dominium personæ pontificis, vel episcopi, &c. quia per hoc non efficiuntur bona illa ecclesiastica, ut constat. De religiosorum autem prædiis statim dicemus. Denique licet in rigore res sit dubia, usu vero, & consuetudine Div. Thom. sententia recepta est, ut Covarruvias, & Gutierrez significarunt. Et fortasse ipse Divus Thomas in illo sensu est locutus. Limitatio vero, quam Cajetan. & alii adhibent, rationi consentanea est; judicio tamen superioris prælati discernendum erit, quando sit tam enormis læsio, ut jus illud, vel consuetudo admittenda non sit. Et hæc tenus de secunda parte regulæ.

CAPUT XVIII.

An aliqui eximantur a debito decimarum, ubi de privilegio non solvendi decimas nulla differuntur.

1 In hoc cap. explicanda est tertia pars regulæ propositæ in cap. 16. quæ habebat, omnes supra dictos obligari ad decimas, nisi peculiari titulo exempti sint. Quam particulam, & limitationem expresse addidit Inn. III. in cap. *A nobis* de decimis, in illis verbis: *Nisi a præstatione ipsarum specialiter sit exemptus*; & infra: *Nisi ab eis ostendatur, quare ab hujusmodi sunt immunes*. Et ratio talis limitationis est clara ex dictis in capite 11. 12. & 13. Nam hæc obligatio solvendi decimas considerata in particulari, ut applicata singulis personis, non est naturalis, seu divina, sed mere humana; ergo fieri potest, ut aliquæ personæ obligatione eximantur. Dices hoc solum probare de exemptione a quora, non vero a tota solutione, quia præceptum decimarum solum est humanum quantum ad quotam. Respondeo, hoc procedere respectu totius communitalis, vel parochiæ, vel ecclesiæ, non vero respectu singularum particularium personarum, vel familiarum. Quia de jure naturali, & divino solum est, ut ministri ecclesiæ habeant ab eadem ecclesia congruam sustentationem, quod vero concurrant omnis, & singuli de ecclesia, aliquid contribuendo, non est de jure naturali, neque quoad quotam decimæ, nec omnino quoad aliquam partem, quantumvis minimam; possunt ergo aliqui per ecclesiam eximi ab hoc onere. Dices: saltem erit hæc acceptio personarum, quæ est contra jus divinum, & naturale, quia est contra justitiam distributivam, quia dum quidam eximuntur, alii gravantur. Assumptum patet, quia cum omnes si teles gaudeant laboribus ministrorum ecclesiæ, acceptio personarum est, quibusdam imponere totum onus sustentandi ministros, & alios eximere. Respondetur, hanc exceptionem semper fieri debere ex rationabili causa; & quando respicitur justa causa, non accipi personam, neque hoc redundare in gravamen aliorum, qui non eximuntur, quia non exigitur ab illis ultra decimam, ad quam ex jure tenentur; solum ergo per hanc exceptionem diminuitur census, & stipendium ministrorum ecclesiæ, quæ diminutio nunquam est, nec esse potest citra congruentem sustentationem; quod autem ultra illam datur, potest ecclesia taxare, augere, & minuere, prout ad commune bonum expedire judicaverit. Hæc ergo exemptio sæpe juste fit, & ideo illa limitatio regulæ necessaria fuit.

2 Est autem circa istam partem ulterius advertendum ex dictis in cap. 15. solum Summum pontificem posse hanc exceptionem facere, quia inferiores prælati non possunt, ut ibi ostensum est. Et licet per consuetudinem comparari possit, ut diximus cap. 12. tamen ibidem adnotavimus, consuetudinem quoad hunc effectum pendere semper aliquo modo a papa ut expresse, vel tacite, in generali, aut in particulari admittente talem consuetudinem, quæ contra illius voluntatem, vel potestatem prævalere non potest. Et hoc modo dicimus a solo pontifice hanc exemptionem fieri. Possimus autem distinguere tres modos, quibus fieri solet. Primus est per ipsum commune jus, sub quo comprehendimus omnia privilegia in corpore juris inserta. Secundus est per privilegia scripta, & concessa extra jus commune. Tertius est per consuetudinem non scriptam. De hoc tertio modo, quæ ad doctrinam generalem spectare possunt, tradita sunt in capite 12. reliqua particularia, quæ ad factum potius, quam ad jus pertinent, non possunt a nobis tradi, quia in diversis provinciis, populis, & familiis variæ sunt consuetudines, quas illi scire, & servare tenentur, ad quos pertinent. In secundo etiam modo est magna varietas pro diversitate religionum, & unicuique remittimus, ut sua privilegia consideret, & observet, & tractando de statu religioso attingemus aliqua, tum in communi, tum in specie de nostra religione Societatis. Nunc ergo de exemptionibus in jure concessis pauca dicemus.

Explicatur
Turrecrem
pars regula
supra
posita.

Rejicitur
media sen-
tentia in-
ter duas
supra re-
latas.

Exemptio
a decimis
a solo
Sum Pon-
tifici potest
fieri.

Proponitur
tres
modi exi-
mendi a
decimis.

cemus; & quia illæ ad religiosos maxime spectant, quædam etiam generalia principia de hoc privilegio decimarum elucidabimus.

Primo modo eximuntur a decimis, qui in communi vivunt.

3 Ad primum ergo modum pertinet exemptio a solutione decimarum personalium ex propriis laboribus, quam concedit his, qui in communi vivunt, Paschasius Papa in cap. *Decimas* 16. quæst. 1. ut notant Abulens. Sylvest. & Angel. locis sæpe citatis. Et fit extensio in textu tam ad Monachos, quam ad Clericos communiter viventes, id est, regulares, & paupertatem in communi profitentes, nam illi non sibi, sed suæ communitati lucrantur ad sustentationem illius, quæ ecclesiastica est, & si quid habet superfluum, in pauperes, & pia opera illud expendere debet, ut dixit Gregorius in responsione secunda ad Augustinum; & ideo merito ab hac decima eximuntur. Immo Glossa, Turrecrem. & alii intelligunt, ibi non solum concedi exemptionem a decimis personalibus, sed etiam a prædialibus, quæ ex labore, & industria talium regularium proveniunt. Quod certe fati insinuat in verbis illis textus, *Decimas de laboribus, seu nutrimentis suis propriis*. Nam licet vox illa, *de laboribus*, posset in rigore restringi ad decimas mere personales, per alias nimirum, *seu nutrimentis suis propriis*, extendi videtur etiam ad prædiales. Nam hoc verbum non est synonymum prioris, sed ampliat illud ad omnes labores, qui ad nutrimentum proprium ordinantur: hujusmodi autem sunt animalium, quibus nutrimur, educatio, proprii agri, vel horti cultura: est ergo hæc sententia valde probabilis. Unde per hæc verba solent significari in jure decimæ omnes, quæ ex propriis laboribus proveniunt, ut in sequentibus videbimus.

4 Et confirmari potest ex capite 2. de ecclesiis ædi. Ubi extenditur hæc concessio ad leprosos communiter viventes, quando sunt in tanto numero ut propriam ecclesiam cum suo cæmeterio, & proprium presbyterum habere possint. Qui dicuntur, *sub communi vita congregati*, non quia religiosi sint, ut bene ibi Glossa ultima supponit, sed quia per modum unius communitaris quasi in hospitali sibi communi separatim vivunt. Illis ergo ibi conceditur, *ut de hortis, & nutrimentis animalium suorum decimas tribuere non cogantur*. Hoc ergo multo magis intelligitur concessum monachis, & clericis communiter viventibus. Sed hoc evidentius in sequentibus confirmabitur. Addit vero Alenf. dicta quæst. 51. memb. 7. art. 3. per clericos communiter viventes intelligi etiam canonicos sæculares, quatenus de stipendiis ecclesiæ vivunt, quia bona ecclesiæ, ex quibus aluntur, communia sunt; ex quo concludit, illos non teneri ad solvendas decimas de redditibus ecclesiæ. Quæ conclusio in se quidem vera est, aliena tamen a sensu illius textus, ut ex communi expositione constat, & ex proprietate verborum: & quia Gregor. quem Paschasius citat, per *clericos communiter viventes* aperte intelligit regulares clericos, qui proprium stipendium non habent, eosque distinguit ab illis, quibus propria portio ex decimis assignatur. Est ergo illa exemptio regularium propria, præter casum specialem in alio jure expressum.

5 Hoc autem privilegium, quantum ad prædiales decimas spectat, magis in aliis juribus explicatur: nam in cap. *Ex multiplici* de decimis Adrianus 2. dicit, se concessisse simile privilegium Cisterciensibus illis verbis: *Ut de laboribus, quos propriis manibus, aut sumptibus excolunt, nulli decimasolvere teneantur*. Ejusdem privilegii meminit Alexand. III. in cap. *Ex parte* de decimis, dicitque, prius concessum fuisse a prædecessoribus suis fere omnibus religiosis, postea vero Adrianum solis Cisterciensibus, Templariis, & Hospitalariis illud simpliciter concessisse, *Ceteris vero, ut de novalibus suis, quæ propriis manibus, vel sumptibus excolunt, & de nutrimentis animalium suorum, & horti suis decimas non persolvant*. Et hoc idem privilegium ipse confirmat addens, extra casus in illo privilegio expressos teneri religiosos omnes ad decimas ex rebus omnibus solvendas. Et in duobus capitulis sequentibus declarat, per id privilegium non eximi a solvendis decimis, quas per colonos excolunt. Et in cap. *Dilecti*, eodem titulo declarat, privilegium illud arctari ad decimas prædiorum propriorum religionis.

Nam de prædiis conductis debent religiosi decimas, etiam si per se, vel famulos suos illa excolant. Et idem declaravit Innocentius cum Lateran. Concil. in cap. *Nuper*, eodem titulo, ubi etiam prius privilegium Cisterciensium revocat quoad prædia ab illo tempore acquirenda, de quibus antea decimæ debebantur ecclesiis; statuit enim, ut de illis decimas solvant, etiam si terras suas suis laboribus excolant; & idem servari statuit de omnibus regularibus habentibus similia privilegia. Post illud vero Lateranens. Concil. non invenitur aucta, vel immutata hæc exemptio. Et ita ex vi juris communis religiosi jam non habent in hoc majorem exemptionem, ut colligitur etiam ex cap. 2. §. *Ceterum* de decimis in 6. Et notant Rebus. dicto tractat. quæstion. 5. numero 5. & 29. cum sequent. & qu. 14. num. 30. & 42. & alii, quos refert Guttier. dicto cap. 2. l. nu. 136. At vero per privilegia particularia plurimum religionum novæ exemptiones, & concessionis factæ sunt, quæ (ut supra dixi) nunc exponere non est in animo, sed in proprium locum ea remittere.

Privilegi religiosorum circa decimas non solvendas odiosum esse.

6 Hic vero quædam generalis regula circa hæc privilegia religiosorum de non solvendis decimis observanda est, quia locum habet etiam in privilegiis in jure contentis. Est autem regula, hoc privilegium exemptionis a decimis solvendis, etiam religiosis concessum, odiosum esse. Nam licet ex parte eorum, quibus datur, videatur religioni favere, tamen simpliciter derogat communi juri, & secum affert præjudicium tertii, scil. ecclesiarum, & clericorum, qui illis decimis privantur, ideoque simpliciter odiosum reputatur, ut notant Oldra. consil. 268. & Guttier. consil. 5. num. 5. & alii infra referendi: unde fit, ut stricte interpretandum sit juxta vulgarem regulam: *Odiarestringi*, &c. Itaque, quam minimum fieri possit, & juri communi legis derogat, & juri alterius noceat: ut in simili responder pontifex in cap. *Cum Capella*, de privil. Ita enim solet princeps privilegium concedere, ut, quoad fieri possit, sine cujusque præjudicio observetur, ut dixit J. C. in lege *Prator ait*, §. *Si quis* 1. & 2. ff. Ne quid in loco publico. Semper tamen ita est restrictio facienda, ut verba privilegii in sua proprietate salventur, & secundum illam significationem privilegium servetur, & ad effectum perducatur juxta doctrinam Decii consil. 113. num. ultimo, & Bald. consil. 271. in 1. volum. Quia voluntas superioris servanda est, illa vero ex verbis proprie intellectus colligi debet, nisi aliunde de illius intentione constet. De qua re latius in materia de legibus dictum est. Et juxta hoc videtur intelligenda Glossa in cap. *Ad audientiam*, de decimis, quatenus dicit, privilegia hæc esse latissime interpretanda, utique quantum ad proprietatem verborum retinendam, & explendam necesse fuerit. Ex hoc autem principio varia dubia breviter definiti possunt, quæ in sequenti cap. expendantur.

CAPUT XIX.

Exponuntur varia dubia circa privilegia non solvendi decimas.

1 PRIMUM dubium est, an per prædicta privilegia exemptionis a solutione decimarum prædialium, liberetur quis a debito etiam reali solvendi decimam prædialem, quæ antea parochiæ ex tali agro debebatur. Nam Oldra dicto consil. 268. putat, non liberari, sed solum a decimis agri novalis, quem religiosi suis laboribus denuo excoluerunt. Quod sequitur Rebus. 13. num. 114. & alii, ut referunt Covar. dicto cap. 17. numero 14. Guttier. dicto cap. 2. l. numero 129. Ratio est, quia hoc privilegium est odiosum, & ideo stricte interpretandum: ergo cum possit habere effectum, & sufficienter servari in exemptione a decimis, quæ sine præjudicio tertii possunt non solvi, non est ultra illas extendendum, sed intellectum de decimis novalium prædiorum cavetur præjudicium tertii, quia illa prædia nunquam fuerunt obligata solutioni decimarum alteri ecclesiæ, & sufficienter impletur privilegium in rigore verborum: tum quia illa verba, *de laboribus, quos propriis manibus, & sumptibus excolunt*, propriissime arctantur ad novalia, & quæ proprio labore, & sumptu fructifera fiunt; proventus enim antiquorum prædiorum

Quo pacto se habeant religioni circa decimas.

diorum suo modo aliorum laboribus attribui possunt ; tum etiam quia, cum aliquis eximitur a decima, optime intelligitur eximi a debito personali, non a reali, quod magis est rei, quam personæ, cum ratione rei solius persona obligetur.

Pars af-
firmativa
communis,
& certa.

2 Nihilominus contraria sententia est communis, ut referunt Covar. & Guttier. supra cum Abb. in cap. *Dudum* de privileg. Estque communis praxis. Et post declarationem Alexandr. III. videtur mihi res indubitata : nam antea poterat fortasse prior sententia apparenter sustineri, quia neque Paschasius, neque Adrian. papa usi fuerunt verbis, quibus satis aperte ostenderent, se eximere non tantum personas, sed etiam res prius obnoxias debito decimarum. At vero Alexandr. III. in dicto cap. *Ex parte* 1. expresse distinguit dicens, antiquitus fuisse concessum omnibus religiosi, ut decimas non solverent de laboribus suis : quod intelligit a temporibus Pasch. 2. in dicto cap. *Decimas* 16. quæst. 1. nam antea monachi solvebant decimas non minus, quam laici, ut notat Gloss. in dicto cap. *Ex parte* 1. juxta cap. *Alia causa* 1. adjuncta Glossa ver. *Si minus* 16. quæst. 1. Rebuff. vero dicta quæst. 14. num. 27. & 38. addit, Gregorium exemisse monachos a decimis suorum prædiorum solvendis simpliciter, & sine illa limitatione, *De laboribus suis*, citatque Canonem Gregorii, qui in jure, vel operibus ejus non invenitur. Postmodum vero Paschasius religiosos eximit verbis supra relatis, quæ ambiguitatem tactam facere poterant. At vero attenta relatione, & confirmatione Alexandri, res est clara, dicit enim se cum Adriano eximere quosdam absolute a decimis solvendis de laboribus suis, alios vero tantum a decimis de novalibus, animalibus, & hortis. Ergo plane declarat, illos priores non tantum quoad novalia, sed absolute quoad omnes terras propriis manibus cultas eximi, si ve prius cultæ fuerint, & solvendis decimis assuetæ, si ve non, alias nulla esset differentia inter illa duo membra. Et consequenter exponit illa verba, *De laboribus, &c.* extendi ad quæcumque prædia propriis laboribus, vel sumptibus culta, ac subinde in hoc sensu non fuisse antea concessum privilegium. Ac denique in cap. *Ad audientiam*, eodem titulo expresse refert priorem interpretationem, & explodit illam. Tandem Innocentius III. in dicto cap. *Nuper* statuit, ut religiosi de terris a modo acquirendis decimas persolvant ecclesiis, quibus ratione prædiorum antea solvebantur; ergo de terris ante illud decretum acquisitis non tenebanturolvere decimas, licet ratione prædiorum antea solverentur. Et e contrario etiam nunc non tenenturolvere de novalibus; nam ex illis, vel ratione ipsorum nullis ecclesiis prius decimæ solvebantur; ergo per illa verba generalia concessa erat exemptio a prædialibus decimis, etiam quoad reale debitum. Atque hoc evidentius locum habet in privilegiis extra jus concessis religiosi, in quorum favorem interdum derogatur dictum cap. *Nuper*; interdum additur distributio, *Ab omnibus decimis*; aliquando simpliciter dicitur, *a prædialibus decimis*.

Objeccio.

3 Sed objici potest cap. *Dudum*, de privileg. quatenus ex eo colligitur, per privilegium non solvendi decimas de novalibus non privari aliquam ecclesiam jure, vel possessione exigendi decimas de talibus rebus, nisi hoc ipsum in ipso privilegio exprimatur; ergo in universum, nisi indultum mentionem faciat debiti realis, non eximit ab illo, nec privat tertium jure sup. Sic etiam in cap. *Dudum*, de decimis per concessionem cujusdam ecclesiæ cuidam hospitali factam, non censetur episcopus privari jure decimarum talis ecclesiæ, quia hoc in litteris non exprimebatur; ergo idem est in præsentis. Respondetur, casum utriusque textus esse longe diversum: nam in priori sermo est de privilegio concessio ad non solvendas decimas de novalibus; & declaratur sub tali indulto non comprehendendi novalia, a quibus ecclesia decimas accipiebat prius, quam rumperentur, & excolerentur. Poterat enim prius accipere decimas ex his pascuis, aut lignis talium terrarum; & tunc non censetur pontifex facere præjudicium ecclesiæ possidenti, sed solum concedere illa novalia, quæ omnino infructuosa erant ecclesiis, quia ex vi vocis *novalium*, hæc videtur esse intentio

Solvitur.

pontificis, & ita declarata est illa vox in cap. *Quid per novale*, de verbor. significat. At in præsentis cum conceditur absolute exemptio a decimis ex propriis laboribus, seu (quod idem est) ex prædiis propriis laboribus, vel sumptibus cultis, comprehenduntur etiam decimæ ex terris prius cultis, & sub possessione ecclesiæ constitutis quoad decimarum perceptionem, quia verba illa in proprietate hoc totum comprehendunt. Nam ipsa vox, *Decima*, significat aliquid sub jure ecclesiæ constitutum, a quo jure privilegium liberat, quia implicite saltem fit in eo sufficiens mentio illius juris. Hinc vero inferunt Covarruvias, & Gutierrez, hanc sententiam intelligendam esse quoad decimas, quatenus communi jure debentur. Nam si alicui deberentur ex talibus prædiis ex particulari privilegio, vel titulo, tunc illi non præjudicaret tale privilegium, nisi vel alterius juris specialis expressam faceret mentionem, vel daretur per verba a deo particularia, ut omnes similes titulos, & exactiones comprehenderet, ut in privilegiis religionum fieri nunc solet, quod mihi valde placet. In alio vero cap. *Dudum* minor est difficultas; quia concedere ecclesiam, seu illam unire hospitali, aut monasterio, in rigore non est illi applicare jura episcopalia illius ecclesiæ, sed ad summum propria, & parochialia; & ideo nulla ibi erat difficultas, nec similitudo cum nostro casu.

4 Secundo vero potest e converso dubitari, an privilegium concessum, de non solvendis prædialibus decimis, extendatur ad novalia post concessum privilegium culta, vel solum de prædiis usque ad illud tempus cultis intelligatur. Quidam enim censent non extendendum ad novalia. Ita Rebuffus dicta qu. 14. num. 29. & 10. refertque Anton. & Socin. & eum sequitur Guttier. dicto c. 21. num. 130. Constituunt autem dicti auctores differentiam inter privilegium eximens a decimis solvendis ex propriis laboribus priorum agrorum, vel absolute eximens a decimis priorum prædiorum: nam primum fateantur extendi ad novalia, quod de altero negant. Quocirca loquendo de privilegiis in jure concessis simpliciter dicendum est, extendi ad novalia, quia in jure non invenitur privilegium eximens a prædialibus decimis, nisi cum illa duplici limitatione, *de prædiis propriis, & de propriis laboribus, vel expensis*; sed ita concessum extenditur ad novalia; ergo. Atque ita colligitur ex dicto cap. *Ad audientiam*, ibi, *Nam si intelligeremus tantummodo de novalibus*; ergo intelligit etiam de illis, quamvis non solis. Idem argumentum sumitur ex cap. *Ex parte* 1. ibi, *Ceteris vero, ut de novalibus suis*; aliis ergo, id est, quibus privilegium de propriis laboribus datum est, tam de novalibus, quam de aliis facta est gratia. Item potest sumi argumentum ex cap. *Ex parte* 3. de decimis. Quia ibi dicitur, parochianis, quibus concessæ sunt decimæ de laboribus terræ parochiæ suæ, concessas etiam esse decimas novalium; ergo similiter religiosi, quibus concessæ sunt decimæ de propriis laboribus, novalia etiam data intelliguntur. Verum est, textum illum habere obscuriorem intellectum, de quo in capite sequenti.

An privileg. de nō solvendis prædialibus decimis extendatur ad novalia.

5 Prius vero, quam rationem reddamus, oportet expendere alteram partem de privilegio absolute concessio de non solvendis decimis prædialibus: nam si hoc extenditur ad novalia, difficile est rationem differentiae reddere. Illi enim auctores hoc probant, quia hoc privilegium est odiosum, & restringendum: at idem argumentum procedit de altero; nam etiam est odiosum, ut dictum est: in utroque ergo non est restrictio facienda ultra verborum proprietatem. Unde quia in novalibus implentur duæ illæ conditiones, nimirum, quod decimæ ipsorum sunt ex agris propriis (supponimus enim terras illas esse proprias monasterii privilegiati,) & sunt ex propriis laboribus (nam etiam supponimus propriis laboribus, & expensis fuisse rupta;) ideo sub illa negatione non solvendi decimas ex prædiis, & laboribus, evidenter comprehenduntur etiam novalia. At vero hæc ratio procedit in alio privilegio de non solvendis decimis ex propriis prædiis, quia etiam novalia sunt propria prædia, & illa negatio est absoluta; ergo omnia prædia comprehendit. Item inter hæc privilegia solum videtur esse differentia, quod

quod in uno exigitur duplex conditio supra dicta : in altero vero una tantum, scil. quod prædia sint propria; ergo sicut illud extenditur ad omnia prædia, in quibus duplex conditio invenitur, sive illa sint novalia, sive non, ita & secundum æque universaliter intelligendum est de omnibus prædiis, in quibus illa conditio verificatur, quod scil. propria sint.

Alia differentia, quæ assignatur.

6 Assignant vero aliam differentiam, quod quando privilegium limitatur ad proprios labores, potest parvum detrimentum ecclesiæ afferre, quia non possunt religiosi magnam terræ partem propriis laboribus colere, ideoque potest novalia extendi; secus vero est de alio privilegio sine tali limitatione concessio, quia potest magnum præjudicium afferre. Sed hæc differentia non est solida: primo, quia fieri facile potest, ut prius privilegium grave præjudicium afferat, si monasterium multa prædia habeat; nam licet religiosi non possint facile propriis manibus illa colere, possunt tamen facile propriis sumptibus, quod perinde est: & e contrario aliud privilegium parvum detrimentum afferat, si monasterium parvam terram habeat: secundo, quia illud est per accidens; hic autem per se loquimur, nam sive in uno, sive in alio privilegio enormis læsio contingat, alio jure agendum est, ita ut vel solvantur decimæ, vel congrua compositio fiat, juxta cap. *Suggestum* de decim. cap. *Quid de novale*, de verb. sign. & argum. cap. penult. de cler. non resid. Quapropter verius existimo, utrumque privilegium per se extendi ad novalia, quia proprietates verborum utriusque id requirit, per accidens vero sæpius uni derogari propter enormem læsionem inde subsecutam, quam alteri.

An privilegium sine solum ad prædia acquisita, an etiam ad acquirenda.

7 Tertio dubitari solet, an talia privilegia limitanda sint ad prædia acquisita, & possessa tempore concessionis, an vero extendantur etiam ad acquirenda. Nam priorem partem affirmat Oldrad, cons. 268. ex eodem principio, quod tale privilegium strictè intelligendum est. Item quia res transit cum suo onere. Item quia in decimis non fit extensio ad futurum capit. *Cum contingat*, cap. *Tua*, l. §. ultimo de decimis. Sed contrarium est omnino verum, maxime quando privilegium est restrictum ad proprios labores, potestque id obscure colligi ex dicto cap. *Nuper* de decimis in quantum decernit, ut de terris amodo acquirendis decimæ ex tunc solverentur, non obstante prædicto privilegio; ergo antea ad terras acquirendas extendebatur, & ex vi illorum verborum tales terræ comprehendebantur. Et ita omnes intelligunt, in illo Concilio Lateranensi, factam esse revocationem illius privilegii quoad illam partem, & idcirco in privilegiis postea concessis, quando extensio fit ad terras acquirendas, additur: *Non obstante capit. Nuper*, &c. Deinde est ad hoc textus ferre exprellus in cap. *Quia circa* de privileg. ubi interrogatus pontifex, an privilegium monachi concessum ab episcopo de retinendis decimis, extendatur ad possessiones acquirendas, respondet affirmando (si privilegium fuit secundum jus concessum:) *Quia indefinite concedendo intellexisse videtur non solum de decimis illius temporis, sed futuris*. Hæc ergo decisio a fortiori procedit in privilegio pontificio, quod non dubitatur esse legitimum. Nam rationes, quæ ibi redduntur fortius in pontifice procedunt. Prima, *cum nihil exceperit, & potuerit excepisse*. Secunda, *quia in beneficiis plenissima est interpretatio adhibenda*, utrique juxta verborum proprietatem; unde rectè dixit, *plenissima*, quia debent verba integre expleri non addendo limitationem in verbis non contentam, nec necessariam ad æquitatem beneficii. Quæ ratio maxime locum habet in beneficiis supremi principis juxta regulam juris. Tertia ratio, *quia non debet una, eademque substantia diverso jure censeari*. Quæ licet non semper cogat, ut sequent. cap. videbimus, est tamen congrua ratio, quando aliæ juvant. Maxime quia ex illa colligitur alia, scil. quod *indefinita æquivalet universali*, quando est eadem ratio de omnibus, ut ibidem advertit Henricus in principio, & cum eo Covar. lib. 1. Var. cap. 13. in fin. Accedit tandem, quod privilegium hoc includit negationem non solvendi decimas, & tunc etiam indefinita transit in universalem, ut ibidem late Covar. nu. 7. Et per hæc satis est responsum fundamentis contrariæ sententiæ. Quia privilegium est strictè intelligendum,

Resolvitur ex eo, quod etiam ad prædia acquirenda.

sed plane, & tunc res transit cum onere, quando privilegium illud non tollit; hic autem tollit, ut ostensum est. Nec est eadem ratio de præscriptione decimarum, de quibus textus ibi allegati loquuntur, ut in capite sequenti videbimus.

8 Quarto interrogari potest, an ex vi dictorum privilegiorum eximantur religiosi a solvendis decimis ex prædiis, quorum proprium dominium non habent. Quidam enim distinguunt, quia vel privilegium concedit, ut non solvant religiosi decimas ex prædiis suis, seu propriis, & tunc ajunt, solvendas esse decimas, si prædia non sint propria, etiam si in emphyteusim habeantur; vel privilegium concedit, ne solvant decimas ex prædiis, seu locis, quæ habent, & tunc, ajunt, eximi a solvendis decimis etiam ex agris conductis, quos ipsi suis manibus, vel sumptibus colunt, quia etiam prædia conductæ habentur a conductore, & multo magis bona emphyteutica. Idemque videri potest dicendum esse, quando forma privilegii est illa usitata in jure, *De laboribus, & nutrimentis suis propriis*, ut habet cap. *Decimas* 16. quæst. 1. vel illa: *Indulget decimas laborum suorum, quos propriis manibus, vel sumptibus colunt*, ut habetur in c. *Ex parte* 1. de decimis. Nam si religiosi manibus suis, vel sumptibus colant conductitios agros, revera illi fructus sunt de laboribus suis propriis; ergo de illis non debent decimas. Verumtamen hac in re unum habemus de jure certum, nimirum, si agri sint conducti, licet religiosi eos colant propriis laboribus, vel sumptibus, teneri solvendas decimas. Ita enim declaravit Alexand. 3. in cap. *Dilecti* de decimis, & sumitur etiam ex dicto c. *Ex parte*, ut in utroque loco notant Panorm. & omnes, & Rebuffus dicta quæst. 14. num. 52. Nec oportet hic alias rationes querere, præter voluntatem pontificis, qui noluit illam concessionem amplius extendere; tum ne parochiales ecclesiæ enormius læderentur; tum ne religiosi in conducendis agris excederent. Hæc autem declaratio solum cadit in hæc privilegia, quatenus in jure conceduntur, seu quatenus ante Alexandrum III. concessa erant, non enim poterat ipse declarare futura, si verbis distinctis concederentur. Contra illam vero declarationem videtur procedere ultima objectio facta. Ad quam tacite respondit Panormitan. in dicto capite *Dilecti*, quod licet esse privilegium simpliciter concessum de decimis non solvendis restringitur contra propriam significationem verborum, ut tertio non inferatur grave præjudicium. Et nihilominus inferius ait, non fuisse illam revocationem partialem privilegii, sed declarationem intentionis pontificis.

An religiosi eximantur a solvendis decimis prædiorum, quorum non habent proprium dominium.

Non enim certum est in prædiis conductis.

Panormis. responso.

9 Sed in primis non videtur vera facti narratio, quia in jure non conceditur religiosi privilegium simpliciter de decimis non solvendis, sed cum limitationibus multis, ut patet ex verbis citatis. Deinde non videtur esse verum, quod privilegium restringatur contra propriam verborum significationem, quia hoc est contra naturam privilegii, ut supra dictum est. Unde si pontifex talem declarationem faceret, in rigore potius esset partialis revocatio, quam interpretatio, vel certe solus ipse posset illam declarationem adhibere, quia ipse novit intentionem suam, licet fortasse per verba non bene fuerit explicata, quod in præsentis dicere necessarium non est. Unde existimo ex vi, & proprietate verborum, quæ in jure habentur, privilegium illud non extendi ad prædia conducticia: nam in verbis illis Alexand. 3. *Laborum suorum*, subintelligendum videtur *suorum agrorum*, nam subjungitur, *quos propriis manibus, vel sumptibus colunt*, non enim coluntur labores, sed agri; ergo necesse est, agros subintelligere, quos oportet esse suos, non conductos: unde cum ibi referat Alexander, talem fuisse concessionem Adriani, in eodem sensu interpretatur priora verba *de laboribus suis*, seu *propriis*. Et addi præterea potest, labores culturæ tunc maxime dici proprios, quando in propriis agris sunt, nam quando sunt in alieno agro, potius videntur alieni, & domini agri venditi, seu locati. Atque hæc tandem videtur esse propria ratio hujus declarationis, nimirum, quia per hoc privilegium eximuntur directe ab onere decimarum personæ, non prædia, nisi ratione personarum, ut notavit Abb. in dicto cap. *Ex parte*: Et ideo quando prædia sunt aliena,

Impugnatur prædicta resp.

na, non eximuntur a decimis, etiam si colantur a personis exemptis, quia sola cultura non sufficit, ut prædia censeantur exempta ratione personarum, si non sint sua. Quod ita etiam declaratur, quia fructus agri culti non sunt proprii ipsius colentis, vel laborum ejus, sed sunt maxime fructus ipsius agri, & ideo decima illorum fructuum non potest dici ex propriis laboribus, nisi etiam agri sint colentium ipsos. Ita ergo verum existimo decimas ex agris conductitiis, etiam in rigore verborum non comprehendendi in privilegiis jure concessis sub prædicta verborum forma.

10 De illa igitur verborum forma, *ne solvant decimas ex propriis fundis, vel ex suis fundis*, a fortiori sequitur sub illa non comprehendendi agros conductitios, quia illi revera non sunt proprii, vel sui: quod etiam convincit dictum capit. *Dilecti*. Idem vero censeo dicendum de verbis illis, *non solvant decimas de prædiis, quæ habent, seu de bonis possessis, & obtentis*, & similibus: & hic maxime habet locum doctrina Panormi. quod pontifices voluerunt, satisque declararunt verba privilegiorum istorum, quoad hanc partem, esse stricte intelligenda, illa autem verba cum omni proprietate restringuntur ad bona, quæ habentur, vel possidentur, ut propria; non enim dicitur quis habere domum simpliciter, eo quod habeat conductam, sed dicitur habere secundum quid, id est, ad habitandum aliquo tempore, seu habere usum ejus.

11 Major certe difficultas esse potest de bonis accipris in emphyteusim, an si monasterium privilegiatum aliqua talia habeat, & suis sumptibus colat, ex illis decimas debeat: videtur enim non debere, quia bona emphyteutica simpliciter, & absolute in bonis propriis talis monasterii numerantur juxta communem existimationem, & loquendi modum. Idem contractus emphyteuticus distinctus est a locato, & conducto, ut constat ex jure, sed pontifex in dicto cap. *Dilecti*, solum excipit agros conductitios; ergo non comprehendit emphyteuticos; ergo exceptio illa firmat regulam in contrarium, ac subinde tales agri sub privilegio exemptionis decimarum comprehenduntur. Denique emphyteuta simpliciter solet vocari dominus agri, qui habet dominium utile; ergo hoc satis est, ut monasterium, quod est emphyteuta, dicatur colere agros suos; ergo, &c.

12 In contrarium verum est, quia illi agri sunt alterius habentis dominium directum illorum: nam ille proprietatem eorum habet: unde monasterium eos colendo, non potest dici, proprios agros colere. Maxime, quia verba hujus, privilegii sunt stricte intelligenda; in rigore autem, & propriissime emphyteuta non est dominus juxta leg. 1. juncta Glossa ultim. ff. si ager emphyteuticus petatur. Præterea, si privilegia illa extendantur ad agros emphyteuticos, pari ratione extendentur ad agros conductos ad longum tempus. Consequens admittendum non est; ergo. Sequela patet, quia revera emphyteusis non, est nisi quædam ad longum tempus locatio, & conductio; nam eodem effectus, & easdem conditiones habet: & conductor longi temporis etiam censetur habere dominium utile, seu actionem in rem juxta leg. 1. ff. de superficiebus: & locatio ad longum tempus etiam censetur in rem quædam alienatio juxta capit. *Nulli* de rebus eccles. non alien. cum Gloss. in Clem. 1. eod. tit. Quod si hæc non dicitur alienatio nisi large, nec etiam emphyteusis, & consequenter nec ex parte accipientis est propria acquisitio; est ergo æqualis ratio. Minor vero patet; tum quia consequenter extendetur etiam ad rem locatam ad breve tempus, quia majoris, vel minoris temporis duratio substantiam contractus non mutat: tum maxime quia pontifex indefinite loquitur de agris conductitiis; ergo ubi ipse non distinguit, nec distinguere debemus. Maxime quia illa declaratio est simpliciter favorabilis, & ad evitandum gravamen, & præjudicium tertii, & ideo restringenda non est. Immo si verba textus attente pensentur, videntur omnes illos contractus comprehendere, in quibus accipitur ad culturam, & fructus, sine dominio directo, & sub certa pactione, sub qua generalis omnis conductio sive ad longum, sive ad breve tempus, & emphyteusis comprehenditur: verba textus sunt: *Conduxistis*,

& recepistis prædia ad formam, scil. pensionem, sic autem accipiuntur etiam emphyteutica bona, seu ad longum tempus conductæ argumento capit. *Vestra* declaratio. Quocirca licet res appareat dubia, hæc posterior tutior, & probabilior est; nam est juri conformior, & quia ex fundamentis ejus contraria dissolvuntur facile, & non tanti momenti esse videntur.

13 Quinta dubitatio esse potest, an coloni conductes prædia religionum habentium talia privilegia, eximantur ipsi a solutione decimarum. In quo, si de solis privilegiis in jure contentis loquamur, resolutio clara est, colonos non eximi, sed teneri ad solvendas decimas. Ratio est, quia hoc privilegium expresse conceditur sub illa conditione ex propriis laboribus, & explicatur, necessarium esse, ut propriis manibus, vel expensis prædia colant, ut sæpe dictum est; ergo si per colonos id faciant, tenentur ipsi religiosi solvere decimas de illis fructibus, quos ipsi percipiunt, ut expresse declaratur in capit. *Licet* de decimis; ergo etiam ipsi coloni tenentur solvere decimas illius partis fructuum, qua fruuntur, juxta capit. *Anobis*, & capit. *Tua*, a. eodem titulo. Quando vero aliquis censendus sit colonus, & quomodo inter eum, & dominum integræ decimæ solvendæ sint, infra capit. 35. explicabitur. Hoc autem procedit, ut dixi, & indubitatum est, attendita forma privilegiorum juris: si tamen forma mutetur, vel augeatur, ut interdum solet, tunc aliter judicandum erit. Aliquibus enim religionis concessum est, ut de se ipsis prædiis, etiam si per colonos ea colant, decimas solvere non teneantur. Quo stante privilegio coloni ipsi non tenebuntur solvere laicam decimam præter pensionem, quam religiosi solvunt ratione contractus, non quidem quia coloni ipsi aliqua ex parte privilegio illo fruuntur, ut statim explicabo, sed quia religiosi possunt sibi vindicare illam decimam, sive augendo ob eam causam quantitatem pensionis, sive distinxte exigendo tantum pro pensione; & tantum pro decima. Quia cum simpliciter sint exempti a decima, eam sibi usurpare possunt.

14 Et juxta hæc intelligenda est communis distinctio juristarum de privilegio reali, & personali. Dicunt enim, si privilegium detur tantum personæ, & non prædio, tunc ad colonos non extendi; si vero per privilegium prædia ipsa eximantur directe; & absolute ab onere decimarum sine alia conditione, vel onere, nisi quod talis religionis sint, tunc extendi ad conductores. Ita Glossa in Clementina 1. de decimis, verb. *Excolendas*, quam ibi omnes sequuntur, & Abb. in capit. *Ex parte* 1. de decimis numero quinto. Non explicant autem dicti auctores, quando privilegium hoc censendum sit tantum personæ concessum, quando vero etiam prædio. Solum Panormitanus ait privilegia in jure contenta tantum personis concedi, & ideo ad colonos non extendi. Glossa vero illa dicit, consideranda esse verba privilegii, juxta caput *Porro* de privil. Quatuor ergo modis possunt concipi talia verba. Primus est ille usitatus in jure de propriis, vel de agris, quos suis laboribus, vel expensis excolunt; & tunc res est clara, privilegium esse personale, ut bene dixit Abbas. Secundus est, si privilegium dicat, *Eximimus tales religiosos, & eorum prædia ab onere solvendi decimas*, ut de facto nunc habent aliqua privilegia. Et tunc sine dubio privilegium est reale, ut prædicta Glossa expresse declarat, & verba ipsa præferunt. Tertius modus erit, si privilegium eximat religiosos a decimis solvendis de suis prædiis addendo, *sive per se, sive per colonos illa colant*. Et tunc licet privilegium videatur directe referri ad personas, tamen quia in favorem earum simpliciter eximit terras, reale dici potest, & eundem effectum habet, ut mox explicabo. Quartus modus esse potest, si absolute eximatur religio a debito decimarum prædialium suorum prædiorum, non addita restrictione, *si ea propriis laboribus colant*, nec ampliatio, *licet per colonos*, &c. Et tunc Glossa illa sentit privilegium esse personale; ego vero censeo transire in reale.

15 Ut autem hæc intelligantur, & probentur, oportet expendere differentiam inter hoc privilegium, quando est personale, aut reale, quam dicta Glossa assignat. Dicit enim, quando privilegium est reale, tunc si ager

Colonos religionum non eximi a decimis per hæc privilegia. Ratio affectionis.

Aliqui religiosi circa hoc habent particularem privilegium.

Diserimē inter privilegia reale, & personale.

Impugnatur discretio inter privilegia reale, & personale a Glossa assignatum.

An ex bonis emphyteuticis monasterium debeat decimas.

ager tradatur aliis excludendus, colonos non teneri ad solutionem decimarum, *quia privilegio participant, & sequitur Abbas, quia fructus capiuntur ex terra privilegiata.* Sed non existimo, hoc esse verum, nisi sano modo intelligatur, quia privilegium illud concessum est rebus, seu agris, in ordine ad commodum, & utilitatem religionum, non vero colonorum; nec enim intentio concedentis fuit directe, vel indirecte concedere beneficium aliquod conductoribus, seu locatoribus. Igitur coloni non sunt liberi a decima, nisi quatenus illam compensant, solvendo eam religionis, vel augendo pensionem, quam solvere obligantur, nisi ipsi religiosi illam remittant ex iusta causa; aliter enim non possunt, quia esset abusus privilegii, & in virtute darentur laicis bona ecclesie sine causa, & potestare; ergo coloni non participant privilegium quoad exemptionem ab onere, sed solum quoad libertatem, vel facultatem solvendi religionis, & non ecclesie tales decimas. Reale igitur privilegium in presenti dicitur illud, per quod agri ita eximuntur, ut quomodocunque colantur, possint religiosi apud se retinere decimas, & non solvere illas ecclesie, nec permittere, ut a colonis solvantur. Personale autem erit, quando conceditur cum onere personali, id est, colendi agros per se, seu suis sumptibus, quia tunc si aliter fiat, non possunt privilegiati retinere decimas illorum fructuum, quos percipiunt, nec colonos impedire, quominus pro sua parte ecclesie solvant: juxta hanc ergo doctrinam, quam omnino veram censeo, etiam privilegium tertio modo concessum reale erit, quia per illud eximuntur omnino talia pradia ab onere decimarum ecclesie solvendarum, & applicantur ipsis religionis, quomodocunque talia pradia excolantur.

Objectio, 16 Dices, verba illa posse habere hunc sensum, ut scilicet religiosi ex vi illorum liberentur ab onere solvendi decimas fructuum, quos percipiunt, qui interdum sunt omnes fructus agri, ut quando illum per se excolunt, interdum pars aliquota, ut quando colunt illum per colonos partiarios, seu pensionarios, & tunc ex altera parte fructuum, quam coloni percipiunt, solvent decimas ecclesie, & sic privilegium erit personale, non reale. At enim hic sensus erit probabilis, si privilegium dicatur: *Non solvant decimas de fructibus suis*, non solet autem sub hac forma concedi, sed sub hac: *Non solvant de pradiis suis decimas, etiam si per colonos, &c.* quod perinde est, ac si dicatur: *Non solvant decimas de fructibus pradiorum suorum*: pars autem illa fructuum, quam coloni accipiunt, de pradiis religionis sunt, licet ipsi fructus non sint illius; ergo etiam decima illorum fructuum ad religionem pertinet, quia illi etiam fructus eximuntur ex vi illorum verborum. Et ita privilegium reale est, quia ex vi illius eximuntur illi fructus ab onere decimarum solvendarum ecclesie, & applicatur religioni, cui per colonos danda est, vel ratione illius pensio augenda. Et revera si recte pensentur hae verba: *Eximimus pradia religionis*, vel *eximimus fructus pradiorum religionis*, aequipollentia sunt: at vero idem est eximere personas a solutione decimarum ex fructibus cum illa ampliatione, quod eximere absolute fructus talium pradiorum. Quamvis ergo non repugnet concessionem fieri in priori sensu, & ad illum judicandum pensanda sint verba privilegii: tamen juxta formam verborum a nobis propositam, quam in privilegiis legimus, sensus declaratus videtur proprius absque ampliatione verborum cum sola propria, & integra illorum significatione.

17 De ultima vero forma verborum posset esse nonnullum dubium, quia cum non addatur in ea illa ampliatio, *Licet per colonos*, non videtur derogari juri communi, nam posset illa clausula exponi secundum commune jus. Sed nihilominus censeo ex vi illorum verborum eximi fructus, & pradia, absque illa conditione, *quod propriis laboribus colantur*, quando pontifex illam non adhibet, quia quando vult, ut servetur, solet illam addere; si ergo hic voluisset, expressisset, ut in simili ait pontifex dicto cap. *Ad audientiam*, de decimis. Item jus commune non statuit quasi positive, ut religiosi non eximantur a decimis sine illa conditione, sed solum negative in hoc se habet, quia in eo non invenitur privilegium, tam absolutum, hoc autem non

satis est, ut illa forma dicatur esse contra jus commune, sed esse ultra formam inventam in jure communi; ergo non est restringenda ad formas juris communis, quia potius omittendo illam conditionem, satis indicavit pontifex velle ampliorem concessionem facere. Denique si pontifex in privilegio dicat, *Eximimus pradia religionis*, non addendo restrictionem, nec ampliationem, sed pure, intelligitur absolute eximere pradia, ita ut, licet per colonos colantur, non sint subjecta oneri decimarum, ut dicta Glossa, & Panormitanus fatentur, & ego admitto, dummodo decimae cedant religionis, non ipsis colonis; ergo idem est, si pure dicat, *Eximimus religiosos a decimis pradiis*, quia sive hoc, sive illo modo explicetur, semper intenditur favor religionum in omnibus illis decimis absolute. Unde si religiosi non possunt sibi retinere decimam fructuum, quos percipiunt coloni, revera licet proxime videantur coloni illam solvere, non ipsi, sed religiosi solvantur, cum sit de pradiis ipsorum, & coloni nihil juris in illa habeant: at vero pontifex per illa verba liberat eos ab onere decimarum pradiarum pure, & absolute, & sine conditione; ergo dicendum est, per illa verba simpliciter eximi pradia religionum a tali onere, eo ipso, quod illorum sunt, a quocumque nomine illorum colantur.

CAPUT XX.

Quibus modis privilegium non solvendi decimas amittatur.

Tres modi amittendi hoc privilegium communiter assignantur. Primus est, si privilegium cedat in enormem laesionem, vel gravamen ecclesie, & personarum, ad quas tales decimae pertinerent, secluso privilegio. Ita sumitur ex cap. *Suggestum* de decimis, ubi Doctores omnes, & Alenus, Sotus, Rebuffus, Covarruvias, & alii locis allegatis. Et ratio est clara, quia non est intentio concedentis ita gravare ecclesiam, ut saepe dicitur in eodem titulo de decimis, alias concessio esset injusta. Interrogari vero solet, an in eo casu amittatur privilegium ipso jure, aut necessaria sit declaratio, vel revocatio superioris. De quo puncto videri potest Panormitanus in dicto cap. *Suggestum*, & in cap. *Cum ad hoc*, de clericis non residentibus, num. 8. & in cap. *Quid per novale*, circa finem, de verborum significat. Et ibidem Joannes Andr. & Felin. in capitulum *Cum accessissent*, de constitutionibus. Breviter tamen videtur dicendum, si privilegiato clare, & evidenter constet de enormi laesione, eo ipso amittere privilegium in conscientia, & iustitia. Ita Glossa in cap. *Rescripta* 25. quæst. 2. verb. *Quod non laedat*, Panorm. & alii; & patet, quia jam illi constat de mente concedentis, & quia privilegium semper habet intrinsece inclusam illam conditionem, & ideo si a principio eam invenisset, fuisset nullum; ergo, quamprimum impleta fuerit, cessat effectus privilegii. Denique illa conditio resolvitur quasi in limitatione temporis, datur enim privilegium, donec enormiter laedat; ergo dato termino cessat; ergo non potest privilegiatus illo in conscientia uti. Nihilominus tamen in eo casu non poterit ecclesia exterius cogere religionem ad decimas solvendas propria auctoritate, sed per superiorem legitimum, quia nullo jure hoc ei conceditur, tunc autem satis est, ut causa decidatur per quemlibet judicem competentem.

2 Si vero laesionis enormitas clara non est, & necessarium est arbitrium, recurrendum est ad pontificem tanquam ad privilegii auctorem, quia ejus est interpretari rescriptum suum, ut bene Panormitanus, qui alia citat. Qui etiam addit in eo casu non esse moderandum privilegium, quia totum extinctum est. Quod verum credo, si res agatur per inferiorem judicem, quia laesio est manifesta, quia tunc cessavit simpliciter privilegium, & inferior nec in totum, nec in partem potest illud restaurare. At si agatur coram pontifice, etiam si judicet, laesionem esse enormem, potest moderari privilegium, & non omnino auferre, quia vel non fuit ipso facto nullum, aut licet fuisset, ipse potest illo modo illud innovare. Neque habet vim ratio Panormit. scilicet, quia non est major ratio, (inquit) quare magis in

Proponitur tres modi amittendi privilegium.

Explicatur.

Ultima forma privilegiorum supra posita

Quand enormis laesio clara non est, quid agendum.

una parte, quam in alia consistat. Sufficiens enim ratio est, quod privilegium moderatum potest esse iustum, & antea erat iniustum. Et fortasse propter hanc causam dicunt iura, in casu talis læsionis debere religionem, vel non uti privilegio, vel compositionem cum alia parte facere, ut patet ex dicto cap. *Suggestum*. Quod maxime habet locum, quando enormitas læsionis non est manifesta, vel si sit occasio litium, aut dilationum sub spe obtinendi a pontifice moderationem, tunc enim melius facient partes inter se componendo.

2. Modus
amittendi
privileg.

3. Secundo perditur hoc privilegium per contrariū usum solvendi decimas, non obstante privilegio. Quod aliis privilegiis commune est, & de hoc in specie traditur in cap. *Si de terra*, & cap. *Accedentibus* de privil. In quibus duobus iuribus est differentia notanda, quia in priori videtur postulari tempus triginta annorum: in posteriori vero quadraginta, ut per contraventionem hoc privilegium amittatur: unde videtur inter eos esse repugnantia. Aliunde autem videtur, neutrum tempus esse necessarium, sed unico actu posse privilegium amitti, quia per renunciationem amittitur, ut in eisdem iuribus significatur: renunctio autem unico actu fieri potest, & ita multi putant privilegium unico actu contrario amitti ex cap. *Cum accessissent*, de constitutionibus. Sed quicquid sit de aliis privilegiis, quod alibi tractandum est, de hoc est certum non amitti, nisi tempore legitimo, & sufficienti ad præscriptionem. Unde considerandum est, duobus modis posse intelligi amitti hoc privilegium, uno modo directe renunciando illi per voluntariam cessionem, alio modo indirecte, & quasi per consecutionem, quando alius acquirit ius. Hoc ergo privilegium non amittitur priori modo, sed tantum posteriori, si hoc sit, quia (ut multi volunt) in hoc privilegio non habet locum expressa renunctio, eo quod est in favorem ecclesiæ, & religionis concessum: & consequenter multo minus admittitur tacita renunctio, si hoc sit, quia licet tota religio, cui datum est privilegium, possit illi renunciare, non tamen privata domus, persona, aut prælatus: si hoc sit, quia iura ita statuunt, ut videl. non admittatur, nec præsumatur talis renunctio, donec alia ecclesiæ contra religionem sic privilegiatam ius stabile acquirat, & hoc plane videtur statui in dictis iuribus. Unde quia ad ius illud acquirendum requiritur præscriptio plurium annorum, ideo tot anni necessarii sunt, ut hoc modo privilegium amittatur. Renunctio ergo, de qua illa iura loquuntur, non est sola, sed conjuncta præscriptioni alterius partis, & in re non est aliud, quam tacitus consensus in jure alteri dando contra suum privilegium, qui tacitus consensus non nisi per plurium annorum cursum præsumitur, vel admittitur.

Non semper
idem
annorum
numerus
requisitus
ad præ
scribendū
contra ec
clesiam.

4. Differentia autem, quæ in numero annorum in illis textibus reperitur, ad varia tempora pertinet, prius enim ad præscriptionem contra ecclesiā triginta anni sufficiebant, postea vero inductum est, ut quadraginta anni sint necessarii, ut expresse dicitur in cap. *Illud* de præscript. Et hoc ius nunc servatur, & aliæ etiam conditiones ad præscriptionem necessarie servanda hic sunt. Et hæc est sententia Glossæ, & Panormitani, & communis in dicto cap. Ex qua obiter colligo, quod si privilegium non solvendi decimas, non religioni, nec in favorem ecclesiæ, sed private persone fuisset concessum, posset breviori tempore amitti, quatenus contra privatam personam breviori tempore præscribitur, immo etiam posset per renunciationem expressam dimitti, quia illa renunctio non esset contra, sed in favorem ecclesiæ: unde consequenter habere posset in eo locum tacita renunctio per actus contrarios, quando autem, vel per quos actus præsumeretur consummata talis renunctio, ex materia de privilegiis petendum est, quia non habet hic specialem doctrinam, sed generalem.

3a. Modus
amittendi
privileg.

5. Tertius modus perdendi privilegium est ex conventionione, seu pactione partium. Hunc ponunt Alesius, Angel. & Sylvester, supra allegantes caput *Ex multiplici*, de decimis. Sed advertendum est, conventionem posse antecedere privilegium, vel subsequi: quando antecedit ad privilegium, & privilegium est conventioni partium contrarium, quia scil. una pars petit privilegium, ut non servet pactum, tunc privile-

gium a principio est nullum, si in eo non fuit facta intentio prioris conventionis, quia est subreptitium, & hic est casus dicti cap. *Ex multiplici*, unde tunc non revocatur, nec perditur proprie privilegium, sed a principio est nullum. At vero quando conventio subsequitur post privilegium rite, & valide obtentum, tunc non videtur posset tolli per partium conventionem, si in favorem religionis concessum est, quia tunc illa conventio ex parte religionis esset quedam expressa renunctio, quæ fieri non potest, ut est probabile. Dicendum nihilominus est, tale pactum esse posse validum, & legitimum, & tunc sine dubio amitti, vel limitari privilegium juxta conditiones pacti. Probatur, quia talis conventio non est per se mala: supponimus enim, esse liberam ab omni labe simoniæ, neque etiam est ullum jus positivum, quod talem conventionem prohibeat; immo in multis casibus ius illam consulit, ut patet ex cap. *Suggestum*, cap. *Dilecti* de decimis, & alioquin potest esse conventio rationabilis, & utilis utrique parti; ergo per illam poterit tolli privilegium. Neque illa dici potest absoluta, & quasi liberalis renunctio, de qua objectio procedit, sed iusta conventio, quæ semper intelligitur esse congrua religioni. Unde quia talis conventio non est contra commune ius solvendi decimas, sed potius secundum illud, ideo non videtur necessaria confirmatio papæ, vel alterius prælati, præter illum, qui ordinariam potestatem habet ad similia pacta cum debito modo, & sollemnitate facienda.

4. Modus
amittendi
hoc pri
vileg.

6. Quarto addere possumus, hoc privilegium amitti per alienationem prædiorum, quæ ab onere solvendi decimas eximebantur virtute privilegii: intelligo autem, tunc amitti non simpliciter, sed quoad ipsa prædia. Hoc adverto solum propter distinctionem privilegii in personale, & reale supra traditam. Ut nimirum intelligatur, hoc privilegium nunquam ita esse reale, ut cum rebus ipsis, seu prædiis transeat, si contingat, illa vendi, aut alio modo a religione alienari: nam eo ipso, quod prædium definit esse sub dominio religionis, definit etiam esse exemptum ab onere decimarum. Quia (ut dixi) favor ille totus fit religioni, & intuitu ejus; non ad commodum alterius, cui tale privilegium concessum non est, nec etiam potest religio cum re etiam exemptionem transferre, licet maxime velleret, tum quia nec ex se habet talem potestatem, nec est illi in privilegio concessa; tum etiam, quia vel hoc titulo venderet rem carius, & sic venderet privilegium, quod esset iniustum, & simoniacum, vel rem daret pro justo pretio, & privilegium liberaliter; & hoc & esset dissipatio bonorum religionis, & usurpationis alienæ potestatis. Igitur eo ipso, quod res definit esse sub dominio religionis, definit esse exempta; sicut si servo, vel famulo religionis daretur privilegium exemptionis a decimis, verbi gratia, personalibus, si defineret esse servus, aut famulus, eo ipso tale privilegium amitteret. Verum est tamen, quod si religio unam rem immobilem pro alia commutaret, aut prædium venderet, ut ex pecunia aliud emeret, tunc prædium subrogatum loco alterius, & translatum in dominium religionis, exemptum esset a decimis juxta tenorem privilegii. Quod intelligo non solum in his, qui modo gaudent his privilegiis tam pro bonis acquisitis, quam pro acquirendis; nam tunc res est omnino certa, & per se nota, sed etiam in his, qui post Concil. Lateranen. (sub Innocentio III. non habent tale privilegium pro terris acquirendis; tum quia prædium subrogatum loco alterius non est simpliciter acquisitum de novo, sed subrogatum loco alterius, & ita sapit naturam, & conditionem ejus, pro quo subrogatur; tum etiam quia illa revocatio fuit odiosa, & ideo restringenda ad acquisitionem omnino novam: tum denique quia tunc servari videtur intentio Concilii, scilicet, ut opes religionis non augeantur cum gravamine ecclesiæ; cum autem sit illa commutatio, non crescunt opes per se loquendo, neque amplius ecclesiæ gravantur moraliter, aut notabiliter, quod solum Concilium consideravit.

CAPUT XXI.

An secundum commune jus decima solvenda sint ecclesie parochiali?

QUoniam hoc decimarum debitum non est im-
mediate ad Deum, sed ad homines intuitu
Dei; ideo, postquam dictum est de personis, quæ de-
cimas debent, dicendum sequitur de illis, quibus de-
bentur: sed quia personæ illæ semper habent respec-
tum ad locum, seu ecclesiam aliquam, cui inser-
viunt, ideo prius de locis, postea de personis, quibus
decimæ solvendæ sunt, dicemus. In priori ergo
puncto distinguendum est, quid jure communi de-
beat, quid vero aliis titulis excipi possit, ac debeat.
Et quoniam diversa est difficultas de decimis prædia-
libus, de personalibus prius dicemus. Sitque gene-
ralis regula, personales decimas ex vi juris commu-
nis deberi propriæ parochiæ, in qua quis tenetur ex
eodem jure, vel Missas debitis temporibus audire,
vel sacramenta recipere, &c. Ita Div. Thomas dicta
quæst. 87. art. 3. ad 2. & ibi omnes, Abulens. in c. 23.
Matth. quæst. 196. Sylvest. verb. *Decima*, n. 14. Ca-
nonistæ omnes in sequentibus cap. Expresse enim hoc
traditum est in cap. *Ad apostolica*, de decimis, &
cap. *Significavit*, de parochiis, & in cap. *Quæsti*.
cap. *Statuimus*, cap. *In sacris*, 16. quæst. 1. Et de
eisdem decimis est maxime intelligendus textus in cap.
De decimis, ibidem. Ratio vero est, quia deciman-
tur in sustentationem eorum, qui spiritualia mini-
strant; ergo unusquisque fidelis illi maxime tenetur
eas solvere, qui tenetur ei ex officio spiritualia mini-
strare; ergo illi ecclesiæ debet eas solvere, ubi sacra-
menta recipit, nam parochus illius ecclesiæ est pro-
prius sacerdos, & minister ejus.

2 Declaratur præterea in hunc modum, quia de-
cimæ personales non sunt onus reale, id est, rei ex-
tra personam, sed mere personale; ergo maxime de-
betur ab ipsa persona ratione ministerii, seu officii,
quod circa illam ecclesiam exercet; ergo illi ecclesiæ
debetur decima personalis, in qua persona ipsa hoc
beneficium suscipit. Et eadem ratio probat de recto-
re ejusdem ecclesiæ, quod ei debeantur tales deci-
mæ, quia ipse rector suo parochiano inservit, ut a
fortiori probat capit. *Novum*, de decimis in 2. part.
illius. Unde infertur, quod si persona mutet domi-
cilium in aliam parochiam, licet habeat posses-
sionem in alia, decimas personales debet solvere ibi,
ubi habet domicilium, quia ibi suscipit Sacramenta,
&c. At vero si non mutet domicilium, licet extra
suam parochiam laboret, negotietur, aut lucretur
etiam per magnam anni partem, semper solvere de-
bet decimas personales illi ecclesiæ, ubi habet domi-
cilium, quia ibi per se recipit divina, licet ex acci-
denti contingat, ratione absentiae, & peregrinatio-
nis alibi ea recipere. Quod totum ex dicto cap.
Ad apostolica colligitur, & optime confirmatur ex
cap. 3. de sepult. num. 6. Quod si contingat, unam
personam habere duo domicilia in diversis parochiis,
tunc, si unum sit principale, aliud quasi accessorium,
priori ecclesiæ debentur decimæ personales, si vero
sint æqualia domicilia, dividuntur decimæ, ut re-
solvit Rebuffus supra q. 6. ubi alios similes casus suffi-
cienter prosequitur. Sed non oportet immorari, quia
hæc decimæ personales fere sunt omnino sublata per
consuetudinem, ita ut nollibi solvantur. Ut notavit
Panormit. in cap. *Cum homines*, de decimis n. 5. in
fine. Si alicubi tamen solvantur, semper propriæ ec-
clesiæ solvantur; neque legi, alicubi esse consuetudi-
nem, ut persona ex propriis personalibus lucris deci-
mas solvat extra suam parochiam.

3 De decimis autem prædialibus est specialis diffi-
cultas, quæ inde oritur, quod aliquando contingit,
personam habitare in una parochia, ubi habet domi-
cilium, in alia vero habere prædia, ex quibus perci-
pit fructus. Quod interdum contingit in diversis epis-
copatibus, interdum vero in diversis parochiis ejus-
dem episcopatus. Nam sicut dioceses, & territoria
episcopatum divisa olim fuerunt per localia spatia,
quæ suis propriis terminis clauduntur: ita in unaqua-
que diocesi divisa fuerunt territoria parochialia,
(ut sic dicam) quæ singulis ecclesiis fuerunt com-
missa, quæ ecclesiæ parochiales vocantur, & unicuique
tali ecclesiæ perficitur sacerdos aliquis tanquam re-
ctor, cui talis ecclesiæ demandata est cura, omniumque
habitantium intra ambitum loci tali ecclesiæ designa-
tum; & totum illud spatium solet parochia appellari,
ut constat ex toto titulo de parochiis, & Doctor. ibi
in rub. & ex cap. 1. 13. quæst. 1. ubi Turrecrem. &
alii, & ex Sylvestr. & aliis verb. *Parochia*. Facta
ergo hac divisione optime intelligitur, posse aliquem
habere domicilium, (id est, suæ stabilis habitatio-
nis domum) in territorio unius parochiæ, & pos-
sensiones, ac fructus in alia parochia ejusdem, vel
alterius episcopatus, & ita habere duas parochias,
unam personæ, quam personale vocare possumus,
aliam prædiorum, quæ prædialis nominetur: cui
ergo parochiæ decimas prædiales solvet? Videri
enim potest, quod eas debeat ecclesiæ domicilii,
quia ibi recipit sacramenta, & omnia ministeria,
ratione quorum debet decimas, ut late argumen-
tatur Gratianus in illa quæst. 1. causæ 13. fere per
totam. Quam quæstionem adeo difficilem judicavit
Alexander 3. in cap. *Cum sint* de decimis, ut con-
suetudinem consulendam esse dixerit, nec aliter illam
definierit.

4 Nihilominus dicendum est primo: Ordinario
jure decimas prædiales illi ecclesiæ solvendas esse, in
cujus parochia sunt prædia. Hæc est certa, & com-
munis resolutio Divi Thomæ, Abulens. & aliorum
Theologorum, Juristarum, & Summistarum in lo-
cis citatis, & explicando jura, ex quibus illa probat-
ur, quæ multa sunt: in primis cap. *Cum contingat*,
cap. *Cum in tua*, de decimis; idemque supponitur in
cap. *Quoniam*, eod. tit. & cap. ultim. in fine de paro-
chiis, & optime in cap. ultim. de restit. spoliat. in 6.
Ratio vero sumenda est ex ipsamet ecclesiæ institutio-
ne, & parochiarum divisione; per eam enim factum
est, ut prædia omnia, seu terræ sitæ in territorio
uniuscujusque parochialis ecclesiæ illi applicarentur,
ut illi solverentur decimæ ex omnibus illis terris, qui-
bus ex vi ejusdem communis juris hoc onus reale im-
positum est. Hinc ergo fit, ut sicut illæ terræ immu-
tabiliter manent in illo territorio, ita etiam jus illius
ecclesiæ parochialis ad tales decimas immutabile sit
ex vi juris communis, quantumcunque persona ha-
bens dominium talium terrarum mutet domicilium
suum, seu parochiam, quia in solvendo reali onere
non consideratur persona, sed res ipsa, juxta leg.
Imperatores, ff. de publican. & vectigal. Quod au-
tem talis fuerit ecclesiæ institutio ex allegatis juribus
colligitur. Item ex dicto cap. 1. 13. q. 1. Ubi Diony-
sius Papa sic inquit: *Ecclesias singulas singulis presby-
teris dedimus parochias, & cæmeteria eis divisimus. &
unicuique jus proprium habere statuimus, ita ut nullus
alterius parochia terminos, aut jus invadat, sed sit
unusquisque suis terminis contentus.* Quibus verbis fa-
ctus declarat jus illud fundatum esse in ipso territorio,
eique quasi affixum, & hoc est esse onus reale. Quod
optime confirmat Concil. Maguntinum in c. *Si quis
laicus, vel clericus*, 16. quæst. 1. dicens: *Si quis laicus,
vel clericus, vel utriusque sexus persona proprietatis
sue loca, vel res alicui dare delegaverit, decimatio-
num proventum priori ecclesiæ legitime assignatum inde
abstrahere nullam habeat potestatem.* Et quicquid in
contrarium tentatum fuerit, declaratur ibidem irri-
tum, & inane, quia semper a possessore terræ pote-
rit decima peti, quia res transit cum onere suo,
ut ibi Glossa advertit: fuit ergo hoc onus impositum
ipsis terris, seu proprietatibus. Et idem habetur ex
cap. *ecclesiæ*, & capit. *Quicumque*, eadem causa,
& quæst.

5 Fuitque hæc institutio magna ratione facta in
hunc modum, ut jura ecclesiarum, quoad fieri pos-
set, firma, & immutabilia permanerent. Nam si præ-
diorum jura transferrentur cum personis, infinita
esset

Prædial
decimæ
solvendæ
ubi sunt
prædia

Conveni-
entia hu-
jus rei.

esset confusio, cum personę ipsę quotidie mutentur, vel prædia in hoc territorio existentia vendantur, donentur, aut legentur hominibus in alia diœcesi, vel parochia degentibus; unde fieret, ut proprietates ecclesiarum essent permixtę, nam hodie ad hanc, cras ad illam ecclesiam pertinerent. Quam rationem attingit Alexand. 3. in dicto cap. *Cum sint homines*, dicens: *Difficile nimis videtur, quod una ecclesia in episcopatu alterius accipiat decimas, cum ex hoc episcopatum fines confundi non immerito viderentur.* Ubi licet de folis episcopatibus loquatur, in quibus illud inconueniens majus est, & clarius cernitur, tamen etiam habet locum in parochiis, ut aperte supponitur in cap. *Super eo*, de parochiis, & in cap. *Licet*, 16. quęst. 3. & iuvat cap. *Quicumque*, ibid. & ca. 9. de Reformat. Concilii Trident. sess. 14. & optime in sess. 24. c. 13. in fine.

Per hoc
nulli pa-
rochię sit
injuria

6 Nec vero per hanc institutionem aliqua injuria fit illi ecclesię, quę sacramenta ministrat personis habentibus prædia in aliis ecclesiis: tum quia jus ecclesiarum æquale est per se loquendo, & per accidens est, quod huic ecclesię hoc incommodum contingat, potuisset enim etiam alteri accidere, & poterit cursu temporis commutari; tum etiam quia unicuique ecclesię semper manent integra ex vi communis juris sua prædia, quorum decimę visę sunt sufficere ad clericorum sustentationem. Quod ergo in aliqua crescat numerus parochianorum sine augmento prædialium decimarum, non est inconueniens; tum quia jam supponitur jus naturale impletum per congruam sustentationem; tum etiam quia sæpe augetur ille numerus personarum ex pauperibus, quia nulli habent prædia: quid ergo refert, quod augeatur ex aliquibus habentibus eā in alio territorio? tum denique quia semper hi parochiani aliquid conferunt vel ex decimis personalibus, vel ex oblationibus, & quotidianis contributionibus, quę solent esse majores, quando parochiani diuites sunt, etiam si in aliis ecclesiis prædia sua possideant. Accedit tandem, quod humane leges considerant id, quod frequentius accidit: frequentius autem accidit, ut domini prædiorum parochiani sint illius ecclesię, in cuius territorio prædia existunt; quod autem in hoc contingat mutatio, rarum est, & accidentarium, nec debet præjudicium asserre ipsi ecclesię parochiali, quia ipsa parata est de se administrare eis sacramenta, si in suis fundis habitare voluerint.

Rebuffus
4. 3. n. 19.
c. 6. m. 1.
q. 14. n. 39

Quid in
simili ca-
su sentien-
dum de
decimis
mixtis

7 Superest vero videndum, quid dicendum sit in quęstione simili de decimis ex fructibus, & scilicet pecorum, quas supra mixtas appellari diximus. Est enim quędam differentia inter has, & præcedentes, quod res illę, seu animalia; unde producantur, non sunt immobilia, sicut sunt prædia; unde fit, ut interdum intra propriam parochiam domini sui fructificent, interdum extra illam. Quando ergo intra illam habitant, & ibi producant fructus suos, clarum est, eorum decimas ecclesię parochiali ipsiusmet domini esse reddendas, quia tunc & persona, & res fructifera ibi permanentem habitationem habent. Contingit autem, ut hæc animalia, ut oves, verbi gratia, in hyeme in uno loco pascantur, & maneant longe ab ecclesiā parochiali, immo interdum etiam a diœcesi, & provincia, in æstate vero ad propriam habitationem reducantur. Tunc ergo difficultas est, an sequantur conditionem personalium, vel prædialium decimarum; & consequenter an tales decimę solvendę sint, ubi fructus percipiuntur, vel ubi dominus fructuum recipit sacramenta. Et ratio dubii est primo, quia jura nihil in hoc casu de his decimis disponunt, dictum enim cap. *Ad apostolica*, solum distinguit de personalibus decimis mescum, ac fructuum arborum, de his vero mixtis nihil dicit, nec in alio textu disponitur, quem ego viderim: nam capitulum *Commissum*, quod adduci solet, non agit de animalibus, sed de pascuis, quorum decimę, etiam prædiales sunt, ut constat. Secundo, quia hæc decimę sunt mixtę, & ideo non apparet, cujus extremi naturam sequantur: nam perso-

Ratio du-
bians

nalibus multum assimulantur in hoc, quod ex hominum industria maxime pendere videntur: prædialibus vero in hoc, quod immediate non ex lucris actionum, sed ex fructibus rerum possessorum ab homine proveniunt.

8 In hoc puncto communis resolutio est, in eo casu dividendas esse decimas, & pro rata temporis unicuique ecclesię partem fructuum esse reddendam; ita ut si per totum dimidium annum in alia ecclesiā oves habuerint pascua, illi dimidia pars decimarum solvatur, alia vero dimidia detur proprię ecclesię ipsius personę, si in ea per alium dimidium annum commorantur, & pascuntur: quod si in alia tertia ecclesiā per aliquam notabilem partem anni, verbi gratia quartam, depastę sunt oves, illi etiam sua pars proportionalis detur, & diminuat alteri, in qua temporis etiam diminutio facta est. Ratio est, quia hæc decimę simpliciter sunt prædiales, & in canonibus sub illis comprehenduntur, ut in principio hujus materię ostendimus, & ideo illarum naturam, & legem sequuntur. Et potest confirmari, quia decimę pascuorum debentur ecclesię prædiali, argument. dicti cap. *Commissum*; ergo quando hæc pecora aluntur ex prædiis parochiæ alicujus, illi debentur decimę ex fructibus pecorum pro rata temporis. Ita tenet Glossa in dicto capitulo, *Ad apostolica*, quam ibi doctores sequuntur, & Divus Thomas 2. 2. quęstione octuagesima septima, art. 3. ad 2. Et ibidem Sor. & alii. Alensis tertię partis quęstione quinquagesima prima, membro quarto, art. quarto, in fine, Rebuffus dicta quęstione sexta, numero vigesimo quinto, & sequentibus. Hęcque sententia in praxi sequenda est, nisi consuetudo aliud exposcat, ut mox dicemus: minus tamen certa est, quam altera de decimis prædialibus, quia non est omnino certum, has mixtas regulandas esse per jura prædialium. Unde alii dicunt, quando dominus ovium domicilium habet in ecclesiā, in qua oves nunquam pascuntur, sed in alia, vel aliis, unam partem fructuum dandam esse ecclesię domicilii, alias vero partes ecclesię, vel ecclesiis, ubi sunt pascua: quia ut personalis est hæc decima sequitur personam, ut prædialis prædia. Ita indicat Navarrus consilio primo, de decimis, num. 10. Quia tamen verius est, has decimas simpliciter censeri prædiales, ideo communis opinio probabilior est.

Resolvi-
tur quę-
stio

Navarri
opinio

9 Nonnulla vero occurrunt advertenda. Primum in his mutationibus gregum ab uno loco in alium distantem solere multum temporis in itinere consumi, quod tamen non consideratur, sed solum illi termini, in quibus habitatio, & quasi domicilium per plures menses figitur: tum quia pascua itineris respectu singularum parochiarum in itinere occurrentium sunt parvi momenti, & moraliter fieri non potest, ut inter omnes dividantur decimę cum proportionem, ut notat Navarrus supra, numero tertio: tum etiam, quia personę peregrinantes non tenentur solvere aliquam personalem decimam in parochiis, per quas transeunt, licet ibi sacramenta percipiant, sed solum ubi domicilium habent, vel si nullibi habeant omnino fixum, ubi diutius permanent, & quasi domicilium ponunt. Est item ulterius considerandum, in ipsamet provincia, ubi oves, verbi gratia, pascuntur per totam hyemem, vel æstatem, sæpe non permanere per totum tempus veris, sed per varias discurrere, unum mensem in una, & alium in alia tentoria figendo, interdum etiam in diversis episcopatibus. Et tunc difficile erit, distributionem decimarum facere, ideoque iudicio prudentis existimo relinquendum, vel consuetudini, ut infra dicam.

Aliqua
notatu
digna

10 Præterea considerandum etiam est, interdum solere contingere, ut greges armentorum pascantur in prædiis unius parochiæ, accubant vero in alia parochia, in qua habent quasi domicilium, seu habitationem. Et tunc Divus Thomas cum Alense, quos

Quando
greges in
una paro-
chia pas-
cuntur, &
in alia
accubant;
cui deci-
mę debe-
antur

Aliorum
probabilis
opinio

quos Soto sequitur, dixit, magis debere decimam ecclesie prædiali, quia fructus gregis ex agris proveniunt. At vero citata Glossa, quam ibi sequitur Henric. Bohic. & Rebuffus supra putant, tunc etiam esse dividendas decimas. Et videtur hoc probabile, quia hæc decimæ, ut dictum est, prædiales sunt: id ergo quod hic tanquam prædium reputatur, sunt ipsa animalia; ergo sicut decima prædii debetur, ubi est prædium, ita hæc decimæ, ubi sunt animalia. Dicuntur autem proprie esse non minus, ubi degunt, & jacent, quam ubi pascuntur. Et induci potest, quod I. C. ait in l. *Si plures*, ff. Arborum furtim casarum, in ultimis verbis: *Si radicibus vicini arbor alatur, tamen ejus est, in cujus fundo origo ejus fuerit*. Ita enim per quandam accommodationem, ubi oves jacent, & dormiunt, ibi quodammodo radices figunt, ibique nutriuntur, & ab inclementiis cæli proteguntur; ergo ea ratione dicuntur saltem ex parte illius territorii esse, & ea ratione pertinere ad jus illius ecclesie quoad partem decimarum, licet altera debeatur ecclesie prædiali propter rationem D. Thom.

II Denique interdum potest contingere, ut oves neque pascantur, neque habitent per ullam partem anni in ecclesia parochiali sui domini, sed in aliis, & tunc nulla pars decimarum videtur debere tali ecclesie parochiali, sed dividendas esse cum proportionem inter alias ecclesias, in quatum parochiis vel pascuntur, vel jacent. Navarrus autem vult, semper esse solvendam saltem partem quartam ecclesie parochiali, quia putat has decimas reputandas esse personales aliqua ex parte. Sed illud prius videtur verius, præsertim quia nulla ratio illius quotæ, seu quartæ partis reddi potest, magis quam sextæ, vel octavæ, quia nec ex debito personæ, nec ex quantitate temporis reddi potest. Igitur sequenda est regula prædialium decimarum, & applicanda cum proportionem ad tempus pascuæ, vel habitationum ovium, semper tamen est consulenda consuetudo, ut generaliter nunc exponemus.

CAPUT XXII.

De consuetudine solvendi decimas in aliena parochia.

Consue-
tudine po-
tius intro-
duci con-
gruum

I Supponendum in primis est, contra supradictum jus consuetudine introduci, ac præscribi posse, ut decimæ prædiales non in ecclesia, ubi est prædium, sed in alia parochiali persolvantur. Hæc est sententia D. Thomæ, & omnium, quos supra retuli, & certa ex responsis Pontificum in capit. *Ad apostolicæ*, & cap. *Cum sint homines*, de decimis, & colligitur ex cap. *Ad aures*, de præscript. & cap. *I*, de præscript. in 6. Erratio est, quia consuetudo habet vim derogandi ordinario juri positivo. Item, quia inducit præscriptionem, per quam etiam jura, & dominia mutari solent, ita disponente ipsomet jure, ut dominia, & jura rerum certa permaneant, ut in materia de præscriptionibus latius tractatur.

Quantum
semper
requira-
tur ad
hoc jus

2 Difficultas vero est in explicando, quantum temporis necessarium sit, ut consuetudo tribuat hoc jus. Multorum enim resolutio est, decennium sufficere, ut tradit Panormitanus in dicto c. *Cum sint homines* in fine. Quem sequitur Cavarr. dicto cap. *17. n. 8. §. Quarto*, & Gutierrez dicto cap. *21. n. 58*. Fundamentum eorum est, quia in consuetudinibus, quæ non sunt contra jus, sed præter jus, sufficit diuturnum tempus, quod decennium esse censetur ad jus præscriptionis acquirendum, juxta doctrinam communiter receptam ex Glossa in cap. *ultim. de consuetud. in 6.* sed hæc consuetudo non est contra jus, sed præter jus, vel potius est ipsius juris interpretatio, quia nullum est jus, quod absolute prohibeat prædiales decimas solvi ecclesie parochiali domini prædii; sed potius ipsum jus dicit, obscuram esse controversiam inter utramque ecclesiam parochialem, & prædialem, quando sunt distinctæ, & ideo consuetudinem esse servandam; ergo. Potest etiam ad hoc ponderari dictum cap. *Ad apostolicæ*, ibi, *Tu eligas in hoc, quod per consuetudinem diu obtinuit ibidem no-*

Snarez Tom. XII.

veris observatum. Nam consuetudo tunc dicitur diu durasse, quando per decennium duravit, juxta Gloss. in l. *De quibus*, verb. *In veterata*, ff. de legit. & quæ allegant tam illi, quam Panorm. supra; ergo.

3 Contra hanc vero sententiam objici potest, quia hæc consuetudo potius est contra jus; ergo, ut per eam inducatur præscriptio, necessarium est tempus quadraginta annorum, juxta sententiam dictorum auctorum, quæ satis communis est cum Gloss. in cap. *fin. de consuet.* Antecedens expresse assertur a Glossa in dicto cap. *Cum sint homines*, verb. *Ad consuetudinem*, ibi, *per quam juri communi prædicatur*. Et in cap. *Ad apostolicæ*, verb. *Consuetudo*, dum ait, *jus commune in promptu esse, quod illi ecclesie debent dari hæc decima, in cujus territorio sunt prædia; & certe omnia, quæ pro assertionem adduximus, videntur hoc convincere*. Nam in dicto cap. *Cum contingat, perceptionem decimarum ad parochiales ecclesias de jure contingere*, erat sermo aperte de prædialibus, & de parochia, ubi prædia sunt; nam inde concluditur, decimas novalium eodem communi jure ad illam ecclesiam pertinere, in cujus territorio novalia fuerint. Idem probat c. *Cum in tua*, ibi, *Ad quas de jure communi spectat perceptio decimarum*.

Præcedens
opinio
impugna-
tur

Gloss.

4 Dicitur fortasse, hæc, & similia jura ordinare quidem, ut prædiales decimæ dentur ecclesie territorii, non tamen prohibere, quin alteri parochiali dari possint: nam potius dictum cap. *Cum sint homines*, & cap. *Ad apostolicæ*, de ecclesia parochiali generatim loquuntur, possuntque intelligi vel de parochiali personæ, vel de parochiali prædii. Alia vero jura intelligi poterunt indefinite, seu absque præjudicio alterius ecclesie, ut scilicet tales decimæ dandæ sint ecclesie talis prædii, nisi alia habeat majus jus, ut aperte additur in cap. *Cum contingat*. Contra hoc vero instatur primo; quia jus non solum disponit affirmative (ut sic dicam), quod ecclesie prædiali dentur decimæ, sed etiam privative, quia expresse prohibet, ne tales possessiones ita possint alteri ecclesie applicari, ut altera privetur decimis suis, ut patet ex cap. *Si quis laicus, vel clericus*, 16. quæst. 1. & expressius ex seq. *Ecclesie antiquitus constituta, nec decimis, nec ulla possessione priventur, ita ut novis oratoriiis tribuantur*: quod plane intelligitur de capellis etiam intra eamdem parochiam erectis: ergo a fortiori tribui prohibet extraneis ecclesiis. Et idem habetur in c. *Quicumque*, ibid. Item in cap. *I. 13. quæst. 1.* ita dividuntur jura parochialium ecclesiarum per territoria, ut nullus (dicitur ibi) *alterius parochie terminos, aut jus invadat*, scilicet nullus presbyter parochialis; ergo recipere decimas ex terminis alterius parochie, plane est contra hoc commune jus. Tandem in cap. *ult. de restitut. spoli.* in 6. dicitur, præsumi, eos decimas injuste occupare, qui eas exigunt ex prædiis in aliena parochia constitutis: hæc autem præsumptio in hoc fundatur, quod illa exactio est contra jus commune; unde consequenter subjungitur: *Sitque manifestum (nisi aliud ostendatur) eas de jure communi ad eamdem ecclesiam pertinere*: quomodo dici poterat clarius, contrarium hoc esse contra commune jus? Deinde non refert limitatio illa, nisi consuetudo, &c. nam eodem modo non solvere decimas est contra jus commune cum illa limitatione, ut supra dictum est, & nihilominus illud simpliciter est contra jus commune.

5 Aliter vero responderi potest, aliud esse, considerare jus introductum ab ecclesia post divisionem parochiarum; aliud, primævum jus ipsarum decimarum secundum se, quod maxime connaturale institutioni decimarum dici potest: nam loquendo de priori jure, negari non potest, quin hæc consuetudo contraria sit juri communi, ut videntur convincere, quæ adduximus. At vero considerando primævum jus, consuetudo illa non est juri contraria, sed potius per illam redditur ad jus proprium, & quasi intrinsicum ipsis decimis: quia juxta illam consuetudinem solvantur propriis ministris sacramentorum, propter quos illæ primum institutæ sunt, & præceptæ; & ideo talis consuetudo non di-

Alia res-
ponso

citur simpliciter contra jus, ac subinde ad illam sufficit decem annorum tempus.

6 Contra hoc vero obijcio ex cap. *Accedentibus* de privil. ibi enim postulatur tempus quadraginta annorum, ut una regularis ecclesia contra aliam præscribat in perceptione decimarum a religiosis privilegiatis, qui tanto tempore sub privilegio usi non fuerunt, ut supra expendimus, quia talis consuetudo censetur esse contra jus ecclesiæ, & necessarium erit tempus quadraginta annorum, ut ecclesia parochialis, seu personalis (ut sic dicam) contra ecclesiam prædialem præscribat. Probatur consequentia; quia vel per ecclesiasticum jus intelligimus jus facti (ut sic me explicem,) id est, facultatem illam, quam unaquæque ecclesia habet ad recipiendas, & exigendas, vel retinendas decimas virtute alicujus concessionis, privilegii, aut consuetudinis; ita ut idem sit dicere contra jus ecclesiæ, quam contra dominium, vel quasi dominium ecclesiasticum: & sic non minus, immo quodammodo magis est dominium ecclesiasticum, quod habet unaquæque ecclesia parochialis ad decimas prædiales sui territorii, quam quod habet monasterium privilegiatum ad retinendas decimas suarum terrarum, aut ecclesiarum sibi unitarum, quia utrumque jus est legitimum, & vera facultas moralis dominio æquivalens; & prius est ex jure communi, posterius ex privilegio; ergo quoad hoc procedit æquiparatio. Nam si ad præscribendum contra jus illud ex privilegio conveniens tempus quadraginta annorum necessarium est, multo magis ad præscribendum contra istud jus competens juri communi, quod non minus ecclesiasticum est. Vel per ecclesiasticum jus intelligimus legale per ecclesiam introductum, quod nil differt a præcepto ecclesiastico, & sic proprius est consuetudo contra jus ecclesiasticum in nostro casu, quæ in casu c. *Accedentibus*; nam casus hic est proxime contra ordinariam legem, & universale præceptum ecclesiæ: & ita in rigore opinio, quam dicti auctores supponunt, scil. necessarium esse tempus quadraginta annorum ad derogandum communi juri ecclesiastico, magis procedit in nostro casu, quam in alio, ubi agitur contra privilegium, quod minus proprie vocatur jus in hoc sensu. Et quamvis verum sit, incertam esse illam opinionem de necessitate temporis quadraginta annorum, ut consuetudo prævaleat contra legem ecclesiæ, & fortasse opposita sit probabilior, tamen revera in præsentis consuetudo magis est contra jus facti, quam legis, & solum in vi præscriptionis confert, aut tollit jus ecclesiæ, de qua certum est, postulare tempus quadraginta annorum, ut supra dictum est, & constat ex cap. *Auditis* de præscript. & ex cap. 3. de consuet. in 6.

7 Quapropter mihi probabilius videtur, necessarium esse tempus quadraginta annorum, ut hæc consuetudo conferat ecclesiæ parochiali unius personæ jus ad decimas prædiorum existentium in alia parochia; quia oportet, ut sit præscriptio contra ecclesiam, quæ minori tempore non fit; quod etiam si consideretur, ut est contra legem ecclesiæ, falsum est per illam consuetudinem rediri ad aliquod antiquius jus, nunquam enim fuit in ecclesia lex contraria, sed solum aliquando non fuit in ecclesia materia hujus legis. Quando enim in singulis diocesis non erant divisæ parochiæ, non poterat circa terminos, vel prædia earum propria lex constitui, tamen eo modo, quo poterat, eadem lex vigeat: quia tunc unusquisque episcopatus totus erat veluti una parochia, & ideo interdum ita appellatur, ut patet ex Canon. 14. Apostol. & cap. *Ad apostolica*, de decim. & in cap. *Apostolica*, de donation. Et inter dioceses ipsas eadem lex semper fuit servata, ut ex allegatis juribus constat. Denique in cap. *Ad aures*, de præscript. aperte supponi videtur, quadragennalem præscriptionem in hoc casu esse necessariam; & in cap. 1. de præscript. in 6. ad similes præscriptiones inter diversas dioceses idem tempus cum titulo postulatur, vel tempus immemorabile sine titulo.

8 Quare non video, quomodo sententia Abbatis

possit defendi nisi in eo casu, in quo dubium esset de ipsomet prædio, ad quam illarum ecclesiarum pertineret, tunc enim ipsummet jus commune esset dubium pro utraque ecclesia, & ibi posset decennalis præscriptio deservire. Et in eo casu videntur aperte loqui Covarr. & Guttier. Nam Covarr. paulo superius numero 7. nobiscum sentit in casu proprio, quem tractamus. Fundamentum vero contrariæ sententiæ expeditum jam est. Ponderatio autem illius particulæ *Diu* in dicto cap. *Ad apostolica* parvi momenti est: eadem enim vox habetur in dicto cap. *Accedentibus*, & non significat tempus decem annorum, nec aliquod tempus certum. Illa ergo vox solum ponitur ad declarandum, illam consuetudinem non debere esse minorem decem annorum, non vero ut tempus decem annorum semper ad illam sufficiat; interdum enim decem, interdum viginti, aliquando plures anni requiruntur juxta diversas materias, & personas. Ex illa ergo particula solum colligitur, ex vi illius textus esse necessariam consuetudinem longi temporis: quantum vero tempus necessarium sit in illo ordine, ibi non declaratur, sed ex aliis juribus colligitur esse quadraginta annorum, ut ostensum est.

9 Addendum vero est circa hanc consuetudinem, illam non extendi ad novalia antea nullo modo possessa. Itaque, licet una parochia consueverit per longissimum tempus exigere decimas a prædiis, quæ colite consueverunt in alia parochia, & in hac nunc denuo excolantur, & seminantur, vel plantentur agri inculti, non extenditur ad illos jus prioris ecclesiæ, nec poterit ex illis novalibus decimas exigere. Hæc sententia communis est, & in hoc sensu dici solet, præscriptionem non extendi ad furem, & ita tenet Rebuffus dicta quæst. 14. a num. 9. ubi doctè, & late per varios casus hanc materiam explicat. Idem Covarr. dicto cap. 17. num. 13. Guttier. dicto cap. 21. num. 78. & sequentibus. Et probatur bene ex cap. *Cum contingat*, de decim. ubi Glossa, verb. *Novallium*, & omnes notant. Item ex cap. *Tua*, §. *nec*, eod. ubi additur, *in talibus non esse extendendam licentiam, sed potius restringendam*. Ratio etiam est clara, quia præscriptio supponit possessionem, & per usum, & consuetudinem acquiritur: sed in eo casu ecclesia, quæ præscripsit prædiales decimas, non possedit unquam terras sylvestres, & incultas, nec usum habuit aliquid ab eis percipiendi; ergo non potuit præscribere decimas, quæ postea de novo debentur ex novis fructibus. Confirmatur; quia præscriptio in aliena parochia non extenditur ab uno prædio ad aliud, sed potest esse circa unum prædium, & non circa aliud, etiam ex prædiis cultis, ut plane supponitur in c. *Cum in tua*, de decimis, ex illa ratione, quod non plus præscribitur, quam possideatur, & usu capiatur: ergo a fortiori idem erit de prædiis incultis, illa ergo novalia non sunt præscripta; ideoque jure communi debentur illi ecclesiæ, in cujus territorio sunt, juxta cap. *Quoniam* de decim. & dictum cap. *Cum contingat*.

10 Et propterea addidi, hanc præscriptionem non extendi ad novalia antea nullo modo possessa. Nam si agri inculti antea possidebantur, & ex herba, vel lignis, vel pastu illorum aliquæ decimæ accipiebantur, tunc, licet postea de novo excolantur, & crescant decimæ, ad omnes illas extenditur præscriptio, quia nec possessio, nec usus deest, & aliæ conditiones supponuntur, & videtur casus expressus in cap. *Dudum* de Privil. Juvat. c. 2. §. 1. de decimis in 6. Nec varietas in fructibus, seu decimis obstat, quia præscriptio per se primo est realis circa terram ipsam, seu fundum, & ideo, quicquid fructificet, præscribenti fructificat quoad decimam. Sicut si in eodem prædio cultus ab antiquo in seminatione grani, & ita præscripto, postea plantetur vinea, etiam extenditur præscriptio ad decimam vini, quia illa varietas accidentaliter est, & per se attenditur præscriptio terræ, ut a paritate rationis probatur aperte ex c. *Commissum*, de decimis, ibi. *Et sicut de pascuis olim decimæ persolvebantur, ita nunc de eisdem ad frugum ferti-*

Occurritur contrarie sententiæ fundamento

Consuetudo hæc non extenditur ad novalia antea non possessa

Probabilius est tempus 40. annorum necessarium esse ad hanc præscriptionem

Quid faciendum si agri inculti antea possidebantur

fertilitatem translatis decimas volumus absque diminutione persolvere: ut ibi notat Glossa verb. *Pascuis*, & latius doctores citati prosequuntur, & Covarr. etiam in pract. cap. 37. num. 5. & idem censent dicti auctores esse, quando præscriptio cadit in fundum, qui simpliciter censetur unus, quia certis terminis clauditur, & tanquam unus, & indivisibilis possidetur: tunc enim licet antea non cohereret in omnibus partibus suis, & in aliquibus earum postea fiant novalia, ad illa extenditur præscriptio, quia totus simpliciter censetur possessus, licet per partes, ut late Rebuffus supra a num. 20. & Gutierrez a num. 101.

Decimæ
mista eodem modo procedunt, quoad prædiales quoad consuetudinem

11 Tandem addo, hæc, quæ de consuetudine circa prædiales decimas dicta sunt, cum proportionem habere locum in mistis, quia illæ etiam inter prædiales computantur, & in omnibus, quoad fieri potest, illas imitantur. Immo, quia in his non est tam expressum jus, ideo fere omnes auctores docent, in eis servandam esse receptam consuetudinem: estque aliunde major necessitas, quia res illæ, unde percipiuntur hi fructus, non habent ita firmam sedem, & radicem, sicut prædia, & arbores, & ideo facile potest prædialis ecclesia (ut sic dicam) mutari, aut multiplicari: ex quo oriuntur varii casus, qui non possunt melius, quam consuetudine terminari, ut ex supra dictis constare potest. Quapropter in his decimis mistis, & in casibus dubiis supra tractatis circa divisionem talium decimarum admitti facile potest, sufficere consuetudinem decem annorum ad præscribendum, & acquirendum jus, quia non est tam clare contra jus commune, & ita non est certum, talem consuetudinem esse contra aliquam ecclesiam, quia nulla est, quæ ex vi juris communis habeat certum jus in casibus prædictis.

C A P U T XXIII.

De privilegio, ut extra propriam parochiam decima solvantur.

1 **E**X dictis in superioribus hanc generalem assertionem statuere possumus: privilegio concedi posse, ut prædiales decimæ non solvantur ecclesiæ parochiali illius territorii, in quo sunt prædia, sed vel alicui ecclesiæ alterius territorii, vel alteri non parochiali in eodem territorio esistenti. Conclusio est certa apud omnes, & ex supra dictis satis nota: nam ostensum est, supremam potestatem dispensandi decimas, omnesque ecclesiasticos redditus esse in summo pontifice, ac subinde posse privilegia concedere ad retinendas, seu non solvendas decimas; eadem ergo ratione potest privilegia concedere uni loco sacro, ut decimas accipiat, licet de jure communi ei non debebantur. Dices, non posse hoc fieri, quin alter locus, cui jure debebantur, illis privetur, hoc autem contra justiciam videri. Respondetur, semper supponendum esse, ecclesiam illam, ad quam jure ordinario, vel etiam consuetudine decimæ illæ pertinebant, non privari occasione talis privilegii congrua sustentatione ministrorum, & omnium onerum suorum, alias argumentum concludi, privilegium fore injustum, & contra naturale jus, & quoad illam partem non valere. At vero quando ecclesiæ relinquuntur sufficientes redditus, non est contra justiciam, partem decimarum applicare alteri, ut supra ostensum est; quia illa solum est dispensatio in jure humano, & quia talis ecclesia non habet absolutum dominium talium decimarum, sed pendens a justa pontificis dispensatione.

Objectioni
si occurrerit

Dux partes
assertionis
applicatur

2 Duas autem partes in assertionem distinximus. Una est de applicatione decimarum ad ecclesias alterius territorii sive parochiales, sive non parochiales: altera est ad ecclesias ejusdem parochiæ non parochiales, nec curam animarum habentes. Prior dispensatio difficilior est, quam posterior, quia in priori decimæ unius ecclesiæ distrahantur ad aliam, in qua fideles, qui decimas illas solvunt, nullam spiritualem utilitatem, vel ministerium accipiunt, in posteriori autem, cum ecclesia, cui applicantur decimæ, maneat intra eandem parochiam, semper possunt

Suarez Tom. XII.

illius parochiani divinis officiis, quæ in illa sunt, interesse, & aliquem spirituales usum illius habere; ideoque hoc posterius minus exorbitat a communi jure, & ab scopo, & fine, propter quem decimæ a fidelibus solvuntur: hac ergo ratione difficilior est prior dispensatio. Unde in illo genere dispensationis, quo fuerit minor elongatio, seu separatio ecclesiarum, eo facilius poterit privilegium, seu dispensatio justificari, ut si pars decimarum unius parochiæ applicetur ecclesiæ alterius parochiæ intra eandem civitatem, seu populum, minus habet incommodi, quam si in diversis populis fiat, & quando fit applicatio ad ecclesiam alterius populi intra eandem diocesim, minor est dispensatio, quam si fiat ad ecclesiam alterius diocesis, quia in jure difficile valde judicatur, quod fructus unius diocesis in aliam transferantur, ut patet ex cap. *Cum sint* de decimis.

3 Et hinc in jure uniones perpetuæ beneficiorum difficiles sunt, & odiosæ, quia per illas decimæ ad unam ecclesiam pertinentes alteri applicantur, ut satis significavit Concilium Tridentinum, sess. 7. c. 6. de Refor. maxime vero illæ, quæ inter ecclesias distinctarum diocesum fiunt ex eodem Concilio, sess. 14. cap. 9. Nihilominus licet hæc applicatio decimarum ad ecclesiam alterius diocesis sit difficilis, & ideo non debeat, nisi raro, & magna ex causa fieri, tamen non est impossibilis, ut notavit Glossa in dicto cap. *Cum sint*; quia quod consuetudine introduci potest, etiam potest per privilegium pontificis concedi, quia major est potestas pontificis, quam consuetudinis: ostensum autem est, id posse consuetudine introduci; ergo. Item hæc dispensatio sæpe necessaria est ad bonum ecclesiæ, ejusque potestas pontifici commissa est, ut supra ostendimus. Unde non refert, quod fortasse ecclesia, cui applicantur decimæ antiquorum fidelium, illis immediate non serviat, nec spiritualia ministrat; tum quia omnes sumus unum corpus in Christo, & membra debent se invicem juvare, quando indigent; tum etiam quia pontifex ipse potest a quibuscumque fidelibus decimas exigere, quatenus ad suum universale regimen necessarium fuerit: nam ipse omnibus ministrat, & in omnes influit, & ideo potest etiam partem decimarum huic, vel illi ecclesiæ applicare, prout necessarium judicaverit.

Uniones
perpetuæ
beneficiorum
difficiles

4 Superest autem dubitatio circa hoc privilegium, quando uni ecclesiæ conceditur decima prædiorum alterius ecclesiæ, an sub illa concessione novalia comprehendantur. Ut autem ratio difficultatis intelligatur, supponimus ut clarum, concessionem non extendi ultra vim verborum; quia privilegia non plus valent, quam sonant: unde si determinate concedantur decimæ talium prædiorum, vel terrarum, vel tantæ quantitatis fructuum, nulla potest moveri quæstio, quia solum tales decimæ debentur, si plures accrescant postea per novalia, sive non. Difficultas ergo est, quando indefinite conceduntur decimæ talis ecclesiæ, vel talis terræ, & in illa ecclesia, vel terra postea fiunt novalia: nam ex una parte videntur tunc novalia concessa, quia concessio est indefinita, quæ nihil excludit, sed æquivalere universali. Item quia dictum est, in privilegio non solvendi decimas comprehendi novalia; ergo & in privilegio percipiendi. Maxime vero suaderetur ex cap. *Ex parte*, de decim. ubi sic dicitur: *Cum tibi, quod majus est, sit concessum, videl. ut de laboribus terre parochiarum tuarum cum integritate percipias, de novalibus eas exigere satis potest, quia ubi majus conceditur, minus concessum esse videtur*: ergo in absoluta concessione decimarum novalia comprehensa esse intelliguntur. In contrarium vero urget non parum decisio, & ratio textus in cap. *Tua* 1. §. ult. eod. sic enim ibi dicitur: *Nec occasione decimationis antiquæ (licet in feudum decima sint concessa) sunt decimæ novalium usurpanda, cum in talibus non sit extendenda licentia, sed potius restringenda*. Quæ ratio in omni simili concessione locum habet, quia concessio hæc odiosa est, & odia sunt restringenda. Item quia verba illa in rigore non continent distributionem. Item quia, qui donat fructus suarum hæreditatum, non intelligitur donare fructus hæreditatum, quas postea acquisi-

An per
tale pri-
vilegium
novalium
decimæ
concedan-
tur.
Ratio dif-
ficultatis.

Contraria
pars pro-
ponitur

turus est, sed quas nunc habet. Denique, quia privilegium æquiparatur præscriptioni: at præscriptio decimarum non extenditur ad novalia, ut supra visum est; ergo.

Communis
sententia.

2. Senten-
tia

3 In hac difficultate, & in concordia illorum duorum Canonum variae sunt sententiae doctorum. Prima, & communis distinguit inter privilegium concessum clericis, aut laicis. Et de priori ait, extendi ad novalia propter capitulum, *Ex parte*; de posteriori autem negat propter capitulum, *Tua*. Et ratio reddi potest, quia respectu laicorum tale privilegium est valde odiosum, non vero respectu clericorum: ita Glossa ibi, & Panormitanus, estque communis sententia, ut testatur Covarruvias dicto cap. 17. numero 13. Secunda sententia dicit, hoc privilegium non extendi ad novalia, siue clericis, siue laicis concessum sit. Ita tenet late Rebuffus dicta quaest. 14. a principio usque ad num. 8. & num. 29. & sequentibus. Covarruvias dicto num. 13. Gutierrez dicto cap. 21. num. 120. & sequentibus, qui referunt Anchar. Fortun. Gar. & alios. Et suaderi potest primo, quia licet hoc privilegium clericis concessum, minus odiosum sit, quam concessum laicis, tamen simpliciter est odiosum, & præjudicat tertio; ergo ut sic, & quoad hunc respectum restringendum est. Unde sic arguor: Vel verba privilegii talia sunt, ut salva eorum proprietate possint restringi ad prius culpa prædia, & non extendi ad novalia; vel ex vi verborum omnia comprehenduntur, nec possunt verba restringi absque impropria, & violenta interpretatione. Quando sunt prioris modi, tam in clericis, quam in laicis restringenda sunt propter rationem factam; quando vero sunt posterioris rationis, non possunt ita restringi etiam pro laicis, nisi in eo casu, in quo intellecta plene, & juxta suam proprietatem continent iniquitatem, vel injustitiam, in quo casu etiam respectu clericorum restrictio facienda esset; ergo non est conveniens illa distinctio, nec est verisimile in illis decretis esse intentam. Præterea multum juvatur hæc sententia ex cap. primo, de decimis in 6. Nam in principio illius capituli supponitur, privilegium veterum decimarum non extendi ad novalia, nisi expresse addatur extensio, & quando additur, stricte dicitur interpretanda, quantum verba permittunt: & in §. primo subjungitur. Quando privilegium erat prius datum de percipiendis totaliter antiquis decimis, & postea de novo extenditur ad novalia, quæ antea non erant concessa, restringendum esse ad medietatem decimarum novalium, *Quia non est verisimile (ait) si tunc plena, & integra perceptione veterum fuisset expressum, quod Apostolica sedes pariter, & similiter novalium decimas in tam grave parochiarum dispendium indulgeret*. Additurque, ut concessio novalium in posterum intelligatur restricta ad medietatem, etiamsi absolute concedatur. Et licet illa fuerit specialis dispositio juris ultra vim verborum privilegii, ex illa tamen colligitur, quam sit hoc privilegium in jure odiosum, ac subinde pro certo supponi, privilegium de obtinendis decimis ad aliam ecclesiam spectantibus jure communi, absolute concessum sine expressa mentione novalium ad illa non extendi: ibi autem nulla distinctio fit de clericis, aut laicis; sed absolute est sermo; ergo.

Confir-
matur
hæc sen-
tentia.
cap. 1.

Secunda
sententia
probabili-
or

6 Quapropter hæc sententia probabilior videtur. Nec est eadem ratio de privilegio negativo non solvendi decimas; tum quia hoc ex forma, & vi verborum magis universale est propter negationem inclusam; tum quia minus affert præjudicium ecclesiae, quia solum privat illam decimis prædiorum pertinentium ad unam personam: per aliud autem privilegium percipiendi decimas alterius parochiae omnino privaretur ecclesia illa toto territorio suo, si tale privilegium ad novalia extenderetur, & omni spe habendi aliquam utilitatem ex tota illa terra; quod est grave detrimentum, quod considerasse videtur Pontifex in dicto cap. 2. de decimis. Ad dictum autem capitulum. *Ex parte*, respondent Rebuffus, & Covarruvias, ibi non esse sermonem de privilegio contrario juri communi, de quo hic loquimur, sed de or-

dinario jure parochiali, declarato in capitulum. *Cum contingat*, de decimis. Quem sensum satis indicant illa verba explicantia concessionem: *Ut videlicet decimas de laboribus terræ parochiarum tuarum cum integritate percipias*. Refert autem Rebuffus quandam lectionem integram illius textus, ex qua sensus ille evidens est. Nam ex illa constat, parochialem quandam ecclesiam per quemdam episcopum privatam fuisse veteribus decimis, quas ille episcopus prætextu cujusdam consuetudinis cuidam canonico concesserat, illa vero ecclesia veteres suas decimas a pontifice recuperaverat. Postea vero perit, ut in illa concessione declararetur, sibi esse concessa novalia, quod profecto nulla declaratione indigebat; tum quia ex vi alterius gratiæ, quam episcopus canonico fecerat in præjudicium ecclesiae, (etiamsi fuisset valida,) non erant comprehensa novalia, quæ parochiæ de jure competeabant, juxta eandem opinionem, quam defendimus, quod sub generali concessione decimarum facta in ecclesiae præjudicium, non veniunt novalia: tum etiam quia per illam concessionem restituebatur ecclesia ad statum pristinum, & juri consentaneum, & ideo non tam concedebantur ei novalia, quam sua esse declarabantur.

7 Dices: cur ergo in illo textu pro ratione asseritur, quia cui majus conceditur, minus intelligitur esse concessum. Respondet Rebuffus in integra non esse talia verba, nec talem rationem, quæ vera non esset; quia in privilegio non valet argumentum a majori, sed a comprehensis ex vi verborum. Ratio ergo, quæ in integra ab illo relata redditur, est. *Cum ergo perceptio decimarum ad parochiales ecclesias de jure communi pertineat, per quod decime novalium, quæ sunt in parochiis earumdem ad ipsas spectare noscuntur, &c.* Quia vero alia verba in Gregoriana compilatione habentur, possumus illa trahere ad eundem sensum; non enim esse potest sensus illorum verborum, in privilegiis valere argumentum a majori ad minus, si tantum sit a simili, & non simplex vi verborum: igitur juxta subjectam materiam intelligendum est, cum concessio, vel potius redintegratio fuerit facta in eo, quod fuerat expresse ablatum, multo magis factam fuisse in eo, quod expresse ablatum non fuerat, & ad idem jus parochiæ pertinebat.

Enodatur
difficul-
tas

CAPUT XXIV.

An in ecclesia baptismali decimæ solvenda sint.

I Dicendum superest de decimis solvendis in ecclesia baptismali, matrice, vel cathedrali, quando hæc a parochiali distinguitur, vel quando intra terminos sui territorii habet parochiales ecclesias ædificatas, ad quas proxime spectat cura aliquorum parochianorum. Et ut intelligatur dubium, advertendum est, regulariter, ac ordinarie eandem ecclesiam solere esse baptismalem, & parochialem; baptismalis enim dicitur, in qua solent, & debent fideles filios suos baptizare; & quia in eadem ecclesia solent etiam sacramenta recipere, ac participare divina, ideo talis ecclesia etiam est parochialis. Contingit autem aliquando, ut sub ecclesia baptismali sint erectæ parochiales ecclesiæ, quæ baptismales non sunt, sed pure parochiales, quia nimirum fideles jam baptizati in eis recipere debent alia sacramenta, ibi tamen non baptizantur, sed in alia, in qua fons baptismi relictus est pro aliis parochiis, quasi inferioribus; illa vero tunc speciali modo baptismalis dicitur. Non quia nullam omnino parochiam habeat, aliquam enim semper retinet, respectu cujus parochialis etiam est: nam si solum sit erecta ad juvandas parochiales in ministratione baptismatis propter periculum puerorum, tunc solum reputatur ut capella quædam parochialis ecclesiæ, unde in præsentem considerationem non venit, quicquid Rebuffus sentiat in dicta quaestione 6. a num. 19.

2 Baptismalis ergo proprie est, quæ licet propriam habeat parochiam, habet etiam alias, quæ illam ali-

quo

Quæ sit
ecclesia
baptismali

quomodo recognoscunt in hoc, quod ad professionem solennem fidei per susceptionem baptismi faciendam, subditos suos ad illam deferre tenentur, unde talis ecclesia respectu aliarum solet matrix appellari, juxta modum loquendi juris in capitul. *Ad audientiam*, 1. de ecclesiis ædific. & capitul. *Extransmissa*, de præser. & cap. *Præterea*, 2. de transaction. & Clemen. 1. de sent. excommun. ubi id notat Glossa verb. *Matrix* dicens, baptismalem ecclesiam matricem vocari, quia sicut mater generat, sic & illa regnerat per baptismum. Sed juxta hanc rationem omnis baptismalis ecclesia esset matrix, non tamen ita appellatur, nisi quando habet alias ecclesias sibi aliquo modo subjectas, ut sentit Panormit. capitul. *Ex parte*, de rescript. num. 1. & notat Rebuffus tract. de decimis quæst. 6. num. 6. & 7. Qui etiam advertunt, ecclesiam matricem simpliciter dictam Cathedralē significare, nisi qualitas materis aliud necessario postulet, juxta cap. *Venerabili*, de verb. significat.

Ratio du-
bitandi
proponi-
tur

3 Hinc ergo nascitur dubium, quia jura interdum dicunt, decimas solvendas esse ecclesiæ parochiali, cap. *Quoniam*, cap. *Ad apostolicæ*, cap. *Cum contingat*, de decimis, aliquando vero dicunt, solvendas esse ecclesiæ baptismali c. 1. §. *In diocesi*, 13. qu. 1. & cap. *De decimis*, c. *statuimus*, cap. *In sacris*, 16. qu. 1. & in Concil. Lateran. sub Alex. 3. p. 4. c. 3. ubi integre habetur cap. *Nuncios* de decimis, & dicitur: *Omnes de Parochia tua moneas, ut decimas matricibus ecclesiis persolvant*, ubi *Parochia* diocesim plane significat: per matrices autem ecclesias videntur intelligi baptismales. Quando ergo eadem ecclesia parochialis est, & baptismalis respectu ejusdem personæ, seu familiæ, tunc plane procedunt omnia supra dicta, & de illis ecclesiis loquuntur expresse cap. *Quæsti*, & c. *In sacris*, 16. quæst. 1. Quando vero una est baptismalis, alia parochialis, dubium est, quomodo sint applicanda, & intelligenda omnia, quæ diximus. Potestque hoc tam de personalibus, quam de prædialibus interrogari. Primo ergo de personalibus probabilior sententia videtur pertinere ad parochialem, etiam si baptismalis non sit. Ita tenet Glossa in dicto cap. *de decimis*, verb. *Baptismalem*, Abb. in cap. *Cum contingat*, de decim. num. 6. Joann. Andr. & Anchar. in dicto cap. *Ad Apostolicæ*, Rebuff. d. q. 6. num. 21. Et ratio est, quia regula juris est, ut hæ decimæ parochiali ecclesiæ debeantur, ut supra visum est: at ecclesia parochialis, licet baptismum non tribuat, simpliciter parochialis est; ergo. Item si quis alibi baptizatus domicilium mutet, absolute debet decimas personales illi parochiæ, ubi fixit domicilium, juxta cap. ult. de Parochiis; ergo. Denique parochialis ecclesia est, quæ permanentiter ministrat spiritualia, illi ergo debentur majora, & quasi continua stipendia; saltem ergo debentur decimæ parochiales. Addit vero Abb. dicto cap. *Cum contingit*, cum Cardin. ibidem, verisimile esse, aliquam partem harum decimarum esse dandam ecclesiæ baptismali, quia Sacramentum aliquod administrat, & quia solet esse ecclesia matrix, cui aliqua recognitio facienda est. Sed hoc licet servandum sit, ubi consuetudine fuerit receptum, per se tamen non videtur necessarium; tum quia semper in ipso baptismo fit aliqua oblatio, quæ in recognitionem, & stipendium illius ministerii sufficit; tum etiam quia quatenus ecclesia baptismalis matrix est, solet inferior ecclesia aliis modis, vel actionibus subjectionem illam recognoscere, juxta cap. *Ad audientiam*, 1. Cum Glossa ibi, de ecclesiis ædific.

Decimæ
prædiales
ad paro-
chiam
spectant

4 Secundo de prædialibus multa dicunt Panorm. & Rebuff. supra; vera tamen resolutio esse videtur, ubi constiterit ecclesiam parochialem habere territorium propriis terminis clausum, ad illam pertinere decimas omnium prædiorum, in illius territorio existentium, nisi aliunde constiterit, speciali aliquo jure pertinere ad ecclesiam baptismalem. Ita tenet Abbas in dicto cap. *Cum contingat*, num. 8. & Archid. 13. qu. 1. in principio, & ad hoc suadendum faciunt cum proportionem rationes adductæ in puncto præcedenti. Favent etiam jura adducta, quæ cen-

Snarez Tom. XII,

sent, hæc prædia esse adjudicata parochiali ecclesiæ talis territorii; nam talis est illa ecclesia simpliciter loquendo, licet baptismum non administret. Unde alia jura, quæ de ecclesia baptismali loquuntur, vel baptismalem accipiunt pro parochiali, quia regulariter sunt eadem, & illa partitio extraordinaria est, & rara; vel certe loquuntur, quia prædia sunt constituta intra parochiam ipsius ecclesiæ baptismalis. Dices: *Objectio* ordinario solet baptismalis ecclesia esse antiquior parochiali, & antea sub terminis suæ parochiæ comprehendisse totum territorium novæ ecclesiæ parochialis, ac subinde omnia prædia illius territorii reali debito fuisse obligata illi ecclesiæ antiquiori pro decimis prædialibus; ergo licet prædia postea transierint ad novam parochiam, transierunt cum onere suo, ac subinde illorum decimæ non vicinæ ecclesiæ parochiali, sed baptismali, & matri debentur. Maxime quia in cap. *Ecclesia*, & cap. *Quicumque*, 16. quæst. 1. statuitur, ut ecclesiæ antiquæ non priventur suis decimis propter novarum ædificationem.

Solvitur
Objectio

5 Respondetur in primis, argumentum posse converti, quando constiterit, parochialem ecclesiam esse antiquiorem; nam illi etiam favet jus parochiale, quod oritur ex continuo servitio, seu ministerio spirituali, & obligatione ad illud. Et ita in eo casu rem esse indubitam, fatetur Rebuffus supra num. 17. Deinde si fuerit dubium de antiquitate, pro parochiali præsumendum est, & ad baptismalem pertinebit probare suam antiquitatem, & jus (quidquid Rebuffus supra contendit;) quia jus commune magis favet parochiali, ut ostensum est, & propter rationem, quam nunc subjungemus. Unde ulterius addo, etiam si constet, ecclesiam baptismalem esse antiquiorem, & prius habuisse illa prædia in suo territorio, per novæ ecclesiæ ædificationem juxta illos terminos, & legitimam erectionem illius in parochiam, cum assignatione talis territorii translata fuisse prædia etiam cum jure decimarum ad talem parochiam, non obstante præjudicio antiquioris ecclesiæ. Quod sane satis aperte videtur probare textus in dicto c. *Ad audientiam* 1., id est, de ecclesiis ædific. Et ratio est, quia licet res soleat transire cum onere suo, tamen quando causa, & fundamentum illius oneris cum ipsa re, publica auctoritate, & rationabili causa in alium transfertur, etiam utilitas illius omnis debet in eundem transferri, quia ratio justitiæ, & æquitatis hoc postulat: in præsentem autem onus ministrandi sacramenta, quod habebat antiqua ecclesia, transfertur in novam parochiam, & illud est præcipuum fundamentum decimarum: ergo & prædia antiquæ ecclesiæ translata censenda sunt in novam ecclesiam cum utilitate decimarum, ac subinde non cum onere tradendi decimas alteri ecclesiæ, sed cum jure percipiendi illas translata sunt. Alias prior ecclesia abjecisset a se onus onerosum (ut sic dicam) scilicet ministrandi sacramenta in territorio novæ parochiæ, & retinisset jus, & utilitatem ad onus reale ejusdem territorii, quod videretur contra æquitatem per se loquendo. Non est ergo id præsumendum, nisi aliqua certa ratione constet.

Explicatur
jura

6 Quando ergo jura dicunt, antiquis ecclesiis non esse inferendum præjudicium quoad decimarum perceptionem per novæ ecclesiæ ædificationem, loquuntur in primis, quando per novæ ecclesiæ ædificationem non dividitur parochia. Et ita loquitur aperte dictum cap. *Ecclesia*, de novis oratoriis, & capit. *Quicumque*, de ecclesia, quam aliquis in sua proprietate ædificare vult de consensu episcopi, quæ non solet esse parochia, sed simplex quædam capella. Secus vero est, quando ædificatio ecclesiæ fit ad dividendam parochiam, juxta dictum capitul. *Ad audientiam*, renovatum, & auctum in cap. 4. Concil. Trident. sess. 21. ubi declarat, posse hoc facere episcopum, etiam invitatis rectoribus matricis ecclesiæ, seu baptismalis, juxta formam prædicti cap. *Ad audientiam*. Ad quam formam maxime spectat, ut id non fiat sine magna necessitate parochianorum, ut quando alias non possunt accedere ad divina audienda sine magno incommodo, ut ibidem dicitur, & notant Doctores in dicto cap. *Ad audientiam*.

Ubi videri potest Glossa 2. & circa illam Abbas, qui bene hoc explicat. Denique oportet advertere, semper præsumi, hanc translationem decimarum ad parochialem ecclesiam ex rationabili causa, & modo legitimo factam esse, nisi oppositum probetur, ut notavit Abbas in dicto cap. *Cum contingat*, num. 8. & Rebuffus in dicta questione 6. numero 15. ex cap. *Nisi essent*, de Præben. Et faciunt cap. ultimo 9. q. 2. & quæ congerit Felin. in cap. *de quarta*, de præscription. num. 12.

7 Addidi vero limitationem, *nisi aliunde constiterit, ecclesiam baptismalem retinuisse jus ad tales decimas*, quia certum est, multis modis hoc posse contingere. Unus est, si constet, transactionem, & compositionem esse factam in erectione parochialis ecclesiæ inter eam, & baptismalem cum approbatione episcopi, & ex vi illius decimas retentas esse baptismali ecclesiæ, & parochialiiter esse provisum: nam tunc id servandum est, ut notat Rebuffus supra numero 12. Alius est, si parochialis ecclesia non est omnino separata a baptismali, nec erecta in titulum beneficii curati, aut Vicariæ perpetuæ, sed est annexa baptismali, cujus parochus mercenarium illic constituit, ut in ea serviat; tunc enim tota est quasi una parochia, & ita omnes decimæ pertinent ad matricem. Et sic ait Panormit. per textum ibi in cap. *Ex parte*, de re script. *posse ecclesiam matricem plebanalem* (sic enim appellat) *tenere capellam positam in suo plebanatu, non ponendo ibi rectorem, sed capellanum, qui eam officiet*. Tertius esse potest titulus consuetudinis, nam in hac materia habet magnam vim, ut jura docent. Et consuetudo ostendit, a principio erectam fuisse inferiorem ecclesiam cum hac conditione, & modo: præsertim quando aliunde habet sufficientes redditus sine talibus decimis. Et tunc sine dubio sufficit decennialis consuetudo, quia illa non est aperte contra jus, sed ad summum est de jure dubio; & ideo Innocent. & alii in dicto cap. *Cum contingat* dicunt, in toto hoc dubio standum esse consuetudini, nam si hæc faver parochiali, multo magis procedunt ea, quæ diximus.

2 Addo præterea, dictam resolutionem procedere, etiam si ecclesia baptismalis sit cathedralis, vel cujuscunque dignitatis; semper enim pro parochiali præsumitur non solum, quando illi faver consuetudo, sed etiam secluso hoc titulo ex vi ordinarii juris, quando oppositum sufficienter non probatur in alterius ecclesiæ favorem. Nam sola major dignitas talis ecclesiæ non confert illi speciale jus ad decimas prædiales alterius parochiæ, etiam si illi alias subiecta sit. Dicit tamen Glossa in cap. *Quicumque*, 16. q. 1. in fin. pluralem ecclesiam (sic enim parochialem appellat) debere suas decimas in quatuor partes dividere, & quartam dare ecclesiæ baptismali, alias pro pauperibus, fabrica, & suis clericis retinere. Sed hoc nullo jure probat, & supra ostensum est, quartam illam portionem esse de jure episcopali; non ergo debetur de jure ecclesiæ baptismali, quæcumque illa sit. Unde tandem constat, hoc jus prædialium decimarum, quod diximus esse in tali parochiali ecclesia pura, extendi ad novalia, quæ post talis ecclesiæ foundationem in illius territorio facta fuerunt, quia non ex privilegio, vel præscriptione habet tales decimas, sed ex vi juris communis pertinentis ad parochialem ecclesiam, & ideo in illa locum habet decisio capit. *Quoniam*; & cap. *Cum contingat*, de decim. Idem vero dicendum est de baptismali ecclesia in illis casibus, in quib. prædiales decimas antiqui territorii retinuisse ostenditur; tunc enim non nisi jure parochialis ecclesiæ ab antiquo illi conveniente illas retinet, & ideo ad novalia semper extendi potest.

9 Tandem vero interrogari potest in hac materia, ad quam ecclesiam pertineant decimæ prædiales, ubi constat, prædia non cadere intra territorium alicujus parochiæ. Respondeo breviter, ad nullam ecclesiam jure communi pertinere, sed ad episcopalem mensam. Ita docet Panormitan. dicto cap. *Cum contingat*, & sequitur Rebuffus quæst. 7. num. 8. & sumitur ex dicto cap. *Quoniam*, quatenus decernit, de-

cimas novalium ad episcopos pertinere, quando terræ de novo cultæ intra certam alicujus ecclesiæ parochiam non continentur, nisi episcopus eas velit alteri ecclesiæ deputare. Eadem autem ratio est de terris quibuscumque ab antiquo cultis extra terminos parochiarum existentibus. Generalis autem ratio esse videtur, quia episcopus ante divisionem parochiarum habet jus disponendi de omnibus decimis totius diocesis modo sacris canonibus præscripto: si ergo in divisione parochiarum aliqua terræ nulli parochiæ designatæ fuerunt, sub antiquo jure remanserunt; unde relictæ censentur pro mensa episcopali, vel illi accrevisse, si postea de novo cultæ sunt. Et ita videtur hoc jus declarari in illo cap. *Quoniam*.

CAPUT XXV.

Possintne decimæ deberi, aut juste solvi laicis.

1 Licet dictum sit, decimas certis locis, seu parochialibus ecclesiis esse solvendas, tamen propter personas dantur, ad quarum sustentationem præcipue ordinantur. Personæ autem sunt variae: quidam enim sunt laici, alii clerici; & inter clericos quidam habent curam animarum, alii minime; quidam item habent in tali ecclesia ministerium aliquod, quidam nullum habent. Igitur exponere necesse est, cui ordini personarum decimæ debeantur ordinario jure, & consequenter dicendum erit, quibus ex consuetudine, vel privilegio competant. Ad cujus questionis decisionem vulgaris distinctio supponenda est: nam potest esse sermo vel de jure, seu titulo percipiendi decimas, vel de ipsiis decimis, prout sunt quidam temporales fructus pretio æstimabiles. Inter quæ discrimen assignatur, quod jus ad decimas percipiendas spirituale quid est, quatenus est fundamentum in spirituali ministerio, seu in potestate, & obligatione ministrandi spiritualia, ratione cujus ministerii temporalia dantur. Quod probatur optime ex cap. ult. de rerum permut. ubi hac ratione dicitur, jus percipiendi decimas non posse temporali pensione compensari, quia non potest spirituale pro temporali comparari. At fructus ipsi decimales temporales sunt, ut constat.

2 Dices: etiam jus ad decimas percipiendas potest esse temporale, ut si quis conducat beneficium, titulo conductionis habet jus ad decimas, quod temporale est. Idem acquiri potest titulo venditionis: potest enim quis futuras decimas hujus anni vendere, & consequenter alteri jus conferre ad illas percipiendas; laici etiam sæpe videntur habere hoc jus, & tunc necesse est, esse temporale. Respondeo, sermonem esse de jure proprio, & per se pertinente ad decimam, ut talem, & juxta institutionem suam; de hoc enim procedit ratio facta, & de illo loquuntur jura, cum dicunt, beneficium dari propter officium, & ideo esse quid annexum rei spirituali. Conductor autem, aut emptor non habet tale jus ad decimam, nec illam respicit ut decimam, nec ut stipendium pro munere spirituali, sed solum materialiter (ut sic dicam,) ut est quidam temporalis fructus tanto pretio æstimabilis. Et similiter laici habentes decimarum concessionem aliquam non proprio jure illas recipiunt, sed quasi vice aliorum, ut statim dicemus.

3 Ex his ergo dicendum est primo, decimas, ut tales sunt, & ut sunt ecclesiastici fructus, per se non deberi laicis, neque illis esse solvendas. Est certa, & communis sententia, quam D. Thom. & alii Theologi 22. quæst. 87. art. 3. tenent. Idem Div. Thom. quodlib. 2. ar. 8. ad argum. Alenf. 3. p. q. 51. memb. 6. art. 1. Abulen. quæst. 178. in dicto cap. 23. Matth. Glossa communiter approbata in cap. *Quamvis*, de decimis, verb. *Concesserit*, & Glossa in cap. *Causam*, quæ de præscript. & doctores communiter, Rebuffus late dicto tract. quæst. 10. fere per totam, Covar. dicto cap. 17. a num. 6. Guttier. dicto cap. 21. a num. 64. Et habetur sæpius in jure, cap. *Decimas*, 16. quæst. 7. ubi Gregor. 7. cum Concil. Late-

Variis personis decimas solvi

Vulgaris distinctio

Objeccio

Solvitur

Decime, ut tales non debentur laici

Limitationis ratio explicatur

Idem sciendum etiam baptismalis ecclesiæ sit cathedralis.

Quando prædia nullius in parochiæ territorio sunt, quid dicendum

Lateranens. sic ait: *Decimas, que in usum pietatis concessas esse, canonica auctoritas demonstrat, a laicis possideri auctoritate apostolica prohibemus; & infra: Decimas, & primitias, quas jure sacerdotum esse sancimus, &c.* Notatur autem in editione Gregoriana, priora verba reperiri etiam in Concilio Romano sub Innocent. II. cap. 9. Et utrumque Concilium extare in Bibliotheca Vaticana; posteriora autem verba in neutro Concilio inveniri. Idem vero habetur in cap. *Quamvis*, cap. *Prohibemus*, cap. *Ad hæc*, cap. *Tua*, 1. de decimis, & in cap. *Causam*, de præscriptione; & generatim de oblationibus ecclesiæ idem tradit Damasc. in capite ult. 10. quæstion. 1. refertque idem fuisse in Nicæno Concil. statutum: sic etiam intelligendum est, quod in capit. ult. 16. quæstion. 7. dicitur, usum decimarum, & oblationum secularibus provenire non posse. Idem fere in cap. *Pervenit*, 1. quæstion. 3. & 16. quæst. 7. Ratio vero clara est, quia laici spiritualia ministrare non possunt; ergo non sunt capaces spiritualis juris; ergo proprium jus decimarum non potest illis convenire; ergo laicis non possunt per se, seu ratione illorum deberi decimæ.

Ratio as-
sertionis

Quam im-
mutabilis
sit hæc
regula

4. Atque hinc colligitur, hanc regulam non solum procedere de jure communi, sed etiam simpliciter de jure ita fundato in naturali ratione, supposita institutione divina, ut per nullam præscriptionem, vel humanam concessionem immutari possit, si formaliter, ac proprie loquamur. Declaratur in primis ex ratione facta, quia ratio naturalis dicitur, neminem esse capacem stipendii, qui non est capax ministerii, aut laboris, cui stipendium responderet: sed laici jure divino sunt incapaces spiritualis ministerii, ut nunc supponitur, & est per se constans in jure; ergo sunt incapaces decimarum, ut sunt stipendium ministrorum ecclesiæ; ergo nullo modo potest immutari jus prohibens, ne laici decimas accipiant. Deinde per partes ostenditur. Et primo, non posse laicos decimas præscribere, aperte docet Alexan. III. in cap. *Causam que*, de præscriptione; ergo maxime id verum est de decimis hoc modo, & quasi formaliter spectatis, quatenus ratione proprii, & intrinseci juris debentur. Et ratio est, quia præscriptio supponit capacitatem tituli, & possessionis justæ, seu civilis, quia sine tali possessione non currit præscriptio, juxta regulam juris in sexto. An vero possint laici præscribere decimas ipsas quasi materialiter, id est, fructus illos alio nomine, & ratione percipiendo, mox dicemus.

Præscri-
ptione nõ
mutatur
hoc jus

Neque et-
iam hu-
mana co-
nessione
variatur
hoc jus.

5. Tandem hunc etiam facile probatur, non posse hoc jus immutari per humanam concessionem, etiam si pontificia sit, quia non potest pontifex laicis concedere spirituale titulum, quia non potest illis concedere spiritualia ministeria. Et hoc sane clarum est in ministeriis, quæ essentialiter pendent a potestate ordinis, ut sunt oblatio sacrificii, & administratio sacramentorum, & consequenter usus spiritualis jurisdictionis in foro poenitentiae: De aliquo vero usu spiritualis jurisdictionis in exteriori foro ecclesiæ, & de aliquo spirituali ministerio, quod sine ordine aliquo potest exerceri vel in publicis orationibus, vel in alio ministerio ecclesiæ, potest esse nonnullum dubium, cur mediante tali ministerio non possit jus aliquod decimarum laicis concedi, saltem a pontifice, sed de hoc inferius dicam. Nunc breviter dico, etsi aliquid possit hoc titulo aliquibus concedi, qui proprie clerici non sunt, nihilominus non eis concedi, ut laici sunt, sed ut aliquo modo sunt ecclesiasticæ personæ, ut postea declarabo.

Laicos
posse lici-
te perci-
pere fru-
ctus de-
cim.

6. Secundo ergo dicendum est, non repugnare, quin laicæ personæ licite interdum percipiant fructus decimarum, non proprio titulo, sed vel nomine clericorum, ad quos pertinent, vel per justam dispensationem, & applicationem prælatorum ecclesiæ. Sensus assertionis non solum est de perceptione decimarum quasi materiali, vel ministeriali, ut sic dicam, qualis est in famulo, vel œconomo, qui colligit fructus non sibi, sed Domino, in cujus possessionem,

& dominium statim transeunt: nam hoc non est proprie percipere decimas, neque hoc poterat in questione venire, cum constet, posse clericos per ministerium laicorum redditus suos colligere, ac percipere. Sensus ergo est de propria perceptione quasi formali, quavis fructus colligit, ut in suam possessionem, & dominium illos transferat. Et in hoc sensu assertio est communis Divi Thomæ, & aliorum, quos supra retuli, Glossæ receptæ in cap. *Quamvis*, de decimis, Abbati, & dicto cap. *Ad hæc*, & dicto cap. *Causam*, Rebuff. dicta quæst. 10. a numer. 33. Tiraquel. de Retra. tit. 1. §. 1. Glossæ num. 51. Estque conclusio per se clara, quia decimæ hoc modo spectatæ res temporales sunt, ideoque in potestatem juste venire possunt, dummodo ratio accipiendi illas & ab his maneat, quibus jus decimarum, & primarius usus earum competit, & justam aliquam causam habeat laicis accommodatam. Hoc autem modo illam accipiunt, quando & nomine clericorum, ad quos pertinent, & ex aliqua justa causa illas recipiunt. Atque ita probatur etiam assertio ex jure in cap. 2. de locato. Dico autem, hoc posse concedi per justum contractum, & jure non prohiberi, quia interveniente ecclesiæ prohibitione, jam laicus non perciperet decimas ex ecclesiæ consensu, & approbatione; unde nec nomine ecclesiæ, nec justa aliqua ratione, aut titulo eas posset exigere.

7. Statim vero occurrit inquirendum, quibus modis possint laici accipere hanc facultatem percipiendi fructus decimarum licite, & valide, saltem nomine clericorum, a quibus talem facultatem accipiunt. In quo in primis considerandum est, aliud esse accipere fructus, seu redditus decimarum jam perceptos ab ipsis ecclesiasticis personis, ad quas pertinent: aliud vero esse, accipere facultatem durabilem, ac diuturnam exigendi decimas ex concessione habentium spiritualement potestatem, atque adeo nomine illorum. De priori modo hic non tractamus, quia revera tunc non solvitur decima laico, de quo tantum hic agimus, sed, postquam sacerdoti soluta est a laico, ipse sacerdos illam iterum dispensat in laicos, & tunc sacerdos est, qui proprie utitur suis redditibus, eos dispensando, vel donando laico: postquam autem in dominium laici transeunt, jam non habent rationem bonorum ecclesiasticorum, sed mere temporales sunt, & libere illos potest expendere.

Quibus
modis lai-
ci acci-
piant hoc
jus.

8. Regula autem discernendi, quando talis acceptio fructuum ecclesiasticorum etiam de manu clerici licita sit, vel illicita laico, sumenda est ex parte clerici: nam si clericus bene dispensat, laicus licite recipit; si autem sacerdos dat, quando non potest, alter inique accipit, quia saltem cooperatur iniquæ actioni, ac distributioni: non tamen semper eodem modo. Nam clericus si dispenset eam partem decimarum, quarum non est dominus, sed solum fidelis dispensator, & in donationem excedit suam commissionem, & decimas donet eis, qui non sunt capaces earum juxta titulum, & rationem dispensationis clerico commissæ, tunc sicut dans dat contra justitiam, ita & recipiens, nec potest acceptas decimas tuta conscientia retinere, sed tenetur eas ecclesiæ restituere. Si vero clericus donet decimas, quarum est Dominus, peccet autem in modo contra charitatem, vel aliam ecclesiæ prohibitionem non irritantem donationem, tunc peccabit quidem accipiens propter cooperationem, nihilominus tamen factum tenebit, & postea retinere poterit, quæ accepit, & illis licite uti, quia effectus est dominus. Quando autem clerici habentes redditus ecclesiasticos peccent uno, vel alio modo, vel nullo modo in expediendis decimis, dicemus, Deo dante, tractando de clericis, & beneficiis, quia non pertinet ad præsentem materiam.

Regula
discernē-
di an ju-
sta sit ac-
ceptio
decimarum

9. Agimus ergo in præsentem de alio modo facultatis, quæ interdum conceditur laico ad accipiendas, & exigendas decimas vice, & nomine clericorum: & hoc etiam interdum concedi potest ex vi particularis juris, quod clericus, vel aliqua ecclesia habet ad tales decimas, interdum vero ex universalis aliqua potestate gubernandi, & dispensandi ecclesiastica bona. Priori modo unusquisque clericus habens ecclesiasticum beneficium, ratione cujus decimas habet, potest sua aucto-

Alius mo-
dus, quo
laici deci-
mas per-
cipiunt.

auctoritate, & voluntate, eas locare ad breve tempus, & pro illo dare conductori facultatem ad exigendas illas, juxta cap. secundum de locato. Et eadem ratio est de quolibet alio justo contractu, ut satis indicatur in Clem. 1. de reb. eccles. non alien. in fine, ut autem contractus sit justus, necesse est in primis, ut jure canonico non sit prohibitus, ut in dicta Clem. & cap. Nulli, de reb. eccles. non alien. ubi constat maxime necessarium esse, ut contractus in alienationem jurium ecclesie, seu bonorum immobilium non transeat, hæc enim maxime prohibita est. Reputatur autem alienatio, quando est locatio perpetua, seu ad longum tempus, ut notant Glossa, & Doctores in dicto cap. 2. de locat. qui tempus illud dicunt esse decennium, nam infra illud ex jure communi tempus reputatur breve, ut de septennio habetur in cap. ultim. Ne prælati vices suas; & notat Glossa in dicta Clem. 1. At vero Pius II. in extravag. *Ambitiose*, de reb. eccles. non alienan. hoc tempus contraxit ad triennium, & irritavit omnem locationem, aut venditionem longioris temporis. Quæ constitutio servanda est, ubi non fuerit contraria consuetudine derogata. Unde a fortiori fit, etiam concessionem ad vitam esse prohibitam auctoritate privata, vel etiam episcopi: ut notavit Abb. in cap. *Quamvis*, de decim. Quia concessio ad vitam non potest brevis temporis existimari, quod etiam de jure communi ille affirmat, & videtur verum. Oportet autem considerare, hanc prohibitionem non esse tantum in ordine ad laicos, sed etiam ad clericos, quia etiam inter ecclesias, monasteria, vel episcopos non licent hæc alienationes, & ideo nihil habent peculiare, quod ad præsens pertineat.

Decimas pro stipendio conferri laicis posse.

10 Alio etiam modo possunt decimæ conferri laico per modum temporalis stipendii: sic enim potest laicus accipere ab ecclesia particulari, vel ab episcopo portionem aliquam in fructibus decimarum pro obsequio exhibito ecclesie vel in cantu publico, vel in docenda grammatica, vel in alio simili obsequio, quod per laicos exerceri potest; & tunc laicus non suo jure spirituali, sed ecclesie, vel episcopi auctoritate recipit fructus illos, tanquam mercedem pro temporali obsequio. De quo etiam modo percipiendi decimas nulla est difficultas, quin licitus esse possit, quia in eo non conceduntur decimæ laicis, ut aliquam spiritualitatem habent, sed ut sunt quid mere temporale, & juxta titulo, & ab habente potestatem, ut supponitur, largiuntur. Unde tunc etiam usus decimarum non a laico, sed a clerico, vel ecclesia exercetur, & per illum usum fit, ut pars illa decimarum ad temporalem (ut sic dicam) statum transferatur ex justa causa, ut sit justum pretium corporalis laboris, vel obsequii pretio æstimabilis. Et in hoc genere concessionis nulla videtur facta in jure temporis limitatio, sed potest ad decennium, & ad vitam alicujus fieri: in hoc enim contractu ecclesia, vel ecclesiastica persona non locat bona ecclesie, sed conducit potius alterius operas, quas potest ad longum tempus conducere, quod illi prohibitum non est, immo in usu ita servatur.

Allos titulos conferendi decimas laicis per donationes.

11 Ad alium modum concedendi decimas laicis per superiorem, & universalem potestatem dispensandi ecclesiastica bona spectant maxime liberales donationes decimarum, quæ interdum fieri solent laicis per legitimam potestatem. Sic enim reges, & principes sæculares solent interdum percipere tertiam, vel quartam partem decimarum, vel certa quædam subsidia, aut alia genera contributionum ex ecclesiasticis decimis. Hoc autem posse esse licitum, praxis ecclesie ostendit: nec enim verisimile est, tam frequentem consuetudinem inter catholicos principes, consentientibus pontificibus, honestari non posse. Nec etiam ostendi potest in illo usu decimarum intrinseca malitia, ut licitus esse non valeat. Multa vero concurrere necessarium est, ut sancte fiat. Primum enim certum est, id non posse fieri propria auctoritate, & potestate ipsorum principum sæcularium: sive enim illi usurpare tentent hoc jus, sive aliis concedere, injuste faciunt, & res ecclesie rapiunt; unde neque ipsi, neque illi, quibus eas concedunt, retinere illas possunt, & varias censuras incurrun, ut constat ex omnibus titulis de reb. eccles. non alien. & ex cap. *Pro-*

hibemus, & cap. *Tua*, 1. de decim. & in bulla cœnæ clausula 17.

12 Oportet ergo, ut talis concessio per ecclesiasticam potestatem fiat. Quam potestatem sine controversia habet summus pontifex: nam in omni genere gubernationis, & administrationis ecclesiasticæ habet supremam potestatem. Item quia hæc potestas moraliter necessaria est ad bonum ecclesie universale, & commune; ergo non deest ipsi ecclesie; ergo maxime est in pontifice, nam per illum omnis similis potestas ad ecclesiam manat, ut alibi ostensum est. Denique ex usu ipso id constat; sæpe enim pontifices cum regibus Hispaniæ, & Galliæ hac gratia usi sunt, ut videre licet in Covarr. libr. pract. quæst. cap. 35. Rebuff. quæst. 10. de decim. An vero episcopi inferiores hanc potestatem participant, infra dicemus. Denique necessarium est, ut talis concessio ex legitima causa fiat, qualis interdum sumitur ex magnis obsequiis, ac beneficiis ab aliquo rege, aut principe in ecclesiam collatis, præsertim quando facta sunt cum magnis expensis, ac laboribus, nam hujusmodi gratitudo, & remuneratio ad universale bonum ecclesie necessaria est, ut constat, & indicavit D. Thom. dicto quodlib. 2. art. 8. ad argum. Aliquando vero hæc concessio fit per modum subsidii propter imminentes necessitates ad resistendum infidelibus, & hæreticis, & aliis ecclesie hostibus. Sæpe vero conceduntur decimæ in feudum cum aliqua recognitione, & obligatione alicujus obsequii, vel adjutorii in certis occasionibus, vel necessitatibus, in quo etiam habetur ratio gratitudinis, & defensionis ecclesie, simulque id pertinet ad quandam splendorem, & auctoritatem ecclesie, ut prælati ejus in majori veneratione, ac honore, etiam a temporalibus principibus habeantur. An vero talis concessio possit esse perpetua, cap. sequent. dicemus.

Hæc concessionem a pontifice fieri.

C A P U T XXVI.

An decimæ possint dari laicis in feudum auctoritate inferiorum Episcoporum.

I **Q**Uoniam certum est, auctoritate pontificis hoc fieri posse, ut ex supra dictis constat, & obiter hic dicitur, solum de cæteris episcopis movetur quæstio: in qua duo solent distingui tempora, unum est ante Concilium Lateranense sub Alexandr. III. anno 1179. aliud ab ipso Concilio. Ego vero (ut infra dicam) potius distinguenda puto hæc tempora a tempore Urbani II. qui per 84. annos ante illud Concilium Lateranense præcessit. Item distinguitur de concessione vel in perpetuum feudum, vel ad tempus, aut ad vitam. Primo ergo de concessione temporali, seu vitalitia, communis sententia est, fieri posse ab episcopo ex justa causa, ut propter magnum obsequium ecclesie præstitum, eam a tyranno defendendo, vel propter aliud simile. Ita tenet Glossa in cap. *Quamvis*, de decimis. Quam refert communiter probatum esse dicens Covar. dicto cap. 17. num. 5. Illa vero Glossa dicit quidem, posse hanc concessionem fieri laico ad vitam, non tamen dicit, episcopum habere hanc potestatem, sed indifferenter loquitur: unde Abbas eam intelligit etiam de locatione, quæ propria, & privata auctoritate fieri potest, ipse vero addit, sine episcopi auctoritate fieri non posse locationem ad vitam. Unde extendendo sermonem ad concessionem remunerativam, seu feudalem, sentit ipse, posse fieri auctoritate episcopi, quod etiam significat in dicto cap. *Ad hæc*, refert etiam Covar. Cardin. & Bald. in eam sententiam, quam ipse etiam sequitur, non tamen affert illius fundamentum: videtur autem posse probari ex decreto Urbani II. quod refertur in rubrica, *Episcopum vel Abbatem*, in usus feudorum, de quo plura inferius. Et ratio reddi potest, quia hoc non invenitur episcopo prohibitum; ergo intelligitur concessum per ordinariam ejus potestatem, cum ad bonum, & ordinarium regimen pertinere possit. Item ex his, quæ de feudis perpetuis statim dicemus, hoc potest colligi per argumentum a contrario, in feudis perpetuis facta est specialis prohibitio; ergo signum est, temporalia non esse ita prohibita, quin ab episcopo dari possint,

sint, unde hæc assertio communis in sequentibus magis expenditur, & explicabitur.

2 Secundo supponunt omnes, olim potuisse episcopos fructus decimarum in feudum etiam perpetuum dare laicis ex iusta causa, & multis existimant, illud jus durasse usque ad Concilium Lateranense sub Alexandr. III. fortasse tamen solum duravit usque ad Urbanum II. Unde etiam attendendum est, similes concessionem antea factas nunc posse retineri iura conscientia. Ita colligitur ex auctoribus statim citandis. Ratio prioris partis illa esse videtur, quæ facta est, quia ante illud tempus non erat talis prohibitio facta; ergo intelligitur potestas concessa, quia episcopus in suo episcopatu potest, quicquid potest pontifex in ecclesia, nisi prohibeatur. Quæ regula maxime verum habet in his, quæ ordinariæ fieri contingunt absque dispensatione aliqua in jure communi, sed ex generali, (ut ita dicam) & communi prælatorum providentia; huiusmodi autem sunt istæ concessionem seu infeudationem etiam perpetuam, ut Doctores supponunt: præsertimque videri potest Felin. in cap. *Quæ in ecclesiis*, de Constit. num. 69. §. *Quinta declaratio*. Maxime vero confirmatur ex dicto Decreto Urbani II. Ex quo etiam aperte probatur posterior pars nam de feudis antea factis ibi dicitur, *in suo robore permanisse*. Quia nimirum decretum illud non revocavit concessionem, aut infeudationem antea licite factas, sed solum prohibuit in futurum; ergo prius factæ validæ permanent; ergo iura conscientia retinentur a laicis æque, ac antea. Quod ex dicendis amplius declarabitur, & confirmabitur.

A quo iure potest concessio feudum perpetuum fieri sine summi pontificis auctoritate.

3 Terrio dicendum est, post illud tempus omnes concessionem laicis factas in feudum perpetuum decimarum sine pontificia auctoritate illicitas esse, immo & irritas, & inanes. In hoc omnes Doctores conveniunt, multi tamen existimant, hanc prohibitionem incepisse a tempore Concilii Lateranensis sub Alexandr. III. Quod maxime tradit Covarruvias dicto num. 5. quem Azagon sequitur 22. quæst. 87. artic. 3. Ego vero cum Rebuffo, & aliis antiquiorem esse existimo prohibitionem, immo nullam inveniri specialiter ab Alexandr. III. factam. Quod ostendam, exponendo decreta, quæ in hac materia afferunt. Primum est cap. *Prohibemus*, de decimis ex dicti Concilii part. 1. cap. 14. in fine, ubi sic habetur: *Prohibemus, ne laici decimas cum animarum suarum periculo detinentes, in alios laicos possint aliquo modo transferre, si quis vero acceperit, & ecclesie non reddiderit, Christiana sepultura privetur*. Quem textum late expendit Rebuffus dicta quæst. 10. a num. 11. Tamen si attente verba pensentur, intelligitur, illam prohibitionem non esse universalem simpliciter, nec directe fieri episcopis, ne decimas in feudum concedere possint eo modo, quo antea poterant, quia nulla mentio episcoporum ibi fit, sed prohibitio directe dirigitur in laicos, & non ad omnes indiscriminatum, sed specialiter ad illicite decimas detinentes, nimirum, (ut Rebuff. significat) quia illas de manu principum secularium, præsertim cuiusdam regis Franciæ, & non de manu prælatorum ecclesiæ illas acceperant, vel certe generalius, quia ab illis acceperunt, qui dare non poterant, ut infra dicam; illi enim, qui decimas sic acceperant, eas retinere non poterant, & in malo statu erant, eas occupando, juxta capit. secundum de reb. eccles. non alien. Unde etiam sine prohibitionem nova Concilii Lateranensis eas non poterant transferre in alios, sed tenebantur statim eas ecclesiæ restituere. Tamen ex iustis causis, & fortasse ad vitanda scandala noluit Concilium eos ad hoc cogere per ecclesiasticam personam, sed solum prohibere, ne illas in alios transferrent, ut saltem per mortem eorum ad ecclesiam redirent. Nec tamen propterea eis concessit, ut licite in vita retinerent, quæ male acceperant, sed in hoc permissive se habuit, ut bene notat Rebuffus num. 22. Et hic videtur propius sensus illius textus. Ex quo nulla specialis prohibitio colligitur ab illo Concilio facta episcopis, ne decimas dare possint in feudum perpetuum; unde si antea hæc licebant, nihil circa illa videtur innovasse Concilium, & consequenter nec prohibuisse, quin in posterum episcoporum etiam

auctoritate similia fieri possint, alibi ergo querenda est prohibitio.

4 Addo præterea in illo capite non explicari, quinam sint laici, qui decimas detinent in animarum suarum periculum: ideoque non oportere coartari ad eos, qui de manu principum secularium illas acceperant, sed intelligi posse etiam de multis, qui de manu episcoporum illas acceperant. Nam ante illud Concilium invenimus, id fuisse prohibitum ab Urbano II. & Alexandro III. non legimus specialem circa hoc prohibitionem addidisse. Primum patet ex dicto decreto Urbani II. relato in dicta lege de usibus feudorum sub rubricis, *episcopum, vel abbatem*, ubi sic dicitur: *Item, si episcopus, vel abbas, vel abbatissa, vel dominus plebis feudum dederit de rebus ecclesiasticis, quæ eis subiectæ sunt, & tituli vocantur, nullum habere vigorem, secundum hoc, quod constitutum est a papa Urbano in sancta synodo, hoc est illud, quod post eius decretum fuerit datum, quod autem ante datum fuerit, firmiter permanere debet*. Fuit autem illud decretum editum ab Urbano in Concilio Turonico, anno 1096. ut ex Archidiacono & Henrico refert Rebuffus dicta quæst. 10. num. 23. Qui inde concludit, prohibitionem illam factam esse episcopis ante Alexandr. III.

5 Est autem in allegatis verbis advertendum in primis, absolutum esse sermonem de feudis sine limitatione ad perpetua: nihilominus de illis solis communiter intelligi, fortasse quia illa tantum videntur esse simpliciter, & absolute talia, & lex illa, quæ rigorem continet, est restringenda. Deinde adverto, ibi non esse tantum sermonem de feudis laicis concedendis, sed simpliciter de feudis, & ideo in rigore omnia videri comprehendi, nisi aliunde de limitatione constet. Semper tamen verum est, illam prohibitionem maxime propter laicos factam esse, & in eis speciali ratione iustam fuisse. In Concilio autem Lateranensi sub Alexandr. III. videtur hæc prohibitio supponi potius, quam de novo fieri, ut in dicto cap. *Prohibemus*, explicatum est. Idemque colligi potest ex cap. *Quamvis*, de decimis. Quod etiam ex Alexandr. III. refertur, quod in dicto Concilio non invenitur, sed ante illud fuisse ab Alexandr. editum, Rebuffus supra insinuat. In illo ergo textu graviter conqueritur Alexandr. quod, cum laicis non liceat decimas ecclesiarum tenere, nonnulli prælati ecclesiarum eas illis indulgent, & ideo suspensionis poena imponitur ei, qui alicui laico in sacculo remanenti ecclesiam, decimam, oblationemque concesserit, quod de decimis quoad feudum perpetuum ibi Glossa exponit juxta dicta, & colligitur etiam ex cap. *Ad hæc*, eodem titulo ubi dicitur, non licere laicis ita decimas possidere, ut jure hæreditario ad hæres illas transmittant, & cap. *Cum Apostolica*, de his, quæ sunt a prælat. &c. in fin. de feudo perpetuo expresse loquitur. Unde per argumentum a contrario Glossa, & Doctores colligunt, concessionem decimarum non perpetuam, nec ad posteros transfundendam, non esse alio jure prohibitam: habetur autem illud jus in dicto Concilio Lateranensi sub Alexandr. III. part. 50. capit. 39. Ex his ergo satis constat assertio posita, siue illa prohibitio incepit a Concilio Lateranensi siue a Concilio Turonico sub Urbano II. quod videtur probabilius.

6 Atque hinc intelligitur, hanc prohibitionem non esse in eo fundandam, quod jus decimarum spirituale est, & non potest laicis concedi, ut nonnulli Doctores significant: nam hoc modo non a tempore illorum Conciliorum, sed semper fuit prohibitum laicis decimas dare, etiam ad tempus, immo etiam ab ipso pontifice non fit, saltem ordinario jure: fundatur ergo in positiva prohibitionem ecclesiæ, quæ necessaria fuit propter abusum, & prodigalitatem prælatorum in concedendis decimis laicis jure perpetuo. Et hinc etiam constat, concessionem factam ante hanc prohibitionem firmas permanisse, & usque in hodiernum diem permanere. An vero illarum tempus computandum sit a tempore Alexandr. III. vel Urbani II. potest esse controversia: nam Covar. supra pro indubitato habet, esse computandum a tempore Alexandr. & Concilii Lateranensis. Ex dictis autem videtur sequi, numerandum esse a tempore Urbani II. quia in dicta

Ab Urbano non fuit hæc prohibitio facta.

In quo fundatur hæc prohibitio.

dicta rubr. de usibus feudorum ita refertur, & deciditur, & illa habet auctoritatem, teste Joanne Andr. & aliis ibi, & ita tenet Hostiensis in summa. Quod si hoc verum est, sequitur, concessiones factas ante Concilium Lateranense, & post Turonicum, non esse nunc firmas. Cujus contrarium videtur supponi in cap. 2. §. *Sane*, de decimis in 6. Nam ibi declaratur, concessionem decimarum factas ante Concilium Lateranense, posse ab eisdem laicis ecclesie, vel alicui religioni tribui de licentia episcopi, unde supponitur ibi, licite nunc detineri a laicis. Ita ergo illa declaratio facta in illo titulo de usibus feudorum videtur ampliata, & extenta usque ad tempus Concilii Lateranensis, sive hoc factum fuerit consuetudine, & quasi prescriptione, sive expressa ejusdem Concilii declaratione, quamvis ego hactenus illam non invenerim. Sive (ut Silvester ait) quia pie creditur, tempore Urbani omnes, qui injuste decimas tenebant, illas restituisse ecclesie; & ideo presumitur, omnes decimarum concessionem, quas laici antea habuerunt, & usque ad Concilium Lateranense, ab eis retentae fuerunt, licitas fuisse.

Utrum
hinc per-
petuum
di decimas
trans-
ferre in
alios pos-
sit.

7 Solet autem ulterius dubitari, an isti laici, qui ab antiquo licite retinent decimas in feudum perpetuum, possint iuste in alios transferre illas, sive in laicos, sive in ecclesiasticos. Et quoad laicos quidem multi simpliciter negant, posse alteri laico donare, aut transmittere hujusmodi feudum etiam ex consensu episcopi. Ita Abbas in cap. *Prohibemus* de decimis, & dicit esse communem sententiam Doctorum, quam tenet etiam Hostiensis in dicto cap. *Cum Apostolica*, Archidiacon. in capit. 2. de decimis in 6. Rebuffus dicta quæst. 10. a num. 26. Alii vero affirmant, id fieri posse saltem episcopi consensu. Ita tenet Glossa in dicto cap. *Prohibemus*, quam sequitur Cardin. ibi, & Silvest. numero 16. cum Raymund. summa Confess. & summa Pisan. Et idem tenet Joannes Andr. in capite 1. de prescriptione in 6. Et hanc opinionem prevalere in consuetudine ait Felius. (referens alios) in cap. *Quæ in ecclesiis*, de Constitut. num. 69. & in cap. *Causam*, de prescriptione, num. 4 & Covarruvias dicto num. 5. §. *Præter hæc*. Breviter dico, aliter esse loquendum de decimis injuste detentis a laico, aliter de iuste possessis per feudum licitum, & iustum, id est, vel antiquius Concilio Lateranensi, vel a papa concessum. In priori enim casu certum est, non posse illas decimas transferri in alium laicum, etiam auctoritate, & consensu episcopi. Et in hoc conveniunt omnes citati Doctores. Et probatur aperte ex cap. *Cum Apostolica*, & ex dictis cap. *Prohibemus*, & ex cap. *Ad hæc*, de decimis, quæ maxime in hoc casu loquuntur, ut ex verbis plane constat, maxime in cap. *Ad hæc*, & cap. *Cum Apostolica*, infra ponderabimus, in cap. autem *Prohibemus*, considerandum est verbum illud, *nullo modo transmittant*, nam excludit etiam hæreditariam successionem, quæ tamen in feudo iusto, & legitimo excludi non potest, ut infra videbimus. Habet ergo locum casus hic vel in decimis antiquioribus Concilio Lateranensi, quæ a laicis, & non a prælatibus ecclesie receptæ fuerunt, vel in his, quæ post illud Concilium sine auctoritate papæ receptæ fuerunt. At vero in posteriori casu supponimus, feudum illud perpetuum transferri posse ad successores legitimos juxta feudi institutionem, quia feudum prius constitutum firmum manet, & ejusdem qualitatis, cujus antea erat, sicut erat perpetuum, ita perseverat. Non est autem perpetuum, nisi ratione successionis, saltem filiorum in jus parentum; ergo semper est locus huic successioni.

Quid fa-
ciendum
cum ex-
tinguitur
hæc.

8 Difficultas vero est, quando extinguatur linea; & tunc etiam duo tempora distingui possunt: unum, in quo feudum adhuc durat, quia ultimus possessor vivit; aliud, in quo jam defunctus est ultimus possessor, & feudum vacavit. In priori quidem tempore, & casu ego non dubito, quin possit fieri translatio feudi in alium de consensu episcopi. In quo secundam sententiam sequimur, quia cum transfertur feudum adhuc in suo esse permanens, revera non erigitur de novo; ergo ex vi verborum non comprehenditur hæc translatio sub prohibitione Urbani, & Concilii Lateranensis; ergo fieri non potest, sicut antea

poterat; ergo consentiente episcopo, feudatarius potest illud transferre in alium, etiam laicum. Et confirmatur, quia illa bona non sunt tunc sub dominio utili ecclesie, sed solum sub directo; ergo per translationem illam non magis alienantur ab ecclesia, quam antea essent; ergo quantum ad hoc non cadunt sub prohibitione non alienandi; ergo nec etiam cadunt sub prohibitione non dandi illa in feudum. Et hoc a fortiori ex sequenti puncto patebit. Hinc vero colligitur, quod in altero casu, & tempore, quo feudum jam vacavit, mortuo ultimo feudatario sine successoribus, non possit episcopus decimas illas in feudum dare, quia jam prius feudum extinctum fuit: oportet ergo, ut omnino de novo detur; ergo talis concessio comprehenditur sub prohibitionem factam episcopis per Urbanum secundum, & Alexandrum tertium. In illo etiam casu decimæ illæ fuerunt ipso facto per mortem ultimi feudatarii incorporatæ ecclesie; ergo statim recuperat ecclesia dominium utile illius; ergo illa dare in feudum alteri laico, esset, illa alienare, quod episcopo non licet. In hoc ergo casu est satis probabilis prior sententia.

Contra-
ria senten-
tia pro-
babilior.

9 Nihilominus tamen etiam in illo videtur contra-ria probari fortiter ex cap. 2. *De feudis*, ubi interrogatus Innocentius III. an episcopus, qui jurat, non infeudare bona ecclesie, possit sine transgressionem juramenti dare feudum alteri, quando contingit, vasallum decedere sine successore. Respondet pontifex, libere posse id facere, declarans subinde, sub juramento non infeudandi de novo non comprehendi bona jam data in feudum, etiam si per mortem vasalli ad ecclesiam redeant: & ita omnes Doctores ibi fatentur. Eadem ergo ratione in præsentis sub prohibitionem facta episcopo non infeudandi in perpetuum, non comprehenduntur bona jam antea infeudata, etiam si vacaverit antiquius feudum. Ratio vero est, quia illa bona non censentur esse simpliciter de mensa episcopi, vel ecclesie, ut notant late Panormit. & alii in cap. *Ut super*, de reb. eccles. non alien. Glossa in Clement. unic. de excessu prælat. ver. *Ad mensam*, quia non sunt sub ejus dominio utili, & ideo ad illa non extenditur prohibitio. Item quia difficilius est de bonis omnino propriis, jamque incorporatis aliquid abscindere, & de novo infeudare, quam non admittere, vel incorporare, quod separatim jam erat. Unde consequenter dicendum est, illas decimas prius infeudatas non incorporari ecclesie quoad dominium utile ipso facto per mortem vasalli, sed necessariam esse acceptionem episcopi: unde, priusquam illam det, potest infeudare alteri. Si autem illas semel incorporavit, jam non poterit juxta doctrinam Abbatis in dicto cap. *Ut super*: atque hoc modo hæc sententia videtur probabilior. Solum occurrit addendum, quod licet hæc sint vera quoad prohibitionem Concilii, & loquendo in rigore potestatis necessarii, ut factum teneat: nihilominus, ut licite fiat talis feudi renovatio, necessariam esse justam causam, ut ita utilitati ecclesie consulatur; vel alia ratio gratitudinis, vel boni communis intercedat. Quia hæc ex natura rei est necessaria, & parum interest quoad hoc, ut feudum sit omnino novum, vel instauratum, aut quasi continuatum per novam concessionem.

10 Atque ex his facile responderi potest ad alteram partem initio propositam, an possit laicus in eo casu dare illas decimas cui voluerit ecclesie, de consensu episcopi. In quo sententia communis affirmat, quæ videtur expresse probari in cap. *Cum Apostolica*, de iis, quæ fiunt a prælat. & in cap. *Cum plantare*, de privileg. sed in hoc puncto etiam considerandum est, an laicus vere, & iuste habeat tales decimas in feudum, vel solum injuste detineat, quia non recipit illas ab habente dandi potestatem. In priori casu est indubitata dicta resolutio, & vel formaliter, vel a fortiori probatur ex citatis juribus, ut videbimus. Immo addo ex Glossa in cap. 2. §. *Sane*, de decim. in 6. Quando laicus habens feudum alicujus ecclesie, vult eidem ecclesie, cujus est vasallus, restituere decimas, quas in feudum habet, tunc neque consensum episcopi esse necessarium, quia ibi nihil sub-

An laicus
possit fe-
di decimas
cui-
cumque
ecclesie
dare.

trahi-

trahitur ulli ecclesie, sed acquiritur: tunc ergo consensus episcopi necessarius est, quando laicus possidens decimas non vult illas reunire ecclesie, cujus antea erant, sed alteri, quia tunc fit quedam alienatio ab una ecclesia in aliam, ideo merito prælati consensus postulat in dictis cap. & in dicto §. *Sane*. At vero quando feudatarius non est verus, & iustus possessor, sed intrusus, ac iniustus detentor decimarum, & non vult illas illi ecclesie restituere, cujus erant, sed alteri, difficultas est, an possit fieri de consensu episcopi. Et videtur profecto non posse: nam ille iniuriam facit priori ecclesie; ergo etiam si consentiat episcopus, non potest iustificari: & consequenter neque factum valebit, quia non potest episcopus ecclesias private suis decimis; illæ autem decimæ revera sunt illius ecclesie, etiam si ab alio iniuste detineantur: & hoc videtur sentire Glossa ultim. in dicto cap. *Cum Apostolica*, & Panormit. & alii ibi: & idem sumitur ex Panormit. in cap. *Prohibemus*, de decimis.

Opposita pars probatur.
 11 Contrarium autem videtur probari ex dicto cap. *Cum Apostolica*: nam quæstio proposita erat de decimis detentis a laicis: dicuntur autem detineri, quæ non possidentur iuste, sed per vim detinentur: nam detinere ad factum refertur, possidere ad ius, ut in dicto capit. *Prohibemus*, ponderavit Rebuff. dicta quæst. 10. numer. 24. Eo vel maxime, quod Hieronymus citatus in eodem capit. *Cum Apostolica* expresse dicit, *si fuerint a laicis male detentæ*: & nihilominus ait, sufficere consensum episcopi, cujus sententiam in hoc pontifex sequitur. Præterea videtur clare hoc colligi ex illis verbis, *Monendus est laicus, qui decimam detinet, ut eam restituat ecclesie, ad quam spectat*; ergo loquitur de eo, qui iniuste detinet, & restituere tenetur, ut ibidem Glossa sentit. Ac tamen de illo subditur, ut si induci non possit, ut illi ecclesie restituat, & alteri det de consensu episcopi, donatio valeat. Item pontifex ibi videtur intendere, ut in eo casu sufficiat consensus episcopi in ordine ad locum religiosum, in quo non sufficeret respectu alterius laici, ut patet ex illa ratione, *Cum per utrumque utilitati ecclesie consulatur*; sed quando laicus iuste possidet, potest in alium laicum transferre jus suum de consensu episcopi, ut supra visum est: ergo ut aliquid speciale ibi concedatur de locis religiosis, oportet dicere, quod licet restitutio fiat de iniuste detentis, applicatio fieri potest de consensu episcopi.

2. Sententia probabilior iudicatur.
 12 His vero non obstantibus, Panormit. & alii conantur omnia verba illius textus, immo & capituli, *Prohibemus*, accommodare ad iustam possessionem decimarum in verum, & validum feudum. Et ultimum argumentum a nobis factum retorquent, inde colligentes, non posse laicum transferre in laicum etiam ex consensu episcopi decimas, quas legitime possidet in verum feudum perpetuum. Sed profecto magnam vim inferunt verbis decretorum, & quoad hoc ultimum repugnant aliis iuribus, ut visum est: ideoque probabiliorē putamus hanc sententiam cum declaratione, & restrictione addita in dicto §. *Sane*, de decimis in 6. Ubi postquam declaravit pontifex, religiosos non posse habere decimas a laicis sine consensu episcopi, quantumvis fingant, ipsos illas dedisse laicis in feudum, subiungit: *Illas autem decimas intelligimus posse taliter a religiosis de manibus laicorum recipi, & acquiri, quæ ante Lateranense Concilium ipsis laicis in feudum perpetuo fuere concessæ*: dicit autem *taliter*, id est, consensu episcopi, ut ex antecedentibus constat.

13 De illis ergo decimis, quæ ante dictum Concilium a laicis detentæ fuerunt, verum existimo de consensu episcopi cuilibet loco religioso applicari posse, seu ita restitui posse, etiam si iniuste detentæ fuerint. Hoc enim probant argumenta facta, idque videtur ab illis pontificibus concessum ad maiora mala vitanda, & damna ecclesie aliquo modo reparanda, prout fieri possit. Quia minus inconveniens est, decimas mutari ab una ecclesia in aliam, quam a laico possideri; nec per hoc foveat ecclesia peccatum aliquod, vel aliquam iniusticiam, sed per piam ecclesie dispensationem, & convenientiam fit, ut materia iniustitiæ subtrahatur, etiam si restitutio fiat

aliter, quam in rigore fieri deberet, non interveniente providentia ecclesie. Nam qui tenetur alicui centum restituere, si a creditore obtineat facultatem dandi illa pauperibus, vel alicui ecclesie, sufficienter restituet: sic ergo licet alicui ecclesie in particulari debeantur decimæ iniuste ab aliquo retentæ, universalis ecclesia, quæ est veluti principalis creditor, potest esse contenta, ut alteri ecclesie donentur, illaque sufficiens restitutio habeatur. Id ergo in præsentī ordinasse videtur ecclesia cum hac iustissima conditione, ut cum episcopi consensu, & auctoritate applicatio decimarum alteri ecclesie fieret. Omnino enim prohibitum est, ut laici sua auctoritate de rebus ecclesiasticis disponant decim. sext. quæstione septima per totam, unde etiam in feudis, seu decimis iuste possessis a laicis servandum omnino est, ut sine consensu episcopi nulli religioso loco eas audeant applicare, juxta cap. *Cum & plantare*, (sic intelligendum) de privileg. Denique accedit, quod de illis decimis ante Concilium Lateranense in perpetuum feudum concessis vix constare potest, an iuste, vel iniuste concessæ fuerint, & ideo indistincte concessum est, ut omnes illi restitui possint ecclesiis quibuscumque, dummodo consensus episcopi accedat.

Aliiter dicendum de decimis usurpatis post Concil. Lateran.

At vero de decimis usurpatis a laicis post Lateranense Concilium sine titulo iusto existimo, omnino esse restituendas illi ecclesie, ad quam antea pertinebant, nec posse alteri applicari etiam de consensu episcopi, & in hoc verum habere sententiam Glossæ, & aliorum. Quia nec ex iuribus dictis aliud colligitur, immo ex dict. §. *Sane*, videtur hoc satis colligi: nec est in cæteris eadem ratio, vel necessitas; neque hæc licentia, quæ videri potest in præjudicium aliquarum ecclesiarum, amplianda est sine majori fundamento.

CAPUT XXVII.

An laici possint præscribere decimarum perceptionem.

1 **T**Andem potest circa laicos inquiri, an consuetudine, seu præscriptione possint laici decimas acquirere. Nam licet supra dictum sit non posse præscribere jus decimarum, quod spirituale est, ita ut consuetudo efficiat, ut laici quasi proprio dominio, & intrinseco jure illas possideant, quia illi non sunt capaces talis juris, vel possessionis: nihilominus de ipsis decimis, (ut sunt quidam temporales fructus, & præcipi possunt sine spirituali titulo, ex alia concessione) dubitari potest, an hoc modo possint consuetudine comparari a laico; ita ut eo modo, quo per privilegium pontificium concedi possunt laico, ita intelligantur consuetudine concedi. Aliqui absolute negant ex cap. *Causam*, de præscript. ubi absolute dicitur, *laicos decimas præscribere non posse*. Hoc enim non videtur intelligendum tantum, quoad titulum spirituale decimarum, quia non est verisimile, virum illum nobilem (de quo ibi est sermo) pro spirituali jure decimarum contendisse, sed pro ipsis fructibus, quacumque ratione præscribi possint; ergo oportet, ut nullo modo valeant præscribi, alias non potuisset illa ratione simpliciter privari fructu decimarum, sed solum ut spirituali titulo eas non perciperet, quod non multum ille curaret, dummodo illi concederentur. Intelligit ergo pontifex, decimas quacumque ratione spectatas præscribi non posse: atque ita videntur ibi omnes sentire.

An laici possint, præscribere decimas.

Pars negativa.

2 **C**ontrarium vero est, quia præscriptio longissimi temporis, seu immemoralis æquiparatur privilegio, cap. *super quibusdam*, de verb. signific. ubi Glossa notat, consuetudinem, cujus initii memoria non extat, privilegium inducere, nec indigere alio titulo; & ad hoc multa allegat, & notatur etiam a Doctoribus in leg. *Hoc jure*, §. 1. per. *Ductus aque*, ff. de aqua quotid. & æstiva: sed laicus potest per privilegium decimas obtinere; ergo & præscriptione. Respondet Felin. dicto cap. *Causam*, numer. 2. cum Abb. & multis aliis, illam æquiparationem procedere in

Affirmativa pars proponitur.

in persona capaci; fallere ramen, quando præscribens est incapax, ut est in præfenti, respectu decimarum: sed contra, quia licet laicus sit incapax iuris spiritualis, non est incapax illius commoditatis temporalis, quæ est in perceptione decimarum; ergo hanc potest præscribere, quod hic solum intendimus, non de spirituali jure. Et confirmatur, quia per privilegium non dantur decimæ laico, ut incapaci juris spiritualis; nec enim per tale privilegium aliquod jus spirituale illi conceditur, (& fortasse nec dari potest;) sed datur illud temporale commodum, cuius capax esse supponitur, atque ita privilegium non dat capacitatem, sed, illa supposita, dat actum; hunc ergo actum poterit etiam dare præscriptio, quia jam non deest capacitas.

Quæstio-
nis refe-
lutio.

Prior
pars con-
clusionis
probatur.

3 Dicendum breviter est, consuetudinem, etiam immemoriam, non sufficere in vi solius præscriptionis ad possidendas, & exigendas legitime decimas, posse autem sufficere in vi cujusdam probationis sufficientis privilegii, in cuius virtute illa consuetudo inchoata, & continuata creditur, etiam si tale privilegium nec inveniat scriptum, nec aliter probari possit, quam per diuturnam famam, & opinionem: priorem partem intendit communis sententia in dicto cap. *Causam*. Et ratio est, quia præscriptio tunc censetur dare jus vi sua, quando potest transferre ab una persona in aliam dominium proprium, seu in illa re, quæ præscribi dicitur; in præfenti autem materia non potest præscriptio hanc vim habere, propter rationem tactam, quod proprium jus decimarum est spirituale, quod in laicum transferri non potest propter incapacitatem ejus. Facultas autem illi ad fruendum decimis, quæ solet laico per privilegium concedi, non potest dari ex vi præscriptionis; tum quia tota vis præscriptionis est a lege instituta talem modum transferendi rerum dominia, vel jurisdictionem, aut alia similia, nulla est autem lex, in cuius virtute hæc facultas conferatur ex vi solius consuetudinis; tum etiam quia præscriptio prærequirit bonam fidem, & possessionem: decimæ autem non possunt a laicis possideri propria, & civili possessione, quæ requirit, ut proprio nomine, jure, ac titulo, res ipsa, vel jus ad illam habeatur: laicus autem non est capax, ut proprio nomine, & jure decimas habeat, & jus ad illas, ut dictum est. Ut autem possit illas accipere nomine ecclesiæ, oportet, ut prælatus habeat legitimam facultatem; ergo, ut consuetudo sit legitima, debet supponi hæc facultas, ac subinde consuetudo, seu præscriptio dat talem facultatem, sed potius ex facultate debet manare consuetudo licita, & honesta, qualis ad hujusmodi effectus necessaria est.

Posterior
pars ostē-
ditur.

4 Hinc autem facile ostendi potest altera pars, quam docuit expresse Felinus in dicto cap. *Causam*, num. 3. cum Cardinali ibi, & dicto cap. *Cum Apostolica*, de his, quæ sunt a prælatis; ubi etiam idem tenent Baldus, & Imol. & Domin. in cap. 2. §. *Sane*, de decimis in 6. & idem sentit Silvester verb. *Decima*, quæst. 10. dicto 2. refertque Joannem Andr. in cap. 1. de præscript. in 6. & in cap. *Super quibusdam*, de verborum significatione, dicentem, quando consuetudo illa immemorialis introducta est cum opinione, & fama, quod ex aliqua concessione legitima petuntur tales decimæ a tali laico, & ab antecessoribus ejus, tunc præsumi probatum privilegium, vel investituram feudi debita auctoritate factam, scilicet pontificis, vel episcopi ante Concil. Lateran. & in re idem sentit Covar. plures alios referens dicto cap. 17. num. 5. §. *Sed si dubitetur*; ubi in principio videtur ita hoc ampliare, ut dicat, non esse necessariam probationem famæ, sed sufficere probationem immemorialis possessionis. Tandem vero concludit, necessarium esse, ut saltem ex fama constet, laicos ex feudo decimas possedisse. Quod necesse est intelligi de feudo justo, idemque est de quacumque legitima concessione. Sic ergo intellecta hæc opinio persuaderi potest optime ex leg. ultim. ff. de aqua pluvia. arcen. Ubi sic habetur: *Scævola dixit, solere eos, qui juri dicendo præsumunt, tueri aque ductus, quibus auctoritatem vetustatis daret, tamen si jus non probaretur*; sic ergo

tueri debemus privilegium, cui auctoritatem vetustas dat, tamen aliter non probetur; ergo in nostro casu, licet consuetudo non det jus præscriptionis, tamen dat sufficientem auctoritatem, seu probationem privilegio, sub cuius opinione, & fama continuata est.

Confir-
matur
exemplis.

5 Et ad hoc confirmandum adduci possunt multa exempla, ut de facultate eligendi confessorum, quia licet consuetudine comparari non possit, potest tamen consuetudo probare, talem facultatem esse legitimam, & ex privilegio manasse, ut alibi diximus. Item de unionem ecclesiarum, quæ licet præscriptione fieri non possit, potest tamen consuetudine probari, a superiore aliquo legitime factam esse, ut ex Joann. Andr. & aliis norat Felinus supra. Præterea est optima ratio pertinens ad forum animæ, quia unusquisque præsumitur bonus, nisi probetur malus; sed in præfenti non probatur, prædecessores laicos per vim & injustitiam decimas usurpasse; immo, ut supponitur, simul cum usu recipiendi decimas currit opinio, quod ex aliquo privilegio, vel concessione legitima illas acceperint; ergo ita est præsumendum, & probata consuetudine, sub tali opinione probatum censetur privilegium. Alia ratio politica, seu ad externum regimen necessaria est, quia propter difficultatem probandi rem adeo antiquam, credendum est receptæ opinioni, seu famæ æque antiquæ, ne pereat jus possidentis, præsertim quia in dubio melior est conditio illius, nedum quando habet tam vehementem præsumptionem. Unde constat, quod si cum tali consuetudine percipiendi decimas, non conjungeretur constans fama, & opinio, quod in virtute alicujus privilegii reciperentur, cessaret præsumptio privilegii, & præscriptio non sufficeret. Et ita componuntur omnia, quæ pro utraque parte adducta sunt.

C A P U T XXVIII.

Ad quas personas ecclesiasticas decime pertineant jure communi.

1 EX dictis in præcedenti cap. constat, decimas ad clericos per se, & jure pertinere: tamen quia inter clericos est magna varietas, ideo explicare oportet, ad quos pertineat hoc jus decimarum, & quomodo. In qua re est quædam sententia satis communis, quæ affirmat, decimas jure communi ad solos parochos pertinere, & omnem aliam decimarum applicationem, seu donationem aliis clericis, vel personis ecclesiasticis factam, esse privilegio, vel alio speciali jure factam. Ita sentit D. Thomas 2.2. quæst. 87. art. 4. ubi ait, jus spirituale decimarum sequi ex debito, quo ministris altaris debentur sumptus de ministerio spirituali: *Quod (ait) ad solos clericos pertinet habentes curam animarum, & ideo eis solum competit hoc jus habere*. Quam sententiam ibi Cajetan. ita exponit, & defendit, quam etiam in artic. 1. tradiderat. Et hanc opinionem habet Glossa in cap. *Cum contingat*, de decimis vero de jure communi, per textum ibi, quatenus ait, *decimas de jure communi ad ecclesias parochiales pertinere*, ex quo Gloss. infert, *decimas parochiarum ita deberi parochis, ut episcopi nullam in eis debeant habere portionem, sed solum in decimis suæ parochiæ, vel episcopalis ecclesiæ*. Sentit ergo, decimas ad solos parochos, vel pastores ecclesiæ respectu pertinere. In idem inclinat Silvest. ver. *Decima*, quæst. 8. distin. 9. dum ait, clericum non posse præscribere decimas, nisi habeat parochiam, sed solos parochos.

Decimas
jure com-
muni ad
solos pa-
rochos
pertinere

2 Hanc vero opinionem reprobant Sor. libr. 9. de Justit. quæst. 3. art. 1. & 3. Aragon. 2.2. quæst. 87. art. 1. & 3. Et in hac partem magis inclinat Valentia, & alii moderni. Fundamentum hujus sententiæ est, quia non soli parochi, nec illi soli, qui curam animarum habent, ministrant ecclesiæ in spiritualibus, & ex officio; sed decimæ institutæ sunt pro omnibus, qui ministrant in spiritualibus, juxta sententiam Pauli sæpe citatam; ergo decimæ non parochis solis debentur. Alii denique distinctione utuntur dicentes, decimas solis parochis, seu habentibus animarum cura-

Fundam-
entum
hujus
sententiæ.

Aliorum
opinio.

ram ex iustitia deberi, aliis vero clericis deberi posse ex charitate, & religione, ac praecepto ecclesiae, non vero proprie ex iustitia. Ratio prioris partis est, quia soli curatores animarum ex obligatione, & officio habent quasi implicitum pactum cum populo, ut illi teneantur spiritualia ministrare, ideoque ab ipso aluntur; alii vero, licet divino cultui inserviant, non ita sunt populo obligati, unde nec ipse populus tenetur eos alere ex vi iustitiae, cum illius utilitati non serviant: ex praecepto autem religionis, & ecclesiae teneri possunt, quia ecclesia ita statuit.

Decimas
ex prima
institu-
tione de-
beri clero

3 Hec dissensio fortasse magna ex parte est de modo loquendi, & ideo, ut tota res explicetur, incipimus a prima institutione decimarum, & indicabimus, quid olim servatum fuerit, & quid nunc servandum sit in distribuendis decimis inter clericos, ac tandem constabit, quid in hoc peculiare habeant parochi, vel in universum omnes, qui curam habent animarum. Dico ergo primo, decimas ex primæ institutione deberi clero ad ipsius sustentationem, & ad omnes expensas necessarias ad ecclesiarum servitium, ac divini cultus ministerium. Hoc facile ostendi potest ex dictis in principio hujus materiae, & ex proportionem ad institutionem decimarum in veteri testamento, & ex decretis statim allegandis.

Diocesis
divisio
antiquis-
sima.

4 Secundo ergo dicendum est, in ecclesia factum esse a principio divisionem diocesium, & uniuscujusque diocesis decimas ad clerum illius diocesis pertinuisse, licet præcipua earum administratio episcopo esset commissa, ut cum debita proportionem eas distribueret. Prima pars de divisione diocesum constat ex ipsa Scriptura, præsertim in Actibus Apostolorum, & epistolis Pauli, & Apocypsi: item ex decretis Pontificum distin. 80. cap. 1. & sequentibus, & distin. 99. canon. 1. & sequentibus: item ex ecclesiasticis historiis, in quibus Hierosolymitana in ecclesiam ab Apostolis fundatam, & Jacobum illius episcopum creatum fuisse legimus: Item Antiochie Petrum prius sedem suam collocasse paucis annis post Christi ascensionem, & alias ecclesias per Syriam, & alias regiones fundasse, & postea Romæ sedisse, & partim per se, partim per discipulos a se missos episcopatus varios erexisse, idemque Joannem Apostolum Ephesi, & in aliis Orientis ecclesiis, Paulum vero, & alios Apostolos fere per universum mundum fecisse, ut sum natus collegit Baronius tom. 1. anno Christi 39. a numero nono, usque ad finem, & anno quadragesimo quarto a numero decimo, usque ad 41. Ratio etiam illam partem suadet: nam episcopalis dignitas a Christo est instituta, & ita hæc divisio ecclesiarum episcopatum a Christi præcepto manavit, licet modus, & terminatio in particulari ex Petri, & Apostolorum fuerit arbitrio, ideoque tanquam maxime necessaria ad ecclesiae ordinem, & regimen statim a principio, quoad fieri potuit, indicata est.

Decima-
rum usu
quando
inæcepit.

5 Et ita etiam facile suaderetur pars secunda: nam licet forte prior fuerit episcopatum divisio, quam decimarum institutio, (nam prius per aliquot annos omnia fuerunt communia, postea ex elemosinis, & oblationibus fidelium clerici vivebant, & pauperibus subveniebatur, ut intelligi potest ex illo Pauli 1. Corinth. 6. *De collectis autem, quæ sunt in sanctos*, & ex aliis (quæ refert Baronius tom. 1. anno 44. num. 68. & sequentibus) nihilominus etiam decimæ imperate sunt non multo post, quandoquidem earum meminit Clemens lib. 2. Constit. cap. 25. 34. & 35. & post eum fere omnes antiqui Patres, quos in principio hujus materiae reculimus. Semper ergo pro cleri, & ministrorum Dei sustentatione, & cum dicta proportionem imperate fuerunt, ut in unaquaque diocesi ad clerum illius diocesis pertinerent, quia ratio iustitiæ id postulabat, & ad debitum ordinem necessarium erat. Immo quando erant omnia communia, non est putandum in universa ecclesia catholicæ, jam per varias regiones dispersæ, omnia fuisse ita communia, ut essent sub dominio totius universalis ecclesiæ: sed ita ut in unaquaque ecclesia, vel civitate, Hierosolymitana, Alexandrina, &c. omnia essent ibi communia: ita ergo decimæ, & oblationes ad singulas

Clemens.
Decimæ
unius di-
ocesis ad
illos cle-
rum con-
stabant.

dioceses cum proportionem spectabant. Quod etiam aperte probatur ex 16. quæst. 7. cap. *Pervenit*, cap. *Omnes Bassiæ*, & cap. *Quoniam*, cum aliis: & ratio est clara; tum quia in unaquaque diocesi ministri ejus sunt illius clerici; ergo illis dari debeat illius diocesis decimæ: tum etiam quia hoc necessarium semper fuit ad servandum debitum ordinem, & confusionem & dissensionem vitandam.

Confir-
matur
tradita
doctrina.

6 Quod ex tertia parte proposita aperte declaratur, & confirmatur: nam, ut Clemens dicit dicto cap. 25. ad unumquemque episcopum decimarum, & oblationum distributio spectat: vitanda autem semper fuit episcopatum confusio, ideoque ad uniuscujusque episcopi curam sue diocesis decimæ pertinebant. Non tamen pro solo episcopo solvebantur, sed pro ipso, & universo clero, aliisque ecclesiasticis sumptibus, & oneribus, unde non illi proprie, sed clero per illum solvebantur. Et hoc ipsum sumitur ex multis decretis 12. quæst. 1. cap. *Videntes*, cap. *Episcopus*, cap. *Præcipimus*, & sequentibus. Et 12. quæst. 2. cap. *Vulterrane*, cap. *Concessio*, cap. *Quatuor*, & sequentibus. In quibus de divisione ecclesiasticorum reddituum in quatuor partes per episcopum facienda, sermo est. Unde in cap. 1. 16. quæst. 7. sic Gregorius inquit, *Decimas sub manu episcopi fore censemus, ut ille, qui ceteris præest, omnibus iuste distribuat, &c.* & in cap. *Pervenit*, reprehendit episcopos, qui decimas, atque oblationes christianorum, non in sacerdotibus propriæ diocesis conferunt. In quibus verbis rationes etiam hujus institutionis tanguntur. Quia decimæ institutæ sunt pro his, qui divina populo ministrant; at non soli episcopi ministrant, sed etiam alii clerici; ergo. In clero autem episcopus præest; ergo & illi peculiari ratione providendi debet de necessariis ex fructibus decimarum, & ipsi tanquam aliorum pastori committi debuit omnium reddituum diocesis sue gubernatio.

7 Tercio dicendum est, postquam dioceses in parochias divise fuere, uniuscujusque parochiæ decimas ad clerum in illa parochia ex officio ministrantem divina per se loquendo pertinere, illique esse reddendas, & non soli parochi, licet per illum regulariter distribuantur, in quo consuetudo, vel episcoporum ordinationes servande sunt. Hec assertio in primis habet fundamentum in his, quæ supra diximus de divisione parochiarum a Dionysio facta cum assignatione propriorum finium, seu decimarum ad unamquamque pertinentium. Inde enim plane constat, uniuscujusque parochiæ decimas pro ministris propriis solvi, non pro alienis: in hoc enim sensu probatum est, decimas parochiæ in illius ecclesia solvendas esse, non in aliena. Item facta divisione eadem proportio servanda est inter parochias distinctas, quæ inter dioceses distinctas prius servabatur, ut respondebit Urbanus III. in cap. *Super eo*, de parochiis, & rationes supra factæ probant; ergo.

Quando
decima
unius pa-
rochiæ ad
illius cle-
rum per-
tinere in-
comperiat.

8 Est autem hic consideranda quedam differentia: nam parochiæ nunquam debent intelligi ita divise, ut unaquæque solum parochum, & inferiores clericos comprehendat: nam etiam episcopus totius diocesis ad clerum uniuscujusque parochiæ aliquo modo pertinet, tanquam principalis illius populi gubernator, & minister in spiritualibus, & suo modo etiam proximus: dioceses vero ita fuerunt semper distinctæ, ut clerus illius diocesis solum episcopum, & inferiores comprehendat. Nam licet papa ex institutione divina omnium ecclesiarum, & episcopatum sit pastor, nihilominus quatenus papa est, censetur esse extra, & supra clerum uniuscujusque diocesis, præsertim quoad negotium decimarum, quia tanquam supremus princeps, & caput non ordinario jure, sed altiori modo de redditibus singularum diocesium participat, ut supra tetigimus, & statim amplius explicabimus. Alii vero superiores prælati episcopatum diocesum, quos ecclesia constituit, ut Archiepiscopi, primates, seu patriarchæ, valde etiam remote attingunt regimen, & curam suffraganeorum episcopatum, & ideo extra clerum illorum censentur, maxime in jure decimarum.

Differen-
tia consi-
deranda
inter pa-
rochas &
dioceses.

9 Ex his ergo satis probata manet non solum pri-
ma

Decimæ
parochia-
les ad epi-
scopum
suis per-
tinent.

ma assertionis pars, sed aliquo modo etiam secunda quoad negationem illius exclusivæ, nimirum, quod decimæ parochiales non pertineant ad solum parochum, etiam per se, & jure ordinario, quia etiam ad episcopum diœcesis cum proportionem pertinent, quo sensu dicimus sub clero uniuscujusque parochiæ comprehendendi. Dico autem, *Cum proportionem*, quia inter clericos parochiæ cum proportionem dividendæ sunt decimæ, & inter eos prælatus computatur, ad quem pars decimarum spectat, ut recte docuit Abulens. quæst. 176. in 23. cap. Matth. & Panor. in cap. *Cum contingat*, de decimis num. 7. ubi quartam partem ad episcopum pertinere dicit, ut videtur expresse declaratum in cap. *Conquerente*, de offic. ordin. ubi inter episcopalia jura ponitur *Quarta decimationum*; & licet Glossa ibi dicat, quod hanc quartam episcopus de consuetudine percipiebat; tamen & nullam probationem affert, & illa consuetudo sufficere potuit ad introducendum jus; vel certe ex antiquo jure manifeste, probabilius est: nam illa consuetudo consentanea est antiquis decretis cap. *Vobis*, cap. *Vulterana*, & sequentibus 12. quæst. 2. Unde in cap. *De quarta*, de præscript. clare supponitur, hanc quartam pertinere ad episcopum jure ordinario, cum ibi dicatur, necessitatem esse præscriptionem 40. annorum, ut parochus possit contra episcopum se tueri in hujus quartæ petitione. Et idem plane colligitur ex cap. *Quoniam*, de decimis ibi, *tu a parte retenta*; nam plane supponitur, partem aliquam decimarum prædialium parochiarum ita ad episcopum pertinere, ut tanquam suam possit illam retinere. Signum est ergo, esse certam partem aliquotam, quam oportet esse jure definitam, & concessam; nam propter solam consuetudinem contingentem non oporteret illam exceptionem facere. Idem colligitur ex cap. *Dudum*, eod. tit. ut ibi notant Joan. Andr. & Hostiens. in illis verbis: *Intentione tua de jure communi fundata petisti*. Nec refert, quod Glossa, quam sequitur Rebuffus dist. quæst. 7. num. 11. dicat, illam esse narrationem partis, non papæ; hoc, inquam, non obstat, tum quia id non satis constat ex verbis; tum etiam, quia papa inferius consensit, dum ait, non fuisse *juri episcopali* derogatum; loquitur enim de jure, quod pro se episcopus allegaverat.

Decimas
mediate
parochia
deberi e-
piscopo,
aliqui di-
cunt.

10 Addunt tamen Joannes Andreas, & Abbas in dicto cap. *Conquerente*, decimas de jure communi non deberi episcopo, sed ecclesiis parochialibus, has vero ecclesias debere episcopo quartam partem præceptarum decimarum. Sed hoc in idem redit, dicuntur enim decimæ parochiarum non deberi episcopo quasi immediate, sed mediante ipsa parochia: quia immediatum jus est in ipsa parochia, seu clero illius, & respectu illius totus cumulus decimarum ad talem ecclesiam pertinentium congregandus: ex illo autem sua portio ad episcopum spectat æque primo, ac ad ceteros de illo clero, vel etiam principaliter, quia ipse de jure est principalis dispensator illius cumuli præceptarum decimarum; & ita etiam in hoc modo loquendi vel non magis pertinent decimæ de jure communi ad parochum, quam ad episcopum respectu loquendo de portionibus illorum, vel ad summum dici posse videtur, parochum esse quasi proximum ministrum, ad quem jus colligendi decimas ecclesiæ suæ debitas pertinet. Propter hoc enim ille habet potestatem agendi ad petendas omnes decimas parochiæ contra injuste occupantes, ut notavit Rebuffus quæst. 9. num. 16. licet non sibi soli, sed aliis consortibus petat. Ratio autem hujus institutionis est supra tacta, quia episcopus est principalis minister singularum parochiarum; ergo ratio postulat, ut de bonis, ac decimis uniuscujusque parochiæ principaliter participet, unde olim etiam pars fructuum illi conferebatur, ut colligitur ex cap. *Unio*, 10. quæst. 3. Quod tamen non de decimis, sed de oblationibus multi intelligunt, juxta alia jura ejusdem quæstionis. Inde vero roboratur saltem ratio facta, quod episcopus semper habitus est tanquam pars, & caput parochialis cleri, ideo enim etiam oblationum particeps fiebat; ergo licet illud de oblationibus ordinatis usu videatur sublatum, merito participatio decimarum jure communi retenta est. Neque huic assertioni D. Thom. aut

Ratio in-
stitutionis
hujus.

Cajetan. refragantur, nam generatim loquuntur de clericis habentibus animarum curam, sub quibus merito episcopi comprehenduntur. Atque ex hac ratione constat, non esse hoc limitandum ad parochiam cathedralis ecclesiæ, quia, quod attinet ad quartam partem decimarum prædialium, jura de omnibus parochiis diœcesis loquuntur. Nec majorem partem habet in decimis parochiæ ecclesiæ cathedralis, nisi ubi ipse fuerit proprius curatus ejus (ut notavit Rebuff. dicta quæst. 7. num. 7. alios referens) quia nullo jure plus illi tribuitur.

11 Dices, hac ratione concludi, decimas singularem ecclesiarum sive parochialium, sive episcopali cum debita proportionem etiam ad summum pontificem pertinere, quia ipse etiam est clericus habens animarum curam, habet autem curam omnium animarum in omnibus parochiis degentium, & ibi suas decimas persolventium. Respondeo breviter ex supra dictis capite decimo secundo loquendo de possibili, potuisse quidem jure communi statui, ut in distributione omnium decimarum parochialium suam partem summus pontifex haberet, quia cum ipse sit caput omnium ecclesiarum, & universalis pastor spiritualis, in illo maxime locum habet finis proximus decimarum. Et ita supponit D. Thom. secunda secundæ, quæst. 78. art. 4. ad 3. Alenf. 3. part. quæst. 51. memb. 6. art. 6. Abulens. dicto cap. 23. quæst. 176. Joan. Andr. Hostiens. & alii in cap. 1. de decimis. Ad quod notari potest singulare verbum in Concil. Lateran. sub Alexand. III. parte quarta, capite quarto *Cum homines, & cap. decimas ecclesiæ, & mihi solvere teneantur*: est enim consideranda illa particula, *Et mihi*; nam pontifex est, qui loquitur, & significat, decimas sibi deberi. Sed illa particula in cap. *Cum homines* Extra. de decimis omittitur, tamen potest intelligi, ut dicantur pontifici deberi; tum quia ex præcepto ejus debentur; tum quia est supremus dispensator illarum; tum quia jus habet de illis participandi, si velit, & indigeat. Nihilominus jure communi, & ordinario non usurparunt sibi pontifices hoc jus, ut iidem auctores pro comperto habent, & nos in dicto capite ostendimus, & hujus institutionis varias congruentias Abulens. supra adducit. Et in hoc sensu diximus supra, papam non comprehendere sub parochia, seu clero parochiali, cui debentur decimæ jure ordinario & communi: quamvis alioquin habeat supremum jus dispensandi omnes decimas, & aliquam earum partem postulandi ex vera, ac iusta causa, & necessitate. At episcopuse converso quoad suam canonicam portionem jure communi censeret de illo clero: quoad reliquas vero partes, licet habeat potestatem administrandi, & distribuendi illas, habet tamen illam alligatam juri communi, nec potest ea, quæ ad alios pertinent, usurpare, nec novum onus clericis imponere, ut in multis decretis institutum est, 16. quæst. 1. Hac ergo ratione merito dicimus, decimas parochiæ non soli parochi deberi, quia etiam episcopo magna ex parte, & quodammodo magis, ac principaliter debentur.

12 Addendum vero ulterius est, alia etiam ratione deberi decimas non solis parochiis: quia videlicet in unaquaque ecclesia simul debentur aliis ministris altaris, qui ex titulo alicujus beneficii ex decimis instituti tenentur ex officio altari, vel choro inservire. Hanc conclusionem principaliter intendunt Soto, & qui eum sequuntur: & licet non possit positive, (ut sic dicam) & in particulari ex jure ostendi, ostenditur autem in primis illa ratione, quod decimæ non sunt institutæ propter solum ministerium curandi animas, seu ministrandi illis sacramenta, sed simpliciter propter ministerium divini cultus cap. *Ex parte* 2. de decimis. Quia populus christianus non tenetur tantum sacramenta suscipere, sed etiam sacrificia offerre, ac Deum publice colere, & laudare, fidemque profiteri, ac tueri: ad hos autem fines necessarium est, non solum alere ministros, qui curam habeant animarum, sed etiam alios, qui Deum variis modis colant nomine totius populi, & fidem tueantur, ac doceant, & verbo Dei populum pascant; ergo

Objectiones

Satisfactio
illi.

Quibus
ecclesiæ
ministris
decimæ
etiam de-
beantur.

ergo decimæ non tantum curatis, sed etiam aliis ex officio ministrantibus spiritualia deberi possunt. Atque hoc modo potest hoc ex iure colligi partim negative, partim ex generalibus locutionibus, & rationibus decimarum, quæ in iure habentur. Negative quidem, quia nullum est ius ita præcipiens decimas dari parochis, ut alii ministri ecclesiæ excludantur: ad summum enim dicunt iura, decimas persolvendas esse parochiis, at in parochiis non solum computantur parochi, sed etiam alii ministri, licet cura, & administratio proxima parochiæ, & bonorum ad eam pertinentium peculiari modo Rectori eius commissa sit.

13 Unde adiungi potest alia probatio ex generalibus locutionibus; nam in cap. *Non est*, de decimis, dicitur, decimas esse *Ministris ecclesiæ* tribuendas: & in cap. *Ex parte*, 2. supponitur *Canonicis* in sua ecclesiâ esse debitas: & in cap. *Tua*, 2. dicitur, *Deo debite esse solutionem decimarum*, quia nimirum propter cultum suum principaliter imperantur, unde subditur, *Esse Clericis exhibendas, quibus eas ipse pro suo cultu concessit*. Et in c. 1. 16. qu. 7. absolute dicitur, decimas usum pietatis concessas esse, canonica auctoritas demonstrat. Et hoc maxime probant antiqui canones, qui in divisione decimarum disposuerunt, ut quarta pars non solis parochis daretur, sed *Presbyteris, diaconibus, & clero divideretur*, ut dicitur in ca. *Ad hoc*, 16. qu. 1. & aliis supra citatis. Quæ iura antiqua quoad hanc partem non sunt per posteriora decreta sublata, nec parochiarum divisio obstat, quo minus illa in sua vi possint remanere.

14 Sed obici potest, quia hinc sequitur decimas prædiales non ad solum clerum pertinere, sed etiam ad pauperes, quia etiam illis sua portio decimarum ex vi communis iuris applicanda est: consequens est plane falsum, ut ex omnium sententia, & ex dictis in cap. præced. constat. Similiter sequitur, decimas aliqua ex parte non pertinere ad personas clericorum, sed etiam ad ipsam ecclesiâ, seu fabricam eius, in qua etiam pars aliqua decimarum expendi debet, iuxta dispensationem iuris. Consequens est falsum, quia materiale ipsum templum non est capax iuris, sed clerici, vel rectores eius habent tale ius cum tali obligatione, seu onere. Denique si ratio facta esset efficax, quot quot ministri ecclesiæ ex decimis eius aluntur, computandi essent inter eos, quibus decimæ debentur, etiam cantores laici, & famuli, quia omnibus datur aliqua pars decimarum ex vi illius legis: *Non alligabis bovi trituranti, &c. Dignus est mercenarius mercede sua*. Propter hæc, & similia dicunt aliqui, decimas solis parochis proprie deberi, & ad summum etiam episcopis; ceteros autem ecclesiæ ministros non habere ius decimarum, quia populus non tenetur eos alere, cum illius utilitatem non procurent, sed ecclesiâ, cui inserviunt, ad hoc tenetur, quæ obligatio cadit in eos, qui habent animarum, & consequenter etiam ecclesiarum curam. Tenentur enim illi alere ex suis redditibus ministros, & coadiutores sibi necessarios, ut suo muneri possint satisfacere, sive illi ministri clerici sint, sive etiam laici pro ratione, & modo ministerii, aut servitii ecclesiæ, ad quod conducuntur.

15 Respondeo, ad excludendas has, & similes obiectiones, & rem totam explicandam dictum a nobis esse, decimas deberi illis ministris altaris, qui ex titulo alicuius beneficii tenentur in ecclesiâ ad aliquod ministerium spirituale, etiam si propriam animarum curam non habeant. Quod omnino verum esse probatur: quia illi proprie, & in rigore debentur decimæ, qui habet ius spirituale, in quo fundatur tale debitum, sed omnes illi, qui habent tale beneficium, habent ius ad percipiendos fructus eius, etiam si sint fructus decimarum; ergo. Major ex supra notatis clara est, quia in decima duo tantum e. D. Tho. & Doctoribus distinguuntur, redditus ipsi materiales, & ius spirituale; cui ergo ista duo proprie conveniunt, propriissime etiam decimæ debentur. Minor autem est etiam certa. Nam omnia beneficia etiam si curata non sint, in spirituali jure fundata sunt, & illud principaliter includens temporale autem est quasi annexum: & hoc est totum fundamentum simoniæ in venditione, & emptione be-

neficiorum; non enim tantum in beneficiis curatis, sed in omnibus simonia committitur, & ideo ait Soto, non posse sine errore negari, ius ad decimas in talibus beneficiis spirituale esse. Et confirmatur, ac declaratur, quia licet alii clerici non ita immediate incumbant salutis animarum, sicut curati, nihilo minus non tantum actiones propriæ parochorum spirituales sunt, sed etiam aliæ; ergo aliæ etiam sufficiunt ad fundandum ius, & proprium debitum decimarum, quia non est de ratione huius juris, ut funderetur in actionibus directe operantibus salutem animarum, sed satis est, ut sint actiones spirituales pertinentes ad cultum Dei. Eo vel maxime quod nullæ sunt huiusmodi actiones factæ a ministris ecclesiæ, ut tales sunt, quæ non conferant ad animarum salutem, licet non omnes æqualiter, neque cum eadem necessitate, quod parum refert.

16 Accedit tandem, quod utrumque genus actionum pertinentium tam directe ad curationem animarum, quam ad alia ministeria divini cultus, potest duobus modis fieri, scilicet vel ex proprio officio collato per ecclesiâ cum spirituali titulo, vel non ex officio, sed aut devotione, ut sit a religiosis, vel mercenario stipendio, sicut fit a clericis mercede conductis, inter quos modos tanta est differentia, ut etiam ministerium propriorum parochorum, nisi fiat priori modo, non sufficiat, ut sic operantibus decimæ proprie debeantur. Et hac ratione religiosi ut sic, & ex proprio iure non debentur decimæ, etiam si maxime cooperentur animarum salutem, ut est certa omnium sententia. Nec etiam clerico capellano per mercedem conducto, ut parochum iuver, debentur decimæ, sed parochus, vel episcopus debet ei suam mercedem. Ergo simili modo dicendum est in aliis spiritualibus actionibus, ac ministris divini cultus, quod licet facta ex devotione, vel mercenaria conductione non sufficiant ad fundandum proprium debitum decimarum, nihilominus facta ex officio ratione beneficii, & tituli spiritualis, fundant proprium ius, cui etiam correspondet proprium debitum decimarum.

17 Et ita facile responderetur obiectionibus factis. In primis enim non est eadem ratio de pauperibus, quia illi nunquam habent intrinsecum ius ad aliquam partem decimarum, sed ipsi clericis dantur beneficia cum hoc onere subveniendi pauperibus, sive onus illud sit ex propria iustitia, sive ex charitate, vel alia virtute, quod alibi est tractandum. Unde optime dixit Ambrosius serm. 58. de Ascens. *Ille bonus Christianus est, qui decimas Deo annis singulis erogandas pauperibus reddit, qui sacerdotibus suis honorem impendit: pauperibus ergo decimæ sunt erogandæ, sed per sacerdotes locum Dei tenentes, qui decimarum solutione honorandi sunt*. Sic etiam Clemens 1. 2. Constitutionum ca. 25. *Quæ secundum Dei mandatum (v) tribuuntur, decimas dico, & primitias insumat episcopus, ut homo Dei, quæ causæ pauperum sponte offeruntur, distribuat decenter, &c.* Et plura de hoc videri possunt in Abulensi in d. c. 23. Mat. quæst. 117.

18 Eademque ratio est de fabrica cum proportionem. Quod si fortasse contingat, ut olim observatum erat, partem aliquam decimarum nulli clerico, seu beneficiario applicari, sed ad usum fabricæ, vel pauperum reservari, tunc quidem decimæ illæ non debentur proprie alicui clerico in particulari, ut in ejus dominium transferantur: sed debentur ecclesiæ non quidem materiali templo, ut obiectio procedebat, sed ratione templi debentur ecclesiæ, id est, clero, ut in talem usum, & non in alium illas dispenset: non est autem ita de decimis, quæ per institutionem beneficiorum ecclesiasticorum variis modis applicari sunt clericis ad varia ministeria: nam tunc proprium ius decimarum continetur clerico habenti tale beneficium. Et ideo etiam non est simile de aliis, qui ecclesiæ inserviunt (etiam in spiritualibus) tantum, ut mercenarii conducti, quia illi non habent intrinsecum ius ad decimas, neque respectu plebis solventis decimas habent propriam actionem, sed tantum respectu episcoporum, parochorum, vel ecclesiarum, quæ eos conduxerunt: secus vero est de his, qui ratione beneficii ministrant in quibuscumque spiritualibus actionibus, ut declaratum est.

Non esse eandem rationem in pauperibus, ut in aliis clericis

Quid de templi fabrica dicendum

CAPUT XXIX.

*Corollaria, & assertiones, quæ ex doctrina
præcedentis capitis inferuntur.*

I EX dictis in superiori capite inferimus primo, decimas primo, ac principaliter deberi episcopis, quia principaliter habent curam animarum ex officio, & præterea ad eos proxime pertinet spirituale regimen clericorum, & Christiani populi in rebus ecclesiasticis, etiam ad forum externum pertinentibus, propter quod munus etiam decimæ merito impendi possunt. Ad eosque maxime spectat subventio pauperum, & omnia alia onera, propter quæ decimæ exiguntur. Tria autem genera decimarum videntur ad episcopos pertinere. Unum est ratione Cathedralis ecclesiæ, cujus peculiari modo est membrum, & caput, & ideo illi debetur jure ordinario magna portio decimarum, ac reddituum talis ecclesiæ. Aliud est ratione parochiarum suæ diocesis, quarum etiam est suo modo membrum, & caput, & ideo quarta pars decimarum illi debetur jure communi, ut ostensum est. Quod si in aliqua, vel aliquibus ecclesiis parochialibus ipse est immediatus curatus, ad illum etiam pertinebunt decimæ, quæ parochiis deberi solent, siue illa parochia sit suæ ecclesiæ Cathedralis, siue aliarum: eadem enim ratio quoad hoc est de omnibus. Unde si aliquæ dioceses nunc sunt, (ut revera sunt) in quibus parochiæ non sunt ita divisæ, ut in singulis sint propria beneficia curata pro parochiis instituta, sed sub cura episcopi immediate maneant, & per mercenarios clericos ab ipso constitutos animarum cura ministretur, ibi habebit episcopus omnes decimas parochiarum; tenebitur autem ipse congruenter alere dignos, & sufficientes animarum pastores, & alia onera talium ecclesiarum sustinere. Tertium genus decimarum episcopaliū esse potest ad ipsius personam, seu mensam immediate pertinens ex prædiis, quæ sunt intra terminos suæ diocesis, & nullius parochiæ, vel particularis ecclesiæ sunt: nam decimæ prædiales inde confluentes ad episcopum pertinent, ut diximus. Et hæc dici possunt de communi jure, possunt tamen consuetudine augeri, vel minui, ut constat ex dictis, & paulo inferius aliquid addemus.

2 Secundo sequitur ex dictis, post episcopos decimas præcipue deberi parochiam titulo justitiæ, quam omni alio, qui in hac materia intervenire possit. Et hanc conclusionem cum præcedenti fortasse intendit D. Thom. Nam hic duplex ordo ministrorum est maxime per se (ut sic dicam) necessarius in Christiano populo, & in qualibet etiam parochiali ecclesia. In ministris ergo ecclesiæ necessariis parochi tenent secundum locum [nam de Summo pontifice nunc non agimus,] ipsique maxime sustinent pondus ministerii spiritualis, & illud ex officio, & peculiari titulo tenentur; ergo illis maxime debentur decimæ ex justitia, & consequenter etiam ex charitate, quia sunt peculiari modo spirituales pæres, & pastores suorum subditorum, & ex religione, quia eorum sustentatio ad divinum cultum maxime pertinet, & quia peculiari modo vicem Dei gerunt. Denique etiam ex obedientia maxime illis debentur, quia hæc est voluntas ecclesiæ, ut illi præcipue ex decimis alantur, & hoc maxime præcipiunt jura, ideoque diligentissime provident, ut beneficia curata in sua institutione conserventur, & sufficientes habeant redditus, ut patet ex Tridentin. sess. 25. cap. 16. de reform. Quanta vero pars decimarum præsertim parochialium ad parochos pertineat, non invenio in jure definitum specialiter. Si tamen spectemus jus antiquum, quarta pars fructuum decimarum uniuscujusque parochiæ pertinet ad clerum ecclesiæ illius. Unde si in illa ecclesia non fuerint alia beneficia instituta ex decimis ad inferendum illi ecclesiæ, præter parochiale, ad paro-

chum pertinebit quarta pars decimarum prædialium, præter personales, & oblationes, & alia commoda. Ipse vero tenebitur necessarios sibi ministros, adiutoresque conducere, & suis sumptibus alere: nec in hoc poterit amplius populum gravare, quia hac lege, & conditione illi tanta pars decimarum tribuitur in Concil. Trident. sess. 21. de Reform. c. 4. arg. c. ultim. de ecclesiis edific. Et temporis, 16. quæst. 1.

3 Tertio sequitur, ecclesiarum cathedralium capitulis, & eorum membris, seu clericis præbendis, ut sunt canonici, dignitates, &c. propriissime deberi decimas ecclesiæ suæ eo modo, & proportionem, quo eorum mensis, vel beneficiis applicatæ sunt. Idemque cum proportionem dicendum est de quibuscumque ecclesiis collegiatis ex decimis ecclesiasticis legitime fundatis. Atque denique est de omnibus clericis, qui titulo cujuscumque beneficii ecclesiastici proprie dicti decimarum fructus, vel aliquam eorum partem recipiunt. Hoc corollarium quantum ad primam partem de canonicis probatur ex capitul. *Ex parte*, 2. de decimis, & consequenter inde probari possunt omnes propter similitudinem rationis. Est autem generalis ratio supra facta, quia omnes hi proprio jure spirituali ad se pertinet decimas recipiunt. Et confirmatur: nam hi omnes non recipiunt fructus suos, vel partem decimarum ad se pertinentem a parochiis proprie loquendo; licet enim (ut supra dixi) parochi sæpe habeant aliquam administrationem, vel curam circa collectionem decimarum, (in quo est consuetudo consulenda) nihilominus nunquam sibi colligunt totas prædiales decimas suæ parochiæ, ita ut illarum efficiantur domini, & postea teneantur aliis suas portiones dare; sed immediate unusquisque habens beneficium, jus, vel dominium in sua portione obtinet, alioquin esset quasi pensionarius, vel stipendiarius parochi, quod falsum esse constat. Sicut ergo post divisionem parochiarum unusquisque parochus habet jus in parochiam suam, ita postquam ecclesia divisit redditus uniuscujusque parochiæ in plura beneficia, unicuique beneficiato per se, & directe competit jus ad portionem decimarum suo beneficio correspondentem, illi ergo proprie debentur decimæ.

4 Unde etiam colligo, hoc debitum non solum ad religionem, sed etiam ad justitiæ pertinere, cum tam propria obligatione justitiæ, quanta est respectu clericorum habentium curam animarum. Nam licet in his videatur esse majus quoddam fundamentum rigorosæ justitiæ, in illis non deest sufficiens ad propriam, & veram obligationem justitiæ. Quia illæ decimæ, quæ his conferuntur, debentur ex justitia ecclesiæ, & ipsa erigendo beneficiorum titulos transulit ius suum proprium in suos ministros beneficiatos; ergo illis debentur ex justitia decimæ. Item illi sunt veri ministri ecclesiæ; ergo debetur illis sustentatio ex justitia; ergo debetur juxta taxam, & modum ab ecclesia præscriptum; ergo debetur secundum proprium decimarum jus; unde nihil obstat, quod ad hoc debitum necessaria fuerit institutio, taxatio, & præceptum ecclesiæ, nam per tale præceptum, & institutionem constituitur illa materia in propria ratione justitiæ. Si enim etiam justitia parochorum ad suas decimas pendet ex institutione ecclesiæ, & naturalis, ac divina obligatio justitiæ, quam habet populus Christianus ad alendos ministros ecclesiasticos, non est limitata ex se ad parochos (licet erga illos majori quadam ratione urgeat,) sed extenditur generatim ad omnes etiam ministros, quos ecclesia judicaverit sibi esse necesarios, vel convenientes, & ideo facta determinatione, & institutione beneficiorum per ecclesiam illa obligatio justitiæ ad omnes extenditur.

5 Hinc vere inquiri solet, an omnes hi clerici, & beneficiati, de quibus in his tribus assertionibus locuti sumus, possint percipere decimas, eisque debeantur, etiam si divites sint. Sed in hoc resolutio est certa, divitias eorum nihil obstat, quo minus eis

Quibus etiam propriissime debeantur decimæ.

Hoc decimarum debitum non solum ad religionem, sed etiam ad justitiæ pertinere.

Clerici etiam divites solvendi decimæ.

Decimas primo episcopis deberi.

Post episcopos decimas parochiis præcipue deberi.

debeantur decimæ, & iuste illas percipiant, si ministrent, quia *Nemo militat suis stipendiis unquam*, ut Paulus dixit: unde accidentarium est, quod sint divites, nam creditori diviti suum debitum solvendum est, nemo enim suo jure privatur propter divitias. Ideoque merito damnatus est error Pseudoapostolorum, qui negabant, decimas dandas esse Clericis, qui non proficentur evangelicam paupertatem, ut refert Castro verb. *Decima*, & Turrecremata lib. 4. summæ part. 2. c. 37. De qua re in materia de beneficiis, & redditibus ecclesiasticis tractandum est: hic enim non explicamus, quomodo clerici teneantur uti decimis, quibus ipsi interdum non indigent, sed solum agimus de debito solvendi illas ex vi præcepti, quod absolute datur, & ideo respectu omnium obligat. Et eodem modo resolvenda est similis dubitatio de malis beneficiatis, an illis solvendæ sint decimæ. Nam Wickeph. dixit, liberum esse fidelibus negare decimas malis sacerdotibus. Sed ille erravit in fundamento, quia putavit, decimas non esse debitas, sed voluntarias; ideoque articulus ille cum aliis damnatus est in concilio Constantiensi, sessio 45. & expresse sententia illa reicitur in cap. *Tua nobis*, de decimis. Et ratio est evidens, quia decime non dantur propter bonitatem vitæ, sed propter servitium: & ideo si clerici ministrent, ut debent, malitia eorum non liberat alios a debito decimarum. Vide Rebuffum q. 7. de decim. num. 14. 15. & 16. & Abulen. dicto cap. 23. Matth. q. 174. & 175. & Alenf. dicta qu. 51. mem. 7. artic. 3.

6 Quarto e contrario sequitur, clericos simplices nullum habentes ecclesiasticum beneficium non habere proprium ius ad decimas recipiendas, nec illis esse proprie debitas. Utraque pars est certa, & communis. Ratio autem prioris est, quia ius decimarum non sequitur ipso facto, seu ipso jure ex vi characteris, seu clericatus, sed ad summum intelligitur ordo, vel tonsura dare capacitatem quamdam ad habendum tale ius, si aliquo titulo conferatur, quia cum laici non sint capaces illius juris, clericatus dat capacitatem. Non vero dat statim ius ipsum, quia divinum ius id statuit, ut per se constat, nec etiam ecclesia illud confert: ubi enim est talis ecclesiæ institutio, aut præceptum? Confirmatur, quia ex vi solius clericatus non obligatur quis ad ministrandum populo Christiano in spiritualibus; ergo nec acquirit statim ius ad decimas. Et inde patet ratio alterius partis, quia si clericus non est obligatus ex vi status ad ministrandum populo, nec populus est illi decimarum debitor. Dices: saltem clerici in sacris obligantur statim ad horas canonicas recitandas, in quo toti populo Christiano intervniunt cum illius nomine orent, & a Deo impetrare illi possint multa bona. Respondeo, obligari ad illud officium non debito iustitiæ, sed religionis ex præcepto ecclesiæ. Illud autem præceptum non imponitur quasi in vi pacti includentis obligationem iustitiæ, sed solum ratione status ad religionem pertinentis, ut infra tract. 4. lib. 4. late dicitur, & ideo nisi clericus beneficium habeat, nullæ decimæ illi debentur ex vi ordinationis suæ. Urgebis præterea, saltem illis, qui ministrant, & intervniunt ex aliquo pacto, debetur sustentatio; ergo & decimæ propter sustentationem ministrorum dantur. Responderetur ex dictis, deberi quidem illis sustentationem ab eo, cum quo pactum inierunt, non in vi iuris decimarum, sed in vi pacti, sive sustentatio illi detur ex decimis, sive ex aliis bonis, sive ecclesiasticis, sive secularibus; undelicet sæpe talia stipendia solvantur ex decimis, id est quasi per accidens, ita enim etiam laicis conferri possunt, ut supra vidimus.

7 Quinto inferitur, etiam religiosos ex vi sui status non habere proprium, & intrinsecum ius decimarum, neque illis iure communi deberi. Ita D. Th. 22. q. 86. a. 3. ad 3. E ibi omnes. Alenf. 3. p. q. 51. mem. 6. art. 2. Abul. d. cap. 13. Matth. q. 189. Turrecrem. in c. ult. 16. q. 1. ad quæstion. primam, Abbas in c. *Suggestum*, de decimis, notab. 1. Glossa & Doctores in c. penult. de decimis. Anton. 2. part. tit. 4. c. 3. §. 3. Et Canonistæ passim, ex quorum sententia sub religiosis omnes personæ ita Deo devotæ, ut aliquo modo ecclesiasticæ censeantur.

Suarez. Tom. XII.

tur, comprehenduntur. De quibus procedunt in primis omnia dicta in cap. præcedenti. Et præterea probatur assertio ex c. *Alia causa*, c. *Placuit*, 2. c. *Pervenit*, 16. q. 1. & faciunt etiam c. *Doctos*, & c. *Si Monachus*, ibidem. Quibus locis dicitur ad clericos pertinere ex altari vivere, non vero ad monachos, nisi ad clericorum statum, & munus assumantur. Et ideo religiosi non debent decimas ex vi status.

8 Ratio vero est, quia status religiosus ut sic non constituit ministros ecclesiæ, nec inducit obligationem serviendi populo in spiritualibus; & ideo nec populus obligatur ex iustitia ad religiosos sustentandos, etiam si ipsi ex devotione, vel regula, aut voto proximorum salutis maxime incumbant, sed solum ex gratitudine, misericordia, seu charitate, aut religione poterit populus eos alere, non tamen ecclesiæ privando decimis suis. Quia semper ius ad decimas manet integrum apud ecclesiæ, & ministros suos ex officio ad id obligatos, etiam si ipsi religiosi cooperatores, & coadiutores clericorum voluntarie se exhibeant. Tandem ob hanc causam in Clemen. 1. de decimis suspenduntur, aut excommunicantur (respective) religiosi, qui decimas ecclesiis debitas sine iusto titulo usurpant, & qui artibus, & fraudibus impediunt, ne decimæ ecclesiis debite illis persolvantur. Et in Clemen. *Cupientes*, de pœnis, excommunicantur religiosi, qui suis sermonibus alios avertunt a solutione debitarum decimarum, & suspenduntur religiosi, qui audiendo confessiones derinentibus iniuste decimas scrupulum non injiciunt. De quibus iuribus videri possunt adnotata in ro. 5. de Cens. disp. 23. sect. 5. n. 3. & 36. & seqq. & disp. 31. sect. 6. n. 9. 12. & 13.

9 Quamvis autem religiosi non debeantur decimæ ex eo præcise, quod religiosi sunt, conferri tamen possunt, & aliquo modo eis debent variis modis. Primo si illis ut pauperibus conferantur, quod etiam D. Th. & Alenf. notant. Tunc autem non conferuntur religiosi ius decimarum, sed fructuum: neque hi conferuntur ex titulo iustitiæ, sed ex charitate, ideoque conferri non possunt, nisi ab his, quibus ipse decimæ proprio iure competunt, vel potestatem habent illas dispensandi, & applicandi. Et sic res est clara. Secundo possunt eas habere, si beneficium aliquod ecclesiasticum eis conferatur, quod interdum fit, uniendo ecclesiæ, vel beneficium parochiale, aut simplex monasterio alicui, interdum conferendo beneficium ipsum alicui particulari religioso. De quibus unionibus, & collationibus, quomodo, & a quibus fieri possint, non est hic dicendi locus, tamen illis factis, non est dubium, quin ius decimarum in religionem, vel religiosum transferatur, quia per beneficium tale ius conferitur sub onere ministrandi, quod onus in se suscipit religio, vel religiosus, qui supponitur etiam clericus, & ideo capax est talis iuris.

10 Tertio possunt decimæ religiosi conferri ex speciali privilegio, quod satis constat ex usu, & ex dictis in superioribus: nam si hoc privilegium potest laicis concedi, multo magis & religiosi. Quin potius in c. *Quamvis*, de decimis, ita prohibetur episcopis, ne laicis secularibus decimis concedant, ut de religiosi etiam laicis id permitti videatur in verbis illis: *Si quis laico alicui in seculo remanenti*. Ubi Panor. notat, laicum convertum, & religiosum non excludi, quo minus ex privilegio possint illi decimæ concedi. Unde indicat differentiam inter laicos seculares, & religiosos, nam prioribus potest concedi ex privilegio perceptio decimarum, non tamen ius proprium ad illas. Religiosis autem potest non solum concedi privilegium percipiendi decimas more laicorum per modum cuiusdam elemosynæ, vel charitativi subsidii sine aliqua obligatione ad ministerium spirituale, ut est clarum c. ult. 16. q. 1. Sed etiam potest concedi privilegium percipiendi decimas sub aliquo titulo spirituali, & cum onere alicuius spiritualis ministerii, quia religiosi possunt exhibere tale ministerium, & sunt capaces illius iuris, ut Abbas supra docet per textum in dicto cap. *Quamvis*. Et est communis sententia in cap. *Causam*, quæ de præscrip. de qua re videri potest Covar. dicto cap. 27. num. 13. Guttier. Conf. 5. nu. 2.

H 2 & 17.

Ratio af.
ferentis

Religiosis
autem mo.
di vici-
mæ con-
ferri pos-
sunt.

Simplices
clerici
non ha-
bere pro-
prium ius
ad deci-
mas.

Obiectio.

Dicitur.

Religiosis
non debentur
decimæ
iure
communi.

& 17. Cætera vero, quæ de hoc privilegio desiderari possunt, ex cap. 10. & 13. petenda sunt.

CAPUT XXX.

An clerici, vel ecclesiastica persona possint præscriptione acquirere jus decimarum.

HÆc quæstio locum habet in religiosis, & in aliis clericis, qui non sunt incapaces decimarum, sicut laici. Et in hoc puncto aliqui docuerunt, non posse religionem præscriptione acquirere jus decimarum, nisi aliunde habeat unitam aliquam parochiam, ratione cujus præscribat decimas in alia parochia. Et idem dicunt de quolibet clerico; nam si parochiam, vel beneficium habet, ratione illius potest præscribere aliquas decimas, quæ videantur excedere titulum talis beneficii secundum commune jus: si tamen nec parochiam, nec beneficium habet, non potest præscribere. Ita sentit Hostiens. in Summa tit. 1. de decimis, §. *An præscribi possint*. Et Abulens. in c. 23. Matth. q. 88. Anton. 2. p. c. 4. tit. 3. §. 3. Quorum sententia ita explicari potest, & fundari, quia jus decimarum consuetudine præscribi potest quoad augmentum, vel extensionem suam (ut sic dicam,) non vero quoad substantiam, seu quoad primum esse suum, seu respectu omnium decimarum.

2 Prior pars nota est ex superioribus, & ex omnibus juribus, quæ in hac materia loquuntur: nam si quis ea recte consideret, tractant de extensione decimarum. Nam cap. *Cum sint homines* de decimis agit de ecclesiis parochialibus, quæ jus habent percipiendi decimas in suis territoriis, & interdum ex consuetudine extenduntur ad percipiendas decimas ex prædiis suis in alia parochia; & de eodem loquitur ca. *Ad Apostolicæ*, & cap. *Ad aures*, de præscript. in ca. autem. *De quarta*, de præscriptione, illa præscriptio in quarta episcopali est etiam per extensionem; quia clericus habens jura parochialia præscriptione extenditur ad illud jus episcopale. Sic etiam in cap. 1. de præscriptio. in 6. sermo est de episcopo, qui præscribit contra episcopum extendendo jus suum de percipiendis decimis ad alterius diocessim. Et ratio hujus partis est, quia qui habet jus ad aliquas decimas percipiendas, potest bona fide possidere aliarum perceptionem, putans comprehendere sub suo jure, & ita corrente tempore præscribere.

3 Hinc vero sumitur ratio alterius partis, quia qui nullum habet beneficium, nec verum jus aliquarum decimarum, non potest possidere saltem bona fide aliquas decimas, quia non potest habere titulum etiam coloratum ad percipiendas illas, sine possessione autem civili, & bona fide non potest præscribi. Atque hinc fit, ut de tali modo præscribendi decimas etiam a clericis, vel religiosis, nulla sit in jure mentio. Nam si aliquando indicatur, religiosos posse præscribere, illud est ratione alicujus parochiæ, vel facultatis, quam ex privilegio supponuntur habere; nam supposito iure ad aliquas decimas per privilegium obtento, non est inconveniens, qui sub illius colore possint alias præscribere: & ita videtur supponi in cap. *Dudum*, de decimis. Et fatentur Hostiens. & Abul. supra, & potest etiam sumi ex c. *Cum contingat*, & c. *Cum in tua*, de decimis. Ut vero totum jus decimarum possit præscribi, non videtur habere exemplum in iure, neque fundamentum.

4 Contrariam nihilominus sententiam tenet Rebuffus q. 13. de decimis n. 63. ait enim absolute, religiosos posse præscriptione acquirere jus percipiendi decimas, etiam si ecclesias parochiales non habeant; citatque in eandem sententiam Turrecrem. in cap. ult. l. qu. 16. ad quæst. 1. Sed ibi nullum habet verbum de præscriptione, sed potius absolute dicit, religiosos, seclusa ecclesiæ donatione per modum elemosynæ, aut nisi parochiam habeant, non posse percipere decimas sibi non concessas, quæ ad aliorum ius pertinent; citat etiam dictum c. *Cum in tua*, sed ibi nec verbum quidem est de consuetudine, & præscriptione, sed solum generatim supponitur, aliquando religiosos iure accipere

decimas majores, & explicatur, quomodo illud ius ad minutas decimas extendatur, non vero dicitur, illud ius posse præscriptione acquiri. Refertur solet in eandem sententiam Covat. d. c. 17. n. 7. §. *Tertio*. Sed sine causa; nam ibi tantum generaliter dicit, consuetudine fieri posse, ut decimæ ordinario iure alicui ecclesiæ debite alteri solvantur, quod verum est, supposito aliquo iure accipiendi decimas in utraque ecclesia. Illam vero sententiam sequitur Guttier. d. c. 21. n. 6. assertque c. *Statuto*, §. penult. de decimis in 6. sed sine causa, ut statim dicam.

5 Potest autem hæc sententia suaderi, quia iura, & dominia humana, quæ nullo iure prohibentur præscribi, præscriptione comparari possunt; tale autem est ius decimarum respectu personæ ecclesiasticæ, vel monasterii religiosi; ergo. Major communis est in materia de præscriptione: quia leges civiles, & canonicæ illam admittunt in materia non prohibita, etiam in spiritualibus iuribus, ut patet ex c. *Auditis*, de præscriptione, cum similibus. Minor autem patet, quia in jure decimandi, supposita capacitate personæ, nulla est prohibitio, neque ex natura rei, cum non sit hoc intrinsece malum, nec iure canonico, quia in eo solum specialiter prohibetur, ne laici præscribant ius decimarum; unde potius per argumentum a contrario, vel ab speciali indicat, clericos, vel monasteria posse præscribere eo ipso, quod non sunt laici, sed ecclesiastici, licet nullum aliud beneficium habeant. Et confirmatur, quia præscriptio, & privilegium æquiparantur, ut supra dictum est: sed religiosi possunt habere ius decimarum ex privilegio, ut etiam dictum est; ergo etiam poterunt præscriptione illud acquirere.

6 Mihi occurrit breviter advertendum, aliud esse loqui de iure retinendi decimas prædictorum; aliud vero de iure accipiendi decimas iure ordinatio debitas alteri ecclesiæ. De primo enim non est dubium, quin possit et religiosis, & aliis clericis præscribi, cum etiam a laicis possit; quia illud non est ius ad recipiendas decimas, sed ad non solvendas, quod non est ius spirituale, sed immunitas quædam a temporali onere, quæ potest consuetudine acquiri. Et in hac specie loquitur c. *Statuto*, §. penult. de decimis in 6. quamvis neque illud loquatur de consuetudine, sed de privilegio; sed quoad hoc est eadem ratio, ut supra visum est. De acceptione vero decimarum subdistingendum est; nam aut consuetudine præscribitur non tantum jus decimarum sed etiam fundamentum, quod est spirituale ministerium ex officio præstandum, ratione cuius decimæ dantur, vel solum acquiritur ius ad decimas percipiendas separatim ab omni tali ministerio spirituali, vel obligatione ad illud; ut, verbi gratia potest monasterium intelligi præscriptione acquirere decimas alicuius parochiæ, quia præscriptione acquisit ipsam parochiam, & jus parochiale illius, ita ut obligatum maneat ad gerendam curam talis parochiæ; vel intelligi potest solum acquisivisse ius ad decimas sine parochia ipsa, vel onere illius.

7 Dico ergo primo, recte fieri posse, ut monasterium acquirat jus decimarum alicuius ecclesiæ præscribendo ipsammet ecclesiam, & illius onera in se suscipiendo. Hoc certum videtur apud omnes. Suppono enim, ecclesiam posse præscriptione acquiri ab aliquo, qui sit capax eius, possitque illam possidere, quale est religiosum monasterium, ut tradit Silvest. Ver. *præscriptio*, 2. n. 4. ex c. *Ad aures*, de præscriptione cum his, quæ ibi communiter notantur. Acquisita autem ecclesia clarum est, etiam decimas acquiri, quia acquiritur fundamentum decimarum, quod est principale, unde fit, ut etiam acquiratur accessorium. Item tunc semper decimæ exiguntur titulo parochiæ; ergo optime illo modo præscribi possunt. Item, licet quis non possit præscribere ius ad procurationem debitam ratione visitationis, si non visitet, nec visitare possit, tamen præscribendo ius visitandi, potest etiam procurationem præscribere, c. *Cum ex officiis*, de præscriptione; ergo similiter præscripta ecclesia, præscribuntur decimæ. Quanto autem tempore præscribatur ecclesia, & quis titulus sit necessarius, ad hunc locum non spectat.

Fund. e. sentent.

Diferimē adnotandum.

Fundamē. tum assert. tionis.

2. sentent. contraria præceden. et.

Religiosos posse præscribere decimas alicuius ecclesiæ suscipiendo illius onus.

CAPUT XXXI.

Ex quibus rebus decime personales solvendæ sint.

8 Dico secundo: Per se, & directe non potest quippiam, etiam ecclesiasticus, totum jus decimarum sine parochia, vel alio simili titulo præscribere, potest tamen per talem præscriptionem sufficienter probari, seu præsumi privilegium, ratione cuius tales decimæ iuste postulentur. Priorem partem probat mihi prioris sententiæ fundamentum; quia secluso privilegio, nunquam potest decima exigi iuste ab eo, qui non servit, nec laborat, quia decimæ intrinsece habent, ut sint stipendium spiritualis ministerii, & ideo non possunt aliter iuste peti, nisi ratione concessionis, vel donationis a domino, vel dispensatore factæ, quam nomine privilegii comprehendimus. Sed in eo casu constat, talem personam, vel monasterium non accipere decimas, ut stipendium, quia supponimus non suscepisse in se onus ecclesiæ, seu beneficii, sed tantum commodum; ideoque non habet ibi locum ratio stipendii: ergo non possunt aliter iuste peti, nisi ratione privilegii. Neque sub alio colore potest valere præscriptio, quia per actionem injustam non potest præscribi: & petere decimas non ministrando, & sine concessione speciali, seu privilegio nunquam potest esse licitum. Neque in hoc potest præsumi bona fides, quia continet tam claram iniustitiam, ut nullo alio titulo colorari possit. Et ideo non procedit contra hanc partem fundamentum prioris sententiæ, quia hic non est necessaria specialis prohibitio talis materiæ præscribendæ, quia modus ille præscribendi intrinsece continet iniustitiam, & excindit bonam fidem. Neque etiam confirmatio quicquam probat, quia licet quicquid præscriptione acquiri potest, possit etiam privilegio concedi, non tamen e contrario convertitur, ut aperte probatur ex cap. *Accedentes*, de præscriptione, ubi dicitur, posse aliquem privilegio eximi a procuratoribus pro visitatione solvendis, & non posse eximi præscriptione longissimi temporis; non ergo quicquid privilegio obrineri potest, potest etiam præscriptione. Et ratio est, quia posito privilegio interdum fit iuste, quod sine illo bona fide fieri non potest, quia non habet locum præscriptio.

9 Hinc vero probatur facile altera pars, quia si privilegium sit, vel existimetur esse, tunc potest bona fide inchoari, vel saltem continuari consuetudo exigendi decimas; ergo tunc nihil oberit, quo minus possit præscribi illo modo, quia persona est capax, & habet locum bonæ fidei possessio. Tunc autem præscriptio non est propria præscriptio rei, seu iuris, sed est quasi præscriptio privilegii, seu talis præsumptio eius, quæ & conscientiam reddat securam, & det actionem, & ius etiam in foro exteriori; sicut supra dicebamus, hoc modo posse etiam laicos probare consuetudine privilegii obtinendi decimas, etiam si non possint aliter probare. Est tamen differentia, quia sicut privilegium non dat laicis ius proprium spirituale decimarum, sed solum facultatem ad temporalem utilitatem de licentia ecclesiæ capiendam, ita nec illa consuetudo plus ostendit. In religiosis autem, quia per privilegium dari eis potest ius etiam decimarum, idem potest consuetudine probari, si in modo consuetudo exigendi decimas sint sufficientia signa talis iuris, & quod illæ decimæ petantur tanquam debitæ ex proprio, & intrinseco spirituali iure. Quod maxime iudicari poterit, si monasterium, in quo est talis consuetudo, se agnoscat obligatum ex iustitia ad aliquod ministerium spirituali ratione talium decimarum. Hinc vero constat, ad hoc genus præscriptionis, vel consuetudinis necessarium esse in memorialem morem, juxta dicta supra de laicis; nam quoad hoc est eadem ratio, nimirum quod in hac consuetudine non potest allegari, & ostendi titulus, præter privilegium ipsum, de qua dubitatur, & sola consuetudo ostenditur, & alioquin res, de qua controversatur, est contra ius commune; ergo necessaria est immemorialis consuetudo ad plenam ostensionem, & quietem conscientie, iuxta decisionem cap. 1. de decimis in 6. & alia, quæ videri possunt in Covar. dicto cap. 17. numer. 7. & aliis supra relatis.

1 Hæc est tertia principalis circumstantia in decimarum solutione observanda, quæ pertinet ad circumstantiam *quid*, seu *circa quid*, & inde etiam pendet scire, quanta decimarum quantitas sit solvenda. Nam licet quoad quantitatem partis aliquorū singulorum fructuum constet debere esse decimam stando in communi jure, tamen quantitas omnium decimarum pendet ex multitudine, vel paucitate rerum, ex quibus solvendæ sunt. Et quia hæc quantitas, & circumstantia maxime pendet ex modo supputandi fructus, ex quibus decimæ solvendæ sunt, ideo de hoc etiam modo in discursu dicemus. Quia vero in multis loquendum est aliter de prædiali, quam de personalibus decimis, ideo prius expediemus, quæ ad personales pertinent, postea de prædialibus dicemus.

2 De personalibus ergo decimis generaliter dicendum est, stando in jure communi ecclesiæ solvendæ esse ex omnibus lucris, quæ quovis modo vere, ac iuste acquiruntur. Est communis sententia omnium, quos referemus, & sumitur ex verbis Augustini: *De militia, de negotio, de artificio redde decimas*: præmiserat autem: *Si tardius dare peccatum est, quanto peius est non dedisse?* ostendens esse præceptum. Habetur in c. *Decima*, 16.7. Expressius, ac generalius id traditur in c. *Ex transmissa* de decimis: *fidelis homo de omnibus, quæ licite potest acquirere, decimas erogare tenetur*; & in c. *Non est*, eodem de negotiatione, de ipsa etiam militia, & venatione, & omnibus bonis. Ratio ergo huius tam generalis obligationis est ecclesiæ præceptum: congruentia autem nunc fit, quia non est maior ratio de uno lucro, quam de alio, cum de omnibus honorandus sit Deus.

3 Ut autem hæc generalis regula explicetur, nonnulla circa illam inquiri possunt. Primum est, an de omnibus licite acquisitis debeatur hæc decima, vel aliqua limitatio, vel declaratio adhibenda sit. Ratio autem dubitandi est: primo, quia multa acquiruntur per liberalem donationem aliorum, vel per legatum, aut hereditariam successionem, ex quibus non est verisimile, deberi decimas, alias facile bona omnia pervenirent ad ecclesiam. Item, quæ aliquis requirit ex propriis laboribus, tanquam iusta illorum stipendia, iustissime acquiruntur: & tamen durissimum est obligare omnes ad solvendas decimas suorum stipendiorum, alias advocatus ex mercede, lector ex cathedre stipendio, & omnes similes decimas ex his lucris deberent solvere. Quod videtur injustum onus: nam qui vendit equum, vel triticum suum iusto pretio, non tenetur solvere ecclesiæ decimam: ergo nec ille, qui vendit laborem suum iusta æstimatione, quod fit, quoties pro opere merces accipitur. Simile argumentum sit de militibus: cur enim decimas solvent stipendio, quo vix possunt sustentari. Dices: solvant saltem de præda. Contra; ergo tenebitur princeps decimam partem terrarum, quas in bello iusto acquirit, ecclesiæ dare, quia tenetur decimam solvere. Accedit; quia modus ille lucrandi in bello multis est periculis plenus, & quod hodie ab hoste accipitur, paulo post duplicatum perditur: durum est autem prædam non accipere integram, & postea subire periculum amittendi illam non tantum integram, sed etiam duplam. Et hæc difficultas invenitur etiam in lucrativis per ludum, quantumcumque iustum, quia semper est dubia fortuna, ideoque non potest statim in lucrum computari; quod hodie per ludum comparatur, cras enim perditur: quod si lucrum antea obtentum postea amittatur, antequam solvatur decima, non videretur posse deberi. Quando ergo ex tali lucro oritur obligatio solvendi decimas? Denique si propter distributionem positam in cap. *Ex transmissa*, & similibus, de omnibus his lucris deberentur decimæ, etiam de omnibus bonis tam immobilibus, quam mobilibus denuo comparatis deberentur decimæ, quia in c. *Non est*, abso-

Exponitur quæstionis sensus.

Decime personales ex omnibus lucris solvendæ.

An aliquis limitatio adhibenda de consuetudine suas

Ratio dubitandi.

lute dicitur, deberi *de omnibus bonis*: id autem dici non potest, ut omnes fatentur: ergo nec alia regula certa est.

Spillitur
præcedens
conclusio

4 Respondeo nihilominus, ex vi juris communis de omni vero lucro ab homine acquisito deberi decimam, quia ita loquuntur jura, & ita intelligunt omnes, ut præter D. Th. & Theologos, ac Summistas, videri potest in Abbate, & aliis exponentibus illa jura, & late per Rebuffum d. tract. q. 8. a. n. 18. Et præterea quia non possumus dicere ex nullo lucro personali licito deberi decimam, quia est expresse contra jus, nec possumus cum ratione excipere unum porius, quam aliud; tum quia nulla est major ratio; tum etiam quia ubi jus non distinguit, nos distinguere non debemus sine alio jure, vel ratione cogente; ergo ex vi juris generalis est illa obligatio. Dico autem semper *ex vi juris*, quia consuetudine fere sunt istæ decimæ sublatae, & facile potuerunt consuetudine excipi aliqua lucra, & non alia, quia ipsa consuetudo derogat, vel minuit jus, & ita illa posita insurgit specialis ratio excipiendi. Interdum vero dubitari potest de aliquibus bonis, quæ de novo in nostrum dominium veniunt, an sint propria lucra, ut de lucro jura in hac materia loquuntur.

An pro-
pria lucra
sint, quæ
per dona-
tionem
acquirun-
tur. Pars
affirmati-
va.

5 Et hoc in primis postulatur in prima objectione posita de his bonis, quæ per donationem, vel aliam largitionem, vel testamentum, aut successionem necessariam, vel alio simili modo comparantur, an sint propria lucra, ex quibus decimæ debentur. Nam patet affirmantem simpliciter docuit Silvester verb. *Decima*, cum Hostiens. & aliis solum propter absolutam, & universalem locutionem juris de omni lucro, nam omnia ista obtinentur titulo lucrativo. Et hoc ipsum significant, qui dicunt ex omni lucro Castrensi, quasi Castrensi, adventitio, vel profectio deberi decimam, ut loquitur Rebuffus dicta questione 8. numero 2. cum Andr. Hispan. q. 12. Addi vero solet duplex limitatio. Una est de filio succedente Patri in hæreditate, vel non habente fructus, vel habente illos jam decimatos, quia tunc non censetur filius aliquid lucrari, sed possidere incipere, quod jure suum jam erat. Ita Glossa in cap. *Pastoralis*, de decimis, ver. *Quasi de lucro*, quam multi ibi sequuntur. Alii vero hanc exceptionem extendunt ad omnes ab intestato succedentes, quia illi sunt necessarii hæredes, & ideo non tam acquirunt, quam rem sibi debitam accipiunt: ita Glossa in cap. *Decima*, 16. quæst. 1. Secunda limitatio est, ut de solis mobilibus bonis decima solvatur, non de immobilibus etiam de novo per legatum, vel donationem acquisitis. Ita Glossa dicto cap. *Pastoralis*, quam ibi in hoc multi sequuntur, & Rebuffus dicta qu. 8. numer. ult. *Quia frugum* (inquit) *nomine res immobiles non veniunt*. Et quia si ex immobilibus decima deberetur, omnia fere immobilia bona ad ecclesiam pervenirent.

Pars ne-
gativa
proponi-
tur.

6 Aliorum autem opinio est de bonis nobis adventitibus per liberalem largitionem alterius, sive per donationem inter vivos, sive causa mortis, sive per legatum, aut institutionem hæredis, quantumvis extranei, non deberi decimas. Hanc sententiam bene defendit, ac declarat Valen. in sum. tom. 3. disp. 6. quæst. 5. p. 2. fuitque Alberi. ut Silvest. refert. Et in eam inclinat Innoc. in c. *Non est*, de decimis, qui refert fuisse opinionem antiquiorem, & Panor. in dicto cap. *Pastoralis*, ait non esse facile in hoc præcipitare sententiam, & tandem ait, standum esse consuetudini. Quem imitando assero, rem quidem esse dubiam, tamen in rigore juris satis probabile videri de sic acquisitis non solvi decimam: quia ex nullo iure hoc satis colligitur, & non sunt augenda onera sine jure cogente. Antecedens patet, quia ex jure solum habemus solvendas esse decimas ex frugibus, seu fructibus, aut emolumentis rerum immobilium, vel animalium, quod pertinet ad decimas prædiales vel ex laboribus nostris, vel ex acquisitis nostra manu, opere, seu industria, quod spectat ad personales. At illa bona, quæ nobis donantur quocumque modo, nec ad prius membrum pertinent, ut per se constat, nec ad posterius, quia non ex actione nostra nobis proveniunt, sed ex actione alterius in nobis recipiuntur, ut sic dicam; ergo.

7 Unde confirmari, ac declarari potest, quia si cur decimæ prædiales debentur ex fructibus prædiorum, ita personales ex fructibus personarum, qui fructus sunt actiones, & labores ipsius personæ, & lucra illorum: at quæ nobis donantur, neutro modo sunt fructus; ergo non sunt materia decimarum, Confirmatur secundo, quia si aliquo modo ex jure illa obligatio colligeretur, maxime ex generalibus locutionibus Canonum: inde autem non colligitur; ergo. Patet minor: nam in primis cap. *Non est*, &c. *De omnibus bonis*, non possunt tam late accipi, ut nullam declarationem admittant: alias etiam de immobilibus testamento nobis relictis decimas deberemus, quod ab omnibus reiicitur: sequela patet, quia etiam res immobiles sunt bona, quæ vere acquirimus, cum nobis donantur. Unde parum referret, quod non sint fruges, (ut Rebuffus argumentatur;) tum quia textus ille non dicit de omnibus frugibus, sed de omnibus bonis; tum etiam quia, si licet exponere de bonis, quæ sint fruges, vel fructus, etiam aliæ res mobiles, ut vasa aurea, & argentea, & vestes, & similes testamento nobis relictæ non sunt fruges, nec fructus; ergo etiam illæ non comprehenduntur sub illa generalitate. Videtur ergo illa locutio exponenda juxta subjectam materiam, & contextum de omnibus proveniuntibus, ut loquitur cap. *Tua nobis* de decimis: legata autem, vel donaria non dicuntur proprie proveniunt, quia non sunt redditus, & proveniunt idem est, quod redditus: unde nec eleemosynæ nomine proventuum, vel reddituum comprehenduntur. Et similiter quod dicitur in dicto cap. *Ex transmissa*, de omnibus, quæ homo licite potest acquirere, &c. active, (ut sic dicam) & non passive tantum intelligendum videtur, id est de his, quæ nostra actione, vel industria acquirimus, non de his, quæ a nobis acquiruntur ex sola quasi actione, vel donatione alterius, alioquin etiam immobilia comprehenderet: (ut dictum est) quia simpliciter dicit de omnibus, quæ acquirimus, & immobilia etiam acquirimus.

Confir-
matur
hec de
decimis.

8 Atque idem argumentum urgeri potest etiam contra aliam limitationem de acquiruntibus per successionem ab intestato, quia etiam illi acquirunt de novo: solum ergo possunt excludi, quia non per actionem suam acquirunt: nam quod acquirant ex debito, parum refert, nam etiam mercenarius acquirat rem sibi jam debitam ratione operis sui, juxta leg. *Qui operas*, ff. locati. Solum ergo constitui potest differentia, quia in mercenario lucrum fit debitum per actionem ejus, in hæreditate ab intestato nascitur jure sanguinis, quod jus partim humana lege, partim ex voluntate defuncti (saltem negative se habente, non constituendo alium hæredem) provenit, quando successio non est necessaria omnino, ut in filio, &c. Quæ differentia parum ad præsentem materiam facit, nisi supponamus non de omni lucro quocumque modo nobis adveniente, sed de comparato per propriam actionem decimam deberi. Nam si de bonis mere ab intrinseco provenientibus deberi potest, quid refert, quod illa bona nobis debeantur, & proveniant ex sola voluntate testatoris positiva, & iure extraneo, vel quod proveniant jure hæreditario virtute legis, absque interveniunt voluntatis defuncti. Immo etiam in successionibus filiorum est parva differentia, quia illi etiam revera acquirunt de novo hæreditatem per mortem patris: licet antea haberent jus ad illam magis intrinsecum, & necessarium.

Augetur
argumen-
ti vis.

9 Tandem confirmari potest; quia alias ex eleemosynis, quæ nobis conferuntur, teneremur decimasolvere: consequens videtur absurdum; ergo. Sequela patet, quia etiam acquisita per eleemosynam sunt bona quædam, ut per se constat, & sunt licite comparata, ut etiam est clarum, quia excludimus omnem fictionem, & violentiam; ergo in rigore comprehenduntur sub illis generalibus locutionibus jurium, si nullam limitationem admittant. Consequens autem illud absurdum esse, constat ex sensu omnium, nullum enim Doctorem legi, qui diceret, ex eleemosynis decimam deberi. Nec in jure

Ergo
refellitur.

jure invenitur verbum, in quo id fundari possit, neque fuisset conveniens pauperibus mendicantibus, seu ex eleemosynis viventibus tale onus imponere. Unde licet canones interdum dicant, religiosos debere decimas ex laboribus, vel fructibus, nullibi tamen indicatur, eos debere decimas ex eleemosynis etiam attentio jure: ergo non de omnibus, quæ liberaliter nobis dantur, decimas debemus. Quod si quis forte dicat, de eleemosynis non exigi decimas, vel quia necessarie sunt pauperibus, quibus dantur, vel quia pro minimis reputantur, & de minimis lucris non exiguntur decimæ, quia minima in generali locutione non computantur. Respondemus, non minus esse necessariam mercedem pauperi mercenario, vel stipendium militi, quam eleemosynam mendicanti; ergo quoad hoc est eadem ratio. Nec est dissimilis in quantitate, nam in utroque lucro invenitur & parva, & magna quantitas, & licet eleemosyna unius diei sit parva, cumulus totius anni efficit magnam quantitatem, quod etiam in mercede operum reperitur: & sæpe etiam per unam tantum eleemosynam magna quantitas confertur. Non est ergo illa vera differentia, sed quæ ex modo acquirendi per propriam industriam, vel per alterius tantum voluntatem insurgit. Nam jura loquentia de decimis, solum de acquisitis priori modo loquuntur, & illa vocantur propria lucra negotiationum, emptionum, ac venditionum, & aliarum actionum, de quibus plane loquuntur dicta iura, & c. *Pastoralis*, de decimis, ibi, *Quasi de lucro*.

Quando
res doni
tur cum
fructibus,
quid fa-
ciendum.

10 Atque ex his satis responsum est ad fundamenta aliarum opinionum, solum oportet advertere, quando res fructiferae sive immobiles, sive se moventes testamento, aut legato, aut successione sanguinis, aut alia donatione ad aliquem transeunt cum suis fructibus, considerandum esse, an illi fructus collecti sint, necne. Nam si non sint percepti, clarum est, ex illis deberi decimam suo tempore ab eo, in cuius dominium, & possessionem talia bona transeunt; tum quia transeunt cum onere suo, & ex illis fructibus debetur ecclesiæ decima debito reali; tum etiam quia illi fructus percipiuntur ab illo ultimo possessore ex rebus, & bonis suis, & ideo comprehenduntur in omni proprietate, & rigore sub decimis prædialibus, & verbis Canonum. Item ex fructibus in futurum producendis clarum est, solvenda esse decimam; ergo & de illis, licet iam essent nati, quia a principio nascuntur cum illa obligatione. At vero si fructus iam erant percepti, quando in alterius dominium transeunt, considerandum ulterius esset, an essent ex illis decimæ solutæ ante mortem testatoris, vel ante donationem: nam si non erant solutæ, solvendæ sunt, propter eandem rationem, ut latius videbimus capit. sequ. At vero si decimæ iam erant solutæ, non est alia decima solvenda ex reliquis novem partibus fructuum, quæ in horreis, vel cellariis inventiuntur, solum propter novam acquisitionem illarum per donationem, vel testamentum, quia iam illi non habent onus reale, nec eis debetur decima prædialis, ut per se notum est, cum iam fuerit soluta, ut supponitur. Nec personalis etiam debetur propter omnia dicta. Unde illi iam non habent rationem fructuum, vel proventuum, sed perinde se habent, ac res aliæ mobiles, & usu consumptibiles, pretio comparatæ a testamento, vel donatione, de quibus nullas decimas debet, qui dono, vel hæreditario iure illas recipit, ut dictum est.

CAPUT XXXII.

An aliqua propria lucra sint ab onere decimarum exempta.

Hanc questionem propono propter objectiones factas in superiori capite, & exemplis, quæ in eis adducuntur, quibus non obstantibus, dicendum est, in rigore iuris nihil esse excipiendum de propriis lucris per actionem, & industriam hominis comparatis. Quia & generalia verba iurium, & specialia, quibus illam obligationem applicant ad nego-

Suarez Tom. XII.

tiationem, piscationem, venationem, militiam, lucrum, venditionem, & artificium, non permittunt, quin omnia similia lucra comprehendantur absque exceptione. Dico autem, in rigore iuris, quia consuetudo potuit illud mutare, ut supra visum est, & de facto mutavit, ideoque consuetudo semper consulenda est, ut omnes docent: ad iudicandum autem de consuetudine oportet scire, quale sit ius. Probatum ergo assertio inductione: nam miles debet decimam ex stipendio, quia ius dicit de militia, & militia tam comprehendit lucrum stipendii, sicut lucrum iustæ prædæ, ut norant Cardinal. & Panor. in dicto c. *Non est*. Eadem ratione advocatus ex lucris sui patrocinii decimis solvendis obnoxius est, nam eadem est ratio: unde militibus comparantur, & militare dicuntur in leg. *Advocati*, c. de Advocatis divers. jud. in priori titulo. Eademque ratio est de publico Doctore quoad stipendium cathedræ, & de iudicibus, & omnibus aliis similibus.

2 Nec in hoc genere obligationis, & præcepti est nimis rigor, vel præter æquitatem, quia cum non minus fructus laborum nostrorum sint a Deo, quam fructus terræ, non minus decet, ut ex illis Deum colamus, quam ex istis: cumque ministri ecclesiæ suas operas in spirituale bonum fidelium impendant, iustum etiam est, ut de fructibus quasi carnalibus operum eorumdem fidelium participant. Et ideo non est simile de venditione rei per iustum pretium, quando ex illa non capitur novum lucrum: at si cum novo lucro vendatur, & ad hoc ordinetur talis rei acquisitio, & venditio, etiam ex illo lucro solvenda erit decima, iuxta cap. *Pastoralis* de decimis, & ita servatur proportio. Eo vel maxime quod proprie non dicitur quis vendere, sed locare operas suas, vel se ad operas suas: sicut e contrario dicitur paterfamilias conducere operarios in vineam Matth. 20. Ex locatione autem rei fructifera decima solvitur, ut mox videbimus. Quod vero addebatur de paupertate militum, vel aliorum mercenariorum locantium operas suas: non habet hic specialem difficultatem, sed communem supra tractatam, quomodo pauperes obligentur ad decimas solvendas. Et iuxta ibi resoluta dicendum hic est, accidentarium esse, quod lucra sint tam tenuia, & persona adeo indigens, ut indigeat omnibus, quæ lucratur ad suam sustentationem: tunc enim merito excusabitur; præceptum autem de se obligat, & generalius est. Ad c. autem *Extransmissa*, & non est, satis in superioribus dictum est, ex quibus facile expeditur cetera, quæ ibi tanguntur.

Non esse
hoc præ-
ceptum æqui-
tatem.

3 Circa decimas vero ex militia solvendas petitur ibi, an extendantur etiam ad prædæ. Et sane affirmandum est, quandoquidem præda in maximam partem lucri computatur, & cum obtineatur post comparatam victoriam, maxime postulat gratiarum actionem, & recognitionem divini beneficii. Unde Abraham de omnibus spoliis victoriæ decimas obtulit Melchisedech Genes. 14. & ad Heb. 7. Quo exemplo maxime ostenditur initium, & religio harum decimarum personalium, ut noravit Concil. Mogunt. in c. *Decimas*, 16. q. 7. Rursus vero postulatur ibidem, an ex rebus etiam immobilibus in bello captis decimæ debeantur. Ad quod iuxta doctrinam Glossæ, & aliorum supra relatam responderi potest, simpliciter non deberi, quia ex rebus immobilibus non debentur decimæ: & potest ad hoc induci dictum c. *Pastoralis*, quatenus ibi significatur ex domo ædificata non deberi decimam, donec vendatur, & lucrum accrescat.

Decimas
solvendas
esse ex mi-
liis.

4 At vero questio illa generaliter proponi potest de quacumque re immobili acquisita per modum lucri per propriam actionem, an ex illa debeatur decima, ut verbi gratia, si pro labore tanti temporis, nimirum septem annorum talis domus detur, vel quid simile. Et tunc certe non video, cur ex tali lucro non debeat decima personalis. Quia hæc non solum debetur, quando lucrum est pecunia, sed etiam si sit triticum, vel ovis, vel aliquid simile, quia qualitas rei accidentaria est, & quia tunc illa res subit locum pecuniæ, seu pretii, idem ergo est, etiam si pro mercede detur res immobilis. Et hoc etiam suadent multa ex argumentis factis, quia iura indistincte lo-

Quid ten-
dum
de rebus
immobili-
bus.

quantur. Nec obstat cap. *Pastoralis*, ibi enim non debebatur decima ante venditionem domus, non quia illa esset res immobilis, sed quia nondum erat contractus lucrativus consummatus. Idem enim erit in rebus mobilibus, seu se moventibus; nam si quis ad negotiandum emat agnos, ut illos nutriat &c. non debet decimam lucri, donec vendat illos, & lucretur, quia antea non est consummatus contractus, nec fructus lucri perceptus. Et idem est in emptione, & venditione quatumcumque mercium. At in præsentii si vinea detur in mercedem, & stipendium operis, consummato opere, & accepta vinea, contractus, & lucrum consummatur; cur ergo non debebitur decima? Credo igitur deberi, sed non necessario in eadem specie, id est in parte rei immobilis, sed sufficit dare in æstimatione, & pretio, quia hoc est per se in tali lucro: aliud est per accidens. In casu autem illo particulari de bello, regulariter non debetur talis decima, quia cum bellum debeat esse iustum, si terræ hostium occupantur iuste, id est, (regulariter loquendo) vel quia occupantur, & accipiuntur ut propriæ, vel quia accipiuntur in recompensationem iustarum expensarum, vel in pœnam iustam, & recompensationem injuriæ allatæ; his autem causis intervenientibus illa bona non computantur in lucro, & hanc sententiam tenet Abulensis supra q. 159. in fine.

Ex ludo licito deberi decimas.

5 Præterea petebatur in illis obiectionibus aliud dubium de lucro ex ludo comparato, an debeatur ex illo decima. In quo distingui potest de ludo illicito, vel licito: nam de illicito iudicandum est per regulam cæterorum lucrorum ex actionibus illicitis, de quibus in puncto sequenti dicemus. De licito autem ludo non videtur dubium, quin per se loquendo decimæ debeantur ex illius lucro. Quia ille est quidam contractus licitus, & lucrum est iustum, nullique restitutioni obnoxium, & est verum lucrum ex actione, & industria hominis proveniens: licet enim sæpe interveniat fortuna, seu contingentia eventus, hæc fere nunquam excluditur ab his lucris, & negotiationibus humanis, & quod sit major, vel minor, parum refert ad veram lucri rationem, quando actio, & industria hominis intervenit. Quamvis ergo iura de hoc lucro in specie non loquantur, quia communiter turpe reputatur, includunt tamen illud sub generali ratione lucri, quoties iustum esse contigerit. Auctores etiam illud non excludunt, quamvis in specie non attingant. Tandem petebatur ibidem, quomodo ex his lucris peti possit decima, cum semper sint quasi in fieri, & in dubio eventu; sed hoc magis spectat ad questionem, quando solvenda sit hæc decima personalis, de qua dicam in sequentibus.

An per sonales decimæ debeantur de rebus illicitè acquisitis. Dupli- ter ali- quid ac- quirere illicite.

6 Tandem! inquiri solet de his personalibus decimis, an debeantur de rebus illicitè acquisitis. Duobus autem modis potest aliquid illicitè acquiri. Primo contra iustitiam commutativam, ut per furtum, per usuram, per venditionem ultra iustum pretium: & huc spectat omnis acceptio, in qua non comparatur dominium lucri acquisiti, etiam si non videatur esse contra iustitiam, ut sunt acquisita per simoniam, quæ religioni opponitur, vel per quamcumque largitionem ita lege prohibitam, ut domini translatio per legem impediatur, licet illa acceptio non sit contra iustitiam commutativam, (quia dans non supponitur invitus) sed contra obedientiam, vel iustitiam legalem esse videatur, tamen hæc omnia sub uno capite comprehendimus, quia de omnibus eadem est ratio. Et quia fortasse supposita lege prohibente, & impediante translationem domini, illud lucrum non acquiritur moraliter loquendo sine iniuria, quia licet dans non sit simpliciter invitus, tamen moraliter cogitur, & præterea, quia licet consentire videatur, lex irritat ejus voluntatem. Secundo potest aliquid illicitè acquiri sine iniuria verum, ac firmum dominium rei acquirendo, per vitiosam tamen actionem contra temperantiam, vel aliam similem virtutem.

De rebus iniuste acquisitis non debetur decima.

7 Dicendum ergo in primis est, de acquisitis illicitè, id est, iniuste, ita ut lucrans vel non acquirat dominium rei, vel ad illius restitutionem teneatur, non debetur decima, nec ab ecclesia accipi posse. Hoc significavi in generali regula, cum dixi, *vere, ac iuste*

acquiruntur; nam quorum dominium non acquiritur, vere non acquiritur, & quæ obnoxia sunt restitutioni, non acquiritur iuste. Et in hoc sensu accipiendum est verbum *Licite*, possum in cap. *Ex transmissa*, ut ibi Glossa explicat, & omnes, & D. Th. dicta quæst. 87. artic. 2. ad 2. Et ibi omnes Theologi, & omnes Summistæ. Ratio autem est clara: quia si lucrans non acquirit rei dominium, non potest de illa disponere, nec alienare, ergo nec potest eam, aut partem ejus ecclesiæ tribuere. Item si ita rem usurpat, ut eam teneatur restituere, revera non lucratur, quia illa sic acquisita non computatur in bonis ejus, ut ait iurisconsultus in leg. *Si fratres*, §. ultimo, ff. pro socio, & leg. *Non possunt*, ff. de iure fisci. Dices, qui accipit pretium, ut alium occidat, contra iustitiam commutativam peccat; & tamen inde tenetur decimam solvere, quia vere ditior factus est: similiter mulier conjugata, quæ propter adulterium mercedem accipit, contra iustitiam peccat, & nihilominus tenetur ob eamdem causam. Item qui seminat in alieno agro contra voluntatem domini, & fructus colligit, tenetur ex fructibus decimam solvere, licet contra iustitiam peccaverit. Et similiter qui seminat triticum furto sublatum, contra iustitiam peccat, & tamen ex fructibus decimas debet, ut D. Thom. supra docet; Gloss. Innoc. & omnes in d.c. *Ex transmissa*. Denique Glossa in cap. *Decima*, 16. quæst. 1. verb. *Negotiatio*, docet a fure, & raptore bene peti decimam, propter possessionem, & quia decima sequitur quemlibet possessorem: *alioqui* (ait) *esset prædo melioris conditionis, quam bonæ fidei possessor*.

Satisfit.

8 Respondeo ad priorem partem, cum dicimus ex lucratiōe iniusta non deberi decimam, intelligi formaliter de lucratiōe, quæ in se continet formaliter iniustitiam respectu eius, a quo res lucrata subtrahitur, & iniuste accipitur, de tali enim lucro procedunt rationes factæ. At vero in casibus, qui obijciuntur, acceptio mercedis pro occisione, vel adulterio non continet in se formalem iniustitiam respectu dantis mercedem, sed est actio causaliter iniusta respectu eius, qui occiditur per assassinum, vel respectu mariti in uxore adultera; & ideo non est in illis casibus similis ratio. Nam in illis revera comparat malefactor dominium sui stipendii, & non tenetur illud restituere danti, si opus præstitit, quod, ut est quidam corporalis labor, æquivalet stipendio, licet ad iniustum opus applicatus sit. Ad alteram vero partem respondetur, illas decimas, quatenus debite sunt, non pertinere ad personales decimas, sed ad prædiales, quia debentur ex fructibus terræ, & ita non debentur ex actione iniusta, ut sic, nec ex re male parata, sed ex re a Deo producta ex ipsa terra, quæ cum illo onere nascitur. Unde (ut supra dicebamus) debitum talis decimæ reale est, non personale, nisi ratione rei; nec per hoc fit iniuria domino agri, si erat alienus: quia ipsemet teneretur decimas solvere, si fructus illos perciperet, & terra semper relinquitur sub dominio eius; & si quid illi deberetur propter iniustam detentionem, & usum terræ, ex novem partibus fructuum satis superque satisfieri potest. Et similiter licet triticum seminarum furto esset ablatum, nulla sit creditori iniuria, exigendo fructuum decimam, quia non est ille dominus omnium fructuum, nec illi debentur, sed solum quod furto sublatum fuerat, cum satisfactione pro lucro cessante, vel damno emergente ex iniusta detentione, quod totum ex residuis fructibus sublata decima satisfieri potest. Ad Glossam respondeo, aut loqui de decimis prædialibus, iuxta hæc, quæ proxime diximus, (ut illa non allegata) tacite indicat Abbas in cap. *Pastoralis*, de decim. num. 3. Vel certe posset intelligi, a fure, & raptore peti posse decimam, non ut ecclesia illam retineat, sed saltem ut eam partem vero domino recuperet. Quicquid vero sit de sensu eius, ipsius rationes nullius momenti sunt, quia fur, & prædo vere non possidet, sed facto detinet rem alienam, de re autem sic detenta non debetur decima. Nec propterea est melioris conditionis prædo, cum rem totam teneatur vero domino restituere.

9 Secundo dicendum est, de acquisitis non iniuste

De acqui-
sitis non
injuste et
iam si tur-
piter, de-
beri decim-
as.

ste deberi per se loquendo decimam, etiam si alias turpiter acquisita sint. Ita sumitur ex D. Thom. supra, & ex his, quæ tradit Sylvester cum Hostiens. verb. *Decima*, quæst. 6. Exempla sunt in meretrice, histrione, & aliis supra adductis. Ratio vero est; quia licet hæc sint turpiter acquisita, tamen sunt vere, & firmiter lucrata, id est, cum acquisitione domini, & sine obligatione restituendi; ergo comprehenduntur sub regula generali decimarum personalium. Item hic habet vim illa ratio, quod non debet esse melioris conditionis turpis lucrator; nam consequetur lucrum totum sine onere decimæ, solum propter suam turpitudinem; ne videatur ergo commodum de sua malitia reportare, ut dicitur in cap. *Intelleximus*, de iudiciis, æquum est, ut solvat. Optimum exemplum est in milite stipendiario in bello injusto, nam ex stipendio debet decimam, quia licet sit turpe lucrum, non est injustum respectu dantis, nec tenetur illud restituere; ex præda autem non debet decimam, quia est lucrum injustum respectu ejus, a quo subtrahitur, & non potest retinere illud, sed totum tenetur restituere. Dixi autem *per se loquendo*; quia si sequatur scandalum, vel indecentia ecclesiæ ex acceptance talis decimæ, tunc ecclesiæ non recipit illam, ut quando delictum v. gr. meretricis publicum est, & consequenter talis meretrix excusatur tunc a decima solvenda, non quia illam, quatenus est ex se, non debeat, sed quia cum ecclesiæ illam nolit, consequenter eam remittit. Dicunt autem aliqui, debere tunc meretricem dare illam pauperibus, vel infundere in alia opera pia. Quod potest esse bonum consilium, ut a Deo impetret auxilium ad respiciendum; tamen ex vi præcepti decimarum ad id non tenetur, quia præceptum a principio ad hoc non obligabat, nec ecclesiæ dum non acceptat, seu remittit decimam, imponit de novo illam obligationem.

10 At vero si peccatum fuit occultum, & sine scandalo potest recipi decima lucri, & peccator tenetur illam dare, & parochus potest accipere, etiam si delictum noverit, quia nulla lege prohibetur, nec aliud incommodum sequitur. Immo addit Divus Thomas, quod etiam a peccatore publico, postquam poenitentiam egit, & de vitæ mutatione constat, possunt decimæ ab ecclesiâ recipi, etiam de anterioribus lucris. Idemque affirmat Sylvester cum Raymund. & Innoc. non tamen declarat, an in eo casu teneatur meretrix post conversionem suam omnium priorum lucrorum decimas nunquam solutas ecclesiæ reddere, & quasi restituere. Ego tamen existimo, non teneri; tum quia jam illas ecclesiâ remisit; tum etiam quia non est verisimile, velle his peccatoribus hanc obligationem imponere, quæ ipsorum conversioni magno impedimento esse posset. Denique quia hi peccatores potuissent antea illas decimas consumere sine injuriis ecclesiæ, nec tenebantur illas conservare, ut in sua conversione, vel in fine vitæ illas darent; ergo si per accidens illas conservaverunt, sibi retinuerunt. Addit præterea Soto nullibi solvi has decimas; sed ille de consuetudine loquitur, nos de jure.

CAPUT XXXIII.

An decimæ personales integræ solvendæ sint, vel deductis expensis.

An hæc decimæ solvendæ deductis expensis.

Ratio dubitandi.

1 Certum quidem est, illas decimas, quæ debentur, integras deberi solvi juxta cap. *Tu nobis*, cap. *Commissum*, cum similibus de decimis. Quia ipsa ratio justitiæ non permittit de solutione rei debitæ subtrahere, & contra religionem specialiter est, aliquid ex decimis, quæ speciali modo Deo debentur, suffragari. Nihilominus tamen merito queritur, an hæc integritas in præsentī materia spectari debeat in parte decima lucri, quod superest deductis expensis, vel simpliciter. Et ratio dubii esse potest, quia decimæ prædiales integræ persolvendæ sunt ex omnibus fructibus, nihil ex illis prius deducendo, ut infra videbimus; ergo & ex personalibus. Patet consequentia, cum a paritate rationis, tum ex cap. *Non est*; ubi prius proponitur ex sententia sanctorum Patrum, decimas esse solvendas de vino, agro, fructibus, & ad-

ditur, *negotiatione, militia, venatione*, & ita prædiales, & personales comprehenduntur; & tamen subjungitur: *Præcipimus, quatenus antequam deducatis ullas de bonis prædictis expensas, decimas cum integritate persolvatis*; ergo hoc præceptum etiam ad personales extenditur. In contrarium vero est, quod in dicto cap. *Pastoralis* dicitur, *in negotiatione concessum esse, ut possint expensæ deduci, priusquam decima solvantur ex lucro*. Et ideo ibidem subjungitur circa res acquisitas, vel factas de pecunia decimata, *Cum ipse venduntur, deducendas esse expensas, & de residuo, quasi de lucro decimas persolvendas*; ergo idem dicendum est de omnibus decimis personalibus, quia omnium est eadem ratio.

In decimis personalibus deducendas esse expensas.

In hac ergo re communis consensus omnium Doctorum est, expensas deducendas esse ante solutionem decimarum personalium. Ita docet indistincte Glossa in cap. *Apostolica*, de decimis, verb. *Personales*. Item Glossa in dicto cap. *Non est*, & in cap. *Pastoralis*, ubi in hoc conveniunt Innocent. Hostiens. Anton. Panormitan. & ceteri, Rebuff. qu. 11. nu. 4. & 6. Ratio præcipua est, quia ita ecclesiâ declaravit suum præceptum, est autem hæc declaratio antiquior, quam sit cap. *Pastoralis*; nam in illo refertur tanquam jam facta illis verbis: *Sicut est in negotiatione concessum*. Advertit tamen ibi Glossa, non inveniri jus scriptum antiquius illo capite, quo talis declaratio facta sit, sed vel consuetudine recepta, vel ratione cogente communi interpretatione factum esse, & in illo cap. tandem fuisse approbatum, & ad jus deductum. Et quamvis textus ille solum de negotiatione loquatur, tamen Doctores absolute id extendunt ad decimas personales, quamvis ex multis aliis actionibus debeantur, quæ revera negotiationes non sunt, ut venatio, piscatio, artificium, & cæter. Colligi autem potest extensio tum ex paritate rationis, tum ex verbo illo ejusdem textus supra ibi, *de residuo quasi lucro*. Ex quo verbo sumunt auctores primam rationem hujus justissime moderationis, quia personalis decima precipitur solvi tantum de lucro. At in negotiatione non est lucrum totum pretium, pro quo venditur merces, sed id, quod superest, deductis expensis, ut constat ex ipsa appellatione lucri, & ex communi omnium sensu; ergo merito in solutione harum decimarum expensæ deducuntur. Et eodem modo induci ad hoc potest dictum cap. *Ex transmissa*, ubi decimæ dicuntur solvendæ ex omnibus licite acquisitis, at in negotiatione non dicitur homo acquirere, nisi quæ illi supersunt deductis expensis; ergo. Hæc autem rationes cum proportionem procedunt eodem modo in omnibus personalibus decimis, omnes enim debentur ex lucro, & ex acquisitis.

Assignatur ratio.

3 Aliam rationem tradit Glossa in dicto cap. *Pastoralis*, quia alias (inquit) *de eadem re bis decima solveretur*, quæ ratio ab Hostiens. & aliis approbatur, & fundamentum habet in eodem textu ibi, *acquisitas, vel factas de pecunia decimata*. Ideo ergo, quando res acquisitæ, vel factæ per talem pecuniam iterum venduntur negotiationis causa, non solvitur decima de toto pretio rei venditæ, ne prior pecunia bis decimetur, semel quia jam decimata supponitur, & iterum quando resultat ex venditione rei, ac propterea tantum *de residuo*, decima solvitur, de qua ratione plura inferius. Tertia etiam ratio redditur: *Ne clerici videantur improbi exactores, & ne discentur cum gravi jactura aliorum*, ut ex Hostiens. dicit supra Panorm. Quam rationem declarare possumus ex differentia inter fructus terræ, & lucrum negotiationis, vel alterius operis, quia in fructibus terræ ex uno nasci solent decem, vel quid simile; ex negotiatione vero, vel actione hominis vix ex decem unum accrescit, seu vix, quod accrescit, sufficit ad compensandas expensas (regulariter, & ut plurimum loquendo) quod leges humane considerant, & ideo intolerabilis esset exactio, si decimæ personales, non deductis expensis, postularentur.

4 Ex his ergo satis responsum est ad rationem dubitandi in contrarium, negando consequentiam, est enim longe diversa ratio de prædialibus decimis, de quibus postea dicemus. Ad dictum autem capit. *Non est*,

Solvuntur rationes dubitandi supra allatae.

est, responderi posset, illud jus fuisse antiquius, & revocatum fuisse in cap. *Pastoralis*, sed non placet; tum quia prius capit. ex Cœlest. III. posterius ex Innocent. III. refertur: fuit autem Innocent. paulo posterior; cum ergo ipse non statuatur de novo hoc jus, sed dicat fuisse concessum, non videtur verisimile, Cœlestinum contrarium statuisse: tum maxime quia rationes factæ ostendunt, tam magnum esse illud gravamen, ut non sit verisimile, aliquando fuisse ab ecclesia impositum. Dico ergo, quamvis illa verba in dicto cap. *Non est, antequam deducatis*, &c. videantur indifferenter cadere super omnes actiones superius numeratas, nihilominus ex necessitate materiæ, & ne sequatur absurdum contra aliam legem, restringenda esse ad decimas prædiales. Quam responsionem significat Glossa ibidem. Addi etiam potest, illa verba accommodanda esse ad materiam capacem; talis autem materia invenitur in fructibus prædiorum, ut per se constat, non autem in lucris humanarum actionum: quia non potest cognosci, an resultet aliud lucrum, necne, nisi prius deducantur expensæ; quando autem lucrum post computationem expensarum, est liquidum, & notum, jam non habet locum deductio expensarum, & ideo respectu lucri, ex quo solo decima personalis debetur, non sit in rigore deductio expensarum.

Quid sit in
expensis
computan-
dum.

6 Solum superest in hoc puncto explicandum, quid sit in his expensis computandum. Hoc declarat Rebuffus expressius, quam ceteri auctores his verbis: *Deducuntur expensæ factæ in mercibus emendis, quarendis, & vendendis, & in faciendo rem meliorem, etiam quæ data sunt mediatoribus, & similibus*. Sed interrogo, an deduci etiam debeant expensæ, quas ipsemet homo negotiator facit in sustentatione suæ personæ, & servorum. Item an miles deducere debeat expensas, quas militando facit in victu, vestitu, &c. Idem de quolibet mercenario saltem servitore interrogari poterit, & de avvocato, & doctore, & similibus, ut non intelligantur teneri ad integras decimas ex toto stipendio, sed ex solo residuo post convenientem sustentationem suam. Cur enim non omnia ista inter expensas computabuntur, quandoquidem vere insumuntur, & necessaria sunt ad præstandum laborem, seu opus, ex quo lucrum reportandum est.

Distinctio
recommo-
data;

Certe si hæc sententia vera est, multum allevat pondus harum decimarum, & plenissime satisfacit dubitationi supra propositæ, de tenuitate hujusmodi lucri, ut plurimum loquendo de mercenariis, & militibus, aliisque hominibus stipendiariis, qui vix solent suis stipendiis vivere, & expensas necessarias ad suum ministerium ex suis stipendiis facere. Vereor tamen, ne videatur nimia hæc restrictio, & diminutio harum decimarum: sicut enim fere nulli adeas solvendas obligarentur, nisi negotiatores, qui copiosa lucra acquirunt. Et ideo fortasse non displicebit distinctione uti: nam hi sumptus, qui sunt in alenda persona, & familia duplices considerari possunt. Quidam sunt, qui non causantur ex ipso ministerio, vel arte, sed vel per se necessario sunt, ita ut etiam sine exercitio talis artis, vel lucrativæ actionis excusari non possint, vel sunt ita voluntarii, ut sine illis posset optime talis negotiatio, vel actio fieri: alii sunt, qui præcisè propter tale ministerium sunt, & accrescunt (ut sic dicam) sumptibus necessariis per se ad propriam conservationem. Expensæ igitur in his posterioribus sumptibus consumptæ deducendæ sunt, & hoc probant omnia adducta: non vero illæ, quæ priori modo sunt, quia illæ revera non sunt expensæ, quæ propter lucrum faciendum fiant. Et potest distinctio sumi ex Glossa in leg. *Fructus*, verb. *Impensa*, ff. solut. matrim.

C A P U T XXXIV.

Ex quibus bonis prædiales decimæ solvenda sint.

Decimas
prædiales
solvendas

DE his decimis generalis regula statuitur, solvendas esse ex fructibus, seu proventibus, aut redditibus temporalibus rerum omnium tam immobi-

lium, quam se moventium. Ita sumitur ex cap. *Nuncios*, ibi *de omni fructu*, &c. *Ex parte*, 2. ibi, *de omnibus prædiorum fructibus*, & cap. *Ex transmissa*, ibi, *de omnibus, quæ potest acquirere*. Loquitur enim etiam de prædialibus decimis, ut ex conclusione capituli colligitur, & statim ostendetur, & capit. *Tua nobis*, ibi, *de cunctis omnino proventibus*: multaque sunt alia jura sub titulis de decimis, & 16. q. 1. & 7. Et conveniunt omnes Doctores supra dicta jura, & Theologi cum D. Th. d. q. 87. art. 2. Rationes vero sunt illæ, quæ supra de præcepto decimarum datæ sunt, propter easdem enim de omnibus fructibus datum est. Et quia istudatum fuit a Deo in lege veteri, & non debent fideles minus liberales esse erga ministros Dei in nova lege. Ac denique quia non erat major ratio percipiendi decimas ex quibusdam fructibus, quam ex aliis, cum omnes ex Dei munere proveniant, & ad sustentationem ministrorum Dei, & rerum necessariorum ad cultum ejus omnes possint esse necessariæ.

esse ex fructibus omnium rerum.

2 Hæc autem generalis regula variis exemplis illustratur in sacris canonibus; & in primis de rebus immobilibus passim nominantur prædia, & fructus eorum in dicto cap. *Ex parte*, & in specie *granum*, & *vinum*, in dicto cap. *Non est*, & in c. *Quicumque*, 16. q. 7. eademque ratio est de oleo. Generalius autem omnes fructus arborum in utroque textu adiunguntur, & in c. *Omnes*, 19. q. 7. dicitur, *sive de frugibus, sive de pomis arborum*, & in dicto c. *Quicumque*, additur, *aut de horto*. Sub grano autem in rigore juris palea comprehenditur tanquam accessorium sub principali: & quia etiam palea inter fructus computatur, ut Juristæ colligunt ex leg. *Adeo ff. de Acq. rer. Do.* licet ibi expresse non dicatur, sed solum ejusdem domini esse triticum, cujus erat spica. Inde vero colligitur, etiam paleam esse ejusdem domini, cujus erat spica, priusquam a palea divideretur. Notat autem Abbas in cap. *Pervenit*, de decimis nu. 3. decimam deberi ex manipulis segetum, prout metuntur ex terra, & in rigore ita esse decimandas, quia tota illa res, seu materia est fructus terræ. Et ita jura sæpe sub nomine segetum, vel messium loquuntur, ut in cap. *Ad Apostolica*; ergo licet post triturationem decimetur granum, idem jus manet in palea in rigore juris, licet consuetudo possit aliud introducere.

Exempla
apponuntur.

3 Præterea adduntur expresse legumina c. *Ex multiplici*, de blado, ait, & *universis leguminibus*. Et ibi præter legumina adduntur etiam minutæ decimæ, quæ de oleribus esse intelliguntur, & ideo etiam de his ex vi juris decimæ debentur: & hæc videntur etiam significari nomine *Hortorum*, cum de hortis decimæ solvendæ dicuntur, ut in cap. *Non est*. Præterea in dicto c. *Pervenit*, additur scœnum: & eadem ratio est de similibus. Adduntur etiam ibidem, *proventus molendinorum*, de quibus etiam in cap. *Ex transmissa*, & cap. *Pastoralis*, unde ulterius licet colligere, ex pensionibus domorum, quæ locantur, etiam si in pecunia solvantur, decimarum deberi, ut in eodem cap. *Pastoralis*, significatur, ubi & domus, & clibanus numerantur inter res, ex quarum fructibus decima debetur: idemque supponitur in cap. *Plerique*, de pactis, & in cap. *Commisum*, de decimis, ubi etiam additur, de pascuis solvendas esse, id est, de valore herbæ, si pratum ad pascendum locetur, vel si herba colligatur, & in fasciculos, vel saccos redacta vendatur: nam eadem ratio est de herba, quæ de scœno, & aliis rebus etiam si sint fructus maxime naturales, quia eos terra quasi sua sponte producit. Unde fit, ut etiam de lignis nemorum, quæ scinduntur, & pretio æstimentur, decima debeat, & de lapidibus pretio æstimabilibus, qui ex lapidicinis scinduntur, & de metallis, quæ ex terra eruantur: nam de omnibus his est eadem ratio. De his autem posterioribus dubitari potest, an sint personales decimæ, vel prædiales, de quo statim dicetur. Denique additur in cap. *Ex parte*, 2. de decimis: licet eadem terra plures fructus in eodem anno ferat, de omnibus esse decimas solvendas, quia omnes sub generali lege comprehenduntur.

4 Rursus quoad decimas mistas, seu ex animalibus varii fructus considerari possunt, de quibus varia etiam exempla in jure ponuntur, ex quibus alia intelligenda

Apponuntur exempla indecimis mistis.

genda sunt. Et in hoc ordine primum locum tenent greges ovium, & armenta bouum, de quorum fructibus solvenda est decima, & de lacte, caseo, lana, butyro, & similibus, cap. *Pervenit*, cum similibus, eod. Hæc enim omnia in fructibus pecorum computantur, §. *Item ea*, & §. *In pecudum*, Instituit, de rerum divis. Omnes autem fructus pecorum decimandi sunt cap. *Non est*, eod. & c. *Quicumque*, c. *Omnes*, 16. q. 7. ubi oves, & boves, & capræ in particulari numerantur: eadem tamen ratio est de equis, & jumentis, ac denique de omnibus, quæ sub pastoris virga transeunt, ut Scriptura loquitur. Præterea de fructibus animalium domesticorum etiam debentur decimæ, ut ex gallinis pulli, ova, & similia, hæc enim sub minutis decimis comprehenduntur, ut notavit Glossa 1. in cap. *Cum in tua*, eodem, & ita licet in particulari non numerentur, ex aliis colliguntur. Maxime quia in c. *Nuncios*, dicitur de apibus, & de omni fructu. Quod autem dicitur de apibus, quoad mel, & ceram intelligitur, nam hi censentur proprii fructus apum. De apibus vero ipsis, seu earum fructibus, qui in nova examina prodeunt, novisque alvearibus includuntur, non solet solvi decima. Sive hoc sit de rigore juris, quia nihil de hoc expresse dicit, sive quia apes tanquam feræ reputantur, ut dicitur in §. *Apes*, Instit. de rerum divis. Et ita non videntur earum fructus natura sua inter fructus computari, sed industria hominum capi, & in alveis includi. Et ideo si quid est emolumenti in ea captura, magis ad industriam hominis, quam ad naturalem procreationem pertinere censetur; ideoque si decima esset inde solvenda, potius esset personalis, & ita in consuetudinem abiit, præsertim quia res parvi momenti reputatur. Præterea in dicto cap. *Pervenit* numerantur *Piscaria*; nam ex piscibus in stagnis inclusis, & possessis decimæ debentur, si vendantur, vel si pretio locentur, ut in eis piscari possit. Et idem cum proportionem intelligitur de avibus, vel animalibus, quæ inclusa tenentur, & tanquam propria possidentur ad lucrosam capturam, vel locationem, nam est eadem ratio. Ex his autem non videtur solvi decima per genituram, & fructum, sicut in pecoribus, & fere in avibus domesticis sit, sed per capita, quando capiuntur, & interficiuntur, quia vix possunt alio modo decimari, quamvis in hoc consuetudo consulenda esse videatur.

5 Nonnulla vero explicanda supersunt. Unum est, quia ex dictis videtur sequi, ex eadem re sæpe esse solvendam duplicem decimam, quod Deus non præcepit, & ideo nec ecclesia præcipit, ut dixit Abbas dicto cap. *Non est*, & sumitur ex dicto cap. *Pastoralis*, eod. Sequela patet: nam si quis in silva cædua ligna cædat, ex illis juxta valorem, quem ibi habent, debet decimam, quia est quasi fructus illius nemoris, quem ex illo capit, & rursus, quando illa ligna vendit, debet decimam, quia aliquid inde lucratur. Similiter si dominus stagni piscatoribus locet stagnum, seu vendat facultatem ibi piscandi, de illo lucro debet decimam, quæ revera est decima piscium, & tamen piscatores ipsi etiam debent decimas ex captura illorum. Idemque est de venatione, & similibus. Sic etiam dominus prati ex pascuis solvit decimam, & tamen illam et herba virtute decimatur iterum in ovibus, quæ illam pavunt. Unde etiam fiet, ut si dominus prati proprias oves in eis pascat, nihilominus ex pascuis debeat unam decimam, & ex ovibus aliam, quod videtur durum. Aliud explicandum est; quia videntur in his interdum confundi decimæ personales, & prædiales, & ita ambiguum relinquitur, cui ecclesiæ solvendæ sint, juxta superius dicta. Assumptum declaratur, quia venatio, & piscatio inter personales decimas numerantur, & tamen decimus, de animalibus, vel piscibus captis interdecim debentur decimam prædialem. Idem de lignis cæsis ex silva, de lapidibus, & metallis cum eadem proportionem. Tercio quod de minutis decimis dictum est, explicatione indiget, quia videtur nimis rigor; cavendum est enim (ut supra dicebam,) ne clerici videantur improbi exactores, id autem sequi videtur, si ex singulis minutiis decimæ exigantur. Alias tenebitur unusquisque ex horro tantum habente olera ad suum usum, vel sicut ad suam voluptatem, & similia solvere decimas. Eademque difficultas est de colum-

bis, cuniculis, & similibus, quando ad proprium tantum usum, vel voluptatem domi educantur.

6 Circa priora duo dubia advertendum est in primis, quando lucrum aliquod resultat ex actione hominis, aliquando comparari ex sola actione, aliquando vero non solum ratione actionis, sed etiam ratione rei acceptæ. Prior modus consideratur in actione fodienti terram, vel inserviendi alio modo simili; secundus in venatione, piscatione, in lignis cædis, vel lapidibus, metallis eruendis, &c. Posset etiam tertium membrum addi de actionibus artificiosis, ex quibus aliquid factum, vel permanens resultat; sed hæc ad prius membrum reduci possunt, quia cum non computentur in lucro, nisi deductis expensis, totum lucrum videtur in actione, & industria positum, non in materia, in qua omnes expensæ insumuntur præter affectionem. Quando ergo lucrum est prioris generis, constat, totum esse fructum personæ, ac subinde tantum deberi unam decimam personalem. At vero quando lucrum est posterioris generis, potest ex ipsa re accepta augeri, & quoad hoc videndum est, an ex illo augmento decima debeat, & qualis illa sit, ut inde constet, cui solvenda sit. Est ergo considerandum ulterius, an res illa denuo capta, & lucrata antea esset sub alicujus dominio, necne; nam diverso modo est de illa censendum. Quando ergo res de novo capta, seu acquisita nullius antea erat, una tantum debetur decima totius lucri, quæ personalis erit, & consequenter ecclesiæ personæ reddenda; quando vero res erat alterius, vel tanquam pars, vel tanquam fructus, vel tanquam nutrimentum sui prædii, vel domus, tunc ex licito lucro duplex debetur decima, una prædialis, & altera personalis, ita tamen ut utraque non excedat decimam partem valoris totius lucri.

7 Exemplis res declaratur: nam per venationem, vel aucupium capi possunt aves, vel animalia, quæ antea sub nullius erant dominio, & per capturam efficiuntur capientis. Tunc ergo unum est tantum lucrum venationis, quod totum est capientis, & ratione illius unam debet decimam, quæ personalis est ex omnium sententia; tum quia non resultat ex prædio aliquo, neque ex re, quæ considerari possit ut adjuncta alicui prædio, vel domicilio; tum etiam quia, licet post capturam totum lucrum consistat in valore rei acceptæ, nihilominus totum censetur ortum ex actione personæ, quia cum res antea non esset sub humano dominio, non censetur, ut sic, habere valorem, neque esse pretio dignam. At vero quando quis venatur, aut piscatur animalia sub alicujus dominio existentia, tunc ex parte rei, & ex ipsa actione potest accrescere lucrum; nam dominus potest vendere jus venandi, aut piscandi, quod in re est vendere res illas secundum aliquem valorem, vel æstimationem, quam habent prius, quam capiantur, & tunc illud lucrum est quasi fructus talis possessionis, vel talium animalium, & ideo ex illo debetur decima prædialis, juxta regulam supra positam, & illam per se loquendo debet dominus talium rerum ecclesiæ prædiali. Per capturam autem crescit valor illius rei, & inde accrescit lucrum venatori; unde si vendat res captas, debet ex illo lucro decimam personalem, ac subinde computari debet deductis expensis, seu pretio, quod dedit domino fundi, aut stagni pro facultate venandi, aut piscandi, & talis decima personalis est, ut constat, & utraque simul non excedit decimam partem valoris integri rei captæ, ut facile consideranti patebit. Atque hæc regula habet etiam locum in lignis, lapidibus, metallis, & similibus, nam hæc omnia equiparantur in leg. *Item si fundi*, ff. de usu fructu, & in usu fructu fundi computari dicuntur, si illi adhæreant, & secundum prædictam regulam decimandæ sunt. Viderique potest Rebuffus dicta questione 8. numero 10. 14. 15. 16. 17. 23. & 24. In hoc tamen ultimo loco ait, decimam de argentariis, aut metallariis, ut personalem esse solvendam; sed intelligendum est, quando ad nullius fundi usum fructum pertinentis ad aliquam ecclesiam spectabunt, alioqui etiam est prædialis, sicut de lignis ipse statim ait numero 26. Ex dictis vero obiter colligo, ex partu ancillæ non esse decimam solvendam, quia ille non computatur in fructibus, ut di-

Doctrina
novanda
ad solven-
da diffi-
cultates
supra po-
sitas.

ut dicitur in §. *In pecudum* de rerum divis. & leg. *In pecudum*, ff. de Usur. Nec obstat, quod licet non in fructibus, saltem in redditibus computetur, juxta Glossam ult. in cap. *Generalis*, de Elect. in 6. Nam jura loquuntur de decimis, de fructibus loquuntur, & restringenda sunt, præsertim quia sæpe addunt *pecudum*, vel *animalium*, cap. *Nuncios*, & cap. *Non est*, eod. Sub illa autem appellatione non veniunt homines.

Solvuntur
aut diffi-
cultates.

8 Ex his ergo est responsum ad primum dubium; nam revera nunquam solvitur, nisi una integra decima, licet hæc interdum per partes solvatur, & una sit personalis, & alia prædialis, quia fructus ipse est quasi divisus inter duos, & ex diversis titulis. Et hoc tantum probant exempla ibi adducta. Solum in ultimo exemplo de pascuis advertendum est, decimam, quæ ex pascuis solvitur, & ex fructu ovium, quæ ex pascuis aluntur, utramque prædialem esse, non tamen ex eadem re, neque ex eisdem fructibus, ut per se constat. Quod autem oves nutriantur ex pascuis decimatis, valde remotum est. An vero dominus prati, qui non vendit herbam, nec locat pratum, sed in eo suas oves, vel alia animalia pascit, teneatur inde solvere decimam, juxta valorem pretii non facile dixerim: aliquem enim simpliciter negant, ut Azor libro 7. c. 35. q. 9. refert Panormit. in cap. *Commissum*. At ille solvendi dicit, de pascuis deberi decimam, & exponit, *id est, de pretio*. Statim vero addit, quod licet non vendantur, sed gratis alicui dentur, solvenda est decima; quia sicut non potest vendere nisi cum onere, ita nec donare, & quia ita est in aliis fructibus. Unde sumitur argumentum, idem esse, si consumantur pascua in nutriendis propriis animalibus; tum quia in aliis fructibus ita servatur, ut in tritico &c. herba autem est quidam fructus; tum etiam, quia eadem ratio est de consumptione, quæ de donatione, quia fructus nascuntur cum illo onere, & a nativitate (ut sic dicam,) decima pars est debita ecclesiæ; unde sicut donari, aut vendi non potest, ita neque consumi. Dices: ergo si quis habet propriam domum, debet decimam ex valore illius usus. Sed non est simile, quia usus non computatur in fructu, nec domus habet fructum necessarium, sed voluntarium.

Objectiones
occur-
runt.

Duplex
modus lu-
crandi in
pecudibus

6 De secunda difficultate nihil fere addendum occurrit; nam satis explicatum est, quomodo in exemplis ibi adductis personalis, & prædialis decima distinguenda sit. Solum occurrit advertendum circa decimas, quæ de pecudibus solvuntur, duplicem modum lucrandi in his animalibus intervenire posse. Unus est percipiendi fructus, qui ex illis nascuntur, ut sunt fetus, lana, & alii supra numerati. Et decimæ, quæ hinc solvuntur, inter prædiales computantur, ut sæpe diximus, & earum conditionem sequuntur, licet interdum in ista nominentur. At vero alio modo contingit lucrari ex his rebus per modum solius mercaturæ, & negotiationis, ut fit, cum armenta bovum in uno loco emuntur, & in alium transferuntur, ut carius vendantur, vel in eodem statu, vel melius nutrita, vel robustiora facta; qui modus negotiationis etiam in animalibus sterilibus locum habet, ut patet in multis. Ex hoc ergo lucro etiam debetur decima, sed illa personalis est, & leges illius sequitur, quia non est ex fructibus ipsarum rerum, sed quasi ex substantia earum, media industria, & negotiatione hominum unde ita se habent tunc talia animalia, sicut res aliæ inanimatæ, ac infructuosæ, circa quas talis mercatura exercetur. Et juxta hæc intelligenda sunt supra dicta de loco, ubi solvenda sunt decimæ horum animalium; nam intelligenda sunt de prioribus decimis, quæ sunt formaliter (ut sic dicam) de fructibus animalium, non de posterius, quæ sunt de mercatura, & negotiatione, in qua solum quasi materialiter animalia ipsa interveniunt.

Quid esse
geodum de
decimis
minutis.

7 Ad tertiam de decimis minutis Div. Thom. dicta q. 87. art. 2. ad 2. significat, non cadere in præceptum propter argumentum factum, & propter exemplum legis veteris, in qua dicit, non fuisse in præcepto, sed in consilio, quia hæc minima quasi nihil computantur. Unde concludit, nunc non teneri fideles ad has minutas decimas, nisi forte propter consuetudinem patriæ. Idem significat Alea. dicta qu. 51. membr. 4.

artic. 3. licet obscure loquatur. Verumtamen negare non possumus, quia jura canonica etiam minutas decimas sub præcepto decimandi concludant; tum propter jura supra allegata, quæ de fructibus satis minutis loquuntur; tum quia in dicto capit. *Ex multiplici* minutarum decimarum in specie fit mentio; & clarius in cap. *Cum in tua* dicuntur deberi, & dari mandantur locis, ad quæ pertinent; tum etiam quia illi quoque sunt veri fructus, & jura cum distributione loquuntur. Et licet singula ex his videantur minima, & inde nominentur, tamen cumulus omnium potest esse magnæ æstimationis, & necessarius, vel valde commodus ad convenientem sustentationem ministrorum, & ita videtur sentire Sor. lib. 9. de just. quæstion. 2. artic. 2. ad 3. nisi immemorialis consuetudo aliud habeat. Tacite autem exponit Divus Thom. ut intelligatur de minutissimis oleribus, quæ ex privatis hortis colliguntur, non ad lucrum, sed ad quandam commoditatem, & voluptatem. Quam limitationem etiam in vivariis domesticis, & stagnis omnes adhibent. Neque displicet, quod de immemoriali consuetudine Soro advertit: nam de illa intelligendas puto omnes limitationes, quæ in hac materia fiunt ab omnibus circa omnia supra dicta, quæ licet de rigore juris procedant, consuetudine auferri possunt, & magna ex parte sublata sunt. Tamen quia illa consuetudo contra jus est, immaterialis esse debet, quia ordinarie nullo speciali titulo fundatur præter mortem, cum titulo vero consuetudo quadragenalis sufficeret juxta superius tradita.

C A P U T XXXV.

An prædiales decimæ integræ solvenda sint.

1 Sensus quæstionis est, an decimæ solvendæ sint ex omnibus fructibus, nulla facta eorum diminutione vel pro sumptibus compensandis, vel pro aliis tributis, seu pensionibus solvendis. In qua re jura Canonica expresse definiunt, integros fructus decimandos esse sine ulla diminutione. Et primo non esse deducendas expensas, expresse traditur in cap. *Tua nobis*, & in cap. *Non est*, & in cap. *Pastoralis*, & in cap. *Cum homines* de decimis, ubi Glossa, & Doctores sine controversia id docent, & plures per Thraquel. relati de utroque retr. titulo 1. §. 5. Glossa 1. n. 10. & de Primog. q. 74. num. 9. Deinde non esse deducenda tributa, neque census expresse traditur in c. *Cum non sit* de decimis. Quapropter dubitari non potest, quin sit servandum, quia ita præceptum est. Ut autem ratio, & sensus præcepti magis explicetur, difficultates circa utramque partem occurrentes breviter explicandæ sunt.

In decimis
prædialis
bus non
prius de-
ducendas
esse ex-
pensas.

2 Circa primam de expensis frequens difficultas est, quia decimæ solum debentur ex fructibus, & expensæ non computantur in fructibus: sed illi tantum censentur fructus, qui super sunt deductis expensis, ut expresse dicitur in leg. *Fructus*, ff. soluto matrimo. in leg. 1. C. de fructibus, & litium expensis, & quod magis urget, additur in leg. *Fundus*, ff. Familæ Eriscundæ, quod nullus casus intervenire potest, qui hoc genus deductionis impediatur. Estque hæc regula frequentissima in jure Civili, & Glossa, & Doctores in dictis locis notant. Confirmatur primo, quia quantitas illa fructuum, quæ seminata fuit, erat jam decimata, & iterum decimatur fructus ex illa productus, quin ipsa deducatur. Confirmatur secundo, quia interdum contingit, non plures fructus nasci ex terra, quam fuerit quantitas feminis; ergo injustum videretur, tunc decimam exigere: sæpius vero contingit, ad summum excedere fructus quantitatem feminis in dupla, vel tripla quantitate, & tunc si computentur aliæ expensæ, quæ in cultura terræ, & collectione fructuum fiunt, vix sufficiunt fructus ad compensandas expensas; ergo iniquum est, non eas deducere. Denique licet multoties fructus sint uberiores, tamen computando steriles annos cum abundantibus, fere dimidia pars lucri solvetur ecclesiæ ex fructibus terræ, si expensæ non deducantur; ergo videtur hæc esse mi-
mia

Objectiones
nec.

ma exactio. Atque hæc consideratio maxime videtur urgere in nonnullis fructibus, qui & majoribus periculis expositi sunt, sæpiusque deficiunt, & majoribus sumptibus coluntur, ut sunt præcipue vinearum fructus. Confirmatur tertio, quia in decimis personalibus solvendis expensarum deductio prius fit: sed prædiales decimæ magna ex parte conveniunt cum personalibus, saltem quoad sumptus, qui sunt in adhibendo labore, & industria hominum, & animalium, aliorumque instrumentorum: cur ergo saltem hæc expensæ non deducantur in his etiam decimis? Ultimo videtur durum, hoc extendere ad decimas mistas, quia res illæ, ex quarum fructibus tales decimæ solvuntur, non sunt ita durabiles, sicut agri, vineæ, & arbores, sed facile moriuntur, & sæpe cum magno dispendio dominorum, quod damnum totum in sumptibus numeratur, nec reparari potest sine magno dispendio, nisi ex fructibus eorumdem animalium; ergo saltem hæc deductio fieri debet in solutione talium decimarum. Et hæc ratio procedit etiam in decimis, quæ ex molendinis solvuntur, propter magnas expensas, quæ in illis reparandis fieri solent, & suo modo habet etiam locum in pensionibus domorum, & similibus. Ad primam difficultatem communis responsio est, nullam esse in moralibus tam generalem regulam, quæ exceptionem non admittat, & ita in præsentem esse speciale in decimis, quod fructus computentur sine deductione expensarum, cum generalis regula in contrarium sit. Ita Glossa in dicto cap. *Pastoralis*, verb. *Credimus*, & Glossa in capit. *Gravis*, de Rest. Spol. verb. *Fructus*, & Bart. & alii in dicta leg. *Fructus*. Ratio autem hujus specialitatis reddi potest, quia ita statuit jus canonicum, cui non potest jus civile obviare, etiam si ipsum non admittat casum, in quo talis deductio non fiat. Ratio autem, cur jus canonicum hanc specialitatem fecit, reddi potest tum ex parte Dei, in cujus cultum decimæ solvuntur, & ideo cum omni plenitudine, & integritate solvendæ sunt; tum etiam quia hoc modo Deus ipse illas præcepit, quem ecclesia imitata est. Quas rationes jura citata indicant. Addi etiam potest, ecclesiam judicasse, ad sustentationem ministrorum suorum, & alia onera sustinenda necessarium esse hoc tributum cum tali integritate exigere. Quæ responsio mihi satisfaceret, si ad illam confugere necessarium esset, tamen necessarium non est, quia revera non est hæc specialitas, sed in aliis casibus hoc servatur, ut videbimus.

4 Alia responsio vulgaris, (vel potius eadem sub aliis terminis) est, fructus terræ considerari posse civiliter, vel naturaliter, & priori modo non computari, nisi deductis expensis, & ita procedere leges citatas: posteriori autem modo integre computari, prout nascuntur ex terra, nulla deductione expensarum facta; & ita considerari a lege canonica in materia de decimis. Hanc responsionem indicavit Glossa in dicta leg. *Fructus*, verb. *impensa*, in illis verbis: *Et hoc inspecto exitu, interim tamen vere est fructus*. Quam ibi singularem dicunt Aretinus, & Jason, & ita exponunt: *Fructus dici deductis expensis interpretative, non vere*, idem autem est *interpretative*, quod *civiliter*, & *vere*, quod *naturaliter*. Eandem distinctionem approbat Innocentius in dicto cap. *Pastoralis*, quem ibi Panorm. sequitur num. 9. Dico autem, hanc responsionem coincidere in præcedentem, quia reddenda est ratio, cur in solutione decimarum fructus considerentur naturaliter, & non civiliter. Ratio autem non est alia, nisi quia jus canonicum, quod a civili non pendet, ita statuit propter congruentias supra adductas. Refert præterea Panormitanus distinctiones alias, & responsiones ex Hostiensis, & Bartolo, quæ in illis videri possunt latius, breviter tamen eas attingemus.

5 Addimus enim, fructus dupliciter considerari posse, vel ut sunt lucrum, & commodum usufructuarii, vel secundum se, ut oriuntur ex terra, arboribus, &c. Priori modo considerantur in ordine ad restitutionem, seu reparationem damni illati usufructuarii, cum culpa, vel sine culpa alterius possidentis fructus, seu inferentis damnum. Et ideo tunc habet verum in universum, quod fructus computantur, deductis ex-

pensis, & ita procedunt tres leges supra citatæ: nam hæc est materia illarum, & loquuntur juxta subjectam materiam, ut Glossa declarat, præsertim in dicta leg. 1. C. de Fructib. Unde cum dicitur, civiliter computari fructus deductis expensis, ut sit in universum verum, intelligendum est, quando fructus considerantur, ut lucrum, sicut fit in ordine ad restitutionem, vel damni compensationem. Ratio autem est, quia restitutio tanta esse debet, quantum fuit damnum, & non major: nam si aliquando major exigitur, est pœna, non pura compensatio: ac usufructuarius, vel dominus fundi non erat consecuturus fructus sine sumptibus, & ideo nec illi restituendi sunt, nisi deductis sumptibus, quia non majus damnum non passus est. In ordine ergo ad talem effectum fructus considerantur civiliter, vel fortasse melius considerantur, non ut fructus, sed ut lucrum: non est autem lucrum, nisi quod superest deductis expensis, ut supra dicebamus. Atque simili ratione, cui legantur fructus omnes fundi, non eximitur ab expensis necessariis, juxta leg. *Fundi*, ff. de usufruct. leg. quia intelligitur legari commoditas, & non alteri imponi onus colendi fundum suis sumptibus, ut alter totum fructum integrum accipiat, esset enim res nimis injusta. Et eadem ratione, si in beneficio omnes fructus pro pensione ponantur, demptis oneribus, & expensis intelligitur, quia alias nimis esset iniqua. Item eadem ratione, licet fructus beneficii sint centum aurei, si deductis expensis solum super sunt quinquaginta, non creditur esse fraudulenta narratio, si tantum quinquaginta pendere dicatur, quia censetur narrari fructus, prout revera cedunt in stipendium, & commodum, vel sustentationem clerici. De quo vide Felinum in c. *Ad nostram*, de jur. n. 3. & 4. & in c. *Ad aures*, de rescript. n. 23. conclus. 12.

6 At verò cum considerantur fructus posteriori modo, integri, & absque deductione expensarum considerari debent, quia isto modo fructus sunt. Et hoc modo regulariter accipiuntur in contractibus, vel aliis casibus, in quibus de aliqua parte fructuum disponitur, etiam secundum jus civile, ut patet ex l. *Si pendentes*, ff. de usufructu, ubi sic intelliguntur ligari fructus, *quando fructus pendentes jam maturos reliquerit testator*; non enim priores expensæ deducendæ sunt, sed omnes extantes fructus accipiet usufructuarius, ut ibidem dicitur. Similiter, si quis vendat feudum cum onere, ut sibi quorannis solvatur certa pars fructuum, intelligitur solvenda, non deductis expensis, etiam secundum jus civile, ut videtur licet per Bartolum supra. Simile est, si locetur ager pro tot mensuris, vel quarta parte fructuum, etiam intelligitur, non deductis expensis, ut explicatur aperte in dicto capit. *Tua nobis* de decimis. Ita ergo, (ut ibi argumentatur Pontifex) in lege decimarum, cum non agatur de restitutione damni, nec de pensione certa Deo, & ministris ejus solvenda, intelligenda est de fructibus integre spectatis, ut naturales fructus sunt, ac subinde non deductis expensis. Quia nec ex vi, & proprietate verborum aliud deduci potest, neque ex materia; quia non considerantur fructus solum, quatenus lucrum afferunt dominis suis, sed secundum se in quantum proveniunt ex divino munere, ut dixit Divus Thomas dicta questione 87. artic. 2. ad 4. in fine. Ob quam rationem ait Soto, dicto libr. 9. questione 4. art. 2. paulo ante solutionem argumentorum, tam esse hoc juri rationi consentaneum, ut non possit valere consuetudo in contrarium, scilicet, deducendi semen ante decimationem, vel alias expensas. Sed hæc exaggeratio nulla ratione fundata est, ut notavit Aragon. dicto art. 2. quia cum hic modus decimandi jure ecclesiastico inductus sit, contra illud potest præscribere consuetudo. Necessaria vero erit immemoralis sine titulo, vel quadragenaria cum titulo, ut in aliis dictum est, & ita sufficienter est expedita principalis difficultas.

7 Ad primam confirmationem negatur sequela, nam semen iterum decimari non potest, cum necesse sit mori, ut fructum afferre possit: totus ergo fructus, qui ex semine nascitur, de novo fit, & donum Dei

Secunda fructuum consideratio.

Respondeatur confirmationi: bus primi arg.

Solvitur prima difficultas.

Alia responsio.

Duplex fructuum consideratio.

Prima consideratio.

Dei est, & ideo totum illum denuo decimari necesse est. Ad secundam confirmationem respondetur, eventus, qui ibi considerantur, contingentes esse, & ideo non deberi unius, vel alterius anni fructus spectari, sed omnibus compensatis: hoc autem modo onus hoc considerando non est præter æquitatem, & moderationem debitam, ut usus ipse, & experientia satis ostendit. In quo etiam duo considerata sunt: unum est respectu Dei, nam tota hæc contingentia, & varietas fructuum, id est, quod pauci sint, vel multi, ex illius providentia, aut per iudicium, aut per misericordiam provenit; & ideo sicut proveniunt, ita reddendi sunt vel in recognitionem misericordiæ, vel in confessionem iustitiæ. Alterum est erga Dei ministros, quod illi semper indigent, semperque laborant equaliter, sive annus sit sterilis, sive fertilis, & nihilominus in se suscipiunt contingentiam, & periculum sterilitatis, sicut & ubertatis; ideoque cum eadem proportionem decimarum sunt; nisi tanta sit paupertas, ut propter impotentiam homines excusentur, tunc enim etiam ipsa ecclesia connivere debet, immo & de bonis suis debet pauperes juvare.

8 Ad tertiam confirmationem jam supra assignata est differentia inter decimas personales, & prædiales. Quia in personalibus fructus est in lucro; in prædialibus est in ipsis proventibus, qui denuo procreantur. Item, quia lucrum personale regulariter parvum est, & vix respondet singulis annis unum pro decem, fructus autem prædiales multo uberiores sunt: unde ex augmento illorum relinquitur sufficiens lucrum ultra expensas, etiam si solvatur decima, non deductis expensis. Item in negotiatione non oportet, rem destrui ad lucrandum, sed satis est, aut transportari, aut pro alia commutari, &c. Ut autem terra fructificet, necesse est, semen corrumpi in his, quæ ex semine producantur, vel saltem necesse est, ut Deus det incrementum arboribus, & materiam, ac dispositiones, ut fructificare possint. Et hoc sensu dixit Glossa capit. *Pastoralis*, verb. *Deducendas*, ideo in mercimoniis deduci expensas, & non in fructibus, quia in negotiatione operatur manus hominis, in fructibus vero manus Dei. Non quod lucrum negotiationis non pendeat etiam ex Dei providentia, & beneficio (ut aliqui obijciunt); sed quod magis cernatur ejus operatio in fructibus naturæ, qui substantialiter producantur, & minus ibi operatur industria humana, quia neque qui plantat, est aliquid, neque qui rigat, sed qui incrementum dat Deus, &c. Atque hoc etiam modo dixit Div. Thomas, decimas non esse obnoxias mercedi operariorum, quia debentur Deo, in quantum fructus proveniunt ex ejus munere. Et Soto dixit, cogitandum esse, in hoc negotio genus quoddam societatis inter Deum, & homines intervenire: nam homo laborem suum, & semen exponit, Deus autem protectionem, & operationem suam, ea solum conditione, ut homo pro suo labore, expensis, & periculo novem partes obtineat, Deo autem decimam in recognitionem, & suorum ministrorum sustentationem solvat.

9 Atque ita etiam patet solutio ad ultimam difficultatem de mistis decimis, in qua specialiter attingitur de sumptibus, qui fieri solent in reparandis proprietatibus, ut molendinis, domibus, &c. De quo est expressa decisio, in dicto capit. *Pastoralis*, etiam has expensas non esse deducendas: Quia penes dominum (dicitur ibi) res permanent restaurata, & ideo expensis ejus, non ecclesiæ, restauratio fieri debet. Idemque ibi esse dicitur: Si pars aliqua moriatur armenti: immo (quod notandum est) etiam in decimis personalibus, quæ ex negotiatione resultant: Si pars mercium deperit, dicitur ibi, non esse reparandam ex lucro aliarum partium ante deductionem decimarum, propter eam rationem, quod si reparatur, domini efficitur. Et addi potest alia, videlicet, quia expensæ factæ in parte mercis deperitæ, non fuerunt factæ ad comparandum lucrum, ex quo decima solvitur, sed aliunde illud damnum accidit. Quæ ratio suo modo applicari potest ad decimas prædiales: unde non est, cur onus illud durum videri debeat, præsertim quia, licet in decimis mere prædialibus videantur magis du-

rabiles steri, & fundi, &c. tamen semen ipsum quottannis perit; quod onus in aliis mistis non ita invenitur, & ita in omnibus fere eadem proportionalis ratio servatur.

10 Tandem circa alteram partem de non deducendis ex fructibus aliis pensionibus, vel tributis ante decimationem, est difficultas. Primo, quia hinc fit, ut tributa regia ratione decimarum minuantur. Item si quis teneatur solvere census ex fructibus alicuius prædii, tenetur suam pensionem integram solvere pensionario, non ergo debet decimam prius solvere, alias altera pensio minueretur. Tandem colonus, qui conducit agrum pro parte fructuum, qui partiarius dicitur, partem integram debet reddere domino fundi, ut supponi videtur in cap. *Tua nobis*, de decimis; ergo non debet fructum prius decimare. Respondeo nihilominus, hanc legem semper esse inviolabiliter servandam, ut nihil ecclesiæ deperat de integra decima parte fructuum, & in hoc sensu dicitur, decimam esse solvendam integram, nulla prius deducta pensione. Fieri tamen potest interdum, ut hoc potius æquivalenter fiat, quam formaliter, quod nihil refert, dummodo ecclesia illa permaneat, ut iam explicabitur, ex dicto cap. *Tua nobis*.

11 Itaque ad primum respondemus, in primis id non esse inconveniens: quia tributum divinum regio præferendum est, ut Divus Thomas supra recte significat. Alioquin decimæ ipsæ minuerentur propter tributum regium, & ita in virtute ex decimis solveretur tributum, quod non decet, nec fieri potest. Deinde dicitur, regem ipsum teneri ad solvendas decimas ex suis redditibus, at si recipiat tributum ex fructibus decimarum ecclesiæ, iam ex illo non tenebitur solvere decimam, & ita non gravatur, etiam si contingat, ea de causa minui quantitatem absolutam tributum, quod accidere posset, si tributum consisteret in aliqua parte aliquorum fructuum: nam si esset pensio determinatæ quantitatis absolutæ, tunc non minueretur, ut iam dicemus, est enim eadem ratio.

12 Ad secundum ergo dicitur, si pensio sit determinatæ quantitatis absolutæ, verum esse antecedens, illationem vero non esse bonam: quia licet pensio solvatur ex novem partibus fructuum, quæ remanent soluta decima, potest integra solvi, sicut per censum constituta est, & ita est intelligendus contractus, quia non potest fieri cum ecclesiæ iniuria. Tunc autem ex pensione non solvitur decima, quia ex fructibus iam decimatis accipitur, & dominus agri censetur in se accepisse onus decimandi pro illa; ideoque vel pensio minuenda fuit in contractu, vel pretium eius augendum, alioqui iustus non fuisset. At vero si pensio est de aliqua parte aliquota, quæ maior est ex integris fructibus, quam ex decimatis; tunc revera est intelligenda pensio de fructibus decimatis, & tunc pensionarius non tenebitur illam solvere decimam ex sua parte, & ita nihil gravatur. Nam si reciperet talem partem aliquotam ex fructibus integris, teneretur ipse pro parte sua decimare, & sic tandem in idem rediret, & ecclesia reciperet integram decimam.

13 Et ita etiam contingit in casu de colono, qui in ultima difficultate tangebatur, & petit illam questionem, quando ager colitur per colonos, ex qua parte debeant solvi decimæ. Resolutio autem est, solvendas esse ex integris fructibus: sive prius ex illis decima deducatur, & postea dominus, & colonus inter se dividant iuxta conventionem suam, qui ordo videtur optimus, & iuri consentaneus: quo facto, neuter illorum tenebitur ad alteram decimationem pro parte sua; sive prius inter se dividant fructus, & postea unusquisque pro sua parte decimam solvat, nam in idem redit, & fieri posse supponitur in dicto capit. *Tua nobis*. Et ita rem hanc expediunt Glossa, Panormitanus, & alii ibi, & Glossa in cap. *Questi*, 16. question. 1. Hoc autem procedit de proprio colono. Si vero loquamur de mercenario, qui servit in cultura agri pro aliqua parte fructuum, tunc constat, illam pensionem pertinere ad expensas, quæ sunt in cultura agri, vel colle-

Decimam solvendam esse nullam prius deducta pensione.

Satisfit argumentum.

A quo debet solvi decima, quando ager colitur per colonos.

Quid sciendum quando ager colitur per mercenarium.

collectione fructuum, & ideo deduci non posse ante decimationem. Ait tamen Soto, mercenarium in illo casu non teneri ad solvendas decimas ex sua pensione. Quod erit verum quoad prædialem decimam; secus vero est de personali, quæ alterius rationis est, & aliud habet fundamentum, ideoque a merce natio tunc debetur, non minus quam si in pecunia stipendium sui laboris acciperet. Quod bene notavit Abulens. in c. 23. Marth. qu. 204.

14 Addit vero Abulens. ibidem, etiam dominum fundi, qui illum locat colono pro certa parte fructuum, vel certo pretio, transferendo in colonum onus solvendi integras decimas prædiales, teneri ad alteram decimam solvendam ex pensione, quam accipit, vel ex pecunia, quia est lucrum illi accrescens de novo, & ex omni lucro debetur decima. Nec putat, hoc esse inconveniens, quia existimat, hanc decimam esse personalem, quia ei datur ratione juris, & domini: jura autem domini personalia sunt, & ideo decima est personalis, ac subinde deberi potest simul cum prædiali. Sed hoc fundamentum revera falsum est; quia totum illud lucrum pertinet ad redditus fundi respectu domini: & ideo decima, quæ ex illo deberi potest, prædialis est, quia ex fructu prædii datur, & non ratione personalis actionis, vel negotiationis; quod necessarium est ad decimam personalem. Quod bene perspexit Glossa dicto capit. *Tua nobis*, verb. *Sic, & dominus*: & nihilominus in principio indicat, ex illa deberi specialem decimam, ut ait Abulens. Tandem vero ait Glossa, contrarium esse æquius, & Hostiens. ac Joannes Andr. dicunt, esse justius, & mihi videtur omnino verum. Quia dominus fundi jam solvit illam decimam per colonum, quando in illum transfert omnes fructus cum onere decimandi illos integre: ibi enim sua pensio est virtute decimata; nam ea ratione minor esse debuit, & proportionata valori novem partium fructuum tantum; & ideo non deberetur decimari, cum ibi nullum sit distinctum lucrum personale. Probabilius certe id dici posset de colono, quia licet solvat integram decimam prædialem, quicquid, soluta pensione, ex residuis fructibus lucratur, est lucrum personale ex propria actione, & industria: & ideo deductis expensis, & in eis computando labores proprios juxta suum valorem, videtur teneri ad decimam personalem ex tali lucro, non minus quam mercenarius, vel famulus ex sua mercede, vel negotiator ex suo lucro. Verumtamen licet fortasse in rigore ita sit, non tamen est in usu, vel quia personales decimæ sublatae sunt consuetudine, vel quia colonus ille censetur jam quasi usufructuarius, & habens dominium utile suæ di, & ita ratione illius fructus illos percipere,

item ex dictis, hoc debitum non tantum esse religionis, sed etiam justitiæ, quia subsidium aliquod ad ea, quæ necessaria, vel convenientia sunt pro divino cultu, & pro sustentatione ministrorum ejus ex justitia debitum est ex natura rei, ut supra visum est: illud autem potuit taxare ecclesia, quod fecisse intelligitur præcipiendo decimas. Facta vero illa taxatione jam tale, & tantum subsidium ex eadem justitia debetur: sicut taxato pretio frumenti ex justitia servandum est, sic enim lex humana constituit talem materiam, & actum intra obiectum justitiæ. Intra latitudinem autem justitiæ potest res duobus modis esse debita, scilicet vel tanquam aliena, sicut debetur res furto sublata, vel tanquam propria creditoris cum obligatione tamen reddendi illam, sicut debetur pecunia mutuo accepta: qui duo modi, licet quod attinet ad obligationem conscientiæ, & peccati, in idem redire videantur, tamen in ordine ad multos effectus morales, & civiles multum differunt, ut videbimus, & ideo explicandum a nobis est, quo ex his modis decimæ sint debitæ.

2 Prima opinio dicit, esse debitas tanquam res alienas respectu debitoris, quia ex quo fructus percipiuntur, statim esse incipiunt sub dominio ecclesiæ, seu Dei, etiam antequam solvantur, vel separantur ex cumulo fructuum. Ita tener Abbas in dicto cap. *Tua nobis*, num. 11. & dicto capit. *Commissum*, n. 4. de decimis; putatque, esse sententiam Innocentii, & Joannis Andr. vel ex eorum dictis colligi. Deinde illam probat ex cap. *Tua nobis*, de decimis, quatenus ait, quod Deus præcepit solvi decimas, *suas esse asseverans*: nam pronomen, *suam*, dominium significat, ut habetur in iure civili: nec propter solam actionem ad rem potest quis dicere, illam esse suam. Secundo expressius in cap. *Omnes*, 16. quæst. 7. *Omnes* (dicitur) *Decime terre, sive de frugibus, sive de pomis arborum Domini sunt*: sunt ergo sub speciali dominio Dei, quod ecclesiæ ipse concessit, vel saltem talem illius administrationem, ut eodem iure agere possit. Tertio Augustinus in cap. *Decima*, 16. quæst. 1. *Decima* (ait) *ex debito requiruntur*: explicans autem hoc debitum, addit, *& qui eas dare noluerit, res alienas invasit*. Ubi Glossa, verb. *Alienas*, inserit, *ergo ante separationem sunt ecclesiæ*, debentur enim ut res, quæ non sunt sub dominio debitoris, alias non invaderet res alienas; ergo sunt sub dominio ecclesiæ, seu Dei.

Deberi decimas tanquam res alienas dicitur aliqui.

3 Quarto, quia privilegium ecclesiæ est, ut sine traditione consequatur dominium rei sibi legatæ, aut donatæ, ex c. 2. de consuetud. in fine, & clarius ex lege ultim. Cod. de Sacrosanctis ecclesiis; ergo multo magis ex voluntate Dei, & ecclesiæ transfertur dominium decimarum in clericos, seu ecclesiæ ante traditionem, vel separationem, quia efficacior est voluntas ecclesiæ, quam privati donatoris. Quinto inducitur c. *Moderamine*, 16. q. 1. quatenus ibi dicitur, sacerdotes ministrantes Divina laudabiliter decimas sibi vindicare: sitque vis in verbo, *vindicare*, quia actio rei vindicationis non datur, nisi in rem propriam ab alio detentam, ff. de rei vindicat. leg. *In rem*: sed hæc actio datur clericis ad exigendas, vel recuperandas decimas; ergo. Sexto ecclesia potest exigere decimam a quocumque raptore, & iniusto detentore, potest etiam agere contra incendiarium, qui segetes combussit, & similia; ergo signum est habere ius in re, atque adeo dominium ipsarum decimarum. Et confirmatur maxime, quia, si parochianus vendat omnes fructus non decimatos, potest ecclesia contra emptorem agere, & ipse tenetur in conscientia restituere ecclesiæ decimas suas, & agere contra venditorem pro illa parte, ex capit. *Pastoralis*, de decimis. Immo, si quis ex pecunia, seu fructibus non decimatis emit domum, tenetur ex redditu domus decimam solvere ecclesiæ, ut ex eodem cap. colligitur, saltem per argumentum a contrario; ergo signum est, domum illam, saltem quoad decimam partem emptam fuisse ex pecunia ecclesiæ, & ideo eadem proportionem in ius illius transisse.

C A P U T XXXVI.

Quomodo sint decima debita ecclesiæ.

1 H Actenus explicuimus ea, quæ ad substantiam hujus præcepti pertinere videntur, ut sunt finis, & ratio, propter quam positum est, persona, cui imponitur, & respectu cuius, & circa quam materiam imponitur. Nunc de circumstantiis, & accidentibus dicendum superest, ut sunt quando, ubi, & quomodo facienda sit decimarum solutio, ut præceptum illud impleatur. Resolutio autem in his omnibus maxime pender ex quadam gravi quæstione, quam propterea præmittendam duximus, nimirum, quomodo ecclesiæ debeantur. Supponimus enim deberi, nam id jura statim citanda sæpe tradunt, & ex ipso præcepto, & ratione ejus colligitur, quia præceptum inducit debitum: unde in capit. *Parochianos* de decimis sic dicitur: *cum decima non ab homine, sed ab ipso domino sint instituta, quasi debitum exigi possunt*. Quæ ratio vim suam habet, sive præceptum illud fuerit a Deo immediate latum, ut olim, sive per ecclesiæ, ut in lege gratiæ. Supponimus

Quomodo ecclesiæ decimæ debeantur.

* Sententia negat decimam esse sub dominio ecclesie, quando non est separata. Glof.

4 Secunda sententia negat, decimam esse sub dominio ecclesie, quandiu separata non est ab aliis fructibus, seu partibus, nec tradita aliquo modo ecclesie. Hanc sententiam fuisse antiquorum Canonistarum, refert superius Panorm. & in eam magis inclinat Glossa in dicto capit. *Moderamine*, verbo, *sibi vendicant*, in fin. 16. q. 1. & Glossa in dicto capit. *Tua nobis*, verbo *Tributa*, etiam in fine. Licet priorem sententiam satis probabilem censeat. Hanc vero constantius asseverant Freder. Senens. Const. 74. & Rebus. tract. de decimis, quæst. 3. num. 16. & 17. & q. 6. nu. 8. & sequentibus. Fundamentum hujus sententie ita potest explicari: quia decima, donec sit separata ab aliis partibus fructuum, est sub dominio ejus, cujus sunt fructus: Arg. leg. 2. ff. de Pollicit. quæ loquitur, quando decima ex voto debetur, videtur autem eadem ratio, licet debeat ex præcepto, quia votum est quasi lex quædam privata. Ratio vero est, quia in re nondum divisa non potest acquiri dominium determinatæ partis. Dicitur, posse aliquem habere dominium rei, seu patris nondum divisæ, ut quando plures habent dominium hæreditatis totius, vel quando cumulus tritici est multorum simul, & singulorum partialiter, licet nullus habeat dominium determinatæ partis materialis, (ut sic dicam) sed formalis, seu aliquotæ in confuso. Sed contra, quia oportet ostendere titulum sufficientem hujus domini communis, quod hic fieri non potest; nam ecclesia non habet dominium commune in terris, verbi gratia, quæ seminantur, nec in femine ipso, nec in arboribus, aut ovibus, aut aliis rebus similibus, a quibus proveniunt fructus; ergo nec in ipsos fructus habet tale dominium ex vi nativitatis eorum, (ut sic dicam) nec etiam ex vi solius præcepti, quia præceptum nec tollit dominium, nec facit illud commune, nisi id satis explicet, quod in hoc præcepto non fit.

Ostenditur autem.

5 Potest autem hoc multis modis ostendi. Primo ex lege veteri, ad cujus exemplum nostrum præceptum datum est: tunc enim non videntur decimæ fuisse sub dominio Levitarum prius, quam separarentur, & traderentur; tum quia Exod. 22. dicitur: *Decimas tuas, & primitias tuas non tardabis reddere*. Ubi pondero particulam, *tuas*, quæ dominium significat, erant ergo decimæ illorum, a quibus tradende erant, donec eas traderent, & hoc tantum eis præcipiebatur; & Deuter. 14. *Decimam partem separabis de cunctis fructibus tuis, &c.* Omnes ergo fructus erant possidentis, & ille tenebatur segregare partem, & a se illam abdicare. Item in illa lege tres decimæ præcipiebantur, & tamen verisimile non est, decimam pauperum, illorum fuisse, antequam daretur: ergo nec decima Levitarum. Tandem primitiæ non poterant transire in dominium Levitarum ex vi legis, antequam darentur, quia non præcipiebantur in certa parte, vel quantitate, sed hoc erat ex arbitrio dantium, dominium autem debet esse de re certa, & tamen forma præcepti eadem erat in primitiis, & decimis, ut patet ex citatis verbis Exodi, & (quod notandum est) in dicto cap. *Tua nobis* eodem modo dicitur: *Suas esse decimas, & primitias asseverans*. Quod certe de primitiis intelligi non potest cum eo rigore, quem prior sententia ponderabat, sed eo modo, quo dicit Deus Exod. 13. *Sanctifica mihi omne primogenitum, &c. Mea sunt enim omnia*. Ergo eodem sensu dicitur Levit. 27. *Omnes decime Domini sunt, & illi sanctificantur*. Dicuntur enim Domini, quia ad illius cultum specialiter erant deputatæ, non quia a dominio Israelitarum subtraherentur, antequam illas traderent, sicut primitiæ, & primogenita. Quod etiam ex Numer. 18. non obscure colligitur, si attente legatur.

Probat ex Canonum de-

6 Præterea hoc declaratur ex verbis ipsorum Canonum; nam in dicto cap. *Parochianos*, solum dicitur, decimas peti posse, *tamquam debitum*, non ergo ut res propria, nam hæc duo in rigore diversa sunt. Item in cap. *Extransmissa*, dicitur: *Fidelis homo ex omnibus, quæ licite acquirit, decimas erogare tenetur*. Prius ergo acquirit rem totam, seu omnes fructus, & ex illis decimas dare tenetur; prius ergo, quam det, ipse retinet omnia, quæ acquisivit. Præterea, solent in

jure decimæ vocari tributa, vel cum tributis comparari, cap. *Decimæ*, 19. q. 1. & dicto c. *Tua nobis*: at tributa licet sint debita, non tamen sunt extra dominium debentis, & sub dominio principis, donec solvantur; ergo similiter decimæ: & ideo jura dicunt, Deum illas sibi reservasse in signum universalis domini, in dicto cap. *Tua nobis*, & in c. *Cum non sit*, eod. ubi speciali titulo esse reservatas dicitur; & ideo in prærogativam domini generalis procedere solutionem decimarum ante solutionem aliorum tributorum, aut pensionum. Non ergo ratione particularis domini præfertur decimarum solutio; nam si illa ratio interveniret, illa esset præcipua, & maxime proponenda: sed præfertur ratione majoris excellentiæ, & strictioris debiti; ergo sicut aliæ pensiones, & tributa debita ex rigore justitiæ non sunt ejus, cui debentur, nec extra dominium debitoris, priusquam solvantur, ita nec decimæ, sed in hoc æquiparantur.

7 Tandem ostendi idem potest argumento negativo, quod in hac materia est sufficiens; nam si jus ipsum divinum, vel humanum per seipsum non confert ecclesie hoc dominium, non est, unde illud habeat; non sunt autem verba in jure, quibus indicetur translatio talis domini ipso facto. Quod in primis declaratur ex jure antiquo divino, & verbis, quæ in contrarium ponderantur; nam quod Deus appellet suas decimas, nimis generale est, quia etiam vocat sua omnia, ut revera sunt, licet per hoc non immutentur humana dominia. Et speciali titulo solet vocare sua, quæ ad suum cultum peculiariter reservavit, & deputavit, ut primogenita, & primitias, ut vidimus; neque alia verba fortiora inveniuntur in Scriptura, ex quibus id probari possit. Hinc vero facile etiam probatur de jure canonico, quia si in illo reperiuntur similia verba, solum referuntur ex veteri lege, unde in eodem sensu afferuntur. Posset etiam vocare ecclesia decimas suas, antequam solvantur, quia in illis habet peculiare jus, & actionem, ita enim in bonis computantur ea, ad quæ actio habetur, juxta leg. *Rem in bonis*, ff. de acquirend. rer. domini. Et contraria ratione, qui debitum non solvit, per quamdam æquipollentiam dicitur rem alienam rapere, vel invadere. Immo interdum Sancti vocant fures, & raptores, ac homicidas eos, qui superflua non dant pauperibus, cum teneantur, quamvis non statim illorum bonorum dominium amittant, vel pauperes ipso facto illud acquirant ante omnem traditionem. Ex his ergo formulis loquendi nihil colligitur: neque verbum *vindicandi* plus probat, ut jam ostendam.

8 Inter has sententias prior videtur magis pia, quia favorabilior ecclesie, posterior vero magis secundum rigorem justitiæ. Possumus autem quadam moderatione adhibita utramque sententiam interpretari, & quasi componere diffensionem, si dicamus, ecclesiam non habere proprium, & rigorosum dominium decimarum, antequam illas percipiat, habere tamen usum fructum illarum, atque adeo non solum habere jus ad illas, sed etiam aliquod jus in illas, quod dici potest dominium utile, licet non sit directum, quale habet usufructuarius in fructibus nondum perceptis, Priorem partem, quæ negat dominium directum, & perfectum, probant adducta pro sententia posteriori. Quibus non obstant motiva prioris opinionis, quia tria prima ex modis loquendi Scripturæ, & Canonum sumpta non probant, ut ostendi. Quartum vero de privilegio ecclesie acquirendi dominium sine reali traditione Dei habet locum, vel quando res est certa, & determinata, vel certe quando de donatione proprietatis constat, quod hic non constat, ut dixi. Aliæ vero duæ rationes sumptæ ex effectibus ad summum probant alteram partem de dominio utili, & non amplius. Illa ergo pars videtur mihi satis probabiliter colligi ex cap. *Pastoralis*, de decimis, ut statim ostendam, maxime vero probari ex effectibus aliquibus, qui ex hoc jure ecclesie nascuntur, qui varii possunt numerari: quorum declaratio maxime elucidabit hanc resolutionem, & totam hanc materiam, & ideo per illos breviter discurrere oportet, ut & falsi a veris separentur, & veri recte intelligantur.

9 Primus ergo effectus hujus domini esse censetur, quia

Argumento negativo probatur.

Præcedentium opinionum judicium, & concordia.

Dominus
ecclie in
decimas
probitur
in effecti-
bus.

quia ecclesia potest decimas postulare per rei vendicationem ab injusto invasore. At hic effectus in primis non colligitur ex ure, nam verbum, *vindicandi*, in illo cap. *Moderamine* positum, non accipitur in hoc sensu, quia non tractabat ibi Gregor. de actione civili, quæ potest uti ecclesia contra non solventes, vel usurpantes decimas, sed de ratione, ob quam possunt monachi accipere decimas, si sacerdotum ordinem, & ministerium accipiant, & tunc, ait, posse illas sibi vindicare, id est, usurpare, vel appropriare, hæc enim est vis latini illius verbi, & est in usu juris, etiam in iure Canonico, ut in cap. *Quia nonnulli* de Cler. non resid. Alia vero significatio non usurpatur, nisi cum agitur de proprietate juris civilis. Deinde ille effectus parum necessarius est ecclesiæ; quia si tractetur de decimis, id est, de jure decimarum, tunc Juristæ dicunt, petendum esse actione confessoria, quæ in iuribus incorporalibus æquivaleret actioni, quæ circa bona corporalia rei vendicatio dicitur, & merito ita fit, quia illud jus ad decimas sub dominio ecclesiæ existit. Hic vero non tractamus de decimis pro jure, sed pro fructibus ipsis, qui peti possunt, cum injuste detinentur, etiam si *jus ipsum* ecclesiæ non verratur in dubium. Et tunc actio personalis sufficit, quæ dicitur ex lege, vel ex canone: nec rei vendicatio affert specialem utilitatem. Propter quod dixit Hostiens. in cap. *Parochianos*, Canonistas non multum curare de his formis petendi. Sic ergo necessarium non est, ut talis actio, seu postulatio procedat a domino: nam certum est, non posse decimas accipi propria auctoritate, sed petendas esse, ad quod sufficit jus, & actio personalis, ut Rebus. dicta q. latius prosequitur. Tandem ad summum inde probari potest jus aliquod in re; quia negari non potest, quin dominus fundi habeat actionem ad vendicandos omnes fructus integros sui prædii, si ab alio injuste occupentur, & contra illum habere actionem rei vindicativam. Possumus ergo dicere, parochianum habere actionem directam per rei vendicationem ad omnes fructus integros; ecclesiam vero habere actionem utilem per rei vendicationem ad suam partem. Nam istæ actiones etiam a Juristis distinguuntur, ut patet ex Gloss. in §. *Si quis in aliena*, verb. *Utilis actio* instit. de rerum divisi one, & in Gloss. in leg. *Idem Pomponius*, §. *De arbore*, verb. *dabant*, ff. de Rei vendi. Atque hoc modo ex hoc effectu recte nostra sententia declaratur.

Exponitur
secundus
effectus.

10 Secundus effectus esse potest, quia apud quemcumque fructus non decimati existunt, potest ecclesia ab illo immediate suam decimam postulare. Itaque si parochianus vendidit omnes fructus non decimatos, potest ecclesia decimam immediate postulare ab emptore, & non a venditore, licet emptori postea suum jus maneat contra venditorem. Quod censetur verum non solum in judicio externo, sed etiam in foro conscientie, in quo talis emptor tenetur reddere decimam ecclesiæ, etiam si non petatur, vel etiam si ecclesia ignoret suum nocumentum. Hoc ergo videtur esse magnum signum domini, quia tunc tenetur ille emptor ratione rei acceptæ restituere; ergo signum est, illam decimam esse ipsius ecclesiæ, cui debetur. Item, quia nisi ecclesia haberet jus in illa re, non transiret jus cum re contra emptorem, sed maneret semper contra personam venditoris, ut ex aliis bonis suis satisfaceret ecclesiæ. Atque ita in hoc effectu magnam vim facit Panormitan. nam ille effectus videtur certus ex c. *Cum non sit* de decimis; ait enim eos, ad quos census, vel tributa ex fructibus indecimis pervenerunt, cogendos esse, illa decimare ecclesiis, ad quas pertinent: *Quoniam res* (inquit) *cum onere suo transit*. Quod autem ibi de parte fructuum dicitur, eadem proportione, & ratione procedit in omnibus fructibus, si quovis modo ad alium indecimate perveniant. Idem patet ex c. *Pastoralis*, eodem, ubi dicitur, *Fructus non posse alienari, nisi cum onere decimarum*, scil. cum onere reali, quod ipsis fructibus veluti inhæreat, ut in alio cap. declaratur. Hoc autem onus non videtur esse aliud, nisi quod illi fructus quoad decimam partem sunt alieni, nimirum ecclesiæ, quæ potest illam recuperare, ubicumque invenerit.

Declaratur
am
plus h
effectus.

11 Circa hunc autem effectum prius oportet exponere, quomodo sit intelligendus, ut sit verus. Tribus

Suarez. Tom. XII.

enim modis potest aliqua persona occupare fructus non decimatos, scil. per actionem iniquam, & injustam contra possidentem, & contra ecclesiam; secundo per actionem injustam contra ecclesiam, non vero contra possidentem; tercio bona fide, & sine injuria alicujus. Primus modus habet locum in eo, qui omnes fructus indecimatos furatur, & tunc clarum est, teneri ad restituendos omnes fructus: tamen non dubito, quin satisfaciat illos omnes reddendo priori domino: immo fortasse non recte faceret, reddendo novem partes domino, & decimam ecclesiæ, quia non potest ipse sua auctoritate decimam ab alio debitam ex illius bonis solvere; nam si parochus ipse non potest propria auctoritate capere, multo minus poterit alius rapere, ut det parochus: unde in eo casu non videtur, ecclesiam habere immediatam actionem contra furem, nisi quando dominus esset negligens, & ea de causa ecclesia pateretur; nam tunc ecclesia habebit actionem ad decimam recuperandam, siue illa sit ratione rei acceptæ, siue ratione damni illati, quolibet enim sufficit.

Triplex
modus occu-
pandi
fructus
indecim.

12 Secundus modus contingit vel in ipso parochiano detinente decimas, & nolente eas solvere cum injuria ecclesiæ, vel in emptore, qui mala fide emit fructus non decimatos ab iniquo venditore: tunc enim emptor nullam injuriam facit venditori voluntarie vendenti, & pro justo pretio; facit tamen injuriam ecclesiæ, nisi in se suscipiat onus solvendi decimam: nam si hoc onus suscipiat, non peccat sic emendo, & accipiendo fructus non decimatos, ut aperte colligitur ex dicto cap. *Pastoralis*, dicente: *Fructus autem ipsos alienari posse non credimus, nisi cum onere decimarum*: ergo cum illo alienari possant, & idem plane supponitur in dicto cap. *Tua nobis*. Et ratio est, quia tunc venditor transfert in emptorem onus, & obligationem solvendi decimam, & ita per illum quasi per suum ministrum solvit ecclesiæ decimam. Tunc ergo mirum non est, quod ecclesia habeat actionem immediate contra emptorem, si decimam detineat, quam ei immediate reddere tenetur ex vi pacti inter ipsum, & venditorem; quod pactum, etiam si expressum non sit, intervenire censetur, quoties venditor aperte dixit emptori, fructus illos non esse decimatos, & ita illos vendere, quia censetur vendere, ut licite potest, ut sentit Abulen. infra citandus. Immo in eo casu verissimum credo, illum emptorem non acquirere dominium illius decime, quia vendens vel non potest, vel certe non vult illud concedere, quia cum tali modo, & onere rem vendit. Semper tamen liberum erit ecclesiæ a suo subdito, & debitore immediate decimam petere, quia ille est primarius debitor, & non potuit se illo onere liberare omnino sine consensu ecclesiæ, sed onus cum re ipsa incedit, ut notavi Glossæ in capit. *In aliquibus* de decimis, verb. *Compellantur*, & Panormitanus ibi per illum textum, & alia supra allegata. At vero, qui emeret fructus indecimatos sine onere decimandi illos, sed cum intentione emendi etiam parte nam ecclesiam pertinentem, tunc plane esset ecclesiæ injuriosus, siue cooperando damno illi injuste illato per venditorem, siue rem ad ecclesiam jure pertinentem: unde, (velit, nolit,) tenebitur ecclesiæ satisfacere, & sustinere onus decimandi siue ratione rei acceptæ, siue ratione injustæ acceptionis. Et ideo tunc etiam ecclesia potest, si velit, immediate agere contra emptorem ab illo postulando decimam, quia injuste occupavit rem ad ecclesiam pertinentem cum damno illius. Et præferri potest hoc ecclesiæ facere per censuras ecclesiasticas, ut in dictis iuribus dicitur, quia cum talis emptor ex justitia teneatur decimam restituere ecclesiæ, merito potest ab eadem ecclesia per censuras cogi, ut restituat.

Secundus
modus.

13 Tertius modus contingit in eo, qui bona fide emit fructus integros non decimatos putans, esse decimatos, quia venduntur tempore, & modo, quo decimati fructus vendi solent, & non habet probabilem rationem suspicandi, venditorem peccare, aut male agere, & tunc cum non teneatur ratione acceptionis, dubitari potest, an ratione rei acceptæ teneatur ad decimandum, & consequenter, an ecclesia habeat actionem contra illum immediate, si velit, vel si non possit a

Tertius
modus.

venditore valorem decimæ recuperare. Et in hoc dicendum videtur juxta communem sententiam, emptorem teneri ad restituendam ecclesiæ decimam illam, & ecclesiæ posse ab illo eam postulare immediate, si velit, ipsum vero retinere actionem contra venditorem. Ita sumitur ex Divo Thoma 2.2. quæstione 87. art. 2. ad 4. Quilicet non declaret, an loquatur etiam in casu, in quo emptor bona fide emit, tamen absolute dicit emptorem fructuum integrorum teneri ad decimam solvendam ecclesiæ: *Qui habet (inquit) rem ecclesiæ debitam, & non dicit, Quia ecclesiæ defraudavit*, sicut dicit de venditore: unde plane sentit, obligationem oriri ex ipsa re, siue intervenerit culpa, siue non. Idem habet in specie Abulens. in cap. 23. Matth. q. 158. Et sumitur plane ex juribus citatis, quatenus in eis dicitur, quod fructus transeunt ad emptorem cum onere suo, & hoc titulo eum teneri ad decimam solvendam; ergo hæc obligatio oritur ex ipsa re, & non tantum ex crimine, vel culpa ementis. Ratio vero sumi potest ex dictis supra de prædiis ipsis, seu possessionibus, ex quibus decimæ solvuntur, nimirum habere in se onus reale decimarum respectu talis ecclesiæ, & illud secum deferre, ad quemcumque dominum transeant; hinc ergo fit, ut fructus cum eodem onere nascantur, & transeant ad quemcumque possessorem, siue juste, siue injuste illos occupet. Totum autem hoc nascitur ex institutione ecclesiæ, quæ ita hoc præceptum ordinavit, & tale jus sibi attribuit.

14 Jam vero explicandum superest, quale sit hoc jus, & an ad hunc effectum necessarium sit verum dominium, vel aliud jus minus sufficiat. Dico ergo, non esse necessarium dominium perfectum, & plenarium, seu dominium proprietatis, vel directum (ut vocant) necessarium tamen esse tale jus, quale censetur habere usufructuarius in fructibus nondum apprehensis, quod suo modo dominium utile potest appellari. Hoc declaro ex §. *Is vero*, instituta de rerum divisione. Ubi de usufructuario sic dicitur: *Is vero, ad quem usus fructus fundi pertinet, non aliter fructuum dominus efficitur, quam si ipse eos perceperit*. Ex his ergo constat, usufructuarii, antequam fructus ipse percipiat, non consequi verum, ac radicale dominium illorum: & tamen negari non potest, quin priusquam fructus ex terra, vel arbore colligantur, usufructuarius habeat aliquod jus in illis, ratione cuius habes potestatem recipiendi illos, & recuperandi, vel postulandi eos, si ab alio juste, vel injuste percipiantur. Ac denique hinc constat, totum hunc effectum cum eadem proportionem habere locum in usufructuario. Nam si dominus fundi vendiderit fructus, vel donaverit alteri, quam usufructuario, potest ille ab emptore illos postulare. Et ipse emptor a principio non potuit tuta conscientia illos emere, & si per ignorantiam id fecit bona fide, statim ac sciverit, tenetur usufructuario illos fructus restituere. Sic ergo ecclesiæ, licet non habeat proprium dominium decimarum, priusquam illas recipiat, videtur esse usufructuaria partialis, ut sic dicam, & ita habere aliquod jus non tantum ad rem, sed etiam in re ipsa decima. Tale enim jus videtur habere usufructuarius in fructibus nondum perceptis, ratione cuius ei debentur tales fructus, antequam illos percipiat, non tantum personali debito, sed etiam reali, ita ut ipsimet fructus habeant in se tale onus, cum quo transeunt ad quemcumque occupantem. Ita ergo videtur dicendum in decimis ecclesiæ: nam quod hoc jus sufficiat, probat exemplum adductum, quod autem necessarium sit, probat prædictus effectus.

15 Declarari etiam hoc potest ex jure, quod habet ecclesiæ circa possessiones ipsas, seu prædia, ex quibus decimam partem fructuum percipit, nam ecclesiæ non habet proprium, ac perfectum dominium talium possessionum, ut constat ex communi sensu omnium, & probat textus in dicto cap. *Pastoralis*, ibi, *Quia apud dominum res permanent restaurata*. Ex qua ratione collegit Pontifex, non esse deducendas expensas consumptas in restauranda possessione, vel alia re, a qua fructus percipiuntur, quia semper res illa ut melior per restorationem effecta manet sub potestate, & dominio parochiani. Necessè est autem, ut intelligat sic manere ex omni parte, ita ut nec quoad decimam partem etiam in

confuso sumptam intelligatur esse sub dominio ecclesiæ, alioquin ratio nihil valeret. Nam si decima pars domus, verbi gratia, esset ecclesiæ, deberet profecto solvere decimam partem expensarum pro restoratione talis rei, & sic essent expensæ cum proportionem deducendæ. Ergo ut illa ratio contrarium probet, oportet ita intelligi, ut ecclesiæ non habeat proprium dominium illius rei, nec decimæ partis ejus. Et nihilominus habet aliquod jus in illa re, ratione cuius res illa dicitur esse obnoxia ecclesiæ debito reali, & secum deferre illud onus, quod jus non videtur esse aliud, nisi quod res illa est usufructuaria ecclesiæ quoad illam partem. Eodem ergo modo fructus, qui ex illa nascantur, sunt ecclesiæ obnoxii, & ipsa habet idem jus in illos, quod ad prædictum effectum sufficit, Atque in hunc modum intelligenda censeo alia verba illius capitis *Pastoralis*, quæ licet ab auctoribus primæ sententiæ non asserantur, maxime videntur posse illorum sententiam confirmare, Cum enim dixisset Innocentius III. non esse deducendas expensas, quæ sunt pro fructibus percipiendis, subdit rationem; *Quoniam salva decima, fructus efficiuntur eorum, qui faciunt ipsas expensas*. Consideranda enim est illa exceptio, *salva decima*; significat enim papa, fructus quidem effici possidentis fundum, non tamen omnes absolute, sed præter decimam; & hoc modo videtur hic textus probare priorem sententiam. Tamen intelligenda puto verba illa cum dicto moderamine, quia non omnes fructus simpliciter sunt possidentis, sed cum onere decimæ, ita ut quoad illam non habeat saltem utile dominium, sed hoc sit penes ecclesiæ; & ideo illi semper, & ubique decima debeat salva manere. Hoc ergo modo ex hoc effectum, & ex illo textu optime nostra sententia declaratur, & confirmatur.

16 Tertius effectus addi potest affinis præcedenti, quia ecclesiæ potest petere decimas ab eo, qui injuste segetes combussit, vel arbores succidit habentes jam fructus. Non enim minus damnificat ecclesiæ, qui comburit fructus, quam qui sibi rapit, ac detinet; ergo sicut in hunc habet actionem ratione rei acceptæ, ita in illi ratione damni illati. Atque ita docent Innocentius, Joannes Andr. & Panormit. in cap. *Commisum* de decimis, & Covarr. in reg. *Peccatum* p. 2. §. 8. num. 12. in fin. ubi hoc extendit etiam ad decimas personales, ut venationum, ubi fuerint in usu, quando aliquis impeditur injuste, ne alius lucretur tali modo: ex hoc ergo effectum etiam confirmat Panormit. suam sententiam. Verum tamen dato etiam illo effectum, ex illo non probatur, habere ecclesiæ plus, quam jus aliquod, seu dominium utile illorum fructuum: tum quia multo magis potest dominus fundi agere contra malefactorem ad refarciendos integros fructus sine ulla diminutione, juxta prudentem æstimationem, ut multa jura disponunt; ergo signum est, habere illum dominum directum jus, & dominium talium fructuum: tum etiam quia in simili casu usufructuarius posset agere contra invasorem, aut destructorem fructuum, cum non possit aliter suum damnum refarcire; ergo ex hoc effectum non potest jus majus colligi.

17 Circa ipsum vero effectum advertit Panormitanus cum Joanne Andr. intelligendum esse, quando segetes, ver. gr. injuste combussæ sint, nam si juste comburantur, tunc in damnificante nulla est obligatio satisfaciendi ecclesiæ pro decima perdita, ideoque nec in ecclesiæ est jus aliquid ab illo petendi. Exemplum est, si in bello justo segetes comburantur, destruantur vineæ, &c. Tunc enim non gravatur conscientia militum, aut ducum etiam respectu decimæ, in qua damnificatur ecclesiæ, quamvis ipsa ecclesiæ non fuerit causa belli, nec contra illam geratur: quia tunc hostes utuntur jure suo, & non possunt separationem facere. Crediderim autem hoc habere locum, quando illa destructio fructuum est medium necessarium ad victoriam, seu ad agendum bellum secure, & expedire, tunc enim per se intenditur finis iustus belli, & damnum illud est per accidens. At vero quando id non fit, ut medium necessarium ad bellum, sed fortasse in pœnam iniuriæ illatæ, tunc non videtur posse fieri iuste cum ecclesiæ nocumento, quia posset agi bellum sine tali damno, & post

Tertius effectus dominii ecclesiæ in decima.

Limitatio huius effectus.

Quale jus ut de-
claratum
ad hoc co-
minetur.

Probare-
tur ex ju-
re ecclesiæ
possessione.

& post comparatam victoriam posset illa poena imponi in bonis propriis eorum, qui deliquerunt sine damno ecclesiae. Nunquam enim licet, innocentes cum nocentibus involvere in participatione poenae, quando ad finem belli necessarium non est, & comparata victoria potest convenienter separatio fieri.

Quartus effectus,
18 Quartus effectus, vel quasi extensio praecedentis addi potest, quia non solum contra extrinsecos hostes, sed etiam contra suum subditum, seu parochianum dominum fundi potest ecclesia agere, si sua causa fructus ejus pereant: nam haec potestas videtur fundari in dominio, quod ecclesia habet decimarum talium fructuum. Hanc autem effectum indicavit D. Th. d. qu. 87. art. 2. ad 4. Ubi generaliter ait, si culpa domini pereant fructus, teneri ad resarciendas decimas, *Quia ex culpa illius non debet ecclesia damnificari.* Variis autem modis potest intelligi haec culpa in parochiano: primo quia injuriam fecit alteri, qui odio, vel ira iusta, vel injuria provocatus fructus in vindictam destruit. Et haec culpa videtur valde remota, ac subinde per se solum non sufficere, ut propter illam cogatur parochianus ecclesiae pro decimis satisfacere: quia nec tenetur ratione rei acceptae, ut supponitur, nec ratione acceptionis, vel injuriae, quia nullo modo ad illam cooperatus est. Quoniam non positive, quia non est cooperatus illi actioni, & licet aliquam occasionem dederit, valde tamen remotam, ad quam vitandam non obligabatur ex speciali lege solvendi decimas, seu non ponendi impedimentum perceptioni earum. Unde nec omissive concurrat, quia non tenebatur hoc peculiari titulo remove illud obstaculum, quia erat valde accidentarium, & remotum.

Tribus modis potest dici subditus moralis causa damni ecclesiae.
19 Oportet ergo, ut culpa sit talis, quod revera ratione illius possit subditus dici moralis causa nocenti illati suae ecclesiae. Quod tribus modis potest accidere. Primo commissive, ut si ipsemet parochianus suas segetes comburat, &c. Ex tunc obligatio clare est, quia si extraneus tenetur, cur non ille? Item quia si contra usufructuarii iura totalem, vel partialem fecisset, teneretur, illi pro rata fructum restituere; ergo & ecclesiae. Secundo omissive: ut si potuit impedire damnum, vel resistere hostibus sine majori iactura, & non fecit: & hoc etiam putat D. Th. sufficere, ut teneatur quis decimas solvere, si sua culpa fructus amiserit: & addit Sor. quod si agricola fuit in mora triturandi v.g. vel recondendi fructus in area, & alluvione perierunt, tenetur ecclesiae decimas persolvere: *Secus vero (ait) esset, si absque negligentia notabili id accideret, quia tunc periculum quasi naturale est, & commune.* Tertius modus cogitari posset, si quis non habeat sui praedii fructus, quia noluit seminare, vel vineam colere, &c. De quo auctores expresse non loquuntur: tamen consequenter videtur sequi, tunc etiam teneri, quia est in causa, ut ecclesia careat decimis suis.

Secundus, & tertius casus impugnantur.
20 At enim difficile est, hanc obligationem imponere in secundo, & tertio casu, quia dominus agri non tenetur ex iustitia defendere vel custodire, aut recondere fructus propter vitandum periculum respectu ecclesiae; ergo licet in eo peccaverit vel contra charitatem, vel per quamdam prodigalitatem, & negligentiam contra debitam providentiam familiae, & rerum suarum, non videtur inde obligari ad restitutionem decimarum respectu ecclesiae: quia ubi non est iniustitia, nec res aliena detineretur, non potest esse restitutionis obligatio. Item eadem ratione, qui est negligens in metendis segetibus, vel fructibus ex arboribus colligendis, vel qui omnino nolit eos colligere, & qui circa agnos recens natos negligens fuit, & ideo mortui sunt, non videtur posse obligari ad decimas solvendas, quia contra iustitiam non peccavit: alias qui propter negligentiam pauciores fructus habuit, quam potuisset, teneretur etiam diminutionem decimarum restituere, quod incredibile est. Denique eadem ratione credi non potest, eum, qui propter pigritiam tantum, vel avaritiam seminare noluit, nec agros colere, debere nihilominus decimas, quae ex illis solent provenire, cum coluntur, cum non teneatur ex iustitia seminare. Distingendum igitur videtur de mora. Una est, quando collectis jam fructibus, & in eo statu positus, in quo tenetur statim decimam tribuere ecclesiae, non solvit, sed detinet. Alia est mora in colligen-

dis ipsis fructibus tempore opportuno, quo in statu non videntur adhuc obligare praecipuum ecclesiae, quia solum obligat ad dandas decimas ex fructibus collectis, ut aperte habetur ex c. *Cum homines* de decimis. Quando ergo mora est primi generis, procedit indubie sententia D. Tho. quod periculum decimarum ad parochianum spectat, ut dixit etiam Glossa in dicto cap. *Cum homines*, verb. *Fructibus collectis*, & Alenf. 3. part. q. 51. memb. 5. ad penult. & Rebuffus q. 12. n. 2. Et ratio est, quia sicut decimae ex iustitia debentur, ita illa mora procedit contra iustitiam, & ideo nocendum, quod ratione illius provenit, imputatur debitori tanquam injuria illi facta, & ideo illud restituere tenetur.

21 Quando vero mora est posterioris generis, procedunt objectiones a nobis factae; ad quas dicendum videtur, in illis casibus posse clericos, ad quos pertinent decimae, monere parochianos, ut per se, vel per colonos, aut alios ministros colant agros, fructusve colligant temporibus suis, & eos fideliter administrent, ut ecclesia non fraudetur suis decimis. Quod si noluerint, possunt per ecclesiasticum prelatum ad id agendum compelli, arg. tex. in c. *In aliquibus* de decim. ubi praecipitur, ut domini praediorum talibus personis, & taliter sua praedia excolenda committant, quod absque contradictione ecclesiis decimas cum integritate persolvant, & ad id, si necesse fuerit, per censuras compellantur. Ubi Panor. n. 3. advertit, inde colligi, ratione decimarum habere ecclesiam quoddam jus in fundum, ratione cujus potest compellere dominum, ut talibus colonis fundum locet, qui utiliter, & fideliter rem gerant, etiam respectu ecclesiae: ergo eadem ratione potest cogere ipsius colonos, vel etiam dominos, ut fideliter, & strenue se gerant in cultura agrorum usque ad fructuum collectionem; nam est eadem ratio. Unde si in eo casu subditi non obedirent ecclesiae, posset ecclesia jure assumere curam, & administrationem praediorum, & se indemnem servare, quod si propter potentiam domini, & ad majora mala vitanda id non faceret, tunc subditus contra max in conscientia tenetur ad resarciendum ecclesiae damnum in amissione decimarum, quia per vim, & contra iustitiam illam privat jure suo. At vero, si pastores ecclesiae, videntes subditum negligenter se gerere in fructuum perceptione, illum non monent, neque cogunt ullo modo, nec se offerunt ad curam assumendam, si ipse non emendetur, non videtur subditus obligari ad solvendum plus quam decimas fructuum, quos de facto percipit, etiam si ex negligentia plures non fuerint exorti, vel ad maturitatem non pervenerint: & hoc mihi probant objectiones factae.

22 Potestque hoc totum explicari exemplo usufructuarii partialis, ut sic dicam. Est enim notandum, quod usufructuarius, cui legato, v.g. omnes fructus praedii reliqui sunt, semper intelligitur eos recipere cum onere expensarum, ita ut ipse teneatur praedium colere, fructus colligere, &c. & ideo non habet locum in casu, quem tractamus: nam si talis usufructuarius fuerit negligens, sibi nocebit. At vero si alicui testamento legator certa pars fructuum, tunc ad dominum proprietatis pertinet quidem cultura agri usque ad fructuum collectionem etiam expensis suis faciendam, ut Bart. tradit in l. *fructus*, ff. solut. matr. Tunc ergo licet proprietarius sit negligens, & ea de causa vel nulli, vel tenuis sint fructus, & ideo pars illa minoris valoris, seu absolute quantitatis sit, quia in ea negligentia non peccavit contra iustitiam respectu alterius, non tenetur illi aliquid amplius solvere, aut restituere: habebit tamen usufructuarius jus petendi, & procurandi, ut praedia illa fideliter, & utiliter administrentur, ut se possit indemnem servare, & ut ex malitia, vel negligentia alterius non privetur convenienti portione sua. Ita ergo in praesenti dicendum censeo, atque ita ex hoc effectu, prout explicatus est, recte explicatur, & confirmatur nostra sententia.

CAPUT XXXVII.

Quando, & ubi teneantur fideles solvere decimas.

EX principio superiori capite posito declarari facile possunt haec duae circumstantiae. Nam ulterius

Quintus effectus.

ex illo colligimus, decimam dandam esse ecclesie, etiam non petitam, & sine mora. Ita sentit Glossa in dicto cap. *Cum homines*, ver. *Fructibus*, & ibi communis, Rebuff. dicta quest. 1. i. a numer. 7. & alii infra referendi: & colligitur ex dicto cap. *Cum homines*. Et prior pars constat ex forma præcepti, non enim præcipitur fidelibus, ut si requisiti fuerint, decimas solvant, sed absolute ut solvant. Et ideo in lege veterum præceptum erat *offerre decimas*, Exod. 22. Verbum autem *offerrendi*, significat oblationem, quæ ultro danda est, etiam si non petatur. Ratio vero propria est, quia unusquisque tenetur reddere alteri, quod suum est, etiam illo non petente: sed decima est ecclesie aliquomodo, saltem quoad dominium utile, ut ostensum est; ergo. Immo ad hunc effectum neutrum dominium videtur in rigore necessarium, sed sufficit, quod decima vere sit debita, quia unusquisque tenetur solvere debitum, etiam creditore non petente, quando iam tempus, pro quo debetur, advenit. Maxime vero urget hæc obligatio, quando res ipsa, quæ detinetur, est aliena, vel habet reale onus sibi annexum, ratione cuius alteri reddenda est, quale onus habet decima, ut iura docent. Arque hinc facile pater altera pars assertionis: quæ etiam in lege veteri expresse ponebatur, Exo. 22. *Decimas, & primitias non tardabis reddere*. Pertinetque hoc ad quamdam integritatem solutionis: nam qui tarde solvit, minuit quodammodo solutionem, quatenus illa dilatio potest esse incommoda creditori, & ideo dixit lex civilis, *Minus solvit, qui tardius solvit*. Præcipimus autem integre decimas solvere. Denique pertinet hoc ad intrinsecam rationem præcepti, servandum enim est eo tempore, quo obligat, alias contra illud fit: tunc autem censetur quis esse in mora, quando tempore præcepto non solvit.

2 Statim vero occurrit interrogandum, quando quis censetur esse in mora non solvendo decimam, videtur enim non esse in mora, donec decimæ petantur, vel (quod perinde est) donec subditus moneatur a parrocho. Ita sentit Archid. in cap. 1. de decimis in 6. quem sequitur Paris. cons. 15. in 1. volum. & solet pro hac sententia referri Divus Thomas 2. 2. questione 87. art. 1. ad 5. quia dicit non peccare, qui absque obstinatione animi differt solvere decimas, quia non petuntur, paratus reddere, si petantur. Quod etiam sentit Anton. 2. part. 4. cap. 3. sult. & pro hac opinione citantur iura, quæ monitionem postulare videntur, cap. *Pervenit* de decimis cum similibus. Dicendum vero est, duplicem esse posse moram; unam in ordine ad conscientiam, aliam in ordine ad forum externum, seu quam in ordine ad culpam, aliam in ordine ad penam, seu censuram. Ad hanc posteriorem clarum est, esse necessariam prævia monitionem, ut ex materia de excommunicatione constat, & ita loquitur aperte dictum capit. *Pervenit*, & cap. *Omnes* 16. questione 7. sufficit tamen generalis monitio, quam in ecclesiis solent facere parochi, si tunc sit, quia illa sufficit ad contumaciam: hic vero non agimus de poena, sed de culpa. Hoc ergo modo ad priorem moram nulla est necessaria prævia monitio, vel petitio. Quæ est certa, & communis sententia, ut pater ex Abbate, & aliis dicto cap. *Pervenit*, & dicto cap. *Cum homines*. Ratio in antiquis decisionibus in 25. Felin. in cap. *Si autem de Reser.* n. 5. Covarr. 1. Var. cap. 17. num. 8. ver. *Octavo*, & num. 12. Guttier. dicto cap. 20. num. 43. Et probatur facile ex dictis in assertionem præcedenti, quia tunc aliquis est in mora, quoad conscientiam, quando peccat, differendo solutionem debiti: sed ut aliquis peccet, non solvendo decimam, non est necesse, ut præcedat petitio, vel monitio, quia tenetur solvere etiam non requisitus, ut ostensum est; ergo. Nec D. Thomas contra hoc aliquid docuit, loquitur enim de locis, ubi per consuetudinem abrogatae sunt decimæ, & ibi ait, non peccare, qui non solvunt, & nihilominus vult, eos esse paratos ad solvendum, si petantur, quod quomodo sit intelligendum, supra a nobis declaratum est. Et eodem sensu loquitur Anton. & fortasse etiam alii Doctores, moti enim sunt ex verbis D. Thom. & plane loquuntur, quando ecclesia non petendo intelligitur remittere decimam: at hoc solum habet locum, ubi vel expressa est remissio, vel consuetudo, quæ tacitam remissionem indicat, vel inducit: nunc autem loquimur per

se, & ex vi juris, ubi integrum est.

3 Sed ulterius occurrit inquirendum, quando reneantur fideles solvere decimam, ita ut si differant, sint in mora culpabili. Circa hoc distinguere oportet de personalibus, & prædialibus decimis, & de personalibus dicendum est, nihil de illis esse jure præscriptum. Ideoque dixit Hostiens. in summa de decim. in fin. in his locum habere opinionem dicentium tunc deberi, quando petuntur. Sed melius dicitur, standum esse consuetudini, quæ succedit loco juris; unde cum frequentius consuetudo habeat, ut hæ decimæ non solvantur, cessat questio de tempore solutionis. Nihilominus ubi fuerint in usu, ajunt Doctores, per annos esse solvendas, ac subinde in fine singulorum annorum, quia hoc est ecclesie utilius, & magis accommodatum moribus humanis. Ita Alenf. supra, Glossa in capit. *Revertimini*, ver. *Annus* 16. questione 1. Panor. cum Jo. Andr. in capit. *Pervenit*, de decimis. Inclinat Rebuffus dicta questione 12. num. 4. & sequentibus, licet alias referat sententias, quæ videntur esse consilia bona: ad servandum vero præceptum illud prius sine dubio sufficit: major autem dilatio non esset permittenda, nisi consuetudine esset introducta.

4 Et juxta hanc solutionem facile expeditur difficultas quædam in superioribus tacta, præsertim circa ea, quæ per negotiationem, vel militiam acquiruntur, quæ semper sunt periculis exposita, & non videntur plane comparata, quandiu homo negotiatur, aut bellum gerit. Facile enim respondemus, hanc computationem per annos singulos esse faciendam, & in unoquoque anno expensas esse detrahendas, & in eis esse computanda damna omnia, & bona infelicibus eventibus amissa, & ex remanente lucro totius anni decimas esse solvendas. Inter diversos autem annos non est talis compensatio admittenda, quia alias nunquam posset certa quantitas lucri haberi ad decimas persolvendas. Hæc igitur tempora sunt per annos singulos computanda, nulla enim ratio moribus humanis magis accommodata excogitari potest, regulariter loquendo. Annus autem hic per se loquendo videtur computandus secundum naturalem ordinem, & cursum ejus; tamen in particulari possunt esse variae consuetudines juxta locorum, & materiarum exigentiam: vel unusquisque poterit annum computare, aut ex quo tempore cepit negotiari, aut servire, aut militare, aut juxta communem modum computandi lucra, ut in hoc regno ab uno adventu navium ex India usque ad alium, & in aliis locis a quibusdam nundinis usque ad alias sequenti anni, & sic de aliis. Oportet ergo, ut veluti communi conventionem, vel prudenti arbitrio certa tempora designentur, in quibus hæc computatio, & solutio fiat.

5 De prædialibus autem decimis communis sententia est, collectis fructibus statim sine morali mora persolvendas esse. Ita sentiunt D. Th. Alenf. Gloss. Panor. & Rebuff. sup. cit. & Summistæ communiter: quia in d. c. *Cum homines*, sic dicitur: *Mandamus, ut statim fructibus collectis, decimam persolvant*. Estque hæc determinatio consentanea legi divinæ antiquæ, in qua tempus collectionis fructuum designabatur ad solvendas decimas, & respectu illius admonebatur sepe populus, ut decimas solvere non tardaret. Item cum hoc præceptum sit affirmativum, cujus natura est, ut non obliget pro semper, oportuit, aliquod certum tempus pro illo designare: nullum autem poterat esse commodius, quia tunc major est commoditas, & priusquam infumantur fructus: & quia extunc incipit ecclesia habere jus magis certum, & dominium talium fructuum quoad decimam partem, & ideo statim illi est tradenda, quia non potest res aliena detineri. Unde colligunt Doctores, quod si idem prædium ter in anno fructus ferat, cum de singulis solvenda sit decima, juxta cap. *Ex parte* 1. de decim. non est expectandus finis anni ad solvendas omnes illas decimas simul, sed singulas reddendas esse suis temporibus, statim ac fuerint collectæ.

6 Et juxta hæc judicari poterit de decimis ex fructibus animalium, nam cum ex uno animali multiplex possit esse fructus, singulorum decima reddenda est suo proportionato tempore: nam fetuum solvenda est deci-

Que mora sit culpabilis in decimis personalibus solvendis.

Solvitur dubium supra factum de compensatione.

Prædiales decimas collectis fructibus statim esse solvendas.

Assignatur tempus solvendis decimis animalium.

Ratio fundametalis.

Quando hæc mora in solvendis decimis.

decima paulo post partum: & quidam dicunt expectandos esse novem dies, in quibus fœtus nutriantur, ut sine periculo possint decimari. Ita Rebuffus dicta questione 12. numero tertio, cum aliis, quos refert, & melius questione 6. numero 30. De hoc tamen non est certum jus, sed prudens arbitrium: tunc enim fœtus præstari debet, quando sine matre vivere commode possit, & interim congruenter ad hunc finem nutriendus est, alioquin infructuosa esset decimatio, & non fideliter decimæ solverentur: at vero lanæ decima solvi debet, quando rudentur oves in fine. Alius fructus est ex lacte, quod potest in ea specie decimari, vel in caseo, butyro, &c. juxta consuetudinem, vel conventionem tacitam, aut expressam cum parochis; & quia hic fructus tractu longi temporis colligi solet, in fine totius temporis solvenda est decima cum proportionem. Hæc autem regula non potest omnino accommodari ad eas possessiones, quæ non reddunt proprios fructus naturales, sed pecuniam, vel aliquid simile; & in his fieri poterit solutio aut per singulos annos, aut in duabus, aut tribus partibus anni, prout videbitur expediens, aut magis consentaneum. Hæc enim omnia ad consuetudinem tandem revocanda sunt, quam oportet esse certam, & immemorabilem, & tunc servanda est, alioquin jus est servandum in materia, in qua disponit; in alijs vero habet locum prudens arbitrium, quod per jus, quoad fieri possit, regulandum est, & utilitati ecclesiæ semper est consulendum.

Ubi; & quomodo solvendæ sint decimæ.

7 Jam vero dubitari ulterius potest, an fideles teneantur, non solum tempore debito offerre decimas, sed etiam illas deferre in domos, vel horrea clericorum propriis sumptibus, & labore, quod est querere ubi, & quomodo, & quibus auxilijs, seu subsidijs decimæ solvendæ sint. Aliqui dixerunt, teneri fideles suis expensis deferre decimas. Ita sentit Glossa in cap. *Revertimini* 16. quæst. 1. ver. *in horrea*, & in cap. *Decimas* 1. ver. *in horreum* 16. quæst. 7. & sequitur Panormitan. in cap. *pervenit* de decimis numer. 3. ubi Joannem Andr. & alios refert. Consentit ex parte Covarr. supra, limitat enim; dummodo levi sumptu, & labore decimæ deferri possint, non vero alias: quem fere in omnibus imitatur Guttier. in dicto cap. 21. num. 43. & sequentijs, ubi plures Juristæ pro illa sententia refert. Sed revera hoc nullo jure probatur. Unde verior censeo sententiam, quæ negat, teneri fideles ad deferendas decimas suis sumptibus, & laboribus. Neque oportet distinguere de sumptibus levibus, vel gravibus, nec de horreis publicis ecclesiæ, vel privatis, (ut Covarr. distinxit) quia in nullo ex his casibus jus aliquid præscribit, & hoc modo tenuit hanc sententiam Rotæ supra, & Adrian. quodlib. 5. art. 1. §. 2. Satis ergo implet hoc præceptum, attento tenore juris, qui post collectionem fructuum monet parochum, ut decimam deferri faciat, quia jam est tempus percipiendi, & ipse est paratus ad dandum, ille enim jam solvit tempore debito, quantum in se est, ut indicavit Gloss. in dicto cap. *Cum homines*, verb. *Fructibus*; ergo ex vi juris ad nihil aliud tenetur, nec est imponendum novum gravamen sine expresso jure.

Non deferendos esse fructus in decimas in horrea.

7 Bene autem Covarr. advertit, non esse fructus in horrea mittendos in decimas, sine scientia, & consensu clericorum, quia alias possent laici fraudem committere in ecclesiæ præjudicium, & ideo supposita lege, & debito decimarum ex natura rei videretur sequi hæc obligatio, quia *Quod omnes tangit, debet ab omnibus approbari*. Item hoc sequitur ex dicto dominio, quod diximus habere ecclesiam in decimas: nam ad debitum usum, & securitatem illius juris spectat, ut collecti fructus non recondantur sine consensu usufructuarii. Denique quoad hanc partem hæc est recepta sententia, & praxis, ut late Guttierrez supra prosequitur. Postquam vero clerici admoniti sunt, & certiores facti, si nolint deferre, vel negligentes sint, non tenetur dominus fructuum in area expectare, sed potest vel omnes fructus recondere, vel etiam decimam in area relinquere, si consuetudo ita habeat, ut dixit Rebuffus in quæst. 13. num. 50. cum Hostiense, & alijs. Quamvis autem ex vi juris hoc verum sit, sita-

Suarez. Tom. XII.

men consuetudo habeat, ut fideles deferant decimam in horrea, servanda est, & ad hoc sufficere consuetudo 20. annorum, quia non est contra jus: & eo modo servabitur, quo fuerit introducta, id est, quoad parvas expensas, vel etiam magnas, vel quoad publica horrea, vel quoad privatas domos, prout habuerit consuetudo. Atque ita satis explicatæ sunt circumstantiæ in solutione decimarum servandæ.

CAPUT XXXVIII.

Quomodo recuperari ab ecclesia possint decimæ non solutæ?

1 Quia de modo solvendi decimas dictum est, oportet, ut de modo exigendi, vel recuperandi decimas non solutas pauca dicamus. In quo in primis suppono, semper habere ecclesiam jus ad petendas, & exigendas decimas ab injustis detentoribus, quandiu illas non remisit, vel alij bona fide non præscripserunt. In quo graviter erravit Parisi. lege 1. consilio 15. numer. 26. dicens, parochum, si non petiit decimas tempore collectionis, non posse postea petere: est enim practice improbabilis, & plane temeraria assertio, quia nullo jure, vel ratione fundatur: immo nec est alterius auctoris, ut late Covarr. & Guttier. supra ostendunt. Ratio vero clara est, quia qui non petit debitum, statim ac potest, non censetur idcirco illud remittere, ut per se notum est. Immo semper potest omitti, vel differri petitio ex urbanitate quadam; quando enim creditor plus expectat, tunc debitor tenetur magis ex justitia, & gratitudine se offerre: si ergo ipse sit negligens, semper potest creditor petere. Ita ergo est in præsentia. Immo licet parochus oblatas decimas nolit nunc recipere, potest postea postulare, & parochianus tenetur dare, & extunc incipiet esse in mora, si non det, antea enim jam fecerat, quod debebat, ut notavit Glossa in dicto cap. *Cum homines*, ver. *Fructibus*.

2 Secundo est certum, non posse parochum per vim accipere decimas sua auctoritate, etiam si subditus injuste detineat, vel solutionem differat. Ita sumitur ex communi sententia Doctorum, ut tradit Rebuffus q. 9. per totam, maxime vero num. 20. Ratio est, quia fidelis quisque est in legitima possessione suorum fructuum; ergo non potest per vim privari illa possessione auctoritate privata, etiam si vere sit debitor illorum: quia hæc vis est contra pacem reipublicæ, & potest esse origo plurium injuriarum, & scandalorum. Et ideo omnia jura dicunt, per publicam potestatem cogendos esse solvere decimas, qui eas detinent, non vero privata auctoritate. Quocirca non solum per vim corporalem, verum etiam nec per spirituales (ut sic dicam) potest parochus propria auctoritate cogere parochianum, ut decimas solvat. Tetigit hoc Navar. in Consilio 2. de decimis, ubi docet, non posse parochum negare parochiano sacramenta, donec decimas solvat, quia hoc esset propria auctoritate illum cogere, & bonis suis, vel possessione, & usu eorum privare; quod non licet juxta cap. *In litteris*, & cap. *Conquerente*, cum similibus de Rest. Spoli. Item quia vel illa coactio esset per jurisdictionem forensem, & coactivam, seu punitivam in foro externo, & hanc non habet parochus: vel esset per facultatem quasi intrinsecam non dandi sacramenta indignis; & hac non potest uti parochus, nisi quando est publicum, & indubitabile delictum: hic autem peccatum non est publicum, quia non est per sententiam declaratum, ut supponimus, nec est ita indubitabile, ut sit publicum evidenter facti, quia potest quis habere excusationem, & jus aliquod prætere; ergo nullo modo licet talis coactio privata auctoritate. Item qui sic delinquit, non est excommunicatus ipso facto, ut supra dixi: & licet terset, non posset a parochio publice denunciari, donec per sententiam esset declaratum incurrisse; ergo antea non potest eo titulo excludi a participatione sacramentorum; ergo illa coactio est violenta, & injusta, si propria auctoritate fiat. Et hic addi possunt, quæ supra in simili de oblationibus diximus.

Nō potest parochus accipere decimas per vim sua auctoritate.

Ratio coactionis.

3 Tertio est certum, prælatos ecclesiæ, & judices

Prælatos,
& iudices
ecclesiæ
posse co-
gere de-
cimam de-
bitores.

ecclesiasticos competentes posse cogere fideles debi-
tores decimarum ad solvendas illas. Hoc constat
ex capit. *Omnes* 16. quæstione 7. ubi dicitur, hos esse
admonendos primo, secundo, & tertio: & si non
obedierint, anathemate feriendos usque ad satisfac-
tionem congruam. Idem sumitur ex multis capit.
de decimis, ac tandem ex Tridentino sessione 25. ca-
pitul. 12. de Reformatione: *Qui decimas* (inquit)
subtrahunt, aut impediunt, excommunicentur, nec ab
hoc crimine sine plenâ restitutione secuta absolvantur.
Ratio vero clara est, quia qui decimas detinent, sacrilegii crimen committunt, & æternæ damnationis
reatum incurrunt, ut dicitur in capitulo *Decimas*
1. 16. quæstione 7. Ergo si admoniti contumaces
sunt, merito excommunicari possunt, & quandiu
non restitunt, absolvendi non sunt, quia non sunt
ad absolutionem dispositi, & quia semper cogi pos-
sunt, donec ecclesiæ satisfaciunt. Advertit autem
circa hoc Navar. in Man. cap. 21. numer. 33. hoc in-
telligendum esse de illo, qui potest restituere ante com-
munionem, vel mortem, quia si excusetur impoten-
tia, absolvi poterit ab habente potestatem in foro in-
terno, vel externo juxta modum jurisdictionis, cum
proposito satisfaciendi ecclesiæ, cum primum pos-
sit, & sufficiente cautione juxta occurrentes circum-
stantias.

An præ-
lati tene-
antur
debitos
cogere.

4 Sed quæres, an teneantur episcopi, & prælati
hoc modo cogere subditos ad solutionem decimarum.
Respondeo primo, per se loquendo teneri. Ita Panor-
mitanus cum aliis in capit. *Pervenit* de decimis. Ex
quo textu id recte probatur, ibi, *Mandamus, &c.*
per quod præceptum hoc prælati imponitur ab Ale-
xand. III. Præterquam quod ex vi sui muneris ad hoc
tenentur, quia ut fideles ministri, & dispensatores
tenentur non negligere ecclesiasticorum bonorum de-
fensionem, & custodiam. Secundo vero dicitur, pos-
se interdum prælatos ecclesiæ connivere, & non co-
gere propter vitanda scandala, & majora mala: ita
sumitur ex Divo Thoma dicta quæst. 87. art. 1. ad 5.
& rationem reddit: *Quia ministri ecclesiæ majorem*
curam habere debent spiritualium bonorum in populo pro-
movendorum, quam temporalium colligendorum; &
infra: Laudabiliter ministri ecclesiæ decimas non requi-
runt, ubi sine scandalo requiri non possent. Idem vero
Divus Thomas 2. 2. quæstione 43. art. 8. significat,
prælatos ecclesiæ non posse dimittere temporalia bona
ecclesiæ propter scandalum vitandum; & in solut. ad
5. solum excipit petitionem decimarum, ubi scanda-
lum oriretur ex consuetudine non solvendi decimas.
Alensis etiam 3. parte quæstione 51. memb. 6. art. 1. di-
cit, propter vitandum scandalum generale, quod in
schisma vergeret, posse prælatos dissimulare, & de-
cimas non exigere; propter vitandum autem scanda-
lum particulare non posse.

5 Sed non existimo, posse in hoc dari generalem re-
gulam, sed prudentia opus esse, & præterea adhiben-
dam esse distinctionem: nam aliud est, si agatur de
jure decimarum: aliud, si tantum de temporali deci-
ma per justitiam negata, aut occupata. In priori ca-
su non debet ecclesiæ facile cedere propter scandalum
publicum, seu schisma, ut optime probat exemplum
Sancti Thomæ Cantuariensis, & in libro de Immu-
nitate ecclesiæ latius ostendimus: & in hoc casu lo-
qui videtur Divus Thomas citato loco, & ideo exci-
pit consuetudinem, quia illa mutat jus. At vero in
posteriori casu facile possunt pastores ecclesiæ non ex-
igere decimas propter vitandum scandalum, maxi-
me si sit publicum, vel multorum. Interdum vero li-
cere id poterit propter spirituale bonum alicujus, qui
forte per ignorantiam excusatur, & de fragilitate ex-
justimetur, si cogatur. In quo valde mihi placet,
quod Cajeran. advertit dicta quæstion. 43. art. 8. a-
liud esse bona, quæ jam sunt in potestate ecclesiæ,
bene dispensare: aliud, bona ecclesiæ debita, & oc-
cupata recuperare. Nam primum ita est necessarium,
ut nunquam contrarium licere possit propter vitan-
dum scandalum, quia est contra præceptum divinum
negativum. Secundum autem pertinet ad præceptum
defendendi, vel recuperandi res ecclesiæ, quod non
obligat pro semper, sed pro loco, & tempore juxta pru-

dentis arbitrium; & ideo interdum omitti potest pro-
pter scandalum vitandum.

6 Addimus præterea, etiam posse prælatos ecclesiæ
desistere ab hac coactione per aliquod genus transac-
tionis, & amicabile compositionis, & interdum et-
iam per liberalem remissionem. Ita notat Cajer. cit.
loco, ubi maxime de remissione agit, quando is, qui
decimas debet, revera indiget, saltem ad decentiam sta-
tus: sic etiam Navar. dicto c. 21. n. 33. ait, condonatio-
nem factam ab eo, cui debentur decimæ, sufficere ad li-
berandum ab hoc debito, & sentit, licite posse fieri ab ec-
clesiasticis, si debitor sit pauper, non vero si sit dives;
quod debet intelligi, si absque rationabili causa fieret;
ac propter scandalum vitandum, vel alia mala posset
honeste fieri, ut Cajer. sentit. Quod vero generaliter lo-
quendo possint prælati, vel beneficiarii, ad quos tales de-
cimæ pertinent, in his eventibus pacisci, & per priva-
tam conventionem rem transigere, indubitatum est apud
omnes, ut patet ex Gloss. in cap. *Ut super*, de Reb. ec-
cles. non alienan. ver. *Possessiones*, & Panor. in cap. *Cum*
homines, de decim. num. 7. & in cap. ult. de rerum per-
mut. & colligitur ex dicto cap. *Ut super*. Ratio vero est,
quia ibi non agitur de jure spirituali, sed de temporali
debito, & ita in illa compositione nulla est simoniæ
species, sed potest esse fidelis administratio, & dispositio
de bonis ecclesiæ.

Possesse per
composi-
tionem de-
sistere
Prælatos
ab hac co-
actione.

Ratio af-
firmatur i

7 Dices: saltem est quædam alienatio bonorum
ecclesiasticorum. Respondeo non esse alienationem
bonorum immobilium, sed quorundam reddituum,
& ideo ex justa causa vel in totum, vel ex parte re-
mitteri posse, vel commutari, aut aliter de illis transi-
gi. Et ideo norant dicti auctores, hanc composi-
tionem licitam esse de præteritis decimis, non vero
de futuris: commutando in perpetuum, vel ad lon-
gum tempus decimas futuras in alios fructus, vel
possessiones. Nam hoc expresse prohibetur in Con-
cil. Lateranens. sub Alexand. III. part. 4. cap. 1. quod
incipit, *Intelleximus*. Quod olim videtur fuisse sub
titulo de decimis in Decret. ut significat Glossa in ca-
pite ultimo de rerum permutat. in fine, asserens, non
debuisse removeri; nam illa prohibitio durat, ut ex eo-
dem capite colligitur. Et ratio redditur ab Alexand.
3. Quia decimæ non sunt pro temporalibus immu-
tandæ, id est, jus decimarum, quod videtur com-
mutari, quando est de futuris decimis: unde Panor-
mitan. hoc explicans sentit, hoc maxime procedere in
laicis, quia non sunt capaces decimarum, vel certe
quia non possunt ab eis eximi, nisi de consensu pon-
tificis. Unde inter ecclesiæ, & clericos potest ha-
bere locum illa compositio; in futurum tamen, quia
tunc intervenit quædam alienatio rei perpetuæ, quale
est jus decimarum, ideo sine auctoritate superioris, &
debita solennitate, ac ecclesiæ utilitate fieri non potest,
ut notatur latius in dicto cap. ult. de rerum permut. ubi
videri potest Abbas in ca. 2. de transact. & in dicto cap.
Cum homines de decimis.

Occurrit
tur obje-
ctioni.

8 Quarto addunt multi, pastores ecclesiæ non so-
lum posse petere præteritas decimas prædiales non
solutas ab illis personis, quæ illas non solverunt,
sed etiam ab his, quibus ipsæ prædia venderunt,
vel donarunt, aut testamento legarunt: nam illi ul-
timi possessores tenentur non solum ad solvendas fu-
turas decimas, sed etiam ad præteritas ratione præ-
diorum. Ita docent Canonistæ, & significat Glos-
sa in cap. *Tua nobis* de decimis verb. *Sic & Dominus*
in fine: tenet Abbas cum Joann. Andr. & Hostiens.
in cap. *Pastoralis*, de decimis num. 6. Item Abbas in
cap. *Cum homines* de decimis num. 6. cum Joann. An-
dr. & Freder. Senens. Consilio 81. Fundantur in hoc
quod decimæ sunt tributa, juxta capit. *Tua nobis*
de decimis. At tributum transit in novum posses-
sorem, ita ut etiam præterita tributa non soluta
solvere teneatur, ut expresse dicitur in leg. *Impe-
ratores*, ff. de publican. & vestigal. ergo. Secundo
allegat Abbas cap. *In aliquibus* de decimis, quia ibi di-
citur, cogi posse dominos prædiorum ea locare il-
lis personis, a quibus ecclesiæ sine contradictione
decimas percipiat. Citat etiam capit. *De terris*, quia
ibi dicitur, ut Judæi solvant decimas de terris, a
quibus ecclesiæ recipiebant decimas, vel illas compell-
lantur

An præ-
lati pos-
sint deci-
mas pe-
tere non
solum ab
eo, qui
debet, sed
etiam ab
eo, qui a-
grum em-
ens af-
firmat.

lantur relinquere: & capit. *Si quis Laicus* 16. questione 1. ubi dicitur, ut nullus possit ita alienare prædia sua, ut proventus decimarum inde abstrahere valeat.

9 Nihilominus contrariam sententiam tenuerunt alii Canonistæ, ut Abbas, & Freder. referunt. Quæ primo probari potest, quia omnia, quæ adducunt dicti auctores in confirmationem suæ opinionis, probant solum, prædia esse obnoxia pro futuris decimis, non vero pro præteritis. Nam cap. *In aliquibus*, cap. *De æeris*, cap. *Si quis laicus*, cum similibus evidenter loquuntur de onere decimandi fructus proventus ex talibus prædiis a tempore, quo possidentur a quocumque. Hinc autem non licet colligere, etiam obligari pro præteritis, quia est debitum longe diversum, & prædium jam dedit fructus obnoxios illi debito, & consequenter mansit liberum a tali onere. Unde primatio, quæ videtur magis urgens ex leg. *Imperatores*, etiam non probat; tum quia ipsimet Juristæ fatentur, decimas non esse proprie tributa, sed per quamdam similitudinem, & accommodationem, ut notat Glossa in dicto cap. *Tu nobis*, verb. *Tributa*, ubi multa dicit servari in tributis, quæ non servantur in decimis; ergo etiam in presenti argumentum sumptum ex decisione imperatoria circa tributa per solam similitudinem non est efficax, quia pontifices hoc non disposuerunt circa decimas, & ad extendenda onera argumentum a simili inefficax est, præsertim ubi similitudo in aliis multis deficit: tum maxime quia jura canonica disponunt, ut onus præteritarum decimarum transeat cum ipsis fructibus, qui indecimarum alienantur, quod in tributis non servatur. Videtur autem ultra æquitatem, quod idem onus præteritarum decimarum maneat & super possessionem, & super fructus præteritos, cum etiam semper maneat supra personam primi debitoris, qui vendidit prædium, ut iidem Doctores fatentur. Unde confirmatur, quia si ille debitor alienavit & prædia, & fructus indecimaros diversis personis, ecclesia debet convenire possidentes fructus, & non possidentem prædia, quia jura canonica expresse disponunt, primum esse debitorem ratione fructuum, capit. *Cum non sit in homine*, & capit. *Pastoralis*, de alio autem habente prædia solum disponunt, ut teneatur ad decimas in posterum solvendas. Tandem declaratur, quia prædia habent in se onus decimarum, quatenus virtute continent fructus, sic autem comparantur ad futuros: nam præteritos jam protulerunt, & in illos transulerunt onus decimarum, unde si manerent obnoxia prioribus debitis, id esse deberet per modum pignoris, seu hypothecæ, vel in vi alicujus legis, nihil autem horum invenitur.

10 Quocirca dicendum censeo, duobus modis posse intelligi, prædia esse specialiter obligata pro præteritis decimis: uno modo speciali obligatione, quæ nascitur ex lege decimarum propter peculiare onus, quod ecclesia imponit unicuique prædio pro decima suorum fructuum: alio modo posset intelligi ex hypothecaria obligatione inducta beneficio legis in favorem decimarum. Inter quos duos modos potest hæc differentia cogitari, quod in priori onus non extenditur in unoquoque prædio, nisi ad decimam suorum fructuum, non vero aliorum: itaque si quis habens vineas, & prælia, quæ seminantur, & de uvis solvit decimam, non vero de granis, licet postea vendat vineas, non erunt obnoxie debito decimarum grani ex vi illius oneris, quia illud onus non extenditur nisi ad proprios fructus talis vineæ, vel possessionis, etiam futuros; ergo multo minus ad præteritos. At vero alio modo obligationis, & hypothecæ quodlibet prædium intelligitur esse obnoxium pro quolibet debito ex non solutis decimis contracto, & quibuscumque fructibus illæ decimæ debeantur. Auctores ergo primæ opinionis videntur loqui de priori genere oneris, & obligationis, & fortasse est probabilis eorum sententia propter ipsorum auctoritatem; contra illam vero procedunt objectiones a nobis factæ, quibus satisfieri aliquo modo posset. Ego tamen, ut verum fatear, non video sufficiens fundamentum illius obligationis, nec qua lege inducta sit, & ideo in hoc

puncto illis non assentior, sed aliis judicium relinquo.

11 Posset autem quis ulterius dicere, hæc bona immobilia fidelium esse obligata posteriori modo, scilicet per modum generalis hypothecæ tacite obligatione in favorem decimarum, & ita semper transire cum hoc onere pro quibuscumque decimis non solutis; eo modo, quo bona mariti dicuntur esse taliter obligata pro dote uxoris in cap. *Ex litteris* de pignor. Tamen quia hæc hypothecaria obligatio debet esse inducta virtute alicujus legis, cum ipsi fideles ad hoc non se obligaverint voluntate sua, oportet ostendere legem, ubi hæc obligatio imposita sit omnibus bonis fidelium. Dici vero potest, quod licet non sit expressum in jure, in favorem ecclesiæ extendi potest privilegium illud concessum fœderis pro dotibus suis. Sic enim Doctores illud extendunt ad dorem ecclesiæ, cui bona prælati obligata creduntur pro mala administratione, ut videre licet in Gloss. Abbas, & aliis in dicto capit. *Ex litteris*. Item est aliud argumentum a simili, quod bona tutoris sunt obligata pupillo, sed ecclesia comparatur minori; ergo & bona fidelium erunt obligata ecclesiæ pro decimis non solutis, tanquam pro bonis ecclesiæ. Verum tamen licet hoc pium sit, non audeo illud proferre, quia hujusmodi extensiones non sunt facile admittendæ. Præsertim cum sit magna differentia inter singulos privatos fideles, & prælatos respectu ecclesiæ, & tutorem respectu pupilli, nam horum est multo major obligatio. Quapropter probabiliter concludi videtur, hæc bona immobilia fidelium non magis esse obligata ad debita præteritarum decimarum, quam ad quæcumque alia. Quod si verum est, per generalem regulam justitiæ judicandum est, quando ex illis bonis recuperari possint decimæ non solutæ. Ubi applicari possunt, quæ de restitutione usurarum ex bonis usurarii apud alium inventis tradi solent, de quo videri potest Covarr. lib. 3. Variar. cap. 3. num. 6. & Navar. in Man. cap. 17. num. 165. Sor. lib. 6. de just. quæst. 1. art. 4. Med. Cōj. de Rest. qu. 4.

12 Denique addunt aliqui, quod si ex fructibus, vel pecunia obnoxia decimationi, ante solutam decimam ematur res fructifera, ex fructu illius debetur ecclesiæ decima tanquam de re sua quoad partem decimam, quia empta fuit ex pecunia, quæ etiam erat ecclesiæ quoad decimam partem. Ita sentit Panor. in cap. *Pastoralis* de decim. num. 6. Ubi ait, esse opinionem Innocentii, & aliorum. Et inde etiam colligit, decimam esse sub dominio ecclesiæ; priusquam illi solvatur: nam illa ratione quicquid ex illa, vel ex pretio ejus emitur, transit in dominium ecclesiæ, ac subinde illi fructificat pro rata, saltem deductis expensis necessariis ad talem fructum. Sed hoc licet pie dictum, & consideratum sit, credo tamen non esse usu receptum, nec facile posse ad praxim accommodari, nec satis posse fundari, quia non fundatur in jure, sed in principiis incertis. Unum est, quod decima non soluta computatur in bonis, quæ sunt sub dominio ecclesiæ, quod satis dubium est: nam de dominio perfecto, ac directo contrarium est verius: de dominio vero utili, vel jure aliquo in re, licet id probabilius sit, valde tamen est dubium, an ad illos consequentes effectus sufficiat. Præsertim, quod illa sententia supponit aliud principium, scilicet bona, vel possessiones emptas ex bonis ecclesiæ esse ecclesiæ, illique fructificare, etiam si nec illius voluntate sint emptæ, nec illi tradite, & applicatæ, quod non minus incertum est. Nam vel fundatur in alio generali principio, quod bona empta alicujus pecunia injuste occupata sunt ejus, cujus est pecunia, vel in aliquo speciali privilegio. At illud generalissimum pronunciatum communiter non admittitur, ut late tractat Covarr. dicto libro 3. Var. cap. 3. numero 6. specialiter de re empta ab usurario ex usurario lucro, quia non censetur transire in dominium ejus, qui solvit usuram, sed acquiri usurario, ac subinde quamvis ipse maneat obligatus restitutioni usurarum, non tamen fructuum ex re empta perceptorum. Sicut non tenetur ad lucra, quæ sua industria cum usuraria pecunia comparavit, ut docet etiam Sor. dicto art. 4. sed de his alias.

Quid sentiendum sit ex pecunia decimis obnoxia ager ematur.

Dupliciter prædia posse esse obligata pro decimis præteritis.

13 Si autem dicatur, hoc esse speciale in ecclesia, ut quicquid emitur pecunia illius, ipsius sit: hoc nec sufficienter ex jure probari potest, ut dixit Joannes Andreas in additione ad Speculat. tit. de emptione, & venditione §. 3. Quia ex cap. 1. de Peculio Cler. id generaliter non probatur, cum id habeat specialem rationem in clericos administrantes bonam ecclesiam, & aliud jus non affertur. Unde multo magis incerta illa assertio in his, quæ emuntur ex decima non soluta, cum fructus, in quibus illa continetur, simpliciter sint illius, qui ex illis tales possessiones emit, & illius industria, & opera sit emptio; ergo illi tribuendi sunt fructus, qui ex possessione emptæ postea resultant. Valde igitur dubito, an in exteriori foro ille condemnaretur, nisi ad solvendum valorem decimarum non solutarum; & in conscientiarum foro nullam aliam obligationem ego illi imponendam judico.

Occurrit
aut ob-
jectio.

14 Solum potest pro sententia Panormitani induci illud cap. *Pastoralis*, per argumentum a contrario sensu. Dicitur enim ibi, ex fructibus prædii empti ex fructibus decimatis non deberi ecclesie decimam; ergo a contrario ex fructibus possessionis emptæ ex fructibus non decimatis debetur ecclesie decima. Sed hoc argumentum non est efficax, ubi ratio obligationis aliunde non constat: negatur ergo consequentia. Nam ibi locutus est pontifex de his tantum possessionibus, quæ ex fructibus decimatis emuntur, vel quia tantum de illis interrogatus est; vel quia illo tantum modo possunt tales emptiones licite fieri, inde tamen non sequitur, contrarium esse intelligendum, quando emptio sit ex pecunia non decimata. Quin potius considerando immediatam decisionem illius textus, necessario videtur extendenda, etiam ad emptionem factam ex pecunia non decimata. Nam ibi pontifex non agit de dominio rei emptæ ex tali pecunia, cujus videlicet sit, nec agit de fructu talis rei, si sit fructifera, sed agit mere de lucro comparato ex emptione, & venditione talis rei: quod potest accrescere tam in re immobili, & fructifera, quam in re mobili, & non fructifera, ut sunt ordinariæ merces, in quibus etiam pontifex exemplum pontifex. Certum est autem, quod si quis negotietur ex pecunia non decimata, emendo, & vendendo merces, non debet ecclesie partem lucris, ut lucrum est; immo, licet tota pecunia negotiationi exposita esset ecclesie, nullum lucrum ut sic deberetur ecclesie, sed tantum restitutio suæ pecuniæ, quia nec usurarius tenetur mutuario restituere lucrum, quod negotiando cum pecunia usuraria comparavit, sed solam pecuniam.

Si quis de
negotio
cap. cu
non
decimata,
non debet
ecclesie
lucrum.

15 Dico autem in eo casu non deberi partem lucris, ut lucrum est, quia ex lucro illo deberetur decima personalis, non quia ex pecunia ecclesie, vel ex indecimate pecunia comparatum est, sed quia ex omni lucro deberetur personalis decima: & hæc est decisio illius cap. *Pastoralis*. Illa ergo etiam habet locum in re emptæ ex pecunia non decimata. Unde si talis res emptæ esset fructifera, ex fructibus ejus deberetur decima ex titulo decimationis prædialis, non tamen ex titulo domini decimæ partis talis possessionis, ut citata opinio docet. Cujus signum est, quia, etiam si fundus ematur ex pecunia decimata, debetur ex illo decima prædialis, etiam non deductis expensis, ut ibidem dicitur: ergo decisio illius textus nullo modo induci potest in favorem prioris sententiæ. Nisi forte aliquis consequenter dicat juxta illam sententiam, quod, si prædium sit emptum ex pecunia non decimata, in primis debetur ecclesie decima pars fructuum

titulo domini, vel peculiaris juris circa partem pretii, quæ decima pars computanda esset, deductis expensis; & deinde ex residuis fructibus debetur decima prædialis, non deductis expensis: sed hoc licet consequenter sit dictum, tamen per se incredibile est, & nullum habet fundamentum in textu, unde potius ostendit illius sententiæ difficultatem, quam illam suadeat: non ergo necesse est, novis scrupulis, & oneribus rem hanc involvere; sed dicere satis est, quod fructus, vel pecunia non decimata semper est obnoxia ecclesie pro decima non soluta, licet pro aliis lucris ex illa comparatis speciale debitum non oriatur.

Causæ decimarum
ad quod
forum per-
tineant.

16 Ultimo solet hoc loco tractari, ad quod forum pertineant causæ decimarum, ubi pro illis recuperandis, vel solvendis, aut non solvendis lites moventur. Sed hæc quæstio generalis est de omnibus ecclesiasticis bonis, & pertinet ad eorum immunitatem, & ideo illam generaliter tractavi in peculiari opere de immunitate ecclesie. Hic ergo illam omittendam censui. Generalis enim, ac certa regula est, decimales causas ecclesiasticas esse, & in foro ecclesiastico tractandas, quoties de jure decimarum, vel de difficultatibus, aut dubiis circa earum solutionem lites oriuntur. Ita sumitur ex cap. *Prohibemus*, & cap. *Tua* 1. de decimis; immo & ex toto titulo, ut ait Glossa in cap. *Ex tenore* de foro competen. verb. *Ecclesiast.* ex Clement. ultim. de jud. cum Glossa ibi, verb. *Decimis*, & ex generali regula juris in cap. *Decernimus*, de judic. *Ut laici ecclesiastica tractare negotia non presumant*. Et a simili, vel ex alia regula tradita in cap. *Quando*, eodem tit. ibi decernitur, causam juris patronatus tantum in judicio ecclesiastico posse terminari, quia est omnino conjuncta cum spiritualibus causis, ac rebus, non est autem minus conjuncta decimarum causa. Unde generalis regula sumitur, non tantum spiritualia, sed etiam spiritualibus annexa ad forum ecclesiasticum pertinere; jus autem decimarum spirituale est, ut ostendimus, & consequenter decimæ ipsæ sunt spiritualibus annexæ; ergo ut tales sunt, vel quatenus tales considerantur, ac tractantur, ad ecclesiasticum tantum forum pertinent.

17 An vero hæc generalis regula aliquas exceptiones patiarur, tractant late Covarr. in Practi. cap. 35. & lib. 1. Var. cap. 17. num. 8. dicto nono, Rebuffus quæst. 19. de decimis: sed tam illi, quam nonnulli alii, quos ipsi referunt, caute legendi sunt, quia plus quam oportet, inclinant in favorem sæcularium principum, ut breviter adnotavit Azor. lib. 87. Instit. cap. 36. quæst. 3. & sequentibus. Et inconcussa servanda est generalis regula sacrorum Canonum, ecclesias cum decimis, & omnibus rebus suis ad ordinationem, & consequenter ad curam, & jurisdictionem pastorum ecclesie pertinere, cap. *Decretum est*, cum multis aliis 10. quæst. 1. & cap. *Statuimus*, cap. *In sacris*, cum tribus sequentibus 16. quæst. 1. & cap. 1. & 2. cap. *Nullus*, cap. *In nona* 16. quæst. 7. Nulla ergo exceptio admittenda est, nisi ubi privilegium, & specialis licentia Summi pontificis intervenierit, quando nimirum de decimis agitur, ut decimæ sunt: nam si fructus decimarum jam soluti sint ecclesiis, & postea sint distrahi, vel furto sublati, aut in alios usus temporales conversi, jam amiserunt annexionem illam, quam habebant cum spirituali titulo, & nullo modo ecclesiastica bona sunt; & ideo ad laicum tribunal pertinere poterunt causæ circa illos exortæ, nisi alioquin ratione personarum, inter quas tractantur, ad ecclesiasticum forum pertineant.

An gene-
ralis re-
gula exce-
ptionem
aliquam
patiarur

LIBER SECUNDUS DE SACRORUM,

SEU FESTORUM DIERUM OBSERVATIONE, ET PRÆCEPTO.



Actenus explicuimus actiones, in quibus externus Dei cultus continetur, vel ad illum proxime ordinantur: nunc duæ circumstantiæ ad hujusmodi actiones necessariæ explicandæ supersunt, quæ sunt tempus, & locus: nam de his etiam circumstantiis præcepta sunt data, ad virtutem religionis pertinentia, quorum declaratio ad hunc locum maxime pertinet. Dicemus ergo prius de tempore, postea de loco. De tempore autem duo præcepta data nobis sunt: unum divinum, quod est tertium decalogi de sanctificatione sabbathi; aliud humanum, quod est primum inter generalia ecclesiæ præcepta, quod est de festorum observatione: quæ duo præcepta in hujus libri discursu a nobis explicanda sunt.

C A P U T I.

*An præceptum de observatione sabbathi
convenienter inter præceptum prima
tabule latum sit.*

QUONIAM ab hoc præcepto derivatum est præceptum ecclesiasticum de observatione festorum, ideo ab hujus præcepti declaratione initium hujus materiæ sumendum est. Adnotandum autem in primis est, in observatione alicujus temporis ad divinum cultum dicari: duo posse considerari: unum ad jus naturale spectans, aliud ad positivum. Nam aliquid invenitur, quod distans ratione naturali necessarium est, etiam si nulla lex extrinsecus addita sit; aliquid vero, quod per voluntatem alicujus legislatoris inductum est. Naturale enim est, ut aliquod tempus soli divino cultui tribuendum sit; positivum vero est, quod tale tempus sit determinatum ad talem diem, vel horam, &c. utrumque facile constat ex supra dictis. Diximus enim, cultum Dei externum esse de præcepto legis naturalis: at hæc est hominis natura, ut ad suas actiones, præsertim externas, tempore indigeat; ergo sub idem præceptum cadit, quod in eo cultu exercendo tempus aliquod infumamus. Rursus hæc est etiam hominis conditio, ut non possit convenienter vacare divino cultui, nisi ab aliis operibus vacet; ergo hoc etiam cadit sub idem præceptum, pro eo nimirum tempore, quo cultui divino vacandum est. Diximus præterea, naturale præceptum religionis, quod affirmativum est, ex vi solius rationis naturalis non determinati ex necessitate ad certas caeremonias, vel actiones, & multo minus ad certa tempora; ergo illa præcepta, quatenus certa tempora determinant, non sunt naturalia, sed positiva.

2 Primo ergo ex hac doctrina, quæ certa, clara, & communis est, inferunt Theologi, tertium præceptum decalogi, prout latum fuit in lege Moysis, in hoc differre a cæteris ejusdem decalogi; quod cætera pure moralia sunt, tertium vero partim morale, partim caeremoniale fuit. Ita D. Thomas 2. 2. quæst. 122. art. 4. ad 2. & ibi Cajetan. & alii. Idem D. Thomas 1. 2. quæst. 100. art. 6. ad 3. & 5. Alen. 3. p. quæst. 32. memb. 2. Et omnes Scholastici, & Summistæ: & notavit Iren. lib. 4. contra hæres. c. 31. significat etiam August. lib. de Spi. in. & Lit. cap. 16. Qui ob eandem causam dixit lib. 8. contra duas Epistolas Pelag. cap. 4. Decalogum servari a Christianis, *Excepta sabbathi observatione carnali, quæ spiritualem sanctificationem, quietemque significat*: aut autem observatione carnali, id est, quod ad litteram præcepto illo mandabatur: licenim paulo antea dixerat: *Christum abſtulif-*

se a nobis jugum carnalium observationum: inter quas ponit: *Ne sabbatho, septeno dierum volumine redeunte, ab operibus etiam necessariis quiescamus*. E contrario vero dixit lib. 19. contra Faustum, cap. 18. præceptum illud tertium spiritualiter servari a Christianis: *Nunquid (ait) ipsum sabbathum, quod ad intelligendam veram requiem pertinet, non observant Christiani?*

3 Hæc etiam differentia ex alia facile ostenditur; quia ante legem Moysis præceptum de observatione sabbathi non obligabat homines, cætera autem præcepta decalogi obligabant. Hoc posterius patet ex illo Pauli: *Gentes, quæ legem non habent, naturaliter ea, quæ legis sunt, faciunt*. Roman. 2. Primum autem constat, quia ante Abraham non erat sabbathorum observatio, etiam apud pios, & Deum colentes, sicut neque in nobis est, ut dixit Euseb. lib. 1. Histor. cap. 4. post Iren. lib. 4. cap. 30. & 42. & Tertul. lib. contra Judæ. cap. 2. & post illos Damasc. lib. 4. de Fid. c. 24. Dices: quid ergo est, quod Genes. 2. dicitur *Deus benedixisse diei septimo, & sanctificasse illum*? Hinc enim aliqui collegerunt, ex tunc dicasse Deum diem illum ad suum cultum, quia non potest esse alia illa benedictio, & sanctificatio. Respondet autem ibi Abulen. quæst. 4. illud esse dictum per anticipationem, ut est frequens in Scriptura: itaque ex tunc dedicavit Deus illum diem ad suum cultum in sua mente, & proposito, non in executione. Vel certe tunc posuit (ut sic dicam) fundamentum illius sanctificationis, non obligationem, aut legem, quia nec illam specialiter promulgavit, nec per rationem naturalem patefecit: non est autem improbabile, ex tunc incepisse observationem aliquam diei septimæ, quæ per traditionem ad posteros devenerit: nam Eusebius lib. 13. de Præparat. cap. 7. refert, *Septimam diem non Hebræos tantum, sed omnes fere tam Philosophos, quam Poetas sacratiorem esse cognovisse*. Credit tamen ipse, hanc opinionem ad Philosophos ab Hebræis manasse, ac subinde vel antea non fuisse, vel per errores, & idololatrias fuisse extinctam. Non fuit ergo illa lex pure moralis, sed ex parte caeremonialis.

4 Quid autem fuit morale in illo præcepto, quid vero caeremoniale? Respondeo, fuisse morale illud præceptum, quatenus absolute præcipiebat cultum Dei externum; hunc enim ibi esse præceptum, docet D. Thomas 2. 2. quæst. 122. art. 4. *Quia ad interiorem cultum (ait) magis inducitur homo Spiritus sancti instinctu, quam exteriori lege*, & ideo hæc data fuit de exteriori cultu. Item quia vacatio ab operibus ibi præcepta, proprie intelligitur de operibus externis, & ita præcipiebatur quædam exterior dedicatio alicujus temporis ad cultum Dei. Perinde autem esse videtur præcipere cultum Dei externum, & præcipere, ut tempus aliquod huic cultui destinemus; quia nec tempus præcipitur, nisi ut circumstantia illius actionis, nec actio præcipi potest, quin etiam tempus aliquod illi tribuere ex vi ejusdem præcepti necessarium sit. Unde Alen. dicta q. 32. memb. 3. art. 2. §. *Ad illud*, ait, ad internam adorationem (quam dicit pertinere ad primum præceptum) non fuisse additam in decalogo alicujus temporis determinationem, quia ad exercendam illam non oportet ab externis operibus vacare: *Exercetur enim (ait) hac adoratio per latrariam mentis, concurrente devotione fidei, spei, & charitatis, quæ simul esse potest cum opere corporali*. Ad exercendum autem externum cultum Dei necessarium est ab aliis vacare operibus pro illo tempore; & ideo dicit, hanc vacationem in illo tertio præcepto fuisse.

Alia differentia.

Respons. datur.

Quid morale, & quid caeremoniale in hoc præcepto.

In quò diff. ferat tertium præceptum decalogi ab aliis.

fuisse specialiter determinatam: sentit ergo, fuisse illud præceptum de cultu exteriori.

Qui cultus exterior fuerit per illud præceptum impositus.

5 Sed quæres, quisnam externus cultus fuerit mandatus ex vi illius præcepti; nam cultus hic consistit in actu positivo: at in forma illius præcepti nullus actus in Dei cultum exercendus in die sabbathi designabatur, nec præcipiebatur, sed sola vacatio ab aliis externis operibus servilibus, seu alienis a divino cultu, ut videre licet Exod. 20. & 31. & Deut. 5. cum similibus. Ad hoc tacite respondet Cajet. dicta q. 122. art. 4. in principio, illum externum cultum ex vi illius præcepti necessarium non in positivo actu, sed in carentia actus constituisse: *Colebatur si quidem Deus (ait) sabbatho in ipsa exteriori quiete ab operibus servilibus: quia quiescebat ad representandam divinam quietem a creatione mundi.* Unde aliqui dixerunt, præceptum illud negativum fuisse, quia nullum actum præcipiebat, sed tantum cessationem ab actu. Et licet forma illius videatur positiva, *Memento, ut sabbathum sanctifices;* tamen re ipsa sanctificatio illa ibi præcepta solum consistebat in privatione quadam, ut si alicui præcipiatur quiescere per horam, licet forma præcepti per verba affirmativa proferatur, re ipsa est negativa, quia nihil aliud præcipitur, quam non moveri. Confirmatur, quia si præceptum illud fuisset affirmativum, oportuisset, ut obligaret ad exercendum aliquod opus externum divini cultus in die sabbathi, sicut nunc præceptum ecclesiæ de observatione festorum positivum est quoad aliquid, ut postea dicemus. At vero ex vi illius præcepti, ut erat legis veteris, non fuit determinatum speciale opus cultus divini necessario exercendum in die sabbathi, ut ex dictis locis aperte constat, & Exod. 31. & 35.

Objectioni satisfi.

6 Dices, licet non obligaverit præceptum illud ad particulare opus divini cultus, nihilominus obligasse ad colendum aliquo modo Deum illo die externo cultu, prout unusquisque vellet. At enim neque hoc colligi posse videtur ex Scriptura; nam ubicunque de illo præcepto fit mentio, sola cessatio ab opere præcipitur, non vero alicujus operis positivus cultus, & specialiter Lev. 23. dicitur: *Sex diebus facietis opus, dies septimus, quia sabbathi requies est, vocabitur sanctus, omne opus non facietis in eo.* Ubi notanda est illa causalis, per illam enim explicatur verbum *sanctificandi* diem sabbathi, consistebat enim illa sanctificatio in cessatione ab opere servili, ordinata ad divinum cultum tum propter significationem ejus; tum maxime quia per eam deputabatur tempus illud divino cultui, ad illam vero nullum opus positivum divini cultus postulari videbatur. Dici vero potest primo, licet per illud præceptum expresse, ac formaliter non præciperetur cultus positivus, virtute fuisse præceptum, quia moraliter loquendo non poterat cessari ab omni opere modo religioso, prout ibi præcipiebatur, & infra explicabimus, quin signo aliquo externo, & positivo id ostenderetur: tale autem signum pertineret ad externum cultum Dei. Item, cum lex naturalis obliget ad colendum Deum aliquando cultu externo, eo ipso quod Deus determinet aliquod tempus huic cultui, ut fecit per illud præceptum, videtur consequenter obligatio illa naturalis ad tale tempus determinari, & pro ipso urgere, sicut præceptum divinum communicandi, licet de se non determinet certum tempus sue obligationis, nihilominus facta determinatione per ecclesiam de die paschatis obligat pro illo. Atque hoc modo posset dici, præceptum illud tertium decalogi esse morale, & naturale quoad positivam obligationem cultus, facta tali temporis determinatione.

7 Sed licet hoc probabile sit, non satis colligitur ex forma præcepti, quia non determinat tempus illud, præcipiendo aliquid fieri, sed solum prohibendo, ne aliquid fiat, quod non satis est, ut dicamus, præceptum illud fuisse de cultu positivo, præter cessationem ab operibus servilibus. Quia hæc cessatio ex intentione præcepti, & ex intentione servandi illud esset religiosa, absque alia demonstratione exteriori. Neque ex tali cessatione fit consequens, ut lex naturalis obliget ad exercendos actus exteriores divini cultus in illo tempore, nisi per aliam legem positivam pro tunc præcipiantur, sicut de ecclesiastico præcepto mox di-

cemus. Formaliter ergo nihil ibi præcipiebatur, nisi dedicatio quadam illius temporis ad cultum Dei, quæ vocatur sanctificatio illius, ut ait D. Thom. dicto art. 4. ad 3. Hæc autem dedicatio formaliter fit per cessationem ab opere, quæ pertinet ad externum cultum per signum negativum declaratum. Unde materialiter videtur esse illud præceptum negativum; formaliter vero, & in genere signi, ac cultus esse affirmativum. Addi etiam potest, in illa lege fuisse alia præcepta positiva de aliquibus actibus divini cultus exercendis in die sabbathi, ut erat oblatio, & sanctificatio panis propositionis Levit. 24. & sacrificandi eodem die duos agnos, & duas decimas similæ, & liba Num. 28. sed illa cæremonialia erant, & non pertinebant ad omnes, & singulos de illo populo, sed ad sacerdotes, non enim tenebantur omnes ad illa sacrificia convenire, ut constat. Addit vero Philo, & refert Euseb. libro 8. de præpar. Evangelica, c. 2. Moysen instituisse, populum septenis diebus congregari, ut *confidentes Scripturas audirent*: quem morem ex evangelii etiam, & Actibus Apostolorum colligimus. Videtur autem potius traditione, & quasi morali consecutione introductum, quam ex vi, ac forma præcepti, igitur tertium illud præceptum solum fuit morale, quatenus generaliter continebat, tempus aliquod esse divini cultui dicandum.

Quid formaliter per hoc præceptum mandaretur.

8 Fuit autem præceptum illud cæremoniale quoad multa. Primo quoad significationem, ut testatur D. Thomas dicto art. 4. in corp. & ad 1. Nam datum est illud præceptum in signum rememorativum beneficii creationis, ut expresse in eisdem locis ostenditur, quia pro ratione illius præcepti assignatur, *Quoniam, sex diebus fecit Deus cælum, & terram, & in septimo requievit, & idcirco (dicitur) benedixit Deus diei septimo, & sanctificavit illum.* Exod. 20. Addit etiam D. Thomas, allegorice significasse quietem Christi Domini in sepulchro, & anagogice quietem æternæ patriæ. Secundo fuit cæremoniale quoad temporis determinationem, in qua determinatione duo distinguuntur. Unum est, quod ad hunc effectum non tantum singulis annis, aut mensibus, sed etiam singulis hebdomadis certum unius diei tempus designatum sit, ita ut post sex dies, operibus humanis occupatos septimus quietis sequatur, & hoc licet positivum sit, non potest tamen dici cæremoniale veteris legis, quia nihil habet proprium illius; poterat enim talis determinatio sine speciali cæremonia, vel significatione solum propter moralem rationem, & utilitatem fieri. Quia licet naturalis ratio non dicat illam determinationem, ut necessariam, dicat tamen, ut convenientem, ut sic per publicam legem homines ad servandam naturæ legem inducantur. Et similiter est consentaneum rationi naturali, ut Dei cultus frequenter exerceatur, & ideo illa etiam temporis determinatio quoad dierum frequentiam poterat fieri ex morali, ac prudenti ratione sine propria cæremoniali significatione. Aliud vero fuit peculiare in illa determinatione, quod scilicet dies ille septimus fuerit talis, nimirum ultimus hebdomadæ, incipiendo numerationem a primo die creationis mundi, ita enim fuit dies ille determinatus in lege veteri, unde non potuit, nisi a Deo, vel ex revelatione Dei determinari, quia non poterat aliter cognosci, quis fuerit primus creationis dies. Et ideo dies ille per antonomasiam sabbathum appellatus est, quia tunc Deus ab operibus suis requievit: sabbathum enim juxta Hebraicam derivationem requiem significat: sic ergo illa determinatio sumpta est in ordine ad significationem, fuitque proprie cæremonialis.

Tertium decalogi præceptum in quo fuit cæremoniale.

9 Tertio fuit etiam positivi juris, & aliquo modo cæremoniale in illa determinatione, quod solennitas illa sabbathi per integras viginti quatuor horas jussa est observari, juxta illud, *Avespera usque ad vesperam celebrabitis sabbathum vestrum,* Levitic. 23. Unde non est dubium, quin hoc tunc fuerit divino jure statutum. Aliqui vero sentiunt, illud fuisse ita immutabile, ut hodie etiam necessario sit servandum in celebratione dominici diei, ita ut nulla consuetudine, vel potestate humana possit tempus illud viginti quatuor horarum minui, quia esset contra jus divinum;

Quod sabbathi solennitas per 24. horas duret positivum & cæremoniale est.

ex quo plane sequitur, hanc circumstantiam illius præcepti non fuisse ex positivo jure, sed naturali. Atque ita sentit Angel. verbo, *Dies festus*, in principio; & inclinatur Silvester, verbo, *Dominico* num. 4. Sed hoc sine dubio est improbabile, quia nulla ratio naturalis dictabat tanquam necessarium ad honestatem morum, ut integer dies viginti quatuor horarum divino cultui dedicaretur: quæ enim potest esse hæc necessitas? Item, non fuit de jure naturali, ut per singulas hebdomadas certum tempus præciperetur pro divino cultu; poterat enim præcipi singulis mensibus, ut in lege veteri potuit Deus præcipere neomenias, & non sabbathum; nam cur non? Ergo potuit præcipere in singulis hebdomadis tantum dimidium diem, vel aliquas horas. Fuit ergo sine ulla dubitatione illa circumstantia temporis de jure tantum positivo divino, & ad caeremonias pertinuit, quatenus propter significationem etiam observata est. Quamvis potuerit habere rationem moralem congruentiæ, non necessitatis: videlicet, ut divinus cultus publicus, & solennis durabilior esset, ac solennior: & ita potuit ecclesia in suis festivitatis hanc circumstantiam imitari, licet id non fuerit simpliciter necessarium, nec semper servetur, ut infra dicemus.

Orium, & requies sabbathi posita, & caeremonialia fuerunt.

10 Quarto fuit etiam positivum, & caeremoniale in illa determinatione orium, & cessatio ab operibus ibi præcepta. Illa enim non erat per se, & ex sola ratione naturali necessaria ad divinum cultum, ut per se manifestum est: potuit tamen præcipi ex ratione morali congruenti, ut homines illo tempore essent magis expediti, & dispositi ad divinum cultum: unde hoc modo etiam Gentiles custodiebant suos dies festos, abstinendo ab humanis occupationibus, & laboribus, ut suis sacrificiis, & caeremoniis vacare possent. Tamen, quatenus in illa lege orium illud specialiter præceptum est propter proportionem, & analogiam ad significandam requiem Dei ab operibus, ad caeremonialia præcepta illud pertinuit. Et auget, ac declarat caeremoniam, quod propter exactam significationem, non solum a servilibus operibus voluntariis, sed etiam aliquo modo a necessariis vacatio præciperetur: in quo clara distinctio cernitur illius præcepti a præcepto ecclesiæ, ut postea videbimus. Hæc igitur fuit ratio caeremonialis præcepti, ex qua intelligitur, propter ignorantiam religionis errasse Senecam, qui sabbatha Judæorum reprehendebat, quod existimaret inutiliter septimam vitæ partem perdere, ut Aug. refert 6. li. de Civit. c. 11. Impium autem est existimare, inutiliter amitti tempus, quod in divino cultu consumitur. Quod si quis vacans ab aliis operibus propter præceptum divino cultui, & bonis operibus non vacet, inutiliter tempus amittit, quia præcepto abutitur, & non quia præceptum de se inutile sit.

Quid de hoc præcepto, quod cessaverit in lege gratiæ.

11 Secundo principaliter dicendum est, præceptum illud tertium decalogi quantum ad totam illam determinationem, quam addit ultra moralem, ac naturalem obligationem, cessasse, & in lege gratiæ non obligare, sicut nec præcepta de aliis festivitatis in ea lege lata nunc obligant. Hoc de fide certum est ex generali doctrina de cessatione legalium, unde eodem modo de ceteris festis Judæorum, prout in ea lege observabantur, intelligendum est, & probabitur aperte ex locis Pauli infra tractandis. In particulari vero de sabbatho id tradit Greg. li. 11. Epist. 3. & in cap. *Pervenit*, de Consec. d. 3. contra quosdam hæreticos, qui suo tempore errorem Ebionitarum excitando, Christianos cogeant ad servandum sabbathum, vacando ab operibus; & eandem hæresim, ait, excitaturum esse Antichristum, ut Judæos sibi lucrifaciat. Eandem veritatem tradidit Aug. locis citatis censens, eandem esse rationem de hoc præcepto observationis sabbathi, quæ de tota lege veteri; & in ser. 251. de Tempore ait, ideo sanctos ecclesiæ pastores decrevisse, omnem gloriam Judaici sabbathi in diem dominicam transferre, ut quod ipsi in figura, nos celebraremus in veritate; quod ipse optime declaravit lib. 4. Genes. ad litteram cap. 13. Unde Concil. Lugdun. in c. 1. de Consec. d. 3. dixit, Christianos observare dominicam diem, ne Judaismo capiantur, utique in observatione sabbathi.

12 Circa rationem autem hujus assertionis oportet advertere, unam esse rationem, ob quam lex vetus mortua est, aliam, ob quam est mortifera: dicitur enim mortua, quatenus non obligat, mortifera vero, quatenus non solum non tenemur servare ritus ejus, sed etiam peccatum est, illos servare. Ratio ergo, ob quam illa lex fuit mortua, est, quia non fuit in perpetuum posita, sed usque ad Christi consummationem, ut dixit Paulus ad Galat. 3. interrogans: *Quid igitur lex?* & respondens: *Propter transgressionem posita est, donec veniret semen, cui promiserat, &c.* Ratio autem, cur sit mortifera, est, quia erat umbra, & figura futurorum; & ideo adveniente luce, & veritate, prohiberi debuit, quia jam ejus significatio, & confessio falsa esset. Prima ergo ratio manifeste habet locum in præcepto de observatione sabbathi. Posterior autem videri potest non ita necessaria: quia propria significatio observantiæ sabbathi non erat de futuro aliquo mysterio, sed de beneficio creationis, semper autem potuit vere significari beneficium illud, & requies Dei ab operibus suis per quietem sabbathi, etiam post Christi adventum, & sine injuria ejus. Unde Clemens lib. 7. Institur. cap. 24. *Sabbathum cum dominica servandum esse, dicit, illud in recordationem fabricationis mundi, hanc resurrectionis domini.* Et hunc fuisse morem antiquum ecclesiæ Orientalis, testatur Socrat. lib. 6. Histor. cap. 8. & patet ex Can. 64. Apostol. Ignat. Epistol. 5. Clemens lib. 7. Const. cap. 24. Nec obstat, si quis dicat cum D. Thoma supra, illud orium sabbathi etiam significasse futuram requiem Christi in sepulchro; quia non constat, illam significationem fuisse in illo præcepto intentam, vel non oportet, illam significari, ut futuram, sed posset significari, ut jam facta, sicut significatur beneficium creationis. Respondetur nihilominus, hac ratione ad summum probari, observationem sabbathi, secluso spiritu Judæico, non esse intrinsece malam, id est, si non fiat vel ex necessitate, & obligatione legis veteris, ac si illa daretur, nec in significationem alicujus mysterii Christi, tanquam venturi. Atque hac ratione dicitur in Concil. Laodicen. cap. 29. *Quod non oporteat, Christianos judaizare, & otiosi in sabbatho, sed operari eos in eodem die.* Quibus verbis ostenditur, mortuum esse antiquum præceptum; subditur vero statim: *Præferentes autem in veneratione dominicum diem, si vacare voluerint, ut Christiani hoc faciant;* id est, non eo ritu, & modo, quo faciebant Judæi, alioquin anathemate feriendos esse decernit. Indicat ergo id non fuisse simpliciter prohibitum, sed solum, si spiritu Judaico fieret.

Cur lex vetus sit mortua, & cur mortifera.

Diluitur obiectio

13 Nihilominus dicendum est, absolute esse mortiferam nunc observationem sabbathi, qualem præscribat lex vetus, meritoque esse ab ecclesiâ prohibitam in detestationem Judaicæ cæcitatatis, ne videatur ecclesiâ illi consentire: & ideo suspecti merito sunt de Judaismo, qui sabbathum custodire inveniuntur. Nam in primis ecclesiâ non præcipit observantiam sabbathi, ut per se notum est, nullibi enim talis lex ecclesiastica reperitur: quin potius Act. 15. universaliter dictum est ab Apostolis: *Visum est Spiritui sancto, & nobis nihil aliud imponere vobis oneris, &c.* declaratur ergo etiam onus sabbathi esse sublatum: qui ergo illud observat, merito censetur ex obligatione legis veteris illud servare, ac subinde spiritu Judaico duci. Deinde ecclesiâ absolute prohibet illam observantiam, ut patet ex dicto cap. 1. & cap. *Pervenit*, de Consec. d. 3. & ex traditione ecclesiæ, quæ ex citatis Patribus colligitur, & ex translatione sabbati in dominicam diem, de qua infra dicemus. Quocirca, licet significatio beneficii creationis facta per orium sabbathi falsitatem non contineat, semper indicat imperfectionem legis veteris, & saltem oblique indicabat, beneficium redemptionis nondum fuisse hominibus collatum: nam cum sit longe majus, multo magis debuit illud coli, & representari per dominicum diem, quam beneficium creationis per sabbathum. Nec oportuit utrumque commemorari, utrumque diem festum agendo; tum propter moralem rationem, quia non expediebat tantum onus perpetuum, ac continuum imponere Christiano populo; tum etiam quia in die domi-

Sabbathi observatio mortifera.

dominica potest utrumque beneficium recognosci, vel quia illo die cepit mundi creatio, ut constat, vel quia eundem esse credimus mundi auctorem, & restauratorem.

Confir-
matur.

14 Accedit, quod teste Paulo ad Colos. 2. etiam sabbathorum observatio erat umbra futurorum adimplendorum per Christum, & in Christo, cujus erat umbra lex illa; & ideo significatio futuræ quietis Christi in sepulchro non est tantum ab hominibus excogitata, sed etiam ab Spiritu sancto intentæ, licet fortasse usque ad veritatis adventum non fuerit declarata. Et quamvis illius diei observantia, quæ prius erat signum futuri, mutari potuerit in memoriam præteriti beneficii: tamen hæc memoria non per festum, & lætitiæ, sed per jejunium, & merorem debuit retineri, & representari, & ideo ecclesia jejunari potius voluit illo die, seu a carnibus abstinere, quam festum diem agi, ut Innocentius papa tradit Epist. 11. ad Dequentium cap. 4. cap. *Sabbatho*, de Consec. d. 3. Quam consuetudinem antiquissimam esse, constat ex Hieronymo Epist. 97. ad Augustinum, & ex Augustino Epist. 86. & 118.

Obiectio.

15 Una vero superest contra hoc obiectio ex capit. *Licet*, de Feriis, ubi Alexander III. prius dicit: *Licet tam veteris, quam novi testamenti pagina septimum diem ad humanam quietem specialiter deputaverit*, postea vero subjungit, *quod tam eum, quam alios dies Majestati altissima deputatos, nec non natalitia Sanctorum Martyrum ecclesia decrevit observanda*. Ergo non solum in veteri, sed etiam in nova lege sabbathina requies commendata est, & ejus religiosa observatio saltem ex ecclesiæ præcepto retinenda est. Quod autem pontifex ait, in novo testamento esse sabbathum approbatum, ideo dixisse videtur, quia Actor. 20. dicitur: *Paulum una sabbathorum convenisse ad frangendum panem*, & simile habetur 1. Corinth. 16. & clarius Act. 13. Paulus ingressus est Synagogas in die sabbatho ad docendum. Ad Alexandrum respondet ibi Glossa, partitionem illam debere accipi cum distributione accommodata: nam vetus testamentum deputavit sabbathum ad litteram, & quasi materialiter, novum vero (ait) *spiritualiter illud servat, primum diem pro septimana celebrando*. Idem sequitur Panor. sed non placet, quia pontifex loquitur de observantia vera, & ad litteram, quæ in diebus festis servanda est. Dicendum ergo est, pontificem non fuisse locutum de sabbatho, neque illud nominasse, sed locutum esse de die septimo. Septimus autem dies intelligi potest, vel ille, qui est septimus numerando a primo die creationis, quæ dici potest veluti materialis numeratio: vel potest dici septimus quasi generatim, seu formaliter ille, qui est ultimus in septenario numero dierum, sicut Arist. dixit, ultimam unitatem esse formam numeri. Dico ergo, pontificem locutum fuisse de die septimo hoc posteriori modo, sensumque esse, utrumque testamentum approbasse morem deputandi ad quietem humanam septimum quemque diem hebdomadæ, quod est formaliter deputare septimum diem, licet materialiter non idem dies fuerit ille deputatus ad hanc quietem pro divino cultu: unde cum subdit, *tam eum, &c.* illud relativum, *eum*, non refert sabbathum materialiter sumptum, sed refert septimum diem, quem ecclesia ad illam requiem designavit. Et hoc modo verum est, quod alii dicunt, septimum illum diem in lege veteri esse sabbathum: in nova vero esse dominicam diem.

Respon-
detur.

Commo-
dior re-
sponso
signatur

Ubi septi-
mi diei re-
quies ap-
probatur
in novo
testamen-
to.

16 Dices: ubi pagina nova testamenti dedicavit septimum diem pro humana requie? Respondeo in primis, ubicunque in novo testamento approbatur sabbathismus Judæorum, virtute approbati dedicationem septimi cujusque diei ad divinum cultum, quia in præcepto de observatione sabbathi hoc etiam continetur, ut dixi. Approbatur autem Judaicum sabbathum in novo testamento vel in generali, ubicunque lex vetus commemoratur, vel in particulari, ubicunque legimus, tam Christum, quam Apostolos sabbathum observasse, vel honorasse, ut de Christo in multis ejus verbis, & actibus legimus: cum enim sepe argueretur a Judæis de violatione sabbati, semper ostendit, se nunquam illud violasse, sed secundum veram

intelligentiam, & pietatem observasse. Et præterea refert Marcus cap. 6. quod *facto sabbatho*, cepit in Synagoga docere. Quam consuetudinem servasse frequenter refert Lucas cap. 4. & 13. & eodem modo Paulus se ostendit cultorem sabbathi Act. 13. & 18. Verisimile enim est, Apostolos eo primo tempore, quo lex erat mortua, & non mortifera, sabbathum observasse; nam qui circumcisionem retinebant, consequenter etiam cæteras caeremonias legis, & sabbatha cum honore sepelebant. Per hæc autem facta non intelliguntur quidem Christus, vel Apostoli approbare, seu confirmare legem sabbathi pro tempore legis gratiæ, sed approbare illam in se: unde fit, ut generaliter etiam approbaverint dedicationem septimi diei pro divino cultu, ut mox dicemus latius. Nunc ita interpretamur alia duo testimonia citata ex Act. 20. & 1. Corinth. 16. Hic enim, *Una sabbathi*, diem dominicam significat: dicitur enim *Una*, id est, *Prima*; *sabbathi*, id est, post sabbathum, juxta doctrinam Hieronymi Epistol. 150. ad Hedibiam qu. 4. Et in particulari ita exponit Pauli verba, lib. contra Vigilant. c. 5. Estque communis expositio Anselmi, D. Thom. Cajetani, &c.

C A P T U L U M II.

Utrum festorum observatio convenienter in tempore legis gratia instituta sit.

I Circa questionem hanc erravit Aetius, qui observationem hanc sacram festorum dierum damnabat, ut auctor est Epiphanius hæres. 75. August. vero hæres. 53. solum de Aetianis ait, *negasse statuta solenniter servanda esse jejunia, ne videamur esse sub lege*: quæ ratio etiam de diebus festis procedebat. Unde maxime confirmari solet hic error, quia non licet in lege nova ceremonialia præcepta legis veteris retinere, aut in morem inducere, festorum autem observatio ad caeremonias pertinet. Et hunc errorem, licet alio modo explicatum, docent hujus temporis hæretici, ut late refert, & impugnat Bellar. li. 3. de cultu Sanctorum, cap. 10. Adduntque in sui erroris confirmationem verba Pauli ad Galat. 4. *Dies observatis, & menses, & tempora, & annos: timeo, vobis, ne forte sine causa laboraverim in vobis*. Et ad Colos. 2. *Ne vos judicet in cibo, aut potu, aut in parte diei festi, aut Neomeniæ, aut sabbathorum*. Ubi sabbathorum nomine omnes dies festos, qui ad orium, & cessationem a laboribus observantur, intelligere videtur.

Conve-
nientius
esse festo-
rum ob-
servatio-
nem in le-
ge nova.

2 Nihilominus dicendum est, præceptum de observatione festorum, seu dierum, qui ad divinum cultum destinantur, convenienter fuisse in ecclesia traditum, est assertio de fide, ex perpetua traditione, & communi ecclesiæ consensu, qui ad hoc sufficit, in divina enim Scriptura non habemus traditum, quod Christus Dominus alicujus festi observationem instituerit: & infra ostendemus, nullum de hac re ecclesiæ suæ peculiare præceptum tradidisse, quia præter leges fidei, & sacramentorum nulla præcepta positiva tradidit, sed suis ministris commisit. Tamen etiam non legimus, prohibuisse, ne festi dies in sua ecclesia instituerentur, vel servari præciperentur in religioso cultum. Quia neque hoc est per se malum, nec inutile, sed est valde consentaneum rationi naturali, ut ostensum est: & potius est moraliter necessarium, tum ad convenientem hominum gubernationem, sunt enim mortales, & laboribus corporis facile distrahuntur, & ideo consentaneum naturæ illorum est, ut interdum a laboribus quiescant; tum maxime, ut certum tempus pro tota populi communitate designetur, in quo divino cultui vacare, & ad illum publice, & gregatim convenire valeat. De Apostolis vero non solum certum est, observationem festorum non prohibuisse, sed etiam est certum ea observasse modo proprio, & peculiari legis novæ, & probabilissimum est aliquorum observationem lege laxatam fuisse, quod in particulari ostendemus cap. sequent. per nonnullos dies festos discurrando. Nunc duo testimonia Actor. 20. & 1. Corinth. 16. supra ex-
pli-

Assertio.

plicata de die dominico sufficiunt, nam ex eis habetur, solitos fuisse fideles tempore Apostoli Pauli convenire specialiter die dominico *ad fractionem panis*, id est, ad missæ sacrificium, & communionem, & in eisdem solitas fuisse fieri collectiones, & oblationes eleemosynarum pro pauperibus fidelibus, de quibus ibi Paul. ad Rom. 15. & 2. Corinth. 9. mentionem facit. Atque hoc modo ex traditione apostolica confutatur dictum errorem Epiphani. & eandem tradunt Hilar. in prolog. psal. Tertul. lib. adversus Psychi. c. 14. Origen. lib. 8. contra Cel. Nazan. orat. in Pentecost. Basil. de Spiritu sancto cap. 27. August. Epist. 86. & alii infra referendi.

3 Denique, quamvis hæc observatio tam antiqua non esset, sufficeret ecclesiæ auctoritas ad veritatem hanc confirmandam. Nam quod suprema ejus auctoritate latum sit hoc præceptum, constat ex Canonibus scriptis sub titulo de Feri. & de Conse. d. 3. quos insequentibus afferemus, & ex universalis consensu, & consuetudine: cum autem ipsa ecclesia sit columna, & firmamentum veritatis, clarum est in re tanti momenti, & quæ ad sanctitatem morum pertinet, errare non potuisse. Et confirmatur, quia licet institutio non sit eadem, quæ fuit in veteri testamento, est tamen instar illius facta in his omnibus, quæ sunt consentanea rationi naturali, ac fidei: solumque discrepat vel in majore perfectione, vel in his, quæ ad speciales ceremonias, & significationem illius temporis, & non per se ad moralem usum pertinebant; ergo nihil est in tali usu, quod conveniens, & honestum non sit. Unde solutum manet fundamentum contrarii erroris: nam ceremonialia præcepta legis veteris abrogata quidem sunt, ideoque nullam obligationem inducunt, & consequenter etiam sunt prohibita, ut tanquam necessaria virtute illius legis fieri non possint. Ac subinde etiam est veritum, ne secundum propriam, & specialem significationem illius legis, & consequenter nec secundum proprium modum ad illam significationem accommodatum in usum revocentur. Nihilominus tamen in illis ceremoniis, seu observantiis sunt quedam rationes generales, quæ secundum se pertinent ad moralem rationem virtutum, ut de se abstrahunt a particulari significatione, & ritu veteris legis, ut supra dicebamus de oblationibus, primitiis, & decimis, & in præsentia ita se habent, quod aliquod certum tempus sit lege præscriptum ad cultum Dei, & quod in illo præcipiatur aliqua cessatio ab operibus; & similia, quæ (ut dicebam) consentanea sunt legi naturali, & in omni tempore, & in omni gente juxta mensuram cognitionis Dei, quam habuit, observata sunt. Hoc ergo modo retinuit ecclesia usum de observatione festorum, & de ea peculiare præceptum imposuit.

4 Ad locum vero Pauli ad Gal. 4. copiose respondet ibi Hieron. Apostolum loqui ad literam de Judaicis ritibus, quos ex vi illius legis aliqui introducere in ecclesiam volebant, illi ergo observabant *dies sabbathorum, Neomenia, & Azymorum, &c.* Item *menses*: Martium ad Azymorum festum, Septembrem ad festum tabernaculorum, &c. Item *tempora anni*, in quibus fructus terræ, vel maturefcere incipiunt, vel collecti jam sunt, vel in quibus ter per annum in templum erat ascendendum, *Annos* denique observabant, vel sabbathismi terræ, vel remissionis, aut jubilei. Hunc ergo modum Judaicarum observationum ibi reprehendit Apostolus, non ecclesiasticam traditionem. *Nos enim* (ait Hieronymus) *non Azymorum Pascha celebramus, sed resurrectionis, & crucis, nec septem juxta morem Israel numeramus hebdomadas in Pentecoste, sed Spiritus sancti veneramus adventum, & ne inordinata congregatio populi fidem minueret in Christo, propterea dies aliqui constituti sunt, ut in unum pariter veniremus.* Quasi dicat, nunc propter rationem moralem determinata esse hæc tempora, non propter Judaicam ceremoniam. Et advertit ulterius, Judæos ita observasse illa tempora, ut extra illa non liceret tale, vel tale sacrificium offerre, vel conventus illos facere, tabernacula figere, Azyma observare, &c. At nos quolibet die sacrificium offerre possumus, & de illo participare, & mortem, vel resurrectionem domini recolere,

& quoad hoc ait Hieronymus, omnes dies nobis esse æquales, & ecclesiam non observare dies, & annos, sed solum, ut omnia ordinate fiant, designasse tempora accommodata, in quibus istis teneamus, vel ad sacrificium congregari, vel peculiaria Deo beneficia propria legis gratia recognoscere, *Præsertim* (ait) *propter eos, qui magis sæculo, quam Deo vacant, & negligentissime viverent, nisi per hæc præcepta ad officium religionis inducerentur.*

5 Alii intelligunt, Paulum illo loco ritus gentilicios reprehendere, quod indicat O ig. lib. 8. contra Celsum, & videtur verisimile: nam quod loquatur ad eos, qui ex gentibus converterant, verba illa ostendunt: *Sed tunc quidem ignorantes Deum, iis, qui natura non sunt dii, serviebatis*; quod non Judæis, sed gentibus dici poterat, & tamen subdit: *Nunc autem cum cognoveritis Deum, immo cogniti sitis ab eo, quomodo convertimini iterum ad infirma, & egena elementa, quibus denuo servire vultis? Dies observatis, &c.* Unde Aug. in Enchir. c. 79. intelligit, Apostolum reprehendere illos, qui certis diebus, sive mensibus sive annis volunt, vel nolunt aliquid inchoare, eo quod secundum vanam doctrinam hominum fausta, vel infasta existiment tempora. Et latius Epist. 119. c. 7. *Eos* (inquit) *culpat Apostolus, qui dicunt, non proficiscar hodie, quia posterus dies est, &c.* Hinc idem August. lib. contra Adiman. c. 16. Cum ille abureretur illis verbis Apostoli ad damnandas ceremonias legis veteris, & consequenter totam legem, & hoc modo Apostoli verba allegaret: *Dies observatis, & sabbatha, & solennitates, timeo vos, &c.* illum arguit, quod male verba referret, quia non ibi Apostolus nominat sabbatum, aut solennitates, sed dies, menses, &c. Significans, Apostolum non agere ibi de observationibus Judæorum, quæ suo tempore sanctæ fuerant, sed de vanis superstitionibus, & divinationibus Gentilium. Verum tamen non ita hoc docuit August. ut priorem sensum improbareret, immo in residua parte illius cap. illum egregie declarat, dicens: *Sed putet esse de sabbatho dictum. Nunquid & nos non dicimus, ista non esse observanda, sed illa potius, quæ his significantur. Illi enim ea similiter observabant non intelligentes, ad quarum rerum significationem, & prænnunciationem pertraherent. Hoc in eis culpet Apostolus, & in omnibus, qui serviunt creaturæ potius, quam creatori: nam nos quoque & Dominicum diem, & Pascha sollemniter celebramus, & quaslibet alias Christianas dierum festivitates, sed quia intelligimus, quod pertineant, non tempora observamus, sed quæ illis significantur.* Et cætera, quæ prosequitur.

6 Atque ita utrumque sensum amplectitur ibi Anselmus, ut probabilem: D. Thom. vero licet hunc posteriori suffineri posse dicat, priorem tamen præfert, & mea sententia merito. Nam licet ibi loqueretur Paulus cum fidelibus ex Gentilitate conversis, tamen non eos reprehendit, quod ad Idololatriam, vel Gentilicam observationem redire vellent, sed quod legalia vellent observare, & hoc ait in toto illo capite, & Epist. Ergo etiam ibi tractat de observationibus Judaicis, &c. Quod autem ait: *Quomodo convertimini iterum*, non ideo dicit, quia ad idola converti vellent, sed ita loquitur, quia illa superstitio jam erat omnino vana, & veræ fidei ita repugnans, sicut Idololatria; & ideo ait, illos voluisse converti iterum, & denuo ad egena, & infirma elementa, quæ licet non essent idola, in superstitione, & inutilitate, ac falsitate conveniebant cum idolis. Unde recte ibi Cajetanus ait, verum esse, quod Apostolus ait, quia convertebantur iterum ad elementa, licet non eodem modo, prius enim adorando elementa, ad illa convertebantur, postea non adorando, sed inutiliter serviendo.

7 Eadem responsio est ad aliud Pauli testimonium ad Coloss. 2. Nam ibi clare loquitur de observatione legalium: & monet Colossenses, ut non timeant, etiam si quis eos judicet, id est, reprehendat, quod non discernant inter cibos mundos, vel immundos, *Nec in parte diei festi, aut neomenia, aut sabbathorum*; id est, nec in ea temporis parte, quæ ad festa Judaica, neomenias, & sabbatha celebranda deputata erat, discretionem facerent, vel peculiarem observationem,

Alia ejus-
dem loci
expositio.

Præfertur
prima ex-
positio.

Alius In-
cus Pauli
explicatur.

Ecclesiæ
auctoritas
te confir-
matur.

Exponitur
D. Pauli
verba Hiero-
nimo.

vel (ut exponunt Hieronymus, & Origenes supra) *partem feci*, vocat, quia illa festa Judaica non erant perfecta, & integra, sed imperfecta, & adumbrata. Nam, ut statim subdit Paulus, illa omnia erant umbræ futurorum, & ideo jam transierant, ideoque merito illa non servabant. At festa novæ legis non sunt umbræ futurorum, sed corpus ipsum Christi continent, ac representant: nihil ergo ad has festivitates illa Pauli monitio pertinet, ut omnes citati Patres concludunt.

C A P U T III.

De diebus, quos universa ecclesia ex obligatione servat in generali.

Explicuimus in generali hoc præceptum: tamen quia in multa dividitur, quæ sub se quodammodo continet, & obligatio præcepti non nisi in particulari cognoscitur, ideo de his præceptis sigillatim dicere necesse est. Advertendum autem est, dupliciter ferri posse huiusmodi præceptum de aliquo festo servando, scilicet, vel pro tota ecclesia, vel pro aliqua tantum provincia, vel diœcesi. Hanc partitionem indicavit pontifex in c. *Conquestus* de Feriis, ubi prius enumerat universales festivitates totius ecclesiæ, deinde addit: *Ceterisque sollemnitatibus, quas singuli Episcopi in suis diœcesibus duxerint, sollemniter venerandas.* Et in cap. *Quoniam* eodem, dicitur secundum diversas consuetudines interdum celebrari unum festum in uno loco, & non in alio, & hic in uno die, alibi in alio. Idem sumitur ex cap. 1. de consecratione, distinctione 3. & generalius ex cap. *Catholica*, distinctione 11. quod est ex August. Epist. 118. Priores ergo festivitates universales, posteriores particulares appellabimus; atque prius de universalibus, postea vero de particularibus dicemus.

2 Circa universales autem festivitates supponendum est, esse in ecclesia potestatem ferendi legem, aut leges universales, quæ totam ecclesiam obligent ad has, vel illas festivitates servandas. Hoc satis constat ex dictis in c. præced. Nam hæc celebritas, & consensus totius ecclesiæ in aliquibus præcipuis festivitatibus pertinere potest ad convenientem usum religionis, & ad unitatem ecclesiasticam: & aliunde determinatio talium dierum non est facta divino jure, ut dictum est, & dicitur: ergo necessaria fuit potestas in ecclesia, qua huiusmodi legem posset statuere.

3 Unde ulterius tanquam certum, & clarum supponimus, hanc potestatem præcipue esse in Summo pontifice, & quodammodo in illo solo. Primum patet, quia pontifex est universalis pastor, & ideo habet universalem potestatem legislativam in spiritualibus, ut alibi in materia de Legibus, & de Summo pontifice latius probandum est: inde vero probatur etiam exclusiva, per quam in primis excluduntur Imperatores, reges, & omnes potestates seculares; non enim possunt illi in spirituali materia præcipere, ut generaliter in materia de immunitate ecclesiastica ostensum est, & in particulari aliquid addemus in discursu hujus cap. & sequentium. Excluduntur præterea quicumque episcopi inferiores pontifice, quia nullus eorum potest legem universalem pro universa ecclesia ferre. Dixi autem, *Quodammodo*, quia Concilium generale potest hanc legem ferre, non tamen sine pontifice cogente, & approbante Concilium. Item universalis consuetudo totius ecclesiæ potest hanc legem introducere, non tamen sine pontifice vel expresse, vel tacite approbante, ut cum proportionem dicemus infra de consuetudine particulari respectu episcopi; est enim eadem proportionalis ratio.

4 His positis, ut usum hujus potestatis circa institutionem universalem festorum ad aliquem ordinem revocemus, est præ oculis habendum, licet festivitates omnes in Dei cultum, & venerationem primario ordinentur; nihilominus inter eas quasdam esse, quæ in solus Dei memoria, & honore, vel gratiarum actione pro aliquo beneficio suscepto quodammodo fiunt: alias vero, quæ simul cum Dei cultu conjungunt specialem alicujus Sancti memoriam, & venera-

tionem. Prioresque vocare possumus Dei festivitates, posteriores vero festivitates Sanctorum. Et utrumque ex his membris in alia duo subdividere possumus: nam inter Dei festivitates, quædam ad Deum ipsum, ut Deus est, referuntur, cumque quasi pro speciali materia, & objecto habent, alia vero sunt propriæ festivitates Christi, seu Dei hominis facti. Inter Sanctos vero Virginem Beatissimam speciali cultu colimus, quem hyperdulam vocamus; alios vero omnes Sanctos communidula: & ideo festivitates Sanctorum in duo etiam capita dividimus: quædam enim sunt propriæ Beatis. Virginis, quæ inter festivitates Sanctorum sunt præcipuæ, & interdum ita sunt cum Christi festivitatibus conjunctæ, ut aliquæ festivitates tam Matri, quam Filio tribuantur; sub ultimo vero membro reliquorum Sanctorum festivitates comprehendimus. Per hæc ergo capita breviter festivitates omnes, quas ecclesia universaliter celebrat, proponemus, & in singulis antiquitatem, rationem institutionis, & modum institutionis explicabimus.

C A P U T IV.

De diei Dominica observatione, & de festo Trinitatis.

Quoniam in ipsius Dei cultum, ut Deus est, præcipue videtur in lege gratiæ dominica dies ab ecclesiæ exordio instituta, & tanquam præcipua festivitas observari præcepta: cui postea temporis decursu speciale festum Trinitatis adjunctum est, ideo de his primo loco dicendum est. Et in primis celebritas dominica diei habetur ex communi usu, & sensu ecclesiæ, & in ipsa Scriptura novi testamenti commendatur. Nam Joannes Apocalyp. 1. commemorat, se in dominica die insignem illam revelationem accepisse, ubi sine dubio diem illam dominicam appellat a Christo Domino, qui sua resurrectione illam specialiter consecravit, sicut Paulus 1. Cor. 11. vocat cœnam dominicam sacram communionem, quam Christus Dominus instituit, & in qua ipse manducatur; vel certe dominicam diem vocavit Joannes, quia eam per anonomasiam Dominus fecisse dicitur, juxta illud: *Hæc dies, quam fecit dominus, &c.* quæ verba de ipso die resurrectionis dominicæ dicta sunt a Propheta Psal. 117. Nam totum evidenter est de resurrectione dominica, de qua ipsemet Christus illum interpretatus est, de se exponens illa verba, quæ proxime præcedunt: *Lapidem, quem reprobaverunt edificantes, hic factus est in caput anguli. A domino factum est istud, & est mirabile in oculis nostris;* post quæ verba immediate subsequuntur illa: *Hæc dies, quam fecit dominus, &c.* Dicta ergo sunt specialiter de die resurrectionis, ut universa ecclesia intellexit. Immo Hierony. Marc. 16. *Post sabbatha tristitia* (inquit) *felix irradiat dies, quæ primatum in diebus tenet, luce prima in eo lucente, & domino meo cum triumpho resurgente, & dicente, Hæc est dies, quam fecit dominus, exultemus, & lætormur in ea.*

Inde igitur prima dies hebdomadæ, quam ecclesia ut festum servat, Dominica appellata est. Immo, ut ait Euseb. lib. 4. de Demonst. Evang. cap. 18. *Is unus, & solus revera est proprius ac Dominicus dies, & melior est aliis innumerabilibus diebus, sive qui communiter intelliguntur, sive qui a Moyse in solennibus, & novitiis, & sabbathis lege sanciti sunt.* Et statim subjungit, hunc solum, & verum Dominicum Salvatoris diem in sola ecclesia per totum orbem diffusa lucere, & nomen, ac dignitatem suam obtinere: quia nimirum in ecclesia semper celebris fuit, & Dominicus appellatus. Unde non est dubium, quin Joannes de illo, tanquam de die celebri, & omnibus fidelibus solenni loquatur, ad suam revelationem etiam ex circumstantia temporis commendandam, ut Chrysostomus, Beda, Anselmus, & alii ibi adnotarunt. Ibi vero non declaratur, tunc fuisse diem illum ut festum ab ecclesia observatum: verum tamen Actor. 20. hoc magis indicatum est: *Una autem sabbathi cum convenissemus ad frangendum panem, Paulus disputabat cum eis.* Nam illam diem fuisse dominicam, supra ostensum est: fratio

Duplex
sollemnitas

In quo sit
potestas
ferendi le-
ges uni-
versales
celebra-
dis festis.

Festivitas
que quædam
est Dei,
alias san-
ctorum.

Dies Do-
minica.

Dominica
diei quam
antiqua
observa-
tio
Apocal. 1.

Etio autem illa panis non erat, nisi oblatio, & communio eucharistiæ, ad quam diebus dominicis convenire solebant fideles, tanquam in solenni, ac festo die, ut constat ex Patribus statim allegandis. Ibiue fiebat sacra concio, cujus etiam in eodem Act. loco mentio fit. Et eodem die fieri solebat oblatio fidelium ad diem festum convenientium, ut supra tractando de oblationibus vidimus, quod etiam in Scriptura fundamentum habere constat ex 1. Corinthior. 16. Ita enim hæc loca Patres intellexerunt, ut supra notatum est, & videri potest in Chrysostomo, Ambrosio, & aliis expositoribus Græcis, & Latinis.

Confirmatur Patrum testimoniis.
Clemens lib. 7. Const. c. 3. *Die, inquit, resurrectionis Domini, quem Dominicum dicimus, convenite sine ulla conventus intermissione ad agendas gratias Deo, & proficendum beneficia, quibus nos Deus per Christum affecit, cum liberavit nos ignorantia, errore, vinculis, ut sic sacrificium vestrum reprehensione careat.* Quæ ibi prosequitur, & latius infra c. 37. idem habet Ignat. Epist. 3. ad Magnesiæ. dicens. *Pro sabbathizatione diem festum celebret omnis Christianus dominicam resurrectionem, regalem, eminentissimam omnium dierum, &c.* Idem late Justin. Apolog. 2. pro Christi. circa finem, ubi de conventibus Christianorum in die Dominico agi solitis tractat. Idem Origen. homil. 7. in Exod. Euseb. lib. 4. de vita Constant. cap. 18. 19. refert, Constantinum diem illum religiosissime observasse, & observandum præcepisse. Apostolicam nimirum traditionem amplectens. Idem habet Ambros. in Lucam cap. 17. August. sermone 251. de Tempore, dicens expresse, celebritatem hujus festi ab Apostolis traditam fuisse. Quam etiam declarat antiquissima prohibitio jejunandi in illo die, propter solennitatem, & celebritatem ejus. De qua extat Canon, sexagesimus quintus Apostolorum, & apud Clementem lib. 6. de Constit. ult. in fine, & lib. 7. Constit. c. 24. ubi Turrianus affert Damasum lib. de Jejunis, & alios: idem habet Ignat. epist. 5. ad Philip. Tertullian. in Apolog. c. 16. & de Coron. milit. c. 3. unde in Concil. Carthagin. III. Canon. 64. dicitur, *Qui studiosè jejunat die Dominico non creditur catholicus.* Idem fere in Concil. Gangren. c. 18. vide c. *Si quis*, 7. & c. ult. d. 30. & c. *Sacerdos*, 26. q. 7. & c. *Placuit*, c. *Jejunium*, c. *Ne quis*, c. *Jejunia*, de Consecr. d. 3. ac denique videri potest late Epiphani. in Epitome fidei ad finem, & Basil. de Spiritu sancto c. 27.

Prohibitio jejunandi die Dominica

Diei Dominicæ observatio est de jure divino, qui dicant

Fundamentum

Refellitur præcedens opinio.

Ex his ergo intulerunt aliqui, festivitatem hanc diei dominicæ in lege gratiæ non humano, sed divino jure esse introductam. Ita sentit Auctor supplementi ad summam Pisanam, verb. *Dominica*, in Additione. Indicat etiam Abbas in c. *Licet*, de Fer. n. 3. Nam ex dispensatione in hoc præcepto infert, posse papam dispensare in præcepto veteris, & novi testamenti. Angel. verb. *Feria*, n. 3. in fine dicit, esse quasi juris divini: simpliciter id affirmat Sylvest. verb. *Dominica*, q. 1. §. 7. ubi alias etiam festivitates adjungit, quas dicit esse de jure divino, ut Nativitatem Domini, Pascha, Pentecostem, & alias, de quibus infra. Fundamentum esse videtur, quia supponunt hi auctores, septimi cujusque diei dedicationem ad divinum cultum esse de jure divino: & putant, determinationem ad talem diem, seu mutationem diei sabbathi in dominicam esse ex institutione divina in lege gratiæ. Confirmatur, quia alias posset festum hoc mutari, abrogari, aut prorogari per humanam legem, vel consuetudinem, quia omnis lex humana potest per hominem, vel per consuetudinem tolli: sed hoc admittendum non est in die dominica, ut communiter Doctores docent in d. c. *Licet*, & c. *Conquestus*, de Fer. ergo.

Nihilominus hoc non probatur ex testimoniis Scripturæ adductis, nec ex traditione: unde nec verum censendum est. Quia est contra regulam generalem, quod in lege nova non sunt data specialia præcepta divina de his accidentalibus observantiis, sed tantum de substantialibus, quæ sunt Fides, Sacramenta, & sacrificium. Reliqua enim dispositioni pastorum ecclesiæ relicta sunt. Igitur tantum ex præcepto ecclesiæ retenta est determinatio septimi diei ad divinum cultum, &

eodem jure mutata est a sabbatho in dominicam. Ita D. Tho. 2. 2. q. 122. art. 4. ad 4. dicens, hoc esse de constitutione ecclesiæ, & consuetudine populi christiani. Idem Anton. 2. 2. q. 9. c. 7. Bonav. in 3. d. 37. circa litteram: & ibi Major q. 19. Sor. lib. 2. de Just. q. 4. art. 4. ad 2. Waldens. de Sacramental. tit. 17. c. 140. Turrecrem. in c. 1. de Consecr. d. 3. Navarr. in Manual. c. 13. n. 1. Tabiena, Rosel. & Armilla. verb. *Dominica*, & Archid. in c. *Jejunia*, de Consecr. d. 3. Fundamentum autem contrariæ sententiæ ad summum probat, hoc præceptum non incepisse a lege scripta ecclesiæ, sed a traditione Apostolica; nam quod ex tunc cœperit consuetudo, aperte convincitur ex testimoniis adductis. Probabile item est, id fuisse verbotenus ab Apostolis tunc præceptum, & a toto populo Christiano receptum, ut necessarium ad honestatem morum, & religionis Christianæ, atque sub hac æstimatione consuetudinem durasse. Quæ tandem legibus scriptis confirmata est, ut patet ex c. 2. & *Sabbatho*, de Consecr. d. 3. & c. *Quoniam*, c. *Licet*, & c. *Conquestus*, de Fer. Et ipsi etiam Imperatores hoc præceptum suis legibus munierunt, ut patet toto tit. 6. de Feriis, præferrim leg. 2. & leg. *Omnes dies*, ubi post alias præcipuas festivitates subditur: *Et dies Solis*, quos Dominicos rite dixerunt Majores, qui repetito in sese calculo revolvuntur, parem necesse est habere reverentiam, &c. & in leg. ultim. *Dominicum diem ita semper honorabilem decernimus, ac venerandum, ut a cunctis executionibus excusetur.*

9 Ad argumenta vero de immutabilitate hujus præcepti per consuetudinem, vel legem humanam respondetur, simpliciter loquendo, & quasi de potentia absoluta ecclesiæ, seu pontificum, tale præceptum mutabile esse, ut argumentum probat, tamen practice, ac moraliter dici posse aliquo modo immutabile, licet ecclesiasticum sit. Quædam enim sunt ecclesiastica præcepta tam propinqua, tamque similia divinis institutionibus, & tam conformia legi naturali, & tot rationibus honestatis, ac religionis munita, & tam vetusta, ac universali consuetudine firmata, ut simpliciter loquendo secundum ordinatam potentiam abrogari, & omnino tolli non possint, licet in particulari dispensari possint. Et per hoc posterius satis ostenditur, non esse de jure divino. Ex primo autem non colligitur jus divinum, & quia illud genus immutabilitatis solum oritur ex materiæ qualitate, & quia non potest moraliter occurrere rationabilis causa talis abrogationis. Unde cum semper futura sit in destructionem, & non in ædificationem, credendum est, Spiritum sanctum non permisit, ut ecclesia erraret in tam sanctis legibus, & consuetudinibus mutandis etiam si ecclesiasticæ sint. Exempla similia sunt in lege decimarum, ut supra dictum est, & in lege Quadragesimæ, & similibus.

10 Dices: Quamvis demus, non posse moraliter mutari legem quoad dedicationem diei septimi ad cultum Dei, cur non poterit mutari quoad mutationem talis diei? Nam lex vetus de observatione sabbathi mutata est quoad hanc determinationem, etiam si ab ipso Deo immediate fuerit lata; cur ergo non magis poterit hæc determinatio mutari, si ab Apostolis facta sit? Major est enim auctoritas Dei, quam Apostolorum, maxime cum dictum sit, Apostolos non introduxisse hanc consuetudinem, ut promulgatores alicujus præcepti a Christo lati, sed ut institucentes novum jus. Respondeo, hanc immutabilitatem non fundari in auctoritate, & potestate immediati legislatoris, sic n. convincit ratio facta, sed fundari in modo, materia, & ratione talis determinationis. Nam in primis Deus non fecit illam determinationem sabbathi statuendo illam lege perpetua simpliciter, sed tantum secundum quid, id est, durante statu illius populi, & utilitate, ac valore Circumcisionis, seu *donec veniret semen*, ut ait Paulus. Unde veniente illo tempore, sese cessavit, non ex defectu potestatis, sed voluntatis ipsius legislatoris. At vero præceptum hoc ecclesiasticum latum est sine temporis determinatione, ac subinde quantum est ex se, in perpetuum, quia ecclesia Christi est perpetua, id est, usque ad finem mundi duratura, & illius utilitas etiam est perpetua: deinde præceptum illud legale includebat ordinem ad mysterium futurum, quod aliquan-

Respondetur articulo

Objeccio.

Satisfactio.

quando debet desinere esse futurum, & incipere esse præsens, aut præteritum, & ideo ex tunc oportuit tale præceptum abrogari. At vero hoc ecclesiasticum præceptum nritur in mysterio resurrectionis Christi jam facti, quod ut sic immutabile est, nec n. potest Christus non resurrexisse, nec potest non vivere gloriose, postquam resurrexerit. Quod si hoc præceptum habet aliquem ordinem ad quietem perfectam futuram in gloria, quando illa comparata fuerit, cessabit etiam hoc præceptum. Denique rationes, quæ in die dominico concurrunt, ut pro illo facta sit hæc determinatio, & mutatio, sunt rationes perpetuæ, & immutabiles, & ideo præceptum ipsum non potest rationabiliter abrogari; contra rationem autem, & contra utilitatem ecclesiæ non permittit Spirit. sanct. ut dixi, qui ecclesiam gubernat, talem fieri mutationem.

Assignantur rationes, ob quas Dominica dies celebratur.

11 Sed quæ sunt istæ rationes, seu proprietates talis dici, propter quas ita oportuit in eum cadere tam fixam, & immutabilem determinationem? Plures a sanctis Patribus assignantur. Prima, & præcipua est, quia in illo die Christus resurrexit, illo n. die mysteriū contigisse indubitatum fidelibus est, & tractatum a nobis est late in 2. to. 3. p. disp. 46. sect. 2. Quod vero illa fuerit præcipua ratio hujus determinationis, testatur Aug. in ser. 154. & 251. de Tempore, cujus verba, & aliorum Patrum ibi retuli, unde etiam dies dominicus, dies resurrectionis a Patribus appellatur, & inde etiam dominicus dictus est, quia Domini victoriam commemorat, ut videre licet in Leone papa epist. 81. ad Dioscor. c. 2. Chrysost. hom. 5. de Resurrect. Gregor. lib. 11. epist. 3. in fine: *Dominico, (inquit) die a labore terreno cessandum est, atque omni modo orationibus insistendum, ut si quid negligentia per sex dies agitur, per diem resurrectionis Dominica precibus expietur.* Et ob hanc causam dominico die genuflexio prohibita semper fuit, sicut in die Paschatis, ut constat ex Concil. Nicen. c. 20. de Consecr. d. 3. c. *Quoniam sunt:* eamque esse Apostolicam traditionem ex Iren. refertur sub nomine Justin. q. 115. ad Orthodox. Cum autem ibi Irenæus Martyr citetur, non posuit a Justino allegari, cum ipse Justinus quadraginta fere annis ante Irenæum passus sit, ut docte advertit Covarr. lib. 4. Var. c. 19. Ergo vel illa responsio Justinus non est, vel allegatio illa ab aliquo addita est. Eiusdem vero traditionis meminerunt Tertullian. de Coron. milit. c. 3. Hieron. contra Lucifer. August. epist. 119. c. 15. & sequentibus. Ambros. optime serm. 60. *Dominica (inquit) erecti, & feriat resurrectionem Domini celebramus, Dominica enim ideo venerabilis est, atque sollemnis, quia in ea Salvator velut sol oriens emicuit, ac propterea ipsa dies ab hominibus sæculi dies Solis vocatur, quod ortus eam Sol justitiae Christus illuminet.* Atque eundem morem standi diebus dominicis servavit ecclesia usque ad Alexandrum 3. juxta c. *Quoniam*, de Fer. Et eundem postea Clemens 8. instituit.

Aliæ rationes assignantur.

12 Præter hanc rationem considerantur aliæ in hoc die ex mirabilibus operibus, quæ in eo Deus operatus est, propter quæ (ut dicitur in Can. 8. Trullano) *Tanta debet esse illius diei observantia, ut præter orationes, & missarum solennia, & ea, quæ ad vescendum pertinent, nihil aliud fiat.* Secunda ergo ratio sumitur ex adventu Spiritus sancti in Apostolos, & discipulos, qui in eundem diem contigit, ut in eodem Canone dicitur: & idem habent Leo papa, & Aug. supra, idem August. serm. 154. & aliis statim referendi, multaque alia de hoc puncto dixi in d. 2. tom. disp. 46. sect. 2. Tertia ratio sit, quia in eodem die natus est Christus, ut expresse affirmatur in d. Can. 8 Trullano, idemque habet Rupert. lib. 3. de divinis officiis, c. 16. & Cassiod. in id Psalm. 117. *Hæc dies, quam fecit Dominus, &c.* & latius auctoritate, & conjecturis confirmavimus d. 2. tom. disp. 13. sect. 4. Atque hinc sequitur quarta ratio, quia in eodem die circumcisus est Christus, & sanguinem pro hominibus fundere cepit, & nomen *Jesus*, illi est impositum, ut notavit Nicephor. lib. 1. histor. cap. 12. Quinta addi potest ex eodem Canone Trullano, quod in eodem die stella Magis refulsit, quæ etiam sequitur ex tertia, quia eodem die stella Magis apparuit, quo Christus natus est, ut tradunt Leo, August. Fulgent. & alii in sermonibus de Epiphan.

Aliæ rationes assignantur.

& diximus latius dicto 2. tom. disp. 14. sect. 4.

13 Sexta adjungitur ibidem, quia in eodem die baptizatus est Christus, quod etiam affirmat Augustinus serm. 154. de Tempore. Unde vero id possit satis confirmari, nunc non invenio, præsertim, quia in eodem sermone August. dicit, Christum etiam cepisse sua miracula facere in die dominica, convertendo, scilicet, aquam in vinum: ostendimus autem in dicto 2. tom. disp. 26. sect. 1. non potuisse utrumque mysterium in dominica fieri, quia utrumque est factum sexta die Januarii, & integer annus tantum inter illa intercessit, fieri autem non potest, ut sextus dies ejusdem mensis in duobus annis continuis dominicus sit, seu quicumque alius dies hebdomadæ: & ita utrumque redditur incertum. Suppositis vero opinionibus, quas loco proxime citato secuti sumus, videlicet, Christum baptizatum esse anno ætatis suæ trigésimo inchoato, & sexto die Januarii. quo die facta est Magorum adoratio, seu Epiphania; & supponendo ex jam dictis, in anno primo Nativitatis Christi Epiphaniam incidisse in sextam feriam hebdomadæ, quia ipsa Nativitas, & Circumcisio in dominicam inciderunt, ex his principiis, per singulos annos computando, non erit difficile deducere, an in trigésimo, vel trigésimo primo anno ætatis Christi potuerit sexta dies Januarii esse dominica. Nunc vero nolumus in hoc immorari, sed probabili fide sequimur, quod de baptismo dixerunt Patres sextæ Synodi in Trullo congregati, quod & nomine Augustini in dicto sermone habetur. Aliud vero de miraculo nuptiarum omittimus: & eadem ratione omitto aliam rationem, quæ in eodem sermone 154. Augustini habetur, scilicet in hoc die benedixisse Dominum quinque panes, quibus quinque millia hominum satiavit: nam unde hoc probari possit, non video.

14 Septimam rationem addit Leo papa in d. Epist. 81. his verbis: *In hac die Apostoli a Domino prædicandi omnibus gentibus evangelii tubam sumunt, & inferendum universo mundo sacramentum regenerationis accipiunt.* In quibus verbis obsecutum est, de quo mysterio, vel de qua Christi apparitione ad discipulos suos post resurrectionem suam Leo loquatur: nam si verba in superficie considerentur, videtur alludere ad illa Matth. 28. *Euntes docete omnes gentes, baptizantes eos, &c.* quia per priora verba acceperunt Apostoli tubam evangelii, per posterora vero sumpserunt sacramentum regenerationis inferendum mundo. At difficile est ostendere, quod Matr. ibi narrat de apparitione Christi facta undecim discipulis in monte Galilææ, &c. die dominico factum esse, quamvis neque contrarium possit demonstrari. Quicquid ergo de hoc sit, quod tanquam incertum omittimus, melius fundatur hæc septima ratio in verbis, quæ statim addit idem pontifex: *In hac die (sicut beatus Joannes Evangelista testatur) congregatis in unum discipulis, januis clausis, cum ad eos dominus introisset, insufflavit, & dixit, accipite Spiritum sanctum, &c.* Nam hoc factum esse in ipsa die resurrectionis ad vespertam, ac subinde in die dominico, constat ex Lucæ ultim. & Joann. 20. Et late ostendimus dicto 2. tom. disp. 49. sect. 4. Et ad idem mysterium possunt applicari priora verba Leonis: quia tunc dixit etiam Christus discipulis, *Sicut misit me vivens Pater, & ego mitto vos;* per quæ verba evangelii tubam absque dubio sumpserunt. Unde etiam Lucas narrat, ibi dixisse Christum, *oportere in nomine ejus prædicari penitentiam, & remissionem peccatorum in omnes gentes;* quibus verbis etiam Sacramentum regenerationis significatur. Hoc ergo mysterium merito inter præcipuas hujus diei prærogativas distincte numeratur, quia licet eodem die resurrectionis contingerit, specialia, & maxima beneficia continet ecclesiæ collata: nam tunc data est illi potestas remittendi peccata in Apostolis, quia tunc primum consummati sunt sacerdotes quoad potestatem in corpore Christi mysticum; unde etiam tunc videntur primo consecrati episcopi, & creati etiam Apostoli quoad spirituales jurisdictionem in universum orbem, maxime in foro sacramentali. Et fortasse ob hanc causam a sanctis Patribus, & Canonibus institutum est, ut episcopi non nisi in dominico die consecrentur, ut ex Decreto Anacleti papæ refertur

in cap. 1. d. 75. Nam episcopi Apostolis succedunt cap. In novo d. 21. ideo eodem die consecrantur, ut ibi notat Tueretrem.

Assignatur prærogative a lege naturali, & scripta penitus.

15 Atque hæc quidem rationes ad illam dignitatem dominicæ diei pertinent, quam specialiter in lege gratiæ obtinuit: non tamen caret prærogativis, quæ ad legem naturæ, & scriptam spectare videntur. Constare enim in die dominica creatum esse mundum quoad substantiam cœli, & terræ, & in eadem factam esse lucem, non solum spiritualem, & Angelicam, sed etiam hanc materialem, ratione cujus hæc fuit prima dierum omnium, ut notat Augustinus dicto serm. 251. & Beda lib. de offic. eccles. cap. 1. Et idem habet Leo supra, & dictus Canon. 8. Trullanus. Hanc ergo prærogativam dicimus communem esse legi naturæ, quia in Deum, ut in naturæ conditorem, refertur. Atque ita hic dies complectitur præcipuam dignitatem sabbathi Judaici. Non enim minus per celebrationem hujus diei, quam per solennitatem sabbathi, beneficium creationis recognoscimus. Denique addunt prædicti Patres, præsertim August. & Orientales in dicto Canon. 8. in hac die misisse Deum Manna de Cœlo, quod pertinet ad mirabilia patrata tempore legis scriptæ; immo est memoriale quoddam omnium beneficiorum, quæ Deus illi populo contulit. Idem affirmat Isidor. lib. 1. de offic. eccles. cap. 24. & probat ex c. 16. Exod. ubi in principio datum est Manna Hebræis per sex dies continuos, & cessavit in septimo, quia erat sabbatum, unde bene concluditur cœpisse in dominico, seu primo die: Unde (inquit Isidor.) intelligant Judei, jam tunc prælatam esse Judaico sabbatho dominicam nostram: jam tunc indicatum, quod in sabbatho ipsorum gratia de cœlo ad eos nulla descenderit, sed in sancta dominica, in qua primum Dominus illam pluit. Sic ergo satis constat, quor, & quantis rationibus dies hæc ad divinum cultum peculiariter in lege gratiæ electa est.

Dies Dominica al. signata ad colendum Deum propter de.

16 Est autem animadvertendum, licet ad hanc determinationem talis diei faciendam, hæc omnes prærogativæ considerari potuerint, nihilominus per se, ac directe non refertur, vel institui hunc diem ad peculiarem commemorationem illorum operum Dei, sed ad Deum ipsum propter se colendum, & propter suam excellentiam, & majestatem. Nam (ut sæpe diximus) naturalis ratio hoc modo principaliter dicitur divinum cultum, & quoniam sola ratio certum tempus ad hunc cultum non determinat, per positivam legem fieri determinationem oportuit: & ita in lege veteri facta est in die sabbathi, cui dominica dies successit: ergo solennitas, & requies ab operibus terrenis, quæ in hoc die indicitur, ad ipsam Divinitatem colendam ordinatur, etiam si ad hanc determinationem pro tali die faciendam circumstantiæ illius diei, & opera, quæ in eo Deus fecit, fuerint considerata. Et confirmatur hoc, nam hac ratione in ecclesia Romana dominicus dies specialiter censetur dicatus in honorem totius Trinitatis; quia in lege gratiæ, sicut expressius cognoscitur Deus, prout in se est trinus, & unus, ita ad profitemdum hanc fidem, & Deum trinum, & unum expressius colendum, septimus hebdomadæ dies specialiter destinatus est. Et ideo graves auctores referunt, olim præfationem Trinitatis in omnibus dominicis fuisse decantatam, quia dominici dies sanctissimæ Trinitati dicati erant. Ita Micrologus de eccles. observat. cap. 60. Et sumi potest ex cap. Invenimus, de Confed. 1. Ubi Pelag. II. inter præfationes, quas longæ retro vetustas in Romana ecclesia servavit, ponit præfationem sanctissimæ Trinitatis, cum tamen ecclesia Romana speciale festum Trinitatis olim non servaret, ut dicit Alexander III. in cap. 2. de Fer. Ergo verisimile est, præfationem illam fuisse dictam in diebus Dominicis, ut Micrologus dicit. Item in eisdem diebus in ordinario tempore non impedito consuevit dici in matutino octavum responsorium de Trinitate. Et in eisdem dominicis maxime observari præcipitur, ut symbolum fidei, quo Trinitatem profitemur, in Missa dici non omittatur. Sic ergo dicimus, diem dominicum in Dei, ac Trinitatis cultum esse singulariter ordinatum.

Dominica dies specialiter dicata toti Trinitati.

17 Neque obstat, quod postea introductus sit mos Suarez Tom. XII.

in ecclesia, ut in quadam peculiari dominica festum Trinitatis celebretur, quod prius in particularibus provinciis, seu ecclesiis incepit, ut Alexandr. III. dicto cap. 2. refert, & sumitur ex Ruper. libr. 2. de divin. offic. cap. 1. & Dur. in Rationali lib. 6. cap. 11. & postea Joannes XXII. in Romana etiam ecclesia celebrari voluit, ut notat summa Pisana verb. Ferie, §. 3. quod etiam nunc universa ecclesia servat. Non (inquam) hoc obstat, quam illud merito additum est ad majorem reverentiam Trinitatis, & ut expressior memoria, tam in officio toto, quam in concionibus illius mysterii fieret. Nihilominus tamen omnes etiam dominici dies ad peculiarem Trinitatis honorem instituti sunt.

CAPUT V.

De festis ad vitam, & mortem Christi pertinentibus, Virginique communibus.

1 **A**Dvertendum est, sermonem esse de his festivitatibus, quæ sub præcepto servari mandantur universæ ecclesiæ, & populo ejus, & in rigore tantum sunt quinque: quibus nos duas addemus usque ad Christi mortem. Sunt vero multæ aliæ, in quibus quoad ecclesiastica officia mysteria humanitatis Christi celebrantur, sed illæ non pertinent ad præceptum speciale de observatione festorum, de quo nunc disserimus, sed vel ad præceptum de horis Canonicis, vel de modo celebrandi Missæ sacrificium; & ideo nunc de illis non agemus: attingemus vero, quæ necessaria fuerint, ut intelligatur, an in aliquo illorum dierum præceptum hoc de obligatione festorum liger.

Festum Incarnationis.

2 Primum ergo festum, ut secundum ordinem re-
rum ea enumeremus, est festum Incarnationis Divini Verbi, quod etiam festum Annunciationis Beatæ Virginis appellari solet. Immo in Concilio Toletan. 10. cap. 1. per antonomasiam festum Divinæ, seu Dominicæ Matris appellatur: Nam quod (ait) festum Matris est, nisi Incarnatio Verbi? Et ita communiter inter festivitates Beatissimæ Virginis hæc numerari solet, nec immerito quandoquidem in illa summam dignitatem, & excellentissimam gratiæ dona consecuta est. Proprie tamen dici etiam potest festum Verbi Incarnati, quod illo die conceptum est sanctum, ut per Angelum annuntiatur. Sicut enim festum conceptionis Virginis magis est festum ejusdem Virginis, quam Matris ejus Annæ, quamvis ex illa conceptione magnus honor, magnæque Dei dona (ut credendum est) in gloriosam Annam redundaverint, ita festum Incarnationis Christi principaliter est festum personæ conceptæ, & mysterii, licet simul ad Virginem pertineat. Quapropter si secundum se spectetur illud festum, summæ dignitatis, & lætitiæ inter omnia, quæ ad humanitatem Dei pertinent, esse videtur. Quia in illo supremum beneficium Deus hominibus contulit, & maximum omnium mirabilium suorum operum fecit. Tamen quoad nos non videtur donum illud perfecte collatum usque ad Virginis partum: & ideo quoad exteriorem lætitiæ solennius illa Nativitatis festivitas celebratur. Et obeamdem causam festivitas illa præcipue ad Christum, hæc vero ad Virginem referri videtur: & sine dubio ecclesiasticum officium ad Virginem præcipue dirigitur. Nihilominus tamen propter rationes factas, & propter ordinem festivitatum hoc loco illam posuimus. Sciendum autem est, festum hoc duobus modis in ecclesia celebrari, uno generali, & alio peculiari: generali quidem modo celebratur eodem die, quo mysterium peractum est, nimirum vigesima quinta die Martii: particulari vero, prout in Hispania observatur, decima septima die Decembris ex decreto Concilii Toletani decimi capite primo, consuetudine, & pontificum approbatione usque ad nostra tempora retento: & olim in ecclesia Mediolanensi juxta ritum Ambrosianum celebrabatur in Dominica quarta Adventus, ut refert Galestinus in annotationibus ad Martyrologium Romanum: verum tamen hic de proprio festo agimus, nam

in eodem die festum colebatur Verbi incarnationis, & Virginis Annunciationis.

Dupliciter hoc festum in ecclesia celebratur.

nam aliud potius institutum est per translationem quamdam solennitatis, ut in eodem Concilio dicitur.

3 De illo ergo festo in omni rigore observando non invenio præceptum in jure expressum, & scriptum. Nam in cap. 1. de Consecr. d. 3. inter festivitates generales non ponitur, neque inter eas, quæ ad Christum, neque inter eas, quæ ad Virginem spectant, cum tamen inter priores ponatur Purificatio, & inter posteriores Nativitas, & Assumptio Virginis. In cap. 1. extra de Fetiis solum in generali dicitur, *Et omnes festivitates Beate Virginis*, quæ autem illæ sint, non declaratur. Nihilominus tamen Doctores ibi communiter Hostiensis, Joannes Andreas, Panormitanus, & alii pro certo supponunt, Annunciationem ibi comprehendere sub festivitatibus Virginis, & adverterunt, quatuor solennes festivitates Virginis in quatuor anni temporibus celebrari, Annunciationem in vere, Purificationem in hyeme, Assumptionem in æstate, Nativitatem in autumnio; ut ita omnibus temporibus Virgo colatur, & vicissim omnia tempora Virginis solennitatibus ornentur, & protegantur. Et sane cum Gregor. IX. auctor illius decreti non sit admodum antiquus, verisimile non est, illius tempore festum Incarnationis non fuisse ex præcepto observatum in universa ecclesia: nam ut colligitur ex Leone papa epistol. ad episcopos Siciliæ cap. 2. *Sicut est aliud tempus, quo, annunciantem Angelo, Beata Maria fecundanda se per Spiritum sanctum credidit, & concepit, aliud quo salva integritate virgine a puer editus, exultante gaudio cælestium ministrorum, pastoribus indicatur: ita discernenda erant causa solennitatum, & in omnibus institutis Patrum, principumque nostrorum rationabilis servanda discretio. Nam spiritus sapientie, & intellectus ita Apostolos, & totius ecclesie erudit magistros, ut in Christiana observantia nihil inordinatum, nihil pateretur esse confusum.* Quæ verba omnia sunt Leonis, licet non eodem ordine, & contextu posita: unde licet non expresse asserat, has solennitates fuisse a principio distinctas, indicat tamen, & ex eisdem verbis satis congrua ratio ejus institutionis colligitur: unde non dubito, quin mysterium Incarnationis proprio, & speciali ritu, officio, ac die fuerit ab ecclesia semper celebratum.

4 An vero ubique, & semper fuerit omnibus fidelibus propositum, ut ex præcepto observandum, vel quando hæc obligatio inceperit, mihi non constat. Item, an ubique fuerit in vigesima quinta die Martii observatum, vel in alio die mihi incertum est. Nam in dicto Concilio Tolet. 10. præcipitur observari in Hispania decima septima die Januarii, & de festivitate Martii nulla fit mentio: immo significatur, tunc non celebrari propter officia Quadragesimæ, aut passionis, vel resurrectionis Domini; & ideo ne omitteretur illa solennitas, illum alium diem pro illa designari. Et additur: *Quod tamen nec sine exemplo decentis moris, qui per diversas mundi partes dignoscitur observari, videtur institui. In multis enim ecclesiis a nobis & spatio remotis, & terris, hic mos agnoscitur retineri.* Non est autem dubium, quin loquatur illud Concilium de observatione propria festi omnibus fidelibus injuncti: nam dixit: *Debere esse ita solenne, sicut est ejusdem Nativitatis Verbi.*

5 Atque eodem modo videtur mentio ejusdem festi fieri in ferm. 18. de Sanctis apud August. qui est secundus de Annun. quem aliqui tribuunt Fulgentio; sub nomine tamen Augustini legitur ab ecclesia in die Nativitatis Virginis: incipit autem in hunc modum, *Adest nobis, dilectissimi, optatus dies Beate, ac venerabilis semper Virginis Mariæ, ideo cum summa exultatione gaudeas terra nostra tanta Virginis illustrata die solenni, &c.* Quæ verba satis indicant, magnam fuisse tunc illam festivitatem, nec sunt admodum dissimilia, quibus sermonem alium in eandem festivitatem inchoat And. Jerosol. auctor gravis, & satis antiquus. *Adest (inquit) nobis hodie gaudium omnium pristinam nobis noxam diluens, adest, qui est utique, ut omnia gaudio impleat.* Joannes etiam Chrysost. oratio in eandem festivitatem nobis indicat ejus antiquitatem, incipit autem in hunc modum. *Rursus letitia nuncii, rursus libertatis indicia, rursus gau-*

dia, rursus a servitute liberatio, &c. Petrus etiam Chrysolog. ante mille centum annos varias in illud festum habuit homil. quæ inter ferm. ejus a 140. incipiunt & in 142. sic incipit: *Audistis hodie fratres charissimi Angelum cum muliere de hominis reparatione tractantem, &c.* Et multa in cæteris habet similia, quibus illius festi observantiam indicat. Beda etiam in tom. 7. in eadem festivitate concionem habuit, omitto Bernard. Petrum Damian. & recentiores: quamvis illi etiam suis concionibus festum illud, ut solenne, & antiquum celebrent: & Guarr. in ferm. 1. plane demonstrat, in proprio die observari solitum, sic enim incipit: *Opportune nobis in his diebus Quadragesimalis observantie solennitas intervenit Dominice Annunciationis, &c.* Non est ergo dubium, quin hoc festum antiquum satis sit: quando vero inceperit, & præsertim quando Romana ecclesia illud amplexa fuerit, & per universam ecclesiam observari primum præceperit, affirmare non possumus, quia scriptum non invenimus; certum tamen est, traditione satis esse affirmatum hoc præceptum, & a Summis Pontificibus saltem ipso usu approbatum. Et multo ante Gregor. IX. festivitatibus præcipuis Virginis fuisse annumeratum, ac proinde fuisse ab ipso comprehensum in dicto capite ultimo in illis verbis generalibus, eaque satis esse, ut dicamus, hoc festum esse unum ex his, quæ jure communi in universa ecclesia observari præcipiuntur.

Festum Nativitatis.

6 Secundum est festum Nativitatis Domini, quod primo loco ponitur in dictis cap. 1. de Consecr. d. 3. & ult. de Fetiis. Et illi statim adjunguntur festum sancti Stephani, sancti Joannis Evangelistæ, & Innocentium, & sancti Silvestri, de quibus postea. Illud autem festum antiquissimum esse, & ab Apostolis institutum, constat ex Clemen. libr. 8. Constit. & ex perpetua traditione, cujus initium ignoratur, quod est signum, illam esse Apostolicam. Et ita Isid. libr. 1. de offic. 25. cap. indistincte ait: *Natalis dies Domini a Patribus votiva solennitatis institutus est.* Idemque ex variis concionibus antiquissimorum Patrum illud festum facile intelligitur. Nicephorum autem libr. 17. Histor. cap. 28. indicat, Justinum hoc festum observari præcepisse his verbis utens: *Idem Imperator* (ait autem de Justiniano primo) *tunc primum Servatoris exceptionem toto orbe terrarum festo die honorare instituit, sicut Justinus de sancta Christi Nativitate fecit.* Ita enim legendum est, non Justinianus, ut habent nonnulla vetera exemplaria. Nam ibi tractat de Justiniano, qui Justino primo successit, ante quem non fuit alius Justinianus. Igitur Justino tribuit hujus festi institutionem. Verum tamen non potest ita intelligi, ut tunc primum existimeretur hoc festum incepisse: nam sine dubio est multo antiquius. Ad summum ergo potuit Justinus augere illius diei celebratam, & fortasse negligentiam aliquam, quæ irreperat, sua lege emendavit, ut adnotavit Bellarm. libr. 3. de cultu sanctorum cap. 16. circa finem.

7 Celebrat autem ecclesia festum hoc eodem die mensis, quo factum est mysterium, scilicet, vigesima quinta Decembris, illo enim die natus est Christus, de quo mysterio, & circumstantiis ejus in dict. 2. tom. disput. 23. diximus. Non celebratur autem semper in eodem die hebdomadæ Nativitas Christi, ille enim in die dominico natus est, festum autem non potest semper in dominica celebrari simul cum eodem die mensis, & ideo per omnes dies hebdomadæ mutatur. Cur autem id factum sit in hoc festo potius quam in morte, vel resurrectione Domini, tractat Durand. libr. 6. Ration. cap. 4. & varias rationes affert, quas infra agentes de Paschate attingemus. Nunc illa sufficit, hoc fuisse necessarium, ut singulis annis, seu post completum anni circulum festum posset celebrari, quod in omnibus aliis festis immobilibus observatum est, id enim per se erat conveniens; in Paschate vero propter specialem rationem immutatum est, & consequenter in quibusdam aliis festivitatibus, quæ ab illa pendent, & mobiles appellantur, ut videbimus.

Annun-
ciatione
esse unam
ex Septi-
mæ festivi-
tatibus.

Quo die
observari
solitum
sit hoc fe-
stum, in-
certum
est.

Quam an-
tiquum sit
hoc festum.

Nativita-
tis festum
ab Apo-
stolis in-
stitutum.

Quo die
celebretur.

Festum Circumcisionis.

Circum-
cisionis
institutio
valde an-
tiqua.

8 Tertium festum est Circumcisionis Domini qua-
si annexum præcedenti, & ita in dicto cap. 1. ponitur
sub nomine octavæ Natalis, in capite autem ultimo de
Feriis sub proprio nomine Circumcisionis. Quam ve-
ro antiqua sit solennis, & festiva observatio illius diei,
non satis constat, quia ante illa jura nec Clemens
nec Isidorus, aut alii ex antiquis scriptoribus ecclesia-
sticarum festivitatum, hujus facit specialem mentio-
nem. Nec etiam Leo papa, aut Augustinus, aut alii
Patres illis ætate æquales de hoc festo proprias
conciones reliquerunt. Immo Leo papa in sermoni-
bus de Epiphania, significat, festum illud proxime post
nativitatem Domini solitum fuisse celebrari. Idem
tamen Leo in dicta epistola cap. 2. inter illa Christi Do-
mini opera, & mysteria peculiari solennitate dignio-
ra illud ponit, *quo infans circumciditur*. Et Cypria-
nus, & auctor de Cardin. Christi operibus huic festo
peculiarem orationem dicavit: Beda etiam in qua-
dam Homilia illius diei tom. 7. sic incipit: *Sanctam,
venerabilemque presentis festi memoriam paucis qui-
dem verbis Evangelista comprehendit, sed non pauca
cælestis mysterii virtute reliquit*. Ex concionibus etia-
m Bernardi in illud festum intelligimus, inter cele-
bres festivitates illam fuisse annumeratam. Itaque
dubitandum non est, quin sit satis antiqua, & sine
certi initii memoria. Solet autem cum Nativitatis festo
confundi, quia est veluti terminus, & octava il-
lius. Tamen licet ratio octavæ sit sufficiens ad solen-
nitatem quoad officium, quoad observantiam autem
festi non solet reputari sufficiens, nisi cum die domi-
nica, vel cum alio peculiari jungatur mysterio. Si-
cut in hoc die octavo adjunctum fuit misterium Cir-
cumcisionis, quod peculiari festo meruit celebrari;
tum quia eodem die cæpit Christus pro nobis solvere
pretium sanguinis sui; tum etiam quia signaculum
Circumcisionis, quod proprium lapforum hominum
videbatur, pro nobis sumpsit; tum denique, *Ut in
nomine Jesu*, quod illa die accepit, *omne genuflectatur*.
Ob has ergo, & alias rationes sub præcepto festum il-
lud generaliter constitutum est. Et aliqui existimant,
illud etiam fuisse institutum ad impediendas supersti-
tiones, quas Gentiles in illis calendis Januarii obser-
vare solebant, ut habetur ex cap. *Non observetis*, 26.
quæst. ultim. Tandem advertit Durand. lib. 6. Ration.
off. cap. 15. festum illud non solum Christo, sed etiam
Virgini esse dicatum, & olim duas Missas solitas fuisse
in eo celebrari, unam de Virgine, alteram de my-
sterio; & nunc constat ex multis Missæ, & officii
partibus, præsertim in Collecta, Antiphonis, &
Responsoriis, magnam officii partem esse de beata
Virgine. Propter quod idem Durand. lib. 7. cap. 1. num.
47. illam vocat octavam suppletionis: *Nam quia in
Nativitate (ait) multum actum est de partu, & parum
de parturiente; ideo in octava plenius ipsa celebratur*.

Festum Epiphania.

Epipha-
nia festum
ab Apo-
stolis de-
cretum.

9 Quartum festum est Epiphaniæ, quod in eis-
dem juribus expresse numeratur, estque adeo celebre,
& antiquum, ut inter Apostolicas festivitates post
Nativitatem numerari soleat, ut videre licet in Clem.
lib. 5. Const. cap. 12. & lib. 8. cap. 33. ubi (quod valde
notandum est) pro ratione illius festivitatis affert,
*Quod in illa die declarata sit Divinitas Christi testi-
monio Patris in baptismo, & Spiritus sancti, qui in
specie columba ostendit astantibus eum, cui tributum
erat testimonium*. Isidorus etiam libro 1. de Divin. of-
fic. capite vigesimo sexto eandem rationem ponit si-
mul cum præcipua de manifestatione Christi Magis fa-
cta, eorumque adoratione: addens etiam, eodem die
factum esse a Christo primum, & celebre miraculum
conversionis aquæ in vinum, de quorum mysterio-
rum concursu in eodem die fufus egimus dicto 2. tom.
disput. 26. section. 1. ubi Augustin. Ambros. Origen.
Maximum, Leonem, & alios Patres circa festum illud
maxime venerantes retulimus. Et videri etiam potest
Rupertus libro tertio de divin. offic. cap. 34. & Allien.
Suarez Tom. XII.

libr. 4. cap. 23. & Ammianus Marcellinus libr. 21. Ubi
circa tempora Constantii Imperatoris hujus festivitatis
meminit, longe antiquiorem esse significans. De
præcepto ergo servandi hoc festum & scriptum jus
habemus, & Apostolicam traditionem, & magnas
hujus observantiæ causas, præsertim propter vocatio-
nem gentium, & Christi manifestationem, de qui-
bus dicto loco est disputatum, & ideo hic plura dicere
non est necesse.

Festum Præsentationis.

10 Quinto loco inter Christi festa ponimus præsen-
tationem, & oblationem ejus in templo propter ordi-
nem festivitatum, & quia revera primaria ratio illius
solennitatis est Christus: unde in hoc ordine videtur
numerari in dicto cap. 1. de Const. dist. 3. nam proxi-
me post Epiphaniam ponitur ante Pascha, & inferius
adduntur festivitates Beatæ Mariæ; & more Ambros.
& juxta Græcorum ritum ita numerari dicitur. At
vero in cap. ult. de Feriis hoc festum omittitur, unde
sine dubio sub festis Beatæ Virginis comprehenditur:
nam ita etiam numerari optime potest, & communi-
ter solet, præsertim juxta Romanum morem, ut ex
lib. *Ordo Romanus*, & ex communi usu satis constat.
Habetque magnum fundamentum in ipso mysterio,
quia simul cum oblatione primogeniti sacrificium pro
matre offerebatur; unde & Purificatio Virginis festum
illud appellatur. Propter quod recte dixit Beda
tom. 7. in homilia illius diei: *Solennitatem nobis ho-
dierna celebritatis, quam quadragesimo nativitatis
die debitis veneramus officiis, maxime ejusdem Sal-
vatoris nostri, simul & intemeratæ genitricis ejus hu-
militate dedicatam sacra Evangelista lectio designat,
exponens eos, qui legi nihil debuerant, implendis se
legalibus per omnia subdidisse decretis*. Si autem illius
festi officium attente spectetur, majori ex parte ad
Christum refertur, tam ex collecta, quam ex introitu,
epistola, & aliis partibus facile intelligitur.

Præsen-
tationis fe-
stū Chris-
ti & Virgi-
ni exhi-
betur.

11 De antiquitate autem hujus festi non est tam
certa notitia, sicut præcedentis, unde aliqui puta-
runt, cæpisse celebrari temporibus Justiniani primi,
quia Niceph. libr. 17. cap. 28. sic de illo scribit: *Idem
Imperator* (loquitur de Justiniano seniore, seu primo)
*tum primum servatoris exceptionem toto orbe terrarum
festo die honorare instituit, ubi servatoris exceptionem,*
illius præsentationem appellat more Græco, um, quæ
hoc festum hypantin vocant, id est, occursum, vel
Simeonis, & Annæ, quæ eo die obviaverunt Domi-
no, dum præsentaretur in templo, ut ait Micrologus
cap. 47. vel celebrantium festum, qui fide Christo oc-
currunt, cum a Virgine matre in templum præsen-
tandus deferretur, ut ex Martino Polono in Chr. lib. 17.
cap. 8. retulit Covarr. lib. 4. Var. cap. 19. Et cum Nice-
phoro concordare videtur Sigebertus in Chronico,
qui hujus festi institutionem ponit in anno Domini
quingentesimo quadragesimo secundo, qui sine dubio
cedit in Imperium Justiniani, Durand. etiam in Ra-
tionali, lib. 7. cap. 7. dicit tempore Justiniani Impera-
toris Constantinopoli magnam hominum multitudi-
nem pestilentia fuisse sublatam, & ideo tunc fuisse in-
stitutam festivitatem Purificationis. Gregorius autem
Cedrenus Justino prædecessori Justiniani institutio-
nem hujus festi tribuit anno quingentesimo vigesi-
mo septimo.

Quando
incæpisse

12 Apud Baronium vero in 1. tom. in I. Christi an-
no, numer. 41. reperio, Purificationis festum ad abo-
lenda Luperalia Romæ cæptum fuisse anniversario
die celebrari: ibi autem non refert, quo anno ince-
perit, nec potui alium locum invenire, in quo id se
dicturum promittit. Nam tom. 6. Ann. 496. numer.
46. dicit tempore Gelasii, & ejus monitu Luperca-
lia fuisse a Senatu sublata; de Institutione autem fe-
sti illo tempore facta nihil narrat. At vero Beda in
Martyrol. quinto Idus Septemb. & ordo Romanus
refert, Sergium pontificem instituisse solennem
supplicationem, seu processionem, quæ illo die fit,
illamque consuetudinem, & solennem festivita-
tem introductam esse ab ecclesia ad mutandam lu-
strandi consuetudinem, quam gentes observabant,
refert

Hoc festum
Romæ ce-
lebratum
ad abolē-
da Luper-
calia.

refert idem Beda in libr. de Ratione temporum, & Allin. Flac. de Divin. offic. capit. de Purificatione, & Durand. supra. Ubi etiam tribuit hanc institutionem Sergio Papæ: unde dici potest, prius fuisse hoc festum institutum Constantinopoli occasione pestis, postea vero Romæ alia ratione. At Sergius post Iustinianum I. fuit tempore Junioris, & Tiberii. Ideoque probabilius est, non fuisse festum a Sergio institutum, sed auctum, ut sensit etiam Bar. Ann. 701. numer. 3. Immo verisimile est, antiquius esse hoc festum, (ut bene Covarr. supra advertit: & sequitur Azor. tom. 2. lib. 1. cap. 18.) nam antiquiorum Patrum Gregorii Nysseni, Chrysostomi, Cyrilli, Hieronymi, & aliorum declamationes, & homiliæ in ea festivitate habite leguntur apud Surium: inter quos Cyrillus indicare videtur processionum usum, quæ accensis cereis fiunt. Fortasse ergo aucta est solennitas, vel innovatum ejus præceptum cum Constantinopoli, tum etiam Romæ, ut majori cum pompa, & observatione celebraretur: ipsum autem festum antiquius esse credibile est: nam & Leo papa in dicta epistola 4. illius tempus, & rationem, cum aliis solennitatibus majoribus ponit.

Festum Transfigurationis.

13 Hæ festivitates, quas hætenus enumeravimus, pertinent ad infantiam Salvatoris; de reliquis autem mysteriis ejus, quæ ante passionem contigerunt, unam tantum festivitatem videtur ecclesia celebrare, quam sexto loco ponimus, scilicet Transfigurationis. Nam licet de aliis mysteriis vita ejus peculiarem commemorationem faciat, ut de initio doctrinæ ejus in ætate duodecim annorum, quando ad templum veniens cum matre, ibi remansit, &c. & de illius baptismo, jejuniis, ac tentationibus, & de initio miraculorum ejus, non tamen his mysteriis peculiarem festivitatem dedicat, sed vel cum aliis festivitatibus illa conjungit, vel in aliquibus dominicis per annum ea commemorat, ut mansionem Christi in templo celebrat in dominica infra octavam Epiphaniæ: baptismum in ipsamet Epiphania, & in octava ejus, initium miraculorum cum eadem etiam Epiphania, & prima dominica post octavam ejus: jejunium vero in prima dominica Quadragesimæ. At vero de Transfiguratione licet in secunda dominica Quadragesimæ particularem mentionem faciat: specialis nihilominus instituta est festivitas, quæ sexto die Augusti celebratur. Qui mos in ecclesia Græca videtur esse antiquus, ut ex Mœnologio Græcorum colligitur. In ecclesia autem Latina habuisse initium a Calixto III. affirmat Platina in vita ejus, & in eo festo indulgentias illas concessisse, quas Urbanus in festo Corporis Domini concesserat. Occasionem illud instituendi in illo die dicit fuisse, quia in eo Christiani insignem victoriam a Turcis ad Belgradum reportarunt. Alii vero antiquius putant esse hoc festum: quia illius meminit Wandelbertus in suo Martyrologio. Vixit autem ille ante Calixtum III. circa annum Domini 858. teste Trithemio lib. 2. de Vir. illust. S. Benedicti capit. 36. Secundo quia Durand. libr. 7. de Divin. offic. cap. 22. & Joann. Belet. in explicatione Divin. offic. capit. 144. hanc posuerunt festivitatem in die sexta Augusti, & tamen sunt Calixto III. antiquiores. Tertio quia legitur homil. S. Leonis in eo tempore habita. Quapropter in hac re nihil certum affirmare possum. Est autem verisimile, festum hoc quoad officium chori, altarisque solennitatem ante Calixtum incepisse, quoad præceptum vero servandi diem illum ut festivum a tempore ipsius Calixti exordium habuisse.

14 Et ita facile possunt in concordiam redigi prædictæ sententiæ: nam Platina de propria observatione festi loqui videtur. Durandus autem, & Belet. de officio præcipue tractant: nam innumeras recensent festivitates sanctorum, quæ sub præcepto non sunt, licet ecclesia de illis recitet. Minus vero urget, quod ex Wandelberto refertur, quia solent in Martyrologiis poni festivitates, quæ non servantur ex præcepto, immo sæpe ponuntur sancti, de quibus eccle-

sia non recitat. Aliquando etiam referuntur festivitates, quæ apud Græcos celebrantur, etiam si non observentur a Latinis: verisimile autem est, festum hoc fuisse celebrius, & antiquius apud Græcos, quam inter Latinos, ut indicant orationes Sanctorum Ephrem, Cyrilli Alexandrini, Andreæ Creten. & Basilii Seleuciensis in eam solennitatem, quas refert Surius, & Simeon Metaphrast. & prima habetur inter opera Ephrem. Verum est, illas tantum esse de mysterio, nihilque de speciali festivitate indicare, unde potuerunt in dominica 2. Quadragesimæ proferri, quod etiam probabile est de homilia sancti Leonis. Denique quod ad præsens spectat, præceptum servandi illud festum non videtur multum antiquum, & fortasse Romæ, ubi hoc festum rigore servatur, a Calixto III. inchoatum est: non tamen videtur fuisse latum pro universa ecclesia, vel certe non ubique est consuetudine receptum, quia de facto non ubique obligat, sed consuetudini standum est. Et ideo hæc sufficiunt de hoc festo: nam de mysterio ipso, in dicto 2. tom. disput. 32. tractatum est.

Festum Passionis.

15 Septima Christi festivitas poni potest dies mortis, & passionis ejus cum his, quæ illam proxime antecedunt, & subsequuntur usque ad diem resurrectionis exclusive. Hoc enim festum ut ab aliis distinctum ponit Gregor. IX. in dict. cap. ultim. de Feriis, his verbis, *septem diebus dominica Passionis*, & in leg. *Ut in die*, & leg. *Omnes dies*, Cod. de Feriis, septem dies præcedentes ante pascha observari præcipiuntur. Et (quod majus est) Clemen. libro octavo Constitut. capite trigésimo tertio significat, illas fuisse institutiones Apostolorum. Sed sciendum est, aliud esse tractare de Feriis, quæ in ordine ad judicia concessa sunt in jure, aliud vero in ordine ad observationem ex præcepto quoad abstinendum ab operibus servilibus, audiendam Missam, &c. Priori modo considerantur maxime in jure civili, & magna ex parte in jure Canonico sub titulo illo de Feriis, & præsertim in illo capite ultimo videtur de hoc præcipue tractari, sic enim in principio dicitur: *Quamvis non prorogari, sed expediri debeat quæstiones, debet tamen judicialis strepitus diebus quiescere feriatis, qui ob reverentiam Dei nascuntur esse instituti.* Quam ultimam particulam addit, quia sunt aliæ feræ, quæ gratiam vindictarum, vel messum indulgentur (ut ibidem subjungitur) quas quidam Juristæ rusticas alii temporales vocant. Inter quas, & priores differentia constituitur in eodem capite in ordine ad strepitum judicialem, quod prioribus non possunt partes renunciare, nam etiam ex consensu illarum non possunt judicia peragi, quia non in earum favorem, sed in Dei honorem sunt introductæ: posterioribus autem renunciare possunt partes, si inter se consentiant, ut eis non obstantibus, lis tractetur, quia sunt veluti privilegium in favorem earum concessum, cui renunciare possunt. His addunt Juristæ ferias, quas repentinas vocant, id est, quæ non certa, & stabili lege, sed præcepto principis ob occurrentem occasionem uno, vel alio die præcipiuntur. Quæ quidem utroque ex dictis modis juberi possunt, scilicet vel ab ecclesiastico principe in honorem Dei, vel seculari in honorem suum, vel propter aliam reipublicæ commoditatem ob principem natum, vel partam victoriam. Sed hæc obiter tantum attingimus, ut nominum noticia habeatur, reliqua Jurisperitis remittimus.

16 Quod ergo attinet ad septem dies Dominicæ passionis, licet probabile sit, olim dies illos fuisse in præcepto ex vi juris communis, etiam quoad religiosum cultum, & cessationem ab operibus servilibus: nihilominus dicendum est, nunc non esse sub peculiari præcepto totam illam hebdomadam, quam sanctam appellamus. Dico autem, *sub peculiari*, quia prima dies ejus sub generali præcepto de dominica observanda continetur: de reliquis vero diebus nullum est præceptum generale obligans totam ecclesiam. Et ita in cap. 1. de Consec. d. 3. nulla fit illorum dierum mentio. Et quamvis ibi Archid. dixerit ho-

Passionis
festum
quando
incipit

Multa
Christi
festa si-
mul cum
aliis cele-
brantur.

Transfi-
gurationis
solennitas
quæ
antiqua.

Propositæ
opiniones
in concor-
diam re-
ducuntur

An septem
dies sanctæ
hebdomadæ
observentur
operibus
cessatione

die servari feriam quintam, & diem Parasceves, tamen id non habet universalis consuetudo, ut notat Silvest. verb. *Dominica*, quæst. 1. §. 7. qui addit limitationem his verbis: *Nisi forte Parasceves, usque ad osculum Crucis*. Sed in hoc etiam consulenda est consuetudo; nam alicubi solet observari cessatio ab operibus servilibus ab officio Missæ feræ quintæ usque ad finem officii feræ sextæ illius hebdomadæ. Frequentius tamen (ut opinor) hoc fit ex voluntaria pietate, ac devotione, potius quam ex obligatione in conscientia; & sicubi censetur esse obligatio propter consuetudinem, videtur solum esse quoad cessationem ab operibus in publico exercendis propter scandalum, & perturbationem vitandam, non vero quoad obligationem audiendi Missam, seu sacrum officium, vel omnino cessandi ab operibus etiam in occulto. Cujus signum esse potest, quod, quando dies Incarnationis cadit in aliquem ex illis diebus, longe alio modo, & rigore servatur festivitas a populo Christiano quoad Missam, vel officium audiendum, & quoad cessationem a laboribus.

17 Igitur si olim fuit tota illa hebdomada sub præcepto, consuetudine derogatum est, ut Summistæ communiter docent Armill. verb. *Feria*, num. 6. Rossella ibidem Anton. 2. part. tit. 9. cap. 7. & alii. Verisimile autem est id, quod Clemens refert, non fuisse in universa ecclesia introductum, neque fuisse institutum, ut semper duraret, sed pro aliquo tempore. Nam ibidem refert, etiam Apostolos præcepisse tunc observationem sabbathi more Christiano per modum festi, quod fieri potuit pro illa regione, & tempore, donec lex vesus cum honore sepeliretur. De Gregorio autem IX. verisimile est, nullum de hoc tulisse speciale præceptum, quia in dicto cap. ultim. non est sermo de cessatione ab omnibus operibus, sed ab strepitu judiciorum: & hoc solum in principio proponitur, ut patet ex verbis citatis, & id solum in fine capituli concluditur illis verbis: *Quibus solennibus feriis (nisi necessitas urgeat, vel pietas suadeat) usque adeo convenit ab huiusmodi abstinere, ut consentientibus etiam partibus, nec processus habitus teneat, nec sententia, quam contingit diebus huiusmodi promulgari*. Et certe verisimile non est ante Gregorium aliam fuisse consuetudinem, nec facile credi potest, illum voluisse novam consuetudinem, & festivitatem introducere.

18 Neque obstat, quod feræ illæ dicantur solennes, non enim ita vocantur propter festivam solennitatem religiosam, quam in omnibus illis observare necesse sit, sed quia stabili, & antiqua consuetudine receptæ sunt. Sic enim Latine etiam dicitur esse solenne, quod quotannis fieri solet, vel consuetudine receptum est: unde etiam feræ rusticæ æstivales, vel autumnales solennes appellantur, ut a repentinis distinguantur, ut sumitur ex Glossa dicto cap. ult. & ibi Pannorm. num. 8. Nec etiam obstat, quod illæ feræ dicantur in Dei reverentiam, quia hoc optime stat sine præcepto abstinendi omnino ab operibus servilibus, vel audiendi sacrum omnibus illis diebus. Sunt enim multi dies peculiariter dicati in honorem Dei, vel aliqujus Sancti, qui non præcipiuntur illo modo observari, sed specialis reverentia, aut honor cernitur maxime in ecclesiastico officio, quod in diebus majoris hebdomadæ peculiariter fit in recordationem Dominiæ passionis. Et ut majori cum solennitate fieret, adjunxit ecclesia vacationem saltem a strepitu judiciorum, quæ non sunt tam necessaria ad hominum vitam, & sustentationem, sicut sunt alia opera; & ideo noluit ecclesia universale præceptum ferre de observatione festiva illorum dierum, licet judicia prohibuerit in ordine ad reverentiam Dei. Quin potius toto tempore Quadragesimæ jure civili prohibebantur judicia criminalia, ut in leg. *Quadragesima*, Cod. de Feriis, & in cap. 2. 15. qu. 4. prohibetur, ne omnibus illis diebus liceat, aliquem damnare in exilium. Et in c. *Decrevit*, 22. quæst. 5. a Septuagesima prohibetur, exigi ab aliquo juramentum. Quæ omnia non servantur, & decreta illa sunt tantum Conciliorum provincialium. Tamen ex eis intelligitur, quam diversum sit tempus feriatum in ordine ad judicia, etiam in reverentiam Dei, & bonum animæ, vel simpliciter festivum.

Suarez. Tom. XII.

19 Potest tamen apparentius objici, quia hinc sequitur ex vi illius Decreti non probari, alios dies, qui ibi numerantur, etiam Natalis, vel Pascharis, & similes esse in præcepto juris communis quoad observationem rigorosam festi. Patet sequela, quia non aliter dicuntur feriati hi dies, quam feræ hebdomadæ sanctæ: consequens autem videtur contra dicta. Respondeo, propter hoc argumentum esse probabilem opinionem, quam Silvester supra communem dicit, in illo capite non tantum præcipi vacationem ab strepitu judicii, sed etiam ab operibus servilibus in omnibus illis diebus. Sed nihilominus, inspecta intentione pontificis in illa lege, & vi verborum ejus concedendum videtur, intentionem illius legis non fuisse agere de festis ex præcepto observandis ab omnibus fidelibus, sed solum de feriis, in quibus abstinendum est ab strepitu judicii propter reverentiam Dei, quæ feræ latius patent, quam illæ festivitates, ut declaratum est, Nihilominus tamen ex qualitate materiæ, & ex aliis juribus, & maxime ex traditione ecclesiæ intelligimus, festivitates, quæ ibi numerantur, esse ita solennes, ut ab omnibus sint ex præcepto observandæ cultu religioso, & hanc esse generalem regulam, quæ non admittit exceptionem, nisi ubi ex materia ipsa, vel ex consuetudine contrarium constet.

C A P U T VI.

De festo paschatis & resurrectionis Domini.

1 **H**ÆC est octava, & plenissima Christi festivitas, quam communiter pascha appellamus, translato nomine ab usu Hebræorum, qui circa illud tempus suum pascha celebrabant, quia jam pascha nostrum immolatus est Christus, ut dixit Paulus 1. ad Corinthi. 15. Qua occasione solet hic tractari de vocibus, *phase*, & *pascha*, & significatis earum; sed de his satis pro nostro instituto dictum a nobis est in 2. to. sect. 2. in fin. Jam ergo usu ecclesiæ pascha significat tempus illud, seu solennitatem illam, in qua Dominicam resurrectionem solenniter celebramus. De qua in primis certum est, cadere sub rigoroso præcepto sabbathizandi (ut sic dicam) seu festivum agendi diem illum. Et ita sub nomine sancti paschatis proponitur in dicto cap. 1. de Consecr. distin. 3. & sub nomine resurrectionis in dicto cap. ultim. de feriis. Quam esse institutio nem Apostolicam, colligimus ex Clemente libr. 8. Constit. cap. 33. & ex Canone 68. Apostolorum, ubi Quadragesima paschæ jejunari præcipitur, id est, quæ in solennitate, & festivitate paschæ terminatur, ut ex Clemente intelligimus libr. 5. cap. 12. 16. 17. & 18. Et hanc constitutionem fuisse perpetuo in ecclesia observatam sub obligatione legis, & præcepti notius est, quam ut probatione indigeat. Nam in præsentī statu constat de communi consensu ecclesiæ, & observantia, cujus nullum aliud initium assignari potest præter Apostolicam institutionem, nec assignari potest tempus, in quo talis consuetudo fuerit in Catholica ecclesia interrupta. Eam vero fuisse continuam, ex Patribus ostendi potest, quod statim referemus. Unde aliqui putarunt, hoc præceptum esse de jure divino, ipsosque Apostolos non proprio arbitrio, sed institutione Divina hoc festum ecclesiæ tradidisse, quia summa, & quasi Divina ratione nritur, tum propter resurrectionem Christi; tum quia in illo omnes resurreximus; tum etiam quia illa est per antonomasiam dies, quam fecit Dominus ad salutem, & justificationem nostram. Unde etiam fit, ut illud festum omnino immutabile videatur, ac proinde divinum. Sed nihilominus idem de resurrectione, quod de dominica die censendum est, propter easdem rationes, simpliciter est enim ecclesiasticum præceptum, licet Apostolicum, non divinum, habetque omnem firmitatem, & rationem, quam habet dies dominica, cum majori excellentia, & causa, quia illa est tanquam exemplar, & prototypum omnium dominicarum anni, nihilominus tamen in eadem latitudine ecclesiastici præcepti continetur.

Objeçio.

Diluitur.

Paschatis festum antiquissimum.

Hoc festum non est de jure divino.

Quare feræ illæ solennes dicantur.

Totam
hebdoma-
dam pas-
chalis non
esse festi-
væ obser-
vationis

2 Unde est ulterius observandum, ex dictis locis Clementis haberi, hanc institutionem in principio factam esse de observanda tota hebdomada paschæ; ita enim expresse dicit in dicto cap. 33. libr. 8. & quod amplius est, in dict. cap. ult. ponitur dies *resurrectionis cum septem sequentibus*, & dicto cap. 1. ponitur *Sanctum pascha cum tota hebdomada*. Nihilominus tamen certum est, licet tota illa hebdomada sit feriata in ordine ad judicia, quod maxime intenditur in illo cap. ultim. non tamen esse totam sub præcepto festivæ observationis quoad omnia, quæ ad diem festum pertinent, ut constat ex ecclesiæ consuetudine. Unde in Concilio Maguntino sub Carolo capite trigesimo sexto præcipitur observari pascha usque ad quartam feriam simpliciter, & quintam, cum aliqua moderatione. At vero jam nunc generalis consuetudo est, ut duo proximi dies post festum paschæ ita observentur, sicut primus, ob majorem solennitatem & honorem mysterii. In aliquibus item Provinciis observatur tertius, reliqui vero usque ab sabbathum nullibi observantur, & in observatione tertii diei, seu feriæ quartæ illius hebdomadæ consuetudini standum est: nam juxta morem ecclesiæ Romanæ illa dies non est ita solennis sicut priores. Unde etiam in officio diei non habet æqualem solennitatem: nam primus duplices sunt, & supremæ classis, quartus vero solum, ut semiduplex, colitur. Et hæc est sententia communis Anton. Sylvestri, Angeli, Cajetani, Armillæ, & aliorum.

Pascha
die domi-
nicæ cele-
brandum.

3 Circa hanc autem festivitatem nonnulla breviter explicanda sunt, propter antiquam de hoc festo controversiam, & ut ratio temporis ejus perspicue cognoscatur. Secundo igitur dicendum est festum paschæ semper esse in dominico die celebrandum cum hebdomada sequenti in sensu jam explicato. Ita habetur ex traditione ecclesiæ, quæ ab Apostolis traxit originem, ut sumitur ex Clemente dicto libro quinto, capite decimo sexto: *Ne per errorem (ait) diem resurrectionis Domini Nostri Jesu Christi alio die, præterquam Dominico tantum, celebremus*; & capitulo decimo octavo: *Sabbathum usque ad galli cantum jejunium producite, & illucescente una sabbathorum, qui est dies Dominicus, desinite*, &c. Et quoniam de obligatione hujus institutionis aliqui dubitare cœperunt, Deus speciali revelatione, Hermæ Doctore ecclesiæ antiquissimo facta, illam confirmavit, ut refert Pius I. (qui anno centesimo quinquagesimo Christi sedet) in epistol. 1. decret. Ubi etiam de hac observatione specialem legem tulit, quæ habetur de Consecr. d. 4. cap. Noffe vos. Quam post quadraginta annos confirmavit Victor papa epistol. 1. cap. *Celebritatem*, de Consecr. d. 3. Et cum eo fere tempore de hoc articulo controversia orta esset inter Orientales ecclesias, omnes episcopi Orientis in Concilio quodam Palæstino congregati statuerunt, omnino esse retinendam traditionem, ut festum paschæ in die Dominica celebraretur, tuncque jejunium solveretur. Ita refert Euseb. libr. 5. Histor. cap. 22. addens, eo tempore in variis provinciis tam Orientis, quam Occidentis, atque etiam Romæ fuisse de hac re motam quæstionem, & omnes episcopos in hanc sententiam conspirasse: & cap. 23. refert epistolas Policratis ad Victorem, ubi perpetuam traditionem de hac observantia ostendit: & cap. 24. refert decisionem Victoris papæ de hac re, & concordiam Irenæi in sententia; licet judicaret, non esse unitatem ecclesiæ scindendam propter unius cæremoniæ diversitatem.

4 Tandem vero in Concilio Nicæno controversia omnis confopita est, & dicta veritas stabilita. Quamvis enim in actis Concilii, quæ modo habemus, nihil de hac causa tractatum legamus, & in ejus Decretis vel viginti, vel octoginta, quæ in 1. tomo Concil. juxta varias editiones leguntur, nullum sit ad hanc quæstionem pertinet; nihilominus communis traditio Patrum est, in Concilio Nicæno statutum, vel potius constitutum esse, quod nunc ecclesia servat. Quod satis patet ex Concilio Antiocheno, ut statim dicemus: item ex Socrate libr. 1. Tripart. cap. ultim. & Euseb. libr. 3. de Vit. Constant. c. 4. & 5. Qui referunt, duas fuisse causas præcipuas cogendi Concilium illud;

unam ad definiendam fidem contra Arium: alteram ad statuendum dominicum diem pro paschate celebrando contra Asiaticos. Et cap. 17. refert, ubi in Concilio de sanctissimo festo paschatis disceptaretur, communi sententia stabilitum esse, ut uno die, videlicet dominico ab omnibus celebraretur. Quod etiam refert Niceph. libr. 8. Histor. cap. 19. Et attigit Athan. in epistol. de synodo Arimin. & Seleuci. latius Epiph. hæres. 50. & 70. & Ambros. in epistol. 83. alias in enarratione de paschatis celebrandi ratione, ubi præterea refert in Nicæno Concilio aurum numerum computo esse adjectum ad statuendam certam rationem inveniendi legitimum diem paschatis celebrandi, Ipsum autem decretum ex quadam epistola ejusdem Concilii ad Alexandrinam ecclesiam refert Theodor. libr. 1. Histor. cap. 9. & in lib. 2. Tripart. cap. 12. his verbis: *Evangelizamus de consonantia sanctissimi pasche, quia vestris rationibus est correctum hoc opus, ita ut omnes Orientales fratres, qui cum Judeis primitias celebrabant, consonent cum Romanis, & vobiscum, & cum omnibus ab initio pascha custodientibus ex hoc tempore debeant custodire*.

5 Ut autem veritas magis declararetur, inquiri potest, quanta certitudine tenenda sit assertio posita, & quo sensu accipienda sit, & an sit mortale peccatum contrarium sentire, vel agere, & quo jure fundata sit, quidam enim dixerunt, non debere pascha celebrari semper die dominica, sed in decima quarta luna primi mensis, in quacumque die hebdomadæ inciderit, juxta Judæorum observationem. In hac opinione fuerunt Asiani ante Concilium Nicænum, ut ex Euseb. relatum est, additque Niceph. libr. 4. cap. ultim. etiam post Concil. Nicæ. aliquos in ea opinione perdurasse, eamque consuetudinem retinuisse: idemque refert Epiph. hæres. 50. ubi sectatores hujus ritus, Quartadecimanos vocat, & inter hæreticos eos ponit: sicut & August. hæres. 29. Tessarascadecaitas eos vocat. Alii vero dixerunt, rem hanc indifferentem esse, & neutram fuisse ut necessariam statuendam. Ita videntur sensisse Novatiani, ut ex Socrate libro 5. Histor. cap. 20. & libro octavo Tripart. capite nono colligitur. Et hæretici hujus temporis dicuntur ita sentire, & multi alii, de quibus videri potest Bellarm. libr. 3. de cultu Sanctorum cap. 10. Et ad hoc suadendum induci potest historia supra relata de Irenæo, qui Victori pontifici obstitit, ne propter cuiusdam cæremoniæ observationem Asianos excommunicaret. Allegari etiam potest, quod Joannes evangelista fertur, morem illum celebrandi hoc festum 14. luna ecclesiis Asiæ tradidisse, sicut Petrus tradidit Romanis usum celebrandi illud in dominica, & ideo neutrum morem fuisse damnandum: unde refert Nicephor. libr. 4. Hist. cap. ult. cum Polycarpus Romanam venisset tempore Aniceti, persuaderi ab illo non potuisse, ut morem a Joanne receptum relinqueret, & nihilominus unionem inter eos servata discessisset. Idem habet Euseb. libr. 5. cap. 24. & ita etiam admittit Beda libr. 5. Histor. cap. 15. & Bellarm. supra. Denique cum alia festa Christi non eodem die hebdomadæ celebrantur, quo mysteria ipsa facta fuerunt, videri potest commodius futurum, si idem in hoc festo servaretur; ita enim major uniformitas in festis celebrandis haberetur, & innumeræ difficultates circa observanda novilunia ad legitimum diem paschæ inveniendum evitarentur.

5 Verumtamen, ut recte notavit Castro verb. *Pascha*, aliud est agere de doctrina, aliud de observatione. Quod ergo ad doctrinam attinet: in primis sentire, esse illicitam consuetudinem celebrandi pascha in die dominico, & non in decima quarta luna, hæreticum est. Et hoc sensisse videntur illi, quos ut hæreticos damnant Epiph. Augustin. & alii Patres. Ratio vero est primo, quia est contra infallibilem ecclesiæ universalis auctoritatem, & contra Apostolicam traditionem: impossibile enim est, ut ecclesia, quæ est columna, & firmamentum veritatis erret approbando pro licito id, quod illicitum est. Secundo, quia vel hoc esset illicitum, quia est contra præceptum legis veteris de celebratione Paschatis in luna 14. & hoc Judaicum est, & involvit hæresim, quod

Quanta
sit certitudo
positæ asser-
tionis.

Hæresicū
est sentire
illicitum
esse cele-
brari pas-
cha die
dominicæ

quod observatione legalium sit necessaria: vel esset illicitum, quia est jure naturali, aut alio divino positivo prohibitum: & hoc stultum est, quia nec naturalis lex habet hic locum, ut est per se notum, nec de tali prohibitione est aliqua scriptura, vel traditio: immo illam fingere, est contra ecclesiasticam traditionem, ac proinde hæreticum est; vel esset illicitum, quia contra præceptum aliquod humanum, & sic præter temerariam assertionem sine fundamento involvitur hæresis, quod supra leges pontificias, & conciliares a pontificibus approbatas possit esse humana prohibitio, quæ actum reddat illicitum.

6 At verò e contrario sentire, quod seclusa ecclesiæ lege de ritu celebrandi pascha die dominico, sit per se illicitum illud celebrare in aliis diebus hebdomadæ, in quibus 14. lunam incidere contigerit, licet probabile non sit, non tamen est ita falsum, seu hæreticum, sicut contrarium assertum. Hoc propono contra alios, qui dixerunt, esse contra jus divinum alio die celebrare pascha, quam dominico. Id enim supponitur in illa assertionem, quam reprobamus: si enim hoc est illicitum seclusa ecclesiæ institutione, & lege, oportet, ut sit contra jus divinum: at illud jus esse non potest naturale, ut per se notum est, quia tota celebratio hujus festivitatis est ultra rationem naturalem, etiam suppositis ipsis mysteriis, & beneficiis mortis, & resurrectionis Christi; ex nullo enim principio morali sequitur necessitas talis festivitatis, seu commemorationis, seclusa lege determinante, & præcipiente illam: ergo multo magis idem est de circumstantia talis diei in illa solennitate servanda. Nec etiam potest de hoc fingi præceptum divinum positivum, quia nec scriptum est, nec traditum; & quia totum ipsum festum non est de præcepto juris divini, ut dixi: ergo multo minus illa circumstantia. Et hoc ad summum probat argumentum sumptum ex facto Joann. Evangelistæ, si verum est, ipsum in vita sua celebrasse pascha in 14. luna sine observatione peculiari diei dominicæ; potuit enim tunc id facere quodam arbitrio humano, quia non erat res prohibita, & potius fortasse tunc expedire in illis locis ad sedandos Judæorum animos, sicut Paulus circumcidit Timotheum, & alia legalia interdum servavit. Quanquam Joann. non more Judæorum celebrabat pascha, sed ritu christiano, solumque in circumstantia diei volebat cum Judæis convenire, ut minus a nostra festività abhorrerent; vel certe id facere potuit ex aliis humanis conjecturis, ut ex propinquitate temporis ostenderetur consonantia rei, & figuræ, veritatis, & umbræ, vel ut celebritas paschæ haberet diem magis certum, vel aliis similibus, quæ in his moralibus rebus sufficiunt ad aliquam determinationem faciendam in re de se non mala, neque prohibita.

7 Dico verò tertio, licet sit verum, hanc rem ante determinationem esse indifferentem, non tamen ita esse indifferentem, ut non possit ecclesiæ circa illam necessitatem imponere, ac subinde nunc post ecclesiæ præceptum non esse indifferentem, sed necessariam ad honestatem morum, & oppositum dicere hæreticum esse. In quo caute legendus est Socrates libro quinto Histor. capite vigesimo, & libro nono, Tripart. capit. 38. nam contrario errori favere videtur. Probatur autem assertio, quia licet non servare præceptum ecclesiæ non sit hæreticum, sed pravam, vel sacrilegum, vel scandalosum, aut etiam schismaticum, tamen dicere, non esse peccatum agere contra præceptum ecclesiæ, hæreticum est, quia est negare potestatem ecclesiæ ad ferendum verum præceptum, & obligans in conscientia, quod est hæreticum. Et ita etiam hoc titulo judicantur hæretici a Patribus omnes, qui in priori opinione Asianorum fuerunt pertinaces post ecclesiæ determinationem, & præceptum; sicut etiam modo hæretici habentur, qui communionem sub utraque specie retinere student contra ecclesiæ prohibitionem.

8 Dices, non oportere, ut qui sic sentit de hac particulari materia, generaliter neget ecclesiæ potestatem ad præcipiendum, vel obligandum in conscientia. Sed in hac tantum materia dicere posset quis, non obligare præceptum, aut consuetudinem, vel

quia materia non est capax tantæ obligationis, vel quia non est iustum tale præceptum, cum alius ritus reputetur magis conveniens. Verumtamen dubitari non potest, quin ecclesiæ hoc statuerit tanquam necessario servandum ab omnibus ecclesiis. Sic enim ait Ambrosius supra: *Eousque Domini fratres dilectissimi a vero nos deviare non convenit, nec vago ingenio discrepare, ut quadam necessitas celebritatis hujus omnibus sit imposita Christianis.* Et Eusebius supra ait, statutum esse, *ut amplius non liceat, nisi die dominica pascha celebrare.* Et Athanasius in dicta epistola ait, *Visum esse Concilio, ut omnes obtemperarent.* Et ex summa diligentia adhibita ab ecclesiæ pastoribus, Conciliis, & Summis pontificibus circa hanc observationem constat, ab eis judicatum esse rem gravissimam, & ad unionem, & decorem ecclesiæ multum pertinentem. Et similiter verba decretorum Pii, & Victoris evidentem ostendunt proprium præceptum: & idem referunt omnes citati Patres de decreto Concilii Niceni. Alias nullus fuisset Concilii labor, si nihil stabile, ac firmum ab illo fuisset constitutum, nulla enim esse posset utilitas, nisi res esset in necessitatem adducta, & imposita. Est ergo nunc hæreticum dicere, vel hoc non esse in præcepto, vel non potuisse fieri, aut præceptum esse injustum, aut materiam non esse capacem illius, omnia enim hæc sunt contra communem sensum, & traditionem universalis ecclesiæ, & Pontificum, Conciliorum, ac Patrum.

9 Neque ab hujus legis obligatione posset quis excusari eo titulo, quod Joannes evangelista alium ritum tradidit; nam Joannes tunc illum tradidit, quando oppositus non erat generaliter præceptus, & ipse non potuit caeremoniam statuere, quæ per Petrum, & successores ejus non posset revocari: immo neque poterat legem ferre obligantem universam ecclesiam sine consensu Petri vel expresso, vel saltem tacito, qui in præsentem non intervenit: unde certissimum est, ritum illum non fuisse generalem. Et in rigore non est dubium, quin potuisset Anicetus papa obligare Polycarpum ad servandum morem Romanum, tamen eo tempore non fecit, quia non expediebat. Atque eadem ratione certissimum esse censeo, quod si aliqua privata ecclesiæ pertinaciter vellet in hac observantia a Romana, & universali discedere, sive cum Judæis pascha celebrando, sive in certo, ac fixo aliquo die mensis, ut tertio die Aprilis, vel vigesimo quinto Martii, vel alio simili, juxta varias opiniones de die mortis, & resurrectionis Christi; merito posset cogi per censuras ad servandum ecclesiæ ritum, & si conumax esset, præcindi, & anathematizari. Quia illa esset gravissima culpa, & inobedientia cum scandalo, & schismate, & non sine magna suspitione hæresis. Unde Concilium Antiochen. sub Julio cap. 1. sub gravissima censura præcipit observari decretum Concil. Nicen. de celebratione paschatis in die dominico, & excommunicat eos, qui celebrant in 14. luna more Judaico. Neque contra hoc obstat factum Irenæi, quia tunc forte non erat tam clara obligatio, vel licet esset, pro tunc judicavit, non expedire, coactione uti, non quia fieri non posset, sed quia tolerando, & connivendo pro tunc, credidit, potuisse melius remedium adhiberi.

10 Tertio dicendum est, magnis rationibus ecclesiam motam fuisse ad hanc observantiam retinendam, & præcipiendam, atque adeo hunc ritum secundum se magis esse convenientem, & oppositum sentire, plus esse quam temerarium, id autem docere, esse valde scandalosum, & impium. Non dico autem esse hæreticum, quia hac majori congruitate non invenio expressam definitionem, neque necessariam consecutionem ex vi præcepti, vel traditionis de ipsa, quia ad obligationem, & honestatem præcepti satis est, quod res sit pia, & honesta, ac subinde conveniens, quicquid sit de illa comparatione. Nihilominus tamen dicta ratio convenientiæ evidenter supponitur, & significatur a sanctis Patribus, & ecclesiasticis decretis, & hoc sufficit ad prædictum gradum certitudinis. Rationes autem, quæ potuerunt ecclesiam movere, sequentes occurrunt. Prima, quod ita sit a Petro, & Paulo traditum, &

Satisfit

Ex ritu tradito per Joannem Apostolum non excusari quemquam.

3. Asserto.

1. Ratio.

Dempta ecclesiæ lege, an per se sit illicitum celebrare pascha aliis diebus.

Post ecclesiæ decretum non est indifferens dies ad pascha celebrandum. So. crates caute in hoc legendum.

Objeçtio.

(ut credi potest) a cæteris Apostolis, saltem excepto Joanne; & universalis consuetudo, paucis exceptis, ita tenuit usque ad Concilium Nicen. ut ex patribus, & historiis usque ad illud tempus constat, & allegatum est. Et ita locum habet ratio, quam ex Constant. supra indicat Eusebius dicto libro tertio de vita ejus capite septimo. *Quia nefas est, ut in tanto, & tam solenni nostræ religionis festo regnet dissensio; & quia grave, ac indecorum est, ut iisdem diebus, alii sint in mœrore, & jejuniis celebrando mortem Christi, alii in lætitia, & animorum remissione Pascha celebrando. Quapropter (ait) istud rectius instituendum est, & ad unam normam redigendum.* Et ratio ipsa postulat, ut pauciores pluribus cedant, & inferiores superioribus, & præsertim ipsi capiti Petro, & successoribus ejus.

2. Ratio. 11 Secunda ratio tradita a Patribus est, ut non videamur Judæis consentire, aut illos imitari, eodem die cum illis pascha celebrando. Hanc significavit Clemens dicto libr. 5. cap. 16. dicens: *Neque amplius cum Judæis tempus celebrandi Pascha observetis, nulla enim cum eis nunc nobis communitas est.* Et addit, ipsos etiam Judæos falli in suo calculo, & ratiocinatione. Quod etiam dixit Epiph. hæref. 70. Et eandem rationem habet Constit. supra, & addit: *In nostra enim est potestate, ut illorum more rejecto, veriore, ac magis sincero instituto (quod quidem a prima passionis die usque hæcenus recolimus) hujus festi celebrationem ad posterius propagemus; & infra: Est enim revera absurdissimum, ut illi insolenter se jactant, nos absque ipsorum disciplina subsidio istas res observare non posse.* Ac si dicat, vitandam esse illam similitudinem cum Judaica consuetudine, ut clarius profiteamur nos non celebrare pascha ex obligatione suæ legis, nec indigere illorum ritibus ad verum pascha celebrandum. Quæ ratio adeo movit Concilium Nicenum, ut statuerit, nunquam esse celebrandum pascha eodem die, quo Judæi celebrant, etiam si contingat, diem Dominicam in 14. lunam incidere, ut infra videbimus. Nam licet in rigore, festivitatem tunc agere, non esset Judaicum (sicut nunc sæpe festum agimus in die sabbathi sine ritu Judaico, quia alio titulo, & modo id observamus;) nihilominus ob celebratam paschæ, & propter Judæorum insolentiam, ac cæcitatem noluit ecclesia cum eis unquam concurrere in hujus festi solennitate. Solet præterea hic alia ratio radi, quia nisi hoc modo celebratur pascha, contingeret in aliquo anno non celebrari, & in alio celebrari bis. Hoc enim inconveniens videntur colligere Clemens, & Constantinus citatis locis ex observatione paschæ iis more Judæorum; sed non videtur procedere simpliciter, sed supposito alio errore Judæorum, ut infra dicam.

3. Ratio. 12 Tertia ratio addi potest, quia per sese erat expediens, ut ecclesia semper ageret pascha in Dominica, hoc autem suaderi potest omnibus rationibus quibus persuasum est, debuisse festum sabbathi in festum dominicæ diei a christianis commutari. Si enim propter gloriam Dominicæ resurrectionis, & propter spem nostram expediebat diem illum festivum agere, multo certe magis conveniens erat, festum ipsum resurrectionis, quod est veluti prototypum omnium dominicarum, extra dominicam diem non celebrari. Rationem hanc longo discursu tractat Augustin. epist. 119. ad Januarium, præsertim a cap. 9. usque ad 17. ubi late discurrens ostendit, debuisse ita celebrari pascha in lege gratiæ, ut ante diem ejus sabbathum præcedat, & ante illud dies crucis Domini; quia hoc pascha nostrum non significat corporalem transitum, sed spiritualem, quem Christus nobis meruit, transendo prius de hoc mundo ad Patrem, & postea transendo de morte ad vitam gloriosam, cap. 13. sic inquit: *dies Dominicus, non Judæis, sed christianis resurrectione Domini declaratus est, & ex illo cepit habere festivitatem suam.* Et in cap. 14. præcipit, attendere *triduum sacratissimum crucifixi, sepulti, suscitati.* Nam per diem crucifixionis sanctificatio laboriosa hujus vitæ, quæ ferendo Christi crucem obtinetur, significatur; per sepulturam vero requies gloriæ in anima inchoata; & per resurrectionem consum-

matio nostra in gloria per generalem resurrectionem. Et concludit in fine capitis: *Hoc ex auctoritate Scripturarum, & universæ ecclesiæ consensione per anniversarium Pascha celebratur.* Unde addit in principio cap. 15. *In veteri lege ad celebrandum Pascha solum præceptum est observare mensem primum, & lunam 14. Ex evangelio tamen, (ait) quia tam manifestum est, quo etiam die Dominus crucifixus sit, & in sepulchra fuerit, & resurrexerit, adjuncta est etiam dierum observatio per Patrum Concilia, & orbi christiano persuasum est, eo modo Pascha celebrari oportere.* Eundemque Augustini discursum breviter, & dilucide collegit Isid. lib. 1. offic. cap. 31.

13 Atque ex hac assertionem intelligitur ratio, ob quam festum resurrectionis non celebratur in die fixo, & immobili alicujus mensis, ut sit in Nativitate, & aliis festis, quæ immobilia vocantur. Nam eo ipso quod oportuit in Dominica semper fieri, non potuit in certo die mensis Aprilis, aut Martii, puta tertio, vigesimo quinto, aut alio simili numero fieri, quia non semper talis dies mensis est Dominicus. Aliam rationem reddit Augustinus in dicta epist. 119. cap. 1. scilicet, quia in festo Nativitatis, & similibus non repræsentatur aliquod sacramentum, id est, sacra aliqua significatio, sed sit tantum annua commemoratio talis mysterii; in festo autem paschæ non solum sit commemoratio mysterii secundum se, sed etiam repræsentatur peculiare sacramentum, quod Deus observari voluit in sua morte, sepultura, & resurrectione, prout talibus diebus factæ sunt. Unde totus ille discursus ad hoc reducitur, quod oportuit hoc festum semper in Dominica celebrari, quæ non potest immutabiliter in aliquo die mensis numerari. Dices, potuisse institui, ut in quarta Dominica Martii, verbi gratia, vel prima Aprilis semper pascha celebraretur, & tunc fieret aliqua mutatio in numero dierum, mensis tamen fuisset longe minor, & facilius inveniri posset. Et hoc sufficeret ad repræsentandum omnia mysteria, & sacramenta, quæ in hac solennitate Augustinus supra expendit, quia semper præcederet sabbathum, & posset præcedere repræsentatio mortis Christi in feria sexta, & ante pascha potuisset etiam jejunium Quadragesimale designari, observata in unoquoque anno Dominica, & cum proportionem possent celebrari Pentecostes, & alia festa, quæ mobilia dicuntur, quæ aliquantulum etiam tunc murarentur, sed multo minus, quam nunc. Et ita hic discursus non videtur sufficienter ostendere necessitatem, aut convenientiam in modo designandi Dominicam paschæ, quam nunc habet ecclesia. Respondeo, concludere objectionem, aliquid oportere addere discursui facto, ut hoc proberetur, hæcenus vero non fuit necessarium, quia solum egimus de ratione celebrandi hoc festum in die Dominico.

14 Dico ergo quarto festum paschæ celebrandum semper esse in die Dominico, qui proxime cadit post decimam quartam lunam primi mensis, ideoque convenienter fuisse ab ecclesia statutum, & præceptum. Doctrina hujus assertionis non minus certa est, quam præcedentis, quia eadem auctoritate, & traditione ecclesiæ, Pontificum, & Conciliorum, ac Patrum nititur. Nam ut ex omnibus supra citatis constat, ita statutum est in Concilio Niceno, sicut antea fuerat generaliter observatum, & postea retentum est. Ut autem tota res breviter exponatur, adverto primo: Primum mensem hic appellari illum, de quo dicitur. Exod. 12. *mensis iste vobis principium mensium primus erit in mensibus anni;* qui statim cap. 13. vocatur *mensis novarum frugum*, quo clare ostenditur fuisse principium Veris, quod inter Martium, & Aprilem cadit. Quamvis enim mensis Septembris antea esset primus apud Hebræos, ut multi volunt, & forte semper talis habitus fuerit in ordine ad negotia, & actiones politicas; tamen ex peculiari institutione divina aliud principium anni, atque adeo alius primus mensis in eo capite designatus est. Sicut ergo Hebræi observabant illum mensem ad suum Pascha celebrandum, ita etiam voluit ecclesia eundem ad verum pascha observari. Diverfo tamen spiritu: nam Judæi in recognitionem temporalis beneficii, quod in Ægypto receperunt, illum mensem obser-

Cur Pascha non celebratur semper certo die mensis.

Objeccio.

Respondetur.

Pascha celebrandum die Dominico post 14. lunam

Qui mensis primus dicitur hoc loco.

vacabant:

vabant: ecclesia vero in representatione mortis, & resurrectionis Christi. Illi enim celebrant pascha propter transitum Angeli percutientis, vel propter transitum suum ex Aegypto in terram promissionis: nos propter transitum Christi ex hoc mundo ad patrem, & a morte ad vitam, & propter transitum nostrum a morte spirituali ad vitam gratiae in hac vita, & gloriae (in spe) pro vita futura. Denique ait Augustinus: *Observamus menssem novarum frugum: quia innovationem nostram recognoscimus.*

Annus lunaris observabatur a Judaeis in Paschase.

13 Secundo observare oportet, annum, de quo ibi est sermo, esse lunarem, qui initium sumit a novilunio primi mensis in cuius 14. luna, id est, lunari die, Judaei suum Pascha celebrabant, ut ex dicto loco Exod. & Levit. 23. & num. 18. constat. Primus autem mensis erat semper circa æquinoctium vernale, Sole in ariete existente, ut ait Josephus lib. 3. antiquitatum cap. 13. estque communis traditio Hebræorum, ut ex Anatholio statim referemus: sumiturque ex Scriptura, quæ menssem illum vocat novarum frugum Exod. 13. Ac denique id etiam confirmat ecclesiastica traditio. Quia vero æquinoctium solum cadit in uno die mensis, ad non errandum in designanda 14. luna, quam Deus requirebat ad celebrationem Paschæ, oportet inquirere, an quilibet mensis, in cuius aliquo die cadit æquinoctium vernale, sit primus. In quo est certa, & communis responsio, non omnem menssem, in quo cadit æquinoctium, esse primum, sed distinctione utendum esse: nam si æquinoctium cadat in ipsa 14. die mensis, vel in quacunque alia antecedente, ille erit mensis primus. Si vero 14. luna, vel quod idem est, si 14. dies mensis lunaris præter ita sit ante æquinoctium, tunc mensis ille non primus, sed ultimus anni, & consequenter illa 14. luna paschalis non est. Ita docent omnes, ut constat ex Clavio in Apolog. novi Kalend. lib. 1. cap. 1. & in explicatione ejusdem Calend. cap. 1. Pereira in cap. 12. Exod. disp. 1. Azor tom. 2. lib. 1. cap. 3. & 4. Qui supponunt, hanc fuisse divinam institutionem, quam colligunt ex communi traditione Hebræorum, & ecclesiæ, quam tradit Bed. de ratione temporum cap. 43. & sequentibus usque ad 60. ubi primum menssem Hebræorum ad festivitatem paschæ celebrandam illum esse definit, cuius 14. luna cadit in ipsum æquinoctium, vel proxime post illud: & hanc fuisse traditionem Hebræorum, refert Anatholius antiquissimus, & peritissimus in his rebus, Laodiceæ episcopus, apud Euseb. lib. 7. hist. cap. 26. alias 28. ex qua concludit: *Pascha, & festum Azimorum omnino post æquinoctium agendum esse.* Idem attingit Niceph. lib. 12. cap. 32. Sozomen. lib. 7. cap. 18. Socrat. lib. 5. cap. 20. & lib. 9. Tripart. cap. 38.

Errores Judæorum in pascha, se observando

16 Quod etiam sumitur ex Epipha. hēref. 70. ubi notat, Judæos quosdam in magno errore versatos fuisse, quatenus pascha suum interdum ante æquinoctium vernum celebrabant: *Unde sequebatur, (ait) ut intra eundem annum bis aliquando pascha celebrarent.* Et ita ab inconvenienti tacite confirmat hanc sententiam: nam ut singulis annis ordinate celebraretur pascha, & non esset confusio bis in uno anno illud celebrando, & in alio nunquam, necessarium fuit, illud celebrari vel in ipso æquinoctio, vel in prima 14. luna post illud. Atque ita eundem errorem Judæorum notavit Constantinus apud Euseb. lib. 3. vitæ ejus pa. 17. & ante illum Clemens lib. 5. c. 16. De quibus tandem concluditur, novilunium, sive initium, illius primi mensis potuisse antecedere æquinoctium per unum, vel duos, usque ad tredecim dies, non vero amplius. Unde aliqui dixerunt, illum menssem esse primum, cuius initium est propinquius æquinoctio vernali. Sed hæc regula non est universalis, quia potest interdum nec plus, nec minus distare, sed æqualiter, & tunc non potest regula applicari, nec est vera, ut dicti auctores latius probant, & ex dictis facile potest intelligi. Recte autem ex dictis colligitur, non esse necessarium, ut æquinoctium cadat semper intra primum menssem; nam fieri potest, ut aliquando cadat in ultimo mense, nimirum, quando æquinoctium cadit in 15. diem mensis, vel post illam. Regula ergo generalis tantum sumi potest ex 14. luna ad

æquinoctium comparata, ut scilicet non sit ante illud, sed vel in illo, vel prima post illud. Et hinc sumi potest nonnulla congruentia hujus institutionis, nam quoties major pars mensis præcedit æquinoctium, merito mensis ille cum præcedenti anno computatur. Alia etiam ratio reddi potest, quia verisimile est, Deum non creasse mundum ante æquinoctium vernale, sed in illo, vel post illud: nam in illo æquinoctio incipit proprium, & quasi naturale ver, & ideo conveniens fuit pascha non celebrare ante æquinoctium. Denique credibile etiam est, illam 14. lunam, in cuius nocte Judæi discesserunt ex Aegypto, incidisse vel in ipso æquinoctio, vel post ipsum: celebrabant autem pascha in memoriam illius beneficii, & ideo eodem modo 14. lunam paschalem numerabant. Quod si verum est, inde etiam fit, Christum passum fuisse ante æquinoctium: ita ergo nostrum etiam pascha celebrandum.

Ecclesia pascha celebrat post æquinoctium

18 Ex his ergo colligitur, Judæos interdum celebrasse pascha in ipso æquinoctio, interdum post illud, nunquam vero ante illud, si legitime celebrabant. Tenebantur enim celebrare in 14. luna primi mensis: hæc autem interdum incidit in ipso æquinoctio, interdum post illud, nunquam vero ante illud; quia jam ille mensis non erat primus, sed ultimus: ergo & pascha celebrandum erat in æquinoctio, vel post illud, non vero ante. Ecclesia autem nunc semper celebrat, & celebrare tenetur suum pascha post æquinoctium, id est, non ante illud, nec in illo. Ita enim ab eadem traditum, & præceptum est, ut patet ex Clem. Euseb. & Athanas. Ambr. & Aug. ac Beda supra. Et quidem, quod non celebraretur pascha ante æquinoctium vernum, præceperunt severissime Apostoli can. 8. ubi deponi præcipitur clericus, *celebrans pascha cum Judæis ante æquinoctium vernum.* Dicit autem cum Judæis, scilicet qui in hoc etiam secundum suam legem errabant, ut supra ex Clem. ac Eusebio notavimus. Nam, quod antiqui, & veri Judæi hoc non facerent, constat: primo: quia Christus non ante æquinoctium mortuus est, & resurrexit, cum altero die a die paschalis mortuus fuerit, & post triduum resurrexit. Secundo, quia hoc modo clarius ostenditur, quomodo paschæ veritas per Christum adimpleta sit, & figuratum figuræ respondeat. Item propter alia mysteria, quæ Augustin. supra a cap. 2. usque ad 8. observat. Tertio addi potest ex Clem. & Euseb. supra, hoc fieri ad vitandum illud inconveniens, ne intra eundem annum bis pascha celebremus.

19 Sed objici potest, hoc inconveniens per hoc non vitari: nam sæpe inter duo paschata non intercedit annus integer, ut quando hoc anno celebratur in Aprili, & proxime præcedenti, aut sequenti in Martio: tunc ergo intra unum annum duo paschata celebrantur. Unde etiam e converso aliquando intra duo paschata 13. menses interveniunt, & ita datur aliquis annus integer vacuus solennitate paschali. Respondeo, hoc esse verum de anno solari, non vero de anno lunari, de quo procedit ratio facta, quia juxta initium illius anni paschæ tempus computatur. Unde etiam fit, ut computando annum ab uno æquinoctio vernali usque ad aliud, nunquam intra duo æquinoctia celebrentur duo paschata, & hoc est inconveniens, quod dicti Patres inferebant.

Satisfit

20 Quod autem ecclesia nunquam celebret suum pascha in ipso æquinoctio, patet: quia nunquam celebrat illud in 14. luna, sed post illam. Hoc autem ita servat ex institutione, & traditione Apostolica, confirmata in Concilio Niceno, ut ex omnibus Patribus supra citatis constat: statutum enim est ab ecclesia, ut quando contigerit, 14. lunam primi mensis incidere in diem dominicam, non celebretur pascha in illa dominica, sed in proxime sequenti: & ita etiam nunc observatur. Ratio autem prima, ac præcipua fuit, quia in eo anno Judæi celebrabant suum pascha in dominica die, & noluit ecclesia in illa solennitate concordare cum illis propter rationes supra factas, quas hic repetere necesse non est. Dicit vero aliquis: ecclesia convenit cum Judæis in non celebrando paschate ante 14. lunam, idque sine inconveni-

Probat non celebrari pascha ab ecclesia in æquinoctio

nienti;

nienti: quia non propter eorum legem, sed propter suas rationes morales, aut mysticas id facit; ergo eodem modo posset cum illis concordare in celebrando paschate aliquando ipsamet 14. luna, ac subinde in æquinoctio. Respondeo, non esse eandem rationem, quia in primo habet respectum ad ipsam Christi resurrectionem; in hoc vero secundo non potest habere hunc respectum, quia Christus Dominus non est mortuus, nec resurrexit in 14. luna, sed post illam; mortuus est enim in 15. luna, & resurrexit in 17. & ideo non est, cur ecclesia celebret suum pascha in ipsa 14. ideoque id non observat, ne videatur Judæis consentire, vel id facere ex observantia legis veteris. Unde convenientia in sola illa negatione non celebrandi pascha ante æquinoctium, non potest habere vestigium cæremoniæ Judaicæ: observare autem positive (ut sic dicam) definitum diem 14. lunæ, multo majorem habet convenientiam, quam omnino voluit ecclesia vitare. Unde in canon. 69. Apostolorum omnino caverit, ne fideles in cæremoniis observandis Judæos imitentur.

Instantia

21 Sed instabit aliquis: nam si contingat 14. lunam esse diem sabbathi, & eandem esse æquinoctii diem, nihilominus tunc ecclesia celebrat suum pascha luna 15. proxime sequenti. At tunc dies ille est solennissimus dies festus Judæorum: est enim primus Azymorum, qui erat etiam festum paschæ juxta Joannem cap. 13. ergo si hoc non reputatur inconueniens, neque etiam fuisset, quod in ipsa 14. luna interduerit caderet nostrum festum paschæ. Major patet ex Beda lib. de ratione temporis capite 49. dicente: *Dominicum diem paschæ a 15. luna usque ad 21. esse querendum*, & cap. 75. ait: *Dominicam paschalem esse illam, quæ proxime sequitur post 14. lunam*, talis autem erit, etiam si incidat in 15. lunam: & idem repetit cap. 59. 60. & 61. Idemque tradit Isidorus dicto lib. 1. cap. 31. & idem intendit Victor. Papa supra, dum ait: *A quarta decima die primi mensis usque ad 21. ejusdem mensis diem, eadem celebratur festivitas*. Idemque fere habet August. dicta Epist. cap. 3. dicens, ecclesiam celebrare pascha 3. hebdomada lune: *Qui dies (ait) occurrit a quarta decima in vigesimam primam*. Hoc enim necesse est intelligi, vel a 14. exclusive, & consequenter a 15. inclusive usque ad 21. etiam inclusive; vel intelligitur sollemnitas paschæ celebrari a 14. luna, quia incipit celebrari a vespere præcedentis diei, qui potest esse 14. luna, ut dictum est; & ita augetur difficultas, quia tunc nulla erit differentia inter pascha nostrum, & Judaicum, quoad temporis sollemnitatem.

Occurritur instantia.

22 Propter hoc fortasse dicit aliquis, non esse celebrandum pascha in die illo dominico, quando incidit in 15. lunam, sed in sequentem esse transferendum. Ita enim quosdam obstinate sentire, Clavius supra refert. Merito tamen id refellit ex testimoniis adductis, & aliis, quæ ex novioribus auctoribus ibi refert. Idemque ex sequentibus confirmabitur. Non enim posset pascha unquam celebrari die 22. Martii, nisi in luna 15. celebrari posset, quia luna 15. non potest esse ante 21. diem Martii, in qua est æquinoctium: at vero dominicam paschæ posse incidere in 22. diem Martii, certissimum est, ut videbimus. Denique si dominica veniens in 15. luna non esset paschalis, duæ dominicæ omittendæ essent in hac celebritate, & transferendum pascha in aliam sequentem, scil. dominica cadens in 14. luna, & cadens in 15. at Patres hoc nunquam docuerunt, sed solum illam, quæ cadit in 14. lunam, transferendam esse docuerunt. Ad difficultatem ergo Beda supra cap. 57. & 59. & lib. 3. Historiar. cap. 23. illam præsentens tacite responderet, verum esse in eo casu, in quo dominica dies incidit in 15. lunam, nihil observantiam ecclesiasticam a legali dissonare quoad tempus, discrepare vero multum in sacramentis, quibus paschalem colimus, & ideo nullum esse inconueniens. Sed per hoc non omnino evacuat difficultas, & ideo addo, semper esse in hoc diversitatem: quod ecclesia nunquam celebrat ut festivam vespere illam 14. lunæ, quatenus pars illius diei est: illa autem vespere erat proprium pascha Judæorum, & ita non observando illud

fatis ostendit ecclesiam non curare de cæremoniis legalibus, nec illas servare, sed sua propria sacramenta.

23 Ex his ergo concluditur assertio intentæ, & proposita, videlicet paschæ festum celebrandum esse dominica proxime sequenti post 14. lunam primi mensis. Quæ est communis assertio Patrum, quos retuli, præsertim Clementis, Anatholii, Ambrosii, & Augustini. Et probatur, quia celebrandum est pascha in dominica aliqua occurrente circa 14. lunam, & non in aliqua antecedenti, quia illa etiam antecederet æquinoctium, ante quod non celebratur pascha, ut ostensum est; nec etiam in 14. luna, in qua ipsum æquinoctium incidat, quia hoc prohibitum est, ut ostendimus: ergo debet celebrari hoc festum in dominica, quæ proxime cadit post 14. lunam: non enim potest ultra differri, alias nullum esset tempus fixum, neque certum pro paschate celebrando. Et hinc facile intelligitur, quæ sit dierum mensis latitudo, intra quam potest hoc festum celebrari. Si enim loquamur de diebus mensis primi, & lunaris juxta computationem Hebræorum, sic intra latitudinem septem dierum celebrari potest, scil. a 15. die usque ad 21. ut expresse docet Beda supra. Et ratio est clara, quia sicut potest in dominicam incidere 14. luna, ita in feriam secundam, & quamcumque aliam usque ad sabbathum; solum autem excluditur pascha ab ea dominica, quæ fuerit 14. luna, & tunc celebratur in proxima dominica sequenti, ac subinde in 21. luna: si autem 14. luna sit sabbathum, celebrabitur in 15. luna, ut ostensum est, & sic consequenter de reliquis diebus intermediis: ultra 21. autem lunam differri non potest Dominica, quia jam non esset prima post 14. lunam. Objicit vero aliquis Innocentium I. Epist. 11. dicentem, in 23. luna nunquam celebrari pascha, qui proinde videtur sentire in 22. posse celebrari. Sed nulla est conjectura, ibi enim docet id, quod suo instituto sufficiebat; docebat enim, quoddam pascha, de quo dubitatur, celebrandum fuisse in luna 16. quia alias differendum fuisset usque ad 23. lunam, quod dicit esse contra morem inviolabilem. Deinde dico, potius ex illa epist. colligi, posse pascha celebrari altera die post æquinoctium, scil. 22. Martii, quod non potest esse, nisi etiam celebraretur in 15. luna, quia non potest 14. præcedere, nisi in die sabbathi, alias caderet ante æquinoctium, quod esse non potest.

Quæ sit dierum mensis latitudo, intra quam potest pascha celebrari

Objeccio

24 At vero si loquamur de mensibus solaribus; licet olim aliquibus Patribus visum sit, tempus, in quo incidere potest dominica paschæ, solum extendi a 22. die Martii usque ad 20. Aprilis, ut patet ex epist. Synodali Theophili. Cæsaris apud Euseb. lib. 5. Histor. cap. 23. & ex epist. 64. & 65. Leonis Papæ: nihilominus postea certa ratione compertum est, extendi illud tempus usque ad 25. diem Aprilis, ut nunc observatur. Ut ratio utriusque partis breviter intelligatur, supponendum est, æquinoctium verum cadere in 21. diem Martii, ita enim in Concilio Niceno declaratum est, & constitutum tanquam magis certum & stabile, & ut dies illa certa semper maneret, per Kalendarium Gregorianum ad suam sedem restituta est, & modus inventus, quo perpetuo in ea conservetur, ut late prosequitur Clavius in libr. allegato. Hoc ergo posito facile ostenditur prior pars, quam aperte docuit Innocentius I. in dicta epist. 11. quia contingit, ut 14. luna in ipso æquinoctio simul in die sabbathi incidat, hoc enim ex ipsis motibus Solis, & lunæ manifestum est. Tunc ergo dies dominica sequens erit paschalis juxta superior dicta, quia erit prima post æquinoctium, & post 14. lunam: tunc ergo pascha erit 22. die Martii; ergo ab illo die potest incipere dominica paschæ; & consequenter eodem modo facile probabitur, posse cadere in 23. quia 14. luna potest cadere in feriam sextam, & in eandem incidere æquinoctium, seu 21. dies Martii, & consequenter dies 23. erit dominica paschæ; vel etiam potest accidere, ut 14. luna cadat in sabbathum post æquinoctium præcedens in feria sexta, & tunc redit eadem necessitas celebrandi pascha in die 23. Martii, & sic de aliis.

A 22. die Martii usque ad 25. Aprilis potest incidere pascha

25 Quod vero tempus extendatur usque ad 25. Aprilis, & ibi terminetur, ratio est, quia potest luna 14. primi mensis cadere in diem 18. Aprilis, & esse dies dominica, quæ proinde non potest esse paschalis juxta principia posita; ergo tunc necesse est, pascha differri usque ad diem 25. Consequentia clara est, & antecedens patet, quia si novilunium Martii cadat in septimam diem Martii, ut facile potest, tunc ille non erit primus mensis anni sequentis, sed ultimus præcedentis, quia decima quarta luna ejus cadet ante æquinoctium, ut facile computanti patebit; cadet enim in 20. æquinoctium autem est in 21. ut positum est; ergo annus lunaris potest finire in quarto die Aprilis inclusive: ergo primus mensis anni lunaris potest incipere quinto die Aprilis; ergo tunc 14. luna cadet in decimum octavum diem; ergo si contingat, esse dominicam, ut facile potest, cadet pascha in 25. die Aprilis: ergo tanta est latitudo dierum mensium solarium, per quos potest variari dominica paschalis. Et inde facile colligi potest, novilunia, quæ dicuntur paschalia (id est, apta, ut celebrationi paschæ deserviant) ab octava die Martii incipere, percurrere autem usque ad quintum diem Aprilis inclusive, ita ut in quocumque ex omnibus illis viginti novem diebus intermediis novilunium contingat, illud sit in illo anno novilunium paschale, quia in prima dominica post 14. lunam ejus celebrandum erit pascha, ut ex dictis satis liquet.

Proponi-
tur diffi-
cultas
prima

26 Solum supersunt duo dubiola explicanda circa dicta. Unum est, quia posuimus æquinoctium statuumendum esse in 21. die Martii, & ex illo tanquam ex certo, & immutabili fundamento reliqua omnia esse deducenda. At illud mutabile etiam est juxta numerationem nostrorum dierum, mensium, & annorum, qui non adæquate respondent motibus cæli, ut est constans apud Astronomicos: nam communis noster annus fere per sex horas deficit ab integro circulo solari per motum proprium; unde fit, ut æquinoctium uno anno contingens, verbi gratia, sexta hora matutina diei, alio accidat hora 12. & in sequenti in hora sexta pomeridiana: & ita consequenter ut alio anno cadat æquinoctium in 22. Martii, & sic paulatim mutetur. Atque hinc fiet, ut si semper utamur 21. die Martii pro æquinoctio, accidat interdum, ut luna 14. ante æquinoctium numeretur, & sic everrat tota ratio colligendi verum diem paschatis. Aliud dubium est, quia juxta hanc computationem non poterit festum paschatis celebrari eodem die naturali in universo mundo, quod admittendum non est. Sequela patet, quia æquinoctium verum non est in universo orbe in eodem die, sed aliis citius, aliis tardius accedit juxta diversitatem regionum, & tanta est inter aliquas regiones oppositio, ut quod uni est æquinoctium verum, alteri sit autumnale.

a. diffi.

Enodatur
primum
dubium

27 Respondetur ad priorem partem ex communi, & vera doctrina, quam Clavius dictis in locis copiose, & erudite explicat, verum quidem esse computationem ecclesiasticam non correspondere exacte, & ad amissim circulationibus cæli, id vero non esse inconueniens, quia hæc res non mathematicæ, sed moraliter pensanda est; nam hoc totum ex jure ecclesiastico pendet, quod humanum est, & non poterat alio modo moraliter fieri, nec expediebat redigere totam ecclesiam ad summam Astronomiæ subtilitatem, neque id erat necessarium ad convenientem mysteriorum Christi celebrationem, quæ in his festivitatibus, & observationibus intenditur. Atque ita distingui solet duplex æquinoctium, unum naturale, aliud ecclesiasticum, seu ex institutione; illud vix cognoscitur, & attingitur ab hominibus, prout in se est, sed solum plus, minusve; secundum ergo oportuit esse certum, & omnibus facile cognitum, ut juxta illud regula celebrandi pascha computaretur. Quia vero hæc institutio, ut convenienter fiat, debet accedere ad naturalem, quantum moraliter fieri possit, ideo curatum diligenter est, ut observatio ecclesiastici æquinoctii non multum a naturali distet:

& si cursu temporis paulatim ab illo recedat plus, quam oportet, ad illud revocetur. Sic ergo ex antiqua institutione Julii Cæsaris, quam ecclesia retinet, illa mutatio, quæ fit in annis propter horas, quæ in singulis annis communibus deficiunt, quarto quoque anno, qui bis sextilis dicitur reparatur per additionem unius diei, per quam æquinoctium ad suum statum revocatur. Et intra curriculum trium, vel quatuor annorum non habetur ratio illius mutationis, seu postpositionis æquinoctii, etiam si in re ipsa contingat ab uno die naturali in alium proximum sequenti anno transferri; quia, ut dixi, non potest aliter commode fieri, & ecclesia non tam subtiliter hæc expendit, sed moraliter. Unde etiam per additionem unius diei integri naturalis, quæ in anno bis sextili fit in aliud extremum transitur, quia additio est aliquantulum major, quam esset necessaria. Quoniam in singulis annis communibus non deficiunt sex horæ integræ, & postea suppleuntur integræ: unde fit, ut æquinoctia, prout in re sunt, singulis annis anticipentur aliquantulum, & paulatim præveniant diem 21. Martii per unum, duos, vel plures dies. Et nihilominus ecclesia semper usa est a temporibus Concilii Niceni die illo 21. pro æquinoctio, propter difficultatem magnam reducendi, & confirmandi semper æquinoctium ecclesiasticum ad proprium diem, in quo revera existit. Quia vero illa discrepantia jam erat nimia, & in dies futura erat major, difficultatem illam superavit insignis Pontifex Gregorius XIII. & Calendarium correxit subtractis decem diebus anni 1582. in mense Octobri, & modum invenit, quo in posterum æquinoctium verum firmius staret in eadem die 21. Martii parum, aut nihil recedendo ab æquinoctio naturali, statuendo, ut in posterum in singulis centenariis annorum unus dies subtrahatur, ita ut ultimus annus centenarii, qui futurus fuisset bis sextilis, non sit bis sextilis, sed communis. Nam tempore centum annorum plus, minusve per additionem dierum bis sextilium, quæ fit quarto quoque anno, unus dies ultra necessarios additus erat; & ita etiam æquinoctium per unum diem anticipatum fuerat, per subtractionem autem unius diei ad propriam sedem revocatur. Hoc ergo modo, & sensu recte æquinoctium in 21. Martii collocatur, & ad celebrationem legitimam Paschæ sufficienter deservit.

28 Ad 2. dubitationem responderetur, sine dubio Paschæ festum celebrandum esse a Christianis totius Orbis in eodem die, in eo nimirum, in quo Romana ecclesia illud celebrat. Ita enim pontifices Romani, Pius, Victor, & sequentes statuerunt, qui jus habent statuendi pro universo orbe. Ita enim Concilium Nicenum decrevit, ut enim supra ex Theodoro decrevi, voluit omnes Orientales confirmari ecclesiæ Romanæ in celebratione paschatis; loquitur autem de Orientalibus dissentientibus, & ita plane vult omnes fideles in hoc conformari. Unde Eusebius supra refert, statuisse Concilium, ut omnes uno die pascha celebrarent. Idemque significat Concilium Antiochenum, & satis etiam declaravit Constantius in sua epistola, cujus verba supra retuli. Et in Concilio Arelat. 1. cap. 1. dicitur: *De observatione paschæ Domini statuimus, ut uno die, & tempore per omnem orbem observetur, & juxta consuetudinem litteras ad omnes in dirigas.* Scribunt enim ad Silvestrum papam, & ideo fortasse in Decreto Gregoriano de consec. distinct. 3. ubi hoc c. refertur, additur, confirmatum esse a Silvestro Papa. Similiter in Concilio Carthag. 4. cap. 65. *Paschæ solennitas, (dicitur) uno die, & tempore celebranda est.* Idemque colligitur ex cap. *Placuit*, 1. & 2. de consec. dist. 3. Denique idem constat ex Leone Papa epist. 64. ad Martianum: dicit enim ex errore contingere interdum, *Quod non licet, ut non simul omnis ecclesia, quod non nisi unum esse oportet, observet.* Idem fere habet in epist. 65. & optime in 95. ubi ad episcopos Gallie, & Hispaniæ scribens ait, cavendum esse, *Ne in paschalis festi die vel ignorantia, vel presumptio peccatum diversitatis incurrat.*

Satisfit
secundæ
dubitationi

Juvat etiam, quod in Concilio Aureliano 4. cap. 1. dicitur, uno die esse pascha celebrandum, & si aliquod dubium occurrat, a sede Apostolica sacram constitutionem esse tenendam. Nec obstat huic legi, & universali consuetudini ecclesie, quod tardius, aut citius æquinoctium in aliquibus provinciis contingat, quia omnes servare debent æquinoctium ab ecclesia designatum, & id satis est, ut dixi: unde non refert, quod alicubi sit æquinoctium autumnale illud, quod nobis est vernale, quia regula sumi debet ex regione Judæe; tum quia ibi Christus est mortuus prope æquinoctium vernale; tum etiam quia in ecclesia Romana idem est æquinoctium. Estque animadversione dignum, quod sicut Christus resurrexit eo tempore, quo in nostro Hemisphærio incipit vernum tempus, ita etiam mortuus est in illo tempore, in quo habitantibus in alio Hemisphærio incipit autumnus; & ideo mirum non est, quod eodem die omnes festum illud celebremus, licet nobis vernale sit, aliis autumnale. Quod si quæ difficultates in alijs regionibus occurrant, per providentiam Summi pontificis subveniendum est, ut & sciant, & commode valeant rum festum ipsam, tum cætera, quæ antecedunt, & subsequuntur opportune agere. Ita enim semper habuit consuetudo, ut dicitur in dicto Concilio Aureliensi, & in litteris pontificiis Pii, Victoris, Innocentii, & Leonis supra relatis. Atque hæc presenti loco de hac festivitate sufficiunt; nam de fundamento illius, quod est tempus mortis, & resurrectionis Christi Domini in secundo tomo 3. par. copiose a nobis disputatum est.

C A P U T VII.

De alijs festivitibus ad Christi gloriam pertinentibus.

Festum Ascensionis.

I POST resurrectionem celebrat ecclesia alia festa mobilia, inter quæ primum locum obtinet Ascensio, estque nonum festum ad Christum pertinet, de quo his verbis scribit Clemens lib. 5. cap. 18. Numeratis (ait) quadraginta diebus a primo dominico die celebrate festum Assumptionis Domini, &c. & lib. 8. cap. 33. ait: Die Assumptionis vacent, quod hic fuerit impositus finis æconomia Christi: unde constat, hoc festum antiquissimum esse, nam ab Apostolis manavit, nec aliud initium perpetuæ consuetudinis de illius observatione cognoscitur: & constat etiam ex antiquissimis Patribus, festum illud suis orationibus, seu homilijs celebrantibus. De illo enim dixit Epiphanius Constantiæ episcopus: Celebramus Christi Domini secundum carnem ascensum, quod sane festum inter Dominica fastigium obtinet, ut enim caput totam corporis constitutionem exornat, ita hæc solennitas Divina æconomia pulchritudinem, quasi colophonem illi imponens, mirifice illustrat. Et ideo etiam illud vocat Festorum decus, & Aug. serm. 174. de tempore ait, glorificationem Christi in resurrectione factam, in ascensione fuisse completam, & ideo utrumque festum celebrari; & serm. 176. addit aliam causam: quia sicut resurgendo, soem nobis resurgendi contulit, ita ascendendo, victoribus, quo sequantur, ostendit. Et multa similia in Leone papa, & alijs Patribus in concionibus illius festi legi possunt. Denique hoc festum inter generalia totius ecclesie in jure etiam ponitur in dicto cap. ultim. de Feriis, & in cap. 1. de consec. dist. 3. Circa quem textum obiter advertendum est, addi in illo capite, & quasi cum hoc festo conjungi tres antecedentes dies, qui Rogationum dicuntur, propter solennes Litanias, quæ in illis tribus diebus dicuntur, unde videntur olim fuisse festivi, & in præcepto. Nunc autem certum est, non ita esse, ut Anton. supra & omnes Summi tradunt, & Doctores in dicto cap. 1. & ultimo, & constat ex communi usu totius ecclesie. Neque forte ullo tempore præceptum illud generaliter observatum est. Nam caput illud non est alicujus Pontificis, sed Con-

cilii Lugdunensis inscribitur, quod non extat in 10. mis Conciliorum, & solum provinciale fuit, quod totam ecclesiam obligare non potuit: unde verisimile est, peculiarem consuetudinem alicujus provincie, quoad hanc partem, declarasse, sicut de alijs in illo capite contentis postea videbimus. Tandem de tempore, in quo festum hoc celebrandum est, constat definitum esse ad certam hebdomadæ diem, scil. feriam quintam, quia in illa completur dies quadragesimus a die Resurrectionis, quo die quadragesimo Christus ascendit. Quoad diem autem mensis hoc festum inter mobilia computatur, quia semper cum proportionem sequitur ad diem Dominicæ resurrectionis, ita enim propriis temporibus, & cum exata, non solum memoria, sed etiam representatione hæc festa celebrantur: cætera de ipso mysterio, quod in hoc festo celebratur in dicto 2. tom. disp. 51. tractata sunt.

Festum Pentecostes.

Decimum festum est adventus Spiritus sancti in discipulos in die Pentecostes. Nam licet hoc festum potius de Spiritu sancto, quam de Christo Domino esse videatur, tamen quia ipse Christus Spiritum sanctum promiserat, & verbum suum illo die implevit, & quia donatio etiam Spiritus sancti fructus fuit meritum Christi; ac denique quia in hoc die quasi coepit Christus regnare in ecclesia sua militante, coepitque publice prædicari in universo mundo, ideo inter festa Christi hoc annumeratur. Atque ita hoc eodem loco illud ponunt Clemens papa, dicto lib. 8. c. 33. & lib. 5. c. 19. & Greg. IX. dicto cap. ult. & Concilium Lugdunense in cap. 1. Isidor. lib. 1. de Divin. offic. cap. 33. Et ejusdem festi meminit etiam Tertullianus libr. de Coron. milit. Basil. de Spiritu sancto cap. 27. Epiphanius in fin. Pannarii, Justin. quæst. 115. Hilar. in præf. Psal. August. lib. 31. contra Faustum, cap. 12. & epist. 118. cap. 1. & epist. 119. cap. 15. & 16. & in 17. concludit: hæc de scripturis firmissime teneri Pascha, & Pentecostem. Unde multi arbitrantur, de hoc festo loqui Lucam Act. 20. cum ait de Paulo: Festinabat enim, si possibile sibi esset, ut diem Pentecostes faceret Jerusalem: quia non erat tam sollicitus de festivitate Judaica, sicut de Christiana: item de eodem loqui Paulum ipsum 1. Corint. 16. cum ait: Permanebo autem Ephesi usque ad Pentecostem: Cum enim ad fideles scriberet, verisimile est, loquutum fuisse de festivitate solenni, & nota omnibus Christianis, atque adeo illam fuisse jam tunc servatam, & illo nomine appellatam. Et ita intellexit illa loca Epiphanius. hæres. 75. & idem sentit Hieronymus in præfatio epistolæ ad Ephesios. Qui etiam hujus festi mentionem fecit ad Galat. 4. & Matth. 9. Hoc denique festum antiquissimi Patres suis concionibus, & homilijs celeberrimum semper fuisse, ostendunt. Unde aliqui putarunt, non esse humano jure præceptum, sed Divino. Verumtamen regula sæpe repetita tenenda est, in lege evangelica non esse data de his cæremoniis peculiaris præcepta divina, sed ecclesie dispositioni fuisse commissa. Festum ergo Pentecostes, prout in lege veteri fuit observatum, de jure Divino fuit, illud autem jam cessavit: quia vero festum illud antiquum figura fuit diei Pentecostes, & adventus Spiritus sancti, ac promulgationis legis novæ, quæ in illo facta est; ideo hoc jam etiam festum legis Gratiæ quodammodo, & per quamdam imitationem ab illo jure manavit, simpliciter autem, & in se ecclesiasticum est. Habet tamen gravissimum fundamentum, & causam immutabilem, ideoque tale est, ut moraliter mutari non possit, sicut de alijs dictum est. Denique hoc festum, sicut & pascha, voluit ecclesia, non uno tantum die dominico, sed etiam per duas sequentes ferias solenniter celebrari, & servari, ut sumitur ex citatis juribus, & constat ex usu ecclesie, & omnibus auctoribus: cætera vero, quæ de illius diei mysterio scholasticè disputari possunt, tetigimus sufficienter in dicto 2. tom. disp. 46. sect. 1. ad finem, & in 1. p. lib. 12. de Trinit. cap. 6.

Cur Pentecostes numeretur inter Christi festa

Pentecostes in lege veteri fuit de jure Divino

Ascensionis festum ab Apostolis manavit

Festum hoc generale est

Festum corporis Christi.

Festum
Corporis
Christi
quando
inceperit

3 Undecimum Domini festum est de sancto Eucharistiae mysterio, quod festum corporis Christi appellamus, & magna solennitate, & lætitia ab ecclesia colitur feria quinta post octavam Pentecostes. Quod festum per mille ducentos annos non fuit in ecclesia specialiter celebratum, sed eo fere tempore ab Urbano IV. institutum est, insigni de hoc festo edita constitutione, quæ incipit: *Transiturus de hoc mundo ad patrem Salvator noster, &c.* Quam postea confirmavit, & in iure posuit Clemens V. in Clem. Unic. de Relig. & vener. Sanct. In illa ergo districte præcipitur hujus observatio festivitatis, & commonentur fideles, ut singulari devotione, ac lætitia diem illum festum colant, & publicis supplicationibus, seu processionibus venerentur, & peculiare indulgentiarum conceduntur assistentibus in illo die, vel per octavam divinis officiis. Quod quidem institutum tanta fide, ac devotione populus Christianus amplexus est, ut ab eo tempore nullum Domini festum majori solennitate, ac devotione celebrari videatur.

Hæresici
contra
hanc so-
lennitatem
fremunt

4 Contra hanc vero institutionem fremunt hæretici reprehendentes vel cultum tanti sacramenti, vel novitatem in solennitate, & modo illam exhibendi. Illos vero sapientissime redarguit Conc. Trid. sess. 13. cap. 3. Ubi prius definit, sacramentum hoc eodem patriæ cultu esse adorandum, quo ipse Christus colitur, cum in eo sit vere, ac realiter præsens. Et per hoc primum fundamentum objectiones hæreticorum confutat: & statim tacite subinferendo subjungit: *Declarat præterea sancta synodus, pie, ac religiose in Dei ecclesiam indutum fuisse hunc morem, ut singulis annis peculiari quodam, & festo die præcelsum hoc, & venerabile Sacramentum singulari veneratione, ac solennitate celebraretur, utque in processionibus reverenter, & honorifice illud pervias, & loca publica circumferretur.* Addit vero duas elegantissimas rationes: una est, quia æquum est, Christianos omnes singulari significatione ostendere gratos animos erga commune Dominum, & Redemptorem pro tam ineffabili beneficio, quo mortis ejus victoria, & triumphus representatur. Alia est: *Quia oportuit, victri- cem veritatem de mendacio, & hæresi triumphum agere, &c.* Et per hoc respondet ad aliud hæreticorum fundamentum; nam, cum non multo ante Urbanum Sacramentarium hæresis exorta esset, auctore Berengario, eamque fere toto illo tempore, Petrobrusiani, Henriciani, Waldenses, & Alienses defendere, & disseminare conarentur, contra novam impietatem, pientissimam, ac religiosissimam novitatem providus pastor invenit. Existimoque, non sine divina providentia factum esse, ut jam ex tunc præmunitur sancta ecclesia contra futuros novatores Lutherum, Calvinum, & sequaces. Et eorum occasione in dies inter catholicos augetur devotio, & hujus festivitatis observantia. De qua hic non dicemus plura, quia de illo venerabili Sacramento in 3. to. 3. p. pro nostra tenuitate disputavimus.

Festum inventionis Crucis.

Quo pa-
do crux
fuerit in-
venta

5 Duodecimum Domini festum merito numerari potest Inventio Crucis, quod festum die 3. Maii ab universa ecclesia custoditur, & colitur. Circa hoc autem festum in primis supponendum est fundamentum ejus, quod est historia inventionis sanctæ Crucis. Referunt enim antiqui Patres, lignum illud sanctissimæ Crucis, in quo Christus pependit, Judæorum, & infidelium industria sub terram fuisse absconditum, & in loco ejus simulachrum Veneris fuisse positum, ut Christianis penitus esset ignotum, sicut fuit usque ad tempora Constantini. Quo tempore non sine divino nutu, & admonitione, illud Helena investigatura Jerosolymam petiit, & ipso Deo juvante, illud tandem invenit. Retulit hanc inventionem Euseb. in chronico anno Domini 325. his verbis: *Helena Con-*

Crucis lignum, in quo mundi salus pependit, apud Jerosolymam reperit. Latius totam historiam retulit Ambros. in Orat. de obitu Theodossi, & Paulin. epist. 11. ad Sever. Sulpit. & ipse Sulpit. lib. 2. hist. Ruffin. lib. 1. hist. cap. 7. & 8. Theodpr. lib. 1. c. 18. Socrat. lib. 1. cap. 13. Sozom. lib. 2. cap. 1. & lib. 2. Tripart. c. 18. Niceph. lib. 8. c. 29. Qui auctores nonnihil inter se in historia narranda differunt, sed nullam invenio partem, quæ contrarietatem contineat. Licet enim unus omittat, quod alius refert, omnia tamen conciliari possunt, ut quod Ambros. ait, Crucem Domini ex titulo fuisse cognitam, & distinctam a crucibus latronum, Paulinus vero, & Ruffin. ex miraculo, quod diverso modo uterque narrat: subsistere simul potest. Nam potuit in principio ex conjecturis, aut vestigiis tituli dignosci, non tamen sufficienti certitudine: postea vero vel uno miraculo, vel duobus, ut Nicephorus indicat, potuit certius differentia cognosci. Nec vero multum referrer, quod in his circumstantiis esset aliqua contradictio, vel error in humana historia, quam non viderunt propriis oculis illi, qui referunt, & loco, ac tempore distantes fuerunt: satisque est, quod in substantia (ut sic dicam) narrationis de Cruce inventa omnes convenient, ut historiam illam tanquam veram, & moraliter certam supponamus.

6 Dubitabit vero aliquis, quomodo potuerit ab ecclesia festum institui propter inventionem Crucis solum humana fide, & opinione cognitam, vel quid in illa inveniat tanta celebritate dignum. Et auget dubium, quod Gelas. Papa in cap. *Sancta Romana*, d. 15. totam hanc historiam de inventione Dominicæ Crucis tanquam dubiam, & incertam reliquit, dicens: *esse nonnullas revelationes, quæcum ad catholicorum manus pervenerint (ait) Beati Apostoli sententia præcedat: omnia probate, & quod bonum est, tenete.* Et auget dubitationem, quod Euseb. antiquior omnibus, quos retulimus, & proprius illorum temporum historiographus narrans in lib. 3. de vita Constantini peregrinationem Helenæ in Jerusalem, & quæ ibi fecit opera, nullam ibi de inventionem Crucis mentionem facit. Unde aliqui suspicantur, quod in chronico ejus legitur, ab aliquo superadditum esse, nam aliqua similia in illud chronicorum irreplisse viri eruditi existimant. Ultimo magis auget difficultatem, quod in pontificali Damasi, & in 1. rom. Concilio legitur. *Tempore Eusebii Papæ Crux Domini nostri Jesu Christi quinto nonas Maii inventa est: Baptizatur quoque Judas post Quiriacus vocatus, Crucis inventor.* Quod etiam affirmant Marianus Scorus, & Guiliel. Durand. in Rationali lib. 7. cap. 11. Quomodo ergo potuit Helena illam invenire cum tempore Eusebii Papæ nondum esset Christiana? nam tempore Silvestri, & post Constantium filium suum baptizata est, ut aperte docet Euseb. lib. 3. de vita Constantini c. 6. vel si illi historiæ Damasi non creditur, cur alteri fides adhibebitur? vel quomodo potuit tam grave festum in tam incerta historia fundari.

Difficul-
tas

7 Respondeo in primis, incipiendo ab ultima parte propositæ interrogationis, inventionem Crucis non tam fuisse fundamentum hujus celebritatis, quam occasionem. In ipsa enim Cruce ratione illius, qui in ipsa crucifixus fuit, est per se sufficiens fundamentum hujus festivitatis: in illum enim tota hæc religio tendit, & in venerationem Crucis propterea maxime festivus dies designatur, quod instrumentum nostræ redemptionis fuerit. Sed hoc antea solum fiebat ab ecclesia publico cultu in die Parasceves, cum mors Domini celebratur, & Crux speciali titulo populo adoranda proponitur. Postea vero occasione illius inventionis nova festivitas in illius specialem cultum dedicata est: unde parum refert, historiam esse certam, aut dubiam, ut ab illa rite, & sancte sumatur occasio honestissimi, & religiosissimi cultus, semper enim manet in tali festo practica certitudo de convenientia talis festivitatis, & infallibilis veritas de sanctitate Crucis, tali festo, & veneratione dignissima.

Enodatur
difficultas

8 Addimus vero ulterius, in illamet inventionem considerari posse multa, & magna Dei beneficia, in

Assignatur
causæ
celebran-
di crucis
festum

quorum gratiarum actionem merito potuit, ac debuit talis festivitas constitui. Hæc enim solet esse maxima ratio instituendi has solennitates, juxta dictum Aug. lib. 10. de civ. c. 4. *Ei (scilicet Deo) beneficiorum ejus solennitatibus, festis, & diebus statutis dicamus, scilicet, etiamque memoriam, ne volumine temporum ingrata subrepat oblivio.* In hoc ergo festo primum, & magnum beneficium Dei recognoscimus, quod tam longo tempore infidelitatis crucem illam integram nobis reservavit: id enim sine speciali Dei providentia fieri non potuit. Dignum enim admiratione est, quomodo Judei statim post passionem Domini crucem illam non combusserunt, si ad manus eorum pervenit. Nam ut ait Paulin. in d. epist. *Si ad manus Judæorum omnia contra fidem Christi præcaventium lignum illud venisset, conterendum, & exurendum fuisset: neque enim in Cruce abolenda negligentes fuissent, qui signaverant sepulchrum, &c.* Si autem Judeis post passionem abscondita est: *Non nisi Divina manu latuit, ut postea inveniretur, cum religiose toleretur,* ut idem Sanctus paulo inferius subjungit. Dicit aliquis fortasse, quod tempore resurrectionis Christi crux Judæos non latuit, sed potius ipsi in illius odium eam in terræ abditis absconderunt. Quod magis insinuat Ambrosius, dicens: *Video, quid egeris diabole, ut gladius quo peremptus es, obsrueretur; & infra: Quid egisti diabole, ut absconderes lignum, nisi ut iterum vincereris?* & infra: *Aperuit humum, decutit pulverem, tria patibula confusa reperit, quæ ruina contexerat, inimicus absconderat.* Sed profecto si hoc verum est, non minus mirabile, nec minoris Divinæ beneficentiæ in ecclesiam suam signum est. Nam si ex odio fidei ab hostibus ejus, sive Judæis, sive Gentilibus crux Christi in visceribus terræ sepulta est, quomodo non potius illam igne consumpserunt, & in cineres redegerunt, ut nunquam posset in manus Christianorum pervenire? Nonne hoc remedium securius, & facilius erat? Divino ergo beneficio id tribuendum est, quod insatuaverit, & dissipaverit eorum consilium. Aliud beneficium fuit, revelare crucem illam ecclesiæ, cum primum cepit ecclesia pacem habere sub Christianis Imperatoribus; quo satis significavit, ut Paulinus dixit, ideo ad tempus illam Deum occultasse: *Ut tunc inveniretur, cum religiose coleretur.* Merito ergo ecclesia peculiari cultu religioso cepit tunc crucem venerari, peculiare festum in ejus honorem dicendo, & gratias Deo agendo, quod ad fidelium consolationem factum illud lignum sibi reddiderit.

9 Unde ulterius ad alteram partem interrogationis, & dubitationis respondeo, humanam fidem, & moralem certitudinem rei gestæ satis, superque fuisse ad instituendam solennitatem illius diei, utroque titulo, & modo declarato, quia nullum perniciosi erroris periculum in tali celebritate esse poterat. Eo vel maxime, quod de inventione Crucis in genere (ut sic dicam) dubitari non poterat, quando cepit festum illud celebrari; quia res potuit esse notissima, & certissima, licet per humanam fidem haberetur. Sicut modo instituitur festum in gratiarum actionem pro victoria Christianis concessa, ad quod necessarium non est, ut factum illud fide Divina constet, sed sufficit certitudo fidei humanæ, quæ in quadam publica, & evidenti reificatione fundatur: talis ergo esse potuit in hoc facto, maxime si statim festum incepit, ut credibile est. Unde nihil obstat, quod ex Gelasio assertur; tum quia non constat, loqui de hac inventione, sed forte de aliqua alia, quæ tunc ex aliqua novella revelatione circumferebatur. Nam inventio Helenæ per centum, & plures annos jam præcesserat, vel certe si de illa inventione loquitur, non de ipsa re, nec de scriptis antiquorum Patrum, quæ ibidem approbat; sed de nova aliqua, & apocrypha scriptura, quæ novo modo illam historiam narrabat, & tunc legebatur, loquitur; tum etiam, quia Gelasius non dicit historiam non esse veram, sed prudenter esse legendam, ut discernatur pretiosum a vili, & certum ab incerto: satis ergo est, quod factum ipsum certum sit. Quod autem Eusebius illud præterierit, casu accidere potuit, quia tunc non vitans Helenæ, nec omnia gesta ejus enarrabat, sed

quædam, quæ de ædificatione templorum dicere occurrunt, occasione templi a Constantino ædificati, ut ibi etiam retulerat. De ultima vero dubitandi ratione dicam in sequenti puncto.

10 Inquiri enim tandem potest, an hoc festum sit ex his, quæ jure communi celebrari præcipiuntur, & quando, & ubi latum fuerit hoc præceptum: Summi- stæ enim communiter ponunt hoc festum inter ea, quæ in jure communi continentur. Ita Angelus verb. *Feria*, num. 3. Sylvest. verb. *Dominica*, numer. 3. Armilla verb. *Festum*, num. 4. & 7. cum Cajet. Idem sequuntur canonistæ, ut patet ex Panorm. cap. ult. de Feriis, num. 6. ubi refert Hostiensis, Joannes Andreas, & Specul. Omnes fundantur in cap. *Crucis*, de Consec. dist. 3. ubi etiam Glossa id supponit. Difficultas vero est, quia textus ille non videtur habere auctoritatem, & alioquin hoc festum non ponitur in dictis juribus, cap. 1. de consec. d. 3. vel cap. ult. de feriis, ergo signum est, non esse de præcepto ex vi juris: Probatur major, quia in illo textu continetur error & falsitas manifesta. Dicitur enim esse Euseb. papæ in epist. 3. Qui Eusebius ante Silvestrum, & ante Melchiam præcessit: verba autem textus sunt. *Crucis Domini nostri Jesu Christi, quæ nuper nobis gubernacula ecclesiæ Romana tenentibus quinto nonas Maii inventa est, in prædicto Kalendarium die inventionis festum vobis solenniter celebrare mandamus.* At hæc verba continent manifestam repugnantiam: quia non potuit Eusebius Papa esse auctor illius canonis, cum non fuerit illius tempore Crux inventa, ut supra visum est; & in ipso festo in officio ejus profiteretur ecclesiæ, illam inventionem factam esse opera Helenæ matris Constantini: & Rufinus, aliqueque historiæ referunt, accidisse etiam post Concilium Nicænum, non ergo potuit esse tempore Eusebii, ergo vel Eusebius loquitur de alia inventione, quam modo non celebrat ecclesiæ, & ita decretum illud non obligat. Præterquamquod nulla talis inventio unquam fuit, nec poterat Crux inveniri tempore Eusebii, & iterum occultari, rursusque inveniri tempore Silvestri, cum inter Eusebium, & Silvestrum vix quatuor anni intercesserint, vel certe fatendum est, legem illam non esse Eusebii, ac subinde non habere auctoritatem, quia nescimus, a quo lata sit. Unde in 1. tom. Concil. in 3. epist. Eusebii circa finem, ubi illa verba referuntur, nota quædam marginalis, quæ videtur esse Surii, sic habet: *Hoc quidem est contra sensum omnium historicorum, aliunde igitur huic loco assimilatum est.* Et ex ipso contextu epistolæ constat, verba illa nec cum antecedentibus, nec cum consequentibus convenientiam habere.

11 Qui voluerit defendere, decretum illud esse Eusebii, oportet, ut dicat Helenam fuisse christianam ante Constantinum, & ita potuisse, illo jam imperante, & nondum christiano, Jerosolymam adire tempore Eusebii Papæ, & Crucem inquirere, & invenire. Nam quod illa fuerit prius Christiana, (licet Euseb. contradicat) non caret fundamento: nam Paulinus in dicta epistola 11. ait de Constantino: *Qui Princeps esse Principibus christianis non magis sua, quam matris Helenæ fide meruit.* Hoc autem posito, reliqua non videntur repugnare, quia Eusebius rex ecclesiæ 4. 5. & 6. anno Imperii Constantini, & licet ille non esset christianus, tamen non erat male affectus erga illos; & ideo nihil obstat videtur, quod minus Helena illo tempore Crucem invenerit. Sed nihilominus probare hoc non possumus; tum quia etiam si dicamus, Helenam invenisse Crucem ante conversionem filii, non tamen possumus negare, quin illa inventio fuerit saltem post reportatam victoriam Constantinicæ Maxentio, quo tempore jam Euseb. obierat, ut Cæsar Baronius in Annalibus deducit: tum etiam quia Rufinus, & fere omnes referunt, inventam esse Crucem post Concilium Nicænum. Et certe per se est verisimilius, Helenam non potuisse tantum opus aggredi, nisi filii auctoritate, pietate, & fide niteretur: nec Eusebius, aut alius refert, illam fuisse Jerosolymam, nisi post fidem, & conversionem filii. Quare constanter tenendum est, inventam fuisse Crucem tempore Sylvestri: Ex quo aperte sequitur

An festum
hoc jure
communi
celebrari
præcipi-
tur

Textus
cujusdam
falsitas
convincit-
ur

Satis fide
primæ
partis pro-
positæ dis-
tinguitur

Quomodo
textus
defendi
possit

Impugna-
tur adhuc

caput illud Crucis non esse Eusebii, an vero illud fuerit a Silvestro editum, & solum in nomine, & titulo error irrepperit, affirmare non possum, quia nullam ad id habeo fundamentum, & sola Gratiani auctoritas non sufficit; quia ille sine alia examinatione, vel collatione historiarum fragmentum illud accepit ex illa epistola, ubi illud invenit. Ex eo vero, quod in Gratiani decreto positum fuerit, non cœpit habere vim legis, si antea non habebat.

II De ipso autem festo non videtur dubium, quin sit valde antiquum: nam in Ord. Romano antiquo habetur, & in Micrologo, & Beda in suo Martyrologio illius facit mentionem, & Martyrologium Romanum, & alia. Et (quod caput est) ecclesia Romana illud festum celebrat tanquam ex præcepto observandum, & hæc est generalis consuetudo. Hoc ergo satis est, ut hoc festum inter ea, quæ ex præcepto generaliter observantur, numeretur, sive in jure contineatur, sive non: verisimileque est, incepisse hoc festum statim a tempore Silvestri: quia post illud tempus nullum aliud initium ejus invenitur. Est autem ultimo advertendum, præter hoc festum celebrare ecclesiam aliud de Cruce mense Septembri, quod exaltatio Crucis nominatur: quod festum tempore Heraclii Imperatoris incepisse creditur, quando Cracem Dominicam ex potestate Persarum eripuit, & in Jerosolymitanum templum non sine Divinis prodigiis, & singularibus auxiliis restituit. Verumtamen hoc festum ab ecclesia Romana observari non præcipitur, neque id consuetudine receptum est, ideoque non pertinet ad ea, de quibus nunc tractamus, est enim festum solum quoad ecclesiasticum officium, non quoad festivam observationem ex præcepto.

CAPUT VIII.

De festis B. Virginis Mariæ.

I Principio statuendum est, merito ecclesiam nonnullos dies festos sub præcepto observari generaliter voluisse, in peculiarem honorem Virginis beatissimæ. Hæc assertio est de fide certa, quam in 2. to. 3. p. variis in locis attigimus: hoc vero loco solum dicemus ea, quæ ad hoc præceptum explicandum necessaria fuerint. Solent autem communiter recenserique quatuor tantum solennitates Virginis, quæ jure communi sub præceptum cadunt, scil. Nativitas, Annuntiatio, Purificatio, & Assumptio. Verumtamen de 2. & 3. jam dictum est: possunt enim, ut notavi, inter Christi, vel Virginis festivitatis numerari. De aliis vero duabus, licet solennitate, & obligatione excellent, tamen ut ordinate juxta mysteriorum exigentiam omnes commemoremus, de illis suo loco dicemus.

2 Prima ergo festivitas Virginis est de Conceptione ipsius, de quo festo nonnulla dixi in dicto 2. tom. disp. 3. sect. 5. Quibus duo hic breviter addenda sunt. Unum est, festum illud potuisse optime ab ecclesia sub præcepto constitui. Aliud est, de facto non esse ex vi præcepti servandum, sed standum esse consuetudini. Primum non potest in dubium revocari, quia certum est, effectum, ac pium tale festum celebrare; ergo etiam debet esse certum, potuisse ab ecclesia præcipi. Antecedens ex dictis in illo loco est manifestum, quia ecclesia non solum permittit, aut tolerat hoc festum, sed etiam approbat, & consulit, & indulgentiis concessis favet observantibus illud; non potest autem ecclesia admittere universalem errorem in materia morali; ergo nec cultum illicitum positive (ut sic dicam) approbare: est ergo cultus illius festi sanctus, & licitus. Et ideo Sixtus IV. cum in Extravag. *Cum præcelsa*, de Reliquiis & vener. Sanct. hoc festum approbasset, & cultoribus ejus indulgentias concessisset, statim in Extravag. *Grave nimis* excommunicat ipso facto eos, qui dixerint, non esse licitum, Conceptionem Virginis, ejusque festum celebrare. Hinc vero facile probatur prima illatio, quia ecclesia habet potestatem præcipiendi actum pium, & religiosum, si expedire judicaverit.

3 Secundum vero dictum, videl. tale præceptum

non esse latum ab ecclesia; commune est Doctorum in hac materia. Et patet, quia ante Sixtum IV. ecclesia Romana non tulit tale præceptum, ut constat. Neque etiam Sixtus observationem illius festi præcepit, sed laudavit, & ad illam fides induxit gratis, & favoribus concessis; nunquam vero necessitatem imposuit. Nec denique post illum latum est tale præceptum scriptum, ut constat. Unde in Concilio Oxo- mensi sub Stephano in principio præcipiuntur observari omnia festa B. Virginis: *Præter festum Conceptionis* (ait) *ejus celebrationi non imponitur necessitas*; cum tamen initium festivitatis hujus in Anglia inceperit, ut fertur: consulenda ergo est consuetudo, quæ quidem etiam non est sub hac obligatione generaliter introducta, ut omnes sentiunt. Ut ergo alicubi censeatur cum eo rigore introducta, & obligare, oportet, ut aliquibus peculiaribus indiciis, & rationibus constet: & ad episcopos maxime pertinebit in unaquaque diocesi modum consuetudinis declarare, quod in multis ex sequentibus festivitatis est explicandum.

4 Secundum festum est Nativitatis ejusdem Virginis, de quo fit specifica mentio in dicto c. r. de consue. d. 3. Unde comprehenditur censeatur in cap. ult. de Festis, sub generali distributione omnium festivitatum Virginis: nam Doctores communiter id dictum esse putant propter quatuor præcipuas festivitates, quarum una est Nativitas. Et ita de hoc festo observando recepta, & certa sententia est, datum esse præceptum obligans universam ecclesiam, & haberi ex jure communi, & ex consuetudine ita interpretante jus. Obscurum autem est initium hujus festivitatis, quando scil. cœperit ab ecclesia observari. Quod enim in primitiva ecclesia observata non fuerit, magnum indicium est, in antiquis ecclesiasticis historiis nullam illius mentionem inveniri. Quinimo expresso testimonio D. Aug. videtur constare, suo tempore non fuisse celebratum festum de Nativitate Virginis. Quia serm. 20. & 21. de Sanctis dicit, solius Christi, & Joannis natalem diem ecclesiam celebrare, & nulli aliorum sanctorum hoc fuisse concessum. Violentum autem erit exponere de sanctis viris, non autem comprehendere foeminas, quia hoc præter ordinarium modum loquendi est; & serm. 40. de diversis dixit: *Solum duos natales celebrat ecclesia hujus* (id est Joannis, & Christi). Nec est verisimile, fuisse tam absolute locuturum cum exclusionem, si nativitas Virginis tunc celebraretur. Cujus etiam signum est, quod nullus sermo ejus in natale Virginis reperitur. Quin potius post Augustinum per multa tempora non videtur celebrata hæc festivitas. Nam in Conc. Magunt. circa annum 800. cap. 36. celebrato, numerantur festa observanda, & inter ea Assumptio, & Purificatio Virginis, & non ponitur Nativitas. Verisimile ergo videtur, per plures annos non fuisse hoc festum observatum saltem in universa ecclesia. Quod mirum videri non debet, quia cum multa festa de Christo essent communia Virgini, & aliis multis modis frequens memoria de Virgine ageretur, potuit facile accidere, ut prius Nativitas Joannis, quam Virginis solenni festo celebraretur. Præsertim cum illis primis temporibus non fuerit tanta pax in ecclesia, ut potuerint omnia simul ad consummatum ordinem redigi.

5 At vero, licet hinc colligatur, festum hoc non fuisse ubique celebratum, ut verbi gratia, in Africa, vel in Gallia, &c. quod vero Romæ, vel in Italia, aut in Hispania non fuerit semper observatum, inde probari non potest, nec certo constat. Unde affirmare possumus, esse satis antiquum, & multis in locis fuisse celebratum ante mille annos, ut ex variis indiciis colligi potest. Nam Greg. in Sacramentario, & Antiphonario illud commemorat, & in ordine Romano fit illius mentio; & ibi refertur, Sergium I. papam ordinasse in illo festo fieri processionem, & Litanias decantari, sicut in aliis solennioribus festis Beatæ Virginis. Item in tom. 4. Biblioth. homiliarum refertur sermo 5. Illesonfi de Nativitate Mariæ, in quo inter alia sic inquit: *Honorabilis dies, & sacra festivitas, in qua nata est Virgo Maria Dei genitrix. Hoc est gaudium*

Non est
tamen hoc
præceptum
impositum

Nativitas
Virginis
sub præ-
cepto uni-
versaliter
observa-
tur

Quando
celebrari
cœpit

Antiquitas
hujus
festi

Festum
exaltatio-
nis Crucis

De iparæ
Virg. fe-
sta merito
ab eccle-
sia cele-
brari

Concep-
tio Vir-
ginis po-
tuit ab
ecclesia
sub præ-
cepto con-
stitui

gaudium nostrum, *hec est festivitas nostra, exultemus, & letemur omnes in celebratione hodiernæ festivitatis, &c.* Et in lib. de Virgine Maria idem significat: item Beda in Martyrologio illud posuit, quod in aliis Martyrologiis est frequens. Apud Damascenum etiam, & alios Patres reperiuntur orationes, & homiliæ hujus festivitatis. Sed in his omnibus observandum est, aliud esse loqui de celebritate religiosa illius diei ex devotione ob Santissimæ Virginis Nativitatem, aliud vero de rigore præcepti observandi tale festum. Primum evidenter colligitur ex dictis indiciis: secundum non cum tanta certitudine, quia similia possunt adduci de multis festis, quæ ex devotione tantum celebramus. Initium ergo hujus præcepti nobis incertum est: sed consuetudine videtur introductum, & tandem in jure ipso declaratum, ut dictum est.

Festum
præsentationis
Deiparæ

11 Tertium festum Virgini dicatum est Præsentationis ejus in templo, quo veneramur sacram illam oblationem, quæ & ipsa Virgo seipsam, & parentes ejus illam Domino in templo obtulerunt in tertio anno ætatis ejus. Hoc autem festum non præceptum est, sed devotionis; & ideo nihil de illo hic addendum occurrit his, quæ in 2. tomo attingimus, ubi de ipso mysterio, in quo festum fundatur, breviter dixi in disp. 7. in initio. De celebratione autem diei in memoriam, & honorem illius mysterii dixi disput. 22. sect. 1. Et videri etiam possunt orationes Patrum Græcorum, quas de illa festivitate refert Surius die 21. Novembris. Quartum festum est Annunciationis Angelicæ, quæ inter quatuor principales Virginis festivitates numerari solet, & sub eis comprehendendi, quoribus de his festivitatibus sermo est: de quo festo jam supra diximus.

Annun-
tiationis
festum

Visitationis
festum

12 Quinto ergo loco, & ordine succedit festum Visitationis, quando statim post filii conceptionem Virgo Elisabetham salutavit. De quo etiam, quæ ad nostrum institutum pertinent, in dicto tom. 2. disp. 22. sect. 1. dicta sunt: neque hic amplius immorari oportet, quia hoc festum devotionis etiam est, non præcepti. Nam licet auctores referant, Urbanum VI. solennitatem illam instituisse, non tamen constat, præceptum de illius observatione tulisse. Potuit enim illam ordinare quoad ecclesiasticum officium, & celebrationem, non tamen præcipere quoad observacionem. Quod si præcepit (ut Silvester cum Archidiacono docet) usu receptum non est, nec custoditum: & addit Silvester, fortasse illam legem non fuisse promulgatam. In Concilio vero Basil. sess. 43. hæc solennitas iterum erecta, & commendata est: verumtamen nec ibi habentur verba, quæ indicent præceptum de observatione festi, nec si essent, haberent vim obligandi totam ecclesiam, cum Concilium illud tunc non procederet sub obedientia Papæ, nec Papa postea illud quoad illam partem confirmaverit. Denique ex ipso usu constat, ecclesiam nunc non agnoscere tale præceptum: si tamen alicubi consuetudo illud introduxerit, servandum est: oportet tamen, ut de modo consuetudinis satis constet, ut sæpe dictum est. Sextum festum est Purificationis, quod inter quatuor præcipuas Virginis solennitates ponitur, de quo supra dictum est.

Assump-
tionis
festum de
jure com-
muni ser-
vandum

13 Septimum, ac præcipuum est festum Assumptionis, in quo tria illa, quæ sæpe indicavit, distinguenda sunt, veritas mysterii, celebritas quoad officia cum publica solennitate, ac veneracione, & præceptum observandi illum diem tanquam festum. De primo diximus in proprio loco in dicto 2. tomo disp. 21. per totam; & de secundo diximus ibidem specialiter in sect. 3. circa medium, & disp. 22. sect. 1. neque hic circa illa duo puncta aliquid addendum occurrit. De tertio igitur puncto, quod hujus loci est proprium, dicendum est, festum hoc Virginis ex præcepto juris communi servandum esse. Ita docent omnes Doctores in cap. de conse. d. 3. ubi expresse hoc festum numeratur, & in cap. ultim. de Feriis, ubi sub festivitatibus Virginis hoc festum maxime comprehenditur. Nam est maxime proprium ipsius Virginis, & inter festivitates ejus habet quamdam excellentiam quia gloriam, præmium, ac triumphum sanctissimæ Virginis nobis repræsentat. Ejusdem præterea festi, & præcepti me-

mini Concil. Magunt. sub Carolo Magno cap. 36. Et, quod caput est, indubitata ecclesiæ traditione, & consuetudine sub hac existimatione recepta, præceptum hoc inviolabiliter ab ecclesia observatur. Unde Bernardus epist. 174. tantum has duas festivitates Virginis, ut ab ecclesia universaliter præceptas recognoscit Nativitatem, & Assumptionem, eaque æq. vixit rat dicens: *Accepi ab ecclesia illum diem cum summa veneratione colendum, quo assumpta de seculo nequam, cælis quoque intulit celeberrimorum festa gaudiorum. Sed & ortum Virginis nihilominus in ecclesia, & ab ecclesia indubitanter habere festum, atque sanctum, firmissime cum ecclesia sentiens, in utero eam accepisse, ut sancta prodiret.*

24 Quapropter sine probabilitate loquuntur, qui festum Assumptionis juri Divino attribuant, cui per nullam consuetudinem derogari potest, quod senserunt Joann. Andr. in cap. *Licet*, de Feriis argum. cap. ult. de sent. excom. lib. 6. quem ex parte sequitur Angel. verb. *Feria*, n. 3. dicens, esse quasi juris Divini. Sed hoc per quamdam exaggerationem dictum videtur: nam revera (ut sæpe dixi) nullum ex his festis est de jure Divino. Tamen hoc festum censetur esse tantæ dignitatis, ut in ipso Divino jure proxime fundatum, vel potius ex illo quasi necessaria collectione deductum videatur, & ideo moraliter verum est, consuetudinem non posse prævalere contra obligationem hujus præcepti, non quia esset contra jus Divinum, sed quia esset adeo irrationalis, ut nunquam possit tam sancto, ac necessario præcepto derogare. Quod etiam sensit Sylvester verb. *Dominica*, q. 1. §. 7. Hinc denique intulerunt aliqui, festum hoc ab Apostolis incepisse: quod non est improbabile quoad celebritatem, & cultum, ac annuam memoriam dormitionis Virginis in ecclesiasticis officiis, & conventibus. Et illius antiquitatis magnum indicium sumitur ex traditione, & scriptis antiquorum Patrum, præsertim Gregoriorum, quos in dicto tom. 2. locis citatis adduximus. At de ipso præcepto observandi talem diem, incerta res est, quando inceperit, & (sicut de similibus dixi) videtur potius traditione introductum, quam lege scripta; tandem vero etiam jure confirmatum esse.

Ab Apo-
stolis ma-
nasse pro-
babile est

25 Octavum festum Virginis, & generale totius ecclesiæ est dedicationis templi S. Mariæ Majoris, quod dicitur sanctæ Mariæ ad Nives. Quod Romæ celebrari cœpit a tempore Liberii papæ, ut ex historia illius diei constat. Non constat autem, ab eodemne Liberio fuerit latum præceptum de observatione illius festi: scriptum enim non extat, nec in historiis illius dedicationis, ac prodigii, quod in illa accidit, aliud dicitur, nisi *quod in illius dedicationis memoriam ex nive, quæ mirabiliter illo die cecidit, anniversaria celebritate colitur.* Nullum ergo videtur præceptum de observatione festi traditum, maxime, quod universam ecclesiam obligaret, unde hodie plerisque in locis ex sola devotione servatur. Romæ autem videtur ex consuetudine servari sub obligatione: est tamen particularis obligatio, non communis omnibus locis, nisi ubi constituerit, similem consuetudinem introductam esse. Unde constat, solennitates proprias Virginis sub generali præceptis tantum esse quatuor, vel si duas illarum Christo tribuamus, ut de Incarnatione, & præsentatione Christi diximus, tantum esse duas, scil. Nativitatem, & Assumptionem: alias vero quatuor devotionis esse, nisi de speciali consuetudine aliud constet. Præter has vero sunt aliæ festivitates Virginis, particulares aliquorum regnorum, præsertim in Hispania festum expectationis, & descensionis Virginis, quorum mentionem fecimus in d. 2. tom. disp. 22. sect. 1. & magis ad cap. 10. pertinent. Solum adverte, dici hæc festa particularia, non solum propter præceptum de illis observandis, quia revera non semper intervenit, sed etiam quia ex devotione non ubique, sed in quibusdam provinciis ecclesiæ celebrantur.

Festum
S. Mariæ
ad Nives

Quatuor
Virginis
festa sub
generali
præcepto
servantur

Expecta-
tionis fe-
stum

CAPUT IX.

De aliorum Sanctorum festivitatis.

Sanctorum
festa me-
rio ser-
vatur .

I Hic etiam pro fundamento ponendum est, jure, ac merito institutum esse ab ecclesia, ut in aliquorum Sanctorum honorem dies aliqui ita Deo dicati sint, ut ex obligatione, ac praecepto ab universa ecclesia serventur. Doctrina in hac assertionem contenta de fide est quoad multa; aliquid vero includit certum ex festo ipso. Primo ergo de fide est, sancte, & honeste posse dies festos Deo dicari in peculiarem honorem aliquorum Sanctorum. De hac parte multa diximus in 1. tomo tertiae partis, tractando de cultu Sanctorum, & ideo hic eam breviter expediemus. Nam ex perpetua ecclesiae traditione, & consensus est manifesta: Clemens enim libr. 8. Constitution. c. 33. Apostolorum, & Martyrum festa dicit esse servanda: *Quia & magistri nostri fuerunt ad docendum nos de Christo, nobisque Spiritum sanctum dederunt, & Christum vitam suam anteposuerunt.* Et apud Euseb. lib. 4. Histor. cap. 14. alias 15. extat egregia epistola ecclesiae Smirnenfis ad alias ecclesias, in qua historiam Martyris sui episcopi Polycarpi scribit, & concludit: *Sic nos postea ossa ejus potiora lapillis pretiosis, auroque puriora ex cineribus selecta, eo loco reposuimus, qui illis erat decorus, consentaneusque. Ubi sane nobis in unum aliquando coactis Dominus praestabit, ut celebrem ejus martyrii diem instar Natalis festi cum exaltatione, & gaudio, quantum fieri potest, maximo recolamus.* Quibus verbis satis ostenditur, quam sit antiqua consuetudo Christiana dies festivos in honorem Sanctorum dicandi: eandemque egregie declarat, quod idem Euseb. lib. 7. cap. 17. alias 19. refert, antiquos Christianos propter nullam persecutionem, aut loci incommoditatem a celebrandis Sanctorum Martyrum memoriis destitisse. Sic Tertullianus lib. de Coron. milit. dixit: *Ex antiqua majorum traditione pro natalitiis annua die fecimus, cum autem Tertullianus non multum ab Apostolorum temporibus distaverit, non potuit vocare antiquam majorum traditionem, nisi quae ab Apostolis manaverat.* Eandemque traditionem plane confirmat Cyprianus epist. 34. & 37.

Quare an-
tiquus hic
mos.Finis hu-
jus institu-
tionis &
modus il-
lur.

2 Finem, & modum hujus institutionis declaravit optime Augustinus multis in locis, praesertim vero lib. 20. c. 21. *Populus Christianus memorias Martyrum religiosa solennitate concelebrat, & ad excitandam imitationem, & ut meritis eorum consocietur, atque orationibus adjuvetur, ita tamen ut nulli Martyrum, sed ipsi Deo Martyrum, quamvis in memoriam Martyrum constituamus altaria, &c.* Similia habet libr. 8. de Civit. c. 27. lib. 22. Enar. 2. in Psalm. 88. 47. serm. de Sanctis, & 101. de diversis c. 7. 8. 9. & in multis sermonibus, qui antecedunt, & sequuntur, ac denique in omnibus, quae de Sanctis scripsit. Atque eadem ratione allegari possunt Nazianzenus, Gregorius Nyssenus, Ambrosius, Chrysostomus, & alii antiqui Patres in orationibus, & concionibus, quas de aliis Sanctis, non solum Apostolis, & Martyribus, sed etiam Confessoribus, & Doctoribus, ac Virginitibus, & in eorum festivitatis ad populum factas, scriptas reliquerunt. Denique Isidorus lib. 1. de Divinis officiis c. 34. *Festivitates (inquit) Apostolorum, & in honorem Martyrum antiqui Patres in venerationis mysterio celebrari sanxerunt, &c.* Et capite trigésimo quinto, addit, has festivitates pro varietate regionum multiplicatas esse, ne forte rara congregatio populi fidem minueret in Christo. Ratio denique hujus veritatis est, quia Sancti digni sunt cultu, & honore, non tantum civili, sed etiam religioso, ut in dicto 1. tom. probatum, & declaratum est, sed ad hunc finem dedicantur festi dies in honorem Sanctorum, & ideo illis diebus Deo sacrificamus, & cum Sanctorum commemoratione Deum principaliter oramus, specialiter tamen intercessione talis, vel talis Sancti adjuvari possumus. Denique Sanctos ipsos non rogamus, nisi ut amicos Deum cum illo jam regnantes, & ut nostrae salutis ministros, & instrumenta viva, & ut intercessores, ac patronos nostros apud Deum, hoc autem

Suarez. Tom. XII.

totum cadit, & terminatur in laudem, & gloriam Dei; ergo.

3 Hac ergo veritate supposita, facile est alteram persuadere, videlicet jure, ac merito potuisse ecclesiam nonnullos dies ita destinare ad cultum in peculiarem honorem aliquorum Sanctorum, ut sub obligatione praecepti eorum observantiam constitueret, quia cum res sit sancta, & honesta, non excedit ecclesiasticam potestatem: nam est valde utilis Christiano populo, propter rationes, quas Augustinus, & Isidorus tetigerunt, scilicet, ut fides excitetur, & non dormiat, ut spes erigatur, tum Sanctorum gloriam conspiciendo, tum auxilium intercessionis eorum expectando, ut charitas etiam tum ad Deum, tum ad ipsos Sanctos augeatur. Ac denique ad gratum animum pro beneficiis acceptis ostendendum, & alia similia. Et alioquin non est tale praeceptum nimis onerosum, vel intolerabile Christiano populo, sed potius juvat ad corporum levamen, & moderandos labores externos, praesertim ne spiritum obruant. Nec est tanta multitudo harum festivitatum, ut necessarios, ac convenientes labores ad usum humanæ vitæ impediatur, ut experientia ipsa ostendit, & de prudentia, & providentia pastorum ecclesiae semper sperandum est.

Dies fe-
stos San-
ctorum
designare;

4 Quocirca dupliciter errant haeretici hujus temporis circa has Sanctorum festivitates. Primo, quia non putant, posse institui in cultum religiosum, sed civilem tantum, sicut principes temporales possunt in aliquem honorem suum dies aliquos destinare. Est enim evidens, Sanctos esse dignos altiori honore, & adoratione. Nec minus evidens est, hanc institutionem religiosam cedere in majorem Dei gloriam, majoremque fructum animarum: nam fideles in illis diebus exercentur in operibus pietatis, & cultus Divini: tuncque existimare debent diem festum agere, quando cultu sancto, & religioso Deum in Sanctis suis venerantur, & laudant, Psalm. 150. Secundo errant hi haeretici, quia ecclesiae negant potestatem praecipendi observationem festorum, quae in Sanctorum honorem ordinantur: putant enim, esse contra libertatem legis gratiae, quam ipsi falso constringunt. Sed haec controversia generalis est, eandemque rationem habet in omnibus praeceptis ecclesiasticis de jejuniis, & similibus, de quibus in materia de legibus dicendum est: neque enim in his festis Sanctorum est specialis ratio, ut ex dictis satis constat; libertas ergo legis gratiae non excludit praecepta positiva, nec festivitates, quae fide, & spiritu Christi celebrantur, ut dicit Nazian. Orat. in sanctum Pentecostem, sed excludit necessitatem servandi legem Moysis, & ejus festa.

Duo ha-
reticorum
errores
circa fe-
sta San-
ctorum .

5 His ergo fidei veritatibus addimus, de facto institutum, & praeceptum esse ab ecclesia, ut aliqui dies festi non solum in honorem Dei, & Filii, ac Matris ejus, sed etiam in honorem aliorum Sanctorum generaliter celebrentur. Ita docent omnes Doctores in dicto c. 1. de Consec. d. 3. & in ult. de Feris, & Summis eodem verb. *Feria*, & verb. *Dominica*, & constat ex dictis juribus; in eis enim plures festivitates recensentur, quas constat ab universa ecclesia sub obligatione servari; quod ipsa consuetudo, & traditio ecclesiae maxime confirmat. Unde supposita hac notitia, & traditione, de fide certum relinquitur, nunc de facto teneri fideles vi praecepti ad has festivitates observandas.

Institu-
isse
ecclesiam
sub prae-
cepto ali-
qua San-
ctorum fe-
sta .

6 Sed ut hoc praeceptum omnino explicatum relinquatur, oportet in particulari has festivitates numerare, quod servato ordine, quem ecclesia in Litanis observat, faciemus. Primum ergo sit festum Sanctorum Angelorum, quod ecclesia in mense Septembri celebrat. Est enim advertendum, ecclesiam duo festa Angelorum celebrare: unum mense Maio, quod peculiariter videtur institutum in honorem Michaelis Archangeli, occasione apparitionis ejus in monte Gargano: aliud vero mense Septembri, quod licet denominetur ex dedicatione templi Michaelis Archangeli, eo tamen die (ut ibi dicitur) *omnium Angelorum memoriam ecclesia celebrat*. Unde etiam incertum est, quod ex his festis sit antiquius: nam apparitio illa Michaelis antiquior est dedicatione templi ejus. Quia, ut in eadem historia dicitur, apparitio facta est tempore Gelasii primi: tem-

Angelor.
festum .

plum autem Michaelis non ita multo post dedicatum fuit a Bonifacio Papa, ut ibidem dicitur, debetque necessario intelligi de Bonifacio II. qui fuit septimus a Gelasio; nam Bonifacius primus Gelasium præcessit, Et quamvis non constet, ab eisdem pontificibus Gelasio 1. & Bonifacio 2. hæc festa esse instituta respective, non est tamen incredibile; immo dum aliud non constat, id videtur verisimilius. Nihilominus tamen festum Septembris est sub præcepto, non autem festum Maii. Quod est certum ex ipso usu ecclesiæ; & quia in dictis cap. 1. & ultim. festum dedicationis Angelorum specialiter numeratur, de alio vero non fit mentio. Unde primum servatur ex vi juris communis, neque scitur esse alicubi consuetudini derogatum: aliud vero ex devotione tantum colitur, nisi alicubi consuetudo obligationem induxerit. Ratio autem non est alia, nisi quia obligatio non oritur ex antiquitate, sed ex præcepto: & licet festum Michaelis sit antiquius, solum fuit institutum quoad ecclesiasticum officium, & cultum; aliud vero simul habuit præceptum adjunctum. Et causa esse potuit, quod institutum fuit in honorem omnium Angelorum, & ut præcipuum festum etiam ipsius Archangeli Michaelis. Solent etiam in aliis locis celebrari festa vel Gabrielis Archangeli, vel Angeli custodis: sed hæc, & similia sunt aliorum locorum particularia, præsertim in Hispania: omnia tamen honestissimas rationes habent, si legitima potestate introducta, seu approbata sint.

7 Secundo loco ponimus nativitatem Sancti Joannis Baptiste, quod festum inter ea, quæ jure communi observari præcipiuntur, in dictis juribus numeratur, & ab omnibus auctoribus, illudque esse antiquissimum constat, quia tempore Augustini jam celebratur ut antiquum, & ab ecclesia traditum, sicut constat ex concionibus ejus, & de initio illius nulla est memoria, quod est signum apostolicæ traditionis juxta doctrinam ejusdem Augustini in epistol. 118. & 119. Videturque hoc festum habuisse fundamentum in verbis Archangelis Gabrielis Luc. 1. *Et multi in nativitate ejus gaudebunt, & in prodigiis, & miraculis, quæ partim in ejus sanctificatione in utero, partim in ejus nativitate acciderunt.*

8 Atque hinc etiam factum est, ut cum duas de hoc Sancto festivitates celebret ecclesia, unam de nativitate ejus mense Junio, aliam de ipsius martyrio in Augusto, priorem sub præcepto præcipiat, non vero posteriorem; tum quia Gabriel Archangelus in citatis verbis significasse videtur, placitum Deo esse, ut hujus sancti festivitas in lætitia de nativitate ejus præcipue ostendatur; tum quia in prima sanctificatione, & nativitate specialem quamdam prærogativam habuit; tum etiam, quia licet per vitam creverit in gratia, & per mortem in illa fuerit consummatus, non tamen statim ad gloriam transivit, & quoad hoc inter sanctos antiquæ legis computari potest, quorum festa non solet ecclesia specialiter colere. Addit etiam Aug. in concionibus suis, nativitatem Joannis celebrari propter mysterium, quod præfert: quia Joannes fuit quasi terminus legis veteris, & initium novæ, & quasi iudicium ubertatis spiritualis ejus, & veluti nexus utriusque, & quasi Lucifer indicans orientem Solem, & ideo solennius ab ecclesia celebratur. Denique adjungo, non solere ecclesiam duo festa alicujus Sancti sub præcepto constituere, hoc enim quasi in singulare signum excellentiæ adorationis hyperdulie Virgini reservatum est, & ideo quando de aliquo Sancto plura festa celebrat, unum censetur esse principale, alia veluti accessoria, & ad summum de principali præceptum datur. Quia ergo ecclesia nativitatem Joannis principaliter celebrandam elegit propter rationes supra indicatas, ideo etiam de illius tantum observatione præceptum tulit. Cætera, quæ de hoc Sancto desiderari possunt, in 2. tom. 3. part. a nobis tractata sunt.

9 Tertio loco ponimus festa Apostolorum: quam institutionem antiquissimam esse, constat ex Clem. d. lib. 8. cap. 33. ubi specialiter ait: *In diebus Apostolorum vacent, Magistri enim vestri fuerunt, &c.* ubi significat, jam tunc fuisse hæc festa sub præcepto constituta; & in dictis cap. 1. de Conf. distinct. 3. & ult.

de Feriis similiter generatim ponuntur *Festa duodecim Apostolorum*, ubi Doctores omnes, & Summistæ advertunt, intelligi de festis principalibus, non de accessoriis, nam de aliquibus Apostolis: secunda quædam festa celebrantur, quæ non sunt sub præcepto, ut de Petro utraque cathedra Antiochena, & Romana, & vinculorum festum. De Paulo conversio ejus, & peculiaris commemoratio, quæ post festum Petri, & Pauli de illo fit, & de Joanne evangelista festum, ante portam Latinam vocatum.

10 Dubitare autem quis potest, cur duodecim Apostoli numerentur, cum illi sint quatuordecim: nam præter duodecim sunt Paulus, & Barnabas, nec enim dicere possumus, Paulum ab hoc honore ab ecclesia excludi. Respondeo, non excludi quidem Paulum, ut infra dicam: Barnabam autem non numerari, quia etiam si cum Paulo fuerit ab Spiritu sancto segregatus, Act. 3. & ideo ecclesia Apostolorum nomine, ac officio illum honoret, & colat; nihilominus ejus festum diem sub generali præcepto non constituit, ut est certa, & communis sententia Doctorum: quia nec in illis iuribus comprehenditur, nec in alio præcipitur, nec usu receptum est tale præceptum: & ideo si alicubi ex consuetudine observatur, est particularis obligatio, non generalis lex, Non est autem eadem ratio de Paulo; tum quia licet non sit ex primis Apostolis ordine electionis, seu vocationis secundum ordinem temporis, est tamen ex primis in munere, spiritu, & in laboribus pro Christo, & ecclesia; tum etiam quia est (ut sic dicam) individuus comes Petri, & quasi unum quid cum illo: & ideo in illis iuribus specialis de illo mentio statim fit. Unde, cum numerantur duodecim Apostoli, sub Petro comprehenditur Paulus: quia diem festum habent communem, & ecclesia nullum aliud festum solius Pauli proprium sub præceptum constituit. Idem, quod de Barnaba diximus, dicendum est de festis sanctorum Lucæ, & Marci evangelistarum, quos ecclesia ritu Apostolorum celebrare solet: eorum tamen dies festos sub generali præcepto hæcenus non constituit: etiam si aliud senserint Joannes Andr. Panor. & Anton. in dicto capit. ultim. & summa Pisana verb. *Feria*, ex cap. *Gloriosum*, de Reliq. & ven. Sanct. Verumtamen inde nihil probatur, ut infra circa Doctores adnotabimus. Et ita sentiunt Anton. Silvestr. Angel. & alii. Præterea universalis consuetudo ita est interpretata legem illam; nam in multis locis non servantur illa festa: ubi tamen fuerit consuetudine recepta obligatio, servanda est.

11 Additur præterea in dicto c. 1. Maxime feriandum esse in festo Sanctorum Petri, & Pauli, qui mundum sua prædicatione illuminaverunt, idemque fere in dicto cap. ult. dicitur. Unde non videtur dubium, quin hoc festum a die Martyrii illorum Apostolorum fuerit Romæ, & in universa ecclesia Latina magna veneratione celebratum. Quod etiam ex supra dicto loco Clementis a fortiori colligitur. Meminit hujus festi Hieronymus epistol. 19. ad Eustochium his verbis: *Festus est dies, & natali Beati Petri festivius est solito condendus.* Refert etiam Nicephorus lib. 16. Hist. capit. 35. tempore Anastasii Imperatoris auctum esse cultum illius festivitatis Constantinopoli: nam Senator quidam Romanus, nomine Festus, cum illuc alia de causa venisset, & vidisset festum illud minori cura, & splendore celebrari, quam par esset, ab Imperatore petiit, ut juberet eadem reverentia celebrari, qua Romæ fieri solitum erat: Imperatorem autem annuisse, & constitutione promulgata sanxisse, ut magnifice conventus ecclesiasticus in Apostolorum eorum honorem ageretur: *Et ab eo (inquit) tempore conventus ejus celebritas magna cepit incrementa, atque ingenti cum lætitia est frequentata.*

12 Post hoc magna solennitate colitur ab ecclesia festum S. Joannis Apostoli, & evangelistæ. Quod etiam est ex his, quæ in dictis iuribus expresse numerantur, præterquam quod universali consuetudine observatur, & traditione adeo antiqua, ut illius initium ignoretur; a nullo enim Scriptore ecclesiastico traditur, & Beda in Martyrologio, & omnes alii Scri-

Cur 12. Apostoli numerentur, cum sint 14.

Fest. Petri, & Pauli die Martyrii illorum cepisse.

Jos. Evan. festum antiquissimum.

Ratio.

Nativitas S. Joannis Bapt.

Cur Bapt. sit nativitas potius quam mors sub præcepto servetur.

Apostolorum festa antiquissima.

scriptores de Sanctis , & vel de officiis ecclesiasticis , de hoc festo , ut de antiquissimo , & solenniſſimo , loquuntur . Celebratur autem ab ecclesia tertia die a nativitate Domini . Cujus rationem aliqui eſſe putant , quia eo die , id eſt , vigesimo ſexto Decembris mortuus eſt . Alii mortuum in die vigesimo quarto Junii , quo die nativitas Baptiſtæ celebratur , & ideo translatum fuiſſe feſtum Joannis in illum alium diem propter aliquam peculiarem rationem , quia vel tunc ſedem Ephesiſnam accepit , vel ei eſt ecclesia Ephesi dedicata , ut videre licet in Joann. Belet. de Divin. offic. c. 30. & Durand. lib. 7. c. 42. Sed hæc incerta ſunt , & probabile eſt , eccleſiæ non conſtituiſſe de die obitus , ſeu tranſitus ejus , ideoque illum diem designaſſe , & feſtum ejus cum natali Domini conjunxiſſe ad augendam illius feſti celebritatem , ſicut de feſto S. Stephani , & Innocentium verifiſimile eſt .

13 Præterea , inter feſta Apoſtolorum feſtum Sancti Jacobi Majoris fratris Joannis valde celebre eſt in univerſa eccleſia , præſertim in noſtra Hiſpania , quæ illum ſingulari ſolennitate colit , ut patronum , & parentem , tribus potiſſimum de cauſis . Prima eſt , quia primus ipſe evangelium in Hiſpania prædicavit ; prius enim , quam Jeruſolymis martyrium pateretur , decimo anno poſt Chriſti Domini mortem Hiſpaniam peragravit , & fidei ſemina jecit , quæ licet tunc parum fructus attulerint , tamen in virtute illius magnum Deus poſtea incrementum dedit . Et quamvis hoc tempore nonnulli tentaverint hunc Jacobi in Hiſpaniam adventum in dubium revocare , nullo modo poſſunt antiquiſſimæ , & generali omnium Hiſpaniarum traditioni reſiſtere , nec aliquid proponere , quod probabilem rationem dubitandi faciat . Nam quod Jacobus ante martyrium potuerit in Hiſpaniam venire , & redire Jeruſolymam , non repugnat his , quæ de Apoſtolorum prædicatione , & geſtis in Actibus Apoſtolorum , vel in aliis hiſtoriis fide dignis narrantur . Quia licet ex Actibus conſtet , per duos , vel tres annos primos ab Aſcenſione Domini Apoſtolos non reſceſſiſſe Jeruſolyma , tamen de cæteris annis uſque ad Jacobi martyrium nihil de factis a Jacobo , & aliis narratur , ſed ſolum de Petro , & Paulo . Item licet ante Petri vincula (quando jam fuerat Jacobus mortuus) non credantur fuiſſe diviſi Apoſtoli in orbem terræ ad prædicandum , non reverſuri amplius in Jeruſalem : tamen nihil vetat , quominus ante id tempus exierint per diverſas provincias , & digreſſiones facerent , & iterum Jeruſolymam redirent . Sicut ſcimus , Petrum intra id tempus Antiochiam iſſe , ibique primum ſedem ſuam fundari , licet interim Jeruſolymam proficiſceretur , & Judæam viſitaret . Sic ergo potuit Jacobus intra idem tempus migrare in Hiſpaniam , & ibi prædicare , & poſtea Jeruſalem redire .

14 Neque etiam obſtat , quod eo tempore Apoſtoli evangelium non prædicarent Gentibus uſque ad viſionem Petri , Actor. 10. Primum quidem , quia fortaſſe in Hiſpania etiam tunc aliqui Judæi habitabant , quibus annunciari poterat evangelium . Nam (ut colligitur ex Actor. 1.) Judæi diſperſi erant per omnem nationem , quæ ſub cælo eſt , quandoquidem ex omnibus tunc venerant Jeruſolymam ; ergo etiam in Hiſpania eſſe poterant Judæi , quibus prædicaretur evangelium . Tum etiam , quia non eſt certum , ante revelationem factam Petro non fuiſſe evangelium Gentibus prædicatum : nam certe Paulus ſtatim poſt conversionem ſuam in Arabiam abiit , & in alias regiones , ubi veriſimile non eſt , ſolis Judæis prædiſſe , cum ipſe eſſet Gentium prædicator , & non ab homine , nec per hominem , ſed per Jeſum Chriſtum edoctus eſſet , quid , & quibus , & quando prædicaturus eſſet . Idem ergo credi poteſt de Jacobo , quem Deus in prædicatorem , & fundatorem fidei in Hiſpania elegerat . Unde revelatio illa Petri eo tendit , ut eccleſiæ univerſæ , & præſertim ex Judæis collectæ publice jam proponeretur , omnes ſalvari poſſe per fidem Chriſti , & ideo omnes ad evangelium vocandos eſſe . Uſque ad illud ergo tempus non fuit hæc veritas ita publice declarata , ut inter Judæos Gentibus prædicaretur evangelium , neque ex Judæis Gentibus una eccleſia congregari ceperit , nihilominus tamen potuit ante illam

Suarez Tom. XII.

revelationem aliis Apoſtolis inſtinctu divino inſpirari , ut ad Gentium provincias irent , eiſque prædicarent . Tum denique , quia illa revelatio facta eſt Petro quatuor , vel ad minus tribus annis ante mortem Jacobi , & illud erat ſufficiens tempus , ut iret in Hiſpaniam , & per unum , vel duos integros annos ibi prædicaret , & poſtea Jeruſolymam reverteretur .

15 Quod ſi hoc non repugnat canonice hiſtoriæ , neque aliis dogmatibus receptis , parum proſecto reſert , quod privata hiſtoriæ humanæ illorum temporum illius peregrinationis Jacobi mentionem non fecerint ; tum , quia in ea Jacobi peregrinatione nihil accidit adeo publicum , & prodigioſum , ut in univerſum orbem illius fama exierit , quo poſſent excitari hiſtorici ad id memoriæ prodendum : tum etiam quia in illis temporibus non fuerunt in Hiſpania diligentes ſcriptores rerum , quæ in ea gerebantur ; externi autem non poterant facile illarum notitiam habere , niſi fortaſſe earum , quæ ad publica bella , & reipublicæ ſtatum , & dominium pertinebant : nam aliarum rerum pertinentium ad religionem parvam , aut nullam rationem , vel curam habebant . Unde , cum in illa ætate non fuerint ſcriptores eccleſiaſtici , qui de rebus Hiſpaniæ mentionem fecerint , niſi tamen , mirum non eſt , quod in hiſtoriis antiquis nihil de hac profectione Jacobi in Hiſpaniam reperitur . Nam proſecto ſi Lucas acta Petri , & Pauli poſteritati ſcripta non reliquiſſet , multæ illorum Apoſtolorum peregrinationes , & prædicationes oblivioni tradite fuiſſent , nec aliter quam ex traditione ipſarum eccleſiarum , quas fundaviſſent , cognosci potuiſſent . Sicut proſectio Petri Antiochiam , quæ a Luca omiſſa eſt non aliter , quam ex illius eccleſiæ traditione cognita fuit , nec ad noſtram notitiam perveniſſet , niſi ex monumentis illius eccleſiæ Clem. Alexand. & ab illis Euseb. & Hieronym. illam ſcriptam reliquiſſent . Sic ergo adventus Jacobi in Hiſpaniam non niſi ex ejuſdem Hiſpaniæ traditione inquirendus eſt ; hanc autem non permittit Deus excidere , nec oblivioni traditi , nec in ægulo concludi , ſed ab univerſis eccleſiis Hiſpaniæ retineri . Quis ergo audebit huic traditioni contradicere , aut quomodo aliæ eccleſiaſtica traditiones inconcuſſæ conſervari poterunt , ſi huic fides non adhibeatur .

16 Et vel maxime quod non tantum a publica fama per diſtinationem a parentibus ad filios , ſed etiam a ſolenni , & antiquiſſimo monumento Cæſarauguſtano teſtimonium habet hæc veritas . Nam Cæſarauguſtæ , & in univerſa Hiſpania eſt receptiſſima traditio , cum B. Jacobus illuc perveniſſet , & animo , ac cogitatione ſuſpenſus eſſet , quod paucos homines ad fidem trahere potuiſſet , Beatiffimam Virginem in corpore mortali ei apparuiſſe , eumque fuiſſe conſolatam , & ab ea certior factum , per diſcipulos paucos , quod congregat , complendum fuiſſe , quod ipſe perficere non potuiſſet . Et in hujus beneficii æternam memoriam inſigne templum , & valde honorificum ibi fundatum eſt . Quod in collegiatam eccleſiam erectum magnis exemptionibus & privilegiis Apoſtolicis donatum eſt , & ſanctæ Mariæ de columna , vulgo *del pilar* dicitur , quia ſaxum , vel columna in eo cernitur , quam iſtam ſacram Virginem ſuis pedibus calciſſe , eadem docet traditio . Hæc eſt ergo prima cauſa , ob quam merito Hiſpania feſtum Sancti Jacobi ſumma veneratione colit , ſimulque ut ipſius beneficium recognoscat , quod ejus occasione Beatiffima Virgo , antequam ex hoc mundo diſcederet , Hiſpaniam conſolari , & ſua præſentia honorare , & protectionem ejus ſimul cum Jacobo aſſumere dignata fuerit .

17 Alia cauſa eſt , quod ſacrum Jacobi corpus poſt martyrium navi impoſitum divina providentia , & peculiari ejuſdem Spiritus ſancti favore in Gallaciam Hiſpaniæ provinciam appulit , ibique uſque in hodiernum diem ſumma gentium omnium veneratione colitur . Tertia denique cauſa eſt , quod Jacobus innumeris amoris ſignis , & beneficiis in Hiſpanos collatis , ſe ſemper oftendit ſingularitatem illorum Patronum , ac benefactorem , quæ res non ſine cauſa eſt

Nihil obſtat , quod humanæ hiſtoriæ hunc adventum non coarcent .

Firmatur hoc monumento Cæſarauguſtano .

2 Cauſa eſt , quia ejus habet corpus .

3 Cauſa .

in historiis: nec in his amplius immorari licet. Ex his vero duabus posterio ribus rationibus multum apud me prima confirmatur. Non enim sine causa Jacobus post mortem & corporis presentia, & gloriosi spiritus favore tam propensum in Hispanos sese ostendit; sed profecto ea causa fuit, quod in Christo Jesu in evangelio ipse illos genuit, & illius protectione, ac precibus non solum magna soliditate in fide permanent, sed etiam eorum ministerio, & industria Deus uti voluit ad fidem innumeris gentibus, & ut ajunt, novo mundo predicandam.

18 Atque hæc sufficienter de Apostolorum festivitatibus dixisse: nam de cæteris Apostolis nihil nobis peculiare dicendum occurrit. Solum de festo S. Barthol. scire oportet, quod licet Romæ, die 25. Aug. celebratur, non obligat præceptum universam ecclesiam pro illo die; nam extra Romanam ecclesiam die 24. celebratur, & pro tunc obligat præceptum, vel quia est consuetudine introductum, ut auctores dicunt, vel certe, quia Romana ecclesia peculiari aliqua ratione ad illum diem immutandum ducta est: fortasse enim in illo die corpus S. Barthol. Romam est delatum: noluerunt autem pontifices aliarum ecclesiarum morem immutare.

19 Quarto celebrat ecclesia, & præcipit observari dies festos aliquibus Martyribus dicatos. Inter quæ festis primum, & antiquissimum est S. Stephani, nam illius specialiter meminit Clemens dicto libr. 8. c. 32. & de illo habemus antiquissimas conciones Augustini, Fulgentii, Gregorii Nysseni, Maximi, & aliorum. At denique hoc festum in jure etiam habetur in sæpe allegatis capitulis. Et huic affine est festum Sanctorum Innocentium, quod in eisdem juribus recensetur, & adeo est antiquum, ut Origenes homil. 3. in Diversos, dixerit: *Horum memoria semper ut dignum est in ecclesiis celebratur secundum integrum ordinem sanctorum us primorum Martyrum pro domino occisorum, & ut ipsa Bethleem primitias Domino Martyrum; in qua natus est ipse Salvator, obituisse videatur.* Eodem fere modo loquuntur Chrysostomus homil. 3. ex variis in Matth. Aug. Hilar. Arelaten. Beda, & alii Patres antiqui in homiliis ejusdem festivitatis. At nihilominus Cajet. in summa indicat, festum illud non observari ex generali præcepto, sed ex consuetudine, Contrario tamen modo sentiendum est: est enim sub præcepto ecclesiastico, ut sufficienter probant, quæ adduximus, & communiter Doctores docent, & usus ecclesiæ confirmat. Nec est parvum indicium, quod ecclesia eadem solennitate, & cum celebritate octavæ festum illud celebrat. Nunquam enim invenitur ecclesia celebrare festum alicujus sancti cum octava, cujus principalem festivitatem non præcipiat observari: lex ergo de se omnes obligat, poterit tamen in aliquo loco consuetudine esse derogata, quod aliis etiam festivitibus, & legibus humanis commune est. His simile est Sancti Laurentii festum, quod sub eodem juris præcepto continetur, & in dictis cap. 1. & ultim. speciatim exprimitur. Et ab initio fere martyrii hujus Sancti celebre fuisse, satis indicant sermones sanctorum Leonis, Ambrosii, Augustini, Maximi, Petri Chrysologi, & aliorum, in illum diem. Præter hæc festum Martyrum nullum aliud invenitur juris præcepto mandatum observari, neque (quod ego sciam) universali consuetudine per modum præcepti obligante receptum sit. Solum de festo Sancti Sebastiani potest videri contrarium probabile, quia valde generalis videtur esse consuetudo. Sed nihilominus, quia est res pendens ex facto, non possumus id generaliter affirmare, sed uniuscujusque loci consuetudinem esse spectandam.

20 Quinto de Sanctis Confessoribus, licet multas festivitates solenniter ecclesia celebret, nullius tamen invenio festum, de quo certo affirmare possumus, generali præcepto ecclesiæ observandum proponi. Maxime enim probabile id videri potest de festo Sancti Silvestri: multi enim credunt, ex vi juris constitutionis esse sub præcepto, quia expresse numeratur in dicto cap. 1. de Consec. & dicto cap. ult. de Fer. sed nihilominus omnes fatentur, de facto vix servari extra Romam; dicunt tamen, consuetudine contraria esse

abrogatum. Verumtamen, ut supra insinavi, ex solis illis duobus textibus, nisi aliunde traditio accedat, non satis probatur generale præceptum juris de observatione alicujus festi. Quia cap. ultim. de Feriis solum loquitur de diebus feriatis in ordine ad iudiciorum strepitum, & dictum cap. 1. non est jus pontificium, nec Generalis concilii, & ideo non potuit generale jus introducere, si antea non erat; ut statim alio exemplo videbimus. Et ideo censeo, hoc non esse sub præcepto juris cum Glossa in leg. *Omnes*, verb. *Epiphaniarum*, C. de Feriis, Quamvis differentia non sit magni momenti, cum jam illud præceptum extra Romam derogatum esse constet, quod perinde est, ac si non fuisset latum. Quod si alicubi consuetudine observatur, ibi obligabit, si constet, talem consuetudinem non solum ex devotione servari, sed sub estimatione obligationis.

21 Aliud festum, de quo dubitatum est a Summis, est S. Martini, quia in d. c. 1. cum aliis ponitur. Unde Silvester, Tabiena, & Armilla, & latius Abbas cap. ult. de Feriis, num. 6. cum Specular. Hostiensis, & Joannes Andr. & alii dicunt, fuisse quidem festum illud de jure antiquo, sublatum vero fuisse per ius novum cap. ult. de Fer. quia ibi omisum est. Sed neque hoc admittit Abbas, quia *omitti* (inquit) *non est revocari*, & ideo dicendum esset revocatum esse consuetudine. Sed existimo, non esse necessariam revocationem, quia concilium Lugdunense non poterat facere generalem legem: numeravit autem illud, quia Galliarum concilium erat; in Gallia autem merito celebratur festum illud speciali titulo, & ut magis proprium illius gentis: at extra Galliam non est in ecclesiastico præcepto universali, & ideo in alio capite omisum fuit. Est ergo consulenda consuetudo: Rome enim observari solet sub præcepto, in Hispania vero minime, nisi fortasse in aliquo privato loco.

22 Dubitatum præterea est de festis Doctorum: nam Canonistæ volunt esse in præcepto lato in Clem. uni. de Reliq. & Vener. sanct. Ita Joann. Andr. Anron. de Bur. & Panorm. supra citati. Quod si obicias, quia ibi non inveniuntur verba declarantia tale præceptum, sed solum, ut festa illa sub duplici officio celebrantur, Respondet Abbas: *Non esse verisimile, pro illo modo dimanasse decretalem mature, & ornate compositam.* Expendi etiam possunt verba illius textus, quatenus videntur æquiparare festum sanctorum Doctorum festo Apostolorum. *Merito* (inquit) *proxi* (Apostolica sedes) *Apostolos, Evangelistas, & Confessores eosdem in universali ecclesia honorificantia posterioris attollendos; & infra concludit: Volumus, statuimus, & præcipimus, Apostolorum, Evangelistarum, & Confessorum festivitates præcipuas annis singulis perpetuo celebrari sub officio duplici.* Nihilominus tamen dicendum est, ibi non ferri tale præceptum de observandis illis festivitibus, sed solum de celebratione earum sub officio duplici, in hoc enim tantum facit æquiparationem, & cum illa limitatione præceptum imponit, quod ultra vim verborum extendendum non est. Neque hoc est modicum, ut Abbas obicit, quia ex vi illius decretalis celebritas, & solennitas in officio Doctorum non parum aucta est; non sunt ergo hæc festivitates sub præcepto juris, licet possint alicubi ex consuetudine introduci. Et hæc sententia nunc magis recepta est Anton. 2. p. tit. 9. cap. 7. §. 1. Sylvestr. verb. *Dominica*, Angel. & fere alii Summistæ verb. *Feria*. Idem dicendum est de festo Sancti Nicolai, quod nullo iure cautum est, consuetudine autem videtur in multis locis observari, sed neque est universalis consuetudo, nec, ubi reperitur, creditur esse obligationis, sed devotionis, ut Angel. & Sylvestr. notant. Quod fere regulariter ita est, in particulari tamen semper est examinandus modus consuetudinis. De festo item S. Francisci alii dicunt esse latum præceptum a Sixto V. Sed de hoc mihi non constat, & consuetudini standum esse iudico.

23 Sexto dicendum est; nullum festum sanctarum mulierum esse ex vi iuris communis, vel generalis legis universæ ecclesiæ observari mandatum. Ita docent omnes Doctores citati; & constat, quia nec in illis cap. 1. de Consec. d. 2. & ult. de Fer. aliquid festum

S. Bartholomæi festum cur Roma diverso die colat.

Martyrii festum S. Stephani festum antiquissimum

S. Innocentium festum.

S. Laurentii festum.

Quid de festo S. Sebast.

Confessorum festum nullum generale præcepto servatur. S. Sylvestri festum.

S. Martini festum.

Festa Doctorum.

S. Nicolai festum.

S. Francisci festum.

Nullum festum sanctarum mulierum ex præcepto servatur.

festum huiusmodi ponitur, nec alibi reperitur. In concilio autem Oxomeni (quod supra retuli) trium Sanctorum festivitates observari mandantur, Mariæ Magdalene, Catharinæ, Margaritæ. Sed illa lex privata fuit illius diœcesis, vel provincie. De festo autem Magdalene multorum locorum est consuetudo, non tamen universalis. Solet etiam esse S. Cathar. sed non est tam frequens. Multis etiam in locis S. Lucie festum sacrum habetur. Sed hæc duo posteriora regulariter sunt ex devotione tantum: ratio vero sub obligatione. Festum item S. Annæ cepit multis in locis introduci, præsertim in Hispania: sed non est ex legis, neque hæc tamen videtur consuetudo obligationem introduxisse. Cur autem de sanctorum mulierum festivitatibus præter Virginem, nulla sint data ab ecclesia præcepta universum Christianismum obligantia, possent facile rationes, & congruentiæ excogitari, sed non est necesse in hoc immorari.

24. Septimo institutum est ab ecclesia generale festum de omnibus Sanctis, & de illius observatione latum est præceptum universale: & ita in dictis c. 1. & ultim. hoc festum inter solennia numeratur, & de illius observatione sub obligatione universalis est, & indubitata consuetudo. De antiquitate autem huius festi Covarr. 4. Variar. capit. 19. numer. 8. circa finem existimat, esse ante tempora Augustini, propter concionem, quæ nomine Augustini in illa festivitate legitur. Verumtamen multi observant, sermonem illum non esse Augustini, sed Alcuini, vel alterius, qui ex scriptis Cypriani, & Chrysostomi illum concinnavit, ideoque a Lovaniensibus inter sermones Augustini de Sanctis positus non est, sed separatim inter incertos. Est ergo communis resolutio, festum hoc non fuisse ante Bonifacium 4. De quo referunt Platina in vita eius, & Raban. Homil. in illud festum, Bonifacium Romæ consecrasse templum, quod ab Ethnicis Pantheon dicebatur, in honorem omnium Martyrum, & Virginis, unde hodie ecclesia S. Mariæ Rotundæ vulgo vocatur. Inde vero (ait Raban.) crescente paulatim devotione, & religione decretum est, ut dies primus Novembris in honorem Sanctorum omnium observari præciperetur. Et Matth. Palmerius in Chronico refert, Gregorium 4. ante 835. annos id præcepisse, & ab eo tempore in universa ecclesia observatum esse, ut refert etiam Durandus in Rationali lib. 7. capit. 34. Post diem autem omnium Sanctorum instituta est commemoratio defunctorum omnium; sed dies ille non est observari præceptus, nec ad festivitatem pertinet. De suffragiis autem pro defunctis alibi diximus: & institutione illius diei videri potest Durand. supra cap. 35. Solent præterea hic addi festa dedicationum, vel Patronorum, sed hæc licet fortasse manent a lege universali, & ex vi juris, ut exponam capite sequenti, tamen nullum est, quod obliget sub præcepto universalem ecclesiam, præter festum Angelorum, vel Sanctæ Mariæ ad Nives, de quibus dictum est: aliæ enim dedicationes Lateranensis templi, aut Sancti Petri, quæ ecclesia Romana celebrat quoad officium, de præcepto non sunt, ut constat.

C A P U T X.

De numero, & comparatione dictarum festivitatum.

IEX dictis in superioribus capitulis colligere licet, numerum festivitatum, quæ ex generali præcepto ab universa ecclesia observandæ sunt, ad numerum octoginta unius dierum ad summum accedere. Patet, quia dominici dies regulariter sunt quinquaginta duo, ex festis autem Domini, quæ numeravimus, decem tantum sunt sub præcepto, ex illis tamen duo cum dominicis coincidunt, & duo alia Virgini tribui solent, pro eis tamen addi debent quatuor dies festivi, qui conjunguntur cum festis Paschæ, & Pentecostes; & ita relinquitur idem numerus decem dierum, quibus addendæ sunt quatuor solennes festivitates Virginis, & unus dies Joannis Baptiste, & decem Apostolorum (quia licet ipsi sint tredecim, Suarez, Tom. XII.

sex illorum bini celebrantur per singulos dies:) Martyrum vero tres tantum festivitates ex præcepto observamus, quæ omnes numerum octoginta dierum efficiunt, cui numero dies unus omnibus Sanctis dicatus adjungitur. Interdum vero hic numerus dierum minuitur, quia sæpe Sanctorum festivitates in diem dominicum cadunt: Et ideo moraliter loquendo non potest augeri ille numerus, nisi de novo feratur aliquod præceptum, quia licet nonnunquam (scilicet) per singulos senarios annorum numerus Dominicarum crescat ad quinquaginta tres, semper, ex alia parte dierum festivalium numerus minuetur, & ideo vix unquam accedet ad numerum dierum octoginta duorum.

2 Sed quæret tandem aliquis, an hi omnes dies æquales sint, quoad præcepti obligationem. Et ratio dubitandi esse potest, quia in jure quidam majores, alii minores dicuntur, ut ex capite 1. & capit. Licet, de Fer. colligitur. Respondeo breviter primo, si comparatio fiat in magnitudine, seu duratione temporis, hos dies omnes esse æquales, nimirum viginti quatuor horarum, non quia hoc pertineat ad jus divinum, vel naturale, ut quidam Summistæ falso constringunt, contra quos supra egimus; sed quia jus commune de his diebus loquitur, ut patet ex c. 1. de Feriis, & aliis supra citatis: & quia simpliciter loquendo de diebus solent intelligi dies naturales, qui sunt viginti quatuor horarum, & ita præcepta jejuniorum, vel orationum, quæ per singulos dies fieri debent, semper de his diebus intelliguntur.

3 Secundo, si comparatio fiat in actionibus, vel omissionibus, ad quas obligat præceptum observandi festos dies, sic etiam omnes hi dies sunt æquales extensive, (ut sic dicam) licet intensive possit inter eos aliqua inæqualitas cogitari. Dico autem, esse æquales in hoc extensive, quia (ut infra late dicam) non obligat dictum præceptum ad plures actiones in uno festo, quam in alio: nec ad abstinendum a pluribus operibus in uno, quam in alio, quantumvis in se sit dignius alio. Ratio est, quia tenor præcepti unius est pro omnibus diebus: nam positive jubet tantum audire Missam; negative autem prohibet universa opera servilia, & omnia, quæ ad illa reducuntur, ut infra videbimus. Neque in hoc fit ampliatio, aut restrictio pro diversis diebus, & si quis velit fingere varietatem aliquam, nullam regulam, aut rationem illius assignare poterit. Est ergo in hoc quædam æqualitas, quæ plane fuit necessaria, quia totum hoc præceptum fertur per modum unius, nec poterat aliter ad diversos dies applicari. Intensive autem dico esse in hoc quamdam inæqualitatem, quia quo solennius, & dignius est festum, eo major est obligatio servandi illud, & in illius transgressione, aut contemptu magis peccatur. Cujus signum est, quia magis scandalizatur, seu offendit alios publica violatio festi in uno, quam in alio. Et ratio est, quia hæc inæqualitas non oritur ex forma præcepti, sed ex materia ipsa, quæ in uno actu ejusdem virtutis nobilior est, quam in alio, & consequenter actus ipsi inæquales sunt; unde fit, ut idem præceptum cadens in illos magis, vel minus obliget. Existimo tamen, hanc inæqualitatem non esse tantam, ut notabilem diversitatem faciat, quam in confessione explicare necesse sit, nisi ratione notabilis scandalii, aut alterius extrinsecæ circumstantiæ.

4 Tertio hinc fit, ut inter hos dies sit aliqua inæqualitas in solennitate, & signis honoris, & cultus, quibus ab ecclesia celebrantur, atque etiam, quod ad nos magis spectat, in difficultate relaxandi observationem talis diei. Prior pars pertinet ad clerum, & ad modum celebrandi divina officia in his diebus, & ideo eam ut notam, & ab hoc loco alienam remitto. Solum adverto, quia hoc ad omnes pertinet, Alexandrum III. in capit. secundo de Feriis, docere, *Dominicis diebus, & in præcipuis festivitatibus* non esse flectenda genera in orationibus publicis, sicut observatur tempore paschali, ubi obscurum est, quid intelligat per præcipuas festivitates, & quod in hoc habeant singulare. Nam Glossa ibi verb. *Præcipuis*, intelligit omnes festivitates ibi comprehendit: quæ observari præcipiuntur in dicto capit. 1. de Conf.

An hi dies omnes æquales sint in obligatione?

Quid dicendum de rebus, ad quas obligantur?

Ratio conclusionis.

Dies festi inæquales sunt in solennitate, & in difficultate relaxandi observationem.

Diebus feri-
tis an fi-
enda ge-
nua.

d. 3. & in ult. de Feriis, ac subinde in hoc etiam servari æqualitatem in omnibus diebus festis. Sed in primis ceremonia illa non spectat ad obligationem præcepti. Deinde forte nunquam observata fuit in omnibus diebus festis indifferenter, sed in quibusdam majoribus, qui in eo textu dicuntur præcipui. Denique Clemens VIII. revocans ceremoniam illam in breviario, non facit mentionem festivitatum, sed tantum dominicarum. Posteriores ergo partem posuimus propter c. *Licet*, de Fer. ubi facultas datur laborandi in aliquibus alias prohibitis in diebus festis, & ab illa dispensatione excipiuntur majores anni solemnitates. Quæ exceptio, licet in particulari dispensatione fieri videatur, tamen ibi intelligitur data esse forma concedendi similes indulgentias, seu dispensationes, & quoad hoc dicimus, non omnia festa esse æqualia: nam in minoribus festis conceditur ex aliqua causa indulgentia, quæ ex eadem in majoribus concedi non debet.

Quæ festi-
vitates di-
cantur
maiores.

5 Dubitant tamen ibi Doctores, quæ dicantur majores festivitates. Glossa enim ibi quinque numerat, Nativitatem Domini, Epiphaniam, Pascha, Ascensionem, & Pentecostem, nulla adhibita probatione: eam tamen sequuntur Joannes And. & Panorm. Addunt vero assumptionem Virginis; nam illud festum inter quatuor maxime privilegiata quoad interdictum numeratur in cap. *Alma*, de sent. Excom. in 6. ubi ex illis quinque numeratis a Glossa, omittuntur Epiphania, & Ascensio Domini, & aliis tribus æquiparatur Assumptio; ergo a fortiori in præsentem est comprehendenda sub festis majoribus. Censeo vero etiam esse addendum festum corporis Christi; tum quia in ecclesia non est receptum, ut minus solenne, quam cetera enumerata; tum etiam quia illud etiam festum non est capax interdicti, juxta concessionem pontificum, de quibus diximus in tom. 5. 3. part. disput. 34. sect. 1. num. 41. Sunt autem hæc septem festa majora limitanda, ut existimo, ad septem dies, quoad dictum effectum, quia non oportet illam difficultatem dispensationis extendi ad octavarum dies, etiam si aliqui eorum festivi sint, ut a fortiori constat ex his, quæ in dicto loco tom. 5. dixi. Cum autem hæc enumeratio nullo jure in rigore probetur, quia dictum cap. *Alma* parum favet Epiphanie, & Ascensioni, oportet, ut communi opinione, & estimatione nitatur; nam omnia illa festa communiter reputantur quasi æqualia, & paschalia, (ut sic dicam) licet interdum in jure aliquod privilegium uni concedatur, quod alteri non conceditur: quod non obstat, quominus simpliciter ex majoribus censeantur. Unde infero, quod si alicubi aliquod festum Patroni, ut verbi gratia, Sancti Jacobi Compostellæ, vel aliud simile æque solenne, ac prædicta, communiter reputetur, merito etiam possit inter majores festivitates ibi reputari, ut non debeat in illo indulgentia laborandi sine valde extraordinaria causa concedi.

C A P U T XI.

De festis, quæ in aliquibus tantum provinciis, seu diocesis servari debent ex præcepto.

Aliqualis
varietas
ecclesiarum
decorem
addit.

1 Q Uamvis ecclesia una sit, & ideo in substantiis, & principalibus ritibus, ac festivitatibus unitatem servet, non est contra unitatem ejus, quod in aliquibus secundariis ceremoniis varietatem habeat, immo hæc varietas pertinet ad pulchritudinem ejus. Hæc ergo varietas etiam in festivitatibus cernitur: quædam enim in uno loco servantur ex præcepto, quæ in aliis locis sub obligationem non cadunt, ut constat ex usu ecclesiæ, & supponitur in dicto c. 1. de Conf. distinct. 3. & capit. 2. & ult. de Feriis, ubi Doctores omnes id advertunt. De his ergo festis particularibus dicendum hic est: non possumus autem singula numerare, sicut in prioribus fecimus, quia pendunt ex privatis legibus, & consuetudinibus, quæ variæ sunt. Solum ergo ad nos spectat explicare jus, & modum introducendi tales festivitates, & modum obligationis hujus præcepti, prout talibus festivita-

tibus applicatur. Possumus autem intelligere, duobus modis introduci huiusmodi festa particularia, primo ex vi ipsius iuris communis sine speciali facto, seu voluntate alicuius inferioris prælati. Secundo per inferiorem legem, seu constitutionem extra ius commune, seu consuetudinem illi æquivalentem, & uterque modus est suo modo verus, & a nobis breviter explicandus.

Dupliciter intro-
ducuntur
festa particu-
laria.

2 Primo ergo dicendum est, posse aliquod festum esse sub obligatione in uno loco ex vi iuris communis, licet non obligetur universa ecclesia ad illud festum observandum. Hoc patet, quia licet præceptum sit iuris communis, nihilominus materia præcepti potest in uno loco inveniri, & non in aliis, & sic obligare ibi, ubi est materia eius, non alibi, ubi non occurrit. Exemplis res declaratur: nam potest ius commune disponere, ut festum Patroni, dedicationis, aut Sancti Titularis uniuscuiusque loci, seu ecclesiæ ex præcepto observetur: tunc enim hæc civitas ex vi huius legis tenetur observare festum S. Antonii, vel S. Vincentii, & nihilominus obligatio illa particularis est huius diocesis, & non totius ecclesiæ, & sic de aliis. Ita in huiusmodi lege ad illius obligationem supponitur quidem aliquid speciale in tali loco, ratione cuius obligat lex ad tale festum observandum in illo potius, quam in alio; sed illud, quod supponitur, non est particularis lex de festo ipso, sed est factum aliquod, ex quo oritur materia legis, quale est dedicatio talis templi facta hodie, & hoc loco, vel particularis ratio, & voluntas habendi hunc Sanctum aut Patronum, vel Titularem: hac enim materia supposita ipsum ius commune obligat. Sicut in materia de voto dicimus obligationem servandi votum de iure naturali esse, quamvis materia illius obligationis, quæ est promissio, ex propria, ac particulari pendeat voluntate.

Primus
modus ex-
plicatur.

3 Juxta hanc assertionem ad ius commune pertinet id, quod disponitur in cap. 1. de Consec. distinct. 3. ubi inter observanda proponitur *Dedicatio cuiusque Oratorii*. Ex quibus verbis videtur colligi, in unoquoque oppido ex præcepto observandum esse diem dedicationis templi eius. Et ita censuit Specul. in summ. tit. de Fer. §. 1. illa tamen verba omittuntur in capitul. ultim. de Fer. & ideo alii censent, revocatum iam esse illud præceptum. Immo Joannes Andreas, Anton, & Abbas in dicto capit. ultim. intelligunt illa verba de festivitate quoad officium, non quoad obligationem totius populi, quia esset (inquit) dura obligatio. Tamen quia textus ille a principio incipit, *Pronunciandum est laicis, ut sciant tempora feriandi per annum*, & infra, *Feriandi autem illi sunt dies*: & postea consequenter eodem modo omnes enumerat, & ideo difficile creditur est, in illo solo die fermonem esse de officio clericorum. Unde potius dicendum censeo, quod supra iam dixi, legem illam non fuisse pontificis alicuius, vel concilii Generalis, & ita non potuisse per se constituere ius generale, sed particulare Provinciæ Lugdunensis: neque etiam est extensum illud ius per consuetudinem; nam potius communi usu, & regulariter talis dedicationis dies non servatur. In concilio autem Oxoniensi in principio inter festa observanda ponitur *festum Dedicationis cuiuslibet ecclesiæ in sua parochia*. Sed illud etiam declarat particulare ius Anglicanæ cuiusdam Provinciæ, non generale. Idemque censeo de alia lege ibi subiuncta, videlicet, *Quodlibet festum illius Sancti, in cuius honorem fundata est ecclesia, & loquitur de festis observandis omni veneratione*, & non tantum quoad officii celebritatem: nam de his postea separatim tractat, estque lex illa satis pia, & consentanea rationi, nihilominus tamen non obligat generaliter, quia non habetur ex iure communi, neque etiam consuetudine generali recepta est. Idem dicendum est de simili lege lata in concilio Moguntino sub Carol. cap. 36. his verbis: *Et illas festivitates Martyrum, vel Confessorum observare decrevimus, quorum in unaquaque parochia sancta corpora requiescunt, similiter etiam Dedicationem templi*; sed de hoc ultimo iam dictum est. Illud vero prius, licet pium, & sanctum sit, non potest habere vim legis universalis, quia illud etiam privatum Con-

An dies
dedicationis
templi
in quovis
oppido
servandus

lium

lium est, & in jure communi non invenitur. Solum ergo quoad officiorum celebritatem hæc servanda sunt juxta rubricas, & regulas Missalis, & Breviarii Romani; quoad festorum autem observationem nulla est de hoc lex, aut universalis consuetudo, ubi autem fuerit, servanda est. Ex quibus concluditur, licet hic modus institutionis, & obligationis alicujus festi particularis ex vi juris communis possibilis sit, de facto tamen nullum inveniri jus commune talem generalem regulam statuens in observatione festorum, ut ex ea particulares observantiae oriantur: nam præter ea, quæ attigimus, nullum tale jus commune invenitur, quod ad nostram notitiam pervenerit.

Episcopus
posse præ
cipere fe
sta obser
vanda in
suis dioc
esibus.

An aucto
ritas Sum
mi pontifi
cis ad hoc
necessaria
sit.

Objeccio:

Expedi
tur. Innoc.
&c.

Quid sup
ponendū,
ut ab epi
scopo pos
sit festum
solum Dei
præcipi.

saopo pos
sit festum
solum Dei
præcipi.

Utrum nec
essarius
sit cleri, &
populi
consensus.
Ratio du
bitii.

4 Secundo dicendum est, episcopos in suis diocesis habere potestatem incipiendi, ac præcipiendi festa particularia ibi observanda. Hoc certum est apud omnes, & statim probabitur. Non intelligimus autem, solos privatos episcopos habere hanc potestatem, quia non est dubium, quin Summus pontifex hanc habeat potestatem, cum supremam, & universalem habeat; non solet tamen immediate illa uti, nisi quando pro universali ecclesia festum instituit, sed ad summum præbet suam confirmationem, & assensum. Inquiri autem potest, an hic assensus necessarius sit, vel episcopi auctoritas sufficiat. Dicendum vero est, unumquemque episcopum posse hanc legem ferre pro sua diocesi absque speciali facultate, vel confirmatione pontificis. Ratio prima est, quia hoc non est episcopo prohibitum, & eo ipso, quod non prohibetur, censetur concessum, quia pertinet ad ordinariam pastorem jurisdictionem. Secunda ratio est, quia hoc ei expresse conceditur in dicto capit. ultim. de Feriis, ibi: *Singuli episcopi in suis diocesis*, & in dicto c. 1. de Conf. distinct. 3. Tertio hoc confirmat usus antiquissimus ecclesiarum; nam episcopi hac potestate usi sunt, ut ex historiis, & ex variis consuetudinibus diversorum locorum, & episcopatum constat.

5 Dicit aliquis, privatas festivitates ordinari institui in honorem alicujus Sancti, sive Martyris, sive Confessoris: at non possunt episcopi sanctum aliquem religiose colendum suæ ecclesiarum proponere sine Romanæ ecclesiarum approbatione, ut declarat Alexander. 3. in c. 1. de Reliq. & ven. Sanct. ergo nec possunt particularia festa ordinare sine pontificis consensu. Respondeo, duo esse hic distinguenda: unum est facultas colendi aliquem ut Sanctum publico, & solenniter, quæ per Canonizationem, aut Beatificationem (ut vocant) fieri solet; aliud est obligatio per præceptum inducta ad agendum diem festum in honorem talis Sancti. Hic non de illo priori agimus, sed de hoc posteriori: nam sunt valde diversa, quia prius potest esse sine secundo, ut patet in multis Sanctis, quorum festivitates non celebramus, licet canonizati sint: secundum autem necessario supponit primum: non potest enim in venerationem alicujus hominis mortui festum dici, nisi supponatur ecclesiarum legitime propositus tanquam Sanctus, & cum Christo regnans. De hac ergo legitima propositione loquitur Alexander. III. in dicto cap. 1. de qua in materia de fide, de Summo pontifice agendum est. Alia vero decreta, quæ episcopis tribuunt dictam facultatem, loquuntur tantum de secundo, id est, de præcepto observandi diem festum, supposita materiarum capacitate, ut recte intellexerunt ibi Innocent. Joannes Andreas, & Abbas cum Gloss. in cap. unic. de Reliquiis, & veneratione Sanct. in sexto, & Glossa in cap. 1. de Consec. d. 3. Sylvest. verb. *Dominica*, num. 3. contra nonnullos Canonistas, qui dixerunt, posse episcopos sine prævia canonizatione, vel approbatione pontificis festos dies hominibus sub opinione sanctitatis defunctis dicere. Sed illi fortasse juxta morem antiquissimum ecclesiarum locuti sunt, quando ex tacita voluntate pontificis Summi id permittebatur episcopis cum consensu Metropolitano: sed jam non licet sine expressa pontificis approbatione juxta decisionem Alexand. III. Immo ille aperte significat, non se de hoc novam legem ferre, affirmat enim etiam ante illud decretum id non licuisse.

6 Unde ulterius addo, etiam in festis, quæ ad solius Dei venerationem ordinantur, ut est, verbi gratia,

Suarez, Tom. XII.

festum Trinitatis, si speciali præcepto in aliqua diocesi præceptum esset (ut de eodem festo Trinitatis dicitur in cap. 2. de Feriis) necessario supponendam esse veram fidem, & existimationem de tali mysterio juxta dogmata ab ecclesia Romana approbata; nam præceptum episcopi solum addit obligationem talis cultus, non vero fidem approbat. Et eadem ratione, quando de Virgine, vel de Sancto aliquo, cujus felicitas, & sanctitas indubie creditur ab ecclesia, instituitur festum ob specialem aliquam rationem sanctitatis, aut propter sanctam navitatem, oportet, ut ratio illa, & veritas ejus prius ab ecclesia Romana probetur, quam tale festum publice indicetur, vel præcipiatur, etiam in particulari episcopatu. Quia oportuit, festum, & religiosum cultum in veritate fundari; episcopis autem non est commissa hæc facultas approbandi veritatem illam, aut mysterium, quod est fundamentum festivitatis, sed supposita illa approbatione, data est iurisdicção præcipiendi cultum etiam per festi approbationem. Et hac ratione olim non placebat Bernardo eorum devotio, qui conceptionem Virginis celebrabant sine approbatione Romanæ ecclesiarum; & merito reprehenderetur, si non posset illa festivitas in alio, quam in præsertatione fundari; tamen quia generatim celebrari poterat, vel in honorem primæ sanctificationis Virginis, quocumque tandem momento facta fuisset, vel in gratiarum actionem ad Deum pro beneficio nobis collato, personam illam nobis dando, & producendo; ideo tolerari potuit illa devotio, quæ postea per Romanæ ecclesiarum auctoritatem confirmata est. Atque ad hunc modum de similibus particularibus festivitatibus est iudicandum.

7 Ulterius vero interrogari potest, an solus episcopus possit hoc præceptum imponere sine consensu cleri, & populi, vel necesse sit, horum consensum simul concurrere. Erratio dubitandi est, quia ferre præceptum de observatione festi est actus iurisdictionis: sed iurisdicção est tantum in episcopo, non in populo, vel clero: nam ad laicum populum non pertinet legem ferre ecclesiasticam, etiam particulariter, & cum clericis, sed tantum obedire illis. Clerus autem, cum sit subditus episcopo, illius tenetur obedire præcepto, quia iurisdicção episcopi, licet non sit suprema, est quasi monarchica in suo episcopatu: & ideo illius præcepto tenentur subditi parere. Et confirmatur ex usu, quia episcopi ad hujusmodi leges statuendas non solent populum, vel clerum in concilium vocare, sed sua potestate illas condunt. Respondeo, in rigore juris episcopum non solum, sed cum clero, & populo, posse præscribere leges de peculiaribus festis in suo episcopatu servandis. His enim fere verbis ejus potestas circa hunc actum limitatur in cap. ultim. de Feriis, & in cap. 1. de Consec. distinct. 3. Quibus locis id notant Doctores, præsertim Abbas nu. 4. ubi allegat Innocent. & alios: sequitur Angel. verb. *Feria*, numer. 5. Tabien. numer. 10. Sylvest. verb. *Dominica*, numer. 3. Anton. 2. part. tit. 9. cap. 7. §. 1. Rationem vero deducit Abbas ex alio principio fortasse magis dubio, quod ea, quæ possunt aliis afferre præjudicium, non possunt præcipi ab episcopo sine approbatione, vel saltem non cum rationabili contradictione eorum, quorum interest. Quod principium ipse probat auctoritate Innocentii, Frederici, & Archidiaconi, non tamen ex jure, nisi ex cap. *Gesta*, cap. *Ubi*, distinct. 74. quæ prohibent episcopis, ne aliquem invicem ordinent, aut consecrent, quod longe diversum est. Illud ergo principium, licet sit consentaneum rationi, existimo tamen, in rigore solum procedere in casibus a jure expressis, vel contentis in aliqua juris regula. Quod mihi probat ratio dubitandi proposita: nam iurisdicção episcopi de se monarchica est, nisi a superiori limitetur; limitari autem potest jure communi, vel a pontifice; ergo quando non invenitur talis limitatio, potest suos subditos obligare præcepto, aut lege sua, quæ non sit manifeste iniqua. Quod si subditis gravis visa fuerit, non possunt sua resistere potentia, seu auctoritate, sed ad superiorem recurrere; secus vero erit, si potestas ejus jure sit limitata.

Resolvitur
aut quæ-
ritur.

8 In præfenti ergo omnes admittunt dictam resolutionem quoad cleri consensum, fatenturque, iurisdictionem episcopi in hoc casu esse limitatam, ut sine clero non possit hanc legem ferre, ob dictum capit. ultim. de Feriis. Quod non est speciale, sed frequens in his, quæ pertinent ad negotia ecclesiastica, spectantia ad bona ecclesiæ, vel commune ius clericorum, ut constat ex toto titulo de iis, quæ sunt a prælatis sine consensu capituli, ubi specialiter videri potest Panormitan. in capit. *Novit*. Quamvis in his multum valeat consuetudo, ut decernitur in capit. 3. de consuet. in 6. De altera vero parte, quæ ad populum spectat, Anton. de But. in dicto capit. ultim. negat, assensum, vel concursum populi esse necessarium propter rationem supra positam, quia in his, quæ spectant ad religionem, & bonum animæ, populus est subiectus episcopo. Sed revera dicta iura videntur contrarium expresse docere, nam quæ requirunt populi, ac cleri consensum: immo dictum c. 1. de Consecr. distinct. 3. nullam mentionem cleri fecit, sed solum populi, sub eo tamen a fortiori includitur clerus: unde Abbas in dicto cap. ultim. dicit, requiri consensum, vel saltem præsentiam populi. Addit enim, non esse semper consensum necessarium, quia si populus sine legitima causa contradicat, non obstat eius dissentus. Et in confirmationem adducit cap. 1. de iis, quæ sunt a maiori part. capit. & capi. 1. 65. distinct. Quæ iura non de populo, sed de sacerdotibus loquuntur. Unde si aliquid in præfenti probant, etiam de clero idem erit dicendum. Re tamen vera illa iura non probant, quia loquuntur, quando minor pars contradicit in his, quæ a capitulo, seu congregatione aliqua faciendæ sunt: tunc enim pauciorum contradictio non obstat, nisi ubi aliqua ratio manifesta obtineat, quæ coram superiore probanda est, ut Gloss. notat in dicto cap. 1. de his, quæ sunt a maiori parte capituli. At in præfenti ius expresse videtur postulare consensum populi, & si totus populus contradicat, videtur censenda maior pars, & cuius maxime interest; ergo debet prævalere. Præterea noranda sunt verba dicti cap. 1. de Cons. d. 3. *Quam singuli episcopi in suis episcopatibus cum populo collaudaverint*. Ubi verbum, *collaudaverint*, requirit consensum expresse, ut notat Egidius, quem refert, & sequitur Abbas in capit. 1. de his, quæ sunt a prælatis, &c. not. 2. numer. 3. Ergo ex vi iuris, ac per se loquendo requiritur in præfenti casu consensus populi. Neque hoc videri debet præter debitum ordinem, quia cum huiusmodi præcepta non sint ad salutem populi necessaria, sed ad quemdam maiorem ornatum, & devotionem, & alias possit inde gravari populus, dum a suis laboribus, & lucris impeditur, merito potuit iure statui, ut sine suo consensu non cogeretur.

9 Hoc autem videtur intelligendum, quando populus unanimi consensu contradiceret, nam tunc præsumitur, ratione aliqua iusta moveri: & timeri merito potest, tale præceptum non esse futurum utile, si cum tanta contradictione populi ponatur: ac denique, quia ius illi faver. At vero si episcopus cum clero communiter conveniret, & aliqui de populo assentirent, licet plures contradicerent, tunc forte haberet locum opinio Abbatis, maxime ubi ratio contradictionis iusta, & clara non videretur, & tunc recurrendum videretur ad superiorem. Hæc autem locum habent antelatum præceptum: semel autem præfinito consensu, & stabilito præcepto, non erit in potestate populi contradicere, & illud abrogare, nisi episcopus consentiat. Episcopus autem potest solus illud abrogare: quia quoad hoc potestas eius non est ullo iure rescripta. Intelliguntur etiam hæc stando in iure communi; nam per consuetudinem videtur huic iuri derogatum: solent enim episcopi cum consilio cleri, vel aliquorum de clero hæc præcepta populo dare, illo non vocato, nec consulto: & similiter solet populus talia præcepta timere, & acceptare. Quæ consuetudo servanda est, ubi introducta fuerit, iuxta cap. 3. de Consuetudin. in sexto. Et tunc etiam censetur populus consentire, per hoc solum, quod non contradicit.

10 Dico tertio, præceptum hoc de observando ali-

quo festo particulari in extensione obligationis quoad loca, & personas differre a generali præcepto, quoad cætera vero omnia fere convenire. Explico assertionem, incipiendo a posteriori parte. Nam si hoc præcepto consideretur id, quod agendum, vel omittendum præcipitur in die festo, ejusdem rationis est præceptum hoc particulare, & universale; id est, ad idem obligat, quia ius non constituit in hoc aliquam differentiam, sed eodem modo, quo generalia festa observari mandantur, declaratur in iure, vel etiam præcipitur, ut observentur festa, quæ episcopi servari præcipiunt in suis episcopatibus; ergo in hac parte est quædam similitudo, & æqualitas. Quin potius etiam in gradu obligationis, seu solemnitatis potest esse non minor intensio (ut sic dicam) obligatio servandi particulare festum, quam generale. Quia licet generalis lex videatur habere quædam maiorem dignitatem, & consequenter maiorem etiam vim obligandi ex universalis potestate, quæ maior est, nihilominus in particulari festivitate quodammodo illa universalis ratio imbibitur, quatenus ipsum commune ius præcipit observare festa ab episcopis indicta. Et præterea ex particularibus rationibus potest augeri particularis festi obligatio, ut si sit insignis benefactor, & patronus, vel ipsius reliquæ magna populi veneratione colantur, & similia.

11 Deinde in tempore, pro quo tale præceptum ponitur, solet esse regulariter uniformitas: nam sicut festa generalia præcipiuntur pro uno die naturali per illa designato, ita etiam particularia, ut constat ex usu, & ex paritate rationis. Dico autem regulariter, quia interdum præcipitur festum particulare pro dimidio tantum die, verbi gratia, usque ad meridiem: hoc enim in aliquibus diocæsis fieri observavimus in die aliquorum Martyrum, ut sancti Blasii, &c. quod, licet non sit frequens, reprehendi non potest. Quia nullum est jus divinum, vel naturale, quod præcipiat, ut festum necessario esse debeat viginti quatuor horarum, aut quod prohibeat unam partem tantum diei festivam: & alioquin illa determinatio est voluntaria, seu arbitraria; ergo nihil impedit, quominus recte fiat tantum pro dimidio die. Item hoc modo potest quis voto se obligare ad vacandum Deo hora matutina tantum; ergo totus populus; ergo etiam per legem particularem potest obligari, quia potest iusta ratio subesse: nam ut aliqua vacatio fiat, potest suadere pietas, & gratitudo ad Sanctum, ut tamen non fiat pro integro die, potest postulare populi necessitas. Et matutinum tempus sufficiens, & magis accommodatum judicatur propter Missam audiendam. Interdum vero alicubi præcipitur pomeridianum tempus in feria quinta hebdomadæ sanctæ (ut supra notavi) propter specialem venerationem illius temporis, & propter stationes, & frequentiam populi Christiani. Hæc vero differentia accidentaria valde est, quia non est in potestate, sed in facti contingentia: nam etiam post pontifex pro universa ecclesia præcipere festum dimidii diei: quid enim obstat? Hactenus vero non fecit, quia non iudicavit necessarium, vel quia festa universalis sunt digniora, vel quia universales leges non descendunt ad hæc particularia. Ex his ergo satis patet assertio quoad posteriorem partem.

12 Prior vero pars declarat propriam, & per se differentiam inter hæc festa, quam posuit Concil. Lugdun. in dicto cap. 1. addens, quod festivitates episcopales *Vicinis tantum circummorantibus indicenda sunt, non generaliter omnibus*. Ex quibus in primis constat, præceptum de tali festivitate non obligare extra territorium præcipientis: *Quia extra territorium jus dicenti non paretur impune*; ut dicitur in leg. ult. ff. de Jurisd. om. jur. Et capit. *Ut animarum*, de consuet. in 6. ex quo textu hæc pars sufficienter probatur. Et ejus ratio ex eisdem verbis constat, quia actus agentis non extenditur ultra sphaeram activitatis ejus, sed unusquisque episcopus habet ut sphaeram limitatam suæ jurisdictionis territorium suum, seu diocesim; ergo extra illam non obligat. Unde etiam concluditur differentia in ordine ad personas; nam ad servanda universalis festa tementur omnes fideles totius mundi, & ubicunque existant; ad servanda autem festa

Quibus est
veniat
præceptum
particulare
de festo
servando
cum Ge-
nerali.

Æqualia
possunt ef-
ferri in so-
lemnitate.

Conveni-
unt in tē-
pore.

Possent ob-
servari fe-
stum solū
usque ad
meridiem.

Quibus re-
bus con-
veniant.

festi particularia tantum obligantur illi homines, qui intra locum talis territorii continentur. Et hoc sensu dictum est in dicto cap. I. has festivitates solum esse indicendas *Circummorantibus*, id est intra terminos diocesis, vel loci, pro quo festum indicitur: interdum enim solum pro uno oppido, vel civitate iubetur. Sed de hac obligatione plura in sequentibus tractanda sunt.

CAPUT XII.

An potestas laica possit observationem alicujus diei festi præcipere sine episcopi auctoritate.

Ratio dubitandi esse potest, quia princeps secularis subditis suis præcipere potest, ut aliquo die operibus abstineant, & festum diem agant propter diem natalis sui, vel propter insignem victoriam, aut aliam rationabilem causam. Dices, posse quidem hoc præcipere per modum politici honoris, non per modum cultus religiosi, sic enim feriæ temporum propter temporales utilitates interdum introducuntur. Sed contra, quia potestas secularis potest præcipere actus religionis, sicut potest præcipere actus aliarum virtutum justitiæ, temperantiæ, fortitudinis, cur enim non poterit? Hoc enim naturale est, & reipubl. conveniens; ergo potest præcipere observationem festi alicujus, etiam intuitu religionis, ut ad gratiarum actionem Deo faciendam; & consequenter potest etiam præcipere, non solum vacare ab operibus aliquo die, sed etiam opera religionis exercere, ut audire Missam, & hujusmodi: potest ergo festum aliquod instituere, & præcipere. Et confirmatur primo, quia unusquisque Christianus potest se voto obligare ad diem aliquem observandum tanquam festum; ergo & rex potest hoc præcipere subditis, quia votum est veluti lex privata, quam sibi potest vovens imponere in materia religionis: non est autem minus potens voluntas regis ad præcipiendum subditis, quam unusquisque ad sibi legem imponendam: eo vel maxime, quod sicut potest privata persona vovere festivitatem aliquam, ita potest totus populus, seu reipublica istam vovere; possunt ergo sibi legem imponere in religiosa materia, licet ipsi laici sint: ergo etiam rex, vel princeps id poterit. Tandem consuetudo laicorum potest festum diem introducere; ergo & lex principis laici, nam hæc cum proportionem æquiparantur: atque huic parti favere videntur multæ leges cod. tit. de feriis, ubi Imperatores de diebus festis, & de modo, quo servandi sunt, multa disponunt.

2 Nihilominus dicendum est, potestatem hanc indicendi, & præcipiendi dies festos, & cultui divino dicatos esse proprie spirituales, seu ecclesiasticas, & ita ad solos ecclesiæ pastores pertinere, ideoque sine illorum consensu non posse principes, vel communitates laicas festorum observationem præcipere. Ita sentit Panorm. in c. 2. de feriis, n. 2. Silvest. verb. *Dominica*, num. 2. Anton. 2. part. 9. c. 7. §. 1. & est clara, & communis. Sumiturque ex generali illo principio juris, quod laici in spiritualibus nullam habent præcipiendi auctoritatem c. *Cum laicis*, de rebus ecclesiæ non alien. c. *Decernimus*, de judic. & cap. *Bene quidem*, cum tota d. 96. & similibus; nam festorum observatio ad publicum Dei cultum ordinata inter spiritualia continetur, nam directe, & immediate ordinatur ad bonum animæ, & ad sacra pertinet; ergo. Deinde potest speciale argumentum sumi a simili ex cap. ult. de reb. eccles. non alien. ibi enim habetur, non posse potestates laicas de mortuariis disponere, id est, leges ferre circa funera defunctorum, & modum, vel circumstantias in eis servandas, quia illa omnia sunt annexa rei spirituali, & concernunt divinum cultum, & bonum animæ, ut ibi Doctores adnotant, & cap. *Ecclesia S. Maria*, de constitutione. Ergo eadem ratione non potest laica potestas disponere de observatione festorum, quæ magis directe ordinantur ad divinum cultum, & animarum profectum. Et confirmatur, quia alias si secularis princeps posset festa præcipere per se, & sine consensu episcopi, posset etiam prohibere; nam est eadem ratio: consequens autem est contra debitum or-

dinem ecclesiæ; nam laica potestas debet esse subordinata ecclesiæ in spiritualibus, & in omnibus, quæ ab illa ordinantur, alias sequerentur schismata, & divisiones in ecclesiâ, vel spiritualia impedirentur per dispositionem laicorum. Ita res est clara, & communis.

3 Ad argumentum ergo bene ibi responsum est, posse principes seculares interdum præcipere subditis feriari laboribus, vel mechanicis operibus ad civilem honorem, vel ostensionem latitiæ, vel ad commodam gubernationem in ordine ad collectionem fructuum, & similia, ut constat ex titulo de feriis Cod. & ff. Tamen in ordine ad religiosum cultum non pertinet hæc cura ad temporalem principem. Quod si aliquando rex indicaverit, occurrere rationem aliquam sufficientem ad instituendam aliquod festum, debet per ecclesiæ prælatos competentes id procurare, qui semper eius desiderio satisfaciunt, prout res postulaverit. Et ad replicam in contrarium respondeo, finem religionis esse altiore, quam sit finis potestatis secularis: nam hic consistit in conservanda externa pace, & iustitia reipublicæ, nec attingit opera religionis, nisi quatenus ad illum finem conferunt; nam alia ratione non cadunt sub laica potestate, sicut nec ieiunia, vel similia virtutum opera. At perfecta religio primario tendit in Deum, & ad illius cultum ordinat ipsam pacem, & externam reipublicæ conservationem, & ideo materia divini cultus, & religionis ad superiorem potestatem spectat, præsertim in lege gratiæ, in qua hæc potestates per Christum distinctæ sunt, & perfecto modo subordinate. Hac ergo ratione non pertinet nunc ad civilem potestatem leges condere in materia religionis, quia debent fieri præcipue in ordine ad salutem animarum, & ad divinum cultum secundum se spectatum. Quod si aliquando fuerit conveniens spiritualia præcipere in ordine ad temporalia, id debent facere principes per superiorem potestatem, quæ possit illa omnia ad superiorem finem ordinare, & altiora principia regulare. Ut, si expedit, publicam processionem facere ad obtinendum a Deo temporale beneficium salutis, victoriæ, aut fructus terræ, non potest princeps secularis immediate illam præcipere, sed petere a pastore ecclesiæ, ut illam indicat. Idem est in jejuniis, & similibus. Idem ergo est in festivitatibus servandis.

4 Ad primam confirmationem de voto respondeatur, non esse similem rationem; nam votum revera non est lex, nec est actus jurisdictionis, sed est promissio Deo facta, cujus materia esse potest cuiuscumque virtutis actus, etiam ipsiusmet religionis: maior enim est charitas, quam religio, & tamen actus ipsiusmet charitatis possunt esse materia voti, quia potest quis illos Deo promittere, etiam si mere interiores sint; ita ergo potest actum orandi, vel sacrificandi, & alios actus religionis Deo promittere. Unde non solum potest homo ad plura obligari per proprium votum, quam per legem civilem, verum etiam ad plura, quam per legem ecclesiasticam, ut patet de operibus consiliorum, & de actibus internis; nulla est ergo illa consecutio. Quapropter etiam si votum sit totius populi, non obligabit in vi legis, sed tantum in vi promissionis, ideoque tantum obligabit voventes, vel consentientes ipsis, quia obligatio voti est personalis, ut postea videbimus. Ut ergo tale votum publice servetur ex obligatione ab his, qui non voverunt, nec consentire voluerunt, necessaria erit prælati ecclesiastici auctoritas, quæ illis obligationem imponat in vi præcepti.

5 Ad id vero, quod de consuetudine attingitur, dicendum in primis est, solam consuetudinem laicorum non posse propriam obligationem diei festi introducere, quia cum observatio diei festi communis esse debeat clericis, & laicis, & specialiori modo ad clerum pertineat, non potest sola consuetudo laicorum legem universalem introducere, nec clericos obligare, iuxta communem doctrinam de consuetudine. Deinde, quod caput est, nec totius populi, & cleri consuetudo potest obligare in vi legis, nisi episcopi consensus expressus, vel tacitus accedat. Ratio est, quia consuetudo non habet vim inducen-

Respon.
detur ar-
gumentis.

Satisfit
confirmat
ratio.

Sola consuetudo laicorum non potest introducere diem festum.

Ratio du-
bitandi.

Negativa
pars ap-
probatur.

ducendi obligationem legis, nisi inleat consensus, & voluntatem ejus, qui posset expresse talem legem ferre, ut ex materia de legibus suppono: atqui sine voluntate episcopi non potest hæc lex de observatione expresse ferri, ut dictum est; ergo nec consuetudine. Oportet ergo, consuetudinem esse normam episcopo, & ab eo esse vel expresse, vel tacite approbatam, & ita cessat objectio. Oportet tamen in hoc actu servandi diem aliquem ut festum, duo distinguere; unum est facere id, in quo cultus talis dici positus est, ut sunt, verbi gratia, audire Missam, cessare ab operibus: aliud est facere hoc ex obligatione ab alio imposita, & non tantum ex devotione; dico autem *ab alio imposita* ut excludam obligationem voti. Potest ergo interdum approbare episcopus actum illum ex devotione factum, non habendo voluntatem imponendi obligationem, nec approbando illam; & tunc non sufficit consuetudo inducere obligationem præcepti, quia sine voluntate obligandi ejus, qui potestatem habet obligandi, nulla est lex, cum vera lex debeat esse signum illius voluntatis; hic autem sine voluntate ecclesiastici prælati voluntas totius populi non sufficit hanc obligationem imponere, ut dictum est: oportet ergo, ut prælatus approbet actum ut ex obligatione factum, seu, quod idem est, ut approbet obligationem: & hinc valde difficile est, discernere, quando talis consuetudo sit introducta, ut obligatoria, quando vero in vi tantum devotionis: existimoque vix posse discerni, nisi interveniat vel expressa declaratio episcopi, vel factum aliquod indicans talem voluntatem, ut si puniri faciat eos, qui festum non custodiunt, vel quid simile. Videtur etiam sufficere communis existimatio totius civitatis, aut diocesis, quam non ignorat episcopus, & non corrigit, sed tacite approbat.

Leges
Codicis
quomodo
intelligi
debeant.

6 Ad ultimam partem de legibus Codicis, memini me aliis locis latius dixisse, illas leges Codicis, quæ in rebus ecclesiasticis disponunt, vel non factas esse auctoritate Imperatorum tantum, sed ex consensu, vel petitione Summorum pontificum, vel si aliter factæ sunt per ignorantiam, vel potentiam usurpando jurisdictionem, non habere vim legum. Verum tamen de illis legibus in particulari, quæ de sacris feriis loquuntur, dici potest, in eis non ferri leges de observatione festorum, sed suppositis ecclesiasticis legibus præcipientibus talia festa religiose observari, Imperatores Christianos tanquam ecclesiæ protectores, & defensores suis legibus imponere pœnas contra legum ecclesiasticarum transgressores: hoc enim non excedit potestatem principum sæcularium, maxime quando tales leges non reprobantur ab ecclesia, sed tolerantur, & approbantur ut utiles ad disciplinam ecclesiasticam muniendam: sic enim leges civiles ferunt pœnas contra hæreticos, & alios similes: quamvis sæculares iudices illis legibus uti non possint, nisi postquam ecclesia tulerit sententiam de culpa ad suum forum pertinente, & punitionem ejus brachio sæculari remiserit.

7 Quin potius indicant Sylvester, & Anton. supra, posse principem sæcularem sua lege statuere festum sub tali pœna, quam iuste a transgressoribus exigat, etiam si illi culpam non incurrant eo, quod ad principes non spectet festum instituere. Quæ sane videtur repugnantia: nam si princeps non potest talem legem ferre; ergo illa non est lex; ergo non potest princeps iuste exigere pœnam ab his, qui non servant. Item si nulla intercessit culpa, quomodo potest esse iusta pœna? Dicendum ergo est, quando lex civilis cadit super festum ab ecclesia statutum, & punit transgressores ejus, nunc puram imponere pœnam, licet non obliget ad culpam, quia illam supponit contra superiorem legem, non nihil vero aggravat illam culpam virtualis quidam contemptus, qui tunc intervenit contra sæcularem principem. Si vero lex civilis præcipiat feriari in die non præcepto ab ecclesia, tunc sicut non obligat ad cultum religiosum, ita non potest sæcularis iudex iuste punire eum, qui diem illum, ut proprium festum, non observat; ut v.g. quia non audit missam, vel quia privatim, & secreto opera servilia exercet. Poterit tamen punire eum, qui civilem honorem publicum, qui per talem legem intendi potest, non observaverit.

Tunc autem certe transgressores legis non erunt immunes ab omni culpa, non quidem contra religionem, sed contra obedientiam, vel iustitiam legalem, aut debitam observantiam, nisi fingamus, legem ferri pure pœnalem, quod non repugnat, sed ad præsens nihil refert.

C A P U T XIII.

An obligentur peregrini ad festa patriæ servanda.

1 **H**Æc quæstio generalis esse potest pro materia de legibus, & in materia de jejuniis, & aliis tractari solet; tamen etiam hujus loci est propria, & est annexa his, quæ proxime diximus. Duo enim dubia inde oriuntur: primum est, an subditi episcopi extra diocesim existentes teneantur tale festum observare, quando in loco, in quo existunt, non est festum sub præcepto indictum. Loquimur autem de his, qui non mutantur domicilium, sed solum actualem præsentiam, seu existentiam: nam qui domicilium mutat, eo ipso desinit esse subditus, & ideo manifestum est, non teneri ad servanda festa propria prioris territorii, seu diocesis, aut parochiæ. De alio autem esse potest aliqua ratio dubitandi: nam multi auctores docent, obligari aliquem legibus patriæ propriis, etiam si absens sit, si non mutavit domicilium; unde idem erit in hac lege de servando festo. Tenet autem id Sylvester, verb. *Jejunium*, qu. 2. dist. 2. & ibi Rosella n. 16. & Anton. 2. qu. tit. 6. cap. 2. §. 2. Palud. 4. d. 15. q. 4. art. 3. Fundamentum esse potest, quia ille semper est membrum illius communitatis, & ideo semper tenetur illi conformari in legum observatione, vel aliter, quia ille est subditus; ergo tenetur obedire præcepto sui prælati, ac superioris: secundo alias posset quis per fraudem subterfugere onus hujus præcepti, ut verbi gratia, in loco propinquo terminis territorii, posset quis in initio festi transire trans territorii solum, ut laborare libere posset: vel certe si festum tantum esset unius oppidi, posset in vicinum ire, vel si in eadem civitate festum solum esset unius parochiæ, ut esse potest, liceret parochianis illius ecclesiæ transire ad domos alterius parochiæ, & ibi opera servilia facere: hæc autem videntur absurda, quia nemo potest per fraudem ab obligatione legis eximi; ergo.

Utrum
absens ob-
ligetur
legibus
patriæ.

2 Nihilominus dicendum est, personas alias subditas, dum extra territorium, id est, diocesim, oppidum, aut parochiam (respective) versantur, non teneri ad hæc festa observanda. Hæc videtur esse communis sententia Doctorum in c. *Ut animarum*, §. *Statuo*, de Constit. in 6. ut notavimus in 5. to. 3. p. disput. 5. sect. 4. Item in c. *Anobis*, 1. de Sent. excom. ubi Abbas n. 11. & Felin. n. 6. Et hic alii referuntur. Idem tenet Navarr. in Manual. c. 1. 30. §. c. 23. n. 20. Covar. 4. Variar. c. 20. n. 8. in fin. Et omnes, qui tenent alienigenas, dum versantur in alieno episcopatu, obligari statutis ejus, ut videbimus dub. seq. Et probatur sufficienter ex c. *Ut animarum*, ubi declaratur, non incurrere censuram per statutum episcopi latam, qui extra territorium episcopi agit contra statutum. Cujus decisionis ratio est, quia ille non peccat contra statutum, sed aut nihil peccat, si alias actio, vel omisso non erat contra legem divinam, vel naturalem, sed tantum contra humanam: vel si peccat, erit ex alio capite, quia agit, v.g. contra legem naturalem, non quia agit contra statutum, nec quia sit contumax contra obedientiam suo episcopo debitam, & ideo ejus censuram non incurrat: illa ergo decisio evidenter supponit, statutum episcopale non obligare subditos, seu personas diocesis extra diocesim peregrinantes. Ut late declaravi in dicta disp. 5. sect. 4. & 5. Et ex ibi dictis multa sumi possunt in hujus sententiæ confirmationem. Et ibi rationes universales declaravimus, quia statutum directe, ac per se respicit territorium, & pacem illius, vel communes mores ejus, ut in eo servandi sunt, & ideo non cadit in personas etiam subditas, nisi ut existentes intra territorium. Et ideo in eod. ca. additur ratio: *Quia extra territorium jus dicenti non paretur impune*: nam cum jurisdictio, ut respicit terri-

Para ne-
gativæ
significat.

ritorium, intra illud limitetur, lex, quæ pro territorio fertur, non potest extra illud obligare, quia jam excederet jurisdictionem.

Confirmatur. 5 Et confirmatur ex Aug. epist. 118. & in c. *Ille*, d. 12. dicente, quod non est contra fidem, & bonos mores, honeste observari debere juxta morem eorum, inter quos vivitur: *Et ideo*, inquit, *in sabbatho, si sum Roma, jejuno: si Mediolani, non jejuno*: idemque refert ex sententia Ambrosii. Ergo signum est, non teneri aliquem servare in alio episcopatu festum sui episcopatus. Tota enim hæc doctrina, quæ receptissima est, habet locum in hoc præcepto de observando aliquo particulari festo: nam præceptum illud maxime respicit publicum ritum religiosum in tali loco servandum. Et confirmatur, nam de lege, vel consuetudine privata jejunii, vel abstinentiæ a carnibus in Lusitania v.g. pro vigilia S. Antonii, certum est, non teneri Lusitanum ad servandam illam, dum in castello versatur, ubi non est talis consuetudo, ut omnes fatentur, & consuetudo ipsa satis ostendit; ergo idem est in observatione festi particularis: est enim eadem ratio.

Solvitur argumentum. 6 Ad rationem ergo dubitandi solutio constat ex dictis: nam lex talis non fertur ad subditos absolute, & secundum se spectatos, sed ad subditos præsentis, & existentes in tali loco; vel potius directe fertur ad locum, præcipitque in eo servari tale festum, & ideo non comprehendit absentes, quia non possunt servare festum in tali loco. Ideoque licet alibi illud non servant, non agunt contra obedientiam sui prælati; tum quia non obligantur præcepto ejus; tum etiam quia revera non agunt aliquid contra materiam præcepti, quia non violant festum in loco, in quo observari præcipitur, & ita eo ipso, quod sunt absentes, quasi mutant statum, ratione cujus materia talis præcepti in eis locum non habet. Ad inconvenientiam vero, quæ ibi inferebantur, Navarrus supra expresse illa concedit, & infert tanquam corollaria: ait enim, ex dicto principio inferri, quod operarii, qui ad locandas suas operas vadunt in alias regiones, non tenentur observare dies festos locorum, ubi ad tempus commorantur: & quod in festis illis, quæ in propria parochia observantur, non peccant, operas suas præstando in aliis parochiis, ubi illa festa non servantur, nec posse obeas rationes puniri iuste, etiam si in vigilia festi, vel etiam in eodem migrent a loco, ubi servatur festum, ad alium, ubi non servatur. Nego igitur, illa esse inconvenientiam, quia in nullo illorum casuum agitur contra id, quod præceptum jubet, quod solum est, ut præceptum in tali loco non violetur, nunquam enim in illo loco violatur; & licet præcipiat, ut servetur in tali loco, non tamen præcipit ibi assistere ad celebrandum illud. Quocirca ibi non intervenit propria fraus, aut dolus, sed fuga quedam (ut sic dicam) obligationis præcepti, quæ tamen contra præceptum non est, & ita licet per se non sit bona, non est mala, sed erit bona, vel mala aliunde pro ratione finis, aut causæ, propter quam fit.

Navarri limitatio in missa audienda. 7 Addit vero Navarrus in hoc limitationem circa Missæ auditionem, dicens, nisi dies festus inveniat incolam in loco proprio, ubi festum servatur, quam Summissæ posteriores secuti sunt, ut videre licet in Lud. Lop. 1. p. Instruct. c. 25. §. *Nec peccat*, Sairo libr. 7. in ca. 3. n. 12. Emanuele in Sum. 1. p. c. 122. & Emanuele Saa in sua Sum. Sed de hoc dicemus commodius infra c. 15. in fine.

CAPUT XIV.

An obligentur peregrini ad observanda festa loci, in quo versantur.

1 **H**OC est secundum dubium superiori affine, videntur enim hi peregrini ad hoc non teneri, quia non sunt subditi, & lex non obligat, nisi subditos ejus, quæ legem tulit. Nec vero sola præsentia in tali loco facit subditos, quia illi non mutant domicilium, nec deserunt esse subditi alterius episcopi. Unde confirmatur, quia soli perpetui habitatores obligantur legibus civitatis, argum. leg. *Debitor*, ff. de Pignor. ergo similiter in proposito. Confirmatur se-

cundo ex leg. *Heres*, §. *Proinde*, ff. de judic. ubi dicitur, peregrinum, eo quod in transitu emat, aut vendat, non comparare forum alicubi, nisi ibi ex proposito, & modo stabili ad negotiandum commoretur, & redditur ratio, quia durissimum est, quotquot locis quis navigans, vel iter faciens, delatus, tot locis se defendat. Ergo similiter in præsentia non obligatur quis ad servandam loci festum, eo quod ibi casu invenitur statim discessurus, quia durissimum est, tot statutis, & consuetudinibus obligari, quot sunt loca, quæ in peregrinando mutant. Neque valet argumentum, quod ex puncto præcedenti sumi potest, quasi a commutata proportionem, scilicet, nam si quis eximitur ab obligatione legis sui territorii, quia est absens; ergo e contrario obligabitur legibus alterius territorii, cui sit præsens: non est enim similis ratio, quia ad obligationem duo requiruntur, scilicet & subjectio, & materia præcepti: in priori autem casu, licet subjectio non desit, deest materia præcepti, quæ per absentiam mutatur, & tollitur, ut declaravi: in præsentia vero casu semper deest subjectio, licet materia præcepti intercedere videatur, & ideo non oritur obligatio, nam ad excusandum defectus unius conditionis ad obligationem necessariam sufficit: ad obligationem vero necesse est, ut omnes conveniant, & nulla deficiat.

2 In hac re varie loquuntur Doctores. Prima ergo sententia esse potest absolute negans, advenas obligari legibus loci, in quo morantur, nisi perpetuo habitaturi illuc accedant. Ita sentit Glossa in c. *Quæ contra*, dist. 8. verb. *Aut peregrini*. Queritur enim, an peregrini, vel scholares obligentur dictis legibus, & prius ex illo textu, & aliis argumentatur pro parte affirmativa: postea vero in contrarium obiicit leges a nobis allegatas, quibus concludi videtur, solos perpetuos habitatores obligari legibus civitatis: & nihil responderi, unde videtur hoc sentire: & cum in questione posuisset tam peregrinos, quam scholares, videtur indistincte loqui de omnibus extraneis, sive parum, sive diu ibi maneant. Idem sentit Glossa in c. *Ille*, d. 12. verb. *Veneris*. Nam licet dicat, *referre, an sint moraturi, vel cito recessuri*, tamen remittit se ad dicta in priori Glossa: & ita in eodem sensu videtur intelligere distinctionem, ut soli illi dicantur esse moraturi, qui ibi perpetuo mansuri accedunt. Et ita plane sentit Archidiaconus d. c. *Ille*, verb. *Serva*, referens Hostiens. Palud. 5. d. 15. q. 3. n. 24. & ibi Palac. disp. 8. 9. §. *At vero*, Ledesma 2. p. Quarti, q. 17. a. 3. §. *Tertio dico*, indicat Sylv. verb. *Jejunium*, q. 2. dum ait: *Si veniunt animo habitandi*, idem Rosella eodem verbo, n. 19. Medina Cod. de Jejunio q. *Quando necesse est jejunare*, & Turrecremata in d. c. *Quæ contra*, n. 8. qui etiam ait, *nisi velint ibi habitare*, idem in d. c. *Ille*. Hæc vero sententia non potest convenienti ratione defendi, & ideo non censeo illam practice probabilem, nec enim sufficit multitudo auctorum sine ratione, aut fundamento probabili, maxime in re, quæ multum potest vergere contra bonos mores. Quis enim dicat, scholares Conimbricenses, qui per magnam anni partem ibi morantur non teneri ad audiendam missam in diebus festis propriis illius episcopatus? Profecto est contra communem sensum, & contra omnem bonam gubernationem, est etiam contra rationem, ut statim videbimus.

3 Propterea est secunda opinio, quæ præcedentem moderatur, distinguitque inter habitationem perpetuam, & transeuntem præsentiam, & diuturnam habitationem, per quam non acquiritur domicilium, quia non fit animo ibi perpetuo manendi, quod ad domicilium requiritur, ut est receptum apud omnes, sed acquiritur quasi domicilium juxta ea, quæ tradidimus in 4. tractando de ministerio confessionis, ubi exempla posuimus in scholaribus manentibus in loco universitatis seu studii per magnam anni partem, in curialibus, mercatoribus, &c. Dicit ergo hæc opinio, non solum ratione domicilii, sed etiam ratione quasi domicilii obligari aliquem ad servanda festa localia, quandiu alicubi manet, non vero propter quancumque aliam permanentiam transeuntem, etiam si multorum dierum, vel plurium etiam mensium sit. Hanc opinionem quoad omnes ejus partes tenet satis expresse Felinus

pus in c. *Quod clericis*, de Foro compet. Ubi refert, & approbat sententiam Dominici in d.c. *Que contra*; ille enim reprobatur opinionem Glossæ supra citatam, quatenus equiparat scholarem peregrino, quoad hoc, quod non obligatur statuto loci, unde ait, scholares obligari, quia acquirunt forum, licet non acquirant domicilium. Unde sentit ad hoc sufficere quasi domicilium, peregrinum autem non obligari contraria ratione, quia nec domicilium, nec quasi domicilium, nec forum acquirit. Pro eadem sententia citari possunt auctores, qui specialiter de peregrinis, vel transeuntibus negant obligari statuto loci: de aliis autem diutius ibi commorantibus affirmant obligari, & nihil distinguunt in modo commorandi. Quomodo videretur sentire Anton. 2. tit. 6. c. 2. §. 1. Medi. 1. 2. q. 69. art. 5. Distinctius autem, & c. piosus Sancius in 1. to. de matrim. l. 3. disp. 18. q. 1. Ubi refert Speculat. & plures alios.

p. pars re-
lata sen-
tentiæ ap-
probatur.
Ratio af-
fer.

4 In qua sententia maxime probanda est pars prior affirmans, habitationem ita diuturnam, ut ad forum acquirendum, & quasi domicilium sufficiat, sufficere ad obligationem servandi festa loci, & idem esse de similibus statutis. Ratio est primo, quia hoc genus permanentis habitationis sufficit ad acquirendum forum in ordine ad usum sacramentorum ordinatum, & convenientem ad professionem vitæ Christianæ; ergo etiam sufficit ad subjectionem habendam episcopo loci, immo & ad actus jurisdictionis voluntariæ satis est, id est, ad dispensationem, ut est probabilis multorum opinio; ergo multo magis sufficere ad obligationem servandi omnia festa, & statuta loci, pertinentia præcipue ad commune regimen spirituale animarum illius loci. Secundo; quia per se est valde absurdum, quod isti non teneantur vivere toto illo tempore secundum legem patriæ, & quod etiam non teneantur vivere secundum legem loci, in quo habitant. Tertio, quia similiter est valde exorbitans a ratione, quod civitas publicum festum observet, vel jejunium, & tamen scholares ibi permanentes habitantes, & qui interdum esse solent magna pars populi, non convenient cum civitate in his communibus moribus Christianorum; negari enim non potest, quin tunc illi sint pars illius populi, & in illis locum habeat axioma Augustini, turpe esse partem, quæ non consonat toti.

Confirmatur.

5 Et confirmari hoc potest; quia isti solent interdum vocari incolæ, & habitatores alicuius civitatis, ut sumitur ex Bulla Gregorii XIII. de anno Jubilei apud Navarr. tract. de Jubileo nota. 3. 2. ut ipse notat Ver. Incolæ: & ex multis, quæ adducit Tiraquel. de Retract. lignagi. §. Gloss. 2. n. 26. & Panorm. in c. *Quod Clericis*, de For. comp. n. 5. Ubi hac ratione dicit, acquiri forum per hanc habitationem diuturnam, & ex iure, & doctoribus id late confirmat; ergo hi habitatores merito obligantur ad servanda loci festa, & statuta. Denique confirmari hoc potest ex dicta leg. *Hares absens*, §. *proinde ff. de Judi.* quatenus ait, mercatores sortiri forum per diuturnam permanentiam ad negotiandum, etiam si domicilium perpetuum ibi non fiant; ergo idem erit in præsentibus, & ex sequentibus hæc pars latius confirmabitur. Declarant autem & bene citati auctores, non oportere, ut aliquis prius in loco faciat magnam temporis moram, quam obligetur legibus loci, sed satis esse, si ad locum veniat, & ibi morari incipiat cum intentione permanendi diuturno tempore, quo solet studium, aut negotium durare. Quia sicut ad acquirendum domicilium non requiritur mora, vel successio temporis, seu translatio actualis habitationis cum proposito perpetuo permanendi (ut recte Sylvest. Verb. *Domicilium*, num. 2. & bene Navarr. de Jubil. ad §. *In Levitico*, not. 3. §. *Incole*, numer. 43. & in Consil. 4. de Constitut. num. 43. & Sancius supra disp. 23.) ita ad acquirendum quasi domicilium sufficit habitatio cum proposito, est enim eadem ratio.

Quanta mora sit necessaria, ut quis ad legem teneatur.

6 Sed quæres, quanta mora temporis, saltem animo, & proposito concepta, sit necessaria ad obligationem fundatam in hoc titulo quasi domicilii. Quidam ex dictis auctoribus postulant maiorem partem anni. Itaque requirunt vel explicite propositum permanendi ibi pro maiori parte anni, vel (quod perinde est) intentionem existendi ibi tempore necessa-

rio ad talem actionem, quæ regulariter, aut semper requirit ad minus partem anni maiorem: ita sentit Sylvest. verb. *Domicilium*, num. 2. quatenus ait, ad perceptionem Sacramentorum necessarium esse habitare in aliqua parochia per maiorem partem anni, ex Innocentio ca. *Omnes*, de penitent. & remis. Sed licet hoc sine dubio sufficiat ad acquirendum quasi domicilium, & habitationem simpliciter, tamen quod id sit necessarium, nimis restrictum est, & non potest sufficienti ratione probari: nam etiam habitatio quatuor, vel quinque mensium est satis diuturnum tempus, ut quis dicatur ibi habitare eo tempore, vel accedere ad habitandum ibi, quando accedit animo habitandi per plures menses, etiam si non sit maior anni pars. Unde placet mihi, quod Navarr. loco supra citato dicit, satis esse accedere cum animo habitandi ibi ad tempus incertum, puta ad tale negotium, quod solet tardius, vel citius fieri, moraliter autem requirit notabilem durationem: vel (si quis non determinat actionem, nec tempus) satis esse accedere cum animo vivendi ibi pro aliquo tempore diuturno, non determinando illud: vel denique si determinet tempus certum, satis esse, quod sit adeo magnum, ut arbitrio prudentis possit dici, esse ibi habitator. In quo addo, licet in ordine ad alios effectus possit forte iuxta hoc prudens arbitrium postulari maior anni pars, nihilominus in ordine ad eum, quem nunc tractamus, non videri hoc rationabile arbitrium; quia etiam pro minori tempore prudenter postulatur uniformitas cum toto populo in publica observatione festorum, vel similium legum propriarum talis loci, quod ex sequenti puncto aperte constabit.

2. pars re-
lata sen-
tentiæ re-
jicitur.

7 Altera ergo pars huius sententiæ, nempe ad hanc obligationem esse necessarium quasi domicilium, & omnes advenas brevius commorantes alicubi, vel peregrinantes, & transeuntes per varia loca, non tene-ri ad servanda localia statuta: hæc (inquam) pars mihi nullo modo probari potest. Est ergo tertia sententia, quæ indifferenter ait, peregrinos, & advenas obligari legibus loci, in quo inveniuntur, & consequenter tene-ri ad festa servanda, jejunia, &c. Ita tenet Mayo. 4. d. 15. q. 5. Dried. l. 1. de Liber. Chri. c. 17. §. *Una est*, Led. 1. p. 4. q. 15. a. 2. d. 2. Lud. Lop. 1. p. Inst. c. 52. §. *Unaquæque civitas*, Covar. l. 4. Var. c. 20. n. 8. circa finem, Navarr. in Manual. c. 13. n. 5. in fine, clarius in c. 23. n. 120. Ubi de jejunio loquens ait, peccare, qui vescitur carnibus transeundo per alias regiones, etiam quando licet illis vesceretur in terra sua, & in fine subdit, idem esse dicendum de festis, & similibus præceptis. Citat Panormitan. in cap. *Consilium*, de jejun. observ. ubi in 6. expresse dicit, quod peregrini in jejniis, & similibus debent se conformare consuetudini loci, & ad hoc inducit textum in dicto cap. *Consilium*, & Gloss. ibi: additque posse peregrinos ad hoc compelli per episcopum, ubi clare supponit habere episcopum jurisdictionem in hos, subdit tamen pro ratione, *ne sit alicui scandalum*, de qua ratione infra dicam: idem Abbas cap. *A nobis*, 1. de Sent. Excom. & ibi Host. & in Sum. tit. de obser. jejun. §. *quando jejunandum*, num. 5. Porcius in dicto §. *Sed & quod principi*, num. 26. Cardinal. Immol. & Bonifac. in Clem. 2. de celebrat. Missar. idem sentit Archid. in d.c. *Que contra*, quatenus ait, peregrinum ligari statuto loci, per quem transit, & pro transgressione ejus posse puniri. Hanc etiam partem indicat Angelus verb. *Jejunium*, n. 7. licet non de missa, sed de jejunio agat. Et pro hac sententia faciunt omnia, quæ circa c. *Ut animarum*, de Const. in 6. diximus in d. disp. 5. sect. 5. to. 5.

3. Sententia.

8 Hæc vero sententia ita indifferenter, & generaliter intellecta non videtur æque certa, quia infra illos duos modos domicilii, & quasi domicilii potest esse magna latitudo in modo existendi alicubi, & in modo ibi permanendi: & non in omnibus approbatur a Modernis hæc sententia, & revera non est æque certa in universum. Possumus ergo subdistinguere alios duos modos. Unus est, quando quis pervenit ad locum, ubi per aliquot dies moretur, vel recreetur, vel negotietur; ita ut ille sit quasi terminus peregrinationis, & viæ, licet quis in illo parvo tempore dura-

Sententia vera proponitur.

Duplex modus permanendi in loco.

turus sit. Alius modus est, quando presentia in tali loco solum est in transitu, tanquam in hospitio viae, prandendo, vel pernoctando, & statim discedendo sine alia mora. Quando ergo presentia est prioris modi, dicendum omnino censo cum precedenti sententia, illam sufficere, ut quis teneatur ad festum, vel statum loci servandum. Duobus autem modis hoc fundari potest, vel in consuetudine, vel in vi legis, & jurisdictionis. Cum enim contraria opinio maxime fundetur in defectu jurisdictionis ferentis talem legem in personas sibi non subditas, aliqui hac ratione fatentur, hos extraneos non teneri ad has leges servandas ex vi subjectionis suae, seu jurisdictionis alterius: nihilominus tamen ajunt teneri ratione consuetudinis: nam omnes fideles, qui per dies aliquot alicubi manent, si in eis occurrat festum, vel jejunium loci, existimant in conscientia se teneri ad servandum illud: at consuetudo huiusmodi solet inducere obligationem, ut constat ex materia de consuetudine; ergo. Confirmatur, quia talis est rationabilis, & necessaria ad bonos mores reipublicae, quia saepe huiusmodi externi sunt plures, & habent amicos, & socios loci incolas, qui facile inducuntur ad non servandum festum, vel non ieiunandum, si alii, quos comitantur, id faciant; ergo talis consuetudo merito obligat exteros, ut potius aliis se conforment, quam eos impediant. Dices, hoc esse ratione scandali. Respondeo, licet vitatio scandali sit occasio, vel indicium obligationis, non est tamen propria ratio obligationis, sed consuetudo est sufficiens ratio.

9 Atque hoc modo probari etiam potest haec sententia ex Augustino in d.c. *Qua contra*, seu 3. *Confessio*. dicente, vitanda esse flagitia, quae sunt contra mores hominum, & subdit: *Ut pactum inter se civitatis, aut gentis consuetudine, vel lege firmatum nulla ejus, aut peregrini libidine violetur, turpis enim est pars suo universo non congruens*. Peregrinus enim certe non dicitur, quia alicubi habet domicilium, vel quasi domicilium: loquitur ergo Augustinus de extraneis hominibus per paucos dies alicubi existentibus, & in eis censet esse flagitium rumpere leges hominum, inter quos pro tunc habitant. Et in ratione, quam adducit, expendo, Augustinum hos etiam peregrinos numerare inter partes illius universitatis, ut hac ratione teneantur non dissentire a toto. Praeterea in d.c. *Illud*, seu epist. 118. c. 2. loquens de his moribus, & legibus ait: *Nec disciplina nulla est in his melior gravi, prudentique Christiano, quam ut eo modo agat, quo viderit ecclesiam, ad quamque forte devenerit*. Ubi plane de his peregrinis loquitur, non dicit tantum aperte, hoc cadere sub obligationem, sed bonum, & prudens consilium; infra vero addit: *Pro eorum, inter quos vivunt, societate servandum est*. Et statim refert quomodo in simili dubitatione Matris suae consuluerit Ambrosius, eiusque responsum in summa fuisse: *Ad quam forte ecclesiam veneris, ejus morem serva, si cuiquam non vis esse scandalum, nec quemquam tibi*. Et addit Augustinus se suscepisse hanc sententiam Ambrosii tanquam caeleste oraculum; & c. 4. addit, *violare quietem, & pacem, qui illam non servant*, in quibus omnibus non parvam obligationem indicat, semperque de peregrinis loquitur, & in consuetudine fundatur.

10 Adde vero, non solum ratione consuetudinis, sed etiam per se ex vi legis, & ratione jurisdictionis teneri huiusmodi peregrinos ad servanda festa, & statuta. Quod in primis ita declaro, quia licet consuetudo interdum habeat vim legis, nunquam tamen potest habere illam vim, nisi quatenus in iurisdictione aliqua fundatur: nam si sit in materia temporali, oportet, ut fundetur consuetudo in consensu reipublicae, vel communitatis habentis iurisdictionem ad ferendam legem, qua iurisdictione tacite utitur, quando in talem consuetudinem tacite consentit, vel si communitas talem potestatem non habeat, requiritur expressus, vel tacitus consensus principis, qui illam habeat: & in materia, & legibus spiritualibus necessarius est consensus papae, vel episcopi cum proportionem, ut supra dictum est, & in materia de legibus est notum. Interrogo ergo, a qua iurisdictione habeat vim obligandi haec consuetudo: aut enim a iurisdictione illius communitatis, vel episcopi illius loci,

ubi festum servandum est, & ita poterit etiam lex ipsa in vi iurisdictionis ferentis ipsam obligare peregrinos, etiam sine consuetudine; nam potestas, quae dat vim consuetudini, potest legem ferre. Vel illa consuetudo obligat in vi alterius iurisdictionis: & haec non facile explicari potest, cujus sit, vel qualis, quia non potest esse alterius communitatis particularis, vel episcopi proprii ipsius personae, quia minus potest obligare extra propriam diocesim. Vel est iurdictio papae per tacitum consensum, vel per jus commune precipiens, ut haec consuetudines servantur: & hoc jus non videtur posse facile ostendi, & illo dato non potest commode intelligi, nisi intercedat iurdictio particularis praetati; alias hi peregrini tenerentur servare haec festa ex vi juris communis, & non ex vi talium statutorum, aut particularium consuetudinum. Unde potius videtur dicendum, illam consuetudinem, ut advenae commorantes per aliquos dies in uno loco se conforment moribus loci in his, quae ad communem vitam spectant, esse quasi ex iure gentium, & inde habere vim suam: tamen quia obligatio ad servandum tale festum non est immediate ex iure gentium, sed ex statuto talis episcopatus, necesse est, dicere quasi communi iure gentium, & ex consensu omnium fidelium, & praecipue pastorum, & pontificum, introductum in ecclesiam esse, ut episcopi possint suis statutis obligare, non solum incolas, sed omnes ad tempus aliquod habitantes in suis diocesis, vel locis sibi subiectis; ergo supposita illa consuetudine universali, & quasi iure gentium, obligatio jam est ex vi iurisdictionis episcopalis.

11 Potestque ulterius haec iurdictio variis modis, & indicibus ostendi. Primo a posteriori, quia episcopi solent punire huiusmodi peregrinantes non servantes festa, vel ieiunia sua, idque iuste ab eis fieri docent auctores graves Canonistae supra citati, quia non est verisimile, usum tam frequentem Praetorum esse iniustum; ergo habent iurisdictionem coactivam, & directivam circa tales personas. Secundo a priori, quia haec obligatio est necessaria ad bonum regimen proprii gregis, quia, ut dicebamus, periculum est, ut multi incola non servant legem, si peregrini non servant. Dices, satis esse, quod peregrini ex iure naturali teneantur ad scandalum vitandum. Sed contra, quia sicut ratio scandali vitandi obligat ex charitate ad vitandam hanc, vel illam actionem, aut ad omittendam illam, ita potest inde sumi ratio sufficiens ad precipiendum, vel prohibendum simpliciter, ne talis actio in tali loco fiat; ita ut non relinquatur uniuscujusque arbitrio, an sequatur scandalum, necne, sed absolute feratur talis lex, quae considerat id, quod moraliter accidit, & ad vitanda incommoda publica certam regulam operandi statuit. Hoc ergo modo ex scandalo, quod moraliter timeri potest, si advenae non conformentur populo in observatione festi, seu localis statuti, colligimus, episcopum loci, seu alium similem legislatorem habere ius, & potestatem ad obligandum omnes, qui actu degunt in tali loco, ad servandam legem, & uniformitatem cum aliis, quia hoc est per se necessarium ad pacem, & bonum regimen talis loci: ergo hac ratione illi advenae, quatenus ibi existunt, sunt subditi gubernatori loci, quatenus ad illum spectat paci talis loci consulere, & consequenter etiam statuere de moribus ad illam necessariis; ergo per se etiam, & directe obligantur tali lege, vel consuetudine.

12 Et confirmatur: quia princeps laicus in multis casibus habet potestatem statuendi leges in terra sua, etiam in ordine ad peregrinos, quando respiciunt bonum, & utilitatem suae terrae, vel populi in ordine ad externam iustitiam, & pacem; ergo idem poterit episcopus in ordine ad spirituale bonum. Antecedens constat ex usu omnium regnorum, & quia illa potestas est necessaria ad conservationem, & bonum regimen reipublicae in tali loco existentis: item inductione, de lege prohibente deferre talia arma, vel extrahendi tales merces ex tali loco, & similibus, de quibus per Barr. Bald. & alios in l. 1. Cod. de iurisdic. Omni. iudi. Consequentia vero probatur; quia non est minus perfecta

In con-
suetudine
potest
fundari
obligatio
haec.

Ex Au-
gustino
confirmatur.

Variis in-
diciis o-
stenditur
haec iurisdic-
tio.

Obiectio-
ni respon-
detur.

Non solum
consuetu-
dine, sed
etiam ex
iurisdic-
tione re-
ipublicae
per
regnum ad
festa loci,
in quo
sunt.

Confir-
matur ex
potestate
principis
laici in terra

fecta spiritualis potestas in ordine ad suum finem, quam sit temporalis in ordine ad suum, utramque comparando ad suum territorium; ergo non solum subiiciuntur episcopo incolæ loci, sed etiam advenæ in ordine ad leges, quarum generalis observantia in illo loco necessaria ad bonum suarum ovium. Denique declarari hoc potest ex dictis supra, & latius in 5. tom. de Censuris: quia statutum per se primo respicit territorium, & ratione illius personas ibi degentes, sed isti advenæ pro tunc ibi degunt, & tenentur uti illo loco iuxta leges ejus; & prout expedit ad commune bonum ejus; ergo tenentur etiam hanc legem servare.

Declaratur
amplius.

13. Tertio id declaro in hunc modum. Quia lex habet vim constituendi actum in tali, vel tali virtute iuxta exigentiam materię ejus, & similiter habet vim constituendi medium virtutis, ut temperantię, & iustitię, ac denique habet vim præscribendi circumstantias necessarias temporis, & loci, ut actus in tali virtute honeste fiat, ut lex jejunii facit, ut carnes hodie non sint materia temperantię, vel quod perinde est, ut hodiernum tempus non sit, quale esse oportet ad usum carniū. Quod si lex illa limitata sit ad tale territorium, determinat etiam, locum illum pro tali tempore non esse convenientem ad esum carniū, & similiter lex de observatione festi facit, ut opus servile tali tempore, & loco factum sit contra religionem. Illa autem lex simpliciter statuta est pro omnibus, qui hoc die in hoc loco sic operari voluerint, & indifferenter ponitur pro omnibus ibi morantibus; ergo etiam respectu advenarum illud opus tunc est contra religionem, & prudentiam, quatenus dicitur de circumstantiis servandis ad operandum sine offensione religionis. Neque hoc excedit potestatem legislatoris, illa habet plenam potestatem in talem locum respectu omnium, qui in illo operari velint, undecumque illuc veniant. Sicut si pretium tritici taxatum est tali loco, advena ibi vendens triticum suum, tenetur ex lege iustitię servare legem, & taxam, quia ibi illud est medium iustitię non solum pro incolis, sed simpliciter pro omnibus operantibus in loco in illa materia iustitię: habet enim princeps potestatem ita constituendi legem iustitię in illo loco: de quo nullus dubitat: unde sumi potest optima ratio: nam statutum loci potest in materia iustitię constituere medium, quod advena ibi servare teneatur, etiam si peregrini sint: ergo potest etiam constituere medium in actu temperantię ibi exercendo, a quo quomodo exerceatur; ergo similiter in materia religionis, ad quam spectat præceptum servandi festum. Et hoc modo facile intelligitur, advenam fieri subditum ratione loci, quia posita illa lege pro tali loco, illud est medium virtutis in illo loco, & non alibi.

14. Tandem non est contemnenda illa ratio; quod isti sic existentes in alio territorio eo ipso excusantur ab obligatione servandi festa peculiaria suę patrię, & alias similes leges; ergo merito obligantur ad observanda festa loci, in quo existunt: debet enim esse æqua conditio præsentis, & absentis, ut fervetur conveniens distributio, & ne homines illi fiant liberi, & exempti ab omnibus legibus municipalibus, seu episcopalibus, sine ulla legitima causa. Et quia ratio juris pulsatur, ut sentiat onus, qui sentit commodum. *Qui sentit*: de regula in 6. Neque obstat evasio supra innuata, quia, ut ostensum est, non deest hic sufficiens subiectio ratione loci, pro quo materia in tali virtute constituta est, ut dixi.

Ab in
commodo
probat

15. Potestque ab incommodo non parum hoc confirmari. Nam inquiri, quid dicendum sit de illo advena, quando idem festum in utroque loco tum præsentis, & domicilii servatur ex statutis, vel consuetudinibus particularibus, non ex lege universali ecclesię: peto, inquam, an tunc teneatur advena servare festum in loco, ubi est præsens? Absurdum enim videtur dicere, posse etiam tunc festum illud non servare, quia absentia a proprio territorio non videtur illum excusare, cum in loco, in quo invenitur, eadem sit observantia. Et ita Sancius supra supponit tanquam certum, in eo casu non excusari. At vero aut contra-

rium dicendum est, aut inde concluditur nostra sententia: nam ille tunc non tenetur servare festum in loco, ubi est præsens, ex vi constitutionis, aut consuetudinis suę patrię, quia hæc non obligat extra territorium, ut in superiori puncto dictum est. Ergo si obligatur, ex vi consuetudinis, aut statuti illius loci, in quo invenitur, obligatur, quia non obligatur ex lege generali ecclesię, ut supponitur, & oportet, ut ex aliqua lege obligetur; ergo nihil minus obligaretur, si etiam in terra sua non esset eadem consuetudo, vel lex, quia supposita absentia illa nihil confert ad hanc obligationem; ergo vel etiam in eo casu non obligatur, quod reputatur absurdum, vel semper obligatur. Et confirmatur: nam in eo casu habet locum ratio, quod ille non est subditus episcopi loci, ubi est præsens, & lex alterius non obligat illum; ergo e contrario si tunc obligatur a lege loci, ratione ejusdem loci est subditus, neque ad hoc refert, quod in loco domicilii sit, vel non sit similis lex.

16. Neque contra hanc resolutionem obstant, quæ in principio objecta sunt. Nam principale fundamentum de carentia jurisdictionis in uno, & subjectionis in alio satis expeditum, ac declaratum est: leges autem, quæ afferuntur non sunt ad rem. Nam prima, si quid probaret, concluderet, esse necessarium domicilium, & perpetuam habitationem, quod plane improbabile est. In illa ergo lege *Debitor* non est sermo de obligatione legis, neque de habitatione necessaria, ut quis obligetur legibus loci: sed casus legis erat, quando *in pignus datur prædium cum omnibus ibi importatis, inductis natis, &c.* an intelligantur comprehensi servi, qui ad prædium colendum mittuntur: & responderetur, eos dumtaxat comprehendi, qui hoc animo a Domino missi essent, ut ibi perpetuo essent, exponit autem Glossa *Perpetuo*, id est, quando ibi essent necessarij. Inde autem nullum potest sumi argumentum, quia in illo casu servi non erant dati, vel promissi per se in pignus, sed ad summum poterant comprehendi tanquam res accessorię, & connexę cum prædio, quia verba pacti postulabant illam connexionem, quæ respectu servorum non poterat esse alia, nisi destinatio illorum ad insistendum prædio. At in præsentia lex fertur simpliciter ad totum territorium; seu locum, & ad sui observationem non requirit aliam connexionem, nisi actualem habitationem, & unionem cum ceteris de populo, quæ ex actuali habitatione nascitur: alia vero lex magis videtur pertinere ad casum sequentem. Dico tamen, illam loqui de illo, qui transeundo per locum emit ibi, aut vendidit, & pertransiit, postea enim non potest conveniri in illo loco, & merito; quia per unam transeuntem actionem non acquiritur forum quasi permanens, & dans jus in alium, etiam absentem. At nos loquimur de obligatione, quæ durat solum, quando durat præsentia, & ideo nulla est similitudo. Esset autem nonnulla, si ageretur de conveniendo advena in eodem loco, in quo contraxit, antequam inde discederet: & tunc sine dubio potest in eodem loco conveniri, si fraudem omisit, vel si est debitor, aut non vult stare conventioni factę, vel quid simile. Et ita potius faver exemplum.

17. Superest videndum, an hæc resolutio habeat eodem modo locum in his, qui solum in transitu, & tanquam in hospitio, & ad horam alicubi inveniuntur solum ad refectionem sumendam, vel ad quietem nocturnam, & statim subit discessuri. Aliqui enim non putant esse admittendam obligationem hanc cum tanto rigore; tum quia esset res nimis onerosa, & scrupulosa iter facientibus; tum etiam quia consuetudo non videtur cum tanto rigore introducta; tum denique quia in moralibus parum pro nihilo reputatur, & ideo esse in transitu tantum non reputatur præsentia. Nam in iure, quod brevi tempore durat, quasi non esse censetur, juxta c. *Nam & ego*, de ver. signifi. ubi ex Hieronymi sententia dicitur, vocari unigenitum Salomonem, quia prior frater uterinus statim mortuus est, & ideo quasi non fuisse censetur. Et juxta c. *Ad audientiam*, iuncta Glossa, ver. *Statim* de Regular. dicente, *non dicitur factum, quod non durat*. Tandem addi potest argumentum; quia sacerdos Græcus transiens per Latinam ecclesiam non tenetur ritus ecclesię latinę servare præsertim quoad consecrandum

Solvitur
argumen-
ta opo-
posita.

Qui solus
in transitu
alicubi
fuit, non
teneri
probabile
est.

in Azimo, & multo minus Latinus transiens per Græciam teneretur consecrare in fermentato, ut in 3. tom. disp. 44. sect. 3. diximus, allegando epistolam Leonis papæ; ergo similiter in proposito. Quoad hanc ergo partem potest contraria opinio probabiliter sustineri, & qui in praxi illa uti voluerit, non peccabit.

18 Nihilominus si consequenter loquendum est, censeo, idem esse sentiendum de his transeuntibus pro eo tempore, quo in tali loco quiescunt, servata proportionem quoad tempus habile (ut sic dicam) ad obligationem, & executionem præcepti. Probatur primo, quia citata iura, seu testimonia Augusti. indifferenter loquuntur de peregrinis, seu venientibus ad aliquem locum, sive parum, sive multum ibi sint moraturi. Secundo, quia rationes sumptæ, vel ex necessitate ad communem pacem, & unitatem, vel ex necessitate præscripta in materia, & circumstantiis virtutis pro tali loco, æque applicari possunt ad hos peregrinos cito transiuros. Et similiter urget inductio facta de lege taxante pretium, servare enim tenetur illam, etiam qui ad horas tantum ibi manet. Item, de lege non ferendi arma tali hora noctis, & similibus. Terrio, quia si extraneus non habens domicilium, nec quasi domicilium in aliquo loco, obligatur legibus loci, non possumus per maiorem, vel minorem moram hanc obligationem limitare, aut discernere, quia neque ulla regula moralis, & certa potest assignari ad hanc discretionem faciendam, neque ratio. Quia major, vel minor mora non videtur dare jurisdictionem uni, vel subiectionem alteri. Unde arguor quarto, quia si non obligaretur viator ad servandum festum loci, ad quem hospitii gratia pervenit, maxime esset, quia non est subiectus; at respectu agendorum in tali loco, & concernentium locum est subiectus, nam hoc modo subiectus est, qui per paucos dies ibi commoratur, ut ostensum est. Et differentia illa permanentiæ majoris, vel minoris, seu quod sit tanquam in termino viæ, vel tanquam in vi ipsa, seu termino medio, videtur & valde materialis, & nimis speculativa, potius quam moralis; ergo in omnibus his casibus idem est dicendum cum proportionem.

19 Quinto induco rationem illam, quia statim ac aliquis exit ex terminis sui territorii, desinit obligari lege territorii ad servandum proprium festum eius, nec ab hoc consideratur mora temporis, aut loci distantia, sed satis est, ut sit extra territorium: ergo eadem proportionem, ut obligetur lege alterius territorii satis est, ut intra illud verferet, nulla spectata temporis mora, nam debet esse proportio, & æqualitas in onere, & commodo, seu in suscipiendo uno iugo, & abiiciendo alio. Atque hinc potest ulterius argumentum sumi de his, qui nullum fixum habent domicilium, sed semper vagantur; & ideo vagi dicuntur, ut distinguantur a peregrinis habentibus alicubi proprium domicilium: illi ergo licet nunquam sistant per moram notabilem in uno, vel alio loco, sed semper huc, illucque discurrant, tenentur servare festa locorum, in quibus inveniuntur. Idemque est de similibus statutis, vel consuetudinibus; ergo & alii peregrini ad hoc tenentur. Paret consequentia, quia, quod hi habeant domicilium alibi, nihil obstat huic obligationi, cum eo ipso, quod extra domicilium sunt, non obligentur legibus eius; manent ergo æque liberi, & expediti, ut statutis aliorum locorum conformari debeant. Item e contrario, quia si peregrini non subiciuntur his statutis, quia nec sunt incolæ, nec veniunt illuc animo manendi per aliquod tempus notabile: etiam isti vagi non sunt incolæ, nec veniunt animo manendi, ut supponitur; ergo est eadem ratio. Dices, isti vagi, quia nullibi domicilium habent, censentur illud acquirere, quocunque veniunt, non sic alii. Respondeo: proprium domicilium revera non acquirunt, nec illud habent, cum nunquam habeant animum manendi, sed dicuntur acquirere domicilium quoad effectus necessarios ad bonam eorum gubernationem. Ita ergo peregrini, licet alibi domicilium habeant, tamen dum peregrinantur, perinde se habent quoad statuta domicili, ac si illud non haberent. Ergo quoad hunc effectum eadem est ratio de illis, ac de vagis.

20 Quod autem isti vagi obligentur, probatur primo, quia isti vagi non possunt aliter acquirere iura, seu effectus domicili: secundo, quia alias isti essent exempti ab omnibus statutis, & consuetudinibus episcopalis. Dices, nullum esse inconveniens, eum, qui nullum certum domicilium, nec durabilem habitationem habet, nullis consuetudinibus, aut statutis particularibus obligari. Sed revera est contra bonos mores talium personarum, & non posset esse sine perturbatione reipublicæ, & ideo merito possunt isti vagi coerceri a præfectis urbium, & a pastoribus ecclesiarum ad se conformandum loco, in quo sunt. Unde tandem confirmatur, quia alias contingeret, istos tam vagos, quam peregrinos per multos dies, & menses alicubi morari, & nunquam obligari ad servanda festa occurrentia in tali loco, & similia statuta. Sequela patet, quia si aliquis horum perveniat ad locum cum animo statim transeundi, non statim obligatur iuxta contrariam sententiam; ergo licet per occasionem differat discessum per unum, vel alium diem semper habens animum statim discedendi, nunquam obligabitur, quia semper est in transitu, ut enim dixit J. C. in leg. *Nihil interest*, 25. ff. de Capti, & postlimin. rever. *Oportet, ut ea mente venerit, ut non illo revertatur. Neque enim satis est, corpore quem domum rediisse, si mente alienus est.* Habens ergo animum transeundi, nunquam manet, etiam si diu corpore præsens sit, sed transit; ergo præsentia in transeundo non satis est ad obligationem, nec mora longa sufficit cum illo animo. Consequens autem est inconveniens morale, & contra pacem, & bonam gubernationem, & potest esse occasio multarum fraudum, & perturbationum. Ergo rectius, & securius dicitur, quamlibet præsentiam sufficere ad hanc obligationem, dummodo cum debita moderatione, & proportionem explicetur. Quod quidem si prudenter fiat, nec scrupulosa, nec nimis onerosa videri poterit hæc obligatio. Quomodo autem id fieri debeat, breviter in nostro casu explicabo, & inde facile poterit ad alias materias applicari.

21 Distinguenda ergo sunt duo, quæ ad observationem festi pertinent, & differentia inter ea est constituenda. Unum enim est positivum, scilicet audire missam: aliud negativum, scilicet abstinere ab operibus servilibus. Unde primum uno actu, & una particula diei impleri potest. Secundum vero habet tractum successivum per totum diem, & per modum negativi præcepti obligat semper, & pro semper intra illum diem. Hinc ergo facile intelligitur hanc posteriorem obligationem posse cadere in eum, qui pervenit ad talem locum, etiam si post horam sit discessurus, quia tenebitur pro illa hora non vacare operibus servilibus; statim enim ac transierit etiam eodem die ad locum, ubi tale festum non servatur, amplius non tenebitur ad servandum festum, ut per se clarum est. Et pro illa hora, vel parvo tempore vix potest esse obligatio gravis, saltem propter materiam levitatem: si tamen esset totum tempus ante, vel post meridiem, vel magna ejus pars, tunc censeri potest materia gravis. In quo etiam omnino cavendum est, ne saltem publice talia opera fiant, quia revera tunc maxime procedunt rationes factæ, & saltem scandali periculum vitari non potest; si quis tamen occulte, vel noctu aliquid simile faceret addictus primæ opinioni, non damnarem illum.

22 De auditione autem Missæ, quia brevi tempore impletur, dubitari potest, an eo ipso, quod aliquis est in loco aliquo per tempus sufficiens ad audientiam missam, teneatur illam audire, si potest. Nam videtur teneri ex rationibus factis, quia tunc obligatur præcepto de servando festo, & potest illud quoad hanc partem implere. Sed dico in primis, eum, qui agit iter per locum, ubi dies est festivus, etiam si illac transeat hora missæ, non teneri ad permanendum ibi pro tempore illo, ut audiat missam, nec cessare ab itinere, si alias non erat sibi opportunum, quia tunc nulla est ratio talis obligationis, ut est per se notum. Nec rationes supra factæ tunc habent locum, quia ille revera non est ibi, sed illac transit, nec obligatur ad ibi operandum aliquid, nec ad permanendum ibi aliquo tempore, quia præceptum de festo

Duo spectant ad observationem festi,

Ad posterius negativum non tenetur rationabiliter.

Antequam ad primum, quod est positivum.

Negativa pars vera est.

festio non obligat ad permanendum (ut supra dicebam) sed supposita permanentia obligat ad observationem, & ita procedunt rationes factæ. Et de his transeuntibus dixit in hoc sensu Navarr. *Solum transitum non ita obligare*, ut ex contextu est clarum. Deinde licet contingat, in illo loco quiescere tempore oportuno ad missam audiendam, si indiget illo tempore ad necessariam actionem pro itinere, nec potest audire missam, nisi a suo itinere retardetur, non credo teneri; nam procedit fere ratio proxime facta.

Quid si dormiat in loco, ubi sequens dies festus sit?

23 Eteadem ratione existimo, si dormiat in loco, ubi sequens dies festus est, non obligari ad audiendam missam, si statim perventurus est ad loca, in quibus festum illud non servatur, quia non potuit tam brevis, & transitoria mora inducere tantam obligationem cum incommodo itineris. Secus vero est, quando aliquis moratur toto tempore matutino in loco, ubi est dies festus, etiamsi alienigena sit, & a prandio sit discessurus, existimo enim, teneri ad missam audiendam, quia tunc habent locum iura, & rationes adductæ pro secunda sententia, quæ hoc etiam affirmat. Idemque dicendum censeo, si aliquis discedat summo mane ab illo oppido, ubi servatur festum, quod simili modo fervetur in toto illo territorio, per quod usque ad meridiem acturus est iter, nam procedit eadem ratio.

Regula generalis discernendi de mora.

24 Unde obiter colligi potest generalis regula pro discernenda mora necessaria ad hanc obligationem: nam si obligatio sit præcepti negativi, hæc semper urget pro rata temporis, quo durat præsentia in tali loco, quia præceptum æquali proportionem obligat pro toto tempore, & pro qualibet parte ejus. Si vero obligatio sit præcepti affirmativi, necesse est, ut quis sit in loco saltem pro toto illo tempore, quod ad implendum actum præceptum per se conceditur, quia alias præceptum non obligat talem personam, quia nec ratione domicilii, quod ibi non habet, agimus enim de peregrino, seu transeunte, non incolæ; nec etiam ratione præsentia, quia est in puro transitu, nec tunc habet locum ratio scandalii, nec alia ratio boni communis.

Solvitur argum.

25 Neque contra hanc doctrinam obstant in contrarium adducta. Ad 1. enim dico, esse quidem hoc aliquod onus, sed rationabile, & leve, quod facile, & sine scrupulis tolerari potest, si considerentur, quæ diximus. Ad 2. potius consuetudinem favere huic sententiæ, quia revera omnes timorati observant talia festa, & se sentiunt obligari. Ad 3. ex illo principio, quod parum pro nihilo reputatur, respondeo, quando res ipsa aliunde habet consummationem suam, licet parvo tempore durer, non esse parvam, dummodo durer, quantum necessarium est ad actum. Ut consensus pravus mortale peccatum est, etiamsi brevissimo tempore durer, & illa parva duratio non facit, ut res illa pro nihilo habeatur; & in præsentia materia, si quis discedat a suo oppido, statim ab exitu terminosejus, definit obligari statuto ejus ad festa servanda, etiamsi noctu reversus sit, quia adhuc non consideratur duratio, sed absentia; ita ergo est e contrario. Nec iura, quæ afferuntur, obstant; nam illa interpretatio unigeniti a Hieronymo tradita, & relata in dicto cap. *Nam & ego*, non est sine aliqua metaphora, & improprietate, ut notat Abbas in dicto capitulo *Nam & ego*, & ideo non potest ab illa sumi argumentum. Unde forte Salomon dictus est unigenitus, quia solus, vel primus ex legitimo matrimonio natus est; vel etiam quia quando natus est, jam prior erat mortuus, & sic parva duratio fratris dicitur ad hoc contulisse, quia jam ille non erat, at licet parvo tempore vixerit, vere filius, & genitus fuit. Sicut Pontifex electus, licet per horam tantum vivat, verus pontifex est, & in numero pontificum computandus, licet secundum æstimationem, & metaphoram habeatur, ac si non fuisset. In præsentia autem ad iudicandum de obligatione habenda est ratio veritatis, & durationis necessariæ ad tales effectus. Unde etiam dictum illud Gloss. in dicto capite *Ad nostram*, *Non dicitur factum, quod non durat*, in rigore non est verum, ut ex re ipsa constat, & exemplis adductis de consensu pravocito transeunte, & pontifice electo, & paulo post mortuo. Dictum ergo illud solum metaphorice quoad

aliquam considerationem sustineri debet, & præsertim in ordine ad præsumptionem, de qua in illo textu agebatur, scilicet de tacita professione, a qua statim quis resistit, nam præsumitur non consensisse; si autem consensit, nihil refert brevis durationis. Hic autem non de præsumptione agimus, sed de veritate, ad quam spectanda est mora sufficiens ad actum, & ad debitam conformitatem cum populo in observatione festi, major enim mora accidentaria est ad hunc effectum.

26 Ad ultimum de consuetudine Græcorum, & Latinorum, respondeo in primis ibi intervenire specialem rationem, quia ipsa ecclesia ita interpretata est illos ritus, & vult illo modo servari propter specialem rationem, quam attigimus in dicta disputatione quædragesima quarta, to. 3. Clarum est autem, quod si lex ipsa ita lata esset, ut explicaret, se velle obligare incolas terræ, & non alienigenas illuc venientes, tunc eos non obligari, hic autem agimus de lege, quæ indifferenter ponitur pro tali loco. Deinde addo, legem illam, vel consuetudinem, quoad ritus accidentarios in sacrificio servandos, non esse universaliter, & indifferenter propositam pro omnibus fidelibus, aut pro omnibus sacerdotibus, sed ecclesiam ipsam admittere in hoc magnā varietatem, sicut videbimus in multis cæremoniis, aliter monachos, aliter vero clericos celebrare. Neque hi obligantur illorum cæremoniis uti, neque e converso, etiamsi in aliorum locis, vel ecclesiis celebrent, quia ipsæ consuetudines non sunt locorum, sed (ut ita dicam) personarum, seu statuum, ac professionum: statuta vero, de quibus agimus, localia sunt, & de se ad omnes fideles cujuscunque professionis pertinere possunt.

Com Græ. cus non receatur ad latinos rum ritus quando inter eos est.

27 Ultimo tandem extendenda sunt, quæ diximus in his duobus punctis, ad festa generalia ecclesiæ, quando ex consuetudine in aliquo particulari loco ablata est obligatio, ut in invenione crucis, vel in festo Innocentium, aut aliis minoribus festis accidere diximus. Nam in his habent locum duo principia, quæ ex dictis colliguntur. Unum est, incolas illius loci, in quo præceptum illud derogatum est, si extra illam inveniantur, ubi præceptum suam vim retinet, non potest uti indulgentia sui loci, sed teneri ad servandum festum, siue ibi maneant, siue sint in transitu. Patet a fortiori; quia si in alio loco servaretur festum illud ex particulari lege loci, tenerentur illi alienigenæ se illi conformare, ut diximus; ergo a fortiori, si ex lege generali ecclesiæ ibi non derogata tale festum servetur. Sic dixit Felin. in dicto c. *Quod Clericis*, de For. comp. cum Cardinal. in Clem. *Dignum*, de celebrat. Miss. qu. 5. peccare Catalanum comedentem carnes Tolosæ die sabbathi, etiamsi in sua patria sine peccato posset eas comedere, quia extra locum consuetudinis non potest illa uti, ubi lex generalis in contrarium viget. Idemque dixit Navarr. capit. 23. numer. 120. de Castellano comedente extrema animalium in die sabbathi, dum per Lusitaniam, vel Navarram vagatur, ubi mos Castellæ non est receptus. Immo multi ex auctoribus, qui in legibus particularibus non censent, advenam transeuntem obligari ad earum observationem: nihilominus in generalibus id fatentur, etiamsi in patria hominis alienigenæ ex consuetudine non servantur. Quia leges illæ de se, & per se omnes obligant, & derogatio, quæ alicubi facta est per consuetudinem, est quasi affixa illi loco, nec extendenda est, cum sit odiosa. Neque se habet ut privilegium personale, quod cum persona incedat, quia nec isto modo introductum est, nec est ulla ratio, cur sic explicetur. Maxime quia ordinarie solent tales consuetudines introduci ex peculiaribus rationibus locorum, unde etiam pro solis talibus locis introducuntur, aut permittuntur.

Quomodo hæc extendenda ad festa generalia ecclesiæ.

28 Unde contraria sententia, quam Palaci. & alii nonnulli moderni docere ausi sunt, mihi non videtur practice secuta, quia nulla auctoritate, nec ratione satis probabili, nedum firma nititur. Ajunt enim, licet illud videatur privilegium, nihilominus eo gaudere, qui ad breve tempus foras exeunt redituri, quia fictione iuris habentur pro præsentibus. At enim cur non habentur etiam pro præsentibus quoad

In 4. d. 15. dist. 3. post. 6. cons. foliis 26. paragr. 2. vero.

quoad obligationem servandi statuta localia, vel consuetudines addentes obligationem? Contra rationem enim videtur, habere illos ut præsentem quoad consuetudines relaxantes jus commune, & non quoad honestas consuetudines addentes aliquid juri communi. Dicent fortasse, illum esse favorem, & ideo ampliandum, hoc vero esse onus, & quasi odium, & ideo esse restringendum. Ego vero potius relaxationem communis juris censeo esse odiosam, ideoque non esse extendendam, præsertim per solam fictionem juris. Maxime quia fictio juris non extenditur ultra casus in ipso jure expressos, vel eandem rationem habentes, quod de præfenti casu dici non potest. Denique contrarium est consuetudine receptum, & oppositum valde novum, & scandalosum apparet, si Mediolanensis, verbi gratia, qui Roman peregrinatur, velit ibi in quatuor primis feriis Quadragesimæ carnes comedere, quia (ut ajunt) Mediolani id consuetudine licet, & idem est in exemplis supra allatis. Quamobrem censeo, non esse contrariam sententiam introducendam.

29 Aliud vero principium huic correspondens est, incolam loci, in quo festum, vel aliud præceptum juris communis suam vim, & obligationem retinet, si perveniat ad locum, in quo ex consuetudine non obligat, etiam si transeundo tantum illic sit, non teneri pro tunc ad servandum festum illud, & idem est de jejunio, &c. Quod etiam est communiter receptum, ut patet ex Navar. Covar. & aliis supra citatis. Et colligitur plane ex sententiis Aug. supra adductis, quod potest quisque se conformare consuetudini populi, in quo invenitur, in his rebus, quæ per se mala non sunt. Ratio etiam proxime facta hic applicari potest, quia relaxatio illa juris communis, per consuetudinem facta in tali loco, introduxit ibi privilegium, quasi locale, ut eo utantur omnes, qui loco etiam utuntur, & in eo præsentem sunt. Nec oportet ibi fingere absentiam, eo quod ille habeat animum cito redeundi, quia hæc obligatio, vel excusatio non in fictione, sed in veritate fundanda est. Atque hoc etiam habet usus: nam Lusitani per Castellam transeuntes sine scrupulo vescuntur extremitatibus arietum in diebus sabbathi, & sic de aliis.

C A P U T XV.

An sit in ecclesia præceptum de missa in die festo audienda?

I D Uas partes, ut supra dicere cœpi, habet hæc obligatio servandi festa, una affirmativa est, alia negativa, in quibus substantia illius consistit, quæ jam a nobis explicanda est: hæc enim fere tantum ostendimus, præceptum illud esse, & simul attingimus causas ejus, & quas personas obliget. Hoc ergo cap. & sequenti explicabimus, ad quid obliget, seu quid agere præcipiat; postea vero dicemus, quid prohibeat.

2 Dico ergo primo: Hoc præceptum obligat ad audiendam missam integram in diebus festis, quæ sub præcepto observari præcipiuntur. Hanc conclusionem tractavi late in tertio tomo tertia part. tota disputatione ultima, & ideo hic brevissime rem totam perstringam, ad illum enim locum lectorem remitto. Conclusio ergo certissima est ex communi consensu, & traditione ecclesiæ: certum est enim, hoc præceptum non esse divinum, sed ecclesiasticum. Potest quidem probabiliter dici, jus ipsum divinum legis novæ obligare omnes Christianos, ut interdum divino sacrificio intersint, illudque per sacerdotem, & cum sacerdote offerant, quia lex colendi Deum per sacrificium quasi naturalis est; & hæc determinata est in lege gratiæ ad sacrificium missæ, & ideo ex vi institutionis illius divini sacrificii videtur sequi hæc obligatio, vel saltem quod sit divino juri valde consentanea, ut dicta disputat. sectione 2. dixi. Nihilominus quod hæc actio exercenda sit in singulis diebus festis, audiendo integram missæ officium, de jure ecclesiastico est, tum quoad aliquam institutionem, nimirum orationum, & aliarum caeremoniarum, quæ in missa sunt, quæ

Suarez Tom. XII.

sunt ex institutione ecclesiæ, præter substantiam sacrificii; tum quoad præceptum de tali actione, quia Christus nunquam hoc determinavit ad tales dies, nec ad determinatum tempus. Ecclesia ergo hoc determinavit.

3 Sed quæres, ubi, & quando? Quidam censent, Ubi & quando sit hæc obligatio imposita. non inveniri hoc præceptum in jure scripto: quia solum invenitur in capite *Missæ*, de Consecratione distinctione prima. Et illud nec est Concilii universalis, sed provincialis, nec loquitur de omnibus festis, sed de dominica, nec ad omnes fideles, sed tantum ad seculares. Non multum autem refert, an hoc præceptum sit satis expressum in aliquo Canone scripto, cum de universali traditione, & consensu ecclesiæ constet. Dico vero, hanc ipsam consuetudinem esse optimam interpretem juris scripti, & ita etiam contineri hoc præceptum scriptum in citato Decreto. Nam in primis licet illud sit Concilii Agathensis provincialis, tamen illud universa ecclesia acceptavit. Adde etiam sufficienter haberi in sexta Synodo, capit. octavo, quod non est ex Trullanis Canonibus, sed ipsius Concilii generalis, ibi autem dicitur, esse licentiam iteragendi in die dominico, *dummodo missa non omitatur*, quam prius audiendam esse dixerat; docet ergo hoc esse sub obligatione. Deinde jam supra dictum est, dies festos esse æquales quoad obligationem præcepti: unde, quod statuitur de dominica, intelligitur esse statutum de omnibus festis, sed nominatur dominica, quia est veluti generale festum in quo sit prima determinatio temporis deputati ad divinum cultum secundum se, ut supra explicatum est. Unde in eodem Concilio Agathensi capite vigesimo primo supponitur, in omnibus festivitatibus esse missam audiendam, tamen in solenniioribus esse ad communem parochiam accedendum cap. *Siquis*, eadem distinct. 1. de Consec. idem in cap. *Quando*, & in capit. *Qui die solenni* ex Conciliis Aurel. & Carthag. Sermo etiam est generalis, & de tempore diei solennis, id est, festivi, in quo fideles debent ad missas convenire, & inde non discedere, donec a sacerdote benedictionem accipiant, & in eadem distinctione sunt alia decreta hoc explicantia, ut videbimus. Et in Concil. Tribur. cap. 35. expresse dicitur, in diebus dominicis, & Sanctorum festis omnes Christianos debere ad missas convenire. Quod ergo de dominica præcipitur, ad omnes dies festos extenditur; qui autem sint hi dies festi, breviter perstrinxi in dicta disput. sectio. 4. multo vero distinctius in superioribus capitulis. Et ex utroque loco constat, hanc obligationem non extendi ad dies profestos, quia nullum est de hoc præcepto ecclesiasticum. Denique quod in illo decreto sæculares exprimantur, non refert, quia non est factum ad limitandum, sed ad augendum, seu ad ostendendum generalitatem præcepti, ita ut subaudiendum sit, *etiam seculares*: nam clarum est, religiosos, & ecclesiasticos magis ad hoc obligari, & hoc etiam interpretatur consuetudo, & alia jura, ut late dixi in dicta disput. sect. 3. ubi de personis, in quas hoc præceptum quoad hanc partem cadit, tractavi.

4 Adde vero propter alteram partem interrogationis, hoc præceptum antiquius esse, quam Agathense Concilium: hoc enim post quingentos fere annos post Christi ortum coactum est, traditio autem agendi diem festum per sacrificii eucharistici communem obligationem, ad quam omnes Christiani convenire debent, longe est antiquior, & a tempore Apostolorum incepisse videtur. Nam in Canone 10. Apostolorum, & capitul. *Omnes fideles*, de Consecrat. distinctione prima supponitur hic mos, & præcipitur, ut fideles non discedant ab his sacris conventibus ante communionem. Clarius Clemens lib. 5. Constit. cap. ultimo in fine *Cunctis* (inquit) *dominicis diebus conventus ecclesiasticos celebrantes, letitia fruimur*; & lib. 7. cap. 37. *Die Resurrectionis Domini, quem dominicum dicimus, convenite sine ulla conventus intermissione ad agendum gratias Deo, &c. ut sit sacrificium vestrum reprehensione careat, sitque Deo acceptum, & gratum, qui de ecclesia sua æconomica dixit, in omni loco offeratur mihi sacrificium mundum, &c.* Ex quibus locis Clementis intelligi potest, quoties antiqui Patres

M do.

Non teneri peregrinum ad festum generale, si sit ubi non celebratur. Petr. Ledit. de Matrim. q. 45. art. 5. punct. 3. dub. vult.

Proponitur quæst.

Præceptum hoc ad audiendam missam obligat.

Utrum sit de jure divino.

Antiquius audientiam missam festo.

docent, festa, & solennitates ecclesiasticas celebrandas esse a fidelibus, præcipue loqui de celebratione per missæ sacrificium, & in hoc ponere quasi substantiam huius celebritatis. Unde Justin. in Apol. 2. pro Christian. in fine describit modum, quo antiqui fideles in diebus dominicis ad missas audiendas convenire solebant. Quem morem tempore etiam Hieronymi fuisse, satis ipse indicat in Epitaphio Paulæ Epist. 27. ad Eustoch. capit. 10. dum ait, Paulam cum virginibus solitam fuisse diebus dominicis ad ecclesiam procedere, utique ad missam audiendam: nam illo die solitam esse celebrari, idem tradit in Epist. 53. ad Ripar. contra errores Vigilantii capite 4. Unde Augustinus sermone 215. de Tempore ad omnes fideles ait: *Omni die dominico ad ecclesiam convenire, si enim infelices Iudei tanta devotione celebrant sabbatum, quanta magis Christiani in die dominico soli Deo vacare, & pro animæ suæ salute debent ad ecclesiam convenire; & serm. 251. in dominica, & solennitatibus festorum soli Deo vacandum esse dicit, & vesperi etiam esse orandum, in die vero (subjungit) nullus se a sacra missarum celebratione separet.* Itaque constat, traditionem hanc ecclesiasticam longe antiquiorem esse Concilio Antiocheno, & ex modo, quæ a Patribus commemoratur, non obscure colligitur fuisse introductam, ut necessariam ad festorum observationem, & debitum Deo cultum, licet forte rigorosa oblatio præcepti non fuerit in principio tam clare proposita, sicut fuit postea, quod ad præsens ecclesiæ statum non multum refert.

Præceptum
missæ sub
mortali
obligat.

5 Secundo ergo dicendum est, hoc præceptum obligare ex genere suo sub mortali culpa, eamque committi per voluntariam missæ omissionem in die festo, etiam si non ex consuetudine, vel contemptu omittatur, sed semel tantum, an iterum, nisi excusatio sufficiens interveniat. Conclusionem hanc late probavi in dicta disputat. sectio. 1. Ubi retuli nonnullos auctores dicentes, non esse peccatum mortale transgressionem huius præcepti, nisi ex contemptu fiat, per contemptum autem consuetudinem interpretantur. Sed assertio est omnino vera, & communis, ut patet ex Palud. 4. d. 15. q. 5. art. 1. Anton. 2. p. tit. 2. c. 10. §. 1. Sylvest. Ver. *Missæ*, 1. q. 1. ubi dicit, pene omnes hanc sententiam tenere. Item Panor. in cap. 1. de Vir. & honest. cler. num. 8. Lapus allegat. 58. Navar. cap. 21. num. 2. Cajet. in Sum. Ve. *Festorum violatio*, Sor. in 4. d. 13. quest. 2. art. 1. Abulens. Exod. 20. quest. 13. Ratio a priori est, quia præceptum hoc pertinet ad virtutem religionis, quæ ex suo genere gravissima est, & missæ sacrificium est etiam materia satis gravis, ut dicto loco satis ostendi, & variis exemplis confirmavi. Nunc solum addo, quod si una transgressio huius præcepti voluntaria non est peccatum mortale, nec ratione consuetudinis esset culpa mortalis, quia plura peccata venialia non efficiunt unum mortale, nec sola consuetudo sufficit, ut quod ex illa fit, censetur fieri ex contemptu: alias mentiri ex consuetudine esset mentiri ex contemptu, & consequenter esset peccatum mortale, quia quodlibet peccatum, licet per se leve sit, si fiat ex contemptu, est mortale. Immo transgressio regulæ non obligantis ad culpam, vel ommissio consilii, si ex contemptu fiat, censetur communiter esse mortale peccatum, de quo latius agitur in materia de Legibus, ubi explicatur, quid sit contemptus, quod nec facile, nec breviter fieri potest. Est tamen ab hoc proposito alienum, quia frustra hic postulatur contemptus ad gravitatem transgressionis: alias præceptum de missa audienda in die festo non esset proprium, & rigorosum præceptum, quod dicere erroneum est. Sequela patet, itum quia peccare ex contemptu non accidit tantum contra præcepta, sed etiam contra consilia, quia tunc actio, vel ommissio non accipit suam malitiam ex transgressionem regulæ, cui per se opponitur, sed ex contemptu, qui est per accidens: tum etiam quia, si est rigorosum præceptum, transgressio illius satis deliberata non potest esse venialis, nisi ex levitate materiæ: materia autem tota huius præcepti non potest dici levis sine magno errore.

6 Propterea enim additum est in assertione *ex suo genere*: per quam particulam significari solet, si peccatum

sit consummatum, & integrum in tali specie, esse mortale, posse tamen esse veniale ex levitate materiæ, quod etiam in præsentem verum est; nam licet non audiat integræ missæ, si pars, quæ omittitur, levis est, peccatum non erit mortale, sed veniale, sicut in aliis præceptis vulgare est. Quando autem pars missæ ommissa censenda sit levis, in dicta disput. sect. 2. sufficienter explicui; ubi etiam declaravi late, quænam missa sit audienda, ut præceptum integre impleatur. Et in sect. 3. addidi, quid sit audire illam, & qua attentione audienda sit, ut præceptum integre, vel sufficienter fervetur. Denique addidi in assertione, *nisi excusatio sufficiens interveniat*, quia omnia præcepta positiva hanc patiuntur exceptionem, & multo facilius, quando humana sunt; quibus autem ex causis possit hæc excusatio provenire, tractavi late in dicta disp. sect. 6.

7 Unum vero superest explicandum circa tempus, pro quo obligat hoc præceptum; nam quoad hanc partem affirmativum est, cuius natura est, ut licet obliget semper non pro semper: ergo cum proportionem participat hoc præceptum hanc conditionem; nam obligat semper in die festo, donec impleatur, non tamen pro toto die, nec pro qualibet parte ejus. Dubitari ergo potest, quomodo assignandum sit certum tempus, pro quo obliget. Cui dubitationi non satisfaciatur, qui dixerit, obligare pro toto tempore ante meridiem, quia in toto illo potest præceptum impleri, & non extra illud, quia solum illud est ad dicendam missam deputatum. Non, inquam, hoc satisfacit omnino; tum quia etiam illud tempus est indefinitum, & non pro toto illo obligat præceptum, sed pro quadam parte illius satis brevi, & de illa querimus, quomodo designanda sit; tum etiam quia ad hoc præceptum est quasi per accidens, quod missæ dicantur tantum in tempore matutino. Nam si missa vel ex occurrence occasione, aut necessitate, vel ex consuetudine recepta, & approbata, vel ex privilegio *dicti* posset hora secunda, vel tertia pomeridiana, satisfaceret huic præcepto, qui usque ad illud tempus auditionem missæ differret. Igitur præceptum de se indifferenter obligat ad audiendam missam in qualibet parte temporis illius diei, in quo inveniri possit. Unde, si in pluribus horis ejusdem diei festi missæ copia possit haberi, liberum homini relinquitur, ut, in quacumque hora velit, possit præceptum implere. Et tunc, quamvis horam anticioret, pro qua nondum præceptum urget, sufficientissime illud implet, neque oportet tunc assignare tempus illud, pro quo præceptum obliget, quia jam tempus illud quasi prævenit, ut sic dicam. Si vero auditio missæ dilata est usque ad ultimam horam diei, in qua potest missæ copia inveniri, pro illa hora urget jam hoc præceptum: quia est quasi ultimus terminus obligationis, extra quem impleri non poterit: neque aliter potest certum aliquod tempus, pro quo obliget hoc præceptum, determinari.

8 Unde inferitur, posse hoc præceptum impleri statim post mediam noctem, si tunc missa dicatur, ut notat Sylvest. Ver. *Missæ*, 2. q. 1. quia jam auditur missa illo naturali die, & hoc tantum præcipitur. Et similiter e converso sequitur, quod ubicumque possit dici, & de facto dicenda sit in aliqua hora post meridiem, non teneatur quis audire missam antea, etiam si possit, quia talis determinatio in ipso præcepto formaliter non continetur, neque ex vi, & forma præcepti affirmativi colligi potest. Et eadem ratione e converso, si alicubi missa tantum dicenda sit hora 8. vel 7. vel alia antecedente matutina, ibi, & in tali die obligare præceptum pro tali hora, & non posse aliquem licite, nec bona fide tunc scienter eludere præceptum, non audiendo missam illa hora eo prætextu, quod præceptum non obligat pro tali hora, sed absolute pro toto tempore matutino, ideo posse illius executionem licite differre usque ad meridiem; quod si tunc missa non invenitur, esse per accidens, & inducere excusationem: est enim vanus prætextus, quia præceptum non concedit positive, ut sic dicam, ut toto tempore ante meridiem possit differri missa, sed simpliciter præcipitur, ut illo die audiatur, & consequenter virtute conceditur, ut possit differri, quandiu copia illius expectatur intra totum illum diem: quando vero jam futura non spectatur,

omittatur, est veniale tantum.

ratur, præceptum jam pro tunc obligat, & ideo non habet locum excusatio. Unde etiam fit, ut teneatur homo prævenire, & audire missam, quamprimum potest in illo die, si probabiliter timet superventurum impedimentum, ratione cuius non possit post talem horam missam audire, etiam si alias defutura non sit; quia, ut dixi, præceptum simpliciter obligat ad missam audiendam in illo die, & tunc non potest aliter impleri, nisi audiendo missam in illa hora: nam hic, & nunc, & in tali persona illa est quasi ultima hora diei apta ad implendum præceptum, in qua, & pro qua præceptum obligat. Et in hoc omnes Doctores conveniunt, & consuetudo ita declaravit præceptum, neque esse potest ulla dubitandi ratio.

9 Atque hinc tandem fundari potest, quod supra in fine capit. 13. huc remisimus circa sententiam Navarri dicentis, in festo locali alicujus oppidi teneri incolam illius loci, quem dies festus ibi reperit, priusquam inde discedat, vel ad laborandum in vicino oppido, ubi festum illud non servatur, vel ad iter agendum, audire missam, etiam si post brevissimum tempus futurus sit extra territorium illius oppidi, pro quo solo obligat illud præceptum. Cujus rei rationem his brevissimis verbis reddit Navar. quia dies festus, ubi ipsum deprehendit, ad hoc ipsum obligavit. Posteriores vero Summistæ nullam rationem reddunt: nec in illis verbis explicatur, quid sit, cur ita obliget tunc præceptum, quandoquidem ejus obligatio non durat pro toto die, quia non obligat, nisi in illo territorio, & talis persona non est futura intra illud toto die, immo nec toto matutino tempore, & licite, ac sine peccato discedit, quia præceptum non obligat ad permanendum ibi toto die, ut supra dictum est. Unde non desunt moderni scriptores, qui probabilem sentiant oppositam sententiam, scilicet posse in eo casu incolam discedere, non audita missa, quia præceptum non obligat pro illa brevi hora matutina, & postea cessat omnino ejus obligatio. Quod si objicias, præceptum obligare ad præveniendum, ut diximus. Respondent, id esse verum, quando obligatio præcepti duratura est eo tempore, quo superventurum est impedimentum: nam tunc revera homo obligatur præcepto, & licet possit excusari per superveniens impedimentum, illa tamen excusatio non habet locum, quando impedimentum fuit prævisum, & potuit præveniri per actum simpliciter præceptum illo die. At vero in altero casu non ita est, quia præceptum in re ipsa non obligat pro toto matutino tempore, & ita postea non intervenit excusatio, sed totalis ablatio obligationis, qualem homo non tenetur prævenire.

10 Sed hoc licet ingeniose excogitatum sit, nihilominus non videtur admittendum; tum quia in re practica, & morali non est facile recedendum a communi sententia; tum etiam quia hæc videtur esse consuetudo populorum, quæ pia est, & sancta, & non expedit, occasionem præbere oppidis ad minuendum suorum festorum cultum: tum denique quia ex dictis colligitur sufficiens ratio; nam hoc præceptum, quatenus affirmativum est, nec requirit, nec concedit aliquam certam temporis latitudinem, pro qua possit ejus observantia differri, sed obligat, ut, quamprimum possit, impleatur, si postea implendum non est, nam hæc est vis, & natura præcepti affirmativi, si in illo aliud non exprimitur. In hoc autem præcepto audiendi missam in die festo nihil aliud exprimitur, sed simpliciter imponitur obligatio: postquam ergo hæc obligatio comprehendit personam, implenda est, quamprimum possit; neque potest excuti, ut sic dicam, per solum voluntarium discessum, nisi prius impleatur. Et in hoc, ut supra dicebam, est magna differentia inter præceptum affirmativum, & negativum circa diem festum, quia negativum obligat pro toto tempore diei, & in singulis partibus ejus pro illis tantum impletur, & non pro aliis; & ideo potest servari in oppido pro illo tempore, quo ibi permanetur, & pro altera parte ejusdem diei extra territorium non servari; præceptum autem affirmativum præcise obligat ad unum actum, & per illum impleri debet, quamprimum possit, si postea cessaturum est. Ne-

Suarez, Tom. XII.

que illa tunc est proprie præventio, sed est solutio obligationis, quæ pro tunc urget eo ipso, quod amplius duratura non est. Et ita parum refert differentia assignata inter excusationem, & carentiam obligationis.

11 Posset tamen sententia Navarri juxta vim nostræ rationis non improbabilius limitari, ut locum habeat, quando potest quis in eo casu hora matutina missam audire, priusquam in aliud oppidum ad laborandum illo die discedat, nam tunc procedit maxime ratio facta, quam hoc modo etiam consuetudo confirmare videtur. At vero si toto illo tempore missa ibi non diceretur, quam posset homo audire, expectandum illi esset ibi usque ad meridiem pro missa audienda; at durum videretur hanc obligationem imponere, quia præceptum per se non obligat ad permanendum ibi, quia ratio præcepti negativi ad hoc non obligat, ut omnes supponimus; ergo nec ratio præcepti affirmativi: sed pro illo tempore, pro quo obligavit personam ibi existentem, per illam non stetit, quominus illud impleat, ut in casu supponitur; ergo non apparet, unde obligari possit ad expectandum ibi usque ad meridiem. Nec videtur hoc esse contra intentionem Navarri, & aliorum, cum enim dicunt: posse iri ad laborandum audita missa, supponere videntur, hanc conditionem debere esse ita possibilem, ut moraliter non destruat priorem partem, ut fere destrueretur, si illa conditio cum majori rigore esset exigenda. Accedit etiam, quod per modum excusationis potest hoc frequenter honestari, quia ordinarie casus hic solum habet locum in pauperibus, qui non videntur cum tanto gravamine obligandi, ut labore suo, vel majori parte ipsius priventur, propter expectandam missam, quando ad horam tantum obligantur, & per illos non stat, quominus tunc audiant. Sed nihilominus in eo casu maxime cavendum est scandalum, & consulenda, ac servanda est consuetudo, & si circa hoc fuerit aliqua Episcopalis, seu Synodalis constitutio, observanda etiam est.

C A P U T XVI.

An in die festo alia actiones sacra sint in præcepto.

1 **R**egula generalis est, hoc præceptum colendi Deum in die festo, quatenus affirmativum est, non obligare ad exercendum intra illum diem alium actum divini cultus sive internum, sive externum, præter missam. Assertio est communis, præter paucos auctores in uno, vel alio puncto, quod statim indicabo. Ratio autem unica est, quia ecclesia nihil aliud præcepit, quia nec scriptum invenitur tale præceptum, nec traditione, seu consuetudine habetur, & qui oppositum senserit, oportet, ut alterutrum horum ostendat; melius autem hoc probabitur discurrendo per alias obligationes illius diei, quæ vel ab aliis assertæ sunt, vel excogitari possunt.

2 Prima exceptio, & singularis est de die paschatis, in qua obligamur ad communicandum, qui est actus religionis, & ad cultum Dei spectans. Adde, in Can. 10. Apostolorum dici, communionem privandos esse illos, qui in solennitatibus sacris ab ecclesia discedunt, antequam missa peragatur, & sanctam communionem percipiant. Sed hoc non est ad rem, quia illa obligatio non est ex vi præcepti observandi festum, sed ex vi alterius præcepti, cui accidentarium est, quod tempus illud, pro quo actus præcipitur, feriatum sit. Unde, qui non communicat illo die, si missam audit, nullo modo peccat contra hoc præceptum, sed contra aliud. Adde, jam illud præceptum non esse determinatum ad diem festum: nam potest in diebus profectis antecedentis, sequentisque hebdomadæ sufficienter impleri. Multo vero magis consuetudine sublatum est id, quod de communionem videretur fuisse ordinatum, in illo Canone Apostolorum, si in hunc modum intelligatur; habere enim potest alios sensus, ut in 3. tom. 3. part. disp. 69. sect. 3. circa finem diligentius pertractavi.

Hoc præceptum, quatenus affirmativum est, nihil ultra jubet.

An ad hoc spectet communicatio in die paschatis.

Siene præceptum orandi in festo.

3 Secunda instantia esse potest de actibus orationis distinctis a missa: nam in jure distincte hæc præcipiuntur, in dicto enim cap. 8. sextæ Synodi dicitur: *Diei dominici tantum debet esse observantia, ut præter orationes, & missarum solennia, & ea, quæ ad vesendum pertinent, nihil aliud fiat; & infra in necessitate datur licentia iter agendi: ita duntaxat, ut hujus occasione missæ, & orationes non prætermittantur.* Ergo orationes sub eadem necessitate, qua missa constituuntur. Quod autem illæ orationes a missa distinctæ esse debeant, patet, tum ex accurata numeratione illarum, ut distinctarum; tum ex eo, quod missa partem diei partem occupat, orationes pro toto illo die imponuntur. Ad hoc etiam facit, quod in Concilio Triburi. sub Arnulpho cap. 35. dicitur: *Diebus dominicis, & Sanctorum festis, vigiliis, & orationibus insistendum, & ad missas cuilibet Christiano cum oblationibus est currendum.* Multaque similia leguntur in Concil. Matifcon. 1. cap. 1. Atque in hanc partem videtur inclinare Abulens. quæst. 13. in cap. 20. Exod. nam reprehendit eos, qui dicunt, hoc præceptum solum obligare ad vacandum primitive a laboribus corporalibus, non vero ad vacandum positive Deo per orationes, &c. Inferius autem videtur id limitare, dicens, *per orationes, vel missæ auditionem.* Sed nec illa disjunctio est necessaria, quia præceptum definite est de missa audienda, & de oratione, quam intrinsece includit, cum attente auditur, & non de alio actu.

Pars negativa approbatur.

4 Dicendum ergo est, hoc præceptum non obligare ad alias orationes fundendas in die festo, præter eas, quæ in missa dicuntur, assistendo, & attendendo ad illas. Hoc patet ex usu ecclesiæ, & ex d. Can. *Omnes fideles*, qui est decimus Apostolorum, per quem interpretandum est c. 8. 6. Synodi; dicitur enim ibi: *Omnes fideles, qui conveniunt in solennitatibus sacris ad ecclesiam, & Scripturas Apostolorum, & Evangelium audiant, qui autem non perseverant in oratione, usque dum missa peragatur, &c. communione privari:* ex quibus verbis constat, non præcipi alias orationes ex vi hujus præcepti, præter illam, quæ in missa fit, in qua jubentur fideles perseverare, quia cū debita attentione debent illi assistere. Possuntque, si velint, alias orationes privatas pro sua devotione ibi dicere, ut in alio loco ostendi, non tamen tenentur, sed attendendo orationibus sacerdotis præcepto satisfaciunt. Extra tempus autem missæ non tenentur aliis publicis orationibus ecclesiæ, seu horis canonicis assistere, ut infra tractando de horis canonicis videbimus. Nec etiam tenentur privatas orationes domi, aut in ecclesia dicere: quia, licet hoc optimum sit, & consulendum, non est positum sub obligatione præcepti. Cujus signum etiam est, quia præceptum positivum de aliquo actu exercendo, semper datur de actu, & duratione determinata, ecclesia vero nullum orationis tempus præscripsit fidelibus pro die dominico, aut festo extra missam, nec, quid orare debeant, determinavit, nullum ergo est tale præceptum. Canones ergo, qui de orationibus loquuntur, vel intelliguntur de orationibus, quæ in ipsa missa fiunt, vel si de aliis intelligantur, continent consilium, non præceptum, aut certe indicant tantum finem præcepti, ut dixit Sylvest. verb. *Dominica*, q. 6. qui finis non cadit semper sub præceptum, juxta doctrinam communem D. Thom. 1. 2. quæst. 100. art. 9.

Obligatur ne fideles ad concionem in festo.

5 Tertia instantia esse potest de auditione sacræ concionis. Videntur enim obligari fideles ad audiendam concionem in die festo, quando in publico ecclesiæ conventu fit: dicitur enim in Concil. Carthag. 4. c. 24. *Sacerdote verbum Dei in ecclesia faciente, qui egressus de auditorio fuerit, excommunicetur, c. Sacerdote, de Consecrat. dist. 1. & in c. Omnes fideles ex dict. Can. 10. Apostolorum dicitur, debere fideles, qui ad missas conveniunt, Sanctas Scripturas audire.* Accedit, quod teste Augustino lib. 50. Hom. hom. 26. non est minus verbum Dei, quam corpus Christi: & habetur in c. *Interrogatio*, 1. quæst. 1. unde ipse infert, non minus reum esse, qui verbum Dei negligenter audierit, quam qui corpus Christi indigne tractaverit; ergo similiter non minus reus erit, qui concionem non

audierit, quam qui missam omiserit. Præterea, pabulum verbi Dei maxime est fidelibus necessarium, ut dicitur in c. *Inter cetera*, de Offic. ordin. ex Concilio Lateran. sub Innocentio III. cap. 10. ergo non minus, sed magis debet, quam missa præcipi. Propter quod aliqui Doctores dixerunt, in die festo præferendam esse sacram concionem missæ, si utraque simul audiri non possit. Denique in Concilio Trident. sessione 24. c. 4. de Reform. sic dicitur: *Maneat episcopus populum diligenter, teneri unumquemque parochiæ sue interesse, ubi commode id fieri potest ad audiendum verbum Dei.* Est ergo hoc in præcepto.

6 Dico tamen, nullum esse præceptum, quod obliget in rigore, ac per se ad audiendam concionem in die festo. Ita supponunt ut clarum Doctores omnes, & constat ex communi usu, & sensu fidelium. Item, quia nullibi extat hoc præceptum. Præterea, est optimum argumentum, quia si fideles tenerentur audire concionem sacram, pastores ecclesiæ tenerentur providere, ut omnibus diebus dominicis, & festis fieret concio in ecclesia. Pastores autem ad hoc non tenentur, nec de facto ita fit; ergo. Dices, obligationem fidelium esse, ut concioni assistant, si fiat; quæ obligatio potest consistere, etiam si concio nec semper, neque ex obligatione parochorum fiat. Respondeo, gratis affirmari illud primum, quia nullibi extat tale præceptum conditionatum, nec solet ab ecclesia ita poni: & ratio declarat, quod si oportuisset imponere populo obligationem audiendi concionem, cum sit, majori ratione fuisset sacerdotibus imponenda obligatio illam faciendi vel semper, vel pro aliquibus determinatis diebus.

Non esse in præcepto concionem.

Objeccio

Solvitur

7 Dices, ita esse impositam per Concilium Trident. sess. 5. c. 2. & sess. 24. c. 4. de Reform. Præcipit enim episcopis, & inferioribus pastoribus, seu parochiis, ut saltem in omnibus dominicis diebus, & solennioribus festis populis suis per se, vel per alios prædicent verbum Dei. Respondeo, pastores ecclesiæ ex officio teneri ad prædicandum verbum Dei, & docendum, ac instruendum, & excitandum populum: hanc ergo obligationem ibi Concilium proponit, & quia de se non habet tempus definitum ex divino jure, neque ex antiquis canonibus, ut frequentius executioni mandetur, determinat, ut saltem diebus dominicis, & solennioribus festis hoc faciant. Non tamen videtur tam rigore, ac præcise id præcipere, ut peccare graviter censeantur, si interdum, vel sæpius illud omitant, quia non utitur Concilium verbis tantam obligationem indicantibus; sed mandat, ut id faciant illis diebus, & aliis per Quadragesimam, & Adventum, *Si ita oportere duxerint*, ut ibi additur, & alias quævis cumque id opportune fieri posse judicaverint. Debent ergo pastores hoc officium non negligere, & curare, ut diebus illis, quantum commode fieri possit, verbum Dei populo prædicetur: pro singulis tamen dominicis, & festis non est rigorosum præceptum, ut etiam consuetudo interpretatur. Et hoc satis est, ut ex parte fidelium non sit talis obligatio audiendi concionem singulis festivitibus. Immo sæpe teneri poterunt pastores ecclesiæ ad prædicandum, & nihilominus ipsi fideles non tenentur ad audiendum ex generali præcepto positivo, sed unusquisque potest consulere conscientiam, ut juxta necessitatem suam se sentiat obligatum, aut immunem. Obligatio enim pastoris respicit totum populum, qui semper indiget verbo Dei, licet non singuli de populo æque indigeant, obligatio autem fidelium ad audiendum est singularis, & personalis uniuscujusque respectu sui ipsius, & ideo nec est ita generalis de se, nec habet tam certam temporis determinationem, sicut alia.

8 Ad illud ergo caput *Sacerdote*, respondetur imprimis, non esse Concilii Generalis, sed provincialis: deinde, cum non dicat, *Excommunicatus sit*, sed *excommunicetur*, videtur magis positum ad terrorem, & comminationem, quam ad proprium præceptum, saltem quod sub mortali obliget. Præterea, ibi non præcipitur fidelibus, ut audiant, sed, *ut sacerdote concionante, nemo egrediatur.* Si ergo antequam inciperet concionari, quis egrederetur, non ageret contra illum.

Explicatur capitulum ejusdem verba.

illum Canonem, qui propter vitandam perturbationem, & scandalum mandat, ut dum sit concio, nemo egrediatur. Et ita Angel. verb. *Ferie*, num. 44. textum illum intelligit de eo, qui egreditur cum contemptu, vel scandalo. Denique licet in eo loco, vel tempore fortasse fuerit illud statutum necessarium propter vitandam aliquam pravam consuetudinem, nunc de illa re nullum est peculiare præceptum, præter id, quod naturalis ratio de cavendo scandalo, & publico impedimento verbi Dei, dicitur. Adde etiam, nunc posse prælatum monere eum, qui aliquo modo in hoc perturbat ecclesiam, vel est negligens in audiendo verbo Dei cum publico scandalo, & præcipere, ut audiat, & excommunicare, si sit contumax: tamen hoc neque pertinet ad præceptum de servandis festis, neque de facto est in præcepto iure ipso lato, licet per homines possit imponi. Aliud vero caput, *Omnes fideles*, non videtur loqui de concione, sed de lectione sacræ Scripturæ, id est, epistolæ, & evangelii, quæ in missa recitari solent. Unde in textu Gratiani additur, *Scripturas Apostolorum, & Evangelium audiant*, quæ verba per paraphrasim aucta videntur: nam in originali non habentur illa duo verba *Apostolorum, & Evangelium*. Adde, ibi non præcipi, ut audiant, sed ut illi, qui audiunt lectionem sacram, non egrediantur, vel abeant, antequam sacrum officium compleatur propter inquietudinem, & scandalum vitandum. Unde sic concluditur, *Velut inquietudines ecclesie commoventes, convenit communionem privari*, unde videtur Canon ille editus contra aliquos, qui ex aliqua perturbatione, aut falso ritu volebant cum aliis in oratione, & sacris communicare, sed tantum in Scripturis audiendis, ut in d. tom. 3. d. 69. sect. 3. circa finem dixi.

Explicatur Augustinus.

9 Ad Augustinum respondeo, non loqui de verbo Dei ratione sensibilis soni, sed ratione veritatis æternæ, & necessariæ ad salutem, quam proponit, ut recte notavit Bellarmin. lib. 2. de Euchar. c. 24. circa finem: & ita non posse inde inferri obligationem audiendi corporis aure verbum Dei, sed de obligatione corde recipiendi illud, quando fuerit ad salutem necessarium. Et ita dixit Augustinus. curandum esse, ut verbum Dei, *De corde puro non pereat*. Et licet inde possit colligi, interdum esse necessarium corpore audire verbum, ut mente possit veritas ejus retineri, non tamen potest inferri, necessarium esse, ut id fiat diebus festis, nec quod illa necessitas pertineat ad hoc præceptum de festorum observatione. Et hæc tantum necessitas ex aliis iuribus probatur, & non alia, quæ oritur ex speciali præcepto, quia hæc non est imposita. Nec habet eandem rationem cum missa, quia cultus Dei per sacrificii oblationem æque pertinet ad omnes, & ideo omnibus debuit imponi præceptum missæ; necessitas autem audiendi verbum Dei non est æqualis in omnibus, nec est propter se, sed propter tollendam ignorantiam: & ideo non præcipitur omnibus generaliter; sed iudicatum est sufficere, ut ex parte ecclesiæ, & pastorem ejus verbum Dei non desit, & ut invitentur fideles ad illud audiendum, quia non debent omnia sub rigore præcepti constitui.

Non re-
linquenda
missa pro-
pter con-
cionem.

10 Quapropter probanda non est illa sententia, quæ præfert auditionem concionis auditioni missæ in die festo: nam per se loquendo contrarium est omnino verum, & certum, ut dixi in dicto tom. 3. disp. ultim. sect. 1. in fine, quia præcepta præferri debent consiliis, ut ibi latius explicui. Denique ad Concilium Trident. respondeo, cum ipsummet addiderit, teneri, *ubi commode id fieri potest*, satis declarasse, non loqui de rigorosa præcepti obligatione, unde sessio. 22. cap. de observandis in Missa, ait: *Moneant episcopi populum, ut frequenter ad suas parochias saltem diebus dominicis, & majoribus festis accedant*: quæ verba satis ostendunt, hoc non esse necessitatis, sed congruitatis. Dico præterea, fortasse Concilium non loqui de obligatione, quæ descendat ex præcepto ecclesiæ, sed ex lege charitatis, qua quis tenetur habere curam animæ suæ, non solum adhibendo media simpliciter necessaria, sed etiam utilia, quale sæpe est, concionem audire, & ita illa obligatio non pertinet ad hoc præceptum. Et tunc monet Concilium, ut ad parochiam

Suarez Tom. XII.

accedant fideles, si commodè possunt, vel certe si in eis commodius instruendi sunt. Unde etiam indicat Concilium obligationem juris communis, qua tenentur fideles interesse parochiis suis: additur autem *Ad audiendum verbum Dei*, non quia hoc sit per præceptum, sed quia hic etiam fuit finis ecclesiæ, & quia est moraliter conjunctus cum auditione missæ, si concio inter officium missæ fiat; in rigore tamen non est ita præceptum, sicut missa, neque nunc est in rigore præceptum parochiis interesse, ut alibi dictum est.

11 Quarta instantia est de oblationibus sacris, nam ad has etiam videntur obligari specialiter fideles in diebus dominicis, & festis, nisi propter paupertatem excusentur. Ita enim declarari videtur in cap. *Omnis Christianus*, de Conse. d. 1. Et clarius in dicto Concilio Tribur. c. 35. *Dominicis diebus, & Sanctorum festis ad Missas omni Christiano oblationibus est curandum*. Sed de hoc puncto videnda sunt, quæ supra lib. 1. c. 2. tradidimus, ubi prius scaput exposuimus: loquitur enim de oblationibus faciendis inter missarum solennia, non vero declarat in dominicis, vel aliis festis diebus esse faciendas: & non habet verbum præceptum, sed solum dicit, *Omnis Christianus procuret ad missarum solennia aliquid Deo offerre*. Quæ verba solum admonitionem, vel exhortationem quamdam continere videntur: & ita potest etiam aliud Concilium intelligi, proponit enim non solum substantiam actus audiendi missam, sed etiam modum, & sæpe modus non cadit sub præceptum, licet substantia cadat. Adde vero, licet jus obligationum possit consuetudine esse introductum, oblationem vero, quæ inde nascitur, non pertinere ad hoc præceptum servandi festa, sed ad aliud speciale, vel religionis ratione alterius divini cultus, vel justitiæ ad ministros ejus; quæ obligatio posset etiam extra diem festum impleri, vel per contrariam consuetudinem tolli, manente integro præcepto de observatione festi.

An ad oblationes obligatio sit in festis.

12 Quinta instantia esse potest de cultu mere interno per dilectionem Dei super omnia, etiam si homo sit in statu gratiæ. Nam hoc affirmavit Scot. 3. dist. 27. a 1. verb. *Quantum ad 2. quem sequitur Tabiena verb. Charitas*, n. 20. Non apparet autem, quo fundamento satis apparenti possit hæc opinio suaderi. Quia si respiciamus decalogum, vel in illo non præcipitur specialiter amor Dei, vel si in aliquo præcepto includitur, magis in primo continetur, nec præcipitur pro determinato tempore, sed simpliciter. Si vero respiciamus ecclesiasticum præceptum, nullum est, quod hanc imponat obligationem. Item hoc præceptum est de cultu Dei, atque adeo est virtutis religionis; amor vero per se non pertinet ad cultum, nec ad religionem, sed ad superiorem virtutem. Tertio, ut recte argumentatur Cajetan. 2. 2. q. 122. art. 4. tertium præceptum decalogi non fuit de cultu interno, sed de externo, idemque est cum proportionem de præcepto ecclesiæ: amor autem, etsi possit ex intentione cultus fieri, ad interiorum cultum pertinet, non ergo præcipitur hoc præcepto. Nec vero talis actus est necessarius homini iusto, ut possit digne missam audire, aut alium actum religionis exercere, quia non est de necessitate actus honesti, quod ab amore imperetur, nec etiam hoc pertinet ad particularia præcepta; ergo nullo titulo cadit sub obligationem talis actus pro omnibus festis.

Dilectio Dei an ex hoc præcepto elicenda.

13 Dices: Amoris præceptum non habet de se certum tempus, pro quo obliget, & ideo obligat pro temporibus opportunis, nullum autem videtur esse magis opportunum, quam dies festus; ergo. Respondeo, non obligare pro omnibus temporibus opportunis, sed vel pro articulis necessitatis, vel quando ad vitam recte instituendam necessarius moraliter est talis actus: non est autem sic necessarius in omnibus diebus festis, & in multis profestis potest esse magis necessarius. Adde, eadem ratione dicendum fore, teneri hominem in die festo ad exercendum actum fidei, & spei, quia de se sunt in præcepto, & non habent determinatum tempus de se, & illud tempus diei festi est opportunum. Quapropter contraria sententia negans necessitatem hujus actus in die festo & vera, & communis est: & sumitur ex D. Tho.

Objeccio.

Diluitur.

2. 2. quæst. 122. artic. 4. quatenus ait, per præceptum de observatione sabbathi non fuisse mandatum cultum internum per orationem, vel devotionem internam: nam eadem ratio est de amore, ut bene notat ibi Cajet. Navar. in Manuali cap. 13. num. 17. Sor. lib. 2. de Just. quæst. 4. art. 4. & in materia de charitate cæteri communiter.

Sine in
festis
actus pœ-
nitentiæ
imperat-
ur.

Parti ne-
gativa
certa est.

14 Sexta instantia præcedenti similis est de cultu interno per actum pœnitentiæ, contritionis, vel attritionis, nam quod hic sit necessarius ex vi hujus præcepti, saltem homini existenti in peccato mortali, dixit Angel. verb. *Feria* n. 43. tanta exaggeratione, ut affirmarit, rem esse indubitaram. Fundatur autem solum in hoc, quod existens in peccato mortali, præcipue si habeat memoriam illius, non potest vacare Deo per aliquod tempus dici festi, ut exigit hoc præceptum; ergo. Potestque hæc opinio confirmari ex eo, quod in die sabbathi præcipiebatur Judæis: *Affligetis animas vestras*, Levit. 16. & 23. quod significat pœnitentiam de peccatis: ergo idem nunc erit cum proportionem. Sed de hoc puncto dixi in quarto tomo tractando de præcepto pœnitentiæ, & ostendi, hanc opinionem esse falsam. Et plane fundamentum Angeli nullius momenti est, quia licet homo sciat, se esse in mortali, potest audire missam eo modo, quo exigit præceptum, ut a fortiori constat ex his, quæ de intentione, & attentione necessaria ad missam audiendam dixi in dicto 3. tomo, disp. ult. sect. 3. ergo propter missam non est necessaria contritio: at hoc præceptum non obligat ad vacandum Deo in die festo alio modo, seu per alios actus; ergo propter vacandum Deo non est necessaria pœnitentia: nec etiam per se, & directe præcipitur; ergo non cadit sub hoc præceptum. Et ita sentiunt Cajetan, Sor. Navarr. Armil. Rosel. & alii communiter, Silvester etiam verb. *Dominica*, quæst. 6. dist. 4. fatetur, non teneri peccatorem conteri in die festo ex vi præcepti de festo, tamen, si recorderetur sui status, teneri ex vi memoriæ. Sed hæc obligatio, si vera esset, communis esset aliis diebus, non est tamen vera, sed hoc pertinet ad materiam de Pœnitentia, ubi de hoc latius.

Destruitur funda-
mentum
oppositæ
sententiæ.

15 Ad fundamentum ergo contrariæ sententiæ negatur assumptum, nam, qui est in peccato mortali, potest orare, & missam audire. Ad confirmationem primo dici potest, illam legem nunc non obligare. Secundo dicitur, illud mandatum, *Affligetis animas vestras*, non pertinuisse ad diem sabbathi, nec ad omnia festa Judæorum, sed ad quoddam speciale, quod celebrabatur decimo die Septembris, & in eo distincte præcipiebatur cessatio ab opere servili. Unde potius sumitur argumentum contrario, quod illa afflictio non pertineat ad festorum observationem, ut sic, neque ad observationem dominicæ, quæ sabbatho successit. Festum autem illud peculiare omnino jam cessavit, & si quid illi successit in lege nova, fuit pœnitentia, quæ tempore confessionis annuæ agi præcipitur. Nam per illud festum significabatur futura emundatio a peccatis Christiani populi, ut dixit D. Thom. 1. 2. quæst. 102. art. 4. ad 10. in q. vero 103. art. 3. ad 4. dicit, illo festo expiationis succedere in ecclesia festa Martyrum, & Confessorum. De quo videri potest Canon. Relict. de Pœnitent. p. 4. in fin.

Difficul-
tas.

16 Sed objiciet aliquis contra dicta: nam sequitur, non peccare contra hoc præceptum, qui in toto die festo nullum alium actum divini cultus exercet, præter missæ auditionem, etiam si reliquum tempus ludendo, confabulando, &c. consumet, dummodo contra alteram partem præcepti prohibentem opera servilia, & profana nihil committat: consequens videtur esse absurdum: alias sine causa præciperetur hominibus vacatio ab aliis laboriosis operibus toto illo die, quia melius esset corporaliter laborare, quam otiose diem transigere. Sic enim dixit Augustinus libro de Decem chor. capite 3. loquens de Judæis in sabbatho otiantibus: videtur autem esse eadem ratio proportionalis de Christianis. Respondeo, nunc non tractari, an peccare in die festo sit contra hoc præceptum ex ea parte, qua prohibet certa quædam opera, de hoc enim statim dicemus; sed quæstionem esse solum de omissione actuum divini cultus. Et ex hac par-

te concedo, nullum incurri peccatum non ieiunio contra hoc præceptum, etiam si nullus alius actus religionis in toto festo fiat, præter auditionem missæ, quia nullum extat de hoc præceptum affirmativum, negativum autem prohibens opera servilia non obligat ad aliquid agendum: ex negatione enim non bene sequitur affirmatio: neque propterea illud inutiliter præcipitur, quia propter cultum præcipitur; finis tamen præcepti, ut sic, non cadit sub præceptum, medium autem ipsum de se utile est, & ideo recte præcipitur, licet finis non ita præcipiatur. Tandem posset hic quæri, an saltem cum aliquis non potest audire missam in die festo ex justo impedimento, teneatur loco illius aliquid recitare, vel religionis opus exercere: & similiter, quando aliquis missam omisit, an teneatur aliis precibus eodem die illam compensare, vel in sequenti die missam audire. Dico tamen, non teneri, de quo videri possunt resoluta in d. disp. ult. sect. 5. dub. ult. & sect. 6. dub. penult. Et juvare etiam possunt ea, quæ de omissione horarum canonicarum in simili diximus.

C A P U T XVII.

Sola corporalia opera esse prohibita in die festo, non tamen omnia.

1 Incipimus de altera parte hujus præcepti agere, quæ negativa est, & longiorem disputationem requirit, quia in illo loco tertii tomi nihil de illa diximus. Ad illam ergo explicandam suppono primo, præcipi fidelibus vacationem quamdam ab operibus in die festo. Hoc constat ex jure, nam in cap. 1. de Feriis, dicitur esse abstinendum *ab opere illicito*, & in cap. *Licet ab omni opere servili*, & in cap. *Conquestus*, & in aliis locis alia opera prohibentur, ut infra videbimus. Præterea Clemens lib. 8. Constit. cap. 33. his verbis explicat hoc præceptum, *Omnes fideles die dominica vacent in ecclesia*, & infra, *vacent servi*, indicans, vacationem debere esse ab opere servili: in sexta etiam Synodo cap. 8. prohibetur in diebus festis corporalia opera, præter ea, quæ necessaria sunt ad victum, vel similia: in Concilio Aureliano III. cap. 27. abstinendum dicitur *ab opere rurali*: in Concilio Antist. cap. 16. dicitur: *Non licet in die dominica boves jungere, aut alia opera facere*, utique similia. Quod pluribus verbis explicatur in Concilio Matiscon. 2. cap. 1. Ubi non tantum servilia opera numerantur, sed quædam alia, de quibus infra; & similiter in Concilio Maguntin. sub Carolo cap. 36. 37. dicitur, esse prohibitum opus servile, cujus aliqua exempla inde colliguntur, scilicet, arare, seminare, hortum, vel vineam colere, aut sepem circumdare; deinde adduntur alia opera, quæ forensia possunt appellare, de quibus postea. Denique communi traditione, & consuetudine ecclesiæ hoc receptum est, & omnes Doctores in hoc conveniunt.

2 Sed dubitabit aliquis, quam sit antiquum hoc præceptum, quoad hanc partem, videtur enim ex dictis sequi, non esse admodum antiquum: nam jura, quæ habentur in Decretalibus, recentiora sunt. Alia vero, quæ adduximus, non probant majorem antiquitatem: nam quædam non habent sufficientem auctoritatem ad vim præcepti, ut libri Clementis. Alia vero fere omnia sunt Concilia Provincialia, præter sextam Synodum, cujus decretum obscurum est, quia videtur plus prohibere, quam prohibitum revera sit, vel unquam fuerit, ut mox dicemus. Et ideo posset aliter, quam de proprio præcepto exponi, quia verba in rigore non omnino cogunt. Auget ergo præterea difficultatem modus loquendi Concilii Laodicen. c. 29. Cum enim dixisset: *Non oportere Christianos judaizare*, (quod mox exponemus) subdit: *Præferentes autem in veneratione dominicum diem, si vacare voluerint, ut Christiani hoc faciant*.

Quam sit
antiquum
præceptum
quoad hoc

3 Nihilominus tamen certum est, ante sextam Synodum, & ante omnia dicta Concilia Provincialia fuisse in ecclesia hanc observantiam sub præcepto, ut colligitur ex dicto loco Clementis, & ex omnibus, quibus supra probavimus translationem dici-
fab-

sabbathi in diem dominicum. Dicunt enim Patres, factam esse translationem quoad quietem, & vacationem quamdam ab operibus profanis, seu a labore terreno, ut dixit Gregorius lib. 11. Epist. in 3. Constat autem ex ibi dictis, translationem illam esse antiquiorem Synodo Laodicensi. Item Hieronymus, & Augustinus hujus traditionis testes sunt, & ejusdem fere ætatis, id est, non multo tempore post Laodicensem Synodum, & tamen loquuntur de illa consuetudine, ut antiqua, & vetusta suo sæculo. Hieronymus Epist. 22. Eustochium cap. 15. dicit, Monachos Aegypti solitos fuisse laborare per hebdomadam, vacare autem die dominica, utique propter ecclesie præceptum, Augustinus vero ser. 215. *Si infelices Judei tanta devotione celebrant sabbathum, ut in eo nulla opera terrena exerceant, quanto magis Christiani in die dominico soli Deo vacare, & pro anima sue salute debent ad ecclesiam convenire.* Expressius sermone 251. *Sciendum est (ait) quod ideo a sanctis Patribus nostris constitutum est Christianis, & mandatum, ut in sollemnitatibus Sanctorum, & maxime in dominicis diebus otium haberent, & negotio terreno vacarent, ut paratiores, & promptiores essent ad divinum cultum; infra vero per sanctos Patres exponit Apostolos, & Apostolicos viros.* Quomodo autem Concilium Laodicenum intelligendum sit, statim dicam. Hoc ergo præceptum non est de novolatam quoad substantiam suam in illis iuribus, quæ habentur sub titulo de Feriis; sed ibi scriptum est, quod traditione jam habebatur, & forasse quoad aliquid vel auctum, vel magis declaratum est.

4 Secundo supponendum est, cessationem ab operibus aliter Christianis præcipi in dieb. festis, quam præcipiebatur Judæis: nam Christianis non fit tam arcta prohibitio operum in die dominico, sicut Judæis fiebat in sabbatho, ut notat. Abulens. Exod. 20. q. 13. & patet; tum quia multa opera nunc permittuntur Christianis in festis, quæ non permittuntur Judæis in sabbatho, de quibus infra; tum etiam quia in lege nova facile conceditur licentia laborandi in festo, quæ in lege veteri non concedebatur. Ratio vero est, quia Judæis omnia contingebant in figuram, quæ debet esse maxime conformis rei significatæ, & invariata manere; unde quia per sabbathum representabatur quies Dei ab operibus exercendis, ideo tam arcte præcipiebatur illud otium: item illa prohibitio erat juris divini, & ideo immobilior erat.

5 Hinc sæpe Patres cavendum præcipiunt Christianis, ne more Judæorum in die dominico orientur: & hoc modo intelligi potest Concilium Laodicenum, nam sic habet: *Quod non oporteat Christianos judaizare, & otiosi in sabbatho, sed ipsos eodem die operari:* quod autem subjungit, *Præferentes autem Dominicam*, dupliciter potest intelligi. Primo, ut dominicam præferant sabbatho, orientes nimirum illa ex præcepto: & nihilominus, si etiam sabbatho vacare voluerint, *Ut Christiani hoc faciant.* Secundo potest sic legi: *Ut si in die dominico vacare voluerint, ut Christiani hoc faciant, si autem judaizare inveniantur, excommunicentur:* non vero ideo dictum est sub ea conditione, quia tunc non esset necessaria ex præcepto, sed voluntaria vacatio Christiana in dominica; sed vel, quia possunt vacare fideles plusquam teneantur, & ab operibus non omnino prohibitis cessare, quod ait Concilium posse fieri licite, dummodo Christiano spiritu, & modo, & non Judaico fiat; vel forte legendum est, *si voluerint*, nam alia versio habet, *Si modo possint.* Eandem doctrinam observavit Concilium Aurel. 3. c. 27. ubi refert quosdam persuasisse populis die dominico cum caballis, & bobus, & vehiculis itinerari non debere, neque ullam rem ad victum preparare, &c. quæres (ait) ad Judæum magis, quam ad observantiam Christianam pertinere probatur. Eumdem errorem ex professo damnat Gregorius d. epist. 3. l. 11. docens, contra fidem esse, otium sabbathi ad litteram custodire, non solum quoad diem, sed etiam quoad modum oriendi; & specialiter damnat quosdam, qui dicebant, non licere die dominico toto corpore lavari, etiam pro necessitate corporis.

Suarez. Tom. XII.

6 Tertio statuendum est, opera, quæ hoc præcepto prohibentur, esse tantum externa, & corporalia. Ita sumitur ex D. Thom. supra dicta quæst. 122. art. 4. & ex aliis Doctoribus statim referendis. Et probatur primo ratione generali, quæ comprehendat etiam legem divinam datam Judæis de observatione sabbathi, quia illa lex tantum data est de cultu exteriori Dei; ergo solum præcipiebat vacationem ab operibus externis, & corporalibus; ergo opera prohibita tantum corporalia sunt. Secundo ratione speciali de lege ecclesie, quia ecclesia non præcipit, nec prohibet internos actus secundum se, sed per se versatur juxta externos, de internis autem solum disponit, quatenus cum externis connexi sunt; ergo dum præcipit vacare in diebus festis, externam, & corporalem cessationem ab operibus mandat; ergo, dum prohibet servilia opera, prohibet opera corporalia, & externa. Quod etiam nomen ipsum servilium operum præ se fert; nam interna opera animæ non sunt servilia, ut per se constat.

7 Quarto suppono, non omnia corporalia opera esse prohibita Christianis in die festo. Hoc non indiget probatione, nam usu ipso satis constat: & præterea etiam colligitur ex ipsa lege, non enim sine causa addita est illa particula *servile*, cum dictum est: *Omne opus servile non facietis in eo*, sed ne omne opus corporale, & externum prohibitum putaretur. Præterea idem patet inductione, nam iter agere, scribere, loqui, & similia opera corporalia sunt, & tamen prohibita non sunt, ut constat. Sed objici potest, quia Exod. 20. absolute dictum est, *Non facietis omne opus in eo*, & Levit. 23. *Omne opus facietis in eo*; ergo simpliciter omnia opera prohibentur in die festo: nam ecclesia suum præceptum tulit ad imitationem illius. Ad hoc vero uno verbo responderi posset ex dictis: præceptum ecclesie sumptum esse ad imitationem, non vero ad æqualitatem præcepti antiqui.

8 Oporteret autem ultra considerare, in lege veteri non fuisse æqualem hanc prohibitionem pro sabbatho, & omnibus festis: nam pro sabbatho tam generalis erat prohibitio, ut nec cibos illo die præparare liceret, sed proximo præcedenti die præparari debebant, unde parasceve vocabatur, (ut multi interpretantur) & in deserto non permittuntur manna colligere in sabbatho, ideo enim eis non dabatur, sed feria sexta pro utroque die colligebant illud. At vero in festivitatibus ordinarie non prohibebantur præparare cibos, ut Exod. 12. expresse dicitur de die primo, & ultimo Azymorum: *Nihil operis facietis in eis, exceptis his, quæ ad vescendum pertinent.* Unde in ipsis etiam Scripturæ verbis notari potest hæc differentia, internum enim simpliciter dicitur: *Non facietis omne opus*, ut in citatis locis, interdum additur, *non facietis Omne opus servile*, ut de primo, & septimo die Azymorum dicitur Levit. 23. Per hanc enim differentiam notatur, non fuisse æqualem prohibitionem, nam priora verba indicant, neque ignem incendi, nec cibos parari, nec aliud simile opus etiam necessarium ad vitam fieri potuisse illo die, quando antea præveniri poterat, per alia autem verba notatur hæc opera non fuisse prohibita, sed tantum servilia. Quam differentiam notavit noster Ribera lib. 5. de Templo, &c. c. 5. cum Abulen. Exod. 20. q. 13. & Lev. 27. q. 7.

9 Faciemus ergo in die sabbathi prohibita fuisse Judæis non tantum opera servilia, sed etiam alia, & in die festo expiationis die decimo Septembris æqualis censetur fuisse prohibitio, quia Levit. 16. de festo illo specialiter dicitur: *Affligetis animas vestras, nihilque operis facietis in eo*, &c. 23. dicitur: *Omnis anima, quæ operis quicquam fecerit, delebo eam de populo meo, nihil ergo operis facietis in eo.* Verum est, paulo inferiori ibi addi opus servile, & num. 29. tamen ut dicti auctores notant, nec in Hebræo, nec in Græco est additio illa *servile*, & Abulens. notat, illo die solitos fuisse Judæos abstinere a cibo, & poru per totum diem, & ab uxoribus, a balneis, calceamentis, & ab omni occasione gaudii, vel delectationis. In aliis autem festivitatibus non prohibebantur hæc, sed tantum opera servilia: ecclesia ergo quoad hoc potius alia festa, quam sabbathum imitata est. Et ratio est, quia

Hoc præceptum solum corporalia opera prohibentur.

Non omnia corporalia opera prohibita.

Enodatur.

Quid prohibetur Judæis in sabbatho.

Diversa est cessatio ab opere in Christiano, & in Judæo.

Euregle.
fia non
fuerit imi-
tata Ju-
daei fab-
bathi
quicem o

attigit D. Thom. dicta q. 122. art. 4. nam illa quies fab-
bathi non erat moralis, sed ceremonialis, & signifi-
cativa; ecclesia autem non amplectitur hanc vacatio-
nem, nisi quatenus moralis est, & ad divinum cultum,
& ad convenientem gubernationem accommodata,
& ideo non tam generaliter opera prohibet. Adde et-
iam, in die sabbathi non fuisse Judæis prohibitas simpli-
citer omnes actiones corporales, & externas; nam
poterant iter agere ad certam mensuram, & necessaria
opera facere, quæ præveniri non possunt, ut ducere
animalia ad adaquandum ea, vel extrahere illa de fo-
vea, si in eam caderent Matth. 12. Joan. 7. & sumitur
ex 1. Machab. 2. Christianis vero non solum hæc, sed
etiam illa opera, quæ præveniri possunt, si ad usum
communem corporis necessaria sint, permittuntur.

Quæ ope-
ra corpo-
ralia pro-
hibita
Christia-
nis;

10 His positis difficultas tota circa hanc partem est
in explicando, quæ opera corporalia, vel laboriosa in
festis prohibita sint, & quæ permissa, & quæ certa re-
gula discerni possint. Ad hoc ergo explicandum sup-
pono, inter opera hominis, quædam esse servilia, quæ-
dam non servilia, & quæ liberalia, vel spiritualia late
dici solent. Quam divisionem postea fufius explicatu-
ri sumus: nunc satis sit, voces declarare. Servilia
enim opera dicuntur, quæ commoditatibus corporis
inerviunt, & ideo per servos fieri solent, ut terram
colere, artificia facere, & similia: ab his vero distin-
guuntur opera, quibus animus excolitur, ut loqui,
legere, docere, &c. Nam quia humana servitus se-
cundum corpus attenditur; animus vero liber est, ideo
priora opera dicuntur servilia, posteriora vero libera.
Sunt igitur in hac materia duæ generales regulæ obser-
vandæ. Prima est affirmativa, & universalis cum ex-
ceptione, videlicet in festis prohiberi omnia servilia
opera, nisi jure, vel consuetudine sint exempta. Sec-
unda est negativa, & universalis cum exceptione; scilicet,
nulla opera libera prohiberi in die festo, præter
ea, quæ in jure specialiter prohibentur. Prima regula
sufficiens probatur ex cap. *Licet* de Feriis, cum aliis
in prima suppositione adductis, cap. præced. & illa
prius tractanda est, nam de secunda postea dicemus.

Duplex
regula ad
opus pro-
hibitum
agnoscen-
dum;

Triplex
opus ser-
vile.

11 Ut autem declaremus, quid sub servili compre-
hendatur, triplex servile opus distinguere possumus ex-
mente D. Thom. 3. 2. q. 132. art. 4. videlicet religio-
sum, quod divinum servitium dici potest; peccaminu-
sum, quo dicitur homo servire peccato, aut Dæmo-
ni; & indifferens, ac humanum, quo unus homo so-
let alteri servire. Nam opus servile respectu alicujus
dicitur, quia per opus servile alicui servitur: ille autem
esse non potest, nisi aut Deus, cum quo numerantur
Sancti cum ipso regnantes, vel Dæmones, seu pecca-
ta, vel mortales homines. Illa ergo opera, quibus
colitur Deus, servilia sunt Deo, quia Latia est quæ-
dam servitus, est tamen religiosa, & divina servitus,
quia in Deum terminatur. Peccata vero dicuntur ser-
vilia, quia qui facit peccatum, servus est peccati, ut
dicitur Joann. 8. *Quia unusquisque est servus ejus, cui
obedit siue peccati ad mortem, siue obeditionis ad justitiam*,
ut dicitur ad Rom. 6. & 2. Pet. 2. *A quo quis su-
peratus est, ejus & servus est*. Opera vero, quibus
unus homo ministrat alteri in his, quæ ad corpus per-
tinent, indifferentia sunt, & ad servitutem humanam
pertinent. De actionibus ergo primi generis nulla fere
est quæstio: nam in illis actionibus consistit externus
Dei cultus, & Sanctorum honor, ad quem cultum
principaliter festivi dies ordinantur; non ergo prohi-
bentur in festo opera servitutis divinæ, sed potius
commendantur. Quinimo nec talia opera servilia di-
ci debent, sed maxime liberalia, quia servire Deo,
regnare est, & quia licet per corpus exerceantur, prin-
cipaliter ordinantur ad subjiungendam mentem Deo, &
ad excitandum animum ad devotionem, & internum
Dei obsequium. Potest autem nonnullum dubium mo-
veri circa hanc partem, quod infra commodiori loco
expediamus. Nunc de secundo membro dicendum est,
ut illo etiam excluso, tertium, quod proprie ad hoc
præceptum, & ad primam regulam positam pertinet,
clarius explicemus.

C A P U T XVIII.

*An per quodcumque peccatum, præsertim mor-
tale, festa violentur, & ideo specialiter
censeantur prohibita in diebus
festis.*

1 Prima opinio affirmat, peccatum mortale esse
specialiter prohibitum in die festo ex vi genera-
lis prohibitionis operis servilis, ac subinde omne pec-
catum in die festo commissum, præter malitiam,
quam habet ex propria materia, & objecto, habere
malitiam sacrilegii contrariam huic præcepto, & ideo
circumstantiam illam in confessione esse aperiendam.
Hanc opinionem videtur docere D. Thom. dicto art.
4. ad 3. cum enim distinxisset triplex opus servile, quo
servimus Deo, homini, & peccato, ait, primum
non esse contra præceptum de observatione sabbathi;
secundum autem, & tertium esse contra illud. Idem
tenet Alenf. 3. part. quæst. 32. memb. 3. art. 2. ad ult.
Anton. 2. p. tit. 9. cap. 7. §. 3. & 3. p. tit. 14. cap. 19. §.
7. & tit. 17. cap. 17. §. 4. in fine, & 5. circa medium,
ubi refert in hanc sententiam Lyrannum in c. 20. Exod.
ubi idem tenet Abulens. quæst. 11. & 12. item Med.
Cod. de Orat. quæst. 10. & 19. Idem sentit Bonavent.
3. d. 37. circa expositionem literæ, dum ait, hoc præ-
cepto præcipue prohiberi opera carnalia, ut ebrieta-
tes, & jurgia, & similia, quæ maxime libertati spi-
ritus repugnant. Idem ibi Gabriel quæstione unica,
art. 1. not. 5. §. *Quorum distinctio* in fine; & Major
4. d. 17. q. 4. Angel. ver. *Feria*, n. 36. & verb. *Inter-
rogationis*, circa tertium præceptum, & verb. *Præ-
ceptum* n. 5. Rosel. verb. *Confessio*, 2. n. 7. Cather. lib.
5. contra Cajet. Denique late, & alios referens Cordu-
ba in Quæstion. lib. quæst. 6. tamque acriter illam de-
fendit, ut audeat dicere, aliam non esse satis tutam.
Favetque huic opinioni Ambrosius Lucæ 13. prout il-
lius verba retulit D. Thom. dicto art. 4. arg. 1. dicens,
*Lex in sabbatho non hominem curare, sed servilia opera
facere, id est, peccatis gravari prohibet*. Hæc vero
eadem verba ex Glof. in Luc. retulit idem D. Thom. 3.
distinct. 37. art. 5. In Ambrosio autem ea formaliter
non invenio, sed illius sententia in illo loco est, Deum
in sabbatho prohibuisse opera secularia, non religiosa:
Sicut Deus (ait) *quievit ab operibus mundi, non ab
operibus sanctis*; & subdit: *Hoc autem non intelligens
Archisynagogus prohibebat quemquam curari sabbatho,
cum sabbathum futurarum typus sit feriarum, & ideo
non operis boni, sed mali ferie sunt, eoque præscriptum
sit, ut nullam ferentes sarcinam delictorum, nec bono-
rum jejuni operum, sabbatha futura post mortem cele-
bremus*.

Utrum
peccatum
mortale
speciali-
ter prohi-
beatur in
festis.

Pars af-
firmativa.

2 Præterea favet Augustinus lib. de Decem chor.
cap. 3. dicens: *Melius faceret Judæus in agro suo ali-
quid utile, quam si in theatro sediciosus existeret, &
melius eorum fœmina in sabbatho lanam facerent,
quam quod tota die in Neomeniis suis impudice salta-
rent*. Quod enim ait, melius, pro minus male
positum est, ut constat, utrumque enim malum esset:
censet autem August. majus malum esse peccare in fe-
sto, quam laborare. Utrumque ergo est prohibitum,
& illud magis. Facit præterea idem August. lib. de
ver. & fals. pœnit. c. 14. & habetur in cap. *Consideret*,
de Pœnit. d. 5. ubi prius ait, ad pœnitentiam conside-
randam esse circumstantiam temporis. Et postea sic
illam explicat: *Si in tempore orationis constituto, aut
in festivitate sanctorum, & in tempore jejunii*. Deni-
que favet c. 1. de Feriis, in quo dicitur hoc præcepto
prohiberi omne opus illicitum in die festo. Ratio vero
pro hac opinione est, quia opus peccati est maxime
servile, & maxime contrarium divino cultui, & im-
peditivum illius: sed hæc sunt opera, quæ ibi maxime
prohibentur; ergo.

Ratione
probat.

3 Secunda opinio asserit, opus peccati ex eo tan-
tum, quod peccatum sit, non contineri in materia
hujus præcepti, nec ex vi illius prohiberi, ac subin-
de peccatum etiam mortale in die festo commissum
non habere ex illa temporis circumstantia specia-
lem malitiam, quæ in confessione necessario aperi-
enda;

2 Opinio
negans
peccatum
speciali-
ter prohi-
beri in
festis.

rienda sit. Hec opinio non habet auctores multum antiquos, ut vere notavit Corduba; habet tamen plures, & graves. Ex Theologis illam docuit Cajetan. 2. 2. quæst. 122. art. 4. & 1. 2. quæst. 7. art. 1. & in Sum. verb. *Festorum violatio*, & tom. 1. Opus. tractat. 18. quæst. 3. Soc. in 4. distinct. 18. quæst. 2. art. 4. & lib. 2. de just. quæst. 4. art. 4. Videtur in Sum. de Sac. tit. de Conf. num. 199. Almayn. in 4. dist. 17. quæst. 1. Ex Summistis Sylvest. verb. *Dominica* quæst. 8. dist. 4. ubi se ipsum refert verb. *Constantia* §. 3. & verb. *Confessio* 1. §. 10. & in Rosa aurea casu 63. ubi ait, quosque viros doctissimos sui ordinis ita sentire. Et consensit Armilla ver. *Feria* num. 12. Tabiena eodem ver. num. 47. Angel. in Florib. Theolog. quæst. 9. Et ex jurisperitis late Navarr. in cap. *Consideret* de Poenit. dist. 5. in principio num. 22. & sequent. Covar. in cap. *Alma* 1. part. §. 5. num. 3. & lib. 4. Var. cap. 19. in fine; Guttier. lib. 1. Canon. quæst. cap. 13. Pro hac etiam sententia potest referri Divus Thomas in 4. distinct. 32. art. 5. quæst. 2. quatenus ait, tempus diei festi non esse circumstantiam, quæ trahit actum in novam speciem peccati; & in 3. dist. 37. art. 5. quæst. 2. ad 2. quatenus dicit, peccata non dici opera servilia, nisi mystice, ad literam vero opera servilia esse opera corporalia pertinentia ad mechanicas artes, quas servi exercere solent, & ab actibus liberalium artium condistiguuntur; significatque præceptum tertium decalogi prohibens opera servilia ad literam, & proprie intelligendum esse, non mystice.

4 Rationes ad hanc sententiam confirmandam afferuntur variae, sed non omnes sunt solidæ. Nav. enim inter alia argumentatur, quia sicut laicis sunt deputati dies festi ad orandum, ita clericis omnes dies; sed clerici peccantes quolibet die, non peccant specialiter contra circumstantiam temporis sibi ad orandum deputati; ergo nec laici peccantes in die festo, &c. Hæc vero ratio parum probat, quia prior opinio non dicit, peccari specialiter contra diem festum peccando in illo, quia dies ille est orationi deputatus, sed quia toto die vacandum est ab operibus cultui divino contrariis, vel impediendis illum. Licet enim non præcipiatur nobis toto die festo orare, vel exercere actus cultus divini, prohibetur nihilominus, ne per totum diem aliquid agamus servile, & divino cultui contrarium. Hoc autem non præcipitur clericis omnibus diebus, etiam si illis oratio aliqua singulis diebus præcipiatur. Alia ratio ejusdem Navarri est, quia lex de festo servando non obligat ætius in lege gratiæ, quam in lege scripta: sed in scripta non obligabat ad non peccandum in die festo; ergo. Patet minor; tum quia non obligabat illos ad internam quietem cum Deo, nec ad internum cultum, sed solum ad externam quietem, cessando ab opere servili; tum etiam quia alias lex illa tunc obligaret ad contritionem eum, qui esset in peccato. Sed hæc ratio non urget contra priorem sententiam, quæ eodem modo loquitur de præcepto hoc, ut fuit datum a Deo, & ab ecclesia: negabitur ergo minor. Ad probationem vero dicitur, quod licet hæc lex non obliget directe ad internum cultum, obligat ad non impediendum illum, ideo enim non præcipit vacationem ab operibus, ut homo possit Deo vacare, etiam mente, si velit, & ideo contra hanc vacationem censetur esse opus peccati, ac subinde contra præceptum, etiam si ad internum cultum non obliget. Et ideo etiam non sequitur in rigore illud consequens de contritione: sunt enim hæc diversæ quæstiones, neque oportet eas confundere; nam aliud est, non peccare, aliud non permanere in statu peccati prius commissi. Qui ergo dixerit, hoc præceptum obligare ad non peccandum in die festo, non cogitur dicere, etiam obligare ad non permanendum illo die in peccato habituali, quia peccatum habituale non impedit cultum Dei, sicut peccatum actuale, ut constat.

5 Unica ergo ratio hujus sententiæ est, quia præceptum de sabbatho, seu festo servando non obligat specialiter ad non peccandum in illo die; ergo peccare in illo die non est contra hoc præceptum, quatenus opera quædam prohibet, nec etiam est contra præceptum ecclesiæ, quatenus præcipit audire missam, ut per se constat, quia potest quis in parte una illius dici audire missam, & in alia peccare, immo, ut alibi dixi, eo-

dem tempore, quo missam audit, peccare potest ex intentione prava, quæ veram missæ auditionem non impediat. Quod si contingat, aliquem peccare tali modo, ut inde impediatur a missa audienda, tunc quidem peccatum illud erit contra hoc præceptum, non quia peccatum est, sed quia impedit missam: unde etiam si alias peccatum non esset, sed opus indifferens, & impediret missam, inde fieret peccaminosum; in utroque autem casu non haberet inde aliam malitiam, quam omissionem missæ, cujus est causa. Hoc ergo est per accidens, & hic non consideratur.

6 Probatur ergo assumptum duplici ratione facta a Cajet. & cæteris. Prima est, quia opus peccati, ut sic, non est servile. Dico autem, ut sic, id est, ex eo, quod peccatum est: nam ex parte actus materialis potest aliquod peccatum esse opus servile, ut si quis in die festo scindat ligna aliena, ut illa furetur, peccat quidem specialiter contra diem festum, non tamen quia illud opus erat contra justitiam, sed quia servile est; unde quantum ad hoc præceptum idem peccaret, etiam si ex loco publico, & communi ligna sine iniuria scinderet. Peccatum ergo non est servile ex eo, quod peccatum est, licet ex materia possit esse servile; ergo peccare in die festo in materia non servili, non est opus servile; ergo non est prohibitum hoc præcepto. Antecedens probatur inductione, quia imperare actionem injustam in die festo ratione materiæ non est opus servile, ut per se notum est. Item fornicationem cognoscere non est opus servile, alias etiam maritalis copula in die festo esset opus servile, & directe prohibita hoc præcepto, quod improbabile est. Item ludere ludo prohibito, vel injusto, non est opus servile, & sic de aliis; sunt enim infinita peccata, quæ non perpetrantur per actiones mechanicas, aut servorum proprias, sed per actiones liberorum, ac dominorum, & principum. Immo ipsæmet actiones liberalium artium possunt peccaminose fieri vel contra prohibitionem humanam, vel ex iniqua intentione, vel contra justitiam: ut omittere, peccari etiam posse in die festo per omissionem retinendo alienum, & complacendo in illo, vel non curando infirmum, cum obligatio pro tunc occurrat: illud ergo peccatum non potest dici opus servile ex parte materiæ, cum neque opus sit. Idemque argumentum sumitur de peccato mere interno: nam per illud præceptum solum opus externum prohibetur, ut sæpe cum D. Thoma dictum est. Hoc ergo argumentum efficaciter probat, non omne peccatum posse dici opus servile ex parte ipsius operis, quia vel non est opus, vel non est externum; ergo eadem ratione, quando opus (licet sit corporale) ex parte sua non est servile, propter solam malitiam non fit servile, ac proinde non prohibetur hoc præcepto.

7 Nec refert, quod peccans dicatur fieri servus vel demonis, vel suæ concupiscentiæ, vel peccati, ut dicitur Joan. 8. tum quia illud tantum symbolicè dictum est, nam peccator revera non est servus proprie, est enim liber propria liberrate, & rex vel dominus suarum rerum, sicut antea erat: sed metaphorice dicitur servus fieri, quia subicitur demoni, & suæ libidini, ac culpæ: ita ergo peccatum ipsum non est proprie, & ad literam opus servile, licet metaphorice ita vocari possit, quod nihil refert, quia præcepti verba proprie, & literaliter accipienda sunt, alioquin nihil in eis esset certum, & firmum; ex illa ergo symbolica appellatione nullum argumentum sumitur: nam, ut ajunt Theologi, ex sensu symbolico per se non sumitur argumentum efficax: Tum etiam quia, cum dicitur homo fieri servus peccando, causaliter potius, quam formaliter intelligitur; quoniam non tam fit homo servus peccando, quia ipsummet peccare servire sit, quam quia in pœnam peccati homo traditur in servitutem, & captivitatem demonis, & quia peccando fovet concupiscentiam, quæ postea rationi dominatur, & quia peccatum commissum semel suo pondere in aliud trahit.

8 Hæc ratio judicio meo efficaciter probat, peccatum, ut sic, non contineri formaliter in materia præcepti, sed sub opere per præceptum prohibito. Dicit tamen potest contineri virtualiter, vel per æquivalentiam, quatenus prohibetur opus reddens hominem ineptum ad cultum Dei, quod maxime facit peccatum. Contra hoc

Probatur assumptum.

Quomodo peccator dicatur servus.

Navarri rationes aliquæ improbat.

Ratio fundam. mentalis.

Ratio.

hoc vero procedit altera ratio a Cajetan. & aliis tradita, quia finis præcepti non cadit sub præceptum ex D. Thom. 1.2. quæst. 96. art. 3. ad 1. & art. 9. ad 2. Qui 2.2. quæ. 44. art. 1. ad 2. hac ratione ait, licet finis præcepti sit charitas x. ad Tim. 1. nihilominus non omnia præcepta aliarum virtutum dari de actu charitatis, quia aliud est, quod præcipitur, aliud propter quod præcipitur. De quo principio videri possunt, quæ adducit Covarruv. in dicto cap. *Alma* §. 5. in principio. Jam vero in præsentī præcepto cultus Dei proprius non est materia præcepti, sed finis; materia vero est, vacare ab operibus servilibus; ergo licet peccatum impediat illum finem, non est contra hoc præceptum, cum non contineatur sub materia ejus, ut in priori ratione ostensum est.

Subterfu-
gium:

9 Sed responderi potest, licet hac lege non directe præcipiatur positivus cultus Dei, præcipi tamen, ut caveatur impedimentum ejus, & quia peccatum maxime impedit cultum, maxime etiam prohiberi. Unde licet finis præcepti non cadat sub præceptum, tamen medium ad finem sub præceptum cadit; medium autem in præsentī est, non se reddere ineptum, & inhabile ad cultum; sub quo medio comprehenditur non peccare. Unde hac ratione multi Theologi, & juris Canonici interpretes dixerunt, licet per festum non prohibeatur directe conjugaliscopula, nihilominus virtute, & indirecte prohiberi, quia per illam copulam redditur persona inepta, & indisposita ad cultum Dei, quæ indispositio vitanda est ex vi præcepti de observatione festi. Sed contra, quia sicut præceptum de medio non obligat ad finem, quia non est de illo, ita præceptum de uno medio non est de omnibus, ut præceptum de justitia servanda non est de misericordia, licet utrumque sit medium ad proximi dilectionem servandam; sic ergo lex prohibens unum impedimentum cultus, non prohibet omnia, sed illud tantum, quod propriis verbis exprimit. Ergo hæc lex de observatione festi, licet prohibeat opus servile propter cultum, vel quatenus impedimentum cultus, non tamen prohibet omnia impedimenta, quæ possunt apponi, sed illa tantum, quæ exprimit; ergo licet peccatum impediat cultum, non propterea est prohibitum specialiter illo præcepto, quia in verbis non continetur. Et declaratur, ac confirmatur: nam interrogo, de quo impedimento cultus sermo sit? aut enim de illo, quod solum impedit, quandiu durat, vel de illo quod relinquit hominem ineptum ad cultum per reliquum diei tempus? Si de primo loquamur, evidens est, non omnia impedimenta cultus esse prohibita in die festo, alias dormire nimium esset contra observationem festi, quia per somnum redditur homo inhabilis ad cultum, saltem pro tempore, quo durat; item, confabulari, ludere, studere, ac similia impediunt pro tunc cultum, & tamen constat, non esse peccata; ergo licet peccatum pro tempore, quo sit, impediat cultum, ex ea parte non est peccatum speciale. Alias etiam peccatum veniale fieret mortale ex eo tantum, quod in die festo sit, maxime si dureret per tempus notabile; id autem absurdum est, quod nec auctores primæ opinionis admittunt. Opus autem servile est speciale peccatum, quia specialiter prohibitum est.

10 Si vero sit sermo de opere, quod relinquit hominem inhabilem, etiam postquam transactum est. In primis hoc non habet quodlibet peccatum etiam mortale: nam licet quis in die dominico labatur in aliquod peccatum in principio diei, potest postea missam audire sine impedimento, quod obstat saltem substantiali observationi præcepti. Deinde, licet peccatum relinqueret hominem inhabilem per totum diem, ut ebrietas, si impediret etiam missam, ex ea parte involveret malitiam omissionis ejus, ut supra dixi; tamen si committeretur post missam, non esset ex hoc c. speciale peccatum contra præceptum de festo, quia licet impediat cultum, non impedit cultum necessarium ex præcepto, & ideo nullam aliam omissionem peccaminosam, vel contrariam præcepto involvit. Reddere autem seipsum ineptum ad voluntarium cultum, non est speciale peccatum contra præceptum de divino cultu, cum omittere id, quod voluntarium est, non sit peccatum. Secus vero esse, si tale impedimentum pone-

retur, exercendo opus servile, nam illud esse peccatum non propter omissionem, cujus est causa, sed per modum commissionis, quia est specialiter prohibitum tale opus.

11 Dices, ex ratione, propter quam prohibetur, colligi, non minus prohiberi æqualia, vel majora impedimenta: nam lex extenditur per paritatem rationis, interdum etiam si pœnalis sit, quod recta ratio ad bonum commune, vel homines spectans id postulat, ut videtur esse in præsentī: qui enim fieri potest, ut Deus, vel ecclesia prohibeat bonam artem mechanicam exercere, ut homo sit expeditus ad cultum Dei, & non prohibeat peccatum? Respondeo, falsum esse assumptum: nam leges positivæ, quæ pendent ex libera voluntate divina, vel humana ferente legem, non extenduntur propter similitudinem rationis, præsertim quando lex est onerosa, vel pœnalis, ut ex propria materia suppono. Eo vel maxime, quod licet in aliquo appareat similitudo, vel etiam excessus, nunquam est in omnibus, neque in eo, quod movit specialiter legislatorem: ut in præsentī non fuit intentio hujus præcepti prohibere opera alias illicita, nec peccata omnia; quia jam per se satis erant prohibita: sed specialiter prohibere voluit opera quædam alioquin licita; quia & sunt magis in usu, & frequentius distrabunt homines, & avertunt a cultu Dei, & nisi specialiter prohiberentur, liceret in illis occupari. Et hoc ipsum indicatum est Exod. 20. (ut bene notarunt Navar. & alii) dum præmittitur: *Sex diebus operaberis, & facies omnia opera tua, septimo autem die sabbatum Domini est, non facies omne opus in eo.* In priori enim parte de operibus licitis tantum sermo est, nam illicita non conceduntur fieri; ergo etiam posterior pars per se prohibet similia opera, non vero alia, sive absque peccato fiant, sive cum illo.

12 Hoc ergo discursu efficaciter satis probatur hæc secunda sententia, quæ sine dubio est præctice securissima, & vera, quantum ad præsens institutum spectat. Prius vero, quam argumentis respondeamus, oportet adnotare, in rigore, ac formaliter diversas esse quæstiones, an scilicet peccare in die festo sit speciale peccatum directe, ac formaliter pugnans cum præcepto de die festo servando, quatenus prohibet certa quædam opera: vel, an peccatum commissum in die festo habeat ex illa circumstantia temporis aliquam peculiarem malitiam. In priori ergo quæstione evidens mihi est pars negans, quam secunda defendit opinio: & hæc est quæstio, quæ huic loco inservit, & ideo dixi pro præsentī instituto, discursum factum convincere. Stante vero resolutione primæ quæstionis, adhuc est locus alteri quæstioni, quia seclusa illa speciali prohibitione, & supposita sanctificatione illius temporis festivi ex speciali dedicatione ad cultum Dei, insurgit inde generalis obligatio sanctæ sancte tractandi, contra quam peccat, qui abutitur re sanctificata. Ut v. gr. eo ipso, quod calix est sanctificatus ad cultum Dei, est indecens, & culpabile, ut illo in communi, & vulgari mensa, non propter specialem prohibitionem, sed propter generalem rationem, quæ oritur ex sanctitate rei, ut infra etiam dicemus circa locum sanctum: sic ergo peccare in die festo videtur abusus quidam illius temporis, & violatio sanctificationis ejus, & ita potest inde aggravari, vel sumi malitia aliqua, etiam si in prohibitione de opere servili illud opus non contineatur.

13 Et declaratur optime, quia hoc modo etiam peccare in pasceve Domini, aut in vigilia alicujus sancti, aut in die rogationum censetur habere majorem deformitatem, non propter specialem prohibitionem, quia illis diebus etiam servilia opera prohibita non sunt, sed propter specialem sanctitatem illorum dierum, quam censetur habere per specialem deputationem ad honorem Dei, & ad communem orationem, vel commemorationem beneficiorum Dei. Denique hoc modo non tantum opera, quæ sunt peccata, sed etiam alia de se bona, vel indifferentia, si habeant aliquam indecentiam, quæ secundum rectam rationem videatur non congruere cum sanctitate illius temporis, censentur non bene, nec sine aliqua deformitate fieri in illis diebus. Quomodo dicunt graves au-

Obiectio.

2. Opinio vera est, & securissima.

Duplex quæst. indicatur.

Declaratur 2. quæstio.

cto.

dores copulam conjugalem non esse omni ex parte licitam in die festo, ut videre licet in D. Thom. in 4. dist. 32. art. 5. & in aliis, quos refert Saneius tom. 2. lib. 9. dist. 12. qui non ideo hoc affirmant, quia talis copula per prohibitionem operis servilis formaliter prohibita sit, hoc enim verisimile non est; sed quia est opus indecens pro tali tempore, nam prudentia in omni opere requirit præter alia temporis congruitatem: nam ut Sapiens dixit, est tempus tacendi, & tempus loquendi, &c. Et similiter taurorum agitatio, seu congressio specialiter est prohibita a pontificibus in diebus festis, & permessa in profestis; non quia sub prohibitione operum servilium contineretur, sed quia habet peculiarem indecentiam pro diebus festis. Potest ergo dies festus esse circumstantia augens malitiam peccati, quod in ipso committitur, vel etiam reddens actionem malam, quæ alio tempore non fuisset mala, etiam si tale peccatum, vel talis actio opus servile non sit, nec per se, ac formaliter prohibita per legem de observatione festi.

14 Juxta hæc ergo satis probabile censeo peccatum ex hoc, quod in festo fiat, malitiam aliquam, seu malitiæ augmentum accipere, dummodo hoc convenienter intelligatur, & explicetur. Primo enim intelligi potest de augmento malitiæ intra eandem speciem, & non addendo malitiam sacrilegii. Et ita hoc expresse fatetur Navar. supra num. 33. ad 1. & Sor. dicto art. 4. vers. *Sed ait*, Victor. in Summa 4. quest. 195. Et res est facilis, quia majorem quamdam deformitatem habet cum recta ratione actus in tali tempore factus, quam in alio; nam prudentia, ut dixi, hæc omnia observat, & ponderat: & ideo est una respectu omnium virtutum moralium, quia judicat de singulis cum quadam connexionione ad cæteras, expendendo circumstantias omnes, etiam prout oriri possunt ex connexionione ad alias virtutes. Atque hoc modo potest jocosa locutio, vel otiosa, aut inutilis esse deformior in die festo. Immo etiam actio non mala potest fieri deformis ex hac circumstantia, ut de copula conjugali est probabile etiam intra latitudinem temperantiæ, & seclusa gravi causa, vel necessitate honestante actum, & de malitia veniali, non mortali: sic enim graviore auctores loquuntur, de quo suo loco latius.

15 Secundo potest hoc intelligi de augmento per additionem novæ malitiæ contra religionem: non quia talis actus sit prohibitus per hoc præceptum, hoc enim jam improbatum est: sed quia eo ipso, quod tale tempus est sanctificatum, & cultui divino dicatum, quodammodo polluitur, & violatur, quodcumque peccatum præferim mortale in illo committendo. Quod in hunc modum declaratur: nam eo ipso, quod aliqua res consecratur, vel cultui divino dicatur, ex ipso jure naturæ absque alio præcepto positivo sequitur obligatio tractandi rem illam cum debita reverentia, & non profanando illam; ergo cum dies festus sanctificatus sit Deo, ut Scriptura loquitur, eadem naturalis prohibitio in illo locum habet ultra omnem positivam; ergo ratione illius habebit omnem peccatum in festo commissum specialem deformitatem contra temporis sanctitatem, ac subinde contra religionem. Confirmatur denique, quia idem peccatum publice factum in die festo majus solet scandalum generare, quam si in alio tempore fiat: ergo signum est juxta communem æstimationem, quam omnes habent ductu quodam naturæ, habere peccatum ex illa circumstantia specialem deformitatem.

16 Nihilominus tamen dicendum est, ex hoc capite non habere peccatum in die festo commissum novam malitiam mortalem contra religionem, nisi directe fiat ex contemptu talis festi: tunc enim non est dubium, quin sit grave sacrilegium, declarandum specialiter in confessione: quia ex intentione formali opponitur divino cultui, & contemnit illum: quod semper, & in omni materia grave crimen est, ut omnes citati auctores notant: & specialiter D. Thom. quest. 2. de Malo art. 6. ad 2. Secluso autem contemptu non apparent in eo actu gravis deformitas contra religionem, quia dies festus non est ita sanctificatus, ut teneatur quis omnes ejus partes, tanquam Deo consecratas, reverentialiter, quam non faciendo in illis opus specialiter pro-

hibitum. An vero hoc sit speciale peccatum veniale contra religionem, infra vi tebi monstrando de loco sacro: nam de his duabus circumstantiis cum proportionem loquendum videtur, ut constat ex usu Philosophorum moralium, immo etiam jurisperitorum per text. in leg. *Vinum*, ff. si certum petatur. Quicquid vero in hoc teneatur, constat, hanc circumstantiam non esse de necessitate confessionis, ut dixi in 4. tom. 3. p. quia sicut peccatum veniale non est de necessitate confessionis, ita nec circumstantia habens malitiam distinctæ speciei solum venialem. Unde Cajetan. dict. art. 4. §. *His igitur expeditis*, & in Sin. verb. *Dies festus*, quem sequitur A. milla num. 23. docet illicitum esse, totum diem festum, vel magnam ejus partem consumere ludendo, aut jocando, actionibus de se non peccaminosis; quia propter hoc multum quis impeditur a vacatione divinorum: & nihilominus subdit, illam non esse malitiam mortalem, & consequenter neque esse de necessitate confessionis; licet contra religionem esse videatur. Sed hoc dictum Cajetan. habet eandem dubitationem, quam, ut dixi, infra expediemus.

17 Superest, ut ad motiva superioris sententiæ breviter respondeamus. Ad Ambrosium ergo dico, non explicare ibi sensum litteralem præcepti de observatione sabbathi, sed mysticum, & spirituale. Et ita exponit D. Thom. 3. distinct. 37. art. 5. quest. 2. ad 2. & ex formali sententia Ambrosii, quam nos retulimus, satis constat. Ad Augustinum respondetur, ipsum non dicere magis esse contra præceptum de observatione sabbathi, lascive saltare in sabbatho, quam silare, vel seditionem efficere in sabbatho, quam arare: sed dicere, illud esse pejus: quod verum esse potest, quia illa peccata contra justitiam, vel castitatem, aut charitatem possunt esse in se majora, quam sit violatio diei festi. D. Thomas autem in dicto art. 4. quest. 122. videtur aperte exponere illa verba de majori transgressione hujus præcepti, & ita etiam sentire; sed exponendus ipse est, ut Cajetanus vult, de oppositione, & contrarietate ad hoc præceptum quoad finem ejus, non vero quoad substantiam ejus. Et ita magis videtur comparatio fieri inter opera secundum se spectata, quam ut sunt materia talis præcepti: nam hoc posteriori modo magis est contra substantiam hujus præcepti opus per illud prohibitum, quam aliud peccatum, & simul etiam est contra finem hujus præcepti, & interdum esse poterit majus peccatum, & tunc erit etiam magis contra finem ejusdem præcepti. Quando vero aliud peccatum est majus, erit magis contra finem, licet non sit contra substantiam præcepti. Ad caput *Consideret*, respondetur, multa ibi haberi de consilio, quæ non sunt de præcepto. Item dicitur, temporis sacri circumstantiam posse interdum aggravare notabiliter vel ratione scandali, vel ratione contemptus, vel certe, si opus ipsum, quo peccatur, simul etiam servile sit. Ad caput. 1. de Fer. respondetur ibi non esse sermonem de opere illicito in genere, sed in tali materia, id est, de opere prohibito hoc præcepto, quod ibi non explicatur, quale sit. Ad rationem jam responsum est, peccatum, ut sic, non esse opus servile in proprio, & literali sensu, nec esse ex his operibus impediendis divinum cultum, quæ illo præcepto prohibita sunt.

CAPUT XIX.

Utrum omne opus mercenarium servile sit, ac subinde sit specialiter prohibitum in die festo.

1 Dicitur mercenarium opus, quod sit propter temporalem lucrum, vel stipendium, quod interdum, ac sæpe contingit esse de se conditionis servilis, & tunc non est locus questioni, ut per se patet, quia si opus servile propter mercedem fiat, non propterea de se sit servile. Sed questio est, quando lucrum, vel merces, seu intentio ejus additur operi de se non servili, an eo ipso opus reddatur ita servile, ut sub generali prohibitione, & regula supra posita conti-

Respondeatur argumene opus servile patet.

Quid sit opus mercenarium.

neatur. In quo puncto, quod fundamentum est multorum casuum moralium, duo subdistingueda sunt, unum de lucro, aliud de mercede, seu stipendio, hac enim diversa sunt, ut statim declarabo.

2. Opinio
opus gau-
diu a lucri
esse ser-
vile.

Prima ergo sententia in hac materia est, opus sufficienter dici, & esse servile ex solo respectu ad lucrum temporale, etiam si ex nullo alio capite servile sit: unde si extra hunc respectum habuerit opus conditionem servilem, infra explicandam, pluribus modis erit servile. Ita sentiunt multi Canonistae in c. 1. de Fer. ut videre licet in Anton. ib. Abb. nu. 4. & in legis in L. *Omnes iudices*, cap. de Fer. qui late referuntur in Addit. ad Abbat. citato loco, & per Jacobum Abbarotium in Proemio feudorum capite 1. eandem significant Angelus, & alii infra citandi: dicunt enim ipsam studere, quod videtur opus maxime liberale, si spe, & intentione lucri principaliter fiat in die festo, esse festi transgressionem, & peccatum grave. Unde necesse est, ut dicant illud opus esse servile: quia, cum non sit specialiter prohibitum in iure, nec per consuetudinem, ut constat: si est contra observationem festi, oportet, ut sit prohibitum per illam generalem prohibitionem, *Opus servile non facies*: ergo illa ratio sufficit a constituendum opus servile. Et ita expresse docent Richard. Sylvester, Ang. & alii: qui propterea distinguunt triplex opus servile, materialiter tantum, formaliter tantum, & materialiter, ac formaliter simul: & hoc tertium ajunt solum prohiberi hoc praepcepto. *Materialiter* autem intelligunt, id est, quod sit opus corporale, & externum: *formaliter* autem, quod fiat propter lucrum, seu temporale commodum principali intentione. Unde etiam indicant, hanc intentionem esse necessariam ad opus servile prohibitum hoc praepcepto. Sed de hoc puncto, & de tota illa partitione in sequentibus dicam. Eandem fere sententiam docet Abulens. Exod. 12. quaest. 25. distinguens duplex opus servile: unum, quod est opus potentiae executivae laboriosum, & non necessarium, nec immediate ordinatum ad conservationem vitae humanae, quod ipse ibi late explicat; aliud tantum ex fine; quia ad lucrum ordinatur, quia servus propter lucrum operatur. Unde universaliter concludit, omnes operationes exteriores, secundum se liberales, ex hoc fine fieri serviles, & prohibitas. Fundamentum hujus sententiae, examinando, & impugnando illam, declarabitur.

Refellitur

3. Hanc ergo sententiam merito reprobatur Cajetan. dicta quaest. 122. art. 4. dub. ult. in 1. supposit. quam facit, & eum sequuntur Sor. Navar. & alii infra referendi. Dicendum ergo est, solum respectum ad lucrum ex intentione operantis non esse satis, ut opus sit prohibitum, tanquam servile. Hoc solum probat Cajetan. unico exemplo, quia negotiatio, seu mercatura sit maxime spe lucri temporalis, & tamen non sit inde opus servile, quia non est prohibita ex vi illius primae regule generalis, cujus signum est, quia ideo de illa negotiatione addita est in iure specialis prohibitio, ut infra videbimus. Sed auctores allegati negant assumptum: nam, si de studio id negant, majori ratione id negarent de negotiatione: cujus lucrum minus nobile, minusque liberale, magisque periculosum est: & consequenter dicenter; prohiberi specialiter in iure, non quia non contineatur sub regula generali, sed vel ut tolleretur omne dubium: vel certe, ut absolute prohibeatur, si fiat propter lucrum, si vel propter alium finem magis primum; nam illo etiam modo non licet, ut infra dicam. Sed instat Cajetan. quia negotiatio est opus liberorum, qui sunt domini pecuniarum, & non servorum, qui nihil habent. Respondendum tamen consequenter, esto negotiatio secundum se non sit opus servile, nihilominus factum propter lucrum fieri opus servile, sic enim de studio dicti auctores dicunt. Unde solum illum respectum sufficere putant, ut opus alias liberale, si nobili intentione fiat, intuitu lucri factum sit servile, quia proprium servorum est operari propter lucrum.

4. At enim hac ipsa ratio ostendit, sine fundamento hoc dici. Quia operari spe lucri non est proprium servorum, quod patet tum inductione, quia nobiles, & principes illa spe, & intentione saepe operantur, &

nulli se propterea servire putant; tum etiam quia nulli revera serviunt: quia nec ratione operis, cum non tendat de se ad commodum alterius, nec ratione intentionis, quia intendendo lucrum, potius quis operatur propter se. Praeterea ratio magis moralis est. Quia ecclesia per hoc praepceptum non prohibet operari hac, vel illa intentione, sed prohibet facere hoc, vel illud opus; ergo si opus secundum se non est contra prohibitionem ecclesiae, neque factum ex intentione lucri est contra generalem ecclesiae prohibitionem de opere servili; ergo signum est non fieri opus servile propter solam intentionem. Et confirmatur, quia alias studere in die festo ex intentione consecrandi famam, & magnum nomen, & honorem, esset opus servile, & contra praepceptum de observatione festi, quod ridiculum est. Sequela probatur, quia illud censetur majus lucrum, quam sit pecunia, & licet sit nobilior, & altius, minusque servile, quam sit pecuniarium lucrum, nihilominus moraliter, & mystice loquendo, ambitio honoris non minus est idolum servituti, quam sit avaritia: neutra tamen est vera servitus cum proprietate. Et tandem declarari recte potest ex Div. Thom. 2. 2. quaest. 118. art. 5. ad 4. ubi exponens illud ad Ephes. 5. *Avaritia est idolorum servitus*, ait, non proprie, sed per similitudinem dictum esse. Est autem similitudo in hoc: quod, sicut idololatria subjicitur idolo, ita avarus pecuniae: differentia vero est, quod idololatria subjicitur idolo ad cultum, & ideo idololatria est propria servitus, avarus non subjicitur pecuniae ad cultum, sed ad usum. Ergo intendens pecuniae lucrum non servit proprie: & consequenter nec opus factum ex illa intentione inde sit servile, si alias non est. Et ex sequenti puncto hoc a fortiori confirmabitur.

5. Secunda opinio est, opus fieri servile, si fiat intuitu mercedis, stipendii, seu salarii, etiam si de se servile non sit, sed liberum. Differt autem haec sententia a praecedenti, quantum differt merces a lucro: videntur autem differre tanquam genus, & species, nam merces lucrum quoddam est, ut constat: non tamen omne lucrum est merces, nam lucrum, quod negotiatione comparatur, non est merces, nec stipendium. Merces ergo dicitur, quando lucrum speratur ab aliquo, qui in recompensatione obsequii sibi facti tantum lucrum redditurus est, quantum tali obsequio debetur. Hinc ergo videtur intentio mercedis magis servilis, quam intentio lucri, quod non est merces, nec stipendium: quia qui ab alio mercedem sperat, illi servire obvinetur, non vero, qui sperat aliunde lucrum, ut in praecedenti puncto declaratum est. Sic igitur ait haec sententia, opus mercenarium eo ipso esse servile, ac subinde esse prohibitum per illa generalia verba in die festo. Ita sentiunt a fortiori omnes Doctores citati in opinione praecedenti, & praeterea antiqui Summistae Astenf. lib. 1. tit. 22. art. 4. & tit. 23. art. 3. quaest. 5. Summ. confes. lib. 1. tit. 12. quaest. 9. Angel. verb. *Feria*, num. 9. qui ex hoc principio multa inferunt num. 26. & sequentibus. Et adducit Richard. pro hac opinione in 3. dict. 37. art. 2. quaestio 4. & sequitur Sylvester verb. *Dominica* quaest. 4. & 5. ubi de lucro in genere loquitur, & satis lubrice, tamen in quaestione 5. conclus. 3. plane affirmat, esse peccatum mortale in advocato dare consilium in die festo, si principaliter intendat lucrum, (quod in eo est stipendium) etiam in eo casu, in quo non peccaret dando illud consilium sine lucro, vel non intendendo illud principaliter, sed tantum secundario. Tenet etiam Tabiena verb. *Feria* num. 39. Rosella num. 7. Fundamentum hujus sententiae jam declaratum est. Quia operari propter stipendium est servilis modus operandi, & proprius servientium, & ideo constituit opus servile, quod alias non esset. Et confirmari hoc potest inductione: nam piscari in die festo recreationis causa non est servile opus, nec contra observationem festi, & tamen factum propter stipendium, vel lucrum est servile, & prohibitum, quia sine dispensatione non licet cap. *Licet* de Fer. Item transcribere gratia doctrinae non est servile; transcribere autem propter mercedem est servile, & prohibitum, ut multi volunt, & sic de aliis.

2. Opinio
asserens,
omne o-
pus mer-
cenarium
esse ser-
vile.

In quo
differt
haec duae
opiniones

Fundam.

Opus non
feri fer-
vile ex
mercede.

6 Dicendum nihilominus cenſeo, nunquam opus fieri ſervile, eo quod fiat propter mercedem, & ſtipendium, ſi alias ingenuè factum non ſit ſervile, ſed liberum: Immo etiam addo, quod, licet opus ex ſe ſervile ſit, & mechanicum, ac per ſe prohibitum in die feſto, ſi hic, & nunc occurrat neceſſitas, vel cauſa juſta excuſans a præcepto, non eſſe illicitum, nec contra præceptum illud facere propter mercedem, & non alias, ac ſubinde jam tunc non fieri ſpecialiter illud opus ſervile ex relatione ad mercedem. Præcipuus defenſor hujus ſententiæ eſt Cajetan. in dicto art. 4. dub. ultim. qui valde ingenioſe, & acriter illam confirmat, & ſequitur Sor. dicto art. 4. licet fortasſe non in omnibus conſequenter loquatur; teneat etiam Medina in ſua inſtruct. confeſſ. lib. 1. cap. 14. §. 8. Ludov. Lopez in ſua inſtruct. 1. p. cap. 25. Navar. in Manual. cap. 13. numer. 5. Armilla verb. *Feria* num. 22. Azor. 2. p. ſum. libr. 1. cap. 28. quæſt. 1. Et moderni frequentius hoc ſequuntur. Ratio moralis eſt, quia eccleſia nullibi prohibuit operari in die feſto propter mercedem, niſi in quantum prohibet ipſum opus: quorieuſcunque ergo ex vi feſti non prohibet opus, non prohibet, nec curat, an fiat propter mercedem, vel gratis, hoc naturali juri, & perfectioni relinquit. Ergo opus de ſe non prohibitum, quia de ſe liberale eſt, & non ſervile, non prohibetur in die feſto, etiamſi propter mercedem fiat. Et ſimiliter licet opus alias ſit ſervile, & de ſe prohibitum, ſi hic, & nunc permittatur ex cauſa, licet non fiat ſine mercede, non propterea magis violatur feſtum, quam ſi gratis fieret. Nam licet alias reſpectu aliarum virtutum ex hac conditione, vel intentione poſſit bene, vel male, aut minus bene fieri, tamen reſpectu religionis, & feſti non magis violatur eo, quod ex mercede fiat, quam ſi fiat gratis. Niſi in caſu, in quo permiſſio ſit per diſpenſationem ſub illa conditione conceſſam, nam tunc eſt ſpecialis ratio, quæ potius confirmat ſententiam noſtram, ut jam declarabo.

Confirmatio
aſſertio.

7 Potest ergo aſſertio poſita confirmari, præſertim quoad poſterioriorem partem ex eo, quod interdum diſpenſatur cum operariis, ut poſſint in templo ædificando laborare, aut lapides, vel ligna ad eccleſiam, vel hoſpitale deferre, dummodo gratis id faciant. Quæ diſpenſatio juſta eſt, quia involvit commutationem vacationis præceptæ in opus pietatis; ergo ſi absolute daretur ſine tali reſtrictione (ut dari licite poſſet, ſi neceſſitas id poſtularet) tunc ſine ulla transgreſſione, vel violatione feſti poſſent fideles laborare propter mercedem. Quia in præcepto ſunt ſimpliciter diſpenſati, & nullum eſt aliud, quo prohibeantur ſtipendium accipere, cum alioquin opus dignum ſit mercede, licet ex diſpenſatione tantum liceat. Item aliquando conceditur diſpenſatio piſcandi ad lucrum ſub hac conditione, ut pars lucri eccleſiæ, aut pauperibus detur, ut patet ex capite *Licet* de Feriis, juxta verum ejus intellectum. Non enim ibi datur facultas ſub conditione ſolvendi decimas eccleſiis, ut Gloſſ. putavit, ſed ſub conditione faciendi aliquam eleemoſynam ex lucro illo; tum quia textus a parte loquitur de pauperibus, & de eccleſiis circumvicinis, quibus non ſolent deberi tales decimæ, quæ perſonales ſunt: tum etiam quia, cum ſolutio decimarum per ſe debeatur, non oportebat, illam in diſpenſatione declarare, ut bene notavit Panormitan. ibi. Neque illa conceſſio ſic facta ſimoniaca eſt, quia non venditur diſpenſatio propter partem lucri, ſed imponitur illud opus pietatis quaſi in commutationem præcepti. Ergo habita illa diſpenſatione, non violatur feſtum, etiamſi quis piſcetur propter lucrum, quod ex piſcatione ſperat.

Obiectio.

8 Dices, hoc eſſe verum, ſi intendat ſecundario, & conſequenter, non vero ſi intendat principaliter: nam potius debet intendere opus illud pietatis, vel eleemoſynæ, aut publicam utilitatem, propter quam diſpenſatio conceditur. Sed hoc gratis dicitur; tum quia, ut dixi, eccleſia non præcipit, vel prohibet in his actionibus hac, vel illa intentione operari; tum etiam quia accidentarium eſt, illam diſpenſationem concedi ſub conditione talis eleemoſynæ, poſſet enim ſimpliciter concedi, & tunc non deberetur talis eleemoſyna ex præcepto, ſed ex conſilio, ut etiam Angel. nu. mer. 35.

& Sylveſt. quæſt. 5. concedunt, & tunc non peccabit quis, etiamſi non intendat facere eleemoſynam ex lucro. Similiter licet diſpenſans ordinarie intendat publicam utilitatem, tamen utens diſpenſatione non tenetur intendere communem utilitatem, ſed poſteſt intendere proprium commodum, neque in hoc peccabit contra feſtum. Immo interdum poſſet eſſe hæc cauſa juſta diſpenſationis, quoad unam, vel aliam perſonam propter indigentiam ejus.

9 Sed dices tandem, hoc eſſe verum de intentione lucri, non vero de intentione mercedis. Sed revera unum ſequitur ex alio: nam inquiri, cum piſcario illa fieri non poſſit ſine multis cooperantibus, an omnes illi, qui adjuvant, teneantur gratis juvare, vel eſſe debeant partiarii lucratores (ut ſic dicam?) Certe neutrum dici poſteſt: non primum, quia ſi vana eſſet diſpenſatio, nulli enim vellent illa uti ad gratis ſerviendum: non etiam ſecundum; tum quia moraliter id fieri non poſteſt de omnibus quomodocunque juvantibus, ſed oportet, ut multi ſint ſtipendiarii, & mercede conducti: immo multi pauperes non aliter laborarent, quia volunt lucrum certum, & non dubium, quale eſt in partiariis. Unde recte advertit Cajetan. quod niſi liceret mercedem accipere pro his operibus ſervilibus, quæ ob neceſſitatem in feſtis permittuntur, raro invenirentur ſervientes, nec ſubveniretur neceſſitatibus, quia pauci ſunt, qui gratis velint intendere aliorum commodis. Eo vel maxime quia, licet opus ſit neceſſarium ad remedium proximi, non eſt tamen neceſſarium, ut gratis fiat, quando proximus poſteſt mercedem dare; ergo nullum peccatum eſt, illam poſtulare; immo injuſtum videretur cogere ad ſerviendum gratis ei, qui poſteſt ſervitium compenſare: non eſt ergo contra obſervantiam feſti talem mercedem exigere; ergo nec intendere illam ſive ſecundario, ſive principaliter, quantum attinet ad obſervantiam feſti: ſed illa intentio aliunde diſcutienda eſt. Recte ergo hinc concluditur etiam altera pars, quando opus non ex diſpenſatione, vel per excuſationem licet, ſed per ſe, quia ſervile non eſt, nec alias ſpecialiter prohibitum; tunc enim nulla malitia, vel circumſtantia contraria obſervationi præcepti illi adjungitur, eo quod fiat propter mercedem, quia hæc relatio non magis in hoc opere, quam in quolibet alio eſt contra præceptum de obſervatione feſti.

10 Applico deinde cum proportionè rationem factam, quia licet opus ſit liberale, & de ſe non ſervile, poſteſt eſſe pretio æſtimabile, ut conſtat ex communi ſenſu omnium, & exemplis ſtatim declarabitur; ergo ſi non eſt contra obſervantiam feſti tale opus gratis facere, neque erit contra eandem obſervantiam exigere pro illo juſtam mercedem, maxime ab eo, qui commode poſteſt illam reddere, quia nemo cogitur ſuum opus alteri gratis impendere, quod pretio æſtimabile eſt. Item, quia talia opera ſæpe ſunt neceſſaria in die feſto ad convenientiam reiſ. vel eccleſiæ ornatum, vel ad aliquam publicam neceſſitatem, & ſi gratis exhibenda ſint, pauci, aut nulli ad illa præſtanda inducentur. Cogere autem illos, ut gratis faciant, cum reiſ. hoc non interſit, videtur contra rationem juſtitie, & ſine ulla cauſa religionis: hoc enim per ſe ad cultum religionis nec neceſſarium eſt, nec fere confert. Tandem hoc confirmatur evidenti inductione; nam cantare, & pulſare cithara, & ſimilia, opera ſunt non ſervilia de ſe, & tamen videmus in ipſis eccleſiis non fieri a miniſtris earum, niſi propter ſtipendium certum. Nec reſert dicere, illud non eſſe intentum principaliter, ſed ſecundario: tum quia incertum hoc eſt: multi enim, præſertim ſtipendiarii, & maxime laici principaliter hoc intendunt, & ſive in hoc alias peccent per ſimoniam, ſive non, tamen ex illo capite non violant feſtum, quia, ut ſæpe dixi, prohibitio operum in die feſto non datur de intentione, ſed de ipſo opere: tum etiam ſatis eſt, quod non intendant ſic ſervientes gratis operari, ſed ob mercedem, nec ſine illa ſervirent: ſi ergo tunc opus non eſt ſervile, nec prohibitum, quantumcumque hoc ſit præcipue intentum, opus non erit ſervile. Item in multis academiis tenentur Lectores ſtipendiarii docere in aliquibus feſtis ratione ſtipendii, & ita propter illud docent, & non aliter, & tamen id non cenſetur illicitum, nec contra feſtum. Et ſimilia e-

Inſtantia
facilis.

Opus non
acquirere
malitiam
præcepto
contrariæ
ex mer-
cede.

empla multa adducit Cajet. ex quibus recte concludit, communem populi Christiani consensionem esse, non esse contra observantiam festi locare operas suas in illo die, quando alias tales operæ non sunt in festo prohibita, vel ex causa permittuntur.

Disiunctio
fundam.
alterius
sententia.
2. Ratio.

11 Ad fundamentum ergo contrariæ sententiæ negatur, ex hac sola relatione fieri opus servile, quod de se non est: hoc enim nulla efficaci ratione ab adversariis probatur. Contrarium autem probat Cajetan. tribus rationibus. Prima est, quia multa sunt opera servilia, etiam si absque intuitu mercedis fiant, ut infra videbimus. Hæc vero ratio solum videtur probare habitudinem hanc, seu conditionem mercedis non esse de necessitate operis servilis, quod verissimum est, ut infra tractabimus. Non tamen videtur immediate, & efficaciter concludere, respectum illum non sufficere ad reddendum opus servile, quod de se tale non erit.

2. Ratio.

12 Addit ergo secundam rationem Cajetan. quia aliud est operari serviliter, aliud mercenarie, a diversis autem non fit illatio, quando inter se connexionem necessariam non habent, quæ hic nulla est. Quia operari serviliter, est operari in commodum domini, propter illum, operari autem mercenarie est operari propter se, & in commodum proprium. Unde concludit, hæc non solum non esse connexa, verum etiam repugnare eidem operi, quia opus servile est proprium servorum, servis autem non redditur merces, quia omnes operæ servi sunt domini. Sed hoc posterius nimium est, quia sine dubio non repugnat, opus esse servile, & esse propter mercedem; laborare enim in domo ædificanda, vel in vinea colenda, sine dubio est opus servile, & tamen propter mercedem fit. Unde cum opus servile dicitur esse servorum, non oportet intelligere *servorum* nomine mancipia captiva, & libertate carentia, ut Cajet. indicat: nam hi servi sunt, qui nihil habent, & qui suas operas dominis debent, de quibus Cajet. vult illud esse intelligendum. Ego vero non ita opinor, nam opera servilia exercentur propriissime, & satis serviliter a famulis liberis, qui servire propriissime dicuntur, licet stipendium accipiant. Sunt ergo opera servilia servorum, id est, servantium, & de his non semper est verum, nihil habere proprium, aut omnia sua opera debere dominis, sed illa tantum, pro quibus mercedem accipiunt: tunc clarum est non repugnare, opus esse servile, & propter mercedem factum. Nec vero repugnat, simul esse hæc duo operari propter dominum, & propter se: nam duplex utilitas ex opere resultat, una tanquam immediatus effectus operis, & quasi intrinsecus terminus ejus quasi physici: alia tanquam recompensatio operis, quæ dici potest mediatum effectum moraliter potius, quam physice. Ille igitur, qui propter mercedem, verbi gratia, fodit vineam, immediate intendit terram præparare, & colere in commodum patroni, & ita operatur immediate propter illum; mediante autem hoc labore intendit comparare sibi mercedem, & ita proxime operatur propter dominum, & ultimate, seu remote propter se. Et hac ratione non repugnat ex hoc capite operari mercenarie, & serviliter, seu idem opus esse servile, & mercenarium.

3. Cajet.
ratio.

13 Sed instat Cajetan. in ratione 3. quia ex hoc, quod opus fiat propter commodum alterius, non fit serviliter, quia potest fieri gratis; additio autem relationis ad mercedem non est vinculum servile, quia hæc relatio operis mercenarii terminatur ad operantem, & non ad alium, quia operari propter mercedem ut sic, est operari propter se, & non propter alium. Sed in hac etiam ratione quamdam repugnantiam invenio: nam si operari propter mercedem, ut sic, non est vinculum servitutis, ut revera non est, & bene probatur discursu Cajet. ergo operari gratis non tollit vinculum servitutis, quia solum tollit vinculum mercenarii operis; ergo ex eo quod opus factum in commodum alterius gratis fit, non recte infert Cajetan. non fieri serviliter: alioquin repugnaret, opus gratis fieri, & esse servile, quod falsum est, ut dixi, & infra ostendam. Quod si fortasse quis dicat, & pro Cajetano respondeat, opus gratis factum propter commodum alterius esse posse servile, tunc autem non serviliter fieri, quia liberaliter fit: consequenter fateri cogetur, opus factum in commodum

alterius propter mercedem, licet in se servile non sit, illo tamen modo serviliter fieri, quia non gratis fit.

14 Ut ergo consequenter loquamur, & ex toto hoc discursu rationem efficacem colligamus, dicendum in primis est, licet de ratione operis servilis sit, ut fiat propter commodum alterius, non tamen hoc satis esse, ut opus sit servile, quia etiam opus liberale, quale est opus doctrinæ, vel artis liberalis potest fieri propter commodum alterius. Hæc ergo relatio & modus operandi propter commodum alterius non facit opus servile, sed abstrahit, & communis est operi liberali. Immo addo ulterius, non repugnare, opus fieri immediate in commodum operantis, & nihilominus esse servile, ut quando quis laborat in propria vinea, & propter suum commodum. Ex his ergo relationibus, ut esse possunt in operante, non discernitur opus servile a non servili, nec aliqua earum constituit opus servile, licet neutra illi repugnet, & illa, quæ est ad commodum alterius, magis accedat ad servitutem. Et idem fere est de relatione ad mercedem additam operi de se non servili: non enim constituit illud servile, quia illa relatio, ut sic, non respicit commodum alterius, sed ipsius operantis, ut bene Cajet. dixit, nec repugnat operi servili, si in eo conditionem servilem supponat, quam infra explicabimus.

15 Relatio ergo ad mercedem facit opus mercenarium, non servile, cujus signum est, quia si pro mercede intendatur honor, aut gloria, nemo dicit, inde fieri opus servile, quamvis mercenarium revera fiat. Item operari propter stipendium non est proprium servantium, nam principes, & duces, & magistri, & lectores, & ministri ecclesiæ operantur propter stipendium, & non propterea dicuntur serviliter operari, sed mercenarie. At denique licet daremus illos operari modo servili, non tamen dicere possemus facere opera servilia, quod præcipue intendimus. Quia ecclesia non prohibuit modum operandi mercenarium, nec præcipit liberalem, id est, gratuitum, sed prohibuit opera servilia. Et hoc est clarum, & morale fundamentum hujus veritatis, quod modus ille operandi propter mercedem, sive vocetur mercenarius, sive servilis (quod potest pertinere ad modum loquendi) non cadit sub ecclesiæ prohibitionem; tum quia nihil de hoc ecclesia in suis decretis explicavit; tum etiam quia ille modus est magis intentionalis, quam realis: pendet enim ex intentione, & relatione extrinseca operantis, ecclesia autem prohibet opus ipsum, non intentionem, nec opus ex tali intentione factum. Et hæc ratio maxime urget contra eos, qui fatentur, non esse contra hoc præceptum operari propter mercedem, quando non est principaliter intentum, sed secundario, quod fatentur auctores fere omnes contrariæ sententiæ. Sine causa vero addunt, esse contra præceptum, si sit principaliter intentum merces, quia ecclesia, vel non disponit de intentione extrinseca operis, sed solum de voluntate necessario connexa cum opere; vel si interdum potest prohibere externum opus, ut natum ex tali intentione, & non ex alia, nunquam censetur id facere, nisi quando expresse id declarat, ut suppono ex materia de Legibus: hic autem nihil de tali intentione ecclesia declaravit, nec ex prohibitione operis servilis sequitur prohibitio talis intentionis, ut satis declaratum est.

Potest et
opus factum
immediate
in com
modum ope
rantis esse
servile.

Relatio
ad mercedem,
quod
opus facit
mercenarium.

16 Circa confirmationem pro illa sententia factam ex quadam inductione occurrebat tractandum de aliquibus operibus in particulari, maxime de venatione, piscatione, scriptione, & transcriptione, an sint opera servilia, nec ne, & consequenter an sint prohibita in die festo. Multi enim Doctores, & Summistæ in priori sententia citati, cum supponant, hæc opera vel de se non esse servilia, vel saltem non semper, sub distinctione quadam respondent, si fiant propter mercedem: vel lucrum, servilia esse, & prohibita; si vero fiant gratis, vel recreationis gratia, non esse servilia, nec prohibita. Sot. etiam dicto art. de actu scribendi agens in §. *Tertium genus*, ait, scribere, quatenus est quadam locutio cum absente, non esse opus servile. Si tamen (ait) ad opus servile vergat, ut stata mercede transcribere, aut alia ratione calamo mereri, id minime fas est. Unde videtur dicere rationem, cur aliquando non liceat, solum esse, si stata mercede, aut ad

Scribere
propter
mercedem
non est
servile.

merendum stipendium fiat. Si autem Soto hoc sentit, non est consequenter locutus, quia hoc repugnat cum superiori resolutione. Supponendum ergo est, scribere ut sic de se non esse opus servile, quod omnes fatentur, præsertim vero declarat Cajeta, dicto art. 4. §. *Ad 2. dubium*, & Navar. in Manual. c. 13. num. 14. & infra probabitur: cum enim hæcenus non explicuerimus, per quid constituatur opus in ratione servilis, non possumus propriam rationem reddere, cur hoc opus excludatur a ratione operis servilis: hoc vero supposito, consequenter dicitur, nunquam tale opus fieri servile ex eo solum, quod propter stipendium, vel lucrum fiat, hoc enim plane sequitur ex resolutione data, & rationibus ejus, An vero ex alio capite alius modus scribendi sit servilis, ut etiam Cajetanus, & multi volunt, infra videbimus. Nunc solum dico, si scribere aliquo modo servile est, sive gratis, sive mercenarie, fiat, servile esse & consequenter, si nulla scriptio gratis facta servilis est, nullam etiam pretio factam servilem esse. Et idem dico de venatione, & quacumque alia actione, & ita respondeo ad confirmationem illam. An vero intra eandem speciem actionis quædam possit esse servilis, alia non servilis, ex dicendis constabit.

17 Ex dictis ergo circa opinionem tractatam, & circa rationes Cajetani recte concluditur, non constitui opus sufficienter in ratione servilis propter relationem ad lucrum, vel ad stipendium, sed necessarium esse, ut ipsum opus in se, & absolute, (& ut sic dicam) materialiter spectatum habeat proprietatem, & conditionem operis servilis. Hoc enim probant omnia, quæ adduximus contra superiorem sententiam; & ita sentiunt omnes auctores, quos pro nostra sententia retulimus. Unde obiter constat, divisionem illam Richardi, & Summistarum de triplici opere servili materialiter tantum, formaliter tantum, & materialiter, ac formaliter simul, superfluum esse, & falsum supponere, saltem quoad secundum membrum: nullum enim est opus servile ex sola formalitate intentionis (de hac enim illi loquuntur, & alia cogitari non potest,) nisi materia ipsius operis, id est, opus ipsum materialiter sumptum servile sit. Adde, Sylvestrum, Angelum, & alios non solum vocare opus servile formaliter tantum opus ipsum externum de se non servile factum ex intentione lucri, sed etiam cogitationem, vel internam meditationem, aut consultationem factam in die festo de opere mercenario, aut servili, faciendo postea in die profesto: ut si advocatus in die dominica cogitet de his, quæ feria 2. proponere debet propter lucrum, aut mercator de contractu faciundo, aut colonus de cultura terræ ex mercede facienda. At vero licet hi auctores fateantur, hoc opus non ita esse servile, ut sit prohibitum ex vi præcepti observandi festum, sed tantum de consilio, ut dicit Angel, dict. num. 9. & Sylvester quæst. 4. dist. 2. nihilominus immerito vocant illud opus servile, quia neque opus est, nec sub diviso illo continetur. Patet, quia illa cogitatio mere internus actus est (ita enim ipsi supponunt;) opus autem servile hic dividendum est opus externum, quia hoc solum hoc præcepto prohibetur, ut supra probatum est. Quod si illa præparatio non sistat in cogitatione, & meditatione interna, sed in actionem externam prodeat, tunc eadem ratio de illa erit, quæ de aliis corporalibus actionibus ad lucrum, vel stipendium relatis. Quia, nisi opus ipsum servilem conditionem habeat, propter solam formalitatem ad mercedem non potest dici opus servile formaliter tantum, ita ut contineatur sub prohibitione ratione festi. Hoc enim est, quod ad rem spectat: nam si quis vocet servile formaliter, & postea dicat, illam servitutem non sufficere ad prohibitionem, nec ad peccandum contra præceptum, de nomine tantum disputabit. An vero duo alia membra illius partitionis sint necessaria, ex sequentibus constabit.

CAPUT XX.

Quidnam sit de ratione operis servilis hoc præcepto prohibiti.

1 Varias descriptiones servilis operis apud auctores invenio, tres tantum attingam, quoniam

ex illis satis colligi potest qualitas, & ratio operis servilis, quatenus ad hoc præceptum explicandum necessaria est. Primo Abul. in cap. 12. Exod. quæst. 24. si opus servile describit: *Est opus laboriosum organorum executivorum, nulla urgente causa, ad humanam vitam non immediate sustentandam, aut fruendam.* Quam descriptionem latissime explicat; summam vero dicit, particulam *laboriosum* ad sitam esse ad excludendum opus de se facile, ut comedere, & bibere. Per *Organa executiva* exponit opera manus, linguæ, & potentiæ secundum locum motivæ, quia organa istarum actionum sunt proprie activa, & voluntati obediunt, quæ duo requiruntur ad propriam executivam virtutem humanam: & ita excludit opera sensuum, quæ per se non subsunt voluntati, & eadem fere ratione excludit opera partis vegetativæ. Illam vero particulam, *Nulla urgente causa*, non declarat, licet satis obscura appareat: fortasse vero intelligit, hoc opus ita esse ab executivo organo, ut ab intrinseco moveatur, & non per coactionem ab aliqua extrinseca causa, quæ urgens causa, & quasi vim inferens dici potest. Denique in reliqua parte declarat, opus servile debere esse ad sustentandam vitam humanam non tamen immediate, per quod (ait) *excludi præparationem ciborum a ratione servilis operis*, quia non prohibetur in die festo.

2 Sed ex hac ipsa explicatione constat, descriptionem illam voluntarie compositam esse ad propriam opinionem postea ex illa inferendam, quod est contra rationem definitionis, quæ ex communibus conceptionibus, & notionibus sumenda est. Præterea multa sunt opera non servilia, quibus tota illa descriptio convenit, nam scribere est opus laboriosum, &c. Similiter etiam cantare, ac pedibus ambulare, quæ tamen servilia non sunt ex suo genere, quicquid ipse dicat. E contrario vero paratio ciborum revera est de se opus servile, licet non prohibeatur, ut infra videbimus, & vestem facere, vel barbam tondere, opus servile est, cum tamen laboriosum proprie dici non possit. Nec propter excludendum opus comedendi, & bibendi erat necessaria illa particula, quia per ultimam sufficienter excludebatur multo magis, quam operatio parandi cibos. Hanc ergo definitionem missam faciamus, & ex illa tantum sumamus, opus servile distingui posse ab opere naturali, quod immediate ordinatum est a natura ad eandem naturam fovendam, vel propagandam; servile autem dicitur, quod remotius naturæ inservit. Et potest etiam hic adverti, operationem servilem quodammodo dici posse operationem manus, quæ est organum organorum, quo ratio, & voluntas utuntur ad juvandam naturam: unde vix ullum (ut opinor) opus de se servile invenietur, quod non sit a manu aliquo modo, licet non semper sit a sola illa, quod ex sequentibus planum fiet: non tamen per hoc sufficienter definitur opus servile, quia non omne opus, quod est a manu, servile est; at de descriptione postea dicturi sumus.

3 Secunda ergo descriptio sumi potest ex Divo Thoma. 2. 2. quæst. 122. art. 4. ubi dicit: *Opus servile esse aliud quod corporale opus ex his, in quibus unus homo alteri inservire solet.* Quamvis in eo loco non intendat exacte definire opus servile, sed qualemcumque notitiam illius dare: duo tamen sunt in illis verbis observanda. Unum est, non esse de necessitate operis, ut in servitium, vel commodum alterius hominis exerceatur; nam etiam potest homo opera servilia exercere in suum proprium servitium, & commodum: tamen quia servitius proprie dicta est ad alterum, ideo explicatur opus servile per qualitatem, & conditionem illius operis: quod solet homo exercere in obsequium, & servitium alterius hominis: & ita dixit D. Thom. in 3. distinct. 37. art. 5. quæst. 2. ad 2. *Opera servilia proprie dici illa, ad quorum exercitium servos deputatos habemus.* Non itaque tunc solum servilia sunt, quando per servos exercentur, sed in se sunt talia, a quocumque exerceantur, quia semper, quantum est de se, apta sunt fieri per servos, & propter exercitium illorum solent servi deputari: nam, ut ajunt, verba in definitionibus, seu descriptionibus non dicunt actum, sed aptitudinem. Alterum advertendum est, quod supra obiter dixi, cum opus servile a servitute denominari dicitur, & describitur

Inpugnatur.

2. Descriptio.

Prima 22
variis ser-
vilibus de-
scribitur.

tur per habitudinem ad servum, non oportere id intelligi de servo rigore sumpto, ut mancipium captivum, & non habens libertatem, (ut Cajetan. intellexisse videtur;) quia hoc non est necesse ad opus servile, nec enim ad omnia opera, quæ propriissime servilia sunt juxta intentionem hujus præcepti, habemus ordinarie deputatos hujusmodi servos, ut patet de omnibus operibus artium mechanicarum reipublicæ, quæ servilia reputantur, & non possunt dici esse talia, ut ad eorum exercitium habeamus deputatos hujusmodi servos. Ergo servitus ibi late sumitur pro famulatu, & ministerio corporali, quo unus homo juvatur ab alio in his corporalibus, & in materialibus rebus, & qui sic ministrat, servire dicitur, & si ad illud ministerium sit deputatus, vocatur servus lato modo.

Declara-
tur magis
præceptum
de labori-
bus.

4 Tercio declarat amplius hanc descriptionem idem D. Thom. in 3. loco proxime citato dicens: *Opera servilia propria esse illa, ad quorum exercitium servos deputatos habemus, in quibus debent artes mechanica dirigere, quæ a liberalibus distinguuntur.* Itaque non omnia opera, quæ per corpus exercentur, licet per ea possit unus homo alium juvare, servilia sunt, sed illa, quæ per mechanicas artes diriguntur: nam in his operibus dicitur proprie unus homo alteri servire, quia circa tempus proprie versantur, secundum quod attenditur servitus unius hominis ad alium. Hinc opus servile a liberali distinguitur, & (ut supra dixi) illud esse dicitur opus corporale, & materiale quasi per antonomasiam, hoc vero dicitur magis opus mentis, & spirituale. Recte autem advertit Cajet. in dict. art. §. *Ad 1. borum*, utrumque opus esse ab anima, & a mente tanquam a principio, & per corpus exerceri tanquam per organum, & priori ratione etiam opus mechanicum posse dici spirituale, quia mente, & ratione dirigitur: posteriori autem ratione etiam opus liberalis artis corporale esse, & non spirituale in sua substantia, sicut est loqui, scribere, &c. Ideoque ex terminis, seu passionibus proxime intentis distinguenda esse hæc opera. Nam opus mechanicum ita est ab anima, & exercetur per corpus, ut pro fine habeat aliquod opus materiale, & corporeum, & in corporis utilitatem proxime cedens, ut est calceos, vestes, domus, & alia similia artefacta conficere, & omnia, quæ ad culturam terræ ordinantur. Opus autem liberale licet corporeo organo fiat, quia homo non potest exponere alius mentem suam: tamen immediate non fit propter materiale passionem, sed ordinatur ad spirituale, ut ad instruendum alium, ad illuminandam, vel excitandam animam, &c.

3 Sic ergo ratio operis servilis in primis postulat, ut sit opus mechanicum, & corporale, non solum ex parte instrumenti, sed etiam ex proximo effectu, ad quem natura sua, vel ex vi sue institutionis ordinatur. Atque hoc modo excluditur a prohibitione hujus præcepti omne opus liberale, quantum est ex parte universalis prohibitionis operis servilis, nisi alias specialiter prohibeatur sit. Ita ergo satis explicatum videtur, quid, vel quale sit opus servile, quod in festo generatim prohibeatur. Superest tamen exponere, quam late pateat hoc opus, & an possit dari opus interdum servile, & interdum liberale, & an in universum prohibeatur, necne: quæ omnia tractando sequentia dubia melius exponentur.

C A P U T XXI.

De operibus naturalibus, pietatis, seu religionis in festo non prohibitis.

TRes difficultates occurrunt circa ea, quæ de opere servili diximus, quæ in hoc capite explicandæ sunt. Prima est circa opera mechanica, quæ ordinatæ, & quasi per se sunt necessaria corpori humano quotidie ad sustentationem, ut sunt comedere, & bibere, & multo magis parare ea, quæ ad cibum, vel potum quotidianum necessaria sunt, hæc enim juxta descriptionem datam sunt servilia: quia & corporalia sunt, & circa corporalem terminum versantur, & ibi quasi sistunt: unde etiam per artes mechanicas diriguntur, & de facto diriguntur, & ad illas servos

deputatos habere solemus: quamvis, qui servos habere non possunt, per seipsum illa exerceant; hæc ergo opera servilia sunt. Unde Aristot. 1. Polit. capit. 4. ciborum præparationem vocat *ancillarum ministeria*; & tamen non sunt in hoc præcepto prohibita, ut constat: ergo non satis explicatum est opus servile, quod est materia hujus præcepti, in quo universaliter omne opus servile prohibetur.

2 Ad hoc respondeo in primis de actu comedendi, & bibendi, non esse opus servile, nec contineri proprie sub opere, quod in ea partitione dividitur: nam opus, quod in servile, & liberale dividitur, est opus artificiale aliquo modo, quod per artem dirigi potest, ut D. Tho. indicavit, quodque veluti inventum est ad juvandam naturam in spiritualibus, vel corporalibus. Ab opere autem sic sumpto distingui potest opus naturale, & ideo proprie servile non est, nec liberale, sed naturale: tale ergo est comedere, & bibere, & ideo non cadit sub hoc præceptum: tale etiam existimo esse generare, & ideo non cadere sub prohibitionem hujus præcepti, sive turpiter fiat, ut per fornicationem, sive honeste, ut inter conjuges; de quo plura infra tractando de operibus peccaminosis: tale item censeo opus lavandi non solum manus, & faciem, sed etiam totum corpus, quod non prohiberi dixit Greg. lib. 11. capit. 3. cap. *Per venit* de Consecr. 3. Eademque ratio est de aliis operibus necessariis, quæ corpus humanum, etiam in diebus festis, vitare non potest, ut sunt indui, spoliari, & alia viliora, quæ licet maxime servilia videantur, si conditio earum attendatur, tamen non sunt proprie servilia, sed naturalia.

3 De actione vero coquendi cibos, & aliis, quæ ad præparationem coquinæ, & mensæ ordinariæ sunt, responderi potest, hæc quidem servilia esse, & ex vi verborum præcepti contineri sub illo, saltem quoad ea omnia, quæ præcedenti die præveniri possent, tamen ex consuetudine populi Christiani exempta esse ab illa lege, & ita cessat difficultas, quia hæc exemptio in omni lege positiva locum habet, quia per consuetudinem derogari, aut limitari potest. Ita indicat Cajet. dicto art. 4. §. *In eodem articulo*, & §. *His igitur expostis*. Sed non est intelligendum, ex intentione, & vi ecclesiastici præcepti hæc esse prohibita, & per consuetudinem ablatam esse prohibitionem: nunquam enim ecclesia has actiones prohibuit, nec fuit intentio ejus ut Christiani ab his actionibus abstinerent in dominica, vel festis, sicut Judæi abstinebant in sabbatho; potius ecclesia semper prohibuit servare festa Judæice, id est, abstinendo etiam ab his operibus, ut patet ex his, quæ supra adduximus. Unde D. Tho. dicto art. 4. ad 4. aperte dicit, non prohibuisse ecclesiam coquere cibos, quia non fecit tam arctam prohibitionem, sicut fiebat in die sabbathi. Intelligendum ergo est, hanc exceptionem in ipso præcepto contineri, sicut declarata fuit, quoad festivitates aliquas in lege veteri, Exod. 12. *Nihil operis facietis in eis, exceptis his, quæ ad vescendum pertinent.* Hanc ergo exceptionem addidit ecclesia in suo præcepto. Tamen, quia non invenitur ita clare scripta, dicitur haberi ex consuetudine populi Christiani, non per derogationem, sed per interpretationem, vel quia totum ipsum præceptum traditione incepit, & a principio ita incepit, & semper duravit.

4 Addit etiam potest, exceptionem hanc consuetudine auctam esse; nam plura fortasse ex consuetudine licent, quæ ex vi legis excipi necessarium non erat: nam ad ordinatum victum non erant necessarii pastilli, & alii cibi artificiosi, qui non sine magno labore fiunt, & tamen consuetudine permittuntur, & præparatio ciborum ad omnes has delicias ampliata est. Immo etiam interdum ampliatur ad actiones colligendi fructus eodem die, ut saniores, vel integriores, & meliores sunt, vel ad actiones occidendi, vel ad excoriandi animalia, & similes, quæ maxime fieri solent, quando ratio aliqua necessitatis intervenit. Hæc vero, & similia extendenda non sunt, sed, quoad fieri poterit, coarctanda ad eas res, quæ convenienter præcedenti die præparari non possunt, vel quia non commode conservantur, vel quia propter multitudinem populi non sufficiunt. Et ita regulariter non licet

Enodatur
difficultas

Quæ sen-
tiendum
de actio-
ne præpa-
randi ci-
bos.

Ex consue-
tudine
multa o-
pera lice-
re, quæ a-
liquin
prohibe-
rentur.

panem

panem coquere in die festo, quia potest commodissime præveniri, ubi autem id fieri non posset, vel propter populi multitudinem, vel quia dies festi continui plures sunt, tunc eodem die præparari posset, sicut alii cibi: & per hæc de similibus judicandum est.

De opere
excusandi
proximū.

5 Secunda difficultas est circa opera, quæ cum infirmis propter necessitatem exercentur; illa enim sæpe sunt satis servilia, nam & corporalia sunt, & pro termino habent opus aliquod materiale artefactum, quod corpori ad ejus levamen applicatur, ut emplastrum, portio &c. Atque huc spectant externa opera chirurgorum, & minuendum sanguinem, seu venam scindendum, hæc enim opera, & similia mechanica sunt, ac subinde servilia, & tamen prohibita non sunt, ut constat. Ad hæc, & similia responderi potest ex Cajet. supra. §. *Intertio casu*. Hæc opera, quæ secundum se, & extra necessitatem sumpta sunt servilia, tempore necessitatis desinere esse servilia, & fieri communia: ideoque consequenter etiam fieri extra prohibitionem. Assumptum declaratur, quia opus servile dicitur, quod est servorum proprium: at vero in casu necessitatis desinunt hæc opera esse servorum propria, quia sunt communia, & per omnem tam servos, quam liberos exerceri debent: desinunt ergo esse servilia, quia exiunt servitutem ratione necessitatis. Quam responsionem colligit Cajetan. ex Divo Thoma ibi dicente: *Corporalia in Dei cultum non pertinentia in tantum servilia esse, in quantum proprie pertinent ad servientes, in quantum vero communia sunt servis, & liberis, servilia non dicuntur*. Unde concludit, non violare sabbatum, qui hæc opera propter necessitatem proximi facit in die festo, quia tam liber, quam servus tenetur proximo in necessitatibus subvenire.

In festo
licite fi-
unt, sed
non desi-
nunt esse
servilia
hæc opera

6 Sed quamvis certum sit, in casu necessitatis proximi esse licitum hæc opera facere in ejus obsequium, quia tunc lex non obligat, iuxta excusationem intervenientem, ut dicemus infra. Tamen quod per occasionem necessitatis desinat opus esse servile, non videtur mihi proprie dictum, neque in rigore verum. Quia opus factum in obsequium, vel commodum proximi non est servile ex eo, quod extra casum necessitatis fiat, sed ex eo, quod est corporale opus mechanicum, & habens pro fine, seu termino proximo aliquem corporalem effectum: quod autem fiat in necessitate, vel absque illa valde extrinsecum est ad rationem operis servilis. Item opus fieri ex charitate, & esse servile non repugnat: dicit enim Paulus ad Gal. 5. *Per charitatem spiritus servite invicem*; quod & est præceptum tempore necessitatis, & consilium extra illam, in utroque autem eventu est idem servitium, & æque proprium. Unde quod dicitur, hæc opera esse communia servis, & liberis tempore necessitatis, non est, cur ad illud tempus limitetur; nam etiam extra necessitatem possunt esse communia saltem ex consilio. Nam liber, & non indigens potest suis manibus laborare, ut habeat unde tribuat egenis, etiam si ad hoc non obligetur, sicut monachi, & pii viri, aut femine sæpe faciunt, & tunc sine dubio opus servile faciunt, ideoque in diebus festis non faciunt, nec fieri potest, ut statim dicam. Ergo quod opus sit commune servis, & liberis, mutata intentione, vel genere obligationis, non obstat, quominus opus aliquod servile sit. Et ratio est, quia opus non habet, quod sit servile ex intentione operantis, nec ex conditione, vel necessitate persone, in cujus commodum sit opus, sed ex intrinseca conditione operis, & termini ejus, ut explicatum est. Unde nullum est opus servile, quod de facto exerceri non possit a personis non servis, nec ex officio servientibus, nihilominus tamen, quando illud faciunt, actu serviunt, & servile opus operantur, sive ex obligatione ob necessitatem proximi id faciant, sive ex libera charitate, & amicitia. Sicut etiam e contrario nullum est opus adeo liberale, quod non possit a servo fieri, potest enim servus studere, docere, & tamen in his non se gerit, ut servus, sed ut homo ratione utens, in qua liber est.

7 Concedo igitur, in illis casibus, & similibus, opera illa esse servilia, & nihilominus licitum esse, illa

Suarez. Tom. XII.

facere in die festo, non obstante præcepto; vel quia non prohibentur, eo quod sicut non prohibetur præparatio ciborum, licet servilis sit, ita nec prohibentur remedia necessaria, vel convenientia ad salutem humani corporis, & conservationem ejus, ut Gregorius satis indicavit in dicto cap. *Pervenit*, vel certe quia licet præceptum de se hæc opera prohibeat, necessitas tamen excusat, ut in multis aliis casibus infra videbimus, ubi etiam explicabimus differentiam inter excusationem, vel non prohibitionem: nam licet in idem videantur revolvi, tamen in rigore distinguuntur, ut in sequenti puncto etiam attingam. Neque existimo, D. Thom. voluisse dicere hæc opera, cum ob necessitatem sunt, non esse servilia, sed solum non esse illicita, nec vitari pro tunc, quia qui illa exhibet, ob necessitatem excusatur, & ita non se gerit, ut serviens, sed ut necessitati subveniens.

8 Tertia difficultas est circa opera corporalia, & mechanica, quæ sunt in cultum Dei, vel servitium ejus, quia hæc etiam videntur servilia, cum sint opera corporalia, & mechanica, solumque in intentione operantis videantur ab aliis differre, & nihilominus talia opera non prohibentur in die festo. Ergo circa hoc distinctione utendum est: nam quædam sunt ex his operibus, quæ immediate non sunt in utilitatem alicujus hominis, sed in solius Dei obsequium; hujusmodi sunt, templum scopis mundare, tapetis ornare, vel (si necesse sit pro ratione solennitatis) tabulatum efficere, vel aliud artefactum, item campanas pulsare, onera aliqua deferre, & similia. Alia vero sunt opera, quæ immediate versantur circa homines, vel in eorum commodum sunt, referuntur tamen in cultum, & honorem Dei, ut qui laborat reficiendo vestes pauperis, aut religiosi ex affectu ad Deum, & in honorem ejus.

9 Rursus priora opera distinguenda sunt: nam quædam sunt omnino intrinseca Divino cultui, quia ex illis quasi componitur, vel illis exhibetur cultus Dei. Et hæc quantumcumque gravia, vel onerosa corpori, aut mechanica videantur, licita sunt in die festo absque alia necessitate, sed solum ad exercendum cultum Dei. Ita docet D. Tho. dicto art. 4. ad 3. & ibi Cajetan. Sor. & omnes. Et hæc ratione dicit Christus Matth. 12. *An non legistis in lege, quia sabbathis sacerdos in templo sabbatum violant, & sine crimine sunt*. Violant (inquit) non quoad præceptum (alioquin non essent sine crimine), sed quoad quietem, & otium, & quoad vacuitatem operis, quam sabbathi nomen significat, & tamen *sine crimine sunt*, quia opera illa Divini cultus non prohibentur illo præcepto de observatione sabbathi. Sic etiam Joan. 7. *Circumcisionem accipit homo in sabbatho, ut non solvatur lex Moysi*. Licet enim actio illa materialis videri posset prohibita per legem sabbathi, quia juxta aliam legem ad cultum Dei pertinebat, non erat omitenda dies sabbathi. Quocirca in hoc casu non solum intervenit excusatio a præcepto prohibente opera servilia in die festo, sed etiam absoluta non prohibitio, quia talia opera servilia non sunt, nec tali præcepto prohibentur, ut recte D. Thom. dixit. Et ratio constat ex dictis, quia per illas actiones non servitur homini, sed Deo immediate; ergo non sunt ex operibus servilibus, quas hæc lex prohibet, immo sunt ex his, quæ præcipit, vel quibus maxime solet festum ipsum celebrari.

10 Alia vero sunt opera, quæ licet fiant tantum propter cultum religionis, non tamen continent ipsum cultum, sed remote concurrunt ad illum, vel ornando locum templi, aut viarum, si futura sit processio, vel alia necessaria præparando; & in his Cajetan. dicto art. 4. §. *Ad hoc dicitur*, & Sor. lib. 2. de Just. quæst. 4. art. 4. tria genera distinguunt: nam quædam sunt ita propinqua cultui, ut in eodem die requirantur, ut pulsatio campanarum, & similia, de quibus eadem est ratio, ac de ipso cultu, quia accessorium sequitur principale, & quia ibi intervenit vera necessitas publica.

11 Alia sunt antecedentia, quæ licet pro tali festo requirantur, possunt antecedenti die præparari, ut mundatio altaris, ornatus, & similia: de quibus

Aliud ge-
nus operū
magis re-
motum

N

ajunt

ajunt non esse reservanda in diem festum, nisi vel plures dies festi continue succedant, vel aliud impedimentum occurrat. Non tamen declarant, an sint vere talia opera servilia, neque an sit grave peccatum, illa reservare in diem festum: magis vero indicant, non esse proprie servilia, hoc enim solum tribuunt operibus terrii gradus: & sane est probabile, præsertim quando sunt valde vicina cultui Divino, & ex modo suo determinata ad illum, ut ornare altaria ipsa, & vestes sacras extrahere, ac præparare. Unde hæc non censeo esse prohibita, licet consulendum sit, ut ante festum fiant, tum propterurbationem vitandam; tum ut tempus, & locus maneant tota die magis expedita, & libera ad cultum Dei: si vero ex negligentia aliud fiat, non censeo esse peccatum præsertim grave, secluso scandalo. At vero actio mundandi scopis templum, & parietes vestiendi tapetis, & similes magis remotæ sunt a cultu, & ex se sunt serviles, & communes ad alia loca, vel domos, & ideo reservari non debent in diem festum. Neque id fiet sine aliqua culpa, non credo tamen esse mortale secluso contemptu, ut bene indicat Cajetan. dicto articulo quarto, & in Summ. verb. *Festorum violatio*, quia materia de se non est gravis, & sit levior ex conjunctione ad cultum Dei: unde, si intercedat oblitio, vel inadvertentia præcedens, excusari poterit omni culpa, & si contingat ex negligentia omitti opus, postea jam erit casus necessitatis, in quo sine novo peccato fiet opus.

13 In tertio gradu ponit Sotus opera mechanica, quæ remote cedunt in utilitatem templi, ut arare, & colere agros templi gratis in ecclesiæ subsidium, ligna, & lapides ad ecclesiæ ædificium congerere, & a longinquo vehere, partem aliquam templi in festo ædificare, vel dealbare parietes, aut aliter perficere. Et de his ait esse vere opera servilia: quod verum censeo, quia sunt mere materialia, & mechanica, & de se ordinata ad corporale servitium hominum, licet ex relatione operantis extrinsecus referri possint, & referantur in cultum Dei. Quapropter sine dubio sunt per se prohibita, ne fiant in die festo, ut sentiunt Cajetanus, Sotus, Navarrus, & alii. Dico autem per se, quia iusta necessitas excusare potest, & pietas sufficit ad justam dispensationem, ut infra dicturi sumus. Videntur autem contra hoc sentire Angel. verb. *Feria*, numero vigesimo octavo, & Silvester, & Antonius. Ad illos vero statim respondebimus.

14 Unde a fortiori constat, quid dicendum sit de operibus misericordiæ corporalis, & de se servilibus relatis ab operante in honorem Dei. Dico de se servilibus, quia si non includant opus servile, ut visitare infirmos, pascere esurientes, &c. clarum est, in die festo licere. Aliquando vero consistunt in opere servili, ut est consuere vestem pauperis, vel ligna illi portare, &c. & tunc dicendum est, talia opera per se non licere, quantum est ex vi præcepti, & non interveniente necessitate, ut recte docent Cajetan. Sor. Navar. & Armilla citatis locis. Et ratio est, quia sunt opera servilia. At vero nonnulli Doctores indifferenter ajunt, hæc opera, si fiant in subsidium pauperum, non esse prohibita in die festo. Ita Silvest. ver. *Dominica*, quæst. 4. ver. *Tertia*, in fine, Angelus supra num. 30. Anton. 2. part. tit. 8. cap. 7 §. 5. Citant cap. *Conquestus*, de Fer. ibi, *Nisi necessitas urgeat, vel pietas suadeat*, ubi Glossa ad verbum illud, *Pietas*, rationem reddit, quia in operibus misericordia dierum distinctio non est habenda, & illam sequuntur Abbas, & alii Doctores ibi. Sed hi auctores non negant, illa esse servilia; sed dicunt, facta illo modo non esse prohibita, quasi lex ista prohibens opera servilia in die festo tacitam conditionem includat explicatam in dicto cap. *Conquestus*, nimirum, nisi fiant tanquam opera pietatis, vel misericordiæ.

15 Sed hæc interpretatio admitti non potest sine alia declaratione, aut limitatione: alioquin omnes artifices reipublicæ possent laborare in die festo, ut ex lucro facerent elemosynam, & si voto hoc Deo offerrent, votum esset licitum, quod sine dubio falsum est, & contra communem usum, & sensum ecclesiæ. Debet ergo hoc necessatio limitari, & intelligi de operi-

bus misericordiæ, quibus pauperes, vel infirmi actu indigent in die festo, vel quando ita indigent, ut licet ex parte necessitatis satis illis esset, quod in die festo provideretur, nihilominus si in die festo id non fiat, sine remedio, vel subsidio relinquantur, quia nemo invenietur, qui eis gratis subveniat in die festo, & ipsi non valent stipendium solvere. Quando ergo pietas est hujusmodi, sine dubio est licita in die festo: neque hoc negant priores auctores.

16 Præterea, illa opinio posterior in duobus non placet. Unum est, quia parum, aut nihil distinguit inter hæc duo, scilicet, quod opus liceat propter excusationem, vel quia prohibitum non est, quæ tamen in rigore sunt distincta, ut infra dicam. Unde in proposito, quando pauper, vel infirmus indiget actu pro ipsomet die festo, opus servile in subventionem ejus ita licet, ut nec prohibitum esse videatur, nec ulla consultatione, vel dispensatione opus sit, ut licite fiat: quia ita se habent illa opera ad proximum, ut se habet ad unumquemque victus quotidianus, vellea, quæ ad conservationem vitæ, vel corporis sunt necessaria, unde sicut præceptum non prohibet unicuique hæc opera circa se ipsum, ita neque illa circa proximum. At vero quando necessitas non instat pro illo die, & tale opus posset sufficienter fieri sequenti die festo, tunc solum licet opus misericordiæ, aut pietatis per modum excusationis: & ideo necessaria est ponderatio necessitatis, & causæ, & quando non fuerit per se clara, & magna, necessaria erit pastoris licentia. Et hoc etiam confirmat usus ecclesiæ, quoties enim hæc opera publice fiunt, prælati facultas postularur. Secundo non placet in illis auctoribus, quod omnino requirunt, ut hoc opus pietatis, vel subventionis proximi gratis fiat, & per modum elemosinæ, quia necessarium non est, neque sufficit; si enim infirmus, vel gratia, omnino indiget nunc in die festo opera artificis alicujus, verbi gratia, ut vena scindatur, vel aliquid simile, non indiget tamen, ut gratis fiat, quia si potest stipendium reddere, non cogitur alius ex vi festi gratis hæc facere, quia hoc non spectat ad festi observationem; necessitas enim operis est, quæ excusat, non liberalitas, vel misericordia, ut talis est. Unde e contrario, si opus non esset necessarium, licet gratis fieret, & ex misericordia, quæ in alio die esset supererogationis, in eo non esset licitum sine dispensatione aliqua. Ad caput autem *Conquestus* dicam infra.

C A P U T XXII.

An opera liberalia prohibeantur hoc præcepto, vel cur permittantur.

UT ratio dubitandi intelligatur, suppono, non esse quæstionem de omni genere liberalium operum: nam sunt quædam, quæ vel ipsum cultum Dei continent, ut oratio, vel ad illum proxime conferunt, ut lectio, doctrina, concio, & similia, quæ Cajetan. dicto articulo quarto §. *Ad primum*, vocat spiritualia ex spiritu gratiæ: de quibus ait non solum non prohiberi, sed etiam commendari in die festo: de his ergo nulla quæstio est. Alia sunt opera liberalia ad cultum Dei per se non spectantia, sed ad alia objecta, ut opera artium liberalium, & studium inferiorum scientiarum, vel etiam Theologiæ, si pure speculativum sit. De his ergo movetur dubium, & illius ratio esse potest, quia, si finem hujus præcepti inspiciamus, non minus videretur necessaria prohibitio horum operum, quam servilium, scilicet, ut homo possit manere expeditus ad vacandum Deo: quia non minus impediunt attentionem mentis ad Deum opera liberalia, quam mechanica: immo plus occupant mentem, & si diu continentur, ita fatigant corpus, ut orationi, aut aliis actibus Divini cultus vacare non valeat. Et præterea, quia nobiliora sunt, quam mechanica, magis delectant, & in eis libentius, ac facilius homo occupatur: & ita magis a divinis cogitationibus distrahitur, ad quas propter earum excellentiam

Posteriori-
rem opinio-
nem in
duobus
deficiere
ostendi-
tur.

An liceat
æmulum
in die fe-
sto scopis
mundare.

Quid de
operibus
misericordiæ
judicandum

Impugnatio
aut interpretatio

essentiam, & spiritualem perfectionem cum difficultate attollitur; ergo magis debuerunt hæc opera liberalia prohiberi, quam servilia.

Opinio
asserens
non licere
in festo
studere.

2 Hinc nonnulli Doctores canonice dixerunt simpliciter, non esse licitum in festo studere. Ita tenuit Anton. de But. in cap. 1. de Fer. Et licet videatur precipue loqui de studio propter lucrum, tamen etiam absolute loquitur de omni studio, quod non est in materia spirituali, & rationem reddit: *Quia dies deputata ad servitium Altissimi deputatur ad servitium actus mundani*; tale enim est studium, quod non est de materia spirituali. Item, quia studere in materiis inferioribus abstrahit mentem a contemplatione, & cultu Dei; ergo non licet in die festo. Unde fit consequens, hunc auctorem idem a fortiori sensisse de quocumque actu artis liberalis, qui ad cultum Dei per se non spectat; tum quia nullus est magis liberalis actus, quam studium; tum etiam quia rationes factæ æque in cæteris procedunt. Expressius, ac scrupulosius docuit hanc sententiam Abulen. Exod. 12. quæst. 26. ubi ait, interdum opera nec in se servilia, nec ex fine lucri esse prohibita in die festo, quia impediunt quietem diei festi; ut, si quis toto die dominico studeat, etiam Theologiæ, & causa pietatis, & non lucri, non caret culpa, quia tollitur quies festivitatis, & quia est præferenda vacatio ad Deum studio, tanquam finis medio; unde etiam infert, non licere docendo, aut legendo totum diem festum consumere, etiam causa pietatis, & multa alia consequenter infert satis scrupulose, quæ ibi videri possunt.

Liberalia
opera non
prohiberi

3 Dicendum vero est, opera liberalia, & non servilia non esse prohibita in die festo, nec esse peccatum contra festi observationem in eis consumere totum diem, quacumque intentione fiant, dummodo ab audienda Missa homines non impediunt. Prima pars est expressa D. Thom. in dicto art. 4. Et ibi Cajetan. Sar. Navar. Armil. Et in ea præcise sumpta consentiunt etiam Panorm. Petr. de Ancar. Andr. Barbat. & alii in dicto cap. 1. de Fer. loquentes in particulari de studio conjugumque rei. Idem Archid. in cap. *Jejunia*, de Consecr. dist. 3. Gloss. & Doctores in l. *Omnes iudices*, cap. de Fer. Et quoad hanc partem non dissentiant Angel. Silvest. & Rosel. in locis sæpe allegatis. Ratio est, quia hæc opera non sunt servilia, & lex ipsa expresse limitavit prohibitionem ad opera servilia: unde licet nos lateret ratio legis, parum referret, quia verbis, ac dispositioni ejus standum est. Nec refert, quod hæc opera impediunt vacationem ad Deum, quia finis præcepti non cadit sub præceptum (& in hoc videtur maxime deceptus Abul.) vacatio autem ad Deum per positivos actus contemplationis ultra Missam non est materia hujus præcepti, sed finis, & ideo ex hoc solo capite non fiunt contra hoc præceptum hujusmodi actiones, nisi tanta sit occupatio in illis, ut etiam Missam impediunt.

Onedietur
a conclus.
pars quo-
ad conti-
natione.

4 Hinc ergo manifesta est secunda pars assertionis, de continuatione talium operum per totum diem; tum quia eadem est ratio unius operationis liberalis, & plurium per se loquendo; tum etiam quia talis continuatio per se non est mala, nec prohibita, unde non habet malitiam commissionis, nec etiam impedit actum præceptum, ut ostensum est: nam supponimus, non impedire Missam; ergo nec malitiam omissionis habet; ergo nullam. Tertia vero pars de relatione ad lucrum, seu finem in superioribus late probata est. Quod si finis non sit acquisitio lucri, vel mercedis, sed alius finis humanus etiam pravus, poterit quidem actio esse mala contra alia præcepta, tamen inde non erit contraria huic præcepto, quia per illud non prohibentur specialiter omnes actiones pravæ, aut peccaminosæ ex quocumque capite, ut etiam supra ostensum est. Denique ultima pars clara est ex dictis, quia actus, qui est causa omissionis alicujus præcepti, malus est, ut per se constat.

Studium
non pro-
hiberi.

5 Ex hoc ergo principio concluditur, non peccare contra hoc præceptum, qui toto die dominico studet, suo tempore audiendo Missam, non solum si studiis Theologiæ vacet, (quod est manifestum) sed etiam si Philosophiæ, aut Mathematicæ, aut juri Canonico, vel etiam civili incumbat; quia studium quod-

SHARPEZ, Tom. XII.

cumque immediate ordinatur ad perficiendam, & illuminandam mentem, unde nullum studium est servile de se. Dices: ergo etiam mechanicas artes licebit addiscere in die festo, quia etiam illæ illuminant, & perficiunt intellectum; ergo etiam licebit earum usus in die festo, quia est medium ad illas addiscendas, nam si finis licet, etiam media ad finem. Respondetur, in artibus mechanicis duo esse: unum est mentis conceptio, & instructio, alterum est praxis, & usus ipsius artis. In festo ergo non licet vacare acquirendæ arti quoad facilitatem, & promptitudinem in ipso usu, nam quoad hanc partem non acquiritur ars, nisi per exteriores actus ejus, qui sunt opera mechanica, & servilia: licet tamen addiscere artem in die festo, quoad theorematum artis, & mentis instructionem, quia hoc servile non est.

Oecurri-
tur.

6 Unde etiam constat, licitum esse die festo docere quæcumque scientiam, & artem, prout ad mentem pertinet, sive voce, sive scripto fiat, quia totum hoc liberale est. Immo licet ad Mathematicas docendas, vel addiscendas necessarium sit, aliquas ducere figuras, id non erit contra hoc præceptum, non solum quia leve est, sed etiam quia servile non est. Nam illa delineatio non fit, ut homo usu ipso addiscat figuras illas depingere, quod videri posset servile, ut statim dicemus de actione pingendi; sed fiunt tantum ad manuducendum intellectum, ut vim demonstrationum percipiat: & per hæc est judicandum de similibus actibus, quos constat liberales esse; de quibusdam vero, qui possunt videri dubii, statim in particulari dicetur.

7 Ad rationem ergo dubitandi respondetur in primis, etiam si opera liberalia circa res creatas impediunt, ne pro tunc mens vacet circa Deum, nihilominus Deum non prohibuisse illa in omnibus festivitibus Judæorum, quia ad finem a se intentum satis esse judicavit, tollere impedimenta operum servilium, quod ecclesia imitata est. Et hæc ratio sufficiens fuit ad constituendum præceptum sub illa forma. Item non debuit tanta prohibitio fieri, ut omnis operatio tam liberalis, quam mechanica prohibita esset, sic enim nihil licite agere possent homines, nisi quod Divinum esset, & ad cultum Dei pertineret, vel esset necessarium, quod plane fuisset, omnes fere homines conicere in evidens periculum transgrediendi tale præceptum; ergo oportuit non omnia opera prohibere. Prohibita ergo fuerunt potius servilia, quam liberalia, tum quia inferioris ordinis; tum quia magis communia sunt, quæ præcipue solent occupare homines, & distrahere illos a rebus Divinis. Nam operationes liberales de se honestiores sunt, & quia non sunt adeo necessaria vitæ humanæ, neque ita utiles ad humana commoda: ideo non solent ita homines abstrahere a rebus Divinis regulariter loquendo, leges autem attendunt ea, quæ frequentius accidunt. Denique, si qua sunt opera non servilia, quæ animum multum perturbant, & distrahunt, vel occupant in rebus temporalibus, illa specialiter prohibita sunt, ut videbimus; generaliter autem non oportuit liberalia prohibere, sicut servilia.

Dirigitur
fundamē-
tum opo-
positæ
partis.

C A P U T XXIII.

Denurture opera nec liberalia, nec servilia, & quomodo ad hoc præceptum comparentur.

1 IN hoc capite examinandum est, an dicta divisio operum in servilia, & liberalia sufficiens sit, vel sint aliqua opera tertii ordinis sub neutro illorum membrorum comprehensa, & quid de illis dicendum sit, quod attinet ad observationem festi, & prohibitionem eorum. In quo dubio Cajetan. supra quem multi sequuntur, supponit, dari quædam opera nec liberalia, nec servilia, quæ vocat communia, ac subinde divisionem illam bimembrem pro hac materia non esse sufficientem, sed addendum esse hoc tertium membrum. Ratio ejus est, quia opera servilia sunt ea, quæ sunt propria servorum; liberalia vero, quæ sunt propria liberorum, seu dominorum: at sunt quædam utrisque communia, ut etiam D. Thom. in

An den-
tur opera,
quæ nec
servilia
sint, nec
liberalia.

Ratio pro
affirmati-
va parte.

illo art. 4. indicavit, ergo. Et confirmatur inductione: nam iter agere commune est servis, & dominis: item venari, piscari, scribere, & omnes actiones similes, quæ ex suo genere non includunt servitutem, quamvis neque illam excludant: recte ergo communes, seu indifferentes appellantur, & tertium membrum operationum constituunt. Hinc dicunt consequenter hi auctores, has actiones nec semper esse prohibitas, nec semper concessas in die festo; sed quatenus possunt inducere, modum servilem prohiberi: nam sub ea ratione serviles sunt, & propriæ servorum. Si vero a modo servili abstrahantur, non esse prohibitas, quia serviles non sunt. Quis autem sit ille modus, quo tales actiones efficiuntur serviles, non satis a dictis auctoribus explicatur, & a nobis statim inquiretur.

Difficultas præcedentis opinionis ostenditur

2. Hæc ergo opinio speculative spectata mihi est difficilis, & ad expediendos casus morales veram rationem in eis reddendo, non videtur sufficiens. Primo enim in generali obijcio, quia inter hominem servum, & liberum non potest dari medium; ergo neque inter opus servile, & liberum. Pater consequentia a paritate rationis: ideo enim in homine non datur medium, quia illa membra vel privative opponuntur, vel includunt immediatam contradictionem; nam qui relatione servitutis caret, eo ipso liber est, quia liber esse dicitur sui juris, in quo negatio indicatur, scilicet non alterius, sicut cum dicitur Deus esse a se, negatio declaratur, id est, non ab alio: hæc autem ratio non minus probat in illis terminis ad opera applicatis; nam eo ipso, quod opus non habet conditionem, & relationem servilem, liberum est.

3. Secundo non apparet, quomodo distingui possint opera propria servorum, ac liberorum, ita ut aliqua utrique communia relinquuntur. Aut enim agimus de personis servis, & liberis absolute, vel formaliter ut servi, vel ut liberi sunt. Priori modo nullum est opus ita proprium servi, quod non possit a persona libera exerceri, ut supra dicebam: nam rex potest artem mechanicam exercere, in eo tamen non se gerit ut rex, sed ut artifex; & si pedes suorum laverit, vel mensis ministraverit, servilia profecto opera exercebit, & licet ipse sit liber, & dominus, in eis se gerit ut servus. Igitur quod persona operans libera sit, non tollit, quin opus sit simpliciter servile, atque ita nullum est opus servile proprium servorum materialiter, ut sic dicam; seu quoad statum, & conditionem persone. Et similiter converso nullum est opus ita ingenuum, quod non possit fieri ab eo, qui est servus, quamvis in eo opere revera non serviat. Igitur isto modo non possunt distingui inadequate opera in servilia, & libera; per relationem ad conditiones personarum operantium. Si autem illa distinctio sumatur in ordine ad personas operantes formaliter spectatas, sic non videtur posse dari medium inter opus servile, & liberum; nam illud, quod dicitur commune, si exerceatur a servo, non fiet ab illo, ut servus est, sed tamen convenit cum libero in ratione personæ rationalis: vel converso, si eo ipso, quod sit a servo, fiat ab illo, ut servus est, profecto licet fiat a persona libera, in eo non se gerit ut liber, sed ut servus, vel potius ut serviens, quod satis est ad rationem operis servilis.

Responsio

4. Dici potest, opus servile posse quidem esse in persona libera, non tamen tanquam in proprio subjecto, sed tanquam in alieno; & e converso de actione libera: atque ita opus servile dici proprium servi, quia illum respicit (ut sic dicam) tanquam connaturale, & proportionatum subjectum, licet in alio esse possit quasi per accidens, & supernaturaliter. Sed contra, quia hoc dato, idem insurgit argumentum, quod non possit dari opus medium, quia eo ipso quod opus non postulat servum tanquam proprium, & connaturale subjectum, est opus liberum: atque ita licet possit esse commune quoad personas liberas, & servas, quia in omnibus esse potest sine præternaturalitate (ut sic dicam) nihilominus non est commune quoad abstrahendum a servili, & libero; sed simpliciter liberum est. Nullum enim opus est adeo

Impugnatur

liberum, quod non possit esse in servo sine ulla præternaturalitate. Quod enim opus magis liberum, quam amare, & laudare Deum? & tamen hæc sunt in servis non minus connaturaliter, quam in liberis, si alioquin iusti sunt. Ita ergo scire, & docere possunt convenire servis tam connaturaliter, ac liberis, eo ipso quod rationales sunt.

Aliter eadem difficultas ostenditur

5. Denique moraliter magis hoc inquirendo, si idem opus dicitur esse commune, quia nunc potest esse servile, nunc non esse, inquit, per quid fiat servile. Respondent multi, fieri servile per relationem ad mercedem, vel temporale luerum: sed hoc jam reprobatum est, & a Cajet. & aliis auctoribus, cum quibus disputamus, reprobatum. Et præterea, qui id affirmant, non negant, illud opus per se spectatum esse liberale: immo dicunt, omne opus liberale fieri servile illo respectu. Aliiter responderi potest, dari quidem posse opus, quod secundum suam speciem servile non sit, nec positive liberum, quia usque ad certam mensuram, vel corporalis laboris, vel durationis, vel alterius similis conditionis, aut modi liberum est: nam exerceri potest ab homine libero, ut liber est, id est, absque eo, quod, sic operando censeatur servire, aut aliquid agere minus decens hominem liberum, ac dominum: si autem ideo opus crescat, & augeatur in labore, vel duratione, vel alia simili conditione, jam erit opus servile contraria ratione. Exemplum esse potest in itineratione, & potest sumi ex lege veteri, in qua breve, & suave iter non censebatur servile, immo nec contrarium sabbatho: majus autem iter esset contrarium sabbatho, cum tamen idem sit secundum speciem. Idemque videtur nunc esse in venatione, prout sumitur recreationis causa, vel ex officio. Atque hoc videtur sensisse Abul. in c. 12. Exod. q. 24. dum definit, opus servile esse opus laboriosum organorum exequantium, &c. Unde infert in fine illius questionis, esse peccatum mortale ambulare unam, vel duas leucas ad venationem, aut majorem diei partem in ea immorari. Item ait, esse mortale ambulare itinerando pro negotio aliquo expediendo.

Opus non servile ex se, non fit servile propter corporis laborem

6. Sed hæc, & alia similia, quæ ibi scrupulosissime colligit, sunt contra communem usum ecclesiæ, & judicium omnium prudentium, nullumque habent sufficiens fundamentum, ut mox videbimus. Et ideo difficile creditur est, quod opus ejusdem rationis, & in sua substantia non servile, fiat servile propter corporis laborem, aut defatigationem, aut propter temporis continuationem. Quia studium, licet per multum diei tempus continetur, & licet in eo non parum defatigetur corpus laborando etiam interdum corporaliter in movendis, aperiendis, & claudendis libris, non tamen propterea fit opus servile, nec prohibendum, idemque est in itineratione, aut venatione, & similibus. Et ratio est, quia hoc præcepto non prohibetur labor corporis, vel continuatio operis, sed opus servile; continuatio autem non est servilis, si opus, quod inchoatur, non est servile. Idemque est de labore, nam augeat opus intra suum ordinem, & labor operis liberalis labor liberalis est, non servilis: sic enim labor corporalis in caeremoniis, quibus colitur Deus, servilis non est, sed religiosus, ut sentit Div. Thom. d. art. 4. ergo etiam labor corporis in quibuscumque spiritualibus actibus (ita enim D. Thom. vocat omnes actus liberales) non est servilis, sed spiritualis, seu liberalis. Idemque est de intensione actionis, vel similibus conditionibus, ad quas rationes facilius applicari possunt; præter has autem non occurrunt aliæ, quibus possit discerni, quando idem opus ex non servili transeat in servile.

Ratio asservitionis

7. Quamobrem generatim loquendo, probabile existimo, non oportere tertium illud membrum adjungere. Nam si opus corporale sit, & circa materiam, & effectum corporalem versetur; & non sit quasi connaturale opus ad conservationem, propagationem, & vegetationem corporis ab ipsa natura datum, sed industria hominis, vel arte adjunctum, & ordinatum principaliter ad sensibilem, seu corporalem usum, tale opus servile est, ut ex dictis constat; unde, licet sit facile, & parum durer, erit quidem leve opus,

Non dari opera media inter servilia, & liberalia

opus, intra genus tamen servilis operis continebitur. Opus autem, quod non habuerit illam conditionem, non erit servile, quomodocunque fiat, & consequenter non erit prohibitum ex vi generalis prohibitionis operis servilis, nisi alia lege, vel consuetudine prohibitum sit, vel nisi ratione operum servilium, quæ potest interdum habere adjuncta.

8 Nec ego apud D. Thomam invenio illud tertium membrum operis communis, quod a servili, & non servili abstrahat, vel quod secundum diversos gradus possit esse servile, & non servile. Sed solum dixit in illo articulo quarto: *Corporalia ad spirituales Dei cultum non pertinentia in tantum servilia dici, in quantum proprie pertinent ad servientes*. Ubi sub corporalibus operibus ad Dei cultum non pertinentibus, etiam opera liberalium artium comprehenduntur, quæ per corpus exercentur, & ad Dei cultum non spectant. Et de illis operibus generaliter ait, servilia non dici, si sint communia servis, & liberis, id est, si non sint propria servientium, ut tales sunt: inde vero non sequitur, talia opera esse media inter servilia, & non servilia, sed potius sequitur, illa non esse servilia, & consequenter, aut libera esse, aut naturalia. Sed hoc explicabitur amplius, & melius descendendo ad nonnullas particulares actiones, quæ maxime moverunt alios auctores, quia videntur interdum permitti tanquam non serviles: si autem constiterit, vel non esse necessarium hoc admittere in aliqua ex his actionibus, quæ ab aliis afferuntur, vel si in aliqua reperitur, oriri ex alio capite, constabit satis nostra sententia, eritque ad fundamentum alterius satis responsum.

C A P U T XXIV.

Utrum actio scribendi aliquando servilis sit, & prohibita in die festo.

Quid de actione scribendi sit dicendum.

DE hac actione apud omnes indubiatum est de se, & ordinarie esse opus liberale, & non servile, quia est opus mentis non solum effective, & directive, quod habet opus cujuslibet artis, sed etiam terminative, & quasi finaliter. Nam scriptio est quedam locutio permanens (ut Cajetan. loquitur) ordinata ad exprimendos conceptus proprios, & gignendos similes in mente loquentis, & ita tota ordinatur ad animum, ideoque liberalis, & non servilis est, ut expresse docuit D. Thom. dicens: *Docere tam verbo, quam scripto spirituale opus esse*. Quod autem dicit de scripto doctrinæ, eandem rationem habet in scripto instructionis, consilii, petitionis, historiæ, & similibus, & tam in eo, quod fit propter gignendam notitiam in alio, quam in eo, quod fit propter memoriam conservandam, quia id fit excitando iterum in nobis similes conceptus. Et in his concordant Cajetan. Sor. Silvest. & omnes.

2 Nihilominus tamen quidam illorum dicunt, opus scribendi interdum esse servile, non solum si fiat transcribendo, sed etiam si fiat tantum scribendo, & tunc ajunt, esse prohibitum in die festo ex vi prohibitionis generalis operis servilis. Quod si interroges, quando scriptio talis sit, respondent, quando quis mercede conductus scribit. Nec enim possunt vel ex labore scribendi, vel ex temporis longitudine differentiam sumere, quia fatentur, si Doctor tanto tempore, & labore suos conceptus ad suam memoriam, vel ad docendum scribat, non facere opus servile, nec peccare, & tamen in amanuensi, qui locavit operas suas, dicunt, esse opus servile. Nec mirum est, quod hoc dixerint Richard. Angel. Silvest. Abulen. & alii, qui ita in universum censent de omni opere mercenario: quibus jam satis responsum est, eorum sententia improbatâ. Sed mirum est, quod hoc etiam doceant aliqui Doctores, alias nobiscum docentes, opus non fieri servile, eo quod propter stipendium fiat, inter quos videtur esse Soto dicta quæstione quarta, articulo quarto. Nam licet prius de transcripção loquatur, postea generaliter subdit: *aut alia ratione calamo mereri*. Et in eandem inclinat Azor dicto libr. cap. 27. quæstione quarta; ait enim,

Suarez. Tom. XII.

libenter fuisse assensurum contrariæ sententiæ, quæ mirior, & benignior est, si ratione satis firma, & efficaci probaretur: & ideo concludit dictæ sententiæ adherendum esse, quia tutior est, & communi Doctorum consensu recepta.

3 Nihilominus dico, actum scribendi nunquam esse prohibitum ex vi generalis prohibitionis operis servilis, an vero interdum speciali lege prohibeatur, etiam si liberalis sit, saltem ut pars actus judicialis, vel mercaturæ, infra dicetur. Probatur assertio firma, & efficaci ratione, vel certe morali demonstratione, supposito illo principio, quod opus secundum se liberale non transit in servile, ex eo solum, quod fiat ob lucrum. Nam inter scripçãoem factam ob lucrum, vel sine lucro nulla alia differentia assignari potest; ergo si una non est servilis, nec alia erit. Respondent aliqui, scribere propter lucrum esse opus servile, non quia opus liberale de se transeat in servile ratione mercedis, sed quia sub genere scribendi sunt duæ species, una operis liberalis, altera servilis: nam scribere causa sciendi, docendi, aut addiscendi liberale opus est, causa vero quæstus servile. At hæc plana est contradictio, aut verborum ludus. Interrogo enim, si scribere est genus ad servile, & non servile, per quid contrahatur ad servile, vel in quo differat scribere non servile a servili. Certe scribere, quod servile dicitur, nihil addit nisi habitudinem ad mercedem, & quæstum: & aliud scribere non servile existit per solam negationem illius quæstus; ergo per solam hanc habitudinem transfertur a non servili in servilem, quod est contra hypothesein.

4 Præterea rem magis ita explico, quia tripliciter potest quis scribere: uno modo per sese proprios conceptus exprimendo: alio modo ut discipulus alterius dictata ab illo excipiendo: tertio ut instrumentum alteri ministrans, & illi scribens, ut sic dicam. Unde ipsa etiam scriptio aliquando esse potest in utilitatem scribentis tanquam disciplina ejus, interdum in usum, & utilitatem dictantis, aliquando vero in utilitatem aliorum. Denique potest etiam esse in utilitatem istorum omnium: loquor autem de utilitate scripturæ, ut signum mentis est. Quando ergo aliquis vel per sese scribit conceptus suos, vel ab alio recipit dictata in suam disciplinam, sine dubio non exercet opus servile, ut omnes fatentur. Maxime quia, qui sic scribit sibi, (ut ita dicam) regulariter non scribit mercede conductus, vel propter stipendium. Posset tamen scribere intentione alterius lucri temporalis, quomodo fieri etiam potest studium, & lectio, aut locutio: & tunc evidens est, actionem scribendi non fieri servilem, alioquin concionator scribens concionem in die festo spe lucri temporalis violaret festum, & discipulus scribens lectionem, ut addiscat, & inde reportet temporalia lucra, quæ principaliter intendit, similiter peccaret contra festum, quod ridiculum est.

5 Atque hinc ulterius facile persuadebitur, eum, qui per se suos conceptus scribit, non operari serviliter, etiam si mercede conductus ita scribat, quia si mercedem ab alio accipit, certe in utilitatem ejus scribit; ergo illum scripto docet: at vero docere propter mercedem in die festo, non est servile opus, ut supra ostensum est; ergo neque sic scribere. Idemque erit, licet Scriptura non sit ad docendum proprie, sed ad narrandam historiam, vel novos eventus, aut quid simile, ut si quis propter mercedem voce narret historiam, vel recitet versus, non propterea censetur servile opus facere; ergo neque si id faciat scribendo. Denique idem erit, etiam si ab alio dictata excipiat ratione stipendii, quando simul illa excipiat ad suam disciplinam, ut si famulus scholaris, & condiscipulus sui domini in eadem facultate pro domino lectionem scribat in schola ratione stipendii, simul addiscens, & utens illa scriptura ad suam instructionem, ille enim opus per se liberum facit, & intentio mercedis, vel utilitas domini intentia non potest transferre illud opus in servile.

Actus scribendi non prohibetur ex prohibitione operis servilis.

Explicatur amplius differendo per varios scribendi modos.

De eo, qui
scribit ut
instrumē-
tum al-
terius

6 Venio ad eum, qui scribit, ut instrumentum alterius: in quo potest esse magis appatens dubitatio, quia ille non loquitur, sed quasi depingit. Et imprimis, si quis dicat, descriptionem hujus propter stipendium esse servile opus, profecto idem dicere debet, etiam si gratis, & ex charitate (non tamen urgente necessitate) id faciat: at si gratis faciat, non censetur facere opus servile, ut videntur adversarii etiam supponere: ergo nec propter mercedem scribendo servile opus facit. Minor paret tum ex dictis; quia alioquin non potest assignari in illa descriptione, per quid transferatur in servitutem, nisi per respectum ad mercedem; tum etiam quia (consequenter loquendo) illud scribere ex eo servile judicatur, quod scribens non ex propria mente id facit, sed tanquam organum alterius; ergo sic factum etiam gratis erit servile. Hoc autem esse falsum absolute ostendo, quia illa scriptor non operatur, ut instrumentum inanime, sed mente concipiendo, & postea ex suo conceptu scribendo: at vero tempus visam, vel auditam ex propria mente scribere, servile opus non est; ergo nec erit servile, rem simul audire, & eandem statim scribere. Item si hoc licet, & non est servile, quando scribitur, quod ab alio dictatur in utilitatem propriam scribentis, id est, ut scriptura in usum ejus cedat, cur erit servile, quia fit in utilitatem dictantis? quia hæc intentio extrinseca est, & non reddit opus servile, quando opus illud, per quod hæc utilitas alteri comparatur, in se servile non est.

Quando
scribens
non præ-
cipue si-
gnifica-
tionem ver-
borum, quid
dicendum

7 Atque hæc omnia evidentiora sunt, quando scribens intelligit, quæ excipit: nam tunc, per se loquendo, illa scriptio est quædam locutio permanens, & immediate dirigitur ad mentem ejus, & aliæ intentiones, seu respectus extrinseci sunt, & ideo non reddunt opus servile. Quando vere scriptor non intelligit significationem verborum, quæ scribit, tunc non videtur tam animi, quam corporis opus facere, quia non percipit verba, ut verba sunt, id est, ut sunt signa, sed tantum ut sunt quædam materiales figuræ: & ideo videri potest illa actio servilis, sicut actio pingendi, vel imprimendi librum: quod fortasse in eo casu non esset omnino improbabile; consequenterque loquendo, affirmandum id esset, si propter mercedem, si gratis sic scribatur, ut pater ex rationibus factis. Verum tamen neque in illo modo scribendi id admitto, quia spectanda est natura actionis, non accidentaliter conditio scribentis: Quod ergo ille non intelligat idioma dictantis, accidentaliter est; actio vero ipsa natura sua mentalis, & spiritualis est: sicut enim loqui, & proferre voce verba, quorum significata non percipis, sed eorum tantum conceptus non ultimos habes, non est opus servile, sed spirituale, & mentale, licet imperfectum; ita calamo eisdem conceptus scribere servile opus non est. Eo vel maxime quod, licet ego non intelligam, possum scribere, ut alii intelligant, & ita etiam illa scriptio ad mentem, non ad corpus per se, & natura sua ordinatur; non est ergo servilis: ergo licet accedat stipendium, non est servilis.

8 Tandem durum, & asperum videtur dicere, non posse Doctorem uti amanuensi in die festo ad scribenda ea, quæ sancte, & utiliter concipit pro se, vel pro aliis. Nec satis est, respondere, hoc posse licere ratione necessitatis, quia si actio ipsa secundum se spectata est servilis, & prohibita, ad minimum semper, vel regulariter loquendo esset necessaria dispensatio, quia in hac materia non occurrit regulariter tanta necessitas, ut per se sola sufficiat impedire obligationem præcepti. Consequens autem est durissimum, & contra communem usum omnium piorum, & timoratorum virorum, non ignorantium, sed doctissimorum: quod si hoc per se licet, ergo non est opus servile scribere ut instrumentum alterius, excipiendo, quæ ille dictat: ergo qui hoc potest facere gratis, potest etiam stipendium accipere sine violatione festi, quia ex hoc non violatur festum, ut supra ostensum est.

Hæc opi-
nio non
carere au-
ctoribus

9 Habet ergo hæc sententia firmissimas rationes, nec est destituta auctoribus: nam illam tenent Cajet. dicto p. 4. Navar. dicto cap. 13. num. 14. Med. & Lu-

do. Lopez locis supracitatis, & omnes qui nobiscum sentiunt, ratione stipendii non fieri opus servile, excepto Soto, qui non satis suam mentem explicuit, nec rem ex professo tractavit, sed obiter attingit. Unde immerito dici existimo, contrariam sententiam esse communi Doctorum consensu probatam, nisi quis dicat, opinionem asserentem, opus mercenarium, aut propter lucrum temporale factum eo ipso esse servile, communi sensu Doctorum esse probatam; quia de actu scribendi in particulari Doctores non loquuntur, nisi quatenus propter mercedem fit, ut patet ex Angel. num. 31. & Silvest. num. 7. §. Quinta, & ita loquuntur alii. Quamvis autem sententia illa, quæ omne opus mercenarium eo ipso dicere esse servile, ac prohibitum, olim fuerit communis, jam est antiquata, & communi calculo rejecta, & ideo ratione illius non potest nunc dici communis eadem doctrina ad scripturam in particulari applicata. Quapropter nec verum est, illam sententiam esse tutiorem in ordine ad electionem opinionum, vel operationum; tunc enim dicitur aliqua pars tutior in ordine ad electionem, quando res est dubia ex una parte, & certa ex alia; hic autem non est dubium, sed certum practice, in hac actione nullum esse peccatum, ubi enim veritas constat per rationem, & auctoritatem sufficientem, non est res dubia, ut constat ex materia de Conscientia in 1. 2. quæstion. 19. & attingit Nava. in capit. Consideret, de Pœnit. d. 5. in principio, num. 37. & aliis locis, & cum aliis auctoribus, quos ibi refert. Eo vel maxime, quod non semper id, quod justius, & æquius est, ex multitudine auctorum pensandum sit, cum unius sententia, & ratio possit alios vincere, ut dixit Imperator in l. 1. §. Sed neque, C. de veteri jure enucl.

Contra-
ria senten-
tia non
est dicen-
da tutior

CAPUT XXV.

An transcribere sit opus servile in die festo prohibitum.

1 DE transcriptione potest esse nonnulla major ratio dubitandi. Quia Silvest. Angel. & Rosel. eodem modo, & cum eadem distinctione loquuntur de transcriptione, qua de descriptione; nimirum, si fiat propter pretium, esse opus servile, si liberaliter, minime. Et fere idem sentit Soto. Cajetanus vero simpliciter, & nulla facta distinctione, nec mentione pretii, dicit transcriptionem esse prohibitam, quia est opus servile, & quia est opus mechanicum, & corporalis operis limen non exiit: sicut pingere, vel statuum facere. In quo fundamento magis consequenter loquitur; nam quod transcriptio fiat gratis, vel mercede non refert, si alioquin opus in se non supponatur servile. Idemque videtur sentire Nava. dict. cap. 13. nu. 14. licet enim loquatur de transcriptione facta ob mercedem, explicat tamen, non esse servilem propter mercedem, sed quia ipsa in se est opus servile. Unde consequenter dicere debet, esse opus servile, etiam si gratis fiat. Potestque suaderi, quia transcribere non est opus mentis, neque artis liberalis, quia solum est ita pingere characteres, sicut in originali leguntur. Et confirmatur, quia imprimere librum, mechanicum est sine ulla dubitatione, & tamen etiam est genus quoddam transcriptionis.

2 Nihilominus contrariam sententiam docet Med. in Instruct. lib. 1. c. 14. §. 8. & Lud. Lop. in Instruct. c. 52. Quam etiam recentiores Theologi frequentius sequuntur, & satis ipso usu recepta videtur: eamque veram, & tutam esse existimo: oportet tamen illius rationem diligenter inspicere, ut possumus illam secure opponere auctoritati Doctorum contrarium sentientium. Primo ergo statuo, transcribere non esse in universum opus servile, nec prohibitum in die festo. Hoc plane supponunt Summistæ communiter, ut dixi, quia solum damnant illud, quando fit pretio, idemque sentit Sor. & consentit Azor supra q. 3. Et probatur, quia transcribere gratia addiscendi servile non est, sed liberale opus, nec peccat scholaris, qui in die festo transcribit lectionem emissam, vel

Transcri-
bere opus
est libera-
le, nec
prohibe-
tur

vel materiam aliquam, ut illam tunc, vel postea ad-
discat, vel ut eam memoriam retineat. Probat :
quia tunc illud opus est doctrinæ, vel disciplinæ; ergo
non est servile, sed spirituale. Item, est actus & a
mente procedens, & ad mentem ordinatus, scil. ut
illi significet, & illam instruat, & non sistit in com-
moditate corporis; ergo. Tertio, scripto accipere
lectionem in die festo a præceptore dictante illam vo-
ce, non est opus servile; ergo accipere eandem lec-
tionem ab eodem præceptore quasi docente illam per
scriptum suum non erit opus servile. Probat con-
sequentia: quia (ut Cajet. & omnes fatentur) per-
inde est loqui scripto, ac verbo; ergo perinde est scri-
bere, quod verbo audio, vel quod usu audio (ut sic
dicam) ab eo, qui per scripturam mihi loquitur;
ergo sicut non est servile scribere, quæ magister voce
dictat, ita nec scribere, quæ per suum scriptum dic-
tat: & hoc est transcribere. Idemque erit, si trans-
scriptio fiat ex quaternione condiscipuli, quia non
accipitur nisi ut signum magistri loquentis, & imper-
tinens est, quod charta ipsa scripta sit magistri, disci-
puli, aut cuiuscumque alterius. Quarto, qui studet
in die festo per librum, licite facit sententias ejus in
suo codice scribendo, ita ut memoriæ scriptio inser-
viat; ergo non facit opus servile, & illa est quedam
transcriptio. Quid enim refert ex impresso codice,
vel manuscripto transcribere? Ergo sententia Cajet.
quatenus absolute, & sine ulla restrictione omnem
transcriptionem damnare videtur, nulla probabili
ratione defendi potest: & ita hæc assertio jam sine
dubitatione recipitur.

Transcri-
bere pro-
pter mer-
cedem non
est servile
quando
etiam
transcri-
bens di-
sciplina
inservit

3 Ex hac vero assertionem infero contra Angel. Sil-
vest. & alios, & consentaneæ ad superius dicta, si
transcriptio fiat dicto modo, & gratia disciplinæ,
etiam si fiat propter mercedem, non esse actionem ser-
vilem, nec prohibitam in die festo. Probat: quia
transcriptio hujusmodi sine mercede facta non est
servilis, ut ostensum est; ergo nec cum mercede fa-
cta, quia nulla actio propter solam mercedis adjectio-
nem transfertur ex non servili in servilem, ut osten-
sum est. Exemplis declaro: primum sit supra tactum
de famulo scholari, & sui domini in eadem faculta-
te audienda condiscipulo, qui pro stipendio, vel sus-
tentatione, quam a domino recipit, lectionem illam
transcribit, in ea transcriptione simul intendens
suam doctrinam, & mentis utilitatem, ad quam spe-
rat illa eadem scriptura uti. Profecto illa transcriptio
per se spectata, & seclusa mercede, servilis existimari
non potest, quia per se, & natura sua, ac etiam de
facto est opus propriæ disciplinæ ipsius transcribentis;
quod autem adjungatur utilitas domini, vel quod car-
tha ipsa sit domini, & in ejus possessione, ac dominio
mansura sit scriptura, extrinsecum, & accidenta-
rium est, nec mutat naturam operis. Unde si gratis
id fieret cum eadem intentione, non censeretur opus
servile, sed liberalis pietatis: at sola merces addita
non facit servile opus; ergo. Aliud exemplum est,
si quis emanuens docti viri, cui operas suas locavit,
ab illo scripta describat, ut per illam transcriptionem
in doctrina proficiat, & eisdem codicibus a se scriptis
pro aliquo tempore ad suum spirituale, seu menta-
lem profectum utatur, profecto liberale opus facit,
licet conjunctum habeat usum alterius, & lucrum
proprium etiam principaliter intentum, quia hæc in-
tentio non facit opus servile, nec refert aliquid ad
præceptum de observatione festorum.

Non est
servile
transcri-
bere etiam
sine pro-
prio pro-
fectu

4 Unde ulterius infero, quod licet aliquis trans-
scribat etiam mercede conductus, & ad domini usum
sine propria utilitate, vel profectu spirituali, non fa-
cit opus servile, nec prohibitum in festo, ex vi gene-
ralis prohibitionis operis servilis (quicquid accide-
re possit ex alia prohibitionem speciali, de qua postea di-
cturi sumus.) Probat primo, quia illa actio de
se mentalis, & spiritualis est, & per accidens ad illam
est, quod hac, vel illa intentione fiat ab operante;
ergo inde non efficitur servilis, neque vero sit servilis
ex lucro, vel mercede juxta principium supra pos-
itum; ergo nullo modo est servilis. Dicunt, fieri ser-
vile eo ipso, quod non intenditur profectus men-
tis, quia deest finis liberalis in operante: sed dico

Sharez Tom. XII.

in primis, hoc esse impertinens, quia opus liberale
non attenditur ex fine operantis, sed ex objecto ope-
ris. Deinde dico, intentionem mercedis non esse
servilem, sed mercenariam. Præterea etiam potest
intendi proprius profectus mentalis non minus,
quam per scriptonem, ut dictum est; & quod non
intendatur, est per accidens. Denique eo ipso, quod
quis intendit cooperari actioni liberali ejus, qui per
ipsum scribit, & per actionem de se liberalem, habet
sufficientem intentionem liberalem, etiam si alias
intentiones extrinsecas adjungat. Unde argumentor
secundo, quia in omnibus eadem est ratio de trans-
scriptione, quæ est de scriptione, quæ sit alio dictan-
te cum eadem intentione, & circumstantiis: sed
ostensum est, scriptonem sic factam, etiam propter
stipendium, non esse opus servile; ergo idem dicendum
est de transcriptione. Probat major 3. quia si quis
dictet duobus amanuensibus simul, & cum eisdem
circumstantiis, neuter eorum facit opus servile: quia
concomitantia alterius non facit, opus esse servile
magis, quam si quis solus scriberet, ut videtur per se
notum: ergo licet unus prius scribat, & alter trans-
scribat, non magis facit opus servile transcribens,
quam scribens: tum quia, quod simul scribant, vel
successive non mutat naturam operis: tum etiam quia
uterque scribit dictante alio, unus mediate, alter im-
mediate; quod etiam impertinens videtur, ut opus
sit, vel non sit servile.

5 Unde argumentor 3. quia perinde est loqui scri-
pto, ac verbo; ergo perinde est scribere, quæ dictan-
tur verbo, vel quæ dictantur calamo: sicut ergo non
facit opus servile, qui scripto recipit, quæ ego dicto
voce, ita nec qui scribit, quæ ego calamo dicto, id
est, qui transcribit, quæ ego scribo, nam scribendo
illi dicto: & hoc argumentum est efficax ad hominem
contra Cajetanum, qui fatetur, ita esse judicandum
de locutione permanente per scripturam, ac de voca-
li, & transeunte; simileque argumentum contra
eum est, quia scribere per alium, non est magis opus
servile, quam scribere per se, ut recte Cajet. dixit;
& ideo quando ego per alium scribo, dictando illi,
nec ego facio opus servile, ut per se constat, nec
ille, qui scribit: tum quia veluti unum mecum in
illa actione reputatur, & quia in liberali opere mihi
ministrat actione de se liberali: tum etiam quia alias
si opus scriptoris esset servile, mihi imputaretur, &
ita nunquam mihi liceret per alium scribere, nec
tale opus posset dici simpliciter non servile; igitur,
quando ego per alium scribo, nec ego, nec ille, per
quem scribo, servile opus facimus. At quando alius
transcribit, quæ ego dictavi, aut scripsi, etiam ego
per illum secundo scribo; ergo. Præterea quando
ego per me ipsum iterum eandem rem scribo, non
magis facio opus servile, quam cum primum scri-
psi, & quando eandem rem bis voce dicto, ille, qui
secundo scribit, non facit opus servile; ergo nec, et-
iam si dictem illi per scripturam priorem, opus facit
servile, illam transcribendo. Denique si ego ipse
transcribam, quæ prius scripsi, non magis facio opus
servile, quam si secundo scriberem sola memoria:
quid enim refert, quod juver exemplari scripto
ad memoriam? ergo transcriptio de se non est opus
servile; circumstantiæ vero quæ adduntur, scil.
quod sit transcriptio alieni scripti, vel in utilita-
tem alterius, vel propter mercedem, non trans-
ferunt opus non servile in servile, ut ostensum
est; ergo.

6 Denique nulla sufficiens ratio differentiarum inter
scriptonem, & transcriptionem assignatur: sed scri-
ptio etiam cum illis circumstantiis non est opus servi-
le (ut ostendi, & Cajet. supponit;) ergo nec trans-
scriptio erit. Major pater, quia transcriptio solum
differt a scriptione in hoc, quod transcribens, si alie-
nos conceptus scribat, oculis, & non auribus percipit
quæ scribit, quod valde accidentarium est, si vero
scribit conceptus proprios ex priori scripto, differt so-
lum, quia nunc juvatur exemplari externo, quod
prius non habuit, quod minus refert ad servile opus;
quia utroque modo actio est spiritualis, & ad men-
tem ordinata.

Respon-
detur con-
trarie
partis fū-
damento

7 Ad fundamentum ergo in contrarium negatur, transcribere esse opus servile. Nego etiam transcribere ut sic, idem esse, quod depingere characteres ad imitationem eorum, qui sunt in exemplari; nam qui transcribit, per se non habet hunc finem, sed sensa mentis vel suæ, vel alienæ in signo sensibili ponere, quo possint ad aliorum mentes devenire. Sicut enim hic est scriptio finis per se, & intrinsecus, ita etiam transcriptionis, quantum est ex vi operis, quidquid sit de intentione operantis. Et hujus signum esse potest, quod transcribens non utitur scripto exemplari ad imitandum illud materialiter, sed formaliter, ut signum est; & ideo transcribens non imitatur formam, vel figuram litterarum exemplaris, sed significationem; unde sæpe fieri potest, ut simul transcribat, & in aliam linguam vertat, quod profecto simile non est.

Imprime-
re est
opus ser-
vile

8 Ad confirmationem autem de impressione respondeo, sine dubio imprimere esse opus servile, quia non fit per modum locutionis, & expressionis conceptum mentis, sicut fit scriptio, vel transcriptio. Duo enim sunt in impressione, unum est compositio, & ordinatio litterarum, aliud est impressio earum; & ante hæc duo antecedit formatio singularum litterarum, quæ sine dubio fit per actionem mechanicam, & servilem, scilicet, infusionem metalli liquefacti, &c. quæ per se terminatur in illo corporali artefacto perficiendo. Similiter litteras compositas imprimere, & quasi figere plane est mere materiale, & corporale, nec illa actio ex intrinseco modo suo dirigitur, nisi ad imprimendam chartæ illam figuram, sicut imprimitur ceræ sigillum, vel imago, vel quidvis aliud, quod plane mechanicum est: & tali actioni accidentarium est, & remotum, quod figura ex illa compressione resultans sit mentale signum, necne: in ipsa vero ordinatione, & compositione litterarum major quædam artis, & mentis ratio videtur inveniri; tamen non transcendit ordinem actionis mechanicæ, & de se servilis est, sive mercede fiat, sive gratis, quia solum est veluti preparatio quædam materię, seu instrumentorum ad aliam actionem imprimendi, quæ servilis est. Unde etiam terminus illius actionis est materialis illa compositio litterarum, cui valde extrinsecum, & accidentarium est, quod inde resultant signa, quibus mentis conceptus exprimentur. Denique illa compositio non fit de se per modum locutionis, & expressionis mentis, sicut fit scriptio, & transcriptio, nec in ea formantur litteræ ipse, sicut fit etiam in transcriptione, & ideo non tenet similitudo. Et hoc consonat communis sensui, & estimationi apud omnes, a quibus tota imprimendi ars mechanica reputatur; non sic autem ars scribendi, qua utimur, sive scribendo, sive transcribendo, & ideo utroque modo actio est æque liberalis.

C A P U T XXVI.

Actus pingendi sine servilis, & prohibitus in die festo.

1 **D**UBIUM hoc ex præcedenti sequitur, habetque magnam rationem dubitandi pro utraque parte. Nam quod actus pingendi sit opus servile, probari potest primo, quia ars pingendi mechanica est ex omnium sententia; ergo opus ejus servile est. Item est opus corporale terminatum ad extrinsecam materiam, & dirigibile per artem mechanicam, sed per has condiciones supra descripsimus opus servile ex Div. Thoma in 3. d. 37. ergo. Tertio alias sequeretur, possibile, & sine transgressionem hujus præcepti hoc opus exerceri in die festo per totam diem etiam ex officio, & propter pretium, vel lucrum, dummodo Missa non omittatur, sicut de studio diximus. Consequens est falsum, & contra communem usum: unde videtur etiam esse contra pietatem, & bonos mores fidelium; ergo. Sequela patet, quia si opus de se non est servile propter intentionem pretii, non sit servile, nec propter durationem, vel cor-

poralem laborem, vel occupationem, ut dictum est. Quarto, si depingere imaginem non est opus servile, nec sculpere imaginem, vel consistere esset opus servile, quod manifeste falsum est: alias nec fabrilis artis opus esset servile; ergo. Sequela patet, quia non est major ratio: nun quod hæc artes sculpendi, vel consilandi laboriosiores sint quoad corpus, non satis est, ut opera earum dicantur servilia, si ex fine proprio, & materia servilia non sunt. Simile argumentum est, quia si depingere penicillo non est opus servile; ergo nec depingere acu erit opus servile: nam etiam id est opus ingenii, & sine magno labore, aut motu corporis fit: at constat, id esse falsum; ergo. Propter hæc fortasse Cajetan. dicto art. 4. §. *Ad secundum*, pingere ponit inter opera per se servilia, quæ non licent in die festo, sive gratis, sive mercede fiant, & æquiparat illa duo pingere, & statum facere.

2 In contrarium autem est primo, quia pingere non magis videtur servile, quam scribere, vel transcribere, quia exterius solum consistit in ferendis quibusdam lineis, & figuris, quod etiam in scriptura fit. Interius autem est opus mentis, & ad mentis informationem ordinatur, unde etiam pictura historiam quodammodo narrat, & memoriam conservat: est ergo eadem ratio de pictura, quæ de scriptura. Secundo, quia opus pingendi non est opus servorum proprium, unde licet mechanicum sit, quod negari non potest, tamen est ita nobile, ut a quolibet libero homine exerceri possit, quia solum consistit, ut dixi, in quadam veluti scriptione; non est ergo opus servile. Tertio, si esset opus servile, nunquam liceret in die festo, etiam ob voluptatem, vel pietatem, quia prohibitio est absoluta, & universalis, & illi fines non possunt extrahere opus a ratione operis servilis, si natura sua tale est, licet ob necessitatem possit excusari opus vel propter levitatem materię, saltem a mortali. Consequens autem est falsum: quia omnes fatentur, esse licitum pingere in die festo tantum voluptatis gratia, vel ad artem discendam occupari in die festo, imagine pro exemplari proposita illam imitando, & delineando, eam attente intuendo, quæ certe non liceret, si pingere ut sic servile esset.

3 Hanc ergo partem absolute tuerentur Med. & Lud. Lop. supra: unde consequenter concedunt, non esse illicitum pingere in die festo gratia lucris, & mercedis acquirendæ. Alii vero auctores, qui dicunt, pingere ob lucrum esse prohibitum, non vero, si absque lucro aliis de causis fiat, plane sentiunt, opus ipsum non esse servile materialiter, ut ipsi loquuntur, sed fieri servile formaliter ex fine lucris. Denique idem sentire debent, ut consequenter loquantur, qui dicunt non peccare eos, qui ad artem pingendi addiscendam aliquid in festo depingunt, seu designant, ut loquitur Angel. n. 31. Et clarius Silv. verb. *Domenica*, q. 5. §. *Quinta*: *Excusantur (inquit) pictores, qui in diebus festis retrahunt in ecclesiis pulchras figuras, quia ad peritiam artis id faciunt.* Et Armil. verb. *Festum*, n. 21. id declarat de his, qui figuras ab aliis factas pingunt, & extendit ad puellas, quæ recamaturas faciunt (sic ipse loquitur) ut addiscant. Item ad eos, qui designant in cartis, quæ phantasia fingunt, ut postea illa perficiant, vel fabricentur. Et similia habet Rosella, & alii Summiſtæ.

4 Hæc controversia videri potest de nomine, & modo loquendi, si res speculative consideretur, nihilominus ad definiendos casus morales, non est parvi momenti, & fateor, rem mihi videri dubiam, quia hinc verendum est, ne nimia licentia his artificibus tribuatur, alium te vero non sunt scrupuli injiciendi. Neque etiam sine sufficienti ratione differentię unum opus approbandum est, & aliud simile reprobandum. Sentio igitur, hoc opus esse servile ex genere suo, moveorque primo quasi a posteriori, quia ad definiendos casus morales, hæc pars videtur securior, & rationabilior. Secundo, quia rationes pro illa factæ sunt satis probabiles, & non facile expediuntur. Aliæ vero in contrarium factæ non habent difficile solutionem: nam inter picturam,

Sædetur,
actionem
pingendi
non esse
servilem

Auctoris
judicium

& scripturam est magna differentia. Primo, quia licet pictura procedat a mente, non tamen sicut scriptura procedit a mente ad exprimendos mentis conceptus, ratiocinia, & judicia; pictura vero solum progreditur e mente tanquam quoddam artefactum, quod conformatur idolo mentis, quod etiam habet domos, statua, &c. Secundo etiam differunt in fine intrinseco, ad quem tendunt; nam scriptura per se tendit ad mentem instruendam, sicut locutio, & ideo per se opus est doctrinae, & disciplinae; opus vero pingendi natura sua solum ordinatur ad assimilandam imaginem artefactam rei verae. Quod vero inde sequatur conservatio, vel excitatio memoriae, accidentarium est ad illam actionem, consequitur enim ad illam, sicut ad productionem cujuscumque objecti similis sequitur, ut ducat in cognitionem similis, vel sicut ex generatione filii, qui est naturalis imago patris, sequitur, ut excitet memoriam, vel amorem ejus. Atque hinc fit, ut ars pingendi non sit ex his, quae ad disciplinas, vel liberales artes pertinent: unde nec per se pertinet ad eos, qui in republ. nobiles, & liberales reputantur, sed ad eam deputantur inferiores ministri, & ita illa actio dici potest ex his, ad quas servos deputatos habemus. Quod si interdum nobiles eam exercent, est ad modicum, & ad quamdam honestam, vel jucundam occupationem, quomodo etiam aliarum artium opera interdum exercent. Atque ita pater responsio ad 2. rationem: ad 3. vero ex sequenti puncto constabit.

Pingendi opus est in festo prohibendum.

5 Ex dicta enim resolutione infero, pingendi opus simpliciter esse prohibitum in die festo, sive pretio, si vel liberaliter fiat, quia hoc non variat rationem operis servilis, ut dixi. Immo etiam causa pietatis, vel religionis per se non licet, nisi aliqua iusta excusatio interveniat. Ut si templi pars aliqua, ut parietes, aut tectum, pictura sit ornanda, non licebit, id operis in festo facere, etiam si gratis, & ob reverentiam templi fiat, nisi necessitas ecclesiae, & dispensatio praelati interveniat: & ita habet usus. Item, licet quis depingat imaginem animo illam donandi ecclesiae, non licet in festo id facere sine licentia praelati, quia non licet servile opus facere in festo, etiam causa pietatis, sine necessitate excusante, ut supra dictum est. Quapropter multo minus licebit, id facere voluptatis causa, sicut non liceret, vas argenteum, aut aureum facere, etiam si quis in eo delectetur, & ea ratione id faciat. Quod si fortasse id permittitur ad modicum tempus, id erit ob materiae levitatem, & excusari poterit a culpa veniali vel ex consuetudine, si talis est, vel ex benigna interpretatione ecclesiae, quae modico tempore illam actionem licet servilem permittit, quia proxime accedit ad liberalem, & supremum infimi attingit aliquo modo infimum supremi. Veleriam excusari potest ex quodam colorato titulo moralis necessitatis, quia non potest homo, praesertim secularis, & ad id non assuetus, toto die integro lectioni, vel orationi vacare; & ideo, ne sit otiosus, vel actionibus minus honestis occuperetur, indiget moraliter loquendo aliqua huiusmodi operatione, & ideo potest illa operatio modica, vel alia similis rationabiliter permitti, tanquam medium ad sublevandam naturam sine culpabili otio.

Non licet in festo pingere ad artem addiscendam.

6 Atque eodem modo assero, per se non licere, pingere in die festo ad artem addiscendam quoad usum, & facilitatem ipsius corporalis operis; quia hoc totum non transcendit servilem conditionem, & intentionem, & quia supra ostensum universaliter est, non licere hoc modo in die festo occupari in usu corporali artis mechanicae propter illam addiscendam, quamvis liceat theorematum ejus, vel regulas addiscere, & memoriae mandare. Unde illa, quae ex Summis retulimus, cum mica salis intelligenda sunt: non enim licet in die festo imaginem ab alio pictam pingendo transferre, quia non minus servile est pingere ad imitationem sensibilis exemplaris propositi coram oculis, quam ex propria mente, & imagine interna; immo hoc videtur minus servile, quia magis mentale, & internum, sicut magis liberale censetur scribere, quam transcribere.

Nec vero intentio addiscendi honestat actionem,

quia medium est servile. Illa ergo actio delineandi tantum imaginem attente inspectam, ad illam postea imitandam, & pingendam, si excusanda est, ex parvitate materiae in primis excusari potest, & ex consuetudine, & ex benigna interpretatione praeccepti cum quodam colore necessitatis, ut de pictura voluptatis causa diximus. Veleriam hic addi potest, quod illud proprie non est pingere, sed solum memoriam, & mentem juvare, ut possit postea idolum talis imaginis perfecte formare, & hoc videtur ad disciplinam liberalem accedere. Et juxta haec de aliis exemplis judicandum est.

CAPUT XXVII.

An iter agere, saltare, & similia servilia sint, & in die festo prohibita?

1 **Q**uod ad itinerationem spectat, supponendum est, hic considerari non quatenus potest impedire auditionem Missae; nam illa est obligatio alterius rationis, de qua jam dictum est, & quomodo excusari possit omisso ratione iusti itineris, alibi diximus: supponamus ergo, non omitti Missam, sed post auditionem ejus reliquum diei tempus agendo iter consumi. Videtur ergo opus hoc satis servile, quia est corporale, laboriosum, & si propriis pedibus fiat, solet esse proprium servorum, si vero fiat equitando, habet fere semper annexas actiones plures serviles. Unde Cajetan. dicto art. 4. §. *In eodem articulo*, sentit, hoc opus esse servile, & per se prohibitum, licet consuetudine populi Christiani liceat, sicut coquere cibos; & infra §. *His igitur* id amplius declarans dicit, itinerare longo itinere quasi serviliter fieri, ideoque in lege veteri fuisse prohibitum, nunc autem consuetudine licere. Unde idem ait de navigatione per flumen, quae est itineratio quaedam: & idem sentit Soto dicto artic. 4. §. *Tertium genus*, cum magna enim circumspeditione, & limitatione dicit, *Itinerari audita Missa, maxime illis, qui in itinere sunt, mos quarundam provinciarum admittit*: in quo loquendi modo significat, per se non licere, etiam continuando iter, sed tantum ex consuetudine, quam non dicit esse universalem, sed quarundam provinciarum. Idem sentit Abul. Exod. 12. quest. 25.

2 Dico tamen, hoc opus non esse servile, nec per se prohibitum in die festo. Ita tener Angel. num. 15. Rosel num. 26. & in idem inclinat Navar. cap. 13. num. 7. licet dicat, consuetudinem etiam excusare. Et non est dubium, quin consuetudo sit universalis, & per se sufficiens ad derogandum legi quoad hanc partem, etiam si hoc prohibuisset. Quod autem iter agere ex vi festi prohibitum non sit, probat Angelus: quia hoc opus non est tale, ut animum impediatur, quominus possit vacare Deo: ergo, cum in particulari non prohibeatur, non est, cur in generali prohibitione contineri censeatur. Praeterea in lege veteri, cum esset strictissima prohibitio, nihilominus agere iter non omnino prohibebatur, sed potius concedebatur intra certam mensuram, quae dicitur iter sabbathi. Actorum 1. ergo signum est agere iter de se non esse opus servile, nec omnino contrarium cultui divino, aut quieti sabbathi. Quod autem tunc longius iter prohiberetur, peculiare fuit illius praeccepti, quod nunc non obligat, nec constat, ecclesiam illud in hoc fuisse imitam. Immo mihi etiam non constat, quod illa prohibitio agendi longius iter extenderetur in lege veteri ad alias festivitates ejusdem legis, quia non invenio extensionem expresse factam: & alias scimus, non fuisse factam tam strictam prohibitionem operum pro aliis festivitatibus, sicut pro sabbatho. Praeterea, supra dictum est, opus, quod non est servile in parvo tempore, vel parvo labore factum, non fieri servile propter durationem, aut laborem, quia semper est ejusdem rationis: sed agere iter modicum, & suavi modo non est servile opus; ergo, licet augeatur, & durer, per se non fiet servile, ac subinde neque prohibitum ex generali prohibitione operis servilis. Minor patet; tum quia ob eam rem non prohibebatur olim in sabbatho; tum quia illud opus nec est proprie mechani-

Non esse servile, nec prohibitum.

chanicum, sed quasi naturale ad corporis vegetationem, & conservationem, & situationem ordinatum, & ut ita dicam, ad omnes actiones alicubi exercendas: unde est quasi prævium ad omnes, & non inclusum sub opere, quod in servile, vel liberale dividitur. Nec refert, quod, si sit nimium iter, vel cum celeritate, & fatigatione corporis, efficiat, ne mens vacare possit Deo: quia, ut dixi, hic est finis præcepti, qui non cadit sub præceptum: nec etiam omnia media illum impediencia prohibita sunt, sed illa, quæ ex vi verborum legis sub ipsa comprehenduntur.

Quædam
autem festi-
di genus
prohibetur.

3 Hæc vero intelligenda sunt de itineratione, ut sic; nam, si addantur circumstantiæ, quæ includant, vel requirant opera servilia, ex eo capite poterit tale opus esse prohibitum. Et hac ratione prohibitum est, per se loquendo, iter agere, deferendo bestiam, aut currum onustum, ita ut interdum onera levare, interdum imponere sit necesse: nam hoc de se servile est, & ideo, nisi ex necessitate, vel parvitate materiæ excusetur, non licet. Unde in Concil. Matifcon. II. cap. I. sic legitur de die dominico: *Nemo sibi talem necessitatem exhibeat, quæ jugum cervicibus jumentorum imponere cogat*. Quæ verba generalia sunt de omni usu servili jumentorum, quamvis specialiter de actione arandi terram possint intelligi. Distinguendum vero est inter inchoationem, vel continuationem itineris: nam, si iter ante diem festum bona fide inchoatum est cum his oneribus, excusatur continuatio vel propter publicam utilitatem, ad quam necessarium sæpe est, ut sine mora, & gravamine hæc transportatio rerum, & mercium fiat, ut certe propter vitandum grave nocuum, quod paterentur iter agentes, & præsertim hi agasones, seu muliones, si cogerentur in omnibus diebus festis quiescere, quocumque iter agendo pervenirent, & ideo consuetudo etiam hanc excusationem approbavit. De inchoatione vero non est facile admittenda consuetudo quoad hæc onera propter rationem factam, & ideo merito Cajetan. quem Navarrus, & alii sequuntur, abusum istam vocat: secus vero est quoad simplex iter. Unde bene advertit Cajetan. si isti muliones ducant mulos sine oneribus, non esse illicitum ita progredi, vel ab uno loco in alium transferre animalia in die festo, quia id solum est iter agere, & non habet adjunctum opus servile. Denique addit, quando homines in lectica, vel curru deferuntur, licitum esse, omnia opera necessaria facere ad illos juvandos, vel ad imponendam mulis lecticam, & similia, quia omnino ordinantur ad iter tantum personarum. Et eadem ratione erit licitum, onera necessaria ad usus itineris deferre, ut lectum, verbi gratia, necessaria ad mensas, & cibum etiam jumentorum, si opus sit: vel quia hæc omnia censentur accessoria itineri, ut sic, vel quia parva reputantur, vel certe quia consuetudine recepta sunt.

Expenditur
enim
candilabrum
et cetera
et cetera

4 Simile dubium tractari solet de actibus corporalibus, vel musicæ, vocum, aut instrumentorum, vel etiam de illis agitationibus corporum, quæ in saltationibus, choreis, & tripudiis fiunt. Multi enim Summistæ variis distinctionibus utuntur, quæ ad rem non faciunt, ut videre licet in Angelo, Silvest. & Rosel. easque latissime prosequitur Abul. in cap. 20. Exod. quæst. 25. 26. & sequentibus. Distinguunt enim, an hæc fiant propter lucrum, necne? Et an propter certum stipendium in particulari taxatum, vel propter incertum, vel commune? Item, an principalis intentio ad hoc habeatur, vel secundaria? Item, an fiant ex causa pia, & honesta, vel sinistra, aut vana intentione: nam priori modo non censent per hæc violari festum, ut per se notum est: posteriori autem modo putant violari. Unde aliqui addunt, si totus dies festus, etiam addita Missa, in his actibus consumatur, graviter peccari, quia festa Christiana ridiculo exponantur, ut ait Arnil. num. 23. qui Cajetan. adducit: non intelligunt autem esse mortale, sed veniale, ut diserte declarant.

Non esse
servile
has actio-
nes festi-
vitas

5 Sed dico in primis, hæc opera omnia non esse servilia; tum quia Musica inter artes liberales computatur, ad quam hæc omnes actiones reducuntur; tum etiam quia ista per se non sunt opera servorum; neque ad serviendum fiunt ex genere suo. Quod autem

interdum fiant mercenarie, id non mutat naturam operis: tum denique quia quædam ordinantur solum ad animi oblectamentum, ut, Cantus: & Musica de se excitat mentem, & ita est actus sermocinationis tali modo factus, vel instrumentis ornatus, & adjutus, quæ omnia liberalia sunt. Alia vero, quæ magis corporalia videntur, solum consistunt in quadam agitatione, & motione corporis ad ejus levamen, & ut cooperetur exultationi, & gaudio animi, & ita etiam pertinent ad liberalem actionem.

6 Unde ulterius infero, per se, & ex vi generalis prohibitionis operum servilium non esse prohibita. Ita sentiunt dicti auctores, dum hæc non ponunt inter servilia materialiter, sed tantum formaliter ex fine; nos vero supponimus, ex solo fine non fieri opus servile, & ita concludimus, simpliciter hæc opera non esse prohibita: quod etiam Cajetan. Sor. Navar. Medin. & alii sentiunt. Ex quo etiam constat, distinctiones illas esse impertinentes, quia intentio pretii non obstat, ut sæpe dictum est, nec etiam refert, quod intentio sit vana, vel turpis, vel principalis, &c. quia inde poterit actus habere malitiam alterius generis, non tamen propterea pertinebit ad violationem hujus præcepti, ut dictum est. Nec denique continuatio per totum diem faciet mortale peccatum, secluso contemptu, vel scandalo, ut etiam in superioribus dictum est. Si vero actiones illæ fiant cum excessu, & otio, erunt venialia in alio genere peccati, & non est improbabile, habere tunc ex circumstantia festi aliquam malitiam venialem, ut jam etiam tactum est.

C A P U T XXVIII.

De Venatione, Piscatione, & Milinia.

1 **S**olet præterea dubitari de venatione, (eademque ratio est de piscatione) an sit actio servilis prohibita? Habet enim hæc actio fere easdem rationes dubitandi, quia est quodammodo communis, seu media, convenit enim hominibus liberis, dominis, & convenit etiam servis. Unde, quando fit ob delectationem, videtur actio libera: quando vero fit ex officio ad sustentationem vitæ, videtur servilis: unde a multis numeratur inter actiones communes servis, & dominis. Præterea in cap. *Licet*, de Feriis, supponitur, piscationem hoc posteriori modo factam esse prohibitam: nam ex dispensatione, & non sine commutatione in aliud opus pium, in peculiari casu ob necessitatem, & ex dispensatione conceditur. Et ita quamplures auctores sentiunt, venationem ob animi delectationem licere, quæ vero fit quæstus gratia, esse servilem, & illicitam. Ita Angl. num. 26. Silvest. Rosel. & idem sentit Sor. Et Angelus ex eo sumit argumentum, quod venatio prohibetur in diebus jejuniorum: ergo multo magis in die festo. Antecedens probatur ex Glof. in cap. *Qui venatoribus*, d. 86. & videtur haberi in cap. *Anputatis*, in eadem d. Ambros. in ferm. 33. alias 41. in Dominicam 3. Quadrag.

Quid sens-
iendum
de actu
venandi,
vel pi-
scandi.

2 Alii vero existimant, venationem non esse opus servile, nec prohibitam esse in die festo, etiam si fiat quæstus gratia. Ita expresse Navar. dict. cap. 13. num. 1. r. §. *Sexto: quia non est (ait) servile opus, nec finis quæstus facit illud servile*. Idem Med. & Ludov. Lopez supra. Et sane distinctio illa de venatione voluptatis, vel quæstus gratia facta, mihi probari non potest quoad hoc, ut una dicatur servilis, & non alia: quia, si differunt in solo fine, parum id refert ad prohibitionem, vel ad rationem servilis operis, ut recte dicit Navar. & sæpe probatum est. Et præterea non magis honestus est finis voluptatis, quam finis acquirendi lucrum: immo hic posterior facilius potest honestari, quia ordinariæ, qui illo fine venatur, indiget illo juvamine ad suam sustentationem. Si vero differunt illæ venationes in aliqua intrinseca conditione, ratione cujus una est servilis, & non alia, inquiri: Quænam illa sit? Non enim est continuatio temporis, nec corporalis labor major, vel aliquid ejusmodi; tum quia revera non intercedit talis differentia: non enim minus laborant per totum diem divites, & nobiles in venatione, quam pauperes, qui ex officio ad se sustentandum

tandum venantur: ergo neque ex hac parte dici potest una venatio servilis, & non alia.

Venatio
est opus
servile.

3. Mihi ergo videtur, venationem, ut sic, & per se spectatam opus servile esse. Primo quia venatoria ars inter mechanicas computatur, ut ex Dialectica constat. Secundo, quia est opus corporale, laboriosum, sistens omnino in materia, & effectu corporali: unde quodammodo est commune homini cum bestiis, nam illæ etiam venationi insistant. Solum addit homo artem, & industriam, ac varia instrumenta venationum: & utitur etiam his animalibus brutis ad venandum aptis, ut eis in eo opere juvetur: tota vero hæc industria in materia, & corpore sistit, & ideo non transcendit actionem servilem. Tertio addo argumentum a simili: nam scindere arbores, & ligna colligere, servile opus est sine controversia: ergo laborare in occisione animalium, & illa mortua deferre, servile opus est ex genere suo. Patet consequentia, nam hæc opera solum differunt, quia in uno major est fatigatio corporis, & minor industria, & voluptas, quam in alio reperitur, quæ differentia ad rationem servilis operis parum referre videtur.

4. Quarto moveor, quia si non esset opus servile, nullo modo factum esset prohibitum in die festo, ut bene argumentatur Navar. quia nec specialiter prohibitum invenitur, nec sub generali prohibitione operis servilis continetur. Prior pars constat, quia in nullo Canone hæc specialis prohibitio continetur: argumentum vero Angeli nullius momenti est; tum quia argumentum a simili in his legibus non valet; tum etiam quia assumptum est falsum: nam in diebus Quadragesimæ, vel jejuniorum non est per se prohibita venatio; nec Ambrosius potuit universalem de hoc legem ferre. Unde vel loquitur de venatione illicita saltem per accidens, quatenus vel in ea interveniunt alia peccata, vel propter eam omittuntur alia præcepta, vel reprehendit illam, ut indecentem pro illo tempore, non ut simpliciter prohibitam. Posterior pars satis probata est: quia sub illa generali prohibitione non continetur opus, quod de se servile non est, neque illud sit servile ex fine, vel aliis circumstantiis. At vero tantam licentiam dare venatoribus in diebus festis, ut simpliciter, ac per se, & quocumque modo eis liceat, nimium mihi videtur. Et contra illud non parum urget dictum cap. *Licet*, de Feriis, ubi piscatio sine dispensatione supponitur esse illicita, neque enim ibi de novo prohibetur, nec ex alio capite illicita esse supponitur, nisi quia servilis actio est, & ibi Panormitanus, & alii interpretes docent. Responderi potest; ibi non esse sermonem de venatione, sed de piscatione: at hoc parum refert, quia hæc opera materialiter potius, quam formaliter differunt: unde eadem ratio operis servilis, quæ in uno est, reperitur in alio. Dicunt aliqui, etiam piscationem non esse opus servile, sed habere adjunctas actiones serviles, propter quas censetur prohibita, ut sunt extendere retia, educere, lavare, item remigare, & similia, quæ non videntur in venatione intervenire. Sed profecto istæ actiones non tantum ex adjunctis, sed per se etiam sunt serviles, ut ostendi. Et præterea etiam in venatione necessariae sunt multæ actiones laboriosæ, & serviles, ut exercitio ipso constat: licet fortasse plures cum piscatione conjungantur, præsertim in ea, quæ in mari fit.

Hæc opera
sunt
prohibita
in festo
per se.

5. Hinc ergo ulterius censeo, opus hoc per se prohibitum esse in die festo, quia sub generali prohibitione operis servilis continetur: nam hoc aperte sequitur ex præcedentibus. Quapropter, si aliqua venatio, recreationis gratia assumpta, excipienda est, per modum excusationis excimenda est: non quia per se servilis non sit, nec prohibita. Erit autem excusatio prima ob levitatem materiæ, & ex quadam morali necessitate ad vitandum vel orium, vel pejora opera. Et quidem, si venatio esset moderata, & solum a prandio per duas, aut tres horas, mihi non displiceret excusatio, ut supra in simili dixi. Tamen quia difficile est damnare illos omnes, qui majorem sumunt licentiam, ideo potest addi alia excusatio ex consuetudine, quæ potest legem remittere, quæ videtur in hac parte prævaluisse scientibus, & tolerantibus pastoribus

Quæ licet
an ex
consuetudine

ecclesiæ: quamvis fortasse introducta fuerit ex apprehensione, & vulgi existimatione, quod venationem nobili modo exercitam non reputant opus servile: neque inde scandalum sumunt, etiam si in die festo fiat.

6. Unde etiam piscatio in fluminibus recreationis gratia facta ex eadem consuetudine licet: maxime quando est moderata, & sine magno labore ministrantium in illa. Alia vero, quæ fit in mari, non est in consuetudine, nisi propter peculiarem necessitatem, & ideo non licet: & de hac maxime loquitur dictum cap. *Licet*. Itaque in hoc differimus ab aliis auctoribus, quod non approbamus hanc actionem per se, & ad improbandam illam, tanquam aliquando servilem, circumstantias extrinsecas quaerimus, ut faciebat prima opinio, quia hoc non potest consequenti ratione fieri, ut secunda opinio recte argumentatur: sed e contrario per se dicimus prohiberi, in casu vero, vel tali modo factam permitti ex ratione speciali, vel consuetudine: quod in operibus lege humana prohibitis facillimum est.

7. Tandem dubitari potest de actu bellandi, an sit servilis, & prohibitus in die festo, sive iustum sit bellum, sive iniustum; hoc enim non variat rationem prohibitionis, ut ex dictis constat. Videtur ergo hoc opus non esse servile, quia non est opus servorum, sed potius ingenuorum, & nobilium hominum, ut ex usu constat, & hominum æstimatione, & Arist. 3. Ethic. cap. 6. & sumitur ex 2. Polit. cap. 7. quatenus ibi dicit Arist. vitam militarem continere multas virtutis partes. Secundo, quia, ut Juristæ dicunt, militia, & studium in honore, & ingenuitate comparantur: at studium non est opus servile, nec prohibitum in festo, ut dictum est; ergo nec militia. De qua ratione videri possunt juris civilis interpretes in L. *Advocati*, C. de Advocat. diversor. judic. & Panorm. in cap. de Fer. num. 4. Tertio ex L. *Divus*, ff. de Fer. ubi dicitur, ea, quæ ad militarem disciplinam pertinent, etiam diebus feriatis esse peragenda, ubi Glossa id notat, & in L. *Omnes iudices*, C. de Fer. & utraque Glossa plane docere videtur, non minus esse licitam actionem militiæ in die festo, quam studium. Et confirmatur; quia si militare esset illicitum in festo, etiam privacim rixare, & pugnare esset speciale peccatum in die festo, & multo magis in privato duello congredi in die festo: consequens videtur falsum, quia non magis hoc peccatum habet specialem malitiam ex circumstantia temporis festi, quam alia.

Bellandi
actus an
servilis.

8. Hoc vero dubium eodem modo, quo præcedens, expediendum videtur. Unde assero in primis opus actualis militiæ, seu pugnæ de se servile esse. Loquor de opere ipso quoad executionem; nam regere militiam, & ordinare necessaria ad illam, liberale opus est, quia est potius opus mentis, quam corporis: at ipse actualis pugnæ congressus opus servile est. Primo, quia hoc modo etiam militaris ars inter mechanicas computatur, & non est dubium, quin artifices qui juvenes docent ensium, & armorum usum, mechanici censeantur. Unde non dubito, quin de se sit servile opus, per actualem usum membrorum corporis, & instrumentorum pugnæ, exerceri in docenda, vel addiscenda hujusmodi arte: & ita usu ipso constat, id non fieri, nec permitti in die festo. Secundo, quia si intendere occisioni ferarum opus servile est, cur non magis intendere occisioni hominum? unde rationes factæ de venatione cum proportionem ad militiam, quæ dici potest hominum venatio, applicari possunt: est enim hæc actio mere corporalis, & laboriosa, & circa effectus corporales omnino insitens. Simile argumentum est, quod usus chirurgiæ censetur opus mechanicum, & de se servile; ergo & militare.

Bellandi
opus ser-
vile esse.

9. Tertio ad hoc opus habet respublica suos ministros deputatos, qui sub ea ratione servi reputantur. Neque refert, quod ille actus nobilis videatur, & ideo ab ingenuis, & nobilibus indifferenter exerceatur: habere enim nobilitatem suam non ex fine proximo, ex quo attenditur ratio operis servilis: quid enim magis servile, quam homines occidere? sed habere illam nobilitatem tum ex fine remoto, quia ad reip. defensionem, & ad famam, & ad nobilitatem captandam ordinatur; tum etiam ex eo, quod, si iusta

causa

causa sit, insignis actus virtutis fortitudinis est, & indicium præstantis animi, & fortis corporis, & magnarum virium. Et hoc solum probat ratio prima in contrarium facta: & ideo non obstat, quominus hoc opus ex se servile sit, licet aliunde nobilitatem accipiat. Nec etiam obstat ratio secunda, quia illa æquiparatio studii, & militiæ non est accipienda in omnibus, & maxime in intrinsecis conditionibus ipsorum operum: sed in utilitate, & necessitate eorum ad commune bonum reip. & in aliquibus privilegiis, quæ illis in jure conceduntur: & ideo argumentum ab studio ad militiam in præfenti nullius momenti est. De tertia vero ratione dicetur statim.

Bellandi
actio per
se est pro-
hibita in
festo.

10 Secundo consequenter assero, actualem militiam per se esse prohibitam in die festo, licet per acciden- & ex causa interdum toleretur, & permittatur. Primum docuit Abbas ex Antonio in cap. 1. de Fer. dicens, licere militare in diebus fariatis jure Civili, non tamen Canonico: & allegat cap. 1. de tregua, & pace, qui textus nihil probat; tum quia non est ibi sermo de festis, sed de Adventu, Quadragesima, & aliis quibusdam diebus; tum etiam quia lex illa derogata fuit per contrariam consuetudinem. Melius videtur probari ex cap. *Quod non licet*, de Reg. jur. ubi inter ea, quæ non licent in die festo, nisi ob necessitatem, ponitur militare. Sed nec illud decretum cogit: quia ibi solum generalis regula constituitur, quod necessitas facit licitum, quod non erat: aliud vero de militia solum adducitur in exemplum ex Machabæis, quorum tempore militia extra necessitatem in sabbatho erat prohibita. Potest autem quis dicere, illud fuisse, quia in lege Judæorum non solum prohibebatur servile opus in sabbatho, sed simpliciter opus. An vero illud exemplum etiam in lege nova verum habeat, ibi non declaratur. Ratione ergo probandum hoc est ex principio posito, quia illud opus de se servile est; ergo per se continetur sub generali prohibitione.

11 Altera vero pars constat, quia duplex est bellum, aggressivum, & defensivum. Defensivum ergo est licitum in die festo ratione necessitatis: & de hac militia loquitur lex Civilis supra citata, ut sensit eum Anton. Abb. in d. cap. 1. de Fer. Et sic concordat jus Canonicum cum Civil. Glof. per textum in cap. *Si nulla*, 23. quæst. 8. & notavit Glof. in cap. 1. de tregua, & pace. Bellum autem aggressivum ordinarie non licet in die festo: sed per Epikiam, & dispensationem d. cap. *Licet*, de Fer. (cum proportionem applicata) licebit in bello justo, si se offerat bona occasio comparandi victoriam, quæ semel amissa non facile solet redire, & ita patet responsio ad tertiam rationem in principio objectam.

Et ad confirmandum dicendum est, cum eadem proportionem loquendum esse de privato duello, aut rixa. Adde, solere tempore pacis fieri in die festo quasdam exercitationes, & demonstrationes militares, quæ in consuetudine sunt, & damnari non possunt, non solum ratione consuetudinis, sed etiam ratione moralis necessitatis ad publicam custodiam civitatis: quia non possunt commode aliis diebus fieri: ac denique quia illa, quæ tunc fiunt, aut parum, aut nihil de servilibus operibus habent, & ad memoriam potius exercendam, vel cognitionem personarum habendam, quam ad exercendam militiam ordinantur, & si aliquis servile miscetur ex aliis causis honestatur.

C A P U T XXIX.

*De operibus non servilibus, seu liberis,
speciali jure prohibitis.*

Quæ opera
libera
sunt jure
prohibe-
antur.

1 **H**Actenus explicuimus generalem regulam de prohibitionem operum servilium cum exceptionibus, quæ occurrunt, & obiter ostensum est, opera non servilia non esse comprehensa unquam ex vi illius prohibitionis, quia per limitationem illam, servile, excluduntur, & quia in nullo alio jure generalis prohibitio liberorum, seu spiritualium operum facta invenitur. Quia vero nonnullæ actiones non serviles in die festo specialiter prohibita inveniuntur, illas recensere, ac exponere ad hujus doctrinæ

complementum necessarium est. Sunt autem hæ actiones prohibita non plures, quam quinque, ut constat ex cap. 1. de Fer. ibi enim prohibentur mercatus, placitum, judicium ad mortem, vel ad pœnam, & juramentum. In aliis etiam juribus inveniuntur prohibita quædam ex his, ut in cap. ultim. ejusdem tituli prohibentur omnia, quæ ad judicium pertinent sub nomine *Strepitus judicialis*, sub quo *Placitum*, & *Judicium ad mortem*, vel *ad pœnam* comprehenduntur. In Concilio item Matifcon. 2. cap. 1. solum dicitur, *Nullus vestrum litium fomitis vacet, nullus causarum actiones exerceat*. In Concilio Turon. cap. 40. solum mercatus, & placitum prohibentur: idemque fit in Concilio Mogunt. cap. 37. & circa placitum additur limitatio, *Ubi aliquis ad mortem, vel ad pœnam judicetur*, quæ nunc necessaria non est; nam generalis est prohibitio, maxime ex d. cap. ultim. de Feriis. Itaque duo genera actionum sunt principaliter prohibita, scilicet Mercaturæ, & Fori, seu Judicii. In foro autem d. cap. 1. additur juramentum, quod multi putant, sub judicio includi: sed an hoc sit in univsum verum, infra dicemus. Consonatque hæc prohibitio juri Civili tum antiquo, tum etiam noviori: refert enim Cicero lib. 2. de Legib. & lib. 1. de Divinat. juxta leges duodecim tabularum in feriis cessandum fuisse a jurgiis, & in leg. penul. ff. de Fer. dicitur, *Ferias dare vacationem a forensibus negotiis*, sub quibus omnes dictæ actiones possunt comprehendi, quia omnes quodammodo in foro fiunt. Sed præcipue intelligi solent, ut Glof. ibi notavit, actiones judiciales, quæ C. de Fer. late prohibentur in festis in l. 1. 2. 3. & ult. Constat autem has actiones de se serviles non esse, quia nec sunt propriæ servorum, nec sunt mechanicæ, sed ad cognitionem, & convictum humanum ordinantur; specialiter ergo prohibentur, licet liberales sint. Et magna quidem ratio propter jurgia, & dissensiones, & sæcularem distractionem, quam secum afferunt, unde quietem, & vacationem in die festo intentam maxime impediunt. Hæc autem ratio in mercimoniis, & contractibus temporalibus non minorem vim habet, & propterea jus Canonicum has etiam actiones expresse addidit: & quia de se pertrahunt ad peccatum, ut notavit Panor. in cap. ult. de Fer. Præter has autem actiones non inveniuntur alia liberales specialiter prohibita, neque in aliis tam generaliter habent locum rationes factæ. Ista ergo prohibitio ad prædictas actiones revocatur, de quibus pauca notanda sunt.

2 Circa mercatum ergo, si vim juris attendamus, & propriam illius vocis significationem, per illam prohibentur in die festo omnes contractus emptio-
nominis
prohibe-
antur.

num, & venditionum, locationum, & permutationum, ut Doctores omnes ibi, & Summistæ, Cajet. Sor. & alii notant. Advertit tamen Cajetan. nunquam fuisse prohibitum, emere in die festo necessaria ad illius diei victum, & potum. Quod cenfeo verum de his, quæ ante illum diem commode emi non possunt, aut ubicunque moralis necessitas occurrat: tamen, quæ facile vitari possunt, vitanda sunt, nisi propter levitatem materiæ, & communem usum excusentur. Præcipue vero prohibentur publicæ nundinæ, quæ cum magno concursu hominum in certis locis fieri solent, ad quæ variæ merces deportantur negotiationis causa, ad quas nundinas solent certi dies semel, aut bis in anno assignari; illi ergo dies ex vi hujus juris festi esse non debent. Deinde idem est de nundinis magis privatis, quæ in singulis hebdomadis certo quodam die fiunt, quæ jam vulgo mercatus nomine appellari solent: si ergo in illum diem festum aliquod inciderit, cessandum est a mercatu, & in alium diem transferendus est. Tertio prohibentur etiam privati contractus, præsertim, si publice, vel publica solemnitate fiant, quia in his etiam propriissime mercatus fit, qui absolute, & sine restrictione prohibetur.

3 Dices communem ecclesiæ praxin contrariam esse huic legi. Nam publicæ nundinæ in diebus festis ubique fiunt: neque solum, quando contingit, festivitatem conjungi cum die ad nundinas designato, sed etiam ex directa intentione festum designando: quia in eo celebriores sunt nundinæ, quam si in profesto fiant. Deinde bona mortuorum publice solent
in

Objectio.

in diebus festis subhastari, & voce præconis publice vendi. Item simili modo solent beneficia, aut ecclesiarum proventus, aut terræ publice ad locandum proponi. Item solent operarii conducere in die festo a prandio, & mitti in villam. Item mercenarii artifices solent in die festo vendere merces, aut calceos, vel alia hujusmodi: & hæc omnia publice tolerantur a pastoribus ecclesiæ: unde in eis non videtur graviter peccari. Circa hæc rigore loquuntur Host. & Abbas in cap. 1. de Fer. dum ajunt, nullam consuetudinem excusare posse, ut mercatum in die festo facere liceat: quia est prava consuetudo, & irrationabilis. Quod probat Panorm. quia licet mercari non sit peccatum, est tamen ex actionibus, quæ ad peccandum pertrahunt, vix enim inter ementes, & vendentes non intervenit peccatum, cap. *Qualitas*, de pœnit. distin. 5. & propter hanc causam specialiter prohibetur mercatus in festis, & quia nimium distrahit animum a Divinis, ad quæ festa destinantur. Censent ergo hi auctores, tales consuetudines esse iniquas, & ad summum excusare posse ab exteriori pœna, non tamen a culpa.

Respondetur.

4. Nihilominus dicendum est, consuetudines has, quoad fieri possit, cavendas, vel moderandas esse, itaut nec introducantur, ubi non sunt, nec extendantur, ubi sunt: nihilominus tamen, ubi receptæ fuerint, excusare a culpa. Ita sentiunt Cajetan. d. art. 4. & in Sum. ver. *Festorum violatio*, Navar. dict. cap. 13. num. 8. Ratio clara est, quia tota hæc festorum observatio est de lege humana, cui potest per consuetudinem derogari. Nec refert, quod hæc actio sit obnoxia periculis peccandi; tum quia hoc non obstat, quo minus tale opus licite exerceatur aliis temporibus; ergo nec obstat, quominus in die festo licite fiat, si in illo non sit simpliciter prohibitum: ubi autem consuetudo prævaluit, jam cessavit prohibitio: tum etiam, quia illa ratio pertinet ad motivum legislatoris; non tamen facit materiam legis adeo necessariam, ut contra illam non possit prævalere consuetudo: denique consuetudo contraria posset omnino festi obligationem auferre: ergo & minuire. Adde, in omnibus illis casibus intervenire rationes aliquas honestantes consuetudines ex aliqua publica necessitate. Solent enim nundinæ in festo fieri interdum, ut rusticis, & pauperes, qui non possunt in profestis operas suas deferere, illas possint adire. Aliquando fiunt, quia tali die solet multitudo populorum ad locum aliquem convenire pietatis causa, & ne cogantur iterum illuc venire, vel nimium ibi detineri cum magno dispendio, & publico, nundinæ in eodem die constituuntur. Oportet tamen observare, nunquam istam consuetudinem ita introduci, ut Missa omitti possit licite absque speciali necessitate.

5. In mercatibus autem, qui in singulis civitatibus, vel oppidis semel in hebdomada fieri solent, non ita prævaluisse videtur hæc consuetudo, quia facile transferri possunt in alterum diem, & ita observandum est, quoad fieri possit, nisi consuetudo inveterata omnino resistat. Venditiones vero solent publice fieri in festo, præsertim in parvis oppidis: quia alias pauci essent emptores, & res vilissime venderentur: & similes causæ cum proportionem in aliis casibus reperientur. Interdum etiam venditio potest illo die fieri in gratiam emptoris, qui fortasse est rusticus agricola, aut peregrinus, qui alio die adesse ibi non potest, vel alia ratione tunc indiget tali re. Interdum vero in gratiam venditoris, qui alio die non posset vendere ex defectu ementium, &c. Quæ omnia generatim spectata ad publicam utilitatem pertinent, & ideo aliquid participant de dispensatione, cap. *Licet*, de Feriis, quam inferius exponemus. His tamen non obstantibus lex ipsa canonica per se suam vim retinet, & servanda est, ubi non fuerit in aliquo casu particulari per consuetudinem derogata.

Placitum prohiberi diebus festis.

6. Circa aliam partem de Placito, seu judicio forensi certum est, prohibitum esse in diebus feriatis, ut vidimus: tamen quia in hoc judicio plures interveniunt personæ, & actiones, nonnulla circa illas breviter notanda sunt. Personæ sunt judex, & partes: actor, scilicet, & reus, testes, tabellio, advoca-

tus, & si qui sunt alii horum ministri. Circa quas personas generatim solum possumus dicere, omnes teneri ad servandam hanc legem quoad actiones forenses ad singulas pertinentes, ut eleganter, & speciatim declaratur in l. ult. C. de Fer. & si niter singuli quidem illa indulgentia, etiam si his onerosam esse contingat: quia lex indifferenter, & generaliter loquitur.

7. Dubitari autem solet, cujus persone habenda sit ratio in hac cessatione ab strepitu judicii: contingit enim, ut partes, & judex in diversis locis domicilia habeant, & festum, vel ferias in uno loco servari, non in alio: cujus ergo loci consuetudo servanda est, judicis, an rei, vel actoris, vel omnium? Respondeo, spectandam semper esse locum illum, in quo judex adest, & causa tractatur, & judicium ordinatur; tum quia judex est principalis persona, & quasi caput in hoc negotio: & ideo ratio postulat, ut ceteri illum sequantur; tum etiam quia in modo ordinandi judicium attenditur consuetudo loci, in quo agitur causa; ergo etiam in tempore apto ad judicium: tum denique quia judex ipse tenetur loci, in quo adest, & operatur, festa servare, & consequenter ibi tenetur a forensibus actibus abstinere. Non vero tenetur etiam indulgere partibus, ut suorum locorum feriis, seu festivitatibus utantur: quia hæc esset nimia judiciorum dilatio: & quia possunt, vel debent ad locum judicii accedere, ubi jam non tenentur festa suorum locorum propria observare. In hoc conveniunt Canonistæ in cap. ultim. de Fer. ut recte ibi expendit Abbas num. 23. qui magis loquuntur de feriis temporalibus, seu rusticis: tamen cum proportionem eadem ratio est de solennibus, seu festivis. Adde vero, si aliquæ actiones pertinentes ad illam causam extra locum judicii transigendæ sint, posse optime fieri in eo die, qui est festus in loco judicii, & non in loco, ubi tales actiones sint. Ut verbi gratia, si testes sint in alio loco examinandi ex commissione judicis, prius data, optime poterit in illo die ab eis exigi juramentum, & consequenter etiam examinari poterunt. Advocatus item, si alibi resideat, & tabellio, si alio in loco inquisitionem faciat, vel instrumentum, sua munera eodem die præstare possunt: quia obligatio servandi tale festum, non se extendit ad alia loca ut supponimus: & ita ex hac parte talis actio non est contra festi obligationem. Aliunde vero non est contra vacationem concessam pro illo die in tali judicio: quia illa vacatio solum præcipitur, & conceditur pro tali loco: & ibi non sit progressio, sed in remotis dispositionibus, (ut sic dicam) seu præparationibus, quæ in aliis locis fieri possunt.

8. Secundo circa actionem judicii dicendum est, sub illa comprehendi omnes actiones, quæ proprie forenses, & publicæ sunt, & pertinent quasi intrinsece ad acta judicii: & expresse, vel virtute in cap. 1. & ultim. de Feriis continentur. Hoc in primis constat generali ratione, quia hæc prohibitio nititur in lege ecclesiastica: ergo tanta est, quanta legis verba exigunt. Verba autem canonica legis in dict. cap. ultim. sunt, *Debet judicialis strepitus diebus conquirere feriatis, qui ob reverentiam Dei noscuntur esse statuti*. In fine vero hæc cessatio strepitus duobus verbis declaratur, scilicet, *ut nec habeantur processus, nec feratur sententia*: ergo ex vi illius juris ea omnia, quæ pertinent ad formationem processus judicialis, & ad prolationem sententiæ, prohibita sunt. In cap. autem 1. ejusdem tit. his verbis declaratur hæc prohibitio, *His diebus nec Placitum fiat, neque aliquis ad mortem, vel ad pœnam judicetur, nec sacramenta* (id est, juramenta) *præstentur*. In quibus, quid nomine *Placiti* significetur, ex usu Canonum sumendum est, quia extra illos non invenio vocem illam in hac significatione, ut forensi causam, vel litem significet: proprie enim significare solet voluntatis electionem, & consensum. Unde etiam objectum voluntate approbatum placitum vocatur Genes. 24. *A Domino egressus est sermo, non possumus extra placitum ejus quicquam loqui*. Unde etiam significat conventionem, & pactum ex mutuo consensu definitum, ut Genes. 29. & 30. videre licet: vel etiam significat mens decretum, quomodo dicuntur esse Philosophorum, & Medicorum

Quid Placitum.

rum

rum placita. Atque hoc modo, quæ decreta, vel statuta sunt a Deo, vel principibus, vel senatu, placita vocantur. Proverb. 10. *Labia iusti considerant placita, & os impiorum perversa.* Ac denique terminus definitus ad aliquid agendum placitum vocari solet 2. Reg. 20. *Moratus est extra placitum, quod ei constituerat rex.* Quia ergo in forensi iudicio iuxta voluntatem, & arbitrium iudicis legibus regulatum, vel termini constituuntur, vel decreta dantur, & sententiæ: ideo tota causa judicialis, & forensis tractatio nomine Placiti in iure canonico significatur, ut videre licet in d. cap. 1. §. 15. quæst. 4. per totam. Juxta hanc ergo interpretationem idem est prohiberi in die festo placitum, ac prohiberi strepitum judicialem, ut in alio capite dicitur.

Difficilis
est.

9 At enim dubitabit aliquis, si hoc ita est, quid necesse fuerit addere cætera verba in illo cap. 1. quia, prohibito toro strepitu judiciali, cætera prohibita erant, scilicet, iudicium, ac iuramentum, quæ per alia verba exprimuntur. Quod si totum ipsum per partes explicari oportuit, debuissent omnes actiones forenses numerari: alioquin cogitare quis poterit, illas tantum duas actiones esse prohibitas, & genus per species limitatum esse: quod tamen falsum est. Et præsertim habent difficultatem illa verba, *Neque aliquis ad mortem, vel ad poenam iudicetur*, quia videtur per ea limitari hæc prohibitio ad iudicium criminale: nam in illo tantum per se agitur de infligenda poena: immo nec semper illud prohiberi videtur, sed solum quando condemnandus est reus ad poenam: si ergo absolvendus sit, non erit tale iudicium in festo prohibitum: quod etiam falsum est. Hanc difficultatem quoad hanc tantum posteriorem partem sensit Glossa in dicto cap. ver. *Ad mortem*, & ideo addidit, subintelligendum esse *maxime, quia nulla causa* (inquit) *tunc tractari debet*, maxime vero causa sanguinis. Panor. autem existimat, nomine *Placiti* solum significari causam civilem, & citat cap. *Placita*, 15. quæst. 4. sed ibi hoc non declaratur; nam absolute dicitur, ut *Placita secularia Dominicis diebus, vel aliis precipuis festis non fiant*: ac criminalia iudicia magis secularia sunt, quam civilia. Et ideo dici posset cum Cajetan. d. art. 4. §. *Sed ad hoc*, in fine, tempore illius Concilii, a quo caput illud desumptum est, non fuisse prohibita omnia iudicia in die festo; & sane in Concilio Magunt. supra citato hoc multum indicatur. Verumtamen, quia ex cap. 1. & 2. 15. quæst. 4. quæ sunt antiquiora, contrarium colligitur, non videtur omnino deferenda Panor. sententia. Est enim probabilis illa vocis significatio: quia placitum magis significare solet decretum spectans ad civilem gubernationem, quam ad punitionem. Supposita ergo illa significatione, per primum verbum omnes causæ civiles, per secundum vero omnes criminales prohibita sunt, & in singulis prohibita sunt omnes actiones judiciales. Cur autem iuramentum specialiter expressum fuerit, paulo inferius dicam.

C A P U T XXX.

De actibus forensibus in particulari prohibitis, vel irritis in die festo.

1 **Q**Uoniam multa prohibentur, quæ, si fiant, facta tenent, quando per legem expresse non irritantur: ideo in his actionibus forensibus maxime necessarium est utrumque explicare. Et ut doctrina moralis utilior sit, ad particulares actiones descendere necessarium est. Primum ergo ex dictis constat, prohibitas esse omnes partes iudicii, quæ ad tres revocantur, inchoatio causæ, quæ a citatione maxime incipere videtur: processus formatio, & causæ cognitio: ac terminus iudicii, seu sententiæ prolatio. Et ita docent omnes, quia in his consistit strepitus judicialis. Adduntur vero in d. cap. ult. de Fer. duo valde notanda. Unum est, tales actiones non solum esse prohibitas in die festo, sed etiam esse ipso iure nullas: nam expresse dicitur, *Nec processus habitus teneat, nec sententia.* Quæ verba magis clara sunt, quam illa, quæ habentur in iure Civili, leg. *Ut in die*, C. de

Fer. in fin. *Quod contra hoc factum fuerit omnibus modis irritetur.* Num ex vi verbi irritetur, dubitari poterat, an esset irritum ipso facto, vel solum per iudicem irritandum? Jus autem canonicum evidenter declarat, torum esse ipso facto nullum, quia non tenet. Existimoque, eundem fuisse sensum Imperatoris, quia verba illa *omnibus modis* multum ampliunt verbum irritandi: irritari enim debet, non solum factum tollendo, sed etiam declarando, validum non fuisse. Semper tamen est differentia, quia lex civilis poterit hoc facere in causis civilibus, non vero in ecclesiasticis: lex autem canonica in omnibus. Item lex illa Imperatoris in privatis regnis potuit non servari, lex autem canonica ubique obligat. Aliud in d. cap. additum est, ita esse prohibitas hæc actiones in die festo, ut neque ex conventionione partium fieri possint: neque etiam, si fiant, factæ teneant, ita enim expresse in textu declaratur, ut Glof. verb. *Quibus* notavit, quam omnes sequuntur.

11 Et in hoc constituitur in eodem textu differentia inter ferias festivitatum, vel aliorum temporum, quod his posterioribus possunt partes renunciare, non vero prioribus. Et ratio clara est, quia hæc temporales ferie in partium levamen conceduntur, festivales vero in honorem Dei, & Sanctorum. In hoc tamen notari potest differentia, & convenientia inter mercatum, & placitum, seu iudicium, quod neutrum licet in die festo, etiam ex conventionione partium, propter illam rationem, quod utrumque est in honorem Dei prohibitum: & nihilominus contractus ita factus in die festo validus est, & instrumentum etiam extra iudicium factum ad illius confirmationem validum est: acta vero in iudicio non sunt valida. Ratio autem est, quia lex ipsa prohibens mercatum non irritat illum, ut patet ex d. cap. lex autem prohibens acta iudicii irritat illa. Ita sumitur ex Jo. Andr. & Panor. in d. cap. ult. & notat Silvest. verb. *Dominica*, quæst. 3. in fine, qui allegat leg. *Actus*, C. de Feriis, sed ibi nihil dicitur, nisi quod tales actus in diebus festis *Conquiescant*.

An citatio in festo facta licita sit & valida.

12 Specialiter vero dubitari solet quoad litis initium, an citatio facta in die festo licita sit, & valeat. In quo est breviter advertendum, aliud esse, citationem fieri pro die festo, aliud usque ad diem festum, aliud vero esse, fieri in die festo. Primo modo facta citatio iniqua est, & invalida, quia sensus est, citari partem, ut in die festo respondeat: hoc enim indicat particula *pro*, ut constat. Continet ergo illa citatio præceptum iniquum, & injustum, & ideo aperte est invalida pro illo die. Dices: saltem obligabit ad comparandum alio die habili proxime sequenti, quia in citatione duo præcepta continentur, unum comparandi, aliud tali die comparandi, & primum impleri potest, & est iustum. Respondetur, ita sensisse Innocent. Anton. & alios. Communior tamen sententia est, tale præceptum nullam omnino obligationem inducere, quia est irritum, & nullum, ex vi d. cap. ult. ut late refert, & ostendit ibi Abb. num. 21. Et credo esse veram, quando directe, & formaliter (ut sic dicam) citatio facta est pro die festo, ut pro Dominica, vel pro S. Joan. festo, &c. quia tunc directe est contra præceptum de observatione festi, & ita est irrita, & nulla. At si expresse solum fiat pro tali die mensis, vel hebdomadæ, & contingat, in illum diem festum incidere, tunc probabilis est opinio Innocentii. Et saltem, quod ad nos pertinet, tunc iudex non peccat, nec agit contra festum, ut patet ex vi talium verborum; nec præsumenda est prava intentio, ubi non ostenditur. Hinc autem sequitur, talem actum non esse contra legem, nec per illam esse irritum factum, sed obligare, prout potest, scilicet in diem proxime sequentem, & habilem.

Instantial.

Diluitur.

13 Secundo vero modo facta citatio, in legitimo sensu, quem habere potest, & debet (nisi aliud exprimatur) iusta est, & valida; nam illa verba indicant prorogationem temporis, pro quo fit mandatum, usque ad talem diem festum, v. g. usque ad dominicam; & sensus esse debet, ut torum illud tempus usque ad dominicam inclusive prorogetur, & intra illud non peccetur, non comparando, die autem proxime sequenti respondendum sit. Qui sensus est satis usuratus, & consentaneus verbis, & in illo præceptum nihil

Citatio facta secundo modo valida est.

nihil continet contra festi observationem, ut per se constat. Præterea, si alicui præcipiatur, ut intra octo dies compareat, licet intra illos dies unus, vel plures dies intermedii sint festivi, tenetur comparere intra terminum præfixum, si ultimus non est dies feriatius, quia non oportet, ut pro toto tempore octo dierum, & singulis partibus ejus possit quis compelli ad comparandum, sed satis est, quod intra illud tempus detur sufficiens mora, & terminus habilis ad comparandum: ergo, licet ultimus dies præfixi termini sit festivus, citatio erit valida, quia potest præveniri terminus ultimus, & intra totum illud tempus in die non feriato proxime præcedenti mandatum impleri; ergo multo magis erit licita, & valida in priori sensu implendi videlicet illam proxime post diem festum designatum pro termino. Et hæc etiam resolutio satis communis est, ut videre licet in Joan. Andr. Abb. & aliis Doctoribus in d. cap. ult.

Citatio facta in festo est invalida.

14 De tertio autem modo est magna disceptatio, & dissensio inter canonistas, ut late tractat Abbas ibidem num. 19. Breviter tamen dico, citationem factam in die festo, etiamsi mandatum ejus pro die profesto fiat, & intimetur, prohibitam esse ex vi capit. ult. de Fer. ac subinde irritam. Duo enim possunt in tali citatione considerari. Unum est quasi actio ex parte judicis, scilicet, emanatio præcepti ab illo, & decretum citationis, ut sic dicam. Aliud est quasi passio respectu ejus, qui citatur, scilicet, quod ei intimetur præceptum, & contingere potest, ut utrumque fiat in die festo, vel alterum tantum; & omnibus modis censeo esse nullum illum actum. Et primo actio judicis continens citationis præceptum in festo facta nulla est, etiamsi non in festo, sed in profesto die sit intimanda reo. Ratio est, quia illa pertinet ad judiciale strepitum, qui totus prohibitus, & irritatus est. Item, quia illud præceptum continere censetur interlocutoriam quamdam sententiam, ut Abbas docet, omnis autem sententia in illo die prolata prohibita est, & nulla. Item, quia illud præceptum non fit sine causæ cognitione, quæ omnino est prohibita illo die, & consequenter etiam vox, seu præceptum, quod ab illa manat, ut sumitur ex l. ult. C. de Fer. Denique, quia favores ampliandi sunt, præsertim cum in hoc negotio simul religionem erga Deum, & pietatem erga reum hic favor contineat. Atque hinc sequitur, quocumque die tale præceptum intimetur, non obligare, quia a principio fuit nullum.

15 At vero si e contrario iudex protulit præceptum in die profesto, intimatio autem facta fuit in die festo, duobus modis id potest contingere. Uno ex vi ipsius citationis, quia nimirum per ipsam expresse præcipiebatur, ut ita fieret. Et sic etiam censeo, præceptum fuisse iniquum, ac subinde nullum, propter dicta in priori puncto, quæ cum proportionem hic applicari possunt, quia illa intimatio nulla est, ut jam dicam. Alio modo potest intimatio præcepti fieri in die festo, vel per accidens ex ignorantia ministri, vel ex malitia ejusdem, aut etiam judicis, qui privatum, & extra judicium id ordinavit, & talis intimatio, quocumque ex his modis fiat, nulla est in die festo ex vi ejusdem capit. ult. & dictæ legis, *Ut in die*. Nam ibi præcipitur quies a litibus, & ab strepitu judicii, & irritatur, quicquid in contrarium sit, hæc autem intimatio est contra quietem, & est pars non modica judicialis strepitus; ergo. Nihilominus tamen præceptum ipsum in se validum manet, quia in se non continuit illum errorem, & alioquin habili tempore latum est. Poterit ergo alio die profesto citatio fieri ex vi illius, quia non fuit extinctum propter indebitam applicationem ejus, sed solum tunc non habuit effectum. Et ita, nisi iterum intimetur, nullam inducet obligationem ex vi intimationis factæ in die festo, nec ex vi illius poterit processus formari, alioquin omnia erunt nulla, ut ex dictis constat.

An in die festo possint testes examinari.

6 Secundo quoad processum, seu progressum litis, queri solet, an in die festo possint testes examinari? Unum est certum, scilicet, non posse illo die exigere iuramentum, id enim expresse, & specialiter prohibetur in dicto cap. 1. de Fer. Quæ prohibitio maxime intelligitur de solenni, ac juridico iuramento,

sive a testibus, sive a partibus postuletur. Cum ergo testes non possint dicere testimonium, nisi prævio iuramento, sicut jurare non possunt in die festo, ira neque examinari. Dices, posse iuramentum antecedere in die profesto, & tunc hæc ratio non obstabit, quominus interrogationes, & responsa in die festo fiant. Ad hoc multi Canonistæ torum concedunt, dicentes puram examinationem testium non esse prohibitam in die festo, si antea præcessit iuramentum, & examinatio articulorum, & interrogationum, quæ testibus proponendæ sunt: ut dixit Glossa in Clem. unic. de Offic. de leg. verb. *Judices*, cum specul. Joan. Andr. & alius, quos refert Abbas in dicto cap. 1. Fundamentum est, primo, quia illud examen retrahitur ad diem iuramenti. Secundo, quia non est actus judicialis, sed extrajudicialis, nam per merum executores fieri solet. Contrarium autem tenuit ibi Anton. dicens, totum illum actum esse prohibitum, & esse nullum. Panor. vero mediam sententiam amplectitur, dicens, actum quidem esse validum, esse tamen illicitum, quia distrahit a Divinis. Quæ distinctio mihi non probatur: quia vel ille actus est prohibitus tanquam judicialis, & pertinet ad strepitum judicii: & sic erit nullus juxta cap. ult. Si vero non est prohibitus specialiter, de se non erit illicitus, quia non est opus fervile: & ita non est prohibitus generaliter: ergo nullo modo. Quod autem distrahat, non satis est, ut sit peccatum: quia finis præcepti non cadit sub præceptum, ut sæpe dictum est. Alias etiam legere historias humanas, vel de novis eventibus interrogare in festo, esset speciale peccatum.

Audoris sententia.

7 Inter alias vero duas sententias opinio Antonii sicut magis pia, ita & probabilior mihi videtur. Primo enim illa retrahitio facta est, nam revera ille actus fit in die festo: non est autem admittenda fictio a jure non introducta, nec probata; immo parum consentanea juri, & observationi festi multum derogans. Eo vel maxime, quod potius iuramentum præcedens solet quasi repeti, & confirmari in illo die, in quo testis examinatur: semper enim præmittitur, interrogationem esse faciendam sub præstito iuramento, quod ipse acceptat. Deinde non intelligo, cur actus ille non sit in præsentia materia existimandus judicialis; nam sine dubio multum pertinet ad strepitum judicii, quem totaliter prohibet, & annullat d. cap. ult. de Fer. & l. *Ut in die*, C. eod. ubi etiam præcipitur, ut lites quiescant, non quiescunt autem, sed progrediuntur, si examen sit testium. Item, tota illa actio pertinet ad formationem processus, & solet esse magna pars ejus, ut in d. cap. ult. dicitur absolue, *Nec processus habitus teneat*: ergo neque etiam quoad illam partem tenet. Item in l. ult. C. de Fer. prohibetur in illo die omnis executio, & ne ulla quemquam urgeat admonitio; & infra, *fit ille dies a cognitionibus alienus*: quæ omnia plane violantur per testium dispositionem. Item, testes non possunt tunc cogi ad respondendum, ut Panor. fatetur: ergo non juridice interrogantur; ergo nec eorum depositio valida erit. Vele contrario, si juridice interrogentur, actus judicialis est: & ita per legem ecclesiasticam irritus factus. Denique sine dubio graviter peccat tabellio scribendo, & fidem dando, quia illa scriptio pertinet ad processum judiciale conficiendum, quod prohibitum est, & consequenter irritum. Neque obstat, quod hæc examinatio testium fieri possit per aliquem deputatum a iudice, qui non sit iudex, sed quasi merus executor, qui jurisdictionem non habet, quia nihilominus illa actio fundatur in jurisdictione judicis, & pertinet ad executionem ejus in contentioso foro.

8 Ab hac tamen generali regula excipiunt aliqui causas spirituales: nam in illis ajunt, licitum esse, & validum iuramentum accipere, & consequenter etiam testes examinare, non vero in temporalibus, de quibus solis intelligunt prohibitionem iuramenti factam in dicto cap. 1. Adduntque, ideo esse specialiter factam, quia, licet ex aliqua necessitate licitum sit, iudicium ferre, seu litem agere in causa temporali, nihilominus exigere iuramentum, etiam tunc, prohibitum est. Ita sentit Cajetan. dict. art. 4. Et adducit D. Thom. 2. 2. quæst. 89. art. 10. At D. Thom. ibi non allegat d. cap. 1. neque

Utrum hoc liceat in causis spiritualibus.

neque illud exponit, sed solum de juramento in communi loquens, sive solenni, & juridico, sive privato ait: *Pro spiritualibus negotiis juramenta possunt praestari in solennibus diebus, quibus est spiritualibus rebus vacandum: non tamen tunc sunt juramenta praestanda pro rebus temporalibus, nisi forte ex magna necessitate.* Ubi etiam non dicit, hoc esse omnino prohibitum, sed non esse faciendum, quia non est consentaneum fini dici festi, qui est spiritualibus vacare: si tamen fiat, non dicit esse speciale peccatum contra aliquam juris prohibitionem. Quapropter verius censeo, prohibitionem factam in d. cap. 1. generalem esse ad omnia judicia, & causas forenses, sive de temporalibus causis, sive de spiritualibus agatur, quia verba textus generalia sunt, nec talis limitatio in eo habet fundamentum. Nec etiam ratio D. Thom. hic applicari potest, quia neutrae causae tractandae sunt in die festo. In calibus autem, in quibus propter necessitatem potest esse licitum iudicium in die festo, sicut exceptiones habent locum in causis spiritualibus, ita in temporalibus, si in eis vera necessitas occurrat. Nam duplex illa exceptio, quae in eodem textu additur, *Nisi pro pace, vel alia necessitate*, indifferenter ponitur, & in iudicio etiam de causa temporalis habere potest locum, ut infra dicam. Si ergo in causa temporalis talis occurrat necessitas, vel pietas, ut ratione illius licitum sit iudicium in festo, etiam erit licitum iuramentum exigere, & testes examinare, quia iam ibi occurrit necessitas. Si vero e contrario iudicium sit in causa, & negotio spirituali, & non occurrit necessitas, ob quam in die festo iudicium agere liceat, nec etiam tunc licebit iuramentum exigere, nec testes ad dicendum cogere, vel examinare, quia deest necessitas, quae in d. cap. 1. pro iuramento postulatur.

9 Tertio dubitari potest quoad finem iudicii, an omnis sententia sit prohibita in die festo? Ad quod Cajetan. supra responderet, non omnem esse prohibitam, quia sententia excommunicationis ibi non prohibetur, neque est nulla: quod est verum: quia non fit cum strepitu iudicii. Et idem tenet Freder. de Sen. Con. 11. 12. & 13. & Abb. in d. cap. ult. de Fer. num. 16. 17. & 18. ubi plures in eadem sententiam refert. Anton. vero ibi contrarium tenet, quia lex dicit, ut omnis vox iudicis sileat in die festo. Sed dico, magis in hoc esse attendenda verba canonum, quam legum. Item respondeo, intelligendum esse de voce pertinente ad strepitum iudicii, & ad processum iudicalem, excommunicationem autem, ut Cajetan. bene noravit, non tam est procedere, & iudicare, quam veluti legem ferre, aut praeceptum imponere. Unde a fortiori constat, absolutionem ab excommunicatione non esse in die festo prohibitam, quia eadem de illa procedit ratio, & aliunde est favorabilior, quia est spirituale bonum, & per eam subvenitur periculo animae. Quanquam haec ratio possit etiam suo modo applicari ad ipsam excommunicationem, quae est medicinalis poena, & ad bonum animae ordinatur.

10 Adducunt praeterea Abb. Host. Joan. Andr. & Specul. actus etiam voluntariae jurisdictionis non esse prohibitos in die festo, argumentum fumentes ex leg. *Actus*, C. de Fer. ubi emancipationes, & manumissiones in diebus festis fieri posse dicuntur, & super his acta fieri permittuntur. Efficacius vero id suadet ex d. cap. ult. eod. ubi solum iudicialis strepitus prohibetur, & quae ad illum pertinent: dicitur autem esse iudicialis strepitus, ubi causa est contentiosa, & litigiosa, ac denique, ubi *questiones*, & *jurgia* tractantur, ut ibidem significatur in ipso proemio. At ea, quae sunt jurisdictionis voluntariae, non fiunt cum strepitu iudiciali, ut dispensationes, indulgentiae, privilegia, & huiusmodi: neque pertinent ad contentiosum iudicium, ut constat; ergo in eo cap. non prohibentur: sed neque in alio sunt prohibita, ut satis constat ex omnibus allegatis; ergo. Addit vero Panor. limitationem, dicens, hos actus esse validos, licet in die festo fiant, non tamen fieri sine culpa, si absque speciali necessitate fiant. Sed hoc jam supra in simili rejectum est, quia, si hi actus valent, ideo est, quia in illo cap. non sunt prohibiti, ut ipse fatetur, sed neque in alio loco sunt specialiter prohibiti, ut dixi, nec etiam sunt

opera servilia, ut constat: ergo manent in ordine actuum indifferentium (ut sic dicam) pro diebus festis: non ergo possunt magis damnari, quam confabulationes, & ludi de se non mali, & similes res.

11 Denique ex his a fortiori concludunt dicti auctores, omnes actus extrajudiciales factos in die festo validos esse, & non esse prohibitos ex vi illius cap. ult. Probatur, quia ibi solum prohibetur strepitus iudicialis, & formatio processus usque ad sententiam. Unde infert Panor. in cap. ult. de jud. num. 22. executionem sententiae latae in die profesto, licet fiat in die festo, validam esse; quia non est actus iudicialis. Sed alii oppositum sentiunt, ut videri potest per Felin. in cap. ult. de Jud. num. 13. Ego vero censeo, executionem prohiberi in die festo in dicto cap. ult. & consequenter etiam irritari, quantum iudice potest. Probo primo, quia Panor. fatetur, esse prohibitam in cap. 1. de Feriis, praesertim in causa criminali: unde, licet textus ille solum prohibeat, *ne quis in festo ad poenam iudicetur*, ipse intelligit, *etiam esse prohibitum adjudicari, & executioni mandari*. Ergo eadem ratione, ubicumque prohibetur sententia in die festo, magis (ut sic dicam) prohibetur executio ejus. Item probatur ex leg. *Actus*, leg. *Ut in die*, leg. ult. Cod. de Fer. Quamvis enim haec materia non videatur pertinere ad leges civiles, tamen cum disponant immediate de actibus civilibus, & in favorem religionis, per eas recte explicatur jus canonicum. Ibi autem prohibentur omnes actus in die festo, qui sunt iudicii contentiosi, & irriti etiam declarantur in dicta leg. *Ut in die*, & in leg. ult. expresse dicitur: *Ut a cunctis executionibus excusetur, nulla quemquam urgeat admonitio, taceat apparitio, praconis horrida vox filescat*, &c. quae omnia executionem sententiae significant. Unde tandem executio sententiae non immerito sub strepitu iudicii comprehendi videtur, ut aperte significatur in dicta leg. *Ut in die*; & in illa esse solet major perturbatio partium, & populi, & major distractio, quam in sententiae probatione: videtur ergo comprehensa in d. cap. ult. de Fer. At ibidem irritantur omnes actiones, quae prohibentur: ergo. Dico autem, quantum possunt: quia, cum executio consistat in facto, aliquando est irrevocabilis, ut constat.

12 Tandem de appellatione dubitari potest, an liceat in die festo illam interponere? Et ratio dubii esse potest, quia non licet in die festo, seu feriato appellationem prosequi: ergo nec illam proponere. Antecedens commune est Doctorum, ut statim dicam, & sumitur ex leg. 1. Cod. de Fer. Consequentia vero probatur, quia sicut prosecutio appellationis pertinet ad strepitum iudicii, ita etiam propositio: loquimur enim de iudiciali appellatione: illa autem actus iudicialis est, & pars processus; ergo. Et confirmatur, quia non est necesse, appellationem incontinenti fieri, nam jura decem dies concedunt: & ordinariè melius, ac maturius est, non statim appellare: ergo nulla moralis necessitas esse potest appellandi in die festo, quia intra decem dies semper sunt aliqui profesti: & si ultimus sit festivus, nullum incommodum est, praevinire: vel, si primus feriatus sit, postponere. Cur ergo dabitur haec licentia pro die festo. Adde, nullum jus canonicum talem licentiam dare, jura autem civilia vel etiam id non dicunt, vel, licet dicerent, non sufficeret. Multa enim opera fieri permittuntur in diebus feriatis jure civili Digestorum, & Cod. in tit. de Fer. quae in die festo non licent, nisi quatenus per Canones permittuntur, quia haec materia canonica est.

13 Nihilominus Doctores iurista communiter docent, appellationem posse in die festo interponi, licet eam prosequi tunc non liceat. Ita Glos. in dicto cap. ult. de Fer. & ibi Panor. num. 12. Glos. in leg. 1. de Fer. & Cajetan. dicto art. 4. §. *Sed ad hoc*, dicens, *prohiberi homines litigare in die festo, actu appellandi excepto, qui omni tempore licitus reputatur*, nullam vero probationem adjungit. Glos. autem dicta id colligit ex dicta lege 1. Cod. de Feriis adjunctis leg. 1. §. *Dies*, ff. Quando appellandum sit, & authentic. de appellatione, & intra quae tempora, collat. 4. in principio. Sed in illis legibus nihil invenio de hoc articulo tractatum: nam §. *Dies*, & in authentic. solum agitur de nu-

Executio
nem sen-
tentiae
prohiberi
in festo.

Si omnis
sententia
prohibe-
bitur in
festis.

Fieri
possit ap-
pellatio
in festo.

Quid in
hoc cen-
teant ju-
risperiti.
Glos.

de numero dierum, intra quem appellandum est: & quod illi dies sint utiles, ita ut per iudicem non impediat appellatio. In lege autem l. C. de Fer. solum dicitur, ita esse servandas, quoad appellationem, ferias repentinas, sicut solennes, *Sine ulla adiectione*. Unde ex his iuribus inter se collatis ad summum videtur posse colligi, licitum esse, appellare in die festo, quando necessitas urget, vel præfixus numerus dierum finitur, nisi ita fiat, ex quacumque causa id accadat. Nam cum appellatio sit quædam naturalis defensio, merito tunc conceditur, ne homo illa privetur. Si vero commodissime potest anteponi, vel postponi ad diem festum, nec ratio naturalis defensionis postulat, ut id fiat tali die: nec iura citata id permittunt, nec sibi permitterent, extendenda viderentur ad festa religiosa. Quare licet non audeam id damnare, nec videatur excessus gravis, quia sine magno strepitu fieri potest, & est res favorabilis: nihilominus consulerem, ut in die profesto fiat, quoties commode possit.

14 Advertendum præterea est, cum dicitur, actus extrajudiciales validos esse, & licitos, intelligendum id esse ex vi illius decreti, seu legis, per quam processus sententia, & strepitus iudicialis prohibentur: nam alio ex capite contingere potest, ut actus malus sit. Est item notanda differentia inter c. r. & ult. de Fer. quod in r. non additur irritatio, quæ additur in ult. Et ideo omnia, quæ in primo cap. prohibentur, si non prohibentur in ultimo, licet cum peccato fiant, valida sunt. Quæ autem in neutro cap. prohibentur, & servilia non sunt, illicita non sunt ex eo præcisè, quod in festo fiant, nisi aliunde habeant malitiam.

15 Et ex hoc principio expediendum est dubium, quod Caietan. proponit: an liceat advocato informare iudicem in die festo? Dicendum esse enim, hoc in neutro capite esse prohibitum, quia est actus extrajudicialis, & non est servilis, & ideo nullo iure prohibitus est. Item ex eodem principio respondendum est interroganti, an iudicium arbitri sit in die festo prohibitum. Distinguendum enim est (cum Abb. d. c. ult. n. 10.) de vero arbitrio, & de internuncio, quem ipse *arbitratorem*, seu *compositorem* vocat. Et de primo dicendum est, non licere coram eo causam agere in die festo, nec ei sententiam ferre. Ita habetur expresse in l. *Omnes dies*, C. de Fer. ubi dicitur: *Nec apud ipsos arbitros, vel a iudicibus flagitatos, vel sponte electos ulla sit cognitio iurgiorum*. Et ratio est, quia ille procedit iudiciali modo instar iudicis. De alio vero ait Panor. posse munus suum exercere in die festo, quia solum est amicus fœderator, & conciliator pacis: fœdera autè, & similia pacta non sunt in die festo prohibita, ut ex eisdem iuribus colligitur, & latius ipse probat.

16 Tandem circa tertium caput harum actionum queri potest, an iuramentum extrajudiciale sit in die festo licitum, vel prohibitum? Nam de iudicali iam supra dictum est, per se universaliter prohiberi in qualibet causa, non solum ex vi illius specialis prohibitionis, sed etiam ex vi prohibitionis totius iudicii forensis. De aliis vero iuramentis extrajudicialibus Panor. in dicto cap. r. de Fer. n. 8. & clarius in c. ult. n. 18. sentit, etiam extra iudicium esse prohibitum omne iuramentum in die festo. Potestque suaderi, quia in dicto c. r. distincte ponitur prohibitio iuramenti, & prohibitio placiti, ac iudicii; tum etiam quia fuisset superflua illa prohibitio iuramenti, si de solo iudicali intelligeretur; quia iam erat contenta in prohibitione iudicii: tum denique quia ibi excipitur iuramentum pro pace, quod extra iudicium fieri solet in quocumque fœdere, vel conventionione. Nihilominus Caietan. in d. art. 4. *Secundum* intelligit illud cap. r. de iuramento *solemniter in iudicio præstando*. Et suaderi potest; tum quia textus, iuxta subiectam materiam, videtur loqui de iudicialibus actionibus; tum maxime quia alias omne iuramentum, alioquin licitum ex obiecto, fine, & aliis circumstantiis extra tempus, ex eo solum, quod in festo fiat, esset speciale peccatum: quod videtur absurdum, & contra omnem usum, & sensum ecclesiæ, & contra rationem: quia nulla erat causa, vel necessitas prohibendi hoc modo omnia iuramenta. Et similiter omne iuramentum, alias illicitum, in festo prolatum esset duplex peccatum, *Suarez, Tom. XII.*

quod etiam est contra generalem regulam de aliis peccatis positam.

17 Ego vero dicerem, nec omnia iuramenta publica, & privata, & quomodocumque facta, esse prohibita in illo textu, propter secundam rationem pro Caietan. factam, & quia non oportet adeo extendere legem odiosam: nec sola iuramenta, quæ in iudicio postulantur, esse ibi prohibita, sed omnia etiam, quibus pacta, & conventa inter homines firmantur, & præsertim illa, quibus contractus, ibi comprehensum sub nomine *Mercatus*, firmari solent. Moveor autem præcipue illa exceptione, *Nisi pro pace*; nam iuramentum pacis non est iudiciale, & ne videatur comprehensum, excipitur; ergo signum est, non prohiberi tantum iudiciale iuramentum. Pertinet autem illa exceptio ad iuramenta conventionum, & obligationum humanarum; ergo recte coniectamus, illa esse prohibita, nisi in casibus exceptis. Consonat etiam ipse contextus, duo enim fuerant prohibita, scilicet, contractus, & iudicium, additur ergo iuramentum, quo illa firmari solent. Itaque textum illum intelligo de iuramento solemniter facto in aliqua publica actione humana, sive illa pertineat ad iudicium, sive ad alia negotia publica, quæ inter homines geruntur, & præsertim illa, quæ fieri solent ad pacta firmanda, & novas obligationes inducendas. Et propterea specialiter iuramentum pro pace permittitur, quia est valde pium, & quia pax est omni tempore procuranda. Sub pace autem intelliguntur omnia, quæ ad iurgia removenda, & concordiam faciendam inter aliquos transiguntur, nam hæc in festis licent, & iuramento firmari possunt, ut sentit Glof. in cap. ult. de Fer. verb. *Quibus* in fin. & ibi Panor. n. 14. Et simili modo, quotiescunque iudicium ob ipsam causam in die festo agi potest, iuramentum etiam postulari potest, ut iidem sentiunt; tum quia est eadem ratio; tum etiam quia concessio principali, conceduntur accessoria, maxime, quæ necessaria sunt: iuramentum vero est moraliter necessarium in iudicio.

18 Atque ex his facile est explicare limitationem, quæ huic prohibitioni adiungitur in d. cap. ultim. de Fer. his verbis, *Nisi necessitas urgeat, vel pietas suadeat*: quacumque enim ex his duabus causis interveniente, potest licite causa iudicialis tractari in die festo sine ulla dispensatione hominis, quia ipso facto cessat obligatio legis, quia lex ipsa expresse illam limitavit. Procedit autem dicta limitatio in qualibet causa sive civili, sive criminali, ut omnes docent, ac subinde in causa tam temporali, quam spirituali. Quia lex tam indefinite, & generaliter excipit, sicut prohibuerat: ergo, sicut omne iudicium prohibuerat, ita omne concedit in illis duobus casibus. Cum autem distinctis verbis, & modo diverso utramque causam ponat, certum est, distinctas causas, & rationes per illa verba significari.

19 Necessitatem ergo in primis omnes Doctores intelligunt esse, quando id ad effectum ipsius iudicii est necessarium, ut in festo fiat. Quod his verbis declaravit Ulpian. in l. 1. §. *Sed excipiuntur*, ff. de Fer. *Si res tempore peritura sit, hoc est, si dilatio actionem sit peremptura*: cui consonat c. *Significaverunt*, ult. de Jud. Item *rei servanda causa*, ut dicitur in l. 2. ff. eod. id est, ut Glof. exponit, *quando est debitor suspectus, ne dilapidet*: idemque erit, ne fugiat, vel ne res pereat, aut notabiliter interim damnetur. Unde additur ibi in l. 3. *Solere ius dici in feriis de rebus, quæ tempore, vel morte periturae sunt*, quarum varia exempla subiciuntur. Et in fine additur, *Item in eum, qui quid mundanarum nomine adversus communem utilitatem accepit*. Unde intelligimus, & proprium litigantium commodum, & publicam utilitatem posse hanc necessitatem inducere. Unde Hostiens. & Abb. in d. cap. ult. recte adnotarunt, non solum periculum spiritualis nocimenti, sed etiam temporalis damni privati, vel publici ad hanc necessitatem sufficere; nam de temporali loquuntur prædicta iuracivilia; de spirituali ratio a fortiori probat, quia spiritualia temporalibus præferenda sunt, unde tunc necessitati etiam pietas coniungitur. Habet denique locum hæc necessitas non solum

Augetur iudicium.

Explicatur limitatio quoque legis.

De necessitate.

Differentia inter duo capita juris.

Enodantur duæ difficultates.

Utrum sit iuramentum in festo extrajudiciale.

lum in causis civilibus, sed etiam in criminalibus. Sic enim laico suspectus de fuga potest in die festo incarcerationi, & contra eum procedi, quantum necesse fuerit juxta Glossam, Bartolum, & alios in l. ult. C. de Fer. Item, si arox delictum cum publico scandalo commissum sit in die festo, potest statim publice judicari, & puniri, si ad publicum exemplum ira expediat. Item, hac ratione solent hæretici in diebus festis publice judicari, & supplicio affici, ut major concursus populi fieri possit, quod ad populi terrorem, & instructionem valde necessarium est. Et ob similem causam in parvis oppidis solent similia judicia in festis permitti, quia in profestis non ad sunt rustici, & agrorum cultores. His fere modis explicant verba illa, *Nisi necessitas urgeat*, Glossa Hostiens. Panor. & alii in d. cap. ultim. Glossa etiam ult. in d. cap. *Significaverunt*: & Glossa 1. 15. qu. 4. in princ. Glossa etiam, & Doctores in d. lege 1. Et seqq. ff. de Feriis.

20 Altera vero pars de causa pietatis recte explicatur a Cajet. d. artic. 4. §. *Ad hoc dubium*, ubi distinguit pietatis nomen; nam interdum pro religione sumitur, interdum pro misericordia, interdum propriissime pro virtute observantiæ ad patriam, parentes, & consanguineos: dicitque, ibi sumi pro misericordia pauperum, & indigentium personarum: nam hæc sola interdum sufficit, ut liceat judicia in festis agere absque alia necessitate, præter eam, quam vera ratio misericordiæ includit. Et ita etiam sentiunt omnes Doctores citati, & exemplum ponunt in causa miserabilium personarum, ad quas pertinent illa exempla, l. 2. ff. de Fer. *Ut tutores, & curatores dentur, alimenta constituantur*, &c. Eadem ratione, si litigantes sint valde pauperes, possunt in die festo expediri, ne graventur expensis ultra id, quod possunt, & sic de aliis. Adde vero, non ita oportere restringere hanc pietatem ad misericordiam, ut non possit etiam pro religione, & pro patria judicium peragi in die festo: quia, si similis ratio, & causa subsit in persona religiosa, vel in aliqua ecclesia, vel in causa civitatis, seu patriæ, poterit etiam in illa judicium exerceri in die festo: quia titulus religionis, vel propriæ pietatis adjunctus non minuit, sed augeat rationem hujus indulgentiæ. Neque hoc voluit negare Cajetan. sed intelligit, solum finem, quasi extrinsecum religionis, vel pietatis ad parentes, vel patriam non sufficere, nisi aliqua ratio indulgentiæ, vel misericordiæ in eis sublevandæ, concurrat. Quod verissimum profecto est, quia oportet, pietatis causam talem esse, ut causam rationabilem tribuat non differendi judicium in die festo: solus autem religionis, vel cognationis, aut patriæ titulus non affert rationabilem causam, nisi ex parte ipsorum sit aliqua indigentia, ratione cujus illis celeriter subveniendum sit. Denique advertit optime Cajet. hanc exceptionem, quoad hanc partem, non esse extendendam ad opera servilia, neque ad alia prohibita extrajudicialia: nam de solis actibus judicialibus dictum caput ultimum loquitur. Quia de illis tantum excipit, de quibus prohibitionem facit, ut per se constat: nam illa exceptio est pars ejusdem legis, & eodem contextu proponitur. Unde, licet prior pars, quæ est de necessitate, in aliis operibus locum habeat, non est ex vi hujus capitis, sed vel ex ipso iure naturæ, vel ex generali intentione legum positiva-rum. Posterior autem pars de pietate est ex peculiari indulgentia hujus legis, quæ nolum cum maiori rigore prohibere iudicia in die festo: & ideo extendenda non est ad alia opera servilia, ut illa licent in die festo, propter solam misericordiam non necessariam pro illo die: quia hoc non licet, ut supra vidimus.

CAPUT XXXI.

Quanta sit obligatio hujus prohibitionis, & quantum duret.

1 DUO hæc supersunt explicanda circa obligationem hujus præcepti, quæ ex dictis breviter expediri possunt, & ideo simul illa proponimus. Primum est, quanta sit hæc obligatio, id est, an sit tanta, ut ex suo genere obliget sub reatu mortalis culpæ, vel tantum venialis? In quo auctores, qui dixerunt præceptum hoc quoad partem affirmativam non obligare sub mortali, idem fortasse dicerent de hac parte negativa, quia est eadem fere ratio. Dicendum vero est, gravem esse obligationem hujus præcepti, atque adeo transgressionem eius ex suo genere peccatum esse mortale, licet in individuo possit esse veniale ex levitate materiæ, aut excusari ex conscientia erronea probabili ex consilio alicuius, qui reputatur doctus, ac fide dignus, vel ex aliqua simplici inadvertentia, & cogitatione. Hæc resolutio est clara ex superioribus: nam primo hoc præceptum est virtutis religionis, & ex ea parte grave, ordinatur etiam ad gravissimum finem, qui est Divinus cultus: ergo cessatio, quam præcipit, spectata, ut cadit sub hoc præceptum, materia est satis gravis. Præterea, Deus in lege veteri gravissime puniebat hoc delictum, & ecclesia interdum excommunicat fideles propter transgressionem diei festi: ergo signum est, culpam esse de se gravem. Denique hic est communis sensus ecclesiæ.

2 Nihilominus ex levitate materiæ posse hoc esse veniale, certissimum est ex generali regula operum humanorum: nulla enim ratio specialis occurrit excipiendi hoc præceptum ab illa regula. Confirmatur, nam ex communi sententia hac ratione excusantur a culpa mortali tondentes barbam, & capillos capitis in die festo: si enim per partem horæ paulo plus, minusve id faciant, non censetur materia gravis, ut est communis doctrina Sylvestri, Angeli, Caietani, Sori, Navarri, in locis citatis, & aliorum communiter. Nam, sicut exiguum opus censetur materia levis, ita etiam opus brevi tempore durans. Quantum vero sit hoc tempus, incertum est. Quidam dicunt, si non attingat tertiam partem diei, non esse materiam gravem. Sed nimia est licentia, multumque præjudicat præcepto, & nulla probabili ratione nititur. Alii dicunt, si attingat horam integram, jam esse materiam gravem. Sed nimia est, & rigorosa restrictio, quia respectu totius diei pars vigesima quarta non apparet nimia, nec multum impedire finem præcepti, qui est cultus Dei. Quare prudenti arbitrio hoc existimo relinquendum: nam considerare oportet qualitatem, & laborem operis. Atque hinc patet, posse etiam hoc accidere ex judicio conscientiæ, nam cum hoc pendeat ex arbitrio, facile potest quis decipi invincibiliter, putans esse levem materiam, quæ in se gravis est, & tunc certum est, excusari a culpa mortali, licet non excusetur a veniali. Adde in his casibus, si cum materiæ levitate simul concurrat aliqualis necessitas, licet magna non sit, facile posse etiam venialem culpam excusari, ut ex his, quæ dicemus, constabit.

3 Circa secundum punctum dicendum in primis est, obligationem hujus præcepti ordinarie durare pro toto tempore unius diei naturalis, id est, viginti quatuor horarum, nisi in aliquo particulari præcepto pars tantum diei designetur. Hoc totum satis explicatum est, agendo de temporis determinatione facta in tertio præcepto Decalogi. Ibi enim ostendimus, hoc tempus viginti quatuor horarum non esse determinatum jure naturali, (quod etiam per se est satis notum,) in lege autem veteri jure divino tempus illud definitum esse pro celebratione sabbathi, & fere pro singulis festivitibus. Unde intulimus, ridiculam esse opinionem asserentium, hanc determinationem esse nunc de jure divino, vel esse immutabilem: quia jus divinum antiquæ legis nunc non obligat, & oppositum sentire, esset hæreticum:

Transgressionem hujus præcepti esse mortalem

Posse esse venialem ex levitate materiæ.

Obligatio hujus præcepti durat in toto die naturali.

Quid pietatis nomine intelligatur in hoc loco.

eum: jus autem divinum naturale in hac re locum non habet, superest ergo, ut tota hæc determinatio sit nunc de jure ecclesiastico. Unde constat, posse in ecclesia dari præceptum vacandi in festo aliquo pro dimidio tantum die naturali, vel etiam artificiali, ut ab ortu Solis usque ad meridiem, quod supra probatum est. Id tamen non fit in festivitibus totæ ecclesiæ communibus; & hoc satis est, ut dicamus, ordinarie tempus hoc esse viginti quatuor horarum, quia ita determinatur in illis festivitibus generalibus, & frequentius etiam in particularibus, licet raro in aliquibus aliud fiat. Et quidem, quando pro minori tempore fit determinatio, statim in ipsa lege declaratur principium, & finis temporis designati, & ideo nihil de illo dicere oportet: at vero, quando tempus est diei naturalis, varii sunt modi assignandi principium, & finem ejus. Nam potest computari ab occasu ad occasum Solis, quomodo computantur in lege veteri dies festivi ex præscripto ejusdem legis: *A vespera usque in vesperam celebrabitis sabbatha vestra*. Potest etiam computari ab ortu Solis usque ad sequentem ortum, vel a meridie usque ad meridiem, vel a media nocte in mediam noctem, ut videre licet in Gloss. in l. *More Romano*, ff. de Fer. & latius in Alciato in l. 2. §. *Cujusque diei*, ff. de verbor. signific. Tiraquel. de utroque retract. lib. 1. §. 1. Gloss. 11.

A media nocte in mediam noctem servandus dies festus

4 Dico ergo secundo: Initium, & finis diei, pro quo toto vacandum est ratione festivitatis, juxta regularem usum ecclesiæ a media nocte in mediam noctem sumendum est: licet in variis provinciis aliud possit consuetudine introduci, quod servandum ibi est. Prior pars non est scripta in jure canonico, quin potius in capit. 1. de Fer. dicitur, dominicam observandam esse a vespera usque ad vesperam, & illo tempore abstinendum esse ab omni opere illicito, id est, prohibito. Idemque habetur in c. 1. de Conf. d. 3. Nihilominus prior pars certa est ex communi consuetudine, & traditione ecclesiæ, de qua in Hispania, Italia, & Gallia satis nobis constat, & idem credimus esse in universa Europa; nec de alia consuetudine nobis constat, non est autem dubium, quin hæc consuetudo ad præcepti determinationem sufficiat. Ratio autem fuisse videtur, vel quia hic modus computandi naturales dies more Romano observatus fuit, ut dicitur in d. leg. *More Romano*; & ita etiam ecclesiæ Romana illum retinuit, & ab illa ut a cap. ad alias manavit: vel certe quia hic mos est facilius, & videtur maxime rationabilis, ut tota dies dominica observetur, & ejus observantia incipiat a tempore resurrectionis Domini, vel proxime circa illud: & omnino distet ab observantia sabbathi Judaici. Potestque hoc explicari exemplo præcepti jejunandi, nam ex vi illius a media nocte usque ad mediam noctem a carnibus abstinendum est: ita ergo hic ab operibus servilibus. Et hæc est communis resolutio, ut videre licet in Covarr. l. 4. Var. c. 19. n. 9. Navar. c. 13. n. 5. & 8. Sor. & aliis.

5 Est tamen notandum, aliud esse agere de principio, & fine diei festivitatum in ordine ad officia ecclesiastica: aliud in ordine ad obligationem servandi festum. Nam priori modo incipiunt festivitates a primis vespersis, & durant usque ad secundas vespersas, ut voluit Gloss. in c. *Alma*, §. *In festivitibus*, verb. *Assumptionis*, de Sent. excom. in 6. vel porius usque ad completorium diei, juxta Clementin. 1. cum Gloss. ibi verb. *In primis*, de Reliq. & Vener. Sanct. Quod est verum in ordine ad suspensionem interdicti, de qua loquitur c. *Alma*, ut latius dixi in 5. tom. disput. 34. sect. 3. n. 20. & 21. Nam quoad officium ecclesiasticum usque ad mediam noctem protendi potest, ut infra de horis canonicis dicendum est; & videri potest Covarr. infra citandus. At vero quoad observantiam festi incipit a media nocte, ut dictum est. Unde non est dubium (quicquid Rosella dicat n. 5.) licitum esse artificibus laborare die sabbathi post occasum solis, & usque ad mediam noctem: quia prohibitio non incipit prius obligare. Eadem autem ratione certum est, teneri ad cessandum ab operibus in die festo, etiam post occasum Solis usque ad mediam noctem, quia ut dixi, per naturalem diem durat prohibitio, ubi expresse non limitatur.

Suarez Tom. XII.

6 Ad c. ergo 1. de Consecr. d. 3. facile dici posset, non potuisse statuere legem generalem, quia est Concilii provincialis, quod in hac parte neque approbatum, neque receptum est. Et idem dici posset ad c. 1. de Fer. si solam originem ejus spectemus: nam refertur ex concilio apud compendium, quod nec generale fuit, nec extat. Tamen, quia Greg. IX. pro lege illud statuit, non habet jam locum dicta responsio. Dicit ergo potest, consuetudine esse abrogatum, ut multi interpretes ibi respondent, & Panor. non abnuit. Occurrit vero difficultas, quia consuetudo hæc observandi festa hoc modo antiquior esse videtur Greg. IX. qui solus potuit auctoritatem legis universalis dare illi capitulo, ut dixi: ergo verisimile non est, Gregorium IX. voluisse morem Romanum immutare. Unde Glossa ibi exponit de celebratione festi quoad officium. Sed non videtur expositio posse accommodari, præsertim ad c. 1. de Feriis, cum in illo expresse explicetur de vacatione ab operibus prohibitis. Et ideo Panor. ibi per vesperam intelligit ortum Solis. Hanc vero expositionem maxime refellit Covarr. lib. 4. Variar. c. 19. n. 9. & sine dubio per ortum Solis non potest intelligi ascensus solaris corporis supra nostrum Horizontem; tum quia non congrueret expositio cum communi observantia, ut Abbas intendit; tum etiam quia nemo tempus illud vocavit vesperam, sed potius lucem. Nihilominus ortus Solis interdum dicitur punctus medius noctis, quando Sol incipit ad nos appropinquare, ut notavi in 2. to. 3. p. d. 46. sect. 2. Clarius vero diceretur, ibi vesperam sumi pro nocte, & non determinari punctum noctis, a quo incipit festum: sed intelligendum esse juxta communem consuetudinem.

Difficultas elucida-
datur.

7 Ex his ergo inferitur, eum, qui intra tempus illud naturalis diei, designati ad festivitatem, servilia opera exercuit, sive tunc peccaverit, sive aliquo iusto impedimento excusatus fuerit, non teneri alio die abstinere ab operibus, nec vacare cultui divino, ut illum defectum suppleat: quia illud fuit onus illius diei, quod cessat, transacto die. Sicut, si non audivit missam intra illud tempus, non tenetur postea illam audire, nec in recompensationem aliquid aliud facere præter contritionem, & confessionem de peccato cum satisfactione poenitentiae junctæ: quia nihil aliud præceptum est, ut etiam notavi in 3. to. 3. part. disp. ult. dub. ult. Solum est hic advertendum, sæpe accidere, ut festum, in diem impeditum cadens, in sequentem transferatur quoad ecclesiasticum officium: nihilominus tamen non transfertur quoad obligationem audiendi missam, & vacandi ab operibus, ut constat ex usu ecclesiæ: & ideo semper festum in suo die servandum est: alius vero dies, in quem transfertur officium, non cadit sub obligationem.

C A P U T XXXII.

De causis, quæ excusare possunt a festi observatione.

1 D E hac materia ex professo dixi in dicto tom. 3. disput. ultim. section. ultim. Et omnia capita, quæ ibi numeravi, ex quibus quis potest excusari ab audienda missa in die festo, applicari possunt ad hanc obligationem vacandi ab operibus servilibus. Solum ergo est advertendum, aliud esse non obligari, aliud vero esse excusari. Non obligatur enim aliquis in die festo ad abstinendum ab aliquo opere, quando opus illud revera non est materia illius præcepti, nec per illud prohibetur, ut diximus de opere liberali, vel de præparatione cibi necessarij in illum diem. Excusari vero dicitur quis, quando lex quidem prohibebat tale opus: tamen causa, vel necessitas occurrens suspendit pro tunc obligationem legis, vel aufert illam pro tali casu. Et ideo, quando non est excusatio, sed absoluta non obligatio, non tenemur prævenire necessitatem operis, etiam si possumus: sed absque ulla necessitate, vel dispensatione possumus tale opus in diem festum reservare. Quando vero per excusationem permittitur opus, necesse

Discrimen inter non obligari, & excusari.

cesse est, ut necessitas præveniri non possit, vel ut intercedat dispensatio. De operibus ergo, quæ simpliciter non cadunt sub hanc prohibitionem, dictum est supra, quia necessarium fuit ad explicanda opera, quæ per se prohibentur. De excusatione vero licet aliqua attigerimus de operibus liberalibus specialiter prohibitis, generalem tamen de operibus servilibus tractationem in hunc locum reservavimus. Supponimus ergo, posse interdum intervenire excusationem circa hanc prohibitionem: hoc enim fere commune est omni præcepto positivo, & maxime humano. Deinde hæc excusatio dupliciter accidere potest: primo absque dispensatione; vel cum illa: & ad utrumque modum necessaria est aliqua causa, saltem ut iuste fiat. Tamen in priori modo tam gravem oportet esse causam, ut per se faciat, obligationem cessare, eo quod intelligatur, non fuisse mentem ecclesiæ obligare pro tali casu. In posteriori autem modo causa non tollit per se obligationem, sed adjuncta voluntate, & licentia prælati, quæ ex tali causa iusta, & rationabilis redditur. Prior ergo proprie vocatur excusatio, & ita illam appellabimus, posterior vero proprius dicitur dispensatio, de qua in cap. seq. dicitur.

Propria
necessitas
excusat in
die festo.

2 Causa ergo generalis, inducens excusationem, est necessitas imminens, quæ præveniri non potuit, vel quia est repentina, vel quia multis diebus durat, vel quia usus, & conditio humana aliud non patitur. In particulari vero primum caput hujus excusationis est necessitas propriæ conservationis, vel sustentationis propriæ vitæ, aut familiæ. Quia intentio ecclesiæ non est obligare cum tanto gravamine, ut dixi in dicta disputat. ultim. sect. ultim. & quæ ibi dixi in 3. & 4. cap. de excusationibus, fere possunt cum proportionem ad præsentem casum applicari. Et hujus excusationis habemus exempla in Scriptura 1. Machab. 2. de Machabæis pugnantibus in die sabbathi propter periculum, quod eis imminerebat, nisi se defenderent. Et de Elia affert Divus Thomas exemplum, quia, ut fugeret persecutionem Jezabel, confecit iter in sabbatho magis, quam per legem liceret: quod non invenio expressum in Scriptura: sumi autem potest ex 3. Reg. 19. quatenus ibi dicitur, quod ambulavit quadraginta diebus, in quibus sabbatha continebantur. Item adducit illud Matth. 12. *Quis erit ex vobis homo, qui habeat unam ovem, & sic ceciderit sabbatho in foveam, nonne tenebit, & levabit eam?* Item, quod ibidem Christus excusat discipulos in sabbatho vellentes spicas, propter necessitatem. Denique de hac excusatione habet regula juris: *Quod non est licitum in lege, necessitas facit licitum.* Sumpta ex Beda Marci 2. & habetur cap. *Quod non est*, extra de Reg. jur. ubi exemplum Machabæorum adducitur, & ibi Glossa alia refert.

3 Ex hoc ergo capite possunt excusari veri pauperes, qui, nisi laborent, non possunt sustentare se, vel familiam suam. Qui tamen observare debent in primis, ut sine scandalo id faciant, & secrete: secundo, ut certa sit, & evidens necessitas sufficiens: & quia regulariter ipsi non possunt per se hoc judicare tum propter periculum affectus, tum propter defectum doctrinæ, ut secure id faciant, consulere debent virum, vel confessorium pium, & doctum, cujus iudicio stare possunt. Quod si res fuerit dubia, petant dispensationem a suo pastore, vel abstineant; quia eo ipso, quod causa est dubia, est insufficiens, ut per se sola obligationem auferat. Item ex hoc capite excusantur agricolæ, qui ingruente pluvia laborant, ut segetes tueantur, illas concinnando, vel operiendo: vel, qui ob venti commoditatem purgant triticum in area propter imminens periculum, quia fortasse commoditas venti deesse solet. Sed in his, & similibus casibus servanda est regula data, ut scilicet necessitas sit certa: vel, si sit dubia, licentia petatur. Et quando actiones sunt publicæ, optimum consilium est, ut non fiant sine consensu parochi.

Regula
cognoscenda,
quando
potest opus
contingere
in festo.

4 Item hinc excusat Cajetan. coquentes lateres, regulas, & calcem in festo: quod tamen Soto non probat, quia possunt uno, vel duobus diebus profectis decoqui, & in die festo potest cessari sine dispendio; secus vero est de vitro, & similibus. Sed hæc

doctrina pendet ex facto, non ex jure: unde regula est, quando inchoatum opus non potest intermitteri in die festo sine dispendio notabili personæ, vel communitatis, tunc potest opus in die festo continuari, secus, quando non est hæc necessitas: quando vero in casu hoc contingat, necne, ad artifices spectat, & illis credendum est. Et ex hoc etiam capite excusant multi famulum, qui cogitur præcepto domini ad laborandum in die festo, nec potest illi non parere sine gravi incommodo, quia vel privaretur stipendio, vel alimento necessario, vel domo excluderetur, & famulatu privaretur cum gravi jactura, quia non sperat illud commodum facile invenire. In his ergo casibus, & similibus Doctores hos excusant, ut patet ex Cajetan. supra Navarr. cap. 13. numer. 7. cum Silvestro, Angelo, Rosella, & aliis, Anton. 1. part. tit. 9. cap. 7. §. 5. Et ratio est, quia hoc non solum excusat necessitas naturalis, vel quasi ab intrinseco, sed etiam necessitas per vim, & metum, quia eandem indigentiam, & causam inducit. Quamvis oppositum expresse doceat Abul. in capit. 12. Exod. qu. 23. sed sine fundamento; nisi intelligatur, quando vis inferitur in injuriam, vel contemptum festi, aut religionis, quod etiam alii Doctores advertunt: tunc enim propter nullum metum licet agere contra legem ecclesiasticam, ut constat ex materia de legibus.

5 Secundum caput excusationis esse potest necessitas reipublicæ, seu communitatis, quia non minus, immo magis illi subveniendum est, quam propriæ necessitati. Item quia ecclesia non vult obligare ad hoc otium cum publico incommodo reipublicæ, ut satis declaratum est in capit. *Licet*, de Feriis. Item statim dicemus, hoc licere propter privatam necessitatem proximi; ergo multo magis ob publicam. Et ex hoc principio excusantur multi opera servilia, vel prohibita facientes ob publicam necessitatem. Ut excusantur milites bellum agentes in die festo ob defensionem reipublicæ, & parantes tormenta bellica, & qui vallo circumdant oppidum, vel fossam faciunt tempore necessitatis. Item reficientes pontes, & vias, & fontes, & alia, quæ sunt publici usus, & utilitatis, quando sine magno incommodo publico non potest remedium differri. Item hac ratione licet laborare in providenda republica de necessariis ad victum diei festi quoad eas res, quæ præveniri antea non possunt. Adde, etiam excusari eos, qui pro causa publica, honesta, & convenienti reipublicæ aliquod opus faciunt, licet utilitas non sit simpliciter necessaria, sed ad communem populi lætitiā, vel splendorem in occasione moraliter necessaria, ut in adventu regis, vel ortu principis: tunc enim laborare solent artifices his diebus, ut vestes, vel publica artificia, & tabulara, & theatra vel perficiant, vel ornent, & similia: quæ ita sunt consuetudine recepta, ut ipsa sufficiat ad excusandum. Tamen in his casibus securius est licentiam a pastoribus postulare, nam sine dubio similes causæ sufficientes sunt, ut iuste illam concedant, quando talia sunt opera, ut præveniri non possint, & fieri in diebus profectis, vel quando occasio talis est, ut brevitas temporis id non permiserit.

Necessitas
reipublicæ
inducit
excusationem.

6 Tertium caput est necessitas proximi, etiam privata: nam *Deus plus misericordiam vult, quam sacrificium.* Osee sexto; ex quo loco argumentatur Christus contra Judæos Matth. duodecimo, unde infra concludit: *Licet sabbathis benefacere*, quando scilicet charitas, & necessitas proximi id postulat: quia tenemur proximos diligere, sicut nos ipsos. Unde etiam Gentilis Scævola de hac re consultus respondit: *In feriis agere licitum est, quod, si intermitteretur, nobis, vel aliis noceret:* refert Macrobius libro primo Satur. capite decimo sexto. Itaque, si salus, aut vita proximi periclitatur, licet pro illa tuenda, & defendenda laborare in festo: & si domus proximi accenderetur, laborandum est ad extinguendum ignem: & sic de aliis, in quibus habet locum illud Bernardi: *Quæ pro charitate indulta sunt, non debent contra charitatem militare.* Neque in hoc potest certior regula tradi, sed in particulari est necessaria prudentia; & consilium in prima regula datum hic etiam applicari potest. Ordinarie vero secu-

Proxima
necessitas
excusat in
die festo.

securius potest quis proprio iudicio duci in laborando in die festo ad subveniendum necessitati proximi, quam propriæ, quia non tam facile excedet in hoc ex affectu ad alium, sicut ad seipsum: nihilominus tamen tutum semper est uti consilio prudentis, quando necessitas non est patens; nam, si sit evidens, tutius est excedere, quam deficere: & si bona intentione fiat, nunquam in hoc committitur delictum. De quo videri possunt dicta in illa disp. ult. sect. ult. §. *Quartum capis.*

7 Quartum caput est pietas in Deum, vel in proximum: hoc enim modo excusantur, qui in templo orando, & parietibus instruendis aulæis, & tapetibus laborant. Sed de hoc puncto jam supra explicatum est, quando, & quomodo locum habeat hæc excusatio. Et ad hæc reducuntur omnes rationes, & causæ, quæ possunt ab his operibus exercendis excusare. Et omnes tanguntur in cap. ult. de Fer. in illis duobus verbis: *Ni sine necessitas urgeat, vel pietas suadeat.* Circa quem textum supra dictum est, in eo non esse sermonem de operibus servilibus, sed de operibus liberalibus, seu de actionibus forensibus, quæ cum judiciali strepitu fiunt. Unde, quia in illis actionibus specialiter fit exceptio expressa in ipsamet lege prohibente illas actiones in die festo, dici non immerito potest, actiones illas in casibus ibi expressis non solum esse licitas per modum excusationis, sed etiam, quia pro illis casibus prohibitiæ non sunt. Quod fuit maxime conveniens in illis actibus propter peculiarem causam, nimirum quia non solum prohibentur, sed etiam irritantur, ut supra visum est; & ideo oportuit expresse excipi, ne fortasse de valore actus dubitari possit. Unde, quod non sola necessitas, sed etiam pietas sufficiat, videtur esse peculiaris concessio in illis actibus, ut supra dictum est.

CAPUT XXXIII.

De dispensatione in hoc præcepto.

Dispensatio est quædam generalis ratio excusans, vel potius auferens obligationem præcepti in particulari; & locum habet in omni lege positiva: & ideo non indiget diffusa tractatione, sed sola applicatione generalium regularum. Ut autem omnes excusationes comprehendamus, distinguere potest hæc dispensatio in expressam, & tacitam, id est in eam, quæ ab ipso superiore verbo, aut scripto aperte conceditur, & eam, quæ usu, & consuetudine cognita, & tolerata a prælato, inducta est. Et rursus prior distinguere potest; nam una est ab homine, alia a jure: prior frequens, & ordinaria est, posterior in uno, vel alio casu invenitur. Ad dispensationem ergo ab homine necessaria est potestas, & causa, & ut accedat voluntas.

2 Potestatem ergo dandi hanc dispensationem habet in primis papa, ut per se notum est. Deinde habet illam episcopus non solum in propriis festivitatibus, sed etiam in generalibus totius ecclesiæ, ut omnes docent. Quoniam enim episcopi non possunt generaliter in suo episcopatu generalia festa tollere, quæ jure communi scripto, vel per traditionem generalem ab universa ecclesia observantur: quia nec potestatem habent de se, ut constat, nec hoc illis est concessum vel jure scripto, vel consuetudine: nihilominus possunt cum particularibus personis, aut populis in observatione talium festorum, quoad aliquos actus, dispensare. Ita docent Anton. 2. part. tit. 9. cap. 9. Cajet. dicto art. 4. §. *In septimo casu*, Sor. Sylvest. Angel. Navarr. locis citatis, & alii communiter: & ex usu satis constat. Ratio vero est, quia hæc potestas est moraliter necessaria ad ordinarium regimen animarum pro casibus repentinis, vel extraordinarie occurrentibus. Unde recte dicunt iidem auctores, non solum episcopum posse hanc licentiam dare, sed etiam in absentia ejus pastorem illum, qui majorem habet in populo auctoritatem. Unde in parvis oppidis, quando non potest facile recurri ad superiorem prælatum, seu episcopum, parochus potest licentiam dare solum ad tempus, & pro ratione occasionis actualis occurrentis. Nam, si oporteret, diurnam, & stabilem facultatem concedere, episcopus consulendus esset: quia ad

Suarez. Tom. XII.

illum per se spectat hæc dispensatio. Nomine autem episcopi omnem ordinarium intelligimus, quæ episcopalem habet, vel participat jurisdictionem; de quo quis sit, aliis locis late diximus. Et hæc de potestate.

3 Circa causam oportet hic applicare doctrinam, quæ in generali de legibus dari solet, nimirum ad omnem dispensationem, ut iuste concedatur, necessariam esse rationabilem causam, diverso tamen modo: nam quando prælatus dispensat in lege propria, licet causa desit, dispensatio erit valida, quamvis male concedatur, quando vero dispensat in lege superioris, si datur sine causa, & injusta est, & nulla. Sic ergo quando episcopus dispensat in festo proprio sui episcopatus, valida est dispensatio, etiam si contingat, male, & sine causa dari. Si vero dispenset sine causa in festis, quæ sunt in jure communi, dispensatio est nulla, quia est in lege superioris: & ita non potest, qui illam accipit, tuta conscientia illa uti. Si autem bona fide procedat, & non constet illi certo, causam esse nullam, vel insufficientem, præsumere potest pro facto superioris, & severe uti dispensatione sua. Dices: si necessaria est causa, inutilis est dispensatio, quia causa per se excusabit. Respondeo, non omnem causam, sufficientem ad dispensationem justam, & validam, sufficere ad tollendam per se obligationem. Quando ergo necessitas tanta est, ut constet clare, tunc legem non obligare, non erit necessaria dispensatio, per se loquendo; tamen, quia sæpe necessitas non est tanta, vel non est tam clara, ideo tunc est utilis dispensatio. Item licet causa sit certa, & sufficiens per se, tamen si non sit publica, nec evidens omnibus, opus autem servile, vel prohibitum sit in festo publice faciendum, tunc ad tollendam scandalosi occasionem, & ad publicam satisfactionem necessaria est dispensatio. Et hæc de causa.

4 De voluntate nihil aliud dicere oportet, nisi per illam consummari dispensationem, & ideo necessarium esse, ut sufficienter manifestetur, & ut de illa satis constet juxta occasionis exigentiam. Non tamen est per se necessarium, ut scripto concedatur, quia hoc nullo jure cavetur. Quæri autem potest, an interdu sufficiat voluntas præsumpta, seu ratihabitio? Dico tamen breviter, per se non sufficere, quando causa est dubia, & potest superior consuli: quando tamen necessitas instat, & non est locus adeundi prælatum, tunc Sylvest. verb. *Dominica*, quæst. 4. §. *Quæ autem*, cum Vervecio ait, non fore peccatum operari dispensatorie ex præsumpta voluntate prælati, seu (quod idem est) tunc ratihabitionem habere locum. Sed hoc intelligo esse verum, quando causa occurrens vel est probabilis necessitas, licet dubia, vel est in ipso jure approbata, saltem æquivalenter juxta prudens iudicium. In his enim casibus formari potest practicum iudicium probabile, ac subinde practice certum, quod lex tunc non obligat, etiam si deficiat dispensatio. At si casus est ita dubius, ut sine dispensatione hominis non cesset obligatio legis, nec probabiliter id iudicari possit, tunc, quantumcunque ego credam, prælatum, si adesset, fuisse dispensaturum, non est mihi licitum uti præsumpta voluntate, nec spe ratihabitionis, quia de facto hic, & nunc vinculum legis non est sublatum, nec aufertur per meam præsumptionem, vel spem ratihabitionis. Et hæc de dispensatione ab homine.

5 Quoad dispensationes jure ipso latas, duas tantum invenio, de quibus simpliciter affirmare possum, esse ipso jure concessas, & in superioribus tactæ sunt. Una habetur in cap. *Licet*, de Fer. & datur in speciali casu, scilicet ad piscandum alecia, quando occasio offertur: quia, si amittatur, non facile redit. Est enim Alecia, seu Halec, vel potius Halex genus quoddam piscis, cujus captura copiosa est, quando apparet, & reipublicæ utilis: solet autem raro, aut certis temporibus advenire, & ideo tunc datur in illo textu facultas piscandi illud in diebus dominicis, festisque non solennioribus, ne publica utilitas amittatur. Quæ autem sint festivitates majores, quæ ibi excipiuntur, in superioribus dictum est. Quidam vero dicunt, hodie hoc licere etiam in majoribus festivitatibus; sed hoc sustineri non potest ex vi juris, quia repugnat

illi, secus ex vi consuetudinis, ubi de illa constiterit. Crediderim etiam, prælatum posse dispensare etiam pro maioribus festivitariis, ubi viderit expedire.

6 Est item advertendum cum Cajetan. supra §. In septimo casu, licet dispensatio illa in particulari concessa videatur, non esse tamen casum materialiter sumendum pro sola captura illius piscis, qui Hallex vocatur: nam, etiam si sit alterius speciei, si in eo eadem circumstantiæ concurrant, eandem dispensationem concessam esse, intelligendum est, quia illa dispositio non materialiter, sed formaliter, tanquam generalis lex, accipienda est. Et idem sentiunt Canonistæ ibi, & ponunt exempla Sardinis, & Thynnis. Oportet autem, ut in his eadem circumstantiæ occurrant, & ut sit vera necessitas tali die piscandi, quia alioquin illud commodum vel amitteretur, vel magna ex parte diminueretur, quia ex his insurgit vera causa, propriæque materia illius dispensationis. His autem concurrentibus, non est necessaria prælati auctoritas, licet Sylvest. oppositum indicet sine causa, quia illa dispensatio jure ipso concessa est: non enim dicitur ibi, ut prælatus dispensare debeat, sed pontifex ipse dicit, *Indulgemus*. Quæ concessio juri inserta habet vim legis, & ideo formaliter intelligitur, & regulam generalem constituit dispensationis concessæ pro omnibus similibus casibus, in quibus magna utilitas, præsertim communis, & ad bonum commune pertinens impediretur ratione festi. Quod potest habere locum non solum in piscatione, sed etiam in venatione, & in aliis acquisitionum generibus, licet in piscationibus frequentius id accidat.

7 Adnotavimus autem supra, dispensationem illam non fuisse absolutam, sed cum aliquo onere, & commutatione faciendi aliquam eleemosynam ex lucro, ut ibi declaravimus. Et ideo addit Cajetan. omnes, qui in villius juris in festo piscati fuerint, teneri ad sustinendum illud onus: quod verissimum credo; opinor enim illud non esse consilium, (ut Sylvest. sine fundamento dixit,) sed conditionem, seu limitationem dispensationis, ut plane declarant illa verba: *Ita quod post factam capturam, &c.* & ideo, quicumque illa dispensatione utitur, quasi ex pacto tenetur ad conditionem, vel ex vi commutationis, per quam subrogatum induit eandem obligationem, & legem, sub qua erat opus, cujus loco subrogatum est, ut etiam Angel. sentit. Hoc autem intelligendum est, quando ex vi illius tantum juris quis utitur dispensatione illa. At vero si accedat episcopi dispensatio, ille poterit ex speciali causa eam absolutam concedere sine tali onere: & tunc cessabit hæc obligatio.

8 Sed inquiri potest, an ex vi illius juris liceat unicuique privatæ personæ laborare in die festo, ut non amittat occasionem alicujus utilitatis, vel lucri notabilis, quod alio die acquirere non poterit. Nam Summistæ in hoc obscure loquuntur, Angel. numer. 34. ait, non solum propter necessitatem vitandi damnum, sed etiam pro acquirendo aliquo utili, quod alio tempore acquiri non posset, licitum esse uti facultate data in illo cap. *Licet*. Et idem dicit (ait) *de quocumque simili*: statim vero num. 35. subiungit, in illo casu necessariam esse dispensationem, si possit haberi commodè, vel ab episcopo, vel a proprio sacerdote, si episcopus adiri non potest. Et idem fere dicit Sylvest. d. qu. 4. citans Verveer. & Angel. Hæc vero non consequenter dicuntur: nam, si dispensatio cap. *Licet* habet locum in hoc casu, non est necessaria dispensatio prælati, ut ostensum est. Unde è contrario, si prælati dispensatio necessaria est, non procedit in eo casu dispensatio c. *Licet*.

9 Dico ergo in primis, non esse dispensationem illam extendendam ad privatam utilitatem privatæ personæ, sed inspicendam esse præcipue utilitatem publicam, quam Pontifex in illo textu consideravit, ut ibi notant interpretes, præsertim Andr. Barb. in Scholio ad Abbatem. Et quamvis in textu non aperte declaratur, ex materia ejus non obscure colligitur: nam illa utilitas, quæ provenire solet ex hujusmodi piscationibus, communis est, & publica, & ideo necessitas reputatur, ut in eodem textu appellatur: & ob eandem causam generaliter illa facultas conceditur. Qua-

propter, quando solum cessat utilitas privatæ personæ, non existimo habere locum textum illum, sed tunc esse necessariam dispensationem prælati proprii; quia illa non est necessitas, neque ibi agitur de vitando damno emergente, sed tantum de acquirendo lucro, propter quod non solet cessare obligatio præcepti, nec debuit tam facile ipso jure dispensari. Immo neque ordinarie videtur ex illo solo capite resultare sufficiens causa dispensationis, nisi vel persona sit alias indigens ita, ut illa utilitas in aliquam necessitatem transeat: vel utilitas, quæ cessat, tanti sit momenti, ut prudenti arbitrio æstimari possit ejus amissio non mediocriter nocuere.

10 Quando autem casus talis est, ut solum jus non censetur dispensare, licet homo dispense ad quamdam illius juris imitationem, tunc tenetur dispensans opponere onus illud, quod in illo textu positum est, quia nullo jure ad hoc astringitur. Et tunc habebit locum, quod Sylvest. ait, onus illud esse in consilio, non in præcepto. Nam, etiam si quis dispensatus ad laborandum in die festo, ne utilitatem acquirendam amittat, magnum lucrum comparat, non tenetur ex illo eleemosynam facere in rigore præcepti, nisi sub hac conditione fuerit dispensatio concessa: quia ex alio capite non est, unde oriatur obligatio ad faciendam eleemosynam ex illo lucro magis, quam ex aliis bonis. Potest tamen prælatus, si judicet expedire, illud onus apponere, ut supra dixi: quia nullo jure prohibetur, & est consentaneum juri, & tunc inducet obligationem propter rationes superius factas.

11 Secunda dispensatio juris colligi potest ex cap. *Conquestus*, de feriis, ubi ea, quæ ad iudicium forenses spectant, & in die festo prohibita sunt, fieri conceduntur: *Si necessitas urgeat, vel pietas suadeat*. Sed illa in rigore non est dispensatio in lege, sed exceptio in ipsamet lege contenta: quæ potius prævenit, ne lex in illis casibus obliget, quam dispense, cum dispensatio sit ablatio obligationis legis in particulari casu, in quo lex de se obligabat. Et de illa (quovis nomine appellatur) satis dictum est in capite trigésimo & 31.

12 Superest tantum dicendum de dispensatione ratione consuetudinis, id est, quam ipsa consuetudo invexit. De qua breviter dicendum est, consuetudine fieri posse, ut aliquæ personæ licite possint in die festo aliqua opera servilia, vel aliter in festo prohibita, exercere. Ut autem hoc efficiat consuetudo, necessarius est prælatorum consensus saltem tacitus, qui est, quando vident, & tacendo tolerant; & hæc dici potest tacita dispensatio. Hæc assertio sumitur ex communi doctrina de legibus, & de consuetudine; eamque in particularibus casibus hujus præcepti tradunt Anton. 2. par. tit. 9. cap. 7. §. 1. Sylvest. verb. *Dominica*, quæstione 1 §. ultimo, Cajetan. verb. *Festorum violatio*, & 2. 2. quæstione 12. 2. art. 4. & ibi Sor. 2. de Just. quæst. 4. artic. 4. Tabiena verb. *Feria*, numer. 14. Armil. verb. *Festum*, num. 8. Navar. cap. 13, num. 8. Ratio prioris partis est, quia consuetudo potest derogare legi humanæ, unde potest illam totaliter abrogare; ergo etiam in parte potest obligationem ejus auferre, siue illam obligationem auferendo ab his personis, & non ab omnibus, vel in eisdem personis auferendo illam circa quasdam actiones, & non circa alias. Pater consequentia, quia in his omnibus eadem est ratio. Secundæ vero partis ratio est, quia nemo potest tollere obligationem legis, nisi qui potest illam ferre, vel ab illo habet potestatem: sed consuetudo populi non potest introducere legem de festo aliquo servando sine voluntate episcopi, saltem tacita: ergo nec potest festi obligationem tollere, vel minuire sine tacito consensu prælati. Hinc vero facilis est tertia pars, quæ ad modum loquendi solum spectat: nam dispensatio est juris relaxatio ex aliqua parte concessa ab habente potestatem: sed talis est exemptio, quæ consuetudine acquiritur; nam semper nritur tacita voluntate ejus, qui potest dispensare; ergo. Neque est novum, dispensationem tacite concedi; nam omnes Doctores fatentur, interdum facto concedi sine verbo; ut agentes de Censuris sæpe attigimus, & in tractatu de Legibus dicemus.

Ad similia applicatur Cajetan.

Uterobique tamen cum onere.

An ex vi illius juris licitum sit ope arti personæ privatæ, ne occasio noni lucri omittatur.

Resolvitur.

Ratio.

Secunda dispensatio.

Dispensatio ex consuetudine.


Obje&io. 13 Dices, ad dispensationem requiritur causæ cognitio, quæ in his consuetudinibus non semper intervenit. Respondeo primo, non semper esse necessariam causæ cognitionem, saltem ad valorem dispensationis, præsertim quando aliquis dispensat in lege propria, & fortasse, neque cum dispensat in lege superioris: nam licet requiratur, ut in re causa subsit, non videtur necessarium, ut dispensans illam cognoscat, sed valebit dispensatio, si in re causa subsit, licet dispensans illam non examinet, sed vel temere dispense, vel eam remittat conscientie dispensati; tunc enim est quasi conditionata dispensatio, si habes causam, tecum dispenso: tu videris, an illam habeas. Deinde dico: quando de consuetudine constat episcopo, illa videtur secum afferre sufficientem causam dispensationis, vel ad tollendum animarum periculum, quale esset, habere vinculum legis contra talem consuetudinem; tum quia præsumitur, ex aliqua necessitate communi illam consuetudinem introductam esse. Illa ergo consuetudo relaxat prohibitionem hujus, vel illius operis in die festo, in his, vel in illis personis, & ideo dicitur quædam tacita dispensatio.

Satisf.
Ex con-
suetudine
excusari
multa, ac
loquim
prohibita

14 Atque ex hoc principio definiuntur multi casus morales, & excusantur multa, quæ in christiana republica fieri videmus, ex quibus aliqua sunt tacta in superioribus. Nam quoad opera servilia ex hoc principio excusantur interdum piscatores, & venatores, vel pictores, non omnino, sed quoad aliquos frequentio-

res actus, vel in quibusdam particularibus materiis, ut vidimus. Ex eodem excusantur tonsores, qui per aliquod tempus capillos tondunt, & barbas radunt in die festo: nam licet excusentur interdum propter necessitatem eorum, qui tondentur, vel propter materie levitatem, tamen etiam possunt consuetudine excusari, si conditiones supra dictæ concurrant. Sic etiam excusantur aliqui artifices, qui in die festo ad vesperam materiam aliquo modo præparant pro labore diei sequentis, non proprium artis opus efficiendo, sed solum applicando materiam ad certum locum, vel instrumenta artis mundando, vel quidpiam simile. Quoad alia vero specialiter prohibita, jam supra vidimus, quomodo multa, quæ ad mercatum pertinent, consuetudine liceant. Et ex eodem principio excusat Cajetanus officiales vendentes in die festo rusticis venientibus de villis suis vestes, calceos, &c. Quamvis hi etiam titulo necessitatis excusari possint, sicut ex utroque capite excusari possunt iudices, aut prælati dicentes ius in die festo rusticis, vel agricolis, qui non possunt in diebus profectis comparere: hoc enim Cajetan. etiam ex consuetudine defendit, habet tamen etiam causam necessitatis, & pietatis. Hujusmodi autem consuetudines ampliandæ non sunt, sed coarctandæ; tum quia dispensatio regulariter stricte accipienda est; tum etiam quia consuetudo relaxans disciplinam odiosa est, & facile crescit, nisi populi multitudo diligentia, & sollicitudine prælatorum in officio contineatur.

Finis libri secundi.



LIBER TERTIUS

DE TEMPLORUM, AC LOCORUM SACRORUM RELIGIOSA OBSERVATIONE, ET PRÆCEPTIS AD ILLAM SPECTANTIBUS.



Explicata religiosa obligatione pertinente ad tempora Deo dicata, dicendum superest de altera circumstantia proposita, scilicet, de locis Deo consecratis: nam, ut supra dixi, hæc duæ circumstantiæ in ordine ad actus humanos, præsertim publicos, quamdam inter se proportionem observant. Supponit autem hæc disputatio, esse posse, ac debere, iureque, ac merito esse etiam in lege gratiæ aliqua loca specialiter destinata, ac sacrata ad Deum in eis religiose colendum: quod multi hæretici, & præsertim his temporibus Novatores, & Sanctorum templorum eversores pertinaciter negant. Contra quos longa hic fuisset instituenda disputatio, nisi illa, quæ nostro instituto sufficient, tradita a nobis fuissent in 3. to. 3. p. disp. 81. sect. 1. & 2. ubi ex divina Scriptura, & ecclesiæ definitione, ac traditione hanc veritatem ostendimus. Quæ adeo etiam est rationi naturali consentanea, ut vix ratio apparet occurrat, qua error contrarius fundari possit. Hoc igitur errore omisso, in præsentem tantum a nobis sunt declaranda præcepta, quæ vel debitum cultum talium locorum præscribunt, vel eorum irreverentias prohibent.

CAPUT IX.

An ex affirmativo præcepto aliqua reverentia loco sacro debeatur, vel solum ex negativo,

Locus sa-
cr tri-
plex.

Primus.

UT constet, de quibus locis loquamur, supponendum est primo, locum sacrum, ac religiosum in præsentem materia appellari, qui ad actiones divini cultus exercendas peculiariter deputatus est, præsertim ad sacrificia, & orationem. Hic autem locus triplex distingui potest. Unus est auctoritate episcopi ædificatus, ac consecratus, vel benedictus, & ad prædictum finem destinatus: qui proprie ecclesiæ nomine venire solet, cum de materiali ecclesia sermo

Suarez Tom. XII.

est. Alius est auctoritate quidem episcopi erectus ad eundem finem, non tamen benedictus, de quo loco ait Sylvester verb. *Ecclesia*, 2. non dici ecclesiam, nisi æquivoce, sed vocari basilicam, seu domum regiam. Et Glossa in c. 1. de religiof. domib. verb. *Dedicanda*: *Tunc, ait, accipit nomen ecclesiæ, cum consecratur, sicut electus tunc accipit nomen Episcopi, cum consecratur.* Verumtamen, si talis locus publice sit destinatus pro ordinario usu fidelium ad missas, & conciones audiendas, recipiendaque sacramenta, simpliciter solet Ecclesia vocari. An vero semper, & quoad omnes juris effectus comprehendatur in jure nomine ecclesiæ, infra videbimus. Ut tamen nulla sit æquivocatio, priora loca absolute appellabimus ecclesiæ nomine, hæc vero posteriora cum addito vocabimus ecclesias non benedictas. Tertium genus horum locorum est eorum, quæ non publica auctoritate, sed privata destinantur ad sacra munera, quæ non appellantur ecclesiæ, nisi æquivoce: immo nec loca sacra simpliciter dici possunt, ut enim dixit etiam Juris Consil. in leg. *In tantum*, ff. de rerum divis. *Sacræ res sunt, quæ publice consecratae sunt.* Vocantur ergo hæc vel oratoria, si sunt in domibus privatis: vel eremitoria, si sunt per se separata: interdum etiam vocantur capellæ, quamvis nomen hoc multiplex sit; interdum enim significat locum aliquem intra ecclesiam constitutum, ad divina deputatum, benedictum, qui est pars ejusdem ecclesiæ, & unum cum illa corpus efficiens: interdum vero significat ecclesiam integram, propriam, ac benedictam, non parochialem, nec matricem, sed simplicem, (ut sic dicam;) aliquando vero indifferenter pro ecclesia sumitur, ut in titulo de Capellis monachorum. Hic ergo præcipue sermo est de primo genere sacrorum locorum, & de illis semper loquemur prius: deinde vero adnotabimus, quid de cæteris locis dicendum sit.

Secundus.

Tertius.

2 Deinde suppono, Dei templum, seu ecclesiam debita reverentia tractandam esse, hocque pertinere ad religiosum cultum Deo debitum. Hæc assertio

Dei tem-
plum quo-
dam tra-
ctandam.

certissima est, sumiturque ex D. Thoma 2.2.q.99. art. 1. & 3. ubi de hac re a Doctoribus disputatur: & de illa videri possunt in dicta disp. 81.3. tom. 1. sect. 8. Et ratio est, quia rebus sacris debetur religiosus honor: sed templum Deo dicatum inter res sacras merito computatur; ergo. Major continetur in generali definitione fidei tradita in septima Synodo generali Nicæna 2. ubi dicitur, res sacras, & cultui divino dicatas debito honore afficiendas, & venerandas esse. Minor vero est per se evidens, quia non est minus sacrum templum, quam vestis, vel aliquid simile: & ex Decretis referendis cum aliis multis, & quæ ex sanctis patribus in dicto loco adduximus, manifesta etiam est. Unde omnes Theologi inter species sacrilegii numerant irreverentiam, quæ templo sit, tanquam factam rei sacræ.

3 Ut autem hanc veritatem declaremus, præmittendum præterea est, quod in dicta sect. 8. in principio animadverti, duobus modis posse hanc reverentiam Deo debitam explicari: uno modo per obligationem positivam, seu affirmativam aliquid faciendi in honorem talis loci: alio modo per obligationem privatam, seu prohibentem aliquid fieri, quod in injuriam cedat talis loci: sicut etiam in superioribus diximus, observationem diei festi consistere partim in aliquo opere præstando, partim in aliquo vitando. Rursus circa priorem modum obligationis considerandum est, aliud esse obligari ad exhibendum Deo cultum in tali loco, aliud vero obligari ad colendum, vel honorandum locum ipsum. Quamvis enim locus, quantumvis consecratus, non sit capax honoris propter se ipsum, quia res inanimis est: ideoque, si aliqua veneratio illi exhibeatur, tota sit propter Deum, qui in eo speciali modo habitare censetur, & cujus cultui specialiter deputatus est, arque ita totus honor loco datus, ipsi Deo semper, ac principaliter dari videatur; nihilominus aliud est, colere Deum ipsum in tali loco, aliud vero locum ipsum venerari. Nam illud prius fit per actum directe terminatum ad Deum, ut objectum, quod colitur propter se ipsum, id est, propter excellentiam propriam, quam in se habet, & quæ per talem actum adoratur ut quod, seu ut ratio adorandi. At vero hoc posterius fit per actum proxime terminatum ad locum ipsum, ut ad objectum, quod est veluti materia, circa quam versatur actus reverentiæ: attingit vero Deum, ut rationem colendi templum ipsum. An vero hæc duo possint interdum simul fieri per unum, cum demque actum, nonnullam questionem, & difficultatem habet, quæ hic necessaria non est, & generalis est ad omnes res sacras, imagines, reliquias, ideoque in materia de oratione est late disputata. Nunc ergo satis est, modos illos secundum se distinctos esse, posseque unum cadere in obligationem sine alio. Sic enim in tempore sacro, seu die festo habemus præceptum affirmativum colendi Deum in eo tempore per sacrificii oblationem, seu missæ auditionem, & non invenitur aliud præceptum colendi aliter, aut venerandi sacrum illud tempus.

4 Dico ergo primo: nullum esse præceptum speciale colendi Deum in tali loco, scilicet, in ecclesia, vel templo, nisi quatenus actio aliqua Divini cultus legitime exerceri non potest extra talem locum. Si hæc conclusio intelligatur, stando in naturali jure, est manifesta; quia ius naturæ non determinat certum modum cultus externi dandi Deo, ut supra est ostensum; ergo nec circumstantiam loci determinat. Et huc spectat illud Joan. 4. *Spiritus est Deus: & in spiritu, & veritate debet adorari*: ideoque ex se non determinat locum, quia ubique est, & omnia prospicit, licet ex parte nostra, id est, eius, qui colit, vel eorum, coram quibus colit, prudentem circumspectionem requirit, ut locus sit aptus, & sine impedimento, ut infra tractando de oratione vocali magis explicabimus. Si vero intelligatur conclusio de jure positivo, ut præcipue intelligenda est, sic declaratur primo in præcepto audiendi missam, quod fere est unicum de cultu externo datum omnibus fidelibus. Illud ergo præceptum de se non obligat ad dandum illum cultum Deo in ecclesia, seu templo, quia hoc non ponitur in verbis, & forma præcepti: jubemur enim audire missam in dominicis, & diebus festis, non

vero in ecclesiis, vel templis. Sed hoc aliunde necessarium est, nimirum, quia ecclesia alias præcipit, missas non dici extra ecclesiam juxta modum declaratum, & tractatum in dicta disput. 81. sect. 4. Unde quacumque ratione cesset hæc necessitas, quia contingit invenire missam extra ecclesiam, ut in privato oratorio, vel in campo sub dio, vel tentorio, illam ibi audiendo impletur præceptum audiendi missam, quamvis in ecclesia non audiat: signum ergo est, hoc præceptum per se non respicere locum.

5 Verum est, sacris Canonibus antiquis interdum præcipi audire missas in propriis ecclesiis, saltem in quibusdam majoribus solennitatibus, ut patet ex cap. *Si quis etiam*, de Consec. dist. 21. & in c. *Nulli*, de Consec. dist. 3. Et supra vidimus, olim fuisse consuetudinem audiendi Missas diebus dominicis in propriis parochiis: jam vero hoc non est simpliciter sub præcepto generatim loquendo: ex vi ergo huius præcepti non est determinatus locus colendi Deum. Ratio vero assertio est, quia licet ecclesiarum ritus convenientissime sit institutus, ut fideles habeant publica, & sancta loca, in quibus commodius possint Deum colere, non fuit tamen necessarium illos arctare ad cultum exhibendum in illis locis: cum in quolibet honesto loco possint Deum colere. Solum ad cultum sacrificii propter sanctitatem ejus, & solennem, ac publicum ritum determinatum est, ut in tali loco fiat, & non in alio sine dispensatione, & ita ratione illius potest hæc obligatio ad eos redundare, qui tali sacrificio cooperari, vel interesse obligantur, ut explicatum est.

6 Simile quid considerare quis poterit in præcepto de oratione: nam divinum, seu naturale præceptum orandi Deum non est de se determinatum ad certum locum, sed ubique potest orari Deus, ut in tractatu quarto videbimus. Nec etiam est in ecclesia præceptum universale omnibus fidelibus propositum, quod omnes, & singulos obliget ad orandum specialiter in ecclesia. Solum in Horis Canonicis, quatenus ab ecclesiæ ministris publice recitandæ, vel canendæ sunt, præscriptum est, ut in ecclesiis fiat talis oratio publica. Hic autem non de oratione agimus, sed alio cultu, qui per alias actiones exhibetur, ut in principio notavimus. Instari item potest de oblationibus, quæ fieri in ecclesia debent interdum ex præcepto: sed illud præceptum generale non est, sed ad summum ubi fuerit consuetudine introductum. Et tunc etiam non respicit personas, sed potius ipsum sacrificium, vel aliud divinum officium. Fiunt enim tales oblationes tempore missæ, & quia missa fit in ecclesia, ideo etiam oblationes in ecclesia fieri debent. Si tamen quocumque casu contingeret, missam illam solennem, quæ pro totius populi congregatione canitur, extra ecclesiam, seu templum fieri, ibi fieri posset oblatio, & satisfaceret obligationi offerendi: illa ergo per se, & immediate (ut sic dicam) non respicit talem locum.

7 Dico secundo, nullum esse datum affirmativum præceptum absolutum de exercendo aliquo actu venerationis, seu cultus circa loca sacra templorum, seu ecclesiarum: ac subinde præceptum hoc reverenter tractandi loca sacra, licet formam affirmativi præcepti habeat, in negativum resolvi, & per cessationem ab omni opere, quod sit templo injuriosum, aut contra reverentiam eius, posse impleri. Hæc assertio sola declaratione sufficienter probabitur, eamque propono solum, ut tota materia comprehendatur. Præceptum ergo affirmativum absolutum dicitur, quod ad opus aliquod interdum efficiendum absolute obligat, ut est præceptum audiendi missam. Hoc ergo modo nullum invenimus in præsentia materia absolutum præceptum, quia, si non occurrat necessitas, vel obligatio directe exercendi in ecclesia actus divini cultus, ut sunt sacrificium, oblatio, vel si quid est simile, propter aliam specialem loci venerationem non tenemur templum adire, vel alia signa venerationis ostendere, ut per se constat, quia nullum potest assignari tale præceptum, nec necessitas, vel usus illius. Quando vero occurrit obligatio colendi Deum exterius publice, & in ecclesia: tunc satis impletur hæc obligatio exercendi actum ipsum cul-

Duplici-
per expli-
catur re-
verentia
templis
debita.

Explicatur
id ipsum
in
præcepto
orandi.

An sit
speciale
præceptum
colendi
Deum in
ecclesia.

Præceptum
colendi
loca sacra
negativum
est.

cultus erga Deum immediate, & directe, licet nullo modo ad locum ipsum terminetur, nec formaliter (ut ajunt) nec materialiter, nisi tantum per accidens, quatenus ille cultus Dei in tali loco fit. Sic ergo constat, nullum esse tale præceptum affirmativum absolutum, sed ex suppositione aliqua, quæ penderet ex voluntate operantis: ut attentio orationis dicitur esse in præcepto, etiam in spontanea oratione, non tamen est absolutum illud præceptum, sed quasi conditionatum, quia absolute non obligatur quis attendere ad Deum; tamen supposito, quod vult orare, obligatur ad præstandam attentionem. Simili itaque modo ego nunc non teneor absolute circa imagines sanctorum, quas apud me habeo, actionem aliquam exercere, tamen si aliquam exercere volo, illa esse debet reverentia, & honoraria adorationis (ut septima Synodus loquitur.) Ita ergo in præsentia dicere possumus, licet hic non interveniat affirmativum præceptum absolutum, inveniri tamen conditionatum, seu hypotheticum (ut sic dicam,) quia si quis velit ad templum accedere, debet reverenter accedere, & si velit signa æstimationis, quam de illo habet, exhibere, debet proferre signa reverentia, & honoraria adorationis. Quod est manifestum ex dicto Concilio Nicæno 2. & ex secunda suppositione. Atque hoc modo videtur loqui cap. *Decet*, de Immunit. Eccles. in 6. quod late exponit Navarr. in Enchir. de Orat. cap. 5. Verum est tamen, priorem partem illius capituli suaviori magis esse, quam præceptivam, interim tamen, & quasi per occasionem declarat reverentiam hoc modo ecclesiæ debitam quasi naturali lege.

8 Atque ex his facile patet ultima pars assertionis. Quæ in primis ex dictis de præcepto sanctificandi sabbatum constat: habet enim affirmativam formam; impletur autem per cessationem ab omni opere servili, seu prohibito in tali die, & ipsa est cessatio est de se signum quoddam reverentia in Deum, si debito modo, & intentione observetur. Ita ergo cum dicimus, templum esse reverenter tractanda, per negationem debet explicari, id est, non esse irreverenter tractanda: nam omnis irreverentia loci sacri tanquam sacrilega prohibita est, ut in dicta sect. 8. 3. tom. in principio late ostensum est. Ergo absolute loquendo, hoc præceptum sufficienter impletur, si homo se absteineat ab omni actu irreverentia, vel injuriæ loci sacri. Et ideo, ut dicebam, si homo velit actum aliquem exercere in templo, vel circa templum, qui sanctitatem ejus attingat, tenetur ita se gerere, ut actum honoraria adorationis exhibeat, quia alias contra sanctitatem loci ageret, & ita irreverentiam illi faceret. Sic igitur tota hæc obligatio in negativam resolvitur, & per solam carentiam actus servari potest, si homo nolit aliquid positive operari. Unde licet in hoc libro de affirmativis præceptis directe tantum differamus, hic necessario dicendum est de his actibus, qui in templo fieri prohibentur, tanquam continentibus irreverentiam, seu injuriam ejus, sicut de operibus die festo prohibitis supra tractavimus: quia non potest reverentia loco sacro debita, nisi per hanc negationem, sufficienter explicari.

9 Dico ergo tertio: Ob reverentiam loco sacro debitam tenemur vitare, non tantum omnem actionem directam, & formalem intentione factam in contumeliam, seu irreverentiam templi, sed etiam omnem exteriorem actum, qui in se continet irreverentiam templi, quacumque intentione fiat. Declaratur; quia duobus modis constituitur actus aliquis in aliqua specie peccati: uno modo ex directa, & formali intentione operantis, ut cum aliquis ad uxorem alterius accedit, ut de marito vindictamumat, vel eum inhonoret, ac infamet. Alio modo ex sola operis voluntate, ut cum quis adulterium committit, sola carnis concupiscentia ductus, & dolens, quod cum illo actu conjuncta sit injuria alterius, quod non obstat, quominus injustus sit. His ergo duobus modis potest committi sacrilegium, & irreverentia in locum sacrum; primo ex directa, ac formali intentione, quæ vix potest cadere, nisi in hæreticum animum. Sic enim peccant in Deum hæretici, qui templa infringunt, comburunt, & everunt; directe enim id faciunt in

contemptum, & injuriam templi. Posset etiam talis intentio cadere in hominem obduratum, desperatum, & odio habentem Deum, ut per se constat. Secundo potest hæc culpa committi, quasi materiali voluntate, ut sic dicam, id est, volendo facere aliquid in eo loco sacro, quod in se continet injuriam talis loci, & licet illa directe intentio non sit, est consequenter voluta cum ipso opere, quia per se loquimur, & seclusa ignorantia, vel alia causa excusante. Ut cum quis inimicum occidit in loco sacro, quem nolle ibi occidere, sed id vult, quia aliter non posset occidere, nihilominus sacrilegus est, quia ad malitiam voluntatis, & actionis culpabilis satis est, velle externum actum habentem talem conditionem non ignoratam, etiam si illa non intendatur. De priori ergo modo irreverentia clarum est, esse intrinsece malam, ac subinde semper prohibitam, ut prima parte assertionis dicitur. Immo tam prava est illa intentio, ut quamvis exterior actio, vel irreverentia loci sacri levissima esse videatur, semper mortalis, & gravissima culpa sit, quia procedit vel ex contemptu, vel ex odio ipsius Dei, aut sacrarum rerum ad ipsum pertinentium, vel ex animo hæretico, vel infideli, quæ omnia, & singula sufficiunt, ut peccatum mortale sit in omni materia etiam levissima. Quin potius licet exterior actus ex se non esset injuriosus, sed indifferens, ut confabulatio de rebus indifferentibus; si fieret ex contemptu loci sacri, & ad significandum, non oportet differentiam facere inter illum locum, & communem, esset enim peccatum mortale, quia esset peccatum ex contemptu, quod semper grave est. De hac ergo formali irreverentia nihil aliud dicendum superest: quia cum species ejus ex ipsa formali intentione sumatur, facile cognoscitur. An vero in posteriori modo peccandi contra locum sacrum, difficile est discernere, quando actio ex se sit injuriosa loco sacro, ita ut inde habeat actus specialem malitiam contra religionem, etiam si injuria loci sacri intentio non sit, ideoque in sequenti capite accuratius tractandum hoc est.

CAPUT II.

De actibus in loco sacro prohibitis, qui illum pollunt.

1 **M**ulta sunt jure prohibita fieri in loco sacro, seu in ecclesia, quæ si fiant, sacrilegia esse censentur: quæ ad tria capita revocat Silvester verb. *Sacrilegium, §. Quintum*. Primum est effundere voluntarie humanum semen intra ecclesiam; secundum effundere humanum sanguinem, sub quo necesse est, ut homicidium comprehendatur; tertium est, injuste aliquid auferre de templo. Sed revera sunt multa alia in hoc genere prohibita, quæ ad tertium illud caput revocari non possunt, ut videbimus. Aliter ergo possumus tria capita numerare, & sub singulis varios actus recensere tanquam species sub genere subalterno. Primum est, efficere actum in ecclesia, quo ipsa ecclesia polluitur: secundum est, uti ecclesia ut communi, & vulgari loco ad actum profanum in ea exercendum; tertium est, violare immunitatem loci sacri. Discutendo autem per hæc tria capita, & per omnia membra, quæ sub singulis continentur, constabit, divisionem, & numerationem esse sufficientem: simulque declarabimus, an hæc omnia ex iure humano pendeant, vel aliqua etiam subsistant in iure naturali?

2 Circa primum caput dicendum est, quinque actus esse prohibitos in ecclesia, quibus ipsa polluitur, ideoque ad religiosum Dei cultum pertinere illos cavere, & in quocumque illorum malitiam sacrilegii inveniri. De hac conclusione disputavi late in dicto 3. tom. 3. part. disputatione 81. sectione 4. Et ideo breviter illa commemorabo, & pauca adjungam. Primo ergo prohibitum est in ecclesia homicidium: nam illo polluitur, ut constat ex capit. *Proposui*, de Consecrat. eccles. Dixi autem in citato loco hoc debere intelligi de homicidio voluntario, non de se casuali: sed ibi hæc voces sumptæ sunt iuxta subiectam materiam, & generalem usum Philosophorum moralium,

Ad tria capita revocantur, quæ fieri in ecclesia sacrilegia sunt.

Quinque actus ecclesiam polluant.

Primus.

cum

Quæ actio-
nes in tem-
plo vitandæ
sunt.

cum docent, peccatum debere esse voluntarium, non juxta usum jurium loquentium de homicidio voluntario, vel causali in ordine ad irregularitatem, ut in 5. tom. fufe explicavimus. In præfenti ergo excluditur illud homicidium causale simpliciter, seu omnino, id est, quod nec directe, nec indirecte voluntarium est, & consequenter neque est culpabile, saltem moraliter; nam cum ille actus, quatenus mortem homini infert, non sit actus humanus, nec sacrilegium esse potest, & consequenter neque ecclesiam violat, ut ibi dixi. At vero si sit homicidium voluntarium, etiam indirecte sufficit ad crimen sacrilegii, & ad effectum polluti ecclesiam, ut communiter Doctores sentiunt; quia jās simpliciter loquitur de homicidio contentioso, seu peccaminoso; tale autem est etiam homicidium causale, si culpabile sit propter indirectam voluntatem. Et ita est intelligenda etiam in Glossa in cap. unic. de Consecr. eccles. in 6. & Panorm. in dicto c. *Proposuisse*, qui eodem modo loquuntur.

Secundus
casus.

3 Secundo prohibita est in ecclesia humani sanguinis effusio; nam per eam etiam ecclesia polluitur, ut habetur in capite unic. de Consecration. eccles. in 6. Quæ prohibitio in rigore distincta est a præcedenti, quia potest esse homicidium sine sanguinis effusione per suffocationem, & potest esse sanguinis effusio sine homicidio, ut constat. Et ita hæc distincte explicui in dicta sectione quarta, neque aliquid nunc addendum videtur. Tertium prohibetur in ecclesia humani feminis effusio, per quam etiam ecclesia violatur, ut ibidem late tractavi, & copiosius postea explicuit noster Sanc. 2. tom. de Matrim. lib. 9. disp. 25. per totam, qui videri potest. Quarto similiter prohibitum est excommunicatum in ecclesia sepelire, alioquin polluta etiam manet, juxta c. *Consuluisse*, de Consecr. eccles. quod nunc de excommunicato vitando intelligendum est juxta Decretum Concilii Constantin. ut dicto loco notavi, & latius in 5. tom. disp. 12. sect. 4. Unum autem dubium hic addendum occurrit, quod in fine capitis expediam. Quinta prohibitio huic similis est, ne Paganus, id est non baptizatus, intra ecclesiam sepeliatur, quia per hoc etiam polluitur juxta c. *Ecclesiam*, 12. de Consecr. dist. 1.

Tertius.

Quartus.

Quintus
actus pro
hibitus.

Additur
sextus casus.

4 Ex his ergo satis probata manet conclusio: nam est alius casus, in quo, ut notavi, solet ecclesia pollui, scilicet, per incendium ejus, qui non pertinet ad actiones prohibitas in ecclesia, sed ad ecclesie destructionem. Unde ille casus non pendet ex culpa præcedenti: nam licet incendium casu, & sine ulla culpa contingat, si habet effectum sufficientem ad execrandam ecclesiam, id est, destruendam consecrationem ejus, reconsecranda erit, ut Glossa, Abbas, & reliqui Doctores sentiunt in c. *Ligneis*, & c. *Proposuisse*, de Consecr. eccles. & in c. *Ecclesiis*, de Consecr. dist. 1. & ex verbis absolutis illorum jurium colligitur aperte. Et pater: nam ratio illius effectus est, quia tollitur fundamentum consecrationis, parum autem refert, quod tollatur cum culpa, vel sine culpa. Unde e contrario, licet ecclesia per summum sacrilegium incendatur, si cum effectu non comburantur parietes, licet rectum, vel alia ædificia lignea comburantur, non manet ecclesia execrata, ut dicitur in dicto c. *Ligneis*. Unde nec violata, seu polluta manet, quia nullum est jus, quod dicat, propter tale crimen ecclesiam pollui, aut indigere reconsecratione, aut expurgatione: non pertinet ergo ille casus ad eos, quos nunc tractamus. Immo in citato loco tertii tom. notavi, in eo casu non proprie pollui ecclesiam, sed destrui saltem quoad eas partes, in quibus residet consecratio. Unde nunc addo, licet in eo casu sit necessarium consecrationem iterare, ut talis ecclesia vere consecrata maneat, tamen si benedicta simul erat, ac consecrata, non indigere nova consecratione, benedictione, aut expurgatione, ut in ea possint licite divina officia celebrari; quia illa ecclesia per incendium, & combustionem parietum solum amisit consecrationem, aliud vero impedimentum non contraxit, nec benedictionem amisit, quæ ipsi solo, & quasi pavimento adhæret, ut ibi notavi: & ideo si reficiatur, & commode reparetur, statim apta, & expedita manet ad officia divina: non pertinet ergo hic casus ad eos, quibus annexa est ecclesie violatio.

5 Secundo notanda est differentia inter duos casus ultimos ad tres primos comparatos. Nam in tribus primis ecclesia polluitur per actionem quasi transeuntem, & ex vi illius ecclesia relinquitur polluta, etiam si actio omnino transierit, nullumque effectum physicum in ecclesia reliquerit. In ultimis vero duobus casibus quodammodo polluitur ecclesia per effectum in ecclesia permanentem ex vi prioris actionis, id est, per corpus excommunicati hominis, vel infidelis in tali loco sepulti. Et hinc est, ut in prioribus casibus ad purgandam ecclesiam, necessarium non sit, aliquid ab illa abstrahere, sed solum orationibus, & aspersio-nibus juxta ecclesie ritum illam reconciliare: at vero in quarto, & quinto casu ante omnia necesse est (per se loquendo) corpus ibi humatum extrahere, & extra ecclesiam proicere, & benedictionem, seu expurgationem adjungere, ut dicta jura præscribunt. Unde etiam sit (quod notare oportet,) in primis tribus casibus non pollui ecclesiam, nisi quando actio est voluntaria, & cum gravi culpa sit, ut proponendo illos tres casus declaravimus, & latius ostendimus in dicto loco tertii tom. At vero in duobus ultimis casibus, licet contingeret corpus pagani in ecclesia sepeliri sine culpa, ut quia putabatur baptizatus, & postea publice constat, fuisse paganum, nihilominus ecclesia maneret polluta ex vi corporis ibi sepulti, ita ut non possit in ea celebrari, nec fidelis sepeliri, donec inde auferatur corpus, & ecclesia purificetur; quia jura ita disponunt, nec attendunt, quo casu, aut scelere corpus tale in ecclesia sepultum sit, sed tantum, quod ibi sit, ut clare sumitur ex capite *Sacris*, de Sepulch. tam ex verbis, quam ex ratione ejus, ut facile consideranti patebit. Sed licet hæc differentia inter prædictos casus vera sit, nihilominus in hoc omnes conveniunt, quod per se loquendo, & ex genere suo grave peccatum sacrilegii est, aliquid agere in ecclesia, quo ipsa ecclesia polluitur, quia id non fit sine gravi irreverentia loci sacri.

Differentia inter
duos ultimos
casus
& tres
priores.

6 Quartus vero potest hoc loco, præsertim circa tres priores casus, an hujusmodi actus sit malus, quia per ipsum ecclesia polluitur; vel e converso, quia talis actus est malus, & gravis irreverentia loci sacri, ideo ex ecclesie statuto in talis irreverentia odium illa veluti irregularitas loci sacri addita sit. In hoc enim puncto, obiter, & quasi aliud agens dixi in dicta sectione. 4. 3. tom. §. *Tertio*, actionem non fieri peccaminosam, quia polluit ecclesiam, sed potius quia ipsa est turpis, & repugnans ecclesie sanctitati, ideo ex institutione ecclesie illi adjunctam esse illam irregularitatem, seu interdictionem talis loci. Hanc vero sententiam aliqui improbant ex eo, quod illi actus non continent malitiam sacrilegii, nisi quia prohibiti sunt ab ecclesia; per se enim vel non essent mali, ut sepelire puerum non baptizatum in ecclesia malum non esset, nisi esset prohibitum; vel si sint mali in illa specie, ut fornicatio in specie intemperantia, non sunt tamen sacrilegia facta in ecclesia, nisi quia ecclesia prohibet specialiter fieri in reverentiam loci sacri, ut supponitur. At ecclesia non prohibet illos actus, nisi quatenus statuit, ut per illos polluat ecclesia, ut videre licet in omnibus juribus citatis; non enim continent specialem prohibitionem, sed solum dicunt, illis modis pollui ecclesiam: ergo in tantum prohibent, in quantum volunt, ut per illos polluat ecclesia; ergo ideo sunt sacrilegia, & peccata in tali specie, quia polluant ecclesiam, non e contrario.

An huiusmodi actus sit malus, quia per eos ecclesia polluitur, vel e converso.

7 Nihilominus dicendum censeo, actum, verbi gratia, effundendi sanguinem in ecclesia non sumere malitiam suam, quam in ratione sacrilegii habet ex eo, quod per eam polluitur ecclesia, sed potius e contrario ideo polluit ecclesiam, quia hoc ecclesia statuit, quasi in penam, & detestationem sacrilegii (idemque est de aliis actibus supra numeratis.) Sunt autem hic due quæstiones distinguendæ: una est, an hic actus sit sacrilegium sola prohibitione juris positivi: alia est, an sit sacrilegium ex eo, quod polluit ecclesiam. Hic enim non tractamus priorem; nam de illa inferius dicemus: sed tractamus tantum posteriorem, quæ optime locum habet, etiam si hoc sacrilegium sit de jure positivo. Ratio (quam etiam in dicto loco in-

Resolutio
quæstio-
nis.

insinuavi) est, quia effectus ille moralis polluentis ecclesiam, per se, & ut sic non est culpa, sed veluti pena, & ad modum censura: actus autem prohibitus ab ecclesia sub censura, vel irregularitate, non ideo est malus, quia per illum incurritur censura, sed ideo incurritur per illum censura, quia malus est: esto sit malus, quia prohibitus; ergo idem erit in presenti. Minor declaratur: nam cum ecclesia prohibet furtum sub excommunicatione, non est actus malus, quia per illum incurritur censura, sed potius quia malus est, ideo illi imponitur censura. Respondent, non esse simile, quia per illas prohibitiones non constituitur furtum in alia specie vitii præter injustitiam, quam ex se habet. Sed contra: nam idem erit, si non omne furtum, sed illud tantum, quod fit in loco sacro, prohibeatur sub excommunicatione ob reverentiam loci sacri. Quia tunc etiam non ideo committitur sacrilegium, quia incurritur excommunicatio, sed potius e contrario, quia illud est tale crimen, ideo imponitur excommunicatio, & tamen actus ille furandi in ecclesia accipit specialem malitiam sacrilegii ratione prohibitionis. Idem esset, si ipso jure interdicere locus, in quo aliquod crimen fieret: non enim illud opus crimen esset, quia per illud interdicere ecclesia, sed e converso, quia tam grave crimen esset, ideo tam gravi pena puniretur. Quod verum est, si ve illud crimen sit tale, quia prohibuitur ab ecclesia, si ve prohibeatur, quia de se malum est, & si ve sit sacrilegium, si ve quodlibet aliud vitium. Idem videtur licet in omni irregularitate, quæ est pena, semper enim supponit culpam, si ve contra jus divinum, si ve contra ecclesiasticum. Et optima ratio in omnibus aliis est, quia pena supponit culpam, præsertim pena spiritualis, & ideo præceptum ecclesiæ prohibens sub censura, vel propria pena spirituali, vel prius supponit actum esse culpabilem, vel prius facit illum esse culpabilem prohibendo illum, & tunc ratione illius fert censuram, aut penam. In presenti autem, licet hic effectus polluentis ecclesiam non videatur propria pena, se habet ad modum penæ, & in odium talis sacrilegii, & ad exaggerandum illud ille moralis effectus ei adjungitur; ergo eodem proportionali modo intelligenda est prohibitio.

An ex eo
solum quod
actus pol-
luat eccle-
siam, sit
peccatum
mortale.

8 Adde præterea, quod, licet ecclesia statuat, ut per talem actum polluat ecclesia, intrinsece non sequitur, actum illum esse peccatum mortale, nisi vel formaliter prohibeatur, vel alias de se malus sit in eo gradu: valde namque dubium est, an propter solum effectum polluentis ecclesiam actus ille tam pravus fiat? Declaratur per comparisonem ad irregularitatem: si enim ecclesia non prohibeat aliquem actum, sed tantum statuat, ut, qui illum fecerit, fiat irregularis, non sequitur, peccare tunc mortaliter, quia facit illum actum, ut constet in omnibus actibus criminalis iudicii, per quos incurritur irregularitas ex defectu lenitatis, quæ non facit, illos actus esse peccaminosos in laicis. Immo multi existimant, quod nisi illi actus essent per se interdicti clericis, non peccarent graviter exercendo illos propter solum periculum irregularitatis; quod magis incertum est, quia clerici fortasse tenentur ratione sui muneris irregularitatem vitare. Ad hunc ergo modum cum hæc pollutio ecclesiæ non sit vera macula in illa, sed solum impedimentum quoddam morale per ecclesiam positum, ut in tali ecclesia non possint divina officia celebrari, donec purificetur, efficere actum, per quem tale impedimentum introducit, non esset fortasse mortale peccatum ratione hujus impedimenti, & quasi nocimenti illati ecclesiæ, si actus ipse in se non esset prius ab ecclesia prohibitus. Et ita supponit Angelus verbo, *Debitum conjugale*, numero trigésimo quinto; ait enim per materialem copulam in ecclesia habitam, etiam in casu necessitatis pollui ecclesiam, & nihilominus conjuges tunc non peccare mortaliter, quia eis tunc non prohibetur copula: licet enim illud falsum sit, tamen aperte sentit hic auctor, illa duo non esse repugnantia, & rationem culpæ sumendam esse non ex pollutione, sed ex prohibitione. Unde licet fortasse talis culpa aggravetur ratione talis quasi nocimenti moralis, propter majus scandalum, quod inde oritur, & propter

incommodum fidelium, primaria nihilominus ratio talis culpæ non inde sumitur, sed ex irreverentia, quæ fit ecclesiæ, vel ex natura talis actus, vel supposita ecclesiæ prohibitionem. Sicut quando furtum in ecclesia prohibetur sub censura excommunicationis, aggravatur quidem culpa ex eo, quod fit contra talem censuram propter majorem contumaciam, scandalum, & nocumentum proprium, nihilominus tamen substantia culpæ, (ut sic dicam) quæ ibi intervenit, non est ratione censura, sed ratione prohibitionis, quam supponit censura.

9 Neque obstat, quod jura, quæ de ecclesiæ violatione in his casibus loquuntur, non præmittant expressam prohibitionem efficiendi talem actum in ecclesia: nam sine dubio illam supponunt. Immo si quis attente consideret, neque ille effectus violationis ecclesiæ per hujusmodi actus ibi instituitur, sed supponitur, & ex illius suppositione aliquid ordinatur, ut in capit. *Simotum*, de Consecrat. distinction. prima dicitur: *Si homicidio, vel adulterio ecclesia violata fuerit, diligentissima expurgetur, & denuo consecratur*. Ubi non instituitur, sed supponitur violatio, & de remedio providetur, & in capit. sequenti similiter dicitur, ecclesias consecratas non esse iterum consecrandas, nisi exustæ, vel sanguinis, aut seminis effusione pollutæ fuerint: eodemque modo loquuntur capit. *Proposisti*, capit. *Aqua*, capit. *Si ecclesia extra*, de Consecr. eccles. & capit. unic. eodem tit. in 6. Unde non est dubium, quin tam prohibitio hæc, quam institutio antiquior sit, quam hæc jura decretalium; nam tempore Concilii Nicæni jam erat in usu, Gratianus enim Concilio Nicæno tribuit dictum canonem *ecclesiis*, quanquam nunc inter canones omnes Concilii Nicæni non habeatur. Antiquior vero est canon *Simotum*, quem ex Hygino Gratianus refert, & ille etiam loqui videtur de hac violatione per talia crimina, ut de re antiquiori. Igitur verba canonum non obstant, quin intelligamus, a principio, quando hæc institutio incepit, prohibitas fuisse has actiones in ecclesia sub eo gravamine, & quasi censura, ut si fierent, ecclesia polluta maneret. Nec denique obstat, quod auctores interdum ex effectu polluentis ecclesias colligant pravitatem actionis, & malitiam sacrilegii; tum quia non ex professo has rationes distinguunt, & considerant; sed moraliter per modum unius de illis loquuntur: tum etiam quia argumentantur potius a signo, seu a posteriori, quam a priori ex causa. Adde, multos illorum ponere primam radicem hujus malitiæ sacrilegii in prohibitionem ecclesiæ eodem modo, quo in furto facto in ecclesia, ut statim referemus. Alii vero prius ponunt rationem talis culpæ in irreverentia, quæ fit loco, deinde & conjungunt effectum polluentis ecclesiam, ut patet in Supplem. Gabrielis in 4. distinct. 32. quaestio. unic. conclus. 11. ubi ait: *In ecclesia abstinendum esse a coitu propter loci reverentiam*: ecce rationem primariam, simpliciter necessariam: *Et ne seminis emissionem polluat*: ecce rationem secundariam, & plane non necessariam ad talem malitiam: sufficeret enim ecclesiæ prohibitio, licet effectus violationis non esset adjunctus, sicut sufficit in furto sacrilego, & aliis, de quibus infra dicemus.

Jura que
de ecclesia
violatio-
ne loquun-
tur, sup-
ponunt
prohibi-
tionem.

10 Jam vero occurrebat tractanda altera quaestio, videlicet, an hi actus sint sacrilegi solum, quia ab ecclesia sunt prohibiti, vel de se, & natura rei habeant adjunctam sacrilegii malitiam eo ipso, quod in ecclesia fiunt? In qua nonnulla sunt clara, quæ hic possum breviter expediri, alia vero conjuncta sunt cum dicendis in capite sequent. & illuc remittuntur. Primo ergo certum videtur, duos ultimos casus de sepultura excommunicati, & pagani in ecclesia, fundari proxime in ecclesiastica prohibitionem. Prior enim magis pertinet ad effectus censura excommunicationis, quam ad peculiarem reverentiam, & immunitatem ecclesiæ, ut constat ex dicto loco quinti tomi. Effectus autem censura ex institutione ecclesiæ tantum sunt, ut in eodem tomo in principio ostendimus. Nec dici potest, censuram esse de jure ecclesiastico, illa autem posita de jure naturali esse, ut excommunicatus non sepeliatur in sacro: nam censura non habet de-

An hi
actus sine
sacrilegi-
o solum,
qui pro-
hibentur
ab eccle-
sia.

terminatum esse, (ut sic dicam) nec definitam amplitudinem natura sua, sed tantum ex institutione. Unde potuisset ecclesia privare excommunicatum vi censuræ ab omni communicatione ecclesiastica, dum vivit non privando illum sepultura post mortem ex vi censuræ (hoc enim nullam repugnantiam, nec inordinationem involvit.) Hoc autem posito, ex vi talis censuræ non esset malum, excommunicatum in loco sacro sepelire; nam censura, ut sic, non facit indignum sepultura Christiana, nisi ipsa id formaliter prohibeat, ut patet de suspensione, & est etiam probabile de interdicto generali personali. Quod ergo nunc excommunicatus non sit in ecclesia sepeliendus, provenit ex immediata prohibitione ecclesiæ, nam tota censura est quædam ecclesiastica prohibitio, seu collectio prohibitionum, (ut sic dicam) latiusque declaravi in principio materiæ de Censur. Ergo hæc prohibitio immediate est de jure positivo; ad naturale autem non pertinet, nisi remore, quatenus jus naturæ dicitur, postivas leges esse servandas, & in eodem loco dixi. Et signum hujus manifestum est, quia nunc potest sepeliri in ecclesia excommunicatus occultus, seu non vitandus, solum quia ecclesia quoad hoc abstulit prohibitionem suam; ergo hæc prohibitio non aliter oritur ex censura, nisi quatenus ipsamet prohibitio formaliter includitur in censura.

Ex sepultura excommunicati vitandi non polluitur ecclesia ex natura rei.

II Addo etiam, ex hac prohibitione sepeliendi excommunicatum vitandum in ecclesia, non sequi ex natura rei per sepulturam ejus pollui ecclesiam, sed ad hunc effectum necessariam fuisse novam legem inducentem illum effectum, quatenus prohibet in tali ecclesia celebrari divina, donec corpus excommunicati extrahatur, & ecclesia reconcilietur: nisi enim ecclesia hoc specialiter statueret in d. cap. *Consulisti*, ex vi prohibitionis non sequebatur, cum non habeat intrinsecam connexionem, nec enim ex quacumque transgressione gravi ecclesiæ præcepti circa ecclesiæ immunitatem sequitur ecclesiæ pollutio, ut patet de vitillata ecclesiæ infringendo seras, & spoliando illam, & similibus: neque in cadavere hominis excommunicati est tanta malitia, vel alia prava affectio, ut per se, & natura sua reddat illum locum ineptum ad celebrationem divinorum. Fecit ergo hoc rigor ecclesiasticæ disciplinæ in aggravationem illius censuræ, & odium contumaciæ, propter quam fertur. Et in hoc casu constat evidenter, quod diximus, non ideo esse malum, sepelire excommunicatum in ecclesia, quia illam polluit; sed potius quia illud malum est, ideo ecclesia alteram prohibitionem addidit, ratione cuius ecclesia pollui dicitur. Unde sepultura excommunicati non denunciati nunc non polluit ecclesiam, quia per ecclesiam non prohibetur. Et idem argumentum sumi potest a sepultura hominis personaliter interdicti, prohibita enim est in iure; tamen per illam non polluitur ecclesia, quia hoc institutum non est.

Uterq. polluitur ecclesia per sepulturam hominis personaliter interdicti.

12 Quanquam de hoc puncto nova possit moveri quæstio, videlicet, an per sepulturam hominis personaliter, & nominatim interdicti polluitur ecclesia? quam appello novam, quia non invenio illam motam a Doctoribus, quos consulere potui in dicto cap. *Consulisti*, nec a Summis verbo *Consecratio*, ubi de hac materia tractant, nec a Navarr. in Manuali cap. 17. numer. 256. ubi hos casus explicat; nec mihi occurrit vel in tertio tomo cum illos exponerem, vel in 5. agens de hoc effectu interdicti disputation. 35. sectione 3. Quanquam ex quibusdam verbis, quæ in fine illius sectionis habentur, colligere quis potest, etiam in illo casu ecclesiam pollui. Verba autem sunt: *An vero si talis persona* (id est, nominatim interdicta) *de facto sepeliatur, exhumanda sit, donec absolvatur, idem dicendum censeo, quod de persona excommunicata, quia quoad hunc affectum æquiparantur in iure.* Igitur licet de interdicto id non exprimat, per æquiparationem cum excommunicato idem de illo dicendum videtur. Nam hæc paria judicantur, juxta Glossam in cap. 1. verb. *Observari*, de Sentent. excommun. in 6. per illum textum, & alia, quæ allegat. Item facit, quod Turrecrem. in cap. *Nullus*, 12. quæst. 1. numerans quindecim casus, in quibus ali-

quis prohibetur sepeliri in ecclesia, subjungit, in illis omnibus cadaver exhumandum esse, juxta dictum cap. *Consulisti*.

Auctoris
judicium.

13 Nihilominus probabilius censeo, in eo casu non pollui ecclesiam. Quod videntur mihi supponere Doctores, & ideo nullam mentionem de interdicto fecisse; nam certe valde verisimile est, aliquem eorum fuisse id traditurum, vel insinuatorum, si ira sensisset. Ratio vero est, quia in jure non exprimitur, nec pœnæ sunt extendendæ, nec æquiparatio habet locum in materia pœnali; maxime quia excommunicatio multo gravior censura est, quam interdictum. Item, quia excommunicatio magis privat omni communicatione, quam interdictum. Nec in dictis verbis oppositum insinuvimus. Nam verum quidem est, cadaver hominis interdicti in ecclesia sepultum exhumandum esse, quia expresse privatur sepultura ecclesiastica, & ideo si per vim, vel alio modo illam habuit, non est permittendum, illam retinere. Item, quia capitul. *Sacris*, de Sepulturis, non de excommunicationis tantum, sed de præcis ab ecclesia loquitur, cum dixit, exhumanda esse talia corpora; at interdicti etiam sunt ab ecclesia præcisi, ut ibi Panorm. numer. 1. in fine notavit. Et ideo dixi in citatis verbis, quoad hunc effectum æquiparari in jure: ex quibus verbis potest per argumentum a contrario intelligi, quoad alium effectum polluendi ecclesiam, non esse faciendam æquiparationem, quia in jure non sit. Quapropter si contingat, tale corpus interdicti non exhumari, non erit prohibitum celebrare in tali ecclesia, quia nullibi invenitur talis prohibitio, & quando postea exhumatum fuerit, non erit necessaria nova consecratio, aut expurgatio ecclesiæ, quia nullibi etiam postulatur. Nec æquiparatio inter illas censuras in omnibus facienda est, alias non essent distinctæ, sed in his, quæ generaliter censuræ ut sic conveniunt, vel in jure exprimuntur, ut patet ex cap. 1. & cap. *Is cui*, de Sent. excom. in 6. Ex quibus potest sumi argumentum ab speciali, non esse æquiparationem indifferenter, & in omnibus inter hæc faciendam: unde ad dictum Turrecrem. supra respondeo, multo minus probabilem videri æquiparationem illam, seu illationem ab excommunicato sepulto in ecclesia ad omnem illum prohibitum ibi sepeliri, propter alia peccata, quæ non habent excommunicationem annexam, ut propter usuras, & similia. Contra hanc enim illationem multo fortius procedunt rationes factæ, & ipsa nullo jure, vel ratione fundatur. De quo nonnulla addam in sequenti casu.

14 Alter etiam casus de sepultura hominis pagani plane fundatur in iure mere positivo prohibente, huiusmodi corpora sepeliri in locis sacris, seu ecclesiis. Nam licet dici possit eo ipso, quod ecclesiæ, & earum cæmeteria destinantur pro sepulchris fidelium, illicitum esse, infideles ibi sepelire: hoc erit verum, si intelligatur illa dedicatio esse exclusive pro solis fidelibus sepeliendis, & sic in idem redit, quia illa institutio voluntaria fuit ecclesiæ, & consequenter humana, & in ea involvitur satis expresse, ac formaliter dicta prohibitio. Accedit, quod nomine infidelis ibi intelligitur omnis non baptizatus, ut Doctores exponunt, unde comprehenditur filius infans Christianorum, qui mortuus fuit, priusquam posset baptizari: at hoc profecto non potest ex natura rei provenire, quia videri poterat puer ille habere ibi ius sepulturæ ratione patris, nec in eo esset intrinseca templi irreverentia, cum corpus illud non fuerit propriis peccatis maculatum, nec sit ignibus inferni tradendum; esto non sit glorificandum: est ergo ex sola prohibitione ecclesiæ. Item comprehenditur ibi etiam catechumenus fidelis: si enim ante baptismum re ipsa susceptum moriatur, non est in ecclesia sepeliendus propter illa iura, & per illam generalem regulam, quod, quibus non communicamus vivos, neque etiam communicamus defunctis: catechumeni vero non sunt capaces sacramentorum ante baptismum, nec in sacrificiis, & suffragiis communibus cum fidelibus communicant, & ideo nec defuncti in ecclesia esse debent. Totam vero hæc est institutio ecclesiastica fundata in ratione congrua; per se autem, & intrinsece id non est malum,

De sepultura hominis pagani.

malum, cum illi iusti esse possint; ergo illa prohibitio simpliciter humana est.

Objectio. 15 Dices, saltem esse per se, & intrinsece malum ibi sepelire infidelem aduultum, quem constat esse damnatum. Respondeo, idem argumentum fieri posse de quolibet publico peccatore, vel desperato fidei, etiam si excommunicatus non sit: nam etiam constat, hunc esse damnatum. Hæc vero ratio prohibitionis non pertinet ad casus, de quibus nunc tractamus, id est, ad eos, quibus ecclesia polluitur; quia ex eo, quod publicus peccator mortuus impenitens sepeliatur in ecclesia, non polluitur ecclesia, cum in iure hoc non sit expressum: quamvis ergo ex illo capite id esset per se malum, non esset ratione infidelitatis ut sic, quod nunc agimus, sed ratione magis universali, quia est corpus hominis damnati ad gehennam. Adde vero, etiam illam prohibitionem non esse de iure divino, seu naturali, considerando præcise sanctitatem loci sacri, & reverentiam eo titulo illi debitam, sed ex alia ecclesiastica institutione pendere. Primum patet, quia licet aliquis in peccato mortali moriatur, potest aliquis humanus honor ejus corpori deferri propter alios titulos dignitatis ecclesiasticæ, vel civilis: aut propter honorem quemdam, ac decentiam ipsorum viventium: aut denique propter aliquam humanitatis demonstrationem cum illo ostendendam ob aliquam conjunctionem; ergo seclusa ecclesiæ prohibitione, non videtur per se, & intrinsece malum, illud cadaver in ecclesia sepelire propter hanc humanitatem, vel honorem humanum, si ecclesia non prohibuisset. Quia illa intentio mala non est, & actio non ita est contra reverentiam ecclesiæ de se, & intrinsece, ut sit illi injuriosa, quia licet corpus defuncti non possit jvari ad spiritualia bona ratione loci sacri, in quo sepelitur, tamen non deformat, nec inhonorat locum sacrum, nisi aliunde id prohibeatur. Altera vero pars declaratur, quia ecclesia ideo vult fideles in loco sacro sepeliri, ut ibi juventur suffragiis, & orationibus viventium, & ut ibi tanquam sacrum depositum collocentur, donec ad vitam beatam resurgant: & ex hac intentione, & institutione ecclesiæ orta est prohibitio, ut nullus in peccato mortali defunctus, ita ut de peccato, & impenitentia publice, ac moraliter, vel ex præsumptione juris constet, in loco sacro sepeliatur. Quæ prohibitio hoc modo colligitur ex cap. *Quibus*, & quatuor sequentibus, cap. *Quasitum*, capit. *Fures*, 13. qu. 2. Et pertinere censetur ad ecclesiæ immunitatem, quam ex institutione ecclesiæ habet, unde contraria transgressio ad illas maxime pertinet, quæ contra ecclesiæ immunitatem committuntur, de quibus infra dicturi sumus.

16 De aliis vero tribus casibus, in quibus ecclesia polluitur, cum clarum sit, effectum illum polluenti ecclesiæ consistere tantum in vi prohibitionis juris ecclesiastici, dubitari potest, an illæ actiones, quibus ille effectus annexus est, sint iure divino in ecclesia prohibita, vel etiam solo humano jure. Sed de his actionibus simul cum aliis dicemus in capit. sequent. nam eadem est ratio dubitandi in omnibus. Tandem inquiri hic potest, quid nomine ecclesiæ, vel loci sacri in hoc puncto intelligendum sit. Sed hoc, quantum pro materiæ necessitate mihi sufficere visum est, dixi in dicto 3. tom. disput. 81. sect. 4. Et specialiter illa explicui, aliqua addendo pro quarto casu de excommunicato in ecclesia sepulto (eademque ratio est de infideli) in 5. to. disp. 12. sect. 4. n. 6. & 7. Qui vero plura desiderat, videat Sancium dicto l. 9. de Matr. disp. 15. q. 3.

CAPUT III.

An omne opus profanum in templo factum sit contra loci sanctitatem.

Dupliciter potest actus esse profanus. Prior modus. 1 **C**onstat ex proprietate vocis, profanum religioso opponi: illud enim profanum appellamus, quod religiosum non est. Unde est illud Ez. chiel. 22. *Inter sanctum, & profanum non habuerunt distantiam.* Potest autem hæc oppositio intelligi vel negative tantum, vel positive, & contrarie. Priori modo dicitur profanus omnis actus, qui ad religionem, & cul-

zum Dei non spectat. Et hæc significatio non deservit præsentis instituti: nam ut certum supponimus, non omnes actus, qui in ecclesia fiunt, & ad religionem, vel cultum Dei non spectant, eo ipso sacrilegos esse, vel sanctitati loci contrarios. Probatur; primo: quia possunt esse actus boni aliarum virtutum, & non religionis, nec ex imperio ejus, ut actus elemosynæ, actus patientiæ, & similes. Hi autem nec proprie profani dici possunt, nec mali sunt ex illa circumstantia, quia nullum est præceptum divinum, vel humanum prohibens in ecclesia omnes actus, qui non sunt virtutis religionis, etiam si honesti sint: vel præcipiens, ut ibi fiant ex imperio, & relatione religionis, & non aliter: non enim sunt talia præcepta gratis, & sine majori fundamento coniungenda. Secundo, quia possunt esse actus indifferentes, qui, si fiant propter honestum finem, & cum aliis circumstantiis debitis, jam erunt honesti in individuo, & sic erit eadem ratio de illis, quæ de aliis honestis: si vero fiant propter malum finem, erunt peccata, & ita dubitari non potest, an non tantum negative, sed etiam aliquo modo contrarie opponantur sanctitati loci: ideoque pro alio membro de oppositione positiva relinquendi sunt: si vero (juxta probabilem opinionem) in individuo maneant indifferentes ex parte finis, & ex aliis circumstantiis, non est verisimile, ex hoc solum, quod actus in ecclesia factus caret honestate specifica religionis, & in universum omni honestate, esse injuriosum loco sacro, aut inde accipere malitiam aliquam sacrilegii, etiam levissimam. Probatur eodem fere discursu, quia nulla lex positiva prohibet, omnes actus tales fieri in templo, nullibi enim extat, nec traditione habetur; nec etiam ex solis principis naturæ potest talis prohibitio colligi, etiam supposita sanctitate loci: quia ratio naturalis non dicit, esse debitum sanctitati loci, ut in eo nihil omnino fiat, nisi opus vel religionis, vel saltem alicujus virtutis: ex quo enim principio naturali potest hæc obligatio colligi? Item ratio naturalis solum dicit, nihil esse faciendum in ecclesia contra reverentiam ei debitam, ac facere actum indifferentem non est contra reverentiam debitam tali loco; ergo.

2 Dices, nonnullam esse irreverentiam loci sacri, eo uti ut loco communi, & non sacro: sic autem illo utitur, qui actus non bonos in illo operatur, etiam si mali non sint. Respondeo negando minorem: si in eo usu nihil speciale includatur sanctitati loci contrarium, nam locus facit generalem rationem loci retineri; possumus ergo illo uti, ut locus tantum est, & ut habet generales commoditates, loci videlicet, quod defendit, tegit, recreat, &c. non utendo illo, ut sanctus est: dummodo ne quid contra illius sanctitatem faciamus. Neque vero hinc sequitur, omnem actum de se indifferentem in ecclesia factum esse etiam licitum, vel non esse irreligiosum, quia nec de omni actu alias honesto id admittimus: solum ergo dicimus, ex eo, quod est indifferens, non sequi, esse irreligiosum factum in ecclesia. An vero aliunde possit aliquis actus indifferens, vel etiam honestus habere specialem repugnantiam, vel indecentiam in loco sacro, statim videbimus.

3 Superest ergo questio de actibus profanis posteriori modo, id est aliquo modo positive repugnantibus loco sacro, ut facit est. Et de his actibus sunt inter Doctores variae sententiæ. Prima docet, nullum actum esse hoc modo contrarium loco sacro naturæ suæ, & seclusa formali intentione operantis, sed tantum ex positiva lege ecclesiæ prohibentis, ne talis actus in tali loco fiat in illius loci irreverentiam. Ita semit Cajetan. 2. 2. q. 99. ad 5. dubium, quod erat, in quo consistat directe agere contra sanctitatem loci, ut proprie sit sacrilegium. Respondet enim consistere in hoc, quod est, incurtere voluntarie in illud, ad cuius contrarium inest sanctitas loco, ut verbi gratia adhuc, ut non possit inde aliquis extrahi violenter, vel aliquid hujusmodi, & in tom. 1. Opusc. tract. 31. qui est 17. Responsionum in 12. dub. 2. addit propositionem exclusivam, tunc circumstantiam loci sacri esse circumstantiam necessario consistendam alicujus actus, quando ille est prædicto modo contra sanctitatem

Objectio
Occurritur.

De actibus profanis posteriori modo sumptis.

Sententia.

rem loci sacri, & non aliter, scilicet, quando agitur contra id, ad quod locus consecratur, vel sanctificatur. Sanctificari autem ad hunc, vel illum effectum, solum est ex lege positiva statuentem, ut hoc, vel illud non fiat in tali loco in irreverentiam ejus, quia hoc ex sola rei natura definiri non potest, etiam supposita talis loci benedictione, ut constat exemplis, quæ utroque loco adducit: & ideo in priori loco statim subjungit, posse ecclesiam sua prohibitione facere, ut sit sacrilegium, quod de se tale non erat, sentiens per hujusmodi prohibitionem id fieri, & non aliter. Idem significaverat, licet non tam clare, idem Cajetan. l. 2. q. 7. ubi addit, omnem peccatum aggravari ex circumstantia loci sacri per accidens, id est, in sua malitia specifica, non vero novam speciem malitiæ contrahendo. Hanc etiam opinionem aperte tenet Sor. lib. 2. de Just. quæst. 4. art. 4. §. *Sed ais*, ubi dicit, sacrilegium in loco sacro esse ratione ecclesiastici statuti, ut si sanguis, vel semen in loco sacro effundatur: immo addit: *Locum sacrum non contaminari, nisi duobus dictis modis, nam etsi in ecclesia* (inquit) *peieres, vel blasphemes, non est sacrilegium.* In quibus verbis illa exclusiva incredibilis mihi est, sed paulatim est insequentibus impugnanda. Idem videtur sentire Vict. in Sum. 4. qu. 196. quatenus negat, locum sacrum esse circumstantiam necessario confitendam nisi in casibus prædictis. Item Angles. in Flori. qu. 9. in diffi. an locus sacer in quolibet peccato speciem mutet, & Navarr. in Manuali, c. 6. n. 11. §. *Sexto* clarius, & latius in cap. *Consideret*, de Pœnit. d. 5. in principio, nu. 19. 20. 21. & 39. quem Gurtier. sequitur lib. 1. Canon. qu. cap. 31. n. 35. Idem opinatur Sancius lib. 9. de Marr. disp. 15. n. 5. ubi alios modernos refert.

Probat
hæc opti-
mo.

4. Hæc sententia suaderi potest, quia non omnia peccata facta in loco sacro sunt sacrilegia; ergo quod aliqua sint sacrilegia, & non alia, non potest aliunde discerni, quam ex ecclesiæ prohibitione, seclusa intentione formali directa, & sacrilega operantis, ut excludi supponimus. Antecedens supponitur fere a dictis auctoribus ut manifestum, quia alias illa circumstantia esset semper in confessione aperienda, quod est durum, & inusitatum. Et ratio a priori esse debet, quia non omne peccatum ex eo, quod in ecclesia fit, habet ex natura rei specialem repugnantiam cum ratione; si quis enim in ecclesia temere de proximo iudicat, aut epistolam scribit continentem mortalem culpam, nihil agit habens specialem repugnantiam cum ratione recta ratione talis loci. Hæc autem regula discernendi circumstantias addentes specialem malitiam traditur a D. Th. 4. d. 16. q. 3. art. 2. q. 3. ergo. Et confirmatur, quia hac ratione non omne peccatum commissum a persona sacra, vel contra personam sacram est sacrilegium, ut docet S. Th. 2. 2. q. 99. art. 3. ad 3. ergo idem a fortiori de loco sacro dicendum est. Prima consequentia probatur: quia nulla ratio reddi potest, cur furtum in ecclesia factum sit sacrilegium, non vero mentiri decipiendo alium, vel etiam falsum jurando, nisi quia unum est ab ecclesia specialiter prohibitum, & non aliud. Item, dare alapas alteri in ecclesia, non est speciale sacrilegium; vulnerare autem, & sanguinem effundere est speciale sacrilegium. Item, pollui in ecclesia, vel fornicari est speciale sacrilegium; habere autem in ecclesia tactus impudicos, &c. non est speciale sacrilegium, secluso morali periculo pollutionis. In his autem, & similibus non potest ex sola rei natura assignari ratio, vel differentia; ergo tantum provenit ex lege positiva ecclesiæ id prohibente, & quasi constituyente in his, & non in aliis, loci sanctitate.

5. Simile argumentum fieri potest de actibus non malis: nam quidam actus de se non mali, vel etiam boni, si in ecclesia fiant, sunt sacrilegia, alii vero minime; ergo hæc differentia non potest revocari, nisi in ecclesiæ prohibitionem. Antecedens quoad posteriorem partem satis est in principio hujus dubii declaratum: quoad priorem vero patet exemplis. Nam matrimonialis copula de se non est actus malus, immo bonus, & tamen in ecclesia factus extra casum necessitatis est sacrilegium. Item, iudicare per se non est malum, nec vendere, aut emere, & tamen si in ecclesia fiant,

nunc sunt sacrilegia; ergo tota ratio hujus sacrilegii in prohibitionem ecclesiæ reducenda est. Unde confirmatur generaliter prior pars: nam circumstantia, quæ per se non potest transferre actum de non malo in malum, nisi interveniat specialis prohibitio, non potest addere actui alias malo novam speciem malitiæ, nisi ratione specialis prohibitionis: at circumstantia loci sacri non potest transferre actum de non malo in malum, nisi interveniat specialis prohibitio, ut patet de iudicio, mercatura, &c. ergo neque quando actus est aliunde malus, sit sacrilegium ratione loci, nisi ratione ecclesiasticæ prohibitionis.

6. Secunda sententia superiori fere omnino contraria in primis affirmat, omne peccatum in ecclesia factum esse sacrilegium ex ipsa rei natura, & secluso ecclesiæ statuto. Deinde affirmat, ex aliis actibus, qui extra ecclesiam peccata non sunt, aliquos esse sacrilegia, si in ecclesia fiant, sæpe quidem ex prohibitione speciali ecclesiæ, interdum vero etiam ex natura rei. Hanc sententiam, præsertim quoad priorem partem, tenent multi auctores. Ut autem eos sine æquivocatione referamus, supponamus abstracte nos loqui de malitia diversæ speciei seu contra religionem, sive illa sit mortalis in illa specie, sive venialis. Hoc enim pendebit ex circumstantiis, ut infra videbimus. Sic ergo tenet illam opinionem Silvest. verb. *Confessio*, l. 1. q. 10. fatetur enim, omne peccatum factum in loco sacro habere specialem malitiam sacrilegii saltem venialem: indicat vero, nunquam esse mortalem, nisi in tribus casibus ab ecclesia prohibitis supra numeratis in principio hujus capituli, hoc tamen magis declarat in aliis locis statim referendis. Eandem sententiam tenet, magisque illam declarat Cordub. in Sum. q. 190. ait enim, omne peccatum mortale in ecclesia factum esse mortale sacrilegium, si vero sit veniale, etiam in ratione sacrilegii esse tantum veniale: & licet in principio loquatur de peccatis luxuriæ, in fine extendit sermonem ad omnia peccata mortalia. Allegatque Silvest. in Ros. aur. q. 63. quæ est in tract. 3. inter Imperitantes, ibi tamen non constituit tam generale regulam. Tamen ita videtur exponere verb. *Sacrilegium*, §. *Quintum*, & clarius verb. *Immunitas*, l. 1. num. 5. ibi enim fatetur, actum de se malum, vel notabiliter deformem in ecclesia factum esse grave sacrilegium etiam in casibus ab ecclesia non prohibitis. Eandem opinionem tenet Med. Cod. de Confes. q. de Circumstantia loci sacri. Referri etiam potest pro hac sententia Anton. 3. par. tit. 14. c. 19. §. 7. ubi est sententia D. Thom. ait, circumstantiam trahere peccatum in aliud genus, quando habet specialem repugnantiam ad aliud præceptum divinæ legis. Sicut furtum, ait, ratione loci sacri habet specialem malitiam sacrilegii: quia repugnat præcepto, quod est de veneratione sacrorum, quod præceptum non est ecclesiæ, sed naturalis, ac divinæ legis. Præterea ex ultima parte assertionis videtur necessario inferri prima: nam si aliqui actus, qui non sunt peccata, facti in loco sacro sunt sacrilegia propter irreverentiam loci sacri, quam ex natura sua secum ferunt, seclusa prohibitione ecclesiæ, profecto multo magis erunt sacrilegia omnia peccata commissa in ecclesia, quia magis sunt contra reverentiam debitam loco sacro.

7. Ultimam ergo partem docet clare D. Th. 1. Cor. 11. lea. 4. exponens illa verba: *Nunquid domos non habetis ad manducandum? Non enim* (inquit) *est licitum, domum Dei, quæ deputata est pro sacris usibus, communibus usibus applicare.* Unde & Dominus Joan. 2. *ejecit vendentes, & ementes de templo, dicens, Domus mea, Domus orationis vocabitur, &c.* Adiditque subinde D. Th. in necessitate licitum esse, *ut ecclesia ad comedendum, & bibendum, & ad alios* (inquit) *usus licitos, sentiens extra necessitatem etiam ad licitos usus harum rerum communium non licere; ad illicitos vero nunquam.* Sentitque hanc obligationem oriri ex natura rei ex ipsa ecclesiæ sanctitate, & consequenter oppositum esse contra religionem, & esse sacrilegium. Ad hoc etiam videtur alludere Chrysost. in eum locum, Homil. 27. *Quarta* (inquit) *accusatio est, quia non solum pauperes, sed etiam ecclesia afficitur contumelia: sicut enim Dominicam cœnam facis privatam, etiam rursus locum,*

2. Sententia dicens omne peccatum in ecclesia factum esse sacrilegium.

Joan. 2.

locum, utens ecclesia tanquam domo. Eisdem significatibi Ambrosius dicens, *Domi hac esse agenda, non in ecclesia, ubi unitatis, & mysterii causa convenitur, non dissensionis, & ventris.* Quæ verba etiam usurpavit Anselmus, & subiungit: *Ecclesiam Dei ad orationem, & ad percipienda Sacramenta consecratam, contemni, dum in ea irreverenter carnales cibi sumuntur.* Et in Commentariis Hieronymi attributis ad illa verba, illa: *Aut ecclesiam Dei contemnitis?* recte additur: *Facientes eam triclinium epularum.* Sic etiam Basil. in Reg. brev. regul. 3. to. ex verbis Pauli colligit, communes epulas non esse in ecclesia manducandas. Sentiant ergo hi Patres ex natura rei, & ex fine, ac consecratione ecclesiæ illicitum esse, in ea huiusmodi actiones communes efficere, etiam si alioquin peccata non sint; multo ergo magis hoc dicent de omnibus peccatis. Quod tandem confirmari potest ex verbis Hieron. contra Vigilant. *Ego confiteor timorem meum, ne forte de superstitione descendat, quando iratus fuero, & aliquid mali in meo animo cogitavero, & me nocturnum phantasma deluserit, basilicas Martyrum intrare non audeo, ita totus & animo, & corpore pertremisco.* Quid ergo sentiret Hieronymus, de audacia committendi peccatum intra ecclesiam?

Judicium
Auctoris.

8 Hæc quidem posterior sententia magis ad veritatem accedere videtur, aliqua tamen indiget explicatione. Ut ergo distincte, & in particulari declaretur, quid in hoc prohibitum sit specialiter, & quo jure, & consequenter, quando operatio illicita in ecclesia sit propter sacrilegium mortale, aut veniale, multa in particulari dicere necesse est, & ideo in sequentibus capitulis paulatim exponetur.

C A P U T IV.

De actionibus forensibus in templis prohibitis, ob eorum reverentiam.

1 **A**Nte omnia supponendum est, ecclesiam habere potestatem ita prohibendi actiones aliquas in locis sacris fieri, ut eo ipso sacrilegæ sint contra huiusmodi prohibitionem factæ, etiam si de se tales non sint. Hæc est certa, & communis sententia omnium Doctorum, quos retuli cap. præced. & in sequent. referam. Declaraturque ex illa doctrina de legislatore humano, qui habet potestatem constituendi actum præceptum in certa specie virtutis, juxta materiæ capacitatem, & similiter actum prohibitum in certa specie vitii. Dices, legislatorem non posse facere, ut actus per suam legem fiat illius virtutis, cujus antea non erat, sed posse tantum facere, ut actus virtutis, qui non erat necessarius intra illam virtutem, posita lege, sit necessarius ad servandum medium illius virtutis: ut quando præcipitur jejunium, non sit per præceptum, ut jejunium sit actus temperantiæ, nec videtur hoc fieri posse per legem; tum quia hoc pendet ex materia quasi intrinseca actui, quam lex nec dare potest, nec auferre; tum quia lex, ut præcipiat, videtur supponere rationem virtutis in actu, quia supponit honestatem: solum ergo facit illa lex, ut actus jejunii, qui de se est actus virtutis temperantiæ, non tamen necessarius, fiat necessarius ratione legis; ergo in præsentii si actus de se non est religionis, non potest per legem ecclesiæ fieri religionis. Et consequenter nec contrarius actus poterit fieri sacrilegium propter prohibitionem.

Si isse.

2 Respondet in primis, non esse eandem rationem de actu virtutis, & vitii: nam ex vi legis humanæ prohibentis actum incipit esse vitium, quod antea non erat, & simpliciter, & in tali specie, ut comedere carnes in die Veneris est intemperantia posita prohibitione ecclesiæ, cum antea non esset: & idem videri potest in injuria, & aliis. Et ratio est, quia lex potest præscribere medium virtutis in materia ejus, quo medio existente, incipit esse vitiosus in eadem materia recessus ab illo, cum antea non esset vitiosus, quia illud non erat medium, & ita non erat recessus a medio. Item, quia malitia est carentia bonitatis debitæ in esse: unde eadem carentia, quæ antea erat pura ne-

gatio, & ideo non erat mala, incipit ratione præcepti esse privatio, quia jam est debita contraria bonitas. Unde respondendo ad objectionem fateor, legem supponere materiam aptam, ut in ea constituitur medium talis virtutis, & hac ratione posse (regulariter loquendo) in tali materia actum talis virtutis exerceri absque lege, si ratio per se possit medium sufficiens ad talem honestatem ibi invenire, licet seclusa lege non judicet esse necessarium; lex autem facit, ut illud medium sit necessarium, & (ut ita dicam) unicum. Hoc autem totum in præsentii materia spectare licet. Nam abstinere a deambulatione, verbi gratia, in ecclesia propter reverentiam ejus, etiam seclusa lege, est bonum, & ad materiam religionis spectans: si ergo addatur lex id præcipiens intuitu reverentiæ templi, faciet, illud esse necessarium intra illam virtutem, & consequenter faciet, contrarium actum esse sacrilegium. Idem est de actu vendendi, & emendi, judicandi, & similibus, nam cessatio ab his operibus in loco sacro ob sanctitatem ejus de se est materia apta ad honestatem religionis, & ad actum ejus, etiam secluso præcepto; ideoque lex potest intra illam virtutem facere illum actum necessarium, & contrarium irreligiosum. Idem videre licet in præcepto abstinendi ab opere servili in die festo, nam ante præceptum illud non erat necessarium ad virtutem religionis, erat tamen materia apta, ut posset intuitu religionis observari. Unde etiam secluso præcepto potuisset aliquis id velle actu honesto, & religioso, ut si quis velit, intra hebdomadam uno die vacare ab illis operibus, ut se totum tribuat cultui Dei, etiam secluso præcepto, honeste, ac religiose id facere poterit, Præceptum ergo ecclesiæ, quod illo intuitu materiam illam prohibet, intra virtutem religionis legem constituit, & ideo commissio contraria sacrilegium est solum contra legem humanam.

3 Secundo suppono, duobus modis posse fieri sacrilegium aliquem actum ratione legis positivæ, qui absque illa talis non esset. Uno modo tantum antecedenter, seu præsuppositive; alio modo formaliter, per propriam, & directam prohibitionem, ut verbi gratia, quod res aliqua sanctificetur hoc, vel illo modo, & ad talem finem, pendet ex positiva lege vel Christi, vel ecclesiæ; & tamen postquam res consecrata est juxta illam legem, sine nova prohibitionem erit sacrilegium aliquid facere circa illam rem, quod, si fieret circa illam rem non sanctificatam, sacrilegium non fuisset. Ut, verbi gratia, sanctificatio Chrismatis, vel olei infirmorum ex lege ecclesiastica pendet, tamen illa posita, sacrilegium est, oleum illud contemnere, vel irreverenter tractare, etiam si hoc non esset formaliter ab ecclesia prohibitum: tunc ergo dicimus sacrilegium pendere ex lege positiva præsuppositive, seu antecedenter. Formaliter autem pendet, quando præsupposita rei sanctificatione talis actus circa illam non esset sacrilegium, nisi per se, ac separatim esset prohibitus, ut in dicto exemplo, etiam supposita sanctificatione Chrismatis, non esset peccatum illud servare in domo particulari, & propria: si autem accedat præceptum ecclesiæ, ut in templo tantum servetur, & inde non extrahatur, incipit oppositum esse sacrilegium ex formali ecclesiæ prohibitionem. In hac ergo assertionem loquimur de sacrilegio circa locum sacrum, quod ratione formalis prohibitionis tale est, & sine illa non esset, etiam supposita consecratione ecclesiæ, & dedicatione ejus ad talem finem: nam aliud genus sacrilegii, quod dicitur ex præsuppositione tantum legis positivæ, revera potius est ex vi legis naturalis dictantis sanctam sancte tractanda esse, quamvis rei sanctitas ex humana sit institutione: sicut peccatum contra votum, peccatum est contra legem naturalem, quamvis pendeat præsuppositive ex voluntate humana voluntarie promittentis: si ergo respectu loci sacri est aliquod sacrilegium huiusmodi, illud ex natura rei esse dicemus, & in sequenti assertionem de illo agemus.

Dupliciter
posse
actum fieri
sacrilegium.

4 Tercio adverto ex superioribus, actiones forenses duplices esse, quasdam pertinentes ad placitum, seu strepitum iudicii, alias ad mercatum, seu negotiationem. De utriusque ergo in hoc capite tractamus; de aliis vero postea dicemus.

5 Dico ergo primo: Placitum ex ecclesiæ prohibitionem

tione in templis fieri non potest, unde si fiat, sacrilegium committitur: quamvis absque prohibitione ecclesie non semper esset sacrilegium, etiam supposita institutione templorum, & illorum sanctificatione. Hæc ultima pars per se clara est, & pro nunc supponitur; quia actus iudicii per se non est malus, ut constat, nec videtur adeo indecens, ut semper includat intrinsecam irreverentiam contra locum sacrum, de quo in sequenti puncto plura dicam. Prior ergo pars probatur primo ex capit. *Cum ecclesia*, de Immunitate ecclesie. Circa quod advertendum in primis est, ibi non prohiberi simpliciter omne placitum, sed solum in causis, ubi de sanguinis effusione, & corporali poena agitur: hæc enim sunt formalia verba textus. Ex vi ergo illius textus non potest illa prohibitio ulterius extendi: unde pro ratione additur: *Absurdum enim est, & crudele, ibi iudicium sanguinis exerceri, ubi est impetelare fugii constituta*. Quæ ratio in causis civilibus locum non habet; ergo nec prohibitio ex vi illius textus, de alio enim statim videbimus. Secundo ex parte loci extenditur illa prohibitio ad ecclesias, & cimiteria: crediderim tamen, id additum esse majoris explicationis gratia: nam facta prohibitione pro ecclesia, censetur esse facta pro cimiterio, quia subtilia comprehenditur, tanquam accessorium sub principali, licet non convertatur, arg. cap. unic. de Consecr. eccles. in 6. quod loquitur de pollutione cimiterii, eadem autem ratio procedit in presenti, ut constat.

6 Denique additur in illa prohibitionem, sub interminatione anathematis, quod certum est, intelligendum esse de censura ferenda, non ipso iure lata, ut ex vi verborum constat, & Glossa ibi communiter recepta notat. Item talis poena non extenditur extra causam sanguinis, quia poena non debet extendi ultra formalia verba legis. Et fortasse ideo Lucius III. in illo textu de solis causis criminalibus locutus est, quia in illis tantum voluit poenam addere. Quamvis autem ipse non prohibuerit placitum in ecclesia circa alias causas, tamen si antea facta erat prohibitio, illam non abtulit. Atque ita Glossa ibi ad verbum *sanguinis effusione*, addit, *maxime*, quia etiam causæ civiles seculares (inquit) prohibita sunt. Viderique potest illa prohibitio ante Lucium III. inveniri in cap. 1. eod. tit. de Immunitate ecclesie, ubi dicitur, non posse iudices domos ecclesiarum ad placitum faciendum vendicare. Unde Glossa & omnes Doctores a fortiori colligunt, idem intelligi de ipsis ecclesiis. Et sane merito, tum quia maiori ratione immunitate hæc gaudent ecclesie, quam earum domus, nam propter quod unumquodque tale, & illud magis; tum etiam quia ipsæ ecclesia est quædam domus, quæ (ut ita dicam) magis est sua, seu juris sui, quam domus ejus sint sub ipsius jure.

7 Adverto tamen, quod licet ex illo textu tanta colligatur prohibitio in ecclesia, quanta in domibus ecclesie, non tamen major, quantum est ex vi illius legis, quia formaliter solum loquitur de domibus ecclesie, & per vim rationis extenditur ad ecclesias; ergo eadem ad summum potest colligi prohibitio. Quamvis autem inde habeamus prohibitionem, ne iudices seculares agant placita in ecclesiis, quasi jure suo, aut præscriptione utentes, vel consuetudine; non tamen videtur haberi absoluta prohibitio, ita ut etiam consentientibus prælatis ecclesie, non possint ibi placita exerceri, vel ipsi prælatis prohibitum ibi sit, ne talem licentiam præbeant. Probat, quia (ut dixi) tanta est ibi prohibitio de domibus ecclesie, quanta de ecclesiis: at non obstante illo textu, possunt iudices seculares placita facere in domibus ecclesiarum ex concessione ecclesie, ut expresse ibi notat Abbas, dicens: *Intelligo, quod in domo ecclesie non debet secularis ius reddere, quando propria auctoritate, quasi ex jure publico elegit sibi mansionem in domo ecclesie*. Quod probat ex illo verbo textus: *Quasi pro consuetudine*. Secus autem putato (ut) ut haberet domum illam conductam ab ecclesia, vel gratis concessam. Ergo idem dici poterit respectu ecclesie. Potest etiam hoc confirmari alia equiparatione: nam ibi æque, & eisdem verbis prohibetur his secularibus ministris hospi-

tium, ac placitum in domibus ecclesiarum: at hospitium non simpliciter prohibetur, sed ne illud jure suo vendicent; nam ex liberalitate ecclesie, vel alio voluntario pacto id prohibitum non est, ut etiam Glossa notavit: ergo idem dici poterit de placito.

8 Videtur ergo prohibitio illa alterius rationis, & immunitatis ab ea, de qua nunc tractamus. Ibi enim non consideratur specialis sanctitas ecclesie, & proprius finis ejus, quatenus est domus orationis, & divini cultus, ut ea ratione prohibeatur simpliciter placitum in illa; sed consideratur libertas ecclesie in se, & in bonis suis, ratione cujus non possunt laici ea sibi subijcere ad aliquam veluti servitutem, & onus temporale: & ideo non videtur ibi prohibitio simpliciter, sed tantum, ne possint iudices seculares quasi jure suo utentes ibi placita facere. Tandem potest hoc declarari ex alia differentia notanda inter prohibitionem illius textus, & de qua nunc agimus. Nam illa extenditur non solum ad actus involuntarie jurisdictionis, sed etiam voluntarie, quia ad nullos potest iudex secularis sibi usurpare in domibus ecclesie: at vero prohibitio, de qua nunc tractamus, non extenditur ad actus jurisdictionis voluntarie, ut mox dicemus. Unde difficile reperietur (ut opinor) in antiquiori jure tam absoluta prohibitio.

9 At in iure noviori satis expresse facta, vel declarata est per Gregor. 10. cum Concil. Lugd. in c. *Decet*, de Immunitate ecclesie in 6. *Omnis* (inquit) *in ecclesiis secularium iudiciorum strepitus conquiescat, nulla inibi causa per laicos, criminalis maxime, agitur, sint laici eadem a laicorum cognitionibus aliena*. Quod autem hæc prohibitio facta sit intuitu tantum religionis, & sanctitatis ipsius loci, constat ex principio textus: *Decet domum Domini sanctitudo: decet, ut cujus in pace factus est locus, ejus cultus sit cum debita veneratione pacificus, &c.* Unde iuxta hanc prohibitionem, & rationem eius nullo modo, aut titulo permitti potest hic actus in ecclesia, etiam ex consensu clericorum, quia est generalis, & independens a voluntate, seu concessione prælatorum: illa enim non obstante, semper talis actus est contra quietem, & pacem, quæ in illo loco postulat.

10 Dices, hac ratione probaretur, etiam ipsos clericos iudices non posse sua placita ecclesiastica in ecclesiis exercere, quia etiam illa sunt contra pacem, & quietem in ecclesia, & domo orationis necessariam. Respondeo, ita sensisse Decium in c. *Qua fronte*, de Appell. numer. 1. & ad id ponderat, quod in dicto cap. *Decet* dicitur, *Cessent cujuscumque fori tumultus*. Sed hæc verba non sunt ad rem, quia non intelliguntur de foro iudiciali, sed de foro (ut sic dicam) locali, seu materiali, ut bene intellexit Navarr. supra nu. 46. Et constat ex contextu, & quia alias repugnant illa verba sequentibus, in quibus expresse adhibetur limitatio. Respondeo igitur negando sequelam, quia non potest lex contra sua verba extendi propter rationem suam, quia potest legislator uti sua ratione, quantum, & quomodo velit: in illa autem prohibitionem bis sit expresse limitatio prohibitionis ad laicos iudices, & ad secularium iudiciorum strepitus. Et alioquin sacri Canones non solum permittunt, sed etiam monent, ut ecclesiastica causæ in ecclesiis fiant, in cap. ultim. 2. quæst. 2. Ubi Turrecrem. intelligit esse præceptum; sed Glossa in cap. *Cum ecclesia* recte dicit, non esse de necessitate, sed de quadam honestate, arg. cap. *Qua fronte*, ibi, *Prout est Canonicum, & honestum*. Atque ita fuisse semper limitanda, & intelligenda antiqua iura, docuerunt cum Glossa Panormitanus, & alii Doctores ibi, & in dicto cap. 1. de Immunitate ecclesie.

11 Sed urgebit quis interrogando, cur prohibitio non fuerit universalis, cum ratio generalis videatur? Item, cum in die festo prohibeantur etiam placita ecclesiastica, cur non in loco sacro? Ad hoc tacite respondet Glossa & Panormit. supra dicentes, voluisse ecclesiam iudicia sua in ecclesiis fieri, *Ut propter loci reverentiam magis caveant a periuriis, & mendaciis*. At enim ob hanc rationem etiam secularia iudicia deberent ibi permitti. Respondeo, potuit ecclesia in hoc habere maiorem rationem suorum iudiciorum, & cau-

Ap. pisco.
pi concess
sione pos
sit placitū
in eccle
sia fieri.

Confirmat
que aliter.

Objeção.
Respon.
decet.

Propositi
onem doc
difficultat
es. Enos
datur 1.
Instantia

& causarum, quam secularium . Item potuit consulere honestati suorum clericorum, sicut in cap. *Testimonium* 1. r. q. 1. dicitur, clericum, ut testimonium dicat, in ecclesia esse examinandum . Denique merito præsumit ecclesia, ecclesiastica judicia cum minori strepitu esse transigenda, & breviori tempore: ac denique judicem ipsum ecclesiasticum majorem curam habiturum, ut sine indecentia loci fiant . Alia vero ratio est de die festo, quia minus debent occupari illo tempore in his forensibus actionibus personæ ecclesiasticæ, quam secularis . Sed licet hæc vera sint, nihilominus negari non potest, quin satis conveniens sit, ut etiam placita ecclesiastica extra ecclesiam fiant in episcopali palatio, vel in alio loco commodo, ut habet usus, & significatur in d. c. *Qua fronte* . Hinc autem intelligi facile poterit, hanc prohibitionem esse ecclesiasticam, & de jure positivo, saltem magna ex parte: pendet enim ex arbitrio, & conjecturis humanis, neque in opposito actu intrinseca malitia semper invenitur: an vero aliquando inveniat, infra dicam .

12 Dico secundo: Illa prohibitio ex suo genere sub mortali culpa obligat, quia materia est satis gravis, & necessaria ad communem pacem, & spiritualem ecclesiæ utilitatem . Item pertinet ad virtutem religionis, ut declaratum est; ergo ex suo genere sub mortali obligat . Item quoad causas sanguinis hoc prohibetur sub anathematis vinculo: unde nullum potest de his esse dubium . De aliis vero negari videtur Sylvester num. 5. Sed verius credo de omnibus, quia materia omnium est satis gravis; & non est dubium, quin prohibitio de se sit rigorosa: nam ibi præcipitur Ordinariis, ut ibi *interdicta* observari faciant; ubi expendenda est vox *interdicta*, quæ rigorosum præceptum dicit: unde ibi distinguuntur *interdicta* ab aliis, quæ ibi tantum suadentur . Et de prioribus additur, ut Ordinarii ad illa cavenda seculares compescant, ubi Gloss. addit, *per censuras, vel alias poenas* . Ergo signum est, hanc esse obligationem gravem, & necessitatem inducentem .

13 Deinde in eodem §. non solum prohibentur hujusmodi placita, sed etiam annullatur, quicquid in eis actum fuerit intra ecclesiam, nam de *processu, & sententia* dicitur, *omni careant robore firmitatis*. Quod eodem modo exponendum est, quod similem irrationem de actis in die festo declaravimus . Advertit autem, & bene Panormitanus in dicto cap. 1. de immunit. eccles. hanc irrationem non extendi ad placita, quæ in domibus ecclesiæ extra ecclesiam fiunt, quia in dicto c. *Decet*, de solis ecclesiis sermo est, & irritatio, cum sit odiosa, non debet extendi . Quod sequitur Sylvester verb. *Immunitas* 1. q. 1. Limitat item Panorm. in d. cap. *Cum ecclesia*, & Sylvester supra, irrationem ad acta jurisdictionis involuntariæ, ita ut acta voluntariæ jurisdictionis, licet secularia sint, & in ecclesia fiant, sint valida . Unde consequenter dicere debent, illa non esse prohibita; tum quia ibi sola illa acta irritantur, quæ prohibentur; tum etiam quia est eadem ratio quoad verborum proprietatem . Ratio ergo esse debet, quia sub strepitu judiciali non solent in jure comprehendi acta jurisdictionis voluntariæ . Item quia actiones voluntariæ jurisdictionis, ut dispensationes, & similia in die festo valide fiunt, ut supra dictum est; ergo & in loco sacro, nam in jure eisdem fere verbis prohibentur, & irritantur . Denique isti actus favorabiles sunt .

14 Addit nihilominus Abbas, quod si hujusmodi actus concernant pietatem, non solum valide, sed etiam licite fiunt in ecclesia; si vero pietatem non concernant, licet validi sint, non tamen licite fiunt intra ecclesiam: nam idem censuit supra de diebus festis . Dico tamen, ex vi juris positivi non magis prohiberi hos, quam illos, quia in d. c. *Decet* non prohibentur, ut ratio facta clare probat, si consequenter loquendum est, & in cap. 1. extra eod. non est absoluta prohibitio, ut supra ostendi, neque in alio Canone reperitur . At vero ex natura rei etiam non est per se prohibitio talis in ecclesia, ut supra dixi . Interdum vero, si impediunt ecclesiæ quietem, vel officia, non fient honeste in ecclesia, etiam si actus jurisdictionis voluntariæ sint, ex ratione generali infratractanda: hoc autem potest contingere in actu pio, ut in subventionem pupilli, quando necessitas

Suarez, Tom. XII.

non urget, ut in ecclesia fiat, & potest æque commode extra fieri .

15 Ex quibus obiter constat, quid dicendum sit de quibusdam actibus publicis, qui cum placito habent quamdam similitudinem . Unus est collatio gradus doctoratus; de quo certum est, non esse prohibitum, ut in ecclesia fiat, quia revera non est placitum, neque actus jurisdictionis contentiosæ, neque sub alia generali ratione, neque in propria specie invenitur prohibitus . Et consuetudo idem declarat: nam ita fit in gravissimis academiis: & ita docent Joan. Andr. Panorm. & alii in d. c. *Cum ecclesia*, & Sylvester supra . At ex natura rei interdum potest esse indecens, vel illicitum, si fiat tempore incommodo, & cum perturbatione divinorum officiorum, vel alia circumstantia indecente pro illo loco . De quo latius Navar. in c. 5. de Orat. n. 37. §. *Quarto sequitur*, & sequentibus .

16 Alius actus est conferre, vel Concilium seculare facere in ecclesia de rebus temporalibus, & politica gubernatione . Hæc enim non censetur prohibita sub nomine placiti: unde nec in festo sunt simpliciter prohibita . Et ita dicendum est ex vi illius specificæ prohibitionis (ut sic dicam) non prohiberi, nihilominus per alia verba interdicti in d. c. *Decet*: *Cessent in locis illis universitatum, & societatum quarumlibet Concilia, Conciones, & publica Parlamenta* . Quod omnino videtur intelligendum, quando materia talium actuum est mere temporalis, ac secularis: nam, si sit de re ecclesiastica, vel pertinet ad pietatem, non est prohibita, ut bene Joann. Andr. ibi, & Panorm. notarunt .

17 Denique ex eisdem juribus colligunt Doctores, ecclesiam non debere ad usus belli converti, ut in illa munitio, vel quasi arx constituatur . Quod maxime colligunt ex d. cap. *Cum ecclesia*. Nam si causæ sanguinis in ecclesia non sunt tractandæ, multo minus est in ea constitutus locus ad sanguinem effundendum, & homicidia faciendæ deputatus . Ita fere Innoc. & Panorm. ibi, Sylvest. *Immunitas* 1. q. 1. §. *Quarto*, Angel. n. 4. sed hoc intelligendum est extra casum necessitatis occurrentis in bello defensivo, tunc enim licere, iidem auctores notant: estque manifestum, quia, licet jus esset expressum, cessaret ob necessitatem; multo ergo magis cum in hoc casu expressum non sit, sed per illationem . Et optime hoc confirmari potest ex cap. *Relinquo* de Custod. Eucharist. Additque Sylvester ex Hostiens. debere id fieri de licentia episcopi per se loquendo, quod rationi valde consentaneum est, & cap. 1. de immunit. eccles.

18 Dico secundo: Mercatus est etiam actus jure ecclesiastico prohibitus in templis fieri . Habetur hæc prohibitio in dicto cap. *Decet* his verbis: *Cessent in ecclesiis, earumque cæmeteriis negotiationes, & præcipue nundinarum, ac fori cujuscumque tumultus* . Idem probatur ex 6. Synodo, & in 3. rom. disp. 81. sect. 8. §. *Secundo ex hoc* sufficienter tractavi, quantum ad materiam moralem spectat, neque aliquid hic addere necessarium videretur . Addi vero hic possunt, quæ supra in simili puncto de mercatu in festis prohibito dixi: nam eisdem fere verbis sit in jure utraque prohibitio: & ita sensit Gloss. in dicto c. *Decet* verb. *processus*: ubi advertit, quod licet peccent, qui faciunt contractus mercium in ecclesia, per illum textum, nihilominus contractus validi sunt, quia in jure non irritantur, nec comprehenduntur sub irratione placiti, quia illa, cum sit odiosa, non est extendenda: & in utroque consensit Panorm. in dict. c. *Cum ecclesia* num. 6. & 7. & Sylvest. verb. *Immunitas* 1. num. 3. & 4. Et constat etiam ex dictis de contractu facto in die festo . Et videri etiam potest Navar. d. c. 5. de Orat. n. 32. & 35. & 36. atque 37. Ubi hanc prohibitionem latius explicat .

19 Dubitare autem potest aliquis, cur hunc actum hic numeremus, quia hæc prohibitio non videtur esse ecclesiastici juris, sed divini, ac naturalis . Nam Christus Dominus in veteri templo hoc reprehendit tanquam grave crimen Joan. 2. & Matth. 21. Immo advertit Alexand. Pap. in cap. *Ex multis* 1. q. 3. *Et sollicite considerandum*, dicit, *quod per totum textum S. Evangelii, nusquam reperitur, Dominum tanta severitate, tanq; distributa censura justitie peccantes corripuisse, &c. Sicut illos vendentes, & ementes in templo* . Et licet idem pontifex

Quid dicendum de collatione gradus doctoralis

Concilium seculare prohibendum in ecclesia .

Ecclesia non debet converti ad usum belli extra casum necessitatis .

Mercatus non potest fieri in templo .

An hæc prohibitio sit de jure eccl.

CAPUT V.

De actionibus furti in templo prohibitis ecclesiastico jure.

Hoc est tertium genus operum, quæ ob templorum reverentiam in eis fieri ecclesia peculiariter prohibuit; quam prohibitionem Joannes Papa in cap. *Quisquis* 17. quæst. 4. his verbis declaravit: *Sacrilegium committitur auferendo sacrum de sacro, vel non sacrum de sacro, aut sacrum de non sacro*. Ex quibus tribus membris tertium non spectat ad præsentem materiam, dicitur enim quis furari sacrum de non sacro, quando calicem, verbi gratia, vel alia bona ecclesiæ, quæ sacra censentur, rapit de non templo, sed in alio loco non sacro inventa: & ita furtum illud non habet rationem sacrilegii ex circumstantia loci, de qua sola nunc tractamus, sed ex conditione rei, seu materiæ, circa quam furtum versatur: de quo generis sacrilegii diximus in alio opere de immunitate bonorum, & personarum ecclesiasticarum: & videri potest Jacob. Menoch. libr. 2. de Arbit. Jud. Cent. 4. casu 289. Unde etiam primum membrum, quatenus hoc caput includit, cum tertio coincidit, quoad alteram vero partem cum secundo convenit, & ex illius declaratione constabit, an illud primum furtum ex duplici capite sacrilegium sit.

2 De illo ergo secundo membro aliter jus civile, quam canonicum disponit; nam in l. *Divi*, ff. ad l. *Jul. Peculatus*, *Res privatorum, si in adem sacram deposita, surrepta fuerint, furti actionem, non sacrilegi esse*. Ubi Glossa simpliciter ait, in eo casu non committi sacrilegium, immo nec in tertio, quando sacrum de non sacro furripitur, sed tantum quando utrumque concurrat: & idem tenet Bartol. ibi. Et communiter legisperiti, ut refert Jul. Clar. libro 5. §. *Sacrilegium* num. 1. Et ita ipse distinguit, secundum jus civile tantum in primo casu censeri sacrilegium, quando sacrum de sacro auferitur: secundum vero jus canonicum quodlibet sufficere. Verum tamen jus civile non statuit de peccato, an tale sit, necne, sed solum de actione, quæ in criminali foro contra hujusmodi furem datur; de hac enim aperte loquitur dicta lex, quæ potuit habere apparentem rationem, etiamsi tale peccatum non sit immune a malitia sacrilegii, quia directe, & quasi per se injuria, & nocumentum sit domino rei furto sublata, & ideo illi datur actio, non loco, cui indirecte, & quasi per accidens injuria fit: domino autem rei non competit actio sacrilegii, sed furti. Quod vero furtum illud in se adjunctam habeat malitiam sacrilegii, non videtur contrarium juri civili: nam in l. *Aut facta*, ff. de pœnis, dicitur: *Locus facit, ut idem, vel furtum, vel sacrilegium sit*, id est, vel tantum furtum, vel etiam sacrilegium. Et licet dici posset, hoc procedere, quando res est sacra; tamen vix asseri potest ratio, cur locus habeat hanc vim circa rem sacram, & non circa alias, ut nimirum furtum rei sacræ, quod alias non esset sacrilegium, fiat sacrilegium adjuncta circumstantia loci, & non ita sit in furto rei non sacræ.

3 Sed omisso jure Civili, ad quod non spectat, proprias rationes vitiorum, & peccatorum in ordine ad conscientiam discernere, sed solum in ordine ad politicam gubernationem, aut vindictam: etiam inter Theologos videtur esse in illo secundo membro opinionum diversitas. Quidam enim simpliciter negant, esse sacrilegium furari rem laicam de ecclesia: cujus opinionis videntur fuisse Victor. & Soto locis cit. c. 3. in 1. opinione. Nam generaliter excludunt, alios casus sacrilegii ratione loci sacri, præter effusionem sanguinis, & seminis: unde idem Soto l. 5. de Just. qu. 3. art. 1. §. *Hinc inepre*, explicando, quando furtum sit sacrilegium, ait, *Si quod furto rapitur, res est sacra, sacrilegium dicitur*. Unde significat, si de loco sacro furripiatur, tunc etiam solum esse sacrilegium ratione rei acceptæ, & conditionis ejus, non ratione loci. Et hoc fortasse modo defenderet Soto generalem exclusivam, quam in alio loco posuit, scil. quia licet alia sacrilegia fiant in loco sacro præter effusionem sanguinis, & seminis, non tamen propter solam contaminationem, vel irre-

illud statim transferat ad sensum mysticum per illos vendentes, & ementes simoniacos intelligens, quod etiam Greg. Beda, & alii tradiderunt, ibidem relati in capitulis sequentibus; nihilominus certum est, ad litteram reprehendisse Christum, & corripuisse irreverentiam, quæ per illas negotiationes templo fiebat, ut satis declarant illa ejus verba: *Auferte hinc, & nolite facere domum Patris mei domum negotiationis*. Nihil ergo aliud Christus in illo actu culpavit, nisi injuriam templi, quia in loco sacro, & religionis actibus deputato, profanæ negotiationi, ac lucro intendebatur: culpavit autem Christus actum illum, non quia positivo præcepto legis negotiatio in templo specialiter esse prohibita, quia nec tale præceptum invenitur, nec Christus illud allegavit, sed sola veluti naturali ratione sumpta ex templi sanctitate, & sine usus est: ergo multo magis nunc est hoc per se malum ex ipso divino, ac naturali jure.

Fundatur. 20 Respondeo, valde probabile hoc esse, ideoque simpliciter asserui, in citato loco tom. 3. hoc prohiberi, quia malum, quod etiam de aliis actibus dixi, & Navar. in cap. *Qualitas* de pœn. d. 5. n. 23. facit eos, quos Dominus ejecit de templo, male fecisse ratione circumstantiæ loci, & ideo fuisse a Domino correptos. Et ita etiam interpretatur d. c. *Decet*, de Immun. in 6. dicens, multa ibi reprobari, quia ob circumstantiam loci mala sunt. Hæc vero ita intelligenda sunt, ut non de omnibus, & singulis actibus in individuo accipiantur, sed de actibus his a toto genere, vel etiam regulariter. Dupliciter enim de negotiatione loqui possumus. Uno modo generationem, & secundum intrinsecam rationem suam: & sic dicere non possumus, esse ex natura rei intrinsece malum omnem actum negotiationis, seu mercaturæ intra ecclesiam factum: quia in individuo potest actus in se esse honestus ex objecto, nempe justitiæ, & ex fine aliquo honesto, & potest fieri tali modo, ut sine perturbatione ecclesiæ, vel alio incommodo fiat; ergo tunc non haberet de se malitiam sacrilegii ratione loci. Ingerdum vero posset aliquam habere tantummodo venialem, & levem, si in modo contendendi, vel vociferandi, aut alio simili esset aliquis excessus.

21 Aliter tamen loqui possumus de negotiatione, & mercatura ex suo genere: & sic dici merito potest, rationem naturalem dictare, mercaturam non esse in templo exercendam, quia ex se habet magnam improportionem cum tali loco: estque actio multis periculis peccatorum exposita, ut non immerito Christus Dominus dixerit, facere ecclesiam locum negotiationis nihil aliud esse, quam facere illam speluncam latronum. Quia in negotiatione secundum se, & moraliter spectata nunquam desunt furta, fraudes, perjuria, & similia, quæ templi sanctitati valde repugnant. Unde in imperfecto Chrysost. in Matth. hom. 38. & habetur in cap. *Ejiciens* d. 88. dicitur: *Ejiciens Dominus vendentes, & ementes de templo, significavit, quia homo mercator vix, aut nunquam potest Deo placere*. Sic etiam dixit Leo Papa epist. 90. alias 92. & habetur in cap. *Qualitas* de pœnit. dist. 5. *Difficile est, inter ementis, vendentisque commercium non intervenire peccatum*. Sic ergo talem actum exercere in loco sacro, malum ex suo genere dici potest, maxime si frequenter fiat, & faciendum ecclesiam domum negotiationis, licet necesse non sit, omnes, & singulos actus esse malos: id autem satis est, ut actus simpliciter prohibeatur per legem positivam, quia licet non ita habeat intrinsecam malitiam, ut ex natura rei inseparabilis ab ipso sit in omni individuo, habet tamen ut plurimum: leges autem morales attendunt id, quod sæpius accidit, & periculis, ac incommodis moralibus occurrunt, & multa in individuo prohibent, quæ secundum se mala non essent. Atque ita hæc prohibitio absoluta de jure ecclesiastico dici potest, quia illa posita, jam non tantum ex genere, sed in individuo omnis talis actus prohibitus est, & malus, quamvis semper talis prohibitio magnum fundamentum habeat in naturali lege. Et eodem modo cum proportionem intelligenda sunt, quæ de aliis actibus dicemus.

Dupliciter posse specari negotiationem. 1. Modus Aliquis actus negotiationis in templo fieri potest.

2. Modus Negotiatio ex suo genere ratione naturali prohibetur in templo fieri.

Furtum in ecclesia prohibetur jure ecclesiastico.

Aliter jus canonicum aliter civiliter videtur disponere in furto rei non sacræ de templo.

Jus civile cum canonico conciliatur.

Circa hoc dissensio est etiam inter Theologos.

irreverentiam loci, sed ex aliis titulis, ut hic, propter rem sacram inde sublatam. Atque ita in 4. dist. 18. qu. 2. art. 4. §. *De die*, ait, non esse necessarium confiteri circumstantiam loci sacri, nisi quando illic effunditur vel semen, vel sanguis, *vel surripitur res ecclesie*. Non enim casu, sed consulto, non dixit *in ecclesia*, sed *ecclesie*, sicut de effusione seminis, & sanguinis dixerat, & paulo superius idem dixerat de homicidio, quod in aliis locis sub sanguinis effusione comprehendit. Fundamentum hujus opinionis esse oportet, quod hujusmodi furtum non est ex natura rei injuria loci sacri magis, quam alia peccata, neque etiam est speciali jure prohibitum sub tali ratione.

Fundam.
hujus opi-
nionis.

Impugna-
tur prae-
cedens
opinio.

Limitatio
communis
sententiae.

4 Sed contra hanc sententiam, & ejus fundamentum obstat d. cap. *Quisquis*, cum enim ibi dicatur esse sacrilegium, furari rem non sacram de loco sacro, vel supponitur ex natura rei tale esse, vel ibi virtute fertur prohibitio: nec ego video, quid possit ad textum illum responderi. Et ita propter illum fatentur ibi Glos. Archid. Turrecr. & alii, hoc esse verum sacrilegium, & idem dicit Jul. Clar. supra, & alii statim referendi. Alii qui vero hanc sententiam communem limitantes, & primam declarantes distinguunt duos modos, quibus potest res non sacra in ecclesia esse. Primo, quia est quasi sub jure, & potestate ecclesie, quia scilicet vel illi ad custodiendum tradita est, vel in pignus data, vel alio simili modo in ecclesia deposita. Secundo potest res aliqua mere temporalis per accidens, & casu esse in ecclesia, vel quia ibi est persona, quae illam secum defert, vel quia casu ibi relicta est.

Probatur
prior pars
in limitat.
posita.

5 In priori casu affirmant, sacrilegium esse, furari bona in ecclesia: in posteriori autem negant. Et prior pars suaderi potest: primo, quia saltem id est necessarium, ut partitio sacrilegii posita in dict. cap. *Quisquis* in omnibus suis membris verificari possit. Secundo potest confirmari ex lib. 2. Machab. 3. ubi refertur historia praelata de Heliodoro divina virtute flagellato, eo quod pecuniam in templo depositam regis auctoritate contra illius templi immunitatem, & sanctitatem, & in ejus contemptum (ut ibidem dicitur) rapere tentaret. Tercio est optima ratio, quia quod hoc modo est in templo, est sub speciali patrocinio, ac custodia divina: est enim templum specjali modo, ac titulo sub dominio Dei, & ideo quod ibi deponitur, & per Dei ministros acceptatur, censetur veluti sub Dei fide, & defensione recipi: & ideo tale furtum specialem malitiam habet contra reverentiam Deo, & templo ejus debitam. Atque hæc pars mihi etiam videtur certa, existimoque etiam in solo divino, ac naturali jure veram esse, ut probant exemplum Heliodori, & ratio facta: magis vero indubitata est, addito jure Canonico in d. c. *Quisquis*.

Verã esse
hanc par-
tem re-
solvitur.

Probatur
secunda
pars.

6 Alteram vero partem probabilem censent aliqui moderni Theologi. Quia cum res ibi non esset sub speciali custodia templi, sed quasi per accidens ibi esset, non videtur per illud furtum gravis injuria templo irrogari. Et alioquin tale furtum non est specialiter interdictum ab ecclesia in honorem templi; ergo non est, unde habeat mortiferam malitiam sacrilegii. Atque ita juxta hos auctores non erit hæc circumstantia furti de necessitate confessionis.

Communis
sententia
approba-
tur, & sine
ulla limi-
tatione dicitur
furtum in
templum
esse sacri-
legium.
Glos.

7 Ego vero censeo, communem sententiam esse omnino veram, quæ sine ulla distinctione affirmat, furtum in loco sacro sacrilegium esse, ac subinde esse mortale ex suo genere, id est, nisi ex levitate materie excusetur. Ita tenent communiter Canonistæ cum Glos. in d. c. *Quisquis*, & in cap. *Sacrilegium* 17. q. 4. ubi Turrecrem. quest. 5. & communiter etiam Summistæ verb. *Sacrilegium*, Sylvest. §. *Secundum*, Angel. n. 1. declarans, esse proprie sacrilegium, Cajet. in Sum. ver. eodem, & Armilla n. 1. qui declarat, esse hanc circumstantiam de necessitate confessionis: idem Navar. in Manuali c. 6. num. 4. Fundamentum præcipuum hujus sententiae esse debet, quia in d. c. *Quisquis*, simpliciter, & sine limitatione ponitur species sacrilegii furari non sacram de sacro: ubi autem lex non distinguit, nec nos distinguere debemus, l. *De pretio*, ff. de Public. nisi vel alia lex obliget, vel ratio cogat, quando alias sequeretur absurdum: hic autem nihil horum intervenit. Immo distinctio, seu limitatio illa quodammodo destruit decisio-

Suarez, Tom. XII.

nem, & partitionem illius textus: nam res, quæ secundum se non sunt sacra, quatenus constitutæ sunt sub patrocinio ecclesie, quæ in depositum, vel custodiam illas recepit, jam sunt aliquo modo sacra, sicut alia bona ecclesie, vel sicut promissio jurata, licet secundum se temporalis sit, ut est sub testimonio divino, est sacra, & pertinet ad forum ecclesie: sic ergo res deposita in ecclesia ad forum, & defensionem ecclesie pertinent, ideoque illas furari potius est furari sacrum de sacro, quam non sacrum; ergo in rigore necesse est, aliud membrum de aliis rebus intelligere. Eo vel maxime, quod licet hæc lex videatur odiosa latronibus, tamen simpliciter favorabilis est, quia favet ecclesie, & religioni; ergo amplianda est potius, quam restringenda, (vel quod nobis satis est) secundum integrum, & absolutum significatum verborum accipienda. Præterea prius in illo textu ponit pontifex pœnas sacrilegii, postea varia sacrilegia enumerat, & inter ea ponit illa tria membra: & infra loquens de ecclesiis, & monasteriis, ait, *vel si qui deposita, vel alia qualibet exinde abstrahunt, velut sacrilegi Canonica sententia subjaceant*. Ergo non potest ad illum textum alia restrictio accommodari. Denique in eo capite aperte intendit pontifex immunitatem ecclesie defendere: magna autem, & valde rationabilis ecclesie immunitas est, ut res in ea existentes quamdam securitatem ab omni injuriosa acceptione participant: & ideo, qui illas inde furatur, contra immunitatem ecclesie agit, ac subinde contra reverentiam illi debitam sacrilegium committit, juxta ea, quæ dicemus cap. seq.

8 Est autem hæc immunitas satis consentanea naturali rationi, quia sine dubio dicitur, totam hanc reverentiam esse debitam Deo, qui in templo peculiariter habitat, vel templo, quatenus Deo specialiter sanctificatum est, quod in idem dicitur. Sed nihilominus stando in jure divino solo fortasse malitia sacrilegii in tali furto vel nulla esset, si injuria templi non esset intenta, vel certe non esset adeo gravis, ut mortifera judicari posset, quia non videtur habere tantam rationem injuriæ, ut de aliis peccatis postea dicemus. At vero adjuncta immunitate concessa ecclesie per jus canonicum, est formalior (ut ita dicam) injuria, & in illa specie longe gravior, quia ex institutione Canonica habet ecclesia peculiare jus, ut sit veluti inviolabilis custodia rerum, quæ intra illam existunt. Et quoad hoc est major ratio in furto, quam in aliis peccatis, quæ in ecclesie fiunt, & non ita sunt contra jus, & immunitatem, & quasi contra munus, & officium loci, sicut est furtum, ut argui in 4. tom. dist. 22. sect. 4. num. 30. Et confirmari hoc tantum potest ex dictis circa præcedentem actum: nam si negotiatio in templo prohibetur, quia de se est injustiis, & rapinis obnoxia, quomodo non majori ratione prohibebitur specialiter furtum in ecclesia?

9 Ex his ergo concluditur, tale præceptum in ratione sacrilegii ex genere suo mortale peccatum esse. Hoc enim sentiunt auctores citati, & probant rationes factæ. Et declaratur, quia intra latitudinem illius materie, aut modi furandi esse potest mortale, ut v. g. latrones, qui in ecclesia crumenas occulte suffragantur, vel absciunt, profecto gravissimum sacrilegium committunt, & communi Christiani populi æstimatione tale reputatur, & tamen illi solum peccant, auferendo non factum de sacro. Propter quæ omnia attente spectata censeo, non esse indicandam practice probabilem, ac securam sententiam, quæ absolute negat, circumstantiam loci sacri in furto de re non sacra non esse de necessitate confessionis, quia est paucorum Doctorum contra torrentem aliorum sine textu, & sine firma ratione, vel quæ probabiliter suadeat. Non est tamen negandum, quin hoc sacrilegium possit esse veniale ex levitate materie; nam etiam furtum rei sacræ potest etiam hoc modo esse leve peccatum. Et probabile est, quoties furtum in ratione injuriæ est veniale, etiam in loco sacro factum esse veniale in ratione sacrilegii. An vero e contrario dicendum etiam sit, quotiescunque est mortale in ratione injuriæ, esse etiam mortale in ratione sacrilegii, non omnino definio, sed prudentibus considerandum relinquo. Quia cum furtum sit magis per se, ac directe volitum,

Hæc im-
mun. eccl.
naturali
ratione con-
sentanea.

An sit sa-
crileg. fur-
tū in tem-
plo factū
stando in
solo jure
divino.

Hoc furtū
in ratione
sacri. est
mortale
peccatum.

Ex levita-
te materie
potest esse
veniale
sacrileg.

quam injuria loci sacri, non videtur repugnare, ut aliqua materia, & modus furandi sufficiat ad injuriam mortiferam committendam, quæ in ratione irreverentiae loci sacri, vel violationis immunitatis ejus non sit ita gravis offensio. Sed quia difficile est hæc distinguere, & prudenter ponderare, securius existimo pro generali regula statuere, quotiescunque peccatum furti mortale est, & in loco sacro sit, circumstantiam loci esse in confessione aperiendam, ut mortifere aggravantem in alia specie.

CAPUT VI.

De aliis actionibus, quæ ob templorum reverentiam in eis fieri ecclesia prohibuit.

IN hoc capite breviter comprehendemus actiones alias in templis prohibitas, quæ minus graves communiter censentur. Una est in cap. *Relinquit* de Custod. Euchar. ubi Inn. III. ait: *Firmiter prohibemus, ne hujusmodi suppellectilia*, (id est, tam clericorum, quam aliorum) *in ecclesia admittantur, nisi propter hostiles incursus, aut incendia repentina, seu alias necessitates urgentes ad eas oporteat habere refugium, &c.* Quæ verba ex forma, & vi eorum, præceptum præferunt, ut ex initio illorum satis constet. Illud tamen non dirigitur ad eos, qui sua suppellectilia ferunt ad ecclesiam, sed eos, ad quorum munus spectat illa admittere, vel repudiare; ut constat ex verbo *admittantur*. Unde si extra casum necessitatis, hoc fiat, peccatum magis erit admittentis, quam inferentis, non ramen excusabitur hic a culpa; tum quia per consequentiam prohibitio etiam ad illum spectat; tum etiam quia inducendo aliud ad id, quod licite facere non potest, cum illo peccat. Tantoque erit gravior culpa, quanto fuerit instantior petitio, quod si vim faciat, erit maxima. Si autem bona fide petat putans, esse casum necessitatis, vel saltem dubitans, licet admittens fortasse peccet, poterit sæpe alius excusari. Hoc autem peccatum, quantum est ex forma prohibitionis, grave est, ut notat Angel. verb. *Immunitas* num. 5. tamen ex parte materiae regulariter non videtur esse grave, nisi tantus sit excessus, ut notabiliter impediatur ecclesia, vel scædatur, aut contemni videatur. Denique stricte hoc intelligendum est de loco ecclesiae, non de Sacristia, nec de aliis locis adjunctis ecclesiae, ut constat ex proprietate verborum, & ex ratione textus, & ex usu. Coemeterium autem comprehendit solet tanquam ecclesiae annexum: & ita censet Angel. supra. At juxta subjectam materiam vix potest accommodari, quia in coemeterio non solent suppellectilia poni, ut custodiantur, neque ibi posita inducerent ea incommoda, quæ in ecclesia, & ideo probabile existimo ibi de sola ecclesia esse sermonem.

2 Alia multa sunt prohibita in dicto cap. *Decet* de immunit. eccles. in 6. quæ fufe satis, & pie tractat Navarrus in Enchirid. de Orat. cap. 5. Post singulorum autem explicationem addit in num. 42. transgressionem contra textum non esse peccata mortalia, sed venialia, nisi per contemptum fiant, vel cum notabili impedimento divinorum officiorum, secutus in hoc Angelum verb. *Immunitas* num. 5. Ubi ait, ea omnia, quæ in dicto cap. *Decet* prohibentur, non esse peccata, nisi per se sint mala, vel fiant ex contemptu. Idem sequitur ibi Tabien. & Sylvest. quæst. 2. num. 5. licet ille aliam addat limitationem, *Nisi res ex se magnam contineat irreverentiam*. Ponit tamen exempla in his, quæ alibi, & non ibi prohibentur, ut in furto, effusione seminis etiam licita, &c. Sumunt autem hi Summistæ argumentum ex eo, quod in §. *Ordinarii* subiungitur, ut ordinarii suadenda suadeant, & interdicta compeſcant, ex quibus verbis videntur colligere, ordinariis præcipi, ut hæc compeſcant, respectu vero subditorum ibi non dari præcepta, sed suasiones, & consilia.

3 Aliter vero intelligo textum illum. Dux enim partes in illo sunt distinguendæ: una docens, & suadens, quod in ecclesia agendum est; alia vetans, quod agendum non est. Prior continetur a principio textus usque ad vers. *Nullus in locis eisdem*, exclusive. Posterior durat ab illa clausula usque ad finem textus extra

paragraphum. Prior igitur pars tota sua fortis tantum est, & præcepta non continet, & de illa intelliguntur illa verba, *suadenda suadeant*, ut expresse declaravit Glossa verb. *suadenda*, & ex contextu ipso satis constat. In posteriori autem parte forma est præceptiva. Unde opinor, quantum est ex vi legis inducere obligationem, quam potest juxta materiae capacitatem, & ex illa spectandum esse, an peccatum contra illam legem sit mortale, aut veniale, quia ex parte legis nihil deest ad utramque obligationem. Hoc patet primo, quia per verbum prohibendi imperativo modo lex illa loquitur. Secundo, quia de illis sic prohibitis dicit inferius, *Interdicta hujus Canonis auctoritate compeſcat*; utique per poenam, & censuram, ut Glossa exposuit. Quomodo autem possent episcopi hoc modo compellere auctoritate illius Canonis, si totus esset suavior tantum, & non præceptivus? Tertio, vox illa *Interdicta*, ut supra ponderabam, in rigore significat prohibitionem obligantem. Quarto, materia illius legis magna ex parte est gravissima, & postulans prohibitionem, ut de strepitu judiciali ostensum est, & idem est de mercatu, nundinis, & similibus. Lex ergo illa de se in omni proprietate, ac rigore legis prohibet. Ad discernendam autem qualitatem transgressionis materia consideranda est.

4 Prohibet ergo in primis, *Seditionem* fieri in ecclesia, in qua parte sine dubio obligat sub mortali, quia seditio de se gravissimum crimen est contra communem pacem, & justitiam, unde in ecclesia facta magna est irreverentia. Adduntur vero ibi duo verba, *Nullus conclamationem moveat, impetumve committat*. Quæ duo videntur prohiberi, ut conjuncta seditioni, & ut sic clarum est, gravissimam materiam prohibitionis continere. Navarr. autem supra num. 25. ex illis verbis colligit, ibi prohiberi in ecclesiis omnes ludos clamorosos, & tripudia, quæ cum profano tumultu fieri solent, ex quo multa infert contra ludos, qui fieri solent cum nimia perturbatione, & tumultu, præsertim in quibusdam festis, & supplicationibus solemnibus. Sed de his existimo judicandum esse secundum prudentem rationem attentio sine, & fructu, vel impedimenta talium ludorum, nam illa lex per illa verba, nihil de his disponit. Magis ad hunc articulum pertinet prohibitio cap. *Cum decorem*, extra de vir. & honest. Cler. Ubi prohibentur fieri in ecclesia, *ludi theatrales, & spectacula*, in quibus introducuntur *monstra larvarum, &c.* Quam prohibitionem omnes intelligunt de turpibus ludis; nam ludi honesti, & representationes, quæ possunt ad pietatem movere, non sunt prohibita, ut ibi notant Gloss. & Panorm. num. 1. Sylvest. verb. *Immunitas* 1.

5 Additur præterea in d. c. *Decet*, prohibitio *saecularium Conciliorum, & parlamentorum in ecclesia*, de qua jam diximus. Et quoad hanc partem probabile existimo, regulariter non esse hanc materiam peccati mortalis, secluse scandalo, violentia, contemptu, & graviturbatione divinorum officiorum. Item oportet, ut concilia non sint de rebus iniquis contra justitiam, vel pacem, aut aliquid hujusmodi: nam tunc magnam irreverentiam continerent. At vero si sint pure politica, & sine necessitate ibi fiant sine prædictis circumstantiis, sed propter aliquam humanam commoditatem, non videtur esse materia gravis peccati, quia irreverentia modica esse videtur.

6 Additur ulterius in eod. c. *Cessent vana, & multa fortius fœda, & profana colloquia, cessent confabulationes qualibet*. In quibus ultimis verbis dubitari potest, an etiam colloquia alias honesta ad cultum Dei, vel ad finem, pro qua ecclesia deputata est, nihil pertinentia prohibeantur, ita ut non sine culpa fiant, saltem veniali. Respondeo, non ita prohiberi, nisi habeantur illo tempore, quo divinis officiis attendendum est, vel quo alii ad hoc ibi assistunt, qui nostris confabulationibus impedirentur. At vero extra hæc tempora, si colloquia sint honesta, non erunt contraria loco sacro, & ideo ex natura rei non erunt culpabilia, etiam si non pertineant ad finem divini cultus. Quia non tenemur semper esse in templo, & uti illo, ut templum est, (ut sic dicam) hæc enim est obligatio quasi affirmativa, quæ non obligat pro semper, & ideo satis est

Seditio prohibetur in templo sub mortali.

Quoad saecularia concilia in templo prohibentur.

Quid de confabulatione in ecclesia dicendum.

Particula, *suppellectilia* intra ecclesiam non admittenda.

De aliis rebus prohibitis in §. *Decet* Navarr. sententia.

Auctoritas sententia circa idem capit.

nunquam agere contra illam. Unde etiam non est verisimile, hoc esse absolute prohibitum per illa verba, sed quatenus colloquia vel oriosa omnino sunt, vel alias mala. Unde statim subditur: *Sint quæcumque alia, quæ divinum possunt turbare officium, aut oculos Divine Majestatis offendere, ab ipsis prorsus extranea.* De his ergo colloquiis, si tantum otiosa sint, credo solum etiam habere malitiam venialem, ut sunt contra hoc præceptum: idemque fortasse erit, licet aliam malitiam habeant alterius vicii, in quo etiam mortalem gravitatem non attingant. At si sint alias mortifera, credo non excusari a nova malitia gravi contra hanc prohibitionem, & præsertim si sint scæda, turpia, & inhonestæ: nam hæc ibi cum exaggeratione prohibentur. Adduntur vero etiam profana, quod intelligo de profanis contrariis ad religionem, ut erunt detractiones graves; verba, quæ jurgia, & odia foveant, & similia. Denique prohibentur ibi mercatus, & placita, de quibus jam dictum est.

Convivia
in ecclesia
prohibita

7 Tandem ad hunc locum pertinet, quod in c. *Non oportet* 2. d. 42. dicitur: *Non oportere agapes, id est, convivia facere in ecclesiis, & intus manducare, vel accubitus sternere:* & in c. *Nulli* statim subiungitur: ut episcopi, & clerici non conviventur in ecclesiis: *Nisi forte* (ait) *transientes hospitiorum necessitate illic reficiantur, & additur: Populi etiam ab huiusmodi conviviis, quantum fieri potest, prohibeantur.* Quæ jura de propria prohibitionem exponit Navar. supra nu. 30. Sed vix aliquid continent præter id, quod decentia loci ex natura rei postulat. Nam in priori non ponitur verbum præceptivum, sed tantum dicitur, *Non oportet.* In posteriori vero pro communi populo nulla prohibitio fit, sed dicitur, ut prohibeantur, & cum limitatione, *quantum fieri potest.* Quoad clericos vero videtur fieri aliqualis prohibitio, sed cum tali exceptione, quæ extendi potest ad omnem casum, ubi prudentia dictaverit esse aliqualem necessitatem. Et ita in hoc non censeo esse specialem culpam contra jus positivum, sed solum quantum ratio naturalis dictavit pertinere ad reverentiam loci sacri, de quo statim. Quod vero additur in cap. penult. & ult. dictæ dist. 42. ut in Oratorio penitus nihil agatur, præter orationem, & psalmodiam, vel quod divinis ministeriis conveniat, non est lex ecclesiastica, sed regula S. Augustini, & S. Benedicti: quæ etiam de se consilium continet, non præceptum.

CAPUT VII.

Sintne aliqua opera facta in templo mala ex tali circumstantia, & ex naturali lege sine intervenitu ecclesiastica prohibitionis.

Aliqua
ipso natu-
ex jure in
templo
fieri pro-
hibentur,
licet de re
mala non
sint.

Aliqui Theologi, quos supra indicavi, nunquam putant esse ex 3. sola circumstantia loci sacri opus fieri malum, nisi ecclesiæ prohibitio interveniat. Nihilominus contrarium existimo verum, asseroq; multa esse opera, quæ, licet de se mala non sint ex natura rei, & aliqua prohibitionem ecclesiæ, male, & inordinate in templis fiunt. Quod ut ostendam, suppono ex dictis, sermonem esse de jure naturali, quod supponat aliquam institutionem humanam: multa enim sunt de humana institutione, ex quibus sic institutis oriuntur multæ obligationes naturales, ut esse Doctorem est ex institutione hominum; illa vero posita, debentur Doctori sua jura debito naturali, & calicis consecratio est de jure humano, facta vero consecratione ex naturali jure debetur illi, ut cum majori reverentia tractetur, quam vasa communia. Sic ergo diximus, licet dedicatio, consecratio, & benedictio templi sit de jure ecclesiastico, hoc tamen posito, ex jure naturæ prohiberi aliqua fieri in templo, etiam si peculiari præcepto ecclesiæ distincto ab ipsa templi sanctificatione non prohibeantur. Probari autem potest primo ratione generali, quia in aliis materiis, & rebus consecratis hoc genus naturalis obligationi invenitur, cur ergo non ita etiam erit respectu templorum. Certe id nulla ratione fundari potest: cur enim, sicut datur in hac materia sacrilegium, quia prohibitum, non poterit etiam dari sacrilegium prohibitum, quia de se, & secundum rectam rationem tale est?

Suarez. Tom. XII.

2 Sed præterea probatur assertio inductione: nam actus copulæ conjugalis de se malus non est, & sine ulla culpa fieri potest in loco convenienti, & tamen in ecclesia indecentissime fit, præsertim si nulla urgente necessitate fiat. Unde multi auctores dicunt, quod licet ecclesiæ id non prohibuisset, non sine peccato mortali ibi fieret: quod sentit Sylvest. verb. *Immunitas* 1. num. 5. quatenus inter ea, quæ ex se continent maximam irreverentiam loci sacri, ponit pollutionem licitam aliis, quæ non potest esse nisi actus matrimonialis. Et ita intellexit, & secutus est Navar. dicto c. 5. de Orat. n. 42. & idem plane tenet Alensis 2. p. q. 147. memb. 9. & ad idem alludit, licet obscurius q. 168. memb. 3. §. *Queritur, si vir;* ait enim, matrimonialem copulam semper esse peccatum in ecclesia, etiam si probabile sit per eam non pollui ecclesiæ; quia ratio peccati fundatur in contemptu loci sacri, pollutio vero pendet ex jure humano. Et idem videtur sentire Salzedo in Pract. crim. ad cap. 39. littera B. prius enim approbat opinionem dicentem, non pollui ecclesiæ per copulam maritalem, quam dicit posse procedere, quando conjuges longo tempore in ecclesia habitant: & nihilominus subdit, eos in eo casu non excusari a culpa mortali: ergo sentit, hoc non provenire ex prohibitionem ecclesiæ, nam hæc cessat in illo casu, si in eo ecclesiæ non polluitur. Et certe auctores, qui tenent, nunquam licere conjugibus coire in ecclesia, etiam si longo tempore ibi morentur, & pugnam carnis habeant, videntur in hoc maxime fundari, quia ille actus, licet alias malus non sit, tamen propter sceditatem, & turpitudinem suam habet intrinsecam deordinationem, si in loco sacro fiat. Nam si ex sola prohibitionem ecclesiæ crederetur esse malum, non putarent, ecclesiæ præceptum cum tanto rigore obligare. Tenet autem illam sententiam Paludan. 4. dist. 18. qu. 8. art. 4. & d. 3. q. 3. art. 2. Ant. 3. p. tit. 1. cap. 20. §. 3. Cajetan. in Sum. verb. *Matrimonium* cap. ult. Ar. n. l. verb. *Debitum* num. 6. Navar. in manuali cap. 16. num. 32. & alii multi, quamvis ipsi (ut verum fatear) non satis explicant, utrum hac ratione moveantur.

Probatur
assertio.

3 Dices: juxta contrariam opinionem, quæ verior est, posse argumentum in contrarium retorqueri, quia in eo casu cessat malitia actus propter necessitatem; ergo signum est ex sola prohibitionem ecclesiæ, quia si esset ex natura rei, non cessaret. Respondeo, negando consequentiam, & probationem ejus. Optime enim sequitur, quod, si malitia est ex sola prohibitionem ecclesiæ, cesset in illo casu, quia ecclesiastica prohibitio non fit cum tanto rigore, ut late prosequitur Sancius citato loco a num. 12. quia supponit totam malitiam illius actus in ecclesia facti, ut ex prohibitionem ecclesiæ: nihilominus illud fundamentum necessarium non est, nec e contrario sequitur, etiam in necessitate actum illum esse peccaminosum, si extra necessitatem est deformis ex natura rei, & non tantum ex prohibitionem ecclesiæ; quia etiam interdum ob necessitatem cessat obligatio naturalis legis, quando ex circumstantiis materia ipsa moraliter mutatur. Ita vero est in præsentis: nam hæc copula sine urgente necessitate facta in loco sacro continet virtuale contemptum ejus, & ideo tunc non fit sine irreverentia loci sacri: at vero interveniente necessitate jam cessat contemptus, & irreverentia, quia quod necessitate fit ad subveniendum anime periculo, non censetur moraliter fieri cum irreverentia loci sacri: & ideo tunc cessat naturalis deformitas. Sicut Davidi licuit comedere panes sanctos propter necessitatem, quod sine illa non liceret, etiam ex natura rei, supposita tali sanctificatione panum. Atque ita patet ratio assertionis quoad hoc particulare exemplum, quia eligere locum sacrum ad illum actum sine morali necessitate cogente, ex natura rei habet quandam deformitatem, quæ statim ipsi naturali rationi repugnat, quæ repugnantia non fundatur solum in morali malitia, quam interdum habet ille actus, licet inde augeri possit, sed etiam fundatur in sceditate quadam, & imputitate illius actus, quoad materialem actionem ejus. Sicut exonerare ventrem in templo ex voluntate, & sine necessitate plane repugnat cum ratione naturali, nec potest excusari a culpa sacrilegii, eo quod, licet actus de se non sit ma-

Objeccio.

Satisfit.

Ex necess.
siue ali-
quando
cessat ob-
ligatio
naturalis.

lus, nec sit specialiter prohibitus in illo loco jure positivo, nihilominus de se, & ratione talis materialis actionis illa est magna irreverentia, & vilipendium illius loci (quod potest esse aliud exemplum ad confirmandam conclusionem;) ergo eadem, vel majori ratione coitus cum femina etiam alias licitus est injuriosus loco sacro, si sola voluntate absque cogente necessitate ibi fiat.

Fornicatio
sive sim-
plex in
ecclesia
occulte
acta est
sacrileg.

4 Unde valde displicet opinio eorum, qui dicunt, fornicationem simplicem in ecclesia factam occulte non esse sacrilegium, nec habere circumstantiam necessario in confessione aperiendam, etiam nunc supposito jure ecclesiastico. Fundatur enim in hoc, quod fornicatio non est sacrilegium, nisi in quantum ex jure positivo polluit, & violat ecclesiam, & fornicatio occulta juxta veram sententiam non polluit ecclesiam; ergo illa fornicatio non opponitur ecclesiae praecepto, & consequenter non est sacrilegium. Cui opinioni videtur favere Sor. 4. d. 3. art. 3. Cont. 3. quatenus similis distinctione utitur in maritali copula, nam si sit occulta, censet non esse culpabilem, publicam vero esse culpabilem. Quam distinctione aliqui moderni Summistae secuti sunt: illi tamen semper loquuntur de copula alias licita, & occulta, de fornicatione autem, vel illicita pollutione occulta id censuit probabile Vasquez 12. dist. 78. n. 6. Mihi vero (ut dixi) omnino displicet: primo, quia, ut jam dixi, non ex sola prohibitione ecclesiae, sed ex se habet copula carnalis intrinsecam irreverentiam loci sacri, quae major est in fornicatione, quam in copula de felicitate, quia illa turpior est, & magis voluntaria, nulla enim necessitate honestari potest, aut excusari. Secundo, quia licet ex prohibitione ecclesiae tantum oriretur illa specialis malitia, satis est prohibita per ecclesiam omnis fornicatio, & illicita seminis effusio in ecclesia. Quanquam enim fornicatio non violat ecclesiam actu (ut sic dicam,) & in foro ecclesiae, quando occultata est, tamen ecclesia suo praecepto non prohibet tantum publicam seminationem illicitam in ecclesia, sed simpliciter seminis emissionem voluntariam, & maxime illicitam. Et hinc est, ut licet in principio, quando talis actus est occultus, non polluat ecclesiam: nihilominus, si postea fiat publicus per publicam partis confessionem, vel sufficientem famam, incipit ecclesia esse polluta, juxta c. *Significasti* de Adul. ergo a principio actus ille fuit culpabilis contra ecclesiae prohibitionem, quia culpa non pendet ex futuro eventu, nimirum, an fornicatio illa sit aliquando futura publica, necne: & actus ipse de se polluit sufficienter, & ideo est contra specialem prohibitionem ecclesiae. Eo vel maxime, quod supra ostendi, non esse actum illum culpabilem, quia polluit ecclesiam per actualem obligationem abstinendi a celebratione in illa; sed potius e contrario, quia talem malitiam habet, sive contra legem naturalem, sive contra ecclesiasticam, talem effectum, & quasi censuram inducere. Et ideo licet ad hunc effectum sit necessaria conditio, quod delictum sit publicum: nihilominus prius committitur peccatum, quam talis effectus fiat, vel sequatur ex defectu notitiae. Quamobrem Navar. supra omnino reprobavit illam distinctionem Soti in actu matrimonialis copulae, quod majori ratione faceret in fornicatione: & in quacumque alia illicita seminis effusione. Et idem optime dixit San. supra num. 11. plures allegans, Quid vero dicendum sit de aliis turpibus actibus, dicam infra.

Confirmatur
aut aliqua
ex natura
rei esse
prohibita
in templo

5 Praeterea potest assertio ostendi ex his, quae in confirmationem secundae sententiae adduximus c. 3. Quia non solum Patres ibi citati, sed etiam Paulus 1. Corin. 11. significat etiam irreverentiam ecclesiae in illa manducare, & bibere communi, & ordinario modo, nihil discernendo inter illam, & profanum locum: est ergo hoc irreligiosum ex natura rei sine prohibitione ecclesiae. Et confirmatur, quia usus calicis sacri in mensa vulgari ex natura rei est sacrilegus contra reverentiam debitam rei sacrae. Unde Hieron. Dan. 5. circa factum Balthasaris regis, qui iussit vasa templi afferri ad utendum illis in convivio, inquit: *Quandiu vasa fuerunt in Idolo Babylonis, non est iratus Dominus, (videbatur enim rem Dei secundum pravam quidam opinionem, tamen Divino cultui consecrasset) post-*

quam autem humanis usibus Divina contaminant, statim poena sequitur post sacrilegium. Fuit ergo opus illud sacrilegium ex natura rei; ergo etiam in communi usu loci sacri potest dari sacrilegium ex natura rei. Hoc ipsum confirmat Christi factum ejicientis ementes, & vendentes de templo; nam si non illud factum eo modo, quo tunc fiebat, reputavit sacrilegium, & contrarium templi sanctitati, ut omnes Patres, & expositores ibi intelligunt, & supra tactum est; illa autem malitia non erat ratione positivae prohibitionis, sed ex vi naturalis rationis supposita sanctitate illius loci; ergo idem multo majori ratione de nostris ecclesiis vendendum est. Praeterea canere in ecclesia lasciva, aut vana, vel pulsare in cithara, aut organo sonos profanos, sacrilegium est, quia loco sacro injuria fit, dum in dicato ad Dei laudem loco profana haec fiunt, unde ad illam sacrilegii speciem spectat, quo loco sacro injuria fit, ut dixit Cajet. 2. 2. q. 91. ar. 1. §. Inter haec circa fin. Ergo eadem ratione omnes actiones, quae ex natura rei, vel divina officia de se impediunt, vel habent indecentiam in illo loco, habent specialem malitiam sacrilegii, si in illo fiant. Non dicimus autem, illam malitiam esse semper mortalem, sed potius frequenter esse venialem, nisi specialis prohibitio ecclesiae interveniat, vel tam feda, & turpis sit actio, ut prudenti judicio gravem injuriam loci sacri continere censetur.

6 E. his infero, & dico secundo: Omne peccatum saltem externum in ecclesia factum habere inde aliquam malitiam sacrilegii saltem venialem, raro autem mortalem, nisi ubi prohibitio ecclesiae intervenerit, vel notabilis irreverentia in ipso actu apparuerit. Hanc assertionem docent auctores citati c. 3. in secunda opinione; & fere ex dictis probata est: explicatur autem per partes. Nam in primis, quod peccatum aggravetur aliquo modo ex hac circumstantia, omnes fere auctores etiam primae opinionis fatentur, ut Cajet. Navar. &c. quia sine dubio magis repugnat cum recta ratione, quod peccatum fiat in illo loco, quam in alio. Quod vero haec gravitas sit in specie sacrilegii, praesertim quando actus exterior peccati in ecclesia exercetur, vel in ecclesia fieri proponitur, probatur: primo, quia quando actus de se non malus, tamen improporcionatus loco sacro, in eo fit, habet ab illo specialem malitiam sacrilegii: (optimum enim signum ad cognoscendum, quando circumstantia addit malitiam in propria specie, est, quando transfert actum de non malo in malum, ut est commune in materia de pen. & ratio id convincit, quia tunc non habet aliam speciem;) ergo idem dicendum est de omni actu, qui aliunde habet malitiam, quando ex loco sacro malitiam accipit, quod illa sit distincte speciei, sive illa mortalis sit, sive venialis. Patet consequentia; tum quia illa circumstantia non minus potest dare suam propriam malitiam actui de se malo, quam indifferenti, nec enim prior malitia impedit, cum possit idem actus habere duas malitias; tum etiam quia prior actus ideo accipit malitiam sacrilegii, quia est injuriosus loco sacro: sed non minus injuriosus est posterior; ergo. Atque hinc confirmatur haec pars, quia multi actus de se non mali, sed indifferentes, vel interdum boni, efficiuntur sacrilegia ex hoc solum, quod in loco sacro fiunt; ergo multo magis peccata, licet de se non sint sacrilegia, efficiuntur sacrilegia ex eo, quod in templo fiunt, quia magis repugnat sanctitati loci peccatum, quam actus indifferens. Quae ratio apud me evidenter probat, comparando illa duo ex genere suo, ac subinde probat, multa peccata posse accipere novam sacrilegii speciem ex circumstantia loci sacri. Quod autem omnia illam accipiant, vel quod omnia ibi sint specialiter prohibita ex natura rei ex vi sanctitatis loci, non videtur tam evidenter convinci. Quia, ut supra dicebam, actus potest repugnare sanctitati loci non tantum ratione malitiae, sed etiam ex modo, & conditione ipsius actus materialis: & fieri potest, ut major repugnantia ex hoc posteriori capite, quam ex priori nascatur. Sed responso ad hanc difficultatem ex aliarum partium declaratione constabit.

Omne
peccatum
in ecclesia
factum ha-
bet aliquam
malitiam
sacrilegii.

7 Limitavi ergo assertionem ad exteriora peccata, quia probabile videtur, peccata mere interna in ecclesia facta non accipere specialem malitiam sacrilegii.

Probabili-
le est pec-
cata in
templo
facta non
habere
malitiam
sacrilegii.

legii ab illo loco, ut est locus, in quo persona illa peccat. Ut enim notavi in 4. tom. dist. 22. sect. 4. locus sacer dupliciter comparari potest ad actum internum; uno modo ut circumstantia, seu pars objecti voliti; alio modo, ut circumstantia ipsius persone operantis. Priori modo contingit, quando quis desiderat furari in ecclesia, vel ex ecclesia, vel in ea fornicari, aut quid simile: & tunc, si persona sit in ecclesia, si extra illam, quando illud desiderum habet, clarum est committere sacrilegium mentale, & internum, quia internus actus accipit ab objecto malitiam ejus, & consequenter etiam a circumstantia objecti cum illo concupita accipit malitiam illi proportionatam: & in hoc omnes conveniunt. De hoc ergo genere peccati nunc non loquimur. Alio igitur modo peccat quis in ecclesia existens per desideria mala, non tamen apperendo illa implere intra ecclesiam, sed vel expresse desiderando peccare extra ecclesiam; vel nihil de circumstantia volendo, sed solum desiderando quasi abstracte talem actum. Et hoc modo hic consideramus locum sacrum respectu peccati mere interni, & mentalis, & dicimus, non accipere specialem malitiam a loco sacro, quia nec est specialiter prohibitum per ecclesiam, que non judicat de occultis, nec actus interior infert specialem injuriam loco sacro, quia cum non sit actus sensibilis, non fit per se in loco sensibili, nec irreverentiam contra illum continet. Et hoc maxime docent Sylv. Navar. & alii citati in 1. opin. Et Can. Relect. de pœn. p. 5. §. *Multa hic*, & Ludov. Lopez 1. p. Instr. cap. 33. & Cord. d. q. 190. agens de exterioribus peccatis, de interioribus subicitur.

Contraria
opinio
proponi-
tur.

8. At vero Sylv. verb. *Confessio* 1. qu. 10. oppositum sentit: nam prius de turpi cogitatione, & desiderio in ecclesia habito censet esse sacrilegium mortiferum, *maxime* (inquit) *quando sunt etiam de scelere perpetrando in ecclesia*, dicens enim *maxime*, sentit, etiam si sint de scelere perpetrando extra ecclesiam, habere similem malitiam, tamen ratio ejus non hoc probat, sed tantum primum, scilicet quod cogitationes, & operationes ad eandem speciem pertinent: est enim hoc verum tantum, quando operationes sunt objecta cogitationum. Addit etiam, cogitationes superbiæ in ecclesia habitas habere malitiam sacrilegii, licet venialem, idemque sentit de omni alia cogitatione mala extra materiam veneram, in qua censet malitiam esse majorem. Et potest hoc suaderi argumento supra facto, quia talis circumstantia augeat malitiam cogitationis, habet enim majorem deformitatem cum ratione; ergo augeat per additionem malitiæ novæ speciei, licet venialis. Sed nihilominus contrarium videtur verius, quia vel illud augmentum nullum est, cum non fiat injuria loco sacro, vel solū est ex parte operantis, quatenus se continere deberet saltem ob circumstantiam loci a talibus cogitationibus, & non facit, sed prona quadam concupiscentia se ferri sinit. Et hoc tenuit idem Sylvest. Rosaur. casu 63. Ubi ait, cogitationes pravas in ecclesia esse graviores, sed non in nova specie malitiæ. Quod extendit etiam ad verba, *quia fiunt* (inquit) *in aere, & non attingunt structuras, nisi per accidens*. Quæ ratio non multum ponderis habet.

Malitia
peccati in
templo
facti com-
muniter
est venia-
lis.

9. De externis ergo peccatis alia ratio esse videtur, quia per se, & natura sua dicunt ordinem ad sensibilem locum, & ideo, quando sunt actus pravi, aliquam irreverentiam sacri loci continent. Addidi vero alteram limitationem, nimirum, hanc irreverentiam, & malitiam regulariter esse venialem, quia ordinaria peccata regulariter non continent gravem irreverentiam secundum prudens judicium, nec sunt specialiter prohibita per ecclesiam. Et hanc partem cum eadem limitatione tenet præter Sylvest. Leon. Less. d. lib. 2. c. 45. dub. 3. Cord. vero d. q. 190. solum excipit peccata venialia facta in ecclesia: nam de mortalibus in universum, ait, esse etiam mortifera sacrilegia, si in ecclesia fiant. At i. nec jure constat, nec ratione efficaci probari potest, quia licet respectu Dei malitia reddat actum magis detestabilem, magisque injuriosum Deo, non tamen semper respectu loci sacri. Ut licet secundum se peior actus sit detractio, quam furtum, non ita repugnat immunitati loci, & reverentiæ illi debitæ de-

Suarez. Tom. XII.

tractio, sicut furtum, etiam ex natura rei loquendo, quia actus furri magis directe repugnat loco, quatenus per illum actum videtur privari locus re, quam specialiter continet; sic etiam copula licita magis repugnat puritati debitæ tali loco, quam verbum jocosum, vel falsum. Non possumus ergo cum sufficienti fundamento dicere, omnia peccata mortalia in ecclesia facta esse etiam sacrilegia mortalia. Si vero accedat ecclesiæ prohibitio, omnes fatentur, tunc esse sacrilegium mortiferum: nam prohibitio ecclesiæ potest etiam efficere, ut sit mortale sacrilegium, quod sine illa nullum peccatum esset, ut ostendi; ergo multo magis id faciet, quando cadit in actum, qui de se peccatum mortale erat in alia specie. Unde licet verum sit, non obstante prohibitione ecclesiæ posse transgressionem esse venialem ex levitate materiæ, tamen quando actus prohibitus est aliquo peccatum mortale, semper ceteri debet gravis materia respectu ecclesiasticæ prohibitionis, ut per se notum videtur. Et ideo, si ad malitiam actus gravem in sua specie accedat prohibitio ecclesiæ, malitiam etiam sacrilegii, quæ additur, gravis, & mortifera est. Dices: quomodo lex humana potentior est ad hanc malitiæ gravitatem, quam naturalis lex? Respondeo, quia lex humana potest novam obligationem imponere proportionatam materiæ, & additam legi naturali. Immo ad hoc data est hominibus hæc potestas, ut possint adungere obligationem, determinando, quod lex naturalis per se non ita determinabat. Denique quando non est lex directe prohibens, irreverentia loci est solum indirecta, & ex generali principio, ideoque potest esse levis; quando vero addita est prohibitio, jam est directa irreverentia, quia lex humana determinat abstinentioniam a tali actu in loco sacro in cultum ejus, & in signum reverentiæ illi debitæ.

Dubium.

Solvitur.

10. Ex hoc autem inferunt nonnulli auctores supra allegati, sacrilegium ex circumstantia loci nunquam esse peccatum mortale, nisi interveniat ecclesiæ prohibitio, vel (quod idem est) nunquam actum prohiberi in loco sacro sub reatu mortifero ex vi legis naturæ solius, sine interventu ecclesiasticæ prohibitionis. Sed hoc mihi probari non potest ita universaliter sumptum; tum quia nullam rationem hactenus vidi, quæ hanc generalem regulam persuadeat; tum etiam quia hoc repugnat cum dictis in c. 7. Si enim actus non malus moraliter potest isto modo prohiberi in loco sacro ex vi legis naturæ, cur non magis actus malus? Nam malitia non obstat: & aliunde ex parte actus materialis potest esse non minor improprio. Ideo ergo addidi in ultima parte assertionis, licet illa regula frequenter vera sit, tam turpem esse actionem peccaminosam, ut ex natura rei pertineat ad reverentiam debitam loco sacro, illam ibi cavere, & consequenter, ut illam exercere grave sit sacrilegium. Exemplum hujus supra posuimus in fornicatione, vel pollutione occulta.

Sacrileg.
ex circums-
tantia lo-
ci nunquā
esse pecca-
tum mor-
tale, male
quidam
dicunt.

11. Nunc addimus, idem videri probabilius de tactibus impudicis, præsertim gravioribus, & in partibus inhonestis. Quod præter Cor. Jub. & Sylvest. & Lud. Lopez in locis proxime citatis affirmat etiam Emanuel 1. 10. Sum. c. 207. n. 1. & idem sentit Per. Ledesma in Sum. Sacram. cap. 19. circa loci circumstantiam, ait enim etiam verba inhonesta altiori voce in ecclesia prolata esse sacrilegium. Hi autem auctores non possunt fundari in ecclesiastica prohibitione: nam hæc prohibitio facta non est, nisi de seminis emissionem in ecclesia: & ideo nullus tactus impudicus in ecclesia, seclusa seminis emissionem, & morali periculo ejus, (quod perinde ac actus moraliter reputatur) est specialiter ab ecclesia prohibitus, nullibi enim invenitur, nec continetur in illis juribus, in quibus dicitur, ecclesiis pollui per effusionem seminis. Nam illa intelliguntur de actu completo, & consummato in illa ratione, & ideo si non pervenit ad seminis effusionem, non polluitur ecclesia, quantumvis præcedant actus turpes ejusdem malitiæ inchoative. Illi ergo non promittuntur specialiter ex vi præcepti ecclesiastici; si ergo sunt sacrilegia graviora, id habent ex vi legis naturalis adversantis illos actus in loco sacro, tanquam indecentissimos sanctitati ejus. In quo genere actus illi reputantur prudenter materia gravis, & sufficiens ad gravem irreverentiam loci sacri. Fortasse tamen non erit idem de tur-

Tactus
impudici
graviores
sunt mor-
talia sa-
crilegia.

pi aspectu, aut nutu, aut levi verbo, maxime quando in transitu, & sine notabili mora, & scandalo fiunt, quia non videntur materia ita gravis. De quo non potest ferri certa regula, sed id prudenti iudicio relinquendum est. Unum autem ex signis non contemnendis est, quando grave generat scandalum, quia licet malitia scandali videatur diversa, & per accidens, tamen indicat propriam malitiam, quando sub illa movetur actus ad scandalum: ita vero in presenti, quia, qui hæc operantur in templo, non solum apprehenduntur, ut luxuriosi, ac leves, sed etiam ut irreligiosi, & in locum sacrum injuriosi, & sub ea ratione graviter offendunt populum; ergo signum est, sub ea etiam ratione graviter offendere Deum, & templum ejus.

Sapientie
fundamē-
tis prioris
sententia.

12 Ad fundamenta prioris sententiæ relatæ in c. 3. quatenus aliqua ex parte doctrinæ datæ repugnant, respondendum est, omnia peccata externa habere aliquo modo repugnantiam cum sanctitate loci, si in ecclesia fiant, & ideo omnia participare aliquam malitiam sacrilegii, hanc vero non esse semper mortiferam, sed aliquando. Regulam autem ad discernendum, quando sit gravis, vel levis materia talis culpæ, non esse solam ecclesiasticam legem, sed etiam prudentem rationem judicantem per legem naturalem, ut in aliis peccatis contingit. Quocirca, cum Cajet. ait, illum actum esse contra sanctitatem loci, qui impedit usum loci, ad quem est institutus, si intelligatur de usu, ad quem destinatur ex vi consecrationis, aut benedictionis, aut in quantum templum est, est aperte falsum: quia templum per se non instituitur, ut sit locus securus rerum in eo existentium, neque ut sit velut asyllum confugientium ad ipsum, sed hæc habet per specialia privilegia, ut de furto tactum est, & de aliis dicemus c. seq. Si vero sub usu, ad quem locus sanctificatur, comprehendantur omnia privilegia specialia jure humano concessa ecclesiis, sic & est impropria locutio, quia non omnia illa pertinent ad proprium finem ecclesiæ, sed ad privilegia illi concessa, vel immunitatem: & petitur principium, seu assumitur, quod probandum erat: supponitur enim ex vi solius sanctificationis ecclesiæ, prout destinatur, & consecratur ad usum sacrificii, orationis, & divini cultus, nullum actum in illa prohiberi, nisi alio speciali jure prohibeatur, & fiat repugnans sanctitati, & fini ejus: vel quod perinde est, nisi abstinencia a tali actu jure humano speciali adjungatur aliquo modo sanctificationi ipsius ecclesiæ. Hoc autem non credimus esse verum, nec a Cajet. aut aliis auctoribus probatum: unde dicimus, aliquid quidem esse posse contrarium sanctitati ecclesiæ isto modo, aliquid vero ex natura rei repugnare cum sanctitate ejus, quatenus illam vilescere facit, quantum est de se, & ideo virtutalem ejus contemptum concludit; sicut enim omnes usus, & contrectatio similis rei sacræ jure naturæ prohibita est. Atque hæc omnia patebunt magis ex his tractat. 3. lib. 3. quæ dicemus de sacrilegio, ubi etiam expediemus questionem supra huc remissam, an eodem modo sentiendum sit de tempore, & loco sacro? nam exhibi dicendis pendet.

C A P U T V I I I.

De multiplici immunitate ecclesiarum, & præsertim quoad tuitionem delinquentium, & quo jure introducta sit.

Duplex
est.

I Mmunitas ecclesiæ, (ut in principio alterius operis de immun. eccl. diximus, & est frequens apud auctores) nihil aliud est, quam exemptio ecclesiæ ab oneribus, vel operibus, aut usibus ejus sanctitati, & libertati repugnantibus. Sicut autem nomen ecclesiæ interdum significat ecclesiam viventem, seu congregationem fidelium, vel totam, vel præcipuam ejus partem, quæ est ecclesiasticarum personarum, interdum vero significat materiale templum; ita etiam immunitas ecclesiæ alia est personarum, vel in seipsis, vel in bonis suis, & de hac diximus in prædicto opere. Alia est immunitas templorum, quam ad hunc locum remissimus, & in tribus præcept. inchoata est; in hoc vero est consummanda, præsertim quoad privilegium, quod habent Christiana templa, ut sint loca refugii ad se confugientium, quæ jam

quasi per antonomasiam retinuit nomen immunitatis ecclesiæ materialis, & ita in sequentibus nomine immunitatis proprie hanc intelligimus.

2 Ulterius considerandum est in hujusmodi ecclesiæ distingui posse & templum ipsum, & bona ad illud pertinentia; habere enim debet dotem suam, quæ ad onera ejus sustentanda sufficiat, & sine illa consecrari nō debet c. *Placuit*, & c. *Nemo*, d. Conf. d. 1. Quæ dos interdatum mansus ecclesiæ in jure appellatur c. 1. de eccl. re. dif. & c. 1. de Cens. ubi id notat, Pan. & Glo. ubi Archid. & alii in c. *Secundum Canonicam* 23. qu. 8. Et solet prætereā ecclesiæ habere prædia, & redditus pro ministris, fabrica, & pauperibus. Quoad hæc ergo bona etiam ecclesiæ gaudet sua immunitate, quia libera est a tributis, & exactionibus, & collectis, c. *Quanto* de Cens. cum similibus. Sed hæc immunitas communis est ecclesiasticis bonis, ut talia sunt: immo proprie non pertinet ad ecclesiā, ut materiale templum est, sed ad clerum illius: quia templum non est capax domini, aut juris, sed clerum, vel communitas ratione templi, seu in ordine ad templum; ideoque de hac immun. vel de prohibitione violationis ejus hic dicendum non est, quia comprehenditur sub immunitate ecclesiasticorum bonorum, de qua in dicto loco dictum est.

Templi;
& bonorū
illius.

3 Unde ad hanc etiam immunitatem pertinet jus, ill. *Uti sine* quod templum ipsum censetur habere, (intelligendum autem est dicto modo) ut integrum, & illæsum conservetur. Sic enim contra ecclesiæ immunitatem esse censetur, ecclesiā infringere, aut suis bonis spoliare, c. *Sacrilegium*, c. *Quisquis*, c. *Qui rapit*, cum aliis 17. q. 4. & c. *Conquesti* de lent. excom. Ubi etiam censura fertur in eos, qui tale sacrilegium contra ecclesias committunt. Quando autem, & quomodo illa incurratur, late a nobis explicatum est in 5. tom. disp. 22. sect. 2. a n. 4. Circa hæc vero jura advertendum est, non solum in eis prohiberi, ne quis ecclesiā infringat, aut spoliat: verum etiam statui, ut ejus confinia, & domus, quæ in illis sunt, eadem securitate, & immunitate gaudeant: ita habetur in c. *Sicut antiquitus* 17. q. 4. Et declaratur, hæc confinia in ecclesia majori extendi per circuitum quadraginta passuum, in minoribus vero ecclesiis per triginta: in d. autem cap. *Quisquis* simpliciter dicitur per triginta passus: & excipiuntur ecclesiæ, quæ sunt intra ambitum murorum castellarum, in quibus propter locorum angustiam non potest hoc observari. Sed inter ipsam ecclesiā, & ea, quæ sunt in confiniis ecclesiæ, magnum est discrimen: nam respectu ecclesiæ prohibitio hæc est juris divini, & naturalis, quia unicuique est jure naturæ debitum, ut nulla vis, nullumve noxamentum ei fiat, & hoc jus omnibus est naturale: convenit ergo etiam ecclesiæ ex ipso jure naturæ, quia, ut dixi, in hoc consideratur ecclesiā, tanquam personam quædam capax sui juris, & domini, sive hoc pertineat ad Deum ipsum immediate, sive ad clerum, sive ad fidelem populum. Violatio ergo hujus juris ex se, & injustitia est, & sacrilegium supposita ecclesiæ sanctificatione: & ideo prohibitum est, quia malum: non malum, quia prohibitum. At vero extensio hujus immunitatis ad confinia per 40. aut 30. vel plures, aut pauciores passus, non sequitur ex natura rei ex vi consecrationis, aut dedicationis ecclesiæ, ut per se notum videtur: sed fuit veluti privilegium quoddam a pontificibus ecclesiæ concessum ad majorem loci sacri venerationem. Quo privilegio stante, sine dubio peccatum mortale est, illud violare, ut bene notant Ang. v. *Immunitas* l. n. 10. & Sylv. eodem v. qu. 2. §. *Sexto*. Estque tale peccatum sacrilegium contra jus positivum: quia ecclesiā dando illud privilegium, reposuit illam materiam in virtute religionis, voluitque abstinencia ab omni violentia intra illa confinia esse signum honoris, & cultus ex necessitate tribuendi ipsæ ecclesiæ. An vero privilegium hoc quoad totam illam distantiam passuum nunc integrum sit, necne, existimo standum esse consuetudini, quæ videtur habere, ut ecclesiā cum suo cœmeterio, cujuscumque magnitudinis sit, de hoc privilegio gaudeat. An etiam hoc intelligendum sit de violentia de se injusta, vel etiam de illa, quæ in alio loco justa esse posset? dicemus infra tractando de securitate confugientium ad ecclesiā.

Uti sine
illa.

Eorumque
confinia.

4 Prætereā ad hanc immunitatem, seu jus ecclesiæ spe-

Et domus
Quoad ju-
dicium.
Ex hispi-
tis.

spectant multa alia sacularia onera, a quibus secundum jura Canonica libera esse debet ecclesia. Nam in primis ad hoc genus immunitatis proprie pertinet, quod in c. 1. de Immun. eccle. statuitur, ut in domibus ecclesiarum saculares ministri placitum non faciant, neque hospitium sibi vendicent, quasi pro consuetudine, quod ad ecclesias extenditur secundum omnes, ut supra retuli. Nam, ut ibid. notavi, ibi non simpliciter prohibentur hi actus, sed usurpatio eorum, quasi proprio jure, gravamen ecclesiis in se, vel in domibus suis imponendo. Atque ita hoc jus pertinet ad immunitatem bonorum ecclesiasticorum, & ita spectat ad ecclesiam, non tam consideratam, ut habet rationem loci sacri, quam, ut habet rationem personæ habentis jus proprium in se, & in bona sua. Cujus signum est, quia aliud jus ad domos ecclesiarum extenditur, quæ domus proprie loca sacra non sunt, licet sint res sacræ eo modo, quo cætera ecclesiastica bona, & ea ratione violatio illius juris sacrilega est, juxta c. *Sacrilegium*, & c. *Quisquis*, 17. q. 4. Et potest dici tale sacrilegium fundatum in injuria contra naturalem legem: nam talis est illa usurpatio, supposito ecclesiarum jure. Unde quoad hæc, eadem ratio est de omni usu ecclesiæ, vel domorum ejus, violento, & sine concessione prælatorum ecclesiæ.

Domus nō
posse ad
usus pro-
fanos as-
sumi.

5 Ultra hoc vero prohibitum est, ut non solum quandiu integra est, & suum usum loci sacri habet, verum etiam, postquam diruta est, ad sæculares usus, vel profanos non convertatur. Ita statuit Hyginus papa de Consec. dist. 1. cap. *Ligna ecclesia dedicata non debent ad aliud opus jungi, nisi ad aliam ecclesiam, vel igne sunt comburenda, vel ad profectum in monasterio fratribus, in laicorum vero usum non debent admitti*: idem in cap. *Ad hæc*, de religiosis domibus. Quæ prohibitio pure ecclesiastica est, ut constat, sed ad religionis virtutem pertinet, ratione jam sæpe declarata. Tamen, si quis recte consideret, hoc privilegium, non spectat ad usum ecclesiæ, ut locus quidam est privilegiatus, sed spectat ad illam, vel quamcumque partem ejus, ut est quædam res sacra, seu aliquomodo sacrata, de qua generalis regula est: *Quæ semel consecrata sunt, non debent ad profanos usus converti*, ut videri potest in regula *Semel*, de reg. jur. in 6. cum Glossa ibi, & c. *Quæ semel*, 19. qu. 3. c. *Altaris*, cum consequentibus de Consec. dist. 1. Et de hoc genere immunitatis nonnulla diximus in 3. tom. 3. p. disp. 81. sect. 8. sub. §. *Quarto addendum*, & videri etiam possunt Sylvest. & Angel. locis supra citatis, & Panor. in d. cap. *Ad hæc*, num. 5. Ex cujus doctrina colligere aliquis potest, quod sicut ligna ecclesiæ dirutæ non possunt converti ad profanos usus, ita nec ligna profanæ domus destructæ possunt ad ecclesiam construendam applicari. Nam dicit, quod sicut ex vestibus sacris scissis non potest fieri vestis profana, nec ex veste alicujus fœminæ potest fieri vestis sacra, juxta Glossam in cap. *Ad nuptiarum*, de Consec. dist. 1. Sed revera utrumque falsum est, quia licet jura prohibeant res sacras converti ad usus profanos, non tamen prohibent, res antea profanas converti, & dedicari ad usum sacrum, dummodo sub debita forma, & modo applicentur, & postea suum statum retineant: immo potius hoc modo non solum bona, sed etiam personæ ex profanis fiunt sacræ. De quo videri possunt, quæ auctores notant in c. *Mancipia*, de verum permur.

Quoad of-
ficium &
usum loci.

6 Ultra hæc omnia habet ecclesia suam peculiarem immunitatem, ut officium, vel usum loci exercere. Ad quam immunitatem generaliter loquendo pertinent fere omnia, quæ in præcedentibus capitibus attingimus. Est enim ecclesia locus specialiter deputatus, & consecratus ad sacrificium Deo offerendum, & ad orationem, & alios actus divini cultus: & ex hac debitum illi est, ut sit immunis ab omni immunditia, & pollutione. Deinde est, ecclesia deputata ad sepulturam fidelium, & ex hac parte debetur illi, ut nec infideles in ea sepeliantur, quia *Nulla participatio fidelis cum infideli* 2. ad Corinth. 6. neque excommunicati majori excommunicatione, quamvis, ut supra dixi, magis fortasse id pertineat ad vim censuræ, quam ad ecclesiæ immunitatem. Id vero aliqui extendunt ad

Ac sepul-
turam.

excommunicationem minorem, ut Archid. in cap. *Sane*, 24. q. 2. quod saltem, quando excommunicatio minor est publica, admittit Turrecremata cum Gulielmo in c. *Nullus*, 13. q. 2. Sed loquitur sine textu, & consequenter sine ratione, quæ in hac materia sumi debet ex jure positivo: & ideo improbabilis mihi videtur illa extensio, quia inter effectus excommunicationis minoris iste communiter non computatur, ut constat ex dictis in 5. tom. dis. 24. sect. 2.

7 Alii vero sunt casus, in quibus jura prohibent, aliquos propter specialia delicta sepeliri in loco sacro, ut propter usuras in cap. *Quia in omnibus* de Usuris, vel propter desperationem occidendo se cap. *Placuit*, 23. qu. 5. & alia, quæ in Turrecr. supra videri possunt, pertinentque, ut dixi, ad rigorem ecclesiasticæ disciplinæ. Ad immunitatem autem ecclesiæ sub quadam generali ratione spectare possunt, nimirum quatenus ad sanctitatem illius loci spectat, ut non nisi fideles, & qui in fide viva decessisse præsumuntur, ibi sepeliantur, ut supra tactum est. Et ita potest intelligi cap. *Nullus*, 13. quæst. 2. cum Glossa. Præcipitur enim ibi, *Ut nullus mortuus in ecclesia sepeliatur, nisi episcopi, aut abbates, aut alibi presbyteri, vel fideles laici*. Multi vero restringunt illam particulam *Fideles*, ad laicos insignis sanctitatis, vel qui etiam fidem miraculorum assecuti sunt, ut videre licet Turrecrem. ibi, & Sylvest. verb. *Immunitas*, 1. num. 7. & Angel. num. 6. Unde inter immunitates ecclesiæ ponunt, ut laici, & fideles regulariter non sint extra ecclesiam sepeliendi, sed in atrio, seu cimiterio. Quod quidem licet in eo textu fundari satis non possit, sumitur ex cap. *Præcipimus*, 13. q. 2. ubi simpliciter prohibetur, ne sepulturæ concedantur intra ecclesiam; & additur, *Secundum instituta majorum*, quo significatur, prohibitionem esse antiquam, & generalem in Concil. Trib. cap. 7. habetur eadem prohibitio. Videtur ergo in rigore juris ita fuisse servandam ad majorem ecclesiarum reverentiam, & munditiam. Jam vero consuetudine receptum est, ut omnes fideles, qui in gratia decessisse præsumuntur, intra ecclesiam sepeliantur. Et potuit etiam ex pietate introduci absque templorum violatione, vel irreverentia: & ita sine peccato fieri potest, ubi talis fuerit consuetudo.

8 Præterea debetur ecclesiæ, & loco sacro, quatenus talis, ut sit separatus ab omni usu profano, quia hoc postulat talis loci sanctitas, atque ita procedunt omnia dicta in capitibus præcedentibus. Ex quibus etiam constat, hanc immunitatem partim connaturalem esse ecclesiæ, ut sacer locus est, id est, jure naturæ debitam, supposita sanctitate loci, partim jure ecclesiastico esse auctam, ut vidimus. Præter hæc vero, quia ad locum spectat continere, & conservare res, quæ in eo locantur, ideo ad dignitatem talis loci pertinet, ut in hoc habeat quasi peculiarem virtutem, vel imminentiam, & ideo omne furtum in ecclesia specialiter prohibitum est, ut supra vidimus: atque ad hanc prærogativam pertinet speciale privilegium, quod habet ecclesia, ut tanquam asylum ad se confugientium.

Non usum
profanum.

9 Dicendum ergo est, concessam esse ecclesiis Christianorum hanc immunitatem, ut delinquentes, qui ad illas confugiunt, per vim extrahi non possint. Ita habetur 17. quæst. 4. cap. *Definivit*, cap. *Miror*, cum tribus sequentibus, cap. *Nullus*, & cap. *Id constitutum*. Item in cap. *Inter alias*, de Immunit. Eccles. De hac vero immunitate in primis dubitari potest, an sit de jure divino, vel tantum de humano? Aliqui enim Juristæ, sicut censent immunitatem personarum, vel bonorum ecclesiasticorum esse de jure divino, ita idem significant de hoc genere immunitatis templorum. Pro qua sententia refert Cavarruvias lib. 2. Var. cap. 20. num. 2. in fin. Joannem Ignem in lege prima in principio, ff. ad Syllanian. num. 26. Et nonnulli argumentum sumunt ex eo, quod in lege veteri templum gaudebat hac immunitate ex divino jure. Hanc vero sententiam sic relata late impugnat Abulens. in cap. 20. Josue, quæstione 7. Breviterque dicendum est, hanc immunitatem non esse de jure di-

Delicta
personarum.

Hoc non
esse de ju-
re divino
naturali.

vino. Hoc pater, quia vel esset de jure divino naturali, vel positivo: neutrum dici potest; ergo. Probat-
ur prior pars minoris, quia non est per se, & intrin-
sece malum, malefactores de templo extrahere per
vim: quia, cum hoc non fiat formali, & directa in-
tentione in contemptum, vel irreverentiam templi,
ut supponendum est, ex vi solius operis, & seclusa
prohibitione positiva, non est irreverentia, aut inju-
ria templi; unde infra videbimus, in casibus non pro-
hibitis hoc fieri posse sine irreverentia templi. Atque
hoc est signum, in casibus prohibitis id esse malum,
quia prohibitum est, & non e converso, ideo esse pro-
hibitum, quia per se est malum. Ratio autem a priori
est, quia actio illa per se justa est, & non est indecens
in tali loco, præsertim quando est necessaria. Nec et-
iam ipse locus ex vi consecrationis suæ habet peculiare
jus ad tuendum confugientes ad se, nisi ei ab aliquo
habente potestatem concedatur: ex solo autem jure
naturæ non invenitur principium, ex quo constet, il-
li esse concessum. Ad summum ergo dicat ratio natu-
ralis, esse consentaneum dignitati illius loci, ut hoc
ei privilegium concedatur. Dices: saltem, postquam
est privilegium concessum, erit contra naturalem ju-
stitiam, & religionem illud infringere. Respondetur
concedendo sequelam: tamen quia illud privilegium
est ex voluntate humana, ideo prohibitio hæc non
est de jure naturali, sed proxime fundatur in jure
positivo.

Objeſtio.

Solvitur.

Hoc unde
positivo.
In lege
veteri.

10. Quod autem hoc jus positivum divinum non sit
proprie, & in rigore, probatur, quia vel est divinum
legis antiquæ, vel legis gratiæ. Primum dici non po-
test: primo quidem, quia, esto fuisset concessum a
Deo antiquo tabernaculo, aut templo, illud jus non
extenderetur ad templa Christiana; tum, quia sunt
diversarum rationum, & privilegium uni concessum
non transfertur ad alia; tum maxime quia illud jus
pertinuerat ad caeremonialem legis veteris, quæ in no-
va non habent vim. Unde ex hoc capite errorem esset
dicere, templa nostra gaudere nunc hoc privilegio in
virtute, & efficacia legis veteris, quia hinc sequeretur,
legem illam non esse mortuam quoad caeremonia-
lia, cum tamen etiam mortifera sit. Addit præterea
Abul. supra, antiquum templum non habuisse hoc pri-
vilegium a Deo; tum quia nullibi legitur in Scriptura
hæc concessio, immo 3. Reg. 2. legimus, Joab jussu
Salomonis occisum fuisse in Sanctuario eo tempore,
quo Salomon creditur Deo placuisse, scilicet in prin-
cipio regni sui: unde factum illud nullibi reprehendi-
tur; tum etiam quia in illo populo assignatæ fue-
runt a Deo alie civitates refugii, quæ sufficientes erant
ad tutelam confugientium: tum denique quia, cum
templum illud tantum esset unum, non poterat esse
sufficiens pro refugio illius populi totius: neque opor-
tuit illud addere ultra omnes civitates refugii, quia
cum omnes ad templum concurrerent gratia sacrificio-
rum, non oportebat illud gravari concursu delinquentium
confugientium ad ipsum, quos in eo diu morari
oportuisset, & ita non possent non pollueri templum
illud, præsertim juxta ritus illius legis: quæ sententia
probabilis est. Alii vero existimant, templum Judeo-
rum non caruisse hac immunitate: nam quod Exod.
21. dicitur: *Constituam tibi locum, in quem fugere de-
beas*, ratione templi dictum esse putant: nam statim
subditur: *Si quis per industriam occiderit proximum
suum, & per insidias, ab altari meo evelles eum, ut
moriatur*. Quæ videtur esse exceptio a regula genera-
li, nimirum ut, qui non per insidias, sed per occa-
sionem hominem occideret, & ad templum confugeret,
ibi esset securus. Idemque servatum fuisse in aliis
casibus, colligi potest ex 3. Reg. 1. ubi Adonias timens
Salomonem, in templum confugit, tanquam ad lo-
cum securum. Quod vero statim cap. 2. de Joab refer-
tur, ideo non fuit contra immunitatem, quia Joab
homicidia per insidias commiserat. Atque ita res vi-
detur incerta, quamvis non videatur improbabilis opi-
nio Abulensis, quia si talis immunitas fuisset templo
concessa, expressius fuisset in lege declarata.

11. Altera vero pars de jure divino positivo legis
gratiæ facile probatur. Primo, quia tale jus neque
scriptum est, neque ab Apostolis traditum, nec enim

talis traditio ex Patribus, aut alia probabili via osten-
di potest. Secundo ex illo principio generali, quod
Christus nullas leges caeremoniales ecclesiæ suæ tribuit,
præter substantiales ritus sacrificii, & sacramentorum:
reliqua enim, quæ ad caeremonias, & sacra perti-
nent, per suos vicarios disponenda reliquit: inter hæc
autem computari potest hæc immunitas. Unde ipsa
met templorum benedictio, & consecratio ab ecclesia
est instituta, modus etiam hujus immunitatis, deter-
minatio ejus, quoad loca, personas, delicta, effectus,
& alia hujusmodi, tota est de ecclesiastico jure, ut vi-
debimus; ergo ipsa etiam immunitas proprie, & im-
mediate solum est de jure eodem. Dico autem *proprie*
& *immediate*; tum quia jus Canonicum solet inter-
dum vocari divinum a jurisperitis: hæc autem im-
munitas proprie est de jure canonico, & ad illud spectat
illam præcipere, & instituere, & quia res spiritualis
est, & ad religionem spectans; tum etiam quia me-
diate, & remore potest dici hæc immunitas manare a
jure Divino, quia potestas ad illam instituendam ab
ipso Christo data est, & ipsamet immunitas est valde
consentanea generali voluntati ipsiusmet Christi, qua
voluit, omnia in ecclesia sua ordinate disponi, &
sancta sancte tractari. Atque his fortasse modis tra-
ctati sunt de jure divino illi juristæ, quos Abulens. al-
legat; dicit tamen, illos præcipue fuisse fundatos in
immunitate sanctuarii, & ideo fortasse vocarunt di-
vinum hoc jus per quamdam imitationem, quod etiam
in jure non est inusitatum. Tamen simpliciter etiam
ipsi Juristæ fatentur, hanc immunitatem esse de jure
ecclesiastico, ut constat ex Abbate, & aliis in dicto
cap. *Inter alia*. Et eandem sententiam optime decla-
rat Covar. supra toto num. 2. ubi erudite hanc insti-
tutionem congruam esse ostendit tam exemplis Scri-
pturæ sacræ, quam multis aliis ex humana historia
desumptis.

12. Secundo interrogari potest, quam sit antiqua Quando
in ecclesia hæc immunitas. Respondeo breviter, ni- in eo cepit.
hil de hoc certo constare: unde probabile est, cum
ipsa templorum solenni dedicatione incepisse, hoc est,
a temporibus Constantini; ab eo enim tempore eccle-
siæ Christianæ publice ædificatæ sunt. Et tamen Na-
zian. & Amb. illius fere ætatis episcopi illam significas-
se videntur: ille orat. 20. hic Epist. 33. alias libro 2.
Epist. 14. Constat etiam tempore Chrysostom. jam
fuisse latam legem pro hac ecclesiarum immunitate:
nam Eutropius contra hanc immunitatem fecit ab
imperatore Arcadio legem statui, contra quam legem
extrat oratio apud Chrysostom. tom. 5. Illa vero lex non
prævaluit, sed statim extincta est, ut refert Nicephor.
lib. 12. cap. 4. Socrates lib. 6. cap. 5. & Prosper de Præ-
dicationibus, & promissionibus Dei, 3. part. cap. 38.
Eandem legem consuetudine observantium supponit
August. Epist. 187. ad Bonifacium. Decreta etiam,
quæ allegavimus, satis antiqua sunt, nimirum Gelasii
primi ante mille centum annos, & Concil. Ilerdensis
cap. 8. fere ejusdem antiquitatis. Item Concil. Aure.
primum in cap. 3. 4. & 5. hanc immunitatem late de-
clarat, & inter alias inquit: *De homicidiis, adulteris,*
& furibus, si ad ecclesiam confugerint, id consti-
tuimus observandum, quod ecclesiastici Canones decre-
verunt, & lex Romana constituit, ut ab ecclesiæ atriis,
vel domo episcopi reos abstrahere omnino non liceat.
Ex quibus verbis satis constat, hanc immunitatem an-
tiquiorem esse illo Concilio, cum tamen illud etiam
fuerit tempore Hormisdæ papæ ante mille centum an-
nos celebratum.

13. Constat etiam ex eisdem verbis non solum jure
canonico, sed etiam civili, hanc immunitatem fuisse
confirmatam. Quod etiam constat ex toto titulo Cod.
de his, qui ad ecclesiam confugiunt. Nam licet so-
lum jus canonicum potuerit hoc jus introducere, &
in rigore non indigeat ad illud introducendum impe-
ratoria, vel regia potestare; nihilominus & principes
illi sæculares potuerunt pro sua pietate hoc privilegio
ecclesiam (ut sic dicam) prævenire, & condecora-
re; & ipsi pontifices, & Concilia ad majorem suæ
legis observantiam voluerunt etiam principum aucto-
ritate juvari. Et ideo Concilium Tolet. 12. cap. 10.
sic dixit: *Prohis, qui quolibet metu, vel terrore ec-*
clesiam

In lege
gratiæ.

ecclesiam appetunt, consentiente pariter gloriosissimo domino nostro Eringio rege, hoc sanctum Concilium definiuit, ut nullus audeat confugientes ad ecclesiam, vel residentes inde vi abstrahere. Et Innocent. III. in dicto cap. Inter alia, statuta Canonum, & traditiones regum allegat.

Unde verisimile est, quod sicut alie immunitates ecclesiasticæ, quamvis auctoritate pontificum fuerint principaliter introductæ, non sine consensu imperatorum fuerunt generaliter stabilitæ non quidem ex necessitate, sed ex suavi ecclesiæ providentia, ut alibi diximus: ita hæc immunitas ecclesiarum, de qua tractamus, eodem modo simul a jure canonico statuente, & adjuvante civili, initium sumpsit. Et ita leges civiles, & canonicæ, quæ hanc immunitatem concedunt, fere ejusdem antiquitatis sunt: quamvis inter eas, quas invenimus scriptas, civiles paulo antiquiores videantur. Utcunque tamen sit, certum est, jus canonicum in hoc puncto majorem habere auctoritatem: immo propriam, & (ut sic dicam) intrinsecam potestatem, quia materia hæc (ut dixi) ecclesiastica proprie est, & canonica, ut recte tradiderunt Gloss. in d. c. *Sicut antiquitus*, l. 7. q. 4. & Gl. in d. cap. *Inter alias*, & ibi Abbas num. 24. & alii multi, quos refert, & sequitur Covarruvias supra num. 3.

C A P U T IX.

Quanam ecclesia propria immunitate gaudeant.

Quæ ec-
clesiæ hac
immuni-
tate gau-
deant o

I Circa hoc, primo dicendum est, ecclesiam auctoritate episcopi fundatam, & consecratam, seu benedictam primo, & principaliter gaudere hac immunitate. Hoc manifestum est ex dictis juribus, & tradunt omnes Doctores citandi, & a fortiori constabit ex dicendis. Solum quæri potest circa hanc assertionem, si in hujusmodi ecclesia nondum sunt celebrata divina mysteria, an gaudeat hac immunitate? sed hæc quæstio in ecclesia proprie consecrata vix locum habet, cum consecratio sine missa esse non debeat c. 2. & c. *De fabrica*, de Consec. d. 1. Nihilominus tamen interdum posset contingere sine missa consecrari, quia missa non est de substantia consecrationis, ut cum Host. & aliis docet Sylvest. verb. *Consecratio*, 2. Tunc ergo dicendum est, talem ecclesiam gaudere privilegio immunitatis. Immo, etiam si proprie consecrata non sit, sed tantum benedicta, jam est religiosus locus, & perpetuo Deo dicatus. Item, est similiter ecclesia in propria, & usitata significatione; ergo jura, quæ hanc immunitatem concedunt ecclesiis, illam comprehendunt: maxime cum favores ecclesiarum extendendi sint. Denique id colligitur ex capite penultimo de immunitate ecclesiæ, ut statim videbimus: nam quæ in sequenti puncto dicemus, hoc a fortiori confirmabunt.

Etiam nō
benedicta

2 Secundo ergo dicendum est, etiam ecclesiam non consecratam, nec benedictam, si obsequiis divinis dedicata sit, & in ea divina mysteria celebrentur, eodem privilegio immunitatis frui. Ita declarat Gregor. 9. in capitul. *Ecclesiæ*, de immunitat. ecclesiæ, quamvis expresse solum loquatur de ecclesia non consecrata: & ideo dubitari possit, an comprehendat ecclesiam non benedictam. Aliqui enim sentiunt, non gaudere, quia simpliciter ecclesia non est, ut Abbas in Rubr. de Consecrat. Ecclesiæ, & Angel. & Sylvest. verb. *Ecclesiæ*. Item, quia ecclesia non benedicta non censetur locus sacer: cujus signum est, quia non poluitur, neque indiget reconciliatione. Sed nihilominus dicendum est, decisionem illius textus extendendam esse etiam ad ecclesiam non benedictam, si habeat alias condiciones in illo textu requisitas. Ita sentit Abbas in dicto cap. *Ecclesiæ*: & clarius in cap. ultim. de Censib. num. 4. ubi dicit, Oratoria, si sint auctoritate episcopi constructa, gaudere hac immunitate: Idem in cap. *Potentibus*, de Privilegiis num. Angel. verb. *Immunitas*, num. 26. Sylvest. verb. *Immunitas*, 5. quæst. 1. in fine, & verbo *Locus religiosa*, quæst. 2. & Gregor. Lopez in L. 4. tit. 1. part. 1. Covar. cum aliis

infra citandis. Colligiturque primo ex ratione textus in dicto cap. penult. seu *Ecclesiæ*, scilicet, quia *Ecclesiæ obsequiis divinis dedicata, nullis est temerariis ausibus profananda*: sed potest esse ecclesia sufficienter dedicata divinis officiis, etiam si benedicta non sit; ergo gaudebit hoc privilegio. Minor pater, si ecclesia sit auctoritate episcopi primum lapidem ponentis dedicata: quia talis ecclesia hoc ipso manet perpetuo dicata divino obsequio, nec potest ad profanos usus converti; ergo juxta rationem Gregor. 9. hoc satis est, ut immunitate gaudeat.

3 Et ita confirmatur optime hæc sententia ex cap. *Ad hæc* de religiosis domibus, ubi de hospitali, & consequenter de omni loco auctoritate pontificis, (id est episcopi) ad sacrum usum destinato, dicitur, ita esse religiosum, ut non possit ad profanos usus converti; ergo & ecclesia sic dedicata est locus religiosus, qui profanari non debet; ergo gaudet dicto privilegio. Præterea talis ecclesia, si fuerit sanguinis, vel seminis effusione polluta, purificanda est, ut constat ex cap. ult. de Consecr. Eccles. unde mirum est, quomodo aliqui moderni oppositum dixerint. Unde in Glossa verb. *Non consecrata* advertit, ecclesiam non consecratam gaudere eodem privilegio, quo consecrata: Et si aliquis (inquit) illuc confugerit, debet ab ecclesia defendi, & hoc ideo, quia locus auctoritate episcopi dedicatus est divino cultui, & quod semel Deo dedicatum est, ad profanos usus redire non debet. Denique talis ecclesia simpliciter venit appellatione ecclesiæ, ut probant dicta jura: & licet Panormitan. dicto cap. *Ecclesiæ*, numero 2. dicat, hoc procedere largo sumpto vocabulo, tamen hoc intelligo intra propriam significationem, cum jura ita loquantur. Et ideo id nihil obstat, quominus hæc immunitas ecclesiis concessa ad has extendatur, quia, ut dixi, hæc privilegia in favorem ecclesiarum extendenda potius sunt, quam limitanda.

4 Atque hinc ulterius hoc ampliatur, ut procedat, etiam si in hujusmodi ecclesia divina officia nondum ceperint celebrari. Ita docet Panormitanus cum Hostiensis, & Cardinal. in dicto cap. *Ecclesiæ*: sequitur etiam Covarruvias supra num. 4. dicitque esse frequentiori Interpretum sententia probatum. Idem Sylvest. verb. *Immunitas*, 1. quæstione 1. Colligiturque ex dicto capitul. *Ad hæc* de religiosis domibus, quatenus statuit, locum auctoritate deputatum ad hospitalitatem esse locum religiosum, & ad profanos usus non amplius convertendum. Ex quo colligunt Doctores, ut infra dicemus, gaudere hac immunitate, cum tamen in illo necessarium non sit divina officia celebrari; ergo a fortiori idem dicendum est de ecclesia auctoritate episcopi deputata, etiam si nondum sit in ea oblatum sacrificium, vel celebratum aliud divinum officium. Præterea talis ecclesia jam est simpliciter ecclesia, quia non incipit esse ecclesia propter sacrificium in ea celebratum, sed potius ideo jam potest in illo loco legitime, & quasi jure ordinario celebrari, quia est vera ecclesia: & quoad hoc dedicatio facta auctoritate episcopi æquiparatur benedictioni; ergo jura concedentia ecclesiis hoc privilegium, hanc comprehendunt: & procedunt alie rationes supra factæ. Tandem favet ratio textus in dicto cap. penultimo de immunitat. ecclesiæ. *Quia divinis officiis dedicata, nullis est temerariis ausibus profananda*. Quæ ratio idem aperte probat de hujusmodi ecclesia.

Et in qua
divina of-
ficia non
sunt ad-
hoc cele-
brata.

5 Objici tamen potest, quia in principio loquitur ille textus de ecclesia, in qua divina officia, & mysteria celebrantur: propter quæ verba Glossa ibi contrarium sentit dicens, ecclesiam, in qua mysteria nondum celebrata sunt, nondum plene dedicata videri divinis obsequiis. Respondetur in primis ad textum, per illa verba non statui, vel postulari illam conditionem, sed solum ab illa nominari, quia ita frequentius accidit; tamen sub illa voce comprehendendi ecclesiam proxime aptam, & sufficientem, ut in ea divina mysteria celebrentur: & hæc fuit intentio pontificis, ut ratione sua declaravit. Neque est novum, ut nomen significans actum usurpetur ad significandam aptitudinem, neque etiam est insinuatum, ut aliud significet nomen, præter id, unde impositum fuit ad significandum.

Satisfit.

dum. Quod autem dicit Gloss. dedicationem non esse consummatam ante celebrationem mysteriorum, falsum est in rigore loquendo, quandoquidem talis ecclesia non potest amplius ad humanos usus converti. Unde etiam est falsum, quod ibidem subdit, ibi non dici committi sacrilegium: quia ille locus est sacer, & religiosus; ergo ex parte sua sufficit ad sacrilegium. Denique repugnare sibi videtur, cum subdit, talem locum, si semine, vel sanguine polluat, expiandum esse, priusquam in eo celebretur; ergo signum est, ibi committi sacrilegium: ergo etiam est signum, locum illum gaudere immunitate. Nam licet multa loca gaudeant hac immunitate, quæ non polluantur, quia non sunt ecclesiæ: nihilominus, si ille locus, de quo tractamus, polluitur, signum est, esse veram ecclesiam, & magis religiosum locum, quam alia, quæ gaudet illo privilegio, licet non sint ecclesiæ. Ergo gaudet hac immunitate ecclesiis concessa.

Interdicta
vel polluta.

Ratio as-
sertionis.

6 Præterea extenditur hæc immunitas ad quamcumque ex dictis ecclesiis, etiam si interdicta sit, vel etiam si fuerit polluta, & nondum sit reconciliata. Ita docent Host. Panormit. & communiter Doctores in dicto cap. *Ecclesiæ*, præsertim quoad priorem partem, & Sylvest. verb. *Immunitas*, 1. q. 1. Et ratio est, quia inter effectus interdicti non ponitur, ut privetur ecclesiæ sua immunitate pro eo tempore, quo interdicta est: nullo enim jure hoc habetur, ut constat ex his, quæ de interdicto suo loco tractavimus in 5. tom. disp. 33. & sequentibus. Interdictum autem non plus operatur, quam jure statutum sit. Neque extendendum est, cum sit pœnale, quod omnibus censuris commune est: & præsertim non est facienda extensio in majus gravamen ecclesiæ. Atque hæc ratio eadem efficacitate procedit in ecclesia polluta, quamvis illa non sit proprie interdicta, nec de illa in particulari Doctores citati loquantur. Convenit enim in hoc pollutio ecclesiæ cum interdicto, quod jure ecclesiastico introducta est, sicut interdictum, & ideo illos habet effectus, quos jus statuit, & non plures. Statuit autem jus, ut ecclesiæ polluta sit impedita quoad divina officia, & sepulturam, non vero, quod privetur sua immunitate. Et ratio optima est, quia ecclesiæ non peccavit, neque in se fuit polluta, id est, privata, & diminuta sua sanctitate, immo semper manet ad celebranda divina mysteria immutabiliter dedicata. Solum ergo, ex institutione juris, dicitur esse polluta in ordine ad publica officia divina, & funera fidelium, ad terrorem fidelium, & ut majorem reverentiam circa talem locum concipiant: propter hoc ergo non debuit ipsa privari suo jure, ac immunitate. Confirmari hoc potest, primo ratione sæpe facta, quod ecclesiæ, licet sit ita polluta, simpliciter est ecclesiæ. Secundo, quia clericus excommunicatus, vel interdictus non privatur immunitate. Terrio, quia talis ecclesiæ non privatur aliis immunitatibus, verbi gratia, ut sit libera a placito, & a mercatu, & ab omni alia contaminatione, tributo, &c. ergo idem est de præsentī immunitate. Neque circa hoc difficultas occurrit.

Immunitas hæc
quoad totam
ecclesiā
sic fabricam.

7 Ampliatur præterea hæc immunitas, ut non solum ecclesiæ quoad internum ambitum suum, sed etiam quoad totam suam fabricam, seu habitationem, aut capacitatem, & quoad externum cœmeterium hoc gaudeat privilegio. Utraque pars communi consensu Doctorum recepta est: nam quoad priorem, omnes constituunt differentiam inter ecclesiā, prout pollui potest, vel prout gaudet hac immunitate. Quia non polluitur per actus, qui sunt vel supra tectum, vel in turri, vel in alio simili loco cum illa conjuncto, & extra illam existente, & ad sacros usus non deputato: At vero quoad hanc immunitatem nomine ecclesiæ omnia ista comprehenduntur. Cujus ratio esse videtur, quia nomine ecclesiæ lata significatione, & in communi modo loquendi usitata, tota hæc fabrica comprehenditur, & favores ampliandi sunt, maxime in causa religionis. Præterea consuetudo, quæ est optima legum interpretes, ita hoc exposuit. Multum præterea favet cap. *Id constituimus*, 17. quæst. 4. dicens, *Observandum esse, quod ecclesiastici Canones decreverunt, & lex Romana constituit, ut ab ecclesiæ atrii, vel domo episcopi eos abstrahere omnino non li-*

ceat: ergo multo minus licet abstrahere de habitaculis, seu locis ipsiusmet ecclesiæ. Expressius vero id habetur in c. *Si quis contumax*, eadem causa, & q. ibi *De atrio ecclesiæ, vel de porticibus, quolibet modo ecclesiæ adherentibus*: ubi Glossa in confirmationem adducit, quod etiam juxta civile jus: *Quæ religiosæ adherent religiosæ sunt*. L. *Quæ religiosæ*, ff. de rei vindicat.

8 Arque ex his juribus, & ex cap. ultim. de Immunit. Eccles. satis probata relinquitur altera pars de cœmeterio, quod secundum jus antiquum (ut supra notavimus) extenditur, ad ambitum quadraginta passuum pro majoribus ecclesiis, & triginta pro minoribus, in illarum circuitu, ex cap. *Si antiquitas*, & cap. *Definitur*, cum aliis 7. quæstion. 4. Sed, ut dixi, in hoc standum est consuetudini, & in unaquaque ecclesiā illud spatium pro cœmeterio habendum est, quod vel est benedictum, vel pro loco sacro ab episcopo deputatum. De quo videri potest Panorm. dicto cap. *Ecclesiæ*, num. 10. & latius Covarr. dicto cap. 20. num. 5. Unde colligunt Doctores, eum, qui confugiendo ad ecclesiā, portæ clausæ adheret, & vestem manu tenet, seu ansam, quia ingredi non potest, gaudere hac immunitate. Ita Covarr. dicto cap. 20. num. 18. cum Joan Igneo in leg. 1. ff. ad Syllan. num. 57. Ratio reddi potest; quia, licet ille non sit intra ecclesiā, est in illa magis, quam si esset in cœmeterio, & ordinarie est intra concavum ipsius parietis ecclesiæ: & ita est intra spatium ejus non minus, quam si esset in superiori cubiculo. Sed quid, si quis supra tectum ecclesiæ sit, & super regulas? Hoc non invenio in specie interrogatum a Doctoribus: videri autem potest non gaudere, quia non est in ecclesiā, tanquam in loco, nec muris ejus ullo modo continetur, sed est in aere. Nihilominus probabilius est gaudere: tum quia privilegia ecclesiæ amplianda sunt: tum etiam quia ille revera est in ecclesiā, quia ibi dicitur aliquis esse proprie, ubi pedes habet, licet a tali corpore non circumdetur: sicut corpora Sanctorum erunt in cœlo, quia pedibus calcabant superficiem convexam cœli, licet a corpore cœlesti non circumdentur: tum præterea quia etiam illæ regulæ religiosæ sunt, juxta illam regulam: Quæ religiosæ adherent, religiosæ sunt: & ideo qui adheret regulis, non potest ab illis religiose evelli. Tum denique quia, licet ille homo tunc non sit intra ecclesiā, est intra situm ecclesiæ, & adheret illi: gaudet ergo immunitate non minus, quam qui est in camera superiori ille enim non tam videtur gaudere propter muros, quibus circumdatur, vel propter tectum, quo regitur, quam quia est supra ipsam ecclesiā, & intra situm ejus.

9 Denique extenditur hæc immunitas ad alia loca, quæ in jure religiosa censentur, ut est hospitale auctoritate episcopi dedicatum, juxta cap. *Ad hæc*, de religiosis domibus, estque communiter receptum per Innocent. Panormit. & alios in dicto cap. *Ecclesiæ*, & plures refert Covarr. supra num. 4. Idem est de monasteriis religiosorum quoad totum claustrum, monasterium, seu habitationem eorum, quia totus ille locus religiosus, & sacer est, ut constat ex toto titulo de religiosis domibus: & optime probatur ex capit. *Ligna*, de Consecrat. distinctione 1. atque hoc etiam consuetudo confirmat. Denique addunt Doctores, etiam domum episcopi hac gaudere immunitate, quod expresse habetur in dicto cap. *Id constituimus*. Nonnulli tamen voluerunt illud restringere, ut intelligatur, quando domus episcopi intra quadraginta passus ecclesiæ suæ sita est. Sed hoc juxta antiquum jus nullum fuisse privilegium episcopi, illud autem decretum aliquid speciale illi concedere voluit. Item non est, cur favorem limitemus sine fundamento in textu: igitur, ubicunque situm sit palatium episcopi, hoc gaudet privilegio. Et ita sensit Glossa ibi, & Abbas supra num. 9. Covarruvias vero dicto numero 5. §. *Quinto* dicit, priorem limitationem esse forensi consuetudine receptam: quod si ita est, illi standum erit, quia talis consuetudo non est expresse contra jus Canonicum.

Et cœmeterium.

Hospitale

Nea quo-
ad otato-
ria privae
ta.

10 Ultimo addendum est in hoc puncto, oratoria privata non gaudere hac immunitate. Ita docent Innocentius cap. *Inter dilectos* de Donationibus, & Abbas in capit. ultim. de Censib. num. 4. Silvester locis citatis, & verb. *Interdictum* 6. quæst. 5. Armilla verb. *Immunitas* num. 19. & Julius Clar. lib. 5. ultim. quæstione trigesima, num. 7. Et ratio est, quia hujusmodi oratorium non est ecclesia, simpliciter loquendo juxta modum juris. Immo neque est religiosus: nam privata auctoritate erectus est, & eadem potest ad profanos usus converti: utrumque autem repugnat loco religioso, & sacro strictè, ac proprie sumpto. Dicitur autem oratorium privatum, quod auctoritate episcopi dicatum non est, ut omnes colligunt ex capit. *Adhæc*, de Religios. domibus. Glossa in Clement. *Quia contingit*, de Religios. domib. Neque sufficit, ut de licentia episcopi possit in eo sacrum celebrari, quia per hoc non manet locus ille immutabiliter deputatus ad sacra ministeria. Quomodo autem constare debeat oratorium, seu capellam esse publicam, & auctoritate episcopi dicatam, ut hac gaudeat immunitate, tractant Doctores in cap. *Patentibus* de privilegiis, & Summistæ in verb. *Ecclesia*, & verb. *Locus sacra*, qui videri possunt, nam res est facilis, & magis pertinet ad externum forum, quam ad nos, multumque ex consuetudine pendet. Tandem non omittam adnotare, Hostiensem extendere hanc immunitatem ad sacerdotem eucharistiam deferentem per plateas, & ad thronum, seu tabernaculum, in quo idem corpus Domini defertur, ita ut, si reus fugiens illud amplexetur, capi non possit. Quod sequitur Turrec. in cap. *Quasitum* 13. quæst. 2. & Silvest. num. 1. in fine, & multi alii, quos refert Covarru. num. 5. qui non jure, sed pia quadam consideratione fundantur, & ideo ipse dubius est: Glossa vero in dicto cap. *Quasitum* 13. quæst. 2. oppositum tenet, quia privilegia non debent trahi per consequentiam. Sed certe consequentia, quæ hic fit, valde probabilis est, quia corpus Christi est fundamentum hujus immunitatis. Præterquam quod videtur hoc pertinere ad reverentiam jure divino debitam corpori Christi. Denique nomen ecclesiæ non absurde extenditur ad locum illum, in quo actu est (quamvis in transitu) corpus Christi, & ideo communem sententiam servandam in praxi censeo.

C A P U T X.

Quæ personæ gaudeant propria ecclesiarum immunitate.

1 **D**iximus de amplitudine hujus privilegii ex parte locorum sacrorum, dicendum consequenter est de illius extensione, seu latitudine ex parte personarum. Primo ergo certum est, omnes fideles baptizatos gaudere hoc privilegio. Ita docent omnes: & sumitur ex citatis juribus, quæ indefinire, & sine limitatione loquuntur. At vero indefinita locutio in lege prolata æquivalet universali, quia non licet nobis excipere, ubi distinguere sine auctoritate, vel ratione cogente, ubi lex indistincte loquitur. Eo vel maxime, quod cum hæc lex prohibitionem contineat, includit negationem, quæ distribuit, & universalem reddit sermonem. Hinc ergo fit, ut hac immunitate gaudeant non solum homines liberi, sed etiam servi, si fideles, & baptizati sint, exceptis casibus, in quibus illa negatur, de quibus infra dicemus. Atque ita colligitur ex dicto cap. *Si quis contumax*, 17. q. 4. ex cap. *Inter alia*.

2 Additur vero ibi specialiter de servo confugiente ad ecclesiam ex timore domini, compellendum esse redire ad dominum, postquam dominus de servi impunitate clericis juramentum præstiterit: in quo puncto considero, servo non solum concedi immunitatem respectu judicis, si delictum commisit, propter quod possit publice puniri, sed etiam respectu domini, si solum ita deliquit, ut privatim ab eo puniri possit. Quoad primam ergo immunitatem nulla ibi fit distinctio inter liberum, & servum, & ita æqualiter illa gaudent, ut ibi bene notavit Panorm. num. 23. in fi-

ne, *Quia*, ut ait, *non est acceptio personarum apud Deum*: servus autem respectu judicis tanquam liber comparatur, & conditio servi accidentaria omnino est. Secus vero respectu domini, quia dominium illius habet, & jus ad opera illius, ut notatur in l. ultim. circa finem, Cod. de his, qui ad ecclesiam confugiunt. Unde sumitur etiam argumentum ab speciali: nam cum ille textus solum respectu domini addat dictam limitationem, in aliis nullam admittit. Circa limitationem vero ipsam addit aliam Panormitanus cum Cyno, nisi servus fugiat propter magnam atrocitatem domini, quia non est exponendus tunc tam gravi periculo: & idem fortasse est, quoties prudenter timetur morale periculum de gravi nocumento servi, non obstante juramento. Tunc enim aut cogendus est dominus majorem cautionem adhibere, vel certe servum vendere, ut Panormitanus ait. Additur vero in l. *Si servus*. Cod. de his, qui ad ecclesiam confugiunt, si servus armatus in ecclesiam irruat, statim extrahendum esse, vel domino liberam concedi facultatem illum extrahendi. Verumtamen Angel. verb. *Immunitas*, num. 12. hoc etiam intelligit cum cautione juris canonici, scilicet, promissa impunitate. Quod intelligo, esse verum ex vi talis conditionis personæ, scilicet, quod sit servus: secus vero erit ratione delicti, si ita irruat armatus in ecclesiam, ut in ipsa delinquat: quod aliis etiam commune est, ut infra videbimus.

3 Secundo colligitur ex dictis, fidelem gaudere hoc privilegio, etiam si excommunicatus sit. Ita docet Covar. dicto cap. 20. num. 11. in principio cum Hostiens. in Sum. tit. de immunitate, & aliis pluribus, quos refert dicens, esse communem sententiam: & ratio ejus est, quia hæc immunitas ecclesiis, non delinquentibus concessa est: unde tacite inferri, non esse vim inferendam ecclesiæ, etiam si delinquens excommunicatus sit. Oportet vero addere, esse concessam ecclesiæ hanc immunitatem cum generali prohibitione, quæ comprehendit etiam excommunicatos, cum non excipiantur. Item hic habet locum ratio supra tacta, quod excommunicatio non habet alios effectus, nisi quos jus declaravit; nullo autem jure statutum est, ut excommunicatus non possit habere tutelam in ecclesia; ergo non obstante excommunicatione inde extrahi non potest. Unde sequitur, idem a fortiori dicendum esse de interdicto, quia gravior est censura excommunicationis, & magis privat participatione divinorum: item quia nullibi ponitur hic effectus inter effectus interdicti: item, quia ecclesia interdicta gaudet sua immunitate; ergo ecclesia non interdicta gaudebit illa respectu personæ interdictæ.

4 Huic vero contrarium docuit Felin. in cap. *Anobis*, de Exceptionibus, num. 5. Loquitur tamen specialiter de illo, qui interdictus est ab ingressu ecclesiæ, & adducit cap. *Quia frustra*, de Usur. ubi dicitur: *Frustralegis auxilium invocare, qui committit in legem*. Interdictus autem ab ingressu ecclesiæ in eam delinquit, ingrediendo; ergo non potest illa protegi, ac defendi. Item, quia interdictus ab ingressu ecclesiæ, non potest in ea sepeliri, cap. *Scimus*, de Sent. excom. in 6. Et pro hac sententia citat Covar. Summam confessorum titulo de immunitate ecclesiæ, quæst. 5. Ipse vero horum auctorum sententiam reprobatur: unde sentit, etiam personale interdictum prohibens expresse ingressum ecclesiæ non excludere effectum hujus immunitatis. Quod mihi etiam placet propter rationes factas, & quia ille tunc fugiens ad ecclesiam necessitate compulsus non censetur facere contra suum interdictum, non enim contemnit ecclesiam, nec prohibitio illa videtur obligare cum tanto rigore: præsertim cum non ingrediatur ecclesiam in ordine ad actus religionis, vel cultus, quo sensu videtur maxime prohiberi ille ingressus. Et ideo non censetur violare tale interdictum, qui per ecclesiam transit, neque etiam, qui in eam se recipit, ut a pluvia v. g. & ab injuriis temporum se defendat, maxime si alibi non possit. Et ita cessant rationes Felin.

5 Dixi autem in assertione, laicos frui hoc beneficio, quia de clericis est controversia: aliqui enim existimant, eis valere immunitatem: ita Innocent. dicto

Fidelis
excom.
n. oia
tus
hoc habet
privile-
gium.

Idem di-
cendum
de inter-
dicto.

Quid si
servus do-
minum ti-
mens ad
ecclesiam
fugiat?

An clerici
hac ga-
uant be-
neficio.

dicto cap. *Inter alia*, & ibi Cardinalis quæstio. Romanus, & alii apud Covarruviam. Et sane ratio a nobis pro assertione facta hoc etiam probare videtur, quia jura, quæ de hac immunitate loquuntur, non de solis laicis, sed generaliter de omnibus tractant, scilicet, de liberis, servis, dicto cap. *Inter alia*. Clerici autem maxime liberi sunt, item de reis in dicto cap. *Id constituimus*, vel de confugientibus ad ecclesiam, cap. *De finivit*. Maxime vero videtur urgere cap. *Nullus clericorum*, 17. quæst. 4. ubi dicitur: *Nullus clericorum servum, aut discipulum suum fugientem ad ecclesiam extrahere audiat, vel flagellare presumat*; ergo multo minus potest clericus inde extrahi, ut puniatur.

Pars negativa approbatur.

6 Nihilominus contrariam sententiam tenet Panorm. in dicto cap. *Inter alia*, num. 13. quamvis fateatur, se non reperisse textum, ubi hoc provideatur: allegat tamen Glossam in dicto cap. *Nullus*, quæ sentire videtur, prælatus ecclesiasticum non peccare, extrahendo clericum ab ecclesia, si id non faciat ex odio, sed zelo disciplinæ. Et hanc opinionem sequitur Angelus num. 14. & Sylvest. quæst. 3. §. *Tertium*, & Covarruv. dicto cap. 20. num. 16. & Remigius de Conny tract. de Immun. Fallentia 21. & Nav. in Man. cap. 25. num. 21. & 22. Julius Clar. d. §. finali, quæst. 30. & alii moderni. Qui etiam referunt, ita esse usu receptum. Ratione etiam declaratur ab incommodo ex Sylvest. supra: nam alias religiosi nunquam possent incarcerari, quia semper sunt in monasterio, quod totum est locus immunitatis, ut supra dictum est: consequens autem est plane absurdum, ut per se constet. Item major est immunitas personalis clericis, ut sic dicam, quæ illi conceditur ratione suæ consecrationis, quam illa, quæ provenire potest ex circumstantia loci, sed prior non impedit, quominus a suo prælato possit clericus incarcerari, & corporaliter puniri intra ecclesiasticos limites cap. *Universitatis*, de Sent. excom. ergo nec locus sacer impedit. Item ecclesiasticum judicium censetur magis medicinale, quam vindicativum, & spirituale potius, quam temporale, & ideo tale judicium intra ecclesiam fieri non prohibetur; ergo nec prohibebitur fieri circa personam clericis, extrahendo illum ab ecclesia.

Limitatur superior conclusio.

7 Hæc ergo sententia probanda est, limitanda vero (ut bene dicit Navarra) ut procedat de clericis respectu ecclesiastici judicis. Nam in eo casu, in quo secularis iudex potest manus injicere in clericum v.g. minorem non beneficiatum, neque tonsuram, & habitum gestantem, (juxta Trident. sess. 23. cap. 6.) non potest illum ab ecclesia extrahere, quia tunc reputatur, ut laicus, & non debet esse peioris conditionis quam ille. Aliam præterea limitationem addidit Bernardus Diez in Practica cap. 115. alias 123. Nisi delictum clericis dignum sit depositione, & traditione curiæ seculari, quia tunc, inquit, iudex ecclesiasticus, vel non debet illum extrahere, vel si extrahat, non debet illum brachio seculari tradere. Covar. autem considerat, limitationem non esse necessariam, quia quando delictum est tam atrox, ecclesia non defendit clericum, quominus a suo iudice tradi possit brachio seculari. Et hoc mihi placet, quodcumque delictum hujusmodi fuerit. Si vero detur delictum, quod non excipitur ab ecclesiæ tuitione, & nihilominus propter illud, & propter incorrigibilitatem in illo, potest clericus tradi brachio seculari, tunc merito habere debet locum limitatio Bernardi, quia non debet esse peioris conditionis clericus, quam laicus. An vero dari possit hujusmodi delictum, in sequentibus attingemus, quamvis hoc magis ad jurisperitos pertineat.

Respondetur fundamentum oppositæ sententiæ.

8 Ad fundamentum autem contrariæ sententiæ dicendum est: licet Canones expresse non limitent ad laicos, tamen consuetudinem ipsam ita illos declarasse, est enim optima legum interpretis. Addit Panormitan. ex ipsis juribus posse colligi, loqui de iudicibus secularibus: nam in dicto cap. *Inter alia*, statim additur: *Nec inde debet damnari ad mortem, vel ad penam, sed rectores ecclesiarum sibi obtinere debent membra, & vitam*. Ubi cum rectores ecclesiarum distinguantur a iudicibus, & illis committatur defensio per-

sonæ, non iudicii, indicari videtur immunitatem concedi adversus iudices seculares, & eorum punitionem. Unde obiter colligo, etiam laicas personas in his, in quibus possunt ab ecclesiasticis iudicibus corripi, non posse tueri adversus illos protectione ecclesiæ, quia hæc immunitas ecclesiæ non conceditur adversus ipsam ecclesiam, seu potestatem ejus.

9 Denique dixi, *Laicum fidelem*, &c. quia de infidelibus etiam est controversia. Quod enim etiam illis valeat hæc immunitas, docuit Glossa in dicto cap. *Inter alia*, verb. *Extrahendus*, addit enim, *etiam Judæus*, quam ibi sequuntur Host. Joann. Andr. & Tirrael. tract. de Primog. quæst. 66. num. 8. & plures alii per eum relati, & per Covarruviam supra num. 11. Potestque confirmari ratione supra facta, quia jura generalem regulam constituunt, & non nominant fideles, vel Christianos, sed simpliciter omnes reos, vel ad ecclesiam confugientes; ergo non est limitandus favor, præsertim, quia non fit ipsis reis, vel infidelibus, sed ecclesiæ. Item quia ecclesia humanitatem exercet etiam cum infidelibus in his, quæ pertinent ad vitæ conservationem, vel defensionem, quando illa indigent. Nihilominus contrariam sententiam tenet Glossa in leg. 1. Cod. de his, qui ad ecclesias confugiunt, quam veriores existimant Abbas dicto cap. *Inter alia*, num. 6. & plures alii, quos refert, & sequitur Covar. dicto num. 11. qui solum hoc probat, quia non est par, ab ecclesia defendi eum, qui ejus gremio, tutelæ, & fidei committere se ipsum recusat: quæ ratio profecto non multum convincit, si, quæ diximus pro contraria sententia, expendantur, præsertim quia etiam dicere quis posset, non esse par, ut ecclesia defendat iniquum, & homicidam. Sicut ergo de illo dicimus, hic non tam considerari beneficium personæ, quam loci sanctitatem, neque ecclesiam defendere iniquitatem hominis, sed vitam, ita etiam dici potest de infideli. Et præterea cum hoc pendeat ex jure positivo, illa opinio præferenda videtur, cui verba legis magis favent.

10 In jure ergo canonico nihil invenio, quo possit hæc posterior opinio probari: nam verba Canonum generaliter, & indifferenter loquuntur, & in hoc magis favent priori sententiæ. Potest autem aliquis dicere, Canones loqui juxta subjectam materiam de hominibus, & personis, quæ sunt sub ecclesiæ jurisdictione: *Nam de his, quæ foris sunt, nihil ad nos*; & ideo ex materia subjecta verba limitari ad fideles, etiam si in ipsis verbis limitatio non addatur, quæ ratio probabilis est, rem tamen relinquit satis dubiam. Et ideo ulterius considero, circa hanc immunitatem leges civiles, quæ canonicis non repugnant, vim, & efficaciam habere: nam in dicto cap. *Inter alia*, aperte dicitur: *Juxta statuta Canonum, & traditiones legum civilium, &c.* Si ergo jus civile aliquid in hoc statuit, observandum est. At vero in leg. 1. Cod. de his, qui ad ecclesiam confugiunt, de Judæis, qui simulant se Christianæ legi velle conjungi, dicitur, ut ad ecclesiam fugientes non defendantur, quod a paritate rationis de Pagano, vel Sarraceno similiter procedit. Unde sumitur argumentum a contrario, quod si non simulato animo, sed ex corde baptizari petat, ab ecclesia defendendus est. Non enim sine causa addita est illa restrictio, *qui simulat se, &c.* Quia vero simulatio, aut veritas non potest iudicibus clare constare, ad præsumptionem necessario recurrendum est.

11 Aut vero infidelis confugiens ad ecclesiam petit baptismum, vel non: si non petit, credo, non gaudere, ut supponit secunda opinio, & expresse notat Angel. num. 13. quicquid Sylvest. contradicat, solum quia jura canonica sine restrictione loquuntur. Sed cum Innocentius III. adjungat legem civilem, optimus summus in hac parte jus canonicum per civile interpretari (præter aliam conjecturam, & responsionem superius datam) in dicta autem lege evidenter supponitur, infidelem non petentem baptismum non gaudere hoc beneficio. Nam si is, qui simulate petit, non gaudet, ut ibi statuitur, multo minus qui non petit. De illo autem, qui petit, ulterius distinguo:

An infideles hæc gaudeant immunitate.

Sententia Auctoris.

quo: nam vel ante commissum delictum, & conceptum iudicis timorem voluntatem ostenderat conversionis suæ, vel solum post fugam ad ecclesiam baptismum petit, ut defendatur. In priori casu profecto probabilior est prima opinio: quia nulla ratio tunc est præsumendi simulationem, & ita multum faveat dicta lex. Neque tunc habet locum responsio Glossæ, scilicet, verba illa solum denotare frequentiam, quia etiam verum non est, in huiusmodi hominibus frequentius reperiri simulationem. Accedit, quod ille tunc aliquo modo erat fidelis ante delictum, quia erat quasi catechumenus, & animo jam fidem conceperat: item tunc cessat conjectura alterius sententiæ, maxime enim par est, ut ecclesia huiusmodi hominem defendat. Et huiusmodi casus contingere potest frequenter in captivis servis, & aliis infidelibus, qui inter nos versantur.

12 At vero quando infidelis solum post delictum, & fugam ad ecclesiam incipit ostendere voluntatem fidei, magna est præsumptio, quod simulate petit: nam, ut Panormitanus ait, est præsumptio juris, & de jure, contra quam non admittitur probatio: quod autem illa præsumptio sit non tantum juris, sed etiam de jure solum probat ex illa lege, quia ratione huius præsumptionis statuit, ut isti infideles non defendantur ab ecclesia, donec debita solvant, vel innocentiam probent. Verum tamen si attente consideretur lex illa, non dicit, ut non defendantur, sed ut non suscipiantur, scilicet ad baptismum, donec, & cæ. nam post solutionem debitorum, vel probatam innocentiam, parum indigerent ecclesiæ immunitate: unde quoad illam parrem lex illa nullius momenti est, quia disponit in materia aliena: hoc enim iudicium pertinet ad ecclesiam. Prius tamen dicit, ut isti arceantur, utique ab ecclesia: sed hoc non generaliter statuit, sed cum illa limitatione, *Qui simulant se, & cæ.* Et ideo non videtur ita statuere, ut inducat præsumptionem de jure. Ideoque probabilior est opinio prioris opinionem; quam etiam sequuntur Angelus, & Sylvester cum communi canonistarum. Potest enim ecclesia huiusmodi ad se confugientem, & petentem baptismum protegere, donec examinet, an vere, vel simulate petat: atque ita admittere probationem contra præsumptionem. Quod si ecclesia iudicaverit, illam non esse simulationem, sed veram voluntatem ea occasione a Deo inspiratam, ut sæpe accidit, sicut potest illum hominem baptizare, ita & vel declarare, vel efficere, ut immunitate gaudeat. Si vero præsumptio purgari non potest, tunc procedet secunda opinio juxta prædictam legem.

13 Sed quid de Hæreticis? illi enim licet sint infideles, sunt tamen baptizati, & ex hac parte videntur melioris conditionis, quam alii infideles. Aliunde vero non invenitur propter hæresim illis imposita hæc pœna, ut hac immunitate ecclesiæ non gaudeant. In contrarium vero est, quia omnino sunt indigni tali favore. Propter quod Covarr. sup. num. 11. §. Decimo quarta, negat, hæreticum gaudere hoc beneficio: citat Villadieg. tract. de Hæret. q. 11. num. 15. & alios. Sylvest. autem *Immunitas* 3. quæst. 3. §. Secundum, dicit etiam hæreticum gaudere hac immunitate, quantum ad alia maleficia ab hæresi. Itaque certum est pro ipsa hæresi non gaudere, tum propter atrocitatem criminis, ut infra dicemus; tum quia illa causa est ecclesiastica: supra autem diximus, immunitatem hanc contra ecclesiasticum iudicem non valere. De aliis vero criminibus probabilis videtur Sylvestri opinio, quia non habemus fundamentum ad excipiendam personam, ubi crimen non est exceptum.

CAPUT XI.

In quibus causis valeat templorum
Immunitas.

1 PRimum distinguenda est duplex causa, civilis, & criminalis. De civili res est minus certa: multi enim negarunt, gaudere beneficio immunitatis eum, qui propter debita ad ecclesiam confugit. Ita sen-

sit Jason in leg. *Vinum*, ff. Si certum petatur, num. 5. ductus plane argumento levi, scilicet, quod in die festo potest capi debitor; ergo in loco sacro, quia a tempore ad locum valet argumentum, sicut etiam e converso. Sed certe non valet in omnibus præsertim in his, quæ a jure positivo pendent. Estque evidens in eadem materia: nam etiam malefactor capi potest, & incarcerari in die festo, non autem in loco sacro. Melius argumentum sumitur ex verbis jurium: nam in capitul. *Id constituimus*, dicitur, Canones, & leges statuisse: *Ut non liceat ab ecclesiis reos abstrahere*, debitorum autem non sunt proprie rei. Et infra de servo dicitur: *Si confugerit pro qualibet culpa*, non ergo pro debito. Deinde dictum capit. *Inter alia*, sic inquit: *Si liber quantumcunque gravia maleficia perpetraverit, & cæ.* Loquitur ergo tantum in causis criminalibus. Congruentia etiam addi potest, quia jura solum intendunt, hominem defendere a pœna, ut ex eodem capit. *Inter alia*, colligitur, non ergo intendunt privare creditorem jure suo, nam hac ratione statuunt, ut servus reddatur domino, promissa cautione de impunitate, quæ in debitore non est necessaria, quia clarum est, non posse creditorem illum punire.

2 Propter quam rationem alii distinctione utuntur, scilicet, ecclesiam valere confugienti ad illam propter debita in ordine ad iudicem, scilicet, ut extrahi non possit, ut incarceretur, vel aliter in persona sua cogatur ad solutionem, concessa tamen in hoc securitate, posse cogi, ut exeat ad solvendam eo modo, quo possit, scilicet tradendo creditori bona, quæ habet, vel quæ secum ad ecclesiam detulerit, vel certe suis operibus serviendo, aut lucrando creditori, ut aliquorum regnorum jura disponunt. Ita tenuit Oldradus consil. 54. & approbat Panormitanus dicto capitul. *Inter alia*, numero vigesimo secundo. Et plures alios pro hac sententia refert Covarruvias supra num. 14. Et fundamentum est, quia ecclesia non vult per hanc immunitatem juri alterius derogare, sed solum confugientem a pœna, vi, & coactione defendere.

3 Nihilominus simpliciter alii affirmant, immunitatem hanc habere locum in causis civilibus, ita ut qui propter debita ad ecclesiam confugit, tutus omnino esse debeat. Ita tenet Covarruvias dicto numero 14. §. Sed profecto, cum aliis, quos refert: & videtur aperte probari ex lege 1. Cod. de his, qui ad ecclesiam confugiunt, ibi: *Ut ad ecclesiam confugientes evitare possint crimina, vel pondera debitorum.* Et in leg. ultim. §. Cum autem, ibi, in publico, privatove contrahat actione civili, & cæ. quæ late persequitur imperator, declarando modum, quo causa illius tractanda est, qui propter debita ad ecclesiam confugit. Cum ergo lex canonica in hoc non repugnet, juxta legem civilem, quam ipsa allegat, & approbat, erit interpretanda. Unde cum in capitul. *Id constituimus*, 17. quæst. 4. dicitur observandum esse, quod ecclesiastici Canones decreverunt, & lex Romana constituit, ut ab ecclesiis reos abstrahere non liceat: non oportet hoc limitare ad reos de Criminibus, sed late intelligere, prout reus in iudicio appellatur, qui provocatur, & postulatur ad causam, sive civiliter, sive criminaliter agatur. Et ita etiam favent alii Canones, qui universaliter loquuntur de confugientibus ad ecclesiam, ut supra visum est. Alioquin vero hoc limitant, nisi quis sit obnoxius publicis tributis, propter Authenticam, de mandatis principum, §. Publicorum. Verum tamen non est admittenda exceptio, quia præjudicat immunitati ecclesiæ per Canones concessæ, ut dixit Abbas supra num. 24. quem sequuntur Sylvest. dicta quæst. 3. §. Sextum, & Covarr. supra, qui alios refert. Aliæ præterea limitationes adhibentur, quæ nobis non videntur necessariæ, sed de illis legi potest Covarr. supra.

4 De criminalibus causis regula generalis est, propter nullum crimen posse reum ab ecclesia violenter extrahi, nisi tantum in casibus in jure exceptis, vel æquivalenti consuetudine. Ita docent Doctores omnes, & est manifestum ex juribus citatis: nam & generalem regulam constituunt, & exceptionem addunt, quæ vim etiam habet firmandi regulam in contrarium. Igitur in dict. cap. *Inter alia*, additur exceptio, nisi publi-

Hanc immunitatem habet locus cum in causis civilibus.

Regula in causis criminalibus

Quid de Hæreticis dicendum.

In quibus causis pro sit confugere ad ecclesiam.

Fures non
habent
hoc privi-
legium.

*publicus latro fuerit, vel nocturnus depopulator agro-
rum, &c.* Atque ira de his duobus delictis nulla est dif-
ficultas. Addit vero Covarr. consuetudine receptum
esse, ut fures etiam simplices non gaudeant templo-
rum immunitate, & hanc consuetudinem introdu-
ctam esse, videntibus, & consentientibus clericis,
& pastoribus ecclesiarum: quod si ita est (ut plane esse vi-
detur) dicendum est, exceptionem hanc auctam esse per
talem consuetudinem, neque dici posse, illam esse con-
tra immunitatem ecclesiarum, quia non censetur intro-
ducta nisi ex beneplacito ipsius ecclesiarum, & in odium
delicti, non in diminutionem reverentiarum ecclesiarum
debitarum.

Illatio
aliquorum
improbabilis
est.

5 Ex hac vero exceptione inferunt aliqui, exci-
piendum esse quodcumque crimen aequale grave latroci-
nio publico, vel nocturnae depopulationi. Sed hoc
improbabile est, ut omnes Doctores statim citandi an-
notant, quia dictum est. *Inter alia*, prius dicit: *Quan-
tumcunque gravia maleficia perpetraverint*: & deinde
addit in particulari duas illas exceptiones; ergo non
licet ad alia omnia crimina eque gravia illas extendere:
alias non esset exceptio, sed destructio regulæ. Item
in cap. ultim. de Immunit. Ecclesiarum specialiter excipitur
homicidium factum in ecclesia; ergo supponitur, si
extra ecclesiam fiat, posse homicidam in ecclesia de-
fendi, cum tamen homicidium ex se gravius sit, quam
latrocinium. Denique in huiusmodi rebus non licet
extendere iura propter solam similitudinem, non enim
sine causa in particulari loquuntur. Unde licet alia
crimina fiat graviora furto, tamen propter maiorem
frequentiam huius delicti, & maiorem pacis, & se-
curitatis publicae perturbationem potuerunt merito
hæc crimina excipi potius, quam alia.

Excipiunt
crimen in
ecclesia
ad mis-
suum.

6 Quæritur autem potest, an præter has sint aliæ ex-
ceptiones admittendæ? De quo multa legi possunt in
Panorm. Sylvestro, & Covarr. supra. Breviterque dicen-
dum est, nonnullas alias exceptiones præter dictas
admittendas esse. Prima est, si delictum in ipsa eccle-
sia committatur. Ita habetur in dicto cap. ult. de Im-
munit. Ecclesiarum. Qui textus loquitur in particulari de
committentibus homicidia, vel mutilationes mem-
brorum in ecclesia: & ideo merito dubitari potest, an
ad alia dicta extendatur. Mihi tamen videtur, inten-
tionem pontificis fuisse excipere omnia gravia delicta
in ecclesia commissa: quod tenuit ibi Panorm. num. 9.
& Covarr. num. 15. & idem sentit Navar. cap. 25. n.
20. dicens, esse opinionem communem, quam etiam
late tractat Remigius de Gonny in tractatu de Immu-
nitate. Fundari autem potest in ipso textu: nam in princi-
pio sic incipit: *Nonnulli impunitatem suorum excessuum
per defensionem ecclesiarum obtinere sperantes, &c.* De his
ergo excessibus generaliter loquitur; de homicidio au-
tem, & mutilatione mentionem facit quasi gratia
exempli. Deinde in decisione etiam est universalis ser-
mo, & rationes etiam ejus generales sunt, videlicet,
*Cum in eo, in quo deliquit, puniri quis debeat, & fru-
stra legis auxilium invocet, qui committit in legem,
mandamus, &c.* Soleretur dubitari: an hic casus
absolute excipitur, vel solum quando in ecclesia quis
delinquit spe immunitatis, nam in textu fit mentio
huius spei. Nihilominus allegati Doctores communi-
ter asserunt, indistincte hoc intelligendum esse de de-
linquente in ecclesia, sive spe immunitatis, sive alia
ratione delinquat, quia pontifex in decisione sua non
fundatur in spe, sed in qualitate delicti, & injuria ec-
clesiarum: atque ita usus etiam legem illam exponit.

Si non in
ecclesia
quod non
excipitur.

7 Sed quid, si delictum non omnino fuerit in eccle-
sia commissum? Potest autem hoc contingere multis
modis: primo, si existens in ecclesia feriat extra eccle-
siam existentem: & tunc existimo, non gaudere im-
munitate, cum Sylvestro, & aliis: quia licet effectus
delicti extra ecclesiam consummetur, ille absolute de-
linquit graviter in ecclesia, quia ibi exercet actionem
suam, quæ grave peccatum est: item quia rationes
textus tunc habent suam vim. Et ex eodem fundamen-
to censeo, idem esse dicendum, si quis in ecclesia man-
det ministro, aut famulo, ut alium extra ecclesiam oc-
cidat, quod etiam sentit Silvester, nam ille etiam
peccat graviter in ecclesia, & de illo dici potest, debere
puniri in eo, in quo deliquit: item, quia si spe immu-

nitatis confugisset ad ecclesiam ad tale mandatum ibi
dandum, sine dubio indignus esset, quem ecclesia de-
fenderet: dictum est autem in hac materia non refer-
re, quod delictum fiat spe immunitatis, vel absque il-
la; ergo. Idem censeo esse dicendum, si delictum fuit
extra ecclesiam inchoatum, & intra illam consumma-
tum, ut si quis extra ecclesiam existens sagitta, vel
alio instrumento existentem in ecclesia percutiat, vel
per servum ad hoc missum, quia ille revera in ecclesia
delinquit, etiam si in ecclesia non sit. Nam ipsum de-
lictum in ecclesia committitur, & fit ab illo, qui ex-
tra ecclesiam est, sicut Sol illuminat hic, licet non sit
hic. Item, quia in delicto sic commissio locum habent
rationes dicti c. ult. & verba ejus in omni proprietate
comprehendunt illud delictum. Et ita tenet Covar.
sup. n. 15. §. Vigesimo setimo.

Objeccio;

8 Posset tamen objici, quia leges punientes deli-
cta, non extenduntur ad delicta inchoata, vel imper-
fecta, sed coarctantur ad consummata, & perfecta,
ut in materia de Censuris sæpe dictum est. Responde-
tur, illud esse verum secundum exigentiam verbo-
rum legis, & ita in præsentia hæc pœna, vel quasi pœ-
na non incurritur, donec delictum in ecclesia factum
sit, tunc vero illam incurrunt omnes, qui illud com-
mittunt, seu ad illud cooperantur, quia verba, &
rationes dicti capituli non plus requirunt. Alia item
objeccio fieri potest, quia sequitur, eum, qui furatus
est extra ecclesiam, si intra illam rem furto sublatam
injuste contrectet, ea utendo, vel illam occultando,
eo ipso censeri in ecclesia peccare, quia illa contrecta-
tio peccatum est, & interdum novum, & distinctum;
ac subinde ea ratione non gaudere immunitate. De
hoc puncto late tractat Covar. num. 15. §. Vigesimo
octavo, & refert opinionem Angeli sententis in illo
casu amitti privilegium immunitatis, ipse vero Co-
varr. contrarium sentit. Ego vero in primis assero
juxta superius dicta tolli fundamentum huius dubita-
tionis, quia fur licet extra ecclesiam furetur, jam non
gaudet immunitate. Unde nec incipiet privari illa,
eo quod rem sublatam intra ecclesiam retineat, ut est
per se notum. Si autem ponamus, alicubi valere ec-
clesiam pro furto simplici, dicendum videtur, si fur
velit abuti ecclesia ad occultandam rem sublatam,
quantum ad illud delictum, non gaudere immunita-
te, quia decisio, & ratio dicti c. ult. tunc plane locum
habet: secus vero erit, si casu accadat, esse in ecclesia
secum deferendo, vel utendo illa re, quia nunc mora-
liter non censetur peccare in ecclesia, neque in eccle-
siam, illi injuriam inferendo.

Diluitur.

9 Præterea Covarr. supra §. 26. hanc exceptionem
extendit ad eum, qui delinquit prope ecclesiam spe con-
fugiendi ad illam, quando de tali spe per conjecturas
constare potest, vult enim, illum non gaudere immu-
nitate ecclesiastica; refertque Ancharanum, & alios,
& asserit conjecturam a simili de illo, qui committit
peccatum reservatum spe Bullæ, aut Jubilæi. Verum
hæc omnia non videntur mihi sufficere ad extenden-
dam legem odiosam, & quodammodo coarctantem
immunitatem ecclesiasticam: præsertim quia textus
ille distincte loquitur de ecclesia, & cœmeterio ejus;
ergo in virtute ponit exclusivam, ut tantum de illis
locis loqui intelligatur. Item, qui prope ecclesiam
peccat absque spe immunitatis, non privatur illa, ut
aperte Covarr. supponit; sed peccare cum spe, vel sine
illa non variat in præsentia effectum illius legis, ut ipse
etiam fatetur: ergo neque in præsentia refert. Item si
conjecturæ, & exempla, quibus utitur, valerent,
eodem modo probarent de eo, qui longe ab ecclesia
peccat cum spe confugiendi: nam etiam ille abutitur
beneficio, &c. Non est ergo extensio faciendis: nam
lex illa solum voluit præcavere, ne immunitas daret
occasionem peccandi in ecclesia. Et hanc partem cen-
seo veriorē, quam tenet aperte Angel. verb. *Immu-
nitas*, num. 7.

10 Altera exceptio fieri solet de homicida per infi-
dias, ex c. 1. de Homicidio, quod ita habet: *Si quis
per industriam occiderit proximum suum, & per infi-
dias, ab altari meo evellet eum, ut moriatur*. Circa
quem textum advertendum est, plures non intelligere
illum de laicis homicidis, sed de clericis, & conse-
quen-

Qui per
invidias
alium in-
terficiat,
an potius
sur hæc
immuni-
tate.

quenter dicere ibi non agere de immunitate ecclesiæ deneganda his homicidis, sed de pœna imponenda clerico occidenti alium per insidias, nimirum quod *ab altari sit evellendus*, id est, deponendus, & degradandus, ut *moriatur*, id est, brachio sæculari tradatur. Ita Panormitan. & multi alii. Sed expositio mihi valde displicet. Primo, quia sine fundamento in textu limitant illum ad clericos, cum textus absolute dicat, *Si quis*. Secundo, quia metaphorice interpretatur verba textus, quod non licet, maxime in lege morali, & pœnali. Unde illam assertio, quod clericus propter tale delictum sine alia speciali atrocitate, vel incorrigibilitate, statim degradari possit, & tradi brachio sæculari, incerta est, vel fortasse falsa, ut Covarr. cum multis aliis censet, & intelligi potest ex his, quæ in materia de degradatione diximus in quinto tomo, disputatione trigesima, sectione secunda: & mihi saltem certum est, ex illo textu non probari. Tercio, quia textus ille non est alicujus Concilii, vel pontificis ante Gregorium IX. sed sunt verba sumpta ex Exodi 21. quæ Gregorius IX. inseruit juri canonico, & ita ex illis fecit canonicam legem; ergo in sensu literali, & proprio illa usurpavit, & transtulit ad idem cum proportionem significandum: sed in Exodo erat sermo de quocumque occidente per insidias, & statuebatur, quod in templo defendi non posset; ergo idem significant verba illa in illo textu, ut bene intellexit Glossa ibi communiter probata, faverque. Nec refert, quod Concilium Tridentinum sectione quarta, capite septimo de Reformatione illa verba inducit ad statuendum, ut omnis voluntarius homicida semper sit irregularis, & inhabilis ad ordines, & beneficia: nam argumentatur a simili, seu a fortiori, & in hoc nobis faver, quod non solum de clericis, sed etiam de laicis loquitur.

11 Hoc ergo vero sensu supposito, optime ex illo probatur dicta exceptio, juxta quam dicendum est, eum, qui per industriam, & insidias alterum occidit, sive in ecclesiâ, sive extra ecclesiam, sive clericum, sive laicum, & sive ipse clericus sit, sive laicus, violenter extrahi posse ab ecclesiâ a suo iudice: ita enim ex dicta expositione aperte colligitur: & certe tale delictum dignum est hac ecclesiæ severitate, & merito in hoc lex canonica imitata est legem Divinam veterem. Neque obstat cap. *Inter alia*, quod Panormitanus objicit; nam licet Innocentius III. ibi hanc exceptionem non fecerit, potuit postea fieri a Gregorio IX. Atque ita sentiunt Felinus in dicto capite primo, & Franciscus Aretinus in capite *Cum non ab homine*; de judiciis, & sequitur Covarr. supra numero septimo referens plures alios: & Abulen. questione decima sexta, & vigesima prima in capite vigesimo primo Exod. ubi ait, legem illam Exodi fuisse canonizantem in dicto capite.

12 Sunt autem in illo textu notanda duo verba, scilicet, *per industriam, & per insidias*, quæ non sunt synonyma, nec convertuntur: omnis enim, qui occidit per insidias, occidit per industriam, ut per se clarum est, non tamen e converso. Dicitur enim per insidias occidere, qui a tergo alium occidit, vel quocumque alio modo interficit hominem nihil tale præcaventem, maxime cum nulla esset præcavendi causa, seu qui dolose circumvenit alium, & callide seducit, ut eum occidat, juxta Glossam in capite. Clericus 1. 46. dict. Exemplum optimum est in Absalone, quando fratrem Adoniam occidit 2. Reg. 13. & ita Bartol. in leg. *Respicendum*, §. *Delinquent*, ff. de pœnis, exemplum ponit in occidente sedentem in mensa: idemque est de occidente socium itineris secum secute incedentem, ut fecit Joab ad Abner 2. Reg. 3. vel qui dato signo pacis, & securitatis alium occidit, ut cum Amasa fecit idem Joab 2. Reg. 20. Item de propinante venenum, & similibus: in omnibus ergo his casibus planum est, non valere immunitatem, quia & industria, & insidia intervniunt.

13 At vero si quis ex proposito, & utendo tota sua industria alterum occidat, non tamen incautum, nec per dolum, sed provocando illum, vel ita aggredien-

do, ut possit conari vel ad fugiendum, vel ad defendendum, ille per industriam quidem occidit, non tamen per insidias. Et ideo dubitari potest, an ille etiam privetur immunitate: nam textus copulative loquitur *per industriam, & per insidias*, copulativa autem in singulis membris vera esse debet, & ita intellexit locum Exod. Abulen. ibi: nihilominus probabilius est, illud homicidium non comprehendi sub hac exceptione, nam duæ illæ voces conjunctim sumendæ sunt, ita ut posterior sit determinatio prioris, Quod sensisse videtur Covarr. dicto numero septimo, §. *Tandem*, dicens, *per industriam, & insidias, id est, per industriam insidiosam*, quam expositionem confirmat ex Gloss. & Bartol. in leg. 1. ff. de pactis. Et potest confirmari, quia illa lex est odiosa, & ideo restringenda, quod illo modo fit. Item quia qui occidit alterum de industria, non semper occidit incautum, ut Abulen. supponere videtur, vis enim vocis non hoc significat, sed solum, ut opus data opera fiat: at vero non omne homicidium data opera intentum intelligitur ibi exceptum juxta communem sententiam, & consuetudinem; debet ergo esse industria insidiosa. Dices; ergo superflue ponitur illa particula per industriam. Respondeo, eodem modo posse retorqueri argumentum: nam si omne homicidium per industriam exciperetur, non oportuisset addere, & per insidias; conjuncta ergo sunt illa duo, ut unum per alterum explicetur, & alterum per alterum limitetur. Ex his ergo concluditur, nullum homicidium non insidiosum, Hispane, *No hecho a traicion*, esse exceptum per hoc caput, sive casuale culpabile, sive sit voluntarium repente factum, sive sit voluntarium præmeditatum cum industria, & sine dolo. Quia qui sic delinquit, non est homicida per insidias: & ita tradit Covarr. in dicto numero septimo, §. *In his*, & §. *Nono*; quamvis de præmeditato homicidio dicat sæpe fieri contrarium propter plurimum Doctorum auctoritatem, qui oppositum senserunt, sed revera sine fundamento juris.

Si homicidium insidiosum non sit, hoc loco excipitur

14 E contrario vero dubitari potest, an aggrediens per insidias ad occidendum aliquem, si effectum non est consecutus, privetur favore immunitatis propter solam vulnerationem insidiosam, vel propter culpabilem, & punibilem jaculationem, etiam si manus aberret: aliqui enim affirmant, ut Joannes Igneus in leg. 1. §. *Si Dominus*, ff. ad Syllanianum numero septimo, & vigesimo. Sed contrarium videtur probabilius in rigore juris, quod tenuit Rebuffus tractatu de immunitate articulo primo, questione quinta. Ratio est, quia hæc lex expresse loquitur de illo, qui occidit, unde ex vi verborum requirit actum consummatum cum effectu subsequuto: non enim dicitur occidisse quantum ad homines, & quantum ad factum ipsum, qui tentavit occidere, sed frustra, licet quoad Deum, & quoad culpam æque peccaverit: leges autem humanæ loquuntur etiam humano modo, & restringendæ sunt ad proprietatem verborum, præcipue quando odiosæ sunt. Solum posset prior sententia defendi, quando consuetudo illam extensionem fecerit.

15 Præterea ex dictis etiam expeditur casus de Assassinis, quem ita tractat Covarr. supra numero decimo: sumitur enim illa vox dupliciter, ut etiam notavi in quinto tomo, disputatione vigesima tertia, sectione quarta, numero quadragesimo sexto. Primo pro illis, qui pecunia accepta, alios incautos occidunt, vel pro publicis deprædatoribus viarum, & in hoc sensu constat, hos comprehendi in superioribus exceptionibus. Alio tamen speciali modo Assassini dicuntur quidam infideles patrio nomine ita vocari, quorum opera uti solebant nonnulli ex Christianis ad alios etiam Christianos insidiosè occidendos. Et in hoc sensu constat, hanc legem non esse necessariam pro talibus Assassinis exsequentibus homicidia, quia illi cum infideles sint, nullo modo gaudent immunitate, tamen si opus esset (propter opiniones) a fortiori comprehenderentur, ut constat.

De Assassinis quid dicendum

16 Dubitari præterea potest de mandante alterum insidiosè occidi, an comprehendatur in hac exceptione saltem post subsequutum effectum: nam si non

Q sequa-

Explicit.
tur verba
cap. 1. de
hom.

sequatur. Jam dictum est, non habere locum hanc legem: verumtamen, etiam si sequatur, non videtur mandans vere occidere, & lex pœnalis, ut dixi, non est extendenda. Nihilominus existimo, mandantem etiam comprehendi in hac exceptione, quia *qui facit per alium, est perinde, ac si per se ipsum faceret*, ut habet regula juris 72. in 6. Unde hæc non est extensio legis pœnalis, sed interpretatio ab ipso jure facta, & sane tale delictum dignum est hujusmodi pœna, & majori: loquendo etiam in particulari de mandante occidere per homines Assassinae gentis; valde probabile est, etiam effectu non securo, non gaudere immunitate, saltem ex vi capitis primi de homicidio in 6. Ubi licet in speciali hoc non declaratur, tamen in pœnis ibi latis videtur hæc a fortiori comprehendi.

17 Tertia exceptio esse potest de raptoribus virginum: de qua est controversia: nam jure civili excipitur etiam hoc crimen in Authent. de Mandatis principum §. *Neque autem*, verb. *Quod si delinquentes*, & §. *Sed neque*, verb. *Neque autem*; jure autem canonico statuitur contrarium in capite *De raptoribus*, quæstione prima, & ideo inter juristas est dissensio; nam servandum esse jus canonicum, censent Glossa Panormitan. & frequentius Doctores in dicto capite *Inter alia*, quia materia hæc canonica est, & ideo illa Authentica per jura canonica quoad hanc partem derogata est, & hoc sequitur Angelus numero decimo septimo, & Silvest. verb. *Immunitas*, 3. quæstione secunda; contrarium vero tenuit Ancharranus in dicto capite *Inter alia*, & Hippolytus in leg. unica, Cod. de raptoribus, quos sequitur Covarruvias supra numero octavo, qui credit, jura canonica antiqua esse in hac parte derogata, & ita respondet ad dictum caput. *De raptoribus*. Facilius tamen respondere posset, decretum illud non esse pontificium, neque universalis Concilii, sed Aurelian. i. provincialis, & ideo facile potuisse non universaliter recipi: nam de alia derogatione per jus novum non constat, cum jus civile illam facere non potuerit. Indicat tamen Covarr. factam esse per nova jura canonica, quatenus non ita distincte concedunt ecclesiæ hanc immunitatem, sicut antiquiora decreta, sed aliqua gravia crimina excipiunt, quæ reipublicæ maxime nocent. Unde quia raptus virginum nec minus grave crimen est, nec minus reipublicæ nocivum, ideo putat, cum aliis esse exceptum. Verumtamen hic discursus facile potest in contrarium retorqueri; nam exceptio firmat regulam in contrarium; unde cum antiqua jura canonica universalem regulam constituant, & nova quasdam exceptiones addant, confirmant regulam quoad omnia crimina non excepta. Neque licet extendere exceptionem propter solam similitudinem rationis, alioquin esset etiam excipiendum adulterium, quod in dicta etiam Authentica excipitur, & Ancharranus consequenter fatetur, sed reprobat ab omnibus: immo multa etiam alia vitia essent excipienda, quod supra ostendimus, admitti non posse. Quapropter ex vi juris videtur probabilior prior sententia, ex consuetudine autem fortasse posset hæc exceptio admitti, quando videtur, & consentientibus prælati ecclesiæ introducta esset. Vel certe raptus virginum posset aliquo modo revocari ad vitia excepta in capite. *Inter alia*, quia rapina in genere latrocinium quoddam est: raptus autem virginis quædam rapina esse videtur ex D. Thom. secunda secundæ, quæstione sexagesima sexta, articulo quarto ad tertium. Et ideo licet habeat aliam malitiam luxuriæ adjunctam, non incongrue potest intelligi hoc vitium comprehensum sub latrocinio, nam revera habet malitiam injustitiæ graviolem, & fere ejusdem rationis. Ob hanc ergo causam non est probabilis hæc exceptio, præsertim accedente consuetudine.

18 Ultima exceptio esse potest fuga e carcere, in quo malefactor jam comprehensus erat, & præsertim si carcerem infringat, & inde ad ecclesiam confugiat. Ratio esse potest vel propter publicum nocumentum illius delicti contra publicam custodiam, vel quia ille non confugit ad ecclesiam, cum esset liber, sed jam vinculis constitutus; jura autem tantum favent illis,

qui in sua libertate existentes ad ecclesiam confugiunt. Unde hac ratione dicunt multi Doctores, si ministri justitiæ delinquentem captum ferentes per ecclesiam transeant, posse eadem vi, qua illum introducunt, abducere, quia jam captus in ecclesia ingressus est, ut dixit Archid. in capite *Sicut antiquitus*, 17. quæstione quarta, quem Covar. numero decimo tertio cum aliis, quos refert, secutus est. Et similitudine quamvis criminofus in sua libertate existens confugiens ad sacerdotem deferentem Eucharistiam per viam, ibi sit securus, juxta opinionem Hostiens. supra relatum; nihilominus, si corpus Domini deferatur ad communicandum hominem in carcere detentum, non potest inde prætere immunitatem, quia non liber, sed in vinculis jam constitutus est, ut idem Hostiens. Silvest. & alii respondent; ergo similiter in præsentī casu.

19 Nihilominus illa exemptio admittenda non est, quia nullo jure nritur, neque firma, aut probabili ratione fundatur. Nam in primis illud delictum (si tamen delictum est, quod nunc non disputo) non est grave, sed valde excusabile, propter naturalem hominis inclinationem ad fugiendam pœnam, & ad vitam, ac libertatem conservandam; ergo hoc titulo non potest admitti hæc exceptio; præsertim cum dictum sit, non esse extendendas exceptiones in jure positas sine aliquo fundamento in ipso jure. Neque etiam ex alio capite sumitur probabile fundamentum, quia qui e carcere fugit, eo ipso constituitur extra vincula, & in sua libertate, & ex illa se committit protectioni ecclesiæ. Et ideo non sunt similia exempla, quæ adducuntur; nam in primo supponitur homo captus, & coactus deferri, & ita non intrat ecclesiam tanquam in locum refugii, sed per illam ducitur tanquam per aliam viam, licet casus non videatur moralis, nisi accadat, nullam aliam esse viam, quod vix potest contingere. In altero vero exemplo res est clara. Atque ita in nostro principali casu docuit Archid. in dicto capite. *Sicut antiquitus*, numero 116. quem alii communiter sequuntur. Unde a fortiori constat, gaudere etiam hac immunitate eum, qui cum jam esset captus a ministris justitiæ ab eorum manibus elapsus fugit ad ecclesiam, quod majori ratione dicendum est de illo, quem actu judex insequatur, & prius ad ecclesiam pervenit, quam judex: in quo nullam rationem dubitandi esse posse video, quicquid aliqui juristæ dixerint, quos merito Covarr. supra num. 12. reprehendit.

20 Dubitari autem hic solet, si hujusmodi reus jam captus sub juramento eundi recta ad carcerem, liber dimittatur, vel jam incarceratus sub juramento redeundi permittatur exire, contra juramentum ad ecclesiam confugiat, an gaudeat immunitate; illi enim videtur ob stare grave crimen sacrilegii, seu perjurii, & infidelitatis. Nihilominus communiter Doctores docent, ecclesiam jus suum retinere ad tuendum illum, si ipse peccaverit, si non. Quod tenent Angel. num. 9. Silvest. quæst. 3. §. *Quintum*, & Abb. dict. cap. *Inter alia*, in fin. qui referunt Joan. Andr. in Additionibus ad speculatorem tit. de jurejurando, & plures refert Covar. supr. numer. 3. §. *Decimo octavo*, quos ipse sequitur. Addunt tamen omnes, si injuste captus fuerat, nullo modo esse tradendum judici, sed relaxationem menti procurandam: si tamen juste fuerat captus, licet non possit invita ecclesia extrahi, tamen pastorem ecclesiæ posse dare facultatem extrahendi illum, habita cautione de impunitate pœnæ corporalis, non vero cum morali periculo talis pœnæ.

C A P U T XII.

De effectibus, quos habet immunitas templi in eos, qui ad illud confugiunt.

1 Supponimus, primum, ac præcipuum effectum hujus immunitatis esse, quem hæcenus explicuimus, videlicet ut reus non possit inde, & invita ecclesia abduci, de quo jam satis dictum est. Quartum autem, an præter hunc habeat alios?

Raptores virginum an hæc gaudeant immunitate.

Parti neque ratio stabilius

Auctoritas judicium.

Utrum fuga ex carcere excipiat.

Variis effectus hujus immunitatis.

2 In quo in primis dici potest, alium effectum esse, ut etiam intra ipsam ecclesiam non possit ei aliqua violentia fieri, qualis esset ibi ligari, vel in vinculis poni; nam hoc esset ex ecclesia carcerem facere: quod ejus immunitati magis repugnat. Unde in Concilio Toleran. 12. cap. 10. definitur, ut nullus audeat confugientes ad ecclesiam, vel residentes inde abstrahere, aut quodcumque nocibilitatis, vel damni inferre. Et ibidem subditur, permittendum esse hujusmodi delinquentibus, ut extra ecclesiam per triginta passus secure exire valeant. Supponit ergo non esse ligandos, &c. Et expresse id cavetur in leg. *Præsenti*, Cod. de his, qui ad ecclesiam confugiunt, ibi, *Nec in ipsis ecclesiis ita quemquam detineri, atque constringi, ut ei aliquid victualium rerum, aut vestis negetur, aut requies*. Atque ita docuit Covarruvias cum aliis supra numero duodecimo.

3 Tertius effectus est, ut in ecclesia non spoliatur rebus, aut bonis, quæ secum tulerit. Ita colligitur ex ejusdem juriſtis: nam in cap. *Diffinivit*, 17. quæst. 4. dicitur, *Aut quodcumque nocibilitatis, vel damni, seu spoliis, &c.* privatio autem bonorum damnum, seu spolium est. Hoc autem intelligo de bonis, quæ sine alicujus injuria secum defert, vel ibi retinet: nam si debita aliena ibi detineret, posset illis spoliari per eum, qui ad hoc haberet potestatem. Sicut in cap. *De raptoribus*, 36. quæst. 1. de raptore dicitur; quod si secum deferat raptam ad ecclesiam sceminam, abstrahenda est, licet ipse non sit per vim abducendus. Atque ad hunc modum dixit Covar. supra num. ult. §. *Trigesimo sexto*, eum, qui fugit ad ecclesiam cum armis prohibitis, posse ibi expoliari armis per judicem, quia habere ibi hujusmodi arma, contra legem est, quod ecclesia defendere non intendit: unde illa non est proprie pœna, sed subtractio materiæ culpæ. Eo vel maxime, quod illud ipsum quoddam peccatum est, quod in ecclesia committitur, vel continuatur, & ideo quoad illud cessat immunitas, licet persona ob eam causam extrahenda non sit.

4 Quartum effectum addit Covar. num. 16. §. *Trigesimo primo*, cum ait, non posse ecclesiam obsideri propter eum, qui ab ecclesia confugit. Sed hoc intelligendum est cum limitatione ab eo addita, videlicet, hoc non licere ad impediendum, ne alimenta, & vestitus, & alia necessaria ad vitam, & ad humanas actiones recluso in ecclesia deferantur, quia esset manifesta coactio, quæ tanta esse posset, ut reus vel se tradere, vel exire, vel mori cogeretur. Et hoc aperte cautum est in leg. *Præsenti*, in verbis citatis, ut notant Hostiensis, & Panormitanus in dicto cap. *Inter alia*. Si vero ecclesia obsideatur a iudice solum ad præcavendum, ne reus libere fugiat, vel certe ut, si extra fines ecclesiæ exeat, capiat, illud non erit contra immunitatem; quia nulla vis fit existenti in loco sacro, sed solum locus non sacer observatur, ut si voluntate sua illuc exeat delinquens, ibi teneatur, ubi jure capi potest. Et hoc tamen observandum est, quod Panormitanus numer. 13. reprehendit iudices, quia si fugiens ad ecclesiam (inquit) ponit pedem extra ecclesiam, statim eum capi faciunt. Sic etiam Sylvest. Covar. cum Joan. Andr. & aliis, docent contra immunitatem esse illum, qui est contra ecclesiam in ultimo termino ejus, & chlamydem vestis habet extra terminos ecclesiæ apprehensa extremitate vestis violenter trahere, & ab ecclesia abducere; nam, dum persona est intra ecclesiam, gaudet immunitatem, etiam si vestis extra ecclesiam extendatur, qui potest etiam numerari inter effectus hujus favoris. Et ratio reddi potest; tum quia illa vis non inferitur vesti, sed personæ, quæ gaudet immunitate, cum sit intra ecclesiam; tum etiam quia accessorium sequitur principale: vestis autem adhæret personæ tanquam accessorium principali; & ideo dum persona est ibi, gaudet immunitate, consequenter etiam vestis, maxime cum semper major pars vestis sit intra ecclesiam. Unde idem credo esse dicendum, etiam si manum, vel pedem extra terminum ecclesiæ extendat, dummodo caput, & præcipuæ partes corporis intra ecclesiam manent, propter easdem rationes.

5 Ultimo pertinet ad hos effectus, ut hujusmodi

reus, quando in ecclesia perseverat, non possit ad mortem, vel corporalem pœnam damnari. Ita notat Abbas supra num. 3.8. & sequentibus: & colligitur ex d. cap. *Inter alia*, nam prius dicit: *Non est violenter ab ecclesia extrahendus*, & statim addit: *Neque inde damnari debet ad mortem, vel ad pœnam*. Est ergo hic effectus distinctus a primo, & sensus apertus est, quod licet intra ecclesiam existens judicari possit, non tamen ad illas pœnas damnari. Unde Panorm. per pœnam ibi intelligit pœnam corporis afflictivam, quam dicit esse strictam pœnæ appellationem. At vero Glos. ibi de omni genere pœnarum vocem intelligit, allegans cap. *Id constituimus*, 17. quæst. 4. ubi dicitur, *de morte, & debilitate, & omni pœnarum genere sint securi*. Vera tamen videtur sententia Panorm. nam in eodem cap. *Inter alia*, statim subjungitur: *Super hoc tamen, quod inique fecit, est alias legitime puniendus*: non potest tamen puniri nisi aliqua pœna; non ergo omnis pœna prohibetur; ergo tantum stricta pœna corporis afflictiva. Tamen quia pœnæ etiam corporis multiplices esse possunt: ideo de illis etiam possunt intelligi verba illa alterius textus, *& omni pœnarum genere*, scilicet, *corporalium*. Dixi autem, quando in ecclesia perseverat, quia si inde exeat, & capiat, corporaliter damnari poterit: quamvis Sylvest. q. 4. in fine contrarium sentiat dicens, quod licet exeat de ecclesia, ex quo semel confugit ad eam, jam non potest de illo maleficio corporaliter damnari, juxta Glos. & Archid. in cap. *Reum*, 17. quæst. 4. sed Glos. loquitur, quando exit fide data, & jurata a iudice de impunitate ejus, tunc enim jam ecclesia illi obtinuit remissionem pœnæ corporalis: nos autem loquimur, quando ille exit nulla compositione facta, & sic res est clara, quia cessavit immunitas, & res manet integra sicut antea, & ita colligitur ex d. cap. *Id constituimus*.

6 Hinc vero nascitur quæstio, quænam sit hæc pœna, quæ imponi potest, & quo modo. Ad priorem partem responder Panorm. esse pœnam pecuniariam; sequitur Sylvest. dicta quæst. 4. & sumitur ex Glossa dicto cap. *Reum*, & videtur necessarium, maxime loquendo de pœna criminaliter imponenda, quia seclusa pœna corporali, hæc videtur fere necessaria, vel saltem faciliior, & frequentior. Addit præterea Glossa in dicto cap. *Reum*, quod si reus non habeat pecuniam, potest damnari, ut serviat perpetuo ei, cui injuriam intulit, sicut de raptore dicitur 36. quæst. 1. cap. *De raptoribus*. Ego vero hoc non admitterem, etiam si Archid. & Panormitan. consentiant, quia illa pœna est gravissima, & major, quam multæ corporales, sicut non posset condemnari ad tritemes, etiam si ibi verberandus non esset, solum propter duram, & laboriosam servitutem. Neque etiam existimo, posse condemnari ad exilium, quia hæc etiam esset gravis pœna, & inter corporales computatur; ergo neque ad servitutem cogi potest. Unde dispositionem illam in raptu virginum specialem esse existimo, propter illius delicti atrocitatem, & in illo etiam crimine non definite ponitur illa pœna, sed sub disjunctione, *Aut serviendi conditioni subiectus sit, aut redimendi se liberam habeat facultatem*. Unde si pecunia possit satisfacere pro delicto, clarum est teneri, & posse etiam ad hoc condemnari: si tamen esset impotens ad solvendum, in illo casu, & ex vi illius decreti, ubi esset receptum, posset obligari ad serviendum: existimo tamen, non esse in usu, etiam in illo casu, neque Canon ille, ut supra notavi, per se posset universam ecclesiam obligare. Cætera autem de ordine servando in hujusmodi pœna imponenda legi possunt in Panormit. & aliis in dicto cap. *Inter alia*. Qui etiam advertunt, posse hujusmodi peccatorem, etiam si ad ecclesiam confugerit, cogi a pastoribus ecclesiæ ad agenda aliquam pœnitentiam pro salute animæ, quia hoc non est contra immunitatem, cum possit pœnitentiam illam intra ecclesiam agere, & immunitas non sit concessa contra salutem animæ. Unde hoc præcipue intelligitur de pœnitentia medicinali, vel quando peccatum est publicum, & ad tollendum scandalum necessaria judicatur.

Quæ pœna possit imponi confugienti ad ecclesiam.

CAPUT XIII.

*Quale crimen committant, & quam pœnam
incurrant iudices reos ab ecclesiis
extrahentes.*

Quomodo iudex
contra
hanc im-
munitatē
delinquit

1 **C**irca hoc in primis statuendum est, in casibus a jure exceptis nullum esse peccatum extrahere per vim confugientem ad ecclesiam absque ulla facultate pastorum ecclesiæ. Pater, quia tunc non agitur contra immunitatem; item jus ipsum dat talem facultatem; ergo ad evitandam culpam non est necessarium, illam ab homine obtinere; ergo neque etiam petere, per se loquendo, quia hoc nullo jure caveretur. Atque ita docet Covarr. supra numer. 18. §. *Trigesimo quarto*, cum Guidone papa, & Gulielmo Benedicto, quamvis referat, alias tenuisse contrarium ex Authent. *Siquisei*. Cod. Ad legem Juliam de adulteriis. Sed inde nihil probatur, ut bene Covarr. advertit.

2 Secundo certum est, si iudex vim non inferat, sed blanditiis, & promissionibus roget reum, ut secum exeat, & ipse voluntarie, & sine ulla coactione consentiat, & egrediatur, nullum esse peccatum, etiam si fortasse clerici non consentiant. Quia tunc non fit contra immunitatem, quia non fit violentia; & hæc sola est, quæ ex vi immunitatis prohibetur: nam expresse dicitur in dicto cap. *Inter alia: non est violenter extrahendus*; & eodem modo loquuntur alia jura. Et ratio est, quia beneficium non conceditur invito, unde neque ipsi reo fit injuria, cum non sit involuntarius, neque ecclesiæ, quia revera non extrahitur, sed ipse egreditur; potest autem egredi sine culpa, etiam clericis invitis, quod notavit Navar. in Manuali cap. 15. num. 21. citans Hostiens. & communem in cap. ult. de immunit. eccles.

Objeçtio.

3 Tercio, si ex justa licentia pastorum ecclesiæ, reus etiam invitum iudex extrahat, non peccat contra immunitatem. Probat, quia licet tunc faciat vim personæ, non facit vim ecclesiæ: hoc autem privilegium ecclesiæ directe concessum est, non delinquentibus. Dices: quomodo possunt rectores ecclesiæ hanc licentiam dare in casibus ab ipso jure non exceptis? Respondeo, posse illam dare habita prius securitate de delinquentis impunitate, quoad vitam, & membra, & omnem corporalem indemnitate. Ita docet Silvest. verb. *Immunitas*, 3. quæst. 4. & colligitur ex cap. *Id constitutum*, 17. quæstione quarta ibi. *Reos abstrahere non licet, sed neque alteri consignare, nisi ad evangelia datis sacramentis, de morte, debilitate, & omni pœnarum genere sint securi*. Ergo, si hæc securitas habeatur, potest dari hæc facultas a rectoribus ecclesiæ; ergo illa habita, non peccat iudex extrahendo reum: neque ecclesia tenetur rei consensum expectare ad hanc facultatem dandam, quando judicaverit expedire, & prudenter censuit inde nullam injuriam parari, aut timeri posse reo. Tunc autem tenetur iudex stare promissis, alioquin gravissime peccat, & tenebitur ad restituendum reum, & cogi poterit per ecclesiam, ut a fortiori patebit ex dicendis.

Iudex ab
ecclesia
reum ex-
trahens
sacrile-
gium com-
mittit.

4 Quarto igitur dicendum est, iudicem, qui reum extrahit ab ecclesia per vim, & contra ecclesiæ immunitatem, grave sacrilegium committere. Hoc certissimum est, quia violatio immunitatis ecclesiasticæ sacrilegium est, ut constat ex cap. *Sacrilegium*, cum multis aliis, 17. quæst. 4. & specialiter de hac violatione id tradit D. Thom. 2. 2. quæst. 92. art. 2. ad 3. Idem constat ex verbis canonum, & ex pœnis, quas imponunt, ut statim videbimus. Unde fit primo, posse ecclesiam per vim resistere iudici volenti reum ab ecclesia extrahere in casu non concesso, quia licitum est vim vi expellere, & ecclesiasticam immunitatem tueri. Hæc autem vis ex parte ecclesiæ præcipue debet esse spiritalis, censuris cogendo iudicem, ut a tali violentia desistat, ut late scribit Remigius de immunitat. eccles. quæst. 12. & consentit Covarr. vias supra vesiculo ultimo, & ita habet ecclesiæ usus. Potest etiam ecclesia resistere, fores clau-

dendo, & omnibus aliis mediis externis uti ad impediendam vim, seu effectum ejus absque aggressione, seu bello activo (ut sic dicam,) quod etiam constat ex usu, & quia in hoc nulla est indecentia, nec prohibitio.

5 An vero liceat clericis, vel ecclesiasticis personis sumere arma, & uti (ut sic dicam) bello activo ad defendendum confugientem ad ecclesiam, dubitari potest, quia interduum ita fit, & videtur ecclesia uti jure suo ex illo principio, quod vim vi repellere licet. Verumtamen Covarr. supra cum aliis negat, id fieri debere, non vero declarat, an possit. Dicendum tamen videtur, ipsis personis ecclesiasticis per se hoc non licere, quia clericis prohibitum est sumere arma sine speciali dispensatione, quæ in hoc casu non conceditur, nec regulariter necessaria est. Possent tamen interdum pastores ecclesiæ uti auxilio laicorum ad ecclesiam defendendam: sed hoc rarissime expediet, quia sequi possunt magna scandala, quæ majoris momenti sunt, & magis vitanda, quam unius ecclesiæ violatio. Quando autem magna esset necessitas, & grave, vel commune damnum ecclesiæ timeretur, tunc id fieri posset interveniente præcipue summi pontificis auctoritate.

6 Secundo sequitur ex dictis, teneri secularem iudicem ad restituendum ecclesiæ eum, quem vi, & contra immunitatem extrahit. Ita docent Silvester supra quæst. 7. & Angel. num. 20. cum Panorm. d. cap. *Inter alia*, num. 26. & Bartol. in leg. *Præsenti*, Cod. de his, qui ad ecclesiam confugiunt, & Oldrado conf. 53. & colligitur aperte ex cap. *Miror*, 17. quæst. 4. quod est August. epistol. 187. ad Bonifacium, quem reprehendit, quod hominem de ecclesia rapuerat, & subdit, *ecclesia igitur illa sum revoca, quem ut irreli-giosissimus rapuisti*: & infra illum communionem privat, donec resipiscat. Et ratio clara est; tum quia ecclesia passa est injuriam, & ideo debet rescari; tum etiam quia alias iudex iniquus quodammodo ex sua iniquitate commodum reportaret, si personam retinere posset, quam sacrilege extrahit, & parvi esset fructus beneficium hujus immunitatis, si semel violatum reparari non posset. Unde adducit prædicti Doctores, quod licet iudex, postquam extrahit reum, velit cautionem de impunitate dare, & ea conditione reum retinere, non satisfacit ecclesiæ, nec conscientie suæ, sed debet prius restituere, quod abstulit, & postea de alia compositione cum ecclesia tractare. Unde si iudex nolit hoc modo satisfacere ecclesiæ, potest per censuras ecclesiasticas ad id compelli, quia est pertinax contra ecclesiam in re valde gravi; quod etiam docent auctores omnes, & usus comprobatur.

7 Sed quæret aliquis: an iudex propter hoc sacrilegium incurrat aliquam pœnam? In quo est advertendum, cum ille violat jus civile, & ecclesiasticum de utriusque pœna posse dubitari. Nam leges etiam civiles gravissimam pœnam imponunt, ut patet ex leg. 2. & leg. *Præsenti*, C. de his, qui ad ecclesiam, &c. Ubi dicitur, Majestatis crimine teneri, qui in hoc delinquit, & capitali, & ultimi supplicii animadversione esse plectendum, sed hæc pœna non videtur esse in usu, neque ad nos pertinet. De jure autem canonico imponitur pœna excommunicationis propter hoc crimen, ut significatur in cap. *Quisquis*, 17. quæst. 4. ibi, *Donec in conventu admanitus legitime satisfaciat, sciens se communionem privatum*: quæ verba videntur continere censuram ipso facto incurrentem. Verumtamen, si quis attente legat textum illum, illa verba non cadunt super hoc delictum, sed super aliud rapiendi ex ecclesia bona illius, & fortasse etiam respectu illius delicti non continent propriam censuram ipso jure latam, ut latius tractavi in 5. tom. disput. 22. sect. 2. num. 9. Nulla ergo censura invenitur in jure lata ipso facto propter hoc crimen. Ait autem Silvest. supra quæst. 8. iudicem sic delinquentem debere excommunicari. Sed intelligendum est non absolute, sed sub conditione, nisi ecclesiæ satisfaciat, & reum restituat, ut ipse etiam declarare videtur. Et idem sentit Turrecr. in cap. *Miror*, 17. quæst. 4. Et ratio est, quia pro delicto commisso non fertur excommunicatio, nisi

An liceat
clericis
arma ca-
pere con-
tra iudicē
reum ex-
trahentē.

Tenetur
iudex re-
stituere
ecclesiæ
reum.

An iudex
propter
hoc sacrile-
gium
incurrat
pœnam.

nisi quatenus pender in futurum, sed habet tractum successivum quoad emendationem. Præter hoc vero imponitur jure canonico pœna pecuniaria propter hoc delictum, ut patet ex cap. *Si quis contumax*, & cap. *Quisquis*: de qua legi potest D. Thom. 2.2. quæst. 99. art. 4.

8 Ultimo superest hoc loco grave dubium, an judex extrahens violententer aliquem ab ecclesia, non solum contra ecclesiam, sed etiam contra ipsum hominem, cui vim infert, delinquat? & consequenter, an inferat illi injuriam contra justitiam commutativam, ac subinde teneatur ad restituendum illi omnia damna inde subsecuta. Et ratio dubitandi esse potest primo, quia jus canonicum tantum dicit, committere peccatum sacrilegii, qui hoc facit, ut patet ex dicto cap. *Quisquis*, & cap. *Si quis contumax*. Unde in dicto cap. *Miror* ait August. *ecclesia ille sum revoca, quem ut irreligiosissimus rapuisti*, ubi non dicitur injustus, sed irreligiosus. Et auget difficultatem D. Thom. nam in 2. 2. quæst. 99. art. 2. ad 3. ait, quando judex capit aliquem de loco sacro, quem in aliis locis licite capere posset, actum illum non habere aliam malitiam, nisi sacrilegii, quia non habet, inquit, aliam deformitatem, nisi quia res sacra violatur. Ergo non habet deformitatem injustitiæ respectu personæ ab ecclesia extractæ. Ratione item hoc confirmatur: quia immunitas hæc non est privilegium personæ delinquentis, sed solius ecclesiæ; ergo illa persona semper est sub jurisdictione judicis: ergo judex extrahendo illam, & vim ei inferendo, non facit ei injuriam, etiam si contra ecclesiam peccet, quia respectu personæ exercet verum actum jurisdictionis. Atque hinc sequitur, judicem non teneri ad restituendum aliquid illi personæ, etiam si magna detrimenta ob eam causam passa fuerit, quia ubi non est injuria contra justitiam commutativam, non nascitur obligatio ad restituendum. Sequitur etiam, quod si talis judex contra hominem sic captum juridice in reliquis procedat usque ad condemnationem, & mortem, non teneatur reus homicidii, & consequenter nihil ob eam causam debere satisfacere, aut restituere. Probatur, quia licet male egerit, actum suæ jurisdictionis exercuit; ergo factum tenuit: ergo quicquid postea consequenter ad factum illud ex eadem jurisdictione facit & exequitur, valide fit, & sine injustitia respectu talis personæ, licet respectu ecclesiæ semper addat offensionem; ergo.

9 Nihilominus contrariam sententiam existimo probabiliorē, pro qua referunt aliqui Turrecr. in cap. *Sacrilegium*, 17. quæst. 4. ille vero novem ibi habet quæstiones, & in octo primis nihil de hoc puncto disputat, sed solum malitiam sacrilegii in hoc crimine declarat: tamen in quæst. 9. in genere loquens de pœna pecuniaria sacrilegii dicit, solvendam esse ei, cui facta est injuria; & infra ait: *Pœna, quæ pro rei damno debetur, persolvenda est ei, cujus res est, vel fuit, qui damnus passus est*; nunquam vero declarat, in hoc peculiari crimine aliquid esse restituendum ei, qui ab ecclesia extrahitur; hic autem de restitutione agimus, non de pœna. Restitutio enim non est proprie pœna, sed potius est quædam vitatio culpæ, seu continuationis ejus, & ideo est per se necessaria, etiam si lex nullam pœnam imponat, nec judex: pœna autem solum imponitur ratione legis, & ordinariè requirit actionem judicis. Ad id etiam in præsentem non constare, pecuniariam pœnam, quæ solet imponi judici seculari committenti hoc delictum, applicandam esse ei, qui ab ecclesia adductus est, nullo enim jure hoc habetur, nec Turrecr. id affirmat, sed potius ait pœnam, quæ pro immunitate ecclesiæ violata imponitur ecclesiæ, cui illata est vis, præstandam esse, juxta cap. *Si quis in atrio*, & cap. *Si quis deinceps*, 17. quæst. 4. quæ licet in diversis casibus loquantur, tamen a fortiori hoc probare videntur. Præterea referuntur pro hac sententia Host. & Victor. quos invenire non potui. Alii vero auctores, qui de hac immunitate tractant, hujus quæstionis non meminerunt, ut patet in Covar. Remigio, Silvest. Angel. & aliis Summistis, Panorm. & aliis expositoribus in prædicto cap. *Inter alia*. Moderni vero Theologi, qui eam attigerunt, in hanc

Suarez Tom. XII

partem magis inclinant, ut viderelicet in Valent. 3. tom. Summæ disput. 6. quæst. 15. puncto 1.

10 Ratione igitur probatur primo, judicem extrahentem aliquem de ecclesia injuriam illi facere contra justitiam commutativam, quia ibi non habet in eum jurisdictionem; ergo non exercet in eum jurisdictionis actum; ergo exercet tyrannidem, & meram violentiam; ergo facit injuriam contra justitiam commutativam. Consequentia omnes sunt per se evidentes: antecedens autem probatur ex illo principio juris, *Extra territorium jus dicenti impune non paretur*, cap. 2. de Constat. in 6. leg. ult. ff. de Jurisdic. omnium judicum, ubi Glos. advertit, illud esse verum tam inter non subditos, quam inter subditos extra territorium. Et ex citato cap. habetur expresse: nam ibi agitur de obligatione subditi extra territorium existentis ad servandam legem sui prælati; & dicitur, non obligari illa, quia jurisdictionis extra territorium non extenditur, sed in casu, de quo agimus, jurisdictionis temporalis judicis non extenditur ad ecclesiam, quoad hunc actum comprehendendi delinquentem in illa legitime receptum; est enim quoad hoc ecclesia locus exemptus, locus autem exemptus extra territorium esse censetur, & jurisdictionis intra territorium limitata ad illum non extenditur, ut colligitur ex cap. *Cum episcopus*, de officio ordinarii in 6. & ex cap. *Luminoso*, 18. quæst. 2. Item ex cap. 1. de Privilegiis in 6. ibi, *Dummodo sit in loco exempto commissum delictum, vel contractus initus, aut res litigiosa*; quia nimirum, quando contingit, hæc esse, aut fieri in loco exempto, non censetur esse in territorio, quia non sunt in loco jurisdictionis. Idem colligitur ex Clement. ult. de privilegiis, quatenus in ea dicitur, prælatos non posse exercere actus jurisdictionis in locis exemptis præter eos actus, qui eis specialiter conceduntur. Cum ergo ecclesia sit locus exemptus a jurisdictione temporali quoad actum inferendi manus in eum, qui ad ecclesiam confugit, quando judex secularis per vim ibi exercet talem actum, non est jurisdictionis, sed tyrannidis.

11 Et confirmatur primo, nam judex secularis, qui manus infert in personam ecclesiasticam, non solum sacrilegus est, sed etiam injustus respectu talis personæ, quia non exercet vere jurisdictionem in illam, cum eam non habeat; ergo similiter in præsentem. Nec refert, quod ibi persona est exempta, hic autem non, sed locus: nam ex hac differentia solum sequitur, in priori casu personam ubique esse exemptam, quia immediate, & ratione personalis status exempta est; in posteriori autem casu, licet non interveniat tanta exemptio, nam locus est, qui directe eximitur, tamen ratione illius redundat in personam, ut contentam in tali loco; & ideo, ut sic, exempta etiam est, atque ita cum proportionem procedit ratio. Et consequenter cessat ratio contrariæ sententiæ, nam licet hic favor principaliter, & per se concedatur ecclesiæ, quia vero conceditur illi, quatenus continet, ac tueret confugientes ad se, consequenter redundat in eos, quatenus ibi sunt. Item eo ipso, quod talis locus per illum favorem eximitur a jurisdictione seculari, consequenter etiam persona, quæ ibi est, eximitur ab eadem jurisdictione quoad talem actum ibi exercendum, licet alias subdita sit. Sicut eo ipso, quod regnum Galliæ, verbi gratia, est extra jurisdictionem Hispaniæ, si Hispanus aliquis delinquens se transferat intra terminos regni Galliæ, exemptus fit a jurisdictione judicis Hispaniæ, quoad actum exercendum in illo territorio, non quidem ratione sui, sed ratione loci, & hoc exemplum confirmat assertionem positam. Quæ tandem confirmatur: nam ille, qui est in ecclesia, potest sine culpa resistere, & se defendere, ne comprehendatur; ergo signum est, eum, qui illum aggreditur, non facere actum jurisdictionis, sed injuriæ, quia non potest dari bellum justum ex utraque parte.

12 Et ex hoc fundamento sequitur, actum illum capiendi, seu extrahendi reum, & incarcerandi illum juridice non esse. Dico juridice, quia de facto ille revera extrahitur, & incarceratur, tamen non propterea judex acquirit jus, & potestatem in ipsam, &

Q 3 hoc

Ratione probatur.

Confirmatur conclusio.

Actus ille extrahendi est nullus.

An judex peccet non solum contra ecclesiam, sed etiam contra reum, quem extrahit.

Pars affirmativa præferitur

hoc modo dicimus, actum esse juridice nullum; sicut, qui accipit rem alienam, vel aliquid ultra sortem in mutuo, de facto accipit rem, tamen quia non acquirit dominium illius, dicimus, actum esse ipso jure nullum: ita ergo est in presenti. Quod aperte probatur ex fundamento posito, quia ille non est actus jurisdictionis, sed violentiæ, & injustæ rapiæ (ut sic dicam): ergo per illum non potest acquiri nova potestas, aut jus in talem personam. Item judex non potest reum sic captum sub sua custodia detinere, sed tenetur illum statim restituere ecclesiæ, ut ostensum est ex cap. *Si antiquitus* 17. quæst. 4. cum aliis: unde quasi continue peccat, dum voluntarie illum retinet; ergo signum est, actum fuisse nullum, & per illum nullum jus, vel potestatem in reum acquisivisse.

13 Potest etiam hoc confirmari ex alio principio tradito in cap. *Decet*, de immunit. eccles. in 6. quod omnis processus judicum secularium in ecclesia factus est irritus, & inanis. Nam si ceteri actus istius jurisdictionis involuntariæ in ecclesia facti irriti sunt, cur non magis actus comprehensionis, magisque ecclesiæ injuriosus? Video, responderi, & instari posse, quia processus judicialis in die festo etiam est irritus, & tamen actus comprehendendi malefactorem in die festo validus est. Et ratio est, quia comprehensio, licet sit actus jurisdictionis, non est tamen actus judicialis, sed extrajudicialis: eadem autem ratio videtur habere locum in presenti, quia in illo cap. *Decet* non irritantur, nisi actus judiciales. Dicunt tamen, non esse parem rationem, quia comprehensio delinquentium non est prohibita in die festo, unde non est injusta, est autem prohibita in loco sacro, & locus ipse est exemptus ab usu talis jurisdictionis in ipso. Et ideo licet ex vi formalium verborum non videatur convincere dict. cap. *Decet*: tamen ex subjecta materia valde probabiliter extenduntur illa verba ad omnes hos actus. Vel saltem a pari, vel fortiori ratione sumitur inde argumentum, quod cum ecclesia sit magis immunis a violenta incurisione, quam ab strepitu judicii, si actus judicialis strepitus irritantur, multo magis actus violentæ extractionis. Unde, quavis hæc irritatio non esset expressa in jure, ex ipsa immunitate, & exemptione talis loci necessario sequitur. Verum tamen etiam est in jure satis expressa, quatenus non minus prohibet retentionem personæ sic comprehensæ, quam capturam ejus.

14 Et hinc sequitur secundo, omnes actus judiciales postea factos circa hujusmodi reum esse ipso jure nullos, & non esse actus jurisdictionis, sed violentiæ. Probatur, quia si fundamentum est nullum, necesse est, omnia, quæ in illo fundantur, frustranea esse: sed omnes illi subsequentes actus fundantur in captura, & quasi possessione in reum ipsum: ergo cum hæc nulla sit, cætera omnia etiam sunt irrita. Itaque si judex postea reum sic captum interrogat, & examinet, non juridice interrogat, quia non habet jurisdictionem in eum, ut sic captum. Cujus signum evidens est, quia ille reus non tenetur respondere veritatem; quod omnes pro indubitato habent, quia illi reo datur actio contra talem judicem, ut se eximat de manibus ejus; ergo donec audiat, non potest cogi ad respondendum illi. Item, quia in ecclesia interrogatus non teneretur respondere; ergo propter violentiam sibi illatam non amisit hoc jus, sed, quantum est in se, potest iuste in omnibus ita se gerere, ac si esset intra ecclesiam: si autem reus non tenetur respondere, profecto judex non juridice interrogat, quia non datur bellum justum ex utraque parte, cum hic non interveniat ignorantia, neque alia justa ratio coactionis. Unde, si ulterius judex procedat vel ad torquendum, vel ad condemnandum, vel ad exequendam pœnam, semper injurias multiplicat, & nullum actum veræ jurisdictionis exercet, quia semper procedit per actus nullos, ut declaratum est.

15 Tertio hinc concluditur, teneri hujusmodi judicem ad restituendum reo omnia nocumenta, & damna illi secuta ex hujusmodi actionibus. Probatur, quia ex actione injuriosa contra commutativam ju-

stitiam oritur obligatio restituendi omnia nocumenta, quæ restitui possunt, ut est per se notum. Dices: nullus judex talem restitutionem facit; difficile autem creditur est, hanc tam communem praxin continere tam gravem errorem. Respondetur in primis, nos hic non tractare, quid fiat, sed quid fieri debeat; nulla enim consuetudo prævalere potest contra hoc jus, quod naturale est, supposita ecclesiæ immunitate, cui etiam judices per sua facta violenta derogare non possunt: ille igitur abusus, si revera est, ex inconsideratione rationis hujus obligationis procedit. Addo ulterius, si judex a culpa excusetur per ignorantiam invincibilem vel facti, vel juris ex aliqua opinione, vel auctoritate probabili, ex qua credidit, talem esse casum, ut in eo non gaudeat reus ecclesiastica immunitate, tunc consequenter excusaria restitutione damnorum, quia hæc restitutio (ut supponimus) non nascitur ex re accepta, sed ex injusta damnificatione; & ideo interveniente excusatione quoad injustitiam, cessat obligatio restituendi. Et hinc forte nascitur, ut pauci restituant, quia pauci sibi persuadent se injuste agere, sed credunt se probabili ratione duci. Cavere tamen debent, ne in hoc sint præcipites, quia sæpe ducuntur nimio affectu, & sine sufficienti ratione, aut motivo sibi persuadent non injuste agere, quod coram Deo non reddit securos, quia est ignorantia vel affectata, vel nimium crassa. Oportet etiam considerare, aliud esse loqui de ipsa injuria, quæ per actionem violentam extrahendi ab ecclesia fit, vel contra corpus ipsum, quod multum interdum pati solet in hujusmodi actibus, vel contra honorem, aut famam, quibus etiam non parum derogatur; aliud vero esse loqui de nocumentis, quæ sunt in bonis fortunæ, ut expensis, rebus, aut pecunia sublati, vestibus dilaceratis, & similia. Hic ergo principaliter loquimur de restitutione horum bonorum, quæ in pecunia solvi possunt. De restitutione autem honoris, famæ, aut damni corporalis generales regulæ observandæ sunt, & hic applicandæ.

16 Ad rationem dubitandi in principio positam jam responsum est; illationes vero, quæ ex illa fiebant, ex posito principio corruunt: quia ostensum est, quomodo judex in illis actionibus nullam veram jurisdictionem exerceat. Ad jura vero ibi citata responderetur, jura canonica solum agere de hoc peccato, quatenus ipsis contrarium est, & ideo semper de illo tanquam de sacrilegio loqui: non excludunt autem aliam malitiam, si ad priorem consequitur. Ad D. Thom. quidam respondent, solum loqui de actu extrahendi ab ecclesia, & de illo fatentur esse actum sacrilegii, & non injustitiæ; si tamen postea judex ulterius procedat contra talem reum, dicunt, jam peccare peccato injustitiæ. Sed in primis a nobis ostensum est, etiam ipsam extractionem esse injustam: deinde non consequenter loquuntur, quia non est magis injusta retentio, quam extractio: si ergo reus non injuste extrahitur, profecto nec retinetur; ergo contra sic retentum non injuste proceditur, etiam si semper contra religionem agatur. Alii dicunt, si judex extrahat reum sine alio damno, vel expensis, saltem tunc non peccare contra justitiam, & hoc satis esse ad salvandum dictum D. Thomæ. Sed illud falsum est, nam illam violentiam sine vera jurisdictione facta injuriosa est, sicut fieret a privato homine, etiam si non inferret aliud peculiare damnum. Aliter responderi potest, D. Thom. solum gratia exempli illud posuisse, exemplorum autem non semper requiri veritatem, sed posse intelligi, quasi in sensu hypothetico, scilicet, illum actum esse sacrilegium, etiam si non haberet adjunctam injustitiam. Et fortasse D. Thom. consideravit primam malitiam illius actionis esse sacrilegium, quod verum est, & sufficiens ad intentionem D. Thom. injustitia vero consequitur ibi per quamdam redundantiā, ut declaratum est, quod forte D. Thom. non negasset.

17 Sed quid, si hujusmodi reus a privato homine per vim, vel deceptionem extra ecclesiam traheretur, & ibi a judice inveniretur, nunquid peccaret judex illum

Objeccio.

Dirimient

Solvuntur rationes oppositæ


omnes
actus ju-
diciales
postea fa-
ctos esse
nullos.

Judex re-
spondet ad
damnum
reo secu-
tum.

illum capiendū? Respondent aliqui etiam, tunc peccare contra religionem, & iustitiam, quia etiam tunc est obligatio restituendi illum ecclesiæ, & quia non potest ratio differentiarum reddi. Alii simpliciter negant iudicem peccare, quia non agit contra immunitatem, quod in rigore est verum, si non fuit particeps prioris violentiæ. Distingendum ergo est: nam si iudex misit alterum, qui tanquam privatus amicus falsus illum deciperet, vel inimicus vim inferret, tunc sine dubio non potest capere illum, quia actio princi-

paliter est iudicis, & ideo ipse tenetur reum ecclesiæ restituere. Si vero ipse nihil cogitando de priori injuria reum invenit extra ecclesiam, potest sine dubio illum capere, & contra illum procedere, quia extra locum factum illum invenit, & ibi incipit exercere jurisdictionem suam, & ideo non violat immunitatem, neque ipse tenetur hominem restituere ecclesiæ. Alter vero, qui illum extraxit, tenebitur restituere, quod si jam non potest, est per accidens, & satisfaciet restituendo expensas, & damna, prout poterit.

FINIS LIBRI TERTII.



TRACTATUS TERTIUS DE VITIIS RELIGIONI CONTRARIIS. ET NEGATIVIS PRÆCEPTIS. QUIBUS ILLA PROHIBENTUR.



INTER disputandum de præceptis affirmativis religionis, obiter diximus de nonnullis prohibitionibus, quæ in eisdem præceptis affirmativis virtute continentur, vel tantam cum eis connexionem habent, ut unum sine altero explicari non potuerit: præter illa vero sunt alia præcepta, quæ directe, & per se tantum sunt negativa, prohibentque omnem deformitatem contrariam Divino cultui, sive per excessum, sive per defectum, de quibus in hoc tractatu dicendum est. Hoc autem optime fiet, explicando vitia Divino cultui contraria;

illa enim sunt, quæ per propria præcepta negativa prohibentur. De his autem vitiis disputavit D. Thom. 2. 2. a quæst. 92. usque ad 100. quia prius de virtute ipsa, & de omnibus actibus ejus tractavit. Nos autem in primo tractatu solum de virtute secundum se, & de Divino cultu diximus, & quosdam actus, qui præter cultum peculiares quasdam rationes habent, scilicet, orationem, juramentum, & votum; ad proprios tractatus reservavimus; & ideo hic non dicemus de vitiis, quæ his actibus proprie opponuntur, ut sunt perjurium, infidelitas in promissis Divinis, & defectus, qui committi possunt in oratione ad Deum; quamvis, quæ de aliis vitiis dicemus, non poterunt non pertinere aliquo modo ad illos actus, quatenus illi participant rationem cultus.

Præterea circa hæc vitia generaliter adverto, posse in eis tria distingui: primo materiale, & realem actionem, quæ in omni peccato commissionis intervenire solet, & solet dici materiale peccati, seu vitii: secundo deformitatem, quam talis actio solet habere frequenter in alio genere, seu contra aliam virtutem a religione distinctam; soletque esse fundamentum, vel occasio malitiæ contra religionem: tertio spectare possumus malitiam ipsam formaliter religioni contrariam. De his ergo vitiis, ut formaliter constituuntur per hanc ultimam malitiam, hic consideramus; tamen ad ipsam malitiam explicandam, & ut ipsa vitia comprehendantur, sæpe necessarium erit, ipsas materiales actiones prius exponere, & si quam aliam involvunt, aut præhabent malitiam aperire, quantum necesse fuerit ad declarandum, quomodo in eis malitia contra religionem fundetur. Dividemus autem hunc tractatum in tres libros, unum de irreligiositate, alterum de superstitione, & tertium de sacrilegio, cujus partitionis ratio ex primo capite libri sequentis constabit.

LIBER PRIMUS DE IRRELIGIOSITATE, EJUSQUE SPECIEBUS.

CAPUT I.

Irreligiositas quid sit, & quoe modis dicatur, & quomodo vitia religioni contraria generatim distinguenda sint.

Omnia vitia religioni contraria posse uno conceptu concipi, & una voce significari.



Sicut virtus religionis una est, ita vitium illi contrarium sub ratione unius concipi, & significari potest. De conceptu patet; tum quia oppositorum eadem est ratio cum proportionem loquendo; tum etiam, quia omnia vitia contraria religioni in hoc conveniunt, quod medium, & honestatem religionis destruunt; ergo ab illis omnibus abstrahi potest conceptus communis vitii religionis contrarii. Id autem, quod uno conceptu concipitur, potest etiam una voce significari. Hoc ergo potest esse primum significatum hujus vocis, *irreligiositas*, illam scholasticè accommodando: licet apud Latinos admodum frequens non videatur, illa tamen usus est Divus Thomas in hac materia, licet in significatione magis restricta, ut statim dicam. Nulla etenim vox videtur esse magis accommodata ad illum generalissimum conceptum hujus vitii exprimendum. Posset tamen etiam appellari irreverentia, quæ magis latina vox est; verum tamen ex se latius patet, quia non tantum irreverentiam significat, irreligiositas autem proprie indicat irreverentiam Deo, ac religioni contrariam. Confirmari hoc potest exemplis aliarum virtutum: nam vitium in communi oppositum justitiæ injustitiam appellamus, & similiter intemperantiam temperantiam opponimus; ergo & irreligiositatem religioni. Hoc igitur modo & idololatria, & sacrilegium, immo & perjurium, & omne simile vitium irreligiositas est.

An irreligiositas sit species justitias?

2 Statim vero occurrit inquirendum, an vitium hoc sic conceptum, & significatum sit unum in specie ultima, vel quam habeat unitatem? Quidam enim distinguunt de hoc vitio materialiter sumpto, vel formaliter quoad malitiam religioni oppositam. Priori modo dicunt non habere unitatem specificam, sed valde genericam, vel analogam, quod est manifestum, sive considerentur materiales actiones, quibus in hoc genere peccatur; interdum enim sunt corporales, interdum spirituales; aliquando sunt voces; aliquando corporis gestus; sæpe vero actiones circa exteriorem materiam, &c. Si considerentur malitia contra alias virtutes, quas in hujusmodi actionibus ante malitiam religionis inesse contingit: nam aliquando est malitia infidelitatis, aliquando mendacii, vel furti, homicidii, aut similes. De toto ergo hoc materiali nulla est controversia. In formali autem malitia dicunt esse unum vitium in specie ultima, quod variis nominibus significatur, & ita in plura vitia distinguitur ratione materiæ, & non ratione formæ. Fundamentum est illud vulgare, quod malitia moralis consistit in privatione honestatis: honestas autem religionis una est in specie (supponimus enim ex supradictis, religionem esse unam virtutem); ergo & malitia est una, quia privatio ex habitu opposito sumit speciem suam.

Parti affirmativa impugatur.

3 Hæc vero sententia probari nullo modo potest. Primo, quia incredibile est, idololatriam, & perjurium, v. g. non habere malitias formaliter distinctas, quatenus sunt vitia religioni opposita, quia statim recta ratio in eis invenit deformitates valde diversarum rationum, & longe diverso modo destruentium honestatem religionis. Secundo, quia alias non oportet,

has varietates vitiorum irreligiositatis distincte explicare in confessione per se loquendo, & ubi ad alias malitias explicandas non esset necessarium, maxime juxta opinionem asserentem, non esse necessarium in confessione explicare circumstantias, nisi mutantes speciem malitiæ: consequens autem in omnium sententia absurdum est. Tertio, quia in aliis virtutibus commune est, habere multa vitia opposita specie diversa, non tantum materialiter, sed etiam formaliter, sicut opponuntur liberalitati avaritia, & prodigalitas; nemo enim dixit, in his vitiis esse malitias ejusdem rationis: neque est verisimile, cum habeant modos destruendi medium liberalitatis extreme contrarios. Habet ergo irreligiositas unitatem communem, & valde genericam. Dico autem *valde*, quia sub illo genere non descenditur immediate ad species infimas, sed ad subalternas, seu ad genera media, quæ sub se habent alias species vel ultimas, vel interdum etiam subalternas magis contractas, ut videbimus, & nunc breviter uno, vel alio exemplo declarari potest. Nam sub irreligiositate dicto modo accepta continetur superstitio, & similiter sacrilegium; hæc autem inter se distinguuntur, & sub se continent varias species formales, & in genere talis malitiæ, quod argumento facto de confessione sufficienter ostendi potest a posteriori: non enim quis sufficienter confiteretur, dicens se commississe unum sacrilegium, nisi speciem ejus aperiat, & idem est de superstitutione. Unde communis consensus omnium est, in his vitiis reperiri specificas diversitates formales, & in genere malitiæ. Atque hæc est clara doctrina D. Thomæ in discursu prædictarum questionum, & signatum in quæst. 92. art. 2. ad 1. & quæst. 99. art. 3. ad 1, quibus locis Cajetan. id notat, & tanquam manifestum supponit, & uterque respondet fundamento contrariæ sententiæ.

4 Ad vulgare igitur argumentum facile respondent, qui negant, malitiam moralem consistere in privatione, sed in positiva habitudine contraria: sic enim unum potest habere multa contraria, licet non omnino, & extreme opposita: sed illud fundamentum falsum esse existimo; illud tamen in primam secundæ remitto. Respondeo ergo primo, licet virtus religionis quoad habitum una sit specie, habere tamen actus specie differentes, ut in primo libro dixi, & secundum hanc varietatem actuum posse dari vitia specie distincta religioni opposita. Quia formalis malitia vitii in actu spectatur potius, quam in habitu: nam actus non generat habitum per malitiam, sed per positivam entitatem. Secundo dicitur cum Divo Thomæ, & Cajetano supra, bonitatem confutgere ex integra causa, malitiam autem ex quocumque defectu, & licet bonitas religionis sit una, destrui posse multis modis, seu per varios defectus diversarum circumstantiarum, & inde posse resultare malitias specie distinctas. Unde ad argumentum, cum dicitur, privationem specificari ex habitu, seu ex forma positiva, quam destruit, respondetur, id esse verum, tamen illam speciem non esse ultimam, nisi privatio sit totalis (ut sic dicam;) id est, nisi privet tota forma, & totaliter, ac omni modo. Ad vero quod privatio est quasi partialis, non oportet, ut privationes eidem formæ oppositæ sint ejusdem speciei. Ita vero comparantur varia vitia irreligiositatum respectu religionis: nam licet singula totam honestatem religionis expellant a suo actu, non tamen singula destruunt totaliter ipsam religionem: nam sacrilegium, verbi gratia non introducit cultum falsi Dei, & non omnino excludit

Respondetur fons damentis contrariæ opinionis

cludit cultum veri Dei, & sic de aliis. Et ex hac responsione intelligitur ratio a priori hujus veritatis, quam in hunc locum propterea reservavi: genus enim irreligiositatis complectitur totam materiam religionis, & omnem modum destruendi in illa honestatem religionis: vitia autem particularia sub irreligiositate contenta non ita destruunt honestatem religionis in tota materia, & omni modo, & ideo sub illo genere plures species, & genera maliciarum contineri possunt.

Declaratur divisio irreligiositatis

5 Irreligiositas autem sic accepta dividi potest in irreligiositatem magis propriam, & sacrilegium; hæc enim mihi divisio non displicet, quamvis alii Doctores illa non utantur. Quod, ut declarem, adverto D. Thom. in principio quæst. 92. cum nihil dixisset de communi genere, seu vitio religioni opposito, statim illud distinxisse in superstitionem, & irreligiositatem, quæ duo membra distingui dicit, quia superstitionis opponitur religioni per excessum, irreligiositas per defectum. Nam superstitioni convenit quasi materialiter cum religione in hoc, quod exhibet cultum, differt autem, & opponitur illi, quia in cultu exhibendo excedit, & errat, sicut prodigalitas convenit cum liberalitate in largiendo, sed excedit. Irreligiositas autem differt a religione, quia despicit cultum; & ita opponitur religioni per defectum, sicut avaritia opponitur liberalitati, quia retrahit a largiendo. Sub his autem duobus membris plura D. Thom. subdistinguit, & ita discursit, & procedit explicando singula vitia. Quam rationem distinguendi non improbo, sed utor alia, quæ mihi est aptior ad distinctionem singulorum vitiorum explicandam. Possunt enim hæc vitia, & in universum habitus, & actus habere in se varias convenientias, & differentias propter varias habitudines, quas continent, & secundum illas possunt variis modis distingui, sine falsitate, vel oppositione. D. Thom. ergo in toto suo discursu solum utitur voce irreligiositatis ad significandum quoddam genus subalternum vitii irreligionis, (ut sic dicam;) nam communi genere nullum nomen imposuit, ut notavi, & nullam speciem ultimam hujus vitii illo nomine appellavit. Nos autem sumemus etiam illam vocem pro genere subalterno, sed diverso modo, immo etiam necessarium erit ad aliquam speciem ultimam illud nomen accommodare, ut videbimus.

6 Ut ergo priorem divisionem a nobis positam explicemus adverto, ex dictis in 1. lib. religionem duplices habere actus; quidam primarii sunt, quibus Deus ipse in se colitur, ut sunt adoratio, sacrificium, & similes; alii sunt secundarii, quibus res omnes Deo dicantur, & ad ejus cultum sacrantur cum debita veneratione, ac reverentia tractantur. Juxta has ergo duas rationes duo generalia vitia religioni opposita distinguimus. Unum, quod Deo ipsi irreverentiam exhibet, seu cultum ipsiusmet Dei incongrue tractat. Aliud, quod in reverentia debita rebus Deo dicatis deficit: & primum quidem apte retinet nomen irreligiositatis, quia religio Deum ipsum respicit tanquam proprium objectum, & ideo irreligiositas dicitur vitium oppositum religioni, quoad primum objectum ejus. Aliud autem vitium jam communi usu sacrilegii nomen obtinuit, de cujus vocis etymologia infra suo loco dicemus. Satis ergo probabili ratione, ut apparet, dividitur primo illud generale vitium in hæc duo membra; datur enim illa divisio per objecta, per quæ solent habitus, & actus distingui: illa etiam objectorum distinctio prima omnium esse videtur, quæ in objecto religionis considerari potest, sive materiale, sive formale objectum spectemus: nam ex parte materie Deus, qui per se colitur, maxime distinguitur ab omni re creata, quæ ad ipsius cultum consecrata est, excellentia etiam divina, quæ est ratio formalis hujus objecti, longe aliter est in Deo ipso, quam in aliis rebus factis: nam in Deo est per essentiam, in aliis per quamdam participationem; seu in Deo est formaliter, & intrinsece, in aliis per quamdam habitudinem, seu denominationem. Unde longe alterius rationis est irreverentia Dei in seipso, vel in rebus sacris ordinatis ad ipsum; ergo convenienter dividitur vitium re-

ligioni contrarium in irreverentiam ipsiusmet Dei in se, quam vocavimus irreligiositatem minus late sumptam, & sacrilegium, seu irreverentiam rei sacræ. Atque ita constat distinctio horum membrorum, & propria uniuscuiusque ratio, & adæquatio eorum cum diviso. Nam in objecto adorabili aliquo modo per virtutem religionis non potest intelligi, nisi aut objectum per se adorabile, vel propter aliud, quia hæc duæ differentie immediate, & contradictorie opponuntur; ergo neque in vitiiis contrariis inveniri potest aliud, quod sub aliquo illorum membrorum non contineatur.

7 Omissis autem pro nunc sacrilegio, de quo dicemus in tertio libro hujus tractatus, irreligiositas subdistingui ulterius potest in Divinam irreverentiam, seu irreligiositatem tertio modo strictiori sumptam, & superstitionem: ita ut ad hæc duo membra specialiter accommodetur, quod D. Thom. dixit de vitiiis religioni oppositis per defectum, vel excessum; nam hæc duo inveniri possunt in cultu ipsiusmet Dei secundum se, ut D. Thom. fateretur partim q. 92. partim in 97. in capitibus quæstionum, licet in secundo loco addat alia vitia opposita religioni per defectum, de quibus dicemus agentes de sacrilegio. Superstitio ergo dicitur opponi religioni per excessum, & varias habet species, de quibus postea dicturi sumus. Irreligiositas vero, seu irreverentia Dei contrarietatem cum religione habere dicitur per defectum; quia tunc peccari dicitur hoc modo contra religionem, quando in ipsomet actu, qui deberet esse cultus, defectus aliquis committitur, ratione cujus cedit potius in irreverentiam Dei. Sub hoc autem membro duas tantum species D. Thom. posuit in dicta quæst. 97. spectantes nimirum ad irreverentiam Dei, secundum se, scilicet tentationem Dei, & perjurium, quarum sufficientiam non declarat, neque aliam rationem divisionis assignat. Ex illis autem duabus speciebus perjurii consideratio, ut dixi, differenda a nobis est, donec de peculiari actu juramenti tractemus, & ita ex illis speciebus, quas sub hoc genere D. Thom. posuit, sola Divina tentatio superest nobis explicanda. Possetque non immerito post materiam de oratione tractari, quia revera potissimum orationi opponitur, ut videbimus; tamen quia in rigore generalius vitium est, & in aliis factis inveniri potest, ideo in cap. sequenti hoc vitium, & præcepta, quæ ad illud pertinent, explicabimus.

8 Non video autem cur blasphemia religioni non opponatur, & ad hoc genus vitii irreligiositatis non pertineat; nam revera continet magnam irreverentiam Dei in se, & opponitur cultui ejus, non per excessum cultus, ut constat, sed per summum defectum & contemptum divinæ reverentiæ, per quem contemptum D. Tho. hanc irreligiositatem declaravit. Non videtur etiam hoc vitium in hac materia prætermittendum, quamvis de illo tractavit D. Th. 2. 2. q. 13. & q. 14. eo quod fidei confessioni opponi videatur, sed profecto etiam Divina tentatio suo modo opponitur confessioni fidei, immo & idololatria, & multa alia similia vitia, quæ cum infidelitate magnam habent conjunctionem. Sicut ergo hoc non obstat, quominus cætera religioni proprie opponantur, ita etiam non obstat, quominus blasphemia sit vitium religioni contrarium; de illo ergo in hoc libro etiam dicemus. Sunt præterea alia vitia religioni contraria per defectum, quæ sub hoc etiam membro collocari possent. Unum est perfidia, seu infidelitas ad Deum in promissis, quod constat magnum vitium esse, & directe ad irreverentiam Dei pertinere, non minus quam perjurium: opponitur autem religioni, mediante voto, & ideo de illo simul dicemus tractando de voto: a D. Thom. autem prætermisum videtur, quia magis opponitur religioni, seu voto per modum omissionis, quam per modum commissionis, nam directe opponitur præcepto affirmativo: *Vota tua Domino reddes*, ut suo loco latius tractabimus.

9 Aliud vitium esse potest ingratitudo ad Deum sicut enim gratiarum actio ad Deum actus est religionis, ut supra vidimus, ita ingratitudo, quæ illi contraria

Subdividitur ulterius irreligiositas

Numeratur quædam vitia ad irreligiositatem pertinentia Blaphemia.

Infidelitas ad Deum in promissis

Ingratitudo ad Deum.

traria

traria est, religioni etiam opponitur, non quidem per excessum, ut constat, ergo per defectum: continetur ergo sub prædicta irreligiositate. De hoc autem vitio nonnulla diximus, tractando de poenitentia, ubi ostendimus, ordinarie non esse speciale vitium, sed in omni peccato materialiter, seu generaliter includi. Quando autem specialem malitiam habet, magis videtur in omissione, quam in commissione consistere, & ad defectus orationis pertinet, ut patebit ex his, quæ de oratione dicemus. Potest autem hoc vitium formaliter committi per contemptum divini beneficii, ut dixit D. Thom. 2.2. q. 107. art. 2. ad 1. & consequenter etiam exterius ostendi potest per quemcunque actum procedentem ab huiusmodi contemptu, ad significandum illum. Hic autem modus peccandi contra Deum vix separatur a blasphemia, estque rarissimus, & cum proportionem ita est explicandus, sicut ingratitude ad homines; & ideo D. Th. nihil de hac ingratitude ad Deum dixit, in 2.2. præterea, quæ generaliter tractat in illa q. 107. ad quam pro nunc lectorem remittimus. Denique omnes defectus, qui in oratione contingunt, & reddunt ipsum actum orationis irreligiosum, ad hoc membrum irreligiositatis pertinent, quamvis sub alia ratione possint sacrilegia reputari, ut suo loco declarabimus. Omnes vero illi defectus, vel in omissione consistunt, vel ex illa originem ducunt, & orationi proxime opponuntur, ideoque explicando conditiones ad bene orandum necessarias, totum hoc genus vitii declaratum manebit.

10 Ex quibus satis constat, irreligiositatem habere etiam tertio modo sumptam non esse infimam speciem alicujus vitii, sed quasi genus proximum plures species infimas sub se continens, quales sunt tentatio Dei, perjurium, blasphemia, infidelitas in promissis ad Deum, ingratitude ad Deum, & incongrua oratio; vel si quod aliud est huiusmodi innominatum vitium, nobis enim de alio non constat, neque aliam rationem huius sufficientis numerationis reddere possumus, nisi quia non inveniuntur alia officia religionis, quatenus directe Deum colit, præter ea, quæ numeravimus: & ideo etiam non invenitur alius modus deficiendi in religionis officio erga Deum, præter supra dictos. Est ergo, ut summatim quæstionem resolvamus, triplex acceptio irreligiositatis: in prima est genus quasi generalissimum in hac materia, sub se continens omnia vitia contraria religioni: in secunda est genus medium, quod superstitionem sub se complectitur, & a sacrilegio distinguitur: in tertia est genus infimum a superstitione distinctum, & prædictas sub se continens species.

11 Una tantum hic difficultas occurbat de malitia divinæ injuriæ, quæ in omni peccato includitur, & ad aversionem Dei pertinere dicitur. Illa enim, cum sit quædam injuria Dei, speciale vitium constituere videtur, & virtuti religionis opponi, ad quam spectat, Deo debitum jus reddere: hoc autem vitium sub tota enumeratione facta minime comprehenditur. Sed non est hic locus disputandi de illa malitia, quam non omnes in peccato agnoscunt tanquam specialem, & ab aliis distinctam: illa autem posita, consequenter fatendum est, illam vel opponi religioni, vel reduci ad aliquod speciale vitium Deo contrarium. Credimus autem, illam per se opponi illi virtuti justitiæ ad Deum, quam vocamus poenitentiam, ut in 4. tom. 3. p. diximus. Hic autem vel supponimus, religionem re ipsa esse distinctam virtutem ab illa justitia, & poenitentia, vel certe de illa disputamus sub hoc præciso conceptu, quo a poenitentia distinguitur saltem formaliter, seu ratione cum fundamento in re, ideoque vitium illud, qualecunque illud sit, non pertinet ad ea, quæ religioni opponuntur: & ideo de præceptis, vel prohibentibus tale vitium, vel præcipientibus contrariam æquitatem, & justitiam ad Deum, in materia de poenitentia satis dictum est.

CAPUT II.

De tentatione Dei formali, & expressa.

Tentatio duplex in Scripturis invenitur: una Duplex
probationis, seu experimenti, altera indu- tentatio
ctionis, seu seductionis, ut notavit Aug. epist. 146. ad Consentium, & q. 58. in Exod. Et utraque potest alicui attribui vel active, vel passive: nam passive dicitur tentari homo, quando examinatur, ut scientiam suam, vel virtutem ostendat, vel cum ad prævum aliquid agendum inducitur: active autem tentare dicitur, qui alterum examinat, vel inducit ad malum: & frequentius sumitur hoc secundo modo, nam secundum communem usum tentatio illa, quæ est inductionis, in malam partem sumitur, & ideo vocata est ab August. *tentatio seductionis*. Et hac ratione dicit Jacobus, *Deum neminem tentare*, scilicet, tentatione inductionis, quia neminem ad malum inducit. Aliis vero locis dicitur Deus tentare hominem, ut Abraham, Tobiam, Job, & populum suum tentatione examinis, ac probationis. Unde dicitur, Deuter. 13. *Tentat vos Deus, ut palam fiat, utrum diligatis eum*. Ubi obiter notanda est illa particula, *ut palam fiat*, non enim Deus tentat hoc modo hominem, ut ipse cognoscat, sed ut alios cognoscere faciat, sicut exponitur communiter illud Gen. 22. *Nunc cognovi, &c.* i. feci, ut omnibus notum sit. Verumtamen hoc loco non agimus de tentatione, ut Deo potest active tribui, sed passive; & quoniam omni passioni respondet actio, hæc ipsa tentatio est active ab homine, qui Deum tentare dicitur.

2 Potest autem homo variis modis tentare Deum, & in primis accommodati possunt ad Deum aliquo modo illi duo modi tentationis ad inductionem, vel ad probationem. Prior tentatio non ita habet locum in Deo, sicut in homine, quia nec Deus seduci potest, sicut homo, neque ad peccandum provocari. Quis enim tam stolidus esse potest, qui tentet aut Deum seducere, aut ad malum inducere? Nihilominus tamen duplici ratione potest membrum illud ad divinam tentationem accommodari. Primo, ut, tentare Deum, sit illum ad iram provocare: nam per hoc, quantum est ex parte hominis, quasi affligitur Deus, & ad malum poenæ inferendum inducitur: qui modus loquendi non est inusitatus in Scriptura, ut notavit Janf. Ps. 77. circa vers. 21. sic enim quod ibi dicitur v. 40. *Quoties exacerbaverunt eum in deserto, in iram concitaverunt eum in iniquo?* statim exponitur in v. 46. *Et conversi sunt, & tentaverunt Deum, & sanctum Israel exacerbaverunt, & v. 56. & tentaverunt, & exacerbaverunt Deum*. Et eodem modo potest intelligi satis accommodate illud eccl. 18. *Ante orationem prepara animam tuam, & non sis, quasi homo, qui tentat Deum*, i. ne tibi contingat, ut loco placandi Deum per orationem, illum ad iram provokes. Quamvis hic locus possit etiam de probationis tentatione exponi, ut voluit D. Thom. 2.2. q. 97. art. 3. ad 2. Tentatio vero Dei hoc modo, licet sit ex peccato, quia Deus non provocatur ad iram, nisi ex peccatis nostris, non tamen habet specialem malitiam contra religionem, sed communis est omnibus peccatis. Alio item modo potest hæc tentatio inductionis fieri ab homine erga Deum, quando ab illo postulat auxilium ad aliquid pravum perpetrandum, ut ad interficiendum inimicum, vel ad seducendam feminam, & ad turpem amorem inducendum: in his enim, & similibus casibus videtur homo velle Deum ad malum inducere, quamvis revera homo non intendat Deum inducere ad peccandum, quia si Deus faceret id, quod ab ipso postulatur, ut ab ipso factum, jam non esset peccatum. Nihilominus tamen illa actio (quocumque nomine appelletur) injuriosa Deo est, & religioni contraria: ejus autem malitia adversatur proprie orationi ex parte materiæ, circa quam debet oratio versari, & ideo non solet hæc vocari tentatio Dei, sed prava oratio, cujus malitia constabit infra in tract. de orat. Quocirca cum agimus

Irreligio,
quæ ter-
tio modo
sumpta
adhuc est
genus

An mali-
tia, quæ
in omni
peccato
includi-
tur, spe-
ctet ad
irreligio-
sitatem

Homo va-
riis modis
Deum
tentat

de tentatione Dei, non agimus de tentatione inductionis, sed probationis, seu experimenti, ut notavit D. Thom. d. qu. 97. art. 1. & omnes scribentes in hac materia.

3 Dicitur ergo tentare Deum, qui ad sumendum experimentum de Deo aliquid petit, aut facit; & in hoc etiam genere tentationis Dei duplicem modum distinguit D. Thom. supra: potest enim homo tentare Deum aut formaliter, aut interpretative: hic posterior modus obscurior est, & ideo postea de illo separatim dicemus. Tentatio ergo formalis Dei est, quando homo expressa, & formali intentione aliquid facit, ut exploret, & cognoscat aliquid de Deo. Hæc autem tentatio non est in omni materia æque deordinata & ideo subdistinguenta est. Nam in Deo considerari possunt aut perfectiones intrinsecæ, quæ omnino pertinent, ac necessariæ sunt ad esse veri Dei, aut possunt considerari operationes, affectus, & locutiones Dei ad extra, quæ pendent ex libera determinatione Dei. Inter hæc autem duo est differentia, nam dubitare de prioribus perfectionibus Dei per se loquendo intrinsece malum est, quia est contra debitam fidem, & existimationem, quam homo debet de Deo habere. Exemplum est, si quis aliquid cupiat, aut petat, ut exploret, an Deus sit omnipotens, bonus, aut sapiens? nam iste dubitat de his, quæ de Deo cognoscere, ac certo credere debet, quia illa attributa, & similia sunt de veritate ipsius Dei. At vero dubitare de posterioribus actibus non est ita per se malum, quia non tenetur homo, nec potest in omnibus scire voluntatem Dei liberam, nec de omni effectu potest statim cognoscere, quomodo a Deo sit, & ideo in explorandis his actibus non statim apparet malitia, sed circumstantiæ spectandæ sunt, ut dicemus. Prior ergo tentatio Dei videtur esse maxime propria, & ideo brevioris gratia ita illam simpliciter vocabimus; alteram vero appellabimus tentationem voluntatis, seu actionum Dei.

4 Primo ergo dicendum est, tentare Deum ex formali intentione, per se malum esse, & religioni contrarium, reduci tamen ad defectum quemdam in modo orandi ex parte materiæ orationi debitæ. Prima pars hujus assertionis est D. Thom. & omnium: & colligitur ex d. Pl. 77. *Tentaverunt Deum in cordibus suis, ut peterent escas animabus suis, & male locuti sunt de Deo, & dixerunt: Nunquid poterit Deus parare mensam in deserto? quoniam percussit petram, & fluxerunt aquæ, & torrentes inundaverunt, nunquid & panem poterit dare, aut parare mensam populo suo? ideo auditavit Dominus, & distulit &c.* Ex quibus verbis constat, tentationem illam maxime displicuisse Deo, eo quod ex dubitatione de potentia, & bonitate ejus nasceretur, & ideo tanquam gravissimum peccatum ibi damnari. Sic etiam Exod. 27. dicitur: *Tentaverunt Dominum, dicentes, estne Dominus in nobis, an non?* Quoties ergo simili modo tentatur Deus, grave peccatum committitur. Ratio clara est; quia talis tentatio procedit ex quadam infidelitate, procedit enim ex dubio in materia fidei, & fover illud: dubius autem in fide infidelis est, quia revera non credit, cum fides in assensu certo, & firmo consistat. Atque ita constat, hoc peccatum & mortale esse, & nunquam esse posse veniale ex parte materiæ, quia quodlibet dubium deliberatum in materia fidei peccatum mortale est; ex subreptione vero potest esse veniale, & per ignorantiam invincibilem potest aliquando excusari, ut infra dicam.

5 Hinc vero nascitur dubium circa secundam partem assertionis: nam sequitur, hoc peccatum non esse contra religionem, sed contra fidem, vel fidei confessionem; nam actus imperatus habet eandem malitiam cum imperante, immo ab illo denominatur: sed hujusmodi tentatio est actus imperatus ab infidelitate mentis, & inde habet totam malitiam suam; ergo habet malitiam infidelitatis, non irreligiositatis. Ad hoc vero optime respondet D. Thom. d. qu. 97. art. 3. ad 1. Sicut ex certitudine fidei aliquis exhibet Deo reverentiam, ita ex incertitudine fidei, vel ex falsa fide posse actum irreverentiæ erga Deum facere, unde sicut reverentia, licet sit ex fide, ad reli-

gionem formaliter pertinet, ut constat de actu adorationis, ita irreligientia, licet procedat ex infidelitate, est vitium irreligionis, sicut in idololatria manifestum est. Hinc ergo probatur illa secunda pars assertionis; nam tentatio hæc Dei est magna irreverentia Dei, nam est petere ab ipso probationem (ut sic dicam) suæ excellentiæ, potentiæ, vel sapientiæ, quod est contra reverentiam Deo debitam.

6 Dices, hac ratione non satis probari, in hoc actu esse formaliter specificam malitiam contra religionem, sed solum materialiter, eo modo, quo plures alii actus, qui indebito modo circa Deum versantur, possunt reputari contra reverentiam Deo debitam. Nam ipsemet actus dubitandi de omnipotentia Dei est contra reverentiam illi debitam, & multo magis credere aliquid repugnans excellentiæ Dei est injuriosum illi, & contra reverentiam illi debitam; idemque est de odio Dei, & similibus actibus, qui tamen non pertinent ad irreligiositatem, sed ad vitia contraria vel fidei, vel charitati, &c. ergo idem erit de tentatione Dei. Hoc vero expedietur facile explicando, & probando tertiam partem propositam in assertionem. Nam ut D. Thom. inquit in d. art. 1. tunc aliquis hoc modo tentat Deum, quando ea intentione aliquid a Deo postulat, ut exploret ejus scientiam, aut potentiam, & similia, i. ut experimento cognoscat, an Deus vere aliquid sciat, aut possit, &c. Ergo hæc tentatio dicit actum distinctum ab actu dubitandi de hujusmodi attributis Dei, & ab actu, quo posset exterius exprimi illa dubitatio. Nam potest quis exterius profiteri, & dicere, se dubitare de hac, vel illa veritate fidei, & in hoc consummare malitiam confessionis contrariæ fidei, & tamen per illum actum præcise sumptum nondum tentare Deum. Si autem ulterius homo procedat, & a Deo ipso petat novum, & extraordinarium modum ostendendi illam veritatem, ut illam exploret, novum genus peccati committit, quod jam non spectat ad speciem infidelitatis ex parte objecti sui, sed ex illo habet novam inordinationem, quæ consistit in hoc, quod aliquid a Deo in materia indebita postulat, in quo fit contra reverentiam Deo debitam: hoc ergo modo illa malitia est contra religionem, quatenus in materia orationis versatur.

7 Et ita cessant objectiones: nam qui elicit, vel profert hæresim, peccat contra fidem, & confessionem ejus tantum, si non ultra progreditur: si tamen petat a Deo miraculum in confirmationem suæ hæresis, jam contra religionem peccat. Et similiter, si per illam falsam doctrinam intenderet honorare Deum, ex alio capite contra religionem peccaret per superstitionem, ut infra videbimus. Idemque est de odio Dei, ac similibus actibus, nam si in propriis rationibus eorum sistatur, habet unusquisque malitiam tantum contra suam virtutem: si autem assumantur, ut materia cultus, vel eorum occasione aliquid indebitum a Deo petatur, jam priori malitiæ adjungitur altera contra religionem. Neque verum est, quod dicebatur, actum imperatum non habere malitiam nisi ab actu imperante, nam sæpe habet malitiam ex proprio objecto, ut ex 1. 2. constat. Sic ergo hæc tentatio Dei ex objecto suo habet malitiam contra religionem, quia per eam petitur aliquid a Deo contra reverentiam illi debitam.

8 Dices, præter hunc modum tentandi Deum expressum per verba orationis esse alium modum tentandi factis, quando homo per ea, quæ facit, intendit experimentum sumere Divinæ scientiæ, seu potestatis, ut dixit D. Thom. d. art. 1. ergo hæc malitia non tantum invenitur in oratione, sed etiam in opere. Respondet, nunquam tale opus habere rationem expressæ tentationis Dei, nisi quatenus habet conjunctum desiderium explorandi per tale factum, an Deus talis sit, vel an hoc sciat, aut possit. Illud autem desiderium tali opere declaratum est quædam virtualis, seu tacita oratio. Immo tunc videtur homo habere propositum non credendi id, de quo dubitat, nisi Deus tali opere ostendat veritatem, quam scire desiderat, & ita virtute postulat a Deo extraordinarium modum confirmandi veritatem ad nutum suæ volun-

Tentare Deum, qui de eo experimentum vult sumere

Tentare Deum, per se malum esse: & contra religionem

Obiectio contra secundam partem conclusionis

Solutio

Difficultas

Enodatur difficultas

Instantia

Occurrit

voluntatis, & non divinæ, quod maxime irreverentia est.

Explicatur
dubium

9 Sed occurrit duplex dubium circa conclusionem positam. Nam contingere potest, ut aliquis non peccet, dubitando de aliqua perfectione, vel proprietate Dei. Nam si sit supernaturalis veritas, fieri potest, ut non sit illi satis propostita ejus revelatio, vel etiam si sit veritas naturaliter cognoscibilis, potest homo simplex, & qui philosophari non novit, sine peccato de illa dubitare; quandiu in ordine ad fidem non sufficienter proponitur. Ergo tunc non erit malum ex tali dubitatione petere a Deo signum aliquod, vel opus miraculosum ad explorandam illam veritatem; ergo non semper tentatio Dei ad probationem veritatis illicita est. Unde de Gedeone legimus Judic. 6. cum ei apparuisset Dominus, & mitteret illum ad liberandum Israel, suumque auxilium ei promitteret, respondisse: *Si inveni gratiam coram te, da mihi signum, quod tu sis, qui loqueris ad me.* In quo non reprehenditur, sed prudenter egisse creditur, ut ex Glos. ibi notavit Cajet. d. qu. 97. art. 2. & August. lib. 2. de Consensu evangelistarum exponens verba illa Matth. 22. *Interrogavit eum unus ex eis legis doctor tentans eum, magister, quod est mandatum magnum in lege &c.* inquit, fieri potuisse, ut illa tentatio non fuerit in malam partem: *Tanquam volentis (inquit) decipere inimicum, sed cauta potius, tanquam experiri amplius volentis ignotum: neque enim frustra scriptum est, qui facile credit, levis est corde.* Igitur non semper tentatio hec mala est, sed tunc solum, quando dubitatio mala est.

Judic. 6.

Proponitur alia
difficultas

10 Aliud dubium est circa eandem assertionem, quia supponit hanc tentationem procedere semper ex dubitatione, quod non est universaliter verum. Nam licet aliquis sit certus, potest sine peccato desiderare, vel certior fieri ex parte sua ad excludendam omnem humanam tentationem, vel amplius illuminari in illa veritate, de qua certus est, vel propter se, vel saltem propter alios: ergo si tunc a Deo petat speciale signum ad hunc finem, non peccabit, etiam si ipsum tentare videatur. De qua re multa occurrunt in Scriptura exempla: sic enim Elias 3. Reg. 18. conditionem sacrificii consumendi per ignem de celo missum populo proposuit, & concludit: *Deus, qui exaudierit per ignem, ipse sit Deus.* Quod factum videtur fuisse quendam Dei tentatio: nam fuit ordinatum ad sumendum experimentum de vero Deo; tamen quia non processit ex dubitatione, sed recta fide, intentione, ac necessitate, honestissimum fuit. Similiter Abraham Gen. 15. ad Deum sibi loquentem dixit: *Unde hoc sciam? vel secundum quid sciam?* ut legit Aug. quod verbum videtur fuisse tentantis Deum, & petentis signum extraordinarium ad explorandam veritatem ejus, & tamen non reprehenditur Abraham, quia non id dixit dubitans de veritate Dei: nam de illo jam ibi scriptum erat: *Credidit Abraham Deo, & reputatum est ei ad justitiam*, a qua fide non defecit, quando alia verba subjunxit, *sed aliquam similitudinem petiit, qua ejus rei, quam crediderat, modus agnosceretur:* teste August. 17. de Civit. cap. 24. Ubi etiam affert exemplum Beatissimæ Virginis, quando dixit: *Quomodo fiet istud? Non ita,* inquit, *Abraham rem credidit, modum autem scire optavit:* & in eundem sensum Chrysost. homil. 37. in Genes. ita exponit verba Abraham: *Non ut incredulus hoc interrogo; sed quia iterum mihi hereditatem nominas, volebam & clarius signum accipere, quod possit infirmas meas cogitationes solidare.* Sic etiam Gedeon Jud. 6. post sufficientem revelationem Dei, cui ipse jam crediderat, & ex illa fide multa operatus fuerat, duplex signum velleris a Deo petiit. Quamvis enim D. Tho. d. qu. 97. art. 2. ad 3. illum non excuset; nihilominus excusari facile potest, maxime cum Deus illum non reprehenderit, & signa postulata concesserit, quibus Christi mysteria præfigurata sunt, ut docuit Aug. 12. contra Faust. c. 32. Unde verisimile est, id fecisse ex speciali instinctu Dei, sicut de Abraham idem S. Tho. docuit. Atque etiam id facere potuit sine ulla dubitatione in fide, vel ad se magis confirmandum, & excitandum, vel certe propter populum, ut facilius cre-

Judic. 6.

deret, se esse a Deo missum. In hoc ergo modo tentandi Deum non invenitur ulla deformitas, quia nec petere a Deo tale signum, per se malum est: nec modus est malus, cum non sit defectuosus in fide. Et ideo Deus sæpe inspirat talem petitionem, ut Isa. 7. legimus dixisse ad Achaz: *Pete tibi signum a Domino Deo tuo;* & non laudatur, sed potius reprehenditur Achaz, eo quod non petierit.

11 Ad hæc duo dubia potest uno verbo responderi, verum esse in his casibus licite posse fieri hujusmodi petitionem a Deo; in eis tamen non proprie tentare Deum, quia tentare Deum in Scriptura, in malam partem accipitur, & ita etiam nunc de illa loquimur. Et ne videamur in solo usu vocis fundari, explicare id possumus ex re ipsa. Nam in casu posito in prima difficultate, cum non supponatur in homine sufficiens potestas ad cognoscendam veritatem, de qua dubitatur, neque homo peccat dubitando, vel suspendendo assensum, donec veritas sufficienter proponatur, nec explorat aliquid de perfectione Dei, sed explorat, an ille, qui loquitur, sit Deus, & ideo non tentat Deum. Unde recte Cajet. d. ar. 2. dixit, tentare Deum involvere ignorantiam, vel dubitationem malam: *Et ideo (ait) si quid est, quod licet dubitare de Deo, hoc extra tentationem Dei est, si cum debitis circumstantiis fiat.* Quia nimirum, qui in eo casu petit signum, non explorat Deum proprie loquendo, sed postulat instrui ab eo, & ideo neque peccat, neque tentat Deum. Idemque in posteriori casu clarius constat, quia in eo, qui petit signum, non explorat veritatem, de qua jam certus est, sed vel majorem instructionem pro se postulat, vel pro aliis majorem, magisque publicam confirmationem.

Solutio
dubia

12 Recte autem admonet Cajet. oportere, ut hoc debitis circumstantiis fiat; & sumitur ex D. Thom. ibid. dicente: *Cum subsit justa necessitas, seipsum utilitas, & alia, quæ ad hoc concurrere debent.* Igitur ex defectu talium circumstantiarum poterit committi tentatio Dei, etiam in illis casibus. Circumstantiæ autem necessariæ sunt, prima, ut occurrat necessitas tum ex parte finis, tum etiam ex parte medii. Ex parte finis, ut nimirum talis veritas sit necessaria ad salutem vel propriam, vel aliorum, vel ad voluntatem Dei implendam, vel saltem, ut sit valde conveniens ad aliquod commune bonum: ex parte vero medii, ut non omittantur ordinaria media a Deo præstituta ad veritatem agnoscendam: nam si prætermisissis illis, extraordinarium signum a Deo petatur, irrationabilis est petitio ad tentationem Dei spectans, etiam si non videatur ex infideli dubitatione procedere. Nam si homo non adhibeat media, quæ prudenter adhibere potest, tunc magis tentat Deum, quam speret in eo, ut dixit Aug. 16. de Civ. c. 19. & l. 22. contra Faust. cap. 36. ubi variis exemplis hoc ostendit, & l. de opere Monach. c. 27. illa reperit, ex quibus concludit: cum possumus ordinaria media adhibere, non oportere tentare Deum. Et D. Thom. d. qu. 97. art. 1. refert ex Glos. Deur. 6. *Illum tentare Deum, qui habens, quod facit, sine causa petit extraordinarium opus a Deo.* Deinde etiam posita necessitate, oportet modum servare in hujusmodi petitione, quod Cajet. his verbis declaravit: *Licetum est humiliter petere signum pro opportuna instructione:* nam in particula *humiliter* totum hunc modum comprehendisse videtur.

Quæ cir-
cūstantiæ
necessariæ
sunt, ut hoc
licite fiat

13 Ad hanc ergo submissionem animi spectat, ut homo non ita determinet fidem suam ad signum aliquod particulare, quod a Deo postulat, ut, nisi illud concedatur, non sit crediturus; nam hic modus petendi de se est plane temerarius, & contra fidem, & subordinationem Deo debitam. Quando ergo homo petit hujusmodi extraordinariam instructionem a Deo, ordinarie non debet determinatum signum, vel modum petere, sed solum, ut Deus provideat juxta dispositionem Sapientiae suæ; vel si aliquid in particulari petit, non debet id facere cum animo obstinato non parendi, vel non credendi, nisi id fiat, sed cum debita subordinatione ad voluntatem Dei, qualem habebant tres pueri apud Dan. c. 2. quando Regi responderunt: *Ecce Deus noster, quem colimus, potest eripere*

Fides non
determinanda
ad signum
particulare

eripere nos de camino ignis ardentis, & de manibus tuis Rex liberare, quod si noluerit, notum sit tibi o Rex, quia Deos tuos non colimus: ita enim sperabant miraculosam protectionem Dei, ut parati essent ad credendum, etiamsi illam non daret. Et hoc ipsum significavit Aug. cum in d. lib. de opere monach. c. 27. dixit: Quod si Christi discipuli persecutores fugientes interrogarentur, cur non starent potius, & invocarent Deum, ut per ejus mirabilia eruerentur: *Responderent (inquit) non se oportuisse tentare Deum, sed tunc cum talia, si vellet, esse facturum: cum ipsi, quid facerent, non haberent, expendendo illam particulam, si vellet, quia semper talis petitio debet habere hanc conditionem virtute conjunctam, alioquin tentat Deum, qui ab illo petit signum, quale ipse petens vult, & illud præscribit tanquam unicum medium explorandi veritatem. Quod si aliquando Sancti hoc fecisse videntur, credendum est, id non fecisse sine speciali Spir. S. impulsu, ut de Abraham dixit D. Thom. & de Elia videtur mihi esse indubitatum. Et idem credo, quoties lego, aliquos viros sanctos petiisse a Deo signum aliquod publicum ad confundendum aliquem hæreticum, aut veritatem fidei confirmandam, est enim tam excellens, & supernaturalis hæc petitio, ut sine speciali Dei motione fieri recte non possit. Et hæc videntur sufficere de propria, & formali tentatione Dei de his, quæ necessario illi conveniunt.*

14. Secundo dicendum est, tentare Deum ad explorandam ejus voluntatem, vel determinationem de aliquo futuro eventu per se etiam malum est, licet sit minus grave peccatum ex genere suo, quam sit altera tentatio Dei. Hæc assertio erit clara, si auferatur questio de nomine quoad verbum *tentandi*: nam petere a Deo opportunam instructionem, etiam extraordinariam, & miraculosam ad cognoscendum aliquid hujusmodi, non semper malum est, ut recte dixit Cajet. d. ar. 2. & sumitur ex D. Thom. ibid. & ar. 1. Talis autem petitio debito modo facta non censetur esse tentatio Dei, quia revera non fit animo explorandi, aut sumendi experimentum de Deo, sed ad comparandam necessariam instructionem a Deo. Talis ergo tentatio contingit, quando homo indebite, & irrationabiliter vult nosse in aliquo voluntatem Dei, & ad illam explorandam aliquid a Deo petit; loquimur enim nunc de formali, & expressa tentatione in tali materia, quæ non fit sine tali intentione. Constat ergo, talem tentationem pravam esse, & irreligiosam; tum quia contra reverentiam Deo debitam est, secretam ejus voluntatem indebito modo, & contra eandem voluntatem velle nosse; tum etiam quia multo major audacia est, propter hunc finem a Deo postulare aliquod signum, vel extraordinarium opus, ut per se constat. Quod autem in hujusmodi materia sit minus peccatum, pater, quia non procedit per se loquendo ex dubitatione in fide, neque ex ignorantia culpabili, seu de re, quam homo scire teneatur: non enim tenetur scire homo, quid Deus facturus sit, aut quid velit in his, quæ non revelavit; ergo dubitare de voluntate Dei in illis non est peccatum: ergo neque explorare talem Dei voluntatem ex hoc capite malum est, sed ex eo solum, quod aliunde est indebitus modus, & inordinatus appetitus; est ergo hæc tentatio ex vi suæ materiæ minus grave peccatum, quam prior. Locuti autem sumus de voluntate, quam Deus non revelavit: nam si Deus jam sufficienter manifestavit, & proposuit determinationem aliquam suæ voluntatis, vel effectum, quem facturus est, dubitare de illo non tantum esset dubitare de voluntate, sed etiam de veritate, & fidelitate Dei; ideoque tentatio Dei in illa materia ad priorem modum pertineret.

15. Sed quaerit aliquis, an tentatio Dei, etiam expresse, & formalis in hujusmodi materia, quæ non requirit dubitationem in fide, sit peccatum mortale per se, & ex vi sui objecti? Dico autem per se, & ex vi sui objecti, quia ex aliis capitibus sæpe potest esse mortale, præsertim ex duobus. Primo ex fine, si lethale malum sit, ut est generale, etiam in operibus indifferentibus. Secundo ex periculo alicujus gravis

nocumenti, vel scandali, ut si quis temere offerat, & petat publicum miraculum ad cognoscendam Dei voluntatem in aliquo negotio: aut si te in puteum projicias, ut Deus, te protegendo, ostendat benevolentiam erga te, sicut de quodam monacho legitur apud Cassian. Collat. 5. c. 5. Loquendo autem per se, & ex vi objecti videri potest, hoc peccatum non esse mortale, quia solum videtur esse nimia quædam curiositas cognoscendi consilium, vel voluntatem Dei in his, quæ neque homini necessaria sunt, neque ad ipsum pertinent, ex quo sine non habet talis actus gravem malitiam; neque etiam ex materia, quia, ut supponitur, res, quæ postulat, non est mala; nec denique ex modo, seu ex medio, quod est postulare a Deo tale signum, quia per hoc non videtur irrogari Deo gravis injuria. Et ita sentiunt aliqui moderni; immo putant, illam non esse proprie tentationem Dei, quia non procedit ex dubitatione de perfectione Dei, sed solum de libera determinatione voluntatis Dei, & videtur favere D. Thom. d. qu. 97. ar. 2. Nam totam rationem peccati, & proprie tentationis Dei in hoc ponit, quod procedat ex dubitatione de perfectione Dei.

16. Nihilominus dicendum est, hoc peccatum ex genere suo esse mortale. Ita tenet Cajet. in Summa ver. *Tentatio Dei*, & sequitur Tolet. lib. 4. Instructionis c. 19. & alii. Ratio est, quia illa est notabilis irreverentia Dei; quia non solum vult, qui sic petit, ut Deus foveat, & cooperetur ad vanam curiositatem, sed etiam vult, ut Deus sua potentia aliquid mirabile, & extraordinarium operetur solum ad illum vanum finem, quod est valde alienum a sapientia, & prudentia Dei; petit ergo a Deo aliquam rem, quæ non decet illius majestatem, vultque habere Deum tanquam magistrum rerum ipsi iuvilium, idque per ostensionem potentiae suæ, quod indecentissimum est. Ideoque hoc peccatum multum derogat religioni erga Deum, si vocetur propria tentatio Dei, si alia gravis irreligiositas, quod pertinet ad questionem de nomine. Non video tamen, cur non sit propria tentatio, cum sit exploratio quædam Divinæ voluntatis expresse intenta per tale medium. Neque oportet, ut omnis tentatio sit ex dubitatione de perfectione Divina, quamvis illa sit gravissima, & pessima inter omnes tentationes Dei. Nam inter homines, qui aliquid petit ab aliquo, ut exploret ejus amorem, vel propositum, proprie dicitur tentare illum: non oportet ergo verbum hoc respectu Dei limitare ad explorationem alicujus perfectionis necessario convenientis Deo. Et sane cum Deut. 6. & Matth. 4. prohibetur tentatio Dei, de hoc modo tentandi Deum videtur esse sermo. Quando enim diabolus a Christo petiit, *Mitte te deorsum*, non videtur petiisse, ut probaret Divinam potentiam, sed affectum erga ipsum, & ideo adjunxit: *Angelis enim sui mandavit de te, &c.* & tamen illi Christus respondit: *Non tentabis Dominum Deum tuum.* Et hæc ipsa prohibitio ostendit gravitatem hujus delicti: est ergo peccatum mortale ex suo genere: immo vix potest esse veniale, nisi fortasse ex ignorantia, & simplicitate non omnino crassa, qua quis id faciat ex quadam inepta specie pietatis.

Resolutio
questionis

C A P U T III.

De Tentatione Dei interpretativa.

I. Dicendum superest de alio modo tentandi Deum interpretative, & implicite, quem omnes Doctores cum D. Thom. supra ponunt: dicuntque esse, quando aliquis opere ipso Dei potentiam, vel amorem explorat, quamvis hoc non intendat formaliter. Sic D. Thom. inquit, illum tentare Deum interpretative, qui, etsi non intendit experimentum de Deo sumere, aliquid tamen petit, vel facit, quod ad nihil aliud est utile, nisi ad probandam Dei potestatem, vel bonitatem. Exempla communia sunt, si quis continuos quadraginta dies velit abstinere ab omni cibo, & potu, ut Christum imitetur: item si quis aperto vitæ periculo se exponat

Malum
est tenta-
re Deum
exploran-
do ejus
volunta-
tem de
eventu
futuro

An hu-
jusmodi
tentatio
Dei sit
peccatum
mortalis

ponat sine necessitate, vel nolit uti mediis ordinariis, vela Deo institutis, vel ad salutem tuendam in gravi morbo, vel ad actionem aliquam convenienter exercendam. Sic Navar. in Manuali, c. 11. n. 40. dicit, peccare mortaliter eum, qui voluntarie omitta prævia meditatione concionatur, vel qui in gravi morbo solum providentiæ Divinæ se committit, nullo utens remedio absque necessitate. Similiter erit grave peccatum ad probationem alicujus veritatis miraculoso experimento uti velle, ut apud multos fuit aliquando in usu, ut paulo post attingemus. In his ergo, & similibus casibus censetur tentari Deus interpretative propter rationem contentam in verbis D. Thom. supra relatis, qui etiam exemplum adjungit. Nam cum quis equum currere facit, ut evadat hostem, non sumit de equo experimentum; si vero absque ulla necessitate, vel utilitate equum currere faciat, nihil aliud facere censetur, quam experiri equi velocitatem: ita ergo dicit esse in præsentia.

Sine in-
tentatio-
ne inter-
pretativa
specialis
malitia
contra re-
ligionem

2 In hoc vero tentationis genere, licet regulariter facile sit, deformitatem, & malitiam invenire contra alias virtutes a religione distinctas, ut contra justitiam, si actio fiat cum periculo vitæ proximi, vel alterius injusti nocuenti, vel contra charitatem, si fiat cum periculo proprio, vel contra temperantiam, aut aliam similem virtutem, si imprudenter ejus medium, & necessarius actus omittatur, ut patebit facile, hoc applicando cum proportionem ad exempla adducta: nihilominus non est facile in hoc opere declarare specialem malitiam contra religionem, si non interveniat expressa, & formalis intentio probandi Deum, si autem hæc intentio interveniat, jam non erit interpretativa tentatio, sed expressa. Ergo loquendo de vitio contrario religioni, nulla est interpretativa tentatio; sed illa, quæ sic appellatur, vel dicitur tentatio præsumptione quadam, & non vere, vel solum materialiter, quia illa actio talis est, ut de se sit apta ad tentandum Deum. Antecedens declaratur in illo exemplo, quando aliquis ingreditur ignem ad probandam innocentiam suam, aut enim id fit sine ullo intuitu religionis respectu Dei ex temeritate quadam, & tunc ibi nulla ratio irreligiositatis invenitur, sed solum temeritatis, & periculi propriæ mortis, & publici scandali; sæpe enim continget illo modo, & innocentem comburi, & vulgare populum decipi, dum putat, illo modo probatum esse delictum, cum revera non sit, ut recte dixit Ivo epistol. 74. Si vero illud fiat intuitu Dei, id etiam esse potest duobus modis: unus est, existimando ad divinam providentiam pertinere, non permittere, in eo casu innocentem cremari, etiam si necesse sit, miraculose actionem ignis suspendere, & hinc concipiendo certam, & indubitam fiduciam non patendi ab igne detrimentum, cum is, qui ingreditur, certus de sua innocentia sit. Alius modus esse potest, quando aliquis non habens hanc existimationem, & spem certam, vult suo periculo experiri, an Deus innocentiam hoc etiam modo tueatur, & defendat? Si ergo hoc posteriori modo fiat, erit quidem tentatio Dei, non tamen interpretative, sed satis expressa, & formalis, ut ex ipsa declaratione satis constat. Non tamen solet ita fieri regulariter, sed priori modo, & de illo videntur loqui auctores, quando hanc vocant tentationem Dei interpretativam. At vero tum nihil minus esse videtur, quam tentatio Dei: nam tentatio Dei debet esse ex dubitatione, vel de perfectione Dei, vel saltem de ejus voluntate, ut supra visum est, & D. Thom. docet: ergo, ut sit interpretativa tentatio, oportet, ut sit etiam saltem interpretativa dubitatio: ibi autem neutra invenitur, sed potius nimia certitudo, vel potius pertinacia circa credulitatem de tali futuro eventu ex speciali providentia Dei.

3 Unde confirmatur primo, quia illud potius videtur esse vitium præsumptionis spei oppositum per excessum, & procedens etiam ex quadam fide nimia, & voluntaria: & ideo videtur extreme distans a tentatione Dei, quæ est ex defectu fidei, vel confidentiæ in Deo. Confirmatur secundo, quia per hujusmodi operationem non explorat homo aliquid de Deo,

nec quoad attributa; nec quoad actus ejus; sed explorat aliquid de homine, verbi gratia an fecerit hoc delictum, nec ne? vel, an in hoc verum dicat, aut aliquid hujusmodi? ergo illa non est tentatio Dei, sed potius hominis. Unde tandem cessare videtur ratio D. Thom. & in contrarium revolvitur: dicit enim, tunc esse tentationem interpretativam, quando actio non est ad aliud utilis, nisi ad experimentum sumendum de Deo: at in præsentia actio putatur utilis ad alios fines, ut ad probandam propriam innocentiam, vel ostendendam singularem sanctitatem, etiam si fortasse ostentatio vana sit, vel certe ad confirmandam veritatem, etiam fidei, ex zelo indifferento, & temerario; ergo.

4 In hoc puncto in primis dicendum est, ad hanc tentationem Dei interpretativam necessarium esse, ut opus fiat cum aliquo respectu ad Deum etiam ex intentione operantis. Hoc recte probat discursus factus. Declaratur præterea ex eo, quod Cajetan. in dicto ar. 1. ait, formale hujus tentationis Dei interpretativæ consistere in hoc, quod sive utilitate, vel necessitate respuat homo causas secundas; nam hoc non est intelligendum mere negative, quia non sufficit hoc ad tentandum Deum; debet ergo intelligi positive, scilicet quod homo contentus sola causalitate causæ primæ respuat secundas: ergo saltem hic respectus ad Deum necessarius est ad hanc tentationem. Antecedens declaratur; nam si quis ingreditur ignem, non ut liber evadat, sed ut comburatur, non censetur tentare Deum, sed se occidere, vel per desperationem, vel per specialem instinctum Spir. sancti, ut Tecla. Item qui aliquem gravem dolorem, vel ulcus patitur, & respuat causas secundas, nullam adhibendo medicinam, non ut sine his causis sanetur per solam virtutem causæ primæ, sed quia non vult sanari, sed potius illam infirmitatem continue pati, ille non tentat Deum, quia nec formaliter, nec virtute aliquid de illo explorat. Unde si imprudenter id agat, peccat quidem, non tamen contra religionem, nec contra Dei honorem, sed contra suam salutem. Si vero ex bono fine, & prudenti discretionem id faciat, ut de viris spiritualibus, & sanctis dicit Cajet. in illo ar. 1. faciet quidem opus virtutis, tamen ex objecto non facit opus religionis, sed patientiæ, humilitatis, aut aliquid hujusmodi: ergo ad tentationem interpretativam Dei non satis est respuere causas secundas, nollendo effectum, sed oportet, velle effectum sine causis secundis: nemo autem est ita stolidus, ut possit velle effectum sine ulla causa tam secunda, quam prima; ergo qui tentat Deum etiam interpretative, vult effectum a causa prima sine secunda; ergo tentatio Dei fit semper saltem cum hoc respectu ad Deum. Et in hoc convenit hæc tentatio Dei cum formali, & expressa.

Ad tenta-
tionem
interpre-
tativam
necesse est
ut opus
sit cum
aliquo
respectu
ad Deum

5 Addendum præterea est, in hoc modo operandi peccatum committi, non solum contra alias virtutes juxta materiæ capacitatem, sed etiam contra religionem. Probat, quia in eo opere intervenit vel formalis, vel saltem virtualis imploratio divini auxilii, sed illa est indebita, & contra rationem, & in materia, quæ non pertinet ad honorem Dei; ergo est irreverentia contra religionem Deo debitam: nam sive expresse, & formaliter, sive interpretative, & (ut ita dicam) in actu exercito aliquis imploret Divinum auxilium, debet id facere prudenter, & juxta beneplacitum ejus. Quod autem in illo operandi modo intercedat imploratio Divini auxilii, manifestum est, quia ejus intuitu homo aggreditur tale opus, etiam sæpe cum periculo vitæ. Unde ordinarie adjungi solet etiam expressa invocatio Divini auxilii, ut constat ex multis historiis, quas erudite congerit Martinus del Rio lib. 4. Disquisition. Magic. cap. 4. quæst. 4. & sequentibus: & moraliter vix poterit homo aliter tale opus aggredi: nam licet voce forte non oret, corde tamen implorabit Deum, in quo ita confidit: vel certe, quamvis nec interius loquatur orando ipso desiderio, & intentione obtinendi a Deo talem protectionem, vel cooperationem, virtualiter implorat extraordinarium Dei auxilium ad talem effectum necessarium. Quod autem ille modus invo-

In tenta-
tione in-
terpreta-
tiva com-
mittitur
peccatum
contra re-
ligionem

candi Deum sit indebitus, & contra honorem ipsius Dei, probatur, quia est contra ordinem providentiæ ejus. Item hoc probant omnia adducta in cap. præcedenti respondendo ad ultimam difficultatem in fine propositam.

6 Præterea concedendum est, hunc modum peccati longe diversum esse a formali, & expressa tentatione Dei: quod satis probant objectiones factæ: nam formalis tentatio procedit ex aliqua dubitatione; hæc vero culpa, de qua nunc agimus, procedit ex nimia confidentia. Item, illa est exploratio divinæ perfectionis, aut voluntatis ex intentione operantis, & ex ipsa actione; in hoc autem opere nihil exploratur de Deo, sed solum imploratur, quod non oportet, saltem ex intentione operantis. His ergo stantibus quæstio satis speculativa est, an hæc malitia, quam nunc explicuimus, sit specie distincta a malitia formalis tentationis Dei? Tamen argumenta facta videntur mihi satis persuadere, esse distinctam, quia longe diversa ratione pertinet ad irreverentiam Dei, & quia procedit ex principiis, & causis moralibus longe diversis. Et quod ad mores spectat, clarum est, necessarium esse in confessione appetire, a tentatio Dei fuerit expressa, vel tantum interpretativa, quia saltem necessarium est aperire intentionem, qua factum est opus, quo tentari Deus dicitur.

7 Hinc vero nascitur alia quæstio, quæ in eisdem objectionibus tangitur, an recte vocetur hoc peccatum tentatio Dei, etiam interpretativa, cum nihil videatur habere commune cum propria tentatione Dei. Sed hæc quæstio tantum ad modum loquendi spectat, in quo non est recedendum a communi usu. Omnes autem Theologi hoc peccatum vocant tentationem Dei, saltem cum illo addito, *interpretativam*, ita etiam loquitur Aug. in d. lib. de opere Monach. c. 27. & li. 22. contra Faust. c. 36. ubi regulam statuit, tentare hominem Deum, quando non vult uti debita industria. Immo etiam jura canonica ita loquuntur, quæ statim referemus. Ratio vero reddi potest, quia malitia hujus peccati, licet ex præsumptione procedat, non est præsumptio, sed irreligiositas: sicut supra dicebamus, expressam tentationem Dei, licet procedat ex infidelitate, non esse infidelitatem. Hæc autem irreligiositas convenit cum formali tentatione Dei; tum quia est formalis, vel virtualis petitio divini auxilii contra ordinem providentiæ divinæ; tum quia fit per opus de se explorativum, ut sic dicam, divinæ sapientiæ, aut potentiæ. Et ita dixit Aug. 16. de Civ. c. 19. quod si Abraham periculum, quantum caveri poterat, non caveret, magis tentaret Deum, quam speraret in Deo. Hæc ergo sufficiunt ad orationem vocis, maxime cum hæc censetur esse tentatio Dei non simpliciter, sed cum illo addito *interpretativa*: quia in eo opere Deus tentari videtur, ut dicitur in cap. ultim. de Purg. vulg. & fortasse ita etiam potest commode exponi illud Eccle. 18. *Noli esse quasi homo, qui tentat Deum*: quod de interpretativa tentatione exponit D. Thom. quia ille, qui imparatus ad orationem accedit, vult fructum, seu effectum orationis sine mediis ordinatis a Deo, quod est interpretative tentare ipsum, ut declaravimus; & tamen ille non dicitur simpliciter tentans Deum, sed *quasi tentans*, ut ponderat ibi Cajet. dicens: *Non nisi extenso vocabulo irreverentia hæc tentatio Dei est.*

8 Atque ex his infertur, merito prohiberi per sacros Canones probationes illas, quæ purgationes vulgares appellantur, ut patet ex c. *Mennam*, 2. q. 5. & cap. *Confuluisti*, & cap. *Monomachia*: item cap. 1. & 3. de Purg. vulg. & cap. *Ex tuarum*, de Purgat. Canonica, in quibus prohibentur purgatio, vel probatio per experimentum ferri candentis, & aquæ ferventis; & idem est de quibuscumque operibus, vel signis, in quibus miraculosa divinæ virtutis ostensio expectatur, vel postulatur ad veritatis occultæ probationem. Et eadem ratione prohibetur monomachia in eundem finem facta, ut patet ex eisdem juri- bus, & ex Concilio Trident. sess. 25. c. 19. de Refor. ubi generaliter duellum prohibetur, & consequenter

etiam hic casus continetur. Nam licet duellum potissime prohibeatur propter periculum & propriæ mortis, & homicidii alterius; tamen quando fit in ostensionem veritatis, etiam prohibetur ratione Divinæ irreverentiæ, quia ibi virtualiter postulatur a Deo peculiare auxilium, ut ille, cui veritas favet, victor evadat, alioquin nulla esset probatio veritatis in illo opere: illud autem a Deo postulare, magna irreverentia est. Quocirca, si ea, quæ diximus, considerentur, facile intelligitur, hæc prohiberi, quia mala sunt, & non tantum esse mala, quia prohibita: nam ipsa jura dicunt, hæc prohiberi, quia in eis tentatur Deus: tentatio autem Dei etiam interpretativa per se mala est, seclusa humana prohibitione. Et ideo nihil refert, quod jura in una, vel altera particulari actione loquantur, quia nihilominus prohibitio ratione materiæ æquivalat universali, ut recte sensit Divus Thomas 1. 2. quæst. 95. art. 8. ad 3. & 3. p. qu. 80. art. 6. ad 3. & Alexand. Alenf. 3. p. qu. 45. memb. 3. Abbas, Ancharanus, & alii in dicto cap. 3. de Purgat. vulgari, Turrec. in dicto cap. *Confuluisti*, 2. q. 5.

15 Sed objici potest, quia Deus similem delicti purgationem sæpe per miracula confirmavit, ut variis exemplis ostendit del Rio supra sect. 3. & sequentibus; ergo signum est, non esse per se malam. Adde, quod num. 5. quoddam simile purgationis genus præcipit Deus in muliere suspecta de adulterio. Item in Concilio Bormaciensi cap. 15. & habetur in cap. *Sæpe* 2. quæst. 5. præcipitur, ut, si furtum in Monasterio committatur, fratres purgentur hoc modo, ut fratres omnes in fine Missæ de manu Abbatris communicent in hæc verba: *Corpus Domini sit mihi ad probationem hodie*. Et in cap. 10. similem purgationem postulat ab episcopo, vel presbytero suspectis de gravi crimine, & habetur cap. ultim. 2. quæst. 5.

16 Respondetur ad primam partem de miraculis, vel ea accidisse in aliquibus casibus, in quibus ex speciali inspiratione Divina id fieri potuit, vel certe quia Deus voluit innocentiam favere, etiam si homines inepte id postularent ex ignorantia vel invincibili, vel etiam crassa, bona tamen intentione agendo. Ad 2. licet Alenf. supra sentiat illam fuisse per missionem tantum, non legem Dei, verius videtur placuisse tunc Deo, uti cum illo populo tali genere miraculose probationis, & ideo tunc fuisse licitam, quia jam non erat tentatio Dei, nam erat medium ordinatum ab ipso constitutum. Et eadem ratione non est tentatio Dei, quoties fit ex speciali revelatione, aut æquivalente inspiratione Dei, quia tunc jam est medium proportionatum, & Deus ipse vultale miraculum a se postulari. Ad 3. Div. Thom. idem censet de illa purgatione per sumptionem corporis Domini, quod de aliis purgationibus vulgari- bus, esse scilicet per se malam, & interpretativam tentationem Dei, juxta cujus sententiam consequenter dicendum est, errasse illud Concil. Provinciale quod plane fatetur Valentia 3. tom. disput. 6. qu. 14. p. 1. in fine, ubi censet illa decreta fuisse revocata per nova jura. Alii vero censent, illam probationem non esse illicitam, si auctoritate publica judicis ecclesiastici fiat, de quo videri potest Martin. del Rio dicto libr. 4. cap. 4. quæst. 3. Ego nullibi illam invenio specialiter prohibitam, sed solum in generali, in quantum peregrina judicia inhibita esse dicuntur in dicto cap. *Ex tuarum*: neque etiam videtur esse intrinsece tentatio Dei, quia non fit ad aliquam ostensionem miraculosam, sed solum quasi in testimonium, & juramentum innocentie. Nihilominus non cenfeo esse convenientem propter periculum animæ, & magis propter irreverentiam Sacramenti.

CAPUT IV.

De Blasphemia quid sit?

Quid sit
blasphemia

IN definienda blasphemia non conveniunt auctores, nam D. Thom. 2. 2. q. 13. ar. 1. dicit, blasphemiam importare quandam derogationem alicujus excellentis bonitatis, præcipue Divinæ: Budæus autem dixit, blasphemiam esse execrationem, & maledictionem, seu convicium: vocat etiam nocens dictum, & sacrilegam infamationem: unde constat, blasphemiam ex vi sue significationis, non solum circa Deum, sed etiam circa creaturas versari posse, sicut maledictionem. Jam vero usu receptum est, ut blasphemia ad derogationem Divini honoris, ac bonitatis applicata sit, ut notavit August. lib. 2. de moribus Manichæorum, cap. 11. dicens: *Est autem blasphemia, cum aliqua mala dicuntur de bonis, itaque jam vulgo blasphemia non accipitur, nisi mala verba de Deo dicere.* Et subjungit optimam rationem accommodationis vocis: *Quia de hominibus dubitari potest, Deus autem sine controversia bonus est.* D. Athanas. Orat. de blasphemia in Filium hominis, & in Spir. sanctum dixit: *Qui blasphematur contra ipsam Deitatem, impie agit; & Hugo de S. Viç. lib. de Fructu carnis, & spirite, cap. 6. dixit: Blasphemiam esse cum quadam probrosa irreligiositate, & diminutione honoris Divini vituperium, ac convicium.* Item dicitur ex cap. 2. de maledictis, ubi Glossa, & Doctores notant, blasphemiam esse vitium lingue Divino honori contrarium. Ex his ergo breviter sic potest blasphemia definiri: *Est verbum maledictionis, convicii, seu contumelia in Deum: Quam definitionem per partes explicando, multa, quæ ad hoc vitium pertinent, facile declarabuntur.*

Blasphemia in locutione committitur

2 Dicitur ergo hoc vitium esse *verbum*, ad denotandum esse peccatum, quod locutione committitur. Sicut enim religio honorat Deum, non tantum factis, sed etiam lingua, laudando ipsum, & ejus excellentiam recognoscendo, ita potest etiam malitia hominis verbis inhonorare Deum: hoc ergo verbum dicitur blasphemia. Est autem duplex verbum: mentale & externum, seu sensibile; utroque ergo potest blasphemari Deus, sicut potest etiam mente, & ore laudari. Et ita in prædicta definitione verbum abstracte accipitur: unde obiter dividi potest blasphemia in internam, & externam. Interna dicitur, quæ fit locutione pure mentali. Externa, quæ fit per sensibile verbum. Circa priorem advertere oportet, illam non esse in voluntate, sed in intellectu, nam locutio mentalis actus intellectus est: & ideo distinguere necesse est inter affectum blasphemie, & blasphemiam ipsam internam. Affectus enim blasphemie proprie non est blasphemia in re, ut sic dicam, sed in voto, & appetitu, & ideo licet tota malitia formalis blasphemie sit in illo affectu, ideoque talis affectus dici possit blasphemia mentalis, sicut desiderium occidendi hominem vocatur homicidium mentale: nihilominus non est vere, & realiter blasphemia, sicut desiderium occidendi non est realiter homicidium, sed morale quadam imputatione. Blasphemia autem exterior est propria blasphemiam in usu, & executione, ut sic dicam, & comparatur ad affectum, ut objectum ejus, & respectu voluntatis dici potest actus externus, licet respectu corporis sit internus. Quod declarari potest his, quæ supra diximus de adoratione; distinximus enim affectum adorandi ab adoratione etiam interna, est enim adoratio objectum affectus, & actus externus comparatione illius, consistitque in exhibitione signi submissionis. Sic ergo e converso blasphemia consistit in locutione verbi maledicentis contra Deum, quæ interior dicitur, quando sola mente fit locutio, exterior vero, quando fit corpore, & tunc censetur esse consummata blasphemia.

Blasphemia divinitus in exterioram & interioram

3 Dubitari autem potest, quando blasphemia dicitur esse verbum, an intelligatur proprie de verbo oris, vel extendi etiam possit ad omnia signa, quibus mentem nostram significamus, etiam si in factis sæpe con-

An signa
quoniam ex
terna ob
jectus ex
plicamus

sistant. Et ratio dubitandi esse potest, quia interdum loquitur factis, & signis: sic enim peccatorum confessio, quamvis ordinarie per verbum proprium fieri debeat, debet aliquando fieri per alia signa. Item D. Thom. ait blasphemiam opponi confessioni fidei, at confessio fidei non tantum verbo, sed etiam opere, ut in Martyrib. constat; ergo etiam blasphemia potest utroque modo fieri. Sicut enim Catholici, qui versantur inter hæreticos deferendo publice rosarium, crucem, & aliud simile signum, fidem continentur; ita e contrario, qui inter infideles caeremonias eorum exercebant, vel aliis signis religiosis propriis alicujus sectæ uteretur, diffisteretur fidem; ergo etiam potest quis blasphemare non tantum verbis propriis, sed etiam signis. Tandem confirmatur, quia de facto potest esse aliquod vitium hujusmodi contra religionem, scil. quo factis, & signis inhonoratur Deus; v. g. si quis in cælum expueret in signum Divini contemptus, vel pulverem versus cælum jaceret, vel alio simili signo ex impositione uteretur, profecto gravissimum peccatum contra religionem committeret, & tamen non est aliud vitium, ad quod pertinere possit, nisi ad blasphemiam, quia esset irreligiositas directe contra Deum, & non per excessum superstitionis, ut constat, sed per defectum cultus, immo per contrarietatem ad cultum positive inhonorando Deum; ergo necesse est, ad blasphemiam pertinere: quia solum materialiter differt in modo signi; formalis autem ratio irreverentiae, ac injuriæ eadem esse videtur: modus etiam loquendi Scripturæ favet; nam 2. Esdræ c. 9. de Judæis: *Cum fecissent sibi vitulum conflatilem, & dixissent: Iste est Deus tuus*, subditur: *feceruntque blasphemias magnas: Et iterum inferius: Quia recesserunt a Deo, & profecerunt legem post tergum suum, & Prophetas occiderunt, & additur: Feceruntque blasphemias grandes.* Item quando Judæi imposuerunt Christo chlamydem coccineam, coronam, & arundinem, & genua flectebant ad eum, illudendo, & dicendo, *Ave Rex Judæorum*, non solum blasphemabant, proferendo hæc, & similia verba, sed etiam exhibendo illa signa: unde inferius ait Matth. ca. 17. *blasphemabant eum, moventes capita sua, & dicentes, vab. &c.* Utrouque ergo signo blasphemabant. Similiter non tantum erat blasphemia in Christum, vocare illum malefactorem, sed etiam cum latronibus eum crucifigere, quia *per hoc inter iniquos reputatus est.* Item sicut est blasphemia verbo dicere, Eucharistiam esse communem panem, ita etiam factio id significare, ponendo illam in mensa communi, vel brutis animalibus illam præbendo, quia in re est injuria ejusdem rationis.

comprehendatur de locutione blasphemiam

4 Nihilominus dicendum est, verbum in illa definitione proprie sumi pro verbo expresse significante ex impositione: ita sentit D. Thom. supra, & clarius Alenf. 3. p. q. 13. memb. 6. Navar. in Manual. cap. 11. n. 81. & constat ex communi usu, ex quo sumenda est vocum significatio: blasphemia enim vitium lingue apud omnes significat, ut patet ex omnibus, quos in principio hujus capituli citavimus. Declarari etiam potest a contrario; nam laus Divina tantum proprio verbo fit: quamvis enim Deus aliis gestibus, & actibus corporis adorari possit, tamen propria laus actus est oris, juxta illud Psalm. 33. *Semper laus ejus in ore meo.* Unde D. Thom. 2. 2. qu. 103. ar. 1. ad 3. differentiam constituit inter laudem, & honorem, quod laus consistit in solis signis verborum, honor autem in quibuscumque externis signis: sic ergo blasphemia proprie dicta, quæ laudi Dei opponitur, tantum verbis exprimitur: item blasphemia non tantum inhonoratorem continet, sed etiam infamationem; dicitur enim esse sacrilega infamia, infamatio autem non fit sine verbo; ergo & blasphemia proprium verbum requirit. Denique alias idololatria, & omnia similia vitia possent dici blasphemia, quod constat, non ita esse proprie loquendo, quamvis per metaphoram interdum fortasse ita appellentur. Cum autem dicimus, blasphemiam exteriorem consistere in proprio verbo, non solum de verbo prolato, sed etiam de verbo scripto intelligendum est, quia verbum scriptum tam expresse

fam

ſam ſignificationem habet, ſicut prolatum, & loco illius ſubſtituitur, & ita de utroque verbo dicitur Senacherib. 2. Paralip. 32. *Alia multa locuti ſunt ſervi ejus contra Dominum Deum, epistolae quoque ſcriptis plenas blaſphemiae in Dominum Deum Iſrael, & locutus eſt adverſus eum.*

Solvuntur argumenta poſita pars.
5 Ad primam autem rationem dubitandi reſpondetur, ad blaſphemiam non quaecumque ſignificationem, ſed expreſſam requiri; ut, licet in aliis confeſſionibus interdum ſufficiant ſigna minus expreſſa, tamen in blaſphemia ex peculiari ratione ſua ſemper requiritur expreſſum ſignum, ſicut de laude Dei dictum eſt. Unde propria ratio blaſphemiae non conſiſtit in quacumque confeſſione alicujus erroris, ſed in maledictione, & convicio Dei, & ideo dicemus infra, formaliter, ac per ſe non opponi confeſſioni fidei, ſed divinae laudi, & benedictioni, & ideo non omnis actio, vel ſignum externum contrarium confeſſioni fidei eſt blaſphemia, ſed eſſe poterit infidelitas, vel idololatria, aut quidpiam ſimile. Ad alteram confirmationem reſpondetur, de facto non eſſe inter homines uſum talis ſigni ſeparati a verbo blaſphemiae, & ideo ſimpliciter blaſphemiam dici conſiſtere in verbo. Si tamen fingeretur aliquod tale ſignum, uſus illius ſine dubio reduceretur ad blaſphemiam, ut argumentum recte probat: tamen non habetur ratio illius, quia (ut dixi) non eſt in uſu, & licet eſſet, quaſi nihil reputaretur reſpectu verborum, quia, ut dixit Aug. lib. 2. de doct. Chriſtiana, cap. 3. *Omnia ſigna verbis comparata pauciſſima ſunt:* Quae verba in ſimili puncto adduxit D. Thom. 2. 2. q. 72. art. 1. & ex illis concludit, contumeliam inter homines, proprie loquendo, in verbis conſiſtere, quia verba inter homines habent principalem vim ſignificandi, quamvis extenſo nomine, poſſit etiam factis fieri. Sic ergo poteſt dici de blaſphemia, loquendo, (ut ita dicam) de poſſibili: nam de facto, ut dixi, nullus videtur eſſe uſus talium ſignorum, quae ſine verbis habeant huiusmodi impoſitionem. Unde etiam in Scriptura quoties alicui peccato, quod videtur in facto conſiſtere, tribuitur nomen *Blaſphemia*, ſemper eſt ratione alicujus verbi adjuſti, ut Judei dicuntur blaſphemare, quando fecerunt vitulum conſtatilem, quia ſimul dixerunt: *Hi ſunt dii tui Iſrael, qui te eduxerunt de terra Aegypti.* Exod. 32. Et ſimiliter quando illudebant Chriſto, ſemper adjuungebant verba contumeliae, ut eſt illud, *Ave Rex Iudaorum,* & illud, *Vah, qui deſtruis templum Dei,* &c. Aliae vero injuriae, quas Chriſto fecerunt, & quae de Euchariftia in ultimo argumento proponuntur, non conſiſtunt in factis, ut ſigna ſunt, ſed ut facta ſunt: & ideo non habent rationem blaſphemiae, etiam extenſo vocabulo, ſed in ſignis cujuſdam ſacrilegii, ſeu injuriae, quae ad ſacrilegium reducenda eſt, quatenus proxime verſatur circa rem, vel corpus creatum, quamvis, prout eſt contra perſonam divinam, major quaedam irreligioſitas eſſe videatur, ut dicemus infra tractando de ſacrilegio.

Aliquorum opinio proponitur.
6 Secundo loco dictum eſt in definitione, blaſphemiam eſſe *Verbum convicii, contumeliae, aut maledictionis in Deum.* Circa quam partem advertendum eſt, quosdam ſenſiſſe, veram blaſphemiam tantum eſſe in verbo, quo divinae majeſtati, poteſtati, aut bonitati aliquid detrahatur: ut ſit, quando negatur aliquid de Deo, quod ei conveniat, aut affirmatur, quod ei non conveniat, aut quando id, quod pertinet ad propriam excellentiam Dei, alteri tribuitur, convicium autem, maledictionem, aut contumeliam contra Deum, non niſi improprie dici blaſphemiam. Ita videtur ſentire D. Tho. 2. 2. q. 13. art. 1. nam ibi in corpore, & ad 3. ſolum illo priori modo explicat verba blaſphemiae: videturque in hoc fundari, quod blaſphemia opponitur confeſſioni fidei: fidei autem confeſſioni non opponuntur convicia, & maledictiones, ſed falſae aſſertiones. Et in hanc ſententiam propenſus eſt Covarr. licet tandem in ea non perſiſtat, in c. *Quamvis*, de Paſt. 1. p. §. 7. n. 8. Et poteſt tandem ſuaderi, quia falſitas eſt de ratione blaſphemiae: ſed falſitas non invenitur proprie, niſi in propoſitione, qua affirmatur aliquid, vel negatur, non vero in ſimplici convicio, vel maledictione per verbum optandi, aut imprecandi; ergo.

Suarez Tom. XII.

7 Nihilominus recte dictum eſt, blaſphemiam eſſe verbum maledictionis, convicii, aut contumeliae: nam quodlibet huiusmodi verbum in Deum prolatum eſt vere, ac proprie blaſphemia, & e converſo omnis blaſphemia in aliquo ex illis verbis continetur. Prior pars patet primo ex cap. 2. de Maledicis, ubi absolute dicitur, blaſphemiam proferri, quando lingua contra Deum, vel Sanctos relaxatur: idem apertius tradunt Auguſt. & Hugo Viſtor. in principio citati, D. Thom. etiam in dicto a. 1. arg. 1. dicit, blaſphemare eſſe contumeliam, vel aliquod convicium inferre in injuriam Creatoris. Idem ſentiunt ibi aperte Cajet. & alii expoſitores: & juris interpretes, quorum plures refert Covarruvias ſupra, & ipſe tandem dicit, omnem hanc eſſe veram blaſphemiam, & debere maxime habere nomen blaſphemiae, & eodem jure, eiſdemque conſtitutionibus adaequandum fore. Ratio denique eſt, quia in his omnibus eſt malitia irreligioſitatis directe contra Deum, & per verbum inhonorativum Dei (ut ſic dicam;) ergo in omnibus aliis eſt vera malitia blaſphemiae.

8 Altera vero pars probatur, explicando varios modos, quibus blaſphemia proferri poteſt, qui in genere in duos diſtingui poſſunt: unus eſt, quando per verba indicativi modi derogatur divinae excellentiae, aut potentiae: alius eſt, quando per verba execrationis, ignominiae, aut contumeliae divino honori injuria infertur. Prior modus ſubdividitur in illos tres a D. Thom. poſitos, ſcilicet, quando affirmatur aliquid de Deo, quod illi non convenit, aut negatur, quod convenit, aut creaturae tribuitur, quod eſt proprium Dei, nam per hoc etiam derogatur excellentiae divinae, dum aequatur creaturae; & talis fuit blaſphemia eorum, qui dixerunt: *Iſti ſunt dii tui.* Similiter, quoties Chriſtus videbatur ſibi uſurpare, quae ſunt propria Dei, ut remittere peccata, ſedere a dextris Dei, &c. de blaſphemia a Judaeis accuſabatur, ut Matth. 9. & 26. Omnes autem hi tres modi ad maledictionem pertinent, non enim ſumitur maledictio tantum pro imprecatione alicujus mali, ſed in univerſum pro locutione cujuſcumque mali. Juxta illud Pſalm. 77. *Et male locuti ſunt de Deo, & dixerunt: nunquid poterit Deus parare menſam in deſerto, &c.* Ex quibus verbis etiam conſtat, ad hoc genus blaſphemiae pertinere, non ſolum falſum aliquid de Deo proferre, ſed etiam in dubium revocare, quae pertinent ad perfectionem ejus, ut ad omnipotentiam, ſapientiam, juſtitiam, &c. Poſterior modus blaſphemandi de Deo interdum ſit per verba optandi, aut deſiderandi, aut imprecandi Deo malum aliquid, vel carentiam alicujus boni, ut cum aliquis Deo ipſi maledicit, aut aequivalentia verba execrationis in eum profert, quorum aliqua ſpecialia exempla infra adhibebimus: aliquando vero blaſphemia committitur ignominioſe nominando ea, quae Deo conveniunt, praefertim ſecundum humanitatem, & ſecundum inferiores, & obſcuriores partes ejus: omnia enim haec verba cedunt in contumeliam Creatoris, & ideo propriiſſime blaſphemia ſunt.

9 Dices: Blaſphemia tantum eſt, quando aliquid falſum contra divinum honorem, & excellentiam proferitur, unde falſitas cenſetur eſſe de ratione blaſphemiae, ut Cajetanus notavit dicta quaest. 13. art. 1. ex D. Thom. ibi in corpore, & ad 1. & 3. Unde defini ſolet blaſphemia, ut ſit oratio, per quam de Deo falſa dicuntur, ut videre licet in Alex. Aleſſ. 121. m. At vero falſum non proferitur, niſi per verbum indicativi modi, non optando, aut deſiderando. Et ſimiliter nominando vera membra corporis Chriſti, non ſignificatur falſum, etiam ſi irreverenter ſignificantur; ergo hiſ modis non committitur blaſphemia. Ad hoc reſpondet Cajet. in omni verbo blaſphemiae inveniri falſitatem, ſed non eodem modo; proprie enim, ac formaliter invenitur in blaſphemia enunciativa, ut per ſe conſtat; in aliis autem dicitur eſſe virtualiter, ſeu in actu exercito. Ut in blaſphemia optativa, ſeu imperativa, non quidem enunciat aliquid falſum, tamen appetitur id, quod eſſe non poteſt, aut non decet, ut verbi gratia, Deum non eſſe beatum, aut habere malum aliquid, aut igno-

Reſicitur
precedens
opinio.

Prima
pars con-
cluſionis
probatuſ.

Conſi-
matur ſe-
cunda
pars con-
cluſionis.

Obje-
ctio.

Solutio.

minia affici, vel quid simile. Et similiter, qui vera Christi membra ignominiose nominat, in actu exercito dicit, ea esse vituperabilia, & contumelia digna, quod falsum est, licet sit verum in Christo esse talia membra. Hæc Cajetan. responsio sustineri quidem potest: est tamen nimis metaphorica, & generalis, nam hoc modo etiam, qui odit Deum, in actu exercito falsum significat, nam virtute dicit, Deum esse odio dignum, quomodo in universum dictum est: *Errant, qui operantur malum*, Prover. 14. Nec enim in illis blasphemis alius error, nisi pure practicus reperitur: nam qui ex ira, vel odio in Deum profert verba operantis malum illi, non sentit, illud esse possibile, aut decens, sed appetit, licet sit impossibile, & indecens ut satisfaciatur furori suo. Et similiter, qui verenda Christi membra contumeliose nominat, non dicit etiam in actu exercito illa membra esse vituperabilia, id est, digna vituperio, sed factò tantum vituperari posse ad exemplum inordinatum affectum. Error ergo, qui ibi intervenit, est mere practicus, qui omnibus vitiis inordinati affectus communis est. Ideoque simpliciter responderi potest, negando, falsitatem aliquam esse de speciali, & propria ratione blasphemiarum, ut sic. Nulla enim ratione hæc necessitas probatur, & argumentum factum oppositum sufficienter persuadet: & in hanc partem magis inclinat Alensis supra, & tenet aperte Azor tomo 1. lib. 9. c. 28. q. 1. & 2. & ex dicendis amplius constabit.

10 Tercio additum est in definitione, blasphemiam esse verbum contumeliæ in Deum, ut per hanc ultimam particulam determinaretur hoc peccatum ad speciem vitii religioni contrarii: sicut enim religio habet Deum pro objecto cui, & sicut laus, non qualibet, sed Dei est actus religionis, ita blasphemia, de qua tractamus, in Deum est. Quamvis enim nomen blasphemiarum interdum latius sumi soleat: nihilominus ut supra ex Augustino. notavi, jam est applicata illa vox ad maledictionem de Deo, qui solus summe bonus est. Ac per hoc distinguitur blasphemia a maledictione, convicio, aut contumelia in hominem prolatis: nam illa sunt peccata contra justitiam, vel charitatem proximi, non contra religionem Dei.

C A P U T V.

Quotuplex sit blasphemia.

1 **V**ariæ solent huius vitii tradi partitiones, quæ obiter fere tactæ sunt ejus definitionem explicando: duæ tamen indigent peculiari declaratione, quæ hic breviter attrigimus. Primo itaque dividi potest blasphemia in eam, quæ est contra Deum, & contra Sanctos. Hæc divisio colligi potest tum ex cap. 2. de Maledicis: *Siquis (aut) contra Deum, vel aliquem Sanctorum suorum, & maxime Beatam Virginem linguam in blasphemiam publice relaxare presumpserit*: tum ex Glossa in id ad Epistolam 4. *Blasphemiam auferatur a vobis*, quæ addit, *in Deum, & in Sanctos*: tum denique ex D. Thom. dicta q. 13. art. 1. ad 2. ubi Cajetan. non solum dicit esse blasphemiam in Sanctos, sed etiam dicit esse ejusdem speciei.

2 Sed occurrit difficultas, quia hæc divisio videtur contraria definitioni. Diximus enim in definitione, blasphemiam esse contra Deum: in hac autem divisione dicimus, etiam esse contra Sanctos: aut ergo hoc falsum est, aut definitio non convertitur cum definitione. Propter hoc aliqui addunt in definitione: *Contra Deum, vel Sanctos*, ut videre licet in Navar. d. n. 81. Verumtamen non est necessarium: dicimus enim verbum maledictionis, vel contumeliæ in Sanctos, non esse propriam blasphemiam, nisi quatenus est aliquo modo in Deum prolata: quia nimirum in Sanctis suis maledicuntur Deus: ita respondet Alens. dicto memb. 1. & idem fere habet D. Tho. dicta solut. 2. Ait enim, quod *sicut Deus in Sanctis suis laudatur, in quantum laudantur opera, quæ Deus in Sanctis efficit; ita & blasphemia, quæ fit in Sanctos, ex consequenti in Deum redundat*. Et simili modo dixit idem Sanctus 2. 2. q. 76. art. 2. *Maledicere rebus irrationalibus, in quantum sunt creaturae Dei, esse peccatum blasphemiarum*. Et

idem dicit de detractioe creaturæ ibidem art. 4. ad 1. quia talis maledictio, aut detractio creaturæ, ut est opus Dei, redundat in Deum: *Et sic habet (inquit) rationem blasphemiarum*. Juxta hanc ergo doctrinam, etiam si maledictum in Sanctos blasphemia sit, nihilominus non est diminuta definitio; nam etiam illa blasphemia est in Deum, immo sub ea tantum consideratione habet propriam rationem blasphemiarum. Erit ergo illa particula intelligenda, quod blasphemia sit in Deum, vel in se, vel in Sanctis, & creaturis suis.

3 Sed nondum est evacuata tota difficultas, quia adoratio Sanctorum simpliciter distinguitur ab adorazione Dei, licet possit Deus in Sanctis adorari; ergo similiter blasphemia Sanctorum est distincta a blasphemia Dei, etiam si possit Deus in Sanctis blasphemari; nam contrarium eadem est ratio. Quæ difficultas petit, an verba contumeliæ, vel injuriæ in Sanctum simpliciter prolata ex se, seu ex vi talis objecti contineant veram malitiam blasphemiarum contra Deum, ipsum inhonorare in Sancto suo. Constat enim, utrumque modum operandi esse possibilem, & inter se multum differre, cum intentio moraliter distinguat operationes: quando ergo homo operatur ex formali intentione blasphemandi Deum in Sanctis, optime procedit responsio, & doctrina data: quia nemo dubitat, quin tunc injuria principaliter fiat Deo, & consequenter illa sit propriissima blasphemia religioni Dei contraria.

4 Difficultas ergo est, quando simpliciter convicium profertur in Sanctum, nihil aliud intendendo, nisi contumeliam talis personæ. Videtur enim tunc actio illa solum esse contra virtutem illam, qua honoramus Sanctos, quæ non est religio, sed Dulia. Quia sicut cultus Sanctorum absolute illis datus non est cultus Dei, nec virtutis religionis, ita nec blasphemia prolata in Sanctum illo modo est vere, & proprie blasphemia Dei, nec contra religionem ejus. Quod ex verbis D. Thom. supra citatis confirmari potest: æquiparat enim blasphemiam laudi. At vero laus alicujus Sancti nisi expressis verbis, vel saltem ex formali intentione operantis extendatur ad Deum, non est propria laus Dei, neque habet aliam honestatem, nisi Dulia: ergo similiter blasphemia in Sanctum ex vi objecti, & seclusa speciali intentione operantis non habet propriam malitiam blasphemiarum, quæ est contra Deum, sed tantum inobservantiæ contra Sanctos. Denique maledictio creaturæ irrationalis secundum se, & absolute facta non est blasphemia, sed est vana, & illicita actio, ut dixit D. Thom. dicta q. 76. art. 2. Unde, ut sit blasphemia, necessarium est, ut sit maledictio creaturæ, ut creatura Dei est. Non videtur autem posse creatura maledici sub hac ratione, nisi ex prava intentione maledicentis. Et fortasse ideo addidit D. Thom. dicta q. 76. art. 4. ad 1. talem maledictionem per accidens habere rationem blasphemiarum, id est, ex intentione, & relatione operantis, non ex vi operis, seu objecti; ergo simili modo contumelia, aut maledictio in Sanctum prolata per se, & ex vi objecti non est proprie blasphemia, sed tantum ex intentione, & relatione operantis.

5 In hoc puncto aliqui moderni auctores fatentur, convicium prolatum in Sanctum simpliciter, & absolute spectatum ut in sanctitatem excellentem, non habere propriam malitiam blasphemiarum religioni contrariam propter rationem factam: & ideo ut contumelia irrogata Sanctis habeat rationem blasphemiarum in Deum, necessarium esse existimant, ut versetur circa Sanctos, quatenus habent aliquem respectum ad Deum, non tamen postulant formalem intentionem inferendi Deo injuriam, sed satis esse putant, si Sancti apprehendantur cum aliquo respectu ad Deum. Alii vero auctores simpliciter, & sine distinctione asserunt, contumelias Sanctorum, præsertim defunctorum, & cum Christo regnantium esse veras, & proprias blasphemias in Deum, quacumque intentione fiant, dummodo sufficienti advertentia, & libertate proferantur. Ita loquuntur Alens. D. Thom. Cajetan. supra, & in Sum. verb. *Blasphemia*, & ibid. Armilla, Silvest. & alii Summistæ, & Navar. d. c. 12. & Covar. d. §. 7. n. 9. & favet

Accommodatur solutio.

Blasphemiam solum cadit in Deum.

lostantis.

Vide Vazquez lib. 1. de Ador. diff. 6. c. 4. Quid res centiores aliqui in hoc sentiant.

favet ius in dicto cap. 2. de Maledicis, nam absolute eodem modo loquitur. Et quamvis possit dici, non omnem blasphemiam juridicam esse proprie, & in rigore blasphemiam, ut Silvest. indicat, nihilominus verisimilius est, ius ipsum considerasse præcipue injuriam, quæ in Deum ipsum redundat per huiusmodi contumeliam in Sanctum, & ideo illam ut propriam blasphemiam damnaſſe. Probabiliter ergo defendi potest hæc sententia. Et declarari potest ex generali regula, quod ad contrahendam malitiam non est necessaria formalis intentio, sed sufficit interpretativa, quando in objecto ipso est sufficiens fundamentum: ita enim est in præſenti, nam sancti ex vi sui status habent quasi intrinsecam habitudinem ad Deum; & ideo si contumelia afficiantur, injuria transiit in Deum ipsum, etiam si hoc formaliter non intendatur, vel licet illa habitudo expresse non consideretur, sicut considerari posset, & deberet.

Tripli-
ter con-
sumeliam
proferri
posse in
sancto.

6 Itaque in tribus modis potest contumelia in Sanctum proferri. Primo expresse cogitando simul de Deo, & intendendo honori ejus detrahere in Sancto suo; & tunc est formalissima blasphemia Dei, ut per se constat, quia non ex sono verborum, sed ex significatione, & animi intentione malitiam suam desumit. Hic tamen modus blasphemandi Sanctos, rarissimus est, & ideo non possumus ad illum tantum modum limitare hanc blasphemiam Dei in Sanctis suis. Secundo potest quis cogitare de Sancto cum aliqua expressa habitudine ad Deum, scilicet, peculiaris amici, aut ministri ejus, vel quid simile, & nihilominus voluntarie in Sanctum proferre verba contumelie; & tunc etiam censetur injuria transire in Deum, & ideo non habet propriam malitiam blasphemie, quia ratione illius vinculi, quod inter hanc personam, & Deum consideratur, in Deum cadit opprobrium, etiam si hoc formaliter non intendatur. In quo minus requiritur ad injuriam, quam ad cultum, & honorationem, quia bonum est ex integra causa, & ideo requirit intentionem magis formalem. Tertio igitur fieri potest, ut cogitatio de Sancto non sit expresse respectiva, in ordine ad Deum, sed solum de illa excellentia sanctitatis, in qua talis respectus fundatur: & tunc licet imperfectior sit blasphemia in Deum, tamen indirecte participare videtur eadem malitiam, quia ad hanc sufficit voluntas talis objecti, quod de se cedit in opprobrium Dei. Item quia si formalis intentio inhonorandi Deum non est necessaria, etiam expressa cogitatio illius habitudinis non erit necessaria ad incurrendam malitiam blasphemie, quia ad voluntarium indirectum satis est, quod potuerit, & debuerit cogitari. Ratio autem in contrarium facta solum suadet, esse in illo actu malitiam contra Dulum, quod fateamur: addimus vero, etiam esse in illo malitiam contra religionem, neque enim hæc duo repugnant: qualis autem sit illa malitia, explicabimus amplius cap. seq.

secunda
blasphemie
divisio.

7 Altera divisio blasphemie est in hæreticalem, & simplicem, seu non hæreticalem: quæ divisio est maxime necessaria ad explicanda jura, quæ ferunt pœnas contra blasphemos, ut paulo post videbimus. Dicitur autem blasphemia hæreticalis, quæ hæresim, seu falsitatem contra fidem formaliter, aut virtualiter continet, & significat. Huiusmodi est omnis blasphemia enunciativa, sive affirmando, sive negando aliquid de Deo, quod fides docet: vel etiam tribuendo creaturæ id, quod secundum fidem soli Deo convenit: vel de his etiam dubitationem ostendendo. Item ad blasphemiam hæreticalem pertinent nomina quædam convicii Deo attributa, ut si quis eum nominet injustum, ignorantem, vel quid simile; nam licet expresse id non affirmetur enunciando, & componendo, sed simpliciter ita nominando, nihilominus virtute satis affirmatur, quod ita proferatur. In hoc etiam ordine ponuntur illæ blasphemie gravissimæ, quæ his verbis solent proferri: *Non credo in Deum, discredo, abnego*, vulgo, *reniego*, & omnes æquivalentes, quia omnia hæc formam infidelitatis habent, ut bene notavit Soto lib. 8. de Just. quæst. 2. art. 3. Blasphemia autem non hæreticalis dicitur omnis illa, quæ nec formaliter, nec virtute continet falsitatem.

Suarez. Tom. XII.

tem quasi speculativam contra fidei veritatem, ut sunt omnes blasphemie, quæ proferuntur per modos optandi, impetandi, aut imprecandi: item quæ fiunt, nominando aliquid, quod in Deo vere reperitur, tamen per modum contumelie, & irrisuionis. Nam in his omnibus solum est quædam falsitas practica, quæ non opponitur fidei; & ideo non sunt ita hæreticales blasphemie, sicut priores.

8 Et ad hunc ordinem pertinent multa vulgaria verba blasphemie, ut, *displiceat Deo; ad despectum Dei; per vitam Dei*, & similia, quia per hæc non indicatur infidelitas, sed conceptus quidam Dei: nam verbum illud non sermone vulgari dicitur, *Pesse &c.* non tam est affirmantis, quam imprecantis: per aliud autem verbum vulgo, *A despecho, &c.* non significatur aliquid fieri posse contra efficacem Dei voluntatem; sed vel significatur voluntas faciendi aliquid, etiam si Deo displiceat eo modo, quo displicere potest, per antecedentem voluntatem, aut signi, quæ nihilominus est magna irreverentia, & magnus contemptus: vel certe proferitur etiam per modum imprecationis, optando Deo displicentiam, vel tadium de tali re, ut Soto etiam indicat: illud autem verbum vulgare *Por vida*, eatenus blasphemiam continet, quatenus execratorium verbum est, quasi subijciendo vitam Dei defectioni, & morti, nisi ita sit, aut eveniat, quod affirmatur: & ita in his non est proprie falsitas speculativa, quæ ad infidelitatem spectat, sed gravissima injuria, & contumelia Dei, & ideo hæreticales non sunt, ut censuit etiam Salzedo ad Practicam Bernardi c. 100. §. *Et quia*. Multa etiam de his blasphemis in particulari legi possunt in Covar. d. §. 7. n. 9. Ex dictis vero a nobis sufficienter patet ratio, & distinctio utriusque membri, quæ magis ex sequenti capite patebit.

Aliquæ
vulgares
blasphemie
expeduntur.

C A P U T VI.

Qualis, & quanta sit malitia blasphemie.

I N primis certum est, hoc peccatum mortale esse, & ex suo genere gravissimum. Ita docet D. Tho. dicta q. 13. art. 2. & 3. p. q. 80. art. 5. Alex. Alenf. dicta q. 13. memb. 3. & 5. ubi blasphemiam & homicidium, & perjurio præfert ex genere suo: & idem sentiunt communiter Theologi, & Summistæ. Est autem advertendum, ad propriam malitiam blasphemie necessarium esse, ut verba blasphemie formaliter, seu significative, & serio proferantur: nam si quis materialiter referat verba blasphemie, constat de se nullum esse peccatum. Quod si ex levitate animi joco illa proferat, esse quidem poterit peccatum levitatis, & aliquis irreverentie assumendo nomen Dei in vanum, non tamen est propria blasphemia, de cujus ratione est, ut formaliter proferatur per modum convicii, aut maledictionis in Deum; & ideo si humano modo fiat, semper est gravissimum peccatum.

Blasphemio
ex
suo genere
mortale
peccatum est.

2 Et quidem, quod attinet ad gravitatem absolutam, manifestum est, illam esse mortalem, nec posse esse venialem ex sola levitate materie, nisi accedat etiam surreptio, & indeliberata voluntas: nam ex hoc capite clarum est, hoc peccatum esse posse veniale, & ita fatentur omnes: contingit autem id duobus modis. Primo quando quis ex subita passione, aut motione prius protulit verbum, quam adverteret sensum, vel significationem ejus, secundum quam blasphemiam continet: tunc enim non proferit voluntarie, ac formaliter blasphemiam, sed tantum materialiter verbum de se blasphemum; & ideo excusatur culpa gravi, ut notavit Cajer. ver. *Blasphemia*. Secundo solet hoc accidere ex quadam prava consuetudine, quæ licet de se non excuset, præsertim quandiu voluptaria est, nihilominus si in ipso actu revera tollat advertentiam rationis, ita ut homo prius loquatur, quam advertere possit, quid loquitur, tunc in actu non est nova malitia præsertim mortalis, sicut si per vehementem passionem perturbantem, & impediendam plenum rationis usum similia verba quis proferret. Extra casum autem vel casum huiusmodi inadvertentiam.

Blasphemio
non
potest esse
veniale
ex sola
levitate
materie.

ria semper tale peccatum mortale est, ut bene Cajet. supra dixit.

Non est
gravius
peccatum
blasphemie
omni
alio.

3 De gravitate autem comparativa hujus peccati, cum gravissimum esse dicitur, non est existimandum, esse simpliciter gravius omni alio peccato; nam simpliciter gravius est odium Dei, & peccatum hæresis etiam est majus, ut statim dicam: immo etiam desperatio gravius peccatum est ex genere suo, quia sicut virtutes Theologales excellentiores sunt virtute religionis, ita peccata illis contraria ex genere etiam suo deteriora sunt, quam blasphemia, quæ religioni opponitur, ut jam videbimus. Inter peccata autem religioni opposita hoc videtur esse maximum ex suo genere, quia directe opponitur divinitati, & excellentiæ ejus secundum se, eique non solum negat debitum cultum, sed etiam summam irreverentiam, & injuriam inferri, quantum potest, & quasi apertè Marte, ut sic dicam, bellum Deo indicit. Cum enim homo non possit Deo in se malum aliquod inferre, exauit linguam contra Deum per blasphemiam, unde Hier. Isai. 18. *Nihil (inquit) horribilius blasphemia, quæ ponit in excelsum os suum, omne quippe peccatum comparatum blasphemia levius est.* Et ideo Deus in Scriptura maxime hoc vitium detestatur, & illud gravissime punit, ut patet Levit. 24. ubi lapidibus obrui præcipitur blasphemus, & Isai. 37. 4. Reg. 19. & 2. Mach. 15. & sæpe alias leguntur gravissimæ, & extraordinariæ vindictæ, quas propter hoc vitium Deus de hominibus sumpsit.

Quomodo
blasphemiam
distingua-
tur ab in-
fidelitate
Ratio du-
bitandi

4 Ut autem propria malitia hujus vitii magis explicetur, nonnulla dubia explicanda sunt. Primum, ac præcipuum est, quomodo blasphemia ab infidelitate distinguatur: & ratio dubitandi est, quia D. Thom. 2. 2. q. 13. hoc vitium ponit ut contrarium confessioni fidei: confessio autem fidei non est actus religionis, sed est actus fidei exterior; ergo malitia blasphemie est contraria fidei, saltem quo ad exteriorem actum. Unde idem D. Thom. eadem q. art. 3. ex eo, quod blasphemia opponitur confessioni fidei, concludit, habere in se gravitatem infidelitatis, & aggravari ex eo, quod prorumpit in verba contumeliæ, & maxime si accedat detestatio voluntatis. *Sicut a contrario (inquit) laus fidei augetur, si accedat Dei amor, & prorumpat in laudem Dei.* Et augetur difficultas: nam idem D. Thom. in d. art. 1. ait per blasphemiam derogari divini bonitati, affirmando de illa, quod ei non convenit, vel negando, quod convenit: *Quod (inquit) potest contingere dupliciter, uno modo secundum solam opinionem intellectus, alio modo conjuncta quadam affectus detestatione; & subjungit: Hujusmodi ergo derogatio divine bonitatis vel est secundum intellectum tantum, vel etiam secundum affectum: si consistat tantum in corde, est cordis blasphemia, si autem exterius prodeat per locutionem, est oris blasphemia, & secundum hoc blasphemia confessioni opponitur.* Ergo juxta hanc doctrinam blasphemia interior non differt ab hæresi, seu infidelitate: & blasphemia exterior non differt ab externa negatione fidei, hæc enim proprie opponitur contrariæ confessioni fidei.

Blasphemiam neque
est infidelitas, neque
illam supponit
probatur
primum.

5 Hæc difficultas non tam in re ipsa consistit, quam in doctrina, & verbis D. Thom. In quibus explicandis multa dicit Cajetan. Nos autem primo explicabimus rem ipsam, & inde constabit, quid ad D. Thom. dicendum sit. Primo ergo loquendo de blasphemia secundum totam latitudinem suam, manifestum est, blasphemiam, ut sic, nec esse infidelitatem propriam, neque illam præsupponere, neque etiam esse semper contrariam confessioni fidei. Primum patet, quia propria infidelitas consistit in sentiendo aliquid falsum de Deo, quod per se spectat ad mentem, & intellectum: manifestum autem est, blasphemiam non consistere in falsa opinione de Deo: nam Catholicus potest esse blasphemus, & *Dæmones credunt, & contemiscunt*, & nihilominus maxime sunt blasphemii, ut D. Thom. supra art. 4. docet. Dices: licet non omnis blasphemia sit infidelitas, tamen e converso infidelitas ipsa blasphemia quædam est, saltem mentalis, si infidelitas in mente tantum sit. Respondetur, falsum hoc esse, ut etiam Cajetan. d. art. 1. notavit, quia sentire falsum de Deo est infidelitas; nam blasphemia, ut dixi-

mus, consistit in locutione contumeliosa Dei, non in ipso sensu, vel opinione falsa de Deo. Et declaratur: nam in fide duo sunt, scilicet, assensus intellectus, & voluntas assentiendi; quæ voluntas distinctæ honestatis est a voluntate honorandi, vel colendi Deum. Hæc ergo duo cum proportionem inveniuntur in infidelitate, seu hæresi, scilicet, error intellectus contrarius veritati assensus fidei, & voluntas ita sentiendi de Deo, contraria voluntati credendi; ergo voluntas hæc sentiendi aliquid de Deo, quod falsum est, formaliter loquendo, non est voluntas blasphemandi Deum, aut injuriam illi inferendi: sic ergo infidelitas interior non est blasphemia.

6 Quod vero neque ad blasphemiam necessario supponatur, eodem argumento convincitur, quia in creditibus invenitur blasphemia. Et hoc evidentiis constat in blasphemia non hæreticali, quia per illam non profertur aliquid falsum de Deo, ut ca. præced. visum est; ergo non est eorum talis blasphemia necessario supponat in mente errorem contra fidem: nam error practicus, qui in tali blasphemia involvitur, non est fidei contrarius. Unde in aliis etiam peccatis inveniri potest, ut supra declaratum est. Immo hinc etiam constat, saltem ratione hujus blasphemie vere dictum esse, blasphemiam non semper esse contrariam confessioni fidei, quia ubi nihil falsum profertur contra fidem, non negatur fides etiam ore; ergo nec peccatur contra fidei confessionem, sed per hanc blasphemiam non profertur aliquid falsum, quo fides negari videatur; ergo illa non est contraria confessioni fidei. Minor patet, quia dicit aliquid verum de Deo, tamen per irrisionem, & contumeliā; vel qui malum aliquid Deo imprecatur, non confitetur exterius aliquid contra fidem, sed solum ostendit primum suum affectum erga Deum. Neque obstat, quod hujusmodi blasphemus in actu exercitio se gerat erga Deum tanquam contemptibilem, vel mali capacem, quia per hoc non confitetur, Deum esse contemptibilem, seu capacem mali: igitur malitia blasphemie non hæreticalis per se, ac formaliter non opponitur confessioni fidei, sed religioni, & laudi Dei. Et ideo Toler. lib. 4. Instruct. c. 12. aperte fatetur, se in hac parte a D. Thom. dissentire. Alii vero illum interpretantur, ut loquatur late de confessione fidei, prout oratio, & laus Dei potest dici quædam fidei confessio. Ita Bannez dicta q. 13. Et fere idem habet Valent. supra puncto 2. Alii autem putant, D. Thom. non in universum de blasphemia locutum fuisse, sed de blasphemia hæreticali, quod probabile est, & tenet Azor lib. 9. cap. 28. quæst. 1.

Probatur
secunda
pars as-
sertionis;

7 Sed de blasphemia etiam hæreticali dicendum est, habere propriam malitiam religioni contrariam, & distinctam ab ea, quæ est in infidelitate interna, vel externa, licet sæpius cum illa conjuncta sit. Probatur, quia etiam hæc blasphemia non semper procedit ab interiori infidelitate, ut omnes fatentur: nam potest quis ira, vel alio animi dolore Deum vocare injustum, aut improvidum, non quia ira de illo sentiat, sed solum, ut vel illo mendacio vindictam de illo sumat, quatenus potest. Quod exemplo humano aperte declaratur, interdum enim, ut unus homo alteri contumeliā faciat, eum vocat stultum, vel Judæum, etiam si talem opinionem de illo non habeat, immo etiam si sciat, esse mendacium, quia de hoc nihil curat, dummodo illi injuriam faciat. Ita ergo se habet hujusmodi blasphemus erga Deum, & ita etiam Dæmones blasphemant Deum, & ut credibile est, eum vocant injustum, invidum, licet revera hæc de ipso non credant; sic ergo manifeste distinguitur, & separatur blasphemia hæreticalis ab infidelitate, & hæresi. Semper tamen videtur hæc blasphemia contraria confessioni fidei, quia semper continet negationem fidei saltem exteriorem, qui autem exterius negat fidem, non negando interius, licet infidelis, aut hæreticus non sit, peccat tamen contra fidei confessionem, quia ex intrinseca fidei obligatione tenemur, non negare fidem etiam exterius.

Blasphemiam hæreticalem hæc malitiam religioni contrariam distinctam ab infidelitate.

8 Hoc tamen non obstat, quominus in illo actu præter malitiam contrariam confessioni fidei sit etiam malitia contraria laudi, & honori debito Deo, quæ propriam blasphemiam constituit, & reli-

Objeccio.

Responde-
detur.

religioni opponitur. Sicut fidelis, qui metu mortis sacrificat Idolo tantum exterius sine interiori infidelitate, deficit quidem in confessione fidei, & hoc titulo graviter peccat, nihilominus tamen simul committit peccatum Idololatriæ religioni contrarium, quia honorem soli Deo debitum alteri defert. Et simili modo infidelis, vel hæreticus, qui ex falsa opinione, quam habet de Deo, falsum de illo loquitur, vel aliquid dicit, quod in contumeliam Dei cedat, simul & hæreticus est, & blasphemus, quia & contra fidem, & confessionem fidei peccat, & contra divinum honorem loquitur, etiam si fortasse id formaliter non intendat: nam, ut sepe dixi, ad peccati malitiam contrahendam sufficit voluntas faciendi actum de se inhonorativum alicujus, licet honori detractio per se non intendatur. Hac ergo ratione omnis abnegatio fidei blasphemiam continet: & sic dixit Divus Thomas quodlib. 9. articulo 14. Petrum negando Christum non solum defecisse in confessione fidei, sed etiam blasphemasse: atque ita etiam de hac blasphemia hæreticali intelligi potest, quod Divus Thomas in alio loco citato dixit, blasphemiam includere infidelitatem, utique exteriorem saltem, & aggravare illam, habendo irreligiositatem, & præsertim si accedat detestatio voluntatis, seu intentio detrahendi bonitati Dei, & ejus honori. Et ita etiam videtur intellexisse Soto lib. 8. de Just. quæst. 2. art. 3. in principio, & Cajet. in re idem sentit.

9 Atque hinc etiam obiter intelligi potest, quomodo blasphemiam distinguatur ab odio Dei, & a desperatione. Constat enim in primis, blasphemiam posse proferri sine odio Dei, quia potest proferri sine voluntate directa, & formali inhonorandi Deum, ut Divus Thomas, & Cajetanus docent, & experientia constat: quoties enim aliquis verba blasphemiae usurpat ad significandam animi sui indignationem cum sufficienti advertentia ad verba, quæ profert, vere blasphematur, & saltem indirecte voluntatem habet derogandi divino honori. Secundo fieri potest, ut aliquis blasphemet ex directa intentione infamandi Deum, vel detrahendi ejus honori, & non ex proprio odio, sed ex quadam acerba ira, vel superbia, & elatione animi, quod maxime contingit, quando blasphemiam procedit ex infidelitate, ut videre licet in facto Senacherib. 4. Reg. 19. & Nicanoris 2. Machabæor. 15. Et quoad hoc perfectior, & formalior solet esse blasphemiam in infideli, quam in fidei, etiam si contrarium indicet Cajetan. dicta quæstione decima tertia, articulo 3. Nam licet infidelis non credat in Deum, quem blasphematur, nihilominus directe, & formaliter intendit detrahere vero Deo, quem fideles colunt, quæ intentio blasphemandi Deum non solet regulariter inveniri in fidelibus, quamvis possint interdum tam perverfam habere voluntatem, ut illo etiam modo blasphement Deum. Tertio potest blasphemiam ex odio Dei provenire, sicut ex odio hominis provenit maledictio, & convicium, quomodo maxime blasphemant damnati, ut Divus Thomas dixit articulo 4. Et nihilominus odium ipsum non est blasphemiam, quia licet in re ipsa sit injuriosum Deo, formaliter tamen non est contra honorem, sed contra amorem Deo debitum, nec consistit in verbo, sed in pravo affectu. At vero si quis velit hoc ipsum odium verbo ostendere, vel profiteri, jam illud erit verbum blasphemiae imperatum ab odio. Atque eodem modo censendum est de desperatione, formaliter enim non est blasphemiam, sed alius pravus affectus; proferre tamen verba desperationis erit blasphemiam, quia per talia verba semper detrahatur divinæ bonitati, veritati, aut potentiae. Est etiam desperatio radix quædam blasphemiae, quia & excludit timorem injuriam inferendi Deo, ut Divus Thomas notavit articulo 4. & quasi ex natura rei avertit animum ab affectu Dei, de quo aliquis desperat, & ita facile ad blasphemandum de illo provocatur.

10 Secundo principaliter comparari potest malitia blasphemiae ad alia vitia contra virtutem religionis. Et primo conferri potest cum perjurio, seu iniquo juramento: multi enim existimant blasphemiam ad te-

meraria, seu irreligiosa juramenta pertinere, ut referunt Covar. supra num. 8. & Azor. d. c. 28. q. 1. & Soto dicta q. 2. art. 3. conclus. 1. blasphemiam dicit esse *selestissimam perjuriarum speciem*. Et juramentum per falsos Deos, etiam si alias verum sit, dicit esse blasphemiam, idemque ait de juramento per creaturam, ut talis est. Nihilominus certum est, malitiam blasphemiae, ut sic, esse distinctam a malitia irreligiosi juramenti. Ita fatentur dicti auctores, nec negat Soto, & sumitur aperte ex D. Thom. 2. 2. quæst. 13. junctæ quæst. 98. Et patet, quia malitia blasphemiae potest omnino separari a juramento, ac subinde ab omni malitia iniqui juramenti. Ut cum quis profert verbum convicii contra Deum, nihil jurat, & tamen blasphematur. Ratio denique a priori est, quia malitia juramenti non intervenit, nisi ubi adducitur Deus in testem; sæpe autem quis blasphematur, non asserendo Deum in testem, ut per se notum est.

11 Addendum vero est, malitiam blasphemiae sæpe esse conjunctam cum malitia juramenti: hoc patet, primo in illis juramentis, quæ fiunt cum quadam exaggeratione, quæ redundat in blasphemiam, & contumeliam Dei, ut supra dicebamus de illa execratione, *Per vitam Dei*, nam per modum juramenti fieri solet; non est autem idem de usurato verbo, *vivit Deus*, quia in illo non fit comparatio, vel execratio, sed solum vivens Deus testis adducitur. Item juramenta illa, quæ fiunt nominando Deum modo contemptibili, aut ignominioso, exprimendo aliquas inferiores partes corporis Christi, & iniqua juramenta sunt, & blasphemiae, ut aperte supponit Pius papa in cap. *Si quis*, 22. quæst. 1. dicens, *Si quis per capillum Dei, vel caput juraverit, vel alio modo blasphemiam contra Deum usus fuerit, &c.* Idem sumitur ex Authentica. *Ut non luxurientur homines, &c.* collat. 6. tit. 5. Idemque censet Soto supra de juramento per corpus, & sanguinem Domini. Cajet. vero ver. *Blasphemiam*, quem ibi Armilla sequitur, non putat esse blasphemiam, dicere ad sanguinem, vel ad corpus Dei sive invocando per modum injuriantis, sive resonando in rixa, aut turbatione contra aliquem. Unde a fortiori idem dicturus esset, quando per modum juramenti illa proferuntur, præsertim cum pro ratione asserat, quia ex quo verbum *oro factum est, Deus carnem, & sanguinem habet*. Nam si hæc ratio bona est, etiam in illo modo jurandi locum habet: & ita sequitur, ampliat illam sententiam Navar. d. c. 12. n. 83. Re tamen vera ratio non est formalis: nam etiam Deus caro factus habet caput, capillos, jecur, & alia pudentiora membra: & nihilominus per hæc jurare, vel ea contumeliosa nominare blasphemiam est. Quia non satis est esse verum, quod dicitur, si contumeliose dicitur, nam ut supra dixi, hujusmodi blasphemiam non consistit in falsitate, sed in contumelia. Quocirca quando absque forma juramenti per modum injuriæ, & indignationis aliquis dicit: *Ad corpus Domini*, vulgo, *Cuerpo de Dios*, mihi videtur in rigore blasphemiam gravis, nisi per inadvertentiam excusetur, quia est verbum contumeliæ, & contemptus in Deum. Aliqui vero excusant hujusmodi locutionem, prout frequenter proferitur in rixa, & perturbatione cum alio, quia non solet proferri ex indignatione contra Deum, sed contra illum, cum quo fit rixa. Sed certe si verba ipsa de se blasphemata sunt, illa non erit sufficiens excusatio; alioquin etiam si aliquis ex simili indignatione ad hominem, cum quo contendit, prorumperet in verba maledictionis, vel abnegationis Dei, non blasphemaret, quod dici non potest: ad blasphemiam ergo non est necessaria formalis indignatio in Deum, seu in actu signato, ut sic dicam, sed satis est, quod in actu exercito ex indignatione cum homine prorumpat aliquis voluntarie in verba contumeliæ contra Deum, quod per illa verba fit, non minus quam per alia, quantum est ex vi significationis illorum, sæpe enim proferuntur quasi materialiter, & omnino ignorando, quid significant, & tunc sic loquentes excusari possunt a culpa gravi blasphemiae. At vero quando quis jurando nominat corpus, & sanguinem Domini facilius potest a blasphemiam excusari, si cum debito modo ex reverentia

Ratio a priori

Malitia blasphemiae sæpe est conjuncta cum malitia juramenti.

Ad blasphemiam non est necessaria formalis indignatio in Deum.

Si quis jurando nominet corpus, & sanguinem Domini non blasphematur.

Quomodo blasphemiam distinguatur ab odio Dei, & desperatione.

Malitia blasphemiae distinguatur a juramento.

id faciat, sicut sine blasphemia potest jurari per sacramentum Eucharistiæ, quod non in corporis, & sanguinis Domini significare solemus: & ita juxta communem usum non videntur illæ partes cum convicio, & contumelia distincte nominari, quia & distincte consecrantur, & sicut in singulis totum continetur, ita etiam nominatur, & illa distinctio fieri solet non ad despectum, sed ad majorem juramenti contestationem, commemorato illo mysterio, seu passione Domini, quæ per illud significatur: sicut solent aliqui jurare per Christum crucifixum, in quo non est blasphemia, quicquid sit de nimio excessu in modo jurandi, de quo alias. Vide Covar. in d. cap. *Quamvis pactum*, p. 1. §. 1. n. 6.

Alius blasphemandi modus, cum veritas humana æquiparatur divina.

12 Alius præterea modus blasphemandi conjunctus cum juramento esse solet, quando divina veritas humanæ æquiparatur, ut cum aliquis affirmat, tam verum esse, quod dicit, quam est verum, Deum esse, vel quam est verum, Christum natum esse ex Virgine, vel quam est verum Evangelium, & similia. Ita sentit Soro supra: quamvis solum dicat, hanc formam jurandi non longe distare a blasphemia, sed certe illa comparatio multum videtur derogare divinæ bonitati, & veritati: nam per illam tribuitur veritati humanæ tanta infallibilitas, & certitudo, quanta est in divina, & ita tribuitur creaturæ id, quod est proprium creatoris, quod ab blasphemia pertinet. Posset tamen excusari, dicendo, non fieri æquiparationem in certitudine, & infallibilitate, sed solum in veritate, quæ in indivisibili, & totali adæquatione consistit, & ideo non videtur esse major in una veritate, quam in alia. Verumtamen non est sufficiens excusatio, quia comparatio illa fit ad confirmandam certitudinem veritatis, & firmandum intellectum in assensu ejus; ideo enim assumitur comparatio ad veritatem divinam, & non ad alias. Quapropter in rigore verborum videtur illa magna irreverentia, & contumelia divinæ veritatis, ac subinde ab blasphemia pertinere. Fateor tamen hoc multum pendere ex intentione loquentium, qui sæpe loquuntur per exaggerationem, & non intendunt facere omnimodam æquiparationem. Et ita excusari poterunt a malitia blasphemæ, vel quia non advertunt, quid verba illa significant, vel quia verba illa capacia sunt alterius significationis, quam ipsi intendunt.

Jurare per falsos deos est blasphemia.

13 Præterea verum esse videtur, quod Soro docet, jurare per falsos deos, blasphemiam esse, sicut etiam jurare per creaturam, ut creatura est, quia per tale juramentum tribuitur creaturæ, vel idolo, quod est proprium veri Dei, hoc autem est blasphemia. Item quia illud juramentum est contrarium confessioni fidei: nam per illud in actu exercito confitetur, qui jurat, aliquid aliud esse primam veritatem in testificando, præter verum Deum; ergo est blasphemia. Dices; ergo erit gravius peccatum jurare verum per falsos deos, quam jurare falsum per verum Deum, quia blasphemia majus peccatum est, quam perjurium, ut sentit D. Thom. dicta q. 13. art. 2. ad 2. & docet expresse art. 3. ad 2. afferens Glossam super ad Ephens. 4. estque aperta sententia August. lib. contra Mendacium c. 10. dicens: *Idcirco peius est blasphemare, quam pejerare: quoniam pejerando falsæ rei adhibetur testis Deus, blasphemando autem de ipso, falsa dicuntur de Deo.* Consequens autem falsum est: nam idem August. Epist. 154. ad Publicol. & habetur in cap. *Movet* 22. quæst. 1. dicit: *Sine ulla dubitatione minus malum est, per deos falsos veraciter jurare, quam per Deum verum fallaciter. Quanto enim, per quod juratur, magis est sanctum, tanto magis est penale perjurium.* Ergo signum est, juramentum per falsos deos non esse blasphemiam.

Responsio Soro rejicitur.

14 Ad hoc respondet Soro, juramentum per falsos Deos minus malum esse in ratione perjurii, quam perjurium per Deum verum, & in hoc sensu fuisse locutum Augustinum: *Qui tamen* (inquit) *non negasset, quin idololatria, quam includit juramentum per falsos Deos, sit gravius peccatum, quam perjurium per verum Deum.* Sed difficile est accommodare solutionem: nam jurare verum per falsos Deos non est perjurium; ergo sub ea ratione non potest comparari, neque ita comparatur ab Aug. sed quatenus habet rationem ma-

li: unde comparatio esse videtur inter testificationem veri per falsum Deum, aut falsitatis per verum Deum. Aliter respondent Alex. Alenf. 3. p. q. 31. memb. 3. art. 2. §. 2. Bonavent. in 3. d. 39. dub. 4. circa litteram, & Turrec. in dicto cap. *Movet* q. 4. Qui dicunt, in juramento esse duo, scilicet quod asseritur, & per quem asseritur: & in primo, ajunt, minus peccare jurantem verum per falsum Deum: in secundo autem magis peccare. Sed habet responsio eandem difficultatem, quia qui verum jurat per falsos Deos, nihil peccat in re asserita, sed solum in testificatione ejus: comparatur autem cum altero, quatenus peccat. Item ratio Augustini hoc ostendit: nam ex majori sanctitate veri Dei concludit, majus esse peccatum pejerare per illum, quam adducere in testem falsum Deum, sive ad verum, sive ad falsum confirmandum.

Aliorum responsio refellitur.

15 Dici ergo potest, jurantem verum per falsos Deos, simpliciter, & intensive (ut sic dicam) gravius peccare; jurantem autem falsum per verum Deum, peccare gravius secundum quid, & extensive. Nam prior uno tantum modo peccat, posterior autem duobus, quia & mentitur, & contra humanam justitiam peccat, ad eam pertinet fides in pactis humanis, de quo juramento ibi loquitur Augustinus. Et præterea peccat contra Deum, illum adducendo in testem falsitatis: pluribus ergo modis peccat, & hoc vocamus *extensive* gravius. Comparando autem priorem malitiam idololatriæ, seu blasphemix cum perjurio, ut est contra Deum verum, sine dubio prior est gravior malitia, ut bene sentiunt omnes dicti auctores: quod satis est ad respondendum objectioni. An vero apud Deum, seu in divino judicio illa unica malitia juramenti veri per falsum Deum sit digna majori pœna, quam omnes simul malitiæ, quæ in perjurio per verum Deum inveniuntur, incertum est, pendetque ex modo peccandi, & circumstantiis: nam generatim loquendo fieri potest, ut multitudo malitiarum inferioris rationis moraliter æqualeat, vel excedat gravitatem unius malitiæ superioris rationis. Addo etiam, juramentum mendax per falsum Deum præter malitiam blasphemix habere rationem perjurii, saltem ex conscientia erronea jurantis, sub hac autem ratione gravius esse perjurium per verum Deum, quam per falsum, quod etiam videtur comprehendisse Aug. & probat ratio ejus, quia major est sanctitas veri Dei, quam falsi, etiam prout cogitatur, vel reputatur ab eo, qui per illum jurat: ratio autem blasphemix semper est major, quia illa consistit in injuria illata vero Deo, non tantum ut testificanti, ut sit in perjurio, sed ut existenti (ut sic dicam,) & habenti supremam excellentiam, cui per talem blasphemiam derogatur.

Vera conclusio.

Incertum est, quis a Deo sit magis puniendus, an jurans falsum per verum Deum, an jurans verum per idolum.

Objeccio.

16 Ex quibus omnibus intelligi potest, quamvis contingat, blasphemiam, & perjurium in eodem actu conjungi: nihilominus semper manere distinctas malitias, ideoque ita esse actum in confessione aperiendum, ut utraque illius malitiæ explicetur. Unde etiam e converso sequitur, licet juramentum ratione modi jurandi blasphemiam contineat, si tamen non cadat supra mendacium, non habere specialem malitiam mortalem perjurii, sed tantum blasphemix; quia, ut supponitur, juramentum est per verum Deum, & non est perjurium, quia non est ad confirmandum falsum; ergo non habet malitiam mortalem sub præcisa ratione juramenti, sed solum sub ratione contumeliæ, & convicii in Deum. At vero e converso, qui per Deum verum falsum jurat, si nullam aliam circumstantiam pravam misceat, licet sit perjurus, non est blasphemus, ut docuit D. Thomas supra art. 3. ad 2. Quia licet afferat Deum in testem falsitatis, non tamen affirmat, eum esse mendacem: neque sperat, Deum testificaturum illud mendacium, sed solum sub Dei auctoritate vult alium decipere: & potius sperat (ut Divus Thomas ait) quod Deus super illud non testificetur per aliquod evidens signum. Atque constat, malitias perjurii, & blasphemix adeo esse distinctas, ut sæpe possint mutuo, ad invicem separari, licet interdum possint conjungi.

In eodem actu duplex malitia distincta potest esse, perjurii scilicet, & blasphemix.

Qui pro-
mittit pec-
catum in
honorem
Dei se fa-
cturum,
est blas-
phemus.

Et qui ad
laudandū
Deum ur-
pe utitur
verbo.

Blasphemia item
est abuti
verbis
Scripturę
non tamē
semper.

Utrum
blasphemia
omnes sint
ejusdem
speciei.

Pars affir-
mativa.

Negativa
pars valde
probabilis
judicatur.

Blasphemiae hę-
reticales nō
differunt
specie.

Utrum
blasphemia in
Deū prolata
distingua-
tur specie
ab ea, quę
profertur
in sctos.

17 Et juxta hæc potest fieri discursus circa alios actus religionis, & vitia, quæ contra illos committuntur: nam cum illis potest sæpe conjungi blasphemia, præsertim si cum sufficienti advertentia, & multo magis si cum directa intentione fiant, ut si quis Deo promittat peccatum aliquod in honorem ejus facere, non solum est iniquus in malo promittendo, sed etiam est blasphemus, quia illud magis est verbum convitii, quam honoris, potiusque videtur esse comminatio, quam promissio. Similiter, qui ad laudandum Deum profana, aut turpia verba assumit, si per ea verba Deum laudare intendat, blasphemiam in ipsum committere videtur, quia in actu exercito significat, Deum gaudere similibus laudibus, & ita facit Deum contempribilem potius, quam laudabilem: & ita videtur sentire Navarr. dicto c. 12. n. 87. Verum est, quod si hujusmodi cantilenæ non proferantur, nec referantur ad laudem Dei, sed misceantur aliis veris laudibus Dei, non erunt proprie blasphemiae, licet non careant alia malitia irreligiositatis, vel sacrilegii, ut infra dicemus de Oration. tractando. Similiter aliqui inter blasphemias numerant abusum verborum sacrae Scripturæ ad conficiendos profanos libellos, vel ad actiones ludicras, & similia. Hoc tamen vitium regulariter potius sacrilegium est, quam blasphemia: si tamen tantus esset abusus, ut veritati, & auctoritati illorum verborum derogari videretur, profecto contumelia transiret in auctorem eorum, & malitiam blasphemiae participaret; & ideo Conc. Trid. sess. 4. in fine hoc vitium reprehendens, & prohibens a nomine sacrilegii, vel blasphemiae abstinere, vocatque *temeritatem, irreverentiam, & contemptum*.

18 Tertio loco fieri potest comparatio inter ipsas diversas blasphemiarum malitias inquirendo, an omnes sint ejusdem speciei, seu (quod idem est) ejusdem gravitatis essentialis; nam quod in individuo, seu accidentaliter una possit esse gravius alia, dubium non est. In quo Cajet. d. q. 13. art. 1. & in Sum. ver. *Blasphemia*, absolute docet, omnem blasphemiam esse ejusdem speciei: quem multi moderni sequuntur, nullam tamen probationem adducunt, nisi quod omnes blasphemiae sunt contrariae religioni, quatenus cultum patriæ debet Deo: unde inferunt, quod sicut religio, & latria una est, ita & blasphemia: quæ tamen ratio non convincit, quia facilius vitia multiplicantur, quæ virtutes, ut supra dictum est. Potest tamen illa sententia confirmari, quia omnia perjury sunt ejusdem speciei, & omnes hæreses; ergo & omnes blasphemiae. Nihilominus contrariam sententiam censo esse valde probabilem: nam blasphemiae hæreticales videntur specie distinguui a non hæreticalibus, quia continent deformitatem, & injuriam longe diversæ rationis. De hæreticalibus autem inter se comparatis D. Thom. d. q. 13. art. 1. ad 3. sentit non differre specie formaliter in ratione blasphemiae, quia omnes reducuntur ad enunciationem falsam de Deo, quod est verisimilius: & similiter blasphemiarum non hæreticales solum videntur distinguui secundum magis, & minus in ratione contumeliae, aut convitii.

19 Possunt autem in hoc ordine distinguui specie in ratione blasphemiae maledicta, aut contumeliae in Deum, vel in Sanctos immediate prolata; quia adoratio Sanctorum etiam respectiva, & in ordine ad Deum est diversæ rationis ab adoratione debita ipsi Deo propter se. Sed licet in blasphemia contra Sanctum prolata inveniantur aliqua malitia specie distincta a propria malitia blasphemiae, quæ est contra Deum, nihilominus facile sustineri potest, malitiam blasphemiae, quæ est in illo actu, quatenus in Sancto maledicatur Deus, ejusdem speciei esse cum blasphemiam immediate in Deum prolata. Parum vero hoc refert, dummodo intelligamus in convitio contra Sanctum prolato duas ad minus esse malitias; unam contra illam personam, quæ contumelia afficitur, cum sit per se digna honore, quæ malitia proprie est contra Dulum, & consequenter est distincta specie a propria malitia blasphemiae. Altera malitia est, quatenus illa contumelia redundat

in Deum ipsum, & illi censetur principaliter fieri, & per hanc constituitur proprie ille actus in ratione blasphemiae. Hæc tamen distinctio sufficit, ut ratione alterius malitiæ conjunctæ hæc circumstantia explicanda sit in confessione, & ita in ordine ad illam talis distinctio quasi specifica censenda est, quod est observandum pro omnibus blasphemias, quæ habent adjunctas in ipsis materialibus actibus malitias aliarum rationum. Et hæc sufficiant de malitia blasphemiae.

CAPUT VII.

De penis blasphemiae in foro Divino,
Canonico, & Civili.

1 Materiam hanc brevissime, ac remissive explicandam, quia, quæ ad dogmata fidei, vel ad conscientiam spectant, alibi a nobis tractata sunt; quæ vero ad externum judicium pertinent, nostra non sunt. Primo ergo responderi blasphemiae gravissima pœna in foro Dei, quæ erit æterna, nisi in hac vita remissio talis culpæ obtineatur: ubi statim occurrebat quaestio, an aliqua blasphemia sit apud Deum irremissibilis, ita ut hæc sit quasi pœna tali blasphemiae specialiter imposita in foro divino? quod tractare solent Theologi de blasphemiam in Spiritum sanctum. Sed de hac re dixi disput. 8. de Pœnit. sect. 1. ubi explicui, nullam esse blasphemiam irremissibilem simpliciter; sed aliquam ita appellari, quia directe opponitur dispositioni necessariae ad peccati remissionem, & ideo reddit illius remissionem valde difficilem.

2 Secundo considerari potest blasphemia in ordine ad sacramentale judicium confessionis. Et sic potest in primis de illa dubitari, an blasphemiam habeat censuram aliquam ipso jure annexam, vel reservationem; nam hæc etiam esse solet quasi quædam pœna. Brevis tamen dicendum est, nullam incurri censuram ipso facto propter tale peccatum, quia in jure nulla legitur, solum enim in c. *Siquis* 22. q. 1. imponitur pœna depositionis clerico blasphemanti: verumtamen nec imponitur ipso facto, sed imponi præcipitur, nec etiam illo modo pœna illa est in usu, ut Doctores statim citandi fatentur. Quapropter nec reservationem habet hoc peccatum ipso jure annexam, quia nec talis reservatio facta est papæ, quia hæc non solet fieri sine annexa censura, nec etiam facta est episcopo ex vi communis juris, quia nullibi legitur: nam in c. *Statuimus* de Maledictis, quod citari solet, non est sermo de reservatione in foro pœnitentiae, sed de pœna in foro contentioso, ut notavi disp. 28. de Pœnitent. sect. 3. n. 10. ubi hoc latius tractavi, & specialiter adverti, Concil. Lateran. sub Leone X. sess. 9. supponere, ordinarios confessores posse absolvere ab hoc peccato, precipere tamen, ut id non faciant, nisi imposita gravissima pœnitentia. Sed in hac etiam restrictione, ut ait Armilla verb. *blasphemiam*, n. 5. lex illa non est in usu recepta: atque ita communi, seu divino juri in hoc standum est.

3 Tertio decernitur propter hoc delictum pœna in exteriori judicio humano imponenda, tam per legem canonicam antiquam, & communem, ut pro clericis in dicto c. *Siquis* 22. q. 1. prolatis vero in dicto c. 2. de Maled. quam per novas constitutiones dicti Concilii Laterani & Julii III. in quodam motu proprio, qui incipit: *In multis depravatis*; & in alio Pii V. qui incipit: *Cum primum Apostolatus officium*. Hæc vero novæ constitutiones usu receptæ non sunt. Punitur etiam hoc delictum per leges civiles in Authentico, *Ut non luxurientur*, &c. supra citato. De quibus pœnis legi possunt Glossa, & Doctores eisdem locis, & Bernardus Diaz cum scholio Salzedi dicto c. 10. Practicæ, & Covarr. dicto §. 7. a. n. 10. & Jul. Clar. lib. 5. §. *Blasphemiam*, & Simancas in Catholicis institutionibus tit. 8. Castro lib. 1. de Justa hæc. puni. c. 12. & Azor dicto lib. 9. c. 28. q. 5. & sequentibus, qui referunt alios: & late tractant, quomodo peccatum hoc sit misti fori, & quomodo blasphemiam hæreticalis ad inquisito res hæreticæ pravitatis pertineat, & alia, quæ ad forense negotium magis spectant.

Nulla est
blasphemiam
irremissibilis.

Nulla est
fora in-
curritur
propter
blasphemiam
ipso
facto.

Propter
hoc crimē
de cœni-
tur pœna
in judicio
humano
imponenda.

LIBER SECUNDUS DE SUPERSTITIONE.



Superstitio ex communi sententia vitium est religioni Dei contrarium, ut in superioribus tractum est, & mox latius videbimus. Non est autem una tantum species vitii, sed quasi genus quoddam proximum multas sub se continens species: nam quædam superstitio est circa Deum verum, alia circa Deos falsos vel expresse, vel tacite, de quibus omnibus in discursu hujus libri dicendum est.

C A P U T I.

Quomodo superstitio circa Deum verum esse possit, & quid illa sit.

Primum omnium observandum est, quod superstitio excessum quemdam importat, quia juxta communem usum nimum Dei cultum significat, ut constat ex usu tam Latinorum, quam Theologorum cum D. Thom. 2. 2. q. 93. Unde Aulus Gellius lib. 10. Noct. Atticar. dixit, superstitionem esse *importunam, & ineptam religionem*, & idem fere habet Cicero lib. 2. de Nat. deor. Circa etymologiam autem hujus vocis varie loquuntur auctores: nam Cicero supra putat, derivatum esse nomen illud a voce *Supersto*, seu a nomine *Superstes*, nam qui totos (inquit) dies immolabant, ut eorum liberi superstites essent, *superstitiosi sunt vocati*. Isidorus vero lib. 8. etymol. c. 3. ex eadem voce *Superstes* aliam derivationem refert: *Alii* (inquit) *a senibus, quia multis annis superstites per ætatem delirant, & errant superstitione quadam nescientes, quæ vetera colunt, aut quæ veterum ignari adfiscunt, superstitionem dictam putant*. Deinde refert ex Lucretio, superstitionem dictam esse *a superstando*, quasi superstitio sit cultus superstantium rerum, seu rerum, quæ supra nos sunt, id est, cœlestium, ac divinarum: quam etymologiam ipse reprobat, quia cultus talium rerum non est superstitio, sed maxime legitimus. Unde ipse potius sentit superstitionem dictam esse *a superstatuo*, vel *superstitio*. Nam superstitio est superflua observantia in cultu superstantium, seu instituta Majorum. Quæ descriptio ad significationem vocis declarandam apta est, ad vocis autem derivationem non videtur satis vocibus ipsis accommodata. Et ideo alij e contrario existimant etymologiam Lucretii cum vocibus quadrare, licet ille in re explicanda erraverit. Fuit enim Epicureus, qui omnem Dei religionem contempsit, quia non putavit Deum habere providentiam humanarum rerum, & ideo omnem Dei cultum superstitionem esse credidit, quia procedit ex timore Dei superstantis, quem timorem in universum vanum esse putavit: in quo turpiter erravit. Potest autem hic timor esse nimius, & irrationabilis, & inde porrit nimius Dei cultus superstitio vocari, quasi procedat ex nimio timore Dei superstantis. Parum tamen ad nos refert, unde vox derivata sit, dummodo constet, quid significet.

2. Est autem advertendum secundo, ad legitimum cultum religiosum duo requiri, unum est, ut cultus sit legitimus ex parte rei cultæ: aliud est, ut in modo etiam colendi prudens, & moderatus sit. Unde e contrario, quia malum contingit ex quocumque defectu, dupliciter potest cultus esse superstitiosus, scilicet vel ex parte rei cultæ, si non sit cultus veri Dei, sed falsi, vel ex parte modi observandi etiam in adoratione veri Dei. Posset etiam quis addere tertium membrum, scilicet, cultum deficientem in utroque: nam Cicero supra etiam in cultu falsi Dei significat, posse esse superstitionem in modo; sed nobis non est hoc tertium membrum necessarium. Gentilis enim, qui putabat, cultum exhibitum suo idolo juxta suas leges, & mores esse legitimum, vocavit superstitionem cultum

eiusdem idoli ultra instituta suorum majorum: nos tamen totum cultum talis Dei, qualiscumque cultus sit, ut superstitiosum omnino abjicimus, & ideo in taliculu non curamus de modo ejus, ut superstitiosum appellemus. Sic ergo apud Theologos, & alios Doctores duplex distinguitur superstitio: una est in cultu veri Dei, alia in cultu falsi Dei; & hæc posterior generaliter vocari potest falsus cultus, seu superstitio idololatriæ; prior vero vocatur indebitus, vel nimis cultus veri Dei. Ita docet D. Thomas communiter receptus in 2. 2. quæst. 92. art. 2. ubi superstitionem ex parte rei cultæ, quam nos generatim idololatriam vocavimus, in tres distinguit species, scilicet in idololatriam expressam, seu stricte sumptam, & divinationem, & vanam observantiam, quæ idololatriæ tacite dici possunt, de quibus postea dicemus. Alteram vero superstitionem in cultu veri Dei in duo membra distinguit, scilicet, in superstitionem perniciosam, & superfluam, de quibus in præsentia tractabimus.

3. Antequam vero ulterius progrediamur, oportet circa divisionem datam lectorem admonere cujusdam erroris novorum hæreticorum, qui nihil distinguunt inter idololatriam, & superstitiosum cultum veri Dei, sed omnem superstitiosum cultum, etiam si circa Deum verum versetur, idololatriam vocant. Quod solum faciunt, ut catholicos calumnientur, eosque idololatriæ falso coarguant. Ad quod concludendum alium adjungunt errorem, fingentes superstitionem, ubi non est, ut paulo post videbimus: non tamen suo furori satisfaciunt, Catholicam ecclesiam ut superstitiosam reprehendentes, nisi etiam idololatriam illam faciant: & ideo superstitionem etiam illam, quæ est circa verum Deum, idololatriam vocant. Hunc errorem copiose, & docte refutavit Gregor. de Valent. in suo 3. tom. disp. 6. quæst. 11. punct. 1. & postea Leonardus Lessius lib. 2. de Just. capit. 43. dub. 4. & ideo nobis necesse non est in hoc errore confutando immorari. Nam si vocem ipsam attendamus, nihil aliud est idololatriam, quam: idoli latria, seu suprema adoratio: Deus autem verus idolum non est; ergo contra vocem ipsam est, aliquem cultum veri Dei idololatriam vocare, quod etiam confirmat, & convincit frequentissimus Scripturæ sacræ, & Sanctorum Patrum usus, ut dicti auctores late prosequuntur. Si autem rem ipsam spectamus, evidentissimum est, deformitatem, & malitiam longe diversæ rationis esse in adoratione veri Dei, quantumvis superstitiosa, ut ex terminis ipsis videtur per se notum, & ex rebus humanis declarari potest: nam longe majorem injuriam facit regi, qui alium regem in eodem regno præter legitimum recognoscit, quam qui ipsummet verum regem indebito modo reveretur. Unde nemo est, qui Judæos nunc idololatrias vocet, quia Deum verum colunt, etiam si male colant: & idem esse potest de Paganis cognoscentibus unum verum Deum, ut mox dicemus, & a fortiori idem erit de Christianis, etiam male colentibus Deum. Bene ergo generalis illa partitio data est secundum illa duo genera malitiarum per excessum in cultu. Bene etiam nomina singulis membris adaptata sunt, quæ immutare non licet, præsertim contra usum Scripturæ, & Sanctorum: nam ex verbis inordinate prolatis hæresis incurritur. Quam vero stulte isti hæretici calumniantur ecclesiam de idololatria, & quod sanctos cum Christo regnantes colat, in 1. tom. 3. p. ostensum est.

4. Sed adhuc superest nobis disputatio quasi per contrarium extremum cum Lactantio lib. 4. Instit. cap. 28. ubi reprehendit Ciceronem, eo quod dixerit, superstitionem esse posse in vera religione; nam vera religio tantum est in cultu veri Dei, quem ipse

La-

Multiple
supersti-
tionis di-
visio.

Error hæc
resicorū,
qui nihil
distingui-
unt inter
idololatri-
am & supersti-
tionem.

Nominis
Etymolog-
ia.

Supersti-
tio est
cultus super-
stitiosus
vel ex
parte rei
cultæ vel
ex parte
modi quo
colitur.

Ut cum in
cultu veri
Dei possit
esse supersti-
tio.

Lactantius non putat posse esse superstitiosum: Nam *superstitio* (inquit) *solum est in cultu novorum, & falsorum Deorum, qui superstitio appellatus est, eo quod homines, relicto antiquo, & vero Deo, superstitem suorum Deorum memoriam colere cœperint*: suaderique potest hæc sententia, quia in cultu veri Dei non potest esse excessus. Probatur, quia in veri Dei amore excessus esse non potest; ergo nec in cultu, & religione. Pater consequentia, quia sicut Deus super omnia amandus est, ita etiam colendus; ergo sicut amor Dei non potest esse nimius, ita neque cultus. Item vel hic excessus accidere potest in cultu interno, vel in externo: non quidem in interno, quia interna de Deo æstimatio, si sit vera, non potest esse nimia, sed quanto major æstimatur, tanto verius cogitur; si autem non sit vera æstimatio, jam cultus, qui ex illa nascitur, non pertinebit ad cultum Dei. Nec etiam potest esse nimius, sed oportet, ut sit verus, & commensuratus: nam ex vero, & moderato actu interno non potest oriri excessus in exteriori actu; si autem externus cultus non nascatur ex vero, ac legitimo cultu interno, jam non erit veri Dei cultus.

5 Sed dubitari non potest, quin in colendo vero Deo possit superstitio committi, id est, peccatum per excessum in modo colendi verum Deum: ita enim docent Theologi omnes cum D. Thoma dicta quæstione 98. art. 2. Declaratur autem in primis ratione, hoc vitium esse possibile, & quomodo intelligendum sit, deinde exemplis, & testimoniis confirmabimus tale esse. Primum autem facile intelligetur, distinguendo illa duo, quæ supra in cultu, & adoratione distinximus. Unum est vera existimatio de excellentia personæ, quam colere intendimus: aliud est signum illud, quo utimur ad recognoscendam illius excellentiam, nosque illi submitendum, in cuius signi exhibitione cultus ipse, & adoratio consistit. In cultu ergo veri Dei, etiam si superstitiosus sit, non potest omnino deesse primum ex his, quæ posuimus, & hoc probat ratio dubitandi proposita, quia si existimatio veri Dei omnino deesset, jam non esset cultus veri Dei, id enim adoramus, quod nobis in mente, & intentione adorandum proponimus; per falsam autem existimationem Dei nemo sibi proponit verum Deum adorandum, sed falsum, & a se fictum; ergo adoratio, quæ inde oritur, non est adoratio veri Dei; ergo nec est superstitio, de qua nunc agimus. Dices, Judæus, vel Saracenus falsam de Deo habet existimationem, quando illum apprehendit, & judicat, esse unum, & non trinum, & nihilominus verum Deum colit. Respondet, in aliquo quidem decipi, quatenus Trinitatem personarum in Deo negat: in aliquo vero non errat, sed verum Deum secundum essentiam cognoscit, ipse autem non adorat Deum, quantum ad id, quod de illo negat, sed quantum ad id, quod affirmat, seu de illo cognoscit, & ita veram de Deo existimationem habet, verumque Deum colit: quamvis (ut ita dicam) in eo non colat, quicquid revera colendum est. Atque ita cum dicimus, ad cultum veri Dei sive legitimum, sive superstitiosum necessariam esse veram de Deo existimationem, non est sensus, oportere ita esse veram, ut nullam habeat admixtam falsitatem, alioquin nulli infideles, vel hæretici adorarent verum Deum, quod falsum est, dicente Paulo de Gentibus, *Cum cognovissent Deum, non sicut Deum glorificaverunt*, ad Roman. 2. & de Judæis cap. 10. *Testimonium prohibea illis, quod emulationem Dei habent, sed non secundum scientiam*. Sensus ergo est, necessariam esse de vero Deo existimationem saltem quoad substantiam, & essentiam, ac existentiam ejus confuse conceptam, etiam si alia de illo ignorentur, vel falso existimentur.

6 At vero, hæc licet existimatio veri Dei supponatur, in materia cultus, sive in illo signo, quo utimur ad Deum adorandum, potest esse error, & superstitio: quia hæc duo valde diversa sunt, scilicet Deum esse dignum honore propter talem excellentiam, quam habet, & hanc rem, vel illam esse aptam ad exhibendum Deo debitum honorem; ergo licet in primo non erratur, potest in secundo error contingere. Quando ergo aliquis intendens colere verum Deum illis rebus utitur ad illi exhibendum honorem, quæ ad illud officium a-

ptæ non sunt, neque illis vere Deus honoratur, tunc superstitio committitur, & cultus ille superstitiosus dicitur. Unde fit, ut hoc genus culpæ maxime contingat in exteriori adoratione, quamvis non in sola. Primum significat Divus Thomas quæstione 93. art. 2. ad 2. quia signum, quo in tali adoratione utimur, non est natura sua impositum ad significandam vel Dei excellentiam, vel nostram submissionem ad illam; & ideo facile potest in tali adoratione contingere error circa usum signi, vel materiæ, quæ ad Deum colendum assumitur. Quod in humana adoratione facile perspicitur; contingit enim, rusticum hominem ineptis verbis, aut gestibus uri ad regem adorandum, qui non errat in persona regis, quam adorat, sed in modo, & actibus, quibus illum adorat. Unde mirum est, quomodo Lactantius, alioquin eruditus, dixerit, *Omnino quid colas, interest, non quemadmodum colas*. Est enim hic manifestus error moralis, & practicus, & valde generalis: nam honestas actionum multum pendet ex modo: & ex defectu modi sæpe tota bonitas actus destruitur, quia bonitas integram causam requirit, ut in moralibus notum est: ergo non tantum interest, quid colas, sed multum est, quomodo colas. In defectu ergo hujusmodi superstitio hæc, de qua tractamus, consistit. Unde etiam constat altera pars, scilicet posse hanc superstitio-nem intervenire in interiori cultu: nam zelus, seu æmulatio pro Deo, actus interior est, & potest quis illum concipere ex intentione colendi Deum, & tamen si zelus indiscretus sit, ut esse potest (teste Paulo citato loco ad Rom. 10.) erit superstitio, non religio. Et idem in timore, & similibus actibus internis aptis ex suo genere colendum Deum, contingere potest, si in particulari imprudenter exercentur, quia talibus actibus revera non honoratur Deus, neque sunt apti, ut ad illum finem ordinentur.

7 Jam vero ex usu ipso, & quasi inductione hoc genus vitii declaratur, habet enim locum tam in infidelibus, qui verum Deum aliquo modo agnoscunt, quam in catholicis, qui perfecte, & absque errore illum cognoscunt. Nam in primis Judæi nunc circumcidentes filios suos, sabbatha servantes, superstitiosi sunt, quia verum quidem Deum colere illis cæremoniis intendunt, sed tamen illis jam Deum non honorant, sed potius offendunt. Sic dixit Ambrosius Psalm. 118. Enarrat. in Octon. 5. circa illa verba: *Statue servo tuo eloquium tuum in timore tuo. Judæi habent zelum Dei, sed quia non habent secundum scientiam in ipso zelo, & timore majorem contrahunt Divinitatis offensam*. Et postea de circumcisione, & sabbathis adhibet exempla. Gentilis etiam, si quis nunc esset verum Deum agnoscens, & Christianam fidem non acceptans, si offerat Deo sacrificium vituli, superstitiosus est; quia licet Deum verum colere intendat, illi offert, quod revera sacrificium non est, nec verus Dei cultus. Nam licet olim illud esse potuerit sacrificium, nunc revera non est: nam ut recte dixit August. epist. 49. quæst. 3. *Cum hæc exhibentur Deo secundum veram inspirationem, atque doctrinam, vera religio est*: illud autem sacrificium non offertur secundum Dei veram inspirationem, atque doctrinam; ergo non est actus veræ religionis; est ergo superstitio. Nec refert, quod illud sacrificium videatur legi naturali conforme, est enim conforme negative, id est, non habens ex sola lege naturæ indecentiam: tamen, postquam a Deo reprobatum est, & in melius commutatum, jam rationem cultus non habet, sed superstitio est. Quod si fortasse contingat, Philosophum Gentilem sic offerentem habere ignorantiam invincibilem fidei, & ductu naturæ duci, ille quidem excusaretur a culpa propter ignorantiam, tamen actio ipsa in se superstitiosa esset, quia revera non est sacrificium, nam ex vi divinæ institutionis, unius incruenti sacrificii oblatione omne aliud sacrificium irritum factum est, & nullum: etiam si per ignorantiam excusaretur, qui illud intendat. Adde, multis aliis modis posse contingere superstitutionem in hujusmodi Gentili, si Deum verum variis observationibus colere intendat, ut alii circa falsos Deos faciebant.

Inductio
ne declaratur
in
Judæis, &
Gentilibus

Posse dari
ri, resolu-
visur.

Obje-
dio:

Solvi-
tur:

In signo,
quo Deus
colitur,
potest dari
error.

Ostendi-
tur per
reprobationem
hæretico
& catho-
lico.

8 Præterea heretici multis modis superstitiosi esse solent, vel in sacrificio Eucharistiæ aliquid admiscendo, quod Christus non obtulit, vel in Baptismo, aut aliorum sacramentorum usu. Multi etiam in ritibus orandi, jejunandi, aut aliis operibus, quibus Deum colere solemus, infinitas superstitiones miscuerunt, qui tamen omnes verum Deum colebant. Denique etiam Catholicus potest interdum in hoc vitium labi: sic enim Cælestinus papa ep. 2. ad episcop. Galliarum cap. 1. quosdam sacerdotum reprehendit, qui ambulabant *amicti pallio, & lumbos præcincti*, ut viderentur ad literam observare Christi verba Luc. 12. *Sint lumbi vestri præcincti*, & de illis dicit: *superstitio potius cultui inservire, quam mentis, vel fidei puritati*. Sic etiam dixit Alexand. papa epistola prima, capite quarto: *Repulsis opinionibus superstitionum, panis tantum, & vinum aqua permixtum in sacrificium offerantur*.

Hæretico-
rum error
asserentium
omnem
cultum
humano
discursu
introduc-
tum pro-
hiberi.

9 Oportet tamen in hoc puncto cavere alium hereticorum hujus temporis errorem; dicunt enim, omnem caeremoniam, & omnem cultum a Deo ipso non præceptum, seu in evangelio non contentum superstitiosum esse, immo & idololatriam vocant, ut paulo antea notavi. Fundanturque præcipue in illo Deuter. 18. *Quod præcipio tibi, hoc tantum facito Domino, neque addas quicquam, nec minuas*. Unde colligunt, omnem cultum non præceptum eo ipso prohibitum esse, & ideo Paulum ad Coloss. 2. dixisse: *Videte, ne quis vos decipiat per philosophiam, & inanem fallaciam, secundum traditionem hominum secundum elementa mundi, & non secundum Christum*; & infra: *Nemo vos seducat, volens in humilitate, & religione Angelorum, quæ non vidit ambulans, frustra inflatus sensu carnis suæ*. Unde colligunt, omnem cultum voluntarium, & ex humano discursu introductum esse illicitum, & a Deo prohibitum. Verum tamen hæc sententia hæretica est, quia non solum est contra universalem consuetudinem, & perpetuam traditionem ecclesiæ, sed etiam contra Scripturam, & contra rationem naturalem, ut ostendi in 3. rom. 3. par. disp. 15. sect. 2. Et patet breviter, quia Scriptura ipsa præcipit observare vota, quæ tamen voluntaria, & non ex præcepto promittuntur. Et ratio naturalis dicat, non solum esse faciendæ bona præcepta, sed etiam esse utile, plura bona, & honesta facere, quam præcepta sint. Item vix possunt homines non uti determinatione aliqua humana in actionibus divini cultus, quia lex divina, vel naturalis non omnia determinavit, ut sæpe in superioribus ostensum est. Unde etiam heretici ipsi suos peculiare modos, & ritus introducunt in modo colendi Deum, qui non sunt in evangelio, vel divina lege præcepti, immo nec ipsi inter se in hujusmodi ritibus conveniunt; ergo plane ignorant, quid loquantur, & se ipsos tanquam superstitiosos, & idololatrias condemnant. Non est ergo superstitiosum, quicquid præceptum non est, sed quicquid contra præceptum est, sive sit contra divinam institutionem, sive contra ecclesiasticam, sive contra rationem naturalem ostendentem in aliquo ritu vel inutilitatem, vel superfluitatem, vel aliquid hujusmodi.

Explicatur
locus
Deuteronomii.

10 Et ita intelligitur locus ille Deuter. ibi enim specialiter prohibebat Deus Hebræis uti caeremoniis Gentium, ut ex verbis proxime præcedentibus constat: & in hoc sensu concluditur ibi nihil fuisse addendum, vel minuendum, utique legi sibi traditæ contrarium. Non vero prohibebantur omnia, quæ non erant præcepta, dummodo non essent præceptis contraria, sed potius eis consentanea, ut in ipsamet lege explicatur Levit. 23. ubi post præcepta festivitatum, oblationum, & sacrificiorum additur, *Exceptis sabbathis Domini, donisque vestris, & quæ offeretis ex voto, vel quæ sponte tribuetis Domino*. Quæ lex non est derogata per prohibitionem in Deuteronomio factam, ut constat. Unde postea juxta legem Levitici instituerunt Judæi aliquas festivitates in lege non præceptas: & Christus Dominus usus est multis caeremoniis in lege non præceptis, ut in dicto loco ostendi. Unde nec Paulus ad Coloss. 2. omnem voluntarium cultum damnat, cum ipsemet 1. ad Corinth. 7. virginatatem, & abstinentiam ab opere conjugii propter orationem consulat, etiam quando præcepta non est: in dicto ergo loco ad Coloss. 2. agit præcipue de

vitanda superstitione legalium caeremoniarum, & cavendis deceptoribus, qui illam sub specie humilitatis, & religionis Angelicæ, seu per Angelos traditæ introducere volebant, ut D. Thom. exponit. Quamvis extendi possit Doctrina illa ad omnem superstitiosum cultum non fundatum in recta ratione, sed in hypocrisis, & irrationabili voluntate, ut Cajet. & alii declarant, in hoc enim sensu recte dici potest superstitio religio ita voluntaria, ut nec lege, nec iusta ratione fundata sit; quæ superstitione etiam in cultu veri Dei locum habet; ut dixi.

11 Ad fundamentum ergo Lactantii non est difficile ex dictis respondere: fatemur enim, ex parte, Dei non posse esse excessum in cultu, si alias cultus sit rationi consentaneus, & in eodem sensu recte etiam dicitur, non posse esse excessum in quantitate veri cultus, quia nullus potest adæquare excellentiam Dei, nedum excedere; unde Ecclesiast. 43. dicitur: *Glorificantes Dominum, quantumcumque potueritis, super-valebit adhuc, & admirabilis magnificentia ejus. Benedicentes Dominum, exaltate eum quantum potestis, major enim est omni laude. Quis magnificabit eum, sicut est?* Nihilominus tamen ex circumstantiis, & modo, seu qualitate cultus potest hic intervenire excessus, ut bene declarat D. Thom. dicta quæst. 92. art. 1. & in idem redit, quod quæst. 93. art. 2. ait, in cultu Dei nihil esse posse superfluum, seu excedens secundum quantitatem absolutam, quæ videlicet supponat verum cultum, tamen secundum quantitatem proportionatam posse esse superfluum, quatenus id offertur in cultum, quod aptum non est.

12 Sed occurrunt nonnullæ objectiones. Prima, quia hinc sequitur, hoc non esse vitium per excessum, sed potius per defectum: patet, quia, qui colit Deum actu proportionato, ipsum revera non colit; ergo non excedit, sed deficit in cultu Dei; sicut qui daret pauperi fictam pecuniam, & non veram, non peccaret per excessum contra misericordiam, sed potius per defectum. Secunda, quia si in quantitate proportionata potest esse excessus, etiam in absoluta: nam qui bis in die communicat, excedit, addendo quantitatem absolutam in vero cultu: nam secunda communio tam vera communio est, sicut prima. Tertia, quia etiam e converso potest illa quantitas minui; ut si quis offerat in sacrificio corpus, & non sanguinem, erit illud peccatum non per excessum, sed per defectum, & tamen superstitione est, juxta sententiam Gelasii in c. *Comperimus*, de Conf. d. 2. qui de illis, qui ita offerebant, ait: *Nescio, quæ superstitione docentur astringi*.

13 Respondeo, omnia procedere ex quadam equivocatione: nam excessus non debet considerari in formali cultu, ut sic dicam, sed in materiali: nam, si cultus semper sit verus, & legitimus, nunquam potest esse excessus in colendo Deo, ut dictum est: quando vero aut ex materia actionis, aut ex circumstantiis contingit, ut cultus transeat in superstitionem, jam quidem definit esse cultus, & ita verum est, non esse excessum in cultu formaliter sumpto. Est tamen excessus in multiplicandis, vel faciendis actionibus pro cultu, quæ ad illum non deserviunt, & hoc modo vocatur hoc vitium per excessum. Quod potest non incommode declarari per ordinem ad affectum colentis: habet enim superstitiosus affectum colendi, vel saltem illum ostendit, quantum est ex parte operis, & excedere existimatur in eo affectum, quandoquidem opportune, & importune (ut sic dicam) colere vult, & quicquid occurrit, in cultum offert, sive sit aptum, sive non sit. Ad I. ergo respondeo, negando sequelam. Ad probationem dico, verum esse, illum non excedere, vere colendo, & honorando, excedere tamen operando ad cultum modo, aut tempore, aut loco repugnantibus vero cultui. Ad II. respondeo, ibi etiam non esse excessum in cultu formali, qui solum pertinere hic dicitur ad quantitatem absolutam, sed in materiali, quia licet communio de se sit materia veri cultus, sit tamen indebito modo fiat, definit esse verus cultus, & ita illa secunda communio hic, & nunc non continet verum cultum, neque honorat Deum, etiam si sit tam vera communio, sicut prior, quia non sit tam debito modo. Ad III. similiter respondeo, ibi

Lactantii
fundamentum
non responde-
tur.

1. Obje-
ctio.

2. Obje-
ctio.

3. Obje-
ctio.

Respon-
detur ad
objectiones.

ibi quidem peccari per defectum, quoad integritatem sacrificii, operari tamen per excessum in materia cultus, quatenus pro sacrificio offertur, quod revera sacrificium non est, unde, quoad hoc intervenit ibi superstitio. An vero quoad alium defectum de mutilatione sacrificii ibi adsit sacrilegii genus contra reverentiam rei sacræ debitam, infra dicetur.

CAPITULUM II.

Quot modis, & quam graviter peccari possit in cultu veri Dei per superstitionem cultum.

Superstitio in cultu veri Dei vitiosa est.

EX dictis in præcedenti capite manifeste colligitur, superstitionem in cultu veri Dei vitiosam esse, & moraliter malam, ac subinde esse prohibitam. Primum patet, quia vitium est quicquid declinat a medio virtutis: ostensum est autem superstitionem hanc non servare medium religionis, quia vel non assumit materiam aptam ad cultum, vel non quando, & quomodo oportet; ergo est vitium morale, ac subinde moraliter mala, quia malum ex quocumque defectu. Unde etiam concluditur, talem cultum prohibitum esse, quia omne malum morale prohibitum est, sive sit malum, quia prohibitum, sive prohibitum, quia malum. Videndum ergo superest, quale sit hoc malum, ac subinde quibus modis committi possit hæc superstitio, simulque constabit, quam grave peccatum sit.

Superstitionum alia pernicioiosa, alia superflua sunt.

2 D. Thomas ergo d. quæst. 93. hanc superstitionem dividit in perniciosam, & superfluum. Perniciosam declarat esse illam, quæ falsa est, & mendacium continet, nam eo ipso tale mendacium perniciosum est, juxta doctrinam Augusti, lib. de Mendacio, c. 14. quia est in rebus ad religionem Dei pertinentibus: additque D. Thomas, hoc mendacium posse contingere dupliciter, scilicet vel ex parte rei significatæ, a quo discor dat significatio cultus, vel ex parte personæ colentis, quando ille est minister ecclesiæ colens Deum in persona ecclesiæ, & tamen in colendo non servat modum ab ecclesiâ præscriptum: nam tunc etiam falsarius censetur, quia aliquid proponit ex parte ecclesiæ, quod ipsa non præscripsit. Superfluum superstitionem appellat D. Thomas illam, quæ offert Deo pro cultu id, quod nec ad gloriam Dei spectat, nec mentem, vel corpus hominis Deo subijcit, prout debet, ac lege, vel consuetudine impositum est: tunc enim superflue talis actus in cultum Deo offertur, cum Deus illo non honoretur. Atque hanc divisionem optime Cajetan. exponit in dicta quæst. 93. ex illo Joann. 4. *In spiritu, & veritate*: nam falsitas veritati opponitur; superfluitas autem spiritui: qui enim colit Deum eo modo, qui spiritui non servit, superfluum cultum exhibere dicitur, ille autem in spiritu non adorat, quia in exterioribus totus insistentis ad interiorem cultum nihil proficit, ut D. Thomas significat.

Proponitur autem diffinitiones circa hæc doctrinæ.

3 Circa hanc vero doctrinam, ut tota varietas hujus vitii explicetur, nonnullæ difficultates proponendæ sunt. Prima est, quia omnis superstitio falsitatem continet, saltem ex parte colentis, nam significat se colere Deum, retamen vera non colit; ergo falsum significat; ergo non recte dividitur superstitio per falsum cultum, & alium, quia oporteret, illum alium falsum non esse, talis autem non invenitur. Unde Lactantius lib. 4. Instit. cap. 28. dixit: *Religio veri cultus est superstitio falsi*, id est, falsi cultus: ideo enim religio non est, quia verum cultum non offert, vero autem falsum opponitur; ergo omnis superstitionis cultus falsus cultus est. Secunda e contrario est, quia omnis superstitio non continet superfluum cultum; ergo non recte per illum dividitur. Patet antecedens ex Isidoro lib. 8. Etymol. cap. 3. ubi ait: *Superstitionem dictam esse, eo quod sit superflua, aut superflua observatio*. Et Servius dixit, superstitionem esse inanem, & superfluum timorem. Et ratione probatur, quia dictum est, superstitionem esse vitium per excessum secundum aliquam circumstantiam, quæ inanem, immo & injuriosum Deo talem cultum red-

dit; ergo semper talis cultus superfluum est. Quid enim magis superfluum, quam quod fini est impropor tionatum, seu quod omnino inutile est? talis autem est omnis superstitio.

4 Tercio augetur utraque difficultas, quia ex Divi Thomæ doctrina plane sequitur, eosdem superstitionis actus sub utroque membro collocari. Nam in primis sub cultu superfluo ponit omnem illum, qui ad Dei gloriam non pertinet; at nullum mendacium ad gloriam Dei pertinet; erit ergo superfluum cultus. Ut v. g. qui ad cultum Dei supponeret falsas reliquias, & mendax esset, & superfluum in cultu Dei, quia non indiget mendaciis, quibus honoretur. Sicut qui ad confirmandam fidem falsa miracula confingeret, & vanus, ac superfluum esset, & falsus. Item ait D. Thomas in dicto art. 2. id, quod est præter Dei institutionem, vel consuetudinem communem, superfluum esse in Dei cultu. Unde fit, ut ministrare Sacramentum, vel offerre sacrificium contra modum divina auctoritate constitutum, & in ecclesia consuetum, sit cultus superfluum, quia est præter institutionem, & consuetudinem: at D. Thomas in art. 1. hunc vocat cultum perniciosum, seu falsum secundo modo; ergo confunduntur illa membra. Quarto potest objici, quia ex dicta doctrina D. Thomæ in illo articulo 1. sequitur omnem cultum falsum, etiam si solum sit falsus ex parte operantis, mendacium perniciosum continere, ac subinde omnem superstitionis cultum peccatum mortale esse, quod difficile creditur est. Sequela vero patet, quia omnis superstitionis cultus est falsus cultus, ut ostendi; ergo est mendacium perniciosum: at omne mendacium perniciosum est peccatum mortale; ergo.

5 Quinto aliunde apparet, illis duobus membris addendum fuisse tertium; sicut enim potest Deus superstitione coli mendaciis, & vanis actibus, seu inutilibus ad virtutem, ita potest coli superstitionisime, & perniciosissime aliis peccatis, & turpibus actibus. Ut v. g. si quis occidat homines in sacrificio Dei, non solum superfluum, sed etiam perniciosum dici potest, seculo mendacio significationis; nam etiam illud in ratione vitii moralis contra religionem videtur habere peculiarem deformitatem, sicut longe alterius malitiæ est vovere Deo actum indifferentem, vel inutilem, ut deambulare, aut ludere, vel vovere rem intrinsece malam, ut mentiri. Ergo vel distinguendum fuit hoc genus perniciosi cultus a falso, & superfluo, vel non erat, cur illa distinguerentur. Sexto potest objici, quia aliquis videtur esse superstitionis cultus, qui dici potest defectuosus potius, quam superfluum: ut missam dicere sine vestibus sacris, & similis.

6 Ut his objectionibus respondeamus, & occasione illarum varietatem harum superstitionum explicemus, recolendum est, quod supra notavi, licet in hac materia formaliter consideremus vitia, quatenus continent malitias contrarias religioni, nihilominus illarum varietatem sæpe pendere ex materialibus actionibus, quibus veluti adhærent, & ex malitiis, quæ in eis præsupponi solent, etiam si alterius rationis sint. Sic ergo in præsentī interdum vitium quis mendacio in ipsomet cultu Dei, interdum vero absque proprio mendacio superstitionis est ex aliis capitibus: priorem ergo vocavit D. Thom. cultum perniciosum, posteriorem autem superfluum cultum. Et ita divisio est adæquata, quia membra contradictionem proxime includunt. Distinguntur autem primo, & quasi radicaliter ex parte cujusdam malitiæ, scilicet mendacii, & falsitatis, quæ in uno membro supponitur, & non in alio. Unde falsitas illa, ratione cujus aliquis superstitionis cultus perniciosus dicitur, non est falsitas cultus; nam hæc communis est omni superstitioni, ut recte objectio primo ostendit: sed est peculiaris falsitas, quæ in ipso facto supponitur, non solum quatenus significat cultum, vel excellentiam Dei, sed quatenus aliquam aliam rem significare supponitur; ut v. g. circumcisio nunc est superstitio quædam, quia est signum gratiæ futuræ, & nondum exhibitæ, teste Augusti. lib. 6. contra Jul. c. 3. illa autem significatio falsitatem continet distinctam a falsitate, seu a nullitate cultus, ejusque fundamentum existit, ideo enim cære-

Varietas in superstitionibus sæpe ex actionibus materialibus pendet.

Cultus alius perniciosus, alius superfluum.

Qui cul-
tus perni-
ciosus di-
citur.

monia illa nunc supersticiosa est, & inutilis ad cultum, quia falsam significationem habet ex vi suæ primæ institutionis. Itaque cultus supersticiosus in genere dici potest falsus, non falsitate, quæ vocatur in dicendo, seu significando, sed falsitate in essendo, ut Metaphysica loquitur. Specialiter autem cultus perniciosus dicitur, qui in aliqua falsitate in significando fundatus est. Unde etiam expeditur facile secunda obiectio: fateamur enim, omnem cultum supersticiosum posse dici superfluum, ut ibi adducta probant: nihilominus tamen illa vox accommodata est ad specialem cultum significandum, illum videlicet, qui inanis est, non propter mendacium, sed propter quemcumque alium defectum. Perniciosus enim cultus dicitur, qui non solum inanis est, sed etiam mendax; superfluous autem vocatur, qui nimius est, & inanis absque speciali mendacio. Et eodem fere modo expedienda est tertia difficultas: nam ex dictis constat, non posse eundem cultum supersticiosum sub utroque membro contineri: aut enim continet mendacium, & sic non spectat ad secundum membrum, etiamsi ad gloriam Dei non pertineat: nam illa doctrina D. Thom. & quasi descriptio superflui cultus intelligenda semper est cum exclusionem, id est, ut tantum ad Dei gloriam, & verum honorem non pertineat, quamvis aliam falsitatem non includat.

Supersticio perni-
ciosus alia
falsitate
habet ex
parte rei
significa-
te, alia
ex parte
colentis.

7 Circa illam vero tertiam objectionem explicanda est illa subdivisio perniciose superstitionis in eam, quæ falsitatem continet ex parte rei significatæ, vel ex parte colentis. Prius enim membrum optime explicatur per ritus Judaicos, quorum usus nunc continet falsitatem in significatione ipsarum actionum, ut D. Thom. dixit. Quia non solum verba, sed etiam facta imponuntur ad significandum, & ideo in factis ipsis esse potest falsa significatio, quatenus rem jam factam significante, ut pondus factam, sed futuram. Interrogare autem quis potest circa hoc membrum, an ad cultum perniciosum hoc modo sufficiat, actionem illam fuisse olim impositam ad significandam rem futuram, ut futura est, vel necessaria etiam sit intentio exercentis illam actionem ad idem significandum? In quo est distinguenda duplex intentio: una est formalis intentio mentientis; alia est intentio significandi per illud factum id, quod a principio ex Dei impositione significavit. De priori movit dubium Cajet. d. quest. 93. art. 1. quia Judæi modo non habent illam, licet posteriorem habeant: sed sine dubio illa intentio non est necessaria ad committendam hanc superstitionem perniciosam, quia sufficit intentio exhibendi signum falsum, quia in facto ipso continetur mendacium, a quo non excusatur operans propter ignorantiam, cum illa culpabilis sit.

Duplex
intentio
potest re-
periri in
circumci-
sione a Ju-
dæis mo-
do facta.

Difficul-
tas circa
secundam
intentionem.

8 Hinc vero ego dubito de posteriori intentione, quam sine dubio habent Judæi: querimus autem, an necessaria sit? Et ratio dubitandi est, quia si dicamus non esse necessariam, damnabimus omnem usum circumcisionis post Christi mortem, etiam quando lex verus nondum erat inordinata, quod dici non potest. Si autem dicamus, necessariam esse, sequeretur, nunc non esse supersticiosum usum circumcisionis, si non fiat animo significandi futura, nec ex obligatione, aut ritu legis veteris, sed solum propter quamdam cum Christo conformitatem, ut Aethiopes facere dicuntur. Respondeo, ut talis ceremonia dici possit perniciofa, necessarium esse, ut qui illam exercet, ea utatur, ut signo habente talem impositionem, alias non loqueretur per illud, nec falsum diceret: & hoc optime probat exemplum Pauli circumcidentis Timotheum, & similia. Neque hinc sequitur, usum illius actionis per modum ceremoniæ sacræ nunc non esse supersticiosum alia intentione factum: tum quia esto, tunc non sit perniciosus cultus, erit saltem superfluous, quia est profusus inutilis ad cultum Dei, finita jam, & abolita impositione Dei. Et illa intentio assimilationis ad Christum in hoc vulnere, seu cicatrice est profusus vana, nihilque pertinens ad gloriam Dei. Tum etiam quia licet usus talis ceremoniæ ex tali intentione non appareat intrinsece malus, & consequenter nec prohibitus, quia malus, nihilominus ex communis consensu, & consuetudine ecclesiæ prohibitus est,

Resolvi-
tur.

& ideo etiam est malus, ac supersticiosus; & fortasse etiam est perniciosus propter falsitatem materialem, quam ex vi operis continet, licet non sit formale mendacium ex intentione operantis. Nam qui profert propositionem, quæ in communi, & usitata significatione terminorum falsa est, non intendens id significare, sed aliud, quod ipse sibi fingit, seui imponit, licet a formali mendacio excusetur; nihilominus simpliciter falsum profert, & perniciose alios decipit, & ex hac parte a malitia mendacii saltem indirecta non excusatur. Ita ergo intelligi potest in præsentia: nam ex communi sensu ecclesiæ circumcisio, verbi gratia, facta, ut ceremonia sacra, illam significationem habet, & ideo non excusatur a superstitione perniciofa, qui illa utitur, etiam si privata intentione aliud intendat.

9 Rursus vero interrogari potest circa idem membrum, an quælibet falsitas huiusmodi cultus reddat illum perniciosum, vel solum illa, quæ fuerit in materia religionis, aut in materia fidei? Nam Aug. in citato loco de mendacio non dixit, omne mendacium in materia religionis Christianæ esse perniciosum, sed dixit, omne mendacium in doctrina religionis esse capitale, quod longe diversum est. Nam mendacium in doctrina religionis pertinet ad errorem, & hæresim: mendacium autem in materia religionis non semper continet hæresim, sed aliquam irreverentiam, ut si quis in confessione falsum dicat, confitendo, quod non fecit ob idiferetam humilitatem: illud ergo non videtur perniciosum mendacium, quia nec alicui nocet, nec est contra doctrinam religionis; ergo licet ille cultus sit supersticiosus, ut superfluous, non tamen ut perniciosus.

10 Nihilominus tamen D. Thom. omnem superstitionem, quæ in re significata falsitatem continet, perniciosam appellat. Et ita videtur absolute loquendum, quia omne tale mendacium, in quacumque materia sit, usurpatum ad colendum Deum per illud, est injuriosum Deo peculiari modo, & ideo perniciosum mendacium est: omne enim mendacium, quod in alterius injuriam cedit, perniciosum est; ergo si in divinam injuriam cedat, maxime erit mendacium perniciosum: cedit autem in divinam injuriam, quoties in ejus cultum adhibetur. Quamvis autem perniciosum mendacium ex suo genere mortifera culpa sit, non est necesse, ut sit semper, & in omni individuo peccatum mortale: nam potest esse mendacium perniciosum, quod in aliqua materia peccatum veniale sit, ut pater de falso testimonio in materia levi. Sic igitur licet hæc superstitio perniciofa dicatur, non semper in individuo est peccatum mortale: nam si falsitas sit contra doctrinam religionis, tunc semper peccatum est mortale, seu capitale, ut August. dixit, quia talis materia semper esset gravissima, ut per se constat: si autem non sit contra doctrinam Catholicam, sed solum consistat in facto aliquo, tunc interdum esse poterit venialis culpa ex levitate materiæ, licet sæpe sit mortalis: & ita in exemplo adducto de falsitate in confessione, si mendacium sit vel in materia necessaria, vel in tota materia sacramenti, gravis est culpa, quia est contra substantiam sacramenti, si vero sit in materia partiali, & non necessaria censetur culpa venialis ex levitate materiæ, juxta ea, quæ in 4. tom. d. 22. sect. 10. diximus.

11 Aliud membrum illius divisionis de falsitate in cultu ex parte colentis, obscurius est: quia non videtur excedere gradum, & rationem superflui cultus, ut probat obiectio facta, quia hæc falsitas solum in hoc consistere dicitur, quod aliquis exhibet cultum aliter, quam a Christo sit institutum, vel ab ecclesia ordinatum, seu consuetum, quod habet omnis superfluous cultus. Dicendum vero est, falsitatem hanc in hoc consistere, quod offerens, seu colens Deum nomine Christi, aut ecclesiæ, id offert in cultum, quod nec Christus, nec ecclesia suo nomine offerri voluit. Nam eo ipso sic colens falsarius invenitur, quia virtute, seu in actu exercito affirmat, alium, cujus nomine colit, id offerre in cultum, quod ipse offert, quod tamen falsum est. Hoc modo videtur mentiri, qui se fingit sacerdotem, cum non sit, & sacrificium se offerre

An quælibet falsitas in cultu reddat illum perniciosum?

Pars affirmativa vera resolvitur.

Supersticio perniciofa non semper est mortale peccatum.

Explicatur alia pars divisionis de falsitate ex parte colentis.

ferre simulat. Quamquam in illo videantur simul concurrere duo modi falsitatis: nam & falsus est in re, quam significat per verba, quæ profert, nam revera non sunt corpus, & sanguis Christi, quæ esse affirmat: & falsus etiam est, gerendo se, ut Christi ministrum ab illo missum, & constitutum, ut nomine Christi offerat, cum revera talis non sit. Hæc autem posterior falsitas sine priori inveniri videtur in sacerdote vero ab ecclesia præciso vel deposito, qui se nihilominus ingerit sacris, & nomine ecclesiæ sacrificium offert, & in eo publice orat: nam in eo falsarius est, quia ecclesia revera illi non commisit talem legationem ad Deum pro se. Item falsitatem hoc modo committit, qui nomine ecclesiæ petit, quod ipsa non ordinavit peti.

12 Unde intelligitur, duobus modis posse aliquem in hoc publico, & communi cultu Dei agere contra institutionem Christi, vel ecclesiæ: uno modo exercendo, vel offerendo nomine alterius, quod revera illi commissum non est, qui potest dici defectus in substantia cultus, seu fictio in legatione, quam exercet nomine alterius, a quo constitutus non est, ut in exemplis positis. Et optimum est in Saule 1. Reg. 13. qui holocaustum obtulit, cum sacerdos non esset, & ideo multum Deo displicuit. Ad hoc item genus mendacii reducit Cajet. abusus caeremoniarum ecclesiæ, vel rerum sacrarum, transferendo illas ad profanas significationes, contra earum institutionem, de quibus in cap. *Quicumque* 26. q. 5. Addit item Cajet. etiam huc spectare peccatum concionatorum, aut Doctorum, qui falsis testimoniis, aut miraculis fidem confirmant; sed illa actio non videtur ad cultum pertinere, sed ad doctrinam, & fidei confessionem, ac persuasionem; & ideo magis videtur peccatum illud esse vel contra ipsam fidem, seu fidei confessionem, vel contra charitatem. Præterquamquod illud mendacium non tam est ex parte colentis, quam ex parte ipsius rei significatæ, quia res ipsa, quæ profertur, non ita se habet, sicut per verba, vel scripta significatur. Et similiter alii abusus rerum sacrarum magis spectant ad falsitatem ex parte rei significatæ, quia revera illa signa non significant id, ad quod assumuntur, & ideo illæ actiones magis ad sacrilegium, quam ad superstitionem pertinere videntur, ut constabit attente legenti d. cap. *Quicumque*. Alio modo potest esse defectus in modo tantum, ut si sacerdos offerat calicem non mistum aqua, sed in puro vino consecratum, vel si absque vestibus sacris offerat, & similia. Primus ergo modus pertinet ad falsitatem, & superstitionem perniciosam: secundus vero spectat ad aliud genus sacrilegii, vel ad superstitionem cultus superflui, quia in illo cultu non est falsitas etiam ex parte colentis, nam revera offert in persona Christi, & ecclesiæ, licet in modo male se gerat; non est ergo falsarius, sed sacrilegus, & dici potest superfluous in cultu, quia licet deficiat potius, quam excedat in modo colendi, inde tamen fit, ut totus ille cultus sit superfluous, quia melius esset non colere, quam sic colere. Quando ergo dicitur, illum esse falsarium hoc modo, quia agit contra Christi, vel ecclesiæ institutionem, intelligendum est, quando defectus est in substantia institutionis ipsius cultus, vel secundum se, vel prout offerendus est nomine alterius; si vero defectus sit in modo accidentali, etiam si quis agat contra ecclesiæ ordinationem, non erit falsarius, sed alio modo sacrilegus, vel superstitiosus, & ita conciliantur ea, quæ in illa tertia difficultate attinguntur.

13 Aliter vero ea conciliat Cajetanus dicta q. 93. accurate observans verba D. Thom. qui agens de superstitione falsa ex parte colentis dixit, esse contra modum ab ecclesia institutum, agens vero de superfluo cultu dicit, esse præter Dei, & ecclesiæ institutionem. Ponderat ergo Cajet. differentiam poni in esse contra, vel præter ecclesiam. At enim etiam superfluous cultus potest esse contra ecclesiam, id est, contra consuetudinem, vel constitutionem ecclesiæ, ut ipse Cajet. cum D. Thom. faceret. Oportet ergo explicare, quo alio speciali modo falsus cultus ex parte colentis sit contra ecclesiam. Certe non apparet alius, nisi quia est contra voluntatem ecclesiæ nolentis, talem mini-

strum offerre nomine suo, vel prohibentis, ne talis oratio, vel aliquid huiusmodi nomine suo offeratur, quod non invenitur in superfluo cultu.

14 Hinc vero nascitur dubium tactum a Cajet. in d. quæst. 93. An hic modus perniciosæ superstitionis ex parte colentis inveniat in cultu communi, in quo minister proximus exercet cultum in nomine Christi, vel ecclesiæ, vel etiam in privato cultu: nam ex his, quæ diximus, videtur sequi, tantum reperiri in communi cultu, quia falsitas illa tota consistit in hoc, quod cultor proximus, ut sic dicam, nomine alterius offert, quod ille non vult. In contrarium vero est, quia D. Thom. dicit, hanc falsitatem præcipue inveniri in cultu communi; dicendo autem præcipue insinuat reperiri etiam in cultu privato. Propter quod Cajet. ibi hoc simpliciter affirmat, afferens exempla sequentia. Primum est, si quis jejundet in dominica die contra ecclesiæ prohibitionem, nam illud jejunium tunc non prohibetur tanquam actus intemperantiæ, nec lex illa respicit jejunium, ut habet materiam temperantiæ, sed ut materiam religionis, quia illa prohibitio fit in destitutionem errorum Manichæorum, Priscillianistarum, & aliorum hæreticorum, qui superstitiose illo die jejunabant, ne Christi resurrectionem venerari, & de illa latari viderentur: nam sicut non credebant, illum fuisse verum hominem, ita neque vere mortuum esse, ac resurrexisse, ut Leo papa epist. 93. cap. 4. notavit: & sumitur ex Melchisede in cap. *Jejunia*. de Conf. d. 3. & ex Conc. Cæs. August. cap. 2. in cap. *Nequis*, ead. d. Secundum exemplum Cajet. est, si quis dominicam orationem omnino privata intentione recitet, omnem ecclesiam ab illius participatione excludens, nam fingit se non omnium nomine, sed privato illam offerre contra Christi intentionem. Tertium exemplum esse potest de illo, qui falsas reliquias ut veras proponit in cultum Dei, vel Sanctorum.

15 At enim difficile est intelligere, in quo consistat hæc falsitas ex parte colentis in cultu privato, quia qui private colit, in sua propria persona cultum exercet, & in hoc non mentitur, quia revera suo nomine offert, & non alterius: hoc est enim de ratione privati cultus: nec Cajet. exponit, quis alius modus falsitatis possit esse ex parte operantis in cultu privato. Nec illius exempla hoc declarant: nam jejunium in die dominica, si ex superstitione fiat, continet potius falsitatem ex parte rei significatæ, quam ex parte operantis: nam sic qui jejunat, non in persona ecclesiæ se jejunare simulat, sed privatum jejunium exercet, ut Cajet. supponit, in hoc ergo non mentitur, quia vero jejunat, ut illa caeremonia profiteatur, non esse credendam, vel colendam Christi resurrectionem, mendax est, quia falsum significat per illud factum, hæc autem est falsitas ex parte rei significatæ non ex parte colentis, ut constat.

16 In secundo vero exemplo advertendum est (quod in materia de oratione latius dicam) aliud esse orare in persona ecclesiæ, aliud orare pro tota ecclesia. Nam primum fit per orationem per se publicam: secundum autem fieri potest per privatam. Oratio ergo dominica non est a Christo instituta, ut in persona ecclesiæ tantum dicatur: nam omnibus, & singulis dixit, *Vos autem sic orabitis*; sed data est, ut pro omnibus, seu pro tota ecclesia fiat, ut verba ejus ostendunt. Qui ergo illam orationem proferret intendens nullo modo orare pro ecclesia, non esset mendax ex parte orantis, quia in sua persona propria, & privata orans, & non in persona ecclesiæ, nihil falsum proficeretur, quia revera ita orat, immo & orare potest licite, si in alio non deficiat; ergo vel nulla falsitas ibi intervenit, nec superstitio, sed peccatum contra charitatem excludendo alios a participatione orationis, quæ debet esse communis ex parte eorum, pro quibus oratur; vel si aliqua est falsitas, tantum est ex parte rei significatæ, quia verba data ad significandam orationem pro omnibus, transferuntur ad aliam significationem omnino privatam, quam revera non habent. Denique licet quis teneretur dicere illam orationem in persona ecclesiæ, ut Sacerdotes in missa, & nihilominus intendere non prodesse omnibus per illam, sed sibi.

An superstitio perniciofa ex parte colentis sit solum in cultu communi, vel etiam in privato.

Difficile inveniri falsitatem hanc in cultu privato.

Cajet. exempla hoc non ostendunt.

Aliud est orare in persona ecclesiæ, aliud orare pro ecclesia.

Sacerdos neque prius, si sacrificium offerat falsarius cur sit?

sibi tantum, non esset mendax in cultu externo, quia revera potest oratio totius ecclesie pro uno privato fieri: esset ergo pravus in intentione contra charitatem communem, & contra fidelitatem sui muneris. Nullo ergo modo invenitur in illo actu falsitas ex parte operantis.

17 Neque etiam in tertio exemplo: nam qui falsas reliquias proponit, non facit actum illum in persona ecclesie, sed propria, ut constat, ideo enim cultus privatus dicitur in eo ergo non mentitur; sed quia signum est falsum, & rei non existentis, ideo mentitur: falsitas autem illa non est ex parte operantis, sed rei significare, ut bene notavit Toler. in Sum. lib. 4. cap. 14. Concludo igitur, illud genus falsitatis solum in communi cultu inveniri, quia in privato unus non colit Deum nomine alterius, ut in hoc possit falsitatem miscere, sed unusquisque in propria persona colit: solum ergo potest falsum cultum exercere utendo falso, significando id, quod non ita est. Divus Thomas autem addendo *precipue*, non oportet, ut in eo rigore illo termino usus fuerit, sed largius, ut idem significat, quod maxime, seu principaliter.

18 Atque hinc sequitur, hoc genus falsitatis, & mendacii perniciosum valde esse, & ex suo genere mortale peccatum, ita ut vix fieri possit leve ex materie parvitate, quia fit Deo injuria, & Christo, vel ecclesie: sicut qui apud unum regem se fingeret legatum alterius, vel aliquam legationem uni proponeret, quam alter non commisit, utrique faceret gravem injuriam, ita multo magis in presenti. At vero quando defectus esset in modo accidentali, licet ex suo genere etiam sit culpa gravis, cum sit contra religionem, nihilominus esse poterit venialis ex parte materie levis. Exempli satis insinuata sunt in cultu sacrificii, & stipulia facile peti possunt ex administratione sacramentorum: nam absolvens aliquem v.g. sine jurisdictione falsarius est, non solum in re significata, sed etiam, quia se gerit ut ministrum Christi, & ecclesie, ubi constitutus non est, & ideo gravissime semper peccat: si autem absolvat eum sufficienti potestate, & valore sacramenti cum aliquo defectu in modo, non erit falsarius, licet possit esse supersticiosus gravius, aut levius pro materie qualitate. Tale censeri potest peccatum ejus, qui in missa, vel officio divino accidentales ritus non servat, vel pro sua devotione alios adjungit, ideoque regulariter non censetur mortaliter peccare, sed venialiter secluso contemptu, nisi grave aliquid ecclesie preceptum violet, ut bene censuit Navar. in Man. num. 11. capit. 24. etiam Cajetan. verb. *Superstitio*, & dicta qu. 93. art. 2.

19 Et ita relinquatur obiter expedita quarta difficultas, committitur enim in ea equivocatio de falso cultu: nam, ut dixi, licet omnis supersticiosus cultus dici possit falsus in essendo, non tamen in significando. Et ideo loquendo primo modo de falso cultu, ut illa obiectio in sua probatione procedere videtur, non sequitur, omnem supersticiosum cultum esse semper peccatum mortale, quia licet falsus sit, id est, nullus, & inutilis, non tamen semper falsum significat, nec semper aliunde continet gravem injuriam. At vero si sermo sit de cultu falso ex parte operantis, id est, falsitatem continente respectu ejus, in cujus persona fit, sic concedo, illum semper esse peccatum mortale, moraliter loquendo, quia vix cogitari potest materia levis talis delicti, licet fortasse in aliquo casu non repugnet, ut si quis in oratione publica, quæ sit nomine ecclesie, misceat aliquid profanum, quod ecclesia non permittit suo nomine proferri in laudibus Dei: nam, ut infra suo loco dicetur, illud ex se grave peccatum est; tam leve autem verbum esse posset, aut tam indifferens, ut ex levitate materie posset a mortali culpa excusari.

20 In quinta objectione petitur, an superstitio, quæ dicitur esse superflui cultus, dividi possit in turpem, & levem, seu vanum cultum. Ad quod breviter respondeo, nihil impedire, quominus sic dividatur: nam revera inveniuntur illi duo modi superstitionis sub illa generali specie, etiam prout distinguitur a superstitione falsi cultus, & in ordine ad malitiam moralem est magna differentia inter illos duos modos superstitionis.

num. Turpem ergo cultum appello, quando Deus coli intenditur illismet actibus, qui alias pravi, & turpes sunt, etiam si non sint mendacia: exemplum positum est de sacrificio per immolationem hominis, quæ intrinsece mala est, ubi de precepto, & auctoritate Dei non fit. Idem est, si quis ex injuste acquisitis Deo offerat in cultum, quæ oblatio *maculata* vocatur, Eccl. 34. Recte ergo hic cultus non solum superfluous, sed etiam turpis appellatur. Immo etiam posset aliquis dicere, talem cultum etiam involvere mendacium injuriosum Deo, ac subinde perniciosum: nam qui hujusmodi actione Deum colit, proficitur, illam actionem placere Deo, quod falsum est, & perniciosum mendacium. Sed hæc collectio valde remota est, quia non est ex propria significatione ipsius actionis, sed per quamdam argumentationem ex intentione operantis, quæ supponit in illo talem existimationem, quamvis factio suo illam non exprimat; & ideo proprie mendacium non est, nec falsitas in significando, sed tantum in essendo. Turpis autem merito dicitur talis cultus, quia turpitudinem, & malitiam involvit in ipsamet actione colendi.

21 Potest autem esse alius cultus supersticiosus, & superfluous sine turpitudine, sed ex alia turpitudine actionis ad affectus colendi, vel ex defectu aliarum circumstantiarum. Et inter hæc duo membra hæc potest considerari moralis differentia, quod turpis cultus semper est peccatum mortale, ut exemplum de voto actionis prave recte probat, & infra suo loco declarabitur: & ad hoc valet illa collectio, quam paulo antea faciebamus, quia is, qui tali actu Deum colit, ipso usu proficitur, esse Deo gratam talem actionem, quæ gravem injuriam Dei continet. At vero alius cultus superfluous (ut sic dicam) ordinarie potest esse venialis culpa, nisi contemptus interveniat, vel sit contra expressum ecclesie preceptum in materia notabili, & maxime si sit ex intentione introducendi in ecclesia talem ritum. Et ita sunt intelligendi, qui absolute hoc affirmant de superstitione superflua, ut Cajetan. Navar. & Toler. supra.

22 Tandem circa sextam objectionem advertendum est, quando aliquis actus veri cultus exercetur sine debita circumstantia, dupliciter id fieri posse: uno modo ex quadam negligentia, vel temeritate culpabili: alio ex intentione introducendi ritum contra communem legem, vel consuetudinem, seu (quod idem est) omittendo statutas circumstantias, seu caeremonias propter inutiles, vel supersticiosas. Prior modus vel ad superstitionem non pertinet, sed ad alium modum irreligiositatis, aut sacrilegii, vel si ad superstitionem reducitur, est indirecto modo participando culpam, quæ proprie in altero modo reperitur. Posterior ergo modus est proprie supersticiosus, nam introducit novum ritum in cultu Dei contra communem legem, vel consuetudinem. Nec refert, quod talis cultus fortasse sit per modum privationis, quia illamet privatio exigitur, ut pars ritus: tam supersticiosum enim est sacrificare in solo pane, introducendo id tanquam ritum necessarium, vel convenientem, vel sufficientem in illo sacrificio, quam esset supersticiosum addere ultra panem, & vinum aliam materiam. Et tunc illa superstitio ad superfluum cultum pertinet, etiam si ritus ille sit quasi privativus, quia ille etiam superfluous est, & reddit totum cultum vanum, & inutilem ad internum cultum, in quo consistit ratio superflui cultus.

23 Ex quibus omnibus constare sufficienter potest, in hoc genere peccati superstitionis non tantum duas, sed plures species malitiæ reperiri adeo formaliter diversas, ut in confessione videantur explicandæ: nam superstitio perniciose malitiam habet longo alio modo injuriosam Deo, & a ratione exorbitantem, quam supersticio, quæ tantum est superflui cultus. Et inter perniciosas longe aliud peccatum videtur circumcidere puerum more Judaico, vel sine ordine sacro fingere sacrum, vel cum ordine sacro ab ecclesia præsum, vel suspensum ministrare. Item in alio genere superflui cultus longe gravior deformitas etiam in sua specie videtur esse in cultu per actum turpem, & bonitati Dei contrarium, quam in cultu excedens.

De alio cultu supersticioso, sine turpitudine, dicitur.

Dupliciter actus veri cultus exercetur sine debita circumstantia.

Sub genere superstitionis plures species malitiæ sunt in confessione declarandæ.

cedente tantum in caeremonia impertinente. Et in materia sacramentorum alia superstitio est, quæ substantiam sacramentorum immutat, & evertit; alia, quæ solum in accidentalibus ritibus superflua est. In quibus omnibus possemus etiam speculative varias rationes maliciarum considerare; sed quia id magis contentiosum est, minusque utile, constanter statuendum videtur, hanc variationem maliciarum tantam esse, ut necessarium sit in confessione modum superstitionis aperire: sive id sit, quia nonnullæ ex his supponunt hæresim in mente, quam oportet explicare; alia vero illam non supponant; sive quia in alio genere peccati includunt maliciam specie diversam, ut in genere mendacii perniciosi, vel alterius turpitudinis, vel specialis sacrilegii, & injuriæ rerum sacrarum; sive quia non possunt aliter a confessore curari, immo nec secundum suam necessariam gravitatem intelligi, nisi secundum suum modum peculiarem explicentur: sive quia in genere moralis malitiæ formaliter differunt, quod profecto satis probabile apparet ex omnibus, quæ diximus.

C A P U T III.

De idololatria quid sit, & quod objectum habeat.

I VOS Idololatria interdum accipitur metaphorice, ut patet ex Paulo ad Ephes. 5. ubi avaritiam vocat *idolorum servitutem*; nam avarus totum suum affectum in pecuniis habet; & ideo videtur pecunias tanquam Deos colere. Sic enim idem Paulus ad Philippen. 3. de hominibus ventri deditis dixit: *Quorum Deus venter est*; & eadem fere ratione omnis, qui moraliter peccat, potest per metaphoram idololatria vocari, quia creaturam, propter quam peccat, pro Deo habere censetur, quatenus illam super omnia amat. Atque ita Hieron. Amos 2. tractans illa verba: *Super tribus sceleribus Jude, &c. ait, unumquemque peccatorem Christianum adorare vitia sua, eumque incipere habere Deum, a quo victus est, dicente Petro, a quo quis superatus, ejus & servus est.* Et Euseb. 4. circa illa verba: *Hæc dicit Dominus, &c. similiter, inquit, hæreticos esse idololatrias, utiq; per metaphoram: Qui simulachra dogmatum suorum, atque mendacii, artificiorum componunt, & venerantur ea, quæ sciunt a se simulata.* Quibus similia habet Aug. lib. de vera rel. cap. 18. Sed idololatria hoc modo sumpta non significat aliquid speciale vitium religioni oppositum, sed ut dixi, universis peccatis mortalibus attribui potest, & præsertim aliquibus, in quibus major inordinatio affectus erga creaturam cognoscitur, & ideo hæc significatio præfenti instituta non servit. Quamvis necessarium fuerit adnotare illam, tum ne vitia confundantur, tum ut Scripturæ intelligentur, tum denique quia ex metaphorica significatione intelligi potest, esse aliam propriam, a qua translatio facta est.

2 Idololatria ergo proprie dicta idem significat, quod voces simpliciter, ex quibus illa componitur, præferunt, nimirum idolorum latriam, unde explicando, quid in præfenti sit idolum, & quid latria, explicatum relinquetur, quid sit idololatria, & quomodo committatur. Idolum ergo juxta primariam significationem, statum, vel imaginem significat, ut ex Sap. 13. colligitur, ubi late describitur idoli fabricatio per artem sculpendi, & pingendi, & de idolo concluditur: *Imago enim est, & opus est illi adjutoria, & cap. 14. Per manus (dicitur) quod sit idolum, maledictum est & ipsum, & qui facit illud; & infra: Acerbo enim luctu dolens pater cito sibi rapti filii fecit imaginem; & infra: Imaginem Regis, quem honorare volebant fecerunt.* Idolum ergo juxta primariam significationem, imaginem significat: non tamen quælibet imago idolum dici potest, ut mox dicemus. Dicunt tamen aliqui, tunc solum imaginem idolum posse appellari, quando rem non subsistentem, nec possibilem significat, sed fictam, ut chimæram, vel quid simile. Ita sentit Orig. hom. 8. in Exo. sic exponens, quod Paulus ait 1. ad Cor. 8. *Scimus, quia nihil idolum est in mundo.* Quod sequitur Theod. q. 38. in Exo. & Oecum. in 1.

ad Cor. & multi alii verum tamen licet verum sit, multa talia fuisse idola Gentium, ut sumi potest ex Arban. Orat. contra idola. Nihilominus negari non potest, quin idolum potuerit etiam esse imago alicujus rei veræ, & aliquando subsistentis, quod ex citatis locis Sap. aperte colligitur. Nam in eis dicitur, idololatriam cœpisse, fabricando, & depingendo imagines hominum, vel aliquorum animalium, quæ res veræ, ac subsistentes sunt. Et Cypril. lib. de idolol. vanit. late ostendit, Deos Gentium majori ex parte fuisse homines. Et Aug. 1. 8. de Civ. cap. 26. Unde 1. 20. contra Faustum, cap. 5. late probat idola, & Deos Gentium aliquas res veras esse, seu corpora vera, ad salutem autem nihil esse, neque etiam ad cultum divinum promerendum.

3 Quapropter alij existimant, rationem idoli non compleri per hoc, quod sit imago rei falsæ, vel fictæ, sed per hoc, quod sit imago ad indebitum cultum alicui tribuendum destinata. Nam etiam imago chimære, vel rei fictæ, si non ad cultum, sed ad delectationem, aut memoriam, vel exercitium artis fabricetur, vocari non potest idolum. Atque ita Sap. dist. cap. 13. describens constitutionem idoli præter sculpturam, & picturam adjungit: *Et fecit ei dignam habitationem, &c.* Et cap. 14. cum dixisset, patrem rapti filii fecisse imaginem, subdit, *Et illum, qui tunc quasi homo mortuus fuerat, nunc tanquam Deum colere cœpit, & constituit inter servos suos sacra, & sacrificia: & infra vocat idola figmenta, quæ iniqua consuetudine, ut lege ex deceptione, aut inordinato affectu colebantur: Incommunicabile (inquit) nomen lignis, & lapidibus tribuerunt.* Sentit ergo, idolum vocari effigiem ad cultum indebitum institutam. Dico autem *indebitum cultum*, quia si imago sit alicujus rei veræ, & dignæ secundum rectam rationem aliquo vero honore, & cultu, & solum erigatur talis imago ad rem illam debito honore colendam, non potest illa imago idolum appellari. Et hac ratione septima Synod. act. 7. definit imagines Christianorum, & prout ecclesia Catholica eas recipit, & approbat, idola dici non posse, ut late tractavi in 1. tom. de Incarn. disput. 54. sect. 7. Et hoc sensisse videtur Tertul. lib. de Idol. cap. 4. dicens, imagines earum rerum, quas colit humanus error, idola appellari.

4 Et Isidor. lib. 8. Etym. dixit, *Idolum esse simulachrum, quod humana effigie factum, & consecratum est.* Quæ descriptio quoad priorem partem nimium restricta est; non est enim de ratione idoli, ut sit ad humanam effigiem, expresse enim dicitur in dicto cap. 13. Sap. *Et assimilatur illud imagini hominis, aut alicui ex animalibus illud comparatur.* Et ex cap. 32. Exod. constat, Hebræos imitantes Ægyptios idolum fecisse in vituli effigie, latiusque explicavit Paulus ad Roman. 1. dicens: *Mutaverunt gloriam incorruptibilis Dei in similitudinem imaginis corruptibilis hominis, & volucrum, & quadrupedum, & serpentum.* Immo etiam potest figurari idolum, quod non sit alicujus rei veræ, vel speciei effigies, sed fictæ, ut diximus. Quoad posteriorem vero partem videtur illa descriptio diminuta, quia, ut humana imago sit idolum, non satis est, quod sit consecrata, id est, ad cultum dicata, debet ergo restringi ad consecrationem indebitam, seu excedentem humanæ naturæ capacitatem. Et ideo optime August. lib. 7. Quest. in lib. Jud. idolum declarat, id est, *Cujusdam Dei falsi simulachrum, & in hoc sensu accommodari potest Origenis sententia.* Nam licet idolum possit esse imago veri hominis, si tamen destinetur ad colendum illum hominem, ut Deum, jam erit imago falsi Dei, & sub ea ratione erit imago rei non existentis. Immo fortassis eadem, vel proportionali ratione, si quis iniquum hominem, & in peccatis mortuum sibi depingeret ad cultum, quamvis non ut Deum, sed ut sanctum hominem illum colere vellet, talis imago rationem idoli participaret, ut sentit Sander. lib. 1. de Imaginibus; quia, licet talis imago repræsentaret verum hominem, simul referret falsum Sanctum. Et in hoc sensu recte dicitur, idolum involvere falsitatem in sua repræsentatione, ac subinde imaginem falsam. Sic enim Scriptura de idolis loquitur, ut notavit Bellar. lib. 2. de Imaginib. c. 5. Et propterea fortasse Zach. 1. de

Contra:
rium est
verum.

Idola esse
imaginem
destinatam
ad indebitum
cultum
alicui tribuendum.

Idololatria ali-
quando
metaphori-
ce acci-
piuntur pro
veris rebus.

Quid proprie sit
idololatria.

Solum imaginem rei
fictæ vocari idolum
qui dicant

Origenis
doctrina
commode
explicatur

iniquo pastore, qui officium pastoris non exercet, dicitur: *O Pastor & idolum*, quia non est verus pastor, sed fictus, & nomine potius, quam re; sicut idolum vocatur Deus, cum non sit, vel certe, ut ibi ait Hieron. sceleratus pastor vocatur idolum, dum se appellat Deum, & vult ab hominibus adorari. Et ita etiam potest intelligi Paul. 1. Cor. 10. cum dicit, idolum nihil esse, scilicet in ratione, qua Deum, vel personam summo honore dignam repræsentat. Unde potest illa verba: *Scimus, quia nihil est idolum in mundo*, subjungit, & quod nullus est Deus, nisi unus. Et ita etiam dicuntur idola non esse Esth. 14. ut exposuit Hier. Osee 7.

Quavis creatura, quæ tanquā Deus colitur, dicitur idolum.

5 Ex hac vero primæva significatione extensum est nomen idoli ad significandam quamcumque creaturam, quæ tanquam Deus colitur, seu colenda proponitur supremo cultu vero Deo debito, etiam si talis res non sit imago, neque ut imago alterius falsi Dei adoretur, sed ut ipsemet falsus Deus, nam in hac significatione videtur profecto sumi in ipsemet nomine *Idololatria*. Nam omnis adoratio creaturæ, per quam ut Deus colitur, idololatria est; ergo omnis creatura sic adorata idolum est, etiam si non in aliqua imagine, sed in se, & propter se immediate adoretur. Et similiter omnes, qui creaturam, ut creatorem adorant, & in eis compuntur, qui a Paulo vocantur *Idolis servientes*, 1. ad Cor. 5. & 6. sive creaturæ adoratæ sint statue, sive ignis, aut aqua, & similia, quæ Sap. 13. numerantur, & rectores terrarum, ac Deos putatos esse a Gentibus refertur, & qui eos adorabant, inter idololatrias numerantur. Unde Paul. 1. ad Cor. 10. cum dixisset, *Fugite ab idolorum cultura*, subjungit: *Quæ immolant Gentem, demoniis immolant*. Et sic etiam August. lib. 5. Locutionum de Deut. in fine, idololatrias, inquit, appellari, qui idolis serviunt, & idololatriam esse idolorum servitutem: ubi nomine idolorum intelligere videtur omnes deos gentium, atque adeo quicquid creatum tanquam divinum numen ab eis colebatur. Atque eodem modo loquitur Athanas. Orat. contra idola aliquantulum a principio, Et Tertul. lib. de idol. cap. 3. hac ratione dixit, idololatriam agi posse sine idolo, id est, sine simulachro, & aliquando factam esse *sine isto nomine, licet non sine isto opere*. Unde significat nomen idoli, & idololatriæ non fuisse, donec simulachra pro diis adoranda introducta sunt, rem autem ipsam, id est, idololatriæ vitium sine simulacris sensibilibus exerceri potuisse. Unde fit, ut simili modo nomen idoli, licet ab statuis pro diis adorandis sumptum sit, nihilominus quatenus significat adæquatum objectum idololatriæ, omnem rem creatam, quæ tanquam verus Deus adoranda proponitur, comprehendat. Ex his ergo satis constare potest, & quid nomine idoli in voce idololatriæ significetur, & quod sit hujus vitii objectum, quamvis ejusdem objecti ratio, & modus magis in sequentibus elucidanda sint.

Latria est adoratio soli Deo debita.

6 Altera vero pars illius vocis est *Latria*, quæ cum omni proprietate, ac rigore intelligenda est de adoratione, ac servitute soli Deo debita, ut exposuit Aug. d. lib. 5. Locutionum de Deut. & lib. 1. Quæst. in Gen. qu. 61. & lib. 1. de Trinit. cap. 6. Et satis declaratur a Sip. d. cap. 13. ubi hanc latriam declarat per votum, orationem, & petitionem de omnium rerum eventum, & c. 14. idem declarat per cultum sacrorum, & sacrificiorum; immo addit etiam appellationem, & æstimationem Dei; & *incommunicabile*, inquit, *nomen lapidibus, & lignis imposuerunt*. Et hoc idem est, quod Paulus ad Rom. 1. dixit: *Mutaverunt gloriam incorruptibilis Dei in similitudinem imaginis corruptibilis hominis, & quadrupedum, & serpentum*.

Latriam constare & internis, & externis actibus.

7 Ut autem explicetur, quomodo latria potuerit idolis tribui, ac subinde committi vitium idololatriæ, advertendum est ex supra dictis, latriam & internis, & externis actibus fieri posse. Et quidem internis, ut sit vera, non ficta adoratio, primo requirit actum intellectus, quo res adorabilis, seu quæ adoranda proponitur, æstimetur, seu habeatur pro Deo. Deinde in voluntate requiritur voluntas, & intentio adorandi, id est, exhibendi aliquod signum submissionis, & recognitionis excellentiæ divinæ in tali re. Ultimo consummatur adoratio in exhibitione talis signi, vel integeris, si adoratio sit mere interna, vel exterioris, si

externa sit. Hæc ergo tria debent in idololatria concurrere circa idolum, ut omnino vera, & consummata sit in suo genere, scilicet, opinio aliqua divinitatis de idolo, seu re, quæ adoratur, affectus adorationis, & adoratio ipsa, seu exhibitio signi submissionis, & recognitionis alicujus excellentiæ divinæ in re sic adorata: quæ tria breviter a nobis explicanda sunt, ut ratio idololatriæ exacte cognoscatur, & simul explicabitur multiplex modus ejus.

C A P U T I V.

Quomodo adoratio divina retribui possit idolo, & consequenter quoniam sit idololatria.

1 **R**atio dubitandi oritur ex actibus numeratis in fine præcedentis capituli, qui sunt, opinio intellectus, affectus voluntatis, & exhibitio signi divinæ excellentiæ, non enim apparet, quomodo hi omnes in idolorum cultu non currere possint. Et primo circa existimationem intellectus dubitari potest, quomodo sit possibilis talis existimatio divinitatis de idolo manibus factis, cum sit per se evidens, illud non habere vitam, neque excellentiam ullam, præter eam figuræ pulchritudinem, quam ab artifice habet. Et confirmatur: nam eo ipso, quod idololatriæ cultus multis diis dabatur, nulli dari poterat ex opinione, seu æstimatione veræ divinitatis: quia excellentia divinitatis in ejus singularitate, & eminentia super res alias consistit, & ita destruitur, quando inter multos dividitur; ergo fieri non potest, ut adoratio divisa inter multos procedat ex opinione veræ divinitatis in singulis. Secundo, esto sit possibilis illa existimatio, non tamen videtur necessaria ad propriam idololatriam: quia latria, quam idololatria involvit, non est vera latria, sed mendax; ergo non est necesse, ut procedat ex existimatione veræ divinitatis. Et confirmatur, quia multi Philosophi agnoscetes tantum unum summum Deum idololatriæ fuerunt, adorando Angelos bonos, & malos, vel animas cælorum, juxta illorum opinionem, vel animas hominum mortuorum, quas pro ratione meritorum in numerum inferorum deorum ascribi putabant, ut colligitur ex August. lib. 8. de Civit. cap. 12.

Quomodo ad latriam currere possit in adoratione idolorum.

2. Dub.

2 Tercio circa affectum colendi, seu honorandi idolum dubitari potest, quia etiam hic actus non videtur necessarius ad committendam idololatriam: nam potest quis exterius exhibere alicui honorem sine intentione honorandi illum; ergo potest etiam hoc modo exhiberi honor divinus idolo, sine affectu honorandi illud, & tamen illa externa adoratio erit vera idololatria, quia ad nullum aliud vitium pertinet; ergo ille affectus non est de ratione idololatriæ. Accedit, quod sine opinione veræ divinitatis in idolo non potest esse affectus exhibendi illi divinum honorem, ostensum est autem, non posse haberi illam opinionem de idolo creato; ergo nec potest circa cultum ejus talis affectus haberi. Quarto circa ipsum actum externum cultus similis oritur difficultas, quia nullus actus exterior continet adorationem latriæ, nisi ex intentione operantis, ut supra lib. 1. visum est: sed talis intentio vel haberi non potest, vel certe sæpe non invenitur in idololatria, ut dictum est; ergo. Confirmatur; quia si aliquid externum de se continet veram latriam, & proprium Dei cultum, maxime sacrificium: sed hoc potest offerri creaturæ sine idololatria, sic enim per missæ sacrificium etiam Sanctos colimus, & templis dicamus, eosdem suffibus incensi, thimiamatis, & aliarum rerum similium veneramur, illud autem genus sacrificii quoddam est, quod Deo offerri solet, ut ex Scriptura constat, ergo.

3. Dub.

3 Hæc difficultates expedientur facile, præmittendo idololatriæ necessariam partitionem. Est enim quædam idololatria vera, alia ficta. Circa quæ membra est considerandum, duobus, seu tribus modis posse adorationem aliquam dici veram, scilicet vel ex parte adorantis, vel ex parte personæ adoratæ, vel ex utroque capite. Cum enim adoratio consistat in recognitione, & confessione excellentiæ per signum ali-

Idololatria alia vera, alia ficta.

aliquid protestativum talis excellentiæ, ut existens in tali persona; interdum talis significatio falsa est, quia res ipsa non ita est, sicut significatur, neque in tali persona talis excellentia reperitur, & tunc dicitur adoratio falsa ex parte personæ adoratæ, etiam si ex intentione adorantis non sit ficta, sed vera, quia revera intendit talem rem adorare. At vero si adorans non intendat interius ita adorare, sicut exterius significat, tunc adoratio dicitur falsa ex parte personæ adorantis, etiam si fortasse sit vera in re ipsa ex parte personæ adoratæ, quia nimirum in ea invenitur vere illa excellentia, quam signa exteriora indicant, licet adorans illam non recognoscat, aut confiteri nolit. Et potest claritatis gratia talis adoratio dici ficta potius, quam falsa. Si autem signum adorationis, & in se falsum sit, & ab adorante ficto animo exhibeatur, tunc adoratio, & ficta simul, & falsa dici poterit. Applicando igitur divisionem hanc ad idololatriciam, dicendum est, omnem idololatriciam esse falsam adorationem ex parte rei adoratæ, quia in ea significat excellentiam, quæ in illa non est. Unde in hoc sensu omnis idololatria potest dici falsa latria. Latria enim significat adorationem significativam divinæ excellentiæ in eo, cui exhibetur, & ideo tunc est simpliciter, & vere latria, quando vere significat talem excellentiam in re adorata, quando autem falso illam significat, est falsa latria, quæ idololatria dicitur.

4. At vero hæc ipsa idololatria potest interdum esse vera idololatria ex parte adorantis, interdum vero ficta. Veram appello, quia non ex animo ficto procedit, sed ex intentione adorandi, licet alias falsum significet, sicut qui falsam propositionem affirmat, putans esse veram, & ex intentione dicendi verum, formaliter non mentitur, licet materialiter falsum dicat. Sic ergo potest esse aliqua vera, id est, non ficta idololatria, licet in se sit falsa latria: aliqua vero idololatria potest esse ficta, seu falsa etiam ex parte adorantis, qui non ex animo talem cultum exhibet. Quæ fictio interdum potest esse ex parte intellectus, ut cum quis non opinatur esse in re sic adorata divinam excellentiam, tamen propter extrinsecas causas vult illam externo signo confiteri: aliquando & contrario potest esse fictio in solo affectu, ut esse patet in demone, qui velit, nolit, credit esse in Christo divinam excellentiam, & cogitur interdum illam confiteri, eique genua flectere, & nihilominus non habet affectum honorandi Christum, sed solum exhibendi hoc, vel illud signum, quia cogitur: sæpe vero potest esse fictio ex utroque capite, ut contingit in fideli, qui a tyranno cogitur thus offerre idolo, in quo nec credit esse divinam excellentiam, neque habet animum, actum illum faciendi in honorem idoli, sed solum exterius faciendi talem actum, & aliquando poterit interiori affectu in verum Deum significationem illam referre.

5. Ex his ergo concludimus, ad idololatriciam omnino veram ex parte colentis necessariam esse opinionem divinitatis, seu alicujus divinæ excellentiæ in idolo, seu in re adorata, ut satis ex dictis declaratum est. Neque est impossibilis talis idololatriciæ modus, ut in prima difficultate objicitur, quia post originale peccatum ita fuit corrupta natura, ut in summam cecitatem usque ad veri Dei ignorationem pervenerit. Quia ignoratio existente, facile fuit, in opinionem plurium Deorum devenire. Quam opinionem in triplicem Theologiam juxta Aug. libr. 6. de Civit. c. 5. & Euseb. lib. 1. 2. & 3. de Præpar. Evang. distinxerunt Philosophi, præsertim Varro, in physicam, civilem, & fabulosam: ad primum membrum pertinent opiniones, quas de uno, vel pluribus Diis Philosophi in suis scholis, & libris docebant; nam verisimile est, unumquemque secundum opinionem suam Deos plures coluisse, etiam si illos populi non proponerent publico, & communi ritu colendos, ut ibidem August. indicat. Has vero Philosophorum opiniones ad duas reducit D. Thom. d. q. 94. art. 1. Prima fuit eorum, qui totum mundum animari ab ipso Deo dicebant, & ideo sensibilem mundum, vel præcipuas

partes ejus adorabant, tanquam divinitate plenas, prout Varro etiam sentit apud August. lib. 7. de Civit. c. 5. & 6. qui latius hæc prosequitur c. 16. & sequentibus. Et in eadem sententia dicuntur fuisse Pythagorici, & alii Philosophi, qui non supremum Deum, sed inferiores putabant animare mundum, fortasse enim non unum, & eundem Deum existimabant animare totum mundum, & singulas partes ejus: sed varia numina esse in Sole, Luna, elementis, &c. Sic enim videtur intelligendum, quod Sap. 13. dicitur, hos Philosophos, *Aut ignem, aut spiritum, aut citatum aerem, aut gyrum stellarum, aut nimiam aquam, aut Solem, & Lunam rectores orbis terrarum Deos putasse.* Nam in 1. parte illius capit. aperte loquitur Sapiens de Philosophis, quos asserit Deum inquisivisse, & in operibus illius conversatos fuisse, ad illius tamen cognitionem non pervenisse, & ideo hujus mundi partes tanquam Deos, & rectores orbis terrarum coluisse. Non declaratur autem ibi, an coluerint hæc sensibilia corpora propter seipsa, vel propter eorum animas, quas putabant esse numina quædam his corporibus conjuncta. Verum tamen ex ipsorum Philosophorum dictis, & ex Augustini, & Thomæ sententiis hoc posterius eos opinatos fuisse colligitur: estque per se verisimilius, quia non est credibile homines non solum ratione utentes, sed etiam aliquo modo sapientes sibi persuasisse, corpora inanimata ex se habere divinitatem aliquam; aut esse per se digna supremo cultu.

6. Altera opinio Philosophorum, quam Div. Th. refert, est Platonis, & aliorum, qui ut testatur Augustin. 7. de Civ. c. 12. cum agnoscerent, esse unum summum Deum cæterarum rerum conditorem, nihilominus plures minores Deos colebant, quos intelligentias, aut demones vocabant, inter quos etiam ponebant quorundam mortuorum hominum animas divinitatis participes effectas: sed fortasse hi Philosophi, licet confiterentur unum summum Deum, non in omnibus perfectionibus suis summum, & unicum illum existimabant: quia licet crederent, cæteros Deos esse inferiores in perfectione, nihilominus non credebant, pendere ab illo in omni operatione, & efficacia sua, sed habere supremam efficaciam, & virtutem in aliquo genere, ideoque etiam illos esse ab hominibus colendos, ut Deos, id est, supremo quodam cultu illis propter se debito, arbitrabantur: vel certe, licet speculative non errarent in ferendo judicio de perfectione, & dependentia illorum minorum Deorum a primo, errabant practice in judicio de cultu illis tribuendo, nullam in hoc constituentes differentiam inter summum Deum, & cæteros: sicut inter homines, licet Reges terræ inæquales sint in potestate, & dominatu, omnes tamen volunt, eisdem titulis honoris, & excellentiæ coli.

7. Adde præterea, multos Philosophos existimasse substantias separatas, quas Angelos vocamus, non fuisse factas ab alio, & ita in hoc æquiparabant illas Deo, idque satis erat, ut eis divinum cultum tribuerent, sive alias dicerent, esse inæquales, sive æquales in absoluta perfectione. Eo vel maxime, quod Gentiles cultum Deorum referebant ad propriam utilitatem, unde, quantum putabant posse a Diis juvari, aut commodum aliquod accipere, vel ab incommodis servari, tantum adorationis, & cultus illis tribuebant: existimare autem poterant, inferiores Deos non minus sibi esse posse vel beneficos, vel maleficos, quam summum Deum, maxime si circa divinam providentiam errabant, & hujusmodi administrationem intelligentiis inferioribus tribuebant. Atque ita fieri potuit, ut eos adorandos crediderint, ut Deos, id est, supremo cultu soli Deo debito.

8. Secunda Theologia circa Deorum, seu Idolorum cultum, civilis vocata est, quia veluti communium civium usum, & consensu introducta erat, & Pontifices, ac populi in cultu plurium Deorum frequentius illa utebantur. Et licet difficile sit explicare, quomodo Varro hanc Theologiam a naturali, & fabulosa distingueret, ut late prosequitur Aug. libr. 6. de Civ. capit. 6. & sequentibus. Verisimile tamen est, hanc Theologiam positam fuisse in opinione divinitatis, & quæ

bant; & ideo illum ut Deum adorabāt.

Plato unum summum Deum, & alios minores Deos colebat.

Sui substantias separatas non fuisse ab alio factas aliqui credébant.

Cur Theologia pars quædam dicta fuerit civilis.

quæ simulachris ab hominibus factis inesse putabatur. Quam opinionem idem August. libr. 8. de Civ. c. 23. Hermeti Trimegisto tribuere videtur, dum ait: *Ille alios Deos dicit a Summo Deo factos, alios ab hominibus*. Nam priores Dii videntur ad Theologiam physicam pertinere, posteriores vero ad civilem: nam hi Dii ab hominibus facti videntur esse Idola, & simulachra; quæ opera sunt manuum hominum, ut ibid. Aug. subjungit; addit vero: *At ille (id. Trimegistus) visibilia, contrectabilia simulachra, velut corpora Deorum esse asserit. Inesse autem his quosdam spiritus invitos, qui valeant aliquid, sive ad nocendum, sive ad desideria eorum nonnulla complenda, a quibus eis divini honores, & cultus obsequia deferuntur*. Hanc autem opinionem, & civilem Theologiam introductam esse ait per artem quamdam copulandi visibilibus imaginibus, & statuis spiritus invisibiles, ita ut simulacra essent, quasi animata corpora illis spiritibus dicata; & subdita: *Et hoc (dicebat Trimegistus) esse Deos facere, eamque magnam, & mirabilem Deos faciendi accepisse homines potestatem*, ut Aug. ait. Non erat tamen magna potestas, sed mirabilis fraus dæmonum, qui se statuis immiscebant, & per ea ita loquebantur, & responsa dabant, ut vivere existimarentur.

Quod diff-
erimen sit
inter theo-
logiam ci-
vilem, &
naturalem.

9 Inter hanc ergo theologiam civilem, & naturalem, hæc in primis potest differentia constitui, quod naturalis sine sensibilibus imaginibus haberi, & exerceri poterat, hæc vero civilis in simulachris præcipue fundata erat: item prior creaturam Deo factam; posterior vero statuam ab hominibus fabricatam, ut Deum colebat: item illa in discursu aliquo Philosophico, licet Sophistico, fundabatur; hæc vero in sola deceptione dæmonum per experientias aliquas, & apparentia signa. Quod si fortasse aliqui Philosophi utebantur imaginibus Solis, aut Lunæ, aut aliarum partium mundi, non illas colebant, ut habentes divinitatem aliquam, sed solum, ut representantes falsos Deos, quod etiam ad idololatriam pertinebat; longe tamen diversa ratione, quam simulachra, quæ per Theologiam civilem adorabantur, ut habentia in se divinitatem, saltem per aliquam unionem invisibilium spirituum. Atque de hoc genere idololatriæ videtur loqui Sapiens c. 13. ubi postquam vanam Philosophorum Theologiam reprehenderat, subjungit: *Infelices autem sunt, & inter mortuos spes illorum est, qui appellaverunt Deos opera manuum hominum, aurum, & argentum, artis inventionem, & similitudines animalium, &c.* Et ad prædicta duo genera falsæ Theologiæ applicari potest, quod Paulus ad Col. 2. dicit: *Videte, ne quis vos seducat per Philosophiam, aut inanem fallaciam, secundum traditionem hominum, secundum elementa mundi, & non secundum Christum*. Ac denique ad hanc politicam, seu civilem Theologiam pertinere maxime videtur, quod David ait Psal. 95. *Omnes dii gentium demonia*: loquitur enim de diis, quos in Idolis suis publico ritu gentes colebant, qui (ut diximus) erant dæmones, qui in statuis, & idolis se insinuabant, ut ab hominibus deceptis colerentur; & ideo agebat Paulus 1. Corinth. 10. *Quæ immolant gentes, demoniis immolant*, ut notavit August. dicto libr. 8. de Civit. c. 24. & Euseb. libr. 4. de Præp. evang. c. 6. & Lactant. libr. 2. Divin. Institut. cap. 16.

Qualis fuerit
Theologia fabu-
losa.

10 Tertia denique Theologia gentium ab eodem Varrone fabularis, seu fabulosa appellata est, referente Aug. libr. 6. de Civ. c. 6. & 6. Ad eam enim spectabat adoratio quorundam hominum mortuorum, quos gentes ut Deos colebant ex falsa deceptione, & traditione. Et quamvis priores Theologiæ non minus falsæ essent, quam hæc, nihilominus hæc veluti per Antonomasiam fabulosa dicta est, quia nec vanis ratiocinationibus, nec solis præstigiis dæmonum, sed vanis hominum inventionibus, & poetarum figmentis fuit introducta. Utebantur autem Gentiles idolis, & simulachris etiam in hoc idololatriæ genere, sed ut ait Div. Thom. in d. q. 95. art. 1. non adorabant ipsas imagines, ut Deos, sed homines quosdam, qui per illas representabantur, quos appellabant Jovem, Apollinem, &c. De quibus hominibus innumeras fabulas confinxerunt, & de illis (quod mirabilius est)

innumera scelera, & turpissima flagitia narrabant, & credebant; & nihilominus eos Deos esse existimabant, & ut tales illos colebant. Quid autem nomine Dei, aut Deorum illi Gentiles intelligerent, vix explicari potest, quia non poterant sub illo nomine concipere aliquid perfectissimum, ut quod sit a se, & non ab alio, vel quod sit rerum principium, vel quidpiam simile. Quomodo enim de illis, quos credebant fuisse homines, & tales homines, aliquid hujusmodi opinari, aut concipere potuissent? Videntur ergo cogitasse, divinitatem esse aliquam excellentiam, quæ ab hominibus comparari potest, non solum virtute, sed etiam industria, potentia, vel alio simili modo, etiam si cum virtutibus conjuncta sit. Et maxime videntur Gentiles existimasse, tales homines post mortem posse sibi esse noxios, vel utiles ad obtinendas in hac vitæ res necessarias ad aliquos humanos usus, & ea ratione illos coluisse, ut noxia averterent, & utilia conferrent. Et ita juxta innumeras hominum necessitates innumeros Deos multiplicaverunt, ut late tractat Aug. citatis locis. Denique de hujus etiam falsæ Theologiæ, ac superstitionis ratione specialiter videtur loqui Sap. 14. ut paulo post videbimus.

Explicatur prima
difficultas

11 Ex his ergo satis explicata manet prima difficultas, in qua petebatur, quomodo cultus idolorum procedere potuerit ex opinione divinitatis existentis in ipsis statuis: nam explicatum est, non statuas nudas adoratas fuisse, sed aut ratione numinis superioris, quod illis conjungebatur, vel ratione hominum, qui per ipsas representabantur, & ut dii colebantur. Ad confirmationem autem ex eo sumptam, quod vera dignitas, & excellentia non potest in plures personas, seu res adoratas dividi, respondeo breviter, vere quidem non posse, existimationem autem falsam posse. Nam potentia creandi tantum potest esse una; tamen per deceptionem existimari potest, Angelos habere eam potestatem, & ideo esse dignos suprema quadam adoratione. Et similiter licet revera una tantum sit suprema rerum omnium providentia, nihilominus per errorem existimare potuerunt gentes, divsam esse curam, & gubernationem rerum universi, & alium Deum esse, qui curam habeat segetum, alium vinearum, alium aliorum fructuum, aut aquarum, & elementorum, ac cælorum, vel metallorum, &c. ut prosequitur Aug. l. 4. de Civ. c. 8. & sequentibus.

Quomodo existimari possit, dari plura numina.

12 Dices, esto crederent, plures esse rerum universi rectores, seu moderatores, nihilominus non potuisse existimare omnes esse supremos dominos earum rerum, quibus præsidet, & independentes ab omni alio; quia hoc aperte repugnat convenienti regimini universi. Unde August. supra refert agnovisse Gentiles majores, & minores Deos, & inter omnes unum supremum, quem Jovem appellabant; ergo licet alios colerent, quatenus illis indigere se credebant, non est necesse, ut proprium divinitatis cultum eis tribuerent. Respondeo de facto ipso satis constare, gentes errasse sacrificando pluribus diis, ac subinde unumquemque ex illis diis tanquam verum Deum, seu (quod idem est) sub aliqua ratione supremae excellentiæ colendo. Unde verisimile est, credidisse, unumquemque Deum in aliquo munere, seu præsentia, & efficacia circa res aliquas habere supremam vim & potestatem, etiam si alii dicerentur majores, alii minores juxta dignitatem rerum, quibus præsidebant. Vel certe multi Gentilium, præsertim commune vulgus, cæca quadam ignorantia, & falsa traditione, ac fide ducebantur, putantes singulis rebus vim quamdam invisibilem, ac supremam præsidere, ideoque supremo cultu esse colendam, sine ulla relatione ad unum supremum creatorem, & gubernatorem omnium, nec discurrebant, quomodo id fieri posset, aut quomodo sine uno supremo numine, ac progenitore mundus posset subsistere.

Obiectio.

Satisfit.

13 Ad secundam difficultatem jam responsum est, ad fictam, seu apparentem idololatriam tantum eternam non esse necessariam opinionem divinitatis in idolo, seu re adorata: ad veram tamen idololatriam necessariam esse talem opinionem, quia sine tali opinione non potest esse affectus, & intentio signifi-

Explicatur 2. difficultas, asseriturque ad fictam idololatriam non esse necessariam

gnificandi vere, & ex animo supremam excellentiam in tali re sic adorata: sine hoc autem affectu, & intentione non est vera idololatria, ut declaratum est; quia, ut diximus, aliud est, esse veram Latrîam, aliud, esse veram idololatriam; & licet non sit de ratione veræ idololatriæ, ut contineat Latrîam re ipsa veram, oportet tamen, ut contineat illam veram saltem ex intentione operantis. Ad confirmationem autem de Philosophis agnoscentibus unum supremum Deum, & sub illo alios, respondetur: primo, multos ex illis, licet inæqualitatem aliquam agnoscerent, non tamen veram subordinationem, & dependentiam omnium ab uno; & ita illos fecisse æquales saltem in aliqua independentia, & eminentia alicujus perfectionis, vel potestatis. Et hac ratione plures coluisse, ut supremos, & sine ulla relatione ad supremum cultum unius veri Dei, & hoc fuisse satis ad veram idololatriam. Secundo dicitur, multos fortasse ex illis, licet cognoscerent unum Deum, cui soli supremus cultus debetur, tanquam supremo principio, & fini omnium aliorum, nihilominus exteriori cultu plures Deos æqualiter coluisse, vel adoratione omnino ficta, ut populo condescenderent, ut de aliquibus Augustin. significat: vel certe, quia decipiebantur a dæmonibus, qui affectantes divinos honores, illis persuadebant sibi etiam esse debitos propter insignem excellentiam, & potestatem. Et utroque modo potest intelligi, quod Paulus ad Roman. I. dicit de Gentilibus Philosophis: *Cum cognovissent Deum, non sicut Deum illum glorificasse, & mutasse gloriam incorruptibilis Dei in similitudinem imaginis corruptibilis hominis, & volucrum, & quadrupedum, & serpentium, &c. Et coluerunt, (concludit) & servierunt creaturæ potius, quam Creatori.*

14 Tertia præterea difficultas ex dictis expedita relinquitur. Fatemur enim posse externum honorem exhiberi sine affectu honorandi; illam tamen non esse veram idololatriam, sed omnino fictam: cujus deformitas, licet contra religionem sit, & ad idololatriam reducat, tamen in illo genere actus imperfectus est, ut cap. seq. dicemus: & præter illam deformitatem habet etiam malitiam mendacii perniciosi, & injuriosi veræ religioni. Quod autem ibi additur, non posse haberi affectum colendi alicquem, ut Deum, sine opinione divinitatis in illo, non est in universum verum. Nam sicut duobus modis potest quis verbo proferre mendacium, scilicet, vel putans, se dicere verum, vel volendo loqui contra mentem, ita duobus modis potest quis velle exhibere divinum honorem ei, qui non est verus Deus: primo deceptus falsa opinione divinitatis in illo cogitatus: secundo sine tali opinione per adulationem, vel diabolicum timorem volens adorare, & signum falsum excellentiæ exhibere: & utraque est idololatria, licet prior sit magis propria, & omnino vera, nam posterior falsitatem formaliter includit, etiam ex parte colentis, ut supra declaratum est.

15 Ad 4. difficultatem respondetur, licet ex natura sua nullum signum externum habeat significationem determinatam ad excellentiam divinitatis, nihilominus ex communi vel impositione, vel consuetudine omnium populorum sacrificium, & quæ illud concernunt, ut templum, sacerdotium, & similia esse determinata ad divinum cultum: & ideo quacumque intentione hæc tribuantur creaturæ, ut rei principaliter adoratæ, idololatriam committi aut veram, aut saltem affectatam, vel fictam. Unde secundo dicitur, alia etiam externa signa adorationis, quæ de se indifferentia sunt ad Latrîam, & alios cultus, ut genuflexio, capitis inclinatio, & suo modo oratio, vel promissio, per intentionem colentium posse determinari ad cultum Latrîæ, & sic attributa creaturis propter se ipsas continere idololatriam. Si vero debita intentione referantur ad creaturam, non esse idololatriam, ut latius in I. tom. tractando de adoratione Sanctorum, Reliquiarum, & imaginum declaratum est: per quæ ibi satisfactum est calumniis hæreticorum, qui ecclesiæ crimen idololatriæ impudenter attribuunt, quæ hoc loco repetere necessarium non est. Unde ad confirmationem negamus, ecclesiam

offerre sacrificium aliquibus creaturis, seu sanctis hominibus, vel dicare illis templa, sed uni tantum vero Deo, licet concomitanter, & secundo intendantur peculiaris honor, & memoria alicujus Sancti in alicujus templi dedicatione, vel sacrificii oblatione Deo ipsi facta, quod non pertinet ad cultum Latrîæ, seu Dulæ, ut citato loco declaravimus. Incensi autem, vel aliorum suffituum cultus, aut suavius odorum concrematio, vel usus candelarum ardentium, & similia, nec sunt sacrificia, sed sacramentalia quædam, seu accidentales cæmonix, nec continent Latrîæ cultum de se, vel ex impositione, sed per intentionem colentium determinantur. Et ita fiunt interdum vel in honorem Sanctorum ad significandam eorum sanctitatem, vel ad excitandos animos fidelium ad devotionem unicuique rei congruentem.

CAPUT V.

De origine idololatriæ, quam fuerit.

I Hæc quaestio non difficile potest ex dictis in præcedenti capite definiri. Potest autem intelligi vel de origine causali, ut sic dicam, id est, de causis, & occasionibus idololatriæ, vel de temporaria origine, id est, de initio temporis, in quo introduci cepit idololatria; & utramque partem attingit D. Thom. d. qu. 94. art. 4. priorem in corpore articuli, posteriorem in solutionibus argumentorum. Quod ergo ad priorem sensum attinet, docet D. Thom. idololatriam partim ex ignorantia veri Dei, partim ex prava hominum dispositione quoad affectum, partim ex deceptione dæmonum, originem duxisse. Alii vero ex Sap. 14. simpliciter asserunt, originem idololatriæ fuisse ex erectione statuarum, & imaginum in memoriam mortuorum, accedente potentia, & tyrannide hominum potentium, & nimium diligentium mortuos suos, eorumque honorem affectantium. Distinguendum autem videtur de duplici idololatria: nam quædam committi potuit, & inchoari sine imaginibus, ut significavi D. Thom. d. qu. 94. art. I. ad 4. alia cum imaginibus, & idolis sensibilibus; & prior modus facile contingere potuit in idololatria, quæ in physica Theologia nitebatur; posterior vero in civili, & fabulosa Theologia maxime locum habet.

2 Dico ergo, priorem idololatriam abstrahentem ab idolis sensibilibus ortam fuisse ex ignorantia veri Dei, & imbecillitate humani discursus, adjuncta hominum negligentia, & dæmonum industria, ac deceptione. Hoc fere totum colligitur ex cap. 13. Sap. quod ita incipit: *Vani sunt omnes homines, in quibus non subest scientia Dei, & de his, quæ videntur bona, non potuerunt intelligere eum, qui est, nec operibus attendentes agnoverunt, quis esset artifex.* Et subjungit hanc ignorantiam fuisse culpabilem, & ex illa ortum fuisse errorem colendi partes universi, ut Deos, quæ idololatria per se imagines non requirit. Ratio etiam hoc ostendit, quia Theologia naturalis, seu physica non est orta ex civili, vel fabulosa; nam potius Philosophi, qui in suis scholis illam tradebant, in suis etiam libris popularem, & fabulosam idololatriam irridebant, licet fortasse in usu illius consuetudine quadam, & humano timore ducerentur, ut in Varone, & aliis August. reprehendit; ergo error illius Theologiæ physice non est ortus ex imaginibus, sed potius, si in illo genere idololatriæ usus idolorum, seu inanum imaginum adjunctus est, ille ortus est ex falso errore plurium Deorum præsidium diversis mundi partibus, aut rebus corporeis, ad quarum similitudinem imagines formabantur. Ita enim bovem, vitulum, serpentem, & species similes in suis imaginibus adorabant, quia putabant, diversa numina invisibilia his rebus præsidere, quæ in illis imaginibus colebant, & eadem mente alii colebant Solem, Lunam, ignem, &c. tanquam mundi partes in se divinum aliquid continentes, quibus postea imagines dicarent, ut eas magis præsentibus haberent, ut aperte sentit D. Th. ind. art. I.

Quæ causa
fuit
idololatriæ,
&
quo tempore
inchoavit.

Idololatria
quædam
sine
imaginibus
fuit,
alia cum
illis.

Unde prima
fuerit
orta.

Idololatria cum imaginum editio ex nimio affectu mortuorum orta est.

3 Secundo vero dicendum est, idololatriam cum cultu, & veneratione sensibilibus simulachrorum sculptilium, & fallarum imaginum originem, vel occasionem habuisse ex nimio affectu ad aliquos homines mortuos, & desiderio presentiae illorum, accedente tyrannide, vel nimia principum assentione, & adulatione, quæ pravam consuetudinem induxit, & parlarim errorem auxit, cooperante dæmone suis prestigiis, ac deceptionibus. Hæc etiam assertio sumitur ex Sap. 14. ubi prius dicitur, idolorum usum non fuisse ab initio, sed ab hominibus otiosis, & vanis inventum esse: modum autem inventionis describit Sap. dicens: *Acerbo luctu dolens pater, cito sibi rapti filii facit imaginem, & illum, qui tunc tanquam homo mortuus fuerat, nunc tanquam Deum colere cepit, & constituit inter servos suos sacra, & sacrificia. Deinde interveniente tempore, convalescente iniqua consuetudine, hic error tanquam lex custoditus est, & tyrannorum imperio colebantur figmenta; & postea subiungit, ideo fecisse homines imagines eorum, quos honorare volebant: Ut illum, qui aberat, tanquam presentem colerent. Et hæc (concludit Sapiens) fecit vitæ humanae deceptio, quoniam aut affectui, aut rebus deservientes homines, incommunicabile nomen lapidibus, & lignis imposuerunt.*

Obiectio.

4 Obiecti autem potest, idololatriam hanc potius duxisse originem ex affectu filii erga parentem mortuum, quam ex affectu patris ad filium, ut Sapiens dicit. Assumptum patet ex multorum Patrum sententia asserentium, mortuo Belo primo Assyriorum Rege, Ninum filium ejus in solatium doloris imaginem illius erexisse, cui tantam reverentiam exhibebat, ut reis omnibus ad eam confugientibus pepercerit, & ideo homines imaginem illam divinis honoribus colere incepisse. Ita refert Abul. cap. 4. Genes. q. 13. in fine, & cap. qu. 34. in fine ex Euseb. Joseph. sed Josephi locum invenire non potui, neque Eusebii. Quamvis enim hic in Chronic. in principio dicat, Ninum, Beli filium, fundasse civitatem Ninive, nihil vero dicit de imagine Beli a Nino erecta. Isidorus autem l. 8. Etymol. cap. ult. magis hoc indicat, dum ait, Bel fecisse idolum Babylonicum, & subiungit: *Fuit autem Bel pater Nini primi Assyriorum Regis.* Idem sentit Hieronym. Osee. 2. circa illa verba, *Eterit in die illa: dum ait: Ninum in tantam pervenisse gloriam, ut patrem suum Belum referret in Deum;* & subdit inferius: *Didicimus exordium dæmonis, immo hominis in dæmonem consecrati.* Ambros. etiam idem affirmat, si ejus sunt commentaria in Paulum, quæ sub illius nomine circumferuntur in id ad Rom. 1. *Mutaverunt gloriam incorruptibilis Dei, &c.*

5 Accedit, quod multi existimant, idololatriam per usus simulachrorum incepisse a tempore Enos filii Seth, & nepotis Adæ, non quod credendum sit, ipsum fuisse idololatram, idemque verisimile non est, nec in Scriptura indicatur, immo potius contrarium: sed quod ipse ceperit Dei imaginem ritu Catholico erigere, juxta illud Genes. 14. *Iste cepit invocare nomen Domini;* & inde alii sumperint occasionem idola condendi, & depingendi Deum sub forma sensibili, tanquam propria Dei, quod ad idololatriam pertinet. Ita sentit Dionysius Carth. sequens scholasticam historiam, quam refert Genes. 4. Et sumitur ex Hebræorum lectione, & interpretatione, quam ibi Lippomanus in Catena refert ex Hieron. in q. Hebr. super illum locum. Nec dissentiunt Hugo Cardin. Oleaster, & Honecala ibidem. Si autem hoc verum est, longe diversum initium habuit idololatria per imagines falsas, quam Sapiens describit. Denique licet daremus, idololatriam fabulosam habuisse illud initium, quod profert Sapiens, nihilominus civilis idololatria, quæ etiam est per imagines, potuit esse antiquior: non enim orta est ex amore parentum, aut filiorum mortuorum, sed ex dæmonum industria, ac deceptione. Unde verisimile est, illud idololatriæ genus esse antiquissimum, quia dæmon semper fuit valde sollicitus in deceptione hominum maxime affectando sibi divinos honores.

Responsio aliquot.

6 Ad primam partem respondent aliqui, Sapien-

intelligi de publico: quia Ninus fuit primus, qui occasionem dedit publicæ idololatriæ, imaginem patris publice erigendo, & proponendo, ut a populis coleretur: nihilominus tamen fieri potuisse, ut ante illum acciderit, quod Sapiens narrat, ut homo aliquis potens ex amore filii præmature mortui ejus imaginem depingi fecerit, & privatim illam coluerit. Sed profecto etiam Sapiens loquitur de publico cultu per ritum sacrorum, & sacrificiorum, & per inductionem subditorum ad illum ritum servandum, ut ex contextu constat. Melius dici posset, Sapiensem non facere vim in hoc, quod occasio hujus idololatriæ fuerit amor parentis ad filium mortuum, vel amor filii ad parentem mortuum; sed in hoc, quod ex affectu ad præsentiam, & reverentiam mortuorum hominum illa occasio sumpta sit: & ita sentiunt, ac loquuntur Doctores citati, præsertim Hieron. & Ambros. & optime Cyprian. libr. de Idolorum vanitat. Poni reliqua, quæ in particulari dicuntur, videntur poni gratia exempli; nam fieri quidem potuit, ut & filius ex amore patris, & pater ex affectu ad filium, & subditi ex affectu ad regem, & amicus ex affectu ad amicum illi consuetudinis initium dederit. Sapiens autem unum, vel aliud exemplum indicat, non vero excludit alia, nec dicit, illud exemplum de amore parentis ad filium fuisse omnium primum. Potuit ergo aliud de Nino præcedere.

7 Adde vero, illud etiam satis incertum esse, ut ex allatis auctoribus constat: ideoque verisimile esse credo, Sapiensem attingere historiam de aliquo parente, qui filii mortui fecit imaginem, & illi consuetudini initium, seu primam occasionem dedit. Quam historiam multi profani auctores fortasse ignoraverunt, & ideo dixerunt, Ninum fuisse primum, qui usum illum inchoavit. Non tamen desunt etiam inter profanos auctores, qui illius historię mentionem fecerint: nam Divus Fulgentius (si eius est opus) in lib. 1. Mytholog. §. Unde idolum dicatur, in hunc modum scribit: *Diophanes Lacedæmonum auctor libros scribit antiquitatum viginti quatuor, in quibus ait, Syrophanem Egyptium familiæ, substantiæque locupletem filium genuisse, quem vult enormis substantiæ successorem ineffabili, ultra quam paternitas exigebat, affectu erga filium deditum. Isque dum adversis fortune incursum raperetur, patrigemine orbitatis crudele dereliquit elogium, &c.* & infra: *Denique doloris angustia, quæ semper inquit necessitatis solatium, filii sibi simulachrum in adibus instituit; & infra: Denique idolum dictum est Idodynin, quod nos Latini species doloris dicimus. Namque universa familiæ in Domini adulationem, aut coramque plectere, aut flores inferre, aut odoramenta simulachro succendere consueverat. Nonnulli etiam servorum culpabiles, Domini furiam evitantes, & ad simulachrum profugi veniam merebantur, & quasi salutis certissimo collatori florum, aut thuris offerebant munuscula, timoris potius effectum, quam amoris affectum.*

8 Ad secundam partem, quæ posteriorem sensum quæstionis supra positum attingit, respondeo, verisimile esse, quod D. Th. dicto art. 4. ad 2. docet, in prima mundi ætate non fuisse usum idololatriæ, quod etiam sequitur Abulens. locis citatis. Quia cognitio unius veri Dei ab Adamo tradita tamen erat recens, vivente adhuc ipso Adamo, ut nec cogitatio plurium Deorum, nec idololatria videatur potuisse tam cito introduci. Quæ ratio licet non convincat, de toto tempore illius primæ ætatis usque ad diluvium, neque de tota multitudine hominum in varias congregationes, & populos jam divisa: in quibus fere omnibus innumera vitia percrebuerant, quibus ratio, & traditio obscurati, & oblivisci potuit: persuadet nihilominus non incepisse a temporibus Enos, nec occasione illius. Et certe in Scriptura hoc nullum habet fundamentum, maxime juxta vulgatam lectionem, quæ a nobis retinenda est, in qua solum dicitur Enos cepisse invocare nomen Domini: quod non oportet intelligi de ritu imaginis, sed de aliquo quocumque solenni ritu per publicas deprecationes, vel templa, aut sacra, vel certa sacrificia communia, ut alii multi exponunt, & videri potest in Mendoza in Quodlib. quæst. 7. positi-

Impugnatur.

Vera solutio.

Solvitur aliter argumentum.

In prima mundi ætate non fuisse idololatriam.

Idololatria non incepit occasione Enos.

va. Et licet daremus Enos incæpisse Dei imagines instituire ad instructionem, & memoriam: per metaphoricam aliquam representationem, non per propriam similitudinem id fecisse credendum est. Quod vero inde sumptierint alii occasionem idola fingendi, Scriptura non docet, nec est fundamentum ad id asserendum.

Quid dicitur, ita pium fuisse Enos, ut tanquam deus coleretur ab hominibus.

9 Alii vero dicunt, Enos fuisse tam pium, & sanctum, ut ceperint illum invocare; eique tanquam Deo imaginem dicere: quod significat Theodoretus quæst. 47. in Genes. & Anastasius Nicænus in quæst. Eccles. & alii citati in Catena. Lipom. Genes. 4. Sed neque hoc fundamentum habet in Scriptura, ut ex dictis constat, quia Scriptura non dicit passive, *incepit invocari*, sed active *incepit invocare*: & licet passive loqueretur, juxta illam lectionem non diceretur, ipsum Enos incæpisse invocari, sed tunc, id est eo tempore cæpisse invocari Deum vel speciali ritu publico, ut dixi, speciali nomine Jehova, ut Cajetan. ait. Nullum ergo habemus fundamentum, ut dicamus, tunc incæpisse idololatriam præsertim per imagines, & figuras hominum. Quando autem inceperit, incertum mihi est; nam auctores varia referunt, & nullam certam, vel satis probabilem historiam produunt. De qua re videri possunt Lactant. libr. 1. c. 22. & lib. 6. capit. 11. & sequentibus. Euseb. libr. 10. de Præpar. Evangel. & in Chronic. anno mundi termillesimo sexcentesimo quinquagesimo, August. lib. 4. Civit. & sequentibus usque ad 8: Isidorus lib. Etymol. cap. 11. & Cæsar. Rhodrig. lib. 8. Lect. antiq. c. 36. & Polyd. Virgil. de rerum invent. c. 3.

Prius fuerunt ab hominibus imagines instituit, quam dæmones se illis insinuassent.

10 Ad tertiam partem concedo, Sapientem præcipue loqui de fabulosa idololatria, a qua vel non distinguit civilem, vel de illa specialiter non loquitur. Unde licet fortasse acciderit, idololatriam civilem alicubi introductam esse industria Dæmonum sine illa speciali occasione, quam Sapiens assignat, illud non repugnaret cum assertionem Sapientis, sed esset res diversa, de qua Sapiens non loquitur, neque illam excludit. Addo tamen verisimilius esse, prius fuisse ab hominibus inchoatas, & in æstimatione habitas imagines hominum, & postea Dæmones sese insinuasse, & cæpisse per illas imagines aliqua responsa dare, vel alia prodigiosa facere, ut homines deciperent, & in eis aliquid divinum esse persuaderent. Atque ita concluditur, prius fuisse imagines, ut imagines representantes homines, quam ut idola deificata putative (ut sic dicam) per immissionem, seu conjunctionem invisibilium spirituum. Est autem valde consentaneum & testimonio Sapientis, & humanæ conjecturæ, imagines hominum cæpisse depingi occasione mortuorum hominum, vel absentium, & ex affectu nimio ad illos cæpisse etiam in venerationem haberi. Unde tandem concluditur, primam occasionem totius idololatriæ sive fabulosæ, sive civilis per imagines ex dicto affectu faciendi præsertim homines mortuos incæpisse, prout Sapiens significat.

An prius fuerit idololatria, sive imaginibus, an cum illis.

11 Sed quæri potest, comparando inter se idololatriam sine imaginibus, & cum imaginibus, quænam illarum antiquior fuerit, & prius inceperit, ac subinde quodnam fuerit primum totius idololatriæ initium. Videri enim potest verisimile, idololatriam cum imaginibus fuisse omnium primam, & maxime illam, quæ per adorationem hominum mortuorum inchoata est. Hoc suadet in primis locus Sapient. 14. supra tractatus. Deinde quia munus philosophandi, & inquirendi Deum ex creaturis, non videtur tam antiquus, sicut idololatriæ imaginum. Nam tempore Abrahamæ jamerant idola, quæ progenitores ejus adorabant, ut ex Jos. 14. constat, ubi sic habetur: *Trans fluvium habitaverunt patres vestri ab initio, Thare pater Abraham, & Nachor: servieruntque Diis alienis.* Quicquid enim sit de illa quæstione, an Abraham etiam fuerit idololatra (quæ nunc nobis necessaria non est, & de illa videri potest Mendoza supra) certum ex illo loco est, patrem, & avum ejus fuisse idololatrias, & incertum est, an etiam proavus, vel alii progenitores ejus magis remoti idololatræ fuerint, vel quando ceperit post diluvium usus idololatriæ in illa progenie.

Sanchez Tom. XII.

nie. Certum item est, cultum illum falforum Deorum fuisse per sensibilia idola; tum quia hoc solet intelligi in Scriptura nomine falforum Deorum; tum etiam quia Laban pater Rachel hujusmodi habebat idola, quæ Rachel furata est Genes. 31. quæ quasi jure hæreditario, & patrio more in illa familia retinebantur. At philosophorum sectæ, & opiniones recentiores sunt, ut late tractat Euseb. lib. de Præp. evang.

12 His vero non obstantibus, idem Eusebius Cæsariens. libr. 1. de Præparat. Evangel. sentit, idololatriam sine imaginibus prius fuisse in usu, quam cum illis. Nam colere Solem, & Lunam, & alias partes mundi tanquam Deos, idololatria est: refert autem Eusebius: *Ægyptios primos omnium Solem, & Lunam Deos putasse: quibus non sanguinem, aut nidorem offerrebant, sed fruges terræ, quam etiam ipsam ut Deum adorabant.* Quæ ibi, & alia multa ex Porphyrio refert, & ex Platone in Cratyllo. Addit vero, eo tempore homines tunc non fuisse usos simulachris, aut templis, *quia neque pingere, neque fingere, aut cælare, sed nec edificare adhuc sciebant.* Unde infra concludit: *Quibus omnibus apertissime liquet, non fuisse apud vel Græcos, vel barbaros simulachrorum dedicationem, & cet.* Itaque pro comperto habet, idololatriam creaturarum cælestium sine idolis ab hominibus fabricatis antiquiorem fuisse, non tam ex propria Philosophorum inventionem, quam ex quadam admiratione cælestium corporum, & siderum, & præsertim Solis, & Lunæ.

Idololatriam sine imaginibus prius fuisse in usu testatur Eusebius.

Impugnatur.

13 Sed licet hoc probabile sit quoad privatum cultum, quem unusquisque sibi eligebat juxta proprium errorem, vel opinionem, tamen loquendo de publico cultu per dedicationem templorum, & sacrificiorum, dicendum est incæpisse cum idolis, & ab illis initium accepisse. Quia Sapient. 14. expresse dicitur: *Initium fornicationis idolorum inventio.* Loquitur autem ibi Sapiens de propriis idolis arte factis, & fornicationem vocat, juxta communem phrasim Scripturæ, superstitionem colendi creaturas divinis honoribus; ergo necesse est, ut dicamus saltem communem, & quasi generalem corruptionem hominum in hac parte ab idolorum, & vanarum imaginum fabricatione, & dedicatione initium sumpsisse. Unde etiam verisimile sit, originem illam, quam ibi ponit Sapiens de nimio affectu ad homines mortuos, & exemplo, ac coactione tyrannorum, fuisse primam occasionem hujus corruptelæ, quæ postea aucta fuit, præsertim ex propensione hominis ad præsentiam sensibilem rerum, quas colit, partim ex industria dæmonum, ut supra declaratum est.

Probabile illud esse de cultu privato, secus de publico dicendum.

C A P U T VI.

Quam sit gravis culpa idololatriæ, & que poena illi imposta sit.

1 Q UOD ad culpam attinet, constat, hoc esse gravissimum peccatum ex genere suo. Hoc de fide certum est, & evidens lumine naturali, ut omnes Theologi sentiunt cum D. Th. dicta q. 94. art. 2. & 3. Ad explicandam vero hanc malitiam, & varios ejus gradus, distinguendi sunt tres modi supra insinuati, quibus committi potest hoc peccatum. Primus est, quando ex infidelitate mentis procedit, & ex errore circa Deorum multitudinem, & tunc manifesta est hujus peccati gravitas; tum quia ita sentire de Deo gravissimum peccatum est: ergo errorem illum exterius profiteri, etiam est gravissimum peccatum: sed illa idololatria tunc est quædam professio falsæ fidei, & existimationis de Deo; ergo. Tum etiam quia tale peccatum est directe, & formaliter contra honorem Deo debitum: nam sicut divina excellentia singularis est, ita etiam postulat singularem cultum, & honorem; ergo contra illius honorem directe sit, quoties incommunicabile nomen Dei, & consequenter incommunicabilis honor alteri, quam vero Deo, communicatur.

Idololatria est peccatum gravissimum ex suo genere.

Primus modus idololatriæ.

2 Sed quæres, an in huiusmodi errore possit invincibilis ignorantia intervenire? Aliqui enim simpliciter negant, quia tale crimen tam aperte repugnat

An possit
intervenire
ignoran-
tia in-
vincibilis
circa mul-
titudinem
Deorum

Resolvi-
tur quæ-
stio.

gnat lumini naturæ, ut nulla possit esse excusatio sufficiens talis erroris. Alii absolute affirmant, quia de tota fide, atque adeo de Deo ipso vero, & uno potest dari invincibilis ignorantia, & sumitur ex Divo Thoma 2. 2. quæst. 10. art. 1. quia licet Deus possit evidenter cognosci lumine naturæ, non tamen adeo facile, quin vel doctrina, vel inquisitio sufficiens necessaria sit: potest autem utraque deesse absque hominis culpa; ergo tunc poterit esse ignorantia invincibilis. Verum tamen hæc quæstio ad materiam de fide magis spectat. Et ideo breviter dico, si quis habeat aliquam cognitionem unius Dei, & erret putando, esse alios deos, quibus divinus cultus tribuendus sit, nullo modo posse per ignorantiam invincibilem excusari. Sic enim dicit Apostolus ad Roman. 1. fuisse excusabiles Philosophos, *qui cum cognovissent Deum, non sicut Deum glorificaverunt, & cat.* Quia ipsamet existimatio unius veri Dei erat sufficiens ad illam ignorantiam, & deceptionem expellendam, si veilent advertere. Nam qui credit, & recognoscit, esse in republica unum supremum regem, quomodo ignorare potest, peculiarem honorem illi debitum non esse alteri tribuendum? At vero si quis omnino ignoret Deum verum, & unitatem ejus, excellentiamque supremi numinis, pro ratione talis ignorantie excusabitur vel a culpa, vel a tanta culpa colendi plures Deos. Hoc constat, quia, si illa ignorantia culpabilis sit, non excusabit quidem culpam, tamen quatenus ignorantia est, aliquo modo minuet illam; si vero contingat, ignorantiam esse invincibilem, excusabit omnino culpam, ut constat. An vero id possit contingere, in materia de fide dicitur ex professo. Nunc dico, vel illam nunquam dari, vel saltem esse rarissimam, & non posse inveniri nisi in homine adeo rudi, ut vix censeatur habere plenum usum rationis, præsertim in his superioribus rebus. Ut contingere potest in aliquo gentili, qui & nullam rectam instructionem habet, neque per se philosophari valet, ut multi nunc inveniuntur in Æthiopia, Brasilia, & aliis similibus regionibus.

Secundus
modus
peccandi
per idola-
triam

3 Secundus modus peccandi per idololatriam esse potest sine propria mentis infidelitate, cum affectu tamen tribuendi divinum honorem alteri, quam Deo vero. Ut si quis credens, dæmonem non esse Deum, velit illi exhibere sacrificium, aut aliquid simile, animo honorandi ipsum, ut eum sibi habeat propitium, Et circa hunc modum refert Div. Thomas dicto articulo 2. veterum sententiam asserentium, hoc non esse malum, quia idem honor præsertim externus, qui creatori tribuitur tanquam debitus, potest sine culpa simul tribui creaturæ propter aliquam insignem excellentiam ejus, vel propter aliquod commodum. Sed hoc non solum est hæreticum, sed etiam contra rationem naturalem; quia cum adoratio debeat ratione excellentiæ, ubi est propria, & incommunicabilis ratio excellentiæ, etiam debet esse incommunicabilis adoratio: excellentia autem, & ratio adorandi Deum unica est, & incommunicabilis puræ creaturæ; ergo & adoratio, quam latram vocamus. Quæ ratio non solum probat de interna adoratione, sed etiam de externa, quæ ad Deum specialiter determinata est, ut illius singularem excellentiam, & dominium significat, qualis est sacrificium: & ideo sacrificium offerre creaturæ tam intrinsece malum est, sicut verbis confiteri, illam esse verum Deum, ut ait August. lib. 10. de Civitat. cap. 19. Unde sicut esset crimen læsæ Majestatis humanæ in uno regno alium ut regem cognoscere præter verum regem, saltem exterioribus signis regium honorem ei deferendo, ita est crimen læsæ Majestatis divinæ divinum honorem creaturæ tribuere præsertim animo, & affectu honorandi illam.

Per idola-
triam mo-
dus com-
paratur
cum hoc
secundo
in gravi-
tate.

4 Quin potius si hunc secundum idololatriæ modum cum primo comparemus, videtur hic esse damabilius, quia est cum certa scientia, & cognitione Dei, & ideo majorem contemptum, & formalius mendacium perniciosum involvit. Unde licet prior peccandi modus sit deterius quantum ad id, quod supponit, scilicet infidelitatem, & errorem: nihilominus quoad id, quod formaliter ponit, id est, quoad propriam culpam religioni contrariam, peior est ra-

tione modi hic posterior modus peccandi, quam prior. Sicut Div. Thom. 2. 2. quæst. 10. art. 6. dixit, simpliciter graviores infidelitatem committi per hæresim, quam per paganismum, quia illa est cum majori cognitione veritatis, & repugnantia ejusdem fidei, ut declaravit August. lib. 21. de Civit. cap. 25. ita in præsentis genere suo gravius est peccatum idololatriæ hoc secundo modo commissum, quam primo. Accedit, quod vix potest aliquis sciens, aut credens, Soli vero Deo esse latram tribuendam, velle illam ex animo tribuere creaturæ, nisi ex Dei odio, & ad vindictam sumendam de illo, sicut operantur dæmones, & damnati. Qui modus operandi & supponit summam perversionem voluntatis, & illam participat. Dices, posse interdum id fieri sine talio odio, aut intentione vindictæ ex adulatione quadam, vel ex concupiscentia, aut timore inordinato, sicut posset accidere in simili crimine læsæ Majestatis humanæ. Respondetur, hoc esse verum de tertio modo idololatriæ ficto animo, de quo statim dicitur; nam ille satis est ad fines prædictos, nec inter homines plus invenitur; at vero hic loquimur de adoratione ex intentione, & affectu, quæ ad solam adulationem, vel ad satisfaciendum affectui alterius necessaria non est: & ideo regulariter, quando talis adoratio fit ex animo, & contra veritatem cognitam, maxime videtur procedere ex odio Dei, vel ex formali contemptu illius, licet non repugnet etiam fieri ex indiscreta, & voluntaria adulatione, assentatione, vel alio simili affectu.

Obiectio:

Responsio

5 Tertius modus committendi idololatriæ peccatum est sine errore intellectus, & sine affectu colendi creaturam ut Deum, sed solum exhibendi signum externum adorationis soli Deo debitæ cum exteriori significatione adorandi creaturam sine intentione cultus. Sicut de Seneca refert August. lib. de Civit. cap. 6. & de Platonice lib. 10. capit. 1. & de Cicerone Lactant. lib. 2. de Orig. error. cap. 3. Qui philosophi, & multi alii in hoc etiam videntur errasse, quod non putarunt, hunc modum idololatriæ pravam esse, quando fit ob civilem causam, vel saltem (ut alii voluerunt) quando fit necesse urgente ad vitandum gravissimum malum mortis, vel aliud æquivalens. In quem errorem lapsi sunt etiam antiqui Philosophi, ut testis est August. lib. de Vera Relig. c. 5. & lib. 6. de Civitat. cap. 10. Et idem secuti sunt antiqui hæretici, ut testatur Div. Thom. dicto art. 2. Sed hic error ex professo impugnatur in materia de fide, ubi ostenditur, non solum fidem esse de necessitate salutis, sed etiam fidei confessionem, juxta illud ad Roman. 10. *Corde creditur ad justitiam, ore autem confessio fit ad salutem*. Illa autem idololatria externa, licet ficta, est contra fidei confessionem; nam est confessio alterius Dei, & consequenter continet negationem veri Dei; nam duo simul esse non possunt. Unde etiam illa fictio est religioni contraria; tum quia continet perniciosum mendacium contra Dei honorem, scilicet, quod alter sit Deus, ut Div. Thom. recte dixit; tum etiam quia, qui sic colit falsos Deos, decipit alios perniciose, quia veraciter eum agere existimant, ut August. supra dixit, unde gravissimum scandalum in eis generat. Et ideo Eleazarus sanctissime respondet 2. Mach. 6. præmitti se potius velle in sepulchrum, quam tale peccatum committere; *Non enim a tali nostra dignum est fingere, ut multi adolescentium arbitantes Eleazarum nonaginta annorum transisse ad vitam alienigenarum, & ipsi propter meam simulationem, & propter modicum corruptibilis vite tempus decipiantur, & per hoc maculam, atque execrationem meam sectantur conquiram*. Est igitur sine ulla dubitatione gravissimum hoc peccatum, & divino honori, ac religioni valde contrarium. Unde Christus Dominus Matth. 10. agebat: *Omnis, qui confitebitur me coram hominibus, confitebor & ego eum coram Patre meo, qui in cælis est; qui autem negaverit me coram hominibus, negabo & ego eum coram Patre meo, qui in cælis est*.

Tertius
idolola-
triæ mo-
dus .
quando
exhibetur
externum
signum si-
ne errore
intelle-
ctus, & si-
ne affectu
colendi .

Probatur
externam
idolola-
triam esse
malam.

mini-

minibus valde scandalosum; ergo quocumque respectu timoris, vel amoris humani factum semper malum est, & religioni contrarium. Dices, quomodo potest actio exterioris adorationis ad peccandum sufficere, si voluntas desit, cum ratio peccati in voluntate sit. Item illa non est vera idololatria, sed ficta; ergo nec est verum peccatum, sed apparens. Item alias esset idololatria tragædus, qui theatro exterius exhibet divinum honorem alteri repræsentanti personam Jovis, quod constat esse falsum. Sequela vero patet, quia ibi exhibetur actio externa honoris absque voluntate. Respondetur ad 1. hoc peccatum non committi sine voluntate, quia illa actio exterior voluntarie exhibetur, licet fiat sine intentione honorandi. Unde ad 2. dicitur, illud esse verum peccatum externæ idololatriæ, licet desit interior, respectu cuius illa exterior actio dicitur ficta idololatria, quia falsam significationem habet, non quia veram malitiam non habeat. Ad 3. vero negatur sequela, quia tragædus etiam exterius non serio exhibet honorem, sed solum repræsentat, qualiter exhiberi solet: de ratione autem hujus fictæ idololatriæ est, ut exterius serio exhibeatur, proficundo exterius vere, & animo exhiberi, etiam si falso, & cum mendacio id fiat.

7 Hic vero inquiri potest comparando hunc modum idololatriæ ad præcedentes, in quo illorum gravior malitia reperitur. Videri enim potest, hoc ultimum genus peccati esse gravissimum inter dictos idololatriæ modos. Nam in primis includit totam malitiam superstitionis, idololatriæ, & deinde fit ex certa scientia, & non ex ignorantia, in quo excedit primum peccandi modum; ac denique addit perniciosum mendacium, in quo excedit secundum modum peccandi. Unde Aug. lib. de Civit. c. 10. dicit Senecam eo damnabilius coluisse idola, quod id mendaciter agebat. Nihilominus certum est hunc postremum peccandi modum non esse tam gravem, sicut secundum. Probatur, quia secunda est vera idololatria, hæc tertia est tantum simulata. Item illa est formaliter in ipso affectu, a quo gravitas malitiæ maxime dependet; hæc vero est tantum in voluntaria exhibitione externi signi honoris sine affectu honorandi. Item in utroque illo modo idololatriæ invenitur mendacium non solum materiale, sed etiam formale, quia utroque modo attribuitur exterius divina excellentia illi, in quo non existit. Quod si aliqua major ratio mendacii in tertio modo invenitur, non augeat malitiam, sed potius minuit, quia minus malum est, falso ostendere affectum honorandi idolum, quam talem affectum habere, & opere ostendere. Denique ratio scandali respectu aliorum non minus in secundo modo, quam in tertio reperitur, ut constat.

8 Unde Augustinus in citato loco non loquitur de sola ficta adoratione idolorum tertio modo facta, sed de quacumque mendaci adoratione falsi Dei, etiam si absque existimatione divinitatis in re sic adorata fiat: nam verisimile est, Senecam, de quo ibi August. loquitur, ex animo adorasse idola gentium, quamvis certosciret, Deos non esse. Vel certe mens August. fuit dicere, peccatum Senecæ in particulari gravius fuisse, quam peccatum communis populi adorantis eadem idola, ob circumstantiam graviorem scandali, quod ex actu talis personæ sequebatur, & non ex aliis. Hoc autem accidentarium est; nos vero loquimur per se, & comparatione facta ad easdem personas, ac cæteris paribus. Comparando autem inter se primum, & tertium modum colendi idola, videtur se habere, sicut excedens, & excessus: nam primus excedit; tum quia supponit infidelitatem in tali persona; tum etiam quia includit affectum verum adorandi falsum Deum. Tertius autem modus excedit, quia est peccatum ex certa scientia, & non ex ignorantia, sicut primus: & consequenter quia regulariter, & ordinarie fiet cum majori scandalo propter circumstantiam personæ. Unde dicendum videtur per se, & intra gravitatem superstitionis in primo modo esse majorem malitiam, per accidens vero, & propter nocumentum proximi posse tertio modo gravius peccari contra charitatem: & ratio utriusque partis facile constat ex dictis.

Sanchez. Tom. XII.

9 Ulterius vero fieri potest comparatio inter idololatriæ peccatum in tota latitudine sua spectatum in supremo gradu malitiæ, quem intra suum genus habere potest, ad omnia alia peccata aliis virtutibus etiam theologicis contraria. Unde potest secundo inquiri, an idololatria sit gravius peccatum, quam cætera omnia aliis virtutibus, vel ipsi religioni opposita. Et quidem inter peccata religioni contraria omnes Doctores communiter fatentur, hoc esse maximum, quia est crimen læsæ Majestatis divinæ, maxime contrarium singulari ejus excellentiæ, & honori. Unde non est etiam difficile creditum, quod sit ex suo genere gravius, quam cætera peccata virtutibus moralibus opposita, ut ex dicendis magis patebit. Sed difficultas est, comparatione facta ad peccata opposita theologicis virtutibus. Aliqui enim Thomistæ id etiam contendunt, eo quod D. Thom. dicta quæst. 94. art. 3. in corpore simpliciter dixerit, idololatriæ peccatum secundum se, & ex parte ipsius peccati, id est, ex vi suæ speciei, gravissimum esse inter omnia peccata, quæ contra Deum committuntur, quia idololatria, quantum est in se, facit alium Deum in mundo, minuens divinum principatum; & in solut. ad r. defendere conatur, non solum veram idololatriam, sed etiam fictam excedere infidelitatem in malitiæ gravitate; & idem sentit de desperatione, & odio Dei, nam de illis omnibus argumentum procedebat. Et ita exponit, & sentit Cajetanus dicens, idololatriam esse gravius peccatum, quam odium Dei, & infidelitatem, quia utrumque includit, *quoniam utriusque protestatio est: Colens namque idola (inquit) quantum in se est, tollit a Deo suam singularem excellentiam, qua solus Deus est, hæc est autem sua deitas, quod ad odium Dei spectat, & negat hujusmodi singularitatem, quod ad infidelitatem spectat.*

10 Verumtamen hæc sententia mihi non probatur: quia vel Cajetan. loquitur de proprio, ac formalis odio Dei, propriaque infidelitate, vel loquitur de interpretativo odio, & infidelitate. In utroque autem sensu vel ratio assumit falsum, vel male infert, vel utrumque defectum committit; ergo. Probatur minor quoad priorem partem; tum quia, ut ex dictis facile intelligi potest, primus idololatriæ modus procedit quidem ex infidelitate, non ex odio Dei: nam vel idololatria ignorat omnino verum Deum, & ita non potest illum proprie, ac formaliter odio habere, quia voluntas non fertur in incognitum; vel cognoscit aliquo modo Deum supremum, errat tamen credendo, cum illo esse aliquos Deos dignos divino honore, & tunc licet non repugnet odisse supremum Deum, id tamen necessarium non est, ut colat inferiores Deos, ut per se notum videtur, & de Platone, ac aliis philosophis August. refert. E contrario vero in secundo modo idololatriæ non præcedit infidelitas, nec speculativus error intellectus: odium autem Dei, licet præcedere possit, & regulariter fortasse ita sit, non est tamen in rigore necessarium. Nam pro suo arbitrio potest quis velle tribuere divinum honorem ei, quem scit non esse verum Deum, propter alia inferiora motiva humana, sine formali odio veri Dei, ut paulo antea declaravi. Accedit, quod ratio Cajetani non probat, idololatriam non includere formaliter odium Dei, sed tantum interpretative, ut consideranti facile patebit.

11 Responderi autem potest ex eodem Cajetano: licet idololatria ex genere tantum spectata, non includat formale odium Dei, idololatriam tamen summam, id est, summe perversam procedere ex summo, & formali odio, & idem esse de infidelitate, & desperatione: unde concludit, comparando summum ad summum, gravius peccatum esse idololatriæ, quia includit reliqua, & addit aliquid. Sed hoc modo aperte committitur defectus in illatione: nam licet peccatum aliquod fiat ex odio Dei, non ideo est majus, quam odium, ut licet furtum fiat propter mœchiam, non ideo est majus peccatum, quam intentio mœchiæ, ut est per se notum. Est autem eadem ratio in præsentī, quia licet idololatria procedat ex odio Dei, semper manent peccata for-

Utrum
idololatria
sit gravius
peccatum
omnibus aliis

Comparatur
cum
peccatis

Theologi
eis virtutibus
oppositis

Displicet
Cajet. opinio

Solutio.

Impugnatur.

Dubia ali.
quos pro-
ponuntur.

Enodan-
tur.

Utrum hic
verius
modus ex-
cedat præ-
cedentes
in gravi-
tate.

Resolvitur
per quæ-
stio.

maliter, & specie distincta: inde enim solum fit, ut unum sit causa alterius per modum actus imperantis, & imperati, vel per modum intentionis, & electionis: odium enim imperat irreverentiam, & tunc odium habet vim intentionis moventis ad electionem idololatriæ, ad satisfaciendum odio, hæc autem emanatio unius ab alio non tollit distinctionem actuum inter se, nec confundit malitias, quas ex propriis materiis alias habent, ut in exemplo allato de mœchia, & furto manifestum est. Nam furtum propter mœchiam factum veram malitiam furti habet specie distinctam a malitia mœchiæ, quamvis etiam illam participet per quamdam denominationem. Idem ergo cum proportionem est de idololatria procedente ex odio.

Odium Dei est omnium peccatorum gravissimum.

12 At vero odium Dei ex suo genere est gravissimum inter omnia peccata, quia est affectus summe inordinatus, & contrarius directe excellentissimæ virtuti charitatis: ut testatur etiam D. Thom. 2. 2. q. 34. art. 2. ergo etiam, quando ex tali odio imperatur idololatria, odium manet gravius peccatum, quam sit idololatria. Et hæc ratio probat eodem modo de idololatria procedente ex infidelitate, maxime quia tunc infidelitas solum se habet ad idololatriam dispositivè, & tanquam removens prohibens potius, quam imperativè. Unde licet idololatria addat novum peccatum ultra peccatum infidelitatis, nihilominus ambo manent distincta in rationibus suis, & suam specificam gravitatem retinent. Constat autem, infidelitatem ex suo genere majus peccatum esse, quam sit idololatria, quia opponitur altiori virtuti: & quia maior iniuria Dei est, non adhibere illi fidem, quam honorem illi debitum alteri communicare, ut etiam ex D. Thom. sumitur 2. 2. q. 10. art. 3. & q. 20. art. 3. ergo.

Idololatria non excludit formaliter infidelitatem neque odium Dei.

13 Ex quibus intelligi potest, semper esse falsum dicere, idololatriam includere formaliter infidelitatem, vel odium Dei: nam licet contingat, idololatriam præhabere infidelitatem, vel odium Dei, & inde procedere ipsius idololatriam, nihilominus ipsa idololatria non includit in se formaliter alia peccata; unde hac ratione non potest dici superare illa, tanquam includens illa. Quod si comparatio fiat inter peccatum odii præcise sumptum, & ipsummet adiunctum peccato idololatriæ, sic inanis, ne dicam puerilis, est comparatio: sic enim etiam blasphemia, quatenus ex odio, vel infidelitate potest procedere, dici potest gravior illis: nullus autem ita loquitur. Deinde inde etiam non concluditur maior gravitas culpæ, sed multiplicatio culparum, quæ dici solet augmentum extensivum, de quo nulla poterat esse questio. Ac denique comparatio illo modo facta non tamen est ex parte peccati, quam peccatoris, qui gravius extensivè peccat, plura peccata committendo, quam unum tantum: at hic comparantur ipsa peccata, ut diserte Divus Thomas distinguit. Quod si tandem altera pars eligatur, & dicatur idololatria includere odium non formaliter, sed participativè, seu interpretativè, sic nihil valet illatio; quia omne peccatum mortale includit hoc modo odium Dei, quatenus includit aversionem a Deo, & ultimum finem ponit in creatura. Unde D. Thomas dicta q. 34. art. 2. ex hoc ipso principio concludit, formale odium Dei esse gravius peccatum ex suo genere quolibet alio peccato mortali, quia illud est quasi per se, ac formaliter mortale peccatum, alia vero per participationem eius.

Idololatria non excedit peccata opposita virtutibus theologicis, excedit vero opposita virtutibus moralibus.

14 Dico ergo, peccatum idololatriæ non esse ex suo genere tam grave peccatum, sicut peccata formaliter contraria virtutibus Theologicis, ut D. Thomas in aliis locis citatis apertissime docet, & probat, & ex dictis satis patet: dicitur autem esse gravissimum peccatorum inter peccata opposita moralibus virtutibus. Et in hoc sensu forte locutus est D. Thom. dicto art. 3. nam cum in prioribus locis fecisset comparisonem inter vitia contraria virtutibus Theologicis, & moralibus, eam hic supponere videtur, & solum cum vitiis moralibus collationem facere. At enim dicit aliquis, verba D. Thomæ difficile illum sensum admittere, quia in corpore dicit, hoc peccatum esse gravissimum inter omnia, quæ sunt contra Deum. Sed po-

test exponi de peccatis, per quæ fit irreverentia Deo; vel quæ sunt contra Deum, quatenus attingi potest per virtutes morales, non vero attingitur per virtutes theologicas.

16 Sedurgeri ulterius possunt, quæ dicit in solutione argumentorum, præsertim ad 1. & 4. sed forte in illis solutionibus non tam intendit D. Thomas explicare intensivam gravitatem peccati idololatriæ, quam extensivam, quam censetur habere ex conjunctione, & consortio aliorum vitiatorum. Unde dici potest, hoc peccatum idololatriæ secundum quamdam rationem esse gravissimum, vel potius maxime periculosum. Primum quia ordinariè pessimam habet originem, qualis est infidelitas, aut odium Dei, ut supra explicatum est. Loquimur enim de idololatria vera, & ex animo, nam ficta non habet tantam gravitatem, ut dixi, quamvis ratione scandali soleat esse gravissima, & præterea etiam sit gravissimo periculo exposita, Nam qui exterius infidelitatem profitetur, in magno periculo versatur amittendi etiam internam fidem, & religionem. Solet esse præterea idololatria origo, & radix fere omnium vitiatorum, partim industria Dæmonum, & id permittente Deo in vindictam huius gravissimæ iniuriæ suæ, ut late prosequitur Paulus ad Roman. 1. partim ex natura talis vicii, quod ad alia incitat vel per modum finis, vel per modum occasionis, ut D. Thomas dixit dicta q. 94. art. 4. ad 1. Et ob hanc causam dicitur Sapient. 14. *Initium fornicationis est exquisitio idolorum, & adinventio idolorum corruptio vite est*; quam corruptionem Sapient. inferius explicat dicens: *Et non suffecerat, errasse eos circa Dei scientiam, sed & in magno viventes inscitia bello, tot, & tam magna mala pacem appellant. Aut enim filios suos sacrificantes, aut obscura sacrificia facientes, aut insaniam plenas vigilias habentes, neque vitam, neque nuptias mundas iam custodiunt, sed alius alium per invidiam occidit, aut adulterans contristat, & omnia commissa sunt, sanguis homicidium, furtum, & cætera, quæ prosequitur, & concludit: Infandorum enim idolorum cultura omnis mali causa est, & initium, & finis.* Non quod idololatria sit adæquata causa huiusmodi vitiatorum, sæpe enim aliunde oriuntur, & ante ipsam idololatriam præcedunt, & illi occasionem præbent; sed quod omnia soleant ex idololatria oriri, & maximam occasionem in illa habean.

17 Tercio inquiri potest, an præter tres modos supra enumeratos, sint alii modi committendi hoc idololatriæ peccatum. Ad quod breviter respondeo, omnem propriam, & formalem idololatriam in illis tribus modis contineri, causaliter tamen, seu cooperando aliquam ad idololatriam posse aliis modis malitiam eius participari. Declaratur utraque pars, quia idololatria proprie vocatur, qui alteri, quam vero Deo, divinum honorem exhibet; formalis ergo, & propria idololatria posita est in exhibitione talis honoris; hæc autem exhibitio honoris esse non potest, nisi ex mere externa, vel etiam interna, & hæc vel concurrerent simul intellectu, & voluntate, vel sola voluntate sine errore intellectu; ergo præter illos tres modos formalis idololatriæ nullus alius excogitari potest. Quod autem illa malitia possit aliis modis participari, constat ex generali principio, quod dans causam, vel cooperationem alicui peccato, particeps est illius. Sic ergo Dæmon ipse, cum sibi affectat, & procurat divinum honorem, idololatriæ vitium participat, licet proprie ipse idololatra non sit, nec formalem idololatriam ipse exerceat. Idemque est de tyranno, qui seipsum ut Deum adorare facit: nam licet alium falsum Deum ipse non adoret, nec etiam se ipsum; tamen quia alios ad idololatriam inducit, & quia ipse affectat divinos honores, idololatriæ maculam incurrit, idemque crimen læsæ Maiestatis divinæ committit: immo gravius in genere delinquit, quam ipsi, qui eum adorant; tum quia maiori superbia contra Deum elevatur; tum etiam quia in virtute, & radice complectitur universa aliorum peccata.

18 Simili proportionem iudicandum est de illo, qui alteri consulit idololatriam, etiam si ipse idolum non colat, nec ex errore consulat, sed ex odio, vel deceptione, nam præter alia vitia, quæ in illo actu

Gravitas extensiva idololatriæ maxime est.

An sint alii modi idololatriæ præter tres sumeros.

intervenire possunt, incurrit etiam pravitatem idololatriæ; idemque est de quocumque cooperante, & moralem occasionem præbente alteri, ut idolum colat, nam hoc generale est omnibus peccatis, ut ex 1.2. supponitur. Atque de hoc genere peccati loquitur D.Th. 2.2.q.169.art.2.ad 4.cum ait, peccare artificem fabricantem idola, vel aliqua ad cultum idololatriæ pertinentia. Hic vero sese offerebat occasio tractandi, quando in hujusmodi actionibus sit propria cooperatio, quando vero sit tantum permissio: item tractari poterat, quando scandalum, quod in his operibus intervenire potest, sit activum, quando vero passivum: & an malitia illa scandali in hac materia data ad idololatriam pertineat, vel solum contra charitatem sit. Verumtamen hæc, & similia in præfenti omitto, quia generalia sunt, & de singulis fere vitiis tractari possunt, ut constat ex citato loco Divi Tho. & quæ ibi tractat Cajetanus. Unde generaliter quæstio hæc pertinet ad materiam de Scandalo, 2.2.q.43. & tractari etiam solet in 1.2.q.6.art.3. & qu. 73. artic.8.

19 Ultimo superest dicendum de pœna, quæ ratione hujus peccati incurritur: quod brevissime expediri potest, quia hic non agimus de pœnis, quibus Deus hujusmodi peccatum punit vel in hac vita, vel in futura: nam hoc ad humanam scientiam, vel iudicium non spectat. Tantum ergo dicere possumus, solere Deum in hac vita punire hoc peccatum subtractione gratiæ suæ, & permittendo, homines labi in alia quam plurima peccata, ut ex Paulo retulimus ad Rom.1. Item constat, Deum aliquando immittere gravissimas pœnas temporales, seu corporales hujus vitæ propter hujusmodi scelus, ut patet Exod. 32. & aliis similibus locis veteris testamenti. Non constat autem, de hujusmodi pœna certam aliquam legem esse a Deo latam, sed pro arbitrio suo interdum puniri hoc peccatum in hac vita, interdum connivere. Pro futura autem vita, si in hac per pœnitentiam non deleatur, certum est, iuxta gravitatem ejus respondere illi gravissimam inferni pœnam, quam Deus ipse statuit. Omisso ergo iudicio divino, & tractando de humano, advertendum est, peccatum idololatriæ committi posse ab infidelibus non baptizatis, & a baptizatis hominibus. Pro prioribus certum est, nullam esse pœnam ab ecclesia latam, immo nec ferri posse, per se loquendo, quia ecclesia non iudicat de his, quæ foris sunt. Posset autem hic tractari: an ecclesia possit punire hoc peccatum in idololatriis non baptizatis, vel sibi temporaliter subiectis, vel etiam non subiectis, & an tales infideles alias liberi, & nullo modo subiecti principibus Christianis, possint per eos compelli ad relinquendam idololatriam, & unum verum Deum colendum. Sed hæc, & similes quæstiones pertinet ad materiam de fide, & infidelitate, & tractari etiam solent in materia de bello; & ideo in propria loca illas remitto.

20 Loquendo autem de hominibus baptizatis, qui ecclesiæ jurisdictioni per baptismum subduntur, advertendum est, duobus modis posse hoc peccatum ab eis committi, uno modo apostatando a fide, & ex interna infidelitate, animo, & mente concepta, & credita: alio modo absque infidelitate interiori, sive ex adulatione aliqua, & ambitione humana, sive ex contemptu, & odio Dei, sive tantum siccæ ex timore humano. Quando priori modo committitur peccatum illud idololatriæ, est etiam apostasia a fide, & professio exterior internæ infidelitatis; & ideo non est dubium, quin ille sic delinquens incurrat censuras omnes, & pœnas latas per ecclesiam in Apostatas, & hæreticos, de quibus agitur in 2.2.q.11. & 12. Ultra illas vero nulla est pœna specialiter imposita propter talem idololatriam, seu, quod idem est, propter apostasiam a fide tali modo, id est, per actum externum idololatriæ protestatam, & declaratam; nulla enim talis pœna in iure aliquo reperitur. Et ideo de illis pœnis non est hic aliquid addendum. Unde quando tale crimen solum committitur exterius sine interiori infidelitate, certum est, propter illud nullam specialem imponi pœnam ratione idololatriæ peculiariter latam; quia ut dixi, nulla est talis pœna lata pro ve-

ra, & consummata idololatria; ergo multo minus pro ficta.

21 Dubitari autem solet, an propter tale peccatum incurrantur censuræ, & pœnæ latæ contra hæreticos, & apostatas? Nam Cajet. dicta q.94.art.1. simpliciter affirmat. Ratio ejus est, quia tale peccatum habet veram malitiam infidelitatis, & Apostasiæ exterioris: sed censuræ, & pœnæ sunt latæ per hujusmodi culpas; ergo. Confirmat exemplo: nam si excommunicatione esset lata contra furem, qui ex metu solum furaretur contra voluntatem suam, & habens odio ipsum furtum, nihilominus excommunicationem incurreret, quia revera furtum committeret; ergo similiter, &c. Confirmari item potest; quia ecclesia puniæ actus externos, non internos, de quibus illi constare non potest: sed ille actus externus vere est peccaminosus in tali specie prohibita; ergo. Contraria vero sententia, sicut communis, ita etiam verissima est, sicut tradidimus in 5.tom.disp.4.lect.3.n.15. cum Navar. in Manual.c.11.n.27. & aliis, quos ipse refert, Et expresse tenet idem Sylvest. verb. *Apostasia*, 1.q.1.& verb. *Heresis*, 1.q.5.& 6. Qui refert Alenf.2.p. Ille vero q.163.memb.2. solum dicit, non esse vere Apostatam, qui exterius ex metu Paganorum ritus observat absque interiori infidelitate; de excommunicatione autem nihil expresse dicit. Ut utrumque vero expressit Angel. verb. *Apostata*, qu.9. Tabien. verb. *Apostasia*, q.3 Rosel.n.1. Armil. verb. *Heresis*, n.4. Simancas etiam de Cathol. Inst. tit. 17. n.35. optime dicit, hanc esse differentiam inter hæresim, & alia crimina; quod alia metu commissa nihilominus perfecta esse possunt, non vero hæresis, nisi mens etiam accedat: unde infert n.36. qui metu lapsus est exterius, non vero corde discessit a fide, non esse puniendum hæreticorum pœnis: & in eam sententiam citat Abulen. & Albertinum in Rub. de Hæret. l.6.q.13.n.67. & Brunum lib. de Hæret. c.4. & idem habet Direct. Inquisit. p.1.q.9. commentar. 24. Denique sententiam hanc sequuntur communiter moderni Scriptores.

22 Ratio autem ex dictis manifesta est, quia leges pœnales restringendæ sunt, quantum rigor verborum permiserit: at hæc pœnæ non feruntur nisi in infideles hæreticos, vel apostatas, quales non sunt illi, qui animo non consensunt infidelitati, licet opere externo illam simulent; ergo non extenduntur ad illos talium legum pœnæ. Unde facile respondetur fundamento Cajet. Falsum est enim tale peccatum habere veram malitiam infidelitatis, licet habeat aliquam veram malitiam externæ idololatriæ, vel perniciosi mendacii contra fidei confessionem. Ad 1. vero confirmationem jam est assignata differentia inter furtum, & hæresim; nam furtum est perfectum in sua specie, etiam si ex metu fiat, non vero idololatria, si deest falsa existimatio. Ad 2. vero confirmationem responderetur, licet ecclesia non puniat actum mere internum, interdum vero non punire externum, nisi ut procedentem ab interno, ut latius in dicto loco tomi quinti explicuimus.

CAPUT VII.

De superstitione divinativa; quid sit, & unde habeat malitiam, seu deformitatem.

1 Postquam de aperta, & expressa idololatria dictum est, sequitur, ut de tacita, seu implicita dicamus, nam hæc etiam inter superstitionis species religioni contrarias a D. Tho. & omnibus Doctoribus numeratur. Hæc autem superstitio in duas species subdividitur: una cognitionis dici potest, altera operis: communiter vero prior appellatur Divinativa, posterior vero vanæ observantiæ dicitur, ut patet ex D.Tho. & interpretibus 2.2. qu. 95. & 96. Ut autem communis ratio hujus superstitionis, & sufficientia dictæ divisionis intelligatur, advertendum est ex doctrina D.Thoma 2.2. q.92.art. 2. & q.95.art.2. Divinum cultum non solum ordinari ad reverentiam Deo exhibendam, quasi recognoscendo

An propter tale peccatum incurrantur censuræ latæ contra hæreticos. Pars affirmativa proponitur.

Ratione probatur.

Dividitur superstitio Divinativa, & vanæ observantiæ.

De pœnis a Deo inflatis pro idololatria.

Infidelibus non potest statui pœna ab ecclesia pro idololatria.

Quæ pœnæ hominibus baptizatis statuuntur, quando ex infidelitate interna idololatriam committunt.

Quando solum exterius committitur idololatria non imponi specialem pœnam.

do solum excellentiam Divinitatis, & majestatis ejus, sed etiam referri aliquid ab eo obtinendum, quod solum ipse prestare potest. Superstitio ergo idolatriæ expresse opponitur reverentiæ debitæ priori modo; hæc autem superstitio tacitæ idolatriæ opponitur cultui soli Deo debito posteriori modo. Duo autem sunt, quæ homo potest a Deo velle singulariter obtinere, primum est mentis instructio in cognitione rerum occultarum, quas per suæ naturæ vires consequi non potest: aliud est affectio alicuius operationis, seu effectus superantis vim causarum naturalium, quas homo suis naturalibus viribus applicare potest, sive effectus ille sit externus, & sensibilis, sive internus, qualis est affectus voluntatis. Quando ergo homo aliquid ex his duobus intendit consequi ab alio, quam a Deo, & aliquid facit eo fine, superstitionem continentem idolatriam tacitam censetur committere, quæ si ordinetur ad cognitionem occultorum obtinendam, divinatio dicitur, si ad præternaturalem effectum dicitur vana observantia; nos magiam appellabimus. Quæ omnia in discursu sequentium capitulum declarabuntur, & probabuntur. Dicemus autem prius de divinatione, postea de vana observantia, seu magia.

2 Primo igitur ex dictis intelligi potest, quomodo Divinatio in præsentī sumatur, & quid sit: si enim vim vocis attendamus, Divinatio idem videtur esse, atque Divina notio, id est, participatio quædam illius cognitionis rerum futurarum, seu occultarum, quæ Divinitatis est propria. Unde juxta hanc laram etymologiam divinatio & bona, & mala esse potest: unde Cicero lib. 1. de divinatione dicit, divinationem esse a Divis sumptam, quia est præstantissimæ rei nomen; significat enim scientiam, seu præsentionem futurorum: & in lib. 2. addit, divinationem etiam significare vim quamdam interpretandi divina oracula, & responsa. Verum tamen quia tota hæc cognitio in Gentibus proveniebat ex virtute Dæmonis, ideo usu Scripturæ, & ecclesiasticorum Doctorum divinatio fere semper in malam partem accipitur. Nam si cognitio occultorum ex Dei dono, seu revelatione accipitur, bona, & sancta existit, & dicitur prophetia, vel scientia aliqua infusa. Divinatio autem dicitur, quando cognitio, seu prænotio rerum futurarum, seu occultarum, quæ vi naturæ ab homine cognosci non possunt, per media indebita comparatur, seu procuratur. Sic docet D. Thom. q. 95. art. 1. ex Hieronymo in c. 3. Michææ circa finem dicente, in Scripturis semper in malam partem sumi: juxta illud Num. 3. *Non est augurium in Jacob, nec divinatio in Israel.* Quod in laudem illius populi dictum est, in quo erat prophetia, non divinatio. Unde in eodem c. 3. Michææ de falsis Prophetis, qui pretio divinabant, dicitur: *Nox vobis pro visione erit, & tenebra pro divinatione.* Unde Origenes hom. 16. in numeros divinationem putat per antiphrasim ex contrario nomen accepisse, quasi quæ per homines Dæmonibus repleti fiat. Isidorus autem lib. 8. Etymol. c. 9. dicit, istos supersticiosos divinatores dictos esse *Divinos, quia divinitate se plenos simulant, & astutia quædam fraudulentia hominibus futura conjectant.* Divinatio ergo est usurpatio indebita prænotionis, seu prædictionis rerum futurarum, seu occultarum, quæ divinitatis est propria: & ideo quia Deo ipso hanc cognitionem per revelationem suscipit, non dicitur proprie divinare, quia non usurpat Dei cognitionem, vel (ut Div. Thom. ait) non facit, quod divinum est, sed suscipit.

3 Secundo dicendum est, divinationem hanc pravam esse, & peccaminosam actionem. Hoc de fide certum est: primo quia in Scriptura sancta prohibetur, & reprehenditur Deut. 18. *Non inveniatur in te, qui ariolos sciscitetur, nec qui pythones consulat, nec qui Divinos, &c. Omnia enim hæc abominantur Dominus;* & infra: *Gentes istæ, quarum possidebis terram, augures, & divinos audiunt: tu autem a Domino Deo tuo aliter institutus es.* Et Lev. 19. *Non declinetis ad malos, nec ab ariolis aliquid sciscitemini, &c.* Item Levit. 20. *Vir, sive mulier, in quibus pythones, sive divinationis fuerit species, morte moriatur.*

Unde Eccl. 24. *Vana spes, & mendacium viro insipienti, &c.* Et infra: *Divinatio erroris, & auguria mendacia, & somnia malefacientium, vanitas est.* Secundo quia hæc prohibitio non fuit tantum in lege veteri, sed etiam nunc durat, & in sacris Canonibus continetur 26. quæst. 5. per multa capita, & in aliis Pontificiis decretis, quæ in sequentibus exponemus, & habetur etiam in iure Civili Cor. 1. maleficiis. Non fuit autem hæc prohibitio de solo iure positivo divino in lege veteri, vel humano in lege nova: sed fuit semper de iure divino naturali, quod illis positivis legibus declaratur, & additis penis roboratur: nam hoc virium non ideo malum est, quia prohibitum, sed ideo prohibitum, quia malum.

4 Ad intelligendam autem rationem, & modum huius malitiæ, & deordinationis, duo in hac divinatione distinguenda sunt: unum habet rationem finis, aliud rationem mediorum. Primum ergo intervenit in hoc negotio per modum intentionis finis appetitus, & desiderium sciendi occulta, nam licet hæc ipsa cognitio possit appeti ut medium ad alios fines, ut ad vanos honores, & famam comparandam, vel ad lucrum, vel ad vitanda pericula, & similia, tamen isti fines sunt per accidens ad malitiam divinationis, quam inquirimus: nam ipsa cognitio occultorum est per se appetibilis, & sæpe desideratur ex sola quadam nimia curiositate sciendi, & ita in proposito solum consideratur ut finis, propter quem illa media eliguntur, quæ ad talem cognitionem obtinendam deservire possunt. Secundo ergo intervenit in hoc opere medium, seu modus, & via acquirendi talem cognitionem, & in hoc consistit propria deformitas huius actionis, prout nunc a nobis consideratur. Si enim tantum spectetur secundum se illa intentio, seu desiderium talis cognitionis, videtur esse ex obiecto indifferens, ut expresse docuit Origenes hom. 16. in Numeros. Non enim est intrinsece malum cupere scire occulta, & addita sapientiæ Divinæ; tum quia hoc videtur conforme appetitui naturæ, quo omnis homo naturaliter scire desiderat; tum etiam quia interdum potest esse honestus ille appetitus, si ex bono fine, & cum debita mensura habeatur. Unde quando habet malitiam, id est, vel quia propter malum finem concipitur, vel saltem quia sine honesto fine habetur, solum ex vana quadam curiositate; vel certe quia in modo appetendi talem cognitionem exceditur, amando illam nimium, & per modum ultimi finis; quod tunc maxime cognoscitur, quando talis cognitio per iniqua media inquiritur. Igitur in mediis, seu modis inquirendi talem cognitionem potissima malitia huius actionis existit, ut breviter attigit D. Thom. d. q. 95. art. 2. ad 1.

5 Tercio dicendum est, divinationis malitiam in hoc consistere, quod futurorum contingentium, seu rerum occultarum cognitio per instructionem, & doctrinam Dæmonum inquiritur, vel comparatur. Hanc assertionem declaravit D. Th. in dicta q. art. 1. & 2. Nam in primo dicit, tunc divinationem committi, quando prænuntiatio futurorum occultorum usurpatur indebito modo. Ibi autem non explicat, qualis sit ille indebitus modus, nec etiam dicit, omnem indebitum modum esse superstitionem divinativam; nec revera ita est: nam potest quis curiose, vel superflue appetere cognitionem aliquorum occultorum, eamque a vero Deo indebite postulare, & tunc non erit supersticiosus, nec divinus, sed erit tentans Deum, aut indifferente deprecans Deum. Tales erant discipuli, quando a Christo interrogabant: *Domine si in tempore hoc restitues regnum Israel?* Quibus ille respondit: *Non est vestrum nosse tempora, vel momenta, quæ Pater posuit in sua potestate.* Reiciens interrogationem illam tanquam ineptam, & appetitum illum, ut curiosum, ut ibi auctores omnes advertunt, maxime Chrys. & Aug. Epist. 78. & 80. Immo cum malorum sententia sit (ut testis est Just. Quæst. 1. 12.) in ea interrogatione errasse discipulos cogitantes, regnum Christi fore terrenum, Christus ibi hunc errorem dissimulavit, & non reprehendit, quia forte excusabantur ignorantia (ut nonnulli moderni expositores volunt) quam noluit Christus removeere usque ad Sp. sancti adventum; reprehendit autem curiosam interrogationem de re-

la divinatio-
ne &
finis, &
media di-
stinguenda
sunt.

Hanc deformitatem
in eo consistere,
quod per doctrinam
Dæmonum
occulta
cognitio
inquiritur

Divinatio
est pecca-
minosa a-
ctio.

futura, & soli Divinæ ordinationi, ac præscientiæ reservata.

6 Sic etiam Matt. 24. Christus interrogatus a discipulis: *Dic nobis, quando hæc erunt, & quod signum adventus tui?* respondit, *De die illa nemo scit, neque Angeli in celo, neque Filius (ut addit Marcus) sed solus Pater.* Ubi adnotant Catholici Doctores, licet Christus diem iudicii non ignoraret simpliciter, & absolute, sed solum certa quadam ratione, quia non a se, nec ex humanitate sciebat, voluisse tamen nihilominus cum illa exaggeratione loqui ad retundendam curiosam interrogationem, & nimiam aviditatem discipulorum sciendi futura, quæ ex Dei voluntate pendent. Excesserunt ergo discipuli in illo appetitu, interrogatione, ac petitione: non possunt tamen dici fuisse superstitiosi, nec divini, aut divinationis affectatores, quia non ab alio, quam a vero Deo cognitionem futurorum inquirebant; & licet indebito modo eam quærerent, quia intempestive, ac sine causa; non tamen talis erat ille modus indebitus, ut ad superstitionem pertineret. Igitur non omnis indebitus modus in hac materia sufficit ad superstitionem divinativam, nec per illa sola verba explicatur specifica ratio superstitionis, sed ad summum generica.

Qualis sit
modus in-
debitus
supersti-
tionis.

7 Proprius ergo modus indebitus divinationis futurorum, quo hæc superstitio completur, est, quod talis cognitio non a vero Deo, sed aliunde inquiritur, ac postulatur, nimirum, a dæmonibus; nam secluso vero Deo, non superest recursus, nisi ad dæmones. Unde ab ecclesia, & Patribus hoc nomine maxime damnatur hæc ars divinatoria: & supersticiosa censetur, quod a dæmonibus cognitionem rerum occultarum procurer. Et ideo in Conc. Anquir. c. 1. prout refertur in cap. *Episcopi*, 26. qu. 5. de his divinatoribus dicitur, quod *relieto creatore, diaboli suffragia quærant.* Idem testatur Aug. lib. 2. de Doctr. Christi. c. 22. in fine, & 23. in principio dicens: *Iste opiniones quibusdam rerum signis humana presumptione institutis ad eadem illa, quasi quedam cum dæmonibus pacta, & conventa referenda sunt.* Hinc enim fit, ut occulto quodam iudicio Divino, cupidi malarum rerum homines tradantur illudendi, & decipiendi pro meritis voluptatum suarum, illudentibus, ac decipientibus eos Angelis, utique malis; & infra: *Omnes igitur artes iste vel nugatorie, vel noxie superstitionis, ex quadam pestifera societate hominum, & dæmonum, quasi pacta infidelis, & dolose amicitie constituta penitus sunt repudianda, & fugienda Christiano.* De qua re videri etiam potest lib. 2. de Divin. Dæm. a cap. 2, usque ad 6.

8 Similiter Cypr. lib. de Idolor. Vanit. *Nequissimi* (inquit) *Spiritus afflatu suo vatum pectora inspirant, extorum fibras animant, avium volatus gubernant, sortes regunt, oracula efficiunt, falsa veris semper involvunt, nam & falluntur, & fallunt.* Et Orig. homil. 16. in numer. Est (inquit) *quedam in ministeria præscientiæ operatio dæmonum, quæ artibus quibusdam ab his, qui dæmonibus manciparunt, colligitur.* Idem ostendit Euseb. lib. de Præp. Evang. c. 7. testimoniis Gentilium id confirmans, qui Diis suis artes tribuebant, quos dæmones esse, constat testimonio David dicentis: *Omnes Dii gentium dæmonia.* Ratione præterea declarari potest: quia homo duplicem tantum habet viam acquirendi cognitionem: una est per inventionem, alia est per disciplinam; res autem occultæ, quæ per divinatoriam artem cognoscuntur, tales sunt, ut per solam inventionem, & naturalem facultatem ingenii humani cognosci non possint ea certitudine, ac modo, quo per talem superstitionem expetuntur; ergo necesse est, ut per disciplinam ab aliquo eas agnoscente discantur; ergo talis disciplina, seu instructio a dæmone postulatur, secluso vero Deo.

Confir-
matur ra-
tio facta a
rebus, quæ
per divi-
nationem
acquirun-
tur.

9 Maior certissima est, & ex usu ipso supponitur; ideo enim homines curiosi his superstitionibus utuntur, quia non possunt per se talium rerum cognitionem comparare. Patet etiam ex materia subiecta: nam hæc cognitio in primis est de actibus liberis, & futuris contingentibus, quæ ab illis pendent, de quibus non potest esse humana cognitio: & licet esse pos-

sit aliqua coniectura, homo tamen per hanc superstitionem certiorum quærit cognitionem, immo certissimam, & infallibilem, quæ propria est Dei, vel revelationis eius, iuxta illud Isa. 41. *Annunciate nobis futura, & dicemus, quia Dei estis vos.* Deinde si inquiratur hæc cognitio de rebus, quæ in præsentem tempore sunt, hæc aut sunt cogitationes, & spirituales affectiones mentis humanæ nullo externo signo manifestæ, quas solus Deus novit, ut dicitur 2. Paralip. 6. Vel, si sunt exteriores effectus, sunt in locis ita absentibus, & distantibus, vel aliter occultis, ut sub humanum sensum, vel cognitionem tali tempore cadere non possint, quando earum cognitio postulatur. Rursus peti potest hæc cognitio de rebus præteritis eodem modo occultis, & remotis a sensibus humanis, & cum certitudine superante omnem humanam, & naturalem coniecturam: postulari etiam potest de rebus pertinentibus ad ordinem Divinæ prædestinationis, aut singularis providentiæ, vel certe de aliquibus naturalibus ita occultis hominibus, ut nullis effectibus, vel signis sensibilibus indicentur, ut sunt plures herbarum proprietates, vel lapidum, aut mineralium, & similia. Vel denique licet talia sint, ut humana industria, ac diligentia comparari aliquo modo possint, per hanc vero superstitionem sciri desiderantur sine humano labore, aut inquisitione, & breviori tempore, faciliiori modo, maioriq; certitudine, quam per vires humanas possit. Constat igitur, hanc cognitionem non posse obtineri per inventionem humanam, quod in antecedenti sumebatur.

10 Procuratur ergo hæc cognitio ab aliquo alio, qui eam possit docere, & tradere, unde necesse est, illum esse intellectualem personam: quia res inferiores sive inanimatas, sive animatas irracionales non possunt hominem docere propria doctrina, ut per se notum est. Nam licet cæli dicantur loqui, & bruta animalia, ut formicæ, interdum dicantur docere hominem, non tamen proprie, sed metaphorice, quatenus ex illorum actibus, vel operibus excitari potest homo, ut per discursum suum aliqua intelligat, quod ad inventionem pertinet: propriam autem disciplinam non accipit homo, nisi per illuminationem, & locutionem aliquam propriam naturæ intellectualis. Divinativa ergo cognitio ab aliquo intelligente postulatur: non petitur autem a vero Deo, ut supponitur; ergo a dæmone. Probatur hæc ultima consequentia: quia inter Deum, & dæmones tantum sunt vel sancti Angeli, vel alii homines: sancti autem Angeli, cum sint Dei ministri, & ab illius voluntate discrepare non possint, nihil homines docent, nisi quæ a Deo accipiunt, ut de illis homines instruant; unde quicquid a sanctis Angelis in hoc genere petitur, ad Deum revocatur. Idemque est de animabus sanctis cum Deo regnantibus; nam vel ab eis solum postulari potest, ut a Deo nobis impetrent aliquarum rerum cognitionem, quando nobis expedit, vel si ab ipsis animabus instructio, aut revelatio aliqua postulari posset, solum esset per communicationem illius cognitionis, quam a Deo participant, & cum subordinatione ad voluntatem eius: & ita tota illa petitio ad orationem Deo fusam reducitur, ut in tractatu de orat. latius dicemus: ideoque cognitio illo modo habita non esset propria divinatio, de qua loquimur, sed ad prophetiam, seu sacram revelationem reduceretur. Homines vero per vim naturæ, seu per inventionem non possunt hæc occulta cognoscere, ut diximus, & ideo sub ea ratione non potest unus homo ab alio discere, aut petere talium rerum cognitionem. Quod si ab alio homine petatur, oportet, ut ille supponatur habere hanc cognitionem vel a Deo, vel a dæmone: si a Deo, jam illa non erit divinatio, & hoc modo requirere scientiam ab homine, idem est, quod a Deo illam expectare mediate, quia expectatur ab homine, ut organo, per quod Deus loquitur. Et pari ratione quando petitur ab homine, & non ut ministro veri Dei, a dæmone inquiritur. Sic ergo tota hæc supersticiosa divinatio per dæmonum instructionem, seu disciplinam investigatur.

A quibus
divinatio
procuratur.

11 Hinc ergo recte concluditur, huiusmodi divinationem per se, intrinsece, ac semper pravam esse, ac dete-

Divinatio
intrinseca
est mala,
& non
quia pro-
hibetur.

detestabilem natura sua, & non solum propter positi-
vam prohibitionem, Probatum primo, quia divinatio
hæc est studium præsciendi futura, seu cognoscendi oc-
cultura per medium omnino improporcionatum, & in-
ordinatum: hoc autem est rationi, & voluntati Dei
contrarium; ergo. Probatum minor, quia medium
illud involvit societatem, & communicationem fami-
liarem cum dæmone; dicit autem Paulus 1. Cor. 10.
Nolo vos fieri socios dæmoniorum, Unde Orig. hom.
16. in Num. *Non vult Deus*, (inquit) *auditores nos fie-
ri, & discipulos dæmonii, neque vult, ut si quid volumus
discere, discamus a dæmonibus: melius est enim ignorare,
quam a dæmonibus discere.* Cujus prohibitionis ratio
sufficiens est, quando alia deesset, quia omnis socie-
tas cum dæmonibus noxia est, & periculis plena. Sed
hoc latius declarabimus c. seq. ostendendo, qualis sit
malitia hujus vanæ divinationis. Non omitam egre-
giam rationem, quam indicavit Orig. d. hom. 16. in
Num. *Nam sic expedit nobis scire futura, dicuntur a Deo
per spiritum suum: si vero non dicuntur, neque denuncian-
tur, scito, quia non nobis expedit futura prænoscere. Quod
si idcirco non dicuntur nobis, quia ea scire vobis non ex-
pediit: qui diversis artibus, & dæmonum invocationibus
gestiunt futura prænoscere, nihil aliud faciunt, nisi ea cu-
piunt scire, quæ sibi scire non expedit.* Quæ ratio aliis
jungenda est, ut gravem malitiam ostendat; nam, ut
supra dixi, hæc malitia magis ex medio sumenda est,
quam ex fine. Qualis autem, & quam gravis sit,
magis in seq. c. declarabitur, & si quid difficultatis
hic occurrere poterat, ibi expeditur.

C A P U T VIII.

*Qualis, & quanta sit superstitiosa divinationis
malitia, quando expresse postulatur a
dæmone, & quomodo religioni
opponatur.*

Varia mo-
di petendi
aliquid a
dæmone
per ex-
pressam
communi-
cationem.

Supponendum primo est, duobus modis posse
hanc superstitionem committi. Primo per ex-
pressam cum dæmone communicationem: secundo
per tacitam, & implicitam. De hoc posteriori dice-
mus in capitulis sequentibus, hic priorem explicabi-
mus: est enim facilius ad intelligendum. Tum etiam
committitur talis superstitio, quando expresse a dæ-
mone cognitio rerum occultarum postulatur. Quod
variis modis accidere potest: primo simpliciter pe-
tendo a dæmone, ut aliquid doceat petentem sine ul-
la promissione, vel pacto ex parte petentis, sicut
etiam homo pius interdum simpliciter postulat a Deo
scientiam, ita impius eam postulare potest a dæmone.
Aliquando vero id fit cum expresso pacto, quo petens
se obligat ad obsequium dæmonis, vel ad perpetuam
societatem, vel subjectionem, si res occultas eum do-
ceat. Et similiter e contrario ex parte dæmonis esse
potest interdum expressa responsio simplex, & sine pa-
cto; aliquando vero solet etiam acceptare pactum, &
ipse simul obligari ad docendum, & instruendum ho-
minem de his occultis, ipso homine invicem se obli-
gante. Modus etiam ex parte petentis varius est: in-
terdum enim ad petitionem adjunguntur sacrificia,
fustis, & aliæ ceremoniæ in honorem dæmonis fa-
ctæ. Aliquando adjunguntur adjurationes, figuræ,
injectiones, & similia juxta pactum cum illo factum.
Unde aliquando solo imperio invocatur dæmon, &
quasi cogitur respondere in vi pacti, & regulariter
non deest ipse promissis, nisi a Deo impediatur, non
propter vim fidelitatis: mendax enim est, sed propter
odium hominis, & aviditatem nocendi illi: nam et-
iam antequam invocetur, hominem inducit, & ten-
tat, ut ipsum invocet. Aliquando vero fieri potest, ut
licet homo postulet a dæmone talem cognitionem et-
iam oblata aliqua conditione non doceat illum, neque
ullum præbeat responsum, vel quia Deus non permit-
tit, vel propter alias rationes nobis occultas. Tunc
autem propria culpa divinationis, quam infra expli-
cabo, jam commissæ est ab homine, etiam si effectus
desideratus non fuerit subsecutus.

2 Solet etiam hic effectus instruendi homines va-
riis modis a malis Angelis fieri. Primo per expressam

locutionem sine ostensione alicujus loquentis sub spe-
cie hominis, vel alia figura visibili, sed per nudam tan-
tum auditionem, & non ante multos annos publice
comprobatum est in quodam falso Propheta. Secundo
loquuntur dæmones immediate sub specie personæ hu-
manæ, in qua apparent. Hanc enim speciem posse
Angelos formare virtute naturali non impedita, sed
habente porius paratum generalem primæ causæ con-
cursum, certum est, ut traditur a Theologis in materia
de Angelis. Tunc autem licet id, quod apparet, non
sit verum corpus humanum, & consequenter nec cor-
pus vivum, ac subinde neque illa sit vera locutio vita-
lis, est nihilominus verus, & realis sonus, qui per
aures percipitur, & consequenter est sufficiens ad do-
cendum, vel illuminandum, vel potius decipiendum ho-
minem modo humano, non minus quam unus homo
alium doceat. Dixi autem, hoc procedere, quando dæ-
mon immediate docet hominem sub tali specie, nam
quando docet mediate unum hominem per alium vi-
ventem, immediate profertur divinatio per verum
hominem, & veram vocem humanam. Tunc autem
solet pactum cum eo tantum intervenire, qui a dæ-
mone edoctus fuit: non repugnat autem, ut cum u-
troque intercesserit expressum pactum tali, vel tali
modo factum. Unde ad hunc etiam modum pertinet,
quod interdum solet dæmon futura prædicere per ve-
rum hominem viventem intrando in illum, & per eum
futura prædicendo. Qui homo sic arreptus solet py-
thonicus, vel pythionista appellari. Et per hujusmodi
pythones solent alii homines dæmonem consulere, &
ipse per eos dar responsa, ut ex Deut. 18. 1. Reg. 28. Esa.
8. & aliis locis colligitur.

3 Tertio etiam solet dæmon homines docere per
corpus mortuum, in illud intrans, & per illud lo-
quens, ac si esset vivum, soletque hoc fieri adhibitis
quibusdam vanis ceremoniis, vel incantationibus,
quas, ut dixi, necesse est ab ipso dæmone traditas esse,
& in pacto inito fuisse adjunctas. Nam, ut recte di-
xit Euseb. l. 5. de Præp. Evan. c. 7. *Unde homines, quibus
dæmones cogantur, quam ab ipsis dæmonibus discere pa-
tuissent?* Quod in omnibus aliis modis seqq. eadem ra-
tione locum habet. Atque ad hunc modum pertinet,
quod interdum fingunt dæmones suscitare hominem
mortuum, vel spiritum ejus adducere, qui loquatur in
corpore assumpto, sicut de Samuele legitur 1. Reg. 28.
(de qua apparitione magna est controversia, qualis fue-
rit, quæ infra habebit cōmodiorem locum) & hic modus
divinationis *Necromantia* vocatur, licet hæc vox se-
pe latius sumatur. Quarto potest dæmon, & solet hoc
modo decipere homines, loquendo per alia animalia,
aut vera, & viva, vel tantum apparentia, sicut locutus
est cum Eva in forma serpentis, sive ille fuerit verus ser-
pens, sive non, quod modo non refert. Quinto potest
dæmon hoc facere per imagines, seu statuas inanimes,
& humana arte confectas; sicut olim dabat responsa
per idola, quæ oracula dicebantur, quibus occulta
& præsertim futura prædicebat: nam id facere facilli-
me poterat per realem, & sensibilem sonum voci, simi-
lem; sive uteretur, ut instrumento, partibus idoli, & figu-
ra ad illum sonum formandum; sive, quod verisimilius
est, in contiguo aere invisibili modo ita sonum effice-
ret, ut idolum ipsum loqui videretur, ideoque a mi-
seris hominibus vivum putaretur.

4 In his autem modis omnibus intervenit instructio
per auditum realiter, & vere immutatum: aliis vero
modis solet hæc dæmonis illusio fieri sine reali so-
no, vel auditione sensibili per exhibitionem alicujus
signi sensibilis; ad quod necesse est, ut tale signum id
habeat ex impositione ab ipso dæmone facta,
& homini manifestata, vel certe ab ipso homine desi-
gnata, & postulata, & ab ipso dæmone acceptata,
denique ex utriusque conventionione determinata. Sunt
autem hæc signa multiplicia, & secundum illa varia
nomina divinationum imposita sunt. Primum est
Aruspicium, in quo diabolus responder per signa o-
stenta in extis animalium, quæ illi sacrificantur. Se-
cundum est *Insomnium*, faciet enim dæmon, hominem
somniaire, quæ vult ab ipso credi. Tertium dicitur
Præstigium, vel etiam *Delusio*. Quamvis enim inter-
dum multi ex illis modis, quos diximus fieri per realem
sonum

Veri mo-
di, quibus
dæmones
homines
instruunt
per locu-
tionem.
Primus,
Secundus.

3, modus.

Quartus :

Quintus

Alii modi
instruen-
di per si-
gna sensi-
bilia.

sonum auditus, soleant præstigia, & illusiones vocari, proprie vero hæc voces ad sensum visus, vel phantasiam referuntur: & ita præstigium fit per aliquam speciem oculis impressam, vel imaginationi: quamvis enim Angelus (ut creditur) non possit virtute naturali has species sensibiles per se efficere, quia non potest per se transmutare materiam, aut corpora ad formas aliquas, vel qualitates; potest tamen applicando activa passivis medio motu locali facere, ut mediis corporibus sensibilibus tales species imprimantur. Quod interdum facere potest objecto vero corpore sensibus externis, interdum vero formato exterius apparenti corpore; quod licet revera sensibile sit, non tamen sit illud, quod apparet. Aliquando vero, id facit commovendo humores, & spiritus animales, & deferendo illos usque ad sensus externos; sæpe vero decipiendo sensus internos, & phantasiam illudendo: & latius prosequitur Cajetan. d. q. 95. art. 3. & tractant Alenf. 2. p. quæst. 43. memb. 3. artic. 1. & Gab. in 2. d. 8. q. 2. art. 3. & in materia de Angelis copiosius tractatur.

5 Quarto respondet dæmon per sortes, quarum eventui fidem adhiberi vult, & vocatur *Sortilegium*. Quinto utitur variis figuris factis in elementis, vel aliis corporibus inanimatis, & varia habent nomina: nam si fiat in terra, vel re terrestri, dicitur *Geomantia*, si in aqua dicitur *Hydromantia*, si in aere, *Aëromantia*, si in igne *Pyromantia*: & sub his variis alii modi distingui solent, quos referre inutile est. Sexto potest hoc fieri per volatus aliquarum avium, vel per garritus, aut alios sonos animalium, quod vocatur *augurium*, *omen*, *auspicium*. Nam licet hæc, & alia soleant inter pacta implicita cum dæmonibus recenseri, tamen si contingat, dari ab ipso dæmone tanquam signa eventus, ut infallibiliter credantur, per expressum pactum, & impositionem, ad hanc primam speciem pertinebunt. Hanc enim speciem totam ut unam tractamus, quia prædictæ differentiæ omnes nobis videntur materiales, & physicae potius, quam morales, quia genus vitii formaliter non distinguunt, ut infra videbimus.

6 Secundo principaliter suppono, dæmonem aliquid ignorare de his occultis, de quibus fit divinatio, aliquid vero posse cognoscere. Nam divinatio generaliter, ut de illa nunc loquimur, esse potest (ut dixi) & de futuris contingentibus liberis, & de animi cogitationibus mere internis, ac mentalibus, & de supernaturalibus ministeriis. Præter hæc vero potest etiam divinatio esse de rebus iam factis per se quidem sensibilibus, ex accidenti vero hominibus occultis: item de rebus, quæ actu sunt, in locis tamen abditis, aut remotissimis. Futura ergo contingentia, quæ ab aliena voluntate libera pendent, sive divina, sive humana, sive angelica, non possunt certo, & infallibiliter cognosci virtute naturali ab angelis, ut est sententia catholica ab omnibus Theologis recepta, quam paulo inferius confirmabimus. Dixi autem, *quæ a libera voluntate pendent*; nam illa futura contingentia, quæ a solis causis naturalibus provenire solent, etiam raro, & per accidens, propter concursus oppositarum causarum, cognosci possunt a dæmone virtute naturali, non in una, vel altera causa per se spectata, sed in omnibus simul sumptis exacte cognitis, & inter se collatis, quod facile potest Angelus facere: comprehendit enim omnes naturales causas universi tam superiores, & cælestes, quam inferiores, & elementares, seu terrestres, & tam efficientes, quam materiales, & futurum concursum omnium, nisi a causa libera impediatur, vel transmutentur; & ita potest etiam dæmon sua virtute naturali hæc prædicere: quia tamen hæc omnia sunt subiecta divinæ providentiæ, ac liberæ dispositioni, ideo etiam de his non potest habere dæmon omnimodam certitudinem, quia non potest dispositionem Dei cognoscere; habet tamen cognitionem certam saltem naturali certitudine.

7 Dixi etiam *a libera voluntate aliena*, quia quæ pendent a propria voluntate, cognoscere potest dæmon, & prædicere, quia habet propositum illa facienti: sic enim ait August. lib. de Divin. dæmon. cap. 5. & lib. 2. Gen. ad lit. cap. 17. dæmones multa prædicere, quæ ipsi facturi sunt. Verum tamen hæc ipsa cognitio, &

prædictio non est omnino certa, & infallibilis: nam quia voluntas Angeli absolute est mutabilis, ideo licet nunc habeat propositum faciendi aliquid, postea illud mutare potest, etiam si futurum prædixerit, maxime cum mendax sit, & falsum dicere non erubescat. Aliunde etiam habet incertitudinem illa prædictio, quia licet dæmon aliquid statuat facere, & ideo illud futurum esse prædicat, potest a Deo, & ministris sanctis ejus impediri, ne id faciat, & consequenter fiet, ut falsa fuerit divinatio. Habet ergo illa prædictio duplicem conditionem adjunctam, unam, ut intelligi debeat secundum præsentem dispositionem causæ, nisi mutetur: alia erit, si a superiori causali libera non impediatur. Dixi præterea non posse hæc futura certo, & infallibiliter cognosci, quia per conjecturas, & probabiliter aliquo modo præsentiri possunt etiam ab homine, multo vero magis ab Angelo etiam malo, ut Aug. supra late declarat; tum quia dæmon hominis complexionem cognoscit exacte, & naturæ uniuscujusque propensionem, & ita magna cum probabilitate conjectat, quid homo faciet in tali, vel tali eventu, & talium obiectorum concursu; tum etiam quia maxime iuvatur diuturna experientia, qua cognoscit, quibus modis maxime moveri soleat voluntas humana, & ad volendum induci. Dixi denique *Virtute naturali*, quia interdum potest dæmon cognoscere voluntatem Dei, ipso revelante, vel in Scripturis, quas dæmon intelligere valet, ut Dam. tradit lib. 2. de Fide cap. 4. vel ex Dei locutione in aliquo facto particulari, ut in calamitatibus Job illi innotuit, quod Deus eas sibi facere permisisset, neque esset illum impediturus; qua cognitione potest interdum abuti dæmon ad decipiendos homines, ac si ipse sua virtute posset cognoscere futura.

8 Eodemque fere modo philosophandum est de internis cogitationibus, & actibus liberis mentis humanæ: nam hæc etiam non potest dæmon sua virtute cognoscere certo, & infallibiliter, nisi quatenus per signa, vel effectus externos manifestantur. Ut est communi sententia Theologorum receptum, & in Scriptura satis significatur 2. Par. 6. *Tu solus nosti corda filiorum hominum*. Loquitur autem Salomon de cordibus, ut sunt in actuali cognitione, & affectu, quas vocat vias hominis, dum ait: *Redde unicuique secundum vias suas, quas nosti, eum habere in corde suo*. Et hac ratione dicitur, esse proprium Dei scrutari corda hominum Hier. 17. Unde in li. de Eccl. dogm. ca. 81. dicitur, *Internas animæ cogitationes diabolum non videre, certi sumus*; additur vero ibidem, *sed motibus eas corporis ab illo, & affectionum indicibus colligi, experimento didicimus*. Habet ergo de his dæmon conjecturalem cognitionem, non certam. At de aliis effectibus jam factis, ut de furto, de locutione humana, & similibus, etiam si fiant in loco remotissimo, & occultissimo, habere potest Dæmon notitiam certissimam, & intuitivam, si velit attendere, ut per se clarum est. Et ita ex re præsentis, etiam facta in uno loco potest prædicere similem futuram in alio loco, quia ex fluxu alterius eventura est naturaliter, ipse autem dæmon celeritate naturæ, & cognitionis prævenit effectum, & manifestat illum prius, quam fiat. De quo multa legi possunt in Athanasio ex Antonio in vita ejus, aliquantulum a principio. Quia vero non semper actu omnia cognoscit, & considerat, quando effectus est jam omnino præteritus, nullumque illius vestigium actudurat, potest ita ignorare illum, ut non possit certo dicere, aut revelare, an factum fuerit; potest tamen uti conjecturis, & ex indicibus colligere, vel a quo factum sit, majori multo probabilitate, quam possit homo, propter rationem factam de majori rerum comprehensione, & experientia, quibus est præditus. Ut ergo breves habeamus terminos, quibus loquamur, res illas, quæ soli Divinæ cognitioni reservatæ sunt, vocabimus per se occultas: aliæ vero dicentur per accidens occultæ, juxta modum etiam loquendi Theologorum in aliis materiis.

9 Tertio supponendum est, plures actus in hoc genere vitii intervenire posse, qui nec eandem habent malitiam, nec semper contrariam religioni; & ideo distincte tractandi sunt. Primo ergo ex parte homi-

Dæmon potest mutare propositum.

Cogitationes interiores, & actus liberi non cognoscuntur a dæmone.

Dæmon aliqua cognoscit, & aliqua ignorat ex his, de quibus fit divinatio.

Proprium suum voluntatem: cognoscit dæmon, & potest prædicare.

Divinatio nem præcedit appetitus sciendi res abditas, & alia plura actus.

hominis antecedere solet appetitus sciendi occulta per actum non solum elicatum, sed etiam per deliberatum consensum, qui in hoc negotio se habet tanquam intentio finis, ut supra tetigit. præc. ubi etiam explicavi malitiam huius actus: neque de illo hic aliquid addendum occurrit, quia per se non habet gravem malitiam nec religioni contrariam, nisi quatenus ex sequentibus actibus illam participat, vel ex intentione alterius finis pravi, propter quem talis cognitio quaeratur, ut supra etiam tactum est. Et præsertim solet esse hic finis vana ostentatio sanctitatis, quæ gravem sacrilegii malitiam continet, & perniciose hypocrisis: unde ex hoc capite esse potest talis intentio mortale peccatum ex suo obiecto ante omnem malitiam divinationis. Secundo additur petitio, seu voluntas expressa consequendi hanc scientiam per industriam dæmonis. Tertio addi potest pactum expressum cum dæmone, quod potest esse magis, vel minus grave iuxta modum subiectionis, vel obligationis, quam homo de se ipso, vel de suis rebus dæmoni facit. Unde hic adiungi possunt sacrificia, & alia signa honoris, & cultus, quæ homo dæmoni exhibeat, ut ab eo, quod desiderat, obtineat. Quarto maxime considerare oportet, quid homo a dæmone in hoc negotio petat, an videlicet petat certam, & indubitatam cognitionem interiorum actuum cordis humani, ac liberorum, sive præsentium in corde latentium, sive futurorum cum effectibus, qui ab illis pendent: vel solum petat cognitionem aliorum effectuum occultorum solum ratione absentiae, vel distantiae temporis præteriti, aut loci; aut certe de aliis futuris, & per se occultis solum petat illam maximam coniecturam, quam dæmon de illis facere potest: nam longe gravior malitia in priori petitione reperitur, quam in posteriori, ut ex dicendis constabit. Quinto post datum a dæmone responsum sequi potest, & solet ex parte hominis fides, quam dictis eius adhibet. Sexto ad hanc consequitur exterior divinatio, & prædictio talium effectuum, vel ut omnino certa, & infallibilis, vel saltem ut cognita altiori modo, & maiori certitudine, quam humano modo comparari possit, & inde etiam subsequi possunt alia opera ex vi talis credulitatis facta, de quibus eadem ratio est, quod ad præsens pertinet.

10 His positis dico primo; Prima divinationis malitia gravissima, & ratione cuius est superstitio contra religionem, est, quando a dæmone per se postulatur cognitio certa rerum per se occultarum. Assertio est certa, & communis, ut patet ex D. Tho. supra, Caietan. & aliis: omnes enim ponunt divinationem aliquam inter species superstitionis falsum cultum continentis, iuxta doctrinam Aug. 2. li. de doct. Christ. cap. 20. Ergo maxime hoc competit prædictæ divinationi: nam ex omni capite includit malitiam, quæ ad hanc speciem spectare potest, scilicet, ex confortio, vel societate cum dæmone, ex parte materie cognoscende, & ex modo cognitionis. Ratio vero propria est, quia cognitio certa rerum per se occultarum est propria Dei; unde illam a dæmone petere, est ipsi attribuere id, quod est proprium Dei, quod est recognoscere in dæmone excellentiam quamdam divinitatis: sed hoc spectat ad superstitionem falsi cultus, & tacitam idololatram in se continet; ergo. Maior de fide certa est: nam Scriptura ponit ut signum divinitatis certam cognitionem futurorum liberorum Isa. 21. & 41. Et similiter ponit, ut signum divine revelationis, ac fidei, prædictionem certam futurorum contingentium, & mysteriorum per se occultorum, ut ex Esa. 46. plane colligitur, & ibi notat Hieronymus circa illa verba: *Ego Deus, & non est ultra me Deus, nec similis mei annuncians ab exordio novissima, & ab initio, quæ nondum facta sunt. Quasi dicitur.* in Hier. Considerate, quod præter me nullus sit, qui poterit scire ventura, nisi ego, qui per Prophetas nuncio. Et Daniel. 2. *Consistentur* (inquit) *Magi, & consistentur arioli, & omnis scientia secularis litteraturæ præsentium futurorum non esse hominam, sed Dei, ex quo probatur Prophetas spiritum Dei locutos.*

11 Similiter Orig. lib. 6. contra Celsum, ait, certam prædictionem futurorum esse characterem pro-

prium Divini sermonis, & ex eventibus iudicari. Et hinc lib. 7. contra eundem, a principio probat oracula Gentium non fuisse Dei, sed dæmonum, Prophetas autem Judæorum fuisse Divinas. Et Just. Respon. ad q. 146. *A Deo* (inquit) *rerum futurarum, & prædictio, & eventus proficiscitur: Dei autem gentium sicut absunt a vera divinitate, sic etiam a prædictione rerum futurarum.* Idem habet Chrysost. homil. 18. in Joan. *Certa* (inquit) *prædictio futurorum immortalis dumtaxat Dei opus est;* Damas. lib. 1. de Fide, ca. 4. & alii Patres communiter. Qui eodem modo loquuntur de cognitione cogitationum cordium, maxime Hieron. epist. 40. & Aug. tract. 32. in Joan. & Chrys. hom. 30. in Matth. & Cyril. lib. 2. in Joan. cap. 19. *Nulli* (inquit) *alii, sed Divina tantummodo natura Prophetæ illud attribuit: scrutans corda, & renes Deus.* Colligit etiam optime ex illo 1. Cor. 14. *Si omnes prophetent, intret autem quis idiota, vel infidelis, convincitur ab omnibus, diiudicatur ab omnibus: occulta enim cordis eius manifesta sunt, & ita cadens in faciem adorabit Deum pronuncians, quod vere Deus in nobis sit.* Cum ergo talis cognitio sit propria Dei, qui illam a dæmone postulat, in primis supponit, dæmonem illam habere, quia nemo potest docere, quæ ignorat; ergo attribuit dæmoni propriam quamdam excellentiam Dei. Deinde supponit, posse dæmonem sua virtute hæc prædicare, quod etiam est contra singularem Dei prærogativam: ergo talis deprecatio, & confortium cum dæmone includit recognitionem divinæ excellentiæ in illo, ac subinde tacitam idololatram, ac falsam superstitionem contra cultum veri Dei.

12 Dices, fieri optime posse, ut qui hanc cognitionem a dæmone procurat, ignoret esse propriam Dei talium rerum scientiam, & consequenter ut petendo non tribuat dæmoni divinam excellentiam formaliter, quod solum posset ad superstitionem, vel tacitam idololatram pertinere. Item licet aliquis credat, dæmonem hæc certo cognoscere, potest existimare, non ita illa cognoscere, ut Deus cognoscit, sed inferiori modo, licet certo, & dependenter a Deo, vel ex aliquo dono Dei; ergo ex vi illius petitionis non tribuitur dæmoni Divina excellentia. Denique licet aliquis hanc cognitionem a dæmone petat, potest non intendere illum colere ullo cultu, nedum Divino: sicut quando unus homo ab alio interrogat, quid incuria regis, vel pontificis fiat, non intendit illum honorare, aut ei reverentiam exhibere, neque ex vi talis operis id facit, si id non intendit; ergo similiter respectu dæmonis consulere illum etiam de his rebus per se occultis, & ab illo petere certam prædictionem earum non est colere illum: non est ergo hæc superstitio, esto sit aliud peccati genus.

13 Respondeo ad priorem partem, hic non considerari id, quod est per accidens ex parte operantis, quale est, quod per ignorantiam operatur, & ideo interdum excusetur; sed considerari, quod per se convenit actioni ex vi sui obiecti, & materie. Illa ergo operatio supersticiosa est, & de se contraria divino honori: nam contra honorem Dei est, alteri attribuere, quod est proprium eius, quod per illam actionem fit, licet operans excusari possit. Dicendum vero ulterius est, in illo modo consulendi dæmonem, adiungi aliud genus peccati de se gravis, nimirum perniciosum errorem, quo creditur dæmonem esse omniscientem, vel aliquid simile: quod credere de se hereticum est, & vix potest per ignorantiam a gravi culpa excusari. Si tamen contingeret, (quod non videtur repugnare) aliquem per invincibilem ignorantiam credere, demonium posse hæc futura certo cognoscere, tunc verum est, operantem excusari ab hac peculiari malitia, quam modo tractamus, licet aliis modis peccet, ut in sequenti puncto tractabimus: nam quoad hoc eadem est ratio. Regulariter vero illa ignorantia est culpabilis, & crassa, maxime in Christianis, & tunc non excusatur operans a malitia superstitionis, & tacite idolatriæ, quia actus redit in naturam suæ formæ ratione talis ignorantie, id est, ad eandem culpam imputa-

Obiectio.

Responsio.

Prædictio
divinationis
per malitiam
cognitionis
in re
autem re
quæ per
se occultarum
a dæmone.

Fundamentum.

putatur, quam de se habet, & quam aliquis committeret, si scienter illum faceret. Unde ad secundam partem eadem fere responsio applicanda est. Nam si dæmoni tribuatur hæc scientia ut connaturalis, eo ipso datur illi Divina excellentia; quia non solum est proprium Dei habere talem scientiam in tali gradu perfectionis, vel independentiæ, sed simpliciter habere illam ab intrinseco ex vi suæ naturæ, ut testimonia supra adducta probant. Ex dono autem Dei per se loquendo, vel regulariter non potest hæc scientia dæmoni tribui, cum sit hostis Dei, neque hoc intenditur in hoc divinationis genere, ut per se notum est. Quod si interdum in his intercedat aliqua ignorantia, est per accidens, & de illa iudicandum est iuxta doctrinam, & distinctionem datam.

Ad falsum cultum ex parte rei adoratae non semper requiritur formalis intentio nem olendi.

14 Ad ultimam denique partem dicitur, ad falsum cultum ex parte rei adoratae non semper esse necessariam formalem intentionem colendi, ut actio habeat malitiam talis cultus, sed satis esse, ut actio de se pertineat ad cultum, & honorem ejus, cui exhibetur: sicut ad rationem homicidii, & malitiam ejus non semper est necessaria formalis intentio occidendi, satis est voluntaria effectio talis operis. Et ratio generalis est, quia ad malitiam actionis multo minus sufficit, quam ad honestatem, quia malum ex quocumque defectu; & ideo licet ad actum studiosum religionis necessaria sit intentio colendi, ad prævum cultum necessaria non est. Addo vero ulterius, illam actionem postulandi a dæmone, ut doceat ea, quæ solus Deus docere potest, de se continere magnum cultum, & honorem dæmoni impensum, sicut oratio ad Deum rite facta de se continet religiosum cultum Dei: unde talis deprecatio ad demonium videtur opponi religioni secundum debitum actum orationis: nam sicut oratio respectu veri Dei potest continere verum cultum latrig, ita illa deprecatio respectu dæmonis continet tacitam idololatriam, siue fiat cum formali intentione cultus, siue non, ut in priori responsione dictum est. Neque est simile exemplum humanum allatum, quia cognoscere humano modo externa facta hominum, vel in præsentia visa, vel ab aliis relata, non pertinet ad singularem excellentiam, vel perfectionem hominis, unde illa interrogare de se non est nota summisionis, aut cultus; at certo cognoscere futura per se occulta, summæ excellentiæ est, & dæmon non alia ratione illam affectat, nisi ut sit aliquo modo, vel habeatur sicut Deus, & ideo talis deprecatio de se includit huiusmodi cultum, & idololatriam saltem tacitam.

An fiat superstitio, quando idolum a dæmone petitur cognitio rerum earum eo modo, quo ille cognoscit.

15 Maiorem difficultatem ingerere potest hæc ultima obiectio, quando in hoc facto, vel consortio cum dæmone nihil aliud postulat, nisi ut revelet, & patefaciat occulta eo modo, quo illa cognoscere potest, nimirum ut, si sint per se occulta, summam diligentiam sibi possibilem adhibeat ad coniecturam faciendam, & proferat id, quod in causis, & signis verisimilius continetur. Si vero res, de quibus interrogetur, tantum sunt per accidens occultæ, certam de illis cognitionem tradat, quam naturaliter habere potest. In hoc enim peccati genere aliqui existimant non committi superstitionem, & consequenter nec tacitam idololatriam. Ratio est, quia tunc non postulat a dæmone aliquid proprium Dei, neque aliqua divinitatis excellentia: & hoc maxime confirmat adductum exemplum de simili interrogatione inter homines. Et præterea licet dicamus, esse aliquod genus honoris, & cultus, quando in rebus difficilioribus, quæ altiore vim intelligendi, aut perfectionem requirunt, petimus ab alio edoceri, quia illi nos sublimius proficentes eius excellentiam, totus hic honor non est contrarius Dei religioni, nec est superstitiosus, etiam si in dæmonem fiat, quia revera etiam dæmon habet illam perfectionem naturalem, in qua nos superat, & vere illam recognoscimus. Nec videtur esse contra Dei honorem, quod homo profiteatur se indigere dæmone ad talem cognitionem, & hac ratione aliquo modo illi subici, sicut discipulus subiicitur magistro, & proficitur se illius ope indigere sine iniuria Dei. Unde etiam non est dubium, quin dæmon, licet non possit homini infundere scientiam, pos-

sit nihilominus illum iuvare virtute suæ naturæ ad illam acquirendam, vel obiecta præsentando, vel tollendo impedimenta, vel docendo modo humano: ergo hoc postulare a dæmone non est idololatria.

16 Nihilominus dico secundo, etiam in hoc genere societatis cum dæmone inveniri malitiam superstitionis, & irreverentiæ divinæ religioni contrariæ. Hæc assertio sumitur ex D. Thoma dicta q. 95. art. 2. Nam universaliter ait: *Ad superstitionem pertinere, cum aliquis assumit auxilium Demonis ad aliquid faciendum, vel cognoscendum*; ubi nihil distinguit inter cognitionem propriam Dei, vel non propriam, sed simpliciter de auxilio ad cognoscendum loquitur. Affertque ad id confirmandum Aug. lib. 1. Doct. Christ. universaliter dicentem, *quicquid spectat ad consultationes, & pacta quedam significationum cum demonibus placita, atque federata, ad superstitionem pertinere*. Et hoc etiam aperte sentit Cajet. in fine dicti art. 2. & insinuat peculiarem rationem in verbis, quibus respondet ad objectionem, quam faceret: quod scilicet uti pacto dæmonis, absolute videatur ad societatem, & non ad cultum spectare, & per hoc divinationem non esse superstitionis speciem, (quæ obiectio in materia huius assertionis maxime locum habet) respondetque sine ulla distinctione, aut limitatione, quod *ratione affectata excellentiæ Divinæ a dæmone, implorare illius auxilium, vel consilium superstitionis est*. Quamvis ergo non consulatur dæmon, neque fiat pactum cum illo ad obtinendam ab eo altiore rerum occultarum cognitionem, quam ipse possit consequi, & communicare virtute naturali, quia tamen per hanc ipsam societatem dæmon intendit usurpare aliquid de excellentiâ Dei, & de honore illi ab homine debito, in hoc saltem quod homo, relicto Deo, ad ipsum recurrat, & ipsi se subiciat, tanquam indigens auxilio ejus, & in eo confidens, etiam invito Deo, ut sic dicam, ideo homo consulens dæmonem prædicto modo plane consentit, & cooperatur dæmoni usurpare conanti divinam excellentiam, & ideo contra religionem Deo debitam superstitiose operatur.

17 Et confirmari hoc potest ex illo 4. Reg. 1. *Nunquid non est Deus in Israel, ut eatis ad consulendum Beelzebub Deum Accaron?* Quamvis enim Ochozias forte erraret, aliquid Divinum cogitans in illo idolo, non tamen de hoc specialiter reprehenditur, sed absolute, quia contempto vero Deo, dæmonem contulebat, quod erat contra honorem veri Dei, ut ibi Abul. indicavit q. 7. peccasse Ochoziam, inter alia, *quia consulendo Beelzebub, contemnebat Deum, ac si nullus esset*. Et in q. 8. loquens de illo, qui petit aliquid a dæmone, vel idolo humiliando se illi, ait: *Et iste venerationes constituunt idololatriam*. Unde potest considerari alia ratio, quia iuxta communem quasi impositionem, & hominum æstimationem huiusmodi consultatio de futuris, quæ humanam cognitionem excedunt, habetur tanquam signum recognitionis, & confessionis alicujus divinitatis in eo, qui consultitur, maxime quando consultitur, ut per se respondens sine coniunctione ad alium. Cum ergo dæmon non habeat aliam talem coniunctionem cum Deo, ut per relationem ad eum consulatur, consultatio, quæ ad illum fit, eo ipso superstitionem idololatriæ participat.

18 Præterea potest alio modo ratio superstitionis in tali divinatione declarari magis explicando rationem Cajetan. Nam dæmon licet in principio consultatur non tanquam infallibilis veritas, vel tanquam certo sciens omnia etiam per se occulta, tamen quatenus est in se, intendit deducere hominem in eam existimationem, vel saltem ut eam profiteatur, & signis ostendat; & ideo qui quocumque modo dæmonem consultit, societatem, vel quodcumque pactum, cum illo contrahendo, in magno periculo versatur incidendi illud barathrum apostatandi a Deo. Nam affectus dæmonis inordinatissimus est per summam superbiam, & odium: & artes ad decipiendum, & industria, ac experientia sunt ei maximæ. Idemque, si Deus permittat, facile decipiet quoscunque, qui

Parte assertiva vera iudicatur.

Declaratur magis negatio

qui societatem cum illo ineunt, qui merentur etiam a Deo destitui, & labi permitti propter summam audaciam, & ingratitude. Igitur qui talem inchoat societatem, statim incipit declinare a vera religione, & supersticiosus esse, quia moraliter ejusdem vitii est committere aliquid, & morali periculo, & occasione committendi illud, se exponere. Sicut qui vanam societatem contraheret cum muliere infami, & fornicationibus, vel adulteriis dedita, & maxime si de illa constaret, mentem & usum eius esse, amicos suos ad libidinem turpissimam inducere eo ipso, & ex vi talis societatis censeretur jam malitiam libidinis contraxisse, etiam si nondum actu ipso formali in eam lapsus esset: ita ergo est in presenti.

Explicat
per aliter
culpa hæc

19 Denique potest aliter explicari hæc culpa, quia Dæmon est publicus hostis Dei, & hominum, & in omnibus intendit obscurare gloriam Dei, & ideo qui Deo tanquam supremo Regi, & principi adhærent, eo ipso renunciant omni societati cum dæmone, ut Christiani faciunt in baptismo, quia sub vero Deo militando bellum contra dæmonem profitentur. Propter quod agebat Paulus: *Non est nobis colluctatio adversus carnem, & sanguinem, sed adversus Principes, & potestates tenebrarum*, ad Eph. 6. Unde Aug. Pl. 34. in principio dixit contra dæmones indicam nobis esse luctam, & bellum. Qui ergo societatem cum dæmone init, eique se tradit docendum, & instruendum quomodocunque, eo ipso crimine læse Divine majestatis committit. Ac subinde gravissimam Deo injuriam facit contra honorem ejus, & contra fidelitatem ei debitam, non ex vi voti, sed ex vi subiectionis & servitutis debitæ Deo. Sicut si vassallus unius regis transfiret ad Tyrannum, & publicum hostem, qui regem a suo throno deturbare conatur, & cum illo amicitiam contraheret, & ab eo auxilium peteret, plane ageret contra fidelitatem, & observantiam debitam suo principi, & honorem illi debitum censeretur in hostem transferre: ita ergo est in presenti. Et ideo in presenti causa omnis societas cum dæmone, & consultatio, vel obsecratio ad sciendas res occultas quocumque modo, est irreligiosa dæmonis veneratio, ac subinde superstitio.

Cum utroque modo
consultendi
dæmonem
conjunctas
esse alias
malitias

20 Dicitur tertio: Cum utroque modo consultendi dæmonem de occultis sive per se, sive per accidens, sunt conjunctæ aliæ malitiæ interdum contrariæ altis modis ipsi religioni, & interdum aliis virtutibus. Hæc assertio patebit facile discurrendo per alios actus, & circumstantias, quas in tercia suppositione numeravimus. Primo ergo in omni hujusmodi consultatione dæmonis invenitur morale periculum deceptionis perniciosæ vel consulenti, vel alius, & ex hac parte habet sæpe hoc crimen specialem malitiam, vel contra charitatem propriam, vel proximi, vel etiam contra justitiam. Primum certissimum est, & traditur frequenter a Patribus, quia dæmon ab initio mendax est, & pater mendacii, & nullam viam nocendi deserit, sed circuit quærens, quem devoret. Unde Aug. lib. 4. de Trinit. c. 7. *Potestates inquit, aereæ superbe, atque fallaces, etiam si quadam verâ per suos vates de societate, & civitate sanctorum, & vero mediatore, dixisse reperiuntur, id egerunt, ut per hæc aliena verâ etiam fideles Dei, si possent, ad sua falsa traducerent.* Et lib. 2. Genes. ad lit. cap. 17. *Facendum est* (inquit) *quando ab istis* (id est, ab astrologis iudicariis rerum humanarum) *vera dicuntur, insinuant quodam occultissimo dicit, quod cum ad decipiendos homines sit, spirituum seductorum operatio est.* Unde in hæc capis concludit: *Quapropter bono Christiano divinantes impie, etiam dicentes verâ cavendi sunt, ne consortio demoniorum animas deceptas pacto societatis irretiant.* Multaq; similia in patribus supra citatis reperientur. Cum ergo hæc sit dæmonis intentio, & astutia, constat, summum esse periculum graviter errandi in omni cognitione, ac doctrina ab ipso accepta, & in societate cum illo ad illam comparandam: hominem autem huic periculose voluntarie exponere plane inordinatissimum est.

Ex malitia
est proportio
na malitiam
& intentioni
operantis.

21 Erit autem hæc malitia proportionata materiæ, & intentioni operantis: nam, si materia talis cognitionis sit pure philosophica, seu naturalis, & humana, omninoque speculativa, id est, in ordinata ad

aliquid agendum, sed solum ad curiositatem, vel vanam ostentationem, non erit periculum deceptionis contra justitiam, vel charitatem in re gravi, sed solum contra prudentiam, & studiositatem, quia teneatur homo periculum deceptionis vitare in quacumque materia, hæc autem per se spectata non est gravis. At vero si materia cognitionis practica sit, & accipiat, ut regula operandi aliquid, tunc peccatum esse poterit vel contra iustitiam, si aliquomodo periculum gravis nocuenti aliis inde proveniat, vel contra charitatem propriam, si periculum vergere possit in proprium damnum spirituale, vel corporale: poterit etiam esse contra fidem, si sit periculum errandi in materia eius.

Quando
idololatria
com-
mittatur
in divinatione.

22 Præterea solet coniungi cum hac divinatione expressus cultus dæmonum, qui quidem si sit per sacrificia, vel alias ceremonias determinatas ad divinum cultum, tunc præter malitiam divinationis est in tali actu expressa idololatria, ut est per se manifestum, & notat Abul. supra, & omnes. Si vero sit cultus per actiones communes, quibus solent Sancti honorari per se, & propter suam sanctitatem creatam, & desit intentio formalis colendi dæmonem, ut Deum, sed solum sit intentio honorandi illum propter excellentiam suæ naturæ, & scientiæ, & ad habendum illum propitium, sic non erit expressa idololatria, sed dici poterit idolodulia, quia directe est opposita virtuti Dulciæ, licet indirecte sit etiam contraria religioni, & tacite participet superstitionis malitiam, ut in secunda assertionem explicatum est. Rursus, quando consultationi, & societati dæmonum adiunguntur iniqua verba, seu promissiones cum aliquo expresso pacto, præter malitiam falsi cultus jam explicatam, tunc pro ratione promissionis poterit esse nova blasphemia, vel alia similis iniquitas, ut si promittat renunciare Christo, vel numquam in illius amicitiam redire, nec ejus sacramentis uti, vel si animam suam, aut perpetuam obedientiam dæmoni promittat. Hæc enim, & similia solent dæmones a miseris hominibus postulare, de quibus omnibus constat habere peculiare malitias nunc religioni, nunc charitati Dei, nunc charitati propriæ oppositas, juxta diversas materias, quæ attendendæ sunt ad judicium ferendum de tali crimine.

Quando
fit idolodulia.

23 Ultra hæc vero omnia accedere solet fides, & credulitas, quam tales homines præbent dæmoni aliquid sibi dicenti, in quo actu duo spectanda sunt, scilicet, modus credendi, & res credita. Ex parte modi erit nova malitia gravis, si dæmonis responsum tanquam certum, & infallibile credatur, nam in tali fide, & implicita idololatria, & heresis continetur. Nam qui sic credit, dæmonem apprehendit, ut numen infallibile, in cujus obsequium intellectum captivat, vel submittit, quod ad idololatriam spectat. Item, qui sic credit dæmoni, plane supponitur credere, dæmonem non esse malum, nec fallacem, nec etiam esse talem, qui falli possit: utrumque autem contra fidem est. At vero, si non hoc modo credatur assertio dæmonis, sed solum fide quadam humana, vel (ut ita dicam) angelica tanquam res valde probabilis, & magnæ auctoritatis, licet fallibilis, tunc non incurritur hæc specialis malitia. Erit autem consideranda materia diabolici oraculi, nam potest continere errorem contra fidem Catholicam, & tunc committeretur expressum peccatum hæresis, ut per se constat. Tandem si ex hac fide sequatur exterior divinatio, & prædictio talium rerum, & inductio aliorum ad illas credendas, vel ad aliquid agendum ratione illius cognitionis, tunc adiungitur malitia scandalii, & iuxta materiæ proportionem censeretur talis divinator vel hæresiarcha, vel seductor in materia iustitiæ, vel in aliis materiis morum, vel hypocrisis, vel fur, & latro, si hæc, & similia intendat, vel ex eius prava operatione sequantur; nam ita sunt cum hoc vitio moraliter conjuncta, ut excusari non possint regulariter loquendo.

In fide dæmoni adhibita idololatria, & hæresis continetur.

Materia diabolici oraculi consideranda.

24 Ex his ergo satis constat, qualis sit divinationis culpa, & quod duplex, quando committitur cum expressa societate cum dæmone. Solum est advertendum, in ordine ad scientiam, & doctrinam considerari id, quod est per se, & primario in actu, & ideo tale peccatum simpliciter poni sub specie superstitionis.

In ordine ad scientiam, tamen consideratur id, quod est per se in actu.

tionis falsi cultus, & religioni contrarii, nam reli-
quæ malitiæ, quæ adjunguntur, vel sunt acciden-
tariæ, & variabiles, quia ex adjunctis sumuntur,
vel sunt minus graves, & secundariæ, ut explica-
tum. At in ordine ad praxin, & ad iudicium fe-
rendum de tali crimine, vel in confessione sacramen-
tali, vel in forensi iudicio omnia dicta separanda
sunt, & ponderanda, ut condigna sententia ferri
possit.

C A P U T IX.

*Utrum interdum committatur superstitiosa
Divinatio per implicitum pactum cum
dæmone, & quomodo, ac quibus
modis id fiat.*

I Communis, & vera sententia est, posse hoc
peccatum superstitiosæ divinationis commit-
ti absque expresso pacto, vel negotiatione cum dæmo-
ne. Ita docet Div. Thomas d. qu. 95. art. 2. ubi late
Cajet. & omnes: & sumitur ex D. Aug. lib. 2. de Do-
ctrina Christi. c. 20. & sequentibus: & ex aliis statim
referendis. Hinc ergo concludunt etiam omnes cum
D. Thom. ad hoc peccatum sufficere pactum implicitum
cum dæmone. Nam hoc peccatum non com-
mittitur sine aliquo pacto cum dæmone, ut ex adductis
in precedenti capite constare potest: nam ad su-
perstitionem falsi cultus necessarium est, ut aliquis
cultus divinus in aliquam personam, vel rem crea-
tam transferatur. Divinatio autem, præcise spe-
ctata ut est vana inquisitio cognitionis rerum oc-
cultarum, vel voluntaria, & temeraria credulitas
earum, non est cultus alicujus rei creatæ, nec potest
illam rationem induere, nisi quatenus includit pa-
ctum cum dæmone, quia ex nullo alio capite, nec
respectu alterius rei, vel personæ potest ibi falsus cul-
tus admisceri; ergo necesse est, ut interdicit pactum
saltem implicitum, & quod illud sufficiat: quando-
quidem expressum non est semper necessarium. Duo
ergo explicanda super sunt: unum est, quid re-
quiratur ad hoc pactum implicitum: aliud est, quid
sufficiat.

2 Quoad primum dicendum est, ut in hujusmodi
cognitione interveniat pactum implicitum cum dæ-
mone, necessarium esse, ut quæratur absque ope di-
vina, & per vanam inquisitionem, seu per medium
ineptum, & de se inutile, ut talis cognitio acquiratur.
Ita docet D. Thom. dicto art. 2. Cajet. & alii.
Et ratio quoad priorem partem est clara: quia si ve-
ritatis inquisitio cum fundamento nitatur in divina
auctoritate, vel auxilio, clarum est, per se malam non
esse, cum Deus sit fons omnis cognitionis, & veri-
tatis. Cur autem hæc conditio ponatur, paulo infer-
rius explicatur. Deinde additur necessarium esse, ut
inquisitio vana sit, quia si illa non sit vana, non est,
cur cognitio per illam comparata implicito pacto cum
dæmone tribuatur: alias omnis humana inquisitio ex
effectibus, & signis naturalibus, dæmoni esset tri-
buenda, quod temerarium iudicium est, & injurio-
sum naturæ, & Catholicæ veritati contrarium. Ut
autem humana inquisitio ad cognitionem tendens,
vana non sit, duo requiruntur, & sufficiunt. Pri-
mum est, ut medium cognitionis sit objectum aliquod
proportionatum humanæ cognitioni, quæ per sensus
acquiratur, id est, ut sit objectum sensibile ab homi-
ne. Secundum est, ut tale medium sit etiam propor-
tionatum veritati, quæ per illud inquiratur, vel ab
illo accipitur: id est, ut habeat naturalem aliquam
connexionem cum illa, ratione cujus optime possit
hæc ex illo colligi, ita ut medium illud aliquo modo
in se contineat illam veritatem.

3 Hoc autem duobus modis tantum contingere
potest, scilicet vel ut medium contineat conclusionem
tanquam causa effectum, vel tanquam effectus cau-
sam. Inter quos duos modos est notanda differentia,
quia causa licet virtute contineat effectum, & ideo
in illa, vel per illam cognosci possit effectus, ut possi-
bilis, non tamen semper est determinata ad effectum,
quia potest esse causa libera, & indifferens, vel si

naturalis sit, potest esse causa impedibilis per occur-
sum alterius. Quia ergo scientia occultorum, de
qua tractamus, non est de effectibus possibilibus,
sed de rebus existentibus, seu futuris certo aliquo
tempore, ideo ut inquisitio illorum non sit vana,
non satis est, ut medium sit causa effectus, sed oportet,
ut sit causa determinata ad effectum, & non
impedienda, vel ut sumatur cum circumstantiis, in
quibus hæc determinatio, & expeditio ad operan-
dum, ut existens, vel futura contineatur. At vero
effectus supponitur jam actu existens, & ideo in se
includit determinationem, & expeditionem suæ cau-
sæ; determinationem, inquam, actualem, sine qua
effectus non sit, sive illa fuerit necessaria, sive ex pro-
pria libertate.

4 Neque oportet addere membrum, quo signa-
tum continetur in signo, & per illud cognoscitur,
quia ut tale signum naturali cognitioni, & humanæ
inquisitioni deserviat, necesse est, ut sit naturale
signum, omne autem naturale signum ad effectum,
vel causam revocatur, quia res non sunt factæ per se
ad significandum, sed in tantum ex natura rei signifi-
cant, in quantum habent connexionem cum suis cau-
sis, vel effectibus, sive mediatam, sive immediatam.
Potest enim hæc significatio esse, vel per immedi-
tam habitudinem effectus ad causam, aut causæ ad
effectum, vel per connexionem duorum effectuum in
una causa, a qua uterque procedit. Tunc enim unus effe-
ctus per alium significatur, ut serenitas per iridis ar-
cum, non quia unus effectus sit causa alterius, vel
e converso, sed quia uterque sequitur ex eadem cau-
sa, & ita mediante causa unus effectus indicat alium,
nam cum causa facit unum effectum, ex illo colligi-
mus, alium esse futurum. Solum posset instari de spe-
ciebus intentionalibus, vel notitiis, quæ repræsen-
tant objecta, licet non sint effectus eorum: at illa
repræsentatio non est per inquisitionem ex medio
cognito, de qua nunc tractamus, sed est effectiva,
vel formalis repræsentatio tanquam medium inco-
gnitum, ut vocatur, quæ præfenti instituto non
servit. Atque ita tandem concluditur, tunc inquisi-
tionem naturalem non esse vanam, quando est per
causam, vel effectum, ac subinde tunc esse vanam
inquisitionem, quando sit per medium inutile, id est,
quod non habet sufficientem connexionem cause, vel
effectus cum re, quæ investigatur. Hæc est ergo pri-
ma, & præcipua conditio necessaria, ut in cognitio-
ne alicujus effectus occulti pactum implicitum inter-
veniat.

5 Atque hinc fit, ut juxta varia media inutilia, &
vana, quæ solent esse in usu divinatorum ad res futuras,
& incertas, vel aliter occultas prædicendas, variae
etiam distinguantur species hujus divinationis per pa-
ctum implicitum, quæ quidem materialiter diversæ
sunt, & inde varia nomina accipiunt: in ratione au-
tem pacti impliciti, atque adeo in ratione supersti-
tiosis eandem rationem formalem habere videntur.
Unde e contrario multæ ex his speciebus in materia
conveniunt cum speciebus divinationum, quæ fiunt
per pactum expressum, quia eadem signa possunt utri-
que pacti deservire. Solent autem dividi quasi spe-
cies subalternæ sub illo genere, una vocari solet
Aururium in lata significatione sumptum: alia *Sor-
tilegium*. Prior fit per inspectionem aliquarum re-
rum, vel figurarum, aut effectuum naturalium, ex
illis colligendo, & prædicendo effectus alios, cum
quibus non habent connexionem. In quo genere pri-
mo numeratur *Judiciaria Astrologia*, quæ Genethliaci
utuntur: item, *Insomnium*, *Auspicium*, *Omen*,
& *Aururium* stricte sumptum. Quæ quidem fere no-
mina etiam in cap. præced. explicuimus, quia illa
signa, & similia accipi possunt ex conventionem cum
dæmone, & pacto expresso; quando vero sine tali
pacto accipiuntur, ut media cognitionis, ad vanam
inquisitionem spectant, & pactum implicitum indi-
cant. Adhuc etiam hic *Chiromantia*, quæ est di-
vinatio futuri eventus ex inspectione lineamentorum
manus: *Metoposcopia*, quæ divinat in fronte: *Spa-
tulamantia*, seu *Huromantia*, quæ in dorso, seu
scapulis fit, *Physiognomia*, quæ fit in figura, &
signis

Non esse
addeodū
tertium
medium;
quando
sc. signa-
tum con-
tinetur
in signo.

Species
divinatio-
nis juxta
varia me-
dia vana
distingui-
untur.

Numerā-
tur variae
divinatio-
num spe-
cies.

signis totius humani corporis, & præsertim totius faciei. Altera species hujus divinationis fieri dicitur per observationem aliquarum humanarum actionum, ex quarum eventu, vel inspectione aliquid divinatur, inquiritur, aut creditur, quod nullam habet cum altero effectu, vel eventu connexionem naturalem: sub quo genere varii modi referuntur, sed omnes continentur sub *Sortibus vanis*, quocumque modo constriuantur, ut ex D. Thom. d. qu. 95. ar. 3. & 8. intelligere licet, & infra in particulari explicabimus.

6 Sed circa omnia ista genera, vel nomina divinationum advertendum est ex supra dictis, accipienda esse, vel quantum ad illos effectus, qui ex talibus signis nullo modo deduci possunt, vel saltem quoad eum modum cognitionis, qui ex vi talium mediolorum comparari non potest: nam hoc necessarium est ad vanam inquisitionem, ut declaratum est. Unde si ex signo sensibili, vel effectu viso per certam deductionem fundatam in aliqua ex habitudinibus supra explicatis, cognoscatur aliquis effectus, & solus ille inquiratur, cessat omnis ratio illicitæ divinationis. Sic ex Eclipsi v. g. prædicere alios effectus futuros, non est superstitiosa divinatio, quia non sumitur Eclipsis in ratione puri signi nullam habentis naturalem connexionem cum talibus effectibus, sed ut effectus ortus ex tali causa astrorum, ac cælorum concursu, & ex quo alii etiam effectus sequi solent. Sic enim diximus, unum effectum alicujus causæ posse indicare alium effectum ejusdem causæ. Simili modo, si ex aliqua causa possit conjectari probabiliter aliquis effectus, non tamen possit certo cognosci, & per tale medium solum inquiratur secundum illum gradum cognitionis, non est illicita divinatio, ut si quis observet fugam, vel cantum avium, ut inde conjectet, an pluvia sit futura, non est divinatio, ut docuit D. Thom. d. qu. 95. ar. 7. ad 1. ex illo Jere. 8. *Milvus in cælo cognoscit tempus suum, &c.* Idem enim est in similibus, Tales etiam sunt divinationes, & conjecturæ medicorum ex signis, quæ in corporibus observant: idemque est de aliis, quorum ratio constat ex dictis. Voces ergo illæ, quibus significantur vanæ artes, seu observantiæ hujus divinationis, in malam partem accipiuntur, quatenus vitium significant: & in hoc omnes conveniunt: quod spectant effectum aliquem, vel objectum sensibile sub pura ratione signi alterius effectus, quam inquirunt sine ulla consideratione alterius connexionis, vel habitudinis causæ, & effectus inter se, vel plurium effectuum ad eandem causam. Et hoc est quasi formale constitutum hujus vanæ inquisitionis, quando in divina revelatione non fundatur.

7 Uterius enim addere oportet alteram conditionem, quasi negativam, necessariam ad vanam observationem alicujus signi ad aliquid cognoscendum, nimirum quod illud signum non habeat impositionem a Deo. Nam si illam habeat, clarum est, non esse vanum, tale signum observare ad cognitionem acquirendam, quia potest per illud signum occulta veritas agnosci, sicut per scripturam. Deus enim auctoritatem habet ad imponendum aliquid ad significandum placitum suum, ut per se constat. Significat ergo aliquid esse futurum, si a Deo impositum est, sed talis significatio non potest non esse vera, si a Deo imponitur, quia Deus non potest mentiri: & tunc imponendo illud signum per illud loquitur, & affirmat, talem effectum esse futurum, vel esse in tali loco; ergo. Sicque non superstitiose, sed sancte divinatur, qui viso arcu cæli, credit, non esse tantam futuram pluviam, ut dissipet terram, quia Deus illum pro signo posuit. Gen. 9. Et id fatis est, si illa significatio etiam fundetur in naturali aliqua connexionem illorum effectuum in causa, siue non, sufficit enim solum verbum Dei.

8 Unde hæc significatio, quam divinam possumus appellare, interdum esse potest per expressam revelationem publicam, & canonicam: sicut est illa, quæ sit in scriptura, ut in exemplo dato, & in signis adventus Spiritus S. in die Pentecostes, quæ vere, sufficienterque significabant effectum naturaliter oc-

cultum, supposita præcedenti Christi promissione, & prædictione. Aliquando verb potest talis impositio cognosci per privatam revelationem expressam, & sæpe per internum Spir. S. instinctum. Sed in his casibus oportet examinare spiritus, an a Deo sint. Non desunt tamen in Scriptura hujusmodi signorum exempla, quæ inferius tractando de aliquibus ex prædictis divinationibus, afferemus. Et hoc modo nonnunquam sancti viri ex uno verbo obiter audito, aut lecto signum divinæ voluntatis, aut specialis providentiæ ad dirigendas suas actiones accipiunt, non per vanam ominationem, sed per instinctum divinum, ut prudentem, & probabilem conjecturam, ut legi potest apud Aug. lib. 18. confess. cap. 12. & Greg. Turon. lib. 2. Histor. Franc. c. 37. Quando ergo, vel certa inspiratione, vel probabili, & prudenti conjectura creditur signum provenire ex divina providentia, vel admonitione, cessat vanitas observationis. E contrario vero, ubi nulla est ratio præsumendi significationem divinam, & medium cognitionis de se inutile est, & ut signum tantum accipitur, vana est inquisitio.

9 Jam vero superest explicandum, an eo ipso, quod inquisitio est vana modo explicato, interveniat pactum implicitum dæmonis, & an hæc sit sola præsumptio, vel revera tale pactum existat, & in quo consistat. Ratio dubitandi esse potest, quia licet aliquis inquirat cognitionem veritatis occultæ in re, vel ex medio, unde cognosci non potest, potest id facere ex quadam stultitia, aut vanitate: ergo non est, cur statim præsumatur rationabiliter, ac prudenter pactum implicitum cum dæmone, & licet de facto præsumatur, non oportet, ut ita sit. Præterea, pactum implicitum supponit explicum, quomodo enim intelligi potest, aliquem operari ex pacto implicito, nisi operetur in virtute alicujus pacti expliciti, quod præcessit? Quid enim est pactum illud implicitum, si non sit veluti moralis virtus relicta ex pacto explicito? Certe explicari non potest. At supponimus, eum hominem, qui sic operatur, non habuisse unquam pactum explicum cum dæmone; ergo non est possibile, nedum necessarium, ut operetur ex pacto implicito. In contrarium vero est, quia talis usus divinationis, inquirendo veritatem occultam, unde sciri non potest, & credendo illam ex puris signis sine ulla connexionem medii cum re credita absque revelatione, vel speciali instinctu Dei, damnatur ab ecclesia, & a D. Thom. ut superstitio falsi cultus religioni contraria; ergo per illam transfertur divinus cultus ad dæmonem, quia non potest in alio consistere falsitas illius cultus, ut ex dictis constat. Ut autem cultus Dei tribuatur dæmoni, necessaria est aliqua societas, vel pactum cum illo, & illud non est explicum, ut supponitur; ergo oportet, ut sit saltem implicitum.

10 Dicendum ergo est, hoc pactum intervenire, quoties homo serio utitur his signis ad veritatem occultam per illa significatam inquirendam, & illam credit, quando juxta regulas alicujus artis divinatoriæ per illa media significatur, vel accedit cum animo adhibendi fidem talibus signis, quando illa observat. Hoc satis probat quasi a posteriori ratio moralis facta: nam actio illa, seu illud studium, prout a nobis explicatum est, grave, ac perniciosum crimen est, damnatum in pluribus locis Veteris Testamenti supra adductis. Additque Cajetan. dicto art. 2. etiam prohiberi a Paulo in Novo Testamento, & aludat, ut paulo inferius declarat, ad locum Pauli ad Galat. 4. *Dies observatis, & menses, & tempora, & annos, timeo vos, ne forte sine causa laboraverim in vobis.* Hæc enim verba intelliguntur a multis de observatione harum rerum, ut sunt signa futurorum. Quos secutus est Gratianus 26. qu. 2. §. Unde, post cap. 1. Et inde colligit Cajetan. hæc omnia esse per se mala, & ideo prohiberi, & non e converso ideo esse mala, quia prohibita. Sed esto, hoc ita sit, tamen ex testimonio Pauli non colligitur: nam verba illa commode intelliguntur de observatione caeremoniarum legalium, ut etiam Cajetan. ipse in Paulum intellexit: & Div. Thom. ibi lect. 4. dicit

Quando prædictæ spes repetantur in rerum cognitione

An inquisitio hoc modo vana constet pactum dæmonis implicitum

Ut observatio sit vana, necesse est, ut tale signum non habeat impositionem a Deo

Hanc divinam significationem varie fieri posse

Resolvit questio

dicit, quod licet prior expositio sustineri possit, quia veram doctrinam continet, non tamen est secundum mentem Apostoli. Nihilominus Patres illas observationes damnant, ut superstitiosas, & continentes tacitam idololatriam; unde sine dubio sentiunt ibi intervenire pactum implicitum, ut expresse declaravit Div. Thom. dicto ar. 2. & dicta Lection. 4. Testimonia autem Patrum legi possunt in Decret. 26. q. 1. & 2. cum sequentibus.

11 Modus autem hujus pacti in hoc solum videtur poni a D. Thom. dicto ar. 2. & 3. adjuncta expositione Cajet. quod ille, qui his vanis inquisitionibus uritur, ita se gerit, ut virtute velit dæmonem illis observantiis immisceri. At enim ad summum habetur, talem hominem se exponere periculo societatis cum dæmone, non vero quod jam utatur pacto implicito. Ut ergo declararetur hoc pactum, in primis supponendum est, hominem exercentem hanc artem, vel observantem talia signa, uti illis, ut utilibus ad cognoscendam rem occultam, & spe adinveniendi illam per hoc medium: & hoc vocavimus in assertione, *Serio his attendere, & cum animo adhibendi fidem*. Nam si quis aliquid hujusmodi faciat, non quia putet esse utile, nec quia sperat per illud medium scire veritatem, sed solum otiose querendo, quid casu accidat, vel quid designet tale signum juxta regulas talis artis, licet falsas, & nullius momenti eas esse credat: tunc constat, non operari ex pacto implicito dæmonis, nec esse ariolum, aut divinum, sed materialiter facere id, quod isti solent formaliter facere. Unde in eo modo operandi hæc, non est peccatum superstitiosis, sed otiosæ actionis, ideoque per se loquendo, & secluso scandalo, vel periculo per illa loca perveniendi ad seria, illud non est peccatum mortale, sed veniale, ut recte Cajet. supra notavit, & est communis sententia.

12 Deinde supponimus, eum, qui sic operatur, non ponere spem suam, aut fidem suam in divina revelatione, quia revera nulla est, ut supponitur. Neque isti illam somniant, neque in illa fundantur. Cujus signum est, quia utuntur regulis suæ artis, vel aliquibus traditionibus humanis. Hinc ergo aperte concluditur, eos tacite fundari in disciplina, & institutione dæmonis, & hoc est operari ex pacto implicito cum dæmone. Probatur hæc ultima illatio, quia non potest acquiri cognitio alicujus rei occultæ per aliquod signum, quod illam ex rei natura non significat, nisi quia significare creditur ex impositione alicujus habentis auctoritatem: sed in præsentia hæc signa non sunt naturalia, ut supponitur, & ostensum est; ergo, qui illis utitur, ut utilibus, credere esse imposita ad significandum ab aliquo habente auctoritatem, cui credendum sit, sed non sunt imposita a Deo, & consequenter nec a sanctis Angelis, ut constat; ergo a dæmone; ergo uti illis signis in virtute est a dæmone discere, & illi credere, & hæc est societas, aut pactum implicitum cum illo.

13 Et declaratur amplius: nam dupliciter potest quis uti rebus, & mediis, uno modo supponendo, & credendo, in eis esse utilitatem, & veram significationem, alio modo non supponendo utilitatem ex impositione jam facta, sed sperando habere illam ex superiori aliquo, & occulto instinctu, utroque autem modo intercedit pactum implicitum; ergo. Minor pater, quia in priori modo, qui magis usitatus est, procedit discursus factus, quod illa impositio non potest esse, nisi a dæmone. In posteriori autem modo, cum non possit illa revelatio sperari a Deo, necesse est, ut speretur a dæmone: immo si expresse ita fiat, magis videbitur esse pactum explicitum, quam implicitum, quia licet tale pactum in eo casu non præcedat, speratur tamen, & intuitu illius fit illa inquisitio, seu vana observatio. Vocamus autem hic pactum, non tantum quasi stabilem conjunctionem per mutuam promissionem, & obligationem, sed quamcumque societatem, & deprecationem, seu peritio-

xilii a dæmone, quandoquidem sub illa spe fit vana inquisitio. Neque est necesse, ut expresse speretur a dæmone, jam enim esset expressa invocatio, ut dixi, sed satis est, quod homo his vanis inquisitionibus intendat, spe cognoscendi futura, quia, ut D. Thom. ait, statim dæmon se ingerit, unde virtualiter, hoc est, quod homo affectat.

14 Tandem potest hoc pactum implicitum declarari, quia non potest homo his vanis inquisitionibus intendere animo, & spe cognoscendi futura via inventionis, sed via discipline: magister autem illius discipline non potest esse, nisi dæmon; ergo convincitur homo, quod tacite intendat doceri a dæmone, & hoc est pactum implicitum. Major declaratur, quia illud medium, quod ut signum veritatis occultæ, seu futuri eventus assumitur, neque est causa determinata ad illum effectum, ut supponitur, neque est effectus, a quo possit incipere cognitio, nam potius intenditur, ut terminus ejus: unde non est medium, sed conclusio scientia, nec est effectus habens in causa necessariam connexionem cum alio effectus, quia nulla talis connexio inter signum, & veritatem inquisitionis invenitur, ut in auguriis, & aliis similibus attributis in particulari demonstratur; ergo assumitur illud medium, ut purum signum. At hujusmodi signum inutile est ad acquirendam cognitionem via inventionis, quia non est signum naturale, sed ad placitum, ut supra declaratum est: omnis autem acquisitio cognitionis per signa ad placitum pertinet ad disciplinam potius, quam ad inventionem. Docetur enim homo ab illo, qui talia signa scripsit, vel primo imposuit ad talem significationem. Argumentum denique evidens est, quia cognitio acquisita per talia signa tota reducitur ad auctoritatem ejus, qui signa præbuit, & dixit, esse vera, & hoc, vel illud significare; nam in vi solius discursus, & luminis intellectualis ex rebus ipsis id colligi non potest.

15 Jam ergo probatur minor, quod solus dæmon convincatur esse auctor illorum signorum, seu falsæ impositionis, seu fictionis eorum, quia non est Deus, ut constat, nec homo creditur potens per se ad talem doctrinam tradendam, est ergo dæmon. Unde si doctrina illa per modum alicujus artis, & certis regulis contenta in aliquibus libris scripta continetur, a dæmone per aliquem ministrum suum scripta est, & qui nunc illam addiscunt, a dæmone docentur, sicut qui studet libris Augustini, ab Augustino docetur, & qui Scripturam legit, & credit, a Deo docetur. Atque hoc modo intervenit ibi pactum implicitum, & reducitur ad explicitum, quod cum aliquo primo enunciatore illius doctrinæ præcessit. Et ita responsum manet ad præcipuam rationem dubitandi.

16 Sed dicit aliquis primo, posse aliquem velle uti his vanis inquisitionibus, expresse intendendo non habere pactum cum dæmone, sed solum propter experientias aliquas, quæ ostendunt, futura ita evenire, sicut signa illa (quæ a nobis vana censentur) indicant, juxta regulas talis artis, vel juxta traditionem peritorum in illa. Neque iste sic illa utens attendit, vel curat, quomodo fuerint nota hominibus talia signa, sed ab hoc abstrahit, & ab omni pacto cum dæmone per expressam voluntatem suam, ut supponitur; ergo non potest sic operanti attribui pactum implicitum. Secundo fieri potest, ut sic operans opinetur, talia signa non fuisse demonstrata a dæmone: sed vel a Deo fuisse sic instituta ad significandum, sicut Origenes existimavit de signis cælestibus, vel casu esse inventa, & postea usu compertum esse vera significare, & habere illam significationem permanentem; ergo qui sic illis utitur, non proficitur pactum implicitum cum dæmone. Denique, qui non probatur malus, bonus præsumitur juxta regulam juris; ergo si aliquis revera nesciat, talia signa esse ex traditione, & societate dæmonum, & ideo velit illis uti, quia non probatur habere malam originem, sed occultam, ille talis non proficitur pactum implicitum cum dæmone. Hoc autem modo videntur illis uti omnes homines, qui non

Declaratur
amplius
hoc pactum
implicitum

Solum
dæmonem
esse auctorem
illorum
signorum

Object. 1.

2. Object.

In quo
constat
hoc pactum
triplex.

Uti his
signis, non
cum animo
adhibendi
illam fidem, sed
solum est
veniale

Semper
fundatur
istud super-
stitiosum in
doctrina
dæmonis

Duplex
modus
utendi his
mediis

habent expressum pactum cum dæmone: ac subinde falsum est dicere eo ipso, quod aliquis utitur his signis, & inquisitionibus, nesciens esse a Deo, profiteri pactum implicitum cum dæmone.

Respondetur ad primam objectionem.

17 Ad primum responderetur, interdum per crassam ignorantiam, vel incogitantiam velle aliquem contraria. Unum in se, ac formaliter, aliud virtute, & in alio. Sic ergo accidit in illo casu; nimirum licet is, qui voluntarie utitur talibus inquisitionibus vanis, explicite dicat, se nolle pactum cum dæmone, implicite vult illud: & licet nolit expressum pactum, de facto vult tacitum, quia vult uti illis mediis ut utilibus, cum tamen utilitatem habere non possint, nisi intervenit dæmonum. Nec refert, quod credat, illa esse nulla propter experientiam; nam hoc ipsum est credere, ex consortio cum dæmonibus habere utilitatem, quia illæmet experientiæ ab ipso dæmone procuratæ sunt, ut homines ab eo decipi credant illa esse utilia: ut enim supra ex Aug. notavi, dæmones aliquando vera enunciant, ut auctoritatem sibi concilient cum hominibus, & ita securius illos decipiant. Vide Aug. d. lib. de divin. dæm. a. c. 3. & l. 2. Gen. ad lit. c. 17. & l. 5. de Civ. Addo præterea illam experientiam valde fallacem esse, quia revera multo frequentius inveniuntur falsæ illæ prænuntiationes, quam veræ; nam veræ notantur, & numerantur, quia paucæ sunt; falsæ vero innumerabiles sunt. Quod etiâ Phavorinus agnovit apud Aulum Gellium lib. 4. Noct. c. 1. & Cic. lib. 2. de divin. Et rursus ex illis, quæ vera eveniunt, multa sunt casu, & quasi forte, ut ait Aug. 7. lib. Confess. c. 6. Regulariter autem iste casus est in paucioribus, ut dixi, & ad summum utrumlibet ex vitalium signorum: & ideo si quid amplius ex illis signis docetur, & creditur (ut revera creditur ab Ariolis) totum id fundatum est in tacito pacto, & operatione dæmonis. Neque excusantur isti, dicendo se non curare, unde talis doctrina originem traxerit: tenentur enim hoc curare, & eo ipso, quod non curant, & nullam probabilitatem habent, quod sit a Deo, voluntarie ignorare se fingunt, quod a dæmone sit, & virtute volunt illa uti, etiam si a dæmone sit.

Satisfactio secundæ

18 Ad secundum jam supra dixi, considerandum esse, quid per se conveniat actioni, non quid possit excusare ignorantiam. Qui ergo crediderit, talia signa esse a Deo creata, & instituta ad significandum naturaliter, etiam sine ulla connexionem causæ, vel effectus, in re ipsa valde decipietur, & materialiter saltem id faciet, quod de se includit tacitum pactum cum dæmone: ipse vero excusari poterit, vel a toto, vel a tanto juxta gradum ignorantie. Non enim videtur impossibile, aliquando esse invincibilem, licet regulariter valde crassa videatur: id tamen ex generalibus regulis de ignorantia discernendum est, ut recte dixit Cajet. supra, quia non potest particularis regula certior dari. At vero, qui non putat illa signa esse a Deo, & ducitur propter usum, & consuetudinem, & experimentum verorum eventuum, non excusatur, ut dixi: quia totum id ad experientiam reducit, quæ ex industria, & societate dæmonum provenit, ut declaravi.

Solvit. 3.

19 Ad tertium nego, non probari has artes habere malam originem, quia non solum negative nescitur, unde sint, sed etiam positive scitur, esse a dæmone, hoc enim probant discursus supra facti, quod non continent scientiam inventionis per discursum, sed traditionis per disciplinam, quæ fidem præbet docenti, & ejus tantum auctoritate fundatur. Similiter dico, in his artibus non solum nesciri, an sint a Deo, seu non sciri, quod sint a Deo, sed etiam sciri, quod non sint a Deo, non solum quia Deus id docet, & profertur in Scriptura, derelictas tales artes, sed etiam quia frequentius illa signa fallunt, & continent mendacium, & quia nihil pietati deserviunt, sed potius occasionem præbent committendi multa flagitia. Unde talia signa nec viris sanctis revelata sunt, nec probi illis utuntur, sed flagitiosi homines, incantatores, & similes. Notat etiam Aug. lib. 2. de Doctr. Christ. c. 24. talia esse hæc signa dæmonum, ut non significent, nisi consensus observantis accedat. Ideo

enim (inquit) augures id agunt, ne videant volatus, aut audiant voces avium, ne scilicet sibi aliquid mali significant esse. Unde non obscure constat, totum hoc ex pacto cum dæmone. Igitur non possunt tales artes præsumi bonæ, vel indifferentes, nec alterius doctrinam continere, nisi dæmonis. De quo vide plura apud Aug. supra, & 5. de Civ. c. 17. Orig. lib. 6. & 7. contra Celsum, Euseb. lib. 5. 6. & 10. de præpar.

C A P U T X.

Expediuntur nonnulla difficultates circa superiores divinationum species.

1 Prima dubitatio est, an hæc divinatio per pactum implicitum in ratione superstitionis differat specie ab illa, quæ est per pactum expressum. Aliqui absolute affirmant, differre specie in genere vitii, & mali moralis: quod significat D. Thom. art. 3. in corpore, & ad 1. Difficile vero est, hanc sententiam persuadere, quia tacita, vel expressa voluntas, aut pactum implicitum non solent morales actus distinguere in specie morali: sicut professio tacita, & expressa ejusdem speciei sunt, & sic de aliis. Deinde in illis superstitionibus est eadem participatio idololatriæ, & privatio ejusdem honestatis religionis: cur ergo distinguuntur morali specie? Quare in rigore loquendo probabile est, non distingui, sed solum ut actus perfectus, & imperfectus, completus, vel incompletus intra eandem speciem. Nihilominus tamen in ordine ad praxin, præsertim in ordine ad conversionem, & ad pœnas, seu censuras, & ad præsumptionem de hæresi, & alios similes effectus, non dubito, quin perinde sit de illis censendum, ac si essent distinctæ speciei. Quia certissimum judico, ubi pactum expressum cum dæmone intercessit, explicandum esse in confessione, quia longe diversum judicium faciendum est de illo peccato a confessore, quam de alio, & sic de aliis. Et quoad hoc verissimum est, quod D. Thom. ait d. art. 3. ad 1. *Multo gravius esse, dæmones invocare, quam aliqua facere, quibus dignum sit, ut se dæmones ingerant.* Hoc enim declarat bene majorem gravitatem notabilem in confessione explicandam, sed non specificam diversitatem in rigore; tum quia committere peccatum aliquod, v. g. fornicationem, & exponere se morali, ac proximo periculo illius, ejusdem speciei sunt, & ita possunt esse in præsentia; tum quia in pacto implicito etiam est invocatio dæmonis, vel usus, & credulitas doctrinæ ejus, quod perinde est.

An divinatio per pactum explicum differat specie ab ea, quæ sit per implicitum

2 Simile dubium est, an sub aliquo ex dictis membris distinguenda sint plura vitia superstitionum specie distinctarum. Aliqui enim censent, in his vanis observantiis, quæ continent implicitum pactum, specie distinguenda, quæ observant signa, quæ in rebus ipsis sine industria hominis præexistunt, ut sunt Astrologia judiciaria, augurium, & similes, ab his, quæ utuntur vanis actionibus humanis, ut ad fortes pertinentibus. Nam D. Thom. etiam dicto art. 3. hæc ponit, ut genera distincta superstitionum. Sed certe D. Thom. sicut distinxit hæc genera, ita etiam distinxit sub unoquoque illorum plures species quasi ultimas. Quod si hæc non sunt veræ species morales distinctæ in genere vitii, & mali moralis, certe non est, cur inter illa duo superiora capita distinctio propria, & essentialis, quasi specierum subalternarum intercedere credatur. Deinde sub genere superstitionis hujus, quæ sit cum pacto expresso, non distinguuntur plures species formaliter diversæ, sed tantum materialiter; ergo nec sub altero de pacto implicito: nulla enim apparet sufficiens ratio differentie. Denique non minus unum, & simile est medium ad cognoscendam veritatem occultam, quod allumitur in augurio, quam quod sumitur in fortibus, & e converso; nec in ordine ad injuriam Dei multum videtur referre, quod credatur dæmoni loquenti per signum factum ab homine, vel datum in dispositione aliarum rerum; ergo hæc materialis diversitas signorum non magis videtur sufficere ad

An distinguenda sint sub his membris plura vitia specie distincta

ad specificam diversitatem malitiarum, quam multiplex alia varietas, quæ in hoc genere divinationum reperitur.

Obiectio 3 Sed obijci potest ex D. Thom. quia hæc signa as-
sumuntur ut principia cognoscendi, diversitas autem
principiorum diversificat speciem etiam in scientiis
demonstrativis; ergo & hic. At hæc ratio non minus
probat de omnibus speciebus horum signorum in par-
ticulari, quam de illis duabus generalibus augurio-
rum, & sortium. Deinde in neuris ostendit di-
versitatem formalem in genere viui moralis, sed ad
summum in genere cognitionis: & præterea etiam
in cognitione, licet ostendat diversitatem quoad ap-
prehensionem, non vero quoad iudicium de re signi-
ficata, si detur. Ut licet Deus revelet veritatem oc-
cultam per varia signa verborum, scripturarum, vel
rerum, vel actionum humanarum, qualia in Pro-
phetis inveniuntur: nihilominus assensus, qui ejus
testimonio datur, ejusdem speciei est: ita ergo cre-
dere demoni danti signum, ejusdem rationis est,
licet signum sit materialiter diversum. Et ob eam-
dem causam uti signo in demonis auctoritate funda-
to, tanquam utili ad cognoscendam veritatem, pa-
ctum implicitum continet ejusdem rationis, etiam si
signa sint materialiter diversa. Unde Aug. lib. 2. de
Doct. Christ. cap. 23. & 24. postquam omnia dicta
signa numeravit, concludit: *Quæ omnia tantum va-
lent, quantum præsumptione animorum, quasi commu-
ni quadam lingua, cum demonibus foederata sunt.*
Omnia ergo habent linguam ejusdem rationis in ra-
tione mali, & in fallacia loquentis per illa, licet ma-
terialiter varia sint.

Quæram 4 Tertium dubium esse potest circa hanc eandem
divisionem bimembrem divinationis cum tacito pa-
cto, in augurium, & sortilegium, an sit sufficiens?
Ratio autem dubitandi est, quia præter illos modos
invenitur alius præfagiendi futura ex signis aliquibus
occurrentibus, qui vanus est, & superstitiosus sine
expresso pacto, & ad neutrum illorum pertinet.
Assumptum patet in illa, quæ dicitur vana observa-
tia eventuum ad actiones proprias moderandas, vel
timendas, vel sperandos futuros successus, ad quos
tales eventus nihil conducunt. Hujus vanitatis mul-
ta exempla ponit Aug. lib. 2. de Doct. Christ. cap. 20.
*Si membrum (inquit) aliquod salierit, si junctim
ambulantibus amicis, lapis, aut canis, aut puer me-
dius intervenerit.* Et infra, *limen calcare, cum ante
domum suam transiret: redire ad lectum, si quis, dum
se calciat, sternutaverit: redire domum, si proce-
dens offenderit.* In omnibus enim his invenitur qui-
dam modus opinandi de futuris ex signis inutilibus,
qui pertinet formaliter ad generalem rationem divi-
nationis, ut ex ejus declarationibus constat. Quod
autem sub illis duobus membris non comprehendat-
ur, patet, quia non fit per inspectionem effectuum
provenientium ex dispositione rerum naturalium,
nec ex humanis actionibus ad eum finem factis. Pot-
est vero aliquis respondere, illa omnia non pertinere
ad divinationem, quia divinatio fit quasi ex instituto,
dum homo quærit signa, unde divinaret, quod in illis
observantiis non fit, sed casu signa eveniunt. Et præ-
terea divinatio ordinatur ad cognitionem, illæ autem
observantiæ potius ad diridendas operationes refe-
runtur. Unde D. Thom. in tota quæst. 95. illarum
non meminit, sed eis peculiarem locum tribuit in
quæst. 96. ar. 3.

Comme- 5 Nihilominus assero, illas omnes vanitates ad
divinationem reduci. Ita sentit D. Thom. in d. artic.
Et optimam reddit rationem, quia illi eventus solum
observantur, ut signa, cum tamen neque ex divina
impositione significant; ergo ex dæmonis indu-
stria; ergo omnis credulitas, quæ illis datur, acci-
pirur ut divinationis dæmonis. Et ideo nihil refert,
quod talia signa non sint quæsitæ, & causa oblata;
tum quia satis est, quod voluntarie acceptentur, &
credantur; tum etiam quia licet præsens eventus ca-
su accidat, tamen æs divinandi ex illo instituto quæ-
sitæ, & comporata supponitur. Neque item refert,
quod talis observatio ordinetur ad dirigendas actio-
nes; tum quia inde solum fit, ut cognitio illa sit præ-
Suares. Tom. XII.

ctica, non tamen, quod non sit cognitio, quod sa-
tis est ad divinationem, super vana fiat de occultis;
tum etiam quia illa ordinatio solum est ex parte scien-
tis, seu addiscentis; hoc autem modo vix est ulla
divinatio, quæ non ordinetur ad actionem. Addit
vero D. Thom. supra, hanc divinationem reduci ad
illam, quæ fit per astra, quod maxime verum est
de omni vana observatione dierum hebdomadæ,
mensis, aut anni, reputando quosdam faustos dies,
alios infaustos ad aliquas actiones sine ullo fun-
damento, quia ex astris sumitur varietas dierum.
At vero alia omnia, in quibus observantur fortuiti
eventus, sub omine continentur. Unde Chrysost.
homil. 21. ad populum circa finem: *Et quid tandem
(inquit) sunt omina? sæpe domum quis suæ egres-
sus hominem vidit unoculum, vel claudicantem, &
ominatus est;* & infra: *Si virgini occurreris, sterilis
dies erit: si vero meretrici, dextera, & bona, & mul-
ta mercatione plena.* Unde etiam potest hæc divina-
tio vocari augurium lato modo, quia ex motu, situ,
aut aspectu alterius rei occurrentis fit: & quod casu
occurrat, vel ex industria quærat, est impertinens
ad rationem signi ex consortio dæmonis habentis au-
thoritatem, ut dixi.

8 Est ergo in hac vana observantia idem genus
peccati, ac subinde ex suo genere eandem habet gra-
vitatem, licet ex ignorantia possit esse veniale.
Immo Cajet. d. art. 3. & in sum. ver. *Superstitio ob-
servantium*, censet, ordinarie esse veniale, quia ex
quodam simplicitate fit absque præsumptione mali, aut
pacti cum dæmone. Immo addit, posse fieri sine ullo
peccato, quando ex præfenti occurfu concipitur sus-
picio alterius mali eventus ex causa utrique commu-
ni. Sed hoc posterius tunc habet locum, quando illa
conjunctio in communi causa potest in aliqua proba-
bili ratione fundari juxta doctrinam superius datam,
alioquin nulla est ratio excusationis. Deinde fieri po-
test, ut aliquis non præbeat definitum assensum de fu-
turo effectu ominato, sed solum quod ex vano quo-
dam timore concepto, vel alia simili levi voluntate,
cesset ab actione, vel aliam inchoet, &c. Et tunc fa-
cile potest credi, solum committi culpam venialem,
per se loquendo, & secluso scandalo, aliisque circum-
stantiis. At si quis definire credat, futurum tristem
eventum, quem præfagit solum propter vanam ob-
servationem, non possumus peccatum illud a mali-
tia gravi excusare, nisi maxima sit ignorantia, & ru-
ditas personæ.

7 Ultimo vero dubitari potest, an omnes species
numeratæ in hoc genere divinationis, quæ sine pacto
expresso fit, sint ita intrinsece malæ, ut seclusa etiam
positiva prohibitione Dei, vel ecclesiæ, honestari
non possint. Et ratio dubitandi esse potest, quia in
Scriptura videntur sæpe nonnullæ istarum Divinatio-
num approbatæ, ut cum servus Abraham Gen. 24.
dixit: *Puella, cui ego dixero, inclina hydriam tuam,
ut bibam, & illa responderit, Bibe Domine, quin &
camelis tuis potum tribuam, ipsa est, quam prepara-
sti servo tuo Isaac.* Plane ominatus est, unde inferius
subditur: *Ipse autem contemplabatur eam tacitus,
scire volens, utrum prosperum fecisset Dominus iter
suum, an non.* Ecce observationem ad omen, vel
augurium pertinentem, & tamen non fuit mala, sed
potius a Deo per ipsum effectum approbata. Similiter
Jonathas 1. Reg. 14. pergens contra inimicos cum ar-
migerio suo conditionem posuit: *Si dixerint, Mane-
te, &c. stemus, si autem dixerint: Ascendite, ascen-
damus, quia tradidit illos Dominus in manibus no-
stris;* quæ verba plane sunt omniatæ. Similiaque
sunt, quæ dixit David ad Jonatham 1. Reg. 20. *Si
dixerit, Bene, pax erit servo tuo: si autem fuerit
iratus, scito, quia completa est malitia ejus.* Ecce
prædicti omni occultis effectus ex signis valde incerto,
in quo nulla connexio, vel ratio cause, vel effectus
referitur. Præterea est manifestum exemplum 1.
Reg. 6. ubi sacerdotes, & Divini Philistinorum
dederunt signum de Arca Domini: *Si per viam
finium suorum ascenderit contra Bebsames, ipse fecit
nobis hoc malum grande: sin autem minime, sciemus,
quia nequaquam, &c.* Quod signum ex se nullius mo-
menti

In iis ob-
servatio-
nibus idē
genus pec-
cati est.

Veniale
peccatum
solum in
his sæpe
datur

An he
omnes
species si-
ne prohi-
bitōe
etiam sine
malis in-
trinsecis.
Ratio du-
bitandi.

menti videri poterat, & tamen divina providentia illud probasse videtur. Præterea Joseph erat vir sanctus, & tamen auguriis, & augurandi scientia usum fuisse, testatur ipse, & dispensator ejus, Genes. 44. Denique aliqui utuntur loco Job. 37. *Qui in manu omnium hominum signat, ut singuli noverint opera sua.* Referuntque illa verba ad lineamenta manuum, ut inde suadeant, non esse per se malum, ex lineis, & signis manuum futura divinare. Est autem eadem ratio de similibus.

Error
Rabbi
Kimhi

Divina-
giones
has omnes
esse in-
trinsece
malas

8 Circa hoc notari potest quidam error Rabbi David Kimhi, quem refert Abul. 1. Reg. 14. qu. 4. Qui dixit, auguria, quæ observantur in animalibus, & aliis similibus, esse semper illicita: omnia vero, quæ sumuntur ex verbis humanis, non semper esse illicita: movebaturque ex nonnullis testimoniis adductis; rationem vero differentiarum non assignabat. Sed hæc sententia falsa, & erronea est, ut ibi late Abul. ostendit: quia in universum damnantur, & prohibentur omnia talia omina in Scriptura: nec est ulla probabilis ratio illa excipiendi. Item quia in eis est eadem ratio malitiæ, quia non minus sunt signa incerta, & vana: & ita æque damnantur a patribus tanquam pertinentia ad reliquias idololatriæ. Quocirca generaliter dicendum est, hoc genus divinationis intrinsece malum esse, nunquamque honestari posse, si rationem divinationis a nobis explicatam retineat: Hæc sententia fumitur ex D. Thom. dicta quæst. 95. art. 2. & 3. Quam fusius, quam ceteri, explicuit Cajet. in art. 2. docens hoc vitium esse prohibitum, quia malum, & non e converso, quem omnes sequuntur: & rationibus supra factis, quibus malitia hujus vitii explicata est, hoc satis convincitur. Et consequenter idem probant testimonia Patrum relata 26. qu. 1. & seqq. Si ergo hoc vitium prohibetur, quia malum, aperte sequitur, esse intrinsece malum, quia non aliunde, quam ex propria materia, & conditione deformitatem habet. Quapropter quæviscunque aliqua actio materialiter similis (ut ira dicam) videtur concessa, seu approbata, signum est, non fuisse usurpatam cum conditionibus requisitis ad propriam divinationem, ac subinde nullum pactum implicitum cum dæmone inclusisse. Duas autem conditiones necessarias supra posuimus. Prima erat, ut non observetur effectus, vel causa, ut revera talis est, sed tantum sub ratione signi. Secunda, ut non observetur tanquam signum a Deo acceptum, seu inspiratum. Ubi ergo ista duo concurrunt, semper reprehenditur divinatio: e converso autem, ubi approbati videtur, aliqua illarum conditionum deest.

Solvitur
exemplū
servi
Abraha

9 In prima igitur quasi divinatione, & verbis servi Abrahamæ utraque conditio deesse potuit. Nam in primis verisimile est, illa verba protulisse peculiari instinctu Spiritus sancti, a quo in illo negotio gubernabatur, & non videtur dubium, quin ex magna fiducia in Deum illa verba protulerit, sperans peculiare patrocinium ejus ad eligendam sponsam futuram Isaac. Et hoc significavit D. Thom. d. q. 95. art. 7. ad 3. dum dixit: *Eliezer attendisse verba puellæ, oratione præmissa ad Deum.* De qua oratione bis fit expressa mentio in d. c. 24. Gen. Et idem sentit Augustin. lib. 1. quæst. in Genes. quæst. 63. dicens, aliud esse, mirum aliquid petere, quod ipso miraculo signum sit, aliud hæc observare, quæ ita sunt: *Ut mira non sint, sed a conjectoribus superstitionis vanitate interpretentur.* Hoc ergo postea ait pertinere ad auguria: primum vero minime, & tale dicit fuisse factum Eliezer. De quo subjungit, magis posse dubitari, an reprehendi poterit, quia tentaret Deum, quam quod augurari videretur; ait tamen, nec tentationem Dei illam fuisse, sed consultationem, & sanctam petitionem ex instinctu ipsius Dei, qui idcirco orationem acceptavit, & omnia complevit, sicut servus petierat, ut ait Chrys. hom. 48. in Gen. qui etiam significat, potuisse Eliezer accipere signum illud, ut conjecturam probabilem candoris, & probitatis animæ illius Virginis: *Quia sciunt (inquit) Patriarchæ hospitalitatem, & quia Virginem inde ducendam congruebat iisdem esse moribus præditam, quibus iustus*

nullam aliam conjecturam inquit, sed characterem virginitatis animi hospitalitate colligere vult, & inquit, cui dixerit, &c. Non solum faciet, quod petivi, sed & candorem, ac liberalitatem mentis suæ declarabit, morum suorum mititatem satis ex aque præbitione ostendendo. Erat ergo signum illud per se etiam aptum ad prudentem faciendam ex illo conjecturam, tanquam ex effectu optimæ indolis, & virtutis non vulgaris. Possumus vero utrumque conjungere ex Abul. ibi, nam Eliezer & a Deo inspiratus hoc signum petiit, & tale signum petiit, in quo magna bonitas ostenderetur: *Ad quam nulla Virgo inclinaretur, nisi eam Deus specialiter inclinasset.*

10 Ad 2. de conditione posita a Jonatha cum armigero suo late respondit Abulensis supra dicta qu. 4. Er in summa dicit primo, affirmandum non esse, nec credendum, Jonatham in eo facto peccasse; tum, quia nec in Scriptura, nec a patribus reprehenditur; tum quia Deus approbasse videtur intentionem, & actum ejus, victoriam illi præbendo etiam miraculoso modo. Secundo sentit, eodem modo esse excusandum factum illud, quo proxime tractatum de Eliezer. Et sane, quod Jonathas non commiserit omen, vel augurium supersticiosum contra Deum, constat, quia non a dæmone, sed a Deo expectabat victoriam, ut patet ex illis verbis: *Non est Domino difficile salvare vel in multis, vel in paucis.* Ab eodem igitur sperabat instrui, mediante illo signo; sic enim concludit: *Ascendamus, quia tradidit eos Dominus in manibus nostris, hoc erit nobis signum.* Si ergo excelsus aliquis potuit esse in Jonatha, magis pertinebit ad tentationem Dei, quam ad superstitionem. Ab hac autem etiam excusatur, quia credendum est, id fecisse divino instinctu, & inspiratione, & præmissa oratione ad Deum, quamvis hoc expresse in Scriptura non referatur.

Excusatur
secundum
de condi-
tione pos-
ita a
Jonatha

11 Idem dici posset de verbis David, tamen ex alio capite intelligimus, illud non fuisse omen, sed humanam conjecturam prudentem, & probabilem; quia ex vultu, & verbis alicujus conjectari potest affectus odii, aut pravi animi; tale autem fuit signum a David datum, ut bene ibi exponit Abul. qu. 13. De signo autem dato a Sacerdotibus Philistinorum Abulensis 1. Reg. 6. 18. ait, eos non peccasse in eo facto, tentando Deum, quia non agnoscebant Deum Israel esse verum Deum; non tamen explicat, an peccaverint ominando, & utendo quodam signo de se incertissimo, cujus nullam probabilem rationem habere potuerunt. Maxime quia potuit Deus nulla speciali providentia dirigere vaccas, & accidere, ut per aliam viam irent, & falsum tunc esset signum illud, & rem, ad quam significandam assumebatur: possunt enim ire vaccæ per viam Bethsames, etiam si per impossibile Deus non fecisset illis documentum illud. Nihil ergo obstat, quin dicamus, Sacerdotes illos in eo peccasse, & ductos fuisse sua consuetudine augurandi, & consultandi etiam dæmones: Deum autem usum fuisse malitia eorum, & speciali providentia voluisse, ut vaccæ irent recta via, ad confusionem infidelium, & honorem, ac reverentiam suæ Arcæ conciliandum etiam ab hostibus. Nec etiam est, cur excusentur a peccato tentandi Deum; nam licet non crederent in hoc ipso peccabant, & habebant alia media, quibus sufficienter agnoscere poterant, virtutem divinam ibi intercessisse: unde sine dubio peccabant, novum signum querendo.

Explicat-
tertium
de verbis
David, &
quartum
de signo
dato a
Sacerdo-
tibus
Philisti

12 Circa verba Joseph, & servi ejus, omnes expositores pro certo supponunt, Josephum nunquam fuisse usum hujusmodi arte, quia iniqua, & intrinsece mala est, & quia ipse, cum interpretabatur somnia, spiritu divino id faciebat, idque suis verbis profitebatur Gen. 40. *Nunquid non Dei est interpretatio?* & c. 41. *Absque me Deus respondebit prospera Pharaoni.* Quocirca si verbum augurandi in proprio sensu intelligatur pro iniqua arte, tres sunt expositiones. Prima est, Josephum joco fuisse locutum; ita Aug. lib. quæst. in Gen. qu. 145. quem secutus est D. Thom. d. qu. 65. art. 7. ad 1. & Magister Histor. in Gen. Secunda est, Josephum quidem serio id de se affirmasse, & falsum dixisse, ut fratres cogeret ad veritatem dicen-

Joseph
nunquam
usus fuit
hac arte

dicendam, vel ut timorem incuteret: ideoque a peccato mendacii non excusari: illud tamen officiosum fuisse, non noxium, & ideo excusari a mortali. Quia licet videretur se graviter infamare, tamen fratres non illum agnoscebant, & putabant esse idololatram quemdam Principem, & ita nihil illi nocebat, quod etiam putarent esse augurem. Ita Abul. ibi. Tertia expositio est, non fuisse mentitum Joseph, sed amphibologia usum esse, interrogando: *An ignoratis, quod non sit similis mei in augurandi scientia?* In quibus verbis multiplex est amphibologia: una, quia interrogans non enunciat, nec affirmat aliquid: nam licet audientes possint illum sensum concipere, potest loquens illum non intendere, sed suo jure uti ambigueloquendo, quicquid Abul. contra Joannem Galensem objiciat. Altera amphibologia esse potuit in pronomine *Mei*, quia non id, quod erat, sed id, quod gerebat exterius, & esse putabatur, significare voluit: unde non affirmavit, se esse augurem, sed eum, qui in illo gradu honoris, & principatus esset collocatus, timendum fuisse, ut augurem. Ita fere Theod. q. 104. in Gen. Denique in illo verbo, *sit*, potuit esse amphibologia: nam secundum veritatem, vel secundum vulgi opinionem accipi potuit, ut sensus a Joseph inventus fuerit: *An ignoratis, quod nullus reputatur, & estimatur similis mei, &c.* Et hoc etiam significavit D. v. Thom. in prædicta solat. dicens: *Referens forte hoc ad illud, quod vulgus de eo opinabatur.*

Commo-
dior ex-
positio

13 Denique etiam in verbo *Augurandi*, potuit esse amphibologia, quæ mihi maxime placet, & stabit sententia, etiam si affirmanter, & serio accipiatur. Nam verbum augurandi late sumi solet, ut convertitur cum verbo divinandi, ut indifferens est ad præcognitionem futurorum, vel occultorum, sive pravam sive honestam, ut ex Cicerone, Plinio, & Arist. ostendit Perer. Gen. 44. disp. 1. Potuit ergo Joseph in hac significatione illo verbo uti, etiam si sciret a fratribus in alia esse accipiendum, permittendo in hoc falli absque suo mendacio. Ita Rupert. ibi, quem Cajet. sequitur, & Pererius ibi disput. 2. Qui recte advertit, non dixisse Joseph se habuisse scientiam augurandi in scypho, sic enim falsum dixisse, vel illud additum contraheret significationem verbi ad prava auguria, nam divina non fiebant in scypho. Quare servus, quia ita locutus est, non potest hoc ultimo modo excusari, sed vel juxta Augustini expositionem, vel concedendo illum fuisse mentitum.

Chyro-
maniam
quendam
naturalem,
& bonam,
aliam va-
riam

14 Ad ultimam objectionem ex loco Job 37. possumus in primis respondere, duplicem esse Chyromantiam, unam naturalem, quæ pars est Physiognomie, aliam Astronomicam, & vanam. Prior non omnino reprobanda est, si intra debitos limites se contineat, utendo signis, quæ sunt in manu, tanquam effectibus, ex quibus aliquo modo colligi potest corporis dispositio, & temperamentum, cui solent animi inclinationes accommodari. Altera omnino vana, & superstitiosa est, quia nullum habet fundamentum in natura, sed in figmentis judiciariæ Astrologiæ, ut late ostendit Valles c. 32. Sicæ Philosophiæ, & Martinus Del Rio lib. 4. disp. Mag. c. 3. qu. 5. Igitur licet quispiam contentiose velit verba Job intelligere de lineis, & dispositione manuum, de naturali Chyromantia id exponere poterit: nam ad alteram verba illa applicare, & vanum est, & sine fundamento, ac plane impium; nam est doctrinam vanam, & superstitiosam Spiritui sancto attribuire. Atque hoc in Summa late tradit Valles supra, & in fine addit mysticam expositionem non contemnendam, nimirum per ipsam manum, & figuram manus significatum esse homini, natum esse ad laborandum, & ad Deum adorandum, &c.

Manum
pro facul-
tate ope-
randi su-
mi in
Scriptura

15 Nihil vero est, quod nos cogat ad locum illum intelligendum de propria manu materiali, sed de potestate operandi; nam quia manus est organum organorum, pro facultate operandi solet in Scriptura sumi, juxta illud: *in manu Domini omnes fines terræ*, & illud, *Opera manuum ejus annunciat firmamentum*: & similia. Splerque sæpe significare liberam agendi potestatem, sicut paulo antea c. 36. in eodem lib. de Suarez Tom. XII.

Deo dicitur: *In manibus abscondit lucem, & præcipit ei, ut rursus adveniat*, id est, in sua libera potestate. De hac ergo exponuntur dicta verba in Commentar. Hieronymo attributis in eodem loco, ita ut sensus sit. *Qui in manu hominum signat*, id est, qui sui signum, & characterem posuit in libera hominis potestate ad agendum, *ut noverint singuli opera sua*, id est, ut unusquisque attente judicet, & discernat, quid sibi agendum sit. Vel ut alia litera habet, *ut noverit homo infirmitatem suam*: qua usum etiam est Concilium Milevit. cap. 7. huic favens expositioni. Quæ certe plausibilis est, & si cum antecedentibus, & sequentibus cohereret, non esset contemnenda. Verumtamen ibi loquebatur Elu de mirabilibus operibus Dei, in temporum varietate, & in tonitruis, variisque tempestatibus, quæ in orbe fiunt: & tandem dixerat: *Qui præcipit nivi, ut descendat in terram, & hyemis pluviis, & imbri fortitudinis suæ*; & statim adjungit: *Qui in manu omnium hominum signat*: id est, qui per has temporum varietates, & injurias, homines sæpe impedit, & quasi claudit manus eorum, ne laborare possint, *ut noverint singuli opera sua*: id est, ut curam habeant suorum operum, nec opportunum tempus laborandi amittant, cum tam facile, mutata cæli dispositione, impediri possint. Et huic sensui consonant sequentia verba: *Ingreditur bestialatibulum*, utique coacta eadem cæli intempérie: *Et in antro suo morabitur*, quasi ibi signata, & clausa, ne cibum quærere, nedum operari possit. Hoc ergo ipsum cum proportionem est, quod de hominibus dixerat, & verbum *Signare*, non sumitur, ut est idem, quod signò indicare, sed ut est idem, quod obsignare & claudere, ut est usitatum in Scriptura, prout late ostendit Pineda supra, qui erudite locum hunc in hanc sententiam explicat, quam expositionem etiam Martin. del Rio cum Olympiodoro, & Philippo Presbytero amplexus est.

C A P U T XI.

Quousque se extendat prohibitio ferendi judicium de rebus occultis, vel futuris per astrorum constellationes.

I Diximus in præcedentibus capitulis, divinationem tunc esse superstitiosam, & prohibitam, quando nec divinæ auctoritati, nec naturali connexioni effectuum cum suis causis, vel causarum cum suis effectibus est fundata; vel quando in hac ipsa investigatione modum excedit. Jam vero ad majorem hujus materiæ cognitionem possemus per singula signa hujus divinationis discurre, & expendere, quantum habeant connexionem cum effectibus, qui ex illis prædicuntur, ut ita clarius constet, quando divinatio ex unoquoque signo perniciofa sit. Sed ad rem moralem sufficere nobis visum est, de tribus in particulari dicere, scilicet de astris, fortibus, & insomniis, quia de his specialiter tractavit Div. Thomas d. q. 96. art. 5. 7. & 8. & quia magis pertinent ad materiam moralem, & theologiam: nam eorum occasione nonnulla jura humana, & testimonia Scripturæ explicanda sunt. De cæteris vero signis sufficiunt, quæ obiter tacta sunt, explicando generalem doctrinam; & qui plura desideraverit, legere poterit Martinum del Rio d. l. 4. c. 2. præsertim q. 6. tota, & q. 7. sect. 1. & 2. & c. 3. q. 2. 3. 4. & 5. & quos ipse allegat. Igitur de prædictionibus ex astris in hoc capite dicendum est, & explicandum, quando illicitæ sint, & in quo gradu, & genere peccati. Supponimus enim, non omnem prædictionem sumptam ex observationibus siderum esse illicitam: nam jura etiam ecclesiastica aliquam permittunt. Et ratio ipsa docet, cum cæli, & astra naturales causæ sint inferiorum effectuum, ab illis, ut tales sunt, aliquorum effectuum cognitionem desumi posse. Quia vero illæ causæ, & non sunt per se causæ omnium effectuum, qui in hoc orbe inferiori fiunt, & eorum, quorum sunt causæ, non semper sunt solæ, sed indigent aliarum cooperatione, neque etiam semper sunt efficaces, quia impediri possunt; ideo etiam est

Non om-
nis præ-
dictio ex
astris est
illicita

clarum, multos ex his effectibus non posse per astra cognosci, vel non cum certitudine. Eo vel maxime, quod licet astrorum virtus multum valere possit ad hos effectus, tamen est a nostris sensibus remotissima, & majori ex parte occulta, & ex hoc etiam capite necesse est, ut multi ex his effectibus nos lateant.

2 Hinc duplex Astrologia distinguenda est, una dicitur naturalis, altera judiciaria: quam divisionem de Astronomia tradidit Chrysost. orat. 9. ex noviter additis in 5. tom. Sed prior Astrologia naturalis, nomen Astronomiæ obtinuit, posterior Astrologiæ nomen retinuit, quamvis de se generalius esse videatur. De Astronomia ergo nulla est questio, constat enim esse licitam, sicut est Philosophia, cujus illa est pars. In hac vero Astronomia duo munia distinguere possumus, unum est cognoscendi naturam, proprietateque astrorum ex effectibus eorum diu observatis. Ad hoc etiam officium spectat investigare numerum astrorum, magnitudinem, velocitatem, vel tarditatem motus, stationem, retrogradationem, aspectus, & similia omnia, quæ non in futurum prædicuntur, sed in ipsis astris facta conspiciuntur, aut conjectantur. Aliud munus est, ex his, quæ per priorem investigationem de ipsis astris, & proprietatibus, ac motibus eorum inventa sunt, investigare, ac prænoscere aliquos effectus, qui in ipsis cælis eventuri sunt. Et huc spectant eclipsium prædictiones, aspectus, conjunctiones, & oppositiones varix futuræ in ipsis astris post plures etiam annorum revolutiones, & in his omnibus per se nullum est vitium morale: immo est inquisitio per se honesta, & utilis, quia ex principiis naturalibus procedit, & perficit mentem circa objectum satis nobile, & ad dirigendas exteriores actiones corporales per humanam providentiam potest esse utilis illa præcognitio.

3 Potest tamen in ea contingere vitium artis, seu cognitionis, quod est error, ac deceptio: nam hæc investigatio quoad priorem sui muneris partem sine dubio est valde incerta in multis rebus. Nam certe paucorum astrorum virtutes proprias cognoscere potest ingenium humanum naturali investigatione, quia non habet medium proportionatum sufficiens ad illam cognitionem acquirendam. Solum enim possumus ex effectibus discurrere ad has virtutes astrorum investigandas: effectus autem & pauci sunt respectu tantæ multitudinis stellarum, & ordinatæ posunt a variis sideribus provenire, neque homo potest facile invenire, an sint a Saturno, vel ab alio planeta. Potest tamen fieri in his probabilis conjectura post multam experientiam, & observationem, non tamen certum iudicium, nisi in paucis, & in his maxime, quæ a Sole, vel a Luna sunt, quia horum duorum planetarum influentia notior nobis est. Ex hoc ergo capite potest interdum contingere falsitas in hac investigatione, non tamen perniciofa, sed humana. Si quis tamen interdum excedat pro certis iudicando, quæ vix probabiliter cognoscit, id non pertinet ad superstitionem, sed ad imprudentiam, & temeritatem virtuti studiositatis contrariam. In altera vero sui muneris parte, quando prædictiones nituntur in solis motibus cæli, solet esse hæc investigatio & cognitio certissima, quia & motus illi uniformes sunt: & si aliquando videntur habere aliquam deformitatem, in illamet servant uniformitatem, & facilius cognosci potest: & ita potest cum certitudine supputari concursus, vel similis eventus futurus ex progressionibus talium motuum, neque in his contingit deceptio, nisi fortasse in supputatione error committatur. At vero quando prædictiones sunt de aliis effectibus futuris ex efficientia astrorum, major est incertitudo propter rationem tactam. Sed hoc jam spectat ad judiciariam doctrinam in generali sumptam, quam Astrologiam vocavimus: ideoque de Astronomia hæc sufficiant præsentis instituto.

4 Circa prædictiones ergo Astrologicas ad discernendum, an licitæ sint, vel illicitæ natura sua considerate oportet, quales sint effectus, qui per eas præ-

dicuntur. Possunt enim esse aut naturales, ac necessarii, saltem physice, id est, ut plurimum, vel frequentius: aut possunt esse mere contingentes, & casuales, etiam ex vi causarum naturalium; aut possunt etiam esse liberi, seu contingentes ex interventu aliquæ causæ liberæ, a qua effectus immediate, vel mediate pender. Rursus possunt hi effectus prædicti, vel in universali tantum, vel in particulari: & in hoc ipso potest esse magna varietas secundum majorem, vel minorem determinationem circumstantiarum prædictorum effectuum. Nam interdum potest esse tam generalis prædictio, ut a certis personis, & locis abstrahatur: aliquando possunt designari loca, & non personæ: interdum e converso prædicti potest effectus de persona in particulari, non vero pro determinato loco, vel tempore. Unde in his omnibus modis (si quis recte consideret) tanta potest esse abstractio, & universalitas, ut effectus non sit contingens, sed naturalis, & necessarius: nam si prædicat, Petrum esse moriturum, non effectum contingentem, sed necessarium prædicat. Ut ergo prædictio sit accommodata materiæ, de qua tractamus, oportet, ut sit determinate, & in particulari de aliquibus circumstantiis, quæ revera efficiant effectum contingentem simpliciter, id est, liberum, vel omnino casualem.

5 Dico ergo primo: Neque est per se malum, nec prohibitum, conjectare ex astris effectus naturales, qui per se proveniunt ex influentiis cælestibus, & ex ortu, & occasu, & concursu planetarum, vel aliorum astrorum, eorumque aspectibus, neque in hoc committitur divinationis culpa; potest tamen aliter peccari per excessum in hoc genere inquisitionis, aut credulitatis, aut in usu ejus. Prior pars hujus assertionis est Div. Thom. & communis: sumiturque ex Sixto V. in Motu proprio 21. *Cæli, & terræ creator Deus*, qui est contra judiciariam Astrologiam: ibi enim circa principium, dum damnat artes inventas ad prænoscentes futuros, & fortuitos eventus, limitationem interponit dicens: *Exceptis dumtaxat futuris eventibus ex naturalibus causis necessario, vel frequenter provenientibus, quæ ad divinationem non pertinent.* Nam ut supra diximus, divinatio in malam partem sumitur, & proprie tantum est de contingentibus, ac per se occultis. Et infra ferendo legem contra judicarios, addit: *Præterquam circa agriculturam, navigationem, & rem medicam.* Quia nimirum hæc artes utuntur observationibus horum effectuum futurorum, ac naturalium, ut sunt æstus, frigus, serenitas, tempestas, & similes. Et ideo fortasse Hier. in ep. 130. ad Paul. (& in Bibliis habetur loco præfationis) circa medium, alias c. 6. inter artes utilissimas generi humano ponit non solum Astrologiam, sed etiam Astrologiam, hanc scil. naturalem. Ratio vero est clara, quia hi effectus non sunt per se occulti, sed vere indicari possunt per suas causas: sed hujusmodi causæ sunt cæli, ut supponitur; ergo nec est per se malum, illos per tales causas investigare, nec est, cur hoc prohibeatur, cum ad usus vitæ humanæ admodum utile esse possit.

6 Altera vero pars assertionis declaratur supponendo hanc ipsam cognitionem talium effectuum, licet in se possibilis sit per astra, hominibus esse valde incertam, ac difficilem; tum quia, ut dicebam, pauca homo assequitur, & pauciora potest naturaliter certo cognoscere de virtutibus, ac proprietatibus stellarum; tum quia effectus non pendent ex una tantum, vel duabus stellis, sed ex multis, & sæpe stellæ fixæ possunt impedire actiones planetarum, & e converso: & licet concursus planetarum inter se facilius cognoscatur, non tamen concursus eorum cum stellis fixis, qui semper varius est propter motus octavæ, & nonæ sphaeræ: tum præterea, quia effectus hi non solum pendent a causis cælestibus, sed etiam ab inferioribus, nec solum a causis efficientibus, sed etiam a materialibus, ut a dispositione aeris, aquæ, ac terræ, non solum prout se habent in uno loco, sed etiam in diversis, quia sæpe excitantur ventorum motus in uno loco, qui in alio impediunt naturales effectus, quos ibi alia indicare videbantur.

His

Astronomiam licitam esse

In Astrologia facile contingit error

Discernendum est, an licitæ sint, vel illicitæ natura sua considerate oportet, quales sint effectus, qui per eas præ-

circum quos versatur Astrologia

Non esse malum conjectare ex astris effectus naturales

Cognitio per astra est valde incerta hominibus

His ergo omnibus prudenter consideratis, statim apparet, quam curta, & incerta possit esse cognitio; quod etiam experientia confirmat: nam multæ ac variae prædictiones, quæ quotannis de his effectibus fiunt, ac pervulgantur, magna ex parte inter se inveniuntur contrariæ, quod est signum magnæ incertitudinis, & multo majus est, quod singulæ inveniuntur majori ex parte deficere, & falsum prædicere: ut sæpe observavimus, & a viris in illa scientia doctissimis observatum est. Quocirca, ut prædictio talium effectuum prudenter fiet, non deberet esse omnino absoluta, sed cum limitatione; ut v.g. influentiæ cœlestes indicant serenitatem, aut pluviam; vel sub hac forma sterilitas, aut pestis imminet, aut valde timeri potest. Interdum vero solet experientia constare, frequentius evenire tales effectus ex talibus causis, raro autem impediri: & tunc magis possunt absolute prædici, nam illa verba semper patiuntur philosophicum sensum: idque maxime contingit, quando non solum constellationes cœlestes, sed etiam aliqua proxima signa in elementis, vel aliis effectibus naturalibus considerantur, & tales solent esse prædictiones nauticæ, & medicæ, ac similes.

7 Hinc ergo constat secunda pars assertionis: nam in hoc genere peccari potest aut verbis nimium absolute, aut nimia certitudine hæc prædicendo, aut credendo: est enim tunc temeraria assertio vel imprudens. Non videtur autem hoc peccatum, per se loquendo, ad superstitionem pertinere, quia nullum pactum implicitum ibi intervenit, sed levitas, & inconsideratio, firmiter adhibendo fidem indicationi unius causæ, non considerando alias, nec rationem habendo impedimentorum, quæ occurrere possunt, ut frequenter contingit, ipsa etiam experientia teste. Dices; quod ergo peccati genus hoc est, vel contra quam virtutem est illa malitia? Respondeo, in primis esse contra puram, & sinceram veritatem, nam illud quoddam genus mendacii est: affirmare enim incerta pro certis, vel futura sub conditione, tanquam absolute futura, mendacium est. Tamen ex hoc cap. tantum erit peccatum veniale ex genere, nisi nocuum aliquid publicum, vel alias grave inde timeatur, jam enim esset perniciosum mendacium. Adjungi etiam solet in hujusmodi actu arrogantia, & ambitio, vel etiam immodicus lucri appetitus, sed hæc extrinsecæ sunt. Hinc vero consequenter fit, ut etiam peccari possit in usu talis prædictionis, aut credulitatis. Et hinc reprehenduntur medici, qui gravitatem, aut periculum morbi, aut vulneris ex solis astris, vel signis Zodiaci meriuntur, spectando, sub quo aspectu ægritudo incœpit, &c. De qua re videri potest Martin. del Rio libr. 4. cap. 3. quæst. 1. ad finem: ubi recte ostendit, nec esse tantam vim in stellis, ut ex illis sumi possit judicium de his particularibus effectibus, & conditionibus eorum: nec sine aliarum causarum consideratione, præsertim complexionis, & dispositionis talis corporis, aeris, ac terræ posse probabile judicium ferri. Peccatum autem, quod in hoc committi potest, ultra supra dicta, sæpe potest esse contra charitatem, si usus ille sit noxius alicui, vel etiam esse poterit contra justitiam pro ratione noementi illati, & obligationis vitandi illud.

8 Dico secundo: Non est per se malum, nec universaliter prohibitum ex stellarum constellatione, observata pueri nativitate, conjectare temperamentum ejus, & ex illo naturalem inclinationem futuram, & propensionem ad iram, vel mansuetudinem, & ad hæc, vel illa studia, & similia: hæc vero etiam in universali tanquam certa, vel nimium probabilia prædicere, stultum est, & sine aliqua culpa non fit. Hanc etiam assertionem docet D. Thom. supra, quem alii sequuntur. Probat per primam partem de malitia per se, quia hic effectus mere naturalis est, temperamentum enim corporis humani a causis naturalibus procedit; ergo verisimile credi potest, magnam vim in eo habere cœlestes influentias; ergo ex illis conjectare hujusmodi effectum, non est per se malum: quia nec pactum implicitum continet, nec fundatur in astris, ut in puris signis, sed ut in causis, nec etiam est de se alicui noxium, ut constat; ergo non est, cur per se

malum sit: nec etiam aliquo jure positivo damnatum invenitur. Hinc etiam facile persuadetur secunda pars assertionis, quæ est de inclinatione, & propensione naturali hominis ad hos, vel illos effectus, & consequenter ad hæc, vel illa studia: nam hæc inclinatio magna ex parte fundatur in naturali corporis temperamento, & complexionione: ergo sicut conjectari potest temperamentum, ita & hæc inclinatio.

9 Nihilominus vero addimus, (confirmando tertiam conclusionis partem) totam hanc investigationem incertissimam esse, & vix pervenire ad suspicionem quamdam; non vero ad conjecturam, vel cognitionem omnino probabilem, nedum ad certam. Ita sentiunt communiter Patres, & Theologi, & ex peritis in Astrologia, qui prudentiores sunt. Et probatur a fortiori ex dictis in præcedenti assertionem, nam tota incertitudo, quam ostendimus esse in cognitione naturalium effectuum, invenitur in hac investigatione humanarum complexionum ex conceptionum, vel nativitatum observationibus: & augetur mirum in modum ex aliis capitibus. Primo quia qualitates, & conditiones rei generandæ magis pendent ex dispositionibus materiæ, ex qua producenda est, & ex efficacia proximæ virtutis activæ, quam ex influentia cœlorum: ergo ex solo aspectu siderum, qui hora nativitatis concurrunt, non potest satis colligi futura complexio, temperies, aut inclinatio prolis genitæ. Antecedens est per se evidens, quia istæ causæ intrinsecæ, vel propinquiore, sunt magis propriæ, & determinant influxus universales. Consequentia vero etiam per se evidens est. Totum autem argumentum exemplo, & experientia declaratur. Nam si duæ terræ diversæ virtutis, qualitatis, & dispositionis simul, eodemque tempore seminantur tritico diversæ qualitatis, etiam si eodem tempore germinare incipiant, & producere triticum: nihilominus meliorem, & uberiorem fructum produceret bona terra, quam mala, cæteris paribus: quod si terra bona melius etiam triticum recipit, multo etiam melius illud reddet, quod si ultra qualitatem terræ, & seminis, accedat melior cultura, crescet magis perfectio effectus, etiam si influentia siderum ex se æqualis sit. Ita ergo est in generationibus hominum: nam licet duo infantes sub eadem constellatione nascantur, si mater alterius melioris complexionis sit, melioremque materiam conceptioni filii ministret, multum conferet ad meliorem fœtus complexionem: si vero accedat paterna virtus fortior, calidior, &c. sine dubio multum efficiet ad meliorem filii complexionem: & augeri tandem poterit, multumque mutari ex sanitate, temperantia, alimentis, & aliis exercitiis matris, dum prolem gestat in utero: ergo cum hæc omnia nec considerentur, nec considerari possint ab his divinatoribus, non potest esse eorum suspicio valde infirma. Atque hunc discursum insinuavit Augustinus lib. 5. de Civitate cap. 2.

10 Præterea non minus, immo multo magis conferre potest ad temperamentum prolis conceptio, quam nativitas, quia in conceptione formatur corpus humanum, & tunc perficitur ejus organizatio, & consequenter etiam complexio, & temperamentum tunc principaliter perficitur, quod non facile postea mutatur: in nativitate autem non accipit fœtus novas qualitates, vel alterationes intrinsecas, sed solum separatur a matre, secum autem fert illud temperamentum, quod in conceptione accipit cum eo modo, perfectione, aut imperfectione, quam per novem mensum educationem in utero consecutus est. Ergo si cœli aspectus observandus est ad præjudicandum de pueri complexionem, ac temperamento, potius aspectus siderum in conceptione, quam in nativitate occurrens observandus esset: non enim minus influunt sidera tempore conceptionis, formationis, & educationis prolis in utero, quam tempore nativitatis. Quod enim Aristoteles dixit: *Sol & homo generant hominem*, non minus, immo magis deformatione ipsa, & generatione in utero, quam ex utero verum est. Nec enim prolis occultatio (ut sic dicam) in ventre matris impedire potest cœlorum influentiam, quæ in visceribus terræ suam efficaciam habet, & totum

Prædictio-
nem hanc in-
certissimam
esse.

Non mi-
nus con-
ferat ad
tempera-
mentum
infantis
conceptio,
quam na-
tivitas.

Vide Josi-
phum
Mirand.
lib. 2. contra
Astrolog.
cap. 9.

In prædi-
ctione ho-
rum even-
tuum tem-
eraria
assertio
esse pot-
est, hoc
tamen non
pertinet
ad super-
stitionem.

Hoc pec-
catum est
contra
veritatem.

Posse in-
clinationem futu-
ram na-
talem
pueri præ-
dicti, non
tamen
certo.

tum ipsius matrem uterum conservat, & fovet. At Mathematici nihil de conceptione curant, sed tantum de tempore nativitatis ex utero; non possunt ergo cum firmo sanamento loqui, sed ad summum tenuissima conjectura.

11 Sed fortasse ideo non considerant aspectum conceptionis, quia punctum, & hora conceptionis non potest ita cognosci, sicut tempus nativitatis. At hinc fortius dupliciter redarguantur: primo, quia hinc convincitur, observationem illam nativitatis esse mancam, ac diminutam, quia pendet tota ex dispositione, quam proles accipit in conceptione, & ex modo, quo illa dispositio aucta, & consummata fuit toto tempore nutritionis in utero; ergo cum totum hoc non consideretur, infirma est conjectura. Secundo, quia fere tam incertum est punctum nativitatis, sicut & conceptionis: quamvis enim consulo modo magis constare possit de tempore, die, & hora nativitatis, quam conceptionis: tamen de proprio puncto nativitatis exacte constare non potest. Dicunt autem Mathematici, ut Gregor. contra illos argumentatur, vim constellationis consistere in puncto: & illo vel minimum variato, vim constellationis multum variari, propter magnam velocitatem motuum celestium, ex qua provenit, ut brevissimo momento astrorum aspectus, tam inter se, quam respectu proles multum variantur, & præsertim quoad stellas fixas propter maximam celeritatem octavæ sphaeræ, ut ex Astronomia constat: ergo ex sola observatione nativitatis nonnulli tenuissima conjectura fieri potest. Et huc accedit argumentum de geminis, qui sæpius temperamenta sortuntur valde distincta: quod argumentum urget Gregorius homil. 19. in evang. & latius Augustinus 5. de Civitat. per septem prima capita, occurrendo vanis omnibus Mathematicorum evasionibus, quas propterea omitto.

12 Ex his ergo facile ostendi potest postrema pars assertionis, videlicet de huiusmodi temperamenti, & inclinationibus hominum, & de aliis corporum proprietatibus, quæ naturalia esse videntur, ex solis astris, vel signis Zodiaci, & observatione horoscopi certam cognitionem investigare, aut promittere, non carere culpa, & peccato interdum gravi, nisi per ignorantiam ex parte excuseretur. Hanc enim partem a fortiori probant, quæ in simili diximus in priori assertionem, quia hic majus imminet periculum falsitatis. Potest etiam in hoc genere divinationis intervenire majus periculum introducendi superstitionem aliquam, quæ se extendat ad prædictionem actuum humanorum, & ideo regulariter major culpa in hoc genere judiciorum committi potest. Ad id etiam, videri posse hoc genus præjudicii esse a Sixto V. prohibitum, cum solum excipit judicia, quæ ad navigationem, agriculturam, aut rem medicam pertinent: nam hoc præjudicium de temperamenti, & inclinationibus infantum ad nullum illorum membrorum pertinere videtur. Sed in rigore non videtur omnino prohibitum quoad id, quod per se malum non est, quia statim subiunguntur hæc verba: *Aut facientes judicia, & nativitates hominum, quibus de futuris contingentiis, successibus, &c. aliquid affirmare audent, etiam si non certo se id affirmare asserant, aut protestentur.* Itaque nisi prædicantur futura in se, ac determinate, non habet locum illa prohibitio. Qui autem solum conjectat temperamentum, & inclinationem, & nihil aliud prædicat, non præjudicat futura contingentiæ, nec casus fortuitos; non ergo agit proprie contra hanc prohibitionem: aget autem contra prudentiam, & veritatem, si certitudinem promittat, vel definitum judicium ferat absolutum, sed ad summum suspitionem, vel limitatum judicium, videlicet, horoscopum hunc promittere, vel quidpiam simile.

13 Dico tertio: Prædicere futura contingentiæ, quæ ex libertate dependent, ex signis cæli, & astrorum, superstitionis peccatum est omni jure gravissime prohibitum. Asertio est certa, & communis, D. Thom. dict. quæst. 95. art. 5. & ibi Cajetan. & alii, Anton. 2. part. tit. 12. cap. 1. §. 6. Alenf. Bonavent. & aliis locis supra citatis; Summitt. verb. *Astrologia*, & verb. *Superstitio*: & Canonistæ in cap. 2. de Sortileg.

ubi Joannes Andr. & Panormit. Dec. in cap. *Novit*. de justic. Not. 1. plures refert Mutin. del Rio lib. 4. cap. 3. quæst. 1. Probat. 1. ex veteri testamento Esai. 47. *Stent & salvent te augures cæli, qui contemplabantur sidera, ut ex eis annuntiarent ventura tibi.* Ubi septuaginta vertunt, *Astrologi cæli*, & Hieronymus addit: *Qui vulgo appellantur Mathematici, & ex astrorum cursu, lapsuque siderum res humanas regi arbitrantur.* Et ex hoc loco intelligimus, quoties Scriptura augures detestatur, ac prohibet hos etiam Astrologos, & Mathematicos comprehendere: nam, ut ait Isidor. lib. 8. O. 19. cap. 9. *Astrologi dicti sunt, eo quod in astris augurantur*: intelligit vero de judiciariis, quia nomen Astrologi, aut Mathematici generalius est, & honestam artem significare etiam solet. Facit etiam illud Jerem. 10. *Juxta vias gentium nolite discere, & signis cæli nolite metuere, quæ timent Gentes, quæ leges populorum vane sunt*: ubi simul contingit idololatrias, quas vias Gentium vocat, & divinationem per alia, quæ signa cæli appellat, & omnia dicit esse vana. Ex novo testamento adduci potest illud ad Galat. 4. *Dies observatis, & menses, & tempora, & annos: timeo vos, ne forte frustra laboraverim in vobis*: nam licet, ut supra dixi, hoc testimonium alium possit habere sensum, tamen in hoc illud urget contra judicarios Sixtus V. in dicto motu proprio dicens: *Ut illos merito Apostolus arguat, atque increpet illis verbis, dies observatis, & menses, & tempora, & annos, timeo vos.* Item de his maxime videtur intelligendum, quod dicitur Act. 19. *Eos, qui fuerunt curiosi sectati, tulisse libros, & coram omnibus combustisse.*

14 Secundo in cap. *Illos*, 26. quæst. 2. dicitur: *Planetarios, quos Mathematicos vocant, Christiana, & vera pietas repellit, & damnat.* Sumptaque est hæc sententia ex August. lib. 4. Confess. cap. 3. & in ea significatur, opus hoc per se esse malum, ac detestabile, & non solum, quia prohibitum: & cap. *Sed & illud*, inter alias superstitiones ponitur, *Requirere stellarum cursus, & ex his eventus futurorum rimari.* Ex Orig. homil. 5. in Josue, & in cap. *Non liceat*, 26. quæst. 5. prohibentur Christiani *observare lune, & stellarum cursus, aut inanem signorum fallaciam pro domo faciendâ, &c.* Sumptumque est caput illud ex canonibus Martini Bracaren. cap. 72. Intelligitur autem juxta subjectam materiam de observatione lune, aut stellarum inani, ac superstitiosa, & juxta *Gentilium traditionem*, ut ibidem dicitur, qui putabant lunam, & stellas esse rectores orbis terrarum (ut dicitur Sap. 13.) ex quorum influxu necessario cætera eveniunt, & ideo in Concil. Tol. 1. in assertionem fidei dicitur: *Si quis Astrologie, vel Mathesei existimat esse credendum, anathema sit.* In quo modo definiendi significatur, hoc non fieri sine heresi, de quo statim dicam. Præterea etiam jure civili damnatur hoc vitium, ut patet in leg. 2. §. 5. & 7. Cod. de Maled. & Mathem. & leg. *Mathematicos*, C. de episcop. audient.

15 Præterea contra huiusmodi divinationem ex astris scripserunt in primis sancti Patres, præsertim Augustinus dicto libr. 5. de Civitat. & 2. libr. de Doctr. Christ. cap. 20. & sequentibus: & aliis locis supra relatis. Euseb. lib. 6. de præparat. evang. in principio refert infantiam Porphyrii, qui dicebat, Deos Gentium ex stellis cognoscere omnia futura, etiam hominum facta, & ideo potuisse illa prædicere: unde conjicere licet, hanc Astrologiam, ejusque deceptionem fuisse originem totius operis superstitionis divinativæ. Illud vero errorem confutat Eusebius per totum illum librum, ostendens stellis non posse liberare actiones impedire: & cap. 8. refert optimam disputationem Bardesanis Syri de hac re: & cap. 9. aliam Origenis, de qua infra pauca dicemus. Libro etiam 14. cap. 4. refert, Socratem distinxisse Astrologiam: & ex verbis ejus colligo Socratem sensisse, quamdam esse utilem, quæ ad recte cognoscenda tempora deservit: aliam nimium curiosam, & parum utilem, non tamen perniciosam, nempe illam, quæ nimia solitudine distantias astrorum, magnitudines, & similia speculatur: aliam vero esse perniciosam Astrologiam, quæ videlicet futura inquiri: ideo enim agebat: *Omnino*

Rebatur, con-itu ram Mathematicorum esse debile.

Non caret culpa, ex solis astris, vel inclinationem, aut certam penitus.

Sixtus V. non pro- libet omnino hoc judicium.

Prædicere futura, quæ pendunt ex libertate, est peccatum omni jure prohibitum.

Patres scripti sunt contra hanc divinationem astris.

nino non esse curandum homini, ut per cœlestia corpora futurorum, quæ in potestate divina sunt, cognitionem perquirat. Nec enim posse homines illa cognoscere: nec diis gratum esse, si quæ illi occultarunt, ea tu diligenter inquiras. Anasta. Nicæn. quæst. 18. in Script. Ubi ex Gregor. Nazian. aliqua refert Basil. optime homil. 6. Hexamer. exponens illud Genes. 1. *Ut sint in signa, & tempora*: nam quia his verbis abutebantur Genethliaci, ideo contra illos vehementer invehitur: eumque imitatus est Ambrosius lib. 4. Hexamer. cap. 4. Brevius Anastas. Sinait. lib. 4. in Hexamer. circa eadem verba inquit: *Non ea dicit Deus volens Astrologiam docere homines, neque in sola luna, & astris habere spem gubernationis, ut desipientium Astrologorum videtur vanitati, &c.* Olympiod. in Eccles. 7. ita legit illa verba: *Quis novit, quid sit homini bonum, aut quid futurum est sibi? Quis homini nuntiabit, quid post eum futurum sub Sole sit?* Prasens (inquit) hæc auctoritas nostri Ecclesiastæ omnem funditus evertit divinandi superstitionem, vanasque Astrologorum nugas de hominum genituris. Nullus enim mortalium certam futurorum scientiam consequi potest.

16 Præterea Cyrillus Hierosolymitanus Catech. 4. §. De statu hominis, confirmans arbitrii libertatem addit: *Neque enim ex generationis natura peccas: neque propter animam fornicaris: neque (ut nonnulli fingunt) astrorum inclinationes ad amplectendam impietatem te cogunt. Cur tu ipsius mala confiteri detrectas? cur innocuis astris culpam ascribis? Non ergo deinceps attendas Astrologis, &c.* & in fine dicit, æque esse vitandos Astrologos, sicut alios augures, ac divinatores. Et ideo Lact. lib. 2. cap. 17. æque dicit, Astrologiam esse a demonibus inventam, ac reliquas magicas disciplinas. Chrysost. item homil. 6. in Matth. breviter, sed efficaciter confutat errores eorum, qui ex sidere, quod Christo nato Magis apparuit, colligebant, veras esse Astrologiæ prædictiones: nam si Christus (inquit) secundum leges natus est astrorum, quomodo Astrologiam fovit, fatumque destruxit, omnemque artis hujus obruit officinam? Quod latius prosequitur Auctor Imperfecti homil. 2. Neque omittam advertere, Albinum Flaccum lib. de Divin. offic. cap. 5. illam quidem Astrologiæ partem inter magicas artes, & superstitiones damnatas recensere, subungere vero: *Illius artis scientiam usque ad evangelium fuisse concessam, ut Christo edito, nemo exinde nativitatem alicujus e cœlo interpretaretur.* Quæ verba vel impropria sunt, vel errori favent eorum, qui dixerunt, hoc genus divinationis ante Christi adventum licitum fuisse usque ad tempus, in quo Christus fuit a Magis adoratus, ex tunc vero fuisse prohibitum; quem errorem Del Rio supra refert ex Salisberienſe lib. 1. cap. 11. Quamvis ille auctor non dicat simpliciter, sed aliquatenus illam artem tunc licuisse. Certum autem est, per se non licuisse, quia errorem, & malitiam continet contra rationem naturalem. Unde Albinus fortasse solum dicere voluit, eo tempore fuisse a Deo magis permisſam, & quasi toleratam illam artem, sicut etiam erat permissa idololatria, non ita ut liceret, sed ita, ut non puniretur, sed videretur eam dissimulare Deus. Sicut autem per evangelium idololatria destructa est, ita etiam hujus artis malitia magis patefacta, & reprobata est. Quamvis etiam ipsi Ethnici olim illam reprobaverint, ut constat ex Cicer. in lib. de Divin. & in disp. Phavorini apud Aulum Gell. lib. 14. Noct. Atticar. cap. 3.

17 Tandem est ratio a priori, quia vel prædictio morum humanorum, & aliorum futurorum contingentium liberorum fundatur in constellationibus, & astris tanquam in causis, & sic fundatur in hæresi; ideoque non solum supersticiosa est, sed etiam hæresis confessionem virtute continet: vel fundatur in astris ut in puris signis, & sic continet diabolicam superstitionem eodem modo, quo alia auguria, & divinationes: necesse est autem, ut in altero horum fundetur; ergo non potest non continere gravissimam, ac perniciosam doctrinam, & culpam. Illatio cum minori nota sunt ex generali doctrina supra data. Minor vero quoad priorem partem constat, quia ut prædictio illa possit esse certa, necesse est, ut ex constel-

latione siderum ex necessitate inevitabili sequantur talia futura: & ita fere supponebant Gentiles antiquis; putabant enim omnia fato evenire, & inde hujusmodi divinationem, & artem commendabant, ut ex Origene, Augustino, & aliis supra citatis constat, & ex Cicer. libr. de Divinat. Ergo utendo hac arte isto modo, tollitur humana libertas, & voluntates nostræ influxibus cœlestibus ex necessitate subjiciuntur, vitiaque omnia, & peccata non homini, sed cœlo, ejusque auctori erunt attribuenda. Denique supponitur in illo errore animas humanas, & facultates earum, intellectum scilicet, & voluntatem, materiales esse, & corporeas, quandoquidem necessitati, & influxui corporalium causarum subjiciuntur. Quæ omnia sunt hæretica dogmata: & illationes sunt evidentes, & ita illis porriſſime utuntur Patres in locis citatis.

18 Posset vero aliquis dicere, ut talis cognitio certa ex astris habeatur, satis esse, ut cœli tanquam causæ universales determinent causas secundas, etiam voluntates humanas, ad unum infallibiliter operandum; nam ad certitudinem prædictionis satis est, quod effectus sit infallibiliter fururus, & ut talis cognoscatur, etiam si non ex necessitate eveniat, sed libere: ergo ex illa positione non sequitur, aut libertatem tolli, aut nostras voluntates necessitati ex influxu cœlorum. Aliud enim est, effectum esse futurum infallibiliter, aliud esse eventurum necessario, seu ex necessitate: nam infallibilitas non infert necessitatem, nec tollit libertatem, ut in Divina scientia constat. Similiter aliud est voluntatem determinari a superiori causa, aliud necessitari: quia (ut aliqui credunt) Deus determinat illam, & non necessitat. Ergo si quis de cœlo item respondeat, non cogetur illos errores fateri. Atque eadem ratione non sequetur, cœlum, vel Deum auctorem naturæ esse causam peccati, nisi quoad materiale, quod admittere non recusant illi Catholici, qui dicunt Deum determinare voluntates hominum ad materialia peccatorum. Denique poterit negari ultima illatio; quia licet anima humana non sit corporea, est corpori conjuncta, & ideo pendet a corpore in suis actionibus non intellectuales; & hoc satis esse dicent, ut mediante cœlesti influxu in corpus, & sensus externos, & internos determinetur ad unum, etiam si non satis sit, ut necessitetur.

19 Respondemus tamen ex doctrina sanctorum Patrum, & ex evidenti ratione, non minus falsum esse dicere, voluntates hominum determinari ad unum per influxum aſtrorum, quam necessitari: quia stellæ naturaliter influunt, ac necessitari quantum possunt; ergo si possent nostras voluntates ad unum determinare, illa determinatio esset mere naturalis physica, & necessaria, & præveniens usum humanæ libertatis: non enim esset in nostra potestate, illam impedire, neque in potestate cœlorum illam suspendere, aut moderari; ergo talis determinatio infert necessitatem, vel potius est idem cum illa, & quasi descriptio illius: quia necessitari nihil aliud est, quam determinari ad unum per actionem necessariam, quæ non sit in potestate illius, qui determinari dicitur. Sic ergo infallibilitas futuri effectus, quæ ex tali determinatione provenit, optime infert libertatis eversionem, & inductionem necessitatis simpliciter, quia est necessitas antecedens, ac mere naturalis non consequens. Et ideo non est simile de scientia, nam infallibilitas ejus non est antecedens, sed consequens, nec est in causa prædeterminata ad unum, sed in effectualibere futuro, & objective præſenti in æternitate. Quod autem dicebatur de Deo determinante nostram voluntatem antecedente aliquo influxu ab ipso solo procedente, falsum quidem est, sed non in eodem gradu certitudinis, quo ille error, quem nunc improbamus. Quia possent nonnullæ differentię inter Deum, & cœlum assignari: nam Deus movet libere; cœlum naturaliter: Deus suavi modo, & sapientia, ac libertate sua moderando, & accommodando motionem; cœlum vero operatur mere naturaliter, & quantum potest: Deus denique movet spiritaliter; cœlum mere materialiter. Fateor tamen, has differentias adeo esse materiales (ut sic dicam,) ut negari non posse videatur, quin ex prædicta æquiparatione, &

Objeſſio.

Respon-
detur.

Probatur
ratione,
esse illicitam hanc
artem.

ex doctrina Patrum in presenti materia magnum summum argumentum contra illam sententiam in illo sensu intellectam. Sed nunc de illo puncto non tractamus.

Positum
est, ut illo
caelesti in
nostram
volunta-
tem, se-
quitur
nulla esse
peccata.

20 Ad illud vero de causa peccati respondeo, posito illo genere influentiae caelestis in nostram voluntatem, potius sequi, nulla esse peccata, quia sine libertate non peccatur, tunc autem nulla esset libertas. Essent tamen conversiones ad objecta turpia, & prava, quae, si libere fierent, essent peccata. Et ita evidenter sequitur ex illa positione, ea, quae nunc sunt peccata, & nobis tribuuntur, quia libere sunt a nobis, posita illa hypothese, Deo fuisse tribuenda quoad illam turpitudinem, quam tunc ex necessitate haberent: haereticum autem est, dicere primam causam, & radicem omnium actionum, quae ab homine turpiter sunt, in Deum esse referendam. Neque hoc admittunt Theologi, qui alias tribuunt illam determinationem Deo, qui cum illa conantur componere libertatem, ratione cuius salvari putant, quod malitia in hominem, & non in Deum refundatur. An vero nodum satis expediant, lector attente consideret; nos enim de hac re alibi copiose disputavimus. Ad ultimum denique responderetur, non minus evidens esse, corporalem causam non posse determinare ad unum spirituales voluntatem de se liberam, ac non posse illam necessitare; tum quia ostensum est, haec duo idem esse maxime respectu causae naturaliter agentis; tum etiam quia neutrum fieri potest, nisi per influxum directum, & immediatum in ipsam voluntatem. Nam sensus, & sensibilia objecta non habent vim determinandi ad unum voluntatem, quacumque ratione, aut modo proponantur, nisi ita perturbentur, ut rationis usus impediatur, quod non fit in actionibus humanis, de quibus loquimur, & quae futura continguntur vocantur, de quibus sunt Astrologicae praedictiones, quas improbamus.

has praedictiones
est super-
stitiones,
si ab astris
fiunt, ut
puta sunt
signa.

21 Venio ad aliud membrum propositionis assumptae, videlicet, si haec praedictiones fiant ex astris, ut puta signa sunt, non ut sunt causae, superstitiosas esse. Tunc enim procedit generalis doctrina supraposita: nam talia signa non sunt signa naturalia, quia nec sunt causae determinatae rerum futurarum, ut supponitur: nec sunt effectus earum, ut per se notum est: neque habent cum illis communem causam, in cuius influxu necessario connectantur. Ergo sunt signa ad placitum significantia, & ex illis quaeritur cognitio non in vi inventionis, sed in vi alicujus disciplinae. Haec autem non potest esse nisi demoniaca, ut in superioribus generaliter ostensum est; ergo in tali disciplina inter venit consortium, & pactum tacitum cum demone, & consequenter omnis superstitio, quae in illo continetur, prout supra satis explicatum est. Quin potius omnis alia superstitio divinatoria in hoc fundata esse creditur: nam omnia fere alia signa vana divinationum in elementis, aut circulis, aut figuris confictis, vel aliis hujusmodi, sunt observando certam aliquam siderum dispositionem, quasi inde omnia pendeant.

22 Sed ajunt istius artis amatores, suis regulis, & experimentis invenire, vera esse, quae praedicuntur per talis artis peritiam, se autem solam veritatem quaerere, quae, ubicunque inventa fuerit, amabilis est, & juste arripiri potest, etiam si ibi ab ipso demone reposita fuerit; sicut esset licitum thesaurum absconditum in visceribus terrae, etiam si ab ipso demone ibi fuisset absconditus, extrahere. Respondemus in primis, veritatem occultam a demone discere, vel inquirere semper esse malum: & hoc sensu falsum est, licitum esse arripere veritatem a demone. Eodemque modo, si ad effodiendum thesaurum occultum oporteret, a demone discere, ubi esset, non liceret, id quaerere ab illo, quia jam iniretur societas cum illo. Secus vero esset, si alias pactum esset, ubi fuisset absconditus thesaurus; nam tunc, licet opera demonis ibi esset repositus, licitum esset, illum effodere, quia hoc nullum esset pactum cum demone. Atque eadem proportione, si quis ope demonis didicerit veram philosophiam, quae semel acquisita jam non penderet ex testimonio demonis, sed ex suis principiis

Cur non
possi. quis
qui ha-
aret a de-
mone do-
ct. possit
vero uti
philoso-
phia.

certis, tunc licitum esset, inde discere naturalem veritatem, quia tunc jam nullum esset cum demone commercium. Non est autem sic in presenti, sed credulitas praedictionis semper nititur in demonis auctoritate, qui signum imposuit, seu (quod idem est) hominibus persuasit, talia astra esse signa talium futurorum, & vera significare. Unde ulterius dicimus falso supponi, in tali praedictione, vel inquisitione inveniri veritatem. Immo qui hoc supponit, jam fidem demoni adhibet, & cum illo pactum init. Nec refert, quod interdum eveniant, quae sic praedicuntur; quia, ut supra dixi cum August. de Divin. demon. cap. 5. & 2. de Doctr. Christ. cap. 24. hoc & est rarum, & casuale, & saepe ab ipso demone procuratum ad decipiendos homines. Unde fit, ut per talem artem quasi obligentur demones ad procurandum, ut eveniant ea, quae per astra juxta suas institutiones praedicuntur, & consequenter ut homines illis utendo tacite implorent auxilium demonum ad hoc, ut eveniant ea, quae ipsi praedixerunt.

23 Solent vero aliter Mathematici respondere, negando illationem illam: Astra observantur, ut puta signa; ergo ut demoniaca signa. Dicunt enim, potius esse signa Divina: quia Deus (inquiunt) in caelo mediis astris scripsit futura omnia, quantumvis contingentia, & libera, ita interpretantes illud Genes. 1. *Et sunt insigne, & tempora, & dies, & annos.* Astrologia ergo docens significationem hanc astrorum non est demoniaca, sed Divina scientia. Soletque hujusmodi sententia tribui Origeni apud Euseb. lib. 6. de praep. cap. ult. ubi, postquam probavit late, stellas non esse causas nostrorum actionum, significat, non esse inconveniens, esse signa a Deo instituta, quia significatio non ita repugnat libertati nostrae, sicut efficientia. Dei enim praesentia non praedicit libertati; ergo nec signa per eam data, ut constat de praedictionibus in Scriptura contentis: *Sic enim (ait) fieri potuit caelum tanquam liber a Deo conscriptus ad futura significanda.* Adducitque orationem quandam Joseph, in qua dicit, *Legi in tabulis caeli quaecumque contingent vobis, & filiis vestris, & illud Isaiae 34. Complicabuntur caeli ut liber, quia nimirum ejus significata adimplera jam erunt.* Eademque opinio tribuitur Alberto Magno in Speculo. Et ita sensit Pet. Aliaco libr. de Legibus, & sectis, & quaest. 30. in Gen. Denique August. lib. 5. de Civit. cap. 1. hanc attingens evasionem ait, *Non enim hominum mediocriter doctiorum, fuit ista sententia.*

Aliquid
autem astra
esse signa
a Deo im-
posita ad
significan-
dum.

24 Respondeo, quocumque modo asseratur, futura contingentia posse certo cognosci ex sideribus, erroneum esse, & uti tali arte esse superstitiosum. Absolute enim, & sine ulla distinctione damnatur ab ecclesia; & Hierem. 10. quasi ad irridendam illam evasionem dicitur: *A signis caeli nolite metueri, qui timent Gentes, quia leges populorum vanae sunt.* Sive ergo timeantur ut causae, sive ut signa, vanum est. Unde Orig. supra hoc ipsum testimonium adducens non videtur persistere in priori sententia, sed concludit: *Jeremias autem ut homines ad se ipsum convertat, & ut formidinem, quae a signis impendit, auferat: ac ut omnem forsan hujusmodi opinionem ab hominum animis deiciat, a signis, inquit, caeli non timeatis.* Sentit ergo, radicatus esse tollendam talem de signis caeli opinionem, quia quomodocumque ex illis possent praesciri certo futura, eadem sollicitudo, anxietas, & perniciose curiositas in animis hominum remaneret. Et praeterea etiam isto modo non excluderetur pactum tacitum cum demone. Esto enim haberent astra a Deo talem significationem, unde, quae, esset hominibus nota? Certe Deus illam non revelavit: ubi enim est talis revelatio? Nunquid in regulis Mathematicorum? At illae incertissimae sunt, & saepissime deficiunt, ac mentiuntur, quod est demonis proprium: ergo oportet, ut illa significatio quaeratur a demone, tanquam ab eo, qui illam cognoscit, & per eam praescit futura, & sic eadem superstitio committitur. Addimus denique falsum omnino esse, astra imposita ad hujusmodi significationem, quod August. supra demonstrat argumento facto de geminis, & variis illorum moribus: nam sicut

Erroneum
est dicere,
futura ob-
tingentia
posse cer-
to cognosci
ex
astris.

indire.

indirecte inferitur, eos non necessari a cœlo, ita convincitur, non significari. Quæ stellæ significantes, & concursus, seu aspectus earum idem est, ut supponitur: ergo non potest de uno gemino significare, quod erit malus, & de alio, quod erit bonus, quia unum signum in se uniforme, & eodem modo se habens non potest in duobus rebus sub eodem signo contraria significare, vel si in utroque significat bonitatem, vel malitiam, in altero falsum est signum, & non est a Deo. Quod si dicantur esse veluti æquivoca signa ad plura significandum imposita, tunc incerta, & æquivoca redditur tota significatio, nec potest certis regulis comprehendere, quas Mathematici tradunt; sed oporteret singulas significationes, seu impositiones antea præsciri, per revelationem ejus, qui talia signa imposit: unde hæc superflua (quia revelatio per se sufficit) & salvandas Astrologorum vanitates est prorsus inutilis.

Explicit
ur testi-
monia
Scripturæ
contra
divinatio-
nem alla-
a.

25 Testimonia vero Scripturæ, quæ pro illa significatione suadenda afferuntur, nullius momenti sunt. Nam verba Genes. 1. ab omnibus Patribus intelliguntur de signis datis a Deo ad numerandos annos, dividendos dies, & cognoscenda tempora apta ad usum hujus vitæ, ut ad navigandum, seminandum, & alios usus vitæ necessarios. Duplex ergo est expositio: una, ut per illa duo verba idem significetur, & unum explicet aliud: cum enim dictum esset, *Ut sint in signa*, additum est, *& tempora*, id est, in signa temporum, quæ tempora sunt dies, & anni. Ita fere August. in imperf. Genes. cap. 13. Alia est, ut sint signa ætatis, & hyemis, ita ut tempus seminandi indicent alia, alia metendi alia navigandi. *Ita ut* (ait Cyril. Hierosol. Catech. 6.) *homo in navi sedens, & incertis fluctibus navigans, in stellam aspiciens dirigat navem*. Et infra dicit per Solem contulisse pulchritudinem diei, per lunam noctis tenebras consolatum esse. Et hæc est expositio etiam Basil. Ambros. & aliorum ibi, quam Augustinus dicto cap. 13. complectitur. Alter locus Isaie varias habet expositiones, quæ in Benedicto Pereira legi possunt tom. 1. in Genes. in lib. 2. cap. 3. contra divinationem ex astris. Sed cum constet, locutionem illam esse metaphorice, nullum ex ea potest firmum argumentum sumi. Ut enim demus, metaphoram in hoc consistere, quod sicut liber involutus legi non potest, ita nec in cœlis post judicii diem legi poterit: nihilominus non inde sequitur, nunc omnia futura posse in eo legi, neque enim in quolibet libro res omnes leguntur. Cœli ergo jam tunc non significantur id, quod significare naturaliter possunt, nimirum, serenitatem, & pluviam, ver, & hyemem, tempus navigandi, vel seminandi, &c. hæc enim, & similia sine motu cœli non significantur, sicut neque fiunt: quia ergo tunc motus cessabit cœlorum, ideo complicabuntur, sicut liber. Vel generalius, quia usus libri est ad legendum, tunc solet complicari, quando jam non est usus: cœli ergo complicari dicuntur, quia usus eorum, influentiæ, & ministeria varia cessabunt. Vel denique exponi potest ille locus per alium Apocalyp. 6. *Et cœlum recessit, sicut liber involutus*. Quod dictum est de tribulatione futura tempore Antichristi: de qua dixit Christus Matth. *Sol obscurabitur, & Luna non dabit lumen suum*. Sic ergo recedet cœlum, non motu locali, sed ab oculis hominum, sicut recedere solet liber involutus, quia litteræ ejus videri non possunt. Oratio autem illa Joseph, quam citat Origenes, non solum canonica non est, verum neque ullam habet auctoritatem, eamque rejicit Athan. in Synopsi, ut notavit Perer. Genes. 49. in principio.

x astris
non pos-
sunt præ-
dicta futu-
ra, quæ
sola
ei vo-
luntate
pendent.

26 Atque ex hac assertionem a fortiori colligitur, non posse ex astris prædicti futura, quæ ex sola Dei voluntate pendent. Nam liberior est voluntas Dei, multoque cœlis superior, quam voluntas humana, & ideo longe gravius peccatum est, velle ex astris prædicere, quid Deus sua libera voluntate facturum sit, quam quid homo. Est etiam longe impossibilius, quia de homine aliqua saltem conjectura forte sumi potest propter actionem cœli in corpus, cujus inclinationem solet sequi anima. At Dei voluntas omnibus modis altior est; & neque directe, neque indirecte, ne-

que per se, neque per accedens eam potest inclinare cœlum, sed ipsa regit, & gubernat cœlum, prout vult. Unde fit, ut etiam ipsi naturales effectus futuri ex necessaria influentia cœli prædicti non possint ex astris cum tanta certitudine, ut non sint subjecta mutationi, & defectui, si Deus voluerit effectus impedire. Et ita est in eligenda Gloss. in cap. *Non licet*, 26. quæst. 5. Quam sequitur Abbas in cap. 2. de Sortileg. num. 7. cui indicat, posse hos effectus prædicti ab Astrologis, sed non ut habentes necessitatem. Ratio autem, quam isti auctores subdunt: scilicet quia corpora cœlestia sunt signa rerum, & non causæ, non est ad rem, nec veritati Theologicæ consentanea, ut ex dictis patet. Ratio ergo est, quia non sunt prima causa, sed illius providentiæ subjecta. Valde ergo errant, qui somniant, effectus etiam externos, & corporales factos in universo ex peculiari providentia, vel voluntate Dei, potuisse in astris præcognosci, ut sunt Diluvium, Christi Nativitas, & similes. In quo errore dicitur fuisse Petrus de Aliaco, quem in Italia nonnulli imitati sunt, contra quos legi potest Joannes Picus Mirandulanus libro 2. & 3. contra Astrologos.

27 Secundo ampliatur posita assertio, ut non solum in futuris, sed etiam in rebus jam factis, vel quæ actu sunt, si ita sunt occultæ, ut humano modo sciri non possint, locum habeat. Ita docent omnes auctores citati, & specialiter Alexand. Aienf. 2. part. quæst. 164. membr. 6. 3. & Turrecrem. in cap. *Illos*, 26. quæst. 2. art. 4. ubi docent, hac ratione grave crimen esse investigare de rebus clam furto sublati per judicia astrorum, & inspectionem astrolabii, ubi sint, aut a quo sublata sint. De quo extat cap. in jure *Ex tuarum*, de Sortilegiis: ubi sacerdos, qui cum quodam infami ad privatum locum accessit, ut per inspectionem astrolabii factum ecclesiæ posset recuperare, licet sine pacto expresso cum demone, sed ex zelo, & simplicitate id fecisset, gravissime peccasse dicitur. Quem textum expendit bene Cajetanus dicta questione 65. articulo 2. Et ex eo colligit, ignorantum raro excusare gravitatem hujus delicti. Præterea in cap. 1. eodem titul. generaliter dicitur, esse prohibitum de futuris inquirere per divinationem: unum autem genus divinandi est per astra. Ratio autem est, quia ex astris non possunt cognosci ab homine hæc occulta, & ideo illa inquisitio pactum implicitum involvit, quia vel supponit artem aliquam a demone traditam, vel eo tendit, ut demon se immisceat, & quod desideratur, ostendat. Antecedens notum est, quia vel præteritæ actiones investigantur nunc ex dispositione, & aspectu, quem nunc astra habent: & sic minus possunt ex illis cognosci, quam actiones futuræ, quia multo minus pendent jam ex causalitate cœli, quam futura, ut recte notavit Origenes apud Euseb. supra. Si vero investigentur præterita ex præteritis constellationibus, habent ad illa eandem habitudinem causarum insufficientium, & non imponentium necessitatem. Denique eodem modo comparantur ad illa, sicut præsens constellatio comparatur ad futurum eventum; ergo illa investigatio præteritorum contingentium habet eandem malitiam, quæ futurorum. Quod si loquamur de actionibus, quæ eodem tempore fiunt, vel illæ sunt occultæ, quia sunt actus liberi mere interni; & sic constat non posse cognosci in astris, quia non sunt causæ per se illorum, nec in illis ponunt necessitatem: vel sunt actiones, aut res externæ, sed occultæ propter distantiam loci, vel remotionem ejus a sensibus hominum: & sic etiam non potest talis effectus in præsentem per astra cognosci, quia per astra non potest haberi noticia intuitiva talis effectus, ut constat, nec abstractiva, quia etiam ad hoc non imposuerunt astra necessitatem, ut res in tali loco recondideretur: vel ut Romæ nunc hoc, vel aliud fieret ab hominibus. Ergo in his omnibus divinationibus est idem genus superstitionis, & malitiæ.

Præteritis
etiam, vel
præsentia
hominib.
occulta
ex astris
non agno-
scuntur.

28 Terrio extenditur assertio etiam ad effectus casuales, qui licet a causa libera non eveniant, ex accidentario concursu, & impedimento causarum naturalium raro contingunt. Ita enim, ut talia sunt, suis libus.

Idem etiã
dicendum
de effecti-
bus ca-
sualibus.

non habent certam causam in astris, & ideo ex illis ea investigare, idem vitium est superstitiose Divinationis, ut expresse docuit D. Thom. in dicta quæst. 95. art. 5. & alii supra citati. Ratio vero est, quia huiusmodi casualis effectus, ut talis est, non habet causam per se, ut dixit Aristot. in 6. Met. utique infra Deum, qui sui infinita scientia, & providentia omnia comprehendit, & ipsum etiam concursum, seu occursum contrariarum causarum aut intendit, aut ex certa scientia pertrahit. In cælo autem nihil tale conjectari potest, quod sit causa illius concursus casualis, a quibus proxime casualis effectus eventurus est; ergo

Obiectio. nullo modo potest ex astris prædici. Dices: per Astrologiam non inspicitur tantum unam, vel aliam stellam, sed concursum, & aspectum futurum in omnibus; ergo in collectione omnium poterit cognoscere effectus causalis futurus.

Solutio. Respondeo negando consequentiam; tum quia homo non potest omnium stellarum, etiam fixarum concursum, & vim exacte cognoscere, quod necessarium esset ad talium effectuum certam cognitionem; tum maxime quia casualis effectus non solum pendet ex astris, sed etiam ex causis inferioribus, & ex materiæ dispositionibus, quæ in astris cognosci non possunt, & hominibus notæ non sunt, neque per illas artes considerantur. Unde neque Angeli ipsi possunt naturali virtute hos casuales effectus in solis astris cognoscere: sed indigent comprehensione omnium aliarum causarum tam efficientium, quam materialium, quæ in tali puncto concurrere possunt, ut ex propria materia constet: homines autem non possunt hæc omnia comprehendere; ergo ex astrorum observatione talis cognitio haberi non potest; ergo cum inde queritur, superstitiosum est, & disciplina demonum tacite desideratur.

29 Quarto ampliatur assertio, ut non solum locum habeat, quando hæc prædicuntur, ut certo eventura, sed etiam quanto simpliciter, & in particulari asseruntur, & credenda proponuntur etiam, secundum moralem, & probabilem conjecturam. Hoc non est ita certum, sicut cætera: aliqui enim auctores Catholici significant hoc non esse peccatum, quia nec per se malum esse videtur, nec invenitur prohibitum. Prior pars constat, quia conjecturalis cognitio haberi potest ex his causis, nec ex illa sequuntur incommoda supra illata, quia nec tollitur liberum arbitrium, nec inducitur fatum, &c. Altera vero pars probatur, quia nullum invenitur jus humanum, in quo aliquid amplius in hoc genere prohibetur, quam quod per se malum sit. Alii vero etiam hoc genus probabilis prædictionis damnant: quod in particulari invenio in quodam scholio ad Panorm. in cap. 2. de Sortileg. verb. *Sed meo, &c.* Quod probat ex cap. *Illos planetarios*, 26. quæst. 2. ubi Augustinus ait, christianam pietatem repellere, damnaeque omnem consultationem horum Astrologorum: at si posset expectari saltem probabilis cognitio sine peccato, non esset damnanda talis consultatio, quia in hominibus probabilis cognitio ad multa esse potest utilis; ideoque sine peccato ex naturalibus causis inquiritur. Est ergo prohibitum rimari futura ex astris, sive ad certam cognitionem eorum habendam, sive ad conjecturalem.

30 Sed in hoc puncto loqui possumus vel in ordine ad iudicium externum, quod in præsumptione sæpe fundatur; vel in ordine ad conscientiam, & ad Deum, qui iudicat de culpa actionis, prout in se est. Unde etiam sermo esse potest vel de exteriori prædictione, vel de interiori intentione, & credulitate. Primo ergo, quod spectat ad externum forum, ac iudicium, qui simpliciter, & absolutis verbis prædicat hæc futura in particulari, ut hunc futurum esse episcopum, vel ducem, vel similia: vel revelat particularia facta omnino occulta, jure ecclesiastico damnatur, & punitur ut Divinus, licet postea explicet intellexisse suam prædictionem, ut probabilem. Hoc evidenter probatur ex verbis Sixti V. statim referendis. Et ratio est, quia unusquisque iudicandus est apud homines juxta planum verborum sensum: nam si illi evasioni daretur locus, nullus posset convinci, quia ipsi nunquam dicunt, hoc infallibiliter esse eventurum,

immo fatentur in generali interdum sua principia desicere. Quare in tali prædictione absoluta non deest gravis culpa saltem propter scandalum, & propter speciem mali cum præsumptione juris, & de jure. Unde ulterius addimus, quod licet in his prædictionibus expresse addant, se non affirmare id tanquam certum, nihilominus coram ecclesia non excusantur, sed puniendi sunt. Hæc declaravit expresse Sixtus V. in dicto motu dicens: *Statuimus, ut contra facientes judicia, & natiuitates hominum, quibus de futuris contingentiis, successibus, fortuitisque casibus, aut actionibus ex humana voluntate pendentibus aliquid eventurum affirmare audent, etiamsi id se non certo affirmare asserant, aut protestentur, &c. Inquirant, & procedant, & in eos severius Canonis poenis, & aliorum arbitrio animadvertant.* Vel ergo pontifex supponit, hoc esse jure ecclesiastico prohibitum, vel tacite id prohibet, seu prohibitionem auget, alias non juberet eos puniri, non obstante prædicta declaratione, & protestatione ipsorum. Ratio autem esse potest, vel quia etiam ille modus prænunciandi futura, est perniciosus reipub. quia eadem incommoda, & vanæ investigationes ex illo sequuntur: vel quia semper præsumitur, ea verba proferti ad occultandam malitiam, & divinationem: vel certe quia etiam illa est vera Divinatio, ut jam dicam. In tota ergo hac exteriori prædictione invenitur culpa, saltem ratione scandalii, & prohibitionis ecclesiæ.

31 Dico vero ulterius, etiamsi quis interiori non plus intendat, quam verbis profert, & declarat, cum dicit, se id non affirmare ut certum, sed ut probabile, superstitiose agere, & aliquam culpam gravem superstitiosæ Divinationis committere. Ratio est, quia ex solis astris comparari non potest cognitio talium futurorum, vel occultorum ita probabilis, ut ad definitum iudicium ferendum sufficiat, scilicet, ita esse futurum: qui autem ita illa prædicat, vel ea intentione illa investigat, saltem hanc determinatam cognitionem humanam talium futurorum inquirat; ergo tacite vult ex disciplina demonis talem cognitionem comparare. Minor, & consequentia nota est. Major autem patet ex superius dictis, quia sola astra sunt remotissimæ causæ, & illæmet sunt majori ex parte hominibus ignotæ, quia plures omnino ignorantur, & paucae illæ, quæ cognoscuntur, imperfectissime cognoscuntur, quoad eorum virtutem, & influentiam. Et confirmatur: quia hæc divinatio etiam sub specie probabilitatis solum fundatur, ut supponimus, in regulis artis judiciariæ: at illæ regulæ non possunt habere etiam probabilitatem ex solis astris, & ideo damnantur, ut industria demonum introductæ; ergo illa investigatio, vel credulitas, etiamsi sit cum formidine, superstitiosa est. Et hoc tandem bene confirmant verba Dei per Jeremiam: *Asignis cæli nolite metuere*: non enim irrationabiliter timentur, si iudicium probabile, & cognitionem humanam conferre possent. Si ergo timenda non sunt, profecto nec sub illa specie inquirenda, aut consulenda sunt. Secus autem esset, quando non ex astris solis, sed ex aliis circumstantiis, & causis particularibus sumeretur conjectura, ut ex temperamento personæ, ex aliis actibus ejus, & similibus circumstantiis: nam talis observatio non est divinatio, sed providentia: unde si inter alias conjecturas consideretur etiam aspectus astrorum, quatenus aliquid conducere potest, id non pertinet ad superstitionem, sed ad naturalem Astrologiam, quæ non est damnata, ut diximus.

C A P U T XII.

An sortium usus semper sit superstitiosus, & prohibitus.

1 **R**atio dubitandi est, quia sortium mos & tempore legis scriptæ, & in lege gratiæ invenitur a sanctis Patribus ubiatus; ergo de se non est malus, sed potest licite fieri. Antecedens patet: nam terra promissionis per sortem divisa est, Deuter. 1. Actor. 17. Saul per sortem electus est. 1. Reg. 10. Ministeria etiam sacerdotalia sorte dividebantur, juxta illud

Etiam si non ut certa hæc prædicetur, nec neque prædicens interiori aliquid habet superstitiosum & tamen agit.

Assertio non solum solæ prædici, ut certo eventura, sed etiam neque ut probabiliter futura.

Qui verbis prædicit hæc futura, damnatur, & punitur jure, ut Divinus.

An sortes semper superstitiosæ sint, & prohibiti.

illud Luc. 1. *Sorte exiit, ut incensum poneret, &c.* Immo in ipsis Divinis sacrificiis sorte eligebatur, quid esset offerendum Deo Levit. 16. Præterea Josue ad cognoscendum malefactorem occultum sortem misit, Josue 7. Et Jonathas sorte cognitus est, 1. Reg. 14. Jonas etiam sorte agnitus est, Jonæ 1. Ac denique Matthias sorte electus est. Actorum 1. Unde Augustinus Concion. 2. in Psalm. 30. circa illa verba, *In manibus tuis sortes meæ*, colligit, sortes non aliquid mali esse, sed res est (ait) *in dubitatione humana posita divinam indicans voluntatem*. In contrarium vero est, quia sortilegia, id est, sortium usus, vel per sorte electio jure damnata est toto titulo de Sortilegiis, & 26. quæst. 1. 2. & seqq. ubi multa ex Patribus referuntur.

Sortes vel divisorie, vel consultatorie, vel divinatiores sunt.

2 Resolutio vero clara est, adhibita sortium divisione, quæ trimembris dari solet ex D. Thom. dicta quæst. 95. artic. 8. Nam quædam sortes dicuntur divisorie, quædam consultatorie, quædam divinatorie, sed hujus partitionis sensus, & ratio intelligitur melius, ad duo membra usum sortium revocando. Ad duos enim fines mitti possunt sortes, scilicet, vel ad aliquem effectum faciendum, vel ad aliquid occultum cognoscendum, seu revelandum. Quando priori modo mittuntur, dicuntur generaliter sortes divisorie, & dici potest contractus sortium, seu sortes, quæ mittuntur in vi alicujus contractus: nam ille effectus, qui per sortes intendi potest, non est effectus physicus, quia per sortes non applicatur aliqua physica causa ad operandum, sed est effectus moralis, qui ex conventionione hominum fieri potest, ut est translatio domini ejus rei, quæ in sortem mittitur, vel collatio officii, aut beneficii, aut alterius potestatis, quæ per electionem, vel sortem conferatur. Quoties autem sortes ad aliquem hujusmodi effectum faciendum, mittuntur, necesse est, ut in vi alicujus pacti & conventioni præviæ inter eos, quorum consensu ille effectus fieri potest, mittantur, alias non essent operaturæ, accedente vero illo pacto in virtute illius operantur. Nam pactum includit voluntatem quasi conditionatam ejus, qui potestatem habet ad talem effectum faciendum, quæ voluntas transit in absolutam, impleta per sortem conditione: nam licet illa conditio casu impleatur, non refert, quia non aliter posita erat in pacto. Et ita pro diversitate hujus pacti variæ possunt esse istæ sortes: aliæ enim sunt lusoriæ, ut sunt in omni ludo, cujus eventus pendet ex pura fortuna: aliæ sunt electoriæ, seu quæ ad electionem faciendam ordinantur. At vero quando sortes solum mittuntur ad cognoscendum occultum aliquid, tunc generali nomine dici possunt, & consultatorie, & divinatorie: quia omnis inquisitio veritatis occultæ quædam consultatio est, & omnis prædictio, vel præcognitio illius potest dici Divinatio generatim loquendo. Tamen, quia Divinatio in malam partem sumitur, ut supra diximus, sortes illæ, quibus tacite, vel expresse consultitur dæmon, divinatorie dicuntur. si vero consultatur Deus, dicuntur consultatorie per vocis etiam appropriationem.

Sortes divisorie per se magis non sunt.

3 Dico ergo primo: Sortes divisorie, seu quæ sunt in vi contractus per se, & natura sua malæ non sunt, aliquæ vero sunt humano jure prohibitæ, aliæ vero indifferentes adhuc manent. Conclusio est communis, & clara. Prima enim pars constat, quia in illis sortibus nulla superstitio invenitur, quia nec ad cognitionem rei incertæ ordinantur, sed immediate ad operationem: nec etiam continent expresse, aut tacite aliquam dæmonis invocationem: quia nec ad docendum, nec ad operandum aliquid imploratur ejus auxilium, cum per eas sortes nihil intendatur, quod superet efficaciam voluntatis humanæ, vel Divinæ, si jussu, vel nutu illius sortes mittantur, ut dicemus. Per se autem non requiritur in tali sortium usu aliquis dæmonis consensus, vel cooperatio. Materialiter autem potest contingere, ut aliquis habens aliquam cum dæmone societatem, pactum cum illo faciat, mittendo sortes pro determinanda obligatione ad hanc, vel illam actionem: verumtamen ibi ratio superstitiosis non consistit proprie in sortibus, sed in paciscendo cum dæmone. Abstrahendo ergo ab hac speciali malitia, in usu sortium ex contractu ad

aliquid dividendum, vel conferendum, per se, & natura sua malitia superstitiosis non est: nec etiam habet talis usus malitiam injustitiæ, nisi aliunde ex materia, vel aliqua deceptione, vel ex modo sortium illi adjungantur: id enim interdum accidere posse, infra videbimus: est autem quid singulare, & quasi accidentarium. Per se autem sortes non involvunt injustitiam, quia in eis est voluntaria pactio, & potest esse cum æqualitate utriusque partis. Nec denique est ibi per se conjuncta malitia contra alias virtutes, quæ probabili ratione cogitari possit. Sortes ergo hæc non sunt intrinsece malæ.

4 Neque etiam inveniuntur sortes generaliter prohibitæ: nullibi enim ostendi poterit talis lex vel civilis, vel canonica. Quia potius jure civili in multis casibus approbantur, ut patet ex leg. *Si duobus*, Cod. Communia, de legatis: ubi in variis casibus, in quibus hæredes, vel legatarii, quibus æqua data est potestas eligendi servum, & rem aliam, inter se de electione contendunt, omnibus dicitur ibi: *Sancimus in hujusmodi casibus rei judicem fortunam esse, & sortem inter altercantes adhibendam, ut quem fors præulerit, is quidem habeat potestatem eligendi*. Et Glos. ibi verb. *Fortuna*, aliam legem Digestorum refert. Nec talis lex judicari potest iniqua; tum quia quod privati homines possunt licite facere ex communi consensu ad tollendas controversias, potest per legem statui, ut ita fiat; tum etiam quia illud est in talibus casibus optimum medium ad dirimendas lites, & nulli parti est injuriosum, cum in omnibus sit æquale jus: quod, ut supponitur, nec dividi potest, nec omnibus æqualiter applicari, & ideo incertitudo etiam sortium æqualis est. Nec jus Canonicum leges illas pro similibus casibus reprobavit. Et statim asseremus casus alios, & regulam generalem constituemus ad discernendum, quando hujusmodi sortes liceant, aut non liceant.

Sortes generaliter non prohiberi.

5 Tertia ergo pars assertionis declaratur, quia in jure canonico prohibentur sortes in electionibus ecclesiasticis faciendis. Hoc patet ex cap. *Ecclesiæ* extra, de Sortilegiis, ubi prius dicitur, *multa reprehensione dignum, quod fors in talibus interveniat*. Et postea concluditur: *Sortis usum in electionibus perpetua prohibitione damnantes*. Ex quibus verbis colligitur primo, prohibitionem illam extendi ad omnem ecclesiasticam electionem, quia absolute, & sine restrictione sit: & in talibus locutionibus indefinita locutio æquivalere universali, quia generales regulæ per eas constituuntur, sicut in doctrinalibus. Quod maxime est necessarium in lege prohibente, quia prohibitio includit virtutalem negationem, quæ vim habet distribuendi. Immo ex discursu illius textus constat, non tantum esse prohibitam sortem in ipsa dignitate ecclesiastica, officio, aut beneficio conferendo, sed etiam in eligendis, vel nominandis compromissariis ad electionem faciendam. Ibi enim dicitur fuisse reprehensione dignum, quod potestas nominandi, seu eligendi compromissarios uni per sortem delata fuerit. Et ratio est, vel quia etiam tunc provisio ecclesiæ immediate reducitur in sortem: vel quia eadem incommoda in illa sortitione inveniuntur: nam fieri potest, ut ille, qui per sortem assumitur ad compromissarios nominandos indignus sit, & ineptus ad illud munus, ex quo tota electio episcopi, aut alterius similis postea pendet. Et hac ratione (ultra vim verborum) extenditur illa prohibitio ad omnem electionem ecclesiasticam, per quam vel jurisdictionis etiam ad unum actum, vel jus eligendi aut nominandi, vel ecclesiastica dignitas aut officium, vel beneficium, vel administratio ecclesiastica conferatur: & in hoc conveniunt expositores ibi cum Glos. & Theologi cum D. Thom. dicto articulo octavo, & Summistæ.

Jus Canonicum prohibet sortes in electionibus ecclesiasticis.

6 Sed queri potest circa hoc primo, an saltem in eo casu, in quo suffragia paria sunt, & duo habuerunt in electione (semel, bis, aut sæpius facta) paria suffragia: an inquam, liceat inter illos duos sortem mittere. Videri enim potest licitum; tum quia vix superest tunc aliud remedium; tum quia uterque illorum sufficienter judicatur idoneus per suffragiorum multi-

An sortes liceant inter duos mittere, quando suffragia sunt paria.

multitudinem, & ita cessat periculum, in quo solo ratio legis fundatur; tum denique quia tunc non videtur fors fieri in electione simpliciter, quod est prohibitum: jam enim electi sunt illi duo præ aliis, & inter se ut æquales, & quasi disjunctim, ut alter illorum dignitatem, aut officium habeat: & solum mittitur fors, ut electio facta habeat effectum in una illarum personarum potius, quam in alia. Accedit quod in multis congregationibus est in usu, ut in electione pastoris, vel rectoris plures eligantur, non ut omnes officium habeant, sed ut postea inter eos solos fors mittatur, per quam unus ex eis tandem officium consequitur. Hec ergo sortitio non est prohibita, alioquin non ita esset tolerata, & recepta. Eadem autem ratio est de hac, & de præcedenti: ideo enim hic modus eligendi cum sortibus videtur licere, quia per electionem illorum plurium ablatum est periculum eligendi indignum, quia omnes illi per electiones suas propositi sunt ut digni: & ita sortitio non est simpliciter ad electionem, sed ad quamdam electionis factæ determinationem, seu executionem. Atque hoc confirmari potest ex facto Apostolorum Actor. 1. talis enim fuisse videtur electio Matthiæ: nam prius Apostoli constituerunt duos quasi ab ipsis electos, & approbatos ut idoneos ad Apostolatam, & postea inter duos tantum illos miserunt sortem. Sed de hoc facto latius infra.

Pars negativa
eligitur
non posse
scilicet
mitti for-
tes inter
duos illos

7 Nihilominus censeo, ex vi juris communis non esse licitum in priori casu per sortitionem terminare illam electionem, seu divisionem suffragiorum componere. Ratio est, quia illa esset vera electio per sortem, quæ in universum, & sine limitatione prohibita est. Falsumque est, tunc non superesse aliud remedium commissariariorum, quod in jure approbatum est in capit. *Quia propter*, de electione. Aliud autem remedium sortium non invenitur approbatum: immo in dicto cap. *Quia propter*, omnis electio facta aliter, quam per omnes electores, vel per commissarios, reprobatur. Neque etiam est verum, utrumque illorum æqualia suffragia habentium fuisse sufficienter judicatum idoneum, quia capitulum eligentium de neutro hoc indicavit, quia non censetur esse judicium totius capituli, nisi saltem major pars electorum in illo conveniat. Ideoque in neutrum illorum facta est electio ad aliquid, nec approbatio sufficiens personæ ejus: & ideo si sortes postea mittantur, revera tota electio est per sortes, quod reprobatur. Et hæc videtur expressa sententia Glossæ in capit. *Duobus*, de Rescript. in 6. verb. *tenentur*, ubi expressè querit, quid erit, si electores pari numero discordant eligendo inter duos, respondetque, superiorem posse eos compellere, ut concordent, & eligant intra certum tempus, alias ad eum devolvi electionem: unde supponit, non posse per sortem electionem terminari, & ita etiam sentit Felinus in capit. *Capitulum*, de Rescript. cum cardinali in capit. *Licet causam*, de probat. in fin. ubi generalem regulam statuit, in beneficialibus non esse locum sorti.

Non pos-
se plures
eligi, ut
postea
per sortes
unus acce-
piat mu-
nus eccle-
siasticum.

8 Unde ad secundum casum respondemus primo, in illo aliquam majorem rationem inveniri non reprobandi sortes, quia jam singuli illorum, qui mittentur in sortem, sunt revera electi ad majorem numerum suffragiorum ad tale officium, vel dignitatem, non ut illam determinate habeant ex vi solius electionis, sed ut illam habere possint, & ita singuli sunt approbati a capitulo ad munus illud. Nihilominus tamen addo secundo, etiam illum modum electionis non licere in propriis electionibus ecclesiasticis propter generalem prohibitionem, a qua non licet casum excipere sine fundamento juris, vel evidenti necessitate. Nec admitto, dari talem consuetudinem in electionibus ecclesiasticis, sed in quibusdam congregationibus, quæ potius civiles, seu laicæ sunt, quam ecclesiasticæ. Et officia, ad quæ tales electiones fiunt, nec jurisdictionem, nec administrationem propriam, & ecclesiasticam habent. Quod si in aliqua communitate, & electione ecclesiastica talis fuerit eligendi modus, erit ex vi alicujus constitutionis approbatæ per Papam, per quam

aliquo modo derogatur juri communi, quo sublato ille modus electionis per se malus non est. Et hoc modo posset defendi electio Matthiæ per sortem, quia tunc nulla erat prohibitio positiva Divina, vel humana de tali uso sortium, neque ex natura rei in illa erat periculum prave electionis, quia solum mittebantur sortes inter duos electos, & judicatos idoneos, & dignos: & fortasse Apostolis non innotescebat, quis esset dignior, & ideo miserunt sortem. Sed in illo particulari facto aliquid amplius necessarium dicendum est, quia non fuit tantum sortitio electiva, (ut sic dicam) sed fuit etiam consultiva, & ideo specialem Dei instinctum intervenisse necesse est, ut infra dicam.

9 Secundo inquiri potest circa hanc partem, an talis electio per sortes non solum sit jure prohibita, sed etiam sit nulla. Quod enim non sit nulla, videtur colligi ex dicto cap. *ecclesia*, ubi licet dicatur reprehensibilis electio facta per sortes, non dicitur esse nulla, immo supponitur fuisse valida, cum pontifex illam confirmet; non enim illam innovat, & denuo confert, sed tantum confirmat; confirmatio autem supponit valorem actus. Et idem sentit Glossa ibi ver. *Ad gratiam*, dicens, ideo confirmationem illam ad gratiam computari, quia de jure debuit cassari: ergo non fuit irrita, sed ad summum irritanda, ac subinde valida. Denique postea in prohibitionem nullum est verbum annullans, sed tantum prohibens usum sortium in electionibus, lex autem prohibens non irritat, nisi addat verbum declarans nullitatem actus, ut in materia de legibus tractamus. Nihilominus Panormitanus ibi numero quinto ait, censendam esse electionem illam nullam, quando fors in illa intervenit. Primo, quia est facta contra dispositionem legis. Secundo, quia est contra formam eligendi datam in capit. *Quia propter*, de elect. Sed primum motivum apud me non concludit; quia, ut argumentabatur, actio contra prohibitionem legis, quæ non habet verba irritantia, non est irrita ipso facto, sed ad summum irritari potest, & ideo ex vi illius cap. *ecclesia*, non credo, esse talem electionem nullam ipso facto. At vero in dicto cap. *Quia propter*, expresse dicitur, *Aliter electio facta non valeat*; ideo ex vi illius textus verum esse existimo, irritam esse electionem ad aliquam ecclesiam, quæ per sortes fit, quia in ea servari non potest forma præscripta in dicto cap. *Quia propter*, & consequenter de illa verificantur illa verba. *Aliter electio facta non valeat*, nam aliter facta est.

An electio talis per sortes non solum sit prohibita, sed etiam nulla.

10 Dices; ergo in casu capituli *Ecclesia*, electio, de qua ibi tractabatur, nulla fuerat ipso facto ex vi capituli *Quia propter*, nam jus illud antiquius erat: conditum enim est ab Innocent. III. qui Honorium III. præcessit, a quo illud jus manavit. Quomodo ergo Honorius non censuit illam electionem irritam, sed validam, quandoquidem illam confirmavit? Respondendum videtur, rationem esse, quia in illo casu dicti cap. *Ecclesia*, non est electio ad ecclesiam facta per sortes, sed per suffragia, & electionem commissariariorum, & ita potuit in ea servari forma cap. *Quia propter*, juxta illa verba: *Vel saltem eligendi potestas aliquibus viris idoneis committatur, qui vice omnium ecclesie viduate provideant de pastore*. Quod totum in dicto cap. *ecclesia*, servatum est, solum fuit erratum in modo committendi eligendi potestatem commissariis, intervenit sortium. De hoc autem modo committendi potestatem eligendi aliis, nihil dispositum erat in cap. *Quia propter*, neque circa hoc ibi est forma præscripta ad committendam talem potestatem. Potuit ergo commissio esse valida, licet per sortes fuerit facta, si autem commissio fuit valida, etiam electio a commissariis valida esse potuit, quia in ea, ut dixi, servari potuit forma capit. *Quia propter*. Et ideo restrictè dixi, electionem ad ecclesiam sortibus factam esse nullam, & non simpliciter omnem actionem ordinatam ad electionem, neque omnem provisionem beneficii per sortes factam esse nullam, quia in dicto capit. *Quia propter* de sola propria electione ad ecclesiam faciendam forma præscribitur, & sola illa aliter facta annullatur.

Electio commissariariorum per sortes non facit irritam electionem ad ecclesiam per eos factam.

nullatur. In aliis vëro casibus, ubi necesse non est illam formam servare, etiam usus sortium sit prohibitus, non invenitur ius actionem, vel collationem irritans: & ideo quoad hoc censeo procedere priorem sententiam Glossæ per textum ibi in dicto cap. *Ecclesia*.

Utrum licitum sit litigantibus de aliquo beneficio mittere in sortes.

11 Tercio queri potest: An ex vi illius cap. *Ecclesia* prohibitum sit uti fortibus ad terminandas, vel tollendas lites ecclesiasticas, præsertim in causis beneficialibus. Aliqui simpliciter negant, factam esse talem prohibitionem, ac subinde licitum esse, inter litigantes de aliquo beneficio mittere sortes, & ita componere litem. Quia in dicto capit. *Ecclesia* solum prohibentur sortes in electionibus, quæ lex, cum odiosa sit, restringenda est ad proprietatem verborum; non est ergo amplianda ad reliquas conventiones, quæ electiones non sunt: at qui componunt litem per sortes, non eligunt; ergo non prohibentur id facere illo iure. Nam ille, cui fors favit, non accipit beneficium ex vi fortis, sed ex vi tituli, aut iuris, quo pro se litem prætendebat: & per sortem solum fuit ablatum impedimentum: ergo hoc nec de se malum est, nec prohibitum, erit ergo licitum. Unde a fortiori idem dicendum erit de quocumque alio negotio ecclesiastico, quod nec electio sit, nec ad electionem ita proxime ordinetur, ut sub illa contineri videatur. Atque ita sensisse nonnullos iuris peritos, refert Felin. in dicto capit. *Capitulum*, numer. 21. At vero Abbas in dicto cap. *Ecclesia* solum dicit, in illo cap. non esse prohibitum inter Clericos usum sortium in causis, & litibus temporalibus, quod certe manifestum est, & satis convincitur discursu facto. Per illum autem limitatum loquendi modum insinuat Abbas, in causis, & litibus beneficialibus non esse licitum uti fortibus ad componendas illas. Expressius vero id docuit Cardinalis in dicto capit. *Licet causam*, de probat. in fine dicens, *in beneficialibus causis non esse locum sorti*: & hoc sequitur Felinus supra, addens limitationem in Papatu ad tollendum schisma, de quo alibi. Ratio vero dictæ regulæ (omissa pro nunc exceptione) est, quia per huiusmodi sortem incurritur periculum obtinendi beneficium sine iusto titulo, contra regulam primam de Reg. jur. in 6. dicentem: *Beneficium ecclesiasticum non posse licite sine institutione Canonica obtineri*, contra cunic. de eo, qui mittitur in possessionem lib. 6. ubi dicitur, in his litibus beneficialibus cavendum esse, ne aliquid fiat, *per quod ad beneficium vitiosus pateat ingressus*: at per sortem incurritur periculum vitiosi ingressus; ergo non habet locum in componendis causis beneficialibus.

Resolutio questionis

12 In hoc puncto dicendum censeo primo, non esse prohibitum ex vi dicti cap. *Ecclesia* uti fortibus ad componendas lites ecclesiasticas, etiam in beneficialibus. Hoc mihi probat ratio primæ sententiæ. Et videtur esse opinio Glossæ in cap. *Licet causam*, de Probat. ver. *Uti possidetis*, ubi loquens de litigantibus super beneficio ait: *Ubi nullus, vel uterque ostendit titulum, & omnino sunt æquales probationes, nec apparet, quis ad iudicium provocarit, sorte dirimatur*. Et allegat iura civilia, & cap. *Sors*, 26. q. 2. quatenus dicit, sortem de se non esse malam, unde supponit, in tali materia etiam non esse prohibitam. Et hanc opinionem esse usu receptam, & iustam, dicit ibi Hostiensis. n. 20. nec dissentit Abbas n. 37. Licet adhibeat limitationem, quæ ad rem nostram non pertinet, scilicet, ut sortes mitti possint, consentientibus partibus, non vero repugnante altera, vel utraque. Nam illud prius sufficit, ut intelligamus, hoc non esse prohibitum, quicquid sit de posteriori parte, quæ alibi examinanda est.

Lites beneficialis non potest componi per sortes auctoritate privata litigantium.

23 Secundo dico, hunc modum componendi litem beneficalem per sortes non posse fieri per auctoritatem privatam ipsorum litigantium: ita intelligendam puto secundam opinionem supra positam. Et hoc probat bene ratio, quam pro illa adduximus, quia fieri posset, ut per talem sortem beneficium obtineret, qui non habet titulum. Et quoad hoc potest hic applicari sententia multorum Canonistarum asserentium in dicto cap. *Licet causam*, sortem non habere locum in dubio facti, sed iuris. Nam illud dictum applica-

tum ad præsentem materiam habet verum, quando voluntates partium, etiam si inter se paciscantur, non sufficiunt ad tollendum dubium facti: tunc etiam incurritur periculum vitiosi ingressus, quod periculum per huiusmodi sortes non vitatur. Ita vero est in proposito, quia, si litigator non habet iustum titulum, etiam si maxime conveniat cum alia parte in fortibus mittendis, & super illum cardifors, non sufficit consensus partis adversæ ad dandum ei titulum: hac ergo ratione non licent huiusmodi sortes. Secus vero est in causis temporalibus, in quibus res, de qua litigatur, potest per privatum pactum litigantium alteri adjudicari. Unde iuvare potest hæc assertio ex generali regula, quod super beneficium, de quo litigatur, non licet pactum facere privata voluntate sine auctoritate iudicis, immo tale pactum simoniacum censetur: sed hæc sortes non hunc sine pacto, ut supra ostensum est; ergo non licent. Hinc vero obiter colligitur, peccatum ibi commissum non esse superstitionem, de qua nunc tractamus, sed ad sacrilegium, vel simoniam pertinere, ut constat.

14 Deinde concludimus, & dicimus tertio, auctoritate iudicis posse fieri huiusmodi sortes. Ita sentiunt Glossæ, & Doctores allegati: & patet a sufficienti partium enumeratione: nam hoc licet aliquo modo, & non auctoritate privata; ergo saltem auctoritate iudicis. Item patet ex contraria regula de simonia: nam si super beneficio litigioso partes paciscantur in manibus iudicis, & ipse admittat, & juxta pactum sententiam proferat, tenet, & nulla sit simonia nec sacrilegium; ergo idem erit, si pactum sit de fortibus. Nam sicut in tali dubio, vel litigio pactum operatur, ut accedente auctoritate iudicis, ejusque sententia, caveatur periculum vitiosi ingressus, quia ille, cui per talem sententiam fuerit adjudicatum tale beneficium, vere illud consequetur, & ille censetur sufficiens titulus, quando sine fraude, aut vi, vel clau injustitia, bona fide processum est; ergo eadem ratione tollitur illud periculum, etiam si pactum sit fortium, nam illud quasi materiale est, & tota ratio in iudicis auctoritate consistit.

peccatum commissum in his sortibus non est superstitio.

15 Quarto dubitari potest: An prohibitio, cap. *Ecclesia* extendatur ad electionem civilem, seu secularem. Videtur enim extendi; tum quia textus absolute loquitur de electionibus, & non limitat prohibitionem ad beneficialia; tum etiam quia illa prohibitio fundata est in illa ratione naturali, quod per sortem committitur electio fortunæ, ut possit cadere fors super indignum, vel minus dignum, quod de se est contra iustitiam, etiam in civilibus magistratibus, &c. In contrarium vero est consuetudo, quæ est optima legum interpretes, quia non obstante illo jure usus sortium frequens est in civilibus electionibus. Ratio etiam addi potest, quia ius canonicum non disponit nisi in propria materia: unde in eodem textu dicitur, reprehensione dignum esse, quod fors in talibus interveniat, id est, in his, quæ ad beneficia pertinent: ergo de his tantum subiecta est sequens prohibitio. Respondeo breviter, prohibitionem illam, ut positivi iuris, non extendi ad civiles magistratus, & officia, ut recte probatum est: estque omnium sine dissensione sententia. Nec refert, quod in ultimis verbis, in quibus prohibitio fertur, absolute dicitur in electionibus, quia semper intelligitur juxta subiectam materiam, & juxta præcedentia verba, & discursum textus, ut adnotavimus. Ratio vero in priori parte facta recte probat, interdum esse posse iniquam sortitionem illam in publicis officiis civilibus contra legem naturalem, etiam si nulla sit prohibitio humana; illa vero iniquitas non consistit in superstitione, nec est contra religionem, sed erit contra iustitiam distributivam, cui repugnat, ut id, quod secundum merita conferendum est, per sortem detur, & contra commutativam, ac legalem, quia id repugnat debite administrationi Reipublicæ, ejusque communi bono. Ut ergo huiusmodi sortes in electionibus interdum liceant, oportet aliquo modo prævenire, ut solum mittantur inter eos, qui ita sunt digni officio, ut vix possit inter

An prædicta prohibitio extendatur ad secularem electionem.

Resolutio questionis.

eos manifestus excelsus indicari, sic enim vitatur illud periculum, & non alio modo. Et quia difficile est, hanc cautionem adhibere, ideo fortasse dixit Pan. d. c. *Ecclesia*, c. 3. ibi quidem non prohiberi electiones seculares per sortes. *Et ita* (inquit) *in multis locis faciunt laici. Melius tamen puto abstinendum, quam militare rationes allegare.*

Concluditur divinae sortes potest honeste fieri.

Variis modis possunt hic misceri peccata.

Secundus.

De peccato quod in sortibus inter venire potest ex parte materiae.

16 Atque hinc tandem nota est ultima pars assertionis, nimirum divinatorias sortes esse indifferentes, & de se posse honeste fieri. Hoc n. intendit Aug. in d. c. *Spes*, seu *Con. 2.* in Pl. 30. Et hoc probat usus veteris testamenti in principio adductus: nam licet nonnulla ex illis tunc fierent speciali Dei mandato; illud tamen non est semper necessarium, cum actio de se mala non sit. Dico autem de se, quia variis modis potest hic misceri peccatum. Primo, si ex prava intentione, vel estimatione erronea fiat. Potest autem haec intentio esse multiplex. Primo, si quis putet, actus humanos sortiri effectus juxta dispositionem stellarum, & ideo mittat sortes, quia putat constellationem sibi fore propitiam ad fortitionem dirigendam. Tunc enim actus est in genere superstitionis tractatus, cap. praeced. Secundo erit prava intentio, si quis sortiarum confusus de adiutorio Daemonis, vel aliqua illius promissione, vel praedictione, tunc enim etiam est superstitio, non vero est proprie divinatoria, sed magica, & malefica, de qua infra dicturi sumus, quomodo a divinatione distinguitur, quia tunc non tam expeditur a demone revelatio rei futurae, quam effectio, & motio manus extrahentis sortem, quam sine dubio potest ipse efficere, si permittatur. Tertio mitti potest fors ea intentione, ut eventus ex fortuna eveniat. Et tunc (ait D. Thomas artic. 8.) *Non videtur habere vitium, nisi sorte vanitatis.* Intelligendum autem hoc est, nisi quis ita fortunae se committat, ut providentiam Dei non agnoscat: tunc enim esset Gentilicus error: semper enim verum est illud Prov. 16. *Sortes mittuntur in sinum, sed a Domino temperantur.* Si autem quis ita se fortunae committat, ut non excludat divinam providentiam, vel dirigentem, vel permittentem, tunc ex parte hujus intentionis non est actus malus, sed erit actus otiosus, si absque necessitate, utilitate, vel honesta causa fiat, & tunc potest vanitas vocari: si autem fiat ex iusta causa, vel necessitate, nullum erit peccatum, immo licet fiat ludi, vel lucri causa, non erit semper malum: nam haec motiva indifferentia sunt, & possunt honestari ex aliis finibus. Secundo potest in his sortibus intervenire peccatum ex parte materiae, vel contra iustitiam distributivam, ut paulo ante explicatum est in electionibus ad officia, vel contra commutativam, ut si ad puniendum delictum commissum, per sortes eligatur persona: nam praeter divinationem (de qua infra) est evidens periculum, ut puniatur innocens, & nocens relinquitur impunitus, ut late declarat Abul. 1. Reg. 14. quæst. 27. & 28. vel etiam potest misceri malitia sacrilegii ex parte materiae, ut supra explicatum est, & ita potest fortasse de aliis contingere. Tertio potest in his sortibus intervenire malitia, si per eas intendatur effectus, qui non potest per voluntatem, vel consensum sortientium fieri, ut si sortiantur de re aliena, seu de re, quam non possunt suis voluntatibus dividere, aut applicare. Tunc enim est clara iniustitia, & potest esse impietas, seu sacrilegium pro materiae qualitate, ut constat. Quod si in tali casu expectetur a Deo effectus per aliquod signum, tunc iam illae sortes sunt potius consultatoriae, de quibus postea. Quarto potest hic esse peccatum ex modo: ut si quis fraudibus utatur in sortibus, sicut in ludo; tunc enim esset iniustitia. Item poterit esse irreverentia, seu irreligiositas, si quis uteretur libro evangeliorum, vel Divinis oraculis ad sortiendum praesertim in rebus terrenis juxta Augustin. epist. 119. capit. 20. Quamvis ibi potius de consultatoriis sortibus loqui videatur, ut infra dicam. Quinto possunt sortes esse malae solum quia prohibita, ut in casu supra tractato. Constat autem haec omnino extra rationem sortium esse, & ideo recte dici tales sortes de se indifferentes.

17 Potestque hoc variis exemplis monstrari, ut de

sorte ad dandam eleemosynam huic potius, quam illi, apud Aug. 1. de doctrina christiana c. 28. De sorte ad eligendum inter duos Dei ministros tempore persecutionis, aut pestis, quis permanens sit, vel recessurus, apud eundem August. epist. 180. Et idem dici posset, si sortirentur (stante aequalitate) quis esset ad Indos iturus, vel inter eos mansurus: sic enim leguntur Apostoli divisisse inter se missiones suas per orbem quod indicat Cyril. lib. 5. in Isai. cap. 81. Turrian. in libr. 8. Const. Clement. cap. 5. Item de sorte, quae mittitur ad tollenda jurgia, juxta illud Pr. 18. *Contradictiones comprimunt fors, & inter potentes quoque dijudicat:* & sic de aliis. Unde tandem infero, non recte dixisse Baldum in Leg. *Meminimus*, Codice Quando, & quibus quarta pars debeatur, sortem non licere, nisi in casibus a jure permissis, & in aliis omnibus peccatum contineri. Contrario enim modo dicere debuisset, sortem non continere peccatum, nisi vel ex circumstantia accidentaria, & extrinseca, vel in casibus in jure expressis, extra illos vero per se loquendo licere, vel saltem esse rem indifferentem. Et hoc sensit Glossa ult. in dicto cap. *Ecclesia*, & Felin. dicto cap. *Capitulum*, de Rescript. num. 21. & dicto cap. *Licet causam*, de Probat. n. 44. circa finem, ubi alios allegat. Et ratio satis constat ex dictis; nam in illis etiam casibus, quae jura civilia expresse permittunt, non ideo licitae sunt sortes, quia iura illas permittunt, nam sola permissio non faceret illas licitas, si ipsae de se malae essent, quia vero malae non sunt, ideo iuste permittuntur interdum, non solum ad vitandum majus malum, sed propter aliquam utilitatem, vel commoditatem, ut dictum est.

18 Secundo, ac principaliter dicendum est. Usus sortium ad cognoscendam veritatem occultam, nisi fiat ex Divina inspiratione expectando ab ipso Deo veritatis cognitionem, illicitus est, & ex suo genere gravem malitiam continet. Sub hac assertionione sortes divinatorias, & consultatorias comprehendendo: ambae enim ad hoc tendunt, ut veritas occulta per indicium sortium cognoscatur: sed differunt, ut diximus, quia per consultationem intelligitur Divina, & est, quoties per indicium sortis a Deo postulatur, & expectatur cognitio rei desideratae: Divinatio autem intercedit in sortibus, quoties a Deo non expectatur cognitio. Rursus mittere sortes, expectando a Deo iudicium veritatis, dupliciter fieri potest, scilicet prudenter, & temere. Si prudenter fiat, non erit vitium, quia vitium non fit prudenter, si autem fiat temere, vitium erit. Quod autem possit hoc interdum prudenter fieri, probat in primis usus Sanctorum in veteri testamento, quem in principio adduximus in testimoniis secundo loco citatis. Nam sortitio facta a Josue fuit quidem ad revelandum malefactorem occultum, per Dei tamen expressum mandatum, unde non tamen erat consultatoria, quam executiva Divini mandati: unde & fuit prudentissima, & cum spe certa, quod fors esset ita a Deo dirigenda, ut veritatem indicaret.

19 De sorte autem missa a Saul ad similem finem Abul. ibi putat, etiam Saulem id fecisse ex divino praeepto, quod levibus conjecturis suadet: & qui voluerit, potest id credere, quia non habet incommodum, licet non probetur. Non est tamen nobis necessarium defendere, bene, & prudenter fecisse Saulem, quia nec erat sanctus, nec spiritu Dei in actionibus suis ordinarie regebatur, neque de illa habuit expressum mandatum Dei, nec in Scriptura refertur aliqua circumstantia, unde colligatur id fuisse ex divina inspiratione, Nam licet verisimile sit Deum postea temperasse sortem, eamque ita direxisse, ut vere indicaret personam inquisitam, nihilominus potuit esse fors illicite intentata, ut indicavit idem Abul. 1. Reg. 14. q. 20. nam illa directio sortium est quasi quaedam gratia gratis data, quam Deus dat, quibus vult, etiam si peccent utendo sortibus, quia Deus bene utendo eorum prava actione, assequitur alium finem, quem ipse intendit. Sicut in facto Jonae est manifestum; nam ibi non est dubium, quin nauae inepte egerint, sortem mittendo, & tamen Deus direxit illam, ut per eam veritas indicaretur, & Jonas mitteretur in mare, & sequerentur alia mirabilia, quae ipse intendebat, ut indicavit etiam

Exemplis monstratur, non esse sortes de se malas.

Usus sortium ad cognoscendam occultam veritatem illicitus est, nisi Dei inspiratione fiat.

De sortibus a Saule missis.

etiam Abul. r. Reg. 14. q. 37. Unde quod Prov. 16. dicitur, *Sortes mittuntur in sinum, sed a Domino temperantur*, etiam si de materialibus sortibus ad literam intelligatur, non est necesse limitari ad sortes sine culpa missas: omnes enim a Domino temperantur, licet non omnes eodem modo: nam quando mittuntur ex suo mandato, vel speciali instinctu, ita diriguntur, ut infallibiliter ostendant veritatem: quando vero mera humana voluntate fiunt, a Domino temperantur vel per specialem, vel per generalem providentiam, interdum directivam, interdum permissivam, semper tamen eveniunt ex eius providentia, & hoc est temperari ab ipso. Illa vero providentia potest esse specialis, & specialissima in directione sortis, ut veritatem attingat, etiam si forte non sine peccato, & temeritate fuerit missa.

De sorte
missa ad
Matthiam
electionis.

20 At vero de sorte ab Apostolis missa ad Matthiam eligendum, varie loquuntur Patres. Cum enim omnes conveniant, nullum ibi intervenisse peccatum, quod est certissimum, quia licet nondum essent Apostoli tunc confirmati in gratia, magnam tamen lucem, & gratiam ab Spiritu sancto acceperant, unde nec ignorare poterant, quid in eo facto liceret, nec sine causa committere quicquam, quod peccatum esset. Maxime cum omnium consilio, vel consensu electio facta fuerit, & præmissa oratione communi, post gravissimam Petri admonitionem. Cum hoc ergo certum sit, nonnulli ex Patribus hoc attribuunt alicui imperfectioni, vel potius minori perfectioni Apostolorum. Hoc enim significat illud Bedæ Actor. 1. *Sorte queritur, quia nondum erat plenitudo Spiritus sancti in ecclesia effusa. Septem autem diaconi postea non sorte, sed electione discipulorum sunt ordinati*. Quod refert, & approbare videtur D. Tho. d. art. 8. & idem sensisse videtur Chrys. ho. 3. in Acta, cum dixit: *Quoniam non erat spiritus, sorte temperantur*.

Qui tribu
ant hanc
sortem
imperfe-
ctioni
Apost.

Explicat
tur præce-
dens Patris
asseritio.

21 Sed hæc sententia non est intelligenda de imperfectione morum in illo facto, sed ad summum de defectu alicuius cognitionis, vel instructionis, quam nondum Petrus & Apostoli habebant; vel certe de imperfectione status ecclesiæ in illo tempore: nam, quod ad mores attinet, nec peccatum, nec imperfectio ulla in illo facto notari potest. Si enim sortes illas tantum ut divinatorias spectemus, & in Apostolis supponamus potestatem ad providendum de successore loco Judæ, & quod electio modo humano facienda fuisset, nulla moralis imperfectio in illa electione notari posset, etiam si facta fuisset sine extraordinaria inspiratione, aut morione divina, sed ordinaria, prout nunc fit electio Pontificis. Nam si ex communi consensu, vel ad plura suffragia unus tantum electus fuisset, quia ille reputatus esset dignior, nulla fuisset imperfectio. Ergo si contingit (ut credendum est) quod illi duo, Matthias, & Barsabas, reputati fuerunt digniores cæteris, & inter eos iudicari humano modo non potuit, quis esset dignior, nulla imperfectio fuit, ambos prius eligere, ut alia via postea fieret electio inter ipsos. Sic enim etiam nunc in quacumque electione fieri posset, seclusa prohibitione positi va etiam in electione ad Papam, ut eligentes prius inter se convenirent, si fieri posset, ut inter duos, vel tres electio fieret, maxime si publice constaret, illos esse digni nos. Rursus facta illa prima electione, cum non superesset via humana ad cognoscendum, quis illorum esset dignior, aut cuius electio magis futura esset iuxta beneplacitum Dei, profecto electio per sortem honestissima erat, nullaque imperfectio in ea notari posset. Quia in primis supponebatur, utramque personam esse dignam, & ferendo arbitrium humano modo, quamcumque illarum potuisse iuste eligi determinare. Quia suppositione stante, per sortem eligere nec maius, nec imperfectum erat ex natura rei. Et alioquin nulla erat tunc prohibitio humana, & licet fuisset, Petrus, & Apostoli possuissent in illa dispensare. Deinde nulla erat superstitio, aut tentatio Dei, ut per se notum est, & statim amplius explicabitur. Denique nullus perfectior modus excogitari potest, si enim aliquis esse posset, maxime quod Petrus, vel congregatio illa unum ex illis duobus definite eligeret, at fortasse nullam habue-

Suarez, Tom. XII.

runt humanam rationem ad id faciendum; ergo melius fecerunt id committendo providentiæ divinæ, ut plane fecerunt, præmissa oratione, & mittendo sortem. Fuit etiam illud medium tunc aprius ad tollendam omnem offensionem, & contentionem, & ad ostendendam sinceritatem intentionis, & desiderii procedendi sine ulla privata affectione. Itaque considerando illam electionem tantum ut humano modo factam sine ulla exteriori offensione Divinæ voluntatis per sensibile signum, non invenitur in ea morum imperfectio, nec aliquid singulare propter quod sit necessarium recurrere ad specialem instinctum Spiritus sancti.

22 Addimus vero, illam non solum fuisse sortem divinatoriam, sed etiam consultatoriam; voluerunt enim Apostoli per illam intelligere Divinam voluntatem circa electionem inter illos duos. Et hoc supponebat in illis aliquam imperfectionem, non ad mores, sed ad cognitionem pertinentem, vel, ut ita dicam, spectantem ad ordinem gratiæ gratis datæ, non gratum facientis. Cum enim Apostolatus esset dignitas personalis (ut sic dicam) quæ non erat in ecclesia perpetuo duratura, dubitare potuerunt Apostoli. An esset novus Apostolus loco Judæ eligendus. In hoc vero per intelligentiam prophetiæ David illuminatus fuit Petrus a Sp. S. ut doceret alios, episcopatum Judæ alteri fuisse dandum, & novum restem resurrectionis Christi fuisse ex tota illa congregatione creandum. Tamen quia Apostolatus erat dignitas, quam solus Christus immediate contulerat, dubitare ulterius potuerunt, an oporteret cælesti signo demonstrari electionem a Christo factam, ut firma, & indubitabilis permaneret. Et ita supponitur in Apostolis hæc imperfectio, quia nondum sciebant quomodo esset illa dignitas conferenda. Vel certe si fortasse intelligebant se posse designare personam, quamvis Christus immediate daturus esset potestatem (ut satis verisimile est, nam sicut designarunt duos, potuissent unum tantum designare, si expedire iudicaret, vel si certi essent de majori ejus idoneitate) nihilominus propter imperfectum statum, quem tunc habebat ecclesia, quia non erat tota satis instructa de his mysteriis, & ut majori reverentia, & fide susciperet electum, & qui forte ignorabant, quis illorum duorum esset dignior, opportunum iudicaverunt, a Deo ipso electionem inter illos duos expectare. Sic ergo consultatio illa ad Deum imperfectio nem aliquam supponebat, non tamen cum morali imperfectione facta est. Unde probabilius credo cum Apostoli orantur, *Tu Domine, qui corda nostri omnium ostende, quem elegeris*, ostensionem publicam per aliquod signum visibile petuisse, ut verba ipsa sonant: neque id fuit tentare Deum, quia non sine morali necessitate, & publica utilitate, neque sine divino instinctu, (ut credendum est, & oratio ipsa ostendit) id fecerunt.

23 Unde, cum postea dicitur, *Et dederunt sortes eis, & cecidit fors super Matthiam*, probabile est, indicium aliquod Divinam fuisse datam, quo omnibus constituit, Deum elegisse Matthiam. Quæ fuit sententia Dionysii c. 5. de Eccl. Hierar. Ubi etiam ait, ob reverentiam tantæ dignitatis Apostolos Deo ipsi electionem commisisse, ut non ab hominibus, neque per homines, sed a Deo ipso immediate tribueretur, & ideo Deum, exhibitum aliquo mirabili signo sensibili, quem eligeret, declarasse. Et ita intellexerunt etiam Maximus, & Carthus. in Dionys. Turrec. in scholi. ad li. Const. Clem. lib. 8. c. 5. Qui ait nullas sortes materiales (ut sic dicam) fuisse Matthiæ, & Barsabæ. sed dare sortes nihil aliud fuisse, quam eos proponere, ut super quem caderet certum aliquod de cælo signum, electus haberetur. Quod est probabile, & consentaneum Dionysio: sed magis literatæ est, quod fuerint eis datæ propriæ sortes, & extractæ, & quod ceciderit super Matthiam, ut communiter expositores Act. 1. sentiunt. & Hieronym. Jo. n. 1. & D. Thomas supra videtur supponere & esse communem sententiam dicit Anto. 1. part. Hist. c. 1. in principio, & c. 15.

prædictæ
fors non
solum di-
vinatoria, sed
etiam con-
sultatoria
fuit.

probabile
est forte
datum si-
gnum ali-
quod divi-
num in e-
lectione
Matthiæ.

14 Nihilque vetat, quod simul signo aliquo visibili ostensum fuerit, sortes illas evenisse ex singulari Dei directione, qui Matthiam eligebat, & Apostolum creabat. Nam hoc videntur postulasse Apostoli, cum dixerunt: *Ostende, quem elegeris*: & præterea

illi tempori, & loco videbatur convenientissimum ad maiorem consolationem, & satisfactionem illius ecclesie, quæ nondum erat per Spiritus sancti adventum confirmata, ut certo omnibus constaret, Deum fuisse, qui Apostolicam dignitatem Matthiæ tribuisset. Item ut Apostoli, qui Dominum per sortes illas consulere voluerunt, ab ipso haberent responsum, aliquo peculiari signo manifestatum. Nam si nihil aliud ibi contigisset, præter id, quod in omnibus fortibus humanis accidit, nimirum, ut fors pro Matthia educeretur: nihil singulare ex parte Dei habuisset illa electio, nec magis ibi ostendisset suam voluntatem, quam in aliis fortibus humanis, quod non videretur verisimile, nec intentioni, & orationi Apostolorum, consentaneum. Et hoc certe sensit Hieronymus Jonæ 1. dicens, illam sortem factam esse ex speciali privilegio; nullum autem fuisse, nisi aliquod signum Divinum intercessisset. Et hoc ipsum significavit Orig. hom. 13. in Josue, dicens: *Precedenti namque oratione, non jam casu, seu providentia, fors Divinum iudicium deferrebat.* Idemque significat August. dicta Concione 2. in Psalm. 30. cum ait: *Electi sunt duo iudicio humano, & electus de duobus unus iudicio Divino.* Etenim si sortes illæ nihil amplius habuissent, quam aliæ materiales sortes, non magis constiteret, fuisse a Deo electionem unius ex duobus, quam ipsorum duorum electionem, quia utrumque factum est ex providentia, & directione divina. Cum ergo subdit Aug. *De duobus consultus est Deus, quemnam ipsorum esse vellet, & cecidit fors super Matthiam,* intelligit ita cecidisse, ut cælesti aliquo signo ostenderet Deus suam voluntatem, & responsum daret consultationi Apostolorum. Quale autem fuerit illud signum, a Luca declaratum non est, quia nobis id scire necessarium non erat: fortasse tamen fuit aliquis cælestis radius, vel [sicut Num. 17. legimus de Aaron] potuit virga florere in manu Matthiæ, & non Barsabæ, vel aliquid simile divinitus fieri.

25 Recte igitur ab Origine in hom. 13. dictum est, sortes consultatorias de se sanctas, & bonas esse, utique si debito modo fiant, id est, propter honestum, & gravem finem, & necessitate exigente, & cum debita reverentia, nec sine speciali instinctu Dei. Hæc enim omnia, in sortitione Matthiæ servata esse, satis ex dictis constat. Unde fit, illam sortitionem fuisse consultatoriam; nam licet ordinaretur ad aliquid faciendum, quod pertinet ad sortes divinatorias, præsertim ordinabatur ad cognoscendam Dei voluntatem, & ut constaret omnibus, quis esset dignus tanta dignitate, & Deum esse, qui illam conferebat, quæ omnia ad consultationem spectant. At vero si aliter hæc Divina consultatio remere, & imprudenter fiat: erit grave peccatum. Est autem in hoc advertendum primo, quando tale peccatum intervenit, non esse superstitionem divinatoriam, de qua tractamus, sed esse aut tentationem Dei, aut sacrilegium. Si enim talis modus consultationis fiat sine necessitate, & prætermisiss ordinariis mediis divinæ providentiæ, est tentatio Dei, ut constat ex supra dictis de hoc vitio. Et ita docuit D. Th. dicto artic. 8. Si vero fiat indebito modo, erit aliquod genus sacrilegii, ad quod videntur spectare duo alii peccandi modi in hoc genere, quos Div. Thomas ponit. Unus est, si quis nulla oratione præmissa, vel sine debita reverentia, & humilitate accedat ad Deum hoc modo consulendum. Alius est, si medio improporcionado utatur, ut si sortes sint de temporalibus rebus, & divina oracula ad hoc convertantur, id est, evangelia, vel aliquid huiusmodi, ut Caietanus exponit, sed supra dictum est in fortibus divinatoriis.

26 Deinde est considerandum, duobus modis, seu duplici intentione posse fieri hanc Dei consultationem. Primo intendendo, & expresse, vel tacite petendo a Deo, ut signo aliquo divino, & extraordinario ostendat, quid in tali negotio agere expediat, vel quis sit dignus tali dignitate, vel quis sit futurus utilior ecclesie, si illum suscipiat, vel similia. Ad quem modum diximus, Apostolos consuluisse Dominum in electione Matthiæ. Et hic modus consulendi adeo est extraordinarius, ut non solum necessitatem, vel utilitatem requirat, sed etiam motionem Divinam val-

de specialem ad id postulandum, & extraordinarium instinctum; alioquin non virabitur tentatio Dei, ut in superiori libro diximus. Et talem motionem credendum est habuisse aliquos Sanctos utentes fortuita apertione libri facti ad utilitatem Dei, vel futurum aliquem eventum cognoscendum, ut de Tetrico episcopo sancto refert Gregor. Turon. lib. 4. Historiæ Francorum cap. 16. Secundo potest quis intendere solum impetrare a Deo occultam directionem sortium per specialem providentiam, quæ, licet miraculosa dici non possit, pertineat tamen ad specialem gratiam, & beneficentiam Dei, illaque tanta fiducia postuletur, ut secum homo statuatur id, quod fors tulerit, amplecti, tanquam ex divina voluntate, & ordinatione, & non tantum ex permissione profectum. Quomodo videntur intellexisse orationem Apostolorum in electione Matthiæ, qui non putant, signum aliquod cæleste, & visibile fuisse in ea ostensum. Estque hic modus facilius, & non requirit extraordinarium instinctum Spiritus sancti, ut absque temeritate fiat, sed satis est prudens ratio ex conjectura humana sumpta ex necessitate, & honestate causæ, & dubitatione occurrente, quia non invenitur melior modus ad faciendam determinationem; & ex modo, quo fit, præmissa oratione, & recta intentione, & in tali materia, in qua ex successu sortium non sit periculum iniustitiæ, aut alterius mali, tunc enim sine temeritate, aut tentatione Dei credi potest, Deum sua providentia assecutum. Et si quis recte consideret, tunc magis videntur illæ sortes divinatoriæ, quam consultatoriæ, quia non tam intenditur cognitio per sortem, quam determinatio ad aliquid faciendum: solumque concipitur probabilis spes, Deum illo modo tacite approbaturum determinationem, quæ spes nec superstitiosa, nec vana est, sed probabilis, ut declaravi. Sed dices: quid necesse est tunc fortibus uti, cum oratio sufficiat ad impetrandam a Deo necessariam cognitionem, & illi sit promissa ex auditio, non fortibus. Respondeo, per has sortes non excludi orationem: sed cum homo timeat postulare apertam revelationem, & non suppetat (ut supponitur) aliud medium humanum ad tollendam ambiguitatem, & accipiem dubitationem, utitur eo modo, quo potest, invocato divino auxilio quod illud dirigat. Semperque supponeadum est, in neutra parte earum, quæ in fortibus mittuntur, etiam si fiat, seu eligatur, esse aliquid contra iustitiam, vel rectam rationem. Quando ergo hæc omnia concurrunt, non est in tali genere consultationis aliqua malitia.

27 Superest tandem, ut alteram partem de divinatoriis fortibus explicemus, & concludamus: sequitur enim veluti a sufficienti partium enumeratione. Nam eo ipso, quod sortes mittuntur ad occultam veritatem cognoscendam, & non nituntur in Deo, ejusque providentia, superstitiosæ sunt, ac subinde illicitæ, & contra religionem. Duobus autem modis supra positus possunt hanc malitiam participare. Primo per expressam societatem cum dæmone, vel ab illo aperte petendo, ut sortes dirigat, & fidem illi adhibendo: vel pactum aliquod cum illo contrahendo, & signum sortium ab illo accipiendo, & illo tanquam regula actionum utendo. Et quando hoc modo delinquitur, clara est malitia superstitionis, & eiusdem rationis cum aliis divinationibus Diabolicis cum pacto expresso, solumque in signo materiali differt. Alio modo potest hic etiam peccari ex pacto tacito, quod intervenit censetur, quoties manifestatio veritatis non a Deo expectatur. Nam tunc procedit generalis ratio supra facta de signis vanis, & inutilibus: nam hoc etiam medium sortium de se vanum signum est, quia nec ex natura sua, nec ex aliqua legitima impositione habet talem significationem. Non natura sua, quia non est causa, nec effectus illius rei, cujus cognitio inquiritur, neque cum illa habet connexionem naturalem in aliqua causa, ut per se notum est. Non etiam ex impositione legitima, quia nec a Deo data est, nec ab hominibus cum fundamento dari potuit: ergo necesse est, ut vel a dæmone manaverit, vel ab illo tacite

expe-

Sortem
Matthiæ
fuisse con-
sultatoriā

Si hæc con-
sultatio
remere
fiat, est
grave pec-
catum.

Duplici
intentione
potest fieri
hæc Dei
consulta-
tio.
i. latenter

2. Jansenio

Obiectio.

Sortes di-
vinatoriæ
dupliciter
participā
malitiam
supersti-
tiosam.

expectetur: vel certe, ut ipse se ingerat ad decipiendum hominem, qui in eo ipso peccat, quod tali periculo moraliter se exponit, ut de aliis dictum est.

De hac divinatione sunt iura intelligenda.

29 Et ob hanc causam prohibita est ecclesiastico iure talis divinatio, sic enim intelligenda sunt iura, quæ de tali divinatione loquuntur. Ut sunt c. *Non liceat*, 26. q. 5. ubi fortilegi cum divinatoribus, & maleficis æque damnantur ex Canone 72. Martini Brachar. Episcopi. Idem ex Conc. Tolet. 4. c. 28. in ca. *Siquis episcopus*, ibidem, & c. *Pervenit*, ex Greg. lib. 9. Epist. 47. & in c. *Contra idolorum*, ex eodem Greg. lib. 7. Epist. 66. Similiter Leo Papa ad episcopos Brit. c. 4. fortes tanquam divinationes, & maleficia dicit esse damandas. Præterea in c. *Si quis Clericus* ex Concil. Aurel. c. 32. & latius in c. *Aliquantum* ex Conc. Agath. ca. 42. damnantur qui sub nomine fidei religionis per eas, quas Sanctorum fortes vocant, divinationis scientiam profitentur, aut quarumcumque Scripturarum inspectione futurorum scientiam promittunt. In quo videtur alludi ad eos, qui de paginis evangelicis fortes legunt: de quibus August. 119. c. 20. Quos solum damnat, quia ad vitæ huius vanitatem divina oracula volunt convertere: & significat minus peccare, quam qui ad demonia consulenda concurrunt. Sed nihilominus si illo genere sortium utuntur, ut puris signis, ac fortibus sine speciali recursum ad Deum, vel ex motione ejus saltem probabiliter credita ex aliquibus conjecturis, superstitio clara est; licet sit minus peccatum, quam expressa consultatio Dæmonis, non immunis a tacita consultatione. Et ideo in c. *Episcopi*, eadem causa, & quasi ex quodam Concil. Aqu. ars fortilega tanquam a dæmone inventa damnatur.

Hæc fortium quædam ordinantur solum ad cognitionem, aliæ ad operationem.

29 Ut vero malitia huius peccati magis declaretur, adverto, has fortes divinatorias interdum esse quasi speculativas (ut sic dicam) id est, ordinatas ad cognoscenda futura, seu occulta solum propter cognitionem in illa sistendo, ut cum per sortes inquiritur, quis obtinebit cathedram, aut victoriam, & similia: non ad aliquid operandum, sed solum ad voluptatem, & satietatem curiosi appetitus, & affectus: aliquando vero esse practicas, quia ordinantur ad aliquid agendum ex tali cognitione, ut quando per sortem inquiritur, quis fuerit malefactor occultus ad puniendum illum, vel quid simile. Quando sunt priori modo, sunt pure consultatorie dæmonis, & ideo tantum habent malitiam superstitutionis, sicut intentio futurorum per astra, vel auguria, &c. de qua nihil superest addendum. Quando vero sunt posteriori modo, non sunt fortes pure consultatorie dæmonis, sed ordinarie participant aliquid de divinatoriis, nam ad illas pertinet distributio honoris, vel pœna per fortes. Et ideo præter malitiam superstitutionis intervenire solet malitia iniustitiæ, infamando v. g. proximum, vel innocentem, si fors in ipsum cadat, ut potest, & sæpe accidit, vel nocentem occultum publicando, quod etiam est iniustum. Item eodem modo peccatur exponendo innocentem periculo pœnæ, quam non meretur, si fors super illum cadat. Et licet cadat in eum, qui revera fecit delictum, gravissima iniustitia est, illum punire non probatum nocentem. Nam per fortes revera non probatur nocens, nisi testimonium dæmonis recipiatur, quia fortes per se nullam probabilitatem faciunt cum sint mere casuales: & in utrumque nocentem scilicet & innocentem, possit æque cadere fors: deferre autem fidem dæmoni non solum sacrilegium est, sed etiam in eo casu est injustum, quia mendax est, & magis appetit malum inferre innocentibus, quam malefactoribus. Et ita ad hoc genus sortium pertinet duellum ad veritatem occultam manifestandam, nam præter malitiam sortium continet iniustitiam respectu proximi, & peccatum contra charitatem respectu sui. De quo late Caiet. d. ar. 8. & Martin. Del Rio l. 4. c. 4. q. 3. & seqq. ubi de superstitiosis purgationibus etiam disserit, de quibus supra diximus, quia pertinere etiam possunt ad tentationem Dei. Denique eadem ratio est de omnibus fortibus, quæ ad aliquid agendum ordinantur, in quo inest periculum gravis nocimenti vel sui, vel proximi infamæ, honore, fortunis, aut vitæ.

In præ aliquorum excusatio.

30 Nec vero, qui his utuntur, excusari possunt dicendo se expectare, a Deo dirigendas esse sortes, quia ipse

Suarez Tom. XII.

est, qui temperat illas Pr. 16. falsa enim est, & vana excusatio: quia Deus non semper temperat dirigendo, sed sæpius permittendo, nec talem directionem promittit, nec ordinarii eventus aliud ostendunt. Dixerunt vero quidam, in anima humana esse sufficientem potestatem ad fortes dirigendas observata cæli constellatione, quod refertur solet ex Agrippa l. 2. Philos. c. 54. Sed illa philosophia non solum vana, sed diabolica, & superstitiosa est, quia & involvit superstitionem iudiciariæ Astrologiæ, & addit novam sortilegiorum. Unde etiam potest anima humana talem potestatem sibi arrogare, nisi ex dæmonis suggestionem, ac deceptionem? Est ergo eadem ratio de hoc divinationis genere, quæ de auguriis, & similibus.

CAPUT XIII.

Quando Divinatio per somnia superstitiosa sit.

1 Principio supponendum est, somnium appellari imaginariam visionem, seu apprehensionem, quæ in sensu interiori fit tempore somni, quando exteriores sensus sopiti sunt, ut videre licet apud Arist. lib. de Somniis. Solutque variis nominibus appellari, dicitur enim somnium, & infomnium, visum, phantasma, & interdum etiam oraculum, quas voces accurate distinguit Auctor lib. de Spir. & anima c. 25. inter opera August. 10. 3. Tamen revera idem sunt, præter nomen oraculum, quod ad divina infomnia magis applicatur, immo de se omnem Divinam prophetiam etiam extra somnum factam solet significare. Hic ergo juxta subjectam materiam priores quatuor voces pro eadem accipimus. Non pertinet autem ad præsens institutum philosophicam materiam de somniis tractare, sed solum quæ necessaria fuerint ad explicandum, quale peccatum misceri possit in adhibenda fide in somniis. Agimus ergo de somniis, quatenus nobis significare possunt, aliquid esse futurum, vel factum esse, vel fieri in distanti, vel occulto loco, vel quolibet alio occulto modo. Tripliciter autem intelligi potest per somnium aliquid huiusmodi significari, scilicet vel tanquam per causam, vel tanquam per effectum, vel tanquam per signum, & quasi per locutionem.

Quid ad somnium?

Tripliciter aliquid potest intelligi per somnium significari

2 Primus modus significandi, aut colligendi ex somnio, tanquam ex causa, vix potest habere locum, aut esse alicujus momenti, nec esse in usu, nisi adiunctis aliis superstitiosis, vel coniecturis. Quia somnium, vel quod in eo cogitatur, aut apprehenditur, præter speciem, & memoriam sui, quam relinquit, non potest in homine habere aliquem effectum, qui ex illo postea sit ex necessitate eventurus, sed ad summum, mediante apprehensione illius, seu recordatione, quæ in vigilia fit, potest esse occasio, vel ratio operandi aliquid, quod ab homine non necessario, sed libere fit, si rationis usum habet, ut constat. Et hoc satis indicavit D. Th. dicta q. 95. ar. 6. dicens. *somnia quandoque esse futurorum eventuum causam, cum mens alicuius sollicita ex his, quæ videt in somniis, inducitur ad aliquid faciendum, vel vitandum*. Constat ergo, talem effectum non posse cognosci in somnio tanquam in causa, nec ab illo, qui passus est somnium, nec ab alio, qui de illo notitiam habuit. Quia talis causa nec est efficax ad talem effectum, nec determinat hominem, seu voluntatem eius ad illum. Immo ille idem effectus non sequitur, nisi mediante aliqua alia credulitate de re significata per somnium, quæ credulitas voluntaria est, & non necessaria: & adhuc illa posita dispositio de aliquo alio faciundo, vel vitando libera est, & raro evenit. Ergo ex somniis tanquam ex causa non solum accipi non potest certa cognitio futuri effectus, verum etiam nec probabilis coniectura.

2. Modus colligendi ex somnio tanquam ex causa impugnatur.

3 Nec potest aliquis in hoc peccare, aut errare saltem quoad iudicium certum ferendum de futuro eventu, nisi vel reducendo illum ad aliquam constellationem cælestem, vel ad aliquam occultam significationem: & sic iam non est cognitio in somnio tanquam in causa, sed tanquam in effectum, vel tanquam in signo, & involvit vel errorem Astrologiæ iudiciariæ, vel Dæmoniacæ superstitutionis, ut ex dicendis constabit. Ac

vero si solum fieret conjectura, non esset tantus error; tamen si ex solo somnio fieret, satis vana, & ridicula esset conjectatio, ut ex dictis patet: si tamen ultra somnium considerentur dispositio, & complexio personæ, & fortis ejus apprehensio, & facilitas in credendo, vel timendo, aut deliberando, posset fieri probabiliter, & sine peccato talis conjectura, præsertim si fieret ad præveniendum, ne talis effectus homini nocivus consequeretur. Neque de hac prima consideratione somniorum aliquid amplius ait D.Th. aut Doctores docuerunt, nec videtur necessarium.

4 Secundo potest insomnium considerari, ut effectus, qui solet esse signum suæ causæ, quæ significatio naturalis est, & de se bona. Sciendum autem est, varias esse somniorum causas. Nam Greg. lib. 4. Dial. c. 48. li. 8. Moral. c. 13. alias 18. sex enumerat, eumque imitatur Isid. li. 3. Sent. c. 6. Illæ autem causæ sunt ventris repletio, vel inanitas, cogitatio præcedens, dæmonis illusio sola, vel illusio cum cogitatione permixta, seu ex illa occasionem sumens, divina revelatio sola, vel cum cogitatione mixta. At Gregorius Nyssenus li. de Hominis opific. capit. 13. primas tantum duas causas somniorum ponit, quas late, & optime declarat: de Dæmone vero nihil dicit. Divinas autem visiones, quæ inter dormiendum fiunt, non tam vult vocari somnia, quam vis divina in somno. D. Thom. autem dicto art. 6. aliter has causas enumerat, sed fere in idem redit, licet aliquas addere videatur. Primum enim has causas distinguit in internas, & externas: & internas dicit esse duas, scilicet animalem, & corporalem, quæ coincidunt cum duabus primis a Greg. positis: nam animalis dicitur esse cogitatio præcedens, corporalis dispositio aliqua, vel temperamentum corporis, quod significavit Gregor. nomine impletionis, & inanitionis, quia frequentius ex actuali dispositione, qua corpus afficitur per cibum, & potum, & ex actione illorum, & ex vaporibus, qui ad caput inde ascendunt, solent somnia ex parte corporis excitari. Sub causis extrinsecis videtur D. Th. quatuor causas numerare, duas spirituales, scilicet Deum, & dæmonem, quas sub nomine revelationis, & illusionis Gregor. posuit; & duas corporales, scilicet elementa, ea præsertim, quæ nos circumstant, & cælum, quas D. Gregor. omisit, quia fortasse hæ causæ non nisi media corporis humani alteratione, & immutando temperamentum, vel dispositionem ejus, causæ sunt somniorum, & ita sub prima causa repletionis, & inanitionis corporis videtur Gregorius has omnes causas comprehendisse, easque optime discernit, & variis exemplis declarat. D. Th. vero e converso causas illas mixtas, quas Gregorius posuit, omisit, quia sub simplicibus virtute continentur, & multis aliis modis possunt causæ illæ misceri ad somnia generanda, & ita plura alia membra numerari possent, quod nunc necessarium non est.

5 Solum est ad usum vocum ulterius observandum somnia illa, quæ proveniunt ex intrinseca causa corporis, vel etiam ab extrinseca corporali solere naturalia vocari, quia omnes illæ causæ naturales sunt, & naturaliter operantur; illa vero, quæ sunt ex præcedenti cogitatione, vocari animalia, vel moralia, quia in moribus, & cognitionis actibus habent fundamentum: alia vero dicuntur Divina, seu oracula, quæ a Deo immittuntur: alia vero, quæ sunt a dæmone, dæmoniaca dicuntur. Cum autem hæ denominationes a causis sumantur, sicut idem somnium potest a pluribus causis provenire, ita potest simul esse, & naturale, & animale, &c. Denique animadvertendum est, somnium, ut est effectus quidam, comparari posse, vel ad suam causam præcisè, quatenus illam indicat, vel ad alium effectum futurum ab eadem causa ipsiusmet insomnii: nulla enim alia habitudo utilis ad cognitionem ex tali effectu intervenire hic potest. Nam, ut supra dixi, ex effectu tantum cognosci potest, vel causa ejus, vel alius effectus futurus ab eadem causa, quando in illa habet sufficientem connexionem cum priori effectu.

6 Primo igitur certum est, per se non esse malum ex somniis investigare causam, vel causas eorum, immo potest esse bonum, & utile, & interdum neces-

sarium. Ita docent D. Tho. Cajet. & omnes de hac materia scribes in 2. 2. & Anton. 2. p. tit. 12. c. 1. Estque manifestum. Primo, quia ex effectu, & conditionibus ejus per se malum non est causam investigare, nisi ex intentione operantis, vel aliunde malitia adjungatur, quod est per accidens. Secundo, quia somnia ipsa varia sunt, quam varietatem sine dubio a suis causis accipiunt: ergo ad reddendam rationem illius varietatis, necessarium est, causam unicuique somnio proportionatam inquirere, quod est per effectum querere causam: querere autem hujusmodi rationem, bonum est per se loquendo, & interdum necessarium, vel utile ad vitam humanam, ut videbimus; ergo. Tertio, hoc ostendit usus medicorum: illi enim ex qualitatibus somniorum conjectare solent de humoribus corporis, de prædominio, vel abundantia alicujus, & de qualitate temperamentis, ut constat ex Arist. lib. de Divin. per somnia, Hippocr. lib. 6. Epidemiorum, & l. de insomniis, & Galen. lib. de Præfatio ex insomniis, & l. 3. de Locis male affectis c. 4. Idem ostendit usus Patrum, & Theologorum; nam quia insomnium potest esse a Deo, vel a dæmone, docent ex conditionibus somniis investigare & conjectare, a qua ex illis causis fuerit profectum, vel an a neutra earum, sed fortasse ex aliqua præterita cogitatione, vel si non ab illa, an a causa naturali, & quamvis illa sit. Itaque tota hæc conjectatio de se licita est.

7 Dico vero secundo, hanc coniectionem ex somniis adeo esse tenuem, & difficilem, ut vix possit probabilis cognitio causæ propriæ ex tali effectu comparari, nisi adiunctis multis aliis circumstantiis vel naturalibus, vel moralibus, vel supernaturalibus. Hanc veritatem affirmant, & probant optime Greg. & Isid. supra. *Sed nimirum* (inquit Greg.) *cum somnia tot rerum qualitatibus alternent, tanto eis credi difficilius debet, quanto, & ex quo impulsu veniant, facilius non elucet.* Isid. vero ait: *Facile credi somniis non opus est, quia diversis imaginationum qualitatibus oriuntur, & unde veniant, raro considerantur.* Ratio itaque assertionis est, quia causæ somniorum varæ sunt, ut vidimus, & nullum est somnium, quod ab una causa proficiscatur, quod illam necessario requirat, nam (ut Cajet. bene notavit) saltem dæmon potest se ingerere, & applicando activa passivis facere, ut excitentur somnia, quæ ab humoribus, vel aliunde possunt provenire. Et licet Deus possit in somnio in intellectum immittere aliquam cogitationem immediate, quod non potest facere dæmon, tamen si illa cogitatio sit per modum somni, id est, cum conversione ad phantasmata, nunquam ex solo somnio cognosci poterit sufficienter, Deum fuisse causam ejus, quia similia phantasmata possent virtute dæmonis, applicari, & excitari. Solum ergo somnium nunquam est sufficiens signum suæ causæ determinatæ.

8 Denique hoc clarius constabit, discurrendo breviter per singulas causas supra enumeratas. Et quidem prima causa, quæ est dispositio corporis, & temperamentum, ac humores redundantes, &c. negari non potest, quin saltem in suo genere multum conferat, ut medici, & philosophi docent, & experientia indicat. Et ratio est, quia motus phantasie inter dormiendum, aliquam mutationem obiectivam præsupponunt, quæ ab humoribus mediis spiritibus animalibus fit, & ideo verisimile est, esse proportionatam dispositioni corporis, & humorum. Sic ergo e converso potest talis causa ex qualitate somni coniectari, ut medici faciunt; *Quia secundum morborum discrimina* (ait Nyssen. supra) *somniorum etiam species diversas ægris accidere affirmant. Alias nimirum his, qui stomachi vitio laborant, alias, quibus cerebri membrana sunt lassa, alias febris correptis, alias iis, in quibus nimis humor fit bilis: alias, quibus pituita sit molesta, &c.* Et ita læta somnia indicant abundantiam sanguinis, tristitia melancholiæ, onerosa, & timida pituitæ, bellicosa bilis. Sic etiam ait Nyssen. *qui sitiunt, ad fontes se esse somniant, qui esuriunt in conviviis, adolescens per ætatem lascivians, consentanea libidini suæ imaginatur.* Constat igitur, has causas naturales esse accommodatas his effectibus, & per illos non improbabili-
di-
Ex somniis difficile est cognoscere eorum causam.

2. Consideratio somnii, prout effectus est, & significatio quæ causam.

Varia sœd somniorum nomina ab eorum causis desumpta.

Non est malum per somnia investigare eorum causas.

dictum, quia similia somnia possunt provenire ex aliqua præcedenti cogitatione, vel affectione, etiam si corpus illis humoribus non abundet, ut qui flores, rosas, muscam, &c. in vigilia desiderat, facile de his somniat, etiam si non multo sanguine abundet. Item licet aliquis atra bili non abundet, somniat tristitia, si per occasionem tristis in vigilia fuit. Ultra hoc demon potest similia somnia procurare absque similibus materialibus causis intrinsecis, aliunde applicando vapores, & alia corpora, quæ similia phantasmata faciant, vel moveant. Ac denique ex actione corporis ambientis, vel influentia cœli potest somnium variari, stante eadem intrinseca corporis dispositione, nimirum si actio ambientis, vel cœli diversa sit. Oportet ergo ad coniectandam dispositionem corporis ex qualitate somni, nosse, & considerare affectus somniantis, & consuetudinem, & præcedentes cogitationes, & cœlestem constellationem, ac denique, quoad fieri possit, ex aliis coniecturis observare, an dæmonis industria, vel etiam Dei specialis actio intervenerit, de quibus coniecturis paulo post dicemus. Cum autem hæc omnia sint valde interna, vel alias occulta, & sæpe ignota, non potest ex omnium collatione certa cognitio haberi. Erit autem coniectura probabilis, si omnia rite spectentur, & conferantur: ex solo autem somnio tenuissima erit coniectura, ut ex ratione facta patet.

Expendi-
tur i. cau-
sa somnio-
rum.

9 Secunda causa erat præcedens cogitatio, sub qua etiam affectio, & frequens consuetudo comprehenditur. Et de hac etiam non est dubium, quin possit esse sufficiens causa, iuxta illud Ecclesiast. 2. *Multas curas sequuntur somnia*. Et ratio est, quia cogitatio præcedens relinquit phantasmata, quæ facile in somno commoventur, maxime si proxime præcessit cogitatio, & si fuit valde intenta, vel sæpius repetita. Unde recte dixit Claud.

Referi Lo-
rin. Eccl. 1
Claud.

*Omnia qua sensu voluntur vota diurno,
Tempore nocturno reddit amica quies.*

Et Nyssen. supra in fine, *Quibus (inquit) quis assuevit diurno studio, eorum in somniis etiam, simulachra fingit*. Et ad hanc causam videtur reducendum illud somniorum genus, quod (ut ait Nyssen. supra) *unicuique pro morum varietate formatur, nam aliæ sunt hominis fortis, aliæ timidæ imaginationes nocturnæ; aliæ temperantis, aliæ intemperantis somnia, aliæ homini avaritiæ inexplibili, aliæ liberali per somnum obiscuntur*. Hæc enim omnia media cogitatione provenire videntur: nam quia homo vigilans cogitationes habet suis affectibus accommodatas, ideo similia etiam patitur somnia. Si quis autem attente consideret, vix ex huiusmodi somniis cognoscat se habuisse in vigilia tales cogitationes: nam sæpe illa somniat, quæ non cogitavit unquam, vel non tam vicino tempore, ut verisimile sit inde fuisse excitata in somno phantasmata. Porius ergo solet in tali coniectura supponi aliunde cognitio causæ, & tunc per comparisonem utriusque sit probabilis coniectura, quod tale somnium ex tali causa processerit. Ut v.g. somniat quis se occidere inimicum, & simul recordatur se de inimico vel vindictam in die cogitasse, tunc sane probabiliter colligit ex tali cognitione manasse somnium. Et idem est de aliis similibus affectionibus.

Expendi-
tur i. cau-
sa, quæ ab
prehendit
vicina e-
lementa.

10 Tertia causa erat Deus, de qua jam dictum est, & plura statim dicemus de quarta etiam, scilicet dæmone. Quinta ergo est aer continens, aut aliud simile vicinum elementum, de quo clarum est, tunc non afficere phantasiam, quia neque immediate potest, ut per se constat, neque tunc movet sensus externos, quia supponuntur per somnum impediri. Solum ergo potest tunc corpus alterare, & ita non nisi remote, & quasi per accidens causare somnia: quapropter ex somni qualitatem ad summum poterit coniectari, an corpus fuerit calidum, frigidum, humidum, &c. Quod vero illa dispositio corporis ex circumstante, vel propinquo elemento evenierit, non potest ex somnio cum probabilitate colligi, nisi forte aliunde constet, corpus de se non fuisse ita affectum: nam tunc potest cum probabilitate credi a medio, seu aere circumstante originem duxisse.

11 Sexta, & ultima causa est cœlum: creditur e-

nim influere in phantasiam, quæ corporea est, & organis corporeis immersa, ac subinde posse in eam producere varias species imaginarias, etiam quando sensus exteriores ligati sunt somno, & ita posse esse causam somniorum. Sed non est intelligendum posse cœlum directe, & per se influere in phantasiam varias imaginarias species, sicut in materia corporali varias formas producit. Quia fieri non potest, ut ad phantasiam ingrediantur novæ species imaginariæ, seu nova phantasmata, nisi per sensus externos, quia hæc est unica, & naturalis via acquirendi species sensibiles in sensibus internis, scilicet per externos. Et ideo impossibile est, ut virtute cœli imprimatur phantasiæ species lucis, aut coloris, quando sensus externus nunquam illas percepit, sicut dixit D. Thomas in simili 1. p. q. 111. art. 3. in corpore, & ad 2. Unde (seclusa divina actione possibili) in somnia fieri non possunt, nisi excitando phantasmata præcedentia, quæ in memoria conservantur, & postea in somno moventur, vel ad simplices actiones, vel ad varias, quasi compositas apprehensiones, ex quibus varia somnia, & monstra interdum confurgunt. Illa autem motio sit partim per alterationem organi phantasiæ, per quam alterationem magis disponitur ad usum talis phantasmatis, quam alterius: partim, & potissimum per agitationem spirituum animalium, in quibus imagines earundem rerum sensatarum deferuntur, & applicantur phantasiæ, eamque ad operandum per similia phantasmata excitant. Quæ omnia ex philosophia constant. Cœlum ergo non potest esse causa somniorum imprimendo imagines, vel phantasmata interno sensui, sed ad summum alterando per influentiam suam hoc, vel illo modo humores corporis, & ipsosmet spiritus animales, (corporei enim sunt, & influentiæ cœlesti subiacent,) & ipsum cerebrum, ac organum phantasiæ. Atque hinc fit, ut nec ex solo aspectu cœli, & siderum colligi possit, quale fuerit somnium, neque ex sola qualitate somni cognosci possit, a qua cœli influentia processerit. Et ratio utriusque est, quia cœlum non est immediata causa somni, unde non per se necessitat phantasiam ad hanc, vel illam apprehensionem, sed solum mediis humoribus corporis, & potentiis, & organis, quæ alterat, & movet. Hæc autem alteratio non est semper ab eodem aspectu cœli, sed accommodatur materiæ, & dispositioni eius: & ita varia est iuxta varietatem humorum, & temperamentis: ergo ad coniectandam causam cœlestem somni ex ipsomet somnio, oportet præcognoscere corporis somniantis dispositionem, qualitatem humorum, & copiam, & alia, quæ difficillime cognoscuntur a nobis: ergo coniectatio huius causæ est tenuissima, & vix ad probabilitatem pervenit. Præsertim quia ipsa virtus stellarum occulta nobis est: nam licet de una, vel altera observatum sit, an bilem flavam, vel atram generet, aut sanguinem: tamen quælibet potest ab aliis occurrentibus impediri, & ita valde incerta redditur influentia, ut supra cap. 11. dictum est latius. Ita ergo hæc coniectatio causarum somniorum ex ipsismet somniis tantum, ut ex effectibus, incertissima est.

Ultima
causa, quæ
est cœlum

12 Hinc dico tertio, impossibile esse homini, ex somnio tanquam ex puro effectu cognoscere alium effectum futurum, vel naturalem cum certitudine, vel contingentem ad utrumlibet, vel liberum ullo modo. Hanc assertionem sumo ex Caietan. art. 6. Quam multis verbis, satisque obscuris ibi proponit. Declaratur autem prima pars: nam si ex somnio, ut ex effectu posset cognosci alias effectus futurus, solum esset, quia haberent connexionem in una causa communi, ut D. Th. ibi dixit: nam alius modus cogitari non potest, ut sæpe dictum est, at illud medium valde incertum est, quia ipsa cognitio causæ per talem effectum, scilicet somnium, incerta valde est, ut ostendimus: ergo multo magis incerta erit coniectatio alterius effectus in tali causa communi. Declaratur præterea, quia hoc genus coniectationis non habet proprie locum in somnio animali, nec in divino, vel demoniaco. Nam in somnio animali causa est præcedens cogitatio, vel affectio, quæ causa & incerta est respectu ipsiusmet somni, & de se non habet alium determinatum

Non posse
ex somnia
tanquam
ex effectu
cognosci
alium ef-
fectum fu-
turum.

effectum futurum, qui ex illa vel necessario, vel ut in plurimum nascatur. Quid enim cogitari potest? Præsertim cum præterita cogitatio possit vel non habere ordinem ad sequentem operationem, vel effectum, vel esse adeo levis, & transiens, ut vix ad effectum alium incideret, nedum cogat. De divino autem somnio, & dæmoniaco idclarius est: quia causæ illorum sunt liberæ: unde licet somnium effecerint, non est necesse, ut sint determinatæ ad aliquos alios effectus faciendos. Et quamvis essent, non posset id colligi ex solo somnio, ut effectus est: nam ut signum nunc non consideratur. Solum ergo supersunt causæ naturales somnii, ex quibus illa, quæ intrinseca est, habere facile potest aliquem naturalem effectum communem cum somnio, ut ver.g. si somnium indicat atram bilem, ex illo coniectari potest, talem personam passuram esse tristem apprehensionem, si vero persona est infirma, & somnium indicat repletionem humorum, coniectari inde potest, ægitudinem fore gravem, vel indigere inedia, aut alia evacuatione, & similia. Et istæ naturales indicationes, & præfagia sine dubio sunt licita, & de his maxime videtur loqui D. Thom. Quam vero sint incerta, a fortiori patet ex dictis in præcedenti conclusione, quia additur coniectatio alterius effectus ex tali causa, quæ habet suam peculiarem incertitudinem, & obscuritatem, ut constat. Aliæ vero causæ naturales sunt extrinsecæ, scil. elementaris, & cælestis. De priori nihil est, quod dicamus, quia vix potest cogitari effectus, quem habeat communem cum somnio præter similem alterationem, quam diximus potuisse dare occasionem, vel materiam somniandi hoc, vel illud, cognoscere autem illum effectum, nihil novum est.

13 In cælesti ergo causa fieri solet maior vis, & propter illam præcipue hoc disputatur, ut Caiet. etiam in suo commentario art. 6. supponere videtur: nam totam doctrinam ad hanc causam dirigit. Hi enim, qui nimium de influentia astrorum, & de arte iudiciaria confidunt, mediante illa putant, posse multa futura cognosci ex indicio somniorum, quia somnium indicat constellationem, & influentiam cælestem, qualis sit, & per illam putant posse cognosci, quid futurum sit. Verum tamen hæc cognitio etiam in ordine ad effectus naturales incertissima est, vixque potest gradum probabilitatis attingere: tum quia ex vi somnii solius constellatio cælestis tenuissime, & obscurissime indicatur; tum etiam, quia, licet aliquo modo indicetur, non tamen plene, neque cum concursu omnium astrorum, quæ esse possunt; contingere enim potest, ut occurrant aliqua, quæ licet non impediunt effectum somnii propter materię qualitatem, impediunt alium propter alias circumstantias: tum præterea quia, licet tempore somnii fuerit talis constellatio, nescitur, quantum duratura sit, immo certum est, statim variari, & mutari astrorum aspectum, & distantiam tam inter se, quam a tali, vel tali loco terræ, præterquamquod statim oriuntur novæ stellæ, quæ possunt effectum impedire, vel alium inducere: tum denique quia supra ostensum est, quam sit tenuis & incerta influentiarum cælestium cognitio, etiam directe observata, & inquisita; qualis ergo erit adumbrata solum per indicia somniorum? Unde tandem fit, quod si talis coniectatio sit de effectibus liberis, aut mere casualibus vel alias omnino occultis, non solum sit incerta, sed etiam prorsus vana, & inutilis, quia præter omnia dicta habet indeterminationem, & occultationem a causis proximis, & præterea tales sunt hi effectus, ut ad illos influentia per se non attingat.

14 Atque ex his tandem ultimo concluditur, in hoc genere divinationis naturalis (ita enim illam voco, quia ex naturali effectu, ut talis est, ad investigandum naturalem effectum procedit) per se loquendo non esse peccatum superstitionis, si intra discursum, & inquisitionem ex effectu semper contineatur, ut D. Th. & omnes docent. Quia in hoc genere investigationis nec pactum cum dæmone invenitur, nec moralis occasio eius: & ita nulla fit irreverentia Dei; neque aliunde habet talis actio aliquid contra religionem: immo neque contra aliam virtutem inordinationem continet per se loquendo, quia non excedit limites phi-

losophiæ naturalis. Quod si quis in hoc genere nimium credat suis discursibus, & divinationibus philosophicis, aut medicis, & nimis constanter, ac confidenter asseruerit, credat, & prædicet, quod coniectat fundatus solum in discursu ex effectu, peccare quidem poterit contra providentiam, & studiositatem, ac modestiam, & interdum etiam contra charitatem, iustitiam, aut similem virtutem, si talem cognitionem temere ad aliquid operandum applicat cum gravi periculo alicuius nocuenti proprii, vel proximi. Tamen ex vi illius excessus non peccabit contra religionem, quia totum illud negotium non versatur in materia religionis. At vero si divinatio transgrediatur terminos naturalium effectuum, & transeat ad liberos, eos cum certitudine, vel nimis absolute prædicendo, iam committitur superstitio, quæ ordinarie videtur esse eiusdem rationis cum divinatione ex astris, nisi aliud pactum expressum cum dæmonibus intercedat, ut ex dictis satis patere potest, applicando discursus, & rationes in superioribus factas.

15 Terrio loco dicendum est de usu somniorum, non ut effectus tantum, sed ut signa, & quasi voces interdum sunt. Non est enim dubium, quin apprehendantur in somniis aliqua, quæ aliquos effectus futuros, vel occultos significant, non ut effectus, quia nec sunt, nec creduntur esse causæ talium effectuum, nec habent cum illis aliquam connexionem in causa communi, sed apprehenduntur, vel formantur tantum, ut signa imposita, vel data ad tale quid significandum. Solent autem hæc signa dari interdum per modum expressæ locutionis per conceptus aliquarum vocum, quæ ita formantur in phantasia dormientis, ac si ea per auditum corporis audiret, qui modus videtur esse frequens in divinis somniis, iuxta illud Num. 12. *Si fuerit Propheta inter vos, per somnium loquar ad eum.* Et hoc modo videtur facta locutio ad Ioseph, & Magos dormientes, Matth. 1. & 2. Dæmon etiam potest hoc modo loqui in somniis, quia sicut potest applicare phantasmata rerum, ita etiam vocum, concitando spiritus, & humores, & applicando illos modo accommodato ad illum effectum.

16 Aliquando vero immituntur hæc somnia significantia per apprehensiones visionum quarundam, quæ sint veluti imagines rerum per eas significatarum. Et hæc imagines possunt etiam esse in duplici differentia. Quædam enim sunt veluti imagines propriæ, & formales rerum, quas significant, ut Genes. 31. vidit in somniis Jacob *ascendentes mares super oves famines varios, & maculosos, & diversorum colorum.* Quæ visio significabat id ipsum, quod eventurum erat Jacob ut oves parerent varios fœtus, quibus ipse ditaretur sicut Angelus in eodem somno illi aperte declaravit. Simile fuisse videtur somnium Pauli Actor. 16. quando noctu vidit hominem Macedonem deprecantem illum, ut in Macedoniam transiret. Simile fuisse creditur somnium Theodosii, quando prævidit, coronam imperii sibi imponi a Meletio Antiochiæ episcopo, ut refert Theod. 1. 5. Hist. c. 6. & 7. Aliæ vero sunt imagines in somno ostensæ, quæ tantum metaphorice, seu per analogiam quamdam, & tropum significant; & hæc infomnia sunt frequentia in Scriptura, ut Genes. 28. de Jacob, qui scalam vidit in somno: & c. 37. & de somniis Ioseph. Manipulorum, & Solis, Lunæ, ac Stellarum, & c. 40. de somno pincernæ, & magistri pistorum Pharaonis, quorum alter somniavit se vuas exprimere, & dare poculum Pharaoni, alter vidit in somnio tria canistra, & c. & c. 14. de somniis Pharaonis, de septem bobus, & de septem spicis. Et de statua Nabuchodonosor. Dan. 2. & de arbore magna, & c. Dan. 4. & de quatuor ventis, & bestiis quatuor eiusdem Daniel. c. 7. Tale etiam videtur fuisse somnium Polycarpi, de quo refert Eusebius lib. 4. Hist. cap. 14. triduo ante martyrium suum in somniis vidisse cervical flamma accendi, atque consumi. Uterque autem modus somniorum huiusmodi potest facile per naturalem virtutem Angeli imitti, quia illa omnia representantur per phantasmata prius sensibus percepta, & spiritibus animalibus inhaerentia, quæ per motum localem applicari possunt, & ita componi, ut huiusmodi faciant representationes tam

Datur tam-
men si ef-
fectus li-
beris in-
quirat.

Expendi-
tur usus
somnia-
rum prout si-
gnificat.

Quidam
putant
posse fu-
tura eos
cognosci ex
somnia,
quod so-
limum in-
dicat in-
fluentiam
cæli.

Ex som-
nio con-
stellatio
cæli ob-
scure co-
gnoscitur.

In hac di-
vinatione
non datur
peccatum
supersti-
tionis, si
solum sedat
ad effectus
naturales.

De somniis
quæ sunt
per ima-
gines rerum
significa-
tarum.

Assigna-
tur discrimen inter
hæc duo
genera so-
mnia.

ram proprias, quam symbolicas, ut constat ex doctrina Div. Thom. 1. p. quæst. 111. artic. 3. Et ex August. 12. Gen. ad lit. capit. 13. & 14. Solet autem esse discrimen inter hæc duo ultima somniorum genera, quod, quando somnium est per imagines proprias, facile intelligitur significatio ejus, in quo convenit cum somnio, quod per apertam locutionem percipitur: & sic Theodosius facile intellexit somnium supra narratum. At vero quando somnium est per tropum, & figuram, sæpe non intelligitur a somniante, ut de Pharaone, & aliis constat: nisi etiam tam similis sit analogia, & cum talibus circumstantiis, ut facillime percipiat, sicut in casu Polycarpi videre licet.

Ille som-
nia nec
animalia,
nec natu-
ralia esse
possunt.

17 Deinde statuendum est, hæc somnia nec animalia esse nec naturalia esse posse. Prior pars constat, quia licet somnium proveniat a præcedenti cogitatione, vel affectu, non potest inde participare aliam significationem, præter eam naturalem, quam habet, ut effectus quidam est, non potest autem inde habere specialem habitudinem, vel quasi impositionem ad aliquid aliud significandum, ut per se notum videtur. Et eadem fere ratione potest probari altera pars, quia naturales cause sive intrinsecæ, sive extrinsecæ, sive elementa, sive cælum, & astra non habent vim ad tale signum imprimendum, ut signum peculiare, & ad placitum significans: hoc enim est proprium alicujus motoris intellectualis, qui per talia signa indicare velit mentem suam, vel aliquid aliud. Quocirca manifeste errant Protagoras, & alii Stoici, qui dixerunt, nulla esse somnia, quæ non aliquid significant, & ideo nulla esse negligenda, vel contemnenda. Nam illud prius falsum aperte est in somniis mere naturalibus, vel animalibus. Hoc autem posterius non est etiam in universum verum, ut dicemus. Somnia ergo hæc, quæ ut signa quædam immittuntur, necesse est, ut ab aliqua superiori mente, & intelligentia proveniant: sunt enim veluti locutiones quædam mentales, seu imaginariæ, quæ ab ipso somniante fieri non possunt; tum quia non utitur tunc ratione; tum quia ordinariæ sunt de rebus sibi ignotis, & occultis. Nec etiam possunt fieri ab alio homine, ut per se patet; ergo oportet, ut proveniant ab aliquo extrinseco spiritu.

Quid Arist.
Ros. in
hoc sensu
est.

18 Explicandum vero superest, a quo spiritu sint: nam in hoc errant Epicurei, qui (ut refert Tertull. lib. de Anima, cap. 46.) nulla somnia immitti a vero Deo affirmabant, quia providentiam Dei negabant. Nec videtur ab hac sententia alienus Arist. in libro de Divinat. per somnium; negat enim, Deum esse causam somniorum. Aliqui vero eum exponunt, quod non dixerit, nulla somnia esse a Deo, sed non omnia esse illi tribuenda. Unde Tertull. supra sic de Aristot. scribit: *Aristoteles majorem sententiam mendaciorum recitans, agnoscit & verum*, id est, cum prius videatur generali sententia mendacium profiteri, negando esse a Deo somnia, postea veritatem agnoscit: fateatur enim, aliqua somnia habere superiorem, & occultam causam, vel, ut Pamelius illa verba exponit, licet Aristoteles senserit, somnia majori ex parte esse mendacia, tamen in aliquibus veritatem agnoscit. Et hinc colligit ipse Pamelius, sensisse Aristotelem, non omnia somnia esse a Deo, non vero dixisse, nulla esse a Deo. Sed profecto Aristoteles absolutam posuit negationem. Et licet postea dicat, aliqua somnia esse vera, addit tamen, id esse vel a casu, vel a dæmone. Plato etiam in Sympos. non agnoscit somnia divina, sed dæmoniaca: e converso vero Hippocrates libro de Insomniis, præter naturalia somnia, ponit divina, de dæmoniis autem nihil dixit. Veritas autem Catholica est, hæc somnia & a Deo, & a dæmone immitti posse. Sub Deo autem ministros ejus Angelos bonos comprehendimus. Et ita dividuntur adæquate hæc somnia in divina, & dæmoniaca. De divinis plenæ sunt Scripturæ, ex quibus jam multa exempla desumpsimus, quæ hanc probant veritatem. Item ex historiis Sanctorum similia somnia divina referuntur frequenter a Patribus, præsertim a Gregorio in Dialogis. Denique num. 12. promissit Deus se locuturum Prophetis in somniis. Et Job. 33. de Deo dicitur: *Per somnium in visione nocturna, quando irruis*

Hæc som-
nia & a
Deo, & a
dæmone
possunt
immitti.

sopor super homines. Unde sentit etiam Tertull. supra sæpe hujusmodi somnia vera Ethnicis communicata fuisse a Deo ex liberati beneficentia propter illorum, vel aliorum commodum. De dæmone vero, quod possit talia somnia in dormientibus facere, jam probatum est, & nemo dubitat. Quod autem multa somnia hujusmodi sint, satis indicavit Sapiens, cum dixit: *Multos errare fecerunt somnia, & exciderunt sperantes in eis.* Eccl. 34. Quod de somniis dæmoniis, & vanis intelligendum est. Et de eis videtur accipiendum illud Eccl. 1. *Ubi multa sunt somnia, plurima sunt vanitates.* Et illud Jerem. cap. 29. *Ne attendatis ad somnia vestra, quæ vos somniatis, &c.* Hæc enim dicuntur propter somnia, quæ opera dæmonis credenda proponuntur, ut constat; quæ in Gentilibus fuisse frequentissima, confirmat Tertullianus dicto libro de Anima, c. 46. & 47. Et hæc distinctio est frequentissima in aliis Patribus. Legi potest August. libr. 12. Genes. ad lit. fere per totum, & Gregorius Nyssenus lib. de Opificio hominis, c. 33. & 34. Et attingit Lactantius libro de Opificio Dei, c. 19. Ubi etiam ex Virgilio illam refert eisdem fere verbis, quibus ex Homero eandem Tertull. retulit. Videri etiam potest Philo lib. de Insomniis.

Divinis
somnia si-
des ha-
benda.

19 Ex hac ergo distinctione, ac doctrina duæ sequuntur indubitata regulæ. Una est, divinis somniis fidem adhibere, non modo vanum non est, verum potius sanctum, & necessarium, si de origine somnii satis moraliter constet. Hoc constat exemplis Scripturæ de Gedeon, Judic. 7. de Daniele locis citatis: & de sancto Joseph, & Magis, Matth. 1. & 2. Ratio vero est, quia Deo loquenti fides adhibenda est, parumque refert, quod hoc, vel illo modo loquatur, dummodo constet, ipsum loqui, sed hujusmodi somnium a Deo immisum est quædam locutio Dei, juxta illud: *Per somnium loquar ad eum*; ergo talis credulitas tam necessaria est, sicut fides, quando alia necessaria concurrunt. Duo autem sunt maxime necessaria, ut his somniis fides adhibeatur: unum est, ut sufficienter, constet, illorum auctorem esse Deum, vel bonum Angelum ministrum ejus: quia sicut non creditur prudenter, nisi quod sufficienter proponitur, ut revelatum a Deo: ita nec somnio fides prudenter datur, nisi aliquo sufficienti modo constet, Deum esse somnii auctorem. Aliud requisitum est, ut significatio somnii patens, & clara sit, ut solet maxime esse in somniis, quæ per expressam locutionem sunt, vel saltem, ut ex circumstantiis, & conjecturis sufficienter innotescat. Alias enim, si interpretatio somnii ignoratur, (quod maxime locum habet in somniis ænigmaticis) non potest illi adhiberi fides, nimirum, ut particulare aliquid significat; sed ad summum in generali credi poterit, hoc signum esse verum, & id, quod per illud significatur, revera esse futurum. Hic vero interrogari potest, an liceat futurorum, vel occultorum cognitionem desiderare, vel petere per hujusmodi somnia a Deo immissa. Verumtamen hæc interrogatio de quacumque divina revelatione fieri potest. Nunc ergo breviter dicimus, per se, ac ordinarie hoc non licere, nisi urgens necessitas, & honestissima ratio occurrat: vel nisi ex speciali Spiritus sancti instinctu id fiat. Quando autem in hoc peccatur per excessum, magis pertineret tale peccatum ad tentationem Dei profectam ex ambitiosa, ac superba curiositate sciendi occulta divinæ Sapientiæ, quam ad superstitionem, de qua nunc tractamus. Poterit tamen tale peccatum ad præsentem speciem reduci, si homo ex tali immoderato affectu se exponat morali periculo, ut dæmon sese ingerat, & transfiguret in Angelum lucis, & ita eum in suam societatem adducat.

20 Secunda regula est: Dæmoniis somniis fidem dare peccatum esse superstitionis contrarium religioni eo modo, quo aliæ superstitiosæ divinationes. Ita D. Thomas, & omnes. Et colligitur ex testimoniis Scripturæ citatis, in quibus hujusmodi somnia damnantur, & credulitas, vel fiducia in eis prohibetur: idemque sumitur ex c. *Episcopi*, 26. qu. 5. Et late, ac optime tractat Augustinus supra, & libr. 8. de Civit. c. 16. & sequentibus, & alii Patres supra allegati. Est autem

Dæmoni-
is som-
nia fidem
adhibere,
superstitio
est.

autem hoc peccatum manifestum, quando præcedit expressum pactum demonis, qui per somnia respondere promisit, vel etiam si postquam quis somnium vidit, & non intellexit, & ad dæmonem recurrit pro ejus interpretatione, sicut faciebat Nabuchodonosor, Daniel. 2. & 4. Et ad hoc expressum pactum spectat, uti peculiaribus ceremoniis, vel ante somnum, vel in modo ipso dormiendi, ut sibi per somnia revelentur occulta: hæc enim spectant ad Gentilicos mores, atque adeo ad pacta, & instructionem dæmonum, de quibus legi potest Cælius Rhodigin. libr. 27. Lektion. antiq. capite 14. Idem denique vitium est, si pactum tacitum intercedat, ut in aliis dictum est: intercedit autem hoc pactum, quoties quis nihil de Deo cogitans, nec rationem habens ad credendum esse a Deo, illis fidem adhibet. Ratio est superius tradita, quia somnia, ut talia signa sunt, non sunt signa naturalia, sed ad placitum, vel ex generali impositione, si verba sint, vel ex intentione, aut auctoritate loquentis, si sint alia signa, voluntarie assumpta, seu imposita ad aliquid in particulari significandum; ergo cognitio, quæ ex illis accipitur, non est per modum inventionis, seu naturalis inquisitionis, ex effectibus ergo per modum disciplinæ, in qua discipulus fidem adhibet magistro reificanti; ergo, qui sic credit talibus somniis, vult dæmonem habere magistrum, & illi fidem adhibet, & societatem cum eo tacite proficitur. Probatur hæc ultima consequentia, quia non fundatur in Deo, vel auctoritate ejus, ut ostensum est, quia nullum habet indicium ejus. Dices: etiam non habet indicium, quod sit a dæmone. Respondeo: eo ipso, quod non constat, somnium esse a Deo, vel existimandum est, esse mere naturale, quod rationem signi ex impositione significantis inducere potest, quia vel nullam habet, vel si contingat aliquam habere, erit mere casualis, nullamque potest per se habere auctoritatem, ut ei credatur: vel certe, si accipitur, ut signum datum ab aliquo alio intelligente, & superiori, necesse est, ut vel expresse, vel tacite dæmoniacum sit.

21 Tota vero hujus negotii obscuritas, & difficultas est in discernendo, & diiudicando, an somnium sit a Deo, necne? In quo in primis admonent omnes Patres citati, non satis esse ad credendum talia somnia esse a Deo, quod experimento aliquo sit cognitum, sæpe fuisse vera, seu habuisse eventum significationi conformem: quia (ut supra dicebamus) consuetudo dæmonis est, sæpius vera dicere, ut semel fallat, & in aliqua majoris momenti decipiat. Et similiter non satis est, quod somnia esse videantur de rebus utilibus vel ad humanam vitam, vel ad vitandum aliquod malum imminens, quia hoc modo solet dæmon homines attrahere, & benevolentiam eorum captare, ut bene observat D. Thomas 2. 2. quæst. 172. art. 6. Et sumitur ex Chrysost. homil. 19. Imperf. & Augustino lib. 2. de Doctrina Christi. c. 19. & sequentibus. Ubi adducit illud Deut. cap. 13. *Etiam si dixerint vobis, & ita e venerit, non credatis eis.* Immo nec satis est, quod somnia sint de bonis actibus, & honestis, ita ut ad illos inclinare, & inducere videantur, quia hoc etiam modo solet Sathanas transfigurare se in Angelum lucis. Quare non est etiam sufficiens signum divini somnii, quod futura contingentia vere significet, vel internas cogitationes, vel aliqua mysteria fidei. Nam, ut in aliis signis supra diximus, fere hæc omnia potest aliquo modo interdum docere dæmon, scilicet futura contingentia ex conjecturis, vel quia ipse ad illa cooperatur, & inde evenit, ut possit sæpe verum dicere, licet non semper. Atque eodem modo cogitationes alterius, vel effectus indicat. At mysteria fidei per intelligentiam Scripturæ cognoscere potest, vel per revelationem bonorum Angelorum, ut ait D. Thom. 2. 2. q. 172. art. 6. ad 1. cum Aug. 12. Gen. ad lit. c. 19. Tunc ergo dæmon interdum vera docet hominem in uno mysterio, ut in altero fallat, & ita in errorem, vel hæresim illum inducat. Hæc ergo signa, licet juvare possint, tamen ambigua sunt, nisi aliqua addantur.

22 Possunt ergo ad hanc differentiam conjectantur observari in prius, quæ in ipso somnio inter dor-

miendum accidunt, & tunc quando illa sunt turpia, obsecra, & inhonesta, signum est, non esse somnium a Deo: potest autem interdum esse naturale, vel animale, juxta somniantis aut temperamentum, aut mores. Si tamen considerata personæ conditione, verisimilius apparet, non habuisse somnium in tali homine huiusmodi causas, signum fere evi-ns est esse a dæmone, ut sentit Justin. Martyr in Respons. ad qu. 21. & Thomas apud Cassianum, Collat. 22. c. 6. Sed hoc indicium magis spectat ad somnia moralia, ut sic dicam, quam ad divinatoria, de quibus nunc agimus. Sic etiam ex contrariis effectibus coniectare licet; nam si somnium sit suave, & dere speciali, & animum relinquit devotum, seu bene dispositum ad devotionem, indicium est, non esse a bono Angelo, vel Spiritu sancto præparante animam ad officium virtutis per illuminationem aliquam, & bonam affectionem, & spirituales suavitates, & humilem, atque devotam, quam post se relinquit, ut tractat Greg. supra, & attigit August. 6. Confess. Secundo observari debet materia somnii: nam si inducit ad aliquid malum, clarum signum est, non esse a Deo: idemque est, si nihil aliud, quam vanam curiositatem, vel elationem, & affectum æstimationis apud alios fovere videatur, quia Deus non est auctor harum vanitatum, nec sine magna causa, & ratione homines modo extraordinario docet, & illuminat. At vero e contrario quando materia non apparet Deo improporcionata, & indicatio per somnium potest habere utilitatem honestam, vel publicam, vel privatam, tunc aliquod indicium est, esse a Deo: non tamen est per se sufficiens, ut ex dictis constat, & notant expresse Tertull. Greg. & Isidorus supra.

23 Tercio considerandi sunt alii effectus, & circumstantiæ, non solum, quæ in ipso somnio accidunt, sed quæ postea etiam relinquuntur. Est enim advertendum, licet revelatio in somniis, quoad apprehensionem percipiatur durante somno, iudicium nihilominus de qualitate somnii, & de veritate per illud percepta, non fieri in ipso somno, sed postea in vigilia. Quod intelligo de proprio somnio, quod sit in phantasia; nam si inter dormiendum Deus elevert mentem ad intelligendum, & perfecta ratione utendum sine dependentia a phantasmatibus, ut facile potest: tunc in ipso somno fiet perfectum iudicium, & modus ipse percipiendi revelationem est sufficiens signum Dei loquentis, quia non potest dæmon ita illabi in animam, nec ita elevare dormientem ad intelligendum; tunc autem maxime locum habet, quod Nyssenus dixit, talem revelationem non recte inter somnia computari, nisi velimus omnes divinas apparitiones somnia appellare. Est ergo, Ecstasis, ut dicemus infra lib. 2. de Orat. vel prophetica revelatio altioris ordinis non somnium. Quando ergo est proprium somnium, non iudicatur de illo in somno, sed postea in vigilia iuxta doctrinam D. Th. 1. p. q. 84. art. 8. & q. 94. art. 4. & 12. de verit. art. 2. ad 1. & 2. q. 28. art. 3. ad 6. Atque ita Jacob, cum inter dormiendum vidisset scalam, Gen. 28. cum evigilasset de somno dixit: *Vere Deus est in loco isto, & ego nesciebam*, & de Petro dicitur Act. 12. quod *ad se reversus dixit: nunc scio vere, quia misit Dominus Angelum suum, &c.* Videtur enim prius non perfecte evigilasse. Itaque iudicium de qualitate, veritate, & origine somnii in vigilia ferri debet.

24 Duobus autem modis ferri potest iudicium de somnio, quod a Deo sit: uno modo assensu firmo, & certo, qualis est assensus fidei. Et ad hoc necessaria est specialis gratia Spiritus sancti, quæ pertinet ad discretionem spirituum: consistitque in quadam interna illustratione mentis, & suavi, honesta, & efficaci inclinatione affectus, qua mens certa redditur, Deum esse, qui loquitur, ut bene tractat Gregorius locis supra citatis. Quando vero non datur hæc peculiaris instructio Spiritus sancti, (nec enim necesse est, semper dari, etiam si significatio somnii fuerit a Deo, vel bono Angelo) tunc coniectare licet; nam si ex occasione, materia, & effectibus constet, somnium ordinari ad aliquod opus pietatis, & doctrinæ fidei, ac honestati morum esse consentaneum, ut ad præparandam

servanda, ut cognoscatur a quo sint.

Somnium turpe a quo sit.

Materia somnii ob servanda est.

Circumstantiæ somnii considerandæ sunt.

De somno non recte iudicatur in somno.

Duplex modus ferendi iudicium de somnio.

Objectioni respondetur.

Difficile est discernere, utrum somnium sit a Deo.

Quædā in somnio ob-

dam animam ad martyrium, vel ad aliquam supervenientem tribulationem patienter ferendam (ut in somnio Polycarpi) facile conjectari potest esse a Deo. Et ad hoc etiam conferre possunt aliæ conjecturæ sumptæ ex internis effectibus spiritualibus, ut sunt susceptio visionis cum humilitate, devotione, & reverentia ad Deum, & similibus. Tunc autem licet non perveniat ad certitudinem fidei, sufficit conjectura probabilis, quæ ad prudens iudicium satis sit, ut homo credat, tale somnium esse a Deo, & secundum illud aliquid operetur, vel provideat. Est autem in hoc eventu consilium optimum iudicio, & consuetudine sapientum uti, qui & doctrina, & pietate polleant, & experientia spiritualium rerum non omnino careant.

25 At vero quando quis sine prudenti discretione, & iudicio facile credit huiusmodi somniis, non excusatur, per se loquendo, a gravi culpa, etiam si temere dicat, se credere illa esse a Deo, quia evidenti periculo dæmoniæ deceptionis se exponit, & quantum est ex se, vult illa credere, etiam si dæmone sit, nec vult discernere inter divina, & dæmoniaca somnia. Majorque erit culpa, si jam alias quis expertus est in similibus casibus se esse deceptum, taliaque somnia falsa invenisse, illud enim est maximum signum illusionis dæmonis, ut Div. Thom. notat 2. 2. quæst. 172. artic. 5. ad 3. ex Chrysostomo homil. 19. Imperf. & ex illo Deut. 18. *Quod in nomine Domini Propheta predixerit, & non evenierit, hoc Dominus non locutus.* Notant autem Cajetanus in Sum. Verb. *Somniorum observatio*, & Navar. in Manuali, cap. 11. n. 33. posse hoc peccatum excusari a gravitate mortali, quando homo non omnino credit, rem in somno ostensam esse veram, seu futuram, & nihilominus aliquid operatur ratione talis somni, quod alias malum non est, nec contra præcepta Dei, vel ecclesiæ, (& ita non potest obesse, potest autem prodesse) ut evitet aliquid malum, quod somnium minatur, vel quid simile. Tunc enim, licet sit aliqua levitas, vel simplicitas, aut nimia timiditas, non apparet gravis malitia, quia (si quis recte consideret) ille non tam credit illud esse a Deo, vel esse verum, quam posse esse, in quo multo minus erroris est, licet multum sit vanitatis. At vero si quis ita sit observator somniorum, ut ordinarie per illas indicationes, & divinationes in agendis gubernetur, non potest excusari a gravi culpa, & superstitione; nam hæc observatio auguriis comparatur Lev. 19. *Non augurabimini, neque observabitis somnia.* Et similia habentur Deuter. 18. & 2. Paralip. 33. Sicut ergo auguriis fidem dare, & per illa proprias actiones dirigere, gravis superstitio est, ita, & somnia observare. Plura de divinis insomniis dicemus Deo dante in materia de prophetia: & de illis videri potest Perer. lib. 1. in Daniel. in fine, ubi de hac materia egregiam habet disputationem, & Martinus del Rio lib. 4. c. 3. quæst. 6.

CAPUT XIV.

An in operibus Magi pactum cum dæmone, & superstitio interveniat.

PRincipio necesse est, significationem vocis declarare, quia Magorum nomen (ut est vulgare) æquivocum est: olim enim apud Græcos significabat sapientes, & eos præcipue, qui in philosophia erant eruditissimi. Et quia inter naturales scientias illa videbatur altior, & admirabilior, quæ celorum, & astrorum motus considerat, & assequitur, ideo illi maxime solebant Magi appellari, qui in illa scientia eminebant, semperque in siderum observationibus versabantur. Sic enim tres illos viros primos Christi ex Gentibus adoratores vocatos esse Magos, Matth. 2. satis significavit Leo Papa serm. 4. de Ephiph. dum illos vocat gentem, quæ spectandorum siderum arte pollebat. Et ideo sermone 3. eos appellat viros ad hæc (id est, sidera) sectanda non in scios. Cum ergo magi a magia denominantur, magia in hoc sensu idem est, quod philosophia naturalis, vel magis stricte, idem quod Astrologia, vel Anonomia. Postea vero translata est hæc vox ad significandam artem, quæ docet facere ali-

qua opera insolita, & quæ mira hominibus apparent, quia rara sunt, & occultas habent causas.

2 Secundo ad verro, magiam dividi ulterius solet in naturalem, & superstitiosam. Hanc divisionem innuavit Hieron. Daniel. secundo in principio, declarans differentiam inter Magos, & maleficos. Latius, & apertius Gulielm. Paris. 2. p. principali de Universo, p. 2. illius c. 21. Optime Victoria Relect. de magia n. 7. ubi ad explicandam hanc magiam naturalem multa congerit exempla, quæ mirabilia videntur, quia per virtutem naturalem occultas fiunt, ex August. 12. de Civit. c. 4. & 5. Aristotele, Plinio, & aliis, & plura habet Gulielm. supra. Igitur sicut duplicem Astrologiam supra distinximus, ita hic duplicem magiam: est enim eadem, seu proportionalis ratio. Sicut enim Astrologia interdum intra naturæ limites continetur, & tunc naturalis dicitur, aliquando vero conatur ex astris divinare, quod per illa naturaliter significari non potest, & tunc in superstitionem transit: ita ars factiva aliquorum operum verorum, aut apparentium, quæ hominibus mira videntur, aliquando non transcendit virtutem causarum naturalium, sed applicando activa passivis cum exacta cognitione virtutum, & dispositionum agentium, & patientium, naturaliter resultant; aliis vero mira videntur, vel quia virtutes rerum ignorant, vel etiam quia ipsamet applicatio fit cum tanta industria in servanda proportionem, & cum tanta velocitate, & artificio, ut omnino causa occultetur, & ita effectus mirabilior sit, vel appareat. Quando ergo tota hæc applicatio intra hanc moderationem continetur, ut & applicentur causæ aptæ ad effectus, & applicatio fiat modo hominibus possibili, vocatur magia naturalis: quando vero exceditur, & vel applicatio sit peculiari aliquo modo humanas vires superante, vel ad faciendæ opera huiusmodi applicantur: quæ virtutem naturalem non habent ad aliquid faciendum: illa est magia superstitiosa, quæ ad præsentem locum solum spectat. Nam magia naturalis per se non est mala, ut constat, quia in sola cognitione, & industria naturali nititur. Solet tamen esse nimis curiosa, & vana ex defectu utilitatis, & præterea esse etiam solet periculosa, ideoque cavenda, quia est nimis propinqua magiæ superstitiosæ, & paulatim ad illam invitat, & excitat: dæmonque non dormit, sed, quamprimum potest, se immiscet, addendo aliquid, quod humanam industriam, & cognitionem excedat, ut sic homines ad Magiam superstitiosam transferat, quæ non per causas naturales, sed ope dæmonis aliquid intentat. Et ab hac dicti sunt Magi malefici, & incantatores, sicut fuit Simon Magus, Act. 9. & Elymas, Act. 13. Et in hoc sensu prohibetur consultatio Magorum, Levit. 19. & 20.

3 Omisâ ergo naturali magia, circa superstitiosam notandum est tertio, interdum large sumi, interdum stricte, & strictissime. Large Magia comprehendere solet divinationem superstitiosam, omnesque ejus species, ut Pyromantiam, Chyromantiam, &c. ut constat ex Plin. lib. 30. c. 2. Et hoc modo in Scriptura atoli, divini, augures, incantatores, & similes Magi appellantur: sic enim Magi appellari solent, qui & futura prænuntiant, & mira opera faciunt, ut Simon Magus, & similes. Et in jure tam canonico, quam civili sæpe hoc modo sumitur Magiæ nomen, ut infra videbimus. Fundamentumque habuisse videtur hic usus in prima hujus vocis significatione, nam Magia nomen est sapientiæ, illorum autem sapientiam homines maxime admirantur, qui futura prænoscere possunt, & occulta: & ideo non minus divinos, quam mirabilium operum effectores, Magos appellant. Deinde utrumque munus eandem habet originem, & ejusdem dæmonis societati innititur: ac denique inter se sunt conjuncta, ut sæpe ad prædicendum futura, fiat aliquid mirum opus, quale est suscitatio mortui, vel quid simile: & ideo utrumque munus potuit optime eodem Magiæ nomine significari.

4 Nihilominus alio modo potest accipi nomen Magia magis stricte, prout distinguitur a divinatione; nam hæc ars, quæ ordinatur ad aliquid faciendum ultra humanas vires, & non virtute Dei, sed dæmonis per se, & ex objecto, ac fine, diversa est ab alia

Divisio
magiæ in
superstitiosam, &
naturalem.

Magiæ large sumptæ
comprehendere
superstitiosam
divinationem
& ejus species.

Discreta
inter magiam,
& divinationem.

Magia sumitur pro
Philosophia naturali.

Magis o-
peratur
mira, divi-
natio reco-
gnoscitur
occulca.

alia, quæ ad cognoscendum ordinatur, licet mutuo juvare se possint in suis pravis actionibus; ergo recte possunt diversis nominibus significari. Sienim intra genus divinationis diversæ sunt voces varias veluti species significantes, quia plurimis modis fit divinatio: cur non magis tota superstitione operandi mira distincta voce nominabitur ab arte tota cognoscendi occulta? Nullum autem aliud nomen invenio usitatum, quod hujusmodi artem peculiariter significare possit, & soleat, præter vocem magiæ. Immo non inquam modo intelligi hinc potest prohibitio illa Levit. 19. *Non declinetis ad Magos, nec ab Ariolis quid sci- scitemini*; & c. 20. *Anima, quæ declinaverit ad Magos, & Ariolos, &c. interficiam illam, &c.* Arioli enim divinatores proprie dicuntur: magi ergo ab illis videntur distingui tanquam præstigiatores in operibus faciendis, vel tanquam malefici: ita ergo magia distinguitur a divinatione. Ulterius vero magia, sic etiam sumpta, in duas veluti generales species dividi potest (ex Spida, quem refert Perer. in c. 7. Exod. disp. 2.) scilicet in magiam strictissime sumptam, & maleficium proprie etiam dictum. Tota enim hæc ars, quatenus male operativa est, scil. ope dæmonis, maleficium dici potest: interdum vero non solum malo modo facit, sed etiam malum, & tunc dicitur proprie maleficium, vel Græce pharmacia: aliquando vero bonum operatur, licet malo modo, & tunc retinet nomen magiæ strictissime sumptum. Sunt & alii multi usus harum vocum: sed ad rem, quam intendimus, declarandam hæc sufficiunt. Hic enim magiam sumimus illo medio modo; nam quia de divinatione jam diximus, hic de magia tractamus, quæ ars est faciendi aliquid virtute dæmonis, sive illud sit hominibus proficuum, sive nocivum, quod proprie maleficium dicitur.

An revera
getur ma-
gia.

Referatur
quoddam
fundamen-
tum falsi-
sum cor-
ruptum
negant.

5 Igitur de magia sic sumpta queri potest, an revera aliqua talis sit? Aliqui enim hoc negarunt, qui in fundamento divisi sunt. Quidam enim negarunt esse dæmones, & consequenter esse magiam, quæ illorum efficacia utitur. Hunc errorem quoad maleficos, & maleficia refert D. Thom. in 4. d. 34. qu. 1. art. 3. & ibi Bonavent. qu. 2. Eamque fuisse vanam aliquorum medicorum opinionem refert Origenes, Tract. 4. in Matth. circa illa verba cap. 17. *Miserere filio meo, quia lunaticus est.* Verumtamen fundamentum hujus erroris evertit magna ex parte nostræ fidei doctrinam, & historiam. Nam si non sunt dæmones, falsum est, quod de tentatione primæ mulieris, & de Christi tentatione, & Job persecutione Scriptura refert; & quod Paulus ait ad Ephes. 6. de certamine hominum cum principibus tenebrarum. Sed hoc in propria materia latius tractandum est; nunc tanquam de fide certum suppono, esse dæmones, i. Angelos malos Dei, & hominum hostes.

3. Funda-
mentum
eorum, qui
negant
posse dari
pactum in-
ter homi-
nes, & dæ-
mones.

6 Alii ergo dixerunt, nullam esse magiam, quia nullum revera intercedit, vel intercedere potest pactum inter dæmones, & homines. Ita refert Petr. Binsfel. Tract. de Confess. Malef. Prælud. 6. illudque late impugnat. Verumtamen non est etiam, quod in hoc immoremur, nam est sententia erronea. Aut enim negat, posse hoc pactum intercedere, aut negat factum. Primum est contra omnem rationem, & fidem; nam Matth. 4. legimus, dæmonium obtulisse pactum Christo: *Hæc omnia tibi dabo, si cadens adoraveris me*: cur ergo non poterit simile pactum offerre Mago, faciam hoc, vel illud, si me colueris, vel quid simile? Item dæmoni non deest potestas loquendi cum homine, nec potestas ad faciendum multa, quæ homines mirentur, & affectent, & quibus decipiantur: cur ergo non poterit tale pactum cum homine facere? Atque eisdem modis convincitur secundum, scil. non posse negari, quin cum effectu sæpe hoc fiat. Nam hoc supponunt Scripturæ, & omnia humana jura, & Patres statim referendi. Item ex supra dictis de divinatione constat, ex appetitu cognoscendi futura sæpe homines pacisci hoc modo cum dæmonibus, & e converso dæmones sese offerre, & immiscere ad decipiendos homines per falsas, & sacrilegas divinationes: cur ergo dubitandum est, quin etiam in ordine ad miras, & apparentes operationes simili pacto utan-

tur ad decipiendos homines, & ad extorquendum ab illis adorationem, & cultum? Præterea contraria sententia solum fundatur in hoc, quod putat, omnia, quæ de operibus Magorum narrantur, esse meras nugas, & fictiones hominum mentientium se hoc, vel illud efficere, cum revera nihil faciant, quod per industriam, & malitiam humanam fieri non possit. At hoc fundamentum est vanum, & falsum, & contra Scripturam, & infinita testimonia humana; ergo temere, & sine fundamento id dicitur. Assumptum constabit latius ex dicendis. Non defuere tamen, qui admittendo hos effectus dicerent, non dæmoni, sed Deo esse tribuendos, vel Sanctis Angelis. At hoc blasphemum est, cum in his nihil honestatis, vel utilitatis reperiatur, & cum hæc Deus abominetur, ut ostendimus. Et contra hunc errorem videri potest Martinus del Rio lib. 1. q. 1.

Dari ma-
giam cer-
tum est.

7 Dicendum ergo sine dubitatione est, dari magiam, quæ docet mira aliqua facere, quæ virtute humana, & per causas naturales, prout ab homine cognosci, & applicari possunt, fieri non valent: ac subinde talem magiam superstitionem esse, quia sine pacto dæmonis non fit. Hæc assertio est tam certa, ut sine errore in fide negari non possit: nam satis expresse habetur in Scriptura. Primo, quia in ea narrantur similia opera facta esse a magis, ut patet Exod. 7. & 8. de signis factis in Ægypto per Magos Pharaonis; & 1. Regum 28. de Pythionissa, quæ vocavit Samuelem. Circa quæ facta est considerandum, non esse de fide, res illas, quæ exterius fiebant, vel apparebant, revera fuisse tales, quales apparebant: est tamen de fide, tales apparuisse, & visas esse, vel si loqui videbantur, esse sensu auditus perceptas: nam hoc expresse docet Scriptura. Et hoc satis est, ut dicamus necessario ibi intervenisse operationem dæmonis: quia illa, quæ exterius apparebant, qualiacumque essent, non poterant fieri per meram fraudem, aut inventionem humanam, quia non potest homo tanta velocitate applicare corpora, ut illæ res, vel imagines rerum fiant: nam etiam tales imagines fieri non possunt sine magna rerum mutatione tam subita, ut humanam industriam superent. Atque hoc plane supponit Christus, Matth. 24. cum dicit: *Surgent Pseudochristi, & Pseudoprophete, & facient signa, & prodigia.* Qualia videntur illa Simonis Magi, de quo Actor. 8. dicitur: *Quod multo tempore magis suis dementasset eos.* Supponimus autem semper in his illationibus fidei veritatem, quæ non agnoscit alios Angelos præter sanctos, & dæmones. Nec disputamus contra antiquos Gentiles, qui medios quosdam dæmones ponebant distinctos a cælestibus Angelis, & non hostes hominum, sed potius beneficos: quibus hos utiles effectus magiæ tribuebant, ut videre licet in Augustin. lib. 8. de Civitat. ac. 13. & clarius lib. 10. ac. 9. Sed error ille repugnat Scripturis, & communi sensui, & traditioni ecclesiæ, ut in materia de Angelis ex professo tractandum est. Cum ergo hæc opera magiæ, utpote vana, curiosa, & ad deceptionem hominum ordinata, non possint sanctis Angelis attribui, necesse est, ut ex pacto dæmonum proficiantur. Alii vero ea retulerunt in animas hominum mortuorum. Sed hoc etiam fidei repugnat; quia illæ animæ non versantur inter nos, sed vel in celis, vel in inferno commorantur, ut late prosequitur Chrysostom. Homil. 29. in Matth. & alio in loco proprio docetur. Immo probabile est, animas separatas sua virtute naturali nihil posse circa corpora operari. Ac denique etiam animæ ipsæ aut sanctæ sunt aut damnatæ, & priores non magis possent magiæ cooperari, quam sancti Angeli: de damnatis autem, etiam si aliquid facere possent, eadem ratio quoad malitiam esset, quæ de dæmonibus.

Probatum
assertio
principa-
liter.

8 Secundo principaliter probatur assertio, quia propter hanc causam multabantur magi jussu Dei, Exod. 22. Deuteronom. 18. Levitic. 19. & 20. & 21. & refertur in capite *Idol.* 26. quæst. 5. Ex *Idol.* libro 8. Origen. capite 9. Idem testatur, & late tractat August. in multis aliis locis, præsertim lib. 15. de Civitat. cap. 23. ubi specialiter de dæmonibus incubis dicit tam constantem esse famam, & experientiam, ut id negare imprudentiæ videatur. Et libr. 18. c. 17. &

18. & lib. 3. de Trinit. cap. 7. & sequ. præsertim 10. & 11. lib. 12. Genes. ad lit. cap. 13. & 14. & epistol. 5. ad Marcell. sub finem, & optime libr. 83. quæstionum, q. 179. Et in lib. Cypriano attributo de Duplic. Martyr. num. 12. sic habetur: *Qui Magicis artibus utuntur, tacite Christum abnegant, dum cum demonibus habent fœdus.* Sic etiam Tertullianus libro de Anima, cap. 57. Magiam vocat *secundam idololatriam, & fallaciam: sed ratio fallacia* (inquit) *solos non fugit Christianos, qui spiritualia nequitia non quidem sociæ conscientia, sed inimica scientia novimus.* Et in Apolog. c. 23. ait, Magos ad sua opera habent dæmonum sibi assistentem potestatem. Idem Lactantius lib. 2. de origin. error. c. 17. Eusebius lib. 5. de Præparat. cap. 7. lib. 6. cap. 3.

9 Tertio probari potest assertio communi sententia Theologorum. D. Thom. 2. 2. qu. 95. & 96. & in 4. distin. 34. q. 1. art. 3. ubi etiam Bonavent. Scor. & alii. Gabr. 2. ad 8. qu. 2. art. 4. Anton. 2. part. tit. 12. Guliel. Paris. latissime lib. de Legibus versus finem, præsertim §. *His autem ita positis, & §. Procedamus igitur.* Victorius Relect. de Mag. qu. 1. Benedict. Perer. Exod. 7. disputat. 2. Et copiosissime Martinus del Rio in suis Disquisitionibus Magicis. Denique ipsi etiam Gentiles non ignorarunt, magiam esse dæmoniæ fraudem, & ideò tandem illam detestati sunt, ut constat ex Plinio lib. 20. cap. 1. & 11. Et ex gestis Martyrum constat, miracula, quæ in eis fiebant, attribuisse tyrannos arti magiæ, supponentes esse superstitionis artem, quæ aliquid operatur virtute dæmonum. Nec oportet, ratione veritatem hanc comprobare, quia est res facti, quæ magis pendet ex testimonio, quam ex ratione: satis enim est, quod ratio ostendat esse possibilem, ut jam satis ostensum est. Tamen ex effectibus potest hæc veritas etiam convinci, de quibus pauca dicemus inferius. Solum oporteret hic evasiones præcludere, quibus istarum artium cultores excusare se affectant, ne cum dæmonibus pactum habere judicentur. Sed illæ plane sunt frivole, & nugatorie, ut late, & erudite ostendit noster Martinus libro primo suarum Disquisitionum, cap. 3. per quatuor quæstiones, & cap. 4. per alias quatuor. Nos vero in sequentibus brevissime pauca attingemus.

10 Ex his ergo principiis primo convincitur, ac declaratur, quale sit magiæ crimen: est enim superstitio, & tacita idololatria religioni contraria. Immo si quis recte consideret, divinatio, & magia peccata sunt ejusdem rationis, solumque materialiter differunt. Nam per divinationem comparatur ope dæmonis oculorum cognitio, per magiam obtinetur ab eodem aliquorum operum effectio. Ratio autem malitiæ in utroque vitio formaliter consistit in contrahenda cum dæmone societate, & in tacito cultu, & veneratione illius: ad quam malitiam parum refert, & materialiter se habet, quod hæc societas ordinetur ad aliquid cognoscendum, vel faciendum. Et ideo in Scriptura hæc omnes artes fere simul, & sub eadem pœna prohibentur. Idemque est in jure canonico, & civili, & simili modo de eis loquuntur Patres, ut præcipue intelligi potest ex Augustino locis citatis. Unde etiam intelligitur, sicut divinatio dupliciter committitur, scilicet cum expresso pacto cum dæmone, & cum solo tacito: ita etiam magiam posse utroque modo fieri, nam est eadem ratio: & ita quoad hoc fere eandem doctrinam habent, ut ex Divo Thoma, & cæteris auctoribus constat. Quando ergo magia sit per pactum explicatum, manifestam habet malitiam, eamque gravissimam, etiam si in minima materia versari videatur: quia invocatio dæmonis gravissima injuria Dei est, etiam si ad rem minimam invocetur. Nec etiam in hoc potest admitti ignorantia, inter fideles præcipue, neque inadvertentia: cum ad expressam invocationem & dæmonis cognitio, & satis plena advertentia necessaria sit. Item, sicut de divinatione dixi, ita etiam hic, quod dæmon invocetur ad hunc, vel illum effectum, licet gravitatem criminis augere possit, tamen intrarationem superstitionis non mutat speciem peccati. Quia in ordine ad religionem totum illud materiale est. Et confirmatur a

fortiori: nam dictum est, ipsam divinationem, & magiam non differre specie inter se in ratione vitii oppositi religioni: multa ergo minus distinguuntur duo opera magiæ, vel dæmonum invocationes ad diversos effectus.

11 Dixi autem, *intrarationem superstitionis*, quia sæpe ex circumstantiis variatur hoc vitium multipliciter, addendo superstitioni varias malitias contra eandem religionem, vel contra alias virtutes. Nam contra religionem sæpe additur sacrilegium, ut quando rebus sacris, aut evangelicis verbis ad sua maleficia magi abutuntur. Item quando pactum est expressum, addi etiam solet expressa idololatria per sacrificium, aut alium similem cultum dæmoni exhibitum, sicut in divinatione explicatum est. Frequenter etiam admiscuntur turpissima vitia contra castitatem, usque ad nefariam cum dæmone commixtionem, ut supra tactum est. Immo in hæresim sæpe inciditur, quia, qui hoc modo dæmoni mancipantur, vel non credunt ipsum esse Deo subiectum, & ab ipso in suis operibus pendere, vel non credunt, illum esse damnatum; vel certe nihil firmiter credunt, & tanquam Athei sunt. Sæpe etiam directam apostasiam committunt a religione Christiana, nam Christo renunciant, & ejus Sacramentis: contra quæ alia sacrilegia committunt, dum aliquibus cæremoniis etiam characterem a se abradere, si possent: vel certe in eo etiam heretici sunt, quod putant, illum deleri posse. Unde fit etiam, ut plures blasphemias proferant: quæ omnia latius prosequuntur, qui de his rebus fusius scripserunt: hæc vero instituto nostro sufficiunt.

12 Solum addimus, in his maleficiis committi solere gravissimam injustitiam contra salutem, & vitam hominum, & alia temporalia damna eis faciendum, vel occidendo animalia, segetes destruendo, & similia. Quæcumque sunt, certum est, etiam si opera dæmonis fiant, ipsos maleficos ad restitutionem obligari. Ratio est clara, quia, qui causam damni dat, damnum fecisse censetur: isti autem malefici, seu venefici sunt causa horum nocumentorum, etsi opera dæmonis tanquam ministri utantur: tenentur ergo restituere. Sicut qui per Assassinos alium occidit, vel ejus res dilapidat, ad restitutionem tenetur. Accedit, quod isti malefici aliquo modo proxime cooperantur, moraliter loquendo, ad hæc damna, quia adhibent signa, quibus positis, dæmon nocumentum infert, alias non illaturus. Unde licet dæmon possit dici quasi minister hominis, qui illum ad maleficium faciendum veluti conduxit, mediante pacto cum illo inito; tamen ipse homo est veluti instrumentum dæmonis ad illud damnum perpetrandum, quia est veluti causa moralis exhibens signum, sine quo dæmon non operaretur; ergo sine ulla dubitatione ad restitutionem omnium damnorum tenetur. Unde recte intulit. Petr. Binsfeld. dicto libro Prælod. 13. juxta quamdam doctrinam Navarri in Man. capite 15. numero 25. hanc obligationem non extingui, etiam si maleficus corporaliter puniatur: nam per illam pœnam satisficit reipublicæ, & justitiæ legali, non parti læsæ, nec justitiæ commutative. Et ideo si talis maleficus bona reliquit, quæ ad heredes transferunt, illi tenentur ad restitutionem, juxta capit. *In litteris* de Raptoribus, &c. & capite ultim. de Sepult. Si vero ad fiscum pervenerunt, fiscus tenetur prius damna illata restituere, juxta leg. *Non possunt*, & leg. *In summa*, ff. de jur. fiscus. Ubi optima ratio redditur, quia quæ æri alieno obnoxia sunt, in bonis defuncti non computantur. Sed hæc aliis debitis communia sunt. Solum hic adnotamus, nihil esse in hoc delicto speciale, quod hos maleficos, vel bona eorum ab hoc debito excuset.

13 Atque hæc omnia fere communia sunt huic superstitioni, sive per expressum pactum, sive per tacitum committatur: quamvis multo clariora sunt, quando pactum est explicatum. Nam si solum sit implicitum, non possunt formaliter committi illa delicta, seu circumstantiæ, quæ directe, & formaliter respiciunt ipsam personam dæmonis, ut sunt, vota ei offerre, vel oblationes, vel obsequia, & similia. Nihilominus hæc aliquo modo participantur, saltem pro-

Ex circumstantiis quomodo magia varietur.

In his maleficiis gravissime injustitiæ committuntur.

Magiæ, & divinatio- nis peccata solum materialiter differunt.

Prædicta crimina communia sunt superstitioni, si ve committatur per pactum tacitum, si ve per ex-

propter morale periculum perveniendi ad illa, & ita pro ratione periculi major, vel minor erit participatio talium deformitatum. Substantialis autem malitia, (ut sic dicam) quæ est superstitionis, formaliter semper inest, quia ad illam sufficit pactum implicitum, ut supra in divinatione declaratum est: & juxta ibi dicta explicandum hic est hoc pactum implicitum: nam est eadem omnino ratio, servata proportione. Sicut enim ibi dicebamus, cum aliquis intendit, vel conatur quærere cognitionem per signa de se inutilia, vel credit, illam posse consequi per talia media sine Deo, eo ipso censeri, pactum implicitum cum dæmone habere, vel (quod perinde est) illud intendere, & procurare: ita in præsentia eo ipso, quod quis applicat medium de se inutile ad efficiendum aliquem effectum, ut ille effectus fiat, tacite vult effectum ex operatione dæmonis: (supponimus enim non expectare illum a Deo miraculose) quia revera non aritur illo medio, ut causa, quæ naturaliter possit habere illum effectum, cum sit prorsus inutile, sed ut signo, ad cuius præsentiam dæmon operaturus est. Sed hæc ratio, & tota malitia hujus taciti pacti melius intelligitur, explicando species ejus, & signa, quibus fieri solet, & virtutes, vel inutilitates eorum: quod breviter præstabimus attingendo solum ea, quæ ad perfectam notitiam hujus superstitionis necessaria videbuntur.

CAPUT XV.

Quæ sint species, seu modi magica superstitionis.

Quando pactum est expressum parum refert, quod effectus per magiam edisus sit mirabilis, aut non sit.

Possunt hæc species distingui vel ex parte effectuum, qui sunt veluti fines proximi, ad quos tendunt opera hujus artis, vel ex parte signorum, quæ ad tales effectus efficiendos applicantur. Supponimus autem, sermonem esse de distinctione materiali specierum, non de formali in ratione malitiæ: jam enim sæpè diximus, hanc non esse necessariam, nec inveniri sufficiens fundamentum illius, sicut de divinatione etiam dictum est. Præterea est notandum hic discrimen inter magiam cum expresso pacto, vel cum implicito: nam, quando pactum est expressum, necessarium non est, quod effectus intentus, vel modus externus illius sit aliquo modo mirabilis, vel superans vires humanas: nam licet mere naturalis, vel talis, ut posset a famulo fieri, vel ab alio agente ordinario: quacumque ratione aliquis ad illum utatur opera dæmonis, expresse postulando, vel acceptando illum etiam ad ferendam epistolam modo ordinario, vel ad dirigendum in via, vel aliquid simile: illa est superstitio contraria fidelitati, & cultui Deo debitæ, & pertinet ad speciem magiæ: quia continet expressam invocationem adiutorii dæmonis, & quia semper talis effectus habet aliquid mirabile ex parte occultæ causæ, saltem in hoc, quod a dæmone fit. At vero ad tacitum pactum magiæ necessarium est, ut vel opus in se excedat virtutem naturalium agentium, vel certe in modo, quo fit: & maxime, ut id, quod applicatur ad illud efficiendum, sit vanum, & inefficax ad obtinendum effectum. Et ideo ad intelligendam bene hanc tacitam superstitionem necessarium est, species, & modos illius declarare.

Species magiæ ex parte effectus ad tria capitula reducuntur.

2. Igitur ex parte effectus ad tria capita possunt hæc species reduci, scilicet ad artem effectricem scientiæ seu cognitionis, sanitatum, & maleficiorum. Potest enim a dæmone expectari auxilium vel ad effectus animæ, vel corporis. Effectus igitur animæ comprehendimus sub nomine scientiæ, vel cognitionis, ad has enim potest juvare dæmon: nam ad virtutem non juvat, sed potius ad malum, & ad peccatum, quod hic non consideratur, quia non est proprium artis magicæ, sed ad generale officium dæmonis spectat, quod est, homines tentare. Quod si in hoc aliquid speciale operatur in arte magica, sub aliquo ex illis tribus effectibus continetur. Effectus autem corporis possunt esse vel proficui corpori, vel rebus humanis, & hos comprehendimus sub sanitate: vel possunt esse

noçivi, qui ad maleficia pertinent: possunt autem his addi quidam effectus, qui videntur a dæmonibus fieri circa cadavera, & animas mortuorum: sed hi vel divinationi tantum deserviunt, & ideo sub Necromantia comprehenduntur: vel certe, quatenus conjunctam habent aliquam operationem, ad maleficia illos revocamus.

3. Circa primam ergo speciem primum adverto, esse discrimen inter hanc artem, & divinationem: nam hanc ponimus partem magiæ, & consequenter ad divinationem illam distinguimus in hoc, quod divinatio est de rebus, quæ naturaliter cognosci non possunt: unde earum veritas, fides, & qualiscumque cognitio tota resolvitur in dæmonis testimonium, & auctoritatem. At vero in hac arte magiæ non talis quæritur scientia, vel cognitio, sed talis, qualis vel per ordinarium studium, vel per infusionem divinam haberi potest, ita ut per eam manifestetur veritas per propria media, vel principia, a quibus potest naturaliter, seu necessario deduci, sicut in Philosophia, vel alia simili scientia fit. Inquiritur tamen hæc ipsa scientia per artem magicam modo extraordinario, & præternaturali, unde si non inquiratur a Deo, necesse est, ut a dæmone quærat, & ita hæc ars pertinet ad operationem dæmonis, non ad divinationem. Nam qui hoc modo docetur Philosophiam, vel Mathematicas opera dæmonis, etiamsi repente evadat Philosophus, vel Mathematicus, non dicitur divinus, vel divinare, quia non futura prædicat, nec occulta pandit, sed demonstratione, vel ratiocinatione utitur ad veritates necessarias, & Philosophis notas demonstrandas.

4. Observandum præterea est ex Divo Thom. 2. 2. quæstione 96. articulo primo, quamdam esse ab hominibus inventam artem, quam Notoriam vocant (cur autem ita vocetur, auctores non dicunt,) quæ per quædam observantias, & per quædam jejunia, & orationes ad Deum, & figurarum inspectiones, & prolationes signorum verborum (ut Div. Thomas ibi dicit in primo argument. & in corp.) subitam, seu extraordinariam scientiæ acquisitionem promittit. Quam esse vanam, ac perniciosam Div. Thom. supra docet. An vero ad hoc genus superstitionis, quod nunc tractamus, pertineat, non declarat. Immo in fine corporis dicit, in arte Notoria non quæri scientiam per magisterium dæmonis loquentis cum homine, adeum modum, quo unus homo docet alium. Et in solut. ad 3. ait: *In arte Notoria non intervenire societatem initam cum dæmone.* Addit etiam ibidem Div. Thomas, artem illam esse inefficacem. Ubi Cajetanus advertit, ideo dici inefficacem, quia finis ejus est consequi scientiam per infusionem; ergo a Deo quærit scientiam, ut in primo etiam argumento Div. Thomas objicit, & in solutione non negat, sed dicit, quærere illam modo indebito, & in hoc consistere malitiam ejus. Videtur ergo malitia hæc non pertinere ad superstitionem, sed vel ad tentationem Dei, quia ab eo petitur miraculum, seu opus supernaturale sine causa, vel necessitate: vel etiam ad cultum indiscrētum, & vanum, non tamen falsum, quia revera ibi non colitur alius Deus, sed verus indebito modo. Quia licet aliquæ ex observantiis, quibus ars illa uti dicitur, non sint superstitiosæ, ut jejunia, & orationes, tamen conjunctæ cum aliis vanis observantiis, faciunt totum cultum supersticiosum, non tamen falsum, quia semper intenditur acquisitio scientiæ a vero Deo.

5. Dicendum nihilominus est, artem Notoriam sub hac parte, & specie magiæ comprehendendi, & pactum implicitum cum dæmone continere. Ita sumitur ex Div. Thom. dict. artic. 1. in 1. part. corpor. ait enim, artem illam uti ad scientiam obtinendam quibusdam vanis observantiis, non ut causis, sed ut signis super vacuis: *Et per consequens (ait) sunt signa pertinentia ad pacta quædam significationum cum dæmonibus placita, atque federata. Et ideo ars Notoria penitus est fugienda Christiano, sicut aliæ artes nugatorie, vel noxiæ superstitiones.* Perinde ergo judicat de hac arte, sicut de tota magia, vel divinatione quoad superstitionem,

Assignatur discrimen inter primam speciem magiæ, & divinationem.

An Notoria sit ad hanc magiæ speciem pertinens.

Pars affirmativa vera est.

D. Thom.
locus mē-
dofus cor-
rigitur.

nem, & pactum cum dæmone. Cum ergo dicit in fine corporis, per artem Notoriam non quæri scientiam a dæmone docente, non intendit excludere omnem modum acquirendi scientiam opera dæmonis, sed solum illum modum addiscendi a dæmone loquente, & docente more humano: non enim ita inquiritur scientia per artem Notoriam, sed alia via breviori, & faciliiori, sine ullo hominis studio, per solam vanarum observantiarum exhibitionem. Et ideo vehementer suspicor in solut. ad 2. ubi negative legitur, *Quæ societas cum dæmone inita in proposito locum non habet*, mendum irrepsisse, & delendam esse negationem, affirmativeque legendum, *locum habet*. Alias D. Th. non solvisset argumentum, sed confirmasset. Obiecerat enim, in hac arte non esse illam superstitionem, quæ est in divinatione, quia ibi inquiruntur a dæmone futura, quæ ipse cognoscere non potest; hic autem procuratur scientia, quam ille optime novit. Respondet autem, in divinatione non tantum esse peccatum, quia procuratur a dæmone cognitio veritatum, quas ipse non cognoscit, sed simpliciter propter societatem cum eo initam. Ergo necesse est, ut concludat, hanc posteriorem inordinationem etiam habere locum in arte Notoria: alias si hoc etiam concederet, non habere locum in hac arte, plane concessisset totum, quod argumentum probare nitebatur. Atque ita videtur legisse Cajet. cum ex hac solutione notat, ad peccatum mortale sufficere pactum initum cum dæmone, *quod constat* (inquit) *in observantiis artis Notoriæ committi*.

6 Cum ergo idem Cajetanus ait, per illam artem intendi scientiam per infusionem, non est intelligendum a Deo, sed a dæmone, vel expresse, si expresse pactum præcessit, vel tacite, & interpretative, ac moraliter, etiam si expresse non intendatur. Et ratio hujus intentionis est; quia, qui his observantiis utitur, vult obtinere scientiam sine studio, & labore: sic autem obtineri non potest, nisi per infusionem; ergo virtualiter intendit illam habere, per infusionem: non potest autem fieri illo modo, aut per astra, aut per verba, vel per observantias, quæ adhibentur, ut per se evidens est, neque a Deo procuratur, quia nulli mediis ad hoc proportionatis ars illa utitur, nec Deus promittit infusionem scientiarum per jejunia, vel orationes, nedum per ignota verba, vel inspectiones figurarum. Ergo velit, nolit, qui sic operatur, convincitur se velle a dæmone habere scientiam infusam, & consequenter se habere societatem cum dæmone, vel saltem dare illi moralem occasionem, ut se interfecerat, qui illum non omittit. Unde qui sic operatur, virtute attribuit dæmoni virtutem infundendi scientiam, quod solius Dei proprium est. Quamvis autem hæc vera sint de illa arte, si quis tamen ex ignorantia, & simplici intentione veller, a Deo ipsam scientiam infusam impetrare, & ad hoc non adhiberet vanas observationes illius artis, sed media ordinaria, quibus religiose uti solemus ad aliquid a Deo impetrandum, ut sunt orationes, jejunia, & alia bona opera, vel corporis afflictiones, non committeret idololatriæ superstitionem, sed tentaret Deum, vel improbe coheret, si id faceret sine speciali instinctu Dei, & sine causa, & non adhibendo industriam, & diligentiam, quam ex parte sua posset apponere. Et ratione periculi (si esset aliquo modo prævisum) posset participare malitiam superstitionis, & hoc tantum probat objectio facta.

Omni's
ars addi-
scendi
scientiam
ope dæ-
monis ad
magiam
spectat.

7 Ultimo vero addendum hic est, ad hanc speciem magiæ, quam modo tractamus, non pertinere solum propriam artem Notoriam, ut a Div. Thoma explicatur, sed etiam omnem artem addiscendi scientiam ope dæmonis, quocumque modo intendatur. Ut, si quis studendo, & faciendo, quod in se est, ad scientiam acquirendam, simul uteretur vanis observantiis, quibus speraret vel vim memoriæ acquirere, vel facilitatem, & acumen ingenii, vel organa sensuum melius disposita, vel similia, quæ virtute naturali talium observantiarum fieri non possunt (fieri autem aliquo modo possunt virtute dæmonis, ut late exponit Martinus libro 2. q. 24.) sine dubio hoc genus superstitionis committeret. Itemque ille, qui veller

a dæmone doceri eo modo, quo docetur ab homine loquente, sive intendat, ut dæmon sibi loquatur ad aures corporis in corpore visibili assumpto, sive solum in imaginatione formando eadem verba, quod etiam facere potest. Quacumque enim ratione ineatur societas cum dæmone, etiam si nihil petatur expresse, vel tacite, quod virtutem ejus naturalem superet, superstitiosum est, & ad hanc partem artis magiæ pertinet. Et multa ex his, quæ diximus, sine societate expressa fieri non possunt, ut consideranti facile patebit; erit autem saltem implicita, quando ad effectum intentum obtinendum vanæ observantiæ adhibentur, quæ non possunt esse causæ, & ideo non sunt nisi magica, & diabolica signa.

8 Ad alteram speciem, quam sanitatum appellavi-
mus, pertinent ea, quæ Div. Thomas tractat. 2. 2. quæstione 96. art. 2. ubi recte declarat, sub nomine sanitatum comprehendendi omnes immutationes corporum similes, & maxime illas, quæ ad hominum commodum, & utilitatem, seu beneficium sunt, sive immediate fiant circa ipsa corpora humana, sive circa animalia, sive circa arbores, & similia. Item huc spectant effectus alii, qui per hanc artem hominibus promittuntur, verbi gratia, ut non possint lædi ab hostibus, nec subesse casibus fortuitis, & similes. In hoc autem genere effectuum, ut pactum implicitum intelligatur, præcipue oportet considerare, an effectus ipsi secundum se spectati tales sint, ut per causas naturales, vel creatas fieri possint, necne. Aliquando enim sunt naturales, ut sanitas, quæ recuperari potest medicamentis adhibitis, & valetudo, quæ potest conservari naturalibus remediis, & virtutibus herbarum, vel observata qualitate ciborum. Multa etiam fieri possunt per solum motum localem, ut inventio, vel transportatio thesauri, congregatio nubium, ut convenienti tempore pluat, & sic fructus sint uberior, fugatio, vel occisio animalium nocentium, & similia. Aliquando vero possunt esse effectus supra virtutem omnium causarum naturalium corporalium, ut maxime est ille, quod homo non sit expositus effectibus, seu casibus contingentibus: quia nulla est causa naturalis, quæ hos impedire possit, nec providentia humana, quæ prævenire illos in universum valeat.

Quæ spe-
ctant ad
alteram
speciem
magiæ,
quæ sani-
tatum di-
citur.

9 Quando ergo effectus, qui per hanc artem promittitur, supra vires est creaturarum causarum, certum est, talem artem esse diabolicam, & magicam deceptionem. Probatur, quia media, quæ ad tales effectus adhibentur, non possunt esse causæ ex se habentes virtutem ad illos, quia illa media sunt actiones humanæ, vel applicationes rerum naturalium, effectus autem sunt longe superiores; ergo adhibentur ut signa, ad quorum præsentiam aliquis alius operetur: sed ille non est Deus, nec Sanctus Angelus; tum quia Deus nunquam talia signa instituit; tum quia in eis nihil est, quod Deum deceat, nec quod pietatem promoveat: est ergo dæmon, a quo non vere, sed per præstigiam fit talis effectus, ut postea dicemus. Exempla sunt in illo effectum immunitatis (ut sic dicam) ab omnibus effectibus contingentibus adversis. Quæ enim causa, vel dispositio naturalis potest hoc præcavere? Similis est effectus ille præservandi corpus, seu reddendi illud immune a læsionibus hominum; quia hic effectus per se pendet ex libero usu utriusque hominis, & percutientis, & percussis: circa quem usum nihil possunt per se naturales causæ, & præterea sæpe per accidens pendet ex casuali occurso, vel occasione. Quod si intelligatur immunitas esse ex parte corporis percussis, ut scilicet taliter sit affectum, quod licet vulneretur, vel fortiter pungatur, lædi non possit, etiam si nulla arma defensiva habeat præter gestationem, verb. gr. amuleti, vel alterius similis involucri, vel certæ scripturæ, &c. Tunc etiam evidens est nec in his rebus, nec in ulla causa naturali posse esse virtutem ad talem immunitatem corpori præstendam. Et ideo in his, & similibus ex natura effectus licet pactum colligere, ut dictum est.

Quando
effectus
sunt supra
vires cau-
sarum crea-
rarum na-
lis ars est
diabolica.

10 Ubi obiter adnotari potest, quod Div. Thom. docet in dicta quæst. 96. art. 4. etiam si res, aut verba sacra sint, posse superstitionem in eorum usu committi,

Si jam
res, aut
verba sunt
sacra, po-
tenti in usu
committi
supersti-
tioso.

mitti, si aliquid adjungatur, quod vanum sit, & inu-
tile ad divinam reverentiam, vel ad divinum auxi-
lium impetrandum; ut quod tali modo, aut talibus
impertinentibus signis res deferatur, aut verbum scri-
batur, vel proferatur. Quia jam quoad illam par-
tem signum est demoniacum, & superstitioni adun-
gitur sacrilegium. Addo præterea quod, licet seclu-
sa omni hujusmodi superstitione, sanctum, & reli-
giosum sit, reliquias Sanctorum ad collum suspensas
deferre, vel evangelium, verb. grat. initium Joannis
in pectore scriptum portare, & similia, bona fide spe-
rando per modum impetrationis peculiarem Dei pro-
tectionem, & Sanctorum intercessionem, nihilomi-
nus id tanquam omnino certum sperare, non minus,
quam si esset a Deo promissum, non caret superstitione,
si non falsi cultus, saltem superflui. Et præterea
intervenire ibi potest tentatio Dei, si ob eam confi-
dentiam nimiam temere se homo periculis exponat,
aut in periculis omittat ordinaria media, quibus se
tueatur. Quia postulare a Deo miraculosam defensionem,
aut protectionem sine causa, vel speciali instig-
ctu, est tentare ipsum: unde oratio, vel alius cultus,
qui propter hunc finem illi offertur, superflui, & va-
nus est, quia revera per talem actionem ipse non ho-
noratur. Et præterea illa nimia confidentia de conse-
quendo illo effectu ab ipso Deo, cum non sit fundata
in promissione ejus, vel est vana, & pure voluntaria,
vel etiam est nimia confidentia sui, & suorum merito-
rum, & ex hac parte potest continere perniciosam su-
perbiam. Denique modus ille querendi commodum
hæc temporalia per usum reliquiarum, vel aliarum re-
rum sacrarum cum tanto affectu, & credulitate infal-
libiliter obtinendi illa, non caret periculo, quod de-
mon se ingerat, & in aliam majorem superstitionem
hominem inducat. Oportet ergo cum debita reveren-
tia, & spe in Deum, & in Sanctorum patrocinium,
quod utique non deerit homini, quando, & quomo-
do illi fuerit expediens, precesiones dirigere. Et cum
proportionem idem sentiendum est de usu Sacramen-
tali, ut sunt Agnus Dei, & aqua benedicta. De qui-
bus est ratio peculiaris propter virtutem spirituales
impetrandi, quam habent nomine ecclesie, ex ejus
institutione, & benedictione, ut in tom. 1. de Sacra-
mentis tractavimus.

De effecti-
bus, qui
non sunt
ex se sim-
pliciter
miraculo-
si. In his
duplex mo-
dus consi-
derandus.
Alius ex
parte me-
dii, alius
ex parte
temporis.

11 Omnis vero supernaturalibus effectibus, sunt
alii, qui ex se non sunt simpliciter miraculosi, quia
licet superent aliquo modo virtutem humanam, non
tamen Angelicam, neque omnem efficaciam causa-
rum creaturarum. In his ergo oportet modum conside-
rare. Hic autem modus duplex esse potest: unus ex
parte rei, seu instrumenti, aut medii, quod ad talem
effectum applicatur: alius est ex parte temporis, seu
celeritatis, qua fit effectus. In priori modo est infinita
varietas superstitionum, quas hic ex professo docere,
aut numerare, necessarium non est, nec ad præsen-
tem doctrinam pertinet. Satis ergo est scire, hæc me-
dia interdum consistere in actionibus transeuntibus,
interdum in permanentibus signis, aliquando in utrius-
que simul. Deinde transeuntibus aliquando sunt verba,
aliquando vero sunt actiones aliquæ vel manuum, ut
benedictiones cum certo modo, & figura, vel oris,
per aliquam insufflationem, aut halitum, vel totius
corporis per aliquos ritus, & caeremonias. De verbis
generalis regula sumitur ex Div. Thom. d. quæst. 96.
art. 4. si aliquid contra fidem, vel clare falsum conti-
neant, supersticiosum esse: item si in lingua peregrina,
quæ non intelligitur, nec est in usu in communi con-
suetudine ecclesie: nam est præsumptio, ibi facere
aliquid falsum, vel supersticiosum, maxime quando
necessarium putatur, ut in tali lingua proferatur.
Item, si verba sunt prorsus inutilia, quia non continent
precationem, nec invocationem, aut laudem Dei,
vana signa, & demoniaca esse, convincitur. Et huc
spectant incantationes veneficorum, de quibus dici-
tur Psalm. 57. *Non exaudiet voces incantantium: &
venefici incantantis sapienter.* At vero (ut ex Div.
Thom. colligitur) si verba nullam falsitatem conti-
neant, nec demonis claram invocationem, & alio-
quin sint verba sacra, & apta ad orandum, vel co-
legendum Deum per eorum prolationem, ut est oratio

Dominica, vel Angelica, nomen Jesu, & similia, ex
hac parte non poterit judicari superstitio: esse tamen
poterit ex intentione, si illud verbum adhibeatur, ut
signum infallibile talis effectus. Quia, cum tale signum
non sit a Deo institutum, a dæmone datum esse, con-
vincitur, qui sub specie bonorum verborum vult ho-
mines decipere, & simul vult profanare verba sacra,
& eis ad magiam uti. Et præterea, quando in verbis
ipsis non statim apparet superstitio, aliæ observantiz,
quæ simul adhibentur, & necessaria reputantur, con-
siderandæ sunt. Videri de his verbis potest De Rio lib.
1. cap. 4. qu. 3.

12 Præter verba, vel etiam sine verbis adhiberi
solent aliquæ actiones per modum signorum, aut ce-
rimoniarum. Et in his fere generalis regula est, quic-
quid fit præter signum crucis, ordinariæ, ac genera-
liter esse supersticiosum, & frequenter continere ex-
pressam idololatriam. Quia per hujusmodi ritus so-
lent dæmones affectare divinos honores, ut docet Au-
gustinus libro 10. de Civit. cap. 9. & 10. Sed hoc ma-
gis videtur spectare ad magiam, quæ fit cum expresso
pacto. Secluso vero expresso cultu dæmonis in his
actionibus semper invenitur inutilitas in ratione cau-
sæ, quia nullam vim naturalem habere possunt ad ef-
fectum intentum. Quia solum sunt caeremoniæ quæ-
dam, quæ per leves motus manuum, aut aliorum
membrorum corporis fiunt, quæ per se non sunt
activæ circa alios, ad quorum commodum ordinariæ
sunt, nec in ipsomet, qui movetur, si in eo effectus
intendatur, possunt per se causare, nisi hoc, vel il-
lud ubi, & per accidens calorem aliquem, si motus
sit ad illum sufficiens: sed in præsentem nec solet esse ra-
lis, nec ob eam causam fit. Omnis ergo iste ritus ad-
hibetur solum in ratione signi, quia seclusa ratione
causæ, nulla alia ratio superest, ut sæpe dictum est.
Tale autem signum, cum non sit a Deo traditum, so-
lum ex pacto dæmonis haberi potest, nec ipse moveretur
signis ab alio traditis, ut de signis divinationum
diximus cum Euseb. 5. de Prep. c. 7.

Aliqua ad-
iones, quæ
adhiberi
solent
communi-
ter sunt
supersti-
tiosæ.

13 Præterea eadem fere regula servanda est in re-
bus permanentibus, quæ pro remedio adhibentur:
nam in primis si in ratione naturalis causæ sunt prorsus
impertinentes, quia nullam virtutem naturalem
habent, & sufficienter hoc de illis constat, procedit
generalis regula, quod adhibentur, ut signa dæmo-
niaca. Quia non sunt instrumenta Dei, qui potest
lucum super oculos imponendo visum restituere: ni-
hil enim tale promisit Deus se facturum per hujusmodi
res inutiles ad operandam sanitatem applicatas. Est
ergo mera superstitio. Si vero res, quæ applicatur,
talis est, ut possit habere naturalem aliquam virtutem,
ut est herba aliqua, oleum, vel quid simile: tunc in
primis consideranda est alia circumstantia supra posita
ex parte modi, an scilicet effectus tanta celeritate
fiat, vel fieri credatur, & speretur, ut naturalem
vim talium agentium naturalium superet: & tunc in
idem redit, nam ad illum modum operandi tale me-
dium est naturaliter improporcionatum; unde est si-
gnum, aliunde provenire proportionem, & virtutem.
Et præterea hac ratione solent circa res tales fieri ali-
quæ caeremoniæ vanae ex his, quæ in primo, & secun-
do membro posita sunt, quasi ad supplendam virtu-
tem, quæ rei permanenti deest, cum tamen omnes
illæ caeremoniæ inutiles sint ad illam conferendam,
& ita in eandem superstitionem revolvitur. Quæ ex-
presse damnatur in cap. *Non licet*, 26. quæst. 5. ubi
fit prohibitio, ne in collectionibus herbarum, etiam
medicinalium, aliquas observationes, vel incantatio-
nes liceat attendere. Aliquando vero alicui rei perma-
nenti ex materia prorsus inutili ad talem effectum, ad-
duntur alia signa permanentia, ut figuræ, lineæ, &
similia, ut per ea virtus suppleatur, vel compleatur,
cum tamen ipsæmet figuræ de se inutiles sint ad ta-
les effectus, & ita in idem vitium reidentur, quia tota
illa res talibus characteribus, aut numeris depicta in
ratione causæ tam inutilis est, sicut antea; ergo so-
lum relinquitur in ratione perniciosi signi. Et ideo
August. lib. 2. de Doct. Christ. cap. 20. & sequentibus
dicit, hæc omnia ad molimina magicarum artium perti-
nere.

Quo pacto
judicandū
sit de re-
bus per-
manenti-
bus, quæ
adhiben-
tur.

Verba
quædam,
ut media
adhiben-
tur.

Quid senti-
endi sit
de alio
modo, qui
in effectui
bus est ex
parte
temporis.

Adver-
tendum.

Precludi-
tur sub-
terfugii
reveren-
tiam ad
virtutē ab
anima,
imagina-
tione, vel
affectu
signis im-
pressum.

14 Atque ex his facile constat, quid dicendum sit de altera parte supra posita ratione, cujus potest talis effectus superare causas naturales, scilicet ex modo actionis in facilitate, & velocitate, ut si homo repente, ac subito sanetur sine miraculo, vel interventu virtutis divinæ, vel cum actio habet effectum in distantem locum, ut si faciendus hic imago. Petri Romæ existentis, ibi ille doleat, vel cum ad prolationem aliquorum verborum res magni ponderis elevatur, & ab uno loco in alium transfertur, vel cum persona, adhibita v.g. certa unctione, brevissimo tempore in locum distantissimum ducitur. Dicendum enim est, totum hunc effectum reduci ad eam radicem superstitionis magiæ: quia nimirum media, quæ ad talem modum actionis applicantur, revera de se non sufficiunt ad illud, nec possunt habere talem virtutem naturalem; & ideo manifestum est adhiberi non ut causas, sed ut signa, ac subinde adhiberi ex pacto cum demone, quandoquidem non possunt Deo attribui. Advertere autem oportet, sæpe talem esse modum harum actionum, ut non superet omnem virtutem creatam: ad colligendam autem superstitionem, & pactum satis esse, ut pensatis omnibus circumstantiis concurrentibus in modo talis effectus, constet, superare naturalem virtutem agentium corporalium, necessariumque esse, ut aliquid invisibile, & incorporeum agens ibi interveniat, nam hoc satis est, ut de pacto cum demone constet. Quia supponimus, virtutem illam superiorem, & incorpoream ibi intervenientem non esse divinam, nec ministerium ejus, & ideo recte concluditur esse demonem, ut cap. præcedenti satis declaratum est.

15 Duo autem subterfugia magorum hic breviter rejicienda sunt. Unum est eorum, qui dixerunt, hæc signa, quæ adhibentur, ut verba, vel alia similia, licet de se inefficacia videantur, accipere virtutem ad prædictos effectus, etiam quoad extraordinarium operandi modum, ab inefficacia animæ, vel imaginationis, aut effectibus ipsius hominis operantis hæc mira opera. Dicunt enim esse in anima vim ad imprimendam virtutem his signis, quæ adhibentur, quando illa signa talia sunt, ut proportionem aliquam servant ad effectum, qua possint excitare affectum, & imaginationem operantis, ut si sint verba significantia sanitatem, vel aliquid simile. Sed hoc subterfugium tam vanum est, ut in illius impugnatione immorari super vacaneum videatur. Primo quia id nulla probabili, aut verisimili ratione fundatur. Secundo quia imaginatio hominis non habet vim movendi externa corpora, sed ad summum commovendi internos spiritus, & humores hominis, cum quibus habet naturalem ordinem, unionem, ac sympathiam. Et eadem ratio est de interno affectu, & desiderio, nam per se, & immediate non operatur aliquid in alium, vel in verba, sed ad summum potest aut membra ipsiusmet hominis patientis illos affectus localiter movere, aut humores ejus concitare; in alio vero nihil potest efficere, nisi vel aliquid, quod per modum localem fieri possit, vel aliquam alterationem, vel objectivam motionem, quæ ex humoribus concitatis, vel ex habitu, aut spiritibus provenire possit; hæc vero motio, vel alteratio non est productiva illius mirabilis virtutis: *Nec enim potest capillum unum album facere nigrum*, ut dicitur Matth. 5. Quomodo ergo poterit illam virtutem efficere, aut unde in ea est tanta efficacia? Est ergo id vanum, & contra rationem, & sensum omnium. Tertio constat experientia, eos, qui applicant hæc signa ad hujusmodi opera, non moveri illa vehementi imaginatione, & affectu, sed perinde illa verba proferre, & tangere manu, vel applicare oleum, aut pannum cum certis caeremoniis, sicut solent vel medici, vel alii artifices sua opera facere. Ergo figmentum est, illam exaltationem prætere. Unde etiam vanum est significationi verborum, vel caeremoniarum aliqua ex parte hanc efficacitatem attribuire, cum significatio illa solum sit ex impositione vel publica, ut est in verbis ad significandum, vel privata, & voluntaria, ut solet esse in aliis ritibus, quibus isti utuntur: quod totum vel est ens rationis, vel denominatio extrinseca, nihilque proinde potest ad recipiendam

Suarez. Tom. XII.

virtutem deservire. Denique majus miraculum esset, in transitorio verbo, quod vix per momentum durat, per solum affectum, desiderium, aut imaginationem producere tam mirabilem virtutem, quæ subito sanitatem efficiat, vel ingens pondus a terra elevet, & similia, quam facere ipsum effectum sola imaginatione, vel desiderio ad præsentiam talis signi: sicut ergo hoc dicere insanum esset, ita etiam illud. Plura, si liber, lege in Martino libro primo cap. 1. q. 2. & 3. & cap. 4. quæst. 3.

16 Aliud effugium magorum est ad influentias celestes, quod ex parte receperant aliqui viri alias prudentes, & docti: & ideo attentius considerandum est. Et in primis vix solet usurpari in signis transitoriis, ut sunt verba, & signa manuum, & similia; tum quia ipsimet magi in his signis faciendis nullam constellationem observare solent; tum maxime quia per se est incredibile, quod in re tam debili, & incapaci, ut est sonus verborum, aut motus manuum tam subito, & in continenti tam magna virtus imprimatur a cælo: tum præterea quia nec de tali virtute coelli constat, nec humano modo constare potest. Solet ergo peculiariter hoc dici de signis permanentibus ex auro, argento, vel simili materia factis, vel in forma annuli cum certis figuris, vel in forma imaginis alicujus astri, ut sunt illæ, quæ imagines astronomicæ dicuntur. De his ergo dicunt aliqui, quod licet ex materia sola, seu forma naturali non habeant hanc virtutem, si fabricentur peculiari modo per artem cum talibus figuris, seu characteribus, & sub tali constellatione coelesti, inde accipere virtutem intrinsecam ad tales effectus, ideoque non posse inde colligi pactum cum demone. Quam evasionem approbat Cajetan, dicta quæst. 69. art. 2. defendendo imagines astronomicas, quando sine aliis characteribus, vel numeris, aut certis punctis fiunt, sed solum cum imagine alicujus signi coelestis, ut Leonis, Virginis, & in certa constellatione, & solum dicitur talis imago esse utilis contra aliquem morbum, & contra dolores renum, vel contra melancholiam, vel ad alium effectum similem.

17 Ratio Cajet. est, quia ille effectus non est supernaturalis, sed fieri potest per artem medicinæ, & herbas medicinales; ergo non est supersticiosum credere, imaginem auream, vel argenteam v.g. fabricatam in tali constellatione, & cum illa forma signi Leonis habere talem virtutem medicinalem ex impressione coelesti, quam aurum, vel argentum sine illa imagine non haberet, quia illa figura, per conformitatem ad astra, potest esse dispositio ad recipiendam ab astris talem influentiam, & virtutem, quam alias non reciperet. Nam figura secundum se potest aliquo modo ad actionem conferre, ut patet in instrumentis artis, & in rotis, & organis mathematicis, & in motu gravium, in quibus figura juvat naturam: & in viventibus figura est magna pars organizationis: ac denique conformitas ad astrum in tali figura potest etiam conferre ad suscipiendam influentiam ejus. Cum ergo influentiæ coelestes sint nobis occultæ, non videntur tales imagines astronomicæ, si simplices sint, damndæ. Secus autem (inquit) est, si addantur alii characteres, quia illi sunt impertinentes, & nihil conferre possunt ad actionem. Et ideo solum possunt adhiberi ut signa indicantia pactum cum demone. Et hanc doctrinam confirmat Cajetan ex Divo Thoma 3. contra Gent. cap. 105. nec putat illam retractasse in dicto art. 2.

18 Verumtamen nullo modo admittenda est a viro Theologo hæc evasio, quia revera est supersticiosa, & nulla probabili ratione fundata: & ut omittam alias imagines, quæ cum superstitionis caeremoniis, & characteribus variis modis formantur (de quibus legi potest Martinus lib. 1. capit. 4. quæstione 1.) etiam in simplicibus nullam mihi videtur habere probabilitatem opinio Cajetani. Et primo illam simpliciter condemnat Divus Thomas dicto artic. 2. ad 2. Qui optima utitur ratione, quia forma artificialis non potest habere virtutem agendi ab artifice: quia solum procedit ab idea mentis, quæ non est activa (actione scilicet, & alteratione naturali); nec etiam ex natura sua talem vim habet, quia solum confurgit ex compositione, ordine, & figura, quæ nec sunt principia agendi,

2. Subter-
fugii re-
currenti
ad cele-
stes influ-
entias im-
pugnatur.

Cajet. ratio
qua
approbat
imagines
astrono-
micas.

Impugne-
tur in fi-
gura.

nec disponunt ad recipiendam virtutem agendi ex influentia coelesti. Additque Divus Thomas auctoritatem Augustini lib. 10. de Civit. cap. 9. & 11. ubi cum ex Porphyrio retulisset, fieri solere in terra ab hominibus herbas, lapides, &c. certis quibusdam figurationibus, atque figmentis, quibusdam etiam observatis in coeli conversionibus motibus syderum, quæ virtutem idoneam habeant aliquibus exequendis: addit August. *Totum hoc ad demonis pertinere ludificationes, &c.* Verum est, Augustinum ibi indistincte loqui de figuris, & aliis vanis ceremoniis, & observantiis, nihilominus tamen satis huic sententiæ faveret, & contra easdem imagines astronomicas optime scribit Chrysost. hom. 8. in Epist. ad Coloss.

Cajetan. rationes nol, huius momenti esse ostenditur.

19 Præterea, rationes Cajet. nullius momenti sunt: primo; quia figura nunquam est activa, nec proprium principium agendi, solumque ad motum localem confert, & ad actionem instrumentorum, vel agentium, quæ per motum localem applicantur ad agendum. Et tunc etiam figura solum disponit, ut agens, vel instrumentum possit facilius, vel commodius applicari huic, vel illi loco, prout ad actionem intentam expedit. Et quoad hoc merito est utilis, quia per motum localem tenditur ad ubi; ipsa autem figura servat proportionem cum ubi, & illi naturaliter accommodatur, & ideo ad localem applicationem deservit. At vero ad alterationem, vel ad naturales effectus, & virtutes, qui per alterationem fiunt, per se nihil confert. Nec potest intelligi, quid figura Solis in metallo, lapide, aut ligno descripta ad hanc, vel illam coeli influentiam recipiendam conducatur: nec enim lignum melius comburitur, eo quod sit huius figuræ, vel illius, nisi illa deserviat, ut melius applicetur: superstitiosum autem esset, imaginem ignis in lapide depingere, ut actionem ignis melius reciperet. Distinctio autem illa Cajetan. de figura, ut figura est, vel ut est forma artificialis, plane frivola est: nam illa denominatio formæ nihil prorsus addit, nisi vel habitu dinem ad artem, vel ad subjectum, quod informat, vel certe (ut in Metaphysica dixi) forma illa physice spectata potest includere alias qualitates, quæ ordinarie acti væ non sunt, sed colores aliqui, qui ad recipiendam virtutem agendi non disponunt, nec in his imaginibus astronomicis solent considerari.

Disp. 42. sec. 3. in fine.

Consonantia inter imaginem, & astrum rejicitur.

20 Præterea consonantia illa, quæ a Cajetano spectatur inter imaginem, & astrum, seu signum celi, cum sit tantum quædam relatio, vel extrinseca denominatio, quid conferre potest ad influentiam, eo vel maxime quod est conformitas, non est vera, & naturalis: nec enim in coelo est vera facies leonis, aut vera forma scorpionis, & similia: sed ex variis dispositionibus astrorum varix figuræ, vel imagines sunt ab Astrologis excogitatæ, & accommodatæ ad distinguendas partes Zodiaci, vel explicandas virtutes, & numerum stellarum, quarum habent majorem observationem. Potuissent autem aliis figuris, & modis illas depingere, vel explicare. Quid ergo talis pictura, quæ ex sola humana accommodatione, & inventione pendet, potest ad influentiam deservire? Hinc ergo concluditur, non posse etiam virtutem ratione illius imaginis tali rei quasi infundi, quia per illam figuram non præsentatur unum simplex astrum, sed congeries multorum, ex quibus videtur in coelo consurgere talis figura, & licet inter illa astra fortasse aliquod sit præcipuum, tamen alia simul influunt, & habent diversas, vel contrarias virtutes: immo etiam aliæ vicinæ stellæ, vel planetæ tunc occurrentes influere possunt, & suam virtutem dare; ergo vanum est putare, certam aliquam influentiam, & virtutem unius atri peculiariter imprimi. Et præterea, esto posset hoc fieri, non potest ab hominibus cognosci: sunt enim occultissimæ huiusmodi influentiæ, nam præter impressionem lucis, & quatuor simplicium qualitatum, vix aliæ influentiæ singularium virtutum cognosci possunt, præter eas, quæ ad formas substantiales per naturalem generationem consequuntur, quas melius recipiunt herbæ, lapides, & metalla, quam imagines artefactæ. Ac denique licet aliquid astra influerent in tales imagines, incredibile est, ita immobiliter imprimi, ut postea semper dureret. Est ergo usus talium imaginum supersti-

triosus, quia non possunt revera exhiberi ut causæ, sed ut mera signa.

21 Nec D. Thomas 3. contra Gentes c. 105. oppositum sentit, quin potius ibi etiam ex professo probat veritatem; hanc solum in fine capitis, postquam rationes multas contra hoc magicum signum fecerat, subiungit, hanc occasionem quasi dari posset ab aliis, scilicet formam artificialem, ut talis est, posse esse rationem specialis influentiæ, & consequenter specialis virtutis. Et ad illam non respondet ex proposito, sed ait solum, in characteribus aliis, & numeris, quæ adduntur in his imaginibus, non habere locum. Et ita videtur tacite illam responsionem approbare. Ad hoc vero dupliciter responderi ibi Ferrar. Primo, artificialem formam non ratione sui, sed ratione mutationis, quæ fit in materia, quando illa imprimitur, posse disponere ad aliquam influentiam. Sed hoc neque potest accommodari ad D. Thom. neque ad rem, de qua tractamus. Primum patet, quia eadem responsio dari posset de omnibus characteribus, qui in imaginibus imprimuntur, nam etiam in illis sculpendis, vel imprimendis necesse est aliquam mutationem in materia fieri. Quod si instetur, quia per quoscumque characteres fieri posset similis mutatio in materia: illi autem characteres, ut tales, vel in tali numero, adhibentur ut necessarii. Eadem proportionem urgere possumus de imaginibus, quia mutatio materiæ eadem fieret, imprimendo aliam imaginem, & tamen hæc censetur necessaria. Est ergo eadem ratio, & ita redargutio D. Th. fuisset inefficax.

Ostenditur; hanc esse D. Thom. sententiam.

22 Atque hinc probatur secundum, & refutatur doctrina in illa evasione contenta. Primo ratione insinuat, quia talis forma adhibetur, ut necessaria in tali conformitate, & similitudine ad astrum; ergo signum est, adhiberi, ut artificialem formam per se, & non tantum ob aliam alterationem, quæ fit in materia, quando illa imprimitur: nam hæc fieri posset per aliam formam, vel sine ulla, comprimendo illam materiam, vel densando, vel cavando, vel liquefaciendo illam prius, & postea infundendo, nec enim in tali materia fieri solent alterationes aliæ; & hæc posset in illa fieri sine impressione alicujus imaginis, ut constat. Secundo, quia nec ex parte huius mutationis potest consurgere in tali materia dispositio sufficiens; tum quia potest illa mutatio esse tantum localis, dividendo, & separando aliquas particulas illius materiæ ab aliis, per quam separationem non applicatur illa materia coelo melius ad recipiendum calorem, vel lumen, sicut in terra motu ejus solet conferre ad influentias coeli melius recipiendas, vel ut calor magis penetrer, vel ut humiditas aquæ melius illam disponat, quod in proposito non habet locum: tum etiam quia licet sæpe, dum imprimitur figura, fiat aliqua alteratio caloris, statim transit, unde non potest esse dispositio ad perseverantem influentiam, nec potest esse sola illa dispositio sufficiens in corpore tam denso, & terreo, & natura sua alieno a tali virtute. Tota ergo superstitio ponitur in imagine, & interdum fortasse tantum, requirunt imaginem depictam, quæ sine alteratione materiæ fieri potest. Alia ergo responsio melior est, D. Thomam ibi non curasse de explodenda ex professo illa evasione; tum quia per rationes factas prius in eodem capite expugnanda erat; tum etiam quia ex integro ritu talium imaginum satis convincebatur esse superstitiosa. Plura de his imaginibus lege in Martino lib. 4. quæstione 1. ubi alios auctores refert.

Exponitur D. Th.

23 Una vero superest objectio partim ab experientia, partim ab auctoritate sumpta, præsertim in actionibus ordinatis ad conferendam sanitatem, morbosque pellendos. Videmus enim passim, ab aliquibus multa fieri cum corporum utilitate, ac fructu, & per media de se inefficacia, ut sunt verba quædam, vel sola, vel cum aliqua unctione olei, vel solum addibendo frustum panniculi linei, vel alterius materiæ ab eisdem artificibus benedictum. Quibus remediis suo modo adhibitis sanant vulnura, quæ a Medicis creduntur incurabilia, & interdum subito, vel tam brevi tempore, ut vix credibile sit naturali aliqua virtute id fieri posse. Idemque est de his, qui in Hispania salutatores vocantur, qui sanitatem conferunt suo tactu,

Objectio; in qua de his agitur, qui per verba, & inter applicationem vulnera sanant.

factu, vel benedictione, aut aliis observantiis, non quidem clare superstitiosis, de se tamen inefficacibus: & præsertim valere solent contra rabiem canum, seu morsum eorum. Accedit, quod ibi publice faciunt hæc, & interdum examinantur ab Episcopis, & Inquisitoribus, & facere non prohibentur. Ergo vel signum datum ad cognoscendum pactum implicitum dæmonis sufficiens non est, vel non semper est damnandus usus rerum, quæ vim habuerint ex tali pacto, quando ille, qui eis utitur, id ignorat, & bona fide operatur, & in verbis, aut factis, quibus utitur, nihil fidei contrarium, neque falsum, nec contra ecclesiæ cæremonias, neque aliter perniciosum apparet. Unde etiam Cajetan. 2. 2. qu. 96. art. 4. excusat eos, qui utuntur quibusdam annulis confectis ex nummis oblati crucifixo in die Parasceve, cum adoratur, ut eis juventur contra morbum contractionis nervorum: & in universum eos, qui similia faciunt ex simplicitate, & devotione, credentes divina virtute illa fieri, solum quia ita acceperunt ab aliis, & ita experti sunt. Hac ergo ratione poterunt omnes excusari.

Explicatur obiectio, in quantum comprehendit eos, qui herbis medicis utuntur.

24 Ad hoc non potest una generalis responsio dari, quæ omnes istos homines comprehendat. Quidam enim utuntur aliquibus herbis medicinalibus habentibus revera virtutem ad illos effectus, ad quos applicantur, & adeo sunt efficaces, ut citissime, & regulariter operentur, multum autem occulte, & insusitate: & inde provenit, ut curationes illæ vulgo existimentur mirabiles. Et tunc clarum est, non intervenire peccatum per se loquendo, quia illa curatio non pertinet ad superstitiosam magiam, sed ad naturalem. Solent autem interdum hi homines tam occulte, & artificiose uti his remediis naturalibus, ut sine illis operari appareant, ut hoc modo in majori æstimatione, & admiratione habeantur: & tunc quidem potest esse peccatum vanitatis, vel etiam avaritiæ, non tamen erit mortale, nisi vel in injustitiam transeat, vel scandalum grave inde generetur, inducendo homines, ut judicent, illud fieri opera dæmonis, vel sub illa specie majora promittendo, quæ supra virtutem sint naturalium causarum: & parando viam ad introducenda opera superstitiosæ magiæ. Et quia in his hominibus semper est mortale periculum, ideo non sunt publice permittendi, nisi clare ostendant saltem magistratibus reipubl. quibus herbis utantur, & probabili aliqua via ostendant, tales herbas talem habere virtutem. Potest autem contingere, ut virtus talis herbæ casu cognita sit, vel traditione accepta a peritissimis Medicis, vel certe aliquando etiam potest esse a dæmone manifestata, non quidem illi, qui nunc ea utitur, sed aliis, qui præcesserunt, & postea experimento cognitum sit, dæmonem verum dixisse. Et tunc nullum erit peccatum tali herba uti, quia ille usus jam non fundatur in societate dæmonis, sed in virtute a Deo data, jamque experimento cognita. Quod autem illa cognitio occasione, vel origine sumperit ex doctrina dæmonis, per accidens est. Ita recte notavit Victor. dicta Relect. nu. 15. Aliqui etiam credunt, interdum has virtutes revelatas esse divinitus, vel aperte, vel per insomnia, ut ex Plinio 2. lib. 25. Nat. Hist. refert Nicol. Leonicius in proœmio ad lib. Aristotel. de Præfensione per somnium. Unde cum ergo talis cognitio originem traxerit, usus virtutis cognita per se licitus est, & non pertinet ad magiam, de qua agimus.

Vid. Plin. 1. 3. c. 1. & 1. 24. c. 27. & 1. 31. c. 1.

Quid dicendum de modo, quo salutaris curatur.

25 Alii sunt, qui conferunt sanitatem aliquorum morborum, vel vulnerum sine remediis naturalibus, vel proprie artificialibus, sed solis verbis deprecatoriis ad Deum cum signo Crucis, vel alio simili non superstitioso. Et hoc modo dicuntur operari hi, qui salutatores appellantur. De quibus dubius est Victor. supra nu. 16. præsertim quia solent esse homines viciosi, & questuosi: sed non audent illos condemnare, quia gratiæ gratis datæ interdum communicantur peccatoribus: unde præsumi de his potest, quod habeant a Deo gratiam sanitarum, quia unusquisque præsumitur bonus in aliqua actione, si in ea non appareat malus. Unde communiter ab ecclesia videntur hi homines tolerari, & ideo non sunt a nobis facile damnandi. Addit etiam Victor. posse in his hominibus esse virtutem aliquam naturalem contra mor-

bum certum: v. g. morsum canis rabiem patientis, &c. non per sola verba, ut verba sunt, sed ut hanc, & spiritum secum deferunt, in quibus potest esse ex tali complexione aliqua bona virtus, sicut in fascinatione dicitur esse mala, vel sicut dicitur fuisse in Psyllis contra morsum serpentum. Quapropter in his multum considerandum est, an utantur certis quibusdam verbis, vel signis, quæ ab aliis didicerunt, quibus putant inesse virtutem, ita ut a quacumque persona fiant, eundem habeant effectum: nam quando ita sit, est apertum signum, non esse gratiam gratis datam, quia hæc non adheret verbis, aut signis, sed communicatur personæ. Et non est in potestate recipientis illam, aliis eam communicare, sed gratis dat illam Deus, cui vult. Et eodem signo ostenditur, tunc non esse virtutem naturalem, quia quando talis est, est quasi individualis ex tali complexione, & temperamento, & ideo non adheret verbis, a quocumque proferantur, nec est in potestate unius transfundere illam complexionem in alium. At vero quando virtus est personalis, & non habuit malum initium, de quo constat, sed persona illa, vel casu, vel ex fide bona, & simpliciter incoepit operari, & postea experta est effectum, & a Deo illum sperat, & non ab alio, non videtur damnanda. Præsertim quando is, qui illam exercet, pie vivit, & illa gratia honeste utitur; alioquin suspectus esse debet. Nam licet Deus interdum conferat aliquam gratiam gratis datam homini peccatori, non tamen permanens, & habitualiter, & quasi ad arbitrium ejus, sed solum ad aliquem actum, per occasionem, & propter aliquam fidei utilitatem, ut ex D. Tho. notavit Victor. supra nu. 14. At isti profitentur se habere hanc virtutem priori modo, & ideo suspecti sunt.

Vid. Plin. 1. 7. c. 2. & Galepin. verb. Psyllis.

26 Alii denique utuntur ad hujusmodi effectus præstandos quibusdam remediis externis, certis, ac definitis, de quibus evidens est, non posse esse causas naturales talium effectuum, ac subinde esse signa. Et dicuntur esse talia, ut a quocumque addiscantur, & proferantur talia verba, & applicetur pannus cum tali benedictione, & similia, effectus infallibiliter fiat. Et hoc potissimum modo dicuntur nunc aliqui similes curationes efficere, & publice tolerari, & ita de illis maxime procedit difficultas proposita. Ad quam, quod ad conscientiam attinet, simpliciter censeo, non esse ita tolerandos, ut Confessores illam licentiam eis concedant, eosque absolvant. Nam licet pro aliquo tempore excusari aliqua ex parte per ignorantiam poterint: quia nimirum per solam aliorum traditionem id acceperant, qui ita experti fuerant sine aliquo consortio cum dæmone, & ipsi etiam postea experti sunt sine suspitione mali: nihilominus in re ipsa, & secundum se non erat id licitum, ita ut vix potuerit ignorantia fuisse omnino inculpabilis: quia illi non habent probabilem rationem ad præsumendum, divinam virtutem esse infallibiliter assistentem illis verbis, & actionibus, ut sæpe dictum est. Quia hoc est proprium verborum sacramentalium, & aliquid simile introducere sine ecclesiæ auctoritate superstitiosum est, & in fide periculosum. Quid enim, si quis crederet, se habere propria quedam verba, quibus infallibiliter sanctificetur anima ex promissione divina: nonne hæreticus reputaretur? ergo perinde fere rejiciendus est, qui simile quidpiam dixerit de quocumque supernaturali effectu. Relinquitur ergo, ut qui hoc modo illis verbis, vel vanis observantiis utuntur, velint, nolint, tacita societate dæmonis utantur, & in illa confidant, vel saltem morali periculo illius se exponant.

Quid dicendum de aliis, qui per verba, & pannum applicatum alios sanant.

27 Nec sufficiens reputanda est excusatio a Cajetan. data, quod isti possunt præsumere, Deum alicui Sancto gratiam illam concessisse, quia Deus non consuevit conferre has gratias quasi permanentes, & affixas ipsis verbis (ut sic dicam), a quocumque proferantur. Neque id fuisset consentaneum divinæ sapientiæ, & providentiæ, quia per se non confertur ad salutem æternam, & alioquin esset occasio multarum illusionum, & deceptionum dæmonum: hoc enim colore possunt infinitæ fraudes Magorum occultari. Ac denique nulla est verisimilis ratio ad id præsumendum. Quamquam fortasse, quando opus aliquod per se redoleret pietatem, &

Nō posse præsumi; Deum alicui Sancto hanc gratiam concessisse.

fover illam, nihilque falsum, aut malum præferat, nihil noceat credere, alicui Sancto factam esse talem gratiam propter tale opus, neque etiam oberit imitari illud in tali opere, aut devotione, si forte Deus simile beneficium concedere dignetur, non quia crederetur infallibiliter futurum ex promissione, id enim superstitiosum est, sed quia impetratio a Deo per opera pietatis semper potest sperari. Isti autem largitores sanitarum non hoc modo operantur: sed cum certitudine effectus, & consequenter ex aliquo pacto superstitioso, & nihil faciunt, quod redeat pietatem, nec ipsi hoc spiritu operantur, immo ad decipiendum, & lucrandum sæpe fraudes, & mendacia adiungunt: & ideo non est aperienda hæc janua propter desiderium temporalium beneficiorum. Ideoque non arbitror, posse hoc in foro conscientie dissimulari. In foro autem exteriori fortasse interdum connivetur, quia non probantur sufficientia iudicia ad pactum tacitum præsumendum.

De maleficio.

28 Superest dicendum de tertia specie hujus magicæ, quam maleficium appellavimus, circa quam hoc loco non immorabimur; tum quia omnia, quæ de secunda specie diximus, ad hanc possunt cum proportionem applicari; tum etiam quia in hac certiora, & evidentiora sunt indicia pacti cum dæmone, quia cum tota hæc actio malefica ad deceptiones, impuritates, & injurias ordinetur, præferat diabolicum adiutorium, unde in signis ipsis nihil conspicitur, quod non ostendat vanitatem, irreligiositatem, & sæpissime apertam idololatram: tum denique quia omnia, quæ duobus capitibus dicenda supersunt, ad actiones hujus tertiæ speciei maxime pertinent: & ita ex illis sufficienter declarabuntur omnia, quæ ad doctrinam moralem hujus speciei desiderari possunt.

C A P I T U L U M XVI.

Utrum omnia opera magicæ prestigiosa sint, vel solida, & vera.

Corporales effectus a magis edictos actione de nonum fieri.

1 Hic jam non inquiremus, an omnia ista opera fiant ab hominibus per meram imposturam, ac deceptionem. Supponimus enim ex supra dictis, sæpissime talia esse, ut nulla virtus, ac subtilitas humana ad illa sufficiat. Unde distinguendo omnes actiones dæmonis ab his fictionibus hominum, dicere possumus, omnia opera magicæ vere, & realiter esse opera dæmonum. Sicut dici verissime potest, columbam, quæ in baptismo Christi apparuit, actione vera, & propria Angelorum bonorum formam fuisse, quia si ve illa fuerit vera columba quoad substantiam talis animalis, si ve tantum imago ejus, utroque modo debuit in iustitia, & morione sanctorum Angelorum formari. Ita ergo in præsentem supponimus, hos corporeos effectus, vel motus, qui per magicam fiunt, per realem, ac veram operationem dæmonum fieri. Inquiremus autem de substantia ipsorum effectuum, qualis sit, id est, an sint veræ res, quales apparent, vel solum appareant per effectum aliquarum velut imaginum, specierum, aut phantasmatum, quæ omnia generali vocabulo prestigia vocamus. Videri autem potest hæc questio speculari potius, quam practica, & pertinere magis ad factum, quam ad jus, & ad historiam magis, quam ad mores. Sed nihilominus prætermitti omnino non potuit, quia ad explicandum jus, & malitiæ gravitatem, & obligationes, quæ inde nascuntur, factum ipsum intelligere necesse est: brevissime tamen e doctrina speculativa sola illa resumemus, quæ præsentis instituto necessaria fuerint.

An res, quæ apparent, veræ sint.

2 Quoniam autem hi effectus, qui a magis fiunt, a dæmone, seu virtute ejus fiunt; ideo ad declarandum, quales sint ipsi effectus, necessarium est de potestate dæmonis ad operandum circa homines, & has res sublimares pauca præmittere. Quæ res ex professo tractanda est a nobis in materia de Angelis: & ideo satis huic loco erit, principalia principia, & fundamenta proponere, ac breviter corroborare. Primo ergo supponimus, omnem virtutem, & potestatem operandi ad extra, seu actionem transeuntem, & corporalem, quæ Angelis est naturalis, in dæmonibus post peccatum inte-

grum mansisse, quia per peccatum non fuerunt in Angelis naturalis diminuta, nedum amissa, ut est axioma Theologorum cum D. Tho. 1. p. qu. 64. art. 4. sumptumque est ex Dionys. cap. 4. de Divinis nominibus. Solum est advertendum, quod licet virtus ipsa in se non fuerit diminuta, nihilominus subjectio, & subordinatio illius aliquo modo immutata est propter ordinem gratiæ, & supplicium culpe. Naturaliter enim Angelus in naturali perfectione superior cogere potest inferiorem, aut ei resistere, ne sua virtute exterius operativa utatur, quia sicut est natura superior, ita etiam activitate. Qui ordo non est mutatus in dæmonibus inter se, ut Theologi tradunt, tamen respectu sanctorum Angelorum immutatus est, quia licet Angelus bonus sæpe sit inferior in natura, nihilominus minimus sanctus Angelus potest cogere supremum dæmonem, eique efficaciter præcipere: ita ut minimus Angelus custos possit potentie torius inferni resistere. Et ratio est, quia tunc non operatur sanctus Angelus sola virtute naturali, sed ut minister Dei, sine cujus nutu, & voluntate nihil intentat.

Virtus naturalis est in dæmone immutata per peccatum, subordinatio illius est immutata.

3 Secundo statuendum est, dæmones virtute naturali multa posse facere, & operari circa corpora, & res inferiores. Hoc in primis ex historia Canonica colligitur: nam in Scriptura legimus, dæmones multa operari circa homines, vel alia corpora; sed non operantur illa virtute gratuita, aut supernaturali; ergo. Minor evidens est, quia dæmones sunt hostes Dei, qui publicum bellum contra eum gerunt; cur ergo Deus supernaturalem virtutem eis tribueret? Item dæmon non utitur hac virtute, nisi ad malefaciendum, ac decipiendum; ergo non est specialiter infusa a Deo, alias videretur infusa propter illum finem; quod a divina bonitate alienum est. Data ergo fuit a principio cum ipsa natura, & propter optimum finem, propter quem data est natura: mansit vero postea in natura per peccatum lapsa, quia Deus noluit propter peccatum naturalia auferre, sed gratuita. Major autem propositio constat, nam Tobia 3. legimus, dæmonium nomine Asmodæum occidisse septem viros Saræ. Et Job 1. & sequentibus multa mala narrantur, quæ Sathan in tentatione Job operatus est; & capit. 41. dicitur: *Non est super terram potestas, quæ comparetur ei.* Et Petrus de dæmone, seu de diabolo, qui idem est, dicit quod *circuit quærens, quem devoret* 1. Pet. 5. Quod non nisi operando, & aliquid agendo circa corpora, & ipsos homines exequitur. Et Paul. ad Ephes. 6. vocat dæmones *mundi rectores tenebrarum harum*, qui nobis insidiantur, & ideo adversus illos colluctari debemus. Non possent nobis insidias parare, nisi aliquid circa nos, vel res exteriores, aut interiores, quæ nos movent operando. Nec nobis curandum esset de illorum bello, si nihil erga nos agere possent: & similia sunt sexcenta in Scriptura. Certum ergo de fide sit, dæmones habere aliquam vim agendi in homines, & in corpora, & præsertim sublimaria. Ratio reddi potest ex perfectione Angelicæ nature; quia non est verisimile, esse expertem omnis actionis, & virtutis activæ in corpora: ut omittamus rationes physicas ex motibus cælorum, & similes.

Dæmones virtute naturali multa faciunt circa corpora.

4 Hinc tertio pro certo habent Theologi statim referendum Augustino, posse dæmones corpora loco movere, & ita facere, ut distent, quæ propinqua erant, & ut incipiant esse propinqua, quæ erant distantia. Quod etiam evidenter probatur ex Matth. 4. Ubi dicitur: *Tunc assumpsit eum diabolus in sanctam Civitatem, & statuit eum super pinnaculum Templi. Et iterum assumpsit eum in montem excelsum, & ostendit ei omnia regna, &c.* Quæ verba evidenter significant motum localem a dæmone factum in corpore Christi; & ostensionem illam omnium regnorum per aliquam ex parte objectorum mutationem, vel representationem factam esse multi non improbabiler arbitrantur, quæ mutatio (si ve ad sensum corporis, si ve ad phantasiam facta fuerit representatio) sine aliqua corporum mutatione intelligi non potest. Certum etiam est, dæmonem locutum fuisse ad Christum sensibiliter ad aures corporis, & probabile est, locutum fuisse in forma visibili, quæ omnia sine mo.

Dæmones possunt corpora movere loco.

De potestate, quæ est in dæmone operandi circa res sublimares.

Obiectio.

Respon-
deatur.Dæmones
solum ap-
plicando
activa
passivis in-
ducunt
formas, &
qualitates
in corporaFormatio-
ne rerū,
quæ per a-
gentia na-
turalia
fieri non
possunt,
apparen-
ter tantū
dæmones
faciunt.Arte dæ-
monū fi-
eri non
posse ani-
malia per-
fecta,

motione locali corporum fieri non possunt. Ex libro etiam Job clare constat, dæmonem excitasse ventum validum, & alia multa fecisse, quæ sine motu corporis fieri non possunt. Ratio denique naturalis reddi potest, quia motus localis facit in mobili minimam transmutationem in omnes motus; ergo cum dæmon possit immutare corpora, saltem localem motum poterit in eis efficere. Quin potius alios motus non potest immediate efficere in corporibus, ut in sequenti puncto dicemus; ergo necesse est dicere, saltem mutationem localem efficere posse. Dices; ergo poterit dæmon invertere totum ordinem universi, vel hunc montem in alium locum transferre. Respondeo, primum, licet possit movere corpora localiter, non ideo hoc posse sine ulla mensura, quia virtus ejus finita est, & ideo fortasse non potest movere violenter corpus cujuscunque magnitudinis, nec potest, quanta voluerit velocitate, corpus quodlibet movere. Unde non est improbable, plures dæmones simul plus posse efficere, vel majus corpus, aut velocius movere, quam unum solum. Secundo dicitur etiam intra mensuram, quam potest, ut constat ex lib. Job, & Tobie, & Matth. 8. & sæpe alibi in Scriptura. Nam hoc spectat ad divinam providentiam, & dependentiam omnis virtutis creatæ ab ipso Deo. Hæc ergo ratione non potest dæmon invertere ordinem universi, neque alia multa satis minora facere, quæ sine dubio faceret, si permitteretur. Vide D. Tho. 3. contra Gent. cap. 108.

5 Quarto statuendum est, non posse dæmonem immediate, ac per se transmutare corpora ad formas, vel qualitates, sed solum posse ad has transmutationes operari applicando activa passivis per motum localem. Unde fit, ut præter hunc motum nihil possit in corporibus, vel potentiis hominum, vel aliorum efficere, nisi quod virtute alicujus agentis naturalis hoc, vel illo modo applicati fieri possit. Ita docet Aug. lib. 83. Quest. 79. & lib. 3. de Trinit. c. 7. & seq. D. Tho. 1. p. q. 65. art. 4. & qu. 10. art. 2. 3. & 3. cont. Gent. c. 103. Alenf. 2. q. 43. Bonav. & alii in 2. d. 7. Hinc ergo fit primo, ut transmutationes, & formationes rerum, quæ per aliqua agentia naturalia fieri non possunt, non possint vere per virtutem dæmonum fieri, sed ad summum apparenter. Pater, quia dæmones nihil possunt agere immediate nisi per motum localem, reliqua vero solum applicando naturalia agentia; ergo si naturalia agentia ex se non habent virtutem ad effectus aliquos, quantumvis ad illos applicentur, illos non efficiunt. Sic non potest dæmon homines resuscitare, quia licet possit fortasse animam separatam localiter movere, & intra corpus mortuum præsentialiter constituere (si permitteretur) non tamen potest illam iterum corpori unire, nec in corpore restituere organizationem ad hoc necessariam, quia naturalia agentia extrinseca non possunt illam efficere. Et eadem ratione non potest hominem generare per solum applicationem extrinsecorum agentium, quia organizatio corporis humani tam perfecta est, ut fieri non possit naturaliter nisi ex humano semine, & in matrice foemine per naturalem calorem, & alias virtutes animæ ad illud munus deputatas. Potest tamen dæmon coeundo in corpore assumpto, nunc cum viro tanquam succubus, postea cum foemina ut incubus, facere, ut illa concipiat verum hominem, tamen ibi genitor illius hominis revera est vir ille, a quo prius dæmon semen accipit: quia ille virtutem seminariam confecit, & emisit, quamvis ad uterum foemine non nisi mediante industria, & mutatione locali dæmonis pervenerit, quæ differentia accidentaria est. De qua re legi potest August. 5. de Civit. cap. 23. & quæ tradit Isidorus lib. 8. Origen. capit. 11. in fine, & communiter Scholastici cum Magistro 2. dist. 8. & alii multi, quos refert, & sequitur Petrus Binsfeldius lib. de Confessionibus Malef. post prælud. Concl. 5.

6 Secundo eadem ratione non possunt industria, & arte dæmonis fieri animalia perfecta, quæ ad suam generationem multam, & perfectam organizationem requirunt: & ideo nec ex putrefactione, vel per alia quasi casuali, vel accidentario concursu particularium agentium, & patientium fieri possunt, sed solum per

Suarez Tom. XII.

viam a natura institutam, sicut de humano corpore dictum est: nam quoad hoc est eadem ratio. Hinc etiam recte colligitur, omnes transmutationes hominum in bestias, quæ fieri dicuntur virtute dæmonis, non esse veras, sed apparentes; nam, ut essent veræ, oporteret, animam hominis, qui mutari dicitur, a corpore separari, & illi uniri veram animam bovis, aut asini, &c. utrumque autem falsum esse constat. Primum quidem, quia si animalis hominis semel a corpore separaretur, non posset idem homo postea redire virtute dæmonis, quia non posset resurgere; contrarium autem fit in his transmutationibus, nam idem homo postea redit, sicut antea erat. Secundum etiam est falsum, quia non potest dæmon per applicationem agentium naturalium, ita hominem interficere, ut materiam ejus disponat, & organizet sufficienter ad introductionem animæ bovis, aut asini, vel similis bruti perfecti, maxime immediate, & subito, ut istæ apparitiones sunt; sunt ergo illusiones sensuum, & dæmonum præstigia, ut docuit Aug. 18. de Civit. cap. 17. & 18. Chrysost. homil. 29. in Matth. Iisd. lib. 8. Origen. cap. 9. Rabban. lib. de Magorum præstigiis. & habetur in cap. Non mirum 26. quest. 5. Idem D. Tb. q. 6. de Potentia art. 5. ad 6. & 1. p. q. 114. art. 4. ad 2. Bonavent. 2. dist. 7. art. 2. q. 2. Victor. Relect. de Magia, Castus lib. 1. de justa hæret. punitione cap. 14. Paulus Grillan. lib. 2. de Sortilegiis quest. 7. Petrus Binsfeldius lib. de Confessionibus Malef. circa conclusionem 3. ubi plures alios refert.

7 Ex eodem autem principio sequitur, posse dæmones vere, & non tantum apparenter efficere aliquos effectus, qui per celerem motum localem, & applicationem elementorum naturaliter agentium, & patientium confurgere possunt, ut sunt ranæ, mures, muscæ, & similia, ut auctores citati docent, & alii Theologi cum Mag. 2. d. 7. & D. Thom. d. q. 110. & 114. & Alenf. 2. p. q. 43. memb. 2. ex August. 3. de Trinit. cap. 7. & sequentibus. Et ratio est clara, quia de non potest naturaliter movere hæc corpora magna cum celeritate; ergo etiam potest ita illa applicare, ut ex eis resultent illi effectus, qui ex putrefactione, vel ex casuali occurso talium rerum solent casu confurgere, juxta doctrinam Arist. 7. Metaph. textu 23. Accedit, quod ad has generationes multum conferunt astra, & influxus eorum: unde cum dæmon optime cognoscat astrorum dispositiones, & virtutes, potest etiam ita applicare inferiorem materiam, & agentia, ut aptissima sint ad tales generationes faciendas. Et ideo id, quod legimus Exod. 8. & 9. de Sapientibus, & maleficis Ægyptiis, quod fecerunt ranas, serpentes, &c. vere factum esse, & non tantum apparenter, sentit August. supra, & lib. 29. de Civit. cap. 18. Et facile credi potest. Quod autem cinipides facere non potuerint, divino consilio factum est, ut constaret, eos non Dei virtute operatos fuisse, sed ope dæmonis, qui non semper permittitur facere totum id, quod potest, ut deceptiones ejus detegantur.

8 Similiter dubium non est, quin possit dæmon mulieres has, quæ sagæ, seu striges vocantur (*Bruxas*) vere, & realiter deferre in loca distantissima brevi tempore, quia hic effectus non excedit virtutem naturalem dæmonis, ut constat. Unde etiam constat, posse dæmones has foeminas vere introducere in domos usque ad interiores partes earum, etiam si clausæ sint, non quia possit per januam, vel fenestram clausam hominem introducere (id enim virtute nullius agentis naturalis, aut creati fieri potest;) sed quia potest portas subito, & sine strepitu aperire, & iterum claudere: nam hæc, & similia per solum motum localem fieri possunt. Quapropter etiam non possunt humanum corpus intromittere in aliquem locum per foramen adeo parvum, ut capere corpus integrum non possit, nisi nimium densetur, vel comprimatur, quod sine gravi læsione, & dolore corporis, & interdum sine interitu hominis fieri non possit. Potest tamen dæmon celeriter dilatare viam, & foramen, & statim ad priorem statum restituere, quia hæc omnia per solum motum localem fieri possunt: itaque hæc, & similia facere possunt. Quamvis autem hæc mira hominibus videantur, quia insolita, & quia supra vires humanas sunt, non sunt tamen vera miracula, ut notavit D. Thomas 1. p. q. 110. art. 4. Alenf. 2. p. q. 42. & 43.

Transmuta-
tionem
hominis
in bestiam
a dæmone
non vere,
sed solum
apparen-
ter fieri.Vere dæ-
mones ef-
ficiunt a-
nimalia
imperfecta.Striges
vere defer-
untur in
loca di-
stantissima
brevi tem-
pore, &
intra do-
mos.

Quid sit
miraculū.

Erreliqui Theologi 2.d.7. Et attigit Iul. lib.8. Origen. cap.9. Justin. Martyr quæstion. 24. & 26. ubi distinguunt vera miracula ab omnibus magiæ operibus. Ratio vero est, quia miraculum proprie illud est, quod simpliciter sit ultra totam virtutem causatum naturalium, & ratum est, & insolitum: hæc autem opera dæmonum nunquam esse possunt supra totam virtutem causarum naturalium, ut declaratum est; & ideo non sunt vera miracula, etiam si rara, & extraordinaria videantur.

8. Opinio
asserens o-
mnia hæc
opera esse
solum ap-
parentia.

9 His positis de potestate dæmonum, quæstio superest de facto, quales sint effectus, quos per magos operantur. Nam esse possunt veri, aut apparentes, & sine dubio utroque modo generatim loquendo ab eis fieri possunt: ambiguum autem est, quomodo fiant. Sub qua quæstione generali multe particulares continentur, ut an tanæ factæ a Magis in Ægypto fuerint veræ: an Samuel vere apparuerit ad vocem Pythonissæ, vel an lamia, vulgo *Bruxas*, realiter transferantur ad loca distantia, vel solum phantasia: quæ omnia prosequi longum esset: attingemus autem necessaria, & reliqua ad alios auctores remittimus. Prima ergo opinio fuit, hæc omnia fieri tantum per præstigia, & illusiones phantasiæ, non vere. Ita videtur sensisse Plinius lib.30. cap.1. Sed ille revera magis sentit errorem supra impugnatum, quod ista opera nullo modo sint per actionem dæmonis, sed per industriam, & ludum, ac deceptionem hominum. Ex his autem, qui opera hujus artis talia esse consueverunt, ut sine ope dæmonis fieri non possint, non invenio, fuisse auctorem, qui in universum negaverit, aliquem verum effectum fieri a Magis. Nihilominus potest hoc suaderi ex capit. *Episcopi* 26. quæstione quinta, ubi post narrationem quarundam similitum actionum, vel mutationum, quæ a strigibus fieri dicebantur, dicitur, quod Sacerdotes per suas ecclesias omni instantia predicare debent, falsa esse, & a maligno spiritu per phantasiam, & seductionem fingi. Unde videtur ibi aperte doceri univèrse, & sine restrictione ulla, hæc Magorum opera solum per illusionem, & phantasiam fieri: nunquam per veritatem. Conjectura adjungi potest, quia vel dæmon ipse, qui pater est mendacii, nihil vere operari vult, volens potius omnibus modis homines decipere, & illudere: vel forte quia non permittitur a Deo aliquod mirum opus vere facere, ne homines ignorantes credant, equalia esse talia opera a dæmonibus facta, & a Deo per miraculum, vel per gratiam gratis datam. Alioquin non possumus ex operibus discernere, quid a bono, quid vero a malo spiritu fiat: atque ita multa supernaturalia opera vim suam emitterent ad testificandam, seu confirmandam divinam virtutem, & veritatem. Adenique certissimum est, multas ex his rebus, quæ per magiam fiunt, apparentes esse: est autem eadem ratio de omnibus, vel saltem nihil aliud judicare possumus, quia non possumus inter illas discernere.

9. Opinio
extreme
unitaria.

10 Alia sententia esse potest extreme contraria, omnes hos effectus vere, & in re ipsa tales esse, quales apparent, & a Magis fieri dicuntur. Quod fortasse crediderunt aliqui Gentiles, vel homines simplices, aut valde idiotæ: nullum tamen auctorem legi, aut relatum inveni, qui id asseruerit. Potest tamen convertendo argumentum proxime factum suaderi: quia certum est, multos effectus magicos veros esse, ut videbimus: cur ergo non idem crederetur de omnibus, cum nulla sit nobis ratio ad hoc potius credendum de quibusdam, quam de aliis? vel assignandus erit modus discernendi inter hos effectus, quod difficillimum apparet. Accedit, quod Scriptura eodem modo loquitur de his effectibus, sicut de veris. Nam de Magis Ægyptiis dicit: *Et fecerunt similitudo*, utique sicut fecerat Aaron. Et de Pseudopropheta Antichristi ait Christus Matth. vigesimo quarto, quod *dabunt signa magna, & prodigia*: solæ autem phantasticæ illusiones non possunt dici magna signa.

Nonsper
veros esse
hos effe-
ctus neq;
super
falsos.

11 Nihilominus vera, & communis sententia est: non semper hos effectus veros, nec semper falsos, sed interdum uno modo, interdum alio fieri a dæmone. Ita docent Theologi omnes 2.d.7. & 4.d.34. D. Thom. 1. p. quæst. 114. art. 4. ad argument. & 3. contra Gent.

cap. 104. & sequentibus, & quæst. 6. de Potent. art. 5. ad 8. & quæst. 16. de Malo art. 9. ad 10. & 2. Thesal. 2. lect. 2. in fine, Alenf. 2. part. quæstione 42. per totam: Victoria dicta Relect. cap. 7. Abulens. in cap. 4. Matth. quæstione 47. Martin. lib. 2. quæstione 6. Estque sententia Augustini lib. 3. de Trinit. cap. 7. & sequentibus: & aliis locis sæpe citatis. Idemque famulatur ex Justino, Tertulliano, Origene, aliisque Patribus, qui interdum docent, aliquos effectus horum Magorum esse veros, interdum tantum phantasticos. Ratio autem hujus varietatis partim ex impotentia dæmonis, partim ex malicia reddenda est. Difficultas vero est in utraque parte hujus rationis explicanda, & in assignando modo ad hos effectus discernendos.

12 Dico ergo: Quoties effectus omnem vim causarum naturalium, & corporearum superat, & requirit formalem aliquam mutationem quoad substantialem formam, vel qualitates, talis effectus non fit vere per magiam, sed tantum phantasticum, vel per aliquem motum localem, qui ita ab ipso met dæmone fit, ut ab aliquo fieri appareat. Hec assertio sequitur aperte ex principiis supra positis. Nam dæmon non habet virtutem ad efficiendos vere hujusmodi effectus; ergo quando illos promittit, aut exhibet, mendacius, ac præstigiis utitur. Tunc ergo falsitas est ex defectu potestatis. Possumusq; hoc breviter exemplis declarare, discurrendo per tres species horum effectuum supra positas. Nam in prima non potest dæmon scientiam infundere subito, quia hoc non potest fieri per causam naturalem, quando ergo tale aliquid facere videtur, præstigio utitur. Et interdum facit dæmon, ut is, qui prorsus divinam Scripturam ignorabat, repente facto aliquo signo, vel sumpto aliquo cibo, totam illam memoria tenere, & intelligere videatur. Sic enim de Anabaptistis refertur, quod sumpto bolo illius panis, quem ipsi pro Eucharistia sumunt, repente de Scripturis disputant, & illas se nosse gloriaunt. Re tamen vera illi non consequuntur illam scientiam, sed dæmon ipse præoccupans hominem, ejus linguam movet, ut loquatur, & phantasmata ejus ita excitat, ut putat se illa scire. Quod autem illa sit actio dæmonis, probatur ratione sumpta ex ejus impotentia ad infundendos habitus, vel species, & ad applicandum tam subito omnia phantasmata, & faciendum omnes actus internos necessarios ad illam scientiam acquirendam. Tum etiam experientiam: nam si talis homo dæmonem deserat, & convertatur ad fidem, abstineatque ab illa hæretica cœna: invenitur tam rudis, sicut antea erat, quia dæmon etiam illum deserit, quod etiam refertur, qui illud experiri poterunt.

Regula
assignatur
ad cognos-
cendos
effectus
falsos.

Non po-
test dæmō
scientiam
infundere.

13 In secunda vero specie magiæ intelligitur esse clara impostura dæmonis, quando per magiam promittit hominis mortui resurrectionem, quam efficere non potest; sed ut sibi fidem conciliet, illam fingit, vel fingendo hominem mortuum, vel occisum, seu decollatum, qui revera non est: quia potest eludere sensus, & facere, ut appareat caput abscissum, & sanguis fluens, cum revera nihil tale fiat. Vel si homo vere supponitur mortuus, ipse ingreditur cadaver ejus, vel aliud omnino simile apparens format ex aere, & in eo ita loquitur, ut vivere reputetur. Quod interdum facit, ut credatur potens ad resuscitandos homines, vel ut animas hominum post mortem dæmones fieri suadeat, ut D. Tho. 1. p. quæst. 117. art. 4. ad 2. ex August. lib. 10. de Civit. cap. 11. & Chrysost. Homil. 29. in Matth. Idem manifestum est in his amuletis, & periammatibus, quando ars magica homini promittit fore per illa impassibilem, vel non posse ullo casu contingente lædi, si talem artificiosam imaginem portet, vel quid simile. Tunc enim revera non fit corpus impassibile, vel immune ab his nocuentis, sed tam subest illis, sicut antea, & quoad hoc dicimus effectum esse præstigiosum, & falsum. Nihilominus tamen accidere poterit, ut alius effectus revera consequatur, nimirum ut talis homo ense punctus non feriat, & ut lapis recta cadens oblique cadat, ne illi noceat. Nam hæc operatur dæmon ipse, quia invisibiliter potest interponere aliquid, quod resistat, vel ens motum continere, aut impedire valeat, ne ultra progrediatur, vel lapidem alio movere. Et ita hic effectus est quasi mixtus ex veritate,

Mortuos
non vere
resurrectos
dæmon.

ritate, & apparentia: nam quoad carentiam læsionis est verus, ut experientia ipsa cognosci potest: quoad modum vero est fictus, attribuit enim virtuti amuleti, & revera fit a dæmone, ille enim potest per motum localem hoc facere: amuletum autem nec potest talem motum efficere, nec illi resistere, seu illum impedire. Ita etiam contingit, quod magia promittit hoc, vel illud facienti, habiturum se statim ve quos ad iter agendum velocissime, vel copiam auri repente inventam in arca, vel copias armentorum, aut quid simile. Ordinarie enim hæc omnia vana sunt, & per illusionem phantasiæ fiunt, quia dæmon non potest talia animalia vere producere applicando activa passivis; immo fortasse neque aurum præsertim tam repentina actione. Unde etiam ferunt solere talem aurum paulo post in carbores converti: unde est illud Hispanum proverbium, quod Victoria adducit, *Bienes del trasgo*. Et licet possit dæmon huiusmodi res, & divitias veras brevissimo tempore aliunde afferre invisibiliter; tamen vel non permittitur semper id facere, quia esset nimia occasio decipiendi homines; vel certe etiam non vult hoc eodem modum familiaribus suis conferre, sed tantum eos illudere.

Homines in bestias apparere solent, eodem modo mortuorum animas evocare ad corpora.

14. In tertia specie maleficiorum collocantur omnes transmutationes hominum in bestias, quas dæmon vere facere non potest, ut diximus. Item hæc etiam spectat animarum hominum mortuorum evocatio ad corpora, ut in eis, & per ea loquantur, & occulta aliquam narrent, & futura prædicant: cujus exemplum habemus 1. Reg. 28. Est enim præter deceptionem divinationis illusio in fingenda præsentia, & actione animæ hominis mortui. Nam licet dæmon naturali virtute possit animam separatam loco movere, etiam coactam: tamen secundum legem a Deo statutam hoc ei non permittitur: quia in animas sanctas nullam habet potestatem, quod de cœlestibus est clarum. Idem vero est certum de animabus purgatorii, quia lex divina est, ut inde non exeant, donec solvant, & tunc recta tendant in coelum: nec dæmones habent in illas animas potestatem ullam. Quod si forte aliquando aliqua illarum inde permittitur exire, sed solum est ex speciali dispensatione divina, pertinetque ad ejus gratiam, & liberalitatem, non ad magiam. Animæ vero inferni ita sunt ex lege Dei alligatæ loco, & igni inferni, ut nec sua, nec dæmonum omnium voluntate inde exire valeant. Unde dives ille existens in inferno Luc. 16. non potuit inde exire, licet maxime cuperet. Nec dæmoni hæc licentia datur, quia illæ damnatæ sunt ad perpetuum carcerem, ibique possunt a dæmonibus torqueri, non tamen inde extrahi etiam per momentum: quia neque ipsi possunt legem Dei violare, nec est, cur eis talis licentia detur.

An Samuelis anima vere apparuerit.

15. Hic vero statim occurrebat difficultas de anima Samuelis, an vere apparuerit, cum a Pythonissa fuit evocata: Quæ res satis vulgaris est, & dubia: illamque in utramque partem versat Augustinus lib. 2. ad Simpl. q. 3. & tandem concludit, faciliorem intellectum, & expeditiorem exitum esse dicere eum, qui tunc apparuit, non fuisse Samuelem, nec quoad animam, nec quoad corpus, sed spectrum, & imaginem ejus. Nam solent (inquit) Augustinus imagines rerum in Scriptura nominibus rerum appellari, idemque respondit ad Dulcit. l. 8. Quæst. ad illum qu. 9. In lib. vero 2. de Mira. spec. Aug. attributo c. 11. hæc sententia constantius affirmatur: immo in lib. Quæst. veteris testamenti q. 27. sub nomine ejusdem Sancti sic dicitur: *Indignum facinus estimo, si secundum verba historia commendatur assensus, id est, quod verus Samuel apparuerit*. Sed est nimia censura, & aliena a mente Augustini in aliis ejus locis certis, & indubitatis. Tertul. tamen lib. de Anima cap. 57. cum exaggeratione dicit: *Ab sit, ut animam cujuslibet Sancti, nedum prophetæ a dæmonio credamus extractam, edocti, quod ipse Sathan transfigeretur in angelum lucis*. Eamdem sententiam habet Justinus, si ipse est auctor Quæst. ad Gent. q. 52. Sequitur etiam Cyril. l. de Ador. in spir. Gul. Parisi. de Univers. 1. p. 2. p. princip. circa fin. Et Turrec. in c. *Nec mirum* 27. q. 5. At vero Justin. Dialog. cum Tryphone versus finem plane docet contrariam sententiam. Probat enim, animam manere post mortem ex eo, quod Samuelis animus ab ea, que

Suarez Tom XII.

Pythone afflata erat, Saulis rogatu revocatus est. Immo sentit, habuisse dæmonem potestatem ad id faciendum quasi generali lege illius temporis: *Videntur enim* (inquit) *omnes etiam animi eorum, qui ita iusti sunt, & prophete ita venisse in potestate talium virtutum, qualem fuisse in illa Pythonissa res ipsa declarat*. Et infra subdit, debere nos petere, *ne in tale dominium anima nostra incidant*. Et sequuntur Lycin. & Cajetan. in 1. Reg. & late ibi Abul. q. 28. Et constantissime Bened. Perer. in c. 7. Exod. Et favet non parum Aug. l. 2. de Cur. pro mortuis agend. cap. 12. Denique D. Thom. d. q. 95. art. 4. ad 2. & 2. 2. q. 174. art. 5. ad 4. & 1. p. q. 89. art. 8. ad 2. utramque sententiam, ut probabile videretur relinquere, & Cajetan. ait, adhuc sub iudice litem esse, quod etiam asserit Pamelius in Scholiis ad Tertul. supra. Idem fere habet Sor. l. 8. de Just. q. 3. art. 2. Cast. l. 2. de just. hæreticorum punitione cap. 14.

16. Igitur qui negant, fuisse veram Samuelis animam, præcipue id conantur colligere ex ipso loco Regum, ut late expenditur nomine Augustini dicto lib. de Mira. & Quæst. veter. testam. Nam in primis ibi nunquam affirmatur, illum fuisse verum Samuelem, sed de Pythonissa dicitur: *Cum vidisset Samuelem*, quod recte intelligitur juxta mentem ejus, quia putavit se videre: & similiter de Saule subjungitur: *Intellexitque Saul, quod Samuel esset*: intellexit ergo ille, non tamen inde sequitur, ita fuisse, neque id ibi affirmatur. Rursus vero subditur: *Dixit autem Samuel ad Saul, Quare inquietasti me, ut suscitarer*. At vero etiam ibi dicitur loqui Samuel, id est, qui putabatur esse Samuel a Saule, & Pythonissa. Frequens enim est in Scriptura, ut juxta hominum opinionem vocibus utatur. Præterquam quod (ut Augustinus ait) sæpius imagines solent vocari nominibus rerum, quas representant, & qui personam agit alterius, nomen ejus suscipit, sicut Angelus loquens nomine Dei solet in Scriptura Deus appellari. Quod autem Samuel dixit, *Quare suscitasti me*, & potest esse dictum juxta mentem Saulis, & potest intelligi fuisse mendacium a dæmone prolatum: dæmon enim erat, qui ibi loquebatur: & mendax est dicens, se esse Samuelem resuscitatum, ut etiam Saulem, & Pythonissam magis deciperet. Quod autem dæmon loquens ad Saulem nomine Samuelis futura omnia vere prophetaverit, Dei permissio, & ordinatio fuit in poenam, & afflictionem Saul. Unde etiam illud, quod dæmon inter alia dixit ad Saul, *Tu, & filii tui cras mecum eris*, verum fuit, ut dictum a dæmone, quia Saul non cum Samuele in loco piorum, sed cum dæmone in inferno futurus erat.

Solvuntur rationes asserentis fuisse veram animam.

17. Majorem difficultatem habet hic locus ex alio Eccl. 46. Ubi de vero Samuele videtur hæc apparitio exponi, sic enim de Samuele dicitur: *Post hæc dormivit, & notum fecit regi, & ostendit illi finem vite sue, & exultavit vocem ejus de terra in prophetia delere impietatem gentis*. Quæ verba adeo clara videntur, ut August. dicto lib. de Cura pro mort. agend. & D. Thom. in citato loco 1. p. significant, si liber Ecclesiastici inter Canonicos recipiatur, non posse negari, quin vera Samuelis anima apparuerit: at nunc de fide jam certum est, librum illum esse Canonicum. Nihilominus Janfenius ibi illum locum in priori sensu interpretatur dicens, Spir. S. in utroque loco tenuisse eundem modum loquendi circa phantasticum Samuelem, vocando simpliciter Samuelem, qualem Saul, & Pythonissa decepti esse putarunt. Dices: quomodo ergo in posteriori loco in laudem Samuelis ponitur, quod etiam post mortem prophetaverit? Si enim non ipse fuit, sed dæmon sub imagine ejus, nulla illius laus existit. Respondent, tantam fuisse apud Deum Samuelis auctoritatem, ut non permiserit, mentiri etiam dæmonem, qui nomine ejus loquebatur: & ideo prophetia illa, etiam si a dæmone proxime dicta, Samuelis attribuitur, quia propter illum, & propter bonum nomen ejus concessa est. Et addi potest, dæmonium non potuisse certo scire, quod prædixit, nisi a Deo per aliquem ministrum suum edoctum fieri aut potuit, ut Deus ordinaverit, quod dæmon instrueretur a Samuele de his, quæ dicturus erat, & ita non fuerit locutus, nisi ex revelatione, & permissione sibi facta per Samuelem, ideoque tam prophetiam, quam laudem ejus Samueli attribui. Ita ergo hæc pars defenditur.

Eccl. 46. Obijciunt locus Ecclesiasticus.

Explicatur locus.

Objeccio.

Solvitur.

Præferatur
opinio as-
serit tuis.
se veram
animam Sa-
muelis.

18 Quoniam vero opposita sententia sincerius verba Scripturæ interpretatur, & sine incommodo possunt subsistere, præferenda videtur. Illa vero supposita, addendum est, si Samuel vere apparuit, non in virtutis magicæ apparuisse, sed ex peculiari ordinatione divina ad maiorem terrorem, & confusionem Saul. Unde aliqui censent, Samuelem prævenisse incantationem Pythonissæ, quod non repugnat Scripturæ, licet ex ipsa non satis colligatur. Quæcirca si Samuel venit, non ex potestate dæmonis venit, sed ex voluntate Dei. Nec enim probandum censeo, quod Iustinus sentit, dæmonem habuisse potestatem in Samuelis animam, ut eam suo nutu, ac voluntate posset ad vocem Pythonissæ a limbo educere, & ad terram deferre. Incredible enim est, dæmonem habuisse potestatem ordinariam talem super sanctorum Patrum animas, ut per se notum est: nec est magis credibile, Deum illam ei ex dispensatione concessisse super animam Samuelis. Quamquam enim hoc non sit ita absurdum, quin fieri potuerit, ut Augustinus ad Simpl. dicit, tamen nec necessarium est ad historiam etiam cum omni proprietate, & rigore verborum intellectam, neque habere deentiam ullam, vel congruitatem. Nam cognita Dei voluntate, anima Samuelis poterat per se venire, & loqui virtute divina. Præterea, esto anima ipsa venerit, non est necesse proprium, & verum corpus Samuelis apparuisse, quia poterat anima Samuelis facilius apparere in corpore assumpto, & formato ad similitudinem sui corporis, sicut Angeli facere solent. Quamvis enim anima separata fortasse non possit virtute naturali corpus assumere: tamen potest Deus hanc virtutem illi conferre. Eo vel maxime quod, licet verum corpus Samuelis ibi apparuisset, non est verisimile, propriam, & veram resurrectionem ejus ibi esse factam, quia fieri non poterat, nisi virtute divina; & ad effectum ibi intentum, & narratum, necesse non erat, tantum miraculum tunc operari; ergo qualecumque fuerit illud corpus, si vera anima Samuelis ibi advenit, solum erat in illo tanquam motor in mobili, & ita per illud loquebatur, ut notavit Castro loco citato.

Non semper esse
veros effectus ma-
gicæ, loci
dæmonil-
los vere
posse effi-
cere.

19 Secundo principaliter dicendum est: quamvis effectus, qui per magiam fiunt, sæpe sint ex his, qui possunt vere fieri virtute dæmonum, modo superius dicto, nihilominus non semper vere fiunt, nec semper phantastice, sed interdum uno, interdum alio modo. Hæc est communis sententia. Potest autem probari inductione in tribus speciebus, seu generibus effectuum supra numeratis, nam ratio a priori hic reddi non potest, cum non pendeat ex potestate, sed ex libertate, seu voluntate dæmonis. Cur autem aliquando velit sic operari, id est, vere, aliquando autem fiste, nobis satis constare non potest; sed interdum forte non amplius permittitur: aliquando vero ad suos pravorum fines censet unum modum esse utiliore, aliquando vero alium.

Probat
asserit in
primo ge-
nere esse
etiam, quod
dæmon
odit.

20 Quod vero utroque modo operetur in primo genere effectuum ad scientiam, & cognitionem pertinentium probatur, quia supra ostensum est dæmonem in suis divinationibus interdum vera dicere, & sæpius falsa, non solum casu, sed etiam ex instituto: quid ergo mirum est, quod in alicujus scientiæ acquisitione interdum hominem vere adjuvet, interdum vero tantum fiste? Item graves auctores sentiunt, & inter eos Tertul. lib. de Habitu mulierum, cap. 2. aliquas virtutes occultas lapidum, aut herbarum innotuisse hominibus per doctrinam dæmonum, tunc ergo verum effectum habuit dæmonum instructio. Item dæmones possunt interdum privare homines usu rationis, & revera facere amentes, quia possunt phantasiam notabiliter lædere, & non videtur dubium, quia interdum id faciunt permittente Deo; ergo pari ratione ut postea decipiat homines, sæpe ministrant prius illis ad scientias addiscendas, vel confortando phantasiam, vel applicando objecta, vel docendo, ut supra dictum est. Potestque hic effectus non difficile cognosci ab eo, qui illum recipit, ex facilitate cognoscendi superante vires naturales, quas in se expectus est, & ex permanentia effectus, & modo cognoscendi per veram demonstrationem, vel per effe-

ctuum experientiam, &c. Quod autem multa hujusmodi etiam contingant per illusionem, de se credibilis est propter dæmonis malitiam, & decipiendi affectum. Unde huc spectat, quod sæpe etiam apparet dæmon in forma visibili vere se ipsum profitendo, & manifestando, aut verbis ipsis, specie terra, & deformi, vel alicujus animalis venenosi, ac nocivi, ut serpentis, canis, &c. Sæpius vero se alium fingit, & apparet sub alterius specie mentiendo, ac illudendo, ita ut etiam ipsum Christum interdum se fingat, sæpius vero transfiguret se in Angelum lucis, & tunc ad discernendum, & cognoscendum illum magna discretione spiritus opus est. Potest quidem ex dictis, vel factis, vel aliis signis sæpe discerni, ut si aliquid contra sanam doctrinam loquitur, vel in universum falsum dicere deprehenditur, vel aliquid sacrilegum facere, vel odium in Christum, aut Sanctos ostendere, si excitat hominem ad superbiam, vel alium similem affectum. Sæpe tamen difficillimum homini est per sese iudicium ferre, & ideo oratione, & consilio prudenti opus habet. Quod si ipsemet dæmon persuadere conatur, ne quis consilium capiat, sed se occultet, aut ne ad virum probum, & sanctum, sed ad alios accedat, hoc ipso se satis manifestat, quod malus Angelus sit, & non bonus. Videri potest de hac re S. Anton. apud Athanas. in Vita ejus ante medium, ubi tanquam expertus, & a Deo illuminatus optime loquitur. Aliqua etiam habet Macar. Hom. 7. Interrog. 2. Videri etiam potest Tertul. in Apol. c. 22. & 23. ubi proprios, & varios dæmonis effectus recenset, ex quibus dignosci possit.

21 De secundo etiam genere effectuum non videtur dubium, quin aliquando vere, interdum fiste fiant. Aliquando enim per artem magicam subito homines dicuntur pecuniis, quæ paulo post in vilem aliquam materiam resolvuntur, seu potius apparent. Aliquando veram monetam non ab eis factam, sed aliunde sublatam dæmones conferunt suis maleficis, ut experientiis constituisse referunt. De quo videri potest Petr. Binsfeld. lib. de Confess. Malef. prælud. 6. Similiter facile credi potest, quod sæpe sanitas comparata opera magis sit vera sanitas, aut vulneris curatio, id enim ex operationibus hominum, & ex diuturnitate effectus bene cognosci potest. Et in similibus effectus eadem est ratio. Unde quod Div. Thom. in 3. dist. 22. quest. 2. art. 4. ad 4. dixit: *Ille qui sunt per artem dæmonis præter viam naturæ non sunt diuturni*, intelligendum est de his, quæ ita fiunt præter viam naturæ, quoad ipsas causas naturales, id est, quæ talia sunt, ut per naturales causas fieri non possint. Illa enim, ut diximus, fucata sunt, non vera, & ideo non diu consistunt. At vero si solum fiant præter viam naturæ, quoad applicationem causarum (nam illa applicatio longe alio modo potest fieri a dæmone, quam ab homine, vel ab aliis causis naturalibus) sic facta possunt esse diuturna, si talia sint, ut a causis naturalibus convenienter applicatis fieri possint: nam tunc ad veritatem, vel durationem effectus nihil refert, quod hoc, vel illo modo facta fuerit applicatio. Unde e converso, & a posteriori si effectus est diuturnus, magnum indicium est, quod sit verus: præsertim si cum hac proprietate alia etiam signa concurrant, ut quod res sic facta habet eandem virtutem operandi, & similia.

22 Denique longe certius est in tertio genere maleficiorum effectus esse plusquam veros (ut sic dicam) est enim magis proprium dæmonis nocere, quam benefacere, immo nunquam benefacit, nisi ut occasionem nocendi capret; & ideo frequentius in effectibus maleficiorum veritas invenitur, quam in aliis, & propter hanc causam tam severe prohibetur hæc ars maleficiorum, & ipsa maleficia puniuntur, ut supra ex jure Canonico, & Civili allegatum est, quia revera nocent valde, & non apparente tantum, & ita ultra religionis perniciem, etiam contra justitiam sunt valde nociva reip. Quod evidenter ostendit maleficium illud, quod impotentem reddit hominem ad generandum, & veluti per antonomasiam nomen maleficii obtinuit: nam impotentia illa tam vera est, ut jure Canonico censeatur illud sufficiens impedimentum ad irritandum matrimonium postea contractum. Ut patet ex cap. ultim. de Frigid. & malef. & cap. ultim.

Expendi-
tur verum
genus ef-
fectuum.

33. quæst. 1. & ex consensu omnium Doctorum ibi, & Theologorum 4. d. 34. & aliorum. De qua re, & experientiis illius vide Martinum lib. 3. p. 1. quæst. 4. sect. 8. Solum hic observo, cum dicimus, hunc effectum esse verum, non semper intelligi quantum ad intrinsecam impotentiam, sed solum quoad actum ipsum, qui semper impeditur, sive id contingat propter impedimentum per se, ut ita dicam, id est propter infrigidationem, desiccationem, vel aliquid simile, per quod ipsa virtus generandi intrinsece debilitatur, sive per obstaculum aliud interpositum, etiam si virtus integra sit: utroque enim modo accidere potest, ut in dicta d. 34. late docent Theologi, præsertim Palud. quæst. 2. art. 3. Quomodo autem hoc non obstante maleficium possit ceteri perpetuum, maxime quando virtus ipsa generandi in se non est immutata, cum semper pendeat a voluntate Dæmonis, tractatur late in 4. ubi supra, & bene Thomas Sanchez lib. 7. de Matrim. disp. p. 4. Ad rem vero præsentem non refert; nobis enim sufficit, ut effectus ipse revera fiat virtute dæmonis, quacumque ratione fiat.

An striges vere locum mutent, pars negativa proponitur.

23 Alius vulgaris effectus maleficiorum est mutatio locorum superans omnes vires humanas, omnemque activitatem corporum naturalium. In quo maxime solet dubitari de lamiis, seu strigibus, quæ dicuntur ferri per aera ad loca distantissima in brevissimo tempore, an hoc vere illis contingat, aut solum per phantasiæ illusionem? Nam quidam hoc posterius affirmant, præsertim Canonistæ, quibus hanc opinionem tribuit Victoria in dicta Relect. Et videtur in eam inclinare Turrecrem. in capit. *Episcopi* 26. quæst. 5. art. 2. præsertim ad 5. Et fundatur in illo cap. *Episcopus*, propter quod dixit Navarrus in Man. num. 11. cap. 38. esse peccatum mortale credere, striges corporaliter per aera ferri ad diversa loca, nisi aliquando, & raro Deo permittente. Et huic opinioni favent aliquæ experientiæ, quæ referuntur, quales sunt illæ, quas Abul. in cap. 13. Genes. quæst. 354. & Cajetan. 2. 2. quæst. 95. art. 3. referunt de quibusdam sceminis maleficis, quæ dicebant media quadam unctione ferri ad loca distantissima, in quibus aliarum similium consortio, & omni voluptate perfruebantur. Et tamen ad sumendam experientiam se se coram aliis unxerunt, & statim gravi sopore correptæ in eodem loco jacuerunt, donec ad se redierunt: & tamen narrabant se ad illa loca, & convivia fuisse perductas: unde convictæ sunt, non re ipsa, sed sola illusionem phantasiæ illa omnia eis accidisse.

Pars affirmativa.

24 Nihilominus tamen alii docent, omnino deferri has sagas corporaliter, ac vere ad loca distantia, & ibi cum aliis congregari ex variis, ac distantibus locis, multaque turpia, & sacrilega in illis locis cum aliis similibus, & cum ipsis Dæmonibus, fortasse in forma visibili, & humana, committere. Hæc est sententia communis Theologorum, & Juristarum, ut ait Pegna. Direct. Comment. 68. Eamque ita affirmat Abul. q. 47. in c. 4. Matit. ut dicat, non posse hoc sine impudentia negari, cum mille testes occurrant, qui harum rerum conscii sunt. Idem late prosequitur Jacob. Sprengerus in malleo maleficiorum, & Caltr. lib. 1. de Justa hæreticorum punitione cap. 16. & Paulus Grillanus de sortilegis quæst. 7. & alii, quos refert, & sequitur Martinus lib. 2. quæst. 10. & lib. 5. section. 16. num. 4. & 5. Ubi etiam Patres antiquos refert, qui loquuntur de potestate Dæmonis ad hos motus efficiendos, in quibus etiam varia occurrunt exempla, ut de Simone Mago ducto in aera virtute Dæmonum apud Clementem lib. 6. Constit. cap. 9. & de cellula sancti Equicii loco mota a Dæmone apud Gregorium 1. Dialog. cap. 4. De his item lamiis dicitur, experimento cognitum esse, sæpe accidisse in illis congregationibus, & locis, ad quæ deferuntur, ut nonnullæ aliqua occasione deterritæ, vel nomen Jesu proferant, vel signo Crucis se benedicant, & statim congregatio dissolvatur, & omnes dispareant, ac Dæmones fugiant, & solæ maneant, quæ signum sacrum fecerunt, & in eodem loco, in quo esse putabant, se inveniant, & pedibus, & non sine magno labore donum redire cogantur: & interdum prius a Dæmone

propter non servatam nequissimam disciplinam, & scandalum aliis datum vehementer cædantur. De qua re varia exempla referuntur in dicto lib. de Confessionibus maleficorum Prælod. 10. versus finem. Denique ratio unica, & prudentialis potius, quam speculativa est, quia potestas non deest Dæmoni, ut hoc vere faciat, ut jam constat, nec est, cur Deus id non permittat, ut etiam est per se notum, cum permiserit, Dæmonem transferre ipsum Christi corpus ab uno loco in alium: voluntas item dæmonis promptissima est ad has mutationes, & congregationes pravas vere, & realiter efficiendas, si videat illo modo posse ad majora peccata illas mulieres inducere, vel magis id sibi præstare, ut ab eis majorem cultum, & adorationem consequatur: unde infinita sunt testimonia, & confessiones ipsarum sagarum, quæ ita sibi hoc accidisse narrant, ideoque multi prudentes iudices illis fidem adhibent, & juxta gravitatem delicti, quæ inde resultat, illas puniunt. Recte ergo dixit Abulens. non posse hoc prudenter negari.

25 Quare in hoc effectum optime locum habet conclusio posita, & ex illo utraque pars ejus comprobatur. Nam interdum totum hoc fit per illusionem phantasiæ, ut probant experientiæ prioris opinionis. Sæpius autem vere & realiter fiunt saltem quantum ad translationem localem, & similem actionem. Et hoc videtur esse regulare, aliud autem veluti per exceptionem. Quam fortasse ideo dæmon interdum facit, ut putetur semper ita fieri, & non vere. Quando autem uno modo, vel alio fiant, ex confessionibus ipsarum personarum attentis circumstantiis, quas ipsæ narrant, prudenter pensandum erit. In dubio autem, & quamdiu aliud satis non probatur, præsumendum videtur, quod vere factum sit, & ita esse puniendum. Quamvis etiam si res per illusionem interdum fiat, tunc etiam gravissimum peccatum committatur, & eodem fere supplicio dignum propter pactum cum Dæmone, & conatum ad totum illud delictum vere, & realiter præstandum.

Resolutio quæstionis.

26 Circa capit. *Episcopus*, quod negotium facere solet contra communem sententiam duo solent dubitari. Primum est de auctore, secundum de sensu. De 1. dubium est, quia Gratianus illud refert ex Concilio Anquirensi, quod sub hoc nomine non extat; & si forte legendum est Ancyrano, in illo etiam non habetur, sed in appendice illius sumpta ex quodam libello sexdecim librorum partialium lib. 6. cap. 7. ut habetur in 1. tom. Concil. quod non videtur certæ auctoritatis. Adde magnam partem illius capituli inveniri nomine Aug. lib. de Spirit. & Anim. cap. 28. Nihilominus omnes recipiunt caput illud ut authenticum. Et quidam putant fuisse Damasi in quodam Concilio Romano: quod sentit Baron. tomo 4. An. 382. num. 20. & 22. & in Drecret. Gregor. annotatur, in quodam per vetusto codice Romano de Vitis Sanctorum in vita Damasi fieri mentionem ejusdem Concilii Romani sub illo pontifice, in quo fit mentio istarum mulierum illarum a Dæmonibus. Alii vero adscribendum illud putant Concilio Ancyrano, quia traditione antiqua hoc receptum videtur, a qua non videtur facile recedendum. Maxime quia quod ex Concilio Romano sub Damaso assertur, non est contrarium. Ibi enim solum fit mentio dictarum mulierum, & præcipiuntur excommunicari: quod potuit recte fieri, etiam si in Ancyrano Concilio (quod censetur antiquius) Canon. ille editus fuisset. Unde etiam potius videtur Auctor libri de Spirit. & anima ex illo capite partem quamdam transcripsisse, quam e contrario.

Explicatur argumentum a C Episc.

27 Hac ergo parte supposita, circa alteram de sensu breviter dicendum est, quæ in illo capite dicuntur, non esse generaliter accipienda, sed applicata ad casum, & materiam, de qua ibi erat sermo, scilicet, de quibusdam mulieribus, quæ credebant aliquam Deam Dianam, quæ veram potestatem, & dominatum haberet, cujus virtute interdum per aera equitando ferrentur, & ad illius obsequium, & servitium vocarentur, cui etiam obediendum esse credebant, & fortasse etiam putabant, illam Deam posse veros equos formare, & per aera mittere, & similia, quæ ex verbis, & di-

& discursu capitis satis constant. Idem quod de Herodiade illa cogitabant, incredibile erat in re ipsa verum esse, cum illa damnata sit, & non sit in potestate demonis illam ab inferno educere, multoque minus poterat illi verum corpus restituere, ut cum lamiis equitando per aera discurreret. Sic ergo in illa narratione multi errores includuntur, ut constat: & de illis, ac similibus intelligenda sunt verba, quæ ibi subiunguntur: *Quia talia, & similia credunt, fidem amittentes.* Et ita huiusmodi credulitas in illa materia ibi magis damnatur, quam opus faciendi maleficia ex pacto cum demonibus, quamvis hoc etiam valde damnable sit. Nos autem loquimur de solo effectu mutandi locum, & faciendi aliquas actiones corporeas, quæ sine dubio virtute demonum fieri possunt. Unde addere possumus, semper in his maleficiis intervenire aliqua, quæ non vere, sed apparenter sunt; ut quod dicuntur istæ sagæ deferri in hircis, præstigium est. Stultumque esset credere illos esse veros hircos: sunt enim ipsi dæmones sub tali specie, & sic possunt aliæ illusiones contingere, & nihilominus mutationes, & actiones locales vere esse. Atque sic intelligunt textum illum Doctores communiter, præsertim vero Turrec. ibi art. 3. & Abul. supra ad 1. & satis late Silvester ver. *Hæresis* 3. latius vero Martinus lib. 5. sect. 16. versus finem,

CAPITULUM XVII.

Quibus mediis uti liceat ad tollenda maleficia.

HÆC quæstio de maleficiis proponitur, quia quando usus magiæ ad bonum aliquod sive fortunæ, sive corporis, sive intellectus, sibi, aut alteri acquirendum ordinatus est, etiam si contingat, effectum illum esse comparatum, necessarium non est, contra talem effectum jam factum, seu possessum remedium aliquod adhibere, sed solum contra peccatum, quod in tali effectu procurando commissum est, & ne iterum in posterum fiat. Ratio est, quia per talem effectum nulli facta est injuria, & ita nulla est obligatio refarciendi damnum, vel restituendi aliquid. Aliunde vero bonum illud, quod factum est, secluso ordine ad talem causam, nullam habet malitiam, nec in illo effectu habendo, vel retinendo est aliqua inordinatio moralis per se loquendo, ut supponitur, & est per se clarum. Nam si talis effectus per media naturalia, & generalem Dei providentiam, & proprio, ac honesto labore humano esset comparatus, nulla esset inordinatio illud retinere, & conservare: ergo, quamvis effectus ejusdem rationis per iniquam superstitionem comparatus sit, non tenetur quis illum destruere, sed potest honeste retinere, ac illo uti humano modo; quia respectus ad talem causam jam cessavit, & culpa per poenitentiam potuit moraliter omnino deleri. Sicut lucrum acquisitum, v. g. a meretrice sine injuria alicujus, licet turpiter acquisitum fuerit, honeste postea retinetur, maxime mutando vitam, & honeste postea illo utendo. Ita ergo in præsentī fieri potest servata proportione.

2 Duo autem servare necesse est. Unum est, ut conservatio talis boni ab opera demonis omnino jam non pendeat, alioqui non cessasset malitia, quæ oritur ex ordine ad talem causam, & ideo semper esset illicitum, ita retinere, & conservare tale bonum. Ut v. g. si alicui esset per magiam sanitas restituta non absolute, & simpliciter, sed cum onere conservandi illam tali, vel tali remedio superstitioso, ut quotidie utendo tali cæremonia vana, vel deferendo tale amuletum dæmoniacum, tunc non licebit tale bonum ita retinere, sed oportebit potius salutem perdere, quam tali medio illa conservare. Si autem sanitas semel esset comparata absolute sine tali dependentia, licet per superstitiosum remedium, & cum pacto demonis etiam expresso obtenta esset, clarum est, non esse propterea abjiciendam, neque aliud remedium esse necessarium contra talem effectum, sed solum contra peccatum. Optimumque consilium est recognoscere illum effectum, ut a Deo collatum, ipse enim est per se, ac

principalis causa ejus, & permittendo mala, interdum confert beneficia, quæ ab illo semper recognoscenda sunt. Et quod dicimus de sanitate, habet locum in scientia naturali, seu cognitione alicujus virtutis herbarum, vel similibus. Quia, ut supra dicebam, licet hæc male comparata sint, si omnino cesset postea pactum cum dæmone, & recursus ad illum, licitum est illa retinere, & honeste tali cognitione uti. Ac denique idem erit de pecunia, & aliis bonis fortunæ, si constet, esse vera, & non tantum ficta, & apparentia.

3 Et hoc est alterum observandum pro his externis bonis, nam frequentius in illis contingit elusio; & ideo nisi res sit satis probata, & evidens, cavendum est ab usu talis pecuniæ, vel alterius rei similis, quia in eo usu potest facile injustitia committi, & consequenter grave scandalum generari. In his etiam bonis contingere potest, ut per rapinam alteri sublata sint, non ab ipso, qui magiam exercuit, & a dæmone illa recepit, sed ab ipso dæmone. Nam cum ille non possit verum aurum efficere, sæpe, ut det uni veram pecuniam, ab alio surripit. Si ergo hoc constaret possidenti talem pecuniam, profecto obligandum esset ad illam domino reddendam, quia saltem ratione rei acceptæ videtur ad hoc teneri. Dices: eo ipso, quod dæmon illam subtraxit ab illo, permittente Deo, videtur alius dominium talis rei amisisse, quia potens est dæmon ad auferendum illud: ergo ex re ipsa non nascitur talis obligatio; ergo si alioquin illa non fuit injusta acceptio ex parte magi, non videtur ad restituendum teneri. Respondeo, negando, alterum amisisse talis rei dominium propter solam dæmonis rapinam, quia demon per se, licet possit rem auferre, quæ localiter mutari potest, non potest tamen eradicare (ut sic dicam) illius rei dominium, quod personæ ipsi quasi adhæret, nec Deus permittendo ablationem rei concedit licentiam auferendi dominium, nec est, cur dæmon quasi jure suo tantam habeat potestatem. Hoc tamen vix potest ad praxin reduci: quia constare non potest, unde talem pecuniam demon tulerit, potuit enim ex thesauro in terris recondito, vel in maris profundo existente illam citissime portare, vel alio modo illam donare sine detrimento tertii: & ideo ubi certis indiciis de domino non constiterit, retineri potest. De remediis ergo circa hos effectus nihil dicere amplius necesse est.

4 Unum tamen per occasionem dicere non prætermittam, quod maleficiis etiam commune esse potest. Solent enim hi magi, quando expressum pactum cum dæmone ineunt, Christo, & Sanctis ejus, suæque spiritali salutis, & Sacramentis omnibus renunciare, sequi totos dæmoni in obsequium tradere, dato etiam chirographo, suo interdum sanguine consignato. His ergo hominibus, ut respiciant, primum omnium remedium contra desperationem, & hæresim adhibendum est: solent enim miseri existimare, nullum sibi remedium ad æternam salutem superesse, eo quod jam illi renunciarunt, & ad perpetuam societatem, & subjectionem demoni se obligarunt. At vero definito iudicio hoc credere hæreticum est, & secundum illam existimationem, vel apprehensionem operari, desperationis peccatum est. Tenentur ergo isti firmiter credere in primis, non solum licite posse, sed etiam teneri, pactum rescindere, & dæmoni abrenunciare, & quantum in se est, omnia signa percurrere, & omnino a prioribus maleficiis, seu magiis abstinere. Deinde tenentur credere etiam, hoc peccatum per poenitentiam posse deleri, ad quam subinde excitandi sunt; nam hoc remedium omnino rescinditur prius pactum, sive dæmonium chirographum redere cogatur, sicut de Sanctis aliquibus legitur, sive non: illud enim nihil in fine vitæ coram Deo nocebit, si per poenitentiam sufficienter deletum sit. Quæ doctrina hic ex professo non probatur, quia prior pars per se nota est; nam cum pactum illud sit iniquissimum, & Deo injuriosum, clarum est, esse invalidum, ac subinde servari non posse, sed omnino debere rescindi. Altera vero pars ex materia de Poenitentia & Gratia Dei manifesta est, & ex generalibus Dei promissionibus Ezechiel. 18. & 33. & sæpe alias sine tali exceptione. Denique San-

Obiectio.

Solutio.

Remedium Magi adhibendum.

Quæ bona per magiam acquisita res sine peccato sunt.

Et retineri possunt, quæ in conservatione non pendent a dæmone.

Sanctorum exempla in hoc nota sunt, ut de sancto Cypriano in vita ejus, & de Theuda apud Damascen. in Histor. Barlaam. capite 32. ubi hanc veritatem egregie confirmat. Et de alio ab Augustino relato post enarrationem Psalmi 61, ubi hanc etiam veritatem confirmat. Et de B. Ægydio Lusitano Ordinis Prædicatorum in Historia ejusdem Ordinis Ferdinand. Cattelli part. 1. lib. 2. cap. 72. & in vitis Sanctorum similia facile reperientur, in quibus veluti experimento cognitum est, quod *Ubi abundavit delictum, superabundavit & gratia*. Rom. 5.

5 Venio ad proprios effectus maleficii, de quibus sciendum est, in duplici statu posse considerari: primo, quando ita sunt facti, ut a maleficio amplius non pendeant, ut si quis per maleficio vulnus accepit, aut stolidus factus est, vel aliquid simile passus, quod durat quoad corporale detrimentum absque dependentia quasi conservativa per maleficio. Secundo effectus maleficii potest ab arte ipsa magiæ, & ab opera dæmonis in futurum pendere: & solent interdum magi signa quædam externa conficere, quibus durantibus, durat effectus maleficii, & illis destructis, cessat. Pro utrisque ergo effectibus curandis possunt triplicia remedia adhiberi, scilicet supernaturalia, physica seu humana, & superstitiosa: hic non agimus de superstitiosis, sed de licitis; nam de aliis dicemus capite sequenti.

6 Supernaturalia ergo remedia contra effectus utriusque generis utilia sunt, præsertim vero oratio cum firma fide, & spe, ac conscientia pura, ad quam puritatem usus sacramentorum maxime necessarius est: item ad eundem finem plurimum conferunt bona opera, præsertim misericordiæ, jejunii, humilitatis, & similia: præcipue vero sacrificium missæ, quod magnam vim habet impetrandi, Sed hæc, & similia remedia utilissima sunt, & moraliter necessaria; sunt tamen generalia pro omni tribulatione, tentatione, ac necessitate, & ideo nihil amplius de illis hoc loco dicere est necessarium. Solum possumus addere, quando effectus talis est, ut pendeat semper ex artificio, & opera dæmonis, tunc non solum prodesse remedia spiritalia privata (ut sic dicam) sed etiam publica. Privata voco, quæ a quolibet adhiberi possunt, & vim habent impetrandi a Deo, quasi ex opere operantis. Inter hæc tamen quædam sunt, quæ ratione significationis suæ peculiarem vim habent contra dæmonem, ut est usus nominis Jesu, & signi crucis, & humiliatio cordis ad Deum, & similia, quæ dæmon maxime detestatur, & fugit propter superbiam suam, & odium in Christum. Publica autem remedia voco exorcismos, qui ex ecclesiæ institutione sunt, & in persona ejus, & inde peculiarem vim habent impetrandi, quod etiam de usu aquæ benedictæ dici potest; de quibus sacramentalibus in 1. & 4. tom. 3. partis plura diximus. Et de his remediis spiritalibus late scripsit Martinus lib. 6. cap. 2. quæst. 3. sect. 3. Breviter vero, & utiliter Leonardus Lessius lib. 2. de Justit. cap. 44. dubit. 5.

7 De remediis etiam naturalibus, seu physicis pauca hoc loco dicenda sunt, quia vel effectus maleficii jam a magia non pender, licet per illam fuerit effectus, & tunc de illo perinde judicandum est, ac si ex aliqua causa naturali esset factus, ideoque si sit agnitus, aut læsio capitis, vel intrinseca impotentia gerendi, vel aliquid hujusmodi, ad medicos spectabit judicare, an talis effectus physice sit incurabilis, vel sicutari possit, quæ remedia poterunt esse accommodata. Si vero non sit maleficio in ipsomet corpore, sed in rebus externis, ut fuit in Job, occisio boum, ovium, & aliorum animalium, ac servorum usque ad filios, & soler esse combustio segetum, & destructio arborum, & similia detrimenta, quæ per hanc artem fieri dicuntur, contra hæc nulla suppetunt naturalia remedia, sed præcipua sunt moralia, ut est patientia ejus, qui passus est damnum, & justitia ex parte illius, qui auctor ejus fuit. Nam, si potest aliqua ex parte illud refarcire, tenetur, ut supra diximus. Denique si effectus pender semper ab arte mala, & a dæmone, parum proderunt naturalia remedia, vel medicinæ, quia, si permittatur a Deo, dæmon potest

facile impedire talium remedium efficacitatem, vel adhibendo contraria resistentia, vel corrumendo ipsa medicamenta, vel vias obstruendo, aliterve impediendo, ne applicentur. De his vero remediis legi potest Martinus supra sect. 2.

8 Solum de quodam humano remedio, quale est destruere signa maleficii, quando per propriam hominis actionem, vel potestatem destrui possunt, queri solet, an sit licitum, ut v. g. an liceat capillos ligatos dissolvere, aut comburere, anulum taliter confectum frangere, eruere a terra rem aliquam ibi defossam. His enim, & similibus signis solent veluti firmari pacta inter maleficium, & dæmonem, ut quandiu signum permanet, teneatur dæmon maleficere ex vi pacti, destructo autem signo, vel cesset obligatio, vel etiam teneatur dæmon a malefaciendo cessare. Hinc ergo oritur ratio dubitandi, quia ablatio talis rei impertinens est, ut cesset effectus maleficii in ratione causæ, ut constat; ergo qui illam efficit, solum utitur illa ut signo, quo moveatur dæmon ad cessandum maleficere; ergo est ibi quidam usus magiæ, & societas cum dæmone, a quo in vi prioris pacti postulat, ut desinat maleficere. Secundo si hoc esset licitum, pari ratione liceret apponere contrarium signum ad eundem effectum, nimirum ut pactum rescindatur, & consequenter cesset maleficio, & maleficiatus sanitatem recuperet. Sequela declaratur, & probatur. Fingamus enim, signum dæmonis fuisse privativum tantum, ut quandiu Petrus maleficiatus anulum in tali digito non posuerit, vel quandiu non percuferit sagam. Vel certe possit esse signum simul privativum, & positivum, ut quandiu ex tali loco non fuerit eruta olla, v. g. ibi defossa, & loco illius fuerit posita res alia. In his (inquam) & similibus casibus licebit contrarium signum apponere: consequens est falsum, quia per illud signum positive quis concurreret ad petendum a dæmone, ut cesset, quod non licet, ut supra dictum est; ergo: tertio, interdum pactum est tale, ut obligetur dæmon, ablato signo, non solum ad cessandum, sed etiam ad restituendum subito hominem ad pristinam sanitatem, qui ergo auferret signum, peteret a dæmone restitutionem salutis: at hoc nunquam licet; ergo. Quarto assertur testimonium Hieronymi in vita Hilarionis, ubi refert, cum virgo a dæmone obsessa ad Hilarionem liberanda delata esset, respondisse dæmonem: *Exire me cogis, & legatus subter limen tenor, non exeo, nisi si me adolescens, qui tenet, dimiserit*. (utique ablatis signis maleficii) Addit vero Hieronymus: *Noluit autem sanctus, antequam purgaret virginem, vel adolescentem, vel signa jubere perquiri, ne aut solitis incantationibus recessisse dæmon videretur, aut ipse sermoni ejus accommodasse fidem*. Ubi Hieronymus duo mala significat esse in auferendis istis signis, unum, quia pertinet ad usum incantationum, aliud, quia datur fides dæmoni.

9 Nihilominus communis sententia est, licere simpliciter, hæc signa destruere, si ubi sint, deprehendantur, vel ad manus deveniant. Quod ita docuit Scot. 4. d. 34. quæst. unic. ut quæstionem hanc *Trufaticam* appellaverit, *quia non solum* (inquit) *licet, sed meritorium est destruere opera diaboli*. Quem imitatur Gabriel 2. d. 8. quæst. 2. art. 4. dub. 2. Henricus autem quodlib. 5. quæst. 33. dixit: *Catholicum est destruere opus superstitiosum dæmonis, & in hoc ei contrariari*. Idem Cajetan. Sor. Cast. Silvest. Navar. Per. Binsfel. & omnes supra citati, & alii, quos Martinus, & Sancius referunt. Ratio a priori est, quia destruere hæc maleficia, non est positivo jure prohibitum, nec est per se, & ex natura rei intrinsece malum, & fieri potest bona intentione, ac fine; ergo per se loquendo licitum est. Prima pars majoris ab omnibus supponitur tanquam indubitata, quia nullibi extat talis positiva lex, neque in jure canonico, neque in Scriptura. Atque hinc probatur in primis secunda pars; nam in Scriptura sæpe prohibetur, quicquid in usu harum pravarum artium malum est ex natura rei. Nam (ut supra dixi) prohibitiones, quæ in veteri testamento de hoc habentur, non sunt de jure positivo legis veteris, sed explicant naturale jus: cum

An liceat destruere signa, quibus possunt maleficia.

Triplicia remedia possunt adhiberi ad cerandum magiæ effectus.

Quæ remedia supernaturalia ad hoc signa utilia.

De remediis naturalibus.

Licere signa hæc destruere ostenditur.

cum ergo ibi nunquam prohibeatur destructio talium signorum, profecto magnum argumentum est, non esse per se malum. Adde, quod potius Scriptura sæpe præcipit aras idolorum destruere, statuas confringere, lucosque succendere, Exod. 34. Deut. 7. cum similibus. Ut autem recte notavit Hentric. supra, perinde est, signa magiæ destruere, ac idola tollere. Simile argumentum negativum sumitur ex Patribus, & ex jure canonico, quia nullibi hanc destructionem prohibent in particulari, neque in generalibus prohibitionibus magiæ continetur, ut ostendimus. Unde licet sapissime ab illa generalitate ad multas species magiæ descendant, ut illas reprehendant, ut maxime videre licet in Augustino 2. de Doct. Christ. capit. 20. & sequentibus, hanc actionem nunquam reprehendunt, nec verba ex Hieronymo citata continent reprehensionem, ut infra ponderabimus; ergo signum est, talem actionem per se malam non esse. Dices, etiam sanctos Patres illam non approbare. Hoc certe parum refert; tum quia, ut non sit mala, satis est, quod non damnetur, nec reprehensibilis appareat; tum etiam quia Sancti non semper approbant positive, quicquid potest esse licitum, semper autem reprehendunt, quæ sunt per se illicita. Adde, multos, & graves Theologos hoc factum approbasse, idque tanquam clarum, & certum docuisse, quod non est verisimile, facturos fuisse in re per se, & intrinsece mala.

Objectioni
occurritur.

Ratione
probat.

10 Ratione tamen ostenditur hæc eadem pars, quia in destructione maleficii nulla est societas cum dæmone, neque ulla honoratio ejus; ergo per se non est actio superstitiosa; ergo nec mala. Hæc ultima consequentia clara est, quia nullum aliud vestigium malitiæ alterius speciei in illa cogitari potest. Prior etiam consequentia est per se nota, quia nullus alius modus superstitionis, vel irreligiositatis in illo actu fingi potest. Antecedens autem probatur; primo, quia actio illa potius tendit ad destruenda vincula impietatis, & dissolvendum pactum, & consequenter, quantum est ex se, ad tollendam societatem cum dæmone. Secundo, illa destructio est involuntaria ipsi dæmoni, nam saltem ex se invito illo fit, & independenter a voluntate ejus; ergo per se non est dæmonis honoratio. Tertio, per illam ablationem nihil per se postulatur a dæmone, sed tollitur efficaciter id, unde solet dæmon moveri ad operandum, & faciendum malum. Hoc autem per se est maxime laudabile. Unde Hieronymus supra refert, Hilarionem reprehendisse virginem, eo quod a dæmone obsideretur. Sicut ergo est optimum tollere peccatum, ne dæmon inde possit moveri ad nocendum nobis, ita licet destruere iniquum signum, quod dæmon solet excitari ad malefaciendum. Quarto in destructione illius signi non intervenit usus alicujus vani signi per modum causæ ad faciendum aliquid, ad quod tale signum est inutile: sed in hoc consistit ratio superstitionis cum pacto implicito; ergo. Antecedens patet, quia potius illa est destructio vani signi, non ut causæ, sed ut signi, quia ut signum solet movere dæmonem; ergo merito destruitur, nec ibi est ulla superstitio etiam tacita.

De intentione, quæ hæc signa destrui possunt.

11 Jam probatur, & declaratur altera pars de intentione: nam in primis si loquamur de intentione finis remoti, est intrinseca, nam est intentio operantis, non operis; unde clarum est, esse posse bonam, ut v.g. liberare proximum ab illa vexatione corporis, quod ad misericordiam pertinet, item tollere proximo occasionem cadendi spiritualiter continuando pactum cum dæmone, & alteri proximo amplius nocendi, & similia. Quod si contingat, intentionem esse malam, aut vanam, tunc poterit per accidens actio esse mala, tamen non proinde erit superstitio. Loquendum est ergo de intentione finis intrinseci, & operis: & hæc per se bona est: quia non est, nec esse debet intentio obligandi dæmonem ad aliquid agendum, nam in hoc misceretur superstitio: sed intentio est destruendi incentivum dæmonis ad tale maleficium committendum. Nec enim dubitari potest, quin dæmones his signis excitentur, & inducantur ad nocendum, & quod cessare soleant, illis

destructis: nam hoc experientia notum est. Unde hoc credere nulla est superstitio, quia non a dæmone hoc discitur, ut a docente (ut sic dicam) vel testificante; sed ex operibus ejus malignis, & longa consuetudine hoc per experientiam cognoscitur. Et consequenter ratione constat, moveri dæmonem illis rebus, non ut res sunt, sed ut signa sunt ab eis data; ergo licite, & prudenter creditur, dæmonem habere talem consuetudinem. Ergo optima intentio ad destruendum talia signa est tollere incentivum dæmonis ad malefaciendum, destruendo illud non per artem, vel benevolentiam ejus, sed per propriam hominis potestatem, ipso etiam invito.

12 Tandem confirmatur hoc inductione: nam imagines astronomicæ quid sunt, nisi signa pacti, & societatis cum dæmone? Quid autem magis usitatum, magisque religiosum, quam similes imagines confringere? Idem argumentum sumitur ex omnibus superstitiosis amuletis, & perjactis: omnia enim sunt signa foederum cum dæmone, & tamen optimum est, illa rumpere, vel cremare. Neque est ullus confessarius pius, & doctus, qui poenitentem absolvat prius, quam hæc destruat. Idem est, si quis haberet scripta certa verba dæmonis ad curandum superstitiose, debet enim tale scriptum igni tradere. Ergo semper est licitum destruere hæc signa, quantum per humanam industriam fieri potest. Denique qui dedit chirographum dæmoni, quando renunciavit Christo, ut cum illo iniret societatem, nunquid non potest rumpere chirographum, si ad manus ejus perveniat? Potest quidem maxime: nam si licet poenitere, & rescindere contractum, cur non licebit signum ejus percurrere? Nulla ergo videtur hic esse ratio dubitandi.

Probatur
inductio
ne posse
tollere hæc
signa.

13 Unde ulterius addo, non solum esse hoc licitum, sed etiam esse in præcepto per se loquendo. Et in primis respectu ipsius malefici, seu magi, qui pactum cum dæmone fecit, & signum posuit, clara est obligatio ex justitia, quia tenetur non inferre damnum proximo. Immo supra ostensum est, teneri ad restituenda, seu rescarcienda damna illata; ergo multo magis tenetur ad non inferendum ulterius similia nocumenta; ergo & ad rescindendum pactum cum dæmone, quo mediante, est causa illius damni. Sed auferre signum, nihil aliud est, quam pactum rescindere, nec potest illud rescindere alio medio apto, & licito; ergo. Et confirmatur: nam judex in foro externo juste potest illum cogere ad maleficium tollendum, & in foro interno idem faciet prudens confessor, nec absolvet illum, donec illud destruat tum propter obligationem justitiæ declaratam, tum propter obligationem religionis ad tollendam omnem societatem cum dæmone, omneque signum ejus, quantum in se est, & quantum licite potest. In aliis vero non est hæc obligatio ex justitia, nisi forte in iudice, vel prælato, qui tenetur ex officio consulere universali bono Reip. & impedire gravia, & injusta nocumenta subditorum. Si ergo illi constet de maleficio, & de modo, quo potest per simplicem, & humanam actionem destrui, tenebitur ex officio ordinare, ut cum effectu destituatur. Alii vero obligari poterunt ex charitate, quia unusquisque tenetur subvenire proximo necessitatem patienti, & impedire illius injuriam, si commode potest. Dixi autem *per se loquendo*, quia ex accidenti posset quis non obligari, si grave aliquod damnum inde sequatur. In quo generales regulæ de justitia, & charitate servandæ sunt.

Non solus
hoc licitum
esse,
sed etiam
in præcepto.

14 Ad 1. ergo argumentum in contrarium respondetur, concedendo, ablationem signi non esse causam cessationis effectus maleficii, quia sicut affirmatio non erat causa affirmationis, ita nec negatio negationis. Qui ergo destruit artificium illud, non intendit destruere causam, sed signum maleficii: nego tamen, inde sequi, quod utatur illo signo ad excitandum dæmonem, vel exigendum aliquid ab illo, vel in vi præcedentis pacti, vel quasi per novam intercessionem, & rogationem dæmonis: hæc enim omnia illicita sunt, in illo tamen opere non miscentur, sed solum intenditur ablatio signi, quo demon alliciebatur. Quod longe diversum est, ut facile constat: nam

Solutura
argumentum
in ob-
trarium
adducunt

in prioribus actionibus est inductio positiva dæmonis, quæ, licet sit ad non agendum, non est homini permiffa, ut declaratum est: in hanc vero actione potius est privatio inductionis dæmonis, ut sic dicam, nam est ablatio signi, quod objective solet excitare, & inducere dæmonem ad malefaciendum. Unde tandem negatur secunda consequentia: nam hic non est usus magiæ, sed est usus potestatis humanæ, quam homo ex se habet ad destruendum illud artificium. Qui usus supponit quidem cognitionem, quod tale artificium sit signum, quod dæmon abutitur: quæ scientia non est per se mala, undecumque habeatur, & usus ejus ad destruendum maleficio optimus est: nec per illum intenditur aliquid in vi pacti, ut jam declaratum est.

Difficilis
cas.

Enodatur.

15 Dices: Qui aufert signum, credit fore certum, ut dæmon cesset malefacere; alias frustra tolleretur: ergo nititur in pacto, & in virtute illius intendit cogere dæmonem, ut desistat. Deinde hoc maxime habet locum, quando prius pactum inter dæmonem, & magum sub illa forma transactum est, scilicet ut ablato signo, non solum possit dæmon, sed etiam debeat malefaciendo desistere, ut in tertio argumento proponebatur. Responderetur, in primis non esse necessarium, certo sperare dæmonem cessaturum, ablato signo, sed satis esse id probabiliter existimare ex his, quæ regulariter, & fere semper accidunt: nam hoc satis est ad prudentem actionem. Est autem experientia notum, dæmonem solere hæc pacta servare, & nocere, quandiu signum extat, & cessare, illo destructo: sive hoc sit, quia Deus non permittit dæmoni libere nocere hominibus suo arbitrio, & cooperante homine pravo per pacta, & signa magiæ id permittit, ut ejus bonitas in uno, & hominum malitia in alio magis ostendatur, ut attigit Victor. in d. Relect. num. 36. ad 4. Sive hoc sit, quia dæmon ipse voluntarie consuevit servare hæc pacta, non ut fidelitatem servet, mendax enim est, & pater mendacii, sed ut illo modo securius homines decipiat, dum fidenter audent cum illo pacisci. Quacumque tamen de causa id faciat dæmon, experimento constat, frequentius, ac regulariter ita facere. Qui autem destruit signum, non curat de causa, cur dæmon cesset a nocendo, ablato signo: sed solum intendit fugare illum, saltem tollendo incentivum, quo moveri solet. Unde parum refert, quod ex priori pacto se obligaverit dæmon ad cessandum, quia qui aufert signum, non intendit obligare illum in vi prioris pacti, sed solum objectum, quo moveri solet, amovere, quod est facillimum, quando destructor signi est tertia persona, quæ pactum non fecit, nec signum posuit, & potest facile ignorare, qualiter pactum factum sit. Verumtamen etiam si sciat, immo etiam si sit ipse maleficus, si pænitere velit, & emendare delictum, potest etiam intentionem mutare, & tantum intendere, rescindere omne pactum, & nihil exigere ex vi prioris pacti, sed solum amovere signum, ut inductivum dæmonis ad malefaciendum. Eadem enim actio una intentione facta potest esse mala, quæ, mutata intentione, erit bona, quando actio ex se, ac per se indifferens est. Denique, ut potest dæmon ablato signo, adhuc continuare maleficio, si permittatur a Deo, quando ex priori pacto non se obligavit ad cessandum, ablato signo: ita etiam potest in maleficio perseverare, etiam si prius se obligasset ad cessandum, quia est mendax, & non semper servat pacta, sed solum, quando vel non permittitur aliter facere, vel quando existimat sibi commodius ad suos pravo fines: igitur qui destruit signum, non debet curare, quid facturum sit dæmon, vel quale fuerit pactum; sed solum debet intendere tollere talem occasionem mali, & restituere hominem ad eum statum, in quo erat, quando non erant talia signa, sperans, quod sicut antea non alliciebatur dæmon ad malefaciendum, ita nec postea signis destructis excitabitur.

2. Argu-
mentum
soluitur.

16 Ad secundum argumentum in primis responderi posset, non esse omnino eandem rationem, quia plus est dare signum, quam tollere, quia per ablationem solum destruitur superstitio, quod bonum est;

per actionem autem effectricem signi videtur quodammodo continuari superstitio, & intervenire aliqualis positiva cooperatio ad illam, & ideo major cautela in tali casu videtur necessaria. Nihilominus tamen re attente spectata, si illa actio, licet positiva videatur, præcise ordinetur ad auferendum, vel impediendum signum, non est mala, nec superstitiosa, nec magis pertinet ad societatem cum dæmone, vel ad honorem ejus, quam pura ablatio positivi signi. Ut, verbi gratia, si signum datum a dæmone esset, se non cessaturum a maleficio talis hominis, quandiu corpus ejus lorum non fuerit: non pertinebit ad magiam lavare corpus, si id fiat, non intentione positive sanandi illo medio, aut opera dæmonis, sed tantum tollendi signum, ut ille cesset malefacere, quia intentio illa bona est, & medium est indifferens de se, &, supposita malitia dæmonis, est bonum, quia solum est auferre incentivum mali, & parum refert, quod ablatio signi fiat per actionem positivam alterius rationis, sive non: item finge, dæmonem dedisse pro signo se nociturum tali homini, quandiu ille non se signaverit cruce, vel quandiu non habuerit tales reliquias ad collum appensas: nunquid propter pravam dæmonis conditionem, & intentionem non licebit illa facere? Licebit sine dubio, non solum propter specialem sanctitatem talium rerum, sed etiam ad destruendum signum a dæmone datum. Et hoc a paritate rationis colligitur ex citatis auctoribus: & satis in particulari significat Silvester, verb. *Maleficio*, quæst. 9. cum Hostiens. in cap. *Littera*, §. *Mulieres*, de Frigid. & Malefic. sed ille generalius loquitur. Idem vero expresse notavit Lessius supra dub. decimo, in ultima assertionem.

Quod si-
gnum po-
sitivum
dari possit
licet, ut
dæmon de-
sistat a
maleficio

17 Ad tertium jam fere responsum est, quicquid enim dæmon antea sponderit, potest malitia ejus separari ab actione destruentis signum ex bona intentione operantis, quia actio de se indifferens est. Ille ergo nunquam intendet, (ut recte operetur) ut maleficiatus consequatur salutem per actionem, & inductionem positivam dæmonis, absit, hoc enim intrinsece malum est, nam est invocare dæmonem, & excitare illum: solum ergo intendet negationem hanc, quæ bona est, & pactum non includit, scilicet, ut dæmon habeat, unde specialiter excitetur ad nocendum, quod ipse homo sua naturali virtute, & actione efficere potest tollendo signum. Postquam vero actio ita sit, ut postea dæmon non solum cesset a malo, sed etiam operetur aliquid ad salutem restituendam, per accidens est, nam id facit malitia sua, & quia vult fidelem se alteri ostendere, non tamen facit provocatus ab eo, qui abstulit signum, qui tunc solum se habet, ut permittens illam dæmonis operationem, non ut cooperans ad illam, nec ut rogans aliquo modo, aut honorans dæmonem, sed potius, ut rescindens pactum ejus, quantum in se est.

3. Argu-
mentum
enodatur.

18 Ad locum Hieronymi dico in primis, Hieronymum ibi non dicere, Hilarionem noluisse investigare signa, quia id malum esset, sed simpliciter, noluisse. Unde potius in tali absoluta locutione indicat, non ex necessitate, sed ex perfectiori virtute ita se gessisse; ac subinde non id omisisse, quia esset malum, sed quia plus de Deo confidebat: erat enim dignum tali viro, ut altiori virtute, & modo dæmonis opera destrueret, & ideo de quarendis signis non curavit. Deinde fortasse timuit Hilarionem aliquod scandalum, ut significant illa verba: *Ne solitis incantationibus recessisse videretur*; id est, ne astantes id putarent, & aliquod scandalum sumerent: facile enim crederent, non potuisse dæmonem expelli a viro sancto invitum, & non ablatis signis. Tunc ergo sine dubio non expediebat tali viro, & in tali occasione uti illo medio, esto illud per se, & natura sua malum non sit.

Hierony-
mi locus
explica-
tur.

CAPUT XVIII.

*An sit intrinsece malum, vel aliquando
liceat uti maleficio ad maleficiū
destruendum.*

Superest dicendum de remediis superstitionis, quæ possunt adhiberi vel ad tollendum nocuum prius factum per præcedens maleficiū, quod jam omnino præterit, & cessavit, solumque reliquit effectum suum: vel possunt adhiberi ad maleficii signa destruenda, & rescindendum pactum, quod durat. Item in hoc distinguere potest inter ipsum magum, qui talibus maleficiis utitur, & alium, qui ab ipso petit, ut tollat maleficiū jam factum. Primo ergo certum est, si effectus relictus est ex maleficio, & maleficiū jam cessavit, non licere uti opera artis magicæ ad curandum talem effectum, quod a fortiori docent omnes Doctores infra referendi. Quia non est licitum uti arte magicæ ad curandum morbum ortum a causis naturalibus, & propria naturæ corruptione; ergo nec ad curandum morbum ex maleficio causatum: est enim eadem ratio deformitatis in utroque remedio: & quod morbus proveniat ex priori maleficio valde accidentarium est. Item non licet uti magica arte ad benefaciendum; ergo nec ad recuperandas divitias, quæ per maleficiū destructæ, aut combustæ fuerant; ergo neque omnino ad expellendum quemcumque similem effectum. Quæ rationes probant, non solum esse illicitum in eo casu per se uti arte magicæ, habendo pactum cum dæmone expressum, vel pactum, quod intrinsece malum est: verum etiam nec licere uti industria magi ad talem effectum submovendum, vel curandum, etiam si magus ipse maxime paratus sit ad tale remedium tribuendum. Quia non licet petere a mago parato, ut naturali morbo per suam iniquam artem remedium adhibeat: nam hoc est, quod universa Scriptura, & omnes Canones, & leges prohibent: ergo idem est, etiam si morbus, vel alius similis effectus per aliud maleficiū fuerit factus: est enim (ut dixi) eadem ratio. Quæ autem sit propria ratio a priori hujus prohibitionis, in sequenti puncto dicetur.

2 Secundo certum est, mago ipsi nunquam licere uti maleficio ad maleficiū tollendum, etiam si implemet prius maleficiū fecerit, & non possit aliter illud destruere, sicut interdum contingit. Ita docent omnes statim referendi tanquam certum, & indubitatum in fide. Et patet rationibus factis, & ex omnibus, quæ hactenus diximus de malitia talis operis, quod intrinsece malum est, & universaliter prohibitum. His ergo stantibus, quæri nihilominus solet, an liceat uti opera ejusdem, vel alterius magi ad impediendum, vel tollendum prius maleficiū, & effectum ejus per aliud maleficiū efficacius, ut sic dicam. In quare auctores variis distinctionibus uti sunt. Prima est, quia vel maleficus paratus est ad utendum maleficio, ut prius destruat, & sic cesset effectus ejus, vel non est paratus, sed oportet rogare, & inducere illum. Quando non est paratus, omnes fatentur, non licere uti opera malefici, ut maleficus est. Tamen in alio casu, quando est paratus, dicunt, esse licitum ab illo petere, ut maleficiū maleficio solvat. Hanc sententiam tenet Angel. in Sum. ver. *Superstitio*, numero decimo tertio, referens pro illa Aureol. 4. d. 34. questione secunda. Fundatur solum in hoc, quod licet ad bonum finem uti malitia hominis parari, sicut licet petere mutuum ab usurario, & juramentum ab infideli, qui per Deum falsos juraturus est. Addi potest in confirmationem, quod tunc non petitur effectus positivus, seu auxilium dæmonis ad aliquid agendum, sed sola destructio maleficii, quæ bona est. Confirmatur secundo, quia ab ipso dæmone liceret petere, ut desistat; ergo a ministro dæmonis idem licet postulare, vel efferre ab ipso dæmone per suum ministrum. Antecedens patet, quia sanctus Angelus, & interdum homo præcipit dæmoni, ut desistat a malo faciendo: ergo, qui non valet imperare, vel cogere illum, poterit saltem petere.

3 Verumtamen hæc sententia sibi ipsi contraria est, & omnino falsa speculative, & practice improbabilis, & tam repugnans dogmatibus fidei, ut erronea judicetur. Prima pars, quæ est fundamentum cæterarum, declaratur: nam dicti auctores fatentur, non licere inducere illum, qui maleficia facere novit, non tamen est solutus, nec paratus illa facere, ut maleficiū maleficio solvat: quod certissimum est. Et ratio est, quia in ipso met malefico, seu mago intrinsece malum est, per magicam artem aliquid efficere, aut procurare, & ideo nunquam licet, etiam si propter bonum finem fiat: quia, *non sunt facienda mala, ut veniant bona*. Ad Rom. 3. quod in his maxime verum est, quæ sunt intrinsece mala. Quod autem tale sit opus magicæ, constat ex omnibus hactenus tractatis, & ex dictis in puncto proxime præcedenti. Quando enim maleficiū cessavit, & effectus maleficii permanet, non est licitum, illum curare per remedia magica, quæcumque illa sint, si talia sint, ut non possint esse naturales causæ, sed signa non divina: nam eo ipso sunt signa dæmoniacæ, & pactum cum dæmone includunt, quo uti intrinsece malum est, & ut tale prohibitum in Scriptura, & jure Canonico, ut supra visum est. Hæc autem ratio eodem modo procedit, quando neque effectus maleficii cessavit, neque ipsum maleficiū: ergo non minus est intrinsece malum, uti maleficio, seu arte magicæ ad tollendum maleficiū, quia pactum cum dæmone idem intercedit; nec magis potest ex hoc fine honestari, quam ex alijs, ut recte docuit D. Thom. in 4. d. 34. art. 3. ad 3. & ibi Bonav. Scot. & omnes. Sicut ergo ipse magus non potest licite uti arte sua ad maleficiū tollendum, ita neque alius potest licite illum ad id faciendum inducere, præsertim quando ille paratus non est, quia nunquam licet alium ad malum inducere. Et ita dicti auctores in primo puncto recte sentiunt.

4 Ex illo autem convincuntur falsum dicere in secundo puncto, seu membro divisionis suæ. Nam ut recte advertit Cajet. 2. 2. q. 78. artic. 4. tunc licet ab aliquo petere aliquid, quod ille sine peccato factorus non est, quando id, quod petitur, per se licet, & sine peccato fieri potest: tunc enim accidentarium est, quod alter peccaturus sit, id faciendo: nam ex malitia sua addit operi postulato malitiam, non ex vi petitionis. At vero opus per se illicitum, quodque bene fieri non potest, nunquam potest ab alio licite postulari, quantumcumque ille paratus sit. Et ratio est, quia tunc petendo opus, petitur malitia, quia inseparabilis est ab opere: at qui petit, auctor est operis, nam rogans, sicut & consulens, causa moralis est operis postulat: ergo est etiam auctor malitiæ, & propria causa talis peccati ob eandem rationem, quia inseparabilis est malitia a tali opere. Dices: quando alter est paratus, non videtur induci ad opus, quia ipse per se est satis inductus; qui ergo petit opus aliquod a tali homine sic disposito, non est causa operis, vel peccati, sed tantum utitur malitia alterius. Respondeo, falsam, ac perniciosam esse hanc doctrinam, alias ordinarie, ac regulariter licebit petere maleficia, seu veneficia a magis, quia ipsi paratissimi sunt ad illa faciendā, neque, qui sic peteret, censeretur esse participialis delicti, ut magia est, quia non est causa ejus juxta illam doctrinam. Consequens est erroneum, ut ex dictis constat; ergo. Et alia similia absurda possunt inferri in materia morali. Falsum ergo est, quod in illa evasione assumitur. Nam qui petit ab alio, ut det, vel faciat aliquid, causa est moralis talis operis, etiam si alter sit paratissimus ad dandum. Et qui petit mutuum ab usurario parato, non excusatur a culpa, quia non sit causa mutui, nam revera causa est; sed excusatur, quia mutuum de se bonum est, & ipse non est causa usurarium, neque illas petit, sed permittit. Secus autem est, quando quod postulatur, est ipse actus flagitiosus, a quo non est separabilis malitia: tunc enim, qui tale opus petit etiam a parato, ad totum opus, & malitiam ejus illum inducit, & ideo a culpa excusari non potest. In præsentī autem ita est, quia opus illud destruendi maleficiū per maleficiū, seu magiam intrinsece malum est, ut ostendimus, & ideo

Pars affirmativa erronea judicatur.

Non licet uti magia ad tollendum effectum remanentem ex maleficio, quod jam cessavit.

Mago non licet uti maleficio ad aliud tollendum.

An alijs liceat uti opera magi ad tollendum unum maleficiū per aliud.

Pars affirmativa.

Opus per se illicitum nunquam potest ab aliquo peti etiam si ad illud sit paratus.

Obiectio.

ideo non potest postulari etiam a parato, absque eodem genere peccati. Et hæc, ut dixi, est communis, & indubitata resolutio Theologorum in 4. d. 34. & aliorum, Cajetanus tomo 2. Opusc. tract. 12. Castr. lib. 2. de Just. hæret. punit. cap. 15. Abulens. Matth. 19. quæst. 90. Turecr. in cap. ult. 33. quæst. 1. art. 3. Covar. in cap. *Quamvis pactum*, par. 1. §. 1. num. 10. Navar. in Man. cap. 11. num. 29. & aliorum, quos late referunt Martinus lib. 6. cap. 2. sect. 1. q. 2. & Sancius lib. 7. disput. 65. num. 7. & Petrus Binsfel. in lib. 4. cap. de Math. & Mal. q. 5.

5 Per hæc ergo & partes omnes assertionis probatæ sunt, & responsum est ad fundamentum, & exempla Aureoli. Ad 1. vero confirmationem dicitur in primis, si maleficio maleficio tollendum est, aliquod positivum crimen postulari, & contrarium negativo præcepto, quia petitur, ut fiat illud maleficio, quo aliud tollendum est. Et ita licet ipsa destructio prioris maleficii de se mala non sit, tamen procurare illam tali medio, intrinsece malum est. Secundo respondendo simul ad secundam confirmationem dicitur, quod licet destructio maleficii in se bona esse possit, tamen postulare illam a dæmone, intrinsece malum est, quia involvit societatem, & pactum cum ipso dæmone, & quemdam cultum ejus. Nam rogare dæmonem, ut aliquid non faciat, non minus est quidam cultus ejus, & quædam subjectio ad ipsum, quam rogare illum, ut aliquid faciat: sed petere ab illo quodlibet bonum, vel remedium alicujus mali intrinsece malum est; ergo & petere ab illo, ut a maleficio cesset intrinsece malum est. Unde Leo papa sermone 19. de Passione, de dæmonibus ait: *multis, quod dolendum est, ita per nequitiam simulationis illudunt, ut quidem illos & timeant infensos, & velint habere placatos, cum beneficia dæmonum omnibus sint nocentiora vulneribus, quia tutius est homini inimicitiam dæmonis meruisse, quam pacem.* Nihil ergo ab eis licet petere seu rogare; ergo nec dissolutionem maleficii. Atque ita docet Sor. 4. d. 34. artic. 3. §. *Quod si quis*, & Martinus, ac Sancius supra contra quemdam Brianfonium (quem referunt) in Collectarij supra 4. sent. quæst. 13. concl. 3. Noster etiam Lessius dicto libro 2. cap. 44. dub. 10. dicit, licitum esse verbo petere a diabolo, ut desinat nocere, modo id non petatur deprecando. Sed est sano modo intelligendum: nam petere, & deprecari parum differunt, unde petere per modum supplicationis non licet, petere autem per modum oburgationis, & contemptus licitum est, ut si dicas: abi hinc, cessa malefacere: in hoc enim nulla est societas cum dæmone, nec aliquid ab eo proprie postulatur, nec honor ei defertur. Et ita nihil contra hoc obstat ratio supra facta, quia quando Angelus, vel sanctus homo præcipiunt dæmoni imperando, id faciunt virtute divina, & ut ministri Dei, ejusque obsequentes voluntati, at quando homo rogat dæmonem tanquam supplex, & indigens ejus ope, plane se illi subjicit, eumque quodammodo Deo præfert juxta illud 4. Reg. 1. *Nunquid non est Deus in Israel, ut satis ad consulendum Beelzebub?* Deus ergo orandus est, ut liberet a maleficio, non dæmon. Quod si Deus liberare noluerit, non propterea orandus, aut colendus est dæmon, ut in simili dixerunt tres pueri, Dan. 3. Eo vel maxime quod, si quis rectam fidem teneat, non potest cum fiducia petere a dæmone aliquod remedium, etiam in proprio maleficio, cum sciat, illum esse mendacem, & perniciosum hostem, qui bonum etiam corporis non confert, nisi in ordine ad animæ malum, & ideo etiam ratione periculi moralis non potest hoc fieri sine gravi peccato.

6 Hinc ergo aperte concluditur, non licere petere a mago, ut maleficio maleficio tollat, quantumvis paratus sit. Satis enim paratus est dæmon, a quo non licet id postulare: quando autem petitur ab aliquo mago, ab ipso dæmone postulatur, quamvis per magum. Quia petere a mago, ut maleficio faciat ad tollendum maleficio, nihil est aliud, quam petere ab illo, ut id a dæmone obtineat tanquam ejus amicus, & socius, qui cum illo pactum habet; ergo qui hoc petit a mago, per illum petit a dæmone, quod ejusdem malitiæ est. Sicut qui petit a Sancto, ut a Deo

impetret, religiose orat, quia per Sanctum a Deo petit: ita ergo hic superstitiose petit, quia per magum a dæmone petit.

7 Hinc vero sumpserunt aliqui occasionem aliter distinguendi inter petitionem, & coactionem, ac dicendi, non licere rogare magum, ut maleficio tollat per suam artem, propter rationes factas, nihilo minus tamen licere, cum cogere minis, ac pœnis, ut tali modo maleficio destruat. Quia hoc non est societatem cum dæmone inire, sed jure suo uti, & quasi se defendere. Item, quia si dæmonem ipsum cogere homo posset, non esset illicitum eum cogere ad tollendum maleficio, quia illud non esset colere illum, sed esset imperare, & quodammodo conculcare. Ita refert ex quodam Remigio Martinus supra, eumque impugnat, ejusque argumenta dissolvit, quæ omitto, quia futilia sunt, & ejus sententia plane falsa, & improbabilis. Nam in primis, si talis distinctio locum haberet, non minus liceret paratum cogere imperio, quam reluctantem cogere minis, ac terrore: quia ejus argumenta æque in utroque procedunt, scilicet, quia coactio inhonorat, & expers est omnis pacti, & similia. At utrumque improbabile est: quomodo enim licitum esse potest alium cogere ad malum faciendum, etiam quando alias invitatus est, & a tali crimine alienus, si non licet etiam paratum inducere, ac rogare? Itaque licet cogere non sit honorare, non propterea est moraliter efficere, & efficacius causare crimen illud, ad quod faciendum alius cogitur. Et hæc est præcipua ratio malitiæ in hac inductione, quæ efficacior est in coactione: & ideo nullo titulo vel necessitatis, vel recepti nocimenti honestari potest. Solum ergo habere posset locum illa coactio sine peccato, quando magus, qui maleficio fecit, posset illud destruere absque novo maleficio, novove auxilio dæmonis. Tunc enim licitum esset cogere magum, ut tali modo licito maleficio tolleretur, juxta ea, quæ in sequenti puncto dicemus. Et in eo tantum casu procedit alia ratio, quod licet vim vi repellere, & cogere illum, qui nocumentum infert, ut cesset, quia id sine peccato optime potest. At tunc impertinens est distinctio, quia tunc non solum licet cogere, sed multo magis rogare, si paratus sit, si ve non paratus, quia non ad malum, sed ad bonum inducitur.

8 Unde obiter intelligitur differentia inter dæmonem ipsum, & magum ministrum ejus: quod dæmon in nullo casu potest a nobis cogi, vel rogari, etiam si daremus, posse tollere maleficio sine peccato suo: sicut revera posset ex vi objecti, licet ipse nunquam id sit facturus sine aliqua malitia propter obstinationem suam, & pravam intentionem, quod esset per accidens, si aliud non obstaret. Obstat tamen in primis quoad coactionem, quia mortalis homo (seclusa virtute divina, quæ in præsentia non operatur, ut supponimus) non potest cogere unum dæmonem, nisi virtute alterius, ac subinde per pactum cum alio dæmone superiori, qui potest inferiorem cogere. Propter quod recte dixit D. Thom. quæst. de Potent. art. 10. seclusa virtute divina, non posse dæmonem cogi ab homine, nisi per artem magicam, id est, in virtute alicujus pacti cum superiori dæmone, ut late etiam profectur Victor. in dicta Relect. a num. 20. Sicut ergo nunquam licet uti arte magica, ita nunquam licet homini cogere dæmonem. At vero unus homo potest ab alio cogi & facto, propter majores vires, vel etiam jure, quando sine inductione ad malum, & sine injustitia id fieri potest. Utrumque autem horum concurrir in coactione magi ad destruendum maleficio, quando sine maleficio potest, & ideo talis coactio interdum, licet circa magum, nunquam vero circa dæmonem. Similiter ostensum est, nunquam licere rogare dæmonem, quia omnis societas cum illo nobis est interdicta, ut contraria fidelitati, & religioni debita Deo, at non sic nobis est interdicta omnis societas cum mago viatore, quando cum illo agimus, non ut magus est, sed ut homo: hoc autem modo rogamus illum, cum ab eo petimus, ut destruat maleficio, quod sine peccato destruere potest.

Referatur opinio asserens non licere id a mago petere, licet tam cum ad id cogere minus.

Distinguitur, quod est inter magum, & dæmonem, quoad petitionem, vel coactionem, quæ eis inferatur.

9 Atque hinc colligitur declaratio ad assertionem proxime positam contra Angelum, quæ partim est ampliatio, partim videri potest restrictio ejus. Nam a mago etiam parato ad magiam exercendam, non potest peti expresse, ut per illam maleficium destruat, ut probatum est. Unde fit, quod si constet tale esse maleficium, ut sine novo maleficio, seu auxilio demonis dissolvi non possit, non licet petere a mago, etiam indifferenter, & in communi, ut maleficium dissolvat, quia in tali casu, & opere illud est virtute petere, ut opus magicum exerceat. Idemque erit, si destructio maleficii in genere petatur, non ab eodem mago, qui illud fecit, sed ab alio, qui de illo, vel de loco, ubi sunt signa ejus, nihil novit: nam in tali homine talis petitio, licet in specie verborum indifferens videatur, revera est petitio maleficii. Quoad hoc ergo aliquo modo ampliatur prædicta assertio. At vero si constet, maleficium optime posse absque maleficio novo solvere maleficium, licet ab eo petatur in particulari, ut modo licito, & sine usu pacti cum dæmone illud destruat, quia hoc non est contra positam assertionem: nec ratio ejus contra hoc militat, cum talis petitio non sit inductio ad opera magiæ. Unde hoc modo non solum licet id petere a parato, sed etiam a non parato: immo a non parato securius petitur, quia, quod petitur, bonum est, & in illo minus est periculi, cum non supponatur paratus ad opera magiæ præstanda. Difficultas vero nonnulla est, an ab his, qui norunt utroque modo dissolvere maleficium, licito, scilicet, & illicito, liceat absolute petere, ut maleficium destruant. Potest autem sic expetens triplicem opinionem, seu existimationem habere de illo mago, a quo petit. Primo, ut probabiliter credat, illum non usurum mala arte, quando per se habet potestatem ad destruendum signum maleficii, & ita dissolvendum illud. Et tunc sine dubio est licitum absolute petere, quia petitio est indifferens ex se, & ex parte personæ cessat morale periculum. Secundo potest petens timere, & dubitare, an alius superstitioso, vel licito modo sit dissoluturus maleficium. Et in hoc etiam casu licitum est sic petere, quia etiam petitio est de se indifferens, & potest honesto modo impleri, & in dubio potest præsumi bonum potius, quam malum, & quia petens non constituit alium in morali periculo, de quo ipsi constat, & a fortiori propter ea, quæ dicemus in sequenti puncto. Loquimur autem in hoc puncto, quando dubium est de futura voluntate talis hominis: nam si dubium sit de potestate, seu scientia, non videtur licere in dubio petere, quia cum constet, illum esse maleficium, & non constet, illum scire tollere maleficium sine usu suæ artis, præsumendum contra illum est, quia isti frequentius nesciunt solvere maleficia, nisi per artem suam, ut auctores citati docuerunt: præsertim vero quia si dubito, an ille sciat solvere sine maleficio, dubito, an illa dissolutio possit licite fieri: id autem, de quo est dubium, an licite fieri possit, nec petendum, nec agendum est, stante dubio.

10 Tertiò potest petens certus esse, vel probabiliter credere, quod si tali mago petat destructionem maleficii, an potius per artem illicitam, quam per potestatem licitam illud sit destruturus. Et in eo casu dicunt aliqui, non esse licitum petere, etiam indifferenter, & in communi. Quod tenet Cajetanus tomo 2. Opuscul. tractu 12. & noster Martinus indicat sect. 1. quæst. 2. in fine 4. conclus. Sed oppositum verum existimo: quod tenent aperte Petrus Ledesma de Matrimon. q. 58. a 2. dubio 2. c. 3. Henricus lib. 2. alias 12. de Matrim. cap. 8. n. 3. in fine, Sancius supra num. 11. Et ratio est clara, quia tunc peto rem, quam alius licite præstare potest, & habeo jus petendi; ergo nec induco ad malum, nec moralem præbeo occasionem, quia utor jure meo. Et per accidens est, quod alius malitia sua usus sit, nam ego permitto illam, non consentio, nec sum causa ejus. Et hoc probant optime exempla, quæ Angelus, & Aureolus afferebant. Et si attentè legatur Martinus, non contradicit: non enim dicit, quod licet possit, & sciat maleficus solvere sine maleficio, malum sit ab eo petere; sed passive ait, *licet possit maleficium solvi*. Unde videtur loqui

in casu, quando maleficium quidem ex se potest dissolvi sine peccato; ille tamen, a quo petitur, ut illud destruat, non novit illud solvere sine maleficio, de hoc enim tantum exemplum adducit. Et de illo verum est, non licere ab illo petere, ut dixi: quia impertinens est respectu talis personæ, quod maleficium secundum se sit aliter dissolubile, si talis persona illum modum licitum nescit, tunc enim absolute ab illa peteretur, quod non nisi illicito modo facere novit: nos autem loquimur, quando persona scit, & consequenter potest licite facere, sed creditur non factura, tunc enim ejus malitia non obstat, ut declaratum est, & in hoc sensu loquuntur Ledesma, & Henricus, quos pro se Martinus citat.

11 Cajetanus autem aperte sentit contrarium, non tamen sufficienter id probat. Ait enim oportere particulare opus petere, & non vage, relinquendo in arbitrio pravi hominis petitionem propriam. At enim satis est petere effectum determinatum, qui possit licite ab alio fieri, neque oportet semper medium, aut modum determinatum proponere. Alias non posset ab infideli peti, ut juret; sed oporteret petere, ut per verum Deum juret: & sic de aliis. Unde etiam falsum est, quod sumit, tunc petitionem fieri a malefico, ut talis artifex est, quia non petitur opus, quod ex se requiratur talem artem, ut ex suppositione constat. Ergo talis petitio ex vi verborum non dirigitur ad artificem pravam, ut sic, sed ad illum hominem, ut teneatur dissolvere maleficium, quæ petitio ex natura rei videtur ita intelligenda, etiam si absolute proponatur. Quod ergo Cajetanus docet, est bonum consilium, non tamen simpliciter necessarium per se loquendo, & ex vi religionis. Quod addo: nam si esset spes, quod petendo, & rogando, ut medio licito utatur, ad id posset induci, & retrahi a peccato, charitas obligaret ad id consulendum, & petendum tali modo; quando vero non est spes, etiam ipsa charitas non obligat, quia utor jure meo, & illa est tantum permissio. Cavendum enim est, ne adhibeatur aliqua cooperatio ad maleficium, si fortasse magus velit maleficium uti, quod non potest sine cooperatione petentis, vel maleficiati applicari: talis enim cooperatio nunquam licet, quia determinate est ad actum per se illicitum.

C A P U T XIX.

De pœnis, quas divini, magi, & malefici incurrunt.

1 **Q**Uæstionem hanc simul de his omnibus criminibus, seu modis committendi hoc crimen tractandam reservavimus, quia fere jura omnia tam canonica, quam civilia eisdem pœnis afficiendos decernunt eos, qui talia crimina committunt. Ut videre licet tota causa 26. in Decret. & Codice toto titulo de Malefic. & Mathem. Atque hæc est regula generalis: si vero aliqua invenitur exceptio, breviter adnotari poterit. Quin potius etiam in lege veteri eadem pœna his omnibus criminosis imponebatur, & sub eodem tenore legis, ac prohibitionis fere semper ponuntur. Nam licet Exod. 22. solum dicatur: *Maleficos non patiaris vivere*: tamen nomine maleficorum isti omnes comprehenduntur; quia in propria, & usitata significatione non solum dicitur maleficus, qui autem magiæ ad nocendum utitur, sed absolute, qui pactum habet cum dæmone, & aliquid ex illo operatur. Unde Levit. 20. additur: *Vir sive mulier, in quibus Pythonicus, sive divinationis fuerit spiritus, morte moriantur, &c.* Et Deuteronom. 18. fere omnes modi hujus peccati distincte numerantur, & subditur: *Omnia enim hæc abominatur Dominus, & propter hujusmodi scelera delebit eos, &c.* Et ita Paulus ad Galatas 5. omnia hæc vitia sub una voce comprehendit, quando inter opera carnis ponit *veneficia*. Et eodem sensu dicitur Apocal. 18. *In veneficiis suis erraverunt omnes gentes*. Et simile habetur capite 21. Itaque omnia hæc flagitiorum genera eodem jure censentur, & ita eisdem pœnis generaliter puniri solent. Quæ autem possunt esse hæc pœnæ, se-

Cajetani opinio rejicitur.

Eadem est pœna divini, magi, & malefici.

An possit hoc peti a mago, qui novit licito & illicito modo tollere maleficium.

Sententia Auctoris.

canonica, & civiles: canonica item pœna quædam esse solent, quæ ipso jure, seu facto incurruntur: alia, quæ per judices ecclesiasticos imponendæ sunt: atque istæ etiam postremæ ad forum contentiosum spectant, & a juris canonici peritis tractari debent, ad quos etiam pertinet modum, & ordinem inquirendi, ac ferendi judicium de hoc delicto exponere. Priores autem pœnæ ad forum conscientia maxime spectant, & ideo de illis prius dicemus: de cæteris vero pœnis utriusque fori externi, civilis nimirum, & canonici solum capita indicabimus, & ad proprios auctores remittemus.

An hi omnes incurrant excommunicationem ipso facto

2 Quia vero pœnæ canonica, quæ ipso facto incurruntur, potissimum sunt censuræ, ideo ante omnia videndum est, an omnes isti sic criminosi sint ipso facto excommunicati, vel aliquam censuram incurrant. Quidam enim dixerunt, propter hoc crimen incurri excommunicationem ipso facto. Ita tenet Tabiena, verb. *Excommunicatio*, 1. casu 4. allegans ad hoc quendam extravagantem Joan. 22. Et solet ad hoc allegari cap. *Sortes* 26. quæstione quinta, ubi de sortibus dicitur: *Ne exerceantur, sub anathematis interdicto prohibemus*. Verumtamen hæc verba non continent sententiam latam, sed ferendam, ut ex materia de Censur. constat. Magis videntur urgere verba textus in cap. *Si quis ariolos*, ibidem, in quo dicitur: *Si quis ariolos, aruspices, aut incantatores observaverit, aut phylacteriis usus fuerit, anathema sit*. Nam hoc ultimum verbum sententiam latam continere solet.

Negativa pars statuitur.

3 Dicendum nihilominus est, propter hoc crimen nullam censuram, vel ecclesiasticam pœnam ipso facto incurri. Ita sentit Alexand. Alenf. secunda parte, quæst. 164. memb. 5. dum ait, *hos esse excommunicandos*. Silvester verb. *Superstitio*, quæstione ultima, ubi quærens de pœna, licet non ponat expresse negativam partem de censura ipso jure lata, dicit tamen solum propter hæc delicta esse ferendam excommunicationem, in quo plane sentit, donec feratur, non incurri. Et simile argumentum sumi potest ex eodem Silvest. Cajetan. Navar. & aliis Doctoribus, qui numerando casus, in quibus excommunicatio ipso jure incurritur, hunc prætermittunt, quos in lib. de Censur. nos imitati sumus. Deinde hoc probatur, quia in nullo decreto juris canonici talis censura fertur. Nam in titul. de Maleficis nulla fit mentio talis censuræ, licet facta ipsa prohibeantur, & eorum malitia exaggeretur, & alia pœnæ imponendæ assignentur. Idem latius videre licebit 26. Causa fere per totam. Solum verbum citatum ex cap. 1. *Anathema sit*, videtur habere nonnullam apparentiam, quia talia verba sufficienter declarare solent censuram ipso facto latam, ut diximus disputat. 3. de Censura, sectione tertia.

Explicatur Caput Siquis Anathema sit.

4 Responderi tamen potest, in illo textu incertum esse, an vox *Anathema*, sumatur proprie pro excommunicatione, vel solum pro quadam execratione, seu pro persona execrabili, & separanda a consortio bonorum, ut patet 1. Corinth. 16. & Roman. 9. Sed hoc non placet, quia secundum usum Canonum accommodata est illa vox ad significandam excommunicationem majorem, etiam cum quadam exaggeratione. Et Canon ille non est admodum antiquus, sumptus est enim ex Concilio Romano, sub Gregor. II. qui sedit sub anno 716. Immo omnes Canones illius Concil. sub eadem forma feruntur: & in multis est evidens, sermonem esse de propria censura. Aliter dici potest, verbum, *fit*, non semper dicere sententiam latam, sed præcipere, ut feratur. Immo Navar. in Manuali, capite vigesimo septimo, numero decimo secundo sentit, in rigore ita esse interpretandum verbum illud, nisi ex aliis juribus, vel circumstantiis aliud colligatur. Sed fortasse contrarium est verius, ut citato loco dixi, & Navar. fateatur esse communioem sententiam. Quod etiam testatur expresse Panorm. in capite secundo de For. compert. in fin. & cap. *Si diligenti*, eodem titulo & Felin. in cap. *Rodulphus*, de Rescript. numero trigésimo primo vers. *Sit excommunicatus*, qui Baldum, & alias Glossi. allegat. Addunt nihilominus omnes ex Suarez, Tom. XII.

ceptionem, nisi ex aliis juribus aliud constet. Et ita exponunt Glossam ultim. in cap. *Si quis ex Clericis comam relaxaverit*, de Vit. & honest. Cleric. Nam ibi additur: *Anathema sit*. Glossa vero exponit, id est, fiat, non enim est excommunicatus ipso jure. Et tamen illud caput sumptum est ex eodem Concilio Romano, sub Gregor. II. estque ultimum capitulum ejus. Quod etiam habetur in capite *Siquis*, d. 30. ubi Glossa etiam ita exponit de censura ferenda, forte quia materia, vel alia jura id postulant. In nostro ergo capite poterit eadem interpretatio admitti, quia sunt multa alia jura, quæ declarant, illam esse censuram ferendam, ac subinde non esse latam. Patet hoc ex aliis juribus illius, quæstione quinta. Nam in capite secundo, & tertio pœnitentia quinquennii imponitur pro hoc crimine. In capite autem *Non oportet*, quod est Concilii Laodic. 36. capit. dicitur: *Eos autem, qui talibus rebus utuntur, projici ab ecclesia jussimus*. Et non fertur illa pœna generaliter contra omnes fideles, sed contra Clericos Magos. Idemque habetur in Concilio Agathens. capite sexagesimo octavo. Idem vero Concilium, capite quadragésimo secundo, tam de laicis, quam de clericis, si quis eorum tale crimen commiserit, *ab ecclesia* (inquit) *habeatur extraneus*. Et habetur in dicta quæstione, capite *Aliquantum*. Quæ verba, cum sint de futuro, hominis sententiam requirunt, ut constat. Similia sunt in capite *Si quis clericus*, ibidem: *Ab ecclesia communionem pellantur*. Et loquitur etiam tam de laicis, quam de clericis: estque Concil. Aur. I. capite trigésimo secundo. Et idem fere habetur in capite *Anguriis*, ex Concil. Carthag. IV. capite octavesimo nono.

3 Sed, ut verum fatear, hæc omnia mihi non satisfaciunt, quia considero, hæc omnia jura antiquiora esse, quam Concilium Romanum sub Gregor. II. ut facile constare potest consideranti tempora Conciliorum, quæ allegavimus. Unde colligo, non posse ex illis Decretis antiquis limitari, aut exponi dictum cap. *Si quis Ariolus*, quia potuit rigorem addere prioribus juribus, & eo ipso quod modum loquendi mutavit, & per verba latæ sententiæ censuram imposuit, videtur id fecisse. Nec vero post illud tempus invenimus decretum, quod de hac censura loquatur tanquam de imponenda per hominem. Quin potius Concilium Romanum sub Zacharia papa, qui fuit paulo post Gregor. II. in capite nono puniens similia delicta utitur etiam illo modo loquendi, *Anathema sit*. Et habetur capite *Siquis*, 26. quæstione septima. Quod autem ibi de his vitiis sit sermo, licet ex verbis, quæ Gratianus refert, obscure colligatur, satis aperte constat ex epistola ultima ejusdem pontificis Zachariæ ad Bonif. & ex alia epistola Bonifacii ad ipsum. Quapropter non videtur improbabile, circa illa tempora percerebuisse pravam ariolandi consuetudinem, & ideo prædictos pontifices rigorem censuræ addidisse, ut ipso facto incurreretur, prout verba sonant. Sed licet hoc non sit improbabile in rigore juris, nihilominus non videtur ita consuetudine receptum, unde vel consuetudo derogavit illi juri quoad hanc partem: vel certe cum sit optima legum interpret, ita verbum illud interpretata est, ut scilicet in illo jure perinde fuerit dicere, *fit anathema*, ac si diceretur, *Anathematizetur*, seu *fit anathemate feriendus*. Quod autem hæc sit consuetudo, constat ex Glossis adductis, & ex Doctoribus communiter, qui hanc censuram non agnoscunt tanquam jure latam.

Difficultas, quæ in præcedenti explanatione juris repetitur.

6 Præterea extravagans Joannis XXII. quam allegat Tabiena, nec in jure habetur, nec in Bullario Romano edito anno 1586. inter constitutiones illius Pontificis continetur. Refert tamen illam Eymeric. in Direct. Inquis. parte secunda, quæstione quadragésima tertia. Et habetur etiam (ut ibi notat Pegna Comment. sexagesimo octavo) in Repertor. Inquisit. Et ex ejus tenore constat excommunicari hos omnes sortilegos ipso facto. Nihilominus tamen non videtur illa constitutio ita promulgata, cognita, & recepta, ut illum induxerit effectum. Denique in Concilio Lateran. sub Leone X. sessione nona titul. de Reform.

Reform. curiæ, in fine de his sortilegiis generatim dicitur, quod, *Si fuerint Clerici, per superiores infamia notentur, si vero non destiterint, deponantur, & in monasterium detrudantur, & beneficiis priventur, Laici vero excommunicationis, & aliis pœnis juris tam Civilis, quam Canonici subjaceant.* Ex his ergo omnibus non satis colligitur censura, quæ ipso facto incurratur.

Difficul-
tas.

7 Superest vero difficultas, quia ex alio capite videntur hi malefici incurrere excommunicationem ipso facto, vel saltem, quod ab ecclesia ut tales tractandi sunt, quia vel sunt hæretici, vel saltem hæretici præsumuntur: hæreticus autem ipso jure excommunicatus est, ut constat. Assumptum patet; tum quia isti sunt idololatæ, & omnis idololatra vel est, vel præsumitur infidelis, ac subinde hæreticus, seu apostata, si fidelis, vel baptizatus erat; tum etiam quia omnis illa societas, quam isti habent cum demonibus, involvit multa veræ fidei contraria, ut in discursu præcedentium capitum explicatum est. Ad hoc breviter respondetur: primo non omnem superstitionem supra numeratam continere hæresim, nec manifeste illam sapere. Hoc probatur aperte ex cap. *Causam*, §. *Sane*, de hæret. in 6. Ubi Alexandr. 4. præcipit Inquisitoribus, ne se cum his divinatoribus, & sortilegis intromittant, *nisi hæresim sapient manifeste*. Supponit ergo non semper hæresim sapere, & ita tunc procedunt ea, quæ diximus, sine ulla limitatione.

8 Secundo concedimus, sæpissime hæc peccata exerceri cum aperta hæresi, ut in superioribus explicatum est, & habetur in cap. *Episcopi*, 29. quæstione quinta. Et tunc fatemur, ratione hæresis incurrere excommunicationem ipso facto, & alias pœnas, illæ tamen non incurrunt formaliter ratione superstitionis, quod hic tractamus, sed ratione apostasiæ a fide, & propriæ infidelitatis in homine Christiano, ac baptizato, quod longe diversum est. Adverto autem, cum pœnæ hæreticorum tunc incurran- tur, quando interna hæresis exterius manifestatur, etiam si occultissime id fiat, ad incurrendas illas pœnas in hoc casu satis esse, aliquam actionem hujus artis exterius exercere ex falso errore, vel circa potestatem dæmonis, vel circa ejus maliciam, & damnationem, vel aliquid simile fidei dogmatibus contrarium. Nam invocatio dæmonis ex tali credulitate, vel alia similis actio est sufficiens manifestatio externa interioris erroris: & licet occulte, vel cum solo dæmone fiat, sufficit ad censuras incurrendas, ut ex generali doctrina de censuris, & de hæresi constat.

9 Tertio dico, aliquando fieri hæc crimina cum magna suspitione hæresis, licet non sit manifesta. Et tunc quantum ad forum conscientie attinet, ad judicandum de censura, & aliis pœnis veritas spectanda est, non præsumptio, ut constat; quia, ut supra de idololatria dicebamus, qui exterius illam exercent sine animo hæretico, non incurrunt hæreticorum pœnas; ergo a fortiori idem dicendum est de idololatria, quæ per has superstitiones committitur, sive tacite, sive expresse. At vero in foro exteriori juxta qualitatem suspitionis, seu præsumptionis aut vehementis, aut levis judicandum erit.

10 Hic vero interrogari potest, quando censeatur quis suspectus de hæresi propter hoc crimen, quod late tractant Doctores, qui de hac materia scribunt: ex his vero, quæ dicunt, duæ breves regulæ colligi posse videntur. Una est, quoties hi Divini, vel Magi, aut malefici expresse invocant dæmonem, aliquid ab eo postulando, quod a solo Deo cognosci, revelari, aut fieri potest, vehemens oritur suspicio hæresis, quia nemo petit ab aliquo, nisi quod credit ipsum facere posse. At quando solum petitur a dæmone aliquid, quod naturales vires Angeli non excedat, cessat dicta præsumptio. Et tunc est adhibenda secunda regula: nam si in illo pacto, & invocatione dæmonis intercessit adoratio dæmonis per latræm, vehemens generatur suspicio, quia illa est expressa idololatria, quæ de se est infidelitatis protestatio, & ostensio. Præterea etiam si sit per solam

duliam, magna generatur suspicio, quia talis adoratio indicat, non credi talem esse dæmonem, qualem secundum veram fidem esse credimus, ac subinde illam etiam esse ostensionem, & confessionem ejusdem infidelitatis. Item crescit hæc suspicio, si in pacto cum dæmone interveniat exterior fidei abnegatio, vel renunciatio Christi, aut sacramentorum ejus, vel etiam si in usu talis artis abusus sacramentorum, vel rerum sacrarum misceatur; & tanto major erit suspicio, quanto res fuerint sacratiores, & præsertim si fuerit ipsa Eucharistia. Quando vero nihil horum intervenit, & præsertim, si pactum non sit expressum, sed tantum implicitum, cessat dicta suspicio. Plura de hac re videri possunt in Castres. libro primo de justa hæreticorum punitione, cap. 13. 14. 15. & 16. Et Siman. de Cathol. institut. tit. vigesimo primo præsertim a numer. 10. & tit. 62. numer. 2. & 3. tit. 63. num. 29. & 34. Jul. Clar. lib. 5. verb. *Hæresis*, num. 24. & 25. ubi alios refert. Eymericus in Direct. Inquis. part. 2. quæst. 42. & 43. & ibi Pegna referens plures Comment. 67. & 68.

11 Tandem potest hic consequenter interrogari, ad quod forum hoc delictum pertineat, & quæ pœnæ per competentem judicem sint propter illud imponendæ, & quo ordine, ac modo id faciendum est. Tamen hæc etiam omnia breviter remittam, quia aliena sunt. In primo ergo puncto, si delictum involvat suspitionem hæresis, ad Inquisitores pertinet, ut constat ex dicto cap. *Causam*, & ex omnibus allegatis auctoribus. Quibus addendum est per motum proprium Sixti V. contra judicarios, ampliata in hac parte esse jurisdictionem Inquisitorum, præsertim in divinationibus, *etiam quoad casus, in quibus antea procedere non valebant*, ut ibidem dicitur. Si vero sit pura superstitio sine expressa suspitione hæresis, non pertinet ad Inquisitores, ut in eo capite ordinatur, & tunc censetur communiter esse misti fori, nisi ratione personæ ad judicem tantum ecclesiasticum pertineat. Itaque, si delinquens sit clericus a prælato suo judicabitur; si vero sit laicus, sive vir, sive femina, misti fori est, & a præoccupante judice sive laico, sive ecclesiastico judicabitur. Et hæc est sententia Abba. in cap. 1. de sortilegiis, num. 3. & 4. Alder. in Rubrica, de hæretic. num. 13. Castrop. libro primo de justa hæret. punir. cap. 16. Julii Clari libr. 5. verb. *Hæresis*, numer. 26. Binsfeld. de Confess. Malef. Prælud. 14.

12 In secundo ergo puncto, omiſſa culpa hæresis, vel suspitionis ejus, quæ ad aliud genus punitionis pertinet, & propria est Inquisitorum, crimen superstitionis ab unoquoque judice juxta jus suum puniendum est. Ab ecclesiastico per leges Canonicas, quæ maxime habentur in titulo de sortilegiis, & 26. quæst. 5. & 7. Circa quas advertendum est, si reus sit persona ecclesiastica, ordinarie puniri, vel aliqua suspensione, ut in cap. secundo de sortilegiis, vel depositione, ut in capit. *Siquis episcopus*, 26. quæst. 5. Ita enim legendum est, ut in Concil. Toletan. 4. cap. 18. habetur, & non *Suspensus*, ut legit Gratian. & ibi additur pœna perpetuæ poenitentiae in monasterio; ut tamen advertit Panormitanus in cap. secundo de sortilegiis, aliquando imponitur levior pœna, interdum gravior, quia & delicta secundum se non semper sunt æqualia, & ex parte circumstantiarum potest esse magna varietas, quam judex considerare debet: unde etiam interdum potest adhibere censuras, quæ laicis communes sunt, ut in cap. *Aliquantum*, ibidem expresse dicitur. Addidit etiam Antoninus de Brut. in cap. *At si Clerici*, de Judice, debere Clericum propter hoc crimen deponi, & tradi brachio seculari, allegatque capit. *Admoneat*, 26. quæstione septima. Sed ille textus non refertur nisi ex Augustin. apud quem non invenitur. In Concilio autem Turon. III. capit. 42. Ubi reperitur, desunt ultima verba, quæ continent pœnam. Adde, ibi solum de degradatione fieri mentionem, non de traditione curiæ seculari: pœna autem non est extendenda, cum recte possit intelligi de degradatione verbali. Et ideo merito illam opinionem rejicit Panormitanus in eodem caput, numer. 37. concludens, Clericum propter hoc deli-

Ad quod
forum
pertineat
hoc deli-
ctum.

Quæ pœ-
næ sunt
imponen-
dæ pro
hoc deli-
cto, si a
Clerico
commis-
satur.

Non in
omni su-
perstitione
dari
hæresim.
Solvitur.

Quando
simul cum
superstitione
datur hæ-
resis, ratio-
ne hujus
solum in-
curritur
excom-
municatio.

Quomodo
judicandum
de
censura in
foro inter-
iori, vel
exteriori.

Duæ regula-
e assi-
gnantur
ad cognos-
cendum
suspectos
de hæresi
in hac
materia.

Prima.

Secunda.

Etiam puniendum esse juxta cap. *Tua*, de pœnis. Ubi pro gravibus criminibus generatim dicitur imponenda pœna degradationis, seu depositionis, & perpetuæ detractionis in monasterium ad agendam pœnitentiam. De quo videri potest Bernard. Diaz in Pract. cap. 107. ubi plures alios refert. Denique circa Clericorum pœnas addimus, nullas incurrere ipso jure, quia nulla censura sic illis imponitur, nec irregularitas, ut dixi in 5. tom. disput. 63. sect. 4. num. 8.

De pœna laicis imposita a jure Canonico pro hoc crimine.

13 Quod ad laicos attinet, variæ pœnitentiæ illis imponuntur pro hoc delicto in jure Canonico, ut patet in cap. 1. de sortil. ubi pœnitentia tantum quadraginta dierum imponitur, quæ videtur intelligenda, quando leve est delictum, vel certe, ut Panorm. notat, intelligitur de pœna imponenda in foro pœnitentiæ, nam in foro contentioso gravior pœna imponenda est. Verumtamen pro foro pœnitentiæ isti Canones pœnitentiales jam non sunt in usu, sed prudenti arbitrio Confessorum relinquitur. Et fortasse similis est pœna quinquennii pœnitentiæ, quæ his imponitur in cap. 2. & 3. 26. quæst. 5. Ibi enim in cap. *Non oportet*, & sequentibus jubentur isti excommunicari, ut vidimus, quæ longe major pœna est. Additur in cap. *Quisquis*, 2. quæst. 8. *Qui ad Sortilegos, Magosque concurrerint, nullatenus ad accusationem esse admittendos*. Unde colligit Silvester verb. *Superstizio*, quæst. 11. hos esse infames. Sed ibi non agitur de omnibus sortilegis, sed de his, qui ad illos accedunt, qui sepe id faciunt, ut eos accusent, & illi repelluntur tanquam suspecti, & ut tollatur occasio calumniæ, ut Hugo, & Turrecremata exposuerunt. Unde illa non est proprie pœna. At vero Gregor. papa libro septimo, epistol. 66. ad Januar. & habetur in cap. *Cum idolorum*, 26. quæstione quinta, si post sufficientem admonitionem isti emendari noluerint, præcipit eos, *Si servi sint, verberibus, cruciatibusque, quibus ad emendationem pervenire valeant, castigari, si vero sint liberi, inclusione digna, districtaque esse in pœnitentiam redigendos*. Additur denique in cap. *Episcopi* eadem causa; & quæstion. *Episcopi, si aliquem virum, aut feminam hujuscemodi sceleris sectatorem invenerint turpiter dehonestatum de parochiis suis ejiciant*. Et hoc solet magis usu servari, ut notat Panormitanus capite primo de sortilegiis. Solent enim hi cum mitra infami publice verberari, vel etiam in scala nudi, & melle uncti publice collocari: de quo videri potest Salced. in Schol. ad capitulum centesimum septimum, Pract. Bernardi, ubi alios Doctores, & jura allegat. Addit vero Silvester verb. *Hæresis* 3. quæst. ultim. posse interdum ecclesiasticum judicem hos reos remittere brachio sæculari, non solum quando convincuntur esse hæretici relapsi, sed etiam quando crimina sunt atrocia, & habent adjuncta alia morte digna. Quod verum esse existimo, quia nullibi est prohibitum, & potest ad commune bonum necessarium esse.

Pœna a jure Civile si imposita pro eodem crimine.

14 At vero juxta Civile longe graviolem pœnam his malefactoribus imponit: nam capitalis sententia in eos ferenda decernitur, fere toto tit. Cod. de Malef. & Mathematic. Sed de his pœnis jurisperiti consulendi sunt: leges enim illæ præcipue videntur punire injustitias, & nocumenta, quæ reip. & privatis personis hi malefici inferre solent, & ideo tam graviter illos puniunt. Unde in illis legibus cavendum est, quod interdum afferunt, non esse dignos supplicio eos, qui

his artibus utuntur, non ad malefaciendum, sed potius ad mœdendam corporibus, vel impedienda aliqua nocumenta in fructibus terræ, ut patet in leg. *Eorum*, C. cod. tit. & in legib. partitarum Hispaniæ, in leg. ult. tit. 23. part. 7. Non enim credendum est, leges illas approbasse talia facta, alias errorem in fide continerent, ut ex supra dictis patet, sed solum noluisse illa punire, sed permittere; quod interdum facere possunt leges Civiles, quando peccata non sunt contra justitiam, nec contra publicam pacem. Quod ita etiam intellexerunt Bartol. & Salycet. in dicta leg. *Eorum*, & Gregorius Lopez, dicta lege ultima, & Azebed. lib. 8. Recopilat. tit. 1. leg. 5. num. 13. Addit vero Gregor. Lopez cum Angel. dicta lege, *Eorum*, posse illas leges intelligi, quando illa remedia licet ordinaria, & naturalia non appareant, non continent apertam superstitionem, vel illicitam incantationem, sed credi possunt fieri virtute Divina. Hic tamen sensus difficile accommodatur ad illas leges: tamen per alias leges Civiles videtur prohiberi. Magia etiam ad utilitatem humanam exercita, ut ad inventionem thesauri leg. unic. C. de Thesaur. lib. 10. & notat Petrus Binsfeld. in tit. de Malefic. & Mathematic. lib. 4. quæst. 5. ubi alios refert: & in universum hæc maleficia, etiam si propter salutem, vel alios fructus terræ fiant, eadem pœna damnantur in legibus Hispaniæ lib. 8. Novæ Recopilat. tit. 3. leg. 6. quæ fuit a Joanne 1. edita, anno millesimo quadringentesimo decimo.

15 Circa tertium punctum, seu ordinem servandum a judicibus, in hujus delicti punitione nolumus immorari; tum quia magis ad Juristas pertinere credimus; tum etiam quia de hac re latissime scripsit Martinus Delrius in suis Disquisitionibus, lib. 5. per totum. Brevius Gregorius de Valentia, in su. part. disput. 6. quæst. 13. punct. 4. Satis etiam distincte, ac erudite Petr. Binsfeld. de Confess. Malefic. præsertim membr. 2. & super titul. de Maleficis multa sparsim attigit. Præcipue videri potest Malleus Malefic. part. 2. & 3.

16 Ultimo loco non prætermittam admonere, Libri hujus summe necessarium esse ad puritatem Catholicæ fidei, & ecclesiæ, ut omnes libri de his superstitiosis artibus concrementur, juxta exemplum Apostolicum, quod Actorum 19. refertur: tales enim erant illi, de quibus ibi dicitur, *quod multorum, qui fuerant curiosi sectati, contulerunt libros, & combusserunt coram omnibus*. Sic enim intellexit Augustinus in fine Psalmi LXI. post totam enarrationem ejus, & illos dicit fuisse imitatum Mathematicum quemdam pœnitentem, quem ibi commendat. Et simile exemplum Cyprianus refert Nazianzenus oratione 18. in eundem: & de Theuda. Damascen. in Hystor. Barlaam, cap. 32. & ad eundem antiquiorem morem videtur alludere Athanas. de Incarnatione Verbi, prope finem, dum inter alia Christi fidei mirabilia hæc ponit: *Qui hætenus idola adoraverunt, jam ea conculcant, qui Magiam adorati fuerant, volumina comburunt*. Extat etiam de hac re lex Theodosi, & Honorii, Cod. de episcopali audient. leg. *Mathematicos*, ubi hos libros coram episcopo comburi præcipitur, & inter hæreticorum libros ab ecclesia prohibitos hi comprehenduntur, ut constat ex indice librorum prohibitorum. Quem hac in parte districte observari sub pœnis in eo contentis, præcipit Sixtus in motu proprio superius allegato.

Libri hujus summe necessarium esse ad puritatem Catholicæ fidei, & ecclesiæ, ut omnes libri de his superstitiosis artibus concrementur.

FINIS LIBRI SECUNDI.

LIBER TERTIUS DE SACRILEGIO, EJUSQUE SPECIEBUS, ET PRÆCEPTIS, QUIBUS PROHIBENTUR.

Sacrile-
gium quid
proprie
significet.



Acrilegium dictum censetur a sacro, & lego: hoc autem verb. interdum significat furari, aut rapere: unde sacrilegium primo impositum videtur ad significandum furtum, vel iniquam contrectationem rei sacræ: atque ita Isidorus lib. 1. Origin. lit. S. dixit: *Sacrilegus dicitur ab eo, quod sacra legit, id est, furatur.* Inde autem extensum est ad significandam omnem injuriam, vel violationem rei sacræ: Potest autem res sacra large dici etiam Deus ipse: & sic omne peccatum contra religionem poterit dici sacrilegium, quomodo cultus idolorum sacrilegus vocatur, & ignem, quo victimæ, aut odores idolis adolentur, sacrilegium appellavit Tibullus. Strictè vero, ac proprie res sacra ab ipso Deo distinguitur, & est illa, quæ Divino cultui peculiariter dicata est: & hoc modo sacrilegium proprie dictum, & ut hic sumitur, est vitium condistinctum a vitiis hactenus tractatis, quibus ipsi Deo quasi directè, & in se injuria infertur, & ita nec perjurium, nec alia similia vitia sunt proprie sacrilegia. Per sacrilegium enim immediate res Deo dicata violatur, & ita illa est, quasi materia proxima hujus peccati, quæ vocari solet objectum, quod; Deus autem est objectum *enim*, seu in cujus injuriam remote actio redundat. Habet autem hoc vitium species varias, & ideo prius in genere rationem ejus aperiemus, illudque in sua membra dividemus, postea de singulis speciebus dicemus.

Res sacra
strictè
sumpta
distingui-
tura Deo:

CAPUT I.

Quid sit, & quotuplex sacrilegium.

Definitur
sacrile-
gium.

I Supposita vocis etymologia, & significatione supra declarata, rectè sacrilegium definitur, esse violationem rei sacræ, ut ex D. Thom. sumitur 2. 2. quæst. 99. art. 1. Et eandem definitionem habet Glossa in cap. *Omnes ecclesia*, 17. q. 4. Turrec. in cap. *Sacrilegium*, 17. q. 4. ubi alias descriptiones refert: sed vel non sunt de proprio sacrilegio, vel ad hanc revocantur. Quid vero nomine *rei sacræ* in illa descriptione intelligatur, patebit ex sequentibus: nunc solum dicimus, *rei sacræ* nomine intelligi quamlibet rem creatam, quæ ex peculiari dedicatione ad cultum Dei sancta, vel sacra effecta est: violatio autem talis rei dicitur quælibet irreverentia, aut indigna ejus tractatio.

Particula
a Cajetan.
addita in
definitione
sacrile-
gii, ad ex-
cludendū
simoniam

2. Cajetanus vero in dicto art. 1. addendum putavit, esse violationem rei sacræ per actionem, seu commutationem involuntariam: objicit enim, simoniam esse quamdam violationem rei sacræ, & non sacrilegium. Ut ergo illam excluderet necessarium putavit illam particulam addere, vel secundum illam verba D. Thom. interpretari. Declarat hoc exemplo vitiorum, quæ sunt opposita justitiæ, & distinguuntur per hoc, quod quædam versantur in commutationibus voluntariis, ut usura, quædam in involuntariis, ut furtum. Sic enim existimat, in virtute religionis sacrilegium esse violationem, & actionem involuntariam, simoniam vero non esse sacrilegium, quia est in actione voluntaria, committitur enim per modum emptionis, & venditionis. Alii constituunt differentiam inter sacrilegium, & simoniam, quod per sacrilegium violatur res sacra in aliquo usu suo, ut si quis utatur calice consecrato in communi mensa, &c. per simoniam vero non derogatur usui rei sacræ, sed ipsimet rei, quatenus vilipenditur, & indigne tractatur.

3. Sed nihil video, quod cogat negare, peccatum simoniæ esse verum sacrilegium, quia pro materia proxima habet, non Deum, sed rem sacram, ut beneficium, Sacramentum, &c. ergo illud peccatum non continetur sub illis vitiis oppositis religioni, quibus Deo directè injuria irrogatur; ergo continetur sub vitio communi, quo irrogatur injuria rei sacræ, seu (quod idem est) quod res sacra inique violatur: hoc autem vitium sacrilegium vocatur, quod in plura specie distincta dividitur, ut postea videbimus: unum ergo inter alia est simonia. Accedit, quod multa possunt esse sacrilegia per actiones voluntarias; nam vendere res ecclesiæ indebite sacrilegium est, non enim est simonia, ut infra ostendemus, & est peccatum contra religionem, quod non potest ad aliam speciem pertinere, & ita etiam in jure appellatur, ut videbimus: & tamen illa injuria fit per contractum voluntarium; ergo hoc non obstat rationi sacrilegii. Item matrimonium sacerdotis, vel religiosi, aut habentis votum castitatis sacrilegium est, & tamen committitur per actionem voluntariam, scilicet per contractum sive invalidum, quando votum est solenne, sive validum, quando est omnino simplex. Unde etiam sumitur argumentum, quia illud peccatum non est simonia, licet sit injuria per actionem utrinque voluntariam ex parte hominis; ergo etiam illo modo a Cajetano intento non adæquate explicatur ratio simoniæ, nec ratio sacrilegii. Præterea exemplum de justitia non videtur rectè accommodari, quia justitia est ad alterum hominem, & ideo injuria potest variari ex diverso modo, quo actio, qua infertur, est voluntaria, vel involuntaria ei, cui fit injuria: quomodo etiam D. Thomas 2. 2. quæst. 66. art. 4. distinxit furtum, & rapinam per diversum modum involuntarii ex parte illius, qui patitur injuriam. At vero ratio injuriæ, quæ est in sacrilegio attenditur principaliter respectu Dei, ut infra videbimus: Deo autem non est minus involuntaria irreverentia rei sacræ, quæ fit per simoniam, quam illa, quæ fit per alias actiones; ergo si illæ actiones inter homines sint per voluntarium pactum, sive alio modo, illud non impedit, quominus tales actiones sint vera sacrilegia. Et ita facile excluditur alia differentia; tum quia ad summum est specifica secundum diversas species sacrilegii, non tamen excludit convenientiam in genere sacrilegii; tum etiam, quia illa differentia non constat; percussio enim Clerici sacrilegium est, non quia fit contra usum sacerdotii, sed quia est indigna tractatio rei sacræ; & venditio doni gratuiti etiam est contra debitum usum ejus, datum est enim, ut gratis detur, & venditio beneficiorum, & ordinum maxime est contra bonum usum eorum, ut omnia jura clamant.

Rejiciunt
Cajetan.
sententia.

4. Dico ergo, nihil esse absurdi concedere, simoniam esse speciem sacrilegii, ut rationes factæ probant, contra quas nihil affertur alicujus momenti, nisi quod D. Thom. & alii Doctores separatim tractant de simonia, & sacrilegio; dico tamen id fuisse propter specialem rationem simoniæ, & amplissimam ejus materiam, sicut nos etiam faciemus in hoc libro, & sequenti: Neque hic noster sensus alienus est a modo loquendi Doctorum, & Jurium. Soto enim lib. 9. de Just. quæst. 5. art. 1. & 2. simoniam vocat sacrilegium: & Beda lib. *Retract. in Acta*, cap. 8. dicit, Simonem Magum tentasse facere emptionem sacrilegam: & Glossa in cap. *Audivimus*, 1. q. 3. dicit, sacrilegium in simonia committi, & ibi Turrec. num. 2. dicit: *bene sacrilegium dicitur*

dicatur simonia. Et habet fundamentum in textu, ubi Gregorius ait, *A sacrilegio hoc facinus non dispar dixerim.* Quamvis enim per hæc verba formaliter non dicatur, simoniam esse sacrilegium, satis nihilominus indicatur. Denique licet dici possit sacrilegium interdum accipi quasi specificè, ut distinguitur a simonia, nihilominus negari non potest, quin illa vitia convenient in generali ratione violandi rem sacram: neque negari potest, quin hoc genus optime sacrilegii nomine significetur: hoc ergo modo hic definitur, & ideo nulla additio necessaria est. In sequentibus autem capitulis prius dicemus de sacrilegio quasi distinguendo illud a simonia: de qua postea in particulari dicemus.

Sacrilegium in tres species dividitur.

5 Ita ergo generatim declarata ratione sacrilegii, ad explicandam totam latitudinem ejus, oportet varios modos sacrilegii proponere, & explicare. D. Thom. igitur dicta quæst. 99. art. 3. sacrilegium distinguit ex parte rerum sacrarum, quæ per illud violantur. Quia sicut habitus (ait) distinguuntur ex objectis, ita vitia per materias, circa quas versantur, materia autem sacrilegii est res sacra; ergo juxta diversitatem rerum sacrarum dividuntur sacrilegia. Unde colligit D. Thom. sicut tria sunt genera rerum sacrarum, scilicet personæ, loca, & quædam res aliæ, ita triplicem esse speciem sacrilegii contra personas, & contra loca, & contra res alias divino cultui dicatas.

Difficultates circa propositam divisionem.

6 Circa quam partitionem multiplex oriri potest dubitatio. Primo, circa singula membra, quid sub se contineant, & quale in eis sacrilegium committatur. Secundo, circa eorum sufficientiam, quia inter res sacras computatur tempus Deo dicatum: unde sacrilegium committit, qui illud violat, ut supra visum est, & tamen in illa divisione non comprehenditur. Item Scriptura sacra est res valde sacra, unde, qui pervertit verba ejus, sacrilegus appellatur a D. Thom. dicta quæst. 99. art. 2. ad 1. Quod si forte dicatur, hæc omnia, & similia comprehendere sub tertio membro rerum sacrarum, sicut aliunde superflua, vel mere voluntaria distinctio, quia non minus distinguuntur tempus, aut Scriptura, seu verbum Dei ab aliis rebus sacris, quam locus sacer: cur ergo magis specialiter ponitur locus, quam cæteræ res sacræ? Valde etiam obscurum, & incertum remanet, quæ sint illæ res sub tertio membro contentæ.

7 Tertio occurrit difficultas circa illorum membrorum distinctionem; tum quia cum sacrilegium consistat in irreverentia rei sacræ, potius sunt distinguenda sacrilegia ex parte sanctitatis, per quam res constituitur in esse sacræ, quam ex varietate rerum, quæ sacræ denominantur, & quasi materialiter ad sacrilegium pertinent: sed in locis sacris, & vasis, & similibus non est sanctitas diversæ rationis, quia in omnibus est solum per quamdam denominationem, & deputationem, seu benedictionem extrinsecam in ordine ad cultum Dei: ergo distinguere non debent; tum etiam, quia in eadem re possunt esse varii tituli sanctitatis, ut, verbi gratia, in eadem persona est sanctitas gratiæ, & fidei, & characteris baptismalis, & simul esse potest sanctitas ordinis, seu consecrationis, & præterea sanctitas voti, vel professionis religiosæ: & similiter idem calix ecclesiæ sacra res est, & quatenus consecratus est, & quatenus sub bonis ecclesiæ est, & quatenus in loco ecclesiæ custoditur: magis ergo secundum has rationes distinguenda essent sacrilegia, quam secundum res ipsas sacras materialiter sumptas; tum denique, quia ex modo violationis magis pendet malitia sacrilegii: nam furari imaginem, & illam conculcare, aut comburere, longe diversum sacrilegium esse videtur, quamvis circa eandem rem utrumque versetur: ergo non sumitur sufficienter hæc distinctio ex parte rerum sacrarum.

Defenditur proposita divisio.

8 Nihilominus trimembris illa divisio sacrilegii ex parte materiæ sacræ multum recepta est inter Doctores, ut videre licet in omnibus Summis, verb. *Sacrilegium*, Angel. num. 1. Silvest. §. 1. Cajetan. eod. verb. & 2. 2. quæst. 99. Eandem habet Alenf. 2. part. quæst. 170. memb. 2. & illam attigit Bonavent. in 3. distinct. 37. dub. 7. circa litteram: eandem habent Ca-

Suarez. Tom. XII.

nonistæ, in cap. *Sacrilegium*, 17. quæst. 4. Ubi Turrecrem. quæst. 5. & 6. Habetque illa distinctio magnum fundamentum in sacris Canonibus: nam illa tria genera sacrilegiorum tanquam maxime propria in eis numerantur: nam de sacrilegiis contra personas sacras loquuntur, cap. *Sicut*, & cap. *Quisquis*, 17. quæst. 4. Immo, si attente legantur, tota trimembris distinctio in eis continetur. Præterea de sacrilegiis contra personas sacras extant multi Canones, in cap. *Si quis deinceps*, usque ad cap. *Siquis suadente*, ead. caus. & quæst. & de sacrilegiis contra loca sacra, in cap. *Miror*, & cap. *Frater*, cum aliis ibidem: & de sacrilegiis contra res, seu bona ecclesiæ, cap. *Sacrilegium*, cap. *Omnes ecclesiæ*, & cap. *Attendendum*, ibid. Et expresse in cap. *Qui rapit*, dicitur, *Qui pecunias, vel res ecclesiæ abstulerit, sacrilegium facit*. Ratio vero, & sufficientia hujus divisionis non est speculativo rigore exigenda; solum enim hæc traditur tanquam magistralis divisio accommodata ad omnia sacrilegia explicanda, & sub certis capitibus comprehendenda; satisque est, ut membra illa sufficientem distinctionem in ratione sacrilegii inter se habeant, & quod sub illis nihil includatur, quod rationem sacrilegii non habeat: ac denique, quod nullum sit sacrilegium, quod ad illa tria membra non reducat, quamvis sub illis membris possint diversæ etiam species sacrilegiorum magis in particulari distingui. Quæ omnia discurrendo breviter per illa membra facilius declarabuntur, simulque difficultates solvantur.

CAPUT II.

De multiplici sacrilegio contra personam sacram.

1 Circa primum membrum de persona sacra primo supponendum est, nomine *personæ sacræ* hic intelligi illam, quæ peculiari modo divino cultui dicata est. Nam (ut D. Thomas dixit dicta quæst. 99. art. 1.) Sacrum dicitur aliquid ex eo, quod ad Divinum cultum ordinatur, ac deputatur, nam inde efficitur quodammodo Divinum, & speciali reverentia dignum: ergo etiam persona eadem ratione dicitur sacra. Duobus autem modis videtur fieri persona sacra juxta usum ecclesiæ, scilicet per ordinationem sacram, & per statum religiosum, vel quamdam ejus participationem: qualis est per votum simplex castitatis, aut alium modum dedicationis ad cultum Dei perpetuum ab ecclesiâ approbatum. Non enim quælibet privata devotio, aut propositum se totum dicandi ad cultum Divinum constituit personam sacram, sed necesse est, ut ex jure fiat talis consecratio personæ; hæc autem non fit, nisi altero modo ex duobus supra positis. Quod potest confirmari ex sententia Hieronymi relata in capite *Duo sunt*, XII. quæstione prima, sic enim ait: *Duo sunt genera Christianorum. Est autem unum genus, quod mancipatum divino officio, & deditum contemplationi, & orationi ab omni strepitu temporalium cessare convenit, ut sunt Clerici, & Deo devoti, videlicet, conversi, &c.* Hoc ergo primum genus sacras personas continet, (nam aliud continet laicos, & communem plebem Christianam) & in illo duo illi modi inveniuntur: nam Clerici ordinatione constituuntur, reliqui, qui conversi, seu religiosi dicuntur, per votum, vel statum aliquem ab ecclesiâ approbatum. Aliquis ergo ex illis modis necessarius est, ut ex conditione personæ sacrilegium insurgat, & quilibet illorum sufficere potest.

Persona fit sacra, vel per ordinationem, vel per statum religiosum, vel per quamdam participationem illius.

2 Dices: Etiam fideles omnes sunt generali quodam modo sacri, ille ergo sufficit, ut sacrilegium circa personam fidelem committi possit. Antecedens patet, quia per baptismum, & fidem speciali modo dicatur homo divino cultui, & per gratiam specialiter sanctificatur. Consequentia vero probatur, quia per talem sanctificationem fit talis persona digna speciali reverentia, & honore propter specialem habitudinem, seu conjunctionem ad Deum. Nam Sanctos cum Christo regnantes specialiter coli-

Objeção.

mus religioso cultu ratione sanctitatis, & ideo sacrilegium est, eos blasphemare, vel alio modo irreverenter tractare: ergo idem erit de omnibus participantibus illam sanctitatem. Et confirmatur ex Conc. Tolet. IV. cap. 64. cap. *Constituit*, 17. quæst. 4. ubi prohibetur, ne Julai permittantur publica officia exercere in terris Christianorum, ut hac occasione Christiani a Judæis injuriam non patiantur, & subiicitur: *Si quis autem iudicium hoc permiserit, velut in sacrilegium excommunicatio proferatur*. Illa ergo injuria, quæ fit Christianis, censetur sacrilegium: nam ob hanc causam, qui per injustam promissionem in illam consentit, tanquam sacrilegus punitur: & ita Gratianus ibi dicit, *sacrilegii reatum incurrit, qui Judæis publica officia committit*.

3 Respondetur, proprie loquendo non committi sacrilegium propter injuriam, vel aliam irreverentiam hominis Christiani, etiam si iustus reputetur: quia talis irreverentia non est contra religionem, sed aut contra iustitiam, aut contra observantiam proximo debitam. Quod videtur limitandum, nisi id fiat ex peculiari intentione conculcandi religionem Christianam, aut inhonorandi Deum ipsum, vel Christum in tali persona, nam tunc intentio illa contra religionem est, & consequenter actus, qui ex illa fit, ejus malitiam participat. Adde vero, etiam injuriam factam Christiano illa intentione non esse sacrilegium stricte sumptum, ut nunc de illo loquimur, licet generali modo ita vocetur, eo modo, quo quælibet irreligiositas solet vocari sacrilegium: est enim illa irreverentia ipsius Dei magis, quam talis personæ, nam illa solum assumitur, ut materia, in qua Deus ipse contemnitur, & inhonoratur. Sicut e converso cultus, & adoratio Dei, etiam si in signo externo circa aliquam rem creatam versetur, directe, & per se est cultus Dei, non autem rei creatæ, nisi forte concomitantes. Ita ergo de actu contrario censendum est. Unde hic modus inhonorandi Deum, non solum in homine Christiano, ut sic, sed etiam in homine, vel ad imaginem Dei facto, immo in quacumque, quatenus in ea Deus aliquo modo resider, potest inveniri: & ideo non pertinet hoc peccatum ad sacrilegium, quod ex parte personæ committi dicitur. Unde non obstat, quod persona aliquo modo sanctificatur per fidem, vel gratiam, quia ratione illius non tenemur colere ex religione talem personam, & ideo neque irreverentia illi facta est contra religionem. Quid autem dicendum sit de Sanctis cum Christo regnantibus, ex sequentibus patebit. In illo autem cap. *Constituit* sacrilegium late sumitur, ut sentit Turrecrem. in cap. *Sacrilegium*, 17. quæst. 4. artic. 5. Nam Judæi injurias inferunt Christianis, ut Christiani sunt, & in odium Christi, ac religionis Christianæ, & ideo, qui in hoc illis favent, aliquo modo tanquam sacrilegi reputantur.

4 Jam vero circa personas sacras ratione ordinationis, vel status, seu specialis dedicationis ad Divinum cultum dubitari potest, quomodo sacrilegium circa tales personas, vel ab eisdem ratione talis circumstantiæ committatur. Ad quod breviter dicendum est, tria, vel quatuor genera sacrilegiorum circa has personas distinguere. Primum est inferre manus violentas in talem personam, violando privilegium, seu immunitatem ejus, quæ Canonis dicitur propter cap. *Siquis suadente*, 17. quæst. 4. Secundum est violatio fori circa talem personam, quod magna ex parte continetur in primo, sed est aliquo modo diversum. Tertium quodammodo præcedenti annexum est violatio immunitatis clerici a solvendis tributis, & ab aliis servilibus oneribus. Quartum sacrilegium in hoc genere committitur per fornicationem, vel similem turpitudinem. Circa primam modum sacrilegii advertendum est, illum potissime constare ex jure positivo in dicto cap. *Siquis suadente*: nam ibi specialiter interdicitur injectio manuum violentarum in clericum intuitu religionis, & in talis personæ reverentiam, & ideo ex vi illius Canonis materia illa constituitur in virtute religionis, & sub ejus obligatione. Et ideo illa injuria, quæ alias esset contra iustitiam ex natura rei, incipit esse contra religionem ex vi il-

lius Canonis: sicut supra tractatum est. Ibi dicitur de aliquibus actionibus prohibitis in loco sacro. Dubitanti autem potest, an talis injuria Clerici ex natura rei sit sacrilegium, etiam secundo iure ecclesiastico. Videri enim potest responsio affirmativa vera, quia illa est et semper irreverentia personæ sacre. Et non videtur improbabile. Communiter tamen oppositum verius creditur, quia secunda lege positiva, talis actio non esset formaliter contra sanctitatem personæ, quia ex natura rei non esset debita talis immunitas hujusmodi personæ ex peculiari titulo sanctitatis, nisi ecclesia suo præcepto id effecisset, quod sentit Cajetanus in dicta questione nonagesima nona, ad 5. dub. 44.

5 Confirmatur, ac declaratur: nam in aliquibus casibus clericus ordinatus non gaudet illo privilegio Canonis, in quibus casibus sicut persona manens injiciens in clericum non incurrit illam censuram, ita non censetur inferre manus sacrilegas, sed tantum injustas; ergo signum est, hoc sacrilegium esse contra jus positivum. Unde aliqui dixerunt, peccatum illud ratione excommunicationis annexæ novam speciem malitiæ accipere, sed revera malitia illa non oritur ab excommunicatione adjuncta, nam malitia talis supponitur excommunicationi, quia propter tale sacrilegium fertur. Nascitur ergo ex prohibitione, quæ prior est, quam excommunicatio. Unde si fieret prohibitio intuitu religionis sine adjuncta excommunicatione, illa sufficeret ad tale sacrilegium: non est ergo excommunicatio ratio illius malitiæ, quamvis in tali materia possit esse signum ejus. Occurrebat autem hoc loco declaranda materia illius Canonis, quæ latissima est, sed id factum a nobis est in 5. tom. de Cens. disput. 22. sect. 1. per totam.

6 Secundum item sacrilegii genus contra personam sacram integrum postulabat tractatum ad sui declarationem, tamen in opusculo de Immunitate personarum sacrarum, & bonorum ecclesiasticorum omnia, quæ in hac materia nobis occurrunt, prosecuti sumus, & ideo de hoc loco illa prætermittimus: solumque advertimus circa secundum genus sacrilegii, illud sub priori genere magna ex parte comprehendere: nam in dicto cap. *Siquis suadente*, omnis injuriosa violentia Clerico fieri prohibetur, sive sit injuriosa ex natura rei, sive supposito aliquo Canonico jure. Unde si iudex secularis vim inferat clerico, ut illum in carcerem conjiciat, etiam propter verum delictum, & carcere dignum, in censuram Canonis incidit, quia revera manus violentas in Clericum injicit. Simul vero agit contra immunitatem fori, ex qua nascitur, ut illæ manus injustæ, ac sacrilegæ sint, atque hoc modo sæpe sacrilegium commissum in personam Clerici contra privilegium fori materialiter (ut sic dicam) coincidit cum sacrilegio contra privilegium Canonis, semper tamen formalis ratio utriusque diversa est.

7 Et quamvis multiplicatio præceptorum prohibentium eundem actum sub eadem ratione virtutis sufficere non soleat ad multiplicandas malitias in eodem peccato, immo neque ad augendam malitiam ita notabiliter, ut necessarium sit illam circumstantiam in confessione aperire, ut probabilior tertio opinio, sicut dixi in 4. tom. disput. 22. sect. 4. dub. ult. & bene tractat Sancius lib. 9. de Matrim. disput. 15. num. 6. alios referens: nihilominus in prædicto casu sentio, hanc multiplicationem prohibitionum, & privilegiorum, quibus illæ fundantur, variare multum rationes sacrilegii, quia sunt immunitates religiosas (ut sic dicam) diversarum rationum. Unde si iudex, ut persona privata feriat Clericum, vel ut iudex illum violenter detineat, non satisfacet præcepto confessionis, generaliter confitendo, se manus violentas in Clericum injecisse, sed tenetur declarare, an id fecerit jurisdictionem exercendo; tum quia est injuria, & violentia longe diversa; tum etiam quia illo modo multiplicatur censura. Ultra hoc vero potest sæpe sacrilegium committi, exercendo jurisdictionem in Clericum, non inferendo in illum manus violentas, & tunc omnino separatur sacrilegium hujus secundi generis a priori, ut per se manifestum est.

An Clerici injuria ex natura rei sit sacrilegium?

Parti affirmativa verior judicatur.

Confirmatur.

Non committitur sacrilegium propter injuriam Christiani, nisi illa sit.

Quot genera sacrilegii committuntur circa personas sacras?

Primum genus sacrilegii.

Multiplicatio præceptorum prohibentium eundem actum sufficit ad multiplicandas malitias.

9. Genus
sacrilegii.

8 De tertio etiam genere sacrilegii, seu fundamen-
ti ejus, quod est immunitas personæ ecclesiasticæ a
tributis personalibus, disputavi late in dicto Opuscu-
lo, & ideo hic solum adverto; quod licet furari tem-
poralia clericorum bona non sit sacrilegium, nihilo-
minus per impositionem tributi illa injuste exigere,
& extorquere sacrilegium est, quia per simplex fur-
tum nec vis infertur personæ, nec fit contra immu-
nitatem aliquam specialiter clericis concessam. Nul-
lum enim Canonicum jus specialiter prohibet furari
a clerico magis, quam a laicis, sicut prohibet ma-
nus violentas illis inferre. At vero imponere clerico
tributum, vel ab eo exigere extra casus permisos, spe-
cialiter est jure canonico prohibitum, cap. *Non mi-
nus*, & cap. *Adversus*, de Immunitat. eccles. cum si-
milibus. Et ideo licet hæc injuria non videatur esse
circa personam, sed circa bona clerici, quando vio-
lencia personalis non intercedit, nihilominus in ea
intervenit sacrilegium contra personam, quia fit
contra immunitatem ejus, & circa illam exercetur
quædam potestas dominativa similis, seu proportio-
nalis jurisdictioni, eique correspondens, cum ta-
men ab illa potestate persona clerici, quasi in religio-
sum honorem exempta sit. Quapropter si ultra im-
positionem, & petitionem tributi accedat exactio per
violentiam ipsimet personæ clerici factam, duplex
ratio sacrilegii, sicut & duplex censura, interveniet
juxta ea, quæ in puncto præcedenti diximus. Cæ-
tera, quæ hic desiderari possunt ex citato loco peten-
da sunt.

C A P U T III.

De sacrilegio persone, vel in personam per violationem castitatis.

Quo pa-
do hoc
peccatum
inter sa-
crilegia
numere-
tur.

1 **Q**uartum genus sacrilegii per actus venereos
censetur committi in personam, vel a perso-
na Clerici ratione voti castitatis, quod est ordini an-
nexum: & eadem ratio erit de quocumque habente si-
mile votum, ut sumitur ex D. Thoma 2. 2. quæst. 114.
articul. 1. & ex Silvest. Angel. Cajetan. & aliis verb.
Sacrilegium, & Toleran. libro quinto Instruct. capite
decimo secundo. Unde nascuntur duo dubia. Pri-
mum est, quomodo hoc peccatum numeretur inter
species sacrilegii, cum revera sit quædam perfidia in
Deum, & consequenter pertineat ad irreligiositatem,
ut est vitium condistinctum a sacrilegio, ut in princi-
pio hujus tractatus visum est. Et declaratur: nam
aut hoc peccatum consideratur, ut committitur ab
ipso clerico fornicante, vel ut committitur a com-
plice, qui cum illo fornicatur. Priori modo interve-
nit ibi fractio voti, cujus malitia non pertinet ad sa-
crilegium, quia directe est contra Deum ipsum, cui
fit promissio voti, neque ultra hanc malitiam est in
illo peccato alia malitia contra religionem ex vi ejus-
dem voti, quia non sunt gratis multiplicandæ mali-
tiæ; alioquin in omni fractione voti duplex mali-
tia similis interveniret, quod incredibile est. Unde
ulterius etiam ex parte alterius peccantis cum clerico
inveniri potest malitia fractionis voti per modum co-
operationis, quatenus cum illo concurrat ad violan-
dum votum suum, quæ malitia non pertinebit ad sa-
crilegium, ut ostensum est, & multo minus est mul-
tiplicanda malitia ex parte voti in socio criminis,
quam in principali delinquente: ergo ex hac circum-
stantia personæ sacræ non confurgit sacrilegium, si ve
consideretur ut circumstantia *quis*, si ve ut circum-
stantia *circa quid*.

Cajetani
sententia
in hac
materia.

2 Circa hoc Cajetanus dicta quæst. 99. duo dicit:
unum est, fractionem voti esse perfidiam contrariam
fidelitati, quam Deo debemus, quod verissimum
quidem est, ut constabit ex materia de voto: neque
de hoc puncto hic amplius dicendum est. Secundum
est, hujusmodi perfidiam sub sacrilegio comprehendere,
ac subinde omnem fractionem voti esse sacrilegium
tam in votis realibus, quam personalibus. Ratio
est, quia eo ipso, quod res, actus, vel persona Deo
promittuntur, dicata manent cultui Divino; ergo
efficitur res sacræ, & consequenter subtractio ejus
Suares. Tom. XII.

per fractionem voti est violatio rei sacræ. Atque ita
infert, qui vovit jejunare tali die, & non jejunat,
sacrilegium committere contra sanctitatem suæ per-
sonæ, quia per votum illud sanctificata fuit talis per-
sona, & dicata Deo quoad talem actum. Sicut mu-
lier, quæ votum simplex castitatis emisit, sacrilega
censetur fornicando, ut sumitur ex D. Thom. in illa
quæst. art. 3. quia per votum suum sanctificavit se Deo
quoad talem materiam. Et cum eadem proportione
loquitur de votis realibus, nam qui vovit dare pecu-
niam, vel vineam ecclesiæ, vel pauperibus & non
impler, sed bona illa apud se retinet, sacrilegus est,
tanquam inique occupans bona Deo jam sacrata, si-
cut in jure dicitur sacrilegium committere, qui rem
ecclesiæ legatam retinet cap. *Sacrilegium*, cum mul-
tis aliis 17. quæst. 4.

3 Hec vero doctrina Cajetani intellecta de pro-
prio sacrilegio, prout ipse, & nos loquimur, diffi-
cilis mihi est. Primo quia perfidia in Deum, & sa-
crilegium sunt peccata quodammodo genere diversa;
ergo fieri non potest, ut unum per aliud essentialiter
contrahatur; ergo si fractio voti est perfidia, non con-
trahitur formaliter ad speciem sacrilegii. Antecedens
probat; tum juxta divisionem horum vitiorum a
nobis positam; tum etiam juxta eam, quam Divus
Thomas tradit. Nos enim distinximus primo, ac
præcipue vitium irreligionis in irreligiositatem, quæ
directe continet irreverentiam Dei, & propriam sa-
crilegium, quod spectat ad irreverentiam rei Deo sa-
cratæ, quæ duo diximus esse tanquam duo genera
maxime diversa sub illo primo. At vero perfidia in
Deum continetur sub genere irreligiositatis directe
contrariæ Deo, nam sicut votum directe continet
cultum Dei, ita perfidia irreverentiam Dei; ergo est
vitium omnino condistinctum a sacrilegio. Unde
etiam Divus Thomas in principio quæstionis nonage-
simæ septimæ vitia, quæ pertinent directe ad irreve-
rentiam Dei, a sacrilegio condistinguit. Et ideo ne-
mo dicit perjurium contineri posse sub sacrilegio,
quia est sub genere condistincto a sacrilegio: at vero
non minus directe est talis perfidia contra irreveren-
tiam Dei, quam perjurium juxta doctrinam D. Thom.
secunda secundæ quæstione 89. articulo 8. dicentis
majorem irreverentiam esse in infidelitate ad Deum,
quam in perjurio; ergo fractio voti hoc modo non
potest esse sacrilegium.

Offendi-
tur d. fi-
cultas qua
in doctri-
na Caje-
tani est.

4 Dicit fortasse aliquis, fractionem voti specificari
per sacrilegium, non formaliter, sed quasi materia-
liter, ex modo, quo fornicatio etiam specificatur per
sacrilegium in Virgine sacræ, ut ait D. Thom. dicta
quæst. 99. artic. 3. ad 3. Sicut enim vitium contra unam
virtutem potest esse materia peccandi contra aliam,
& tunc dicitur specificari ab illa, (ut in adulterio lu-
xuria specificatur per injustitiam, non metaphysico
modo, sed morali,) ita intra eandem virtutem pos-
test una malitia per aliam diversæ rationis quasi con-
trahi ratione moralis conjunctionis in eadem mate-
ria: ut si quis promittat aliquid Deo dare sub juramen-
to, fractio talis voti perfidia est simul contracta ad
perjurium. Sic ergo fractio voti esse potest perfidia
contracta ad sacrilegium. Sed hoc nihil aliud est
quam dicere in omni fractione voti esse duas malitias:
unam perfidiæ, & alteram sacrilegii, quia illa con-
tractio materialis nihil aliud est, quam conjunctio
duarum malitiarum in eadem materia: ut patet in
exemplis adductis, & quia esse non potest per modum
generis, & differentiæ, ut ratio facta plane osten-
dit; ergo non potest intelligi, nisi per conjunctio-
nem duarum malitiarum in eadem materia. At in-
credibile est, ut supra argumentabar, in omni fra-
ctione voti esse duas malitias. Et confirmatur ex Pau-
lo 1. ad Timoth. 5. dicente: *Habentes damnationem,
quia primam fidem irritam fecerunt*. Loquitur enim
de viduis, quæ votum castitatis fregérant juxta com-
munem omnium interpretationem, & tamen non
aliam malitiam in eo peccato declarat, nisi fregisse
primam fidem; ergo non oportet aliud malitiæ genus
in eo actu cogitare.

Respon-
sio impu-
gnatur.

5 Quapropter probabiliter dici potest, fractionem
voti proprie, & in rigore non habere, nisi malitiam
perfidie.

Fractione
voti soli
malitiam
perfidie
habere
probabile
est.

perfidie. Quod a contrario actu declarari potest, nam jejunium, verbi gratia, ex voto factum non habet aliam honestatem religionis, nisi quia est fidelitas quædam ad Deum; ergo e contrario fractio jejunii tantum habet malitiam infidelitatis. Item materia illa non aliter dicitur consecrata Deo, nisi quia illi promissa est; ergo contraria omisso, vel actio non aliter est violatio rei sacræ, nisi in quantum non est impletio promissionis. Et idem videtur esse cum proportionem de voto castitatis, per quod magis videtur persona consecrari Deo, quam per alia vota particularium actuum, & tamen illa consecratio non est, nisi obligatio orta ex promissione; ergo nec violatio illius sanctitatis aliud est, quam infidelitas promissionis.

Objeſſio.

6 Quod si objiciatur, quia communiter peccatum luxuriæ dicitur esse species sacrilegii, ut patet ex D. Thom. 2. 2. quæst. 154. artic. 10. Immo in Concil. Toleran. II. cap. 1. expresse dicuntur sacrilegii rei Clerici violantes votum castitatis. Responderi potest primo, omne peccatum contra religionem solere vocari sacrilegium, ut supra diximus, & hoc modo fractionem voti vocari sacrilegium. Nam & D. Thom. in dict. artic. 10. non aliter probat hoc esse sacrilegium, nisi quia castitas voto promissa est actus religionis, quatenus ordinata est ad cultum Dei. Addi vero potest fractionem voti quasi eminenter continere rationem sacrilegii, quia ipsamet perfidia erga Deum est quædam violatio rei aliquo modo consecratæ Deo ad talem actum, vel officium sanctitatis. Et hoc maxime videtur habere locum, quando votum non solum ex promissione, sed etiam ex ordinatione, & acceptione ecclesiæ habet peculiarem vim dedicandi personam Divino cultui, ut est votum solenne, vel votum castitatis factum in manibus prælati; nam per illud censetur Virgo quasi desponsari Christo; tunc ergo cum majori proprietate est conjuncta violatio rei sacræ cum perfidia; & ideo dici potest proprie sacrilegium; & tunc non est improbabile addi specialem malitiam sacrilegii ultra perfidiam. Quod sentiunt auctores, qui existimant, religiosum fornicantem non satis explicare peccatum suum in confessione, dicendo se habere votum castitatis, nisi explicet etiam statum personæ: quod tenent multi Theologi moderni, quorum opinio optime in hoc fundabitur, quod alias, licet declaret malitiam perfidie, non declarat sacrilegii. Sed quid de illa opinione sentiendum sit, dicam in materia de voto: nunc relicto statu, & ex vi solius voti verius videtur, in fractione voti unam tantum esse malitiam, quæ essentialiter est perfidia contra Deum, & concomitanter violat personam; quia tamen non violat nisi ratione perfidie, ideo non multiplicat malitias. Præsertim quia sola promissio non videtur facere materiam ejus proprie sacram, nisi in ordine ad fidelitatem Deo servandam.

An tota
ratio sa-
crilegii in
materia
castitatis
sit votum.
Ratio du-
bitandi.

7 Secundum dubium est, an tota ratio sacrilegii circa personam sacram in materia castitatis sit votum. Et ratio dubitandi maxime in Clericis est, quia præter votum habent consecrationem, per quam efficiuntur personæ sacræ; ergo etiam secluso voto, turpitudine luxuriæ est contra sanctitatem talis personæ ad eum modum, quo supra dicebamus turpes actus in ecclesia ex natura rei esse contra sanctitatem loci, etiam seclusa speciali prohibitione ecclesiæ. Atque ex hac quæstione pender alia, scilicet, an constituti in minoribus ordinibus, præsertim si Divino cultui actu dicari sint, sacrilegium committant fornicando, vel quæ cum eis scienter fornicantur. Item hinc potest pendere alia quæstio, quæ in materia de confessione tractatur, an Sacerdos violans castitatem, teneatur in confessione explicare se esse sacerdotem, vel satisfaciatur dicendo se habere votum castitatis. Nam si illud peccatum est sacrilegium, non solum ratione voti, sed etiam ratione sacerdotii, oportebit utramque circumstantiam explicare; & ita esse explicandam, scripsit Petrus Ledesma in Summ. sacrament. capite decimo nono de pœnit. dub. 1. & 2. de circumstantia personæ, qui dicit sacerdotem, vel episcopum non satisfacere explicando se habere ordinem sacram, nisi explicando talem ordinis gra-

dum; indicat ergo ex vi sacerdotii committi sacrilegium per fornicationem, etiam præter obligationem voti.

8 In hoc tamen breviter assero, secluso voto, in his, qui minoribus ordinibus initiati sunt, hoc peccatum vel nullum esse sacrilegium, vel non esse mortale in illa specie. Hoc indubitatum est apud omnes; nam docent, illam non esse circumstantiam de necessitate confessionis, & a fortiori patebit ex dicendis. Idemque sentiendum est de subdiaconatu per se spectato sine voto, prout aliquando fuit. Item de Diaconatu etiam nunc verissimum est, non addere specialem malitiam gravem præter votum. Nam ob eam rem est apud omnes indubitatum, non esse necessarium explicare in confessione illum gradum ordinis, si votum sufficienter explicetur, ut dicendo se habere ordinem sacram, vel esse religiosum, vel (ut est etiam probabilius) habere votum castitatis. Ratio vero omnium est, quia licet hæ personæ efficiantur aliquo modo sacræ, tamen secluso voto, non sacrantur ad usum castitatis, neque peccatum castitati contrarium reddit personam ineptam ad actus illos, ad quos consecratur; ergo per tale peccatum non violatur formaliter persona sacra, ut sacra est, sed ad summum materialiter; ergo tale peccatum, vel nullum est sacrilegium, vel ad summum habebit inde aliquam malitiam venialem.

9 At vero in sacerdotio videtur esse major deformitas; tum quia per illud dedicatur persona ad ministerium longe altius, & sacratius; tum etiam quia per tale peccatum graviter polluitur talis persona in ordine ad dignam, & convenientem administrationem sui muneris. Propter quod multi graves auctores censuerunt, observantiam castitatis ex divino jure esse annexam sacerdotali ordini, ut infra in materia de voto videbimus, quod saltem videtur verissimile quoad abstinentionem ab illicitis actibus castitati contrariis, ita ut sanctitas illius ordinis per se obliget ad abstinendum a talibus actibus propter quamdam indecentiam, quam præ se ferunt comparatione illius. Et confirmari potest, nam lex ipsa naturæ semper dictavit, in sacerdotibus ex vi talis muneris pudicitiam maxime postulari. Et ideo etiam in lege veteri hæc munditia maxime commendabatur sacerdotibus, ut ex Levit. 21. & aliis locis colligitur, & ex 1. Regum 21. Et apud Ethnicos maxime commendabatur pudicitia sacerdotibus, ut multis testimoniis ostendit Tirquel. in legibus Conn. leg. decima quinta a num. 118. Ergo quantum sacerdotium novæ legis dignitas est, eo videtur hæc obligatio esse major ex vi religionis. Denique non videtur posse negari, quin fornicatio sacerdotis notabiliter aggravetur ex tali circumstantia personæ, quæ gravitas pertinet ad propriam rationem sacrilegii ultra perfidiam, quæ est in transgressionem voti; ergo quamvis non intervenisset votum, & consequenter nec malitia perfidia, maneret gravis malitia sacrilegii ob personæ sacræ violationem. Est ergo hæc sententia pia, & probabilis, sed incerta, Quia juxta illam oportebit dicere blasphemiam in ore sacerdotis esse grave sacrilegium ex circumstantia personæ ultra malitiam blasphemie, quia non minus videtur pollueri talem personam, & impedire illam a sacro ministerio, quam fornicatio. Consequens autem communiter non admittitur, ut videre licet in Cajetan. dicta quæstione nonagesima nona, dubio quinto, & Navar. in Summ. capite sexto, numero decimo tertio, & in capit. Considerent, de pœnit. d. 5. num. 50. Alias omnia peccata gravia sacerdotis essent sacrilegia ex circumstantia personæ, quod est difficile creditum.

10 Respondent aliqui concedendo, omnia peccata non solum sacerdotis, sed etiam personæ sacræ esse sacrilegia, tamen sub ea ratione habere tantum malitiam venialem, etiam si in alio genere mortalia sint, quia licet repugnent sanctitati personæ, non tamen speciali repugnantia, sed generali, sicut nos supra diximus de loco sacro. Verum tamen si hoc semel concedatur, valde probabiliter sequitur tam excellentem posse esse per se consecrationem, & tantam peccati deformitatem, ut violatio illa per-

Initiati
minoribus
ordinibus
peccando
contra ca-
stitem, vel nullum,
vel solum
veniale
commis-
sione sa-
crilegium
idem di-
cendum
de Sub-
diacono-
to, & Dia-
cono.

Quid de
sacerdo-
tio sen-
tiendum.

Probabile
est pec-
cata car-
nis in sa-
cerdote
esse sacri-
legia ex
se, etiam
præci-
dendo a
voto.
Objeſſio.

Respon-
sio ali-
quorum.

sonæ sacræ gravem malitiam contineat in ratione sacrilegii, consecratio autem sacerdotis satis excellens est, & peccatum turpe, ut fornicatio, & enorme, ut blasphemia, satis graviter illi repugnant. Si ergo generalis illa repugnantia sufficit ad rationem sacrilegii, grave augmentum sufficit ad malitiam mortalem in eo genere: hoc autem admittere valde scrupulosum est pro materia de confessione.

Opposita
pars satis
probabili

II Satis ergo probabile est, respectu personæ sacræ illam generalem repugnantiam non sufficere ad propriam rationem sacrilegii, quia ex vi consecrationis non prohibentur illi omnes actiones pravæ speciali prohibitione, ut alibi Deo dante latius ostendetur. Quo fundamento posito consequenter dicendum est, solam conservationem sacerdoti per se non sufficere ad sacrilegium mortale, nisi ratione voti adjuncti, vel ecclesiasticæ legis specialiter obligantis tales personas ad abstinendum a venereis intuitu religionis, & sanctitatis. De qua re dicemus plura in sequentibus libris tractando de continentia sacerdotum, & statu religiosorum. Et ideo de hac specie sacrilegii hæc sufficiunt, nam alia duo dubia, quæ hic desiderari possunt, scilicet an hæc species sit infima in ratione sacrilegii, & cur opponatur religioni, & non observantiæ, & dulciæ, in capite sequenti melius tractabuntur.

C A P U T IV.

De sacrilegiis contra locum, & alias res sacras.

An tempus sacri
constituatur
per propriam
speciem
sacrilegii.

I DE secunda specie sacrilegii contra locum sacrum multa essent dicenda, nisi in superiori libro omnia essent tradita, & explicata. Hic ergo solum est reddenda ratio, cur tempus sacrum non constituatur speciem propriam sacrilegii, sicut locus, nam solennitates inter res sacras computantur, teste Divo Thoma 1.2. quæst. 101. art. 4. ad 5. Ad quod altero e duobus modis responderi potest, primo concedendo dari propriam quandam speciem sacrilegii ex violatione temporis sacri. Ita sentit novissime Leonardus Lessius lib. 2. cap. 45. nu. 15. & 18. Ponit tamen hoc sacrilegium in tertia specie, ita ut tempus Divino cultui dicatum inter res sacras connumeretur tamquam mensura rerum sacrarum. Duobus autem, vel tribus modis violari potest festum, primo per omissionem Missæ, & hoc (ut recte dicitur) non est sacrilegium, sed irreligiositas quædam erga Deum ipsum per omissionem potius, quam per commissionem. Nam sacrificium non est veneratio alicujus rei sacræ, sed est supremus cultus ipsiusmet Dei, cujus obligatio determinatur ab ecclesia ad dies festos: & ideo illius ommissio habet malitiam directe contrariam cultui secundum se, neque aliter opponitur sanctitati festi. Secundo violatur festum faciendo in illo opus servile, seu directe prohibitum in die festo: & hanc violationem dicit esse proprie sacrilegium, quia per illud opus sanctitas diei festi violatur, vel contemnitur. Tercio modo potest sacrum tempus violari, faciendo in illo opus, quod licet non sit specialiter prohibitum, repugnat ex generali ratione sanctitati temporis, ut peccando in die festo, & hoc etiam dicit esse sacrilegium idem auctor eodem cap. 45. dub. 4. Ait tamen malitiam sacrilegii esse venialem: quod intelligendum est secluso contemptu, seu nisi ex directa, & formali intentione tale opus fiat in despectum, & injuriam illius Dei: nam tunc erit grave peccatum, ut constat, & videtur, esse propriissimum sacrilegium.

Primus
dicendi
modus est
firmativus

Probabilis
judicatur
præcedens
sententia
Cur sacri
legii contra
tempus non
constituatur
speciem
distinctam
ab aliis,

2 Quæ sententia probabilis mihi videtur, oportet tamen rationem reddere, cur sacrilegium contra locum sacrum ponatur species distincta ab omni sacrilegio contra alias res sacras, non vero sacrilegium contra tempus sacrum. Quia si consideremus species malitiarum, violatio festi per opus servile est peccatum æque distinctum ab irreverentia facta calici, vel imagini, ac est distinctum ab eisdem furtum factum in loco sacro. Si vero locus, & tempus inter se comparentur, videntur servare proportionem, ut supra

argumentati sumus, nam utrumque est mensura actionum, & sicut actio sacra determinatur ad tale tempus, ita & ad talem locum; vel e converso tam tempus, quam locus fit quid sacrum, quia dicatur ad actiones sacras, igitur videtur esse eadem utriusque ratio. Sed licet fortasse non possit speculativa differentia assignari, responderi poterit, ratione doctrinæ illam divisionem fuisse sic traditam, quia sacrilegium contra locum sacrum habet in jure specialem considerationem propter multiplicem modum committendi illud, & propter varia privilegia locis sacris concessa. Vel certe dici posset hanc speciem sacrilegii contra tempus sacrum reduci potius ad secundam speciem sacrilegii, quæ ex loco sumitur, quia hæc dux circumstantiæ in moralibus servant proportionem, & ita de illis loquitur D. Thom. in illa solutione ad 5.

quemadmodum
sacrilegium
contra locum.

3 Aliter dicendum occurrit, in violatione temporis sacri non committi proprie sacrilegium, & ideo tempus sacrum in hac enumeratione non computari. Quod declarari potest primo ex physica differentia inter tempus, & locum: nam locus est res perennans, & ideo est capax specialis consecrationis, & venerationis: tempus autem est res transiens, unde non aliter sanctificatur, quam determinando actiones sacras, quæ in illo fieri debent, & ideo non censetur habere aliam sanctitatem præter sanctitatem talium actionum. Intelligendum autem hoc est de tempore, quod est mensura extrinseca, ita ut servetur proportio ad locum: tempus autem intrinsecum actioni sacræ eodem modo sacrum est, quo actio ipsa: illud autem proprie, ac per se non violatur, nisi in quantum actio ipsa sacra, vel omittitur, vel impeditur, vel male fit, quod non pertinet ad sacrilegium, sed ad alia peccata contra religionem.

Secundus
dicendi
modus negans per
violationem
temporis non
committi
sacrilegium.

Declaratur
primo

4 Secundo declaratur, discurrendo per illa tria, quæ supra enumerata sunt: nam ommissio Missæ non est sacrilegium, ut probatum est. Commissio etiam servilis operis in die festo non videtur esse proprium sacrilegium, sed alia species irreligiositatis contra cultum Dei in se. Quod patet, quia vacatio ab operibus servilibus in die festo non præcipitur quasi in venerationem ipsius temporis, sed directe in cultum ipsius Dei, sive illa vacatio instituitur in signum venerationis debite Deo, sive præcipiatur, ut homo sit expeditus ad vacandum cultui Divino: ergo contrarium opus non est contra reverentiam alicujus rei sacræ, sed contra reverentiam Dei in se: & in hoc cerni potest differentia inter locum, & tempus. Nam prohibitio, verbi gratia, negotiandi in ecclesia immediate fit propter reverentiam habendam ipsi ecclesie, quamvis magis remote totum ordinetur in Deum, prohibitio autem negotiandi in die festo non fit in reverentiam temporis, sed immediate in cultum, seu ob cultum Dei, & ideo prior transgressio proprie est sacrilegium, posterior autem magis est irreligiositas immediate contra Deum. Unde etiam non videtur necessarium admittere illum tertium modum sacrilegii in die festo per opus in eo specialiter prohibitum, quia tale opus licet alias malum sit, non est violatio alicujus rei sacræ, neque aliter repugnat religioni, nisi quatenus specialiter repugnat sacræ actioni, vel vacationi tali tempore præceptæ. Unde neque in hoc oportet omnino servari similitudinem inter locum, & tempus, quia locus eo ipso, quod ad sacra munia publice destinatur, abstrahitur, & separatur ab omni usu profano instar aliarum rerum sacrarum, ut statim dicturi sumus, tempus autem extrinsecum, & commune non ita dedicatur, & abstrahitur, sed solum quoad eas actiones sacras, quæ in ipso fieri præcipiuntur: sub actionibus comprehendendo carentiam actionum juxta regulam a Div. Thom. positam 1.2. q. 71. art. 6. ad 1.

Ostenditur
discurrendo
per
peccata
quæ fiunt
in tempore
sacro.

5 Circa tertiam speciem sacrilegii D. Thom. in dicta qu. 99. art. 3. non aliter explicat materiam hujus speciei sacrilegii, nisi numerando varia genera rerum sacrarum, quæ per hanc speciem sacrilegii violari possunt. In primo ponit Sacramenta, in secundo vasa sacra, & ibi enumerat imagines sacras, & reliquias Sanctorum, in quibus, inquit, personæ Sanctorum honorantur, & dehonorauntur. In tertio ponit

De tertia
specie
sacrilegii

res, quæ pertinent ad ornatum ecclesiæ, & ministrorum: in quarto ponit bona ecclesiastica ad sustentationem ministrorum ecclesiæ deputata. Non declarat autem D. v. Thom. cur hæc omnia sub una specie sacrilegii numerentur, cum locus ponatur in specie distincta. Nam alioquin solet templum, vel tabernaculum comprehendi sub generali appellatione sacrorum, seu rerum sacrarum, eodem modo, quo vasa sacra, ut patet ex eodem D. Thom. 1. 2. qu. 101. art. 4. ubi hæc omnia vocat instrumenta cultus. Nec videtur esse minor distinctio in ratione rei sacræ inter vasa sacra, & imagines, ac reliquias, quam sit inter loca, & vasa sacra. Hæc vero difficultas, totaque enumeratio explicabitur melius cap. seq.

C A P U T V.

Qualis sit divisio sacrilegii in tres species.

DUo præcipue sunt in hoc capite explicanda, unum est, an illa tria membra sint species ultimæ sacrilegii, aliud, an sint formaliter diversæ. Circa primum Div. Thom. (ut aliqui ei tribuunt) sensisse videtur: illas esse species ultimas. Nam in dicta q. 99. art. 3. in corpore articuli, de his videtur loqui, ut de tribus speciebus ultimis: & in solutione ad primum dicit, non tantum differre materialiter, sed etiam formaliter in ratione sacrilegii. Et quod magis movere potest, in solutione ad secundum dicit, percussione[m] Virginis sacræ, & commixtionem eum illa esse ejusdem speciei in ratione sacrilegii: supponit ergo omne sacrilegium in personam sacram esse ejusdem speciei: ergo eadem ratio est de reliquis. Item violatio ecclesiæ per effusionem sanguinis, vel feminis, ejusdem speciei est in ratione sacrilegii, licet peccata, quibus fit talis violatio, in se diversissima sint; ergo eadem ratio erit de reliquis. Et confirmari potest, quia nisi ita dicamus, difficilimum erit, vel species ultimas agnoscere in hoc genere vitii, vel rationes constituendi, & distinguendi illas assignare. Et ita clare sentit Cajetan. dicta quæst. 99. dub. 2.

2 Sed nihilominus certum existimo, non omnes illas esse species infimas, immo probabilius mihi est, nullam earum esse ultimam. Et quidem in prima specie ad minimum existimo esse distinctum sacrilegium manus violentæ, vel turpis actus; quia unum est perfidia contra votum, ut supra declaravi: aliud est violatio cujusdam peculiaris immunitatis talis personæ, quæ duo valde distincta sunt in genere moris, quia repugnant religioni secundum actus, & honestates valde distinctas. Nec fortasse D. Thom. sensit oppositum in illa solutione ad secundum; non enim dicit, illa duo convenire in una specie ultima, sed simpliciter in una specie sacrilegii, scilicet in una ex tribus enumeratis qualescunque illæ sint. De aliis vero sacrilegiis in personam per varias violationes immunitatum aut Canonis, aut fori, aut tributorum magis incertum est, an inter se distinguantur specie; non est tamen improbabile etiam illas inter se distinguere, quia immunitates, quæ per illas violantur, sunt moraliter diversarum rationum. Et quod ad praxin spectat, clarum existimo in ordine ad confessionem habendas esse tanquam species distinctas, quia nec peccata, quibus fiunt, possunt aliter explicari, nec de illis in ordine ad iudicium ferendum de injuria ecclesiæ facta, & de satisfactione illi debita, potest aliter haberi sufficiens notitia.

3 Similiter in secundo sacrilegio in locum sacrum cum jura distinguant in genere furti tres species sacrilegii, scil. furando sacrum de sacro, aut non sacrum de sacro, aut sacrum de non sacro: sicut tertium distinguitur specie a duobus primis, ita duo prima videntur inter se specie distingui, cum tamen utrumque sit contra locum sacrum. Sed hoc non multum cogit; nam dici facile potest, secundum, & tertium membrum esse simplices species sacrilegii, quia una est contra rem sacram tantum, ut cum quis furatur sacrum de non sacro: altera vero est contra locum tantum,

ut quando quis furatur non sacrum de sacro. Ar vero prima species non est simplex, sed mixta, neque est una, nisi materialiter, formaliter autem est duplex per conjunctionem duarum maliciarum sacrilegii in eodem actu, arque ita malitia sacrilegii, que in utroque furto est ratione loci sacri, ejusdem est speciei.

Aliis ergo exemplis potest ostendi si hæc specificæ differ-
rentiæ: nam furtum in loco sacro videtur sacrilegium
specie distinctum a violatione templi per effusionem
sanguinis, vel seminis, habet enim deformitatem
diversâ ratione repugnantem rectæ rationi: & a pos-
teriori suaderi potest ex effectu violandi ecclesiâ.
Si enim effusio sanguinis, vel seminis censetur sacri-
legium ejusdem speciei, quia eodem modo violant
ecclesiâ, cur non censebuntur diversæ speciei a fur-
to, cum longe aliter violent. Quod si dicas, hoc pen-
dere ex statu ecclesiæ. Respondeo, hanc variam
ecclesiæ dispositionem indicare magnam diversitatem
in crimine non solum accidentalem, sed etiam essen-
tialem moraliter. Immo melius colligitur differen-
tia in criminibus ex differentiâ in illo effectu, quam
identitas sacrilegii ex convenientiâ in eodem effectu;
nam sæpe sacrilegia specie distincta inducunt eundem
effectum excommunicationis, vel irregularitatis,
quia ad hoc satis est, ut convenienti in quadam gra-
vitate, vel acerbitate criminis, licet alias differant:
at vero quando unum crimen est dignum tanta pœna,
& non aliud in tota sua latitudine, non parvum
signum est specificæ distinctionis. Præterea, abstra-
here delinquentem a loco sacro, vel in illo loco ju-
diciû, aut mercaturam facere: videtur plane inju-
ria loci valde diversa, & contra immunitatem loci
moraliter distinctam: & ita in hoc genere sacrilegii
existimo esse varias species, & maxime in ordine ad
confessionem necessarium moraliter esse ita reputari,
& explicari. Quod aliis exemplis statim amplius con-
firmabitur.

4 Denique de tertia specie, de qua præcipue dubium propositum est, videtur mihi res clarior. Primo propter varietatem rerum sacrarum, quæ in hoc membro continentur, & modis valde diversis sanctitatem participant. Nam vasa sacra sunt instrumenta Divini cultus, ad sacramenta sunt vasa divinæ gratiæ, & in ali quo illorum Christus ipse realiter continetur: in imaginibus vero, & reliquis est alius modus sanctitatis per certas quasdam habitudines ad personas sacras; bona autem ecclesiastica per denominationem magis remotam sacra censentur. Dicit autem D. Thom. in illo art. 3. secundum diversam sanctitatem rerum sacrarum distingui species sacrilegii; ergo etiam sub illa generali ratione rei sacræ distinguendæ erunt diversæ species, cum in illis rebus distinguantur etiam sanctitates (ut ita dicam) diversarum rationum. Neque satisfacit, quod Cajetan. respondet, omnes has res sacras convenire in hoc, quod tantum relative sunt sacræ: nam hæc est ratio valde generalis, & sub illa continentur sanctitates relativæ diversarum rationum; & certe sanctitas loci relativa est, seu moralis per humanam deputationem, & benedictionem; & sicut locus dicitur relationem continentis, ita & vasa sacra suo modo. Et in vestibus sacris considerari potest relatio genere diverso pertinens ad prædicamentum *Habitus*, & ita inter sanctitatem vestis, vasis, imaginis, & reliquiarum esse poterit generica diversitas relationum, quæ a Cajetano consideratur in loco respectu aliarum rerum sacrarum; non ergo satisfacit illa responsio.

5 Præterea hoc potest inductione confirmari : nam licet furari pecuniam ecclesiæ sacrilegium sit, tamen calicem confringere, & irreverenter tractare, longe diversum sacrilegium est, cum tamen utrumque ad hoc membrum pertineat. Sicut enim aliquis cultus, & honor debetur calici, qui non debetur pecuniæ ecclesiæ, ita diversum est sacrilegium, quoties calici irreverentia, vel quo pecunia ecclesiæ subtrahitur. Immo circa eandem rem sacram, verbi gratia calicem, possunt esse diversi modi sacrilegii, ita profecto distincti, ut in confusione experiri necessario sint, non ex accidentali gravitate, sed ex propriis rationibus eorum, ut si quis verbi gratia,

O²endit.
specifica
di t²natio
inter la.
cr legis
omni²le
in loco
sacro.
Obiectio.

Solvitur.

Substrata
specie la
legi
vates
conneri
species.

Cajet. res.
pons. m.
cicciun

Probatur
inductio
ec.

uratur calice in mensa communi ad usus profanos, profecto longe aliud sacrilegium committit ab eo, qui calicem furatur; nam licet ut res sacra sit eadem, modus violandi illam est longe diversus, adeo ut prior sit contra religionem ex ipsa lege naturali, posterior vero videatur esse tantum ex lege positiva: nam ex sola rei natura fortasse esset tantum injustitia. Et similia exempla sumi possunt discurrendo per alias res sacras, præsertim Sacramenta, reliquias, & imagines. Quis enim dicat baptizare, & absolvere indigne esse sacrilegium ejusdem speciei cum irreverentia facta imagini, & sic de aliis. Denique Simonia, ut supra conclusimus, species est sacrilegii, & sine dubio sub tertio membro continetur, ut ex infra tractandis constabit: Nemo autem negat esse speciem vitii, ab aliis sacrilegiis contra res sacras distinctam.

6 Concludo ergo hanc speciem non infamam, sed subalternam, & licet difficile sit in his omnibus specificam rationem distinguendi cognoscere, tamen hæc difficultas fere in rebus omnibus, præsertim in actibus humanis invenitur. Item licet speculative id sit verum, tamen moraliter ex ipsa rationis regula in multis apparet statim magna differentia, & in ordine ad confessionem optimum consilium est, quando modus sacrilegii, vel ex parte rei sacræ, vel ex modo violandi illam, est multum diversus, & de se habens sufficientem gravitatem ad mortale peccatum, illud explicare in confessione tanquam habens peculiarem speciem in ratione sacrilegii.

7 Atque ex his expeditum fere est, quod secundo loco proposuimus: Quia veluti a fortiori constat recte a Divo Thoma dictum esse, tres illas generales species sacrilegii non tantum materialiter, sed etiam formaliter sub genere sacrilegii distingui, nam quæ diximus de speciebus contentis sub singulis membris, magis probant de ipsis membris inter se. Cajetanus etiam hoc declarat, quia persona est formaliter, & simpliciter sancta, ut subjectum sanctitatis, locus vero ut contentivus personarum, & rerum sacrarum, alia per habitudinem, qua ad sanctitatem ordinantur. Quod generatim loquendo recte consideratum est, dummodo ad species convenienter applicetur, ut diximus. Et præterea in eo, quod de persona dicitur, adverto, personam esse quidem formaliter, & simpliciter sanctam, præcipue ratione gratiæ, & justitiæ inhaerentis, hic autem non solam hanc sanctitatem personæ considerari, immo nec principaliter, ut infra dicam; est enim sacerdos, & religiosus persona sacra sufficientissime ad rationem sacrilegii, etiam si nec formaliter, nec simpliciter sancta sit. Nam ratio sacrilegii ab hoc abstrahit, & præscindit, & solum confurgit ex eo, quod talis persona est Divino cultui dicata speciali modo, & ad aliquod ministerium ejus, & ideo dixi supra, hanc sanctitatem esse respectivam: non excludo tamen, quin possit esse formalis. Circa locum etiam considero, quod licet sub ratione loci dicati ad continendum Dei populum ad Divinum cultum congregatum, censeatur habere peculiarem rationem sanctitatis, sub qua spectat ad illam secundam speciem sacrilegii: nihilominus quatenus res quædam consecrata est, & destinata ad Divinum cultum, habet quamdam convenientiam cum aliis rebus sacris, sub qua ratione existimo, posse aliquod sacrilegium contra templum, vel monasterium esse ejusdem speciei cum sacrilegio contra rem aliquam sub tertio membro contentam, ut v. g., templum destruere, aram, & vasa sacra infringere, vestes sacras scindere, & similia existimo esse sacrilegia ejusdem speciei. Item sicut vi, vel furto occupare bona ecclesiæ mobilia, & immobilia, sacrata, vel non sacrata ejusdem speciei sacrilegium est, magis, vel minus grave, ita per vim occupare templum, aut monasterium præcise stando in ratione rapinæ, aut furci rei sacræ sacrilegium ejusdem rationis esse videtur. Neque hoc est contra dictam divisionem, nam in ea consideratur locus sacer, ut locus est, & quoad immunitates speciales, quas habet, ut exercet rationem loci, propter quas habet etiam alias communes rebus sacris, ut in lib. I. de Immunitate notavi c. 14.

Et hoc modo potest aliqua moralis ratio illius divisionis dari; nam persona sacra ut sic, & locus sacer ut sic habent singularem modum sanctitatis, & immunitatis, præsertim juxta ecclesiastica jura, & ideo illa duo specialiter numerata sunt; alia vero sub ratione magis generali, quia vitia eis contraria fere non habent in jure diversam considerationem, licet in genere mali, & vitii moralis possint habere diversas rationes específicas, ut declaratum est. Et ita obiter responsum est ad difficultates in principio positas.

CAPUT VI.

Proponuntur nonnulla dubia de quibusdam rebus sacris.

1 Sed adhuc supersunt nonnulla explicanda circa res sacras, quæ in tertio membro numerantur. Et in primis merito dubitari hic potest, an irreverentia contra Eucharistiam dicenda sit sacrilegium. Et ratio dubitandi est, quia Eucharistia non est sancta, sicut aliæ res sacræ, sed sicut Deus ipse, quia revera est Deus; ergo sicut irreverentia contra Deum ipsum directe non est sacrilegium, sed irreligiositas alterius rationis, ita irreverentia contra Eucharistiam plus est, quam sacrilegium. Et confirmatur, quia cæteris rebus sacris præter Eucharistiam non debetur summa adoratio Latriæ, sed secundaria quædam veneratio, ut septima Synodus docuit: Eucharistiæ autem debetur idem latriæ cultus, qui vero Deo debetur, ut definit Conc. Trident. sess. 13. c. 5. & Can. 6. ergo etiam irreverentia facta Eucharistiæ est aliquid majus, quam sacrilegium, quod fit aliis rebus sacris, & directe opponitur illi secundariæ venerationi rerum sacrarum. Declaratur tandem, quia adoratio debita Christo in Eucharistia ejusdem speciei est cum adoratione, quæ datur Christo in propria specie visibili existenti, ut expresse docet Conc. Trident. dicto c. 5. ergo etiam irreverentia, aut injuria facta Eucharistiæ, vel Christo in propria specie ejusdem rationis est, juxta illud: *Reus erit corporis, & sanguinis Domini*, 1. ad Corinth. 11. At vero injuria facta Christo in specie visibili non tantum erat sacrilegium, sed major quædam irreligiositas; ergo idem dicendum est de Eucharistia. Ad hoc vero respondere quis potest ex Cajet. dicta quæst. 99. dub. 6. irreverentiam contra Eucharistiam non esse contra sanctitatem Christi, ut est sanctitas personæ. Sed non satisficit, quia res ipsa contenta in sacramento est persona, & sanctitas illius rei est sanctitas per essentiam: & ideo adoratio illius rei est tam vera Latria, ac adoratio personæ. Et ad hoc nihil refert, quod ibi non fit corpus per modum corporis; ergo idem est de irreverentia.

2 Convincor ergo his argumentis, ut dicam, contra Eucharistiam committi posse peccatum, quod directe, & principaliter sit majoris rationis, quam sacrilegium, quatenus nimirum est contra ipsam Christi personam, concomitanter vero esse sacrilegium, quatenus est contra reverentiam debitam speciebus sacramentalibus, quæ res sacræ sunt. Sicut enim adoratio Christo in Eucharistia coadorantur species, ita proportionaliter est injuria, & ideo sicut illa adoratio simpliciter est primaria Latria respectu personæ Christi, eminenter vero continet secundariam venerationem specierum, ita etiam irreverentia principaliter est irreligiositas contra Christi personam, continet vero rationem sacrilegii respectu ejus, quod ibi est sacramentum tantum. Nec refert, quod illa irreverentia videatur immediatius versari circa species, quam circa Christum, quia respiciendum est magis ad rem contentam sub speciebus, cui directe, & formaliter fit injuria: sicut quando clericus trahitur per vestem, injuria fit ipsi personæ, licet non attigatur persona, nisi mediante veste. Quod non obfcurè significavit Paulus 1. Corinth. 11. Cum dixit. *Judicium sibi manducat & bibit non dijudicans corpus Domini*. Et ita optima ratione intelligitur verum esse, quod Cajet. dixit dicta quæst. 99. dub. 6. gravius

Non solum materialiter, sed etiam formaliter differunt inter se res sacræ.

Locus sacer dupliciter spectari potest.

An irreverentia contra Eucharistiam sit sacrilegium. Ratio dubia.

Contra Eucharistiam committi posse peccatum majus quam sacrilegium.

gravius esse hoc sacrilegium contra Eucharistiam, quam omnia alia contra personas sacras, loquendo de gravitate secundum speciem suam. Ratio enim propria est, quia hoc peccatum est altioris rationis, ut sic dicam, quam omne aliud sacrilegium eo, quod sit directe contra excellentiam divinam personam Christi. Et nihilominus verum etiam est, quod idem Cajet. subjungit in dub. 7. propter peccatum inferendi manus violentas in Eucharistiam non incurri excommunicationem latam contra inferentem manus violentas in clericum. Et ratio a priori non est, quia illud peccatum non fit contra sanctitatem Christi, ut Cajet. vult, sed est, quia nomine clerici in cap. *Siquis suadente*, non comprehenditur Christus, sed clericus viator, & visibilis, ac minister hujus ecclesie militantis, ut constat ex usu illius vocis, & ex ipso contextu, & ex communi omnium intelligentia. Neque etiam obstat, quod illa injuria Eucharistiae sit gravius peccatum; nam poena non extenditur ad dissimile crimen, etiam si gravius sit, & saepe censura fertur pro crimine minus gravi, quia est major necessitas coercendi illud, quam aliud gravius, quod rarissimum est.

3. Deinde dubitari potest circa easdem res sacras, an reliquiae, & imagines Sanctorum bene in hoc ordine numerentur. Et ratio dubii est, quia irreverentia istarum rerum non videtur esse contra religionem, sed contra virtutem observantiae, vel Duliae, ad quam pertinet veneratio Sanctorum. Probatur ex D. Tho. dicente, irreverentiam istarum rerum in hoc consistere, quod in eis personae Sanctorum inhonorantur; ergo sicut honor Sancti in imagine sua est actus Duliae, & non religionis, ita irreverentia contra imaginem, vel reliquam alicujus Sancti est contra Duliam, & non contra religionem, quia videtur potius esse inobservantia quaedam (ut sic dicam.) Nam peccatum, quod committitur contra reverentiam debitam alicui personae, illi virtuti opponitur, ad quam spectat venerari talem personam; ut irreverentia contra parentem est impietas, non sacrilegium: sed personae creatae quantumvis sanctae non debetur honor ex virtute religionis, sed ex observantia; ergo inhonoratio talis personae non est sacrilegium, sed inobservantia; ergo multo minus irreverentia reliquiarum, vel imaginum Sanctorum erit sacrilegium contra religionem, sed aliud vitium innominatum, & secundarium contra observantiam, seu Duliam.

4. Ad hanc difficultatem responderi potest primo concedendo totum, quod argumentum intendit, ut plane concedit Gabriel Vazquez lib. 1. de adoration. disput. 6. c. 8. ubi ait percussione clericum, aut religiosum non esse sacrilegium contra virtutem religionis, sed contra virtutem observantiae propter rationem factam. Et hoc idem consequenter dicit de irreverentia facta reliquiis, vel imaginibus Sanctorum ex eodem fundamento. Secus vero sentit de imaginibus Dei, & de rebus sacris inanimis, quarum irreverentiam dicit esse contra virtutem religionis. Quia illae res ex religione in veneratione habentur; unde idem consequenter diceret, sicut revera dicendum est, de Cruce, & aliis imaginibus Christi Domini, & de reliquiis Crucis, aut aliis instrumentis passionis, aut vestibus, quae Christum tetigerunt, quia haec omnia ex virtute religionis coluntur. Quae quidem sententia quoad hanc posteriorem partem clara est, neque contra illam versatur difficultas posita. Quoad primam vero partem videtur esse contra communem modum loquendi tam Canonum in dicto cap. *Siquis suadente*, ibi, *Sacrilegii reatum*, quam D. Thomae & reliquorum Sanctorum. Responderi autem potest, quod sicut cultus Sanctorum religiosus dicitur propter conjunctionem, quam habet cum Divino cultu, licet a virtute religionis non eliciatur, ita percussio clericum dicitur sacrilegium, quia versatur circa personam sacram, & Deo conjunctam, licet proprie contra religionem non sit. Sed contra hoc est, quia quando Div. Thom. & Doctores dividunt Sacrilegium per tria membra explicata, de sacrilegio proprie dicto, & religioni opposito loquuntur, ut con-

stat. Item sacrilegium per turpem accessum ad personam sacram; proprie contra religionem est, quia est contra votum: sed eodem modo censent omnes de sacrilegio, quod committitur in percussione personae sacrae. Immo D. Thom. dicit convenire in specie sacrilegii. Denique jura interpretanda sunt juxta receptum usum vocum: maxime quando communiter ita intelliguntur.

5. Propter hoc ergo non censeo negandum, quin percussio clericum, & irreverentia reliquiarum, & imaginum Sanctorum sit sacrilegium contra religionem, licet irreverentia talium rerum, vel personarum sub aliqua ratione possit esse contra observantiam; haec enim duo non repugnant, ut agentes de Blasphemia diximus, & ex materia de adoratione constat. Et posteriorem quidem partem probat ratio facta in difficultate proposita. Prior vero declaratur in primis in percussione clericum. Nam illud sacrilegium est contra jus positivum, ut dixi; lex autem Canonica non prohibet illam percussione intuitu observantiae, sed intuitu religionis Dei, & ita constituit contrarium actum, seu carentiam actus in materia virtutis religionis; ergo illa percussio est vitiosa contra religionem. Primum antecedens constat; nam quod possit ecclesia hoc modo prohibitionem facere, & in materia religionis actum constituere, supra ostensum est; nam si hoc potest facere circa locum sacrum, & circa bona ecclesiastica, cur non multo magis circa ministros Dei? Quod autem ita fecerit, & ex verbis Jurum constat, & ratio suadet: quia ecclesia in hac prohibitione non respexit ad excellentiam creatam personae clericum, sed ad ministerium, quatenus ratione excellentiae Divinae, ad quam ordinatur, venerandum est, & ita non prohibet illam actionem, nisi ut cedit in quandam irreverentiam Dei, seu, quod idem est, ut est irreverentia talis personae, quatenus minister Dei est. Praeterea si quis faciat injuriam sacerdoti in despectum, & contumeliam ministerii, sine dubio committit sacrilegium contra religionem Dei, ut etiam dictus auctor fateatur, quia peculiarem respectum habet contra Deum, in quem transit illa injuria; sed ecclesia per suam legem potuit ita prohibere illam injuriam ut ad Deum pertinentem precipiendo abstinentiam ab illa in quemdam cultum religiosum Dei: & ita sine dubio instituit immunitates personarum sacrarum, sicut & templorum, & ecclesiasticorum bonorum; ergo sacrilegia contra has immunitates aequae sunt contra religionem, etiam si quando sunt contra personas rationales, plerumque sint etiam contra observantiam, vel justitiam; hoc enim non excludit, quin possit in eodem actu conjungi malitia sacrilegii. Neque ad hoc necessarium est, ut percussio clericum intendat injuriam facere Deo: nam in peccatis committendis non est necessaria similis intentio, quando in objecto ipso est specialis malitia; sed sufficit facere id, quod ex se, vel ex prohibitionem habet talem malitiam.

6. Ob hanc ergo causam dixi in superioribus, personam sacram, ut ponitur inter materias sacrilegii, magis considerari secundum sanctitatem respectivam pertinentem speciali modo ad cultum Dei, quam prout est in se excellens, vel sancta absoluta quadam sanctitate, & excellentia. Quod si sub hac ratione absoluta velimus loqui de personis sanctis, etiam cum Christo regnantibus, verum quidem est, si absolute adorentur propter creatam sanctitatem, non adorari religione, sed dulia. Et consequenter etiam est verum, irreverentiam irrogatam Sanctis, non ut habent respectum ad Deum, sed ut homines sunt excellentes, ut sic non religioni, sed duliae opponi: ut bene etiam observavit Valen. in 3. tom. disp. 1. q. 14. puncto 2. At vero si Sancti considerentur, quatenus amici Dei sunt, & in eis ipse honorari potest, & illi etiam per respectum ad ipsum, ut sic, per religionem Dei coluntur, & consequenter etiam injuria eis facta sacrilegium est contra religionem Dei. Unde probabile est, quod omnis injuria Sanctorum praesertim cum Christo regnantium transit in Deum, & participat malitiam sacrilegii contrarii religioni, etiam si injuria

Propter
et meo
injuriandi
manus in
Eucharis-
tiam non
incurritur
excommu-
nicatio-
nis.

An reli-
quiae, &
imagines
Sanctorum
bene in
hoc ordi-
ne nume-
rentur.

Respon-
sio Vaz-
quez.

Difficul-
tas hujus
respondi

Percussio
Clerici, &
irreveren-
tia reliqui-
& imagi-
num sacri-
legia.

Sancti
possumus
coli,
vel reli-
gionis, vel
Duliae
actus.

injuria Dei intenta non fit. Nam ad peculiarem illam adorationem in Sanctis requiritur peculiaris intentio, quia actus virtutis est; at vero ad contrariam injuriam non est hoc necessarium, quia actus vitii est, ad quem satis est, quod malitia sit in objecto, ut supra dicebam. Sicut irreverentia facta principi transit in regem, licet non sit intenta respectu regis; & hæreticus contumeliam inferens imagini Dei, injuriam facit Deo, etiam si milles dicat, se id non intendere. Ita ergo est valde probabile de injuria Sanctis facta. Et quamvis fortasse speculativa consideratione, & secundum alium statum rerum possit dari irreverentia in Sanctum, quæ non transeat in Deum, tamen loquendo de Sanctis cum Christo regnantibus, & considerato communi modo, quo in ecclesia Dei coluntur, vix potest irreverentia in Sanctum separari a sacrilegio in Deum; quia æstimandi sunt, ut conjunctissimi Deo, qui vult, eos maxime a nobis honorari, & tanquam suam æstimat irreverentiam, quæ contra illos fit.

7 Ex his ergo facile respondetur ad alteram partem de reliquiis, & imaginibus Sanctorum: sunt enim materia sacrilegii, non quatenus referunt Sanctos, vel sunt partes, aut aliquid eorum, sistendo in ipsis, ut sic enim verum est vitium illud ad Dulum pertinere. Sed circa res tales committitur sacrilegium, vel quatenus inhonoratio, quæ in illis, vel per illas Sanctis fit, non in illis sistit, sed ad Deum transit, ut declaratum est, vel certe quia secundum ecclesiæ usum hæ res habentur, & æstimantur, ut instrumenta Divini cultus, & ideo habentur sacra non tantum in ordine ad Sanctos, sed etiam in ordine ad Deum, non minus, quam sacre vestes, vel altaris ornamenta.

8 Tertio circa easdem res sacras dubitari potest, cur inter eas numerentur sacramenta, & non sacrificium, quia sicut sacramentum consistit in quadam actione, seu receptione sacra, ita sacrificium consistit in sacra actione, & ita potest hæc irreverenter fieri, sicut illa; ergo sicut irreverentia sacramenti est sacrilegium, ita etiam irreverentia sacrificii; ergo numerandum esset sacrificium inter res sacras, quæ per sacrilegium violantur. Eadem interrogatio cum eadem dubitandi ratione fieri potest de oratione, quæ est etiam actio sacra, & irreverenter fieri potest. Ad hoc breviter dico, hic non numerari illas actiones, quæ ipsum Dei cultum directe, & immediate continent; quia irreverentia, quæ in eis committitur, non est sacrilegium, sed aliud genus irreligiositatis circa Deum, quæ vel ad superstitionem pertinet, vel ad eam reducitur. Et ratio est, quia talis irreverentia Deo ipsi immediate fit, non ipsi actioni tanquam rei sacre, qui enim orat inattente, Deo ipsi irreverentiam facit immediate, & tanquam proximo objecto Cui. Et idem est de sacrificio: nam hi actus continent ipsum formalem cultum Dei. Actiones autem sacramentorum non ita continent immediatum Dei cultum, sed sunt instrumenta, quibus sanctificantur cultores Dei; & ideo merito inter res sacras computantur, quæ per sacrilegium irreligiose tractari possunt.

9 Sed quid de concione sacra, seu verbo Dei? nam illud etiam videtur actio sacra, & non tantum continet cultum Dei, sed est etiam instrumentum Divinum ad sanctificandos cultores Dei, & potest indigne, & irreverenter tractari; ergo circa illud potest sacrilegium committi, & tamen a Div. Thom. inter res sacras non numeratur. Ad hoc Cajet. dicta qu. 99. dub. 2. fatetur, irreverentiam factam verbo Divino esse sacrilegium; tum quia per illud Deus nos sanctificat juxta illud Joan. 13. *Vos mundi estis, propter sermonem meum*; tum etiam quia verba, & nomina sacra propter significationem sacram merentur aliquam venerationem, ut constat ex materia de adoratione, & ex 7. Synodo can. 3. Quæ sententia mihi placet, præsertim quoad nomina Dei, Christi, & Sanctorum, quæ fortasse sub imaginibus comprehensa sunt a Div. Thom. Et idem censo de proprio verbo Dei, ut est verbum Scripturæ Canonice, quod religiosam reverentiam meretur, quatenus singulari

modo a Deo ipso dictatum est, & reputari potest tanquam reliquiæ ipsius Dei, & ideo adulterare hoc verbum, pervertendo illud sacrilegium est; præterquam quod potest etiam esse blasphemia, & hæresis, vel participatio ejus. Aliud vero verbum doctrinæ in tantum potest ad materiam religionis pertinere, in quantum conjunctum est cum ipso verbo Dei, in cujus irreverentiam redundat quicquid in sacra doctrina, præsertim pro concione, indigne tractatur. Seclusa autem hac irreverentia verbi Dei, alia peccata, quæ possunt in docendo committi, non pertinent, ut opinor, ad sacrilegium, quia illa actio non est ita proprie res sacra, ut venerationem aliquam religiosam mereatur. Et ita videtur satis explicata tota materia sacrilegiorum, simonia excepta, de qua postea dicturi sumus. De variis autem modis, vel actionibus, quibus omnes istæ res sacre violari possunt, diximus in variis locis de sacramentis, tractando de illis: de vasis, & vestibus sacris in 3. tom. disp. 81. sect. 8. de imaginibus, & reliquiis in materia de adoratione, de bonis ecclesiasticis in opusculo de Immunitate.

C A P U T VII.

De gravitate sacrilegii, & qualitate malitiæ illius, ac pœna eidem debita.

1 EX dictis in præcedentibus capitulis constat, hoc peccatum sacrilegii in omnibus tribus speciebus ejus esse mortale ex genere suo, quia est contra excellentem virtutem religionis, & in omnibus speciebus habet materiam satis gravem, ut patet facile per illas discurrendo. Nam percussio clerici ex genere suo gravis materia est, & similiter usurpatio jurisdictionis in clericum, vel cum ab illo tributum exigitur. Item violatio castitatis in persona sacra per votum peccatum mortale est ex suo genere, ut constat. De violationibus etiam loci sacri satis hoc est declaratum in superiori tract. lib. 3. In tertio denique genere iniqua administratio, vel receptio Sacramentorum ex suo genere peccatum mortale est. Pervertere etiam Scripturam ad confirmandos errores, gravissimum sacrilegium est, immo etiam illa abuti ad res turpes, & obscenas, grave peccatum est: sicut etiam uti vasis sacris ad usus profanos, seu communes. Denique occupare bona ecclesiæ, vel injustis oneribus illam gravare, clarum est esse ex suo genere grave peccatum. Est autem hoc verum, sive sacrilegium fiat ex directa intentione contemnendi, & inhonorandi res sacras, ut faciunt hæretici, sive fiat solum ex voluntate libera propter alium finem, vel utilitatem, aut delectationem humanam, quia, ut circumstantia det specialem malitiam, non est necessaria formalis intentio, sed sufficit libera voluntas, ut ex prima secundæ constat.

2 Potest autem hoc peccatum esse veniale duobus modis consuetis. Primo ex levitate materiæ, ut Cajetanus, & omnes Summittæ verb. *Sacrilegium* fatentur. Et ratio est, quia etiam si res sit sacra, potest irreverentia ejus esse levis, ut per se constat, & disputando de Sacramentis, & de locis sacris, & sæpe alia tractatum est. Semper tamen necessarium est, ut absit contemptus, ita ut irreverentia non fiat ex formali intentione inferendæ injuriæ rei sacre, tunc enim semper est mortale, quantumvis injuria levis esse videatur, quia intentio illa continet magnam irreverentiam. Item ad judicandum de levitate materiæ oportet considerare omnes circumstantias ejus, & modum prohibitionis, ut an sub gravi censura sit ab ecclesia prohibita. Ut v. g. exigere ovum a clerico in tributum, leve quidem apparet, si tamen consideretur jus, & potestas, quæ usurpatur, gravis materia est: similiter violenter detinere clericum brevi tempore in ratione nocuementi, vel corporalis injuriæ, leve reputatur, & nihilominus considerata immunitate clerici sufficit ad grave sacrilegium, juxta c. *Nuper*, de Sent. excom. & ea, quæ diximus in 5. tom. disp. 22. sect. 7. num. 25. & seq. Secundo potest hoc peccatum esse veniale propter inadvertentiam,

Peccatum sacrilegii mortale est ex suo genere

Peccatum hoc potest esse veniale, ex levitate materiæ, & ex inadvertentia. Cajet.

Injuria, quæ per reliquias fit Sanctis transit in Deum

Cur inter res sacras numerentur sacramenta, & non sacrificia, & oratio

Quid de concione sacra dicendum

iam, quæ licet non sit omnino involuntaria ratione negligentia, tamen illa est levissima, & ita actus non plene deliberatus est, & ideo non est peccatum mortale.

An hoc
peccatum
possit esse
omissionis

3 Tria vero mihi supersunt explicanda circa malitiam sacrilegii. Primum est, an hoc peccatum sit semper commissionis, vel possit etiam esse omissionis? Videtur enim sacrilegium intrinsece requirere positivum actum, quo res sacra irreverenter tractetur, & ideo semper esse peccatum commissionis. Item hoc peccatum est contra præceptum negativum non violandi res sacras; ergo est peccatum commissionis. Item alias omisso communionis, vel confessionis in tempore præcepti esset sacrilegium: consequens videtur falsum, quia cum res sacra, id est, sacramentum tunc non sit, non potest dici irreverenter tractari.

Affirmati-
ve resolu-
tur quæ-
stio.

4 Nihilominus dicendum est, aliquod peccatum omissionis esse posse contra reverentiam debitam rei sacrae, ac proinde sacrilegium. Probat, quia interdum est sub præcepto affirmativo aliqua veneratio rei sacrae. Id constat ex c. 1. de Cust. Euchar. & c. Sane, de celeb. Mis. ubi Clerici præcipiuntur custodire Eucharistiam clavibus adhibitis, idque sub gravi suspensionis poena trium mensium ab officio. Illud autem præceptum per solam omissionem violatur, ut constat. Item in eodem c. Sane præcipitur omnibus, ut cum in Missa elevatur hostia salutaris, se reverenter inclinent. Omissio ergo illius adorationis peccaminosa est, & ad irreverentiam omissionis pertinet. Item in c. de Custodia Eucharistiae præcipitur, ut oratoria, vasa sacra, vestimenta, paleæ, & corporalia nitida, & munda conserventur: hoc autem sine commissione per solam omissionem violatur; quia sine culpa alicujus hæc res paulatim fordescent, & quia non mundantur, vel lavantur, præceptum illud violatur. Multaque similia peti possunt ex locis supra citatis, in quibus ostendimus, quomodo veneratio aliqua istarum rerum sub præceptum affirmativum cadat; contra præceptum autem affirmativum peccatur per omissionem, ut constat. Quod autem hæc malitia pertineat ad sacrilegium, patet, quia quod est contra religionem, versatur circa rem sacram per defectum reverentia illi debita, nec potest reduci ad aliud vitium ex his, quæ contra hanc virtutem numerantur.

Solutio-
tur argu-
mentum in
contrarium
adductum

5 Ad primum ergo respondetur, in moralibus omissionem reverentia debita reputari irreverentiam. Verum est etiam, sacrilegium ordinarie committi per actum positivum, & inde fortasse nominari: nihilominus tamen interdum incurri posse per omissionem. Unde ad secundum dicitur, licet sæpius sacrilegium sit contra præceptum negativum, interdum etiam esse contra affirmativum. Ad tertium dici potest primo tunc sacrilegium omissionis committi, quando res sacra existit, & actio aliqua præcepta, & pertinet ad honorem ejus omittitur. At vero præceptum de recipiendo Sacramento non est hujusmodi; & ideo fortasse quando omnino omittitur sacramentum, non est sacrilegium, sicut supra dicebamus de omissione Missæ in die festo. Secundo responderi potest, usum alicujus sacramenti pertinere ad quamdam venerationem ejus, & ideo, quando omittitur tempore præcepti, sacrilegium committi. Neque obstat, quod res sacra non sit, nec fiat, quia satis est, quod debeat esse, vel fieri.

An in hoc
vicio den-
tur pecca-
ta, quædã
per excessum,
& alia
per defectum.
D. Th. Pars
negativa.

6 Secundo explicandum est, an in hoc genere vitii peccetur semper per defectum, vel in eo possint duo vitia extreme opposita esse per excessum, & defectum: nam Divus Thomas quæst. 97. in principio sacrilegium collocat sub vitio religioni opposito per defectum: unde non videtur agnoscere sacrilegium, quod per excessum opponatur religioni. Et confirmari potest ex dictis, quia si sit sacrilegium omissionis, manifeste est per defectum, si autem sit commissivum, semper habet rationem sacrilegii, quatenus actio circa rem sacram sit cum illius injuria, vel sine debitis circumstantiis ad reverentiam necessariis.

7 In contrarium vero est, quia, sicut circa Deum ipsum potest peccari & deficiendo in cultu, ac reverentia, & excedendo indifferenter in modo cultus, ita circa res sacras potest utroque modo peccari: sed propter illam causam distinguuntur irreligiositates in Deum per excessum, & defectum; ergo eodem modo distinguendæ sunt irreligiositates circa res sacras. Minor declaratur exemplis: nam adorare imaginem Sancti adoratione latræ, peccatum per excessum est. Sed ad hoc bene responderi potest, tunc non adorari imaginem ut imaginem, sed ut idolum, & ideo illam esse superstitionem contra Deum ipsum. Sed licet hoc verum sit, non tamen videtur repugnare, quin sit sacrilegium respectu talis rei sacrae. Clarius vero exemplum erit, si quis publico cultu in Missa, vel in oratione publica colat Sanctum a Pontifice non propositum per canonizationem, vel sufficientem beatificationem contra c. 1. de Reliquiis, & veneratione Sanctorum; illud autem peccatum per excessum est. Idemque est de veneratione reliquiarum, vel publica sine auctoritate, contra c. 2. de Reliq. & venerat. Sanct. & Concil. Trident. sessione 25. in decreto de hac re, vel privata veneratione sine morali fide, satisque probabili de sanctitate personæ, aut de veritate reliquiarum, contra rectam rationem.

Pars affir-
mativa
proponit.

8 Non videtur quidem posse negari, quin hoc vitium per excessum in hac materia committi possit. Unde a Conc. Trident. supra supersticio vocatur ibi: *Omnis porro supersticio in Sanctorum invocatione, reliquiarum veneratione, & imaginum sacro usu tollatur.* Supersticio autem peccatum per excessum est, ut supra vidimus: unde sine dubio est peccatum specie distinctum a sacrilegio, ut sonat vitium per defectum. Et licet, quando transit in idolatriam, pertineat ad superstitiones supra tractatas, quæ sunt directe contra Deum: tamen quando sistit in modo inepto, insolito, vel irrationabili colendi ipsas res sacras, videtur esse supersticio specie distincta ab omnibus supra positis, quia non immediate circa Deum, sed circa cultum rerum sacrarum committitur. Est enim contra secundarios actus religionis, seu secundariam latræ (ut vocant) non contra primariam: nam si hæc ratio sufficienter distinguit vitia per defectum, non video, cur non distinguat etiam per excessum. Neque contentiose disputandum est, an hæc supersticio circa res sacras dicenda sit sacrilegium, necne? nam erit contentio tantum de vocabulo. Fateor tamen, secundum communem usum vocis non appellari proprie sacrilegium: & fortasse ideo auctores de hoc vitio specialiter non disputant, quia potest ad superstitionem contra Deum revocari, & quia non indiget speciali explicatione, sed per proportionem ad superstitionem indebiti cultus Divini debet intelligi, ac declarari.

Dari sa-
crilegium
per defe-
ctum, &
excessum
resolvitur.

9 Tertio explicandum est, an hæc malitia sacrilegii possit interdum esse sola in actu peccati, vel semper supponat actum peccaminosum, cui adhæreat? Videtur enim non posse separari, quia non sumitur ex objecto, sed ex circumstantiis, & ideo semper supponere videtur malitiam in actu ex objecto, quia, si actus sit bonus ex objecto, non videtur esse sacrilegium, neque irreverentia rei sacrae. Dicendum vero est, licet frequenter hæc malitia conjuncta sit cum aliis, & in eis quodammodo fundetur, nihilominus sæpe posse esse solam, & separatam ab aliis, quia nimirum actus non habent aliam deformitatem, nisi quia res sacra violatur, ut expresse docuit D. Thom. p. 99. art. 2. ad 3. Et licet aliqui ab hac regula excipiant sacrilegia contra personas sacras, tamen in eis hoc etiam invenitur: nam conjux habens votum castitatis, si petat debitum ab altero conjuge, sacrilegium committit, & non peccat contra justitiam, neque contra temperantiam. Deinde si Prælati religionis juste præcipiat, verberari subditum suum, tamen sine necessitate faciat illum verberari per laicum, sacrilegus est pure contra jus positivum in cap. *Universitatis*, de Sent. excom. Unde peccatum illud non est contra justitiam, neque contra aliam

An hæc
malitia
sacrilegii
possit esse
sola in
actu pec-
cati?

Resolutio
quæst.

aliam virtutem præter religionem. Item si quis fuste percutiat Clericum, ipso voluntarie consentiente, non facit illi iniustitiam, & nihilominus est actio sacrilega contra speciale jus positivum in cap. *Contingit*, de Sent. excom. Sic ergo in prima specie separabilis est malitia sacrilegii ab omni alia. In secunda autem specie copula matrimonialis habita in ecclesia extracatum necessitatis sacrilega est, ut supra vidimus, & tamen aliam malitiam non habet, neque contra iustitiam, neque contra temperantiam. In tertia etiam specie frequentissima sunt exempla, ut in indigna sumptione, vel administratione Sacramenti, profano usu vasorum sacrorum, & similia.


10 Unde constat in hac tertia specie sacrilegii oriri malitiam ex ipso objecto proximo, seu materia, circa quam versatur actio sacrilega: & hinc est, ut sæpius in illa accidat separatio malitiæ sacrilegii ab aliis, & ita cessat ratio dubitandi in principio proposita. Tamen etiam in prima specie, persona sacra, circa quam versatur actio sacrilega, se habet ut proximum objectum peccati; & ideo etiam in illa facile inveniri potest talis separatio. Quando vero tantum concurrat ut circumstantia *quis*, non se habet proprie ut objectum, nihilominus tamen quia tali personæ potest esse prohibita actio (alias non mala) ratione voti, vel legis positivæ latæ intuitu religionis, ideo etiam hoc modo potest in tali persona separari sacrilegium a cæteris peccatis. Atque hoc ultimo modo contingit etiam in loco sacro, ille enim proprie non est objectum, sed circumstantia actionis, nisi fortasse ex formali, & directâ intentione fiat actio in contemptum, & injuriam loci sacri, & tunc clarum est, præcipuam speciem talis peccati esse

sacrilegium, sive in ipsa actione sit alia malitia, sive non sit.

11 Tamen addendum superest unum verbum de pœna sacrilegii, quæ duplex cogitari potest: una spiritualis, ut censura: alia temporalis, ut pœna pecuniaria. De priori certum est, non per omne sacrilegium incurri ipso facto aliquam censuram, sed solum in tribus casibus. Primo in percussione clerici, contra Canonem, *Si quis suadente*, quæ in 5. tom. disp. 22. sect. 1. disputata est. Secundo in fractione ecclesiæ cum raptu, de qua, quomodo intelligenda sit, dixi in eodem tom. & disp. sect. 2. a n. 9. Tertia est contra violatores immunitatis ecclesiasticæ, quæ in variis casibus incurritur contentis in Bulla Cœnæ Domini, quæ in eodem tomo declarata est, & videri potest Concil. Trident. sess. 22. c. 11. de Reform. Alii addunt etiam incendium ecclesiæ. Sed de hoc quid sentiendum sit, dixi in eodem tom. disp. ac sect. a num. 15. Et ideo circa illas censuras amplius hic non immoramur. Ultra hos vero casus nec censura aliqua, nec irregularitas incurritur ipso facto, quia nullibi continetur. Circa alteram vero pœnam aliqua sunt jura Canonica, in quibus pœna pecuniaria imponitur propter hoc delictum, quæ habentur 17. q. 4. Quam pœnam sufficienter explicat, & ejus rationem reddit Div. Thom. dicta qu. 99. art. 4. Et ideo nihil amplius de illa dicere necesse est, maxime cum illa magis pertineat ad forum externum, quam ad internum, quia nemo tenetur illam solvere, donec iudice condemnetur. Occurrebat statim quæstio, an hoc delictum sit mere ecclesiasticum, aut misti fori, sed hanc etiam disputationem ad Jurisperitos remittimus.

Pœna sacrilegii, vel spiritualis est, vel temporalis.

FINIS LIBRI TERTII.

LIBER QUARTUS
DE SIMONIA.

IXpeditis aliis speciebus sacrilegii, quæ breviorum tractatum postulabant, superest dicendum de Simonia, quæ vitium est sub genere sacrilegii contentum, ut diximus, & sub se habet varia membra, ratione quorum copiosiores habet materiam. Nam quia vitium hoc in aliquam hominum utilitatem redundare solet, & interdum fovet appetitum divitiarum, interdum appetitum honoris, & dignitatis, ideo frequentius in ecclesia committitur, & in magnam ejus perniciem cedit. Maxime quia propter hoc vitium sæpius beneficia indignis conferuntur, electiones injustæ fiunt, & res sacræ, ac divinæ indigne tractantur. Ob has ergo causas separatim de hoc vitio tractamus, eique hunc integrum librum tribuimus, quia non potest non esse copiosior illius consideratio. Prius ergo quid Simonia sit, postea quoruplex sit, & quas causas habeat, ac tandem quas pœnas, vel effectus inferat, declarabimus.

Ordo eorum, quæ in hoc libro sunt tractanda

CAPUT I.

Quid Simonia sit, & cur hac voce significetur.

Quod vitium significetur per hoc nomen Simonia

1 **P**rius supponendum est hoc nomine Simonia vitium quoddam significari, quod committitur, vendendo, emendo, aut quocumque modo commutando rem sacram, seu spirituales pro temporali. Nam quod hujusmodi contractus fieri possit, & soleat, notius est, quam ut declaratione indigeat. Quod vero talis contractus cedat in injuriam rei sacræ, nunc supponitur, nam infra ex pro-

fessio probandum est in variis speciebus Simonia, quia non in omnibus eandem radicem malitiæ habet. Ideoque sufficit nunc quædam brevis declaratio; nam eo ipso, quod res sacra, ut sacra est, pro re temporali, ac profana commutatur, indigne tractatur, ac profanatur; ergo talis commutatio malitiam sacrilegii involvit. Vel aliter eo ipso quod res spiritualis temporali pretio emitur, aut venditur, illi æquiparatur in valore, & æstimatione, quia contractus ipse postulat quamdam æqualitatem inter ea, quæ commutantur, at hoc ipsum est contra debitam æstimationem, & dignitatem rei sacræ; ergo talis actio vitiosa est, meritoque inter sacrilegia connumeratur. Quod denique hoc vitium nomine Simonia significetur constat ex usu totius ecclesiæ, & ex titulis de Simonia in Decretalibus, Sext. & Clemen. & ex innumeris Decretis, Causa 1. per sex primas quæstiones, ubi hæc materia ex Parribus, & a Doctoribus tractatur: & a Theologis in 4. d. 25. & 22. q. 100. & ab aliis multis Doctoribus, qui de hac materia scripserunt.

2 Solet autem hic quæri, quis nomen Simonia huic vitio imposuerit, & qua ratione ita appellatum sit. Sed non est res magni momenti. Nam de auctore nominis nihil (starbitror) certum dici potest. Chrys. quidem Hom. 60. ad populum, omnes, qui hoc vitium committunt, Simones vocat, dum prohibet, ne ullus Simon communicare audeat: & Homil. 13. in Marc. Simonem proponit tanquam primum hujus vitii exemplar, quem imitari dicunt omnes, qui gratiam Christi emere student, & eodem modo loquuntur Patres illi æquales, vel antiquiores: distincte vero non utuntur voce Simonia pro ipso vitio signi-

Quis huic vitio nomen Simonia imposuerit Christi solet.

significando. Greg. autem lib. 7. epist. 110. 113. & 114. Simoniam hanc appellat. Legimus item antiquiores Patres mentionem facere cujusdam heresis, quam Simoniam appellarent, ut patet apud Nazian. Orat. 44. in Pentecost. prope initium, & epiphani. heret. 21. Sed ista longe alia heresis fuit a vitio Simonie: immo fuit infinitarum collectio heresum: nam ille Simon & negabat, Deum esse creatorem celi, & terræ: seque creatorem Angelorum faciebat: Et Spiritum sanctum quamdam sceminam esse dicebat, & sexcenta similia deliramenta effutiebatur. Immo ait Iræneus lib. 1. contr. heret. cap. 20. ab illo hereses omnes substituisse, & sectatores ejus vocatos esse Simonianos, ut etiam appellat Aug. lib. de heres. in 1. qui longe diversi sunt a Simoniacis. Ergo heresis Simoniacæ, de qua loquitur Gregor. non complectitur totam doctrinam falsam Simonis, sed pro illa speciali, quam Simon indicavit, quando virtutem dandi Spiritum sanctum emere voluit, vox illa usurpata est a Gregorio, & inde postea vox incompleta *Simonie*, derivata est ad proprium vitium, & sacrilegium significandum.

3 Rationes autem, ob quas a Simone hoc vitium nomen accepit, plures redduntur. Prima est, quia ille fuit primus, qui in lege gratiæ hoc vitium commisit, an vero ante hanc legem alii illud commiserint, infra videbimus. Secunda est, quia ex parte materiæ gravissime deliquit, quia ipsammet personam Spiritus sancti, & dona ejus venalia esse voluit, & consequenter voluit Spiritum sanctum sibi subiectum, & tanquam servum venalem habere, sicut scripsit Tharastus ad Patrachium Papam, & habetur in c. *Eos*, 1. quæst. 1. Tertia est, quia simul emendo, & vendendo Spiritum sanctum peccavit, saltem affectu, intentione, & conatu. Formaliter enim emere tentavit potestatem dandi Spiritum sanctum, & quia hæc potestas non datur sine ipso Spiritu sancto, ipsum etiam Spiritum sanctum emere voluit. Et ita ex loco Act. 8. probat Chrysost. Homil. 13. in Marc. non solum esse malum vendere spiritualia, sed etiam emere: *Nam Simon Magus* (inquit) *non quia vendidit, sed quia emere voluit, damnatus est*. Nihilominus addit D. Thom. dicta q. 100. art. 1. ad 4. etiam peccasse vendendo Spiritum sanctum, saltem affectu, & intentione, quia ad hoc emere volebat potestatem, ut postea ipsum Spiritum sanctum venderet, & allegat cap. *Salvator*, 1. quæst. 3. ubi Urban. 2. ait: *Simon Magus non Spiritum sanctum propter Spiritum sanctum, quo ipse erat indignus, sed ideo quantum in ipso erat, emere voluit, ut ex venditione signorum, que per eundem fierent, multiplicatam pecuniam lucraretur*. Sic etiam Epiphani. heret. 21. inquit: *Cum Simon non haberet rectum cor, neque cogitationem rectam, sed luero, & studio pecuniarum intentus esset, offerebat pecunias Petro Apostolo, ut daret ipsi potestatem dandi Spiritum sanctum per manus impositionem, iuratione secum inita, qua dare vellet multis pro modica pecunia, atque sic per adhibitionem Spiritus multas pecunias cumulare, ac lucrari*. Et Cyrillus Hierosolymitan. Cateches. 16. *Non dixit* (inquit) *dare mihi Spiritus sancti communionem, sed potestatem, ut alius venderet, quod non erat venale*. Et similem sententiam habet Aug. tract. 10. in Joan. Neque hanc pravam Simonis intentionem temere judicant Patres, sed ex verbis, & circumstantiis personæ, & operum ejus prudenter eam collegerunt. Expresse enim ipse Simon dixit Apostolis: *Date mihi hanc potestatem, ut cuicumque imposuero manus, accipiat Spiritum sanctum*: Cum enim agebat, *Dare*, non liberalem donationem, sed oblationem peritio venditam postulabat: eodem ergo modo dare intendebat. Unde recte August. Tract. 10. in Joan. *Putabat* (inquit) *mercatores esse Apostolos, talis enim ipse erat, & quod venderet, emere volebat*.

4 Quarta ratio sumi potest ex eo, quod hoc vitium in Simone primum per Apostolos damnatum, & quasi anathematizatum est. Unde est illud, quod Genf. Papa Epist. 1. cap. 26. de Simoniacis scripsit: *Dantem simul, & accipientem damnatio Simonis, quam vera lectio testatur, involvit*. Et habetur in cap. *Quis*, v.

1. q. 1. & similis sententia potest sumi ex cap. *Reperiuntur* 7. Quinta ratio sumi potest, quia in Simone non solum ipsum vitium damnatum, sed etiam radix ejus, quæ est avaritia, a qua maxime oriri solet. Quod adeo exaggerat Urban. Papa in d. ca. *Salvator*, ut dicat: *Nec Apostolus emptionem Spiritus sancti (quam bene fieri non posse, noverat) sed ambitionem questus talis, & avaritiam, quæ est idolorum servitus, in eodem Simone, exhorruit, & maledictionis jaculo percussit*. Ubi non intelligit, Apostolum non exhorruisse vitium ipsum emendi Spiritum sanctum: nam in universum affectum illum exhorruit, maxime vero talem, qui ad turpem questum ex nimia avaritia ordinabatur. Unde illi maxime sunt Simoniaci, maximeque hæreticum illum imitantur, qui ob temporalem questum spiritualia emunt, quamvis omnes ementes, & vendentes Simoniaci sint, quacumque intentione id faciant. Sexta etiam ratio addi solet, quia Simon ex falsa fide, & ex heresi concepta in vitium illud prolapsus est. Quod ex verbis Petri non obscure colligitur: *Pecunia tua tecum sit in perditionem, quoniam donum Dei existimasti pecunia possideri*. Illa ergo existimatio non erat secundum fidei puritatem, ut ponderavit Ambr. lib. 2. de Pœnit. c. 4. cap. *Petrus*, 1. qu. 1. Fuit ergo aliqua heresis. Illa vero duobus modis explicari potest. Primo, quia revera non existimabat, nec credebat, illud esse donum Dei, sed putabat, Apostolos esse Magos, sicut ipse erat, & volebat ab eis doceri artem illam, & ad hoc pecunias offerebat. Hoc indicavit Magist. Histor. in Actib. c. 44. dicens, existimasse Simonem, Apostolos quadam peculiari industria potestatem illam solitos fuisse conferre, potuisseque pecunia comparari. Secundo, quia existimavit, Spiritum sanctum, & dona ejus venalia esse, & pecunia obtineri posse, ut ait Nicephorus libro secundo Histor. capit. 6. & indicat Cyrill. Hierosolymitan. Catech. 6. Ex quo manavit heresis affirmans spiritualia posse pecunia æstimari, quam Armenis tribuit Guido Carmelita, ut refert Castro verb. *Simonie*.

5 Atque ex his obiter intelligitur, cur vitium hoc, quod sacrilegium esse diximus, simoniaca heresis a Gregorio appelletur. Estque in jure Canonico valde usitatus ille modus loquendi, ut patet 1. quæst. 1. cap. *Presbyter*, 3. cum aliquib. sequentib. cap. *Cum liqueat*, 13. cap. *Statuimus*, 206. & gravissime in cap. *Eos*, 21. Ubi Macedonia heresi hæc antefertur: nam Macedonius Spiritum sanctum Patris, & Filii servum faciebat: Simon autem hominum, quem simoniaci imitantur. Et in cap. *Patet*, ult. 1. q. 7. cum magna exaggeratione dicitur, simoniacos tanquam primos, & præcipuos hæreticos esse detestandos. Et quod loquantur hæc jura de ipso vitio simonie, patet ex ca. *Quoties*, extra, de Simon. ubi quidam dicitur ordinatus per Simoniacam heresim: unde aperte constat, ipsum vitium heresim appellari. Solet etiam Greg. hanc vocare Neophytorum heresim, ut patet ex dicta epist. 110. & ex lib. 4. epist. 55. & lib. 5. epist. 107. & c. *Quisquis*, 1. q. 1. non quia ab aliquo homine sic appellato originem traxerit (nullum enim talem Historiæ referunt) sed quia Simon adhuc Neophytus, id est, recens baptizatus illam invenit, ut ibi notat Glossa, & alii.

6 Sed nihilominus certum est, vitium hoc per se, & formaliter non esse contrarium fidei, quia per se non requirit errorem in intellectu contrarium fidei. Nam, licet non male sentiat de rebus sacris, potest tamen ex aliquo pravo affectu, vel intentione eas indigne tractare. Alias omne sacrilegium heresis esset, quod verum non est. Dicit D. Th. dicto art. 1. ad 1. simoniam vocari heresim quoad externam professionem, quia qui donum Spir. sancti vendit, proficitur, se esse doni Spir. sancti dominum. Vel generalius loquendo, qui rem spiritalem, & sacram vendit, eam tanquam venalem se æstimare significat, ac subinde judicare esse rem pretio æstimabilem, quod speculative judicatum heresis esset. Tamen quia potest vitium committi cum solo judicio practico sine illo speculativo, ideo proprie, & vere heresis non est. Et ita Glossa, & Doctores in c. *Firmissime*, de Heret. notant, simoniacum

Nazian.
Epiphani.
Quæ hæ-
resis quæ-
dam simo-
nia dicitur
retur

Rationes
affiguntur
cur a si-
monie vo-
men accep-
perit hoc
vitium.
Primo.
Secunda.

Cur hoc
vitium si-
moniacæ
heresis
appelle-
tur.

Cur simo-
nia Neo-
phytorum
heresis
dicatur

Simonie
per se non
est fidei
contraria.

niacum vocari hæreticum late, non proprie. Fortasse etiam ab origine dicta est hæc pestis simoniaca hæresis, quia ex hæresi primum orta est, & qui illam exercet, primum hæresiarcham novi testamenti imitatur. Propter quæ omnia vitium hoc præsertim frequenter usitatum, suspicionem hæresis afferre solet, & poenas aliquo modo similes mereri, ut infra suo loco videbimus.

Definitio
simoniæ
proponi-
tur, & ex-
plicatur.

7 Posset ergo simonia juxta dicta breviter definiti esse sacrilegium, quod committitur in emptione, & venditione, seu in contractu quolibet, quo res spiritualis, ut talis est pro temporali commutatur. Quod enim hoc vitium sub hoc genere contineatur, supra ostensum est, quia revera est profanatio quædam, & injuriosa contrectatio rei sacræ. Per hoc ergo genus ab aliis vitiis religioni contrariis, quæ sub hoc genere non continentur, distinguitur. Per alias vero particulas explicatur differentia propria constitutiva hujus vitii: & ita illam declarant Host. & Abbas in cap. *Nemo de simonia*. Unde per easdem distinguitur simonia ab aliis speciebus sacrilegiorum: nam in aliis non tractantur indigne res sacræ, ut tales sunt, per voluntariam commutationem, sed per actiones longe diversas, ut supra visum est. Quæ differentia tanta visa est Cajetano, ut crediderit, per eam distingui hoc vitium quasi genere ab omnibus aliis vitiis contra religionem hætenus tractatis. Verumtamen satis est, si dicamus per illam distingui specie ab omnibus aliis sacrilegiis. Nam a genere ipso excludi non potest per illam differentiam: nec enim descriptio proposita ex repugnantibus partibus constat. Nam licet emptio sit voluntaria actio, nihilominus est contra reverentiam rei sacræ, & ideo differentia illa optime potest contrahere genus sacrilegii. Quod autem simonia distinguitur specie, etiam morali, & in genere vitii a cæteris sacrilegiis, probari potest ex diversa ratione deformitatis in ordine ad rectam rationem, & ex aliis, quæ de distinctione harum specierum sæpe diximus. Et ut abstrahamus ab speculativa quæstione, saltem est moraliter certum, hanc speciem esse diversam in ordine ad confessionem; quia necesse est, in confessione explicare simoniæ peccatum commissum esse. Neque satis esset in genere dicere, sacrilegium aliquod esse commissum, quod est indubitatum apud omnes, & communi consensu totius ecclesiæ receptum. Immo etiam in speciebus simoniæ (ne de illarum distinctione iterum dicere necesse sit) idem cum proportionem observare necessarium erit. Nam inter eas esse solet tanta varietas, ut modum, & materiam simoniæ declarare necessarium sit: sive id sit propter rigorosam specificam distinctionem, sive quia in ordine ad mores humanos non potest aliter de illa ferri morale, seu sacramentale iudicium.

Simoniæ
distingui
specie a
cæteris
sacril.

8 Ex his sufficienter declaratum videri poterat, quid sit simonia generatim sumpta, quia clarius, & distinctior notitia non est in hoc principio requirenda, ne omnia confundamus. Nihilominus prætermittere non possumus communem, & usitam definitionem simoniæ, ejusque brevem declarationem, ne illam reprehendere, aut contemnere videamus. Non est enim ita, sed in re non putamus distingui ab ea, quam tradidimus, immo in hoc excedit, quod per universaliore terminos, & abstrahentes a particularibus opinionibus datur: nos enim, ut insinuaremus consequentiam hujus doctrinæ ad traditam in superioribus, & ut supponeremus omnia, quæ dicta sunt in genere de sacrilegio, in simonia supponenda esse, ideo per genus sacrilegii illam descripsimus: usitata vero definitio sic habet.

Definitio
simoniæ
magis usi-
tata ex-
plicatur.

9 Simonia est studiosa voluntas emendi, vel vendendi aliquid spirituale, vel spirituali annexum. Hanc amplectitur D. Thom. in d. 25. qu. 5. art. 1. & omnes Theologi in 4. d. 25. & Altif. lib. 3. Tract. 2. r. Alenf. 2. p. qu. 167. alias 185. memb. 2. Anton. 2. p. tit. 1. cap. 5. §. 1. Sorl. 9. de Just. q. 5. art. 1. Juris Canonici interpretes in Rub. de Simon. Et Summistæ eodem. Navar. cap. 13. n. 100. Armach. lib. 10. de quæst. Armen. c. 12. Estque sumpta ex Glossa in princip. 1. 1. ver. *Quidam*. Ubi Turrec. late illam tractat, & defendit. Ponitur autem loco generis studiosa voluntas, vel quia generalissimum ge-

Suarez Tom. XII.

nus est, de quo non potest esse controversia, quin sit de ratione cujuscumque peccati, & vitii, quia siue voluntate eligente peccari non potest, & hæc dicitur voluntas studiosa: vel ad denotandum, hoc vitium esse oppositum religioni, quæ est pars justitiæ, & voluntatem habet pro subiecto proprio. Vel ad judicandum, vitium hoc non opere tantum, sed etiam solo affectu deliberato posse committi, non solum generali ratione, qua omne peccatum potest solo desiderio fieri, ut Navar. significat, sed etiam alia speciali, quam in simonia mentali infra explicabimus. Vel denique quia prima simonia in ecclesia commissæ, a quo hoc vitium nomen accepit, sola studiosa voluntate, & conatu commissæ est, ut placuit Victor. in Relect. de Simon. num. 3. cum Armac. supra. Et sumpta videretur illa particula ex c. *Qui studet* 1. q. 1.

10 Reliquæ particule ponuntur loco differentiarum, & fere coincidunt cum supra positis: tria vero in eis insinuantur, ex quibus pendet tota cognitio hujus vitii. Primum est materia simoniæ, quæ explicatur illis verbis, *aliquid spirituale, vel spirituali annexum*. Ubi statim occurrebat inquirendum, quid hic significetur nomine spiritualis, & quid sit spirituali annexum. Verumtamen ad exacte hoc explicandum oportet, multa dubia infra tractanda hic antevertere: quod confusio nem pareret. Et ideo D. Tho. non curavit hoc per definitionem explicare, sed per exempla, ut in argum. *Sed contra*, ait, vendere altare, decimas, vel Spiritum S. esse simoniam, ex cap. *Altare* 1. q. 3. & in solut. ad 6. numerat *Sacramenta, & alia* (inquit) *hujusmodi*. Victor. vero post longam disputationem concludit in nu. 6. spirituale in proposito esse idem, quod *donum Spiritus sancti*, juxta illud Act. 8. *Pecunia tua tecum sit in perditionem, quia donum Dei existimasti pecunia possideri*. Et sub hoc dono, ait, comprehendit rā gratias gratis datas, quæ numerantur 1. Corinth. 12. quam varia ministeria, seu ecclesiæ dignitates, quæ ad Ephes. 4. recensentur, Navarrus autem dicto cap. 23. num. 99. & ad Rubr. de Judic. num. 24. in primis declarat, debere esse donum supranaturale ad salutem animarum ordinatum: & deinde addit, non oportere, ut sit immediate datum a Deo, sed satis esse, quod sit ab ecclesia institutum per supernaturalem potestatem a Christo sibi gratis datam. Et addit ultimo, oportere, *ut sit gratis dandum*. Sed hoc addere non oportet, quia si res ita sit spiritualis, ut sit materia simoniæ, eo ipso habet, ut gratis data sit, ut infra dicemus.

Quid loco
differentiæ

11 Sed, ut dixi, hæc materia non potest hic satis explicari, nec fere una definitione describi, sed paulatim explicanda est in discursu doctrinæ, & ideo dico breviter cum Richard. 4. dist. 25. art. 3. qu. 1. & aliis Theologis ibi, quos alii, & præsertim Summistæ omnes imitantur, spirituale hic non dici ab spiritu creato, sed ab increato, id est, ab Spiritu S. quatenus est auctor donorum gratiæ, quæ per antonomasiam spiritualia dona vocantur: sub spiritualibus autem donis hic intelligimus omnes gratias gratis datas, & omnia dona Spiritus sancti, & ministeria divinitus ordinata ad spiritualem salutem animarum, & a fortiori instrumenta ejusdem salutis, & quicquid propter illam est a Deo, vel ecclesia specialiter institutum. Hoc non aliter nunc probatur, quam ex verbis Christi, Matt. 10. *Gratis accepistis, gratis date*. Ibi enim (ut infra declarabo) intrinsecam malitiam simoniæ significavit; unde etiam indicavit propriam materiam ejus, quæ sunt gratiæ gratis datæ, & alia supranaturalia dona, quæ gratis dantur in ordine ad salutem animæ. Item ex verbis Petri: *Existimasti, donum Dei pecunia possideri*. Spirituale ergo in dicta definitione ab Spiritu sancto denominatur, seu a salute animæ, quæ per antonomasiam spirituale bonum dicitur, quia est suprema participatio Spiritus sancti, & maxima perfectio spiritus creati; ideoque omnia dona, quæ ad hanc salutem ordinantur per se, ac proxime singulari titulo spiritualia vocantur. Et hic est communis consensus omnium, quia vitium simoniæ circa totam hanc materiam versari potest, & illam non excedit, ut ex sequentibus constabit.

Quid in
hoc loco
significet
donum spi-
rituale.

12 Adde vero, bona spiritualia in tantum esse posse materiam simoniæ, in quantum factio licet, non jure

pro materiali pretio æstimari, ac commutari possunt. Quia tamen hæc spiritualia, de quibus homines prave negotiari possunt, non sunt pure immaterialia, immo frequenter sine corporalibus non subsistunt, ut dicitur in cap. *Si quis objecerit* 1. q. 3. ideo in definitione adduntur ea, quæ sunt spiritualibus annexa. Hujusmodi autem sunt res quædam, quæ licet in se materiales sint, cum spiritualibus connectuntur: vel tanquam materia cum forma, ut calix argenteus cum consecratione; vel tanquam materiale cum formali, ut ablutio cum ratione sacramenti; vel ut principium, seu inchoatio ad terminum, ut jus patronatus ad beneficium, vel tanquam effectus ad causam aliquo modo, si beneficium datur propter officium: unde ex his quædam dicuntur annexa antecedenter, alia concomitanter, de qua partitione infra suo loco dicemus.

Quia res dicuntur annexa spiritualibus.

In videri, one rei facte per se. Hæc explicatur simoniam.

13. Secundo in illa particula definitionis insinuat id, in quo maxime realis simonia consistit, id est, in debita actio circa rem sacram, de qua dicitur, esse emptionem, vel venditionem ejus. Quia res spirituales, & sacræ multis modis possunt injuria affici, & non omnes pertinent ad simoniam, sed tantum illæ, quæ sunt per hujusmodi contractum. Declarat autem Divus Thomas supra, & omnes cum illo, sub nomine emptionis, & venditionis comprehendit alios contractus æquivalentes venditioni, quales sunt: do, ut facias, vel ut obligeris ad hoc, vel illud, & similes. Nam etiam in jure civili solet interdum venditionis contractus in hac generalitate sumi, ut expresse dicitur in leg. *Sicut §. Venditionis*, ff. Quibus modis pignus, &c. Et ibi Glossa refert alia jura. Et latius Tiraquei. lib. 1. de Re tract. §. 1. Gloss. 2. Tercio in eadem venditionis voce indicatur tertium, quod in hoc peccato intervenit, nimirum pretium, sine quo nec datio rei spiritualis esset venditio, nec receptio esset emptio, sed esset gratuita donatio, & acceptio, quod est contra rationem simoniam, ut declaratum est, & sumitur ex cap. 1. & ca. *Gratia* 1. q. 1. quatenus ibi dicitur, simoniam non gratis, seu gratuito ordines accipere, & clarius ex Act. 8. *Existimasti, donum Dei pecunia possideri*. Tamen sicut diximus venditionem late sumi pro acceptione non gratuita, ita pecunia, vel pretium accipiendum est pro quacumque re æquivalente, seu pretio æstimabili: unde aliqui addunt illi definitioni particulam *pro re temporalis*. Sed non est necessaria, quia in ipso verbo vendendi satis continetur, & quia nonnullam patitur dubitationem, de qua infra dicetur.

Particula a Canon. his addita sequitur. Host. In sua interno potest dari simoniam, quæ non habet ad finem in exteriori, non est ex pax pax sua eccl.

14. Addunt aliqui Canonistæ huic definitioni aliam particulam, nimirum, *opere subsecuto*, quia si per solam voluntatem definitur, convenit definitio simoniæ mentali, non vero reali, vel conventionali: ita Host. in cap. *Nemo* de simon. nec repugnat ibi Abbas. Sed posset contra eos converteri ratio, quia addita illa particula, definitur realis simonia, & externa, non vero mentalis, in qua est essentialis ratio peccati; nam actus exterior non addit essentialem malitiam actui. Unde illi videntur locuti, ut Junius de simonia, quæ ad forum ecclesiæ externum pertinet, & est capax poenarum ecclesiæ, quæ semper requirit aliquod opus subsequutum, etiam si mentalis sit. Tamen apud Deum potest dari vera simonia per solam voluntatem. Factum tamen potuisse simoniam definiri non per voluntatem, sed per actum ipsum, dicendo esse venditionem rei spiritualis, sicut definitur furtum esse acceptionem teraliam, &c. Et sicut ibi non excluditur furtum mentale, quia intelligitur esse acceptionem actum, vel voto, seu desiderio. Ita dici posset de simonia. At vero etiam e converso, cum dicitur, est voluntas vendendi, &c. non excluditur actualis venditio voluntaria, & studiosa, seu deliberata, quia actio illa, ut simonia sit, voluntatem illam includit. Unde tota controversia est de modo loquendi; nam res satis conitat, & vulgata definitio sustineri poterit sine ulla additione. Illa vero, quam nos dedimus per proprium genus vitii, & differentiam ejus, videtur profecto satis accommodata, & juxta utramque totam hanc materiam prosequemur.

15. Ex dicta ergo essentiali ratione hujus vitii redu-

cere per nos, totam illius materiam, & amplitudinem ad quatuor capita, seu quatuor divisiones, juxta quatuor conditiones ejus, quæ ex dictis definitionibus colliguntur, scilicet genus vitii, seu sacrilegii materia: circa quam versatur, quæ est res aliqua spiritualis: pretium, seu res temporalis, quæ pro tali re spirituali datur: actio ipsa vendendi, seu commutandi; & ad primum ex his capitibus potest accommodari divisio simoniæ in intrinsecam malam, vel solum quia prohibita est. Nam vitium consistit in deviatione a regula: constituitur enim per carentiam conformitatis ad regulam: regula autem est lex, seu jus prohibens talem actionem, hoc autem jus explicatur per illam divisionem: recte ergo generi accommodatur. Ad secundum pertinent variae divisiones simoniæ, quæ ex parte materiæ dari solent, ut quod simonia alia est circa rem spirituales, alia circa rem annexam rei spirituali: vel in particulari solet distingui simonia in ordinibus, vel in beneficiis, & aliis similibus. Ad tertium pertinet divisio illa simoniæ ex parte pretii, scilicet a manu, a lingua, ab obsequio, ex cap. *Ordinationes* 1. q. 1. cap. *Totum* 1. q. 3. Et huc spectant alie quæstiones de variis rebus, quæ in commutationem rei spiritualis dari possunt. Ad quartum spectat communis etiam divisio simoniæ in mentalem, realem, & conventionalem, & huc etiam spectant omnes modi pactiorum, & contractuum, qui sufficient ad simoniam committendam, ex quorum cognitione pender, qui non sufficient. In his ergo quatuor capitibus totam hanc materiam, quantum ad explicandam culpam spectat, comprehendemus; & eodem ordine illam prosequemur, quia videtur satis accommodata ad naturam, & varietatem hujus vitii explicandam: qua intellecta, facile erit de obligationibus, quæ ex ea resultare possunt, & de penis illis impositis dicere.

In 4 capi. ta diffri. buntur omnia, quæ de simonia sup. dicebatur.

C A P U T II.

Sitne aliqua simonia jure divino prohibita. Incipitque explicari prima divisio simoniæ in eam, quæ est prohibita, quia mala, & eam, quæ est mala, quia prohibita.

Prima divisio simoniæ in vitio.

1. Q Uoniam præcipua hujus tractatus intentio est, declarare malitiam simoniæ, quæ per comparisonem ad regulam, quæ est jus, seu præceptum, sumenda est, ideo primo loco tractanda est divisio simoniæ, quæ per comparisonem ad hanc regulam sumitur. Ante omnia ergo supponenda est divisio simoniæ in eam, quæ est contra jus divinum, & eam, quæ tantum est contra ecclesiasticum. Quam divisionem omnes fere admittunt, ut de Jurisperitis constat ex Gloss. in cap. *Cum pridem*, de Pactis verb. *Illicite pactioris*: alia Gloss. in cap. *Ex parte* 1. de Officiis deleg. verb. *Dimittere*. Quam ibi Innocent. Hostiensis, Abbas, & alii approbant. Idem Innocent. Gloss. in cap. *Salvator* 1. q. 3. verb. *Et judicem*, Turrec. in cap. *Latores* art. 3. nu. 5. 1. q. 1. Eandem distinctionem admittunt Theologi, uno, vel alio excepto, ut infra. Et in generali persuaderi facile potest. Primo ex communi ratione sacrilegii: nam aliquod esse potest sacrilegium contra jus divinum, & aliquod contra ecclesiasticum, ut supra visum est: ergo eadem ratione poterit esse simonia utriusque modi. Patet consequentia, quia simonia sacrilegium quoddam est, & ita ex vi generis non repugnat ei dicta divisio, nec ex propria ratione potest ostendi repugnantia. Secundo ostendi potest in particulari de singulis membris. Nam in primis Simon magus propriam, & gravissimam simoniam commisit, ut ex dictis capitibus precedentibus constat: sed ille non peccavit contra positivam legem ecclesiæ, quia nec lata tunc erat, nec ille tenebatur illam scire; ergo peccavit contra divinum jus. De altero vero membro, quod possibile sit, probatur ex generali principio, quod lex humana potest constituere materiam aliquam, ut necessariam in aliqua specie virtutis, quæ ex natura sua

Divisio simoniæ in eam, quæ est de jure divino, & in eam, quæ est de jure ecclesiastico.

Probat divisio.

sua necessaria non erat, & sic potest facere, ut aliquid sit malum contra talem virtutem, quod seclusa lege positiva, malum non esset: ut seculare iudicium agere in loco sacro est sacrilegium contra jus humanum, quia ecclesia id prohibuit in peculiarem reverentiam loci facere: sic ergo negotiari, vendendo, vel emendo rem aliquam annexam rei sacre, vel permutare beneficia propria auctoritate, potuit ab ecclesia prohiberi, ut necessarium ad reverentiam talis rei, & tunc opposita actio erit simonia contra jus ecclesie.

An primum membrum simonie sit contra jus divinum naturale, vel contra positivum? Et ratio dubii est, quia D. Thom. in d. art. 1. (quem omnes sequuntur) utrumque conjungere videtur. Nam prius probat, simoniam esse malam duplici ratione, scilicet quia res spiritualis, & sacra indigne tractatur, cum pretio aestimatur; & quia vendit hominem, cujus non est dominus, scilicet rem sacram, & spiritualement. Quae duae rationes videntur eo tendere, ut probent, hoc esse contra jus divinum naturale. Deinde vero adjungit tertiam rationem sumptam ex verbis Christi, Matth. 10. *Gratis accepistis, gratis date*. Quae ratio procedere videtur de jure divino positivo; nam ex natura rei non est intrinsece malum, rem gratis acceptam non gratis dare, nisi aliunde resultet malitia; sic enim homo gratis a Deo accepit libertatem naturalem, vires ad laborandum, & similia, & tamen illa vendere, vel fructus, aut usus eorum, non est per se malum. Videtur ergo D. Tho. velle, hoc vitium esse contra utrumque jus divinum.

3 Aliunde vero apparet, contra neutrum esse: non quidem contra jus divinum positivum in lege gratiae: quia in hac lege nulla sunt data praecepta positiva a Christo Domino, praeter praecepta fidei, & sacramentorum: circa modum autem tractandi sacramenta, vel alias res sacras nihil peculiare praecepit Christus, praeter id, quod jure naturae sequitur ex sanctitate, seu dignitate uniuscujusque rei sacrae. Et confirmatur, quia verba illa, *Gratis accepistis, gratis date*, possunt facile per modum consilii explicari: tum quia nullum est verbum, quod rigorosum praeceptum, ejusque obligationem requirat: tum quia ibi non tantum monet venditionem, sed etiam quamcumque numerum oblationem, etiam gratuitam, si in recompensationem facti beneficii offeratur, ut Jansen. in Concord. cap. 55. animadvertit, & tamen hoc non est praeceptum, sed consilium, ut constat: tum denique, quia statim subjungitur, quasi in confirmationem praecedentis consilii: *Nolite possidere aurum, neque argentum, neque pecuniam in zonis vestris*. Quod tamen consilium est, licet sub eadem forma imperando proponatur.

4 Quod vero nec contra jus naturale sit hoc vitium, probari potest, quia duae priores rationes D. Thom. non videntur hoc convincere. Non quidem prima, quae inde sumebatur, quod videtur res spiritualis indigne tractari, dum per temporale pretium comparatur. At hoc non videtur cogere: tum quia saepe in contractibus justitiae fit licite permutatio, vel recompensatio inter rem, quae pecuniam satis recompensari non potest per pretium pecuniae; ut fama, vel corporis membrum non potest pecunia recompensari, & tamen, qui abstulit famam, vel abscidit membrum, potest ex conventionem humano arbitrio facta injuriam pecunia recompensare: tum etiam quia non oportet, ut hoc fiat ex falsa aestimatione aequalitatis inter rem temporalem, & spiritualement, sed ex voluntaria quadam pactione, instituendo, vel designando certum aliquod pretium loco rei spiritualis, quod ab eo, qui aequale dare non potest, videtur posse postulari, quod potest sine injuria rei dignioris, quam ille accepturus est. Sic enim non possumus nos reddere aequale Deo pro injuria, quam illi fecimus, & tamen ipse honestissime a nobis postulat in recompensationem id, quod facere possumus. Et confirmatur: quia si haec ratio valida esset, utique probaret, nec scientiam natura-

lem posse vendi, nec sanitatem, quia haec non possunt pretio ullo aestimari. Respondet aliquis, sanitatem, aut scientiam non vendi, sed actiones, aut industrias, quae juvant ad illas acquirendas, quae actiones, humanae sunt, & pretio aestimabiles. At enim eodem modo dicemus, non vendi gratiam, quae per sacramenta, v.g. datur, nec virtutem sacramentorum, nec sanitatem, v.g. quae per gratiam gratis datam confertur, sed actiones quasdam humanas, quae ibi interveniunt, & pretio aestimabiles sunt.

5 Altera ratio D. Thom. sumitur ex eo, quod non sumus domini rerum spiritualium, sed dispensatores; nemo autem vendere potest, nisi id, cujus est dominus. Quae ratio videtur habere fundamentum in cap. *Eos* 1. q. 1. Potest autem refutari ex objectione proxime facta, quia licet non simus domini donorum spiritualium, sumus tamen domini actionum, quas per illa dona exercere possumus; ergo possumus illas vendere. Secundo, quia falsum videtur assumptum: aliqui enim censent, esse nos dominos gratiae, & spiritualium virtutum, quas in nobis recipimus, ut beneficiatus est dominus sui beneficii, & sic de aliis. Tertio, quia esto, non habeamus dominium, habemus usum: usufructus autem potest vendere jus suum, etiam si dominus rei non sit: sic ergo, qui prophetia, vel linguarum donum accepit, poterit pro usu illius, ut concionandi, aut interpretandi pretium accipere. Tandem confirmatur, quia si haec ratio esset valida, sequeretur esse simoniacum, rem spiritualement pro alia spirituali commutari: consequens est falsum, ut suppono; ergo. Sequela patet, quia qui non est dominus, sed dispensator, nullam recompensationem potest exigere, nec temporalem, nec spiritualement, quia nullum habet jus, cum non sit dominus. Ut qui dispensat elemosynam alterius gratis dandam secundum voluntatem ejus, non potest exigere a paupere, ut aliquam orationem dicat, vel Missam, si sit sacerdos, imponendo illi obligationem.

6 In hac dubitatione breviter aliqua dicenda sunt. Primum est, vitium simoniae ex genere suo esse posse, immo regulariter esse contra jus divinum naturale. Haec est sententia, & mens Divi Thomae dicto art. 1. & expressius in art. 2. quem ibi Cajetan. & alii sequuntur, Sor. lib. 9. de Just. quaest. 5. art. 1. & 2. Victor. dicta Relect. num. 11. Durand. 4. d. 15. quaest. 5. num. 7. & ibi Paludan. quaest. 4. art. 2. & idem sentit Richar. art. 3. q. 1. Adrian. Quodlib. 9. ad 3. Armach. lib. 10. cap. 9. Et nullum invenio contradicentem quoad hoc membrum, & Gloss. ac Juristae allegati illud tanquam indubitatum supponunt. Ideoque pars haec omnino certa videtur, & convincitur ex verbis Petri, Act. 8. *Pecunia tua recum sit in perditionem, quia donum Dei existimasti pecunia possideri*. Ubi ex ipsa natura, & conditione talis doni arguitur Simonem, non ex aliqua positiva prohibitionem; sentit ergo ex natura rei, affectum illum, & conatum fuisse iniquum, & sacrilegum. Videtur autem esse vis rationis a Petro insinuat, quia contra dignitatem, & excellentiam doni, quod est proprium Dei, & ex ejus gratuita voluntate pender, est, ut per humanum contractum, ac temporale pretium aequiparatur; hoc autem fit per simoniam: est ergo magnum sacrilegium ortum ex ipsa rei natura, quia est contemptus quidam, & vilipendium divini doni. Est etiam gravis injuria ipsiusmet Dei, quia ejus dona ita tractantur, ac si ipse esset per pecuniam inducendus, & quasi cogendus ad sua gratuita dona praestanda. Vel certe, quia dum haec dona ab homine emuntur, ipso opere, & facto significatur, non Deum, sed hominem esse principalem auctorem talium donorum, & ab illius voluntate, & efficacia principaliter pendere, non ex gratuita voluntate Dei. Ergo talis modus acquirendi, vel conferendi haec dona divina, ex natura rei est contrarius sanctitati, & propriae conditioni talium donorum, ideoque ex natura rei illicitus est, & sacrilegus. Et confirmatur, quia lex naturalis dicitur, sancta esse sancta tractanda, & ideo de sacramentis dicimus, quod licet eorum institutio sit de jure divino positivo, tamen illa supposita institutione, contra legem naturalem est, sacramenta indigne suscipere. Ita ergo in praesentia eo ipso, quod haec dona supernaturalia, &

divina

2. Ratio D. Thom. pugnat.

Cano Rel. de pen. p. 4. §. Ad 2. Ledesm. in 4 q. 3 ar. 2. dub. 3. & 2. liqui moderni in 2. disputantes de dominio.

Simonia non solum potest esse, sed regulariter est contra jus divinum naturale.

* Ratio D. Thom. pugnat.

divina sunt, contra legem naturalem est, ea indigne tractare, deducendo illa ad viles, & temporales contractus. Unde intelligitur obiter, hoc jus non dici naturale eo, quod per nudum naturale lumen diceretur, sed quia ratio fide illustrata naturaliter hoc dicitur, ita ut hoc jus sit quasi connaturale ipsi fidei, ut in materia de legibus latius expositum est.

7 Præterea rationes D. Thom. optimæ sunt, & communiter ab omnibus probantur, immo fere illis solis utuntur ad veritatem hanc confirmandam, ut videre licet in citatis auctoribus, præsertim Dur. & Richard. in Janf. Matth. 10. Prima autem ratio, ut efficacior sit, non est fundanda in sola inæqualitate inter pretium temporalem, & rem spirituales, sed maxime in improprietate quadam, ratione cujus res spiritualis indigne tractatur, quando pro temporali pretio commutatur. Quia tractatur, ut subjecta humano arbitrio, & æstimationi, & non ut res suo modo divina, & pendens ex liberali largitione Dei. Item tractatur, ut res vilis, & parvæ æstimationis: nam ut recte dixit Hormisdas papa de hac eadem re scribens ad episcopos Hispaniæ: *Quis non vile putat esse, quod venditur?* Et ita cessant objectiones factæ. Nam licet in bonis mere humanis distingui soleant bona diversorum ordinum, ut divitiæ, fama, & vita, inter quæ sit interdum commutatio, vel compensatio aliqualis, & arbitraria, esto res non sint omnino commensurabiles: nihilominus omnia illa humana sunt inferioris ordinis respectu bonorum gratiæ, & inter se in hoc conveniunt, quod omnia sunt bona mere temporalia, & humana, & ideo possunt sine ulla reverentia in commutationem afferri, quia nullum ex illis bonis est sacrum, vel dignum aliqua veneratione. Et similiter sine iniuria possunt ita commutari, quia permutantes possunt ita convenire, & tale jus inter se constituere, vel cedere iuri suo. Secus vero est in bonis gratiæ, & rebus sacris, quæ speciali veneratione tractandæ sunt, & ideo non sunt per temporalia pretia æstimandæ: nec ad hos temporales contractus deducendæ. Unde non est simile, quod afferebatur in priori difficultate de recompensatione divinæ offensionis per poenitentiam; quia licet ibi non sit æqualitas, est tamen quædam proportio, & id, quod in recompensationem offertur, divinum donum est, & non ex humana, sed ex divina voluntate taxatur, & postulatur. Eodemque fere modo respondet D. Thom. supra de gloria, quæ per merita quodammodo emittitur. In confirmatione autem addita ad primam difficultatem postulat, an sacræ functiones, saltem ratione materialis operis, ac laboris humani, possint vendi taliter stando in jure naturæ: sed hoc infra in particulari tractandum est: nunc dicimus saltem ex natura rei non posse vendi, prout sacræ sunt, quod ad propositum satis est. Nec in hoc æquivalentur eis aliæ actiones humana, quia illæ sunt inferioris ordinis, ut in seq. magis exordietur.

8 Ad 2. difficultatem, quod attinet ad beneficia ecclesiastica, quatenus aliquid spirituale in illis est, eadem ratio est de illis, quæ de aliis rebus spiritualibus; quatenus vero temporale emolumentum habent, infra tractandum est, quomodo subiecta dispensationi prælatorum ecclesiæ, vel eorum, qui illa possident, & quomodo in eis simonia committatur, de illo enim non satis constat, an sit contra jus divinum, vel humanum, & ideo necesse nunc non est de illa in particulari miscere sermonem. Tamen de aliis proprie spiritualibus, & supernaturalibus, ut sunt gratia gratum faciens, & gratis data, cum omnibus donis, quæ ad has reducuntur, probabilius simpliciter est, non cadere sub humanum dominium, ut hic supponit D. Thom. atque etiam docuit 1. 2. qu. 73. art. 9. ad 2. & Sor. 4. de Just. q. 2. videtur habere fundamentum in Paschasio papa in d. cap. *Eos qui* 1. qu. 1. quatenus in hoc maxime fundat iniquitatem simoniæ.

9 Verum tamen etiam si demus, esse nos dominos aliquo modo donorum gratiæ, quæ nobis collata sunt, potest ratio subsistere, quam Vict. variis modis declarat. Primo, quia licet nostra sint, data sunt a solo Deo, quæ autem sic habentur, non possunt vendi: *Nam videtur* (inquit) *jure gentium, quod pisces maris fere o-*

nibus sint communes. Secundo, quia sunt data nobis ad communem utilitatem, quæ autem talia sunt, non possunt in utilitatem privatam converti, illa vendendo. Tercio, quia quæ gratis, & sine operibus nostris conferuntur, nobis liberaliter debent distribui, ut aqua, Sol, &c. Sed profecto parum cogunt. Quia licet aliqua bona sint a Deo solo, & gratis donata, si mihi in particulari donata sunt, licitum mihi erit illa, vel utilitatem, vel usum illorum vendere, si aliunde non repugnat; quia dominium dat hanc facultatem, si ve a solo Deo, si ve a quocumque alio originem duxerit: parum enim hoc refert. Nec exempla sunt ad rem, quia pisces, & fera tunc vendi non possunt, quando non sunt alicui in particulari ad dominium applicatæ, at vero facta applicatione vendi possunt. Et si Deus ipse alicui immediate pisces aliquos, aut feras donasset, posset illas vendere, sicut vidua potuit vendere oleum, quod per Eliseum Deus miraculose donaverat. In præsentia autem hæc dona gratiæ non dantur tantum generi humano in communi, sed dantur divisa, & applicata tali personæ, dividente Spiritu sancto singulis, prout vult; ergo ex hoc capite non procedunt exempla, nec rationes factæ. Neque etiam videtur sufficere, quod dentur propter aliorum utilitatem, quia simul dari possunt propter communem utilitatem, & privatam, posset enim quis deservire communitati, utendo, v. g. dono sanctorum, etiam si propter curationem aliquid acciperet, vel operam suam venderet.

10 Aliter imponenda est illa ratio: nam in his donis gratiæ ad summum potest considerari aliquid dominium quoad actus eorum, quatenus illos libere exercemus, & ea ratione dicimus esse illorum domini. Tamen hi actus dupliciter considerari possunt, uno modo, ut pertinent ad sanctificationem operantis, & illi possunt esse utiles ad meritum: & ut sic constat, non esse vendibiles pretio temporali, quia non possunt transferri in dominium aliorum; immo neque efficaciter transferri in utilitatem aliorum. Alio ergo modo considerari possunt, ut possunt per eos conferri aliqua spiritualia bona proximis; & ut sic etiam vendi non possunt, quia nos non sumus domini illorum spiritualium bonorum, quæ per illos actus conferenda sunt aliis, sed pendet ex sola institutione, acceptance, ac voluntate, & efficacia Dei: & ideo si quis tentet vendere tales actiones, quatenus spirituales fructus alii afferunt, non actiones, sed fructum ipsum venderet. Et ita Petrus reprehendit Simonem, quod donum ipsum Dei emere tentasset, quamvis ille ab Apostolis non postularet nisi actionem illam, per quam conferri posse putabat tale donum. Adde, actionem ipsam spirituales, ut talis est, esse donum Dei, quod vilesceret, si pecunia æstimaretur. De actione autem ipsa materiali, an intrinsece maneat invendibilis ex natura rei eo ipso, quod elevata est ad tale esse spirituale, vel ad talem efficaciam supernaturalem efficiendam, infra videbimus tractando de sacramentis, & aliis actionibus corporalibus, ubi efficacia harum rationum, & intrinseca malitia simoniæ magis constabit.

11 Secundo dicendum est, in lege gratiæ non esse latum speciale præceptum divinum positivum prohibens venditionem rerum spiritualium, sed naturale esse a Christo Domino in Evangelio explicatum. Priorem partem ponit expresse Victor. in d. Relect. n. 11. quem posteriores sequuntur propter rationem supra insinuatam, quod in lege nova nec negativa, nec affirmativa præcepta data sunt a Christo, præter præcepta fidei, & sacramentorum, ut sumitur ex Div. Thom. 1. 2. qu. 108. art. 1. ad 2. & art. 2. in corp. ubi ostendit hoc pertinere ad libertatem legis gratiæ. Confirmari potest hæc pars ex præced. assertionem. Quia omnis simonia, quæ committi potest contra res per se spirituales, vel contra illas res sacras, quæ sunt ex ipsius Christi institutione, est immediate, vel mediate contra legem naturalem; ergo non fuit necessarium addere specialem legem positivam divinam circa hanc prohibitionem, licet fuerit conveniens jus ipsum naturale a Christo indicari.

12 Sic ergo procedit altera pars assertionis, quæ pro-

Rationes
a calu-
mnia vin-
dicantur.

Rationes
Vict. non
argere o-
stenduntur.

Quid di-
cendum de
beneficiis
ecclesiasticis.

Gratiam
non cadere
sub domi-
nium ho-
minis
probabi-
lius est.

Licet ca-
las sub
dominiū
adhuc nō
posse vid.
Victor.

In lege
gratiæ nō
est positi-
vū præce-
ptum pro-
hibens ven-
ditiōem
rerū spi-
ritualium
tamen ex-
plicatum
est.

Probatur
ultima
pars af-
firmationis.

probari solet ex Matth. 21. & Joann. 2. ubi Christus ejecit vendentes, & ementes de templo, inter quos erant vendentes columbas, quia columba Spiritum sanctum, & dona ejus representat. Ut exponunt in Matth. Hieronymus, & Beda, Ambrosius, Luc. 19. Chrysostomus bene Homil. 13. in Marc. ubi fere omnia dicta confirmat. Et de eodem testimonio habetur multa jura 1. qu. 3. c. *Ex multis*, cum sequentibus. Verumtamen licet auctoritas reddat hoc argumentum efficax, tamen ex testimonio per se spectato non sumitur, quia est mystica expositio, a qua non solet efficax argumentum sumi. Possumus etiam inde argumentari, quasi a fortiori. Nam si Christus tam acriter reprehendit negotiationem in templo, multo certe magis damnat negotiationes, & venditiones ipsarum rerum sacrarum, ac divinarum. Potissime vero probanda est hæc pars ex dictis verbis Christi: *Gratis accepistis, gratis date*. In quibus verbis in primis pro certo statuendum est, adverbium illud, *gratis*, in utroque loco proprie accipi. Quod ad verbum, quia Maldonatus exposuit, *Gratis date*, id est, largiter; nam, quæ gratis dantur, largiter dantur. Sed sine dubio illa non est proprietas vocis: nec fundamentum illius translationis videtur in universum verum: nam sæpe, quæ gratis dantur, etiam si gratis accepta sint, cum magna moderatione, & mensura dari solent: nisi contingat, multum esse liberalem, qui donat. Denique quicquid sit de hac metaphora, proprietas vocis prius tenenda est: tum propter generalem regulam interpretandi Scripturam: tum quia & Patres, & Theologi omnes ita intelligunt, ut gratis sit, dare sine pretio: tum etiam quia hæc est significatio aptissima pro materie qualitate, & ad mores maxime necessaria, & nullum habet conveniens: tum denique quia in hoc sensu dicitur, *gratis accepistis*, i. sine pretio, & sine merito ex gratuita voluntate dantis; in eodem ergo sensu subjicitur, *gratis date*.

Predicta
Christi
verba pre-
cepti non
sunt.

13 Secundo est supponendum, verba illa præceptum continere, & necessitatem indicare, non consilium. Ita in rigore postulat imperandi verbum, si aliunde non constet de alio leniori sensu, quod hic constare non potest, neque ex materia, quia illa capax est talis præcepti, ut constet, neque ex Patrum expositione: nam potius illi, & expositores communiter, ac Theologi intelligunt, ibi præceptum contineri, quo prohibetur simonia. Et licet Patres hac voce non semper utantur, sed avaritiæ turpis, quam dicunt ibi Christum prohibuisse, tamen in re in idem redit, quia idcirco avaritia illa materia est graviter culpabilis, & turpis, quia est sacrilega, & contra dignitatem, ac sanctitatem divinæ gratiæ. Sic Hieron. ibi exponens illa verba, inquit: *Quia semper dona spiritualia, si merces media sit, viliora fiunt, adiungitur avaritia condemnata, Gratis accepistis, gratis date*. Sentit ergo damnari illam venditionem, ut sacrilegam, & redundantem in vilipendium spiritualium donorum. Unde subiungit: *Ego magister, & Dominus absque pretio hoc vobis tribui, & vos sine pretio date, ne Evangelii gratia corrumpatur*. Quod optime confirmant verba Petri 1. Epist. c. 4. *Unusquisque prout accepit gratiam in alterutrum illam ministrans sicut boni dispensatores multis formis gratiæ Dei*.

Confir-
matur.

14 Unde nova insurgit confirmatio: cum enim hæc gratiæ, & ecclesiastica ministeria ad confirmationem, & fructificationem doctrinæ ordinentur, si pretio venderentur, corrumpere Evangelium, id est, inefficax, & utile redderetur: tum quia signa ipsa, & verbum vilescerent, nec æstimarentur tanquam divina, sed ut artes, vel inventiones humanæ ad lucrandum: & ministri acciperent occasionem vacandi potius quæstui, quam doctrinæ, & auditores minus benevoli redderentur ad verbum Dei suscipiendum. Et hoc fere modo expendit locum illum late ibi Abulen. qu. 61. 62. 63. Continent ergo verba illa præceptum de re valde necessaria ad Apostolicum ministerium. Nec refert, quod sequentia verba contineant consilium, quia verba adaptantur materię, in quam cadunt. Quamvis dici possit, etiam sequentia verba continere verum præceptum, ita enim loquitur ibi Hieronymus. Sive illud fuerit quasi personale præceptum pro solis Apostolis, & pro illo tempore da-

Suarez Tom. XII.

tum, ut significat Augustinus lib. Quæst. Nov. & Ver. Testam. quæst. 104. & Ambrosius lib. 7. in Luc. 10. circa illa verba, *Non peram, &c.* Et exponit late Jansen. Matth. 10. Sive spiritualiter intelligendum sit, nimiam solitudinem talium rerum ibi prohiberi, quæ solet esse turpis avaritiæ mater. Ubi latius expositores declarant: & uno verbo attingit Ambrosius lib. de Joseph. cap. 13. dicens. *Misit Dominus discipulos sine auro, &c. id est, ut incentive alitis, & instrumenta eriperet ultionis*. Et Psalm. 118. Oct. 5. *Ideo dixit Dominus: Nolite possidere aurum, vel argentum, ne vos auri, & argenti cupiditas avara possideat*.

Præceptum
in illis
verbis con-
tineri non
est positum
sicut
Ambr.

15 Ad id vero ulterius, præceptum illis verbis contentum non esse positivum tantum, sed ex natura rei, & ex vi talis materie necessarium. Hoc satis declaratum est, & probatum rationibus factis, quia & finis talium gratiarum, & dignitas earum postulat, ut mercatum non eponantur. Sic ergo dixit Ambrosius lib. 5. in Luc. 8. *Tam vili actione vult æstimari se Christus, ut ab omnibus ematur, ne quis pauper deterreatur, Gratis* (inquit) *accepistis, gratis date, pecuniam non querit divitiarum altitudo, sed gratiam*. Ubi utramque rationem, & ex parte finis, & ex dignitate gratiæ attingit. Sic etiam dixit idem Ambrosius lib. de Dignit. Sacerd. cap. 5. *Si gratia gratis datur, & pretio non comparatur, a te cur gratia pecuniis comparatur?* Ubi observandum occurrat, in verbis Christi utramque *gratis*, cum eodem rigore, & proprietate sumi, eo nimirum modo, quo gratia divini, & supernaturalis ordinis; gratia per anonomasiam appellatur, quia videlicet omnino gratis datur, ita ut omne debitum excludat, sive meriti perfecti, sive imperfecti, sive conaturalis habitudinis ad ipsam naturam. Quod enim gratis sic accipitur, gratis etiam, & sine pretio communicari debet, eo modo, quo potest ab uno homine alteri communicari, quia si communicetur propter pretium, agitur contra naturam talis gratiæ, & contra auctorem ejus: nam venditur id, quod ipse solus potest conferre, & ita homo opus Dei vendit: tanquam suum, & id quod vendit, vult æstimari, ut suum, non ut Dei.

C A P U T I I I.

Qualis, & quanta, & quam intrinseca sit malitia simonia.

1 PRIUSquam ad aliud membrum divisionis declarandum accedamus, nonnulla dubia, quæ ex dictis circa primum membrum oriuntur, expedienda sunt, ut hæc malitia simoniæ, quam intrinsece malam esse dicimus, & de qua nunc tantum agimus, perfecte intelligatur. Ex dictis ergo constat primo, hanc malitiam esse contrariam directæ, ac proxime virtuti religionis, quatenus ad religionem pertinet res sacras, atque divinas debita veneratione tractare. Hoc enim est, quod per simoniam maxime violatur, ut declaratum est. Et omnes rationes, quæ sunt ad declarandam malitiam naturalem hujus vitii, ut efficaces sint, eo tendere debent, ut declarent quomodo per venditionem, seu temporalem pactiorem, aut commutationem divinis donis, & consequenter Deo illorum auctori gravis irreverentia fiat, quod etiam in superiori capite pro viribus explicatum est.

Peccatum
hoc ex ge-
nere suo
est contra
religionem.

2 Ethinc sequitur secundo peccatum hoc ex genere suo mortale esse, atque gravissimum, quod est certissimum dogma, & ab omnibus Doctoribus, tam Theologis, quam Jurisperitis, & Summis receptum, satisque est declarata hæc gravitas a Petro illis verbis: *In felle amaritudinis, & obligatione iniquitatis video te esse*. Et in jure tanta exaggeratione reprehenditur hoc vitium, ut omnibus aliis peccatis mortalibus ex genere suo præferri videatur. Nam in cap. ult. 1. quæst. 7. dicitur: *Omnia crimina ad comparationem simoniace heresis quasi pro nihilo reputantur*. Et in cap. 1. quæst. 3. dicitur, non esse dispar a sacrilegio. Et in cap. Reperiuntur 1. quæst. 1. vocatur execrabile flagitium, & in capit. *Quisquis eadem dicitur piaculare flagitium*, id est, ut exponit Glossa, quia comparatur ei, quod mortis

Peccatum
hoc ex ge-
nere suo
est mor-
tale.
Ad 8.

expiator. Et in cap. *Si quis Episcopus*, eadem ex Concil. Chalced. cap. 2 vocatur *turpissimum lucrum*, & in cap. *Sane* 15. q. 3. dicitur, *ad instar publici criminis, & laese majestatis puniendum*. Similia habentur in c. *Tanta de Simon*. Quæ non sunt intelligenda cum tanta proprietate, ut omnino credatur, hoc peccatum ex genere suo reliqua omnia superare. Nam sine dubio majus peccatum est hæresis; & omnia, quæ directe opponuntur virtutibus Theologicis, majora sunt, ut supra generaliter ostensum est. Et intra latitudinem peccatorum contra religionem majus peccatum est idololatria, ut recte notavit Alesius. d. q. 167. memb. 2. §. 3. Nam idololatria immediate est contra ipsum Deum, & majestatem ejus: simonia vero proxime est contra dona ejus. Intelligendum ergo est, omnia illa esse dicta per exaggerationem ad explicandum, esse hoc acerbissimum, & gravissimum peccatum.

3 Præsertim vero exaggeratur a Patribus, quia est vitium perniciosissimum ecclesiæ. Tum quia ratione avaritiæ, & ambitionis, quæ cum illo conjunguntur, nimium diffunditur, & ut cancer serpit, & ideo vocari solet simoniaca pestis. Et hac ratione dicitur in cap. *Sicut de Simonia, Simoniaca pestis alios morbos vincit*: utique in extensione, & virtute corrumpendi mores. Et ob eandem causam in dicto cap. *Reperiuntur* 1. q. 1. dicitur *Cancerosum vulnus, & usitatum malum*. Tertium etiam quia magnum nomen nocentum affert ecclesiæ; nam occasione hujus vitii indigni eliguntur, & sanctum datur canibus, & ecclesiæ vilescunt. Ratione ergo harum circumstantiarum solet exaggerari, & præferri aliis vitiis. Et eodem modo posset exponi Ambr. lib. 4. in Luc. Et habetur in cap. *Cito* 1. q. 1. quatenus significat, gravius fuisse punitum hoc peccatum in Giezi 4. Reg. 5. quam idololatriam in Moabitis, Deuter. 23. Quia Giezi dictum est: *Lepra Naaman adhærebit tibi, & semini tuo usque in sempiternum*. De Moabitis autem dictum est: *Non intrabunt in ecclesiam usque in tertiam, vel quartam generationem* (ut legit Ambrosius.) Esto enim fuisset imposita major poena, non inde inferretur esse absolute majus peccatum. Quia sepe in republica major poena ponitur ad correndum peccatum, quod majus nocuum mentum communitati affert, vel quod frequentius accidit, quia natura est in illud proclivior, licet in se non sit simpliciter gravius. Retamen vera ex illis locis non potest fieri illa comparatio, tum quia Moabitæ non fuerunt puniti propter idololatriam, sed quia noluerunt Hebræis occurrere cum pane, & aqua in via, quando veniebant ex Aegypto, ut ibidem dicitur; tum quia non dicitur, usque tertiam, & quartam; sed dicitur, etiam post decimam generationem non intrabunt in ecclesiam Domini in æternum: tum denique quia poena Moabitæ erat in suo genere longe gravior, quam lepra corporalis, scilicet non admitti in ecclesiam, neque ad amicitiam cum populo Dei, ut ibidem subjungitur. Sunt ergo alia peccata graviora, licet hoc & mortale, & gravissimum sit.

4 Unde interrogari non immerito potest, an hoc peccatum possit esse aliquando veniale, nihil enim invenio ab auctoribus dictum? Et habere potest dubitationem ex generali regula, quod mortale ex genere fieri potest veniale ex levitate materiæ, ubi materia talis est, quæ possit augeri, & minui, ut videtur esse in præfenti: nam & res spiritualis, quæ venditur, potest esse in suo genere levis, ut verbi gratia, si vendatur parum aquæ benedictæ, aut cereus agnus, vel quid simile: & pretium potest esse tam parvum, ut pro nihilo reputetur.

5 Dico nihilominus, in hoc peccato non dari levem materiam, nec fieri posse veniale, nisi forte per inconsiderationem, vel ignorantiam habentem admixtam negligentiam tantum venialem. Priorem partem videntur mihi satis insinuasce Doctores loquentes tam absolute, & acerbè de gravitate hujus peccati, & nullam faciendo mentionem venialis peccati ex levitate materiæ, cum in aliis sacrilegiis, superstitionibus, & similibus vitiis illam non omittant, unde in aliis peccatis dicere solent esse mortalia ex genere, in hoc vero non addunt limitationem, *Ex genere*, sed simpliciter dicunt esse grave, & gravissimum pecca-

tum. Ratio vero est, quia nec ex parte rei spiritualis, nec ex parte pretii potest ita diminui hoc peccatum. Primum patet, quia nullum donum gratiæ, quantumvis parvum videatur, esse potest vendibile sine gravi irreverentia Dei, & ipsiusmet doni, quod licet in suo ordine sit parvum, nihilominus non potest contemni, neque conculcari sine gravi culpa; & eadem ratione, nec vendi potest sine culpa, quia per hoc gravissime contemnitur, & tanquam quid vile tractatur. Et quantum est ex parte talis actionis, subtrahitur a gratuita donatione Dei. Nam quod pretio potest æstimari, ac dari, non reputatur tanquam pendens ex gratuita donatione Dei. Unde sicut laboreretur gravissime, qui vel minimum opus pietatis sibi tribueret, & non gratuitæ donationi Dei; neque in tali cogitatione potest inveniri levis materia; ita graviter peccat semper, qui donum aliquod gratiæ, etiam si minimum esse videatur, venditioni exponit. Sic existimo esse peccatum mortale, vendere vel unum minimum cereum agnum, vel pro vero pretio unam operationem Angelicam, vel aliquid simile spirituale facere, aut conferre. Multoque certius est, esse peccatum mortale, primam tonsuram pro pretio dare, licet in gradu ordinum videatur quid minimum: idemque est in similibus.

6 Idem facile ostendi potest ex parte pretii: nam si illud magnum sit, eo ipso apparet gravis deformitas, quia tunc ex utroque capite satis magna est materia talis delicti. Item, illud est magnum lucrum temporale, & est turpissimum, quia per abusum rei spiritualis acquiritur: est ergo grave peccatum. Dices, rationem hanc probare solum ex parte vendentis: nam ille qui emit, nihil lucratur temporale, sed potius jacturam patitur. Respondeo primum e mentem peccare saltem ex priori capite, quia rei spirituali injuriam facit, & quo majus pretium dat, eo (ut sic dicam) minus gratis vult habere illam: atque ita gratiam vult habere non gratis, quod perversum est (ut dicitur in cap. *Gratis* 1. q. 1.) etiam in minimo dono gratiæ. Et deinde, eum emere, & vendere correlativa sunt, si venditio est simoniaca, etiam emptio: & si una est gravis, etiam altera, saltem per quamdam societatem, & cooperationem. Si autem pretium sit vile, eo magis videtur vilipendi, & contemni res spiritualis, quæ sic venditur: æquiparatur enim loco pretii temporali, & quia in suo ordine parva esse videtur, vili pretio danda, aut comparanda censetur. Itaque cum quicumque quantitas sit id, quod pro re spirituali datur, si revera ut pretium datur, & accipitur, simonia est, & per eam gravis irreverentia fit rei sacræ, & ideo non potest excusari a peccato mortali propter materiæ levitatem.

7 Cumque hæc actio fiat per humanam conventionem, & contractum, certe non potest ex surreptione, vel indeliberatione excusari, quia contractus humani sufficienti libertate ad peccandum mortaliter fieri solent. Potest nihilominus intervenire ignorantia vel facti, quia vel non advertit quis, rem illam esse spirituales, aut non putat, illam esse venditionem, aut actionem æquivalentem: vel certe potest esse ignorantia juris, si existimet, in tali materia non dari simoniam prohibitam. Verum tamen hæc posterior ratio erit excusabilis in materia pertinente ad jus divinum, de qua nunc loquimur, nisi ubi fuerit res dubia, & sub opinione constituta: & tunc si quis adhæserit opinioni probabili, ignorantia erit probabilis, & invincibilis, & ita excusabitur etiam a culpa veniali, alioquin vero non excusabitur a mortali: poterit nihilominus contingere, inadvententiam esse aliquo modo culpabilem, sed cum levi culpa, vel negligentia, & tunc etiam simonia poterit esse veniale quasi ex surreptione, & indeliberatione. Sed hoc tam est accidentarium, & rarum, ut non obstat, quominus moralis regula absolute possit constitui, hoc peccatum semper esse mortale.

8 Sed obijci potest, quia sacrilegium etiam in materiis Sacramentorum potest esse veniale, & mendacium in sacramentali confessione potest esse veniale, & infidelitas in servando voto potest esse venialis

Offensius non dari levitatem ex parte rei spiritualis.

Probat non posse dari levitatem ex parte pretii.

Quo pacto possit dari peccatum veniale in hac materia.

Obje-ctio:

solvisur, nialis ex levitate materiæ; ergo simonia, cum tantum sit quædam species sacrilegii, eadem ratione poterit etiam esse venialis ex materiæ levitate. Respondeo, negando consequentiam: nam sub genere irreligiositatis possunt esse multa peccata venialia ex levitate materiæ, & nihilominus blasphemia, quæ species est irreligiositatis, non potest esse venialis ex parte materiæ, ut supra dictum est. Ita ergo de simonia, quæ merito potest cum blasphemia comparari: nam factio ipso (ut sic dicam) continet quædam blasphemiam. Nam qui vendit spirituale donum, factio proficitur, esse rem pretio æstimabilem, & comparabilem industria humana, ac subinde non esse supernaturale donum gratuitum, quod in omni materia habet gravem deformitatem: in aliis vero materiis aliorum sacrilegiorum hoc non invenitur, ut constat.

An Deus possit dispensare in vendendis rebus spiritualibus

Duo sensus quæstionis proponuntur,

In primo sensu tractatur quæstio, & pro parte negatæ solvitur.

9 Uterius vero dubitari potest, an hæc malitia sit adeo intrinseca actui simoniæ, ut non possit talis actus illa carere, & honestari, etiam de potentia absoluta Dei? Quod est quærere, an possit Deus nobis dare licentiam emendi, vel vendendi spiritualia sine labe simoniæ? Quæ interrogatio partim potest pendere ex illa, an præcepta moralia naturalia sint indispensabilia, partim potest aliquid diversum inquirere. Est enim considerandum, aliud esse, quærere, an statim omnibus conditionibus, & circumstantiis, quæ nunc sunt ex parte materiæ, & objecti simoniæ per se pravæ, fieri possit, ut actio vendendi, & emendi rem sacram purgetur a malitia simoniæ, per divinam dispensationem immediate tollentem obligationem legis, & non mutantem materiam talis actionis; aliud vero esse, quærere, an res spirituales possint a Deo nobis aliter concedi, quam nunc concedantur? & an facta illa mutatione, inde resultare possit, ut res spiritualis honeste vendatur absque simonia.

10 Prior sensus pertinere potest ad quæstionem de præceptis naturalibus, an dispensabilia sint. Et juxta varias opiniones, quæ in illa generali quæstione inveniuntur, hic erit consequenter loquendum. Ego vero censeo, in nullum præceptum naturale, quod ex intrinseca materia virtutis, vel vitii nascitur, posse cadere propriam dispensationem, quia illa malitia non nascitur ex voluntate extrinseca legislatoris, sed ex natura intrinseca talis materiæ, quæ auferri etiam non potest, vel mutari per solam extrinsecam voluntatem, nisi in materia ipsa, vel conditionibus fiat mutatio. Quia voluntas extrinseca potest tollere obligationem, quæ ab illa, vel ab inferiori voluntate provenit, etiam si materiam intrinsece non mutet: natura autem rerum non possunt ita mutari, ut constat. Quæ ratio locum habet tam in naturalibus præceptis, quæ dicuntur esse prima principia, quam in conclusionibus sive proximis, sive remotis, dummodo per evidentem illationem consequantur. Censeo autem, malitiam simoniæ, de qua nunc agimus, intrinsece sequi ex natura talis actus vendendi, vel emendi, prout versatur circa res spirituales, prout nunc sunt, vel nobis donantur: hoc enim probant omnia dicta in capite præcedenti, alias non erit simonia mala de jure naturali: & ideo censeo per nullam dispensationem fieri posse, ut talis actus non sit malus, nam ille non est malus, quia prohibitus, sed de se talis est, & prohibetur, quia malus; ergo quantumcunque tollatur prohibitio, semper erit malus: sed dispensatio solum potest tollere prohibitionem, non mutare naturam; ergo non potest a tali actu malitia separari per ullam dispensationem. Quæ ratio ex seq. puncto magis patebit.

Objectio.

11 Duo vero hic objici possunt. Unum est, quia in hoc peccato habet locum epikia, statimque eidem circumstantiis intrinsecis objecti, & materiæ, & solum mutatis extrinsecis circumstantiis, quæ possunt inducere excusationem: multo ergo magis poterit cadere in hunc actum divina dispensatio, quia potentior est divina voluntas, quam omnis extrinseca circumstantia. Unde regula generalis, & vera est: omne præceptum, cujus obligatio potest in particulari cessare per Epikiam propriam, multo magis posse non obligare per divinam dispensationem, ut ex materia de legibus suppono. Et ita nota est consequentia. Ante-

Suarez Tom. XII.

cedens vero haberi potest ex sententia satis communi, quo in casu necessitatis extremæ potest sine peccato emi baptismus: ibi enim non limitatur materia venditionis, seu emptionis quoad intrinsecas condiciones suas, sed solum accedit necessitas, quæ extrinseca est. Secundo objici potest, quia Papa potest dispensare in simonia, quæ in venditione beneficiorum committitur, etiam si juris divini sit, ut multi canonistæ docent; ergo multo magis poterit Deus dispensare in quacumque simonia juris divini. Sed hæc objectiones petunt longas quæstiones infra tractandas, & ideo ne methodum perturbemus, illas nunc remitto. Et ad primum nego, posse in illo casu emi baptismum; an vero alio modo possit tunc licite pecunia dari, quæ postulatur, infra dicam. Ad secundum dicendum est, vel illam simoniam esse tantum de jure positivo, vel Pontificem non posse in illa dispensare, quid autem horum verius sit, infra dicam.

Objectio

Respondetur ad primam.

2 solvitur

12 In alio vero sensu quæstionis probabile videtur, posse Deum ita donare hæc spiritualia bona hominibus, ut ex vi talis donationis liceat illis talia bona vendere sine ullo sacrilegio, vel irreligiositate. Primo enim posset dare homini absolutum, & liberum dominium talium rerum: cur enim non poterit, cum sint res creatæ, & ipse sit absolutus dominus earum, & ex hac parte possit eas dare, cui voluerit? Et ex parte hominis non est incapacitas, cum possit habere liberum, & expeditum earum usum. Deinde etiam si non tribuat dominium, potest dare facultatem dispensandi illa per venditionem, vel contractum onerosum in utilitatem vel ipsius dispensatoris, vel alterius, prout dispensator ipse concesserit. Sic enim dispensator, qui non est dominus, potest vendere rem domini, si facultas ab illo concessa ad hoc extenditur. Hæc autem facultas non est dispensatio in præcepto, sed est mutatio in materia, & est quædam participatio domini. Præterea potest Deus aliquod hujusmodi donum cum dicta largitate concedere, non ut pertinet ad salutem animæ, vel ad bonum spirituale aliorum, sed solum ad commoditatem humanam recipientis, vel etiam aliorum: & tunc cessare videtur omnis ratio malitiæ in venditione illius gratiæ quoad effectum ejus, vel etiam quoad ipsam potestatem, si Deus daret alicui potestatem transferendi illam in alium. Ut verbi gratia, posset alicui dare gratiam sanitatis, ut ex usu ejus viveret, & temporales divitias acquireret, & idem est de prophetia, & similibus. Neque enim in hoc apparet aliquid per se indecens, aut repugnans divinæ bonitati.

In 2 sensu tractatur quæstio, resolviturque posse Deum ita bona hæc nobis donare, ut licite vendi possint.

13 Posito autem tali modo donationis, cessaret omnis ratio intrinsece malitiæ, quæ in simonia nunc invenitur. Quia tunc non venderetur res aliena, invito domino, sed vel propria, vel sic dispensabilis ex voluntate domini. Nec tunc fieret irreverentia Deo, quia ipse est contentus, & juxta voluntatem ejus sit. Nec sit contra naturam talis materiæ, seu gratiæ, quia non est de intrinseca ratione, & quasi naturali essentia ejus, ut gratis detur, hæc etenim conditio extrinseca est, & pendens ex voluntate ejus, qui jus habet, vel potestatem dandi talem rem, ipse enim uni potest gratis dare, alteri non nisi propter opus. Et similiter potest uni gratis dare, & cum dominio, vel facultate, ut ipse non gratis det: sed prout voluerit. Neque etiam tunc donum illud Dei haberetur ut sacram, vel religiosum, quia nec ex se, nec ex intentione dantis ordinaretur vel ad specialem Dei cultum, vel proxime ad salutem animæ, nisi eo modo, quod dona naturalia scientiæ, vel prudentiæ ordinantur ad Deum ut ultimum finem, quia in eundem referendus est usus eorum, & omnis utilitas ab eis proveniens. Denique nec etiam tunc res spiritualis pecunia æstimaretur, ac si non plus valeret, hoc enim sine dubio videtur continere intrinsecam deordinationem, & quasi practicum mendacium: non est tamen id necessarium ad venditionem, & quæstum temporalem, sed sufficit, ut aliquid determinaretur humano arbitrio, quod licet de se esset inæquale, ex conventionem hominum haberetur sufficiens; posset enim Deus etiam hanc taxandi potestatem homini tribuere.

Declaratur.

14 Hæc præcipue propono, quia deferre possunt ad explicandam amplius intrinsicam deformitatem illius simoniæ, quæ de se talis est, & prohibita est, quia mala, & non e contrario. Quamvis enim fortasse hæc malitia pendeat ex modo, & fine, quo Deus confert homini hæc bona, qui modus absolute loquendo pendet ex libera voluntate Dei: talis enim est ille, quem explicavit Christus cum dixit: *Gratis accepistis, gratis date*; & Petrus, cum dixit: *In alterutrum illam administrantes (utique gratis) sicut boni dispensatores multiformis gratia Dei*. Nihilominus non est malitia illa proveniens ex positiva prohibitione, sed ex ipsa lege naturæ, quia ille modus accipiendi hæc dona a Deo tenet se ex parte materiæ, & objecti huius obligationis, quæ intrinsece nascitur ex tali materia sic posita, & accepta. Sicut quando quis reponit apud alium vestem suam solum in depositum, & custodiam, depositarius ex iustitia tenetur illam non vendere, quæ obligatio naturalis est, & intrinseca, licet ex parte materiæ, seu fundamentaliter (ut ita rem explicem) pendeat ex voluntate tradentis vestem: nam si ille voluisset dare illam, non solum in custodiam, sed simpliciter ad omnes usus, cessaret illa obligatio ex iustitia. Sic etiam obligatio voti est naturalis, licet materia eius supponatur ex arbitrio votantis.

Malitia modus, quo Deus modo confert res supernaturales hominibus, pro portione naturæ est, & connaturalis. De potentia ordinaria non potest a venditione rerum spiritualium auferri malitia.

15 Addo vero secundo, hunc modum concedendi hominibus usum supernaturalium donorum adeo esse proportionatum naturæ illorum, ut merito dici possit connaturalis ipsis, ideoque (quicquid sit de miraculis, & extraordinariis providentiis) simpliciter loquendo talia dona ex naturali conditione sua secum afferunt obligationem non vendendi, & nec procurandi illa per temporales commutationes. Et hoc declarant rationes adductæ in præcedenti cap. idemque explicatum intelligimus per Christi verba, ut exposuimus. Atque hoc modo dicere possumus saltem de potentia ordinaria, & juxta providentiam consentaneam naturis rerum non posse a venditione talium rerum separari malitiam, idque satis esse, ut simpliciter dicatur intrinsece mala.

16 Ultimo vero addo (esto possit Deus aliter conferre homini hæc dona ad diversum finem, & cum majori potestate, ita ut per mutationem materiæ venditio definat esse mala) non in omnibus gratiis habere hoc æqualem rationem. Nam in his virtutibus operativis, seu gratiis gratis datis, quæ ad corporales actiones, vel temporalia commoda immediate dantur, ut est gratia sanitatum, donum linguarum, & similia, minor indecentia involvitur. Alia vero sunt dona spiritalia, quæ non nisi indecentissime ordinantur ad quæstum, ut est potestas remittendi peccata, concedendi indulgentias, & similia: & in his licet in rigore non appareat implicatio contradictionis, tamen videtur satis alienum a sapientia, & excellentia providentiæ divinæ, quod ad illum finem, & cum tanta licentia, seu libera facultate homini concedantur.

C A P U T IV.

An in peccato simonia sit tantum malitia contra religionem, an etiam contra iustitiam.

Ratio dubitandi.

1 EX dictis in duobus capitibus præcedentibus, & ex rationibus, quibus malitiam simoniæ declaravimus, nascitur occasio præsentis quæstionis, & ideo visa est hoc in loco necessaria. Ratio autem dubitandi est, quia vendere rem alienam, invito domino, non solum est contra religionem, sed etiam contra iustitiam: sed simonia est venditio rei alienæ invito domino; ergo est contra iustitiam. Item, qui vendit pretio rem non æstimabilem pretio, contra iustitiam peccat: sed res spiritalis non est pretio æstimabilis; ergo. Denique hæc ratione usura est contra iustitiam, quia mutuum pretio venditur, cum ipsum pretio æstimabile non sit; ergo similiter simonia. Atque ita videtur sentire Soto dicto libro 9. qu. 5. art. 2. Quem aliqui Moderni secuti sunt. Non est tamen facile præcipienda sententia, quia hinc pendet resolu-

tio eorum, quæ de obligatione restituendi simoniace accepta infra tractanda sunt.

2 Distingui ergo debet iniustitia vel respectu Dei, vel respectu hominis, cui res spiritalis venditur. Quoad Deum attinet, iniustitia contra illum committitur; & hoc probat ad summum prima ratio facta, quia res spiritalis, quam ego vendo, non est hominis, cui illam vendo, sed est Dei; & ideo si aliqua est iniustitia in tali venditione, quatenus est contra voluntatem domini, & ultra facultatem dispensandi talem rem ab ipso datam, solum est respectu Dei. Hæc vero malitia non est contra aliam virtutem præter religionem, quia, ut supra ostendimus, iustitia ad Deum non est, nisi religio: nec intra hanc virtutem sunt ibi duæ malitiæ: una contra venerationem, & æstimationem debitam rebus sacris, & alia contra Deum, seu dominium ejus; quia hæc iniustitia non tam est in alienatione, vel destructione rei alienæ, quam in modo. Unde iniustitia hæc non consistit in damno illato domino rei, Deus enim non privatur dominio talis rei: nam cuicumque conferatur, semper illius est, & ipse non vetuit dare illam alteri, sed tantum dare tali modo, venditione scilicet, vel æquivalenti pacto. Et ita tota hæc iniustitia respectu Dei reducitur ad irreverentiam, quæ fit Deo, non debito modo utendo tali re, cui etiam rei derogatur per eundem modum concessionis ejus: & ita tota ibi est una malitia, quæ simul est contra Deum, & rem sacram; seu contra Deum per indebitum usum rei sacræ.

In simonia datur iniustitia ad Deum, quæ malitia est contra relig.

3 Et hinc fit, ut hic modus iniustitiæ tam ex parte ementis, quam ex parte vendentis reperiatur, licet ratio in objectione facta solum de vendente in rigore procedat: nam qui potest rem alicujus domini accipere a dispensatore ejus, qui gratis illam donet, non facit injuriam domino ejusdem rei, si a dispensatore nolente gratis eam dare, illam emat. Nam potius ipse, qui emit, in hoc potest pati injuriam. Sic solent pauperes quibus testamento legantur census, quando hæres, vel curator animæ negligens est, vel iniquus, & differt solutionem, vel tergiversatur, remittere partem, ut aliquid sine difficultate accipiant; quæ remissio emptio quædam est, nulli tamen est injuriola, & tales esse possunt circumstantiæ, ut non sit iniqua ex parte pauperum, licet sit iniusta ex parte dispensatoris. At in proposito etiam emens rem sacram iniuste agit contra Deum eodem genere iniustitiæ; quia licet non sit contra voluntatem domini talis rei, ut talis persona illam accipiat, & habeat, est tamen contra eius voluntatem, ut accipiat tali modo, scilicet per emptiorem, & cum irreverentia, & vilipendio rei sacræ, tota vero hæc iniustitia, ut dixi, non transcendit rationem sacrilegii tali modo, & in tali specie commissi. Et ita responsum est ad primam rationem.

solvitur 1. argum.

4 Secunda vero ratio procedit de iniustitia propria, & commutativa, quæ est respectu hominis. Ad quam in primis dico, malitiam iniustitiæ non semper coniungi, seu involvi cum malitia simoniæ. Hoc patet in primis ex parte ementis: ille enim vere, ac perfecte simoniacus est, & tamen nulli homini facit injuriam (loquitur enim ex sola rei natura, seclusis legibus positivis, de quibus infra) & sic videtur res per se clara, quia vel ille facit injuriam alteri, cum quo contrahit, vel alicui tertio: hoc posterius dici non potest, quia non est necessarium, intervenire tertiam personam, vel damnum ejus; & si id contingat, erit per accidens ad rationem simoniæ. Primum etiam non est verum, quia recipiens ab altero rem spiritualementali modo non facit illi injuriam, quia alter voluntarie dat rem illo modo, & est contentus tanto pretio: volenti autem non fit injuria. Et in hoc potest considerari convenientia, & differentia inter usuram, & simoniam. Nam in usura qui emit, non est iniustus, nec vocatur usurarius, nec per se loquendo est iniquus, potest enim nihil peccare solvendo usuras, quod si interdum peccet cooperando, vel inducendo ad malum, erit contra charitatem, & per accidens. At vero in simonia emens non peccat quidem contra iustitiam respectu vendentis, in quo convenit cum usura: simpliciter tamen, & per se peccat proprio peccato simoniæ, unde simoniacus vere dicitur. Signum ergo est, malitiam

solvitur 2. argum.

Probat in simonia nulli fieri injuriam ab emente.

tiam iniustitiæ non involvi necessario, nec per se cum malitia simoniæ.

Idem probatur ex parte vendentis.

5 Probatum vero ulterius assertio etiam ex parte vendentis: quia sæpe dando rem spiritualem alteri, privat se ipsum commodo suo, vel quoad temporalem utilitatem, vel quoad honorem, & dignitatem, vel certe quoad voluptatem, ornatum, vel quid simile, ut patet in concessione beneficii, officii, &c. hoc autem incommodum proprium est pretio æstimabile humano modo loquendo; ergo licet alias causa religionis non liceat recompensationem pecuniæ pro illo incommodo accipere, si tamen fiat, non peccatur contra iustitiam, sed contra religionem. Item licet interdum corporalis res propter annexionem ad spirituale fiat invendibilis ex obligatione religionis, nihilominus illa secundum se suum valorem retinet; ergo quamvis contra prohibitionem religionis, secundum illum valorem vendatur, non peccatur contra iustitiam, quia in re datur res materialis æquivalens pretio per pactum ex utraque parte omnino voluntarium. Atque hæ rationes saltem probant, iniustitiam non esse necessario conjunctam cum venditione simoniaca ex sola rei natura. Neque contra hoc procedit secunda ratio dubitandi supra posita, quia licet res spiritualis secundum se non sit æstimabilis pretio, ac proinde neque vendibilis: nihilominus ejus alienatio potest habere conjunctum aliquid æstimabile pretio, & ratione illius poterit vendi. Sicut in mutuo potest aliquid ultra fortem accipi ratione damni emergentis, vel lucri cessantis. Solum est differentia, quod in mutuo separari id potest non solum ab iniustitia, sed etiam ab omni malitia, quia, seclusa iniustitia, nulla alia malitia in usura reperitur. In præsentis vero, seclusa iniustitia, manere potest malitia simoniæ, quia sine iniustitia ad hominem, potest fieri irreverentia Deo, & rei sacræ.

An ex natura rei possit omnia separari ab iniustitia pro, ximi.

6 Major difficultas est, an ex natura rei omnis simonia possit ab iniustitia proximi separari, quando proximus alias non tenetur ex iustitia dare rem spirituales, quam vult vendere? Nam ubi præcedit obligatio ex iustitia, clarum est, aliam ex actionem esse iniustam; ut si parochus, qui ex officio tenetur Sacramenta ministrare, velit illa vendere: sed id accidentarium est, quia non provenit per se ex venditione rei sacræ ut sic, sed quia agit contra priorem iustitiæ obligationem. Propria ergo dubitatio est, quando aliquis non tenetur ex iustitia spirituales rem conferre, vel actionem efficere. Et ratio dubitandi esse potest, quia vel illa venditio est iniusta, quia res, quæ datur, non est pretio æstimabilis, & ideo est invendibilis: vel quia vendens non est dominus talis rei, & voluntas domini est, ut talis res gratis donetur, & non vendatur. Naturalis autem ratio videtur efficax; ergo. Probatum minor quoad priorem partem; quia res spiritualis est inæstimabilis temporali pretio, non per defectum, sed per excessum, quia scilicet pluris æstimanda est, quam pecunia: quando ergo pecunia æstimatur, non fit illi iniuria, cui propter pecuniam datur, quia aliquid maius ei datur, quam sit eius pecunia; ergo ex hac parte non est inæqualitas respectu illius, sed potius respectu dantis. Et quoad hoc non est simile exemplum de usura: nam usura est iniqua, quia mutuatio pecuniæ est invendibilis per defectum, quia nihil valet, nisi quantum valet pecunia, per se autem nullius æstimationis, vel valoris temporalis est. Potest confirmari a simili: nam ut infra dicitur, scientia acquisita etiam Theologiæ pretio vendi potest sine iniustitia, immo sine peccato: & tamen in illa etiam verum habet, quod Sapiens dixit Proverb. 3. de sapientia, pretiosior esse cunctis opibus, quod non obstat, quominus pretio possit vendi sine iniustitia; ergo similiter in præsentis. Similiter potest aliquis vendere famam suam pecunia sine iniustitia, quamvis sit longe maioris æstimationis; & virgo vendendo virginitatem suam, licet sit impudica, non est iniusta, & sic de aliis; ergo ex hoc capite non apparet iniustitia: neque etiam ex alio. Primo quia illud ad summum videtur procedere, quando quis tenetur ex officio dare spiritualia; qui vero absolute non tenetur

dare, licet ratione religionis teneatur dare gratis, si dare vult, tamen cum liber sit ad nollendum, & absque iniustitia possit nolle dare talem rem, potest etiam sine iniustitia non concedere talem rem, vel non exercere talem actionem, nisi pretio. Ut verb. gratia, licet ego, si eligo, teneam eligere digniorem, tamen si sum liber ad eligendum, vel non eligendum, non videtur iniustitia (ex natura rei loquimur, & secluso positivo iure) nolle eligere, nisi pretio accepto. Et præterea voluntas illa Dei non videtur obligare ex iustitia, quia non id prohibuit intuitu commodi temporalis proximi, sed intuitu religionis, & ne res sacræ vilescant; ergo ex illa lege, seu conditione rerum sacrarum non videtur oriri obligatio, vel materia iustitiæ.

7 Hæc pars sit satis apparens huiusmodi discursu; nihilominus tamen probabilis videtur, non semper venditionem simoniacam esse immunem ab iniustitia, posseque generalem constitui, & quotiescumque ratione solius spiritualitatis rei aliquod temporale pretium accipitur, iniustitiam committi. Ut verb. grat. si quis vendat calicem consecratum pluris, quam valeat argentum, opus, seu effectio, & omnis alia temporalis expensa in eo consecrando facta, sed solum ratione consecrationis, venditio non est tantum simoniaca, sed etiam iniusta quoad illum excessum. Unde quia parum aquæ vel nullo, vel exiguo pretio æstimatur, si quis illam aquam benedictam vendat pretio maiori, & simoniacus, & iniustus est; & iuxta hanc regulam, & cum proportionem ad hæc exempla iudicandum censeo. Ratio autem est, quia ratione solius spiritualitatis res non est pretio æstimabilis, & consequenter nec est magis æstimabilis, quam ratione materiæ valeat; immo quodammodo videri posset minus æstimabilis, quia ratione spiritualitatis est magis limitata, & coarctata quoad usum, quia solum ad usus sacros assumi potest; satis vero est, quia saltem non crescit in temporali valore propter solam spiritualitatem, licet crescat in quadam veluti dignitate, & reverentia. Hoc autem probari potest ex communi hominum consensu, & æstimatione, ex qua pretia rerum maxime pendent. Constat enim, hanc esse communem apprehensionem, & æstimationem Christianorum omnium: præterquam quod leges etiam, per quas solent pretia rerum venalium taxari, non solum in tali materia illam non adhibent, sed omnino prohibent, talem æstimationem, seu appreciationem fieri.

Aliquando dari iniustitiam in simonia. Regula generalis.

8 Secundo est optima illa ratio, quod res spiritualis ut sic invendibilis est secundum temporalem æstimationem, si hoc proveniat ex dignitate talium rerum per se spectata, siue adiuncto modo, & circumstantiis, ac præsertim sine, cum quibus talia bona sunt collata hominibus, & eorum usui, ac dispensationi commissa. Et ideo parum refert, quod hæc exemptio, & quasi immunitas talium rerum ab æstimatione pecuniaria sit propter excessum dignitatis; nam hoc satis est, ut valor temporalis rei, cui spiritualitas adhæret, non crescat ratione solius spiritualitatis, ac subinde ut non possit solo illo titulo, vel exigui pretium, vel augeri. Exempla autem, quæ in contrarium adducuntur, vel sunt de rebus, quæ licet digniores videantur, quam pecunia, nihilominus secundum usum, & apprehensionem hominum pecunia taxari, ac æstimari possunt prudenti arbitrio; vel sunt de rebus, quæ in se revera non venduntur, nec emuntur, sed ratione alicuius actionis pretio æstimabilis, ut infra de scientia dicemus. Et per hæc satis responsum est ad rationem dubitandi in contrarium: cætera enim facilia sunt, & ideo hæc pro nunc sufficiant de hac questione; nam in discursu materiæ, & maxime tractando de restitutione omnia clariora fient.

CAPUT V.

An Simonia vitium sit proprium temporis legis gratiae, vel etiam in lege veteri committi potuerit.

An in lege veteri Simonia daretur.

Parasitum magis.

QUæstio hæc annexa est præcedentibus: si enim hoc peccatum contra jus naturale existit, sequitur, in omni tempore, & sub omni lege esse potuisse, quia lex naturalis in omni tempore obligavit. Consequens autem videtur dubium tam de tempore legis veteris, quam naturæ: & ideo de priori in capite sequenti. Quod ergo in lege veteri hoc vitium non fuerit, ostendi potest, quia prophetae munus prophetandi propter pretium exercuisse videntur: talem enim fuisse tunc consuetudinem, ex historia 1. Reg. 9. colligi potest, cum Saul interrogavit puerum: *Quid feremus ad virum Dei*, & puer respondit: *Ecce inventa est in manu mea quarta pars stateris argenti, demus homini Dei, ut indicet nobis viam nostram*. Et 3. Reg. 14. Jeroboam misit uxorem ad Abiam Prophetam cum muneribus, ut sibi indicaret, quid futurum esset de filio, qui ægrotabat: & 4. Reg. 8. Rex Syriæ misit nuncium ad Eliseum cum magnis muneribus, ut ei prædiceret, an ab infirmitate sanandus esset, necne. Et licet in his locis Scriptura non dicat, prophetas illos recepisse pecuniam, vel dona, non tamen dicit ipsos illa non recepisse, nec dicit, illos reprehendisse ferentes ea, & usus ille videtur ostendere, & tunc fuisse frequens, & non fuisse reputatum illicitum, vel infame, quale est factum simoniacum, alias non fuissent autem homines tam facile invitare sanctos viros, & insignes ad simoniam committendam. Daniel etiam postquam somnium, & interpretationem ejus Nabuchodonosor aperuit, præfectura, principatu, & magnis muneribus donatus est, quæ non repudiavit, sed potius magistratum quemdam pro sociis postulavit, ut constat Daniel. secundo. Illud autem ad vitium simoniæ pertinuisset, si tunc malum esset. Et similiter capite quinto, magnam retributionem temporalem accepit Daniel propter alterius somnii interpretationem.

Confir-
matur.

2 Denique confirmari hoc potest, quia in tota lege veteri nulla sit mentio prohibitionis simoniæ, seu venditionis, & emptionis spiritualium rerum; signum ergo est, non fuisse tunc prohibitum. Nec satis est dicere, illam fuisse prohibitam, quia mala est, & ideo non oportuisse legem de illa ferri. Nam in lege veteri illa etiam prohibebatur, quæ per se mala erant, ut patet ex præceptis Decalogi in ea scriptis. Id autem duabus ex causis fiebat, prima, & præcipua, quia obscurata nimium erat naturalis ratio, & oportebat per legem illuminari, & instrui; altera ratio erat, ut pœna pro delictis imponeretur. Utraque autem causa in hoc vitio maxime locum habebat: prima quidem, quia malicia hujus vitii minus clara est, quam multorum aliorum, & ideo facilius poterat ignorari: secunda vero, quia ut supra dicebamus, natura valde proclivis est ad hoc vitium, & ideo maxime debet pœnis coerceri. Ergo si illo tempore esset prohibitum, debuisset in lege explicari, & puniri: hoc autem non fit; ergo signum est, non fuisse prohibitum.

Quod ut
modis
posse ho-
minem
esse inca-
pacem si-
monia.

3 Pro resolutione advertendum est, duobus modis intelligi posse hominem in aliquo statu hujus vitii mortalis esse incapax simoniæ. Primo ex defectu materiæ, nimirum, quia in tali statu non habet dona spiritualia, quæ possit emere, vel vendere, nam ubi materia vitii deest, etiam deest possibilitas, ideoque merito dicitur homo incapax simoniæ in tali statu. Quamvis enim interdum aliquis per desiderium peccet per furtum, v. g. vel fornicationem, qui materiam peccandi non habet, quia neque occurrit aliquid, quod furari possit, nec cum qua possit fornicari: tamen ubi deest omnino in tota natura, vel in tota aliqua ætate, vel statu hominum materia alicuius vitii, nec cogitatio, nec desiderium talis vitii posset moraliter ascendere in cor hominis, & ideo simplici

ter dici potest homo incapax talis vitii in tali statu. Secundo modo in statu alicuius legis incapax huius vitii, si in illo haberet quidem propriam, & veram spirituales materiam, quam facto posset emere, vel vendere, non tamen esset illi prohibita talis emptio, vel venditio. Hic ergo non tractamus de priori sensu: quia nondum egimus distincte, & ex professo de materia huius vitii, & ideo sensum illum remittimus in caput octavum. In secundo ergo sensu ponitur quæstio. Unde, quod ad legem veterem spectat, supponimus, in illa fuisse materiam aptam ad simoniam, si prohibitio non deesset: nam erant spiritualia dona, quæ constat esse materiam simoniæ, etiam ex his, quæ circa definitionem breviter diximus. Et ita solum superest quæstio, an fuerit etiam prohibitio in illa lege, ut hoc vitium ibi committi potuerit.

4 Dico ergo primo simoniam repugnantem Divino iuri etiam in lege veteri fuisse prohibitam, & ita hoc vitium potuisse illo tempore committi, & de facto fuisse commissum. Hæc assertio communis est. Propria vero eius ratio est, quia in lege veteri fuit sufficiens materia simoniæ; ergo & vitium esse poterat. Antecedens iam declaratum est, & constat, tum quia multæ gratiæ gratis datæ erant tunc eiusdem rationis cum his, quæ sunt in lege gratiæ, ut Prophetica interpretatio Scripturarum, & cetera: tum etiam quia pontificatus, sacerdotium, sacrificium, sacramenta, templum, & similia, licet essent minus perfecta, erant tamen vere spiritualia, & ad Divinum cultum, & ad spirituale bonum animarum suo modo ordinabantur. Consequentia vero probatur, quia facile poterant homines tunc vendere, & emere illa spiritualia, quæ in ea lege erant. Et quamvis datemus, nunquam fuisse tale peccatum illo in tempore commissum, vel de illo non satis constare ex Scriptura, parum ad causam referret: satis enim est, ut ex hypothese verum sit, quod si talis venditio, aut emptio tunc facta est, seu fieret, haberet, malitiam eiusdem speciei cum ea, quam nunc simoniam appellamus. Patet ex ratione in principio tacta, quia talis venditio, & emptio circa talem materiam ex natura sua est sacrilega, & sacrilegitalis materiæ contraria; ergo talis etiam tunc fuisset.

In lege
veteri
fuit pro-
hibitio si-
monia.

5 Ad maiorem autem rei claritatem, & quia deserviet ad futuram doctrinam, examinanda sunt aliqua exempla, quæ de hac simonia asserti solent. Primum, & valde celebre est de Giezi, qui duo talenta argenti Naaman accepit, postquam a lepra sanatus fuit ab Eliseo quarti Reg. quinto. Nam ibi statim fuit punitus Giezi lepra propter peccatum simoniæ, nam pro spirituali beneficio temporale pretium accepit. Ita sentit de facto Giezi Divus Thomas dicto articulo primo ad quartum. Unde ait, eos, qui actu vendunt spiritualia, licet in intentione imitentur Simonem, in facto imitari Giezi, & ideo non solum Simoniacos, sed etiam Giezitæ dici posse. Aletius etiam dicta quæstione 169. memb. 1. in principio eandem sententiam confirmans ait, ementes spiritualia proprie esse Simoniacos, vendentes autem esse proprie Giezitæ, licet iam communi usu omnes Simoniaci dicantur. Idem sentit Hugo Victor. 2. de Sacram. p. 10. cap. 2. & in hoc consentiunt ceteri Scholastici, & Summistæ, ac Canonistæ. Nam in cap. *Sicut procerto*, de Simoni. de vendentibus spiritualia dicitur: *Omnino damnentur, & cum Simone, & Giezi eodem sententur*. Et in capite eos, 21. 1. q. 1. hac ratione dicit Tarasius, venditionem hanc, & emptionem in Actibus Apostolorum, & in 4. Regnum esse damnatam. Et in cap. *Cito*. 16. eadem quæ in eodem sensu dicitur: *Cito turpem sequitur lepra mercedem, &c.* ex Ambrosio lib. 4. in Lucam. Sic etiam dixit Cyr. Hieros. Catech. 16. *Cum Eliseus gratis sanasset lepram Naaman, Giezi pretium ejus accepit, alieni officii premium intercipiens*. Et infra: *Vendidisti curationem leprosi, & hereditabis illius lepram. Implevi (inquit Eliseus) ego perfectionem illius, qui dicit mihi, Gratis accepistis, gratis date. Tu autem vendidisti hanc gratiam, suscipe ergo*

An in fa-
cto Giezi
simonia
fuerit da-
ta.

& pre-

& premium istius venditionis. Ubi attente considerandum est, quod Cyril. ait, jam tunc audivisse Eliseum Christi verba, quia licet non audivisset ab ipso Christo, rem ipsam audierat per lumen fidei, & rectam rationem ab illo deductam.

Objeſtio. 6. At enim dicit aliquis, licet in facto Giezi statim appareat gravissimum peccatum, & turpis avaritiæ, & injustitiæ, ac plani furti, ac latrocinii, non tamen ita apparere malitiam simoniæ, nec ex Scriptura colligi posse, ob talem malitiam esse punitum. Primum quidem patet, quia Giezi nomine Elisei petiit, quod ipse non petebat, nec acceptare voluerat, in quo contra Naaman injustitiam, & furtum commisit: nam illum decepit, & per deceptionem ab eo rapuit, quod alter dare volebat illi: unde revera non dedit, neque in illum dominium tranſtulit, & consequenter nec ipse Giezi, quod acceperat, iuste poterat retinere. Unde Chrysost. Enarrat. in 3. cap. Isaïæ, factum illud vocat *furtum*. Peccavit deinde gravissime contra Eliseum, nomine illius petendo, quod ipse non petebat, & quantum in se erat, illum infamando, in quæ criminata turpissimo avaritiæ affectu inciderat. Et ita Chrysost. Hom. in illum locum in fin. 1. tomo vocat *scelus delictum illud perfidiam, & mendacium: Perfidia* (inquit) *artulit penam*. At vero simoniæ macula, aut venditio rei spiritualis non ita ibi apparet: nam in primis gratia jam gratis facta, & deinde Giezi non petiit aliquid quasi debitum, vel quasi pretium pro sanitate restituta, sed petiit ex amicitia, & benevolentia: hoc autem modo petere aliquid ab eo, cui spirituale beneficium factum, vel donatum est, non est vendere gratiam jam factam, nec est simonia, ut constat; ergo. Minor supponatur nunc: infra enim tractanda est late: sumi vero potest ex cap. *Quam pio*, & cap. *Sicut episcopum* 1. quæst. 2. Major autem ex ipsa historia colligitur, nullum enim verbum Giezi protulit, quod exactionem pretii, aut rei debite indicaret. Et confirmatur: nam si Eliseus recepiſſet illa dona a Naaman, quando illa offerebat, in rigore non committeret simoniam: esto non tam perfecte, & sancte ageret, sicut fecit, illa respuendo. Probatum ex dictis iuribus, quia gratia jam erat facta sine ullo pacto, vel umbra illius, & donatio illa erat liberalis gratitudinis, ut ostendunt verba illa: *Obsecro te, ut accipias benedictionem a servo tuo*. Unde Chrysost. in loco proxime citato interrogavit Naaman dicentem: *Accipe munera, quæ offero, non enim pretium curationis est istud, nec sanitatem perceptam isto munere redimo: quippe cum sanitas ista, quam merui, nec pretio poterit redimi, nec ullo munere inveniri*. Ergo nec Giezi postea commisit propriam simoniam accipiendo, etiam si alias peccaverit. Patet Consequentia, quia non aliter petiit, quam veluti acceptando nomine Elisei priorem oblationem sibi factam, & ex nova occasione mutando priorem voluntatem.

Abulensis sententia. 7. Hanc quæſtionem tractat Abulens. 4. Reg. 5. q. 19. & tertio. Et in summa responder, Giezi commisisse simoniam; non conventionalem, ut constat, quia nullum pactum inter eum, & Naaman præcessit, sed realem cum intentione simoniaca, quia petiit pecuniam pro sanitate divinitus collata, & sub eadem intentione illam recepit. Nec refert (ait) quod sanitas jam esset collata, & non per Giezi, sed per Eliseum, quia simonia committi potest, si pecunia petatur pro spiritali jam dato, etiam si prius gratis datum fuerit: quia veluti retractatur prior liberalis voluntas, & in onerosam, seu vendibilem commutatur, quantum est ex parte sic petentis, quod sufficit ad simoniam mentalem, & realem, etiam si conventionalis non præcesserit. Quod autem Giezi non dederit sanitatem, sed Eliseus, nihil refert, nam petiit nomine Elisei quod perinde est. Verumtamen licet doctrina, quantum ad jus attinet, sit vera supposita illa intentione, quæ Giezi attribuitur, tamen nec illa intentio probatur, nec ab ipso Giezi fuit expressa, nec ex facto satis colligitur: quia etiam potuit Giezi illud postulare solum, quia videbat, Naaman fuisse paratum ad donandum gratis, & liberaliter, non tanquam satisfactionem, & compensationem pro sanitate offerenda, sed supposito beneficio gratis accepto in significationem animi grati, vel

ad subveniendum gratis necessitatibus Elisei, vel in religionem, & obsequium veri Dei, quem ex beneficio recepto cognoverat. Sicut ergo in Naaman hæc potius intentio, quam alia præsumitur, & ideo excusatur ab omni simonia, non solum quando Eliseo obtulit pecuniam, sed etiam quando dedit Giezi, quia & eadem pia intentione dedit, & credidit, ab Eliseo pie etiam, & honeste peti: ita etiam ex parte Giezi potuit factum illud fieri sine intentione simoniaca in hærendo, ut dixi, liberalitati Naaman, quæ licet per occasionem orta sit ex sanitate, non propterea erat mala, nec simoniaca.

8. Dici ergo in primis posset speculative loquendo, hoc non repugnare: nihilominus in tali persona, & cum talibus circumstantiis merito præsumi simoniacam intentionem in tali facto. Quia quando temporalis pecunia statim post beneficium datum postulatur, magna præsumptio est, pro illo postulari, & non liberaliter peti, sed exigi, ut quasi necessitate quadam alter dare compellatur. Et hæc præsumptio major est, quando persona est iniqua, & in facto ipso ostendit immoderatum affectum extorquendi pecuniam, quocumque illicito modo possit. Hac ergo ratione præsumitur simonia in Giezi, & non in Naaman. Et quod ad rem nostram spectat, hoc satis esse posset. Nam saltem supponunt Doctores omnes, factum illud etiam illo tempore, & sub illa lege fuisse prohibitum. Addi vero ulterius potest, factum illum fuisse revera simoniacum, quia omnino vitandum erat propter speciem simoniæ, quam præ se ferebat. Propter quam causam probabile est, ipsum Eliseum noluisse acceptare illa dona, non solum ex consilio, sed etiam ex obligatione, ne in factum, quod præ se ferebat speciem simoniæ, consentire videretur. Quod significavit Janſen. in c. 55. Concord. Evang. dicens: *Non conveniebat gratuita dona accipere, ne pietas converteretur in questum, & ne gratia Dei vileſceret*. Et ita plane sentiebat Sanctus Hilar. apud Hiero. in vita ejus, quando Orionus nobilis, a quo ipse legionem dæmoniorum expulerat, post nonnullos dies ad ipsum rediit dona offerens. Cui Sanctus: *non legisti, quid Giezi, quid Simon passi sint, quorum alter accepit pretium, alter obtulit, ut ille venderet gratiam Spiritus sancti, hic mercaretur? Cumque Orionus flens diceret: accipe, & da pauperibus, respondit: tu melius potes tua distribuere*. Et subiungit inferius: *Noli contristari fili, quod facio, pro me, & pro te facio, si enim hæc accepero, & ego offendam Deum, & ad te legio revertetur*.

9. Secundum exemplum afferunt de Balaam, qui prophetandi munus vendebat, ut ex Num. 22. colligi potest, nam mercede conductus ibat ad maledicendum Israel. Quod notavit Hugo de S. Victor. lib. 2. de Sacram. part. 10. c. 2. & Adrian. Quod lib. 9. art. 2. ubi ait, aliquos Doctores ob hanc causam vocare simoniacos Balaamitas. Hoc etiam exemplum utitur Victoria dicta Relect. num. 11. & ad hoc afferunt verba Petr. 2. Epist. c. 2. *Dereliquentes rectam viam, erraverunt, secuti viam Balaam ex Bosor, qui mercedem iniquitatis amavit*; & illa Judæ: *Errore Balaam mercede effusi sunt*. Verumtamen in illo facto, & in his testimoniis nullum vestigium simoniæ invenio. Nam Balaam non fuit vocatus ut propheta Dei, sed ut Ariolus, nec ad veritatem aliquam revelandam, vel gratiam conferrandam, sed ad maledicendum populo Dei, urendo maleficiis, & invocatione dæmonum, qui Dii falso putabantur. Ergo non magis fuit simoniacus, quam possint nunc simoniaci dici malefici, qui operas suas ad auguria, vel maleficia facienda turpissime vendunt. Fuit ergo in Balaam præter idololatriam, & vitium ariolandi, auri, & argenti magna cupiditas, & propter hanc cupiditatem, licet semel esset correptus a Deo, & prohibitus, ne iret ad maledicendum populum, nihilominus iterum ire tentavit, & Deus iratus contra illum, eum ire permisit. Et fortasse hanc ejus cupiditatem rex Balaac prænoverat, & ideo quamvis semel repulsam ab illo passus fuerat, iterum eum invitavit, & majora dona promittens tandem eum corripit. Hæc ergo peccata ejus in Scriptura clare indicantur, & reprehenduntur, & notantur ab August. q. 49. in Num. & serm. 103. de Tempore, & ab Anast. Nicæn. quæst. 32. De alio autem simoniæ vitio nullibi

Examina-
tur factum
Balaam.

In eo non
fuisse si-
moniam
reſolvi-
tur.

Difficil-
tas.

invenio illum reprehensum. Nam verba Petri, & Judæ valde generalia sunt. Amare enim *mercedem iniquitatis*, de quocumque vere dicitur, qui mercede conductus ad iniqua perpetranda inducitur: nam de Juda dixit idem Petrus quod *possedit agrum de mercede iniquitatis*. Et eodem modo optime dicitur *Balaam mercede effusus*, non quia spiritualia vendidit, sed quia summam iniquitatem, & conatum maledicendi per falsas artes vendidit. Ibi ergo nec invenitur simonia, ne reprehensio ejus. Nec Abulenſis Numero 22. 23. aut 24. illum notavit. Et alibi 4. Regum 5. quæst. 35. ait, de nullo alio ante Giezi legi, quod fuerit simoniacus, sed illum fuisse primum, & ideo fuisse graviter punitum, cum tamen præcessisset Balaam, in illo ergo tale vitium non agnovit.

10 Tertium exemplum adduci solet ex lib. 3. Regum 13. ubi de Jeroboam dicitur. *Fecit de novissimis populi sacerdotes excelſorum, quicumque volebat, implebat manum suam, & fiebat sacerdos excelſorum, & propter hanc causam peccavit domus Jeroboam, & deleta est.* Et fortasse propter hunc locum dixit Tarasius in dicto cap. *Eos*, simoniam esse damnatam in 3. Regum, sicut in 4. Estque valde considerandum, quod illi sacerdotes, quos Jeroboam faciebat, non erant veri sacerdotes, sed falsi, sacrilegi, & idololatæ: & tamen ex suppositione falsæ apprehensionis, & conscientie erroneæ, venditio illa reprehenditur. Sed in hoc exemplo supponitur Jeroboam vendidisse illa sacerdotia: & videtur colligi ex verbis illis: *Qui volebat, implebat manum suam*, id est, manum Jeroboam, implebat pecunia: sicque multos Sanctos exposuisse, refert Abulenſis ibi quæst. 41. Ipse vero longe alium putat esse sensum, quia non est sermo de manu Jeroboam, sed de manu sacerdotis, seu ejus, qui volebat fieri sacerdos: dicitur autem implere manum, non quia pecuniam acciperet, sed quia consecrabat, & initiabat manum suam applicando illam ad sacrificia, juxta suos falsos ritus. Quisensus mihi valde placet. Et videtur aperte declarari 2. Paralipom. 13. ubi Abia exprobat Israelitas dicens: *Ejecistis sacerdotes Domini, & fecistis vobis sacerdotes, &c.* declarans autem modum addit: *Quicumque venerit, & initiaverit manum suam in tauro de bobus, & in arietibus septem, fit sacerdos eorum, qui non sunt Dei.* Hoc ergo exemplum nihil etiam probat.

11 Quartum, & certum exemplum sumitur ex secundo, Machab. 4. Ubi refertur Jasonem ambiisse summum sacerdotium, & pro illo obinendo cum aliis facultatibus, & prærogativis, obtulisse regi Antiocho multa talenta argenti. Et deinde additur, multa mala inde evenisse, *propter impiam, & non sacerdotis Jasonis nefarium, & inauditum scelus.* Et postea refertur Menelaum quemdam aucta promissione majoris pretii sacerdotium obtinuisse, ejectione Jasonis. Illud autem factum sine dubio ibi narratur ut pravam, & sacrilegum, ac subinde ut habens veram pravitatem simoniæ, & ab eo tempore creditur hoc vitium percrebuisse inter Judæos, & usque ad Christi tempora durasse: indeque ortum esse, ut summum sacerdotium, quod antea perpetuum erat, annale esse inceperit, sicut ex Evangelio colligitur: nam Joann. 11. & 18. Caiphas dicitur: *Pontifex anni illius, & Lucæ 3. dicuntur. Annas, & Caiphas principes sacerdotum*, quia alternatim per annos pontificatum administrabant, quem largitionibus a Romanis obtinuerant, ut sentit Abul. 4. Reg. 5. q. 39. ubi ait, Romanos ob majorem quæstum fecisse, ut summum sacerdotium per annos administraretur. Quod colligi potest ex Joseph. libr. 18. Antiq. cap. 3. alias 4. Quamvis enim ibi non faciat expressam mentionem venditionis pontificatus, refert tamen frequentem mutationem factam auctoritate Præsidum Gentilium, quam verisimile est, non fuisse factam sine munerum largitione. Unde refert Isidor. Pel. li. ult. Epist. 315. Caipham emisse pontificatum. Illæ vero emptiones non sine magno scelere fiebant, quia erant contrariæ legi præcipienti, ut summum sacerdotium in filiis Aaron permaneret jure perpetuo. Quod autem illud peccatum esset etiam proprium scelus simoniæ, ex lege naturali probatur, quomodo au-

tem ex lege etiam scripta colligi possit, statim videbimus.

12 Ad objectiones ergo in principio sumptas ex Scriptura respondet Gratianus in cap. *Judices*, 23. 1. quæstione 1. ex Hieronymo Micheæ 3. non sanctos, sed malos prophetas solitos fuisse pretium pro suo munere postulare, illosque valde reprehendi in eadem Scriptura, ut paulo post dicemus. Ad illud vero dictum Saulis, & pueri ejus, respondet in primis Hieronymus, licet inter se ita confabulati fuerint, postea vero aulos non fuisse aliquid offerre prophetæ, Quin potius Samuelem liberaliter illos hospitio excepisse, & non solum gratis respondisse, sed etiam ad cenam invitasse. Deinde addit, etiam si prophetæ datum fuisset tale aliquid, quale illi cogitabant, illud non potuisse ut pretium offerri, fuisset enim vile pretium, & indignum tanto propheta: fuisset ergo per modum pie oblationis pro templo, ut Hieronymus ait, vel per modum stipendii, seu eleemosynæ, sicut nunc datur sacerdoti missam dicenti. Simili modo respondet ibi Gratianus sub nomine Hieronymi ad factum uxoris Jeroboam, attulisse illa munera non in pretium, sed per modum eleemosynæ ad sustentationem prophetæ. Hæc tamen responsio in Hieronymo non legitur. Quia ille absolute responderet, prophetam non accepisse illa munera, sed potius sceminam corripuisse. Et probabiliter conjectat, illam ex prava consuetudine deferendi similia munera ad Augures, & Divinos, cogitasse etiam, sanctum Prophetam illis fuisse movendum ad revelandam, quod illa desiderabat.

13 De Daniele nulla est difficultas: nam ex cap. 5. satis colligitur, quam liberum haberet animum ab his muneribus, & honoribus humanis: nam regi Balthasar multa offerenti respondit: *Munera tua sint tibi, & dona domus tue alterida: Scripturam autem legam tibi rex, & interpretationem ejus ostendam.* Et nihilominus, jubente rege, post auditam interpretationem, *Indutus est Daniel purpura, & circumdata est torques aurea collo ejus, & prædicatum est de eo, quod haberet potestatem tertius in regno suo.* Aliud est ergo dona recipere quasi in prætium, vel commutationem prophetiæ, quod Daniel non fecit: aliud propter magnam personæ existimationem, & admirationem conceptam ex sapientia, & responsis ejus, elevari quasi per potentiam regiam ad excellentem dignitatis gradum cum muneribus, & honoribus illi convenientibus, quod Danieli contigit, sicut de Joseph postea videbimus. Eodem ergo modo accipienda sunt, quæ cap. 2. narrantur: ibi enim nulla promissio donorum ex parte regis præcessit, & ideo nec ex parte Danielis potuit refutatio illorum præcedere, ita tamen locutus est, ut nihil sibi attribueret, & consequenter ut nihil etiam sibi appetere, dicens: *Est Deus in cæla revelans mysteria, qui indicavit tibi rex, quæ ventura sunt, &c.* & infra: *Mihi non in sapientia, quæ est in me plus, quam in cunctis viventibus, sacramentum hoc revelatum est, sed ut interpretatio legi manifesta fieret.* Quibus verbis sanctis ostendit ad hoc sibi fuisse datam illam cognitionem, ut eam revelaret, & nihil aliud in eo facto quæsisse, nisi divinam voluntatem implere. Postea vero rex non quasi recompensans beneficium, sed ex cognitione veri Dei concepta, & admiratione personæ, Danielem sublimavit, atque dicavit. Quod sicut non fiebat sine speciali Dei providentia, ita etiam verisimile est, vel fuisse factum a rege cum tanto imperio, & potentia, ut Daniel resistere non potuerit, vel certe Danielem ex divina inspiratione intellexisse, id tunc fuisse conveniens ad Dei gloriam, & sui populi consolationem, & levamen: & ex eodem principio existimo ortum fuisse, ut Daniel pro tribus sociis apud regem intercesserit. Quæ omnia consona sunt his, quæ D. Hieronymus ibi contra Porphyrii calumnias commentatus est.

14 Ad rationem in primis dicimus, vitium hoc sufficienter fuisse in lege prohibitum, cum Exod. 23. dicatur: *Non accipietis munera, quæ excæcant etiam prudentes, & subvertunt verba iustorum.* Deinde cum Deus in illa lege tam copiose providerit, ac deputaverit bona, ex quibus sacerdotes vivere deberent,

Solvuntur objectiones supra posite.

Danieli nullam simoniam commisit.

Facilem expenditur, & ce solvitur ubi non fuisse.

Jasonis factum simoniæ fuisse.

In lege veteri factis hoc vitium fuisse prohibuit.

ut decimas, primitias, & alias oblationes, & sacrificia, satis hoc præcepit eis, ut sine pretio, & mercede spiritualia ministrarent: immo virtute illis prohibuitur erat, ut nec alia, neque aliter exigent, quam per legem institutum erat. Et ideo 1. Reg. 2. gravissime reprehenduntur filii Heli, quia venientes ad sacrificandum in templo cogebant carnem crudam dare, vel aliter quam lex disponebat. Et Christus Matth. 15. reprehendit Scribas, & Phariseos, eo quod munera acciperent, & approbarent per traditionem hominum contra legis mandatum. Denique hac de causa gravissime reprehenditur hoc vitium in illa lege per prophetas. Michæ 3. ubi prius ad principes, & duces populi (sub quibus etiam sine dubio sacerdotes comprehenduntur) dicitur: *Qui comederunt carnem populi mei, & pellem eorum de super excoriarunt, tunc clamabunt ad Dominum, & non exaudiet eos, &c.* Quibus verbis exactiones iniquæ iudicum, & sacerdotum reprehenduntur. Quod bene Chaldeus sine figura dixit: *Violenter facultates populi ab eo rapientes, & pecunias eorum tollentes.* Ut ibi Ribera notavit asserens similia loca Ezech. 34. Jerem. 23. Zach. 11. quæ de sacerdotibus loquuntur: in his ergo reprehensionibus a fortiori simonia comprehenditur. Et clarissime in eodem loco Michæ de prophetis additur: *Si quis non dederit in ore eorum quippiam, sanctificant super eum prælum; & infra: Principes ejus in munerebus judicabant, & sacerdotes ejus in mercede docebant, & propheta ejus in pecunia divinabant.* Ac denique Ezech. 22. Prophetæ reprehenduntur, *eo quod opes, & pretium acceperunt.* Satis ergo constat, quam fuerit detestabile hoc vitium in illa lege: & quominus expresse in illa lege prohibebatur, eo evidentius constat, quam fuerit divino, ac naturali juri contrarium,

CAPUT VI.

An in lege naturæ habuerit etiam locum simoniæ vitium, fueritque prohibitum?

Pars negat
iva
propositi
onis.

I D E illo antiquiori tempore potest esse nonnulla major dubitandi ratio, quia in eo non videtur fuisse spiritualia dona, de quibus tam facile possit per lumen naturale cognosci, illa vendere, aut emere intrinsicam malitiam continere. Unde hic etiam non desunt exempla, quæ oppositum suadere videantur. Nam Abraham sepulturam emit Genes. 23. quæ emptio nunc simoniaca est, & Jacob a suo fratre Esau sacerdotium emit, Genes. 25. Emit enim primogenituram, cui tunc erat sacerdotium adjunctum, ut est communis traditio. Joseph etiam Genes. 40. post somni interpretationem dixit ad pincernam Pharaonis: *Tantum memento mei, cum tibi bene fuerit.* Ubi videtur beneficium temporale postulare pro actu interpretandi, qui propheticus erat, & spiritualis. Et cap. 41. principatum Ægypti acceptavit Joseph, quem videtur Pharaoni deditisse propter gratiam interpretandi somnia. Et confirmatur, quia si in lege naturæ fuisset hoc vitium, etiam nunc inter infideles esse posset, quia illi tenentur ad totam legem naturalem; consequens videtur falsum: quia in illis non sunt gratiæ, nec supernaturalia dona; quomodo ergo possunt simoniam committere? Et simile argumentum sumi potest de homine creato in puris naturalibus, in quo naturalis ratio suam vim haberet, & ita haberet integram naturalem legem, & tamen in eo non haberet locum simonia propter eandem rationem, quia non haberet supernaturalia dona.

Duplex
acceptio
statu le
gis natu
ræ.

2 Priusquam respondeamus, oportet in memoriam revocare, statum legis naturæ dupliciter accipi; uno modo ut lex naturæ dicit solam rationem naturalem puram, ut per naturale lumen intellectus dictari potest: alio ut dicit rationem ipsam ut elevatam per fidem, & prout sic elevata potest dictare de agendis, vel vitandis per dictamina connaturalia ipsi fidei, & luminis supernaturali. Hoc ergo loco statum legis naturalis hoc posteriori modo sumimus: nam supponimus ut clarum, in illo fuisse spirituales materias, circa quam solet versari simonia, nam in illo fuerunt

etiam gratiæ gratis datæ, ut prophetia; fuit etiam sacerdotium, & aliquod sacramentum, & sacrificium, oratio, & aliæ spirituales functiones. De statu autem legis naturæ priori modo sumpto, seu puro, paulo inferius pauca dicemus.

In lege
naturæ si
monia po
tuit com
mitti.

5 Hoc ergo supposito, dicendum est, vitium simoniæ committi potuisse in tempore legis naturæ, prout fuit in hominibus fidelibus ante latam legem Moysei, vel etiam post illam, in his qui non erant de stirpe Abraham per Isaac, & Jacob. Nam in illo tempore (ut dixi) etiam erat materia spiritualis de se sufficiens ad hoc vitium; ergo ibi etiam committebatur tale vitium, si venditio, vel emptio circa talem materiam fiebat, quia habebat eandem malitiam, quæ non positivo juri, sed divino, ac naturali ex vi luminis fidei contraria est. Unde etiam nonnulla exempla simoniæ illius temporis communiter recensentur, quæ breviter expendenda sunt.

4 Primum est de Ephron, qui Abraham vendidit locum sepulturæ Genes. 23. Quod innuit D. Thom. dicta q. 110. art. 4. ad 3. Sed de facto nullum ibi fuit vestigium simoniæ ex parte Abraham, nec forte ex parte Ephron. Tum quia non constat, illum agrum fuisse ante deputatum ad sepulturam: immo verisimilius est, neminem antea fuisse ibi sepultum, ideo enim Abraham locum illum elegisse videtur, ut haberet locum sepulturæ separatam a sepulchris Gentilium, ut ibi notant expostores. Tum etiam quia, licet jam ille locus quoad speluncam esset ad sepeliendum destinatus, poterat ager vendi condigno pretio habens adjunctam, & quasi annexam talem speluncam. Tum etiam quia ipsamet spelunca potuisset emi, & vendi pro valore ipsius terræ, nulla habita ratione illius deputacionis, vel quasi consecrationis: nam, ut infra dicemus, etiam nunc posset vendi, si per jus canonicum prohibitum non esset, sicut calix vendi potest ratione materiæ. Dicit tamen Hieronymus in quæst. Hebr. in Genes. ad cap. 23. Ephron: *postquam victus est pretio, ut sepulchrum venderet argento, licet cogente Abraham, postea vocatum esse Ephron, significante Scriptura non eum fuisse consummatum, perfectæque virtutis, qui potuerit memorias vendere mortuorum.* Sed quicquid de hoc sit, non dicit Hieronym. ibi intervenisse peccatum. De possibili vero, seu ex hypothesi, addit D. Thom. quod, quia inter Gentiles loca sepulchrorum religiosa reputabantur, si Ephron intendit accipere pecuniam tanquam pretium pro loco sepulturæ, peccatum commisit, utique simoniæ, licet Abraham non peccaverit emens, vel quia non intendebat dare pretium, nisi pro communi terra, vel quia redimebat suam vexationem. Sed certe, si Ephron peccaret, vix posset excusari Abraham; primum: quia ibi nulla erat vexatio, poterat enim Abraham alium locum quærere, ubi suum mortuum sepeliret; nec satis erat, emere bona intentione, si alter simoniace vendebat, non enim licebat cooperari illi, nedum illum inducere. Dicendum ergo videtur, Abraham recte egisse, & nullam habuisse rationem præsumendi in alio malam intentionem, quia solum petebat pretium, quod terra ipsa valebat, nec augebat pretium propter solum titulum sepulturæ. Unde licet inter Gentiles locus sepulchri facer, & religiosus haberetur, non ideo erat prohibitum vendere locum ipsum materiale iusto pretio, quia neque id ex natura rei malum est, nec est, cur fingatur tunc aliquo jure humano fuisse prohibitum, sed ad summum poterat esse malum augere pretium ex illo solo titulo, quod esset locus sepulturæ, vel pretio vendere usum talis loci ad sepeliendum aliquem. Et hoc significat D. Thom. esse contra legem naturalem; quod an ita sit, infra tractando de materiis simoniæ videbimus: nam in casu, de quo tractamus, non est talis excessus commissus, quantum ex textu Scripturæ colligi potest.

Ephron
sepulchræ
locum A.
brahe vē
dens simo
niam non
commisit.

5 Aliud frequens exemplum est de Esau, qui primogenituram vendidit fratri suo Jacob. Genes. 25. Ita etiam sentit D. Thom. in dicta solut. ad 3. ubi accusat Esau tanquam simoniacum, excusat autem Jacob, quod suam redemit vexationem: nam jus primogenituræ ad ipsum pertinebat donatione divina. Non ergo acquisivit aliquod spirituale jus per illam emptionem, sed

An Esau
primoge
nituram
vendens
simonia
cus fuerit.

An primogeni-
tur. E-
sau habue-
rit con-
suetum sa-
cerdotiū.

sed abstulit impedimentum, quod frater sibi obicere poterat propter antecessorem nativitatē. Hec fere D. Thom. quæ Cajetanus latius prosequitur, & præsertim dubitat, quomodo possit excusari Jacob a culpa, si Esau simoniam commisit, quod certe non parvam habet dubitationem, propter quam idem Cajet. Genes. 25. in dubium vocat totum fundamentum hujus quæstionis, nimirum, quod primogenitura tunc haberet annexum sacerdotium, vel aliquid spirituale. Et Oleaster ibi ulterius progressus id negare non dubitavit, sumitque argumentum ex eo, quod Abel non fuit primogenitus, & tamen erat sacerdos, sacrificium enim obtulit. Hoc vero fundamentum parvi momenti est; tum quia Hieronymus statim citandus significat, morem illum, quod primogenitus esset sacerdos summus, incepisse post diluvium; tum etiam quia non repugnabat, secundo genitum esse sacerdotem, sed non summum; tum denique quia non constat, oblationem Abel fuisse propriam, & publicum sacrificium, potuit enim esse simplex oblatio, & privata, quæ a non sacerdote fieri potest.

Affirmati-
va pars re-
solvitur;

6 Quapropter non est facile neganda antiqua traditio, quam refert, eique fidem adhibet Hieronymus epist. 126. ad Evagri. & in Tradit. Hebr. ad cap. 14. 27. & 49. Genes. Præsertim cum eandem significet Clemens lib. 8. Constit. cap. 5. & Augustinus in Psalm. 46. quos fere omnes posteriores Doctores sequuti sunt, ut D. Thom. supra, & ad Hebr. 12. Abul. Genes. 25. & 27. & ibi Lippom. Et bene Benedictus Per. Gene. 25. disp. 8. qui id conatur probare ex 19. Exod. quia ibi dicitur: *Sacerdotes, qui accedunt ad Dominum, sanctificentur.* Ex quo loco recte probatur, fuisse sacerdotes in populo Dei ante institutum Leviticum sacerdotium, sed non probatur, illos fuisse primogenitos. Potuerunt enim aliter esse electi a populo, vel designati per Moysen, ut ex cap. 24. Exodi potest conjectari. Et (quod caput est) inde non habetur, illos fuisse summos sacerdotes, sed communes. Nam summus sacerdos tunc revera erat Moyses, ut ex c. 24. & aliis locis satis constat. Apparentius id probat idem auctor ex Paulo, de quo statim dicitur.

Esau si-
moniam
commisit.
se hæc
autem pro-
babile.

7 Hoc ergo fundamento posito, opinio D. Thom. proposita satis recepta est; & confirmari maxime solet ex Paulo ad Hebræos 12. qui appellat Esau profanum, qui propter unam escam vendidit primitivam suam. Nam profanus idem est, quod irreligiosus, & res sacras non curans, & ideo in Scriptura profanus sancto contraponitur. Levit. 10. *Ut habeatis scientiam discernendi inter sanctum & profanum, inter pollutum, & mundum.* Vocans ergo Paulus profanum Esau, in hoc satis indicat, sacram rem violasse, vendendo primogenituram, ac subinde simoniacum fuisse. Et faver ibi Chrysostom. homilia 31. Nam Esau vocat mundanum vendentem spiritualia: idemque indicavit Augustin. in dicta Enarrat. Psalm. 46. dicens, quod *Esau per gulam perdidit primogenita sua, nam plus amavit, quod corporaliter concupierat, quam quod spiritualiter prius nascendo meruerat.* Si enim primogenitura tantum esset quid naturale, & temporale, ratione illius non posset dici Esau aliquid spiritualiter meruisse nascendo: dum ergo Augustinus dicit spiritualiter, significat, rem illam fuisse spirituales, & consequenter venditionem ejus fuisse simoniam.

Quo pa-
to ex vi
legis na-
turalis
venditio
simoniaca
fuerit.

8 Sed licet hæc sententia probabilis sit, tamen quia hic non tam est agendum de accusatione, vel excusatione personæ, quam de ipso facto, & jure illius secundum se, sic non caret illa sententia difficultate in explicando, quomodo ex vi legis naturalis venditio illa simoniaca fuerit: etiam si eo tempore primogenitura esset conjunctum summum sacerdotium. Et ratio difficultatis est, quia negari non potest, quin primogenitura secundum se sit tantum proprietas quædam naturalis, seu naturalis dignitas, ut eam vocat Chrysostomus Homilia 51. in Genes. Cui conjunctæ erant per ratiocinationem humanam, & quasi ex jure Gentium multæ commoditates, seu prærogativæ, & honores, ac utilitates humanæ, & temporales: plures, vel pauciores juxta varias consuetudines, vel leges humanas, ut indicavit Glossa in cap. *Quam periculofum* 7. quæst. 1. Et late Tiraquell. de Jur. primo-

gen. in Prefatione. Ubi specialiter a num. 12. tractat de primogenitorum prærogativis in illis antiquis Patribus, & inter Judæos; & num. 17. & 18. addit minus sacerdotale, referendo Hieronymum, & alios. Supponebatur ergo primogenitura naturalis, & civilis, seu humana, ut sic dicam, & illi conjungebatur jus sacerdotale, vel ex ordinatione divina, vel ex traditione populi fidelium. Negari autem non potest, quin jus primogenii secundum se spectatum, & secluso adjuncto spirituali, habeat humanam æstimationem, secundum quam venale sit, & commutabile pro alio temporali bono: nam totum illud commodum primogenituræ, licet in naturali prioritate nativitatē fundatum sit, transferri potest in alium, quia non est necessario conjunctum cum naturali illa prioritate. Item est pretio æstimabile, quia simpliciter est temporale bonum; ergo est vendibile sine injustitia, vel alia intrinseca iniquitate, ut late etiam ostendit Tiraquell. supra q. 28. & 29.

9 Igitur licet primogenitura fuerit annexum sacerdotium, poterat vendi sine simonia, stando in jure naturali, ratione materialis per se spectati, non habendo rationem ad spirituale in computatione, vel æstimatione pretii. Quod facillime intelligitur in venditione Esau, nam pretium fuit tam vile, ut nec ad materiale solvendum per se sufficeret, ut statim attingam. Prior illatio infra est generaliter tractanda, nunc breviter patet, tum ratione, quia materiale non amittit valorem suæ commoditatis, & utilitatis temporalis propter spirituale adjunctum; tum exemplis, quia hoc modo sine simonia venditur calix ratione materiæ, & venditur villa, seu fundus, cui adhæret jus patronatus, & non propterea venditur ipsum jus patronatus, licet cum fundo transferatur, nec per se vendi possit. Ita ergo recte intelligitur venditio primogenituræ sine venditione juris spiritualis. Et hoc exemplo illam declarat Lipoman. Genes. 25. & consequenter illam a labe simoniæ excusat. Idemque habent Archid. Hug. & Laur. in dicto cap. *Quam periculofum*, Et certe Glossa idem sentit (quicquid ibi dicat Turrec. art. 5.) nam licet referat Gandulfum dicentem, Esau fuisse simoniacum, ipsa subdit: *Sed est contra eum caput: Qui studet* 1. quæstion. 3. ubi Giezi dicitur fuisse primus simoniacus. Ad quod non respondet, sed transiit; unde videtur objectioni succumbere, & Gandulfo recedere.

Bene po-
test intel-
ligi ven-
ditio pri-
mogeni-
turæ Esau,
quia ven-
ditur jus spi-
rituale.

10 Nec cap. *Qui studet*, contemnendum est; nam licet Turrecr. respondeat, Giezi fuisse primum simoniacum in veteri lege, sed in naturali Esau fuisse primum: Nazianzen. tamen in dicto capitul. non agit de veteri lege tantum, sed de toto veteri Testamento. Re tamen vera non dicit, Giezi fuisse primum, sed solum probando malitiam simoniæ ex utroque Testamento adducit exemplum Giezi, & Simonis: & ita ex illo textu ad summum colligi potest argumentum negativum. Quod autem dicti canonistæ negant, Esau vendidisse jus spirituale, non ideo est, quia negent fuisse conjunctum cum primogenitura (ut Turrecr. eis imponere videtur) contrarium enim ex illis constat, & ex aliis multis, quos supra Tiraquell. refert: sed negant, annexionem illius juris cum primogenitura sufficere, ut vendita primogenitura, censeatur venditum spirituale jus, ad quod Turrecr. non responderet, neque ad rationem factam. Et sic videtur dixisse Chrysostom. supra, Esau vendidisse dignitatem, quam a natura habebat. At sacerdotium non erat a natura, neque illius meminit Chrysostom. non quia non esset, sed quia in venditionem non venit.

11 Juxta hunc ergo dicendi modum probabilius quidem videtur in illo facto secundum se spectato, & in illo tempore, quando jure tantum naturali regulandum est, & non positivo, per se, & intrinsece in tali facto non fuisse simoniam. Atque hoc modo facillime defenditur, quomodo Jacob non peccaverit petendo a fratre, ut primogenituram venderet, quod alias, ut Cajetanus dixit Genes. 25. difficile esset, si venditio illa intrinsece simoniaca fuisset. Quia nunquam licet petere ab alio, quod ipse sine peccato præstare non potest, nec talis petitio potest honestari, quan-

probabi-
lius est in
facto E-
sau non
fuisse si-
moniam.

quando is, a quo petitur venditio, moraliter non potest excusare simoniam, si faciat quod postulat. Respondet tamen Cajetanus in 2. 2. quæst. 100. art. 4. licet verba Jacob sonarent venditionem, tamen sensum non fuisse petendi veram venditionem, sed traditionem rei, quæ sua erat, offerendo aliquid ad inducendam voluntatem Esau, quia aliter ab illo recuperare non poterat: quam doctrinam ait Cajetanus extendi ad omnem redemptionem vexationis in hac materia. Sed de hoc videbimus postea: nunc solum assero mihi non satisfacere pro præsentis casu. Quia Esau pro tunc non inferebat injuste vexationem, nam habebat naturalem titulum, & possessionem primogenituræ cum consensu, & voluntate patris: unde illi non constabat, illam pertinere ad Jacob, & se fuisse obligatum ex iustitia ad transferendam, & quasi restituendam illam. Et ideo in tali occasione, & cum talibus circumstantiis Jacob petebat ab Esau rem, quam sine peccato facere non poterat: quia per modum restitutionis, seu cessionis debita primogenituram relinquere non poterat: ergo cogebatur illam formaliter, ac propriissime vendere; ergo inducebatur ad malum, quod vitare non poterat.

12 Sed ait Cajetanus, quod licet Esau scivisset divinam ordinationem, non cessisset, sed in sua detentione perseverasset. At hoc divinare est, & parum refert, quia illa conditionalis de futuro nihil ponit nunc in esse, nec reddit hic, & nunc culpabilem Esau in non restituendo; ergo nec reddit inculpabilem Jacob in petenda venditione, non prius instruendo fratrem de jure suo. Ut si nunc aliquis bona fide haberet meum beneficium, non liceret statim offerre illi pretium, ut restituat, sed oporteret prius illi ostendere, quomodo beneficium non sit suum, sed petentis. Eo vel maxime quod non constet, Jacob eo tempore habuisse jam jus in re, sed ad rem: nam Deus tantum dixerat: *Major serviet minori*, quæ erat promissio de futuro, quæ non dabat jus in re, donec translatio majoratus cum effectus fieret; redemptio autem vexationis non habet locum, donec sit jus in re acquisitum, immo fortasse nec ante possessionem adeptam, de quo postea. At vero si illa venditio non erat simoniaca intrinsece, cessat facile omnis difficultas, si Jacob præviderit, non fuisse faciendam ab Esau sine gravi peccato, siue non: nam satis erat, quod fieri posset moraliter sine peccato: nam Jacob utebatur jure suo, & malitia alterius erat per accidens. Sicut etiam facile excusatur Jacob vel ab injustitia, quod tam vili pretio rem tantam emere voluerit, vel a crudelitate, non subveniendo gratis fratri in tanta necessitate constituto: nam ille utebatur jure suo, & rem sibi debitam postulat; & ut sine injustitia illam peteret pro vili pretio, satis erat, quod sibi de jure suo constaret, etiam si alius ignoraret. Et eadem ratione non tenebatur dare gratis pimentum: maxime quia Esau non erat in vera necessitate, sed in intemperantissima cupiditate.

13 Quod vero spectat ad peccatum Esau, mihi curæ non est de illo excusando, potuit enim ex prava intentione esse simoniacus, volens vendere etiam ipsum spirituale jus, & hoc satis est, ut intelligatur, etiam in illo tempore potuisse aliquam simoniam committi. Contendo tamen, pactum illud, bona intentione factum, potuisse esse non simoniacum, & ideo potuisse a Jacob simpliciter peti. Et quod ad generale jus pertinet contendo venditionem temporalis rei non fieri simoniacam jure naturæ, eo quod sit antecedenter annexa ad jus aliquod spirituale, si pretium est commensuratum rei temporali, & pro illa tantum detur. Adde etiam nihil esse, quod in rigore cogat dicere, Esau commississe propriam simoniam. Peccavit quidem per excessum gulæ, ut omnes Sancti tradunt: & maxime Gregor. 3. Moral. cap. 27. & August. 16. de Civit. cap. 37. Ubi ait, excessisse per immoderantiam cupiditatis; & in dicto Psalm. 46. ait, per gulam perdidisse primogenita. Idem Chrysost. homil. 31. in ad Hebr. & ibi Theophyl. & D. Thom. ibi etiam exponit, *profanum*, id est, *gulosum*, non tam proprietatem vocis, quam causam venditionis considerans. Præterea peccavit Esau ut prodigus, & vilis pro re vilissima nobilissimum naturæ donum, & valde honorificum, vi-

ctus cupiditate, commutans, ut recte notavit Lipom. adducens alios in Caten. Genes.

14 Tandem propter proprietatem vocis *profanus*, qua utitur Paulus, fateamur, peccasse etiam Esau tanquam profanum, carentem religionis spiritu, & affectu, & contemnentem jus primogenituræ. Itaque licet illud non vendidisset, prout spirituale erat, sicut explicuimus, contempsit tamen, & pro nihilo habuit, & ideo profanus fuit. Quamvis enim jus illud tantum esset annexum primogenituræ, tamen ratione tantæ dignitatis (licet non debuerit æstimari ut res digna temporali pretio) debuit haberi in majori æstimatione spirituali, & consequenter non ita contemni: merito ergo profanus dicitur, qui ita illud contempsit. Quod enim illam contempserit, ex verbis Genes. aperte colligitur, dum ita concluditur: *Abiit parvi pendens, quod primogenita vendidisset*. Ubi Lipom. id est, *vilipendit primogenituram*, juxta septuaginta, & Chaldaicum: *Et in hoc, ait, exaggerari peccatum Esau, quod primogenita nihil faciebat*. Et Theophyl. *Hec, inquit, est profanatio contemptus divinarum rerum*. Et de Esau ait, *est belluo, vorax, mundanus spiritualia profanans, & concupiscens*. Et hoc modo recte interpretatur verbum *Vendens*, quo Chrysost. usus fuerat: & ita etiam recte intelligitur, quod August. dixit, plus amasse corporalem cibum, quam spiritualia. Ex his denique etiam præsumi potest, omnia, quæ cum primogenitura conjuncta erant, vendere voluisse, nec inter spiritualia, & temporalia, seu naturalia differentiam fecisse, quod est propriissime fuisse profanum. Et ita facile possunt concordari opiniones, quantum attinet ad personale factum, dummodo pro regula non sumatur, omnem venditionem similis materiæ necessario esse simoniacam ex vi naturalis juris.

15 Ex his ergo satis constat, in lege naturæ potuisse simoniam committi, quando res spirituales directe, & secundum se vendebantur, vel pro temporalibus commutabantur. Hinc vero ulterius supererat dicendum de lege naturali pura, id est, vel qualis esset in homine creato in puris naturalibus, vel qualis nunc intelligi potest in republica humana invincibiliter ignorante totum ordinem gratiæ, & colente aliquo modo Deum. Sed hæc quæstio pendet ex majori declaratione objecti, seu materiæ, circa quam versatur simonia: nam hypothetice, seu sub conditione dicere possumus, quod si in illo statu inveniri poterat materia simoniæ mere naturalis, ut sic dicam, etiam vitium inveniri posset aliquomodo, quia naturalis ratio haberet suam vim prohibendi negotiationem rerum sacratum. Si autem e converso verum est, ut multi volunt, in illo statu non inveniri materiam simoniæ, etiam est clarum, neque tale vitium potuisse in illo statu locum habere. Quid autem de tali materia sentiendum sit, melius in capite octavo definimus.

16 Denique ex dictis solutæ fere sunt rationes dubitandi in principio positæ. Negamus enim in lege naturali, prout fuit in hominibus fidelibus inventa, non esse supernaturalia dona, quæ possent esse materia simoniæ: nam (ut dixi) tunc etiam erant supernaturalia dona gratiæ, & ministeria, de quibus dubitari non potest, quin sint sufficiens materia simoniæ. Ad exempla autem de Abraham, & Jacob satis jam responsum est. Joseph. autem sine causa adducitur in exemplum, nam quando petiit misericordiam a Pincerna Pharaonis, nullum contractum cum illo fecit, nec aliquid per modum debiti exegit, sed gratis omnino somnium interpretatus est: deinde vero primum opus ab ipso misericorditer, & benevole efflagitavit. Et ita notat ibi Abulens. nihil pro interpretatione postulasse Joseph. Sed solum quasi elemosynam postulasse, sicut illam postulare posset, etiam si nullum beneficium alteri contulisset. Ille ergo (ait Abul.) non exigebat debitum, quamvis Pincerna teneretur ex gratitudine beneficium beneficio compensare. August. vero serm. 80. de Tempore indicat, non nihil defecisse Joseph a firma in Deum spe, petendo auxilium ab homine impio, in quo illum a culpa veniali non excusaret de vestigio autem simoniæ illum non accusat, quod nobis

Cur Esau profanus appellatur.

Opiniones hæc quomodo possint concordari.

An possit dari simonia in homine creato in puris naturalibus.

Solvuntur rationes, quæ afferbantur in contrarium.

Que pacto peccaverit Esau.

volis satis est. Credo tamen nec per diffidentiam venialiter peccasse, quia non est contra debitam, & perfectam fiduciam in Deum uti mediis humanis moraliter occurrentibus, & accommodatis ad propriam miseriam sublevandam, seu ad vim, & injuriam propulsandam, hoc autem in eo facto egit Joseph. In alio vero loco evidentiùs est, Joseph nihil temporale postulasse, sed regem ipsum Pharaonem propria sponte dixisse: *Num invenire poterimus talem virum, &c.* & elegisse illum ad illud munus non propter acceptam gratiam, sed propter hominis virtutem, & sapientiam. Merito ergo potuit Joseph dignitatem acceptare, immo & debuit, quia non ignorabat, illam fuisse Dei voluntatem. Ad ultimam confirmationem de homine in puris naturalibus jam responsum est.

C A P U T VII.

Sitne aliqua simonia solo humano, seu ecclesiastico jure prohibita?

OMnia, quæ hæcenus diximus, pertinent ad prius membrum divisionis propositæ, quod erat simonia contra jus naturale: nunc de altero membro simoniæ contra jus positivum dicendum est. non enim deest circa illud controversia. Nam Durand. in 4. d. 25. quæst. 5. num. 9. contendit, nullam esse simoniam soli juri positivo contrariam. Probat primum: quia id, quod est tantum contra præceptum positivum, solum habet malitiam inobedientiæ, quia in talibus tota ratio malitiæ est præceptum, cui sola inobedientia opponitur; ergo si venditio, vel emptio solum est mala, quia prohibita, erit tantum inobedientia, non simonia. Majorem videtur Divus Thom. docere 2. 2. quæst. 104. art. 2. ad 1. Ubi ait, quædam esse, quæ ad nullam aliam virtutem nisi obedientiæ pertinent, ut pater in his, quæ ideo sunt mala, quia prohibita: & eandem probat Durand. exemplis, quia qui in die jejunii pluries comedit solum contra obedientiam peccat, & sic de aliis. Secundo argumentatur, quia vel res, quæ vendi prohibetur, est sacra, vel non est sacra: si est sacra, non solum erit simonia, quia prohibita, sed ex natura rei talis erit, quia omnes rationes factæ ad probandum dari simoniam contra jus naturale, probabunt idem de tali simonia. Si vero res non est sacra, etiamsi jure humano vendi prohibeatur, venditio ejus non erit vera simonia, quia prohibitio illa non mutat rerum naturas, & ita nec facit, ut res sacra, quæ non erat, nec ut simonia vera in alia materia versetur, quam in re sacra. Ne autem videatur Glossis, & doctrinis Canonistarum contradicere, exponit, solere hujusmodi contractus prohibitos per ecclesiam (quando, licet alias de se mali non sint, nihilominus sub pœnis simoniæ prohibentur,) simonias appellari largo modo, & in ordine ad pœnas, non quia revera pravitatem simoniæ contineant.

2 Nihilominus dicendum est, non tantum illo metaphorico modo, sed vere, ac proprie dari posse simoniam, etiamsi contra jus tantum ecclesiasticum, & positivum sit. Ita sentiunt Glossæ, & Canonistæ relati cap. 2. qui hoc defendunt specialiter contra Durandum, Palud. 4. dist. 25. quæst. 4. art. 2. Sor. lib. 9. Just. quæst. 5. art. 2. Qui auctores solum quibusdam exemplis declarant, ubi, quando, & quomodo hæc simonia tantum positiva invenitur. Sed exempla non sufficiunt: tum quia fere omnia possunt esse dubia, & Durandus dicet, in multis illorum esse simoniam quoad pœnam, non quoad culpam, tum etiam quia oportet assignare regulam ad cognoscendam materiam hujus simoniæ, & prohibitionis; nam ex tali regula judicandum est de exemplis, & sine illa doctrina est incompleta, & insufficiens ad particulares questiones definiendas. Ut ergo res breviter declaretur, & solvantur objectiones Durandi, adverte, duobus modis posse intelligi aliquam simoniam esse de jure humano. Primo, quia res spiritualis, quæ venditur, licet vere sacra, & spiritualis sit, tamen totam spiritualitatem suam habet ex jure humano, & ecclesiæ institutione, & ut sacramentalia omnia sunt spiritualia

de jure humano. Secundo, quia immediate ipsa venditio talis rei, vel commutatio pro alia ex pacto, & obligatione mutua de se non est mala, jure tamen humano prohibita est intuitu religionis: ut verbi gratia, officium æconomi (quod gratia tantum exempli dictum sit) ecclesiæ per se spectatum non est res sacra, & ideo vendere illud non est de se simoniacum: si autem ecclesiæ illud vendere prohibuit intuitu reverentiæ rerum sacrarum, erit venditio simoniaca jure positivo ecclesiæ, & non divino. Multi ergo Doctores videntur priori modo interpretari hanc simoniam juris humani. Ita docet satis aperte Maj. in 4. dist. 25. quæst. 3. ad 47. & supra Palud. supra ad 2. Durandi, quem imitatur Turrec. & ita explicare videntur sententiam suam Gloss. licet non satis clare in dicto cap. *Ex parte*. Idemque significant ibi Felin. num. 1. Dec. num. 7. & alii tum ibi, tum in dicto cap. *Latorem* 1. q. 1. & in c. 1. de Simon.

3 Hic vero modus explicandi hanc simoniam probari non potest, si proprie loquamur, & vis non fiat in verbis, ut recte notavit Victor. in Relect. de simonia num. 12. & seq. Nam primo pluries vendere aquam benedictam ratione benedictionis, simonia est contra jus Divinum: & idem est in similibus rebus sacris, ut infra videbimus. Et tamen res ipsæ sacræ factæ semper per institutionem positivam ecclesiæ. Secundo hæc duo, videlicet benedicere aquam ad tales effectus spirituales, & prohibere, ne vendatur, valde distincta sunt, ut per se notum videtur. Ponamus ergo, ecclesiam instituisse benedictionem aquæ, ut fecit, & non prohibuisse in particulari venditionem ejus, nec comprehendisse venditionem sub aliqua generali lege sua; hoc posito nihilominus venditio illa simoniaca erit, si, ut aqua benedicta est, vendatur, id est, majori pretio ratione benedictionis, quam per se vendi possit; igitur talis simonia non est de jure humano, sed ex ipsa rei natura. Non est enim tunc mala, quia prohibita jure humano: ponimus enim, nullum esse tale jus prohibens: est ergo prohibita, quia mala, ac subinde jure naturæ prohibita. Tertio ostendimus supra tractando de sacrilegio, & de immunitate templorum, sacrilegium, quod committitur utendo profane vasis sacris, esse contra legem naturæ, & similiter profanationem templi, & similia, licet talium rerum sanctitas sit de jure humano; ergo similiter simonia, quæ necessario sequitur ex rei consecratione, est contra jus naturale, licet ipsa consecratio non sit de jure naturali. Tandem in ipsis sacramentis simile quid invenitur, nam institutio eorum est de jure Divino positivo, sacrilegium autem, quod committitur indigne illa sumendo, vel conculcando, vel (quod idem est) vendendo, est contra jus Divinum naturale. Ergo non recte explicatur membrum dicto modo, nisi de nomine (ut dixi) sit contentio: & dicatur esse de jure positivo in radice, quod fortasse negasset Durandus, quamvis in hoc etiam satis diminute loquatur. Verumtamen nec modus ille loquendi probandus est, quia revera non declarat rem, & illa appellatio tantum in illo sensu declarata nihil ad morale questionem confert, ut in sequentibus videbimus.

4 Dicendum ergo est, tunc simoniam aliquam esse de jure positivo, quando immediate habet talem malitiam ex vi prohibitionis ecclesiæ verantis venditionem, aut pactum onerosum circa talem rem, intuitu religionis, seu reverentiæ debitæ rebus sacris, ita ut talis actio illam malitiam non haberet, seclusa ecclesiæ prohibitione, etiamsi res tam spiritualis, vel sacra esset, sicut nunc est. Probatur, quia revera hoc est necessarium, ut actio aliqua dicatur esse mala in aliqua specie vitii ex vi solius prohibitionis ecclesiæ. Quod in primis declaratur exemplo, sumpto ex Concil. Trid. sess. 24. cap. 18. de Refor. ubi de examinatorebus ad beneficium dicit: *Caveant ne quicquam prorsus occasione hujus examinis, nec ante, nec post accipiant*. Quam prohibitionem constat esse positivam, & etiam subiungit: *Alioquin Simonis vitium tam ipsi, quam alii dantes incurrant*. Quæ verba non possunt nisi nimis violenter de sola pœna explicari: præsertim cum postea pœnam subijciat. A simili etiam potest hoc confirmari.

Quia

Parti negativæ propositæ.

Propriam simoniam dari posse solo ecclesiastico jure prohibitam.

Impugnatur primus modus explicandi simoniam contra solum jus positivum.

Quando simonia aliqua sit solum de jure positivo.

Quia nunc contrahere matrimonium cum consanguineo in tertio gradu, vel quarto, est sacrilegium contra jus naturale, fornicari autem cum illo est incestus contra jus positivum. Ratio autem discriminis est, quia matrimonium cum consanguineo non tantum est illicitum, quia immediate est contra legem ecclesiæ prohibentem illud, sed etiam est sacrilegium contra legem Divinam naturalem vetantem facere sacramenta irrita, quæ obligatio ex natura rei sequitur, eo ipso quod personæ factæ sunt inhabiles ad contrahendum, etiam si hæc inhabilitas jure humano introducta sit. At vero copula illicita cum consanguinea accipit specialem circumstantiam incestus ex lege prohibente immediate, quia per illam legem immediate constituitur talis circumstantia ut necessaria ad debitam honestatem inter personas in tali gradu conjunctas. Ita ergo intelligi potest, & debet in materia præsentis: nam si actus fiat simoniacus ex institutione ecclesiæ, solum mediate quatenus res constituitur, vel spiritualis sit ex institutione ecclesiæ, & inde ex natura rei resultat ratio simoniæ, tunc simonia non est mala, quia prohibita, sed prohibita, quia mala, & contra jus naturæ: at vero si contingat immediate ex sola prohibitione resultare simoniam, non aliter mutata materia in ratione rei sacræ, vel annexæ rei sacræ, quam per prohibitionem: illa erit propria simonia de jure positivo. Quod autem hic modus possibilis sit, ostenditur ratione supra insinuada, quia lex positiva præcipiens aliquem actum in aliqua materia virtutis, intuitu honestatis illius virtutis, habet vim constituendi materiam illam ut necessariam ad honestatem talis virtutis, & e converso lex prohibens aliquid intuitu alicujus virtutis, eo ipso constituit actum prohibitum in specie vitii contrarii illi virtuti, quia habet vim constituendi medium, & quasi taxandi illud in materia virtutis: unde fit, ut actus prohibiti intuitu ejusdem virtutis excedant, vel deficiant a medio necessario talis virtutis, & consequenter habeant malitiam tali virtuti contrariam.

5 Hoc autem principium supponitur, ut manifestum ex materia de legibus: & fundamentum ejus est, quia qui habet potestatem legislativam, habet etiam potestatem dirigendi actus subditorum in unaquaque materia virtutis juxta exigentiam ejus, quod maxime est universaliter verum in potestate Divina, & suo modo in potestate ecclesiastica, quæ immediate ad internam animæ salutem ordinatur; & ideo generalius potest præcipere in omni materia virtutis, quam lex civilis. Sic ergo in materia religionis potest lex ecclesiastica aliquam actionem emendi, aut vendendi rem sacram, aut annexam rei sacræ de se non malam prohibere intuitu religionis tantum, & ob reverentiam rerum sacrarum, ac subinde constituere immunitatem a tali contractu, ut necessariam ad servandum debitum medium in honestate religionis, & cultum debitum rei sacræ. Tunc ergo actio illa erit immediate mala ex prohibitione ecclesiæ, & illa malitia erit in specie simoniæ, quia prohibitio fit in materia capaci illius malitiæ, & intuitu sacri cultus, cui malitia simoniæ opponitur, sicut in superioribus dicebamus, immunitatem loci sacri a negotiationibus, & forensibus judiciis, & a violenta extractione delinquentium, qui ejus custodiam se committunt, licet ex jure ecclesiastico sit, facere, ut actus contrarii sint sacrilegia talis speciei contractus sacram; ita ergo in præsentis prohibitio facit, ut talis venditio sit sacrilegium tale, quod est simonia.

6 Dices: quomodo potest fieri talis prohibitio, quæ pertineat ad materiam simoniæ, nisi supponatur fieri circa rem sacram? Si autem res supponatur sacra, jam supponitur venditio ejus ex se simoniaca absque superaddita prohibitione positiva: nunquam ergo potest hæc malitia immediate oriri ex prohibitione positiva. Respondeo, tripliciter posse id intelligi, juxta tria, quæ in simonia intercedunt, scilicet res vendita, pretium, & contractus. Potest ergo hæc simonia intelligi, primo ex parte actionis vendendi, vel emendi, etiam si circa rem vere, &

proprie sacram sit. Secundo ex parte rei, quæ vendi prohibetur. Tertio ex parte pretii. Quando fit primo modo, oportet, ut contractus, vel datio, & acceptio rei, quæ prohibetur, non sit propria emptio, & venditio, & ideo ex solo jure naturæ non sit prohibita etiam circa rem sacram, & nihilominus lex positiva illam prohibeat intuitu religionis, quia est actio aliqua habens magnam affinitatem cum emptione, & venditione, & consequenter magnam speciem, seu apparentiam ejus, & ideo expedit prohiberi ad majorem puritatem religionis, & ad tollendam omnem occasionem, & suspicionem simoniæ. Tunc ergo actio sic prohibita erit simonia positiva, quia licet res, circa quam versatur, sit vere sacra, nihilominus ipsa de se non erat mala; talis tamen erat, ut posuerit prohiberi intuitu religionis, & (ut ita rem explicem) ad majorem immunitatem rei sacræ ab omni labe simoniæ, ideoque talis prohibitio constituit illam materiam in specie talis vitii, quod est simonia. Exemplum sit: si ecclesia prohibeat, ut in actuali administratione alicujus sacramenti nihil recipiatur etiam sponte oblatum, agere contra illam prohibitionem, esset simonia positiva. Quia illa acceptio de se non erat propria venditio, tamen ab ecclesia ita prohibetur, ac si esset venditio. Item beneficiorum permutatio propria auctoritate facta, fortasse non est propria venditio sufficiens ad simoniam ex natura rei: ecclesiæ tamen prohibitio facit illam simoniacam. Item compositio litis beneficiæ per solam conventionem partium, & alia similia exempla peti possunt ex c. *Quum pio*, c. *Quæsitum*, & c. *Cum olim*, de Rer. permut. & c. *Cum pridem*, c. *Cum clerici*, de Pactis, & c. *Constitutus*, cum aliis de Transact. De quibus infra ex professo dicemus, nunc enim solum ut probabilia exempla hæc ponimus ad rem explicandam, quicquid sit de eorum veritate: generaliter autem manifestum videtur, hunc modum prohibitionis, & simoniæ esse possibilem.

7 Secundus modus, alio modo fieri potest, ut venditio, quæ prohibetur, vera, & propria sit; res autem circa quam prohibetur, non sit ita sacra, ut ex natura rei sit irreligiosa ejus venditio, & nihilominus ecclesia illam prohibeat, non instituendo circa rem talem novam aliquam consecrationem, aut benedictionem, sed immediate faciendo talem prohibitionem intuitu solius religionis, & ob majorem immunitatem rerum sacrarum ab omni labe simoniæ; tunc enim etiam illa materia constituetur ex vi legis ecclesiasticæ in materia religionis, quantum ad abstinentiam ab illa actione, & consequenter contrarius actus constituetur in materia simoniæ. Hic autem modus non potest contingere circa rem in se vere sacram, ut ratio supra facta probat, potest tamen contingere in re annexa aliquo modo rei sacræ; potest enim esse tam remota annexio (ut sic dicam) ut ex natura rei non sufficiat ad materiam simoniæ, & nihilominus sufficiat, ut per legem positivam compleatur. Sicut de incestu supra dicebamus, quod licet conjunctio sanguinis in tertio gradu ex sola rei natura non sufficiat ad incestum, vel ad irritandum matrimonium, est sufficiens fundamentum, ut per legem humanam possit prohiberi intuitu castitatis, seu honestatis inter consanguineos: ita ergo in præsentis cum proportionem. Exemplum autem esse potest in officio oeconomi, aut thesaurarii rerum ecclesiasticarum: habent enim aliquam connexionem, & affinitatem ad res sacras, non vero tantam, ut ex natura rei sit simonia vendere tale officium: accedente autem ecclesiæ prohibitionem, erit simonia juxta c. *Salvator* 1. q. 3.

8 Tertio modo; ut pro re spirituali non detur temporale pretium, sed spirituale, & nihilominus permutatio prohibetur sub hac specie, ut cum dicto exemplo de permutatione beneficiorum, & ex discursu materiæ constabit. Nam discurrendo per singulas materias, vel actiones simoniæ applicabimus hanc veluti regulam ad explicandum, quis modus simoniæ in unaquaque reperitur. Nunc brevis ratio regulæ reddi potest, quia in simonia, quæ per se

3. modum

Obiectio

Responso

Triphaciter fieri hanc prohibitionem

ialis est, illa tria requiruntur, scilicet materia, quæ est res sacra, pretium temporale, & pactio, seu venditio, quæ est actio sacrilega: ergo ut actio, quæ ex natura sua talis non est, per prohibitionem talis fiat, oportet, ut servet proportionem, vel in materia, vel in pretio, vel in pacto, ad aliam, quæ per se talis est, ut intuitu ejusdem religiosæ honestatis prohiberi possit, & de facto prohibeatur: omnibus autem modis explicatis potest servari proportio in prohibitione, si illo intuitu fiat: ergo in ordine ad rectam rationem inducit tale præceptum honestatem ejusdem rationis intra latitudinem illius virtutis.

9 Ex his facile est respondere ad fundamenta Durandi. Ad primum dicitur, falsum esse assumptum, nam transgressio legis positivæ non est tantum inobedientia, immo nec est formaliter inobedientia, nisi fiat ex formali intentione, & contemptu præcepti, aut legislatoris: alioquin solum generali ratione, & quasi materialiter inobedientia est; formaliter vero, & specificè est tale vitium, qualis est materia legis, & modus prohibitionis ejus. Quod eisdem exemplis, quæ Durandus adducit, probamus. Nam comedere carnes in die prohibito intemperantia est, & non tantum inobedientia, & similiter comedere pluries in die jejunii; violare etiam immunitatem ecclesiæ, aliquem violenter extrahendo, sacrilegium est, non tantum inobedientia, & sic de aliis. Ad D. Thomam autem ibi citatum respondet Cajetan. in eodem loco, quando Divus Thomas dicit, ea, quæ sunt mala, solum quia prohibita, talia esse, ut ad nullam virtutem pertineant præter obedientiam, intelligendum esse cum addito *secundum se*. Sic enim, ait, *multa cadunt sub humanum præceptum, quæ secundum se ad nullam spectant virtutem*. Sed hoc etiam non videtur verum, quia aliud est, non pertinere ad virtutem, aliud non cadere sub obligationem virtutis, ut ex D. Thom. in eodem loco constat, ubi dicit non omnia opera virtutum cadere sub præceptum, ac subinde multa pertinere ad virtutem, & non ad obligationem virtutis. Illa ergo, quæ sunt mala, quia prohibita, talia sunt, ut eorum opposita secundum se non sint de necessitate, & obligatione alicujus virtutis, ut per se constat, nihilominus etiam secundum se possunt pertinere ad virtutem aliquam, ut jejunare ad temperantiam pertinet, etiam quando non præcipitur, & audire missam, & similia. Immo videtur hoc necessarium esse præsupponendum ad legem humanam, quia non potest præcipere nisi honesta, nec præcipiendo facit honesta in specie virtutis determinata præter obedientiam, sed supponit esse honesta, & facit necessaria.

10 Quare possemus interpretari D. Thom. cum ait, ad nullam virtutem talia pertinere, intelligere non pertinere quoad obligationem, & necessitatem, non tamen excludere, quin possint pertinere quoad honestatem. Et fortasse Cajet. non aliud voluit. Adde vero ulterius, interdum posse præcipi id, quod secundum se ad nullam virtutem pertinet, & per præceptum constitui non solum in necessitate virtutis, sed etiam in honestate virtutis. Ut ecclesiæ prohibet v. g. jejunium in die Dominico, & tamen abstinere a jejunio in illo die secundum se non pertinebat ad virtutem, foderat quid indifferens: & hoc satis est ad legem humanam, potest enim actum de se indifferenter præcipere. Et licet semper præcipiat illum propter honestum finem, non tamen cadit sub præceptum finis legislatoris, sed tantum actus præceptus. Et ita non repugnat, aliquem transgressorem alicujus legis humanæ habere tantum malitiam inobedientiæ, quando scilicet materia ejus ad nullam aliam specialem virtutem pertinet præter obedientiam, quod fortasse voluit indicare D. Thom. At vero quando materia præcepti pertinet ad specialem virtutem, vel ex vi præcepti in illa collocatur tanquam necessaria ad honestatem illius virtutis: tunc transgressio habet specialem malitiam contrariam illi virtuti, & non tantum obedientiæ: & ita est in præsentī, ut declaratum est.

11 Ad secundum argumentum Durandi jam est responsum, quod potest esse res sacra, & actio non

simoniaca ex sola rei natura, & fieri simoniaca ex vi prohibitionis: potest item esse res annexa rei sacræ, sed non tam arcto vinculo, ut sufficiat ad naturalem simoniam, per prohibitionem autem possit fieri. Cum vero Durandus ait, legem non posse mutare rerum naturas: respondemus, verum esse non mutare illas in esse physico, seu teali, nihilominus tamen mutare illas quoad esse quoddam morale, & quoad necessitatem, vel medium virtutis. Sic enim lex justitiæ taxans pretia rerum mutat valorem earum, & mutat medium justitiæ in earum commutatione servandum: & sic etiam potest præscribere tempus, & locum, & modum necessario servandum in operatione, ut studiose fiat etiam in proprio genere virtutis: & talis mutatio est, quæ in præsentī fit. Neque fatiscit Durandus intentioni injuriam, & Canonistarum, cum actiones sic prohibitas simoniacas appellant; tum quia vitium non est simile alteri in ratione, neque in nomine propter similitudinem pænæ, ut patet de homicidio: & in præsentī alienatio rerum ecclesiasticarum solet puniri eisdem pænis, quibus simonia, & tamen simonia non est; tum etiam quia in ordine ad confessionem multum interest, uno, vel alio modo loqui de tali actu. Nam si sententia Durandi esset vera, non oporteret, in confessione exprimere simoniam prohibitam ab ecclesiā, sed sufficeret dicere, fuisse quandam inobedientiam in materia gravi: quia adjectio pænarum, vel sola denominatio analoga ob similitudinem pænarum non sufficit ad obligationem confessionis, ut constat. At certum est, talem simoniam esse confitendam in specie, & ut simoniam, ut constat ex consensu, & praxi totius ecclesiæ. Est ergo illa simonia non solum quoad culpam, sed etiam quoad pœnam.

12 Atque hinc constat, simoniam hanc, quam positivam appellare possumus, propriam esse temporis legis gratiæ; nam in statu legis naturæ non constat nobis fuisse hujusmodi prohibitionem positivam, licet illam fuisse non repugnaverit: quia non deerat potestas legislativa, & prohibitio poterat esse conveniens. Minus autem erat tunc necessaria, quia non erant tot spiritualia dona, nec etiam tot res temporales spiritualibus annexæ; & ita ibi sufficere poterat ipsa naturalis legis directio. Immo etiam in lege scripta non invenimus de hoc speciale præceptum, sed tantum sub communi voce munerum, & magis ad judices, quam ad sacerdotes: licet a fortiori omnes comprehenderit, maxime quia sacerdotes tunc etiam erant judices in multis, & præcipuis rebus. Illa tamen prohibitio pure moralis videtur fuisse, & naturale jus proponens, ac declarans. Quare etiam in illa lege nulla videtur fuisse propria simonia positiva.

13 Tandem colligitur ex dictis, hoc peccatum simoniæ, etiam quando est contra legem positivam, mortale esse ex vi suæ speciei, & materiæ; nam revera ejusdem speciei est cum simonia contra legem naturalem, quia diversitas præceptorum quoad efficientes causas eorum non variat speciem peccati, quando in materia ejusdem rationis versantur, & eandem virtutis honestatem respiciunt: quia species tam præcepti, quam virtutis ex objecto, & motivo sumitur, & consequenter species vitii sumenda est per recessum ab his, seu per carentiam honestatis debitæ, quæ eadem est, etiam si ex diversis præceptis debeatur. Est ergo hic simonia ejusdem speciei cum simonia naturali jure prohibita, ac subinde ejusdem est gravitatis substantialis. Ac denique in illam conveniunt omnia, quæ de hac gravitate diximus in cap. 3. his exceptis, quæ pertinent ad intrinsecam connexionem malitiæ cum tali materia, vel actione secundum se spectata: illa enim in hac simonia non reperitur, ut satis declaratum est. Et hæcenus de hac prima divisione simoniæ.

Lex licet non possit mutare res in esse physico, potest tamen mutare quoad esse morale

Hæc actiones simoniæ non sunt solum in pœna, sed etiam in culpa.

Hanc simoniam positivam solum esse propriam legis gratiæ

Simoniæ positivæ esse mortalem vi suæ materiæ.

Fundamentum Durandi e. peritur.

Interpretatur D. Thom.

C A P U T VIII.

An dividi possit simonia in eam, quæ in materia naturali, vel supernaturali versatur, & consequenter, an detur aliqua simonia in materia mere naturali?

Incipit
exponi
secunda
ex parte
materiz.

Quando
aliquid
dicitur
materia
simoniz,
non ex eo
dicitur
prohiberi
omnis
modus re-
cipiendi
aliquid
tempora-
le.

Post explicatum jus prohibens simoniam, dicendum sequitur de materia ejus, nam inde tanquam ex objecto habet rationem suam. Et quoniam hæc materia multiplex est, per partes explicanda est, & in singulis declarabimus, quo jure prohibeatur emptio, & venditio circa talem materiam. Est autem hic pro tota hac parte supponendum, quando dicimus, aliquam esse materiam simoniz, non statim improbare omnem modum recipiendi aliquid temporale occasione illius materiz, sed solum pretium, vel quod habet rationem pretii. Quid autem necessarium sit, ut aliquid detur ut pretium, vel quando aliter dari intelligatur in tertia divisione principali explicandum est. Hoc supposito cum materia simoniz variis modis dividi possit ab universalioribus incipiendo, proposita divisio ante omnia examinanda est. Et quoniam ex dictis supra circa definitionem simonie manifestum est, dari aliquam materiam supernaturalem simoniz, tota præsens quæstio huc revocatur, an possit dari aliqua simonia, quæ in materia pure naturali versetur? Voco autem pure naturalem materiam illam, quæ potest esse in homine ex vi luminis, ac rationis naturalis, ejusque naturali arbitrio subjacet. Hæc autem duplex esse potest, una merè corporalis, & humana, ut sunt bona corporis, & fortunæ, alia spiritualis aliquo modo, ut scientia, & res sacræ ad naturalem Dei cultum pertinentes. De prioribus rebus nulla est quæstio, notum est enim non esse materiam simoniz, & a fortiori patebit ex dicendis. Circa res ergo posterioris generis est nonnulla dubitatio.

An scientias
naturales
verè sit
simonia.

2 Primo quidem propter scientias naturales, quas homo materialiter acquirere potest, & aliis communicare, illas enim pretio vendere, videtur iniquum, quia rationes factæ de simonia ad talem venditionem possunt applicari. Nam etiam de his scientiis dici potest, quod de sapientia dicitur Proverb. 3. *Pretiosior est cunctis opibus, & omnia, quæ desiderantur, huic non valent comparari.* Ergo etiam hæc scientia non potest pretio æstimari; ergo iniquum est, illam pretio vendere, habetque ex hoc capite eandem malitiam, quam simonia. Et ideo Sapiens Proverb. 23. generaliter monet: *Noli vendere sapientiam, & doctrinam, & intelligentiam.* Potest hoc confirmari: primo, quia omnis veritatis cognitio, atque adeo omnis scientia est ab Spiritu sancto, etsi naturalis sit, teste Aug. lib. de magist. cap. 12. alias 13. ergo id satis est, ut sit materia simoniz. Confirmatur secundo, quia scientia naturalis extenditur ad cognoscendum verum Deum; ergo saltem illa cognitio naturalis Dei, est invendibilis: nam contra reverentiam Deo debitam est vendere veritatem ejus. Alias simplices, & idiotæ, qui per se non possunt naturalem cognitionem Dei assequi, cogi possent ad illam emendam, & qui pretium non haberent, cogerentur illa cognitione carere, sine qua beati esse non possunt, quod absurdum est. Unde tandem confirmatur, quia alias posset homo beatitudinem suam naturalem pretio comparare, quod per se statim apparet absurdum. Sequela vero patet, quia beatitudo illa naturalis per industriam hominis potest obtineri, stando in pura natura, ut nunc loquimur.

An effectus
simonia-
rum ven-
dere illa,
quibus
Deus con-
latur
ab homi-
ne in pu-
ra natura
creato.

3 Secundo, ac principaliter est difficultas, quia in pura natura esse posset, & deberet cultus Dei religiosus; unde posset etiam esse sacrificium, & consequenter etiam sacerdotium, cæremoniæ religiosæ, quæ suo modo ab beatitudinem naturalem consequendam, vel ad Dei favorem impetrandum deservirent. Ergo in his omnibus esset tunc sufficiens materia simoniz, cum tamen tota illa materia naturalis sit, ut constat. Probatur consequentia, quia tunc etiam posita humana institutione circa hæc omnia, iniquum, & contra Dei reverentiam esset

Sharez Tom. XII.

sacerdotia, vel sacrificia vendere, & sic de cæteris. Et confirmatur, quia circa talem materiam naturalem verum sacrilegium contra naturalem legem committi posset per alias actiones, quibus res illæ sacræ conculearentur, aut ad communes usus transferrentur, & indigne tractarentur. Nam sacrilegium religioni ex natura rei opponitur, ideoque ubi est vera religio, etiam verum sacrilegium esse potest. Ergo etiam esset sacrilegium commutare illas res sacræ pro temporali pretio, nam per hoc indigne tractarentur: hoc autem sacrilegium simoniam vocamus, ut diximus; ergo.

4 In hoc puncto supponendum est, tantum duplicia dona spiritualia, & naturalia in homine intelligi posse, intellectus scilicet, & voluntatis: ad hæc omnia reducuntur, quæ excogitari possunt. Et in eis considerandum, spiritualia dona, quæ in homine sunt, non posse a possidente secundum suam substantiam vendi, non solum jure, sed neque etiam facto, ita scilicet, ut in alium transeant physice, ut per se illum perficiant, quia non possunt ab uno ad alium transferri. Sicut enim non possum alteri donare meam propriam animam, nec intellectum, aut voluntatem, ita nec habitus, vel actus, qui in his potentiis sunt. Solum ergo potest in his intelligi venditio, quantum ad usum talium donorum, id est, quantum, ad externa opera, quæ ab illis procedunt, & in alterius utilitatem, vel commodum fieri possunt. Potest autem hæc venditio intelligi, quantum ad factum spectat, vel tantum vendendo ipsa opera talium donorum, vel quodammodo vendendo fontem illorum, ad eum modum, quo venditur homo, quando venditur libertas ejus. Ita enim posset artifex, vel philosophus vendere alteri suam artem, non ut illum doceat, nec etiam ut suam perfectionem intellectualem physice in alium transferat: sed ut civile dominium ejus alteri tribuat, ita ut qui vendit, teneatur uti arte, vel scientia ad nutum, vel voluntatem alterius, & illi tantum pro illis fructificare, & lucrifacere. In quo est etiam considerandum, duplices effectus, seu duplicia opera provenire ex virtutibus intellectus. Quædam enim sunt mere corporalia, sive transeuntia, ut cantus, pulsatio citharæ, & similia: sive permanentia, ut pictura, &c. Alia dicuntur spiritualia, non quia per corpus non fiant (quia inter homines non potest esse communicatio talium donorum, nisi medio corpore) sed quia proxime, & per se ordinantur ad instruendam mentem alterius, vel voluntatem movendam, aut dirigendam. De prioribus ergo nulla est quæstio; tum quia (ut dixi) non computantur inter spiritualia etiam naturalia; tum etiam quia per se notum est, vendi posse, & justo pretio æstimari. Solum ergo de posterioribus est nonnulla sententiarum diversitas.

Duplicia
dona in-
tellectus,
& volun-
tatis in
homine
intelligi
possunt.

5 Prima opinio docet, nec voluntatis dona, neque intellectus vendi posse licite, & sic eum, qui vendit scientiam naturalem, simoniam committere. Quam sententiam ex Theologis antiquis tenuit Altfiodorensis lib. 3. Summæ tract. 27. cap. 3. qu. 2. sequitur Alenf. p. 2. qu. 167. memb. 4. dub. 2. & Div. Thom. 4. d. 25. qu. 3. art. 2. qu. 2. in corp. & ad 8. Quodlib. 8. art. 11. ubi sic illam explicat. Quia docens scientiam, vel artem humanam, licet possit locare operas suas, si intendat veritatem ipsam vendere, simoniacus est. Et idem sequitur Silvest. verb. *Simonia*. quæst. 10. & verb. *Doctor*. quæst. 9. Ex Canonistis citatur pro hac sententia Glos. in cap. *Non licet* 11. qu. 3. & sine dubio multum favet, quatenus ait, advocatum, vel jurisperitum posse quidem pecuniam accipere pro consilio, vel patrocinio, quando in eo laborat: tamen si sine speciali studio, & labore possit illud dare, teneri gratis dare: non dicit tamen esse simoniam, si aliter faciat. Referuntur etiam Hostiens. & alii in cap. *Quia nonnullis*, de magist. Sed illi non loquuntur de simonia, sed disputant, quando magister iuste, vel injuste aliquid exigit ab auditoribus. Unde non video, cur Soto dixerit hanc esse opinionem communem juristarum. Quidam vero hanc sententiam limitant dicentes, venditionem talium rerum esse simo-

Dona in-
tellectus,
& volun-
tatis ven-
dere simo-
niam esse,
quidam
dicunt.

niam lato modo, non proprio. Sicut Glossa in cap. 1. de magist. verb. *Consuetudinis, quasi simoniacum*, vocat vendere licentiam docendi. Et Richar. 4. d. 25. art. 3. quæst. 2. *quam simoniam* appellat pretium doctrinæ exigere, quando quis alias recipit justum stipendium pro legendi munere. Citatur etiam pro hac sententia Anton. Sed revera illam non docet, licet in aliis non distinguat simoniam a turpi lucro 2. part. tit. 1. cap. 5. §. 16. not. 6.

6 Secunda opinio est extreme contraria, nimirum nullum genus simoniæ posse versari in materia mere naturali, ac subinde in homine in puris naturalibus constituto non posse hoc genus vitii reperiri. Et consequenter neque in homine, qui nunc colit Deum ductus sola ratione naturali sine ulla fidei, vel rerum supernaturalium cognitione: hæc enim omnia se se consequuntur, ut constat. Ratio vero omnium est, quia materia simoniæ est res spiritalis, & denominatur ab spiritu increato, & non creato, ut supra dictum est circa definitionem: huiusmodi autem res spiritalis supernaturalis est, & pertinet ad ordinem gratiæ. Cujus rei fundamentum ex Scriptura sumptum est, in qua solum de donis Spiritus sancti, & gratiis gratis datis, vel ministeriis spiritalibus sermo est, ubi huius vitii fundamentum, & malitia indicatur, ut patet ex Matth. 10. Act. 8. ergo. Et confirmatur, nam malitia simoniæ in hoc consistit, quod non gratis datur id, quod gratis acceptum est, vel quia venditur id, quod non est proprium, aut id, quod vendibile non est: nihil autem eorum convenit in naturalia opera, quantumvis spiritalia, seu intellectuality, quia illa gratis non accipiuntur, sunt enim naturæ debita. Et quamvis ipsa natura gratis accipiat ab ejus auctore, tamen ipsa non venditur, sed aliquis usus ejus, qui supposita naturæ institutione debitus illi est: unde quicquid huiusmodi est, proprium est ipsius hominis, nam propria industria, & viribus illud acquirit, suoque arbitrio subjacet. Denique licet tale bonum secundum physicam proportionem non habeat comparationem cum materiali pretio, tamen secundum moralem æstimationem, & in ordine ad usus humanos potest illam habere, & venditioni exponi, vel pecunia comparari, nec in hoc fiet alicui injuria, nec aliunde apparet indecentia, aut deordinatio in tali actione; ergo. Atque hanc sententiam tenet Soto, si attente legatur dicta q. 5. art. 1.

7 Pro resolutione adverto, aliud esse quærere, an vendere hæc spiritalia dona naturalia sit simonia? vel generalius quærere, an sit bonum, vel malum? posset enim esse malum, quamvis simonia non esset. Distingui etiam præterea possunt hæc bona in tres classes. Quædam enim sunt mere intellectualia, & talia voco omnia illa, quæ perficiunt intellectum, sive speculativum, sive practicum, & per se non ordinantur ad honestatem moralem. In secundo ordine pono bona, quæ perficiunt tam intellectum, quam voluntatem in ordine ad honestos mores virtutum moralium, ut præcise versantur circa objecta, & personas creatas. In tertio specialiter constituo ea, quæ spectant ad naturalem cultum, & religionem Dei, ut naturaliter cognosci potest, & coli.

8 Dico primo: Spiritalia dona naturali more intellectualia sive speculativa, sive practica eo modo, quo de facto ab homine vendi possunt, nec sunt, nec esse possunt materia simoniæ. Hanc assertionem sumo ex D. Thom. 2. 2. quæst. 71. art. 4. ad 2. & quæst. 100. art. 3. ad 3. Cajetano dicto art. 3. & in Sum. verb. *Simonia*: eadem docent in 4. distin. 25. Richard. artic. 3. quæst. 2. Palud. quæst. 5. Durand. quæst. 3. Angel. *Simon*. 1. in principio. Armach. lib. 10. cap. 8. Adrian. Quodlib. 9. Navarrus. Victor. Soto, & Moderni omnes. Et probatur sufficienter ex fundamento secundæ sententiæ, quia simonia est peccatum contra religionem: in tali autem venditione nihil agi potest contra religionem, sive infusam, sive mere acquisitam, & naturalem; ergo. Major supponitur, tum ex dictis, tum ex conceptu omnium loquentium de simonia; tum

etiam quia nisi in hoc conveniamus, non potest esse firma, & (ut ita dicam) univoca disputatio; alias enim omne vitium commissum in rerum venditione poterit quis vocare simoniam. Minor autem etiam videtur per se nota, quia venditio illa nullo modo est contra religionem, vel cultum Dei, quia materia ejus non habet Deum pro objecto quod, vel cui, ut patet de omnibus artibus humanis, & de scientia juris humani, mathematicis, philosophia naturali, &c. Et licet contingat scientiam habere Deum pro objecto, ut metaphysicam, non refert, quia non respicit illum ut colendum, sed ut speculative cognoscendum. Est ergo manifestum, in hac actione non intervenire irreligiositatem aliquam, ac subinde nec simoniam. Quod amplius explico: nam si per impossibile posset quis scientiam alterius destruere, vel per maleficiū memoriam ejus prorsus auferre, peccaret contra justitiam, non vero contra religionem ratione nocumenti, sed solum ratione maleficii, quando intervenerit, quod est per accidens, & est vitium alterius generis; ergo signum est, illam non esse materiam religionis, nec vitii contrarii, scilicet sacrilegii, & consequenter nec simoniæ.

9 Dico secundo: vendere hæc bona intellectualia eo modo, quo vendi possunt de facto, per se loquendo nullam malitiam moralem continet, & si contingat illam habere, simonia non erit. Probatur prima pars, quia nemo potest vendere hæc bona, prout illa in se habet, ut transferat in alterum, quia hoc stultum esset, cum sit impossibile, & ita hoc non potest esse justum, neque injustum, nec moraliter consideratur. De facto ergo potest homo vendere illam operam, & laborem, quem ponit in docendo, sive tantum unum actum vendat, sive locet operam suam ad multum tempus, sive quodammodo vendat totam suam artem concedendo alteri totum usum, & fructum ejus in perpetuum, seu obligando se in perpetuum ad utendum, vel lucrandum cum illa ad arbitrium alterius. In toto ergo hoc facto non invenitur iniquitas per se loquendo, quia nec est contra religionem, ut declaratum est, nec est contra justitiam, quia illa omnia possunt arbitrio hominum justo pretio æstimari, ut constat ex usu, & communi hominum æstimatione, a qua pretia rerum temporalium, corporalium, & humanarum accipi solent. Et juxta hanc considerationem solet res natura sua nobiliores minori pretio æstimari, ut equus, quam servus, qui in ordine ad humanos usus utilior reputatur. Item ille labor docendi, sive utendi arte aut liberali, aut mechanica corporalis est, licet per intellectum dirigatur; est ergo pretio æstimabilis; ergo si justo pretio vendatur, nulla erit injustitia. Suppono enim ex parte contrahentium concurrere alias condiciones necessarias ad justitiam, ut facile fieri potest, quod si interdum non concurrant, erit per accidens, hic autem per se loquimur. Et eadem ratione nihil in eadem venditione per se committitur contra charitatem, quia nemo tenetur per se loquendo laborem suum, & operam pro alio gratis impendere, quod autem interdum possit teneri propter necessitatem, est per accidens ad præsentem considerationem. Sic enim etiam potest in hoc peccari contra religionem, ut si quis habens votum gratis docendi, pretium acciperet, quod, ut constat, extrinsecum est.

10 Atque hinc facile probatur altera pars, quam probat Soto simul cum prima assertionem; quia si vendere doctrinam naturalem esset simonia, etiam vendere laborem, & operam adjunctam, esset simonia, sicut de Sacramentis infra dicemus. Sed responderent alii, vel non vendi laborem, sed locari pro stipendio, quod etiam in spiritalibus licet, vel ex natura rei non esse simoniacum, vendere materiale sine formali. Sed profecto etiam vendere formale non est simonia, ut statim dicam. Propria tamen ratio hujus partis est eadem, quæ primæ conclusionis. Quia materia illius actus non est materia religionis; ergo licet circa illam peccetur, erit injustitia, vel immisericordia (ut sic dicam) non simonia, vel si ratione voti materia fiat religiosa, esse

Vendere hæc bona naturalia non habet malitiam moralem, & quamvis aliquam habeat, simonia non est

Dona naturalia in tres classes dividuntur

Dona intellectualia sive speculativa, sive practica non sunt materia simoniæ

esse poterit infidelitas in Deum, quod est vitium longe diversum a simonia. Magis tamen hæc pars intelligitur per aliquas illationes, quibus possunt ex hoc principio aliqui morales casus definiri.

Non est simonia-
eus, qui
vendit
doctrinā
etiam si
intendat
vendere
veritatem
naturā-
lem.

11 Ex dictis ergo sequitur primo, non esse simoniacum illum, qui vendit doctrinam, etiam si intendat directe vendere ipsam veritatem naturalem. Probatur, quia illa veritas nec per se supernaturalis est, ut supponitur, nec est res sacra, aut per se ordinata, & instituta ad cultum Dei; ergo non est in materia simoniæ; ergo licet intentio directe feratur ad illius venditionem, non facit actionem simoniacam. Atque hoc significavit Divus Thomas in dicto art. 3. mutando loquendi modum, quem in Quodlibetis tenuerat, ubi venditionem veritatis naturalis vocat simoniam. In dicto tamen art. 3. solum dicit, graviter peccare, qui sic vendit veritatem, & eodem modo loquitur in 4.

Cur sit
grave
peccatum
vendere
veritatem
& quale
sit.

12 Sed quæres, cur illud sit grave peccatum, & quale sit? Respondeo juxta ea, quæ Sanct. Thomas significat, tunc aliquem proprie vendere veritatem, quando ultra condignum pretium sui laboris, vel operis, quod ponit in docendo, aliquod speciale pretium pro veritate ipsa exigit: tunc enim injustitiam committit, quia vel bis vendit idem, vel vendit rem non suam. Veritas enim considerari potest quobus, vel tribus modis. Primo ut est in mente docentis: & sic non venditur, quia ut sic non datur alteri, unde pro illa ut sic pretium accipere, clara esset injustitia. Secundo consideratur, ut est in signo, in verbis, vel scriptura docentis, vel quod idem est, ut in illis verbis est objective respectu addiscentis. Et ut sic non distinguitur ab ipsa doctrina; unde licet maxime vendibilis esset, non posset vendi pretio distincto ab ipsa doctrina, quia qui tenetur docere, tenetur veritatem docere. Ergo vendere hoc modo veritatem distincto pretio ab ipsa doctrina, est idem vendere bis. Hoc autem fit, quoties ultra justum pretium pro labore docendi aliquid accipitur propter ipsam veritatem, quæ dicto modo est in doctrina, quia in primâ obligatione ad docendum includitur obligatio vera docendi, unde idem bis venditur. Tercio potest veritas considerari, ut incipit esse subjective in mente discipulis: & ut sic jam non computatur inter bona docentis, sed addiscentis, quod bonum ipse sibi acquisivit suo labore, & industria: ergo non potest Doctor pro illa veritate sic spectata peculiare, seu majus pretium postulare, quia non potest vendere rem non suam: & pro auxilio, quod ipse tribuit discipulo ad acquirendam veritatem illam, jam accepit condignum pretium in suo opere, & labore, nam illa industria non est, quid distinctum ab opere, & labore. Sic ergo potest committi peccatum injustitiæ in venditione veritatis. Non est tamen simonia propter rationem dictam, quia illa materia, & inæqualitas est alterius ordinis. Si vero ponamus, magistrum nec velle, nec accipere pretium excedens valorem sui operis, & laboris, licet directe intendat vendere veritatem ipsam, non video in illa intentione gravem malitiam, vel iniquitatem, sed ignorantiam, quia ille nescit adaptare intentionem actione justâ, quam facit: vel certe intentio ita interpretanda est, ut ille velit expresse obligare ad veritatem docendam, & hoc modo directe intendat veram doctrinam, & solidam, non fucata, vanam, & falsam: at hoc bonum est.

13 Secundo infero, non peccare aliquem, etiam si augeat pretium suæ doctrinæ, vel propter doctrinæ nobilitatem, vel propter eximiam peritiam personæ, etiam si labor corporalis major non sit; immo licet sit minor, vel nullus. Hoc attigit Soto argumentando contra primam sententiam, hinc a signo bene colligens, hanc non esse materiam simoniæ. Nam in materia simoniæ, licet contingat, rem materialem subjectam spirituali esse æstimabilem pretio, non potest tamen pretium augeri propter id, quod est spirituale in tali materia; at hic licet augere pretium laboris, & operis propter dignitatem scientiæ, & doctrinæ. Hoc autem ita esse constat ex communi usu omnium universitatum: nam cæteris paribus, majore

Suarez. Tom. XII.

ri stipendio conducuntur magistri nobiliorum scientiarum, vel artium: & excellentiores, ac famosiores in unaquaque arte carius solent vendere suam doctrinam, quam inferiores in eadem. Ratio autem est, quia doctrina ipsa ex objecto redditur dignior, & consequenter, prout vendibilis est, redditur etiam majoris æstimationis, & valoris. Et similiter ex parte personæ docentis plurimum augetur doctrinæ æstimatio, nam ut Ambr. dixit: *Primus discendi ardor nobilitas est magistri*. Unde etiam ad omnem humanum usum doctrinæ multum valet æstimatio, quæ ex auctoritate docentis nascitur. Ergo totum hoc considerari juste potest ad pretii æqualitatem, ac subinde potest juste augeri pretium ex his capitibus. Quare non bene dixit Glossa supra citata, teneri Doctorem ad dandum gratis consilium, quando sine studio, & labore illud dat. Est enim hoc falsum, quia illa actio non solum ex labore, sed ex se, & ex aliis circumstantiis habet suum valorem. Eo vel maxime quod in compensando tali opere, non est tantum consideranda facilitas, quam nunc habet operans in illo præstando, sed pensandæ sunt omnes præteritæ expensæ, ac labores, quibus facilitas illa comparata est; nam omnia illa nunc influunt in hoc opus, redduntque illud majori valore, & pretio dignum.

14 Adde denique, quod, licet illa scientia naturalis esset sine ullo labore parata, vel a Deo per accidens infusa, non esset injustum, neque illicitum per se loquendo illius usum, seu doctrinam vendere juxta condignam æstimationem talis operis secundum se spectati, quia opus ejusdem rationis est, & ejusdem valoris, & æstimationis, etiam si principium ejus miraculose collatum fuerit, quia etiam tunc principium ipsum naturale manet. Sicut si Deus miraculose alicui restituat manum aridam, non minus potest vendere opera ejus, quam si a nativitate illam haberet. Denique valor rei non semper attenditur ex modo, quo comparata est, nec ex pretio magno, aut parvo, aut nullo, quo consistit, sed ex intrinseca natura, & valore ejus juxta communem æstimationem.

Licet talis doctrina sine labore sit parata potest ejus usus vendi.

15 Unde obiter constat, quam sit infirmum argumentum Altiſiodorensis probantis scientiam non posse vendi, quia omnis scientia est gratis ab Spiritu sancto. Nullius enim valoris est consecutio; tum quia naturalis scientia est ab Spiritu sancto gratis, ut ab auctore naturæ, non ut auctore gratiæ: ille autem respectus non reddit rem invendibilem, alias nihil vendi posset; tum etiam quia, licet esset data supra ordinem naturæ, atque adeo quodammodo magis gratis, quam naturalia dona, nihilominus opera, quæ ex illa nascuntur, ut doctrina, artificia, & similia, sunt opera naturalia omnino, & ejusdem valoris, & æstimationis cum his, quæ oriuntur a principio naturaliter consecuto. Dixi autem *per se loquendo*, id est, ex vi talis operis, & ex sola rei natura, quia si Deus infunderet talem scientiam per modum gratiæ gratis datæ in ordine ad fidei confirmationem, & ad communem utilitatem spiritualem ecclesiæ, & ad hunc finem daretur specialis gratia actualis in ipso usu talis scientiæ, tunc jam reputaretur ut gratia simpliciter supernaturalis, & aliter esset judicandum de illa, juxta dicenda inferius de gratiis gratis datis. Et ita sentit Navar. cap. 24. num. 99. dicit enim ad propriam simoniam non satis esse donum esse supernaturaliter datum, nisi sit datum ad salutem animarum. Idemque sentit Sor. d. quæstione 5. verb. *Colligamus ergo*, post secundam conclusionem.

16 Tercio inferitur ex dictis: si quis vendat doctrinam suam carius, quam par est, ut duplicatum pretium accipiat, fore quidem injustum, non tamen simoniacum. Exemplum vulgare est de magistro, qui cum habeat ab ecclesia condignum stipendium, ut publice omnes advenientes doceat, a singulis discipulis aliquid exigit. De quo puncto videri possunt Doctores Canonistæ in cap. primo de magistro, & Summistæ ver. *Doctor*. Qui in primis dubitant, an illud liceat, necne? Deinde si non liceat, quale peccatum sit? Sed primum ad nos non spe-

Qui eas, ruit, quæ par est vendi, doctrinam injustus est, non simonia.

stat, & breviter placet, quod Panormitanus ait, spectandum esse modum pacti, & conductionis, & leges pacti esse servandas. Nam si conductus est, ut gratis omnes doceat sive divites, sive pauperes, sive incolas, sive extraneos, a nullo potest aliquid licite exigere, quia agit contra obligationem; si vero solum pro pauperibus docendis conductus sit, ut videatur esse casus illius capitis primi (licet possit habere alium sensum) tunc poterit accipere aliquid a divitibus, & sic de aliis, semperque supponendum est, quod stipendium sit sufficiens; nam si sit inaequale, alia erit ratio. Item hoc procedit, quando magister exigit: si vero sponte offeratur, non peccat accipiendo. Quod si de modo conventionis, & pacti non constet, tunc consuetudini standum erit, ut Panorm. concludit.

27 At vero (quod ad secundum punctum quoad nos spectat) quando hoc illicite fit, aliqui Doctores vocant illud simoniam, ut Angel. verb. *Magister*, n. 11. citans Hostiensem, Archidiaconum, & alios. Alii vocant quasi Simoniam, ut Richard. supra. Sed D. Thom. solum dixit, non licere. Et revera non est nisi injustitia, nec habet commercium ullum cum simonia. Loquimur enim semper de Doctore conducto ad docendas tantum naturales scientias, seu liberales artes, nam de sacra doctrina nihil hactenus diximus, nec etiam de speculativa, seu Scholastica Theologia, quam in tota doctrina hujus capitis non comprehendimus, quia specialem difficultatem habere potest, eo quod supernaturalis sit; & ideo illam reservamus considerandam cum aliis supernaturalibus donis. Igitur excessus ille factus a magistro conducto pro talibus scientiis, contra justitiam quidem est, ut ex dictis satis patet, non est tamen simonia, quia materia non est capax, ut dixi. Neque ille peccat contra religionem magis, quam si esset praeceptor conductus a seculari republica, seu potestate, & similem excessum committeret. Solum posset circa hoc dubitari, quando ecclesia, vel episcopus contulit alicui beneficium cum onere docendi, tunc enim videtur doctrina esse annexa rei spirituali: sed de hoc dicemus infra.

28 Quarto infero, non esse simoniam, si praeceptor noli vacare a legendo, nisi pretio accepto a discipulis, sive id faciat in die festo, sive in non festo. Quod adverto, quia Div. Thom. dicto ar. 3. ad 3. dicit, eum, qui habet ab ecclesia stipendium, ut doceat, non posse licite aliquid recipere, *ut aliqua festa faciat, vel praevertat*. Ubi non ait, hoc facere esse simoniam, sed tantum non licere. Alii vero dicunt, esse simoniam, si vacatio a lectione ordinetur ad festum colendum, vel non colendum, & propter illam aliquid accipiat, secus si tantum recreationis gratia. Ita Silvester supra, & Angelus verb. *Magister*, n. 14. Sed dico, hanc non esse materiam Simoniam simpliciter loquendo: nam si dies sit festus ex praecepto ecclesiae, non pertinet ad debitam observantiam ejus docere, vel non docere: nam si quis doceat illo die, non violat festum, & si non doceat, non propterea melius colit illud, sed hoc pendebit ex intentione, & voluntate vacantium. Ergo sicut recipere pretium pro lectione illius diei non est simonia: ita nec recipere pro vacatione a lectione est simonia, quia illa materia etiam illo die non est religiosa, sed indifferens. Quod autem illa vacatio a lectione ordinetur a discipulis, vel magistro ad melius vacandum Deo, extrinsecum est, nec mutat naturam operis: nec enim privata auctoritas, aut intentio ad hoc sufficit. Unde a fortiori sequitur, idem dicendum esse, quando vacatio conceditur in die profesto, quia tunc etiam id, quod venditur, non est religiosum. Quod autem alii velint illa vacatione uti ad cultum religiosum non satis est, alias non liceret vendere candelam, & vinum, &c. quando emitur ad cultum tantum religiosum. An vero illud liceat, necne, ex obligatione magistri pensandum est. Nam si ille ex officio, & stipendio teneretur docere tali die; vel etiam si vacare teneretur, non licet illi, pretio vendere vacationem, & in hoc casu loquitur D. Thom. & tunc peccabit contra justitiam, vel obedientiam pro ratione obligationis.

Si vero res voluntaria sit, non est per se iniquum vendere privationem operis, seu obligationem ad non operandum aliquid, quod posset sine injuria alterius facere.

19 Ultimo inferri potest, quid dicendum sit de licentia docendi, de qua tractat Glossa in dicto c. 7. de magist. & vocat quasi simoniam. Et idem sequitur ibi Panormitanus dicens, esse simoniam largo modo, non stricto. Verumtamen si illa licentia non pendeat ex potestate spirituali, non est, unde actio illa sit simonia, ut docent Hostiens. ibi, & Angel. verb. *Magister*, num. 15. & alii, quia illa non est materia simoniae: si enim actio ipsa docendi non est materia simoniae, cur erit talis licentia? Adde distinctionem illam de larga, & stricta simonia nullum habere fundamentum in praesenti, & rem obscuriorem reddere, quia non explicatur illo modo, an peccatum illud sit contra religionem, necne: & ideo simpliciter negandum est, esse simoniam, quia revera non est contra religionem. Erit autem contra justitiam, quando praelatus, vel magistratus quilibet tenetur ex officio illam licentiam dare, ut v. g. quando persona est idonea, & nulla ratio boni communis occurrit, propter quam liceat illam impedire a tali munere. Et in eo casu tenetur, qui pretium recepit, illud reddere ei, qui dedit, quia ille injuriam passus est. At vero quando persona non est idonea, & superior posset, & deberet negare talem licentiam, tunc respectu dantis non esset injustitia negare illi licentiam; & ideo nec est propria injustitia respectu illius, si ei datur propter pretium, sed est turpe lucrum; tum quia est contra jus ecclesiasticum in toto fere tit. de magist. tum quia etiam est contra jus naturale ratione officii debiti: & ex hac parte videtur esse contra justitiam debitam communitati ratione officii. Et inde videtur probabile satis, quod ait Angelus, tunc restituendum esse pretium non ei, qui dedit, quia non est illi facta injuria, sed reipublicae, cui facta est; fiet autem illi restitutio dando illud pauperibus. Dixi autem: *Si licentia non pendeat a potestate spirituali*. Utique tanquam actus ejus, quia si sit actus potestatis spiritualis, censeri potest propria simonia, illam vendere, ut ex postea dicendis constabit.

10 Dico tertio: Naturalia bona moralia, id est, quae inter homines tantum versantur, non sunt materia simoniae, neque illa vendere est per se loquendo aliquod peccatum, interdum vero esse poterit contra charitatem, & justitiam, nunquam tamen erit vera simonia. Hanc conclusionem intendunt etiam Doctores supra citati, maxime, qui absolute negant, bona mere naturalia, quantumvis in illo ordine spiritualia, esse materiam simoniae: nam haec, de quibus tractat haec assertio, mere naturalia sunt. Et ratio constat ex dictis, quia haec actiones, & tota materia, in qua versantur, non solum naturales sunt, sed etiam ad religionem non pertinent; ergo nullo modo pertinent ad materiam simoniae. Consequentia patet ex dictis, & antecedens ex terminis ipsius assertionis constat: ideo enim locuti in ea sumus de bonis mere humanis ut excluderemus, quae ad Deicultum dicata sunt, de quibus statim dicemus. Denique declarari hoc potest eodem modo, quo praecedens conclusio, servata proportionem: nam haec bona moralia spiritualia esse possunt, aut prudentia intellectus, sub qua comprehendo omnem scientiam moralem practicam, quatenus judicare, & consilium potest, quid agere liceat, vel non liceat, aut virtutes morales voluntatis, praesertim illae, quae ad proximum, seu ad communem societatem hominum ordinantur. Constat autem, haec bona, ut sunt habitus mentis, in se ipsis vendi non posse nec jure, nec facto, quia non potest unus homo suos prudentiae, vel virtutis habitus in alium transferre, neque alium habitum illi infundere. Solum ergo potest in his bonis intercedere venditio ratione operationis talium virtutum moralium, quatenus ab uno sunt in commodum alterius. Et talis venditio nec est per se mala, quia illae operationes sunt corporales, & humanae, & pretio aestimari possunt, & earum homo est dominus: nec etiam esse possunt materia

Dare licentiam docendi propter pretium non est simonia.

Naturalia bona moralia non sunt materiae simoniae.

Magistrum ab ecclesia pretio conductum non esse simoniacum si aliud pretium exigat a discipulis.

Si datur simonia, qua doctores propter pretium vacare a legendo, nisi accipere pretium a discipulis.

materia simoniæ, etiam si alias inique vendantur propter rationem declaratam. Atque hæc conclusio ex sequentibus illustrationibus notior fiet.

Non est
simonia
pecuniam
accipere
pro dando
consilio.

21 Ex hac ergo assertione sequitur primo, non esse simoniam pretium accipere pro dando consilio morali, quatenus ex principiis lumine naturæ notis pendet, vel a jure aliquo humano scripto, etiam si detur in ordine ad conscientiam naturalem (ut sic dicam) seu ad operandum, & faciendum honestum, & vitandum pravam. Pater, quia tota hæc materia est mere naturalis, & nullo modo sacra. Sed quæres, an tale consilium vendere turpe sit? Respondeo, per se loquendo non esse intrinsece malum, quia non est injustum, est enim talis actio pretio æstimabilis, non solum propter studium, & laborem, sed etiam propter dignitatem, quam in illo genere habet. Neque etiam est contra charitatem, misericordiam, vel aliam similem virtutem per se loquendo, quia nulla est ratio talis contrarietatis, vel deordinationis. Atque ita de consilio humano, seu morali in genere docent omnes Doctores, ut videre licet in Victor. Soto, & aliis supra. Declarando tamen illud consilium magis loquuntur de consilio politico, ut sic dicam, id est, ordinato ad actionem, & jura civilia, & ad vicendas lites, & similia, quam de consilio dato solum ad dirigendam operationem quoad honestatem moralem ejus. Ad primum autem genus consilii pertinet patrocinium advocati, & consilium jurisconsulti, de quo manifestum est posse vendi, juxta sententiam Augustini epistola 54. ad Macedon. capit. ultim. 14. quæst. 5. & capite *Non licet*, 11. quæstion. 3. & tractat Divus Thomas 2. 2. quæstion. 71. artic. 4. & ibi Sot. & alii, & Anton. 3. par. tit. 6. c. 2. §. 4. ubi merito relicit limitationem Glossæ in dicto c. *Non licet*, scilicet, id intelligi, quando non sine opera, & labore tale consilium datur; non est enim necessaria limitatio, ut supra de doctrina dixi, nam est eadem ratio. Et ita simpliciter docent Archidiaconus, & omnes ibi. Felinus. referens Hostiensis, & Immo. in c. *Pertuas*, 1. de Simon. numer. 3. late Tiraque. referens plures de Nobilit. c. 29. num. 30. & sequentibus. Rebuffus in tract. de Priv. Schol. Privil. 46.

Quando
consilium
datur in
foro con-
scientiæ
sanctum,
potest et
iam pro
illo acci-
pi pretium.
Objeccio.

Responso.

22 Ibi vero auctores non declarant, an hoc proceat etiam, quando consilium datur in foro conscientie tantum. Dico tamen eandem esse rationem, quando consilium est mere naturale, ut nunc loquimur, & in ordine ad conscientiam naturalem (ut sic dicam) id est, ad naturalem honestatem. Quia etiam totum illud est bonum naturale tam in se, quam ex parte principii, a quo procedit, quam etiam ex parte termini, ad quem tendit. Dices: Etiam honestas naturalis non potest vendi, quia non potest pretio æstimari, nec comparari cum temporalibus bonis. Respondetur: Licet honestas secundum se vendi non possit, tamen industria & auxilium ad cognoscendum, & operandum honestum vendi potest. Item licet opus honestum non possit pretio æquari, potest tamen quatenus laboriosum est, & delectabile, vel alias utile, humanam æstimationem recipere, ut mox videbimus: ergo & consilium, quod de illo datur, potest similiter æstimari. Unde colligitur, si in tali venditione, seu pretio excedatur, injustitiam committi, non simoniam. Quando vero, & quomodo in hoc peccare possint vel advocati, vel similes consulentes, tractatur in materia de Justitia, d. q. 71. d. 2. Et ex Jurisperitis videri possunt citari auctores, & moderni, qui plures referunt. Didacus Per. l. 2. Ord. Castell. tit. 19. leg. 2. Azeved. ad leg. novæ recopil. ejusdem regni l. 2. tit. 16. leg. 18. & 21. & late Tiraque. sup.

Non est
simonia
stando in
pura na-
tura acci-
pere pre-
tium pro
exhorta-
tione ad
virtutem
moralem.

23 Secundo sequitur, non esse simoniam, stando in pura natura, accipere pretium pro exhortatione aliqua ad virtutem moralem, & ad vitanda peccata contra naturæ legem, sive in publica oratione, & quasi concione fieret, sive in privata ammonitione, vel correptione. Ut si communis aliqua induceret philosophum aliquem, vel eloquentem oratorem, ut populum ad virtutem excitaret. Non enim excedit hoc munus limitationem rationis naturalis, & fortasse inter Gentiles, vel alios infideles est

in usu. Dicimus ergo, hujusmodi homines posse vendere, & locare suas operas, non solum per modum sustentationis, ut nunc fit, & postea videbimus, sed simpliciter per modum contractus venditionis, vel æquivalentis illi, compensando non tantum laborem corporalem, sed etiam dignitatem actionis, & majorem industriam, & alias qualitates actionis, & personæ. Quia tota illa actio est mere naturalis (ut sic enim de illa loquimur) & non spectat per se ad religionem, sed ad bonam politicam, vel ad summum ad bonam moralem gubernationem reipublicæ. Et confirmatur, quia in republica Romana, verbi gratia, patronus alicujus causæ orans publice in Senatu exhortando judices ad faciendam justitiam, vel gratiam, poterat vendere suum patrocinium sine ulla umbra simoniæ, immo sine ulla injustitia, vel turpitudine, si pro justitia pugnaret. Et idem intelligi posset in bello in Oratore efficaci ad exhortandos milites ad strenue pugnandum, posset enim suam actionem, & suam industriam vendere. Idem ergo est in præfenti, quia perinde est provocare ad justitiam, vel fortitudinem, & ad alias virtutes morales. Unde a fortiori constat, idem habere locum in privata correptione, vel admonitione, ut si pater conduceret aliquem, qui filium corrigeret, admoneret, & monita honestatis daret. Quia in his omnibus, & similibus procedit eadem ratio sæpe repetita, quia tota illa actio, licet procedat a principio bono moraliter, & spiritali modo, & tendat ad similem terminum, non habet propriam rationem actionis sacræ, nec excedit naturæ limites, & prout fit per corpus, habet suam æstimationem humanam.

Vendere
opera mi-
sericordie
non est
simonia,
nec per se
vitiosum.

24 Tercio sequitur, nullo modo pertinere ad simoniam, vendere opera misericordie, justitiæ, aut similia, nec per se vitiosum esse, nisi ubi ratio justitiæ, aut charitatis, seu misericordie aliud postulet. Hoc constat quoad priorem partem eadem ratione proxime facta. Quoad omnes vero declaratur exemplis, nam in singulis ratio statim apparebit. Nam servire infirmis, opus misericordie est, & sine dubio emi, & vendi potest. Dices: potest vendi ratione materialis actionis, non quatenus misericordia est. Respondeo, omni modo, quo potest cogitari tale opus vendibile de facto, posset etiam jure vendi per se loquendo, quia nulla ratio alicujus virtutis obstat. Unde in contractum deduci posset cum omnibus conditionibus externis necessariis ad virtutem, & honestatem talis operis. Nam cur non? De honestate vero, que pendet ex interiori intentione secundum se spectata, non posset fieri pactum; quia illa sicut non cadit in cognitionem humanam, ita nec venit in humanum commercium: nihil tamen vetat, quin unus homo possit obligari alteri ad operandum tali intentione, vendendo intentionem non secundum se, sed ut causam talis operis, sicut potest interdum per legem humanam prohiberi intentio, seu interior affectus, ut influens in opus externum. Multo vero magis posset in pactum deduci, ut habeatur intentio simpliciter necessaria ad opus externum tali modo exteriori factum, ut contraria intentio exterius non extendatur.

25 Præterea, si judex venderet justitiam, sive bene, sive male alias faceret, committeret simoniam in naturalibus, vel politicis, ut D. Thom. & omnes Scholastici supra allegati, & Summistæ docent. Et Gloss. in cap. *Vendentes*, 1. quæst. 3. verb. *Justitiam*, quam Turrecrem. & alii ibi sequuntur. Idemque omnes hi auctores dicunt de testimonio ferendo: nam licet pecunia recipiatur pro veritate dicenda, non erit simonia. In his vero casibus poterit committi aliquod peccatum, vel contra charitatem, (si quis in casu, in quo tenetur ex misericordia gratis juvare proximum, vel consolari, vel corripere, aut aliud simile beneficium facere, nolit, nisi pretio facere, quod potest contingere in gravi necessitate, & paupertate:) vel contra justitiam ratione officii obligantis ad tale opus faciendum sine novo præmio, quia ipsum officium suum affert sufficiens stipendium, sicut supra de Doctore dictum est: vel quia

venditur speciali pretio id, quod non est dignum pretio, ut contingit in mutuo, nam mutuare sine dubio est opus misericordiae: si quis tamen pro tali opere exigeret speciale pretium, distinctum a capitali, iniustitiam committeret: illa tamen malitia usura esset, non simonia. Vel denique potest esse illicitum propter legem prohibentem, ut de iudicibus, & testibus sunt multi Canones 1. qu. 1. cap. *Jubemus*, cum sequentibus, cap. *Non licet* 11. qu. 3. cap. *Non sane* 14. qu. 5. Et leges Civiles, tum juris communis Authent. Ut iudices sine quoquo suffrag. si. tum hujus regni lib. 5. Ordin. tit. 59. tum etiam Castellæ lib. 5. novæ recopil. tit. 5. Sed hæc ad alia loca spectant,

26 Quarto a fortiori colligitur, non esse simoniam dare alteri pecuniam, ut omittat aliquid bonum opus, vel ne alteri beneficiat: nam hæc, & similia esse potuerunt contra charitatem, vel iustitiam, ad simoniam autem nihil spectant. Eteadem ratione e converso, si aliquis accipiat pretium pro cavendo peccato, ut ne alteri maleficiat, vel ne inebrietur, aut ludat, & similia, nulla est simonia. Nam licet ille privationes videantur esse quiddam spirituale, quatenus honestatem aliquam habent, tamen omnia continentur in latitudine materiæ naturalis, & mere humanæ. Poterit tamen illa esse iniustitia, si cum violenta coactione tale pretium exigatur. Alioquin obligatio illa, & quasi privatio libertatis propriæ æstimabilis pretio est, & sine iniustitia vendi potest; immo tales possent esse circumstantiæ, ut sine ulla malitia fieret: & per hæc de aliis similibus judicari potest.

Prebabile est in materia religionis naturalis posse dari simoniam naturalem.

27 Dico quarto: Non est improbable, in materia religionis naturalis posse dari malitiam naturalis simoniam, & hoc modo posse intelligi peccatum simoniam in homine etiam in puris naturalibus, vel nunc inter Gentiles, vel Paganos, quatenus mera ratione naturali utuntur. Esset tamen illa simonia distincta specie ab ea, quæ nunc committitur, ita tenet expresse Victor. in dicta relect. nu. 20. & 21. Eandem necessario supponunt illi auctores, qui putant, Jeroboam commississe simoniam saltem ex intentione, & conscientia erronea (ut sentiunt Adria. dicto Quodlib. 9. art. 2. & Palud. 4. dist. 25. qu. 4. num. 25. Et ibi Durand.) quia scilicet vendebat falsa sacerdotia, & ab ipso inventa, tamen quia ipse credebatur, esse vera sacerdotia, simoniam committebat. Et Jeroboam non existimabat, illud esse sacerdotium supernaturale, nec a Deo institutum, bene enim sciebat, se illud invenisse, unde nihil supernaturale in tota illa materia cogitabat: si ergo simoniam committebat, si gnum est, non esse necessariam materiam supernaturalem omnino ad simoniam; nam si illa esset necessaria, profecto esset necessaria aut vera, aut saltem purata, ibi autem neutro modo inventa est. Immo addit Victoria, apud idololatrias esse veram simoniam non solum ex conscientia erronea, sed etiam ex objecto. Quod sequitur Valent. 3. tom. disp. 6. qu. 16. punct. 2. dub. 1. addit vero, id procedere de idololatriis, qui ante Christum fuerunt, non vero postea, quia per Christum omne sacerdotium abrogatum est. Ego vero existimo nunquam inter idololatrias, ut tales sunt, vera sacerdotia esse potuisse. Quia sicut idololatrias, ut tales sunt, veram religionem non habent, ita nec verum sacerdotium, nec aliquid vere sacrum. Nec satis est, quod in illis hominibus, qui sunt idololatrias, sit vera potestas naturalis eligendi veros sacerdotes (quæ ratio movit Victoriam; sed non sufficit,) quia illa potestas solum est ad eligendum sacerdotem pro cultu veri Dei. Unde omnis creatio sacerdotis falsi Dei, licet ab hominibus fiat, non est ex illa naturali potestate, sed ex usurpata per pravam voluntatem, & idololatrias actus naturalis irrius est. Semper igitur sacerdotium inter idololatrias fuit fictum, & nullum, ideoque inter idololatrias non potuit esse simonia ex objecto vero, sed solum existimata ex conscientia erronea.

Idololatrias nihil vere iacrum habere possunt.

Probatum videtur.

28 Oportet ergo loqui non de idololatriis, sed de cultoribus veri Dei per puram rationem naturalem. Sic ergo probatur assertio, quia in pura natura esse posset verum sacerdotium; ergo venditio illius fuisset tunc contra rationem naturalem, & contra re-

ligionem; ergo illud peccatum esset simonia naturalis. Antecedens supponitur ut certum ex supra dictis, quia sacrificium, & sacerdotium sunt suo modo de lege naturæ, sicut & religio, & cultus externus Dei: ergo secluso ordine fidei, & gratiæ, esset potestas in communitate humana creandi sacerdotes, & constituendi totum ordinem rerum sacrarum, non minus quam principatum politicum, & omnia, quæ ad illum pertinent, ut ex materia de Legibus, & de Hierarchia ecclesiastica suppono, & tractat bene Victor. in relect. de potest. eccles. Prima vero consequentia probatur, quia venditio sacerdotii veri ex jure naturæ est mala, & religioni contraria. Nunc enim non ideo est pravum vendere sacerdotium, quia a Deo institutum est, sed quia est institutum ad Dei cultum; & ex hoc habet sufficientem dignitatem, ut secundum rectam rationem vendi non possit; ergo idem haberet cum proportionem sacerdotium naturalis ordinis, ut sic dicam, quia est eadem proportionalis ratio. Non enim obstar, quod illa dignitas inter bona naturalia computaretur, quia nihilominus esset dignitas sacra propter habitudinem ad Deum, & hoc satis esset, ut in majori æstimatione habenda esset, quam res, quæ temporaliter venduntur, & emuntur. Nihil ergo repugnat, quod inter naturalia bona sit aliquid invendibile intuitu Dei, ut colendus est religiose ex vi luminis naturalis.

29 Declaratur præterea, quia vendere sacerdotium est res valde contraria Divino cultui, etiam stando in pura lege naturali; tum quia eo ipso vilipenditur talis dignitas; tum etiam quia per illam occasio daretur indignis, quod etiam est contra rationem naturalem, & contra debitum cultum Dei. Tum præterea quia consequenter ad illam venditionem omnia pertinentia ad cultum Dei essent venalia, & omnes actus illius muneris, ut oblatio sacrificii, & similia sacra, si qua essent in tali statu instituta; ergo ipsa ratio naturalis dicitur, facta tali institutione non esse venum exponenda, quia vilesceret totus cultus Dei; ergo malitia talis actionis contra religionem est, & genus quoddam simoniam. Potest etiam hoc exponi per comparisonem ad alia officia reipublicæ, quorum venditio valde prohibita est, quia est multum nociva reipublicæ, ut constat ex titul. ad Jul. de Ambit. offic. & aliis Juribus; ergo multo magis venditio sacerdotii stando in lumine naturæ esset detestabilis, & iniqua. Sed est differentia, quod venditio aliorum officiorum temporalium, ut magistratum, iudicium, &c. non est simonia, sed iniustitia, vel contra commutativam, vel saltem contra legalem iustitiam, quia materia illa, cum sit mere temporalis, & humana, non est materia simoniam, ut omnes docent cum Glossa. verb. *Et iudicem*, in c. *Salvator* 1. qu. 3. & ex infra dicendis de officiis temporalibus ecclesiæ a fortiori patebit. At vero sacerdotium etiam naturale sacra res esset, & ideo posset esse materia simoniam.

Vendere sacerdotium est in pura natura contrarium Divino cultui.

30 Dices: venditio officiorum temporalium reipublicæ non est intrinsece mala, licet male sonet, & digna sit prohiberi, ut sentit D. Thom. ad Ducissam Braban. opusc. 21. & videri potest apud Cajet. in Sum. ver. *Vernalitas* Sor. l. 3. de Just. q. 6. ar. 4. Covar. lib. 3. var. c. 19. in fin. Jul. Clar. l. 5. §. *Simoniam* n. 4. & Jurist. communiter in leg. *Barbarius* ff. de Offic. Prætor. & in leg. unica ff. ad Leg. Jul. de Ambit. Qui omnes fatentur, hoc quidem esse malum, quia prohibitum, non de se, & intrinsece, ideoque posse licere, vel supremo principi, vel ex iusta eius dispensatione. Ergo idem dici posset, & deberet de sacerdotio, stando in pura lege naturali. Nam in ea fortasse non censeretur sacerdotium dignius, quam temporalis magistratus, ut alibi tractatum est. Et hoc ostendit nobis jus Civile, nam in L. *Siquis* 1. ff. de Pollicit. sacerdotium in ordine ad venditionem æquiparatur Magistratui Civili, & supponitur utrumque vendi posse, dum dicitur: *Si quis ob honorem, vel sacerdotium pecuniam promiserit, & antequam honorem, vel magistratum ineat, decedat, non oportere heredes ejus conveniri*. Supponitur enim ibi, quod si conditio

Objectio.

ditio fuisset impleta, possent heredes conveniri, atque adeo sacerdotium potuisset vendi saltem principis auctoritate.

Satis fit. 31 Respondeo in primis negando consequentiam, quia sacerdotium est res sacra, quod non habent alia temporalia officia. Unde deformitas, quæ consideratur in venditione officiorum temporalium non est ex ipsamet materia intrinsece, sed ex nocumentis, quæ inde possunt reipublicæ provenire, quæ non sunt adeo intrinseca, quin separari possint per principis providentiam, & ideo non est in illis tam intrinseca prohibitio, quin per legem humanam debeat consummari. At deformitas, quæ cernitur in venditione sacerdotii naturalis, in ipsamet materia intrinsecum habet fundamentum, & in Deo ipso, ad cuius cultum proxime tale munus ordinatur, & ideo satis probabile est illam venditionem, etiam tunc futuram fuisse intrinsece malam. Nec lex civilis debet movere, nam Jurisconsultus ille idololatra erat, & veram religionem Dei veri non cognoscebat, & ita non habebat condignam æstimationem sacerdotii veri, & naturalis. Gentiles enim idololatræ, licet haberent suum religionis, & sacerdotii modum, politice illud negotium tractabant, & totum religionis cultum ad politicam utilitatem, & commoditatem reipublicæ referebant, & ideo mirum non est, quod eodem modo de sacerdotio, & de aliis Magistratibus censerent in ordine ad venditionem. Dico vero ulterius: quod licet daremus, venditionem sacerdotii naturalis non esse malum intrinsece, sed quia prohibita esset, nihilominus illa venditio sic prohibita, esset simonia saltem quia prohibita, quod satis esset ad dicendum, in pura natura esse posse simoniam. Assumptum declaratur, quia illa prohibitio haberet vim constituendi materiam illam ut necessariam in materia religionis, nam quoad hoc eandem efficacitatem haberet potestas legislativa, quæ esset in repub. humana in pura natura instituta; ergo posita tali lege prohibente, venditio illa esset contra religionem, ac subinde simonia.

Venditio nem sacerdotii esse intrinsece malam, etiam in lege naturali.
Venditio sacerdotii licet intrinsece mala non sit, sed quia prohibita, adhuc est seu simonia.

Illam simoniam distinctam esse specie ab ea, quæ nunc datur.

32 Addidi vero in fine quartæ assertionis, simoniam illam fore specie distinctam ab ea, quæ nunc committitur, quia quantum differunt religio infusa, & acquisita, tantum differt illa simonia contra puram legem naturæ ab ea, quæ nunc committitur contra religionem infusam, & contra supernaturalem Dei cultum. Quia privatio accipit speciem ab habitu, cui opponitur, ut constat. Unde fortasse etiam verum est, simoniam nunc esse magis intrinsece malam, magisque contra naturam supernaturalium donorum, quam esse posset in pura natura. Atque ita possunt facile intelligi auctores, qui negant, in pura natura esse posse simoniam, loquuntur enim de simonia, qualis nunc est. Et sic etiam definimus supra simoniam, illique pro materia spiritualem rem ordinis supernaturalis assignavimus, eodemque modo de illa in frequentibus loquimur. Et ita per hanc partem satisficit secundæ sententiæ, & fundamento ejus. Nam in venditione sacerdotii, & rerum sacrarum, etiam si in pura natura essent instituta, cernitur indecentia, & irreverentia in ordine ad cultum Dei. Et hoc etiam suadet secunda ratio dubitandi in principio posita.

Solutio argumenti. 33 Ad primam vero difficultatem, quatenus faveret priori opinioni, & procedit contra priores conclusiones nostras, respondendum est. Et primum, ad locum Proverb. 3. dicitur, scientiam naturalem esse pretiosorem pecunia, quia simpliciter, & in se nobilior est, & non potest pecunia obtineri, nam si quis non valeat ingenio, licet multas pecunias præceptorum conferat, non obtinebit illam. Quomodo dixit idem Sapiens Proverb. 17. *Quid prodest stulto habere divitias, cum sapientiam emere non possit?* Et nihilominus ipsa scientia, vel ars in ordine ad usus humanos potest habere æstimationem suam: & industria, seu cooperatio ad illam addiscendam etiam potest pecunia æstimari, ut dictum est. Quod autem ex 23. cap. adducitur, retorqueri potest: nam ibidem permittitur: *Veritatem emere.* Ergo hoc simoniacum non est per se loquendo. Sensus ergo duplex est: *Emere veritatem*, hoc est, sapientiam, doctrinam, & intelligentiam;

utique non parcendo sumptibus, ut illam acquiras, querendo præceptores, vel quicquid aliud fuerit necessarium, & pecunia potuerit obtineri: veritatem vero, & sapientiam jam comparatam liberaliter communica. In quo sensu neutrum præceptum est, sed consilium, & ita non damnatur ibi venditio, cum non damnetur emptio, sed inter licitas venditiones, & emptiones emptio præferatur, & consulitur potius, quam venditio. Alter sensus est, ut non sit sermo de venditione, & emptione proprie, sed per metaphoram, sicut Isaïa 55. dicitur: *Venite, emite absque argento.* Et Christus Matth. 13. de mercatore, qui incurrit margaritam regni cælorum, & dedit omnia sua, & comparavit eam. Ita ergo Sapiens admonet, querendam esse veritatem, etiam emendo, si oportuerit, id est, contemnendo divitias, & omnia temporalia propter sapientiam. Sicut etiam dixit Sapiens Sapient. 7. sapientiam non esse vendendam, id est, propter nullum lucrum esse oblivioni tradendam, contemnendam, vel pro nihilo habendam. Ad primam confirmationem jam responsum est, scientiam naturalem esse ab Spiritu sancto ut auctore, & gubernatore naturæ, quod non obstat, quominus naturalia bona vendibilia sint, alias nihil esset vendibile. Ad secundam confirmationem jam dictum est, non vendi proprie veritatem, sed juvamen ad intelligendam veritatem. Et quod hoc vendatur, etiam in cognoscendis virtutibus ad Deum pertinentibus, vel ad bonos mores, nulla est irreverentia Dei, neque indecentia, quia etiam industria humana in his veritatibus addiscendis, ac docendis est pretio æstimabilis, ut dictum est. Aliquando vero esset contra dilectionem proximo debitam hæc gratis non docere, etiam stando in pura natura, quando scilicet proximus indigeret maxime illa cognitione ad honestam vitam instituendam, & non haberet pretium, quo Doctorem, seu Magistrum quæreretur. Ad ultimam confirmationem similiter dicitur, beatitudinem naturalem in se ipsa non esse comparabilem pecunia; consistit enim in operatione propria ipsius hominis, quam ipsemet debet efficere, non ab alio emere, nihilominus aliqua humana subsidia ad hanc beatitudinem acquirendam possent pecunia comparari, neque in hoc est aliqua absurditas.

34 Atque ex decisione hujus quæstionis posset breviter alia resolvi, quæ hic tractari solet, an simonia possit esse in infidelibus? Sed ne debitum ordinem invertamus, infra tractando generaliter de personis, quæ possunt simoniam committere, melius definitur.

C A P U T I X.

An gratia sanctificans, vel dona, & actus ejus possint esse materia simoniæ?

Potesse ulterius simonia, prout nunc in ecclesia committitur, dividi ex parte materie, in eam, quæ circa propria bona spiritualia supernaturalia versatur, & aliam, quæ cadit in res spiritualibus annexas: de quibus membris sigillatim, & per partes dicendum est. Solent autem priora spiritualia bona in tria membra dividi, ut videri potest in omnibus Summistis, verb. *Simonia*, præsertim Silvest. & Angel. num. 1. Tabien. num. 1. & 7. Anton. 2. part. tit. 1. cap. 5. Paludano & aliis 4. distin. 25. Gloss. in Summ. 1. quæst. 1. & ibi aliis doctoribus, & in Rubr. de Simon. & in cap. *Consulere*, eod. quamvis ibi Panormitanus cum Joanne Andr. plura membra distinguat, quæ ad hæc facile reducuntur. Quædam ergo dicuntur spiritualia in se, seu per essentiam, ut gratia, & virtutes infusæ, & dona Spiritus sancti: & hæc etiam spectant gratiæ gratis datæ, quasi in habitu considerata, & character, & similia. Alia dicuntur spiritualia, ex parte causæ per relationem ad spiritualem effectum, nimirum, quia sunt causæ bonorum spiritualium, & superna utilium prioris modi, & sic sacramenta sunt spiritualia bona causaliter, quia sunt causæ gratiæ, &c. Et ad hæc reducuntur sacramentalia omnia, & similia. Alia denique dicuntur supernaturalia,

Altera divisiõ simoniæ ex parte materiz.

Supernaturalia bona in tria membra dividuntur.

turalia, & spiritualia ex parte effectus, seu per relationem ad spirituales causas supernaturales, a qua proxime, & principaliter oriuntur, vel efficienter, vel etiam finaliter. Sic actus prophetandi spiritualis est, quia & nascitur ex causa spirituali, & ad salutem, vel fidem ecclesie ordinatur, & sic de aliis: Si quis autem recte consideret, saepe hæc omnia possunt in eandem rem convenire: immo fere semper conjunguntur. Nam gratia & in se est spiritualis, & est causa multorum bonorum spiritualium, & est effectus proprius Spiritus sancti supernaturaliter operantis, quæ est causa maxime spiritualis. Item Sacramenta ipsa non solum sunt causæ gratiæ, sed etiam effectus meritorum Christi, & institutionis a Christo factæ, quæ spirituale quid est: & in se etiam sunt bona quædam spiritualia, & sancta, ut patet maxime de Eucharistia, & in cæteris suo modo, scilicet quatenus in se aliquo modo continent Christi gratiam, ut Concilium Trident. definit sess. 7. & ita D. Thomas artic. 1. ad 6. sacramenta ponit *inter ea, quæ sunt spiritualia secundum se*. Actus etiam prophetiæ sicut a causa spirituali procedit, ita in se supernaturale quid est, & vere spirituale, saltem prout est in mente prophetæ, & spirituales effectus habet, nimirum fidem, seu cognitionem, quam in aliis generat. Itaque distinctio illa accipienda erit sano modo, & ad doctrinam accommodato, quatenus unumquodque illorum membrorum denominatur ab eo, quod in ipso præcipuum esse videtur. Hæc ergo de primo membro specialiter dicendum est.

An gratia
unionis
possit esse
materia
simoniæ.

2 Posset autem in primis queri, an gratia unionis, quæ maxime spiritualis, & supernaturalis est, possit esse materia simoniæ? Et ratio dubitandi esse potest, quia potest esse materia venditionis, & emptionis humanæ, & pro pretio temporali dari. Sic enim Judas vendendo Christum vendidit gratiam unionis. Et idem dici poterit de illo, qui venderet Eucharistiam. Tali enim venditioni convenit tota definitio simoniæ, nam ibi intervenit studiosa voluntas vendendi rem maxime spirituales: ergo illa gratia est materia simoniæ. Confirmatur, quia ob hanc causam Judas inter simoniacos connumerari solet. Sic enim dixisse videtur Tarasius relatus in cap. *Eos qui* 1. quæst. 1. *Ut verius dicam, Judæ comparantur, qui Judæis Christum vendidit*: loquitur autem de simoniacis. Expressius Nazianz. ibidem relatus cap. *Qui sudet*, prius dicit, *multorum exemplis*, se velle ostendere, quam detestabile vitium sit simonia, & postea inter exempla ponit Judam, qui Christum *omnium redemptorem vendidit*. Item Cyrillus Jerosolym. Catechesi 16. loquens cum Simone Mago ait: *Alter tu Judas argento te gratiam Spiritus sancti empturum existimas*. Sentit ergo, Judam prius simile vitium commisisse, & Simonem illum imitatum fuisse. Insinuat etiam Basiliius epist. 176. ubi ad simoniacos ait: *Ne velitis Judam sectantes quæstus gratia secundo illi prodere*.

Pars ne-
gati-
va
vera re-
solvitur.

3 Nihilominus dicendum est, gratiam unionis non posse esse materiam simoniæ, nec Judam fuisse vere, ac proprie simoniacum. Hanc posteriorem partem supponunt omnes communiter, dum Simonem ponunt, ut primum simoniacum novi testamenti, nisi forte Judas numeretur inter homines veteris testamenti, quia ante Christi mortem & peccavit, & mortuus est. Sed quidquid de hoc sit, nobiscum sensisse videtur Sor. dict. quæst. 5. artic. 1. in fin. primæ conc. Et rationem indicat, *quia Judas, licet Christum auctorem gratiæ vendiderit, non tamen vendidit tanquam donum ementibus utile, sed ut morte perimendum: & ideo non est ab illo nomen hujus sacrilegii tractum*. Ubi non aperte negat, Judam commisisse hoc crimen, sed non esse ab illo nomen vitii desumptum. Ratio etiam non videtur multum efficax: nam quod venditio fiat ad peremptionem, non tollit veram rationem venditionis, nec obstat pravitati simoniæ, si alias materia esset capax. Qui enim nunc venderet infideli oleum sanctum, ut sanctum est, id est, majori pretio, quam oleum valeat, simoniacus esset, licet illud venderet, ut fieret pabulum ignis, ubi perimitur. Et ratio est, quia hic finis est extrinsecus, &

potest addere novam malitiam, non vero tollit illam, quæ ex materia sumi potest. Unde qui venderet Judæo Eucharistiam, qui illam igni traditurus est, non solum esset cooperator ad maleficium, seu sacrilegium Judæi, sed etiam vere simoniacus, si sacrum illum panem carius venderet, eo quod sacer est. Alii reddunt rationem, cur venditio Judæ non fuerit simoniaca, quia respectu Christi non fuit commutatio voluntaria, sed injuriosa, & coacta actio. Sed non placet, quia simonia nunquam est voluntaria actio respectu materiæ, in quam cadit, seu ex parte rei venditæ, sed respectu alterius, cum quo fit contractus, quod habuit etiam illa Christi venditio. Quod autem fuerit simul Christo involuntaria, non tollit aliam malitiam, sed auget, est enim illa circumstantia quasi per accidens, quatenus illa materia vendita rationaliserat, & capax voluntarii, & involuntarii, ut statim aliis exemplis patebit.

4 Propria ergo ratio, quod ad Judam spectat, esse videtur, quia ille non vendidit Christum, cogitans aliquid de spiritualitate, quæ in Christo erat, nec eo titulo aliquid pretium sumens, sed solum ratione humanæ naturæ, quæ erat in Christo quasi res corporalis annexa rei spirituali: in simili autem venditione non continetur intrinsece simonia, quando pretium non extenditur ad rei spiritualitatem, sed præcise datur propter materiale illud, quod est in re, cujus æstimationem pretium non excedit. Dices, quamvis demas, neque Judam, neque Phariseos aliquid cogitasse de persona vera, quæ sub illa humanitate latebat, tamen culpabiliter illam ignorasse, & ideo ejus injuriam nihil minus imputari, quam si illam cognovissent. Respondeo, imputari quidem quoad rationem injustitiæ, & irreverentiæ alterius rationis, non vero quoad malitiam propriam simoniæ, quia hæc pendet intrinsece ex cognitione spiritualitatis rei, quæ venditur: alioquin venditio præcise sit de re materiali, quæ cognoscitur, & in alium transfertur. Potest tamen hic adjungi alia ratio sumpta ex dictis supra de irreligiositate, & sacrilegio, quod injuriæ factæ in Christi personam sunt alterius speciei, & malitiæ quasi alterius ordinis, quam sint sacrilegia, quæ sunt contra personas, & res sacras pure creatas: quia sunt contra excellentiam alterius ordinis, & contra adorationem alterius rationis illi debitam. Sic ergo licet venditio Christi habuerit malitiam contra religionem, & reverentiam debitam tantæ personæ, illa tamen malitia longe altioris ordinis fuit, quam simonia. Et hæc ratio probat in universum priorem partem conclusionis, quod gratia est alterius ordinis ab omni re supernaturali pure creata, contra quam versatur propria simonia. Item applicari potest prior ratio, quia impossibile videtur, ut aliquis cognoscens gratiam unionis, seu (quod idem est) cognoscens, aliquem hominem esse veram personam Divinam, tentet, illum vendere temporali pretio: non potest ergo talis venditio contingere, nisi ratione materialis naturæ, quæ ad propriam simoniam non sufficit.

5 Neque obstant in contrarium objecta. Ad rationem enim jam responsum est, negando assumptum, non est enim illa gratia talis res, quæ vendi possit etiam factis, & licet posset, non est ex rebus creatis, & ideo nec venditionis, nec propriæ simoniæ materia esse potest. Ad verba Tarasii dico, probare contrarium. Nam ibi etiam comparat peccatum Simonis cum peccato blasphemantium Christum, & tamen constat, esse diversæ speciei, & eodem modo statim adjungit comparisonem cum peccato Judæ, tanquam cum re diversa, habente tamen quamdam analogiam, seu proportionem ad illam. Et idem dicendum est ad Nazianz. Comparat enim in effectus, & pœna, non in speciei malitiæ. Maxime quia textus ille in Nazianzeno non invenitur, sed videtur desumptus paucis mutatis ex epistola Tarasii, ut in Decreto Gregoriano notatur, & ideo in eundem sensum trahendus est. Cyrillus autem, & Basiliius apertius loquuntur metaphorice, & secundum quamdam imitationem gravius peccati.

6 Superest ergo quæstio, an idem dicendum sit

Ratio, cur
Judas si-
moniacus
non fuit
vendendo
Christum

Solvuntur
argu-
menta
partis
oppositæ.

An gratia
sanctifi-
cans sit
inveni-
bilis &
jure, &
facto.

de gratia sanctificante, quod nimirum sit invendibilis non solum jure, sed etiam facto, & ideo non possit esse materia simoniæ. Ita enim multi doctores sentire videntur, quia, ut supra dicebamus, nemo potest gratiam, quam in se habet, in alterum transferre: quomodo ergo potest illam vendere etiam facto? Panormitanus igitur in cap. *Consulere*, numer. 3. distinguens spiritualia per essentiam in incorporalia, & corporalia, dicit, priora, ut sunt gratia, & dona Spiritus sancti, vendi non posse nec jure, nec facto, & ita non esse materia simoniæ. Citat Gloss. in cap. 1. 1. quæst. 1. quæ revera id non dicit. Idem vero asseruit Angel. Simon. 1. num. 1. & Tabien. numer. 7. Idemque sentit Scot. dicto libr. 9. quæst. 6. artic. 1. & alii, quos refert Ugolin. statim allegandus. Et sumi potest ex cap. *Salvator*, 1. quæst. 3. ibi. *Nec Apostolus emptionem Spiritus sancti (quam bene fieri non noverat) sed ambitionem, & avaritiam, &c. in Simone exhorruit.* Et simile habetur in cap. *Judices*, verb. *Poterat*, 1. quæst. 1.

Gratiam
posse esse
materiam

7 Sed nihilominus dicendum est, hanc etiam gratiam posse esse materiam simoniæ. Hæc assertio sumi potest ex Divo Thom. artic. 2. quatenus ait, gratiam sacramentorum non posse vendi sine simonia, supponens, illam esse materiam simoniæ; gratia autem sacramentorum res est spiritualis per essentiam. Palud. etiam 4. distinct. 25. quæst. 5. num. 15. aperte dixit, spiritualia per essentiam esse materiam simoniæ. Eandem opinionem amplectitur Ugolin. de simon. Tabul. 1. cap. 35. non recte autem illam defendit, ac persuadet. Facitur enim, hujusmodi gratiam de facto vendi non posse, & nihilominus posse esse materiam simoniæ, quia ad simoniam sufficit animus, & voluntas, seu desiderium vendendi rem spiritualem. At enim, quia si de facto nunquam posset talis gratia ab hominibus vendi, vel emi, nec super illam acquirendam, vel dandam posset fieri conventiones humanæ sub pretio temporali, profecto nullus peccaret per solam voluntatem, vel affectum vendendi, vel emendi circa talem materiam. Ergo dicendum potius esset illam non esse materiam simoniæ. Nam circa materiam simpliciter impossibilem homini, non versatur studiosa voluntas, esto possit intelligi affectus simplex, vel conditionata voluntas vendendi, vel emendi talem gratiam, si esset possibile, hoc enim satis non est, ut dicamus, illam esse materiam simoniæ. Quis enim dicat, Angelum esse materiam simoniæ, quia potest homo habere affectum vendendi Angelum, si posset. Itaque licet malitia simoniæ mentalis possit committi per solam voluntatem, tamen Simonia proprie est peccatum, quod exteriori actione consummatur, & ideo materia illius non dicitur nisi illa, circa quam possunt exteriores actiones vendendi, & emendi inter homines fieri.

Gratiam
posse ven-
di, & emi.

8 Ut ergo probetur assertio, ostendendum est ipsammet gratiam posse vendi, & emi. Probari autem hoc potest tum de habitibus gratiæ sanctificantis, tum de actibus. Primo ergo, ut gratia habitualis proprie vendi dicatur, non est necesse, ut vendatur in abstracto sumpta, ut sic dicam, sed satis est, quod vendatur in concreto, id est, ut vendatur homo gratus, quia gratus est, sicut venditur artificiosa figura, quando venditur artefactum, quod ratione figuræ, & artis pretiosum, & æstimabile est, & sicut venduntur res aliæ subsistentes, quatenus per quendam accidentia vel pretio digna, vel certe majori pretio digna redduntur. Sed gratia vendi potest ab homine hoc modo; ergo id satis est, ut sit propria materia simoniæ: & cum gratia sit accidens, ut materia venditionis esse dicatur, satis est, ut sit materia illius per modum accidentis, scilicet quatenus afficit subiectum, quia accidentia, sicut aliter non sunt, ita nec sunt aliter vendibilia. Probari ergo minor: quia si Christianus captivus, verbi gratia, carius redimatur solum quia Christianus est, profecto ex parte vendentis illa est simonia, ut bene notavit Ugolin. supra cap. 36. numer. 3. Et ratio est, quia tunc venditur illa persona majori pretio, quam valeat, solum ratione spiritualis gratiæ, vel fidei, vel characteris, quoniam in se habet: hæc enim omnia nunc comprehendendo sub habituali gra-

Qui ven-
dit pluris
hominem
quia
Christia-
nus est si-
moniam
committit.

ria, nam si vendens calicem, augens pretium ratione solius consecrationis, est simoniacus, cur non magis, qui vendit Christianum, augens pretium solum, quia Christianus est?

9 Simili modo si quis venderet sacerdotem in mancipium, si id faciat intuitu sacerdotii, simoniacus est, quia vendit characterem ipsum sacerdotalem. Dico autem, intuitu sacerdotii, quia si venderet hominem illum eo modo, quo solent servi vendi in ordine tantum ad corporale usum, & juxta ætimationem communem servorum, tunc non esset simonia, quia mere materialiter se habet ibi character (sicut paulo ante de venditione Christi dicebamus) sed esset & injustitia, & sacrilegium contra canonem, *Si quis suadente*. At vero si specialiter æstimaret illum ratione sacerdotii, & augeret illo titulo pretium ejus, vel si tota ratio pretii esset illa dignitas; tunc dico, vendi intuitu sacerdotii, & committi simoniam, ut ratio facta probat, quia venditur consecratio talis personæ, & consequenter forma ipsa, & character, per quem consecratur. Si nili modo existimo, fore simoniacum, si quis habens servum justum, & sanctum illum venderet cariori pretio, quam valeat, ut servus est, solum quia sanctus est, & in gratia esse, ac vivere creditur. Dices interdum fieri posse, ut ratio ne bonitatis moralis servus sit fidelior, & aptior ad serviendum: & hoc titulo illum majori pretio æstimare, nec simoniacum esse, nec injustum. Respondet, verum hoc esse, nec de hoc titulo nos loqui, sed de puro titulo spiritualis sanctitatis, quamvis illum non reddat aptiorem ad munus serviendi, sed solum quia creditur Deo magis gratus: nam hoc titulo illum carius vendere, sine dubio contra rationem, & contra dignitatem gratiæ est, & tunc dicimus, vendi gratiam. Sicut quando dixit Christus, qui recipit prophetam in nomine prophetæ, ibi intellexit, venerari prophetæ donum; qui ergo venderet sanctum prophetam, propter excellentiam sanctitatis, & prophetiæ, ingens pretium pro illo postulans, spiritualement illam dignitatem plane venderet, & simoniam committeret: sunt ergo, vel de se possunt esse hæc materia simoniæ. Posset etiam hoc ex actibus gratiæ confirmari: quia illi actus etiam sunt in essentia spirituales, & supernaturales. Sed de illis infra dicendum est.

Qui vendit sacerdotem intuitu sacerdotii, simoniacus est.

Idem dicendum de vendente servum pluris, quia sanctus est.

10 Alio item modo explicari, ac probari potest assertio: respondendo simul ad difficultatem in principio positam. Quia non solum venditur res, quam aliquis jam possidet, & in alium transferre potest, ut illum afficiat, vel ab illo possideatur (est enim hic certus quidam venditionis modus, quem fatemur, non habere locum in his donis abstracte consideratis.) Ille tamen modus nec est necessarius, nec unicus, & ideo consecutio valida non est; tum quia jam ostensum est, quomodo possit vendi gratia cum suo subiecto, & cum illo transferri in possessionem alterius, quasi redigendo illam in servitute alterius, quantum est ex parte vendentis: tum maxime quia non tantum solet vendi res, quæ possidetur, transferendo in e mentem, sed etiam potest res de novo fieri, & tradi alteri, quod si hoc fiat, propter pretium res illa vendi dicitur, & emi. Ut pictor vendit imaginem, quam facit, & ideo si fingeremus, posse pictorem dare alicui pulchritudinem, pingendo, vel coloribus afficiendo faciem ejus, si id faceret propter pretium, vere diceretur vendere illi pulchritudinem. Et qui pingit domum alicujus pretio, vendit illi figurillas, licet nunquam fuerit illarum dominus, sed tantum actionis, per quam illas fecit. Sic ergo vendi etiam potest gratia, quatenus per unum hominem in alio fieri potest, ut sacerdos vendens absolutionem, vere diceretur vendere gratiam, & ordinans alium propter pecunias vendit illi characterem ordinis, & gratiam sacramentalem, quantum est ex se, nam illam confert pro pretio, si alius non ponat obicem, quod potest contingere, quando ipse ignorat, & bona fide accedit.

Explicatur altera assertio.

11 Et hoc modo venditur ipsa gratia non cum subiecto, sed secundum se, quamvis non vendatur nisi ut terminus actionis, quæ est aliquo modo in potestate,

Quando venditur actus per quæ gratia.

pia fit,
vendiatur
ipsa gra-
tia.

testate, & dominio vendentis. Nihil tamen obstat, quominus simul cum ipsa actione vendatur effectus ejus, immo ille principaliter: quia *propter quod unumquodque tale, & illud magis*. Tunc autem tota æstimatio, & valor talis actionis ab effectu sumitur; ergo effectus ipse est, qui tunc maxime pretio æstimatur. Et hoc modo dicunt sæpe Sancti, Simonem Magum voluisse ipsum Spiritum sanctum, & gratiam ejus vendere, & ideo voluisse, donum ejus, id est, potestatem conferendi gratiam emere: peccavit ergo volens emere gratiam quasi gratis datam, sed propriam potestatem ministerialem, & volens vendere gratiam sanctificantem. Immo Sor. dicta quæst. 5. artic. 1. in principio dixit, voluisse emere ipsum Spiritum sanctum, & gratiam ejus gratum facientem: proprius autem id dicitur de voluntate vendendi, quamvis emere potestatem dandi gratiam, quodammodo etiam sit illam emere. Hic autem modus venditionis non tam proprie habet locum in actibus gratiæ præsertim internis, & spiritualibus, quia non est in hominibus potestas ita efficax horum actuum in alio, sicut gratiæ habitualis, vel characteris permanentis. Potest tamen esse altero e duobus modis. Primo si ego venderem meum supernaturalem actum, quatenus potest alteri asferre aliquam utilitatem spirituales vel meriti de congruo, vel imperationis, vel satisfactionis. Nam ita possunt vendi opera, etiam si ipsamet realiter non transeant in alium, ut ab illo possideantur, sed satis est, quod gratia illius fiant, vel ad arbitrium ejus: nam hoc ipsum æstimabile pretio esset, si qualitas, & dignitas operis non repugnaret cum pretio. Alio modo potest id intelligi quatenus unus homo potest cooperari ad fidem, & similes actus alterius saltem plantando, & rigando, nam qui hanc cooperationem vendit, merito censetur alteri vendere fidem, quam concipit: vel similes actus, quia illa cooperatio non censetur æstimari illo pretio, nisi ratione illius termini, seu effectus, sicut in actione pingendi explicavimus.

Respon-
detur do-
ctoribus
oppositū
sentienti-
bus.

12. Ad doctores autem, qui oppositum sentire videntur, duo dici possunt. Unum est, illos solum fuisse locutos de donis habitualibus, vel que per modum habitus permanentis dantur, & de illis tantum voluisse docere, non posse de facto vendi, ut nude spectata, & secundum se, quod verum est, quia semper venduntur ut conjuncta vel subiecto aliqua ex parte materiali, ut homo, vel conjuncta alicui actioni, per quam fiant, quæ ordinariæ etiam est materialis, & homini sensibili accommodata. Vel secundo dici potest, illos nihil aliud voluisse, nisi quod insinuat in juribus, quæ allegant. Dicunt autem illa decreta, Spiritum sanctum nec vendi posse, nec emi, non quia homo non possit de facto gratiam ejus vendere, cum possit pro pretio illam offerre, & cum effectu dare, non obstante pretio, si actionem rite exerceat, & ex parte recipientis non sit obex, sed quia tunc etiam non datur Spiritus sanctus ex vi venditionis, vel emptionis, nec ex vi voluntatis prave, qua venditur, sed ex vi suæ promissionis, & institutionis. Et hoc modo vocatur ibi talis venditio potius simulata, quam vera, scilicet quoad efficaciam, & dominium vendentis, quamvis quoad externam conventionem, & pravam intentionem vera sine dubio sit.

C A P U T X.

Utrum sacramenta omnia Ecclesie sint propria materia simoniae.

Sub sa-
cramentis
sacris
compre-
hendi.

1. **P**ost sanctificantem gratiam proximum locum inter spiritualia, quæ sunt materia simoniae, censentur habere sacramenta, sub quibus sacrificium comprehendere debet (etiam si de illo expressa mentio non semper fiat, ut patet in D. Thom. dict. quæst. 100. articulo secundo) tum quia, & in sacrificio consistit cultus Divinus formalis, ac principalis, quam in cæteris actionibus, ut dixit D. Thom. prima secunde quæst. 101. articulo quarto, & in tertio tomo de Sacramentis late diximus, & supra in primo tractatu.

Tum etiam, quia in lege nova sacrificium, & potissimum sacramentorum in eandem rem coincidunt, nam sacramentum Eucharistiæ sacrificando conficitur, & res oblata in illo sacrificio est ipsum sacramentum consummatum, & (ut vocant) in facto esse. De his ergo sacramentis breviter explicandum est quomodo sint materia simoniae.

2. Ut autem possit uniformis, & generalis esse doctrina, separemus Eucharistiam, ut est proprie sacramentum, habens esse suum permanens a cæteris sacramentis omnibus, quorum esse est transiens: consistit enim in actione quadam, vel passione, sicut etiam consecratio ipsius Eucharistiæ est actio sacramentalis transiens, seu sacrificatio, ut dixi. Et usus ejusdem Eucharistiæ, id est, sacramentalis communio, sub his transeuntibus sacramentis comprehenditur, nam est dispensatio actualis cujusdam sacramenti. Illa ergo omnia sacramenta, quæ consistunt in actione transeunte, sicut habent majorem quamdam convenientiam, & similitudinem inter se, ita etiam facilius possunt generalibus regulis comprehendere: & ideo operæ pretium visum est prius de Eucharistia, ut est sacramentum permanens, veram, & claram doctrinam supponere, & postea de cæteris dicere.

3. Igitur de Eucharistia certissimum est, non solum esse propriam, sed etiam supremam, & maximam materiam simoniae, nisi forte venditio ipsius dicenda sit detestabilis vitium, quam simonia. Probatur, quia hoc sacramentum est Christus ipse sub sacramentalibus speciebus contentus, & ut est panis vivus sacramentalis, vel sunt species consecratae, ut realiter continent ipsam Christum, (nam quod ad præsens attinet, parum refert, uno, vel alio modo loqui) ergo non potest vendi hoc sacramentum, quin Christus ipse vendatur; ergo talis venditio magnam irreligiositatem intrinsece continet. Ac propterea dixi, videri posse peccatum hoc majus, quam simoniam, quia videtur simile venditioni Judæ, de qua diximus fuisse peccatum alterius rationis, & gravioris. Aut fortasse verius est, utramque malitiam comprehendere, nam quatenus est venditio sacramenti sensibilis, & ad usus humanos accommodati, est propria simonia, & summa ex genere suo: ut vero transit in gravissimam irreverentiam personæ Christi, est irreligiositas gravioris rationis: juxta dicta de sacrilegio superioris libri capite tertio. Immo ut versatur circa ipsum sacramentum, ut tale est, potest interdum duplicem malitiam contra religionem participare. Quia duobus modis possunt vendi sacræ illæ species. Primo ad usum proprium sacramentalem, scilicet ad communicandum, & tunc in venditione illa propriissime simonia committitur, de qua loquitur textus in cap. *Nullus episcopus* 100. l. quæst. 1. & pro ratione redditur ibi, quia tunc gratia Spiritus sancti venditur. Et addi possunt aliæ rationes, quia res maxime sacra temporali pretio commensuratur, & ita tractatur, ac si esset sub dominio vendentis, quæ sunt rationes malitiæ simoniae. Nec ibi invenitur alia malitia per se, nam quod ibi conjungatur, vel indigna sumptio, vel indigna dispensatio Eucharistiæ, est per accidens, & in rigore potest separari interveniente ignorantia ex parte recipientis. Hic vero occurrebat quæstio, an interdum liceat emere Eucharistiam propter vitandam majorem ejus injuriam. Ut verbi gratia, ad vindicandam illam de potestate Hæretici, aut Judæi, vel idololatæ, qui illam rapuit, & quasi captivam retinet, sed de hoc infra dicam in generali quæstione de hac re. Secundo modo vendi potest Eucharistia ad pravos, & magicos usus, ita enim solet a maleficis irreverenter tractari, & tunc duo peccata intelligi committi ex parte vendentis: unum simoniae, quod jam explicatum est; aliud horrendi sacrilegii, quatenus rem adeo sacram ad profanos usus convertit: tale enim sacrilegium committeret, si ad eundem usum gratis illam daret, quamvis ergo vendat, non excusatur ab illo, nec in aliud commutat, sed utrumque committit.

Eucharis-
tia est
suprema
materia
simoniae.

4. Et hæc videntur sufficere de hoc sacramento, quia

Materia
remota
Eucharis-
tiæ ven-
di posse.

quia in eo nulla occurrit alia difficultas. Nec etiam hic habet difficultatem quæstio de materia hujus sacramenti, an vendi possit. Nam si sit sermo de materia remota, quæ in hoc sacramento transiens appellatur, clarum est, vendi posse. Quia nihil aliud est, quam panis, & vinum, quæ sunt res venales. Et licet petantur ad conficiendum ex illis sacramentum, non propterea gratis necessario dandæ sunt, quia propter illam ordinationem extrinsecam petentis non efficiuntur res sacræ, ut de aliis sacramentis mox dicemus. Et hinc colligit Ugolinus tractatu primo, capite trigesimo nono, numero septimo pro expensis factis in conficiendis hostiis, & cæter. vel illis emendis (publice enim vendi solent) posse aliquid exigi. Addit tamen, illud esse peccatum ratione scandalii: quod habet locum, si talis compensatio statim peteretur a communicantibus. Immo tunc vix posset a simonia excusari, quia magis videtur sacramentum vendi, quam pura illa materia. At si separatim a communitate, & non a singulis communicantibus, petantur hujusmodi expensæ, non est per se scandalosum, nec iniquum, erit vero injustum, si vel eas petat, qui ex officio, & beneficio obligatur ad illas, ut parochus, vel si ultra æquitatem petat. At vero si loquamur de materia proxima, illa nihil aliud est, quam ipsæmet species consecratæ, de quibus jam dictum est, vendi non posse. Immo etiam, si quis velit ad valorem prioris panis respectum habere, postquam species consecratæ sunt, non retinent illum valorem, sicut non continent antiquam substantiam. Nec habere possunt proprium antiquum usum mere materiale, sed novum, & spirituale: nam licet corporaliter sumendæ sint, non tamen ad naturalem usum, sed ad spirituale. Et licet corporaliter nutriant, postquam sumptæ sunt: hoc veluti per accidens esse debet ad debitum usum illius cœlestis panis, & illud ipsum sine interventu supernaturalis operis non fit, nam oportet, Deum ibi iterum materiam panis recreare: & ideo quicquid in illo sancto sacramento est, extra humanam æstimationem, & supra omne pretium est.

Materia
proximam
non posse
vendi.

5 Venio ad cætera sacramenta, in quibus loqui possumus vel de ipso sacramento, ut includit totum, quod est de ratione sacramenti, vel de materia ipsius. Voco autem nunc materiam totum illud signum sensibile, quantum ad rem totam, quæ subternitur significationi, sive sit elementum, sive verbum. Quod ergo attinet ad sacramentum ipsum, regula generalis, & certa est, sacramenta ut sic esse propriissimam materiam simoniæ juri naturali contrariæ. Hæc est sententia communis omnium, quos referemus. Et vix indiget probatione, quia licet sacramenta in actionibus quibusdam, vel passionibus circa res materiales consistant, nihilominus, ut sacramenta sunt, Divina, & supernaturalia dona sunt gratis collata nobis a Christo eorum auctore, & per respectum ad gratiam, quam conferunt, spiritualia sunt. Immo D. Thom. art. 1. ad 6. illa vocat secundum se spiritualia. Cajetan. vero verb. *Simonia*, ea vocat composita ex materiali, & spirituali, in quibus spirituale præcipuum est, & quasi formale; & ideo spiritualium retinent naturam: nam revera supernaturalia sunt, & propter spirituale sunt instituta. Ergo eo ipso quod sunt talia, contra reverentiam illis debitam, & contra religionem, & contra verbum Christi, *Gratis accepistis, gratis date*, est illa vendere: est ergo simonia ex natura sua mala, & ideo prohibita. Habetur autem hæc generalis prohibitio in cap. *Cum in ecclesia*, de simon. ibi. *Seu pro aliis sacramentis aliud exigatur*. Quod vitium ibi appellatur *horribile*, quo verbo satis significatur, esse contra Divinum jus. Comparatur etiam cum peccato Giezi, quod fuit contra legem naturalem, ut vidimus. Ac denique dicitur, contra hanc prohibitionem nullam posse prævalere consuetudinem, quod est etiam signum intrinsecæ deformitatis. Præter hanc vero generalem prohibitionem sunt alia particularia de Ordinationibus, de Confirmatione, & Baptismo, & cap. 1. quæst. 1. cap. 2. 4. Et multis sequentibus. Et in cap. *Baptizandis*, 99. cum multis sequentibus in particulari prohibetur

Sacramen-
tum, ut
sic, esse
materia
simoniæ;
juri natu-
rali con-
trariæ.

simonia circa Baptismum, Confirmationem, Ordinem, & Communionem: de Pœnitentia habetur in cap. *Nemo presbyterorum*; de simon. & de Oleo sancto, id est extrema unctione, cap. ult. 1. quæst. 3.

6 Addo præterea, præter malitiam simoniæ posse facile inveniri in sacramentorum venditione malitiam contra charitatem. Primo quidem, quia cum tali actu regulariter est conjuncta malitia scandalii, maxime quando sacramenta communi populo ministrantur. Secundo quia per hunc abusum arceri facile possunt pauperes a perceptione sacramentorum. Et utramque rationem tetigit Gelasius papa in cap. *Baptizandis*, 99. 1. quæst. 1. dicens: *Et ideo nihil a predi-
ctis prorsus exigere moliantur, quo vel paupertate co-
gente deterriti, vel indignatione revocati, redemptionis
sue causas adire despiciant*. Et notavit Gloss. in cap. *Relatum*, 10. quæst. 3. & Panorm. in cap. *Cum sit*, de simon. Addo etiam, interdum esse posse injustitiam, quando scilicet, qui pretium exigit, tenetur ex officio, & justitia gratis ministrare. Quod indicavit Gregorius papa in dict. cap. *Relatum*, 10. quæst. 3. admonens animarum rectores, ne per has exactiones graves sint subditis suis: est enim gravamen illud plane injustum.

la vendi-
tione sa-
cramen-
torum
præter si-
moniam
dari posse
etiam ma-
litiæ
contra
charitatē.

7 Neque circa generalem hanc regulam invenio difficultatem, aut opinionum diversitatem, præter quamdam exceptionem, quam nonnulli canonistæ fecerunt. Dixerunt enim aliqui, excipiendum esse Matrimonium: nam illud vendere licet, & ita non esse materia simoniæ. Ita sensit Gloss. in cap. *Cum in ecclesia*, de simonia, quæ fatetur quidem, sacramentum esse sacramentum, & nihilominus dicit, posse vendi, quia in eo (ait) *gratia non confertur*, juxta cap. *Connubia*, 32. quæst. 2. & cap. *Nuptiarum*, 17. quæst. 1. Idem tenet Gloss. in Summa, & in cap. *Quicquid*, 201. 1. quæst. 1. & in cap. *Vendentes*, 1. quæst. 3. Quæ Glossæ allegant d. cap. *Quicquid*, fortasse quia in eo dicitur pro his actibus, in quibus gratiæ consolatio invenitur, non posse pretium recipi, vel fortasse quia ibi numerantur actus, qui sunt materia simoniæ, & inter illos non ponitur Matrimonium. Allegant etiam cap. *Honorantur*, 32. quæst. 2. solum, quia ibi dicit Ambros. *Honorantur parentes Rebecca muneribus*. Inde enim intell. etiam ibi Gloss. *Ergo pro matrimonio contrahendo potest exigi pecunia*. Et infra eandem rationem erroneam repetit. Et ab hac sententia non discordat Durandus 4. distin. 26. quæst. 3. Ubi pro illa refert etiam Hostiens. in Sum. tit. de sacram. non inter. §. *Tertia divisio*. Et eandem sequitur Alens. 2. part. quæst. 169. num. 4. art. 1. dub. 1. in fine.

Opinio
aliterens
Matrimo-
nium pos-
se vendi
sine simo-
nia.

8 Nihilominus certum est, non esse talem exceptionem admittendam. Nam secundum fidem Catholicam Matrimonium est verum sacramentum novæ legis, & gratiam ex opere operato confert, ut in Concil. Trident. sess. 7. generatim, & sess. 24. Can. 1. in specie de Matrimonio definitum est. Unde consequenter sequitur, matrimonium, quatenus sacramentum est, vendi non posse. Ita docet D. Thom. d. quæst. 100. artic. 6. ad 2. cujus tempore non erat ita certum, matrimonium esse verum sacramentum, & dare gratiam, & ideo solum dicit, contrariam sententiam non esse usquequaque veram: jam vero sicut de fide est, Matrimonium dare gratiam, ita etiam est omnino certum, esse materiam simoniæ, ut sacramentum est, neque posse ut sic sine simonia vendi. Et ita docent omnes Theologi cum D. Thom. supra, & in 4. distin. 25. Et juris interpretes super cit. jur. & omnes Summistæ. Fundamentum autem illarum Glossarum erroneum est, ut dixi, & nunc hæreticum. Et præterea male inferunt, quia ut matrimonium non possit vendi, satis est, quod sit sacramentum, (ut ipsæ fatentur, immo & esse maximum sacramentum, ut dicit Gloss. in d. cap. *Honorantur*) etiam si gratiam non daret. Sed fortasse Glossæ non intellexerunt, esse sacramentum proprie institutum a Christo, sed lato modo, sicut fuit in statu innocentie teste Paulo ad Ephes. 5. Et in omni lege fuit aliquo modo sacramentum, quia significavit conjunctionem Christi cum ecclesia, & nihilominus vendi poterat. Sed licet in hoc sensu illatio posset sustineri, tamen in antecedente, duplex

Rejiciunt
proposita
sententia.

Funda-
mentum
illius esse
erroneum

duplex error includeretur, scilicet & quod matrimonium non sit sacramentum speciale novæ legis, & quod gratiam non conferat. Et sane Glos. in dict. cap. *Quicquid*, potius videtur sentire, actiones sacras, quæ gratiam non conferunt, posse sine simonia vendi, nam ex negatione illius effectus tanquam ex negatione causæ adæquate infert, non esse simoniam vendere matrimonii sacramentum. Et e converso de benedictione nuptiali, quæ a sacerdote datur, ait dare gratiam, & ideo esse materiam simoniæ, sentiens, illud esse necessarium fundamentum simoniæ. Quæ assertio etiam erronea est, quoniam certissimum est, alias actiones spirituales, quæ non dant gratiam, esse materiam simoniæ, ut infra videbimus. Et de benedictione sacerdotis improbabile est dare gratiam ex opere operato, cum non sit forma sacramenti, sed sacramentale quoddam, ut suppono, ut eadem Glossa plane fatetur.

Solvuntur
objec-
ta con-
tra veram
sententi-
am
Capituli.
Quidquid

9 Neque alia jura, quæ illæ Glossæ allegant, sunt ad rem. Nam in cap. *Quicquid*, generalis regula ponitur de omnibus sacramentis, sub quibus matrimonium comprehenditur, etiam si non nominetur in particulari, quia nec ibi numerantur omnia, nec erat necessarium. Et ita ibi etiam non excluduntur aliæ actiones, quæ gratiam non conferunt, etiam si illarum mentio non fiat. In cap. autem *Nuptiarum*, nihil habetur ad præsentem causam pertinet. Capitulum autem *Connubia*, non loquitur de sacramento, aut vinculo Matrimonii, sed de usu, & actu, quo consummatur. Et deinde quod ibi dicitur, non adesse in illo actu præsentiam Spiritus sancti, si intelligatur de præsentia per efficientiam gratiæ ex opere operato, clarum est, si vero intelligatur de præsentia Spiritus sancti auxiliantis, ut honeste, & sine peccato fiat, vel etiam remunerantis per gratiæ augmentum, si legitima intentio, ac debita puritate fiat (quod magis videtur significare Origenes, qui est auctor illius textus,) non est id universaliter verum, nam sæpe potest fieri ille actus sancte, & meritorie, quod non fit sine auxilio, & præsentia Spiritus sancti. Sed quia hoc rarum est etiam in iustis conjugatis, ideo ita locutus est Origenes. Cap. autem *Honorantur* nihil ad rem facit: tum quia in eo est sermo de conjugio Rebecæ, quod fateatur non fuisse sacramentum; tum etiam quia illa donatio non fuit pretium, ut eadem Glossa ibidem fatetur, dicens: *Talis donatio potius dicitur honor, quam pretium*, fuit enim quidam actus voluntatis, & gratitudinis, & amicitie, non pretium.

Quo pacto
decetur,
& accipia-
tur dos in
Matrimo-
nio sine
simonia.

10 Sed adhuc superest difficultas circa usum ecclesiæ. Videmus enim, in matrimoniis pecuniam semper dari, & multa pacta intervenire priusquam fiant. In qua difficultate responsio communis est, hoc non esse pretium matrimonii, sed dotem necessariam ad onera matrimonii sustentanda. Ita communiter Jurisperiti citatis locis præsertim in dict. cap. *Cum in ecclesiæ*, ubi Panorm. num. 2. & Thom. d. Argen. in 4. distin. 25. quæst. 1. art. 4. dub. 2. ad 1. Anton. 2. part. tit. 1. cap. 5. §. 16. Silvest. Tabien. & alii. Et sumitur ex cap. *Per vestras*, de Donat. inter vir. & uxor. & leg. *Pro oneribus*, C. de jur. dot. Quæ responsio optime satisfacit, quantum ad dotem spectat: nam & ecclesiæ, quæ res sacra est, sine dote consecrari non debet, juxta cap. *Cum sicut*, de Consecr. eccl. & cap. 1. prima quæst. 2. & cap. *Nemo*, de Consecr. distin. 1. Immo nec ædificari, ut ibi notant Glos. Panorm. & alii. Sed difficultas semper superest de aliis contractibus, qui circa matrimonium frequenter fiunt, qui non videntur posse excusari a venditione, & emptione matrimonii. Solent enim, quando personæ non sunt æquales in nobilitate, vel alia similitudine, inæqualitas illa ad quamdam æqualitatem reduci per pecuniam, ut constat ex usu. Tunc non potest dici, id fieri ad sustentanda onera matrimonii, nam ad hoc sufficeret compensatio dos, tunc vero fit hæc additio ultra sufficientem, & abundantem dotem. Et interdum fit sub conditione, ut si contingat, mori sine filiis conjugem minus nobilem, alter superstes sit necessarius hæres tantæ pecuniæ, vel talium bonorum. Et confirmatur ex cap. *De illis*, de Condit. appof. ubi dicitur, validum

esse contractum hunc, ducam te in uxorem, si rem talem mihi donaveris, ibi autem intervenit pactum æquivalens venditioni: nam ille sic contrahens vendit matrimonium ex parte sua pro re, quam postulat. Nec ibi habet locum excusatio de dote, quia conditio ponitur de absoluta donatione præter dotem.

Vera res
sponsio.

11 Videtur ergo dicendum, matrimonium, quamvis sit sacramentum, simul esse contractum humanum, in quo communicatio materialis, ut sic dicam, id est, rei corporalis pro corporali manifeste intervenit. Nam in matrimonio conjuges invicem tradunt, & acceptant corpora sua, unde unus tradit se alteri, quia alter tradit se illi, & e converso. Igitur ex parte hujus contractus nihil repugnat, quod in matrimonio aliquo pretium interveniat, quando ad æquitatem contractus necessarium visum fuerit. Et tunc non emitur, aut venditur sacramentum, nec aliquid spirituale, sed venditur vel materialis contractus, vel potius quodammodo emitur quasi partialiter corpus ipsum materiale, quod est materia sacramenti. Nihil enim repugnat, corpus humanum emi ad usum matrimonii, sicut emitur ad servitutem. Nam sicut corpus unius conjugis pro corpore alterius commutatur, ita si non sint moraliter æqualia, potest commutari corpus unius, pro corpore & pecunia alterius, hoc enim nec contra iustitiam est, nec cum simonia habet commercium.

Declaratur
aliter.

12 Potest hoc etiam aliter declarari, quia per huiusmodi pecuniam semper compensatur aliqua conditio temporalis, in qua alter contrahentium alterum excedit, & ita semper fit commutatio temporalis pro temporalis, non pro spirituali. Ut v. g. quando alter contrahentium est nobilis, & alter dives, sicut corpus pro corpore commutatur, ita nobilitas pro divitiis, & si unus est senex dives, alter juvenis pauper, gravamen illud, & periculum, quod suscipit juvenis, pecunia compensatur. Et sic de aliis conditionibus pulchritudinis, aut deformitatis, hebetudinis, vel facilitatis ingenii, & similibus judicandum est. Et hoc totum videtur comprehendisse D. Thom. d. art. 2. ad 6. dicens: *Matrimonium non solum esse sacramentum, sed etiam naturæ officium, & ideo licet pro sacramento non possit pecunia dari, pro Matrimonio, ut est officium naturæ, licitum esse, pecuniam dare*. Nam sub illa ratione officii naturæ includuntur omnia, quæ ad æqualitatem contractus, ut talis est, necessaria videbuntur, ut bene explicavit Richard. 4. distin. 25. art. 3. quæst. 1. ad 4. Et idem sentit Panorm. in cap. *Cum in ecclesiæ*, de simon. num. 3. citans Bart. in leg. *Si ita stipulatus*, §. 3. & in leg. *Si divorcio*, ff. de verb. oblig. Et idem Guilielm. Redoan. tract. de simon. part. 1. cap. 1. num. 4. Qui tamen in eo cavendus est, quod non videtur recte sentire de matrimonio, ut sacramentum est, sed in opinionem Glossarum damnatam inclinare sine ulla necessitate ad præsentem resolutionem. Quia licet matrimonium sit perfectissimum sacramentum, non abstulit rationem contractus, neque alia, quæ ad æquitatem ejus, & ad officium naturæ necessaria sunt. Et hinc etiam est, ut in contrahendo matrimonio licitum sit pecunia procurate consensus alterius, & dare aliquid vel parentibus puellæ, ut consentiant, vel inter nuncios, ut illud procurent, quia hæc omnia immediate ad contractum, & officium naturæ ordinantur.

C A P U T X L

Utrum materia sacramentorum secundum se spectata vendi possint, vel sint materia simonia.

1 **H**Æc difficultas nascitur ex his, quæ proxime diximus superiori cap. de Matrimonio. Videtur enim ex dictis sequi, quando sit sacramentum, licitum esse aliquid per modum pretii exigere pro re illa, quæ est materia sacramenti, seu quæ subternitur illi rationi spirituali, quæ est in sacramento: scilicet sacræ significationi, & virtuti causandi gratiam, licet secundum hanc formalem rationem non possit vendi, nec pretio æstimari. Probatur autem sequela, quia

An pretium possit exigi pro re, quæ est materia sacramenti.

quia in matrimonio corpora contrahentium, & contractus est materia sacramenti: & præsertim contractus ipse est illud materiale sensibile, quod ad sacram significationem, & effectum elevatur, nihilominus vendi potest hæc materia, non vendendo sacramentum; ergo idem poterit in materiis aliorum sacramentorum: nam etiam sunt entia materialia natura sua æstimabilia pretio; possunt ergo per se spectari, & ut sic æstimari, & vendi, vel emi, non vendendo sacramentum. Quod videtur fieri, quoties non pluris venditur illud materiale, eo quod sit illi adjuncta ratio sacramenti, qua per se vendi jure possit. Et confirmatur, quia res aliæ sacræ, ut calix, & similia possunt hoc modo vendi, quoad materiam, ut infra videbimus: ergo idem dicendum videtur de materiis sacramentorum.

Materia sacramenti duplex est, proxima scilicet, & remota.
 2 In hoc puncto advertendum est, materiam sacramenti duplicem esse, scilicet remotam, & proximam; remota solet esse elementum aliquod, vel aliquid proportionale, ut aqua, oleum, chrisma, vinum, panis, &c. Proxima est actio aliqua, vel lotio, unctio, & quoad formas, verborum prolatio, (jam enim diximus, sub hoc materiali formas etiam in hac disputatione comprehendere.) Quod ergo attinet ad materiam remotam nulla est questio, nam illa, ut antecedit actionem sacram, & ut est res quædam permanens, sine dubio vendi potest, ut supra etiam dixi, quia est res mere materialis. Solum adverto, hanc materiam interdum esse consecratam, aut benedictam, ut est chrisma, oleum sanctum, & solet etiam in baptismo esse aqua benedicta: & tunc eadem est ratio de tali materia, ut benedicta, seu sacrata est, quæ de aliis rebus permanentibus consecratis, de quibus dicturi sumus cap. 15. Vendere autem illas ratione solius materiæ, non est simonia jure naturæ, ubi autem fuerit prohibitio specialis ecclesiæ, servanda est.

In materia proxima duo spectari possunt.
 3 In materia vero proxima, quæ semper consistit in aliqua hominis actione, duo spectari possunt: unum est actio ipsa corporalis, in qua ratio sacramenti fundatur, ut est ablutio, signatio, prolatio verborum, & similes: aliud est labor, quem esse contingit in hujusmodi actione, ut defatigatio confessionis in audienda confessione, vel in Missa dicenda, & sic de aliis; & huc etiam spectant aliqua incommoda temporalia, quæ intrinsece comitantur talem occupationem, ut temporis jactura, & cessatio ab aliis luctibus, & operibus, & similia. Hæc posterior consideratio communis est ad omnes actiones sacras, quæ per corpus exercentur, & ideo de omnibus simul commodius hoc tractabitur in cap. 15. Solum ergo hic superest dicendum de actibus ipsis. De quibus dubitanter dicendum est, esse materiam simoniæ, quæ plane committitur, si vendantur. Ita docet aperte D. Thom. d. quæst. 100. artic. 2. præsertim in solut. argum. ubi Cajetan. Sor. & omnes id docent. Anton. 2. part. tit. 1. cap. 5. §. 16. Durand. bene 4. distinct. 15. quæst. 3. Palud. quæst. 5. Richard. Argent. Angel. Tabien. Silvest. Cajet. & alii Summistæ verb. *Simonia*. Et communiter canonistæ in cap. *Cum in ecclesia*, de simon. ex quo textu id sumitur, & ex omnibus, quæ de hac materia habentur 1. quæst. 1. cap. *Baptizandis*, ubi C. illa, & ex similibus. Nam illa non solum dicunt, esse simoniam vendere sacramenta, sed etiam vendere actionem sacramentorum, vel in universum sacra ministeria, quæ constat consistere in ipsis materialibus, & corporalibus actionibus sic institutis. Nec hujusmodi venditio prohibetur in jure canonico, ut per talem prohibitionem illicita fiat, sed potius reprobatur, & puniatur tanquam per se mala, & contraria verbis Christi, *Gratis accepistis, gratis date*. Item hæc est communis ecclesiæ traditio, & sensus. Unde contra hanc prohibitionem nulla consuetudo prævalere potest, ut dicitur in eodem cap. *Cum in ecclesia*. Est ergo id contra jus Divinum. Denique ab incommodo argumentatur Durandus, quia si actiones ipsas vendere liceret, ridiculum esset, & inutile prohibere venditionem sacramentorum, quia non aliter possunt vendi, quam vendendo actiones. Sed ad hoc responderi posset, longe aliter vendi, si actiones ipsæ carius vendantur propter rationem sacramenti. Sed nihilominus mo-

raliter rem spectando, ratio est urgens; tum quia saltem hoc titulo posset colorari omnis talis simonia; tum maxime quia actiones illæ per se spectatæ exiguæ æstimationis sunt, unde non possent moraliter vendi sine respectu ad sanctitatem, quam habent.

4 Ratio vero a priori hujus veritatis est, quia tota illa actio, vel passio, quæ est materiale sacramenti est actus ministerii, & potestatis spiritualis, & supernaturalis, & ideo ipsamet materialis actio gratis etiam conferenda est, Ut v. g. cum Christus dixit: *Euntes docete omnes gentes baptizantes eos in nomine Patris, &c.* simul, & eodem modo præcepit Apostolis, ut circa baptismum actiones illas corporales, & sensibiles baptizandi, & proferendi formam cum invocatione Trinitatis facerent super credentes, & ut illas facerent ad salutem eorum, & ad lavandas eorum animas, seu (quod idem est) ut eas facerent cum intentione faciendi sacramentum. Totum ergo illud ad quoddam esse Divinum, & supernaturale elevatum est, & ita super totum illud cadit præceptum alibi datum, *Gratis accepistis gratis date*. Et hæc ratio locum habet in omnibus sacramentorum materiis, seu actionibus. Et ideo fortasse dixit D. Thom. dicto art. 1. ad 6. Quod sicut anima vivit secundum seipsam, corpus vero secundum animam; ita quædam sint spiritualia secundum seipsa, inter quæ principaliter ponit sacramenta, distinguens illa ab aliis, quæ sunt spiritualia quasi extrinsece, seu ut adherent spiritualibus. Nam licet actiones sacramentorum realiter, & physice materiales sint, tamen secundum suum esse materiale elevatae sunt ad supernaturalem ordinem, nam ipsamet sunt ministeria sacra, & signa, & causæ gratiæ, & ideo jam sic instituta, & elevatae perinde reputantur, & æstimantur, ac si in suis entitatibus essent spirituales, & supernaturales. Et confirmatur, quia illemer actus sacramenti, qui in suo esse, materialis, & naturalis esse videtur, factus ad sacramentum conficiendum supernaturalis est, & spiritualis ex principio, & fine, quia procedit a quadam supernaturali potestate a Christo data, neque aliter fieri potest, & tendit ad dandam spiritualem salutem alteri; ergo impossibile est æstimare illum actum sic factum, ut mere materiale; ergo nullo modo vendi potest. Tandem confirmatur: quia istæ actiones sacramentales, prout in sacramentis sunt, non habent utilitatem humanam, seu naturalem, & materiale, sed solum spiritualem, & religiosum cultum Dei: & si hoc non haberent, essent vanæ, ac inutiles superstitiones; ergo non possunt jam æstimari pretio, ut temporales sunt. Unde in illis habet locum, quod Paschal. papa in cap. *Si quis*, 7. 1. quæst. 3. significavit, cum in his materiale sine spirituali nihil proficiat: *Quisquis horum alterum vendit, sine quo nec alterum provenit, neutrum invenditum derelinquit*.

5 Ad instantiam vero de sacramento matrimonii responderi potest facile ex supra dictis, nec sacramentum, nec contractum vendi proprie, cum aliquid temporale in matrimonio accipitur. Nam si illud temporale sit dos, nullam habet rationem pretii, sed subsidii ad onera matrimonii sustentanda. Si vero sit per modum recompensationis, sic datur vel pro materia remota sacramenti matrimonii, id est, pro corpore alterius contrahentis tanquam parziale pretium ejus; corpora enim contrahentium sunt materia remota illius sacramenti, & nullum est inconveniens, ut materia remota sacramenti ematur, sicut diximus. Vel certe nec corpus ipsum proprie emitur, sed aliqua ejus conditio, ut nobilitas, peritia in aliqua arte, vel quid simile; vel e converso recompensatur nocumentum, vel incommoditas, quæ alteri contrahentium ex aliquo defectu alterius provenit.

6 Addo etiam differentiam notandam inter hoc sacramentum, & alia, quod in matrimonio totum id, quod est materia proxima illius sacramenti est mere naturale habens suum finem proximum, & utilitatem moralem, scilicet, mutuam obligationem conjugum, & morale vinculum ordinatum ad honestum finem naturæ, secundum quam rationem, & a potestate naturali progreditur, & ad finem materiale, & naturalem tendit. Hanc autem materiam Christus

Ratio a priori.

Solvitur instantia de matr.

Differentia notanda inter Matrimonium, & alia sacramenta

integram reliquit, nec illi addidit ceremoniam aliquam essentiali illi sacramento, sed solum significationem sacramentalem, & causalitatem gratiæ. Et ideo illa materia, & contractus eandem utilitatem, & æstimationem habet, quam antea habebat. Quapropter nullum inconveniens est, quod secundum se maneat vendibilis, nulla habita ratione ad esse sacramenti, secundum quod invendibilis est. In aliis vero sacramentis tota materialis actio sacramenti supernaturalis est secundum institutionem suam, & non habet aliam utilitatem, nec alium finem, nisi ceremoniæ sacræ, & causæ gratiæ: propter quod fieri rite non potest, nisi ex supernaturali potestate, & ideo in ea non est separabile materiale ab spirituali, nec secundum se vendibile manet. Et ita ad alteram partem argumenti nego, has actiones sacramentorum esse æstimabiles pretio secundum se: tum quia omnino sunt ex institutione Divina, & supernaturali; tum etiam quia revera non habent alium usum humanum, propter quem possint pretio æstimari. Et similiter ad confirmationem sumptam ex aliis rebus factis permanentibus, negatur consequentia: nam est longe diversa ratio, quia in eis materiale est valde extrinsecum, & habet semper suum valorem, & æstimationem, ut postea videbimus.

CAPUT XII.

Utrum in necessitate possit sacramentum emi ab eo, qui non vult illud, nisi propter pretium, ministrare.

HÆc quæstio de omnibus fere rebus factis tractari potest, solet autem specialiter disputari de baptismo, quia in eo major necessitas inveniri potest, quam in aliis; nos autem illam extendimus ad omnia sacramenta, quia, ut videbimus, etiam in aliis potest locum habere, & ex resolutione data in omnibus sacramentis facile poterit doctrina applicari ad similes casus in aliis actionibus, vel rebus factis occurrentibus. Sunt autem in hoc puncto variae sententiæ. Prima simpliciter negat, licitum esse in eo casu, dare pecuniam sub illo colore, vel titulo, ut sacramentum obtineatur pro quacumque necessitate, etiam si sit spiritualis, & omnino extrema, qualis est in infante morti proximo, qui non potest nisi per baptismum salvari. Ponitur ergo casus, in quo sola mater adest, quæ vel non scit baptizare, vel trunca est manibus, vel aquam non habet, nec potest petere baptismum pro filio, nisi ab unico ministro, qui solus aquam habet, & illam tradere non vult, nec baptizare parvulum, nisi pretio accepto. Ait ergo hæc sententia, etiam in simili eventu non licere dare pecuniam petenti, ut baptizet. Ita sentit D. Thom. dict. quæst. 100. artic. 2. ad 1. & 4. distin. 5. quæst. 2. artic. 2. quæst. 5. ad 2. & distin. 25. quæst. 3. artic. 2. quæst. 2. ad 3. Idem Alenf. 2. part. quæst. 169. membr. 3. artic. 1. dub. 2. Richard. dicta distin. 25. artic. 3. quæst. 2. ad 8. Potest tamen non immerito referri pro contraria sententia saltem in casu pueri, quia licet prius dicat non licere tunc dare pecuniam, postea refert sententiam contrariam, & sensum ejus declarat, & non reprobat. Expressius idem tenet Palud. 4. distin. 5. quæst. 3. num. 17. Anton. vero 2. part. titul. 1. cap. 5. §. 16. eodem modo, quo Richard. loquitur. Turrecremat. etiam in capit. *Gratia*, 1. quæst. 1. idem, quod D. Thom. asserit. Tenet Sylvest. verb. *Simonia*, quæst. 8. Allegatur etiam pro hac parte Glossa ultima in cap. *Baptizandis*, 1. quæst. 1. licet etiam pro sententia contraria soleat adduci, nec immerito, quia revera contradictoria dicit, prius enim absolute negat, posse licite fieri, & postea subdit: *Sed ego facerem, & bene, licet non deberem facere*. Quod valde inconstanter, & imprudenter dictum est.

2. Fundamentum hujus opinionis ex duobus principiis sumitur: unum est esse intrinsece malum, emere sacramentum, & ideo propter nullum finem, vel necessitatem licere posse. Quæ illatio manifesta est ex illo Roman. 3. *Non sunt facienda mala, ut inde*

veniant bona. Assumptum vero probatur, quia supra ostensum est, simoniam contra jus Divinum esse natura sua prohibitam, ac subinde intrinsece malam: sed simonia hæc, quæ in sacramentis committitur, est contra jus Divinum, ut ostensum est; ergo. Et confirmatur: quia venditio sacramenti est intrinsece mala; ergo & emptio: nam hæc correlativa sunt, & non possunt separari, nec potest reddi major ratio de una, quam de alia. Aliud principium est, non posse in eo casu dari pecuniam petenti illam, ut baptizet, nisi emendo baptismum. Probatur primo, quia si posset alio titulo dari, maxime ad redimendam vexationem: at hæc in eo casu non excludit emptionem; ergo non excludit simoniam, nec honestari potest. Minor probatur, quia illa vexatio consistit tantum in negatione iniqua baptismi; ergo ablatio vexationis nihil aliud est, quam collatio baptismi; ergo redimere vexationem nihil aliud est, quam emere baptismum, ut cesset vexatio. Sicut si episcopus nollet dare alicui beneficium, quod ex iustitia distributiva dare teneretur (quia suppono, solum illum esse dignum) vexationem illi faceret, & nihilominus si ille daret episcopo pecuniam ad redimendam vexationem suam, plane emeretur beneficium, quia ibi non tollitur vexatio, nisi dando beneficium: ita ergo in presenti. Unde sumitur confirmatio arguerenti ab incommodo, quia alias sequitur, quoties simili modo sit vexatio, in spiritualibus, negando id, quod ex iustitia debetur, posse dari pecuniam, ut reddatur tale debitum, quia redimitur vexatio, quod tamen falsum est, & viam aperit simoniis, ut infra videbimus. Et ideo in materia de beneficiis est regula communis, non licere ante acquisitionem jus in re redimere vexationem ad obtinendum illud, ab eo, qui illud collaturus est, etiam si supponatur jus ad rem, sed ad summum licitum esse remove eum, qui potest obesse, ut cesset ab impediendo, ut ad hoc propositum notavit Paludan. supra. At in dicto casu licet infans habeat jus ad baptismum, non tamen habet jus in re, & non agitur de tollendo impedimento, sed de obtinendo ipso baptismo ab eo, qui collaturus est: ergo non est licita redemptio vexationis, quia revera est emptio rei spiritualis, per quam emptionem per se, & directe vexatio tollitur, & non alio modo. Denique confirmatur, quia alias non solum in illa extrema necessitate liceret vexationem redimere, sed etiam quotiescunque alicui injuste negaretur sacramentum. Paret sequela, quia quotiescunque mihi negatur injuste sacramentum, vexatio fit mihi, & consequenter ego habeo jus expellendi illam vexationem, si possum; ergo dando pecuniam, possum licite illam expellere, etiam si non occurrat alia necessitas recipiendi sacramentum, sed sola spiritualis utilitas; vel certe licet necessitas non sit extrema, sed gravis. Probatur hæc ultima consequentia, quia non emitur sacramentum; si autem non emitur sacramentum, licita erit datio pecuniæ etiam extra necessitatem aliam præter ipsam redemptionem vexationis ad tollendam illam: consequens autem non admittitur etiam a dictis auctoribus; ergo.

2. Secunda sententia distinguit inter extremam necessitatem simpliciter in ordine ad vitandam æternam damnationem, & necessitatem gravem, non tamen absolutam, & extremam. Prior invenitur in infante in casu proposito: posterior inveniretur in adulto in simili casu, ille enim non est in absoluta necessitate salutis, quia per contritionem, & baptismum flammis salvari potest. In hoc ergo posteriori casu de adulto convenit hæc sententia cum præcedenti, non licere tunc dare pecuniam ullo modo, aut colore, & a fortiori pro obtinendis aliis sacramentis nunquam esse licitum dare pecuniam ministris petentibus, quia in aliis sacramentis nunquam est tanta necessitas, quia alia præter poenitentiam non sunt media necessaria ad salutem, poenitentia autem sacramentum, cum non detur, nisi adultis, semper potest quoad illam necessitatem suppleri, & recipi in voto per contritionem, quod ad vitandam damnationem satis est. At vero in casu de parvulo

2. Sententia distinguit inter necessitatem gravem, & extremam.

Opinio negativa.

Fundamentum hujus opinionis Rom. 3.

parvulo dissentit hæc opinio a præcedenti, affirmatque in eo posse dari pecuniam petenti, ne parvulus peccet. Ita docuit Gloss. in d. c. *Baptizandis*, & idem sentiunt ibi Archidiaz. & Domin. Idem tenet Panormitan. in d. c. *Cum in ecclesiæ*, n. 5. quem ibi alii sequuntur, & Guilliel. Redoar. tract. de Simon. part. 1. c. 9. n. 8. & 3. p. c. 5. n. 16. Et ex Theologis docuit hoc Cager. d. q. 100. art. 2. Citari possunt pro hac sententia Alti. lib. 3. Sum. tract. 27. c. 2. q. 3. & Bonavent. 4. d. 5. art. 2. q. 1. ad ult. ubi dicit, hoc magis consonare pietati, & rationi. Illum videtur sequi Marfil. 4. q. 4. art. 4. dub. 14. Nam prius ponit priorem opinionem, quam dicit esse Holcor, & postea subjungit, Bonaventuram docuisse contrarium, & pertransit. In his autem auctoribus adverte, expresse doceri partem affirmativam hujus opinionis, nimirum, quando baptizandus est infans, licitum esse dare pecuniam in illo casu: de parte autem negativa in adulto non ita loquuntur, sed vel tacent, vel potius insinuant se indifferenter loqui, & maxime Bonaventur. quem Marfil. sequitur. Et idem sentit Major in 4. d. 5. quæst. unic. ad 3. ubi de parvulo expresse affirmat licere; de adulto vero solum dicit: *Sufficit ei sua bona voluntas, qua baptizari vult*; non tamen dicit, aliud esse illi prohibitum. Possunt etiam referri pro hac opinione Richard. & Anton. ut supra notavi. Ex summissis eam sequitur Angel. *Simonia* 2. n. 12. Tabien. num. 29. Et idem sentit Navarr. d. cap. 23. n. 102. in fin. licet soleat in contrarium referri, quia ita incipit: *Idem dicendum est*, &c. Et si relativum *Idem*, ad proxime præcedentem clausulam referatur, plane affirmat, in eo casu committi simoniam dando pecuniam. Tamen sine dubio est referendum ad initium totius §. *Undecimo*, in quo incipit agere de casibus, in quibus non committitur simonia apud Deum, licet exterius pecunia detur; & quod hic sit sensus, constat, quia allegat, & sequitur Panormitan. & quia pro ratione affert, quod in necessitate etiam ab hæretico licet baptismum postulare.

4 Hæc sententia, cum duas habeat partes, unam negantem de adulto, alteram affirmantem de parvulo: priorem non tam probat, quam supponit ex eo solum, quod adultus non est in extrema necessitate. Unde totam rationem alterius partis sumunt auctores hujus sententiæ ex privilegiis extremæ necessitatis, ut late prosequitur Redoar. supra, non tamen multum ad causam, quia fere omnia, quæ adducit in exemplum, sunt ex his, quæ sunt mala, quia prohibita, & non prohibita, quia mala, de quibus facile intelligitur, ordinarie licere in extrema necessitate. Unde illa fere eodem modo procedunt in necessitate adulti, sicut parvuli, ut patet in exemplo, quo usus est Navarr. quod liceat in necessitate sumere baptismum ab hæretico, nam hoc etiam adulto licet, secluso periculo deceptionis. Tamen revera exempla nec de adulto, nec de parvulo procedunt, quia sumus in materia per se, & intrinsece mala, quæ vel nullo modo, vel difficilius cessat propter solam necessitatem etiam extremam. Unde duo exponere oportet in hac sententia. Unum est, quomodo malitia simoniæ cesset, quando necessitas est extrema, ut in parvulos aliud est, cum non cesset, quando non est tanta, licet sit gravissima, ut est in adulto. Primum non aliter probatur, nisi quia curator parvuli potest dare illam pecuniam non animo emendi, sed tantum tollendi impedimentum, & faciendi avaritiam alterius, ut remoto isto impedimento, ille velit ministrare. Et ita non emitur baptismus, & cessat simonia. Ut autem pecunia possit tunc dari isto modo, necessitas extrema præbet facultatem, seu naturale jus vitandi damnationem pueri, quando sine hoc modo inevitabilis esset. Et declaratur hæc ratio, quia quando datio pecuniæ potest habere bonum finem necessarium per se, & distinctum ab emptione rei spiritualis, licet pecunia propter illum finem detur, non committitur simonia expressa, nec interpretativa: ita vero est in præsentis; ergo. Major patet, quia intentio formalis non est emendi, ut supponitur: & ita non est simonia expressa: necessitas autem excusat ab interpretativa, quia non tenetur quis cum tanto damno proxime vitare illam externam apparentiam simoniæ, quando revera, & in animo talis non est,

Suarez Tom. XII.

Minor autem jam satis patet ex dictis, quia dare pecuniam illi avaro, ut non tam graviter noceat proximo, vel ut desistat ab illa prava voluntate non baptizandi, optimus finis est. Neque obstat, quod alius accipiendo peccet, quia qui dat, non cooperatur peccato illius, nec petit aliquid, quod sine peccato ipse facere non possit; sed permittit malitiam ejus, illaque bene utitur, sicut de solvente usuras constat.

5 Verumtamen licet hic discursus probabiliter procedat quoad hanc partem affirmantem, videtur tamen destruere alteram negantem de adulto. Cur enim non poterit adultus etiam illa intentione dare pecuniam, & ita non committere simoniam expressam? Cur etiam non excusabitur coram Deo a simonia præsumpta, seu interpretativa cum etiam sit in gravissima necessitate? Quia difficillimum est habere contritionem, & ita licet non sit tam certum periculum damnationis, tamen moraliter magnum est, quod in re tanti momenti sufficiens esse debet, ut propter illud vitandum possit etiam contemni exterior illa apparentia simoniæ. Et accedit, quod licet habeat quis contritionem, tamen moraliter loquendo integram remissionem culpæ, & pœnæ non assequetur, nec vocabitur statim ad cælum, quod gravissimum nocumentum reputari debet; ergo pro illo vitando habet jus utendi illa cautela, seu redimendi vexationem suam. Huc accedunt multæ ex rationib. factis pro prima sententia, quæ plane videntur probare; quod si in illo casu de parvulo non committitur simonia, quia revera non est emptio rei spiritualis, eadem ratione non erit emptio in necessitate adulti, si intentione simili, & ad eundem finem tollendi impedimentum detur pecunia, ac subinde etiam in eo casu non esse peccatum illam dare.

6 Quapropter So. lib. 9. de Just. q. 6. a. 1. licet cum præcedenti secunda opinione in utraque parte, & affirmante de parvulo, & negante de adulto conveniat, tamen longe aliam rationem reddit in casu de parvulo, juxta quæ & tertiam, & novam opinionem constituit, & novam rationem differentiæ inter utrumque casum reddere potest. Ait ergo, ideo licere in eo casu de parvulo pecuniam dare, quia licet tunc sacramentum emere, quæ emptio nunquam licet, nisi in extrema necessitate. Priorem partem probat primo argumentis supra factis pro prima opinione, quia redemptio vexationis in præsentis casu esse non potest sine emptione sacramenti, nam medium unicum ad redimendam vexationem, est emptio sacramenti, tunc autem non est mala emptio, quia non propter se fit, nec propter temporalem finem, sed propter spirituales gravissimas, & extremam necessitatem. Quod si objicias, quia actio intrinsece mala ex objecto non potest unquam honestari ex bona intentione finis. Respondet consequenter, emptionem sacramenti non esse intrinsece malam, Et in hoc constituit differentiam inter emptionem, & venditionem sacramenti, quod venditio est intrinsece mala, non emptio: cujus nullam rationem reddit, sed declarat tantum exemplo usuræ, in qua vendere matrimonium, intrinsece malum est, non vero emere. Deinde vero subjungit, exemplum non esse sumendum in omnibus, nam solvere usuras licitum est etiam extra extremam necessitatem in gravi, emere autem sacramentum, non licet nisi in extrema necessitate. Et ideo (inquit) non licet adulto in illo casu dare pecuniam. Cujus aliam non reddit rationem, nisi quia in spiritualib. multo major est adhibenda cautio, & ideo solum in extrema necessitate permittitur emptio, ne si minor sit necessitas, videatur quis dando pecuniam alterius iniquitati consentire.

7 Sed hæc non videntur dicta cum fundamento solido, nec cum consequentia doctrinæ. Primum n. assertio illa, quod emptio sacramenti non sit intrinsece mala, expresse est contra D. Th. & omnes Theologos, & Juristas, & constat ex omnib. allegatis in utraque opinione, & in aliis, quos infra referemus. Unde Bonav. 4. dist. 25. dub. 3. circa lit. ubi Magister ait: *Utrique eadem sententia percelluntur*, scilicet ementes, & vendentes, ipse Bonav. addit: *Quantum ad genus peccati est uniformitas, quia uterque gratia Spiritus sancti facit injuriam*. Deinde Soto nullam affert

Difficultas
urgetur in
adulto.

Opinio
Soti a the-
rens in ex-
trema ne-
cessitate
posse emi
sacramen-
tum.

Impugna-
tur opi-
nio Soti
dicentis
emptionem
sacramen-
ti non esse
intrinsece
malam.

Probatur
et parshu-
jus opi-
nionis af-
firmans
ad bap-
tizandum
parvulum
in extre-
ma neces-
sitate pos-
se dari pe-
cuniam.

rationem, cur venditio sacramenti sit intrinsece mala, & non emptio: nam exemplum de usura nihil probat, quia in usura non oritur malitia ex aliqua excellentia ipsius mutui, sed potius ex eo, quod nullius pretii est, & consequenter tota malitia ejus consistit in injustitia, quia venditur res, quæ non est digna pretio, quæ injusta solum est ex parte vendentis, non ex parte ementis, seu petentis mutuum, quia ille non potest sibi facere injuriam, sed potest cedere juri suo. Unde etiam si absque gravi necessitate cum communi petat mutuum a parato, non peccat. Immo licet sine ulla rationabili causa petat, vel etiam si inducat non paratum, etsi peccet ratione inductionis, & cooperationis ad malum alterius, nunquam proprie peccat in eo, quod est emere mutuum, quia (ut dixi) cedit juri suo, nec potest sibi facere injuriam. At malitia simoniæ oritur ex excellentia rei spiritualis, cui gravis sit irreverentia, & injuria, dum pretio temporali comparatur; hæc autem æque fit emendo, ac vendendo, neque emens potest cedere (ut sic dicam) juri rei spirituali, magis quam vendens. Est ergo in utraque æque intrinseca malitia.

8 Præterea hoc declaratur ex facto Simonis, cujus factum ut per se malum, & gravissimum Petrus reprehendit: & tamen ille emere tantum tetraivit. Respondet Sor. illum voluisse emere ad vendendum. Sed contra, nam licet hoc verisimile sit, tamen hoc neque est æque certum, cum ex Scriptura non colligatur aperte, neque a Petro redditum est pro causa, sed tantum dixit: *Quoniam donum Dei existimasti pecunia possideri.* Ergo hoc sufficiebat ad delictum, quicquid sit de alia intentione: nec indubitatum delictum soli intentioni occultæ tribuendum est. Unde Chrysost. homil. 13. in Marc. ponderat, Christum non tantum ejecisse de templo vendentes, sed etiam ementes (quo facto significatos esse simoniacos ex sententia Patrum supra ostendimus) *Quia non solum (inquit) vendere, malum est, sed etiam emere;* & subjungit: *Denique Simon magus non quia vendidit, sed quia emere voluit, damnatus est. Infelix est, qui vendit, infelix est, qui emit, gratia enim Christi auro, & argento non potest comparari.* Sic etiam Taras. in epist. ad Adrian. in c. *Eos, qui 21. l. q. 1. dicit, peccare illum, qui vendit Spiritum sanctum, quia vult illum habere tanquam servum: Similiter (subdit) & qui emit, Dominus ejus volens esse, quod emerit, per pretium pecunia illud acquirit:* ubi non ponit rationem culpæ in hoc, quod Spiritus sanctus emitur, ut vendatur, sed in intrinseca ratione emptionis, quæ per se infert injuriam Spiritui sancto, quia ita tractatur, ac si ejus dominium per temporale pretium posset obtineri. Et potest hoc confirmari ex multis aliis decretis in tota illa q. 1. in quibus utraque pars æque damnatur. Item in definitione simoniæ æque ponitur, quod sit voluntas emendi, aut vendendi. Item sicut est intrinsece malum vendere rem alienam, invito domino, & ita etiam emere. Item sicut est contra dignitatem rei pretio inestimabilis illam vendere, ita etiam emere, quia per utramque partem pecuniæ æquiparatur. Item qui ab aliquo emit rem, facto ipso protestatur, illam esse materiam aptam ad talem contractum, & similes rationes possunt facile multiplicari, ut in sequentibus etiam dicemus.

9 Præterea non loquitur Soto consequenter: nam si emptio sacramenti non est intrinsece mala, ergo in rigore est de se indifferens, quia si non est intrinsece mala, de se non habet malitiam, unde cum nec bonitatem habeat, ut constat, erit indifferens: & ad summum erit vel male sonans, vel ad malum urgens, nisi aliunde honestetur: ergo non solum in extrema necessitate parvuli, sed etiam in gravissima necessitate adulti poterit licere. Nam ea, quæ non sunt intrinsece mala, multo facilius, & frequentius honestari solent ex optimis, & gravissimis, ac moraliter necessariis causis, etiam si extrema necessitas non intercedat. Quod autem responderet Soto, in spiritualibus esse majorem cautionem adhibendam, ne videatur quis alterius simoniæ consentire, si extra necessitatem extremam pretium tribuat, valde frivolum apparet, quia non agimus hic de specie culpæ coram hominibus, sed de existentia illius coram Deo, apud quem si intentio sit sana, & medium non sit malum, actio non erit suspecta, nec habebit ullam rationem

cooperationis ad malitiam alterius, quia ille se offert, & non solum est paratus, sed cogit. Ergo tractando de veritate, & non de suspitione, nullo modo ille videri potest peccato alterius consentire, qui suam tantum quaerit salutem, & utitur illo medio ab alio coactus, solum ne se in grave periculum damnationis conjiciat, de sua contritione, & dispositione non satis confidens.

10 Adde, quod etiam apud homines potest ibi esse suspicio collusionis, vel consensus in peccatum alterius: hæc enim suspicio merito præsumitur, quando quis per illud spirituale, quod data pecunia obtinet, aliquod emolumentum temporale consequi potest, ut contingit in simonia, in ordine, in beneficio, in absolutione a censuris, & in similibus: at ubi solum spirituale propter se quaeri potest, cessat omnis suspicio, ita vero est in præsentia, nam desiderium baptismi, & præsertim in articulo mortis non potest esse propter temporale lucrum, sed tantum propter spirituales salutem, & ideo sacri Canones facilius permittunt dare aliquid sponte, & accipere sic oblatum in baptismo, quam in ordine, ut infra videbimus. Ergo ex hac parte nulla est suspicio in emptione baptismi, si alias ipsa per se mala non est, & necessitas mortis urget in adulto. Quæ enim irreverentia tunc fit sacramento? aut enim per emptionem, & hoc non juxta dictam sententiam, quia non est per se mala, & fit propter altiorum finem, & urgentissimam causam: aut in venditione, & hæc non imputatur ementi, ad quod satis est, ut propter gravissimam causam, & necessitatem emat, etiam si non sit extrema. Nam cur non, cum utatur jure suo, & medio de se non malo? Quin potius addo, ex illa opinione Soti, ut ab ipso traditur, sequi, in minoribus necessitatibus licitum esse, emere spiritualia, quia si actio de se non est mala intrinsece, multo facilius honestari potest coram Deo, secluso scandalo, & suspitione mala apud homines.

11 Aliter vero posset hæc Soti opinio declarari, confitendo (ut plane videtur necessarium) simoniam, quæ est in emptione sacramenti, esse intrinsece malam, & addendo, nihilominus in extrema necessitate desinere esse malam, non quia actio intrinsece mala solum propter finem bonum possit licite fieri, (hoc enim repugnat verbis Pauli supra inductis, & rationi, quia repugnat esse malum, & licere) sed quia posita extrema necessitate mutantur conditiones ex parte materiæ necessariæ ad illam malitiam. Sicut futurum intrinsece malum est, & nihilominus in extrema necessitate licitum est accipere alienum, invito domino, quia tunc non est rationabiliter invitatus, vel quia tunc non tam res aliena, quam communis accipitur. Sic etiam dicebamus supra, posse Deum ita dare alicui spirituales gratias, ut det illi licentiam vendendi illam, & tunc cessare malitiam simoniæ in illa actione, non quia talis venditio nunc non sit intrinsece mala, sed quia jam non esset similis venditio, nec cum eisdem conditionibus. Ita ergo in præsentia dici potest, malitiam hanc simoniæ, licet intrinseca sit, nihilominus ex parte materiæ multum pendere ex voluntate illius, qui dixit: *Gratis accepistis, gratis date.* Hinc ergo fit, ut hæc prohibitio nunquam cessare possit ex parte dantis sacramentum, si vendendo dare velit, quia nunquam potest hoc facere, ex præsumpta voluntate Domini, quia nunquam potest occurrere causa, vel necessitas, quæ talem præsumptionem inducat, nec fingi potest casus, in quo dominus ipse talem licentiam dedisse credatur. Quia collatio sacramenti semper pendet ex libera voluntate dantis, & semper potest libere dare, & ideo semper voluntarie irrogat injuriam sacramento, si vendat, neque potest habere rationem præsumendi, dominum gratiæ de tali venditione esse contentum. At vero ex parte ejus, qui recepturus est sacramentum, non semper est in voluntate ejus habere sacramentum gratis, & alioquin potest esse in extrema necessitate gratiæ. Tunc ergo merito præsumitur dominus dedisse illi facultatem, ut habeat sacramentum, quomodo potuerit, etiam emendo, si aliter non potest: nam propter hoc maxime instituit sacramenta, ut indigentes gratia, illam recipiant per sacramenta, & cupit maxime necessitatibus indigentium providere.

Et

Respondet
Soto refel-
litur.

Declara-
tur aliter
Soti opi-
nio.

Explicat
tur quomodo
dici
possit non
esse simo-
niam in
extrema
necessita-
te emere
sacra-
mentum.

Non lo-
quitur
confe-
quent.

Et ita ex parte voluntatis ejus merito creditur tunc non fieri contra illam: & ex parte gratiæ, vel sacramentietiam cessat irreverentia, quantum spectat ad eminentem, quia non emittitur irreverentia, nec ex vi gratiæ æstimatione, sed solum ex necessitate, ut non privetur tanto bono. Et hoc modo fit mutatio in eo casu ex parte materiæ, quia pro illo censetur datum ex parte Dei sacramentum cum hac amplitudine, & ita cessat malitia. Et consequenter potest hoc modo reddi apparens differentia inter necessitatem extremam, & minorem, quia illa præsumptio, & mutatio materiæ habet locum in extrema necessitate, & non in minori, sicut malitia furti cessat in extrema necessitate, non vero in alia.

Impugnatur.

12 Sed neque isto modo censeo, illam sententiam, sustinendam esse quoad priorem partem, nec satis facere quoad posteriorem. Primum patet, quia non potest emptio sacramenti separari ab emptione gratiæ, quia propter illum emittitur, & propter quod unumquodque tale &c. ut supra etiam dictum est: emptio autem gratiæ nunquam potest separari ab emptione Spiritus sancti, ut dixit Tarasius; quia & ab illo, & cum illo infundi debet; nec dari potest gratia, nisi etiam ipse Spiritus sanctus detur: emptio autem Spiritus sancti intrinsecam continet injuriam ejus. Unde nunquam præsumitur Christus dedisse nobis sacramenta cum jure emendi illa, si aliter habere non possumus, quia non vult, nos illa accipere cum Spiritus sancti contemptu, & injuria. Accedit, quod revera nunquam est necessaria emptio magis quam venditio, nisi forrasse in casu illo, quem finxit Soto, in quo cogatur quis jurare se dare pecuniam ut pretium sacramenti, in quo infra ostendimus, esse omnino pravum illam dare. Extra illum vero non esse necessarium sacramentum emere etiam in extrema necessitate: probatur, quia potest aliter dari pecunia, quam emendo, ut secunda opinio sufficienter declarat, & respondendo ad argumenta amplius exponetur; ergo nulla est ratio præsumendi, Christum in hoc negotio aliquid speciale concessisse pro necessitate extrema. Et hinc facile probatur altera pars, quia jam nulla superest differentia quoad hoc inter parvulum, & adultum. Adde, quod si illa præsumptio, & mutatio ex parte haberet locum in casu de parvulo, nulla sufficiens ratio reddi posset, cur non deberet extendi ad adultum, quia Christus non solum extremis, sed etiam gravibus necessitatibus subveniri voluit, præsertim spiritualibus, & cum tanto periculo æternæ mortis. Unde etiam necessitas illa adulti potest dici extrema, quia est necessitas mortis cum gravissimo periculo æternæ salutis, licet non sit necessitas tam desperata (ut sic dicam) sicut est necessitas parvuli.

Opinio asserens posse dari pecuniam non ad emendum sacramentum, sed ad removendum impedimentum;

Est igitur quarta sententia, quæ cum secunda convenit in asserendo, licitum esse in eo casu dare pecuniam ut non pretium sacramenti, sed ut removens impedimentum pravi voluntatis, & avaritiæ: differt tamen, quia non solum in parvulo, sed etiam in adulto affirmat, hoc licere. Hanc opinionem habet expresse Albert. Mag. 4. d. 5. articul. 1. ad fin. Ubi utrumque casum expresse distinguit, & dicit, in utroque posse aliquem redimere vexationem vel pro se, si ipse indiget, vel pro parvulo, si filium, vel alium habet, quem vult baptizari. Eandem sententiam tenet supplementum Gabr. in 4. d. 25. q. 2. art. 7. prop. 7. docet late, & optime Adrian. Quodlib. 9. art. 3. ad 2. confirm. tertii argum. Et solet referri Major, sed in loco citato non id affirmat de adulto, licet neque neget, in dist. autem 25. Quarti, q. 5. ad 3. videtur magis favere: quia licet affirmando de parvulo, taceat de adulto, tamen ratio, quam affert, & consequentia doctrinæ videtur utrumque postulare. Et eodem modo allegari possunt pro hac parte Bonavent. & Mars. ut dixi. Quin potius addit Adrian. in eo casu teneri adultum baptismum obtinere, etiam oblata pecunia, quia teneretur curam suæ salutis gerere, & baptismum recipere, si potest illum obtinere sine emptione illius, removendo avaritiam alterius data pecunia: & in hanc partem inclinat Ugonat. Ugolin. Tab. 1. c. 6. n. 7. Continet ergo hæc sententia duas partes: una est, dare pecuniam iniquo ministro sacramenti petenti

Suarez Tom. XII.

illam, & nolenti aliter sacramentum ministrare, non semper esse emptionem sacramenti, sed posse intentione dantis, habentisque ad hoc jus ex necessitate urgente, separari. Et in hoc convenit hæc sententia cum secunda. Et est valde pium, potestque sine magna difficultate sustineri, quamvis prior opinio, quæ D. Th. fuisse videtur, probabilitate non careat. Tamen omnibus pensatis, hæc pars eligenda est, quia nulla ratio sufficiens occurrit, cur illud non sit in hominis potestate, vel cur actus externus dationis pecuniæ imputari homini debeat apud Deum, tanquam emptio contra intentionem suam, cum alias habeat gravem, tamque honestam causam sic operandi, & permittendi malitiam alterius. Et hoc aperiens constabit ex solutionibus rationum prioris sententiæ.

Hæc opinio quoad priorem partem de pueris vera judicatur.

14 Altera pars hujus sententiæ est, hoc non tantum habere locum in extrema infantis necessitate, sed etiam in gravissima adulti: in quo differt hæc sententia a secunda, & mihi videtur multo magis consequenter loqui: tum quia nulla sufficiens ratio differentie redditur, ut supra ostensum est: tum etiam quia illa datio pecuniæ potest per intentionem dantis denudari omnino a ratione emptionis; ergo etiam in adulto indigente baptismo, & in extremis posito, poterit denudari. Et tunc est honestissima ratio sic operandi, nec intervenit ulla irreverentia sacramenti, nec ibi sit aliquid contra rationem gratiæ, vel dignitatem ejus, non contra absolutum dominium Dei in omnibus hujusmodi donis; ergo dominium tunc tam licet, quam in casu parvuli. Accedit, quod major est obligatio uniuscujusque ad subveniendum sibi in spiritualibus, quam proximo: si ergo licet uti hoc medio ad subveniendum proximo extreme indigenti, cur non licebit unicuique pro se ipso? Potest quidem responderi, quod non est æqualis necessitas. Sed dico in primis excessum necessitatis in parvulo compensari ex majori obligatione, & inclinatione charitatis ad curandum de propria salute spirituali: & ideo merito concedi, ut possit adultus per se facere, quod potest pro alio, etiam si necessitas propria minor aliquantulum sit. Adde deinde necessitatem esse satis magnam, & suo modo extremam, & periculum esse gravissimum in re magni momenti, & hoc satis esse, licet non sit æqualitas omnimoda. Et declaratur, quia illa necessitas peccatoris adulti tanta est, & moraliter a Deo æstimatur, ut teneamur ex charitate subvenire proximo sic indigenti, etiam adulto cum periculo vitæ corporalis, ut alibi dictum est; ergo signum est, necessitatem illam spiritualem reputari moraliter extremam; ergo illa sufficit, ut iuste separari possit per intentionem datio pecuniæ ob alios fines honestos ab emptione; si autem separatur, jam non est simonia, & ideo actio est licita.

Quod secundam partem de adulto etiam approbatur hæc opinio.

Tomo 4. de penitentia disp. 32. sect. 1. & disp. 44. sect. 3.

15 Sed quid si improbus homo non solum pecuniam petat, sed etiam petat, ut detur sibi in pretium? Respondeo, si non amplius urgeat, non cogi eum, qui dat pecuniam, dare juxta intentionem petentis, sed posse dare in sustentationem, vel eleemosynam, vel ad tollendum impedimentum, vel certe si sit persona ignorans, satis est, si intendit, eo modo dare, quo licite potest, & non juxta pravam intentionem petentis. Ulterius vero restringi potest casus, in quo iniquus homo velit, ut dans dicat, ac profiteatur, & juret, se dare pecuniam illam in pretium sacramenti, & non in pretium aquæ, aut laboris, nec tantum ad redimendam vexationem, aut alio simili modo. Et in hoc casu, si ille id faciat in injuriam, vel irrisum sacramenti, vel religionis Christianæ, etiam Soto fatetur non posse fieri, sed potius esse relinquendum parvulum mori sine baptismo, quam ita dare pecuniam, quia tunc inseparabilis est a tali datione pecuniæ injuria religionis, talis autem injuria est intrinsece mala: unde fieri non potest etiam pro salute spirituali proximi, vel propria. Tunc autem si agatur de salute adulti, salvari poterit per contritionem, & sperare potest, sibi non defuturam ex auxilio Dei, necessario ad resistendum illi tentationi, & privandum se illo remedio, ne Deum offendar.

Quid dicendum si non solum pecunia petatur, sed etiam in pretio petatur.

Si juramentum petatur, quod pecunia detur in pretium sacramenti, quid sentiendum.

16 At vero si intentio petentis non sit tam prava, sed solius avaritiæ, vel odii privati, ut faciat alium consortem, & participem sui criminis: tunc ait Soto li-

cium esse, dare pecuniam in pretium, & affirmare cum juramento hac intentione dari: & loquitur consequenter. Tamen est iudicio meo improbabilis assertio, & horrenda, quia sine dubio illa professio est valde injuriosa rebus divinis, & sacramentis, nec est talis injuria separabilis, etiam si ab iniquo exactore formaliter intendatur. Item fundamentum etiam est omnino falsum, scilicet, quod emptio sacramenti non sit intrinsece mala. In illo ergo casu omittendum est sacramentum: & hoc saltem convincunt argumenta primæ sententiæ, quia non sunt facienda mala, ut eveniant bona. Et ita etiam supponunt omnes auctores etiam secundæ, & quartæ sententiæ: omnes enim ante omnia supponunt, removendam esse intentionem emendi. Quod si intentio haberi non potest, etiam non potest exterius fingi, nam si cum juramento fiat, erit perjurium, si absque juramento, erit mendacium perniciosum, & sacrilegium contra reverentiam debitam sacramento. Et ita in specie, sic urgendo casum illum, docuit Major. 4. distin. 5. ad 3. & ex Modernis Ugolin. Tab. 1. cap. 6. num. 5. & 8. Qui addit, posse quempiam in eo casu verbis ambigiosis uti accommodando illa ad suam mentem, & non ad mentem petentis, & ita intelligit Sorum. Sed ille longe aliter sensit, ut explicui, cum etiam intentionem emendi approber. Tamen remota hac intentione, si verba possunt proferri in sensu æquivoco, posset ille etiam a malitia excusari. Casus autem urgetur, quando quis cogitur expresse juvare, & affirmare, se dare tali intentione emendi, & tradendi pretium, & tunc non est dubium, quin res sit intrinsece mala. Et opinio Soti singularis est, ideoque re tam gravi non potest censeris probabilis. Valentia vero pun. 3. negare videtur, hunc casum esse possibilem, sed non video, qua ratione id possit negari.

17 Tandem queri potest, quid sit dicendum, si ille, qui baptismum in eo casu dare non vult, non petat pecuniam, neque id faciat ex affectu avaritiæ, sed ex odio, vel ex alio pravo affectu: nunquid licebit invitare illum pecuniis ad vincendam duritiam ejus? Videtur n. nullo modo licere, quia illud est inducere ad malum; nam ille in primis non est paratus ad dandum sacramentum propter pecuniam, ut in casu supponitur: quandoquidem illam non petit nec expresse, nec tacite, ut præsupponendum est: ergo tunc qui petit, non uritur malitia ejus, sed illum inducit. Deinde ille non potest licite dare sacramentum accepta pecunia; ergo petitur ab eo id, quod sine peccato præstare non potest; ergo est inductio ad malum formaliter. Hoc attigit ex citatis auctoribus, Adrianus, & intrepide responder, posse fieri, quia ex parte petentis non committitur simonia, quia, ut supponimus, non offert pecuniam animo emendi, sed tantum auferendi impedimentum, & redimendi vexationem. Nec etiam inducit ad malum, sed ad minus malum, quia minus malum est, accepta pecunia, baptizare extreme indigentem, quam illum sine remedio necessario ad salutem relinquere. Unde ille, qui sic offert pecuniam, non simpliciter petit ab alio, ut accepta pecunia baptizet, sed quasi sub conditione tacita, vel expressa, si non vult aliter desistere a gravissimo peccato, & nocumento non baptizandi. Confirmat hoc Adrianus, quia possumus licite minis, & incusso justè timore talem hominem compellere, ut baptizet: quoniam alias deferretur ad judicem, & pœnas luet; ergo etiam possumus blanditiis, & beneficiis illum inducere, & consequenter etiam data pecunia, quia non est major ratio, cur liceat inducere per timorem, quam per concupiscentiam, cum supponatur utraque inductio esse ad bonum finem, & ad majus malum vitandum. Potest etiam confirmari: nam qui offert pecuniam in illo casu, petit, ut propter pecuniam remittat offensionem, aut odium, vel vindictæ appetitum, quod per se bonum est, & pecunia redimi potest: inde autem consequenter speratur, ut ille deposito furore, baptizet. Unde non obstante acceptione pecuniæ ex alio titulo, posset sacramentum gratis ministrare, & ita non petitur ab illo aliquid, quod sine peccato facere non possit. Atque hæc sententia mihi videtur pia, & valde probabilis, nec invenio novam rationem, qua possit solide refutari.

18 Atque ex dictis sequitur, id, quod dictum est de baptismo, extendi posse, & debere ad sacramentum pœnitentiæ, si homo sit in extremis constitutus, & conscientiam habeat peccati mortalis: nam si unus adesset sacerdos, & ille noller audire confessionem, vel absolvere, nisi accepta pecunia, posset illi dari, quia hoc sacramentum est tantæ necessitatis respectu peccatoris baptizari, sicut baptismus respectu adulti non baptizati, quod ergo dictum est de baptismo respectu adulti, dicendum est de pœnitentia in illo casu. Et ita in specie notavit Ugolin. dicto c. 6. n. 7. c. 40. §. 1. Ubi addit ad nullum aliud sacramentum hoc esse extendendum, quia non sunt tantæ necessitatis. Sed licet fortasse hoc ita sit per se loquendo, tamen in casu posset esse æqualis necessitas in ordine ad salutem æternam, & tunc idemerit judicandum. Ut verbi gratia, si contingeret hominem subito amittere loquelam, sensum, & non posse recipere sacramentum pœnitentiæ, posset tamen recipere extremam unctionem, sacerdos autem noller illam dare, nisi a circumstantibus, vel habentibus curam infirmi pecunia datur: tunc dico, eadem probabilitate dici posse licite dari, non ut pretium, sed vel ut honestum stipendium, vel ad removendum impedimentum. Idem necessitatis modus posset in eucharistia accideret, præsertim si nullus esset sacerdos, sed tantum diaconus, & ille noller eam deferre infirmo, non prius accepta pecunia: est enim eadem ratio necessitatis, quia per quodlibet sacramentum potest homo fieri ex attrito contritus, si bona fide illud recipiat, & ideo in magno periculo constituitur, si in his casibus sacramentis privetur: ad quæ etiam jus habet, & ideo potest facile vitari emptio sacramenti, qua sublata, nulla relinquitur probabilis ratio, cur non possit hoc fieri in tali necessitate.

19 Quin potius non sine causa verti potest in dubium, an necessitas recipiendi eucharistiam ut viaticum sit ad hoc sufficiens ratio, etiam si homo sit jam confessus, vel non habeat conscientiam peccati mortalis. Quia probabile est, eucharistiam esse necessariam ad salutem necessitate mediæ, quod debet in re adhiberi, quando commode potest procurari sine propria culpa, tunc autem potest procurari sine emptione sacramenti, utendo debita intentione, ut explicatum est. Et causa illa videtur honestissima, & sufficiens ad utendum illo medio, & intentione, nam malitia alterius non debet me privare tanto bono, quando ego habeo jus, & possum uti bene malitia illius sine ulla cooperatione cum illo. Potestque ita explicari: nam vel eucharistia est jam consecrata, & ecclesia servata pro infirmis, vel est consecranda de novo. In priori casu illa hostia consecrata ex dono Dei est mea quoad usum maxime pro illo articulo, magis quam panis communis sit meus in extrema necessitate, etiam si alias esset sub dominio alterius. Ergo sicut in extrema necessitate possum accipere panem alterius, etiam per vim repellendo vim, si alius obstitit, ita hic possum exigere ad meum usum per modum viatici consecratum panem, & remove omnem vexationem, & vim, quocumque modo possum, sive per vim, sive per pecuniam, quia habeo jus in illa re, & tanquam meam ad illum usum mihi eam vendico. In posteriori autem casu non tam clare apparet jus in re, est tamen aliquod, ut in solutionibus argumentorum dicam: & ita possum etiam redimere vexationem: vel certe (quod facilius est) possum invitare sacerdotem ad missam, oblata pecunia ex parte mea per modum elemosynæ, vel sustentationis, non curando, qua intentione ipse illam accipiat: nam ego ad illam intentionem non cooperor, nec teneor illam vitare cum tanto meo incommodo. Videtur ergo hoc etiam probabile, sed quia nullus auctor expresse id asseruit, aliis iudicium remitto, tamen si attente legantur, quæ Adrin. & Albert. in priori puncto scripserunt, non inveniuntur alieni ab hac sententia: nam rationes, quibus utuntur, hic habent eandem vim: quia si vitetur emptio sacramenti, ut facile potest, sicut declaratum est, nulla ratio intrinsece malitiæ superest, quod si hæc non obstat, nihil videtur esse, quod obstat possit in tam gravi necessitate, quominus quis

Idem dicendum de confessionis sacramento.

In aliquibus sacramentis hoc etiam aliquando ad modum extendendum.

Proponitur eadem questio in eucharistia sumenda per modum viatici.

Soti opinio rejicitur.

An liceat inducere re pecuniam illum, qui ex odio non vult dare baptismum?

Pars negativa probatur.

atur jure suo. Item quia tunc posset sacerdos per honestam coactionem, vel comminationem cogi ad dandam eucharistiam, cur ergo non per aliam inductionem non intrinsece malam?

Posse dari pecuniam tyranno, qui eucharistiam sacramentum quasi captivum habuerit.

20 Adde denique alium casum, quo omnia dicta confirmantur, nimirum si sacrosanctum eucharistiae sacramentum quasi captivum teneatur a tyranno, vel haeretico, vel judaico, qui velit illud conculcare, aut comburere, nec possit aliter ab illa injuria vindicari, nisi pretio dato. Adfero enim, tunc posse dari pecuniam, si tyrannus illam petat, & sponte offerri, etiam si non petat, ut cesset ab injuriis, & sacramentum fidelibus restituatur. Probat, quia tunc non emitur sacramentum, nec qui dat pecuniam, hoc intendit, sed redimitur vexatio, quae fit sacramento ipsi, & Christo: nam quilibet homo potest redimere vexationem, quae fit proximo suo; ergo multo magis illam, quae fit Christo. Redimitur etiam vexatio, quae fit ecclesiae, quae sola habet jus retinendi, & utendi eucharistia. Item redimitur (ut ita dicam) ipse tyrannus a malitia, quam committit: licitum enim est dare alicui pecuniam, ut a peccando desistat, & ex omnium sententia licitum est dare pecuniam alicui, ne simoniam committat, quam facere volebat, ut infra videbimus. Ergo licitum est illi tyranno dare pecuniam, ut cesset injuriam irrogare sacramento, & consequenter, ut illud restituat fidelibus: nam quando apud se retinet, in hoc ipso gravissime delinquit. Denique consimili ratione licitum est, reliquias Sanctorum pretio redimere ab haeticis, & infidelibus indigne illas tractantibus, licet alioquin simonia sit illas vendere, vel emere, ut paulo post dicemus; ergo illa redemption non est emptio rei sacrae, & consequenter nec in eucharistia erit. Antecedens videtur constare ex usu omnium priorum, fundari autem debet eisdem rationibus, & in specie asseruit Ugolin. cap. 38. num. 5. Et sumitur ex Anton. d. c. 5. §. 13.

Respondetur ad fundamentum primae sententiae.

21 Ad fundamentum ergo primae sententiae respondemus, posse in illo casu separari dationem pecuniae ab emptione sacramenti, quia si sit sermo de emptione formali, haec pendet ex intentione operantis, quaelibet est, unde si non habeatur talis intentio, non erit formalis emptio. Si vero sit sermo de emptione imputata moraliter, seu interpretativa, haec nulla sufficienti ratione probatur, vel vincitur. Nam ego utor jure meo dando illam pecuniam alia intentione, & ita mihi non imputatur, quicquid inde sequitur. Dices: Quantumvis des proxime, & immediate ad redimendam vexationem, vel ad tollendum avaritiae impedimentum, satiando illam, semper hoc totum ordinatur ad hoc, ut ille ministret sacramentum, & ita per pecuniam intenditur sacramentum saltem mediate, & hoc est emere. Respondeo: etiam quando ego do stipendium, vel eleemosynam sacerdoti, intendendo quidem immediate sustentationem ejus, illam tamen non intenderem, nisi etiam intenderem, ut ille faceret sacrum, & ita aliquo modo per pecuniam intendo sacrum, & tamen non ideo emo, nec intendo emere etiam mediate, quia nunquam intendo dare pecuniam ut praetium sacrificii; ita ergo est in praesenti. Et ratio est, quia ut sit emptio, non satis est, ut detur pecunia, sed oportet, ut per se ordinetur ad obtentionem rei sacrae tanquam pretium ejus. Hic autem nec per se ordinatur, sed per accidens, in quantum ordinatur ad removendum prohibens, nec datur ut pretium sacramenti, sed vel ut extinguat avaritiam, vel etiam dari possit ut pretium pro depositione odii, irae, aut appetitus vindictae, si inde nasceretur renitentia in dando sacramento.

Solvitur 1. argumentum.

22 Et ita patet solutio ad formam argumenti primi, quia tollere vexationem, hic non est tollere immediate carentiam, seu negationem sacramenti, sed est tollere illum affectum pravam, ex quo sequebatur denegatio talis sacramenti. Quando autem, & quomodo haec redemptio vexationis habeat locum in beneficiis, & quid in hoc sit de jure naturae, quid vero de jure positivo, infra dicetur: unde ad primam confirmationem de jure acquisito, vel acquirendo, responderetur in ordine ad sacramenta obtinenda, praesertim quae necessaria sunt ad salutem, fideles habere jus ac-

Suarez Tom. XII.

quisitum ex Christi institutione, & donatione. Deinde, unumquemque habere jus acquisitum, ne injuste opprimatur, argum. c. *Dilectus*, de Sim. Et maxime habet jus unusquisque ne damnari cogatur. Ad ult. confir. respondeo in extrema, & quasi extrema necessitate concedi hanc facultatem redimendi vexationem propter salutem animae perpetuam, non extendi tamen ad alios casus ordinarios; tum quia non censetur esse tunc propria vexatio; tum quia potest aliis modis vitari, & habenda est ratio sacramenti, quia facile hoc modo daretur occasio irreverenter illud tractandi, & simoniam committendi, si haec licentia extenderetur.

CAPUT XIII.

Utrum omnes actus potestatis ordinis sint materia simoniae.

1 Post sacramenta occurrebat statim disputatio de sacramentalibus: quia vero sacramentalia vel in aliquibus actibus, ordinem consistunt, vel per illos conficiuntur, oportet prius hoc fundamentum praemittere. Regula igitur generalis sit: omnes actus procedentes a potestate ordinis, in quocumque ejus gradu, seu ordine, materia sunt simoniae, ita ut illos emere, aut vendere simoniacum sit. Est certa, & communis sententia, quam tradit D. Th. d. q. 100. a. 3. Ubi dicit: *Vendere, aut emere id, quod spirituale est, in his actibus, esse simoniam*. In quo loquendi modo insinuat, aliquid esse spirituale, quod vendere non licet, & aliquid materiale, seu temporale, quod vendere licet: & eodem modo loquitur Sor. d. q. 6. a. 3. conc. 2. quod postea videtur explicare, quamdam constituens differentiam inter actus ministrandi sacramenta, & alios sacri ministerii, de qua postea dicemus. Nunc loquendo praecise de actibus, potestatis ordinis, ut ab illa sunt, simpliciter dicendum est, non posse emi, aut vendi etiam quoad substantiam talium actuum, id est, quoad totum illud ministerium, quod per hos actus exhibetur sensibiliter, ac visibiliter. Loquor autem nunc de ipsis actibus, non de labore: nam de hoc postea dicam. Et ita exposita assertio est communis in 4. d. 25. Ubi maxime Duran. Palud. Rich. Arg. & Maj. quaestionibus saepe citatis. Item Alenf. Altif. Silvest. etiam verb. *Simon*. q. 9. Angel. *Simon*. 1. in principio. Et communiter juris canonici interpretes in c. *Consulere*, de Simon. & aliis locis supra citatis, in quibus distinguunt tria membra spiritualia rerum, quae sunt materia simoniae, & unum vocant quoad effectum, ut supra exposui, & sub hoc collocant ministeria ordinis, quae vocant spiritualia quoad effectum, quia procedunt a potentia spirituali, & supernaturali, & ideo simpliciter dicunt esse spirituale, & materiam simoniae. Immo addit D. Th. (quod & nos supra notavimus c. 9. in principio) haec ministeria etiam esse spiritualia quoad causam, quia disponunt aliquo modo ad spirituales fructus, vel salutem, vel conferunt aliquam consecrationem, vel sanctificationem, quae suo modo spiritualis est, ut videbimus. Adde denique etiam hos actus centeri posse in se spirituales, non quia physice immateriales sint, sic n. etiam sacramenta spiritualia non sunt, sed quia habent quoddam esse morale ex institutione Spiritus sancti, aut immediate, aut mediante ecclesia, secundum quod esse ad supernaturalem ordinem pertinent, & hoc totum hic spirituale vocatur, ut supra dictum est. Et hinc habent, ut ad supernaturalem Dei cultum, & religionem infusam per se pertineant, & ut simpliciter procedant a potestate quadam spirituali, & supernaturali, qualis est character ordinis.

Omnes actus procedentes a potestate ordinis sunt materia simoniae.

2 Atque hinc constat ratio conclusionis: nam totus hic ordo actuum supernaturalis est, & ad salutem animae per se, & proxime ordinatur; est ergo materia simoniae. Et eadem ratio concludit, totam actionem necessariam ad hoc ministerium, etiam si in suo esse materialis videatur, seu corporea, invendibilem esse tanquam moraliter (ut sic dicam) spiritualement. Quia tota illa ritu facta est ex supernaturali, & spirituali institutione, & est a potentia supernaturali, & ita quoad hoc (servata proportionem) nulla est differen-

ia inter hos actus, & actus sacramentorum, nisi quod in sacramentis gravior est simonia, quia illa sacratiores sunt: in reliquis vero rationes factæ de sacramentis, de cæteris functionibus ordinum procedunt. Et ita loquuntur jura canonica: nam cap. *Ad nostram*, de Sim. absolute loquitur de ministerio ecclesiastico, & prohibet pro illo pecuniam accipere: manifestum autem est, omnes functiones ordinum ad ministerium ecclesiasticum pertinere. Et in cap. *Cum in Eccle. 9.* & in cap. *Suam 29.* eod. in particulari est sermo de benedictionibus nubentium, & mortuorum exequiis, vel suffragiis, quæ sunt functiones ordinum & similia jura sunt frequentia in illo titulo, & 1. quæst. 1. cum frequentibus. Et de aliquibus actibus in particulari aliqua statim afferemus.

3 Advertendum est autem, hanc simoniam, licet jure canonico prohibeatur, non esse malam quia prohibita est, sed e converso prohibitam, quia mala est; quia materia ejus vere est sacra, spiritualis, & supernaturalis, & ideo ex natura sua habet, ut vendi non possit, in eaque procedunt rationes omnes, quæ de simonia contra naturale jus supra adductæ sunt. Et ideo simonia etiam in hac materia dicitur in dicto cap. *Cum in ecclesia*, non posse per consuetudinem honestam talem venditionem, quia nimirum consuetudo non prævalet contra jus naturæ, quod etiam advertit Sor. dicto a. 2. Denique in hac simonia, etiam prout est contra jus naturale, locum habet regula cap. *Si quis objecerit* 1. quæst. 3. Qui unum vendit, quod sine altero subsistere nequaquam potest, nihil inventum derelinquit: hac n. ratione simonia committitur, & contra jus Divinum est, non solum vendere carius hos actus, quia spirituales sunt, quam materialiter sumpti vendi, aut æstimari possent, sed etiam simpliciter ipsos actus vendere quocumque vero pretio, quia supposita institutione, ac modo, quo fiunt tales actus, omnino efficiuntur divini ordinis, & secundum id totum, quod sunt, ab spirituali potestate procedunt, & ut sunt, nec utilitatem habent, nec æstimationem, nisi in ordine ad spirituale finem, & ideo omnino invendibiles sunt. Quæ omnia inter doctores sine controversia recepta sunt.

4 Superest vero, ut declaremus, quomodo hæc regula ad singulos actus ordinum ecclesiasticorum applicanda sit: & quinam sint isti actus, vel quomodo fieri debeant, ut sint materia simoniæ, si emanant, aut vendantur. Ad quod breviter explicandum advertit, quosdam esse actus tam intrinsece, & essentialiter postulant potestatem ordinis, ut sine illa nec recte, seu religiose, nec rite, ac valide fieri possint. Alii vero sunt, qui licet, ut fiant ex officio, & quasi ex intrinseca potestate, ordinem aliquo modo requirant, tamen alio modo magis privato fieri possunt sine ordine, vel sine tali ordine. Præterea priores actus subdistingui possunt, sunt enim duplices. Quidam, qui ex divino jure certum ordinem requirunt, & aliter rite fieri non possunt. Et hujusmodi tantum esse videntur sacramentorum functiones, & actio sacrificandi, nam hæc tantum habent divinam institutionem. Et hujusmodi sunt in sacerdote consecrare, absolvere, extremam unctionem dare, & inter Deum, & populum sacrificium offerendo intercedere in ipso sacrificio, vel extra illud pro toto populo, & vice, ac nomine ejus orationes publicas fundendo. Quamvis in aliis etiam constitui possint ministri ad publicas orationes fundendas, qui sacerdotes non sint, ut constat ex usu ecclesiæ, & infra de horis canonicis dicemus: nihilominus aliquid peculiare in hoc habet sacerdos: nam est principalis minister in hoc munere, præsertim quando preces conjunguntur cum sacrificio, & oblatione, teste Paulo ad Heb. 5. & 8. Et ita Ildorus inter sacerdotales functiones ponit orationem ad Deum c. 1. dist. 25. Alia etiam duo sacramenta scilicet confirmationis, & ordinis essentialiter requirunt potestatem ordinis, nam jure ordinatio pertinet ad episcopum (cujus consecrationem, ordinem esse supponimus, sive sit distinctus ordo a sacerdotio, sive quoddam illius augmentum, quod ad præsens non refert) per pontificem vero possunt aliquando committi simplici sacerdoti, non vero inferioribus clericis. Et ita hæc

etiam duo ministeria essentialiter sunt a potestate ordinis, vel pontificalis per se, vel sacerdotalis ex commissione Summi pontificis. Reliqua vero duo sacramenta quoad substantiam suam non requirunt ordinem, tamen ratione sui semper sunt materia simoniæ, a quocumque ministrantur, ut supra dictum est. Specialiter vero baptismus, quando solenniter ministratur, proprium munus est sacerdotis, etiam quoad accidentales cæremonias ejus. Sicut etiam dicendum inferius est de benedictionibus nubentium: nam substantia sacramenti matrimonii nunquam potest a sacerdote fieri proprie loquendo. De his functionibus manifestum est, esse materiam simoniæ, quasi duplici titulo, scilicet, & quia sacramenta sunt, & quia actus sunt omnino proprii potestatis ordinis in gradu perfecto, qualis est sacerdotalis, vel pontificalis. Neque de illis occurrit aliquid addendum. Quibus autem titulis, aut modis aliquid in his functionibus, seu pro illis dari possit, aut recipi, ut pro missa, pro ordinatione, &c. dicemus generaliter circa tertiam divisionem simoniæ: ubi de pretio, & quid ad illud requiratur, agendum est.

5 Præter has vero sunt quedam aliæ functiones sacrae, habentes immediatam institutionem suam ab ecclesia, & non a divino jure, ut sunt multarum rerum consecrationes, calicis, altaris, templi, chrismatis, & agnorum Dei. Item etiam aliæ simpliciores benedictiones, ut aquæ benedictæ, vestimentorum sacrorum, corporalium. Et hæc omnes functiones ex instituto ecclesiæ a nullo fieri possunt infra sacerdotem, & quedam illarum sunt ita propriæ episcoporum, ut aliis inferioribus non communicentur, ut sunt calicis, aræ, & templi consecratio, & similes. Aliæ vero sunt, quæ licet jure ordinatio pertineat ad episcopos, tamen ex privilegio conceduntur interdum aliquibus inferioribus prælatis, ut benedictio corporalium, & vestimentorum, &c. Aliæ denique sunt, quæ jure proprio sacerdotibus etiam competunt, ut sunt benedictiones nubentium, benedictio aquæ, & salis destinati ad sacros usus, incensi, cerei paschalis, candelarum pro die Purificationis, cinerum pro die primo Quadragesimæ. Et de his omnibus actionibus est etiam res manifesta, quod sunt materia simoniæ. Et constat ex multis decretis, quæ in specie de his loquuntur, præter generalia supra adducta. Ut de benedictionibus Abbarum c. *Sicut pro certo*, de Simon. De consecratione. Eccl. 1. 1. q. 1. c. *Cum sit Romana*, de Simon. Ubi excipitur id, quod datur pro procuratione, de qua quid sit, & quomodo intelligatur, infra suo loco dicetur. De consecratione altarium, c. ult. 1. q. 3. Et de benedictionibus nubentium in c. *Cum in ecclesia*, & c. *Suam* de Simon. Et ex his intelligendæ sunt omnes similes, etiam si in jure non expresse ponantur. Atque ita sumitur ex D. Th. d. q. 100. art. 2. & ibi. Sor. in lib. 9. de Just. q. 6. art. 1. Anton. 2. par. tit. 1. c. 5. §. 16. Silvest. q. 9. Tabie. n. 33. Navar. d. c. 23. n. 99. Glof. & Doctores d. c. ult. 1. q. 3. item Glof. in Clement. ult. de Stat. mon. ver. *Benedicti*, Panormitanus & alii super dicta jura de simonia. Neque in his esse potest ulla ratio dubitandi, cum omnes rationes factæ in his maxime procedant. Patum enim refert, quod hæc sint de institutione ecclesiæ, nam illi sufficit, ut hæc omnia sint vere sacra, & spiritualia. Item non obstat, quod etiam ex ecclesiæ ordinatione sint hæc functiones annexæ his ordinibus, nam satis etiam est, quod de facto sint actus solius potestatis ordinis. Eo vel maxime, quod licet Christus non instituit in particulari has actiones, tamen in generali dedit ecclesiæ potestatem instituendi illas, & ex illarum institutione quasi naturali, ac divino jure sequitur, ut earum effectio ad ministros sacros, & non profanos pertineat. Ac subinde, eo ipso quod Christus Dominus episcopos, & sacerdotes instituit, eisque supremas consecrationes commisit respective, consequenter eodem divino jure eos fecit idoneos, ut eis tanquam propriis ministris committendæ essent reliquæ benedictiones, vel consecrationes, quæ per ecclesiam instituerentur, quamvis peculiarem modum assignandi ministros talium actionum ipsæ etiam ecclesiæ commiserit, exceptis materiis sacra-

De aliis actibus, qui immediate institutionem suam habent ab ecclesia.

Hanc simoniam non esse malam quia prohibetur, sed e converso prohibita est, quia mala.

Explicatur quo pacto simonia deest in his actibus.

mentoribus, quæ ab ipsomet Christo peculiariter institutæ sunt, ut alibi tractatum est. Sic ergo omnes istæ functiones dici possunt proprie horum ordinum aliquo modo ex divino jure: sunt ergo omnes materia simoniæ.

6 Præter has vero dantur functiones inferiorum ordinum, quæ non omnes videntur adeo sacræ, nec semper ordinem requirere, & ideo aliquam majorem declarationem, vel imitationem postulant. Inter has ergo actiones primum locum tenent functiones diaconi, quæ sunt maxime sacræ; proprium n. munus diaconi est episcopo, vel sacerdoti sacra solenniter facienti ministrare, & in illa missa Evangelium cantare. Quæ munera valde sacra sunt, & spiritualia, & ad illa specialiter diaconus ordinatur, & ideo non est dubium, quin totum illud ministerium sit materia simoniæ, vendique non possit, neque emi. Interdum etiam committitur diacono divinæ eucharistiæ dispensatio in absentia sacerdotis, necessitate urgente, & olim, quando sub utraque specie dabatur sacra communio, diaconus sanguinem dispensabat. Et hoc etiam convenit illi ratione talis ordinis, pertinetque ad sacramentorum ministerium, unde non est dubium, quin sit materia simoniæ. Denique interdum etiam committitur diacono sacra concio in absentia sacerdotis, sed de hoc actu infra specialiter dicendum est, quomodo sit materia simoniæ, est n. maxime proprium episcopi, & post illum sacerdotis. Simili modo judicandum est de functionibus subdiaconi: nam habet etiam ex vi sui ordinis in solenni missa suum peculiare ministerium, & sacra Epistolæ lectionem, quæ a non ordinato cum ea solennitate, & ex officio dici non potest, alias fieret irregularis, juxta ea, quæ diximus in 5. tom. disp. 42. sect. 4. Est autem in hac actione advertendum, quod licet solenniter fieri non possit, nisi ex potestate ordinis, tamen extra missam sic interdum a non ordinato, ut solet cantari Epistola in choro ab aliquo laico. Et tunc potest dubitari, an illa actio sit materia simoniæ? Quod attigit Ugolin. Tabien. 1. c. 43. §. 3. n. 4. Sed dico in primis, non comprehendi sub regula, quam tractamus, quia revera ille non est actus ordinis, ut constat, cum sine ordine legitime fiat, ut usus ecclesiæ probat. Nihilominus addo, probabile esse, non posse talem actionem vendi sine simonia, quia est valde spiritualis, & aliquo modo est sacrum ministerium, & quasi pars celebrationis missæ; est ergo ex natura rei invendibilis actio illa, quia ut sacra, & spiritualis tractari debet. Et licet ex natura rei esse posset aliqua dubitatio, ex jure ecclesiastico non videtur dubitandum; tum propter communem sensum, & usum ecclesiæ, & propter generalem prohibitionem vendendi sacra ministeria; tum quia ecclesia prohibet vendere officium æconomi, & similia, quæ minus annexa sunt spiritualibus; ergo a fortiori hoc prohibet.

7 Major est dubitatio de actibus quatuor inferiorum ordinum, quia non sunt admodum spirituales, & sæpe per laicos fiunt fere eodem exteriori modo. Sed inter hos actus exorcizandi videtur esse maxime spiritualis, & supernaturalis, & in divina virtute niti, ordinarique ad salutem spiritualem energumeni, unde non est dubium, quin sit materia simoniæ, non minus quam actus gratiæ gratis datæ, cui ille simillimus est. De actu vero, seu ministerio acolythi, si fiat ex officio, & cum solennitate, qua fieri solet, etiam constat, esse materiam simoniæ, quia etiam est sacrum ministerium, & valde conjunctum cum divino sacrificio. De laico vero ministrante missæ privato, & ordinario modo, quo a pueris, & communibus laicis fieri solet, non immerito dubitari potest, quia minister ille non exercet actum ordinis, nec tenetur illud exhibere gratis, cum ex officio ad id vocatus non sit, nec specialiter gratiam ad id receperit. Sed nihilominus eo ipso, quod voluntarie cooperatur tali ministerio sacro, & suam actionem cum illo conjungit, qui sacramentum efficit, debet illam cum debita reverentia exhibere, & consequenter gratis, & non venali modo, licet pro obligatione, vel sustentatione, vel aliis titulis possit aliquid accipere, ut postea generaliter trademus. Idemque cum proportionem dicendum censet de functione lectoris, quæ est sacra lectio-

Suarez Tom. XII.

nem veteris, & novi testamenti in ecclesia legere, ut in matutino, in capitulis horarum, &c. Et magis constabit ex his, quæ de divino officio, & concione infra in particulari dicemus. Denique ostiarii munus minus sacrum esse videtur: ad illum enim solum pertinet res, & fores ecclesiæ custodire, & dum aguntur sacra, excludere eos, qui adesse prohibentur, juxta cap. 1. d. 21. & cap. 1. d. 25. Nihilominus apud Deum ministerium hoc sacrum reputatur, & sanctum. Unde Malac. 1. ait Dominus: *Quis est in vobis, qui claudat ostium, & incendat altare meum gratuito?* Quæ interrogatio intelligi potest, vel quasi reprehensionem continens, quod Levitæ hæc ministeria tunc venderent; vel, uti Hieron. indicat, continet querimoniam Dei de ingratitude Sacerdotum, & Levitarum, nam cum nec minimum ministerium gratis agerent, i. pro quo non acciperent a Deo condignum stipendium decimarum, & aliorum spiritualium proventuum, nihilominus res divinas, & Dei cultum indigne tractabant. In utroque autem sensu supponitur ministerium illud spirituale esse. Igitur ministerium illud, quatenus in ecclesia nunc fieri potest, potestate, & auctoritate ordinis spirituale est, ac proinde materia simoniæ. Si vero aliter fiat, prout laico committi potest, non videtur de materia simoniæ.

8 Ex hoc ergo discursu non solum constat, actus omnium ordinum, prout ab illis procedunt, & cum habitudine ad illos fiunt, materiam esse simoniæ, sed etiam eosdem actus spectatos, quatenus aliquando fieri possunt a laico per ecclesiæ commissionem, regulariter esse ita spirituales, ut vendi non possint, sed sint materia simoniæ ex divino, ac naturali jure. Dico autem *regulariter*, quia interdum potest esse actus tam materialis secundum se, ut nisi accedat prohibitio ecclesiæ, non sit materia simoniæ, si non ut actus ordinis, sed, prout a laico fieri potest, exerceatur, ut dicendum est de officio ostiarii, maxime quatenus ad eum spectat res mobiles ecclesiæ custodire. De officio item cantoris idem dici potest, sed illud non est proprium alicujus ordinis, ut infra videbimus. De prima vero tonsura nihil dicere necesse est, quia illa nec est ordo juxta veriore sententiam, nec habet proprium munus activum, sed solum est quasi potentia passiva, seu dispositio, quæ ad ordines, vel beneficia, vel aliqua ecclesiastica ministeria proxime idoneitatem confert. Hoc tamen satis est, ut ipsa tonsura spirituale aliquid sit, ac subinde materia simoniæ: nam revera per collationem ejus aliquomodo sanctificatur persona, & specialiter Deo dicatur, & in sortem ministrorum Dei, seu cleri annumerari incipit, & ita ejus collatio quoad hoc comprehenditur sub prohibitione, qua ordinationes emi, & vendi prohibentur, argum. cap. *Cum contingat*, de *Ætat. & qual.* Ubi tonsura ordo appellatur in lata, & favorabili significatione. Denique quoad hoc eadem est ratio de hac tonsura, quæ de aliis sacramentalibus, quæ vendi non possunt, ut videbimus.

Predicatos actus esse materiam simoniæ, si ab ordinato, si a laico admittuntur.

C A P U T XIV.

An omnia sacramentalia tam in actione, quam in termino sint propria materia simoniæ?

1 SAcramentalium nomine significari solent, vel extremonia quædam instituta ab ecclesia ad ordinatum sacramentorum; vel generalius omnes extremonia, & benedictiones sacræ, quæ in ecclesia fiunt, ut in 3. tom. 3. p. disp. 15. latius tractavi: & hoc posteriori modo nunc de illis loquimur. Potest autem distingui duplex sacramentalis actio: una, quæ non habet permanentem effectum per consecrationem alicujus rei, ut benedictio nuptialis, exorcismus, &c. alia, quæ habet talem effectum, ut benedictio aquæ, olei, calicis consecratio, &c. Quam divisionem attigit Cajet. 2. 2. q. 88. art. 11. & ex illo Navar. in commen. de Spol. §. 18. n. 9. & 10. hanc posteriorem vocant benedictionem constitutivam utique rei sacræ: priorem autem invocativam, quæ, si privatim fiat, non est sacramentale quid, sed quando fit ex pu-

Quæ sacramentalia dicantur.

blica auctoritate, & institutione ecclesiæ, ut infra constabit. Nos vero utramque benedictionem comprehendimus sub actione sacramentali, quod vocare possumus sacramentale transiens: rem autem sacram, quæ interdum per benedictionem constituitur, appellare possumus sacramentale permanens. Et licet hic præcipue agamus de actionibus, simul dicemus de terminis, tum propter connexionem; tum quia per mutuat collationem melius singula intelligentur; tum quia hoc modo fere totam materiam religiosi cultus comprehendimus, juxta doctrinam D. Thom. 1. 2. q. 101. art. 4.

Sacra-
mentalia
omnia
transien-
tia esse
materiam
simoniæ.

2. Primo ergo dicendum est, sacramentalia omnia, etiam quæ sunt in fieri, seu transeuntia, ut appellavimus, esse materiam simoniæ. Hoc potest explicari in primis in benedictionibus solennibus ecclesiæ, quæ sub sacramentalibus comprehenduntur. Proceditque in primis in benedictionibus constitutivis, quæ, ut sunt in fieri, transeuntia sunt, & de illis satis constat ex dictis, vendi non posse sine simonia, quia sunt ordinum functiones, ut patet de consecratione ecclesiæ, calicis, benedictione aquæ, vestimenti, &c. Idemque dicendum est de benedictionibus invocativis, etiam si permanentem effectum circa rei consecrationem non relinquunt, ut patet in benedictionibus nuptiarum, & similibus. Advertendum vero est, benedictiones has invocativas sæpe esse mere privatas, quæ a laicis etiam convenienter fiunt, ut benedictio mensæ, benedictio paterna, quam pater dat filio, vel senex juveni, & potest etiam dari a presbytero: & hæc hic non considerantur, quia per se non sunt actus ordinum, nec ad sacramentalia pertinent: sed adoracionem potius privatam, de qua, an vendi possit, infra attingemus. Aliæ vero sunt benedictiones, quæ licet rem proprie non consecrent, nec separent illam a communibus, & profanis usibus, nihilominus fiunt speciali ritu a ministris ecclesiæ, & ex speciali ejus institutione, ut habeant specialem effectum, saltem per modum impetrationis in nomine totius ecclesiæ, & ideo merito inter sacramentalia numerantur. Et tales sunt benedictiones nuptiarum, ut constat: item benedictio navis, vel domus, aut aliquorum ciborum, prout in missali, vel pontificali habentur. Item ad hæc sacramentalia transeuntia pertinent caeremoniæ, quæ in sacramentis solenniter conferendis fiunt, ut exorcismus, & catechismus in baptismo, & alia similia, quæ in specie notantur Soto q. 6. art. 1. & Navar. c. 23. n. 99. & optime Guil. Red. de Sim. 3. p. c. 17. n. 18. & 19. De his ergo omnibus procedit conclusio: & ratio est eadem, quia hujusmodi actiones, & benedictiones omnes sunt actus ordinum, nec enim possunt, nisi a sacerdotibus fieri; comprehenduntur ergo sub regula generali in principio cap. superioris constituta. Item sunt actus proprie spirituales, nam & a potestate supernaturali procedunt, & ad spirituales finem ordinantur. Unde constat, simoniam circa res hujusmodi esse contra divinum, & naturale jus: licet etiam contineatur in jure canonico, vel sub generali prohibitione vendendi sacra ministeria, vel sub specialibus prohibitionibus benedictionum nuptialium, & similiarum.

Sacra-
mentalia
omnia
permanen-
tia esse
materiam
simoniæ.

3. Secundo dicendum est, sacramentalia omnia permanentia, seu res specialiter ab ecclesia consecrata, ut tales sunt, materia sunt simoniæ, quæ committitur etiam contra jus Divinum, quoties res hujusmodi ut tales sunt, venduntur. Hæc est etiam communis assertio, ut patet ex Theologis, & Summistis locis citatis, & ex Doctorib. Canonis, in cap. Cum in ecclesia, de Simon. Ex quo textu conclusio probatur, quatenus ibi prohibetur venditio sepulturæ, quæ censetur esse ex his rebus hoc modo sacris. Et melius ex c. Si quis objecerit 1. q. 3. ubi generaliter statuitur, res, quæ ex consecratione proveniunt, venales non esse, & exemplum ponitur in ecclesia, seu templo, & additur, aut tale aliquid &c. & alia statim adducemus. Ratio autem est, quia hæc res sunt vere sacræ; ideoque, si ut tales vendantur, irreverentia magna committitur, quæ ad simoniam spectat. Item illud esse, quod habent, quatenus sacræ sunt, qualecumque illud sit, sive physicum, sive morale, supernaturale est, & spirituale:

nam ex supernaturali institutione, & potestate procedit, & ad spirituales finem, ac supernaturalem proxime ordinatur; ergo res illæ, quatenus tales sunt, spirituales sunt, & materia simoniæ. Unde fit, si carius vendantur ratione consecrationis, aut benedictionis, quam antea valebant ratione suæ materiæ, vel artis, simoniam committi, quia tunc jam venduntur, quatenus spirituales sunt. Et sequitur hoc consequenter ex dictis: nam benedictio, & consecratio talium rerum vendibilis non est, nec pretio æstimabilis; ergo nec pretium rei augeri potest ratione solius consecrationis, quasi permanentis in illa. Nam actio, & terminus ejus formalis (ut sic dicam) quasi correlativa sunt, & proportionem servant. Nam si terminus esset pretio æstimabilis, etiam actio posset pretio æstimari; & e converso, si actio non potest æstimari pretio, nec terminus. Ut si artificium ut sic non esset pretio æstimabile, profecto neque actio artificis æstimanda esset; nunc vero, quia actio artificis pretio æstimatur, etiam artefactum crescit in valore ratione formæ artificiatæ. In præsentia ergo cum consecratio non sit pretio digna, nec rem esse consecratam auget valorem ejus, illa ergo ratione vendi non potest.

4. Sed difficultas est, an istæ res consecrata vendi possint ratione materiæ, non obstante consecratione, eo pretio, quo vendi possent ante consecrationem? Primum enim videtur vendi non posse, etiam ratione materiæ ex d. cap. Si quis objecerit, & ex regula ejus; quia qui vendit id, quod sine alio subsistere non potest, neutrum invenditum relinquit: sed consecratio illa esse non potest sine tali re materiali, nec res illa semel consecrata potest jam subsistere sine consecratione, quia manente re, non potest auferri consecratio, etiam per pontificem, ut notavit Cajet. 2. 2. q. 88. art. 11. & sequitur Navar. in Tract. de Spol. §. 18. ergo non potest vendi unum sine alio; ergo nec res ipsa materialis. Et ita videtur concludi in d. cap. immo hoc esse videtur intentum ejus, cum sic inchoat: Si quis objecerit, non consecrationem emi, sed res ipsas, quæ ex consecratione proveniunt, penitus decipere probatur. Secundo in actionibus ipsis consecrandi, ministrandi, & conficiendi sacramentum, invenitur etiam materiale, & formale: nam locutio illa, vel motio manus, aut pedis, & similes, quæ in his ministeriis, etiam sacramentorum interveniunt, materiales sunt, ut constat, possentque fieri sine sacra institutione, & ut sic habent valorem suum temporalem; formale vero est illud esse, quod recipiunt ex institutione, & ex habitudine ad potestatem, & finem spirituales. Et nihilominus, postquam materiale fit, ut conjunctum formali, vendi non potest, nec pretio æstimari, ut supra dictum est; ergo idem dicendum est de rebus sacris permanentibus. Tertio, postquam res materiales benedictæ est, & consecrata, jam non potest transferri ad communes usus talium rerum: agimus enim de benedictione constitutiva, quæ in hoc differt a pure invocativa, quod transfert rem sic constitutam in alium ordinem, & ad alios usus tantum sacros; ergo jam non potest res illa etiam materialiter sumpta pretio æstimari. Probatur consequentia, quia hæc res materiales non æstimantur temporali pretio, nisi propter temporalem, & communem usum. Et hæc ratio saltem videtur probare, rem illam non esse dignam tanto pretio, sicut antea, quia saltem non valet ad totum usum communem, & propter usum sacrum æstimari pretio non potest. Unde licet materia illa (ut calicis, v. g.) post consecrationem calicem ad humanos usus possit transferri, saltem calix, ut vas quoddam est artefactum, non poterit pretio vendi, etiam si pondus illud argenti possit pretio æstimari. Quarto denique vel omnes istæ res vendi possunt ratione materiæ, vel aliquæ tantum: neutrum dici potest: ergo potius dicendum est, nullas posse vendi. Prior pars, scilicet non posse omnes vendi, sumitur ex d. cap. Cum in ecclesia, ubi de sepultura id negatur, & ex d. cap. Si quis objecerit, ubi id negatur de ecclesia. Item ex c. Placuit 102. & c. Dictum est 105. 1. q. 1. ubi pro chrismate, & pro balsamo aliquid exigi prohibetur: ubi per chrisma intelligitur sine dubio sacramentum confirmationis; per balsamum autem materia ejus, quam oportet esse conse-

An res ob-
secrata
vendi
posse ra-
tione ma-
teriæ.

eratam, & ideo vendi prohibetur, etiam ratione materiæ. Idem ergo erit de oleo sancto, & de aqua benedicta. Unde facile probatur altera pars, quia nulla ratio sufficiens reddi potest, cur ex his rebus quedam vendi possint, & non aliæ; ergo de omnibus negandum est.

sententia
Canonica
Barum.

5 In hac re communis sententia Canonistarum est, has res semel consecratas, quandiu consecrationem retinent, vendi non posse; sed, si quæ sunt, quæ confractæ, aut scissæ amittere possunt consecrationem, prius esse frangendas, & postea illam materiam vendi posse. Unde inferunt, distinguendum esse inter res hujusmodi. Quædam enim consecrationem recipiunt sub certa forma artificiali, a qua tanquam a subjecto, vel necessaria dispositione subjecti, pendet consecratio, & de his ajunt, materiam esse invendibilem, quandiu formam, & consecrationem retinet, si tamen illa privetur, jam vendi posse, nec esse materiam simoniæ. Aliæ sunt materiæ, quæ sine respectu ad artificialem formam, quasi in sua substantia consecrantur, ut Chrisma, oleum, aqua, panis, & similia, & de his ajunt, amplius vendi non posse etiam ratione materiæ. Quia in his consecratio ita inest materiæ per confusionem (ut ipsi loquuntur) seu inseparabiliter, ut amplius non sit illa materia convertibilis ad humanos usus, ideoque vendibilis jam non est. Et hæc sententia videtur suaderi rationibus a nobis pro dubitatione propositis, illamque indicat Glossa in d. c. *Placuit* 102. Gloss. etiam in cap. *Ea quæ*, cap. *Non satis*, cap. *In tantum* de Simon. Ubi Doct. qui ex eisdem juribus id colligit, quatenus in eis prohibetur accipi pretium pro Chrismate, quod etiam sumitur ex cap. *Quicquid* 101. & sequentibus 1. quæstio 1. In his tamen juribus advertendum est, & in nonnullis illorum sermonem esse de collatione Chrismatis, quæ fit per usum ejus in solennitate Baptismi, vel in sacramento Confirmationis, aut in aliis ejus sacris usibus, de quibus in titul. de sacra unctione. Et sic nihil probatur ex illis textibus; quia solum inde habetur, propter illam actionem ungendi, vel chrismandi non esse accipiendum pretium, quod fundatur in hoc, quod illa actio est sacramentalis, de qua est alia ratio, ut supra dictum est. Aliqua vero ex illis juribus loquuntur de ipsa materia olei, vel Chrismatis manifeste; & illa videntur hanc sententiam suadere. Et ita sentit Panormitanus cum aliis in dicto cap. *Ea quæ*, referturque Asten. in Sum. lib. 6. tit. 55. art. 9. & idem sentire videtur Angel. cap. *Simonia* 1. num. 23. & 24. nam cum Panormitano sentit, & differentia constituitur inter vasa sacra, & liquorem balsami. Et Tabien. num. 39. 40. & 43. Nec ab hac sententia discordat Divus Thomas dicta quæstione 100. art. 4. ad 1. ubi non aliter putat, posse vendi calicem, nisi prius confringatur; quia postea, inquit, non intelligitur esse vas sacrum, sed purum metallum.

Opinio
asserens
res sacras
vendi pos-
se ratione
materiæ.

6 Alii nihilominus indifferenter ajunt, has res sacras vendi posse ratione materiæ, siue sint res artificiales, vel vasa, siue naturales, ut oleum, vel simplex, vel mixtum balsamo, quod Chrisma dicitur. Ita tenet Soto dicta quæst. 6. art. 1. Ubi multa incunctanter approbat, quæ non parva indigent consideratione, ut quod possit calix locari, nam locatio illa (inquit) longe antecedit ad sacramentum: item, quod possit unus Chrisma emere in uno loco, & vendere in alio: & quod una ecclesia possit alteri vendere oleum sanctum pro justo valore olei. Addit tamen, pro illa particula olei, vel Chrismatis, quæ in sacra unctione consumitur, non posse pretium postulari, etiam si alias esset tali rei proportionatum. Nam priores contractus sunt antecedentes ad sacramentum, & ita ad illud accidentaliter se habent; illud autem oleum, quod consumitur in ipsa unctione sacramentali, vel sacramentali, est de intrinseca consecratione ejus, & ideo non est similis ratio. Et hæc opinio, quod hæc res vendi possint, videtur esse communis; nam illam indicat D. Thom. d. art. 4. ad 1. 2. & 3. si attente legatur, & clarius in 4. dist. 25. quæst. 3. art. 2. quæst. 3. Ubi tam de rebus mobilibus, quam de immobilibus sacris dicit, non posse vendi, ut sacra sunt, tamen posse vendi ratione materiæ; & de calice ait, quod etiam integer potest vendi alteri ecclesiæ. Interdum vero addit limitationem

aliquam, quæ non pertinet ad vitandam simoniam, sed ad debitum modum alienandi res sacras, ita ut nec alienentur ab ecclesia sine causa, nec ad usus profanos convertantur. Consentient ibi Durand. Palud. Richard. & idem Rich. Quodlib. 2. quæst. 24. Navarrus dicto cap. 23. nu. 108. Anton. 2. part. tit. 1. cap. 5. §. 23. Silvest. verb. *Simonia* q. 12. Cajet. verb. *Simonia* regula 1. & faver in tertia, quamvis hæc rem magis reddat dubium, ut dicemus: Guil. Redoa 3. p. cap. 16. in princip. & cap. 17. n. 6. & sequentibus.

7 Hi vero auctores fere omnes loquuntur de vasis, aut vestibus sacris, non vero de liquoribus, oleo, chrismate, tamen indifferenter loquuntur, nullam differentiam assignantes inter hujusmodi res, & in hoc favent huic parti. Item in hoc, quod pro generali regula constituunt, hæc omnia, quæ sunt antecedenter annexa spiritualibus, id est, quæ secundum se antecedunt spiritualitatem, vendi posse secundum se spectata: nam tale est oleum, balsamum, aqua, &c. ergo in illis etiam procedit regula. Item, quia dicunt, unam ecclesiam posse alteri vendere sacras vestes, & vasa integra, etiam si ad usum sacrum vendantur; ergo eadem ratione poterit vendere oleum sanctum absque simonia. Item specialius favent dicentes posse emi aquam benedictam, seu consecratam ad baptizandum, dummodo non benedictio, sed elementum ematur. Ita Archid. in cap. *Baptizandis* 1. quæst. 1. & sequitur Guiliel. Redoa 3. p. cap. 5. nu. 20. & Tabien. *Baptismus* 6. num. 4. Est autem eadem ratio de aqua, & oleo, quia etiam in illo non pendet consecratio ex aliqua figura. Ratio denique pro hac sententia esse debet, quia res illa ratione suæ substantiæ, & naturalis conditionis est æstimabilis pretio, & non amittit valorem ratione consecrationis, licet novum non acquirat. Quod autem posita consecratione non possit converti ad profanos usus, est accidentarium, pertinetque ad reverentiam rei sacre, non tamen propterea res ipsa amittit valorem suum. Ac denique (quod maxime urget) multa sunt in hoc genere usu recepta, quæ non possunt aliter honestari, ut solvendo argumenta dicetur melius, si- mulque amplius hoc confirmabitur.

8 Duæ veroli limitationes ad hanc generalem regulam colligi possunt ex Cajetano. In dicta regula 3. ver. *Simonia* prima est. Nisi alicujus talis rei venditio per ecclesiam sit prohibita, quæ quidem ex suppositione vera est in suo sensu. Nos tamen hic non agimus de simonia, quia prohibita, sed ex natura talis rei, illa vero tunc esset solum quia prohibita. Deinde Cajet. non declarat, an de facto sit aliqua talis prohibitio: non enim adducit exempla de rebus sacris, sed de officiis quibusdam, quæ vendi prohibentur, de quibus est longe diversa ratio, ut infra videbimus. Quidam autem existimant, ad hanc exceptionem pertinere chrisma, seu balsamum; nam ob specialem prohibitionem ecclesiæ in juribus citatis putant, vendi non posse. Ita sentit Ugolin. Tabien. 1. cap. 37. §. 3. sentit tamen, illam prohibitionem esse in foro fori, seu externo, non in foro poli, seu conscientie. Verumtamen ex illis capitibus non colligitur universalis prohibitio, & ea, quæ colligitur, sine dubio in foro conscientie obligat, immo fortasse est fundata in jure naturali, suppositis aliis institutionibus ecclesiæ, ut infra exponemus. Aliud exemplum esse potest de sepultura, de qua infra dicetur.

Duæ limitationes
generalis
regulæ
Cajet. po-
nit.

9 Altera limitatio ex Cajet. in 2. reg. est. Nisi in tali re composita ex materiali, & spiritali minus principale sit id, quod se tenet ex parte materiæ: nam tunc id, quod præcipuum est, trahit ad se, quod minus est. Duabus itaque regulis omnes casus in hac materia occurrentes voluit concludere Cajetan. Una est, quando materiale in re sacra præcipuum est, tunc rem sacram vendi posse ratione materiæ, ut calicem, templum, &c. Quando vero materiale est minus principale, tunc non posse vendi etiam ratione materiæ. Sed in primis, si recte res expendatur, nunquam in re composita ex materiali, & spiritali videtur esse principaliter materiale, quam spirituale: nam semper spirituale est altioris ordinis, & inæstimabile pretio temporali: cujus etiam signum esse potest, quia, quantumvis temporale sit magnæ æstimationis, semper

2. Limitatio.

Impugnatur
verumtamen
que limitatio.

per spirituale transfertur ad altiore dignitatem, & attrahitur a communibus viribus humanis. Secundo difficilius est habere regulam ad discernendum, quando in tali re principale sit materiale, vel spirituale. Unde enim talis comparatio metienda est? non enim ex valore materiæ secundum se: alias in calice aureo materiale esset præcipuum, & in stanneo esset minus principale. Et in aqua benedicta aqua esset minus principale, & vendi non posset, in chrismate vero materiale esset præcipuum, & ideo vendi posset: quæ constat dici non posse. Quod si ex qualitate, vel valore materiæ secundum se illa differentia sumi non possit, non apparet, unde sumenda sit. Tertio etiam illa divisione admissa, non apparet, cur non semper possit res sacra materialis vendi ratione materiæ, eo modo, quo ibi reperitur, scil. vel simpliciter, si principaliter ibi fuerit, vel secundum quid, si minus principaliter. Unde Cajet. in 2. regula nunquam dixit, quando materiale est minus præcipuum, rem non posse nullo modo vendi, sed non posse vendi *absolute*, id est, tractando absolute de tali re quando venditur: quia sic intelligeretur tractari de re sacra, ut sacra est: *Unumquodque enim* (ait Cajet.) *cum absolute tractatur, & judicatur, censetur tractari secundum id, quod in eo principale est.* At, ponamus, cum talis res venditur, non simpliciter de illa tractari, sed cum restrictione de materia illius eo modo, quo ibi est, cur ego sic non poterit vendi? tunc enim non procedit dicta ratio.

Aliorum
d. 2. n. 10
de mate-
ria rei sa-
cræ, quan-
do se. est
magni, vel
parvi va-
loris.

Impugna-
tur.

10. Aliter alii distinguunt, quia vel materia rei sacræ est moraliter magni valoris, & prudenter ita æstimabilis, aut est res exigua, quæ moraliter quasi pro nihilo reputatur. Quando est prioris generis, dicunt vendi posse ratione materiæ, non vero quando est posterioris rationis, quia tunc moraliter censeretur vendi ratione consecrationis. Ita sentit Valent. 3. tom. disput. 6. quæstione 16. part. 2. dub. 5. Et quoad primum membrum ponit exempla de sacris imaginibus, vestibus, calice, &c. De oleo sancto, aut balsamo nihil dicit, quoad secundum vero membrum ponit exempla in jure patronatus, jure præsentandi, & similibus, quæ certe non sunt exigua, nec parvæ æstimationis, sed de illis nunc non agimus, quia non pertinet ad sacramentalia, nec ad effectus eorum, seu res consecratas per actiones sacramentales: infra vero videbimus, an illa sint invendibilia natura sua, vel ex prohibitione ecclesiæ. Addit vero alia exempla in illo secundo membro de aqua benedicta, & agnis Dei, quas res dicit non posse vendi sine simonia. Sed de aqua benedicta contrarium communiter docetur, ut vidimus, agni etiam Dei ratione materiæ sine scrupulo a viris timoratis venduntur, ut sæpe vidimus etiam Romæ, & viri etiam docti, & timorati illos emunt, neque hoc habet multam difficultatem ex natura rei; de jure autem positivo videri posset hoc prohibitum per constitutionem secundam Gregorii XIII. quæ incipit: *Omni certe studio*; ubi prohibet, agnum Dei *depingi, miniari, aut vendi*. Sed illa constitutione directe videtur prohibita depictio agnorum, & venditio illorum depictorum, quæ occasione picturæ fieri solebat. Et ita est intellecta communiter illa constitutio, & consuetudo illam interpretata est, nam agni albi postea vendi consueverunt, non ut sacri, sed ratione materiæ, vel potius laboris, ut paulo post dicemus.

Distin-
tionem
positam
non tene-
re quædani.

21. Præterea distinctio non videtur in re fundata, sed in præsumptione, hic autem non de præsumptione agimus, sed de veritate coram Deo. At vero hoc modo si servetur proportio, eadem est ratio de re magni, vel exigui valoris temporalis: nam licet utraque consecratur, utraque vendi poterit ad æquatum pretio, illa magno, hæc exiguo. Ut v.g. aqua exigua ad communem usum bibendi, iuste interdum venditur exiguo pretio, asse, verbi gr. vel dipondio. Cur ergo erit simonia tantum vendere aquam benedictam ejusdem quantitatis? Item licet unus agnus Dei parvus videatur habere materiam exiguam, tamen centum, vel mille habent æstimabilem materiam; ergo ita simul sumpti poterunt vendi pretio proportionato materiæ; ergo licet postea singillatim distrabantur, poterit pro rata aliquid pro singulis exigi, quia in his eadem est ratio totius, & partis, servata proportionem. Nam

ubi est eadem ratio totius, & partis, quæ de toto dicuntur, de parte dicta intelliguntur, ut sensit J. C. in Leg. *Quæ de tota*, ff. de rei vendi. Solum ergo potest illa consideratio materiæ deservire ad præsumendum in rebus exigui momenti, si vendantur, communiter committi simoniam, quia carius venduntur ratione consecrationis. Quod quidem si ita sit, & talis sit intentio vendentis, clara erit simonia. Si autem non sit hæc vendentis intentio, sed solum vendere carius materiam illam, quia alius est affectus ad illam, vel quia potest illum decipere, erit quidem sic vendens injustus: sed de simonia dubitari potest, quia ille revera non intendit vendere carius rem ratione spiritualitatis. Nihilominus tamen non videtur excusandus; tum quia de se præbet specimen simoniæ, quod vitandum est; tum quia est contra reverentiam rei sacræ, etiam illo modo illam inique vendere. Loquendo ergo de his rebus ex solo jure naturali, & seclusa ecclesiæ prohibitione, non oportet distinctionibus uti, nec limitationem adhibere, sed simpliciter dicere, has res vendi posse ratione materiæ secundum se spectatæ, & nulla habita ratione consecrationis. Quia quod aliæ vendi possint tam ex his, quæ requirunt certam formam artificialem, quam ex his, quæ illam non requirunt, dubitari non potest, & nulla conveniens ratio differentie inter has, & alias ex sola rei natura reddi potest. Et rationes etiam factæ pro secunda opinione hoc confirmant, & ex solutionibus argumentorum res magis elucecet, & ibi etiam dicemus, an ex jure positivo aliqua exceptio facienda sit.

Seclusa
prohibi-
tione po-
ssiva hæ-
res possit
vendi ra-
tione ma-
teriz.

12. Ad 1. ergo ex capite *Si quis objecerit*, Bonav. in 4. d. 25. dub. 5. circulariter dupliciter exponit textum illum, quem ibi Magister summarim reulit, nunc vero secundam expositionem omitimus, quam infra resumemus, quia prima sufficit, & maxime servit intentioni nostræ, si possit textui accommodari. At ergo, aliud esse loqui de temporali, cui annexum est spirituale, & aliud de temporali, quod est annexum spirituali: priori modo jus patronatus est annexo fundo, posteriori modo præbenda est annexa spirituali muneri. In his ergo posterioribus dicit procedere regulam, ut non possit temporale vendi, quin spirituale vendatur, quia cum ibi temporale sit quasi consecratus ad spirituale, & aliter transferri in alium non possit, non potest etiam vendi, quin spirituale vendatur. In prioribus autem non tenet regula, quia fundus vendi potest, non vendito jure patronatus, quia fundus secundum se est prius. Quæ doctrina verissima est, ut infra tractando de rebus spiritualibus annexis videbimus, & ad nostrum propositum optime servit, quia hæc res materiales, de quibus tractamus, non sunt proprie annexæ spiritualibus, sed potius spiritualia annexantur eis; nam præsupponunt illas, & eis quasi adjacent, & ideo temporalia semper possunt secundum se vendi, licet cum illis transeant spiritualia sine ullo pretio. Et in idem redit, quod communiter dicitur, in his rebus temporale esse annexum spirituali antecedenter, & ideo vendi posse.

Solvitur
argum. in
oppositu
factum.

13. Accommodatio vero hujus doctrinæ ad textum illum habet difficultatem, quia inde inferret Paschas. ecclesiam non posse vendi, at vero ecclesia est res sacra, in qua spirituale annectitur temporali, & non e contra. Hæc vero obiectio facile excluditur juxta veram lectionem illius textus, quæ ex originali integro adducitur in Gregoriano decreto. Ubi enim Gratianus sic habet: *Nam cum corporalis ecclesia, aut episcopus, aut abbas, aut tale aliquid sine rebus corporalibus in nullo proficiat*: legendum potius est: *Cum corporalis ecclesia episcopus, vel abbas sine rebus &c.* Et sic cessat obiectio, nam ibi non agitur de materiali ecclesia, an possit vendi, necne, sed de dignitate episcopi, vel abbatis, & eadem est ratio de officiis, quæ, licet spiritualia sint, cum sint ad gubernandam corporalem, & visibilem ecclesiam, indigent corporalibus, ut sibi annexis, & ideo in his verum est, quod, qui vendit corporale annexum, nihil invenditum relinquit. Et ita quadrat optime expositio Bonav. a qua non dissentit D. Thom. d. qu. 100. art. 1. ad 6. Intelligit enim illum textum de his temporalibus, quæ censentur spiritualia, quia spiritualibus annexa sunt. Et clarius in 4.

Difficultas
proponi-
tar, & dif-
solvitur.

d. 25. circa lit. Mag. dicit: *Hoc debere intelligi de illis, quorum unum, quod venditur, ordinatur ad alterum, quod sub pretio cadere non potest, sicut beneficia ecclesiastica sunt ordinata ad ministrorum ecclesiae sustentationem, & ideo (ait) non potest instari de jure patronatus &c.* Eadem autem ratio est de similibus. Et sine dubio dicta lectio illius textus est legitima, & consentanea discursui pontificis, & illis verbis, quae in objectione ponuntur: *Si quis objecerit, non consecrationem vendi, sed res ipsas, quae ex consecratione proveniunt.* Loquitur ergo de rebus temporalibus, quae consequuntur ad consecrationem, & illi sunt annexae, non de his, quae supponuntur absolutae. Nomine autem consecrationis intelligit, vel ordinationem sacram, ut Glossa exponit, vel cujusvis spiritualis dignitatis collationem, ut episcopatus, abbatiae, ut statim exemplis declarat. Si quis autem velit adhaerere litterae Gratiani, dicat, ibi esse sermonem formalem de ecclesia, ut ecclesia, sicut est sermo de episcopo, ut episcopo, & de abbate, ut abbate, quomodo vendi non potest, quia utrumque includit, spirituale scilicet & materiale.

14 Ad 2. negatur consequentia; possetque hic pro ratione applicari distinctio Cajetani, quia in actibus ipsis sacris spirituale est id, quod precipuum est, in his vero sacramentalibus permanentibus materiale est precipuum, & ideo in prioribus materialis actio inveniibilis est; in posterioribus autem materiale subiectum est vendibile secundum se. Sed in hoc non quiesco propter objectiones supra factas, quia sunt membra valde obscura, & praebent occasionem aliis difficultatibus, & obscuritatibus. Melius posset explicari haec doctrina ex proxime dictis ad primum in actionibus ipsis, materiale non esse antecedens ad spirituale, sed concomitans, & quasi ita intrinsece permixtum cum illo, ut totum fiat, quasi intime, & secundum se spirituale. In his vero rebus permanentibus materiale supponitur, ut subiectum, cui postea annectitur spirituale. Etenim si quando spirituale antecedit, & habet annexum, & consequens id, quod temporale est, hoc temporale vendi non potest, quia virtute venderetur illud, quod supponitur, cur non magis id dicemus de temporali intime in suo fieri, & esse permixto spirituali? Quod tamen non habet locum in rebus sacris, quae secundum suum esse naturale, vel artificiale supponuntur, & non habent tantam permixtionem, vel connexionem cum spiritualitate. Et hanc differentiam indicavit Div. Thom. d. qu. 100. art. 1. ad 6. cum sacramenta vocavit *spiritualia secundum se ipsa*, eadem enim ratio est de sacramentalibus quoad actiones ipsas. Magis vero hoc mihi explicuit Bonav. in dicto dub. 5. in secunda expositione quam supra huc remisit. Dicit enim, tunc materiale non posse vendi, quin vendatur spirituale, quando ita est conjunctum cum spirituali, ut ipsummet materiale teneat locum spiritualis, non vero quando res materialis suam temporalitatem retinet, etiam si illi sit annexa aliqua spiritualitas, sicut contingit in fundo, & jure patronatus. Ita ergo in praesenti assero, functiones has sacras, licet organis corporalibus fiant, ita esse elevatas per institutionem, ut locum spiritualium teneant, & ipsae moraliter consideratae intime sint spirituales; nam ipsamet materiales actiones continent intrinsecum cultum Dei, & impetrationem, ac spirituale valorem apud Deum, & ideo sunt omnino invendibiles. At vero in his rebus sacris materia semper manet secundum se temporalis, & ideo non ita fit invendibilis, quin secundum se spectata suam retineat temporalem aestimationem.

15 Ad tertium dico in primis, propter illud videri posse non improbabilem opinionem Canonistarum, quatenus ait, vasa sacra (ut Calicem, verbi gratia) vendi non posse integra permanentia, & consecrationem retinentia. Quod si verum esset, etiam inter ipsas ecclesias, vel personas ecclesiasticas asserendum esset, quia etiam inter illas non potest Calix deservire, nisi ad usum sacros, & ideo, si vendatur, videtur vendi, ut facer, & consequenter simonia committi. Hoc autem est contra communioem sententiam, ac fere omnium, & contra communem consuetudinem,

ita enim passim fit sine scrupulo. Et merito, quia ibi non venditur consecratio, cum ratione illius vas illud non carius vendatur, nec venditur usus, quia hic est valde remotus, & qui calicem emit, ex vi emptionis non obligatur ad illum usum; solum ergo venditur illud, quod est materiale in calice, aut alia re simili. Quando autem calix venditur laico, dixerunt multi, prius deberet frangi, & tunc jam non vendi calicem, sed argentum. Ita admonent D. Thomas supra, Argent. 4. dist. 25. & alii supra relati propter sententiam Ambrosii in cap. *Aurum* 12. qu. 2. Et habetur etiam in cap. *Ea enim* §. *Hoc jus* 10. qu. 2. Sed advertendum est, hoc non esse necessarium ad vitandam simoniam, sed ad vitanda sacrilegia, si res sacra ad usum profanos transferantur contra regulam juris, *Semel dictum*, &c. Et contra Canones decernentes, ut sacra a laicis non contrectentur in cap. *In sancta*, cap. *Vestimenta* cum similibus de Consecr. dist. 1. Unde si nullum sit talis sacrilegii periculum, & constet, laicum emere calicem, ut per sacerdotem in sua capella, vel oratorio, illo ad rem sacram utatur, etiam poterit illi integer vendi, quia id nec per se malum est, cum omne periculum abusus cesset; nec invenitur in jure prohibitum. Et ita docent Palud. Redoan. & alii.

16 Addo ulterius propterea, quae in argumento tanguntur, tunc calicem vendi posse non solum juxta argenti (v.g.) pondus, & valorem, sed etiam juxta communem operis, seu artificii aestimationem, quod obiter attigit Ugolinus Tabien. 1. cap. 44. §. 2. num. 10. Alii vero auctores licet expresse non tradant, non tamen id excludunt, sed potius virtute affirmant, dum asserunt, posse vendi juxta aestimationem ipsius rei secundum se, & prout supponitur consecrationi, solumque cavent, ne propter consecrationem augeatur pretium: at figura, & opus solent communiter conferre ad valorem, & distinguuntur a consecratione, & ad illam supponuntur; ergo. Item in vestibus sacris hoc maxime necessarium est, quia suum valorem precipuum saepe habent magis ex opere, & artificio, quam ex materia: & tamen constat vendi, etiam postquam benedictae sunt, secundum valorem, quem habent opere computato. Item in imaginibus, quatenus res sacrae sunt, id manifestum est: nam si opus excludas, parum valoris habent, & tamen secundum condignum valorem picturae, & perfectionis ejus venduntur, cum tamen etiam in illis observandum sit, ut sanctitas non vendatur. Non enim carius vendi potest imago, eo quod sit sacra, quam profana, id est, eo quod sit personae sanctae potius, quam alterius: nec imago Virginis carius vendi potest, quam S. Francisci propter majorem personae representatae sanctitatem, hoc enim esset, vendere id, quod est sacrum in imagine, & ita in simoniam vergere. Perfectionem autem figurae, & artis vendere licet; idem ergo est in aliis rebus sacris artefactis. Quin potius, quod supra dicebamus, agnos Dei vendi solere non tam ratione materiae, quam operis justificari potest: materia enim illa certa licet secundum se vendibilis sit, tamen prout in ecclesia non creditur vendi posse: quia Pontifex, cum agnos Dei consecrat, totam illam materiam suis expensis facit, quam postea gratis donat, & consequenter virtute vult gratis dari. Quando ergo venduntur, solum est ratione alicujus laboris, & operis, quod in reficiendis, seu conficiendis agnis postea ponitur, & ideo cavere debent, qui illos vendunt, ne ultra hanc aestimationem pretium augeant, alias a simonia excusari non poterunt. Opus autem, & industria vendi possunt; idem ergo est in omnibus similibus artefactis. Ratio denique eadem est de opere, quae de materia ipsa; nam ita est aestimabilis pretio, & ita supponitur ad benedictionem, seu consecrationem. Neque contra hoc obstat ratio facta, quia quod res sacra, quandiu in illo esse permanet, non possit nisi ad sacrum usum assumi, accidentarium est ad valorem rei materialis secundum se spectatae; nam hic non consideratur, nisi secundum communem rei aestimationem, considerando vel expensas, quae in tali re fieri solent, vel communem aestimationem, quam habet, postquam sic consecrata est. Non potest tamen negari, quin materia sacrata, quando amplius

Calix vñ. di potest, non solum juxta argenti pondus, sed etiam communem artificii aestimationem.

3. Argum. enodatur, & resolvitur, & arguitur, & similiter.

jam non est convertibilis, ad humanos usus, minus æstimetur in suo valore materiali, quam antea, cum erat omnino libera, ut sic dicam. Et eadem ratione, quando rei consecratio pendet ex figura, & artificio, quo confecta est, parvam inde habet æstimationem, sed hoc totum pendet ex usu, & communis æstimatione, res autem ipsa secundum se pretio estimabilis est.

17 Ad quartum jam dictum est, generalem statuentiam esse regulam, nec admittendam esse exceptionem, nisi quæ ex jure ecclesiastico constiterit. Unde ad primam instantiam de sepultura respondetur breviter, idem esse de illa dicendum ex natura rei servata proportionem. Primo enim vendere terram communem ad sepulturam, seu ut ibi sepulchrum constituitur, non est simonia, ut supra cap. 6. tactum est, & tradit D. Thomas dicta q. 100. art. 4. ad 3. Glossa, Panormit. & alii in cap. *Abolenda* de Sepult. Anton. supra §. 22. & omnes Summistæ verb. *Simonia*, & verb. *Sepultura*, Guil. Redoan. late 3. par. cap. 16. num. 14. & sequentibus, ubi alios refert. Idemque aperte supponit Ambros. in cap. *Aurum* 12. quæst. 2. Ratio vero clara est, quia etiam ad sacramenta conficienda licet vendere materias remotas, ut supra visum est; ergo multo magis ad sepulturam. Item quia terra illa de se pretio æstimabilis est, & res mere temporalis, quod autem emens velit illam ad illum usum, est per accidens. Unde etiam ad ecclesiam ædificandam potest fundus pretio vendi, ut etiam supponit Ambros. in dicto cap. *Aurum*, & Greg. in cap. *Comperimus* 14. qu. 6. & clarius constat ex lib. 7. epist. 54. ad Fantinum.

18 Secundo, postquam terra aliqua, vel coemeterium ad sepulturam fidelium benedictum, vel publice dicatum est, certum est, non posse vendi respectu habito ad benedictionem. Hoc etiam docent omnes, & constat ex dictis, quia illa benedictio est etiam constitutiva, & locus ille sacra res habetur in ecclesia; ergo in illa etiam habet locum regula posita: & hoc etiam docent omnes auctores supra citati. Tertio, si quis habeat sepulchrum proprium suis sumptibus emptum, vel ædificatum pro se, vel suis, non est materia simoniæ, si vendatur quoad proprietatem juxta valorem fundi, & respectu ad solas expensas in eo ædificando factas. Hoc constat ex dictis de aliis rebus sacris; nam procedit eadem ratio, quia ibi non venditur benedictio, nec proprium jus sepulturæ, sed materiale illud, ad quod alia sequuntur. Et ita sentit Silvest. verb. *Simonia* qu. 12. verb. *Tertio*; & assert Div. Thom. dicentem in d. art. 4. ad 3. terram, ubi fuit ecclesia, posse in necessitate vendi, sicut potest vendi Calix. Unde similia loca jure hereditario transferri solent a parentibus ad filios ratione temporalitatis, quæ in eis est: nam in spiritualibus non poterat esse per se successio; ergo eodem modo possunt per venditionem in alium transferri, quatenus temporalia sunt. Neque hoc invenio specialiter ab ecclesia prohibitum, ut statim dicam. Quod etiam sentit Ugolin. cap. 44. §. 2. num. 10.

19 Quarto, quando locus aliquis sacre communis est pro sepulturis fidelium, prohibitum est ab ecclesia sepulturam ibi alicui vendere, vel sine certo pretio alicui ibi non admittere ad sepeliendum. Hoc constat expresse ex d. c. *Abolenda* de Sepult. ibi etiam sic narratur talis consuetudo: *Non prius permittatur effodi sepultura, quam pro terra, in qua sepeliendi sunt, certum pretium ecclesie persolvatur*. Et statim non solum pro benedictione, sed etiam pro terra id fieri prohibetur. Idem habetur in cap. *Questæ est* cum tribus sequentibus 13. qu. 2. Et idem sumitur ex cap. *Audivimus* de Simon. Unde non est dubium, quin hoc sit malum, quia prohibitum (quidquid dicat Tabien. verb. *Simonia* num. 83.) quia hæc jura sine dubio loquuntur de exactione aliqua pro usu sepulturæ in illa terra absolute, & simpliciter, sive exigatur pro terra, sive pro benedictione terræ; nihil enim in hoc distinguunt, nec alio modo satis impedirent ab usum, quem vitare intendunt.

20 Deinde non dubito, quin peccatum contra illam prohibitionem sit simonia, saltem quia prohibita, in quo in ea sententia non loquitur consequenter Ugolin.

supra dicens, prohiberi propter avaritiam, vel inhumanitatem, & ideo peccatum illud non esse simoniam; nam in primis illa possunt esse motiva extrinseca præcepti, tamen materia sit religiosa, & prohibitio directe sit intuitu religionis, ne locus sacer negotiationi exponi videatur. Unde in d. cap. *Abolenda*, absolute sit prohibitio, & oppositum appellatur *perversitas consuetudinis*, quæ exaggeratio magis simoniæ convenit, quam aliis vitiis. Et in d. cap. *Audivimus*, sub titulo de Simonia, & cum aliis simoniæ vitiis hoc numeratur, idemque fit in d. cap. *Cum in Ecclesia*, clarius in c. *Ea, quæ*, eod. ibi: *Quia vero hoc simoniacum esse cognoscitur*, &c. Et in cap. *In Ecclesiastico* 13. qu. 2. in confirmationem adducitur illud: *Gratis accepistis, gratis date*. Igitur prohibitio illa est intuitu religionis, & ita materia illa materia simoniæ effecta est.

21 Potest autem hæc prohibitio esse, vel respectu clericorum in ordine ad loca sacra in communi deputata ad sepulturam fidelium. Et hoc modo loquuntur jura frequentius, & sic videtur simoniæ ratio habere magnum fundamentum, etiam ex natura rei, quia clerici non sunt domini illius loci, etiam ut quædam terra est, unde non habent jus vendendi illam, & ideo cum usum sepulturæ vendunt, solum id, quod spirituale est, vendere censentur. Unde D. Thom. 4. dist. 25. qu. 3. art. 2. qu. 3. ad 2. dixit: *Sepulturam non posse vendi ratione consecrationis, ut scilicet aliquis pro pecunia ibi sepeliatur*. Intelligit ergo esse simoniam, quod magis certum est, facta ab ecclesia prohibitione. Quando vero locus deputatus pro sepultura non est communis, sed proprius alicujus, ut certa capella cum toto loco subterraneo, tunc ex natura rei non videbatur prohiberi patrono, ne posset aliquid accipere pro licentia sepeliendi ibi alicui extraneum, nec in eo apparet tam clara simonia ex natura rei: nam videtur illa esse quasi locatio quædam ipsius terræ, quæ non videtur per se mala. Et in illa specie dubitari potest, an prohibitio ecclesiæ ad illum casum extendatur. Existimamus tamen, factam esse cum hac extensione, præsertim in d. cap. *In Ecclesiastico*: nam verba ejus generalissima sunt: *Interdictum sit omnino Christianis*, &c. Faciuntque ad hoc confirmandum, quæ notat Abb. in cap. *Quanto* de Jud. num. 10. Ubi ait, laicum habentem jus sepulturæ in loco sacro non habere dominium, nec propriam possessionem, sed quamdā tolerantiam ex benignitate, & honestate ecclesiæ. Sed hoc alibi examinandum est; nam est incertum, ut constat ex Gl. & Innoc. ibi. Et videri potest Fel. in c. *Ad audientiam* 2. de Rescrip. num. 9. Sed ad rem præsentem non refert: nam, etiam si illud jus sit verum, ac firmum, est annexum rei spirituali, & ideo non licet vendere usum ejus, seu facultatem pro illud datam, ut aliquis ibi sepeliatur hoc enim merito prohibitum est.

22 Et hinc a fortiori colligitur, esse simoniam aliquid accipere pro honoratiori loco sepulturæ, ut quod sit intra ecclesiam, & non in coemeterio, vel, ut intra ecclesiam sit propinquior altari, &c. Ita sentiunt Anton. supra §. 22. & Silvest. quæst. 11. Et est res clara, quia ibi tota ratio pretii est sanctitas loci, vel quidam respectus ad majorem sanctitatem, etiam si fortasse motivum remotum sit honor humanus. Non desunt tamen Theologi, qui dicant, hoc esse licitum, quia solum ibi venditur honor quidam humanus, qui non est spiritualis, sed tantum in hominum apprehensione consistit: ut quis emat sedere in honoratiori loco, vel quid simile. Sed non est admittenda sententia, quia, ut dixi, licet fortasse hoc sit motivum ementis, tamen quod venditur, sacrum est, & ille honor est veluti quid annexum consequenter ad talem rem spiritualement, sicut est honor humanus annexus dignitati, aut beneficio. Nam etiam si quis propter illum honorem moveatur ad emendum beneficium, simoniacus est, ita ergo est in præsentia. Unde cum fundamentum hujus honoris sit major sanctitas loci ejus majori propinquitate ad altare majus, vel ad Domini corpus, videtur etiam ex natura rei simoniacum esse, vendere locum propter illum respectum: certius vero est esse comprehensum in ecclesiastica prohibitionem. Secus vero erit, si quis velit onerare ecclesiam, & ita possidere in illa jus sepulturæ in aliquo certo loco illius, ut non possit

Peccatum
etiam pro-
hibitione
supra posi-
tam simo-
niam esse
contra U-
gol. resol-
vitur.

Explicat-
tur præce-
dens do-
ctrina dis-
currendo
per perso-
nas, quæ
sepulturæ
vendere
possunt.

Respon-
detur ad
4. argum.

Coemete-
riu ad se-
pulturam
benedictū
non potest
vendi res-
pectu ha-
bito ad
benedi-
ctionem.

Quando
locus sa-
cre est co-
munis ad
fidelium
sepulturas
prohibitū
est ab ec-
clesia sepul-
turam ali-
cui ibi
vendere.

Simonia
est aliquid
accipere
pro hono-
ratiori lo-
co sepul-
turæ.

possit alius ibi sepeliri. Tunc enim videtur illa obligatio ex parte clericorum posse vendi saltem auctoritate prelatorum ecclesiæ, cum circa hoc non inveniatur facta prohibitio, nec contineatur in superiori; quia aliud est vendere sepulturam, quod ibi prohibetur; aliud vendere obligationem non sepeliendi ibi alium, ut per se constat. Unde neque tunc venditur aliquid spirituale, nec spirituali per se annexum, illa enim obligatio est opus accidentarium, quod æstimabile pecunia est, ut generaliter infra videbimus.

23 Aliud exemplum erat de templo, seu ecclesia ex dicto c. Si quis objecerit, sed jam ad hoc responsum est, vel male textum illum allegari, quia mendose legitur apud Gratianum, vel certe intelligendum esse de ecclesia, ut benedictionem includat. Mihi tamen prior responsio eligenda videtur, quia nititur veritati, & alia videri posset aliquantulum coacta, litera illa retenta. Tertium exemplum erat de balsamo: in quo breviter supponimus, illud per se spectatum, ut antecedit consecrationem Chrismatis, vendi posse, etiam si ad illum finem ematur: hoc enim satis constat ex dictis. Deinde Chrisma jam consecratum solet ab Episcopo distribui pro suis ecclesiis, seu parochiis, & locis religionis. Et sic ex natura rei non esset Simonia, expensas factas circa materiam Chrismatis simul distribuere, & se indemnem servare, nec fortasse ex natura rei esset injustum: hanc tamen exactionem specialiter prohibent Jura Canonica, & facta prohibitione, credo esse simoniam jure prohibitam, & simul credo esse injustitiam, quia jam episcopi tenentur gratis, & suis expensis de illa materia suis ecclesiis providere. Constat autem ex dicto cap. Placuit, prohibitionem esse factam intuitu religionis, & ad vitandum specimen, vel periculum venditionis rei sacræ. Et ideo non dubito quin illa sit respectu episcopi simonia, quia prohibita. Denique potest considerari illa quantitas olei, vel balsami, aut Chrismatis, quæ expenditur in ipsamet unctione sacramentali, & hæc videtur esse invendibilis jure divino, & non ex natura rei, quod etiam sentit Soto, quia ut sic est pars sacramenti, & materia proxima ejus. Quod si quis dicat antecedenter posse peti a fidelibus, ut emant res necessarias ad hujusmodi materias conficiendas; nam hoc simoniacum non est. Responderetur, jam hoc satis esse provisum per decimas, & primitias, aliosque ecclesiasticos proventus, & ita sublata esse omnem occasionem palliandi talem simoniam.

24 Per hæc ergo satisfactum est difficultatibus omnibus, & ex dictis facile est judicare de aliis rebus sacris, quæ sine speciali benedictione, aut consecratione ecclesiæ sanctæ esse censentur, & inter spiritualia numerantur. Hujusmodi sunt imagines, de quibus aliquid tetigimus. Item reliquiæ Sanctorum, quæ etiam sunt res sacræ, & invendibiles, ut a fortiori constat ex cap. ult. de Reliq. & vener. Sanct. & ibi notant Gloss. Abbas, & alii, & Silvester verb. Reliquiæ. Prohibetur enim ibi, ne reliquiæ exponantur venales, ubi non solum prohibetur, ne pretio transferantur in alterum, sed etiam ne cum illis fiat venalis quaestus, ostendendo illas propter pretium, respectu habito ad ipsas reliquiæ (quia nunc non agimus de labore, postea enim de illo generaliter tractabimus.) In reliquiis autem venditione non potest moraliter distingui materiale a formali, tum quia materiale non est æstimabile pretium secundum se spectatum, nec per relationem ad sanctam animam æstimari potest: tum etiam quia sicut supra dicebamus de actibus sacramentalibus, ita ipsæ reliquiæ non possunt dici antecedenter annexæ rebus spiritualibus, sed secundum se esse suo modo spirituales, quia partes sunt sancti hominis, qui fuit templum vivum Spiritus sancti. Quando vero contingit, ipsas reliquiæ esse ornatas argento, & auro, & ita donantur, clarum est absque simonia vendi totum illud ornamentum, quia illud materiale est, & extrinsecum valde ipsis reliquiis, & nihilominus cum proportionem observare oportet, ne carius illud tabernaculum vendatur propter habitudinem ad rem, quam continet: sicut non liceret vendere carius Rosarium eo, quod per contactum ad varias reliquiæ videatur quodammodo sanctificatum,

quia per hos omnes respectus venditur, quod spirituale est. Denique in hoc ordine poni possunt libri Evangeliorum, Antiphonarum, & similes res, quæ sacræ censentur, quatenus deputatæ sunt specialiter divino cultui; nam materialiter vendi possunt, ut per se constat, nunquam tamen augendo pretium propter spirituale respectum, ut sæpe dictum est.

25 Denique propterea, quæ ex Soto retuli, non omittam advertere, hanc licentiam vendendi has res sacræ ratione materiæ, non esse extendendam ad profanas negotiationes, quæ sanctitati talium rerum injuriosæ sint: nam cum hæc sit præcipua ratio simoniæ, non poterit ab illius labe talis excessus excusari. Hinc moraliter loquendo censeo, non esse licitum, has res sacræ locare, quamvis non inveniatur prohibitum speciali jure positivo, quia per se loquendo magnam haberet indecentiam, & aliqualem similitudinem habet prohibitio vendendi sepulturam in sacro: nam illa videtur esse quasi locatio quædam talis loci ad illum usum. Item alias posset parochus aliquid exigere, ut permittat aliquem facere sacrum in sua parochia quasi locando illam ad eum usum: id autem turpe profecto esset. Similiter indecentissimum est locare calicem pro pretio ad sacrum faciendum, quia hoc est virtute vendere usum sacrum illius calicis. Nam locatio venditioni comparatur, quia in ea, licet non vendatur res, vendi tamen censetur usus rei; si ergo locatur res sacra, cum non possit locari nisi ad usum sacrum, venditur sacer usus. Atque ita sentit etiam Ugolin. Tabien. 1. cap. 44. §. 1. nu. 3. ver. Quoad 1. casum, addit vero limitationem dicens, habito respectu ad ipsam materiam, qua usu consumitur, posse aliquid exigere, quod ad summum esset verum potius per modum reparationis damni provenientis, quam per modum locationis. Ut ergo id locum habeat, oportet, ut revera per talem actum res ipsa materialis, quæ sacra est, deterioretur, & aliquantulum consumeretur, alioquin falsus esset titulus exactionis, & fictus. Moraliter autem non contingit tale detrimentum propter usum calicis, etiam sæpius repetitum, in aliis autem vestibus sacris posset contingere, si frequens esset usus, pro uno autem, vel alio actu considerabile non est.

26 Item non censeo approbandum, quod Sacrificæ, aut Thesaurarii aliquid exigant, ut pretiosiora, vel mundiora vestimenta, vel calices meliores præbeant ad sacrificandum, si illud exigant per modum pretii pro usu rerum sacrarum, secus si pro labore non debito, vel pro expensis, quas in lavandis lineis vestibus faciunt, id petant: & adhuc isto modo procurandum est, ut vitetur, quia semper habet speciem mali. Et similiter esse censeo contra sanctitatem talium rerum, ex illis negotiationem facere, emendo verbi gratia, ab una ecclesia vestes sacræ, ut alio eas portando carius vendantur, & similia, quæ licet non sint aperte simoniacæ, non possunt omnino excusari, quatenus illo modo res sacræ profanantur, & datur moralis occasio ad simonias committendas. Sæpe etiam in his actionibus poterit committi sacrilegium alterius rationis, etiam si proprie simonia non sit. Ut si fur surripit ab ecclesia Chrisma, vel oleum sanctum, & illud vendit pretio proportionato ipsi oleo, non erit simoniacus, erit autem sacrilegus, quia ad hoc sufficit injuste vendere rem sacram materialiter, licet non vendatur, ut sacra est, quod proprie ad simoniam spectat,

Licentia vendendi res sacræ ratione materiæ non est extendenda ad profanas negotiationes.

An sacrificis possit aliquid exhiberi, ut pretiosiora, vel mundiora vestimenta præbeant.

CAPUT XV.

Utrum divina officia sunt propria materia simoniæ. Ubi de aliis virtutum operibus!

1 **D**ivina officia (ut latius explicavi in 5. tom. 3. part. disp. 34. sect. 3.) in generali significatione actus sunt spirituales, & ecclesiastici, & comprehendere possunt actus præcipuus potestatis ordinis, ut sacramenta, & ut maxime Missam. Hic vero solum loqui intendimus de actibus publicæ orationis, quæ in exequiis mortuorum, vel in publicis processionibus, litanis, & si qui sunt alii similes actus. Agimus

Quæ sint divina officia, & de quibus hic agendum sit.

Quid dicendum de emptione balsami, Chrismatis.

Reliquiæ Sanctorum non possunt vendi sine simonia.

mus autem de illis separatim, quia licet hæc officia a clericis proprie fiant, tamen non sunt proprie actus ordinum, nam sine ordinibus fieri possunt, immo & sub obligationem cadere, sicut moniales, religiosi nondum ordinati, & beneficiati ad horas canonicas recitandas obligantur, & in choro sæpe assistunt, qui clerici non sunt. Et ita de his possunt esse speciales dubitandi rationes, & difficultates, quas hic explicare necessarium est.

2 Videri ergo potest, divina officia non pertinere ad simoniæ materiam. Primo quia hæc officia nihil aliud sunt quam orationes quædam ad Deum: hæ autem orationes natura sua vendibiles sunt; ergo non sunt materia simoniæ. Major supponitur ex facto ipso, & ex dictis in materia de Interdicto in d. disp. 34. nam seclusis benedictionibus constitutivis, seu consecrationibus rerum sacrarum, reliqua, siue fiant per expressas petitiones, seu per modum benedictionum, omnia pertinent ad invocationem Dei, vel ad ejus laudem, & gratiarum actionem, quæ omnia ad orationem reducuntur. Minor autem patet, quia oratio tantum est quidam actus humanus, cujus homo est dominus, & in quo ponit suum laborem, & operam; ergo natura sua est actus pretio æstimabilis, sicut alii actus humani. Et confirmatur primo, quia suffragia mortuorum, & funeralia pertinent ad hæc officia, & orationes publicas, & tamen pro illis dari solent certa pretia, sicut enim, & testamento relinqui solet quantitas pecuniæ sub onere faciendi hæc, vel illa officia, & cum religiosis fiunt pacta, ut eant ad funera pro tanta, vel tanta quantitate, & super hoc fiunt conventiones, & exactiones non minus, quam inter emptorem, & venditorem, locatorem, & conductorem, & idem fieri solet in processionibus publicis, & aliis orationibus communibus. Confirmatur secundo: nam orationes privatæ vendi possunt, ut videtur esse in usu, datur enim aliquid homini pauperi, aut devoto, ut hoc, vel illud recitet; ergo in orationibus publicis idem fieri potest. Confirmatur tertio, quia alias pro nullo actu virtutis, aut misericordiæ exercendo posset pretium exigere, quia non est major ratio de hoc opere misericordiæ spiritualis, quæ est oratio, & de corporali opere sepeliendi mortuos, quam de omnibus aliis misericordiæ operibus. Consequens autem est durissimum, & contra communem usum ecclesiæ, & contra rationem, nemo enim cogitur gratis exhibere beneficium. Confirmatur quarto, quia alias nec pro actionibus docendi, concionandi, & similibus licitum esset pretium accipere, sed omnia hæc essent materia simoniæ: quod est valde rigorosum, & contra superius d. c. 8. si hic cum proportionem applicentur.

3 Nihilominus dicendum generaliter est, officia divina, prout in ecclesiâ fiunt ex ejus institutione, & per ministros ecclesiasticos, materiam propriam esse simoniæ, ut illa vendere, vel emere simonia sit contra divinum, & naturale jus. Hæc est sententia communis omnium doctorum in locis sæpe citatis, & præsertim D. Thomas dicto art. 3. & colligitur etiam ex generalibus prohibitionibus Juris Canonici, cap. *Ad nostram de Simon.* Ubi pro ministerio ecclesiastico aliquid recipi prohibetur: constat autem, hæc divina officia ecclesiastica ministeria esse; ergo. Et similes prohibitiones sumi possunt ex cap. *Cum in Ecclesia*, cap. *Non satis*, cod. & alias speciales statim afferemus, ex quibus etiam potest universalis colligi; tum quia non est major ratio de quibusdam, quam de aliis; tum etiam, quia non prohibentur, verbi gratia, exequia mortuorum, quia talia sunt, sed propter spiritualitatem, quam habent, quæ omnibus divinis officiis communis est. Ratio ergo generalis est, quia hæc officia sunt quid spirituale fere omnibus modis, quibus spiritualitas potest in materia simoniæ reperiri; nam in primis fiunt ex principio, ac potestate spiritali supernaturali, nam sunt nomine ecclesiæ per potestatem ministerialem ab ea concessam, & quasi delegatam, & ex suo genere requirunt fidem, & gratiam Spiritus sancti, ut recte fiant. Unde etiam possunt talia opera dici in se spiritualia: nam licet sensibili voce, vel gestu fiant, informantur fide, ac religione, & verum, ac supernaturalem Dei cultum in se continent, & inde habent

suam æstimationem, & valorem, non temporalem, sed altioris ordinis. Denique etiam sunt suo modo causæ spirituales, quia ordinantur ad satisfaciendum Deo pro peccatis hominum, & impetrandam ab eo gratiam, & alia beneficia, & ad excitandos, ac disponendos animos fidelium ad virtutem. Est ergo hæc materia valde spiritualis, ac subinde natura sua invendibilis, & hoc est esse materiam simoniæ.

4 Hæc autem veritas magis elucescet descendendo ad particularia, quod fieri discurrendo per ea, quæ in rationibus dubitandi tanguntur. Ad principalem ergo rationem respondemus, illam communem esse & sacramentis, & sacramentalibus, quatenus in actionibus humanis consistunt. Nihil ergo obstat, quod actus humani, si spirituales sint, & opera, vel instrumenta divinæ gratiæ, inæstimabiles pretio sint, quia elevantur ad supernaturalem ordinem, & principaliter sunt ab Spiritu sancto, & ad spirituales effectum ordinantur. Quod vero in illa ratione tangitur de labore, & opera, cap. 21. expenditur.

5 Ad 1. confirmationem dicendum est, etiam suffragia mortuorum esse officia divina, & ecclesiastica, & in eis habere locum generalem regulam propositam, immo hoc exemplo illam optime confirmari. Nam hæc suffragia vendi, vel pro eis pretium dari, maxime prohibitum est in cap. *Ad Apostolicam*, & capit. *Suum de Simon.* Et colligitur ex cap. penult. de Simon, cum Gloss. ibi, & doctoribus communiter, tum ibi, tum in dicto capite *Ad Apostolicam*, S. Thom. dicta quæst. 100. art. 3. Anton. dicto cap. 5. §. 22. Sot. d. quæst. 6. art. 2. Silvester, Tabien. & cap. ver. *Simoniam*, Redoan. part. 1. cap. 30. num. 6. & 3. part. cap. 16. num. 34. cap. 18. a princip. Ratio est eadem, quia hæc suffragia spiritualia sunt, & ecclesiastica officia. Oportet tamen advertere, quod in principio capit. 8. admonuimus, nos nunc solum definire, hoc officium esse materiam simoniæ, ita ut pretio illud æstimare simoniacum sit. At vero aliquid in illo, vel pro illo accipere honesto modo, & titulo, per se malum non est. Et hoc modo intelligenda sunt fieri, quæ in objectione proponuntur. Et si aliter fiant, non licent, vel quia simoniaca sunt natura sua, si ratio pretii pro orandi officio interveniat, vel quia esse possunt alias prohibita, vel injusta.

6 Unde etiam distinguere necesse est inter stipendium, & pretium: nam illud licet, hoc non licet, ut infra suo loco explicabitur. Item distinguendum est inter id, quod exigitur, vel quod sponte offertur, & inter id, quod ex consuetudine offerendum est, vel quod ultra consuetudinem postulatur. Spontaneæ enim oblationes non prohibentur, sed iniquæ exactiones. Consuetudines etiam n. pie observari præcipiuntur in dicto capite *Ad Apostolicam*. Modus autem petendi oblationes etiam consuetas præscribitur, ut ab omni specie mali abstinetur. De quibus oblationibus, & de modis illas petendi super tractat. 2. lib. 1. dictum est. Item distinguere oportet inter parochos, seu clericos omnes, qui ex officio, vel ratione beneficii tenentur funeralia defuncto exhibere, & alios adventitios, qui vocantur, cum alias ibi intervenire non teneantur. Prioribus enim non solum est prohibitum, pretium postulare, sed etiam novum stipendium, vel sustentationem, præter consuetas oblationes debito tempore, & modo. Unde si aliquid aliud exigant, graviter peccant, & simoniam committere præsumunt, quia non habent rationem petendi, & ideo mercedem propriam videntur postulare, & quamvis non intendunt formaliter pretium, a malitia simoniæ non excusantur propter irreverentiam, quam per illam mercedem exactionem faciunt divinis officiis, & quia exterior specimen simoniæ indebite præbent, ac denique quia jura hæc prohibent tanquam simoniaca. Et præterea peccant contra justitiam, quia injustum stipendium ab invitis exigunt. Alii vero clerici adventitii, seu voluntarii, licet pretium exigere non possint, stipendium tamen, vel congruentem sustentationem petere possunt, nec peccant, illam petendo, antequam ministrent, nec fortasse de illa paciscendo, ut infra dicetur: hæc enim doctrina de omnibus his ministris generalis est.

Paras negativa proponitur.

Solvitur argum.

Suffragia mortuorum vendi non possunt.

Resolvitur, divina officia esse materiam simoniæ.

Pro his stipendiis licet accipere non vero pretium.

Discrimen notandum inter clericos, qui ex officio sequuntur, & alios qui non teneantur.

in funere
quidam a-
ctus sunt
spiritua-
les, alii
sunt pro
spirituali-
bus non
potest ac-
cipi pre-
tium, pro-
aliis potest

De extra-
ordinariis
quid di-
cendum.

Processio-
nes habet
rationem
officii ec-
clesiastici,
nec pro il-
lis pretium
potest ac-
cipi.

Quomodo
privata si-
monia.

7 Denique in funeribus distinguere oportet varios actus, qui non omnes spirituales sunt, & pro his, qui spirituales non fuerint, licitum erit pretium exigere, ut v.g. deferre corpus defuncti, non pertinet ad ecclesiasticum officium, nec ad spirituale ministerium. Item corpus ipsum sepulture tradere, cooperire, & similia corporalia sunt potius, quam spiritualia; hæc igitur pretio æstimari possunt. Huc etiam spectant omnia, quæ ad pompam funeris mere humanam ordinantur, ut tumultum facere, & ornare, mundare, &c. Spiritualia vero sunt omnia, quæ ad orationes, vel ecclesiasticum officium pertinent, & quæ suffragiorum ecclesiasticorum nomine comprehenduntur, ut sunt psalmodia, litanie, lectiones, & antiphonæ, ac orationes, &c. Item hæc pertinere videntur omnia, quæ spectant ad pompam (ut ita dicam) spirituales, ut est processio clericorum, quæ fieri solet a domo defuncti ad ecclesiam, cum tota illa sit per modum suffragii, & spiritualis auxilii: & ideo etiam clerici, & religiosi non possunt per modum pretii aliquid accipere, secus per modum stipendii, aut etiam pro extraordinario labore juxta ea, quæ dicemus cap. 21. Et idem cum proportionem censeo dicendum de confraternitatibus, quæ comitari solent corpus defuncti: nam licet personæ earum laicæ sint, tamen ad spiritualem actionem ibi concurrunt, & ad auxilium animæ potius, quam ad honorem humanum, & ideo quicquid recipiunt, spirituali modo debent recipere per modum congruæ sustentationis, vel elemosynæ, non per modum pretii. Juxta hæc ergo moderanda sunt, quæ in 2. confirmatione objiciebantur, alias licita non erunt.

8 Atque idem dicendum est de aliis ecclesiasticis processionibus, quæ publice fieri solent, vel ad venerationem festorum, vel ad impetranda a Deo auxilia pro communibus necessitatibus, prout sunt vel in ordinariis diebus litaniarum, vel interdum extraordinariis juxta occurrentes necessitates. Omnes enim illæ processiones habent rationem ecclesiastici officii, & ideo ministri earum suas spirituales actiones vendere non possunt, nec aliquid exigere, si ex officio ad id tenentur, si vero non tenentur, possunt quidem ex altari edere, non tamen aliquid tanquam pretium accipere propter eandem causam, quia tota illa actio spiritualis est. Idemque dicendum est de omnibus, qui aliquem concursum ad illas actiones habent, siue deferendo crucem, siue thronum, in quo reliquiæ, vel imagines Sanctorum ponuntur, & multo magis, si ipsum corpus Dominicum deferatur: quia omnia hæc spiritualiter sunt, & ad finem spirituales vel excitandi fideles ad devotionem, vel honorandi Deum, & Sanctos, & auxilium ab eis impetrandum ordinantur.

9 In secunda confirmatione petebatur, an orationes privatae sint materia simoniæ. Ad quod breviter dicendum est, si oratio consideretur, ut est vel impetratoria, vel satisfactoria, vel meritoria de congruo pro eo, pro quo funditur, esse materiam simoniæ, ita ut si sub ea ratione vendatur, aut pretio ematur, committatur simonia. Hæc est sententia Div. Thom. art. 3. ad 2. quam omnes recipiunt. Et probatur, quia sub illa consideratione est res mere spiritualis; nam & a divina gratia procedit, & in sua utilitate, & efficacia in illa omnino nititur, & ad effectum spirituales pertinet ad bonum animæ ordinatur. Habet ergo omnia, quæ in materia simoniæ omnino propria desiderari possunt: unde quoad hoc eadem ratio est de his orationibus, quæ de publicis. Nam licet juxta Canonica de his orationibus privatis, quoad hanc partem nullam faciant mentionem, vel prohibitionem, quia non erat ita necessaria, sicut in publicis ministeriis ecclesiasticis, nihilominus quod spectat ad jus divinum, & naturale, idem omnino in utrisque invenitur, & ratio facta probat. Unde ad illam confirmationem dicendum est, illam consuetudinem, ut honesta sit, ita esse intelligendam, ut id, quod datur, non sit per modum pretii, sed per modum elemosynæ, quæ ad sustentationem orantis aliquid juvet, vel etiam per modum stipendii, maxime si oratio diuturna sit.

10 Simili modo expediendum est, quod intertia confirmatione petitur, an virtutum actus vendi possint, quatenus ab uno in alterius utilitatem fiunt. Duobus enim modis possunt actus virtutum fieri in alterius utilitatem, scilicet vel in utilitatem spirituales, vel corporales: quæ duplex consideratio non habet locum in oratione, & ideo non fuit in illa necessaria. Nam licet oratio possit ordinari ad obtinendam a Deo aliquam temporalem, vel corporalem utilitatem, nihilominus ipsa oratio non confert ad obtinendum illum effectum, nisi spiritualiter, & ut donum gratuitum, & ideo nec dicitur corporaliter juvare, nec sub illa ratione pretio æstimari potest. At vero per opera misericordiæ possumus juvare proximum corporaliter, non impetrando, sed præstando illi beneficium, seu servitium corporale: per eadem vero opera, ut sunt apud Deum aliquomodo meritoria, & per opera temperantiæ, ut jejunii, vel per alia opera poenitentiæ, ut satisfactoria sunt, possumus spiritualiter proximo prodesse. Priori ergo consideratione possunt talia opera pretio æstimari, ut per se notum est, & constat ex usu, & ratione, quia sunt bona corporalia, & temporalia, alias nullæ actiones humanæ pretio essent æstimabiles. Item talia opera ut sic per vires naturæ sunt, & per easdem conferunt utilitatem, ob quam pretio æstimantur, unde nec ex parte principii, nec ex parte termini, nec in suo esse habent spiritualitatem. Quod vero contingat, ab operante fieri in gratia, & ex gratia, ac modo supernaturali ex parte actus interni, est per accidens, nec immutat corporalis operis naturam. Posteriori autem modo talia opera erunt materia simoniæ, si vendantur, quia ut sic sunt spiritualia, & in eis omnino procedit eodem modo ratio de oratione facta. Alia, quæ in ultima confirmatione tanguntur, infra cap. 18. tractabuntur.

An actus
virtutum
vendi pos-
sint.

CAPUT XVI.

Utrum actus spirituales soli operanti utiles, ut sic possint esse materia simoniæ.

1 QUAESTIO est valde controversa inter Doctores, an sit licitum, dare alicui pecuniam, vel quid simile, ut fiat Christianus, vel religiosus, vel ut sacramenta frequenter, & similia. In qua questione varie loquuntur Canonistæ, utunturque variis distinctionibus. Hostiensis in cap. *Dilectus* 2. de Simon. n. 1. & 2. distinguit inter necessaria ad salutem, ut est Baptismus, & alia non necessaria, ut religio. Et in prioribus dicit, posse aliquid dari, etiam sub conditione, & pacto, ut recipiatur Baptismus, in posterioribus negat. Rationem autem differentie non reddit, nec videtur posse dari. Quia non minus est spiritualis, & supernaturalis actus ad salutem necessarius, quam non necessarius, seu qui est in consilio; si ergo per illam dationem ematur, vel venditur talis actus, in utroque erit æque malum, si vero non ematur, nec venditur, in neutro erit malum: aliter distinguit Abbas in dicto cap. *Cum in Ecclesia* num. 7. Nam si pecunia detur, vel promittatur solum ad removendum obstaculum conversionis, licite datur, vel promittitur: si vero detur, ut illud sit motivum operandi, vel veniendi ad fidem, id non licet. Et hoc sequitur Guil. Redoan. 3. part. cap. 5. n. 23.

Hostiens.
opinio im-
pugnatur.

Abb. sen-
tentia.

2 Declaratur prius membrum, nam interdum infidelis non suscipit Baptismum, quia timet paupertatem, ut si derelicturus sit patriam, vel quia est Judæus oneratus usuris, & timet restitutionem. In his ergo casibus ait Abbas, licitum esse, vel remittere usuras, si quis habeat ad hoc potestatem, vel offerre necessaria ad vitam, etiam si patriam relinquat, vel offerre pecunias, quibus solvat debita, & sic de aliis impedimentis. Quæ opinio quoad hanc partem mihi valde placet, dummodo non fiat pactum, ut statim dicam, nam in reliquo illud est opus magnæ charitatis, & non habet umbram simoniæ, quia nulla est ratio pretii ibi considerata, sed tantum tolluntur impedimenta. Nec etiam est ibi periculum fictæ conversionis, nam supponitur quis affectus, & dispositus ad conversionem: sed impediri ab executione propter ta-

Declaratur
prius
pars hu-
jus senten-
tiæ, & appropos-
batur.

se impedimentum, vel certe licet supponatur, prævideri potest, illam occasionem, & timorem humanum impedire dispositionem; licitum est ergo timorem illum auferre; nam eo ipso quod datur aliquid ad tollendum obſtaculum, satis declaratur, illam non esse futuram rationem conversionis, sed aliam altiore. Quoad hanc ergo partem verissima est sententia Abbatis, & eam sequuntur ibi Felinus, & Archidiaconus, Turrec. in d.c. *Quampio*, Angel. Silvester, & omnes citandi. At vero divisio Abbatis, quoad aliud membrum, nec est adæquata, nec ratio ejus pertinet per se ad simoniam, ut patebit.

Deo modi
quibus
aliquid
dari
potest
intuitu
conver-
sionis, ex
sequitur.

3 Dico ergo, duobus modis posse aliquid dari alteri intuitu conversionis ejus, vel ut aliquid pertinens ad suam spiritualem salutem faciat. Primo dando illud cum pacto expresso, vel subintellecto, do, ut facias, ita ut qui recipit, promittat, & se obliget ex vi muneris. Secundo dando simpliciter, vel elemosinam faciendo, aut signa amicitiae ostendendo, ut alter paulatim bene affectus reddatur, & ad bonum faciendum facilius inducatur, & inclinetur. Quando fit donatio hoc posteriori modo, licitum est allicere animum proximi ad conversionem, vel ad quodcumque exercitium virtutis, donis, ac beneficiis. Et hoc expresse docuerunt Glossa in dicto cap. *Quampio*, & in cap. *Debet* 23. quæst. 4. & in dicto cap. *Dilectus* 2. de Simon. Quibus in locis consentiunt Doctores, & alii supra citati, & D. Thom. 2. 2. q. 100. art. 3. ad 4. & ibi Soto, & alii: & Medin. C. de Restit. qu. 27. ad 4. & alii infra referendi. Et hoc probant jura in dicto c. *Debet*, ubi ait August. unumquemque debere proximum ad Dei cultum adducere non solum doctrina, & disciplina, sed etiam beneficentiae consolatione, id est, donis, & beneficiis. Idemque sumitur saltem a simili ex Greg. in cap. *Qui sincera* dist. 45. & ex aliis infra referendis. Ratio vero est, quia hoc non potest esse simoniacum, quia ibi non intervenit pactum, nec ratio pretii, vel emptionis, sed liberalis donatio, & acceptio: illa vero intentio dandi, ut alter invitetur facilius ad virtutem, optima est; nulla ergo malitia per se loquendo hic intervenit.

4 Solum est cavendum, ne tantus sit excessus in hujusmodi muneribus, ut tacite videatur alter ita moveri, ut principaliter trahatur ad fidem, vel confessionem propter respectum humanum, aut ne videatur ingratus benefactori suo, vel ne careat illa commoditate: jam enim tunc per excessum posset in hoc peccari. Sic enim licitum est, precibus aliquem attrahere ad Baptismum, penitentiam, vel religionem, tamen non debent esse preces adeo importunæ, ut moralem vim cogendi habere videantur; quia tunc exponitur alter, qui rogatur, periculo fictionis, aut inconstantie, & tunc posset esse actio peccaminosa, etiam si proprie non esset simoniaca. Atque hinc etiam fit, ut licet is, cui talia munera donantur, intelligat, quo fine, & qua spe dentur ab alio, non peccet, nec sit simoniacus, illa recipiendo, quia non accipit, ut pretium, sed ut liberale donum, licet cum ea spe datum; nam etiam illa spes simoniaca non est, ut bene notavit supra Medin. & similiter, si ille, qui recepit donum, postea operetur actum virtutis cum respectu ad donum, ut sit alteri gratus, vel ut ei obsequatur, vel certe cum spe doni, si illud nondum recepit, nec est simoniacus ob eandem rationem, nec peccat, si non excludat proprium motum virtutis, sed solum alio juvetur.

Alius
modus
faciendi
donationem
cum pacto
expresso
illicitus
fit.
Pars affir-
mans pro-
ponitur.

5 At vero quando fit donatio, vel promissio priori modo cum pacto, vel conditione expressa, est major difficultas, & controversia. Nam tale pactum nunquam licet tradit Bonif. in d.c. *Quampio*, ubi prius posita questione simili, anxium se, & dubium ostendit, nec videtur ironice loqui, ut Glossa dicit, sed serio, ut patet ex illis verbis, *Deum testificor*, &c. quia hoc juramenti genus non bene cadit super locutionem ironicam. Vere ergo affirmabat se esse anxium, fortasse tamen non propter magnitudinem questionis, sed quia timebat illos contristare, & ideo de modo respondendi dubitabat. Tandem vero hujusmodi pacta improbat, dicitque se nunquam legisse, Apostolos hoc modo invitasse homines ad fidem, ac religionem. Quod secundo roboratur ex generalibus regulis juris, quod omnia pacta, & exactiones, seu conventiones in materia spirituali reprobatae sunt, c. ul-

tim. de Pactis, cap. *Quæsum* de Res. permut. & in eod. cap. *Quampio*. Constat autem materiam hujus promissionis, aut largitionis spiritualem esse, qualis est receptio Baptismi, vel ingressus religionis; & eadem ratio est de cæteris operibus virtutum, solum ea spectando, quatenus spiritualia sunt, & ad salutem proficua, ita enim in casu proposito spectantur. Quod autem emanatur in utilitatem operantis, vel alterius, non videtur referre, quia semper manent æque spiritualia. Unde pontifex in dicto cap. *Quampio*, sic in virtute argumentatur. Talis actus est donum descendens a Patre luminum; ergo qui pro illo munus accipit, donum Spiritus sancti vendit, qui vero largitur munus, donum emit. In qua ratione etiam supponit, ibi intervenire verum, & proprium pactum, & patet, quia est promissio, vel largitio onerosa, & sub conditione, dabo, si feceris, vel, do, ut facias.

6 Tertio, si liceret hoc modo temporale donum alicui dare, ut vellet baptizari, eadem ratione liceret dare, ut vellet baptizare, & ita posset omnis pactio simoniaca honestari. Sequela patet, quia tam spirituale opus est suscipere Baptismum, sicut dare. Unde si quis dicat in nostro casu, illam non esse emptionem, sed liberalem donationem factam sub ea conditione, non ad emendum Baptismum, sed ad inducendam voluntatem, & invitandam, ut velit baptizari, ita in administratione activa sacramenti dicam, ne non emere sacramentum, sed donare sub conditione boni operis, inclinando voluntatem alterius ad illud faciendum. Atque hæc promissio posset fieri electori, si eligat Petrum, quem ego existimo esse digniorem, & electo, ut acceptet, si ego existimo præstaturum obsequium Deo acceptando. Et sic de aliis innumeris. Quarto, si hic contractus esset licitus, liceret etiam religioni cum aliquo pacisci, quod si religionem ingrediatur, dabit illi talia subsidia, vel tales honores, quod videtur expresse damnatum in dicto cap. *Quampio*, & præfert magnam inordinationem contra spiritualitatem illius status. Similiter posset episcopus promittere alicui beneficium, si ordinari se permitteret, & similia: quæ plane simoniaca reputantur. Sequela vero patet, quia in his omnibus dici potest, donationem esse liberalem ad inclinandum animum alterius ad opus virtutis, non ad emendum illud.

7 In contrarium esse videtur auctoritas ipsiusmet Dei paciscentis cum hominibus, se daturum temporalia bona, si servaverint præcepta, tales enim sunt infinitæ promissiones in veteri testamento. Et honorantibus parentes longævam vitam promittit Exod. 12. *Ut sis longævus*, quam esse promissionem etiam vitæ præsentis explicuit Paul. 1. Timorh. 4. significans, illam promissionem etiam nunc durare. Secundo fit idem argumentum ex comminationibus poenarum etiam temporalium, per quas Deus inducit homines ad opera virtutis, nam poena, & proemium æquiparantur, & temporalis poena pretio æstimari potest. Unde hæc eadem argumenta fieri possunt ex rebus humanis: nam licitum est parenti filium punire, si studiose non vivat, & illum per flagella, & minas inducere, ut operetur virtutem; ergo etiam donis temporalibus, & promissionibus eorum id faceret licet. Immo nihil videtur frequentius in bonis parentibus, qui suaviter student inducere filios ad opera virtutis, promittunt enim illis dona, & interdum meliorem hæreditatis partem, si obediunt, vel honesti, &c. Sic etiam interdum dominus promittit servo libertatem, si velit converti ad fidem, & non reprehenditur, sed laudatur. Immo auctoritate publica interdum promittitur malefactori infideli vita, si baptizari velit: hunc enim usum refert, & approbat Med. loco infra citando. Sic etiam fidelis potest promittere infideli, ducturum se illam in matrimonium, si convertatur ad fidem, quæ conditio approbatur videtur in cap. *Non oportet* 18. quæst. 1. Item Greg. in cap. ult. 23. qu. 6. ait servum infidelem, & obduratum onerandum esse laboribus, ut vexatio det illi intellectum; ergo etiam poterit allici muneribus, ac promissionibus.

Pars ne-
gativa.

8 Tertio argumentari possumus a priori, quia in hujusmodi pacto, & promissione non est malitia simoniæ, nec alia cum fundamento affirmari potest; ergo.

Ratio
priori.

ergo. Minor, licet ad presentem causam non referat, ut manifesta supponatur, quia intentio sic promittentis; vel donantis bona est, ut constat, medium etiam non est malum, quia ex objecto saltem est indifferens, & ex fine fiet bonum, quia ad illum est utile, & non est perniciosum: & per illud non inducitur alius, vel ut sicte operetur bonum, vel ut principaliter id faciat propter temporale commodum, neque ut hoc accipiat tanquam pretium virtutis, sed solum ut hinc aliquo modo alliciat, & exciteur ad virtutem operandam, prout debet. Probatur ergo maior, quia ibi ex parte dantis, vel promittentis non est emptio, quia ille nihil ab alio recipit, & nemo emit, nisi qui recipit aliquid a vendente: & eadem ratione non est venditio ex parte recipientis, quia nihil tradit danti, sed ipse sibi operatur. Et in hoc sensu videtur dixisse Silvester, non esse hic periculum simoniæ, quia qui promittit, non accipit fidem, sed infidelis; & eandem rationem late prosequitur Med. & Cardin. etiam illa utitur. Aliter potest explicari hæc ratio, quia promissio, vel donatio facta alteri sub conditione, quæ in solam utilitatem, & favorem recipientis cedit, non censetur onerosa, sed mere gratuita, & liberalis: & consequenter non potest esse occasio simoniæ; hæc enim sine contractu oneroso non committitur, ut dictum est. Antecedens commune axioma est iuristarum, ut videre licet per Tiraquellum, & quos ipse refert in leg. *Si unquam*, in Gloss. *Donatione largitas*, num. 145. Hippolyt. in §. 1. Instit. de Donat. num. 494. Menoch. Conf. 154. num. 7. Et ratio sumitur ex præcedenti, quia quando conditio tota cedit in utilitatem alterius, cui fit promissio, promittens nihil recipit, & recipiens sibi tantum proficit: ergo non potest dici datio onerosa. Item ex generali ratione liberalitatis id colligi potest: nam liberaliter fit, quod gratia alterius quis facit, & non gratia sui: sed ita est in præsentī, licet promissio fiat sub conditione, quia conditio ipsa est gratia alterius, non sui; ergo.

A quibus auctori- bus defen- datur pars, quæ negat licere hanc donatio- nem per modum pacti.

9 In hoc puncto iuxta contrarias rationes pro utraque parte positas ita diversæ sunt opiniones. Prima simpliciter negat, licere dare aliquid, vel accipere hoc modo per viam pacti, Do, ut facias, vel promitto sub tali conditione, ut fias religiosus, & non aliter, &c. Ita tenet Divus Thomas dicto artic. 3. ad 4. Ubi Cajetan. tacendo consentire videtur, sicut & Sor. & Aragon. Valent. vero clarius adhaerere videtur (licet in generali) disput. 6. quæst. 16. punct. 2. dub. 3. idem D. Thom. 2. 2. quæst. 189. articul. 9. Tenet hoc etiam expresse Panorm. cum aliis, quos refert in cap. *Dilectus*, 2. de simon. num. 7. Ubi idem sentit Felin. num. 2. referens Anton. & idem tenet Anchar. & alii ibi, Archid. & Turrecrem. in dicto cap. *Quam pio*, Anton. 2. part. titul. 1. cap. 5. §. 17. & titul. 12. cap. 2. §. 1. Angel. *Simonia*, 3. numer. 29. Silvest. quæst. 8. dicto 3. Tabien. num. 8. & 61. Armil. nu. 30. & num. 50. Item Silvest. verb. *Religio*, 1. quæst. 2. Et hanc partem amplexus est Barr. immo tanquam certam supponit in leg. *Titia*, ff. de verb. obligat. num. 12. Ubi alii Legistæ idem sequuntur. Medi. etiam in Cod. de Restit. quæst. 27. in fine (licet moveri videatur aliquibus rationibus ex his, quas secundo loco posuimus) non audet contra hanc opinionem proferre sententiam, sed concludit: *Sed quia hæc alterius negotii sunt, & ad materiam de simonia pertinent, cum his, quæ communiter dicuntur, transeamus.*

Auctores parvi op- positæ.

10 Contrariam sententiam indicat Gloss. in dicto cap. *Quam pio*, verb. *Interventu* 1. quæst. 2. clarius in cap. *Debet*, 23. quæst. 4. Ubi concludit, *Licite fit pactio ubi agitur de conversione alicujus ad fidem*: indicat tamen in ingressu religionis non licere, quia religio non est necessitatis, sicut baptismus, vel fides, per hoc enim respondet ad cap. *Quam pio*. Idem sentit quantum ad conversionem ad fidem Gloss. 1. in d. cap. *Dilectus* 2. simon. & non negat de religione, & aliis actibus. Idem sentit Adrian. quodlib. 9. artic. 3. ad 3. principale, saltem de baptismo, de aliis vero actibus obscure loquitur; tandem vero idem sentire videtur, citatque Card. Alex. in cap. 2. d. 4. Item Card. in dicto cap. *Dilectus*, 2. num. 3. similiter Silvest. verb. *Gabella*, Suarez. Tom. XII.

5. quæst. 2. pro conversione ad fidem admisit, fieri posse pactiorem. Id autem retractasse videtur in verb. *Simonia*, ubi eodem modo loquitur de fidei, & status religiosi susceptione. Refertur etiam pro hac sententia Navar. in capit. *Inter verba*, conclus. 5. illat. 1. num. 20. Sed ibi in editione ultim. latina nihil habet de pacto, sed de simplici datione, ut convertatur ad fidem. Refertur etiam Angel. in 2. part. in materia de Rest. quæst. Quis teneatur rest. artic. 2. quis a restit. sit liber. differ. 15. ubi ait sicut precibus, ita & pretio aliquem ad bonum allicere, licitum esse, sed nihil de pacto: & nomen pretii improprie videtur sumptum pro quocumque dono temporali, aperte enim tractat liberali donatione. Eandem opinionem videtur sequi Molin. tract. 2. de justit. disput. 93. conclus. 4. ubi expresse approbat inductionem per donationem, vel promissionem etiam sub expressa conditione: *Si hoc feceris, &c.* Si tamen attentelatur, non recedit a communi sententia, ut statim declarabo. Hanc item sententiam late, & sine distinctione ulla defendit Sancius lib. 1. de Sponsal. disput. 39. & Leonard. Lessi. lib. 2. cap. 35. dub. 12. tractans specialiter de ingressu religionis dicit, non esse simoniam aliquem inducere pecuniis ad religionem, etiam si intendam obligare illum: dicit tamen esse illicitum, quia scandalosum, & propter periculum inconstantiæ, & maxime propter cap. *Quam pio*.

11 In tanta varietate difficile est ferre iudicium; & mihi quidem in re tam gravi durum videtur a communi recedere sententia, quam præcipui Doctores Theologiæ, Canonum, & legum sequuti sunt: D. Thom. Panormit. & Barr. cum multis sectatoribus: præsertim cum in dict. cap. *Quam pio*, & in aliis iuribus magnum habeat fundamentum; adeo ut Divus Thomas (sicut notatur in Decret. Gregor.) sola illius capit. auctoritate suam sententiam constituerit, & nisi illa sententia D. Thomæ in aliquo sensu verum habeat, vix credo posse illi textui responderi. Aliunde vero insolentissimum esset omnia facta damnare, quæ ex communi praxi afferuntur, & habent quamdam huius pacti imaginem, vel speciem, & a piis fidelibus, doctis, & indoctis sine scrupulo fiunt. Præsertim cum multa ex illis, vel æquipollentia inveniantur in jure probata, ut in secunda parte argumentorum propositum est. Mea ergo resolutio est, licitum quidem per se loquendo esse dare aliquid temporale alteri, ut aliquid bonum efficiat ad suam spiritualem salutem, sive sit opus necessitatis, sive consilii, dummodo talis elargitio non includat veram rationem pacti, mutui, & onerosi, ut interdum potest: nam tunc illicita, & in materia præsentī simoniaca erit pactio. Hanc resolutionem aliquibus propositionibus explicabo, quæ facilius intelligentur, distinguendo inter largitionem de præsentī sub conditione faciendi in futurum, & promissionem postea dandi, si prius tu feceris hoc, vel illud. Nec distinguo inter opus consilii, vel necessitatis, quia, ut dixi, hæc distinctio nullum fundamentum habet, præsertim in ordine ad simoniam. Immo (si ita loqui licet) honestius fit hoc ex parte recipientis in opere consilii, quam in opere necessario tanquam medio, vel præcepto: Quia in opere consilii magis liber est homo a debito operandi, & ideo plus videtur de suo conferre, quando vel se obligat ad faciendum, vel se inclinat, & ideo videtur habere honestiorem causam recipiendi. Quamvis ex parte dantis videatur magis ex misericordia moveri, quando necessitas proximi major est, & minus cogere illum, quando jam supponitur obligatus ad opus. Sed, ut dixi, hæc parum referunt ad committendam, vel vitandam simoniam, immo nec ad aliud genus peccati committendum, ut supra tactum est, & magis ex sequentibus patebit.

12 Dico ergo 1. Donari aliquid de præsentī proximo petendo ab illo, ut aliquid spirituale faciat in bonum animæ suæ, sive vitando peccata, sive præcepta exequendo, sive opus consilii, vel supererogationis faciendo, non est malum, sed est sanctum, & honestum, quando donatio fit absolute: ita ut, licet ille, qui donum, vel pecuniam recipit, statim

Judicium Auctoris.

Dare aliquid de præsentī proximo; ut opus spirituale faciat, quomodo honestum sit.

rem ipsam acquirat; non statim maneat simpliciter obligatus ad religionem suscipiendam, vel aliud simile opus spirituale faciendum: erit autem talis donatio ex tunc valida, quia licet apponatur conditio, non est proprie conditio, sed modus, & talis modus, qui non inducat obligationem, etiamsi non impleatur. Ita explicat suam sententiam Molin. ut patet ex ultimis verbis illius disputat. Et in eo casu est conclusio clarissima, & procedit optime juxta illam secundam sententiam, & non est contra primam, quia nunc revera non est pactum. Atque ita potest hic applicari ratio facta superius, quod actio illa non est mala ex objecto, quia est donatio liberalis cujusdam doni de se indifferentis: nec ex fine mala est, immo est bona, cum sit honestum finis, nec ex modo est mala, quia donum illud non datur ut pretium, cum pactum, & obligatio mutua non interveniat: ergo non habet unde sit mala, vel simoniaca. Et ad hoc juvare possunt rationes secundæ sententiæ, & multa ex exemplis, quæ ibi adducuntur.

Mater licite dat filio munera, ut pia opera exequatur.

13 Hoc enim modo existimo, dari filio a matre munuscula quædam, aut vestes, &c. petendo ab illo, ut consecratur, vel Missam, aut concionem audiat, &c. Et licet interdum dicat se dare cum tali conditione, non intendit apponere propriam conditionem, sed modum, vel potius finem suum, & intentionem explicare. Et eodem sensu licita erit talis donatio, si ordinetur ad invitandam filiam ad religionis ingressum, vel ad invitandum infidelem ad fidem: dummodo aliunde vitetur periculum, ne aliquid horum fiat ab alio vel nimis involuntarie, ob reverentiam donantis, vel animo ficto, aut non satis religioso. Dixi autem ita ut non maneat simpliciter, id est, determinate obligatus ad religionem, quia non videtur inconveniens, ut maneat obligatus sub disjunctione, vel ad implendam conditionem, vel ad reddendum, quod accepit, si donator ita suam voluntatem explicaverit. Nam hoc videtur clare colligi ex cap. 2. ad Condi. appositis, quod paulo post tractabimus, & rationem reddimus in puncto sequenti. Potest tamen practico casu explicari, quia licitum est alere pauperem in studio ad hunc finem, ut ad religionem ingrediatur, etiam declarando illi conditionem, non tamen absolutam imponendo obligationem. At sub conditione, seu disjunctione licitum erit obligare illum, ut vel ingrediatur religionem, vel expensas restituat. Quamvis enim Med. supra videatur in hoc dubitare, mihi tamen non videtur dubium, quia ibi nulla est simonia, neque coactio, sed liberalitas limitata pro arbitrio donantis, non inique, nec injuste, sed caute: quod facere potest, ut magis patebit ex puncto sequenti.

Quando licitum sit promittere aliquid sub expressa conditione, si fides accipitur, vel quid simile fiat.

14 Dico 2. Promittere aliquid sub conditione expressa, si fidem susceperis, vel si fueris religionem ingressus, aut si quidpiam simile spirituale feceris, intendendo spirituale bonum operantis, & intendendo se obligare ad implendam promissionem, adimpleta conditione, & non aliter, licitum est, nullamque habet labem simoniæ, quando ex parte ejus, cui sit promissio, nulla oritur obligatio ad ingressum religionis, vel quidpiam simile. In hoc etiam approbamus secundam sententiam, & extendimus illam ad opera supererogationis, & ut locum habeat, non solum quando sit promissio illo modo ad tollenda impedimenta, quod magis indubitatum est, sed etiam quando sit per se ad inducendam voluntatem: nec putamus, hoc esse contra primam sententiam, quia ibi revera non intercedit pactum, ut explicabimus. Ratio ergo assertiois est, quia tota illa promissio sic facta non excedit donationem liberalem ordinatam ad inclinandam voluntatem alterius ad tale opus virtutis: offensum est autem talem donationem esse licitam; ergo. Probat major primo, quia supra offensum est, licitum esse aliquid donare hac formalis intentione conciliandi affectum alterius, ut ita possit facilius inclinari ad spirituale opus amplectendum, quod ab illo desideratur: ergo etiam est licitum, hanc intentionem verbis aperire, quia per hoc non mutatur ratio, vel modus donationis, sed hoc solum fit per illam promissionem illo modo explicatam, ut

Ratio assertiois.

constat; ergo. Secundo offensum etiam est, quod licet donatarius intelligat intentionem dantis, & spem ejus, quam verbis non exprimit, nihilominus licite accipit, nec ideo simoniam mentalem committit; ergo licet verbis exprimat, ut in casu positæ conclusionis sit, non erit simonia id accipere; ergo nec dare. Tertio multa exempla ex adductis hoc confirmant: & illud maxime, quia juxta veriorum, & communiorum sententiam validum, & licitum est legatum sub propria conditione, si Petrus fuerit religiosus, lego illi centum aureos quotannis in alimentum, vel pro libris, aut quid simile. Idem optime confirmatur ex cap. 2. de Condi. appos. ubi manumissio servorum facta sub hac conditione, Do eis libertatem, dummodo monachi fiant, & in monasterio perseverent, & non aliter, valida esse declaratur, & servari præcipitur. At libertas res temporalis est, & pretio æstimabilis; ergo licita est similis promissio sub conditione, etiam ad hunc finem, ut alter religionem ingrediatur.

15 Quarto est optima ratio, quia ibi nec est simonia, nec coactio, aut obligatio ingrediendi religionem, vel quid simile, sed est quædam optio, quæ homini gratuito offertur, ut hoc, vel illud eligat pro suo arbitrio, ut in proximo casu de mancipiis, sub illa conditione libertate donatis, eis datur optio, ut vel religiosi, vel servi manere debeant, & inter hæc eligant. In quo nulla eis fit injuria, quia servi jam erant, immo fit gratia, cum honesta via evadendi servitutem illis proponitur, si religionem eligere velint. Et ita etiam nulla eis infertur vis, quia servitus jam inerat, & in eorum electione manet tam religio, & libertas, quam servitus. Quod autem ad illa duo membra restringatur electio, non est vis, sed gratia, quia neque talis electio illis debebatur, cum essent ad dicti servituti. Quod vero illis non fiat major gratia, nec detur simpliciter libertas, non est vis, nec injuria, ut constat. Præterea nec simoniæ umbra ibi intervenit, quia nulla venditio fit, nec pactum, quod inducat obligationem ingrediendi religionem; tam liber enim manet ille ad non ingrediendum, sicut antea erat: unde non datur libertas in pretium professionis religionis, sed est quædam liberalis concessio libertatis ad illum finem bonum, & non ad alium, vel sub ea conditione, & non absolute. Sicut si conditio a domino posita fuisset, si ego ingressus fuero religionem, dono tibi libertatem, optima esset conditio; idem ergo est de alia, nam solum differunt, quod una conditio pendet ex voluntate ejusdem servi, alia non: quæ differentia non refert, immo juvat, ut prior manumissio conditionata liberalior sit, & magis posita in potestate servi.

Confirmatur exemplo servi, cui libertas promittitur ea conditione, ut sit religiosus.

16 Atque idem judicium est de aliis casibus supra insinuat. Ut quando damnato ad mortem conceditur vita, si velit religiosus fieri, non cogitur ad religionem, nec venditur religio, sed optio illi datur, ut inter illa duo eligat: in quo fit illi gratia, quia minus malum hoc est, quam cogi ad moriendum. Multo vero facilius est alius casus de contrahendo matrimonio cum infideli, si convertatur. Nam ibi etiam datur infideli libera optio eligendi vel manere in infidelitate sine tali conjugio, vel ad fidem venire, & matrimonio copulari, & qui sic promittit, habet jus, & obligationem non aliter confectendi in tale matrimonium. Postulat ergo justam conditionem, & quasi idoneitatem personæ necessariam, nulla ergo est ibi umbra simoniæ. Sicut etiam, si juvenis ineruditus religionem postulet, recte potest ab eo postulari, ut se disponat per doctrinam, & studeat, ut sic recipiatur, ut dixit Anton. supra, & alii; sic ergo licitum est viro, vel scemina fideli ab infideli petere, ut se per baptismum disponat, nam sic cum illo contrahet, & non aliter. Simil modo justum est, & sine simoniæ specie, quod supra ex Gregor. referebamus, oneribus assigere servum infidelem, ut vexatio det illi intellectum, intelligendum enim id est de oneribus justis, & tunc dominus utitur jure suo: & quasi optionem tribuit servo, ut si vult favorem sentire, suscipiat fidem, non emendo illam, sed eligendo id, quod sibi commodius est. Et ita satis constat, priora argumen-

Aliis exemplis illustratur assertio.

ra principio propofita non procedere contra has duas assertiones.

Dare vel promittere temporale sub pacto, ut alter obligatus maneat ad fidem, vel aliquid simile, simonia est.

17 Dico 3. dare, vel promittere temporale sub pacto, & conditione, ut alter obligatus maneat ad fidem, vel religionem, vel sacramentum aliquod suscipiendum, vel quidpiam simile, licitum non est, & simoniæ vitio non caret. In hoc sensu intelligo priorem sententiam, & sic illam veram esse existimo. Et videtur sufficienter probari argumentis in principio factis. Et magis declarabitur, & persuadebitur, ostendendo posteriora argumenta non habere vim contra hanc conclusionem. Et in primis argumentum a promissionibus Dei nullum est: tum quia, ut significavit D. Thom. 2. 2. quæst. 122. artic. 5. ad 4. promissiones Dei temporales semper habent spirituales conditionem adjunctam, si temporalia bona ad spirituales salutem futura sunt utilia, sic enim cadunt etiam sub merito: tum etiam quia Deus non imponit obligationem ratione promissionis, sed per se potest imponere obligationem præcepti, & liberaliter adjungit promissionem. Et idem est suo modo de comminatione: nam obligatio, quæ est in præcepto, non nascitur ex comminatione, sed supponitur, & alia tantum est quedam inductio ad vitandum malum: & quoad hoc idem est de comminationibus, vel pœnis humanis. Præterquamquod illa est quedam optio, quæ datur homini, proponendo illi ignem, & aquam, ut ad quod voluerit, porrigat manum. Alia vero exempla omnia ibi adducta procedunt juxta præcedentem conclusionem, in nullo ramen eorum intercedit proprium pactum inducens definitam obligationem, ut explicatum est.

Satisfactio actus rationi in oppositum adducitur.

18 Tertia vero ratio principalis, quam multi magni faciunt, mea sententia non est efficax. Nam in primis si efficax esset, probaret spirituales actionem propriam, vel receptionem sacramenti soli operanti, vel recipienti utilem, esse posse materiam simoniæ respectu alterius, qui illam fieri vult pretio dato. Consequens est falsum; ergo. Sequela patet, quia in illo casu semper procedit illa ratio quod dans temporale nihil spirituale recipit. Minor autem patet, tum ex ipsismet auctoribus secundæ opinionis, ita enim approbant conditionem illam, ut semper excipiant, dummodo temporale non detur in pretium; ergo supponunt, ibi esse posse venditionem, & emptionem. Item omnes supponunt ingressum religionis posse emi ex parte religionis, vel alicujus tertii, & vendi ex parte ingredientis, quamvis ingredientem nihil spirituale alteri donet, sed recipiat. Item si frater minor natus a primogenito pretio emat, ut religiosus fiat, eo fine, ut ipse in hæreditate temporali succedat, sine dubio esset simoniacus, & vere emeretur rem spirituales, licet illam non recipiat, sed tantum temporalem. Dico ergo, ad emptionem non esse necessarium, ut emens aliquid recipiat ab alio quasi materialiter, sed satis esse, quod emat ab alio voluntatem ejus (ut sic dicam) & illius effectum, id est, ut faciat, quod emens vult, sive illud maneat in agente, sive transeat in alium, sive sit utile ementi, sive alteri. Possum ergo proprie emere commodum alterius, ut patet respectu tertii: nam possum tertio emere baptismum, & ero simoniacus, licet in me nihil spirituale recipiam. Ita ergo possum emere baptismum ipsimet recipienti, & ab ipso, quatenus ab illo pendet: nam quod ego intendam meam utilitatem, vel alterius, vel ipsius vendentis, extrinsecum est ad rationem emptionis. Et eadem ratione etiam ipsemet, qui recipit spirituales, vendere potest illud, si pretio faciat, quia vendit suum consensum, & effectum illius, & hoc spirituales quid est. Adde præterea, quod sicut est simonia vendere spirituales pro temporali, ita est simonia emere temporale per spirituales: ille autem, qui recipit, verbi gratia, temporale donum pro suo ingressu in religionem quasi emit temporale donum, commutando pro illo ingressum religionis, alter autem vendit temporale donum, quod dat pro re spirituali, licet id faciat in alterius commoditatem.

Ademptionem simoniæ non est opus, ut emens aliquid recipiat ab alio.

19 Unde ad alteram ejusdem rationis declarationem in hoc axiomate fundatam, quod promissio sub

Sanchez, Tom. XII.

conditione appofita intuitu ejus, cui fit donatio, vel promissio, non est onerosa, sed liberalis: respondeo, hoc est verum, quando optio relinquitur libera ei, cui fit promissio, si autem inducat absolutam, & determinatam obligationem ad aliquid difficile, & arduum, etiam si illi proficuum, & utile sit, & licet hæc utilitas intendatur, nihilominus contractus erit onerosus, & poterit esse vera commutatio spiritualis pro temporali, atque adeo emptio, & venditio. Et licet verum sit, eum, qui sic obligat alterum ad spirituales aliquid faciendum soli operanti utile, quoad hoc ultimum intendere bonum alterius spirituales, & ex hac parte facere opus liberalitatis, & puræ benevolentie spiritualis, nihilominus quatenus dat temporale præmium illum cogendo, & obligando ad tale opus revera non facit donationem temporalem liberalem, sed onerosam, & ideo id non obstat, quominus illa sit vera simonia. Ex quibus rationem concludo, quia in eo genere conventionis indigne tractatur res spiritualis, dum per pretium fit, ut talis res spiritualis in rerum natura fiat (ita enim me declaro) ergo non potest honestari illa pactio ex eo, quod in hujus, vel alterius, propriam, vel alienam utilitatem spirituales talis conventio fiat. Si enim dato temporali pretio possum alium obligare ad orandum in suam utilitatem, cur non in meam? Nam si illa commutatio secundum se non est mala, ordinare illam ad proprium spirituales commodum, non erit malum, immo cæteris paribus magis videtur unicuique concessum suam spirituales utilitatem quærere, quam alienam.

20 Dices, tunc non dari pretium pro re spirituali, sed pro obligatione ad actum spirituales: obligatio autem vendi potest sine simonia, licet actus spiritualis vendi non possit. Respondendo, hic non esse separabilem obligationem ab actu quoad emptionem, & venditionem, quia illa obligatio ad nihil aliud tendit, nisi ut actus fiat, nec alia ratione est pretio æstimabilis, nec inducit alia incommoda, vel onera temporalia, & accidentalia, ratione quorum possit pretio æstimari: nam solum in tali eventu potest obligatio ad spirituales vendi, ut inferius dicitur. Denique per se satis notum esse videtur, esse inordinatum, & contra sanctitatem religiosi status obligare aliquem pretio, ut teneatur religionem ingredi, & idem est de baptismo, & similibus. Et potest retorqueri argumentum, quia si hoc liceret, quia non emitur actus, sed obligatio, etiam posset emens in propriam utilitatem id emere, ut religio posset emere religiosum, vel prælatum sibi utilem, quia diceret se non emere actum, sed obligationem: Consequens autem est expresse contra cap. Quampro, & alias aperitur janua ad omnem simoniam: est ergo inanis hic prætextus.

Objeccio.

Satisfactio.

C A P U T XVII.

Utrum ingressus religionis ad habitum, vel ad professionem sit materia simoniæ.

1 QUAESTIO hæc annexa est præcedenti, quoniam ingressus religionis opus est virtutis, & valde spirituales, & ad perfectionem ipsiusmet personæ operantis principaliter ordinatum, & ideo solet hoc loco tractari: a nobis autem breviter expedietur, quoniam alibi de illa differuimus. In hoc ergo puncto duæ quæstiones distinguendæ sunt. Una est, comparando ingressum religionis ad monasterium, ut ad vendens, & ad ingredientem, ut ad ementem statum illum: alia est, comparando ingressum ad monasterium, ut ad emens talem personam, ut sic dicam, ad ipsam vero personam, ut ad vendentem se ipsam ad talem statum. Ad hunc posteriorem sensum videtur pertinere quæstio propofita Bonifacio papæ in capite Quampro. Et ita communiter citatur, quia revera doctrina pontificis ad hunc etiam casum dirigi videtur. Propria vero quæstio illius textus alia fuisse videtur, quam ibi Glossa in hunc modum proponit: cum quoddam monasterium prælato careret, & ex alio monasterio illum postu-

Status quæstionis proponitur.

laret, aliud monasterium volebat illum concedere, nisi facta aliqua sibi recompensatione. Et quidem ex textu bene colligitur tractari de vocanda, & trahenda persona ad praelatiam, seu regimen monasterii: an vero illa persona vocaretur simul ad statum religiosum ex ecclesia aliqua seculari, vel ex alio monasterio, ubi jam erat religiosus, & praelatus, non constat ex textu, neque an ipse peteret subsidium pro se, vel pro ecclesia sua. Sed hoc non multum videtur referre ad questionis decisionem. Claritatis tamen gratia distinguere possunt duae questiones: una est de praelatione ecclesiastica, alia de statu ipso religionis. Inter quas est similitudo in hoc, quod sicut in una inquiritur de venditione, seu emptione personae ad statum religiosum, ita ibi agebatur quasi de emptione personae ad praelationem spiritualem, seu abbatiam. Aliunde vero potest differentia considerari, quod monasterium postulans alium in Abbatem, non vocati, sed suam utilitatem, & commoditatem quaerebat; dum autem persona vocatur ad statum religiosum, ipsius vocati utilitas quaeri solet.

2 Hinc poterat esse nonnulla minor ratio dubitandi in casu illius textus, quia cum illa persona postularetur ad praelationem religiosam, & in utilitatem spiritualem postulanti, statim apparere poterat intrinseca malicia simoniae, quia emere propriam spiritualem utilitatem temporali munere, seu pecunia, simoniacum plane est. Aliunde videri poterat licita illa donatio, quia fortasse altera ecclesia, a qua praelatus postulabatur, ex carentia ejus magnum detrimentum patiebatur, & saepe contingit, ut hoc detrimentum sit etiam in temporalibus, quia unus praelatus solet esse in his rebus utilior monasterio, quam alius, vel propter majorem industriam, vel propter majorem auctoritatem, seu benevolentiam erga populum, qui ratione illius largiores elemosynas monasterio confert. Ergo aliud monasterium absque simonia poterat aliquam recompensationem postulare, non vendendo spirituale ministerium, vel alia dona spiritualia talis personae, sed aut ejus humanam industriam, vel certe potius se indemnem conservando. Nihilominus certum est, in illo casu committi claram simoniam, si per modum pacti aliquid temporale detur pro impetranda persona ad praelationem ecclesiae, sive ipsi detur, sive alteri. Quia in eo casu procedunt omnia dicta in fine superioris capituli. Item quia, qui sic vendit, vel locat suam personam ad tale ministerium, plane vendit ministerium ipsum, ut capite vigesimo latius dicemus: at vendere ministerium spirituale, simonia est. Alia vero consideratio de recompensatione damnorum est per accidens, & haberet quidem locum, si detrimentum esset omnino temporale, & nullo modo proveniens ex concomitantia, seu annexione ad spirituale. De qua re partim in capite vigesimo, partim tractando de beneficiis, & praelationibus dicemus.

Attrahere ad statum religiosum per temporalia munera, quando sit simoniacum.

3 Simili ergo modo sentit pontifex in illo textu, esse illicitum, & simoniacum in alio casu (de quo nunc tractamus) de ingressu religionis, aliquem ad religiosum statum attrahere per temporalia munera. Sed intelligenda est responsio juxta resoluta in praeced. cap. Nam si munera dentur simpliciter, & absolute, vel sub conditione tantum invitante (ut sic dicam) vel facilitante conditionem religiosi status, sic licita est donatio, vel promissio. Si autem sit cum mutuo pacto, & obligatione, sic est simoniaca. Et haec decisio illius textus, & in ea fere omnes Doctores conveniunt. Praesertim Divus Thomas dict. artic. 3. ad 4. Et Quodlib. 4. artic. 23. in fin. corporis, & ad 17. Tutrecrem. in dict. cap. *Quam pio*, Panorm. & alii relati cap. praecedenti pro prima opinione. Auctores etiam praecipui secundae opinionis ibidem relatae, licet de baptismo aliter loqui videantur, de statu religionis non ausi sunt id concedere. Nec refert, quod hic status ordinetur ad utilitatem recipientis: tum quia in hac ipsa utilitate spirituali potest intercedere emptio, & venditio, ut supra declaravi: tum etiam quia saepe persona quaeritur, & attrahitur muneribus

propter monasterii commoditatem vel spiritua-lem, vel temporalem, vel propter honorem, &c. Et ideo in hoc negotio, etiam sine praedicto pacto munera sunt valde periculosa, & vitanda propter cavendum scandalum, fictionem, inconstantiam: & quia illa media non sunt per se accommodata ad statum tam arduum, & spiritualement, licet non sint intrinsece mala.

4 Hic ergo praecipue tractamus questionem in priori sensu. In quo est ulterius advertendum, duplicem esse ingressum religionis, unum per susceptionem habitus ad probationem, alium per professionem, seu vota, per quae verus status religionis constituitur. Qui duo ingressus licet in multis differant, ut infra tom. 3. videbimus, quod ad praesentem questionem attinet, tanquam idem reputantur: tum quia ubi est unum propter aliud, ibi est unum tantum; ingressus autem prior totus est propter secundum; tum etiam quia receptio ad habitum solum propter professionem potest habere aliquam aestimationem; & ideo si propter receptionem ad habitum aliquid recipitur, propter confessionem accipitur: tum etiam quia uterque ingressus ordinatur ad salutem animae, & perfectionem charitatis, & Dei cultum, & per potestatem spiritualement sit; ideoque uterque est quid spirituale: tum denique quia illa duo se habent, sicut via, & terminus, sicut praesentatio, & collatio ad beneficium, & simile. Unde jura in hac materia de utroque ingressu indifferenter loquuntur, ut recte notavit Navar. Conf. 86. de simon. Et patet ex cap. Nullus 1. quest. 2. & in cap. Non satis, & cap. De regularibus, & cap. Veniens, & cap. Quoniam, & cap. Audivimus de simon. & in Extravag. 1. de simon. inter Communes. Et in omnibus his locis prohibetur talis receptio ex parte monasterii ex puncto. In hoc vero puncto considerandum est, aliud esse loqui ex sola rei natura, aliud de jure positivo: & ad utrumque expendendum considerata sunt duo in ingressu religionis: unum est beneficium spirituale, quod fit religioso, dum consecratur Deo per professionem, ad quam recipitur; aliud est onus, quod monasterium suscipit alendi, & sustentandi religiosum.

5 Igitur ex natura rei, & ex vi juris Divini simonia esset, recipere aliquem in religiosum, vendendo illi religiosum statum. Et hoc modo status, seu ingressus religionis vera, ac propria materia simoniae existit, quod est indubitatum apud omnes, ac fere per se notum, quia res illa maxime spiritualis est, tam ex parte principii, quod sine dubio est Spiritus sanctus, quam ex fine proximo, & per se, qui est cultus Dei perfectus, & spiritualis profectus ingredientis.

Ex natura rei est simonia accipere aliquem in religiosum vendendo illi statum.

6 Nihilominus tamen ad sustentanda onera temporalia, quae religio in se suscipit cum tali persona, non est ex natura rei simoniacum, aut malum aliquid recipere, ut aperte docet D. Thomas supra, & sequuntur omnes, quos statim referam. Et constat, quia ibi non accipitur temporale pro spirituali, sed pro temporali, ut constat ex dictis supra in simili de matrimonio carnali. Sicut enim matrimonium & est sacramentum, & humanus contractus, & sub hac posteriori ratione habet annexa onera temporalia, & incommoda, quae non possunt sine temporalibus bonis sustentari, & ideo licitum est, ut uterque conjugum aliquid ad hoc conferat: ita professio religiosa, & est status quidam spiritualis, & oblatio, quae fit Deo, & quoddam genus consecrationis talis personae ad cultum Dei: & praeterea est contractus quidam humanus inter religionem & religiosum; nam religiosus fere tradit religioni, & se totum in illam transferendo, & religio acceptando illum se obligat ad sustentandum illum, & ita in se suscipit omnia onera temporalia, quae ad sustentationem talis personae necessaria sunt. Licet ergo ille status priori ratione spectatus spiritualis sit, & ideo vendi non possit, nec temporali pretio compensari; tamen sub posteriori ratione onus illud pretio aestimabile est, vel (ut castius loquamur) indiget temporali subsidio, & adiutorio: & ideo non est contrarium, nec alienum a ratione naturali, ut qui religionem

Ad sustentanda onera temporalia non est simoniacum ex natura rei, aliquid recipere.

gionem ingreditur, temporale aliquod subsidium secum afferat, quoad ipsum sustentandum religio iuvetur. Sic etiam ecclesia licet pro sacramento ordinis nihil recipi permittat, nihilominus præcipit, ut nemo ordinetur, qui beneficium non habeat, aut aliunde habeat temporalia bona ad suam sustentationem clericatui decentem sufficientia, quæ postea alienare non possit, donec beneficium ecclesiasticum sit adeptus, ut patet ex Concil. Trident. sess. 21. cap. 2. de Reform. Sic ergo licet status religiosus vendi non possit, congruam sustentationem a persona requirere, non est per se malum.

An hoc sit prohibitum jure ecclesiastico.

Pars negativa.

6 Ex his autem duabus partibus prior, quam de jure divino esse diximus, jure etiam canonico roborata est, & aucta, ut constat ex juribus supra citatis. Circa alteram vero partem, quam diximus non esse prohibitam jure Divino, dubitari solet, an sit prohibita jure ecclesiastico? In quo dubio communis sententia est, non esse simpliciter prohibitam jure ecclesiastico. Ita sentit Divus Thomas dicto artic. 3. ad 4. nam dicit simpliciter, hoc esse licitum, quod non diceret, si crederet, jure positivo esse prohibitum, aliquid recipere ab ingrediente ad sustentationem. Quod si tempore Divi Thomæ non erat talis prohibitio, neque nunc est: nam jura, quæ videri possunt hoc prohibere, jam eo tempore lata erant, ut bene advertit Navarrus infra citandus. Idem Divus Thomas expressius in 4. distinctione vigesima quinta, quæstione tertia, articulo tertio, quæstione 1. ad argument. ubi Palud. idem sequitur quæstione 5. numer. 20. & Cajetan. in dicto articulo tertio, & in Summ. verb. *Excommunicatio*, cap. 73. Anton. 2. part. tit. 1. cap. 5. §. 18. Silvest. verb. *Simonia*, quæstione 15. Angel. verb. *Simonia* 4. per totum: Tabien. num. 63. cum sequentibus Sor. lib. 6. de Justit. quæst. 6. artic. 2. Idem sentiunt Glossæ in cap. *Non satis*, & in cap. *Quoniam*, de simon. quas ibi Abbas, & alii frequentius sequuntur. Et Turrecrem. 1. quæst. 2. in principio, & ibidem alter Card. Alex. qui plures antiquiores refert. Item Anania in rubr. de simon. Allegatur etiam Barr. in leg. *Titio centum*, §. 1. ff. de condit. & demonstrat. Sed ibi Bartol. potius videtur sentire contrarium, & ibi in quodam scholio varia loca ejus inter se contraria referuntur, & auctor scholii in hanc partem inclinat, quod nimirum hoc liceat, quando monasterium indiget, etiam cum pacto, ut infra dicam. Navar. tandem idem approbat, licet dicat, oppositum esse melius in Tract. de reddit. ecclesiast. quæst. 1. Monit. ultim. num. 2.

Fundamentum hujus opinionis.

8 Fundamentum hujus sententiæ est, vel quia nullum est decretum, quod talem prohibitionem generalem sufficienter ostendat, quod, an ita sit, statim expendemus: vel si est, contraria consuetudine derogatum est: nam cum esset mere humana prohibitio, potuit contraria consuetudine derogari: constat autem de facto esse, & servari talem consuetudinem, & experimento constat, præsertim in monialibus. Addi etiam potest conjectura, quia moraliter fieri non potest, ut plures personæ in religionibus recipiantur, nisi possit ab eis recipi, unde sustententur: sed non est verisimile voluisse ecclesiam præcludere viam tot personis ad statum perfectionis; ergo non est verisimile, hoc prohibuisse, sed solum id, quod contra spirituales rationem illius status committi potest.

Expediatur prima moderatio adhibita auctoribus hujus sententiæ, ut scilicet, monasterium egeat.

9 Multi autem ex auctoribus hujus sententiæ quasdam moderationes adhibent, quæ attente sunt expendendæ. Prima est, ut revera monasterium egeat, ita ut non habeat redditus sufficientes ad sustentandum plures religiosos, quam habeat. Hanc conditionem supponit aperte D. Thom. cum dicit, *licet recipere aliquid pro sustentatione personæ, quæ recipitur, si ad hoc non sufficiant monasterii opes*. Idem tenet, & declarat Cajetanus ibi, & fere alii Doctores citati in hoc conveniunt. Solus Sor. quæstione sexta, articulo secundo negat aperte, hanc conditionem esse necessariam, ductus ea ratione, quod ea, quæ recipiuntur ad sustentationem, recipi possunt etiam a divitibus, quia nunquam recipiuntur, ut pretium rei spiritualis, ut patet in clericis divitibus, qui nihilo-

Suarez Tom. XII.

minus sine simonia, vel injustitia de altari sustentantur. Et inclinatur in eandem sententiam Silvest. num. 15. ait enim, si monasterium sit dives, esse simoniam præsumptive tantum quoad forum externum, non vero in conscientia, si debita intentione in sustentationem recipiatur. Sed hæc opinio Soti nullo modo probanda est, ut late dixi tom. 5. de Cens. ubi ad hoc probandum sententias Canonum, & dicta Doctorum ponderavi. Et rationem a priori declaravi, maxime supposita institutione ecclesiæ. Nam bona monasterii redditus ecclesiastici sunt, ideoque expendi debent gratis in his operibus, ad quæ sunt ab ecclesia destinata: ecclesia autem vult, ut talia bona in religionis alendis liberaliter consumantur; & præcipit etiam, ut quælibet persona idonea ad tale institutum, & ad illud a Deo vocata ex eisdem bonis gratis alenda sit, si ad id sufficiant, non obstante religiosorum numero præexistente; ergo tunc aliquid ad sustentationem exigere est vendere, quod gratis dandum est.

Opinio Sor. rejicitur.

10 Dicit vero potest, inde solum concludi illam esse injustitiam, non vero esse simoniam. Respondetur 1. fortasse ex natura rei ita esse, & tunc ad summum habere locum, quod Silvest. dicit de simonia præsumpta, tamen supposita prohibitione ecclesiæ, etiam esse veram simoniam. Quia ecclesia prohibuit illam receptionem non tantum ratione injustitiæ, sed maxime intuitu religionis, & ne status ille adeo spiritualis, & sanctus venundari videretur: nam lex ecclesiastica prohibendo præsumptam simoniam intuitu religionis facit, illam esse veram, ut supra dictum est. Et ita intelligunt multi decisionem textus in cap. *Tua nos*, de simonia, præsertim quoad illa verba: *Si clerici, qui illum in fratrem admittunt, non essent eum, nisi commode temporalia perciperent, admisissent*. Exponunt enim Raimun. Cardinal. & alii, illam decretalem loqui, quando ecclesia, seu monasterium abundat, & tunc dicit committi simoniam. Addo etiam, posse optime sustineri, ex natura rei hanc esse veram simoniam, etiam si supponat aliquam ecclesiasticam institutionem: sicut supra dicebamus de calice, & aliis rebus habentibus consecrationem ex institutione ecclesiæ, & infra dicemus de beneficiis ecclesiasticis. Ita enim hic de institutione ecclesiæ est, quod religiosi habeant jus, ut de bonis monasterii gratis sustineantur, quod jus spirituale est. Et licet in his, qui jam sunt religiosi, sit jus in re (ut sic dicam,) in his, qui volunt ingredi legitime, est aliqua participatio illius juris, quasi ad rem, seu est proxima capacitas acquirendi illud gratis. Ergo petere ab eis aliquid intuitu sustentationis, est vendere illis jus, quod ingrediendo monasterium acquirere possunt, & debent, ad suam sustentationem ex bonis ecclesiæ: hoc autem est vera simonia non solum, quia prohibita, sed per se, & ex natura rei. Sicut si episcopus noller ordinare habentem beneficium ad titulum ejus, sed ad titulum patrimonii, cogendo illum ad applicandos fructus beneficii, vel patrimonii ad alia opera pia, vel ad sustentandos alios clericos, sine dubio simoniam committeret. Ita ergo est in presenti: nam qui vult ingredi monasterium opulentum, habet quasi beneficium ab ecclesia, ut ad titulum divitiarum monasterii consecrari debeat religiosus: ergo exigere ab illo patrimonium, ut bona monasterii ad alios usus applicentur, vel certe ut ipsamet bona patrimonii in alios usus expendantur, & tunc, qui illa dedit, alatur ex bonis monasterii, simonia est, & injustitia. Hæc ergo conditio nobis valde probatur, & si consuetudo illi contraria est, & non potest aliquo justo titulo reduci ad veram indigentiam monasterii, probanda non est: quia non est consuetudo rationabilis, sed corruptela reprobata in ipsis juribus, ut videbimus. Quomodo autem possit hoc salvari ex vero titulo necessitatis, non obstante opulentia monasterii, in citato loco satis explicui.

Subterfugium præcluditur.

11 Alia conditio, quam dicti auctores, non omnes, sed aliqui præsertim juristæ adhibent, est, ut pactum non intercedat. Ita Glossa in dicto cap. *Non satis*.

2. Moderatio expenditur, quod scilicet, licet pactum non intercedat.

tis, quam ibi Abbas, Mari. Soci. & alii sequuntur. Dicit tamen, posse prælaturam monasterii protestari, se paratum esse ad recipiendum gratis petentem habitum, tamen non habere, unde illum alar: & ideo, si velit ingredi, oportere, ut secum afferat, unde vivat, & tunc illum recipiet gratis, & sine ullo pacto. Idem fere habet Glossa in dicto capit. *Quoniam*, ibi etiam ab interpretibus probata. Verum tamen Cajetanus, Navarrus, Soto, ac fere alii talem conditionem non admittunt, nec Divus Thomas illam posuit. Et plane videtur destruere positionem ipsam; nam in primis stando in jure naturali, non est licitum deducere in pactum, quod licitum est ita petere, ut nisi detur, opus non fiat, ut recte sentit Cajetanus, quem alii sequuntur, & infra etiam cap. 20. & de sustentatione clericorum dicitur. Et ratio est, quia si pretio, & acceptio pro sustentatione non est simoniaca, pactum cadens supra talem rem, ut subsidium sustentationis, non cadit in materiam simoniæ: ergo non habet, unde ex natura rei sit prohibitum, cum alias constet, esse justum. At vero in præsentii illimet auctores supponunt, jus canonicum non prohibere petitionem sustentationis necessariæ, quam jus naturæ non prohibet: ergo nec pactum prohibebit, nec est, cur prohibeat.

impugna-
tur.

Videri
impossibi-
le conce-
dere ali-
quo mo-
do factu,
& prohi-
bere pactum.

12 Immo videtur impossibile concedere factum eo modo, quo moraliter fieri potest, & prohibere pactum. Quid enim est, quod dicitur non esse prohibitum jure canonico? Aut enim non prohibetur recipere id, quod mere voluntarie, & sponte offertur a volente ingredi, etiam si religio paratam se ostendat ad recipiendum illum, etiam si nihil temporale secum afferat: & hoc nihil profecto est, quia nemini unquam venit in mentem, hoc esse prohibitum, vel prohiberi posse; quia hoc esset prohibere operam virtutis, & eleemosynæ, & privare religionem piis, & honestissimis subsidiis sine causa. Unde tantum abest, ut hoc prohibeatur, ut expresse approbetur in dicta Extravag. de simon. & sumitur ex cap. *Tua nos*, & cap. *Dilectus*, 2. de simon. & ex cap. *Si quis*, in fin. 1. quæstione secunda. Aut jus canonicum non prohibet, quin religio possit denegare receptionem ad habitum, nisi aliquid temporale detur sufficiens pro sustentatione personæ recipiendæ, quod plane videntur concedere dictæ Glossæ, etiam in illo modo, quo explicant, hanc dorem esse petendam. At vero illud est pactum plusquam implicitum, & fere explicitum: quid enim aliud sit in petenda dote pro matrimonio carnali? Item ex illo modo petendi sequitur aperte, illum, qui dat, non sponte dare, sed ex quadam necessitate, quia alias non recipietur; unde si non statim dat, saltem obligatur ad dandum, etiam civiliter, & per publicum instrumentum, & religio hac ratione suscipit tale onus; est ergo vera pactio: si ergo tale factum licet, etiam pactio non est prohibita, est ergo supervacanea illa conditio.

Sententia
auctoren-
tium sal-
tem jure
ecclesiæ,
esse pro-
hibitam
omne pa-
ctum in
ingressu.

13 Propter hanc vero causam alii Doctores fatentur, esse prohibitam talem exactionem saltem de jure ecclesiastico, quia putant, esse prohibitam omnem pactationem in ingressu religionis pro sustentatione necessariâ, etiam in paupere monasterio. Pro hac sententia citatur Innocent. in capit. *Tua nos*, de simon. Sed ille, licet referat opinionem, non videtur in illa firmari: nam subjungit: *Alii dicunt, quod talis exceptio non est simoniaca*, argument. cap. *Si quis*, 1. quæst. 2. Et transit, nihilque amplius dicit. Illam vero sententiam probat Archid. 1. quæst. 2. in principio, & latius eam sequitur Ugolin. Tab. 1. cap. 4. §. 1. num. 16. qui etiam addit, prohibitionem illam nunc esse in suo vigore, & non esse consuetudine derogatam. Prohibitio autem afferitur 1. ex cap. *Nullus*, 1. quæstione secunda; sed ibi non aliter prohibetur pretio vendi, & cum pacto ingressus religionis, quam ordinatio, & similia. Unde sufficienter intelligitur, ibi prohiberi id, quod jure Divino prohibitum est, scilicet venditionem ipsius rei spiritualis. Et similis omnino prohibitio est, quæ habetur in cap. *Non satis*, de simon. & quæ accipi potest ex cap. *Cum in ecclesia*, & ex cap. *Veniens*, eodem. Et clarius habetur in cap. *De regularibus*, eod. in quo supponi-

tur, ingressum fuisse simoniacum, & de pœna tractatur; non explicatur autem, in quo simonia posita sit, intelligendum ergo est consistere in venditione ipsius ingressus. Unde ibidem dicitur, *Cum super hoc*, id est, super detestationem simoniæ, auctoritates multe reperiantur expresse, quæ non sunt nisi illæ, quæ habentur 1. quæstione 1. Ut ibi Glossa notat, in illis autem præcipue damnatur simonia, quæ mala est de se, non vero sit specialis prohibitio circa hunc ingressum de re, quæ de se mala non sit. Et eodem modo intelligitur optime cap. *Dilectus*, 2. eodem. Ubi eadem simonia damnatur. In cap. autem *Audivimus*, eodem, prohiberi videntur omnes hujusmodi exactiones, non solum, quæ vere sunt malæ, & contra jus Divinum, sed etiam illæ, quæ habent speciem mali. Sed ibi non agitur de dote, quæ postulat tantum ad sustentationem ejus, qui ingreditur, sed de pitantiis, seu propinis, quæ solent exigi pro singulis religiosis, & non videtur damnari, tam contributio, quam modus exigendi, quia difficultates (inquit pontifex) ingerunt, & malitias, donec aliquid muneris manus contingat eorum. Qui modus exactionis valde reprobatus est, ut supra disputando de oblationibus diximus, & infra attingemus.

14 Magis movere potest capit. *Quoniam*, eod. Quoniam ibi specialiter de monialibus fit prohibitio, ne pecunia pro earum ingressu exigatur, etiam paupertatis prætextu. Sed ut ibi Glossa indicavit, & in dicto loco de Censur. notavi, tunc dicitur aliquid vere, ac proprie exigi prætextu paupertatis, quando monasterium revera pauper non est, & nihilominus illo titulo, & colore aliquid exigit. Et sic ad summum colligitur ex illo textu, quod supra contra Sor. dicebamus, ibi esse prohibitum monasteriis opulentiis, ne sub eo colore aliquid recipere valeant. Vel certe potest recte intelligi, ibi prohiberi venditionem ipsius ingressus, quæ prætextu paupertatis fieri potest monasteriis etiam vere pauperibus. Nam sub specie recipiendi aliquid ad sustentationem multo plus exigunt ratione ipsius ingressus. Et ita intelligitur etiam hoc modo ibi esse prohibitum aliquid, quod ex natura rei malum est. Nam ut recte dixit Navar. supra, ex pacto nihil potest recipi, nisi quod alendæ uni personæ est necessarium, quodque monasterium ob paupertatem non possit tribuere, & si aliquid ultra petatur, illicite fit, quod etiam ego dixeram in citato loco de Censuris numer. 12. Nam quando plus exigitur, quam quod ad unam personam sustentandam commode juxta exigentiam talis status sufficit, non apparet, qua ratione aut titulo honestari possit. Nam etiam si fiat prætextu paupertatis, titulus est coloratus, & non verus. Et hoc videtur reprobaturum in d. cap. *Quoniam*.

15 Ultimo hæc prohibitio solet probari ex dictis Extravag. primæ de simon. Ubi Urbanus papa severissime prohibet sub excommunicatione ipso facto incurrenda, & papæ reservata, ne ab his, qui ad religionem recipiuntur, exigatur aliquid, vel petatur, aut exigatur directe, vel indirecte, nec recipiatur quicquam præter id, quod personæ ipsæ pure, & sponte, & plena liberalitate, omni quæpactione cessante, dare, vel offerre voluerint. Et addit: *Sed eas potius cum omnimoda pietate recipiant, ac in vestitu, & vestitu sicut alias personas suarum ecclesiarum, monasteriorum, prioratum, & locorum sincera charitate pertractent*. Ex quibus verbis colligi videtur, voluntatem pontificis fuisse, ut etiam ad sustentationem gratis admittantur, & consequenter ut etiam titulo sustentationis nihil ab illis exigi possit. Et in principio illius textus reprobatur omnis talis consuetudo illi prohibitioni contraria, & corruptela vocatur, unde irrationabilis esse significatur.

16 His vero non obstantibus, existimo, non esse ibi factam talem prohibitionem, supposita conditione veræ paupertatis, & indigentiae ex parte monasterii. Quod aperte tenet Navar. supra, & in Manual. cap. 27. num. 106. allegans Cajet. & idem sentit Sor. & multi alii ex allegatis. Et ultra ea, quæ in d. tom. 5. de illo

Resolvitur non dari talis prohibitio.

de illo textu dixi, nunc expecto nullam novam prohibitionem ibi fieri, sed tantum renovari antiquam, & addi censuram. Hoc enim expresse declaratur in ipso textu: tum in principio, cum proponitur factum, ubi dicitur: *Detestabilis a canonibus reprobata servatur abusus*: proponit ergo puniendum rem jam antea per canones reprobata: tum inferius, cum pontifex ait: *Nos igitur huic morbo pestifero cupientes congruam adhibere medelam, & aliis panis in talia presumptis inflicti a jure in suo robore duraturis, penam adjicere graviolem*. Non ergo aliquid de novo prohibet, aut punit, quod antea non esset prohibitum, & punitum, sed rei prohibita censuram adjungit. Unde inferius iterum per parentheses interponit (*quomodo sit a jure inhibita*) ostensum est autem, antiquiora jura non prohibere sustentationem recipere, vel dare, quando monasterium vere est pauper; ergo nec in illa Extrav. hoc prohibetur. Deinde ex verbis, quibus factum refertur, & damnatur, magna conjectura fit, non esse sermonem de necessaria sustentatione, nam illius receptio, nec per se adeo detestabilis apparet, nec in sacris canonibus reprobata. Igitur ibi solum prohibentur exactiones illæ, quæ sine vera necessitate fiunt, & onerosum reddunt, & moraliter valde difficilem religionis ingressum, & occasiones sunt multorum scandalorum: quæ omnia in veram, ac necessariam sustentationem non conveniunt. Hunc autem sensum plane indicant illa verba, *Quoscunque pastus, seu prandia, pecunias* (utique per modum distributionum) *localia, aut res alias, etiam ad usum ecclesiasticum, seu quemvis pium usum deputata, vel deputanda, &c.* Id est, munuscula, & dona, quæ pro sacrificiis, valetudinario, vel aliis similibus usibus extorqueri solent. Hæc enim, & similia non pertinent ad personæ sustentationem: hæc ergo si necessaria sit, ibi non est prohibita.

Objeccio. 17 Sed objicitur præterea, quia jura prohibent; ne recipiantur in monasterio plures personæ, quam ex redditibus monasterii possint sustentari, ut patet ex cap. unic. §. 1. de Stat. regul. in 6. & in Concil. Trident. sess. 25. capit. 3. de Reform. regular. ergo supponunt hæc jura nihil posse recipi pro sustentatione ingredientis, sed deberi ex redditibus monasterii sustentari. Sed ad hoc respondimus in dict. 5. tom. Concil. Trident. vel ampliasse, vel declarasse illam legem, dum addidit, *vel ex redditibus propriis, vel ex consuetis elemosynis*, nam sub his elemosynis comprehendendi possunt dotes, quas secum afferunt moniales, cum recipiuntur. Unde Navar. in dicto Monito ultim. definiens esse licitum recipere cum competente dote aliquam in monialem ultra numerum, qui ex redditibus sustentari potest, ait, tam jus antiquum, quam novum exponendum esse, ne plures recipiantur indotatæ; cum dotibus tamen recipi possint, ita ut non gravetur monasterium.

18 Concludo igitur cum communi sententia, non esse prohibitum jure canonico in vero casu necessitatis aliquid recipere, & de illo pacisci, explicando illud esse ad necessariam sustentationem. Et licet hoc esset prohibitum jure canonico, certe consuetudo fuisset sufficiens ad derogandum illi. Quia illa esset prohibitio mere humana, quæ per consuetudinem derogatur. Neque talis consuetudo potest dici corruptela, aut irrationabilis, sed potius laudabilis, quam servandam esse dixit cap. *Ad Apostolicam*, de simon. Est autem laudabilis, quia necessitati animarum, & monasteriorum egentium per illam subvenitur, alias, vel hæc monasteria gravanda essent, vel multæ virgines privandæ essent remedio, & religioso statu: & ideo prælati ecclesiæ videntes, & tacentes illam consuetudinem approbant tanquam convenientem, & moraliter necessariam, & nihil contra jus Divinum obrinentem, & interpretantem potius, quam derogantem ecclesiasticum jus, ut bene sensit Felin. in dicto cap. *Quoniam*, num. 12. Hæc autem, quæ diximus, non ita facile applicantur ad prandia, distributiones, seu propinas, & alia dona, quæ a monialibus exiguntur, & quasi vi extorquentur: nam hæc videntur valde reprobata in illis juribus, præsertim in cap. *Ad vivimus*, cap. *Quoniam*, cap. *Tu nos*, & *Snarez* Tom. XII.

maxime in dict. Extravag. Quapropter in his moderatio adhibenda esset, ut saltem si propter consuetudinem recipiuntur, non negarentur spiritualia, nisi illa darentur, sed servaretur modus petendi illa præscriptus in d. cap. *Ad Apostolicam*. Sed si qui excessus in hoc committuntur, non sunt contra jus Divinum, & consuetudine tolerari possunt, præsertim quia possunt aliquo modo ad necessariam sustentationem reduci, ut in cit. loco tom. 5. dixi.

19 Denique potest hæc nostra sententia confirmari ex Concil. Trident. sess. 25. cap. 16. de Regular. Ubi tria circa bona ingredientium religionem disponit. Primum est, ut non fiat eorum renunciatio nisi ex licentia episcopi, & duobus mensibus ante professionem, & aliter facta non valeat. Secundum, ut pro anno probationis possit religio suscipere de bonis novitii necessaria ad victum, & vestitum ejus. Tertium, ut ante professionem nihil amplius de his bonis detur monasterio. De prima igitur, & tertia parte hujus decreti dicemus infra tractando de statu religioso. Nunc secunda est, quæ ad nostrum propositum spectat. In qua Concilium permittit aliquid recipere pro sustentatione novitii pro tempore probationis. Verum est, Concilium non loqui de pacto, nec de modo recipiendi, id est, an possit monasterium ita illam sustentationem exigere, ut sine illa nolit recipere novitium? Tamen cum hoc Concilium non prohibeat, per rationem naturalem, & alia jura id regulandum est: at ex vi rationis id non est malum, nec per alia jura est prohibitum, saltem quando monasterium eget; ergo etiam illo modo licita est exactio. Quod si pro sustentatione in novitiato id licet, eadem ratione licebit pro sustentatione totius vitæ, si ex parte monasterii eadem est cum proportionem indigentia. Et ita ibidem in tertia parte proposita satis insinuat Concil. posse monasterium a tempore professionis bona religiosi accipere, & possidere: quod ego intelligo, vel ipso libere donante, quando monasterium dives est, vel monasterio exigente saltem necessaria ad sustentationem, quando vere indiget.

Confirmatur vero sententia.

C A P U T XVIII.

An functiones supernaturalis doctrinæ sint materia simoniæ?

I Doctrina supernaturalis hoc loco dici potest in primis ipsa fides, ad quam reducuntur gratiæ omnes etiam gratis datæ, quæ, vel ad fidem propagandam, vel ad illam stabiliendam, & confirmandam ordinantur. Sub quibus comprehendimus omnia dona spiritualia, quæ conferre solet Deus, vel ad intelligendam scripturam speciali modo, ut habuerunt Apostoli, vel ad non errandum in doctrina fidei, ut eisdem datum est, & in summo pontifice, ut talis est, perseverat. Deinde dici potest sacra, & supernaturalis doctrina scientia Theologiæ, sive positivæ, sive scholasticæ, vel speculativæ, vel moralis.

Quæ doctrina supernaturalis.

2 Circa primum membrum nulla est difficultas, nam fides, quatenus est habitus, vendi non potest, ut constat. Ut vero est actus internus credentis dupliciter considerari potest, primo, ut est perfectio ipsiusmet habitus, & ut sic magis habet rationem disciplinæ, quam doctrinæ, nam qui credit, audit a patre, & discit, ut dicit Christus, Joann. 6. Sic autem constat, esse donum supernaturale inestimabile pretio, ac subinde jure invendibile: vix autem potest etiam factum vendi, si vero aliquo modo vendatur, materia est simoniæ. Potest autem intelligi dupliciter vendi de facto. Primo si is, qui crediturus est, pretium accipiat, ut credat, juxta dicta in cap. 16. & tunc venditur potius, ut disciplina, quam ut doctrina: ut si quis in opinione, vel fide humana venderet alicui, quod ejus opinionem teneret, ac defenderet, vel quod ejus dictis fidem daret. Secundo potest is, qui fidem alteri tradit, seu docet, vendere fidem, vendendo doctrinam fidei, quatenus supernaturalis formaliter est. Censebitur autem vendi formaliter, quatenus supernaturalis est, altero e duobus

Fides quo pacto sit materia simoniæ.

modis. Primo, si vendatur, quatenus ex supernaturali dono specialiter procedit, ut si pontifex venderet resolutionem in aliquo puncto fidei tanquam infallibilem; vel si scriptor canonicus venderet scripturam suam, eo quod infallibilis veritatis sit; vel si propheta venderet occultorum revelationem; vel si prædicator habens vim faciendi miracula ad confirmandam fidem, pretio venderet talem fidei confirmationem, & sic de aliis. Et ratio est clara, quia omnes istæ functiones sunt divinæ, & spirituales, ut constat ex supra dictis. Secundo modo potest vendi doctrina fidei, ut spiritualis, seu supernaturalis, si particulari pretio æstimetur propter excellentiam fidei, quam habet in alio genere. Et hoc ultimum in sequentibus amplius explicabitur, reliqua enim nullam difficultatem, vel obscuritatem habent.

An doctrina Theologice sit materia simoniarum?

4. Theologie functiones numerantur.

3. Præfens ergo quaestio maxime proponitur propter doctrinam Theologiam, quam addiscimus in scholis deducendo conclusiones, & veritates ejus ex principiis fidei, nostra industria, ingenio, & labore discurrendo, & post illam comparatam eadem utimur ad docendos alios. In hac ergo doctrina quatuor genera functionum distinguere possumus. Unum est, Theologiam docere ad instruendas mentes audientium in illa doctrina, quæ functio ut sic non ordinatur ad probitatem morum ipsorum audientium, sed solum ad illuminandum intellectum modo humano, quomodo rota illa actio veluti speculativa dici potest. Et complectitur tam scholasticam doctrinam, quam positivam, quatenus sistit in vera Scripturæ sacre intelligentia tradenda. Alia functio est, dare consilia ad forum conscientie pertinentia, quæ ordinantur ad instruendam mentem eorum, quibus consilia dantur in ordine ad satisfaciendum conscientie suæ, vel servando præcepta, vel a malis abstinendo, & ita hæc actio magis practica est, quam præcedens. Tertia functio est, concionari, & verbum Dei proponere vel fideli populo ad confirmandum illum in fide, vel excitandum eum ad Dei timorem, & amorem, sive infideli populo ad persuadendam illi fidem, & christianæ religionis veritatem, ac pietatem. Quarta functio addi potest (licet posset ad tertiam reduci) videlicet docere rudimenta fidei populo Christiano, vel catechizare eos, qui jam habent credendi voluntatem, & baptizari desiderant. De quibus omnibus sigillatim, ac breviter dicemus.

Opinio asserens simoniam esse pretium accipere pro docenda Theologia.

4. Circa primam ergo functionem duplex est opinio: una non posse pro docenda Theologia pretium recipi sine simonia, ac subinde doctrinam Theologiam, quantum ad hanc functionem, esse materiam simoniarum. Hanc opinionem a fortiori tenent omnes, qui de naturalibus scientiis ita opinantur, quos supra retulimus cap. 8. De Theologia vero specialiter id docuit Palud. 4. dist. 25. quæst. 5. num. 20. quem sequitur Anton. dict. cap. 5. §. 7. notab. 6. in fin. idem Silvest. verb. *Simonia*, quæst. 10. cum duplici limitatione. Una, quod quis doceat Theologiam tanquam ex officio, ut magister, alia quod doceat ex pacto: sed hæc posterior conditio pertinet ad actum simoniarum, non ad materiam ejus, de qua nunc agimus; & ita etiam supponimus, sermonem esse de hac materia in ordine ad venditionem, vel æquivalentem contractum. Prior autem conditio videtur continere peculiarem rationem, & fundamentum hujus sententiæ, ut mox explicabimus. Et hanc sententiam videtur sequi Hostiens. in cap. *Quia nonnullis*, de Magistris, licet obscure satis loquatur.

Fundamentum hujus sententiæ.

5. Fundari potest hæc sententia primo, ac præcipue, quia doctrina Theologiae supernaturalis est, tum ex parte principii, tum ex parte termini proximi, ad quem per se ordinatur; ergo est proprie spiritualis, prout ad materiam simoniarum requiritur. Consequentia tenet ex superius dictis circa definitionem simoniarum. Antecedens autem quoad primam partem declarat: nam doctrina Theologiae procedit ex fide, tanquam a proprio principio, fides autem supernaturalis est. Dices, illud esse remote, seu mediate, proxime vero procedere a sententia acquisita. Sed contra, nam etiam Theologia vera, & perfecta est in se, & in suo esse supernaturali, & ab illa saltem procedit Theolo-

gica doctrina; ergo. Major latius probatur in principio primæ partis, & in materia de fide, nunc declaratur breviter. Quia certitudo Theologica (juxta veriorum D. Thom. opinionem) certior est, quam naturalis scientiæ, unde certitudo ejus supernaturalis est: sed talem certitudinem necesse est procedere ex supernaturali motivo; ergo consequenter necessarium est; ut actus scientiæ Theologicæ habeat supernaturalem speciem ab illo motivo supernaturali. Est ergo talis scientia supernaturalis in se, & ab illa proxime procedit doctrina Theologiae: ergo est supernaturalis ex parte principii proximi, & ita est supernaturalis quoad effectum, non minus quam actus credendi, vel prophetandi. Altera vero pars de termino patet, quia illa doctrina tendit proxime ad generandam in discipulo scientiam ejusdem rationis cum ea, quæ est in magistro; sed ostensum est, illam esse supernaturalem & spirituale; ergo ordinatur proxime ad supernaturalem terminum.

6. Confirmatur primo, quia officium Doctoris Theologi non est tantum deducere conclusionem ex principiis creditis, sed etiam ipsa principia fidei corroborare, illustrare, & credibilia facere, & ab hostibus fidei defendere, ut sumitur ex Augustin. 14. de Trin. cap. 1. At hæc omnia supernaturalia sunt, & de se ad finem valde spirituales ordinata: immo aliqui volunt, talia esse, ut non nisi per auxilium speciale datum propter Christi meritum fieri possint; ergo sunt materia simoniarum, si pretio vendantur. Confirmatur secundo. Quia inter ministros ecclesiasticos numerat Paulus Pastores, & Doctores 1. Corinth. 12. & Ephes. 4. At vero supra ostendimus, esse simoniam vendere ecclesiastica ministeria; ergo & in universum vendere sacram doctrinam, quacumque ratione tradatur, simonia est. Confirmatur tertio, quia non possumus satis probabili ratione distinguere inter unum, & alium modum tradendi hanc doctrinam, ut unum asseramus esse vendibilem, alium negemus: affirmare autem omnes vendi posse, improbabile est, ut de concione statim dicemus; ergo tutius est, omnes in universum negare vendi posse. Tandem accedunt rationes Palud. & Silvest. ille enim sic colligit: vendere licentiam docendi Theologiam simoniacum est, cap. 1. & 8. de Magist. ergo multo magis vendere ipsam doctrinam. Silvest. autem argumentatur, quia gradus magisterii in Theologia spirituale quid est; ergo docere in virtute illius est etiam spirituale, atque adeo materia simoniarum. Alii argumentantur, quia onus docendi Theologiam interdum annectitur ecclesiastico beneficio; ergo signum est, esse spirituale munus, ac subinde vendi non posse.

Confirmatur.

7. Contraria sententia est hodie communis recepta in scholis. Eam tenet Adrian. Quodlib. 9. artic. 1. in fine, Cajetan. dict. art. 3. Vict. dict. Relect. num. 6. Sor. lib. 6. de justit. quæst. 5. art. 1. & quæst. 6. art. 2. ad 2. Tenet etiam Gloss. in cap. *Vendentes*, 1. quæst. 3. verb. *Debitam* in particulari loquens de Theologo Doctore, nam generalius de omnibus id affirmat in cap. *Qui studet*, 1. quæst. 1. verb. *Sanitatis*, & in cap. *De quibusdam*, 37. d. verb. *Magistri*. Et ita etiam loquuntur Durand. & multi ex Doctoribus, quia ita sentiunt de scientiis naturalibus, inter quas solent Theologiam computare. Probari solet primo, quia non minus Theologiae lectoribus, sua salaria assignantur, quam Doctoribus aliarum facultatum, & interdum beneficium confertur propter docendam Theologiam, ut constat ex cap. 1. 2. 4. & ultim. de Magist. & ex Triden. sess. 23. cap. 18. de Reform. Sed hæc probatio non cogit; quia dici potest, hæc dari in congruam sustentationem, non in pretium. Sic etiam pro officio prædicandi designatur præbenda, & interdum salarium certum, quod non est pretium, sed stipendium sustentationis.

Partis opinionis proposita proponitur.

Probat. 1.

8. Secundo possumus argumentari ex Vict. & Sor. a posteriori, quia dare alicui beneficium, quod non habet adjunctum onus docendi, cum pacto, & obligatione docendi Theologiam esset simonia; ergo signum est, docere Theologiam esse quid temporale, & pretio æstimabile; nam ideo collatio illa beneficii simoniaca est, ut dicti auctores tanquam certum sumunt,

Probat. 2. Vict. Sor.

amunt, & docent etiam Navar. in Man. c. 25. nu. 58. & Tab. ver. *Magister*, num. 9. Verumtamen neque hoc cogit; nam dicitur, illam pactionem esse simoniacam, non quia beneficium detur pro temporali, sed quia in datione beneficiorum omnis pactio prohibita est. Sicut esset simoniacum dare beneficium cum onere audiendi confessionem, quando beneficium de se simplex est, & non habet tale onus annexum. Sicut autem possunt alia onera annecti beneficiis vacantibus, ita etiam munus docendi, ut jura prius adducta probant, & usus habet, unde videtur potius sumi argumentum, quod hoc onus spirituale sit. Tertio argumentatur Vict. quia si non liceret vendere doctrinam Theologiæ, neque etiam liceret vendere labores in docendo hanc scientiam, quia ubi actio vendi non potest, nec etiam labor ejus, ut infra videbimus. At illud admittere durum est, cur enim, si cantor ecclesiæ, etiam si in publica oratione canter, potest vendere laborem suum, & advocatus similiter etiam in spirituali causa, & Theologus non vendit suum laborem, etiam si annexus sit spirituali doctrinæ? Sed idem argumentum fieri poterit de concionatore. Responderi ergo poterit, cantare esse actionem maxime corporalem, & laborem illum esse accidentarium ad orationem, patrocinium advocati esse mere temporale, licet materia remota (ut sic dicam) sit spiritualis: at vero hic ipsam actionem docendi esse mere spirituales, & supernaturales, ut priora argumenta probare videntur; & ideo mirum non esse, quod labor ille intrinsecus vendi non possit, neque inde sequi aliquod incommodum, quia per stipendium sustentationis satisficit sufficienter tam justitiæ titulo, quam necessarii docentis.

Opinio-
nem des-
se posse;
secundam
tamen in
rigore ve-
ram esse
judicatur

Funda-
mentum.

9 Unde fateor, sententiam priorem posse, & facile, & pie sustineri, & habere congruitatem in hoc, quod de doctrina sacra decentius hoc modo loquimur. Nihilominus in rigore vera est hæc posterior sententia. Fundamentum autem ejus esse debet, quia licet doctrina ipsa Theologiæ in se supernaturalis sit, nihilominus actiones magistri illam docentis naturales sunt, & naturali modo cooperantur ad hoc, ut auditores discant, sive in eis generetur naturalis assensus, sive supernaturalis, quia non venditur ipse assensus, sed solum labor, & opus, quod in alio juvando, & illuminando ponitur. Sic ergo actus docendi Theologiam non est proprie supernaturalis ex parte principii. Unde Div. Thom. quodlib. 3. art. 9. dixit ad docendam etiã Theologiam sine periculo spirituali sufficere peritiam, de qua homo certus esse potest, etiam si non habeat charitatem, Unde significat sufficere peritiam naturalem: non est ergo illa actio per se loquendo supernaturalis ex parte principii, Nec etiam est proprie supernaturalis ex parte termini; tum quia illa actio docendi per se non ordinatur ad spirituales salutem audientis, sed solum ad manducandum intellectum ad quamdam intelligentiam, sine qua potest esse salus, & cum qua potest esse carentia salutis; tum etiam quia illa doctrina per se non movet voluntatem ad aliquem affectum supernaturalem (sine quo affectu nihil supernaturale in discipulo generari potest) sed solum dirigit discursum intellectus, quatenus ab illo naturaliter fieri potest, & per artem, vel per industriam hominis juvari potest. Ergo munus hoc docendi Theologiam, sive scholasticam, sive interpretationem Scripturæ, non est ex illis functionibus spiritualibus, & supernaturalibus, quæ sunt materia simoniæ. Et hoc magis constabit, respondendo ad argumenta.

Solvitur
argu. pro
opposita
addum-
cium.

10 Ad primum multi negant, actum Theologiæ, vel habitum, qui ex illis generatur, esse supernaturales, vel per se dependentes a principiis fidei, ut creditis per veram fidem infusam. Nam possunt manere in hæretico quoad ea omnia, quæ sunt hæresis non repugnant. Quo posito tota argumentatio ruit, quia licet doctrina Theologiæ quasi objective sumpta supernaturalis sit, quia nisi per revelationem haberi non poterit, tamen supposita revelatione, negotiatio mentis (ut sic dicam) circa illam potest esse mere naturalis, & independens per se ab auxiliis gratiæ

supernaturalis, ac subinde quoad materiam simoniæ manet in eodem ordine cum aliis scientiis naturalibus. Et in hoc sensu videtur dixisse Victo. doctrinam Theologiæ non magis esse donum Dei, quam philosophicas disciplinas, & ideo non magis esse materiam simoniæ. Soto vero dixit, quod licet fides, & arcanorum revelatio donum Dei sit, scientia tamen Theologiæ humano sudore conquiratur.

11 Addo vero ulterius duo: unum est, perfectum assensum Theologicum esse posse vere supernaturalem, propter argumentum factum, quod potest esse certior omni assensu naturali, ut in principio primæ partitractari solet: & nos in materia de gratia, & fide diximus. Sed hoc ad præsens non refert; tum quia ille modus assentiendi ex voluntate pender, sicut assensus fidei, quia illa major certitudo non est ex vi, ac necessitate solius discursus, sed ex voluntate captivante intellectum in obsequium fidei. Unde talis assentiendi modus quoad conclusiones Theologicas, non est necessarius ad docendam Theologiam, neque ad discendam illam. Immo nec haberi potest ex vi doctrinæ Theologiæ, quia (ut dicebam) docens Theologiam, non excitat voluntatem, sed instruit intellectum in vi solius discursus, suppositis principiis fidei. Ideoque ex vi doctrinæ Theologiæ non generatur in discipulo assensus supernaturalis, sed solum assensus naturalis, quantum haberi potest in vi discursus.

Perfectus
assensus
Theolo-
gicus posse
esse super-
naturalem,
hunc ta-
men non
esse neces-
sarium
ad docen-
dam Theo-
logiam.

12 Secundo nihilominus addo, proprium assensum Theologicum, qualis in viro Catholico esse potest, ac debet, per se pendere ab assensu supernaturali principiorum fidei, quia talis assensus debet esse certus, & infallibilis ex vi objecti, hoc autem habere non potest, nisi fundetur in principiis fidei Catholica creditis, quia qui in principiis nurat, in conclusionibus etiam formidare necesse est. Unde impossibile est, ut hæreticus habeat assensum Theologicum ita firmum ex se, & certum, sicut habet Catholicus, de quo alibi latius. Hoc tamen non obstat, quominus ille actus Theologiæ certus sit tantum certitudine naturali, & simpliciter naturalis, & consequenter in ordine ad materiam simoniæ eadem sit de illo ratio, quæ de aliis scientiis naturalibus. Neque etiam obstat, quod supponat fidem, & ab illa procedat; tum quia non procedit supernaturali modo, sed solum cooperando discursui naturali, & ita non procedit a fide, ut supernaturalis est, sed solum est assensus certus absolute: vel (quod in idem redit) non est ab illa secundum se, sed ut modificata per principium naturale, & sequendo (ut ajunt) debiliorem partem. Et potest hoc confirmari, quia si quis habeat donum linguarum infusum, & per illud doceat alios linguarum peritiam, non erit simoniacus, si doctrinam illam vendat, quia in illo opere virtute naturæ operatur, & donum infusum non aliter ibi concurrat, quam si esset naturale.

Hæreticus
non pot-
est habere
assensum
Theolo-
gicum ita
certum, ut
potest ha-
bere Ca-
tholicus.

13 Ad primam confirmationem, dicitur vera esse illa omnia, quæ de Theologia dicuntur, tamen omnia per se loquendo per naturalem discursum fieri possunt, & fiunt, supposita fide. Unde quoad dependentiam ab auxilio gratiæ sequuntur regulam aliarum doctrinarum naturalium: nam ad efficiendos illos actus singulos sine errore & deceptione ultra auxilium ad credendum non requiritur novum speciale auxilium gratiæ, tamen ad collectionem totius muneris, id est, ad non errandum in aliquo illorum actuum, & ad assequendum perfecte totum id, quod in illo negotio intervenit, necessarium est auxilium gratiæ speciale, ut ex propria materia suppono. Hoc autem non obstat, quominus doctrina Theologiæ vendi possit, sicut & Philosophiæ, ac Metaphysiæ, de quibus idem cum proportionem verum est. Et ratio est, quia Doctor ratione pretii non obligatur ad operandum ex hac gratia speciali, nec ad procurandam illam, ut recte doceat, sed ad studendum, & laborandum, ut ea doceat, quæ fidei principiis consentanea sunt; aliunde vero ad vitanda pericula errorum tenebitur homo auxilium gratiæ procurare, quamvis ex vi pretii ad hoc non teneatur. Ad secundam confirmationem responderetur, Paulum in illis locis eosdem

Respon-
detur ad
primam
confirma-
tionem.

Ad singu-
los actus
Theolo-
giæ effi-
ciendos
non est
necessa-
rium spe-
ciale au-
xilium gra-
tiæ, sed
dicendum
de collec-
tione
omnium
actuum
2. Confir-
matio e-
nodatur.

idem intellexisse per Pastores, & Doctores, nam in 1. ad Cor. solum Doctores nominat: in epistola autem ad Ephes. simul conjunxit *Pastores, & Doctores*; nam Pastores sunt, qui curam habent Domini gregis, quos etiam Paulus appellat Doctores, ait D. Thom. ut ostendat, ad pastores ecclesie pertinere doctrina populum Dei pascere, juxta illud, Jer. 3. *Dabo vobis pastores secundum cor meum, & pascunt vos scientia, & doctrina.* Hec ergo doctrina pastoralis ad ministerium ecclesiasticum pertinet ad materiam simoniae, si vendatur, ut de concione statim dicitur: at vero scientia mere doctrinalis non spectat proprie ad spiritualia, & ecclesiastica ministeria, quae ibi Paulus distinguit. Quae sit autem differentia inter officium concionandi, & docendi, quod in 3. confit. petitur, paulo inferius declarabitur.

14 In ratione Palud. petitur, an vendere licentiam ad docendam Theologiam, simoniacum sit? In quo breviter dicemus, licentiam docendi, si non sit actus jurisdictionis spiritualis (de quibus actibus infra dicemus) non esse materiam simoniae, nec vendere talem licentiam esse simoniam ex natura rei, & attentato jure Divino. Hoc patet, quia per cathedram maxime datur alicui licentia, immo & obligatio docendi, & tamen vendere cathedram etiam Theologiae non est simoniacum, alias vendere suum suffragium in oppositione ad cathedram Theologiae esset simoniacum, quod nullus hactenus dixit, sed ad summum esse injustum. Item, si Patronus, vel Rex, ad quem pertinet conferre cathedram, illam daret sub onere aliquo a se imposito tali personae, quidquid sit de injustitia, non esset simoniacus, licet id faceret in cathedra Theologiae, ut constat etiam ex usu, & ex communi consensu omnium. Pari ergo ratione licet Rex, vel Rector, qui jurisdictionem habet temporalem, pro licentia docendi etiam Theologiam sine publica cathedra, vel salario, aliquid exigeret, licet esset turpe lucrum, non esset simonia, quia nec actus, ad quem datur, neque potestas, ex qua datur, spiritualia sunt. Et ita sentiunt Innoc. Panor. & alii in cap. 2. de magist. Anton. de c. 5. n. 17. not. 8. cum Richard. & aliis, quos refert, idemque habet loco infra citando. Idem Tab. ver. *Magister*, num. 10. Prohibitio ergo, quae habetur in d. cap. 1. & 2. de magist. facit, actum dandi licentiam esse illicitum, & injustum, non vero esse simoniacum: nisi in quantum esse potest (ut dixi) actus jurisdictionis spiritualis: & tunc idemerit, etiam si licentia sit ad legendam philosophiam, vel aliam similem doctrinam, & ita inde inferri non potest de doctrina Theologica, quod ipsa sit materia simoniae: quia illa licentia non est simoniaca propter doctrinam, ad quam datur, sed propter abusum spiritualis jurisdictionis. Sicut dispensatio cum clerico, ut utatur officio medici, vel advocati, materia est simoniae, quae committeretur, si pretium pro illa dispensatione daretur, & nihilominus dispensatus potest accipere pretium pro suo patrocinio, vel curatione. Ita ergo in praesenti.

15 In ratione Sylvestri postulatur, an ratione magisterii in Theologia doctrina ejus fiat specialiter spiritualis, & invendibilis? Ubi prius quaeri potest: an ipsum magisterium spirituale sit, & ipsum vendere, sit simonia? Hoc tractat Anton. 3. part. tit. 5. c. 2. §. 6. & ex illo Tabien. verb. *Magister*, num. 11. & varia referunt, claram autem resolutionem non tradunt. Gradus ergo magisterii in Theologia videri potest spiritualis, quia per potestatem spirituales institutus est. Item collatio ejus spiritualis etiam actus videtur, quia auctoritate pontificia confertur. Aliunde vero non videtur res proprie spiritualis; tum quia ad actum docendi, qui spiritualis non est, ut dixi, ordinatur; tum etiam quia alias etiam doctoratus in jure Canonico spiritualis quid esset, quia etiam pertinet ad ecclesiasticam institutionem, & auctoritate pontificia confertur: constat autem, non ita esse, cum laicis, & uxoris conferatur: Præterea isti gradus non sine pretio temporali conferuntur, ut constat ex usu. Sed dici potest illa, quae in susceptione hujus gradus tribuuntur, non esse pretium gradus, sed stipendia assistentium pro labore.

Nihilominus ego probabilius censeo hujusmodi gradus, in quacumque dentur facultate, non esse proprie materiam simoniae, nec esse res spirituales. Quia solum sunt publicae approbationes ad officium docendi, consulendi, curandi, & similia, cum aliquibus privilegiis, ac facultatibus, & commoditatibus, vel honoribus omnino temporalibus. Quapropter tota illa moralis qualitas, seu honorificus titulus, & quasi jus, vel proxima habilitas ad docendum, quae nomine gradus, seu magisterii significatur, aestimabilis pretio est, nec in ea invenitur aliquid magis spirituale, quam in ipsa doctrina, in qua fundatur, vel ad quam ordinatur, ideoque jura, quae prohibere solent exactiones, & contributiones pro recipiendis personis ad sedes, vel munera ecclesiastica, ut in c. *Cum in ecclesia*, de sim. cum similibus, de his gradibus etiam in Theologia nullam mentionem faciunt, vel prohibitionem. Unde etiam probabilius videtur ea, quae solvuntur in talibus gradibus, habere modum pretii, vel contractus onerosi, qui non posset esse simoniacus, si materia capax esset, quia multa in eis exiguntur, quae non possunt reduci ad stipendium sustentationis, essetque nimis excessus, si solum hic titulus spectaretur. Nec refert, quod collatio, vel institutio hujus gradus pontificia sit, quia etiam potest Pontifex aliqua temporalia instituire, & conferre ad splendorem, vel utilitatem rerum spiritualium, quae non eo ipso sunt ita annexa spiritualibus, ut sint materia simoniae, nisi speciali jure sit prohibitum illa vendere, quod in his gradibus non invenitur.

16 Atque hinc tandem concluditur, parum referre ad quaestionem, quam tractamus, quod lector Theologiae magister sit, necne, ut pro doctrina possit pretium accipere, quando quidem magisterium etiam ipsum temporale, quid est. Immo licet esset aliquo modo spirituale per modum actus, seu effectus jurisdictionis, sicut de licentia dicebamus, nihilominus non mutaret naturam actus docendi, propter quem datur, quia semper maneret temporale & naturale. Nec magisterium est per se principium illius, sed tantum habet vim cujusdam publicae approbationis. Unde parum etiam refert quod is, qui Theologiam docet, sit laicus, vel clericus secularis, aut religiosus, quia per has circumstantias non mutatur natura talis actus. Tandem ad ultimam rationem aliorum, quod officium docendi Theologiam potest esse annexum beneficio ecclesiastico: Respondeo, etiam officium docendi Canones, immo & Grammaticam, posse esse beneficio annexum, ut constat ex toto titulo de magistris. Immo & officium Oeconomorum, & Thesaurarii, & similia onera etiam ad temporales actus, vel sollicitudines, possunt esse annexa beneficiis ecclesiasticis, quando annexo sit per eum, qui habet potestatem, quia tunc nulla est ratio simoniae, quia fructus praebendae possunt applicari, ut stipendium non solum operis spiritualis ministerii, sed etiam temporalis oneris, & laboris. Et supposita annexione talis oneris ad beneficium, postea beneficium gratis, & liberaliter datur cum suo onere.

17 Sed quaeres, an supposita obligatione ad docendam Theologiam ratione beneficii, sit simonia petere aliquid pro ipsa doctrina. Host. enim in cap. pen. de magist. dicit, illam exactionem esse simoniacam. Immo addit, quod licet ille pro extraordinaria lectione, ad quam ex vi beneficii non tenetur, pretium accipiat, simoniam committit. Sed hoc posterius probabile non est, quia id nullo jure prohibetur, nec est ulla ratio, cur malum sit. Nam in primis non est injustum, quia ille non tenetur ex officio ad extraordinariam lectionem; ergo ratione illius potest iuste stipendium postulare. Deinde non est simoniacum, quia actus, pro quo pretium accipitur materia simoniae non est, ut ostendimus; nam quod illa eadem persona sit obligata ratione beneficii ad similem actum, quid refert? non enim hoc immutat naturam alterius actus, neque ille est aliquo modo annexus ipsi beneficio; non est ergo dubium, quin illud liceat. Circa primum autem dictum, si quis exigit pretium pro opere, quod ex officio tenetur gratis facere pro communi omnium utilitate, non est dubium,

Nihil refert, quod lector sit Magister, an non sit.

An Simoniam committat ille, qui ratione beneficii habet obligationem docendi Theologiam, si petat aliquid pro doctrina?

quin

Vendere licentiam ad docendam Theologiam, non est simonia ex natura rei.

Vendere magisterium Theologiae, non est simonia.

Pars ne-
gativa eli-
gitur

quin sit injustus, nisi consuetudine, vel aliis titulis iustis excusetur, ut supra c. 9. dictum generaliter est, nam hic procedit eadem ratio. At vero de simonia non immerito dubitari potest. Et quidem ex natura rei non dubito, quin illa simonia non sit, quia semper accipitur temporale pro temporali functione, etiam si illa functio ex iustitia debita sit propter ecclesiasticum stipendium. Item, quoad hoc non est major ratio de doctrina Theologiae, quam juris Canonici, vel Grammaticæ, si quælibet illarum beneficio annexa sit, quia ut supponitur, nulla illarum ex natura rei est materia simoniæ, & obligatio adjuncta ratione beneficii non magis mutat unius naturam, quam alterius. Nihilominus tamen fateor jure ecclesiastico potuisse hoc prohiberi tanquam simoniacum, prohibendo illam exactionem tanquam extortam pro re annexa rei spirituali tali modo, per ecclesiam, & ex præcepto ejus, sicut infra in aliis annexis declarabimus. Non constat autem mihi, factam esse talem prohibitionem, neque ullam aliam præter eam, quæ ex natura rei sequitur ex lege iustitiæ, & ideo verius censeo illam non esse simoniam, ut alii auctores frequentius docent.

Secundus
actus Theo-
logi, qui
consilium
conferens
do, non est
materia si-
moniæ, si
solum con-
ferat for-
um ex-
ternum,

18 Sed jam sequitur declarandum, an idem dicendum sit de secundo actu consulendi, quem supra proposuimus? Et quidem, si actus consulendi solum concernat forum externum, & iustitiam in ordine ad illud, non est dubium, quin idem sit de illo dicendum, non est enim materia simoniæ, sed vendi potest, etiam si a Theologo detur, quia ille actus est mere naturalis, & conditio, vel scientia personæ accidentaria est; usus autem doctrinæ Theologiæ in his actibus mere naturalibus, & qui tantum sunt ad instructionem intellectus, vel temporalem utilitatem, pretio æstimari potest, ut diximus. At vero, quando consilium datur ad pacandam conscientiam, & in illius foro, aliqui dicunt, esse materiam spiritualement, & sufficientem ad simoniam, si tale consilium pretio vendatur. Ratio est, quia ille actus tendit directe ad salutem animæ, est ergo spiritualis. Item ille actus tendit ad immutandum affectum; unde videtur esse eadem ratio de illo, quæ de actu concionandi, de quo statim dicemus esse materiam spiritualement. Et hanc sententiam insinuat Viçt. in d. Relect. dicens, pro Theologia posse accipi pretium: *si intentio solum feratur ad tradendam doctrinam, & non per modum consilii spiritualis*. Et hoc sequuntur aliqui moderni.

Si consilium
sit pura
instructio
intellectus,
non est ma-
teria si-
moniæ, secus
si fiat per
modum
exhorta-
tionis.

19 Nihilominus assero, si consilium sistat in pura instructione intellectus, non esse materiam simoniæ, etiam si ab interrogante petatur ad pacandam conscientiam suam, vel ad dirigendam illam: secus vero est, si fiat per modum exhortationis, ita ut æquivaleret veluti privatae concioni: nam tunc eadem erit ratio de illo, quæ de concione, de qua statim; quia eadem ratio est publicæ, vel privatae concionis, sicut eadem ratio est de concione, quam tunc audiunt, vel quæ coram copioso populo fit. Et hoc genus consilii vocari potest spirituale; aliud vero, de quo prior pars nostræ assertionis loquitur, vocari potest consilium doctrinale. De illo ergo probatur assertio. Primo ex D. Thom. d. art. 3. ad 3. dicente. *Licite potest pretium sua doctrina, seu consilii accipere*. Ubi sicut generaliter loquitur de doctrina, & a Cajetano, & aliis intelligitur etiam de doctrina Theologiæ, ita etiam loquitur de consilio. Unde loquentes de venditione Theologiæ doctrinæ solum excipiunt concionem, seu prædicationem, ut patet ex Cajet. & Sor. Navar. etiam c. 23. n. 100. eodem modo, quo D. Thom. dicit, Doctores posse accipere pretium pro sua scientia & consilio. Ubi nec de Doctore, nec de consilio quicquam distinguit.

Probatur
ratione

20 Tertio probatur ratione, quia consilium doctrinale immediate ordinatur solum ad instructionem intellectus illa materia morali, sed illa instructio non est minus naturalis, quam si daretur in materia speculativa: nam si consideretur scientia, a qua illud consilium procedit, est pars labore humano, & mere acquisita, si vero consideretur modus tradendi illam cognitionem particularem, est etiam per modum

humani magisterii, seu doctrinæ. Quod si spectemus ad proximum effectum, & quasi in consecutum finem illius consilii, solum est formare intellectum alterius in cognitione talis veritatis. Quod vero ab ipso discedente ordinatur ad pacandam suam conscientiam, vel ad alios fines, extrinsecum est, & non mutat naturam actionis, ut est ab ipso Doctore. Confirmatur I. quia sepe posset tale responsum dari ex vi solius philosophiæ morales, & pure acquisitæ. Confirmatur II. quia sepe similia responsa dantur a juris Canonici peritis, qui eodem modo pretium accipiunt, quo pro aliis consiliis sine ullo scrupulo injustitiæ, vel simoniæ; ergo idem est, licet detur consilium a Theologo; nam actus est ejusdem rationis. Confirmatur III. quia si quis interroget a Theologo: an talis contractus sit usurarius, solum ut in eo casu doctor fiat, & sit instructus ad confessiones audiendas, vel consulendum aliis, potest Theologus sine simonia suum responsum illi vendere, quia illud solum habet rationem cujusdam privatae doctrinæ; ergo idem est etiam, si qui interrogat, intendat illo modo consulere conscientiam suam. Probatur consequentia; tum quia intentio interrogantis non mutat naturam actionis, nec enim Theologus respondens plus ex sua parte operatur cum uno, quam cum alio; tum etiam quia respondens non tenetur conformare se intentioni alterius, sed potest solum intendere docere illum veritatem, qua ipse poterit uti in bonum conscientiam suam, si voluerit. Confirmatur IV. quia hæc eadem doctrina, quæ in particulari consilio datur, publice etiam docetur, vel voce, vel scripto, nec plus aliquid confert ad pacandam conscientiam, quantum est ex parte docendis, data per privatum consilium, quam per librum, vel publicam lectionem: sed data in publica lectione, vel libro vendi potest; ergo & in privato consilio. Denique in tradendo hujusmodi consilio de se pure doctrinali non operatur Theologus, ut peculiare instrumentum gratiæ Dei, sed solum ut magister humanus: neque operatur revera ad movendum affectum consulentis, sed tantum ad tollendam ignorantiam ejus in re practica, & morali. Immo, qui interrogat, sepe solum intendit scire opinionem ejus quem consulit, vel ab illo scire, quid alii Doctores sentiant, ut opinionem probabilem in operando sequatur: nihil ergo apparet in tali responso, cur non possit recompensatio condigna operis, & laboris ejus, vel studii tunc, vel antea circa illum casum adhibiti, postulari. Neque est eadem ratio de hoc consilio, & de concione, ut ex proxime dictis facile intelligi potest, & magis ex puncto sequenti.

21 Prior ergo opinio, ut probabilis sit, non de consilio mere doctrinali intelligenda est, sed de consilio exhortativo (ut sic dicam) quod ad animæ reformationem, vel correctionem ordinatur proxime, & ex intentione, & modo consulendi. Vel etiam potest intelligi de consilio, quod magis pendet ex donis Spir. S. peculiaribus, quam ex sola doctrina, & studio humano, quod bene Viçt. vocavit spirituale consilium. Hujusmodi est consilium, quod pertinet ad discretionem spirituum, ut cum datur ad judicandum de aliqua vocatione, an sit a Deo, necne: vel de revelatione aliqua, an sit a bono, vel pravo spiritu, vel de modo orandi, & meditandi, an sit utilis, vel expediens tali personæ, vel de modo vincendi aliquam tentationem, & similibus, quæ magis pendet ex peculiari directione, & illuminatione Divina, & ex quadam spirituali experientia, quam ex doctrina, quamvis hæc etiam juvet. Hæc enim consilia vel omnino, vel principaliter spiritualia sunt, & ad gratias gratis datas suo modo pertinent: vel etiam dici possunt fructus gratiæ sanctificantis, & ideo de illis verius est, quod sunt materia simoniæ, & vendi non possunt. Et hunc sensum confirmat usus ecclesiæ; nam pro his spiritualibus consiliis nullus timoratus audet temporalem retributionem recipere: de doctrinalibus autem non ita esse videtur.

22 Tertio loco dicendum est de concionandi actu: & de hoc omnes Doctores tam Theologi, quam Canonici fatentur esse materiam simoniæ, & sine illius labe vendi non posse. Ita Divus Thomas dicto

Consilia
spiritualia
seu exhorta-
tiva sunt ma-
teria simoniæ.

2. Actus
Theologi
qui in
concione
consilium
confert,
est materia
simoniæ.

art. 3. ad 2. Cijetanus, Soto, Victor. supra. Idem D. Thomas Quodlib. 2. artic. 12. & in 4. distinct. 25. quaest. 3. artic. 2. quaest. 2. ad 4. & 5. & ibi Palud. quaest. 5. Richard. Durand. & Argent. Silvest. quaest. 9. Angel. *Simonia* 3. num. 9. Tab. num. 8. Aftenf. in Summ. lib. 6. tit. 5. Anton supra. Ratio vero est: 1. quia verbum praedicationis est verbum Dei: & praedicator est velut legatus a Deo missus ad illud munus exercendum, juxta illud Matth. ultim. & Marc. ultim. *Euntes ergo predicate, &c.* & illud Roman. 10. *Quomodo predicabunt, nisi mittantur?* Verbum autem Dei est maxime spirituale, & praedictio illius est proprium, ac principale opus ipsius Dei, cujus homo est instrumentum; ergo est materia simoniae; ergo vendentes illud simoniaci sunt, sicut adulterantes illud sacrilegi sunt. Secundo, quia per sacram concionem, quod proxime, & principaliter intenditur, est inflammare voluntates hominum ad amorem Dei, & poenitentiam: hoc autem est maxime opus Spiritus sancti, quia neque qui plantat, est aliquid, neque qui rigat, nisi sanctus Spiritus det fructum: ergo actus concionandi maxime spiritualis est, & supernaturalis, pertinet enim ad gratiam excitantem, & ita tota illius verbi aestimatio pendet ab Spiritu sancto, & sumitur ex illo proprio effectu, ad quem ordinatur; ergo.

23 Tercio Matth. 10. dicitur, Christus Dominus misisse Apostolos dicens eis: *Euntes, predicate, dicentes, quia appropinquavit regnum caelorum, infirmos curate, mortuos suscite, leprosos mundate, demones ejicite, gratis accepistis, gratis date.* Ex quo contextu manifestum videtur, verba illa ultima, *gratis date*, tam cadere in illa, *Euntes, predicate*, sicut in caetera omnia opera gratiarum, quae ad confirmandam Divinam praedicationem gratis dantur: sine ulla enim probabilitate exciperetur ipsa praedictio, cum eodem tenore de omnibus Christus loquatur; & non sit minor, immo quodammodo major ratio de praedicatione ipsa, quia ex parte finis proximi est magis spiritualis, quia immediatius ad salutem animarum ordinatur, & caeteri actus gratiarum sunt propter ipsum Dei verbum, ut efficacius, & credibilius fiat. Quarto hoc confirmatur optime ex verbis Augustini lib. de Pastor. cap. 2. quae referuntur etiam in Glos. ord. 1. Timoth. 5. & a D. Thom. supra: *Unde vivitur, necessitatis est accipere, charitatis est praeberere, non tanquam venale sit evangelium, ut istud sit pretium ejus, quod sumunt, qui annunciant, unde vivant, si enim sic vendunt, magnam rem vili pretio vendunt. Accipiunt sustentationem necessitatis a populo, mercedem dispensationis a Domino.* Ubi & tangitur ratio a priori, cur praedictio vendi non possit, quia scilicet pretiosior res est, quam ut possit vili pretio aestimari, & respondet tacitae objectioni, quomodo teneantur praedicatores gratis praedicare, cum sustentatione indigeant: nam sustentationem recipere licet, (cap. Cum voluntate §. Praedicatores, de sentent. excomm.) pretium non licet. Quomodo autem haec duo distinguantur, & an liceat sustentationem in pactum deducere, & taxare, dicemus in 4. divisione. An vero pro labore aliquid recipere liceat, in cap. 20. explicabimus.

24 Circa ultimum punctum de fidei rudimentis tradendis populo Christiano, docendo nimirum pueros, vel ignorantes doctrinam Christianam, quidam simpliciter affirmant, hanc esse materiam simoniae, ita ut vendi non possit. Sic sentit Lessius libro 2. cap. 35. dub. 13. dum ait, exigere pretium pro simplici catechismo, seu doctrina fidei tradenda, esse simoniam, quia haec doctrina non aestimatur, nisi ut disponit ad salutem. Contrarium simpliciter Ugol. Tab. 1. cap. 10. §. 3. numer. 3. idque ex eo solum videtur colligere, quod docere Theologiam ob pretium non est materia simoniae; ergo nec docere Christianam doctrinam. Potestque hoc confirmari, quia haec actio docendi doctrinam non videtur supernaturalis, vel spiritualis proprie: tantum enim ordinatur ad intellectum instruendum, vel potius ad memoriam juvandam, & excolendam, non ad ipsam fidem generandam. Quocirca distinctione aliqua videtur haec res definienda. Nam in primis si catechismus fiat solenni

ritu, & tanquam actus ordinis, sicut fit in baptismo, tunc certum est, non posse vendi, quia est ministerium mere ecclesiasticum, & ordinis, quod etiam notavit Sor. quaest. 6. artic. 1. in fin. Deinde si doctrina Christiana doceatur modo persuasivo, & per modum concionis, etiam erit materia simoniae, sicut de concione dictum est. Priori modo potest doceri Christiana doctrina infideli, proponendo illi veritatem fidei, & ostendendo credibilitatem ejus in hunc finem, ut persuadeatur, & credat: & tunc sine dubio est opus maxime spirituale, cujus fructus ab Spiritu sancto expectandus est, & ideo vendi non potest. Posteriori modo solet doceri Christiana doctrina fidelibus, ita exercendo memoriam, ut sit etiam excitatio ad confirmandos eos in fide, & ad operandum secundum illam: & tunc etiam habet modum, & rationem concionis, & ideo eadem est ratio de illa, quae de concione. At vero si labor docendi doctrinam, solum assumatur ad juvandam memoriam alterius, & exercendam illam, in rigore non videtur esse materia simoniae, nec esse simoniam, opus illud, & laborem pretio aestimare. Parochus autem, qui ex officio tenetur hunc laborem sumere, non potest licite pretium pro illo exigere, ut constat.

C A P U T XIX.

Utrum actus pertinentes ad jurisdictionem interni fori, seu ad animarum curam, sint materia simoniae?

1 **D**iximus in superioribus de actibus, qui procedunt a potestate ordinis, quorum occasione de aliis actibus spiritualibus virtutum propter affinitatem, & similitudinem sermonem interposuimus: nunc superest, ut de actibus jurisdictionis spiritualis dicamus: nam hi etiam inter ea spiritualis numerantur, quae ab effectu, seu ex parte effectus denominantur. Duplex autem est spiritualis jurisdictio: una pertinet ad forum internum, & animae: alia spectat ad exteriorem ecclesiae gubernationem: de priori hic breviter dicemus, de altera in sequenti cap. Sub priori ergo jurisdictione comprehendimus hoc loco totam illam curam pastorem, quae in propriis parochis, & pastoribus veluti proximis animarum necessaria est: habent enim peculiarem jurisdictionem ad ministrandum suis ovibus omnia sacramenta, & Dei verbum, & suam parochiam in his spiritualibus gubernandam. Quamvis enim spiritualis jurisdictio non in omnibus sacramentis sit ad eorum valorem necessaria, sed in sola poenitentia, tamen, ut recte ministrentur, jurisdictio necessaria est, vel aliqua ejus participatio. De usu vero hujus jurisdictionis pauca nobis dicenda supersunt: nam cum ille usus fere totus consistat in ministerio sacramentorum, sacrificiorum, aliorumque officiorum Divinorum, & verbi Divini, constat, omnia dicta de his actibus secundum se spectatis, a fortiori dicenda esse de eisdem, prout a paracho, verbi gratia, ex officio, & jure proprio exerceri possunt. Omnes ergo dicti actus hujus jurisdictionis materia sunt simoniae. Maxime vero hoc verum habet, & aliqua majori explanatione indiget in usu hujus jurisdictionis in sacramento poenitentiae, nam ibi usus jurisdictionis & est actus ordinis, & est de substantia illius sacramenti, est enim actus constitutivus sacramenti poenitentiae: unde non magis vendi potest, quam sacramentum, vel actus ordinis. Et ita in hoc conveniunt omnes cum D. Thoma dicta quaestione 100. articulo 2. ad 3. & sumitur ex cap. *Nemo*, de simon. Ubi omnes interpretes: Silvest. verb. *Simonia*, quaest. 8. & alii Summistae; Guiliel. Rod. 1. part. cap. 7. num. 1. & 3. part. cap. 6. num. 6. Anton. d. cap. 5. §. 16. Soto, Victoria Navarrus.

2 Occurrit vero adnotandum, variis modis posse peccari in usu hujus jurisdictionis. Primo, si pretium accipiatur absolute pro audienda confessione, ut constat: tum quia inde inchoatur sacramentum; tum etiam, quia ipsum audire confessionem per cla-

Jurisdictio duplex est, altera ad forum internum, altera ad externum spectat.

*An doce-
re pueros,
& ignorantes do-
ctrinam
Christianam
non sit
materia
simoniae.*

*Resolutio
quae.*

*Multipli-
citer pos-
test pec-
cari in
jurisd. ad
confessio-
nem.*

venientia, & in tali foro, est actus jurisdictionis supernaturalis. Secundo committitur simonia, si post auditam confessionem pro absolutione conferenda pecunia extorqueatur, siue pœnitens sit dignus, siue indignus absolutione. Unde dicitur in dict. cap. *Nemo: Nec quemquam pœnitentem, nec minus digne pœnitentem, gratia vel favore ad reconciliationem adducat.* Dices, quando absolvitur indignus, absolutio valida non est; ergo non est sacramentalis; ergo pro illa pretium accipere non est simonia. Respondeo, licet illa absolutio apud Deum non valeat quoad effectum sacramenti, fortasse valere ad sacramentum conficiendum, ut multi existimant. Deinde licet coram Deo etiam non valeat ad sacramentum constituendum, nihilominus est quidam usus, vel potius abusus jurisdictionis spiritualis. Et ita dici potest, quod licet ille, qui talem actum vendit, non vendat verum actum spirituales, quodammodo vendit ipsam potestatem spirituales, quia quantum est ex se, illa uti conatur propter pretium, ad absolvendum indignum; satis ergo est, quod quantum est ex se, absolvat. Sed quid, si recipiat pecuniam solum propter verba absolutionis exterius proferenda sine intentione absolvendi? Respondeo in primis, si sacerdos contrahat cum pœnitente de danda vera absolutione sacramentali pro pretio, licet dolose mentietur sacerdos, secum cogitans proferre verba sine intentione, non excusat peccatum simoniæ; tum quia alter revera emit sacramentum, quantum in se est, & ita simoniacus est, cum quo operatur sacerdos: tum etiam quia ipse committit simoniam conventionalem circa venditionem sacramentalis absolutionis, etiam si animo ficto ex parte sua facta sit conventio. Quin etiam addo, quod licet a principio conveniant sacerdos, & pœnitens tantum, de externa absolutione conferenda, ita ut ab aliis videri, seu audiri possit ad eorum satisfactionem, nihilominus si id pretio fiat, turpe esse lucrum, licet non videatur esse tam propria simonia, quia non venditur revera aliquid spirituale. Patet, quia illa pactio non fit sine tanti muneris injuria, nam quodammodo vilescit, & venale fit, dum venditur saltem ad palliandam absolutionem, quæ malitia videtur posse ad simoniam reduci, quamvis perfecta non sit.

3 Tercio committitur in hac materia simonia, si post auditam confessionem, propter pecuniam, (quæ dari posset a tertia persona) absolutio denegatur, quod in dicto cap. significatur his verbis: *Vel quocumque livore digne pœnitentem a confessione removeat.* Quod videtur pertinere ad questionem infra tractandam, an omisso actuum spiritualium possit esse materia simoniæ: sed ibi dicemus, quæ generalia sunt: hic vero certum videtur, tam esse actum clavium, in hoc foro pœnitentem ligare, sicut solvere, juxta illud: *Quorum remisistis peccata, remittuntur eis, & quorum retinueritis, retenta sunt.* Joan. 20. Et ideo licet retinere non videatur actus positivus, nec constitutivus sacramenti, tamen quia est actus clavium, quo pœnitens virtualiter declaratur indignus absolutione, ideo venditio illius simonia est. Unde hoc habet locum; siue iusta sit negatio absolutionis, siue injusta. Nam si sit iusta, tunc vere, & proprie est actus clavium, & procedit ratio facta; si vero est injusta, de facto etiam est actus clavium, quia vere denegatur sacramentalis remissio peccatorum, & pœnitens illa ratione manet obligatus ad iterum confitenda peccata. Unde etiam hic vendi videtur ipsa potestas spiritualis clavium ad usum faciendi pœnitenti magnam injuriam, & inferendi illi grave nocumentum; est ergo & injusta, & turpissima simonia. An vero sit simonia accipere pecuniam pro non ministrando alicui toto sacramento pœnitentiæ, infra videbimus; nam quoad hoc generalis est materia.

4 Quarto posset simili modo committi simonia in usu istius jurisdictionis quoad tertiam partem sacramenti pœnitentiæ, nimirum recipiendo pretium pro leni pœnitentia imponenda, vel etiam pro augenda illa, ut facile potest ex aliis intelligi, ac declarari. In hoc autem adverto, contingere interdum,

ut confessor imponat pœnitenti in satisfactionem aliquas elemosynas pro pauperibus, vel pro Missis dicendis, eo animo, ut ipse accipiat talem elemosynam vel simpliciter, vel ut stipendium Missæ, juxta intentionem dantis. Et hoc dupliciter fieri potest a sacerdote. I. Cogendo pœnitentem, ut sibi tribuat elemosynam: & hoc est sine dubio simoniacum, quia illa coactio, & obligatio est æstimabilis pretio. Secundo potest imponi talis pœnitentia generaliter, sperando tamen, pœnitentem daturum esse elemosynas sacerdoti, vel ut Missas dicat, vel quia novit, ipsum esse pauperem: & tunc licet hoc intuitu pœnitentiæ iungatur, non est simonia, quia revera nulla ratio pretii ibi intervenit, nec intentio, aut spes ejus, sed tantum elemosynæ, quod non facit actionem simoniacam etiam mentaliter, ut infra generatim dicemus. Immo licet suam necessitatem, vel desiderium dicendi Missas post datam absolutionem ostenderet, non esset simonia propter eandem rationem. Cavendum autem est scandalum, & nimius appetitus lucri, & avaritiæ; & ideo talis usus regulariter vitandus est, meritoque in aliquibus episcopatibus, & religionibus prohibetur.

5 Quinto potest in hoc genere committi simonia per delegationem hujus jurisdictionis, siue ex parte confessoris, siue ex parte pœnitentis fiat. Fit autem ex parte confessoris, quando parochus, verbi gratia, committit alicui vices suas pro audiendis confessionibus suorum subditorum; & tunc si pro hac commissione, vel ab ipso sacerdote, vel a suis subditis aliquod pretium accipiat, sine dubio simoniam committit, quia illam commisso actus spiritualis est, ejusdemque spiritualis jurisdictionis. Item potestas, quæ per illam datur, spiritualis jurisdictio est; ergo si vendatur, materia est simoniæ; venditur autem per illum modum, ut constat. Immo addo, quod licet parochus non committat jurisdictionem, sed tantum det licentiam audiendi confessiones in sua ecclesia religioso, verbi gratia, qui jam habet jurisdictionem a papa, vel episcopo, si illam licentiam vendat pretio, simoniam committit, quia etiam illa licentia quid spirituale est, & a potestate spirituali procedit, & ad spirituales fructus proxime ordinatur, quod cap. sequenti ex generali doctrina magis confirmabitur. Ex parte autem pœnitentis delegatur hæc jurisdictio, quando illi datur licentia eligendi confessorem. Et hæc etiam est materia simoniæ, quia in ea procedunt eadem rationes; tum quia illam licentia est actus potestatis spiritualis, & ad spirituales finem; tum etiam quia tandem resolvitur in eandem delegationem spiritualis jurisdictionis, nam cum pœnitens eligit confessorem, illi delegatur jurisdictio ex vi illius facultatis; ergo fit delegatio ex vi pretii. Addo denique etiam in ipso pœnitente habente facultatem eligendi confessorem, esse simoniam, si propter pretium hunc potius, quam illum eligat, & in sacerdote esse simoniam, si pretio dato procuraret effectum, ut, verbi gratia, si quis pretio emat effectum confessorem regis, simoniacus est, quia emit, ut sibi delegetur jurisdictio confessoris, quam incipit habere post electionem regis ex vi facultatis pontificis, quam rex habet ad eligendum confessorem. Quæ tota doctrina communis est, ut videre licet in Anton. dicto cap. 5. §. 16. Summis communiter, verb. *Simonia*, Redoan. prima parte, cap. 7. num. 2. & 3. part. cap. 6. num. 8. Ugolin. Tab. 1. cap. 36. §. per totum.

6 Sexto potest ad hanc jurisdictionem reduci potestas absolvendi a censuris, quatenus hæc absolutio ante sacramentalem præmitti solet, & sæpe necessaria est, & ad spirituales animæ utilitates pertinet. Nam licet censuras ferre, & tollere ad jurisdictionem fori contentiosi pertineat, ut suo loco diximus, tamen quatenus potestas absolvendi a censuris a jure latis, & non reservatis communi jure concessa est animarum pastoribus, & aliarum etiam absolutio sæpe solet concedi, vel ex delegatione speciali, vel quatenus ad salutem animæ omnino necessaria est, ideo cum hac jurisdictione in foro interno illam coniungimus. Dicimus ergo, etiam usum jurisdictionis hujus,

Si sacerdos recipiat pretium solum pro verbis absolutionis sine intentione prolati, simoniacus est.

Potest fieri simonia per delegationem hujus jurisdictionis.

Confessor simoniam committit, si negat absolutionem pœnitenti propter pecuniam ab alio acceptam.

Absolutio a censuris est materia simoniæ.

Potest committi simonia accipiendo pretium pro leni pœnitentia imponenda.

hujus, id est absolutionem a censura esse materiam simoniae, quia est actus valde spiritalis tum ex parte principii, procedit enim a potestate mere spiritali; tum ex parte finis, nam ad salutem animae per se ordinatur. Et ita vendi prohibetur omnino in cap. *Nullus* 124. 1. quæst. 1. Ubi est sermo de episcopo, & de absolutione a suspensione, vel interdicto, sed est eadem ratio de aliis. De absolutione vero ab excommunicatione est textus expressus in cap. *Ad aures*, de simon. Item sumitur ex generali regula cap. *Ad nostram*, eod. ibid. *Pro ecclesiastico ministerio*, &c. Quibus locis id notant Glossæ, & Doctores, estque res extra controversiam.

An simonia sit datus pecunie seu ecclesiastici injuste nolenti aliter absolvi.

7 Solum posset hic tractari, an, cum quis vexatur per injustam censuram, & sacerdos non vult illum absolvere, nisi accepta pecunia, possit alius illam dare ad redimendam vexationem, & non intentione emendi absolutionem. Et idem cum proportionem queri posset de sacramentali absolutione, si confessor illam injuste negat post auditam confessionem. Quidam simpliciter negant, id esse licitum. Ita Innoc. in dict. cap. *Ad aures*, de simon. ubi ait, nunquam licere aliquid dare pro spiritali poenitentia redimenda ab eo, qui illam daturus est, alteri vero, qui vim infert, aut clerico, ne illam concedat, aut peccatori, ne illam petere possit, concedit, posse aliquid dari ad redimendam vexationem. Et hoc posterius extra controversiam est. Ratio autem prioris resolutionis est, quia tunc redimere vexationem nihil aliud est, quam absolutionem emere. Item, quia redemptio vexationis solum habet locum, ubi quis habet acquisitum jus in re, juxta cap. *Dilectus*, 1. de simon. & in cap. *Quæstum*, 1. quæst. 3. In illo autem casu non habet homo jus acquisitum ante absolutionem obtentam, quia semper manet privatus divinis ratione censuræ. Et hanc sententiam indistincte sequitur Ugolin. Tabien. 1. de simon. cap. 44. §. num. 5. & cap. 50. num. 7. ubi pro illa refert etiam Zabart. in dict. cap. *Ad aures*.

8 At vero Joan. Andr. & Panormit. in eodem cap. *Ad aures*, distinctione utuntur. Nam si ex carentia absolutionis imminet homini aliquod aliud grave detrimentum, ut quod non poterit eligi, vel eligere: tunc dicunt, posse dare pecuniam ad vitandum illud incommodum, si vero non imminet periculum, & potest adire superiorem, vel alium, qui absolvat, tunc nullo modo esse dandam pecuniam, quia cum vera necessitas non inter, nec sequatur aliud incommodum præter carentiam seu dilationem absolutionis, nihil est ibi, quod redimatur, nisi ipsamet privatio absolutionis, & hoc est illam emere. At Glossa in dict. cap. *Dilectus*, & in cap. *Ad aures*, & in cap. *Quæstum*, 1. quæstione tertia absolute censet, licitum esse, tunc redimere vexationem, quam sequitur Anton. in cap. *Dilectus*, de simonia, Redoan. 3. parte de simonia, cap. 21. numer. 6. Quia intentio dantis non est de emenda absolutione, sed solum de tollendo pravo appetitu, vel affectu, qui impedit alium, vel gratis velit iustitiam facere. Et hæc opinio in rigore juris, & rationis videtur mihi vera, si de propria simonia loquamur: quia vero omnis species mali vitanda est, securius est sequi distinctionem Panormit. quæ non solum in extrema necessitate locum habet, sed etiam in gravi, juxta superius dicta, capite decimo secundo, quæ magna ex parte hic possunt accommodari.

Resolvitur questio.

Indulgentiarum concessio est materia simoniae.

9 Septimo ad actus hujus jurisdictionis reduco nunc indulgentiarum concessionem, quam esse actum spiritalis jurisdictionis, suppono ex his, quæ dixi in tom. 4. distin. 49. sect. 3. & tom. 5. distin. 14. sect. 1. Et licet illa jurisdictio superioris rationis sit, & pontificia simpliciter, vel episcopalis, seu quasi episcopalis quoad aliquam partem, vel delegationem, nihilominus actus ejus est valde spiritalis, & ad internam conscientiarum mundationem spectat, quatenus reatus poenarum temporalium coram Deo remittit, & ita ad ingressum caelorum præparat, & a purgatorio liberat, & ideo ad spiritualem, & internam jurisdictionem illum reducimus. Eo vel maxime quod licet indulgentiæ a pontifice concedantur, sæpe solent per

confessorem applicari: est etiam res facilis, & ideo hic potest breviter expediri: dicendum est enim, etiam hunc actum esse materiam simoniae, neque ulla ratione emi, aut vendi posse. Hoc pro comperto supponunt omnes. Et patet. Primo, quia est actus supremæ cujusdam spiritalis, & supernaturalis potestatis a Christo concessæ, & finis ejus maxime spiritalis, Secundo, quia est administratio quædam spiritalis, seu ecclesiasticum ministerium: & ita continetur sub generali prohibitione cap. *Ad nostram*, & cap. *Nemo presbyterorum*, de simon. Terrio, quia vendere indulgentias, esset vendere satisfactionem Christi, & Sanctorum, quæ per indulgentias applicatur. Quarto, quia privata persona non potest alteri vendere suam impetrationem, vel satisfactionem spiritualem, ut supra ostensum est, licet videatur suo modo habere dominium ejus: multo ergo minus poterit ecclesiæ prælatus, qui solum est dispensator thesauri Christi, & ecclesiæ, spirituales ejus divitias vendere. Neque obstat, quod sæpe ad lucrandam indulgentiam exigatur contributio aliqua temporalis: nam illa non est pretium indulgentiæ, sed est quoddam opus pietatis, quod postulat ut dispositio, & proxima ratio concedendi indulgentiam. Et ideo non solet talis pecunia applicari concedenti indulgentiam, sed ad eleemosynas, vel ad alia publica opera pietatis imperari.

10 Atque hinc consequenter constat, non licere pecuniam accipere pro quacumque gratia, vel actibus, qui in ordine ad indulgentiam obtinendam solent in jubileis a pontificibus concedi, ut per confessores fiant, seu applicentur. Ut, verbi gratia pro commutatione, seu dispensatione in votis. Sicut enim pontifex gratis hanc facultatem concedit, & concedere debet, ita multo magis, cui facultas illa delegatur, gratis illa uti debet: & si aliquid directe, vel indirecte extorqueat, simoniam committit. Idemque est de absolutione a peccatis reservatis, quæ item solet concedi cum indulgentiis, & est actus maxime spiritalis, & de illa procedunt, quæ de absolutione a peccatis, & a censura diximus. Nam supposita ablatione reservationis, quæ per illam concessionem fit, tenetur ex officio confessor absolutionem simpliciter præbere. Et eadem ratione constat, nec grana benedicta, nec imagines, cruces, & similia vendi posse ratione indulgentiæ illis per benedictionem concessæ, quia hoc esset vendere indulgentiam ipsam, ut constat. Tunc autem censerentur hæc vendi ratione indulgentiæ, quando eo nomine carius venderentur: nam si sint pretio æstimabiles ratione materiarum, vel expensarum, non erit simonia, quantum ad eam partem illa vendere, quamvis habenda sit ratio vitandi scandalum, & omne malum, vel turpis lucris specimen.

Simonia est accipere pecuniam pro quocunque actu a confessore facta, ut gratia jubilei poenitenti concedatur.

11 Ultimo revocari possunt ad hanc jurisdictionem internam omnes licentiæ, vel quasi dispensationes, quas parochi dare possunt suis subditis in ordine ad præceptorum observationem, vel excusationem, ut, v. g. laborandi in die festo propter occurrentem necessitatem, vel comedendi cibum prohibitum in aliquo die, & similia: si hæc fiant per proprium actum jurisdictionis, si per authenticam approbationem (ut sic dicam) causæ excusantis: nam quomodocumque fiant, sunt actus spirituales pastoralis officii, & ideo nullo modo vendi possunt. Maxime cum ad illos parochus ex suo officio teneatur, & ita sub ministerio ecclesiastico comprehendantur, propter quod recipit ab ecclesia conveniens stipendium, & sustentationem.

Licentia a parochis concessa subditis sunt materia simoniae.

12 Unde etiam potest obiter definiri dubium, quod circa sacramentum matrimonii nunc excitari potest. Nam cum præsentia parochi necessaria nunc sit ad valorem matrimonii, dubitari potest, an ille actus assistendi parochi sit nunc materia simoniae, ita ut veram simoniam committat, si nolit assistere, nisi pretio accepto. Videri enim potest non esse, quia ille non est actus jurisdictionis, & ideo validus est, etiam si ab excommunicato fiat, ut alibi dixi, sed est actus cujusdam testimonii publici, & authentici, quod primo, & per se requiritur ad valorem contractus,

Parochus simoniam committit si nolit assistere matrimonio contrahendo, nisi dato pretio.

tractus, & consequenter ad valorem etiam sacramenti: ergo non videtur actus spiritualis, nec materia simoniae, sicut etiam requiruntur alii duo testes, qui, si pretium exigant pro illa assistentia, non erunt simoniaci. Nihilominus in parochia videtur mihi talis actus materia simoniae; nam licet non sit actus jurisdictionis, est tamen actus sui muneris, & officii spiritualis, & actus ille, ut ab illo exigitur, est spiritualis, saltem, ut annexus sacramento ex necessitate, supposito ecclesiae praecepto. Unde per se primo requiritur ad matrimonium, quatenus sacramentum est. Et in hoc est magna differentia inter parochum, & alios testes; nam in aliis testimonium eorum proprie requiritur ratione contractus, ut de illo constet, & ideo ad summum tenentur ita se gerere, sicut alii testes in causis ecclesiasticis, de quibus, an teneantur gratis fere testimonium, vel illud etiam sit materia simoniae, infra dicemus. At vero parochi praesentia propria, & speciali ratione postulata videtur propter sanctitatem illius contractus, seu propter rationem sacramenti, & ita ille ibi adest, ut minister ecclesiasticus. Quapropter non immerito illud potest nuncupari ecclesiasticum ministerium, ac subinde comprehendi sub generali regula cap. *Ad audientiam*, saepe citati, & cap. *Consulere*, eodem, quod pro nulla ecclesiastica administratione licet pretium accipere. Denique cum sufficere possit ad matrimonium alius sacerdos de licentia parochi, manifestum videtur, non posse parochum, vel episcopum illam licentiam vendere, ut ex dictis constat, & ex dicendis capitulis sequentibus magis patebit; ergo neque si ipse assistat, potest pro illa assistentia pretium accipere, quia si assistendo per alium non potest actum suum vendere, nec per se poterit. Pro nullo ergo actu hujus pastoralis curae, pretium accipere licitum est.

C A P U T XX.

Utrum actus ecclesiasticae jurisdictionis pertinentis ad externum forum sint materia simoniae?

I DE hac jurisdictione solet generalis regula constitui, nullum illius actum posse sine simonia vendi, aut emi, ac subinde semper esse materiam simoniae. Haec regula sumi potest ex D. Thom. quaest. 100. articulo tertio praesertim ad 3. & in 4. distinct. 25. quaest. 3. articulo 2. quaest. 2. praesertim ad 9. & ex aliis Theologis ibi, & Anton. Silvest. & aliis Thomisticis locis saepe citatis; juris etiam interpretes idem sentire videntur in cap. *Vendentes*, 1. quaestione tercia cum Gloss. ibi, Cardinal. Alexand. num. 7. & sancti Sixt. numer. 6. Item in cap. *Quia recte* 11. quaest. 3. Verumtamen haec universalis regula, licet fortasse vera sit, non est aequae certa in omnibus actibus hujus jurisdictionis; quia licet omnes, quatenus ab illa sunt, sint aliquo modo spirituales ex parte principii, non tamen omnes sunt aequae spirituales, vel in se spectati, vel in ordine ad proximum finem, ad quem referuntur; quidam enim videntur esse satis materiales, & immediate ordinati ad finem politicum inter personas ecclesiasticas, ut lites civiles, vel criminales inter eas dirimere, licentiam dare ad aliquem actum mere temporalem, & similia; ideoque non potest esse de omnibus his eadem certitudo. Propter hoc ergo operae pretium duco magis in particulari de his actibus loqui, eorum varietatem distinguendo.

2 Primo ergo distinguere possumus actus, quibus ipsa jurisdictio confertur, ab actibus, quibus eadem jurisdictio administratur. Actus enim, quo jurisdictio ecclesiastica alicui confertur, revera est actus jurisdictionis. Duobus enim modis confertur haec jurisdictio, scilicet, vel ut ordinaria, vel ut delegata: & cum confertur ut ordinaria, semper datur ab aliquo superiori altiore jurisdictionem habente, in virtute cujus potest aliis dignitatem conferre, cui talis jurisdictio conjuncta est. Sic enim a summo pontifice manat haec jurisdictio ad episcopos, vel

alios praelatos illam participantes, & interdum ab episcopo potest alicui inferiori communicari. Potestas autem delegata ab eo conceditur, qui ordinariam habet, & in virtute illius committitur, & ita illa commissio actus ordinariae jurisdictionis, merito dici potest, juxta l. *Imperium*, ff. de jurisdic. omnium judic. Solum potest a priori membro excipi jurisdictio summi pontificis, quae maxime ordinaria est, & non confertur ab alio homine habente jurisdictionem ordinariam, sed immediate a Deo ipso. Haec autem exceptio nihil obstat generalitati doctrinae; tum quia loquimur de jurisdictione, quae per homines dari potest; homines enim sunt, qui simoniam committere possunt, non Deus: tum etiam quia in illa dignitate, ejusque jurisdictione electores pontificis subeunt vicem ejus, qui jurisdictionem confert, & ita ex parte illorum potest illa jurisdictio esse materia simoniae, ut dicemus.

3 Actus vero, quibus haec jurisdictio administratur, sunt illi, qui ab illa prodeunt, & per quos exercetur, ac veluti executioni mandatur, versaturque circa externam gubernationem ecclesiasticam. Unde distinguere possunt in actus pertinentes ad directionem, & actus pertinentes ad executionem: sub prioribus continentur maxime praeceptorum, seu legumlationes in ecclesiastico foro: sub posterioribus continentur omnes actus judiciorum ecclesiasticorum, sive civilium, sive criminalium, & ceterorum, quia ad illos reducuntur. Unde etiam duplices actus hujus jurisdictionis distinguere solent, quidam vocantur jurisdictionis voluntariae, quia in eis non intercedit coactio, sed gratia, & ita sunt, volente illo; cum quo exercentur, ut sunt dispensationes, privilegia, facultatum concessionem, legitimaciones, & similes: alii dicuntur jurisdictionis contentiosae, ut qui ad judicia ecclesiastica spectant: & inter hos quidam pertinent ad censuras imponendas, vel tollendas, qui plus habent de commodo animarum, & minus de strepitu judicii externi, ideoque magis spirituales videntur: alii vero sunt magis externi, & politici, ut actus omnino forenses litem civilium, vel criminalium personarum ecclesiasticarum. Denique in his actibus considerare possumus, vel jurisdictionem ipsam, aut facultatem, a qua ipsi actus procedunt (quam spiritualement esse supponimus) vel actus ab illa procedentes: prius ergo dicemus de actibus, quibus ipsa jurisdictio communicatur, vel comparatur, quia etiam hi actus ad jurisdictionem pertinent, postea de ceteris actibus.

4 Dico ergo primo: Actus communicandi jurisdictionem spiritualement natura sua sunt materia simoniae, ita ut illos vendere, aut emere simonia sit juri Divino contraria. Haec assertio certa, & communis est, & melius patebit descendendo ad aliquos actus in particulari. Ratio vero generalis est, quia si hujusmodi actus vendantur vel emanant, venditur ipsa spiritualis jurisdictio, at vendere jurisdictionem ecclesiasticam manifeste est simonia, nam & ipsa est supernaturalis, & supernaturaliter data, & ad spiritualement, ac supernaturalem finem per se primo ordinata, ut constat ex propria materia; ergo. Major per se nota est, quia vendere actum, quo res traditur, nihil aliud est, quam vendere rem traditam, & e converso non aliter venditur aliqua res, quam vendendo elargitionem ejus. Item actus, quo res traditur, non alia ratione aestimatur, nisi quia res ipsa aestimabilis est: unde si unum pretio aestimatur, ac venditur, etiam aliud. Declaratur praeterea ex duplici modo supra communicandi jurisdictionem hanc, ut ordinariam, & ut delegatam. Nam priori modo non datur, nisi conferendo aliquam dignitatem ecclesiasticam talem jurisdictionem habentem, vel si tantum sit cura pastoralis, datur conferendo beneficium ecclesiasticum curatum, habens talem jurisdictionem, seu curam, & sollicitudinem: sed vendere has dignitates, ac beneficia, simonia est, ut paulo inferius dicemus generaliter de omnibus beneficiis ecclesiasticis. Nam quoad hanc partem, tota doctrina de simonia in ecclesiasticis beneficiis majorem rationem habet in beneficiis habentibus

Qui sunt actus, quibus jurisdictio exercetur.

Nullum actum jurisd. externi fori posse vendi sine simonia.

Actus communicandi jurisdictionem spiritualement sunt materia simoniae. Ratio.

Qui sunt actus, quibus jurisdictio confertur.

bus curam animarum, & ecclesiasticam jurisdictionem, quam in simplicibus, ut per se constat; ergo. Posteriori item modo, scilicet, per delegationem immediate communicatur ipsa jurisdictio non cum aliqua dignitate, aut beneficio, sed proxime, & in se; ergo sicut jurisdictio illa æstimabilis pretio non est, ita neque illius commissio. Et utraque pars hujus rationis expresse traditur in cap. 1. 2. & 3. Ne Prælati vices suas, ubi Gloss. & Doctores omnes in his conveniunt; & in c. *Ad nostram*, de sim. & in c. *Licet* de Pœnis. Et Summist. verb. *Simonia*, Silvest. q. 14. Tabien. n. 44. Angel. *Simonia*, 2. nu. 27. Navar. d. c. 23. n. 111.

5. Atque hinc colligitur primo: non posse episcopi Vicarium pretio constitui, nec aliquem spiritualem judicem, sive delegatum, sive ordinariam loco episcopi, aut capituli, vacante sede, provideri, nec vicarium alicujus ecclesiæ, etiam ad nutum amovibilem, nec capellanum, cui parochialis cura delegatur, pretio constitui, sive pretium detur ex parte ejus, qui officium, seu jurisdictionem accipit, sive ex parte ejus, qui illam communicat: quia quocumque modo id fiat, jurisdictio spiritualis emitur, ac venditur, ideoque simonia committitur, ut probant allegata jura, & rationes factę ostendunt. Et specialiter probatur ex c. *Ad nostram*, de simon. ibi, *seu pro vicariis assignandis*, &c. Est autem semper sermo de pretio, & de venditione; nam stipendium sustentationis nunquam excluditur, ut in principio præmissimus, & constat ex usu, & notant Glossæ, & Doctores in c. 1. & 2. Ne prælati vices suas, & infra circa tertiam divisionem latius dicturi sumus.

6. Hic vero occurrebat difficultas ex usu Romanæ ecclesiæ, in qua vidimus vendi clericatum Cameræ, & auditoriatum Cameræ, quæ sunt munia constituta ad ecclesiasticam jurisdictionem exercendam vice Pontificis. Respondeo, duo in illis muneribus esse distinguenda: unum est jurisdictio spiritualis, quæ auditori, vel clerico confertur; aliud est emolumentum temporale, quod ex administratione illius jurisdictionis eis provenire solet. Primum etiam ab ipso pontifice vendi non potest sine simonia, quia est contra jus Divinum: secundum autem per se, ac nude spectatum vendibile est, ut constat; quia quid temporale est, & sumitur ex cap. ult. Ne Prælati vices suas. Ubi Abb. & in c. 1. cod. n. 2. & ibi alii, & Ang. *Simonia*, 2. nu. 25. Dico autem, *per se*, ac nude spectatum, quia ut conjunctum spirituali juri, ac jurisdictioni tanquam consequens ex illa vendi non potest, quia sic etiam ipsum spirituale antecedens venderetur, juxta c. *Si quis objecerit* 1. q. 3. Hoc autem posterius verum est de jure ecclesiastico, non de Divino jure saltem respectu ejus, qui potest illa disjungere, & unum sine altero dare. Talis autem est Summus pontifex, qui ex justa causa potest se ab aliqua humana prohibitione eximere, & potest dare jus spirituale reservando sibi emolumentum temporale, vel partem ejus. Hoc ergo in illis officiis fecisse credimus. Nam quia emolumentum temporale magnum erat, partem ejus sibi reservavit, eamque simul a principio redimi voluit, & ita sine simonia, aut venditione jurisdictionis spiritualis illud emolumentum exigit in prædictis officiis conferendis. Inferiores vero Prælati non habent tantam potestatem, & ideo non extenditur hæc licentia, ut in sequentibus latius dicemus.

7. Secundo sequitur ex dicta assertione, non posse vendi jus eligendi ad dignitates, aut ecclesiastica beneficia, neque jus confirmandi electionem, aut conferendi talia beneficia, aut instituendi in illis. Hoc certum est apud omnes, quia hoc jus aliquo modo spectat ad potestatem jurisdictionis spiritualis: unde & tale jus in se spirituale est, & conferre illud, actus est jurisdictionis spiritualis, est ergo materia simoniæ. Et confirmatur, quia tota ratio æstimationis in hoc jure est dignitas illa, seu beneficium, ad quod ordinatur electio, collatio, vel institutio; ergo si tale jus venditur, est propter actum, & actus propter effectum, qui spiritualis est; ergo venditur id,

quod spirituale est. Denique declaratur in singulis. Nam de electione id habetur ex c. *Matthæus*, de Simon. & ibi notat Abbas, num. 3. Ratione etiam patet, quia per electionem confertur spirituale jus, ut habetur ex cap. ult. de Translat. episcopi, ubi dicitur vinculum spirituale, quod est inter episcopum, & ejus ecclesiam, in electione initium sumere: quia nimirum electus incipit statim habere aliquod jus. Quod quidem esse jus in re sensit Gloss. in c. *Quanto*, d. 63. quam sequitur Abbas in cap. *Sacro sancta*, de elect. n. 4. & in capite *Quanto* de Judic. num. 6. & in cap. *Nobis* de Jure patron. num. 4. Alii autem volunt solum acquirere jus ad rem, non in re; de quo videri possunt multa apud Felin. in c. *Cum Bertoldus* de Sen. & re judic. n. 2. & 3. Nam ad præsens parum refert: quia qualecumque sit illud jus, spirituale est, & hoc sufficit, ut jus eligendi spirituale sit. Id præterea evidens est in jure confirmandi, nam per confirmationem certissimum est, acquiri jus in re. Unde in dicto cap. ult. de Translat. episcopi dicitur, per confirmationem fore ratum spirituale conjugium episcopi cum ecclesia, & ideo (ut Gloss. & Abb. locis allegatis dicunt) jam tunc non solum habet jus quasi in habitu, sed habere etiam potest in usu, & exercitio, juxta cap. *Transmissam*, de election. & ideo confirmatio actus est jurisdictionis spiritualis, & valde proprius prælatorum ecclesiasticorum. Idemque manifestum est de jure conferendi, vel instituendi: nam hæc etiam sunt propria munera prælatorum ecclesiæ, nec possunt exerceri sine propriissima spirituali jurisdictione; ergo jus ad huiusmodi actiones proprie spirituale est, & materia simoniæ. An vero idem sit de jure præsentandi, dicemus infra tractando de jure patronatus: nam habet specialem rationem, quæ ad illud jus pertinet.

8. Dico secundo: Omnes actus jurisdictionis voluntariæ, quatenus ad effectum spiritualem ordinantur, materia sunt simoniæ. Assertio est communiter recepta, quæ ita in generali proposita sufficienter probatur ex cap. *Ad nostram*, & cap. *Consulere*, & cap. *Nemo Presbyterorum*, de simonia. Melius tamen ostenditur quasi inductione, descendendo ad particulares actus huius jurisdictionis, quales sunt dispensationis votorum, relaxationes iuramentorum, & dispensationes in legibus ecclesiasticis, irregularitate, impedimentis matrimonii, & similibus. De quibus constat apud omnes, esse materiam simoniæ. Div. Thomas cum aliis in 4. d. 25. Idem Div. Thom. d. quæst. 100. artic. 3. ad 3. & ibi Caietanus & alii, Sor. q. 6. art. 2. ad 3. Anton. d. cap. 5. §. 17. Angel., *Simonia*, 3. num. 45. Silvest. qu. 9. Redoan. 1. part. cap. 21. num. 12. & cap. 29. num. 16. §. *Item pro usu*, notant alii Doctores, in c. *Nemo*, 2. de simon. & cap. *Cum ab omni* de vit. & honesta cleric. Sumiturque ex eisdem Juribus, & ex aliis sæpè citatis: & cap. *Ad nostram* de simon. Vel propter generalem prohibitionem accipiendi aliquid pro ecclesiasticis functionibus, inter quas omnes istæ dispensationes merito commutantur: vel a simili, & a fortiori, quia si pro sententiis, absolutionibus, & similibus non est pretium accipiendum, multo minus pro his dispensationibus. Denique in Concil. Trid. sess. 24. cap. 5. de Refor. de dispensationibus in matrimonio, gratis esse dandas, dicitur, idem de dispensationibus in legibus ecclesiasticis dicitur sess. 25. c. 18. de Refor. Ratio vero est, quia hæc dispensationes sunt actus supernaturalis potestatis jurisdictionis, ut constat, nam actus dispensandi actus est jurisdictionis, ut in tractatu de Legibus ostendimus, & infra in tractat. de Voto: & cum eiusdem jurisdictionis sit dispensare, & legem ferre, sicut potestas legislativa ecclesiastica supernaturalis est, ita etiam potestas dispensandi in talibus legibus. Et idem a fortiori est de potestate dispensandi in his, quæ attingunt aliquo modo ius Divinum, ut in votis, iuramentis, &c. Ergo omnes hi actus supernaturales sunt ex parte principii, nec minus spirituales sunt ex parte finis, quia tollunt vincula, quæ conscientiam ligant, & solvunt, non solum in terra, sed etiam in cœlis; ac denique

Ratio est
clausione.

Episcopi
Vicarius,
& similes,
non possunt
pretio constitui.

Quo pacto
clericatus
Cameræ, &
auditoria
aus pretio
dari possunt.

Non potest
vendi
jus eligendi
ad dignitates.

Omnes
actus jurisdictionis
voluntariæ
quatenus
ad effectum
spirituale
ordinantur
sunt materia
simoniæ.

denique ad spirituale salutem de se, & quatinus in se ordinantur. Ergo in hos actus optime cadit sententia Christi: *Gratis accepistis, gratis date.*

9 Accedit alia ratio, quia in dispensationibus servanda est æquitas justitiæ distributiæ, ut pro ratione causæ decur, vel negetur dispensatio, quæ æquitate sublata, enervatur, & corrumpitur ecclesiastica disciplina: at si dispensationes vendantur, justam distributionem non servari morali consecutione necessarium est. Nam eo ipso, quod per dispensationem lucrum quaritur, ille dispensatur, qui plus confert; ille autem qui pauper est, indispensatus recedit, etiam si æqualem, vel fortasse majorem dispensationis causam habeat. Unde confirmatur, quia vel dispensatio petitur ex causa legitima, & tunc suo jure debita est; & ita immerito pretium postulatur: vel non habet legitimam causam; & sicuturpiter, & injuste venditur. Sed hæ rationes procedunt etiam in legibus civilibus, earumque dispensationibus. At ibi solum ostendunt, talem abusum esse contra justitiam legalem, vel distributivam, non vero esse simoniam, ut ex supra dictis constat. In præsentī vero materia, cum aliquin sit apta ad simoniam, ut ostensum est, optime declarant gravitatem sacrilegii in tali materia, quia cum gravissimo detrimento animarum, & ecclesiasticæ gubernationis conjunctum est. Atque hinc etiam constat, idem dicendum esse de quacumque licentia in materia spirituali, ut sunt litteræ dimissoriæ, pro quibus sine dubio pretium accipere non licet, ut patet ex Concilio Tridentino sessione vigesima prima, capite primo, de Reformatione, ubi etiam sponte oblata accipere prohibet: idemque est de privilegiis, & similibus favoribus, & gratiis, quæ vel dispensationes quædam sunt, vel illas virtute continent, vel eandem rationem habent. An vero idem dicendum sit de licentiis, vel facultatibus, quæ licet per spiritualem potestatem dentur, in materia mere politica versantur, paulo inferius declarabo.

10 Contra hanc tamen assertionem obijci solet stylus Romanæ curiæ, & legatorum pontificis, qui habet, ut ad obtinendas dispensationes necessarium sit, aliquam pecuniam persolvere: dicunt aliqui, hujusmodi pecuniam non dari pro dispensatione, sed pro rescriptis, & testimoniis tanquam necessaria stipendia officialium, qui in his laborant. At hoc non honestat actionem; tum quia constat ex usu, præter omnia stipendia officialium, majorem lucri partem cedere in utilitatem dispensantis; tum etiam quia etiam pro chartis, testimonialibus litteris, & sigillo prohibitum est aliquid accipere etiam ipsis notariis, & officialibus, in cap. 1. Simon. & in cap. *Sicut episcopus* 1. quæstione 2. & in Tridentino session. 21. cap. 1. de Reformatione. Unde Navarrus Conf. 2. de Simon. reprobatur in hac parte similem consuetudinem Romanam accipiendi unum aureum pro subscriptione, vel registratione Datarii, vel pro suspensione sigilli. Et licet dicta jura, atque etiam Navar. loquantur de litteris testimonialibus, aut bullis in collatione ordinum, aut beneficiorum, tamen eadem ratio esse videtur de dispensationibus, quæ non minus gratis conferendæ sunt, quam ordines, aut beneficia. Auger præterea difficultatem, quia quo difficilior est dispensatio, eo major pecuniæ quantitas pro ea postulatur, ut pro dispensatione in secundo gradu matrimonii, quam in quarto, & sic de aliis; cum tamen rescripta in testimonium talium dispensationum tradenda ejusdem sint laboris, & oneris: ergo videtur augeri pretium solum propter respectum ad rem spirituales, quod simoniacum est.

Enodatur.

11 Ad hoc respondetur primo, quod licet exigere pretium pro dispensatione sit simonia contra Divinum jus, in quo non potest pontifex dispensare, tamen exigere aliquid in sustentationem, & ad sustinenda onera status dispensantis non est contra jus divinum, ut infra generaliter dicitur, neque in præsentī materia dispensationum invenitur esse contra jus ecclesiasticum. Nam in hac specie nulla talis prohibitio in illo reperitur. Et licet daretur talis prohibitio, Summus pontifex, qui est super tale jus, posset ea, quæ

Suarez, Tom. XII.

ad suum statum pertinent, ordinare, prout sibi videbitur expedire. Ita ergo si in curia aliquid in dispensationum expeditione pro ipso pontifice postulatur, non est venditio gratiæ, sed sustentatio personæ, vel onerum illius status. Secundo dicemus, merito potuisse pontifices imponere hoc onus, & quasi tributum ad suam sustentationem necessarium potius in dispensationibus, quam in aliis gratiis; quia dispensationes odiosæ sunt, & oportet, eas onerosas reddere petentibus, ne facilitas obrinendi majorem licentiam tribuat eas importune petendi: sunt autem illis onerosæ, si absque sumptibus, & pecunia illas obtinere non possint. Et hac ratione fieri etiam potuit, ut quo difficilior est dispensatio, ut rarior etiam sit, majus pecuniæ onus habeat annexum.

12 Tertio: Sape id, quod solvi præcipitur, non applicatur pontifici, velesus officialibus, sed ad aliquod pium opus: & tunc ratio impositionis esse potest, quia non datur absoluta dispensatio, sed commutatio unius operis in aliud. Quod maxime habet locum in votorum dispensatione. Item aliquando id imponitur in pœnam alicujus prioris delicti, ut si dispensatio est in irregularitate contracta ex delicto, commutatur in aliam pœnam pecuniariam, quam potest etiam pontifex suæ cameræ applicare, & sic etiam in dispensationibus in affinitatibus, vel impedimentis contractis per illicitam copulam.

Quarto etiam pro officialibus, & expensis eorum, & laboribus in scribendo, expediendo, &c. potest licite aliquid exigi, quia hoc non est per se malum, ut constat, neque in hac specie invenitur prohibitum. Nam jura, quæ loquuntur de ordinibus, & beneficiis, non videntur extendenda ad hæc omnia; tum quia non est in omnibus illis eadem ratio. Tum etiam, quia illa jura sunt potius odiosa, quam favorabilia. Præterquamquod licet talis prohibitio canonica per consuetudinem Romanam, vidente, & consentiente pontifice, esset derogata. Unde etiam in concessione indulgentiarum, quæ spiritualior est (ut sic dicam) non censetur esse prohibitum officialibus pro suo labore in instrumentis conficiendis aliquid accipere.

13 Dubitari ergo non debet, quin talis consuetudo per tot pontifices, non solum pios, & timoratos, sed sæpe etiam sanctissimos, & doctissimos tolerata, & approbata libera sit ab omni labe simoniæ, & ab omni crimine, ut late confirmat, plura ad hoc allegans Redoan. 1. p. de Simon. cap. 21. num. 4. & seqq. Et animadverti potest Concilium Trident. in allegatis locis, & præsertim in session. 22. cap. 5. de Reform. ubi agens de dispensationibus, quæ in Romana curia conceduntur, ait: *Ea vero, quæ gratiose conceduntur, suum non sortiantur effectum, nisi prius ab eisdem* (id est, ab episcopis) *tanquam delegatis Apostolicis summarie tantum, & extrajudicialiter cognoscantur.* In quibus verbis supponit, alias esse dispensationes, quæ non gratiose conceduntur, quas non solum tacite approbat, sed etiam permittit, ut suum statim sortiantur effectum. Dicuntur autem non gratiosæ, non quia vendantur, absit, sed quia non sine onere aliquo, vel in commutationem, vel in pœnam, vel in subsidium sustentationis conceduntur. Aliæ vero, quæ sine ullo tali onere conceduntur, (quæ sunt etiam quam plurimæ) dicuntur gratiosæ. Et fortasse quando in aliquibus aliis locis citatis disponit Concilium, ut aliquæ dispensationes gratis concedantur, de hoc modo gratioso loquitur, qui non tantum proprium pretium, sed etiam hoc genus oneris excludat: nam prohibitio pretii tam universalis est, tamque divina, ut ejus particularis admonitio non videretur necessaria.

14 Quapropter verissimam existimo illorum auctororum sententiam; qui docent, non posse episcopos, etiam prædictis titulis aliquid exigere in dispensando in his casibus, qui ad ipsos pertinent: quod tenet Navar. Conf. 18. de Pœnit. & remis. Tab. ver. *Simonia*, num. 49. Ugolin. Tab. 1. cap. 52. n. 5. in fin. Probat autem, quia id est prohibitum jure communi, quatenus spiritualia pure, & sine pacto, & modo, dati præcipiuntur, cap. ult. de Pact. cum

Consuetudinem curiæ Rom. liberam esse a simonia.

Non possunt episcopi aliquid exigere etiam prædictis titulis.

Difficilis est circa stylum Romanæ curiæ.

similibus, & quia non potest cum onere dari, quod ex jure communi gratis dandum est, cui juri communi ecclesiastico omnes episcopi subijciuntur, pontifici solo excepto. Quæ principia, & jura late Navarrus surget. Ponderari vero potest decretum Concilii Trident. sess. 25. cap. 18. de Reform. ubi generaliter agens de dispensationibus ecclesiasticis inter alia disponit, *Ut gratis*, ad quoscumque dispensatio pertinebit, præstetur, aliterque facta dispensatio subrepticia cenceatur. Nam, ut dicebam, illud *gratis* non videtur tantum excludere pretium, sed etiam onus, & gravamen pecuniæ, quocumque titulo fiat. Hoc autem maxime verum habet, quando tale onus imponitur, ut cedat in utilitatem dispensantis titulo sustentationis, nam hoc præcipue videtur voluisse prohibere Concilium. Et est valde necessarium, ne illo titulo detur occasio multiplicandi injustas dispensationes, quod maxime videtur voluisse vitare Concilium, ut ex principio illius cap. constat. Item hoc præcipue habet locum, quando episcopi habent aliunde sufficientes redditus ad suum statum, & ejus onera sustentanda, ut sunt maxime in Hispania, & regulariter in alijs ecclesiæ provinciis.

**Hæc one-
ra non fa-
cile debet
imponi
pro stipen-
diis offi-
cialium.**

25 Et ob easdem causas non facile permitti debet, ut pro salariis, aut stipendiis officialium talia onera imponantur. Quia episcopi tenentur suos habere officiales, & illis ex suis redditibus convenientia stipendia tribuere, ut sentit Sor. dicta quæst. 6. art. 1. Nam cum hi prælati ratione muneris teneantur ad hos actus præstandos, tenentur etiam ad omnia, quæ moraliter ad illos necessaria sunt, unde propter illa omnia redditus convenientes recipiunt. Unde si aliquod lucrum ex dispensationibus illis tribuant officialibus, ipsi virtute accipiunt in suum commodum, & incommoda, quæ Concilium vitare voluit, non evitant. In hoc tamen existimo, multum posse valere consuetudinem, præsertim cum in hoc speciali casu nihil sit in jure statutum, ut dixi. Addo præterea, quod licet hæc vera sint, non est prohibitum episcopis, quin per modum commutationis possint dispensando, onus alicujus elemosinæ imponere, maxime quando dispensant in votis, & in observatione festi, & similibus, quia non tenentur puram dispensationem dare, sed possunt commutationem miscere, & eadem ratione, si dispensatio supponat culpam, possunt illum punire præcipiendo elemosinam: ut tamen ab omni simoniæ labe, & illius specie abstineant, non sibi, sed piis operibus talem pecuniam applicare debent; & optime facient, si eorum liberam dispositionem eisdem, cum quibus dispensant, vel si necesse sit, alijs fidelibus ministris committant.

**Actus ju-
rid. ec-
clesiasticæ
etiam cen-
tentia
fontina-
teria si-
mon.**

16 Dico 3. actus jurisdictionis ecclesiasticæ, etiam contentiosæ, & involuntariæ, materia sunt simoniæ, ad quam vitandam gratis exerceri debent. Ita docent omnes auctores allegati in præced. assert. numerantque primo actus visitandi juxta cap. 1. & 2. de Cens. in 6. & Concil. Trid. sess. 24. cap. 3. de Reform. Quibus locis victualia, seu consuetæ procuraciones ad sustentationem permittuntur, de quibus etiam statutum est in cap. *Cum venerabilis*, &c. *Procuraciones*, de Censib. Secundo numerantur actus ecclesiastici judicii usque ad sententiæ prolationem. Ita sumitur ex D. Thoma in locis citatis cum Theologis in eisdem locis, præsertim Richard. 4. dist. 25. art. 2. quæst. 3. ad 5. Anton. dicto §. 17. Silvest. quæst. 10. Angel. *Simonia* 3. num. 28. Tabien. num. 47. Navar. in comment. de Dat. & accept. seu in Extravag. *Ab ipso*, not. 9. num. 19. *Glossis*, & doctoribus, in cap. *Vendentes* 1. quæst. 3. Idem Hostiens. & Abbas in cap. *Tu nos*, de Simon. ubi etiam Felinus num. 4. referens etiam Abbat. in cap. *Cum ab omni* de Vir. & honest. Clericorum; Redoanus 2. part. cap. 30. num. 13. & sequentibus. Et sumitur ex dicto cap. *Cum ab omni*, ut ibi late per Panorm. & ex d. cap. *Vendentes*, ibid. *Vendentes in templo sunt*, qui hoc, quod quibusdam jure competit, ad premium largiuntur, & ex cap. *Nemo Presbyterorum* de Simon. ubi dicitur, simoniam esse aliquem reconciliare, vel testimonium reconciliationis ei dare non gratis; & ex cap. *Ad aures* eodem, ubi est sermo de absolutione a censura, quæ pars est judicii. Denique ex

generali prohibitione cap. *Ad audientiam*, nam judicium Eccles. facere inter ecclesiastica ministeria computatur, non ergo licet illa vendere, licebit tamen stipendium sustentationis accipere, quo titulo honestari solent aliquæ contributiones, quæ dari solent ecclesiasticis judicibus, & portulæ vocantur, de quibus videri potest Panor. in d. cap. *Cum ab omni*, num. 9. & 10. Addunt vero prædicti Doctores fere omnes, non tantum judicem, sed etiam testem simoniam committere vendendo testimonium suum in spiritali judicio. Sed hoc examinabimus infra tractando de his, qui simoniam committunt. Tertius actus est censura ligare, vel absolvere, quanquam hæc etiam sub judiciis comprehendantur. Et de absolutione jam supra dictum est capit. præced. de Censura vero id colligitur ex cap. 2. de Simon. Et ibi Doctoribus notatur, in universum ligare aliquem per potestatem ecclesiasticam, vel punire, si pretio fiat, simoniam committi. Ad quod etiam facit d. cap. *Nemo Presbyterorum*. Ratio denique universalis est, quia in his omnibus actibus exercetur supernaturalis potestas a Deo gratis data ad gubernandam ecclesiam suam, ac proinde gratis exerceri debet ex vi suæ institutionis, & naturæ; ergo si pretio vendatur, simonia committitur; ergo in omnibus his actibus invenitur simoniæ materia. Unde non videtur hæc simonia tantum esse, quia prohibita, (licet revera per ecclesiam prohibita sit,) sed etiam natura sua, & ex vi talis materiæ.

17 Sed circa hanc, & præcedentem assertionem superest dubium, an locum habeant, etiam quando actus jurisdictionis, licet ab ecclesiastica potestate procedant, circa materiam politicam, & mere humanam versantur. In quo in primis suppono, sermonem esse de potestate ecclesiastica formaliter: contingit enim, prælatos ecclesiæ habere propriam, & directam jurisdictionem temporalem, ut habet pontifex in suo temporali territorio, & regno, & habent multi episcopi in aliquibus locis, quæ jurisdictio, ut est in illis, potest denominari ecclesiastica, sicut temporalia bona ecclesiæ spiritalia vocantur. Nihilominus tamen certum est, actus illius jurisdictionis, etiam ut exercentur per judicem ecclesiasticum, non esse materiam simoniæ, quia semper manent mere temporales. Et ita docent communiter canonistæ in capitulo secundo. Ne prælati vices suas. Debent ergo assertiones postæ intelligi de actibus procedentibus ab ecclesiastica potestate propria, & spiritali. Deinde hi actus sæpe versantur in materia pure spiritali, ut patet quoad priores actus in dispensationibus votorum, & legum ecclesiasticarum, & similibus: & in posterioribus actibus in censuris ferendis, & tollendis, in beneficialibus causis, & matrimonialibus, vel in his, quæ ad fidem pertinent, & similibus. Et in his nullum est dubium, quia actus sunt omnino spirituales tam ex parte principii, quam ex parte materiæ, & finis.

18 Possunt autem per spiritualem potestatem exerceri quidam actus, qui videntur mere politici, & humani, quia proxime versantur in materia temporali, & humana. Ut in actibus jurisdictionis voluntariæ esse videtur licentia studendi, vel humanis litteris, & Philosophiæ, vel etiam juri canonico, aut Theologiæ; quia hoc studium actus naturalis, & vendibilis est, & proxime ordinatur tantum ad commoditatem humanam. Idemque censeri potest de licentia docendi. Item legitimatio, verbi gratia, solum spectata quatenus per eam tollitur quædam inhabilitas ad temporales honores, & commoda, & similia. In actibus vero jurisdictionis non voluntariæ videntur hujusmodi esse causæ mere civiles inter clericos de bonis temporalibus, vel de criminibus, aut injuriis. De his ergo actibus censent aliqui, natura sua non esse materiam simoniæ, quia mere humani, & politici sunt. Nec sufficere putant, quod a jurisdictione ecclesiastica procedant, quia licet hæc potestas in spe spiritalis sit, simul est eminenter politica, & temporalis, & ideo quando sub hac tantum ratione operatur, non est ex natura rei simonia vendere actus ejus: sed poterit esse simonia, quia ab ecclesia prohibita,

Et

An prædicta sint etiam intelligenda de actu procedente potestate eccles. qui tamen versatur circa materiam politicam.

Expendū tur alii actus, qui proxime versantur in materia temporalis.

Et huic sententiæ favet Innocent. in cap. 2. de Magist. quatenus dicit, non esse simoniam, sed turpe lucrum vendere licentiam studendi, quod sequitur Angel. verb. *Magister*, n. 15.

Resolvi-
tur, omnes
illos actus
quatenus
procedit
a potesta-
te, esse ma-
teriam si-
moniæ.

19 Sed nihilominus probabilius videtur, omnes hos actus, quatenus a potestate spiritali procedunt, esse veram materiam simoniæ ex vi juris Divini. Quod sentit Grossa prima in cap. 2. Ne prælati vices suas, dicens, ubicunque episcopus gratis facere aliquid debet ratione sui officii, simoniam committere, si aliquid exigit. *Maxime* (inquit) *cum jurisdictio sit spiritalis*. Ubi per illam particulam *Maxime*, non potest fieri comparatio ad actus, qui procedunt a jurisdictione temporali, cum in eis simonia locum non habeat, ut dictum est proxime, & latius supra cap. 8. Sensus ergo esse videtur, vel ob hanc maxime causam ibi intervenire simoniam, quod jurisdictio, a qua illi actus procedunt, est spiritalis: vel tunc maxime committi simoniam, quando actus ex vi objecti, & materia est spiritalis. Utroque autem modo infertur assertio posita. Nam si potissima ratio simoniæ in tali materia est habitudo ad talem jurisdictionem, omnes actus ab illa procedentes erunt materia simoniæ, quia in omnibus illa potissima ratio invenitur. Si vero actus spiruales ex objecto dicuntur maxime esse materia hujus simoniæ, etiam alii actus ejusdem muneris, & potestatis licet non habeant materiam ita spirituales, erunt materia simoniæ, etsi non tam gravis, nec tam præcipua. Et hoc posteriori modo intelligunt illic Glossam Abb. Aretin. & alii, qui consequenter in hanc sententiam descendunt. Et eandem supponere videntur Joan. Andr. Anani. & Card. in cap. 2. de Magist. & Turrecre. & Præposit. in cap. *De quibusdam* 37. d. dicentes, esse simoniam aliquid exigere pro licentia studendi, nam hæc licentia proxime non versatur circa materiam spirituales.

Ratio as-
sertionis.

20 Ratio vero generalis est, quia usus jurisdictionis spiritalis formaliter, ac per se spiritalis est. Nec refert, quod interdum materia proxima actus videatur politica, aut temporalis, quia consideranda est, prout cadit sub talem spirituales potestatem, sic enim non cadit, nisi ut ordinata ad spirituales finem, & ad illum aliquo modo conducent, & ut sic jam est spiritalis, & ita actus spiritalis efficitur non solum ex parte principii, sed etiam ex parte finis. Atque hac ratione quodlibet judicium inter clericos spirituale censendum est, quia licet sit de crimine communi laicis, & clericis, vel de bonis temporalibus, semper causa illa tractanda est modo ecclesiastico, in quo semper habetur ratio clericalis decentiæ, ac dignitatis. Ubi obiter notandum est, hæc judicia semper esse a potestate ecclesiastica formaliter, licet convenienter clericis ratione suæ immunitatis; quia hæc immunitas non est ex potestate civili, ut hæretici volunt, vel eorum fautores, sed est ex ecclesiastica potestate, & a divino jure ducit originem, & ideo semper illi actus sunt a supernaturali potestate elicitive (ut sic dicam) & ex relatione ad finem spiritalis boni totius ecclesiæ, & maxime ecclesiastici status, semper sunt actus spirituales, ac subinde materia simoniæ.

C A P U T XXI.

Utrum labor, & defatigatio corporalis in operibus spiritalibus sit materia simoniæ, aut vendi possit licite: idemque de obligatione ad talia opera interrogatur.

Quæstio
hec non
solum de
sacramen-
tis, sed et-
iam de
aliis ac-
tibus, pro-
cedit.

I Quæstio hæc tractari solet maxime de actibus sacramentorum, habet tamen eandem rationem in omnibus actibus externis, qui licet ex fine, & principio spirituales sint, nihilominus eorum spiritalitas (ut sic dicam) adhæret operi corporali, quod habet annexum vel laborem, & defatigationem corporis, vel aliquam incommoditatem, quatenus homo pro illo tempore, quo spiritalibus occupatur actionibus, non potest suis lucris, vel corporalibus commodis intendere. De omnibus ergo operibus hæ-

Sharez Tom. XII.

tenus tractatis potest cum proportionem quæstio hæc ventilari, & ideo in hunc locum illam reservavimus. Et ita etiam generatim opiniones, & auctores referemus, etiam si ipsi interdum in particulari de sacramentis, vel divinis officiis, aliisve similibus operibus loquantur.

2 Prima ergo sententia est, pro hujusmodi labore licitum esse pretium accipere, etiam si actio, cui adjungitur, sit intime necessaria ad sacrum ministerium. Ita tenet Adrian. Quodlib. 9. art. 1. in resol. lit. O. Refert Altiſiod. 3. p. q. penult. de Simon. alii referunt lib. 3. tract. 21. c. 2. in Codice autem Parisiensi satis antiquo, quo utor, tractatus de simonia est 27. & in eo non invenio hoc expresse assertum: potest autem sumi a simili ex c. 3. q. 2. quatenus ibi ait pro doctrina non posse pretium accipi, posse tamen pro labore, & addit comparisonem ad alia spiritalia. Et ita videtur alligari ab Adrian. & eodem modo posset referri Alenf. 2. p. q. 167. m. 4. art. 3. dub. 2. Bonav. etiam in 4. distin. 25. art. 1. q. 4. in fine, cum idem dixisset de scientia, subdit: *Atque idem est pro celebratione missarum, & similibus*. Expresius id tradit Maj. ibi q. 1. in fine §. *Hactenus*. Inclinat ex parte Richard. art. 3. q. 2. ad 1. & 8. licet non de sacramentis, sed de consecratione ecclesiæ, & celebratione missarum loquatur, sentiens in q. 3. contrarium de sacramentis, quæ vix possunt conciliari. Pro eadem sententia refertur Armach. lib. 10. Ex juris etiam peritis multi hanc sententiam docuerunt. Gloss. in c. *Significatum*, de Præb. verb. *Itaque*. Item Gloss. 1. in c. *Suam*, de Simon. quæ solum dicit, posse celebrantem missam accipere aliquid in sustentationem, vel posse locare operas suas: nec plus videtur prior Glossa intendere, licet dicat, posse recipi aliquid pro labore. Et idem fere habet Gl. in c. ult. 21. q. 2. & sequitur Panor. d. c. *Significatum*, num. 8. & ibi alii, & Præposit. in cap. *Judices* 1. q. 1. Jul. Clar. dicens, esse communem ver. *Simonia*, num. 2. Angel. ver. *Simonia* 2. num. 6. & refert pro illa Innoc. & Hostiens. in c. *Quoniam*. Ne Præla. vic. fu.

1. Senten-
tia asser-
ens licitum
esse
pretium
accipere

3 Ratio fundamentalis hujus sententiæ esse debet, quia actio illa secundum se, & labor corporalis, qui ex illa nascitur, vel incommoditas eundi, & redeundi, vel ibi assistendi cum mora temporis necessaria, & moraliter, & physice est pretio æstimabilis, & non amittit suum valorem propter conjunctionem cum re, seu conditione spiritali tali operi adjuncta; ergo illa ut sic spectata non est materia simoniæ, ac subinde vendere illam præcise secundum illum valorem nullo modo augendo pretium intuitu spiritalitatis, nullam habet rationem simoniæ. Secundo quia illi labori ex natura rei debetur stipendium, seu merces, unde in Concil. Agathen. c. 36. dicitur clericis reddenda esse stipendia: *Sanctis laboribus debita secundum servitium sui debitum*, c. ultim. 21. q. 2. Non debetur autem stipendium ratione spiritalis ministerii, ut spirituale est, sed ut in eo corpus laborat, & occupatur; ergo hæc duo recte distingui possunt in tali opere in ordine ad recompensationem: ergo etiam in ordine ad pretium, & mercedem. Responderi potest, illud stipendium, de quo Concilium loquitur, non dari ut pretium operis, sed in sustentationem debitam, juxta illud Lucæ 10. *Edentes, & bibentes, quæ apud illos sunt, dignus est enim operarius mercede sua*.

Fundamē-
tum pro-
positæ sen-
tentiæ.

4 Sed contra hoc argumentor tertio. Quia hoc stipendium sustentationis nihil differt a pretio operis, & laboris specialiter spectati: unde in Scriptura ita appellatur, ut patet ex eisdem verbis Lucæ allegatis, & 1. Timoth. 5. *dignus est operarius mercede sua*: nam merces proprie significat pretium operis. Matth. 20. *Voca operarios, & redde illis mercedem*. Unde Paulus 1. Corinth. 9. comparat illud stipendio militis, quod revera pretium est. Denique Numer. 18. expresse vocatur *pretium pro ministerio in sanctuario*. Et a signo confirmari potest, quia in eo attenditur proportio, & commensuratio operis, ac laboris cum stipendio. Nam idcirco non datur tantum stipendium recitandi missam, & officium mortuorum, sicut canenti, nec audienti unam confessionem, sicut audienti per totum diem, nec sicut con-

cionanti; ergo signum est, æstimari laborem, & corporale opus, & cum proportionem retribui: hoc autem est esse pretium, vel explicetur, in quo hæc distinguantur. Quarto licitum est simplici sacerdoti locare operas suas pro ministerio spirituali, sed in locatione id, quod datur pro opere, habet veram rationem pretii, ut ex natura illius contractus constat, ut ex lege 2. ff. Locati, & Institutio Codic. in principio, eod. ergo licitum est, vendere tales operas materialiter spectatas. Major constat ex usu communi ecclesiæ, & ita in ipso Evangelio distinguitur mercenarius a pastore; dicitur autem mercenarius, qui mercede conducitur. Unde in dicto cap. ultim. 21. q. 2. isti clerici mercenarii *conductarii* appellantur. Dices, in illo contractu non accipi pretium pro operibus, sed pro obligatione serviendi. Sed hoc non satisfacit, tum quia hæc obligatio in omni pretio pro opere intervenit, solumque differt, quod sit ad longum, vel breve tempus, vel ad unum, aut plures actus, quæ differentia valde accidentaria est: tum etiam quia ipsa obligatio veluti habet speciem a termino, unde non est digna pretio, quatenus ordinatur ad ministerium spirituale, ut spirituale est, sic enim posset ultra omne pretium æstimari; ergo spectatur solum ut obligatio ad opus laboriosum, & corporale; ergo etiam ipsum opus potest immediate hoc modo spectari, & æstimari condigno pretio.

a Sententia affirmans laborem in intrinsece ad iunctum rei spirituali non posse vendi, seu vero laborem accidentarium.

5 Secunda sententia in hoc puncto est, laborem intrinsece adjunctum sacro ministerio, vel spirituali muneri non posse pretio æstimari, neque vendi, secus vero esse de accidentario labore, de quo nulla est controversia, ut infra videbimus. Pro hac sententia videtur esse D. Thom. in 4. distinct. 25. q. 3. art. 2. q. 2. in corpore, & ad 4. & 5. Et Quodlib. 8. art. 1. quatenus his locis ait, absolute non licere vendere hos actus, nec locare tales operas, quamvis liceat sustentationem accipere. Et quamvis in 2. 2. q. 100. art. 2. solum dixerit: *crimen simoniae esse, accipere pecuniam pro spirituali sacramentorum gratia*: & art. 3. dixerit: *vendere quod est spirituale in his actibus, simoniae esse*, nihilominus in eodem sensu videtur locutus, nam sub illo spirituali comprehendit totum actum, prout in re ipsa spiritualis est, & ideo solum excepit id, quod datur per modum sustentationis. Atque ita intelligunt, & sequuntur Cajetanum ibi Sotus lib. 9. q. 6. art. 1. Late idem disputant, & docent Durand. 4. dist. 25. q. 3. n. 10. & Palud. q. 5. quamvis Paludanus non placeant rationes Durandi, de quo statim. Tener etiam Grab. Lect. 28. in Canon. litt. C. de Abulens. 3. Reg. 14. q. 9. Silvest. ver. *Simonia*, q. 9. ibi Reg. 5. Victor. supra n. 29. Et eam sequuntur Innoc. & Hostiens. in c. 3. Ne prelati vices suas. Idem Hostiens. & Anchar. in dicto c. *Significatum*. Idem tenuit Abb. emendans, vel declarans priorem sententiam in c. *Suam*, n. 4. & in c. *Cum sit Romana*, n. 2. de Sim. Ubi Zabarel. Anani. Joann. Andr. & alii:

Probatur hæc opinio Durandi.

6 Probat Durandus hanc sententiam, quia labor operis etiam in corporalibus actionibus non venditur, nec emitur, nec est dignus alia æstimatione, quam ipsum opus: sed in his ministeriis spiritualibus opera ipsa non possunt vendi, nec pretio æstimari; ergo nec labor illis annexus. Major pater: tum quia ex parte vendentis operas suas parum refert labor ad valorem operis; nam æque potest illud vendere: tum quia est æque utile ementi, siue cum labore illud faciat, siue sine illo; sicut supra dicebamus, advocatum posse recipere pretium pro consilio, siue illud cum labore det, siue magna cum facilitate: tum etiam quia ex parte ementis labor etiam non addit æstimationem, quia illi nullam utilitatem affert, si opus ab ipso emptum æqualiter fiat, parum enim mea interest, quod Scripser laborer in scribendo, vel summa facilitate præscriptum opus perficiat. Minor autem supponitur ut clara ex supradictis, quia si opera possent vendi, etiam sacramenta vendi possent. Hæc tamen ratio in superficie spectata videtur falsum assumere: quia corporalis labor sine dubio videtur prætio æstimabilis, nam est aliquid temporale, ejus dominium est in laborante. Item quia alias nec pro labore accidentario ad ministerium sacramentorum liceret pretium acci-

pere: consequens autem est contra omnes auctores, etiam secundæ sententiæ, ut videbimus. Sed fortasse Durandus non hunc sensum intendit, sed alium, qui explicandus est, quia ad punctum quæstionis intelligendum confert.

7 Distinguendum ergo est de labore operis, nam quidam est ex parte ipsius operis secundum se spectati quasi ex objecto, alius est tantum ex parte subjecti; nam idem opus laboriosius est personæ debili, vel non assuetæ, quam forti, & exercitatæ, ut patet in itinere, fossione terræ, & similibus. Labor ergo, qui mere nascitur ex parte subjecti, non auget valorem, vel æstimationem operis, & hoc ad summum probat discursus Durandi. Sicut e converso facilitas operandi proveniens ex perfectione subjecti non minuit valorem operis, cæteris parib. Immo etiam apud Deum non minuit meritum, nec satisfactionem, cæteris etiam paribus, ut ex propria materia constat. Item merces non possunt carius vendi per se loquendo, solum quia vendens carius illas emit, quam alius, nisi per se spectata talem habeant æstimationem. Idem ergo est de labore adjuncto, solum ex conditione operantis. Et ita fatemur, hunc laborem in præsentia materia non posse vendi. At vero quando labor operis per se illi adjungitur natura sua, quasi ex objecto, & intrinseco modo, qui attendi debet per comparisonem ad ordinariam hominum conditionem, & dispositionem, tunc labor multum facit ad operis æstimationem: & ideo in operibus corporalibus per se loquendo vendi censetur, ut ex communi hominum æstimatione, & vulgari loquendi modo constat. Sic enim idem esse censetur vendere operas, & vendere laborem. Item in hoc labore comprehenditur diuturnitas operis, & molestia, & defatigatio, quam secum affert, at hæc conditiones conducunt ad æstimationem operis, licet non sint adæquata ratio illius. Neque contra hoc probant aliquid considerationes Durandi; nam si consideretur labor ex parte locantium operas suas, ipsi maxime intendunt vendere laborem suum, quia sine dubio est pretio dignus, quando opus ipsum per se illud requirit. Quod si interdum minuat hic labor ex industria, vel extraordinaria dispositione laborantis, illud est per accidens; & ideo non tenetur operans minuere pretium, quia non minuitur valor operis: nam hic valor pensatur ex communi æstimatione, quæ attenditur secundum id, quod per se, ac regulariter contingit, sicut etiam e contrario non augetur pretium, etiam si labor per accidens crescat ex defectu operantis. Ex parte autem ementis in primis parum refert, quod labor ut sic non afferat illi specialem utilitatem, satis enim est, quod opus, cui labor per se adjungitur, in ejus utilitatem cedat, nam pretium datur pro opere, quod æstimatur, ut per se habeat talem conditionem. Deinde satis est, quod ille labor de se est pretio æstimabilis, & quod operans non vult illum assumere nisi pro pretio, & quod ita paciscitur cum emente, nam hoc est satis, ut emens teneatur solvere pretium, siue inde reportet utilitatem, siue non, quod etiam in omni opere verum est: & ideo multa opera juste venduntur a laborantibus, quæ non sunt utilia ementibus, sed propter alios fines illa emunt.

Discrimine inter laborem qui datur ex parte operis per se spectati, & illum qui datur ex parte subjecti.

8 Ex hac vero generali doctrina moralis, quæ sine dubio vera est, concludit optime ratio, quam Durandus intendit. Nam ex discursu facto concluditur, opus, & laborem dictum non esse æstimabilia duplici pretio, sed uno, & eodem, vel nullo. Unde consequenter fit, in præsentia materia non esse distinguendum inter opus, quo fit sacramentum, & laborem per se, & intrinsece illi adjunctum: nam hæc duo etiam in operibus profanis non sunt æstimabilia distinctis pretiis, sed totum illud est unum opus talibus conditionibus affectum, quod omnibus spectatis tali pretio communiter æstimatur. Unde fit, quod si opus non sit pretio æstimabile, nec labor hic per se illi adjunctus sit æstimabilis pretio: nam labor non æstimatur per se, sed in ipso opere, ut sic dicam, quatenus reddit illud magis, vel minus æstimabile. Si autem opus sit extra ordinem rerum pretio æstimabile, labor etiam illi per se conjunctus non poterit illud reddere magis, vel minus æstimabile, & consequenter nec labor

Durandus ratio eorum signatur.

labor ipse per se poterit pretio æstimari, quia per se non habet v. dorem. Quod si Durand. in hoc sensu dixit laborem non vendi, nec emi, scilicet per se, & separatim ab opere laborioso, recte dixit, dummodo non neget, laborem intrinsicum esse conditionem, ex qua magna ex parte sumitur valor corporalis operis. Sicut proprietates, & virtutes alicujus lapidis, aut herbe reddit illam rem dignam tanto valore, licet non possit per se æstimari distincto pretio ab ipso lapide, vel alio subjecto, cui inhæret. Unde si contingeret, esse lapidem, qui ratione suæ substantiæ esset inæstimabilis pretio, licet haberet talem virtutem, & proprietatem sibi naturaliter conjunctam, non posset pretio æstimari, quia impossibile est, æstimare virtutem sine lapide. Ita ergo est de opere, & labore illi per se conjuncto. Est autem in superioribus ostensum, opus ipsum sacrum, etiam si physice videatur habere aliquid materiale, totum esse invendibile, quia totum revera spirituale, & a principio spirituali procedit, & ad finem spirituale tendit; ergo idem dicendum est de labore talis operis.

Qui dicit
distingunt
in operi-
bus sacris
inter o-
pus, & la-
borem af-
ferentes
opus esse
invendi-
bile, labor-
em vero
vendibilem
pugnātia
dicunt.

9 Quapropter, qui distinguunt in operibus sacris inter opus, & laborem, & fatentur, opus esse invendibile, laborem autem vendibilem, repugnantia dicunt: quia labor non est vendibilis, nisi cum opere, seu ratione operis, nec opus sit vendibile ratione laboris, si ratione suæ substantiæ (ut sic dicam) invendibile sit. Et hoc videtur voluisse Durandus, quod mihi maxime probatur; & idem intendit Cajetanus, cum ait, laborem, qui in concione, celebratione, & similibus actionibus sacris per se intervenit, partem esse ipsiusmet actionis, & ideo non magis posse vendi, quam ipsam actionem. Et Soto similiter dixit, hunc laborem esse de substantia sacramenti verbi gratia, vel similis operis, & ideo invendibilem esse. Quoad hanc ergo principalem partem verissima est secunda sententia, & prædicto modo sufficienter probatur. Estque optima confirmatio Durandi ab incommodo. Nam si labor hic spiritualis ministerii vendi posset, profecto & ipsum ministerium vendi posset, & ita posset honestari omnis simonia in his actionibus: tamque vendibilia fere essent hæc opera sacra, sicut quælibet alia corporalia: omnia enim sunt vendibilia maxime ratione laboris. Et sicut in his vendi non potest spiritualis utilitas, neque in aliis ministeriis vendi potest specialis utilitas, quæ vel ex industria conducentis operarios, vel aliunde illi provenit, sed solum materiale opus, prout communiter æstimatur. Denique hic locum habet regula Urbani, in capit. *Siquis obfecerit* 1. quæst. 3. *Qui horum alterum vendiderit, sine quo nec alterum provenit, neutrum invenditum derelinquit.* Quam regulam ostendimus supra habere locum in his, quæ vel ita connexa sunt, ut vel corporale per se sequatur ex spirituali, illudque supponat, vel ita sint concomitantes se habentia, ut unum sit intime adjunctum alteri in suo esse, origine, & fine: ita vero se habet hic labor intrinsicus ad hæc opera, & ministeria sacra, ut declaratum est. Et ita induci possunt omnia jura, quibus pro his ministeriis pretium accipi prohibetur, omnia enim frustra essent, si prædictum laborem vendere liceret. Quocirca cum hæc rationes, & jura universalia sint, non possunt probabiliter aliqua ratione, vel consideratione limitari ad sacramenta (quod Richar. fecit dicta quæst. 3.) quia licet sacramenta sint sacratiora, & in eis commissa simonia gravior sit, nihilominus alia etiam ministeria sacra simpliciter sunt spiritualia, & in hoc æqualia, quod simpliciter invendibilia sunt, & ideo de omnibus quoad hanc partem eodem modo est loquendum.

Labor in-
trinsicus
operis
spirit. sit
inæstima-
bilis pre-
tio per
conjunc-
tionem
cum tali
opere.

10 Neque contra hanc partem urgent argumenta primæ sententiæ. Nam primum de æstimatione corporalis laboris æque procedit de ipsomet opere, ac de ejus labore; de ipso autem opere dici non potest vendi posse, aut pretio æstimari, ut supra ostensum est. Dico ergo, totum illud opus cum toto suo intrinseco labore, & conditionibus omnibus, quas per se habet adjunctas, factum esse inæstimabile pretio per elevationem ad spirituale ordinem, & intimam conjunctionem cum ratione sacramenti, aut alterius sacri

Suarez, Tom. XII.

ministerii. Unde consequenter dicitur, sacros ministros eo ipso, quod se talibus ministeriis dicant, assumpsisse onus ministrandi gratis, & non vendendi tales operas, aut labores. Neque propterea deterioris conditionis sunt; tum quia divino cultui dicantur, & Deo consecrant operas suas, tum etiam quia non priuantur mercede sua, quæ non sit pretium laboris, sed stipendium personæ, ut bene ibidem ad secundam rationem responsum est. In tertia vero ratione petitur differentia inter pretium, & stipendium, de qua infra, circa quartam divisionem dicturi sumus ex professo. Nunc satis sit dicere, quod pretium spectatur per commensurationem ad valorem, & æstimationem operis, seu laboris, quod repugnat sanctitati operis, ac ministerii sacri: stipendium autem sustentationis consideratur in ordine ad personam, quatenus sustentatione indiget, quam acquirere non potest, dum aliis in spiritualibus inservit, & ideo ab illis ex justitia debetur sustentatio ratione talis ministerii, saltem ut conditionis necessariæ ad talem obligationem. Et in hoc sensu vocatur hoc stipendium merces in testimoniis ibi allegatis secundum quamdam æquiparationem, vel analogiam, vel certe quia nomen mercedis abstrahit a propria ratione pretii temporalis, & de quolibet præmio ex injustitia debito dicitur, quomodo vita æterna merces appellatur. Et ideo hoc stipendium interdum in Evangelio vocatur cibus, quia datur in sustentationem, interdum merces, quia debetur ex justitia. Pretium autem non appellatur in novo testamento: in illo autem loco Numeror. aliqui putant, legendum esse mercedem, non pretium, & ita vertunt Septuaginta, & sequuntur Sanct. Pag. & Oleaster. Et ita posset exponi nomen pretii. Veleiam dici potest, ibi sermonem esse de Levitis, quorum ministerium erat mere corporale, ut excubias facere, custodire, & deferre tabernaculum, & ideo eis magis accommodatur ratio pretii. Quod significat Abul. ibi quæst. 30. & 31. Alia vero, quæ in eadem, & quarta ratione petuntur, pertinent ad labores, vel conditiones accidentarias sacris ministeriis, de quibus dicendum superest.

Distinguit
assignatur
inter pre-
tium, &
stipendium.

II Quod ergo spectat ad alteram partem de labore accidentario, fatentur auctores posterioris sententiæ, illum non esse materiam simoniæ, sed posse pretio æstimari. Immo multi existimant, & verisimiliter credi potest, auctores primæ sententiæ nihil aliud intendisse. Ut autem verus sensus, & ratio hujus partis intelligatur, adverto, aliter sumi ab his auctoribus laborem per accidens, quam a nobis sumptus fuerit in alia simili distinctione præmissa. Vocant enim laborem per accidens, non laborem, qui ex parte subjecti, seu personæ operantis conjungitur cum ipsomet intrinseco opere sacramenti, sed laborem, qui nascitur ex alio opere, qui per accidens conjungitur cum opere sacramenti. Qui duo labores accidentarii adeo distinguuntur mea sententia, ut pro priori non magis liceat accipere pretium, quam pro ipso opere sacramenti: pro posteriori autem liceat. Declaratur exemplis: nam si sacerdos propter tarditatem suam, vel senectutem nimium fatigatur, dicendo missam, aut ministrando sacramentum, labor talis personæ accidentarius plane est tali ministerio, ut constet, & nihilominus non potest pro illo exigere pretium, quia in nullo opere talis labor est dignus pretio distincto ab opere ipso, ut ostensum est. Si ergo propter opus ipsum non potest exigere pretium, etiam nec propter laborem hujusmodi accipi poterit: nam si consideretur ille labor, ut est a tali opere, non est magis vendibilis, quam ipsum opus; si vero spectetur, ut est ex dispositione operantis, sic est per accidens, respectu potentis opus, & ideo non potest alius cogi ad emendum, vel solvendum illum, quia non est causa illius. At vero si sacerdos cogatur agere iter unius leuæ, vel expectare duas horas, ut sacrum faciat, ille labor est accidentarius ministerio sacro, non est conjunctus illi ex parte operantis, sed ratione alterius operis, vel occupationis, aut otii, quod per accidens adjunctum ad ministerium sacrum ex parte petentis sacrum ministerium. Et tunc manifestum est pro tali labore posse pretium postulari, quia revera acci-

An labor
acciden-
tarius sit
materia
simoniæ.

pitur pro opere distincto a ministerio sacro, & ita in universum verum est, in tantum accipi posse pretium pro hoc labore accidentario, in quantum accipi etiam potest pro illo opere accidentario, cui per se conjungitur.

12 Sed adhuc superest a nobis explicandum, quis labor sit per se adjunctus ministerio sacro, ut omnis alius, qui præter illum adhibetur, accidentarius judicandus sit. Aliqui enim videntur exponere, laborem per se tantum esse illum, qui intrinsece conjungitur operi sacro, ut est in sacramentis, quoad substantiam eorum, prolatio formæ cum lotionem, unctionem, vel alia simili actione intrinseca sacramento, & quoad reliqua sacramentalia, vel sacra ministeria cum proportionem. Omnia vero alia opera antecedentia, vel consequentia ad hæc intrinseca putant esse per accidens, & vendi posse, ac pretio æstimari, etiam si alioquin moraliter, & humano modo loquendo, necessaria sint ad tale ministerium. Ut verbi gratia, ad concionandum opus est, ut antecedit studium, non est tamen intrinsecum concioni, dicunt ergo posse pretio æstimari. Item post laborem concionis sequitur tanta corporis lassitudo, ut per multas horas laborari non possit in aliis rebus, & commodis humanis, est ergo illud accidentarium incommodum pretio æstimabile. Immo cum exhortatio ipsa spiritualis, quæ per concionem fit, possit lenta actione, & fere sine labore fieri, totus ille labor, & fatigatio corporis, quæ adhibetur in fervore concionis cum magna vocis contentione, dicitur etiam per accidens, & ideo posse in pactum deduci. Sicut cantores ecclesiæ vendunt suos labores, quia illa vocum contentio, & harmonia non erat per se necessaria ad divina officia, sed per accidens adjungitur.

13 In contrarium autem est, quia si hanc regulam amplectamur, multa pacta in his ministeriis spiritualibus approbanda erunt, quæ contra usum ecclesiæ, & contra bonos mores esse videntur: nam aperitur via ad vendenda multis modis hæc sacra ministeria. Nam in primis poterit sacerdos, qui missam canit præter stipendium sustentationis debitum ratione missæ, suum laborem, & fatigationem vendere, quia etiam ille labor est per accidens ad illud ministerium sacrum, sine illo enim fieret. Præterea, poterat etiam pretium exigere pro labore eundi ad ecclesiam verbi gratia, quia ille antecedit, & non est per se conjunctus cum actione sacra: pro re autem corporali secundum se pretio æstimabili, quæ antecedit ad rem spiritualem, etiam si ad illam moraliter necessaria sit, justum pretium accipi potest, ut supra de rebus sacratis dictum est. Et ita quando illud iter est longum, omnes concedunt posse pretio compensari, idem ergo erit, licet sit breve, quia licet sit necessarium, non est per se connexum cum sacro ministerio. Nec refert, quod breve illud iter parvæ æstimationis sit; tum quia hic loquimur in rigore, & servata proportionem; tum etiam quia licet in uno actu sit parvæ æstimationis, in multis erit magnæ, & ita pro multis repetitis actionibus, ut missis, &c. poterit aliquod pretium consideratione dignum postulari. Atque ad hunc modum possunt multæ circumstantiæ antecedentes, vel consequentes ad opus sacrum considerari, quæ secundum se sunt æstimabiles pretio, & non sunt intrinsece ipsi ministerio, licet alioquin ex aliis rationibus humanis necessariæ sint ad tale opus.

14 Quapropter dicendum videtur, non solas operas, & labores, quibus intrinsece quasi componitur actus ipse spiritualis, sed etiam quæ per se necessaria sunt ad tale ministerium sacrum, prout ab hominibus moraliter exerceri potest, non debere, nec posse pretio æstimari. Hoc mihi probant posteriores rationes, quæ possunt amplius confirmari: quia alias, licet iudex ecclesiasticus non posset pro sententia, vel actu judiciali pretium sumere, posset pro studio, pro labore videndi processum, audiendi partes extra iudicium, & similia multa, quæ ad illud munus necessaria sunt: & ita posset justificari omnia dona, & præmia temporalia, quæ isti iudices acciperent. Similiter visitatores episcoporum pro labore itineris posset pretium accipere, & pro labore studendi, vel legendi, quæ

sæpe adhibere necessarium est. Et ita de aliis, quæ sunt aliena ab usu ecclesiæ: nam pro his ministeriis concedit ecclesia stipendium sustentationis conveniens, & proportionatum, pensatis omnibus necessariis operibus ad tale ministerium: pretium autem pro actionibus necessariis postulare, alienum est ab usu ecclesiæ. Et ratio a priori est; tum quia illa omnia quatenus per se necessaria sunt ad tale ministerium, veluti componunt unum opus morale, quod totum sacrum est, & ut tale est tractandum: tum etiam quia omnes illæ actiones, prout fiunt in ecclesia, non habent æstimationem, nec utilitatem, nisi ratione operis spiritualis, seu ministerii ecclesiastici, ad quod ordinantur, & ideo si illa pretio fierent, ministerium ipsum venderetur.

15 Illi ergo labores censendi sunt per accidens adjunctis his ministeriis sacris, qui non ex vi ministerii per se, ac moraliter expetuntur: sed tantum in casu, ratione circumstantiarum, personarum, aut locorum. Et in his tantum ponunt exempla Cajetan. Sor. & alii auctores, ut sunt agere iter unius leucæ ad dicendum sacrum, quando id non est conjunctum officio, aut beneficio, expectare quotidie per horam, vel aliud tempus ad celebrandum, vel dicere missam statis horis, vel in certis locis, & ad hoc obligari, & similia. Hujusmodi ergo extraordinarii labores vendi possunt, seu locari, & de illis intelligenda est secunda pars posterioris sententiæ, quam sequimur, & explicamus. At vero studere pro concione non censeo esse laborem accidentarium, nec vendibilem, nisi quis præmitteret extraordinarium studium, vel quid simile, studium autem debite præparationis ad concionandum tam sacrum reputandum est sicut ipsa concilio, totum enim ordinatur, ut homo fiat aptum Spiritus sancti instrumentum ad munus illud. Et majori ratione labor, qui adhibetur in ipso actu concionis, licet magnus videatur, quia est per se conjunctus cum ipsa actione sacra, prout moraliter fit, nec mutat ejus naturam, quod in una persona sit major, vel minor juxta diversos modos concionandi; nam hoc accidentarium est ex parte operantis, non alterius, & ideo non potest in moralem considerationem, aut æstimationem adduci. Et eadem ratione non censeo, sacerdotem canentem missam posse aliquid vendere de labore illius missæ, sive sit ratione cantus, sive ratione temporis, aut moræ, quia tota illa actio, prout ita fit, est sacra, & totus ille labor est quasi pars illius. Alias diacono, & subdiacono ex officio ministranti semper liceret vendere suas operas, quia illud ministerium moraliter non fit sine cantu, & aliis similibus laboribus. Nec in hoc æquiparandi sunt hi sacri ministri cantoribus conductis ad ornandum divinum officium suis vocibus, aut aliis musicis instrumentis. Nam illi revera per se non exercent actionem spirituales, neque in rigore officium divinum recitant ex vi illius ministerii, & ideo non solum pro labore, sed pro tota illa actione pretium accipere possunt. Secus vero est de clericis in ecclesia præbendis ad ministerium chori: nam illi pro suo cantu, & opera non possunt pretium accipere, quia spiritualia exercent, quæ intrinsece illam operam, & laborem requirunt. Et ideo licet fortasse teneantur multum vigilare, vel media nocte surgere, &c. non possunt hos labores vendere, licet stipendia sua possint accipere. In his ergo omnibus laboribus, etiam si magni, & corporales esse videantur, habet locum stipendium sustentationis, non pretium.

16 Tandem petitur in ultimæ ratione pro prior sententia facta, an pro obligatione ad hæc spiritualia facienda possit pretium accipi? Communiter enim dici videtur, hoc esse licitum, quia obligatio quid distinctum est ad actu spirituali, ad quem fit, & per accidens se habet ad illum: estque æstimabilis pretio, etiam si actus, ad quem ordinatur, non sit pretio æstimabilis: ergo potest vendi, nec propterea venditur actus spiritualis. Confirmatur exemplo usuræ, nam licet pro mutuo nihil accipi possit, pro obligatione ad mutuandum potest aliquid exigere, quia est pretio æstimabilis, & per accidens ad ipsum mutuum. Confirmatur 2. ex usu,

Quis labor censendus est esse per accidens.

Oppugnat.

Vera sententia exponitur, & explicatur, pro quo labore non possit accipi pretium.

An possit accipi pretium pro obligatione exercenda spirituali.

usu, nam sacerdos locat operas suas ad ministrandum sacramenta, & alia spiritualia in aliqua ecclesia, per quam locationem obligatur, & ratione illius obligationis aliquid recipit per proprium pactum. Locatio autem venditioni æquivalere, Insit. de Locat. l. 2. ff. Locat. Et hoc tantum modo videntur honestari legata, & anniversaria, per quæ obligantur capitula, seu conventus ecclesiarum ad certa officia, vel sacrificia singulis annis facienda pro certo pretio, ut infra cap. 38. videbimus.

Resolutio
quæstio
nis.

17 Sed nihilominus dicendum est, pro obligatione ad spiritualia, ut talia sunt, non posse accipi pretium, licet possit accipi subsidium sustentationis; pro obligatione autem ad spiritualia, prout includunt aliqua corporalia onera, quæ sunt per accidens ad ipsa spiritualia secundum se spectata, posse accipi proprium pretium. Hæc videtur esse mens omnium auctorum in hac materia, ut aperte explicavit Abbas in cap. *Significatum*, de Præbend. num. 8. & Cajetanus verb. *Simonia*, regul. 5. ubi ait, non esse licitum locare operas spirituales secundum se, licere tamen ratione corporalium: quæ per accidens adiunguntur: nam idem est locare operas, quod obligare se ad tales operas propter certum pretium. Et eodem modo loquitur Innoc. in d. cap. *Significatum*, & in cap. 3. Ne Prælati vires suas. Et prima pars declaratur ex ratione supra facta, adjuncta doctrina D. Thom. in d. quæst. 100. articul. 4. ad 1. ubi ait, temporalia annexi spiritualibus tanquam fini; & ideo, quamvis liceat vendere temporalia, *ordo* (inquit) *ad spiritualia sub venditione cadere non debet*. Ergo obligatio spectata solum secundum ordinem ad spirituale ministerium vendi non potest. Item quia si illa obligatio sic spectata venderetur, spirituale ministerium venderetur, vel ut res vendita, vel ut ratio venditionis, neutro autem modo vendi potest, alias appretieretur res ex sola spiritualitate, quod est simoniacum, ut sæpe dictum est. Neque contra hoc procedit prima ratio dubitandi, quia obligatio ut præcise respicit spirituale, est illi annexa, & ab illo accipit æstimationem suam, & ideo ut sic vendi non potest, sed alio altiori modo rependi debet, scilicet per subsidium sustentationis, ut in secunda parte assertionis dicitur, quæ nova probatio non eget.

Probat
posterior
pars asser
tionis.

18 Ultima vero pars de accidentariis oneribus recte probatur ex usu, & exemplo mutui, & ex dictis in superioribus. Nam sicut labores, ita & incommoda, & onera accidentaria pretio æstimari possunt: in his autem obligationibus interveniunt multa huiusmodi onera, ut perpetuo manendi in tali loco, expectare talem, vel talem horam, privari aliis commodis, & occupationibus, ut possit quis esse paratus semper ad tale ministerium: obligatio ergo, per quam similia onera inducuntur, compensari potest iusto pretio intuitu illorum, licet non possit pretium augeri, eo quod ad spirituale ministerium hæc omnia ordinantur. Sed si quid amplius necessarium sit, recipiendum est titulo sustentationis, non pretii. Et ita existimo, anniversaria, & similes dotationes perpetuas multo melius honestari hoc titulo sustentationis, quam locationem operum, etiam pro accidentalibus oneribus, quæ sunt per accidens; in re autem perpetua magis considerandum est id, quod est per se, ut est sustentatio, ut in dicto cap. 38. dicemus.

C A P U T XXII.

Utrum ommissio spiritualium actuum sit materia simoniæ?

Ratio dubi
tandi.

Ratio dubitandi est, quia ommissio non est aliquid supernaturale, nec per potestatem spirituales fit, sed per meram voluntatem, unde dici non potest spiritualis ratione principii, & consequenter nec ratione finis, quia ommissio per se non confert ad spirituales salutem. Secundo Christus Dominus solum dixit: *Gratis accepistis, gratis date*. Per quæ verba, ut supra tetigi, in rigore non præcepit dare, sed sub conditione, si detur, ut gratis detur; ergo qui non dat, quocumque modo non det, siue gratis, siue

Snarez, Tom. XII.

pretio, non facit contra illud præceptum; ergo neque, qui omittit propter pretium, simoniam committere, nam ille solum non dat. Et confirmatur, quia præceptum illud Christi requiritur in negativum, ne vendaris ea, quæ gratis accepistis. sed per solam ommissionem non peccatur contra præceptum negativum; nam ommissio opponitur tantum affirmativo præcepto; ergo per ommissionem non peccatur contra illud verbum Christi, & consequenter nec simonia committitur. Tertio si vendere ommissionem actus spiritualis, esset simonia, semper esset mala, siue actus, pro cuius ommissione pecunia datur, futurus esset iustus, siue iniustus. Consequens est falsum: ergo. Sequela patet; tum quia simonia est intrinsece mala, & ita semper est mala; tum etiam quia vendere actum spirituales, semper est simoniacum, & malum, siue actus sit malus, siue bonus, ut in iusta, vel iniusta absolutione, vel electione, &c. ergo idem esset in ommissione, si illa etiam esset materia simoniæ. Minor autem, seu falsitas consequentis patet, quia ei, qui indignum electurus est, licitum est, dare pecuniam, ut ab electione abstinere, & ei, qui, simoniace ordinaturus est, ne ordinetur, ut communiter Doctores in c. *Cum in ecclesia*, de Simon. ergo.

2 In contrarium vero est, quia in iure expresse dicitur, committi simoniam omittendo, sicut committendo, cap. *Nemo presbyterorum*, de simonia: ubi prohibetur, ne pœnitentia detur, vel negetur pretio, & subditur: *Utrumque enim simoniacum est*. Dicunt aliqui, ibi late accipi nomen simoniæ. Sed contra: quia non est verisimile, æque proferri eandem vocem de duobus in eodem juris contextu, & uni proprie, alteri tantum per metaphoram adaptari: nam determinatio cadens in plura, æqualiter ea determinat, argum. Leg. *Jam hoc iure*, ff. de vulg. & pupill. Præsertim cum verba legis tam absolute prolata, cum proprietate sint intelligenda: alioquin eodem modo posset quis suo arbitratu interpretari omnia decreta, quæ actiones aliquas, ut simoniacas demnant. Secundo, nam supra dictum est, iustam, ac debitam absolutionem sacramentalem negare pretio accepto, simoniacum esse, quia negare absolutionem est actus clavium quatenus clavis est potestas remittendi, & retinendi peccata, claudendi, & aperiendi, non enim potest aliter claudere, vel retinere, quam non absolvendo: ergo idem erit de negatione absolutionis a censuris, & eadem ratione de cæteris similibus ommissionibus. Tertio licet ommissio benefice non sit aliquid reale, tamen est vera privatio realis, quæ proinde ad actionem reducitur, ut sentit D. Thom. 1. 2. quæst. 71. art. 6. explicans definitionem peccati, & potest habere eodem effectus morales, quos habet actio, sic enim non minus iniustus est, qui non defendit eum, qui occiditur, si ex officio teneatur, quam illum occidendo, ut sentit idem D. Thom. 1. 2. q. 72. art. 6. ideo ommissio potest esse causa irregularitatis, sicut commissio; ergo eadem ratione poterit moraliter spiritualis reputari aliqua ommissio, & esse simoniæ materia.

Pars asser
tiva
proponi
tur.

3 Circa hoc variae sunt opiniones. Prima absolute negat, circa solam ommissionem posse committi veram simoniam. Ita tenent Adriā. dicto Quodlib. 6. art. 2. in principio, Innoc. dicto cap. *Nemo*, exponit *Simoniacus*, id est, per modum simoniaci puniendus: loquitur autem tantum de illo, qui pro pecunia celat delictum alterius. Et idem sequitur Hostiensis ibi. Fundari potest hæc sententia rationibus priori loco positis, & addi potest, aliqua poni in dicto cap. *Nemo*, quæ non possunt censeri materia propria simoniæ, ut celare episcopo peccatum alterius propter pecuniam, vel propter respectum consanguinitatis, aut familiaritatis. Item reconciliare indignum gratia, vel favore. Item propter livorem a reconciliatione dignum removere. Hæc enim omnia non videntur esse propriae simoniæ, vel ex defectu materiæ, ut in celando delictum, vel ex defectu pretii, ut in gratia, favore, livore, & respectu consanguinitatis; ergo necessario ille textus exponendus est de simonia improprie, ac late sumpta. Quod si ille textus non cogit, non est, cur dicamus, in sola ommissione propriam simoniam committi.

1. Opini
negans
circa solā
ommissionē
posse
committi
simoniam.

3. Opinio
affirmans
omissionem
esse pro-
priam ma-
teriam si-
monie.

4 Secunda sententia est, omissionem esse posse propriam simoniam materiam. Tenet Divus Thomas 2. 2. questione 100. articulo 3. ad 3. & in 4. dist. 25. quest. 3. articulo 2. quest. 2. ad 6. Palud. ibi quest. 5. Supplem. Gabr. quest. 2. art. 1. not. 4. Sylvest. verb. *Simonia*, quest. 9. dist. 5. & 9. Tab. num. 46. Angel. *Simonia* 3. num. 42. Anton. dicto cap. 5. §. 17. Et indicat etiam Soto d. quest. 6. art. 2. ad 3. Et in hanc partem magis inclinat Gloss. in d. cap. *Nemo*, verb. *Celent*, & verb. *Utrumque*. Idem Panormit. ibi num. 6. Significat Felin. & ibi frequentius alii Doctores. Sequitur Ugolin. Tabul. 1. cap. 40. §. 3. Et videtur hæc fuisse sententia Gratian. §. *Qui autem*, post cap. *Nullus Episcopus* 124. 1. quest. 1. ubi Gloss. ita exponit, & sequitur, *Quam ibi approbant Archid. Præposit. & Turrecr.* Quæ etiam id confirmant ex cap. *Sunt quidam*. Nam licet solum dicat Paschalis papa, eos, qui sic delinquant, *esse sacrilegos judicandos*, tamen cum hoc sacrilegium in commutatione temporalis rei pro spirituali consistat, non potest aliud esse, quam simonia. Posteaque adducit ibi Gratian. per quinque capita usque ad finem questionis varias leges civiles, in quibus æquali poena puniuntur similia crimina in iudiciis, vel aliis ministris secularibus, quando in iustitia administranda corrumpuntur, sive agendo, sive omitendo delinquant, sumens inde argumentum, delictum esse ejusdem qualitatis, & rationis in materia temporalis, & consequenter idem esse dicendum in materia spirituali. Multumque potest ad hoc confirmandum juvare regula juris civilis 164. ff. de Regul. Jur. *Qui non facit, quæ facere debet, videtur facere adversus ea, quæ non facit*; significat enim, omissionem rei debite æquiparari commissioni, quod etiam habetur in Leg. *In fraudem*, ff. *Quæ in fraudem cred.* & in multis aliis, quæ ibi notat Acurf. Nec enim refert, quod physice differant tanquam actio, & carentia. Nam ea, quæ physice distincta sunt, possunt moraliter æquipollere, & hoc est, quod ad rationem peccati per se spectat.

2. Opinio
affirmans
vicia judi-
catum.

5 In hoc puncto hæc posterior sententia mihi simpliciter vera videtur, quia non affirmat, quamcumque omissionem actus spiritualis esse materiam simoniam, sed solum indefinire, & generatim in sola omissione posse interdum reperiri sufficientem materiam simoniam. Prior vero opinio, quia id absolute, & in universum negare videtur, admittenda non est, licet verum sit, multas esse omissiones spiritualium actuum, quæ licet vendantur, propria simonia non committitur. Ut ergo explicemus, quando hæc sit, vel non sit sufficiens materia simoniam, distinguamus in primis, aliud esse pretium dare, ne actus spiritualis indigne fiat: aliud esse dare, ne fiat, etiam si iuste, & sancte faciendus sit. Item de actione etiam digne facienda distinguere oportet: nam interdum non est debita, & ideo licet omittatur, nullum committitur peccatum per se loquendo, licet fortasse vendere, aut emere talem omissionem, inordinatum sit. Aliquando vero actio non solum licita, sed etiam debita est, cujus proinde omissionem emere, aut vendere, est peccatum. Præterea, inter omissiones has potest considerari alia varietas: nam quædam sunt meræ privationes aliquorum usuum, virtutum, vel potestatum, quædam vero sunt morales quidam usus alicujus potestatis spiritualis. Exempla priorum omissionum sunt non orare, non audire missam, & similes: posteriorum vero exempla sunt non absolvere poenitentem digne confessum, non absolvere a censura eum, qui iuste absolutionem petit, & similes. Inter quas hoc potest discrimen considerari, quod in prioribus non resultat ex illis effectus moralis præter ipsam omissionem, in posterioribus autem resultat aliquis effectus, qualis est perseverantia censura, vel damnatio alicujus, seu retentio peccatorum. Quod si quis recte consideret, solum in actibus potestatis jurisdictionis spiritualis, seu in privationibus eorum, invenitur hoc genus omissionum. Et ratio est, quia potestas jurisdictionis data est ad solvendum, & ligandum: potestas autem ordinis de se tantum datur ad operandum, cessatio autem ab opere non est proprie ab ipsa, sed a sola voluntate: sicut virtus, vel auxilium gratiæ datur ad

actum supernaturalem, vel spirituatem, ommissio autem talis actus non est a gratia, sed a sola voluntate: at respectu jurisdictionis ipsa negatio actus esse potest ab ipsa jurisdictione. Item possumus hic distinguere inter simoniam de jure Divino, vel humano: nam fortasse interdum esse potest unius modi in hac materia, aliquando vero alterius.

6 Dico ergo primo, non est simonia dare alicui pecuniam, ut abstineat ab actu spirituali, quem injuste, vel sacrilege, aut simoniace facturus est. In hac conclusione videntur omnes convenire. Et ratio est, quia hoc nec prohibitum invenitur, nec est per se malum. Prior pars patet, quia in dicto cap. *Nemo*, non est sermo de his omissionibus, sed de illis, quæ sunt contra honestatem, & obligationem, ut legenti facile constabit: & ex cap. *Sunt quidam* 125. prima quest. prima. Neque invenitur alius Canon, qui de hac materia tractet, ut ibi Glossa notavit in §. antecedente. Altera vero pars constat: quia, qui dat pecuniam, in eo casu non intendit emere aliquod spirituale, sed solum impedire, ne peccatum injustitiæ, sacrilegii, vel simoniam fiat: at per se non est malum, immo bonum, impedire peccatum, etiam mediante pecunia, sicut precibus, vel minis. Item quia licitum est pecunia data, invitare ad bonum, ut supra dictum est; ergo etiam licet per pecuniam inducere ad non peccandum.

7 Dicunt autem Doctores canonistæ, in eo casu non committi quidem simoniam ex parte dantis, de quo procedit ratio facta, committi autem ex parte recipientis. Ita refert, & sequitur Abbas in cap. *Cum in ecclesia*, de Simon. num. 8. & sequitur Redoan. 1. part. cap. 8. num. 9. Contrarium vero etiam de recipiente tradit Ugolin. Tabula 1. cap. 42. §. 5. agens in particulari de illo, qui accipit pecuniam, ut non eligat, vel ordinet simoniace. Et ratio ejus est, quia ille non intendit simoniam committere, sed potius vitare, quando pretium accipit pro illa vitanda. Sed ratio non est universalis, quid enim, si accipiat pecuniam non pro vitanda actione simoniaca, sed pro vitanda electione injusta indigni, vel absolutione peccatoris indispositi, & publici: tunc enim potest abstinere ab uno sacrilegio, & nihilominus aliunde simoniam committere. Immo etiam in priori casu non repugnat, velle unam simoniam vitare, & aliam committere. Si quis enim pretium accipiat, ne simoniace alteri beneficium conferat, nihilominus simoniam committit, & dum putat unam vitare, in aliam relabitur. Eo vel maxime quoniam ad simoniam committendam non est necessarium habere formalem intentionem ejus, sed satis est voluntarie facere contractum in materia simoniaca.

8 In hoc ergo puncto duo abitor esse distinguenda ex parte recipientis pecuniam. Unum est, si pro pecunia abstineat tantum a malitia illa, quam cogitabat, non vero ab actione ipsa, cui conjungenda erat malitia; ut si indignum erat electurus, potest ob pecuniam vitare illam pravam circumstantiam, non tamen omittere electionem. Vel si in peccato erat celebraturus, potest pecunia induci, ut prius confiteatur, & sic abstineat a sacrilegio, quamvis celebrationem non omitrat. In hoc ergo casu formaliter loquimur, & dicimus, non committi simoniam etiam ex parte recipientis, quicquid sit de injustitia, vel turpi lucro, de quo alias. Probatum, quia tunc non vendit usum alicujus spiritualis doni, sed usum tantum suæ libertatis. Item quia in aliis casibus, & universaliter loquendo, recipere pecuniam pro aliquo peccato vitando non est simonia, ut per se constat. Aliunde vero esse potest, si propter pecuniam a tota actione spirituali, & non solum a prava ejus circumstantia desistat: tunc enim de illa omissione judicandum erit juxta sequentes propositiones.

9 Dico secundo: In usu negativo spiritualis jurisdictionis per solam omissionem potest simonia committi, si talis ommissio moraliter censetur provenire a tali jurisdictione, & habere effectus moraliter illi proportionatos. Quoad hanc saltem partem censet verissimam secundam sententiam, & bene probari ex cap. *Nemo*, & ex rationibus factis. Et declaratur ulterius.

1. Concl.
non est si-
monia da-
re alicui
pecu-
niam, ut
abstineat
ab actu
spiritu-
ali, quem in-
juste, sacri-
lege, aut
simoniace
facturus
est.

Opinio
canoni-
starum af-
ferens in
eo casu non
dari simo-
niam ex
parte dan-
tis com-
mitti ta-
men ex
parte re-
cipientis.

Sententia
Augustini.

Potest ad-
mitti si-
monia in
usu nega-
tivo spi-
ritu. juris-
dictionis
per solam
omissionem.

terius. Nam in primis, quod aliqua omiffiones possint esse quasi elicite moraliter a potestate jurisdictionis, videtur manifeste probari ex jurisdictione fori interni in negatione absolutionis in illo foro, per auctoritatem judicariam. Et simile intelligi potest in jurisdictione fori contentiosi in indigna negatione absolutionis a censura, & similibus. Dices: quomodo omiffio potest esse actus jurisdictionis, cum actus non sit nihil, & ens rationis? Respondeo, interrogando, quomodo omiffio possit esse infinita Dei offensio, & digna poena æterna cum nihil sit, & ens rationis? Sicut ergo ad hoc respondendum est, illam omiffionem esse veram, & realem privationem actus liberi debiti in esse, & ut sic esse quemdam moralem usum voluntatis liberæ offensivum Dei ratione solius carentiæ, quia per hoc opponitur præcepto ejus: ita in præfenti respondendum est, omiffionem illam non esse formaliter ens rationis, aut fictum, sed esse privationem realem, ac moralem, quæ ratione jurisdictionis, ejus auctoritate talis actus denegatur, habet moralem vim ad plures effectus morales, quod satis est, ut dicatur actus jurisdictionis. Nomine actus comprehendo carentiam actus juxta morem philosophorum. Addi etiam potest, hanc omiffionem non exerceri ab homine sine aliquo actu positivo, quo ecclesiasticus judex declarat se nolle absolvere, vel judicare, hunc non esse dignum absolutione, quia moraliter non datur pura omiffio, & præsertim in usu jurisdictionis, quæ inter homines exercetur, & ideo non innotescit, nisi per aliquem actum. Verumtamen licet contingeret, talem usum fieri per solam cessationem ab actu, nihil referret, & sufficeret responsio data, ut magis ex sequentibus constabit. Et præterea quando intervenit actus, ratio simoniæ non consistit in materiali actu positivo, sed tota sumitur ex omiffione, quæ est quasi objectum illius positivi actus, & veluti exterior actus ejus. Ut quando volo non absolvere, omiffio exterioris absolutionis est objectum illius voluntatis, & quasi imperatus actus ejus, & ille est, qui per se venditur, & ratione cujus illa voluntas est materia simoniæ. Et idem est de quolibet actu positivo simili, qui in hujusmodi omiffione possit intervenire.

Confirmatur.

10 Hoc ergo modo dicimus, omiffionem hanc esse materiam simoniæ, manetque probatum ex ipsa declaratione, quia revera est quidam usus, & exercitium spiritualis potestatis, quod non magis potest pretio æstimari, quam ipsa absolutio, quia æque pertinet ad supernaturalem ordinem, & est quædam participatio divini judicii supernaturalis maxime in foro pœnitentiæ, in quo hæc sententia videtur multo magis indubitata. Et confirmatur, quia, qui vendit illam omiffionem, virtute vendit ipsam jurisdictionem spirituales, quia illa omiffio non habet ætimationem, nisi quatenus est aliquo modo ab illa jurisdictione, & ab illa moralem quandam efficaciam habet; ergo tota ratio illius pretii sumitur ex jurisdictione spirituali, & ita illa est, quæ venditur. Confirmatur secundo, quia illa venditio non est sine magna irreverentia sacramenti pœnitentiæ, vel ecclesiastici judicii. Unde ex hac etiam parte illa est simonia, quia venditur ibi spirituale judicium. Nam virtute saltem fertur ibi sententia condemnatoria per spirituales potestatem: & in foro pœnitentiæ quodammodo fit venale sacramentum, quatenus illud judicium, & acta illius venalia sunt, utendo jurisdictione illa. Dices: ergo si quis propter pecuniam nolit omnino confessionem alicujus audire, erit simoniacus. Respondeo, negando consequentiam, quia illa omiffio non est actus jurisdictionis, nec potestatis spiritualis, ut jam explicabo.

Omiffio actus spiritualis, si non sit actus jurisdict. non est materia simoniæ, nisi intuitu alicujus boni spiritualis. vendatur.

11 Dico tertio: Omiffio actus spiritualis, si non sit actus jurisdictionis spiritualis, non est materia simoniæ, nisi intuitu alicujus spiritualis boni vendatur, aut pretio, vel majori pretio æstimeretur. Prior pars procedit, quando talis omiffio solum secundum se spectatur, potestque in primis exemplis declarari in actibus, qui sunt a mera potestate ordinis, ut si clerico detur pecunia, ne missam faciat; vel episcopo, ne ordinet aliquem: tunc enim nec sacerdos, nec episcopus committunt simoniam. Et ratio est, quia illa

omiffio non est actus potestatis ordinis, sed solius arbitrii, unde ibi non venditur aliquid spirituale, sed naturalis usus libertatis. Immo interdum hoc posset sine peccato fieri, si sacerdos, vel episcopus non peccaret, non celebrando, vel non ordinando alium, & occurreret finis, vel occasio honestans talem omiffionem. Secundo possunt exempla afferri ex actibus virtutum, qui ad potestatem ordinis non pertinent, ut si detur alicui pecunia, ut missam omittat, vel orationem, aut quid simile. Nam de illa omiffione, & similibus multo magis procedit ratio facta. Et præterea dare pecuniam alicui, ut aliquod peccatum committat, non est simonia, ut constat; ergo nec dare pecuniam, ut omittat actum virtutis. Hæc vero ratio offendit, hanc partem non solum procedere, quando actus non est debitus, & omiffio potest sine peccato haberi, sed etiam si debitus sit, & omiffio sit peccaminosa. Probatur, quia semper omiffio illa est usus, vel abusus puræ voluntatis, & non alicujus potestatis, aut gratiæ spiritualis, & quando actus est debitus, solum additur omiffioni ratio peccati, quæ non facit, omiffionem esse magis spirituales, sed solum esse pejorem, quod non refert ad rationem simoniæ. Atque ita dare alicui pecuniam, ne ingrediatur religionem, vel illam accipere sub tali promissione, non est simonia, quia nihil spirituale ibi intervenit. Quod verum est, etiam si qui vendit negationem ingressus, haberet ex voto obligationem ingrediendi: nam licet in eo alias gravissime peccet, non tamen est simoniacus, propter rationem dictam.

12 Sed quid, si actus sit debitus ex officio spirituali, ut si parochus, qui ex officio tenetur missam dicere, propter pretium illam omittat? Item si nolit confessionem subditi audire, quando tenetur: nam tunc etiam videtur sua jurisdictione, & officio abuti. Cur enim negare propter pretium absolutionem in sacramento debitam, est simonia, & venditio spiritualis jurisdictionis, & vendere negationem totius confessionis, & absolutionis, non est simonia? cum illæ omiffiones ejusdem speciei esse videantur: utraque enim est injustitia quædam contra obligationem rationis officii. Item si negare officium debitum, non est simoniæ materia, quomodo verum est, quod in dicto cap. *Nemo* dicitur propter pecuniam non denunciare publicum peccatorem, esse simoniam? Nam illa negatio non est actus jurisdictionis, sed omiffio cujusdam actus debiti ex charitate, vel ad summum ex obedientia, vel justitia legali. Item si parochus pretio corruptus negat subito auditionem confessionis, aut aliud sacramentum, non est simoniacus: ergo etiam negando illi licentiam eligendi alium confessorum propter pretium, non erit simoniacus; minus enim videtur esse hoc, quam illud. Consequens autem non consonat his, quæ diximus, nam illa negatio licentiæ actus jurisdictionis est. Denique examinatores ecclesiastici, constituti ad examinandas personas in ordine ad beneficia, ordines &c. vel eorum usus, si pretio corrupti non approbent dignum, sunt simoniaci, & tamen non utuntur jurisdictione, sed solum quia non exercent spirituales actum ex officio debitum; ergo non est universaliter vera dicta propositio. Et ita obscurum manet, quæ certa regula possit in hoc assignari.

An simonia sit omittere propter pretium actum debitum ex officio

13 Respondeo ad primam interrogationem, illam omiffionem in rigore non videri materiam simoniæ, quia non est actus jurisdictionis, nec ex se habet aliquem effectum moralem ad jurisdictionem pertinentem, sed solum est voluntarius, non usus jurisdictionis. Unde licet illæ omiffiones in ratione injustitiæ conveniant, parum id refert ad rationem simoniæ, quia vendere injuriosam actionem, vel omiffionem, non est per se materia simoniæ, sed tunc solum, quando illa injuria fit in vi, & auctoritate spiritualis jurisdictionis, & per actum, vel negationem actus quasi imperatam, vel elicitam a potestate jurisdictionis; tunc enim per relationem ad tale principium actus est spiritualis, vel materia simoniæ. Et sub hac ratione omiffiones illæ differunt specie morali tanquam actus jurisdictionis, & actus privatus ad jurisdictionem non pertinet. Sed objicit Ugolin. dicto §. 2. & 3.

Resolvit. illa omiffionem actus debiti non esse materiam simoniæ.

Ubi

Ubi oppositum videtur universaliter tenere, quia qui propter pecuniam desinit uti suo spiritali munere, vel potestate, commutat spirituale pro temporali, quia pro temporali spirituale negatur. Respondetur, hoc non esse commutare spirituale pro temporali, quia negatio actus spiritalis, si alioquin non sit actus jurisdictionis, nec valorem suum accipiat ex spiritali (de quo statim dicemus) non est aliquid spirituale, sed est voluntarius quidam usus naturalis libertatis.

Non de-
nunciatur
publicum
peccatore
non est
materia
simoniae.

Explicat-
ur arg.
perit ex
q. Nemo.

14 Igitur ad alteram interrogationem, de actu non denunciandi publicum peccatorem, concedo, illam omissionem per se spectatam non esse materiam simoniae, etiam si sit contra obligationem charitatis, vel obedientiae, aut contra legalem iustitiam, quatenus esse potest contra bonum commune, quia per hoc non habet, quod sit in se aliquid spirituale, nec quod ex aliqua spiritali potestate nascatur, aut titulo ejus fiat, seu quasi fiat, sed solum ex prava voluntate: ad cap. autem *Nemo* negari potest facile, ibi affirmari, illam esse simoniam. Duas enim habet partes textus ille, unam a principio usque ad versiculum, *Neque quemquam*, exclusive: aliam in toto illo versiculo usque ad finem. Et in priori prohibetur presbyteris, ne accipiant aliquid temporale propter celandum publicum peccatorem episcopo, vel ministris ejus. In illa autem prima parte nullum de simonia verbum est; prohibetur ergo illud tanquam contrarium bonis moribus, & officio clericorum, non tanquam contrarium religioni, neque ut simonia. In secunda autem prohibentur clerici reconciliare quempiam, vel reconciliationem alicui negare propter pretium, & de his ratio redditur, quia *simoniacum est utrumque*, quae verba non referuntur ad priorem partem capitis, sed tantum ad hanc posteriorem: nam vox illa *utrumque* tantum duas partes complectitur, quae debent esse proxime praecedentes; ergo non cadit in eas, quae remote praecesserant, alias si pontifex voluisset omnia praecedentia complecti, cum illa sint plusquam duo, non deberet dicere, quia *utrumque*, sed quia *omnia haec simoniaca sunt*. Sed Panorm. ibi hunc sensum non probat: quia non est major ratio de prioribus casibus, quam de posterioribus. Ad rationem factam respondet, illud *utrumque* referri ad utramque partem textus, nam casus singularum partium tanquam unus reputantur propter similitudinem. Sed certe duo casus positi in posteriori parte in se spectati sunt adeo dissimiles, ut de reconciliatione poenitentis non sit dubium, quin sit materia simoniae; & de alio casu, scil. negatione reconciliationis magnum sit dubium: sine causa ergo dicitur, tanquam unum reputari propter similitudinem. Neque ergo signum *utrumque* ad illas duas partes textus melius refertur, nec est verum, non esse majorem rationem in his casibus posterioris partis, quam prioris, quia hi posteriores sunt actus jurisdictionis, non vero priores. Et certe Innoc. quando dixit, in eo textu prohiberi simoniam similitudinariam, de priori parte textus loquitur, seu de omissione denunciationis debita. Ita enim concludit: *Non enim dicitur proprie simoniacus, qui celat per gratiam crimen alterius*. De ult. vero parte textus nihil dicit. Et Host. etiam licet vocem *utrumque*, referat ad totum textum, tamen proprietate simoniae ponit in casu non denunciandi. Unde si quis inestet: Si vitium prohibitum in prima parte textus non est simonia, cur ibi ponitur sub titulo de simonia? Respondetur, non omnia prohibita sub illo titulo esse proprie simoniaca, sed quaedam obiter adjungi propter analogiam aliquam, ut multis aliis exemplis ostendi potest, quae in sequentibus attingemus.

11 Nihilominus Glos. Panorm. & alii, ut dixi, cum particulam, *utrumque*, ad totum textum referunt, videntur agnoscere propriam simoniam in illa omissione denunciationis debita: & idem sentit Divus Thomas supra, & aperte Anton. Silvest. cum Paludano locis citatis. Et hinc Ugolinus dicto capite vigesimo quarto §. 3. concludit, esse simoniacum parochum, qui pro pecunia non denunciat episcopo subditum suum, qui tempore Quadragesimae, & Paschatis sacramenta non suscipit. Neque aliam rationem affert, nisi quia propter pecuniam desinit exercere officium

suum; haec tamen ratio non est sufficiens, ut ex dictis constat. Posset ergo aliter exponi textus ille, ut etiam in priori parte loquatur de presbytero, qui exercendo aliquo modo suam jurisdictionem, seu pastorem curam delictum subditi celat episcopo. Non enim ibi dicitur universaliter, omnem hominem, qui debitam denunciationem omittit propter pecuniam, esse simoniacum, sed specialiter est sermo de presbyteris: intelligendum est ergo de presbyteris, ad quos ex officio pertinet, delicta haec corrigere, vel deferre ad episcopum, ut emendentur: ipsi vero abutuntur officio suo, ad celandos subditos peccatores: verbi gratia, in casu illo de non suscipiente Eucharistiam in Paschate, si parochus inter eos, qui communicarunt, scribat eum, qui non communicavit, ut ab episcopo illum occulter; & perinde est, si scribendo eos, qui non communicarunt, ut episcopo eos denunciaret, illum omittat, qui pecuniam dedit, nam tunc abutitur suo munere, & quasi jurisdictione, & quantum in se est, impenitentem absolvit, & a censura liberat per talem abusum propter pecuniam. Quae doctrina in se est valde verisimilis, & probabilis, & licet ex priori parte textus non satis colligatur, tamen in posteriori virtute continetur. Juxta illam intelligi debet D. Thom. supra dicta solut. ad tertium, cum ait, simoniacum esse pastorem, qui pecuniam accipit, ut subditum corrigat, vel a corrigendo desistat. Nimirum in utroque utendo aliquo modo sui muneris auctoritate, & cura, seu jurisdictione.

16 Inertia instantia petebatur, an negare licentiam subdito iuste petenti illam, ut alteri consecratur, sit materia simoniae, ita ut, si negetur propter pretium, simonia committatur. Videri enim potest, illam esse meram negationem usus sui muneris, & ita non magis esse materiam simoniae, quam negationem celebrationis, vel aliam similem. Nihilominus probabilius videtur, illam esse materiam simoniae, quod sentit Ugolinus tit. 1. cap. 36. §. 3. num. 6. solum vero probat, quia est simonia accipere pretium pro spiritali non administrando. Sed quia hoc universe sumptum, & praecise spectatum non est verum, ut dixi, oportet addere, in illo casu ita non administrari jurisdictionem in uno actu, ut illam negatio sit usus jurisdictionis, & ab illa auctoritatem accipiat, & vim quamdam habeat ligandi subditum, ne possit actum exercere, quem legitime postulat. Haec ergo est pro regula suscipienda, quia de singulis casibus in particulari dicere extra doctrinam est, prudenterque discernendum est ex effectu negationis, an per eam excerceatur moraliter jurisdictio spiritalis, vel solum sit mera negatio, qualis esse potest, quando parochus omittit actionem sui muneris, vel ut venationi intendat, aut ludat, vel dormiat. Nam in hoc posteriori casu non est simonia vendere negationem actus, etiam si forte actus omittitur excellentior, & spiritalior sit in priori autem casu simonia committitur; cognoscetur autem ex effectu, ut si iudex ecclesiasticus pecunia corruptus nihil agendo tacite condonat delictum, vel praecipit, ut contra criminofum non procedatur, aut injustum, dilationem permittit in damnum alterius, si negat licentiam ex iustitia debitam, & ita virtute ligat subditum, ne jus suum, vel remedium querere possit. In his enim, & similibus casibus non est tantum negatio usus, sed est moralis usus jurisdictionis spiritalis, & ideo materia est simoniae.

17 In ultima vero instantia de examinatore ecclesiasticis in ordine ad functiones ecclesiasticas, ratio dubitandi specialis est, an examinatores dicendi sint uti potestatem jurisdictionis. Sed breviter dicendum est, quod licet propriam, & rigorosam jurisdictionem non habeant, participant nihilominus aliquo modo potestatem ejus, qui vices suas illis commisit. Unde sine dubio ministerium illud, prout ab illis exercetur, ecclesiasticum est, & spirituale. Quapropter si prodanda approbatione examinatore pretium recipiat, simoniam committit, ut aperte sentit Glos. in cap. 1. Simon. verb. *Minister*, loquens juxta textum de examinatore ad ordines suscipiendos: est autem eadem ratio de examinante ad usum ordinum susce-

Exponitur aliter idem cap. Nemo.

Si parochus ex pretio ad denunciet subditum non suscipientem Eucharistiam, probabile est committere simoniam.

Negare subdito iuste petenti auctori-
tatem spirit. quod sit simonia ex pretio fiat.

Regula generalis.

Examinator committit simoniam, prodanda approbatione pretium accipiat.

susceptorum, vel ad beneficia. Et in illo vendente approbationem est peculiaris ratio, quia cooperatur ad actum spiritualem complendum per prælatum, & parat viam ad illum, vel potius ad illum disponit vice episcopi, ideoque simoniam etiam ex hoc capite committit. Sic ergo e contrario dicendum est juxta regulam dicti cap. *Nemo*, examinatores hujusmodi repellendo dignos, seu, quod idem est, non approbando, illos propter pretium simoniam committere, quia illa omissio est auctoritativa (ut sic dicam,) & a jurisdictione, seu munere ecclesiastico procedit, habetque vim declarandi examinatum, ut indignum, etiam si per solam omissionem fieri videatur.

18 Ex his ergo satis probata, & explicata manet assertio quoad generalem regulam pertinentem ad spirituale actuum omissionem, quæ ab spirituali potestate non procedit: addita vero est exceptio, seu conditio limitans regulam, quam explicare necesse est. Diximus enim, hanc omissionem non esse materiam simoniæ, nisi intuitu alicujus boni spiritualis pretio æstimetur. Cujus limitationis ratio clara est ex dictis: quia res spiritualis non solum vendi non potest tanquam proxima materia venditionis (ut sic dicam,) verum etiam nec ut ratio æstimationis alicujus rei pro pretio temporali, quia tunc etiam res spiritualis est, quæ pretio æstimatur: immo illa maxime, quia propter quod unumquodque tale, &c. Quod posset aliis exemplis comprobari de calice consecrato, si ratione consecrationis pluri vendatur, & de labore etiam accidentario, qui ad ministerium spirituale adhibetur, & in universum de omnibus rebus temporalibus, si specialiter propter ordinem ad spiritualia vendantur, ut dixit Divus Thomas d. quæst. 100. art. 4. ad 1. Sed declaratur ulterius propriis exemplis. Nam, si in oppositione ad beneficium pecunia detur alicui, ut non opponatur, eo intuitu, ut alterius electio certior, vel probabilior sit, simonia committitur, argument. cap. *Matthæus* de simonia. Ex quo potest aliud exemplum sumi, si quis ante obtentum beneficium det pecuniam alicui, ut non contradicat, de quibus plura dicemus infra agentes de beneficiis. Et videri potest Majol. lib. 5. de Irregular. cap. 45. num. 3. Aliud exemplum est, si quis propter pretium Missam omittat, quam audire solet, æstimans pretio temporali spirituale lucrum, quod illi cessat ex illa omissione, eoque titulo carius vendens illam omissionem: tunc enim ommissio illa sic vendita mihi videtur materia simoniæ, quia dum cessatio lucris spiritualis pretio æstimatur, ipsum etiam spirituale lucrum pretio æstimatur: tantum dememini æstimari solet cessatio lucris, quantum esset, & æstimaretur ipsum lucrum, si fieret. Et tunc ad illam æstimationem optime applicantur verba Christi, *Gratis accepistis, gratis date*. Nam etiam Missam, quam aliquis potest audire, a Deo gratis accepit: & licet illam sua voluntate non audiat, nihilominus ex parte Dei jam illam accepit, & similiter accepit lucrum, quod posset inde portare, si veller. Cum ergo propter pecuniam illud omittit, rem spiritualem gratis a Deo datam pretio vendit, illa se privando propter pretium, & illam quodammodo alteri dat, non in eum illam transferendo, sed propter eum jacturam illius faciendo. Hoc ergo simoniacum est. Nam si contingat, hominem honesta ratione se privare uno spirituali opere, ut alteri inserviat, licet suum servitium vendere possit, quia temporale est (ut suppono,) & consequenter etiam possit vendere materiale (ut sic dicam) omissionem illam, quatenus in illa obsequitur voluntati alterius; jacturam autem spiritualem vendere non potest, sed gratis, ac ex charitate eam pari, tunc enim non temporali pretio, sed alio æquivalenti, vel majori fructu compensabitur.

19 Atque ex his facile est respondere argumentis primæ sententiæ, quatenus contra nostram procedere possunt. Ad primum enim jam declaratum est, quomodo ommissio, quando ex auctoritate ecclesiastica exercetur, habeat rationem actus materialis jurisdictionis, & ideo possit esse materia simoniæ. Item declaratum est, quomodo etiam illa ommissio, quæ non est actus jurisdictionis, si ratione spiritualis jacturæ præ-

terio æstimetur, sit materia simoniæ, quia non venditur spirituale bonum tantummodo illud proprie dando alteri propter pretium, sed etiam compensando jacturam ejus pretio. Ad secundum etiam declaratum est, quomodo qui omittit, possit dici dare, quia vel dat usum quemdam jurisdictionis: exercere enim jurisdictionem est quasi dare illam, nam per actum positivum non aliter datur: vel dare dici potest, qui se privat lucro propter alterum: unde si lucrum sit spirituale, & cessatio ejus pretio æstimetur, lucrum spirituale non gratis, sed pretio datur. Ad confirmationem dicitur primum, interdum peccari per omissionem contra præceptum negativum, ut non restituendo peccat aliquis contra præceptum non furandi. Verum est, tunc semper supponi aliquid affirmativum, quod est retentio rei alienæ, seu alteri debita, quod in his omissionibus spiritualibus aliquo modo considerari potest; nam qui non absolvit, quasi retinet absolutionem alteri debitam, & sic de aliis. Verum tamen clarius dicitur, esse æquivocationem in illo argumento: nam licet in præsentia materia simoniæ sit ommissio, tamen peccatum simoniæ, quod circa illam committitur, non est ommissio, sed commissio, scilicet venditio omissionis, & ita potest optime esse contra præceptum negativum Christi. Sicut si quis ab uno acciperet pretium pro non mutuando alteri, injustus esset, & contra præceptum negativum non furandi peccaret, & peccatum illud ad usuram pertineret. Ad tertium denique jam constat ex dictis, quando datur alicui pecunia, ne indigne eligat, vel simoniace ordinet, non dari pecuniam, ut omittat actionem spirituales, sed ut abstineat a vitiosa circumstantia ejus, & ita cessat obiectio.

20 Addimus vero, non omnes omissiones spiritualium actuum esse ejusdem modi, & rationis, & ideo non oportere, ut omnes æqualiter sint materia simoniæ, quia vel non æque spirituales sunt, vel non accipiuntur sub spirituali respectu. Omissiones ergo, quæ altero ex illis duobus titulis sunt materia simoniæ, scilicet, quia vel sunt actus spiritualis potestatis, vel sub respectu spirituali sumuntur, semper sunt talis materia, & reddunt actum emendi, & vendendi ita per se malum, ut semper malus sit. Aliæ vero omissiones, quæ non sunt hujusmodi, per se non sunt materia simoniæ, & ideo contingere poterit, ut venditio earum non solum simonia non sit, sed etiam nec vitiosa actio: nam proxima materia ejus indifferens est, potestque ex fine honestari. Addo denique, licet ommissio spiritualis actionis hoc posteriori modo sumpta per se non sit materia simoniæ, nihilominus per jus positivum posse fieri materiam simoniæ. Ut, verbi gratia, si ius positivum absolute prohibeat parochi, ut pretium non accipiat pro omittendis actionibus sui muneris, cuiuscumque generis sint, idque eo intuitu, ne munus illud, & actiones eius vilescant, & indigne tractari censeantur: tunc revera omnis talis venditio esset vera simonia, & in multis omissionibus posset esse mala, quia prohibita, & non e converso. Et fortasse posset etiam hoc modo exponi caput *Nemo*, supra tractatum, præsertim quoad priorem partem. Non enim magis repugnat, dari simoniam de iure humano in hac materia, quam in aliis, de quibus infra dicemus. Immo facile intelligitur, inveniri proportionem, quia ommissio spiritualis actus, licet aliquando per se, & in se spiritualis non sit, tamen reducitur quodammodo ad spirituales ratione habitudinis, & ob eandem causam venditio illius potest habere indecentiam, vel periculum, & speciem quamdam turpitudinis, & ideo merito posset prohiberi intuitu tantum religionis; per hujusmodi autem prohibitionem constituitur aliqua materia simoniæ de jure positivo.

21 Ad argumenta secundæ sententiæ respondere non est necesse, quia probant, omissionem in casibus a nobis declaratis posse esse materiam simoniæ: non tamen probant, omnem omissionem spiritualis actionis absque alia consideratione esse materiam simoniæ, ut facile consideranti patet.

Omissiones actuum spirit. nō omnes sunt ejusdem modi

CAPUT XXIII.

An id, quod spirituale non est, nisi quia est annexum spirituali, sit materia simoniæ?

Annexio
constituit
in aliquo
vinculo
quod in-
tercedit
inter rem,
quæ anne-
ctitur, &
ipse il-
lus, cui an-
nectitur.

I Hæcenus dictum est de illa materia simoniæ, quæ in se spiritualis est aliquo modo, sive dicatur per essentiam spirituales, sive per causam, sive per effectum: nunc superest dicendum de materia spirituali per connexionem, id est, de rebus, quæ censentur materia simoniæ, quia licet in se spirituales non sint, sunt annexæ spiritualibus rebus. Nam licet obiter multa de his rebus in superioribus attigeremus, ut de materia factorum vasorum, & locorum, de corporalibus operibus, laboribus, & similibus, quia sine illis non poterant bene explicari omnia, quæ ad spirituales materiam explicandam necessaria erant, nihilominus materia hæc propriam, & prolixam disputationem postulat, præsertim quoad ea, quæ dicuntur annexa spiritualibus, quia spiritualia præsupponunt, & ab eis pendent, quæ maxime sunt ecclesiastica beneficia, de quibus hæcenus nihil diximus. Ut autem plena notitia habeatur hujus materiæ, quæ annexa spiritualibus dicitur, & rerum, quas sub se comprehendit, adverte in primis, annexionem hanc consistere in vinculo aliquo, quod inter rem unam, quæ annectitur, & alteram, cui annectitur, intercedit, ut vox ipsa præfert. Hoc autem vinculum optime reducitur ad aliquod causalitatis genus, quia connexio dicit aliquam necessariam adhesionem, vel consecrationem, quæ sine aliquo causalitatis modo inveniri non solet: & ita esse potest una res connexa alteri, vel quia ad illam ordinatur aliquo modo, vel quia in illa est, sicut in materia, vel quia ab illa pendet a causa efficiere.

Tria gene-
ra annexo-
rum dis-
tinguun-
tur ante-
cedenter
scilicet
quæ æst,
& commi-
santer.

2 Atque hinc distingui solent tria genera annexorum rebus spiritualibus, scilicet, antecedenter, consequenter, & concomitanter, quia interdum id, quod dicitur annexum, consideratur ut causa ejus, cui dicitur annexum: & tunc dicitur esse antecedenter annexum, quia causa antecedit effectum. Interdum consideratur, ut effectus, qui se habet consequenter ad causam: interdum, ut conjunctum intrinsece, & quasi unitum ad componendum unum totum, & tunc dicitur esse annexum concomitanter. Aliqui vero hoc tertium membrum rejiciunt, & Divus Thomas illud omisit, ideoque postea de illo dicemus. Prima vero duo membra ab omnibus admittuntur, ut videre licet in Divo Thoma quæst. 100. art. 4. Anton. 2. part. tit. 1. cap. 5. §. 21. Sor. quæst. 7. art. 1. Navar. c. 23. num. 99. Silvest. verb. *Simonia* quæst. 1. Angel. num. 4. & aliis infra referendis. Ex quibus solus Navar. illa duo membra ita declarat, ut ea dicantur antecedenter spiritualibus annexa, quæ in habente illa nihil aliud requirunt, nisi Christianismum, ut ius patronatus ait, ius sepulturæ, & calix. Illa vero dicuntur esse talia consequenter, quæ in habente requirunt aliquem ordinem, vel consecrationem præter Baptismum, ut beneficia ecclesiastica, & officia. Sed his terminis non explicatur ratio connexionis, nec in calice, & similibus apparet, quomodo supponunt tantum Christianismum; nam in utente sepe requirunt plus, quam Christianismum, in ipsa vero materia nihil tale requirunt. Aliqua etiam sunt officia ecclesiastica, quæ non requirunt plus, quam Christianismum in habente, ut infra videbimus.

Quid dicat-
ur ante-
cedenter
annexa, &
quæ con-
sequenter.

3 Proprie igitur explicantur illa duo per habitudinem causæ, ut dixi. Et Divus Thomas significat, illa dici talia antecedenter, quæ secundum se tempore possunt præcedere ad spiritualia, & illa vero consequenter, quæ omnino supponunt spiritualia, quibus annectuntur. Itaque sub 1. membro ponit D. Thom. d. quæst. 100. art. 4. ius patronatus, & vasa sacra. Sed de iure patronatus infra dicturi sumus: habet enim quæstionem, an sit spirituale, vel tantum spiritualibus annexum, & licet sit annexum, an sit tantum antecedenter, vel etiam aliis modis, sub vasis autem sacris comprehendit Divus Thomas omnia, quæ ordinantur ad factorum usum, & ad divina officia, ut templa, vestes sacras, &c. Addunt etiam ali-

qui, ad hanc speciem pertinere sacramentalia, ut sunt Catechismus, Exorcismus, & similia, quæ præcedere solent ad sacramentum, & ad illud ordinantur, ut & religiosius fiat, & facilius suum consequatur effectum, ablati impedimentis, quod insinuat Navar. cap. 23. num. 99. ubi omnia sacramentalia, & omnia jura, vel munia ab ecclesia instituta inter hæc annexa spiritualibus ponit: *Quia omnia sunt* (inquit) *addita humanitus spiritualibus datis divinitus*; & ideo recte illis annexa dicuntur. Sed hoc mihi non placet, nam multa ex his spiritualia sunt, & non proprie spiritualibus annexa, ut statim dicam. Sub altero autem membro ponunt Divus Thomas, & omnes ecclesiastica beneficia, quæ sunt annexa spiritualibus officiis tanquam dependentia ab illis, & tanquam propter illa instituta, quia beneficium datur propter officium. Item quia beneficium supponit aliquem ordinem, & illi quasi annectitur. Addit vero Silvest. ad hæc annexa pertinere functiones, verbi gratia, sacerdotii, ut celebrare: nam pendent ex ordine, cui propterea annexæ sunt. Sed hoc non proprie dicitur, & confusio- nem parere potest in hac materia.

4 Et ideo advertendum est, connexionem illam casualem, quam explicuimus, non solum inveniri inter materiale, & spirituale, sed etiam inter spiritualia inter se, ut officium Canonicum recte dicitur annexum ordini sacro, & consecratio Corporis Domini ordini sacerdotali tanquam pendens ab illo. Ete contrario oblatio panis, & vini, quæ in Missa fit ante consecrationem, dici potest annexa antecedenter consecrationi tanquam ad illam præparans, & ordinata. Proprie ergo annexa spiritualibus dicuntur secundum quandam exclusionem, seu præcisionem, ita ut illa dicantur talia, quæ cum in se materialia sint, & non per se spiritualia, ratione solius connexionis cum illis spiritualia censentur, & materia sunt simoniæ, nam alia, quæ in se spiritualia sunt, licet sint connexa cum aliis spiritualibus, simpliciter spiritualia dicuntur, non spiritualibus annexa. Alias sola potestas ordinis, & jurisdictionis, & habitus gratie dicenda essent spiritualia, nam reliqua omnia spiritualia illis annexa sunt aliquo modo. Unde fit ut nec functiones ordinum, nec sacramentalia omnia sint numeranda inter hæc annexa, quia multa ex illis in se spiritualia sunt, & ex spiritualibus principiis manent, & ad spirituales finem ordinantur. Et ita videntur exponere hæc annexa communiter juris interpretes in cap. *Consulere* de simon. præsertim Joann. Andr. & Abb. & in capite *Quanto* de Jud. Ubi etiam Anton. de Barr. & Archid. in capite 1. r. q. 1.

Connexio
casualis
non solum
invenitur
inter ma-
teriale, &
spirit. sed
etiam inter
spiritualia
inter se.

Quæ dicat-
ur pro-
prie anne-
xa spirit-
ualibus.

5 Et ex eodem principio sequitur, non omnia spiritualia, quæ sunt ex sola institutione ecclesiæ, esse ex his annexis, qui multæ benedictiones, & consecrationes sunt ex institutione ecclesiæ, & tamen non sunt materia simoniæ tanquam annexa spiritualibus, sed tanquam in functiones in se vere spirituales, ut supra visum est. Immo ad hoc (ut dixi) parum refert, quod actio sit instituta ab ecclesiâ, vel a Christo immediate, dummodo per institutionem vera spiritualitatem consequatur. Nam ecclesiastica institutio mediate saltem ad divinam reducitur, quatenus per potestatem divinitus datam fit, ut prima tonsura, & collatio ejus ex ecclesiæ institutione est, & nihilominus materia est simoniæ tanquam spirituale quid, & non solum ut annexum, in quo æquiparatur collationi ordinum, licet secundum magis, & minus extra illum differat. Idemque dicendum est de actionibus sacris, quæ in Baptismo, verbi gratia, sunt tanquam accidentales cæremoniæ, & sacramentalia illius; nam sunt per se, & proprie materia spiritualis simoniæ, & non tantum ratione connexionis ad Baptismum, licet illam connexionem habeant in ratione dispositionis quasi ejusdem ordinis.

Nō omnia
spiritual.
quæ sunt
ex sola in-
stitutione
eccl. sunt
ex his an-
nexis

6 Unde cum vasa sacra inter hæc annexa numerantur, non est intelligendum de ipsis vasis, ut sacra sunt, quamvis etiam ut talia sunt, revera sint annexa sacramentis, seu sacris usibus, sed est intelligendum de ipsis vasis ratione materiæ, quæ subest consecrationi. Nam vas ipsum, ut sacrum quid, spirituale est, & non tantum annexum, materiale autem ipsum so-
lum

Quo pa-
cto vasa
sacra di-
cuntur an-
nexa spi-
ritualibus

lum per annexionem sacrum factum est. Cujus etiam argumentum est, quia vas ratione materiæ recte dicitur antecedenter annexum, quia supponitur consecrationi, vas autem consecratum non tantum antecedenter, sed ut tale est, jam est in se quid spirituale: dici posset consequenter annexum, quia est effectus spiritualis functionis, & potestatis. Denique est clarum argumentum, quia Divus Thom. ait, hæc annexa antecedenter posse interdum vendi, quod est verum de materia, non de vase, ut consecratum est. Interdum vero hæc res non sunt specialiter benedictæ, aut consecratæ, sed deputatæ tantum ad cultum Dei, & inde tantum sacræ censentur, & tunc magis proprie videntur inter ea computari, quæ solum ratione connexionis spiritualitatem habere censentur. Sic etiam cum beneficium dicitur esse annexum consequenter spiritualibus, intelligendum est de beneficio ratione præbendæ, quæ respicit temporalia emolumenta, non vero ratione officii, cui est annexa præbenda, nam illud spirituale est in se, licet interdum sit ex institutione ecclesiæ, & annexum spirituali ordini. Consideranda est ergo annexio, non inter spiritualia inter se, sed inter materiale, & spirituale, sive illud spirituale sit ex institutione ecclesiæ, sive ex divina; & sive connectio illa sit ab ipso Deo immediate: sive per ecclesiam sit facta. Ut frequenter facta esse videtur in his, quæ tantum antecedenter, & consequenter annexa sunt spiritualibus, ut patet ex exemplis adductis in illis membris, & ex his, quæ in particulari de multis dicemus, amplius constabit.

7 Et ex his constat, quid de tertio membro horum annexorum sentiendum sit, nam licet Divus Thom. & multi illud non posuerint, alii Scholastici illud posuerunt, ut Richard. in 4. dicta 25. articulo 3. quæstione 3. & ibi Supplementum Gabr. quæstione 2. articulo 1. notab. 1. in fine, Durandus quæstione 3. numero 10. & Redoan. part. 1. capite 7. in fin. capite 27. per totum, & capite 29. numero 2. Nec videtur omnino improbandum hoc membrum, quia spiritualia munera per actiones materiales fiunt, quæ actiones, licet supposita institutione sacra simpliciter spirituales sint, nihilominus secundum se spectatæ materiales sunt, & connectuntur intime, & concomitanter spiritualibus rationibus. Unde etiam Cajetanus dicta quæstione 100. articulo 3. & in Summ. verb. *Simonia*, hæc vocat composita ex spirituali, & materiali: cur ergo illud materiale non potest dici annexum illi spirituali concomitanter? At vero Div. Thomas hoc membrum omisit, quia de toto illo opere judicandum est in ordine ad simoniam tanquam de re simpliciter, & secundum se spirituali. Et hoc quidem optime dicitur de actionibus ipsis, in quibus spirituales functiones consistunt, & de earum labore intrinseco juxta ea, quæ de illis supra diximus: sive sint functiones sacramentorum, sive sacramentalium, benedictionum, & consecrationum, sive divinorum officiorum, in omnibus enim actio ipsa materialis est veluti essentialis pars ipsius functionis spiritualis, & ideo non tam proprie dicitur annexa rei spirituali, quam spiritualis. Sed non oportet de voce contendere, cum de re constet. Possunt vero intelligi quædam alia accidentaliter concurrentia concomitanter, ut est, verbi gratia, labor cantorum in choro canentium, quorum opera, & labor non est spiritualis, videtur tamen esse spiritualibus annexus. Sed hæc non numeratur proprie inter annexa, prout hic dividuntur, hic enim tractamus de his, quæ aliquo modo per se sunt annexa saltem communi jure, illa vero, quæ sunt per accidens, non considerantur, sive enim antecedant, sive sequantur, sive comitentur, simpliciter temporalia sunt, & reputantur, & ut talia æstimari possunt, ut supra dictum est.

8 Ex hac ergo terminorum declaratione colligitur propositæ quæstionis resolutio, quæ in quatuor assertionibus consistit. Prima est, annexum spirituali, quatenus tale est, id est, ratione connexionis, quam habet ad spirituale, vendi non potest. Hæc est Divi Thomæ dicto articulo 4. ad primum, & omnium. Et ratio constat ex supradictis, quia spirituale vendi non potest, nec ut res vendita, nec ut ratio venditio-

nis, quia eo ipso pretin æstimaretur. Secunda propositio est, annexum spirituali concomitanter (admisso illo membro) nullo modo, vel respectu, aut ratione vendi posse. Hæc satis probata est in superioribus, quia illud non tam est annexum, quam vere spirituale, tanquam intrinseca pars spiritualis functionis, ut declaratum est. Tertia propositio est, annexum antecedenter per se spectatum vendi posse, etiam supposita annexione, licet non ratione illius. Hæc etiam propositio satis in superioribus probata est. Solum circa illam occurrebat dicendum de jure patronatus, & de jure sepulturæ, & de jure sedendi in certo loco ecclesiæ, quod Supplement. Gabr. in 4. distinctione 25. quæstione 2. in fin. vocat jus stabile, juxta modum loquendi juris in capite *Cum inter* de Renunciatione. Sed de his dicemus infra commodiori in loco. Quarta propositio est, ea, quæ sunt annexa spiritualibus consequenter, vendi non posse sine simonia. Quia venderetur necessario illud spirituale, quod ad illa præsupponuntur, ut dicitur in cap. *Si quis obierit*, 1. quæstione 3. Et hanc differentiam norant Divus Thomas, & omnes Theologi inter tertiam, & quartam assertionem, seu inter annexa antecedenter, vel consequenter: quod hæc posteriora magis invendibilia sunt, quam priora. Quia ea, quæ sunt annexa consequenter, sunt dependentia ab spiritualibus, & illa præsupponunt, nec aliter conferri possunt, & ideo si venderentur, necessario venderetur illud spirituale, quod præsupponunt. At vero illa, quæ sunt annexa antecedenter, de se sunt priora, & ideo, ut talia sunt, vendi possunt. Denique quando temporalia antecedunt, magis videntur spiritualia annexa, & adherentia temporalibus, quam e converso: alia vero temporalia, quæ se habent consequenter ad spiritualia, propriissime illis connectuntur, & comparantur ad illa, sicut accessorium ad principale, & ideo magis imitantur naturam illius. Quod magis ex sequentibus elucidabitur. Nam hæc sola ultima assertio nobis declaranda superest: postulat vero copiosam materiam de simonia circa beneficia, quam fusius prosequi necessarium est.

CAPUT XXIII.

An beneficia ecclesiastica sint materia simoniæ ex divino, vel ecclesiastico jure?

1 **Q**UAMVIS beneficii nomen primeva significatione donum, vel opus in alterius commodum benevole factum significet: in Jure tamen Canonico accommodatum est ad significandos titulos, seu jura ecclesiastica ordinata ad præstanda munera spiritualia cum jure recipiendi eo titulo fructus annuos de ecclesiasticis bonis. Et ita sumitur Concil. Mogunt. in capite primo de ecclesiis ædific. nec invenitur illa vox in illa significatione in antiquiori Canone: res autem antiquior est, ut constat ex Dion. in cap. 1. 13. quæstione 1. & ex cap. primo dist. 22. & ex Urban. primo in capite *Videntes* 12. quæstion. prima cum similibus, in quibus horum titularum cum suis proventibus fit mentio in particulari, vocanturque aut episcopatus, aut abbatia, prioratus, dignitates, parochiæ, vel ecclesiæ, aut altaria: quæ omnia cum multis aliis, quæ discursu temporis instituta sunt, beneficia appellantur. Duo autem in his beneficiis distinguere necesse est, scil. jus ministrandi spiritualia, & jus percipiendi emolumenta temporalia, quorum primum proprie vocatur officium, secundum autem dicitur præbenda, vel beneficium, quod propter officium datur, ut dicitur in cap. ultim. de Rescri. in 6. quamvis jam communi usu totum illud, quod ex utroque jure resultat, & est quasi moraliter unum, dici soleat ecclesiasticum beneficium.

2 Et ita per modum unius describi potest beneficium, esse jus perpetuum ministrandi in ecclesia, & pro ministerio recipiendi fructus annuos ex ecclesiasticis bonis. Primum autem horum multiplex est, & juxta illius varietatem beneficia etiam ecclesiastica distinguuntur, ut videre licet in Rebuffo in Praxi tit. *Quotuplex sit beneficium*, & Selva de Benef. in princ. Azor.

Quid sentiendū de tertio mēbro annexorum.

Quid significet hoc nomen beneficii.

In beneficiis duoduo significanda, officii scilicet & præbendæ.

1. Afferre. Nō potest vendi annexū spirituale, quatenus tale.

Descriptio beneficii.

Per quid
beneficia
distin-
guuntur.

Azor. in 2. tom. lib. 3. cap. 2. Non enim distinguuntur beneficia ex qualitate, quantitate, aut modo reddituum, nec ex eo, quod sint ex decimis, vel ex oblationibus, vel ex prædiis, aut aliis ecclesiasticis bonis; hæc enim varietas quasi materialis est, & accidentaria ad rationem beneficii, & est in se accessoria, & minus principalis: & ideo non inde sumitur beneficiorum distinctio, sed ex ritulis, propter quos redditus ecclesiastici tribuuntur. Et ita distinguuntur beneficia in simplicia, & administrationem habentia: item quædam habent jurisdictionem spirituales, alia non habent; item quædam jurisdictionem habent in foro etiam contentioso, ut episcopatus, & superiores omnes usque ad Summi pontificis dignitatem, & nonnullæ etiam dignitates inferiores, ut abbas, prioris, archidiaconi, & similia: alia vero jurisdictionem tantum habent in foro interiori cum pastoralis cura animarum, quæ beneficia parochialia dicuntur, seu curata: alia vero sunt, quæ jurisdictionem nullam habent, sed administrationem aliquam rerum ecclesiasticarum: alia denique solum ad ferviendum in divinis officiis instituta sunt. De quibus omnibus in Jure Canonico mentio habetur, ut in capite *Omnes* 22. dicto capite *Nullus* 9. questione 2. & cap. 1. 13. questione 1. & toto titulo de Præbend. lib. 3. & 9.

Titulus
beneficii
semper est
spiritualis
et dilectio.

3 Ex his ergo constat (quod ad materiam præsentem necessarium est) titulum beneficii semper esse spirituales cap. *Dilecto* de Præbend. & inde maxime æstimandum esse, quia illud est primum, ac principale in ipso. Et inde etiam est, ut beneficium semper sit annexum alicui ordini, seu gradui clericali (ut primam consuetudinem comprehendamus) ex parte personæ, cui conferendum est. Nam cum sit proprie spirituale, non nisi clerico conferri potest, ut colligitur ex capite *Clerici* 1. questione 2. & cap. *Quantum sit grave*, de Decimis. & cap. *Causam, quæ* de Præf. & aliis, quæ supra tractando de decimis adduximus. At vero præbenda, seu redditus ecclesiastici in se spectati temporales sunt; quatenus vero tali titulo annexi sunt, & solum ratione illius dantur, ac debentur, quamdam spiritualitatem participant, propter quam solet præbenda interdum vocari spirituale ius, ut notavit Panorm. per textum ibi in cap. *Dilecto* de Præbend. Et ita etiam dixit Innoc. in capite *Majoribus* de Præbend. præbendam esse nomen juris, quia non significat solum temporalitatem, sed illam ut annexam spirituali juri, & ut sic censetur quid spirituale; quia quæ religiosis adherent, religiosa censentur, ut dixit Jul. Clar. in L. *Quæ Religiosis*, ff. de Rei vend. solet vero etiam nomen præbendæ accipi pro ipso emolumento temporali secundum se spectato, & sic sine dubio temporale quid est, ut constat, & notavit Glossa in cap. *Cum Majoribus* de consuet. & Panorm. in dicto c. *Majoribus* de Præb.

Beneficia
quoad spi-
ritualis jus,
quod inclu-
dunt, sunt ma-
terialia
contra-
ria simoni-
æ juri divi-
no.

4 His ergo positis duo mihi videntur certa, primum est, beneficia quoad ipsum spirituales jus, quod includunt, & in quo fundantur esse materiam simoniæ juri divino contrariæ. In hoc nulla controversia est inter auctores, satisque in superioribus probatum est, dum ostendimus jura spiritualia, quæ consistunt in potestate aliqua spirituali, vendi non posse. Nam titulus beneficii ecclesiastici jus quoddam spirituale est, ut diximus; ergo neque ipsum, neque beneficium ratione ipsius vendi potest. Neque oportet in hoc distinguere inter beneficium simplex, & habens jurisdictionem, ut quidam tentarunt, quia etiam si beneficium curatum non sit, nec jurisdictionem habeat, semper fundatur in spirituali titulo, per quem ordinatur, vel ad aliquam executionem ordinis, ut ad Missas celebrandas, vel ad divina officia ministranda, vel recitanda, qui titulus spiritualis est: nec potest dari proprium ecclesiasticum beneficii sine aliquo hujusmodi jure, in quo fundetur. Quod si contingat, alicui dari jus ad aliquos annuos redditus ex ecclesiasticis bonis, separatim ab omni spirituali titulo, illud non computabitur inter ecclesiastica beneficia, ut nunc supponimus, & ex definitione data constat. An vero aliquid hujusmodi detur, & quid de illo dicendum sit, in sequentibus tractabitur.

6 Atque hinc colligitur, vendere beneficium quoad

hoc jus ita esse intrinsece malum, ut neque ipsi Pontifici, neque alicui ex dispensatione ejus licere valeat. Ita sentiunt omnes Doctores infra citandi. Et patet: quia pontifex juri divino subiectus est, neque illud immutare, aut in illo dispensare potest. Neque obstat, si quis objiciat beneficiorum ecclesiasticorum institutionem, ac titulorum divisionem esse ex ecclesiæ institutione, ut constat ex Juribus supra allegatis, & est per se notum: pontificem autem mutare posse ea, quæ instituta sunt ab ecclesiæ, & in eis dispensare. Respondemus enim primo, quod licet aliquid sit spirituale ex ecclesiæ institutione, nihilominus, postquam tale est, jure divino prohibitum est illud vendere, ut sub cap. 8. ostendimus, ut constat de sacramentalibus omnibus, vasis sacris, ut talia sunt, & similibus: ita ergo in præsentem dici potest. Adde vero 2. id, quod est spirituale in beneficiis ecclesiasticis secundum se, & quoad substantiam suam (ut sic dicam) esse de jure divino, quia vel est jurisdictio ecclesiastica, vel cura animarum, vel spiritualis aliqua administratio, & functio: potestas enim ad hæc omnia ab ipso Christo manavit. Unde licet soli pontifici immediate ab ipso Christo conferatur, nihilominus institutio beneficiorum ecclesiasticorum quoad spirituale, quod in eis est, non est aliud, quam communicatio quædam illius potestatis a Christo datæ, nam per beneficium quædam participatio ejus confertur. Ostensum est autem supra, potestatem illam vendi non posse, nec participationem, vel communicationem, aut delegationem ejus, quod verum est etiam respectu pontificis; ergo.

6 Secundo certum est, nunc de facto non posse vendi, aut emi beneficia ecclesiastica, etiam respectu habito ad temporale emolumentum, quod est in ipsis, sine vitio simoniæ, ac subinde beneficia ecclesiastica, etiam sic spectata esse materiam simoniæ. Hoc manifestum est ex innumeris Legibus Canonicis prohibentibus omnes onerosos contractus in ecclesiasticis beneficiis, & præcipientibus, ut pure, & simpliciter concedantur, cap. ult. de Pactis, c. *Super eo* de Transact. c. *Querelam*, c. *Tua nos*, cum similibus de simon. & c. un. ut eccl. benef. sin. dimin. & 1. q. 3. fere per totam. Pro integra ergo huius assertionis probatione sufficit Jus Canonicum, nam de ratione, & origine huius prohibitionis in sequenti puncto dicendum est.

7 His ergo suppositis, questio gravis est, an vendere beneficia tantum intuitu, & estimatione temporalis commodi, quod in eis est, vel incommodi, quod alicui provenit spoliando se suo beneficio, sit simonia contra ius divinum, vel tantum contra ecclesiasticum. In quo puncto variae sunt sententiæ. Prima simpliciter affirmat, esse contra ius divinum naturale, ac subinde esse adeo intrinsece malum, ut non cadat in illud dispensatio, nec ab ipso papa sine crimine simoniæ vendi possit beneficium, etiam ratione temporalis emolumenti. Hæc sententia sumi potest ex D. Thom. d. q. 100. art. 4. Ubi negat, illud temporale, quod est annexum beneficio, vendi posse, & pro ratione reddit non solum ecclesiæ prohibitionem, sed quia non potest vendi, quia spirituale vendatur. In 4. etiam d. 25. q. 3. art. 2. q. 3. ad 4. id significat. Sed revera ex D. Tho. nihil clare habemus in hoc puncto. Durand. autem ibi q. 5. ex professo hanc sententiam defendit. Sequitur ibi Palud. q. 4. a. n. 24. dicens, esse veriore, & tutiore sententiam. Et idem sentit Richar. art. 3. q. 3. dum ait, ius percipiendi fructus beneficii vendi non posse, licet possint vendi ipsi proventus. Et idem sentit Maio. ibi q. 3. ad 4. & Bonav. in expositione litteræ dub. 5. ubi ita etiam Magistrum exponit. Idem tenet Adrian. (licet soleat in contrarium referri.) Quodl. 9. ad 5. princip. ubi in concordiam redigit utramque opinionem. Idem Alenf. 2. par. qu. 167. mem. 3. art. 2. Anton. d. c. 5. §. 21. Silvest. q. 12. Cajetan. tom. 2. Opusc. tract. 9. qu. 1. Sor. q. 7. art. 1. Victor. d. Relect. n. 44. Covarruv. in Regula Peccatum p. 2. §. 8. nu. 8. sub fin. Citatur etiam Navar. d. c. 23. n. 108. Sed licet in dicto 6. & 7. videatur in favorem huius sententiæ loqui, statim in 9. constantissime contrariam sententiam defendit, ut patebit. Pro eadem sententia referri potest Panorm. ut infra dicam: & plures refert Felin. cap. 1. de simon. illosque sequitur, licet alibi contrarium dixerit,

Vendere
beneficiu
quoad hoc
jus ita est
intrinsece
malum, ut
neq; Pon-
tifici liceat

Beneficiu
nō potest
vendi sine
limonia,
etiam
respectu
habito ad
tempora-
le emolu-
mentum,
quod in
eo est.

An talis
simonia sit
contra jus
divinum,
vel solum
contra eccl-
i. Sententia
asserens,
esse contra
jus divini

Fundam.
huius sen-
tent.

8 Fundamentum huius sententiæ sic explico, quia vel venduntur fructus beneficii separati a beneficio, & titulo ecclesiastico, vel ut percipiendi ex titulo ecclesiastico. Si vendantur priori modo, verum est, illud non esse per se, & intrinsece simoniacum, immo ibi in rigore neque simoniam contra jus positivum intervenire. Tunc autem non venditur beneficium, quia beneficium non consistit in proventibus, sed in iure percipiendi illos; immo nec aliquid annexum rei spirituali tunc venditur: nam eo ipso quod fructus separantur a iure, & titulo beneficii, non sunt annexi alicui rei spirituali, & ideo mirum non est, quod vendi possint. Unde hoc modo non solum fructus unius anni, sed plurium vendi possent (semota prohibitione ecclesiæ) & consequenter potest transferri in alium aliquod jus colligendi tales proventus per singulos annos, non ex titulo emptionis, ita ut jus acquisitum temporale sit, non spirituale, sicut supra tract. 2. lib. 1. in decimis latius exposuimus. Tota ergo hæc pactio, & commutatio extra materiam simoniæ est, & extra punctum etiam præsentis quæstionis, quia illa non est venditio, neque emptio beneficii, vel præbendæ ecclesiasticæ, vel rei annexæ consequenter rei spirituali, ut declaratum est. At vero si fructus beneficii vendantur posteriori modo, scil. ut percipiendi titulo beneficii, sic possibile est, vendere emolumentum illud temporale, non vendito ipso iure spirituali, quia non potest beneficium transferri in alium, nisi transferatur officium, ut colligitur ex Reg. 1. de Reg. Jur. in 6. Et in commune principium receptum a Doctoribus in principio materiæ de præbendis, & beneficiis, ut videre licet per Rebuffum in Praxi cap. *Quid sit beneficium*, & Hoged. de Benef. in comp. in Præfat. numer. 2. ergo similiter vendi non potest de facto beneficium, nisi vendito spirituali munere, cui adhæret; ergo tam intrinsece malum est, beneficium vendere, sicut vendere ipsum jus spirituale. Probatur consequentia, quia quando venditur beneficium, revera non venduntur tantum temporales redditus, sed venditur jus ad illos, & non aliud jus, nisi quod est in clerico, ut clericus est; ergo necessario venditur id, quod spirituale est.

Responsio
ad funda-
ment m.

9 Responderi autem potest, cum beneficio duo jura conferri, unum ad ministerium ecclesiasticum, quod competit ratione beneficii, aliud ad redditus temporales; & primum esse spirituale, secundum vero temporale, nam unumquodque est proportionatum illi rei, ad quam datur. Quamvis autem hæc jura sint conjuncta, & simul incedant, nihilominus distincta manent; ergo potest unum gratis dari, & aliud pretio æstimari. Sicut in calice ita sunt conjuncta vas, & consecratio, ut non possit unum sine alio transferri, & nihilominus quia semper sunt distincta, potest vendi unum, & non aliud. Idem ergo posset fieri in beneficio ex natura rei, nisi ecclesia prohibuisset: sicut e contrario posset ecclesia prohibere vendere calicem etiam ratione materiæ, & tunc essent inseparabilia illa duo in venditione. Contra hoc vero replicari potest ex Durand. Quia ex illis duobus, quæ sunt in beneficio, scil. spirituale officium, & emolumentum temporale, primum datur a prælato ecclesiæ, secundum vero non donatur a prælato, sed consequenter debetur ex dono fidelium, vel fundatorum, qui proventus illos obtulerunt pro sustentatione talis ministerii; ergo prælatus vendendo beneficium, non jus temporale vendit, sed spirituale, quod ipse dare potest. Hæc vero replica Durandi parum urget; tum quia hic non agimus de solo prælato, sed de quocumque vendente beneficiū, unde non consideramus facultatem, quam vendens habet ex parte sua, sed qualitatem ipsius materiæ, & sic videtur illud jus vendibile esse, quia temporale est; tum etiam quia licet hi redditus beneficiorum originem traxerint a fidelibus vel per decimas, vel per alias donationes, & legata pia, jam est acquisitum jus ecclesiæ, & de hoc quærimus, an temporale sit: nam si est temporale, ex parte illius non repugnabit vendi. Et ille, qui fuerit dominus beneficii, vel illius juris, poterit illud vendere, & si aliquis non dominus illud vendiderit, erit injustitia ex natura rei, non tamen erit simonia, quia jus illud quid temporale est.

Urgetur
melius ex
Cajetan.

10 Melius ergo urgetur ratio facta ex Cajet. supra, quia ibi non sunt duo jura, unum ad spiritualem functionem, aliud ad emolumentum temporale; sed est unum, & idem, quod ad unum terminatur mediante alio, seu ratione alterius. Nam proximum fundamentum illius juris ad emolumenta temporalia est functio ipsa spiritualis, ratione cujus stipendium sustentationis debetur, sub qua ratione proventus beneficii conferuntur; ergo jus illud totum hoc includit, scil. quod sit ad tales proventus ratione talis muneris; ergo immediate versatur circa spirituale, & per illud transit ad temporale; ergo impossibile est vendere jus ad emolumenta temporalia, non vendendo jus spirituale; tum quia est unum, & idem; tum quia primario est ad spirituale, ad temporale vero tanquam ad accessorium, quod ex illo sequitur: tum etiam quia illud met temporale semper respicitur, ut comparandum titulo spirituali, ut sic autem quid spirituale est, ut appellatur in d. cap. *Dilecto*. Ex quo textu potest tota hæc ratio, & instantia confirmari. Ac denique declarari potest exemplo Philosophico, quia impossibile est, vendere relationem resultantem ex fundamento, nisi vendendo fundamentum; quia cum necessario sequatur, posito fundamento (supponimus enim, iam esse terminum) & sine eodem fundamento sequi non possit, non potest aliter dari, quam dando fundamentum, & consequenter nec vendi potest, nisi fundamento vendito. Non potest enim aliquis vendere mihi similitudinem imaginis meæ, nisi vendendo figuram illam artefactam, in qua illa relatio similitudinis fundatur. Ita ergo dico in præsentia, ius ad proventus temporales esse veluti relationem quamdam, quæ fundatur in officio spirituali, nec posse competere, nisi ratione illius, & ideo spirituale esse, sicut est ipsum officium, & vendi non posse, nisi vendito officio, sicut nec gratis dari potest, nisi gratis etiam collato spirituali munere, seu iure ad illud.

11 Atque hoc modo potest confirmari satis probabiliter hæc opinio ex regula cap. *Si quis objecerit* 1. q. 3. *Qui horum alterum vendit, sine quo alterum non provenit, nihil invenditum derelinquit*. Unde inferit, non posse vendi ecclesiam, vel præbendam, non propter ecclesiæ prohibitionem, sed propter inseparabilitatem; & in c. *Salvator*, ead. Urbanus Papa ex verbis Christi: *Gratis accepistis, &c.* colligit, res ecclesiasticas vendi non posse; per res autem ecclesiasticas plane intelligit beneficiorum proventus, ut tales sunt: nam pro ratione subdit: *Quæ (scil. res ecclesiasticæ) dona Dei sunt, quoniam a Deo fidelibus, & a fidelibus Deo donantur, quæ ab eodem gratis accipiuntur, & ideo gratis dari debent*. Et statim idem confirmat ex reg. Paschalis proxime relata, quam ipse etiam refert. Similia habet Alexand. 2. in cap. *Ex multis*, & Urban. in cap. *Res Eccles.* & Gregor. in capitul. *Pervenit*, & Innocent. in capitul. eiusdem quæstionis. Item ex cap. *Presbyter* 3. quæst. 1. Ubi in hoc æquiparantur vendere altare, decimas, & spiritum sanctum. Favet etiam capitul. *Ex diligenti* de simon. Nam loquens de huiusmodi contractibus in beneficiis ait: *Cum hæc divinis, & humanis legibus contraire noscantur*.

Confirma-
tur hæc
opinio.

12 Nihilominus est secunda principalis sententia dicens, hanc simoniam tantum esse contra ius humanum, ideoque vel a pontifice, vel ab alio ex dispensatione eius posse vendi beneficium sine simonia, dummodo non intuitu spiritualis iuris, quod in ipso est, sed intuitu temporalitatis vendatur. Hæc est communis sententia Canonistarum, quos refert, & sequitur Felinus cum Decio, & aliis in capit. *Ex parte* 1. de Offic. delegat. & Anani. cum Cardin. in cap. 1. de Simon. & Cardin. Alex. in capit. *Latores* 1. quæst. 1. a num. 29. Eadem habet Decius consil. 436. num. 10. & Jul. Clar. lib. 5. §. *Simonia* num. 5. dicens, esse magis communem sententiam. Quam etiam sequitur Navar. cap. 23. num. 108. §. *Nemo*, nam licet in septimo dixisset cum Theologi, beneficia non posse vendi, in nono subiungit, illud intelligendum esse quoad partem spirituales, quam habent, nam quoad temporariam vendi possunt, quod multis rationibus probat, præsertim contra Cajetanum, quem ait nimis metaphysice probare priorem sententiam, & multa sumere, quæ non probant.

1. Sententia
asserens
hanc si-
moniam so-
lum esse
contra ius
humanum.Impugna-
tur ex
Durand.

bat. Eandem opinionem tenet Ugolin. Tab. 1. cap. 3. §. 5. qui tamen loquitur semper de iure percipiendi fructus, ut distinctio a iure ministrandi spiritualiter, & separabili ab illo: & de illo ut sic separato dicit, posse vendi, quod, ut dixit, extra controversiam est, sed non attingit punctum questionis.

13 Potest etiam pro hac sententia referri Maior 4. d. 25. quest. 2. ad 2. dum ait, non esse simoniam (utique contra ius divinum,) si episcopus det beneficium alicui cum onere infundendi certam partem fructuum in aliquod opus, per aliquot annos, & consequenter posse etiam sine simonia computare simul illos fructus, & valorem illorum petere ab eo, cui confertur beneficium, libere beneficium præstando (scil. quoad spiritualia, & reliquos fructus) & ait, se ita sentire per consultationem habitam cum viris sapientibus: addit tamen, non esse faciendum propter speciem mali, & propter periculum, quod recipiens beneficium moriatur, antequam summam illam ex fructibus beneficii percipiat. At si hoc verum est, multo magis poterit Summus pontifex beneficia vendere, ratione habita ad sola temporalia. Referri etiam potest Thom. de Argent. ibidem art. 4. in 2. part. illius, quatenus regulam generalem constituit, vendendo annexum spirituale non committi simoniam, nisi vendatur, quatenus annexum est. Explicat autem, tunc vendi ut annexum, quando in venditione habetur respectus ad spirituale, & propter huiusmodi annexionem carius venditur ipsum temporale. Si ergo id, quod est temporale in beneficio, non vendatur hoc modo, sed secundum id, quod per se spectatum valet, non vendetur ut annexum, nec erit simonia.

14 Hæc sententia fundari potest primo in hoc, quod ius ad emolumentum temporale beneficii est diversum, & distinctæ rationis a iure spirituali, quantumvis coniuncta sint, & unum ab alio pendeat. Supposita autem distinctione, etiam si simul dentur, & separari non possint quoad translationem unius sine alio, nihil vetat, quominus unum sine alio vendatur. Ex his enim duobus principiis optime inferitur, non esse intrinsece malum, vendere ius ad temporale, si ponamus, solum illud vendi sine alio: nam possibili posito in esse, nihil sequitur impossibile. Probat ergo prima pars, primo ex terminis proximis: nam unum ius immediate ordinatur ad spirituales functiones; aliud proxime ad commodum temporale. Secundo ex origine, quia ius spirituale est aliquo modo ex iure divino positivo, vel formaliter, vel radicaliter: nam provenit a Christo, vel immediate, ut in pontifice, vel mediante pontifice, & aliis prælatis, seu pastoribus per potestatem illis a Christo datam: aliud autem ius partim fundatur in ratione naturali consequente ad primum ius, quatenus dignus est operarius cibo suo; partim est ex institutione ecclesiæ, supposita largitione fidelium vel voluntaria, vel præcepta. Tertio spirituale ius potius est onus, quam commodum temporale, aliud vero ius solum est temporale commodum. Unde in aliquibus beneficiis præsertim simplicibus illud prius non tam videtur esse ius, quam obligatio ad aliquid spirituale faciendum, ut ad assistendum in choro, vel ad officium divinum recitandum: aliud verum temporale non est obligatio, sed quasi præmium obligationis, & facultas moralis percipiendi tales fructus. Neque huic distinctioni videtur obstare, quod unum ius fundetur in alio: quin potius hinc colligitur aliqua distinctio, quia idem non fundatur in se ipso. Neque etiam bene colligitur esse unum ex eo, quod ius ad proventus non est nisi ratione officii, nam inde solum habetur, quod ius ad fructus oriatur ex titulo spirituali: unde potius inferitur distinctio. Quia in aliis etiam rebus ius in re aliqua, & titulis diversa sunt, ius enim est dominium aliquod, verbi gratia; titulus autem est ratio fundans illud dominium. Sic ergo hic fatemur, titulum spirituales esse, nihilominus tamen dicimus, in illo posse fundari ius temporale, quod est quid distinctum, licet cum illo coniunctum.

15 Alterum vero principium, scilicet, posse hæc separari in venditione, licet non separentur in traditione, concessione, & acceptione probantur. Primo quia intentio dantis, & accipientis potest facile illa discer-

nere, dummodo temporale secundum se æstimetur, & non augeatur eius pretium ratione tituli spiritualis, cui adiungitur, sic enim potest titulus spiritualis ex intentione utriusque partis gratis dari, & accipi, & nihilominus pro temporali pacisci: cur enim hoc repugnat ex sola rei natura, & seclusa prohibitione positiva? Confirmatur hoc exemplo iuris patronatus: nam secundum se vendi non potest; & tamen cum fundo, seu cum universitate vendita transire potest, & tunc etiam non censetur ipsum ius vendi; nam, ut infra dicam, etiam illud aliquo modo spirituale est, & venditio illius, ut tale est, intrinsece mala est; sed tamen quia semper est quid distinctum a fundo, licet illi inseparabiliter adhæreat, & cum illo transeat, non censetur vendi, vendito fundo, quando ex eo capite fundus non pluri æstimatur; ergo ex natura rei idem esset in beneficiis, nisi ecclesia prohibuisset; est enim eadem ratio. Dicitur, ius patronatus esse annexum spiritualibus antecedenter, beneficium vero esse annexum officio consequenter. Sed contra, primo quia licet ius patronatus sit antecedens respectu beneficii conferendi per præsentationem factam in vitalis iuris, respectu fundi est tanquam consequens; nam cum illo transit, & ratione illius comparatur: ergo in hoc est similitudo rationis. Immo quodammodo maior, nam in iure patronatus id, quod est spirituale, quasi nascitur ex temporali, in beneficio autem temporale nascitur ex spirituali: facilius autem videtur vendere fructum, non vendita radice, quam vendere radicem, quæ secum portet fructum, & non vendere fructum. Si ergo hoc non obstat, quominus vendito fundo, non vendatur ius præsentandi, multo minus obstat, quominus vendito temporali fructu, non vendatur spiritualis titulus, qui antecedit.

16 Ultra hoc etiam videtur parum referre, quod annexum temporale sit consequenter, vel antecedenter; dummodo inseparabilitas, & translatio unius cum alio interveniat, sicut invenitur etiam in calice consecrato. Nam magis coniuncta sunt in calice materiale, & spirituale, quam in beneficio. Nam ibi manente vase integro, non potest per ecclesiam fieri separatio, hic autem in rigore potest; & nihilominus in calice separantur quoad venditionem, & separatio solum fit intentione quoad mentem, & æstimatione materiæ quoad contractum, id est, ut ratione spiritualitatis non pluri vendatur; ergo ex natura rei idem esse posset in beneficiis. Nam quod in uno temporale sit antecedens, in alio consequens, non videtur referre, quin potius quando antecedit, videtur habere rationem causæ, & secum trahere id, quod spirituale est, & ideo magis quodammodo vendi effectus in causa, seu cum illa, & nihilominus intentio, & æstimatio ea separat; ergo etiam in temporali, quod se habet, ut consequens, & ut effectus, facilius poterit fieri separatio.

17 Dicunt vero aliqui, in beneficio temporale esse accessorium, & minus principale, in calice vero materiam esse principalem, & consecrationem quasi accessorium, & adiacens, in omnibus autem mistis attendendum esse id, quod est præcipuum, accessoriumque sequi ad principale, & non e converso: & ideo posse consecrationem transire cum calice, non vero officium cum beneficio. Atque ita quando beneficium venditur, non transit officium cum temporali vendito; ergo venditur ipsum, & cum ipso transit temporale. Sed in primis (ut in superioribus notavi) non recte dici videtur, etiam in calice consecrationem esse minus principale; sicut enim in artificialibus sæpe opus superat materiam, ita in his sacris semper consecratio superat materiam, cui adhæret, neque ideo non venditur consecratio, vendito calice, quia minus principalis est, sed potius quia dignior est, magisque inæstimabilis pretio, ac denique quia de facto non æstimatur. Deinde concesso toto eo, quod assumitur, inde nos inferimus contrario modo: nam, quia in beneficio temporale est accessorium ad spirituale, ideo vendito accessorio, non censetur vendi principale, sed in sua natura relinqui, ut gratis donetur. Sicut polluto cæmeterio, non censetur ecclesia polluta, quia est accessorium. Unde potius, vendito calice, videri posset vendita consecratio, tanquam accessorium cum principali, tamen revera non venditur,

ut temporale a iure spirituali,

Confirmatur exemplo iuris patronatus.

Subterfugio præceptum.

Consecratio sæpe superat materiam cui adhæret.

vel quia principalior est, vel certe (quod caput est) quia intentio contrahentium, & modus contrahendi potest separare accessorium a principali, & principale ab accessorio: sicut vendendo artificiatum, possum æstimare artem, gratis donando materiam: vel e converso gratis dare artificium, & materiam vendere, sive tale sit artefactum, ut in eo opus superet materiam, sive e contrario; semper enim res pendet ex voluntate, & æstimatione contrahentium.

Prob. alia ratione. 18 Unde tandem concluditur ratio alio modo formata, licet in idem redeat. Quia licet consideremus totum beneficium ut quid unum constans ex spirituali, & materiali, posset illud vendi, æstimando solum materiale partem, & non spirituale; ergo hoc non esset intrinsece malum, nisi esset prohibitum. Antecedens patet, quia illud pendet ex intentione, & modo æstimationis, ut ostensum est. Estque hæc res non valde metaphysica, sed moralis: nam id, quod est spirituale in beneficio, si non haberet temporale commodum, difficiliter acciperetur gratis, quam daretur, ordinarie enim cupiunt homines exonerare se illo onere: volunt tamen se in temporali commodum, vel incommodum indemnes servare: & ideo optime possunt velle gratis dare, quod spirituale est, vendere autem, quod est temporale. Recipiens vero licet videatur ita recipere onus spirituale, ut sine temporali commodum non esset recepturus, nihilominus illa tantum est quædam conditio sine qua non, non vero accepit pro temporali, tanquam pro pretio. Hic ergo modus vendendi unum totum ratione unius partis, & non ratione alterius nec speculative, nec practice repugnat. Consequentia vero, scilicet si hoc modo fiat, non inveniri intrinsece malitiam, patet, quia tunc non fit injuria rei spirituali, quia nec æstimatur pretio, nec est ratio venditionis, aut æstimationis rei venditæ, & consequenter nullo modo venditur.

Confirmat. 19 Et confirmatur: nam in ecclesia usitatum est, ut beneficia cum onere alicuius pensionis ab uno in alium transferantur, quod nunc fieri videmus auctoritate pontificis, & olim videtur potuisse fieri ab episcopis, ut colligitur ex capitul. *Constitutus*, de religiof. dom. Et si episcopis non esset prohibitum, non apparet, cur in suis episcopatibus id non esset eis licitum; ergo eadem ratione si prohibitio non esset, posset unusquisque privatus beneficium suum cum simili onere alteri tradere, licet institutio esset ab episcopo facienda: illa autem est quædam virtualis venditio emolumenti temporalis beneficii, quia est datio cum pacto oneroso. Eo vel maxime, quod ea pensio postea potest pretio redimi; ergo etiam a principio potuisset compensari, ut dicebat Major. Denique supra diximus, ita facere nunc pontificem in Auditoratu, & Clericatu Cameræ, & ita dicitur simpliciter hæc officia vendere, quamvis quoad principale spiritualia sint, & temporale sit annexum illis spiritualibus functionibus, & juri illarum, non antecedenter, sed consequenter, ergo, &c.

3. Opinio asserens simoniam esse contra jus Divinum vendere beneficium emulatum, seu eam tamen si beneficium sit simplex. 20 Tertia sententia media, & distinctione utens refertur solet ex Panor. in cap. *Extirpanda*, in Repet. §. *Qui vero*, de præbend. num. 53. & sequentibus, videlicet vendere beneficium simplex non esse simoniam contra jus Divinum, vendere autem beneficium curatum, vel maiorem habens jurisdictionem, esse contra jus Divinum. Ita refert sententiam panormitani Navar. supra d. ca. 23. num. 108. in fin. Et Ugolin. d. §. 5. num. 1. Et Covarru. d. Regul. *Peccatum*, 2. part. §. 8. num. 8. Et pro eadem refert Maior 4. distin. 25. quæst. 3. & Silvester verb. *Simonia*, quæst. 3. & alios Juristas. Refertur etiam Paul. Burgens. tract. de irregular. & dispensat. tit. de simonia, num. 23. Verum tamen Panor. illa distinctione non utitur, nec Major, aut Silvest. illam referunt, nec est verisimilis, si sermo sit de proprio beneficio, ut mox ostendimus. Cajetanus ergo in d. Opus. aliter refert sententiam Abbatis, neque ait, falsum dixisse, sed fuisse diminutum, quia inter beneficia invendibilia posuit illa, quæ habent ordinis, vel clavium executionem, & omisit ea, quæ ratione alicuius officii

Suarez. Tom. XII.

clericalis conferuntur, cum tamen illa etiam sint annexa rei spirituali: nam officium clericale non spirituali annexum, sed spirituale est, ut supra ostensum est, & docet Divus Thomas dicta quæst. 100. articul. 3. & 4. Et quia hoc beneficium, solum datur ad officium clericale, & non ad usum ordinis, vel clavium, simplex vocatur, & ideo fortasse priores auctores attribuerunt Panormit. quod dixerit, beneficia simplicia solum ex prohibitione ecclesiæ vendi non posse.

21 Sed ego in verbis Panormit. neque illum defectum, aut excessum invenio. Cum enim late probasset sententiam Theologorum supra tractatam, quod beneficium vendi non potest, quia est annexum potestati ordinis, & clavium, subdit inferius hæc verba: *Et prædicta putoprocedere, quando executio beneficii, vel officii concernit Divina*. Quæ verba sine dubio comprehendunt totum officium clericale: nam illud sine dubio concernit Divina. Addit etiam, *ut puta altaris administrationem, vel clavium executionem*. At vero sub altaris administratione comprehendit sine dubio totum clericale officium, quia totum ad altaris ministerium ordinatur aliquo modo, unde statim declarans, quid excipiat, inquit: *Secus autem si concerneret tantum administrationem temporalem, ut est videre in hospitali*. Solum ergo recipit, quando præbenda, vel redditus essent annexi alicui officio mere temporali, ut esse possunt. Tunc autem sine dubio exiit præbenda omni spiritualitate, & ideo laico dari potest, ut dixit Glos. in capit. *Cum M. de Constit. verb. Receperunt*, & declaravit idem Panormitanus in capitul. *Majoribus*, de Præbend. numer. 4. Et ita etiam annexi potest præbenda muneris pure temporali, ut verbi gratia, lectioni Grammaticæ, quam laicus legere possit. Tunc ergo clarum est, illam non esse materiam simoniæ contra jus Divinum, etiam secundum primam sententiam supra relatam. Cum ergo Panormitan. hanc solum exceptionem faciat, & exceptio firmet regulam in contrarium, plane nullam distinctionem facit inter alia beneficia, quæ titulo clericali dantur, quantumvis simplicia sint, & solum obligent ad officium aliquod clericale, sed omnia illa spiritualia esse intellexit, & ad ministerium altaris pertinere. Unde idem Panormit. in cap. *Consulere*, de simon. absolute dixit, simoniam committi in spirituali beneficio obtinendo; & infra ait, quicquid competit clerico ratione ordinis, esse ita annexum spirituali, ut vendi non possit.

22 Non oportet ergo hic tertiam opinionem distinguere, nam Panormitan. plane sentit cum prima sententia. Et illa distinctio de beneficio simplici, vel curato, cuiuscumque fuerit, in præsentii probabilis non est, quia in utroque est jus spirituale, & temporale emolumentum, & priori ratione neutrum vendi potest, parumque refert, quod illud jus sit aliud, majus, & nobilius in uno beneficio, quam in alio: nam etiam si sit minimum spirituale, materia est simoniæ juri Divino contrariæ. Si autem habeatur respectus ad temporalitatem, de utroque est eadem ratio. Præbenda autem annexa temporali muneris, non est beneficium, proprie loquendo, ut ex dictis in principio cap. constat, & inferius etiam dicitur, & ideo loquendo de beneficiis non oportet aliqua distinctione uti. Solum igitur superest, ut duas sententias relatas conferamus. Inter eas autem, licet magna sit in verbis contrarietas, fortasse in re tanta non est, quanta apparet. Ut tamen rem explicemus, & ex illa colligi possit proprius loquendi modus, dicemus prius, quid in hoc genere fieri possit a Summo pontifice sine vitio simoniæ, & quo titulo, ac modo: deinde quid possit fieri ab inferioribus, vel nunc dispensatis a pontifice, vel ex natura rei ablata prohibitione positiva.

23 Primo ergo potest Summus pontifex fructus beneficii, seu præbendam, ut temporale quid, a titulo clericali, & spirituali officio separare, & sic eam vendere sine simonia, sicut potest illam donare laico, etiam licite, si iustam causam, & rationem habeat, ut omnes fatentur, & constat ex dictis.

E e

Et

Defenditur
sur Panor.
mit. a casu
luminis.

Tertia
opinio
reijcitur.

Pontifex
potest
præbendam
separare
ab officio
spirituali,
& sic eam
vendere
sine simonia.

Et si quis attente consideret rationes, quas Navarrus adducit, plures earum solum hoc probant, scilicet posse papam sine simonia vendere præbendam separando illam a canonica, vel simili titulo: sed hoc revera non est vendere beneficium, ut ex dictis constat. Unde etiam infero, posse pontificem vendere beneficium, quod spirituale hæcenus fuit extinguendo spirituale officium, vel obligationem illius, quia tunc nihil spirituale vendit, quia in emptorem nihil spirituale transit, sed mere temporale. Et ita speculative id distinguendo, considerare possumus, ibi separari præbendam a titulo spirituali extinguendo illum, & deinde vendi præbendam, ac subinde non vendi beneficium.

Potest pō.
sifex dare
beneficiū
cum onere
solvendi
quotannis
partē fru-
ctuum be-
neficii.

24 Secundo, potest pontifex dare beneficium alicui cum onere solvendi quotannis sibi, vel alteri partem aliquam fructuum beneficii: hoc etiam indubitatum est, & constat ex usu ecclesiæ. Et ratio est, quia pontifex est supremus dispensator temporalium bonorum ecclesiæ, & ita potest fructus, qui ex humana institutione erant annexi titulo talis beneficii, ab illo separare, & sub alio, vel sine titulo spirituali conferre, & hoc facit, quando illo modo confert beneficium. Quare neque tunc venditur beneficium, quia illa pars fructuum non habet rationem pretii, quandoquidem nec erat ejus, cui beneficium confertur, neque ab ipso pensio illa ex bonis ejus exigitur, sed ex bonis ecclesiæ, vel beneficii vacantis alteri assignatur. Tamen quia non separatur in perpetuum a beneficio, sed ad tempus, seu ad vitam pensionarii imponitur beneficiato onus solvendi illam. Unde quoad illam partem ille solum fit tanquam administrator cum tali onere solvendi illam pensionario. Quod totum non fit a papa, ut a Domino illorum bonorum, & ideo non habet umbram venditionis, sed fit, ut a supremo dispensatore. Et si applicat sibi pensionem, non accipit pretium, sed partem suæ congruæ sustentationis ex bonis ecclesiæ, & sub eadem ratione applicat alteri.

Probabile
est posse
pontificē
æstimare
valorem
pensionis,
quam be-
neficio
imponit
& eum si-
mul acci-
pere.

25 Tertio probabile mihi est, posse pontificem, quando præbet beneficium cum pensione, æstimare simul temporalem valorem illius pensionis, & illum simul recipere pro se, vel pro alio ab eo, cui beneficium confert. Hoc dixit de episcopo Major supra: sed de pontifice multo est id verisimilius, ut aperte declarat Adrian. dicta solut. ad nonum dicens, sicut auctoritate papæ potest prius dari beneficium pro pensione, & postea redimi pensio, ita ejus auctoritate potest a principio intervenire pecuniam. Immo ibidem ait, eadem papæ auctoritate posse permutari beneficium pro officio temporali ecclesiastico, ut notarius, non unum pro alio commutando, sed utrumque in se suscipiendo (ut sic dicam) & dispensatoria providentia distribuendo. Illud etiam de pensione, & redemptione ejus simul facta admittit Sor. d. qu. 7. art. 2. ad fin. in corp. & licet Cajetan. Opusc. 17. Respon. 10. videatur contradicere, fortasse non intelligit in ordine ad pontificis potestatem absolutam.

Ratio af-
fessionis.

26 Ratio denique est, quia illa pensio beneficio imposita, vel imponenda, aut est mere temporalis, quia sine titulo spirituali alicui applicatur, & illa potest redimi ratione temporalitatis, quam habet, ut infra dicemus. Ergo potest a principio & imponi, & redimi, quod fit per dictum modum conferendi sub tali onere. Parum enim refert, quod illa duo formaliter intercedant, vel virtute, vel quod temporibus distinctis, aut simul fiant, quandoquidem moraliter rem spectando, in idem redit. Et confirmatur, quia ibi non potest dici vendi beneficium, quia id quod postulat, & accipitur a beneficiato, non petitur, ut pretium beneficii, nec quoad partem spirituales, nec etiam quoad partem præbendæ, quæ ad illam pertinet, sed pro parte fructuum, quæ in pensionem imponi censetur, & virtute imponitur.

Difficul-
tas pro-
ponitur.

27 Sed contra, quia hic modus conferendi beneficium non videtur purus a venditione illius: quia licet pensio imponi, & voluntate redimi possit, tamen cogere beneficiatum, ut & pensionem accipiat, &

simul eam redimat, totumque valorem simul conferat, ad contractum omnino onerosum, & alienum ab omni actu dispensandi bona ecclesiastica, esse videtur. Et declaratur ab incommodo, quod Maior tetigit; nam ille, qui sic recipit beneficium, cogitur exponi periculo perdendi pecuniam, quam præbet, si prius moriatur, quam ex fructibus beneficii illam recuperet; ergo illud onus est pretio æstimabile, & beneficium revera datur pro aliquo pretio. Denique constat juxta communem usum, & sensum curiæ Romanæ, Clericatum cameræ, & auditoratum vendi a pontifice, & tamen supra dicebamus non aliter vendi a pontifice, quam reservando sibi partem proveniunt illorum officiorum, & valorem illius computando, & simul exigendo; ergo si quidpiam simile fiat in beneficio, revera vendetur.

Confirma-
tur ducto
exemplo
auditorat-
us, & cler-
icatus
cameræ.

28 Respondeo, hoc ipsum exemplum cogere nos, ut dicamus, hunc modum dandi beneficia cum onere alicuius pecuniæ non esse intrinsece malum, sive appelletur venditio beneficii, sive quolibet alio modo. Probat, quia licet illa officia Cameræ Apostolicæ non dicantur beneficia: quia fortasse emolumenta eorum non sunt ex propriis ecclesiasticis redditibus, ex quibus instituta sunt beneficia, sed ex aliis stipendiis, vel salariis a pontificibus designatis: nihilominus in duobus, quæ ad rem præsentem maxime spectant, cum beneficiis conveniunt. Unum est, quod fundamentum illorum officiorum spirituale est, nimirum jurisdictio ecclesiastica, quæ pro illa communicatur, unde functiones illorum munerum spirituales sunt, utpote actus jurisdictionis ecclesiasticæ etiam spiritualis, nam excommunicant, absolvent, &c. Unde etiam sunt invendibiles, ut supra dictum est. Aliud, in quo conveniunt cum beneficiis, est, quod emolumenta temporalia illorum officiorum sunt spiritualibus annexa consequenter, quia dantur propter officium, sicut de beneficio dicitur ca. ult. de Refc. in 6. id est, propter spirituales functiones officii; nascuntur ergo illi proventus ex titulo, & actione spirituali; ergo sunt illis annexi consequenter, seu dependenter ab illis. Si ergo in illis officiis non est per se malum, nec contrarium juri Divino illa tradere pro pecunia illo modo, profecto nec in beneficiis est contra jus Divinum.

Satisfit;

29 Neque ego invenio, quid possit huic paritati rationis responderi. Nam, quod temporales proventus sint ex redditibus ecclesiasticis, vel ex aliis stipendiis, nil refert, quia ratio simoniæ non oritur ex qualitate bonorum temporalium, sed ex hoc, quod detur pretium pro titulo, vel officio spirituali; si enim hoc fiat in utroque officio, aut beneficio, simonia erit: si autem in illis officiis separatur venditio emolumentum temporalis a venditione spiritualis tituli non obstante annexione consequente, profecto etiam in beneficio separabilis erit. Quod si separaretur, jam non erit simonia, etiam si temporale illud emolumentum ex redditibus ecclesiasticis resularet, ut per se notum est. Est ergo æquiparatio evidens, nisi forte illa munera aliquid aliud temporale coniunctum habeant, non per se, nec consequenter, sed per accedens, & concomitantem annexum cum munere spirituali, ratione cuius vendi possint. Ut si fortasse habent etiam temporalem jurisdictionem adiunctam in ditione papæ, vel aliquid simile, de quo mihi non constat; & ideo pro certo habeo, stando præcise in ratione posita, & in titulo exigendi pretium, seu pecuniam, actionem non esse simoniacam contra jus Divinum.

Ratio pe-
nitia ab au-
ditoratu
& Clerica,
tu Cameræ
urgetur.

30 Ad objectionem ergo respondeo, illam non esse propriam venditionem beneficii, sed esse impositionem cuiusdam oneris temporalis, quam pontifex in beneficio facere potest, simul cum redemptione eius antecedente, quæ redemptio, licet venditio sit, non est venditio rei spiritualis, ut constat, nec est venditio rei temporalis annexæ rei spirituali, quia illud onus non est per se annexum titulo beneficii, immo per impositionem talis oneris separaretur pars reddituum a titulo beneficii, ut etiam per se notum est. Neque etiam obstat, quod papa nolle dare beneficia

Solvitur
obsectio
supra fa-
cta asseren-
do, illud
non esse
vendere
beneficiū,
sed im-
ponere onus
tempora-
le.

beneficia, nisi volenti statim redimere pensionem, quia cum ibi sint duo, datio, & acceptio beneficii, & virtualis impositio, ac redemptio pensionis, unum non miscetur cum alio, etiam si simul fiant: & prior datio gratuita manet, etiam si papa noller etiam gratiam facere, nisi volenti acceptare redemptionem pensionis. Sicut si Petrus nolit mutare Paulo pecuniam, nisi Paulus velit sibi vendere triticum, non est usurarius, dummodo non exigat obligationem in futurum, sed tantum actum præsentis venditionis pro justo, & adæquato pretio; tunc enim non exigit pro mutuo aliquid pretio æstimabile, quia vendere rem justo pretio non est res æstimabilis novo, & speciali pretio magis, quam mutuum, sed solum est concomitantia duorum contractuum, vel actionum, quas potest quis velle simul facere, & non unam sine alia. Sicut potest quis velle mutare triticum alteri, si ipsi mutuet vinum, & non alias, & sic de aliis, juxta doctrinam D. Thom. 2. 2. q. 78. art. 2. ad 4. Ita ergo in præsentem, licet officium non detur sine redemptione temporalis oneris, non ideo venditur officium, sed gratis datur, simulque venditur temporale emolumentum jam quodammodo separatum ab illo officio ex voluntate pontificis, qui potest illa separare, & onus imponere.

Respon. detur ad confirmationem sumptum ex incommodo; 31 Ad confirmationem autem sumptam ex incommodo respondetur, illud pertinere ad justam compensationem faciendam inter commodum, & periculum, ut exactio nimia non sit, quod in omni redemptione pensionis, vel oneris vitalitii servandum est, servata autem æquitate, inde non redundat aliquod onus respectu spiritualis officii, quominus gratis conferatur. Ad ultimum consequenter censeo dicendum proprie, & simpliciter loquendo revera non vendi illa officia, sed ipsa gratis conferri cum diminutione emolumentum respectu accipientium. Quam diminutionem pontifex posset facere, vel minuendo stipendia, vel partem sibi reservando, ne autem illa diminutio fiat, pretio redimitur ab accipientibus talia officia, illud autem vendibile est, & pontifex jus habet ad illud vendendum, quia supponimus, posse justè illam partem emolumentorum sibi reservare. Quod si vulgo illa officia vendi dicuntur, est etiam vulgari modo, & materialiter rem spectando, non secundum veram, & moralem rei proprietatem. Hoc tamen exemplum declarat, quod licet in hoc modo dandi beneficia, exigendo pretium modo explicato, in hac tertia assertione non sit in rigore simonia: merito pontifices nunquam illum usurparunt in beneficiorum provisione, quia habet magnam speciem venditionis, quæ licet in uno, vel alio officio quasi proprio ipsius pontificis possit permitti sine simonia, vel gravi incommodo, in beneficiis generaret magnum scandalum, & viam ad infinita mala aperiret; ideoque licet in rigore non sit illa simonia contra Divinum jus, omnino vitanda est: & hoc fortasse docere voluit Caietan. supra, & Soto, ac Mai. id non negant.

Media ali. qua separatione præbendæ, seu fructuum, quoad aliquam partem eorum partem, posse pontificem cum exactio alicuius pecuniæ dare beneficium, nulla vero facta separatione non posse, & ita absolute loquendo non posse vendere beneficium. Sic conciliantur opiniones supra relatæ, juxta Adria. Nava. & alios. Nam prior procedit juxta hanc posteriorem partem, altera vero juxta primam partem assertionis. Et si Caiet. attente legatur in d. qu. 100. art. 4. plane admittit priorem partem huius assertionis. Quæ quidem satis probata, & declarata est ex dictis. Nam de separatione formali procedunt prima, & secunda assertio, virtualis autem separatio declarata est in tertia. Et potest etiam aliis exemplis declarari: nam si pingue beneficium pro tenui commutetur, potest pontifex concedere, ut pensione aliqua imposita super beneficium pingue, excessus temporalis compensetur, illius tantum ratione habita, ut quotidie fit: ergo etiam potest concedere, ut data a principio certa pecuniæ summa pensioni moraliter æquivalenti commutatio fiat, quia sicut potest postea concedere redemptionem pensionis, ita potest uno actu utrumque

Suarez. Tom. XII.

concedere, & tunc dicimus, fieri virtuales separationem, quod tenent Soto, & alii supra allegati, & quos infra tractando de permutationibus beneficiorum afferemus, ubi hoc punctum latius declarabimus. Denique hanc partem probant omnia adducta pro secunda sententia.

33 Et ratio est, quia papa est supremus dispensator bonorum ecclesiæ, & ideo sicut re ipsa potest separare redditus ab spirituali titulo, ita mente, & intentione, & voluntate potest separare temporale ab spirituali, & ita compensare temporale cum temporali, & spiritualia vel gratis, vel pro spiritualibus conferre. Aliqui etiam hoc declarant, quia papa potest separare in re ipsa temporales redditus ab spirituali titulo, & dare spirituales titulum sine jure ad temporalia; ergo quando dat alicui spirituales titulum, potest ab illo exigere summam pecuniæ, ut relinquat illos redditus annexos illi titulo, & non illos separet, vel ut separatos uniat. Sed ego non tam facile hoc admitterem; tum quia cum illa competat pontifici per supremam potestatem spirituales, illud plane esset vendere usum suæ potestatis, quod est contra Divinum jus: tum etiam quia emere a papa, ut fructus maneat uniti beneficio, est emere, ut semper liceat acquirere jus ad illos fructus mediante spirituali ministerio; hoc autem est vendere ministerium ipsum, ut statim dicemus. Denique ipsamet annexio talium fructuum ad spirituales titulum, spirituales quid est, tam quoad potestatem, a qua manat, quam quoad terminum spirituales, qui ibi necessario involvitur, quam etiam quoad finem, qui est, ut spiritualia conservari possint, ut dicitur in d. c. *Si quis objecerit*, l. q. 2. ergo pro conservanda annexione fructuum, vel restituenda, aut denuo facienda, non potest pretium dari, vel accipi etiam a papa. Solum ergo potest temporale ipsum separari, & ut sic compensari, & pretio redimi auctoritate pontificis.

34 Jam vero probatur altera pars conclusionis. Et in primis in illa procedunt rationes omnes pro communi sententia Theologorum adductæ. Et deinde explicantur in hunc modum, quia si beneficium non separatur ab officio spirituali, quando venditur beneficium, pretio emitur facultas obtinendi illos redditus, & jus ad illos mediante spirituali ministerio; ergo emitur, & venditur ipsum spirituale ministerium, saltem ut medium necessarium ad temporalia acquirenda. Declaratur primum in hunc modum, quia ante exhibitum spirituale ministerium non est acquisitum jus ad temporales redditus veluti directe, & immediate in ipsis, sed tantum virtute in ministerio spirituali, quatenus is, qui possidet beneficium, habet jus ministrandi, & per spirituale ministerium consequendi proprium, & formale jus ad temporales redditus; ergo vendere illud ius ad redditus quasi radicale, est vendere ipsum ministerium spirituale. Atque in hoc cernitur magna differentia inter hæc temporalia, ut annexa consequenter, vel antecederet; & solvuntur fere omnia, quæ pro prima opinione adducta sunt, si contra hanc obijciuntur. Denique declaratur, quia si papa non separet fructus beneficii ab ipso beneficio, sed velit semper, ut sint stipendium sustentationis debitæ pro spirituali munere, si hanc ipsamet sustentationem vendat, convincitur vendere ipsum spirituale munus, etiam si ipse dicat, se id non intendere. Nam vendit rem annexam spirituali muneri, ut annexa est, id est, ut est sustentatio debita ratione talis ministerii spiritualis; ergo necesse est, ut venditio aliquo modo attingat rem ipsam spirituales, & in illam cadat. Et hoc etiam bene confirmat cap. *Si quis objecerit*, quod aliqui interpretantur de annexis tantum concomitanter, sed aperte loquitur etiam de beneficiis, ut supra vidimus. Alii vero, ut Ugolin. & Navar. indicant, exponunt regulam illam, qui unum vendit, aliud invenditum non relinquit, intelligi secundum præsumptionem iuris, non secundum veritatem. Sed non placet, quia secundum rei veritatem, & rigorem loqui videtur papa, cum dicat, *penitus desipere*, quia illud negat, & cum exemplum adducat de corpore, quod sine anima vivere non potest, quod non ex præsumptione dicitur, sed ex veritate rei. Loquitur ergo

Ratione probatur

Probat. 3. pars conclusionis

de temporali ita annexo; ut non nisi per spirituale comparari possit: nam qui tale temporale vendit manente annexione, non potest non aliquo modo vendere ipsum spirituale: secus vero est, quando sit formalis, vel virtualis separatio, ut declaratum est.

35 Quinto ex his a fortiori constat, inferiores prelatos non solum non posse vendere beneficia ecclesiastica sine simonia contra Divinum jus, verum etiam nec posse aliis modis, vel titulis explicatis pecuniam exigere pro beneficio, etiam intuitu temporalis incommodi. Ita docent fere omnes, & patet breviter prior pars, quia ostensum est, beneficium ut sit, id est, ut annexum spirituali titulo, non posse vendi sine simonia etiam a papa; ergo multo minus ab inferioribus. Ratio vero alterius partis est, quia episcopus non potest disjungere fructus beneficii a beneficio, & consequenter non potest de illis, ut de mere temporalibus disponere, nec facere, ut jus ad illos acquiratur, nisi medio jure, & ministerio spirituali; ergo non potest præbendam, vel partem ejus vendere, nisi vendendo spirituale. Consequentia patet ex dictis, & antecedens probatur, quia jure communi statutum est, ut beneficia sine diminutione conferantur in proprio titulo; & in c. *Prohibemus*, de Censib. prohibentur episcopi partes reddituum beneficiorum suis usibus applicare, aut ecclesiis nova onera imponere. Idem sumitur ex cap. ult. r. qu. 3. cap. *Majoribus*, & cap. *Vacante*, de præb. Est autem hæc prohibitio de jure positivo, ut constat. Unde illa seclusa possent episcopi in suis diocesis separationem facere, & ita etiam possent sine simonia sibi, vel alteri ex justa causa applicare temporale emolumentum, & consequenter illud per se spectatum vendere. Sed hoc merito prohibitum est, quia esset in magnam ecclesiæ perniciem, ut in prædictis juribus satis significatur.

36 Solum potest interrogari, an nunc etiam non obstantibus his prohibitionibus juris positivi, licere possit episcopo aliquod onus pecuniæ imponere cupienti beneficium obtinere, eo modo, quo id affirmat Major supra relatus. Videtur enim id posse fieri aliquando licite: nam multorum Canonistarum opinio est, posse episcopum imponere temporalem pensionem illi personæ, cui confert beneficium, ut tenet Gigas qu. 6. de pension. cum Innoc. Imol. Felin. Anchar. Oldrado, Decio, Anton. & aliis, quos citat. Quod etiam tenet, & late probat Gambar. de Officio, & potestate legati lib. 6. c. 77. Et videtur posse probari ex cap. *Constitutum*, de relig. domib. & cap. *Cum venisset*, de restit. spoliat. & cap. *Veniens*, cap. *Decretum*, de transact. Illud ergo onus personæ impositum in collatione beneficii temporale quid est, & pretio æstimabile. Dices, non esse per modum pretii, nec ex bonis recipientis beneficium, sed esse per applicationem alicujus partis fructuum beneficii ad aliquod pium opus. Sed esto, hoc ita sit, sequitur ulterius, posse episcopum computato valore illius annuæ pensionis simul in principio collationis valorem illum exigere a recipiente beneficio, ut Major concedit.

37 Respondeo in primis, hoc non videri contra jus Divinum, nec continere veram simoniam, si pure fiat, & sana intentione, justaque ex causa, & cum sufficienti potestate, ut de pontifice diximus, et sique eadem ratio de episcopo in sua diocesi in casibus sibi a jure concessis, ut de transactionibus infra dicemus. Secundo hic non tractamus nunc, an episcopi possint imponere pensiones in beneficiis attento jure ecclesiastico; supponimus tamen ordinarie non posse propriam pensionem super ipsis beneficiis imponere, quia non possunt beneficia diminueri, & ita non possunt dividere beneficium, & pensionem quasi adhaerentem illi imponere, ita ut duret, quandiu pensionarius vixerit, etiam si beneficiarius moriatur. Hoc enim est prohibitum episcopis jure communi, ut patet ex Decretis allegatis, & ex cap. *Nisi*, de præb. in fin. Possunt tamen, quando ecclesiam sui juris a sua dignitate separant, aliquid in recognitionem antiqui juris, & superioritatis suæ Sedi reservare, qui est casus dicti cap. *Constitutus*, ut ibi communiter exponitur, & ita ad præsentem

casum nihil refert. Aliquando etiam licet episcopis imponere pensionem personalem (ut sic dicam) in casibus in jure concessis, ac declaratis, ut maxime videntur esse transactiones, & concordæ litium; nam in his casibus loquuntur fere jura citata. Et interdum fortasse possunt reservare pensionem ad vitam renunciantis propter senium, post diuturnum ecclesiæ servitium: de quo aliquid in sequentibus attingemus.

38 Sexto, ex his facile constat, quid dicendum sit de privatis personis possidentibus beneficia: clarum enim est, ex vi juris Divini esse illis prohibitum beneficia vendere, etiam si sua esse videantur, quia sunt sua vel secundum quid, scilicet quoad ministerium, & usum fructum, vel saltem cum hac limitatione rebus spiritualibus intrinseca, ut vendi non possint, sed gratis danda, si ea possidens illa conferre velit. Unde addere possumus, in his privatis personis ita esse malam venditionem proprii beneficii, ut licet jura Canonica eam non prohiberent, illicitum eis esset vendere beneficium, seu præbendam, aut partem ejus etiam intuitu solius temporalitatis. Quia in privata persona nulla est potestas faciendi separationem unius ab alio, nec formaliter, nec virtute, neque ullo modo; dictum autem est, non facta separatione, non habere locum venditionem sine simonia, ergo.

39 Dices, beneficiarius potest locare fructus sui beneficii ad aliquos annos, & secluso jure humano prohibente, posset locare ad vitam suam: sed locatio est æquivalere quædam venditio præbendæ pro illis annis; ergo jam licet illis aliquo modo vendere præbendam. Unde ulterius posset beneficiarius, stando in Divino jure, vendere partem fructuum sui beneficii pro toto tempore vitæ suæ, accepto simul pretio, & valore illius, & postea dare beneficium alteri cum sola altera parte fructuum, & consequenter etiam posset ab eodem, qui confert beneficium, prius exigere, ut emeret partem fructuum totius vitæ suæ, & ita virtute venderet beneficium quoad temporalitatem ejus. Respondeo, non posse privatum beneficiarium, etiam stando in Divino jure, ita locare fructus beneficii, ut illos separet a titulo beneficii, quia ad hanc separationem nullam habet potestatem, nam cum annexio facta sit auctoritate ecclesiæ, contra Divinum jus, & contra rationem naturalem, ut a privata persona possint separari sine auctoritate publica, & gubernativa. Quantumvis ergo locentur fructus, annexi manent beneficio, & ad illum per se primo pertinent, qui titulum habet beneficii; conductor vero tantum vice illius colligit fructus, & ita ex vi contractus illius, soli fructus venduntur in ordine ad illum statum, quem habent, postquam sunt recepti, & sub privato dominio beneficiati.

40 Quocirca si durante tempore, pro quo fructus sunt locati, prior beneficiarius moriatur, & alius succedat, fructus sequentis temporis ad successorem pertinebunt, & illi tenebitur conductor solvere pretium, & nomine, ac vice illius colligit fructus, Ideoque falsum esse existimo, quod in altero casu supponitur: nam etiam stando in jure Divino non potest privatus possessor beneficii locare, seu vendere fructus sui beneficii futuros per multos annos, vel pro toto tempore vitæ suæ, & accipiendo simul pretium omnium illorum fructuum, ita ut ex vi huius contractus præiudicet successor, privando illum tali parte fructuum pro toto illo tempore, etiam si liberaliter dimittat beneficium post priorem venditionem. Quia privatus possessor beneficii ex ipsa natura talis rei nullam habet potestatem, aut ius ad talem venditionem faciendam. Probatur, quia ipse ex vi beneficii solum habet ius percipiendi fructus ratione spiritualis ministerii; ergo solum mediante hoc titulo, & ministerio consequitur fructus; ergo non potest fructus vendere pro illo tempore, pro quo non est habiturus titulum, vel ministerium spirituale, quia nullum jus habet in illos fructus, nec beneficium illud confert, quia solum dat jus ad fructus, mediante tali titulo, seu ministerio.

Privatis personis ex jure Divino prohibetur esse vendere beneficia.

Difficiliter.

Enodatur resolviturque, ad posse beneficiarii eam stando in Divino jure ita locare fructus ut illos separet a titulo beneficii.

Prælati inferiores nec possunt vendere beneficia sine simonia contra jus Divinum, nec pecuniam exigere pro beneficio aliis titulis explicatis.

An episcopus possit modo, non obstante jure positivo imponere onus pecuniæ cupienti beneficium.

Satisfit.

Episcopi non possunt imponere pensiones in beneficiis.

Et confirmatur, quia illa præbenda integra est per ecclesiam deputata, ut sit stipendium sustentationis ejus, qui tale beneficium habuerit: ergo non potest privatus diminuerè illud stipendium pro tempore futuro, & pro suo successore.

Concludi. **Utrum simonia esse in privata persona aliquid postulare ab eo, cui beneficium confertur.**
41 Unde tandem concludo, in privata persona semper esse simoniam hoc colore, vel titulo aliquid postulare ab eo, cui beneficium conferre vult. Itaque vendere alicui futuros fructus illo modo, accepto simul pretio cum animo relinquendi beneficium, si per se fiat, id est, non dando beneficium emptori, non est simonia, sed injustitia, quia non venditur spirituale, sed temporale, ad quod nullum jus, seu dominium habet. Et ita facit injuriam vel emptori, si decipiat illum, vel successori, & ecclesiæ, si per vim faciat, ut successor beneficii illis fructibus privetur. At vero si beneficium detur alicui, accipiendo pecuniam ab illo sub eo colore, quod vendit fructus futuros, vel quod posset vendere, & non facit, tunc simonia committitur contra Divinum jus. Probat, quia vendit fructus, ut postea obtineantur a tali persona titulo beneficii; ergo vendit titulum beneficii, ut supra ostensum est. Nec excusabitur a vera simonia, etiam si dicat, se non intendere vendere titulum, sed meros fructus, nam de facto vult vendere fructus ut percipiendos spirituali titulo, nec ipse potest eos separare, aut aliter transferre; ergo velit, nolit, convincitur vendere spiritualem titulum. Est ergo semper hæc simonia propria, & contra jus Divinum in privatis personis.

Objeccio
42 Dices: Beneficiarius privatus, cum se privat beneficio, ut alteri tribuat, incommodum, & jacturam patitur in temporalibus; ergo saltem poterit ab aliquo exigere aliquid ratione illius incommodi, quod patitur: nam illud pretio æstimabile est, nam est quoddam temporale detrimentum. Respondeo, supposito jure positivo, hoc non habere locum, quia hæc omnia sunt prohibita, ut constat, meritoque ordinatum est, ut quisque vult hanc jacturam non pati, suum beneficium retineat: vel si rationabilem causam habet renunciandi, & non potest sine temporali incommodo, a prælato habente potestatem remedium postulet, quia alias aperiretur via innumeris fraudibus, & simoniis. At vero stando in solo Divino jure, probabile est, illud non esse intrinsece malum propter rationem factam. Et confirmatur alio simili exemplo: nam parochus, v.g. non potest suam jurisdictionem pro pretio delegare, nec licentiam, quam dat alteri clerico ad administranda Sacramenta in sua ecclesia: si tamen ipse inde jacturam patiatur, & privetur multis proventibus, poterit se indemnem servare, & conditionem apponere, per quam proventus sibi reserve, vel justam eorum partem, quia tunc non vendit spirituale, sed redimit damnum temporale, ut bene docuit cum Vervec. Silvester ver. *Simonia*, quæst. 8. vers. *Secundum*, Ugol. Tab. I. c. 36. §. 3. num. 4. Ergo similiter, &c. Nihilominus in beneficiis probabilius videtur, ex natura rei hoc etiam non licere, quia in beneficio sunt onus, & commodum: & commodum ex institutione ecclesiæ est tam annexum oneri, ut ab illo disjungi non possit, nec jus ad illud acquiri, quatenus temporale est, nisi mediante onere spirituali. Ergo qui utrumque voluntarie dimittit, non potest pro temporali incommodo aliquid exigere, cum illa jactura sufficienter recompensetur cum oneris, & obligationis carentia, cumque ex illa recompensatione sequatur necessario divinitus in sustentatione pro ministerio beneficii ab ecclesia designata. Quare ex natura rei videtur necessarium, ut illa recompensatio fiat ipsius ecclesiæ auctoritate. Nec est simile in altero exemplo de parcho: nam parochus nunquam dimittit suum titulum, licet alteri det licentiam, & ideo semper in illo manet fundamentum illorum proventuum, seu emolumentorum; & ideo merito potest se indemnem servare: qui autem beneficio renunciat, nullum titulum retinet, ut possit illam recompensationem accipere.

Probabilis iudicatur esse hoc intrinsece malum.

CAPUT XXV.

Utrum præstimoniam sint materia simoniæ contra jus Divinum, vel humanum?

Ratio dubitandi esse potest, quia hæc non sunt ecclesiastica beneficia; quamvis enim per illa conferatur aliquod jus ad portionem aliquam ecclesiasticorum reddituum, non tamen pro spirituali titulo: ergo non sunt beneficia, nam (ut diximus) de ratione beneficii ecclesiastici est spiritualis titulus: ergo non sunt hæc materia simoniæ. Probat consequentia, quia neque sunt spiritualia in se, ut per se notum est: neque spiritualibus annexa, quia licet fortasse illi redditus interdum fuerint annexi spiritualibus, jam in his separati sunt ab omni spirituali titulo: ergo illa vendere, non est simonia contra jus Divinum, ut per se etiam patet. Neque etiam contra ecclesiasticum, quia in generali prohibitione vendendi spiritualia, vel eis annexa, vel beneficia, non continentur, ut ex ratione facta colligitur, nec de illis in particulari specialis prohibitio invenitur. In contrarium vero est communis usus, & sensus ecclesiæ, nunquam enim hæc vendi consueverunt.

Ratio dubitandi

3 De his præstimoniis controversia est, an sint propria beneficia, necne? Quidam enim negant, ut Joannes Andr. in cap. un. de Rerum permut. in 6. cum aliis, quos infra referam tract. sequent. lib. 4. de oratione, cap. 21. Alii affirmant, simpliciter esse beneficia. Quod tenet Hostiens. in cap. *Postulasti*, de Rescript. num. 9. & 10. & Oldra. conf. 81. & alios referam citato loco. Nonnulli vero distinctione utuntur, nam quædam dicunt esse præstimoniam, quæ solis clericis, & cum aliquo spirituali titulo, & onere dantur, & perpetua sunt, alia vero, quæ dantur etiam laicis solum ad studium, vel militiam, & de prioribus fatentur esse beneficia, quod est clarum de posterioribus negant. Ita Hogeda 2. part. de beneficiis incompatib. cap. 8. num. 12. ubi alios refert pro his omnibus opinionibus. Ego vero, ne distinctio hæc confusionem pariat, censeo, non esse vocanda præstimoniam illa, quæ laicis dantur mero titulo temporali: nam hæc non solent communi usu loquendi præstimoniam, sed potius pensiones appellari; nam propria præstimoniam saltem primam consensum postulant, ut persona sit illorum capax, ut omnes fatentur, & usus probat. Item præstimoniam non sunt personalia, aut vitalitia, sed perpetua, quando enim vacant per mortem habentium, non extinguuntur, sed conferri possunt, & debent aliis per ecclesiasticum prælatum: hoc autem non opinor inveniri in pensionibus, quæ laicis conceduntur ad militiam, vel studium, & ideo non possunt dici præstimoniam, sed pensiones: de illis ergo dicemus in puncto sequenti. Hic ergo tantum vocamus præstimoniam illa, quæ sunt perpetua, & clericorum propria. Et de illis adhuc res dubia fuit olim: An sint beneficia, necne? Quia ad rationem beneficii non sufficiunt illæ proprietates, quas attigimus, nisi dentur ad aliquam spiritualem functionem; non constat autem hoc de his præstimoniis, ut in citato loco latius dicam.

An præstimoniam sint propria beneficia

Præstimoniam sunt vocanda, quæ laicis dantur

Quæ propria præstimoniam dicantur

3 Aliqui vero in proposito censent, eo ipso quod præstimonium solis clericis dari potest, esse materiam simoniæ, nec vendi ulla ratione posse, sive sit proprium beneficium, sive non, id est, sive sit institutum propter spiritualem functionem, sive solum ad alendos pauperes clericos in studio, ut postea possint ecclesiæ inservire. Ratio est, quia jam sunt annexa illa bona alicui rei spirituali, scilicet, ordini clericali, saltem primæ rationis, quæ etiam spiritualis est. Et videtur favere D. Thom. dicto art. 4. nam connexionem hanc explicat: per hoc, quod aliquid non competit, nisi habenti officium clericale. Et eodem modo loquitur Cajetan. in dicto tract. 9. tom. 2. Opusc. quæst. 1. Sed revera si hæc præstimoniam nullum haberent annexum alium spiritualem titulum, illud non sufficeret ad materiam simoniæ consti-

Quidam dicunt præstimoniam esse materiam simoniæ eo ipso, quod solis clericis dari possit.

Impugnatur eorum opinio.

quendam saltem ex vi juris Divini. Quia tale præstimonium revera non esset verum beneficium propter illam solam conditionem. Quia licet tonsura esset necessaria ad tales fructus percipiendos ex ecclesiæ ordinatione, nihilominus fructus non darentur ratione tonsuræ, sed ratione studii, verbi gratia, vel ad studendum. Unde ex illo solo capite non potest proprie dici, temporale esse annexum spirituali consequenter, quia illi fructus non sequuntur ex tonsura, nec ratione illius debentur, sed solum se habet tonsura tanquam conditio, quam jus prærequirit, ut subiectum sit aptum ad recipiendum illud temporale, quod non videtur satis ad propriam connexionem. Sicut si quis instrueret certas portiones ad alendos clericos pauperes in studio, & non alios; non ideo dicerentur illa bona annexa spiritualibus, si nihil aliud spirituale ab eis exigeret. Addendum ergo est, hæc præstimonium revera habere titulum spiritualem, cui temporalia illa annexa sunt; nam saltem obligant ad officium Canonicum, quod satis est ex omnium sententia: nam est clericale officium. Et ideo Divus Thomas non dixit, habenti clericalem tonsuram, sed habenti clericale officium, & ita etiam exposuit bene Cajet. Et licet olim fuerit dubium de illa obligatione, hodie dubitari non potest, ut citato loco ostendam.

Præstimonium esse materiam simoniarum, resolvitur

4 Sic ergo certa resolutio: Præstimonium, si proprie, & secundum communem usum illius vocis loquamur, esse materiam simoniarum, & vendi non posse, eodem modo, quo cætera beneficia. Ita docet Hostiens. supra cum aliis relatis; & Sor. lib. 9. de Just. quæ. 7. artic. 1. Et probatur primo, quia sunt beneficia ecclesiastica licet simplicissima: ostensum autem supra est, quoad hoc esse eandem rationem de beneficiis simplicibus, & cæteris. Secundo ex consuetudine sumitur efficax argumentum, quia cum magna sit cupiditas obrinendi beneficia, & præsertim ea, quæ simpliciora sunt, nemo audeat præstimonium vendere, aut emere, nec ecclesia id toleraret. Tertio ex modo, quo conferri solent, constat, collationem eorum spiritualem esse, & vendi non posse, solum enim a prælati ecclesiasticis, & cum solennitate, qua cætera beneficia, hæc conferuntur; signum ergo est, reputari spiritualia, ac subinde eorum fructus esse spiritualibus annexos. Et ita plane declaravit Pius V. in motu proprio, quem capit. sequentibus referemus, & illum infra, tractando de horis Canonicis, explicabimus.

CAPUT XXVI.

Utrum pensiones ecclesiastica sint materia simoniarum.

Opinio Canonistarum afferentium pensionem non esse rem spirituales, qualem.

1 Antiqua opinio Canonistarum fuisse videtur, pensionem absolutè, & indistinctè non esse rem spirituales, quia potest dari laico, & solum est portio quædam ex redditibus ecclesiasticis assignata, non cum spirituali titulo, aut onere, sed propter alias causas, vel functiones. Ita sumitur ex Gloss. in cap. *Quamvis* 1. de præbend. in 6. verb. *In pensione*, quatenus ibi ait, pensionem posse laico conferri, & sine titulo dari. Unde in illo textu a beneficio distinguitur, quod etiam notat Glossa per textum ibi, in cap. *Ad audientiam* 31. extra, de Rescriptis. Quibus locis videri possunt interpretes, nam in hanc partem inclinant: præsertim Abb. & Felin. in d. cap. *Ad audientiam*; Anton. de But. & Zabarel. in Clem. un. de Supplen. neglig. Prælat. & alii, quos videre licet in Gigan. qu. 28. de pens. in princ. Ludovic. Gomez in Regul. de Annal. pos. qu. 21. & Regula de infirmis, qu. 16. Rebuff. de Pacif. pos. nu. 132. 133. Covar. cap. Cum in officiis de Testam. n. 6. Sarmien. de Reddit. eccles. 2. p. c. 8. n. 13. Hoged. de Benef. in comp. in præfat. n. 3. Salzed. in pract. c. 62. nu. 10. Idemque sentit Silvest. verb. *Hora*, q. 2. dist. 8. quatenus negant pensionem, etiam datam clerico, obligare ad recitandum Canonicum officium. Consentit etiam Sor. lib. 3. de Just. q. 6. ar. 2. in dub. penult.

2 Ex qua sententia videtur aperte sequi, pensiones non esse materiam simoniarum, sed vendi posse, & emi, saltem stando in Divino jure, quia sunt mere temporales, & licet ex spiritualibus manaverint, tamen per concessionem ab eis separatae sunt, unde jam non sunt spiritualibus annexæ; ergo nullo modo sunt materia simoniarum. Atque ita sentiunt multi ex dictis, licet non omnes, ut dicam. Idemque absolute tradit Cajet. tom. 1. Opusc. tract. ult. Resp. 10. Et usus comprobare videtur: nam quotidie hæc pensiones redimuntur. Et quod id fieri licite possit, etiam sine licentia papæ, docet Tolet. in sua Sum. lib. 5. c. 92.

Ex prædicta opinione sequitur pensionem non esse materiam simoniarum.

3 Sed hoc non obstante, multiplici distinctione in hac materia utendum est, quia illa generalis regula non potest ad omnes pensiones applicari, maxime post motum proprium Pii V. *Ex proximo*, qui est 138. editusque est an. 1571. Ex quo decreto prima divisio pensionum sumenda est: nam quædam conferuntur omnibus, quædam vero clericis, ut clerici sunt; ita enim ibi pontifex distinguit. Priores sunt illæ, quæ vel laicis conferuntur, vel indifferenter sine expressione, vel postulatione talis conditionis, vel quæ dantur propter rationem aliquam de se temporalem, & humanam, vel corporalem. Ut si certa pensio assignata sit pro Thesaurario, seu Sacrista, aut pro pulsandis campanis, vel curandis infirmis. Posteriores autem sunt, quando assignantur pro clericis, ut clerici sunt, quod fieri intelligitur, vel quando illa conditio expresse postulatur, vel ex modo, & ratione concessionis supponi intelligitur, & in universum, quando propter munus aliquod spirituale conferuntur.

Pensiones sunt in duplici genere: quædam enim conferuntur omnibus, alia solis clericis.

4 Primo igitur de priori genere pensionum procedit maxime sententia relata, ut declaravit Sor. lib. 9. de Just. qu. 7. art. 2. ad finem, Victor. dicta Relect. n. 54. Verumtamen Rebuff. loco citato n. 34. absolute negat, etiam has pensiones vendi posse. Probat, quia pensio est annexa beneficio ecclesiastico; ergo vendi non potest. Patet consequentia tum ex regula generali, tum exemplo juris patronatus; tum quia qui adhæret ecclesiæ, debet regi jure ecclesiæ, cap. *Damnatus* de Sum. Trin. Denique ait, in tali venditione magnum esse periculum delinquendi, & ideo ab illa esse abstinendum, Ego vero censeo distinguendum: nam aut loquimur de hac pensione ex vi solius juris Divini, & naturalis, quod resultat ex hoc præcipe, quod talis pensio ex bonis ecclesiasticis, vel super beneficium ecclesiasticum assignata sit; vel loquimur ex jure positivo addito ultra hanc institutionem, seu consignationem.

Sententia supra relata procedit de priori genere pensionum.

In eodem sensu impugnat.

5 Dico ergo, pensionem hujusmodi priori modo spectatam non esse materiam simoniarum, & sine ulla umbra illius vendi posse, ut docent citati auctores, & communis sententia, quia est quid mere temporale. Nec obstat ratio Rebuffi, quia falsum assumit. Talis enim pensio non est annexa rei, vel titulo spirituali; nam, ut argumentabar, quod fructus pensionis sint assumpti (ut sic dicam) vel consignati ex fructibus beneficii, non sufficit ad annexionem, quin potius illa portio ex ipso separata est a titulo illius beneficii, quantum ad illum, cui confertur: unde nisi in illo alius sit spiritualis titulus, nulla est annexio illius temporalis ad spirituale. Sicut tertiæ decimarum regi concessæ temporales sine dubio sunt, & vendi possunt, ut quotidie fit, quia illud jus datum regi circa ecclesiastica bona non est jus spirituale, sed mere temporale. Eo vel maxime, quod interdum potest jus mere temporale ex spirituali manare sine annexione ad spirituale, ut patet de fructibus decimarum, quando jam sunt sub dominio proprio clericorum. Unde non est simile de jure patronatus: nam illud vel est spirituale, vel certe proximum spirituali, illique valde annexum: nam ordinatur ad collationem beneficii spiritualis media præsentatione, quæ spiritualis est ratione termini, ut infra dicetur. Pensio autem hæc est jus ad rem mere temporalem, nullo mediante spirituali titulo; materia autem remota (ut sic dicam) ex qua sumpti sunt illi proventus, & causa effectiva donans pensionem, licet id fecerit per potestatem

Resolvit. pensionem priori modo spectatam non esse materiam simoniarum.

rem spiritualement, non fecit rem esse spiritualement, vel annexam illi. Sicut quando Papa facit elemosynam ex bonis ecclesiae, & per potestatem spiritualement: elemosyna facta in re temporalis manet, & sine ulla annexione. Quid vero dicendum sit de jure positivo paulo inferius dicam.

Pensiones clericorum in varia membra dividuntur.

Navarri sententia asserens pensionem requirere etiam in persona esse inveniabilem jure Divino.

Rejicitur haec sententia stando in jure antiquo.

Secundum jus novum Pii V. haec pensiones sunt spirituales & inveniabiles.

In quo sentio vera sit sententia Navarri.

6 Secundo dicendum est de pensionibus clericorum, ut clerici fiant. Et has possumus in varia membra distinguere, juxta varios modos imponendi has pensiones: nam de singulis oportet in particulari dicere. Interdum ergo datur haec pensio clerico simplici, sive in majori, sive in minori ordine constituto absolute, simpliciter ad suam sustentationem, sine respectu ad aliquod beneficium, vel spirituale ministerium; aliquando vero cum aliquo speciali respectu, aut titulo. De prioribus pensionibus, ut cap. praeced. tetigi, aliqui existimant pensionem, eo ipso quod requirit in persona clericatum, seu primam consuram, etiam si nullum spirituale onus secum afferat, fieri spirituali annexam, ac subinde simoniae materiam, & inveniabilem jure Divino. Ex quo sequitur etiam, jure antiquo fuisse omnes has pensiones clericorum inveniabiles. Et hoc videtur sentire Navar. Conf. 59. 60. 61. 62. & 63. de simonia, & in manuali, cap. 23. num. 111. & quod magis est, dicit omnes ita sentire.

7 Sed revera stando in jure antiquo, & in sola natura talis pensionis, contrarium est communiter receptum, & est verius, neque oppositum potest sufficienter fundari. Quia illa pensio in sola illa ratione spectata non datur propter spiritualement titulum, sed praecise ad sustentationem: clericatus autem solum requiritur, ut conditio, vel dispositio ex parte subiecti. Sicut elemosyna, quae fit clerico peculiari respectu, quia clericus est, & quasi in honorem clericatus, non ideo fit spiritualement, vel annexa rei spiritualement. Et declaratur, quia tunc redditus temporalis dicitur proprie annexus titulo spiritualement, quando jus spiritualement tale est, ut secum afferat jus ad temporale: at prima consura non affert secum hanc pensionem: non habet ergo illam sibi annexam consequenter, sed immediate datur personae, nova liberali donatione temporalis, licet in illa requiratur talem conditionem spiritualement. Aliud vero esset, si in aliquo episcopatu esset aliquod certum emolumentum ita annexum statui clericali, vel primae consurae, ut ei statim esset debitum ex vi ordinationis, illud enim diceretur proprie annexum consequenter ordini, & vendi non posset. Sicut nunc privilegia Clericorum annexa sunt ordini, & vendi non possunt, etiam si aliqua secundum se spectata sint temporalia, & pretio aestimabilia. Non invenitur autem in ecclesia talis modus annexionis pensionum ad ordinem ut sic, & ideo ex hoc solo capite non fit pensio spiritualement, quod clerico, ut clericus est, conferatur.

8 Addimus vero secundum jus novum Pii V. has pensiones spirituales esse, & inveniabiles. Probat, quia dantur cum obligatione alicujus spiritualement, ac clericalis muneris: ergo jam sunt annexae clericali officio, & non tantum requirunt statum clericum, ut conditionem, sed etiam postulant ministerium spiritualement, ratione cujus tales redditus fiant debiti, & acquiratur jus ad illos. Antecedens patet, quia Pius V. imposuit his pensionariis obligationem recitandi officium Beatissimae Virginis, ut in sequent. tractat. lib. 4. videbimus. Supponimusque (ut ibi dicemus) illam legem obligare, & non esse per contrariam consuetudinem abrogatam, saltem in Hispania: quia nec de tali consuetudine constat, nec de tacito consensu pontificis in ea toleranda: illa ergo lege supposita, jam illi fructus sunt annexi muneris spiritualement. Nam licet adhuc pensiones haec non sint beneficia in rigore, quia non sunt perpetua, nihilominus sunt quidpiam spiritualement constans ex illa obligatione spiritualement, & jure ad temporalia sibi annexa. Et quoad hoc procedit optime opinio Navarri, & stante hoc jure, mihi videtur certa. Et intelligo, hanc simoniam esse contra jus Divinum, quia licet supponat in-

Suarez Tom. XII.

situationem ecclesiae quoad talem annexionem temporalis ad spirituale: illa supposita, res fit naturalis sua inveniabilis, sicut de beneficiis explicavimus.

9 Atque hinc infero, etiam si pensionarius habeat licentiam a Papa transferendi in alium suam pensionem, non posse sine simonia illam translationem, seu renunciationem pensionis in alium facere pro aliquo pretio, ut sensit Navar. Constit. 66. & 93. de simonia. Qui loqui videtur ex natura talis pensionis, & seclusa obligatione per Pium V. imposita. Sed in priori statu credo idem esse dicendum de venditione translationis, quod de venditione pensionis; nam si pensio vendi posset, multo magis translatio ejus, quia non alia ratione potest esse malum, translationem vendere, nisi quia eo ipso pensio venditur. Et ita tradit late Gigas de pensionibus quaest. 99. Secus vero est de pensione, quae jam nunc spiritualement est: nam licet transferri possit, gratis est transferenda, quia alias venderetur aliquid spirituale. Et eadem ratione non potest transferri in alium reservatis fructibus ipsi transferenti, vel aliqua parte illorum, ut dixit Navarrus ibi constitutione 65. Et existimo esse verum in eodem sensu. Si tamen is, qui habet licentiam transferendi in alterum totam pensionem, vellet transferre partem, & aliam sibi retinere, retento in se titulo spiritualement, posset id facere, quia potest uti licentia in parte, & non in toto, & quia tunc gratis dat id, quod dat, & quia pensio non est indivisibilis, sicut beneficium, sed dividi potest. Tunc autem teneretur alter, in quem translata fuit dimidia pensio ad explendam obligationem a Pio V. impositam, quia esset vere pensionarius, ut clericus. Credo etiam posse per se loquendo in alium transferre omnes fructus pensionis pro tota vita sua retinendo in se titulum, & obligationem pensionis, quia hoc non est transferre pensionem, sed solos fructus. Unde per mortem transferentis pensio tunc extingueretur, ut constat.

10 Sed talis pensio saltem redimibilis est. Navar. supra, & in manuali capit. 23. num. 111. pro constanti habet, non posse redimi sine auctoritate Papae. Immo idem docet contra Cajetan. etiam ante annexionem factam a Pio V. Et probat primo, quia pensio non potest constitui sine auctoritate Pontificis; ergo nec destrui, seu tolli: nam oppositorum, seu correlativorum (ut ipse ait) eadem est ratio, & quia eadem concurrere debent ad destructionem, quae ad constructionem, capit. 2. de Regul. Jur. Secundo quia pensio emi non potest, ut dictum est: ergo nec redimi: nam contrariorum (ait) eadem est disciplina. Tertio nunc saltem videtur hoc probari illa ratione, quod pensio est quid annexum spiritualement; ergo sicut emi non potest, ita nec redimi. Sed in hoc dico aliud esse loqui de jure Divino, aliud de positivo, item aliud ante Pium V. aliud modo. Igitur ante Pium non erat contra jus Divinum has pensiones redimere. In hoc assentior Cajetano, & Toletum cum Anton. de Butr. & aliis supra citatis. Et patet a fortiori ex dictis, quia tunc non erat pensio inveniabilis natura sua. Addo, quod licet vendi non posset, posset redimi. Probo, quia quando redimitur pensio, non commutatur spirituale pro temporali, sed extinguitur quid temporale: nulla est ergo ibi malitia simoniae. Nec contra hoc procedit prima ratio Navar. negatur enim consequentia, quia quando id, quod construitur, tantum est favor privatae personae, illa potest cedere juri suo: sic enim privilegium non potest haberi sine auctoritate superioris, potest autem destrui voluntate privata privilegiati renunciantis. Et patet, quia pensio potest gratis remitti, & sic destrui sine auctoritate Papae, ut ipse Navarrus admittit, & tradit Ludovic. Gomez in Regula de Infirm. qu. 16. cum Praeposit. in cap. Agathosa, 63. dist. ergo quicquid sit de aequalitate rationis quoad alia, saltem ex hoc capite non repugnat redimi. Secunda item ratio nihil probat, quia & falsum sumit, & male colligit, ut ostendi. De tertio vero dicam statim.

Licet pensionarius habeat licentiam a Papa transferendi pensionem in alium, simoniae casus est, si pro pretio transferat Navar.

An talis pensio possit redimi.

Ante Pium V. non erat contra jus Divinum has pensiones redimere.

Videatur
sequi ex
dictis ex-
pam nunc
non esse
intrinsece
malum re-
dimere
pensionem.

11 Ex his ergo videtur inferri, etiam nunc non esse intrinsece malum, pensiones has redimi. Et quidem quod non sit simonia contra ius Divinum, videtur posse probari sufficienter, quia ex licentia pontificis fit, & certum est rite, & recte fieri. Dici vero potest, pontificem tunc non dispensare, sed mutare materiam, & ideo iam non esse simoniam, quæ antea erat, etiam si antea esset contra ius naturale: quia mutata materia, mutatur etiam, vel potius cessat obligatio iuris naturalis. Sed inquiri, quæ sit hæc materiæ mutatio? certe nulla est alia, nisi quod per redemptionem non transferitur in redimentem ius aliquod spirituale, sed tantum cessat temporale commodum, & extinguitur spirituale onus, quod potest fieri optime auctoritate pontificis. At vero hoc ipsum potest fieri sine auctoritate pontificis ex natura rei loquendo; nam si ex sola conventionione partium pensio redimatur, nullum ius spirituale acquiritur alicui parti; nam qui solvebat pensionem, iam habebat totum ius spirituale beneficii, & redimendo pensionem, nihil spirituale acquirit, sed liberatur ab onere temporali; in alio vero extinguitur spiritualis obligatio extincta pensione.

Contraria
sententia
verior in-
diciatur

12 Sed nihilominus verius censeo, supposito iure Pii V. hanc redemptionem esse prohibitam sine auctoritate pontificis ex natura rei. Quod ita explico, quia supposito illo iure, ex vi illius imponitur pensionario onus spirituale auctoritate pontificis, & vult pontifex, ipsum non habere fructum pensionis, nisi ratione officii Divini illi injecti, ita ut iam habeat locum in his pensionibus illud axioma cap. ult. de Rescrip. *Beneficium datur propter officium*; nam licet pensio non sit beneficium strictè sumptum, est tamen late, quatenus est benevola subventio, seu commodum gaudium tribuens capienti, ut dixit Abbas in cap. *Ad audiendam*, 2. de Rescript. in principio. Quod commodum iuxta institutionem pontificis ratione officii datur, id est, ratione actualis recitationis: in hoc ergo convenit cum rigorosis beneficiis: ita enim intelligenda est sententia illa dicti cap. ult. ut supra dictum est. Ergo non potest pensionarius sua auctoritate se eximere ab hac obligatione, & totum commodum pensionis recipere, quod facit, quando alter illam redimit, quod si ipse redemptionem acceptare non potest, profecto neque alius illam facere potest. Unde hoc stante iure efficaciter videtur applicari prima ratio Navarri, quia quod auctoritate prælati constitutum est, non potest per voluntatem privatam destrui: illud autem ius spirituale, quod est in pensione, auctoritate Pontificis constitutum est, & per eandem est applicatum huic pensionario cum tali commodum temporali; ergo non potest ipse suo arbitrio illud destruere, accipiendo per redemptionem pensionis totum commodum temporale.

Obiectio

Solutio.

14 Dices: hac ratione bene probari, illud non licite fieri, quia est iniustum, accipere illud temporale commodum, exonerando se ab officio, per quod esset comparandum: non tamen probatur illud esse simoniacum, quia nihil spirituale ibi datur, vel accipitur. Respondeo primo, probabile esse, etiam ibi intervenire simoniam, saltem in hoc, quod propter pretium aliquis vendit spirituale titulum, non dando illum alteri, sed extinguendo illum, nam hoc modo solent interdum emi res temporales, non ut transferantur in emptorem, sed ut extinguantur, ut si quis det pretium alteri, ut scripturam comburat, at hoc etiam est contra excellentiam rei spiritualis. Item qui acceptat redemptionem pensionis, vendit annuos fructus, qui sunt stipendia spiritualis muneris, atque ita vendit rem annexam per pontificem muneri spirituali; ergo de se vendit rem spirituales, & ipsum titulum, etiam si in alium non transferat illum. Secundo addo, ut tollatur omne dubium, stylus curiæ habere, ut hæc habeantur, ac puniantur ut simoniaca, ut Navarrus supra refert dicto Conf. 63. stylus autem Curie vel declarat naturalem malitiam, vel ecclesiæ prohibitionem: habet enim vim obligandi, ut servetur, ut ibidem ait Navar. ex cap. *Ex litteris*, de Constitut. & ibi notatis.

15 Sed quæres, si pensio sit iniuste imposita, an

liceat illam redimere? Respondeo, si ita sit iniusta, seu illicite imposita, ut nihilominus valida, ut facile esse potest, redimi non posse, ut ex dictis constat, nam iniustitia dispensantis non facit venalem rem spirituales, quæ revera collata est. Si tamen tanta fuit iniustitia, ut etiam pensio fuerit invalida, tunc licitum erit solventi illam, eam redimere, quia non pensionem veram, sed vexationem suam redimit: alter vero qui pretium recipit, vel erit simoniacus ex conscientia erronea, si putet pensionem esse validam, vel erit iniustus, accipiendo pretium, si cognoscat, fuisse invalidam, ut per se constat.

16 Unde infero primo, si hic stylus Curie est antiquior, quam constitutio Pii V. etiam antea non licuisse absque auctoritate pontificis pensiones has redimere, & a fortiori nec vendere, & contrarium fuisse simoniam, saltem quia prohibitum, etiam si non esset contra ius Divinum, quia ad hoc (ut dixi) sufficit stylus Curie sive ratione consuetudinis: sive (quod magis credo) quia sufficienter declarat, & proponit pontificum voluntatem, & prohibitionem. Et eadem ratione si stylus hoc habuit, & habet non solum in his spiritualibus pensionibus, sed etiam in temporalibus, in eis etiam procedit opinio Rebuffi, quod sine simonia vendi non possunt, saltem ratione iuris positivi: & ita respondemus ad hoc dubium, de illis pensionibus supra huc remissum. Quam vero sit antiquus hic stylus Curie, & an modo talis sit, ut extendatur non solum ad has spirituales pensiones, sed etiam ad temporales, mihi non satis constat. Verisimillimum tamen est, illum stylum, & prohibitionem cadere in pensiones clericorum, ut clericis sunt, vel quæ sunt annexæ aliquo modo officii ecclesiasticis, quæ vendi prohibentur: nam aliæ pensiones omnino temporales nullo modo videntur jam ad ordinem rerum spiritualium, vel ecclesiasticarum pertinere.

17 Secundo infero, si pensio spiritualis non ita redimatur, & omnino extinguatur titulus spiritualis in pensionario, sed ita ut maneat ipse semper obligatus ad pensum spirituale solvendum, & quasi in se retinens titulum talis pensionis, talem redemptionem non esse simoniacam, immo nec videri prohibitam, quia illa revera non est redemptio pensionis, sed quasi locatio fructuum, seu anticipata venditio fructuum. Unde in eo casu cessat ratio supra facta, quia tunc non destruitur, quod papa construxit, nec venditur ullo modo illud spirituale, quod est in tali pensione, quia retinetur semper eodem modo, quo antea erat. Nec invenitur prohibitum pensionariis, quominus possint fructus locare ad totam vitam per anticipatam solutionem, nisi fortasse stylus Curie ad hoc etiam extendatur, ne pauperes clerici alienent fructus suæ sustentationis, quod non facile credo, nisi forte in pensionibus, quæ dantur loco alimentorum, vel ad quartum titulum aliqui ordinantur. Sic etiam dixit Navar. dicto Conf. 62. Quod si per redemptionem non liberetur beneficium ab onere pensionis, sed tantum persona tenens beneficium, licita erit redemptio, quia non est redemptio pensionis, sed oneris personalis, quod est mere temporale, & signum est, quia licet moriatur redemptor pensionis, successor tenebitur solvere pensionem, quia beneficium transiit cum onere suo. Intellego tamen nunc ita hoc licere, ut pensionarius, non obstante redemptione, semper teneatur ad spirituale onus pensionis, quia licet acceperit simul affirmationem fructuum pensionis pro tempore vitæ beneficiati, ut supponitur, nihilominus totum illum communium accepit ut stipendium sustentationis pro officio, singulis diebus, & toto illo tempore præstando. Quin potius addo, quod licet conveniat inter se partes sine papa, & redemptionem faciant absolutam, nihilominus in conscientia pensionarius non liberatur ab onere spirituali, quod ratione pensionis teneat explere, non quidem in penam simoniæ, de qua nondum agimus, sed ex natura rei; tum quia non potest quis privata sua voluntate se liberare, & eximere ab onere per pontificem imposito, reportato eodem

Pensio iniusta si sit valida non potest redimi, secus si sit iniusta & invalida.

Si stylus Curie supra relatus est antiquior, quæ constitutio Pii V. etiam antea non licet pensiones redimere, aut vendere.

Si pensio ita redimatur, ut non extinguatur in pensionario pensum spirituale, non committitur Simonia.

Pensionarius manet in conscientia obligatus ad onus spirituale, si cum alio sine licentia Pontificis redemptio non faciat.

eodem stipendio ; tum etiam quia ex iustitia tenetur ad officium, qui accepit fructus beneficii, siue anticipatos illos accipiat, siue annuatim, ut constat: ita vero se habet in eo casu pensionarius ille, ut ex dictis notum est.

Obiectio. 18 Dices: ergo nunc non potest clericus etiam libere, & gratis renunciare pensioni, ita ut ab spirituali onere liber maneat; sicut non potest beneficiarius renunciare beneficio sine auctoritate superioris. Probatur consequentia, quia illud onus per pontificem impositum fuit; ergo licet possit quis renunciare commodo suo temporalis, quia potest donare fructus pensionis, non tantum potest sua voluntate exui illo onere. Consequens autem videtur durissimum, & præter morem, quia revera non est verisimile, fuisse hanc intentionem pontificis; tum quia illum non expressit, & non sequitur necessario ex eo, quod ad recitandum Virginis officium pensionarios obligaverit; tum etiam quia illud esset contra commodum beneficiorum, & libertatem pensionariorum. Respondetur igitur negando sequelam: nam est valde dissimilis ratio. Quia aliud est, renunciare officio, renunciando etiam commodo illius; aliud est, velle accipere temporale commodum, & per illud pretium acceptum liberari ab spirituali debito. Hoc posterius est per se inordinatum, & hoc diximus esse malum, & prohibitum. Primum vero fit, quando gratis omnino renunciatur pensio, & ideo illud sine dubio licet. Neque hoc est contra institutionem pontificis, quia ille non præcepit, ut pensionarius semper retineret pensionem, neque ut semper recitaret absolute, sed ut recitaret, quando acciperet pensionem: censetur autem semper accipere, quando valorem pensionis pro toto aliquo tempore anticipare recipit, & ita semper durat vis illius præcepti; quando autem libere renunciatur pensio, tunc tollitur materia illius obligationis, & contra nullum præceptum fit.

19 Superest dicendum de aliis pensionibus clericorum, quæ aliis specialibus titulis, seu rationibus dantur; quæ multiplices sunt, possuntque iterum subdividui: nam quædam dari solent pro aliquo munere spirituali, ut stipendium sustentationis pro tali munere; aliæ vero dantur ratione alicujus beneficii. Prioris generis est pensio, quæ solet dari titulari episcopo, ut sit adiutor proprii episcopi in pontificalibus muneribus: potest etiam dari vicario episcopi, visitatori, &c. Et hanc possumus vocare stipendiarum pensionem spirituales, de quo Soto dicto lib.9. quæst.7. artic.2. generatim, & indistincte definivit, talem pensionem nec vendi, nec redimi posse, quod formaliter, ac proprie loquendo verum esse existimo: potest tamen aliquod dubium continere.

20 Ut ergo hoc explicetur, adverto, dupliciter posse hanc pensionem intelligi. Primo ut sit propria pensio imposita super episcopatum verbi gratia, vel aliud simile beneficium, ut pro Petro, ut sit vicarius episcopi, vel ut pro illo concionetur, quæ pensio semper durabit, quandiu Petrus vixerit, etiam si episcopus moriatur. Vel etiam posset esse perpetuo imposita, & dicata pro tali functione, licet non pro certa persona, ut si super beneficium alicujus parochiæ, esset imposita pensio certa ad sustentandum concionatorem in Quadragesima, vel aliquid simile. In his ergo, & similibus evidens est, non posse vendi, quia venderetur spirituale ministerium, cui sunt annexæ, nec etiam posse redimi, quia obligatio ad tale munus non potest exingui. Unde si pensionarius retento munere, & obligatione illius, veller pacisci de tota pensione pro vita episcopi, verbi gratia, & illam vendere: tunc non esset redemptio pensionis, sed locatio fructuum, ut paulo antea dicebamus: & ideo dixi, sententiam Soti formaliter veram esse de pensione ut annexa muneri; nam materialiter ipsa pensio quoad fructus, vendi potest, quod annuatim accipiendum est, pro aliqua summa pecuniæ simul accepta, quia tunc soli fructus per se separatim, & sine illa annexione ad spirituale ministerium venduntur. Oportet tamen, ut hæc non misceantur: nam si episcopus, verbi gratia, velit alicui dare munus, cui est pensio annexa, cogendo illum a principio, ut secum de tota

pensione paciscatur, & redemptionem pensionis accipiet, simoniam committit, saltem jure ecclesiastico prohibitam, quia munus illud cum pensione illi annexa, consequenter per modum unius confertur, & ideo debet pure, & simpliciter dari absque pacto, tunc autem intervenit pactum. Item quia episcopus nullum habet omnino jus ad urgendum alterum, ut suam pensionem redimat, vel locet: & ideo dum non vult dare spirituale sine hoc onere, simoniam committit.

21 Alio autem modo potest intelligi hæc pensio stipendiaria, ut sit tantum personalis, quia non est episcopatus, verbi gratia, imposita, sed episcopo, vel potius ipse episcopus illam sibi imponit, assignando illam suo vicario, visitatori, aut alteri simili ministranti in spiritualibus pro salario, seu congrua sustentatione. Et in his pensionibus vix habet locum quæstio, quia certum est, absque simonia talem pensionem postulari, & exigi ex parte ministri, qui ecclesiasticum ministerium assumit, quia non ut pretium, sed in sustentationem illam postulat, & eodem modo licite promittitur, juxta caput primum cum similibus, ne prælati vices suas. Potest etiam prælatus de hac pensione pacisci, & eam minuere quoad possit, aut velit, intra latitudinem congrui, seu iusti stipendii. Si autem officium haberet jam taxatum stipendium, vel certa emolumenta, partem illorum exigere, vel aliquid loco illius, simonia esset in inferioribus prælatis, saltem ex prohibitione juris, ut bene notat Ugolinus Tab.1.cap.48.§.6. Committeret item simoniam episcopus, si aliquid acciperet a Petro, verbi gratia, ut ipsum potius in vicarium acciperet, quam Paulum, tunc enim jam pecuniam acciperet, pro sua potestate deleganda. Et eadem ratione si Petrus offerret pecuniam alicui tertio, ut sibi munus illud obtineret, non minus simoniam committeret, quam si pro beneficio obtinendo id faceret. Idemque est, quoties istæ pensiones ita venduntur, ut ipsa ministeria consequenter vendantur. Is autem, qui jam habet ministerium, recte potest pensionem sibi debitam vendere, tanquam de re pure materiali disponendo. Redemptio autem in his, etiam quoad factum locum non habet, si relinquendum sit ministerium, quia eo ipso cessat pensio sine alia redemptione.

22 Sed queri potest circa hoc, an simoniam committat is, qui, cum teneatur dare certum stipendium alicui sacerdoti pro multis Missis dicendis, pretium accipit ab aliquo sacerdote, ut illi potius, quam alteri stipendia tribuat, vel, quod in idem redit, si cum illo conveniat, ut majori parte stipendii contentus sit, & aliquam sibi relinquant. Videtur enim illa esse simonia, quia illa elemosyna pro Missa est quasi pensio stipendiaria pro ministerio spirituali: ergo illam vendere, obligando ad ministerium, est vendere ministerium: ergo est simonia. At in illo casu venditur pensio, & elemosyna illa, quæ obtinenda est per ministerium spirituale; ergo committitur simonia. Nihilominus dico, ibi posse quidem committi injuriam, si ille nullum habeat jus ad illam extorsionem faciendam, simoniam autem non committi, quia eo modo, quo potest fieri pactum de stipendio Missarum sine simonia, ut infra dicemus, potest etiam, qui conducit clericum, procurare, ut parvo stipendio contentus sit absque simonia. Quod si in hoc excedat, cogatque clericum pauperem, ut propter necessitatem inæquali stipendio contentus sit, erit injustus, non autem simoniacus, quia nihil spirituale emit, aut vendit, sed tantum de stipendio sustentationis conventionem facit: hoc autem tantum fuit in prædicto casu, ut constat: ergo ibi non est simonia ex natura rei. Nec etiam ex prohibitione juris, quia nulla de his privatis muneribus, & stipendiis prohibitio facta est.

23 Venio ad pensiones, quæ pro beneficio dantur: in quo genere distinguere solet duplex pensio: una, quæ datur in titulum beneficii; alia, quæ pro beneficio datur. Ita sumitur ex Panormitano in cap. *Conquerente*, de Cleric. non residentibus, & ex Cardinali, & aliis, quos refert, & sequitur Gigas dicta quæst.

Quid dicendum si de pensione stipendiaria cum est tantum personæ lis.

Qui tenetur dare certum stipendium pro Missis simoniam non committit, si ab aliquo sacerdote pretium accipiat, ut illi potius, quam alteri det stipendium.

Satisfit. Earefola vitur possit clericum libere renunciare pensioni, ita ut maneat liber ab onere spirit.

Pensionibus quædam dantur promovere spirit. ut stipendium sustentationis, alia ratione beneficii.

Explicatur, quo pacto nec vendi, nec redimi possit pensio, quæ datur episcopo regulari.

quæst. 54. & in 67. & Gomez etiam locis citatis. Verumtamen illa pensio, quæ in titulum beneficii erecta est, ad præsentem considerationem non spectat; est enim verum beneficium; siue sit ad serviendum, & juvandum parochum in officio parochiali, quæ solet Capellania vocari; siue sit ad serviendum tantum in choro, vel officiis Divinis: siue sit beneficium simplex, aut proprium præstimonium: omnia enim hæc sunt propria beneficia, ut de præstimoniis diximus, & de aliis a fortiori constat, quia in eis invenitur titulus spiritualis cum perpetuitate, institutione canonica, & aliis conditionibus necessariis. Pensio ergo sic instituta in titulum beneficii, licet retinuerit hoc nomen, quia redditus ejus super beneficium aliquod impositi fuerunt, tamen post talem institutionem jam non est pensio, prout nunc de illa loquimur. Pensio autem pro beneficio imposita est propria pensio, & non beneficium. Tribus autem modis videtur posse imponi. Primo pro beneficio, cui aliquis renunciat, cum illud pacifice possideret, & commode posset illi inservire. Secundo, quando pro beneficio litigioso per transactionem, & arbitrium judicis, uni datur beneficium, alteri vero pensio super illud. Tertio quando parochus senex, qui per plures annos ecclesiæ inservivit, dimittit beneficium, & ei datur pensio ad suam sustentationem.

24 De his ergo omnibus aliqui sentiunt, pensiones has esse temporales omnino, & posse vendi, & redimi. Ita sentit Cajetan. dicta Respons. 10. Nam licet de redemptione directe respondeat, tamen ratio ejus æque de venditione procedit; loquitur autem specialiter de prima pensione, quæ reservatur pro beneficio resignato, & a fortiori est idem dicendum de reliquis, quia est eadem, vel major ratio, ut dicemus. Sed Cajetanus loquitur juxta antiquum jus, in quo eadem videtur ratio de his pensionibus, ac de illis, quæ simpliciter dantur clericis auctoritate papæ ex beneficiis vacantibus, quia etiam in his non dabantur fructus pensionis ob functionem spirituales. Nec refert, quod pensio reservetur intuitu prioris beneficii, vel præcedentium spiritualium ministeriorum, quia non datur tanquam stipendium illorum, neque ut illis annexa, sed immediate datur personæ tanquam elemosyna quædam ex bonis talis beneficii auctoritate pontificis facta. Quæ elemosyna postquam facta est, & quasi separata a beneficio, temporale quid est, licet motivum ad illam faciendam spirituale fuerit. Sicut si fructus certæ possessionis ecclesiæ ad vitam parochi senis separaretur (quoad usum fructum) a beneficio, & applicaretur ad sustentationem ejus.

25 Alii vero existimant, has pensiones vendi non posse, nec potuisse unquam, vel quia dantur ut annexæ ordini clericali, & intuitu illius, cujus signum est, quia si contingat, pensionarium in quocumque ex his modis relinquere omnino statum clericalem ducendo uxorem, eo ipso pensio vacaret; & ille fieret inhabilis ad talem pensionem: vel secundo, quia talis pensio subrogatur loco beneficii, & ideo ita constituitur, ut sapiat naturam beneficii, & spiritualis fiat aliquo modo, saltem per annexionem. Et ita sentiunt Caccialupus de Pens. quæst. 30. & Gigas quæst. 54. Quamvis de hoc formaliter ibi non tractent, sed de alio puncto, scilicet: An hæc pensiones per matrimonium vacent? Affirmant enim vacare, & Gigas ait, ita observare curiam. Videtur autem inde sequi, has pensiones reputari valde spiritualibus annexas: quamvis in rigore possent alia ratione vacare, scilicet, quia intentio pontificis fuit eam dare clerico ut clerico, & non ut laico, & ita est præsumendum, nisi aliud ex concessione constet, quia & recta ratio, & ordinarium jus id postulat; de quo alias. Præterea Victor. in dicta Relect. num. 49. in tertio casu de parochio sene inclinatur in partem negantem, talem pensionem esse vendibilem, licet oppositum non omnino abjiciat. Et idem sentit Soto dicta quæst. 7. artic. 2. licet sub particula, *Forſitan*, qui tamen non eodem modo statim loquitur de aliis duobus generibus pensionum, quas redimi, & vendi posse censet. Quod mihi non videtur consequenter dici. Nam potius in ultimo casu, quando pensio datur veluti in remun-

rationem præteriti servitii, vel in puram sustentationem parochi senis, videtur militare ratio, ob quam illa pensio sit mere temporalis. Quia jam non datur propter spirituale ministerium, per quod redditus illi comparandi sint, & quod præcedat servitium spirituale, non refert, ut declaravi. Item Major 4. distin. 25. quæst. 5. ad 4. agens in particulari de pensione imposita ad componendam litem, censet, esse spirituales, ita ut natura sua possit cum beneficio commutari. Et consequenter ait, inducere obligationem spirituales, saltem orandi pro illis, qui beneficium illud instituerunt, aut dotarunt, aut decimas solvunt, &c.

26 Mihi breviter videtur, secundum jus antiquum eandem esse rationem de his pensionibus, quæ de aliis mere simplicibus (ut sic dicam,) seu quæ sine aliquo ex his respectibus ad præcedens beneficium, vel ministerium dantur: quia non video rationem dissimilitudinis. Et ideo ex natura rei non erant invendibiles, nec irredimibiles. Sed consulendus erat stylus Curie, & si ex illo de prohibitione constaret, tunc essent materia simoniæ, quia prohibita: secus vero dicendum esset, ubi de tali stylo non constaret. Nunc autem existimo, has omnes comprehensas fuisse a Pio V. sub pensionibus clericorum, ut clerici sint: omnes enim ad illa duo membra reduxit: & non est verisimile, has pensiones comprehendi sub pensionibus laicorum; quia revera dantur intuitu clericatus. Quare non dubito, quin nunc sint spiritualibus annexæ, obligant enim omnes ad aliquod spirituale officium, ut diximus. Et ita de illis judicandum cenſeo, nisi ex bulla concessionis aliud de voluntate pontificis constet.

Auctoris
sententia.

C A P U T XXVII.

Utrum commendæ, coadjutorie, vel hospitalia sint materia simoniæ.

I Hæc quæstio, & similes magis pendent ex intelligentia facti, quam ex novo jure, præsertim si de jure Divino loquamur: nam de ecclesiastico poterit esse specialis aliqua ratio: utrumque ergo breviter explicabimus. De commendis ergo explicandum prius est, quid hac voce significetur. Commenda enim a verbo commendandi dicta est, interdum enim ecclesia aliqua, vel beneficium ejus non confertur alicui in titulum, sed commendatur, seu committitur illi cura, vel administratio ejus, & ob hanc commendationem fructus beneficii, vel pars eorum illi assignatur, & illa commissio, seu cura cum tali emolumento commenda dicitur. Unde juxta propriam, & antiquam rationem commendæ introductæ sunt in favorem, & utilitatem ecclesiæ, quæ commendatur. Immo in cap. *Nemo*, de Elect. in 6. dicitur, non esse faciendas, nisi ex evidenti ecclesiæ commendatæ necessitate, vel utilitate. Quia videlicet, si non commendaretur, maneret pro aliquo tempore sine ministerio ac gubernatione necessariis. Et ita ibi præcipitur, ut istæ commendæ temporales sint, immo sex mensium tempus illis præfigitur. Sed ut notat Silvest. verb. *Commenda*, illud maxime locum habet in commendis ecclesiarum parochialium, de quibus textus expresse loquitur. Solent autem commendari etiam ecclesiæ curatæ, vel episcopales in favorem eorum, quibus commendantur per modum cujusdam dispensationis, & in ordine ad titulum postea obtinendum, cujus aliqua exempla infra ponemus. Denique solent etiam commendari ecclesiæ non curatæ magis in subventionem eorum, quibus commendantur, quam ipsarum ecclesiarum, quomodo sunt nunc commendata multa monasteria, & abbatiæ, quarum fructus ad sustentationem personarum ecclesiasticarum, ut Cardinalium, vel aliorum, applicantur: & istæ commendæ solent esse perpetuæ. Et interdum applicantur cum spirituali onere administrationis, aut regiminis; interdum vero ad functiones laicas, & temporales, ut ad militiam, & similia.

2 Ex quibus colligere possumus duas distinctiones com-

Triplici-
ter potest
imponi
pensio
pro bene-
ficio.

Opinio
asseren-
tium pos-
se vendi,
& redimi
has pen-
siones.

Opinio
existimā-
rium nec
modo ven-
di posse
has pen-
siones, ne-
que un-
quam po-
tuisse.

Quid sit
commenda.

Commen-
de alie
tempora-
les, alie
perpetuæ.

commendarum, quædam enim sunt temporales, alie perpetuæ. Priori modo commendatur ecclesia vacans vel auctoritate papæ, si sit cathedralis, ut in cap. penult. & ultim. 21. quæst. 1. ubi Gregor. hujusmodi commendatarius vocat Cardinalem sacerdotem: vel si ecclesia parochialis sit, auctoritate episcopi, in quo casu maxime habet locum dictum cap. *Nemo*, & de illo disponit Trident. sess. 24. cap. 18. de Reform. Ubi eam vicariam virtute vocat: nam commendatarius appellat vicarium cum congrua fructuum portione, qui onera talis ecclesiæ sustineat, donec de rectore illi provideatur. Eademque ratio est, licet ecclesia non vacet, si habeat rectorem impeditum, vel absentem, &c. tunc enim ecclesia commendatur alteri tanquam vicario, ut expresse nominatur in cap. *Cum ex eo* (ubi de hoc casu mentio fit) de Elect. in 6. Alie vero sunt commendæ perpetuæ, quæ sunt, quando ecclesiæ in perpetuam administrationem dantur: licet proprius titulus beneficii non conferatur, juxta cap. *Dudum*, 54. de Elect. & cap. *Quis plures*, 21. quæst. 1. Ubi Glossa notat commendatarius non fieri prælatum, vel proprium ecclesiæ rectorem, sed quasi procuratorem, vel gubernatorem, quod etiam affirmat Silvest. verb. *Commenda*, & alii statim referendi. Alia divisio est, quia commenda interdum datur cum spirituali administratione, cui temporales fructus annectuntur, ut in omnibus exemplis adductis; interdum vero solum datur ad temporale ministerium, vel alio titulo mere laico, ut maxime cernitur in commendis militaribus. Priores ergo ut breviter loqui possimus, vocabimus spirituales, seu clericales; posteriores vero militares.

Quædam
commen-
de dantur
cum spiri-
tuali ad-
ministra-
tione, aliæ
solum ad
tempora-
le mini-
sterium.

Commen-
de spiri-
tuales, si-
ve tempo-
rales sint,
siue per-
petuæ,
sunt mat-
eria simo-
niæ, & jus Di-
vinum.

3 Primo de commendis clericis, seu spiritalibus, siue temporales, siue perpetuæ sint, manifestum est, esse materiam simoniæ jure Divino contrariæ. Probat, quia principale in eis est spirituale ministerium, cui temporale commodum consequenter annexum est: ergo sunt propriissima materia simoniæ. Consequentia patet ex discursu præcedentium capitulum. Et antecedens ex declaratione vocis, & rei, quæ illi subest, clarum etiam est. Confirmatur, quia vel commenda hæc conceditur ad tempus, vel perpetuo. In priori delegatur spiritualis jurisdictio, ut loquitur Gregorius in cap. *Obitum*, 16. distinct. seu committitur, ut loquitur Innocentius III. in cap. *Cum nobis*, in fine, de Elect. ergo vendere talem commendam, est vendere jurisdictionem spirituales, seu delegationem ejus. At vendere delegationem, jurisdictionem, vel administrationem spirituales simoniæ est jure Divino prohibita, ut supra videtur. Unde in cap. *Non satis* de simon. expresse prohibetur acceptio pretii pro committenda jurisdictione: & in cap. *Ad nostram* pro vicaria; idemque constat ex cap. 1. & 2. Ne prælati vices suas, & est res indubitata. Si autem commenda est perpetua, multo major ratio est, quia per illam datur cura, vel jurisdictio ordinaria, aut quasi ordinaria. Unde vel est ecclesiasticum beneficium, aut illi æquiparatur, ut late tractat Lud. Gomez. in Reg. de Triennali possessore, quæst. 5. Quint. Mandos. in Reg. de Veris. not. quæst. 3. Et late probat Rebuff. de Pacific. posses. num. 35. & sequentibus. Et Hoge. de Benef. incompar. 1. part. cap. 14. Ubi de his commendis copiose disputat.

An sit si-
monia ven-
dere com-
mendata-
rio, ut
ejus bonis
fruat, ser-
vando
per vica-
rium.

4 Solum posset quis interrogare, quando commenda datur in favorem commendatarii, & non ut per se illi inserviat, sed ut bonis ejus fruatur, serviendo per vicarium, an sit simonia, vendere commendam, dummodo vicarius gratis provideatur? Interdum enim ecclesia commendatur puero, donec habeat ætatem competentem ad titulum recipiendum, qui toto illo tempore nullam jurisdictionem, vel spirituales administrationem per se habiturus est, sed necessarium est de vicario providere ecclesiæ pro illo tempore: Cur ergo non licebit, commendam illam vendere? Videtur enim res mere temporalis, quia tantum est jus ad redditus sine ulla spirituali obligatione. Er in illam videtur convenire, quod Silvest. alias dixit, illam potius videri comedendam, quam commendam, vel certe videtur commenda de solo titulo temporali; nam commenda spiritualis necessario esse debet in vicario, qui pro illo tempore providetur.

Pars affir-
mativa
vera re-
soluitur.

Dico tamen, illam etiam esse invendibilem natura sua, supposita institutione. Primo, quia sic commendatus est quasi præsentatus ad ecclesiam, vel plus quam præsentatus, quia ex vi ejusdem provisionis obtinebit titulum, expleto ætatis tempore, vel alia conditione, sub qua provisio facta est, impleta. Unde merito dici potest, ex tunc acquirere jus saltem ad rem, ad ecclesiam illam in proprietate obtinendam: hoc autem jus spirituale est, & illi juri sunt ex tunc annexi fructus beneficii. Secundo, quia revera ex vi illius commendationis, ad talem personam per se loquendo pertineret administratio spiritualium in tali ecclesia, si valeret: & vicarius censeretur loco illius ministrare; ergo in se habet aliquam spirituales causam, cui sunt annexi illi fructus: ergo simpliciter vendi non potest. Immo vix potest juste concedi etiam gratis, quia est valde exorbitans a ratione, & a jure in dicto cap. *Cum ex eo*, de Elect. in 6. Et ideo licet aliquando tales commendæ fuerint in usu, ut Hageda supra refert, jam nullatenus conceduntur.

5 Et hinc a fortiori constat, quid dicendum sit de coadjutoriis, quæ nunc magis sunt in usu: dicendum enim sine dubio est, esse materiam valde spirituales, neque vendi posse. Probat, quia coadjutor, vel est quasi vicarius, cui committit proprietarius vices suas, vel a superiore illi committuntur, & sic procedunt de illo, quæ dicta sunt de commendis temporaneis: vel est datus cum jure succedendi, & cum congrua sustentatione, & sic potest comparari cum commenda, quæ ad tempus datur in ordine ad obtinendam postea proprietatem ecclesiæ. Item per illam coadjutoriam datur jus ministrandi, vel celebrandi beneficia loco alterius, est ergo quid spirituales. Et præterea: quod in illa maxime æstimari solet, est jus illud futuræ successionis, quod directe spirituales est. Denique infra in materia de oratione ostendemus, hujusmodi coadjutorem teneri ad officium canonicum persolvere. Est ergo eadem ratio de illa, quæ de ecclesiastico beneficio.

Coadju-
torie sunt
materia
simoniæ.

6 Secundo loco dicendum est, commendas militares revera tantum esse temporalia subsidia, vel stipendia pro muneribus temporalibus, & ideo per se spectatas non esse materiam simoniæ, quia non sunt aliquid spirituales, vel spirituali annexum. Ita de illis sentiunt Viderius in dict. Relect. num. 45. & Aragon. dict. quæst. 100. artic. 4. & communiter viri docti tam regni Castellæ, quam Lusitanie, in quibus regnis hæc commendæ frequentiores sunt. Itemque probat usus, nam dantur pro temporalibus serviciis, & illarum dispensatio, & administratio laicis principibus commissa est. Nonnulla vero objici possunt. Primum, quia hæc commendæ non dantur, nisi religiosis professis, unde videntur quasi annexæ statui religionis, qui spiritualis est. Nec refert nunc tractare quæstionem, an isti milites sint vere, ac proprie religiosi? infra enim suo in loco discutietur: satis nunc est, quod eo modo, quo sunt religiosi, spirituales aliquid habent, & invendibile, cui videntur annexæ istæ commendæ. Secundum est, quia licet isti milites non obligentur ad officium canonicum, obligantur saltem ad aliquod pensum orationum, qui titulus etiam spiritualis est. Tertio, quia habent jus præsentandi in ecclesiis sibi commendatis regularem aliquem clericum sui ordinis, ut beneficium, seu titulum beneficii in tali ecclesia obtineat cum onere solvendi decimas commendatario, retenta sola congrua portione sibi assignata, quod totum valde spirituales esse videtur. Quarto, quia licet commendæ dentur his militibus in stipendium militiæ, tamen militia in illis est opus spirituales, & religionis, quia ex voto, & professione ad illam obligantur. Et ita etiam ex hac parte videntur stipendia annexa muneri spirituali.

Commen-
das mili-
tares non
esse mate-
riam si-
moniæ per
se specta-
tas.

Afferro
supra po-
sita.
Argum.
impugna-
tur.

7 Sed hæc omnia non declarant veram annexionem harum commendarum ad titulum spirituales. Ad 1. enim dicimus professionem religionis non esse titulum, ratione cujus debeantur commendæ, sed esse tantum conditionem, sine qua non, & quasi dispositionem necessariam ex parte personæ, ut sit capax illius commodi temporalis, juxta voluntatem pontificis.

Solvantur
argu-
menta.

aliquis, ut si pontifex præciperet talia bona temporalia distribui inter solos religiosos, non ideo essent annexa titulo spirituali; vel, sicut supra dicebamus, pensiones non fieri spirituales, eo quod supponant primam rationem, si nullam secum afferant spirituales obligationem. 2. respondeo, illam precum obligationem non oriri ex commenda, sed ex professione, & regula, sicut laici aliquarum religionum obligantur ad privatas quasdam orationes: unde fructus commende revera non sunt stipendia pro tali Divino officio. Neque ecclesia consuevit hæc stipendia designare pro privatis orationibus, sed pro onere ad aliquod officium Divinum de se publicum, & quod suo modo nomine totius ecclesie fiat. Ad 3. non constat, omnes commendas habere illud jus annexum. Sed esto habeant, respondeo, illud se habere ad modum juris patronatus: quod antecedenter est annexum beneficio talis ecclesie, & quasi inest commende temporalis tanquam fundamento. Unde concedo, illud jus vendi non posse, transit tamen cum ipsa commenda, & licet illa venderetur, non venderetur jus illud, sicut in aliis juribus patronatus constat.

8 Ad 4. respondetur 1. has commendas non tam solere dari in stipendium ex iustitia commutativa comparandum per labores militie, quam in præmium præcedentium meritorum: nam præter commendarum expectativam, solent hi milites accipere propria stipendia suorum munerum, bene autem potest aliquid temporale dari hoc modo in gratitudinem præcedentium laborum etiam spiritualium. Secundo dicitur, labores militie etiam in his Cruciferis simpliciter esse temporales, & pretio æstimabiles: quia ipsi non vovent directe militare, sed tantum obedire juxta suam regulam: & optime fieri potest, ut opera, quæ injunguntur per regulam, corporalia tantum sint, ut in religiosis laicalium religionum videre licet. Nec refert, quod ex voto, & institutione religionis omnia ordinantur ad cultum Dei, nam ille est finis remotus: opera autem ipsa secundum suam naturam, & proximum objectum æstimanda sunt. Unde ulterius dicitur, quod licet hi milites voverent militie opera, non voverent, illa facere gratis, vel suis expensis, vel sine justa retributione etiam temporalis; neque per hoc solum, quod opus fiat ex voto, sit ita spirituale, ut vendi non possit secundum se spectatum, juxta suam temporalem æstimationem, dummodo non æstimeretur particularis ille respectus faciendi opus ex voto: ille enim æstimabilis pretio non est, nec in præsentis commenda datur propter illum respectum, sed simpliciter propter militie laborem.

9 Sed quæres, an saltem jure humano prohibeatur sit, has commendas vendere? Aliqui enim ita affirmant: & Victor. supra solum dicit, posse vendi auctoritate pontificis, ubi insinuat, esse prohibitum, illas vendere inferiori auctoritate. Sed mihi non constat de tali præcepto positivo prohibente venditionem commendarum, vel simpliciter, vel intuitu religionis, & rerum spiritualium; & ideo non credo, esse hanc simoniam etiam contra jus ecclesiasticum. Addo tamen, ex ipsa rei natura, considerata institutione talium præbendarum, esse illicitum, & injustum, illas vendere formaliter, & directe, ut sic dicam. Probat, quia in primis non possunt eas vendere Magistri ordinum, vel reges, quibus commissæ est distributio harum præbendarum; tum quia non sunt domini, sed dispensatores, & non suppremi, sed sub pontifice, qui illis dedit illam facultatem, non ad vendendum, sed ad justè distribuendum, propter quod fortasse addidit Victoria illam limitationem; tum etiam quia si vendantur, dabantur indignis, & frustrabitur finis hujus institutionis, & proficentes hanc militiam, privantur præmiis sibi publica auctoritate constitutis, ac proinde ex iustitia distributiva debitis. Deinde multo minus possunt hæc vendere particulares commendatarii, qui non sunt absoluti domini ipsarum, sed quasi usufructuarii, solumque ad vitam illas recipiunt.

10 Dixi autem, non posse directe, ac formaliter vendi, quia dari possunt cum onere, & obligatione ad aliquid temporale, ut ad eundem in Africam, vel in Indiam, quæ virtualis venditio est, tamen non est illicita, quia non est contra finem institutionis, nec contra justam distributionem, atque adeo non excedit potestatem dispensatoris, seu conferentis. Item dari potest commenda uni cum onere solvendi pensionem alteri, quod per se non est illicitum, si in assignatione pensionis habeatur ratio justæ distributionis, seu finis talium præbendarum. Item interveniente justa causa, posset vendi commenda applicando pretium ad majus bonum commune ejusdem militie; sed ad hoc auctoritas papæ necessaria erit, sive specialiter obtineatur, sive in generali facultate Magistro ordinis concessa comprehendatur intelligatur, quod vendit ex illius verbis, quæ consideranda sunt ab his, ad quos hæc dispensatio pertinet. Denique per pecuniam procurare obtentionem commende, non directe emendo illam, sed favorem, vel intercessionem procurando, simonia non est, cum non sit pro re spirituali acquirenda; ex alio autem capite poterit actio esse mala, de quod alias.

11 Ultimo ex dictis haberi potest, quid sit dicendum de hospitalibus, de quibus Canonistæ tractare solent, an sint beneficia, vel nomine beneficiorum veniant, & eadem ratione queri potest, an sint materia simoniæ. Nomine autem hospitalis intelligitur Rectoria, seu officium regendi, & gubernandi hospitale. Oporteret autem supponere, sermonem esse de hospitalibus, quæ religiosa, seu ecclesiastica dicuntur, non enim omnia talia censentur, sed illa tantum, quæ auctoritate episcopi instituta sunt, & sub ejus cura existunt, juxta cap. *Ad hæc*, de Relig. domi. Nam cætera, quæ privata voluntate eriguntur, non censentur ecclesiastica, licet pia loca dici possint, ut late per Tiraquel. de Privileg. piæ cause, in Præfat. num. 4. 5. & 6. Et ideo de his hospitalibus laicis, quæ per laicum, & privata voluntate retineri, ac gubernari possunt, nulla est difficultas, quin ad materiam de simonia non pertineant: nam eorum gubernatio mere temporalis est; & licet ex charitate, & misericordia suscipi possit, de se pretio æstimabilis est, ut constat. De religiosis ergo hospitalibus adhiberi solet distinctio similis illi, quam de commendis tradimus: habere enim possunt spirituales administrationem, vel tantum temporalem pertinentem ad gubernationem infirmorum. Quando sunt prioris generis, clarum est, esse materiam simoniæ, quod eodem discursu facile probari potest. Nam interdum talis rectoria hospitalis perpetua est, & titulum habet spirituales fixum, & permanentem, & conferendum auctoritate prælati ecclesiastici, & tunc inter beneficia reputatur, ut tradunt latius Silva de Benef. part. 1. quæst. 3. num. 3. 4. & 28. & part. 2. quæst. 11. num. 14. Haged. de Benef. incom. in Præfat. numer. 4. Rebuff. de Practic. titulo de Devolu. numer. 73. Sicut ergo beneficium est materia simoniæ, ita & hoc hospitale. Interdum vero possunt hæc hospitalia habere rectorem cum administratione spirituali, & simul cum temporali sine titulo, & ad nutum amovibilem, & tunc beneficia quidem non sunt propter carentiam tituli, & perpetuitatis; nihilominus tamen invendibilia sunt propter spirituales administrationem, quæ licet sit tantum delegata, seu per modum vicariæ, id satis est, ut neque tale officium, nec stipendium illi annexum vendi possit, juxta principia sæpius repetita, & probata.

12 At vero quando officium gubernandi hospitale non habet functionem ullam spirituales, sed tantum temporale regimen cum tota sollicitudine pertinente ad debitam curam infirmorum, tunc dubitari potest, an tale officium sit materia simoniæ. In quo, sententia communis esse videtur, illud non esse materiam simoniæ, sive tale officium ad tempus committatur, sive perpetuo. Ita tenet Abbas in cap. *Extirpanda* §. *Quia vero*, in Repet. num. 55. de Præb. & cap. 1. de simon. num. 7. ubi Felin. Et ratio est, quia tale officium mere temporale est, ut colligitur ex Clem.

Non est
injustum
est ven-
dere vir-
tualiter.

Non est
simonia
procurare
commen-
dæ obten-
tionem per
pecuniam

An hospita-
lia sint
mat. simon.
iur.

Hospita-
lia quædam
habent
adminis-
trationem
spirituales
solum tem-
poralem.
Hospita-
lia prioris
generis
sunt
mat. simon.

An hospita-
lia posterioris
generis
sunt mat.
simon.
Pars ne-
gativa.

Quia

Resolvi-
sur, non
esse mat.
sim. juri
Divino
contrariæ

Est tamen
simon. co-
tra jus po-
sitivum
vendere
hæc hosp.

Quia contingit, §. 1. de religiosis domibus. Et pater, quia ut supponitur, ad nullam spiritualem functionem ordinatur. Quæ ratio recte quidem procedit ex vi juris Divini, ac naturalis; & ita verissimum censet, hospitale hujusmodi non esse materiam talis simoniæ juri Divino contrariæ.

13 Dubitari autem potest, an sit materia simoniæ, quia prohibita. Et mihi quidem breviter videtur, esse simoniam vendere hæc officia, comprehensam sub generali prohibitione Concilii Chalcedonensis, relata, & confirmatam per Urbanum papam in cap. *Salvator* 1. quæst. 3. de qua prohibitionem infra specialiter dicturi sumus. Nunc breviter applicatur ad præsentem materiam: nam ibi prohibetur vendi officium procuratoris, defensoris; & Urbanus explicat, nomine *Procuratoris* intelligi *quemlibet ecclesiasticarum rerum administratorem*, ut verbi gratia, *præpositum, æconomum, vicedominum*. Hæc autem hospitalia religiosa, de quibus loquimur, & eorum bona, ecclesiastica sunt, ut constat ex jure citato, & ex omnium sententia: ergo officium rectoris, gubernatoris, aut quovis alio nomine appelletur, continetur in illa lege sub nomine *Procuratoris*, seu administratoris rerum ecclesiasticarum. Ergo vendere tale hospitale est simonia, quia prohibita. Confirmatur, quia sicut templum, seu ecclesia est res quædam spiritualis, ita & hospitale religiosum ex peculiari institutione ecclesiæ, & dedicatione ad cultum Dei; ergo administratio illius merito dici potest aliquid spiritualibus annexum, maxime accedente ecclesiastica lege; ergo est materia simoniæ, saltem interveniente ecclesiastica lege. Contra hoc autem sentire videtur Anton. 3. part. tit. 1. cap. 2. §. ult. Sed quod diximus, prius iste docuit 2. part. tit. 1. cap. 5. & idem sentiunt Victor. & Soto, & videtur convinci rationibus factis.

C A P U T XXVIII.

Utrum jus patronatus sit materia simoniæ, ubi de jure sepeliendi, & similibus?

Jus patro-
natus, ali-
ud civile,
aliud ca-
nonicum
est.

Quid pa-
trono co-
petat ra-
tione hu-
jus juris.

1 **J**us patronatus, quoddam civile est, aliud canonicum. Civile est, quod jure civili fuit introductum, & convenit patrono respectu liberti, seu bonorum ejus. Canonicum autem ab ecclesia fuit institutum in quamdam offensionem gratitudinis, & remunerationis ejus, qui aliquam ecclesiam fundavit, construxit, vel dotavit; ille enim patronus talis ecclesiæ dicitur tanquam ejus pater, quia illam dotavit, vel quasi genuit, & ideo pontifices aliquod jus in illam ecclesiam illi concesserunt, quod jus patronatus appellatur. Competunt autem patrono ex vi istius juris multa, quæ in jure canonico declarantur, propter quæ honorificum, utile, & onerosum dicitur. Honorificum quidem, quia patrono convenientia obsequia præstari debent, & præsertim illi conceditur honorificus locus in sua ecclesia. Dicitur etiam onerosum, quia patronus licite potest defendere suam ecclesiam, ne bona ejus dilapidentur, modo præscripto in cap. *Filiis*, 16. quæst. 7. Dicitur præterea jus utile, quia si patronus ad egestatem deveniat, ecclesia debet ei subvenire majori cura, & obligatione, quam aliis pauperibus, cap. *Quicumque*, cum sequentibus. Et notat ibi Glossa in cap. *Piæ mentis*, & communiter Doctores ibi, in rubr. de jur. patro. & in cap. *Nobis*. Atque hæc omnia, quatenus declarata sunt, veluti ex natura rei, sed ex naturali gratitudine videntur consequi ex beneficio, quod patronus ecclesiæ contulit; unde hoc jus, quoad hæc tria sic declaratum, non tam videretur ex gratia donatum, quam debitum, ut significavit Innocentius in cap. *Præterea*, 2. de jur. patron.

Patronus
habet jus
præsen-
di perso-
nas ad Be-
neficia
sua eccle-
siæ.

2 Ob hanc ergo fortasse causam, ut ecclesia magis alliceret fideles ad hæc opera pietatis, majorem quamdam, & specialem gratiam voluit patronis conferre, concedendo illis jus præsentandi personas ad beneficia suæ ecclesiæ. Sic enim nomine *gratiæ*, hoc jus appellavit Concilium Arausicanum l. cap. 10. & ex Nicolao papa refert Gratian. in cap. 1. 16. quæst. 5. Hinc dixit Glossa in dicto cap. *Piæ mentis*, jure antiquo non fuisse

se hoc jus concessum patronis: movetur autem ex illo textu, & cap. *Filiis*, ead. quæst. & cap. *Noverint*, 10. quæst. 1. Sed revera in illis Decretis, non negatur hoc jus patrono, sed solum denegatur tale jus in bona ecclesiæ, ut illa usurpare, vel administrare præsumat. De proprio autem jure præsentandi nihil ibi dicitur: hinc vero colligi non potest, eo tempore non fuisse hoc jus institutum. Quin potius verbum illud, *Præter processione additum*, in dicto cap. *Piæ mentis*, de hoc jure intelligi potest, ut eadem Glossa declaravit. Item in cap. *Quoniam*, de jur. patron. loquens Concil. Lateran. de hoc jure, vocat illud *potestatem*, in qua *ecclesia huc usque patronos sustinuit*. Quibus verbis significat, hoc jus antiquissimum esse. Et certe Concilium Arausican. satis antiquum est, & dict. cap. *Decernimus*, cum sequentibus satis antiqua etiam sunt, & hujus juris mentionem faciunt, & in nullo sit mentio de illo, tanquam de re tunc primum instituta, unde initium illius, ut opinor, ignoratur, quod est signum antiquissimæ traditionis. Quidquid vero sit de initio ejus, certissimum est, & justissime institutum esse, & patronis convenire secundum conditionem, & modum in jure canonico expressum; unde ab auctoribus hoc jus ad honorificum titulum censetur pertinere, ut videre licet in Joanne Andr. Panormitano, & aliis locis supra citatis.

3 Quæstio ergo proposita maxime procedit de jure patronatus ratione hujus ultimi favoris, & actus ejus: nam reliqui magis temporales sunt, & per se non habent annexionem cum re spirituali; nam licet ex actu religionis, seu pietatis, qualis est ædificare, vel dotare ecclesiam, resultent; illa non est annexio ad spirituale, nec repugnat ex spirituali resultare aliquid mere temporale, sicut ex jure decimarum resultat in patrocho dominium decimarum, quod semel acquisitum in re temporale est, & ideo decimæ jam possesse vendi possunt. Ita ergo jus patronatus quoad honorem humanum, & quoad defensionem, & utilitatem temporalem ex beneficio facto ecclesiæ, quasi jure naturali gratitudinis nascitur, etiam si jure canonico stabilitum sit, & majori fortasse obligatione ecclesiæ impositum. Nihilominus tamen secundum illos respectus tantum temporale manet, quia jure etiam canonicum potest aliquid temporale præcipere, & licet id præcipiat ex motivo spirituali, seu in ordine ad spiritualia, id non sufficit ad connexionem, de qua tractamus, ut constat. Quia jus patronatus secundum illos respectus non est materia simoniæ, ut sentiunt omnes auctores statim referendi, & colligitur etiam ex juribus allegandis. Quamvis alia ratione etiam secundum illos respectus invendibile videatur, quia non est transferibile ad alios, nisi jure sanguinis, & quasi intrinseco hæreditario jure, ut notatur, & colligitur ex cap. *Nobis*, de iur. patron. junctis cap. *Quicumque*, & cap. *Filiis*, quæst. 7. Et ratio est, quia illud debitum gratitudinis, est quasi personale, & ideo vendi non potest extraneis; consanguineis autem communicatur, seu ad illos redundat, quia sunt aliquo modo unum cum fundatore per vinculum naturale consanguinitatis. At vero jus patronatus sub ultimo respectu, transferri potest etiam ad extraneos, ut iura concedunt, quia cum ecclesia eam facultatem patronis concesserit quasi ex abundantia gratitudinis ultra naturale debitum, voluit illam concedere cum maiori amplitudine, & liberalitate, ut patebit.

4 Hinc ergo intelligi potest dubitandi ratio, quia licet hoc ius ab ecclesia manaverit, tamen in se mere temporale esse videtur, ac subinde non esse materia simoniæ, sed vendi posse. Assumptum patet primo, quia est ius de se commune laicis, qui non sunt capaces spiritualium iurium. Secundo, quia transfertur ad hæredes iure sanguinis, sicut dictum est de eodem iure quoad alios respectus; ad spiritualia non transeunt iure hæreditario, alias in beneficiis etiam posset esse hæreditas. Tercio etiam ad extraneos transire potest, non solum per donationem, sed etiam per venditionem, ut ex iure constat, & statim probabitur: ergo simpliciter est quid temporale. Quarto illud ius solum esse videtur quidam humanus honor, quia

Jus patro-
natus
quoad ho-
norem,
defensio-
nem &
utilitatē
tempora-
lem non
est mat.
simon.

An jus
præsen-
di, quod
in patro-
no datur
simon.

quia nullum spirituale fructum, vel effectum habet. Nam si aliquem haberet, maxime præsentationem ad rem spirituales, ut ad beneficium: at hoc nihil spirituale est, quia per illam præsentationem nullum jus spirituale confertur, sed solum quasi applicatur materia, circa quam prælatus ecclesiæ operetur, quod valde remotum est ad actionem, vel effectum spirituales.

Deciditur
quæstio
pro parte
affirmati-
væ.

5 Nihilominus dicendum est primo, jus patronatus, quatenus est jus præsentandi ad ecclesiastica beneficia, esse materiam simoniæ, ac subinde peccatum simoniæ esse illud vendere. Hoc est certum, saltem de jure ecclesiastico, ut omnes Doctores fatentur, & patet ex cap. *Quia clerici*, ubi advocati vendi prohibentur; ut autem Glossa ibi Joann. Andreas, & alii exponunt, advocatia ibi idem significat, quod jus patronatus, & quamvis rationem vocis non reddant, ex ratione textus colligitur. Juxta quam interpretationem non immerito posset sub nomine *Defensoris*, & *Advocati* comprehendendi patronus in cap. *Salvator*, 1. quæstione tertia. Et ita ibidem eandem prohibitionem contineri. Ibi enim refertur caput Concilii Chalcedonensis, in quo prohibetur vendi officium *Defensoris*: & Urbanus papa declarat, *Defensorem* (inter alios) esse *Advocatum*. Si ergo jus patronatus advocatia appellatur, recte dicimus, patronum esse advocatum, quia etiam est defensor, cum ad illum pertineat jus defensionis, ut diximus. Unde etiam in capite *Præterea* 2. de jur. patronat. nomine advocati Glossa patronum intelligit, & in eodem textu videtur statim ita explicari. Nam hæc voces, advocati, patroni, vicedomini, &c. tanquam synonyma poni videntur. Quando ergo jus patronatus vocatur advocatia, licet idem jus significetur, non tamen sub eodem actu, sed advocatia dicitur a jure defendendi suam ecclesiam. Sed non refert, quia non respicitur, unde vox sumpta sit, sed quid significet, nam hoc jus licet plus habeat actus, idem est, & indivisibile. Eadem prohibitio habetur expresse in capite *De jure*, eodem, in dicto capite *Præterea*. Ratio, quæ in dicto capite *De jure* redditur, est, quia jus patronatus est spiritualibus annexum, simonia autem committitur, etiam circa spiritualibus annexa, capite *Quæsitum*, de rerum permut. capite primo de Transact. capite *Quærelam*, de simonia.

An simonia commissa in venditione juris patronatus sit non solum contra jus ecclesiasticum, sed etiam contra Divinum

6 Ad explicandam vero magis hanc rationem queri potest, an simonia, quæ in venditione juris patronatus committitur, sit non solum contra jus ecclesiasticum, sed etiam contra Divinum. Nam ex dicta ratione videtur sequi, solum esse contra prohibitionem ecclesiæ, quia vendere ea, quæ spiritualibus sunt annexa solum antecedenter, non est per se, & intrinsece malum, ut supra dictum est, sed jus patronatus solum antecedenter est annexum beneficio, ut constat: ergo si solum ratione annexionis hujus invendibile est, non natura sua, sed sola prohibitione est invendibile: ac subinde simonia ibi non est contra jus Divinum, sed solum contra humanum. Et confirmatur primo, nam jus patronatus solum est ex ecclesiæ institutione, & non consistit in aliqua consecratione, vel benedictione, per quam res fiat sacra, aut spiritualis: ergo non habet, unde sit materia simoniæ contra Divinum jus. Confirmatur secundo, quia Divus Thomas secunda secundæ, quæstione centesima, articulo quarto jus patronatus ponit inter ea, quæ aliquo modo vendi possunt, non autem in quantum sunt spiritualibus annexa: ergo secluso jure positivo, posset vendi jus patronatus secundum se spectatum, licet formaliter non posset vendi propter annexionem ad beneficium. Confirmatur tertio, quia jus sepulture, & jus habendi in ecclesia honorificum locum, seu stallum (ut alii loquuntur) vendi possunt, seclusa prohibitione ecclesiæ: ergo & ius præsentandi. Atque ita videntur sentire Theologi in 4. distinctione vigesima quinta, D. Thom. quæstione tertia, articulo secundo, quæstione tertia ad tertium. Et ibidem Palud. Richar. Durand. & Mai. Anton. secunda parte, titulo primo, capite quinto, §. secundo, Silvest. verb. *Simonia*, quæstione decima

secunda, & ibi alii Summistæ, Soto libro nono, quæstione septima, articulo primo, Navar. dicto capite vigesimo tertio, numero nonagesimo nono, & centesimo octavo.

7 Nihilominus dico secundo. Post factam ab ecclesiæ institutionem iuris patronatus, ipsum ex natura rei, & ex Divino naturali iure invendibile est, & materia propriissima simoniæ. Juxta istam conclusionem intelligendi sunt dicti auctores: illam enim non negant: & quamvis distincte illam non explicant, nihilominus illam magis significant, qui dicunt ius patronatus secundum se non esse vendibile, licet possit transire cum universitate, de quo statim dicetur. At vero Doctores canonistæ divisi valde videntur circa hanc assertionem: quidam enim simpliciter dicunt, ius patronatus secundum se spectatum mere temporale esse, & solum propter annexionem reputari tanquam spirituale, quibus favent iura, quæ vocant hoc ius annexum spiritualibus, ut dictum capit. *De jure*, cum similibus. Ita Abb. Deci. & alii in Rub. & in cap. *Quanto*, de Judic. & in d. cap. *De jure*: quos multi sequuntur, ut late tractat Selva. 1. part. de Benef. cap. 7. num. 78. & seqq. Alii vocant partim temporale, partim spirituale, ut Glossa in cap. *Pia mentis*, 16. q. 7. Alii tenent, esse simpliciter, & secundum se spirituale: & isti multum favent nostræ assertioni. Tradidit autem id Anton. de Butr. & Andr. Barbat. in dict. cap. *Quando*, & in Rub. de Judic. Et tradit Gloss. ultim. in cap. *Præterea*, 1. de Transact. Et idem plane sensisse videtur altera Gloss. citata, non enim vocat partim spirituale, partim temporale hoc ius, quia partim, & partim habeat, nam indivisibile est, sed (ut eadem bene explicat) quia secundum diversas habitudines videtur cum temporalibus, & spiritualibus rebus, aut iuribus convenire. De temporalitate ergo solum illi attribuit, quod laicis convenire potest, & quod transit ad hæredes: spiritualitatem autem solum inde colligit, quod vendi non potest, utique per se, & natura sua: alias non bene inferret. Illæ autem duæ conditiones non indicant, esse hoc ius temporale, sed solum in aliquo convenire cum illo. Quin potius Anton. & Barbat. supra ex priori conditione colligunt, esse spirituale hoc ius: quia in laicis tanquam in subiecto extraneo, & præter regulam communem talium iurum ex speciali gratia ecclesiæ (ut loquuntur iura supra citata) invenitur. Et eodem modo transit ad hæredes, non formaliter (ut sic dicam) id est ex vitæ temporalis iuris hæreditarii, sed ex gratia etiam ecclesiæ, quæ voluit illum favorem etiam personis per patronum vocatis, aut illum repræsentantibus, communicare.

8 Hæc ergo sententia mihi valde placet: nihil enim video in ipso iure patronatus, quod merito dici possit temporale proprie, & in se, multa autem video, propter quæ debeat simpliciter, & intrinsece, ac in se iudicari spirituale. Primum enim ab eadem spirituali potestate ecclesiasticæ iurisdictionis, qua beneficia ecclesiastica instituta, & modus conferendi illa, & aliæ conditiones ad illa requisitæ ordinatæ sunt: ab eadem hoc ius inventum, & creatum est; ergo ab origine spirituale est. Deinde terminus, ad quem tendit, spiritualis est, ut constat, nam est beneficium ecclesiasticum, & potestas iurisdictionis, vel administrationis ecclesiasticæ, quæ per illud conferri solet. Actus etiam huius iuris spiritualis est, nam est præsentatio ad beneficium spirituale. Per quam præsentationem non utcumque applicatur materia, seu subiectum, sed etiam quodammodo fit proxime capax institutionis ad beneficium, adeo ut si persona sit idonea, & digna, necessario instituenda sit iuxta caput, *Significasti*, capite *Suggestum*, cum similibus, de iur. patron. Et si institutio sine prævia præsentatione fiat, irrita sit, iuxta cap. *Illud*, eodem. Ergo præsentatio, licet non conferat proprium ius, ut Juristæ volunt in cap. *Quanto*, per eundem textum 63. d. & alii apud Gomez in Regul. de Trienn. possess. quæst. 35. nihilominus confert quasi proximam moralem capacitatem, quæ, ut talis est, spiritualis est, nam ad formam spirituales, & ex spirituali ecclesiæ potestate ordinata, & prærequisita est.

Postquam ab ecclesiæ institutione ius patronatus instituitur, illud ius simoniæ non ita ius Divinum naturale.

Ius patronatus spirituale debet iudicari propter multa, quæ in eo sunt.

9 Denique ex his concluditur, etiam jus ipsum patronatus in se spirituale quid esse, quia est veluti potentia moralis ad aliquid agendum, potentia autem ab objecto, & actu sumit suam speciem, & conditionem; cum ergo illa potentia ad objectum spirituale per actum spirituale tendat, ut ostensum est, ipsa etiam in se spiritualis iudicanda est. Nam licet non sit potentia physica, sed moralis, & pertineat ad jura, quæ incorporalia vocantur, etiam in illo ordine dari potest jus spirituale, ut patet in ipsa spirituali jurisdictione, vel in jure eligendi ad beneficia, cui proxime accedit jus præsentandi. Unde confirmatur ratio: nam jus eligendi ad prælationem ecclesiasticam, etiam si contingat esse in laico, ut olim fortasse permixtum est, juxta ea, quæ referuntur in Decretis, distinct. 63. spirituale est, quia illud jus ex origine, objecto, & actu spirituale est, & non mutat naturam propter subjectum, quia, cum sit quid morale, potest etiam moraliter inesse laico ex dispensatione, & concessione ecclesiæ; ergo idem erit de jure præsentandi. Nec refert, quod etiam dicatur annexum rei spirituali, non enim repugnat, id, quod una ratione spirituale est, si sit omnino respectivum, & ordinatum ad aliud spirituale, quod præcipuum est, dici illi annexum: sic enim vasa sacra, etiam ut sacra sunt, dicuntur esse annexa spirituali, scilicet, sacrificio, & sacramentis, ut D. Thomas, & alii loquuntur: quod non obstat, quominus vasa, ut consecrata, sint in se quid spirituale, ut supra declaratum est. Ita ergo jus patronatus est quidem in se quid spirituale, tamen quia totum suum esse est in ordine ad beneficium, ideo per suammet spiritualitatem est annexum alteri spirituali principaliori.

10 Ex hoc ergo principio optime probatur secunda assertio posita. Nam id, quod est secundum se spirituale, & supernaturale, natura sua est invendibile, & consequenter est materia simoniæ juri Divino contrariæ, ut sæpe in superioribus ostensum est, sed jus patronatus secundum se spectatum est quid spirituale, ut ostendimus: ergo est materia propriissima simoniæ. Nec refert, quod illud jus sit ab ecclesiâ inventum, & institutum, nam etiam prima confusio est ab ecclesiâ instituta, & calicis consecratio, & similia, & nihilominus sunt materia propriæ simoniæ. Quia si illud, quod instituitur, est spirituale, inde habet, quod sit materia simoniæ, parumque refert, quod sit a Deo immediate, vel ab homine institutum. Maxime cum homo in hac institutione, potestate Divina sibi concessa utatur, & ita institutio semper ad Deum ut supernaturalium, & spiritualium principalem auctorem referatur. Nec etiam refert, quod hoc jus possideatur a laico, quia non ideo mutat naturam suam, character enim baptismi etiam est in laico, & nihilominus est natura sua invendibile, & jus eligendi ad beneficia, etiam si laico communicaretur, invendibile permaneret. Et confirmatur, quia magis invendibile est hoc jus, quam calix, ut calix, vel saltem non minus, sed calix ut calix est natura sua invendibilis, & de jure Divino; ergo & hoc jus. Unde etiam confirmatur, quia sicut calix non potest vendi carius ratione consecrationis, ita nec fundus, cui annexum jus patronatus, ratione illius, ut omnes fatentur, quia jam venderetur ipsum jus, sicut in priori casu venderetur consecratio; ergo est par utriusque ratio. Atque hinc etiam sumitur optima ratio, quia jus hoc non habet æstimationem ullam, vel valorem, nisi ratione beneficii, ad quod refertur, ut per se constat: ergo si, ut tale est, vendatur, beneficia virtute venduntur, saltem ut dantia valorem juri patronatus; hoc autem est contra Divinum jus, ut supra ostensum est; ergo. Quo tandem fit, ut licet hoc jus vocetur annexum beneficio, nihilominus sit ex Divino jure invendibile, quia illam annexionem habet intrinsecam, & naturalem, & inseparabilem a tali jure, quia totum suum esse habet in ordine ad beneficium, & inde accipit totam suam æstimationem, & dignitatem. Et licet ecclesiâ possit efficere, vel destruere tale jus, tamen quod sit, & non sit annexum beneficio, fieri per ecclesiâ non potest, non est ergo vendibile, nisi

secundum talem annexionem vendatur: at hoc contra Divinum ius est; ergo.

11 Atque hinc sequitur (quod etiam confirmat præcedentem assertionem) actum istius iuris, scilicet, præsentationem ad beneficium, materiam esse simoniæ contrariæ juri Divino. Patet, quia & est actus spiritualis, ut ostendi, & per illum aliquid spirituale confertur, ut etiam declaravi, & a supernaturali quodam iure, seu potestate procedit, ut etiam satis probatum est; ergo. Confirmatur 1. quia si præsentatio esset pretio vendibilis, profecto ius præsentandi, saltem hoc titulo, esset pretio æstimabile, propter commoditatem temporalem, quam secum afferret. Confirmatur 2. quia si præsentatio esset vendibilis, facile præsentarentur indigni, & infinita incommoda sequerentur. Et ita declaratur in cap. *Præterea*, 1. de Transact. ubi late Abb. & alii, quos refert, & sequitur Redoan, part. 3. cap. 13. numer. 22. & sequentibus, & cap. 14. per totum. Ubi in numer. 7. hoc ampliat, ut procedat, ubi sunt plures patroni, & unius tantum vox emitur, etiam si contingat, illam non esse necessariam, ut fiat præsentatio: quod mihi verum videtur, quia illud est accidentarium, & quod ibi emitur, & venditur, semper est spirituale. Et in electione videtur id aperte definitum in cap. *Matthews*, de simon. Est autem eadem ratio de præsentatione, ut ibi etiam Doctores adnotant, & alii, quos Redoan. refert.

12 Dico tertio: Licet ius patronatus vendi non possit, transire potest cum re vendita, dummodo ratione illius res illa non carius vendatur. Ita docet D. Thom. d. art. 4. ad 3. & ceteri Theologi allegati, & Juriste omnes, ut patebit. Habeturque expresse in cap. *Ex litteris*, cap. *Cum seculum*, de iur. patr. Ex quibus iuribus sumitur ratio, quia sicut ius canonicum potuit conferre laico patrono hoc ius præsentandi, ita potuit dare illud, non solum pro persona cuius, sed etiam pro suis hæredibus, vel successoribus; vel potuit illud dare cum facultate transferendi, sicut interdum datur pensio; vel potuit concedere, ut hoc ius ita connectatur, vel quasi affigatur alicui rei temporali, ut hæc vendatur, cum illa transeat. Nam hæc omnia non repugnant spiritualitati illius iuris, ut ex ipsa declaratione, & exemplis satis constat. Vendit enim calice, non venditur consecratio, etiam si cum illo transferatur, quia supponimus, calicem in venditione non fuisse pluris æstimatum ratione consecrationis, idem ergo in præsentanti dicendum est.

13 Atque ita nota etiam est ultima pars assertionis; ex qua obiter colliges, in nullo humano contractu, vel solutione, aut compensatione rei temporalis haberi posse rationem iuris patronatus: nam eo ipso venderetur. Ut licet homini habenti ius patronatus illud in solutionem temporalis debiti dare, etiam si alia temporalia bona non habeat, quia iam venderet illud. Nec potest unus hæres alteri ius patronatus cedere in compensationem maioris portionis, quam accipit, nec potest dari in feudum, vel alio simili modo in onerosum contractum deduci, ut late Abb. in cap. *Querimoniam*, & cap. *Ex litteris*, 2. de iur. patr. & attigit Innoc. ibi, & cap. *Cum seculum*, eodem, plura Tabien. verb. *Jus patronatus*, num. 7. & sequentibus.

14 Hinc vero ulterius intulit Ugolin. Tab. 2. cap. 49. §. 2. numer. 5. simoniam esse, in casu litigioso præsentare aliquem ad beneficium sub conditione, ut suis expensis litiget, & probet ius præsentandi pertinere ad præsentantem: quia tunc præsentatio venditur pro illis expensis. Refertque Navar. Constit. 12. de simon. ubi Navar. videtur magis id supponere, quam asserere. Itaque in illa specie onerosi pacti videtur id verum, quia plus exigitur sub obligatione a præsentato, quam ipse facere teneatur. At vero si conditio tantum sit, ut nisi præsentatus intra tempus a iure statutum suam præsentationem prosequatur, præsentans iure etiam suo uti possit ad præsentandum alium, vel agere, quod sibi fuerit opportunum, nulla committeretur simonia. Et hic est casus, quem Navar. tractat. Et ratio est, quia tunc nullum onus, nulla obligatio imponitur præsentato, præter eam, quæ iure inest, unde non cogitur litigare absolute,

Præsentatio ad beneficium est materia simon.

Licet jus patronatus non possit vendi, potest tamen transire cum re vendita, dummodo res non ex eo vendatur carius.

In illo humano contractu rei temporalis haberi potest ratio iuris patronatus.

Simonia esse in beneficio litigioso aliquem præsentare ea conditione, ut suis expensis litiget.

Ex eo quod jus patronatus sit in se spirituale, monstratur esse materiam simoniæ juri Divino contrariam.

sed sub conditione, si velit suam præsentationem firmam retinere, nec obligatur ad probandum ius præsentantis, nec ad litigandum pro illo, sed pro se, & pro jure suo, si voluerit illud obtinere. Quod vero inde possit indirecte commodum redundare in præsentantem, si præsentatus volens prosequi præsentationem, litem vincat, non facit, præsentationem esse simoniacam, cum id non obstat gratuitæ præsentationi, ut constat.

Jus Patronatus non potest in alio trans ferri, nisi modo, & in casibus a jure expressis.

Tribus modis hæc facultas Patronatus datur.

Primus est per ius hereditarium.

2. Per liberalem donationem.

3. Modus transferendi ius Patronatus est cum re venditur.

15 Tandem ex dicta assertione, & ejus probatione inferri potest, ius patronatus, non posse a patrono in alium transferri, nisi modo, & in casibus a jure expressis. Quod notavit Menoch. referens alios Conf. 90. numer. 79. Et sumitur ex generali regula, quod laici in spiritualibus non possunt, nisi quod eis concessum est a canonico jure, juxta Gloss. in cap. ult. in Inno. & Abb. in cap. Quanto, de consuetud. Ratio etiam clara est, quia hæc potestas transferendi non competit ex natura rei, quasi separata a jure; tum quia in his rebus non est alia natura, nisi quam jus canonicum eis tribuit; tum etiam quia potius ordinaria, & quasi naturalis conditio horum jurium spiritualium est, ut privata auctoritate non transferantur, sed cum dignitatibus ecclesiasticis, vel a prælatis ecclesiæ conferantur. Ergo solum convenit hæc facultas patrono ex speciali gratia, & concessione juris positivi. Ergo non potest excedere ipsius juris dispositionem. Oportet autem breviter hos modos exponere, quia ad perfectam intelligentiam tertie assertionis necessarium est. Tribus ergo modis, seu in tribus casibus hæc facultas patrono conceditur, ut notat Gloss. in cap. Cum seculum, de jur. patron. Primus est jure hereditario, & extenditur non solum ad hæredes necessarios, sed etiam ad voluntarios, non solum consanguineos, sed etiam extraneos, quia jus absolute loquitur, & nihil distinguit, ut notat Gloss. per text. in Clemen. II. de jur. patron. & Joan. Andr. in dicto cap. Cum seculum. Et idem eodem modo sumitur ex cap. Considerandum, cap. Si plures, 16. quæst. 7.

16 Secundus modus est per liberalem donationem, quia unusquisque potest in alium transferre jus, quod habet, ut dicitur in cap. Cura, de jur. patron. Dicunt autem Juristæ, donationem hanc factam loco religioso validam esse, etiam si sit sine auctoritate episcopi, ut autem fiat, quibuscumque aliis necessarium esse episcopi consensum, & prima quidem pars expresse habetur in cap. unic. de jur. patron. in 6. ita explicante: & confirmante cap. Illud, extra eodem contra Gloss. ibi, ut norant Innocent. & Hostiens. ibi, & in cap. Cura, eod. Altera vero pars non est tam clara, quia illa conditio consensus episcopi ad valorem hujus donationis, in dicto cap. Cura, non postulat. Nec ego invenio jus aliquod expressum in quo postuletur. Nam jura ad hoc allegantur, scilicet cap. Quod autem, cap. Nullum, cap. Cum laici, de jur. patronat. cap. Nemini, 16. quæst. 7. hæc (inquam) jura non loquuntur de ipsomet jure patronatus, sed de ipsis ecclesiis, seu beneficiis, quæ sine auctoritate episcopi patroni dare non possunt, non solum aliis privatis personis, verum nec locis religiosis, ut expresse in eisdem iuribus dicitur. Quod autem ad donandum ipsum ius patronatus alteri personæ privatæ, sit necessarius consensus episcopi, nulli inveniò expresse requisitum. Tamen quia in dicto cap. Illud, & dicto cap. unic. tanquam speciale conceditur locis religiosis, ut donatio iuris patronatus illis facta sine assensu episcopi rata sit, ideo si aliis fiat, censetur invalida. Et ita est supponendum ex communi canonistarum sententia in eisdem locis.

17 Tertius modus transferendi ius patronatus est cum re venditur, iuxta cap. Ex litteris, cap. Cum seculum, de iur. patronatus, ut autem tam hic modus, (qui ad rem præsentem maxime spectat,) quam priores magis declarentur, advertere necessarium est, dupliciter posse alicui laico ius patronatus convenire, scilicet, vel ratione alicuius rei, quam possidet, cui veluti coheret ius patronatus, vel immediate ratione suæ personæ, quia ipse fundavit ec-

clesiam, vel est successor eius, qui illam fundavit; & ius in ipsam transtulit aliquo ex duobus prioribus modis. Et primum vocare possumus ius patronatus reale, secundum personale, ut brevibus terminis utamur. Quando ergo ius patronatus inest fundo, aut villæ, in qua est ecclesia, tunc recte intelligitur, vendita terra, aut villa, cui est conjunctum ius patronatus, cum illa transeat sine venditione talis juris, servata tertia assertione a nobis posita. Et in hoc casu plane loquuntur Jura in d. capit. Ex litteris, & capite Cum seculum. Et in eodem sensu dixit Divus Thomas: Jus patronatus per se non venditur, sed transit cum villa, quæ venditur, vel conceditur. Ubi ponderanda sunt illa duo verba, quia si per venditionem villæ potest transire ad eminentem ius Patronatus sine assensu Episcopi, sed ex vi iuris, a fortiori poterit transire, si villa libere donetur. Et ita limitandum est, quod in secundo modo dictum est de consensu Episcopi requisito, intelligitur enim, quando ius patronatus solum, & per se donatur: secus vero est, si transeat cum donatione villæ. Nam quod venditioni conceditur, multo magis liberali donationi concessum esse credendum est: cum hæc multo magis aliena sit ab omni apparentia Simonie, & alioquin majori favore digna sit. Potestque colligi ex dicto capit. Cum seculum, ibi, Cum ratione feudorum emptorum, aliterve acquirentium, &c. Ratio autem generalis est, quia accessorium sequitur principale, cui adhæret, tunc autem ius patronatus se habet sicut accessorium ad villam, quia est quasi accedens illi inhærens, & optime quoad hoc comparatur cum calicis consecratione.

18 Quia vero necessarium est (ut diximus) ut villa, vel fundus eo titulo non vendatur carius, solent Juristæ interrogare, an sit venditio simoniaca, quando in venditione exprimitur ipsum ius patronatus. Quidam enim affirmant, eo ipso iudicandam esse venditionem simoniacam: alii simpliciter negant, alii distinctione in verbis utuntur, nam si dicatur vendi villa, & ius Patronatus, simonia est; si vero dicatur vendi villa cum iure Patronatus, non est simonia. Verumtamen, ut bene dixit Silvest. d. q. 2. ad forum conscientie hoc parum refert, quia si bona fuit intentio, & pretium non excessit valorem villæ per se spectatæ, parum refert, quod his, vel illis verbis fuerit contractus conceptus. Existimoque etiam in foro exteriori præsumendum esse contractum licitum, si ex aliis circumstantiis aliud non colligatur verisimiliter. Nam illa expressio utroque illorum modorum facta potest habere sensum, qui culpam excuset, & ideo talis sensus semper præsumendus est, cæteris paribus. Et ad hoc valent multa principia Juris, & conjecturæ, quas in simili adducit Navar. conf. 12. de Simon. Potestque non immerito aliquando exprimi ius patronatus in illa venditione; tum ut de illo constet; tum ut non putetur reservatum, aut separatum a villa. Optima autem forma exprimendi illud accipi potest ex d. c. Ex litteris: ibi, si vobis constititerit, quod præfata militi præscripta villa fuerit, non excepto jure Patronatus, ad formam concessa. Negativa ergo forma optima erit, vendi villam, non excepto iure patronatus, quamvis enim eo ipso, quod non excipitur, intelligatur translatum, iuxta illum textum, & iuxta vulgarem regulam, quod accessorium sequitur principale: nihil tamen nocere potest, quod in illa forma exprimitur, quia non plus exigitur, quam Jure concedatur.

19 At vero quando ius patronatus non coheret fundo, aut villæ, sed personæ, merito dubitari potest, an venditis bonis, cum illis transeat ius Patronatus? Et quidem si Patronus solum vendat unam, vel alteram partem suorum bonorum, ut domum, aut vineam, certum est, non transire ex vi venditionis, quia nulla est connexio, nec ratio translationis. At vero si venditio fiat omnium bonorum, tunc multi Juristæ censent, transferri etiam in emptorem ius patronatus. Sic enim dicere solent, transire ius patronatus cum universitate, utique bonorum,

Jus Patronatus val et reale, vel personale.

An venditio sit Simoniacæ ex eo quod in ea exprimitur ius patronatus.

Resolvitur non esse Simoniam.

Quando ius patronatus est personale an venditis bonis transeat cum illis.

Partē af-
firmat. qui
fequitur.

si vendatur. Ita tenent communiter Canonistæ in d. c. *Ex litteris* de Jure Patr. in ca. *Quarto* de Jud. Et multi alii, quos refert Covar. lib. 2. Var. c. 18. num. 6. & sequent. Sed non video in Jure Canonico sufficiens fundamentum hujus sententiæ, & ideo contrariam opinionem veriorē censeo, quam ibidem Covar. ex multis auctoribus, quos etiam refert, & sequitur Lamberti. de Jur. Patr. lib. 1. 2. p. qu. 5. princ. art. 14. nu. 20. & art. 15. num. 8. & 13. Et ratio est, quia si jus patronatus non cohæret rei venditæ, non transfertur ex vi venditionis illius, quia quando res non sunt inter se connexæ, non est, unde una secum ferat aliam ex vi translationis unius tantum. Sicut in moribus physicis una res non movetur ad motum alterius, nisi propter aliquam unionem inter illas: & in moralibus per donationem unius rei non censetur consequenter alia donata, quæ cum priori connexa non est: idem in legatis est manifestum; idem ergo est in venditione: Si ergo jus patronatus non cohæret universitati, etiam si hæc vendatur, non transferetur in emptorem ex vi alterius rei venditæ; ergo si transferretur, esset, quia reputaretur tanquam pars universitatis, & per se vendita partialiter, sicut aliæ partes, quod esset simoniacum, ut constat.

Negativa
preferitur.

Objeçio.

Respon-
detur.

20 Dices, hac ratione probaretur etiam, non transire hoc jus cum hæreditate, quia est personale, & non reale, quia cum non cohæreat hæreditati, etiam si illa relinquatur hæredi, & ex vi illius non transibit jus patronatus. Respondetur, negando primam consequentiam, quia licet non transeat ex vi bonorum, quæ heredi relinquuntur, transit ex vi juris, & ratione illius ex vi hæreditatis, ut talis est: nam Jus Canonicum ita disposuit in hærede, non autem in emptore. Neque ab uno ad aliud potest fieri extensio, seu illatio: tum quia sunt valde diversa: hæres enim repræsentat personam defuncti, non autem emptor: & propterea hæres solet succedere in omnibus juribus, & honoribus, non autem emptor, ut de jure sepulture colligitur ex leg. *Quiaperinde* 42. Ad Trebellian. & de Jure Patronatus in liberos ex leg. *Si Patron.* 55. eodem, ut statim dicemus. Adde, quod hæres regulariter esse solet sanguine conjunctus: & hoc titulo dignus est, ut ecclesia illi fecerit hanc gratiam; quando vero instituitur extraneus, indicat in testatore amicitiam erga illum, quæ æquivalere possit sanguini, & ideo illi etiam voluit ecclesia favere: in emptore vero non procedit ulla similis ratio, ut constat, & ita nisi res ipsa vendita quasi necessitate quadam secum ferat jus patronatus tanquam accessorium, in favorem emptoris nunquam hoc concessum est. Accedit tandem, quod in institutione hæredis tota donatio est mere gratuita, & ideo extendi optime potuit ad jus patronatus, etiam si necessarium esset per se, & directe ex speciali voluntate testatoris transferri. Secus vero est in venditione bonorum, quia voluntas vendendi non potest licite cadere in jus patronatus per se spectatum, ideoque si ex vi connexionis cum re ipsa non transferatur, ex vi voluntatis vendentis transferri non potest. Quod si dicas, posse vendentem habere voluntatem transferendi gratis hoc jus, licet alia bona pro pretio vendat. Respondeo primum, id non præsumi in venditore, & ideo non oportuisse, ut jus faveret huic voluntati, Deinde quando venditor bonorum habuerit hanc voluntatem erga emptorem, tunc per accidens, & concomitanter conjungentur venditio unius, & donatio alterius: ideoque sicut jus patronatus donari non potest alicui sine approbatione episcopi, ita nec tunc fieri poterit, nisi locus religiosus sit. Et tunc oporteret certo constare, contractus non misceri, ita ut unus fiat propter alium, sed jus patronatus omnino gratis donari, & ita tunc non transferretur in emptorem, ut sic, sed in donarium.

21 Sed quæret tandem aliquis, quid dicendum sit, quando jus patronatus, & bona habent inter se connexionem, non tamen jus patronatus cohæret bonis, sed potius bona cohærent juri patronatus. Ut verbi gratia, quia patronus instituit, ac voluit, ut qui esset patronus, semper possideret talia bona, non tam in gratiam, & commodum ejus, quam in ecclesiæ utilitatem, sc. ut cum ecclesiâ, in qua est jus patronatus,

Suar. Tom. XII.

indiguerit, possit, ac debeat patronus ex talibus bonis ecclesiæ succurrere. Dicunt enim aliqui, tunc venditis bonis non transire cum illis jus patronatus, quia tunc jus patronatus non est accessorium ad bona, ut sequatur illa, sed potius bona sunt accessoria ad jus patronatus, quia sunt gratia illius, Argument. legis, *Et si non sunt*, ff. de Aur. & Argent. legat. Sed hoc difficile creditur est; nam inde fieret, talia bona temporalia esse prorsus invendibilia ex vi talis institutionis, quia nec vendi possunt, transferendo jus patronatus, quia committeretur simonia; nec etiam separari possent ab illo, quia fieret contra voluntatem testatoris. Consequens autem falsum videtur, & incredibile. Quia nec institutio patroni obligat expresse ad nunquam vendendum illa bona, sed gratis donandum, ut supponimus, nec id necessario sequitur ex tali institutione, cum possit voluntas patroni impleri transferendo utrumque simul in alterum, etiam si bona ipsa iusto pretio vendantur. Nec denique ibi intervenit ratio simoniæ, quia supponimus, bona non pluries vendi propter conjunctionem ad ius patronatus, immo fortasse minori pretio vendi propter onus, quod habent adiunctum subveniendi aliquando ecclesiæ, in qua est jus patronatus.

22 Quocirca distinctione utendum puto, nam vel illa bona ita sunt annexa iuri patronatus, ut omnes fructus eorum ex necessitate, & obligatione convertendi sint in usus ecclesiæ, & quasi spirituale servitium iuris patronatus, & tunc credo, vendi non posse, transferendo cum illis ius patronatus, quia tunc moraliter loquendo non habent æstimationem ratione suorum proventuum temporalium, cum omnes ad ecclesiam pertineant; solum ergo possunt æstimari propter honorē iuris patronatus, & hoc titulo æstimari pretio non possunt, alias ipsum ius patronatus venderetur. Aut illa bona ita comitantur ius patronatus, ut ordinari cedant in temporalem commoditatem habentis tale ius patronatus, licet per occasionem necessitatis ecclesiæ debeat aliquando ei providere. Et tunc dico, esse pretio æstimabilia, & vendi posse, non obstante connexionem cum iure patronatus, quia habent suum temporalem usum, & commoditatem, ob quam pretio æstimantur. Neque propterea venditur ius patronatus, cum intuitu illius pretium non augeatur. Neque refert, quod tunc bona temporalia sint accessoria, quia non sunt omnino accessoria, sed per se etiam suam considerationem, & commoditatem habent: unde si sub hac ratione spectentur, onus succurrendi ecclesiæ tempore opportuno est quasi accessorium respectu talium bonorum sic spectatorum. Eo vel maxime quod consecutio illa, & inseparabilitas bonorum talium a tali iure patronatus non est ex natura rei, sed ex voluntate instituentis. Et ideo ad rationem simoniæ parum refert illa ratio accessorii, vel principalis, orta ex intentione instituentis: sed respiciendum est, an in venditione possit unum ab alio separari, quod hic optime fit, etiam si connexio sub illo respectu facta fuerit.

23 Rationes omnes dubitandi propositæ num. 4. & 6. explicando, & probando nostram sententiam, solutæ sunt, nec de illis addere quippiam necesse est, præterquam de ultima confirmatione posita in num. 6. in quo duo petuntur. Unum est de iure sepulture, an liceat illud vendere, vel pretio emere, de quo videri possunt supra dicta cap. 14. ibi enim occasione sepulture de jure ad illam diximus, quatenus laicis convenire potest. Nam aliud est ius sepulture, quod ecclesiæ ipsi, seu eius clericis competit, quod dicitur ius funerandi, seu sepeliendi. Et primum dici potest quasi passivum, quia est ius, ut quis sepeliatur, secundum vero activum, quia est ad sepeliendum alium, vel celebrandum officium, de quo constat esse magis spirituale, & invendibile, quia convenit ratione ecclesiasticæ administrationis, & potestatis, & officium eius spirituale est, de quo etiam supra diximus. Et plura de his iuribus videri possunt in Silvest. verb. *Sepultura*, Freder. de Sen. conf. 246. Lapo tractat. de Canon. port. num. 72. & 73. Redoan. p. 1. cap. 30. a num. 1. usque ad 6. & Supplem. Gabr. 4. dist. 25. qu. 2. dub. 10. usque ad finem qu. Ubi etiam tractat de alio iure, quod in illa confirmatione attingebatur, scil. de iure stalli, seu sedēdi,

Resolutio
quæstion.An liceat
vendere
ius sepul-
ture.An jus
stalli pos-
sit vendi.

F f

aut

aut standi in ecclesia in certo loco: definireque posse vendi. Sed de hoc invenio jus positivum aliquid statuens, vel prohibens; judicandum ergo est ex natura rei; spectata autem natura loci sacri, & usus ejus, ut talis est, profecto vendi non potest: onus autem, & obligatio accidentaria clericorum vendi posset, juxta supra dicta: quamvis etiam illud vitandum sit, quia non caret specie avaritiæ, & turpis lucri.

C A P U T XXIX.

Utrum temporalia officia ecclesie, vel actus eorum sint materia simonie.

Officia hæc, & eorum actus non sunt materia simonie, stando solum in jure divina.

Solvitur.

Difficultas an possit vendi collatio honorum officiorum.

Veraque simonis res solutio.

Hæc sola nobis superest quaestio circa materiam simoniæ. Duo autem videntur circa illam certa. Primum est, hæc officia, vel actiones eorum ex natura rei, & stando in solo divino jure naturali, non esse materiam simoniæ. Ita docent communiter Theologi in 4. dist. 25. Durand. quaest. 5. Palud. qu. 4. Cajet. & omnes Summistæ verb. *Simonia*, Soto d. lib. 9. quaest. 5. art. 2. Victor. d. Relect. a. num. 12. Idem sentiunt communiter Juristæ cum Glossa in cap. *Salvator* 1. quaest. 3. verb. *Et judicem*. Ubi Card. uterque & Archid. in cap. 1. eadem causa, & quaest. Inn. Abb. & alii in cap. 1. & 2. Ne prælati vices suas. Ratio autem clara est, quia hæc munia, vel officia non habent in se aliquid spiritualitatis, neque ordinantur ad spirituales actiones, sed tantum ad temporalia, ut sunt custodire, vel administrare res ecclesiæ, & similia, ut videbimus. Dices, hæc officia ordinari ad spiritualia, ut officium sacristæ ad cultum templi: officium syndici ad defensionem bonorum ecclesiæ &c. Ergo hoc satis est, ut vendi non possint ex se, quia sunt annexa spiritualibus. Respondeo, ordinari quidem ad spiritualia tanquam ad finem remotum: proxime vero versari circa opera mere corporalia, & materialia, & sub ea ratione spectari, quando dicuntur temporalia, & ex se vendibilia, quia non est necesse vendi secundum illum respectum, neque id liceret, sicut de omnibus actibus bonis dixit D. Thom. dicto art. 4. ad 1. Unde est apertum discrimen inter hæc officia, & ecclesiastica spiritualia. Nam hæc habent pro materia proxima functiones spirituales, & ideo non tantum ex fine intrinseco, sed ex propria materia spiritualia sunt, ac subinde natura sua invendibilia: illa vero sunt ex objecto, & materia mere temporalia, ordinatio vero ad spirituales finem extrinsecum est, & ideo secundum se non sunt materia simoniæ.

2 Dices, licet officium ipsum temporale sit, tamen conferre illud est actus spiritualis jurisdictionis, dictum est autem supra, non posse vendi actum jurisdictionis spiritualis, etiam si circa temporales causas versetur; ergo etiam hic non poterit vendi collatio talis officii, etiam si circa officium materiale versetur; ergo nec officium ipsum. Diceret fortasse aliquis, conferre illud officium non esse actum jurisdictionis, sed esse actum cujusdam eminentis potestatis administrandi res temporales ecclesiæ, quæ est in prælato, cujus participationem communicat ministro, quando illud officium temporale illi tribuit. Est autem differentia: quia in prælato est illa potestas eminentiori modo per ipsammet potestatem spiritualem, quæ eminenter extenditur ad temporalia, in ordine ad spiritualia, ministro autem solum datur temporalis quædam facultas administrandi res ecclesiasticas quoad id, quod materiale, & (ut dicam) mechanicum in eis est. Potestas enim spiritualis, & eminentior potest instituire, & donare aliquid mere temporale, ut supra dictum est. Sed non videtur hoc omnino evacuare difficultatem, quia semper ille actus distribuendi hæc officia, est immediate a potestate spirituali, & revera dici potest actus jurisdictionis ecclesiasticæ, vel æquiparari illi, & ita semper videtur esse de utroque eadem ratio. Dico ergo actionem illam distribuendi non vendi, nec esse vendibilem, sed terminum ejus, ut sic dicam: id est officium ipsum, quatenus in facto esse consideratum, est pretio æstimabile, ut habet temporalem commoditatem non annexam functionibus spiritualibus, sed temporalibus. Et ita cum illud offi-

cium venditur, non actus jurisdictionis venditur, sed res illa, quæ per jurisdictionem huic, vel illi applicatur, nam sicut jurisdictio est ad distribuendum, ita intelligi potest esse ad vendendum. Nam licet vendere sit magis actus dominii, quam jurisdictionis, tamen quando res æstimabilis pretio non est sub proprio, & privato dominio, sed sub communi, vel si est sub proprio, est tantum sub conditione, ut alteri necessario conferenda sit, tunc potest actus vendendi a potestate jurisdictionis, vel a potestate vendendi res communes proficisci. Sic enim vendere in necessitate vasa sacra, vel res ecclesiæ potest esse actus jurisdictionis, seu administrationis competentis ex potestate spirituali, & nihilominus per illum actum potest res vendi pro valore, quem secundum se habet.

3 Secundum principium certum est, hæc officia vendi non posse sine gravi peccato propter ecclesiæ prohibitionem. In hac etiam assertionem videntur convenire Doctores: sumitur enim ex Concil. Chalced. Canon. secundo. Et refertur in capite *Si quis Episcopus* 8. 1. quaestione 1. Et confirmatur ab Urbano papa in capite *Salvator* 1. quaestione 3. Ibi enim vendi prohibentur multa officia ecclesiastica, etiam temporalia, ut oeconomi, & cætera. Idemque habetur in capite *Consulere* de Simon. Unde non est dubium, quin hæc officia vendere, malum sit, saltem quia prohibitum. Verumtamen Glossa in dicto capite *Salvator*, verb. *Et judicem*, ultimo loco refert, & sequitur opinionem dicentem, non esse hoc illicitum: nam licet solum dicat expresse, non esse simoniacum, tamen dum ait, illam opinionem inherere consuetudini generali, plane sentit, sicut id non est simoniacum, ita non esse illicitum, quia vel prohibitum non est, vel consuetudo potuit prohibitioni derogare. Maxime vero dicitur esse consuetudo in Curia Romana, ut refert Jafon. in *Leg. illud* C. de Collat. & cum illa Glossa sentit ibi Præposit. num. 6. & 9. referens Cardin. Ray. & Summam confessor. Et idem approbat Anton 3. part. tit. 1. cap. 2. §. ult. Sed nihilominus censeo, etiam tunc durare prohibitionem, & venditionem illam esse illicitam, quia de prohibitione constat, de contraria vero consuetudine non constat. Immo contrarium videtur servari communi consuetudine, saltem extra Romanam Curiam. Dicit tamen Silvester quaestione 13. in fine, quod ubi revera fuerit contraria consuetudo, prohibitiō cessat, arg. cap. *Conquestus* 11. quaestione 3. At vero Guiliel. quem refert Præposit. dixit, talem consuetudinem corruptelam esse, nec posse prævalere contra legem, quia est irrationabilis consuetudo contra commune bonum, bonosque ecclesiæ mores. Quod maxime videri potest probabile in inferioribus prælatis infra pontificem, quia illi non sunt domini, nec supremi dispensatores, & ideo non possunt de rebus ecclesiasticis dispendere, nisi juxta modum a jure concessum, vel saltem non possunt modo prohibito, quia non aliter illis data est potestas ad illa vendenda, immo est ablata per prohibitionem; ergo non possunt per pravam consuetudinem contra hanc prohibitionem prævalere. De Romana autem Curia, mihi non constat de facto esse ibi talem consuetudinem generalem, sed solum de certis officiis, de quibus supra dictum est, de aliis autem vel non est, vel si est, pertinet ad supremam pontificis potestatem, quia potuit pro se, vel Curia sua in prohibitionem positiva dispensare, de quo infra latius dicemus.

4 Difficultas vero superest, an peccatum contra hanc prohibitionem commissum simonia sit, vel aliud genus vitii? Multienim Canonistæ negat, esse propriam, & veram simoniam. Ita docet Innoc. in capite primo, ne prælati vices suas, & Archid. in cap. 1. 1. quaestione 3. & idem sequitur Turrecr. in dicto capite *Salvator* num. 11. & ibi Præposit. Ratio eorum esse potest, quia per prohibitionem non fiunt hæc officia spiritualia, nec spiritualibus annexa; ergo per prohibitionem non magis fiunt materia simoniæ, quam antea erant; ergo licet illa vendere, sit turpe lucrum, non tamen est simonia. Alii distinctione utuntur: nam si hæc officia consueverunt dari laicis, vel solis, vel nunc clericis, nunc laicis, vendere illa, non est simonia: quia nullo modo sunt annexa spiritualibus, & li-

Hæc officia vendi non possunt sine gravi peccato.

An hoc peccatum ad simoniam spectet, vel ad aliud vitii genus?

& licet interdum dentur clerico, non tamen ratione clericatus. At vero si solis clericis dentur, tunc vendi non possunt sine simonia, & ita sunt annexa clericatui. Ita refert Turre. supra num. 11. & sequitur Silvest. verb. *Simonia* quæst. 13. & Ugolin. Tabien. 1. cap. 48. §. 7. num. 3. & fundari videntur quoad hanc partem, quia jam tunc illud officium est annexum rei spirituali, scilicet clericatui.

Resolvi-
tur pecca-
tum illud
simoniam
esse.

5 Probabilius vero dicitur, malitiam illius peccati esse veram simoniam, supposita prohibitione. Ita sentiunt Theologi citati, præsertim Cajetan. verb. *Simonia* de Regul. 3. in fin. Soto lib. 9. quæstione 5. art. 2. verb. *Sed interrogando urgebis*: paulo autem inferius ante solutionem argumentorum videtur dicere, hanc non esse propriam simoniam, sed quod simoniæ poena vindicatur, in quo reincident in opinionem Durandi, quam impugnat. Fortasse tamen solum dicere voluit in ultimis verbis, hanc non esse tam propriam simoniam quoad culpam, quam quoad poenam, quia non est ita de se mala venditio sacrilicæ, sicut beneficii; de his enim ibi loquitur. Sed melius loquitur, & rem hanc declarat Victor. dicta Relect. num. 16. In eadem sententia sunt Abbas, & Anani. & Felin. in cap. *Consulere* de Simon. Hostiens. in capit. *Tu nos*, eodem, Anton. 2. part. tit. 1. cap. 5. §. 2. Probatur autem in hunc modum: quia vel hæc non est propria simonia, quia esse non potest propter solam ecclesiæ prohibitionem, vel quia non est ita prohibita aliquo jure: neutrum dici potest; ergo. Probatur minor quoad priorem partem, quia supra probatum est contra Durandum, posse dari propriam simoniam, quia prohibita. Dicitur fortasse, posse quidem dari talem simoniam, si supponatur materia spiritualis prohibendo pactum circa illam, quod de se non erat malum, nec jure naturæ prohibitum, non posse autem id fieri circa materiam non spiritualem, quia deest quasi primum fundamentum simoniæ. Sed contra, quia licet hæc officia de se non sint spiritualia, non est tamen dubium, quin sint valde conjuncta spiritualibus: nam per illas res sacræ contrectantur valde propinque, & familiariter, ut sic dicam; vel ecclesiastica bona per illa administrantur. Ergo quamvis de se non habeant spiritualitatem, vel connexionem sufficientem natura sua ad materiam simoniæ, potest per legem positivam impleri, faciendo annexionem sufficientem ad materiam simoniæ. Unde quoad hoc fieri potest æquiparatio inter materiam, & contractum: nam lex ecclesiastica potest facere per prohibitionem, ut pactum sit simoniacum, quod alias non erat; ergo potest facere ut officium sit annexum rei spirituali, quod alias non erat. Sic etiam argumentatur Victoria, quia consecratio calicis non facit materiam invendibilem omnino; & tamen si lex ecclesiæ prohiberet intuitu religionis, ne vendatur calix, etiam quoad materiale vas, esset simonia, illud vendere; ergo similiter potuit hoc facere in his officiis. Tandem declaratur, quia si ecclesia sua lege faciat rem aliquam immunem a venditione solum intuitu religionis, talis lex ad virtutem religionis pertinet, & constituit materiam illam ut necessariam intra talem virtutem, & consequenter transgressio talis legis contra religionem est, & non in alio genere vitii irreligiosi, nisi simoniæ: sed potuit hoc modo verare venditionem horum officiorum; ergo. Probatur minor, quia in his officiis est tanta affinitas ad divinum cultum, ut venditio illorum possit facile redundare in diminutionem divini cultus; ergo optime potest talis venditio prohiberi intuitu religionis, & cultus Dei, & rerum sacrarum; ergo absolute possibile fuit in rebus his hoc genus simoniæ, quia prohibita.

Probatur
ecclesiæ
prohibi-
uisse hæc
venditio-
nem.

6 Quod autem hoc modo fuerit ab ecclesia facta prohibitio, probatur ex tribus decretis supra adductis. Nam Concilium Chalced. in dicto cap. *Si quis Episcopus*, eodem tenore eisdem verbis, & sub ratione ejusdem turpitudinis, ac deformitatis prohibet horum officiorum venditionem, ac venditionem ordinum, seu clericatus; ergo tota illa prohibitio sit intuitu religionis, licet applicata quibusdam rebus supponat in illis sufficientem materiam simoniæ, in aliis vero faciat: & æque extendit prohibitionem, & poenamque.

Suarez Tom. XII.

tiam ad interventores. Unde Urban. in d. c. *Salvator*, sic colligit: *Cur sancta synodus Chalcedonenfis procuratorem, vel defensorem ecclesiæ, adeo per pecuniam ordinari prohibet, ut interventores quoque tanti sceleris anathematizet, nisi quod eosdem simoniacos judicet?* Et statim allegat sententiam Paschalis papæ in cap. *Si quis objecerit* eadem quæst. ubi de propria simonia sermo est. Idemque statim auctoritate Augustini confirmat, vendere Spiritum sanctum, qui hæc officia vendit. Quæ omnia certe non possunt exponi de simonia quoad poenam, ut Durandus exponit, quia potius expresse idem pontifex ex acerbitate poenæ colligit malitiam culpæ, & verbis utitur, quæ manifeste designant culpam, ut vendere Spiritum sanctum. Neque aliam quamcumque impropriam interpretationem admittunt, ut mox dicam. Alias nullam propriam simoniam possumus ex jure colligere, præsertim in illa, quæ talis est, quia prohibita, & ita illo modo facile eluderet Durandus omnia argumenta ex jure desumpta contra suam sententiam. Confirmantur etiam dicta jura in dicto cap. *Consulere* de simon. Ubi de eisdem officiis loquens ait: *Tam ementes, quam vendentes cum Simone percelluntur*. Certe non potuit clarius, nec phrasi magis usitata in antiquis decretis declarare speciem illius delicti. Plane etiam ex his locis colligitur, prohibitionem esse factam intuitu religionis, sicut intuitu religionis damnatus est Simon, & damnantur omnes, qui Spiritum sanctum, vel dona ejus vendunt: hæc enim ratio talis prohibitionis in eisdem juribus redditur. Igitur sicut prohibitio ecclesiastica facit, ut negotiatio in templo sit verum, ac proprium sacrilegium, quia ecclesia voluit in talis loci reverentiam illi concedere immunitatem ab illa actione, & abstinere ab illa in tali loco posuit, ut materiam necessariam cultus debiti tali loco; ita prohibitio ecclesiæ facit, ut venditio, aut negotiatio circa talem materiam sit vera, ac propria simonia, quia ecclesia concedere voluit his officiis immunitatem a tali negotiatione circa illa, & abstinere ab illa posuit, ut materiam necessariam ad debitum cultum rerum sacrarum, circa quas talia munia versantur. Quod descendendo ad aliqua particularia, statim magis explicabitur.

7 Et ex his rationibus, ac probationibus colligitur, non esse necessariam, neque opportunam distinctionem de officiis, quæ clericis, vel laicis committuntur. Primo quidem quia de ecclesiasticis officiis tractamus: officia autem ecclesiastica non debent laicis de jure committi, juxta cap. *Indicatum est*, cum aliis 89. dist. Unde si interdum committuntur laicis, sive per injuriam, sive per occasionem necessariam, aut consuetudinem toleratam, aut privilegium, non mutat naturam officii, neque desinit propterea sub prohibitione comprehendi. Secundo quia, ut supra dixi, quod in persona requiratur clericatus tonsura ad aliquod munus, vel ad pensionem, non sufficit ad connexionem, nisi aliunde fiat, vel ratione ministerii, vel ratione Canonis; ergo hæc officia non ideo sunt materia simoniæ, quia per clericos ministranda sunt, quia hoc non sufficeret ad simoniam, si non facta esset prohibitio; ergo ratio simoniæ est prohibitio: sed hæc habet locum, etiam si hæc officia laicis conferantur; ergo etiam respectu illorum sunt materia simoniæ, ut scilicet illis vendi non possint.

Non est
opus dis-
tinguere
inter offi-
cia, quæ
clericis
vel laicis
commis-
suntur.

8 Ulterius autem dubitari potest, quænam officia ecclesiastica sint hæc temporalia, quæ sub hac prohibitionem comprehenduntur, in dictis enim capitulis variis nominibus appellantur, de quibus exponere oportet, quid proprie in hac materia significant, & an ad alia extendantur? Primo ergo dictum caput, *Si quis Episcopus*, prohibet per pecuniam promovere dispensatorem, seu procuratorem, ut vertit Urban. in c. *Salvator*, & exponit, per eum intelligi quemlibet ecclesiasticarum rerum administratorem, ut v. g. *Præpositum, Oeconomum, Vicedominum*. Et idem fere habetur in d. cap. *Consulere*, hæc autem voces fere idem significant, ut intelligi potest ex aliquibus Decretis 89. distinct. Nam in cap. *Volumus*, ait Gregor. *Volumus, ut frater noster Paschasius & vicedominum sibi ordinet, & majorem domus*. Ubi Gloss. cum Hugo-

Quæ officia
compre-
henduntur
sub hac
prohibi-
tione, Dis-
pensato-
ris offi-
cium ven-
di prohi-
bentur.

ne exponitur, id est oeconomum rerum episcopaliū, quibus episcopaliū, & hospitibus supervenientibus provideat. Colligitur ex cap. *Diaconus* eadem d. Per majorem autem domus intelligit oeconomum mensæ capitularis, seu rerum Canoniarum. Potestque hoc colligi ex c. *Quia*, ibid. ex Trid. Conc. sess. 24. capit. 16. de Reform. oeconomum vocat, qui rerum ecclesiasticarum, & proventuum curam gerit. Et sumitur etiam ex Leg. *jubemus nulli*. C. de sacrosanct. eccles. Recte ergo generaliter comprehenduntur sub hac voce omnes rerum ecclesiasticarum administratores, qui vice prælati, aut cleri ad ecclesiastica bona administranda potestatem accipiunt. Advertunt autem Præpositi, & Turrecr. in dicto cap. *Salvator*, cum Hugone, quod si episcopus, aut clerus concederet alicui redditus suos, vel alicujus loci pro certa summa pecuniæ singulis annis præstanda, non esset simonia, quia illa non est venditio officii, sed locatio talium bonorum: & hoc sine dubio est consuetū, & licitum: quia non venditur officium, sed redditus.

Officium
defensoris
similiter
nō potest
vendi.

9 Prohibet præterea dictum cap. *Si quis episcopus*, pretio constituere ecclesiæ *Defensorem*. Quis autem hic sit, exponit Urbanus, *Defensoris nomine intelligi advocatum, sive castaldum, aut judicem*. Supra vero diximus, tam nomine defensoris, quam nomine advocati posse intelligi patronum ecclesiæ, nihilque verat. Tamen communiter a Doctoribus intelligitur in vulgari significatione, prout significat procuratorem, quem ecclesiæ constituit ad causas suas tuendas: quod intelligo, quando ex officio, & cum speciali potestate ab ecclesiā recepta, ad id munus constituitur. *Advocatus* autem, qui absque mandato ad patrocinandum assumitur, allegando de jure, non pertinet proprie ad officia ecclesiastica, de quibus hic sermo est: sed ille tantum, qui speciale habet ab ecclesiā, vel episcopo mandatum, seu potestatem, alio nomine solet vocari *syndicus*, de quo est titulus in Decretal. de *Syndico*, & ex ejus c. un. colligitur, illum esse, cui generaliter ecclesiæ negotia commendantur. Idemque significatur nomine *Castaldia*. Quamvis hæc vox (ut ex Calepino constat) etiam soleat oeconomum, & rerum administratorem significare: neutro autem modo significat officium ab aliis distinctum.

Judicis of-
ficium si-
militer.

10 Nomine autem *Judicis*, quod in eod. cap. additur, clare significatur munus distinctum, nimirum administrandæ jurisdictionis loco episcopi. Verumtamen si jurisdictio sit spiritalis, jam supra est ostensum, non posse delegari, seu committi pro pretio absque simonia contra jus divinum: videtur ergo ibi esse sermo de judice temporalis, quem potest constituere episcopus, ubi habet temporalem jurisdictionem, juxta cap. ult. Ne Cleri. vel Monachi. in 6. Et ita videtur intellexisse Gloss. in dicto cap. *Salvator*, & idem Præpositi. Nec mirum est, quod hæc etiam judicatura vendi ab ecclesiasticis prohibeatur sub dicto rigore, quia licet non pertineat ad usum spiritalis jurisdictionis, pertinet ad rerum ecclesiasticarum administrationem, & per quamdam annexionem est aliquo modo spiritalis respectu, & ob illum respectum vendi prohibetur. Additur denique d. cap. *Si quis Episcopus*, nomen *Mansionarii*, quod in cap. *Salvator*, non exponitur, nec refertur: neque etiam a Gloss. vel expositioribus in d. cap. *Si quis Episcopus*. Neque in dictionariis latinis hoc nomen declaratur, quia latinum non est. Solum ergo invenio in Cod. Theodosiano, in L. 21. de Decurion. fieri mentionem præfecti mansionum: fortasse ergo simile ecclesiasticum munus nomine mansionarii significatur, qui præficitur ad clericorum, vel Canoniorum mansiones distribuendas, quando ecclesiasticæ sunt, & de omnibus ecclesiæ conferuntur, vel cui cura talium domorum, vel mansionum committitur, & ita hoc munus ad quamdam partem oeconomiae pertinebit.

Mansionarii officii
quod sit.

Sacristæ
offic. ven-
di prohibe-
tur.

11 Dubitari autem potest, an officium sacristæ, vel thesaurarii, seu custodis rerum sacrarum sub hac materia comprehendatur. Et ratio dubitandi esse potest, quia sub illis nominibus non comprehenditur, & prohibitio extendenda non est ultra verborum rigorem. Nihilominus omnes fere primo loco ponunt officium hoc inter ea, quæ vendi prohibentur, ut patet ex So-

ro dicta quæst. 5. art. 2. ubi ait ab Urbano prohibitum esse, ne vendatur officium sacristæ, idem significat nomine sacrorum aditui in quæstion. 7. art. 1. Idem latius Ugolin. dicto §. 7. in principio. Quinimo hic significat, esse simoniam contra jus divinum, hoc officium vendere, quia est officium, quod circa spiritalia versatur, ut sunt custodire, & conrectare vasa sacra, & vestes, altaria præparare, & necessaria ad sacrificium, luminaria accendere, & signum ad ecclesiastica officia dare, juxta ea, quæ tradidit Iud. in c. 1. d. 25. in fin. & quæ habentur extra in titul. de off. Sacristæ, & de officio Custodis. Ex quibus etiam colligitur, munus hoc solis clericis esse committendum. Sed non existimo, esse hanc materiam simoniæ contra jus divinum, quia licet functiones hujus muneris habeant pro materia res sacras, tamen omnes fiunt in materiali parte earum, & ita omnes sunt actiones mere corporales. Nihilominus tamen non dubito, quin sub dicta prohibitione ecclesiæ comprehendantur, vel quia munus sacristæ pertinet revera ad ecclesiasticarum rerum administrationem, quam generaliter comprehendit Urbanus; unde sacrista merito dici potest quidam particularis oekonomus; vel quia etiam comprehenditur sub his, qui ratione sui officii regulæ ecclesiasticæ subjiciuntur; nam sacrista debet esse subjectus archidiacono, ut dicitur in capit. un. de officio sacristæ, omnes autem officiales ecclesiastici, qui ratione muneris subjiciuntur regulæ, seu correctioni ecclesiasticæ, pretio constitui prohibentur, ut expresse dixit Chalced. Concilium.

Opinio a
serēs esse
simoniam
contra jus
divinum,
vendere
hoc offic.

Rejicitur
hæc opinio.

12 Idem censendum est de officio primicerii, de quo fit mentio in d. cap. 1. d. 25. & extra in proprio tit. de officio ejus: cujus officium magis ad spirituale accedit, pertinet enim ad illum gubernatio chori, unde & magister chori dicitur: unde aliqui censent, habere aliquam jurisdictionem ecclesiasticam, quod si verum esset, natura sua esset invendibile; proprie vero non habet, ut ibi notat Panormit. sed solum quamdam magisterii auctoritatem ad minores clericos instruendos, & ad chorum dirigendum, quod per se non videtur sufficiens, ut ex jure divino sit materia simoniæ, magis quam officium cantoris. Nihilominus tamen non dubito, quin sub dicta prohibitione comprehendatur, immo & reduci potest ad generalem regulam capit. *Ad nostram* de Simon. ubi omne ministerium ecclesiasticum vendi prohibetur; hoc enim ministerium merito dici potest ecclesiasticum, nam ad ecclesiasticam disciplinam, & oeconomiam quamdam magis spiritualem pertinet. Dico autem, posse reduci, saltem posita alia prohibitione ecclesiæ, quia in rigore illæ actiones non sunt spirituales, nec propria materia simoniæ ex vi divini juris, ut ex dictis satis constat.

Officii
primicer.
jure cano-
nico est
etiam pro-
hibitum.

13 Sed adhuc potest de his muneribus dubitari, an sicut est simonia prohibita, vendere talia officia, ita etiam sit simonia similis vendere functiones, vel operarum? Videtur enim esse par ratio, vel major, quia magis propinque videntur actiones annexæ spiritalibus rebus, quam munia. Si ergo potestas, & jus ad talia munia, aliquo modo facta est per ecclesiā spiritalis, hoc ipso munia illa efficiuntur spiritalia, vel spiritalibus annexa, ut vendi non possint. Nihilominus dicendum est, opera illa non esse materiam simoniæ, sed posse in toto rigore, justo pretio æstimari, & vendi, seu locari. Probat, quia sunt mere corporalia, ut dictum est; ergo ex vi juris divini non sunt materia simoniæ. Nec etiam vendi prohibentur aliquo ecclesiastico iure: nam præter supra tractata nullum est, quod de hac materia loquatur. Et ex illis nihil colligitur: nam loquuntur de ipsis officiis, quæ sunt ex institutione ecclesiastica, & per potestatem ecclesiasticæ jurisdictionis conferuntur, & in quibus oportet constituere personas iuxta eorum idoneitatem, & non propter pretium. Multum etiam refert, quod hæc munera gratis conferantur, ut ex emptione illorum non sumatur postea occasio vexandi ecclesiās, & bona illorum recipiendi. Quæ rationes non habent locum in actionibus talium officiorum, pro quibus stipendium debetur, potestque accipi non solum per modum susten-

An sit sim.
vendere
functiones,
vel opera
horum of-
ficiorum.

Pars nega-
tiva dili-
gitur.

suffentationis, sed condignæ recompensationis. Quia prohibitio non est extendenda ad diversa, maxime ubi tanta rationis dissimilitudo intervenit.

14 Ultimo dubitari potest, an in universum vende-

An vende-
re bona
ecclesiæ
simonia,
quia pro-
hibita,
saltem quā-
do vendi-
tio est in-
iusta.

re bona ecclesiæ, vel quascunque res ecclesiasticas, sit simonia, quia prohibita, saltem quando venditio illa iniqua est, & iniusta: simulque solvenda est obiectio, quæ contra dicta sumi potest ex d.c. *Salvator*. Nam in eo generaliter dicitur, *vendere ecclesiasticam rem, simoniacum esse*. Et ratio subjungitur: *Quia donum Dei est res ipsa ecclesiæ oblata*. Ubi aperte videtur esse sermo de ipsis bonis temporalibus ecclesiæ, nam omnia illa sunt res a fidelibus oblatae ecclesiæ; & deinde post adductum in exemplum factum Simonis, & Petri damnationem, sic concluditur: *Quisquis igitur res ecclesiasticas (quæ dona Dei sunt, quoniam a Deo fidelibus, & a fidelibus Deo donantur, quæ ab eodem gratis accipiuntur, & ideo gratis dari debent) propter sua lucra vendit, vel emit, cum eodem Simone donum Dei possideri pecunia existimat*. Et in reliqua parte capituli hoc ipsum variis rationibus, & testimoniis confirmatur. Potestque etiam suaderi ex definitione simoniæ supra posita: nam illa est venditio rei sacræ; omnia enim bona ecclesiæ inter res sacras computantur, & est sacrilega venditio, suppono enim, esse injustam; ergo est sacrilegium commissum per actionem voluntariam, in quo ratio simoniæ consummatur. In contrarium vero est, quia contra communem sensum auctorum est, dicere committi veram simoniam, vendendo possessionem ecclesiæ, vel ejus titulum, aut vestes, etiam si iniuste id fiat, quia res illa, quæ venditur, mere materialis est, & licet habeat aliquem ordinem ad spiritualia, non sub ea ratione venditur, nec ille ordo est vera connectio, quæ faciat rem aliquo modo spiritualem, sed est tantum ordo ad finem, qui non facit rem invendibilem, ut dixit D. Thom. d. art. 4. ad 1. Item si tales res propter justam causam vendantur ab eo, qui potestatem habet, certum est licite vendi, ut constat ex toto titulo de rebus ecclesiæ alien. vel non, &c. Et ex c. *Expositio* 1. q. 2. Quibus locis etiam forma vendendi præscribitur; ergo signum est, res illas non esse materiam simoniæ: nam si essent, nec propter bonum finem vendi possent. Denique rapere bona ecclesiæ, comburere, vel aliter consumere, licet sit sacrilegium, non est simonia; ergo nec iniuste vendere, nam illa quædam rapina est, vel sacrilegium furtum.

15 Propter hæc quidam fatentur, Urbanum in eo textu loqui de omnibus rebus, seu bonis ecclesiæ, non tamen loqui de simonia vera, & propria, nec quoad hanc malitiam conferre venditionem illam cum facto Simonis, sed solum quoad originem ejus, quæ est avaritia, nam hanc radicem habuit in Simone, ut ibidem Urbanus dicit, & habetur etiam in c. seq. & sæpe in jure. Quod autem hæc fuerit Urbani mens patet, quia ad hoc declarat, Simonem per ambitionem questus, & avaritiam deliquisse: tum etiam quia solum damnat eos, qui res ecclesiæ ad propria lucra vendunt. Hæc vero interpretatio probari nullo modo potest.

Rejicitur. Primo quia est contra proprietatem verborum juris, ut ostendimus. Secundo quia si licentia illa permittatur, nunquam poterit probari ex jure, aliquam esse propriam simoniam, maxime quando in ipso met jure dicitur tale vitium propter avaritiam execrabile: quod frequentissime fit, ut in c. ult. ejusdem quest. puniuntur, qui præbendas, & similia vendunt, *Interveniente execrabili ardore avaritiæ*; & subditur infra, *Quoniam simoniacum est*. Quis autem dicat, illud vocari simoniacum, quia imitatur factum Simonis in radice, non in malitia simoniæ? At eodem modo loquitur Urbanus. Simile argumentum sumitur ex c. *Ex multis*, ibidem: nam ad damnandam simoniam præmittit ibi Alexand. *Ex iniqua concupiscentia fieri conspiciens*, &c. Item ex cap. *Quidquid* 101. qu. 1. ibi, *Pro hujusmodi ambitione*. Melius ex c. 20. eadem caus. & q. ubi sic ait Greg. *Cum omnis avaritia idolorum sit servitus, quisquis hanc, & maxime in dandis ecclesiasticis honoribus vigilanter non præcavet, infidelitatis subjicitur*. Infidelitatem vocat simoniacam hæresim, ut ipse loqui solet. Et similia sunt multa in tit. de simonia. Quod si absurdum esset, omnia hæc jura interpretari de imitatione Si-

Suarez Tom. XII.

monis quoad avaritiam, non quoad pravitatem simoniæ, non licet decisionem Urbani sic exponere, cum non aliter, nec minus expresse loquatur. Eo vel maxime, quod in Canonibus etiam solet distingui simonia a fordida avaritia, ut specialiter observari potest in Trident. sess. 24. c. 14. de Reform. ibi: *Ingressus eos, qui simoniace labis, aut fordida avaritiæ suspicionem habent*, &c. Urbanus autem in d. cap. non loquitur tantum de fordida avaritia, sed de illa, quæ in execrabile simoniæ vitium hominem præcipitat, quam vocavit *execrabilem avaritiæ ardorem*, Innoc. II. in d. cap. ult. ejusdem q. Tertio omnia, quæ allegat Urbanus in d. cap. *Salvator*, de vera simonia loquuntur, & alia etiam jura, quæ cum illo concordant, ut supra ostensum est; ergo.

16 Aliqui ergo ex Canonistis, qui de vera simonia tantum intelligunt, fatentur, esse simoniam veram vendere inique quæcumque bona ecclesiæ, dicunt tamen non esse ex natura rei, sed ex illo jure prohibente, & ideo non extendi ultra prohibitionem, & ob hanc causam venditionem justam temporalium bonorum ecclesiasticorum non esse simoniam, quia prohibita non est. Et ita facile solvunt rationes supra in contrarium objectas. Ita tenet ibi Præposit. num. 3. cum Archid. ibidem, quem in hoc sequitur Rebuff. in Compens. alienat. rer. Eccles. num. 113. Verum tamen hæc sententia singularis videtur, & aliena a communione Doctorum. Nam communiter in jure sacrilegium specificè sumptum, & simonia tanquam diversa vitia ponuntur, iniusta autem venditio rerum ecclesiasticarum sacrilegium dicitur in jure, non simonia, ut patet ex cap. *Omnes*, cum aliis 17. quest. 4. ergo. Item fur, qui accepit res ecclesiæ, & postea illas vendit, non committit peccatum specie distinctum ab eo, quod commisit furando, sed illud repetit; primum autem non fuit simonia, sed furtum sacrilegum, cap. *Quod ergo* 25. qu. 4. ergo.

17 Alii ergo limitant textum illum ad res consecratas, seu ita sacras, ut non possint converti ad usus profanos: de quibus videri potest Navarrus in Comment. de spoliis ad caput *Non liceat* 12. quest. 2. §. 18. num. 7. & 8. ubi inter alia refert Glossam in capit. *Altare* 1. quest. 3. quæ dixit, res oblatas ad altare non posse vendi, quia putavit, esse ex rebus ita sacris, ut non possint postea profanari. Quod quidem (urbene Navarrus docet) verum non est quoad exemplum, tamen ex illa veluti exceptione recte colligitur, res sic sacras vendi non posse, alias vero res ecclesiæ, quæ latiori modo vocantur sacræ, esse vendibiles. De prioribus ergo rebus sacris intellexerunt textum illum antiqui expositores, ut ibi refert Glossa verb. *Ecclesiasticum*. Et videtur sensisse Gratianus, qui in fine illius capituli ait, *Nec circa venditores rerum sacrarum sufficiant*; Glossa enim ibi verba illa dicit non esse de textu, quod si de textu sunt, ut fortasse est verius, magis probarent, & ita etiam sentit Archidiaconus ibi. Sed contra hoc est, quia etiam hæc res pro materiali possunt vendi sine simonia: item quod illa expositio non habet fundamentum in textu.

18 Dico ergo, vendere bona ecclesiæ mobilia, vel immobilia: etiam sacra, si non vendantur ut sacra, nec ratione spiritualitatis, quam habent, non esse simoniam, etiam jure ecclesiastico prohibitam, ut probant omnia adducta, & supra de hoc satis dictum est. Consequenter igitur assero, Urbanum in illo textu non loqui de his rebus secundum se spectatis, sed de ecclesiasticis administrationibus, & consequenter de his bonis, quatenus possunt esse materia alicujus ecclesiastici officii, seu ministerii. De his enim officiis ibi præcipue agit, & juxta intentionem suam loquitur de ecclesiasticis rebus. Nam qui vendit verbi gratia, *Oeconomiam* ecclesiæ, vendit rem ecclesiasticam, nam illud officium ecclesiasticum quid est, & consequenter vendit aliquo modo res illas, quæ illi administrationi subjiuntur, quatenus pro pretio alicujus potestati, & regimini illas committit. Et sic etiam Glossa ibi textum exponit de ecclesiastica administratione, & Glossa in capit. *Si quis objecerit* eadem quest. Et hoc magis probant Archid. Præposit. & alii, quoniam nos addimus, Urbanum ita fuisse locutum generali modo de rebus

Aliorum
sententia
serens esse
veram simo-
niā ven-
dere ini-
que bona
ecclesiæ.

Impugna-
tur.

Limitatio
aliarū ex-
ploditur.

Auctoris
sententia
vendere
bona eccl.
etiā sacra,
si nō ven-
duntur, ut
sacra, nul-
la simonia
est.

ecclesiæ, & de rebus oblati a fidelibus, quia qui administrationem ecclesiasticam vendit, omnia bona ecclesiæ quodammodo vendit. Non ergo tractat de venditione bonorum temporalium ecclesiæ, quæ per modum dispensationis fieri potest ab habentibus potestatem: nam hæc non est absolute prohibita, & licet modus licitus sit a jure præscriptus, transgressio ejus non pertinet ad simoniam, sed ad indebitam administrationem per injustitiam, & sacrilegium. Nec etiam tractat de venditione talium rerum per iniquam earum occupationem, quam ad sacrilegium furum pertinet, & per se magis est violenta contrectatio rei alienæ, quam voluntaria negotiatio: sed loquitur de venditione talium rerum in ordine ad earum administrationem, & gubernationem, quæ solum sit vendendo ecclesiastica officia, ut dictum est.

CAPUT XXX.

An pretium ad simoniam necessarium sit temporale, vel possit esse spirituale? & consequenter an commutare spirituale pro spirituali sit simonia ex natura rei?

I Diximus de materia simoniæ, dicendum est jam de pretio: nam cum simonia committatur per contractum onerosum, consistentem in commutatione rei spiritualis per modum venditionis, vel æquivalentis contractus, necesse est, ut ibi pretium interveniat: & quoniam hoc multiplex esse potest, & in jure distingui solet in varias species, priusquam ad illas descendamus, necesse est, ut genus ipsum explicemus. Duo autem in hoc pretio considerari possunt. Unum est res illa materialis, quæ in commutationem rei spiritualis datur, aliud est respectus, sub quo danda est, ut habeat rationem pretii, quam possumus formale pretii appellare. Hæc igitur declaranda sunt, quoniam hinc pender multorum dubiorum de simonia decisio: tamen quia formale pretii intelligi non potest sine ordine ad pactum, in quo ipsa simonia consummatur, ideo in quarta decisione simul cum ipso pacto melius explicabitur. Hic solum supponimus, ad rationem pretii non satis esse, quod pecunia pro actione spirituali detur quocumque modo, etiam si alias non esset danda: multis enim modis potest licite dari, & accipi, ut videbimus. Oportet ergo, ut detur in commutationem, & quasi apprehensionem rei, quæ pro pecunia datur, & hanc vim habet particula *Pro*, quando dicitur, simoniam committi, quando spirituale pro temporali datur. Quomodo loquitur Divus Thomas dicta quæst. 100. art. 1. & 2. & ibi Soto, & alii, & bene Navarrus cap. 23. num. 100. ver. 4. Immo, & jura ita loquuntur cap. Cum in Ecclesia, c. Non satis, c. Sicut 2. de simon. c. Placuit, cum aliis l. quæst. 2. Ubi videri possunt Archid. in cap. Ordinationes num. 8. Præposit. num. 5. qui in re idem dicunt. Hoc ergo posito, in præsentis solum tractamus de re, quæ ad simoniam sufficit, si pro illa in omni proprietate, & rigore spiritualis res detur.

Incipit explicari terra divisio simon. ex parte pretii.

In pretio duo consideranda, materialis scilicet, & formale.

Quid requiratur ad rationem pretii.

Statu questionis.

Opinio asserens committi si non sit datur spirituale pro spirituali.

2. Ut ergo ab universalioribus procedamus, videndum in primis est, an res spiritualis possit habere rationem talis pretii? Sumitur autem hic res spiritualis eodem modo, quo in definitione simoniæ, & distinguitur ab omni re temporali, quæ vel est pecunia, vel illa æstimari potest; quia & naturaliter, vel civiliter habetur, & ad usus, & commoditates humanas ordinatur, & utilitatem habet. Et ita idem est querere, an spirituale possit esse pretium in simonia, quod querere, an commutatio spiritualis pro spirituali simoniaca sit? Quod potest tractari vel ex natura rei, vel ex jure ecclesiastico. De hoc sensu posteriori dicemus in c. sequenti: hic in priori loquimur.

3. Circa hoc igitur aliqui dixerunt, simoniam esse, dare spirituale pro spirituali, si ex vero, & proprio pacto oneroso fiat. Ita tenet Richard. in 4. dist. 25. art. 3. quæstione prima ad primum, ubi duas rationes adducit. Prior est quia emitur (ait) *res a non domino*, supra autem ostendimus, unam ex radicibus simoniæ esse, quia homo non est dominus rerum spiritualium, quæ

ratio æque videtur procedere, etiam si pro re spirituali illam conferat. Posterior ratio est, quia est contra rationem gratiæ, ut vendatur pro quocumque pretio, etiam spirituali, quia eo ipso non erit gratia. Addit etiam, omnem pactiorem in his esse prohibitam in jure, capite *Tuam* de simonia. Sed hoc in rigore non probat de jure divino, de jure autem ecclesiastico sequenti cap. dicitur. Idem tenet expresse Palud. ibid. quæstione secunda, num. 15. Supplem. Gabr. quæstion. secunda, artic. tertio, dubio quarto in fin. Adrianus Quodlib. 9. circa finem ad 4. confirm. 2. argum. & ad 5. quia magnam vim facit in verbo Domini, *Gratis accepistis, gratis date*. Citantur etiam pro hac sententia aliqui Canonistæ: sed illi loquuntur fortasse de jure positivo, de quo inferius. Potest hæc sententia ulterius suaderi: quia, si licet de præsentis commutare unam rem spirituales pro alia spirituali, licebit etiam in præsentis dare, verbi gratia, Missam, dummodo alter obligetur ad dicendum aliam in futurum: consequens est falsum, quia illa obligatio in futurum est pretio æstimabilis; ergo. Denique licebit alicui dare pretiosa vasa sacra, ut mihi conferat suum beneficium, loquendo ex natura rei seclusa prohibitione positiva: consequens est falsum; ergo. Sequela patet: quia ibi commutatur spirituale pro spirituali: minor autem patet; quia in tali commutatione necessario miscetur æstimatio rei spiritualis, non solum ratione spiritualitatis, sed etiam ratione materiæ.

4. Nihilominus dicendum est primo, pretium simoniæ, stando in solo divino jure, debere esse aliquid temporale, nec spirituale sufficere. Hæc assertio est communis Doctor. quos statim referam, & sumitur 1. ex Act. 8. *Pecunia tua tecum sit in perditionem, quoniam donum Dei existimasti pecunia possideri*. Ubi simoniæ malicia ponitur in commutatione rei spiritualis pro pecunia: sub pecunia autem comprehenditur, quicquid pecunia æstimatur, ut ex Aristot. 3. Polit. docuit D. Thom. dicta quæstion. 100. art. 2. & 5. Idemque colligi potest ex verbis Christi Matth. 10. ubi postquam Christus dixit: *Gratis accepistis, gratis date*, subjungit: *Nolite possidere aurum, neque argentum, &c.* tacite declarans, gratuitam donationem excludere pretium auri, & argenti. Et ita exposuit expresse Hieronymus ibi; & Chrysostomus homil. 33. in Matth. ita illa conjunxit, *Nihil possideatis, gratis accepistis, gratis date*. Et D. Tho. exponit: *Gratis date, id est, non propter aliquid temporale. Et quia possent dicere (inquit) unde ergo vivemus? subdit, Nolite possidere, &c.* Et eodem modo exponunt cæteri Patres. Præterea probari potest hæc assertio ex capite *Ad quæstiones*, de Rerum permutat. Ubi ait, ecclesiæ posse pro ecclesiâ permutari, & temporalem possessionem pro temporali possessione, dummodo contractus non misceantur. Cujus ratio non est alia, nisi quando ecclesiâ pro ecclesiâ datur, non pro re temporali datur, sed pro spirituali, quæ non habet rationem pretii: supponit ergo, pretium debere esse rem temporalem. Ratio denique reddi potest, quia indecentia, & malicia in commutatione simoniaca nascitur ex improportionem inter materialem rem, & spirituales, & constat ex dictis supra hoc lib. cap. 1. & 2.

5. Dico secundo, commutare rem vere spirituales pro re vere spirituali, non est simonia ex vi juris divini, etiam si cum omni proprietate, & pacto una res spiritualis pro alia detur. Ita sentit D. Thomas in loco citato ex Matth. 10. & in 4. distinct. 25. quæstion. 3. art. 3. ad 8. Durandus in quæstione 5. num. 9. Major quæstion. 6. Argent. articulo 4. ad 3. Soto lib. 9. quæstione 5. articulo 2. Victoria supra num. 17. Licet enim in numero 8. confuse loquatur, exponendus videtur juxta ea, quæ postea expresse dicit. Idem sentit Covarruv. lib. 1. Var. capit. 5. numero 4. Et sequitur aperte ex præcedenti assertione. Primo quia talis commutatio non est prohibita per Christi verba, *Gratis date*, ut ex Patrum expositione constat; ergo signum est, non esse contra jus divinum naturale. Secundo quia ubi non est contra pretium, non est venditio, neque emptio: sed quando datur spirituale pro spirituali, nullum datur pretium; ergo. Dices: nonne Isai. 5. dicitur: *Venite, emite absque argento*: respondeo, ibi potius significari,

Stando in jure divino pretium simon. debet esse quoddam temporale, neque sufficere spirituale.

Commutare rem spirituales eadem re spirituali non est simonia ex vi juris divini.

cari, illam non esse venditionem, nec emptionem humanam, sed aliud genus acquisitionis, in qualicet ab homine aliquid postuletur, non est vera emptio humana. Unde recte ibi Hieron. perinde putat dictum esse, *Emite absque argento, ac gratis accipite*, adducens dicta verba Christi, *Gratis accepistis: & Pauli, Gratia salvari estis*. Ephes. 2. Et concludit, *Mirum in modum emunt aquas absque pecunia*. Igitur ubi pecunia non intervenit, vel aliquid æquivalens, non est emptio: nec ergo est simonia. Unde argumentor 3. Nam per talem commutationem non fit injuria, vel irreverentia rei spirituali, sicut non fit injuria gratiæ, quod pro gratia datur, juxta illud Jo. 1. *Gratiam pro gratia*. Et ita expeditur obiter secunda ratio Richardi, quia non est contra rationem gratiæ, quod pro gratia datur, sicut etiam non est contra excellentiam spiritualis præmii, quod pro spirituali merito datur: sic ergo nulla fit injuria rei, vel actioni sacræ, si pro alia simili commutetur. Denique usus ecclesiæ, & piorum hoc confirmat; nam spirituales satisfactiones, vel deprecationes inter se commutant, & curatus postulat a vicino curato, ut pro se uno, vel alio die parochiæ suæ inserviat, repensurus alio die servitium pro illo in ejus ecclesia. Et similes commutationes in sacrificiis, in audiendis confessionibus, quotidie sunt.

Solvitur
2. argum.

Respondetur
ad 1.
rationem
Richard.

6 Neque obstat, quod non sumus domini spiritualium rerum, quæ erat prima ratio Richardi: tum quia non est hæc completa ratio per se sufficiens ad simoniam, nisi res spiritualis ut temporalis æstimeretur; tum etiam quia revera habemus aliquod dominium (ut c. 2. dicebamus) saltem ratione operum liberorum, quæ in his spiritualibus exercemus, vel ratione materiæ, cui spiritualitas adhæret: ut habere potest homo dominium calicis, rosarii benedicti, aut imaginis. Unde quoad opera spiritualia, licet non possit homo habere rationem sui laboris, vel operis, & domini ejus, & illud vendat pretio, quia non est separabile in venditione ab spiritualitate, tamen ut illud commutetur pro opere spirituali, potest habere rationem sui domini commutando opus pro opere, & spiritualitatem pro spiritualitate: in hoc enim non fit permixtio, sed totam pro toto commutatur, servata tamen proportione. Similiterque in rebus sacris potest ita fieri commutatio, ut habeatur ratio ad spirituale, quod in eis est: in quo differt talis commutatio a venditione talis rei: nam in venditione non potest haberi respectus ad benedictionem; in commutatione vero unius grani benedicti pro alio potest haberi hic respectus, quia possum intendere dare hoc spirituale pro illo spirituali, & pro grano non benedicto non darem. Denique cetero, non sumus domini, sumus dispensatores horum bonorum, præsertim eorum, quæ ab uno quoque privatim possidentur, quorum habemus liberam administrationem in his omnibus, quæ vel eorum reverentiæ, vel superiorum legibus non repugnant. Et ita possumus ea libere donare, quantum est ex hoc capite. Ita ergo possumus illa inter se commutare, quia hæc commutatio horum bonorum quædam dispensatio illorum est, & quando spirituale pro spirituali commutatur, nulla est indecentia, nec prohibitio ex lege divina; & ideo nisi intercedat lex humana, nulla est ratio simoniæ.

Solvitur
prima ob.
firmatio.

Instant.

7 Ad fundamentum Adriani jam responsum est, ad 1. vero confirmationem a nobis additam respondetur, tribus modis posse fieri hanc commutationem. Primo si intercedat mutua obligatio ad aliquid spirituale pro alio faciendum, & tunc spirituale datur pro spirituali, & obligatio pro obligatione, & sic servatur proportio. Secundo, si tantum intercedat reciproca traditio de præsentis rei sacræ pro sacra, seu actionis spiritualis pro actione. Tertio si unus statim dat, vel facit, ut alter postea recompenset: & tunc dicunt aliqui, commutationem fieri inter res spirituales, obligationem autem ejus, qui statim rem non exhibet, non esse pretium rei spiritualis, quam accipit, sed necessariam quamdam conditionem, quæ ex dilatione solutionis nascitur. Sed instari potest ex materia de usuris, nam sequitur, posse exigi ab alio propter mutuum, ut se obliget ad mutuandum in futurum. Sequela patet, quia etiam ibi dicam, mutuum præsens non dari nisi

Suarez Tom. XII,

pro mutuo futuro; obligationem autem non esse pretium mutui, sed necessariam conditionem, quæ ex dilatione alterius mutui sequitur. Addendum ergo est, in præsentis materia illam obligationem etiam reputari quid spirituale, & propterea non esse pretio æstimabilem per se loquendo, quia tanquam omnino unum cum re spirituali tradenda, vel facienda computatur. Sicut quando quis ex mutuo manet obligatus ad solvendum, non est obligatio æstimabilis distincto pretio ab ipso capitali. Quia ergo hic pretium spirituale (ut sic dicam) postea solvendum spirituale est: ideo etiam obligatio, quæ ex commutatione intrinsece nascitur, tanquam spirituale quid reputanda est, ut in superioribus dixi. Unde in prædicto casu non posset pretio redimi, aut vendi sine simonia. Quod autem interdum possit esse temporaliter onerosa, accidendarium est; semperque intelligendum est, obligare sine gravi incommodo.

8 Ad ultimam confirmationem de commutatione beneficii pro calice pretioso respondeo, negando sequelam: est enim talis commutatio simoniaca ex natura rei, quia revera non spirituale pro spirituali, sed temporale pro spirituali datur. Unde oportet in hac commutatione maxime observare, an commutatio fiat inter res mere spirituales, vel inter res mixtas ex spirituali, & temporali: nam in prioribus nullum est periculum simoniæ ex parte materiæ, quia licet contingat, unam esse digniorem alia, semper sunt ejusdem ordinis, ut si duo sacerdotes conveniant: Ego tibi poenitentiam ministrabo, tu da mihi Eucharistiam; & sic de similibus. In aliis vero mixtis aliquid potest esse periculi, ne fortasse excessus in re temporali per spiritualement compensetur, ut si quis rosarium benedictum pretiosæ materiæ tribuat pro vili, quia habet majores indulgentias, non carebit labe simoniæ, nam censerebatur emere spirituale, & alter vendere. Oportet etiam servare proportionem, quia temporale potest esse annexum spirituali antecedenter, & consequenter, & quando temporale se habet antecedenter, semper est per se vendibile, non vero quando se habet consequenter, ut supra dictum est. Hinc ergo fit, ut sacrum pro sacro, si in utroque temporale est annexum antecedenter, optime commutetur, ut calix, pro calice: & tunc si in materia sit inæqualitas, potest fieri pecunia recompensatio, quia tota materia vendi posset: si vero in spirituali sit inæqualitas (sicut de indulgentiis dicebamus) nulla potest intendi recompensatio, sed gratis condonandus est excessus. At vero si commutarentur spiritualia, quæ habent temporalia annexa consequenter (etiam seclusa prohibitione ecclesiæ) licet in temporalibus esset inæqualitas, non posset temporalis pretio compensari, quia necessario emeretur spirituale, a quo pendit, juxta superius dicta, quæ etiam latius sequenti capite dicemus. Atque hinc fit, ut spirituale, cui antecedenter est annexum temporale, commutari non possit, etiam ex natura rei pro spirituali, cui sunt annexa temporalia consequenter, ut calix pro beneficio. Quia quando temporale antecedenter se habet, id, quod primo, & quasi fundamentaliter datur, est temporale, quod etiam in tali re est vendibile; in alia vero re, in qua temporale est consequens ad spirituale, quod primo, & per se datur, est spirituale: & ita tunc emeretur spirituale unius pro temporalis alterius. Oportet ergo servare proportionem, ita ut vel spiritualia, quæ commutantur, pura sint, vel si habeant temporalem annexum, in utroque sit antecedenter, vel in utroque consequenter, & ut non misceatur compensatio temporalis pro spirituali.

Commuta-
re benefi-
cium pro
calice
simon. est
ex natura
rei.

9 Tantem ex dictis intelligi potest, vanam esse questionem, an possit cum Deo ipso simonia committi, offerendo illi aliquid temporale opus ad emendum ab ipso sua dona, vel mirabilia opera, ut sanitatem extraordinario modo restitutam propter eleemosynam, vel aliquid hujusmodi. Certum est enim, in his promissionibus, & quasi pactis, seu votis conditionatis cum Deo, vel Sanctis nullam esse simoniam: tum quia id, quod offertur semper est spirituale obsequium: nam licet opus promissum, vel bona materialia, & temporalia videantur, offeruntur semper ut spiritualia obsequia; & ita semper spirituale pro spirituali commutatur: tum etiam quia nec ibi esse potest

Vana judi-
catur illa
quæst.
an possit
cum Deo
simonia
committi.

simon. realis, vel conventionalis secundum rem, cum Deus sit Dominus omnium, & possit de omnibus disponere, prout voluerit: nec etiam ex parte hominis potest esse mentalis, vel attentata simonia: sicut fuit in Simo. Mago; quia etiam petiit ab omnium Domino, & cum eo negotiatur, & illi offert dona ab ipso accepta, non ut materialia preria, sed ut spiritualia obsequia: vel etiam potest offerre ut merita, vel ut satisfactiones, aut de congruo, aut de condigno, & obligationem ad illa etiam offerre potest ut specialem cultum religiosum. Nec potest quis esse tam stolidus (nisi sit infidelis valde rusticus) qui putet aliter posse a Deo emi ejus beneficia, ut illi offerat pecuniam, vel aliquid æquivalens in pretium. Quapropter nulla distinctione hic opus est, nec majori discussione. Nec oppositum dixit Innoc. qui citari solet in c. *Scriptura*, de voto: nimirum prius in contrarium argumentetur, postea veritatem statuit, quam ibi Abbas, & alii sequuntur. Et fortasse in sequenti volumine agentes de voto plura de hoc puncto dicemus.

C A P U T XXXI.

Utrum in spiritualium commutatione, præsertim beneficiorum, possit vera simonia committi, saltem contra ecclesiasticum jus?

Proponitur per negativam.

I Videri potest, non esse possibilem talis simoniæ modum, quia non potest esse simonia, nisi verum pretium interveniat: sed per jus positivum fieri non potest, ut res spiritualis habeat veram rationem pretii; ergo nec potest fieri, ut talis commutatio sit simoniaca. Major patet ex dictis, quia sine pretio non est venditio, nec sine venditione simonia. Minor etiam patet, quia de ratione pretii est, ut sit res temporalis, & materialis, ut etiam ostensum est. Et declaratur, quia si res illa, pro qua altera spiritualis datur, in se non est pretio æstimabilis, jam non æstimatur pretio res altera, quæ pro illa datur, & consequenter ibi non intervenit deformitas simoniæ. At ecclesiæ per suam prohibitionem non potest facere, ut res spiritualis temporalis fiat, vel pretio æstimabilis; ergo nec potest facere, ut commutatio rerum spiritualium inter se cum proportionem facta sit simonia. Atque hanc partem defendit Durandus: cum quo cap. 8. disputatum est.

Sententia asserens omnem commutationem rei spiritualis pro alia simoniacam esse ex jure ecclesiæ.

2 Aliunde vero apparet, ex jure ecclesiastico factum esse, ut omnis commutatio rei spiritualis pro alia etiam spirituali simoniaca sit. Probat, quia in jure omnis pactio in distributione, seu traditione spiritualium rerum prohibetur; ergo etiam pactio de dando spirituali pro spirituali prohibita est, quia utriusque non distinguit, neque nos distinguere debemus. Antecedens constat ex cap. ultim. de Pactis, & ex cap. *Preterea* 2. de Transact. cap. *Tu nos* de Si non. cum similibus: in quibus omnis pactio, in spiritualibus absoluta, & simpliciter improbat. Atque hanc sententiam docuerunt aliqui Canonistæ in dicto cap. ult. de Pactis, ut Cardin. Imol. Anton. Tribui etiam solet Navarro d. cap. 23. num. 100. vers. 2. Sed revera illam non docet, ut videbimus.

Nō repugnat, hæc commutatio tamen esse simoniacā solū quia sit contra prohibitionem ecclesiæ.

3 Dico ergo 1. Non repugnat, commutationem spiritualis pro spirituali alter factam, quam legibus ecclesiasticis permessa sit, vere, ac proprie esse simoniacam, solum quia contra ecclesiæ prohibitionem sit. Hanc assertionem reddidimus supra c. 8. in generali, hic vero ad particulares materias applicanda est. Illam ergo docet Navar. dicto ver. 2. refertque pro illa Silvestrum verb. *Simonia* quæst. 13. ver. 4. Angel. *Simonia* 3. numero 3. Idem tenet Silvest. verb. *Permutatio* 2. qu. 4. Et in beneficiis id docent communiter Canonistæ in cap. *Quæritur* de Rerum permutat. & in cap. *Ex parte* 1. de Officio delegat. Et sumitur ex D. Thom. dicta quæst. 100. art. 1. ad 5. Tenet Paludan. 4. distinct. 25. q. 5. Et idem sentiunt Major, Richard. Argent. & alii; solo Durando excepto. Soto dicta quæst. 5. art. 2. Victor. d. nu. 17. Qui omnes fere in beneficiis loquuntur, & ab illis sumi potest generale argumentum. Nam beneficium ecclesiasticum simpliciter est quid spirituale, & ideo commutatio unius pro alio, si pure fiat, id est,

sine adjectione, vel reservatione alicujus temporalitatis, sed simpliciter unum pro alio conferendo, ex vi solius juris divini, simonia non est, juxta dict. in cap. præc. Et nihilominus per ecclesiæ facta est simoniaca, si absque auctoritate prælati per solam pactiōnem privatorum beneficiorum fiat, ut nunc supponimus, & in sequenti assertionem ostendimus; ergo.

4 Sed fortasse aliquis dubitabit in hoc exemplo, quia permutatio beneficiorum privata auctoritate non tantum ecclesiastico jure prohibita est, sed etiam divino, supposita tali beneficiorum institutione; quia beneficium ex natura sua, quam habet a tali institutione, postulat auctoritatem superioris, ut alteri conferri possit. Sed hoc non obstat: nam aliud est considerare impossibilitatem, ut sic dicam, translationis beneficii in alium, & receptionem beneficii alterius privata auctoritate, aliud vero est considerare pactiōnem, & permutationem privatorum inter se. Nam prior actio, vel potius conatus per se, & natura sua illicitus est, & sacrilegus: tum quia ille spiritualia indignè tractantur, & usurpantur, ac conferuntur, totumque factum irritum est natura sua: tum etiam quia est injustitia usurpatæ jurisdictionis; nam beneficiorum collatio, & institutio ad solum prælatum ratione jurisdictionis suæ pertinet. Tamen in eo ut sic non est simonia: quia ibi non consideratur ratio venditionis, vel permutationis, sed iniquæ intrusionis. Est ergo illud sacrilegium alterius rationis contra divinum jus, supposita institutione, quam suo jure postulat beneficiorum finis, & natura. At vero sine hoc sacrilegio posset intelligi commutatio unius beneficii pro alio ex conventionem partium inter se, obtinendo postea collationem, & institutionem a prælato, nec sciente, neque approbante contractum permutationis in ipsos factum, & in hoc dicimus non inveniri simoniam contra jus divinum, & fatentur omnes Doctores citati, & alii, quos referemus, & probant adducta superiori cap. Et solet confirmari; quia si illa permutatio esset de se mala, etiam nunc fieri non posset auctoritate prælati, quod falsum esse constat. Sed quantum vim hoc habeat, statim dicemus. Sic ergo exemplum illud recte probat conclusionem.

Enodatur dubium circa rationem beneficii.

5 Sed ulterius considerari potest, in hoc exemplo, & similibus, in quibus temporalia sunt spiritualibus connexa, specialem rationem inveniri, ob quam in eis merito fieri possit prohibitio, quæ non invenitur in aliis spiritualibus rebus; unde inferri posse videtur, non esse assertionem extendendam ad materias pure spirituales. Declaratur, quia in beneficiis licet ritulus sit spiritualis, proventus sunt temporales, & sunt ita spiritualibus functionibus annexi, ut ex illis necessitate quadam dimanent; unde facile fieri poterit, ut in commutationibus talium spiritualium rerum major ratio temporalium, quam spiritualium habeatur. Quod aliquo modo derogat spiritualium dignitati, & convenienti administrationi, & saltem habet speciem mali, quæ ab omnibus Christianis cavenda est, dicente Paulo 2. Thes. 5. *Ab omni specie mali abstinete vos*: maxime vero hoc servandum est ecclesiasticis personis, & in pertractandis spiritualibus rebus, atque ideo merito potuit ecclesiæ illam permutationem prohibere intuitu religionis ad cavendam illam mali speciem, ut dixit pontifex in cap. *Audivimus* 4. de simon. In aliis autem materiis pure spiritualibus non habet locum hæc ratio, neque ex parte unius rei, pro qua altera datur, potest aliquid temporale considerari, ratione cujus fiat prohibitio præsertim in ordine ad vitandam simoniam, vel periculum, aut speciem ejus. Et ita in permutatione earum non videtur habere posse locum simonia, quia prohibita. Ad hoc autem facile possemus concedere totum, quod infertur. Ideo enim in assertionem indefinite locuti sumus, solumque diximus, non repugnare; nam ad hoc satis est, quod in aliqua materia spirituali possit habere locum talis simonia, nec est necessarium, ut ad omnem materiam extendatur. Addo vero potestatem ecclesiasticam ad prohibenda pacta, & commutationes inter spiritualia, de se universalem esse, & in quacumque materia posse illas prohibere, si sufficiens ratio occurrerit ad prohibitionem faciendam:

An sit aliq. qua pecu. hanc rationem, ut fiat prohibitio in spiritualibus, quibus tēp. oralia sunt annexa, & non in aliis spiritualibus.

Resolvitur.

dam: sine tali enim ratione nec operatur illa potestas, quia lex debet esse rationabilis, nec potestas data est in destructionem, sed in ædificationem. At vero si abusus aliquis introduceretur per commutationem aliquarum functionum pure spiritualium, ut absolutionem pro absolutione præstando, vel quidpiam simile, merito posset ecclesiasticam commutationem prohibere, ut per se constat. Et fortasse talis prohibitionis transgressio ad simoniam etiam pertineret, ut paulo inferius dicam.

6 Dico secundo: Permutatio unius rei spiritualis pro alia spirituali in beneficiis ecclesiasticis, & in his, quæ illa concernunt, prohibita est per ecclesiam, si propria auctoritate fiat, & sic facta, veram simoniam continet, quia prohibita. Prima pars satis ex jure constat, & ita in illa nulla est controversia cap. *Quæsitum cum olim*, de rerum permutatione, cap. *Majoribus*, de Præbend. ubi de sola permutatione dignitatum, sermo est: verum tamen in aliis juribus declaratur, seu extenditur ad omnia beneficia. Et ita etiam intelligitur generalis regula in cap. ultim. de Pactis, quod in his spiritualibus omnis pactio prohibita est: permutatio enim quædam pactio est, ut constat.

7 Difficultas vero est in posteriori parte assertionis, an talis permutatio beneficiorum simpliciter facta, & sine interventu pecuniæ, vel alterius temporalis æquivalentis sit vera simonia ratione ecclesiasticæ prohibitionis. Quidam enim contendunt, quod licet sit mala, quia prohibita, non tamen est simonia. Quod juxta opinionem Durandi supra tractatum cap. 8. recte diceretur, tamen præter illum citantur pro hac sententia Soto libr. 9. de Jus. quæst. 7. art. 2. & Covarruvias libr. 2. Var. cap. 5. num. 4. & 5. Sed neuter ibi tractat de hac re, sed de renunciatione beneficii sub conditione, & quia putant non esse simoniacam, putant etiam non esse illicitam, nec prohibitam, ut infra videbimus. Neminem ergo invenio hanc opinionem tenentem præter Durandum, & vix potest defendi, nisi juxta illius sententiam. Nihilominus aliqui viri docti dixerunt, licet possit dari simonia de jure positivo, non tamen in hac materia permutationis beneficiorum, quia in ea non datur temporale pro spirituali. Sed ad hoc jam a nobis responsum est, habere temporale admixtum, & ratione illius posse esse fundamentum simoniæ prohibitæ. Contra hoc vero instatur, quia in beneficio temporale est accessorium, spirituale principale: at in rebus, vel actionibus accessorium in considerationem non venit, sed sequitur principale, leg. 1. ff. de Auctor. tutor. ergo. Et confirmatur, quia si hæc permutatio esset simoniaca, non posset auctoritate episcopi fieri, quia non potest ille dispensare in jure communi, quod est jus superioris: at potest licite fieri episcopi auctoritate; ergo non est simonia, quia prohibita.

8 Nihilominus contraria sententia communis est, & omino vera. Illam enim tenent ex Theologis Paludanus, Richardus, Major, Argent. Sor. & Viç. locis citatis in prima assertione: & Summistæ omnes, & canonistæ ibidem allegati; & Anton. 2. par. tit. 1. cap. 5. §. 8. Rebuff. in Pract. 3. p. tit. de Permutatione num. 52. Ugolin. Tab. 1. cap. 27. Redoan. tit. de Simon. par. 3. cap. 3. & 13. Pobaturque primo ex cap. *Dum olim*, de rerum permut. & clarius in cap. *Quæsitum*, eod. ibi, *Præsertim pactio præmissa, quæ circa spiritualia, vel connexa spiritualibus, labem semper continet simoniæ*. Respondent aliqui, illud esse verum, quando permutatio fit pactio præmissa. Sed interrogo, de qua pactio sit sermo, an de pactio dandi aliquid temporale ultra beneficium, vel de pactio, & conventionem dandi unum beneficium pro alio. Primum dici non potest juxta mentem pontificis in illo textu, quia nec de hoc erat quæsitum, sed solum: *An commutationes fieri valeant præbendarum*: nec pro ratione dubitandi afferebatur, nec quod dandum erat aliquid temporale, sed solum quod in Concilio Turon. cap. *Majoribus*, de Præbend. tantum inter dignitates videbatur prohibita permutatio. Unde etiam intelligitur, solum ibi de permutatione mala, quia prohibita, fuisse interrogatum pontificem,

Debet autem responsio esse interrogationi proportionata. Non ergo agitur ibi de alio puncto, in quo temporale detur pro spirituali: nam hæc simonia contra jus Divinum est, unde nullum verbum ibi reperitur, quo tale pactum significetur. Ergo pactio illa non est, nisi de pura commutatione unius beneficii pro alio; ergo illa est simoniaca, juxta illum textum.

9 Dices: Quid ergo vult pontifex ibi, cum ait, *Generaliter teneas, quod commutationes præbendarum de jure fieri non possunt, præsertim pactio præmissa*? nam si pactio tantum est de pura permutatione, superflue additur illud, *præsertim*, &c. quia impossibile est fieri permutationem sine pactio, quia permutatio, contractus quidam est, & omnis contractus est pactio. Respondeo, fortasse illud verbum solum fuisse additum ad explicandum, in quo consistat deformitas illius permutationis factæ sine auctoritate episcopi, quia fit in vi pacti, vel certe dici potest, permutationem simpliciter posse fieri, primo solo facto dando, & recipiendo sine alia pactio, vel quod etiam fiat pactio per mutuam obligationem in futurum: & utraque permutatio est illicita, & simoniaca, sed posterior est magis clara, & deterior, quia plures obligationes includit. Quæ distinctio potest intelligi ex lege *Ex placito*, Codice de rerum permutatione, ubi prius dicitur, ex placito permutandi, re non secuta, actionem non competere; & subditur: *Nisi stipulatio subiecta ex verborum obligatione quæserit partibus actionem*. Sic ergo potest esse permutatio sine pacto, & cum illo.

10 Posset item persuaderi assertio ex dictis supra contra Durandum, si pro fundamento sumeret contraria sententia, nullam dari simoniam contra jus positivum: si autem admittatur aliqua simonia contra jus positivum, non video, quomodo possit negari, in hoc facto prohibitio reperiri. Nam si pro beneficio, vel alia re spirituali detur res mere temporalis, jam simonia non esset contra jus humanum, sed contra divinum. Quando ergo in materia beneficii potest esse simonia, quia prohibita? Respondent, quando id, quod datur, est mere temporale, sed modus dandi non esset sufficiens ad simoniam, nisi prohiberetur. Sed hinc sumo argumentum satis efficax. Nam si lex facit modum sufficientem ad simoniam, qui de se non erat, cur non poterit etiam facere ut res, quæ de se non erat sufficiens ad pretium ex natura rei, ex prohibitione, & quasi taxatione legis, sit sufficiens ad commutationem simoniacam? Certe non potest reddi ratio, quæ satisfaciatur.

11 Sed præterea ostendo ex principiis supra positis in hac materia, & in hac actione non distinguendum, quia prohibitum, & simoniacum ex eodem capite. Et arguor in hunc modum: illa permutatio, & pactio est illicita in materia spirituali contra religionem, sed solum ratione voluntariæ pactionis, & commutationis; ergo est simonia. Antecedens supponitur ex dictis contra Durandum, quia illa transgressio non est formaliter contra obedientiam, nec contra justitiam, sed sumit speciem ex materia; unde necessario est contra religionem. Quod autem deordinatio non aliunde, quam ex prohibito pacto oriatur, per se evidens est, & ex dictis juribus, & ex cap. *Cum universorum*, de rerum permutatione. Consequentia vero probatur, quia illa est quædam irreligiositas, & non potest ad aliam speciem vitiorum contra religionem pertinere. Suppono enim, resignationem beneficiorum fieri manibus prælati, & ab ipso conferri, tamen ex pactio præcedenti, de qua nulla mentio facta est; ibi ergo non intervenit injuria, neque alia malitia contra Divinum jus, tunc ergo malitia consistit in pacto prohibito per ecclesiastica jura. Jam ergo probatur consequentia, quia simonia non est aliud, quam irreligiositas circa res sacras & spirituales, seu sacrilegium commissum per iniquam negationem circa illas. Et discurrendo per alias species irreligiositatis, facile constabit, in nulla alia specie vitii contra religionem posse collocari. Et propterea mihi valde probabile est, quod si de facto esset prohibita per ecclesiam pactio, & commutatio inter aliqua mere spiritualia, ita ut illa esset mala, quia prohibita, necessa-

Dubium circa pontificis verba.

Solvitur;

Aliter eod. firmatur assertio.

In hac materia non distinguitur illicitum quia prohibetur & simoniacum.

Valde probabile est, si de facto esset prohibita

Permutatio beneficiorum propria auctoritate facta est vera simonia.

An permutatio beneficiorum sine interventu pecuniæ sit simonia ratione prohibitionis ecclesiasticæ pars negativæ.

Pars affirmativa eligitur.

Ab eccle-
sia com-
mutatio
inter me-
re spiri-
tualia, ta-
lem com-
mutatio-
nem simo-
niacam.

cessatio esset quædam simonia, quia esset peccatum contra religionem, & contra debitum modum con-
nectendi res sacras, & non per sortum, nec per alias
actiones sacrilegas, sed per negotiationem prohibi-
tam circa illas, ut spirituales sunt. Unde hoc existi-
mo in rigore sufficere posse ad rationem simoniæ, sal-
tem de possibili. Ideoque cum communiter dicitur, si-
moniam non intervenire, nisi cum datur temporale
pro spirituali, intelligitur ex natura rei, & stando in
divino jure: absolute vero extendi potest ad omnem
commutationem de re spirituali, quæ in reverentiam
ejus fieri prohibeatur.

Longe id
certius
est, quan-
do probi-
bitio fit in
re us spi-
ritualibus
ratione
tempora-
litatis,
quam in-
volvunt

12 Sed quicquid de hoc sit (quod magis potest esse
dubium) longe certius id est, quando commutatio est
prohibita ad vitandam speciem, & occasionem simo-
niæ, quæ esse potest in tali materia ratione temporalita-
tis, quam involvit, ut paulo antea declaravi. Et
amplius suaderi potest, quia ex parte materiæ simo-
niæ, non solum est sufficiens materia simoniæ res in
se vere spiritualis, sed etiam res temporalis annexa spi-
rituali, quando per legem ecclesiasticam constituta
est, ut sic dicam, in illo ordine per prohibitionem,
& quasi annexionem positivam. Ergo & e contrario
res spiritualis habens annexam temporalem, potest
ratione illius prohibitionis in commutationem alte-
rius rei similis adduci, & consequenter constitui tan-
quam sufficiens pretium ad simoniam constituendam.
Atque ita factum est in beneficiis, ut declaravi. Ne-
que obstat, quod temporale in beneficio sit accesso-
rium, quia licet ex natura rei accessorium sequatur
principale, si ordo non pervertatur, homines tamen
sæpe abutuntur his rebus, & magis amant accesso-
rium, quam principale; & ideo morale periculum
est, ne quando videntur principale pro principali per-
mutare, potius pro accessorio permutent. Merito er-
go lex ecclesiastica potuit huic malo providere, & ita
prohibere illam permutationem, ne spiritualia, quæ
ibi sunt principalia, pro temporalibus, quæ sunt acces-
soria, darentur. Et ita in generali loquendo de simonia
de facto prohibita divino jure, vel humano, dicen-
dum est, pretium, vel quasi pretium, quod in illa in-
tervenit, esse rem temporalem, vel nudam, vel con-
jungtam rei spirituali, si per ecclesiam prohibita sit,
in talem commutationem adduci.

Solvitur
confirmatio
oppo-
sita sen-
tentia.

13 Et per hæc satisfactum est principali motivo al-
terius sententiæ. Confirmatio autem nullam habet
difficultatem, quia ipsa lex prohibens permutationes
has privatim factas concedit, ut auctoritate episcopi
fieri possint, ut videbimus capite sequenti. Et ideo,
dum ita sit permutatio, non dispensat episcopus in le-
ge pontificia prohibente permutationem, quia lex non
prohibuit talem permutationem. Denique ut disputa-
tio hæc non de solo modo loquendo, nec in sola spe-
culatione sistere videatur, quod ad praxin attinet,
non parum referre potest, ut infra agendo de pœnis
videbimus. Et ideo verius censeo in foro saltem eccle-
siastico, talem permutationem cum pacto one occultam
tanquam veram simoniam jure censi. Ita enim lo-
quuntur jura, & omnia pontificia rescripta, & Do-
ctores communiter, a quibus usus vocum in propria
arte sumendus est. Et consequenter etiam in ordine
ad forum pœnitentiæ lapsus hic tanquam simoniacus
reputandus est. Nam si simoniæ circa beneficia esset
reservata, sine dubio hæc etiam comprehenderetur
sub tali reservatione, & sic de aliis ad illud forum per-
tinentibus. Ac denique in confessione hujus pec-
cati clarum est, non posse aliter, quam ut simo-
niam in confessione declarari, & ita credo esse in usu
omnium.

Simonia
est contra
jus positi-
vum com-
mutatio-
nis facere
in provi-
sionibus
beneficio-
rum.

14 Ex his colligitur, esse simoniam saltem contra
jus positivum, commutationes facere in actionibus
pertinentibus ad provisiones beneficiorum, quæ a po-
testate, vel jure aliquo spirituali procedunt; ut v. g.
cum duo electores ita paciscuntur, tu elige hunc, &
ego eligam illum, vel elector cum confirmatore, vel
etiam si electio, vel confirmatio pro collatione alicujus
beneficii, vel promissione illius fiat, juxta caput *De
hoc*, de Simon. Immo etiam si patronus præsentatio-
nem offerat, si alter sibi renunciet beneficium. Ita
sentiunt Doctores citati. Et colligitur aperte ex di-

ctis juri-
us, & ex aliis, quæ in universum prohibent
pacta in his materiis cap. *Cum pridem*, & cap. ult. de
Pactis cum similibus. Ratio vero est, quia licet hic
videatur spiritualis functio pro spirituali commutari,
tamen moraliter loquendo, & cum præsumptione,
ut sic dicam, non æstimatur ut quid spirituale, sed ut
via, & medium ad lucrum temporale, & ideo merito
tales commutationes ab ecclesia prohibita sunt. Item
jura prohibent similia pacta inter ea, quæ connexa
sunt spiritualibus: sed hæc omnia sunt beneficiis an-
nexa, nam ad illa ordinantur, & ab eis æstimatio-
nem habent; est ergo hæc commutatio prohibita, &
consequenter est simonia, quia prohibita, quia ex
materia statim resultat hæc malitia, quod eodem mo-
do declarandum, & probandum est, sicut de benefi-
ciis diximus.

15 Secundo infero, doctrinam hanc extendi ad
omnia spiritualia, quæ habent temporalia annexa con-
sequenter, etiam si proprie, & in rigore beneficia non
sint, quia non sunt perpetua, ut verbi gratia, si be-
neficium pro vicaria etiam amovibili ad nutum per-
mutetur, vel quid simile. Probat per primo, quia est
eadem ratio malitiæ, & prohibitionis, ut constat.
Secundo, quia in dicto cap. *Quæstum* dicitur, esse
prohibita pacta omnia in his etiam, quæ spiritualibus
annexa sunt, quod maxime intelligendum est, ut sta-
tim dicam, in his, quæ sunt annexa consequenter,
quia habent eandem rationem, idemque fundamen-
tum simoniæ, si per respectum ad temporalia com-
mutentur.

Ica senti-
dum de
aliis spi-
ritualib.
quæ ha-
bent tem-
poralia
annexa
consequen-
ter, licet
beneficia
non sint.

16 Tertio infero, etiam esse simoniam prohibi-
tam, permutare beneficium pro jure quasi inchoato
ad aliud beneficium, sive per præsentationem, sive
per nominationem comparatum sit, ut si quis det uni
beneficium, ut cedat præsentationi; quam ad aliud
beneficium habet, vel simile. Hoc etiam videtur cla-
rum propter easdem rationes, quia tunc beneficium
non confertur pure, nec sine pacto; tum etiam quia
sicut præsentatio activa non potest pro beneficio per-
mutari, quia est annexa beneficio, ita nec præsentatio
passiva, quia etiam est suo modo connexa, & ab
illo haberet æstimationem, quam habere potest. At-
que ita sentit Franc. in cap. 1. de Rer. perm. in 6. ibi-
dem Joan. Andr. Silvest. verb. *Permutatio*, quæst. 13.
Navar. in Conf. 43. de Simon. quia aliam rationem
adducunt, de qua statim dicetur. Contrarium vero
hujus illationis sentit Gloss. in cap. *Ad audientiam* 2.
de Refer. & ibi Panor. num. 6. Loquunturque in eo ca-
su, in quo aliquis renunciat litteris apostolicis de ob-
tinendo beneficio, cum pacto suscipiendi beneficium.
Et fundatur in hoc, quod per tales litteras nullum ac-
quiritur spirituale jus. Sed illud esse verum, quando
per illud pactum nihil aliud exprimeretur, quam quod
ex vi litterarum fieri deberet. Alioquin si novum pa-
ctum fiat de re, quæ in ipsis litteris non inerat, quod
diximus, verius est, & magis receptum, ut ibi late
refert Felin. Nec negari potest, quin litteræ illæ ali-
quid conferant, sive vocetur jus ad rem, sive actio,
sive commodum; nam sine dubio est spirituale, per
annexionem, originem, & proximam habitudinem.
Alias vendi posset pro temporali pretio, quod absurdum
est dicere. Et huic parti magis favet textus ille,
si recte expendatur.

Simonia
est permutare bene-
ficium pro
jure quasi
inchoato
ad aliud
benefi-

Contrariè
sententiæ
qui senten-
tiant.

17 Quarto consequenter inferitur, esse simoniam
ejusdem ordinis, permutare inter se similia jura ad be-
neficia, ut si unus cedat suæ præsentationi, ut alius sibi
conferat aliam expectationem, quam a pontifice ha-
bet, vel quidpiam simile. Hoc sumitur ex Panormi-
tano ex cap. *Cum olim*, de Rerum perm. num. 4. &
docent Joan. Andr. Franc. & Freder. Senen. cap. 1. de
Rerum permutatione: late Felinus referens alios in
cap. *Ad audientiam* 2. de Refer. num. 11. Silvest.
verb. *Permutatio* 2. quæst. 7. & quæst. 13. conclus. 9.
& Navar. supra, qui alios allegant. Ratio eorum est,
quia permutatio solum est concessa inter beneficia, &
quæ sunt propria permurantium, ut patet ex dicto cap.
1. de Rerum permutatione in 6. ibi: *Secundum for-
mam juris sua beneficia permutare volentes*: nam illa
particula, *sua*, requirit jus acquisitum in beneficiis per-
mutandis, qui autem habet tantum præsentationem,
vel

Simonia
etiam est
permutare
inter se
similia
jura.

vel expectativam, non habet beneficium, ut constat, & sumitur ex cap. *Si tibi absenti*, de Præbendis in 6. Ergo inter illa jura, quæ tantum sunt ad rem, non habet locum permutatio. Probari solet hæc illatio, quia permutatio illorum jurium non est permessa: est ergo prohibita, in cap. *Quampio* 1. quæstione secunda. Sed ibi non est sermo de commutatione spiritualium inter se, sed spiritualis pro temporali. Jura autem, de quibus agimus, spiritualia sunt, non ergo comprehenduntur sub illo jure, nec sub aliis, quæ generaliter loquuntur; quia, ut statim dicam, generales prohibitiones paciscendi in spiritualibus, intelliguntur, quando de commutando spirituali pro temporali agitur, nisi ubi est sermo specialis de beneficiis. Unde posset retorqueri argumentum, quia permutatio spiritualis pro spirituali, quæ non est prohibita, non est simoniaca, sed potius licita per se loquendo; sed permutatio horum jurium non est prohibita; ergo, Probat minor argumento aliorum, quia permutantes jura non permutant beneficia, quia habere jus non est habere beneficium, & ideo ex vi talis permutationis non permutantur beneficia. Quamvis autem ille, qui habet jus ad beneficium, non sit dominus beneficii, nihilominus suo modo est dominus illius juris, quod in se habet, quaecumque illud sit; cur ergo non poterit illud permutare?

Ratio ab aliis adducta inest iuxta judicatur;

18 Propter hoc fortasse addunt Panormit. & ceteri aliam rationem, videlicet quia hæc jura sunt mere personalia, quæ non possunt in alium transferri. Quæ ratio optima est ad probandum, hæc jura non solum non posse jure permutari: verum etiam nec facto, ita ut sit valida, & rata permutatio, quod est manifestum in præsentationibus, expectativis, & electionibus, sunt enim hæc personalia tantum; conditio enim seu qualitas, vel industria persone in eis electa est. Et ideo tales concessionis non excedunt casum expressum cap. *Cui de non sacerdotali*, de Præbendis in 6. Atque ita hæc ratio non solum probat, talem permutationem fieri non posse auctoritate privata, sed neque etiam in manibus episcopi, nam solum conceditur inter *sua beneficia*. Hoc autem modo explicata ratio non probat, hanc permutationem non posse fieri propter vitandam simoniam, sed quia simpliciter hæc jura non sunt permutabilia, quia sunt tantum personalia, ut notavit Guilielmus Redoan. 3. p. de Simon. cap. 12. in fine. Quocirca si aliunde ponamus, hæc jura esse transferibilia in alium, ex illo capite non apparet simonia in tali cambio. Ut si præsentatus obtineat a patrono licentiam transferendi nominationem in alium, & habens expectativam a papa similem facultatem ab eo obtineret, & inter se postea commutarent, non posset hoc improbari dicta ratione, nec ex dicto cap. unic. ut offensum est.

Probat ratio rationibus supra insinuat;

19 Probandum ergo videtur rationibus supra insinuat, quia in prohibitione permutandi beneficia, & illis annexa prohibitum est, hæc jura inter se commutare, quia & sunt beneficiis annexa, & ab illis habent suam æstimationem, unde virtute ibi permittantur beneficia. Et confirmatur: nam licet hoc jus ad beneficium non possit in alium transferri, potest renunciari ad arbitrium habentis, & tamen si id fieret cum simili pacto, simoniacum esset; ut si quis renunciaret expectationi, quam habet a papa ad unum beneficium, dummodo ad aliud præsentetur, ut dictum est, & idem auctores docent: ergo ratio hujus simoniæ non pendet ex impotentia transferendi tale jus in alium, sed ex prohibitione paciscendi in beneficialibus sumenda est. Unde etiam concludo, hoc intelligendum esse de permutatione propria auctoritate facta: nam in manibus prælati fieri posset, ut opinior, si alias habentibus talia jura, data esset facultas transferendi in alios, ab eo, qui potest eam dare. Verum tamen licet pontifex faciat facultatem transferendi in alium expectativam, nisi expresse concedat facultatem commutandi, non posset fieri permutatio propria auctoritate, sed translatio facienda esset liberaliter, ut de pensionibus diximus; accedente autem prælati auctoritate, si commutatio fiat inter jura spiritualia, non videtur prohibitum, ut capite sequenti videbimus.

20 Dico tertio: Permutare spirituale pro spirituali extra beneficiorum materiam non est specialiter prohibitum jure positivo. Ita sentit Glossa in cap. *Quampio* 1. quæst. 2. verb. *Pactio*, quatenus declarat, per illa verba generalia: *Dummodo cesset omnis pactio*, prohiberi inhonestas pactiones, non tamen honestas: per inhonestas autem videtur intelligere illas, quæ sunt inter spirituales, & temporalem rem, per honestas vero, quæ inter spiritualia versari possunt: & ita exponit, ac sequitur ibi Præpositus, num. 2. refertque plures antiquos pro eadem sententia, & inter eos Innocentium & Panormium. Et idem sentit Turrec. Item Glossa in cap. ult. de Pactione, verb. *Cessare*. Ubi Abbas, Cardin. & alii, & in cap. 2. & cap. *Super eo*, de Transact. idemque supponunt omnes allegati in 1. conclus. Ratio vero est, quia nulla talis prohibitio in jure invenitur. Dices satis contineri in generalibus prohibitionibus, quæ habentur in dicto cap. *Quampio*, & in dicto cap. *Super eo*, & cap. *Cum pridem*, & cap. ultim. de Pact. Sed contra, quia hæc jura generaliter loquuntur de pactis, in quibus temporale pro spirituali datur, ut patet in dicto cap. *Quampio*, & in dicto cap. ultim. de Pact. & aliis, quæ ita loquuntur, ut improbant pacta, in quibus aliquid datur pro spiritualibus obtinendis; dum enim id, quod datur, ab spiritualibus distinguunt, satis significant loqui de temporali munere dato pro spirituali. Immo etiam multa jura in materia beneficii de simili pactione loquuntur, ut in cap. *Tuanos*, de Simon. cap. *Super eo*, de Transact. Et optime in cap. ult. de Rerum permut. cum Glossa ibi, verb. *Temporalia*. Alia vero, quæ specialius loquuntur damnando pacta in spiritualibus, semper loquuntur in particulari de beneficiis, aut juribus, quæ illa concernunt, non vero de aliis materiis spiritualibus.

Commutare spirituale pro spiritu. extra beneficia materiam non est jure reprobabile.

21 Unde explicatur hæc assertio; nam spiritualia hæc, de quibus in hac assertione loqui possumus, duplicia sunt. Quædam pure spiritualia, sub quibus comprehendimus functiones omnes sacras, quibus si quid est materiale annexum, est concomitanter, & ita intime, ut spirituale simpliciter, seu moraliter reputetur. Alia vero sunt spiritualia mixta, quæ habent aliquid corporale antecedenter annexum, ut vasa sacra, vestes, & similia. De prioribus, inter se commutandis, vel non commutandis nunquam fit in jure mentio, sed solum cavetur, ne pretio vendantur cap. *Ad nostram*, cap. *Non satis*, cap. *Cum in ecclesia*, de simonia, cum aliis, supra allegatis. De posterioribus etiam nullum invenitur jus prohibens permutationem unius pro alio ejusdem ordinis. Immo in cap. *Ad quæstiones*, de Rerum permutatione approbatur permutatio unius ecclesiæ pro alia pure facta: ubi Glossa reddit rationem, quia spirituale pro spirituali commutatur. Verum est, Glossam illam postulare auctoritatem superioris, sed hoc ideo ibi verum est, vel quia simul fit permutatio beneficiorum, vel quia ecclesia parochialis non potest alicui conventuali de novo uniri sine prælati auctoritate. At vero si res spirituales sint omnino sub libera potestate, & dispensatione commutantium, non erit talis auctoritas necessaria.

Explicatur assertio dicendo per duo genera rerum spiritualium.

22 Contra hanc vero assertionem referri solent Ricardus, Adrianus, & Paludanus locis supra citatis, & ex canonistis Gofred. quem Præpositus refert in dicto cap. *Quampio*. Item Imol. & Anton. cap. ultimo de Pactis. Verum tamen Paludanus, Richardus, & Adrianus non loquuntur de simonia ex prohibitione ecclesiæ, sed de jure Divino, & ideo eorum sententia ad præsentem assertionem non spectat, sed in superiori capite tractata est. Alii vero auctores videntur præcipue locuti in materia beneficii, de qua nonnulla remanet quæstio: An interdum liceat pactum inter spiritualia saltem per modum transactionis, de qua quæstione infra dicemus: nunc enim solum de propria permutatione locuti sumus. Quod si illi auctores plus dicere voluerunt, ostendere non possunt, talem prohibitionem tam universalem esse ab ecclesia factam, nec fortasse moraliter expediret. Denique (ut supra argumentabar) usus ipse ecclesiæ satis docet, non esse factam. Neque hic superest nova difficultas.

CAPUT XXXII.

An praelati auctoritas necessaria sit, ut spiritualium permutatio in beneficiis absque simonia fiat?

ICum hæc simonia solum sit mala, quia prohibita, solum habet locum (ut diximus) in ecclesiasticis beneficiis. Sub beneficiis comprehendendo omnia jura illis annexa, quæ ad illa revocantur juxta dicta in præced. capite: nam in aliis materiis spiritualibus ubi nec commutatio prohibita est, nec per se mala, nulla conditio positiva (ut sic dicam) necessaria est, ut in eis non committatur simonia per earum inter se permutationem, sed solum negativa, scilicet, ut non misceatur prava intentio, nec alia mala circumstantia, quæ destruat puritatem contractus: nam tunc jam non spirituale pro spirituali, sed pro temporali vel omnino, vel aliqua ex parte daretur, ut cap. 30. explicatum est. Et ideo alias res spirituales missas facimus, solumque de beneficiis tractamus. Atque de illis supponimus, non ita esse prohibitam earum permutationem, quin aliquando fieri possit sine simonia. Idem clare supponitur in cap. *Inter cetera*, de Præbend. & in c. unico, de Rerum permutatione in 6. Et sumi potest ex c. *Querenti*, & c. *Cum olim*, & c. *Ad quæstiones*, extra eodem, & in præced. etiam tractatum est. Ut ergo discerni valeat permutatio simoniaca a non simoniaca, oportet exponere conditiones necessarias ad puritatem ejus, & ideo consequenter constabit, cum malum sit ex quocumque defectu, quibus modis possit in hoc simonia committi. Prima autem, & præcipua est auctoritas praelati, & ideo in hoc capite de illa dicemus, & postea de reliquis.

2 Sic igitur generalis regula, ut permutatio licite fiat, necessarium esse, ut auctoritate superioris fiat. Hæc assertio expresse habetur in proxime citatis juribus, & optime in c. *Cum universorum*, de rerum perm. ubi. *Licet ipsi per se de jure non possint ecclesiastica beneficia commutare*. Et ratio clara est, quia talis permutatio potest esse necessaria, vel utilis aut ecclesiæ, aut ipsis beneficiatis, & ideo non debuit omnino prohiberi; fuit autem expediens, ut proprio arbitrio privatorum non fieret, ideoque merito superioris auctoritatis postulata est.

3 Ad explicandum autem magis sensum hujus concessionis, ejusque rationem, dubitant canonistæ, an in tali casu fiat permutatio beneficiorum, vel tantum personarum mutua translatio. Sunt enim hæc duo diversa, nam permutatio directe cadit in rem, quæ permutatur, & fit per quendam contractum, in quo unusquisque contrahentium, quantum in se est, confert aliquid alteri propria voluntate, & consensu, ut vicissim aliquid ab alio recipiat, ut constat ex jure titul. de Rerum permu. & Doctoribus ibi in Rubr. & Summis verb. *Permutatio*. Translatio autem non res, sed personam, vel personas immediate respicit, est enim translatio in præsentia materia personæ, ab uno beneficio in aliud, aut ab una ecclesia ad aliam mutua legitime facta auctoritate superioris, a cujus voluntate, & auctoritate maxime vires accipit, ut constat ex titul. de Translat. Prælat. & c. *Scias frater* 7. quæst. 1. Dixerunt ergo aliqui, permutationem beneficiorum nunquam licere etiam praelati auctoritate, sed solum translationem personarum ab una dignitate, vel ecclesia, seu ecclesiastica obligatione, & sollicitudine in aliam; utrumque enim videtur dici in dicto c. *Querentis*, de rerum permutatione. Nam prius in illo pro generali regula datur; *permutationes beneficiorum de jure fieri non possunt*; & postea in fine subdicitur: *Si autem episcopus causam inspexerit necessariam, licite poterit ab uno loco ad alium transferre personam*.

4 Nihilominus tamen certum est, permutationem beneficiorum proprie sumptam, & ut distinguitur a translatione personarum, esse jure concessam, auctoritate praelati. Nam quod illa duo distinguantur, constat ex dictis in principio, & ex diversis titu-

lis, quæ de illis habentur in jure, & ex principiis, & causis earum: quia translatio non est contractus, nec fit per modum contractus; unde per se non requirit, quod fiat inter duos, & per se respicit utilitatem ecclesiæ, non translationem, unde originem ducit a providentia praelati, non a voluntate translatis: ideoque sine illius consensu fieri potest, & interdum cum majori onere, & minori temporali commodo, & sæpe fit circa unum tantum ad beneficium vacans. Permutatio autem revera fit per modum contractus, & ideo per se postulat, ut fiat inter duos, & ex consensu eorum, tenditque proxime ad eorum commodum sine ecclesiæ incommodo, ac denique in ea datur unum pro alio in recompensationem. Totum ergo hoc permittitur in beneficiis cum auctoritate praelati, & ideo hoc modo non solum translatio personarum, sed etiam permutatio beneficiorum in rigore sumpta, licita est cum dicta conditione. Et ita sentiunt omnes Doctores, & aperte Divus Thomas dicto art. 1. ad 5. prius enim dicit, has permutationes fieri non posse privarim; subdit vero statim: *Potest tamen praelatus permutationes hujusmodi facere*. Et probatur sufficienter ex dictis juribus, & ex Clem. unic. de Rerum permu. In dicto autem c. *Querenti*, pontifex illum modum loquendi tenuit, ut significaret duo. Unum est, beneficia secundum jus non posse permutari privata auctoritate, & consensu permutantium, ita enim omnes illam primam generalem regulam intelligunt. Aliud est, hanc permutationem non esse faciendam ab episcopo sine respectu ad commune bonum ecclesiæ, quia hoc ex personis maxime pendet, ideo potius per translationem personarum, quam per beneficiorum permutationem eam pontifex declaravit. Forte etiam olim major rigor in hoc observabatur, ut non per modum permutationis, sed tantum per modum translationis hoc fieret, postea vero major facultas concessa est, ut constet ex superioribus juribus, & in sequenti puncto amplius exponetur.

5 Secundo enim dubitari potest circa hanc assertionem, esto non liceat permutationem consummare sine notitia, & consensu praelati, an saltem liceat partibus inter se prius negotium tractare, & de permutatione faciendi tali, vel tali modo convenire cum ordine ad scientiam, & consensum praelati? Aliqui enim canonistæ scrupulose in hoc locuti sunt, negantes hoc licere. Quod sentit Gloss. in c. *Cum universorum*, de Rer. permu. verb. *Tractare*, quam ibi sequitur Anchar. & idem docet Innoc. in dicto c. *Quæsitum*, eod. quem ibi sequuntur aliqui, & Hostiens. dixit, esse tutius. Sed non habent fundamentum, quia hoc nullibi est prohibitum, nam solum prohibetur permutare, vel pacisci: tractare autem neutrum illorum est, quia non dicit actum consummatum, sed præparationem ad illum, ut constat ex vi ipsius vocis, atque etiam ex jure colligi potest c. 1. de Reb. Eccles. non alien. Unde opposita sententia colligi potest ex c. *Cum universorum*, de Rerum permu. Ubi cum de tractatu de permutatione, facta fuisset mentio, tractatus non improbatur, sed solum dixit pontifex, partes per se non posse permutare. Ratio etiam moralis est evidens, quia prohibere tractatum, moraliter loquendo, esset prohibere permutationem, quia non potest ad illam alia via perveniri. Dices, posset fieri ex licentia praelati. At hoc valde onerosum est, interdum enim superior longe distat. Item nisi prius sit aliqua spes concordie, superflua esset petitio talis licentie. Denique quod caput est, nullibi est hoc præceptum. Illi ergo canonistæ videntur locuti juxta aliquem antiquum rigorem, quando non tam beneficiorum permutatio, quam translatio personarum fiebat ex officio praelati, & non ad petitionem privatorum; nunc autem cum permutationes proprie liceant de petitione beneficiatorum, non potest negari, quin possit præcedere inter eos tractatus.

6 Dixerunt autem alii, esse quidem licitum tractare prius de permutatione, sed non concludere, aut se mutuo obligare, quia hoc esset pacisci, quod non licet sine consensu praelati. Ita significat Panormitanus in dicto capite non *Quæsitum*, circa finem dicens, posse partes inter se tractare, non tamen concludere per-

Scimus
questio.
dis.

An auctori-
tas superi-
oris ne-
cessaria
sit ut per-
mutatio o-
licite fiat.

An sit
permuta-
tio benefi-
ciorum,
an solum
persona-
rum.

Auctori-
tate præ-
lati est
conceda-
re bene-
ficiorum
permuta-

rio præ-
prie sum-
pta.

An liceat
partibus
sine licen-
tia præla-
ti inter se
tractare
permuta-
tionem,
animo ta-
men pe-
tendi præ-
lati con-
sensum?

Partes af-
firmative
eliguntur.

Objection
Saturat.

An partes
possint in-
ter se non
solum per-
mutatio-
nem tra-
ctare, sed
etiam mu-
tuo se ob-
ligare?

permutationem, & adducit Glossam, & Joan. Andr. in c. unic. eodem, & sequitur Cardin. in eodem cap. *Quæsitum*, num. 4. Et eodem modo loquitur idem Panormitanus in dicto c. *Cum universorum*, immo ibi difficilius se explicat dicens, quod clerici dicuntur permutare, quando inter se deliberant de permutando cum deliberato consensu; & ideo male facere, licet postea vadant ad superiorem; & hoc putat esse reprehensum in illo textu, Et hoc videtur sequi Anton. 2. part. tit. 1. c. 5. §. 8. Sed melius hanc sententiam exposuit silvester ver. *Permutatio* 2. q. 5.

Resolutio quæstio pro parte affirmativa: 7 Dicendum ergo est, licitum esse volentibus permutare, & tractare de negotio, & concludere, quantum est ex se, præbendo suum mutuum consensum in ordine ad consensum prælatus; hoc enim etiam est moraliter necessarium, & aperte colligitur ex dicto c. unic. de Rerum permutat. in 6. ibi: *Sua beneficia permutare volentes*. Et similia verba habentur in Clement. unic. eodem, ubi Glossa inde colligit, posse præcedere tractatum utique usque ad consensum, nam hoc significat verbum *volentis*. Et ita sentit ibi Cardinal. Zabarel. citans Paul. num. 7. & Cardinal. in dicto c. *Quæsitum*, quæstione 39. num. 23. Ratio etiam eadem est, quia hoc est medium necessarium moraliter ad finem permutationis, concessio autem sine, conceduntur media, præsertim adeo intrinseca, & necessaria. Denique hoc etiam nullibi invenitur prohibitum. Addo vero ulterius, etiam posse partes ita consentire, ut se obligent ad standum conventioni inter se factæ, non simpliciter, & absolute, sed sub conditione, si prælatus consenserit. Ita hoc declaravit Silvest. Et probat optime, quia hoc etiam non est prohibitum, sed sola *permutatio præsertim pactione præmissa*, ut dicitur in dicto c. *Quæsitum*. Pactio autem tantum conditionata, si prælatus consenserit, nec est permutatio, nec simpliciter pactio de permutatione, cum conditionalis suspendat permutationem, & subiciat juri voluntates contrahentium. Item hoc genus obligationis est etiam moraliter necessarium, ne contingat frustra postulari superioris consensum, si illo præstito, possent partes retrocedere pro suo arbitrio. Unde in praxi videtur ita servari, nam postquam prælatus consentit, non est in potestate permutantium, vel resignantium retrocedere, ut tradit Innocentius in c. *Inter cetera*, de Præbend. Quamvis enim permutantes non acquirant beneficia usque ad collationem, ut tractat Rebuff. supra, & Cardinal. Zabarel. in dicta Clement. unic. de Rerum permutat. num. 19. nihilominus interposita auctoritate prælatus per consensum perfecta est resignatio, & ita non possunt partes retrocedere; ergo signum est, antea consensisse, & se obligasse sub illa conditione. Nec videtur Panormitan. dissentire: nam in c. *Quæsitum*, solum dicit, non posse *inter se concludere permutationem*, utriusque absolute, in alio autem c. *Cum universorum*, obsecutus loquitur. Sed debet intelligi juxta textum; in cujus casu (si attente legatur) partes ita inter se tractaverant de permutatione, ut quod ad illam consensum prælatus non requirerent pro resignatione faciendâ in favorem tertii. Inde enim ortum habuit deceptio, in qua fundatur ille textus, quod alter resignavit suum beneficium in consanguineum alterius, & alter postea resignare volebat. Hæc autem deceptio locum non habuisset, si conventio permutandi episcopo innotuisset. In hoc ergo sensu ait Panormitan. deliberationem inter partes esse peccaminosam, etiam si ad episcopum pro resignatione accedant, & ita etiam intellexit Silvest. & bene Rebuff. in Pract. tit. de Permut. num. 52. & 53.

An liceat sese mutuo obligare ad perseverandum in conventionem, donec præsentetur superiori, & ipse suum consensum neget. Aliqui enim hoc negare videntur. Unde Rebuff. in Pract. tit. de Permutat. num. 4. ait, post conventionem factam inter volentes permutare, & data procuracione, quando est res integra, posse revocari, licet non possit revocari ab altera parte, postquam alia suum beneficium resignavit. Et potest suaderi, quia illa mutua obligatio cum illo rigore facta non est necessaria ad permuta-

tionem, unde non censetur concessa eo ipso, quod permutatio conceditur; ergo censetur prohiberi per generalem prohibitionem faciendi pacta, & conventiones super beneficia. Nihilominus probabilius videtur, quod licet tanta obligatio non oriatur ex mutuo consensu permutandi, nisi exprimat (quod fortasse voluit dicere Rebuffus) nihilominus si fiat, non committi simoniam, immo validam esse, & inducere obligationem in conscientia. Ita tenet Frederic. Senens. in Tract. de Permut. benefi. quæst. 38. num. 64. & 65. & idem sentit Cardin. supra, nec ceteri contradicunt. Ratio vero est, quia etiam hoc pactum non est per se malum, ut constat, nec etiam est prohibitum: tum quia non est de permutatione beneficiorum, nisi juxta juris concessionem, tale autem pactum non prohibetur, ut ostendimus: tum etiam quia tota illa pactio consistit in promissione mutua circa perseverantiam, & stabilitatem in concordia facta: hoc autem bonum est, cum concordia bona, & secundum jura esse supponatur.

9 Tercio dubitari potest circa eandem conditionem, quis sit superior, cujus auctoritate faciendâ est permutatio, ut absque simonia fiat? Respondeo, nunc sermonem esse de permutatione, quæ simpliciter fit inter beneficia sine adjectione oneris, vel pensionis ex altera parte (de hoc enim infra dicemus) & sic dicimus, superiorem, ad quem pertinet auctoritas faciendi permutationem, esse episcopum. Ita colligitur manifeste ex dicto c. *Quæsitum*, ibi, *Si autem episcopus*, &c. & idem sumitur ex dicto capitulo unico, de Rerum permutatione in 6. ibi *In manibus tuis ipsa resignant*. Ex quibus juribus, & ex ipsa rei natura constat, hoc esse intelligendum respective de unoquoque episcopo pro sua diocesi, & cum proportionem loquendum esse de ipsis episcopis respectu sui superioris, ut late tractant Doctores, præsertim Zabarel. & Rebuff. statim referendi.

10 Duo vero supersunt exponenda, scilicet, quid nomine episcopi intelligendum sit, & consequenter, an prælatus episcopis inferiores interdum hoc possint? Multi enim simpliciter negant inferioribus hanc potestatem, & id colligunt ex dicto c. *Quæsitum*, quatenus ibi prius ponitur generalis regula, quod hæc permutationes jure non licent, & postea additur quasi exceptio, nisi episcopus intervenerit: ergo firmatur regula in contrarium, quod, licet fiant auctoritate cujusvisque inferioris prælatus, non liceant. Ita tenet Glossa in Clement. unic. de Rerum permutatione, quam sequitur Panormitanus dicto capitulo *Quæsitum*, dicens esse communem sententiam, quam etiam tenent Innocentius, Hostiensis, Cardinalis, & Frederic. in Tractat. de Benef. permutat. quæstione decima nona, & vigesima secunda, rebuff. in Tractat. de Permut. numero 2. & sequentibus. Declarant autem hi auctores, quid intelligant nomine episcopi, & quid excludant: cum dicunt, ad solum illum hoc jus pertinere.

11 Primo igitur nomine episcopi intelligunt eum, qui habet jurisdictionem episcopalem, etiam si dignitatem episcopalem non habeat, ut est capitulum, sed vacante, ut notavit Glossa in dicto Clement. unica. verb. *Conceduntur*, & ibi Zabarel. quæstione undecima. Et idem sentit Rot. decisione centesima undecima, & trecentesima duodecima, alias in titulo de Rerum permutatione, decisione quinta, & sexta in novis. Item si sit inferior prælatus, ut abbas exercens in omnibus jurisdictionem episcopalem, ut ex eadem Glossa sumitur, expressius Panormitanus supra. Immo etiam satis erit quod habeat præscriptam jurisdictionem in hoc actu dandi auctoritatem permutationibus, ut in particulari notavit Rebuffus, quia per præscriptionem acquiritur jurisdictio. Ratio hujus partis est, quia fundamentum hujus actionis est episcopalis jurisdictio; unde si prælatus hanc habeat, sufficit, & ita Divus Thomas non facit mentionem episcopi in particulari, sed dixit: *Potest autem prælatus ex officio suo*, &c. Quod vero in dicto capitulo *Quærenti*, nominetur episcopus, non refert: tum quia denominatio solet sumi ab eo, quod est regulare, & ordinarium, per quod non excluduntur, immo

Resolutio quæstio. nis.

Episcopus est superior cujus auctoritate faciendâ est permutatio.

Quid intelligendum sit sub nomine episcopi.

Opini aliquorum.

In hac opinione qui prælatus hanc jurisdictionem habeant.

comprehenduntur ea, quæ sunt ejusdem rationis, ut latissime confirmat Tiraquel. libro primo, de Retract. §. 20. a num. 4. usque ad decimum: tum etiam quia episcopus uno modo, & quasi formaliter dicitur ratione jurisdictionis episcopalis, id est quoad officium, & curam, licet non sit talis, quoad dignitatem, & consecrationem. Unde quando actus, de quo est sermo, pertinet pure ad officium, & jurisdictionem ordinariam, etiam si nominetur episcopus, intelligitur ratione jurisdictionis. Nam character, vel dignitas nihil ad talem actum operatur. Secus vero est, ubi jurisdictio committitur episcopis ex speciali delegatione papæ, ut in multis decretis Con. Trid. Tunc enim non extenditur ad inferiores, ut constat: & videri potest per Decium in capitulo *Quoniam abbas*, de Offic. delegat. numero decimo quinto. In præfenti autem constat, jurisdictionem esse ordinariam, non delegatam, & ideo de hac parte nulla est controversia.

12 Qui autem excludantur, cum dicitur nullum præter episcopum posse permutationem approbare, declaratur. Quia non id dicitur propter inferiores, qui non habent potestatem conferendi beneficia, nam de illis constat, & per se notum est, non posse permutationem probare: sed dicitur propter aliquos inferiores prælatos, qui interdum possunt beneficia conferre, de quibus dicti auctores, & fere omnes dicunt non habere potestatem dandi auctoritatem permutationibus beneficiorum, ac subinde non excusari simoniam, si tantum coram illo prælato, episcopo prætermissa, permutatio fiat. Quia ille prælatus non est episcopus, neque quoad dignitatem, nec quoad jurisdictionem, & ideo nullo modo comprehenditur in dicto capitulo *Quærenti*. Advertunt tamen hi auctores, quod licet approbatio permutationis pertineat ad episcopum, si collatio ad alium pertineat, ejus consensus esse necessarium, & idem de electore, patrono, & similibus: quod est clarum, quia per dicta decreta non privantur alii jure suo, neque cum præjudicio eorum sunt exequenda.

Contraria
sententia.

13 Contrariam nihilominus sententiam in hoc puncto tenet Angel. verb. *Permutatio*, num. 5. Silvest. eodem 2. quæst. 2. dicens, superiorem sufficientem ad permutationem non esse solum episcopum respectu suorum inferiorum, si ad illum talium beneficiorum collatio non pertineat, sed esse posse inferiorem, si ad illum collatio, vel institutio spectet. Et hoc videtur sentire Soto dicto lib. 9. quæst. 5. art. 2. & quæst. 7. art. 2. qui sub disjunctione loquitur de episcopo, vel eo, ad quem collatio spectat, ipse autem hoc non disputat, sed supponit; Silvest. vero solum probat ex cap. *Ad hæc*, §. ultimo de Offic. Archid. & cap. *Super eo*, §. ultim. de Offic. delegat. Verumtamen illa jura ad summum probant, tunc non esse usurpandam collationem beneficiorum ab episcopo, sine consensu eorum, ad quos pertinet, ut etiam fatetur prior communis sententia, non tamen probant, quod sine auctoritate episcopi possit fieri permutatio. Apparentius induci posset cap. unic. de Rerum permutatione in 6. *Illos tamen, qui secundum formam juris sua beneficia in eadem diocesi ad tuam collationem spectantia permutare volentes*, &c. exponendo etenim particulam illam, *Ad tuam collationem spectantia*. Quia per eam indicantur permutationes beneficiorum, non pertinentium ad collationem episcopi, ad eum non spectare. Et licet Gloss. ibi dicat, verba illa non esse juris, sed narrationis facti, non satisfacit: tum quia id non potest satis ex textu colligi, cum omnia illa verba sint Bonifacii conditoris jus: tum etiam quia licet demus, sumpta fuisse ex propositione facti, seu quæstionis, nihilominus recte ex eis colligimus, & episcopum interrogantem intellexisse ad se non pertinere beneficiorum permutationem, nisi quorum collationem habet, & pontificem tacite illum sensum approbasse. Ratione potest hæc sententia suaderi, quia in permutatione ideo requiritur superioris auctoritas, quia nec unius beneficii renunciatio potest esse valida sine prælati consensu, nec potest novum beneficium obtineri sine prælati collatione: ergo si ad aliquem inferiorem prælatum pertinet resignatio, & collatio talium bene-

ficiorum, illius auctoritas sufficiet ad concludendam, & exequendam permutationem, nec episcopus poterit tunc se intromittere, cum ad illum non pertineat institutio, aut destitutio talium beneficiorum. Et confirmatur, quia jam ille inferior prælatus habet jurisdictionem episcopalem saltem, quoad provisionem talium beneficiorum: (nam talis potestas ordinarie propria est episcoporum, cap. *Omnes basilica* 9. quæst. 7.) ergo quoad tales actus, recte comprehendendi potest nomine episcopi. Et ita solvitur fundamentum contrariæ sententiæ, & ampliatur jus in re favorabili. Nam frustra (ut inquirunt) fit per plura, quod potest fieri per pauciora: cum ergo collatorum consensus necessarius sit, & ibi episcopus nihil fere cooperetur; ad quid sunt onera, & gravamina multiplicanda?

14 Hæc posterior sententia, si vim rationis spectemus, videtur mihi valde verisimilis, quia tamen difficile est in re morali a receptissima sententia recedere, tutius censo admonere, ut in praxi illa servetur, ubi consuetudo præscripta aliud non habuerit. Nam ubi prælatus, ad quem pertinet collatio, habet consuetudinem approbandi permutationem beneficiorum, communis etiam sententia fatetur, saltem titulo præscriptionis posse id facere ratione jurisdictionis episcopalis præscriptione comparatæ ad illum effectum. Ubi autem non fuerit tale jus præscriptione acquisitum, ex vi juris communis defendi optime potest, approbationem permutationis ad episcopum pertinere ratione jurisdictionis episcopalis. Quod ita potest declarari distinguendo duo, quæ in hoc negotio interveniunt. Unum est approbare permutationem, & conventionem partium, seu consensibus partium auctoritatem dare, & quasi complere conditionem, ut pactio conditionata transeat in absolutam: aliud est exequi permutationem acceptando resignationem, & novam collationem faciendo. Primum ergo pertinet ad episcopum, d. cap. *Quærenti*, & non ad inferiorem collatorem, nisi jurisdictionem episcopalem etiam habeat. Secundum autem pertinet ad inferiores, quando beneficiorum collatio ad illos, & non ad episcopum pertinet, & ita fieri non poterit ab episcopo, nisi de consensu illorum. (Quid autem facere possit episcopus, si ipsi nolint consentire, tractant allegati Doctores, in quibus videri potest, quia neque ad nos pertinet, neque ad explicandam simoniam necessarium est.) Et quia in d. cap. unic. sermo est de permutatione quoad utrumque, & præsertim quoad executionem, ut patet ex verbis illis, *Et in manibus tuis ipsa resignent*; ideo in particulari exprimuntur beneficia ad collationem episcopi pertinentia. Ratio autem reddi potest, quia permutatio beneficiorum, licet in rigore sit distincta a translatione personarum, tamen regulariter non fit sine illa, sæpe quoad loca, & fere semper quoad munera, & officia: translatio autem personarum, quia multum interest ecclesiæ, ad episcopum spectat, ut sumitur ex cap. *Mutationes* 7. q. 1. & notatur ab allegatis Doctoribus, & ab Innocent. & aliis, in cap. *Nisi cum pridem*, de renunciatione. Et ratio est, quia ad episcopum ex suo munere pertinet curam habere universalis boni totius diocesis. Merito ergo permutatio quatenus translationem includit, ad episcopi approbationem pertinet, quia interest ecclesiæ, & diocesi, ut cum ejus utilitate, vel saltem sine dispendio, & incommodo illius fiat. Executio vero, ad quem spectat collatio remittenda est, quia non debet cum illius præjudicio, permutatio fieri. Et hanc rationem tetigit Zabarel. in d. Clem. unic. quæstione 8. qui videri potest cum aliis, qui ibi allegantur.

15 Quarto, inquiri potest circa eandem assertionem, an illa generalis regula patiatur aliquam exceptionem, ita ut aliquando possit licite fieri aliquarum præbendarum permutatio ex privatorum mutuo consensu sine interventu superioris. Ratio autem dubitandi est, quia Innoc. in d. cap. *Quæsum* docet, regulam procedere primo in præbendis, quæ in diversis ecclesiis sunt: secundo intra eandem ecclesiam in præbendis, quæ diverso jure censentur, quia habent diversa onera, vel munera. At vero si sint præbendæ ejusdem ecclesiæ, & ejusdem rationis, dicit, posse sine simo-

Prima æsentia in praxi servanda, quamvis posteriori valde sit verisimilis.

An aliquando licite fieri possit permutatio sine superioris interventu. Ratio dubia.

Qui prælati excludantur.

Ratione probatur.

simonia privatum permutari. Bene potest (inquit) unus canonicus unam præbendam cum alio permutare. Subjungit vero hanc limitationem: Dummodo collatio præbendæ non pertineat ad investituram alicujus, quia tunc videtur, quod ejus debeat requiri consensus. Sequitur Glos. ibi ver. Episcopus, & pro ratione allegat caput Sanctorum, d. 70. quia ibi dicitur debere clericum perpetuo manere in ecclesia, ad cujus titulum ordinatus est, significans, quando in permutatione non fit translatio a loco, vel a munere, tunc fieri posse privata auctoritate. Consentunt in eandem sententiam Cardin. & Immol. ibidem, sed ita exponunt, ut præbendarum possit fieri permutatio, non titularum, nam præbendæ per se spectatæ, temporales sunt, & ita in earum cambio non committitur simonia, nec etiam sit alienatio earum, quia in eadem ecclesia manent.

16 Dicendum nihilominus est, nullam esse exceptionem admittendam in regula posita. Ita docent Hostiens. Panormit. & alii communiter in d. c. Quasitum, Zabarl. dicta Clem. unic. num. 8. Sequitur Angel. verb. Permutatio, num. 4. Tabien. verb. Beneficium 3. num. 15. Et fundamentum est, quia prohibitio juris generalis est, & absque ulla exceptione: quomodo ergo possumus nos illam admittere? Maxime, quia nullo modo potest opinio Innocent. convenienter intelligi, aut explicari. Quia, si sermo sit de beneficiis quoad titulum, manifestum est, non posse unquam fieri permutationem illorum, propria auctoritate permutantium, quia nullus potest se ipsum suo titulo privare, nisi consentiente prælato renunciationi ejus, nec etiam potest novum beneficium alicui conferri sine prælati collatione, ut est notum in jure, tit. de Renunc. & de Instit. & de regul. Juris. in 1. Et ita omnis hujusmodi permutatio non solum de jure, sed etiam de facto impossibilis est stante natura, & modo institutionis beneficiorum ecclesiasticorum. Si autem aliquod pactum secrete fiat, & postea executio procuretur, non declarato pacto, erit simonia contra jus positivum, ut declaratum est.

17 Si vero sit sermo de præbendis, ut annexis suis titulis, impossibile etiam est, inter illas fieri permutationem auctoritate privata, quia non possunt a titulis separari auctoritate privatorum. Quod in hunc modum declaro, quia unus canonicus non habet jus ad fructus præbendæ, nisi medio spirituali officio, ad quod tenetur ratione sui tituli; sed semper retinet eundem titulum; ergo ad idem officium tenetur: ergo ratione illius nunquam poterit consequi aliam præbendam, vel alios fructus, nisi illos, qui sunt annexi tali titulo, quia semper sunt illi annexi, & non alteri; ergo impossibilis est etiam de facto talis permutatio præbendarum. Accedit, quod etiam permutatio bonorum annexorum propria auctoritate facta est in jure prohibita, & ideo de illis etiam, ut talia sunt, privata facere pacta, esset simoniacum. Tertio vero modo posset intelligi duos canonicos commutare inter se fructus præbendarum, vel futuros præbendarum suarum, vel si habeant certas possessiones suis præbendis annexas, posse illas commutare inter se, quoad usus tantum, vel usum fructum personalem, & temporalem, qui ad eos pertinere potest. Et hoc sine dubio fieri potest licite, quia in eo contractu, non præbenda, sed fructus præbendæ commutantur, qui etiam vendi possent, vel locari, quia ut sic mere temporales sunt. Tamen si hoc tantum voluissent Innoc. aut Card. non oporteret distinguere de præbendis ejusdem, vel diversæ rationis, immo nec in eadem, vel diversis ecclesiis, quia fructus sicut pro arbitrio dominorum possunt vendi, vel dispensari, ita & permutari, sive diverso, sive simili titulo comparentur, & sive in eadem ecclesia, sive in diversis. Hæc autem non est limitatio, neque exceptio a generali prohibitione, ut constat, & ideo nullam hic adhibere necessesse est.

CAPUT XXXIII.

An beneficium ecclesiasticum possit absque simonia cum pensione permutari?

1 Hæc quaestio propriam difficultatem habet, & ideo in particulari eam tractamus. Supponimus autem, non posse absque simonia fieri talem permutationem per solam voluntatem permutantium sine auctoritate prælati competentis, hoc enim evidens est ex dictis in cap. 31. & 32. Difficultas ergo est, an saltem in manibus prælati possit fieri talis permutatio, & quis ille prælatus esse debeat? Et hoc modo tractant hanc quaestionem canonistæ, qui dubitant & de capacitate materiæ, an scilicet illa duo sint permutabilia, cum pensio temporale quid sit, beneficium autem spirituale, & consequenter etiam de potestate prælatorum ecclesiæ ad talem permutationem faciendam, etiam de Summo pontifice, quia videtur esse contra divinum jus, ut videre licet in Paulo Rom. Tractat. de Pension. cap. 7. §. Venio, &c. Gigant. eodem Tractat. quæst. 33. Caccialup. eod. Tract. Feder. de Sen. Tractat. de Permut. benef. quæst. 9. Bellar. eod. Tract. quæst. 11. num. 4. Qui referunt antiquiores. Sed breviter supponenda est distinctio de pensione mere temporali, & de spirituali, quam supra explicavi. Item distinguitur a prædictis canonistis in eam, quæ instituitur, & exigitur in titulum beneficii, vel est mere temporalis, nec agnoscunt aliquam mediam. Sed nos diximus supra, illam pensionem, quæ exigitur in titulum beneficii, præstimonium potius dicendam esse, quam pensionem. Et illam, quæ retinet esse pensionis, (ut sic dicam) si clericalis sit, esse nunc spiritualem, si vero sit laica, esse temporalem; ita ergo nunc loquimur.

2 Dico ergo I. Si pensio in titulum beneficii erecta sit, permutari potest cum beneficio etiam in manibus episcopi, & juxta jus commune. Ita tenet Joan. Andr. cap. unic. de Rer. perm. in 6. & ibi Collectan. quem refert Bellarm. Idem tenet Feder. Senens. in Tract. de Benef. perm. q. 14. Et sumitur ex Cardinal. in Clement. unic. de Præben. q. 12. Et ratio est clara, quia talis pensio revera est beneficium, sicut de præstimonio supra diximus. Contra hoc vero sentire videtur Bellarm. supra citans Guilielm. Sed loquitur, quando pensio non est instituta vere in beneficium, sed loco beneficii data, de qua mox dicemus. Clarius contradicit Paul. Roman. supra dicens, jure communi non posse fieri talem permutationem, referens Zabarel. & Immol. qui aperte loquuntur de pensione, quæ non data est in verum titulum beneficii. Nec video probabilem rationem pro illa sententia, ut contraria assertioni positæ, & magis patebit ex dicendis.

3 Dico II. Pro spirituali pensione permutari potest beneficium auctoritate papæ, non vero inferiorum prælatorum. De hac conclusione pauca dicunt auctores, quia vix faciunt mentionem talis pensionis, sed omnem pensionem, quæ non datur in titulum beneficii, tanquam temporalem judicant. Supposita tamen veritate talis pensionis, ejusque spiritualitate supra explicata, videtur clara prior pars assertionis, licet posterior videri posset dubia. Utraque vero simul ostenditur I. in pensione posita super idem beneficium, ut si Petrus habeat beneficium, de quo solvit pensionem Joanni, posset fieri permutatio, ut Joannes accipiat beneficium, & pensionem Petro solvat. Quia in illa permutatione intercedit resignatio beneficii in favorem tertii, & ex hac parte non potest appropriari ab episcopo, deinde intercedit translatio pensionis in alium, quam non potest episcopus concedere. Ergo ex utroque capite excedit potestatem episcopi, non vero papæ, qui utrumque potest concedere, ut constat, & in superioribus dictum est. Dices: ponamus, papam dedisse pensionem Petro super beneficium Pauli cum potestate transferendi in quemcumque voluerit; ergo tunc poterunt inter se dicto modo commutare in manibus episcopi, quia licet Paulus resignet beneficium in favorem Petri, non renunciat simpliciter, sed

Status
quaestio-
n. 10

Pensio in
titulum
benefici
erecta po-
test cum
beneficio
permutari
etiam in
manibus
episcopi.

Pro spiri-
tuali pen-
sione per-
mutari
potest be-
nifici. au-
thoritate
papæ non
vero alie-
rius.

Objeccio:

sed causa permutationis: hæc autem resignatio causa permutationis acceptari potest ab episcopo ex jure communi, ut patet ex c. *Quæsumus*, cap. unic. Clem. unic. de Res. permur. Respondeo, probabile fortasse hoc esse, præsertim si consuetudo ita habeat: mihi tamen videtur non posse fieri de rigore juris, quia illa non est propria permutatio beneficiorum, quæ sola conceditur episcopo, ut constat ex d. c. *Quærenti*, & statim iterum dicam. Addo etiam, facultatem transferendi pensionem in telligi puram, & sine pacto, & ideo non extendi ad translationem faciendam ex pacto recipiendi aliquid, etiam spirituale. Quia etiam hoc pactum est jure communi prohibitum, & approbatio illius non est commissæ episcopo in jure. Unde facile constat, assertionem procedere de quacumque pensione spirituali super quodcumque beneficium imposita, quia quando illa pro beneficio permutatur, commutatur spirituale pro spirituali; ergo non est prohibita jure Divino talis commutatio: ergo si fiat auctoritate papæ nulla est simonia. Et idem erit, si papa det licentiam, quia jam tunc fit auctoritate illius, nec dare illam licentiam, est per se malum, quia semper conceditur cum ordine ad approbationem alicujus prælati, vel clerici, cui papa committat vires suas.

4 De secunda vero parte assertionis est nonnulla controversia: an episcopus possit hanc permutationem jure ordinario facere, & probare. Aliqui enim affirmant, quia pensio spiritualis, licet in rigore beneficium non sit, venit tamen nomine beneficii late loquendo, & in ordine ad favores, argum. c. *Postulasti*, ubi is, qui habet ab ecclesia congruentem sustentationem ex titulo spirituali, scilicet vicariæ perpetuæ, censetur habere beneficium ecclesiasticum; ergo idem dici potest de pensione; ergo sub potestate, quam habet episcopus ad approbandam permutationem, comprehendi potest hæc permutatio beneficii cum pensione. Sed nihilominus probabilior existeret partem propositam, quam intendit Bellarm. supra, & eandem tenet Paul. Rom. supra referens multos. Afferunt autem multas rationes, quarum aliquæ procedunt de pensione mere temporali: alia tales sunt, ut etiam pensiones datas in titulum beneficii comprehendere videantur: alia videntur eo tendere, ut etiam pontifici nec potestas negetur contra priorem partem nostræ assertionis, ac denique nonnullæ ex illis rationibus magis ad nomen permutationis, quam ad rem pertinere videntur, ut in sequentibus attingam. Ratio ergo unica hujus partis est, quia licet pensio hæc spiritualis sit, non tamen est beneficium, nec est perpetua, nec natura sua transfertur in alium, nec per canonicam institutionem confertur, inferioribus autem prælatis tantum concessum est, ut permutationes beneficiorum facere, & tractatus, seu conventiones permutare volentium approbare valeant, eisque auctoritatem dare; ergo non possumus jura extendere ad permutationem beneficii cum pensione.

5 Sed contra priorem partem objici potest ex Romano supra, quia papa non potest mutare naturam pensionis, & permutationis: sed natura pensionis est, ut eo ipso quod pensionarius illi renunciat, extinguatur, & nihil sit; ad permutandum autem necesse est renunciare pensioni, quæ eo ipso nihil est: ergo non potest cum illa perfici permutatio: nam permutatio debet esse cum re aliqua, non cum nihilo. Et licet papa possit renuncianti beneficium aliam pensionem conferre, non vero illam met numero, quæ antea erat, & ita non fit permutatio. Confirmat hanc rationem ex aliis multis conditionibus permutationis, quæ non possunt in pensionem convenire, ut quod sit inter res ejusdem speciei, & in præsentia, quod fiat per reciprocam renunciationem, & collationem, & similia: ergo ex natura talium rerum repugnat esse inter eas veram permutationem, & ideo mirum non est, quod etiam per papam fieri non possit.

6 Sed hæc apud me parum urgent, possunt enim possunt expediri, quatenus ad rem spectant, & de nominibus non est contendendum. Possunt ergo duo volentes sic permutare, ita convenire, & consentire in-

ter se, ut si papa velit facere, ut beneficium unius transferatur in alterum, & pensio hujus in illum, ipsi consentiant, & hoc modo renunciabunt juribus suis, & non aliter. In hoc enim nulla est simonia, cum totum referatur ad consensum pontificis, & totum versetur in materia spirituali. Certum item est, posse pontificem illas renunciationes illo modo admittere, & effectum præstare, quod ille auctor non videtur negare: & videtur ex se evidens, quia utraque pars per se spectata subjacet potestati pontificis, & in conjunctione earum nihil est contra jus Divinum, cum tota materia spiritualis sit ex utraque parte. Jam ergo disputatio est de nomine, negando, ibi fieri permutationem. Addo vero nihil ibi necessario immutari de proprietate permutationis. Quia falsum est, pensionem extinguere per illam renunciationem, quia non est absoluta, sed cum tali conditione, quod in alterum transferatur, & ita si conditio impletur, non extinguitur, & si non impletur, permanet, sicut antea. Falsum item est, pensionem translatam in aliam personam, non esse eandem numero, quia pensio (ut sic dicam) non accipit suam individuationem a persona, cui solvenda est, sed a beneficio, cui inhæret ex vi talis impositionis, & quasi divisionis prius factæ in tali præbenda. Et licet prior imposita fuerit pro vita talis pensionarii, & postea prolongetur, vel in aliam vitam transferatur, non est alia pensio, sed eadem. Denique vera permutatio etiam potest subsistere inter res specie diversas, ut tradit Decius in Leg. 2. ff. *Si certum petatur*, & late Pinel. Codic. de Rescin. vendi. in Rub. p. 2. c. 1. n. 9. Et in præsentia, ut talis permutatio vera, & licita sit, sine dubio sufficit, ut utraque res spiritualis sit, & vicissim conferatur auctoritate superioris habentis potestatem, sive detur per institutionem, seu collationem canonicam, sive alio modo, & sive sit perpetua, sive temporalis, dummodo in alterum transferri possit, saltem ex concessione prælati approbantis permutationem.

7 Contra alteram partem etiam objicitur, quia permutatio beneficiorum favorabilis censetur, ut tradit Federic. de Senis dicto Tractatu, quæstione decima octava, cum Gloss. in capitulo unico, de rerum permutatione, in 6. in Gloss. 2. & sequentibus, usque ad 6. Ergo debemus verba jurium, quæ ad illam pertinent, ample interpretari, facultas igitur, quæ conceditur episcopo approbandi permutationem beneficiorum, ample est intelligenda: ergo comprehendet etiam pensionem spirituales, quæ largo modo sub beneficio comprehenditur. Respondeo in primis (quidquid sit de antecedenti) negando consequentiam: tum quia ampla significatio ad summum extendi debet intra proprietatem verborum: beneficium autem in propria significatione sua non comprehendit talem pensionem, quia nec definitio, nec proprietates beneficii illi conveniunt, ut constat: tum etiam, quia si quis consideret verba c. *Quærenti*, (in quo textu maxime conceditur hæc potestas episcopis) facile intelligit, sermonem esse de propriis beneficiis, quæ ad ecclesiarum utilitatem, vel necessitatem instituta sunt, pensiones autem hujusmodi non sunt. Et similiter in dicto capitulo unico sermo est de beneficiis, quæ per propriam collationem episcoporum dari possunt. Et confirmatur, quia alias posset etiam episcopus approbare permutationes pensionum inter se, si pensio in his juribus veniret nomine beneficii: consequens autem communiter non admittitur, quia cum pensionum collatio, seu consignatio ad episcopum non pertineat, neque illarum commutatio ad illum pertinet: sed solus papa, qui potest illas præstare, & licentiam ad illas transferendas tribuere, potest etiam commutationes approbare. Et quamvis det licentiam simpliciter transferendi pensiones, non censetur dare licentiam commutandi, quia hoc est contra jus commune, & ideo si commutatio fiat, cum illius approbatione facienda est.

8 Deinde addo propter antecedens assumptum, materiam permutationum beneficiorum non videri mihi simpliciter favorabilem, sed potius odiosam, & ideo extendendam non esse. Neque Glossa citata oppositum dicit, non loquitur enim de permutatione

An episcopus possit hanc permutationem facere?

Negativa pars eligitur.

Objectiones contra priorem partem conclusionis.

Solvuntur objectiones.

Obiectio contra alteram partem assertionis.

Satisfactio.

Materia permutationum beneficiorum odiosa potius, quam favorabilis videtur.

sim.

simpliciter, & per se spectata, sed respectu expectativarum, & sic dicendum de favorabilem respectu expectativarum, quod per se pertinebat ad textum illum, qui peculiariter conditus fuit, ut effectus permutationum propter expectativas non impediretur, majorem favorem præbens permutationibus, quam expectativis. Et merito, tunc qui permutantes habent proprium quoddam, & quasi intrinsecum jus, expectantes vero valde extrinsecum, & diminutum; tum etiam quia expectativæ sunt simpliciter odiosæ, & ideo per Concil. Trid. sess. 24. cap. 19. de Refor. sublatae sunt; permutationes vero tolerantur, & non habent tot incommoda, & interdum possunt esse ecclesiis utiles. Simpliciter vero, & ex suo genere (ut sic dicam) non sunt favorabiles, unde non sunt valde antiquæ, & ita continent relaxationem quamdam antiqui rigoris, & quasi dispensationem communis juris de vitandis passionibus in spiritualibus, & ideo non est facile admittenda tanta ampliatio juris, quæ de illis loquuntur; sed satis est quod ad omnia illa, quæ in proprietate, & rigore verborum continentur, extendantur.

9 Dico tertio: Pensio mere temporalis non potest cum beneficio permutari absque simonia contra Divinum jus, unde nec a Summo pontifice fieri potest per modum permutationis, licet alio modo possit pontifex eundem effectum efficere. Prima pars communis est omnium Doctorum, quos retuli, & aliorum plurimum, quos ipsi allegant. Præsertim Immol. in Clement. 1. §. eadem, de Supplen. neglig. prælat. & ibi Zabari. q. 8. Ratio vero unica est, quia in tali permutatione venditur beneficium pro re temporali; sed hoc est contra jus divinum, ut supra vidimus; ergo. Major pater, quia talis pensio, ut supponitur, mere temporalis est, unde quantum est ex se, est pretio æstimabilis, & vendibilis; ergo habet propriam rationem pretii, si pro beneficio permutetur. Aliæ rationes adduntur videl. quod pensio est tantum ad vitam pensionarii, unde si pro beneficio permutaretur, posset contingere, cum, qui beneficium dat, & pensionem accipit, privari omnibus redditibus, si alter prius moreretur. Sed hæc ratio non cogit; tum quia papa potest facere, ut pensio transferatur ad vitam permutantis; tum etiam quia inde non colligitur simonia, sed quædam inæqualitas pertinet ad summum ad injustitiam, quæ tolleretur, si permutans, sciens, & volens se exponeret tali periculo. Et similes sunt aliæ rationes, quas propterea omitto, quia proposita sufficit. Eadem probat secundam partem, quia non potest papa contra jus Divinum agere, nec in eo dispensare. Et hanc partem latissime prosequitur Romanus supra, sed ut dixi, aliæ viæ, quibus illam probare conatur, mihi non satisfaciunt, & nimium probarent, si essent efficaces.

10 Ultima pars explicanda, & probanda est eodem modo, quo supra diximus, & declaravimus, quomodo possit pontifex facere, ut relinquens beneficium aliquam pecuniam accipiat, non dando unum pro alio, sed relinquendo beneficium in manibus pontificis, petendo ab illo, ut sua potestate, & pro suo munere, ac pastoralis cura ipsi provideat de aliquo sustentationis subsidio. Hoc ergo modo fieri potest in presenti tanto facilius, quanto redditus pensionum ex bonis ecclesiasticis solvuntur, quorum habet pontifex supremam dispensationem. Potest ergo, & uni dare beneficium alterius, & pensionem, quam alter habebat, etiam si temporalis sit, transferre in alterum, non tanquam pretium beneficii, sed tanquam alimentum, quod ipse confert sua potestate. Et ita etiam intelligitur, ibi non intervenire propriam permutationem inter partes, quia non possunt revera dare unam rem pro alia, sed tantum se constituere in manu pontificis, declarando desiderium suum, & necessitatem. Quare tunc non videtur renunciatio faciendi sub illa clausula, *Non aliter, nec alio modo*, sed simpliciter totum negotium constituendo in providentia pontificis; alioquin non video, quomodo possit talis permutatio a labe simoniæ purgari: quia necessario includeret pactum commutandi spirituale pro temporali. Posset autem dici, quod per intentionem posset simonia separari: quia non intendo per temporale emere spi-

Snarez. Tom. XII.

rituale, vel e contrario, sed tantum me indemnem servare, & necessitati meæ providere, intendo ad temporalia tantum, quæ in utraque parte inveniuntur, & illa inter se commutando ex consensu pontificis, & nullo modo dando temporale pro spirituali, licet illud quasi concomitantè comparatur. Et fortasse potest hoc probabiliter defendi, ut supra etiam tactum est. Tamen priorem modum iudico securiorem, & servandum, & ita in eo nulla est difficultas. Quia papa potest ex officio suo nolle dare beneficium uni, nisi renunciet pensioni, non quia det pro pensione, sed quia non vult illum habere tot redditus ex bonis ecclesiæ, quod iustissime facere potest; quod si ille relinquat pensionem, etiam potest papa illam conferre alteri, ut habeat, unde vivat. Et tunc haberet locum ratio supra facta, quod illa non sit permutatio, quia prior pensio extinguitur, & altera de novo creatur auctoritate pontificis. Et ita permutantes inter se nihil sibi invicem donant. Et consequenter omnis ratio, & fundamentum simoniæ tollitur.

11 Et juxta hæc similis quæstio de Commenda definienda est, an possit pro beneficio commutari, quam tractat Victor. dicta Relect. num. 46. & defendit non posse. Et idem dicit de officio temporali, ut notariatu, &c. Reprehenditque sententiam Adriani, qui in d. Quodlib. 9. ad 5. dixit, auctoritate pontificis fieri posse, quia pontifex potest separare fructus præbendæ a jure spirituali, & ita concedere commutationem inter illos, & commendam. Contra quod objicit Victor. quia est falsa fictio, nam revera ille, cui datur præbenda, non percipit fructus, nisi in vi spiritualis juris; cujus signum est, quia si non recitet, non facit fructus suos; & graviter peccaret ratione beneficii, etiam si ordinem sacrum non habeat. Quæ ratio iudicio meo bene probat, non posse fieri propriam commutationem etiam a papa unius rei pro alia; non vero probat, quominus papa ut superior prælatus, & dispensator conferre possit beneficium cum onere dandi alteri sustentationem, vel aliquid loco ejus, quod potest esse vel commenda, vel aliquod officium ecclesiasticum. Nec etiam probat, non posse papam in se suscipere renunciationem & provisionem illarum rerum, & postea illas distribuere, prout sibi videbitur expedire: in hoc enim nulla emptio, aut venditio inter partes intervenit.

CAPUT XXXIV.

Utrum permutatio inæqualium beneficiorum fieri possit, facta temporali recompensatione absque simonia? Et concluduntur conditiones necessariae ad puram permutationem.

1 Suppono, omnia illa beneficia, quæ proprie talia sunt, posse inter se simpliciter permutari in manibus Superioris sine simonia, sive simplex procurator, sive curatum pro dignitate, vel Canonicatu, sive tenue pro pingui, sive e contrario, & sive unum pro uno, sive pro multis permutetur. Jura enim in hoc nihil distinguunt, & ideo nec nos distinguere debemus, cum nulla cogat ratio, neque ex natura rei unum sit magis intrinsece malum, aut magis nocivum ecclesiæ, quam aliud. Et ita in hoc conveniunt Doctores allegati, cap. præced. Panor. Deci. & alii in ca. *Cum venerabilis*, de Exception. Zabari. cum Paulo in d. Cl. unic. quæstio. 2. numer. 10. Idem Rebuff. in Pract. tit. de permut. num. 40. & 49. Feder. Senen. in tractat. de Benef. permutat. qu. 12. num. 2. Qui rectè advertit, hanc regulam intelligi, quantum est ex vi permutationis: nam si aliunde requiratur dispensatio ad plura beneficia obtinenda, licet qui ea tenet, sit dispensatus, non poterit permutando utrumque dare alteri non dispensato, quia non potest dispensationem in alium transferre, sed necessarium erit, ut supponatur in alio dispensatio, quod per se satis clarum est. Ut latius prosequitur Aegy. de Bellam. in tract. d. Perm. Benef. 3. par. qu. 10. a. n. 7.

2 Ex hac ergo regula colligitur, beneficia, inter quæ sit permutatio, interdum esse posse æqualia in

An commenda cum beneficio permutari possit?

Omnia beneficia, quæ proprie talia sunt, possunt inter se permutari

Permutatio pensionis temporalis cum beneficio est simonia contra jus Divinum, nec a summo potest fieri potest. Ratio fitidamæstis

Quomodo possit pontifex cum effectum præstare.

modi
beneficia
sunt in-
qualia.

omnibus, scilicet tam in dignitate, & titulo spirituali, quam in munere, & in præbenda, & redditibus; interdum vero esse inæqualia, quod potest accidere variis modis. Primo, ut unum superet aliud in omnibus, scilicet in spiritualibus, & temporalibus. Secundo, ut se habeant sicut excedens, & excessum, quia scilicet unum in spirituali, aliud in temporalibus superat. Tertio, quod sint inæqualia in spiritualibus, & æqualia in temporalibus. Quarto, e contrario ut in spiritualibus æqualia sint, sed in temporalibus aliud sit dignius. Quando ergo beneficia sunt omni ex parte æqualia, nulla est difficultas, quia tunc per se loquendo simpliciter, & sine ulla adjunctione ex alterutra parte commutari debent, nam id ratio æquitatis postulat præter religionis, ac simoniæ rationem, de qua statim dicitur, & ita videtur in ipso facto usu servari. Quædam vero difficultas, quæ hic excitari posset, inferius expeditur commodius.

An liceat
inæquali-
tate bene-
ficii, & po-
rali dono
compen-
sare?

3 At vero quando beneficia sunt inæqualia, nonnulla dubia oriuntur. Unum est, an liceat inæqualitatem compensare, data pecunia, vel aliquo dono temporali æquivalente? Aliud est, an saltem hoc liceat, imponendo pensionem super alterum ex beneficiis? Circa primum, unum est certum, videlicet, quando excessus est in re spirituali, non licere, illum supplere, dando pecuniam, vel aliquid æquivalens temporale. Ratio est clara, quia tunc venderetur spirituale pro temporali saltem ex parte. Unde talis simonia jam non esset contra jus positivum, sed Divinum, juxta superius dicta de beneficiis, quatenus sunt materia simoniæ. Et ita hoc est indubitatum apud omnes, quos statim referam. Unde bene intulit Silvest. in verb. *Permutatio*, 2. quæst. 6. cum Archidiacono, etiam cum auctoritate prælati id non posse fieri, quia cum sit contra jus Divinum, parum prodesse potest prælati auctoritas. Hinc vero colligunt aliqui, quoties beneficium dignius, & tenuius pro pinguiori, & minus digno commutatur, simoniam committi, quia excessus dignitatis cum excessu fructuum compensatur. Sed hoc ad præsumptionem tantum pertinere potest, non necessario ad veritatem. Nam si recta intentione fiat, poterunt talia beneficia simpliciter, unum pro alio commutari, sine respectu ad pretium temporale pro re spirituali: & ita nec in foro exteriori præsumetur simonia, si nude, & pure fiat permutatio in manibus prælati, quia ibi per se non est malum aliquod, & ideo potius præsumitur bene factum, quod non probatur malum. Immo etiam in foro interiori licet quis sumat occasionem permutationis ex temporali commodo, & ab illo ita moveatur ad volendum permutare, ut sine illo non esset permutaturus, non ideo est coram Deo simoniacus, quia nihilominus non intendit emere rem spiritualement; hæc enim duo non repugnant, ut in quarta decisione latius dicemus.

Quando
beneficia
sunt inæ-
qualia in
fructibus,
an liceat
per pecu-
niam
inæquali-
tatem re-
sarcire?
Pars afir-
mativa.

4 Punctum ergo difficultatis solum est, quando beneficia sunt inæqualia in fructibus temporalibus, an liceat per numeratam pecuniam illam inæqualitatem rescire, nullo modo intendendo dare pretium pro spirituali titulo, siue dignior sit, siue non sit? In quo puncto fuit multorum opinio, hoc non esse intrinsece malum, neque prohibitum, si interveniente auctoritate prælati fiat, & ideo tunc non esse simoniam. Ita tenet Cajet. d. q. 100. art. 4. Panormita. pro eadem sententia refertur in cap. *Ad quæstiones*, de Rerum permutat. num. 3. quem sequitur Silvest. verb. *Permutatio*, 2. quæst. 6. Angel. eodem n. 6. Tabien. Beneficium 3. n. 15. Ratio eorum solum est, quod licet ibi sint conjuncta spirituale, & temporale, intentione distinguere possunt, & cum proportionem spirituale pro spirituali, & temporale pro temporali permutari, licet uno actu, & contractu utrumque simul fiat: ergo similiter potest per intentionem rectam fieri, ut pecunia deretur pro temporali, & non pro spirituali. Confirmatur primo ex d. cap. *Ad quæstiones*: ubi pontifex dicit, posse ecclesiam pro ecclesia permutari, & possessiones unius ecclesiæ pro possessionibus alterius, addita pecunia pro supplenda inæqualitate possessionum, dummodo contractus non miscantur. Secundo confirmari potest ex dicto capit. *Quæsitum*, eodem. Ubi prius dicitur, permutationes beneficio-

rum, præsertim ratione interveniente, jure esse prohibitas: postea vero dicitur, auctoritate episcopi posse fieri; ergo licet pactio intercedat dandi pecuniam ad supplendum temporale, non erit prohibita, si auctoritate Superioris fiat.

5 Alia vero sententia simpliciter negat, hoc esse licitum. Hanc tenet Adrian. Quodlib. 9. art. ult. ad 5. Ubi de Angelo dicit, & graviter errasse, & Panormitano falsum imposuisse. Et in hoc secundo videtur melius intellexisse Panormitanum. Nam verba ejus sunt: *Nota, quod ecclesiæ pinguior non potest permutari cum ecclesiâ tenui, interveniente pecunia simpliciter ex ea parte, quia videretur pecunia data pro redditibus spiritualibus, vel pro re spirituali obtinenda.* Ubi ponderanda est ultima causalis propositio, in qua duo distinguit Panormitanus, scilicet redditus spirituales, & rem spiritualement: ubi non potest redditus spirituales vocare, nisi redditus beneficiales (ut sic dicam) qui spirituales vocantur, quia titulo spirituali comparantur, & illi distinguuntur ab ipso titulo, tanquam a re spirituali, nec potest intelligi, quo alio modo illa duo distinguantur. Et tamen de utroque negat Panormitan. posse pecuniam redimi, vel compensari, & ita intelligit textum illum; unde subjungit: *Debet servari cautela, quam tradit iste textus, ut pecunia suppleatur, non propter redditus spirituales* (id est, beneficiales, ut declaravi) *sed propter complures redditus temporales alterius ecclesiæ.* Id est, propter redditus aliarum possessionum ecclesiæ, quæ patrimoniales dicuntur, quarum redditus non sunt annexi spirituali officio, aut titulo, sed sunt temporalia bona ecclesiæ ad sustentanda ejus onera; & in casu illius textus ad monasteria illa, quæ permutationes faciebant, pertinebant.

6 Et ita declaratus ille textus nihil facit pro prioris opinione. Immo favet posteriori, pro qua subinde merito potest Panormitanus allegari. Et ita etiam idem sentit in capitulo *Ad quæstiones*, de Rerum permutatione, numero tertio; & in capitulo *Cum venerabilis*, de Exception. notab. quarto, num. quarto eodem modo exponens textum illum, ibi. *Theodosius episcopus cum suorum sacerdotum assensu prædictam ecclesiam sancti Viti pro quibusdam ecclesiis, & rebus aliis in cambium, vestro duxit monasterio concedendam.* Nam si illæ res aliæ temporales fuerunt (ait Panormitanus) datæ sunt non pro bonis alterius ecclesiæ, quæ habebantur in titulum, sed pro aliquibus, quæ habebantur in proprietatem: nam prius dictum fuerat, monasterium illud prætendisse, illam ecclesiam in spiritualibus, & temporalibus ad se pertinere. Atque hoc modo hanc etiam sententiam tenent Cardin. Immol. & Anchar. Item Navarrus dicto capitulo 23. numero 100. verb. *Tertio*. Ubi eandem interpretationem capitulo *Ad quæstiones* indicat. Idem Gregor. Lopez in Leg. 2. tit. 6. partit. 5. Covar. lib. 1. Variar. cap. 5. n. 8. & 9. licet male alleget Panormit. in contrarium. Et idem videtur tenere Sor. dicto libro nono, quæstione quinta, artic. 2. & quæst. 7. articul. quamvis varia dicere videatur. Prius enim aperte dicit, hoc esse contra jus Divinum, ideoque nec per dispensationem papæ posse licere. Et tamen in posteriori loco in fine respondendo ad argumenta, videtur plane approbare opinionem Cajetani, immo extendere illam, ut infra videbimus. Posset autem in hoc ultimo loco exponi, ut loquatur de pensionibus, non de pecunia numerata; nam argumentum, cui respondet, de pensionibus procedebat, quia diverso modo de his locutus fuerat, & quia non est verisimile eodem articulo docuisse contraria.

7 Fundamentum hujus sententiæ est; primo, quia non potest talis compensatio per pecuniam fieri, quin vendatur id, quod est spirituale in beneficio; ergo non potest id fieri sine simonia contra jus Divinum. Consequentia patet ex supra dictis: & antecedens probatur, quia ille contractus partim permutationis est, partim emptionis, & venditionis. Quamvis enim Juristæ dispurent, an contractus similis sit venditio, vel permutatio (ut videre licet in Panormit. d. cap. *Ad quæstiones*, n. 4.) tamen, ut tollatur quæstio de nomine, & explicetur res in ordine

Pars nega-
tiva.

Fundamē-
tum parit
negative.

ad forum conscientie, recte dicemus, ibi esse contra-
ctum mistum. Nam quatenus spirituale pro spiritua-
li, & fructus integri beneficii tenuis cum parte aequa-
li fructuum pinguioris beneficii datur, permutatio fit;
quatenus vero datur certa pecunie summa pro reliquo
excessu fructuum, est emptio illius partis fructuum;
ergo ex illa parte necesse est emi spirituale titulum.
Probat consequentia, quia illa pars fructuum non
emittitur, nisi ut annexa spirituali titulo, & comparan-
da per spiritualia munera, quia hanc habet annexio-
nem, nec potest a permutantibus separari; ergo illa
parte vendita, necesse est, titulum spirituale vendi,
juxta ea. *Siquis objecerit*, 1. qu. 2. & omnia supradic-
ta de annexis consequenter ad spiritualia.

8 Secundo est optima ratio, quia alias etiam lice-
ret dare alteri beneficium, non causa permutationis,
sed simplicis renunciationis, dando illi gratis titulum
spirituale, & recipiendo ab illo recompensationem
fructuum in pecunia numerata, saltem quatenus ex-
cederent congruam sustentationem: at hoc esset ven-
dere beneficium, etiam quoad spirituale; solum pro-
pter connexionem; ergo idem est, si pro parte fiat si-
milis emptio. Et eadem ratione, si unum beneficium
nullos haberet fructus, & aliud haberet, possent com-
mutari, dando æquivalentem pecuniam pro fructibus
omnibus alterius beneficii. Quam sequelam conatur
Cajetanus negare assignando differentiam inter par-
tem, & integros fructus. Quia quando utrumque
beneficium (ait) habet fructus: potest fieri inter eos
commutatio; & compensatio excessus est quasi quid
consequens, & accessorium, quando vero alterum
beneficium non habet fructus, non potest fieri permuta-
tio fructuum, sed venditio. At certe hoc nihil ad
causam refert, quia si venditio fructuum (etiam si men-
te, & intentione per se spectentur) est illicita, etiam
permutatio eorum cum adjuncta venditione partiali est
illicita. Probat, quia si venditio est illicita, ideo
est, quia fructus illi in re ipsa venduntur, ut annexi
titulo spirituali consequenter ad illum, & ideo neces-
sario etiam venditur ipse titulus, sed hæc eadem ra-
tio habet locum in permutatione, quæ habet admi-
stam partem pretii, ut evidenter probatur in dicto
c. *Ad questiones*: & ratio convincit, quia illa est quæ-
dam partialis emptio, ut declaratum est; ergo. Un-
de e contrario si fructus, cum permutantur, possunt ita
mente separari, ut tanquam res mere temporales tra-
dentur, & in temporalem recompensationem trahan-
tur, profecto etiam si integri considerentur, poterunt
eodem modo separari, & tractari, ac subinde vendi.
Hoc autem videtur valde absurdum, quia sic licite
fier beneficiorum venditio; ergo. Ultimo præ-
ter jus Divinum, quod rationes factæ ostendere vi-
dentur, videtur ille contractus omnino prohibitus
per generalem regulam juris ecclesiastici, in cap.
Cum pridem, & cap. vult. de Pactis, & cap. *Quam-
pio*, 1. qu. 2. & cap. *Cum olim*, & capitul. *Cum uni-
versorum*, de Rerum permutat. cum similibus, in
quibus pactiones de temporalibus pro spiritualibus,
vel spiritualibus annexis prohibentur.

9 Inter has sententias hæc posterior simpliciter, ac
moraliter loquendo vera est, & omnino tenenda:
prior vero solum in uno casu extraordinario posset
aliquo modo locum habere. Ad hoc ergo expli-
candum dico primo: Permutare pingue benefi-
cium pro tenui cum pecunia, quocumque modo, &
intentione fiat, sine auctoritate superioris, simonia
est, non solum contra jus positivum, sed etiam con-
tra Divinum. Hoc probant clare rationes factæ pro
secunda sententia: & quoad primam partem non
negatur ab auctoribus primæ sententiæ; quoad pos-
tremam vero pendet ex dictis supra de materia si-
monie contra jus Divinum, sub qua ostendimus
comprehendi ecclesiastica beneficia, ex quo prin-
cipio aperte deducitur hæc pars, ut ostensum est. In
hoc ergo differt hæc simonia, seu permutatio ab il-
la, quæ simpliciter fieri potest privatim inter bene-
ficiaria pura; illa enim non est simonia contra jus Di-
vinum, sed contra humanum, ut dictum est; hæc
autem est etiam contra Divinum.

10 Dico secundo: Permutatio beneficiorum inæ-
quæ. Suarez. Tom. XII.

qualium in fructibus cum adjectione pecunie ex parte
tenuioris, etiam si fiat in manibus cujuscumque præ-
lati inferioris Summo pontifice, simoniaca est, &
contra legem ecclesiæ, & contra Divinam. Hæc asser-
tio de propria permutatione intelligenda est, de trans-
actione infra dicitur: habet enim specialem ratio-
nem. Hæc autem conclusio quoad primam partem de
jure positivo non videtur negari a priori opinione,
præsertim a Cajetano, ut statim dicam: alii enim
Summistæ nihil declarant, sed absolute loquuntur.
Hanc etiam partem expresse docuit Gloss. ibi communi-
ter probata in dicto cap. *Cum pridem*, de Pact. Proba-
turque sufficienter ultim. argumento facto pro secunda
sententia, quia commutatio spiritualis rei pro ma-
teriali, & maxime pro pecunia, ita est in jure probi-
bita, ut nullius Superioris auctoritate honestari pos-
sit, ut aperte colligitur ex cap. ult. de Rerum per-
mut. Ubi pactio facta judicum arbitrorum auctorita-
te illicita judicatur propter interventum rei pecunia-
riæ: & in cap. *Cum pridem*, de Pact. pactio rei spiri-
tualis pro materiali adeo turpis judicatur, ut nec paps
ipse illam soleat tolerare, aut admittere. Denique pro-
hibitio similis pacti valde absoluta est in jure, ut (præ-
ter citata jura) habetur in capit. *Nemini*, 19. quæstione
7. ubi dicitur: *Nemini regum, aut cuiquam hominum li-
ceat, &c.* Et nullibi invenitur concessa facultas Episco-
pis, vel aliis prælati agendi, vel admittendi permuta-
tiones contra hanc Apostolicam prohibitionem, ergo
non potest per episcopos in hoc dispensari: nam infe-
rior non dispensat in lege Superioris in casibus sibi
non concessis, cap. *Cum inferior*, de Major. & obed.
Neque est verum, quod in dicto cap. *Quæsitum*, de-
tur talis facultas episcopo: tum quia (ut supra ostendi)
in illo textu non est sermo de permutatione spiri-
tualis pro temporalis, sed de pura beneficiorum permuta-
tione; tum etiam quia potius ibi videtur limitata
potestas episcopi ad transferendas personas ab uno lo-
co ad alium propter necessariam, vel utilem causam,
nullo autem modo propter pecuniam. Ergo ad sum-
mum potest extendi ejus facultas ad permutationem
puram beneficiorum, seu spiritualium inter se, ut su-
pra explicuimus. Ratio autem hujus partis magis pa-
tebit, probando secundam.

11 Quod ergo tunc simonia sit contra jus Divi-
num, probandum est ex dictis supra de materia si-
monie quoad beneficia, quia episcopus non potest dis-
jungere fructus annexos officio a titulo beneficii:
immo nec potest beneficium cum diminutione con-
ferre, ut statim dicitur. Ergo non potest facere,
quin pecunia, quæ non datur in compensationem ex-
cessus fructuum, detur pro illis, ut annexis spirituali
titulo: ergo nec potest efficere, quin detur pro ipso
titulo, juxta regulam textus in ca. *Siquis objecerit*, 1.
q. 2. quod ubi est talis connexio, qui unum vendit,
nihil invenditum relinquit. Quod maxime, ac ne-
cessario procedit in his temporalibus, quæ consequen-
ter, ac dependenter sunt annexa spiritualibus: at
vero dare pecunias pro spirituali titulo, est contra
jus Divinum; ergo, licet fiat ex auctoritate episcopi,
eamdem malitiam retinet.

12 Dico tertio: Nihilominus probabile est, hoc pos-
se fieri absque simonia auctoritate papæ, non per
modum propriæ permutationis, nec per propriam
dispensationem, quæ in jus Divinum non cadit, sed
permutationem factam ex parte materiæ, & quasi
novum jus ex parte ipsarum rerum instituendo. Ita
videtur explicare mentem suam Cajeta. ut patet ex
secunda objectione, quam facit cum responsione;
supponit enim, debere intervenire papæ auctorita-
tem. Idem supponit in secunda responsione ad pri-
mam objectionem, ubi loquitur de illo casu, in quo
beneficium nullos habens redditus pro beneficio
illos habente permutatur, recompensatione facta
per pecuniam; censet enim, fieri posse ex plenitudi-
ne potestatis papæ, & non alias. Unde idem sentit
etiam, quando recompensatio est pro parte fru-
ctuum, alias illo modo non satisfaceret objectioni.
Præterea hoc tenet aperte Gloss. in dicto cap. *Cum
pridem*, & omnes Canonistæ, qui putant, simoniam
in venditione beneficiorum solum esse contra jus

Eadem per-
mutatio, si
fiat in
manibus
prælati
qui non sit
sum. pons
simoniaca
est contra
humanum
& Divinum
jus.

Probatur
esse contra
jus divinum.

Probabile
est hoc
posse fieri
sine simo-
nia aucto-
ritate.

Ratione
efficiendi
confirmatur.

Secunda
sententia
vera judi-
catur.

Permuta-
tio benefi-
cium pingue
pro tenui,
cum pecu-
nia sine
auctorita-
te prælati
est simo-
nia contra
positivum
& contra
Divinum
jus.

positivum. Nos autem eo modo, quo supra diximus, licet vendere beneficium, formaliter sit contra jus Divinum, nec papa possit in eo dispensare, nihilominus posse per papam fieri, ut pecunia intercedat sine emptione: ita hic dicimus, fieri non posse, ut spirituale pro temporali permutetur, neque in hoc cadere dispensationem, & nihilominus posse mutare materiam illam, separando a pinguiori beneficio partem fructuum, & applicando illos in sustentationem alterius, qui tenue beneficium recipit, & concedendo, ut fructus sic separati pecunia compenseantur. Vel etiam potest permittere, ut alter, qui beneficium pingue recipit, det aliquid alteri, non in compensationem, vel permutationem pro fructibus spiritualibus, sed in congruam sustentationem ejus, qui tenuius beneficium recipit. Est enim in potestate pontificis dispensatio, & applicatio talium fructuum, & ad eum pertinet, providere modum, quo uterque retineat congruentem sustentationem, vel stipendium proportionatum, & ideo potest denudare talem pecuniam a ratione pretii, & illam admittere loco stipendii sustentationis. Quo jure constituto per pontificem, si pura sit intentio, cessat simonia, quia cessat venditio. Quia tamen hoc periculosum est, & malam speciem habet, ideo non consueverunt pontifices ordinarie hoc permittere, ut supra dixi, & ex juribus proxime citatis constat.

13 Ratio ergo prioris sententiae solum habet locum, supposita hujusmodi concessione, & mutatione facta per pontificem; illa vero seclusa, non valet sola intentio purgare simoniam, quia non potest mutare naturam talis materiae, nec dissolvere annexione fructuum ad talem spirituales titulum, nec novam facere. Caput autem *Ad quaestiones* vel non est ad rem, vel potius probat contrarium. Ibi enim non agebatur de permutationibus beneficiorum, sed ecclesiarum, quae erant unitae duobus monasteriis, & consequenter ab eis possidebantur, non in titulum beneficii, sed in proprietatem ad suorum conventuum sustentationem, ut Covar. & antiquiores supra citati advertunt. Et in universum dicunt Juristae, beneficia perpetuo unita monasterio jam non reputari, ut beneficia, sed ut bona propria monasterii, cui unita sunt, ut videre licet in Ludovic. Gomez in Regul. de infirmis, quaest. 15. & Mand. quaest. 10. & aliis in Clemen. unic. de Rescript. & in Clement. unic. de Sequestrat. possess. Quia vero ecclesiae licet unitae habent duplicia bona, quaedam pertinentia ad jus decimarum, quod semper spirituale est, & proprie pertinet ad ecclesiam, ut talis est, alia pertinentia ad possessiones, quae simpliciter sunt bona temporalia immobilia, & per se non habent annexionem aliam ad titulum spirituales, sed solum sunt sub dominio temporali ecclesiae, & ideo dixit ibi pontifex, ecclesiam pro ecclesia esse simpliciter commutandam, in quo nostrae sententiae favet, & inter possessiones, si permutentur, posse fieri recompensationem in pecunia, si inaequales sint: quia illae mere sunt temporales, quod nihil facit contra ea, quae diximus. Immo addit pontifex, ita esse illam duplicem permutationem faciendam, ut contractus non misceantur, ubi non prohibet, quin possint simul fieri, & unus non sine alio, quia non propterea misceantur, licet concomitanter fiant, & liberum sit contrahentibus non facere unum sine alio: nec prohibet, quin possint fieri per modum unius virtute continentis plura partialia, quia hoc non pertinet ad simoniam, sed prohibet, ne compensatio, quae datur pro temporali, extendatur ad spiritualia, nec etiam aliquid amplius detur hoc titulo: tunc enim proprie miscerentur contractus, & sic nulla est in illo textu difficultas. De capit. autem, *Quarenti*, jam satis diximus.

14 Rationes autem sententiae posterioris probant primas duas assertiones nostras, & non procedunt contra tertiam, quia fatemur, juxta illam non fieri permutationem temporalis pro spirituali, vel annexo spirituali, sed aut fieri pro redemptione temporalis oneris jam separati a titulo spirituali, vel applicari per pontificem aliquid temporale ad sustentationem, & stipendium habentis tenue beneficium, eamque merito exigi ab eo,

qui beneficium pingue ab ecclesia recipit. Et ita cessant alia incommoda, quae ibi inferuntur. Illa enim simpliciter non licent: interveniente autem pontificia auctoritate, & facta modo debito, & non per modum venditionis, aut propriae commutationis possunt sine inconvenienti fieri, ut explicatum est, & ex sequentibus illationibus magis constabit.

15 Ex dictis ergo facile intelligi potest, an permutatio beneficiorum, imponendo pensionem alteri eorum, simoniaca sit? Dicendum enim est primo, si propria auctoritate fiat, esse apertam simoniam, etiam si ad permutanda beneficia praelati auctoritas interveniat, qui de pensione nihil novit. Hoc est certum apud omnes, quia ibi intervenit pactio evidenter prohibita in jure, ut visum est. Unde inferunt aliqui, talem simoniam esse de jure positivo, ut sentit Soto. Credo tamen esse contra jus Divinum, quia evidenter datur spirituale pro temporali, talis enim pensio propria auctoritate imposita mere temporalis est, & pretio aestimabilis.

16 Secundo est idem dicendum, etiam si talis permutatio, & pactio fiat cum auctoritate praelati inferioris papae, quia illi concessum non est, ut possit permutationem facere, nisi pure, & simpliciter, ut paulo antea probatum est. Et tradit Quinti. Mand. de Signatur. gra. tract. de Permutat. in fine, & Soto dicta q. 5. art. 2. & q. 7. artic. 2. & colligitur ex capit. unic. de rerum perm. in 6. ibi. *Libere & sine fraude*. Et ratio est, quia episcopus non potest facere divisionem in beneficio juxta titulum. Ut beneficia sine diminutione conferantur, Et cap. *Nisi essent*, de praebend. Ibi. *Neforte circa proventus aliqua videatur facta sectio prioratus*. Unde fit argumentum: nam vel pensio imponitur beneficio, & hoc ordinario jure non cadit sub episcopi potestate, ut probant dicta jura, & est communior sententia, & praxis, ac stylus Curiae: vel imponitur personae beneficiati, & sic est onus mere temporale, quod imponi non potest in commutatione beneficii, ut ostensum est. Sed obijciunt aliqui ex dicto capite *Ad quaestiones*, de Rer. permutat. Nam illud de pensione intelligit Soto, & tamen papa ibi non constituit pensionem, sed approbat ab episcopo impositam. Sed textus ille non inducit ad rem: tum, quia, ut dixi, non est in eo sermo de permutatione beneficiorum: tum etiam quia nulla mentio fit de impositione pensionis, sed de compensanda per pecuniam inaequalitate possessionum: tum etiam quia si ageretur de pensione, non oportet distinguere contractus, & res permutatas, sicut pontifex ibi monuit. Patet, quia pensio auctoritate Superioris posset super ecclesiam, & super spiritualia jura imponi, ut statim dicemus. Quocirca illa compensatio pecuniaria, quae ibi probatur, non pertinet ad potestatem imponendi pensionem in beneficio, sed ad potestatem alienandi possessionem temporalem ecclesiae in utilitatem ejus.

17 Tercio dicendum est, permutationem beneficiorum inaequalium in temporalibus proventibus factam cum onere pensionis in pinguiori beneficio, si auctoritate pontificis fiat, nullam habere labem simoniae. Hoc etiam certum est ex sententia omnium: & constat ex usu quotidiano. Et ratio est, quia, si attendamus jus Canonicum, pontifex potest secum dispensare, vel certe non obligatur illo, hac maxime in parte, quia prohibitiones latae in hac parte ad inferiores praelatos referri videntur, ut colligitur ex cap. *Prohibemus*, de censibus. Si vero attendamus jus Divinum, hic non intervenit respectu pontificis, vel quia pensio ab eo imposita causa permutationis spiritualis censenda est, quia datur cum spirituali onere, & ratione illius, & ita semper commutatur spirituale pro spirituali. Vel certe, quia, esto imponat illam simpliciter, ut temporale quid, potest illam separare a beneficio pinguiori, & illam conferre, ut mere temporale commodum ejus, qui renunciat pinguiori beneficio: non tanquam pretium renunciationis, sed dispensatorie illam conferendo in vitae subsidium. Et ita nullam habet rationem pretii, quia non ex permutantium commutatione, sed ex providentia supremi pastoris confertur. Et in hoc est magna differentia inter papam, & inferiores episcopos: nam inferiores non possunt ita dispensare ecclesiasticos redditus ad suum

Permutatio beneficiorum imponendo pensionem propriam auctoritate est simoniaca contra jus positivum, & divinum.

Idem dicendum, si talis permutatio fiat ex auctoritate praelati inferioris papae.

Permutatio beneficiorum cum pensionem ex auctor. papae non est simoniaca.

Sagittae
vasonibus
sententia

Rationes
2. sententiae
non omnes
sententiae

arbitrium etiam prudens, sed solum juxta concessiones Canonum, & ideo, quando hos limites transgrediuntur, nihil faciunt. Et consequenter admittendo illicita pacta, non solum peccant contra jus humanum, sed etiam contra Divinum. Sicut dispensando in voto castitatis, non solum contra jus humanum, sed etiam contra Divinum peccant, quia usurpant jurisdictionem, quam non habent: pontifex autem utendo sua potestate, potest tollere materiam simoniæ, vel annexendo temporalia spiritualibus, vel illa separando, & alio justo titulo ea conferendo: qua mutatione facta, nec contra humanum, nec contra Divinum jus peccat. Atque ex hac assertionem constat, nihil peccare permutantes, si inter se prius tractent, & convenient de pensione imponenda cum ordine ad consensum pontificis, ut patet ex dictis in capite superiori, quæ hic possunt applicari cum eisdem auctoribus.

18 Sed quid, si unum beneficium sit dignius alio in spiritualibus, poteritne pontifex acceptare permutationem, imponendo pensionem super dignius beneficium? Respondeo, factum hoc magnam præ se ferre speciem simoniæ, quia, qui præbet alteri beneficium dignius, non videtur exigere pensionem, nisi ad compensationem sui beneficii, unde cum ille excessus spiritualis sit, spirituale pro temporali commutatur, quod ita est contra jus Divinum, ut per potestatem papæ honestari non possit. Neque ibi habet locum mutatio materiæ, quia nec illa major dignitas spiritualis potest separari ab uno beneficio, & alteri conjungi, nec temporalis pensio, quantumvis spiritualis fiat, censetur compensare illum excessum ratione suæ temporalis commoditatis. Aliunde etiam videtur esse illa quædam indebita distributio ecclesiasticorum reddituum, quia major dignitas ex se postulat pinguiore fructus, ut modo convenienti sustentetur, & cum decore: ergo contra rationem est dare alteri beneficium dignius, & illi pensionem imponere solum propter majorem dignitatem. Sed nihilominus hoc non apparet intrinsece malum, nec semper damnandum. Nam in primis si dignius beneficium est etiam pinguius, non erit absurdum, moderatam pensionem illi adjicere, dummodo pro qualitate dignitatis, & oneris sufficientes redditus beneficio relinquuntur: tunc enim succurrere potest pontifex incommodo temporali alterius sine respectu ad digniorem qualitatem beneficii. Deinde licet in qualitate reddituum non excedat, si aliunde honesta causa intercedat, quæ possit movere pontificem, præter excessum in qualitate spirituali beneficii, ut quod persona, quæ illud emit, magis indiget, vel quod alias est dignior, & magis de ecclesia bene merita, vel etiam quod beneficium aliud non solum minus dignum est, sed etiam magis laboriosum, & onerosum; tunc fieri potest, ut non solum simonia non intercedat, verum etiam nec sit injusta distributio, vel illicita dispensatio. Quia vitium simoniæ purgatur eo ipso, quod pensio non datur intuitu compensandi spirituales dignitatem, & pensio sit iusta ex causa honesta.

19 Atque ex dictis in hoc, & præcedentibus capitulis concludere possumus condiciones necessarias, ut permutationes in materia beneficiorum pure, & absque simonia fiant. Possunt enim ad quatuor brevissimas revocari. Prima est, ut res ipsæ permutabiles sint natura sua, & quod jure ecclesiastico prohibita non sint permutari, & hoc spectat, quod utraque sit spiritualis, & transferibilis in alium, & cætera. Secunda est, ut permutatio fiat auctoritate superioris prælati, ad quem de jure id spectat. Tertia, ut sine auctoritate pontificis nullum onus imponatur, neque aliqua exactio fiat. Quarta, ut nullo pactum inter partes privatum fiat, nisi in ordine ad consensum pontificis, vel prælati, qui possit illi auctoritatem dare. Et hoc spectat, ut non fiant pacta, quod unus solvat omnes expensas, vel expediat suis sumptibus Bullas ad utrumque permutandum pertinentes, & similia, quæ simoniaca sunt, nisi pontifici declarantur, & ipse consentiat. Vide Navarrum libro quinto, Conf. tit. de simonia, Constit. 50. & 51. De aliis vero conditionibus, quæ

Suarez, Tom. XII

ad justitiam, vel honestatem integram talis permutationis necessariæ sunt, ut quod fiat voluntarie sine vi, & fraude, & ex justa causa, & similibus, hic non agimus; quia hic non tractamus per se de beneficiis, & eorum permutatione, sed solum quatenus in ea cavenda sit simonia, reliqua in proprium locum remittimus.

C A P U T XXXV.

An renunciatio beneficii in favorem tertii Simoniam contineat?

1 Sicut proxime de permutatione dicebamus, ita in præsentem non est a nobis tractanda tota materia de resignatione, seu renunciatione beneficiorum, sed solum quatenus in hujusmodi actione simonia intervenire potest. Dicitur ergo renunciatio beneficii abdicatio voluntaria, qua quis se libere spoliatur beneficio suo, illudve dimittit: agimus enim de expressa renunciatione; nam tacita ad præsentem materiam nihil refert. Hujusmodi autem renunciatio interdum fit causa permutationis, de qua in superioribus capitulis dictum est: aliquando vero per sese gratia sui, ut sic dicam, soletque dici renunciatio simplex, de cujus ratione, ut valida esse possit, etiam est, ut in manibus prælati fiat, qui eam acceptet, juxta capitul. *Admonet*, & capitul. *Quod in dubiis*, de renunciatione. Quatuor autem modis potest hæc renunciatio fieri in manibus prælati. Primo pure, & absolute, id est, sine onere pensionis, & sine designatione personæ, cui conferatur. Secundo pure, & non absolute, sed sub conditione ut detur Petro beneficium: Tertio nec absolute, sed ut detur tali cum tali pensione. Quarto absolute, & non pure, sed cum pensione. De primo modo nulla est difficultas, quia nec per se malus est, nec prohibitus; & potest fieri non solum in manibus papæ, sed etiam inferiorum, prælatorum, exceptis episcopis, vel similibus. Et licet Pius V. interdum suspenderit omnes has resignationes, & sibi reservaverit Constit. sua. 43. in cap. *Officium*, postea abstulit suspensionem cum certis limitationibus, ut infra videbimus. Itaque hæc renunciatio nihil ad simoniam pertinet: nisi fortasse quatenus pro illa facienda pecunia intervenire potest, sic enim materia est simoniæ, ut supra dictum est.

2 De secundo modo renunciationis sub conditione certum existimo, non continere simoniam contra jus divinum. Ita supposuit Soto tanquam clarum in hac materia in d. q. 7. art. 2. in princip. Covar. late lib. 1. cap. 5. nu. 3. & 5. Silvest. verb. *Renunciatio*, q. 6. & verb. *Simonia*, quest. 13. dist. 6. Anton. 2. p. tit. 1. ca. 5. §. 11. Ratio vero est, quia in illa renunciatione sub conditione non datur spirituale pro temporali, immo pro nulla re datur, sed gratis offertur, non tamen cuilibet, sed solum huic certæ personæ, in cujus favorem resignatur. Hoc autem non est contra, nec præter verba Christi, *Gratis accepistis, gratis date*; nec enim dixit, date omnibus, nec prohibuit dare huic potius, quam illi, sed solum injunxit, ut, cui daretur, gratis daretur. In illa autem renunciatione donatio gratuita est, tamen renunciatus, quantum in se est, non vult dare, nisi huic, nec vult spoliari, nisi in gratiam ejus. Talis ergo renunciatio ex vi juris divini simoniaca non est, immo nec per se mala, si alias circumstantias honestas habeat, ut quod fiat in favorem dignæ personæ, & propter honestum finem, sine ecclesiæ offensione, vel proximorum. Denique si ipse renunciatus per se possit spoliare se beneficio, & transferre illud in Petrum dignum, non male faceret, volendo illud dare Petro, & non alteri: nunc autem, quia nec per se potest se spoliare beneficio sine auctoritate prælati, juxta c. *Nisi cum pridem*, cum aliis de Renunc. nec potest conferre beneficium Petro, nisi per prælatum, ideo renunciationem illo modo facit in manibus prælati, nihil ergo peccat ex natura rei loquendo.

3 De jure autem ecclesiastico communiter dicitur, hoc esse prohibitum, & ita hanc numerant inter simonias de jure positivo, Glof. in cap. *Ex parte*, 1. de

Renunciatio beneficii quid sit.

Quot modis fiat renunciatio simplex in manibus prælati.

1. Modus & est licitus.

Nec 2. est, tunc simonia secundum jus Divinum.

De jure ecclesiastico dicitur hoc esse prohibitum.

Si beneficium unum sit dignius in spiritualibus, videtur species simoniæ, si super id pensio fiat

Non tamen hoc semper damnandum, nec inordinatum, nec est malum.

Summa dictorum.

Offic. deleg. ver. *Dimittere*, quamibi sequitur Abbas num. 4. & alii. Idem Glos. in capite *Dilecto*, de Præbend. Idem sentit Panormitanus in capit. *Non satis*, de Simon. Archid. in cap. *Quicumque*, 1. quæst. 1. Præposit. in cap. *Ordinationes*, num. 33. ita exponens Glossam ibi, & eodem modo loquitur Angel. ver. *Simonia* 3. num. 39. & Silvest. verb. *Permutatio*, quæst. 6. dub. 2. Redoan. 1. part. cap. 25. & p. 2. cap. 10. ubi alios refert Anton. 2. part. tit. 1. cap. 5. §. 11. Navar. cap. 23. n. 107. *Ad decimum*. Rebuffus in Pract. tit. de Renunc. condi. num. 3. Ugolin. tab. 1. capit. 28. §. 2. Potest autem probari illa prohibitio ex generalibus regulis juris, quod in his spiritualibus non debet intervenire pactio, modus, vel conditio. Negari enim non potest, quin in tali renunciatione interveniat conditio; nam subtilis sit, ut detur huic, & non alias, & consequenter intervenit pactum, facio, ut facias, scilicet, renuncio, ut nepoti conferas. Præterea ad hæc inducitur textus in capit. unic. de Rerum permut. in 6. ibi. *Secundum formam juris*; indicat enim, illam esse quamdam iuris permissionem, quæ prohibitionem supponit. Item ibi, *equitatem præferentes in hac parte rigori*. Quibus verbis significatur in rigore juris, resignationem factam sub illa conditione posse acceptari ab episcopo, rejecta conditione tanquam inutili, & contra jus. Et licet ibi sit sermo de resignatione facta ad permutationem, eadem ratio est de simplici renunciatione: tum quia ratio illius textus est, quia renunciatus non esset suum beneficium resignaturus, nisi gratia talis permutationis; hæc autem ratio locum etiam habet in eo, qui non esset renunciaturus, nisi in gratiam talis personæ: tum quia non est digna majori favore renuntiatio propter permutationem facta, quam facta propter liberalem beneficentiam. Favet etiam Clem. unic. eod. ibi. *Ne concessione juris utentibus*, ubi Glos. sentit, esse jus novum mitigans antiquum rigorem. Afferitur etiam pro hac sententia capit. *Dilecto*, de Præbend. ibi, *Liberaliter resignavit*, scilicet in manibus Archiepiscopi intendentis nepoti renunciantis providere. Ubi ex parte episcopi supponitur intentio, cui renunciatus potuit se conformare. Videtur autem tanquam necessarium supponi, quod liberaliter renunciavit. Accedit moralis ratio non contemnenda: quia hæc renunciations in favorem tertii expositæ sunt multis fraudibus, & deceptionibus, unde præsumuntur simoniacæ ex alio capite: nimirum quia non præsumitur aliquis sponte renunciare, juxta capit. *Super hoc*, de Renunc. & multa, quæ congerit Tiraquel. in leg. *Si unquam*, verb. *Donatione*, num. 206. & sequentibus. Unde præsumitur non gratis facere, sed cum aliqua pactioe illicitæ, & ideo ad vitanda hæc pericula merito potuit ecclesia talem renunciationem in universum prohibere. Accedit, quod in his renunciationibus solet esse quædam imago hæreditariæ successionis a patris ad nepotes, quam jura maxime oderunt.

4 Hæc vero jura non videntur satis ostendere universalem prohibitionem scriptam: nam generalis prohibitio pactioem non extenditur ad hanc renunciationem, quia in illa per se loquendo non solet intervenire pactum, sed sola declaratio, & limitatio voluntatis resignantis; quæ, cum sit libera, potest limitato modo velle resignationem, quam gratis, & sine ullo pacto facit, ut dixi. In capitulo autem unico de Rerum permutatione in 6. non est sermo de renunciatione simplici, sed de permutatione, quæ magis odiosa videtur, & de illa dicitur *secundum formam juris*, non permittentis, sed ponentis conditiones in permutatione servandas, juxta cap. *Quarenti*, quod ibi Glossa adducit. Illa autem verba, *equitatem præferentes rigori*, non propter renunciationem acceptandam, sed propter excludendas expectativas, posita sunt; de illa enim re in illo c. agebatur. Similiter etiam in d. Clem. unic. non est sermo de concessione juris ad renunciandum simpliciter, nullibi enim talis concessio in jure reperitur, ut dixi. Est ergo sermo de concessione permutationum, quæ in jure expresse facta est, & illa fortasse est juris novi contra antiquum rigorem; inde vero nullum probabile argumentum sumitur ad præsentem causam.

In d. autem c. *Dilecto*, in verbis allegatis solum narratur factum, & fortasse per illam vocem, *liberaliter*, non excluditur conditio, seu designatio personæ, sed pactum onerosum, quod certum est esse prohibitum, ut dicemus. Ex jure ergo scripto nihil habemus, quin potius dictis juribus opponi posset cap. *Cum universorum*, de Rer. permut. ubi refertur similis renunciatio ab uno clerico facta in favorem nepotis alterius, & non improbat, qui tamen textus etiam nihil probat in contrarium; quia licet factum referatur, non approbatur, nec examinatur, quia non pertinebat ad causam.

5 Ut ergo hanc rem declarem, suppono, duplicem sensum habere posse conditionem illi renunciationi oppositam. Unus est, ut retineat rigorosam naturam conditionis, quæ est suspendere actum, ideoque possumus illam vocare conditionem suspensivam renunciationis. Quia qui sic renunciat, non absolute renunciat, nec renuntiatio consequitur effectum, donec conditio impleatur. Item talis conditio de se inducit obligationem prælato, in cujus manibus sit renuntiatio, ut non possit dare beneficium alicui, nisi implendo conditionem, quia alias renunciatio non habet effectum, ideoque non potest renunciatus privari beneficio suo. Alius sensus est, ut conditio sit tantum modus, qui non suspendit effectum actionis, seu renunciationis, sed apponit modum servandum in provisione beneficii post factam renunciationem. Qui potest intelligi additus, vel tanquam necessarius, & sub obligatione, vel solum, ut inductivus prælati ad illum modum servandum, quantum renunciatus possit inducere.

6 Dico ergo in primis, renunciationem sub conditione rigorosa, & suspensiva (ut declaravi) fieri non posse, nisi in manibus papæ, ab inferioribus autem prælatis admittendam non esse. Hoc videtur esse contra Sotum, & ex parte contra Covar. est tamen juxta communem sententiam. Potest vero probari primo ex generali prohibitione pascendi in his rebus sacris, quia illa conditio in tanto rigore sumpta videtur pactum inducere. Sed hæc probatio non est universalis, quia revera potest fieri sine pacto, quia cum eo, in cujus favorem fit resignatio, nulla pactio procedit, ut supponimus; agimus enim de pura, & simplici renunciatione. Nec etiam cum episcopo, quia potest ille non consentire, & absque ulla conventionione procedere. Secundo ergo probatur ex perpetua ecclesiæ traditione, & consuetudine, quam omnes dicti Auctores referunt, quæ habet, ut inferiores prælati tales renunciations non admittant, vel eis non obligentur, ut etiam Covarruvias fatetur. Quæ consuetudo declarat, Pontificem sibi reservasse has renunciations propter earum periculum: unde sicut vorum Castitatis, verbi gratia, est reservatum papæ quoad dispensationem ex usu non scripto, ita dicere possumus, has renunciations esse papæ reservatas, & consequenter non posse ab inferioribus exerceri. Tertio ita hoc declaro: Quia secundum commune jus non potest beneficium aliquod conferri alicui de novo, nisi prius vacet, sicut in permutationibus videmus juxta capit. unic. & Clem. unic. de Rerum permutatione: at in eo casu non vacat beneficium, donec alteri designato beneficium conferatur, quia non prius impletur conditio, ut bene intellexit Rebuffus supra; ergo non potest fieri sine auctoritate papæ. Denique conjecturæ supra adductæ, propter quas est convenientissima ecclesiæ hæc prohibitio, suadent, non defuisse ecclesiæ hanc providentiam, & idem videtur supponere Pius V. in Motu statim citando.

7 Sed quæres: An illud peccatum contra talem prohibitionem commissum sit simonia, quia prohibita. Respondeo primo, si præcedat pactum cum episcopo, verbi gratia, quod ipse acceptabit renunciationem, & conferet beneficium personæ designatæ, sine dubio est simoniaca renunciatio: & in hoc casu videntur posse interpretari Angelus, Silvester, & multi ex aliis auctoribus, nam solum damnant hanc renunciationem factam cum pacto. Quod vero hoc sit simonia, saltem quia prohibita, sufficienter probatur ex Juribus prohibentibus pacta

Renunciatio sub conditione rigorosa, ut huiusmodi solum potest fieri in manibus papæ.

Hæc jura non ostendunt omnino universalem prohibitionem scriptam.

Interveniens tali pacto, si fiat talis renunciatio in manu episcopi, est simoniaca.

Et illicita in hac materia, Item illa obligatio ex parte episcopi videtur esse quasi quoddam onus, vel obsequium pretio æstimabile, & ex hac parte censeretur potest illa simonia contra jus Divinum, supposita institutione humana circa provisionem beneficiorum. At vero si pactum non præcedat, sed resignans temere intenter talem renunciationis modum, licet male faciat, non videtur proprie simoniacus, ut probat ratio Soti, & Covarruvæ, quia ibi non est commutatio unius pro alio, nec realis, nec mentalis, nec expressa, nec tacita; simonia autem solum in voluntariis commutationibus, quæ aut venditiones sint, vel imaginem earum habeant, invenitur. Item ibi nullus est contractus onerosus, sine quo non est vera simonia.

Assumptum patet; quia ibi tantum est voluntas donandi limitata ad talem personam, & non est onerosa episcopo, quia potest illam non acceptare, si voluerit.

Objectio solvitur.

8 Dices: Immo ibi etiam videtur esse onus pretio æstimabile, quia obligatur episcopus ad non dandum alteri beneficium, sed tantum huic. Respondeo simpliciter non obligari, cum possit non acceptare renunciationem, si autem illam acceptet, quando potest, licet coarctetur ejus potestas ad justum, id non est ex obligatione illi imposita, sed solum ex natura, & modo talis resignationis, & ex conditione illi adjuncta. Nam ante renunciationem nulli poterat dare tale beneficium, invito possessore, & ideo quod ex voluntate ejus possit dare illud huic, & non alteri, non est onus, nec obligatio illi imposita, sed solum limitatio consensus ex parte habentis beneficium. Unde etiam in papa hoc locum habet, ut statim dicitur, & tamen nulla obligatio, vel onus papæ imponitur. Adde, totum id non esse pretio æstimabile ex parte prælati, si responsa designata sit digna, quia solum est usus quidam legitimus spiritualis potestatis. Dices: in hoc est ille simoniacus, quia vult disponere de suo beneficio, ac si esset ejus absolutus Dominus. Item ille peccat contra Religionem, & non alio genere Irreligiositatis. Respondeo, probabiliter posse hoc defendi: tamen in rigore magis videtur illud peccatum genus quoddam injustitiæ in materia Religionis, quæ sacrilegium includit, quia ille vult usurpare jurisdictionem, & potestatem dispensandi beneficia ecclesiastica contra dispensationem juris. Quamvis enim non velit ille conferre beneficium sine auctoritate prælati, vult tamen restringere, & limitare potestatem ejus, & sibi successore designare contra reverentiam debitam rebus factis, & contra prælati jurisdictionem. Magis vero videtur illa quoddam irreligiositas cum attentata injustitia, quam propria simonia. Accedit quod in nullo Canone hæc vocatur simonia. De pœnis autem simoniæ, an illas tunc incurrat, infra videbimus.

An episcopus possit acceptare talem renunciationem.

9 Sed quæres: An possit Episcopus renunciationem illam acceptare absque simonia, item quid facere possit, vel debeat, si illam acceptet? Circa primum Covar. supra cum Sor. ait, quod licet prælatus illam acceptet, nullum aderit vitium saltem simoniæ. Immo addit, nihil agere contra juris prohibitionem, eam acceptando, dummodo conditionem non approbet. Ego vero existimo quidem non fore simoniacum prælatum, etiam si acceptet renunciationem, & conferat beneficium personæ nominatæ a renunciante, dummodo id faciat non ex obligatione, aut pacto, sed mera, ac libera voluntate. Probatur ex dictis, quia si renuncians non est simoniacus, nec prælatus erit consentiens illi, quia nec consentit simoniæ, nec cooperatur illi, nec etiam per se novam simoniam operatur, quia nihil spirituale confert propter temporale, nec ex aliquo oneroso contractu. Nihilominus tamen existimo, non bene agere, ut ex secundo patebit.

Resolutio

Covar. sententia.

10 Circa secundum ergo Covar. supra multa dicit. Primo posse prælatum licite, & valide, ac firmiter, & sine periculo irritationis, dare beneficium personæ designatæ a renunciante, si alias idonea, & digna sit, quia nullo jure hoc illi est prohibitum, sed solum, ut non det beneficium tanquam obligatus ex conditione resignantis, vel ex alio pacto. Si autem alias judicaverit, talem provisionem beneficii esse con-

gruam, & justam, nullo jure prohibetur, illam non facere. Nam eam faceret honeste, si renuncians non errasset in modo renunciationis; cur ergo debet vel ipse privari libertate sua propter errorem alterius? vel persona illa tertia puniri in eo, quod non deliquit, maxime si delicto renunciantis cooperata non est? Secundo dicit, posse prælatum (si velit) rejicere conditionem, & acceptare renunciationem, ut absolutam & puram, & dare beneficium alteri digno, collationemque futuram esse validam. Probat, quia ipse non tenetur acceptare conditionem. Adde, quod hæc conditio habetur pro non adjuncta, ut Boer. dixit in Tract. de Dignitate legatorum, q. 2. Qui potest pro hac sententia referri, pro qua etiam Covar. refert Joan. Staphileum de Litter. grat. & just. Tertio addit, licet talis collatio alteri facta ex rigore juris rescindi non possit, ex æquitate rescindendam fore a papa, vel iudicibus ab eo designatis, juxta Cl. unic. de Rerum permut. &c. *Inter cetera*, de præbendis.

11 Nihilominus in hoc puncto probabilius videtur, non posse prælatum inferiorem sine licentia papæ acceptare licite talem renunciationem, & dare beneficium juxta conditionem appositam a renunciante, etiam si id non faciat ex vi illius, sed suo arbitrio. Ita videntur supponere omnes Doctores, qui damnant, ut illicitas has renunciationes, maxime cum illas damnent, ut simoniacas: nam actus simoniacus est invalidus, unde in virtute illius nihil fieri potest. Deinde esto, non sit in rigore simoniaca renunctio, est ab ecclesia prohibita, ne fiat in manibus prælati papæ inferioris sine ejusdem papæ concessione: unde consequenter provisio beneficii secundum talem renunciationem est papæ reservata; ergo male facit episcopus usurpando illam. Præterea illa renunciatio & ex vi prohibitionis est nulla, ita enim communi usu, & sensu Doctorum illa prohibitio intellecta est, & ex vi conditionis suspendit effectum: ita ut beneficium non vacet, donec cum effectu alteri conferatur: ergo non potest episcopus conferre tale beneficium, quasi implendo conditionem, ut beneficium vacet, & conferri possit, nam hoc excedit potestatem ejus ut dictum est. Et quantumvis dicatur non operari ex conditione appositæ renunciationis, negari non potest, quin in effectu id faciat (quicquid sit de intentione ejus) ut magis ex sequenti assertionem patebit, & sentiunt Auctores in ea citandi.

Probabilius est non posse prælatum alii, cui sine papæ licentia talem renunciationem acceptare.

12 Secundo ergo assero, non posse episcopum acceptare renunciationem illam tanquam absolutam, rejecta conditione, & consequenter nec possit licite, aut valide dare beneficium alteri. Ita tenet contra Boer. Rebus. in Pract. tit. de Resignat. condit. n. 7. & seqq. Et probatur primo ex d. Clem. unic. Quia sicut in permutatione non valet actus, nisi beneficia conferantur permutantibus, ita in resignatione condicionali non valet, nisi impleatur conditio. Secundo, quia actus factus cum aliqua qualitate, & adjunctione non potest acceptari quoad unam partem, & non quoad aliam, quia si dividatur, omnino mutatur, quod ibi late probat ab auctoritate. In presenti autem sit renunciatio non simpliciter, sed cum aliqua adjunctione per modum unius, ut constat. Falsumque est illam conditionem haberi pro non adjuncta, quia hoc nullo jure probatur, immo quia est adjuncta, reprobat talis renunciatio.

Secunda conclusio

13 Unde addit ulterius ipse Rebus. n. 16. neque papam ipsum posse id efficere: nam potest quidem resignationem rejicere, & non acceptare, tamen si illam acceptet, non potest juste dare beneficium, nisi ei, in cujus favorem facta est resignatio: alias privaret renunciantem invitum suo beneficio sine justa causa, quæ ex tali actu resultet, cum sic renuncians in manibus pontificis nihil peccet, quandoquidem pontifex valet, & solet illam renunciationem acceptare. Nulla ergo justa ratione potest papa tunc privare suo beneficio invitum, & innocentem, cum debeat agere ut fidelis dispensator, non ut dominus. Quæ sententia mihi valde placet, licet contrarium doceat Redoan 2. part. de simon. numer. 8. & sequent. sequens Boer. de Potest. Legati, quæ 2. qui idem affirmavit de legato papæ. Sed est etiam falsum.

Nec papa potest acceptare renunciationem, quæ sit in gratia tertii, nisi donatorem beneficii.

factum, & sine fundamento, ut late Rebus. supra. Nec oportet distinguere, an legatus habeat potestatem acceptandi talem renunciationem, necne: non est enim dubium, quin possit papa illam facultatem committere, licet ordinarie non faciat. Vel ergo legatus habet talem potestatem, & tunc si acceptet illam, debet conferre beneficium personæ designatæ, quia si papa ipse non potest aliud iuste facere, neque ipse poterit vice papæ. Si vero non habet talem potestatem, non magis id potest, quam episcopus, vel quilibet alius, ut constat.

14 Tertio hinc colligo, propriam rationem, cur id non possit facere episcopus, esse, quia illud beneficium per talem renunciationem non vacat ante impletam conditionem, quia voluntas renunciantis fuit suspensa, & non fuit voluntas simpliciter, sed secundum quid, & ita non potuit habere effectum. Quo ergo iure potest episcopus spoliare renunciantem beneficio suo contra voluntatem ejus? Dices, fortasse posse id facere in pœnam, & temeritatem suæ renunciationis male factæ. Sed contra: quia in primis nullo iure cavetur, ut sic renuncians privetur beneficio. Deinde multo magis alienum a iure est, ut statim ipso facto, & sine examinatione causæ, absque sententia contra eum lata, beneficium privetur, cum nullum sit ius talem ferens sententiam contra sic peccantem, ut expresse docuit Navar. d. c. 23. n. 10. §. 5. in fin. poterit ergo episcopus contra illum procedere, & punire, vel si judicaverit delictum dignum privatione beneficii, tunc etiam poterit illam pœnam imponere, ut Navarrus ait; & consequenter poterit providere beneficium jam vacans per privationem pœnalem, non tamen ex vi renunciationis. Et fortasse ita intelligendum est, quod refert Flam. libr. 1. de Resignat. q. 3. n. 63. esse a Rota decisum, ut si renuncians non ignoret, suam resignationem esse contra stylum Curiae, ac subinde invalidam, possit acceptari ab episcopo, rejecta conditione. De quo mihi non constat: tamen si ita est, intelligi debet in pœnam, & consequenter servato ordine, & cognita causa. Alias certe non potest Episcopus talem renunciationem acceptare licite, ut in priori puncto dicebam. Quia vel acceptaret illam, ut absolutam, & ad dandum beneficium, cui voluerit: & hoc excedit potestatem ejus, estque contra iustitiam, ut ostensum est. Vel acceptabit illam, ut conditionatam, & ad conditionem implendam, & hoc est contra concessionem; ergo omnino debet illam refutare, & prout expedire judicaverit, sic renunciantem punire.

Ultima
conclusio.

15 Ultimo dico: In hoc puncto, si conditio addatur non in vi rigorosæ, & suspensivæ conditionis, sed tanquam modus quasi posterior, & conjunctus renunciationi absolute factæ juxta explicationem supra datam, tunc longe aliter esse de tali renunciatione judicandum. Nam in primis renunctio illa, si ab episcopo acceptetur, statim valida est, & habet effectum. Patet, quia absoluta est, & quia modus non suspendit effectum, ut est notum. Unde fit, ut episcopus possit talem renunciationem acceptare sine ulla culpa, & animo vel utendi modo, si judicaverit expedire, vel non utendi, si non fuerit conveniens. In hoc enim nulla apparet deformitas ex natura rei, nec invenitur aliquo iure prohibitum. Deinde in eo casu existimo, posse renunciantem nihil peccare in illo modo renunciandi, stando in iure communi. Dico autem posse, quia si adjiciendo modum illum velit obligare episcopum, ut omnino teneatur dare beneficium, cui ipse vult, & stulte errat, & consequenter peccat tentando imponere obligationem, quam non potest, & in re nihil facit. Sicut qui relinquit legatum sub modo, ad cujus executionem obligare non potest, etiam si intenderet obligare, nihil faceret.

16 At vero si tantum intendat inducere episcopum, ut tali personæ beneficium conferat, per se loquendo nihil peccat: suppono enim personam, quam offert, esse dignam; ergo ex naturæ rei non est renuncianti prohibitum illum animum ostendere, & prælatum inclinare quantum honeste potest. Nec etiam est iure communi prohibitum; nam inter

scripta Decreta, & juri inserta nullum tale reperitur. Nec consuetudo ad hoc obligat, Nam communior, & verior sententia habet, posse renunciantem, facta renunciatione pura, & absoluta, rogare prælatum, ut det beneficium tali personæ, ut patet ex Navar. d. num. 107. Redoan, d. cap. 25. qui alios allegant: immo addunt, non peccare, etiam si a principio illa spe renunciet, dummodo pactum non faciat, nec rigorosam conditionem adhibeat, sed solum interiorem intentionem habeat, ut Navar. d. n. 107. & in cap. Si quando de Rescrip. except. 4. docet contra Abbat. Decium, & nonnullos alios in dicto cap. Ex parte 1. de Officiis delegatorum. Ubi Glossa, & Doctores frequentius opinionem Navar. docent. Item Glossa in dicto capit. Ordinationes, estque verior sententia, ut in puncto sequenti latius dicam. Ergo etiam si in ipsamet renunciatione inferat aliqua verba, quæ hunc animum ostendant, dummodo non sint talia, quæ conditionem suspensivam declarent (qualia sunt illa usitata, & non aliter, nec alio modo) non apparet in eo factum grave peccatum, neque ullum per se loquendo.

potest renuncians facta absolute renunciatione rogare prælatum, ut huic det beneficium.

17 Ultimo dicendum est, in eo casu posse episcopum libere conferre beneficium, acceptata renunciatione, quia jam vacat, ut dixi, & credo posse sine peccato dare illi, qui a renunciante postulatur dicto modo, quia cum ille non peccet, neque episcopus malefaciat connivendo, si alias collatio in tali persona facta per se iusta est. Nihilominus tamen ad hoc non tenebitur, & potest dare alteri, & in rigore collatio valebit, quia alter (ut supponitur) absolutam fecit renunciationem, & non potuit obligare episcopum, nec est ullum jus, unde obligetur.

Renunciatio licite facta, potest prælatum libere beneficium conferre;

18 Hæc autem dicta sunt juxta commune antiquum jus: extat enim novum jus Pii V. in Motu proprio 58. incipiente: *Quanta ecclesia Dei, &c.* Ubi abstulit suspensionem, quam antea fecerat, & ponit casus, & causas, ob quas possunt beneficia simpliciter renunciari in manibus inferiorum prælatorum, & subjungit hæc verba: *Caveant autem episcopi & alii prædicti, itemque omnes electores, presentatores, & patroni tam ecclesiastici, quam laici, quicumque sint, ne verbo quidem aut nutu futuri in hujusmodi beneficiis & officiis successores ab ipsis resignantibus, aut aliis eorum significatione, vel hortatu designentur, aut de his assumendis promissio inter eos, aut intentio qualiscumque intercedat.* Et statim præcipit, atque interdicit, ne collatores talium beneficiorum ea conferant suis, aut resignantium consanguineis, affinis, aut familiaribus. Et quidquid contra hoc fuerit attentatum, irritum decernitur, & inane. Hæc ergo institutio nunc servanda est, juxta quam constat, jam esse de jure scripto, quod antea non inveniebatur scriptum, sed traditione quadam habebatur. Solumque indiget declaratione verbum illud, *aut intentio*. Videtur enim ibi approbari, vel denuo stabiliri opinio Abbatis, & Decii supra citata, nimirum peccare renunciantem, si resignet beneficium spe, & intentione, ut Petro detur, etiam si dignus sit. Nam Pius V. prohibet, ne intentio talis intercedat. Neque obstat, quod intentio sit actus interior, quam lex humana prohibere non solet; nam licet hoc verum sit directe, tamen interdum prohibet exteriorem actum hac, vel illa intentione factum, ut ex amore, vel odio, Clement. 1. de Hæret. Ergo similiter potest prohibere resignationem fieri tali intentione, idque videtur fecisse Pius V. Dico tamen per illa verba neque dictam opinionem approbari, nec talem prohibitionem ferri. Quod facile intelligitur considerando, Pontificem in omnibus illis verbis relatis non dirigere sermonem directe ad resignantes, sed ad prælatos, sic enim habet: *Caveant episcopi, &c.* Illi autem non possunt cavere ab intentione resignantis mere interna; ergo non loquitur de illa. Item ponderanda sunt illa verba: *Aut de his assumendis promissio inter eos, aut intentio qualiscumque intercedat.* Ex quibus simile concluditur argumentum; nam promissio mere interna non potest esse inter eos; loquitur ergo de intentione, quæ aliquo modo exterius prodit,

Jus novum circa hoc.

tur, & tacitam petitionem offert, hanc ergo solum voluit prohibere pontifex, ut fere in simili intellexit Navarrus dicto cap. 23. num. 110. verb. *Sexto*. Neque intentione, vel spe mere interna malitia aliqua per se invenitur in tali facto, cum licitum sit interius desiderare, quod ab alio licite fieri potest, etiam si aliquando non liceat petere: neque etiam est, cur lex humana præsumat malitiam in tali intentione; quando exterius nullo signo prohibito manifestatur.

19 Ex quibus a fortiori inferitur, renunciationes reciprocas non habere locum coram ordinariis titulo, & colore permutationis, ut quod ego renunciem in favorem tui nepotis, vel amici, & tu in favorem mei. Licet enim hæc videatur esse quædam permutatio, tamen non est pura, sed mixta cum resignatione in favorem tertii; & ideo non intelligitur in jure nomine permutationis: episcopis autem non est permessa potestas, nisi ad puras permutationes approbandas, ut supra ostensum est. Et ideo cum additur illa duplex resignatio in favorem tertii, excedit potestatem ordinariorum, seu quorumcumque inferiorum prælatorum. Item ibi intercedit pactio renunciandi in favorem tertii pro alia simili: in jure autem omnis pactio verita est, etiam in ordine ad superioris approbationem, præter solam permutationem puram, & in ordine ad ipsos permutantes. Unde a fortiori idem dicendum est de renunciationibus, quæ inter tres fieri solent, ut si Petrus habet Canonicatum, Paulus beneficium curatum, & Joannes simplex: Petrus renunciat Canonicatum in favorem Pauli: Paulus curatum in favorem Joannis: & Joannes simplex in favorem Petri: hæc enim nisi in ordine ad pontificem fieri non possunt, neque ab alio possunt approbari. Nam illæ tres resignationes reducuntur ad duas permutationes quoad effectum: nam idem sequeretur, si prius Petrus cum Paulo, & postea cum Joanne permutaret. Tandem modus est longe diversus, & magis prohibitus, & plura pacta requirit, quæ permessa non sunt cum ordine ad solum inferiorem prælatum. Immo etiam illæ duæ permutationes, licet sigillatim, & divisim fieri possint, si tamen fiant cum colligatione earum inter se, & accipiendo unum beneficium primi permutantis solum ad permutandum cum alio tertio, & præmissa pactio cum utroque, non parum auger difficultatem pactionum, & fortasse excedit facultatem ordinarii, totam illam negotiationem approbare, quamvis quia in rigore non excedit rationem permutationis, & non invenitur prohibitum episcopo, probabile sit, non excedere facultatem ejus.

20 Secundo, ex his potest expediri dubium, quod attigit Rebus. in pract. tit. de perm. tit. 14. & 15. An liceat permutationem fingere, ut renunciatio beneficii, quod alter in mei gratiam cupit resignare, ab episcopo acceptetur, tanquam facta causa permutationis, & non simpliciter. Fictio autem erit, si quis dicat renunciare se alteri beneficio, quod revera non habet: nam Rebuffus supra docet, renunciationem, & collationem talem esse validam, licet is, qui renunciavit vero beneficio, postea possit agere, ut vel permutatio compleatur, vel sibi suum beneficium restituatur. Quod si velit gratis consentire tunc nullam patietur injuriam. Alii dicunt, quod si renunciavit vero beneficio, rescivit fraudem, & bona fide renunciavit, fuit valida renunciatio, & collatio propter bonam fidem: si vero scivit fraudem, non valere renunciationem, neque collationem, quia facta est per errorem cum mala fide.

20 Dico tamen utramque sententiam falsam esse, & totam illam actionem esse iniquam, & nullam. Probatur primo. Quando is, qui habet beneficium, vero animo, & bona fide suo beneficio renunciat, purans se illud permutare, tunc enim graviter decipitur, quod est injustum: item per errorem renunciat; ergo involuntarius est; ergo non est valida renunciatio, & consequenter neque collatio. Secundo probatur, quando ex certa scientia utriusque fictio fit, quia licet tunc neuter patiatur injuriam ab altero, ecclesia tamen patitur injuriam ab utroque: nam vo-

lunt contra Canones, & ordinationes ecclesiæ per deceptionem, & apparentem permutationem, facere veram, & validam, odiosam renunciationem simplicem in favorem tertii; est ergo illud perniciosum mendacium. Atque hinc fit, ut ex parte prælati acceptatio renunciationis sit per gravem, & substantialem errorem: putat enim se acceptare renunciationem gratia permutationis factam, & revera acceptat simplicem in favorem tertii; ergo ex defectu consensus in prælato est illa renunciatio invalida, & consequenter etiam collatio, quæ valorem resignationis supponit, & ab eo pender, & quia illa etiam est simpliciter involuntaria: est ergo tota illa actio subreptitia, & nulla.

21 Tertio ex his, quæ de pura renunciatione diximus, facile expediri potest, quod de renunciatione facta cum onere pensionis desiderari potest, & idem intelligendum cum proportionem de alio quovis onere regressus, vel reservationis, vel (ut dici solet) de quacumque renunciatione qualificata, seu onerosa. Potest igitur onus, seu pensio adjungi vel renunciationi factæ in favorem tertii, vel renunciationi absolute. Si de priori sermo sit, difficultas additur difficultati: unde cum constet ex dictis, talem renunciationem puram non posse fieri, nisi in manibus pontificis, a fortiori non poterit, si illi addatur conditio pensionis. Est ergo hæc reservata pontifici. Ab illo vero concedi potest, quia ipse potest imponere pensionem, ut statim dicam: & potest resignationem in favorem tertii acceptare, ut etiam dictum est; ergo licet illæ duæ conditiones simul conjungantur, & ideo reddant difficiliorem acceptationem, tamen non est, unde excedant potestatem pontificis, ut per se constat. Loquendo vero de renunciatione simpliciter facta cum reservatione pensionis, certum est, non esse per se malum, si fiat coram habente auctoritatem ad imponendam pensionem simul cum potestate acceptandi renunciationem. Et quoniam dictum est, non tantum papam, sed etiam inferiores prælatos habere potestatem acceptandi has renunciationes juxta secundum motum pii V. supra citatum: solum pender hæc questio ex alia: Quis possit imponere pensiones? quæ in superioribus tacta est, & illius exacta tractatio ad præsentem materiam non spectat. Suppono ergo juxta Canones, & juxta stylum Curie, episcopum regulariter non posse has pensiones imponere, quia non potest beneficia dividere, papam autem posse contraria ratione. Addit vero Rebuffus d. tit. de resigna. condit. n. 12. etiam legatum papæ posse hanc pensionem imponere, sed existimo, hoc pendere ex facto, & ex commissione illi facta: nam quod jure ordinatio hoc habet, mihi non constat. Quando ergo illam habuerit, sub papa comprehenditur, quia ipse operatur, quando committendo specialiter vices suas, per alium operatur.

22 Hinc ergo dicendum est primo, simoniam committi, si renunciatio beneficii fiat cum reservatione pensionis in manibus solius episcopi, etiam si ipse illam approbet, nam in hoc etiam simoniacus erit. Ita docent omnes, & res est per se clara ex principiis positis, & a fortiori sequitur ex dictis de permutatione cum onere pensionis. Unde licet Soto supra dicat, hanc simoniam esse contra jus positivum, nihilominus consequenter loquendo dicendum est, esse contra jus Divinum. Quia illa consistit in expressa, & clara commutatione temporalis pro spirituali, nam pensio illa pure temporalis est, quia solum est, quoddam pecuniarium onus absque titulo spirituali; immo factio porius iniquo, quam jure impostum. Item si illud onus fuisset numeratæ pecuniæ, simonia esset contra jus Divinum, ut Soto facietur: ergo idem dicendum est de pensione, quæ nihil aliud est, quam pecunia numeranda cum obligatione solvendi illam, quæ pretio etiam æstimabilis est.

23 Secundo, nihilominus dicendum est, hunc modum renunciationis cum conditione pensionis honeste, & licite fieri in manibus pontificis. Hoc etiam docent omnes, ut patet per Fel. in c. *Ad audiendam*, 2. de Resc. Redoan. d. r. p. c. 25. & 2. p. c. 12. & seqq. Navar. d. c. 13. n. 108. Sor. d. q. 5. Adrian. d. Quod;

De pensione.
Hoc.

Episcopus non potest pensiones imponere.

An possit legatus?

Est simonia re-nunciatio cum pensionem factam in manibus episcopi.

Honeste tamen fieri in manibus pontificis.

Renunciatio-
ones recipro-
cas non habent
locum coram
ordinariis ti-
tulo per-
mutationis
tit.

Dubii ex-
peditio.

Quodlib. 9. & alii. Theologi in 4. d. 25. Qui omnes consequenter asserunt, vitari in hoc, & similibus casibus labem simoniae inter paciscentes, si omnia referant ad consensum pontificis, & postea in petitione omnia integre narrent: nam hic tractatus inter eos necessarius est, ut supra diximus, & relatus ad consensum papae nihil per eos sit, sed proponitur auctoritate papae faciendum. Ratio autem, cur per papam fieri possit, facilis est ex dictis: nam etiam potest pensionem imponere sub titulo spirituali, & ita tota commutatio fit inter spiritualia. Et potest papa auctoritate sua tale onus imponere beneficio prius, quam illud conferat, & illud sic oneratum dare personae, in cujus favorem facta est renunciatio, vel cui voluerit, si renunciatio simpliciter facta est. Neque in hoc occurrit nova difficultas: solum est cavendum, ne privatim adiciantur onera, quae non sunt inclusa in pensione, nec approbantur a pontifice, ut si ex pacto antecedente colligetur is, qui accepturus est beneficium, ad dandam cautionem laicam de pensione solvenda; vel ad dandam aliquam anticipatam solutionem: haec enim, & similia sunt pacta prohibita, & ad minus indicant simoniam contra jus humanum, nisi papa illa approbet. Et existimo, non posse approbari ab alio, etiam si aliunde habeat commissionem imponendi pensionem, nisi aliud in ipsa commissione specialiter exprimatur.

24 Unde facile expediri potest dubium hic incidens: An is, qui beneficium habuit litigiosum, & multas fecit expensas litigando, & tandem pacifice illud obtinet, possit illud renunciare sub conditione, & pacto, ut provisos in illo sibi solvat expensas? Quibusdam enim videtur, id fieri posse, quia dans beneficium, non petit lucrum, sed solum se conservat indemnem, & beneficium gratis tribuit. Dico tamen, pensionem illam esse simoniacam, nisi a superiori competentem approbetur. Ita dixit Flam. li. 14. qu. 7. nu. 1. Ratio est, quia omnis hujusmodi pactio reprobata est in jure, ut saepe allegatum est: & illa videtur esse contra jus Divinum, quia illud onus solvendi tales expensas, non est annexum beneficio, sed est extrinsecum, & accidentarium, & illud non imponitur, nisi quia datur beneficium: ergo exigitur pro beneficio: Dices, sicut onus illud per accidens est ad beneficium, ita expensae ipsae fuerunt per accidens factae, & ita illud onus non exigitur pro beneficio, nec pro aliquo beneficio annexo, sed pro labore, vel damno accidentario, pro quo licite pecunia exigitur, ut supra dictum est.

25 Sed contra: Nam tunc licet pro accidentario labore exigere aliquid, quando labor ille adjungitur per accidens illi operi spirituali, quod pro alio fit, ut Missae, vel officio Divino, &c. ut supra declaratum est. At vero expensae, de quibus tractamus, non fiunt in renunciando, vel conferendo beneficio ei, cui datur, sed factae fuerunt in litigando; unde nullo modo nec per accidens, nec per se conjunguntur spirituali beneficio, vel collationi ejus, quae nunc praestatur; ergo non potest exigi ab eo, qui spirituale datur. Et explicatur amplius: nam illae expensae factae fuerunt in utilitatem, & commodum ejus, qui tunc litigabat, & habebat beneficium, & ille, cui postea beneficium confertur, non fuit causa talium expensarum: ergo nullo jure possunt ab illo exigi; ergo si petuntur, est ratio beneficii. Item si lis fuisset de possessione rei temporalis, v. g. domo, non posset postea vendi domus illa exigendo expensas litis ultra justum valorem domus: ergo in praesenti nihil potest propter expensas peti, & ideo si petuntur, pro beneficio petuntur. Denique alias qui absque lite multis laboribus, & expensis beneficium obtinuit (juxta cap. *Super hoc*, de Renuc.) posset exigere expensas ab eo, in cujus favorem illud renunciat: consequens est aperte falsum, ut ex eodem cap. *Super hoc*, constat: ergo. Sequela pater, quia valde extrinsecum, & accidentarium est, quod expensae sint factae in lite, vel in itineribus, aut aliis actionibus.

Atque ex his infertur clare, non posse talem pensionem per quemcumque episcopum, seu inferiorem praetatum approbari; hoc enim ex generali regula su-

pra tradita constat; quia episcopis non est concessum, nisi ut puram permutationem beneficiorum approbare possint, & non alia pacta. Maxime vero approbare non possunt illa, in quibus temporale pro spirituali datur, ut in illo casu contingit, & quoties nullus alius justus titulus exigendi temporale allegari potest. De Summo autem pontifice dubitari potest: nam certe rationes factae etiam de illo videntur probare, quia talis simonia videtur esse contra jus Divinum; & quia cogere aliquem ad solvendas illas expensas factas in utilitatem alterius, & quarum ipse non fuit causa, est contra justitiam. Et ita ego existimo, hoc titulo non posse fieri etiam a pontifice, si tamen ea occasione indigeret is, qui beneficio renunciat, posset pontifex aliquo ex modis supra positis separare pensionem de beneficio in favorem ejus, vel permittere ut aliquid ei in sustentationem detur ex modo, quo posset id facere, etiam si expensae non praecessissent.

Renunciatio non potest pensionem imponere ob expensas factas circa beneficium litigiosum sub hoc titulo, etiam per Summum pontificem.

C A P U T XXXVI.

Quando temporale donum censeatur habere rationem pretii rei spiritualis.

HActenus explicuimus, quale debeat, vel possit esse donum, quod per modum pretii in simonia intervenit, vel ex natura rei, vel supposita ecclesiastica lege. Nunc superest declarandum, quando id, quod datur, habeat, vel habere censeatur rationem pretii. Et ratio dubitandi est: quia non sufficit, quod aliquid detur ei, qui spirituali tribuit, nec etiam satis est, quod donum sit temporale, vel ex se, vel ex juris aestimatione: ergo necesse est, ut aliquo peculiari modo, vel sub aliqua habitudine detur, quae ad simoniam sufficiat: illa ergo erit formalitas pretii, ut sic loquamur, & illam requirimus. Ut autem illam explicare possimus, praemittere oportet, quibus modis possit dari temporale donum ei, qui praebet spirituale, absque simonia: sunt enim varii modi; sed omnes reducuntur ad duos.

Quibus modis potest dari temporale donum sine sim.

2 Primus est: Quoties temporale donum gratis datur, non habet locum simonia saltem ex natura rei. Hoc constat ex cap. *Quam pio*, 1. q. 2. in fine, & clarius in cap. *Sicut episcopus*, ead. In quibus juribus, dicitur non esse simoniam recipere aliquid gratis oblatum, quando gratia, seu spirituale officium, aut donum jam gratis collatum est. Verumtamen licet donum antecedar, si gratis detur, & pure, coram Deo non erit simonia, ut colligitur aperte ex ca. *Et si quaestiones*, de simonia. Ubi quando donum prius datum gratuitum praesumitur ex occurrentibus circumstantiis, & conjecturis, nihil nocere dicitur. Item etiam si in ipso actu simul cum spirituali temporale offeratur gratis, recipi posse dicitur in c. *Placuit*, 2. alias 103. q. 1. & in c. *Dilectus*, 2. eod. indifferenter dicitur: *Illud gratanter recipi poterit, quod fuerit sine taxatione gratis oblatum*. Idem in c. *Tu nos*, eod. Ubi Glo. & Doctores in c. *Cum M. de Confir.* ubi Innocen. & Panorm. n. 26. Felin. n. 19. qui alios referunt. Ratio vero est, quia si temporale gratis donatur, non est pretium rei spiritualis: nam pretium, & gratuitum donum contradictorias involvunt condiciones; ergo non fit simonia saltem ex natura rei. Quid vero dicendum sit de jure positivo, infra dicam. Item si temporale donum gratis datur, ergo & spirituale etiam gratis datur, quia non venditur; nec datur per onerosum contractum; ergo. Unde colliges in foro conscientiae non referre, quod temporale donum antecedar, vel sequatur, si revera intentio sit supra, & gratis fiat donatio sine ullo pacto, vel rati illius intelligentia. Est tamen mala praesumptio, quando temporalia munera praecedunt, & ideo maxime cavenda sunt, praesertim quando justitia distributiva, vel commutativa exercenda est, quia solent praecedentia munera multum inclinare animum, vel corrumpere. Et ideo in Scriptura beatus dicitur, qui excutit manus ab omni munere. Isa. 33. quia munera excaecant oculos judicium, & prudentum: ut videtur Exod. 33. & Ecclef. 20. Sed nihilominus si recta intentio servetur, non erit simonia, Et eadem ratio.

Primus modus, cum temporale donum gratis omnino datur.

Privata onera prohibentur.

Dubium pondusum

Objeccio

Solvitur objeccio.

ratione, licet postea spirituale detur ex gratitudine, non erit simonia: quia gratitudo non respicit pretium, sed beneficium, nec solvit debitum iustitiæ, sed antidorale, seu morale, quo non excluditur, quin simpliciter gratis detur, ideoque ad simoniam non sufficit. Ut bene notavit Navar. dicto cap. 23. n. 106. Ad quartum, Covar. lib. 1. Variar. c. 20. n. 4. & infra latius dicitur.

2. Secundo potest dari temporale ex obligatione, & non ut pretium, si non detur in commutationem rei, sed in sustentationem personæ, tanquam stipendium ex iustitia debitum operario. Hoc certum est ex verbis Christi Matth. 10. Ubi simul dixit: *Gratis accepistis, gratis date; & dignus est operarius cibo suo*: Et idem docet, ac probat Paul. ad Roman. 15. 1. Corin. 9. 1. Timoth. 5. Et habetur in cap. *Charitatem*, 12. qu. 2. c. *Cum secundum*, de præbend. tradit D. Thom. dicta quæst. 100. art. 2. & omnes, & usus ecclesiæ id satis confirmat. Ratio vero est clara, quia ibi non fit commutatio, nec compensatio rei ad rem, & ita spirituale non pretio æstimatur, sed gratis datur: obligatio vero nascitur ex natura rei ad personam. Quia illa indiget sustentatione: unde ratio postulat, ut detur ab eo, in cuius utilitate laborat, & occupatur, etiam si labor, & spiritualis fructus ejus spiritualis sit. An vero liceat hoc stipendium sustentationis taxare, vel de illo pacisci, infra circa quartam divisionem dicemus. Et ad hoc genus revocantur omnes pigoblationes, etiam si jam ex pia consuetudine debeantur, quia omnia sic oblata pertinent ad stipendia, & subsidia clericis data ad sustentanda suorum officiorum, & personarum onera. Et eodem pertinent iustæ leges ecclesiasticæ, quæ pro certis muneribus aliquid dari disponunt, ut infra videbimus: omnia enim illa ad stipendia sustentationis pertinent. Denique potest aliquid dari per modum pretii, si quando comitante donum spirituale, & non esse pretium rei spiritualis, quia non pro illa, sed pro labore extraordinario, vel damno accidentario, aut obligatione temporaliter onerosa datur, juxta superius dicta. Idem tetigimus supra, & inferius dicitur de eo, quod datur ad redimendam vexationem.

4. Cum ergo tot modis possit temporale donum intervenire, & non habere rationem pretii respectu rei spiritualis, necessarium est, ut per aliquem peculiarem respectum constitutur in ratione pretii. Respectus autem hic non est alius, nisi ut detur pro ipsa re spirituali, & in commutationem ejus. Ita sentit Navar. in c. 23. n. 100. verb. *Quarto*, cum Archid. in c. *Judice*, & c. *Ordinationes*, 1. q. 1. ubi etiam præposit. num. 5. referens eundem Archid. in c. *Agatha*, d. 63. Et ita censent hi auctores, intelligenda esse jura Canonica utentia illa particula, *Pro*, ad explicandam labem simoniæ, ut in c. *Placuit*, 101. & seq. 1. quæst. 1., cap. *Non satis* ibi: *Pro earum commissione nullum pretium exigatur*. Capite *Cum in ecclesiæ*, ibi, *Pro episcopis*, & cap. *Sicut tuis*, ibi, *Pro facta hujusmodi aliqua pecunia offerretur*, de simonia. Necesse est enim, ut in his, & similibus locis particula illa in proprietate accipiatur; tum quia illam præ se fert in omnibus commutationibus, & legibus, nisi aliunde distrahatur ex circumstantiis; tum etiam quia per illam explicatur irreverentia, quæ fit rei sacræ per simoniam: consistit enim in commutatione, quæ inter illam, & rem temporalem fit; tum etiam quia per illam particulam *pro*, indicatur talis habitudo, quæ omnino excludat gratuitam donationem rei spiritualis, & inducat onerosum contractum respectu illius: non explicat autem hanc conditionem largitionis, nisi in illa proprietate accipiatur. Unde confirmatur assertio ex definitione simoniæ, quæ per emptionem, & venditionem traditur ad declarandum, debere esse talem commutationem, quæ gratiæ opponatur, ut sumitur etiam ex c. *Gratia*, c. *Gratiam*, c. *Placuit*, cum similibus, 1. qu. 1. Et declaravit D. Thom. dicta q. 100. art. 1. Venditio autem, & emptio in proprietate rigoroſa dicit commutationem alicujus rei pro pretio; extenditur autem, ut dixit D. Thom., ad omnem commutationem rei spiritualis

pro alia, quæ subeat locum pretii; ergo constituitur in ratione pretii per habitudinem talem ad rem spiritualement, ut pro illa commutetur. Denique confirmatur, quia discurrendo per alias habitudines non sufficiunt ad rationem pretii spiritualis rei, quia directe respiciunt alium terminum, & fundantur in alia portione.

5. Dices: ergo tota ratio simoniæ reducitur ad solam anteriorem intentionem; nam si quis non intendat dare temporale pro spirituali illo modo, & cum ea proprietate, & rigore, non committet simoniam, etiam si temporalia tribuat ei, qui daturus est spiritualia. Consequens habet multa incommoda; ergo. Sequela patet, quia sine pretio non fit simonia, & tota ratio formalis pretii pendet ex intentione dantis, & materialis res non sufficit, ut ostensum est. Minor autem patet: tum quia aperitur via ad acquirendas res spirituales per temporales, vitando simoniam non intendendo dare pecuniam ut pretium, sed solum ad conciliandam benevolentiam, vel similem excusationem illius prætendendo. Unde nemo poterit rationabiliter judicari simonicus, etiam si temporalia tribuat, quia de intentione judicium ferre non licet.

6. Respondeo: Aut loquimur in foro interiori, & conscientiæ, aut in foro externo ecclesiæ. Quoad prius fatemur, propriam simoniæ malitiam majori ex parte pendere ex intentione operantis, ut ratio probat, & optime confirmat textus in c. *Tu nos*, de simon. ibi. *Si tamen is, qui talem donationem facit, ea intentione ducatur, &c.* Et fortasse ideo definita est simonia, ut sit studiosa voluntas, quia ex intentione voluntatis maxime pendet ejus malitia. Hæc autem intentio dupliciter haberi potest: uno modo formaliter, ut quando quis directe intendit dare hanc rem temporalem pro illa spirituali, v. g. pecuniam pro beneficio, id est, ut loco illius, & propter æstimationem ejus velit beneficium obtinere, & tunc est formalissima simonia. Nec enim necesse est, ut formaliter intendat, hanc rem esse pretium illius quasi in actu signato, quia nec ad contractum onerosum, nec ad injuriam faciendam rei sacræ necessarium est; satis ergo formaliter intendit pretium, qui habet intentionem constitutivam pretii, ut sic dicam, nam per illam intentionem sufficienter resultat in tali re habitudo moralis supra explicata, per quam constituitur in ratione pretii.

7. Secundo modo potest haberi hæc intentio virtualiter, & secundum moralem imputationem sufficientem, per solam voluntatem dandi rem temporalem proxime & immediate ad obtinendam spiritualement, sine interventu alterius motivi veri, & honesti, propter quod temporale detur. Probatur hoc imprimis ex generali principio, quod ad peccatum, & malitiam sufficit voluntas operis, cui est adjuncta deformitas, etiam si deformitas, vel ratio ejus formaliter non intendatur; nam ita contingit in presenti, quia per talem voluntatem dandi, & accipiendi talem rem, acceptatur objectum tali modo, ut illi insit deformitas simoniæ, etiam si formaliter non intendatur. Declaratur præterea ex d. ca. *Tu nos*, ubi loquens de eo, qui donat bona ecclesiæ suæ rogans admitti ad Canoniam, & permitti habere sua præbenda, & de Canonicis illum admittentibus ait pontifex: *Si tamen is, qui talem donationem facit, ea intentione ducatur, ut per temporalia bona spiritualia valeat adipisci, & clerici, qui eum in fratrem perciperent, admissuri, sine dubio isti, quam ille apud districtum judicem, culpabiles judicantur*. In quibus verbis de vera culpa simoniæ coram Deo sermo est, & ad illam non requirit pontifex formalem intentionem commutandi unam rem pro alia, aut emendi, & vendendi, sed sufficere judicat virtualem inclusam in intentione obtinendi spiritualia per hoc medium, vel dandi illa solum intuitu illorum. Dixi autem, necessarium esse, ut in re ipsa non interveniat alia honesta causa dandi, vel recipiendi temporalia, aut certe quod ab operante non intendatur, quia seclusa ista conditione, ex illa conditione

Objectio.

Solvitur objectio.

2. Modus si detur in sustentationem &c.

Variis modis, quibus potest temporalis donum intervenire.

Quæ ratio ne constitutur donum in ratione pretii.

Non est
simonia
eoni e-
re si-
pendium
pro Mis-
si alias
pro debi-
ta, si sit
nomine
eleemosy-
næ.

negativa, quod sine commodo temporali non esset quis daturus spiritualem rem, non colligitur sufficienter virtualis intentio simoniae: nam sacerdos ita applicat Missam pro illo, qui stipendium dedit, vel daturus est, ut non esset sic oblaturus, nisi accepturus esset stipendium, & nihilominus non est simoniacus, quia habet honestam causam intendendi stipendium ut conditionem necessariam, sine qua Missam non diceret, vel illam tali personæ non applicaret. At vero si clericus teneatur Missam pro populo dicere ratione beneficii, & nihilominus novum stipendium ab illo exigit, ut pro illo dicat, alias non dicturus, virtualiter vult Missam vendere, quia cum non habeat jus petendi stipendium, moraliter convincitur exigere ut pretium, seu in commutationem rei spiritualis. Ut notavit Divus Thomas dicta qu. 100. ar. 3. ad 3. Quoties ergo nec ratio stipendii locum habet, nec ratio vexationis sufficientis ad honestam redemptionem ejus, nec aliæ extrinsecæ rationes, accidentarii laboris, aut obligationis, aut pietatis, vel honestæ amicitiae, & urbanitatis, & nihilominus temporalia dantur solo intuitu obtinendi spiritualia, vel e contrario spiritualia dantur solo intuitu recipiendi temporalia, illa intentio sufficit, ut illud temporale habeat veram rationem pretii rei spiritualis. Quod in sequentibus descendendo ad particularia, magis declarabitur.

8 At vero in ordine ad forum externum primum omnium considerandum est, an datio, & acceptio tali modo, & in tali materia sit prohibita intuitu religionis, & in reverentiam rerum sacrarum. Nam tunc qui contra prohibitionem legis voluntarie recipit temporalia ministrando, vel dando spiritualia, simoniam committit, saltem in ecclesiastico foro, in quo jam non spectatur alia intentio ejus, sed sola voluntas accipiendi temporale pro spirituali contra prohibitionem. Præsumiturque, ibi intervenire commutationem unius pro alio eo ipso, quod contra legem sit. Nam lex ipsa prohibet talem largitionem propter præsumptionem, & occasionem simoniae, ideoque ex vi talis prohibitionis actio illi contraria simoniaca censetur. An vero in re illud sit semper simonia, si intentio dantis, & accipientis non sit, qualis præsumitur, infra videbimus. Deinde si largitio non sit specialiter contra legem humanam, considerandum est, an pactum intercesserit: nam quando intercedit pactum, major est præsumptio simoniae, quam cum simpliciter sit largitio, quia jura multum detestantur pacta in hujusmodi negotio. Nihilominus tamen non sufficit pactum, ut statim damnetur actio, quia possunt esse pacta honesta, ut ad redimendam vexationem, & ad compensandum accidentalem laborem, & ad securitatem stipendii, ut infra dicemus. Sicut etiam est contrarium licet non appareat pactum expressum, ex circumstantiis potest præsumi tacitum.

9 Ulterius ergo oportet considerare, an in tali facto possit intervenire aliqua ex causis, quæ possunt, & solent honestare largitionem temporalium: nam si possit, non debet præsumi simonia, nisi aliæ circumstantiæ, & conjecturæ moraliter cogant, si autem non possit, præsumitur. Probat prior pars, quia tenemur interpretari factum proximi in meliorem partem, & intentionem, si est capax ejus, juxta regulam secundam, extra de regul. jur. & cap. ult. de præsumpt. in ultimis verbis ejus, & juxta communem doctrinam Theologorum cum D. Thom. 2. 2. quæst. 60. art. 4. & juristarum in citatis locis, & in l. Merito, ff. pro socio. Et ratio est, quia unusquisque habet jus ad famam suam, & bonam opinionem, quandiu factum esse malum non ostenditur. Sed quando largitio rei temporalis potest habere honestam causam, & alienam a simonia, ex facto ipso non potest sufficienter colligi intentio simoniaca: ergo si alio modo non manifestatur, præsumi non debet. E converso autem probatur altera pars, quia quando tale est factum, ut non sit capax alterius causæ honestæ, tunc ex ipso facto satis colligitur prava intentio, nisi aliunde ignorantia, & bona fides probetur.

Si in pacto inter-
venit cau-
sa, qua ho-
nestat lar-
gitionem,
non debet
præsumi
simonia.

10 Denique quando factum potest in utramque partem interpretari, quia est capax bonæ, ac malæ intentionis, & quia potuit intervenire pactum, & esse occultum, tunc conjecturis utendum est, non solum ad judicandum in foro externo, sed etiam ad sedandas conscientias, juxta cap. *Et si quæstiones*, de simon. Et ideo de his conjecturis pauca breviter notanda sunt. Et in primis distinctione uti oportet inter duos modos honestandi, & justificandi largitionem, supra positos. Unus erat ex ratione gratuita donationis, alius ex aliquo titulo justitiæ, vel obligationis ex lege, vel consuetudine, &c. Quando ergo intervenit probabilis titulus honestus, inducens obligationem, tunc facilis est præsumptio, quod ex tali causa datum sit donum temporale, & non pro spirituali opere, aut beneficio, & ita videtur judicandum in foro interno, & externo, nisi oppositum plane constet, propter rationes supra adductas. Dico autem etiam in interno, quia licet respectu uniuscuiusque operantis in illo foro non agatur conjecturis, nec attendatur præsumptio, sed rei veritas, nihilominus quia in hoc negotio datio, & acceptio sunt reciprocae, & ideo potest accipiens dubitare de intentione dantis, & e converso, hoc modo dicimus utrique licere in foro conscientiae hac regula uti. Similiter accidere potest in simonia, ut sine culpa recipientis beneficium, fuerit collatio invalida propter culpam a tertio commissam, ut infra videbimus: quando ergo aliquis incipit dubitare de sua obligatione propter factum alterius, poterit eadem regula uti propter eandem rationem, & idem est observandum in similibus.

11 Si vero nullus talis titulus obligationis interveniat, & solum sit dubium de gratuita donatione, tunc conjecturis utendum est, quæ interdum possunt inducere præsumptionem liberalitati contrariam, interdum favorabilem, aliquando dubiam, seu neutram. Prioris generis sunt in primis pactio. Nam si hæc interveniat, & de illa constet, non poterit præsumi gratuita donatio: tum propter jura prohibentia pactioes de temporalibus in largitione spiritualium; tum etiam quia pactio inducit obligationem repugnantem gratuita donationi, ut infra circa quartam divisionem latius explicabo. Deinde si intercedat taxatio temporalis rei tribuendæ, judicium est onerosi contractus, juxta cap. *Dilectus*, de sim. ibi. *Quod fuerit sine taxatione gratis oblatum*. Ubi Glossa notat, hoc ideo dici: quia taxatio virtualis quædam pactio, & venditio reputatur. Maxime quia non potest illa taxatio fieri sine aliqua venditione, quæ universo prohibita est cap. *Tu nos*, cod. Item si donum temporale non sit sponte oblatum, sed exactio aliqua intercesserit, malam speciem habet, & indicium est non gratuita donationis, ut significatur in Extravag. 1. de simon. inter communes, quatenus prohibet, *petere, & exigere*, & permittit, *petere, & sponte oblatum recipere*. Quia petitio, & maxime si antecedit, multum derogare solet spontaneæ donationi, & ideo contra illam etiam videtur esse juris præsumptio, ac prohibitio. Hæc igitur videntur esse potissima indicia largitionis non gratuita. Quod optime potest confirmari ex cap. *De Eulogiis*, 18. d.

12 At vero quando nulla sunt talia indicia, utendum est instructione juris, quæ habetur in dicto cap. *Et si quæstiones*. Ubi tria spectanda esse dicuntur scilicet: *Personæ dantis; & accipientis qualitas; quantitas muneris; & tempus*, seu occasio largitionis. Nam ad has circumstantias possunt reduci omnes, quæ ab homine ibi cognosci, & ponderari possunt, nam locus valde extrinsecus circumstantia est, ut in præsentia possit ab illa conjectura sumi: vel si aliquando quidpiam confert, cum tempore coniungitur, ut explicabimus. Propter quid est valde interna, & potius de illa sit conjectura, & similiter investigatur circumstantia: *Quomodo*, id est, modus actionis, quatenus ab interna etiam intentione pender, scilicet, an fuerit gratuita donatio, necne? Alius autem modus, de quo exterius potest constare, iam supponitur, scilicet, quod sine exactione, pactioe, obligatione, aut alio simili modo datio, & receptio facta sit.

Radices
conjectu-
rarum.

In dubio
circa pa-
ctum co-
njecturis
est uten-
dum.

fit. Reliquæ autem circumstantiæ in dictis tribus comprehenduntur. Nam sub persona comprehenditur *Quis*, & *circa quem*. Et in utroq; considerandum est (ut dicitur in illo textu) an sit dives, vel pauper: nam quantitas donationis ex habitudine ad personam pendet, quia non solum est spectanda quantitas absoluta, sed etiam respectiva, sæpe enim quod parum est respectu divitis, est multum respectu pauperis, ut per se notum est. Unde eadem ratione nobilitas personæ consideranda est: nam ut dicitur in 1. c. de Donat. *Hanc sibi quodammodo nobilitas legem imponit, ut debere se, quod sponte tribuit, existimet. Et nisi in beneficiis suis creverit, nihil se prestasse putet.* Unde ex respectu ad talem personam quantitas doni maxime augetur, vel minuitur, cæteris paribus, & ipsa nobilitas per se est indicium gratuitæ donationis. De quo videri potest Tiraq. de Nobilit. c. 29. n. 37. Ponderari etiam potest vinculum personarum inter se; nam si alias intercedat inter eos magna amicitia, vel consanguinitas facilius præsumitur liberalis donatio inter ipsos facta, argument. cap. *Requisisti*, de Testam. Denique etiam est observanda virtus, & integritas personæ, nam si est honestis moribus, timorata conscientia, & præsertim si est liberalis, vel divitiarum contemptrix, multum auget bonam præsumptionem. E contrario vero ex contrariis qualitatibus personæ contraria præsumptio sumitur: nam contrariorum eadem est ratio.

13 Deinde spectanda dicitur circumstantia *Quantum*, quæ solet etiam dici *Circa quod*, nam donum est materia, circa quam hæc actio versatur, & ideo illius qualitas consideranda proponitur in d. textu. Quod in primis intelligendum est de quantitate absoluta, nam si nimis magna sit, non præsumitur liberalitas, quia nemo præsumitur bona sua prodigere, ut significatur in c. *Super hac*, de Renun. & tractat late Tiraquel. in Leg. *Si unquam*, ver. *Donatione*, a n. 205. Si vero res sit nimis exigua, & vilis, sine alia consideratione quasi nihil reputatur, quia non est verisimile dari pro re tam excellenti, ut est res spiritualis, nec ad movendum animum ejus, a quo spirituale aliquid desideratur. Quando autem quantitas absolute spectata mediocris est, & dubia, tunc est consideranda quantitas respectiva ex relatione ad utramque personam, ut dictum est. Et præterea addo etiam posse spectare ex comparatione ad rem spirituales, nam quo illa fuerit dignior, & excellentior, & quantitas doni temporalis minor, eo magis poterit conjectari, unum non esse datum in commutationem alterius. Materia insuper temporalis doni conferre ad hoc potest: nam si res donata sit numerata pecunia, malam secum affert speciem, etiam si in parva quantitate sit. At vero si res sit pertinet ad cibum, vel potum, & in parva quantitate, quasi nihil æstimari solet, ut in eod. cap. *Et si quæstiones*, significatur, & sumitur etiam ex cap. *Statutum*, §. *Insuper*, & de Rescriptis, in 6. Quando vero sunt res mediæ qualitatis, ex earum æstimatione pensandæ sunt.

14 Tandem dicitur considerandum tempus, in quo (ut ibidem significatur) potissime contemplanda censeatur occasio, scilicet, quia prælatus ecclesiasticus hic, & nunc indigebat, & alter sibi providere non poterat: tunc enim censeatur esse subventio necessitas, non emptio spiritualis actionis, aut beneficii. Ad hanc item circumstantiam pertinet considerare, an munus detur ante receptam rem spirituales, vel in ipsa receptione, vel post ipsam. Nam si temporalia donentur post receptionem spiritualium, & præsertim si intervallum temporis intercessit, tunc facilius præsumitur esse mera liberalitas & gratitudo, ut supponitur in c. *Quam pio*, in fine, & sumitur ex c. *Sicut episcopus*, 1. q. 2. At vero si in continenti detur, majorem habet speciem recompensationis, si autem præcessit, videtur inducere quamdam necessitatem, vel posse mutare animum, & ideo multum minuitur præsumptio liberalitatis, ut in dictis iuribus indicatur, & optime confirmat Concil. Eliberti. in capit. *Emendari* 104. 1. quæstione prima, probatur enim. *Ne in Baptismo munus in concham missatur, ne sa-*

cerdos, quod gratis accepit, pretio dare videatur. Et idem sumitur ex ca. *Sicut episcopus*, 1. quæst. 2. Et notant his locis Gloss. Archid. & alii. Non est autem hæc præsumptio per se sufficiens, nisi prohibitio ecclesiastica interveniat, quia in quolibet tempore potest intentio esse pura, & donatio gratuita, quod solum voluerunt Gloss. Abb. & alii in cap. *Tua nos*, de simon. Innocent. & alii in cap. *Cum major*, de Constit. Qui volunt, solam illam circumstantiam temporis non esse satis, ut præsumatur factum simoniacum. Non potest tamen negari, quin aliquid juvet, & ideo expendenda cum aliis sit ad iudicandum, vel conjectandum, an munus datum, pretii rationem habuerit.

C A P U T XXXVII.

An sufficienter dividatur pretium simoniae in munus a manu, a lingua, & ab obsequio.

1 Hæc divisio frequens est in iure, & ideo a nobis est hoc loco explicanda, quod fecit D. Thom. dicto art. 5. & faciunt Doctores omnes in hac materia. Habetur ergo illa divisio in cap. *nonnulli*, 1. 14. 1. quæst. 1. Ubi Gregor. Papa accommodans ad hæc spiritualia illud Isaia 33. ubi de viro iusto dicitur: *Excussit manus suas ab omni munere*, subjungit Gregor. dixisse *ab omni*, quia aliud est munus ab obsequio, aliud munus a lingua. Et hæc d. finiens subdit: *Munus ab obsequio est indebita servituti, munus a manu pecunia est, munus a lingua favor.* Eademque distinctio habetur in cap. *Ordinationes*, & cap. *De ordinationibus* ead. & in cap. *Salvator* 1. q. 3. Et ita hæc partitione omnes auctores utuntur.

2 Circa hanc vero partitionem duæ dubitationes occurrunt. Prima est, quia non apparet, quomodo munus a lingua, & ab obsequio sint vera pretia simoniae, quia preces non habent rationem pretii: nam quod propter preces datur, gratis datur. Et ita nihil frequentius est in ecclesia, quam postulari spiritualia, & propter preces dari, & tamen preces sunt munus a lingua. Similis est difficultas de obsequiis, nam quotidie videmus, prælatos dare beneficia obsequentibus sibi, & Reges præsentare ad beneficia, & episcopatus in remunerationem servitiorum. Sed hæc difficultates expediuntur melius in tribus capitulis sequentibus tractando, & declarando singula divisionis membra. Nunc satis sit dicere obsequium, & preces in tantum posse habere rationem pretii, in quantum aliquo modo æquivalent muneri a manu, seu pecuniæ. Quando autem talia sint, postea dicitur. Et ideo in titulo hujus capituli solum proposui dicere de sufficientia divisionis.

3 Est ergo difficultas, quia non videtur illa divisio omnia comprehendere. Primo quia consanguinitas, si sit ratio dandi beneficium, est sufficiens ad simoniam juxta c. *Nemo*, de simon. Et tamen non continetur in illa divisione. Et auget difficultatem cap. *Si quis neque*, 1. 15. 1. q. 1. Ubi idem Greg. repetens illa membra, addit quartum his verbis, *Injusta cordis amore*, id est carnali affectu, qui maxime solet esse ad consanguineos: eadem vero ratio erit, si sit ad humanos amicos, ut Gloss. ibi significat. Secundo quia timor est quidpiam distinctum ab illis tribus, & tamen potest esse sufficiens causa simoniae, si propter vitandum temporale malum, quod timetur, spirituale aliquod detur, ut communiter sentiunt Doctores. Terrio humanus honor etiam est quid distinctum ab illis tribus, nam est quid nobilius omnibus illis, & tamen si quis daret alteri beneficium propter honorem ab eo exhibendum, simoniam committeret. Quarto obici etiam potest favor, vel humana gratia, præsertim ad temporalia beneficia, nam aperte distinguitur a munere, a manu, & ab obsequio, nec cum precibus convertitur, nam longe diversum est aliquid facere ad comparandum favorem humanum, aliud flecti precibus, & tamen dare beneficium propter humanum favorem obrinendum, videtur esse simonia,

Doni quæ-
titas su-
menda per
ordinem
ad personam.

Confideretur etiam
necessitas
contemplanda
personarum.

Item con-
ditio per-
sona.

Confiderenda etiam
est circumstantia
circa quod.

Item
tempus.

Quæ sint
hæc munera.

Dubitatio
duplex.

monia, juxta c. *Nemo*, de simon. ibi *Gratiavel favore*; ergo. Quinro potest in genere aliquid temporale pro spirituali offerri, non determinando, quid, vel quale illud futurum sit, & ita videretur esse posse simonia ex vi solius generis, non descendendo ad aliquam ex illis speciebus, cum tamen hæc sub illis non contineatur; ergo.

4 Nihilominus dicendum est, nullum esse pretium ad simoniam sufficiens, quod ad illa membra convenienter non referatur, & hoc modo partitionem esse sufficientem. Assumptum declaratur, quia omnia bona humana, & temporalia, quæ homines inter sese communicare, seu dare, vel accipere possunt, reducuntur vel ad bona fortunæ, & externa, quæ nomine divitiarum significantur, vel sunt opera, & actiones humanæ, quæ per membra corporis exhibentur, vel sunt favores, intercessiones, & similia, quæ per verba fieri solent. Neque facile poterit excogitari aliquod bonum humanum, & temporale, quod unus homo possit alteri conferre, quod ad hæc non revocetur. Loquor autem semper de bono communicabili inter homines, quia tale oportet esse pretium: unde salus, vita, scientia, & alia similia bona non possunt secundum se subire rationem pretii, per actiones autem suas, & labores, ac vigilias suo modo possunt: jam vero sub illa ratione ad obsequia, vel munera linguæ pertinent. Ad hæc etiam tria capita pertinent promissiones, & obligationes eorum: tum quia promissio, & obligatio non variat pretium, sed modum solutionis, quasi differendo illam: tum etiam quia talis promissio includit contractum onerosum, & dat jus ad talem rem, quod jus ad bona ejusdem ordinis pertinet. Et ideo in jure æque prohibentur hæc dona promissa pro spiritualibus rebus, ac de præsentibus donata, ut constat. Denique ad hæc etiam tria genera bonorum reducuntur mala contraria, vel onera illis repugnantia, quæ aliquis voluntarie patitur, aut in se suscipit ratione alterius, quia eodem modo sunt moraliter æstimabilia, ut in particulari melius declarabitur.

5 Magis vero constabit sufficientia hujus divisionis, respondendo ad difficultates propositas. Prima erat de consanguinitate; de qua fuit aliquorum sententia, esse simoniam dare alicui beneficium v. g. sollicitudo consanguinitatis. Hanc opinionem tenuit Cantor Parisiensis, ut refert Altiſi. cui etiam solet hæc opinio tribui sine causa. Refertur etiam Bonav. 4. d. 25. dub. 6. circa litteram, sed ipse fatetur, non esse simoniam proprie, sed generali, & æquivoca significatione, quatenus simonia dici potest omnis indigna provisio, vel acceptio personarum in spiritualibus. Eamdem opinionem indicat Gl. referens Laurent. in c. unic. ut ecclesiastica beneficia, & c. ver. *Carnalitatem*. Quæ allegat d. c. *Siquis neque*. Ubi Gl. in prima expositione hoc sequitur, licet statim aliam subjungat. Citat etiam c. *Nemo c. Veniens*, cap. *Tua*, de simon. Clarius vero, & fufius defendit hanc sententiam Major. 4. d. 25. q. 3. ad 1. & fatetur, contrariam esse communem Theologorum Altiſiod. Unde aperte loquitur de propria simonia. Rationes vero, quas adducit, omnes procedunt ex fundamento male intellecto, quod solæ preces ad simoniam semper sufficiant: de quo infra videbimus. Fundamentum ergo esse videtur, quia non minus est temporale bonum consanguinitas, quam favor humanus: sed dare propter favorem humanum; spirituale beneficium, est simonia, ergo. Confirmatur, quia dare beneficium alicui cum onere alendi consanguineum, simonia est; ergo multo magis erit dare beneficium ipsum consanguineo, solum quia consanguineus est, denique confirmatur, quia illo modo tractatur res spiritualis ut hæreditaria, & carnalis, seu temporalis, in quo ratio simoniæ maxime consistit. Unde ad difficultatem positam facebatur Cantor Divisionem esse insufficientem, & addendum esse illi hoc membrum simul cum alio, de quo infra.

6 Dicendum vero est, illam non esse simoniam, & ita membrum illud non fuisse necessarium. Ita respondet Div. Thom. dicta q. 100. art. 5. ad 3. Docuit

Altiſi. lib. 3. Sum. tract. 27. capit. in princip. Adrian. Quodlib. 6. ad 3. Victor. d. Relect. n. 16. Soto quæst. 7. ar. 3. ad 2. Covar. lib. 1. Var. c. 5. n. 4. ubi alios refert. Ratio est, quia vel hæc est simonia contra jus Divinum, vel contra humanum: neutrum dici potest; ergo. Minor quoad priorem partem probatur, quia qui dat consanguineo beneficium, non dat spirituale pro temporali: nihil enim temporale a consanguineo recipit; ergo nulla est ibi simonia contra jus Divinum. Item talis simonia non committitur sine pacto, ibi autem nullum intervenit pactum, ut constat. Item donum datum consanguineo, quia consanguineus est, gratuitum nihilominus est, si dans nihil a consanguineo recipiat, vel expectet, quia consanguinitas non datur, nec recipitur propter tale donum, sed supponitur ad illud; nihil ergo impedit liberalem donationem. Alias non posset quis esse liberalis cum suis consanguineis, quod plane absurdum est. Item offerre orationes meas, vel satisfactiones pro consanguineo, quia consanguineus est, non est simonia, immo per se est bonum opus, & secundum ordinem charitatis; ergo idem est de quocumque dono spirituali. Denique æquivocatio est magna in particula *pro*, seu *propter*: nam dare spirituale consanguineo propter consanguinitatem, non est dare pro pretio, vel propter commutationem aliquam, sed est dare propter inferiorem quemdam finem, & motivum, quod ad simoniam non spectat. Et idem dicendum est de motivo amicitie humanæ, & de motivo favoris antecedentis ad collationem, ut postea explicabimus. Et ita responsum est ad rationem in contrarium. Prima vero confirmatio non bene colligit, quia quando datur beneficium cum onere solvendo consanguineo, jam datur spirituale pro temporali, quod non fit, quando simpliciter datur consanguineo. Secunda vero confirmatio ostendit, posse esse illud illicitum, non vero simoniam.

7 Altera vero pars de jure positivo probatur, quia nulla invenitur in jure talis prohibitio, quod facile patebit, discurrendo per jura, quæ allegantur. Primum erat extra. Ut ecclesiastica beneficia, &c. Ibi vero solum dicitur, reprehensibilem fuisse episcopum, quia beneficium contulerat ex carnalitate. Et ratio culpæ explicatur his verbis: *Quia non ex affectu carnali, sed discreto iudicio debuisti ecclesiasticum officium, & beneficium in persona magis idonea dispensare*: culpa ergo acceptionis personarum, non simoniæ illa fuit. Quod vero Major dicit, omnem electionem digni ad beneficium ecclesiasticum prætermisso digniori esse simoniacam, vanum est, & improbabile, nam est confundere vitia, & virtutes. Secundo inducebatur d. c. *Si quis neque*. Nihil vero ad rem facit, quia ibi conjunguntur omnes modi querendi, & obtinendi beneficia peccaminosi, & licet aliqui ad simoniam pertineant, non tamen omnes: & ita in illo textu nulla mentio fit simoniæ, sed concluditur, cum qui aliquo ex illis modis ecclesiasticum beneficium accipit, fore damnandum, nisi vere pœniteat. Accedit, quod illud verbum, *injusto cordis amore*, non intelligitur ad consanguineos, sed ad se ipsum, ut ex textu constat, & Glossa notavit. Unde possumus retorquere argumentum, quia sequitur, esse simoniacum illum, qui cum indignus sit, ex nimio sui amore beneficium recipit, etiam si gratis petat, & accipiat, quod est ridiculum. Sequela vero est evidens, quia etiam illud motivum est humanum, & carnale. Ex juribus vero, quæ allegantur sub tit. de simon. cap. *Veniens*, cap. *Tua*, nihil omnino ad causam faciunt, & ita nihil ad ea respondere necesse est. Capit. autem *Nemo*, videtur habere aliquam difficultatem. Nam prius dicitur, non esse crimen proximi episcopo occultandum propter respectum consanguinitatis, & in fine ita concluditur: *Quia simoniacum est utrumque*. Sed jam supra cap. 22. ostendimus, hæc ultima verba illius textus non referri ad priorem partem ejus, ubi illud de respectu consanguinitatis continetur. Immo Hostiensis. & alii, qui verba illa ultima referunt ad totum textum, consequenter dicunt, illa non intelligi de propria simonia.

Respondetur ad priorem confirmationem.

Non omnis electio digni prætermisso digniori est simoniaca.

Sufficiens est partitio proposita.

V. bonitas guines redditus simoniam.

Fundamentum partis affirmativæ.

Para. negativæ præferuntur.

nia, sed de similitudinaria, & impropria. Unde addo, fieri non posse prohibitionem ecclesiæ, ut talis actio simoniaca sit, licet alio modo possit fieri illicita, quia ibi nec est vera commutatio rei spiritualis pro temporali, nec umbra, aut specimen ejus: & ita non est ibi fundamentum simoniæ, etiam quia prohibet.

8 Tandem hinc colligit Covarruvias supra, dare beneficium consanguineo, alioquin digno simpliciter, vel etiam comparatione aliorum, non esse peccatum ullum, etiam si illum præferat ratione solius consanguinitatis; quia illa neque est simonia, ut ostensum est, nec est injustitia, ut supponitur, quia nullus dignior propterea prætermittitur, nec etiam est ex immoderato affectu carnali, quantum ex vi illius actus, quia nullam habet inordinationem, quæ indicet immoderatum affectum. Quæ sententia vera est per se loquendo. Sed nihilominus cavendum est scandalum aliorum, quod sæpe nascitur ex hujusmodi passionibus consanguineorum, & ideo oportet, ut non omnia beneficia illis conferantur, nec frequentius: & ut de eorum sufficientia, & dignitate publice constet, si provisio publica est. Cavere etiam debent prælati scandalum proprium, ut sic dicam, facile enim duci possunt nimio affectu, ut dignum, vel digniorem judicent consanguineum, qui revera non est, & possunt in hoc peccare ex culpabili ignorantia; erit tamen tale peccatum contra justitiam distributivam, vel legalem, non vero contra religionem, nec simonia.

9 In secunda objectione tangitur difficultas de timore. Aliqui enim existimant, hoc membrum fuisse addendum illi divisioni, quia sufficit ad simoniam. Ita dixit Cantor Parisiens. ut refert supra Altif, & sequitur Maj. loco citato dicens: *Non solum sanguis, sed timor incussus a tyranno, & cetera id genus, quecumque fuerint, causant simoniam. Nec de illa divisione trimembri curandum est, nam plura sunt alia membra.* Hæc ille. Immo D. Thom. ead. distin. 25. quæst. 3. art. 3. ad 4. idem expresse docet, & reducit hoc motivum ad preces, quas armatas vocat, & ita tacite solvit difficultatem a nobis positam. Et sequitur ibi Durandus q. 4. nu. 6. citatur etiam Bonavent. in dicto dub. 6. circaliter. Sed ille generalius loquitur, & in rigore potius tenet contrarium, loquendo de propria simonia. Eandem vero sententiam tenet Adrian. dicto Quodlib. 9. art. 2. dubio ultim. illius. Fundantur, quia dans beneficium ex metu temporalis nocimenti dat propter vitandum illud malum: sed vitare illud malum, est quidpiam pretio æstimabile: ergo subdit rationem pretii talis timor; ergo sufficit ad simoniam. Probat minor (cetera enim clara videntur;) tum quia vitare malum temporale, est quoddam temporale bonum, sub tali enim ratione appetitur; tum etiam quia sæpe redimitur temporali pretio cum æqualitate rei ad rem, ita ut ex hac parte non committatur injustitia: ergo signum est, ipsum esse quoddam commodum pretio æstimabile.

10 Alii vero distinctionibus utuntur, ut videre licet in Victor. supra a nu. 2. 2. & Soto qu. 7. art. 2. quas non judico necessarias, ut ex discursu patebit. Et ideo illis omissis dico primo: Dare beneficium, vel facere aliquid spirituale ex metu imminentis mali, non est simonia per se, & ex vi talis motivi, nisi quando metus inducit ad dandum aliquid spirituale pro munere ab obsequio, vel simili. Hæc limitatio infra declarabitur. Ita tenet Victor. supra, qui refert Cajetanum in Sum. verb. *Simonia*, apud quem expresse non inveno, licet sumi possit ex declaratione istius trimembris divisionis, quam in fine illius verbi tradit. Idem sentit Angel. verb. *Simonia*. 3. num. 38. (licet Victor. illi non in contrarium alleget) tenet etiam Soto q. 7. art. 3. Et idem sentit Bonavent. ut dixi. Probat autem, quia ibi nec est simonia de jure naturali, nec de jure positivo: ergo. Prior pars probatur; primo: quia operari ex metu, non est operari pro pretio; ergo ex illo solo motivo non potest esse simonia, quia de ratione simoniæ est pretium, ut sæpe diximus, & maxime habet verum ex

vi juris naturalis. Antecedens probatur ex dictis in præcedenti puncto, quia aliud est operari propter aliquod motivum, aliud pro aliqua re, quasi in commutationem ejus. Qui autem dat rem spirituales propter metum, quamvis illo motivo inducatur, non dat pro aliqua re, quæ habet rationem pretii, cum qua commutare intendat rem spirituales. Dices: Vitatio damni est ibi intentæ, & illa potest habere rationem pretii. Sed contra: nam ex vi metus non ira intenditur, sed solum intenditur remotio causæ, quæ potest inferre tale malum; hoc autem licite intendi potest per se loquendo per spirituale medium, etiam si malum vitandum sit temporale.

11 Confirmatur primo, quia inducere ad spirituales opus faciendum per comminationem mali temporalis, non est simonia, nec malum: immo est a Deo, ecclesiæ, & legitimis potestatibus usuratum: ergo e converso opus spirituale facere ad vitandum comminationum malum, non est simonia. Quod si hoc verum est in malis comminatis per legem, idem erit in malis comminatis per hominem sive iuste, sive injuste: item idem erit, si malum comminatum sit vitæ, corporis, famæ, vel honoris, sive sit in bonis fortunæ. Nam ratio facta eodem modo procedit, & comminationes legum de his omnibus fieri solent, & nulla sufficiens ratio differentiarum reddi potest. Nam quod quidam dicunt, vitam, & famam esse bona superioris ordinis, & inestimabilia pretio, inferiora vero pretio æstimari, parum ad rem facit; tum quia in præfenti nulla bona ex illis intenduntur ut pretium, ut discursus facti generaliter probant; tum etiam quia falsum assumitur; nam homo æstimatur pretio, & fama potest vendi, aut emi de facto, & si hic intendatur ut pretium, esset vera simonia, ut mox dicemus. Atque eadem ratione idem est, si timor sit de damno emergente in bonis possessis, sive de carentia lucri denuo comparandi, & sive injustum sit damnum, sive non, quia in nullo istorum cogitur operari ex metu intendere aliquid ut pretium, ut ex discursu facto constat; & ideo dixi, distinctiones has, vel similes non esse necessarias.

12 Et confirmatur secundo, quia dare aliquid spirituale ex motivo amicitie, quæ jam habetur, non est simonia; ergo nec dare illud ex motivo acquirendi amicitiam, vel benevolentiam alterius, est simonia; ergo nec dare id ad placandam iram alicujus, & ut deponat odium, & voluntatem inferendi malum, est simonia: at hoc solum intenditur ex vi metus: ergo. Primum antecedens commune est, & patet ex dictis de consanguinitate, procedunt enim in vinculo amicitie rationes omnes, quæ de consanguinitate factæ sunt, ut ibidem adnotavimus. Prima vero consequentia patet; tum quia eiusdem rationis est conservare, vel fovere amicitiam, & generare illam; tum etiam quia illa amicitia non intenditur ut pretium, nec ibi intervenit pactum, nec intentio eius, sed solum effectus, qui veluti ex natura rei sequi solet ex beneficentia, qui est benevolentia, & amor: unde hæc intentio iam in munibus, & obsequiis haberi potest, ut capit. sequenti videbimus, & ita reliquæ consequentiæ per se notæ sunt.

13 Probat iam altera pars de iure positivo, quia nullum tale ius invenitur, quod inter pretia simoniæ metum ponat. Immo inde sumi potest argumentum ad confirmandam utramque partem: nam si talis actio esset simoniaca de se, aliquando prohiberetur in toto iure Canonico; ita enim detestatur ius hoc vitium, ut nullum modum committendi illud absque prohibitione prætermittere videatur: si autem actio illa esset simoniaca, quia prohibita, multo magis deberet expresse prohiberi. Confirmatur, quia iura Canonica, quæ attingunt similes actiones, vel collationes rerum spiritualium factas ex metu, non improbant illas ut simonicas, sed potius favent, & defendunt eos, qui ex iusto metu sic operari cuncti sunt. Assumptum patet ex c. *Ad audientiam* de iis, quæ vi, &c. Ubi Innocen. 3. declarat reugetur beneficium factam ex gravissimo metu a rege tyrannico, & cadente in constantem vitium, irritari debere, &

bene-

Prælati
dando co-
sanguineis
qui non pos-
sunt pec-
care con-
tra justitiam.

An datio
benef. per
timorē sit
simon.

Fundam.
tum par-
tis affirm.

Partes ne-
gative
præferuntur

Funda-
mentum.

beneficium resignanti restitui, quod non præcepisset, si actionem illam resignandi reputasset simonicam, ideoque talis criminis nulla ibi mentio fit. Similiter in cap. *Ad aures*, eod. Clemens 3. dicit renunciationem electionis metu factam non ob stare, quominus electus jus suum obtinere debeat. Idem respondet Alexand. 3. in cap. *Abbas*, eodem, de renunciatione beneficii facta metu amittendi patrimonium. Unde constat vere dictum esse, non solum hoc non esse simonicum in timore vitæ, aut infamiae, sed etiam in metu amittendi bona fortunæ, seu extorrena.

An si licet
cum da-
re benefi-
cium inimi-
co, ne
officiis.

14 Sed superest difficultas: nam sequitur, esse licitum dare beneficium inimico, si se obliget ad non gerendam inimicitiam mecum, nec malum inferendum: consequens est falsum; ergo. Minor pater, quia ibi directe includitur pactum. Do, ut facias, vel ut non facias, quod est maxime in spiritualibus prohibitum. Probat autem sequela, quia perinde est, comminanti mortem, nisi beneficium dederis, illud dare ad evitandam mortem, ac obligare malefactorem, ne mihi noccat, dato beneficio: quia sicut in hoc secundo intervenit pactum, ita in illo primo: nam do spirituale cum pacto, & sub conditione, ne mihi noceas. Respondeo in primis, aliud esse loqui de obligatione non inferendi malum, aliud de sola cessatione in presenti ab actu imminenti, id est, ab alicuius nocuementi illatione. Nam quæ hæcenus diximus, procedunt in posteriori sensu, scilicet quando sine alio pacto, & obligatione datur res spiritualis malefactori, vel comminanti malum, ea intentione, ut cesset, & benevolus reddatur. Et quidem si hoc fiat sola intentione interna, res est clarissima ex dictis; quia tunc nec est simonia conventionalis, ut supponitur, nec etiam est mentalis, quia illa intentio non est de pretio, sed de benevolentia concilianda illo medio, ut declaratum est. Immo hoc per se non est malum, nisi alias res spiritualis, ut Sacramentum, aut beneficium detur indigno, & tunc erit aliud genus sacrilegii, vel injustitiæ, non vero simonia. Adde vero, quod licet hæc intentio verbis exprimat, si alioquin iusta sit, non erit simonia. Potest autem duobus modis verbis exprimi, primo incipiendo (ut sic dicam) ab ipso hoste, seu malefactore, ut quando comminatur mortem, nisi beneficio renunciaveris, vel illud dederis, &c. Et tunc res etiam est clara ex dictis, & ex iuribus allegatis, & ex similibus comminationibus, quæ interdum iuste fiunt. Item quia evasio mali non intenditur ut pretium, sed ut effectus consequens ex meo actu spirituali, tanquam ex necessaria conditione, vel ad implendum præceptum, vel ad cor alterius molliendum, & benevolum, ac mansuetum reddendum. Item quando comminatio est injusta, directe immissa ad extorquendum spirituale munus, vel opus, est bona ratio, quia tunc alter non tam moraliter donat, quam permittit ab alio surripiri; nec censetur aliquid tunc recipere, quia licet non pati malum sit bonum, tamen non est bonum collatum ab eo, qui cessat injuriam inferre, nec æstimabile pretio respectu illius.

Alio modo potest verbis exprimi illa intentio, incipiendo ab eo, qui patitur merum, ita ut ipse invitet alium, & offerat aliquid spirituale, rogando illum, ut cesset, & tunc nonnulla major est dubitandi ratio; tum quia videtur illa esse inductio ad malum; tum etiam quia videtur ibi esse expressior pactio. Sed nihilominus si malum injuste inferatur, & pactum proprium non intercedat dandi unam rem pro alia, sed solum fiat largitio rei spiritualis, rogando, ut cesset ab injuria inferenda, & in amicitiam reconcilietur, in rigore non est simonia, sed est quædam ablatis vexationis temporalis per medium spirituale, quæ non fit vendendo rem spiritualem, sed gratis illam dando, & offerendo, vel promittendo, ut alter ita inducatur amicabiliter ad cessandum a vexatione. Unde nec per se malum hoc videtur, etiam alio genere malitiæ, si alias spiritualia non dentur indignis, aut profano modo tractentur, quia non

est malum uti spiritualibus ad temporalia mala averrenda, quando aliunde malitia non miscetur, sic ut utimur orationibus, & sacrificiis ad famem, vel pestem averrendam.

16 At vero si in his casibus homo non tantum operetur, sed etiam pactum faciat cum alio, obligando illum in futurum, & novo modo ex vi pacti ad non inferendum malum, & ea ratione beneficium conferat, simoniam committet. Ita sentit Victor. supra Conclu. 3. numero 25. Et hoc modo posset explicari prior sententia. Et de jure positivo videtur res clara, præsertim in materia beneficiorum, in qua omnes pactiones prohibita sunt. Sed ad hoc dici posset, prohibitionem illam, ut positiva est, non obligare, urgente metu cadente in constantem virum, argument. dicti cap. *Ad audientiam*, cum similibus. Sed contra hoc instari potest, quia licet talis metus excuset in his, quæ necessaria sunt ad evitandum malum, quod imminet, non vero in his, quæ necessaria non sunt: obligatio autem in futurum non est necessaria, nec pactum aliud præter actualem cessationem a malo inferendo; ergo non obstante metu, obligat prohibitio ecclesiastica de pactione in spiritualibus facienda. Unde etiam potest idem probari stando in jure Divino, quia obligatio illa æstimabilis est pretio. Item quia ibi non tantum intenditur vitatio mali præsentis, sed etiam quædam securitas in futurum per obligationem alterius: illa autem securitas est temporale bonum pretio æstimabile; ergo. Dices: etiam quando in presenti datur spirituale, ne malum inferatur, intercedit ibi quædam mutua obligatio. Respondeo 1. negando assumptum, sed intercedit quædam reciproca actio, seu omisso actionis per se debita, & non æstimabilis pretio: 2. dicitur, quando exactio est præsentanea, non existimari obligationem ut quid distinctum ab actu, secus quando est in futurum, ut constat in mutuo; licet enim non mutuare unam rem, nisi mutues aliam; non tamen licet mutuum dare exigendo obligationem mutuandi in futurum, ut tradit Div. Thom. 1. 2. q. 78. ar. 2. ad 4. Ita ergo in presenti.

17 Atque ex his expediuntur nonnulli casus in particulari, ex quibus doctrina data magis clarescet. Unus est de episcopo, qui dat beneficium alicui ad petitionem principis, ne illum offendar, & ideo non possit ascendere ad pinguiorem episcopatum. Nam Soro absolute damnat illam collationem, ut simonicam. Immo indicat, timorem damni emergentis non inducere simoniam, timorem autem solius lucri cessantis semper illam inducere, quia tunc non est timor de malo, sed de non acquirendo lucro quod perinde est, ac operari pro lucro temporali: Victorius vero, licet prius dicat se hoc credere, statim subdit, non esse certum, maxime si iste finis sit medietus. Existimo igitur, totum hoc pendere ex modo, & ex intentione: nam si pactum intervenit, quo alius obligetur, ut lucrum alteri non cesset, clara est simonia, neque tunc provenit proprie ex metu, sed ex promissione lucri, quæ ibi involvitur: si vero nullum interveniat pactum, & intentio non sit de obtinendo lucro pro hac re spirituali, sed immediate tantum de vitanda offensione, vel indignatione talis personæ, a qua spero vel temporalia commoda, vel augmentum dignitatis, non erit simonia, sed poterit esse aliud peccatum, vel nullum juxta circumstantias varias, quæ possunt esse in tali actione. Et utrumque facile probari potest ex dictis, & videtur hoc intendisse Victor. Quare inter damnum imminens, & lucrum cessans hæc sola differentia notari potest, quod cessatio damni injusti expresse postulari potest, & in presenti sub conditione periri, quia nihil petitur pretio æstimabile, nec quod alter facere non teneatur ex iustitia: at vero non potest postulari hoc modo, ut lucrum non cesset, quia hoc est postulare, ut detur, & ita petitur aliquid pretio æstimabile, & quod alter facere non teneatur. Et quoad hoc procedit, quod Soro docuit.

18 Alter casus est, si episcopus beneficium conferat debitori ex timore amittendi debita; aliqui enim damnant hoc, ut simonicum, quia resolvitur in lucrum

Si intercedat pactum non inferendi malum, tunc erit simon.

Respon-
sio.

Refuta-
tur.

An liceat
dare be-
neficium
ad peti-
tionem
principis.

Resolvitur.

Utrum sit
simon.
conferre
benefi-
cium de-

bitori ex
timore
amittendi
debitum.

lucrum temporale comparandi pecuniam sibi debita, hoc enim pretio æstimabile est. Angel. vero supra negat, hanc esse simoniam, argumento sumpto ex cap. 1. de Usur. Ubi dicitur, non esse usuram mutare sub conditione, ut alias debita solvantur. Sed argumentum sumptum a simili ab usura in hac materia non est semper efficax, ut cap. sequenti dicam. Igitur media sententia vera est, quia in nostro casu, si nullo pacto intercedat cum nova obligatione in futurum, non erit simonia, quia talis episcopus non intendit lucrum, sed quod suum est; ergo illa intentio non obstat, quominus gratis det, & alioquin non imponit novam obligationem: ergo. Item ponamus, debitorem non esse solvendo propter pauperatatem, & episcopum dare illi beneficium, ut habeat, unde vivat, & solvat debita sua, certe nulla est simonia, ut constabit aperte, si ponamus, non ipsum episcopum, sed alios esse creditores; ergo idem erit, licet ipse sit creditor, quia non debet esse peioris conditionis. At vero si beneficium daretur cum novo pacto, & obligatione solvendi, esset simonia ad minimum contra jus ecclesiasticum, & contra divinum, si nova aliqua obligatio, vel securitas in futurum adderetur; nam illud est onus æstimabile pretio. Et quoad hoc non procedit omnino exemplum de usura; tum quia ibi non est prohibitio positiva; tum quia purior esse debet spiritualis donatio, quam mutuum, ut cap. sequenti dicam. Quapropter etiam de presenti non approbarem hunc modum dandi beneficium debitori sub conditione, ut prius, vel statim solvat debitum, quia videtur aliqua irreverentia, uti dono spirituali ad recuperandum temporale etiam proprium. Posset tamen excusari, si aliter faceret vim, vel claram iniustitiam non solvendo, & differendo solutionem esset evidens periculum ejusdem vexationis; nam tunc posset dari spirituale non pro pretio, sed ad inducendum illum ad bonum, & justitiam faciendam, & ita vexationem tollendam.

Utrum timor
juste
punitio-
nis faciat
sim.

19 Tandem proponi potest casus, quando timor non est ex violentia, vel injuria, sed ex justa punitione, quæ imminet, an sit simonia, dare spirituale, ut v.g. præsentare ad beneficium filium judicis, ut reum absolvat, vel mitiget penam, plusquam juste potest? De quo facto non est dubium, quin sit iniquum, & injustum, & sacrilegum, quia inducit alium ad iniustitiam interventu rei spiritualis: sed an sit simonia? Videtur enim posse excusari illo prætextu, quod non datur spirituale pro illa ommissione, vel actione temporali tanquam pro pretio, sed solum ad captandam benevolentiam, &c. Sed dico, esse simoniam, si interveniat pactum, vel promissio rei spiritualis sub tali conditione: nam illa conditio æstimabilis est pretio, & sæpe vendi solet, licet inique, & ita ibi venditur pro re spirituali, vel e converso per illam emittit res spiritualis. Item si quis daret creditori beneficium sub conditione, ut non petat debitum, clara est simonia: ergo similiter qui dat iudici, vel prælato, ut penam debitam non exigat. At vero si tantum mente concipiatur intentio, magis potest esse dubium de simonia mentali: nam potest quis intendere solum amicitiam alterius, ordinando illam ad iniquam actionem. Et tunc licet actio esset sacrilega, non videtur fore simonia. Atque ex his omnibus satis declarata manet assertio, & limitatio in illa posita, scilicet, quod metus interdum inducit ad actionem simoniacam: tunc autem non metum ipsum habere rationem pretii, sed obsequium aliquod, vel obligationem, ut explicatum est, & ideo ex hoc capite non oportuit speciale membrum addere in dicta divisione: nam illa tria membra conferri possunt tam ex metu, quam ex concupiscentia, ut bene Bonavent. supra notavit.

Resolvitur
autem esse
simoniam,
si interveniat
pactum, &c.

Responsa
deur ob-
jectionibus
de honore,
& favore
& promissione.

20 Alia tria in principio objecta difficultatem non habent. Nam honor, & favor humanus, quæ tertio, & quarto loco proponebantur, ad munus ab obsequio, & a lingua pertinent, vel reducuntur, ut in cap. seqq. exponemus. Quintum vero de generali promissione petit in primis, an id sufficiat ad simoniam, quod bene attigit Ugolin. Tab. 1. c. 54. §. 1. Et merito affirmat sufficere, quia est vere contractus onerosus de temporali dando pro spirituali, & hoc satis est ad

Suarez, Tom. XII.

simoniam, etiam si determinatio rei temporalis solvendæ relinquatur arbitrio alterius contrahentis. Quia hoc licet fortasse in ordine ad civile forum, seu justollat rigorosam rationem emptionis, & venditionis, juxta L. *Quod sæpe*, §. 1. ff. de Contrabe. Empt. tamen negari non potest, illum esse aliquem contractum onerosum, quod ad præsens sufficit, quia etiam illo modo spiritualis res non gratis datur, & vili pretio æstimatur. Ad difficultatem vero positam respondetur, sub illo confuso pretio disjunctim contineri illa tria membra, & ideo non augeri partitionem, sed explicari quædam peculiarem modum paciscendi de illis pretiis: sicut etiam posset promitti vel pecunia, vel tale obsequium. Dicit etiam potest, per illa confusa verba: *Aliquid tibi dabo*, regulariter solere intelligi aliquid munus a manu.

C A P U T XXXVIII.

Quid per munus a manu intelligatur.

1 **N**on inquirimus, quando munus a manu inducat rationem pretii, hoc enim ex dictis in c. 36. petendum est: sed quid, vel quale esse oporteat, ut, si pro spirituali reddatur, possit habere rationem pretii ad simoniam sufficientis. Primum ergo locum inter munera a manu tenet pecunia: nam ipsa est, quæ in emptione propriissime rationem pretii habet, juxta §. *Item pretium*, Instit. de Empt. & vend. Ubi pretium in pecunia numerata consistere dicitur, non tamen semper requiritur numerata, quia promissa, & condita in rigore sufficit, §. 1. Instit. eodem. Sic ergo in presenti materia pecunia est primum (ut ita dicam) & detestabilis munus a manu, quod in simonia intervenire potest, juxta verbum Petri: *Pecunia tua tecum sit in perditionem*, & cap. *Siquis prebendas*, 1. quæst. 3. & cap. 2. cum similibus de Simon. Nec requiritur semper numerata, sed promissa sufficit, juxta cap. *Nobis*, (ut ibi omnes notant) Simon. & cap. *De hoc*, cap. *Cum essent*, cap. *Tu nos*, & similibus. Ubi omnis pactio, & conditio pecuniæ ad simoniam sufficere dicitur, & est res per se clara: an vero pecunia numerata sit necessaria ad realem simoniam, infra dicetur.

Primo loci
co ponitur
pecunia.

2 Secundo addendum est, pecuniam in quacunque quantitate, etiam minima, sufficere ad rationem pretii simoniaci, si pro re spirituali detur. Hoc supra etiam diximus agentes de gravitate peccati simoniæ, ubi ostendimus, non solum non impediri malitiam simoniæ, verum etiam neque desinere esse gravem, & moralem propter pretii parvitatem. Quam sententiam docuit expresse Major 4. d. 25. quæst. 7. concl. 7. & ibi Durandus quæst. 4. num. 6. Palud. quæst. 5. num. 23. Gloss. ult. in cap. *Plerique* 14. quæst. 3. Item Gloss. in cap. *Ex tua*, de Simon. ubi etiam Panor. Felin. & alii, & Anton. 2. part. tit. 1. cap. 5. Idem sentit Navar. in Manual. cap. 23. num. 101. & Consil. 52. de Simon. Quamvis enim interdum dubitare videatur, an hoc peccatum sit veniale ex parvitate pretii, tamen contrariam partem aperte probat, & distinctio, quæ ibi utitur, quoad excommunicationem habere posset locum, quando aliquis per ignorantiam invincibilem putaret, non esse mortale peccatum, sed veniale, parvam quantitatem dare: tunc enim posset per ignorantiam excusari a culpa mortali, tamen vere, & secundum se quælibet quantitas sufficit ad gravem simoniam. Quod non parum confirmat dictum capit. *Ex tua*, ubi clericus, qui sex tantum solidos pro sua præsentatione ad ordines dedit, perpetuo deponendus ab ordine, & in monasterium recludendus dicitur: quæ quantitas satis parva videtur, ut expositores ibi notant. Facit etiam capit. *Placuit* 102. 1. quæst. 1. ibi. *Quia singuli tremissem exigere solent*. Item facit exemplum ex facto Esau: nam omnes supponunt tanquam certum, ex parte pretii fuisse sufficiens ad gravem simoniam, cum tamen satis vile fuerit. Idem supponit Hieronymus Malach. 13. (& habetur in capit. *Judices* 1. quæstione prima,) de quarta parte sili inventa in manu pueri Saulis, quod illa fuerit sufficiens quantitas ad simoniam commit-

Pecunia
quæcum-
que suffi-
cit ad si-
moniam.

H h

ten.

tendam, & ideo Samuelem defendit, quod vel illam non acceperit, vel non ut pretium, sed ut oblationem sanctuarii. Ratio vero est, quam supra tetigimus, & tradit Nava. quia licet pecunia sit parva, irreverentia est magna: nam res spiritualis venalis efficitur: immo quo minori pretio datur, eo vilius aestimatur. Obijci vero contra hoc solet c. *Et si quæstiones*, de simonia. Sed illud supra est a nobis explicatum. Non enim dicitur ibi, parvam pecuniam non sufficere ad simoniam, si pro pretio detur, sed dicitur, quando datur parvum munus, & non constat datum esse pro pretio, tunc non præsumptali intentione datum, præsertim quando alia circumstantia non juvant ad præsumptionem: loquitur ergo quoad præsumptionem in foro externo: hic vero de veritate, & de foro conscientia tractamus, & ita notarunt Glossæ allegata.

Submunere a manu comprehenditur quævis res temporales pretio æstimabiles

3 Tertio, dicendum est, sub hoc munere a manu comprehendendi omnes res temporales pretio æstimabiles, cujuscumque generis sint, id est, siue sint bona mobilia inanimata, siue se moventia, siue immobilia corporalia, siue incorporalia jura, seu census. Totum hoc constat ex jure: nam in capitulo *Totum* 6. 1. quæstione prima, sic ait Augustinus: *Totum, quicquid homines possident in terra, omnia, quorum Domini sunt, pecunia vocatur, servus sit, vas, ager, arbor, pecus, quicquid horum est, pecunia dicitur*. Idemque supponitur in variis Decretis de Simon. cap. *Et si quæstiones*, capit. *Tu nos*, capit. *In tantum*, ubi de equo, de vacca, deque omnibus bonis sermo est: & in usura constat, si aliquid hujusmodi ultra sortem exigatur, ut dixit Ambrosius lib. de Tobia, & habetur in capit. penultim. 14. quæstione tertia. Ratio vero est, quia secundum moralem æstimationem eadem deordinatione est in commutanda res spirituali pro re temporali pecunia æstimabili, quæ in rigorosa venditione pro pecunia. Dices, quando beneficium, verbi gratia, datur pro fundo, vinea, aut re alia immobili, cur magis res temporalis est pretium rei spiritualis, quam e converso? Hoc enim argumento utitur Imperator in illo §. *Item pretium*, institut. de emptione, & venditione, ut prober, permutationem unius rei pro alia non esse venditionem, quia nihil ibi intervenit, quod habeat rationem pretii, alias utraque res esset alterius pretium, quod ibi reputatur absurdum. Sed hoc quantum ad præsens spectat, nihil refert ad mores, & ad quæstionem de nomine pertinere potest. Parum enim refert, siue dicatur res spiritualis dari pro temporali tamquam pro pretio, siue e contrario dari rem spirituales ut pretium ad emendam rem temporalem: nam in idem redit, & malitiam ejusdem rationis continet. Et similiter nihil interest, siue contractus ille venditio, & emptio appelleretur, siue permutatio; nam moraliter, & in re ipsa eandem deordinationem habent, & contractus etiam inter res temporales eandem vim habent, si partes consentiant: nam ut dicitur in leg. *Pretii*, Cod. de Rescind. vendit. *Pretii causa non pecunia numerata, sed pro ea proceribus in solutum consentienti datis, contractus non constituitur irritus*. Quia nimirum in idem revolvitur.

Debitum remissum hoc spectat.

4 Quarto, hinc a fortiori constat, ad munus a manu pertinere, si quis pro re spirituali obtinenda debitum remittat, aut se remissurum promittat. Nam sine dubio id sufficit ad simoniam, ut clare supponitur in c. *Veniens* 10. de Testib. & ibi notant Glo. Panor. & alii Doctores. Idemque sumitur ex cap. *Talia* 8. quæst. 3. ubi id notat etiam Glossa. Et ratio est clara, quia qui remittit debitum, moraliter donat rem, vel pecuniam debitam, & cui remittitur, accipit, ut dicitur in leg. 2. ff. de Calumniator. & in l. *Si mulier*, ff. de Condition. caus. dat. Item manifestum est, eum, qui dat propter remissionem debiti, non dare gratis, sed ex oneroso contractu, & commutando rem spirituales cum temporali: ergo. Unde non solum quando aliquis remittit rem jam sibi debitam, sed etiam quando illam remittit prius, quam debeatur, vel promittit remittere pro eo tempore, in quo posset deberi, quia censetur moraliter illam dare, vel promittere: unde totum id sub munere a manu continetur, talis

Item promissio recipiendi.

enim est casus in dicto cap. *Veniens*, nuper citato. Et est casus expressus in capit. penultimo de Simon. ubi qui ordinat, vel ad ordinem præsentat aliquem, promissionem ab illo recipiens, quod nihil ab eo postulabit, utique in debitam sustentationem, tanquam simoniæ suspensum, tam ordinans, & præsentans, quam ordinatus, utique propter simoniam commissam in remissione futuri debiti, ex tunc promissa. Quale autem sit hoc debitum in episcopo ordinante, vel in præsentante, non est hujus loci exponere, sed supponendum est, episcopum, si aliquem ordinet sine titulo, teneri ad alendum illum cap. *Cum secundum*, de Præb. Præsentant. vero ibidem dicitur, qui ordinando titulum constituit, vel consentit ordinari ad titulum alicujus beneficii, juxta cap. *Pertuas*, de Sim. Et in his casibus promissio nihil petendi simoniæ est, juxta illa jura.

Titulus item sine re facit Simoniam.

5 Et idem est, quoties aliquis ex suis donis alteri constituit titulum, ad quem ordinetur, ab illo recipiens promissionem, quod nihil postulabit: non enim tunc solum committitur peccatum indebitæ ordinationis per falsum titulum, sed etiam simonia; quia illa est præsentatio ad ordinem, & consequenter spirituali annexa, non minus quam jus patronatus: ideoque illa pactio simoniæ est, sicut esset in patrono præsentatio ad beneficium sub promissione non petendi redditus. Et ita sentit Navar. capit. 27. num. 158. & dixit in 5. tom. disp. 31. sect. 4. a n. 23. & disput. 63. sect. 4. in principio. Præterea est simile, si quis prætendens eligi in canonicum, promitteret canonicis electoribus, se remissurum dimidiam partem præbendæ, aut si volens fieri parochus, promitteret se remissurum decimas nominantibus ipsum, vel procurantibus, &c. Nam totum hoc est quædam virtualis donatio, & iniqua pactio. Immo non solum, qui propria debita, sed etiam qui debita ecclesiæ, vel rapinas remittere promittit, si fiat episcopus, simoniæ est: hic enim est casus d. cap. *Talia*, & est manifestum, quia ibi etiam est illicita pactio dandi rem temporalem pro spirituali. Et licet tunc non videatur quis sua condonare, sed aliena, tamen virtute censetur illa rapere ad donandum, & ita munus a manu confert, licet de re aliena. Potest autem hic quæri, an solum concedere dilationem in solutione debiti, ad simoniam sufficiat? Item, an dare spirituale pro recuperanda pecunia alias debita, vel ut anticipetur ejus solutio, sit sufficiens munus a manu pro crimine simoniæ? Sed in his videtur eadem ratio, quæ in mutuo, & ideo simul expediuntur.

6 Quinto, ad munus a manu pertinet mutare pecuniam pro accipiendo beneficio, vel simili re spirituali, vel e converso dare beneficium sub conditione pecuniæ mutandæ tantum. In quo puncto videri potest dubium, an hoc sufficiat ad simoniam: communiter enim Doctores dicunt, pretium necessarium ad simoniam esse pecuniam, aut aliquid pecunia æstimabile, ut patet ex Divo Thoma d. quæst. 100. art. 2. & 5. & ibi Soto, & aliis, & Summis communiter verb. *Simoniam*, at qui mutuum tantum petit pro re spirituali, non pecuniam petit pro re spirituali, sed pro æquali pecunia, quam postea soluturus est, solam ergo mutationem petit: quæ non est aliquid æstimabile pecunia; ergo non sufficit ad simoniam. Et confirmatur, quia mutuum non sufficit ad usuram, nam qui non vult mutare pecuniam, nisi sub conditione accipiendi mutuum triticum, per se loquendo non committit usuram, ut supra ex D. Thoma retuli. Et ratio est, quia nihil pretio æstimabile ultra sortem petit: ergo similiter in præsentia id non est sufficiens pretium ad simoniam.

Mutuatio pecuniæ pro accipiendo beneficio, utrum sit simonia.

7 Nihilominus dicendum est, mutuum ex se esse sufficiens munus a manu ad committendam simoniam dando spirituale principaliter pro illo, seu in recompensationem, & commutationem ejus. Hæc videtur esse communis Doctorum sententia, quam magis videntur ut noram supponere, quam disputare. Illam plane supponit Navarrus in dicto cap. 23. numer. 101. in fine, dum ait, non incurrere simoniam, qui episcopo indigenti pecuniam mutuat principaliter, ut ei subveniat, eumque benevolam ha-

Resolutio affirmat.

habeat, licet mediate, & remote speret, se postea aliquod spirituale beneficium ab eo esse accepturum: quod esset verum, etiam si omnino donasset eadem intentione, ut ipse ibi docet, & constat ex dictis supra capit. 36. & in sequentibus etiam dicemus. Supponit ergo Navar. ut indubitatum, quod si ille mutuum daret principaliter pro re spirituali, & cum pacto, vel tacita promissione ejus, esset simoniacus. Et idem repetit Navar. conf. 14. n. 6. de Sim. & in Conf. 23. n. 2. Ubi etiam addit, non esse simoniam, petere mutuum ab eo, cum quo beneficium permutatur, ad expediendas bullas, quando nullum pactum præcessit, sed gratis postea fit, sentiens, fore simoniam, si de mutuo pactum præcessisset. Idem sentit Ugolin. Tab. 1. cap. 9. §. 5. num. 2. & clarius affirmat Leonar. Lessius lib. 2. cap. 20. dub. 9. Et quidem stando in jure ecclesiastico, est res clara, quia est prohibita omnis pactio in permutatione rerum spiritualium pro temporalibus: non potest autem negari, quin mutuum pecuniæ, vel rei æquivalentis sit quoddam temporale commodum, etiam si pretio æstimabile non sit. Et hinc sumitur ratio, etiam stando in jure naturali, quia non minor injuria fit rei sacræ, commutandolam cum re materiali pretio non æstimabili, quam cum æstimabili, immo quodammodo major, ut supra dicebam de vili pretio; quia quo res datur pro alia minoris, vel nullius æstimationis, eo vilior reputari videtur. Et confirmatur, nam quod datur cum pacto, vel sub conditione mutui, non gratis omnino datur, sed ex pacto oneroso; ergo id satis est ad rationem simoniam. Antecedens videtur per se manifestum, quia onus mutuandi temporale est, & interdum reputatur grave. Potestque hoc optime confirmari ex leg. *Quisquis*, C. si certum petatur. Ubi qui mutuat judici, exilio punitur, *quasi emptor legum, atque provinciarum*. Itaque propter solum mutuum emptor reputatur; ergo multo magis in præsentia. Et inde sumitur alia ratio optima, quia mutuum tale reputatur moraliter, ut sufficiat ad corrumpeudum iudicis animum, in hoc enim lex illa fundatur; ut ibi notat Bald. in leg. 1. ff. de Calumniar. & rationem reddit, quia illa est utilitas temporalis. Sic ergo in præsentia licet mutuum non sit æstimabile pecunia, tamen est moraliter, & humano modo multum appetibile propter utilitatem temporalem; ergo id satis est, ut in materia simoniam habeat rationem pretii, nam & sufficit ad corrumpeudos animos eorum, qui spiritualia dispensant, & res spiritualis vilescit, cum pro utilitate temporali commutatur.

8 Ad rationem ergo dubitandi responderetur, quod licet in mutuo pecunia detur, integre postea solvenda, & ita illa ut sic non detur gratis, quia revera non donatur, nihilominus utilitas illa, quæ est in præsentia usu pecuniæ, aliquid est temporaliter utile, & illud si spectetur ut pretium rei spiritualis, sufficit ad simoniam, licet id non sit peculiari pretio æstimabile, sed eodem, quo ipsa pecunia, quia ad inordinationem simoniam sufficit, ut dixi, illa commutatio utilitatis temporalis cum re spirituali. Nec in omnibus comparanda est usura cum simonia: nam multæ conventiones, & permutationes licent in usura, quæ non licent in simonia, quia non tanta puritas, & gratia requiritur in mutuo præstando, quanta in spiritualibus dispensandis, quia in mutuo non attenditur aliqua specialis dignitas, vel sanctitas talis operis, sed solum quod non est dignum peculiari pretio æstimabili pecunia ultra fortem, & ideo si nihil exigatur æstimabile pretio, etiam si alia commoda ejusdem ordinis, & pretio non æstimabilia petantur, non est usura, ut aperte colligitur ex cap. 1. de Usur. In largitione autem spiritualium rerum consideratur præcipue dignitas doni spiritualis, quod est supra omnem temporalem æstimationem, & ideo cum nullo commodo temporali permutari potest, si illud æstimabile sit pretio, siue non.

9 Atque hinc facile est respondere ad alias interrogationes supra factas. Ad 1. dico, non licere, pacto petere dilationem solutionis debiti pro re spirituali, illudque reduci ad munus a manu. Probat, quia illud est quoddam mutuum: suppono enim, me tenere

ad solvendum hodie debitum, & ratione spiritualis beneficii mihi concedi, ut non teneat solvere per annum; ergo ex vi illius contractus mihi mutuo datur illa pecunia pro illo tempore. Item illa concessio dilationis quoddam temporale commodum est, & de se sufficiens ad corrumpeudum debitorem, si sit iudex; ergo sufficit ad simoniam. Ad aliam vero interrogationem de recuperando debito, media donatione aliqua spirituali, distinguendum est. Nam si detur spirituale pro anticipata solutione debiti, sine dubio procedit eadem ratio, quia illa anticipatio vel est quædam virtualis mutatio, vel illi æquivalere, & in ea procedunt rationes factæ, quia est utilitas temporalis, & quæ multum solet movere homines, etiam si speciali pretio æstimabilis non sit per se loquendo. Si vero non sit anticipatio, sed rigorosa solutio rei debitæ pro tempore, in quo jam ex obligatione iustitiæ solvenda est, vel quia est restitutio rei injuste sublata, quæ statim solvenda est, ibi certe minor ratio simoniam intervenit, ut cum Angelo dixi c. præced. Quia ibi nec res petitur, nec mutuatio ejus formalis, vel virtualis, sed solum cessatio ab injuria inferenda, & ita non imponitur nova obligatio, sed ea, quæ inerat; quod sæpe licitum est, ut infra dicemus: in illo ergo casu servanda sunt, quæ superiori c. diximus.

10 Sexto pertinet ad munus a manu pensio imposita ei, cui datur beneficium, vel collatori, præsentanti, renunciante, vel aliter procuranti solvenda, siue ex ipso beneficio, siue aliunde, quia illa est pecunia æstimabilis, immo est promissio certæ pecuniæ solvendæ, quæ est manifesta simonia. Et ad hanc speciem spectat casus, quando episcopus dat beneficium, reservans sibi, vel consanguineo, &c. pensionem, seu partem fructuum, exigens prius consensum, & acceptionem ab eo, cui beneficium præbet. De quo videri potest textus in c. Unic. Ut beneficia Eccles. ubi pontifex distinguit, an episcopus, qui dat beneficium, fructus ejus ante donationem percipiat, vel non: & si antea non percipiebat, & dando beneficium pro conditione ponit, ut sibi donentur fructus. *Non est dubium* (inquit) *intercedere simoniacam pravitatem*. Et hoc membrum spectat ad præsentem casum. Adde vero ibi, quod si episcopus percipiebat proventus beneficii, antequam illud donaret, poterit quidem id licite facere, utendo sua potestate, & sine ulla pactioe, constituendo ad tempus pensionem, vel reservando fructus ad tempus pro causa iusta, & necessaria, & tunc conferre beneficium sic oneratum sine ullo pacto: non licere tamen ex conventionione cum eo, qui accepturus est beneficium, vel cum aliquo mediatore illam impositionem, vel reservationem facere. Quia cum consensu ejus, cui dandum est beneficium, nihil possit ad legitimam reservationem operari, præsumitur intercedere iniqua pactio, quando postulatur, ut Glossa ibi, & Doctores sentiunt. Itaque aliud est, reservare fructus beneficii vacantis, vel partem eorum; aliud cum alio pacisci, ut pensionem solvat, solum pro collatione beneficii. Et hoc posterius dicimus pertinere ad munus a manu, prius autem nullo modo, supposita legitima potestate reservandi fructus, quam (ut supra diximus) regulariter solus papa habet; interdum vero licere episcopis ad tempus in illo c. definitur: & ibi communiter traditur, & in cap. *Si propter*, de Rescript. in 6. ubi Glossa verb. *Conceditur*, & in Clem. 2. de Reb. Eccles. non alien. ubi Glossa verb. *Defensor*. Ad hunc etiam simoniam modum pertinent varii casus, quos tractat Navarrus in variis Consiliis de simonia, ut in 47. de illo beneficii prætenfore, qui cum aliquo curiali convenit, ut sibi auxilium ferat ad beneficium obtinendum sub conditione solvendi illi pensionem: & in 57. de alio, qui cum Aulico paciscitur, ut sibi de vacantibus beneficiis statim notitiam præbeat, promittens, se consensurum pensioni imponendæ in favorem ejus. Nam tunc pensio illa, vel quod perinde est, obligatio ad illam, est pretium, & licet videatur dari pro quodam temporali obsequio, tamen quatenus per illud paratur via ad beneficium, pro ipso beneficio dari censetur. Et similes casus legi possunt in eodem, Conf. 59. & sequentibus, & in Manuali, c. 23. n. 107. §. *Ad septimum*.

Pensio, quam tibi vel consanguineo reservas dans beneficium, est simonia.

Hæc species pro-missio pensionis admittenda.

Ultimo, addere possumus, sub munere a manu contineri omne donum, quod jure positivo prohibetur, dari pro re spirituali, consistens in jure aliquo habente emolumentum temporale, quod dici potest munus temporale æstimatione juris, etiam si in se aliquid spirituale sit habens temporale annexum; ut est beneficium laicum pro altero beneficio, & similia. Hoc satis constat ex dictis in superioribus de permutationibus prohibitis rerum spiritualium: nam in eis intervenit etiam aliquid per modum pretii, quod non consistit in obsequio, vel officio linguæ, ut constat. Ergo si velimus in hac partitione comprehendere omnem simoniam, etiam de jure positivo, recte revocabimus hoc pretium ad munus a manu. Et confirmatur: nam illa bona servant proportionem cum externis bonis fortunæ, seu temporalibus, præsertim cum juribus, quæ incorporalia dicuntur, quæ proprie sub munere a manu comprehenduntur.

C A P U T XXXIX.

Quid sub munere ab obsequio comprehendatur.

Duplex obsequium.

Obsequium temporale.

Obsequium temporale de se est sufficiens ad simoniam.

Duplex obsequium distingui solet in præsentis puncto, temporale scilicet, & spirituale, nec immerito, quoniam diversam habent naturam, & æstimationem, & ideo etiam in præsentis puncto diversum esse debet de illis iudicium. Obsequium enim temporale dicitur omne opus hominis, quod ad usum, & commoditates hominis, sive corporis, sive animæ in sua tantum naturali perfectione spectat, ordinatur. Spirituale autem obsequium est omnis functio spiritualis, prout a nobis explicata est inter materiam simoniæ pertractandam. Inter quæ duo genera tanta est differentia, ut primum pretio sit æstimabile, & vendi possit pro pecunia sine ulla malitia: secundum autem sit omnino invendibile, & inæstimabile pretio, utrumque enim horum ex dictis de materia simoniæ satis probatum relinquitur.

2 Hinc ergo manifestum est primo, obsequium temporale, quantum est ex se, sufficiens pretium simoniæ esse posse, si in modo faciendi illud pro re spirituali, vel e converso, si in modo dandi rem spiritualement pro tali obsequio formalis habitudo pretii supra explicata salvetur. Pater, quia sicut omnis res permanens pecunia æstimabilis ex se est sufficiens ad pretium juxta dicta capite præcedenti, ita omnis actio pretio æstimabilis, si pro re alia tribuatur, & secundum condignam æstimationem cum illa commutetur, habebit rationem pretii, sicut e converso si hujusmodi actiones pro pecunia vendantur, habent rationem mercium, & ita per locationem, & conductionem suo modo venduntur, & emuntur, ut supra dictum est. Sic ergo dubium non est, quin tale obsequium possit veram rationem pretii subire, si pro re spirituali obtinenda per se fiat, & offeratur, vel e converso poterit habere rationem rei venditæ pro re spirituali subeunte rationem pretii, si pro obtinendo tali obsequio res spiritualis tradatur. Nam hæc denominationes pretii, & mercis inter res, quæ permutantur, quando propria pecunia non intervenit, reciproce esse possunt, ut dixi, & ex intentione contrahentium pendere potest unius, vel alterius applicatio ad rem unam potius, quam ad aliam. Unde etiam dubium non est, quin dare spirituale donum propter obsequium temporale sub hac formalitate spectatum sit simonia, quia hoc clamant omnia jura supra allegata, & ratio naturalis, quæ ex dictis oritur, id convincit, suppositis principiis statutis de malitia simoniæ, nam illa est vera venditio, seu conditio, seu commutatio rei temporalis pro spirituali. De hoc ergo nulla est controversia, sed propter usum, & casus morales oportet exponere, quando, & quomodo possint obsequia hæc fieri, & spiritualia obsequentibus præstari sine laque simoniæ.

3 Secundo de obsequio spirituali est etiam certum, illud secundum se spectatum, & ex natura sua non posse esse pretium rei spiritualis ad simoniam sufficiens, quia supra ostensum est, in commutatione rei spiritualis pro alia spirituali non committi simoniam, ac subinde rem spiritualement datam pro altera spirituali, ut sic ex se non esse pretium simoniæ, Obsequium autem spirituale eandem conditionem, & dignitatem quoad hoc habet, quam aliæ res spirituales, & ideo natura sua non est æstimabile pretio, ideoque supra dictum est, sine simonia vendi non posse pro re temporalis. Ergo e converso in præsentis, quamvis pro alia re spirituali fiat, vel aliquid spirituale donetur, ut tale obsequium fiat, & pro illo, etiam sub expressa conditione, & pacto, non est simonia ex natura rei; ergo nec tale obsequium ex se habere potest rationem pretii simoniæ respectu alterius rei spiritualis. Et in hoc etiam nulla est controversia. Quia veritate ecclesiastico multæ commutationes inter spiritualia prohibita sunt, ut simoniæ, ideo necessarium est exponere, quando, & quomodo committi possit simonia propter obsequium spirituale impositum, vel solum per retributionem aliquam spiritualement: nam tunc illud obsequium habebit rationem pretii ad simoniam sufficientis saltem ex jure positivo. Hæc ergo duo a nobis exponenda sunt.

4 Ulterius vero advertendum est, duobus modis posse beneficium (de hoc enim semper loquimur, quia frequentius accidit; cum proportionem vero idem est de reliquis spiritualibus donis) dari propter obsequia: primo propter præcedentia obsequia: secundo propter sequentia, seu imponendo onus aliquis obsequii in futurum. Potestque rursus tale opus adungi ipsi beneficio, vel potius beneficium annexi oneri tanquam officio, propter quod datur, ut propter legendam Grammaticam, vel Theologiam, vel ad concionandum. Vel potest imponi ipsi personæ, dando illi beneficium cum onere, & obligatione faciendi tale obsequium, ad quod ipsum officium non obligat, ut ad docendum, vel concionandum &c.

5 Dico jam primo: dare, & accipere beneficium spirituale propter obsequia, & beneficia temporalia jam facta in eorum recompensationem, & quasi solutionem debiti, & obligationis ex iustitia ad condignam mercedem tribuendam, simonia est; moveri autem ex hujusmodi servitiis ad dandum beneficium gratis, & ultra omne debitum, non est simonia. Est communis, & clara ex D. Thom. dicta q. 100. art. 5. Soto lib. 9. quæst. 7. art. 3. Vict. supra num. 36. Adrian. d. Quodlib. 9. articul. 2. & aliis Theologis q. d. 25. Gloss. in cap. Cum essent, de Simon. quam ibi Panor. & alii approbant. Item Gloss. in cap. Sunt nonnulli 114. 1. quæst. 1. ibidem probata ab aliis. Patetque prima pars, quia tunc datur beneficium in solutionem cujusdam debiti temporalis; diximus autem præced. cap. esse simoniam dare beneficium pro remissione debiti pecuniarii; ergo idem est in præsentis, parum enim refert, quod tale debitum resulter ex obsequio, nam tandem in pecuniarium resolvitur. Unde colligitur obiter, nihil referre, quod talia obsequia fuerint honesta, vel turpia, sed pensandum esse, an ex illis orta fuerit vera obligatio iustitiæ ad condignam compensationem temporalem, quia tunc proxime datur beneficium ad extinguendum temporale debitum, & ideo impertinens est, quod ex honesta, vel turpi radice duxerit originem. Unde obiter addo, idem esse dicendum, licet obsequium, a quo orta est obligatio, fuerit spirituale, si debitum inde resultans est de dando competenti stipendio sustentationis; ut, verbi gratia, episcopus habet vicarium ad spiritualis jurisdictionis usum, cui tenetur dare singulis annis competens salarium, nihil tamen confert per aliquot annos, & postea dando illi beneficium, vult liberari omni debito, plane simoniam committit, quia debitum illud, licet ortum fuerit ex ministerio spirituali, jam est mere temporale, & pro illius remissione datur beneficium.

6 Secunda vero pars probatur ex dictis capit. 36. de consanguinitate: nam tunc obsequia non habent rationem pretii, sed solum conciliant benevolentiam, a qua procedit gratuita beneficii collatio; ergo. Declaratur: nam episcopus conferens hoc modo

Non ita spirituale

do beneficium famulo nihil recipit ab ipso pro beneficio, si enim aliquid reciperet, maxime obsequium; sed hoc non, quia, ut supponitur, vel nihil ratione illius debet famulo, quia illi convenientem sustentationem, & stipendium dedit, vel si aliquid debet, non intendit liberari ab illo debito per collationem beneficii, alioquin non intenderet gratis, & ex benevolentia dare, ut in casu supponitur. Quapropter, ut hic modus conferendi beneficium propter obsequia locum habeat, moraliter loquendo necessarium est, ut talis famulus habeat a patrono justam recompensationem temporalem suo servitio proportionatam: tunc enim sine ullo scrupulo simonia datur beneficium famulo, quia datur ultra omne debitum iustitiæ, ac subinde gratis: nam licet gratitudo aliqua, vel amicitia, seu benevolentia ex servitio familiari conciliata intercedat, non tollit rationem gratuitæ donationis. Unde etiam infero, non oportere hic distinguere de turpi, vel honesto obsequio, vel in privatam, vel publicam utilitatem, aut in corporale, vel spirituale commodum. Ita docet expresse Soto dicta questione 9. articulo tertio, & sentit Victor. numero 36. 37. & Cajetanus dicto articulo quinto. Alii vero auctores interdum his distinctionibus utuntur, ut patet ex D. Thom. dicto articulo quinto, ad 1. & Anton. 2. part. titulo primo, capite quarto, §. 2. & capite 3. §. 5. & Glossis, & Canonistis citatis, Silvest. verb. *Simonia*, questione decima sexta, §. *Quartum*, Tabien. numero duodecimo. Sed revera, si loquamur de simonia propria, non refert, quod obsequium sit ad bonum, vel malum finem, justum, vel injustum: nam si respiciatur in ratione pretii, semper facit simoniam, ut in superiori puncto dixi. Si vero non sit pretium, sed tantum moveat dicto modo ex quadam gratitudine licet humana, & indiscreta, non faciet propriam simoniam, quia non obstat, quominus beneficium gratis tribuatur. Poterit autem illa distinctio conferre, ut provisio sit justa, vel injusta, & personarum acceptio, aut infidelis dispensatio, aut turpis etiam carnalis affectio; juxta varias enim circumstantias possunt varia vitia committi, & hoc intendunt dicti auctores, & late utuntur nomine simoniæ pro quacumque indigna, & carnali provisione beneficii, maxime quia præsumptio esse potest de illo, qui sic confert, quod etiam simoniace conferat.

7 Sed contra: quia frequens est consuetudo, quod multi præstant varia obsequia, & comitatus ecclesiasticis prælatis sine ulla mercede, vel recompensatione temporalis, sed tantum spe beneficii alicujus, vel favoris ad illud obtinendum, & postea prælatus conferendo beneficium satisfacit suæ obligationi sine ullo scrupulo simoniæ; ergo non semper est necessarium ad vitandam simoniam, ut obsequia condigno stipendio temporali præmiantur. Immo temporales principes habentes jus præsentandi, solent habere magnam familiam servientium, fere pro nihilo, & præsentando ad beneficia remunerant servitia absque alia temporali satisfactione. Respondeo, dupliciter fieri posse illa obsequia, vel servitia ex parte obsequentium: primo, sine ullo pacto expresso, vel tacito inter prælatum, seu principem, & servientem, seu obsequentem, ita ut ex obsequio nulla obligatio iustitiæ oriatur in prælato adtribuendam sustentationem, vel mercedem: & tunc ex utraque parte potest fieri obsequium, & beneficii collatio, vel præsentatio, aut procuratio sine simonia, quia utrumque fit simpliciter gratis, licet cum aliquo respectu gratitudinis. Quod etiam in munere a manu locum habet, nam conferre antecederet aliqua munera sine ullo pacto solum ad conciliandam benevolentiam, licet fiat spe gratitudinis, simoniacum non est, ut c. 36. diximus, & consequenter dare beneficium ex intentione gratitudinis sine alio respectu pretii, simonia non est, ut infra dicam, idem ergo est in prædictis obsequiis. Alio vero modo contingit servire principi, aut prælato in officio, vel servitio necessario, ubi necesse est, ut intercedat pactum saltem implicitum: nam tales famuli ex officio serviunt, & ex ipso servitio voluntarie acceptato nascitur intrinsece obligatio iustitiæ ad reddendam mer-

Snarez, Tom. XII,

cedem operariis. De hoc ergo genere obsequii procedit conclusio posita. Neque video, quomodo possint excusari a simonia, qui volunt ab his famulis servir, & ministrari sola, vel fere sola spe spiritualis remunerationis, cum solo futuro commodo temporali annexo spirituali, quia necesse est, ut temporale obsequium, & debitum per donum spirituale persolvant. Necesse est ergo, ut hi principes, vel prælati tribuant justum stipendium, saltem minimum in ealitudine; tunc enim habere poterunt locum aliæ gratuitæ remunerationes, & non alias.

8 Dico secundo: si beneficium detur cum onere, & sub conditione exhibendi aliquod obsequium temporale non annexum beneficio, simonia est, & tunc obsequium respicitur, ut pretium, saltem promissum. Hec assertio sequitur ex præcedenti: nam eadem ratio est promissionis in futurum, & solutionis præexistentis debiti, & ita jura, quæ unum prohibent, aliud etiam consequenter verant. Probatur ergo assertio c. *Cum essent*, de simonia, ubi promissio cuidam facta de beneficio illi præstando, si negotium quoddam promittentis in Romana curia promoveret, simoniaca censetur: quia beneficium dandum erat pro munere ab obsequio; ergo, si daretur antea sub illa conditione, & obligatione, vel si post exhibitum obsequium impleta fuisset promissio, collatio fuisset simoniaca: nam hæc omnia ejusdem sunt rationis. Et ita notant ibi Gloss. & Doctores. Atque sic dixit Vict. d. Relect. n. 6. Quod si quis daret beneficium, ut doceretur sibi Geometria, esset simoniacus, quia labor ille docendi Geometriam temporalis est, & vendibilis, & non est annexus beneficio, & idem sentit de doctrina Theologiæ. Et a fortiori de qualibet alia simili actione, ut expressius declaravit Soto questione quinta, articulo primo, verb. *Ex his*. Hæc autem, & tota conclusio intelligenda sunt cum proportionem ad assertionem præcedentem. Nam, si episcopus det beneficium alicui homini docto, vel industrio gratis, & sine ullo pacto cum intentione habendi illum benevolum, & familiarem, & cum spe, quod postea ab eo docebitur, vel juvabitur ex sola gratitudine, & amicitia, non erit simoniacus mentalis, dans beneficium cum hac intentione, nec realis, postea accipiens obsequia gratuita, & eadem intentione collata. Est enim quoad hoc spiritualium donorum, & temporalium eadem ratio: nam etiam spiritualia dari possunt cum spe gratitudinis, quia hoc non tollit, quin gratis dentur, sicut de mutuo dixit D. Thomas 2. 2. quæst. 78. art. 2. ad 2.

9 Dico tertio: quando obsequium temporale est annexum rei spirituali, ut beneficio, licitum est, illud dare cum obligatione talis oneris. Unde dum beneficium vacat, licitum etiam est, illi de novo annexere aliquod obsequium ecclesiæ etiam temporale, & sic dare beneficium acceptanti tale onus, & non alias, nec erit simonia, dummodo annexio facta sit ab eo, qui habet potestatem. Tota conclusio est certissima ex usu ecclesiæ, & ex jure, c. 1. & 4. de Magist. ubi præcipitur dare beneficium ad legendam Grammaticam, & Theologiam. Et idem statuitur, & confirmatur in Trid. sess. 5. c. 5. de Ref. & sess. 23. c. 18. Constat autem ex supra dictis, munus docendi temporale esse, & vendibile. Et eadem ratione solent dari beneficia cum onere cantandi, aut ministrandi in officio sacristæ, aut thesaurarii, & similibus obsequiis, quæ temporalia sunt. Ratio vero est, quia redditus ecclesiastici non solum sunt ad spiritualia ministeria, sed etiam ad temporalia necessaria ecclesiæ, & ideo sicut potest præbenda, quatenus temporalis est, annexi spirituali muneri, ita etiam, quantum est de se, dari potest propter obsequium temporale. Unde etiam potest una, & eadem præbenda conferri propter utrumque ministerium temporale, & spirituale, quia potest habere redditus utrique ministerio proportionatos, & ipsa ministeria possunt inter se esse compatible, & diversis temporibus fieri. Sic ergo beneficium habens annexum ministerium temporale potest conferri sub expressa illius oneris conditione, quia illud non est pretium, sed est opus, pro quo simul cum spirituali ministerio datur stipendium. Unde

H b 3 licet

Obiectio
de obsequiis
prælati
& principibus.

Respon-
sio,

licet illa conditio in ipsa collatione exprimat, non officit, quia in ipso beneficio inest. Atque ita etiam constat, quod licet beneficium antea non habeat tale onus annexum: potest dum vacat, ei adjungi, si ad bonum ecclesie ita expediat, ut ex Conc. Trid. supra aperte constat. Quia institutio beneficii ad hoc, vel illud ministerium humana est, & per ecclesie pastores mutari potest: nam ad illos pertinet dispensatio talium bonorum. Facta ergo illa annexione, clarum est, posse beneficium sub tali onere conferri, etiam sub expressa conditione, quia nihilominus gratis beneficium confertur secundum id, quod est, & per conditionem expressam nihil additur, nec exigitur pro beneficii collatione.

10 Ex dictis vero non obscure colligi potest, hoc genus annexionis, & quasi impositionis non habere locum, nisi ubi res spiritualis, quæ principaliter confertur, habeat annexa temporalia commoda, quibus temporale obsequium proportionatum sit. Nam dare aliquid pure spirituale, adjungendo illi temporale obsequium, plane esset dare spirituale pro temporali, tanquam pro pretio. Quia obsequium onerosum non potest habere rationem stipendii sustentationis, nam potius ipsum meretur tale stipendium: ergo datur ipsum spirituale bonum tanquam in satisfactionem pro temporali obsequio, quod simoniacum est. Exemplum res declaratur, quia jus eligendi, v.g. est pure spirituale, & jus præsentandi suo modo, quæ jura nullos habent redditus annuos, ut supponimus: si ergo alicui daretur jus eligendi sub conditione gerendi negotia ecclesie temporalia gratis, & sine ullo stipendio, certe venderetur spirituale jus pro temporali obsequio, secus vero est in beneficio, quod habet fructus. Declaratur etiam optime ex pecuniaria pensione, nam imponere illam super jus, vel spirituale officium, vel ministerium, nullos habentia temporales redditus, plane esset simoniacum; ergo idem est in temporali obsequio, nam æquivalent, ut dixi. Quis autem possit facere hanc annexionem, non spectat ad hunc locum, certum est autem, posse fieri a papa universaliter: ab episcopis autem in casibus sibi a jure, vel consuetudine concessis. Certum item est, non posse episcopum regulariter loquendo sua auctoritate facere hanc annexionem in suam peculiarem commoditatem applicando beneficiorum redditus ad privata obsequia domus, vel familie sue, quia ad hoc habet redditus sui episcopatus, nec potest talia onera beneficiis imponere, ut patet ex cap. *Prohibemus*, de Censib. & arg. cap. ult. 1. quæst. 3. Quæ regula generalis est, licet in casu possit habere exceptionem modo præscripto in cap. unic. *Ure ecclesiastica benef. &c.* in fin. & ut sumitur ex cap. *Constitutus*, de religiosis dom. Secus est a pontifice, qui universalem habet administrationem, & potest novum jus concedere, & ad proprios redditus applicare, & dummodo id faciat, ut tunc dispensator, & prudens. Et hæc de temporali obsequio.

Ad quem
spectet
hæc annexio.

4. Concl.

11 Dico quarto, obsequium spirituale jam exhibitum non potest habere rationem pretii ad simoniam sufficientis, nisi in aliquid temporale resolvarur, vel præcesserit pactum per ecclesiam prohibitum. Prior pars declaratur ex supra dictis. Primo, quia commutatio inter spiritualia, ut talia sunt, non est simoniacæ de jure naturæ, nec in hac specie, de qua nunc tractamus, invenitur prohibita, ut supponitur, ergo. Declaratur amplius, & probatur posterior pars: nam si obsequium spirituale jam supponitur exhibitum, vel fuit mere voluntarie factum, sine ullo pacto, vel conventionione, & tunc jam non potest habere rationem pretii, quia nihil potest pro illo ex iustitia exigere, ut constat, vel factum est ex aliqua conventionione pro alia re spirituali, & sic si veres promissa exhibeatur, si vel alia æquivalens etiam spiritualis, semper manet commutatio inter spiritualia, & sic non intervenit propria ratio pretii, seclusa prohibitione. Potest autem contingere, ut spirituale obsequium sit prius exhibitum cum conditione, naturali jure ibi contenta recipiendi stipendium sustentationis justum, & proportionatum. Si quis ergo tunc vellet per spirituale beneficium exhibitum satisfacere priori obligationi, & si-

beraria debito stipendii, jam daretur spirituale pro temporali: quia præcedens obsequium, licet spirituale fuerit, peperit obligationem de re temporali, ut in præcedenti puncto declaravi: & sentiunt Viç. & Sor. locis citatis, & in sequenti assertionione exempla eorum adhibebimus. Nam quoad hoc eadem est ratio de pacto in futurum, & de solutione præcedentis obsequii, quia necesse est fieri ex tacito pacto, vel conventionione partium. Addidi etiam: *Nisi præcesserit pactum prohibitum*, quia ex hoc capite potest intervenire simonia, ut supra dictum est, & in sequenti etiam puncto dicitur.

12 Dico ergo quinto obligari ex pacto ab obsequio spirituale pro spirituali beneficio, licet non sit jure naturæ prohibitum, tamen simonia est contra jus ecclesiasticum, & ita dare beneficium, imponendo personæ tale onus obsequii spiritualis, quod non est beneficio conjunctum, simonia est, saltem contra ecclesiasticum jus. Prima pars de jure naturæ supponitur ex principio sæpe repetito, nam eadem est ratio de permutatione rerum, aut jurium spiritualium inter se, & de permutatione spiritualis juris pro spirituali obsequio. Exempla sunt, si episcopus vicario suo promittat beneficium, si prius per aliquot annos in spiritualibus sibi ministrare, & similia, talia enim pacta non sunt contra jus naturæ juxta supra dicta. Dico autem, nunc esse contra jus ecclesiasticum. Simile esset, si daret episcopus vicario beneficium cum onere ministrandi in spiritualibus, (quæ ad beneficium non pertineant) solum ratione beneficii, & sic de aliis. Hoc ergo modo obsequium illud licet spirituale, subdit rationem pretii. Assertio hæc sic declarata sumitur ex communi sententia canonistarum dicentium absolute, spiritualia non posse conferri sub modo, id est, sub obligatione personali, ut sic dicam, & non reali, quæ talibus spiritualibus annexa non sit. Ita Glos. in c. *Tu nos*, de Simon. verb. *Conventio*, & in c. unic. *Ure ecclesiastica benef. &c.* verb. *Sub modo*: item in c. *Ex parte*, de Offic. deleg. Redoan. 2. p. c. 6. Rebuff. in Pract. tit. de Requisit. ad collat. ben. num. 2. Isti tamen auctores loquuntur in generali de modo, & conditione.

13 In particulari vero etiam de modo spiritualis obsequii videtur loqui Panor. in c. *Significatum*, de Præben. num. 7. in fine, & alii ibi, expressius idem Abbas in c. *Cum essent*, de Simon. num. 5. Anton. 2. p. tit. 1. c. 4. §. 2. & c. 5. §. 5. Silvest. dicta q. 16. Melius Viçtor. dicta Relect. n. 36. ubi non probat pacta, quæ aliqui episcopi facere solent cum vicariis, vel ministris suis, dabo tali salarium quinquaginta aureorum, donec dederò, vel nisi intra tale tempus dederò tibi beneficium centum aureorum. Quod prius docuit Major. 4. d. 25. q. 3. conclus. 6. contra Hostiens. in dicto c. *Cum essent*, de Simon. num. 1. 2. & 3. Navar. autem in Manual. c. 25. n. 13. dicit, Majorem consentire Hostiensis existimantem se contradicere illi, exponitque dictum Hostiensis esse intelligendum, modo nullum pactum intercedat de gratis serviendo post beneficium collatum. Et a fortiori nec de remittenda pensione debita pro servitio facto ante receptum beneficium. Sed neque Hostiens. satis hoc explicat, neque communis sensus illorum verborum videtur talis esse, alias superflue adderetur illa conditio, sed non oportet de facto contendere, quando de jure constat. Probatur ergo assertio prima exemplis: nam si patronus beneficii præsentaret aliquem, sub onere dicendi tot missas pro se, vel sua intentione, ad quas beneficium non obligat, sine dubio peccaret graviter. Item si quis daret beneficium alicui sub conditione recitandi quotidie litaniam pro se, vel quidpiam simile. Nec obijciatur consuetudo episcoporum, qui illis, quibus ordines conferunt, certas missas, vel preces imponunt, quia non dant ordinem sub tali conditione, vel modo, sed vel illa petunt, quasi ex gratitudine, vel ut ecclesie pastores habent ex consuetudine jurisdictionem ad imponendum illud onus, vel præceptum, quod censeretur jam esse quasi consuetudine annexum ordinationi. Præterea huc spectant multa exempla supra insinuata, tractando de permutatione spiritualia,

5. Concl.

tualium inter se; nam si patronus præsentet, imponendo alteri onus eligendi, illud dici potest esse munus ab obsequio spirituali, & tamen simoniacum est.

Idem est, si duo, vel tres electores inter se conveniant, ut sibi invicem obsequantur, nunc unius amicum eligendo, postea amicum alterius, & sic de cæteris: hæc enim, & similia simoniaca sunt, saltem quia prohibita, ut supra diximus, & reducuntur ad hoc munus ab obsequio.

14 Et hoc modo est de hac re textus expressus, in c. *De hoc*, de Simon. ubi promittere beneficium pro electione ad episcopatum, simoniam esse declarat. In qua si consideretur beneficium, ut pretium datum pro electione, est simonia a munere a manu: si vero consideretur vox electionis, ut data pro beneficio, est munus ab obsequio, & tamen sicut beneficium spirituale est, ita etiam vox electionis, ut notavit Panormitanus in cap. *Mattheus*, eod. Huc accedunt omnia jura, quæ prohibent pacta, conventiones, & modos in spiritualibus, præsertim in his, quæ ad beneficia ecclesiastica spectant, sub quibus comprehenduntur omnia obsequia, seu ministeria ecclesiastica ad eorum provisionem ordinata, ut supra vidimus. Ergo dare ex pacto aliquid spirituale pro his obsequiis, vel obsequia ipsa præstare pro beneficio, vel alia simili re obtinenda, sub his prohibitionibus continetur. Accedit, quod ordinarie talia obsequia habent annexum aliquid temporale, vel debitum ejus, saltem per modum stipendii sustentationis, & sic cum talia obsequia præstantur pro re spirituali, remittendo temporale annexum, virtute datur temporale pro spirituali, & tunc jam simonia esset contra jus naturale, si hoc esset principaliter intentum. Denique in his pactis semper intervenit obligatio cum magno onere temporali, & pretio æstimabili; ergo illam assumere ex promissione beneficii, simonia est.

15 Et ideo dixi in assertione, *obligari ex pacto*, quia si nulla interveniat conventio, & aliquis minister prælato in spiritualibus, animo gratuito, licet speret promotionem ab illo gratis etiam faciendam; nulla est simonia, ut a fortiori sequitur ex dictis de obsequio temporali. Semper autem videretur necessarium, ut si ex officio ministrat, alatur ab episcopo, sufficientemque sustentationem recipiat, alias censeretur episcopus pro beneficio, quod illi confert, recipere, quicquid in bonis suis lucratur, nullum conferendo salarium fervienti, etiam in spiritualibus. Sicut etiam simoniam committeret examinador, vel vicarius episcopi, qui habens curatum beneficium, a quo abest, curam suæ ecclesiæ committeret alicui clerico tacite, vel expresse illi promittens obtentionem alterius beneficii, ut ipse sine salario sustentationis inserviat. Hæc enim, & similia expresse sunt contra jus ecclesiasticum, & quatenus resolvuntur in temporalia commoda, proxime accedunt ad simoniam contra jus divinum.

16 Dico sexto: Si obsequium spirituale annexum sit beneficio, aut dignitati spirituali, non potest habere rationem pretii, nec erit simonia conferre beneficium sub tali onere, & conditione expressa. Quod verum habet, si annexio illa sit antiqua ab institutione beneficii, siue denuo facta sit, beneficio vacante, ab eo, qui legitimam potestatem habet. Prima pars est per se evidens ex ipsa natura talium rerum, & quia ibi nullum intervenit pactum, sed transit res cum suo onere; vel si pactum exprimitur, nihil per illud additur, sed explicatur id, quod inest, quod non nocet, & potest prodesse ad tollendam omnem ignorantiam, & tergiversationem. Denique ex posteriori parte a fortiori concluditur prior; illa autem posterior pars expresse traditur in c. *Significatum*, de Præbend. ubi Glof. Panor. & omnes id notant. Item Abb. in c. *Jacobus*, n. 3. de Sim. Innoc. in c. 3. Ne Prælat. vic. suas. Et D. Thom. ita etiam exposuit textum illum in 4. distin. 25. q. 3. art. 3. q. 1. ad 5. Et potest optime, & facile ita intelligi.

17 Si tamen textus ille attente consideretur, non videtur onus illud, *dicendi quotidie missam de S. Maria*, fuisse annexum præexistenti beneficio habenti alia spiritualia onera, sed potius præbendam quamdam

Suarez Tom. XII.

fuisse ab aliis spiritualibus functionibus, & fortasse a numero canonicorum separatam, & applicatam ad aliud obsequium missæ quotidianæ, & ita fuisse quasi novum beneficium institutum, cujus præbenda annexa fuit illi officio missæ quotidianæ, quod significant verba illa papæ: *Quam siquidem institutionem eatenus confirmamus*. Et ita manifestum est, institutionem fuisse sanctam, & puram (supposita potestate instituentium) quia illo modo sunt omnia beneficia ecclesiastica instituta, & hæc est natura eorum, orta ex illo principio, *Dignus est operarius mercede sua*. Et sic etiam in rigore nullum fuit ibi necessarium pactum, sed quia nova erat institutio, illam explicare oportebat, & hunc sensum videtur ibi amplecti Panorm. n. 7. Decius, & alii. Verumtamen etiam si ibi non fuisset proprium beneficium institutum, sed præbenda illa applicata pro illo ministerio, optima fuisset conditio, quia non dabatur præbenda in pretium missarum, sed partim in stipendium sustentationis, partim propter obligationem tam gravem quotidie dicendi talem missam, & nunquam dimittendi illam ecclesiam sine consensu præpositi, & capituli ejus. Et hac ratione licet ibi pactum intervenisset, nulla esset simonia, ut supra dictum est. Et hoc ultimo modo videtur intellexisse textum illum Major. 4. distin. 23. q. 6. ad 1. in fine: & omnia sunt vera, quicquid sit de intentione textus, quæ magis fuisse videtur, quam secundo loco posui. Ex illa tamen optime colligitur, etiam potuisse onus illud spirituale adjungi priori beneficio, habenti alia spiritualia onera, si alias secundum prudentem æstimationem nimia non sint, in quo esse posset aliqua imprudentia, vel injustitia, non tamen simonia, si alioquin annexio sit ab habente potestatem, quia non est major ratio de additione, quam de nova institutione, & ita semper ille textus probat hanc veritatem. Quam a fortiori etiam confirmant omnia, quæ de temporali obsequio in tertia assertione dicta sunt. Potest autem hic etiam inquiri: Quis habeat hanc potestatem addendi beneficiis nova spiritualia onera. Sed hoc ad materiam de beneficiis spectat, ordinarie autem ad episcopos hoc spectat, vel prælatos habentes jurisdictionem episcopalem, vel solos, vel cum capitulo, juxta dict. c. *Significatum*, & alia, quæ habentur 10. quæst. Et favet Trident. sess. 24. cap. 10. de Reformatione.

18 Sed quæri tandem hic potest, an spirituale obsequium possit etiam annexi rei temporali, vel res temporalis ecclesiæ relinqui sub conditione, vel modo præstandi aliquod obsequium spirituale. Innocentius enim in cap. 3. Ne Prælat. vices suas, negat, posse id fieri sine simonia, quia jam obsequium illud venderetur, & in pactum reduceretur pro re temporali, quod & per se malum est, & jure prohibitum. Quam sententiam sequuntur aliqui canonistæ, ut Anan. & Anchar. in dicto capite 3. Panor. d. cap. *Significatum*, n. 7. Et juxta hanc sententiam dixit Richard. in 4. distin. 25. articul. 3. quæst. 2. ad 2. non licere dare pecuniam ecclesiæ cum pacto de anniversario celebrando, sed debere simpliciter dari, & tunc ecclesiam teneri quasi in gratitudinem. Sed in hoc nullam video difficultatem, sed solum in verbis posse esse diffinitionem. Dico ergo sine dubio licitum esse, temporale aliquid dare ecclesiæ cum onere alicujus obsequii spiritualis, obligando ad illud non tantum ex gratitudine, sed etiam ex justitia, immo adhibendo expressam conditionem, ut alias non detur, vel quod si ecclesia non adimpleverit conditionem, seu modum, privetur tali re temporali, seu legato. Totum hoc est tam clarum ex usu ecclesiæ, ut non possit in controversiam adduci. Exempla sunt, si fundus donetur ecclesiæ, ut ibi sacellum ædificetur, & non alias, vel si legetur annuus census, ut tale anniversarium fiat, vel si non fiat, detur pauperibus, vel heredibus, & sic de similibus, nam in his nulla intervenit simoniæ umbra.

19 Probatur: quia nec est simonia contra jus Divinum, nec contra ecclesiasticum; ergo nulla. Prior pars probatur, quia ibi non emitur spirituale per temporale oblatum, sed relinquitur, seu donatur temporale ad certum usum spiritualem, quem licet

Ultimum dubium.

Resolutio.

te, & sancte habere potest. Cum ergo unusquisque possit sua temporalia bona relinquere, & donare cum quacumque conditione, vel modo alias honesto pro suo arbitrio, etiam omnes illæ dispositiones licitæ sunt, & sine ulla umbra simoniæ. Assumptum patet, quia res temporalis sancte consecratur ad spiritualem usum: ergo licitum est habenti argentum, illud donare ecclesiæ, ut illo fiat calix, & dicatur divino cultui, & non alias, & fundus, ut in ecclesiam dicatur, & non alias. Item licitum est vineam, aut villam depurare, ut fiant ecclesiastica bona, ex quibus alantur clerici; ergo licitum est sub illo modo relinquere talia bona ecclesiæ, & non alias. Denique dare stipendium in elemosinam, ut missæ dicantur, obligando ex iustitia clericum, qui pantiā recipit, ut missam faciat, non est simonia, ut infra dicetur, sed hic est legitimus sensus illarum dispositionum (ut bene advertit Antonin. corrigens tacite, vel declarans dictum Richard. 2. parte, titulo primo, capite quinto, §. 16. verfic. *Pro celebratione*) ergo nulla ibi intervenit simonia. Erit autem de nomine quæstio: an tunc dicenda sint obsequia spiritualia annecti rebus temporalibus, quod videntur canonistæ horruisse, vel potius dicendum sit, tunc temporalia relinquere, ut sint annexa, & per prælatos ecclesiæ annectantur spiritualibus, seu ut talia acceptentur, & non alias. Et hic posterior modus loquendi castior est, & omnem tollit difficultatem.

20 Altera vero pars de jure ecclesiastico probatur, quia nullum est tale jus prohibens, immo sunt multa, quæ hujusmodi facta approbant, vel licita esse supponunt. Nam in capitulo, *Olim*, de Restitut. spoliar. iusta censetur fuisse concessio domus sub conditione instituendi in illa oratorium, & aliis conditionibus, quæ ibi narrantur, & in capitulo, *Verum*, de conditionibus apposit. supponitur posse aliqua donari ecclesiæ sub conditione, & servandam esse conditionem; si tamen non impleatur, non posse revocari donationem, nisi id sit expressum in donatione. Loquitur autem sine dubio de conditionibus consuetis in ecclesiis, quæ esse solent de his spiritualibus oneribus. Et in capitulo, ultimum, de Testamentis non solum approbantur similia legata, sed etiam tanquam pia ab onere quartæ funeralis eximuntur. Et idem habetur in c. *Ex parte* 3. verb. Sign. Et eadem legata approbantur in Clem. *Dudum*, de sepul. licet illa exemptio a quarta limitetur quoad mendicantes, quoad præsens non spectat. Atque ita hæc sententia communis est, quam tenet aperte Major. d. q. 6. ad 1. & 2. Gabriel. Lect. 28. in Canon. lit. L. & sequentibus referens Scot. Quodl. 20. D. Th. etiam dicta q. 100. art. 3. ad 2. hæc omnia approbat, & declarat intelligenda esse in sensu supra dicto, quod dantur talia in stipendium, non in pretium.

21 Ad id vero D. Thom. obscurum verbum: *Si autem huiusmodi pacto interveniente, fiant, vel intentione emptionis & venditionis*, committi simoniam. Unde Silvest. verb. *Simonia*, q. 9. verb. *Tertium*, & *Septimum*, & latius in Ros. aur. casu 58. ait, licet ex natura rei hæc non sit simonia, tamen interveniente pacto, esse contra jus ecclesiasticum. Sed hoc posterius falsum est, ut dixi. Nec existimo illum fuisse sensum D. Thom. sed priora ejus verba intelligenda esse juxta posteriora, utique de pacto emptionis, & venditionis. Explicuit enim, quomodo possit ibi committi simonia conventionalis, vel mentalis: unde sicut mentalis non est, nisi venditio, & pretium intendatur, ita nec conventionalis erit propter quodcumque pactum, sed propter contractum emptionis, vel alium illicitum, qui in ipsamet conditione, seu donatione tali modo facta intrinsece non insit, hoc enim separare impossibile est, & ita verbum illud D. Thom. aliter intellectum destrueret positionem. Denique infra ostendemus, pactum de stipendio non esse per se illicitum, neque prohibitum: hoc autem pactum, quod hic intervenire potest, ejusdem rationis est, ut constat. Et ita omnes auctores, quos ibi referemus, in hanc sententiam consentiunt: & ex ibi dicendis amplius explicabitur, & confirmabitur.

CAPUT XL.

Quid sub munere a lingua comprehendatur?

Hoc loco non oportet distinguere de spirituali, & temporali munere a lingua: nam licet etiam lingua suum habeat spirituale munus, illudque honestissimum, ut voce orare, cantare, & laudare Deum, tamen illud ad obsequia spiritualia pertinet, quæ Deo exhiberi possunt, & ecclesiæ, & quæ unus fidelis potest in aliorum utilitatem spiritualem præstare: hoc ergo munus spirituale sub munere ab obsequio comprehensum a nobis est. Munus ergo a lingua, quod nunc consideramus, temporale est, & ut proprie loquamur, mere humanum, complectens humanas preces, supplicationes, & intercessiones, laudes, adulationes, &c. Ut tamen distinctius procedamus, de precibus loquemur, & postea facile ad omnia linguæ obsequia resolutionem applicabimus. De precibus ergo duæ possunt referri opiniones. Prima simpliciter affirmat, dare beneficium propter preces, ita ut formale motivum, & ratio dandi sint preces, esse simoniam. Ita sentit Adrian. dicto Quodlib. 9. art. 2. dub. 1. & dicit, esse opinionem Theologorum: illam enim tenent in 4. d. 25. Durand. q. 4. dicens, esse simoniam, etiamsi digno detur beneficium, si detur propter preces principaliter, & incurri pœnas simoniacorum: idem Palud. quæst. 5. & Major. quæstion. 3. Immo idem sentire videtur ibi Divus Thomas q. 3. art. 3. & 22. q. 100. artic. 5. ad 3. & sequitur Silvest. verb. *Simonia*, q. 16. §. *Tertium*, Citatur etiam Armach. lib. 10. articul. 18. Idemque sentit Gloss. ex cap. *Ordinationes* 113. quæst. 1. Addit vero limitationem dicens, si preces fiant pro indigno, vel pro se, & tunc, propter illas dare ordines, esse simoniam, alias non. Sed est distinctio valde materialis, & impertinens, ut ex dicendis patebit. Fundamentum hujus sententiæ esse potest distinctio trimembris posita in c. 36. & jura, ex quibus sumitur, nam illa probant, hoc munus a lingua esse sufficiens ad simoniam. Ratio reddi potest, quia preces quasi intrinsece afferunt promissionem favoris temporalis, & humanæ amicitiae, quæ sunt æstimabilia pretio.

2 Secunda sententia simpliciter negat, preces sufficere ad simoniam, etiamsi propter illas detur beneficium, vel aliud spirituale. Hanc tenent canonistæ communiter, in c. *Tuam*, de Aetat. & qualir. Gloss. Innocent. Hostiens. Cardinal. & late Abbas num. 3. Item Gloss. in c. *Filius*, non itaque, verb. *Ordinandi* 1. quæst. 1. Et idem sentiunt Tabien. verb. *Simonia*, num. 11. Supplem. Gabriel. 4. d. 25. art. 3. dub. 4. præsertim not. 2. Et in eadem sententiam inclinat Redoan. parte prima, c. 26. præcipue in fine. Maxime vero docuit hanc sententiam Cajetan. verb. *Simonia*, versus finem, verb. *Quinto*, nota, quem sequuntur Vict. d. Relect. a num. 36. & Soto d. q. 7. art. 3. & Navar. c. 23. n. 102. verb. *Decimo*, & n. 107. in princip. Qui distinguunt de precibus permanentibus in propria natura, vel transeuntibus in rationem pretii. Et priori modo ajunt, non sufficere ad simoniam, posteriori autem modo sufficere. Quæ resolutio vera est. Sed oportet, duas expedire difficultates. Una est, quomodo distinguantur illa duo membra. Alia est, quomodo munus a lingua distinguatur a munere ab obsequio, quando transit in rationem pretii. Ut ergo rem per se facile, & multis auctoribus prolixè, & confuse tractatam breviter, & dilucide explicemus, supponamus, sermonem esse de solis precibus, quæ non includunt promissionem alterius extrinseci boni pertinentis ad munus a manu, vel ab obsequio, nec etiam comminationem: nam si habeant promissionem adjunctam expressam, vel tacitam de alio munere, jam tunc motivum dandi non sunt preces ut preces, sed est munus a manu, vel ab obsequio, & per ea, quæ de his diximus, regulandæ sunt; si vero contineant comminationem alicujus mali extrinseci ad preces, redundant in merum, & ex his, quæ de illo diximus, judicandæ sunt. Preces autem simplices

Utrum dare beneficium propter preces sit sim. Opinio affirmat simpliciter.

Fundamentum.

2. Sententia negat simpliciter.

Duplex difficultas.

plices adhuc possunt distingui duplices, quædam oblata prælato, verbi gratia, collatori beneficii ad oblinendum ab illo, ut conferat beneficium, vel ipsi petenti, si pro se petat, vel alteri, si pro alio petat: alia vero esse possunt postulatæ ab ipso prælato in suam utilitatem, vel suorum consanguineorum, vel amicorum.

3 Dico ergo I. Postulare ab aliquo prælato (& idem est de aliis) ut conferat alicui beneficium sine promissione alia, vel pacto, nunquam est sufficiens ad simoniam, nec illæ preces habent rationem pretii, nec prælatus propter illas principaliter conferens beneficium simoniam committet, licet alias peccare possit. Hæc est nunc communis, & recepta sententia cum auctoribus posterioris sententiæ, cui fortasse in hoc non contradicunt priores, ut videbimus. Probatum autem ratione, quæ uti solemus. Quia vel illa simonia esset contra jus divinum, vel contra jus ecclesiasticum; neutrum dici potest; ergo nulla est. Probatum prior pars minoris: primo, quia dare propter preces, non est vendere, nec recedit a gratuita donatione; ergo nec petere, & precibus obtinere est emere, vel per onerosum contractum rem obtinere; ergo ex natura rei ibi non est simonia. Posterior illatio nota est ex fundamento simoniæ, præsertim contra jus naturale. Prior etiam est per se nota, quia illa duo correlativa sunt. Antecedens vero probatur, primo ex Jure Civili, in quo longe diversum est, precibus aliquid obtinere, quod precarium appellatur, aut emere aliquid, quod requirit proprium pretium, ut constat ex tit. de emptione, & venditione, & de precario. Item ex Jure Canonico, in quo etiam in præsentī materia sanquam distincta ponuntur, vendere ordines, aut precibus illos conferre, ut in cap. *Pueri* 120. ait Gregor. *Nulla sit in ordinatione venalitas, potentia, vel supplicatio personarum*; & infra: *Si ex favore, aut ex venalitate*; ubi plane hæc duo, ut distincta ponuntur: favor autem respondet precibus, vel est idem. De electione etiam est optimum decretum ejusdem Greg. in c. 18. quæst. 1. Ubi sic dicitur: *Illud quidem præ omnibus tibi cura sit, ut in hac electione, nec datio quibuscumque modis intercedat premium; nec quarumlibet personarum potentium patrocinia convalescant*. Aliud ergo est donare, aliud precibus intercedere: quia illud prius longe deterius est, manifestamque habet simoniæ pravitatem: nullam de priori membro rationem adjungit Gregorius, de posteriori autem quamdam addit, quæ pro causa præsentī ponderanda est: *Nam si quorumdam patrocinio (inquit) fuerit quisquam electus, voluntatibus eorum, cum fuerit ordinatus, obedire, reverentia exigente, compellitur, sicque fit, ut & res illius minuantur ecclesiæ, & ordo ecclesiasticus non servetur*. Non ergo propter simoniæ malitiam illud prohibebat, sed propter incommoda alia, quæ inde ecclesiæ proveniunt.

4 Atque hinc probatur altera pars de jure positivo; cum quia nullibi invenitur talis prohibitio: tum etiam, quia potius invenitur expressa approbatio in cap. *Tu nos* de Simon, ibi, *Rogans humiliter, ut in Canonico admittatur*; & infra concluditur: *Fieri poterit absque scrupulo simoniaca pravitas*. Deinde facit c. *Latorum*, & cap. *Filium* 121. & 122. 1. quæst. 1. Ubi Gregorius ipse fatetur, se precibus fuisse inductum ad quosdam ordinandos. Ubi Gratianus inde concludit, ordinationem precibus factam non semper male fieri, si preces justæ sint, quod non haberet locum, si preces, ut tales sunt, simoniam inducerent. Potest etiam hoc declarari ex eisdem capitulis, in quibus inter pretia simoniæ ponitur munus a lingua, nam preces porrectæ simpliciter ipsi ordinatori, vel collatori, non habent rationem muneris; non sunt ergo illæ munus a lingua; ergo non sufficiunt ad simoniam. Antecedens patet: nam qui petit ab alio homine, non donat illi aliquid, quando enim a Deo petimus, non donamus illi, sed donari nobis cupimus. Et licet orando Deum præstemus illi obsequium, & cultum religiosum, in petitione ad homines non habet locum hæc consideratio, quia petitio ad hominem non fit ad honorandum illum, cui petitio offertur, sed tantum utilitatem petentis, vel ejus, pro quo intercedit, per se

loquendo: igitur petitio ad hominem ex ratione sua non habet rationem muneris. Præterea confirmatur, quia quod datur ex solis precibus, gratis simpliciter datur, & qui recipit, obligatus manet ex gratitudine, seu antidotali obligatione, ut constat ex communi sensu omnium hominum; ergo non est venditio: nam qui emit, non manet ex gratitudine obligatus, nec censetur recipere beneficium per se loquendo, quia est contractus onerosus: nam quod ex tali contractu datur, non datur gratis. Denique confirmatur, quia petere alia spiritualia, ut Missas, orationes, suffragia, & a pontifice precibus indulgentias obtinere, & privilegia, vel propter preces hæc conferre, nulla est simonia, nihilque est in ecclesia magis usitatum; ergo idem est ex vi precum in quocumque alio spirituali dono. Item mutuare propter preces, non est usura, quia gratis nihilominus mutuatur; ergo similiter, &c.

5 Sequitur primo, hoc verum esse, non solum quando preces pro alio offeruntur, sed etiam quando aliquis pro se postulat dignitatem, vel beneficium, aut aliam rem spiritualem. Hoc inferimus propter Glossam, quæ in hoc sine causa distinguit in d. cap. *Ordinationes*, quam Silvest. supra sequi videtur. Et refertur etiam Hugo antiquus Canonista a Gloss. in d. cap. *Tuam*, de arat. & qualiter. Et patet, quia rationes factæ tam urgent in petitione pro se facta, quam pro alio. Item vel tales preces habent rationem pretii, vel non habent. Si non habent, etiam pro se oblata non reddunt oblationem simoniacam: si habent, etiam pro alio habebunt, sicut munus a manu, vel ad obsequio tam pro alio, quam pro se facit actionem simoniacam. Item exempla de aliis rebus spiritualibus hoc convincunt: nam petere indulgentiam pro me, vel spirituale privilegium, aut dispensationem, non est simoniacum, cum tamen hæc mihi emere simoniacum sit; ergo idem erit etiam de beneficio, & quacumque re alia. Sed ajunt, qui pro se petit, præsumptuosus est, & ambitiosus; ergo simoniam committit. Profecto quicquid sit de antecedenti, illatio frigida est, nam est a diversis, seu disparatis. Sunt enim hæc diversissima vitia, nec ex uno sequitur aliud, alias simoniacus esset, qui, cum sit indoctus, vel malus, acceptat beneficium, gratis oblatum, & non petitum, quia etiam illud est præsumptuosum, & injustum, & potest esse ex avaritia, vel vanitate. Unde D. Thom. 2. 2. q. 100. art. 5. ad 3. licet dicat, non esse licitum, pro se petere beneficium, curam animarum habens, vel episcopatum, propter præsumptionem, si se reputet dignum, vel propter injustitiam, si se reputet indignum, non tamen dicit esse simoniam, quod illi falso imponit Silvester.

6 Ulterius vero assero, etiam de antecedenti posse satis dubitari, & esse opiniones controversas, sed non spectat ad hunc locum, sed ad materiam de beneficiis, & de statu episcoporum, quam in 9. tom. 3. p. (qui erit, Deo dante, de toto ordine ecclesiastico) reservamus. Nunc breviter assero; Si quis sit indignus, peccat pro se petens beneficium, quia petit rem, quæ non potest juste fieri, sed hoc modo etiam est simile peccatum pro alio indigno petere. Item, si quis sit dignus, & simplex beneficium petat, non peccat, quia nec est per se malum, nec prohibitum. Aliqui vero præter dignitatem requirunt, ut egeat: nam si non egeat, non putant, licite postulare: & hoc significat D. Thom. in illa solut. ad 3. dicens, *si sit indignus*. Sed hoc verum puto ad summum, quando, ut clericus non indiget, id est, quando habet sufficientes redditus ecclesiasticos, si vero sit temporaliter dives, non credo, esse peccatum, per se loquendo, petere ab ecclesia beneficium, quo sufficienter sustentari possit, si velit esse clericus, quia hoc nec est intrinsece malum, cum aliæ divitiæ accidentariæ sint, nec invenitur ab ecclesia prohibitum, immo valde toleratum; nec facile debemus damnare communia facta tolerata, & permessa sine cogente ratione. Immo in priori casu, quando quis non eget ut clericus, tota ratio malitiæ oritur ex prohibita pluralitate beneficiorum; nam si quis procurat simplex beneficium pinguius, dimisso tenui, non videtur per se malum, nec prohibitum. Hæc ergo, & similia ex objecto indifferentia sunt

Obje-
ctio
explodi-
tur.

Indignus
peccato
pro se pe-
tens bene-
ficiū.

Utam sit
necessariū
egere ad
petitionē
benef.

sunt, & licet ordinarie non fiant sine aliquo excessu, vel culpa, simpliciter pender ex intentione operantis, & aliis circumstantiis.

7 Propter quæ ulterius dico non esse absolute peccatum, petere pro se curatum beneficium, si quis moraliter, & sine temeritate se reputet dignum, quia video, in universa ecclesia id fieri, & tolerari; immo aut vix, aut nunquam aliter conferri hæc beneficia, immo Concil. Trident. sess. 24. cap. 18. de Reform. dum ordinat, hæc beneficia per concursum provideri, tacite vult, invitari homines, ut se offerant, & opponant ad hæc beneficia, quod est, illa petere. Et ratio est eadem, quia hoc non est prohibitum, nec est per se malum, potestque bona intentione fieri, & sine præsumptione, quia potest quis non solo iudicio suo, sed aliorum etiam consilio duci, & quia non oportet, ut se præferat omnibus aliis simpliciter, sed solum illis, quibus in tali loco, & tempore potest tale beneficium conferri. Immo nec illis omnibus necesse est, ut se præferat positive, sed satis est, quod se reputet dignum, & non habeat principia sufficientia, ut alium iudicet digniorem. In episcopatu vero major est difficultas, & ideo sine majori discussione nihil dicendum de illo existimo, usque ad designatum locum.

8 Secundo infero, idem dicendum esse, si ve preces prodigna, si ve indigno fiant, inter quos etiam distinxit Glossa supra citata, immo etiam D. Thom. videtur ita distinguere, in d. solut. ad 3. Probatur vero illatio, quia de petitione pro digno omnes concedunt, nec petitionem, nec collationem esse simoniacam, quod etiam ex assertione posita, & rationibus ejus manifestum est; immo etiam potest facile probari, per se non esse illicitum, quia est petitio de re iusta, in qua exaudite petentem, & velle illi beneficentiam præstare, malum non est, immo per se est bonum. Hoc etiam convincunt d. cap. *Tu nos*, & d. cap. *Latores*. Inde vero idem concluditur de petitione pro indigno: nam licet illa sit iniqua, & sacrilega, non est tamen simoniacam, quia preces non sunt pretium, ut ostensum est. Item procurare beneficium alteri per munus a manu, simonia semper est, si ve ille sit dignus, si ve indignus, pauper, aut dives; quia malitia simoniæ non oritur ex qualitate personæ, cui beneficium procuratur, sed ex modo emendi: si ergo obtinere beneficium precibus esset modus simoniacus, etiam pro digno esset, vel si pro illo non esset, nec pro indigno est. Div. Thom. autem dixit, esse factum simoniacum, dare beneficium indigno pro precibus, non quia semper ita sit, sed quia, quantum est ex qualitate facti, ita præsumitur. Nam cum collator non moveatur ex dignitate personæ, cui provider beneficium, indicium est, moveri aliquo interesse, quod possit habere rationem pretii, modo infra explicando. Et eadem ratione inferre possumus, non esse simoniam, etiam si preces fundantur pro consanguineo, vel amico, aut alio quocunque simili, quia rationes factæ eodem modo procedunt. Et istæ qualitates, vel conjunctiones, si alias persona sit digna, nihil obstant, quominus precatio esse possit omni ex parte licita, quia illæ circumstantiæ per se malæ non sunt, nec prohibitiæ. Si vero sit indigna persona conjuncta, tunc erit precatio alias injusta, & sacrilega, non tamen simoniacam, si rationem simplicium precum non excedat. Et ideo non refert ad propositum distinctio Glossarum de precibus spiritualibus, aut carnalibus: nam hæc esset accommodata distinctio, si ageremus de iusta, vel injusta collatione beneficii: non autem de hac agimus, sed de simoniaca, & hanc non faciunt etiam preces carnales, si tantum preces sunt, ut patebit facile applicando distinctum factum.

9 Tercio colligitur ex dictis non esse simoniam precibus inducere potentem vitum, aut familiarem papæ, vel episcopi, ut mihi ab illo impetret beneficium, cum tamen certum sit, & infra dicemus, simoniam esse, pecunia aliquem conducere, ut preces pro me fundat ad beneficium obtinendum. Et hoc exemplum optime declarat differentiam inter pecuniam, & preces. Prior ergo pars indubitata est ex dictis: nam si preces pro beneficio non faciunt simoniam, multo minus efficiunt preces precum. Item unus ipse hoc satis con-

firmit: omnes enim, etiam docti, & timorati hoc faciunt sine ullo scrupulo. Posterior vero pars hic supponitur, & ratio ejus est, quia tunc emitur beneficium, saltem in causa morali, quæ licet non semper sit efficax, est tamen in suo ordine sufficiens, & si contingat esse efficacem, jam tunc cum effectu emitur beneficium. Nec etiam obstat, quod beneficium liberaliter conferatur a papa, vel prælato, quia id est ratione ignorantie, unde licet ipse non vendat, alter emit. Nec ibi deest venditor: nam qui vendidit preces, virtute vendidit beneficium, quantum est in se, sed de hoc plura infra.

10 Obijci vero potest cap. *Nemo Presbyterorum* de **Objectiones.** simon. ubi presbyteri prohibentur, *Ne quemquam penitentem, vel minus digne penitentem gratia, vel favore ad reconciliationem adducat*; & concluditur: *Simoniacum enim est utrumque*. Per gratiam autem, & favorem intelliguntur ibi preces, quia preces in favore, & gratia nisi solent. Et in d. cap. *Ordinationes* 1. quæst. *Ordinationes factæ precibus falsæ dicuntur, sicut factæ pecunia*. Item qui petit aliquid spirituale, præsertim si petat beneficium pro indigno, vult, ut propter preces omnino detur, preces autem sunt temporale quid; ergo vult dari spirituale pro temporali, quod est simonia. Unde saltem quando in objecto non est alia ratio dandi, necesse est, ut collator beneficii det illud tantum intuitu precum; ergo saltem erit simoniacus mentalis, si pactum non præcessit.

11 Ad i. c. Canonistæ respondent, ibi esse sermonem de simonia late sumptam, ut supra vidimus, sed quia nos supra diximus, saltem in posteriori parte capitis (in qua sunt illa verba) sermonem esse de propria simonia, respondemus per gratiam, & favorem ibi intelligi, non gratiam, quam facit ille, qui exaudiat preces, sed quam præterdit, nec favorem, quem exhibet, sed quem sperat, & tunc preces transeunt in rationem promissionis, juxta dicenda in secunda assertione, juxta quam intelligendus est ille textus. Et eodem modo potest intelligi ca. *Ordinationes*, quamvis in illo non sit sermo de simonia in specie, sed in genere de illicitis modis conferendi ordines. Ad rationem responderetur, qui petit, ex vi precum velle quidem, ut res postulata detur propter preces, sed non propter illas, ut pro pretio, sed tantum pro quodam motivo benevolentie, & gratiæ præstandæ ab alio, ad quem sit petitio, & eodem modo potest hic dare intuitu precum, non tamen ut pretii, sed ut sufficientis motivi ad ostendendam oratori benevolentiam. Hoc autem modo dare spirituale intendendo ad aliquid temporale, non sufficit ad simoniam, ut supra dictum est. Et constat, quando datur beneficium in ostensionem gratitudinis, etiam propter obsequia temporalia, & aliam quamcumque obligationem antidoralem, ut in sequentibus latius dicemus. Quocirca cavenda est equivocatio, quæ sæpe ab auctoribus committitur in particula *propter*, ex illa quocumque modo sumpta inferendo simoniam vel externam, vel saltem mentalem, si intentio cadat in temporalem respectum, quæ tamen collectio bona non est, quia necessarium est, ut intentio feratur ad pretium, & hoc significatur per particulam *pro* rigore sumptam, ut explicatum in superioribus est. Hic autem preces non possunt habere hunc respectum, nisi transcendant rationem precum, vel nisi contractum aliquem expressum, vel tacitum supponant, ut in sequenti conclusione explicamus.

22 Dico secundo: si per collationem beneficii, vel **1. Conclusio.** alterius rei spiritualis collator intendat obligare alium ad preces pro se fundendas, tunc proprie recipit munus a lingua: unde si recipiat sub pacto expresso, vel tacito, simoniam committit, idemque est, quoties preces, & intercessionem præcesserunt sub pacto, vel promissione beneficii, si fierent. Hæc assertio communis est, & juxta illam posset procedere prima sententia, immo illam maxime explicant Cajet. & Victor. Et probatur præsertim quoad priorem partem primo ex Juribus Canonibus ponentibus inter hæc pretia munus a lingua, quia oportet in aliquo vero sensu intelligi: nullus autem alius apparet probabilis, hic autem est proprius. Nam, ut supra ponderabam, munus a lingua debet esse munus respectu ejus, qui simoniam censetur

Responsio
ad obiectiones.

setur committere ratione illius : sicut contingit etiam in munere a manu , & ab obsequio , & ratio est , quia alias ipse non emerit . Preces autem tunc sunt munus conferentis rem spiritualem , quando pro illo offeruntur , non quando illi offeruntur ; ergo de illis proprie loquuntur dicta jura . Et ponderari possunt verba , c. *Sunt nonnulli* l. quæst. i. *Sunt* (inquit) *nonnulli , qui munerum premia ex ordinatione non accipiunt , & tamen sacros ordines pro humana gratia largiuntur .* Quia nimirum sperant sibi fore conciliandam gratiam precibus , & intercessionibus eorum , quos ordinant . Unde subditur infra : *Hi nimirum , quod gratis acceptum est , gratis non tribuunt , quia de impenso officio sanctitatis , munus expectant favoris .* Ordinanti ergo preces ad se , & ad suum luctum . Et infra , *Munus a lingua favor* , non certe quem ordinans facit , sed quem recipere sperat , ut constat ; sic ergo intelligendæ sunt etiam preces . Secundo , sic intellectis precibus , facile potest reddi ratio hujus simoniæ , etiam stando in jure divino . Quia preces hujusmodi sunt quid temporale , æstimabile pretio , & sunt in gratiam , & lucrum ejus , qui propter illas spirituale præbet ; ergo revera sunt quoddam obsequium pretio æstimabile ; ergo si pro illo ut spirituale detur , est clara simonia . Ut tamen hæc ratio pretii interveniat , necesse est , ut promissio , vel pactum intercedat , nam si absque obligatione tales preces antecedant , & sequatur beneficii collatio ex sola gratitudine , vel e converso præcedat spirituale donum , & sequatur intercessio pro donatore ex sola gratitudine , non est simonia , quod totum explicandum est , sicut de obsequio , quia est omnino eadem ratio .

13 Et hinc facile declaratur posterior pars assertionis . Nam si episcopus petat ab aliquo , ut ad principem pro se intercedat , promittens beneficium , si id faciat , clara est simonia conventionalis , & realis , si postea executioni mandetur ; tunc autem temporale , quod confertur , est munus a lingua consistens in precibus pro illo collatore factis . Contingere itaque potest , ut episcopus velit conferre beneficium , nisi a tali persona rogatus , ut habeat occasionem illam obligandi , & tunc si ita paciscatur , fac , ut ille petat , & ego dabo , censo esse simoniam : tum , quia involvit pactum prohibitum jure saltem ecclesiastico : tum etiam , quia per promissionem beneficii ille negotiatur favorem temporalem alterius , vel amicitiam humanam cum illo , & ad eam comparandam obligat illum , cui beneficium promittit , ut ab alio obtineat preces , & intercessionem pro se . Quæ negotiatio ex parte desiderantis beneficium , est pretio æstimabilis , & reducitur in quandam intercessionem pro ipsomet prælato , quatenus procurat , ut alter illi se submittat , & obnoxium , ac obligatum reddat ; ergo quoties tales preces , vel præcedunt , vel sequuntur ex vi pacti , aut promissionis , tunc sunt pretium , & munus a lingua , quo simonia committitur , si vero tales non sint , nunquam ad hoc sufficiunt .

14 Præterea ex dictis facile est applicare doctrinam ad alia genera verborum , intercessionum , adulationum , laudum , & signorum benevolentie , & honorum , vel potius fictionum , vel si aliqua alia cogitari possunt . Nam intercessionem omnes preces quædam sunt , & ideo per duas regulas , seu assertiones positas judicandæ sunt . Nam si ex pacto , vel promissione cum collatore , & in favorem , seu utilitatem ejus , vel alterius ex consensu , & tacita exactione ejus fiant , munus a lingua sunt , & ad simoniam sufficiunt , sive prodigno , sive pro indigno fiant , quia hæc non variant rationem simoniæ , ut dixi . Si vero intercessio simpliciter fiat sine ullo pacto , vel obligatione , nunquam inducit simoniam , licet multa alia peccata possint habere adjuncta . Laudes item , si exigantur ex pacto , & obligatione , munus sunt a lingua , quamvis Victoria dubitet , sed nullum est dubium , quando ex tacita conventionem sunt : & idem est de signis aliis honoris , & benevolentie , nam hæc omnia sunt pretio æstimabilia , & multo magis obligatio ad illa . Itaque si ista exigant , ut coram aliis fiant ad acquirendam famam , vel benevolentiam apud illos , & sic tacite , vel expresse promittam alicui beneficium , vel

spirituale donum , ut hoc officium pro me sumat , clara est simonia : si autem voluntate assumas officium laudandi prælatum apud alios , ut ipsum benevolum tibi reddas , sperans inde beneficium sine pacto , licet sit munus a lingua , tamen non habet rationem pretii ex defectu conventionis . & ideo non sufficit ad simoniam , sicut de aliis muneribus dixi . Potest item laus fieri coram ipso , qui laudatur , & tunc habet rationem adulationis , maxime si falsa sit , & tunc regulariter non fit ex conventionem : tamen si fieret , etiam esset pretium sufficiens , ut constat . Denique etiam possunt excogitari humanæ fictiones , & mendacia , ut si episcopus daret viro illustri beneficium , tacite paciscens cum illo , ut se profiteretur , & recognosceret consanguineum suum , ut ipse etiam illustris reputaretur , simonia esset , pertinet ad hoc munus a lingua : & sic de aliis judicandum est .

15 Tandem juxta hæc expedienda est difficultas supra insinuada , quia juxta hanc interpretationem non videtur munus a lingua distingui a munere ab obsequio , quia revera munus a lingua sic explicatum nihil aliud est , quam obsequium quoddam . Dicendum enim est , posse quidem hoc munus vocari obsequium quoddam , sicut cantare suaviter munus a lingua dici potest , & est quoddam obsequium ; & officium securæ obsequium est , quod lingua exercetur , & utrumque sufficere possit ad simoniam muneris ab obsequio , immo & munus docendi inter obsequia computatur . Tamen specialiter distinctum est munus a lingua , propter ea munera linguæ , quæ non per modum servilis obsequii , aut ministerii fieri solent , nec vendi solent , aut locari , regulariter loquendo , & ideo non tantum a servis , & ministris , sed etiam a dominis , nobilibus , & principibus exerceri solent , ideoque magis occultam habere videntur rationem pretii . Hac ergo ratione merito fuit hoc munus a lingua separatim ab aliis numeratum . Et hæcenus de tota hac divisione dictum sit .

CAPUT XLI.

Utrum simonia convenienter , ac sufficienter dividatur in mentalem , conventionalem , & realem ?

1 **T**Ria diximus in simonia intervenire , quæ in omni emptione , ac venditione , seu contractu illi proportionato necessaria sunt , scilicet pretium , res vendita , & contractus , qui est veluti proxima materia , seu subjectum malitiæ simoniæ , sicut ergo ex primis duobus capitibus simonia multiplex est , ita est ex tertio : & ideo explicatis partitionibus , quæ ex illis nascuntur , de variis modis simoniæ , qui ex modis contrahendi nascuntur , dicendum superest . Quamvis enim in superioribus multa de hoc attigimus , vel quia sine illis non poterant materia , & pretium simoniæ declarari , vel quia conjunctissima erant cum his , quæ tractabantur , hic tamen tanquam in proprio loco materia hæc explicanda est , ubi occurrerint , jam dicta illa remittimus . Quarta ergo magistralis divisio simoniæ , & prima in hoc loco est in titulo proposita , quia dividitur simonia in mentalem , conventionalem , & realem . Quæ habet fundamentum in jure : nam omnia illa membra in illo inveniuntur . De mentali est optimum caput ult. de simoni. ibi . *Qua nullo pacto , sed affectu animi præcedente utrinque taliter acquiruntur* . Et in eisdem verbis indicatur realis per locum a contrario , scil. quando ex pacto utrinque acquiritur . Eadem etiam mentalis indicatur in capite *Tua nos* , eodem in §. *Licet autem taliter duximus respondendum , quia nobis datum est de manifestis tantummodo judicare , si tamen is , qui talem donationem facit , ea intentione ducatur , &c.* Et ita simonia conventionalis in eodem textu in principio ejus explicatur . Et de illa loquitur etiam cap. *Cum essent* , eod. & cap. *Cum pridem* de pactis : de reali vero loquuntur , regulariter loquendo , cætera jura , quæ simoniam puniunt , ut patebit infra , tractando de poenis . Duo ergo circa divisionem hanc breviter explicanda sunt . Primum , an sit convenienter data , & quomodo illa mem-

Dans beneficium , ut nobilis recipitur , si non committitur .

Distinctio muneris a lingua ab obsequio .

Collatio beneficii , dummodo a certa persona petatur , est simonia

Summa eorum

1. Quarta divisio incipit de glari .

bra distinguantur? Secundum, an sit sufficiens, vel addendum sit quartum membrum simoniæ fictæ, vel confidentialis?

2 Circa primum, multi solum per duo membra solent hanc divisionem tradere in simoniam mentalem, seu interiorem, & conventionalem, seu externam. Ita significat Archid. in cap. 1. 1. quæstio. 1. & alii, quos refert Redoan 1. part. cap. 2. num. 11. Frequentius tamen utuntur Theologi hac divisione, ut sumitur ex Cajetano in Sum. verb. *Simonia* in 2. & 3. memb. Sit-vest. quæst. 20. Sor. dicto lib. 9. quæst. 8. art. 1. Victor. in 2. p. Relect. num. 1. Et potest sumi ex Extravag. 2. inter communes, de Simon. ibi: *Affectantes, ut horum pessimum vitium, non ex usu solum, sed etiam ex mentibus hominum saltem propter poenarum metum penitus evellatur.* Ratio esse potest, quia omne peccatum est aut internum, aut externum: illa enim duo membra contradictorie opponuntur, unde non videntur habere medium; idem ergo erit de simonia. At vero Canonistæ faciunt hanc divisionem trimembrem. Potestque referri Abbas in cap. *Nemo* de Simon. numer. 6. Nam expresse dicit, triplicem esse simoniam: postea vero solum mentalem, & conventionalem declarat. Expresse, & latius tradit illam divisionem Redoan. supra num. 12. & juxta illam tres primas partes sui tractatus distinguit. Eandem habet Gomez. in Regul. de Triennial. possessio. quæstio. 1. 2. §. *Cum igitur*, Navar. d. cap. 23. num. 103. & sequentibus. Et in Comment. cap. *Mandato* de Simon. num. 7. Adrian. autem dicto Quodlib. 9. art. 2. quatuor membra enumerat, sed si attendite legatur, non recedit a priori divisione trimembri, sed mentalem dividit in duas, quæ statim exponemus; & conventionalem in alias duas, implicitam, & explicitam, quæ nos cum cæteris omnibus non distinguimus, quia solum materialiter differunt. Unde prior etiam dissensio parvi momenti est, quia non est de re, sed de modo loquendi. Nam in re constat, posse reduci omnem simoniam ad illa duo membra mentalis, & conventionalis simoniæ. Certum item est, conventionalem simoniam posse esse magis, & minus completam, & secundum has diversas rationes posse subdividui in duo membra, & consequenter totam latitudinem simoniæ illa tria membra complecti, quæ posterior opinio distinguit. Unde quia hæc divisio potissimum ordinatur ad explicanda jura, præsertim poenalia, quæ de simonia loquuntur, ideo trimembri partitiō aptior nobis est, & illa utemur. Ut autem res ipsa constet, oportet exacte declarare illas voces, & quid unaquæque significet, & sub se complectatur; unde constabit, quomodo inter se distinguantur.

3 Mentalis ergo simonia duobus modis accipi potest. Primo prout propositum, seu desiderio interno committendi simoniam, etiam si in nullum actum exteriorem prodeat, quomodo in omni genere vitii, etiam ex his, quæ exterius consummantur, datur mentale vitium, seu peccatum, ut mentalis fornicatio, homicidium, &c. Non tamen sumitur in præsentia hoc modo simonia mentalis, ut omnes supponunt, & præsertim declarant Redoan. & Navarr. tum quia, cum simonia sit vitium de se externum, seu quod exteri⁹ consummatur, explicato ipso peccato externo, nihil peculiare habet propositum ejus præter ea, quæ generalia sunt mentalibus vitiis: tum etiam quia hæc distinctio, ut dixi, potissime datur ad explicanda jura, & poenas simoniæ: hæc autem in hanc simoniam mere mentalem cadere non possunt, quia ecclesia de occultis non judicat. Igitur in illa divisione esse debet simonia aliquo modo externa, habens aliquem effectum, vel actum sensibilem, & humanum circa alterum, nam consistere debet in aliquo genere contractus, & dationis, ac receptionis. Hæc autem simonia mentalis dicitur, quando actus exterior, qui in illa intervenit, talis est, ut in illo non statim appareat malitia simoniæ, nec ex his, quæ circumstant actum, probari possit, sit quidem prava, & simoniaca intentione, cujus est capax. Et tunc dicitur mentalis, quia licet externum actum, vel effectum habeat: malitia tamen ipsa non exterius se prodit, sed in mente manet, sicut tactus

externus de se indifferens, factus impudica intentione, dici potest mentalis impudicitia, quamvis revera externum actum habeat. Et hæc explicatio sumitur ex dicto capite *Tuanos*, & ultimo de Simonia. Unde fit, ut hæc simonia mentalis sæpe contingere possit ex parte alterius extremi, seu personæ, aliquando vero ex utraque parte, quod cum accidit, veluti casu, & contingenter accidit, non ex conventionione contrahentium. Nam cum hæc simonia non prodeat in actum exteriorem conventionis mutue nec expressæ, nec tacitæ, non intercedit in illa mutua inductio ad pravam intentionem, seu ad voluntatem, & consensum vendendi, vel emendi rem spiritualement, sed sola traditio rei temporalis ex una parte, & spiritualis ex altera gratuitum animum ex utraque parte ostendens: intentio vero prava animo retinetur, & ideo potest talis intentio esse in uno tantum, vel in alium: aliquando vero in utroque, quia contingit, utrumque esse pravam, vel mentem alterius divinare, aut suspicari, & cum illa conformari.

4 Conventionalis simonia dicitur illa, in qua fit pactum dandi spirituale pro temporali, & e converso, nondum tamen ad executionem perducta est per traditionem aliquam, ut citati auctores definiunt. Estque necessarium, ut distinguatur ab aliis duobus membris, a mentali per additionem exterioris contractus, a reali per carentiam traditionis. Quare Cajetan. in Summ. hanc vocavit mentalem: *Quoties* (inquit) *per penitentiam, impotentiam, vel quamvis aliam causam receditur a contractu, ita ut vel nulla res, vel saltem spiritualis non tradatur.* Qui ita loquitur, quia duo tantum membra distinguit, & ideo sub mentali vult, conventionalem comprehendere: tamen cum de exteriori contractu constare possit, & illum possit ecclesia punire, non dicitur proprie mentalis in ordine ad forum ecclesiæ, ut ex citatis juribus aperte colligitur. Et hæc etiam dicitur exterior simonia quodammodo imperfecta, quia nondum est consummata per rei traditionem: tamen quoad contractum de se perfecta est, licet quoad effectum, vel usum nondum fuerit consummata, sicut de emptione, & venditione dicitur Iostin. in princ. illius tit. vel sicut matrimonium ratum perfectum est quoad contractum, licet nondum fuerit consummatum. Consummatum ergo hujus simoniæ est traditio rerum, de quibus facta est conventio: ad vero requiritur utriusque traditio, vel alterius sufficiat, dicetur in puncto sequenti.

5 Realis ergo simonia addit ultra conventionalem traditionem rei, vel rerum, de quibus conventio facta est. Hæc autem traditio potest esse triplex: scilicet, vel ex parte pretii tantum, vel ex parte rei spiritualis tantum, vel ex parte utriusque; ut per se constat. Quando ergo ex utraque parte facta est traditio, certum est, illam esse simoniam, maxime realem, seu conventionalem, maxime consummatam: hæc enim duo idem sunt: nam realis simonia conventionalem includit. Propter quod dicunt aliqui, non recte distinguere hæc membra, quia non distinguantur specie. Sed si ratio esset valida, etiam non esset distinguenda simonia mentalis a conventionali, quia non differunt specie, sicut peccata cordis, oris, & operis non distinguuntur specie juxta doctrinam D. Thom. 1. 2. quæstione 72. articulo 7. ita enim comparantur inter se simonia mentalis, & conventionalis, ut recte dixit Navarrus in dicto Comment. numero 7. & Major. in 4. d. 25. quæst. 7. in fine. Et est per se clarum, quia tota malitia exterioris simoniæ ab interiori, & mentali provenit. Sicut ergo illa duo recte distinguuntur, vel propter majorem, vel minorem consummationem peccati, vel in ordine ad varios effectus morales, ita etiam propter easdem rationes recte distinguuntur conventionalis, & realis simonia, licet non distinguantur specie, immo potius se habeant, ut includens, & inclusum: sicut distingui solet matrimonium ratum, & consummatum, & similia. Atque ita sunt intelligendi aliqui auctores, cum has vocant tres species simoniæ, ut interdum loquitur Navarr. supra: vocantur enim quasi species accidentaliter distinctæ, & in ordine ad morales effectus, ut postea videbimus.

6 Verumtamen de aliis duobus membris, scilicet, quan-

Conventionalis simonia, quæ sit.

Realis simonia, quæ sit.

Mentalis simoniæ duplex acceptio.

Simonia vere mentalis quæ.

V. alterius
sacris rei
traditio
in simon.
realis.

Traditio
pecunie
sacris con-
ventiona-
lis simon.
dicitur.

Traditio
rei spirit.
solum di-
citur sim.
realis sim-
pliciter.

solita de-
finitio si-
mon. rea-
lis.

quando conventionalis simonia per traditionem alterius rei tantum est consummata, dubitari potest: an sit dicenda conventionalis, vel realis, & certe vocari posset semirealis: tamen quia auctores non ita loquuntur, ideo oportet reducere hos modos simoniæ ad aliquod, vel aliqua ex dictis tribus membris, præsertim cum hæc distinctio tota ordinetur ad poenas simoniæ explicandas. Quando ergo post conventionalem simoniam sola traditio pecuniæ facta est, omnes auctores videntur in hoc convenire, quod illa simonia vocanda sit tantum conventionalis, & non realis, ut constat ex Cajetano, & ex Navarro supra, & ex aliis, quos referemus infra cap. 55. & 56. Ubi ostendimus, per hanc simoniam non incurri poenas ipso jure latis, quæ incurruntur per simoniam realem. Propter hoc ergo merito hæc censetur intra limites conventionalis simoniæ contineri. Et ratio etiam reddi potest, quia quandiu res, quæ venditur, non est tradita, non censetur venditio plene consummata, quoad effectum, quia adhuc manet sub dominio venditoris, ut jura docent. Sic ergo in præsentī venditio rei spiritualis non censetur realiter consummata, quandiu res ipsa spiritualis tradita non est. Et similiter injuria illa, quæ sit rei sacræ per venditionem ejus, non est etiam consummata, quandiu res ipsa spiritualis cum effectu non est data, vel accepta, vel (ut sic dicam) simoniæ contractata. Et ideo jura, ut infra videbimus, maxime explicant simoniam perfectam per dationem, vel acceptionem simoniæ rei spiritualis.

7 Propter hanc ergo causam graves auctores contrario modo sentiunt de simonia, quæ post pactum processit ad traditionem rei spiritualis sub promissione pretii ante traditionem ejus; putant enim esse simoniam simpliciter realem, & consummatam. Quod tenent Cajet. in Sum. & in Opusculo de Simon. & Soto dicto lib. 9. quæstione 8. art. 1. Et hoc videntur sequi multi antiqui Canonistæ, quos dicto capitulo 56. referam, Unde definire solent, simoniam realem esse receptionem, vel largitionem rei spiritualis, præcedente pacto promissionis cujusvis temporalitatis: ut videre licet in Hostiensī, in Summ. titul. de Simon. §. 1. Archidiacon. in capitul. *Quicumque* 1. quæstione prima. Redoan. 3. parte cap. 1. in princ. ubi plures alios refert. Sentiunt ergo, ad simoniam realem necessariam esse spiritualis traditionem, & illam sufficere, si promissio præcedat. Ratio autem reddi potest primo ex natura contractus venditionis: nam perficitur simul atque contrahentes de pretio convenerint, quamvis nondum pretium numeratum sit, leg. 2. ff. de contrahent. empt. & §. 1. Instit. de empt. & vendit. Quæ tamen non censetur ita consummata, quandiu res vendita tradita non est.

8 Et ratio reddi potest, quia propria materia illius contractus, videtur esse res venalis, & quod per se ibi intenditur, est translatio illius rei ab uno in alium; pretium autem est, quasi instrumentum ad illam mutationem faciendam, & ideo quandiu illa facta non est, non censetur venditio perducta ad effectum: quando vero res, quæ venditur, tradita est, censetur plene consummata venditio, etiam si pretium non sit traditum, si de illo sufficiens promissio facta sit. Ergo applicando hanc rationem ad simoniam, si traditio rei spiritualis cum promissione temporalis facta est, plene consummata est venditio: item plene consummata est irreligiosa contractatio rei sacræ; ergo. Secundo, ipsa met promissio est quid temporale, & quando sit, suo modo traditur, quantum potest, vel saltem datur alteri jus quoddam temporale; est ergo completa simonia realis. Et hoc modo dicunt multi, promissionem pecuniæ, & pecuniam pro eodem reputari quoad rationem pretii, ut videre licet in Redoano 4. p. cap. 9. in princ. & quos ipse allegat. Tertio, & maxime, videntur huic sententiæ favere jura, quæ explicant hanc simoniam ex traditione, vel acceptione rei spiritualis pro temporali quocumque modo detur, vel promittatur, qui sufficiat ad reddendam largitionem doni spiritualis non gratuitam, ut in citato loco videbimus.

9 Nihilominus Navar. in dicto Comment. & d. c.

23. num. 103. & sequentibus, quem sequitur Ugol. Tab. 3. c. 5. & alii infra citandi, censent, non esse in hoc faciendam distinctionem inter traditionem rei temporalis, vel spiritualis. Nam licet spiritualis data sit, si pretium non sit numeratum saltem ex parte, non putant sufficere ad simoniam realem, sed omnem hanc comprehendunt sub conventionali. Ratio reddi potest, quia nulla differentia sufficiens assignatur: nam sicut datur venditio credita pecunia, ita etiam dari solet pecunia anticipata, & utraque est consummata quoad substantiam contractus, & similiter utraque est mutila, seu imperfecta quoad executionem in alterutra parte; est ergo eadem ratio. Immo in cap. *In tantum* de Simon. dicitur, expressius exprimere venditionis speciem, qui prius pretium accipit, quam rem conferat pretiosam; ergo magis videtur compleri simonia, quando pretium antea datur, quam cum prius traditur res spiritualis. Denique quamvis res spiritualis data sit, augetur sine dubio ejus irreverentia, quando postea pretium accipitur; ergo non est plene consummata simoniæ pravitas, donec ex utraque parte traditio facta sit; ergo sola illa est propria simonia realis.

10 Hæc dissensio, si solum respiciamus ad delictum, & ad consummationem ejus, videtur esse tantum de modo loquendi, si autem respiciamus ad poenas ipso jure simoniæ inflictas, ita ut per nomen simoniæ realis illa significetur, per quam illæ poenæ incurruntur, sic erit quæstio de re satis gravi. Quod ergo ad primum spectat, non est multum de vocibus contendendum, & facile defendi potest sententia Navarri. Non videtur tamen posse negari, quin per traditionem rei spiritualis sub promissione, sit magis completa simonia, quam per solam anticipatam pretii solutionem, ut videntur convincere rationes priori loco factæ. Neque contra hoc bene inducitur dictum cap. *In tantum*, quia in eo non fit comparatio inter traditionem anticipatam pecuniæ solius, & traditionem solam anticipatam rei spiritualis, de qua comparatione nunc loquimur, sed fit comparatio inter venditionem Chrismatis, de qua ibi est sermo, quæ sit recipiendo prius pecuniam, vel postea: & hoc modo recte dicitur, magis exprimi venditionem, exigendo prius pretium, quam expectando postea dandum. Quod vero attinet ad secundum punctum, non possumus hic rem definire usque ad tractatum de poenis, ubi eam definimus. Et ibi etiam dicemus de simonia in permutationibus beneficiorum, quæ ex altera tantum parte completa est.

CAPUT XLII.

De simonia ficta.

1 DIXIMUS de distinctione inter membra præcedentis divisionis, nunc oportet circa ejus sufficientiam duas difficultates expedire, quæ ex simonia ficta, & confidentiali oriri possunt; & de priori dicemus in præsentī capite; de posteriori vero in sequenti. Dicitur autem simonia ficta, quando sit exterius promissio rei temporalis pro spirituali, vel spiritualis pro temporali sine intentione implendi promissum, aut se obligandi: hæc enim fictio intercedere potest in quolibet contrahentium, vel in utroque. De hac ergo simonia queri potest, sub quo illorum membrorum comprehendatur. Potestque esse duplex modus dicendi.

2 Unus est, sub nullo illorum comprehendī, nec propterea divisionem esse diminutam. Ratio est, quia illa non est simonia, sicut fictum aurum, non est aurum, licet appareat, vel sicut prolatio hæresis sine mente hæretica non est proprium peccatum hæresis, sed alterius rationis: divisum autem in illa divisione est vera simonia. Et confirmatur, quia non est simonia mentalis, quia deest intentio vendendi, vel emendi, cum de sit intentio pretii solvendi; ergo nec potest esse conventionalis, quia hæc intrinsece supponit mentalem, & consequenter nec realis erit, quia hæc supponit cæteras. Denique nullus contractus factus sine intentione, & consensu interno verus contractus est, neque in genere, neque in sua specie, ut patet de matri-

Alia opinio negat præcedens distinctionem.

Deciditur quæstio.

Simonia ficta quæ.

matrimonio factio sine consensu; & de voto, aut professione facta sine intentione vovendi. Ergo similiter in presenti cum illa fictione non fit verus contractus, & consequenter nec vera simonia. Quæ ratio probat, ad hanc fictionem sufficere, quod ex alterutra parte intercedat fictio, ut in matrimonio sufficit defectus consensus in uno conjugum, ut totum matrimonium fictum, & nullum sit, quia pendet ab utroque, & a singulis; & ideo licet, qui bona fide contrahit, possit dici in effectu suo non ficto contrahere, quia putat, se consentire in verum matrimonium, tamen in re ipsa non consensit, nisi in fictum; ita ergo cum proportionem in presenti licet alter paciscentium simoniace, si habeat intentionem implendi promissum, veram culpam simoniæ committit quoad effectum, & mentem, tamen in re non exequitur veram simoniæ externam, de qua tractamus, sed tantum apparentem, & putatam. Hæc est opinio Cajetani to. 2. Opusc. tract. 9. q. 2. quem sequuntur Soto lib. 9. qu. 8. art. 1. Tolet. in Instruct. lib. 5. cap. 90. num. 4. Petrus Navar. lib. 2. de Restit. c. 2. nu. 411. Qui consequenter ajunt per hanc simoniæ non incurri poenas contra simoniæ latis ipso jure, quia non cadunt, nisi in verum delictum talis speciei, sicut adorans idola exterius sine intentione colendi non incurrit poenas hæreticorum.

3 Secundus modus dicendi est, illam esse veram simoniæ, & comprehendit in illa divisione sub simoniæ conventionali. Ita tenet Navarrus in Comment. ad caput ultimum de Simon. num. 10. dicto cap. 23. numer. 106. §. *Ad tertium*. Ratio ejus est, quia licet promissio fuerit ficto animo facta, nihilominus commutatio rei spiritualis pro temporali fuit vera: & quamvis circa unum pretium (ut sic dicam) intercesserit fictio, & ideo respectu illius sit tantum ficta emptio, & venditio, nihilominus considerari ibi potest aliud pretium, seu aliquid temporale datum pro spirituali, ratione cujus intercedit ibi vera simonia. Declaratur hoc ultimum, quia illa actio promittendi, etiam si ficta sit, est vera actio realis, & temporale quid, & potest censeri pretio æstimabilis: nam revera qui sic promittit etiam ficto, aliquid facit valde onerosum, & non paucis periculis expositum, sub qua ratione æstimabile pretio est: per hoc autem temporale intendit consequi beneficium, quod ad simoniæ veram sufficit; ergo est illa vera simonia: nam licet ex una parte intercedat fictio, ex alia intercedit veritas, & realitas, ut sic dicam. Et potest confirmari hæc Navarri sententia. Nam si quis promitteret centum aureos pro beneficio, intentione tradendi illos fictos ex aurichalco, veram simoniæ conventionalem committeret, & si re ipsa solveret illos fictos aureos, consummaretur simonia realis, quia revera datur, & recipitur aliquid temporale pro spirituali, etiam si temporale non sit tale, quale a recipiente putatur: hoc necessarium non est ad veram simoniæ, nam in quocumque vili pretio committitur, ut supra dictum est; ergo similiter, qui confert verba promissoria per instrumentum promissionis animo non implendi, aliquid temporale confert pro spirituali, quod satis est ad veram simoniæ. Et confirmatur secundo: nam illa largitio, vel acceptio rei spiritualis non est gratuita, sed sub onere promittendi, quod licet exterius tantum fiat, onerosum est, ut dicebam, & si unus ab alio peteret, ut pro se exterius obligaret licet ficto, posset sine injustitia pro tali exteriori factio, & obligatione pecunia postulari: sed dario, & acceptio rei spiritualis non gratuita est vera simonia; ergo. Tandem confirmatur, quia qui per fictas laudes, vel alia falsa signa honoris tanquam per pretium obtinet beneficium, veram simoniæ committit, ut supra dictum est; ergo idem est in presenti: nam videtur eadem proportio. Addit nihilominus Navarrus, hanc simoniæ non sufficere ad poenas ipso jure latis incurrendas, ex alio principio, quod illæ non incuruntur, nisi per realem simoniæ ex utraque parte completam: hæc autem non completur ex utraque parte, cum pecunia non tradatur.

4 In hac re duo videntur mihi certa, & tertium esse aliquo modo dubitabile. Primo ergo, quando fictio intervenit ex parte ejus, qui daturus est rem spiritualem, sine dubio nulla committitur vera simonia exter-

na, sed tantum fictio, & mendacium illius. Probatur, quia ille, qui sic promittit ficto rem spirituales, nullo modo intendit dare rem spirituales pro temporali, neque ad id se obligare, & consequenter, neque habet animum faciendi verum pactum; ergo neque in mente committit veram simoniæ, neque exterius veram conventionem simoniæ. Et hoc evidenter convincunt argumenta facta pro opinione Cajet. Ille ergo tantum peccat mendacio pernicioso, scandaloso, & sacrilego, quia injuriam facit rebus sacris, ita illis abutendo. Poterit etiam injustitiam, & rapinam committere, si intendat illo medio pecuniam ab altero rapere, & promissionem ex parte sua non implere. Ex parte vero alterius, qui tunc promittit temporale vero animo implendi, invenitur quidem vera simonia interior, ac pure mentalis fundata in falsa existimatione de simili intentione alterius; tamen actio exterior, ut ab illo fit, etiam non est vera simonia conventionalis, sed tantum putata, quia vera conventio non potest esse ex una parte tantum, ut etiam probant rationes factæ circa primam opinionem. Hinc secundo etiam est certum, quando fictio intercedit ex utraque parte, nullam veram simoniæ committi, quia si defectus intentionis in uno contrahentium sufficit ad impediendam simoniæ, multo magis in utroque. Item quia tunc in nullo illorum contrahentium est vera simonia mentalis, nisi fortasse ex conscientia erronea, & per modum scandali, quatenus uterque existimat decipere alium, & inducere illum ad veram simoniæ committendam, tamen directe neuter intendit facere veram simoniæ; ergo neque actus exterior potest esse vera simonia conventionalis, aut realis.

5 Dico tertio: Licet opinio Navarri non careat omni specie probabilitatis, nihilominus vera sententia est, quamvis fictio intercedat tantum ex parte promittentis pecuniam, illam non fore simoniæ conventionalem, nec per illam fuisse incurrendas poenas ipso jure latis, etiam si contra simoniæ conventionalem, vel ex altera tantum parte completam lata essent, ut de facto est multorum opinio. Probatur ratione facta, quia ibi non intervenit vera conventio, neque emptio, aut venditio. Nec satisfacit, quod Navar. respondet, distinguendo inter emptionem, & venditionem, & largitionem spirituales pro temporali, hæc enim duo in presenti materia videntur converti, vel potius se habere tanquam definitio, & definitum, ut constat ex dictis supra in definitione simoniæ: si ergo ibi non intervenit emptio ex defectu intentionis, nec vera commutatio, aut pactio dandi spirituale pro temporali intervenire potest. Et explicatur, nam licet ille deceptor intendat, mediante illa promissione falsa, obtinere beneficium, non tamen intendit dare ipsamet promissionem, ut pretium beneficii, sed solum ficto offerre id, quod alter putat, esse futurum pretium. Unde etiam alter non intendit dare beneficium pro promissione, sed pro re promissa, & promissio tunc se habet tanquam conditio conferens certitudinem de pretio; ergo licet illa promissio aliquid temporale sit, non satis est ad simoniæ veram, nam preces sunt aliquid temporale, & non sufficiunt ad simoniæ, quia non offeruntur, ut pretium; ita ergo illa promissio non offertur in pretium. Et confirmatur ad hominem contra Navar. nam quando promissio est vera, non potest illa promissio dici pars pretii, alioquin eo ipso, quod daretur beneficium in virtute promissionis, esset simonia realis ex utraque parte completa, quia jam esset soluta pars pretii, quod sufficit ad complementum simoniæ realis, ut ipse Navar. alias fatetur, cum tamen neget, promissionem etiam veram sufficere: non est ergo pars pretii secundum illum; ergo multo minus promissio ficta potest dici pretium, aut pars pretii; ergo non datur beneficium pro illa tanquam pro pretio; ergo non committitur vera simonia, etiam si quis utatur illo medio tanquam via (ut sic dicam) seu prava industria ad obtinendum beneficium, quia hoc non pertinet ad commutationem unius pro alio. Est ergo illud grave peccatum injustæ deceptionis, scandali, vel cooperationis ad simoniæ mentalem alterius, & in foro exteriori puniri poterit per judicem, & propter dictas malitias, & propter præsum-

Nos est hæc in ris gore simonia cõ se habet ex parte dñi spirit.

Cũ fictio est ex utraque parte, non datur vera simonia.

si fictio fiat tantum ex parte promittentis pecuniam non erit vera simonia.

Dicit potest esse vera simonia juxta sententiam Navar.

Confirmatur 1.

Confirmatur 2.

Resolutio

sumptam simoniam: directe autem, & proprie non est vera simonia.

Rationes
pro Nav.
resolun-
tur,

6 Fundamentum ergo Navarri ex dictis solum est. Exemplum autem adductum in prima confirmatione, non est simile, quia in illo intervenit vera intentio solvendi saltem aliquid pretii, quod licet sit quid minimum, & vile respectu pretii commissi, sufficit ad veram simoniam. Ad secundam vero confirmationem respondetur, collationem beneficii ex parte recipientis accipi revera, ut gratuitam, quia non habet animum aliquid solvendi pro beneficio; ex parte vero dantis non est gratuita ex vi intentionis ejus, procedit tamen ex falsa estimatione, & ideo in re ipsa non constituit veram conventionalem actionem, nec largitionem ex illa procedentem, sed tantum existimatam. Ultima vero confirmatio ex dictis expedita est.

CAPUT XLIII.

De simonia confidentiali.

1 Hæc est secunda difficultas circa superiorem divisionem: nam hæc simonia, quæ confidentialis dicitur, vera simonia est, ut omnes Doctores supponunt, & constat ex Constitutionibus Pii IV. Pii V. & Sixti V. contra illam: & tamen sub illa divisione non comprehenditur, ut videtur etiam clarum: quia numeratur, ut specialis, & proprios habet, ac peculiare effectus, ut infra videbitur. Hæc vero difficultas facile expeditur, declarando terminos, & qualis sit hæc simonia, & quibus modis committatur: ad hunc enim finem difficultatem hanc proponimus: est enim necessarium hæc præmittere, ut ad poenas, vel obligationes, quæ simoniam consequuntur, explicandas via sit expedita.

Ubi hæc
simonia
reperiatur?

2 Simonia ergo confidentialis specialiter invenitur in renunciationibus, aut collationibus beneficiorum: estque jure humano introducta, ut patebit. Committitur ergo hæc simonia vel a privatis renunciantibus, vel a providentibus aliquo modo beneficia, & ab illis quitali modo recipiunt. A privato habente beneficium committitur, quando renunciat beneficium in favorem alterius cum certa confidentialia, quod ille postea renunciat illud convenienti tempore, vel eidem renuncianti, vel in favorem alterius tertii, ut nepotis, aut filii primi renunciantis. Quando renuncians intendit, ut ad se redeat beneficium, solet vocari confidentialia regressus, quia facta resignatione beneficii, retinetur quasi jus quoddam regrediendi ad illud. Ingressus autem vocatur, quando habens beneficium sibi jam collatum, & nondum possessum illud alteri renunciat, reservando per similem confidentialiam simile jus ingrediendi postea in possessionem ejus, facta sibi ab alio renunciatione in certa condictione, vel conditione.

Confiden-
tia regref-
sus.

Confiden-
tia ingressus.

3 A provisoribus autem beneficiorum, vel ab his, qui ad provisionem aliquo modo concurrunt, ut præsentando, nominando, eligendo, conferendo, commendando, &c. committitur hæc simonia, quando aliquam ex his actionibus faciunt cum eadem confidentialia, quod ille, quem eligunt, præsentant, confirmant, instituunt, vel cui conferunt, aut commendant, postea illud renunciat, aut dimittit aliquo modo in alterius favorem, vel fructus ejus, aut partem eorum illi persolveret. Et quia sæpe fieri solebat hæc simoniaca confidentialia: ut prælatorum consanguinei, (qui fortasse propter defectum ætatis, vel aliud simile erant incapaces beneficii eo tempore, quo vacabat, vel conferendum erat) obtinere tandem illud possent per accessum, (ut vocant) ad beneficium: ideo specialiter in dictis Bullis damnantur isti accessus, id est, collationes beneficiorum sub hac confidentialia factæ, ut postquam alii pervenerint ad congruam ætatem, ad talia beneficia quasi jure suo accedant, & alii illa dimittant: hoc enim prohibetur fieri, nisi pontificis Summi auctoritate, & si aliter fiat, simonia est ex vi juris communis prohibentis omnia pacta, conditiones, & modos hujusmodi in beneficiis conferendis, & specialiter est simonia confidentialis

per dicta jura priorum. Hæc namque confidentialia censentur ecclesiæ valde nocivæ propter imaginem hæreditariæ successionis, quam præferunt, ut dicitur in Concil. Trident. sess. 25. c. 7. de Reform. & ideo merito prohibentur fieri, & si per simoniam fiant, specialiter puniuntur.

4 Ex his intelligitur materia hujus simoniæ esse tantum beneficia ecclesiastica, quæ in Bullis vocantur, *ecclesiæ, monasteria, & alia hujusmodi ecclesiastica beneficia*. Ut significetur, omnia beneficia, cujuscumque ordinis sint, simplicia, aut curata, majora, aut minora, regularia, aut secularia sub hac materia comprehendendi. Dubitari vero potest de pensionibus, an possint esse materia hujus simoniæ. Videtur enim posse in eo casu, in quo habens pensionem cum facultate illam transferendi in alium, id facit, confidendo, quod fructus ejus, vel partem eorum sibi semper donabit. Hæc enim simonia est, quia, ut supra dixi, etiam pensio est materia simoniæ, & ibi cum pacto illicito datur sub confidentialia; est ergo confidentialis. Dico tamen, non dici simoniam confidentialem omnem illam, quæ per confidentialiam illicitam fit, sed illam, quæ specialiter ponitur in illis Bullis, & sic assero, pensionem non esse materiam simoniæ confidentialis: tum quia in dictis bullis non nominantur sub hac materia in particulari pensiones, nec sub generalibus verbis beneficiorum comprehenduntur, præsertim in materia odiosa: tum etiam quia pensiones natura sua non renunciuntur in favorem alterius, nec per collationem, aut Canonicam institutionem conferuntur, de quibus actionibus tantum ibi sermo est; quod autem interdum ex privilegio possit pensio transferri in alium, singulare est, & extraordinarium, & ad finem illarum legum parum referebat, & ideo hæc materia non est ibi comprehensa, neque illius habita est ratio. Unde a fortiori constat, alias res, vel actiones spirituales non esse comprehensas sub hac materia, etiam si possint sub aliqua illicita, vel simoniaca confidentialia tribui, quia non continentur in illis juribus. Denique hinc etiam obiter colligitur, quod supra dicebam, hanc simoniam, ut talis est, de jure positivo esse, quia solum denominatur talis, quatenus per tales leges sub talibus poenis prohibita est, ut vero simonia est, regulariter est contra commune jus Canonicum, quatenus prohibet omnia pacta in beneficialibus, etiam inter spirituales; si autem confidentialia extendatur ad commutationem spiritualis pro re mere temporalis, erit contra divinum jus, ut constat.

Materia
hujus sim.

An pensio-
nes sint
materia
hujus sim.

Resolvi-
tur negat.

Hæc simo-
nia spe-
cialit ad
jus possi-
vum.

5 Secundo intelligitur ex dictis, quale sit quasi pretium, quod in hac simonia intervenire potest, & debet, ut talis sit. Duplex enim tantum esse potest: unum est idem beneficium, quod renunciatur, vel confertur, ut eidem renuncianti, vel conferenti, vel alteri reddendum, & quasi restituendum: aliud est fructus ejusdem beneficii, vel pensio, seu pars eorum, eisdem conferenda, quando enim de his confidentialia intervenit, est propria simonia confidentialis, si vero de aliis rebus etiam mere temporalibus, vel spiritualibus reddendis, vel renunciandis confidentialia intervenit, non erit simonia confidentialis, etiam si alias simonia sit: ratio non est alia, nisi quia poenæ illorum jurium non imponuntur, nisi in hoc genere confidentialiæ, & quasi pretii, unde licet aliquis renunciaret in alium beneficium suum, confidens illum daturum alteri tertio beneficium aliud, quod ipse possideret, erit quædam simoniaca permutatio reciproca, vel triangularis, non tamen erit confidentialis. Et differentiæ ratio videtur consistere in hoc, quod simonia confidentialis specialiter prohibetur, propter renunciationes beneficiorum, ut veræ, integræ, ac perpetuæ sunt, ad evitandas infinitas fraudes, & imaginem successionis hæreditariæ, quæ per illas introducebantur, quasi transmittendo beneficium per unum ad alios vel cognatos, vel inhabiles, vel defraudando cameram Apostolicam, vel retinendo fructus beneficii in statu inhabili ad ipsum beneficium, & similia, quæ in dictis Bullis late explicantur. Hæc autem incommoda non sequuntur, quando renunciatio beneficii vere, integre, ac perpetuo fit sine confidentialia, quæ

Quale
pretium
possit huc
intervenire.

circa ipsummet beneficium, vel fructus ejus versetur: & ideo confidentia aliarum rerum, vel donorum, ad hanc particularem simoniam non spectat. Unde obiter noto, recte quidem dixisse Navarrum d.c. 23. nu. 109. in fin. per Bullas Piorum non esse prohibitas, nisi confidentias illicitas, & simoniacas: sed potuisset etiam addere non omnes simoniacas confidentias, sed illas, quæ circa talem materiam, & sub tali quasi pretio fierent, ut ex puncto sequenti patebit, etiam ex sententia ejusdem Navarri.

6 Sed circa pensionem, seu fructus occurrit speciale dubium, quia solet constitui differentia inter ipsum beneficium, & pensionem: quod in beneficio sufficit ad confidentialem simoniam, quod jus recuperandi illud tibi, vel alteri reserves. De pensione vero secus censetur, nam si alteri reserves, illo modo erit simonia confidentialis; si vero tibi renuncianti, vel conferenti beneficium, solvenda sit pensio, erit quidem simonia, sed non confidentialis. Differentia hæc fundatur in verbis Pii V. nam de beneficio dicit, *Eidem dimittenti, vel alteri*; de pensione vero ait, *alii, vel aliis concedantur*. Ex qua mutatione verborum colligi videtur, quod si pensio solvenda sit eidem dimittenti, non sit simonia confidentialis, sed solum quando alii, vel aliis designatur, quia verba legis rigore non sunt extendenda, & quia non sine causa facta est illa mutatio locutionis. Atque ita sensit Navar. Conf. 23. nu. 4. & Conf. 76. de Simonia nu. 6. quem sequitur Ugolin. Tab. l.c. 22. §. 1. n. 8.

Dubium
circa pen-
sionem.

Resolutio

7 Nihilominus contrarium censo verum. Primo, quia ut idem Navarrus docet in Man. d. cap. 23. n. 109. Pius V. de eadem omnino confidentia disponit, de qua Pius IV. ut tam ex procemio, quam ex contextu colligitur, non ergo coarctat illam: ac Pius Quartus loquitur clare de pensionibus eidem reservatis, ibi: *Ac sibi pensiones annuas, ac fructus, &c.* Secundo, quia Pius Quintus post illa verba sic habet: *Sive ut de coprovisus fructus illius vel partem ad utilitatem, vel libitum conferentis, vel cedentis, aut alterius relinquat, aut remittat, seu pensionem illi, vel illis, quem, vel quos idem collator, aut cedens, vel alius, &c. jufferit.* Tercio quia priora verba, *alii, vel aliis*, non debent intelligi respectu conferentis, vel renunciantis, sed respectu accipientis beneficium cum confidentiali onere solvendi pensionem alii, vel aliis; renuncians autem etiam est alius ab accipiente beneficium; ergo etiam comprehenditur sub illo relativo, immo singulare videtur pro illo positum, & plurale pro aliis. Et ita in re non est mutatio in sermone, sed ne repeteretur illa verba longiora, *Eidem dimittendi vel alteri*, brevius dictum est, *alii, vel aliis*. Assumptum constat ex contextu: sic enim habet: *Statuimus, ut si quis quacunque auctoritate, &c. ex resignatione, vel cessione cujuscumque persone, &c. receperit, ut illa, &c. vel eorum fructus, aut pars alii, vel aliis.* Loquitur ergo de accipiente, & alii ab ipso: renunciante autem esse alium, nemo negabit.

8 Quarto, quia nulla probabilis ratio reddi potest alterius dispositionis, aut varietatis, maxime cum frequentius sit facere reservationem fructuum confidentialem pro ipsiusmet resignantibus, quam pro aliis: & ideo magis perniciosum sit illud tolerare. Sed ait Navarrus, quod *Dare, vel promittere eidem renuncianti fructus, aut pensionem, arguit simoniam, sed non confidentiam, sicut dare, vel promittere fructus alii, vel aliis.* Quia hoc arguit, quod resignans confidit resignatorio, & convenit cum eo, ut daret illis. Hoc autem non video, qua ratione dictum sit. Cur enim dare, vel promittere alteri, arguit, quod resignans convenit cum resignatorio, ut daret illi, & si det ipsi resignanti, non arguit, quod ipsemet convenit cum resignatorio, ut daret sibi? Profecto non video, nec etiam video, cur in posteriori casu magis indicet simoniam, quam confidentiam, immo non video, quomodo possit augere simoniam, nisi arguat confidentiam. Nisi forte sensus prioris partis sit, quod non arguit simoniam illa lege prohibitam, & hoc est petere principium stando in ratione, nam ex verbis legis ostensum est, id non colligi. Et ita idem Navarrus Constit. 78. fatetur, ex simili solutione pensionis facta eidem cedenti præsumi

mi talem confidentiam, & ibidem constitut. 75. docet, contineri sub prohibitione Pii V. Et licet in scholio dicatur, varietatem hanc in resolutione Navarri ortam fuisse ex varia lectione verborum Pii V. Nihilominus hæc posterior resolutio mihi verior videtur, etiam stantibus verbis, prout nunc leguntur. Et hoc intelligo in rigore illius juris: si autem consuetudine aliud receptum est (ut ferunt, mihi enim non constat) potuit contra humanam legem prævalere, vel ita illam interpretari.

9 Terrio intelligitur ex dictis, in quibus actionibus hæc confidentia committi possit, nimirum in renunciationibus, & provisionibus beneficiorum factis, & in acceptionibus beneficiorum, quæ per illas dantur cum aliquo pacto tacito, vel expresso, quod illam confidentiam includat. Primum patet ex eisdem juribus, nam de his tantum actionibus loquuntur, & sub provisionibus numerant præsentationes, collationes, & similes actiones, & addunt verba universalia, quæ omnes alias comprehendunt. Quod vero pactum requiratur, ex generali ratione simoniæ supponitur, quia ibi (ut Nav. notavit, & ex verbis Pii IV. constat) non fit nova prohibitio, sed antiqua qualificatur, ut sic dixerim: antea vero in tantum erat in hoc aliqua prohibitio, in quantum omnis pactio, modus, & conditio in hac materia prohibita erat: & ita etiam expressit Pius V. in verbis statim referendis.

10 Dubitari vero potest, an similis confidentia commissa in permutationibus beneficiorum constituat simoniam confidentialem. Videtur enim committi, quia pontifices loquuntur verbis valde generalibus: *De beneficiis in suum favorem resignatis, cessis, vel aliis dimissis.* Sed in permutatione includitur duplex renunciatio in favorem permutantium, & possunt eodem modo pacisci de dissolvenda iterum permutatione, & regrediendi ad priora beneficia, si hæc, vel illa occasio occurrat, vel de resignandis iterum beneficiis in favorem nepotum, vel aliorum, vel de reservandis fructibus, aut partem eorum, sibi, vel aliis; ergo & verba illorum decretorum proprie cadunt in talem confidentiam, & in eam reperitur eadem ratio prohibitionis, & punitionis.

Dubium
laborium.

11 Nihilominus probabilius judico non comprehendendi. Quia lex est poenalis, & non est extendenda; in illa autem tota nulla fit mentio de permutationibus, sed Pius IV. semper loquitur de accipientibus beneficia sub hujusmodi confidentia a collatoribus, vel renunciantibus; & Pius V. expresse loquitur de accipientibus ex resignatione, vel cessione, &c. aut: *Si Ordinarius, vel alius collator contulerit, vel conferat beneficium quovismodo vacans, ea conditione tacita, vel expressa, &c.* Nomine autem resignationis, aut cessionis non intelligitur permutatio juxta communem modum loquendi jurium, & juristarum, quia licet in permutatione resignentur beneficia, non tamen simpliciter, sed per aliud genus contractus. Et præterea illæ resignationes simplices in favorem tertii, multo magis odiosæ sunt, ut ex supra dictis patet, incommoda etiam, quæ ex his confidentiis sequuntur, & moverunt prædictos pontifices, non ita habent locum in permutationibus, sicut in aliis resignationibus, & cessionibus beneficiorum, & ideo non est illa prohibitio extendenda. Quod etiam sentit Navar. conf. 77. de Simon. Hoc autem intelligo quoad permutantes inter se, si per aliquam conventionem similis confidentiæ delinquant, quia non credo incurrere in illos Canones: & hoc modo dico, non committere confidentialem simoniam, sed communem. Secus vero censo de episcopo, seu collatore talium beneficiorum: nam si ille cum aliquo ex permutantibus, vel cum utroque conveniret sub confidentia, de fructibus, vel parte eorum sibi, vel alteri reddenda propter admissam permutationem, vel collationem factam, crediderim, committi simoniam confidentialem, quia verba Pii V. quoad collatores sunt valde universalia de beneficiis quovismodo vacantibus, eorumque collatione; per permutationem autem revera vacant beneficia, & conferuntur de novo; ergo etiam illa collatio ibi comprehenditur.

Solutio
dubium.

12 Quarto, intelligitur ex dictis propter hanc veluti

spe-

Simonia
confiden-
tialis non
facit
quartum
membru-
m in gene-
rali si-
monia.

speciem simoniæ (sic enim illam appellat Pius IV.) non augeri trimembrem divisionem supra positam , sed omnes illos tres modos simoniæ hic posse reperiri , & ita illam esse generalem divisionem , quæ in singulis speciebus , seu materiis simoniæ inveniri potest . Declaratur autem breviter in præfenti : quia si nulla pactio tacita , vel expressa intercedat exterius inter resignantem , & resignatarium , vel collatorem , interius vero sit prava intentio , poterit committi simonia tantum mentalis in hac specie . Ut autem intentio sit prava in hac specie , non est satis , quod resignans speret , resignatarium fore gratum subveniendo consanguineis resignantis vel per partem fructuum , vel per beneficium : nam si hoc tantum intercedat , & speret ut beneficium gratuitum , & sine obligatione , quam intendat imponere , vel nullum erit peccatum , si intentio sit de re per se non mala , vel si sit de re injusta , ut de dando beneficio indigno , erit alias illicita , non tamen simoniaca , nec in illis iuribus comprehensa , ut bene Navar. d. c. 23. notavit , & sequitur Ugolin. supra . Et est clarum ex generali regula simoniæ supra declarata , quæ quoad hanc partem non extenditur in illis bullis , quia tantum prohibent alias illicita , & simoniaca , ut cum Nava. etiam diximus . Tunc ergo erit mentalis talis simonia , quando confidentialia interna fuerit cum intentione imponendi alteri obligationem , & quod ipse illam intelligat ex vi beneficii in eum collati absque exteriori significatione . Hæc tamen non dicitur proprie confidentialis simonia , quia non damnatur specialiter , nec puniatur in prædictis bullis . Erit autem conventionalis tantum hæc simonia , quando pactum confidentialis expressum , vel tacitum exterius est sufficienter significatum , nondum vero executio facta est . Hoc per se constat , & sumitur ex Navar. conf. 31. & 32. de sim. Realis autem erit hæc simonia , quando pactum expressum , vel tacitum fuerit ex utraque parte completum : si vero solum ceptum fuerit compleri , quia nimirum jam renunciatio beneficii facta est , & beneficium in confidentiam receptum , nondum vero effectus confidentiæ ad executionem pervenit , tunc eadem quæstio est in hac simonia , quæ in aliis : An conventionalis tantum , vel realis , aut semirealis dicenda sit .

Pena
simoniæ
confiden-
tialis.

13 Verumtamen hoc est singulare in hac simonia , ut in ordine ad ejus penas nihil referat hæc dissensio ; Et ideo breviter hic adnotabimus ejus penas , ut possimus postea generaliter loqui , & ad hanc simoniam , vel exceptionem non amplius reverti . Igitur Pius IV. quoad episcopos , & omnes superiores prælatos pœnam interdicti ab ingressu ecclesiæ posuit : quoad inferiores vero pœnam ponit excommunicationis latæ sententiæ pontifici reservatam . Secundo resignationem , & collationem beneficii , in quo commissa est talis simonia , annullat , & inhabilitatem inducit ad idem beneficium , & ad omnia inde secuta . Tertio privam omnibus beneficiis , & pensionibus antea obtentis , & inhabilitatem inducit ad quæcumque alia obtinenda . Quarto talia beneficia , in quibus hæc simonia committitur , reservantur Sedi Apostolicæ , ita ut ab inferioribus valide conferri non possint , & similiter fructus eorum male percepti Cameræ Apostolicæ applicantur . Circa quas pœnas nihil specialiter occurrit annotandum : nam omnes incurruntur ipso facto , & eodem modo , quantum apparet ex rigore verborum . Nihilominus tamen pœna privationis beneficiorum prius legitime obtentorum non censetur ita incurri ipso facto , ut teneatur quis se ipsum spoliare suis beneficiis , donec condemnetur , saltem per sententiam declarationem criminis : nam juxta regulam generalem , & communiter receptam , quando aliquis per pœnam privatur re sua , non obligatur ad executionem ante sententiam , aliæ vero pœnæ censurarum , aut inhabilitatum statim incipiunt habere effectum suum . Nam licet idem fortasse sit verbum legis dicentis *ipso jure , vel ipso facto* , accommodatur pœnæ secundum capacitatem ejus .

14 In hac ergo simonia certum est , ad incurrendas has pœnas non esse necessarium , simoniam esse

Suarez. Tom. XII.

ex utraque parte completam , sed eo ipso quod beneficium ab uno est datum , & ab alio receptum in confidentiam , ab utroque incurri prædictas penas . Et hoc sensu dixit Navar. d. cap. 23. num. 110. verb. *Secundo nota* , simoniam conventionalem confidentiæ esse pejorem (utique quoad pœnas) quam omnem aliam ; & ideo dixi , in hac simonia parum referre , illam sic inchoatam quoad executionem vocare realem , vel conventionalem . Et fortasse melius vocabitur realis , ne quis putet , per hanc simoniam confidentialem , & pure conventionalem penas incurri , quod verum non est , quia nullibi declaratum est , immo ex Bulla colligitur necessarium esse , ut beneficium sit in confidentiam acceptum : oportet ergo , ut sit aliquo modo realis . Nec mirandum est , simoniam hanc , licet fortasse non sit omnium gravissima , nihilominus gravioribus penis , & modo magis rigorofo latis affici : nam id fieri potuit , vel propter majorem corruptelam in hoc genere simoniæ , vel quia latentiori modo committitur , & ideo difficilius potest per judices puniri . Et hoc est animadvertendum , ne ex his , quæ sunt singulatia in hac simonia , sumantur argumenta ad alia , per quæ alias leges vel generales , vel proprias , regulanda sunt , ut postea videbimus .

Ad incurr-
endum
has penas
non opus
est simo-
nia utrin-
que com-
pleta.

15 Ex quibus tandem colligo , quomodo accipiendum sit , quod Navarrus d. numer. 110. §. *Adde nove* , circa hanc simoniam adjungit , scilicet , *quod mediator confidentiæ vetita a præfatis Papis ipso facto est excommunicatus* . Hæc enim extensio non habetur in prædictis bullis , neque ex vi illarum fieri posset . Non est ergo illa excommunicatio lata a Pio IV. Oportet ergo , ut intelligatur de excommunicatione lata a Paulo II. in Extravag. secundo de simonia , ubi excommunicat mediatores simoniæ in beneficio . Quia ergo simonia confidentialiter prohibita a Pio simonia est beneficalis , ideo mediator ejus contra legem Pauli delinquit , ejusque excommunicationem incurrit , ita enim colligit expresse Navarr. In qua collatione supponit , simoniam , quæ talis est solum ex prohibitione ecclesiæ , si sit circa beneficium , sufficere ad censuram illius extravagantis incurrendam , quod non omnes admittunt ; ego autem verum esse existimo , ut infra tractabo , & ita etiam veram esse censeo hanc sententiam Navarr. Adverto tamen , illam censuram Pauli non incurri , nisi per simoniam realem utrinque completam ; & ideo mediatores in confidentiali etiam non incurrunt illam , donec confidentia utrinque compleatur , quia ut dixi , non puniuntur per leges Piorum , sed per legem Pauli , & in illa non sunt peioris conditionis mediatores , quam contrahentes , ut per se constat .

Navar-
rus expli-
catur .

C A P U T XLIV.

An sufficiat ad mentalem simoniam principaliter intendere temporale , medium spirituale , vel quæ intentio necessaria sit ?

1 **E**xplicata trimembri divisione , ejusque sufficientia , de singulis membris aliqua dicenda sunt , quibus , & illa magis explicentur , & nonnullæ graves quæstiones expediantur . Circa mentalem ergo , quoniam præcipue in actu interiori consistit ut imperante aliquem exteriorem , oportet exponere , quodnam internum propositum requiratur ad hanc simoniam , & quod objectum habeat , & maxime declarare necesse est , sub qua ratione debeat in illud tendere , ut propositum simoniacum sit , ac subinde simoniam mentalem contineat . Nam incipiendo a materiali objecto , clarum est , debere esse donationem aliquam rei spiritualis , vel operationem spiritualem cum aliqua habitudine ad acquirendam aliquam rem temporalem , mediante illa , vel et converso largitionem aliquam temporalem , vel relatum ad aliquid spirituale obtinendum . Loquor autem semper de spirituali , & temporali , vel secu-

Dubium
mentalia
simon.

quam naturam rei in simonia contra jus Divinum, vel secundam estimationem, & prohibitionem ecclesiasticam in simonia contra jus humanum. Sic ergo constat, necessarium esse, ut in objecto simoniae mentalis illa duo intercedant cum aliqua habitudine inter se, quoniam alias non intercederent ibi materia simoniae, ut ex dictis manifestum est. Ex quo etiam colligitur, necessarium esse intentionem accipiendi spirituale medio temporali; vel e converso: quia vero talis intentio non semper sufficit ad simoniam, ut ex dictis in cap. 30. constare potest, & ex dicendis clarius nec, ideo explicandum proponitur, qualis debeat esse hæc intentio, vel qualis habitudo inter illas duas res, ut mentalis simonia committatur.

2 Ratio autem dubitandi est, quia sæpissime legimus apud auctores tam Theologos, quam Canonistas, simoniam mentalem committi, quoties per spirituale actionem, vel dationem principaliter intenditur acquisitio alicujus commodi temporalis, vel e converso quando temporale datur principali intentione ad accipiendum aliquid spirituale, mediante illo. Ita tenet Glossa in cap. unic. de Cleric. non residen. in 6. ver. *Receperit*, & loquitur in particulari de Canonici, qui principali intentione ad chorum eunt propter distributionem, & idem est de quocumque recitante officium, vel dicente Missam, principali intentione propter stipendium. Sumpsit illam opinionem Glossa, & Hostiens. in ca. *Olim*, de verb. significat. numer. 2. & eam secuti sunt alii Canonistæ in ca. *Suam*, de Simonia. Ubi Panormitanus, & Felinus, & reliqui, & etiam Glossa in ca. *Cum essent* eodem, loquens de illo, qui servit episcopo, vel gerit negotium temporale alterius intendens principaliter aliquid spirituale. Item Glossa in ca. *Cum ad nostram*, de election. verb. *Nullam spem*, agens de illo, qui fit monachus principali intentione sperans Abbatiam. Item Panormitanus in ca. *Significatum*, de Præbend. & in ca. *Ex parte*, 1. de Officiis delegatorum, & in ca. *Consuluit*, de celebratione Missarum. Et eam declarat, & sequitur Navar. in ca. *Frates*, de Pœnit. distinct. 5. nu. 56. & Covar. lib. 1. Var. ca. 20. num. 2. & 5. Non explicarunt tamen priores Canonistæ, quid intelligerent per intentionem principalem. Navarrus autem in citato loco breviter dicit, non esse principalem finem omnem illum, sine quo non esset homo aliquid factorus, sed illum, qui apud aliquem est præcipuus, & in majori estimatione. In hac autem principalitate, & majori estimatione explicanda, multum laboravit in Comment. de Orat. ca. seu notab. 6. n. 12. & sequentibus, & in ca. *Inter verba*, conclus. 5. præsertim a num. 22. & in Comment. de finib. human. actio. num. 7. & in Man. ca. 19. num. 19. & ca. 23. num. 100. quæ hic necessaria nobis non sunt: ex illis tamen colligo duo, quæ ad rem præsentem referunt. Unum est ad simoniam mentalem non sufficere, ut temporale sit ita intentum, quod sine illo spirituale non fieret, aut non daretur, quod mihi est certissimum, & a fortiori patet ex dicendis. Et ex usu est manifestum: alioquin omnes Canonici, & beneficiarii essent simoniaci; nam ita intendunt stipendium, eundo ad chorum, quod nisi haberent emolumentum temporale, revera non irent. Aliud est sufficere ad simoniam, quod temporale sit principaliter intentum, propter spirituale tanquam finis principalis.

3 Ex Theologis videtur docuisse eandem sententiam D. Thom. Quodlib. 8. ar. 11. Et clarius Cajet. in Sum. 5. *Cicaterium caput*. Ubi simoniam mentalem committi dicit, *quandocunque quis intendit pro spiritualibus temporalia habere, aut e contrario, ita ut ly pro, pretium denotet, & similiter quandocunque principalis intentio ad temporale habendum ex collatione spiritualis, aut e contrario tendit*. Ubi illos duos modos intentionis ponit tanquam distinctos, unum intendendi pretium, alium intendendi finem principalem. Eandem sententiam tenet expresse Major. 4. dist. 15. q. 29. ad 5. & dist. 25. q. 2. ad 2. Indicat Durand. 4. dist. 25. q. 4. n. 7. in fine, cum enim dixisset,

simoniam committi dando spirituale habendo respectum ad temporalia, subdit: *Habetur autem respectus ad hoc, quando sine his non esset alias collaturus*; (quod valde rigorosum est) significat enim Bonavent., ar. 1. q. 2. ad argum. licet solum dicat, intenditur principaliter temporale, non esse justitiam, sed malitiam, & avaritiam, Alenf. 4. p. memb. 3. ar. 2. Altif. 3. p. tract. 27. c. 2. q. 2. tenet Adrian. dicto Quodlib. 9. ar. 2. ad fin. Ant. d. c. 5. §. 17. Cordub. lib. 1. q. 32. ar. 1. in fin. Faver. Gerson. tract. de intent. ac fin. action. regul. 3. & 7. Alphab. 30. Et Summistæ frequenter videntur eodem modo loqui. Fundamentum esse potest, quia is, qui principaliter intendit temporale obtinere per spirituale, intendit commutare unum pro alio, sed hoc est simoniacum; ergo intentio illa simoniacæ est, ac subinde ad simoniam mentalem sufficiens. Confirmatur, quia pretium est finis principalis venditionis, seu venditoris in tali actione, quia per illam maxime intendit acquisitionem pretii; propter hoc enim dat rem, quam vendit; ergo similiter, qui facit opus spirituale propter captandum lucrum proxime, & principaliter, necesse est, ut intendat temporale commodum tanquam pretium sui operis, quia non potest aliter ratio pretii declarari. Et idem argumentum potest e contrario fieri, si temporale detur solo animo comparandi spirituale immediate: nam illa intentio resolvitur in voluntatem emendi rem spirituales per temporale pretium. Favent denique huic sententiæ c. *Tua nos*, c. *Non satis*, de sim. c. *Quam pio*, 1. q. 2. cum similibus.

4 Sed hæc sententia, ut notavit Soro, si non recte explicetur, potest scrupulos injicere: & ideo oportet distinctius explicare proprium objectum, & rationem simoniae mentalis. Oportet ergo cavere, ne confundantur ratio pretii, & ratio finis principalis, quamvis enim hæc duæ rationes possint interdum in eadem actione, seu proposito conjungi, quia vendens rem, potest per suam venditionem principaliter intendere pretium, non tamen convertuntur, immo possunt ad invicem separari. Quod patet primo exemplis: nam qui sumit potionem amaram principaliter propter sanitatem, non dicitur respicere sanitatem ut pretium sumptionis, licet illam respiciat ut finem proximum primum principalem. Item, qui operatur aliquid propter honorem ut principalem finem suæ intentionis, non respicit honorem ut pretium, sed ut præmium altioris ordinis, & ut finem accommodatum tali medio. Item, qui elemosynam petit, habet pro fine principali suæ petitionis, & proximo pecuniam, quam sperat accipere, ut constat, & tamen non intuetur illam, ut pretium suæ actionis, ut videtur etiam per se notum. E contrario vero is, qui vendit rem aliquam, licet habeat respectum ad pretium, ut pretium, sine quo suam rem non daret, nihilominus potest non vendere rem propter pretium tanquam propter finem principalem, sed ex charitate; ut si quis vendat triticum indigenti, & tempore famis principaliter, ut illius necessitati subveniat illo modo, & servando se indemnem. Potest hoc optime declarari in præmio, & merito: nam meritum est quasi pretium præmii, & servat cum illo habitudinem rei ad rem, sicut pretium ad merces, & nihilominus necesse non est, ut Deus, qui dat præmium propter meritum, & non alias, intendat ut finem principalem ipsum meritum, sed gloriam suam; immo etiam loquendo de fine, quem potest Deus proxime ex se intendere, principaliter intendit in eo opere beatitudinem, & bonum hominis recipientis præmium, quam meritum ejus. Sicut ergo ibi est longe diversa habitudo meriti, & finis, ita hic habitudo pretii, & principalis finis.

Unde ulterius declaratur ratione hæc diversitas: nam finis dicit tantum respectum ad appetitum, & ad media: ad appetitum, ut bonum propter se expectandum, si proprie finis sit: ad media, ut bonum propter quod alia appetuntur, ut ex philosophia constat. Hic autem finis potest dici principalis multis modis. Primo simpliciter, & in omni genere: & hoc modo solus finis ultimus est principalis: & de illo videtur loqui Maj. locis cit. unde, ut talis finis sit bone-

In quo
omnis
moralis
simonia.

Explicatur
magis
objectum
mentalis
simoniae.

Discrimine
inter finem
& pretium.

Duo nota-
tanda.

honestus, debet esse solus Deus; nam amare creaturam ut finem ultimum, turpissimum est. Censetur autem amari ut finis ultimus, quando propter creaturam finem Deus deseritur, peccando mortaliter, vel quando homo est in tali animi preparatione ex vi amoris creaturæ. Aliter vero potest finis principalis esse tantum proximus: & hic interdum potest esse principalis finis respectu operis, & non respectu operantis, quia licet opus natura sua tendat proxime, ac præcipue in talem finem, operans nihilominus ab illo non movetur. Ut docere de se habet pro fine præcipuo illuminare auditorem: docens autem potest non inde moveri, sed ex suo commodo honoris, vel lucri. Unde fit etiam e contrario, ut aliquando finis sit principalis operantis, & non operis, ut eisdem exemplis constat. Et ratio est, quia finis operis est intrinsecus, & quasi connaturalis: finis vero operantis variari potest ad arbitrium ejus: uterque autem finis principalis isto modo potest esse subordinatus ultimo fini, vel ex se, si non habeat repugnantiam cum illo, vel ex intentione operantis, qui potest etiam respectum hunc intendere, quia de se non repugnat, cum possint duæ causæ ejusdem generis esse principales respectu ejusdem effectus, una ut proxima, alia ut universalis, seu prima.

6. Denique etiam ex parte operantis contingit multis modis, aliquem esse finem proximum principalem respectu intentionis ejus. Primo totaliter, quia solus ille immediate propter se appetitur, & alia appetuntur propter ipsum, ut est sanitas respectu totius curationis, vel esse potest scientia respectu totius laboris in studio, & sic de aliis. Secundo principaliter ex æquo, ut si quis comedendo, æque delectationem, & vitæ conservationem intendat, vel dando eleemosynam æque intendat sublevare miseriam pauperis, & satisfacere Deo pro peccato. Tertio potest etiam esse partialiter, non tamen ex æquo; partialiter quidem, quia finis proxime intentus non est talis res sola, sed simul cum alia etiam propter se intenta, & per tale medium, non tamen ex æquo, quia una magis amatur, & desideratur per tale medium, quæ sine dubio bene dici potest principalis finis comparative, seu intensive respectu alterius boni intenti: Simpliciter vero, & absolute non est principalis: nam principalior finis est ipsum totum, seu aggregatum ex utroque fine, qui dici potest adequatus. Omnibus autem his modis finis principalis de se abstrahit a ratione pretii, etiam si res ipsa, quæ intenditur ut finis, sit temporalis, & inentia per actionem temporalem, vel spirituales, ut exemplis declaratum est, & amplius constabit ex dicendis.

7. At vero ratio pretii in primis non postulat, ut intendatur tanquam bonum propter se amabile, immo si honeste intendatur non debet ita intendi, quia potissima ratio pretii in pecunia invenitur, quæ non debet propter se intendi, sed potius in instrumentum utile ad alia bona. Deinde, non est de ratione pretii, ut aliquid propter ipsum intendatur tanquam propter finem principalem, quia licet in commutatione rei pro pretio, necessario pretium intendatur ut habens æquivalentiam cum tali re, & ut dandum loco illius, tamen hoc totum potest esse materialiter volitum, & non ut principalis finis: sicut in exemplo venditionis tritici supra declaratum est. Et in mutuo honestissime facto intelligi etiam potest, nam qui mutuat, intendit revera, iterum recuperare rem, quam mutuat: illa vero recuperatio, seu pecunia recuperanda, non potest dici finis principalis mutuandi, sed hic potest esse ratio misericordiæ, vel amicitie, vel alia similis. Igitur ratio pretii non est cum ratione finis confundenda. Sed ratio pretii (illam explicando accommodate ad præsentem materiam) consistit in hoc, quod res temporalis detur pro re spirituali in commutationem, & permutationem ejus cum habitudine rei ad rem, quam justitia commutativa respicit: & consequenter involvit hæc ratio pretii, ut per illud solvatur obligatio orta ex re accepta, vel ex opere præstito, respiciendo ad valorem, & æstimationem ejus, vel e converso ut per datum pretium priatur in alio obligatio dandi rem, vel opus spirituale sub proportionali habitudine rei, vel operis sufficienter æstimari, & recompenari propter tale pretium. Hæc dispensatio sufficienter constare potest, tum ex ipsa verborum declaratione, & ex usu communis Jurium, & Legum, quæ de pretio loquuntur, quam omnium vendentium, & ementium; tum etiam ex dictis supra cap. 36. ubi hanc ipsam rem latius declaravimus absolute: nunc vero necessarium fuit, illam resumere ad conferendam illam cum ratione finis propter explicandam communem illam auctorem locutionem.

8. Dico ergo primo: Simonia mentalis externa constituitur per internam voluntatem, & propositum dandi rem temporalem, ut pretium rei spiritualis, & tanquam ex contractu oneroso, & inducente obligationem, cum opere subsecuro, accipendi videl. eodem animo rem spirituales pro temporali, sive res temporalis intendatur ut finis principalis operantis, sive non. Hanc assertionem sumo ex Vict. d. Relict. numer. 33. & 34. & late illam probat Valentia, & distinctius quam cæteri explicuit Sor. lib. 9. de Just. qu. 2. art. 2. §. *Postremum dubium*; Unde ob eandem causam qu. 9. ar. 1. volens præscribere regulam ad mentalem simoniam declarandam, sicut inquit: *Lubrica fallaxque est illa regula, quod principaliter intendatur pretium, aut minus principaliter, sed est philosophico more ex objecto res perpendenda. Nimirum ut illa præcise simonia mentalis censetur, cujus objectum est simoniæ realis, scilicet intentio dandi, recipiendive spirituale quid pro pretio temporali.* In quibus verbis, quod dicit de simonia reali, sano modo intelligendum est: nam simonia realis, ut pactum, vel conventionem ordinariæ supponit, non est de ratione simoniæ mentalis etiam tanquam objectum ejus: nam qui mentaliter simoniacus est, non intendit facere pactum, sed intendit dare, & accipere eo modo, quo solet fieri per pactum, & sub eadem habitudine: & in hoc sensu dicitur habere simoniam realem pro objecto. Dices: qui fieri potest, ut nullo interveniente inter partes exteriori pacto, nec conventionem expressa, vel tacita, habeat quis intentionem dandi, vel accipendi sub eadem habitudine pretii, vel obligationis, cum hæc quasi essentialiter a pacto pendeat? Respondet licet obligatio personalis pendeat ex pacto, tamen interdum cogitari, aut æstimari posse tanquam ortam ex re ipsa: & ita posse aliquem intendere ab alio accipere rem spirituales tanquam debitam sibi ratione rei, vel obsequii temporalis a se exhibiti, & ita posse intendere unum accipere pro alio, & in compensationem ejus, & ita posse intendere ut pretium, seu ut rem pretio emptam, & ratione illius debitam, etiam si pactum non præcesserit. Vel etiam potest contingere, ut licet inter dantem, & accipientem rem temporalem nulla pactio exterius significetur, unus de alio credat, vel suspicetur dare unam rem pro alia compensando illam, & pro illa satisfaciendo, & ita alter etiam vicissim velit, & intendat eodem modo accipere spirituale pro temporali: his ergo modis potest talis intentio concipi, & ex vi illius exterior datio, vel acceptio imperari.

9. Supposita ergo tali intentione, facile probatur conclusio posita: nam quod illa sufficiat ad simoniam mentalem, omnes fatentur; expresse Divus Thomas in dicto quodlibet, & Silvester eum sequens, verbo, *Simonia*, quæst. 9. Anton. supra, Cajetan. & omnes. Et probatur, quia illo modo simoniæ pravitas est animo concepta, & intenta; ergo est simonia mentalis. Consequentia clara est, & antecedens patet, quia pravitas simoniæ exterioris consistit in commutatione rei spiritualis pro pretio temporali: hoc autem est objectum talis intentionis: ergo. Et hinc ulterius facile probatur, hunc modum intentionis esse quasi formale constitutivum simoniæ mentalis, quæ externe sit, quando ex tali intentione, & proposito imperatur externa datio, & receptio, ac subinde talem intentionem necessariam esse ad simoniam mentalem, quia simonia mentalis quoad internam malitiam, & veram rationem peccati ejusdem speciei est coram Deo cum simonia

1. Conclusio,

Probat conclusio

Pretium non semper intenditur propter se.

Ratio pretii in quo consistat ad simoniam.

nia reali: ergo debet habere idem objectum, in quo fundatur malitia simoniae: sed nota ratio pravitatis in objecto simoniae est, quod res spiritualis pro temporali pretio datur: ergo intentio pretii est de necessitate simoniae mentalis.

Non est de ratio-
ne simo-
niæ, ut
vult prin-
cipaliter
intenda-
tur.

10 Unde tandem probatur ultima pars, quia ad rationem pretii, per accidens est ratio finis principalis, aut secundarii, seu accessorii quoad intentionem operantis. Nam licet is, qui spiritualiter ministrat, non intenderet temporalem mercedem, ut principalem finem, sed ut secundarium, vel (ut alii ajunt) ut causam tantum impulsivam, seu excitativam, nihilominus si intenderet ut pretium, esset simoniacus, quia quacumque ratione intendatur id, quod malum est, sufficit ad contrahendam in mente malitiam ex tali objecto. Nec repugnant illa duo, scilicet, intendi ut pretium, & secundario, nam miles potest principaliter militare propter defensionem patriæ, & minus principaliter propter stipendium, ut pretium suarum operarum. Et idem cum proportionem est in eo, qui inservit hospitali propter pretium, quia potest nihilominus principaliter intendere benefacere infirmis, & isti nihil peccarent. Si tamen sacerdos intenderet stipendium Missæ ut pretium, licet non in eo poneret principalem finem suum, simoniacus esset: ergo intentio pretii ut principalis finis non est de necessitate simoniae mentalis.

2. Con-
clusio.

11 Ex his ergo infero, & dico 2. Quamvis temporale commodum sit principaliter intentum per ministerium spirituale, ut finis operantis, si non intendatur ut pretium, sed sub alia ratione stipendii vera, & possibili, non est simonia, etiam si aliquod aliud peccatum per illam intentionem committi possit. Prior pars sequitur necessario ex dictis, quia ubi non est intentio pretii, non est simonia mentalis, ut ostensum est, & docent omnes, quotiescumque de munere ab obsequio, & a lingua loquuntur, & stipendio, & similibus. Ut maxime videre licet in Victoria supra, Silvestro, questione tertia, Regul. 3. Cajetano, verbo, simonia, circa finem, & in Navarro dicto cap. 23. num. 100. vers. Quarto, & num. 101. vers. Nono, & Decimo: ergo qualiscumque sit intentio rei temporalis, etiam principalis, si non attingit rationem pretii, non erit simonia. Quod autem hæc duo sint separabilia, declaratur primo exemplis. Nam sacerdos potest intendere per ministerium Missæ aliquid temporale, ut stipendium suæ sustentationis; ergo etiam potest hunc finem principaliter intendere, quia hoc pendet ex libertate ejus, potest enim per hoc medium hic, & nunc nolle aliud bonum consequi, etiam si semper velit illud stipendium, non ut pretium; ergo potest optime separari intentio principalis a pretio. At in illo casu non committit Clericus ille simoniam, quia non habet voluntatem emendi, nec vendendi, nec habet pro objecto venalitatem (ut sic dicam) rei sacræ, in quo malitia simoniae posita est. Et revera sacerdos, qui est in peccato mortali, vel non jejunos, & nihilominus vult facere sacrum, ne stipendium perdat, illud videtur principaliter intendere: nam si intenderet principalis Dei cultum, & honorem, potius abstineret. Nemo autem diceret, hujusmodi sacerdotem, & omnes similes esse simoniacos. Idem argumentum est de Concionatore, qui habet pro principali fine suæ concionis dignitatem, quam ambit, vel famam, & vanam gloriam, quam aucupatur: nihil enim repugnat, hunc esse finem principalem operantis (& utinam non sæpe esset;) ille ergo per spirituale ministerium principaliter intendit temporale commodum, & nihilominus non est simoniacus, ut probant discursus facti, & omnes fatentur; ergo. Denique probatur a contrario: nam qui dat sacerdoti temporale stipendium, revera principaliter intendit, ut sacrum faciat: intendit ergo principaliter spirituale per illud temporale, sed tamen, quia illud non dat ut pretium Missæ, sed ad sustentationem personæ, illa intentio non facit actionem simoniacam, immo nec malam; ergo idem potest esse e contrario.

12 Altera vero pars de malitia illius intentionis

declaratur. Nam si finis ille sit ita principalis, ut sit ultimus, mortale sacrilegium in tali actione committitur, dum actio sacra ad mortiferum finem ordinatur, ut in illo exemplo de sacerdote in peccato sacrificante ex affectu ad stipendium, ille peccat speciali peccato sacrilegii, non solum quia in peccato sacrificat, sed etiam quia ordinat tantum sacrificium ad finem temporalem inordinate æstimatum, & dilectum: nam revera ille tunc constituit ultimum finem in illo lucro, non per simoniam, sed per immoderatam avaritiam. Idem esset de Concionatore, si ultimum finem poneret in honore per concionem acquirendo: conferetur autem ultimum finem in illo constituere, quando esset paratus ad quærendum illum, etiam graviter transgrediendo præceptum Dei. At vero si temporalis finis non sit ultimus, sed tantum proximus, & non sit de re intrinsece mala, sed indifferente, ut est honor, familiaritas cum principe, bona existimatio apud alios, licet esset hic finis proximus principalis, non ordinatus ab operante ad alium honestum, non esset peccatum mortale, facere opus spirituale propter hunc finem, esset tamen veniale. Ratio est, quia licet ordinare rem spirituales ad temporalem, sistendo in illa, sit deordinatio, & culpa: si tamen ille res temporalis non habet intrinsicam malitiam gravem, nec ponitur in illa affectus ut in ultimo fine, non est gravis deordinatio, nec materia peccati mortalis. Alias multa peccata mortalia committerentur ab hominibus vanis, qui ex vana gloria dicto modo multa operantur, de quibus dixit Christus Dominus: *Receperunt mercedem suam*, non tamen dixit, in æternum damnabuntur. Nec ibi est ratio simoniae mentalis, quia non intervenit ulla intentio pretii, ut explicatum est. Quo circa quod aliqui dicunt, ut Tabiena num. 18. Concionari ad consequendam laudem, vel honorem humanum principali intentione, esse simoniam mentalem, non proprie sed late, & metaphorice intelligendum est, ut loquitur etiam Beda citatus in cap. Non solum, 1. quæst. 3. Quin potius addo, quod si intentio rei temporalis non sit mala, sed ordinata ad finem honestum, tunc non erit malum ordinare spirituales actionem ad finem temporalem, & humanum proxime, quia res superioris ordinis potest honeste ordinari ad finem inferiorem, dummodo non in illo sistatur, sed per illum ad finem alium honestum tendatur, ut Navarrus etiam supra fateatur, licet Gerson supra oppositum sentiat, sed de hoc latius in prima secunda.

Quando
conferatur
ultimus
finis poni
in opere.

Concio-
nari ad
consequen-
dam lau-
dem v. sit
mortale.

13 Unde obiter infero, sine causa laborare in præsentia aliquos ex dictis auctoribus, distinguentes inter causas finalem, & impulsivam, negantesque impulsivam esse finalem, licet sit motiva. Ut ita declarent, intendere temporale ut causam impulsivam, vel potius moveri ex illa, non esse simoniam; secus vero, si sit causa finalis: illa enim distinctio, licet alias sit satis usitata a Jurisperitis, & ab aliquibus Theologis in hac materia, & de usuris, & videre licet in Navar. & Covar. supra, Covarruvias etiam in l. 1. Var. ca. 20. num. 4. Aragon. 22. q. 100. ar. 2. revera non est necessaria, nec in se satis constans, nisi sano modo declaretur. Nam causa impulsiva moralis, de qua tractamus, non potest esse nisi respectu intellectus, vel respectu voluntatis. Et priori modo est tantum causa consulens, persuadens, imperans, & rogans, quæ causalitas ad efficientem reducitur, ut Aristot. dixit. At vero respectu voluntatis non potest esse impulsiva, nisi per modum finis, quia nihil movet, seu impellit voluntatem, nisi medio intellectu: intellectus autem non impellit voluntatem, nisi proponendo objectum, & tota persuasio, vel motivatio, quæ in intellectu præcedit, eo tendit, ut proponat voluntati in tali objecto plures, & majores rationes convenientiæ, & amabilitatis: quod autem proxime movet voluntatem, est objectum ipsum, sic propositum, ut tale judicatum est. Ideoque causa impulsiva respectu voluntatis, de qua nunc loquimur, non potest non esse aliquo modo finalis, vel primaria, vel secundaria. Hæc autem distinctio ex parte finis operantis, & non spectata ratione pretii, non

Distinctio
inter cau-
sas impul-
sivam &
finalem,
non ha-
bet locum
hic.

non refert ad rationem simoniæ, quia (ut dixi) etiam si temporale sit in illo sensu causa tantum impulsiva, si moveat in ratione pretii, erit simonia: si vero non moveat in ratione pretii, sed in ratione stipendii, aut gratuiti beneficii ex gratitudine conferendi, licet sit principalis finis, non erit simonia, ut in sequentibus etiam capitulis magis constabit.

14 Dices: Quid ergo voluerunt tot auctores, (& præsertim D. Thom.) loquentes de fine principali, & per illum explicantes mentalem simoniam? Responderetur, fortasse illos non fuisse locutos de sola propria, & rigorosa simonia, sed sub illa comprehendisse omne sacrilegium, quod potest committi, dando, vel accipiendo rem spiritualem intuitu temporalis, vel e converso, dando rem, vel obsequium temporale cum intentione obtinendi illa via rem spiritualem. Et ideo sub distinctione interdum loquuntur de intentione pretii, vel de intentione principalis finis: nam prior constituit propriam simoniam mentalem; posterior vero constituit simoniam late, id est, sacrilegium conveniens aliquo modo cum simonia in materiali actione: quamquam hoc etiam posterius non sit universaliter intelligendum, sed quando talis est intentio, ut sistat in temporali propter se apperendo, & in hoc sensu sumatur intentio principalis. Et hoc responsum indicat Soto dicto articulo secundo.

15 Secundo potest alia responsio colligi ex verbis D. Thomæ, quæ sic habent: *Simoniam committit, qui huiusmodi actus (utique celebrandi) vendere intendit. In qualibet enim venditione pretium accipitur quasi finis: & ideo in prædicto casu distinguendum est. Si enim huiusmodi distributiones recipit, quasi finem sui operis principaliter intentum, simoniam committit, & ita mortaliter peccat: Si autem habet principalem finem Deum in tali actu, ad huiusmodi autem distributiones respicit secundario, non quasi in finem, sed sicut in id, quod est necessarium ad suam sustentationem, constat, quod non vendit actum spirituales, & ita simoniam non committit, nec peccat.* Primum ergo omnium requirit Divus Thomas intentionem vendendi, nam nos contendimus semper esse necessariam, & sufficere. Deinde vero explicat hanc intentionem finis, indicans, unam converti cum alia. Sed expendo illa verba, *Si recipit, quasi finem sui operis*, & ex illis colligo, non loqui de quocumque fine, etiam principali operantis, sed de illo, qui intenditur, quasi proportionatus operi, & commensuratus illi: sic enim dici potest pretium finis proprius laboris corporalis, & quasi fructus ex illo natus, & commensuratus illi. De hoc ergo fine recte intelligitur dictum, quod intendere temporales distributiones, tanquam fructum proprium, & commensuratum spirituali ministerio, virtute est intendere vendere illud, & consequenter est intendere illud finem ut pretium. De hoc ergo fine principali possunt exponi aliqui auctores ex supra citatis. Præsertim id explicuit Gerson. Alph. 24. lit. P. ubi sic exponit intentionem: *Faciens opus spirituale, inde expectans temporalem mercedem, aut e contra quasi unum sit rationale pretium alterius; & subdit: licitum esse, intendere sustentationem, cavendum autem esse, ne ibi statuatur principalis finis, sed subordinatus Deo, aut non contra Deum.* Et eodem fere modo explicat rem hanc Gregor. de Valent. 3. tom. disp. 6. quæstione 16. pun. 3. quæst. 2. Omnes autem auctores non possunt in hunc sensum adduci, nam aliqui aperte distinguunt finem principalem a pretio, & putant sufficere. Quod potest sustineri in priori sensu, non enim omnes in rigore loquuntur, nos autem propriam, & rigorosam rationem simoniæ mentalis explicamus. Et loquimur de fine principali respectu intentionis operantis, qui utitur opere spirituali, tanquam medio ad illum finem, non quia illum respicit ut proprium, & commensuratum finem operis, sed quia est id, quod tunc principaliter ipsum movet, etiam si improporionatum sit; & hoc diximus, non sufficere ad veram simoniam, etiam si ad aliud genus vitii pertinere possit: quamvis neque hoc semper necessarium sit, quia ille finis operantis non

Suarez Tom. XII.

semper est malus, & non excludit finem proprium intrinsecum, & objectum ipsius operis, ut est in oratione laus, seu cultus Dei; sed conjungit alium finem, qui tunc plus movet operantem, de quo Aristot. dixit: *Qui furatur propter mæchiam, magis est mæchus, quam fur.*

16 Tandem ex his obiter colligo, hanc simoniam mentalem non solum posse committi in simonia prohibita, quia talis est, sed etiam in illa, quæ est talis, quia prohibita. In quo non recte sensit Glossa in cap. *Ex parte*, 1. de offic. deleg. ver. *Dimittere*, ubi simoniam quia prohibitam negat contrahi etiam mentaliter per intentionem pravam, sed solum illam simoniam, quæ de se mala est, & in utroque testamento fuit prohibita. Moveri fortasse potuit, quia lex ecclesiastica non cadit in actus interiores. Et pro hac parte refert multa dicta Doctorum Canonistarum Caccialup. de pension. q. 19. a nu. 7. usque ad 13. Ex quibus vix potest colligi, quid clare sentiant, nam hinc inde citantur. Sed sine dubio dicendum est, posse veram culpam simoniæ mentalis committi in his, quæ sunt talia, quia prohibita. Ita sentire videtur idem Caccialup. cum aliis relatis ab ipso, & Gigas q. 4. de pension. nu. 3. qui etiam alios refert. Clarius licet brevius Adrian. d. Quodlib. 9. art. 2. explicando definitionem simoniæ, quod est studiosa voluntas, &c. Quæ in utramque simoniam convenit. Et optimam rationem reddit: quia non refert (ait) an loquamur de prohibito, quia simoniaco, vel de simoniaco, quia prohibitum, quia voluntas faciendi, quod ecclesia prohibet, mala est, & malitiam continet, licet non progrediatur in opus.

17 Et ita solvitur fundamentum contrarium, nam licet lex ecclesiæ non cadat directe in actum internum, tamen prohibendo externum, mutat objectum voluntatis internæ, ratione cuius ipsa est mala. Et ita velle furari in ecclesia, sacrilegium est mentale: ita est ergo de simonia. Et patet in simonia mentali pura: nam habere propositum emendi ecclesiasticum officium prohibitum, vel permutandi beneficia sine auctoritate superioris, simonia mentalis est pura, quia est peccatum, & non alterius speciei; ergo si ex illa intentione impetretur actus externus sine pacto externo, erit simonia mentalis externa. Glossa vero, & Canonistæ exponi possent de simonia, quam punit ecclesia: sed hæc expositio difficile accommodatur ad distinctionem Glossæ: nam etiam simonia mentalis contra jus Divinum non punitur ab ecclesia. Aliter dici potest, sententiam Canonistarum habere locum, quando ecclesia solum prohibet facere aliquid cum pacto, vel sub conditione exteriori intimata, ut prohibet renunciare beneficio in favorem tertii sub conditione. Tunc enim licet fiat renunciatio cum desiderio, ut detur beneficium tali personæ, non est simonia mentalis, quia intentio non opponitur præcepto: quod verum est, ut etiam supra dixi, & idem erit in omni simili casu. Nihilominus tamen sæpe intentio opponitur præcepto ecclesiæ, ut in permutatione beneficiorum, & similibus, & hoc satis est, ut detur simonia mentalis, quia prohibita.

C A P U T XLV.

Utrum intentio remunerandi dono spirituali antidoralem obligationem, ortam ex temporalis, faciat simoniam mentalem: & an liceat talem obligationem in pactum deducere.

I Diximus, intentionem retributionis quasi debitæ ratione rei acceptæ, & sub ratione pretii constituere simoniam mentalem: videndum consequenter est, an intentio remunerationis ex pura gratitudine ad eandem simoniam sufficiat: ut verbi gratia, an sit simonicus episcopus dans famulo, aut benefactori suo beneficium, ut obsequia, aut alia officia temporalia ex gratitudine rependat: vel e contrario an famulus, serviens cum ea intentione obligandi alium ex mera gratitudine, & sperandi ex

Simoniam mentalem ubi committitur.

Solvitur fundamentum contrarium.

eodem spirituale beneficium, sit mente simoniacus. Consequenter vero etiam exponemus, an deducere hoc gratitudinis officium in pactum, ad conventionalem simoniam pertineat: hæc enim duo ita sunt conjuncta, ut separari non debeant.

Parti affe-
ri
nativa
probat
primo.

2 Videtur ergo illa intentio involvere mentalem simoniam, 1. quia quod datur ex obligatione antidotali, non gratis datur; ergo mens illa est contra Christi verba: *Gratis accepistis, gratis date*. Antecedens patet; tum quia repugnat, dari ex obligatione, & dari gratis; tum etiam quia dona Dei non tantum sunt gratuita, excludendo debitum justitiæ, sed etiam excludendo debitum antidotali, ut in materia de Gratia ostenditur. Hæc enim ratione non potest gratia prima cadere sub merito, etiam de congruo, quia jam esset debita, saltem obligatione antidotali, & sic gratia non esset gratia, ut argumentatur Paulus. Et in eodem sensu subiungit: *Quis prior dedit illi, & retribuetur ei?* Sed Christus voluit nos ita dare gratis spiritualia dona, sicut illa recipimus; ergo sicut illa recipimus non debita, etiam antidotali obligatione, ita dare debemus sine intuitu illius. Alioquin contra Christi præceptum, & contra naturam gratiæ agimus: in quo tota ratio simoniæ consistit. Secundo si esset licitum, hanc obligationem intendere, aut retributionem ejus, esset etiam licitum illam procurare, immo & in pactum deducere: consequens falsum est; ergo. Sequela patet: tum quia quod licet intendere, & desiderare, licet etiam petere, & procurare, hæc enim ratione licet petere stipendium, quia illud licet intendere: immo hæc etiam ratione infra ostendimus, posse in pactum deduci, ita ergo hic licebit exigere promissionem de gratitudine servanda, ipsammet promissionem non ex justitia, sed ex gratitudine postulando: nam sicut opus fieri potest ex sola gratitudine, ita etiam promissio: tum etiam quia si ex donis temporalibus potest oriri obligatio gratitudinis ad spiritualia beneficia præstanda; ergo licitum erit, obligationem illam in pactum deducere: nam juxta communem sententiam Doctorum, pactum, in quo tantum exprimitur id, quod de jure inest, non est simoniacum, ut patet ex Glossa in capit. *Ad audientiam*, 2. de Rescriptione verb. *Renunciantes*, & ibi Panorm. num. 6. Felin. a num. 8. Et in additione ad Panorm. ibi plures aliæ Glossæ, & Doctores ad idem citantur, quæ refert etiam, & sequitur Navar. in capit. *Accepta*, de Restit. Spoli. oppos. 7. numero 41. & in Conf. 12. de simo. & sæpe in illis Consiliis: Redoan. 2. p. de simon. capit. 22. a numero 5. Angel. *Simonia*, numero 18. & colligi potest ex capit. *Ex insinuatione*, de simon. ubi conditio illa obtinendi ultimum locum in choro, & in aliis non reddit electionem simoniacam, quia erat de re, quæ per se inerat. Idem probat capit. *Olim*, 1. de Rest. spol. juxta quandam Gloss. ibi, & Panorm. numer. 6. Sumitur etiam eodem modo ex cap. *Significatum*, de Præbend. ut ibidem etiam notatur. Si ergo obligatio hæc antidotalis inest de se, etiam poterit in pactum deduci: consequens autem falsum est, sic enim facile esset, omnem simoniam honestare.

2. Opinio
simplici-
ter negat.

3 In hac re duæ possunt esse extremæ opiniones. Prior simpliciter negat, licere spirituale beneficium benefactori conferre titulo gratitudinis, & ut dans illo modo exoneretur obligatione antidotali, qua illi obnoxius erat. Ita sentit Innoc. in cap. *Tuam*, de Aerar. & qualiter dicit enim, esse simoniam velle obligari alteri, aut exonerari ab obligatione ex servitio recepto. Et idem refert, & sequitur Silv. (ex Director.) verb. *Simonia*, questione 16. circa finem. Possent autem hæc intelligi de obligatione justitiæ. Obstat vero, quia Innocent. videtur explicare etiam de obligatione ad antidota, dicens: *Idem enim reputaremittere, quod dare, & bene est, remittere, cum remittit obligationem naturalem, quæ est ad antidota*, Argumen. ff. de Calumniat. l. 2. in princip. & l. 3. in prin. & ff. de petit. hered. l. Sed si quis §. Consultuit, & 1. question. 1. cap. Si quis neque. Quibus verbis, & priora verba videtur exponere de obligatione antidotali, & rationem reddere suæ sen-

tentiæ, quia talis obligatio, & ejus remissio aliquid temporale est, & pretio æstimabile. Et hanc sententiam, alios referens, tenet Jason in l. *Ex hoc jure*, ff. de just. & jur. num. 58. Alia sententia extreme contraria est, non solum non esse simoniam intendere obligationem antidotali, vel remissionem ejus, sed etiam licitum esse, talem obligationem in pactum deducere. Ita tenet Covarr. lib. 1. Var. cap. 20. num. 4. Et probat, quia in mutuo licitum est mutuatæ intuitu accipiendi mutuum in alia occasione a mutuario, vel aliud beneficium ex pura gratitudine, & talem obligationem ad antidota in pactum deducere, & exprimere; quod etiam tenuit Major 4. d. 15. quæst. 29. ad 2. & Covar. refert plures alios, dicitque esse communem sententiam; ergo idem licet in hac materia: nam si ibi non committitur usura, ideo est, quia per totam illam obligationem, sive in ipso actu naturaliter existentem, sive in pacto expressam, nihil æstimabile pretio datur propter mutuum; ergo etiam si totum illud detur; non est ergo simonia.

Alia sen-
tentia ex-
treme co-
ntraria.

4 Dico primo: Dare quodcumque donum, vel obsequium cum spe gratitudinis, & intuitu remunerationis per spirituale donum, ex pura gratitudine obtinendum, & ex hac intentione concepta externum obsequium, vel munus imperare, sine ulla alia obligatione exteriori, nec simoniacum est, nec (per se loquendo) illicitum. Hæc est tertia, & communis sententia omnium tam in materia de usura, quam in hac de simonia, ut in superioribus sæpe notatum est, præsertim cap. 30. tractando de pretio in genere, & in sequentibus tractando de munere ab obsequio, & a lingua, & ibi citavimus auctores, & statim alios referemus. Et in usura id docuit expresse Divus Thomas, 2. 2. q. 78. ar. 2. ad 2. & 3. Ratio vero est, quia hæc obligatio gratitudinis non est (ut ita dicam) voluntaria recipienti beneficium, sed necessaria; ideo enim naturalis vocatur ab omnibus Juristis, & Theologis: unde facere beneficium, & obligare recipientem ad gratitudinem, non sunt duo, moraliter loquendo, quia unum ex alio necessario sequitur; ergo qui intendit obligare alium beneficio, non intendit sua voluntate novam obligationem, vel onus illi imponere, sed quod ipsi beneficio innatum est; ergo non peccat generatim, ac per se loquendo; ergo nec in præsentia materia est simoniacus. Antecedens per se notum est, quia obligatio gratitudinis intrinsece sequitur ex vi beneficii, sicut obligatio pietatis ad parentes naturaliter sequitur ex origine naturali, ut eleganter deducit Divus Thomas 2. 2. questione 106. articulo 3. Prima vero consequentia etiam est per se clara, quia intentio expressa de obligatione, quæ inest, non mutat naturam obligationis, ut si pater intendat generare filium, qui sibi sit gratus, & se ex pietate juvet, non imponit propterea filio obligationem quasi positivam distinctam a naturali, quæ inest ex vi originis. Secunda item consequentia probatur, quia objectum illius intentionis non est malum, quia est quasi proprietas naturalis beneficii; unde si beneficium, vel obsequium est honestum, etiam gratitudo ex illo erit honesta; ergo intentio illius per se non est mala.

Prima
conclusio.

Fundam-
entum.

5 Dices: In hoc videtur inordinata illa intentio, quia per se, & directe intenditur id, quod solum debet esse consequens, & quasi resultans ex beneficio. Respondetur, hoc non esse inordinatum, si ex honesto motivo intendatur: nam Deus intendit nobis benefacere, ut simus illi grati, & directe intendit nos obligare per beneficia; & sæpe directe intenditur proprietas, vel passio, quæ ad essentiam consequitur, & sæpe magis ipsa expetitur, quam rei substantia; per se spectata. Unde etiam constat ultima consequentia, quia quod non est peccatum de se, non potest esse simonia: item per illam intentionem non fit venalis res sacra, quia remunerare beneficium ex gratitudine, non est vendere beneficium ex gratitudine collatum. Denique illa non est intentio pretii, nec est intentio emendi aliquid, unde natura sua non est pretio æstimabilis. Ad quod expendi potest lex

Obje-
ctio
soluitur.

Sed

Sed et si, §. Consultat. ff. de Petir. hæred. ubi possessor bonæ fidei donans fructus liberaliter, licet alios antidotaliter sibi obligarit, non censetur ditior factus, nec propterea ad aliquam restitutionem teneri, quia illa obligatio non computatur in bonis temporalibus ejus, sed est in bono affectu ejus, qui recipit beneficium; intendere ergo hanc obligationem non est intendere aliquod bonum temporale pretio æstimabile.

Secunda conclusio

6 Dico 2. Dare beneficium ecclesiasticum, seu spirituale donum benefactori temporali ex gratitudine, & ad satisfaciendum obligationi antidotali indolentæ, non est simonia, nec per se malum, si in aliis servetur justitia, & reverentia rei spirituali debita. Hæc etiam est communis: illam vero in specie tradit Navar. in d. cap. 23. num. 106. ad 4. & ex illo Ugolin. Tabie. 1. c. 58. §. 4. & sumitur ex Cajet. ver. *Simonia*, ut bene explicuit Soto lib. 9. q. 7. ar. 1. & 3. Ubi pro regula statuit, dare spirituale ad referendam, vel incundam gratiam, non esse intentionem simoniacam, dummodo liberale sit donum. Ratio in primis sumitur ex præced. assert. quia sicut eadem ratio est de emente, & de vendente rem spiritualem quoad malitiam simoniæ, ita eadem est ratio de intendente obtentionem rei spiritualis media obligatione antidotali ex temporali dono contracta, & de acceptante talem obligationem, & volente illam explere; ergo sicut primum simoniacum non est, ita nec secundum, quia sicut primum non est emere, aut emptiorem intendere, immo minus videtur, spirituale donum dare ad gratitudinis obligationem implendam, quam ad inducendam; si ergo primum licet, a fortiori etiam secundum. Secundo declaratur, quia in tali modo donandi rem spiritualem non intervenit, nec intenditur habitudo ad pretium; ergo non est simonia. Consequentia patet ex dictis, & antecedens probatur, quia nec beneficium habuit rationem pretii (non enim hac intentione factum, vel receptum est, ut supponitur,) nec civilem obligationem induxit, quam pretium solet inducere: nec etiam remissio illa, vel potius extinctio antidotalis obligationis potest habere rationem pretii, immo nec ipsa est pretio æstimabilis; quia sicut obligatio antidotalis non assumitur voluntarie, distincta voluntate ab acceptatione beneficii, ita nec extinguitur speciali remissione, & voluntate recipientis munus liberale ex gratitudine ortum, sed naturaliter cessat; ergo illa remissio non est pretio æstimabilis, sed potius est ipsa acceptatio muneris ex gratitudine profecti. Tertio donatio antidotalis gratuita simpliciter est, licet non sit omnibus modis liberalis, id tamen satis est, & quod sic datur, gratis datur; ergo.

Obiectio

7 Dicit vero aliquis, gratitudinem ipsam, licet de se honesta, & simpliciter gratuita sit, tamen debere esse ordinatam, ita ut quod datur in remunerationem, sit proportionatum beneficio recepto: at vero dare spirituale donum pro temporali obsequio, etiam titulo gratitudinis, videri inordinatum, quia est conferre spiritualia cum temporalibus, & quasi adæquare illa: nam licet obligatio non sit tanta, sicut injustitia, tamen modus æqualitatis, & proportionis est idem, scilicet rei ad rem, mercedis ad opus, beneficii remunerativi ad beneficium præcedens. Respondeo in primis, objectionem non procedere, quando ex liberali dono spirituali speratur gratitudo in similibus bonis, quia tunc omnis illa proportio servatur, & habebit locum etiam in ecclesiasticis beneficiis, quia ad hæc non extenditur ecclesiæ prohibitio, cum pactum non intercedat, ut supponitur. Deinde dico, inordinatum quidem videri per dona, vel obsequia temporalia velle obligare alium immediate, & definite, ac in particulari ad beneficia spiritualia, quia revera tale beneficium, per se, & natura sua ad hoc non potest major obligatio intendi, quam naturaliter inest, ut dictum est. Debet ergo generatim intendi, habere alium benevolunt, & simpliciter antidotaliter obligatum, ex circumstantiis autem personarum, & negotiorum potest determinari intentio ad talem rem, non quia

Suarez, Tom. XII.

obligatio de se ad illam limitetur, sed quia vel hic, & nunc non potest alia retributio a tali persona sperari, vel quia mihi licet desiderare hoc donum potius, quam aliud, etiam si non possim alteri imponere talem obligationem specialem. Unde ulterius addo ex parte gratificantis beneficium, non esse ordinatum, per se loquendo, pro temporalibus obsequiis, aut donis, quæ obligationem ex justitia non induerunt, velle ex gratitudine dare munus spirituale, sicut enim pauper orat pro dante temporalem elemosynam, & nihil magis est usitatum inter pios, & sanctos viros, & a prælatiis ecclesiæ. Et ratio est quia gratitudo non tam respicit datum, quam affectum, ut recte dixit D. Thom. d. quæ. 78. ar. 2. ad 2. & qu. 106. ar. 5. ad 6. & ideo potest per gratitudinem multo nobilius munus, quam fuerit receptum, sine injuria, aut vilipendio talis muneris, conferri. Et eadem ratione potest procedere spirituale beneficium, sperando gratuitum obsequium temporale, quia non speratur ut commensuratum beneficio, sed affectui, vel facultati ejus, qui donum spirituale recepit. Addo præterea, quod licet interdum in hac obligatione gratitudinis persolvenda per spirituale donum possit intervenire aliqua deordinatio, illa non pertinebit ad simoniam (ut in superioribus tetigi) sed ad personarum acceptionem, vel aliud simile vitii genus. Ut si quis velit remunerare turpia obsequia per ecclesiasticum beneficium, de quo satis supra dictum est. Sicut e contrario in gratificando obsequio temporali, & respicere ad opus virtutis, quod in tali obsequio reluxit, & ad conditionem personæ, quæ per tale obsequium dignior facta est beneficio ecclesiastico, specialem congruentiam, & honestatem habet, ut ex Gregor. notavit D. Thom. d. q. 100. ar. 5. ad 1. Illa tamen ut sic non pertinet ad solam gratitudinem, sed maxime ad justitiam distributivam, seu fidelem dispensationem.

8 Dico 3. Quando aliquid gratis donatur ante receptum spirituale donum, aut ecclesiasticum beneficium, non est intrinsece malum, nec simonia, cum per se loquendo, petere animum gratum in recipiente donum, vel obsequium, vel suæ obligationis naturalis recognitionem ab eo postulare: cavendum tamen est propter periculum, & specimen pactationis, maxime quando spiritualia, quæ petuntur, habent utilitatem temporalem annexam. Priorem partem hujus assert. videntur præcipue intendere Maj. & Covarr. Et si amplius velint, eorum sententia probabilis non est, ut statim dicam. Sic autem intellecta difficultatem non habet. Prior ergo pars assertionis probari potest 1. ex Div. Thom. d. quæstione 78. articul. 2. ad 3. ubi agens de usura, inquit: *Si munus ab obsequio, vel a lingua non quasi ex obligatione rei exhibetur, sed ex benevolentia, quæ sub æstimatione pecuniæ non cadit, licet hoc accipere, & exigere, & expetere.* Et loquitur de benevolentia, per quam debitum gratitudinis, & amicitie persolvitur, ut ex argumento, & ex solut. ad 2. constat. Sicut ergo in materia usuræ licet hoc debitum exigere, nec per hoc petatur aliquid ultra sortem, ita in materia simoniæ potest hoc peti sine ullo vitio. Secundo in donis mere spiritualibus expectandis nihil est frequentius inter pios, & timoratos viros: damus enim elemosynam pauperi, aut religioso, postulantes ab illo, ut orando pro nobis gratitudinem exhibeat: sæpe etiam qui hæc temporalia beneficia recipiunt, promittunt, se fore gratos in orationibus, & suffragiis suis, per quam promissionem non intendunt, novam obligationem sibi imponere, sed naturalem obligationem gratitudinis recognoscere. Quamquam si voluntarie, & mere gratis majorem faciant promissionem, nihil peccabunt, immo recte facient, si hoc totum ex gratitudine faciant. Tertio est optima ratio facta, quia licitum est petere ab alio id, quod ipse tenetur ex naturali obligatione facere, neque hoc est pretium exigere, vel aliquam obligationem addere. Addidimus vero cautionem in ultima parte conclusionis, quia licet in rebus mere spiritua-

Tertia conclusio

Respon- detur ob- jectioni.

lib. hoc simplicius fieri possit, & soleat: in hiis autem habent temporalitatem annexam, moralis & ordinariæ fragilitas hominum est, ut temporalem utilitatem in his beneficiis potissimum querant, & ideo scandalum aliquod præberi potest per huiusmodi petitionem, vel recordationem gratitudinis, maxime quando in particulari beneficium ecclesiasticum postulatur, quasi debitum etiam gratitudinis, quia facile potest impleri alia intentio, vel suspensio ejus præberi. Et præsertim in exteriori foro potest inducere aliquam præsumptionem propter ecclesiasticas leges prohibentes omnem pactionem in huiusmodi materia.

9 Hinc dico quarto, non esse licitum deducere in pactum antidoralem obligationem cum speciali promissione implendi illam, vel non exhibendo donum, aut obsequium temporale, nisi sub conditione, & modo implendi talem obligationem. Hoc modo intelligunt aliqui sententiam Innocent. ut ibi in quodam scholio notatur. Et in materia mutui id supponit D. Thom. d. quæstion. 78. artic. 2. ad 2. & 3. quem ibi Cajetan. & Sor. sequuntur. Et bene Gabriel. in 4. dist. 15. quæstion. 11. art. 1. not. 1. Hostiens. in Sum. titul. de Usur. §. *Que pena*, &c. Felin. in cap. *Ad audientiam*, 2. de Rescript. num. 10. Ubi ex sententia plurium Doctorum, ait esse simoniam, *Deducere in pactum obligatorium obligationem antidoralem, secus (inquit) ubi sola obligatio naturalis deducitur in pactum eo modo, quo debitor est obligatus, quia non videtur illicitum.* Sed hoc posterius pactum non videtur esse posse aliud, nisi quod superiori assertioni explicatum est, quia revera non est pactum novum, sed commemoratio, & recognitio obligationis, quam beneficium ipsum affert. Prior ergo pars intelligitur de vero pacto, quod novam aliquam obligationem adiciat præter naturalem, quam possumus appellare positivam ex voluntate contrahentium. Et ita explicat suam sententiam Covar. ideoque D. Thom. & alios in suum favorem adducit. Sic ergo probatur conclusio prima. Quia si loquamur de spiritualibus pertinentibus ad ecclesiastica beneficia, in quibus maximum periculum hujus materiæ versatur, in illis omnis pactio, conditio, & modus additus eorum collationi, seu donationi est prohibitus jure ecclesiastico, ut sæpe allegatum est: sed hoc pactum est additum, & non inest ex natura rei, ut constat ex declaratione facta; ergo. Et hæc ratio probat etiam ex natura rei hoc non licere, nam pactum inducens novam obligationem positivam ultra naturalem est de re, quæ non inest, & est onerosa, & pretio æstimabilis; ergo est conditio simoniaca. Antecedens patet, quia (ut D. Thom. dixit) ex beneficentia non sequitur obligatio civilis, sed antidoralis tantum: ex vi autem talis pacti additur civilis obligatio, etiam in foro exteriori, si per sufficientem scripturam, aut alium modum legibus præscriptum de tali nova obligatione constet. Et quamvis non possit ad forum externum deduci, & cogi, satis est, quod in conscientia talem obligationem adiciat: immo licet non esset propria obligatio ex iustitia, sed ex promissione obligante in conscientia ratione fidelitatis, & obligante (ut sic dicam) novo modo humano, esset grave onus, & pretio æstimabile; tum quia hoc vinculum magis obligat in conscientia, & fortasse etiam gravius, quam sola gratitudo; tum etiam quia inter homines saltem ratione honoris, & famæ magis premit verbi, & promissionis obligatio, quam solius gratitudinis.

Dic. eva.
sionis.

10 Dux tamen evasiones excogitatz sunt ab aliquibus, qui in contrariam sententiam inclinant. Prior est communis simoniæ, & usuræ, nimirum, hanc rationem procedere, quando talis promissio de antidorali obligatione servanda tamquam ex iustitia debita ratione beneficii accepti postulatur, ut ratione mutui, vel ratione doni spiritualis, tunc enim clara est injustitia: secus vero esse, quando solum postulatur ex benevolentia. Nam potest promissio etiam gratis fieri, ut per se constat: licet ergo illam postulare, non tamquam debitam, sed ex benevolentia

tantum conferendam. Nam si ego beneficium de presentia tibi facio, vel mutuando, vel aliud donum liberaliter exhibendo, cur non poteris petere, ut vicissim aliquando liberaliter promissionem faciat, ita ut si ipse noluit facere, ego etiam profitear, me non esse tale beneficium in eum collaturum? Respondetur, in duobus modis posse hoc beneficium promissionis in presenti materia, vel in mutuo postulari. Uno modo post factum liberaliter, & absolute beneficium mutui, vel alterius obsequii pure, & sine ulla conditione, & modo. Et tunc verum est ex vi objecti, & seclusa iniqua palliata intentione, non esse usurarium, vel simoniacum, talem promissionem postulare: nam sicut postulari potest aliud donum ex liberalitate conferendum, ita promissio ipsa potest ut donum quoddam liberale postulari. Posset item peti ut debita ex gratitudine, si iudicio prudentum tales occurrerent circumstantiæ, cum quibus gratitudo obligaret ad talem promissionem faciendam, propter aliquam specialem necessitatem benefactoris, vel aliam similem causam. Ordinarie vero non solet gratitudo obligare ad talem promissionem faciendam, quia gratitudo de se non obligat pro semper, nec ad omnia officia, quæ benefactor reputat sibi utilia: & istæ promissiones possent esse onerosæ valde, & in materia spirituali, præsertim beneficii periculosæ, & ideo ordinarie non cadunt sub obligationem etiam gratitudinis, & consequenter neque possunt licite ita postulari: si tamen petantur ut beneficia liberalia, & apta ad ostendendum animi gratum; esto non sint necessaria etiam ex vi gratitudinis, non apparet ibi malitia intrinseca per se loquendo.

Occurrit
tur prie
ma.

11 Alio vero modo potest illa promissio postulari ante præstitum obsequium, vel mutuum, & ut conditio necessaria, sine qua non fiet, addendo semper solum liberaliter postulari, tamen si non concedatur, etiam non esse mutuum, vel beneficium præstandum. Et hanc dico esse non palliatam, sed manifestam simoniam, vel usuram; & contrarium aperire viam, & januam latissimam usuris, & simoniis. Probatur, quia illa est rigorosa exactio, & pactio: Faciam, si feceris, & mutuabo, si promiseris, non serviam, nisi beneficium promiseris. Quoniam modo potest contractus expressus fieri? Unde quando additur: nisi facias liberaliter, non faciam liberaliter, propositio (ut sic dicam) est se falsificans: nam eo ipso, quod sic facis, & exis: nec liberaliter agis, nec liberale donum exis. Confirmatur, quia alias hoc modo posset episcopus dicere: ego liberaliter tibi dono beneficium, sed peto amice, ut liberaliter tu mihi dones centum aureos; quod si tu nolueris hanc liberalitatem mecum facere, ego etiam a liberali beneficentia abstinerebo, & idem de mutuante. Si autem hoc licet, omnis usura, & simonia licet. Sequela patet, quia idem est, petere illo modo rem æstimabilem pecunia, & petere pecuniam ipsam, ut per se patet, sed promissio est pecunia æstimabilis; ergo si licet illo modo extorquere promissionem sub titulo, ut liberaliter fiat, licebit etiam pecuniam, vel quamcumque rem aliam petere. Unde si quis a me peteret, ut librum donarem liberaliter, & ego responderem, donabo quidem, sed tu mihi simili liberalitate dona tale vas, alias neque ego donabo, profecto verbis dicerem, me velle donare, re tamen vera permutare, & vendere, & tunc licet fortasse nulla esset injustitia, quia utraque res est pretio æstimabilis, & possunt esse æquales, tamen nulla esset ibi vera liberalis donatio. Idem ergo est, si pro donatione rei petatur promissio sub ratione liberalis doni, sine quo aliud non est donandum. Et ideo in mutuo si id fiat, est injustitia; in presenti vero materia est simonia: quia promissio illa pretio æstimabilis re ipsa extorquetur pro spirituali beneficio, vel e contrario per obsequium temporale extorquetur promissio beneficii, quod est emere ipsum beneficium. Et hæc ratio probat etiam de jure naturæ, nam de jure ecclesiastico manifestum est, talem modum exactiois esse prohibitum in ecclesiasticis beneficiis.

Non ligat
est hæc
conditio a
do libera.
lucet, ut
des libera
raliter.

Alia evasio
sio,

12 Alia evasio est, quia ratio facta ad summum procedit, quando in particulari exigitur promissio beneficii ecclesiastici, vel alterius spiritualis rei, etiam ex gratitudine exhibendæ, hoc enim non licet propter rationem factam. Et præterea quia (ut dicebam) gratitudo non obligat determinate ad dandum beneficium spirituale, sed in communi ad benefaciendum, quando, & quomodo oportuerit; & ideo limitare obligationem ad beneficium ecclesiasticum, v.g. media promissione, jam esset simoniacum. At vero non ita erit, si tantum exigitur promissio persolvendi obligationem antidoralem generatim, & indifferenter, tunc enim non petitur pro temporali aliquid spirituale, nam promissio illa de se indifferens est, & potest per temporalem retributionem impleri. Sed hoc in primis moraliter loquendo non excusat, quia licet talis promissio non sit expresse determinata ad gratificandum in tali genere bonorum, nihilominus tacite, & ex circumstantiis satis determinata intelligitur, & ideo ejusdem est malitiæ, totumque pertinet ad palliationem simoniæ, & ad pacta prohibita. Præterea est hoc manifestum, quando beneficium ecclesiasticum præcedere debet, & antequam detur, seu ad illud dandum exigitur promissio gratitudinis; nam tunc, sive promissio intelligatur esse de temporali obsequio, sive de alio beneficio spirituali, datio beneficii est simoniaca, ex uno capite contra jus naturæ, & ex altero contra ecclesiasticum. Denique quando e contrario temporale donum, vel obsequium præcedere debet, & ad illud exhibendum exigitur illa promissio, eo ipso (ut dicebam) extrahitur debitum a præcisa ratione gratitudinis, & additur obligatio promissionis onerosæ, & sub tali conditione, & comparatione rei ad rem, quæ est obligatio justitiæ. Et ideo vel limitanda est ad retributionem temporalem pro temporali beneficio, & ita erit extra præsentem materiam; vel si sit indifferenter ad retributionem per donum temporale ob beneficium ecclesiasticum, ve e converso, non excusatur simonia, quia veluti sub disjunctione obligatur quis ad dandum spirituale, vel temporale in retributionem temporalis obsequii, quod simoniacum est, ut supra vidimus: & est manifestum, quia in ea æstimatione æque offertur spirituale, ac temporale in remunerationem non gratuitam, sed onerosam obsequii temporalis. Denique facta tali promissione, jam non datur postea beneficium ex sola gratitudine, sed etiam ex obligatione justitiæ, aut fidelitatis; atque adeo ex vi pacti, quod licet determinate non obligaret ad talem rem, per illam sufficienter impelletur: hoc autem satis est, ut beneficium jam non donetur pure, & sine conditione, ac gratis; ergo non satis id est ad purgandam simoniam.

Ultima
conclusio.

13 Ultimo dico: Post receptum pure, & sine conditione obsequium, vel donum, ex quo nata est obligatio antidoralis, non est simonia, dare spirituale, vel ecclesiasticum beneficium, non solum intentione explendi talem obligationem, sed etiam verbis explicando illam intentionem, immo etiam ab alio postulando, ut talem obligationem remittat, quando prudenter existimatur beneficium sufficiens pro ratione obligationis, & personæ. Hanc assertionem specialiter docuit Navar. d. n. 106. & credit esse contra Innocentium, sed veram. Et eandem a fortiori tenent Maj. Covar. & Ugolin. & alii non contradicunt. Immo necessario sequitur ex illo principio generaliter recepto, quod exprimere ea, quæ insunt, non facit simoniam, in casu enim proposito solum exprimitur id, quod inest. Probatur, quia sicut ex beneficio naturaliter sequitur antidoralis obligatio, ita per donum sufficiens, & intentione datum extinguitur illa obligatio; ergo licet hic effectus, & intentio ejus exprimat, nihil additur; & licet ab alio exigitur remissio, nihil petitur æstimabile pretio, quia revera nihil novi ab eo petitur, sed solum ut recognoscat effectum, qui in re ipsa inest; ergo nullum pretio æstimabile, neque pactum prohibitum ibi intervenit.

Responde-
tur ratio-
nibus dubi-
tandi so-

14 Prima igitur ratio dubitandi probare potest conclusionem quartam, contra cæteras vero non procedit; falsum enim est, non gratis dari, quod ex sola,

gratitudine datur, etiam si tanta sit obligatio gratitudinis, ut inducat præcepti obligationem ad illam virtutem pertinentis, ut contingere potest, quia etiam ingratitudo potest esse peccatum, ut tradit D. Th. 2. 2. q. 107. nam eleemofyna sub obligatione, & nihilominus gratis datur. Igitur gratuitum donum non excludit omnem obligationem, sed debitum justitiæ, & in præsentem maxime excludit illam obligationem, quæ oriri solet ex valore rei acceptæ; gratitudinis autem obligatio non est hujusmodi, sed respicit magis bonum effectum, cui alter similis debetur. Neque oportet, ut eodem modo homines inter se gratis sibi communicent spiritualia dona, quo Deus nobis donat gratiam suam primam; quia non est eadem inter illos comparatio. Deus enim non potest ab hominibus ullo modo obligari, nisi in virtute gratiæ, & promissionis suæ; & ideo necesse est, ut aliqua prima gratia antecedit omnino gratis data ante omnem retributionem antidoralem ex parte Dei, vel meritum ex parte hominis: homines vero suis beneficiis possunt se invicem onerare, & obligationem ad antidora inducere ante omnem gratiam ab alio receptam, & ideo ex hac parte non repugnat, ut præcedat talis obligatio ante doni spiritualis retributionem: supposita autem illa obligatione, non est contra rationem doni spiritualis, ut possit illius intuitu dari, sicut Deus, supposito uno dono gratiæ, alia confert ex aliqua simili obligatione. Ad secundum late responsum est: duo enim in illo deducebantur, unum, quod liceat procurare talem retributionem gratuitam, aliud, quod liceat in pactum deducere. Primum concedimus post factum pure beneficium, seu obsequium: & hoc solum probat ratio ibi facta. Secundum autem negamus, quia per pactum extrahitur obligatio a gratitudine, & ad justitiam, & rerum commutationem transfertur, ut declaratum est. Et ita non habet locum principium illud, licere exprimere, quod de jure inest; intelligitur enim, quando per expressionem non additur nova obligatio naturali obligationi existenti, ut auctores omnes ibi citati declarant, præsertim Felinus, qui varias glossas, & Doctores allegat, & ex capitulis ibi citatis manifestum est: hic autem adderetur, & extorqueretur nova obligatio, ut declaratum est. Petebatur autem ibi specialis difficultas de stipendio sustentationis, quam in capite sequenti expediemus.

praepositis
ad primam.

C A P U T XLVI.

An sit simonia conventionalis deducere in pactum stipendium sustentationis pro spirituali functione, qua ex officio non incumbit.

1 Hæc quæstio pertinet ad explicationem secundæ membri divisionis datæ. Circa quod supponimus, quoties fit conventio de re temporali pro spirituali sub ratione pretii, tunc esse propriissimam simoniam conventionalem contra jus Divinum, & humanum. Et ideo circa hoc nulla movetur quæstio: sed difficultas tota est, quando fit pactum de temporali pro spirituali tribuendo, & non sub ratione pretii, sed sub ratione stipendii. In qua quæstione supponimus primo, stipendium sustentationis licite dari ministrantibus spiritualia, & ab eis licite accipi. Hoc est de fide Matth. 10. Lucæ 10. 1. Corinth. 9. Et constat ex usu ecclesiæ in jure canonizato, 1. q. 1. 2. & 3. 12. q. 2. 16. q. 1. in titulo de Præbendis, per multa capita; & ex ipsa institutione decimarum, & præbendarum ecclesiæ, id manifestum est. Et ratio naturalis id docet, quia dignus est operarius cibo suo, ut Christus dixit: & quia nemo militat suis stipendiis, ut dixit Paulus. Secundo suppono, hoc stipendium nihil obstat, quominus spiritualia gratis ministrentur: Christus enim utrumque conjunxit, gratis date, & cibum sumite. Et ratio etiam supra tacta est, quia hoc stipendium non datur (ut ita dicam) ratione rei, sed ratione subiecti, id est non datur ut pretium commensurandum, vel commensurabile ministerio, vel labori operantis, sed conditioni perso-

Stipendium
sustentatio-
nis, licite
accipitur,
& datur.

ne indigenti sua, & familiæ sibi proportionatæ congrua sustentatione, ut satis per seclarum est.

Ratiocinatio
brevi

2. Ex his ergo nascitur ratio dubitandi circa quæstionem propositam, quia si clerici ita recipiunt stipendium, ut nihilominus gratis ministrant, etiam laici ita recipiunt hæc spiritualia, ut nihilominus gratis dent stipendium sustentationis: nam hæc sunt quasi correlativa, & ideo pariformitatem inter se servant; ergo non potest absque simonia tale stipendium in pactum deduci. Probatur consequentia, tum quia ex vi pacti destruitur illud gratis, quia quod ex pacto fit, jam non gratis fit, nam quod gratis fit, non fit ex debito iustitiæ, quod autem fit ex pacto, eo ipso fit ex debito iustitiæ; tum etiam quia in his spiritualibus non est licitum deducere in pactum id, quod non est, ut præcedenti capite dictum est: sed hoc peculiare debitum, quod oritur ex promissione, vel pacto, non inest ex vi ministerii spiritualis, ut constat, nec ratio sustentationis illam obligationem includit; ergo non licet illam addere, nam additur aliquid pretio æstimabile, & consequenter simonia committitur. Unde ad hoc confirmandum valent iura prohibentia omnia pacta in his spiritualibus, capit. ultim. de Pact. capit. *Quam pio*, 1. quæstion. 2. Tertio valent iura, quæ permittunt hæc stipendia recipere sponte oblata, non tamen exigere capit. *Quicquid* 100. cum seq. 1. quæstion. 1. capit. *Placuit*, capit. *Sicut episcopus*. 1. quæstion. 2. & facit capit. *De Enlogiis* distinct. 18. Item valent iura, quæ dicunt ratione pacti non licere, quod sine illo licet, capit. *Cum essent*, de simon. & præsertim induci possunt d. capit. *Sicut episcopus*, 1. quæstion. 2. & capit. *Tua nos*, de simo. in quibus significatur, non fieri gratis, quod ex pacto fit. Denique in hoc pacto videtur esse species mali, quæ cavenda est in simonia, juxta cap. *Audivimus* eod. In contrarium vero est usus ecclesiæ non reprobatus, sed toleratus ab ipsa.

1. Objectio

3. In hac quæstione tres invenio sententias. Prima simpliciter negat, posse fieri hoc pactum sine simonia conventionali, quæ in realem transibit, si pactum executioni mandetur. Ita videtur sentire Divus Thomas d. quæst. 100. articulo 3. ad 2. Nam post declaratam doctrinam de stipendio sustentationis subdit: *Si autem hæc pactum interveniente, fiant, aut etiam cum intentione emptionis, & venditionis, simonia esset*. Et ita intelligit, & sequitur Anton. dicto capite 5. §. 3. 14. & sæpe in aliis, Silvest. verb. *simonia* quæstione 6. §. 2. & 7. & quæstione 3. regul. 3. & in Ros. aut. casu 58. dicit esse commune Theologorum, Richard. distinctione 25. articulo 3. quæstione 2. ad 2. Vigner. de institutio. cap. 5. §. 9. verb. 9. Ex Canonistis potest pro hac sententia referri Hostiens. in capite *Significatum*, de Præbend. numero 3. & 4. Quamvis ille in re pactum admittat, & verbis tantum neget, & ad eum modum alii loquuntur ibi, & in capit. *Suam*, de simonia. Clarius id affirmat Cardina. in capit. *Tua nos*, de simonia numero secundo. Secunda opinio distinguit inter pauperes clericos, & divites; nam pauperes possunt sine simonia pacisci de stipendio sustentationis, non autem divites. Ita sentit Glossa in d. capite *Suam* ver. *Pro exequiis*. Idem Innocentius in capite *Quoniam*, Ne Prælat. vic. suas, & in capite *Significatum*, de Præbend. Et in idem inclinât Hostien. ibi, & Cajetan. verb. *simonia* regu. 4. saltem ex jure positivo. Fundamentum hujus simoniæ esse debet, quia clericus dives non habet jus recipiendi aliquid pro spiritualibus, etiam sub ratione stipendii, nec potest illud recipere; ergo si de illo pactum faciat, revera non paciscitur de subsidio sustentationis, sed de pretio laboris, ac subinde simoniacus est. Tertia sententia est, pacisci de stipendio sustentationis per se, & salva recta intentione, non esse simoniacum, nec illicitum, sive clericus indigeat, sive non, dummodo alias non teneatur ex officio ministrare: nam tunc poterit contra iustitiam peccare. Et hæc sententia vera est, quam in particulari tractavi de stipendiis Missarum in 3. to. 3. part. disput. 87. hic vero generalius, & sub diversa ratione tractabitur, semperque remitemus ea, quæ ibi dicta fuerint, quoad fieri possit.

Tertia sententia

4. Dico ergo primo: Exigere stipendium sustentationis etiam præmissa pacto non est simonia. Hæc est nunc communiter recepta sententia. Illam tradit Glossa in capit. *Significatum*, de Præbend. & ibi Panormitanus numero octavo, & in dicto capitulo *Suam*, numero 12. Et ibi Anan. numero octavo. Item Glossa in capit. ultim. 21. quæstione secunda, per textum ibi, quæ supponit, clericos posse conducere ad spiritualia ministranda, quamvis ordinaria animarum cura non sit eis committenda. Eandem sententiam tenent Cajetanus dicto articulo 3. Soto quæstione sexta, articulo secundo, Victoria 2. part. numero 20. Navarrus dicto cap. 23. Redoan. part. 2. capit. 27. ubi alios refert. Et probatur solito discursu; quia talis receptio, vel pretio stipendii, sub pacto, nec est simonia contra Divinum jus, nec contra humanum; ergo non est ulla simonia vera. Probatur prima pars antecedentis primo: quia supponimus, pactum ipsum cadere supra stipendium formaliter, ut est ad sustentationem personæ, non ut pretium; ergo non obstante pacto, retinet suam rationem stipendii, & non fit pretium; ergo ex vi talis pacti non venditur spirituale pro temporali, nec intentio stipendii sic debiti est intentio pretii, ac subinde non est simoniaca. Et consequenter conventio illa non facit simoniam conventionalem, quia non procedit a simonia mentali, nec inducit venditionem, nec obligationem repugnantem cum gratuita ministratione spiritualium, quia stipendium ut sic, quantumvis sit debitum non excludit, quin spiritualia gratis dentur, ut declaratum est. Secunda ratio optima est, quia per hoc pactum non additur aliquid, sed exprimitur, quod inest ex natura rei: sed tale pactum non inducit simoniam, ut capite præced. dictum est; ergo. Major patet; quia stipendium sustentationis debetur ex naturali iustitia, ut discrete probat Paulus citato loco: & tractando de Decimis late diximus. Pactum vero non augeat intensive (ut sic dicam) hanc obligationem, sed quia quantitas stipendii iusti non est ex natura rei determinata, nec semper est lege taxata, ideo per pactum, & conventionem partium determinatur, quod per se non est malum: sed interdum, ac sæpe est necessarium, quamvis juxta qualitatem materiæ observandum sit, ut decenter fiat, & sine ulla specie mali, & nimis avaritiæ, ut infra dicam.

Prima assertio

5. Altera vero pars de jure positivo probatur primo, quia nulla specifica prohibitio juris Canonici circa hoc reperitur: neque etiam generalis sufficit: tum quia consuetudo est optima legum interpretes, & consuetudo ipsa declaravit, non esse hoc ex pactis prohibitum: tum etiam quia solum prohibentur pacta inhonesta, id est, quæ repugnant cum gratuita donatione spiritualium, & per quæ spiritualia pro temporalibus commutantur, ut exposuit Glossa in capit. ultim. de Pact. verb. *Cessare*, & in capit. *Quam pio*, quæstione secunda. Quam ibi sequuntur Doctores, & in ca. 2. de Trans. act. At vero in præsentia pactum de sustentatione non repugnat cum gratuita spiritualium administratione, ut declaratum est, nec etiam pactum cadit supra aliquam permutationem spiritualis pro temporali; immo nec circa rem temporalem ita versatur, ut majorem obligationem ad illam exhibendam inducat, quam ratio stipendii sustentationis ex natura rei secum afferat: sed versatur pactum circa determinationem stipendii, & quasi actuale exercitium operis, ut ita dicam. Unde confirmatur, & declaratur hæc pars, quia vix potest humano modo inter homines fieri hæc datio spiritualium per modum ministerii, & datio temporalium per modum stipendii, nisi conventio virtualis, seu (ut sic dicam) in actu exercito intercedat: ergo etiam si fiat explicate, & clare, non variat honestatem actus. Antecedens patet ex ipso usu; nam si quis det Sacerdoti decem aureos in stipendium Missarum, necesse est, ut illud explicet tali modo, ut recipiens maneat obligatus ex iustitia ad illas dicendas, alias cogitare poterit, esse donationem absolutam: vel e contrario, si quis petat a Sacerdote, ut decem dicat

cat

cat Missas, daturus postea stipendium, necesse est, illis verbis uti, quibus Sacerdos intelligat, illum manere simpliciter, & ex iustitia obligatum ad dandum postea stipendium, alias nec dicere auderet, nec deberet, moraliter loquendo. Hic est ergo modus necessarius, & quasi naturalis, in quo virtualis conventio intervenit magis, aut minus expressa juxta conditionem personarum, & varias consuetudines; ergo licet clare exprimatur, non potest esse simonia: nam expressio eorum, quæ insunt a jure, vel natura rei, non mutat naturam actionis, nec facit simoniam, ut supra ostensum est, nec variare solet dispositionem, ut sumitur ex l. 3. ff. de leg. 1. Et merito, quia obscurior, vel clarior locutio parum refert, si per utramque eadem intentio explicatur.

Objeccio. 6 Dices, per pactum plus exprimi, quam insit in re ex sola rei natura. Patet, quia ex natura rei solum generatur sequitur obligatio stipendii ex ministerio spirituali, per pactum vero determinatur ad tantum, vel tantum stipendium; ergo aliquid additur; ergo non licet; Taxatio enim hæc prohibita in spiritualibus est, capitul. *Dilectus*, 2. de simonia, ibi. *Sine taxatione*. Respondeo; immo hinc magis probari necessitatem conventionis claræ, ubi a lege non est taxatum stipendium, quia quando laicus petit a clerico spirituale ministerium, pro quo debet stipendium reddere, si de modo, vel quantitate stipendii non constet ex consuetudine, vel lege, necesse est, ut saltem ex convenientia inter partes determinetur, alioquin maneret totum in arbitrio dantis, quod sæpe non expedit. Neque hoc est ulla lege prohibitum in his rebus, quæ ex debito dantur per modum stipendii, secus in his, quæ tantum per liberalem donationem conferri possunt, de quibus loquitur dictum capitul. *Dilectus*.

Secunda assertio. 7 Dico secundo: Prædicta regula generaliter vera est non solum in pauperibus Sacerdotibus, sed etiam in divitibus, tam ex temporalibus bonis, quam etiam ecclesiasticis, quando ratione illorum ad tale ministerium non tenentur ex officio. Ita sentiunt omnes auctores in præcedenti assertionem allegati. Et sumitur ex Divo Thoma Quodlib. 6. arr. 10. Et probatur, quia licet clericus paciscens de stipendio dives sit, non petit illud ut pretium; ergo non est simoniacus, quia non vendit ministerium. Dicunt vero aliqui, quod licet non sit simoniacus, nihilominus peccat. Ita sentit Richard. in 4. distin. 25. articul. 3. quæstione 1. ad 2. qui dicit, esse illicitum sacerdoti diviti recipere stipendium etiam sine pacto, nam cum pacto etiam de paupere negat in quæstione 2. ut allegavi. Et eodem modo videtur procedere Silvest. d. quæst. 9. Angel. etiam *simonia*, 2. num. 6. absolute dicit, non licere, si clericus aliunde habet necessariam sustentationem, quia est turpe lucrum, vel avaritia, licet non sit simonia. Consentit Cajet. d. quæst. 100. arr. 3. dub. 2. Significans, etiam mendacium ibi intervenire, quia talis sacerdos se pauperem fingit. Sed hæc sententia vera non est, nec habet fundamentum solidum, quia hoc ex natura rei malum non est, nec etiam invenitur prohibitum. Primum patet, quia nemo suis stipendiis militare tenetur, etiam si dives sit; ergo licet sit dives, non peccat accipiendo stipendium. Item ille non peccat contra religionem, quia non est simoniacus, ut Angel. & Cajet. fatentur, & probatum est; neque alio modo irrogat injuriam rebus sacris, nec etiam peccat contra justitiam, quia, ut dixi, nemo tenetur suis stipendiis militare, unde servat equitatem ministrando, & recipiendo sustentationem; nam quod possit aliunde habere, est per accidens. Nec etiam peccat contra veritatem, aut mentitur, quia petendo stipendium, non proficitur, se esse pauperem, sed velle ex altari vivere, & alia bona, quæ habet, sua voluntate dispensare. Nec in hoc etiam est necessario avarus, vel alias iniquus, quia potest bono fine id facere. Alias omnes Canonici, qui ultra pingues præbendas, quibus sufficientissime sustentari possent, recipiunt distributiones quotidianas, & anniversarias, & similia, essent avari, & iniqui, quod dicendum non est. Unde non video, quo fundamento a-

liqui hoc vocent turpe lucrum in clericis divitibus; nam licet forte non sit perfectius, nec ordinarie magis consulendum, non potest tamen dici turpe, cum vitiosum non sit, nec in vitioso actu fundetur.

8 Altera vero pars de jure positivo satis probatur ex usu, & quia nulla est lex ecclesiastica, quæ hoc prohibeat. Immo in Concil. Agathen. c. 36. & habetur cap. ult. l. q. 2. universaliter, & sine restrictione dicitur: *Clerici omnes, qui ecclesie vigilanter deserviunt, stipendia sanctis laboribus debita, secundum servitii sui meritum, secundum ordinationem Canonum a sacerdotibus consequantur*. Unde licet 1. quæst. 2. c. *Clericos*, ca. *Pastor*, & sequent, & 12. quæst. 1. cap. *Ille autem*, & cap. *Si privatim*, & 16. quæst. 1. cap. ult. dici videatur, non licere clericis habentibus propria, de bonis ecclesiæ sustentari: illæ tamen in primis non sunt ecclesiasticæ leges, sed dicta quædam Hieronymi, Augustini, & Prosperi, quæ legem positivam non faciunt, sed declarant ea, quæ magis decent statum clericalem. Et licet interdum utatur verbis significantibus gravem culpam, non ideo ita loquuntur, quia id per se malum sit, sed quia in tali statu facile committi potest, si clerici magis ad congregandas divitias, quam ad subveniendum pauperibus ecclesiasticis redditibus utantur. Unde illæ sententiæ magis habent locum in ipsis ecclesiasticis beneficiis, & eorum redditibus, quam in privatis stipendiis: & videntur fuisse scriptæ juxta morem antiquum, quando ecclesiastici redditus in communi possidebantur, & inter ministros ecclesiæ, non tam juxta eorum laborem, quam pro singulorum indigentia, distribuebantur. Nunc autem videmus, beneficia æque dari divitibus, ac pauperibus, si alias æque digni sint, & sua ministeria exerceant. Et ita intelligunt sententias illas Gloss. & Doctores eisdem locis, & alii Doctores supracitati: præsertim vero Innoc. & Host. & latius Panorm. in cap. *episcopus*, de Præb. & in lib. Variarum Quæst. qu. 4. a n. 12. Quapropter nunc dubium non est, quin divites licite stipendia accipiant, & petant, & consequenter de illis convenient, quando ex vi legis, consuetudinis, seu beneficii definita non sunt. Et ad hoc parum refert, quod clericus sit locuples ex patrimonialibus bonis, vel ex redditibus beneficii, ratione cujus non tenetur ministrare, ut in d. 3. tomo disp. 86. sect. 3. dixi; quia etiam ille non tenetur ex iustitia aliud ministerium exhibere, & ideo non cogitur sine stipendio ministrare, neque de illo pactum faciens magis paciscitur de pretio, quam si beneficium non haberet, sed tantum de stipendio, & ideo nulla est ibi ratio simoniæ, nec alia intrinseca malitia, aut prohibitio.

9 Secus vero est, ut in tertia parte assertionis indicavi, quando Parochus, aut alius Pastor ecclesiæ ex vi sui officii, & beneficii tenetur Sacramenta ministrare, concionari, sacrificium offerre, visitare, & similia opera facere, ratione quorum recipit fructus beneficii, & alios proventus ratione officii sibi debitos: nam tunc pro illis pacisci de novo stipendio iniquum est, quia repugnat saltem justitiæ. Quomodo autem hoc intelligendum sit, & quale peccatum in hoc committatur in capit. sequenti dicemus commodius. Dubitari autem potest, an simoniacum sit; videtur enim non esse, quia etiam tunc non accipitur ut pretium, sed ut stipendium, ut supponitur, & ita non intervenit ibi simonia mentalis, unde nec conventionalis, aut realis intervenire potest. Respondeo in primis, ad minus illam esse simoniam præsumptam, ut optime docuit Divus Thomas d. quæst. 100. articul. 3. ad 2. ubi de his, qui ex officio tenentur ad hæc ministeria, & pro illis habent statuta stipendia ex redditibus ecclesiæ, si aliquid exigant, ait: *Non intelliguntur locare operas suas, sed vendere usum spiritualis potestatis*. Deinde dico, solere in his exactionibus committi simoniam veram propter ecclesiæ prohibitiones, quæ de nonnullis exactionibus solent esse speciales, & intuitu vitandi simoniam. De quibus nonnulla exempla in sequenti cap. subjiciemus.

10 Ad rationem dubitandi in principio positam respondetur, concedendo, quod sicut ministri ecclesiæ gratis ministrant, ita fideles gratis illis præbent stipen-

Stipendium pro muneribus debitis officiis licitum sit.

Resolutio dubii.

Respondeo. tur argumens in his positum.

stipendium sustentationis, quia sicut illi non vendunt sua ministeria, ita nec illi illa emunt, quia nec isti dant pretium pro re spirituali, nec illi recipiunt. Itaque per comparationem rei ad rem gratis uterque dat, & recipit, quia non dat rem unam pro alia. Nihilominus tamen uterque ex debito iustitiæ, quod sui muneris est, exhibet: nam ipsa æquitas iustitiæ postulat, ut si unus ex officio, vel conventionis, aut ratione stipendii obligatur ex iustitia ad ministrandum: alius teneatur ex eodem iustitiæ debito ad alendum sibi ministrantem. Certum est autem, ministros ecclesiæ teneri ex iustitia ad implenda sua munera, pro quibus ab ecclesia aluntur: ergo etiam fideles tenentur ex iustitia dare stipendia. Et in hoc fundantur decimæ ecclesiasticæ, & oblationes, & alia similia, quoad iustitiæ obligationem, ut supra visum est. Et ita supponit aperte Divus Thomas d. Quodlib. 10. art. 6. & docuit Scot. Quodlib. 20. Corduba. referens alios libr. 1. Quæst. q. 4. dub. 2. & omnes scribentes in hac materia. Et tantum valde, qui existimant, hæc stipendia solum ex gratitudine deberi, tunc enim revera pactum non haberet locum, ut in capit. præced. dictum est: illud tamen fundamentum falsum est, ut probat ratio facta, & a posteriori patet, quia alias non tenerentur fideles restituere decimas, vel alia stipendia, quæ inique retinent, quod aperte falsum est. Intercedit ergo ibi debitum iustitiæ, quod non excludit, quominus stipendium gratis detur in sensu explicato, id est, ut subsidium personæ, non ut pretium ministerii. Hac ergo ratione non obstat pactum, quominus largitio, & acceptio temporalium pure fiat. Et sic etiam per pactum non additur nova obligatio, sed explicatur, & declaratur, quæ inest, ut explicatum est.

II Ad jura primo loco adducta quidam respondent, hoc pactum fuisse prohibitum ex vi illorum iurum, tamen per contrariam consuetudinem esse derogatum illud jus. Tamen, ut dixi in d. loco tertiæ, non est vera hæc sententia, quia illæ generales prohibitiones non extenduntur ad justa stipendia, ut hic etiam declaravi. Ubi autem inventa fuerit specialis prohibitio, qualis est in iuribus secundo loco citatis, eo ipso ecclesia declaravit, illa, quæ gratis oblata recipi possunt, & non extorqueri, non esse stipendia debita, quia sine illis habent ministri Sacramentorum sufficientes redditus ecclesiæ ex decimis, & beneficiis. Et ita etiam illa regula, quæ tertio loco ponitur, quod pactum facit illicitum, quod sine illo esset licitum, habet locum in pacto de pretio, ut est manifestum in casu capitul. *Tuanos*, & in cap. *Sicut episcopum*, in 1. part. illius; vel etiam de exactione improba, & contra iustitiam, quæ per pactum fit de aliqua re, quæ de iustitia non debebatur etiam ut stipendium, & gratis oblata recipi posset, de qua loquitur d. ca. *Sicut episcopum*, in 2. part. illius, & dictum cap. *Placuit*; vel intelligitur etiam de pacto dandi rem spirituales quasi in pretium, vel stipendium obsequii temporalis, quod est clara simonia, de qua loquitur aperte caput *Cum essent*. Ad ult. vero de specie mali, respondetur, in accipiendo, vel petendo stipendio spiritualis ministerii nec malum esse, nec speciem mali, cum sit fundatum in evangelio, & in ratione naturali. Unde fit, ut neque in pacto esse possit species mali per se loquendo, cum hoc in ipsa ratione stipendii aliquo modo contineatur, ut explicavi, cumque consuetudine receptum hoc sit, quæ sufficit ad omnem similem umbram tollendam, nisi nimia imprudentia, & avaritia intercedat. Ex quibus sæpe intervenire potest species mali vel propter inordinata verba, vel propter inordinatum modum. Unde quantum ad verba observandum est, ne absolute dicatur dari pecunia pro Missa, vel pro exequiis, funere, &c. Nam hæc verba in rigore sonant venditionem, & licet possint habere alium sensum commodum apud intelligentes, ut late declarat Ugolinus Tab. 1. cap. 44. §. 11. nu. 9. cum Silvest. q. 5. de simonia, & Navar. cap. 23. n. 100. verb. *Quarto*. Nihilominus ad cavendam speciem mali optimum est exprimere talem pecuniam offerri, vel relinqui ad sustentatio-

nem ministrorum, ut admonuit Innoc. quem imitatur Panor. in c. *Significatum*, de Præb. Quantum ad modum autem observare oportet, ut res simpliciter, & pure transigatur sine contentione nimia, ne res spirituales pro mercede exponi videantur.

12 Ex hac resolutione expeditur alia quæstio huic annexa, videlicet, An stipendium hoc possit lege taxari. Quam quæstionem tractavi tom. 3. disput. 87. sect. 2. Et ideo breviter concludo ex dictis, posse quantitatem stipendii lege definirî. Probat, quia si potest ex pacto privato, multo magis ex lege: item potest etiam definirî consuetudine, nam licet hoc stipendium non sit pretium, servari tamen debet in eo æquitas secundum proportionem ad sustentationem competentem, quæ optime judicatur juxta communem estimationem, quam consuetudo declarat, seclusa lege; ergo & per legem fieri poterit. Unde per statuta episcopalia ita fieri solet, & ex jure communi possunt aliqua exempla sumi, quæ infra insinuabimus. Ratio vero est, quia jurisdictio non deest in prælatis ecclesiæ, & in ipsa actione nihil mali est ex objecto, & alioquin potest esse vel necessaria, vel conveniens ad pacem, & religiosum modum servandum in his exactionibus, & ad subveniendum etiam necessitatibus clericorum, præsertim pauperum, & mercenariorum.

13 Ut vero citato loco notavi, duobus modis potest hæc taxatio fieri, uno modo quoad augmentum, ut scilicet possit exigi usque ad tantam quantitatem, vel summam, & non majorem: alio modo quoad diminutionem, ut non minus detur, vel accipiat. Certum est ergo, priori modo stipendia hæc convenientissime taxari, quia in ea taxatione præcise spectata sola negatio majoris quantitatis rei temporalis præscribitur, in qua limitatione minuitur fomentum avaritiæ, & per eam fit, ut spiritualia eam minori onere temporali recipiendi ministrentur. Et ita hic modus videtur esse magis utilis in jure. De posteriori autem modo taxationis solet esse controversia: nam D. Tho. d. art. 3. ad 2. videtur improbare statuta, in quibus ita taxantur stipendia funerum, verbi gratia, ut cum minoribus non admittantur. Et Ugolinus Tab. 1. c. 44. §. 1. nu. 7. certum esse putat, tale statutum esse nullum, & continere simoniam, & refert Silvest. verb. *simonia*, quæstion. 12. verb. *Quinto*, Tabien. nu. 18. verb. *Decimo septimo*, Angel. *simonia*, 3. numer. 10. Et rationem addit, quia per talem taxationem fit venalis Missa, vel suffragium, quia proprium pretii est, sic esse taxatum, §. 1. de Instit. de Emptione, & venditione.

14 Sed nihilominus veram omnino esse existimo sententiam, quam in eodem loco tradidi, statutum taxans pretium quoad quantitatem minimam, scilicet ut non minor sit, si respiciat dantes, & non accipientes, & illis præcipiat facere iustitiam, & his non prohibeat gratiam, nec simoniacum esse, nec illicitum, sed posse esse honestum, & conveniens, ut recte docuit Corduba libr. 1. Quæst. q. 4. dub. 4. Et in primis non intervenire ibi simoniam probatur, quia per tale statutum nihil præcipitur dari tantumquam pretium, sed solum in eo agitur de stipendio sustentationis, ut tale est, quatenus illud esse potest minus, quam par sit, & quam necessarium sit, ut sacerdotibus decenter subveniatur. Probat, præterea, nam per pactum, in quo fit stipendium convenitur inter partes, illo modo fit taxatio, ut tantum dandum sit, & non minus, idque fit sine simonia, ut vidimus; ergo licet fiat per legem, non erit simonia. Arque hæc ratio probat simpliciter, hoc non esse per se illicitum, quia si per pactum non est, nec per legem erit, quia objectum est ejusdem rationis, & sicut in particulari facto possunt concurrere rationes sufficientes, ob quas id sit necessarium, vel conveniens, ita in aliqua communitate, vel diocesi, possunt similes rationes cum proportionem inveniri. Potest enim sæpe id esse necessarium ad honestatem, & decentiam sacerdotum. Respectu vero universalis ecclesiæ non intercedit ordinariæ hæc necessitas, vel convenientia, tamen eo modo, quo in legibus universalibus esse potest, non deest, neque

An stipendium hoc possit lege taxari?

Dupliciter potest fieri hæc taxatio.

que illius exempla. Nam lex decimarum taxat quantitatem, ut a fidelibus minor dari non possit in sustentationem ministrorum, quantum est ex vi illius juris. Item canones sub titulo de censibus non solum prohibent, ne procuraciones ultra certam quantitatem accipiantur, sed etiam statuunt, quid dari debeat, & ex vi illorum jurium possunt cogi subditi a praelatis, ut integre, & sine diminutione illud tribuant: licet ipsi praelati moderari id possint, & debeant, quando oportuerit, ut in eisdem juribus admonentur. Præterea, statuunt jura canonica, ut clerici non ordinentur, nisi habeant, unde sustententur congruenter. Et Concilium Tridentinum sæpe providet, ut vicariis tam perpetuis, quam conductitiis congrua fructuum portio semper assignetur, ut videre licet sessione 6. capit. 2. de Reformatione sessione 7. capit. 5. & 7. & sæpe alibi. Unde Summi Pontifices in unionibus beneficiorum, quando illas concedunt, taxare solent stipendium dandum vicario, ut non sit infra certam quantitatem. Denique consuetudine sæpe ita introducitur hæc taxa, ut non censeatur justum stipendium Missæ, si minus sit, & infra usitatam quantitatem: ergo idem fieri poterit per statutum: hæc enim regulariter æquiparantur in his, quæ contra commune jus non sunt.

15 Dixi autem, debere statutum quoad hanc partem dirigi ad dantes, quia ad illos pertinet congruam sustentationem dare ministro spirituali pro ratione sui muneris, & status; & hanc congruam sustentationem potest statutum arbitrari, & determinare: & tunc imponit necessitatem dantibus, ut tantum stipendium tribuant, & alias æquitatem, & justitiam servare non censeantur. Si enim iudex potest hoc arbitrari, & cogere ad solvendum post ministerium factum, ut revera potest, cur non poterit lex anticipata taxatione, ad tollendas extorsiones laicorum, vel alia scandala? Cum ipsis autem ministris non est, quod talis lex loquatur, per se, ac regulariter loquendo, quia illi possunt cedere juri suo, & gratis ministrare, si velint, & consequenter etiam possunt partem taxati stipendii remittere; neque esset rationale, hoc eis prohibere, quia esset (ut Divus Tho. dixit) præcludere viam *gratis officium pietatis impendendi*. Et ita Divus Thomas solum de hoc ultimo puncto locutus est, & non fundat illud in ratione simoniæ, quia revera in hoc nulla esset, sed in irrationabili prohibitione, & contra charitatem, ut patet ex verbis citatis: nec alii auctores aliud intendunt, nisi quod Divus Thomas dixit, ut patet ex Silvest. quæstion. 11. verb. *Quintum*, ubi prius incaute simoniam vocat, in fine vero concludit, quod si recta sit intentio in statuentibus non erit simonia. Tabiena etiam solum transcripsit verba Divi Thomæ numer. 16. §. *Nunc dicendum*, & idem habet Angelus loco citato. Et idem est de aliis auctoribus, ut citato loco dixi. Ubi etiam addidi, hoc ultimum non esse ita intrinsece malum, quin aliquando in communitate aliqua possit esse conveniens, immo & usitatum, ut ibi declaravi, & confirmat etiam Corduba citato loco.

16 Ad argumenta ergo in contrarium negatur per hujusmodi taxationem fieri venale spirituale ministerium, quia non omne, quod taxatur, pretium est; quamvis enim de ratione pretii sit, ut sit taxatum, id est, definitum, & certum, vel ex conventionem partium, quod solum dicitur in illa lege civili: non tamen e converso quicquid taxatur, pretium est, nam etiam congrua stipendia taxari possunt, quia in illis debet etiam servari certa æquitas, quæ aliqua certa mensura indiget. Taxatio ergo solet esse indicium pretii, quando non subest alius titulus honestus, & rationabilis, juxta cap. *Dilectus* 2. de simonia; quando autem subest titulus, & intervenit vel publica consuetudo, vel auctoritas praelati statuentis ex rationabili causa, cessat non solum vera ratio pretii, verum etiam omnis præsumptio illius.

CAPUT XLVII.

Utrum exigere stipendium pro functione spirituali debita ex officio, vel beneficio, ad veram simoniam conventionalem pertineat?

Diximus obiter in capite præcedenti, non esse licitum, pacisci de novo stipendio, quando ministerium spirituale ex officio debitum est, quod officium habet annexum beneficium; nihilominus tamen solent in hoc fieri exactiones aliquæ, quæ vim habent pactiorum, & conventionum, quia ut fiat ministerium, aliquid temporale exigitur, ita ut vel expresse, vel tacite interveniat conditio; faciam, si dederis, vel, non faciam, nisi daturus sis, quæ vim habet pacti, ut constat; & ideo declarandum est, quando hujusmodi exactiones simoniam conventionalem involvant. Exempla sunt multa in jure, quando pro baptismo, benedictionibus, & aliis sacramentis, vel sacramentalibus aliquid temporale exigitur: item in ingressu beneficii, vel canonicatus, &c. solet aliqua exactio fieri, ut ex usu constat, & ex juris referendis. Quamvis autem ex superioribus constet, hoc non posse pretio vendi, defendi nihilominus solent hujusmodi exactiones titulo stipendii, vel alio simili, quod necessario ad hoc reducendum est, ut infra dicam. Et ideo exponere necesse est, quando hæc ratio exactionis ab injustitia, vel simonia excuset. Pro cujus resolutione adverto, interdum id, quod sic exigitur, esse jure ecclesiastico permissum, vel concessum; aliquando vero esse prohibitum: aut tertio potest esse, vel considerari secundum se, ut non concessum positive, nec prohibitum jure positivo.

2 Dico ergo: temporalia commoda, quæ jure ecclesiastico concessa sunt ministrantibus spiritualia ex officio, juste, & absque simonia exigi possunt. Ratio est, quia ecclesia habet jus, & potestatem ad statuentum, quid suis ministris dandum sit ad convenientem sustentationem, cujus judicium ad ipsam pertinet, non ad subditos, quibus ministri ecclesiastici inserviunt: & ad hoc jus, & potestatem ecclesiæ spectant præcepta decimarum, & primitiarum: ergo quoties aliquid simile per ecclesiasticam legem constitutum est, juste exigitur tanquam debitum. Quam rationem attigit D. Thom. dicta quæst. 100. artic. 3. ad 3. Duobus autem modis invenimus hoc statutum ab ecclesia ultra decimas, & primitias. Unus est non tam præveniendi fideles per præceptum, quam acceptando eorum spontaneas voluntates, & secundum illas jus constituendo. Et tale est jus oblationum statutum in capit. *Ad Apostolicam*, de simon. Nam supposita voluntaria consuetudine fidelium offerendi pias oblationes, ecclesia vult laudabilem consuetudinem observari, & consequenter confert jus ministris suis ad petendas illas: in modo tamen exigendi honestam adhibet moderationem, ut non extorqueantur privata auctoritate, sed per praelatos, ubi negatæ fuerint, ut supra tract. 2. libr. 1. notavimus cum Divo Thom. 21. qu. 86. artic. 1. Si autem in hoc modo exigendi excedatur, non videtur pertinere ad simoniam, nisi ratione scandali, vel præsumptionis, sed proprie videtur pertinere ad usurpatam jurisdictionem, ut sentit Cajet. verb. *simonia*, circa 2. cap. verb. *Quarto nota*. Nec de his obligationibus plura hic dicenda sunt, cum in superioribus sint dicta.

3 Alius modus imperandi hæc temporalia onera est absolutus, & independens a voluntaria oblatione fidelium, sed per se ex potestate ecclesiæ. Et de hoc modo inveniuntur nonnulla exempla in jure, licet pauca. Unum est de quodam quasi tributo, quod in jure præcipitur solvi episcopis, & *Cathedraticum* appellatur, quia in honorem Cathedralis datur, ut late exponitur 10. quæst. 3. per totam, & *Synodaticum* etiam dicitur, quia pro Synodo cogenda præscribi solebat, ut sumitur ex cap. *Conquerente*, de Offic. Ordin. ubi inter episcopalia jura hoc numeratur, & ad duos solidos taxatur, quos a singulis

i. Affer.

Tributum cathedraliticum.

gulis ecclesiis possit episcopus accipere ultra alios proventus. Sed in hoc jam servandæ sunt consuetudines, ut Innoc. Abb. & alii Doctores ibi norant, & Archid. c. 1. de Præb. in 6. Aliud exemplum est de procurationibus, seu certis stipendiis, quæ visitantibus prælatis dari præcipiuntur in d. c. *Conquerente*, & fere per totum titulum, extra de Censib. præsertim cap. *Dum Apostulus*, cap. *Cum venerabilis*, cap. *Procuraciones*, & in lib. 6. c. 1. §. 3. & penult. & caput *Relatum*, cum aliis 10. quæst. 3. Quamvis enim intentio horum jurium præcipue dirigatur ad moderandas hujusmodi procuraciones, ne visitantes prælati nimium sint suis subditis graves, & onerosi, nihilominus in eis supponitur aliquid consuetum, vel moderatum visitantibus dandum esse, quod nomine procuracionum significatur. Et ex eisdem juribus constat has procuraciones ad sustentationem prælatorum dari, & ita stipendii titulo honeste recipi, ac præcipi, & consequenter ab ipsis prælatis exigi posse.

Objeçtio. 4. Sed objici potest, quia decimarum solutio videtur sufficiens stipendium pro omnibus ordinariis ministeriis, quæ ex officio conveniunt ecclesiæ Pastoribus; ergo non possunt jure communi pro privatis aliquibus functionibus speciales præstationes imponi. Ut, si in particulari loquamur de procuracionibus, episcopi non minus tenentur visitare diocesim ex officio, quam alia pontificalia exercere, ut signare, seu confirmare infantes, ordinare, judicare, & similia, & pro toto suo munere præstando recipiunt pingues redditus episcopatus; ergo titulus sustentationis in exigendis procuracionibus fictus est, & consequenter insufficiens ad purgandam labem simoniæ. Propter hoc Soro quæstione 7. articulo 2. ad 3. putat, episcopos divites non possentur conscientia petere procuraciones sibi jure concessas, sed immerito in hoc injicit scrupulum. Nam jura nihil distinguunt, unde nec nos distinguere debemus: nam si jura voluissent solum pro pauperibus episcopis illas procuraciones concedere, omnino debuissent id indicare. Accedit, quod Concil. Trident. sessio. 24. capit. 3. de Reformatione, cum non ignoraret, plures prælatos habere pingues redditus, & in rigore sufficientes ad suam sustentationem, nihilominus eis permittit accipere victualia procuracionum loco, dum visitant, saltem ubi hoc habet consuetudo; hæc ergo constitutio ab omnibus indifferenter servari potest. Ad difficultatem vero respondemus, hoc stipendium sustentationis non consistere in indivisibili, nec limitari ad solas decimas, alias, ubi decimæ essent copiosæ, non licere recipere alias oblationes, nec prædiorum ecclesiasticorum redditus, & alios similes fructus. Et ideo ultra decimarum proventus interdum imperantur alia stipendia specialia, ubi speciales rationes occurrunt, & specialiter in visitacionibus hoc factum videtur propter accidentales, & extraordinarias expensas, quas in illis facere necesse est, item ut episcopi non excusentur, sed promptiores sint ad illas faciendas; & fortasse in principio id factum est, quia episcopatus erant tenuiores, licet autem postea creverint, jus non mutatur, sicut de aliis proventibus constat, sed ipsi episcopi obligantur magis ad pia opera, & ad subveniendum pauperibus, quo plura habent suæ sustentationis subsidia.

Assertio. 5. Dico secundo: Quando jure communi prohibentur aliæ exactiones pro ministeriis, vel actionibus spiritualibus, grave peccatum est, temporalia stipendia petere pro hujusmodi actionibus, quandiu tale jus derogatum non est. Utraque pars est per se satis clara: nam illa prohibitio non excedit potestatem legislativam ecclesiæ, & ratio prohibitionis est honestissima, & consentanea justitiæ, & religioni: ergo obligat in conscientia sub gravi culpa. Oportet autem, ut tale jus in sua vi conservetur: nam si derogatum sit, jam non est: quomodo autem derogari possit, infra dicemus. Sunt autem multa exempla hujus prohibitionis, præsertim sub titul. de simonia c. *Non satis*, ibi autem sit prohibitio sub nomine pretii, & ideo non multum probat. Tamen in

cap. *Cum in ecclesiæ*, districtius sit prohibitio, *Ne aliquid exigatur* pro benedicendis nubentibus, seu aliis sacramentis conferendis, seu collatis: & in cap. *Sicut pro certo*, damnantur extorsiones, & exactiones turpes, & pravae, & taxationes de his, quæ danda sunt pro consecrationibus episcoporum, abbatum benedictionibus, & clericorum ordinationibus; & prohibetur, *ne quocumque prætextu hæ fiant*: unde etiam sub titulo sustentationis prohibentur. Et in cap. *Jacobus*, prohibetur exactio prandii in receptione novi Canonici. Et in c. *Intantum*, in fine reprobat consuetudo *exigendi marcham argenti in Archidiaconi investitura*, vel aliam rem temporalem, aut pecuniæ quantitatem minorem in minoribus præbendis. Similes prohibitiones inveniuntur in cap. *Quicquid*, 101. cum sequentibus 1. quæst. 1. & in cap. *Ex multis*, cum aliis 1. quæst. 3. Siquis enim attente consideret omnia dicta jura, quando prohibent exigere, vel petere aliquid pro ministerio ecclesiastico, loquuntur de prælatis, vel aliis clericis, qui ex officio tenentur ecclesiæ ministrare, & ad hoc sufficientes redditus, & præbendas recipiunt; & ideo merito prohibentur exigere quidpiam aliud, quia petere aliud stipendium injustum est, & alius titulus non superest, nisi pretii, qui est simoniacus. Ubi autem non proprium ministerium spirituale exercetur, sed sola admissio ad possessionem beneficii, aut dignitatis, vel præbendæ, ibi vix ratio stipendii iusti intervenit; & ideo exactiones illæ non habent justum titulum, & pro ipsis beneficiis spiritualibus fieri censentur, & sub ea ratione prohibentur.

6. Sed quæri circa hoc potest: An peccatum contra has prohibitiones commissum sit propria simonia, supponendo, has leges derogatas non esse, sed obligare. Videti enim potest non esse simonia, quia illæ exactiones non sunt sub ratione pretii, & de hoc constat dantibus, & petentibus, sed vel ratione consuetudinis, quæ potuit augere stipendia, etiam si alii darentur redditus, vel ratione extraordinarii laboris, vel certe interdum ad quamdam amicabilem communicationem, ut in prandii pro admissione Canonici, vel denique ad aliquod pium opus, vel pro fabrica, aut suppellectilibus ecclesiæ: ergo in rigore non est simonia, quicquid sit de alio genere culpæ. Respondeo, seclusa consuetudine, de qua statim, ex natura rei videri injustitiam, quando exigitur aliquid ut debitum, quia nulla intervenit ibi iusta ratio faciendi tales exactiones, ut constat ex declaratione dicta. Unde ex natura rei est etiam ibi præsumpta simonia, ut superiori capit. dixi. Immo est valde probabile, esse etiam simoniam veram ex natura rei, quoties per exactionem extorqueretur temporale, denegando spirituale debitum, nisi temporale detur, quia tunc licet quis dicat, se non habere intentionem vendendi, sed gratis recipiendi, in ipso usu, & exercitio contrarium profiteretur, quod satis est ad simoniam, sicut supra dicebam de exigente obligationem dandi aliquid colore gratitudinis, & in aliis similibus. Adde vero, certius multo esse possit illis legibus, esse veram, & propriam simoniam, per earum violationem extorquendo temporalia pro spiritualibus, modis ibi prohibitis. Ratio est in superioribus sæpe repetita, quia prohibitio illa sit intuitu religionis, & vitandi simonias in tali materia, unde constituit illam materiam in tali genere virtutis, ac vitii, etiam si antea de se non esset; quam rationem in capite sequenti magis prosequemur.

7. Secundo quæri potest circa eandem partem: An hæc, quæ sic sunt prohibita jure communi, possint honestari per statuta episcoporum particularium, aut Provinciarum, sine antecedente consuetudine: nam de hoc statim dicemus. De hoc puncto late disputant Canonistæ in capit. *Cum Majoribus*, de Constitutione. & in capit. *Jacobus*, de simonia. Sed breviter assero, stante jure communi talia statuta, si sint ei contraria, iniqua esse, & nullam vim habere in virtute statutorum (ut a consuetudine nunc ablineam) sive exactio sit ad pios usus, sive ad alios humanos sumptus, vel utilitates accipientium. Probatur, quia inferior non potest statuere contra jus

An peccatum contra has prohibitiones sit simonia?

Respondetur quæstioni.

An consuetudo possit hoc honestare. Resolutio.

jus Superioris, alioquin nullum est statutum: sed talia statuta sunt contra jus commune; ergo. Respondent aliqui, jus commune loqui de propriis exactionibus, in quibus aliquid ut pretium accipitur, & per modum venditionum sunt. Re tamen vera, si jura attente legantur, non recipiunt hanc interpretationem, quia generaliter prohibent omnem turpem extortionem, & exactionem, & quocumque pretextu. Et hæc assertio communis est Doctorum in dictis locis: & videri præsertim possunt Host. Abbas, & Felinus dicto cap. *Jacobus*, Abbas in dicto cap. *Cum majoribus*, num. 16. & 25. & Deci. n. 28.

8 Dixi autem, si sint juri communi contraria: nam si tantum sint diversa, vel in alia forma ferantur, poterunt esse honesta, & valere juxta ea, quæ statim dicemus de consuetudine: nam quoad hoc eadem est ratio, Sic ergo limitant assertionem Innocentii & alii Doctores, ut procedat, quando statutum ipsum præcipit exactionem facere, non vero si tantum præscribat, quid recipiendum sit, si aliter sponte dare id velit sine exactione, vel vi aliqua denegando illi spiritualia, vel aliter illi molestiam inferendo. Quæ limitatio mihi vera videtur: quia posita illa, jam statutum non erit contra jus commune, quia dicta jura, ut vidimus, tantum prohibent exactiones. Sed objici potest capit. *Dilectus* 2. de simon. quatenus in eo permittitur, aliquid gratis oblatum recipi, dummodo sine taxatione oblatum sit, ubi autem statutum intervenit, jam taxa præcedit. Respondeo in primis, caput illud loqui solum de ingressu religionis, & non oportere extendi ad alia, cum revera non sint in omnibus similia. Deinde dico, si statutum non ordinat exigendum, sed quasi proponat, quid acceptari possit, si sponte detur: tunc non proprie taxare, quid dandum sit, sed potius quid non dandum sit, id est, ut alia, vel majora non petantur, seu proponantur. Nam cum illud ipsum, de quo statutum disponit, possit minui, sicut & negari ab eo, a quo sic petitur, non potest dici proprie, & in rigore esse taxatum. Itaque in hoc statuto non video malitiam, nec contrarietatem cum jure communi, si rigorosam exactionem non imponat. Tunc autem sine dubio ad minus est contra ecclesiasticum jus. Posset autem queri: An hæc prohibitio sit pure ecclesiastica, & an possit per contrariam consuetudinem abrogari: sed hæc dicentur melius capite sequenti.

9 Dico tertio: Ubi nec approbatur, nec prohibetur jure communi hujusmodi exactio temporalis muneris in administratione spiritualium, ab his, qui ex officio tenentur illa ministrare, nisi fiat ex justa causa publica auctoritate probata, illicita est, & injusta, & simonia saltem præsumpta. Hæc assertio est communis Doctorum; & sumitur ex Divo Thoma dicta questione 100. articul. 3. ad 3. & ibi Sot. & aliis. Et hoc etiam probant jura supra allegata, damnant enim hanc exactionem tanquam per se improbam, ut sequenti capite latius dicam. Ratio vero est supra facta: quia ministrantes spiritualia ex officio habent ab ecclesia consignatos redditus suæ sustentationis: ergo non possunt licite extorquere aliquid aliud per modum stipendii, alioquin manifestam injustitiam committunt, nec vero habent alium justum titulum exigendi; ergo illicite, & simoniace exigunt, quia cum non habent justum titulum, convincuntur illud exigere pro ipso spirituali ministerio, seu beneficio, & ex illo, ac per illud temporalem quæstum facere, quod vel est propria simonia, vel saltem præsumitur, & tale sacrilegium est, ut ad simoniam merito reducat.

10 Dices: Possunt hoc postulare non ad propriam utilitatem, sed ad pium aliquod opus. Respondeo primum, hoc non excusare injustitiam, quia non habet minister ecclesiasticus jus cogendi alium, ut suis sumptibus opus pium faciat, supponimus enim, alias non teneri, sed propter solum receptionem spiritualium ad hoc cogi, & hoc plane est injustum, ut cap. seq. latius dicemus. Deinde dico, non omnino purgari suspicionem simoniæ illo titulo: quia ordinarie non procurant prælati, vel alii ministri spiritualium hæc pia opera per talia media, nisi ut se exonerent ab aliqua obligatione faciendi suis sumpti-

bus talia opera, vel ut alienis sumptibus videantur vel ecclesias ornare, vel subvenire pauperibus: & ita semper opus refunditur in aliquam propriam utilitatem: quamvis autem non redundaret, & intentio esset bona, medium est injustum, ut dixi.

11 Dices: Contigere potest, ut redditus episcopatus, præbendæ, aut beneficii sint tennes, & non sufficient ad sustentanda onera personæ, status, & officii; ergo tunc licitum erit, aliquid exigere hoc titulo. Respondeo, propter hanc solam exceptionem additum a nobis esse in assertionem, *Nisi fiat ex justa causa*. Nam hæc sine dubio justa causa est. Adidimus autem oportere, ut talis causa auctoritate publica probata sit, quia inordinatum esset, uniuscujusque privati parochi arbitrio hoc relinqueret, alias unusquisque causari posset indigentiam, & insufficientiam sui beneficii ad suam sustentationem. Oporteret ergo, ut aliqua lege, vel statuto, aut consuetudine id declaratum sit juxta dicenda in capit. sequent. vel certe ut prælati auctoritas interveniat. Unde licet Glof. in capite *Suum*, de simon. absolute dicat, in simili casu posse sacerdotem aliquid exigere, si ei sumptus desint, vel intelligenda est de sacerdote, qui ex officio ministrare non tenetur: vel certe addendum est, posse id facere causa approbata a prælato, ad quem spectat providere, ut inferiores pastores populorum ab eisdem alantur sufficienter, ut in eodem capit. Panormitanus notavit num. 10. Et idem habet Felin. ibi num. 3. allegans alios, & dicens, esse communem sententiam. Attingitque rationem traditam, *quia sequitur* (inquit) *absurdum, quod judicaret in facto proprio*. At vero si indigentia similis in ipso prælato, seu episcopo fuerit, crediderim, ipsum posse statuere modum, quo sibi sufficienter per oblationes fidelium, vel similia subsidia provideatur. Ita enim in simili notatur a Doctoribus in cap. unic. Ut beneficia sine diminutione conferantur, per textum, & in cap. *Conquerente*, de offic. ordin. & in cap. *Cum Apostulus*, §. *Prohibemus*, de censib. ubi specialiter id notat Cardinal. Requiritur tamen juxta illum textum, ut causa rationabilis manifesta sit, alioquin, si sit dubia, probanda erit per Superiorem, ut ibi notat Glossa. Denique juvat Concilium Trident. sess. 24. capit. 14. de Refor. quatenus episcopis committit, ut examinent statuta permittentia hujusmodi exactiones, & si justa esse cognoverint, illa sustineant: est ergo in episcopis potestas ad probandam justam causam talium exactionum. Et tunc non censentur contraria juri communi, quod loquitur de ministris habentibus ab ecclesia sufficientem sustentationem, ut omnes intelligunt. In modo autem exigendi, oportet servare regulas a jure statutas, ut in sequenti capite dicemus.

Alia ob-
jectio ex-
pediuntur.

C A P U T XLVIII.

An exactiones temporalium pro spiritualibus, consuetudine possint honestari, ita ut propter solum illam a labe simoniæ conventionalis excusentur?

UT intelligatur, quid in hoc puncto possit habere difficultatem, suppono primo, nulla consuetudine introduci posse, ut licitum sit, dare temporale pro spirituali per modum pretii. Hoc per se est evidens, quia illud est intrinsece malum, & contra jus Divinum; ergo nulla consuetudo potest contrarium inducere, aut honestare. Et hoc confirmant a fortiori multa jura, quæ similes consuetudines, vel etiam minus malas reprobant tanquam corruptelas, quæ jura paulo inferius indicabimus. Suppono secundo ita esse licitum accipere aliquid temporale pro spirituali per modum stipendii sustentationis, ut ad honestandam talem receptionem, vel petitionem, nulla consuetudo necessaria sit, nec ab illa pendeat. Quia jus ipsum Divinum non solum hoc approbat, sed etiam præcipit: ergo in hoc nihil potest operari consuetudo, sed ad summum poterit deservire vel ad tollendam omnem suspicionem, quia consuetudo declarat illud peti

Explicatur diffi-
cultas.

Obje-
ctio.

Solvitur.

2. Al-
terio.

Obje-
ctio.
Expendi-
tur.

peti ut stipendium justum¹, & non ut pretium, vel ad derogandum alicui prohibitioni mere positivæ, si in modo exigendi stipendium lata sit; sicut aliqui dixerunt de his clericis, qui absque obligatione officii ministrant quoad faciendum pactum de stipendio. Licet enim exemplum in re verum non sit, ut supra vidimus, non repugnat tamen ita fieri. Quocirca proposita quæstio non habet locum in his simplicibus ministris; quia illi, quodam jus attingit, nihil plus possunt ratione consuetudinis, quam jure naturæ possint: sed, quod spectat ad factum, poterunt ratione consuetudinis plus, vel minus exigere, & in modo exigendi poterunt etiam toleratam consuetudinem sequi: quia in his nihil circa illos jus commune disposuit.

2 Versatur ergo quæstio de his, qui ex officio spiritualia ministrant, de quibus suppono tertio, posse per laudabilem consuetudinem acquirere jus ad aliquas oblationes fidelium extraordinarias, id est, non pertinentes ad jura decimarum, vel alios stables redditus ecclesiarum, aut beneficiorum. Id constat ex capit. *Ad Apostolicam*, de simonia. In earum tamen exactione servanda est forma præscripta, ut tergi capit. præced. & latius in superioribus. Unde hoc modo clarum est, consuetudine honestari petitionem aliquam temporalis doni pro administratione spiritualium, quæ sine consuetudine honeste non fieret, & labem, vel suspensionem simoniæ haberet: hoc autem non fit per talem consuetudinem mutando jus Divinum, vel humanum, sed solum mutando materiam juris, quia nimirum per consuetudinem fit debitum stipendium, quod absque consuetudine non fuisset. Habet autem locum hæc consuetudo citra omnem controversiam in oblationibus voluntariis, quæ ad Divinum cultum fiunt, vel immediate, & directe, ut in his, quæ ad altare offeruntur: vel ex relatione offerentium mediate, ut in his, quæ ad sustentationem ministrorum, vel sumptus templorum a fidelibus sponte offeruntur. Quæ omnia per se satis constant ex d. c. *Ad Apostolicam*, & ex supra dictis de his oblationibus.

3 Difficultas ergo tantum superest: Analix exactiones temporalium pro spiritualibus actibus possint consuetudine honestari; non quidem mutando jus Divinum, vel in illo dispensando, quod fieri non poterit; sed vel mutando objectum illius juris, & faciendo, ut sit stipendium debitum id, quod non erat, vel certe derogando in ea parte juri humano, si in aliquo obstiterit. Ratio autem difficultatis est: primo; quia per consuetudinem possunt abrogari humanæ leges: illa ergo omnia, quæ in hac materia tantum sunt prohibita jure humano, possunt per contrariam consuetudinem licita fieri. In quo est magna differentia inter consuetudinem, & statutum, etiamsi utrumque sit unius provincie tantum, vel episcopatus; quod per statutum non potest derogari juri communi, per consuetudinem vero potest. Et ratio differentie est, quia statutum fit sola inferioris potestate, ideo non potest prævalere contra legem superioris: consuetudo vero supponitur nota superiori, & per illum approbata, saltem tacite, & ideo in tali loco potest derogare illius legi. Unde si statutum particulare esset approbatum per pontificem, tunc esset æquiparatio. Secundo Pias consuetudines in hac materia observandæ sunt juxta caput *Ad Apostolicam* de simon. Sed non repugnat, has exactiones temporalium munerum pro spiritualibus ministris esse pias, quia possunt peti non in pretium, sed in subsidium: ergo si pias fuerint, servandæ erunt. Tertio hoc maxime confirmat Concil. Trident. sess. 24. cap. 14. nam supponit aliquas consuetudines hujusmodi esse pravas, & alias pias: & ideo præcipit examinari, & discerni, ut pias retineantur, aliæ auferantur; ergo sunt aliquæ consuetudines, quæ possunt hanc exactionem honestare.

4 In contrarium vero est, quia consuetudo reprobata per legem non potest vires resumere, nec dare jus, nec prævalere contra legem, ut late docet Covar. plures referens libr. 3. Var. capit. 13. numero. 4. Greg. Lop. in Leg. 3. titul. 2. part. prima Glos. 6. & Navar-

rus in Comment. de spoli. §. 14. num. 8. Et ratio est quia tunc consuetudo dicitur probata per legem, quando non solum simpliciter prohibetur, sed etiam prohibetur, quia ipsa est per se iniqua, & bonis moribus contraria: sed in præsentī materia leges canonicæ ita prohibent has exactiones, ut consuetudines illarum omnino reprobentur ut malas: ergo non possunt prævalere, aut dare jus. Minor patet ex capite *Non satis*, ibi: *Nec sub obtentu cujusquam consuetudinis*; & additur ratio: *Quia diuturnitas temporis non dimittit peccatum, sed auget*. Quæ ratio supponit, consuetudinem esse de re per se mala, alias potuisset consuetudine purgari. Idem in capite *Cum in ecclesia*, & capite *In tantum*, ibi: *Pravam illam consuetudinem*, &c. Et clarius in capite *Sicut pro certo*, ibi: *Tantum abolere volentes abusum, consuetudinem hujusmodi (qua magis dicenda est corruptela) penitus reprobantes*. Et confirmantur hæc valde ex capit. ultim. de Consuet. Ubi his modis explicatur, quando consuetudo per se mala sit, & juri Divino contraria. Videnturque hæc jura in hoc fundari, quod talis exactio est injusta, cum ecclesia deputaverit sufficientes redditus pro sustentandis his ministris, omnibusque oneribus eorum: & ideo non caret vitio, aut vehementi suspicionem simoniæ.

5 In hoc puncto Doctores conveniunt, non omnem consuetudinem in hac parte reprobandam esse, quamvis sæpe iniqua esse possit, & suspensionem habere possit simoniæ, saltem in ecclesiastico foro, nisi ex circumstantiis, & adjunctis præsumptio putgetur. Hanc sententiam communiter docent Auctores statim referendi. Et videtur convinci rationibus pro utraque parte factis: & maxime auctoritate Concilii trident. Ratione etiam declarari potest, quia materia talium consuetudinum non est intrinsece mala, quia in illa nihil aliud est intrinsece malum, nisi vel accipere temporale ut pretium rei spiritualis, quod est simonia, vel exigere non debitum tanquam debitum, quod est injustitiæ: sed neutrum est intrinsece connexum cum tali actione, non est ergo intrinsece mala. Minor quoad priorem partem probatur, quia potest temporale peti non ut pretium, sed ut subsidium sustentationis, vel interdum pro expensis, quas fieri contingit. Et similiter probatur quoad alteram partem, quia utroque titulo accidere potest, ut illud quasi tributum imponatur juste ab habente potestatem. Hinc ergo fit, ut talis consuetudo sæpe possit esse iniqua, saltem ex injustitia, & ex turpi avaritia (quæ in ecclesiasticis personis maxime detestanda est) & consequenter propter speciem simoniæ, & vehementem suspensionem, quam illæ radices inducunt. Et augetur valde ex repugnantia jurum, quando contingit, consuetudinem versari in eisdem rebus, seu actionibus, de quibus prohibitiones jurum loquuntur. Nihilominus tamen repugnat, tales occurrere circumstantias, quæ ostendant, consuetudinem justo titulo, & ratione esse fundatam, & consequenter omni simoniæ suspicionem carere. Cui etiam favet, quod similes consuetudines non introducuntur, nec conservantur sine auctoritate prælatorum ecclesiæ, de quibus recte semper est præsumendum, nisi contrarium constet: ergo non possunt in universum damnari tales consuetudines argumento capituli *Mos antiquus*, cum aliis 65. distin.

6 Difficultas vero est in explicando, quæ consuetudo in præsentī materia pia, & honesta judicanda sit, quæ vero reprobanda. Ad hoc respondet Ugolin. Tabien. primo capit. 9. §. 11. numero secundo, illam consuetudinem esse laudabilem, quæ simoniam non inducit, nec simoniam sapit, intelligit etiam nec fordidam avaritiam, aut injustitiam. Verumtamen hoc est, quod inquirimus: quando consuetudo censeretur immunis ab his fordidis, & qualiter discerni poterit. Ad hoc ponit idem Auctor alia duo signa in §. 10. numero octavo. Unum est, tunc consuetudinem aliquid accipiendi esse liberam a suspicionem simoniæ, quando sine consuetudine posset abique simoniæ vitio, vel suspicionem idem dari in eadem occasione, seu pro eodem ministerio, & accipi recta

Debitum
principale
sc.

Differentia
inter consue-
tudinē
& statutū.

In quo
Doctores
conveni-
ant.

Duo
signa:

Aliud si-
gnum.

recta intentione. Verum tamen hæc regula esset optima ad discernendas consuetudines laudabiles, quæ introdu-
ctæ sententur ex spontanea voluntate offerentium, de quibus jam diximus: hic autem de illis agimus, quæ per viam tributum impositi, & exactiōis semper, & ab initio impositæ fuerunt. Et ideo non potest etiam ad hunc casum aptari secundum signum, quo etiam frequenter Canonistæ utuntur distinguentes laudabiles consuetudines a non laudabilibus, ex eo, quod priora sapia, & religiosa dantur liberalitate originem ducunt; posteriores vero ab exactiōe, & necessitate. Ut adunt Glossa Hostiensis, Abbas, Felin. Socin. & alii in cap. *Ad Apostolicam*, & cap. *Suam* de Simon. & in cap. *Cum Maj.* de Const. & favet etiam Divus Thomas dicta quæstion. 100. art. 3. Soto quæstione nona articulo 2. Anton. dicto cap. 5. §. 22. Silvester quæstione 1. Hæc enim distinctio optime accommodatur ad eas consuetudines, quæ sunt de oblationibus piis, & sacris, & directe ad divinum cultum ordinatis: quæ quidem habere debent spontaneam originem, ut docuit Divus Thomas quæstione 86. articulo primo, & supponitur in dicto cap. *Ad Apostolicam*, & regulariter præsumuntur illam habere, nisi certis indicis oppositum constet. Nunc vero non de his consuetudinibus agimus, sed de illis, quæ meram exactiōem præferunt, & eandem habuisse originem dignoscuntur. De his enim loquitur aperte Concil. Trid. Nam quæ solvi solent in electione, præsentatione, nominatione, institutione, confirmatione, & collatione, & similibus, de quibus Concilium loquitur, non solent solvi spontaneæ, nec præferunt tale initium: & tamen de eisdem jubet episcopis, *Ut de consuetudinibus supradictis cognoscant.* Et inter eas supponit, esse posse aliquas laudabiles, quæ excipienda sint, aliis reprobatis.

7 Aliter etiam videntur iidem Canonistæ inter has consuetudines ex fine illarum sumere distinctionem. Nam interdum tales exactiōes sunt ad pios usus, ut ad subventionem pauperum, ad ornatum ecclesiæ, & similes; interdum ad solam utilitatem extorquentium: priores censent esse pias consuetudines, posteriores pravas, & detestandas: & ideo priores non reprobantur, & posse prævalere contra ipsum jus; posteriores autem minime, sed potius esse reprobata ipso jure. Ita fere Panormitanus, Felin. & alii in dicto cap. *Jacobus*, & in dicto cap. *Cum Major.* & Præpos. in dicto cap. *Ex multis*, prima, quæstione secunda, & idem sentit Silvester quæstione 13. verb. *Quintum*: nam sequitur Panormitanum. Et quamvis tandem non videatur probare distinctionem, intelligit quoad statutum, non quoad consuetudinem. Ita enim Panormitanus distinguit. Et illam distinctionem esse communiter probatam, docet Navarrus dicto cap. 23. numer. 102. verb. *Undecimo*. Ubi etiam sentit, Concilium approbasse illum modum distinguendi inter laudabiles, & reprehensibiles consuetudines. Eisdem habet Const. 18. de Poenit. & remis. numero 5. & Ugolin. supra, & colligitur ex illis verbis, *Ut quæcumque hujusmodi in piis usus non convertuntur.* Et ratio reddi potest, quia si temporale petitur ad pias causas, eo ipso spirituale fit, & ita tollitur labe simoniæ: nam spirituale pro spiritali commutatur: si autem petatur ad propriam utilitatem, manet pure temporale. Nihilominus distinctioni, si ei aliquid addatur, non videtur satisfacere. Primo, quia dicta jura indistincte loquuntur, & damnant omnem exactiōnem, & in ea ponunt rationem improbitatis, & non tantum in finem, ad quem petuntur temporalia, quia illa exactiō præferret simoniā, vel speciem ejus, quæ cavenda dicitur in dicto cap. *In tantum*, & cap. *Audivimus*. Secundo, quia in dicto cap. *Ex multis*, in particulari reprobantur exactiōes etiam ad pios usus. Tertio addi potest ratio, quia ut sit licita exactiō, quæ tanquam debita, & necessario solvenda postulatur, non satis est, quod ad pium usum postuletur, sed oportet supponere justum titulum petendi, ut probat aperte dictum cap. *Ex multis*: unde licet Conc. Trid. judicet, exactiōes ad pios usus facilius posse præsumi justas, non tamen dicit, id sufficere. Et ratio reddi potest, quia nemo potest juste cogi ad expendendum in

Suarez, Tom. XII.

pios usus, quæ non tenetur: nec consuetudo sola sine alio titulo potest hoc justificare, quia est contra jus naturale, & contra justitiam. E contrario etiam quod petitio fiat ad propriam utilitatem petentium, non videtur esse sufficiens signum consuetudinis ita pravi, ut reprobanda statim sit tanquam corruptela, quia potest illa utilitas esse rationalis; ut si consuetudo introducta sit propter necessitatem ministrorum, vel propter aliquem extraordinarium laborem, vel per modum cujusdam distributionis, ut in tali actu assistant, & ad illum libentius invitentur.

8 Dico ergo, consuetudinem hanc ut juri contrariam nunquam posse honestari, nec contra illud prævalere ad derogandum ipsum; posse tamen tot circumstantiis, & conditionibus veliri, ut non sit juri contraria, sed honesta; ideoque retineri possit, non quia derogat juri ecclesiastico, sed quia non est contra illud. Hæc resolutio sequitur ex priori assertionem communis sententia probata. Et prior pars ostenditur sufficienter rationibus priori loco supra positis. Et declaratur in hunc modum, nam jura supra citata non prohibent in hac parte, nisi vel id, quod per se malum est, vel quod magnam habet mali speciem, & suspicionem. Quamdiu ergo consuetudo fuerit de re per se mala sive ratione simoniæ, sive ratione justitiæ, clarum est, non posse prævalere. Idem autem est, quamdiu habuerit mali suspicionem, & speciem simoniæ, vel turpis avaritiæ in materia sacra, & spiritali; nam merito ecclesiasticum jus talem consuetudinem simpliciter, & absolute probat tam in præteritum, quam in futurum; quia licet non videatur tam intrinsece mala ratione justitiæ, vel simoniæ, nihilominus tamen ratione scandali, & mali exempli, & cujusdam irreligiositatis habet quamdam intrinsecam deformitatem, ratione cujus potest absolute, & omnino prohiberi, & constitui in ratione sacrilegii, & simoniæ ita prohibita, ut nunquam possit honestari, si eandem suspicionem, & speciem mali secundum se retineat. Hoc ergo modo verissimum est, consuetudinem ut juri contrariam nunquam posse prævalere.

9 Atque hinc concluditur, ad honestandam consuetudinem, vel materiam ejus, necessarium esse, ut tales conditiones, ac circumstantiæ occurrant, quæ non solum veram malitiam ex objecto auferant, sed etiam speciem, & suspicionem mali sufficienter purgent. *Conclus.* Si enim consuetudo has duas proprietates habuerit, jam non erit reprobata per legem, quia non est, cur reprobetur, ut priora etiam argumenta ostendunt: si autem aliqua illarum caruerit, & malitiam, vel speciem ejus retinuerit, semper erit reprobata, ut posteriora etiam argumenta convincunt. Et aperte sentit Concil. Trid. dicto cap. 14. ibi: *Ingressus eos, qui simoniace labis, aut sordidæ avaritiæ suspicionem habent, fieri non permittant*: supponit ergo, sufficere talem suspicionem, ut talis consuetudo reprobanda sit. Et e converso cum hæc ponatur veluti adæquata causa reprobationis, cessante illa, non erit consuetudo ex reprobata Concil. & consequenter neque a jure communi, quod ipsummet Concilium paulo inferius renovat. Quod etiam confirmant verba ejusdem Concilii, nam facta exceptione laudabilium consuetudinum subjungit: *Reliquas ut pravas, ac scandalosas rejiciant, & aboleant.* Ergo excipit illas consuetudines, quæ nec prave sunt, nec scandalosæ: tales autem sunt, quæ non sunt per se malæ, nec suspicionem mali habent; ergo quando has duas condiciones habuerint, retineri poterunt. Ut autem has duas condiciones habeant, vel habere præsumantur, tria videntur necessaria. Primum, ut petitio juste reduci possit ad stipendii sustentationis debitum, non tantum ratione solius consuetudinis, sed etiam ratione suæ originis: quia nimirum principio propter indigentiam ministrorum cœpit tale onus imponi: nam præter hunc nullum alium invenio justum ritulum, quo talis exactiō ab illa injustitia, & simonia saltem præsumpta (etiam seclusa positiva prohibitione) excusari possit. Nam exactiō ad pium opus, nisi credatur esse onus reale beneficio impositum, (ut esse aliquando potest, ut in superioribus dixi) non potest juste imponi.

Quid re-
quiratur
ad bonita-
tem con-
suetudinis
circa hos.

K K

poni

poni personæ, nisi reducatur ad levamen, & subdium ministrorum, quibus cura talium operum incumbit, nam aliter non est iusta, & consequenter non caret specie simoniæ. Loquor autem semper de exacti-
*Interrogatio ex-
pediunt.*

10 Dices: quomodo poterat cognosci talis origo post inveteratam consuetudinem? Respondeo, in primis ex materia subiecta posse satis verisimiliter conjectari, nam ordinarie non solent homines talia munera sponte offerre, sed aliqua necessitate coacti. Deinde adhibent Canonistæ distinctionem aliam inter clericos, & laicos, nam laici solent sponte facere pias oblationes clericis: & ideo quando consuetudo est laicorum in ordine ad clericos, præsumitur habere spontaneum initium: clerici autem non solent has oblationes voluntarias facere aliis clericis, nec in ecclesiis, & ideo quando aliquid temporale pro spiritali conferunt ex consuetudine, signum est, nec esse, nec fuisse unquam illam contributionem spontaneam, sed impositam. Quæ conjectura formaliter intellecta probabilis est, licet non sit universalis. Dico autem formaliter, quia interdum clericus offerre potest more laicorum, ut in funeribus. Dico etiam, non esse universalem, quia etiam in Baptismo, & aliis sacramentis, quæ conferuntur laicis, solent fieri interdum similes violentæ exactiões, quæ in iure prohibentur, ut patet ex cap. *Placuit* 2. & cap. 1. *Emendari* quæst. 1. Et interdum etiam clerici solent clericis aliquid sponte offerre, ut sumitur ex cap. *De Eulogiis* 18. distinct. Maxime ergo spectanda est materia, & occasio muneris cum aliis circumstantiis locorum, & personarum: ex quibus etiam conjectandum est, an iustus titulus ad talem exactiōem subesse potuerit, quod si probabiliter potuit intervenire, præsumendus est iuxta rectam rationem, & communes regulas.

11 Præterea, necessarium est, ut talis impositio sufficienti auctoritate, & potestate facta sit: quia non possunt privatæ personæ, etiam si indigeant, imponere huiusmodi onera his, qui spiritalia recipiunt, ut in cap. præced. dictum est, & ex natura rei constat. Difficile autem est hanc etiam conditionem in ipsa origine agnoscere; tamen si res ipsa rationabilis appareat ex parte materiæ, & aliarum circumstantiarum, ipsa consuetudo esse potest sufficiens testis huius conditionis. Et præsumi debet, nisi aliud obstat, ut sentit Navarrus Conf. 3. de Si non. & notat late Felinus alios referens in capite *Ex parte* 1. de officio deleg. Maxime vero poterit obstat in debitis modis exigendi. Et hæc est tertia conditio in prius necessaria ad honestandam consuetudinem, nimirum ut exactio non sit contra naturam, modo specialiter prohibito in iure, qualis est extorquere temporalia negando spiritalia, nisi prius temporalia dentur, vel (quod idem est, quicquid aliquid dicant) certa cautio eorum: hunc enim modum maxime iura detestantur, quia speciem habet mali, ut dicitur in cap. *Audivimus*, & imaginem venditionis in cap. *In tantum*, ideoque pravæ exactiões dicuntur in cap. *Ad Apostolicam*. Et ita si quis recte consideret allegata iura, semper inveniet aliquem ex his defectibus in actionibus prohibitis. Quando ergo has condiciones habet, consuetudo tolerari poterit, debet autem prius examinari ab episcopo, & permitti iuxta decretum Concil. Triden. Non omitam etiam advertere, in hac materia majus esse periculum in exigentibus, quam in solventibus, quia qui solvere coguntur ab iniuria immunes sunt, nam si qui intervenit, illam patientur, non faciunt: a simonia autem sola recta intentione liberari facile possunt, quia non intendunt dare pretium, sed onus vel rei impositum, vel sibi imperatum ab eo, qui potest, & cuius factum ipsi examinare non tenentur. Et ideo facile excusari poterunt a prohibitione positiva, si qua fuerit, quia bona fide credunt, consuetudinem non esse simoniacam, & quia ordinarie iura prohibentia has actiones magis loquuntur cum exigentibus, quam cum solventibus.

12 Ex quibus tandem colligitur, in hac materia se æquiparari statutum consuetudini. Quod sentit

Ludov. Gomez in regul. de Triennali posses. l. qu. 12. ubi alios allegat. Et iuxta dicta est intelligendum. Quia licet differentia superius assignata inter arguendum vera sit, hic non recte applicatur: quia non admittimus consuetudinem, quasi derogantem juri communi ex tacita approbatione pontificum per scientiam, & patientiam: quia revera nulla intervenit talis derogatio, nec jura citata illam permittunt: solum ergo toleratur consuetudo, quando talis est, ut ex parte materiæ, & modi non sit communi juri contraria. At vero hoc modo etiam statutum erit validum, si non sit contra jus commune, sicut esse potest, si in illum concurrant conditiones propositæ; ergo æquiparantur. Atque hoc etiam sumi potest ex Concil. Triden. dicto cap. 14. nam pariformiter loquitur de consuetudinibus, & statutis. Quod notavit etiam Navarr. cap. 23. numer. 102. verb. *Undecimo*, & Ugolin. d. cap. 9. §. 11. Dixi autem fere, quia licet consuetudo in hoc conveniat cum statuto, quod debet versari circa materiam iustam, & a suspitione simoniæ alienam: superat tamen in hoc, quod pluribus titulis honestari potest ex parte materiæ: potest enim esse iudicium realis oneris, & non personalis, cum tamen reale onus non possit fortasse per particulare statutum beneficium imponi: per consuetudinem etiam potest præsumi auctoritas Papæ, si necessaria sit, ut in d. conf. 3. Navarr. attingit, per statutum autem minime, nisi de expressa confirmatione constet.

C A P U T X L I X.

Utrum vera simonia, saltem prohibita committi possit per gratuitam largitionem sine conventione tacita, vel expressa, vel ejus intentione: & consequenter an possit esse simonia realis sine conventionali.

1 **Q**Uæ hætenus diximus de simonia conventionali, communia esse possunt simoniæ reali: nam omnis simonia conventionalis, sicut includit mentalem, ita si ad effectum perducatur per traditionem, & acceptionem earum, in realem transit. Parsens autem questio propria esse videtur simoniæ realis, nam virtute inquirat, an possit interdum committi vera simonia realis sine propria conventionali. Quæ sane questio non videtur habere difficultatem, nec rationem dubitandi, si ex sola rei natura, & seclusa ecclesiæ prohibitione, pertractetur. Quia pars negans videtur manifesta. Nam temporale donum gratis datum non habet rationem pretii, ut supra declaratum est: sine temporali autem dono habente rationem pretii spiritalis non committitur simonia contra ius naturale; ergo ex natura rei non potest committi simonia, ubi largitio rei temporalis est mere gratuita. Ergo nec potest esse simonia realis sine conventionali, saltem tacita, & intenta. Probatur hæc ultima consequentia, quia ubi nulla est conventio, seu pactio, nulla est commutatio unius rei pro alia, nec etiam est onerosa datio, vel acceptio; ergo tantum est gratuita donatio; ergo seclusa omni conventionem intelligi non potest, quod realis largitio simoniaca sit. Quod etiam in cap. 36. late probavimus.

2 Hoc ergo naturali jure supposito, difficultas est, an per prohibitionem juris ecclesiastici fieri possit, ut aliqua largitio, & acceptio temporalis muneris facta occasione spiritalis ministerii, & non pro illo, nec ex ullo pacto, aut intentione ejus, sit vera simonia, quia prohibita. Pars enim affirmans videtur probari ex jure in cap. 2. de Simon. Ubi prohibetur omnino aliquid dari ab eo, qui ordinatur, ubi etiam gratuita donatio videtur prohiberi: sed illa prohibitio magis declarata est in cap. *Sicut Episcopum* 1. quæstion. 2. ubi non prohibetur ordinato, quin possit aliquid dare sponte oblatum, & non postulatam, sed tantum episcopi, & ministri ejus petere prohibentur. Et inde etiam sumitur argumentum, quia petito per se non excludit gratuitum donum, & nihilominus si petatur, & detur etiam gratis, supposita prohibitionem, erit simonia. Tamen illa prohibitio renovata, decla-

In hac materia fere æquiparatur statutum consuetudini.

An gratuita largitio possit prohiberi. Pars affirmativa.

declarata, & aucta est in Trident. sess. 21. c. 1. de Reform. ibi *Etiā sponte oblatum*. Secundo videtur fieri similis prohibitio in cap. 1. §. Penult. de Censib. in 6. ubi de praelato visitante suam diocesim dicitur: *Caveat, ne ipse, vel quisque suorum aliquod munus, quodcumque sit, & qualitercumque offeratur, presumat recipere*. Prohibetur ergo acceptare etiam gratuitam donationem; ergo si recipiat illam, simoniam committit. Et ita declaratur illa prohibitio, eique poena interdicti, vel suspensionis adjicitur in cap. 2. ejusdem tit. Et similis prohibitio habetur in cap. Statutum, §. Insuper de Rescript. in 6. Ubi ponderandum est verbum *qualitercumque*. Tertio sunt multa jura, quæ prohibent antecedentem receptionem rei temporalis ante spirituales datam, vel etiam concomitantem, non autem consequentem, ut in cap. Quampio, & in cap. Sicut Episcopum 1. quæst. 2. Et tamen etiam antecedens largitio potest esse gratuita; si vero prohibita sit, erit simoniaca. Item in capit. Renovari 1. quæstio 1. Videtur prohiberi etiam spontanea oblatio in Baptismo facta. Ac denique in Trident. sess. 24. cap. 18. de Reform. Videtur etiam gratuita largitio, & acceptio prohiberi: & additur, *Alioquin simonia vitium incurrant*.

Pars negativa.

3 In contrarium vero est, quia tam intrinsece repugnat rationi simoniæ per solam gratuitam donationem, & receptionem committi, ut non videatur esse sub potestate legis humanæ facere, ut talis modus simoniæ reperiat, quia de ratione simoniæ est contractus onerosus tacitus, vel expressus, quo spirituale pro temporali commutetur, ut patet ex definitione supra data, & ex Glof. in c. ult. de Pact. Item Glof. in c. de Simon. 1. verb. *Vendere*, ibi communiter probatur. Et sumitur ex cap. Gratia, cap. Gratiam, cum similibus 1. q. 1. Declaratur a simili, quia ubi mutuum non intercedit, non potest facere humana prohibitio, ut vitium usuræ committatur in receptione alicuius rei, nam licet possit illam receptionem prohibere, & facere, ut sit iniqua, vel alia injusta, tamen quod sit usura, facere non potest, si mutuum non supponitur, quia deficit fundamentum usuræ, quod est mutuum: nam si mutuum non est, nec vendi potest; ergo nec committi usura, quæ consistit in venditione mutui. Ergo simili modo in præsentibus absque onerosa præstatione non potest facere prohibitio humana, ut insurgat simonia per solam gratuitam largitionem, vel acceptationem, etiam si posset facere, ut illa sit alia mala, vel injusta ratione prohibitionis. Et ratio proportionalis est, quia etiam deficit fundamentum simoniæ, quod est venditio, seu commutatio rei spiritualis pro temporali; nam qui gratis donat, non vult commutare: nec potest facere prohibitio, ut gratuita donatio non sit gratuita, licet possit facere, ut sit mala; ergo non potest facere, ut sit simoniaca, quia illa duo simul esse repugnant. Nam si temporale est gratuitum, etiam spirituale erit gratuitum, & consequenter nullo modo venditum: tollitur ergo simoniæ fundamentum.

4 In hoc puncto dicendum est prius de possibilitate hujus simoniæ, quia prohibetur, & deinde de facto an sit aliqua talis, & quando possit ex prohibitione Canonum colligi. In priori enim puncto aliqui existimant, in hac specie non posse veram simoniam intercedere, etiam ex vi ecclesiasticæ prohibitionis, non quia in universum nulla sit vera simonia contra jus positivum, ut dixit Durandus, sed quia licet aliis modis, vel in aliis largitionibus dari possit, non tamen in hac speciali materia propter rationem factam. Alii vero per contrarium extremum opinari possunt, quoties Jus Canonicum prohibet, aliquid gratis recipere pro aliquibus functionibus, aut rebus, constituere actum prohibitum intra proprium vitium simoniæ; quia non videtur posse negari hæc potestas canonice prohibitionis: semel autem data potestate, & stante prohibitionem, non potest cum fundamento fieri discretio inter peccata commissa contra hujusmodi prohibitionem; & ideo generaliter dicendum erit, malitiam illam esse simoniam. Sed media via tenenda est.

1. Assertio

5 Dico ergo primo, posse per legem Canonicam prohiberi gratuitam largitionem, & receptionem ra-

Suarez Tom. XII.

tionem spiritualis beneficii, aut ministerii, seu intuitu illius factam, constituendo contrarium actum in vera specie simoniæ, etiam si dans, quantum in se est, revera non intendat nisi ex liberalitate, vel gratitudine donare. Hanc assertionem probant multa ex juribus citatis: & sumitur etiam ex interpretibus illorum, & ex Doctoribus supra allegatis contra Durandum, nam inter alias simonias contra jus humanum hanc ponunt; & alios statim commemorabimus. Potestque suaderi ex dictis de materia, & de pretio simoniæ; nam ex illis capitibus potest dari simonia quia prohibita; ergo etiam ex parte venditionis, nam est eadem ratio: sicut enim ibi per prohibitionem aliquid constituitur in ratione materiæ simoniæ, quod natura sua non erat, & aliquid in ratione pretii, quod non erat tale ex natura rei: ita aliquam commutationem, vel pactiōem, seu largitionem temporalem cum ordine ad spirituales receptionem, potest prohibitio efficere proximam materiam simoniæ, quæ de se talis non erat: nulla enim sufficiens ratio dissimilitudinis reddi potest. Quod si aliqua talis actio, vel compositio inter spirituale, & materiale de se non simoniaca, potest per legem Canonicam prohiberi ut simoniaca, profecto etiam gratuita donatio facta ratione rei spiritualis tali, vel tali modo, licet de se iniqua non sit, potest ex vi prohibitionis fieri simoniaca. Probatur consequentia, quia potest intervenire eadem ratio prohibitionis in eadem materia religionis, & eodem intuitu. Et hoc etiam confirmant dicta in præcedenti c. Nam lex ecclesiastica prohibet aliquas actiones temporalium rerum pro spiritualibus, etiam si non petantur ut pretia, sed ut stipendia, vel pia opera, si habeant suspensionem simoniæ, vel turpis avaritiæ: qua prohibitionem stante, actio est vera simonia, etiam si intentio non dirigatur ad pretium, nec largitiones illæ sint extra latitudinem gratuitarum remunerationum; ergo stante simili causa, & ratione poterit talis prohibitio extendi ad dona gratuita non extorta, sed omnino oblata.

6 Declaratur autem hæc ratio, & simul contraria solvitur. Nam licet gratuita donatio ut sic non sit contractus onerosus, nec permutatio unius rei pro alia, tamen quando res non donatur, nisi aliqua alia recipiatur, ita ut vel ex modo, & occasione donationis consistat, vel saltem verisimiliter appareat, donationem illam non fieri sine respectu, & ordine ad aliam: tunc licet forte in re ipsa, & coram Deo talis donatio gratuita sit, coram hominibus habet quamdam umbram, & suspicionem permutationis; ergo merito potest lex ecclesiastica propter reverentiam rerum sacrarum, & ad vitandam periculum simoniæ, illam donationem tanquam simoniacam prohibere. Patet consequentia, quia stante prohibitionem, sub illo intuitu actio illa est contra religionem, & injuriosa rei, vel actioni sacræ per modum cuiusdam commutationis, saltem apparentis, & ea ratione prohibetur; ergo habet malitiam contra religionem, quæ ad aliud vitium eius non spectat, nisi ad simoniam. Unde, licet illa non sit vera venditio, potest esse vera simonia, quia satis est, quod sit apprensus venditio, seu præsumpta, aut suspecta venditio rei spiritualis, & quod eo titulo sit lege prohibita. Et ita est intelligenda simoniæ definitio, sicut de aliis particulis diximus, scilicet ut sit venditio, aut vera quoad simoniam contra ius divinum, aut reputata per legem quoad simoniam prohibitam. Dices: erit ergo talis simonia non vera, sed putata, vel præsumpta. Respondeatur, negando consequentiam, quia præsumptionem, & apparentiam habebat talis actio de se, & ante prohibitionem ecclesiæ; per prohibitionem autem constituitur in rationem veræ simoniæ, quia iam est actio vere prohibita sub tali ratione, & ita imago illa venditionis supponitur ad prohibitionem, & est quasi motivum eius: malitia autem simoniæ sequitur ex prohibitionem. Unde licet quantum ad materiam actionem possit simonia, quia prohibita, dici impropria, & non vera respectu venditionis rei spiritualis, quæ vere talis est, & per se mala; nihilominus quoad malitiam, vera simonia est, & fortasse eiusdem rationis.

8 Dico secundo: non omnis prohibitio gratuitæ donationis facit actionem simoniacam, sed illa tantum, quæ sit intuitu religionis in tali materia, quæ

2. Assertio

K K 2 ali.

aliquo modo spectat ad commutationes voluntariae sacrarum rerum, ut tales sunt, cum temporalibus, cum vilipendio, & injuria rerum sacrarum. Hæc assertio constat ex dictis, quia talis prohibitio sufficit ad constituendam actionem simoniacam, ut ostensum est: alie vero, quæ sub aliis rationibus fieri possunt, non sufficient, quia in eis cessat prædicta ratio, & ita semper constituent actus in alio vitiorum genere. Et utraque pars declarabitur magis, discurrendo per jura in prioribus rationibus dubitandi allegata. Nam in primo argumento afferebatur cap. *Sicut Episcopum*. Per quod illa petitio, & exactio sine dubio prohibita est ut simoniaca, & consequenter etiam datio, quæ ex ambientis petitione procedit, ut ibi dicitur: nam illa non caret macula, ut ibi significatur, utique simoniæ, nam de hac tantum ibi sermo erat, & hoc intuitu fit illa prohibitio, ne ordinatio vendi videatur. Unde ab illo capite sumptum est caput primum sub titulo de simonia collocatum, quod proinde veram simoniam prohibet, & in eodem sensu accipiendum est, ut prohibeat non absolute omnem donationem gratis oblatam, sed petitam, & exactorem ejus. In Conc. autem Trid. ut notavi, augetur prohibitio etiam ad sponte oblata, ibi tamen non ita clare explicatur simoniæ ratio: solum enim dicitur: *Quoniam ab ecclesiastico ordine omnis avaritiæ suspicio abesse debet*. Tamen infra vocat contrarios *abusus, & corruptelas simoniæ pravitati faventes*. Unde verisimile est, etiam spontaneas oblationes, seu donationes ex vi illius juris esse prohibitas ut simoniacas, unde eisdem poenis juris illas subijcit, juxta cap. *Placuit ut de 22. r. qu. 1.* ubi de simonia sermo est. Et hanc partem confirmant etiam jura in tertio loco citata: nam sine dubio in illis est sermo de simonia, & maxime id expressit Concil. Trid. Et idem dicendum est de omnibus juribus, in quibus materia ipsa, & verba legum id postulant, ut sunt multa sub titulo de transactionibus, quæ postea tractabimus: & maxime juvant, quæ sub titulo de simonia inventa fuerint.

8. At vero jura, quæ secundo loco afferebantur, alteram conclusionis partem declarant, & suadent. Nam prohibitio facta in c. 1. de Censibus in 6. non videtur ad simoniam pertinere, quia nec illa prohibitio continetur sub titulo simoniæ, nec materia, vel ratio ejus, nec verba legis id postulant. Prohibet enim visitationes ecclesiasticis, & ejus familiaribus, ne aliquid ultra debitas procuraciones recipiant. Et pro ratione reddit, *ut non quæ sua sunt, videantur querere, sed quæ Jesu Christi*. Quæ ratio ad simoniam non spectat, nec ibi invenitur aliud verbum, quod illam indicet. Pertinet ergo illa prohibitio ad justitiam, & ad vitandam avaritiam, ac turpem quæstum. Idem censet de cap. *Statutum de Rescript.* Quamvis enim in principio illius §. *Insuper dicatur: ut gratis, & cum omni puritate iudicium coram ipso procedat*: per quæ verba videri potest prohibitio fieri intuitu vitandi simoniam: nihilominus receptio contra illam prohibitionem non videtur esse simoniaca, sed injusta, acturpis quæstus. Nam illa prohibitio pertinet ad iudices a Sede Apostolica deputatos, & per illam non intenditur cultus religionis, aut rerum sacrarum, sed integritas, & puritas iudicii, & ut acceptiones personarum, & corruptiones iudicum, & omnia onera litigantium evitentur, & ideo prohibitio illa alterius rationis existit. Idem ergo dicendum est de omnibus similibus prohibitionibus, in quibus ratio simoniæ sufficienter non exprimitur. Et ratio moralis est, quia per gratuitam donationem, non incurritur simonia ex natura rei, ut dixi; ergo si non invenitur prohibitio satis expressa, non erit aliqua simonia, ætiam si aliud vitium. Eo vel maxime quod simonia est gravissimum vitium, magisque poenis expositum, & ideo non debent de illo intelligi jura, nisi vel materia cogat, vel verbis legis satis declaretur, quia in dubio benignior interpretatio adhibenda est juxta vulgares regulas juris.

CAPUT L.

An pactio, & traditio rei temporalis ad obtinendam spiritualem excusetur a simonia reali, & conventionali propter intentam redemptionem vexationis?

1. **E**xplicuimus in superioribus nonnullos modos, quibus pactio, & conventio, atque etiam traditio rei temporalis pro spirituali obrenta, vel obtinenda licite, & absque simonia fieri possit, quia non pretium, sed stipendium, aut gratuitum donum alias debitum honesto modo, & sine repugnantia legis accipitur, nunc super sunt duo alii tituli, quibus hæc pactiones, & largitiones fieri solent, non directe ad rem spiritualem obtinendam, sed quasi per accedens ad removenda impedimenta, quæ per vexationem, vel per litem occurrere solent. Et de priori dicemus in hoc cap. de posteriori in sequenti. Attigimus autem hanc materiam de redemptione vexationis supra cap. 12. de vexatione circa receptionem sacramentorum, & ex natura rei magis, quam ex jure positivo diximus: hic vero potissime tractanda est in materia beneficiorum, & magis juxta Canonicum Jus, quam ex solo naturali, quamvis neutrum sit prætermittendum. Sunt autem in hac materia duæ magistrales regulæ, quas D. Thom. posuit d. quæst. 100. art. 2. ad 5. & communiter receptæ sunt, quas explicando materiam hanc expediemus.

D. Thom. duas regulas assignat circa hæc rem.

2. Prima regula est, post jus acquisitum, seu obtentum beneficium, aut aliud spirituale donum, non est simonia, redimere vexationem, quæ pro jure tollendo injuste refertur, vel probabiliter timeretur. Ita D. Thomas supra, concordantque ibi Cajetan. Sor. & alii expositores. Et Paludan. Major. & alii 4. d. 25. cum multis, quos retuli d. c. 12. Idem docet Gloss. in cap. *Nullus Episcopus* 124. 1. quæst. 1. verb. *Restituat*, & in cap. *Quæsitum* 1. 1. qu. 3. verb. *Redemptione*, & Gloss. 1. in c. *Decimus* 3. 16. quæst. 7. Item Glossa 1. & 2. in cap. *Dilectus* 1. de Simon. ubi est hæc communis sententia Innocent. Panor. & aliorum, Præposit. 1. quæst. 1. in princ. numer. 27. Turres. in d. cap. *Quæsitum*, & cap. *Altaria* 1. quæst. 3. Paul. Burgens. de Irregular. tit. de Simon. num. 58. Navar. d. c. 23. num. 102. verb. *Octavo*, Silvest. verb. *Simonia* 9. 3. Regul. 3. & quæst. 13. in princ. Angel. ver. 2. n. 13. Anton. d. c. 5. §. 13. Redoan. 2. p. cap. 3. 1. num. 48. & 3. p. cap. 2. numer. 5. Rebuff. in praxi tit. de Simon. in renunc. a num. 18. & omnes Summistæ. Probaturque satis clare in cap. *Dilectus* 1. de Simon. ubi Præpositus quidam alteri pecuniam dedit sub promissione non inferendi sibi injusta gravamina, & non censetur simonicus, immo papa censuit, servandam fuisse promissionem. Item probatur ex d. cap. *Quæsitum*; ubi quidam religiosi redimentes vexationes, quas patiebantur in ecclesiis, quas possidebant, nihil peccasse supponuntur, ut omnes norant. Ratio vero est, quia ille, quia sic redimit vexationem sibi illatam, non illam pro aliqua re spirituali, sed pro vitanda injuria, nec etiam per illam pecuniam aliquid spirituale acquirit, nam supponitur jam habere, & nihil de novo acquirere. Ut autem hæc assertio, & ratio declarentur, nonnulla objicienda sunt.

Objeccio prima.

3. Primo objici potest cap. *Matthæus* de Simon. Ubi quidam legitime electus a majori parte eligentium, qui pecuniam dedit paucis, qui in electionem non consenserant, ne se vexarent, simonicus censetur, & tamen habebat jus acquisitum per electionem; ergo. Secundo, si ratio facta esset valida, sequeretur licitum esse possidenti beneficium dare pecuniam ad redimendam vexationem etiam justam, ut verbi gratia, ne privetur beneficio a prælato, qui iuste potest eum privare, vel ne accusetur de crimine digno privatione. Consequens est falsum, ut ab omnibus supponitur; ergo. Sequela probatur, quia etiam tunc nihil spirituale acquirit, sed solum removeret impedimenta, parumque ad simoniam videtur referre, quod vexatio sit justa, vel injusta, nam semper sola vexatio venditur, & redimitur, & per hoc nihil spirituale acquiritur. Tercio a fortiori sequitur, non esse simoniam, dare

Secunda objeccio.

Tertia objeccio.

dare alteri pecuniam, ne mihi litem moveat circa beneficium, quod possideo pacifice, & bona fide, quin tunc vel vexor non iuste, vel saltem dubie. Consequens est falsum, quia post litem motam non licet pecuniam dare, ut alter desistat, ut cap. seq. videbimus; ergo nec antea licet dare, ne illam moveat.

Occurritur primo.

4 Ad 1. variis modis responderi potest: primo, illam non fuisse vexationem omnino injustam, quia fortasse, licet electio esset a pluribus facta, poterat indubium revocari, vel propter aliquam incapacitatem electi, vel propter defectum aliquem eligentium, vel in modo eligendi commissum. Ita responder Glossa ibi verb. *Paucis*, quæ doctrinam veram supponit; scilicet, ut locum habeat redemptio vexationis in iure acquisito, oportere ius esse indubitatum, & certum, & vexationem esse manifeste iniquam, quod verum est, ut statim dicam; tamen non videtur applicari ad illum textum cum fundamento in illo, quia ibi potius significatur, vexationem fuisse injustam, ut patet ex illis verbis: *Ei, qui magister discordiæ videbatur, certa quantitatatis munus solvit: & sic contradictio conquievit*. Non enim diceretur magister discordiæ, si iure suo uteretur, cessatio etiam tam facilis a contradicendo propter munus receptum indicat, fuisse injustam contradictionem. Verumtamen non sunt hæc verba adeo evidenter, ut omnino cogant, quia non est necesse, illum magistrum discordiæ ita vocari, quia injustam faceret contradictionem, sed quia erat caput illius, qualicumque illa esset. Vel saltem dubium videri potuit, an esset clare injusta, vel cum aliquo fundamento probabili, tale enim dubium indicat scrupulus, & dubium ipsiusmet electi, qui, nullo accusante, dubium conscientie suæ fecit pontifici proponi, quia forte dubitabat, qualis fuisse contradictio. Et ideo pontifex eligendo in dubio tutiorem partem consulit illi, ut renunciaret beneficio. Potest ergo hæc expositio textui satisfacere, licet communiter non admittatur.

Respondetur.

5 Secundo responderi potest, quod licet vexatio esset plane injusta, redemptio vexationis non erat necessaria, & ideo non fuit licita. Primum patet, quia poterat contradictio per accessum ad Superiorem, seu competentem iudicem sedari, & tolli; quando autem facile potest vexatio repelli alia via, non potest licite pecunia redimi, argument. cap. *Ad aures*, eodem ubi Joan. Andr. & docet Rebuffus supra num. 20. & 21. referens Abb. in dicto cap. *Dilectus* 1. num. 4. & Felin. num. 3. & idem habet Redoan. 3. p. cap. 2. num. 17. Verumtamen hæc responsio supponit doctrinam dubiam, & non satis probatam, & illam sine fundamento ad textum accommodat.

6 Primum declaratur, quia supponitur in illa expositione, redemptionem vexationis non esse licitam etiam in tuenda re jam acquisita, nisi ubi tanta est potentia vexantis, ut sine magno discrimine, vel stipendio non possit ejus molestia, & inquietudo removeri. Hæc autem conditio valde onerosa, & scrupulosa est, & D. Tho. ac Theologi illam non significant, nec in ratione, aut iure fundamentum habet, sine quo non sunt onerandæ, nec illaqueandæ conscientie. Declaratur assumptum, quia nec est necessaria de jure naturali, nec de jure positivo; ergo. Probatur prima pars, quia licet quis possit Superiorem adire, ut ejus auctoritate se defendat: si facilius, & minus molestum sibi esse existimet, pecunia redimere vexationem, revera non erit simoniacus, stando in solo iure divino, quia non comparat per pecuniam aliquid spirituale, ut patet ex dictis: nec etiam est injustus, nam potius ipse patitur; nec potest dici scandalosus, aut inducens alium ad malum, sed potius ad minus malum, quia alter majorem injuriam inferebat, & inducitur, ut sit contentus minori, qualis est accipere pecuniam, & fortasse litigando injuste maiora peccata, & longiori tempore ille committeret.

7 Secunda pars probatur, quia in Jure Canonico nulla est talis prohibitio, nam in cap. *Ad aures* nihil tale dicitur; immo Glossa ibi oppositum sentit: præterquamquod in casu illius textus res spiritualis (scilicet absolutio a censura, de qua ibi est sermo) nondum erat comparata, & ideo non est simile dictum Joan. Andr. Et alii etiam Auctores loquuntur in diversa specie;

Suarez Tom. XII.

requirunt enim hanc conditionem, quando ius non est omnino acquisitum, & vexatio redimenda est ab eodem, qui ius est collaturus, vel completurus, de quo infra videbimus. Quando autem ius est acquisitum, & certum, & vexatio est plane injusta, non requirunt impotentiam moralem resistendi alia via, ut redemptio sit licita: nec mihi videtur talis conditio necessaria: sed satis existimo, ut redimens vexationem minus dispendii, aut incommodi sentiat in illo modo repellendi vexationem, quam in aliis. Unde tandem ostenditur altera pars, quia ex d. cap. *Mattheus* non potest colligi, magistrum illum discordiæ non fuisse adeo potentem, aut industrium, ut non posset multo maiorem molestiam inferre, quam esset, donum, aut pecuniam accipere: nec de hoc aliquid affirmare quis potest, nisi divinando. Adde, quod licet illa conditio esset necessaria propter debitum ordinem servandum, vel propter vitandum scandalum, aut alias causas, nunquam esset simonia, illam non servare, & redimere vexationem, quia revera non esset emptio rei spiritualis: ergo non posset illo modo habere locum responsio illius textus, etiam admissa illa conditio, eiusque transgressione in casu ejusdem textus.

Respondetur secundo.

8 Tertia, & communis expositio est, illum redemptorem suæ vexationis ideo fuisse iudicatum simoniacum, quia erat tantum electus, & non confirmatus, & ita nondum habebat plenum ius. Ita significat ibi Innocentius, qui sentit, ante confirmationem non licere redimere vexationem, etiam iniustam, & hoc sequuntur ibi Panormitanus, Cardinalis, & alii. Sed hæc sententia continet difficilem doctrinam, nisi sano modo intelligatur: nam rite electus, & non confirmatus dupliciter potest vexari. Primo in ipsa electione, procurando inique cessare illam, & defectum, quem non habuit, calumniari, &c. Secundo in persecutione, seu in confirmatione. Si vexatio sit priori modo, & sit clare iniusta, sine dubio potest redimi sine culpa, quia etiam tunc per talem redemptionem nihil spirituale acquiritur, sed ius illud acquisitum, qualecumque illud sit, conservatur. Et ita dixit Belamerra, quem refert Præposit. supra numero 3. Et licet ipse dubitare videatur, tandem consentit. Et sequitur aperte ex declaratione, quam prius numero 27. posuerat, scilicet cum dicitur non habens plenum ius non posse redimere vexationem suam, ab aliquo intelligi: *Quoad illa que restant, vel quoad iam facta, que iuste poterant impugnari*. De qua declaratione infra videbimus quoad id, quod directe continet: nunc ex illa per argumentum a contrario colligimus, electum rite, si impugnetur iniuste ipsamet electione iam facta, posse redimere vexationem suam. Item electus, & confirmatus, & institutus in beneficio, licet non sit possessionem adeptus, & fortasse non possit vexationem circa possessionem redimere, de quo infra, nihilominus si vexetur circa ius acquisitum per institutionem, vel confirmationem, redimere vexationem poterit secundum omnes, quia non ultra progreditur, sed quod habet, tuetur; ergo idem est in electo. Immo idem est in quocumque iure, quod iam habetur, sive sit in re, sive ad rem, sive proximum, sive remotum; nam pro illo tuendo licite redimitur vexatio, ut si quis violenter detineatur, ne intra terminum præfixum possit beneficio opponi, potest redimere vexationem, quia non emit beneficium ullo modo, sed libertatem redimit, in qua habet ius. Item si legitime præsentatus in ipsa præsentatione vexetur, impugnando iniuste illam &c. & sic in cæteris. Ratio clara est, quia eadem est proportio defensionis cuiuscumque iuris ad illam, si ius illud solum consideretur ut quid possessum, & habitum, sicut revera est: tunc enim idem ius procedit, si redemptio sit in defensione talis iuris.

9 Non potest ergo cap. *Mattheus*, intelligi de redemptione vexationis in ipsa electione. Debet ergo intelligi in prosecutione illius, & in hoc sensu recte procedit sententia Innoc. & communis, ut mox dicemus. Et quamvis in textu non expresse habeatur, fuisse hunc vexationis modum, tamen ex sufficienti enumeratione potest verisimiliter colligi, & ex materia, & ex verbo

illo, *Voluntate turbata*, nam cum electio supponeretur facta a maiori parte, & pauci essent, qui contradicerent, verisimilius est, iam non electionem, sed confirmationem impugnare voluisse, & ideo electum multum timuisse; id enim significat verbum illud, *Voluntate turbata*, ac subinde voluisse redimere vexationem, ne progressus electionis suæ ad confirmationem impediretur, & ita ille textus nihil facit contra superiorem regulam.

10 Et ex his facilis est responsio ad alias objectiones. Ad 2. enim de vexatione iusta responderetur, negando sequelam, & similitudinem rationis. Omnes enim Doctores constitunt discrimen in hoc inter vexationem iustam, & iniustam, ut hanc liceat redimere, non illam. Ita Panormit. Felin. & alii supra citati; & hoc supponit ut certum Glossa citata in d. cap. *Matthæus*, quæ quoad hoc ab omnibus approbatur. Idem Navar. conf. 41. de Simon. num. 2. & Redoan. 3. p. cap. 22. num. ultimo. Qui rationem reddit, quia iusta vexatio non est vexatio, sed correctio, & ideo illam vendere, aut emere non licet. Quæ tamen ratio non est universalis, quia possunt esse alie iustæ vexationes, quæ non sint correctiones, ut si quis vexare velit, impetrando beneficium, vel quid simile. Et præterea illa ratio probat, rem esse illicitam ex alio capite, scilicet quia emitur perseverantia in culpa, & impunitas in peccando, non tamen videtur probare simoniam. Idem alii probant hanc simoniam ex capite *Nemo* de Simon. ubi simonia censetur, desistere a correctione propter pecuniam. Sed illa est alia species simoniæ, quæ committitur in emptione omissionis spiritualis functionis, de qua non est certum esse propriam simoniam, licet nos id concedamus, ut supra tractatum est: non tamen probat illa ratio, nec textus ille de Simon. circa ipsum beneficium, de quo hic tractamus, & de qua procedit secunda difficultas supra posita. Ratio ergo esse videtur, quia quando quis iuste vexatur circa beneficium, vel quodcumque ius spirituale iam habitum, eo ipso ius illud non est omnino firmum, sed iuste irritabile, vel auferibile; qui ergo redimit talem vexationem, aliquid spirituale emit, quia per pecuniam comparare vult conservationem beneficii, seu firmitatem infirmi iuris, & ideo simoniam committit. Et ita ad secundam objectionem negatur sequela: ad probationem autem negatur assumptum, nam quando vexatio erat iusta, per redemptionem eius paratur via ad firmandum ius, & conservandum, quod vel a principio facit infirmum, vel successu temporis factum est, ut in casu illo de volente impetrare beneficium, non enim posset esse impetratio iusta, nisi vel collatio a principio habuisset defectum, vel postea per delictum, vel alio modo fuisset ius infirmatum, & idem invenitur in omnibus similibus.

11 Unde etiam facile patet resolutio ad 3. de remotione litis futuræ, præveniendi per pecuniam. Autem illis, quæ timetur futura, est evidenter iniusta, vel iusta, aut dubia; in priori casu licitum est, vexationem redimere, seu data pecunia litem impedire, ne moveatur. Ita docent omnes citati, & Glossa in cap. *Cum pridem* de Pa&. & ibi Abbas num. 9. & patebit a fortiori ex dicendis cap. sequ. Ratio vero est, quia illa est iniusta vexatio, & de facto, non de iure, & circa rem acquisitam, ut supponitur; parumque refert, quod vexatio fiat per vim privatam, vel per iudicem: immo etiam si fieret ab ipso iudice, vel prælato, liceret illam redimere, ut recte notavit Præpos. supra; ergo idem est, si iam futura sit a privato, utendo iudice ut instrumento quocumque modo. At in secundo casu quando lis est iusta, non est locus redemptioni, ut per se evidens est. Neque etiam in tertio, quando res est dubia; tum quia eo ipso lis est iusta, si dubium sit probabile; tum etiam quia si lis est dubia, titulus, vel ius spirituale dubium est; ergo non licet illud pecunia firmare, ut diximus.

12 Tandem ex his colligere licet condiciones necessarias, ut redemptio vexationis illatæ in iure acquisito sit licita. Prima est, ut ius sit certum, & indubitatum: alias nondum simpliciter haberetur, ut notavit Panorm. in d. cap. *Cum pridem* de Pa&. num. 9. Felin. dicto cap. *Dilectus* num. 3. Rebuffus d. tit. de Simon.

num. 18. qui declarat, tunc dici posse, aliquem habere ius certum, quando ei a peritis consultum fuerit, ius suum esse præcipuum. Et illum sequitur Redoan. 3. p. cap. numero 16. qui etiam refert Nicol. de Mil. verb. *Simoniam*. Intelligendum autem hoc esse videtur, quando in tali scientia periti communiter iudicant, esse certum, quod tale ius sit præcipuum: nam tunc in dubio debetur habenti illud. Addo etiam circa hanc conditionem, in tantum esse necessariam, in quantum ad iniustam vexationem necessaria est. Nam si quis habeat ius acquisitum, quod una via, & titulo infirmare posset, & in dubium vocari, & alius non illo modo, sed per aliam iniustam vexationem tenet illud auferre, & molestare, certe licitum esset, redimere vexationem, quia tunc iniuste vexatur in eo, quod vere habet, & comparatione facta ad talem vexationem ius illud potest dici certum. Idemque esset, si cum ius sit dubium ut unum (ut sic dicam) alius per vexationem velit illud reddere dubium ut decem, per falsas calumnias, aut imposturas, & sic de aliis: nam in his omnibus eadem ratio cum proportionem locum habet.

13 Secunda conditio assignari solet, ut ius sit plenum: quæ intelligenda est modo supra explicato: & de illa dicuntur plura in regula sequenti. Tertia est ut vexatio sit iniusta, quæ jam etiam declarata est. Quarta, ut vexatio sit de facto, & non de iure: ita enim loquuntur dicti auctores. Hæc tamen conditio cum præcedenti coincidit: non enim est sensus, necessarium esse, ut vexatio sit per violentiam facti, ut comminando mortem, inimicitias gerendo, & non per viam iudicii, & litis; quia, ut dixi, si lis sit plane iniusta, vexatio redimibilis est, & de facto esse censetur, non de iure. Tunc ergo solum dicitur esse de iure, quando iniusta non est, & ita eadem est conditio hæc cum præcedenti. Ultima additur ab aliquibus, quod vexationis redemptio sit moraliter necessaria, ita ut aliud remedium sine magno dispendio adhiberi non possit. Sed hæc conditio non est necessaria, ut explicavi, satis enim est, quod redemptio sit facilior, & expeditior via, secluso semper scandalo. Aliam conditionem statim explicabo.

14 Ultimo interrogari potest circa hanc regulam, quid dicendum sit de recipiente pecuniam: ut a vexando cesset, an simoniacus sit, vel quomodo peccet? In hoc Præpos. supra numero 30. simpliciter dicit, hunc esse simoniacum: & dicit, esse communem sententiam in d. c. *Dilectus*, sed neque Glossa neque Panorm. neque Felin. vel alii ibi vocant illum simoniacum, sed iniustum, vel iniquum. Unde assero in primis, ex vi acceptionis pecuniæ illo titulo, simoniam non committere, nisi materia vexationis spiritualis sit. Declaratur prior pars: quia ex vi redemptionis vexationis, nihil spirituale vendit, qui pecuniam accipit, sed solum omissionem vexationis iniquæ, quæ temporale quid est. Et ideo oportet, ut non cedat alicui iuri spirituali, nam tunc utrinque esset simonia, quia non redimeretur vexatio facti, sed iuris; ergo quando vexatio tantum est facti, non venditur spirituale recipiendo pecuniam. Item alter nihil spirituale emit, ut ostendimus; ergo ipse nihil spirituale vendit. Unde obiter colliges, quod si patiens vexationem talem, non temporale quid, sed spirituale aliquid daret pro redimenda vexatione, simoniacus esset. Ut si is, qui vexatur in pingui beneficio, quod possidet, offerat vexanti aliud tenue beneficium, quod habet, vel facere illum vicarium suum, vel procurare illi aliud beneficium, ut a vexando desistat, simoniam committeret. Patet, tum quia dat spirituale pro temporali, nimirum, ut a vexatione temporali liberetur; tum quia ille, qui vexat, tunc simoniacus est, non quia vendit vexationis cessationem, sed quia pro re spirituali illam vendit, seu potius quia rem spirituales per illam emit: tum denique quia tunc beneficium non pure datur, nec accipitur, sed cum pacto, & conditione iniqua. Exemplum esse potest in c. *Ephraim*, & *Thomam* 2. qu. 3. Ubi illi duo simoniaci puniuntur, quia pro relinquenda episcopi accusatione ordines receperant. Verum est, illam non fuisse redemptionem vexationis, quia accusatio iusta erat, ut constat ex Gregor. lib. 4. Epist. 50. alias

Occurritur secundæ objectioni supraposite.

Respondetur 3. objectioni.

Conditiones necessarias, ut redemptio vexationis probetur. Prima conditio.

1. Conditio.

2. Conditio.

3. Conditio.

4. Conditio.

An sit simoniacus, qui recipit pecuniam, ut desistat a vexatione inferenda. Propositus. Resolutio.

alias cap. 94. Tamen si attendatur ratio Gregorii, non minus fuisset simonia, etiam si accusatio fuisset iniusta: *Nam nimis indignum (ait) & contra regulas ecclesiastica disciplina est, ut honore, quem non ex meritis, sed pro sceleris premio perceperunt, fungantur.*

15 Arque hinc intelligitur alia conditio (quam supra huc remisi) necessaria ad licitam redemptionem vexationis, scilicet ut res, quæ datur pro tollenda vexatione, sit res temporalis, & in commutationem, & pactum humanum licite trahi possit, alioquin simonia committeretur, non ex parte iuris spiritualis, quod a vexatione liberatur, sed ex parte pretii, ut sic dicam, quo vexatio redimitur. Et hinc tandem facile patet altera pars huius resolutionis; nam potest vexatio fieri per materiam spirituales, ut negando alicui absolutionem a censura, aut aliud spirituale ius. Tunc ergo, qui recipit pecuniam, ut a vexando desistat, simoniacus est; & id docent Glossæ & Doctores in dicto capite. *Dilectus*, & ita in tali casu videtur loqui Præpositus supra. Ratio vero est, quia tunc pro re spirituali pecuniam accipit, nimirum pro absolvendo, vel conferendo spirituali iure. An vero tunc redimens vexationem sit simoniacus, dicemus in sequenti puncto.

16 Addendum tandem est, eum, qui pro desistendo a vexatione iniusta pecuniam recipit, semper esse iniustum, & ad restitutionem teneri. Probat, quia per injuriam extorquet pecuniam, & ira sine ullo iusto titulo illam recipit, neque alius voluntarie illam dat, sed per injuriam coactus, ideoque illam semper repetere potest, ut cum Glossa in dicto capite *Dilectus*, omnes norant. Quamquam ex illo textu nonnulla difficultas circa hoc oritur: nam de illo, qui pecuniam receperat, ut cessaret a vexando, sub conditione, & promissione non amplius vexandi, ait pontifex, compellendum esse ad illam restituendam, *Si contra promissionem venisse constiterit*. Ex hac enim adjecta conditione videtur subintelligere pontifex, quod si servasset promissionem, non teneretur ad restituendum. Propter hoc Hostiensis, & nonnulli alii ibi putant, illam non fuisse redemptionem vexationis, sed transactionem cum auctoritate Superioris. Sed non placet, quia non habet fundamentum in textu: immo repugnat verbis ejus, & destruit textum illum, in quo maxime probari videtur hæc redemptio vexationis. Et ideo Felin. cum Cardin. ait, non esse hunc sanum intellectum: ipse vero solum ait, non posse inde sumi argumentum a contrario, propter absurdum, quod sequitur. At vero Gloss. ibi dicit, subintelligendum, vel addendum esse, *maxime*, quod non displicet Panormit. Ego autem breviter dicerem, pontificem ibi solum respondisse ad ea, quæ interrogata, & proposita erant. Querela autem solum erat de non servanda promissione, & ideo solum respondit, ut si constaret, non servasse promissionem, ad restitutionem compellere. Nam si promissionem servasset ex vi illius peritionis, & processus compelli non posset, sed oporteret examinare, qualis fuisset vexatio præcedens, & an ex parte vexantis posset aliquo modo defendi, & honestari.

17 Dices: ergo jam vertitur in dubium, an fuerit iusta, vel iniusta vexatio. Respondeo in primis, non proprie verti in dubium, sed solum dici, non fuisse petitionem in hoc fundatam, & consequenter nec fuisse probatum, licet obiter dictum, & suppositum fuerit. Deinde licet verteretur in dubium, responsio pontificis fuisset solida, quia si iusta, si iusta fuisset vexatio, non impleta conditione, pecunia erat restituenda. Et ita etiam supponitur, potuisse pactum esse licitum ex parte redimentis, ut si fuit pura redemptio vexationis iniustæ, quod tunc allegatum directe non est, quia difficiliorem fortasse habebat probationem, & plus moræ, ac periculi. Accedit, quod illa conditio merito addi potuit, quia non constabat, an novæ lites motæ ab illo Archidiacono essent iniustæ, necne: nam si iustæ fuissent, non essent contra promissionem: & ideo merito addita est conditio, quæ virtute continebat, examinanda fuisse nova gravamina, an essent contraria promissioni, id est, an essent iniusta, necne: nam si essent iusta, non essent contraria: & ita

Suarez Tom. XII.

non habuisset locum petitio facta illo titulo violatæ promissionis, quicquid esset de alio titulo iniustæ extortionis, de quo tunc non agebatur. Hinc vero confirmatur, quod diximus, non fuisse illam transactionem, sed redemptionem vexationis, nam si fuisset transactio facta super beneficia auctoritate Superioris, nulla lis posset de novo moveri, vel admitti super transacta, nec in dubium vocari, an novum gravamen iustum fuisset, vel iniustum: nam eo ipso, quod esset contrarium transactioni, fuisset iniustum.

18 Secunda regula principalis est, nondum acquisito jure, non licere, pecunia redimere vexationem, quæ impedit jus acquirendum, sed simoniam committi, si talis redemptio fiat. In hac regula conveniunt Divus Thomas, & omnes Theologi supra citati, Glossa, Innocentius, Panormitanus, & alii in dicto capite *Dilectus*, & dicto capite *Matthæus*: & Summistæ, ac denique omnes supra relati. Videturque aperte probari ex dicto capite *Matthæus*, juxta sensum a nobis explicatum. Quia in casu illius textus videtur commissa simonia propter redemptam vexationem, & non propter vexationem circa jus acquisitum ut sic, ut declaravimus juxta priorem regulam; ergo propter ius acquirendum. Ratio autem est, quia qui non habet ius spirituale, quod acquirere intendit, licet redimendo vexationem pecunia immediate non det pecuniam pro re spirituali, tamen mediate vult acquirere ius mediante pecunia: hoc autem est emere illud, & ideo simonia committitur: quæ ratio efficax est, quando impedimentum per pecuniam sublatum non erat iniustum: at vero si erat cum iniuria, & iniustitia, res non caret difficultate. Itaque distinguere etiam possumus de vexatione iusta, vel iniusta. Prior non meretur nomen vexationis, ut supra dixi, sed est iusta causa, vel iustum obstaculum, quod potest impedire acquisitionem rei spiritualis. Et tunc clarum est, esse simoniam tale impedimentum pecunia tollere: nam dictum est, redimere vexationem iustam etiam circa rem iam acquisitam, esse simoniam; ergo multo magis circa rem acquirendam. Deinde, est optima ratio facta, quia illud non est redimere vexationem, sed per pecuniam planiorem viam facere ad spirituale acquirendum. Exempla sunt, si quis concurrenti ad oppositionem beneficii pecuniam tribuat, aut pensionem promittat, ne se opponat. Item, si quis illegitimus, vel alias irregularis, vel inhabilis ad beneficium, vel ordinem, pecuniam det alicui, ne denunciet illum defectum. Item si quis habens defectum ætatis, pecunia corrumpat testes, qui impedimentum testimonio falso removeant, ut ira ordines, vel beneficium obtineat, simoniam committit: & sic de aliis vide Navarr. in Consil. 39. de Simon. & sequentibus. At vero quando vexatio est iniusta, & proxime quis intendit repellere iniuriam, res non caret difficultate.

19 Argumentum ergo 1. contra regulam sic intellectam de iniusta vexatione: quia vel illa regula fundatur in solo iure divino, & naturali: vel in Jure Canonico: neutro autem modo sufficienter probatur; ergo. Probat minor quoad priorem partem: quia ex natura rei redemptio vexationis iniustæ licita est: & ita in temporalibus etiam pro acquirendo iure licite fit legibus 1. & 4. ff. de Condict. ob tur. cau. Sed in his spiritualibus non habet specialem rationem intrinsicæ malitiæ; ergo. Probat minor, quia redemptio vexationis ex se non est emptio rei acquirendæ, quæ per vexationem impenditur, sed sola emptio liberationis a tali violentia, vel iniuria, seu cessationis ab illo affectu, a quo manat talis violentia, vel iniuria: sed in emptione talis cessationis non continetur virtualiter, & intrinsece emptio rei spiritualis acquirendæ, vel potius acquisibilis (ut sic dicam) nec etiam necessarium est, ut intentio redimentis ad hoc extendatur, sed solum ad dandum temporale, ut pretium illius cessationis, seu ad tollendum affectum illum, qui est radix eius: ergo ex natura rei non est illa emptio rei spiritualis, & consequenter nec simonia. Atque hæc ratio confirmatur maxime ex his, quæ capit. 11. diximus de redemptione vexationis in materia Baptismi, vel sacramentorum,

ubi hunc discursum late profecti sumus.

20 Et certe videtur habere eandem formalem vim in materia quacumque etiam beneficii, & respectu actuum futurorum circa illam. Deinde potest confirmari exemplis: & primum sit de ipso jure spirituali acquisito; quando enim illius vexatio redimitur, negari non potest, quin redimentis affectus sit, conservare illud jus quietum, & pacificum, quod totum spirituale quid est: & nihilominus non emittitur ipsum spirituale, quia intentio dantis temporale ad hoc non extenditur; nec illud per se continetur in tali redemptione, sed hoc tantum se habet, sicut removens impedimentum: ita vero est etiam respectu juris acquirendi, nam immediate solum per illam tollitur remotio injuriæ, nec aliud intenditur ex vi pretii: alia autem acquisitio solum sequi potest, ut effectus per accidens exemptionis impediendi, unde non continetur virtute in tali objecto. Et declaratur hoc amplius, quia semper tale jus potest reduci ad jus acquisitum, quia ego habeo jus acquisitum, ut mihi non fiat vis, aut injuria, vel habeo jus, ut me opponam beneficio, vel quid simile, quod jus cupio conservari liberum, & expeditum, & ad hoc præcise do pecuniam, unde nihil aliud emo, quam immunitatem hujus juris; quod autem postea sequitur, est accidentarium, & mere contingens per se loquendo, & pendens ex libera, & gratuita voluntate collatoris, ut constat; ergo ex natura rei non magis est in hoc simonia, quam in tuenda electione facta, vel institutione, & similibus, juxta ea, quæ in superiori puncto dicta sunt. Denique ad hoc spectant alia exempla: nam si quis violenter me domi detineat, ne opponar beneficio, possum illam vexationem redimere, nec censeor emere beneficium, vel oppositionem. Item, si quis falso calumniatur, & velit me denunciare, & probare, esse irregularem, vel ex genere Judæorum, vel revera non sim, possum illam vexationem redimere, nec propterea emo beneficium, vel capacitatem, aut idoneitatem ad illud. In his enim exemplis fere omnes conveniunt (ut videbimus) propter dictas rationes, & tamen eandem vim videntur habere ex natura rei in tota hac materia.

21 Altera verò pars de jure positivo probatur; 1. quia nullum jus assertur, in quo hæc generalis prohibitio feratur: solum enim adduci solet de capite *Mattheus*, quod tamen obscurius esse videtur, quam ut sufficiat ad generalem legem prohibentem constituendam. Probatur hoc, quia fortasse illa vexatio tam clare injusta non erat, ut redimi posset, etiam circa jus acquisitum, ut supra ex Glossa retulimus, & non esse improbable diximus, nec textui manifeste contrarium. Eo vel maxime quod pontifex non fert legem constitutivam, sed quasi declarativam: supponit enim in illo facto vel malitiam, quæ ex rei natura, vel ex prohibitionibus antiquioribus inesse poterat, vel saltem illius malitiæ dubium, & ideo tutiorem partem consulit, ut patet ex illis verbis: *Multum ibi consulis, &c.* Ergo ex illo textu non potest colligi specialis prohibitio. Præterea, quod nulla sit talis prohibitio generalis, patet, quia juxta probabilem, & satis communem sententiam Juristarum, in multis casibus licita est talis redemptio vexationis; quo etiam argumento probatur, regulam illam non esse generalem, & difficile est discernere, in quibus casibus acceperanda sit. Assumptum patet in casu cap. *Ad aures* de Simon. juxta Glossam ibi. Quidam enim excomunicatus, qui jam paruerat, & se sufficienter ab absolutione obtinendam paraverat; illam impetrare non potuit, nisi pecuniam quamdam judici petenti daret; dubitat ergo ibi Glossa an sine simonia dare posset, & respondet, potuisse ad redimendam vexationem, & tamen ibi agebatur de spirituali acquirendo, & non de acquisito, neque aliam rationem reddit, nisi quia illa vexatio injusta est; quæ ratio in omni vexatione, de qua tractamus, locum habet. Idem exemplum admittit Glossa in d. cap. *Dilectus* 1. de Simon. Et addit alia, scilicet *De officio, vel beneficio injuste interdicto, & excommunicatione injusta, scilicet, quod non committis simoniam, qui dat pro suæ restitutione officii, vel beneficii, vel absolutione excommunicationis, vel interdicti.* Hæc Glossa: conatur tamen,

hæc omnia reducere ad defensionem juris acquisiti; sed revera ordinantur ad aliquid spirituale acquirendum, ut patet de absolutione a censura, de reparatione juris ablati, & similibus; sed quia hæc non emuntur in illis casibus, non censetur simonia; & sicut illa fundatur in aliquo jure acquisito, ita omnis redemptio vexationis reduci potest, ut in argumentis priori loco positis videri licet.

22 Hæc argumenta videntur convincere, illam regulam ita universaliter sumptam sine aliqua moderatione non esse certam, nec posse ita indifferenter ad casus morales applicari. Nam loquendo ex natura rei, hoc probat casus de Baptismo, & similes. In jure autem positivo non invenitur sufficiens fundamentum ad damnandam illam redemptionem cum tanta universalitate. Censetur autem hæc redemptio vexationis ex natura rei habere magnam speciem mali, & simoniæ, ut dixit Glossa 1. in cap. *Cum ab omni* de vit. & honest. cler. Maxime vero in materia beneficii, vel quæ illam concernit, & ideo ecclesiastico jure videtur prohibita in ordine ad acquirendum spirituale jus præbendarum, maxime quando ab illo vexatur, qui non solum potest non obesse, sed etiam prodesse. In aliis vero materiis non potest certa regula constitui, sed juxta materiam, & circumstantias occurrentes judicandum est. Ut ergo hanc resolutionem clarius, & magis in particulari declaremus, præmittenda est vulgaris distinctio, quæ in secunda assertionem insinuat: nam vexatio interdum provenire potest ab eo, qui impedire potest, non tamen potest juvare: ut si potest, non est per se necessarium ejus adiutorium, seu concursus in conferendo spirituali, nec pecunia ei datur, ut aliquid juvet, vel conferat, sed solum ut non vexet, nec male faciat: aliquando vero provenit vexatio ab eodem, qui collaturus est illud spirituale, quod speratur, & procuratur, ut in dicto casu de judice nolente absolvere, vel de electo a volente eligere indignum.

23 De illo ergo, qui vexat iniuste, & impedit, non vero potest conferre, crediderim, posse generalem regulam constitui, non esse simoniam, vexationem iniustam ab illa redimere, etiam ante ius acquisitum. Hæc est communis sententia recentiorum Theologorum, & illam approbat Soto in aliquibus exemplis quæstione 6. art. 1. ad 5. & quæstione 7. articulo 1. in cor. dubit. ult. Ugolin. Tabien. 1. cap. 9. § 8. num. 3. Probatur autem aperte, quia hoc non est intrinsece malum, nec est emere rem spirituales, ut probat discursus supra factus. Item nullum est ius ecclesiasticum, quod hoc prohibeat, nam in d. cap. *Mattheus*, sermo est de pecunia data electoribus, qui per se loquendo prodesse possunt, & electione facti, possunt habere ius impediendi confirmationem, & possunt etiam ad illam juvare, desistendo a contradictione: nam eo ipso maiores quasdam vires, maioremve certitudinem præbent electioni: hic autem est sermo de his, ad quos nullo modo pertinet beneficii provisio, vel rei spiritualis collatio, de quibus nullum jus loquitur, vel quippiam prohibet: quod ego viderem. Casus autem sunt supra positi de illo, qui violenter detinet oppositorem beneficii, ne tempore habili accedat, & de illo, qui iniuste infamat, quos Soto dicta quæstione 6. articulo 1. ad 5. admittit. Et probat aperte ratio supra facta: item quia oblatio illius impediendi est res valde remota, & pertinet magis ad habilitatem personæ, quam ad acquisitionem rei spiritualis, procurare autem interventu pecuniæ illam personæ habilitatem, quæ & iusta est, & pretio comparari potest, honestum est; sic enim scientia suo modo emittitur, quando præceptorum pretium datur, & gradus Doctoratus suo modo emittitur, iuxta supra dicta, & interdum est necessaria conditio ad proximam idoneitatem beneficii, & licet illa intentione ematur, non est simonia. Multo ergo minus erit simonia, tueri propriam famam, & libertatem ab eo, qui iniuste in his vexat, proxime enim tuetur quis tunc, quod suum est: ordo autem ad futurum spirituale bonum solum conservatur per modum cuiusdam capacitatis.

24 Alius autem casus esse potest, si quis pretio, aut

Vexatio
nis di-
stinctio.

Quomodo
potest
vexatio
redimi ab
eo, qui po-
test vexa-
re, & non
juvare.

An liceat
suborna-
tores sub-
ornare ut
destruat?

importunis precibus corrumpat electores, cum ipse elector non sit, sed subornator, an liceat illi dare pecuniam, ut destruat? In quo casu Soto dicta solut. ad 5. existimat, non licere, pecunia redimere illam vexationem: nullam vero rationem adducit, sed quia per solum ambitum non inferitur vis, putat non esse sufficientem vexationem pecunia redimibilem. Adde, quod nec illa est injustitia propria contra commutativam: ergo non est injusta vexatio; ergo nec potest pecunia redimi sine simonia, cum per illam pecuniam paretur via ad beneficium. Hanc etiam sententiam docere videtur Turrec. in capit. *Quæstum* 1. quæstione 3. numero 3. ubi ait, quod si aliquis laico nullum jus habenti in electione, sed malitiose impediendi dat aliquid, ut cesset a tali impedimento, simoniam committit solum, quia nondum erat jus acquisitum. Idem Archid. ibi cum Raimund. licet sub dubio. Citant etiam capit. *De hoc*, de simonia. Sed ibi sermo est, quando datur aliquid iis, qui habent jus eligendi.

25] Contraria ergo sententia placet modernis Theologis, quos Valent. tertio tomo disput. 6. quæstione 16. Punct. 3. & Lessius libr. secundo capit. 35. dub. 18. secuti sunt. Et sine dubio si redemptio sistat in illa negatione, scilicet non corrumpendi electorem, seu non mihi inferendi detrimentum per iniquam subornationem, nulla ibi intervenit simonia, quia quod proxime emitur, temporale est, & non habet per se connexionem cum spirituali, neque in illo continetur, aut ex illo per se sequitur. Item ex vi illius redemptionis, elector non corrumpitur, nec voluntas ejus inclinatur, nec spiritualia male administrantur, nec denique invenitur de hoc aliqua prohibitio: ergo nulla est ibi simonia. Nec refert, quod illa vexatio facta illo modo non contineat injustitiam: tum quia, si eo tendat, ut minus dignus eligatur, continet injustitiam saltem contra justitiam distributivam, quod satis est: tum etiam quia, licet non esset absolute injusta, est iniqua, & mihi valde nociva, & bono communi, & hoc satis est, ut licite impediri possit per munera, cum per ea non ematur res spiritualis, ut ostensum est.

26 Dixi autem, si redemptio sistat in illa negatione, quia si ulterius eo tendat, ut intercessor ille, vel subornator non solum cesset, sed etiam in contrarium officium inducatur, inclinando nimirum electorem in favorem dantis pecuniam, jam non est sola redemptio, sed emptio electionis, ideoque nullo modo licet. Et hoc fortasse voluit Soto. Simili ratione non censeo esse licitum, sed simoniacum, per subornationem subornationi resistere, id est, emendo contrariam subornationem, redimere vexationem, quæ per oppositam fit; ut verbi gratia, si sint plures electores, & quidam illorum inducantur precibus, vel muneribus ab uno oppositore, vel fautoribus suis, ut apud alios electores pro se intercedant, vel ut eisdem vehementius inducant, & immutent: quia hoc non esset, vexationem redimere, sed electionem emere, & virtute esset emere rem spiritualement, ut infra de his intercessoribus latius declarabimus. Neque hic habet locum axioma illud: vim vi repellere licet: quia hæc non est vis: neque etiam si esset, posset simili modo repelli. Nam licet unus eligendorum per amicos moralem vim inferat uni electori, non licet contrario prætenfori, per suos fautores similem vim inferre alteri electorum. Melius ergo hic applicatur illud principium, non sunt facienda mala, ut caveantur nocumenta.

27 Superest, ut dicamus de illo, qui potest non solum a vexatione cessare, sed etiam prodesse, eligendo, confirmando, vel aliud spirituale conferendo. Aliqui enim volunt, ut de illo intelligenda sit secunda regula supra posita: sed adhuc hoc modo non potest esse universalis, sed distinguenda sunt materia, casus, & jura. Dico ergo 1. in beneficiis, & officiis ecclesiasticis acquirendis, non licet vexationem redimere ab eo, qui potest prodesse, id est, ad quem spectat dare illud spirituale, quod acquirendum est. Ut verb. gratia, si sciam, electorem me vexaturum, eligendo indignum, non licet talem vexationem ab

illo redimere. Item si sum præsentatus ad beneficium, & prælatus per injuriam claram non vult me instituere, non licet redimere, & sic de aliis. In hoc conveniunt omnes auctores supra relati. Probari solet, quia tunc per pecuniam paratur via ad obtinendum beneficium directe, & proxime, ac per se, & non tantum remote, ac removendo prohibens; item quia tunc remove impedimentum, nihil aliud est, quam spirituale conferre: nam vexatio consistebat in non conferendo institutionem, vel debitam electionem, & hæc vexatio non tollitur, nisi per contrarium actum. Sed responderi potest, negando assumptum, quia directe solum intenditur, tollere pravam affectum electoris, vel prælati, vel satiare avaritiam ejus, ut cesset ab injuriis: nam si in casu de Baptismo similis responsio locum habet, & acceptatur, cur non hic, Propter quod alii fatentur, hanc non necessariam esse simoniam veram in re, & coram Deo, sed ab ecclesia præsumi propter malam speciem, quam habet. Ita sentit Adrian. Quodl. 9. & indicat Navar. d. cap. 23. num. 102. Et sequitur Valent. supra. Et revera ex sola natura rei ita esse videtur, ut patebit statim in speciali casu.

28 Nihilominus tamén simpliciter censeo, esse simoniam saltem contra jus positivum: quia propter illam pravam speciem, & ad vitanda multa scandala, & occasiones simoniæ, quæ in hac materia beneficii facile intervenire possent, propter utilitatem temporalem annexam, quam habet, merito potuit ecclesia prohibere talem redemptionem vexationis. Et id fecisse colligitur ex d. cap. *Matthæus*, quod licet per se spectatum omnino non convincat, tamen & in rigore litteræ magis favet, & communis sententia Doctorum magis ad hoc inducit. Idem videtur probare capit. *Sicut tuus*, de Simon. ubi cum episcopus vexaret quemdam rite electum, nolens illum confirmare, & instituere, ut extorqueret pecuniam, simonia censetur, illam dedisse, ut expresse dicitur in fine cap. & in toto discursu ejus supponitur. Idem etiam videtur probari quoad electionem ex cap. *De hoc*, de Simon. Maxime vero cogit consuetudo, quæ est optima legum interpret, quæ ita textum illum interpretata est. Et quando jus scriptum deesset, stylus curiæ, & communis usus, & sensus totius ecclesiæ sufficeret ad inducendum hoc jus: non est enim dubium, quin talis redemptio vexationis ab universa ecclesia simoniaca judicaretur. Intelligendam vero censeo hanc assertionem (quod bene notavit Lessius) formaliter (ut sic dicam) de illo, qui potest prodesse, si quatenus habet talem potestatem, per illam vexet, ut elector in non eligendo, collator in non conferendo, & sic de aliis: ita enim loquuntur auctores, & procedunt rationes factæ. At vero si eadem persona electoris noceat, & vexet infamando, aut male inducendo alios electores, denique illis modis, quibus privata tertia persona posset id facere, sic non erit coram Deo, & per se loquendo simonia, vexationem ab illo redimere, ut cesset ab illa vexatione, secundum quam potest, & debet non obesse: quia per talem redemptionem non emitur electio, & consequenter nec beneficium: unde eadem est ratio de illa vexatione, ac si fieret a persona distincta, nam quod in eandem personam indicat, materiale est, & per accidens, & intentio distinguit actiones, sicut maleficia. Quod si recipiens pecuniam, ex sua malitia illam recipiat ut pretium electionis, ut postea ex illa moveatur ad eligendum, est per accidens, & hoc periculum, aut talis metus non impedit alium, quin possit uti jure suo.

29 Duo vero supersunt explicanda circa hanc assertionem: unum est, quantum extendatur hæc regula in beneficiis. Tria enim per ordinem considerari possunt: primum est electio, seu præsentatio, nominatio, aut postulatio: secundum est confirmatio, institutio, aut collatio: tertium est possessio. De primo nulla est controversia: nam in illo maxime procedit regula, quia ante illud nullum jus proprium supponitur, sed ad summum dignitas, vel idoneitas personæ; & licet hæc interdum sufficiat ad habendum jus quoddam ad rem, pertinens ad justitiam distributivam, tamen illud non est proprium jus, sed est quædam

Respons.

Occurritur
re-
sponsioni.

Non licet
suborna-
tionem
suborna-
tione
evertere.

Prima as-
sertio re-
spectu il-
lius, qui
potest no-
cere & ju-
vare.

Duo pun-
cta expli-
cantur.

dam

dam proportio personæ cum tali munere, ad quam servandam obligat iustitia distributiva. Et licet in hoc fiat aliqua injuria, non potest repelli per pecuniam, quia illud primum jus, quod per electionem, verbi gratia, confertur, quid spirituale est, & non potest pecunia comparari; in secundo item est etiam magna consensus inter auctores, quia etiam collatio, vel institutio, in beneficio est quid spirituale, quod confertur post electionem, vel præsentationem. De confirmatione vero aliqui dubitant, ut Major. 4. distinct. 25. quæst. 5. ad 2. ubi ait, forte non esse improbable, quod in foro animæ pecunia dari possit pro vexatione tollenda circa confirmationem. Sed licet stando in solo jure naturali, hoc possit procedere: nunc simpliciter stante jure canonico admittendum non est, quia etiam confirmatio est quid spirituale, sicut electio, confirmat, & quodammodo auget, & solidat jus acquisitum per electionem, & sæpe habet vim collationis, & de illa maxime procedit d. capite *Mattheus*, ut ibi Innoc. & omnes notant, & est expressior de illa textus in dicto cap. *Sicut tuis*.

An possessio iniuste impeditur possit redimi?

30 De possessione vera inveniuntur contrariæ sententiæ, si post collationem, vel confirmationem impediatur iniuste, an possit vexatio redimi, etiam ab iis, qui possunt prodesse? Aliqui negant, ut Soto supra, licet sub dubio. Firmius id tenet Glossa in capite *Decimas* 2. 16. quæstione 7. Abbas in capite *Ad aures*, de Simon. num. 6. cum Innocent. ibi, idem in capite *Dilectus* 1. in fine: ubi etiam Felinus numero 3. Tenet etiam Redoan. p. 3. capit. 22. numero 2. Præposit. 1. quæstion. 1. in principio numer. 28. & 29. Ugolin d. §. 8. num. 5. qui ad hoc adducit in capite *In tantum*, de Simon. Sed nihil juvat, quia in fine illius solum reprobatur consuetudo exigendi marcham argenti, de qua supra dictum est; nihil vero ibi dicitur, an is, qui vexatur per talem exactionem, peccet, dando illam non ut pretium, sed ad redimendam vexationem suam? Ratio ergo propria hujus sententiæ est, quia possessio est aliquid spirituale, vel spirituali annexum: sed ad acquirendum, quod huiusmodi est, non licet vexationem redimere; ergo. Major patet, quia per possessionem assequitur quis exercitium spiritualium, & ratione spiritualis tituli confertur. Et confirmari potest ex c. *Decimas* 2. 16. q. 7. ubi prohibentur episcopi, ne decimas à suis subditis redimant, etiam si ab eis vexentur, & aliter easolvere nolint, quæ prohibitio videtur in hoc fundari, quod decimæ sunt spiritualibus annexæ.

31 Nihilominus contrariam sententiam insinuat D. Thom. d. solut. ad 5. quatenus nullam mentionem facit possessionis, sed absolute ait, acquisito jure per collationem, licitum esse, impedimenta remove, utrique acquirendæ possessionis. Navarrus etiam d. numero 102. vet. *Ottavo*, sentit in conscientia licitum esse, redimere vexationem circa possessionem post plenum jus acquisitum in beneficium quoad proprietatem. Idem clarius tenet Cardin. dicens, esse communem opinionem in d. capite *Ad aures*, quando vexatio est tantum de facto, quem sequitur Alexand. de Neapol. in addit. ad Ab. in d. capite *Dilectus*, ita exponens Innocent. & Ab. & revera Ab. & Felini ibi non contradicunt, addunt tamen limitationem, de qua statim dicam. Tenet etiam Maj. 4. d. 25. quæstion. 5. ad 6. & Sum. Pifana vet. *Simoniam* 1. Fundamentum hujus sententiæ est, quia possessio secundum se spectata non est jus aliquod spirituale, sed tantum quoddam factum corporale: solum ergo est spirituali annexa, quatenus ex titulo spirituali pendet: postquam ergo titulus spiritualis plene acquisitus est, jam possessio non prætenditur ut consequenda tanquam annexa rei spirituali, sed per se, ut quid corporale est, & immediate, ac per se debitum; ergo non est simonia redimere vexationem, quæ circa illam fit, quia solum redimitur factum, non jus. Unde secus esset, si jus ipsum in dubium vocaretur, & ideo non daretur possessio: tunc enim jam non per se sola possessio redimeretur, sed ut annexa juri, & per se jam jus ipsum redimeretur, & tunc ad superiores regulas recurrendum esset. Est simile, si habenti beneficium, & possidenti beneficium denegarentur fructus, nam si negarentur per solam

vexationem facti, non esset simonia, illos redimere, quia licet sint annexi spirituali titulo, tunc non redimuntur ut annexi, secundum se, ut late tractat Turrec. in cap. *Altaria* 1. quæst. 3. artic. & in d. cap. *Decimas*. Secus vero esset, si negarentur, revocando in dubium probabile jus ipsum beneficii, seu proprietatem ejus: tunc enim non magis liceret redimere decimas, quam jus ad illas.

32 Addunt vero Panorm. Felin. Alexandr. & alii limitationem, scilicet ut hæc redemptio vexationis circa possessionem locum habeat, quando sine magno incommodo, periculo, aut mora non potest superior conveniri, qui auctoritate sua vexationem auferat, & possessionem conferat; nam si detur locus ad eundem superiorem sine magno dispendio, non licebit, per pecuniam possessionem obtinere. Cum limitatione in eandem sententiam descendunt Anan. in d. *Dilectus*, & Præp. d. numero 29. Redoan. Ugolin. & Rebuff. d. titul. de Simon. numero 20. & 24. Sed qui cum hac limitatione sententiam hanc admittunt, necesse est, ut supponant, præstationem illam pecuniæ secundum se spectatam non esse simoniacam; nam si esset simonia, non posset fieri licita propter solam difficultatem adeundi superiorem, aut propter aliquod detrimentum temporale, sicut non liceret redimere vexationem circa futuram electionem, vel confirmationem propter similem occasionem. Unde infero, limitationem illam esse quidem optimam in foro exteriori ad evitandam præsumptionem simoniæ, simpliciter tamen in foro conscientie non esse necessariam, quia nullibi invenitur a jure canonico introducta, & ex natura rei non est per se necessaria, cum illa actio secundum se non sit simoniaca, sed iusta redemptio vexationis circa rem quamdam, quæ licet sit annexa titulo spirituali, non redimitur secundum annexionem, quam habet, quia jam supponitur titulus, ratione cuius debetur, sed tantum redimi, ut secundum se, prout est quid facti.

33 Et ita responsum est ad fundamentum contrariæ sententiæ, quia possessio tunc non redimitur tanquam quid spirituale; & ad cap. *Decimas* respondetur, nullam prohibitionem ibi fieri episcopis, sed potius dici, ab eis esse prohibendum, ne id fiat, nimirum, ne decime, quas populus dare non vult, nisi quolibet munere ab eo redimantur. Potest autem hoc duobus modis prohiberi. Primo prohibendo laicis, ne illam extortionem faciant, & cogendo illos, & est factis accommodatus sensus, juxta quem textus nihil facit ad causam. Secundo fieri potest prohibitio clericis, ne in tali casu redimant decimas a laicis obstinate detinentibus illas. Quod si in hoc sensu facta est, tunc prohibitio non fuit, quia illa redemptio esset simoniaca, nam revera non fuisset, ut recte ibi notant Hugo, & Turrec. Sed vel ne detur occasio laicis faciendi ecclesiæ similes injurias spe talis lucri, vel propter vitanda alia majora incommoda animarum, & ecclesiæ. Denique sicut ipsi episcopis non fit prohibitio, ita licet ipsi inferioribus clericis prohibeant, ne sua auctoritate, & arbitrio talem redemptionem faciant, per hoc non impediuntur, quominus ipsi sua superiori potestate possint talem redemptionem, vel compositionem facere, ut constet.

34 Et hinc a fortiori sequitur, si quis habens verum, & certum jus beneficii, quod possidet, per vim, & fraudem illius possessione privetur, posse sine simonia redimere vexationem suam, ut restituatur, licet contrarium dicat Ugolin. supra num. 6. Sed hoc sequitur aperte ex præcedenti, & certius est, quia sicut turpius ejicitur, quam non admittitur hospes, ita majori ratione potest quis redimere vexationem circa possessionem, quam semel habuit, quam circa debitam, & nunquam obtentam. Et ita plures auctores, qui primum negare videntur, hoc posterius affirmant, & expresse Gloss. in d. cap. *Dilectus* 1. dum ait: *Non committit simoniam, qui dat pro sua restitutione officii, vel beneficii*. Ubi Felin. referens Sum. Pifanam indicat in fin. limit. 2. ibi: *licet videatur loqui in possessione semel habita*, supponens, in eo casu rem esse certiore. Sic etiam Præpos. supra n. 30. in fin. dicit, non peccare, qui dat pecuniam, ut resti-

Limitatio.

Possessio potest redimere iniuste expulsi.

restituatur, quia non acquiritur jus novum, sed recuperatur antiquum. Et idem ob eandem rationem tenet Turrec. in c. Nullus 1. q. cum Hug. ibi, & c. Decimas 16. q. 7. Ratio autem vera est: quia per injustam deturbationem a possessione non fuit ablatum, nec diminutum integrum jus spirituale in re, & ita nihil spirituale proprie recuperatur, sed sola executio proprii juris. Et ex dicendis in ultima assertione hoc magis confirmabitur.

35 Alterum punctum explicandum circa positam regulam est, an patiat exceptionem in aliquo jure nondum acquisito. Et communis casus est, si in electione Summi pontificis vexatio fiat, ut indignus, vel evidenter minus dignus eligatur, an liceat, illam vexationem pecunia redimere, ut electio iuste fiat? Quam questionem late tractavit Cajet. tom. 2. Opusc. tract. 9. quæst. 3. & postea Soto, & alii. In quo primum supponitur ab omnibus, non supposita vexatione, nunquam esse licitum, prævenire pecunia, vel muneribus eo colore, ut eligatur dignus, vel dignior, quia tale medium de se non est conveniens, neque aptum: immo est periculis plenum, & scandalis expositum, & ideo per se loquendo iniquum est. Supponenda ergo est vexatio, & necessitas. Qua supposita, conveniunt, non esse simoniam in eo casu dare pecuniam alicui electori, ut non eligat indignum, quia tunc non datur pro aliqua re spirituali, nec pro usu spiritualis potestatis, nec pro non usu simpliciter, sed pro desistendo ab iniquitate, quod iustum est, sicut supra diximus, non esse simoniam pecuniam alicui donare, ut avertatur a simoniaca ordinatione, vel alia simili pravitate. Ex quo etiam consequens est, licere in eodem casu pecunia redimere vexationem, ut non eligatur minus dignus. Est enim ratio, quia etiam est peccatum eligere minus dignum, unde possumus procurare, hoc peccatum vitare etiam illo medio, quando vexatio, & iniquitas electoris cogit. Item per talem largitionem, non emittitur pontificatus, nec per se loquendo paratur via ad obtinendum illum, sed relinquitur elector in eadem libertate, quam juxta Divinam legem, & iustitiam habere debet, & potest; ergo nulla est ibi simonia, nec per se loquendo iniquitas. Tandem ecclesia habet jus, non solum ut non eligatur indignus, sed etiam ut non eligatur minus dignus; ergo in quocumque istorum vexationem patiatur, licitum unicuique est ecclesie jus redimere, & commune illius bonum procurare auferendo impedimenta, ut magis ex sequentibus patebit.

An liceat dare pecuniam, ut elegatur in eodem dignus.

36 Dices: ergo erit licitum dare pecuniam, ut eligatur dignus, vel dignior in communi. Quidam formidant hoc concedere, quia esset dare pecuniam pro munere spirituali, quod etiam in communi non licet, ut pro misa, vel pro aliquo beneficio; sed nihil est, quod timeatur diversa locutio, si res est eadem; idem autem est (juxta materiam subjectam) non eligere indignum, quod dignum eligere, nam supponimus, electores esse determinatos ad eligendum aliquem; & ita non datur pecunia pro exercitio spiritualis muneris (ut sic dicam) sed solum pro determinatione quoad specificationem, quæ confurgit ex hoc, quod voluntas eligentis abstrahitur ab objectis indignis, vel minus dignis, hanc autem conclusionem redimere licet: ergo specificationem illam, solum quatenus ex hac exclusionem sequitur, & ita verba illa in idem redeunt, & quæ obijciuntur, non sunt similia. Concedendum est ergo, licitum esse intendere, & dare pecuniam, ut eligatur dignus saltem in communi, ut expresse concedunt Cajet. & Sot. & ante illos Maj. 4. d. 25. quæst. 5. ad 2. Addo præterea, quod, si aliquis electorum vexaret ecclesiam impediendo absolute, ne electio fieret, vel si omnes electores inique differrent nimium electionem cum magno ecclesie dispendio, nec possent nisi muneribus induci ad faciendam electionem etiam quoad exercitium, non esset intrinsece malum, talia munera dare in eum finem per modum redemptionis vexationis universalis ecclesie in quadam gravissima illius necessitate. Nam si hoc licet pro salute unius in casu supra tractato de Baptismo, multo magis licebit pro bono totius eccle-

siæ. Item illa non est simonia contra jus Divinum: quia non intervenit intentio pretii, & datur alius titulus honestus dandi rem temporalem pro redimenda vexatione. Nec etiam est contra jus ecclesiasticum, quia vel non est, vel non obligat in casu tam singulari, & cum tanto discrimine ecclesie; ergo est licitum.

37 Sed urgebistandem, hinc fieri, etiam esse possibile, dare pecuniam, ut talis persona eligatur, si supponatur esse publicum, & indubitatum, illam personam solum esse dignam, vel solam esse digniorem cæteris omnibus. Ad hoc Soto d. solut. ad 5. distinctione quadam respondet: nam vel unus tantum est dignus, & alius, seu alii omnes indigni; vel sunt plures digni: in priori casu concedit, licitum esse, dare pecuniam, ut talis in particulari eligatur: immo inquit, tunc licitum esse, emere ipsam electionem, & consequenter pontificatum pro tali persona: loquitur enim consequenter ad doctrinam, quam de infante baptizando tradiderat, emptionem rei spiritualis non esse intrinsece malam, sed honestari in casu extremæ necessitatis, & talem esse putat in eo casu ecclesie necessitatem. Unde consequenter in posteriori casu ait, non licere dare pecuniam pro dignissimo eligendo, quia non credit, esse illam extremam necessitatem ecclesie, quandoquidem per electionem digni sufficienter ei providetur, & alioquin non putat, posse ibi separari redemptionem vexationis ab emptione rei spiritualis, ac subinde in eo casu non honestari, si ad dignorem terminetur.

Utrum licet eas suffragari, ut dignior eligatur.

38 Sed in primis assero, hic necessario esse distinctionem. Resolutio. guendam redemptionem vexationis ab emptione rei spiritualis, vel pontificatus, quia hæc revera nunquam licet, satisque distingui potest a redemptione vexationis, ut tam in casu de baptismo, quam in toto hoc cap. explicatum est. Deinde, si multi sint æque digni, certum est, non licere determinate pro unius electione pecuniam dare. Ita Cajet. & omnes, ac merito, quia eligere alium, non esset vexatio; ergo jam non datur pecunia pro redemptione vexationis, sed pro dignitate, & in favorem talis personæ, & directe inducendo electorem media pecunia ad illam eligendam, quæ manifesta est simonia. Tertio, si inter dignos duo, vel tres sint digniores cæteris, & inter se censentur æquales, licitum est dare, ut non eligatur minus dignus, seu, quod idem est, ut dignissimus negative, id est, quod nullus sit dignior, eligatur. Probatur, quia tunc etiam sistitur in redemptione vexationis, & in sola negatione non faciendi injuriam ecclesie, vel eligendis etiam contra distributivam iustitiam: hic autem finis optimus est, & separabilis ab emptione rei spiritualis, & multum pertinens ad commune bonum ecclesie; ergo per se licita est actio. Item, per illam pecuniam non determinatur voluntas eligentis magis, quam secundum rectam rationem determinari debeat, sed tantum a malo removeretur, & inducitur ad bonum, non emendo ab illa suffragium, sed removendo pravum affectum ejus, ut libera maneat ad iustam electionem: ergo habet locum ibi redemptio vexationis, & causa illius honestissima est, scilicet commune bonum ecclesie; ergo.

Resolutio.

39 Addo quarto: Etiam si inter omnes eligibiles unus tantum sit dignus, licitum est vexationem redimere, ne eligatur indignus, vel ut eligatur dignus (quod idem est, ut dixi) si dignus tantum formaliter sub ratione digni, & non materialiter sub ratione Petri, vel Pauli proponatur. De hac ultima parte dicam statim: reliquæ sequuntur manifeste ex dictis, & eas intendit Soto, & consensit Navarrus numer. 102. verb. *Octavo*, in fine, nec refragatur Gajetano, quia non restringit casum, sed videtur loqui semper supponendo, plures esse dignos. Probatur autem, quia illa negatio eadem est, & idem est jus, quod in eo casu habet ecclesia, ut non eligatur indignus, & eadem necessitas, eademque intentio redimendi vexationem. Unde etiam affirmatio digni, quæ ex illa sequitur, formaliter est eadem, & de se est communis, & indifferens. Quod autem per accidens contingat in una tantum persona verificari, materiale est, & non variat

variatur honestatem actionis, & intentio potest illa duo distinguere, & per verba ipsa potest commodè talis intentio explicari: ergo nulla est ibi malitia per se loquendo.

40 Unde adjungo quinto: Quod licet plures sint digni, & inter eos unus tantum sit dignior ceteris, licitum est redimere vexationem, ne eligatur minus dignus, & simpliciter procurare, ut eligatur dignissimus formaliter etiam in illo sistendo. Probat, quia eadem est ratio, & proportio, semper enim distinguere potest redemptio vexationis ab emptione rei spiritualis, & causa honestas, & moraliter inducens videtur sufficientissima: nam licet non sit tam grave malum ecclesiæ providere illi pastorem minus dignum, sicut indignum, nihilominus est gravissimum nocumentum, quia est in bono universali, & supremi ordinis. Unde quod Soto ait, quando speratur eligendus dignus, prætermisso digniori, non ingruere ecclesiæ extremam necessitatem, quæ sola sufficit honestate hanc actionem, fundatur in illo falso principio, quod hic honestatur emptio rei spiritualis, & ideo postulat extremam necessitatem, cum tamen revera etiam extrema necessitas illam emptionem non possit honestare. Supponendo autem, non esse emptionem rei spiritualis, sed redemptionem vexationis, falsum est, solam extremam necessitatem illam honestare, quia sufficit gravissima necessitas, ut supra ostensum est. Sed objici potest, quia tunc non patitur ecclesiæ vexationem in jure acquisito, quia non habet jus ad dignissimum, sed illius juri in rigore satisfactum eligendo dignum. Respondeo, esto non habeat ecclesiæ jus justitiæ commutativæ ad digniorem (cujus oppositum multi probabiliter censent) satis esse, quod illi sit debitum quocumque titulo, vel justitiæ distributivæ, vel legalis, vel fidelis dispensationis, & quod violatio hujus debiti cedat in magnum detrimentum universale, ut sit licitum, talem vexationem redimere, sicut supra de subornatione dicebamus: eo vel maxime, quod hic directe agitur de averrenda iniqua electione, & contraria bono communi: & ad hoc semper habet ecclesiæ jus acquisitum, in ut possit cogere ad illud servandum, si vellet.

Objectio.

Respondetur.

Ultima assertio.

41 Ultimo vero addo, nunquam licere moraliter loquendo, redimere hanc vexationem, ut determinate, & quasi materialiter inducatur elector per pecuniam ad eligendam hanc personam hoc colore, quod illa sola est digna, vel dignior. Hoc præcipue videtur intendere Cajetan. Et mihi videtur verissimum, & necessarium ad vitandam simoniam, vel palliationem, & vehementem suspicionem ejus. Ratio vero est, quia licet in re ipsa contingat, solum Petrum esse dignum, vel digniorem, nihilominus longe aliud est, dignum, vel Petrum postulare. Nam in primo sistit petitio in qualitate personæ eligendæ, & in eo, quod ex natura rei necessarium est ad cavendam injustitiam: in secundo autem transit petitio ad applicationem illius qualitatibus ad talem personam, & consequenter per pecuniam petitur ab alio, ut hanc personam eligat, ut solam dignam, vel digniorem ceteris: hoc autem est non solum remove malum, sed etiam directe inducere per pecuniam ad electionem, & quasi determinare voluntatem eligentis etiam ad talem personam, quod non videtur posse ab inordinatione, & simonia purgari. Et confirmatur: nam vel constat evidenter, talem personam esse digniorem, seu solam dignam, & tunc necessarium non est ad ecclesiæ bonum ad illam directe, & determinate inducere, & consequenter non licet propter rationem factam, & propter scandalum, & malam speciem: vel non est ita evidens, & multo minus licet, muneribus id persuadere: semper ergo cavendum hoc est, ut bene admonuit Major, ubi supra, & idem intendit Cajet.

An liceat hanc doctrinam ad alias extendere.

42 Sed quæres, an liceat, doctrinam hanc ad alias electiones spiritualium præbendarum, canonicatum, vel etiam episcopatum applicare: nam Cajet. solum loquitur in Summo pontificatu, & fere eodem modo loquitur Soto. Navarr. paulo generalius loqui videtur. Valentia autem, & magis clare Lessius de

omnibus electionibus ecclesiasticis loquuntur. Dubitari tamen non potest, quin de electione ad Summum pontificatum sit valde specialis ratio; tum propter supremam illius dignitatis potestatem, quæ eminentiam magnam charitatis, & prudentiæ, & magnam animi moderationem requirit, ut digne, & utiliter administretur; tum propter necessitatem totius ecclesiæ universalis, quæ longe major est; tum etiam quia error semel commissus in illa electione circa personam emendari non potest per homines, quia pontifex semel electus non habet superiorem in terris: in aliis vero electionibus si errores graves committantur, possunt per superiores prælatos, vel per ipsum pontificem emendari. Et hinc fit, ut illa electio non possit semper arctari ad generales terminos juris communis, sed ad eos tantum, qui circa illam specialiter a pontificibus ordinati sunt. Et in aliis regulanda sit secundum rectam rationem, & Divinam legem: ita ut omnia, quæ intrinsece mala sunt, vitentur: & in reliquis, quæ specialiter prohibita non sunt, ea liceant, quæ ad dignam, & puram electionem faciendam, & ad melius ecclesiæ providendum conducant. At vero in aliis electionibus præter ea, quæ sunt de jure Divino, servanda sunt quæ per leges ecclesiasticas sunt statuta, & cavenda, quæ prohibentur. Et ideo non omnia, quæ diximus, possunt ad alias electiones applicari. Et in primis si possit esse recursus ad superiorem, nunquam licet uti medio redemptionis, ut a fortiori sumitur ex communi doctrina canonistarum supra tradita. Deinde frequentius erit nulla electio propter passionem, vel interventionem pecuniæ, quæ ex parte electoris simoniaca est, licet ex parte dantis pecuniam excusetur titulo redimendi vexationem: procurare autem electionem, quæ futura est nulla, regulariter non licet, etiam si fiat spe obtinendi remedium a pontifice, nisi tanta sit necessitas vitandi aliquod gravissimum damnum alicujus ecclesiæ, ut excuset: sed hoc rarum est: & ideo pro regula statuendum est, hoc non licere. Tanta vero esse posset necessitas, tantaque difficultas accedendi ad superiorem, qui illam impediatur, ut permitti possit in conscientia talis redemptio etiam in inferioribus electionibus, maxime ubi solum de evitanda indigni electione tractatur.

43 Ultimo dicendum est in hac materia, in aliis actibus non beneficialibus, seu more spiritualibus non esse prohibitam semper redemptionem vexationis, quando cum spirituali detrimento vexatio sit privando alicui in iuste actione, aut remedio spirituali sibi debito. Hæc assertio præter supra dicta de sacramentis, maxime locum habet in absolutione ab excommunicatione, & aliis censuris, quando iniuste feruntur, vel earum oblatio per injuriam negatur, vel per potentiam, & vim impeditur: & eodem modo applicari potest ad similia. Et ita docuit illam Gloss. supra citata in d. cap. *Ad aures* & cap. *Dilectus* & ibi etiam docuit Joann. Andr. cum illa limitatione, scilicet quando per potentiam adversarii non speratur remedium per superiorem sine magno dispendio. Et eodem modo id sequuntur ibi Panar. Felin. & alii, & Præpos. 1. quæst. 1. in princ. num. 18. & sequentibus: Host. sine ulla restrictione in Summa. titu. de Simon. Turrec. cum Hugone in c. *Nullus episcopus* 1. quæst. 1. ubi Gloss. idem sequitur: & idem tenet Maj. ubi supra, & idem generalius tenet Supplem. Gabr. ibi. quæst. 2. art. 1. prop. 7. qui reducit hæc ad jus acquisitionis, quia in illis se nuper supponitur verum jus proprium ad talem absolutionem, vel alium similem actum: stante autem tali jure, non solum licet redimere vexationem ab eo, qui jus ipsum tollere conatur, sed etiam ab eo, qui iniuste impedit, ne tali jure uti possim; & ita etiam dixit Glossa in Regul. mor. cap. de Avarit. Alphab. 29. lit. R. Et ratio constat ex dictis: quia hoc non est intrinsece malum, nec invenitur in jure prohibitum, & subest honesta causa, & sufficiens necessitas talis redemptionis; ergo. Contrariam sententiam tenuit de absolutione a censura Innoc. in d. cap. *Ad aures*, & sequitur Ugolin. Tab. 1. cap. 44. §. 1. num. 5. Sed illi supponunt, non separari in his redemptionem vexationis ab emptione rei spiri-

in aliis actibus extra electionem non semper prohibetur redemptio vexationis.

spiritualis, quod verum non est, & ita non habent solidum fundamentum. Nec caput *Ad aures*, quod allegant, quicquam probat, ut legenti facile constabit.

C A P U T L I.

An transactio, seu pactio onerosa ad terminandam litem habeat locum in spiritualibus absque simonia?

Compositio, & transactio in quo differant.

DE hoc puncto pauca dixerunt Theologi: a Jurisperitis autem latissime disputatur in variis cap. de Transacti. & in cap. ultim. de Rerum permut. & in capit. *Nisi*, de Præben. & aliis locis: nos vero brevissime attingemus, quæ ad conscientiarum forum videbuntur necessaria. Supponimus autem primo, aliud esse compositionem, aliud transactionem: omnis enim transactio compositio quædam est, non vero omnis compositio est transactio. Compositio enim habet locum in remissione gratuita, & in jure certo, ac indubitato, & extra omnem litem: transactio vero proprie dicitur pactio non gratuita indubita, & sub incerta lite constituta, ut constat ex leg. 1. ff. & L. 2. Eod. de Transacti. Unde remissiones, & condonationes, quas interdum facit pontifex de fructibus beneficiorum male partis, vel de rebus institutioni obnoxiiis incertis creditoribus, licet compositiones communiter appellemur, non sunt transactiones: tum quia ibi nec est ordo ad litem, nec dubium in re debita, vel in obligatione restituendi: tum etiam quia remissio, quæ ibi fit, non est proprie onerosa, sed gratuita. Nam licet talis remissio fiat sub conditione faciendi talem elemosynam, vel subventionem ad tale opus pium, nihilominus gratis, & absolute remittitur reliquum debitum totum, & pars illa, quæ solvi præcipitur, non denuo imponitur, debita enim erat, sed solum ad tale, vel tale opus applicatur. Sed etiam si creditor conveniat cum eo, qui centum sibi debet, ut solvat octoginta, & remittit reliquum debitum, etiam si nec esset in illo dubium, nec timor litis, non facit transactionem, sed compositionem liberalem. Item, si litigantes inter se conveniant, ut alter omnino cedat actioni, vel rei, de qua litigabatur, sine ulla recompensatione, vel divisione, sed omnino gratis, dicitur illa amicabile compositio, non transactio. Ad transactionem ergo tria requiruntur. Primum est, ut jus, vel res, super quam transigitur, sit incerta, seu dubia, saltem probabili existimatione utriusque partis, alias ab altera parte fieret clara injustitia, & compositio facta ab altera parte esset potius redemptio vexationis, quam transactio. Secundum est, ut conventio sit cum aliquo onere utriusque partis, alias non esset propria transactio, sed donatio. Tertium, ut sit in ordine ad litem componendam, vel dirimendam, sive lis intenta sit, sive controversia tantum mora sit, & lis intentari possit, juxta leg. *Eleganter*, §. *Siquis post*. ff. de Condict. indeb. leg. 2. C. de Transacti. Ratio autem horum omnium maxime consistit in usu vocum, qui ex iuribus tam civilibus, quam canonicis, & interpretibus eorum sumendus est.

Ad transactionem tria requiruntur.

2 Ex hac ergo vocum interpretatione facile intelligi potest & occasio præsentis questionis, & quid in ea certum sit, vel de quo possit esse nonnulla difficultas. Constat enim, posse esse inter homines controversiam, & litem circa materiam spirituales, ut circa beneficia, jurisdictionem ecclesiasticam, & similia: & consequenter etiam est clarum, posse similem controversiam finire per voluntariam partium compositionem, seu concordiam, immo etiam constat, frequentius expedire ita fieri, ad tollendas discordias, & litium molestias, & expensas. Unde non est etiam dubium, quin possit aliquo modo licite fieri, quia cum pax, & concordia maxime consentanea sit spiritualibus rebus, deesse non potest aliquis modus honestus faciendi compositionem in controversia mora circa spiritualia bona, ita ut in tali compositione simonia non interveniat: hunc ergo modum hic inquirimus. Ut autem hæc compositio locum habeat, in

primis supponendum est verum, & legitimum fundamentum illius controversiæ, quæ componenda sit; fundamentum autem est illud primum, quod proposuimus, scilicet, ut jus circa rem spirituales, de qua tractatur, sit aliquo modo incertum, vel dubium, saltem probabili existimatione in utroque contendente. Nam si unus habeat jus certum, & indubitatum; & alius per fraudem, & potentiam controversiam moveat, & litem intenet, vel minetur, ut aliquid extorqueat, tunc quidem compositio etiam fieri potest; sed, ut dixi, illa non erit transactio, sed redemptio vexationis, etiam si fiat post litem jam motam, quia hoc non variat speciem pacti, nec honestatem ejus. Et ita de hoc casu nihil tractamus hic, sed per doctrinam præced. capit. judicium in illo ferendum est.

3 Præterea supponendum est, variis modis posse de facto fieri compositionem super hujusmodi controversiam de re spirituali. Primo, ut alter contendenti liberè, & gratis omnino cedat juri suo in gratiam alterius absque aliqua divisione rei, vel juris, de quo tractatur, vel recompensatione ex parte alterius. Secundo, si res, de qua tractatur divisibilis sit, & prudenti arbitrio compositio fiat per divisionem ejus, vel emolumentorum ejus inter contendentes. Tertio, ut tota res uni applicetur, ipse vero de aliis rebus, seu bonis suis aliquam recompensationem alteri faciat. De primo ergo modo nulla est controversia, quin ibi simonia non interveniat, quia non intervenit pactio onerosa, & is, qui cedit, si aliquid juris ibi habebat, gratis illud condonat alteri; ergo nulla ibi est umbra simoniæ. Et ita ille modus compositionis maxime laudabilis est: non est autem transactio (ut dixi) sed vocari solet amicabile compositio, de qua multa jura loquuntur, & specialiter illam approbat caput *Super eo*, de Transacti. Fit autem hæc compositio, vel quando altera pars liberaliter cedit juri suo, & litem deserit; vel quando litigantes amicabiliter promittunt stare arbitrio aliquorum prudentum, ut ille omnino gratis causam dimittat, quem minus probabile jus habere censuerint. Et tunc non est necessaria prælati auctoritas ex vi compositionis, secus ratione novæ institutionis, aut renunciationis, si facienda esset post datum arbitrium: nam ad illam necessaria est prælati auctoritas, ut notat Panormitan. d. capit. *Super eo*. De hac ergo amabili compositione nulla est controversia circa secundum, & tertium modum compositionis: in utroque enim salvatur propria ratio transactionis, quia in utroque vere intercedit pactio onerosa, seu non gratuita, & de re dubia spirituali, ac lite incerta, quia per talem conventionem uterque renunciat aliqua ex parte juri, quod prætendebat, & non omnino gratis, sed aliquid etiam lucrando, & obtinendo, sive de re ipsa, de qua erat lis, sive de alia; hoc enim nihil refert, quominus pactio gratuita non sit, quandoquidem semper commutatur jus dubium circa rem totam pro aliquo jure, vel dono certo.

Variis modis potest esse compositio de re spirituali.

1. Resolutio.

4 Difficultas ergo est, an hæc transactio in spiritualibus semper reprobetur ut simoniaca? Et ratio difficultatis oritur primo ex dictis, quia omnis pactio in spiritualibus simoniaca est, juxta caput ultim. de Pacti. & caput *Quam pio*, cum similibus, prima, questione secunda; sed quod pactio fiat ad finem concordie, & pacis, non tollit in infecam malitiam talis pactio, quia non sunt facienda mala, ut eveniant bona; ergo. Secundo videtur hoc aperte definitum ob hanc eandem rationem in dicto capite *Super eo*, & capite *Præterea* 1. & capite ultim. de Rerum permut. In contrarium autem est, quia, hic modus pacti, & transactionis in spiritualibus videtur & consuetudine, & jure probatus: præsertim si prælati auctoritas, & consensus accedat, ut patet ex capite 1. & 2. capite *Veniens*, de Transacti. ergo signum est, in se non continere simoniacam pravitatem, alias non posset prælati auctoritate robur accipere. Immo etiam sine prælati interventu censetur valere quoad personas transigentium inter se, quamvis successores obligare non possit, non propter simoniam (alias neque inter transigentes valeret) sed quia privata conventio non

Difficultatis articulus.

potuit

potuit successores obligare, ut dicitur in dicto cap. *Veneriens*; ergo.

5 In hoc puncto distinguendum est tam de materia transactionis, quam de re, quæ in compensationem datur. De materia enim supponimus, debere esse aliquo modo spirituale: alias transactio ad simoniam pertinere non posset. Potest autem esse aut res mere spiritualis, nullum temporale habens annexum, aut potest esse jus spirituale habens annexam rem temporalem consequenter, quam materiam vocamus beneficium; sive proprium beneficium sit, sive illud inietur in prædicto modo spiritualitatis: vel potest esse spirituale quid, quasi adjacens rei temporali, seu habens temporale annexum antecedenter, quod perinde est; vel potest esse temporale spirituali annexum ut sic, id est, retinens annexionem per ecclesiam factam: vel denique potest esse temporale, quod licet fuerit annexum rei spirituali, possidetur, & habetur ut disjunctum, & separatum a jure spirituali, sicut decimæ possidentur a laicis, vel commendæ. Similiter id quod datur in compensationem potest esse vel aliquid spirituale ejusdem rationis, & ordinis, vel aliquid spirituali annexum, vel aliquid mere temporale. Ad judicandum ergo de transactione oportet considerare quod, pro quo commutetur, & applicanda sunt generalia principia de simonia. Et in hoc sensu dixit Silvester, verb. *Transactio*, vers. *Secundum*, in fin. transactionem licere, ubi non intervenit simonia, non licere autem, ubi intervenit. Quia vero hoc ipsum est, quod inquirimus, quando scilicet, interveniat, vel non interveniat simonia, addit, hoc per applicationem definitionis simoniæ judicandum esse. Quod per sequentes propositiones breviter fieri potest.

6 Dico primo: Transactio, in qua jus spirituale pro aliquo temporali remittitur, vel retinetur, est mala, & simoniaca. Est certa, & communis sententia: tenet Gloss. 1. in capite 2. & in capit. *Super eo*, de Transactio. & ibi Innocen. Panormitan. & alii; Major. in d. 25. questione 5. ad 4. Silvest. Angel. Tabien. & alii Summistæ, verb. *Transactio*. Et habetur expresse hæc decisio in capit. *Cum pridem* de Pact. & capite secundo, de Arbitris, capite, *Præterea*, primo, & secundo, de Transactio. & capite ultim. de Rer. permur. Ratio vero est clara; quæ in principio facta est, nam in transactione revera fit quedam permutatio, quæ sub venditione comprehenditur, quando pretium intervenit; cum ergo transactio fit, remittendo spirituale pro temporali, venditur spirituale ab eo, qui illud remittit, & e converso si retinetur, & quasi firmatur spirituale, dato temporali, emitur aliquid spirituale. Declaratur ex dictis de redemptione vexationis; diximus enim, debere esse jus certum, ut redemptio vexationis locum habeat, quia si sit dubium, non vexatio redimatur, sed ipsum spirituale per pecuniam quasi confirmatur, & retinetur: sed in transactione supponitur jus spirituale dubium; alias non esset transactio, ut diximus: ergo nullo modo licet, jus illud pecunia redimere, quod fieret per illam transactionem. Atque hæc regula formaliter applicata habet locum in omni genere spiritualium, si suam spiritualitatem retineant saltem per annexionem; nam si hanc amiserint, jam non sunt proprie spiritualia, & quid de illis dicendum sit, infra videbimus.

7 Igitur si spiritualis jurisdictio in litem vocetur, non licet transigere dando pecuniam, nam est clara simonia, de qua in d. capit. *Præterea* 2. Item si beneficium sit litigiosum, non licet componere litem, vel dando pecuniam auctori, ut desistat, vel recipiendo ab illo pecuniam, juxta d. cap. *Constitutus*, & relinquendo illi beneficium. Quomodo autem liceat, acceptando pensionem transigere, infra dicemus. Item, si de jure præsentandi questio sit suborta, non licet transigere, dando pecuniam alteri, ut desistat, ut in d. c. *Præterea* 1. Item, si de rebus sacris, verb. grat. de reliquiis, controversia oriatur, non licebit transigere, data, vel accepta pecunia, quia eadem ratio simoniæ intervenit: idemque cum proportionem esset de aliis rebus sacris, in quibus temporale est an-

nexum antecedenter spiritualitati, si ratione spiritualitatis magis æstimarentur ad transactionem faciendam altiori pretio: nam si solum materiale in eis consideretur, sicut vendi possunt, ita etiam super eas transigi poterit, ut constat. Denique si de officio ecclesiastico, quod per ecclesiam ita est annexum spiritualibus, ut ex prohibitione ejus vendi non possit, lis oriatur, non poterit pecunia componi, quia illa etiam est quedam simonia contra jus positivum, nisi dispensatio prælati intercedat.

8 Dico 2. Transactionem in materia spirituali non beneficiati cum aliqua compensatione per largitionem, vel cessionem alterius rei, vel juris spiritualis proportionati, non esse simoniacam, & ideo fieri posse de consensu partium absque auctoritate prælati, quantum est ex vi transactionis. Hanc assertionem sumo ex Abbate in d. cap. 2. & capit. *super eo* de Transact. cum Innoc. & aliis ibi. Probatur autem ratione; quia hujusmodi transactio neque est intrinsece mala tanquam simonia contra Divinum jus; nec etiam est jure ecclesiastico prohibita; ergo. Prior pars antecedentis probatur, quia datio, & acceptio spiritualis pro spirituali non est simonia contra Divinum jus, ut supra probatum est: sed in hoc modo transactionis nihil aliud fit; ergo. Et similiter probatur posterior pars, quia similis permutatio propria auctoritate facta non est prohibita jure ecclesiastico extra materiam beneficiorum, & ea, quæ illam concernunt, ut supra etiam ostensum est; ergo idem est de transactione, præsertim quia nulla potest assignari talis prohibitio specialis.

9 Potestque hæc regula applicari fere ad omnia exempla proxime data; nam si contentio sit de jurisdictione spirituali, posset fieri transactio, ut alternis visitent, aut eligant, aut præsentent, si de his juribus lis oriatur: vel si episcopi contendant de jure in aliquam ecclesiam, possent convenire, ut unus jurisdictionem, alius provisionem beneficiorum in illa habeat. Similiter si de rebus sacris lis esset, ut de reliquiis, possent litigantes per transactionem illas inter se dividere: vel si non expediret dividere, posset res, quæ in litem adducitur, uni applicari sub conditione, ut aliam reliquiam alteri parti donaret. Non tamen posset tunc compensari per rem sacram pretiosam ex parte materiæ, quia censeretur potius dari ratione materiæ, ratione cujus vendibilis est, & ideo diximus, in hac transactione servandam esse proportionem. Item in rebus annexis ad spiritualia maxime locum habet hæc transactio in decimis, quando de illis est lis, & fit conventio, ut unus partem quamdam habeat, alius aliam; vel si monasterium cum episcopo, vel alio monasterio litiget de fructibus alicujus ecclesiæ sibi unitæ, potest compositio fieri, vel partem fructuum relinquendo alteri, vel alterius ecclesiæ fructus: & sic de aliis, quæ communia sunt apud auctores, quia in illis omnibus non invenitur commutatio spiritualis pro temporali, sed spiritualis pro spirituali, & annexi pro annexo cum proportionem. Quæ non est prohibita in jure: immo ex multis juriibus vel aperte, vel per æquivalentiam sumi potest. Ut ex capit. *Ad questionem*, de Rer. permur. capit. *Cum venerabilis*, de Censib. c. *Constitutus*, de Relig. dom. c. *Ex multiplici*, de Decim.

10 Solet autem interdum in his transactionibus auctoritas prælati postulari, ut in cap. 2. de Transactio. Et ad hoc insinuandam, & exceptionem aliquam faciendam addidi in assertionem, quantum est ex vi transactionis; nam illa de se, ut careat vitio simoniæ, non requirit auctoritatem prælati, tamen ut valeat, poterit aliunde illa indigere. Primo si res spiritualis, quæ in recompensationem datur, in dubium non vocetur, sed extra litem sit, & ad illam conferendam alteri sit necessaria auctoritas prælati. Et ideo prælati ipse interdum potest jus aliquod spirituale certum alteri dare, ut recedat a lite super alio spirituali jure, inferior autem hoc facere non poterit sine consensu sui prælati, ut in ultima parte assertionis insinuavi. Postulatur autem hæc prælati auctoritas, ut talis transactio possit esse perpetua: nam ut valeat inter personas, non est necessaria, ut constat ex capite *De cetero*, eod. Con-

Distinctiones
necessariæ.

Regula
ad hoc
judicandum.

1. Conclusio.

Non licet
in transac-
tione
spirituali
dare
pecuniam.

Continet enim interdum hæc transactio quamdam alienationem bonorum ecclesiasticorum, & ideo, ut firma sit auctoritas prælati, necessaria est, immo & aliæ conditiones ad talem alienationem necessariæ postulatur, de quibus alibi. Quando autem cum laicis fit transactio super decimas, ex speciali juris dispositione, pontificis confirmatio necessaria est, juxta capit. *Veniens*, de Transactio. & cap. *Venerabiles*, de Con. util. vel inutil. & capit. *Decimas*, quas 16. quæst. 7. de quo aliquid attingimus cap. præced. & videri possunt dicta supra tract. 2. lib. 1. cap. 5.

Tertia conclusio,

11 Dico 3. In materia beneficii non est licita transactio, etiamsi in ea spirituale pro spirituali transfigatur, quando illa propria auctoritate litigantium fit, vel ad arbitrium privatum virorum prudentum; auctoritate autem prælati poterit honestari. Prior pars communis est Innocent. Panormit. & aliorum in cap. *Constitutus*, & d. cap. *Super eo*, qui ita intelligunt illa jura, quatenus simpliciter damnant omnem transactionem in spiritualibus, nam in beneficiis potissimum loquuntur. Idem Gloss. in capite *Si quando*, de offic. deleg. Gloss. in capite *Ea que* 1. quæstione 3. Idem Præpos. in capite *Quampro* 1. quæstione 2. num. 2. Deci. Conf. 436. numer. 18. Rebuff. in Pract. Cancellar. Apostol. versus finem, Lamber. de jure Patron. lib. 3. quæstion. 9. articulo 6. Fundamentum hujus assertionis non est sumendum ex solo jure naturali: nam ex vi illius permutatio spiritualis pro spirituali non est simoniaca, ut supra dictum est: eadem autem ratio est de transactione, ut constat, & statim etiam dicitur. Quapropter non mihi probatur ratio, qua in hoc utitur Silvest. nimirum, transactionem in beneficiis involvere simoniam, quia beneficium non est pure spirituale, sed habet annexum temporale: unde si fiat transactio, semper dabitur temporale pro spirituali, vel e contrario. Hæc (inquam) ratio mihi non placet, ut per se sufficiens ex sola rei natura, quia permutatio beneficiorum ex natura rei non esset simoniaca, si non esset prohibita, ut omnes pro comperto habent, & tamen ibi etiam intervenit temporale annexum spirituali: ergo idem est in transactione, ex natura rei loquendo, quia transactio in beneficiis, dando spirituale pro spirituali, nihil aliud est, quam quædam permutatio facta ad conciliandam pacem, ut exemplis statim declarabimus. Et ratio est, quia licet in beneficio sit temporale, vel non consideratur ut tale, quia accessorium sequitur naturam principalis, vel certe potest servari proportio, ut spirituale intelligatur dari pro spirituali; & temporale pro temporali: nec oportet, ea miscere, aut commutationem invertere, juxta capit. *Ad quæstiones*, de Rer. per. Igitur ex vi solius Divini juris hæc transactio non est simoniaca, nec aliter mala, si debito modo fiat.

Fundamentum assertionis.

12 Fundamentum ergo sumendum est ex jure positivo, quæ talis transactio prohibita est, facta sine auctoritate episcopi. Quod in primis colligi potest ex cap. *Constitutus*. Ubi de transactione in beneficio sermo est, & dicitur habere speciem simoniæ. Et quamvis in casu ibi proposito non explicetur qualis fuerit transactio, sed absolute dicatur, *hinc inde de præstita*, nihilominus cum pontifex respondens nihil distinguat, nec nos distinguere possumus, aut limitare responsionem ad transactionem, in qua temporale datur pro beneficio, sed absolute de quocumque pacto oneroso intelligenda est. Et hoc confirmat capit. *Super eo*, ibi, *Alias, si gratis, & amabiliter inter se litigantes componant*. Hæc enim exceptio firmat regulam in contrarium: omnis ergo compositio, quæ hujusmodi non est, prohibita est in hac materia, sed non potest dici compositio gratuita, quæ fit cum onere dandi, & recipiendi aliud beneficium, aut quid simile; ergo. Habet tamen ille textus aliam difficultatem, quam infra attingam. Confirmari etiam hoc potest ex capite secundo, de Transaction. ibi, *De assensu episcopi, vel archiepiscopi sui*: ubi hæc ponitur ut conditio necessaria, & (ut ita dicam) pertinens ad validitatem, & quasi ad formam transactionis; ergo ubi deest illa conditio, transactio est prohibita. Est autem ibi sermo de transactione super decimas,

multo ergo magis habet locum illa decisio in transactione super beneficia. Denique hoc videtur sufficienter probari ex generalibus regulis, quod in beneficiis aliquo modo acquirendis omnis pactio, & conventio, omnisque permutatio, etiamsi sit de spirituali ad spirituale, prohibita est, sed transactio inter hæc pacta onerosa continetur, ut constat, & per illam acquiritur beneficium aliquo modo, vel quia, cum jus sit dubium, fieri potest, ut in re sit nullum, & per illam pactio obtineatur, vel si in re est verum, erit infirmum, & dubium, & ita aliquo etiam modo acquiritur, dum sit certum per tale pactum.

Tripliciter potest fieri hæc transactio.

13 Ut autem hæc conclusio magis explicetur, utile erit proponere tres modos, quibus hæc transactio fieri potest. Unus est, quando contenditur de uno beneficio tantum, & tunc non potest dari spirituale pro transigendo ex re ipsa, circa quam litigatur, quia beneficium divisibile non est. Quod si pensio imponatur ex conventionem partium, mere temporale quid erit (quidquid dicat Major. dicta quæstione 5.) & ita fiet transactio, dando temporale pro spirituali, quod non licet: posset autem dari aliquid spirituale, quod sit extra materiam litis, ut si litigans pro beneficio pingui det colliganti aliud beneficium, quod pacifice ipse possidet, ut sibi pacificum relinquat pingue beneficium, & talis transactio æquivaleret permutationi unius beneficii pro alio, & ideo prohibita est sine auctoritate superioris. Vel si non sit propria permutatio, erit renunciatio beneficii in favorem tertii, non gratuita, sed ex pacto, quæ ex illo duplici capite prohibita est. Aliter vero posset super unum beneficium intelligi hæc transactio, si possidens promitteret alteri, pro dimissione litis accipere illum in vicarium, si beneficium sit curatum, vel in coadjutorem, si sit canonicatus; vel si promitteret, providere illum de beneficio, aut vicaria, si sit dignitas habens similes promissiones annexas, aut præsentare illum in alio beneficio, si sit patronus, vel procurare illi aliquid hujusmodi. Et in his omnibus interveniunt pacta prohibita, & magna ex parte reduci possunt ad commutationem spiritualis pro temporali: & posset aliqua ex parte applicari ratio Silvestri supra facta. Nam pro obtinendo beneficio cum suis redditibus venditur presentatio, aut vicaria, & cetera. Et e contrario promissiones interdum possunt esse pretio æstimabiles. Ita ergo nullus modus occurrit, quo possit fieri transactio circa unum litigiosum dando, vel promittendo pro illo aliquid spirituale.

1. Modus.

2. Modus.

3. Modus.

14 Aliquando vero potest lis esse super plura beneficia simul: & tunc potest intelligi transactio, si inter se partes conveniant, ut unum beneficium uni detur, & aliud alteri, quod unusquisque pacifice possideat renunciando alii, vel aliis. Et in hoc modo videtur esse minor ratio simoniæ, quia sit minor permutatio beneficiorum, & videntur pauciora pacta intercedere. Sed nihilominus ratione conventionis non gratuita non potest propria auctoritate fieri: eo vel maxime, quod cum jus utriusque partis dubium sit, non potest per voluntatem transigentium dari, vel renunciari in alium, si fortasse illud non habeat, & ideo necessaria est prælati auctoritas.

15 Denique potest transactio hæc tertio modo excogitari, nimirum, si litigantes invicem sint actores, & rei, ut esse poterunt, si uterque proprium beneficium possidet, & uterque vicissim alteri moveat litem super beneficium suum: possunt autem transigere, vel ita ut conveniant de permittendis beneficiis simpliciter, ut lites cessent: vel certe si unusquisque contentus suo beneficio liti cedat, dummodo alter cedat. Prior modus sine dubio non licet sine prælati auctoritate, quia ipsa permutatio illam postulat, & quod beneficia sint dubia, non minuit necessitatem, sed potius augeat, quia sola prælati auctoritas potest reddere jus certum. Idemque dicendum censeo, si non petatur beneficium ex utraque parte: sed alter petat beneficium alterius, iste vero ab alio postulet aliud spirituale jus jurisdictionis, vel simile. Quia etiam permutatio beneficii pro tali jure, vel renunciatio sub tali conditione, eodem modo prohibita est, quia non est pura, sed sub modo, & conditione. Posterior autem

modus videtur licitus, & sine specie simoniæ prohibiti-
tæ; quia ibi non tam fit compositio super beneficium,
quam super litem; & licet non omnino gratuita, non
tamen fit dato pretio temporali, sed aliquo spirituali
proportionato, quale est præteritum jus ad benefi-
cium, seu illius absoluta renunciatio pro alia simili,
quæ non videtur contenta in prohibitione juris, cum
ibi nulla permutatio beneficiorum, nec nova acquisi-
tio, aut renunciatio intercedat. Nec etiam antiquum
jus in se melius fit, sed solum cessatur ab impugnatio-
ne ipsius; & tunc unusquisque transigentium tenebitur
consulere conscientiæ suæ, & examinare, quale
sit jus, quod in suum beneficium habet, ad quod etiam
teneatur ante litem motam, si dubitatio aliter orta
fuisset. Manet ergo res de se in eodem statu, in quo
ante litem erat, quantum ad spiritualia jura: nihil
ergo spirituale acquisitum est, vel datum, aut acce-
ptum per illam transactionem; & ita nec est simonia,
nec repugnat conclusioni positæ, quia proprie non est
transactio super beneficia, sed super obligationem non
litigandi mutuum, & reciprocam, quæ nullo jure
prohibita est in tali materia.

16 Superest, ut ostendamus, hanc transactionem fieri
posse auctoritate episcopi. De quo nulla est dubita-
tio inter auctores, ut ex d. cap. 2. de Transaction. sa-
tis colligi potest; & clarius ex generali regula supra
tradita de rerum permutatione. Nam permutatio be-
nificiorum ex causa honesta fieri potest in manibus
prælati: sed causa transactionis est satis honesta; ergo
similis permutatio, vel quæcumque compensatio
spiritualis facta alteri parti pro beneficio dubio, vel
jure ad illud, cui renunciatur, si in manibus prælati
fiat, valida erit, & libera ab omni simonia. Quia
nec per se talis est, ut constat, nec invenitur prohibi-
ta facta illo modo, neque ullam habet speciem mali,
cum spirituale pro spirituali detur, & prælati auctori-
tas interveniat.

Dubitatio
prima cir-
ca hoc.

17 Sed quæres 1. An possit episcopus in eo casu or-
dinare, ut unus retineat beneficium, quod in litem
adducit, & de illo solvat pensionem alteri parti. Vi-
detur enim non posse, quia ibi fit compensatio juris
spiritualis pro temporali onere, quod non licet, ut
ex cap. 2. de Arbitris, & ex cap. ultim. de Rer. per.
paret. Antecedens constat, quia pensio est quid mere
temporale. Respondeo, duobus modis posse hanc
pensionem imponi: uno ex mero arbitrio, & providen-
tia prælati, quæ ex conventionem partium arbitri
constituitur ad transactionem componendam, quæ
nihil prius inter se de pensione tractant, sed rem to-
tam prælati arbitrio componendam relinquunt, ipse
vero suo arbitrio modum illum compositionis consti-
tuit. Alio modo fieri potest, ut partes prius inter se
de tali modo compositionis conveniant per ordinem ad
consensum, & approbationem prælati, sicut supra
diximus, fieri posse in permutatione beneficiorum. De
priori modo nulla esse potest controversia, quin sit li-
citus, expresse enim approbatur in cap. *Nisi*, de
Præbend. ut constat ex illis verbis: *Quod autem ordi-*
natum est circa reliquum, ut ipse viginti libras de red-
ditibus capituli, & quadraginta de proventus prio-
ratus percipiat annuatim, hoc secundum providentiam
intelligitur esse præceptum ex arbitraria potestate. Et
ita docent ibi Hostiens. Panor. & alii, & Gigas refe-
rens alios quæst. 6. de Pension. num. 3. & 4. Major. in
4. d. 25. quæst. 5. ad 4. Ubi ad argumentum factum
respondet negando, pensionem esse aliquid spirituale.
Quæ responsio licet nunc verum fundamentum assu-
mat, tamen ante Pium V. fortasse non ita erat, ut su-
pra vidimus, & ita ex vi juris illud fundamentum ne-
cessarium non est. Unde dici etiam posset, illam tran-
sactionem non fieri ad compensandum spirituale per
temporale; sed episcopum posse auctoritate sua separa-
re portionem illam a fructibus beneficii, & illam ju-
ris de causis alteri applicare, ut statim generalius ex-
plicabimus.

Resolvi-
tur.

Quæstion.
sola subo-
rigatur.

18 Quæri autem solet, an talis pensio imponi pos-
sit ad vitam ejus, cui assignatur, vel solum ad vitam
personæ, vel etiam ut onus beneficii? Dissensio est
inter auctores: nam in dicto cap. *Nisi* insinuat, ut
solum posse imponi ut onus personæ, nam cum hac li-

mitatione approbatur in fine textus: Erratio reddi-
tur: *Ne forte circa proventus aliqua videatur facta*
sectio prioratus: quæ ratio in omnibus beneficiis mi-
lirat. Et ita sentiunt ibi aliqui interpretes, & potest
confirmari in cap. *Veniens*, de Transact. ibi. *Nisi præ-*
fati monachi, transactionem præscriptam auctoritate
apostolica confirmatam esse, docuerint; ubi auctori-
tas papæ videtur postulari ad similem impositionem.
Et hanc partem sequitur Azor tom. 2. lib. 8. capit. 6.
contrarium autem videtur colligi ex cap. *De cetero*,
de Transact. per argumentum a contrario. Dicitur
enim ibi, pensionem impositam per transactionem
juridicam sine episcopi auctoritate non excedere vi-
tam ejus, qui pensionem solvit; ergo, intervenien-
te episcopi auctoritate, potest excedere vitam benefi-
ciarii, ac subinde super beneficium ipsum imponi. Et
ita notant ibi expresse Panor. titanus, Cardinalis, &
alii, quos refert, & sequitur Gigas dicta quæst. 6.
Caccialupus quæst. 5. Gambar. libro sexto. de Offic.
& potest legati a num. 77. Atque hæc posterior senten-
tia videtur juri conformior propter dictum caput *De*
cetero, cui consonat caput 3. de Collusion. de regen.
Ubi aperte supponitur, per viam transactionis, quæ
arbitrio episcopi fieri solet, posse ita pensionem super
beneficium imponi, ut pensionario solvenda sit, et-
iam si beneficiarius moriatur. Et ita videtur usus de-
clarasse hæc jura. Quocirca licet episcopus ordinarie
non possit pensionem super beneficium imponere juxta
commune jus, ut beneficia sine diminutione conse-
crantur, nihilominus regula illa patitur exceptiones
aliquas, quando ex jure, vel consuetudine sufficien-
ter colliguntur, & una illarum hæc est. Nec obstat
dictum caput *Nisi*, quia ibi non fuerat pensio imposi-
ta auctoritate episcopi, sed aliorum arbitrio, & ita
concordat cum dicto cap. *De cetero*. Et ita in hoc
præfertur auctoritas episcopi auctoritati aliorum ju-
dicum extraordinariorum, qui in arbitros eliguntur,
etiam si illi sint sedis apostolicæ delegati. Caput au-
tem *Veniens* non facit ad causam, quia ibi non est
sermo de transactione super beneficium, nec de pen-
sione ad vitam pensionarii, sed de transactione super
obligationem decimandi, & remissione, seu diminu-
tione perpetuo duratura, quæ sine papæ auctoritate
fieri non potest.

19 Jam vero superest dubium, an possit hæc pen-
sio imponi secundo modo explicato ex conventionem
partium antecedente, episcopo proposita, ut illam
approbet, & transactionem consummet? Videtur
enim hoc etiam esse licitum, quia quod potest fieri
episcopi auctoritate, & arbitrio, potest etiam ab ipso
peti, ut fiat, non potest autem peti, nisi prius partes
inter se in eo conveniant: ergo non erit simonia, hoc
prius inter se tractare in ordine ad confirmationem
episcopi. Et potest hoc suaderi omnibus rationibus,
quibus supra ostendimus, hunc tractatum licitum esse
in beneficiorum permutationibus; in contrarium ve-
ro est, quia talis conventio inter partes esset de dando
temporali pro cessione juris spiritualis, seu pro reti-
nendo spirituali: hæc autem pactio expresse reproba-
tur in dicto cap. *Constitutus*, & cap. *Præterea* 1. & 2.
de transactione. Immo similis pactio pontifici Ale-
xandro III. proposita, ut ab eo confirmaretur, ab eo
rejecta est, quoniam videbatur illicitæ pactiois spe-
ciem continere, ut refertur in capite *Cum pridem*,
de pactis. Denique communiter canonistæ ad hoc
genus transactionis, in qua temporalis pensio uni da-
tur, & alteri beneficium adjudicatur, requirunt ut
conditionem necessariam, quod id fiat iudicis arbi-
trio, & non ex prævia conventionem, & petitione
partium, quia in dicto cap. *Nisi* expresse honestatur
talis transactio ex eo, quod ex providentia iudicis fa-
cta est, & in aliis textibus præsertim in dicto cap. *Cum*
pridem improbat, quia a partibus incepit. At-
que ita sentiunt Hostiens. Panor. titanus, & alii ibi
& in dicto c. *Nisi*, & in cap. ult. de Rerum permuta-
tione, & c. 2. de Arbitrio.

20 Quamvis autem hæc doctrina recte explicata
vera sit, possumus nunc distinctione uti de pensione:
aut enim spiritualis est, aut mere temporalis. Diximus
enim supra, pensiones, quæ dantur clericis, ut cleri-
ci sunt,

ei sunt, non conferre nunc jus mere temporale ad fructus pensionis, sed illos etiam esse annexos alicui officio, ac titulo spirituali: & has vocamus spirituales pensiones: mere autem temporales sunt, quæ dantur sine ullo spirituali titulo ad effectum temporalem, quæ possunt etiam a laicis possideri. Quando ergo transactio fit cum onere spiritualis pensionis, crediderim, non vitari, nec simoniace fieri, eo quod fiat prius conventio inter partes, quantum est ex parte illarum cum subordinatione ad prælatum, & sub conditione, si ipse approbaverit, & confirmaverit transactionem. Ratio est, quia tunc non datur, vel accipitur temporalis compensatio pro spirituali beneficio, vel jure ad illud: sed spirituale quid, nam pensio illa spiritualis est. Et licet habeat temporale annexum, non obstat, ut diximus, quia temporale est accessorium, & sequitur naturam principalis, & quia idem in ipso beneficio invenitur. In hoc autem modo transactionis dandi spirituale pro spirituali, nullum invenitur jus Canonicum, quod specialiter, & absolute illum prohibeat fieri per partium conventionem absolute, & simpliciter, sed inveniuntur tantum generales prohibitiones permutationum, & pactionum in materia beneficii, quæ non extenduntur ad eas, quæ in ordine ad consensum prælati fiunt. Et quamvis renunciatio, vel permutatio beneficii cum pensione regulariter non possit fieri nisi a Papa, tamen propter bonum pacis, & causa transactionis potest per episcopum fieri, ut diximus, & ideo etiam fieri potest ad petitionem partium, quia nullum est jus hoc prohibens. Et idem censo de quacumque transactione super litigiosum beneficium, in qua jus aliquod, vel ministerium spirituale datur in recompensationem, juxta varia exempla superius posita: est enim eadem ratio in omnibus, ut licet sola voluntas partium consummari non possit transactio, possit tamen tractari & mutui consensus præstari cum ordine ad prælatum, cujus arbitrio consummetur.

21 At vero quando pensio est mere temporalis, tunc imponi non potest ad requisitionem partis, nec inter litigantes potest antecedere talis conventio, quod si antecedit, eo ipso est a prælato reprobanda. Ita colligitur ex dicto c. Cum pridem. Ipse autem prælatus arbitretur ex officio suo, & providentia, si judicaverit expedire, poterit talem pensionem imponere, juxta dictum ca. Nisi, sic ab omnibus intellectum. Nam ex principio illius colligitur, pensionem ibi impositam fuisse mere temporalem, alias non esset, cur Pontifex diceret, nisi arbitri fuissent viri providi, & honesti, potuisse transactionem videri suspectam, propter perniciem exempli, nam si pensio fuisset spiritualis, nulla esset umbra mali exempli: supponit ergo, fuisse temporalem, & nihilominus eam approbat, quia ex providentia judicium non ex partium conventionem imposita est. Ratio autem differentie est, quia si conventio incipiat a partibus, speciem pravam habet, quia cum in illa spirituale, ac temporale interveniat, magnum periculum est, ut unum pro alio detur, quia partes non solent intendere, nisi utilitati propriæ, & maxime temporali, iudex autem & ratione officii præsumitur habere intentionem rectam, & cum in ea causa constituitur tanquam communis distributor, ei concessum est, ut possit providere utrique parti etiam de fructibus beneficii, prout sibi magis expedire visum fuerit.

22 Dices: Quo titulo potest prælatus in eo casu applicare aliquid temporale parti cedenti juri suo, cum illud jus spirituale sit, licet dubium: nam pro ipso met jure non potest dari, nec tanquam pretium illius renunciationis: hoc n. contra jus Divinum est, ut in prima assertionem diximus? Ad hoc solet communiter responderi, temporale illud dari ex providentia iudicis propter bonum pacis: nam hanc causam assignat Pontifex in ca. Nisi. Sed utgeo ulterius, quia hoc bonum pacis in tali casu non est aliud, nisi quod lis cesset, & dissensio, non autem cessat, nisi quatenus utraque pars renunciat juri suo; ergo in effectu dare temporale pro bono pacis, est dare illud pro renunciatione juris, per quam talis pax ex illa parte perficitur. Item ipsum bonum pacis videtur esse quid spirituale, nam est proprius effectus charitatis; ut D. Thom. tradit.

Suarez, Tom. XII.

Respondeo primum, bonum pacis non solum esse spirituale bonum, sed etiam esse commodum temporale, & magnam utilitatem temporalem secum afferre: & ideo posse pecunia æstimari: & ideo in illo textu non solum dicitur: *Pro bono pacis*, sed additur, & *utilitatis*, quod ego de temporali utilitate intelligo: nam sicut lites magnas afferunt incommoditates temporales: ita pax temporales etiam utilitates adducit, & ut sic pecunia æstimabilis est. Nec obstat, quod ad illam pacem perveniat renunciando juri, & præstationi spirituali, nam illud per accidens est, & ad talem compensationem non consideratur, sed solum ipsum bonum, & utilitas pacis. Secundo addo, in hac impositione temporalis oneris posse considerari ab arbitrariis rationem aliquam injustitiæ, ob quam merito possit beneficio, aut beneficiatio onus imponi, vel licet non attingat rigorem justitiæ, quem arbiter non semper servare tenetur, ut amicablem pacem componat, potest habere magnam æquitatem: talis autem causa esse potest necessitas alimentorum, ad quæ recipienda ex tali beneficio potest clericus habere justam causam, ratione juris saltem dubii, quod ad illas habet, vel etiam adjungi possunt labores, expensæ, & aliæ incommoditates, quas in prosecutione causæ passus est, quæ rationes temporales sunt, & possent ab arbitrariis considerari, ut aliquid temporale alteri litigantibus applicent.

23 Sed adhuc possunt obijci c. 2. de arbitris, & ult. de rerum permut. Nam in illis reprobari videntur similes transactiones cum aliqua præstatione temporali in commodum alterius partis juri suo renunciantis. Respondeo, de intellectu horum jurium multa ab interpretibus tradi, sed quia ad nos non spectant, breviter dico, in d. c. 2. non omnino reprobari arbitrium, propter solam præstationem temporalem, nam in fine illius dicitur: *Si arbitrium ipsum videris equitate subnixum, ad observantiam illius utramque partem compellas*. Poterat ergo, ut Panor. notat, esse æquum non obstante pecuniæ largitione, & acceptione, ac impositione. Tamen juxta narrationem factam, statim illud arbitrium apparebat iniquum, & consequenter magnam speciem habere simoniæ: nam & a dolo, & fraude acceperat initium, & ex favore ad alteram partem latum fuerat; unde verisimile erat, ad instantiam ejus fuisse latum, & præterea oblata pecunia, coactus est renunciare beneficio ille, qui certum jus in illo habere videbatur, & per vim illo fuerat spoliatus, quod si ita erat, non dabatur pecunia pro bono pacis, sed pro renunciatione beneficii, quod simoniacum est. Ac denique, cum clericus ille multo tempore privatus fuisset injuste possessione, & fructibus beneficii, & exulare coactus, pro solis quinque marchis argenti jubebatur renunciare non solum beneficio, sed etiam toti quæstioni, quod non solum simoniacum, sed etiam injustissimum erat. Ex illo ergo textu nullum argumentum ad præsentem materiam sumi potest. In capite autem ult. de Rer. per. per arbitrium iudicium non tam fiebat transactio, quam venditio perpetua juris decimandi: unde fit verisimile, & ortum fuisse arbitrium ex concordia partium, ut ex ipsa facti narratione facile intelligi potest, & constat etiam arbitrium non fuisse fundatum in bono pacis, sed in compensanda, & permutanda una re pro alia, quod non licebat etiam ex arbitrorum providentia: & hoc aperte supponit Pontifex, cum decernit irritum aliud arbitrium, quia *permutatio de spiritualibus ad temporalia improbat*.

24 Quærit tandem in hoc puncto potest, an transactio hæc in materia beneficiorum fieri possit absque specie simoniæ, absque interventu prælati, ad arbitrium aliorum privatorum iudicum, aut clericorum, ex consensu litigantium? Loquimur autem de transactione propria, nam de amicabile compositione pure gratuita iam supra dictum est, posse fieri ex solo consensu partium, vel cum arbitris, vel sine illis. Sed difficultas est, quando partes amicablem conveniunt, ut compositio inter ipsas fiat per arbitratores, sine interventu prælati, an illi possint compositionem facere per modum transactionis abs-

Respon-
deatur
quæstioni
culæ.

Obje-
ctio.

Solvitur.

Quæstio.
cu' a subo-
rietur.

Alia quæ-
stio.

que simoniae specie. In quo in primis supponimus, tale arbitrium non posse nisi in clericos compromitti, quia materia, & personae ecclesiasticae sunt. Deinde est certum, posse partes, si velint, compromittere in iudicem, vel iudices causae, ut non solum ut iudices, sed etiam ut arbitratores rem componant, ut constat aperte ex d. c. *Nisi*, de praebend. & c. *De cetero*, de transact. Et tunc est certum, posse tales iudices arbitros per modum transactionis rem componere, adjudicando semper beneficium ei, qui verum titulum habet, aut habere magis praesumitur, & probatur: & imponendo beneficiario onus aliquod temporale, si ad bonum paris oportuerit, quamquam non possint super beneficium onus pensionis imponere sine consensu praetati. Primum sumitur ab omnibus Doctoribus ex d. ca. 2. de arbitris. Et ratio est, quia esset clara iniustitia, privare beneficio eum, qui jus habet in illud, & si id fieret data pecunia, haberet magnam speciem simoniae. Secundum autem sumitur ex aliis iuribus, ut explicatum jam est.

48 Praeterea potest hoc arbitrium committi, ex consensu partium, alicui, qui non sit praetatus partium, nec ordinarius, aut delegatus iudex causae, quia hoc non est prohibitum in iure, & ita omnes Doctores tradunt, posse per huiusmodi arbitrum fieri amicabilem compositionem. Tunc vero difficultas est, an talis arbitrator possit imponere simile onus temporale beneficiario: nam in iure non invenitur casus similis, in quo talis transactio, seu onerosa compositio approbatur: nam in dicto ca. *Nisi* & in dicto c. *De cetero*, arbitri fuerunt ipsi iudices delegati. Unde Anton. in dicto c. *Nisi*, n. 6. concludit, huiusmodi arbitros non posse praecipere dare pecuniam. Sed contrarium credo verius, & videtur mihi id aperte supponi in dicto ca. 2. de arbitris, ut supra ponderavi cum Panor. ibi n. 10. qui aperte hoc sentit, nam arbitri ibi constituti non fuerant iudices, sed tantum quidam clerici, & tamen in illo textu supponitur, eorum arbitrium potuisse esse aequum, & servandum. Deinde, licet arbitri electi essent iudices, postea ad componendum possunt uti sola potestate arbitratorum; ergo per eandem possent id facere, etiamsi non essent iudices, quia materiale illud est, & nullum est jus, quod statuat, esse necessariam in tali arbitrio talem personae qualitatem.

C A P U T LII.

An vitium simoniae cadere possit in Pontificem, vel ejus curiam?

De causis
simoniae.

Causae
simoniae
intrinsiccae.

Explicavimus haecenus simoniae vitium secundum se, attingendo omnes species ejus, seu modos, quibus committi potest, superest dicendum de causis, & effectibus ejus. Causae autem quaedam sunt intrinsecae, ut materia, & forma, aliae extrinsecae, ut finis, & efficiens. Priores eo modo, quo in actu humano inveniri possunt, satis sunt cum ipso actu, seu vicio explicatae, diximus enim de materia ejus, & de pretio, ex quibus coalescit quodam modo proxima materia, quae est contractus, circa quae studiosa voluntas versatur, quae dici potest quasi forma simoniae. Quod si in ipsa voluntate materiam, & formam distinguere velimus, actus ipse realis voluntatis materia est, pravitas autem ejus est quasi forma, vel potius deformitas ejus. Unde fit ut de finali causa nihil etiam dicendum sit, nam si actus ille consideretur, ut deformis, non habet finem, sed potius defectum debiti finis; si vero spectetur, ut realis actus est, proinde habet suum objectum intrinsecum, qui est vendere rem spirituales, & pro illa pretium recipere, vel convertere emere spirituales rem, dato pro illa pretio: de quo sine satis a nobis dictum est. Alii autem hoc extrinseci, qui ab operante adhiberi possunt, non cadunt sub scientiam, nec ad illam spectant, quia per accidens sunt, & in infinitum variari possunt, ut etiam in superioribus tactum est. Solum ergo de efficiendi causa aliquid desiderari potest, id est, de personis, quae hoc vitium committere possunt: hoc enim ad complementum materiae moralis, & ad

explicandos effectus, seu poenas simoniae necessarium esse potest.

2 Primo ergo, ac praecipue tractari solet haec questio de Summo pontifice, an possit vitium simoniae committere: quam attigit D. Thom. in ar. 1. hujus materiae ad 7. & ibi Cajet. Soto, & alii expositores, & alii Theologi in 4. dist. 25. Summis omnes verb. *simonia*. Canonistae in cap. 1. de simon. ubi Panor. num. 6. Felin. & alii. Idem Panormitan. in Reper. cap. *Extirpanda* §. *Qui vero*, de praebend. num. 53. & 54. Redoan. part. 1. c. 20. Jul. Clar. li. 1. §. *Simonia*, num. 5. Covar. in Regul. *Peccatum*, part. 2. c. 8. n. 8. ad finem, qui alios refert, Navarr. d. ca. 23. n. 108. Est autem considerandum inter hos auctores interdum inveniri dissensionem quasi materialem, quia circa rem, quae venditur, dubitant, an sit materia simoniae, nec ne, vel an sit talis materia de jure Divino, vel tantum de humano: formalis autem nulla videtur esse dissensio: & haec est a nobis consideranda, & ideo breviter potest haec res expediri: nam materialis resolutio singularum questionum ex doctrina in superioribus data petenda est, ut hic breviter indicabo. Suppono autem, non esse questionem hic de potestate committendi hoc peccatum ex parte liberae voluntatis, vel alicujus privilegii in hac parte concessi Summo pontifici, sicut quæritur solet, an pontifex ut privata persona, possit esse haereticus: nam quia simonia solet vocari haeresis, cogitari posset, in illo sensu tractari questionem hanc: non vero ita est, sed movetur ex parte materiae, seu legis simoniae, an habere locum possit in persona pontificis, eamque obligare, nam ex parte voluntatis suae certum est, defectibilem esse, nec habere contra hoc vitium, specialem in bono confirmationem, magis quam contra alia, quamvis moraliter loquendo, vix habere possit occasionem ad hoc vitium committendum, ut explicabimus.

3 Dico ergo primo. In omni materia, in qua simonia committitur contra jus Divinum, etiam pontifex peccabit eodem genere peccati, si illam pro temporali vendat. In hac assertionem omnes conveniunt. Et patet, quia pontifex subditus est juri Divino. Item, quia illa actio intrinsece mala est. Potestque fieri inductio 1. in Sacramentis, si papa illa vendat pro pretio temporali: in reliquiis sacris: Item in doctrina fidei, si papa illam, vel illius definitionem vendere vellet, immo & in ipsamet dignitate pontificia, si pro regno temporali, verbi gratia, tanquam pro pretio illam renunciaret. Idem denique est in omni simili materia, quae de se, & natura sua seu Divina institutione spiritualis est. Adde vero idem esse de rebus sacris, quae ex institutione ecclesiae sacrae sunt, ut si pontifex venderet Agnos Dei, vel grana benedicta majori pretio, quam valeant ratione materiae, solum propter consecrationem, vel benedictionem, quam ipse adjunxit, sine dubio non minus esset simoniacus, quam quilibet alius id committens: quia (ut supra dictum est) licet illa spiritualitas sit expositiva institutione, tamen, hac supposita, simon. quae in illa committitur, contra jus Divinum est. Circa beneficia autem ecclesiastica, sicut sunt opiniones, an illa vendere, sit simonia contra jus Divinum, vel humanum, ita etiam sunt de actu pontificis. Veritas nihilominus est, quod si spirituale jus beneficii a pontifice vendatur, simonia committetur. Juxta hanc ergo conclusionem locutus est Divus Thomas in illa solut. ad septimum, qui ampliat illam, si pontifex accipiat pro re spirituali pecuniam, vel bona temporalia ex fructibus beneficiorum, vel redditibus ecclesiarum, si ex bonis laicorum. Quod verissimum est, si pecuniam illam accipiat ut pretium rei spiritualis, quia tunc alia differentia materialis, & accidentaria est. Verumtamen hoc habet singulare pontifex, quod potest multis justis titulis, & modis pecuniam accipere, vel aliis applicare, cum alicui dat beneficium, sine venditione illius, & sine intentione pretii, & consequenter etiam sine simonia. Et ideo dixi, vix posse pontificem habere occasionem committendi hoc vitium: quia sine venditione potest fere omnes

Assertio

omnes effectus efficere ex pastoralis providentia suprema, qui moraliter illi occurrere possunt: alii vero possibiles, qui excogitari possunt, moraliter non occurrunt, ut ex inductione facta, & ex dictis in superioribus facile constare potest. Et in hoc fundati sunt, qui prudenter dixerunt, in Romanum pontificem vix, aut nullo modo cadere posse suspensionem simoniam, ut videre licet in Redoan. & Jul. Clar. locis citatis, & aliis.

Afferio
secunda

4 Dico secundo, pontificem Summum posse facile vitare simoniam vitium, etiamsi venditiones, vel contractus faciat circa res spirituales, qui iure tantum ecclesiastico simoniaci effecti sunt. Hæc etiam assertio est communis: potest autem explicari duobus modis. Primo si dicamus, iura prohibentia simoniam, quæ de se talis non est, non obligare pontificem: nam hoc supposito, evidens est, non solum posse pontificem illos actus efficere, vitando simoniam, sed etiam non posse illam committere, quia non potest peccare contra illas leges, cum illis non obligetur. Illud autem fundamentum non debet niti in alio generali principio, quod princeps supremus non possit suis legibus obligari, hoc enim verum non est, ut ex materia de legibus supponimus: sed specialiter debet fundari in hoc, quod materia talium legum non spectat ad pontificem: constat autem, quod licet princeps possit sua lege obligari, quando materia ejus uniformiter ad ipsum pertinet, non tamen obligatur, quando materia non est uniformis, sed ex peculiari ratione, & habitudine pertinet ad inferiores, ut tales sunt, ut bene notavit Soto lib. 1. de Just. quæst. 6. art. 7.

5 Quod ergo talis sit materia illarum legum ecclesiasticarum, quæ positivam simoniam prohibent, inductione quadam ostendi potest. Primo enim inter eas leges illæ præcipue censentur, quæ permutationes beneficiorum, vel renunciationes sub conditione, & modo, vel cum pensione aliqua fieri prohibent: ac omnes istæ leges includunt conditionem, nisi in ordine ad pontificis consensum, & auctoritatem, vel nisi in manibus ejus, & similes; ergo ex ipsa forma legum constat, non obligare pontificem. Unde si forte sine rationabili causa, vel contra bonum ecclesiæ pontifex admitteret aliquam permutationem, seu renunciationem ejusmodi, vel imposeret pensionem injustam, licet peccaret contra justitiam, vel fidelitatem dispensationem, non tamen simoniam committeret contra leges prohibentes tales contractus: nam prohibent illos inferioribus, non tamen papæ, a quo non sunt per modum contractuum, sed per modum pastoralis providentiæ, ac dispensationis. Idemque judicium est de illis legibus, quæ prohibent confidentialem simoniam: nam hæc in pontifice locum non habet. Idem est de legibus prohibentibus exactionem stipendiorum pro muneribus spiritualibus alias debitis, quia illæ, ut prohibent injustitiam, naturalem legem continent, & ita obligant pontificem, sed non pertinent ad præsens: ut vero prohibent imaginem, & suspensionem simoniam, non spectant ad pontificem, qui nulla habet certa stipendia pro suis muneribus, nisi quæ ipse definit, & præscribit. Idem est de legibus prohibentibus aliquas largitiones, etiam gratuitas: nam fere omnes illæ diriguntur ad episcopos, & prælatos, ordinarios, ut videre licet in Trident. sess. 21. ca. 1. de Refor. sub quibus non solet Summus pontifex comprehendere.

6 Hic ergo modus dicendi valde probabilis mihi videtur: & certe in omnibus legibus adductis verus apparet, & rationi conformis, quia omnes illæ leges fundantur vel in tollendis privatis actionibus, & negotiationibus circa res spirituales, vel in cavenda omni suspicionem simoniam: prior vero ratio per ipsammet pontificis auctoritatem cessat: posterior autem vix in illum cadit (ut dixit) propter eminentiam sui status, & dignitatis: non videntur ergo leges illæ pontificem comprehendere. Solum posset instari de legibus prohibentibus venditiones officiorum quorundam temporalium ecclesiæ. De illa vero prohibitione & est valde dubium, an pertineat ad simoniam, & probabile est, non esse receptam a

pontificibus pro sua Curia, ut supra dixi. Immo ex forma verborum legis videtur non comprehendere pontificem: illa enim prohibitio maxime habetur in Conc. Chalced. c. 2. quod citat. & probat Urban. papa ca. *Salvator* 1. quæst. 3. & tamen in eo generaliter dicitur, *Siquis episcopus, &c.* sub qua generalitate non solet comprehendere pontifex. Et materia ipsa talis legis hoc postulat: quia nullus rex, vel supremus princ. reipub. prohibetur vendere officia vendibilia suæ reipublicæ. Immo illi soli hoc solet licere, dummodo naturalem justitiam in eo server, & rationem habeat communis boni; ergo in Repub. Christian. non debuit hoc prohiberi supremo principi, sed ejus dispositioni, & prudentiæ relinqui. Et ita videtur sentire specialiter de illa lege Anton. d. ca. 5. §. 2. ver. *Quod autem de papa* 3. citans Hostiens. & Anton. de Butr. & sequitur Tab. verb. *Simonia*, num. 4. Itaque ex vi materiæ talium legum, & ex verbis, & rationibus earum est mihi valde verisimile, non posse pontificem simoniam positivam committere.

7 Secundo tamen modo defendi solet communiter hæc sententia, quia licet pontifex obligetur his legibus, potest secum facile dispensare, & ita non committere simoniam contra tales leges. Ita videntur sentire Panorm. Felin. & alii Canonistæ in d. cap. 1. de simon. & in ca. *Ex parte*, 1. de offic. deleg. Silvest. verb. *Simonia*, qu. 4. Soto lib. 9. qu. 5. art. 2. ad 2. Ratio vero est, quia per dispensationem tollitur obligatio legis, & consequenter vitatur culpa. Sed obici potest primo: quia fieri potest, ut pontifex non habeat animum dispensandi secum, sed parvi pendat obligationem legis. Respondetur primo, ideo in conclusione dictum non esse, papam non posse hanc simoniam committere, sed posse illam non committere: in illo ergo casu simoniam committeret ex pura voluntate, non quia non posset id facere sine tali culpa. Unde addimus, illum casum esse moraliter impossibilem: quia nisi directa, & expressa voluntate dicat pontifex, se nolle secum dispensare, sed velle transgredi legem, quantumvis obliget: eo ipso quod vult sic operari, sciens se posse dispensare in lege, censetur secum dispensare: ille autem alius modus operandi tam est inordinatus, & voluntarius, ut cadere non possit, nisi in depravatissimam voluntatem, quæ velit frangere legem, solum ut frangat illam; & ideo moraliter loquendo potest, dici impossibilis ille peccandi modus.

8 Potest tamen secundo obici, quia licet hoc recte procedat, quando papa secum ex causa rationabili dispensat: non vero si absque causa rationabili velit secum dispensare, nam in hoc ipso graviter peccat, tunc ergo etiam peccabit peccato simoniam. Ad hoc Victoria utrumque concedit, & probat a simili: nam si comederet carnes in die veneris, secum sine causa dispensando, esset intemperatus. Sed eadem est difficultas. Videtur ergo supponere Victoria, dispensationem legis positivæ sine causa datam esse invalidam, & non tollere obligationem legis. Hoc autem in universum verum non est, ut suppono ex materia de legibus. Posset autem dici non improbabiler, quod licet respectu inferiorum sit valida dispensatio, quia respectu illorum legis obligatio omnino pender ex voluntate principis, respectu ipsius principis est invalida, quia non tam propria voluntate, quam ex vi naturalis legis suæ legi subicitur; & ideo vel non potest absque causa secum valide dispensare, vel certe nec dispensare secum potest, sed declarare, se non obligari lege, existente tali causa. Neque mirum est, quod in hoc sit quodammodo strictior ejus obligatio, quia etiam necessitas, & ratio major est. Alii vero dicunt, peccare nunc principem, sic secum dispensando, contra justitiam distributivam, & bonam gubernationem; stante vero dispensatione, jam non committere simoniam, quia dispensatio valida fuit, & absulit obligationem, quæ sublata, illa non est materia simoniam. Immo addunt aliqui, tunc non peccare mortaliter, sed venialiter, secluso scandalo, & injustitia, quia solum peccat, non se conformando toti corpori in

Secundus
modus de-
fendendi
conclu-
sionem.

Obiecta,

Solvitur.

Alia ob-
jectio.

Victoria
responsio

Responsio
aliorum.

Quæstio:
cula sol-
vitur.

observatione talis legis. Sed hoc ultimum non credo, quia graviter peccat secum dispensando sine causa, & eam dispensationem quasi conservando, alias parvi momenti esset obligatio principis ad suam legem servandam. Hoc autem supposito, non est magni momenti illa opinionum diversitas, & utraque opinio est probabilis: Quia vero pendet ex fundamento illo generali pertinente ad materiam de Legibus, ibi dicemus generaliter, quid nobis videatur probabilius.

Resolutio
vera.

Afferio
vera.

9 Dico tertio, pontificem Summum non incidere in penas contra simoniacos latis, etiamsi simoniam, vel contra Divinum jus, vel contra humanum committat. Conclusio est communis omnium, quos reuli, & ceterorum scribentium, quos in re clara referre, necessarium non est. Fundamentum autem est, quia hæc pœnæ jure tantum ecclesiastico sunt latæ (nam de pœna debita in foro Dei non agimus) princeps autem supremus quoad vim coactivam non subijcitur suis legibus, ut D. Thom. tradit 1. 2. q. 96. & ibi latius disputatur, & breviter attigimus tom. 5. de Censur. disp. 5. sect. 1. num. 27. Unde a fortiori constat, in casu simoniæ non posse papam ab aliquo judicari, etiamsi simonia lato modo hæresis appelletur. Quod attigit Panormit. in cap. *Cum venissent*, de judic. num. 7. ubi in additione, verb. *De delicto simoniæ*, multa referuntur. Sed hæc in materia de pontifice tractanda sunt, quamquam per se sint notissima. Consequenter vero solæ hic quæri, quoniam simonia cum alio committitur, si contingat, pontificem facere contractum simoniacum, an eo ipso eximat illum a pœna simoniæ: & similiter quæri posset si talis simonia sit contra jus humanum, an contrahendo cum alio, censetur dispensare cum illo in prohibitione humana? Sed de his dicemus melius in c. ult. hujus libri.

Circa Romanam
Curiam
dividitur
questio
in pars:

10 Ultimo, quærent circa hoc Canonistæ, an in Romana Curia committi possit simonia? Sed vix est locus quæstioni, etiamsi opiniones variæ referantur. Conveniunt itaque omnes, contra Divinum jus, non minus in Romana Curia, quam ubique gentium posse simoniam committi. Hoc probare non est necesse: immo fortasse ibi sunt plures occasiones illam committendi propter frequentiore usum dandi, & accipiendi spiritualia, præsertim beneficia: circa quæ etiam committitur simonia contra jus Divinum, ut supra visum est. Eadem item committitur circa dispensationem indulgentiarum, & aliarum gratiarum, & circa reliquias Sanctorum, & res sacras: quæ omnia in Curia frequentius procurantur, & ideo possunt ibi frequentius pravis mediis, quæ labem simoniæ continent, procurari. Nam licet cum ipso pontifice non committatur, potest ab ipsis appetentibus spiritualia, & de illis contrahentibus, vel etiam a ministris, & intercessoribus committi, ut in cap. seq. generaliter explicabimus. Unde ulterius certum est, posse ibi committi simoniam contra jus ecclesiasticum, inscio, & ignorante pontifice. In hoc etiam omnes conveniunt: & ideo fere discursu declarari potest: immo quædam sunt simoniæ species quasi propriæ illius loci; maxime vero simonia confidentialis, ut colligitur ex Bullis Pii 4. & Pii 5. contra illam. Possimus autem advertere dupliciter posse simoniam committi in Curia: uno modo quasi materialiter, quia contingit, eos qui pacta simoniaca faciunt, ibi commorari: & ita nulla est difficultas, nec de illa Curia potest esse specialis quæstio. Alio ergo modo potest committi in Curia formaliter, & quatenus talis est, id est, ab officialibus & cum officialibus, qui quodammodo talem Curiam constituunt: & sic intelligenda sunt, quæ in hac materia dicuntur. Sunt ergo jura quædam positiva, prohibentia simoniam, quæ principaliter feruntur pro Curia, ut illa de simonia confidentiali, de quibus non est dubium, quin ibi maxime violentur per simoniam prohibitam, præsertim non interveniente tacita, vel expressa dispensatione, aut conniventia pontificis. Alia vero sunt jura generalia, de quibus magis posset dubitari. Verumtamen etiam hæc sine dubio obligant in Curia Romana, nisi constet, contraria consuetudine esse derogata: &

ita contra illa etiam poterit in illa Curia simonia committi, quando tacitus consensus pontificis non intervenit.

11 Auctores ergo, qui ita loquuntur, ut negent, simoniam solo jure positivo prohibitam habere locum in Curia: maxime loqui videntur, quando, sciente, & dissimulante pontifice, exercetur; quia tunc videtur tacite dispensare. Ita sentit Joan. de Lignan. in cap. 1. de simon. ut refert, & sequitur Silvest. d. q. 4. Quia in Curia principis non habet locum lex Julia de ambitu: de qua sententia videri possunt multa per Abba. cum additione ad illum in ca. 1. de simon. numer. 5. & 6. & ibi. Felin. Sed illi auctores videntur loqui de simoniis commissis in Curia cum ipso met papæ, seu cooperante ipso: nam ita cum proportionem loquitur lex de ambitu. Atque ita dicti auctores expresse loquuntur de simon. in beneficiis: unde magis quoad excusationem pœnæ, quam culpæ loqui videntur: quam quæstionem infra tractandam remisi. Loquendo autem de culpa simoniæ, etiam contra legem ecclesiasticam universalem, non est sufficiens signum dispensationis, quod papa sciat contrarium fieri in Curia, & toleret, quia potest tolerare quoad non inferendam pœnam, quia fortasse non denunciatur, vel quia non semper expedit, omnes pœnas exequi, vel certe quia in hoc potest esse aliqua negligentia, & non propterea factum approbari. Igitur nisi talis sit scientia, & patientia pontificis, talisque consuetudo, ut communi judicio prudentum censeatur lex ibi abrogata, sine dubio committeretur etiam ibi simonia in talis legis transgressione: quia de obligatione legis constat, & de abrogatione non constat.

Non quæ-
vis tole-
rantia
pontificis
simoniā
tolli.

C A P U T LIII.

*An, & quomodo inferiores Prælati, vel eorum
officiales familiares, aut intercessores
apud illos simoniam committant?*

1 Quid ab his omnibus personis vitium hoc committi possit, certius est, quam ut probatione indigeat: nullus enim est personarum status in ecclesia, qui ab hac labe immunis sit, quod jura omnia contra simoniacos lata testantur: singulariter vero extravagans 2. de sim. inter communes, ubi nominat Cardinales, Patriarchas, Archiepiscopos, Episcopos, &c. Et ratio est clara, quia illi possunt dare, & accipere spiritualia: & sunt homines, qui avaritia, ambitione, & similibus affectibus vinci possunt, & ad committendam simoniam induci.

2 Secundo hinc facile intelligitur, omnes prædictas personas posse simoniam committere, & contra jus Divinum, ut per se constat, & contra humanum, quia illi subiectæ sunt: & regulariter jura prohibentia simoniam, etiam positivam ita loquuntur, ut omnes personas ecclesiasticas comprehendant usque ad Cardinales, nisi ex verbis alia limitatio colligatur. De quo videri possunt, quæ in simili congerit Navar. de datis, & promiss. num. 11. §. *Sexto nota*. Unde etiam sequitur, hæc procedere non solum de simonia quoad culpam, sed etiam quoad omnes pœnas, quia omnes hæc personæ, quantumvis sacre, & eminentis status esse videantur, subijciuntur ecclesiasticis legibus, non solum quoad vim directivam, sed etiam quoad coactivam, quia sunt plene, & perfecte subditæ, & constitutionibus ecclesiæ omnes obligantur, ac ligantur, juxta cap. 1. & ult. de Constit. Quomodo autem pœnæ simoniacorum ad singulos applicandæ sint, infra videbimus.

3 Tertio addendum est, non solum inferiores prælatos, sed etiam eorum ministros, seu officiales posse simoniam committere, vel cooperando prælati ipsis, vel per se illam committendo. Quod ita declaro: nam duobus modis potest ab his personis committi simoniam, scilicet, dando, & recipiendo spiritualia. Posteriori modo non committitur ab eis, ut prælati sunt, id est, ut potestatem aliquam exercent, sed ut homines sunt capaces spiritualium bonorum, aut dignitatum; & ideo de hoc nihil speciale hic

hic adnotandum occurrit, vel circa principaliter delinquentes, vel circa cooperantes: nam ad utroque applicandæ sunt generales doctrinæ, vel in superioribus traditæ de simonia in particulari, vel quæ dari solent in generali de cooperantibus ad aliena peccata. Et in particulari pro legibus prohibentibus, vel punientibus simoniam, ponderanda sunt verba legum, ex quibus colligendum est, an pænæ ad cooperatores extendantur. Priori modo, scilicet, ministrando spiritualia, committitur simonia proprie, ac principaliter a prælatis, ut prælatis sunt, nam licet alii clerici possint etiam ministrando spiritualia, simoniam committere, nunc solum de episcopali ministerio tractamus. Sic ergo dicimus, etiam a prælatorum ministris, seu officialibus posse committi: Quod patet, quia etiam ipsi suo modo ministrant, & consequenter possunt contra Divinum jus peccare, pretium pro ministerio, vel participatione ejus recipiendo, vel etiam contra jus ecclesiasticum transgrediendo prohibitiones ad ipsos pertinentes, ut ex discursu totius materiæ constat.

Ministerio
episcopali
quædam

4 Ut autem nonnulla breviter dubia circa hoc occurrentia explicemus, tria, vel quatuor ministeria principalia episcoporum distinguere possumus: sacramenta, pontificalia, & præcipue ordines tribuere, spiritualia, seu ecclesiasticas causas dicere, ac judicare: dispensationes, & alias gratias voluntariæ jurisdictionis exercere: & beneficia ecclesiastica conferre. In quibus omnibus potest jus Divinum intercedere, & humanum. Et de Divino nihil addendum occurrit, sed applicandum est juxta regulas superius traditas, & ab unoquoque est servandum quoad eam partem, quæ juxta suum ministerium recta ratione pensatum ad illum pertinuerit. Circa humanum vero jus aliqua notanda occurrunt circa nonnulla ex membris numeratis.

Circa ordines
prohibito.

5 Ex primo circa ministerium ordinum extra jus Canonicum in ca. 1. de simon. quod sic habet. *Sicut non debet episcopus manum, quam imponit, ita nec minister, vel Notarius in ordinatione ejus vocem, vel calamus vendere. Pro ordinatione igitur, vel usu pallii, seu chartis, arque pastellis eum, qui ordinatur, omnino aliquid dare, prohibemus.* Habeturque fere idem jus in cap. Nullus Abbas, & cap. Sicut episcopum, 1. quæst. 2. In quibus locis explicatur, nomine ministri intelligi eum, qui evangelium in ordinatione legit; unde vocem vendere idem est, quod vendere sacramentum lectionem evangelii: atque ita exposuit Gofre. ut refert Panorm. & ipse fatetur, esse magis consentaneum antiquæ lectioni. Addit vero, etiam posse intelligi de illa voce, qua Archidiaconus vocat promovendos, vel de illa voce, qua respondet in scrutinio, testimonium præbendo, dignum esse promovendum, juxta cap. und. de scrutinio. Glossa vero intelligit de Archidiacono, ad quem pertinet examinare ordinandos, & approbatos præsentare episcopo, juxta ca. Ad hæc, verb. In quadam, de offi. Archid. Idemque est de quocumque alio, qui officium examinantis exercet, ut in superioribus tactum est. Et quamvis Gregorius sine dubio de voce evangelicæ lectionis loquatur, ut ex originali constat lib. 4. epist. 44. Nihilominus illa omnia, quæ declarata sunt, immo quodcumque ministerium sacrum ibi exhibitum sub eadem regula comprehenduntur, quia prohibitio illa quoad hanc partem est de re per se mala; nam totum illud ministerium spirituale est, quod vendi non potest, ut etiam Panorm. notavit. Et hoc magis declaratum est in Conc. Trid. sess. 21. ca. 1. ubi sic dicitur: *Nihil pro collatione quorumcumque ordinum, nec pro litteris dimissionis, aut testimonialibus, nec aliis quacumque de causa, etiam sponte oblatum episcopis, & aliis ordinum collatores, aut eorum ministri, quovis pretextu accipiant.* Nam per verba illa: *Quacumque de causa, & illa, aut eorum ministri*, quacumque vocem, vel actionem ministrantium collationi ordinum comprehendit. Et consonat ea. *Sicut pro certo*, de simonia.

De No-
tariis.

6 De notario vero solet dubitari, an simoniam committat legem illam transgrediendo. Multi enim censent, illum non fore simoniacum, quia nihil spi-

rituale confert, sed temporalem operam, quæ de se posset pretio æstimari: prohibetur autem vendi propter tollendam speciem mali: vel quia erat turpe lucrum, cum notarii habeant proprium sui muneris, stipendium. Et confirmatur hæc sententia, quia Conc. Trid. sess. 21. ca. 1. limitavit illam prohibitionem permittendo, ut notarii decimam partem aurei pro litteris accipere possint, cum tribus conditionibus: una, ut solum hoc liceat, ubi non viget laudabilis consuetudo nihil accipiendi: alia, ut notarius non habeat stipendium pro officio exercendo: tertia, ut nihil ex illo lucro ad episcopum redundet, alias decernit, notarium teneri, gratis suas operas præstare.

7 Sed prius videndum est, an peccet, deinde quo genere peccati. Quoad 1. communis distinctio est, quod si habet salarium pro officio suo, non potest aliquid accipere, si vero non habet, potest. Ita Panorm. ibi, Silvest. q. 8. & alii referendi. Ratio prioris partis est; tum quia est contra justitiam vendere id, quod ratione stipendii tenetur ex officio gratis facere; tum etiam quia saltem tunc procedunt jura prædicta. Ratio vero alterius partis est, quia notarius non tenetur gratis ministrare. Dices: Tenetur episcopus salarium dare, & hoc videntur intendisse dicta jura ad tollendos abusus, unde supplem. Gabr. 4. d. 25. qu. 2. art. 3. dub. 6. etiam in eo casu negat, posse notarium aliquid recipere. Sed nimis rigorosum hoc est, & contra communem sententiam. Dico ergo, quod licet episcopus debeat dare stipendium, tamen si de facto non det, notarius non peccat illud accipiendo ab eo, cui servit. Deinde fortasse episcopatus est tenuis, & episcopus non potest commodum stipendium dare, & ita præsumendum est. Ac denique in his multum valet consuetudo, nec damnandi sunt episcopi, qui non consueverunt salarium dare notariis. Et ita videtur rem hanc declarasse Trident. loco nuper citato, permittens, ut notarii decimam partem aurei pro litteris accipiant, ubi nec salarium habent, nec est contraria consuetudo.

Quando
Notarius
sit simo-
niacus.

8 Ad alteram partem, quando gratis tenetur ministrare, & aliquid recipit, videtur certe contra justitiam peccare, non vero simoniam committere, propter rationem supra factam. Nihilominus dico, si intendat notarius vendere suas operas, pretium earum accipiendo, simoniam committere. Ita sentit Silvest. supra, & Durand. 4. d. 25. q. 3. & Soto d. lib. 9. q. 6. ar. 1. Ratio est, quia illa actio, licet temporalis videatur, est annexa spirituali muneri quasi consequenter, scil. ordini suscepto, cui testimonium illud debetur, ut commode exerceri possit. Unde ab illo etiam habet totam æstimationem suam, testimonium enim illud pro nihilo æstimeretur, nisi ordo ipse, qui per illud probandus est, in sua æstimatione haberetur; unde sicut ordo non debet pretio æstimari, ita nec litteræ testimoniales. Quando ergo Concilium permittit aliquid recipi cum illis conditionibus, intelligit per modum stipendii, non per modum pretii. Unde ulterius addo, quod si Notarius aliquid recipiat contra prædictam prohibitionem, licet dicat, se non accipere ut pretium, sed ut stipendium, non solum peccat contra justitiam, sed etiam contra religionem, cujus intuitu illa prohibitio facta est, ut constat ex verbis jurium; & ideo licet illa in rigore non sit ex se, nisi præsumpta simonia, supposita prohibitionem, valde probabile est, esse simoniam, ut in similib. sepe dictum est.

9 Circa aliud munus episcoporum exercendi jurisdictionem tam voluntariam, quam involuntariam, nihil invenio specialiter dispositum jure positivo, quod peculiariter pertineat ad eos, qui ministrant, vel aliquo modo cooperantur prælatis, vel iudicibus ecclesiasticis in his causis. Dubitari autem solet de Advocato, & teste in causa spirituali, an simoniam committant, vendendo operas suas. Sed de Advocato certum est, posse vendere suum patrocinium, etiam si causa spiritualis sit. Quia hoc nec est simonia ex natura rei, nec est prohibitum jure ecclesiastico. Primum patet, quia officium Advocati tantum est, vel illuminare, & informare, vel factum aperiendo, vel jus ostendendo, & informando intellectum judicis: hoc autem totum etiam in materia spirituali

De Advoca-
to.

vendibile est. Vel si sit procurator, ad eum spectabit, sollicitare negotium, qui labor mere temporalis est quasi per accidens, & antecedenter est annexus causæ spirituali. Secundum etiam patet, quia nullum est jus Canonicum hoc prohibens: immo sententiam Augustini, licere Advocato, patrocinium suum vendere, relata in ca. *Non sane*, 14. qu. 5. indifferenter de patrocinio in quacumque causa intelligitur. Et ita habet totius ecclesiæ consuetudo: nec de hoc est ulla controversia inter auctores.

De testib. 10 De testibus vero in causa spirituali communis fere sententia est: Simoniam committere, si pretium pro testimonio accipiunt. Ita tenet Richardus 4. d. 25. ar. 3. q. 2. ad 5. Anton. d. c. 5. §. 17. notab. 1. Idem Panorm. in c. *Tuam*, nu. 6. de simon. ubi cum Hostiensis æquiparat testem judici quoad hoc, quod qui corrumpit illum pecunia in causa spirituali, est simoniacus, propter quamdam connexionem cum rebus spiritualibus. Addit vero, *vel quasi simoniacus*. Idem Felin. ibi n. 4. referens Glossam in ca. *Vendentes* 1. q. 3. verb. *Iustitiam*, quæ de solo iudice loquitur. Taberna vero n. 47. absolute sequitur doctrinam Panorm. Potestque ita suaderi, quia qui corrumpit iudicem in causa spirituali, dando ei pecuniam, est simoniacus, ut supra visum est: sed qui corrumpit testem, mediante corrumpit iudicem quoad effectum, licet non quoad culpam, quia tenetur secundum allegata, & probata iudicare; ergo. Confirmatur, quia qui daret intercessori pecuniam, ut a iudice sententiam obtineret, esset simoniacus: sed hoc idem facit, qui per pecuniam testem corrumpit, licet diverso modo; ergo. Est ergo hæc sententia valde probabilis, maxime quando per pecuniam corrumpitur testis in causa spirituali.

11 Quando vero non corrumpitur, sed ad veritatem dicendam inducitur, quia non vult aliter testificari, non erit simonia ex parte dantis, sed redemptio vexationis, quam facit testis, negando testimonium suum, nisi detur ei pecunia. Et hoc est aliud exemplum, in quo licitum est, redimere vexationem propter jus ad testimonium, licet nondum sit quasi possessum, quod exemplum admittit Ugolin. Tab. 1. c. 53. §. 1. nu. 2. Ex parte autem recipientis tunc est injustitia, juxta doctrinam Aug. in d. ca. *Non sane*, 14. q. 5. & D. Tho. 22. qu. 71. ar. 4. ad 3. quam omnes Theologi sequuntur, & Jurisperiti in c. 1. & ca. *Sicut nobis*, de Testibus, & Turrecr. in c. *Qui recte*, 11. q. 3. An vero committatur etiam simonia pecuniam recipiendo in causa spirituali; dicendum videtur, si directe accipiat illam, ut pretium, & ad promovendam causam spirituales, tunc simoniam committere, quia est clara connexio, & æstimatio sumitur a re spirituali: si autem accipiat ut stipendium, vel etiam ut pretium sui laboris, non apparere simoniam, quia nec ex natura rei talis est, neque in hoc invenitur specialis prohibitio. Immo potest excusari ab injustitia, si non pro veritate dicenda, nec ut faveat uni parti, sed præcise pro labore, vel alio incommodo compensando mercedem accipiat.

**Officia
lei.**

12 Tandem circa ministros, qui intercedunt in collationibus beneficiorum eadem quæri possunt, quæ in collationibus ordinum, & cum proportionem est respondendum, advertendo solum, de Notariis, & similibus non inveniri specialem prohibitionem in collationibus beneficiorum. Et ideo in illis solum cavendum est, ne talia ministeria carius vendant ratione spiritualis materiæ, circa quam versantur: quia si hoc observent, non erunt simoniaci; poterunt autem esse injusti, si ratione muneris, vel salarii teneantur gratis litteras dare, vel si excedant statuta, vel consuetudinem, vel alias extorsiones faciant.

**Interces-
siones.**

13 Maxime vero in his dubitari solet, an sit simonia dare pecuniam familiaribus, vel privatis amicis prælatorum, ut ab eis beneficium danti obtineatur; & idem cum proportionem est, si detur ad obtinendam dispensationem, vel aliam similem gratiam, vel iustitiam. Videri enim potest, nullam in hoc committi simoniam, nam supponimus, intercessorem illum nihil daturum esse prælato, sed solum gratiam, & amicitiam ab illo postulaturum, faciendam non sibi, sed alteri gratia sui.

Tunc enim episcopus concedens beneficium, vel gratiam, non est simoniacus, ut ex supra dictis constat; ergo nec intercessor, illam postulando; ergo nec vendendo illam postulationem, seu intercessionem committit simoniam, quia vendit laborem suum, vel actionem, & favorem humanum prætio æstimabilem; ergo nec qui dat pecuniam, committit simoniam, quia licet intenda per illam viam consequi beneficium, non tamen emendo illud, sed gratis obtinendo; emendo autem aliquid temporale, quod potest conducere valde remote, non per modum pretii ipsius beneficii, sed solum per modum amicitiae, & benevolentiae. Sicut potest quis pecunia emere aliquid, quod donet episcopo, vel suis sumptibus illi servire spe beneficii, non tamen cum intentione pretii, vel obligationis, sed solum ut eum benevolam sibi reddat: ita ergo emit intercessionem alterius, qua illi sibi benevolam reddat; non est ergo hæc simonia.

14 Nihilominus communiter Doctores hanc negotiationem ut simoniacam damnant. In hoc enim sensu videtur dixisse Bonavent. in 4. d. 25. circa litte. dub. ult. simoniam committi: *Dando collateralibus, licet non detur episcopo*. Quod magis explicavit Major. q. 3. ad 2. supplem. Gabr. qu. 2. art. 3. dub. 4. circa finem Armil. lib. 10. de Quæst. Arm. c. 18. Silvest. ver. *Simonia*, q. 6. Tab. n. 8. Angel. *Simonia*, 3. n. 25. & reliqui Summistæ. Latius quam ceteri Navar. d. c. 23. n. 106. verb. *Ad quintam*, ubi refert Innoc. Anton. Panorm. & Felin. in c. *Tuam*, de Aetat. & qual. & in c. *Tanta*, de simon. Idem Navar. in Comment. de Dat. & promiss. not. 32. n. 45. & conf. 56. & 57. de sim. Soto d. lib. 9. q. 7. ar. 3. Et sumi potest hæc sententia ex D. Tho. d. q. 100. ar. 2. ad 5. ubi docet, ante jus acquisitionis in beneficium simoniam esse, per pecuniam sternere viam ad illud obtinendum, tollendo impedimenta. Ergo a fortiori directe procurando, & influendo. Potest autem hæc resolutio intelligi, vel de jure divino, vel de jure positivo, & utroque modo videtur affirmari a dictis auctoribus, & merito.

15 Probatum ergo 1. ratione, quam indicat Innocent. quia perinde est, per pecuniam beneficium immediate a collatione obtinere, vel medio intercessore, quia utroque modo per pecuniam obtineo, & consequenter emo beneficium. Et declarat, nam quando in effectum datur beneficium, non a solo collatore, sed ab intercessore etiam quodammodo datur, quia causa inducens est vera causa moralis; ergo saltem emitur collatio, ut manat moraliter ab intercessore. Secundo argumentatur Soto, quia non solum dare, sed etiam recipere beneficium pro pecunia simoniacum est, sed licet tunc prælatus non conferat beneficium pro pecunia, alter pro pecunia recipit; ergo est simoniacus. Hæc vero ratio supponit præcedentem, quia nemo recipit pro pecunia, nisi aliquis det pro pecunia, saltem in simonia reali, & completa, qualis est hæc: ideo ergo iste recipit pro pecunia, quia ex parte dantis consideratur etiam intercessor, qui per pecuniam suo modo dat. Tertio ex Navar. 2. loco supra citat: quia hæc intercessio virtualiter est quidpiam spirituale, quia non emitur nisi ut virtute continens collationem beneficii, nec alia ratione in æstimatione haberetur. Et declaratur tandem, quia si quis intercessori promittat decem pro precibus, non simpliciter, & absolute, sed sub conditione, si fuerint efficaces, id est, si cum effectu obtineant dispensationem, aut beneficium, tunc clarissima est simonia, ut omnes fatentur, & specialius declaravit Supplem. Gabr. quia evidenter tunc emuntur, preces, ut habentes effectum spirituales, & non aliter, atque adeo ratione illius, & ipse principalis. Ergo idem est, si emanant ut sufficientes ad obtinendum eundem effectum, quia similem connexionem habent, licet non omnino eandem.

**Probatum
interces-
siones pre-
tium non
posse ac-
cipere ab
ipse sim.**

16 Denique ex jure Canonico probari potest hæc sententia ex c. *Statuimus*, 2. 1. quæst. 1. Ubi Nicolaus papa numerat tres species simoniace ordinatorum: & una est, quando *simoniaci a non simoniacis simoniace ordinantur*. Qui modus simoniæ tunc videtur committi, quando ordinanti nihil datur, sed mediatori- bus, ut Turrecr. ibi, & alii notarunt. Item quoad simoniam ab ordine aperte probatur ex cap. *Pre-*
sen-

sentium, 1. quæst. 5. ubi Urbanus papa agnoscit simoniam commissam per pecuniam non episcopo, sed cuiusdam principum ejus datam. Per quæ jura magis videtur declarari naturale jus, quam novum statui, quando vero illud esset obscurius, de ecclesiastico jure dubitari non potest. Et confirmari potest congruentia, ex necessitate talis prohibitionis: quia per hunc modum emendi ordines, aut beneficia, maxima mala ecclesiæ proveniunt: nam promoventur indigui, si pecuniis abundent, & digni relinquuntur: & ita non minus fiunt venialia beneficia, & alia similia, quam si ab ipsis prælatis emerentur. Præsertim quia interdum tantum valent apud patronos hi rogatores, ut moraliter perinde sit, ab eis emere, quod ab eorum patronis. Ratio autem dubitandi ex dictis soluta relinquatur.

Advertendum.

17 Advertunt autem omnes, quod si familiaris intercessionem non interponeret, sed tantum aperiret januam, aut facilem aditum tribueret, ut ipse orator posset petere a prælato, licet hac de causa daretur pecunia, non committeretur simonia, quidquid sit de turpi lucro, vel injustitia ex parte accipientis, quam interdum committere posset, si nimium vexaret: secus si oblatam acciperet, vel si aliquid faceret ultra id, quod teneretur. Ita fere Adrianus, supra, & Palud. quæst. 5. Addit etiam Navar. d. num. 106. non esse simoniam, si aliquid detur pro labore suscepto, cundo, & redeundo ad collatorem, vel in recompensationem alicujus damni, quod ea de causa patitur, aut alterius lucri, quod amittit. Quod in rigore verum est, quia hæc accidentaliter etiam in spiritualibus actionibus compensari possunt, sed cavendum est, ne sub hoc colore aliquid accipiat ultra æstimationem talis valoris, vel damni secundum se spectati: alias simonia non evitabitur. Addit denique Adrianus, si mediator ille solum assumat curam informandi prælatum de meritis talis personæ, licet pro illo labore pecuniam accipiat, non fore simoniacum. Quod mihi videtur speculative verum, præctice autem periculosum, nisi magna cautela, & recta intentione fiat. Ratio prioris partis est, quia ille non se gerit ut intercessor proprii, sed ut advocatus docens, & instruens judicem de meritis causæ, seu partis suæ in tali causa, ita ergo potest mediator informare electorem, vel collatorem de partibus, & dignitate talis personæ, quod officium mere temporale est, & dignum mercede: Eritque securius, si per modum stipendii potius, quam pretii accipiat. Periculum vero est, quia mediator iste sæpe excedit officium informantis, & assumit officium exhortantis, & inducentis, plusquam objectum ipsum per se posset inclinare: tunc autem jam exercebit officium intercessoris, & incidit in simoniam, ratione jam dicta. Debet ergo in actione servare modum, ut puram informationem tribuat sine laudatione, & exaggeratione, & in intentione, ut non intreat per se inducere, sed tantum tollere ignorantiam objecti, ut ipsum per se moveat, quod justum est.

Secundum adversendum.

C A P U T LIV.

Utrum omnes homines cujuscumque status, & conditionis, etiam infima possint vitium Simonie committere.

IN hoc capite nulla fere occurrit difficultas alicujus momenti, sed ad complementum materiæ illud propono: & ut summatim colligamus modos omnes, quibus a singulis hominibus vitium hoc committi possit. Suppono autem, dupliciter hoc vitium committi, scilicet, dando spiritualia pro temporalibus: vel dando temporalia ad recipiendum spiritualia: & ordinarie qui priori modo peccat dicitur vendere spiritualia, posteriori autem modo emere.

1. Conclusio circa clericos.

2 Dico ergo primo clerici omnes, in quocumque gradu sint a sacerdotio usque ad primam tonsuram (nam de pontificibus jam diximus) committere possunt simoniam, obtinendo simoniace, seu emendo spiritualia, & ministrando illa, seu vendendo. Loquor formaliter de clericis, ut clerici sunt, quia si materialiter spectentur tales personæ, illis e-

Suarez Tom. XII.

runt communia omnia, quæ de laicis dicemus. Et hoc modo intellecta assertio, non satis probatur ex infinitis juribus, in quibus clerici omnium graduum ut simoniaci puniuntur, ut patet ex titulo de simonia extra, & in extravagantibus. Probabitur autem ex illis, adjuncta ratione: quoad priorem quidem partem, quia clerici, ut clerici sunt, multa spiritualia recipiunt, quæ ad laicos non spectant, unde si illa emant, proprium clericorum peccatum committunt. Et in primis hoc apparet in ipsi ordinibus recipiendis: nam etiam de recipiente primam tonsuram per pecuniam certum est, committere simoniam, ut supra est ostensum. Dubitari autem potest, an tale peccatum potius sit laici, quam clerici, quia ille, qui simoniace tonsuratur, prius est simoniacus, quam clericus. Sed non est curandum de modo loquendi; satis enim est, quod ille in eodem instanti, in quo consummat suum peccatum, sit clericus, ut pœnam propriam clericorum incurrat: nam ad hoc sufficit, quod peccatum illud dicatur esse in clerico, ut clericus est. Deinde, possunt clerici peccare, emendo sibi beneficia, quia per se sunt capaces eorum, idemque est de ecclesiasticis officiis, & omnia, quæ ad hæc obtinenda ordinantur, ut electiones, præsentationes, &c. ut ex supra dictis satis constat. Dico autem, emendo sibi, quia emendo aliis beneficia, etiam laici possunt simoniam committere, ut per se etiam est clarum, tamen emendo sibi, seu recipiendo beneficia per pretium, clerici proprie peccant, ut clerici sunt. Altera vero pars de simonia, quæ in ministrando committitur, petenda est ex supra dictis de functionibus clericorum: nam secundum illas est hic modus committendi simoniam propriis clericorum. Quod si quis objiciat clericum solius primæ tonsuræ non posse hoc modo delinquere. Respondedo, licet non possit quoad functiones potestatis ordinis, posse quoad functiones potestatis jurisdictionis spiritualis, cujus ipse capax est, & non laicus. Item, potest etiam vendere beneficia, quorum est capax, & non laicus, quamvis hoc peccatum suo modo committi possit etiam a laicis, ut statim dicemus.

2. Conclusio circa religiosos

3 Dico 2. religiosi, ut religiosi sunt, proprii, & peculiaribus modis possunt in hoc crimen simonie incidere. Declaratur breviter: nam religiosus tribus modis considerari potest, ut homo, ut clericus, & ut religiosus. Secundum primum respectum potest hoc vitium committere eo modo, quo alii quicumque fideles, de quibus statim dicemus; quia in omni spirituali materia, in qua possunt alii prave negotiari, possunt etiam religiosi, quantum ad factum attinet, licet in aliquibus materiis pauciores occasiones habeant, ut constet. Secundo autem modo spectati religiosi possunt peccare eo modo, quo alii clerici, servata proportionem. Nam quoad functiones ordinis, eadem est omnino ratio; unde nec vendere possunt confessiones, nec emere licentiam, vel potestatem illas audiendi, nec approbationem episcopi, nec præsentationem sui prælati, vel similia, quæ & spiritualia sunt, & ad spiritualia ordinantur. Idem est omnino de concione, de sepultura, seu funere, & similibus. Item de potestate jurisdictionis spiritualis, & de beneficiis, eo modo, quo religiosus capax esse potest beneficii regularis, aut vicariæ, nam in omnibus his est eadem ratio de religioso clerico, ac de non religioso. Cum proportionem ergo idem est quoad officia Ordinis, quatenus vel jurisdictionem spiritualem habent, ut prælationes, Abbatias, Prioratus, de quibus interdum fit in jure expressa mentio, ut in c. Non satis, & c. Mandato, de sim. & in ca. 2. 6. Prioratus, de Statu Monach. & in c. Quampio, 1. qu. 2. Vel etiam quatenus aliquo modo ecclesiastica sunt, ut sacristæ, procuratoris ordinis, & de similibus: nam in his etiam procedit prohibitio c. Salvator, 1. q. 3. cum generalis sit. Itaque quoad hæc materias nulla est specialis consideratio de religiosis.

4 Solum ergo in his, quæ spectant ad professionem religiosam, vel habitus susceptionem, quatenus hæc vendi, vel emi simoniace possunt, potest dici hoc peccatum pertinere specialiter ad religiosos, ut religiosi sunt, vel sunt, hoc enim ultimum addere oportet propter eos, qui emunt ingressum

Ipse religiosus ingressus quando fit simoniacus.

religiosum, priusquam religiosi sint, de quibus eodem modo proportionali loquendum est, sicut supra diximus de clerico emente primam tonsuram. Possunt ergo in hoc peccare religiosi, vel dando, vel recipiendo id, quod spirituale est, pro temporali pretio. Dando proprie peccant, qui pro pretio religiosum recipiunt, nam licet personam recipiant, conferunt habitum, vel professionem. Et hoc modo peccant omnes, qui aliquo modo ad professionem talem dandam concurrunt, sive suffragium dando pro pecunia, sive ad professionem admittendo. Quoniam autem hic modus peccati solet committi a Capitulo, quaeri potest, quomodo a singulis de Capitulo participetur; sed de hoc dicam in assertionem sequenti. Religiosus autem, qui religionem suscipit, simoniam committit, recipiendo; nam licet ipse se ipsum det, & tradat religioni, tamen ipse solus est, qui spiritualia recipit, scilicet statum, & professionem religiosam: nihilominus tamen utraque pars potest peccare, vendendo, & emendo spirituale: interdum enim conventus vendit ingredienti statum ipsum, & professionem, & ipse emit, dando, vel promittendo temporalia, ut recipiatur. Aliquando vero e contrario religio emit, & recipiendus vendit, quia pretium aliquod, vel munus, aut promissionem ejus recipit, ut religiosus fiat. Et tunc videri potest non committi simonia, quia religiosi dantes non emunt spirituale aliquid, sed personam illam, quæ secundum se pretio æstimabilis, & solum antecederet est annexa, vel annectenda rei spirituali, scilicet professioni; unde illam emere non videtur simoniacum, sicut qui emit calicem, ut illum consecret, simoniam non committit. Unde nec recipiens pecuniam, ut fiat Monachus videbitur simoniam committere, quia non vendit aliquam rem spirituales, sed potius illam acquirit, non solum gratis, sed etiam pretio sibi dato pro persona sua. Sed nihilominus certum est, ex utraque parte committi illo modo simoniam, ut expresse habetur in d. c. *Quampio*. Et ratio est, quia solum emitur persona, ut de se faciat spirituales sui traditionem, & ut consentiat in spirituale vinculum cum religione, quæ spiritualia sunt; & ideo tam ex parte ingredientis simonia est vendere hanc traditionem, & consensum, quam ex parte religionis illam emere. Sed de hoc genere peccati, quando, & quomodo committatur, vel excusetur, supra satis dictum est: de poenis autem propriis ejus infra dicemus.

3. conclusio
h. c. circa
laicos.

5 Dico tertio: Etiam homines laici, & in universum omnes homines, etiam infideles possunt simoniam committere. Hoc non indiget speciali probatione, sed declaratione. Unusquisque enim, quatenus capax est recipiendi spiritualia ab aliis hominibus, vel illa eis tradendi, eatenus esse potest capax simoniæ, quia libertatem habet ad utrumque faciendum pro pretio, & non gratis: loquimur enim de adultis, & seclusis impedimentis, & ita res est per se nota. Possunt autem laici dare spiritualia aliquo modo, ut baptismum sine solennitate: præsentationem ad beneficium, si sit patronus: notarius etiam laicus potest dare spiritualibus annexa, ut antea vidimus. Sic ergo possunt committere simoniam, dando, & vendendo aliqua spiritualia. Possunt etiam illam committere, vendendo sua bona opera: quatenus spiritualia sunt, & vim habent impetrandi, vel satisfaciendi, ut supra declaratum est. Item vendendo res sacras carius ratione spiritualitatis, ut constat. Denique, recipiendo spiritualia pro pretio frequentius possunt hoc delictum committere, ut ex hactenus tractatis manifestum est. Omnes ergo fideles laici, cujuscunque conditionis sint, in hoc vitium cadere possunt: atque ita supponitur clare in d. Extravag. 2. de Sim. & in rit. de sim. 1. q. 1. 2. & 3. per multa capita.

6 Ad hunc etiam modum committendi simoniam laicis communem spectat, vendere cooperationem ad functiones spirituales, ut tales sunt, sicut de privato ministro sacrificii Missæ c. 13. dictum est. Et simile quid notat Ugolino. Tab. 1. c. 37. §. 4. de patris, qui in solenni administratione baptismi, & in confirmatione interveniunt, & aliquam cooperationem habent, dicens, simoniam esse, pro exercendo

illo munere pretium dare, vel accipere: quod mihi valde verisimile videtur, quia munus illud aliquo modo spirituale est, ut colligi potest ex obligatione instruendi susceptos in rudimentis fidei, quæ ex illo nascitur per se loquendo, & quantum est ex vi muneris, ut ex dictis in 3. to. circa illa sacramenta suppono: item ex effectu cognitionis spiritualis, quæ in quodam vinculo spirituali fundatur. Nec refert, quod hæc sint per ecclesiam instituta: nam supposita institutione, spiritualia sunt, quod ad simoniam sufficit.

7 Alio etiam modo possunt laici omnes committere simoniam omnibus hominibus communi. & in qualibet materia etiam aliena (ut sic dicam) ab eorum statu, scilicet, cooperando aliorum peccatis, vel consentiendo, aut non resistendo, quando possunt, & tenentur; hic enim peccandi modus sicut in aliis vitiis locum habet, ita & in hoc. Unde Hormisdas papa in epist. 1. ad episcopos Hispaniæ, cap. 2. damnans ordinationes pretio factas, inquit: *Nec ille se a culpa assimet alienum, qui, & si ipse quidem a redemptione liber, initiaverit benedictione mystica sacerdotem, tamen ad alterius redempti voluntatem, vel sponte in hoc, vel necessitate consenserit. Quid prodest illi, suo errore non pollui, qui consensum præstat erranti?* Hic ergo modus peccandi licet maxime locum habeat in clericis, laicis etiam communis est: nam eadem ratio in illis locum habet. Sic ergo peccare potest laicus consulendo clerico emptionem beneficii, vel vendendo intercessionem ad beneficium consequendum: nam tunc est cooperator ad simoniacam obtentionem; item, sciens quis ab alio dari pecuniam, ut sibi tribuatur jus patronatus, & tacite, vel expresse consentiens, simoniam committere censetur, argum. cap. *Mattheus*, & c. *Si ut tuis*, de sim. Nam in his, & similibus eadem est ratio de clericis, & laicis, si ex parte concursus, & cooperationis idem moralis influxus intercedat, sive fiat consulendo, sive mandando, sive ratum habendo jam factum suo nomine, juxta c. *Sicut* ratum, ubi Panorm. & alii de simon. & juxta cap. penult. ubi Glossa, & Doctores extra de election.

8 Tandem hinc intelligitur, quod in ultima parte assertionis dixi, etiam in infidelibus posse hoc vitium reperiri: non enim agimus de modo, quo ipsi in propria materia, vel ex conscientia erronea possunt simoniam quodammodo participare, de hoc enim satis in superioribus dictum est; sed de modo, quo in vera, & spirituali materia, quæ solum intra ecclesiam reperitur, propriam simoniam possunt committere. Nam etiam hoc modo possunt delinquere, non tamen inter se, sed cum fidelibus contrahendo, vel eorum peccatis communicando. Sic posset gentilis peccare emendo baptismum, quamquam si emeret sibi peccatum illud ut consummatum, jam esset simonia hominis Christiani, posset tamen emere non sibi, sed filio: sic etiam Princeps infidelis (verbi gratia nunc in Iapone) posset emere episcopatum pro amico fidei, veramque committeret simoniam, per se loquendo, licet posset per ignorantiam excusari. In hoc autem genere peccati nihil est, quod immoremur, quia de his, qui foris sunt, nihil ad nos. Et hac ratione ordinariæ poenæ ecclesiasticæ ad eos non pertinent; ipsa autem facta, quatenus circa res ecclesiæ versantur, possunt ab ecclesia prohiberi, & irritari juxta materiæ capacitatem, & ita fit de facto, ut videbimus. Et si tales infideles essent ecclesiæ subiecti temporaliter, posset ratione talis delicti puniri, immo & in non subditis posset puniri talis injuria facta ecclesiæ, & sacris rebus, si commode, & sine majori perturbatione ecclesiæ fieri posset.

9 Dico ult. Non solum singulæ personæ, sed etiam capitula, seu collegia, quæ personæ mixtæ dicuntur, seu mystica corpora, possunt simoniam committere. Res est clara, quia tuius communicas delinquere potest, unde & censuræ capax est, ut alibi diximus: ergo etiam delinquere potest in simonia, quia & potest vendere, & emere, ut est per se notum, & potest habere materiam spirituales, circa quam hos contractus prave exerceat: nam potest jurisdictionem spirituales exercere, & jus præsentandi ad beneficia habere, & beneficia dare, vel recipere,

Circa infideles.

Ultima conclusio de capitulis, seu collegiis

recipere, eligere, & similia, quæ communia sunt capitulis sæcularium clericorum, & regularium. Conventus autem regulares tam virorum, quam mulierum peculiariter peccare possunt in receptione simoniaca ad religionem, ut paulo antea dictum est. Et ideo ipsa capitula regularia speciali pœna pro tali crimine puniuntur in extravag. 1. de simonia, ut in sequentibus videbimus. Tunc autem censetur capitulum ut capitulum hoc vitio delinquere, quando actio illa, quæ simoniace fit, a solo capitulo, exerceri potest, & pretium pro illa a toto capitulo, ut tale est, acceptatur. Quia nisi ita pactio fiat, licet forte multi, vel omnes de capitulo per se, ac singillatim suffragium suum vendant, non delinquit capitulum: tunc autem censetur capitulum ut capitulum rem peragere, ac delictum committere, quando, communicato consilio, & convocatis omnibus, ac consueto modo congregatis, contractum, vel aliquid simile efficiunt, ut late tractant Abbas, Felin. & alii in cap. *Dilectus*, 2. de simon. Silvest. verb. *Excommunicatio* 7. nu. 57. Jul. Clar. 5. §. ult. q. 16. n. 8.

Obje. 10. Dices: Capitulum ut capitulum non est capax simoniæ, nisi ratione singulorum, quia simonia est studiosa voluntas, & capitulum non habet voluntatem, nisi quatenus singuli habent: ergo si singuli sunt simoniaci, Capitulum est simoniacum; & licet major pars capituli, vel Collegii consentiat simoniæ, qui resistunt, non sunt simoniaci, licet non prævaleant. Respondeo, capitulum non committere simoniam, vel aliud delictum, nisi quatenus actio prava voluntarie proveniat a capitulo per modum unius, & licet totum capitulum vere non habeat unam voluntatem, oportet tamen, ut per modum unius concurrant, atque adeo quod ex multis voluntatibus una moraliter fiat. Quando autem singuli per se consentiunt, aut pecuniam recipiunt, non operantur per modum unius voluntatis, & ideo non delinquit capitulum, nec pœna in illud lata tunc comprehendit illud. Et ita ad argumentum responderetur, distinguendo antecedens: Capitulum non committit simoniam, nisi ratione singulorum per se, & separatim spectatorum, negatur antecedens: ratione singulorum ut per commune consilium inter se unitorum, sic conceditur antecedens. Et tunc negatur consequentia quoad priorem partem consequentis, nisi cum proportionem sumatur. Circa 2. autem partem advertendum est, aliud esse, loqui de peccato eorum Deo: aut quoad quamdam imputationem in ordine ad pœnas ecclesiasticas. Priori modo verum est, non esse simoniacos singulos non consentientes, sed resistentes, quoad possunt: quod non obstat, quominus totum delinquat ratione majoris partis. At vero posteriori modo solent innocentes participare delictum totius corporis quoad pœnam propter conjunctionem cum illo. Quomodo autem hoc sit applicandum ad pœnas simoniæ in sequentibus dicemus.

C A P U T LV.

Pro quibus simoniis nullæ pœnæ impositæ sint?

De effectibus simon. **I** Quamvis omnis simonia in Divino iudicio puniatur, (de quo iudicio, & pœnis ejus agere, ad hunc locum non spectat) non tamen omnes puniuntur ecclesiastico jure, cujus pœnas, quæ sunt veluti effectus simoniæ, nunc explicare aggredimur: & ideo in hoc capite excludemus prius omnes modos committendi simonias, quæ pœnis non subiaciunt, ut expeditior sit doctrina de cæteris pœnis, quæ pro aliquibus simoniis latæ inveniuntur: quoniam ergo simoniæ distinctæ sunt a nobis & ex parte legis, & ex parte materiæ, & ex parte modi, seu imperfectionis actus, & ex parte pretii, seu permutationis, ideo de singulis dicendum est. Quia vero circa simoniam contra jus Divinum nulla est difficultas, ideo primum membrum cum aliis jungemus, & de aliis tribus singillatim dicemus. Suppono autem, sermonem præcipue esse de pœnis ipso jure latis: nam illæ sunt, quæ ad forum conscientie maxime pertinent, aliæ vero,

quæ per sententiam imponendæ sunt, a Juristis maxime considerantur. Et ideo de prioribus ex professo loquimur, alias vero attingemus, saltem ut ab aliis eas distinguamus.

v Primo ergo ex parte materiæ dubitari potest, an pro simonia, in quacumque materia commissæ aliqua pœna incurrat? In quo dubio certum est, nullo jure antiquo, (scilicet, quod præcesserit, ante Paulum II. qui fere ante centum quinquaginta annos præfuit) fuisse latam ipso jure pœnam aliquam contra omnes simoniacos. Et omissis pro nunc simonia in ordine, & beneficio, de cæteris certum hoc est, quia nec in tota causa prima Decreti, neque in titulo de simon. talis pœna invenitur. Pœna autem ipso facto non incurritur, nisi ubi expressis, vel sufficientibus verbis in lege ita declaratur, ut suppono ex dictis in materia de Censur. & de Legibus neque in his admittendum est argumentum a simili per æquivalentiam, vel excessum delicti, quia in pœnibus non habet locum extensio juxta vulgata jura, ca. *Statutum*, de elect. in 6. ca. *Pœna*, de Pœnit. d. 1. ca. *Odia*, de Reg. jur. in 6. & in eisdem locis allegatis tractatur. Et in specie tradidit Gl. in Clem. un. de consang. & affin. ver. *Eos*. Pœnæ autem per sententiam ferendæ sæpe imponuntur in jure tam contra clericos, quam contra laicos, ut videre licet in ca. *Reperiuntur*, & ca. *Quidquid*, cum aliis 1. q. 1. ca. *Sicut simoniaca*, ca. *De hoc*, ca. *Veniens*, cum similibus, de simonia.

5 Solum video, dubitari posse circa hanc regulam, quia licet in simonia occulta certa sit, in publica videtur deficere: semper enim publicus simoniacus, in quacumque materia talis esset, eo ipso fuit suspensus, & quoad se, & quoad alios, ita ut nec illi celebrare, nec aliis ejus sacris officiis interesse, vel cum illo communicare liceret: ergo nec pœna semper fuit ipso jure imposita Clericis saltem stante illa conditione de publicitate delicti. Assumptum patet ex verbis Urbani II. & Gregorii VII. quæ refert Gratianus distinct. 32. §. *Verum ibi Officium simoniacorum*, &c. absolute enim dicit *Simoniacorum*, non determinando ad hanc, vel illam materiam. Intelligendum autem id esse de simoniis (quidquid ibi Gloss. dicat) verius est, ut Hugo, Turrecrem. & alii exposuerunt. Et constat, quia eodem modo est ibi sermo de Concubinario, & simoniaco. Ad hoc in primis dicitur, quod licet illam sententiam admittamus, quam tenet Turrecrem. in dicto caput. *Præter*, referens alios, nihilominus illa non est pœna simoniacorum propria, sed est generalis quorumdam peccatorum publicorum. Deinde addimus, illam pœnam nec fuisse propriam suspensionem, vel irregularitatem, nec aliam similem inhabilitatem canonicam, nec etiam nunc incurri ipso facto, donec sententia judicis intercedat, ut in 5. tomo disp. 31. sect. 4. a num. 4. late tractatum est. Igitur de illo antiquo tempore hæc sufficiunt.

4 At vero post extravagantem secundam de simonia, inter communes, censent aliqui per simoniam in quacumque materia consummatam incurri pœnam aliquam saltem alicujus censuræ: Quod dupliciter ex illo textu colligi potest. Primo ex principio ejus, in quo confirmantur, & invocantur omnes, & singulæ excommunicationis, suspensionis, privationis, & interdicti sententiæ, censuræ, & pœnæ a Summis pontificibus contra simoniacos quomodolibet latæ, & extenduntur ad omnes simoniacos, cujuscumque status, aut eminentiæ fuerint, tam publicos, quam occultos, & additur: *Quas ipso facto eos incurrere volumus*. Hinc ergo concluditur ratio, quia pœnæ ferendæ pro delicto simoniæ, latæ sunt in jure antiquo pontificio in omni materia simoniæ, sed omnes illæ nunc incurritur ipso facto ex vi prædictæ extravagantis, ut ex ultimis verbis constat; ergo. Consequentia cum minori pater: major autem haberi potest ex multis juribus 1. quæst. 1. Nam in capitulo *Erga*, 110. 1. quæst. 1. de simoniis absolute dicitur: *Eos omnino damnamus, ac deponendos esse Apostolica auctoritate sancimus*. Et in caput. *Quidquid* 101. Excommunicatio

Dubitatio circa hæc regulam positam.

Respondetur dubitationi.

An nunc simoniæ pœna ipsa actu incurritur a iur.

De quibus pœnis si agendum.

nicatio ferenda imponitur clericis vendentibus Baptismum, Chrismatis collationem, seu consignationem, & promotionem clericorum: ex Concil. Tol. II. & in ca. *Nullus episcopus*, de vendente communionem dicitur: *Deponatur*, ex 6. Synodo, & in ca. *Baptizandis*, 99. dicit Gel. Papa de his, qui Baptismum vendunt: *Certum habentes*, &c. quod *periculum subituri proprii sint honoris*. Et in cap. ult. l. q. 3. Innoc. II. contra committentem simoniam in beneficiis commissam, & in Sacramentis Chrismatis, & sancti Olei, & in consecrationibus, honore (inquit) *acquisito careat, & emptor, atque venditor nota infamia percellantur*. Et aliae similes comminationes, vel ferendarum poenarum impositiones in antiquo jure inveniuntur. Omnes ergo illae nunc ipso facto propter simoniam in quacumque materia incurruntur. Secundo de excommunicatione in particulari idem colligitur ex eadem extravagante. §. *Statuentes*, sicut enim habet: *Universi, & singuli qui quomodolibet dando, vel recipiendo, simoniam commiserint, aut quod illa fiat, mediatores extiterint, seu procuraverint, sententiam excommunicationis incurrant*. Et statim Summo Pontifici reservatur. Propter quae verba Soro dicto lib. 9. quæst. 8. art. 2. dicit, per omnem prorsus simoniam incurti hanc papalem excommunicationem, & magnam vim facit in verbo: *Quomodolibet*, propter quod, inquit: *Nullius prorsus simoniaci conscientiam pacare audeam, antequam Summum pontificem, vel ejus vicarium adierit*. Et pro hac sententia citatur Redoan. 4. part. ca. 9. num. 19. sed oppositum docet, refertur etiam Paulus Burg. de irregul. tit. de simonia num. 92.

5 Nihilominus vera, & segura sententia est, pro nulla simonia incurti poenam ipso jure ex parte materiae, nisi in ritibus, scilicet ordine, beneficio ecclesiastico, & ingressu religionis. Hæc est communis sententia eorum, qui post dictam extravag. scripserunt, Angel. verb. *Simonia*, 16. numer. I. Silvest. quæst. 19. Redoan. transcribens verba Angeli loco citato, Cajetanus in summa verba *Excommunicatio*, cap. 72. Tabien. num. 72. Navarrus dicto cap. 23. num. 111. vers. *Sexto*, & *septimo*, Grassi in decisionibus lib. 2. capit. 97. num. 3. licet in num. 2. videatur cum Soro sentire, Armil. verb. *Excommunicatio*, in 59. & 60. excommunicatione, & ver. *Simonia*, num. 56. Item Ugolin. Tab. 1. cap. 12. & Tab. 4. ca. 3. in princ. & si attente legatur, idem sequitur Felin. in ca. *De simoniaco*, de simo. in fin. Et quidem quod ad exceptionem, seu affirmantem partem exclusive pertinet, res est certa, & patebit ca. seq. solum advertit, multos ex dictis auctoribus solum excipere simoniam in ordine, & beneficio, ut Angel. Silvester, & Navar. alii vero, quod in uno loco omittunt, in alio addunt, ut Armil. Ugolin. & Grassi. Unde vel ingressum religionis sub beneficio comprehendunt, quia religiosus spirituale officium, & suam præbendam lato modo habere dicitur: vel certe loquuntur specialiter de extravag. Pauli secundi, & aliam reservant in suum locum, ut Cajetan. supra advertit, vel fortasse aliqui eorum indicant, quoad ingressum religionis revocatas esse poenas, quod postea videbimus, nunc commodius, & securius illa tria membra excipimus, quæ postea exponemus, declarando, quid sub singulis comprehendatur.

6 Quoad partem autem negantem de omnibus aliis materiis simoniae, non aliter eam probamus, nisi quia ante dictam extravagantem nulla poena ipso facto incurrenda invenitur, lata pro simonia in universum in jure communi, ut omnes supponunt, & constat ex allegatis textibus, sed in illa extrav. lata non est, ergo nullibi. Ut hæc consequentia sit solida, oportet advertere, plures alias referri extravagantes, vel constitutiones pontificias: nam Angelus supra, & Felinus referunt duas Martini V. Una habetur in Concil. Constantiensi, sessione 43. & incipit, *Martinus*, &c. *Multa*. Sed illa tractat solum de simonia in ordine, beneficiis, & officiis ecclesiasticis, & ita nihil refert ad causam præsentem. Alia

fuit ab eodem postea edita Mantuæ, & incipit; *Damnabilem*, & habebat clausulam generalem similem priori, quam ex Paulo II. retulimus, ut referunt, ipsam enim videre non potui, nec extat: & fuisse revocam ab eodem, refert Fel. supra ex Antonino, Alia similiter refertur ex Eugenio IV. incipiens: *Cum detestabile*. Sed illa est eadem, quæ sub nomine Pauli II. legitur inter extravagantes communes, ut notat Redoan. & quædam additio ad Felinum, & ita per aliquem errorem, vel æquivocationem attribuitur Eugenio. Aliam etiam extravagantem refert Felinus ex Urbano IV. & postea videtur referre aliam (nisi error sit in numero propter inversum litteratum ordinem) sed est tantum una, quæ est 1. de simon. inter communes, & non generaliter, sed specialiter loquitur de simonia in ingressu religionis commissam. Ergo quoad hanc partem nulla ratio habenda est extravagantium, quæ præcesserunt ante illam Pauli II. Post illam vero, aliam constitutionem edidit Pius V. quæ incipit: *Cum primum*, & est quinta inter ejus constitutiones in Bullatio: sed in ea nihil habet, quod ad præsentem rem faciat, nisi quod præcipit, extravagantem Pauli II. inviolabiliter servari: postea vero de simonia in ordine, & beneficiis specialiter loquitur.

7 Superest ergo probanda minor rationis factæ, quæ probanda est applicando dictam extravagantem quoad duo puncta tacta in fundamento contrariæ sententiæ, quæ tractavi in 5. tom. disput. 22. sect. 5. a num. 22. Et de priori puncto dixi, non esse verisimile ex vi illorum verborum, *Quas ipso facto eos incurrere volumus*, nunc incurti ipso facto omnes poenas ante illam extravagantem in jure antiquo impositas, & ferendas per sententiam hominis. Quæ interpretatio aliquibus difficilis videtur, quia juxta illam videntur verba illa superflua esse, & nullum habere effectum; nam si antiquæ poenæ non magis nunc incurruntur de facto, quam antea, quid est, quod voluit Papa, cum dixit: *Volumus, eas incurrere ipso facto*? aut quem effectum habuit illa voluntas? Non enim est inefficax, cum potestas pontifici non desit. Item Martinus in 2. extrav. ita confirmavit antiquas simoniacorum excommunicationes, suspensiones, &c. ut voluerit: *eas incurrere ipso facto omnem simoniacum occultum, vel manifestum ubicumque simoniam commiserit*. Ita refert Angel. sentiens, hac intentione fuisse illa verba addita, & in eodem sensu putat similia verba posita esse in d. extravag. 2. seu *Cum detestabile*. Et eodem modo loquuntur Silvest. & Redoan. Propter quod aliqui viri docti sentiunt ex vi illorum verborum omnes poenas antiquas simoniacorum, quæ tantum erant ferende, hodie esse latæ sententiæ.

8 Sed hoc mihi incredibile est, & contra omnem usum, & omnes auctores; alias omnes simoniaci in ordine essent nunc depositi ipso facto, & omnes simoniaci in beneficio essent privati ipso jure omnibus beneficiis, & sic de aliis, quæ incredibilia sunt, & contra communem sententiam Doctorum, etiam qui post illam extravagantem scripserunt, ut ex allegatis patet, & ex dicendis amplius constabit. Unde si verba illa cogere, dicendum potius esset, non esse in illo rigore communi usu recepta, aut ita intellecta, quod satis est, ut non habuerint suum effectum, vel quia consuetudo illis derogavit, vel quia est optima legum interpretis. Adde vero ex Feli. supra, per illam extravagantem solum esse factam ampliatiorem poenarum ad simoniacos occultos, nam immediate præcedunt hæc verba: *Et eorum quemlibet tam manifestum, quam occultum*: & ideo subiungitur: *Quas ipso facto eos incurrere volumus*. Olim enim licet aliquæ poenæ essent latæ ipso facto, non tamen nisi pro publicis simoniacis, ut erat communior opinio. Voluit ergo pontifex extensionem facere ad occultos simoniacos. Non ergo voluit, ut nunc essent censuræ, vel privationes latæ sententiæ omnes, quæ antea erant tantum ferendæ, sed voluit, ut quæ erant latæ sententiæ pro solis publicis simoniacis, nunc etiam ipso facto comprehenderent occultos. Et idem sensus optime quadrat ad verba Martini, qui etiam videtur

Vera sententia negatur incurti ipso facto simoniacis poenas exceptis acibus.

Poenæ negantur propter poenam.

Extravagantes varie re. censentur.

Id.

II.

III.

videtur aliam ampliationem fecisse: nam quia aliquæ pœnæ latæ inveniebantur contra committentes Romæ simoniam, ille ampliavit eas ad omnia loca; sed illa constitutio, ut diximus, revocata est. Atque hic sensus confirmatur, quia est sufficiens ad proprietatem verborum, & satis explicat effectum eorum, & est mitior: est ergo præferendus in constitutione adeo rigorosa, & pœnali: & hic addi possunt conjecturæ, quas in citato loco adduxi.

9 Ad 2. punctum responderetur, verba illius §. *Statuentes* intelligenda esse juxta subjectam materiam, & indelimitari, etiam si formalem limitationem non contineant, quia principalis intentio pontificis ibi fuit punire hæc duo genera simoniæ, in ordine scilicet, & beneficio, ut patet ex clausulis præcedentibus & ex sequenti: in quo notandum est verbum *hujusmodi*, bis in eò additum, scilicet, & ut *hujusmodi labis contagio*; & infra: *Quos simoniam hujusmodi commisisse, vel procurasse*. Nam in his ultimis verbis evidens est, limitari simoniam ad illam tantum, quæ est in ordine, & beneficio, quia non potest aliud significare, & quia præceptum ibi positum de revelandis simoniis nunquam est de aliis intellectum; ergo in eodem sensu additur priori loco, cum dicitur: *Et ut hujusmodi labis contagio, &c.* Ergo signum est etiam in præcedenti, eodem modo sumi simoniam, & eandem limitationem esse subintelligendam, etiam si expresse addita non fuerit: nam per verba prædicta refertur vitium, de quo immediate sermo præcesserat. Quod etiam optime confirmatur, (ut in allegato loco notavi) in eodem Paulo 2. in extravag. *Et si Dominici*, 1. de penit. & remis. ubi solam simoniam in ordine, & beneficio ponit inter casus peculiariter sibi reservatos, quod postea etiam declaravit Sixtus IV. in alia extravag. *Et si Dominici*, eod. tit. Ergo signum est, excommunicationes reservatas latas a Paulo in d. extrav. 2. solum fuisse contra simoniacos in illis materiis. Tandem expendere possumus, quod Pius V. in d. Constit. post illa verba: *Ut simoniace pravitas labes prorsus aboleatur, constitutiones omnes nostrorum antecessorum contra simoniacos editas, & præsertim Pauli II. inviolabiliter observari, mandamus*, immediate subjungit: *Et delinquentes tam in sacrorum ordinum, quam in beneficiorum assentione statutis etiam inferius pœnis affici volumus*. In quibus verbis satis significatur, intentionem pontificum fuisse semper, gravius has simonias, quam cæteras punire, propter majus detrimentum, quod in universali bono ecclesiæ ex illis nascitur.

10 Circa secundum membrum de modo simoniæ præcipue consideranda est distinctio in mentalem, conventionalem, & realem, applicando illam ad illas tres materias ordinis, beneficii, & religionis: nam reliquæ omnes jam exclusæ sunt. Supponendum deinde est, sermonem esse de vera simonia: nam ficta sicut simonia non est, ita nec pœnis simoniæ subjecta est, ut recte dixit Cajetan. qu. 2. de simonia. Nec Navar. contradicit, licet ex alio principio, ut supra visum est. Præterea de mentali si sit pure interna, ita ut nullum opus externum sit ex illa subsecutum, certum est, non comprehendi sub pœnis ecclesiasticis; immo nec esse capacem illarum, quia jurisdictio humana, etiam ecclesiastica non extenditur directe ad actus pure internos, ut nunc supponimus. Si vero mentalis simonia in externum actum procedit dando, vel recipiendo aliquid mente simoniaca sine ullo pacto tacito, vel expresse, licet valde probabile sit, posse tale factum per ecclesiam puniri, de facto tamen non punitur, ut constat ex ca. ult. de simon. juxta verum sensum ejus infra tractandum.

11 At vero de simonia conventionali pura dubitari potest, an illa puniatur ecclesiasticis pœnis. Et ratio est, quia illa est sufficiens materia pœnæ ecclesiasticæ, ut patet, quia est actus externus, & gravissimum peccatum simoniæ; ergo de facto punitur per eas leges, quæ puniunt simoniam circa talem, vel talem materiam. Probatur consequentia, quia verba legis in omni proprietate, & rigore sumpta comprehendunt talem actionem, & personas illam committentes. Nam si lex punit simoniam, ille contractus es-

sentialiter, & perfecte simonia est; nam contractus in conventionem ipsa essentialiter consummatur, ut constat insit. de emption. & vendit. in princ. unde, cum simonia sit emptio, & venditio, illa conventio simonia est: & consequenter sic contrahentes sunt simoniaci, ac subinde si lex puniat simoniacos, illos etiam punit. Atque ita sensisse refertur Tancred. in Glof. ca. *Tuanos*, de simon. verb. *Culpabiles*, a qua ipsa non dissentit. Et hanc sententiam sequi videtur Redoan. 4. p. ca. 9. num. 2. & sequentibus, ex quo multa argumenta pro illa depromi possunt: unde illam satis rationabilem appellavit Cajet. 10. 2. Opusc. tract. 9. qu. 2. Et contrariam dicit, sola auctoritate fuisse introductam.

12 Nihilominus dicendum est, simoniam pure conventionalem non puniri pœnis juris ipso facto latis contra simoniacos, ac propterea per hanc simoniam conventionalem non incurri censuras, inhabilitates, vel privationes, si quæ sunt ipso jure latæ contra simoniacos. Hæc est communis sententia Theologorum, & Juristarum, quos infra in puncto controverso de simonia reali referemus: nam hic in re clara non est necesse, Videturque mihi non solum fundata auctoritate scribentium, sed etiam auctoritate juris, & ratione. Utrumque ostendo in hunc modum: quia jura punientia simoniam non utuntur verbis significantibus conventiones simoniacas solas, sed donationes, vel receptiones ex talibus conventionibus procedentes: seu regulariter non utuntur verbis indicantibus solum simoniæ vitium, sed actionem simoniacam: ergo ex vi talium jurium non incurruntur pœnæ illorum per simoniam mere conventionalem. Antecedens declaratur optime in extravag. 2. de sim. qui textus, ut videbimus, est præcipuus inter omnes, qui de pœnis simoniacorum loquuntur. In illo ergo puniuntur simonia in ordine hoc modo: *Qui simoniace ordinati fuerint, &c.* qui autem fecit conventionem de recipienda ordinatione simoniace, quandiu non ordinatus est, non deliquit formaliter, & complete contra illam legem. Simili modo puniuntur simonia in beneficio, directe exprimendo actionem: *Per electionem, postulationem, confirmationem, &c.* & infra de utraque: *Qui quomodolibet dando, vel recipiendo simoniam commiserint, &c.* Et similiter in extravag. 1. circa ingressum religionis prius prohibentur actiones exigendi, vel petendi aliquid pro ingressu; & subditur: *Sed eas potius cum omni pietate recipiat, & postea, qui secus egerit: donec ergo intercedat receptio non gratuita, non sit formaliter, & complete contra illam legem.*

13 Similiter loquuntur antiqua jura 1. qu. 1. ca. *Presbyter, si per pecuniam ecclesiam obtinuerit, &c.* *Quisquis per pecuniam ordinatur; & ca. Quos constituerit, &c. Sacram mercatos esse pretio dignitatem.* In cap. autem *Reperiuntur*, cum dictum esset, multos velle mercari gratiam Spir. S. ita statim explicatur: *Dum vile pretium donant, ut pontificalis ordinis sublimè culmen accipiant; & infra: Quicumque propter accipiendam sacerdotii dignitatem (utique quam de facto habet) quodlibet pretium fuerit detectus obtulisse. Quod magis infra declaratur, dum dicitur: Ille qui hunc ordinem munerum fuerit datione lucratus, & ca. seq. si quis episcopus per pecuniam ordinationem fecerit; & infra: Aut promoverit per pecuniam, dispensatorem, aut defensores, &c. & ca. 100. Nullus episcopus, aut Presbyter, aut Diaconus, qui sacram dispensat communionem; & infra: Si quis ab eo, qui sacram communionem dispensat, aliquod pretium exegerit, &c.* Et multa similia sunt in Decretis seqq. & 1. qu. 2. per totam, & in qu. etiam 3. præsertim ca. 1. *Qui sub munerum datione, vel acceptione Dei ecclesiarum, vel earum sibi beneficia usurpant; & cap. Salvator: Qui easdem res ad propria lucra largiunt, vel adipiscuntur, &c. Ex multis. Hoc malum invaluisse cognovimus, ut nulli beneficium ecclesiasticum concederetur, nisi ei, qui profano pecunie munere illud emere studisset.* Neque aliter loquuntur jura decretalium de sim. Licet enim interdum utantur verbo vendendi, attendendi, vel similibus: quando veniunt ad

Non incurritur ipso facto

Circa ista, quæ excipiebantur.

De simonia mentali parte interna.

De simonia conventionali.

ad pœnas imponendas etiam per sententiam, utuntur his, vel similibus verbis: *Tam ille, qui dedit, quam ille, qui receperit ea. Non satis, vel si qui fuerint, quos in prædictis ecclesiis publicum, ac notorium sit, simoniace intrasse*, ut dicitur in ca. *Insinuatum*. Et in alio dicitur: *De simoniace ordinatis*. §. De simon. Et similia multa sumi possunt ex aliis, ex quibus satis constat, jus punire directe actiones ipsas simoniacas, non puros contractus; per quæ jura explicanda sunt alia, si aliis verbis loquantur.

14 Prima vero consequentia probatur, quia pena per legem imposita non incurritur, donec actio mala eo modo, quo per legem exprimitur, & puniatur, committatur, & compleatur: sed actio prohibita, & puniatur per hæc jura, non completur in sola conventionite; ergo per illam solum non incurritur pena simoniacorum. Et hæc ipsa est ratio a priori conclusionis, quia leges pœnales sunt stricti juris, & ideo in eis, ut pœna incuratur, non attenditur sola culpa, vel malitia apud Deum, sed etiam actio ipsa materialis peccati, quatenus per verba legis significatur; immo si verba significant actionem cum effectu consummato, non intelligitur pœna incurri, donec effectus subsequatur; ergo etiam in præsentī materia leges pœnales ita interpretandæ sunt, nam est eadem ratio. Ostensum est autem, verba legum non tantum significare culpam simoniæ, sed postulare etiam determinatas actiones, quæ ultra conventionem dicunt executionem: ergo sola conventio simoniaca non est materia talium pœnarum. Consequentia sunt claræ. Primum vero antecedens in se includit probationem, scilicet, quia hæc leges sunt odiosæ, ideoque restringendæ. Et quoad pœnas, quæ ipso jure incuruntur, ut sunt Censuræ, irregularitates, & similes, in tom. 5. de Censuris ostensum est: estque quasi commune axioma ab omnibus receptum: Hæc enim ratione non fit irregularis, qui ex parte sua vulnus ad mortem sufficiens intulit, donec effectus re ipsa sequatur, & sic de aliis.

15 Atque ita facile solum est fundamentum prioris sententiæ. Verum enim est, simoniam conventionalem posse ab ecclesia puniri, dicimus tamen, hæctenus non esse punitam saltem per pœnas ipso facto incurrendas, quia verba legum non loquuntur de simonia, aut peccato simoniæ utcumque, sed sub verbis significantibus executionem simoniacam, ut ostensum est. Quoad pœnas vero per judicem imponendas (licet hoc ad nos non pertineat) non est dubium, quin possit iudex ecclesiasticus conventionem simoniacam, si publica sit, vel ad eum deferatur, & probeatur, prius quam executioni mandetur, aliquo iusto modo puniri, quia illud est grave delictum, & contrarium moribus honestis ecclesiæ, & scandalosum, & ideo per ecclesiasticum iudicem corripi, & puniri potest, juxta cap. 1. offic. ordin. Tamen non poterit pro illo imponi ordinaria pœna simoniacorum, sed arbitraria juxta qualitatem, & circumstantiam delicti, quia illud delictum non est consummatum in ratione simoniæ ecclesiasticæ (ut sic dicam) sed quasi attentatum, seu inchoatum; pro delictis autem hujusmodi non debet imponi ordinaria pœna, nisi ubi lex id exprimit, ut constat.

16 Immo ulterius ex dictis infero, quod licet simonia conventionalis ad executionem processerit ex parte ementis, & non ex parte vendentis rem spiritualem, id est licet datum sit pretium, si res spiritualis non est data, vel accepta, nondum est sufficiens ad pœnas simoniæ ipso facto incurrendas. Ita etiam docent Cajet. Sor. Navar. & plures alii infra referendi, neque in hoc est jam controversia. Potestque ex dictis probari, quia talis simonia simpliciter censetur tantum conventionalis, ut supra vidimus: sed per conventionalem simoniam non incuruntur pœnæ, ut proxime diximus; ergo. Secundo videtur probari efficaciter ex dictis juribus, semper enim requirunt traditionem rei spiritualis, ut patet ex illis verbis: *Qui ordinati simoniace fuerint: Qui pretio ecclesiæ obtinuerit, & similia*: unde quoties dicitur, *dantes, vel accipientes*, intelligitur maxime de dan-

tibus, vel recipientibus spiritualia, ut ex contextu constat, & ex directa intentione jurium, quæ est, impedire hanc sacrilegam acquisitionem rerum spiritualium, eamque punire. Et ratio etiam potest ex supra dictis reddi: quia donec res spiritualis contrectetur (ut sic dicam) non est satis completa irreverentia, quæ contra illam sit; sicut in percussione clerici, licet actio ad percussorem tendat, vel jaculatio in eum directa sit, si cum effectu illum non attingit, licet sit sacrilega, non sufficit ad pœnas Canonis: ita ergo est cum proportionem in præsentī.

17 Major vero difficultas est, quando a contrario simonia est consummata ex parte vendentis, seu ex parte rei sacræ, non vero ex parte pretii; quia nimirum ordo, aut beneficium collatum est sub pacto, & promissione rei temporalis, pretium autem nondum est solum. Nam si ex utraque parte sit consummata, extra omnem controversiam est, illam esse propriam simoniam punibilem, seu cum effectu punitam ab ecclesia, quia nihil amplius jam desiderari potest. Et quia tunc verba legis integre, & secundum completam, & rigorosam significationem applicantur, & executioni mandantur. Immo addit Navarrus, & omnes, qui ex utroque capite complementum postulant, sufficere quacumque partem pretii esse absolutam ad complementum simoniæ punibilis, etiam si nondum totum pretium solum sit. Et ratio reddi potest: quia ad actionem complete simoniacam satis est, quod pro pretio fiat, sive parvo, sive magno; quod enim spiritualis res carius, aut vilius vendatur, non variat rationem ejus, maxime in ordine ad ecclesiasticas pœnas; quando autem pretium ceptum est solvi, etiam pro minima parte, & res spiritualis est tradita, jam vendita est pro aliquo reali pretio accepto: consummata ergo est ex utraque parte simonia, non minus quam si a principio conventum esset de sola illa minima quantitate pecuniæ, & soluta esset tanquam integrum pretium. Sicut e contrario, si pactio esset facta de conferendis septem ordinibus pro centum aureis, & illis solutis, inciperet ordinatio fieri, statim in primo gradu esset consummata simonia, & pœnæ incurræ non minus, quam si pro illo solo totum illud pretium esset receptum. Igitur simoniam realem ex utraque parte consummatam quoad totam materiam, vel quoad quancumque ejus quantitatem ex utraque parte, certum est sufficere ad pœnas, quæ ipso facto imponuntur. Tanta ergo difficultas quoad hoc punctum versatur circa simoniam realem ex parte solius rei spiritualis, quæ tradita est; pretium autem non est numeratum cum effectu, sed promissum. Hæc vero difficultas maxime pendet ex verbis legum ecclesiasticarum, & ex usu ecclesiæ, & ideo non potest commode tractari, nisi descendendo ad particulares pœnas: quod in sequentibus capitulis faciemus, ibique rem totam melius explicabimus.

18 In tertio puncto de simonia ex parte pretii, seu permutationis potissima dubitatio occurrit, an simonia, quæ in permutatione beneficiorum committi potest, & in universum omnis illa, quæ solum est contra prohibitionem ecclesiæ, subjiciatur pœnis contra simoniacos latis. Aliqui enim Doctores negantem partem defendunt, maxime quoad pœnas ipso jure latis. Citantur pro hac sententia Casador. decis. 5. de Constit. Navar. in cap. *Si quando*, de Rescript. Except. 4. & in Manual. cap. 23. num. 105. in fine. Et Covar. lib. 5. Var. ca. 5. num. 3. in fin. & num. 5. Sed omnes hi male citantur: quia Casador. solum ibi defendit, pœnas non incurri ipso facto, nisi per simoniam realem; an vero necesse sit, illam simoniam committi per largitionem rei temporalis, vel sufficiat permutatio spiritualis pro spirituali prohibita, non tractat. Covar. autem ibi non agit de pœnis, sed solum obiter dicit, per renunciationem sub conditione, vel in favorem consanguinei non committi veram simoniam, quod alterius quæstionis est, ut supra vidimus cap. 35. & infra de pœna illius non nihil dicam. Navar. autem aperte docet contrarium, ut statim ostendam. Sequuntur ergo hanc partem Aragon, citans dictos auctores, 22. q. 100. art. 6. dub. penult,

Utrum rei spiritualis datio ante pretii acceptionem sufficiat ad simoniam

Sufficit quacumque partem pretii accepta

Solvitur simoniam conventionalem consummatam

Non sufficit datum pretium ad pœnas incurrendas ipso facto.

An simonia ex parte pretii, seu permutationis beneficiorum committi potest, & in universum omnis illa, quæ solum est contra prohibitionem ecclesiæ, subjiciatur pœnis contra simoniacos latis.

penult. Petr. Navar. lib. 2. de Restit. cap. 2. nu. 436. Et probabilem reputant aliqui moderni, licet fateantur esse contra communem Doctorem. Dicunt ergo hi auctores, non esse excommunicatos, aut privatos beneficiis ipso jure permutantes beneficia sine licentia superioris, etiam secuta traditione ex utraque parte. Immo addit Petr. Navarrus, idem esse de reservantibus sibi pensionem sine papæ auctoritate. Fundamentum eorum est, quia verba legis poenalis restringenda sunt ad significationem omnino propriam, & rigorosam, sed dictæ permutationes beneficiorum, & similes lapsus contra jus positivum non sunt simonia in omni proprietate, & rigore; ergo.

Rejiciunt
pauca ne-
gativa.

19 Hæc vero sententia mihi non videtur probanda. Non potest enim pro generali statui: Poenas generatim latas jure contra simoniam, siue sint fetendæ, siue latæ sententiæ, non comprehendere simonias ipso jure prohibitas. Immo contrarium censeo pro regula statuendum, & addendam esse exceptionem, nisi ex verbis legis aliud constare possit: sicut e converso, cum generalis regula sit, poenas maxime cadere in simoniam contra jus Divinum; nihilominus talia esse possunt verba legis, ut puniant aliquam simoniam contra jus humanum, vel impropiam, & ad alias propriissimas non extendantur. Probo singula. Et in primis regulam illam tradit Glos. communiter ibi probata in ca. *Ex parte* 1. de offic. deleg. loquens in particulari de renunciatione simoniaca. Et in poena irritationis collationis simoniacæ, hæc est communis sententia Doctorum, ut infra videbimus. Et de poena excommunicationis aperte id docet Redoan. referens plures 3. p. ca. 8. Denique sententiam hanc clare supponit Navar. in d. c. *Si quando*, except. 4. nam in principio illius proponit factum simoniacum contra jus tantum ecclesiasticum; nimirum, pactum consentiendi in regressum factum in favorem unius sub obligatione consentiendi in similem regressum alterius præbendæ in favorem alterius personæ, quam constat, esse permutationem beneficiorum cum admixtione renunciationum in favorem tertii, quæ omnia sunt tantum contra jus humanum. Et tamen numer. 2. concludit, talem simoniam puniri in extravag. 2. Pauli III. & in num. 3. addit doctrinam, quod illæ poenæ non habent locum in conventionali simonia non completa ex utraque parte. Et explicat nu. 5. excusationem non cadere in factum, de quo tractat, quia *deventum fuit* (inquit) *ad dationem promissorum, quia cum effectu data sunt beneficia*. Et in nu. 6. objicit fere fundamentum contrariæ sententiæ, quia ibi non est datum temporale pretium, sine quo non est simonia realis: & responder, negando minorem, nam quando simonia est per illicitam permutationem spiritualium, per traditionem utriusque partis sit realis, & capax poenarum. Et addit (quod notandum est) *Et hoc jure sacra poenitentiaria prætorium utitur*. In alio item loco cap. 23. nu. 105. nihil dicit repugnans: immo generalem doctrinam tradit omnes has simonias comprehendentes, & similiter de illis generaliter ait, in d. extravag. Et specialiter dicit, renunciationem non valere ex vi dictæ extravag. At renunciationi solo jure ecclesiastico prohibita est, ut supra vidimus: ergo sentit extravaganter extendi ad ea, quæ sunt prohibita jure ecclesiastico: idque multis exemplis evidentissime declarat nu. 107. §. *Ad tertium*, & seqq. Reliqui etiam Doctores, vel indistincte loquuntur de simonia reali, quando dicunt, per jura, & potissime per illam extravaganter puniri; vel supponunt, illam simoniam, quæ est in permutatione beneficiorum, & similes esse veras simonias, ut supra vidimus.

20 Potest igitur suaderi hæc sententia ex jure antiquo, quatenus in eo simpliciter damnantur hæc pacta, ut *continentia labem simonie*, cap. *Cum olim* cap. *Quasitum* de Rerum permutatione. Item non parum urget, cap. *De hoc* de simonia. Ubi perpetua depositione puniuntur simonia commissa per promissionem beneficii pro suffragio in electione ad episcopatum, tanquam *gravissimum scelus*, utrique simoniæ, & tamen illa simonia est, quia prohibita,

Et licet in his antiquis juribus hæc simonia puniretur censura lata ipso jure; tamen recte ostendunt, de qua censura loquantur noviora jura, quæ illam imponunt. Unde probatur ex d. extravag. 2. de simonia, quæ sic incipit: *Cum detestabile scelus simonia tam Divinorum, quam sacrorum Canonum auctoritas abhorreat, atque damnet*. Loqui ergo intendit ibi pontifex de simonia non solum Divino juri, sed etiam sacris Canonibus contraria. Deinde statim confirmat omnes poenas a Romanis pontificibus contra simoniacos *quomodolibet latas*. Sacri autem canones indifferenter puniunt simonias contra jus Divinum, & humanum, ut pater ex capitulis allegatis, & aliis, quæ habentur 1. qu. 3. Et adverbium illud *quomodolibet*, multum ampliat. Denique, eisdem verbis utitur, ferendo poenas; aitenim: *Qui quomodolibet dando, vel recipiendo, simoniam commiserint*; item: *Quas contigerit simoniaca lahe fieri*. His enim verbis utuntur alia jura ad explicandam hanc simoniam: ergo ex vi verborum comprehenditur sub poenali lege: sed nec consuetudo, nec stylus Curie, nec antiqui Doctores talem exceptionem fecerunt; ergo non est admittenda.

21 Ratione deinde confirmatur; primo: quia licet simonia sit contra solum jus ecclesiasticum, nihilominus est vera simonia, & simpliciter talis; ergo in omni rigore comprehenditur sub generali lege puniente simoniam in tali materia, quantum est ex parte vocis simoniæ, si aliunde non colligatur limitatio. Sicut lex lata generaliter contra committentes sacrilegium in loco sacro, non minus comprehenderet committentes sacrilegium contra legem ecclesiasticam solam, quam contra divinam. Secundo, siue speculative illæ simoniæ distinguantur specie, siue non, & siue una sit magis propria, quam alia, tamen ad intelligendas leges magis est attendendus usus jurium, quam illa speculatio: at vero jura Canonica indifferenter utuntur illa voce, & eisdem verbis detestantur, & exaggerant contractus simoniacos contra jus ecclesiasticum; & contra jus Divinum, ut ex sæpe allegatis constat; ergo. Tertio etiam Durandus, qui negat simoniam contra jus ecclesiasticum veram quoad culpam, dicit ita vocari, quia subijciuntur poenis veræ simoniæ. Denique sub opinione est, an pecuniam exigere pro ecclesiastico beneficio sit simonia contra jus Divinum, & humanum, & nihilominus certum esse, illam esse in jure propriam simoniam, & maxime puniri; ergo non potest cum fundamento illa regula constitui, sed quod poenæ latæ contra simoniam generatim non comprehendant simoniam prohibitam, sed contraria potius regula statuenda est, contra quam nihil obstat fundamentum contrariæ sententiæ, ut ex dictis patet.

22 Addidi vero exceptionem, nisi ex verbis aliqua talis restrictio colligatur: nam tunc clarum erit, legistatores non voluisse, talem simoniam comprehendere, ut, v. g. in lata puniente simoniam in beneficiis recte dicimus, non extendi poenam ad venditionem pensionis, non quia illa venditio sit contra jus positivum, hæc enim ratio non sufficeret, sed quia pensio non est strictè beneficium, nec proprie, & lex poenalis restringenda est ad proprietatem vocis, & ita illa exceptio sit ex parte materiæ, non ex qualitate simoniæ contra jus Divinum, vel humanum. Qui modus exceptionis non habet locum in permutatione beneficiorum, ut constat, multoque improbabilius est, excipere simoniam, quæ committitur, dando beneficium pro pensione ex pacto privato, quia illa simonia & est in beneficio, & contra jus divinum, quia revera datur beneficium pro pecunia, ut sæpe dictum est. Similiter in lege puniente simoniam in officiis ecclesiasticis, est probabile, non comprehendere officia temporalia, ut oeconomi, advocati, quia non videntur esse officia ecclesiastica rigorofo, & proprie, quamvis sit dubia. Certius exemplum esset de jure patronatus, quod sub tali lege non comprehenditur, non quia sit simonia contra jus ecclesiasticum, illud vendere, sed quia non est officium ecclesiasticum. Simili modo potuisset dubitari

Exceptio
in asser-
tione po-
sita de-
claratur.

de lege puniente simoniam in ordine. An comprehenderet primam tonsuram, etiam fatalis simonia sit contra jus Divinum, quia tonsura in rigore non est ordo, de quo infra.

23 Tandem addidi ad maiorem explicationem, etiam posse contratio contingere, puniri per legem simoniam contra jus humanum, & non contra Divinum, ut constat in excommunicatione lata contra simoniam confidentialem, quæ tota contra jus humanum est, ut supra est declaratum, & tamen illa pœna non extenditur extra illam materiam. Idem est de censura lata a Pio V. contra renunciantes beneficia aliter, quam ab ipso præscriptum fuit, & sic de aliis. Et ratio est, quia interdum jura puniunt gravius quædam delicta contra jus humanum, quam alia contra divinum, quia frequentius committuntur, vel perniciosiora sunt communitati. Concludimus ergo, non esse distinguendam simoniam punibilem, vel punitam ex parte pretii, seu doni, pro quo spirituale commutatur, si prohibita est commutatio, nec ex parte juris, quo prohibetur, sed ex actu prohibito, & materia, circa quam versatur simonia, consideratis verbis legis pœnam ferentis. Et hæc videntur in generali sufficere, jam ad particularia descendamus.

C A P U T LVI.

De Censuris, vel Canoniciis impedimentis, que propter peccatum simonia ipso jure incurruntur.

OMnes simoniacorum pœnas, licet varix numerari soleant, ad duo capita revocamus, sub quibus omnes comprehendimus, quas in particulari numerabimus. Primum caput est censurarum, ad quas revocamus alia impedimenta Canonica, ut sunt irregularitas, infamia, & si qua alia sunt hujusmodi. Secundum caput est privatio omnium bonorum, sive spiritualium, sive temporalium per simoniam acquiritorum, sub quo etiam complectimur privationem aliorum beneficiorum, si fortasse hæc per aliquam simoniam incurritur. Nec vero nunc affirmamus, omnes has pœnas per aliquam simoniam induci, id enim in discursu examinandum est; sed dicimus, omnes pœnas simoniæ, de quibus inquirere oportet, sub his capitibus contineri; nam alix, que per sententiam judicum imponi possunt, ad nos non spectant, & ordinariæ arbitrarix sunt: si fuerint vero in jure positæ, eas non omnino prætermitemus. In hoc ergo capite de Censuris, in sequentibus de aliis privationibus dicemus.

4. Affer.

2 Primo ergo dicendum est, per simoniam in ordine, in beneficio, & in ingressu religionis incurri excommunicationem majorem papæ reservatam. Probantur singulæ partes. Et primum de simonia in ordine dubitari potest, an in jure antiquo lata sit hæc excommunicatio. Aliqui enim affirmant: primo ex c. *Reperiuntur*, 7. 1. q. 1. ubi contra ordinatam simoniace dicitur: *Ex eodem tempore se noverit anathematis opprobrio condemnatum*. Sed in primis jus illud non est pontificium, sed ex Ambrosio ibi refertur, habetur autem in Conc. Tol. 8. cap. 3. Præterea in eo, non de omni ordine, sed de solo episcopatu videtur esse sermo. Nam in principio sic dicitur: *Unde pretium donant, ut pontificalis ordinis sublimis culmen accipiant*. Infra vero dicitur: *Quicumque deinceps propter accipiendam sacerdotii dignitatem eos*. Videntur autem hæc verba juxta priora esse intelligenda, recte enim pontificatus sacerdotii dignitas appellatur. Ex illo ergo textu non colligitur universaliter hæc censura. Deinde Glos. ibi dubitat, an ibi nomen anathematis proprie sumatur pro excommunicatione, aut pro sola remotione a participatione corporis & sanguinis Domini: nam hæc fere verba in textu adduntur ad explicandam illam pœnam, quam Glos. vocat *separationem a corpore, & sanguine Christi*. Præpositus autem suspensionem vocat, & ita dicit, illum esse Canonem latæ sententiæ contra simoniacos,

quantum ad suspensionem, non quantum ad excommunicationem; & præterea, illam etiam suspensionem, ait, non incurri, donec delictum publicum sit, propter illa verba textus: *Ex quo constat, execrabile Christo præparasse flagitium*. Et eandem sententiam sequitur ibi Turrec. n. 3. referens Hugonem, Raym. & Ultricum. *Et concordant (addit) alii Doctores*. Ex hoc ergo textu parum probatur.

3 Potest tamen illa censura tam pro ordinante, quam pro ordinato saltem quoad sacros ordines sumi ex c. *Quicumque sacros*, 12. 1. q. 1. Quod creditur, esse Gregorii, aut paschalis, & in eodem dicitur: *Scriptum est, anathema danti: anathema accipienti, hoc est simoniaca heresis*. Sed verba ipsa præ se ferunt, & omnes exponunt, recte intelligitur anathema ferendum, ut idem sit, *anathema danti*, ac si diceretur, *anathematizetur dante*. Idemque de accipiente. Præterquam quod citati Doctores per anathema intelligunt separationem a clericali munere, seu ab officio altaris. Et eodem modo intelligitur ca. *Placuit*, 1. alias 22. eadem causa, & quæ. Ex Concil. Brachar. 2. c. 3. quod est antiquius Gregorio, & Paschali, & tamen in eo etiam antiqua patrum definitio allegatur, quæ ita statuit, *anathema sit danti, & accipienti*. Ubi Turrec. dicit, patres illos fuisse Concilii Niceni, sed locum non designat. Ego solum reperi in Canon. 80. illius Concilii ex Arabico translati in 49. Sic haberi: *Ut nullus audeat ordinare episcopum, aut sacerdotem, aut diaconum, pro quavis re data, sive ante ordinationem, sive post, & qui secus fecerit, deponatur, & quicumque contradixerit, Synodus eum excommunicat*. Et hic Canon. censetur allegari in c. *Pervenit*, 1. q. 3. & 16. q. 7. Ubi contra episcopos, qui beneficia, seu jura decimarum, & oblationum laicis conferunt, dicitur: *Sicut Nicæna Synodus de simoniis censuit, & qui dat episcopos, & qui recipiunt ab eo laici sive pretio, sive beneficio, æterni incendiis ignibus deputentur*. Ex quibus ultimis verbis clare constat, nullam excommunicationem pro illa ferri. In prioribus autem verbum, *Deponatur*, clare significat pœnam ferendam; illud vero, *Synodus eum excommunicat*, magis videtur continere sententiam latam: sed expendo non ferri contra sic ordinantem, sed contra eum, qui contradixerit; quo verbo significari videtur, qui per hæresim, vel schismata damnationi illius criminis contradixerit. Præterquam quod ille Canon usu receptus non est: immo non est omnino certus. Concludo igitur, ex solo jure antiquo non satis probari hanc excommunicationem ipso jure latam, & ideo in tomo de Censuris inter excommunicationes in Decreto latas hanc non posuimus, secuti Navar. Cajet. Silvest. & alios. Et ita etiam docuerunt expresse Præpos. & Turrec. cum aliis supra citatis, & sentit Innoc. in c. *Tanta* de simonia.

4 Probanda est ergo hæc assertionis pars ex jure novo, quod habetur in extrav. Pauli 2. *Cum detestabile*, de simonia inter communes. Ubi, postquam de simonia in ordine mentionem fecerat, subdit censuram excommunicationis latæ sententiæ, & papæ reservatæ contra omnes: *Qui quomodolibet dando, vel recipiendo simoniam commiserint, aut quod illa fiat, mediatores extiterint, seu procuraverint*. Quæ verba juxta communem interpretationem cadunt in utramque materiam præcedentem, ut latius diximus in 5. tomo, disp. 22. sect. 5. num. 25. Et optime confirmatur ex dictis, & allegatis in caput. præced. solum potest hic inquiri, quid nomine ordinis in hac materia intelligatur. In quo solum de prima tonsura potest esse dubium, quia de septem ordinibus nullum est, nec de episcopatu esse debet; tum quia probabilius forte est, esse verum ordinem; tum etiam quia jura maxime de illo loquuntur, cum de simonia tractant, ut ex citatis constat, & in eodem sensu loquuntur noviora jura; tum etiam ratio hujus prohibitionis non minus, immo quodammodo magis urget in consecratione episcopi, quam in aliis ordinationibus.

5 De tonsura vero prima videtur esse posse dubium, quia non est verus ordo, & pœnæ sunt restringendæ.

Et

An prima
censura
significet ad
simoniam

Et ita videtur sentire Lessius d. c. 35. dub. 23. Contrarium vero sine ulla probatione, vel allegatione affirmat Ugolin. Tab. 4. c. 3. nu. 2. & c. 4. nu. 1. Et mihi videtur verum, quia per primam censuram simpliciter constituitur aliquis in ordine clericorum, & hoc solet intelligi in iure nomine ordinationis, & in hoc sensu censura est ordo. Item, quia simonia in ordine quoad alias pœnas comprehendit simoniam in collatione, vel acceptione censuræ, ut statim videbimus. Denique, quia verba illius extravagantis valde generalia sunt, quomodolibet dantes, & accipientes. Addit vero Ugolin. extensionem ad notarium, vel ministrum, qui pro litteris dimissoriis, vel sigillo aliquid accipit, quam sumit ex Salzedo in additione ad practic. Bernar. c. 91. ver. Quinto. Qui dicit, ita esse dispositum in Concil. Trident. sess. 21. cap. 1. Sed Concilium ibi nullam talem extensionem ponit, sed concludit: *Qui secus fecerint tam dantes, quam accipientes ultra Divinam ultionem pœnas a jure inflictas ipso facto incurrant.* Ubi non imponit pœnam novam, sed confirmat pœnas a jure inflictas, ut bene expendit Lessius supra dub. 24. Non est ergo verisimile, incurrere hanc censuram, qui absque simonia ordinem suscepit, etiamsi postea det aliquid pro titulo cum ex vindictæ extravagantis illam non incurrat, quia non potest dici ordinem simoniace suscepisse, nec pro illo aliquid dedisse; & idem censo de notario, & similibus. Immo si episcopus, pure ordinem dedit, licet postea aliquid gratis oblatum accipiat, & peccet contra Concilii præceptum, non tamen hanc excommunicationem incurrer, quia a jure inflicta non est pro illo crimine. Et si Concil. voluisset de novo illam imponere, certe clarius expressisset, cum sit gravissima pœna, & valde dura pro tali delicto.

2. Pars
conclu.
sionis cir-
ca bene-
ficiis.

6 Secunda pars assertionis, quæ est de simonia in beneficio, facilis est, nam licet pro illo crimine, antiquo, jure non fuerit imposita excommunicatio ipso facto, in novo prædictæ extravag. 2. de simon. expressa est, & confirmata per dictam Constit. 5. Pii V. & non indiget nova declaratione, præter traditam in materia de Censuris. Solum posset interrogari, quid nomine beneficii in illa materia intelligendum sit, sed hoc explicabimus ca. seq. tractando de nullitate collationis. Nunc solum hanc generalem regulam statuimus, per illam simoniam in beneficio excommunicationem illam per se incurri, quæ sufficit ad irritandam beneficii acquisitionem, nam utraque pœna in eandem materiam cadit, ut ex contextu constat, & ibi amplius explicabimus. Dico autem per se, quia sine peccato non incurritur excommunicatio, & ideo siignorantia excuset a culpa, excusabit ab excommunicatione, esto non faciat, collationem esse validam, ut videbimus. Denique quoad personas extenditur illa censura ad quoscunque conferentes, & acquirentes, atque etiam ad mediatores: sicut etiam extenditur in simonia in ordine, ut ex textu constet, & notavi Cajet. in Sum. ver. *Excommunicatio ca. 72.* Addunt præterea Silvest. & Anton. extensionem hujus censuræ ad scientes, & non revelantes: sed hæc extensio non habetur in illa extravag. sed solum præceptum, de quo in 5. tom. latius dixi. Proponit item Navarrus Conf. 52. de simon. novam quæstionem (ut ait ipse) An hæc excommunicatio incurratur per simoniam, quæ videtur esse parva ex parte pretii? Sed nobis non videtur dubium, quin incurratur, quia illa simpliciter est peccatum mortale, ut supra definitum est, & ideo est causa sufficiens talis censuræ, ut ipse etiam resolvit.

De in-
cessis
religion.

7 Tertia pars assertionis erat de simonia in religione, quæ, probatur ex extravag. 1. inter communes de simonia, quam late explicui in d. tom. disp. 21. sect. 5. num. 5. & hic fere nihil addendum occurrit. Præsertim, quoad moniales, & conventus earum revocata est illa pœna, ut ibi notavi: in religionibus autem virorum raro hæc simonia committitur, & pro casibus, in quibus committi potest, sufficiunt, quæ ibi sunt adnotata. Solum adverto, ibi solum ferri hanc censuram, quando monasterium aliquid exigit ab ingressuro: non vero, quando ipse sponte

illud offert, ut expresse ibi declaratur: & merito, quia tunc non est simonia. Neque etiam incurritur, quando e converso ingrediens aliquid exigit a monasterio, ut ingrediatur, etiamsi in hoc simoniam committi contingat, quia de hoc modo simoniæ nulla ibi mentio fit, & lex pœnalis non extenditur ultra casum expressum. Notari etiam potest, censuram hanc incurri, non solum si tempore professionis simonia committatur, sed etiam in ipso ingressu, & receptione ad habitum, quia textus absolute loquitur de volentibus ingredi. Probabile autem est, licet culpa simoniæ etiam in receptione ad habitum pro pretio committatur, ut supra diximus: nihilominus, quia receptio ad religiosum statum, & traditio rei spiritualis, quæ ibi præcipue emitur, non consummatur usque ad professionem, non incurri hanc censuram usque ad professionem, ita ut licet receptio ad habitum fuerit simoniaca, si postea factum retractetur, & pecunia, vel non recipiatur, vel reddatur, & professio mere gratis admittatur, non incurratur hæc excommunicatio. E converso autem licet receptio ad habitum gratis facta fuerit, si tempore professionis aliquid exigatur, illud sufficit, quia ibi actus plene consummatur.

De suspensione.

8 Secundo dicendum est, suspensionem aliquam ipso jure imponi propter simoniam in tribus dictis materiis commissam. Et primo (quia brevius expediri potest) in eadem extravag. 1. de simon. suspensio imponitur conventui consentienti in talem simoniam: circa quam ponderari possunt omnia, quæ de excommunicatione diximus, & non indiget nova expositione, ut etiam dixi in cit. loco 5. tom. sect. in ultimis verbis. Solum videri potest obscurum, quia non declaratur in illo textu, a quo fiat talis suspensio, sed simpliciter dicitur: *Suspensionis sententiis eo ipso decernimus subiacere.* Sed hoc declarandum est juxta generales regulas suspensionum traditas, in d. tom. 5. disp. 25. a sect. 2. num. 7. & disp. 26. sect. 1. per totam. Ex quibus probabilius videtur suspensi ibi capitulum ab omni actu, seu officio capitulari, quod jurisdictionem, vel administrationem ecclesiasticam requirat: nam illud subjectum non est capax alterius suspensionis & tota illa in rigore comprehenditur sub absoluta sententia suspensionis. Dicere vero posset aliquis apparenter, limitari illam suspensionem ex materia, de qua lex illa fertur, ita ut censeatur suspensi capitulum a sola receptione religiosorum, quod esset probabile, si in textu daretur aliquod indicium hujus limitationis, vel relationis pœnæ ad talem materiam. Quia vero textus nimis absolute loquitur, & suspensionem illam imponit capitulo, loco excommunicationis majoris, cujus capitulum non est capax, ideo priori expositioni omnino standum videtur.

9 Secundo imponitur hæc censura suspensionis ipso jure recipientibus ordines simoniace, ut expresse habetur in d. extravag. 2. de sim. De qua re sufficiunt dicta in d. 5. tom. disp. 35. sect. 4. a num. 31. Ubi etiam explicui, quando ordinatus maneat suspensus recipiendo ordines a simoniaco episcopo, etiamsi ordinatio ipsa simoniaca non sit. Item declaravi, hanc suspensionem requirere culpam ex parte ordinati, & non incurri ab eo, qui bona fide ordinatus est, interveniente pretio per aliquem tertium, ipso invincibiliter ignorante, quia hæc suspensio est pœnalis, & ideo non incurritur, cessante culpa: nec ex jure aliud colligitur, ut ibi ostendi. Nec videtur probabile, quod quidam dicunt, verba illa dictæ extravag. *Qui simoniace ordinati fuerint, &c.* intelligenda esse scienter, sive ignoranter, quia si ipsa ordinatione simonia committitur ab ordinante, re ipsa alius simoniace ordinatur, licet ignoret. Hæc, inquam, ampla interpretatio probabilis non est; tum quia est contra generalem regulam interpretandi leges odiosas, & pœnales; tum etiam quia manifesta intentio populi per illa verba fuit punire culpam ordinati

rum denique quia falsum subsumit, & male colligit: nam simoniace ordinati est ordinati, committendo simoniam, & ideo non sequitur, si collator simoniace ordinar, aliterum simoniace ordinari.

10 Quia vero in illo loco hanc suspensionem solum exposuimus, quatenus in corpore juris continetur, hic addere oportet, quæ extra corpus juris circa illam sunt a pontificibus addita. Primo ergo Pius V. in d. Constit. 5. circa ordinatum simoniace sic statuit. *Quicumque detestabile vitium simoniace pravitatis convictus fuerit commississe in consequendis ordinibus, eo ipso ab illorum executione per decennium sine spe dispensationis sit suspensus, & per annum carceribus mancipetur.* Ubi est notandum, suspensionem hanc ex vi juris antiquioris perpetuam esse, nisi absolutio ejus a pontifice Summo oblineatur: non fuit ergo mens Pii illam reducere ad solum decennium, non enim voluit, penam lenire, sed augere, ut ex verbis ejus constat. Addidit ergo hoc gravamen, ut pro decennio careat sic suspensus spe dispensationis, ita ut ordinatio jure servato, non sit ei danda licentia, ut tali suspensione absolvi valeat. Hoc autem gravamen non incurritur, nisi post sententiam declaratoriam iudicis: ut ex ipsis verbis constat. Unde si aliquis non est convictus, nec condemnatus, poterit ante illud tempus absolutionem impetrare: postquam vero convictus est, non est dispensandus per decennium, & illo transacto, incipiet quidem habere spem dispensationis, seu absolutionis, non tamen statim manebit liber a censura, sed indigebit absolutione, pontificis auctoritate conferenda, tum ex antiqui juris, ut dixi; tum ex vi posterioris a Sixto V. lati in Bulla contra male promotos, quæ incipit: *Sanctum & salutare.* In qua extendit omnes pœnas ibi latas contra clericos aliis modis male promotos ad promotos per simoniam: pœna autem suspensionis ibi fertur his verbis: *Clericos post hac male promotos ab executione, ministerio, & exercitio ordinum susceptorum, & ab omni spe, & facultate ascendendi ad alios superiores perpetuo suspensos declaramus.* Per quæ verba non augetur in se hæc pœna ultra id, quod ex jure communi habet, sed exaggeratur difficultas obtinendi dispensationem ejus, præsertim ad ascendendum ad superiores ordines. Et quamvis pœnæ illæ fuerint per Clementem VIII. moderatæ, & ad jus commune revocatæ quoad alios defectus, non vero quoad simoniæ vitium, ut in ea continetur. Et hæc quoad ordinatos.

Circa ob-
terentes
grades

11 Superest, ut dicamus de conferentibus ordines, de quibus quidam dicunt: per jura antiquiora quam dicta extravagans non incurri suspensionem ipso jure, si fuit simonia occulta, donec per notorietatem rei, vel per confessionem in judicio, aut iudicis sententiam crimen sit publicum. Et in hoc constituit differentiam inter ordinatos, & ordinales, quod illi statim manent suspensi ex vi ordinationis vitiosæ, quam Canones *Irritam*, hoc sensu vocant, quia non dat usum, seu executionem ordinum, & ideo ordinatus suspensus manet, siue occultus, siue publicus sit: ordinans vero minime, donec sit publicus simoniacus. Quæ differentia colligi potest ex ca. *Si quis episcopus*, 1. questione 1. Ubi de ordinatore dicitur: *Proprii gradus periculo subiacebit.* De ordinato vero: *Nihil ex hac ordinatione proficiat.* Sic etiam in ca. *Ordinationes*, 113. ordinationes falsæ dicuntur, & ca. *Siqui* 108. tales ordines scienter suscepti simoniace dicuntur irriti. Et similia sunt multa jura, quæ de ordinatis tantum loquuntur, & ad ordinantes extendi non debent, quia nec est omnino similis ratio, nec si esset, in tali materia haberet locum extensio. Et in hanc sententiam videtur inclinare D. Thom. d. q. 100. ar. 6. ad 1. ut sequitur ibi Sor. q. 8. ar. 1. ad 1. dum distinguunt inter ordinatum, & ordinantem, & primum dicunt esse suspensum quoad se, & quoad alios, secundum vero tantum quoad se, donec publicum sit crimen. Quæ distinctione usi sunt etiam aliqui ex Canonistis, ut Præpos. in ca. *Statuimus*, 2. qu. 1. nu. 4. & indicat Innoc. in ca. penult. de sim. sequitur Silvest. verb. *suspensio*, qu. 7. & sentit etiam procedere post extravag. Paul. 2. quod etiam sentit Soto.

12 Dico tamen, nunc non posse admitti distinctionem hanc: possunt autem distingui tria tempora. Primum antiquius illorum jurum, quæ habentur in Decreto: & pro eo tempore est probabilis illa distinctio, licet dubia, ut sentit Glos. per textum ibi cap. *Reperiuntur*, in 1. q. 1. Nam c. *Quicumque sacros*, ibidem æque dicitur: *Qui sacros ordines vendunt, aut emunt, sacerdotes esse non possunt*, vendunt autem ordines pro pretio, emunt ordinati. Et in ca. *Quibusdam* 117. sicut de ordinatis dicitur: *Cum sacerdotalis ordo in his cecidit* (id est, in ipsa receptione) *Foras quoque* (id est, in usu) *diutius non poterit*: ita infra de ordinantibus dicitur: *Qui in templo Dei columbas vendere præsumperunt, eorum Deo iudice Cathedra ceciderunt.* Ubi Glossa dicit, ipsos etiam occultos esse ipso jure suspensos.

Triplex
tempus
distingui-
tur,

13 Secundum tempus est jurum, quæ habentur in decretalibus, & de illo tempore non dubito, quia hæc suspensio jure ipso incurritur tam in ordinante, quam in ordinato. Nam id expresse probatur ex cap. penult. de simon. Ibi enim ordinator dicitur manere suspensus, & nihil distinguitur inter occultum, & publicum, ut in dicto loco 5. tom. larius expendi. Et ita simpliciter docuerunt ibi Innoc. Pan. & alii, Item Abb. Anani. & Felin. in ca. *Per tuas*, eod. Præpos. cum Gloss. in ca. *Si quis a simoniaco*, 1. qu. & Glossa expresse in ca. *Præter* §. verum verb. *Officium*, 32. distin. Navarrus in dicto ca. 23. num. 111. verb. *Secundo*, idem sentit, quatenus indistincte loquitur de simonia in ordine, & adducit ca. *Tanta*, & alii citant ca. *Per tuas*, de simon. quæ non tam clare mihi probant, sicut de c. penult. Propter quod in cit. loco censui, ex vi decretalium suspensionem hanc, quæ ab ordinante ipso jure incurritur, tantum esse triennalem, quia in d. ca. cit. non ponitur diuturnior, & in alio non videtur satis clare imponi simpliciter, & ipso jure, etiam si Innoc. & Pañorim. aliter sentiant. Dicunt vero aliqui, illam suspensionem esse specialem in casu illius textus, & non esse extendendam ad alios. Sed non placet, quia lex illa non nititur in illo casu materiali (ut sic dicam) sed in simonia in ordine, quæ levior in illo casu apparet. Unde potius Canonistæ ibi frequenter dicunt, in illo casu suspensionem fuisse triennem, propter diminutam rationem simoniæ, alioquin vero esse perpetuam. Quod etiam nobis non placuit citato loco, quia non sunt pœnæ augendæ sine maiori fundamento.

2. Tempus

14 Tertium tempus est a tempore Pauli II. & de hoc censent aliqui, hanc suspensionem simpliciter, & sine limitatione temporis esse impositam ordinantibus æque, ac ordinatis simoniace. Sed obstat, quod in d. extravaganti solum dicitur: *Declaramus quod omnes illi, qui simoniace ordinati fuerint, a suorum sint ordinum executione suspensi.* Respondent aliqui, verba illa, *qui simoniace ordinati sunt*, non passive tantum, sed etiam active esse intelligenda. Sed non est verisimile, quia est contra proprietatem verborum, ut per se patet, & contra rationem legis pœnalis, quæ restringenda potius est. Apparetius posset hoc colligi ex illis prioribus verbis generalibus, in quibus confirmantur pœnæ antiquæ. Et additur: *Tam manifestum, quam occultum, quas ipso facto incurrere volumus.* Sed iam supra dixi, per hæc verba non esse factum, ut censuræ simoniacorum, quæ antea erant tantum ferendæ, nunc sint lata sententiæ. Qui autem dicunt, secundum jus antiquius ordinantem occultum non manere suspensum ipso iure, vel dicunt, solum per sententiam fuisse suspendendum, ut dicit Soto, vel certe licet dicant, quando delictum est publicum, fuisse suspensum quoad alios, non intelligunt de speciali censura propria simoniæ, sed de impedimento, quod olim nascebatur ex quovis enormi delicto publico, quod non erat propria censura, ut suspensio, ut ca. præced. tactatum est. Ergo ex vi illorum generalium verborum nulla suspensio ipso jure inducitur. Accedit, quod si hoc factum esset per illa verba, cur paulo post potius de ordinatis, quam de ordinantibus lata esset suspensio ab usu ordinum simpliciter, & ipso jure incurrenda?

3. Tempus

Unde

Unde vel probabilius est, ex villis Extravag. non esse auctam, nec mutatam prædictam suspensionem quoad ordinantes, vel saltem valde dubium. Pius etiam V. in d. Const. 5. licet suspensioni ordinatorum simoniace aliquid addiderit, de ordinantibus nihil dixit.

15 At vero Sixtus V. in d. Motu proprio valde illam auxit: declarat. enim ibi, ordinantem in illo casu manere eo ipso *suspensum a collatione quorumcumque ordinum, atque adeo ipsius tonsuræ, & ab executione omnium munerum pontificalium*. Ubi tres sunt partes, quarum prima est eadem cum communi jure præter perpetuitatem, ut visum est. Secunda potest esse declaratio ejusdem communis juris: nam satis probabile est, absolutam suspensionem a collatione ordinum includere etiam primam tonsuram; nam, ut supra dixi, sub hac consideratione solet sub ordinibus comprehendendi. Tamen quia hoc poterat esse dubium ex illo principio, quod pœnæ sunt restringendæ, ideo Sixtus id declaravit, vel etiam addidit. Tertia vero continet satis rigorem, & amplam additionem pœnæ: nam suspenditur collator ab omni consecratione, sacramenti confirmationis collatione, omni que solenni, & pontificali benedictione, & similibus, quæ episcopi propria sunt ordinaria potestate, ut videri potest in Gl. ult. in c. *Transmissum*, de Elect. & in iuribus, quæ allegat, & in c. 1. dist. 25. & has pœnas etiam non revocavit Clemens VIII. in Bulla anni 1595. In qua pœnas a Sixto latas in præd. Constit. abtulit: nam expresse addidit Clemens: *Præterquam contra simoniace ordinantes, & ordinatos inflictas*. Ex quo obiter notari potest, pœnam latam contra mediatores simoniæ in ordine in d. c. penult. de Simon. scilicet suspensionem ab executione suorum ordinum per triennium, non esse auctam per hæc nova jura, de qua videri possunt, quæ dixi in d. 5. tom. ubi supra.

16 Denique potest hic etiam obiter adverti, ex eod. Motu Sixti colligi specialem casum, in quo propter simoniacam ordinationem incurritur censura interdicti non simpliciter, sed ab ingressu ecclesiæ, quæ etiam sic limitata distincta est a suspensione, ut declaravi in dicto 5. tomo, disp. 35. sect. 4. ubi late de hac censura disserui. Hanc ergo addit ibi Sixtus respectu ordinantis, non vero respectu ordinati. Et in nullo alio casu incurritur hæc censura propter aliquam simoniacam actionem, quia in nullo alio, quod ego sciam, invenitur in jure imposita, & non incurritur, nisi in casibus in jure expressis, ut constat. Supererat etiam hic dicendum, an propter simoniacam collationem, vel receptionem beneficii aliqua suspensio ab officio, vel beneficio incurratur: tamen hoc etiam tractavi sufficienter, in dicta sect. 4. n. 42. ubi ostendi, nullam suspensionem ipso jure latam, nec ab ordine, nec ab aliquo beneficio incurrere per hoc genus simoniæ, quia in nullo jure invenitur, ut tradit etiam Navar. d. c. 25. n. 111. verb. *Tertio*. Cum Innocent. in c. *Tanta*, de Sim. quam ibi Abbas, Ananias, & alii sequuntur. An vero collatio simoniaca beneficii valeat, & an ex illa sequatur privatio aliorum beneficiorum, infra dicetur.

17 Quæri vero potest ulterius, an per simoniam in ordine incurratur suspensio a beneficio, aut ab alio officio jurisdictionis, aut ecclesiasticæ administrationis, vel a simoniace ordinante, vel ab ordinato, si tale beneficium habeat? Quidam enim viri docti dixerunt, etiam incurrere ipso facto per hanc simoniam suspensionem ab officio, & beneficio, quæ amplissima est, & suspendit ab omni usu jurisdictionis, & a perceptione fructuum, ut suo loco diximus. Fundamentum eorum est, quia licet hæc suspensio non fuerit ipso jure imposita per antiqua jura, fertur tamen, ut imponenda per judicis sententiam, ut statim ex jure allegabimus. At vero extravagans Pauli per illa verba generalia, *Quas ipso facto incurrere volumus*, omnes antiquas ferendas fecit esse latas; ergo. Sed hæc sententia singularis est, & nova, & præter communem sensum, & consuetudinem ecclesiæ, & ex illa sequuntur multa absurda, ut de depositione, infamia, & aliis statim videbimus: sequitur etiam, sic ordinatum non facere suos fructus beneficii, nec posse illos retinere

Suarez Tom. XII.

tuta conscientia, quantumvis crimen occultum sit, quia hic est effectus suspensionis a beneficio, ut ex propria materia suppono. Consequens vero est contra ipsam Extravag. ut in simili statim dicam.

18 Dico ergo: solam suspensionem ab executione suorum ordinum incurrere illum, qui simoniace ordinatur: nam expresse ita limitatur hæc suspensio in dicta extravagante. Et certe si per priora verba incurreret sic ordinatus suspensionem ab officio, & beneficio: & superflue, & non sine magna obscuritate, & specie contradictionis illa posteriora verba addita fuissent. Item Sixtus V. non imponit aliam suspensionem sic ordinatis: sed addit, ut si sic suspensi ministraverint, fiant irregulares, & privati beneficiis, quoad seculares; quoad religiosos vero, ut sint privati voce activa, & passiva; ergo signum est, ex vi solius ordinationis simoniacæ non esse suspensos ab officio, vel beneficio: alias nec eligere possent, nec fructus beneficiorum facere suos. De ordinantibus autem addidit quidem (ut dixi) suspensionem ab omni functione pontificali, non tamen a jurisdictione, quæ pontificalem ordinationem, seu consecrationem non requirit, neque ab administratione ecclesiæ propter eandem rationem, nec etiam a beneficio. Unde postea subdit: *Quod si in præmissis se ingesserint sprete suspensione, & interdicto, suspensionem incurrant a rigimine, & administratione suæ ecclesiæ, & perceptione fructuum*. Ergo evidens est, per solam ordinationem simoniacam non incurrere has posteriores suspensiones.

19 Similiter expediendum est aliud dubium hic occurrens, an propter simoniam in beneficio aliqua suspensio incurratur. Nam moderni, qui modo supra dicto opinantur de simonia in ordine, idem dicunt de simonia in beneficio, non propter antiqua jura, sed propter eandem extravagantem in eisdem verbis generalibus, quæ hic etiam eodem modo applicantur, quia jura antiqua ponunt has pœnas ferendas propter simoniam in beneficio, ut colligitur ex cap. 2. de Confessis, cum aliis statim referendis; ergo nunc incurruntur ipso facto ex vi prædictorum verborum, sed hoc etiam novum, & improbabile est. Quoad suspensionem ergo ab ordine certum est, non incurrere per simoniam in beneficio, quia nullibi lata invenitur, & verba illius extravagantis non habent hanc vim, ut sæpe dixi: nec ita recepta sunt communi consuetudine, quæ est optima legum interpretes. Quoad suspensionem vero a beneficio, de conferente simoniace beneficium nullibi invenitur talis pœna ipso jure illi imposita, & ideo illam non incurrit. Idemque in rigore verum est de recipiente beneficium. Sed in illo distinguendum est, aliud esse, non consequi beneficium, vel illo privari, aliud, suspendi ab illo: nam suspensio supponit proprietatem, & verum titulum beneficii, & privat usu, & usufructu. Item distinguendum est de beneficio simoniace obtento, vel de aliis, quæ contingit licite habere illum, qui in unius receptione sic delinquit. Quoad beneficium ergo simoniace obtentum verum est, per talem receptionem beneficii non acquiri jus in illud, nec percipi valide fructus ejus, ut expresse dicitur in dicta Extravag. & in seq. cap. latius videbimus. Illa vero non est suspensio, sed pœna alterius rationis, quæ tollit radicem (ut sic dicam) & non relinquit locum suspensioni, ut dici. Quoad alia vero beneficia de suspensionem ab illis nulla est mentio in jure, & in d. Extravag. solum dicitur, illum non facere suos fructus beneficii simoniace acquisiti; & ideo verius est, in aliis non incurrere suspensionem, ut latius dixi dicto tomo 5. disput. 31. sect. 4. n. 42. An vero privatio aliorum beneficiorum inde incurratur, infra in proprio cap. videbimus. Præter dictas ergo censuras nulla incurritur lata propter dicta crimina simoniæ.

20 Superest autem breviter explicandum, an incurrantur aliæ pœnæ canonicæ; nam de aliis pœnis quasi temporalibus postea dicemus. Et quantum colligere possum ex auctoribus, qui has pœnas recensent, de tribus potest tractari, de irregularitate, infamia canonica, & depositione, ut videre licet in Hostiens. in Sum. tit. de Simon. & Præpos. in d.

M m

cap.

An per sim. in be. neficio aliqua suspensio incurratur?

cap. *Statuimus* n. 3. & 4. & in cap. *Præbyter* 1. q. 1. & Redoan. 4. p. cap. 9. n. 9. & sequentibus, & Berpar. Diaz. in Pract. c. 9. Sylvest. d. quæst. 19. Primum ergo de irregularitate dicendum est, non incurri per crimen simoniæ immediate, & per se. Quod addo, quia, mediante infamia, ratione illius poterit incurri irregularitas, ut statim dicam: vel etiam sic ordinatus, aut ordinans ministret contra suspensionem, fiet irregularis, tum ex jure communi, tum per dictam bullam Sixti, ubi alias etiam penas inhabilitatum, & privationum in sic celebrantes congerit. Quod autem immediate non incurritur irregularitas, probatur: quia irregularitas non incurritur, nisi in casibus a jure expressis: hic autem expressum non est, ut late probavi in 5. tom. disp. 43. sect. 4. & docet Turrec. in cap. *Præter* d. 32. art. 1. num. 4. in fin. cum Gloss. in cap. *Nullus*, ead. distin. Nam licet loquantur de publico concubinario, illi censent æquiparari simoniacum. Neque contra hoc invenio textum habentem difficultatem aliquam, ut in loco citato latius sum prosecutus. Dicit tamen Navarrus Consil. 97. de Simon. num. 10. quem sequitur Ugolin. Tab. 4. cap. 4. ordinatum simoniacum fieri irregularem statim, quia recipit ordines excommunicatus. Sed non recte, quia prius recipit ordines, quam sit excommunicatus, ideo enim excommunicatur, quia simoniace ordinatur; & prius debet compleri simonia realis, quam censura incurrat: ergo non potest inde subsequi irregularitas. Ut sæpe in simili dixi in tom. de Censur. & eodem vitio laborat exemplum, quo utitur Navar. de illo, qui furtive suscipit ordines contra prohibitionem sub censura lata excommunicationis, de quo etiam dixi in dicto tomo. Neque etiam quicquam probat ratio Navar. scilicet, quod eodem momento, & per eundem actum potest quis fieri excommunicatus, & irregularis, nam hoc est verum, si pro eodem crimine sit lata utraque pena, hic autem non ita est, sed distinguenda sunt duo crimina, unum simoniæ, propter quod incurritur excommunicatio, aliud celebrandi, vel recipiendi ordinem ligatum excommunicatione, propter quod irregularitas esset incurrenda: hoc autem delictum revera non committitur in illa ordinatione, quia jam ordo receptus est, quando excommunicatio incurritur.

De infamia.

21. Infamia, inter simoniæ penas ponitur a dictis auctoribus, Præposit. Redoan. Sylvest. Bernardus, Diaz. & Angel. *Simonia* 6. num. 8. Gloss. in cap. *Ex diligenti* de Simon. verb. *Infamia*, ubi Panor. a num. 6. & alii Doctores, & in c. *De simoniace* eod. Potestque colligi ex cap. *Sane* 1. 5. quæst. 3. ubi solum est sermo de simonia commissa in obtinenda sede episcopali, & in conferendis ordinibus, & in eligendo: quæ solum petunt ad simoniam in ordine, & beneficio, non tamen ad omnem modum utriusque simoniæ. Citatur etiam ad hoc c. *Inquisitionis* de Accusat. quod parum probat. Expressius, & generalius id probat c. ult. 1. q. 3. ubi non tantum de simonia in ordine, aut beneficio, sed de multis aliis sermo est. Verba autem sunt: *Empior, venditor, & interventor nota infamia percellantur*. Ex quibus verbis, & ex dicto c. *Sane*, & ex sententia omnium Doctorum constat, penam hanc non incurri ipso facto, sed per solam iudicis condemnationem. Immo in d. c. *Sane* dicitur, debere accusationem præcedere, & subsequi condemnationem. Hæc ergo pena non pertinet ad eas, quæ in conscientia incurruntur, nec novum affert impedimentum ante sententiam, quia licet ante illam infamia facti possit intervenire, illa non est pena ecclesiastica, sed effectus, quia ex facto ipso, præsertim aliis noto nascitur: infamia autem, quæ est pena, est infamia juris, & illa est, quæ impedimentum canonicum inducit, unde post sententiam talis infamia inducit irregularitatem, quæ tandiu durat, quandiu durat infamia, de qua late disputatum est in dicto 5. tomo, disp. 49. & de hac pena probabile est, pro quacumque gravi simonia, in quacumque materia posuisse semper ferri: sicut de suspensione, & excommunicatione colligitur ex citatis iuribus, & de depositione dicere aggredimur.

De depositione.

22. De depositione igitur multa sunt jura, quæ il-

lam ad puniendos simoniacos designant, ut de simonia in beneficio est textus clarus in c. 2. de Confessis. ubi explicatur depositio ab omni officio, & beneficio, quæ videtur esse maxima; in capit. autem, *De hoc de Simon.* pro quadam simonia in beneficio imponitur depositio perpetua solum ab altaris ministerio, sed Gloss. ibi eadem esse reputat, de quo alias. In cap. autem *Perpetuas* 1. eod. sermo est de depositione ab ordine, & absolute simoniaca pravitate. At vero in cap. *Erga simoniacos* 110. 1. quæst. 1. absolute dicitur: *Erga simoniacos nullam misericordiam in dignitate servanda habendam esse decernimus*, & infra: *Deponendos esse, apostolica auctoritate sancimus*. Non est ergo dubium, quin hæc pœna simoniacis imponenda sit. Similiter autem certum est, ex vi illorum iurum non incurri ipso jure, sed per sententiam imponendam esse, ut ex verbis citatis satis constat, & omnes auctores docent. Nec vero per Extravagantem 2. de Simon. hæc pœna incurritur ipso facto: id enim nullus Doctorum ausus est dicere, & qui de aliis pœnis hoc dicere tentarunt, hanc censent excipiendam, ex benigna interpretatione propter ejus gravitatem. Quid autem sit hæc depositio, & an sit idem quod generalis suspensio perpetua, tractavimus late in 5. tomo, disp. 30. An vero semper sit imponenda a iudice, sive via inquisitionis, sive via accusationis procedatur, & an æqualiter in omni materia simoniæ, vel quæ circumstantiæ observandæ sint, tractatur ab Hostiens. & aliis canonistis locis citat. Et videri potest Abbas in d. cap. *Inquisitionis*, & Redoan. d. c. 9. a num. 25. Item ad hanc pœnam solent revocare similem aliam, quæ imponitur propter simoniam in ingressu religionis commissam, in c. *Quoniam*, de Simon. de qua dicemus commodius, cap. seq. Præter has ergo nullæ spirituales pœnæ lata sententiæ, vel ferendæ circa simoniam occurrunt.

23. Unum vero superest dubium circa dictas censuras excommunicationis, & suspensionis, quando incurrantur: nam licet sit certum, incurri statim, ac consummatur delictum, sive occultum, sive publicum: tamen hoc ipsum inquirimus, quando consummetur delictum, quod per has censuras punitur. Quod est quærere, per quam simoniam realem incurrantur: nam quod per mentalem, vel pure conventionalem non incurrantur, supponimus ex cap. præced. Et ex eodem certum esse credo, non incurri per realem inchoatam per solutionem pretii, si ordo, aut beneficium collatum non est. Id enim evidenter probari potest ex verbis d. Extravag. & aliorum iurum, quæ satis in præced. cap. ponderata sunt. Et de pœna suspensionis evidens est, non posse incurri ab eo, qui ordinandus est simoniace, donec ordinetur, licet prius solverit pecuniam, quia donec aliquis habeat potentiam ad actum, non potest suspendi ab actu, quia suspensio supponit potentiam, ut constat. Solum potest pro illo tempore intelligi, quædam dispositio ad suspensionem, quia si quis in tali dispositione recipiat ordines, eo ipso manebit suspensus, quod est clarum, quia tunc est consummata simonia quoad utramque partem. Idemque cenfeo de suspensione ex parte ordinantis, quia semper fertur in ordinantem, ut patet ex cap. ult. de simonia, quod incipit: *Si quis ordinaverit*, & infra: *Ordinator*, &c. utique actualis, id est, qui ordines contulit: & similiter loquitur Sixtus V. donec ergo ordines contulerit, suspensus non est. De præsentante vero, seu mediatore ad ordinationem simoniacam, posset nonnihil dubitari, quia in d. cap. ult. sub disjunctione dicitur: *Si quis ordinaverit, vel ad ordines præsentaverit*: ergo qui recepta pecunia aliquem ad ordines præsentavit, eo ipso suspensus manet, etiam antequam ordinatio sit subsequuta, quia quoad illam personam actus prohibitus, & punitus est ex utraque parte completus. Nihilominus cenfeo, non incurrere suspensionem, donec cum effectu sequatur ordinatio. Quia non censetur præsentatio consummata perfecte, donec effectum consecuta sit: debet enim esse (ut ita rem declarem) præsentatio ad actualem ordinationem. Item, quia textus ille aperte hoc supponit, & connectit præsentantem cum ordinante, & ordinato,

Quando incurrantur hæc pœnæ.

24 De excommunicatione etiam certum esse existimo, non incurrí, donec cum effectu simoniaca collatio, vel receptio rei spiritualis, id est, ordinis, beneficii, aut officii ecclesiastici secuta sit: quia etiam rigorosa significatio, & proprietas verborum illius Extravag. hoc postulat; ait enim: *Qui quomodolibet dando, vel recipiendo, (utique ordines, aut beneficia, vel officia, de quibus pontifex locutus fuerat) Simoniam commiserint.* Non committitur autem simonia dando, & recipiendo, nisi per actualem ordinationem, vel collationem beneficii, aut electionem, vel quid simile: illa ergo excommunicatio non est imposita, nisi propter talem modum committendi simoniam, non ergo incurritur, donec datio, vel acceptio intercedat. Et inde etiam clare constat, mediatores non incurrere eandem excommunicationem, donec traditio spiritualis materiæ facta sit: nam de illis subditur: *Aut, quod illa fiat, mediatores extiterint;* illa scilicet, quæ per acceptionem, & dationem descripta fuerat. Ante hanc ergo traditionem non incurritur censura. At vero, si traditio pecuniæ præcessit, & sequatur datio vel acceptio in utraque censura, & in quolibet casuejus, certum est incurrí, statim ac spirituale datur, quia tunc est simonia maxime realis, & completa secundum omnem rigorem verborum legis.

Utrum
nondum
numerata
pecunia
possit in-
currí cen-
sura?

25 Difficultas ergo est, quando non præcessit pecunia numerata, sed promissa, & subsecuta est ordinatio, vel beneficii collatio, an statim incurratur censura, vel quando incurratur. Prima opinio est, non incurrí statim. Ita tenet Navar. in d. c. 23. n. 103. c. 25. n. 68. Covar. in Reg. Peccatum 2. p. §. 8. n. 7. & 8. Ugol. Tab. 3. c. 5. Salzed. in Pract. Bern. c. 91. §. Sexto. Et pro hac parte citantur Gomez, & Casap. de quibus infra dicam. Citatur etiam Glos. in c. *Emendari* 1. q. 1. quia dicit, interdum committi simoniam, quando pecunia datur ante spiritualem functionem, vel in ipsa, quæ non committeretur, si pecunia post rem spiritualem acceptam daretur. Sed non est ad rem, quia nec de culpa vera, nec de pœna simoniæ loquitur, sed de præsumptione, quando non constat pactum præcessisse; nam si pactum intercessit, ut in nostro casu supponimus, & pecunia datur in executionem illius, non est dubium; quin datio sit simoniaca, si- ve antea, si- ve postea detur. Potissimum ergo solet hæc opinio probari ex usu: nam ita dicitur servari in Romana curia, ut Navar. refert. Potest vero secundo confirmari ex d. Extrav. quæ dicit, *dando, vel recipiendo*, hæc enim verba restringenda videntur, cum lex sit pœnalis; ergo intelliguntur de dando, vel recipiendo tam rem spiritualem, quam pecuniam: quod potest roborari ex c. *De hoc*. de Sum. ibi. *si manifestum est, &c. promissa recepisse.* Præterea tertio potest confirmari a paritate rationis, quia non est perfectior venditio, in qua sit traditio rei anticipata pro pecunia credita, quam quæ sit anticipata pecunia cum obligatione tradendi rem post aliquod tempus; ergo si hæc posterior non sufficit ad censuras simoniæ, nec prior sufficit. Denique addi quarto potest generalis ratio: quia pœnæ, quando injunguntur pro aliquibus actibus, intelliguntur de actibus plene, & ex omni parte consummatis cum effectu, ut de irregularitatibus, & censuris suis in locis diximus; ergo hæc regula est hic etiam applicanda. At non est simonia plene consummata, donec realis sit dicto modo. Propterea enim, ut supra indicavi, isti auctores non vocant simoniam realem, nisi quæ ex utroque capite consummata est, & omnem aliam vocant conventionalem, quæ ad pœnas non sufficit; ergo.

2. Opinio.

26 His non obstantibus, est secunda sententia affirmans, de rigore juris sufficere traditionem rei spiritualis sub promissione, ad incurrendas pœnas, & dictas censuras, licet nondum pretium solutum sit, nec aliqua pars ejus. Hæc sententia ex Theologis, & Canonistis sumi potest. Primum ex D. Thom. dicta q. 100. art. 5. & 6. in solutione argumentorum, si attente legantur, & inter se conferantur: nam in art. 5. dicit, esse simoniacam ordinationem, vel collationem beneficii, quæ sit cum promissione dandi aliquid ex fructibus beneficii, vel exhibendi aliquod ob-

Suarez Tom. XII.

sequium, in artic. autem 6. dicit, per ordinationem simoniacam incurrí suspensionem, & in solut. ad 6. solum excipit mentalem simoniam. Eandem tenet Cajet. d. art. 6. & in Sum. verb. *Simonia* & opusc. de Simon. q. 2. Sot. lib. 9. q. 8. art. 1. Idem sentiunt in 4. d. 25. Richar. art. 3. q. 3. in fin. Suppl. Gabr. q. 3. Palud. q. 5. Conc. 2. quatenus ab his pœnis solum excipiunt simoniam mentalem, in qua pactum tacitum, vel expressum non præcessit, extendunt autem illas ad simoniam, quam pactionalem vocant, quando scilicet ex vi præcedentis pacti, & promissionis res spiritualis data, vel accepta est: sumitur etiam ex Abb. in c. *Cum ad nostram* de Elect. n. 4. licet enim hi auctores loquantur de aliis pœnis, seu privationibus, de quibus postea: tamen de censuris est eadem ratio. Idem videtur sensisse Glos. in d. c. *De hoc*, ubi ad verbum illud, *Si consliterit, promissa recepisse*, addit, *maxime*, sentiens promissionem sufficere: tamen si impleta fuit, augeri causam pœnæ, præsertim, ut per sententiam possit ad perpetuam depositionem procedi, ut in textu dicitur. Præterea in eadem sententiam inclinatur Anan. in c. *Nobis* de Sim. quatenus dicit, ita reprobari electionem, quam promissio pecuniæ præcessit, sicut quando præcessit solutio, & datio, quod etiam sentit ibi Abbas, & in cap. *Veniens* de Sim. loquens de simonia in ingressu religionis, & in ordine ad pœnas notat ex textu, ex sola conventionione dandi spirituale pro temporali *Simoniam committi, spirituali recepto, licet non tradatur temporale promissum.* Et multa in hanc sententiam congerit Redoan. d. 4. puncto, cap. 9.

Probatur
2. opinio.

27 Potest autem hæc sententia probari duobus modis, textibus scilicet, & rationibus. Et prior modus est efficacior, quia simpliciter loquendo potuit ecclesia has censuras ferre eo modo, quo Navar. asserit, quia modus ille nec repugnantiam, nec indecentiam claram involvit, & ex voluntate legislatoris pendet. Quod ergo non ita factum sit, non potest ratione sola convinci: præcipue ergo petendum est ex verbis juris, & addi poterunt congruentiæ. Primo ergo probatur ex verbis d. Extrav. Nam de suspensione sic habet: *Apostolica auctoritate declaramus, quod omnes illi, qui simoniace ordinati fuerint, a suorum sint ordinum executione suspensi.* Sed omnes, qui sub pacto & promissione dandi aliquid temporale, ordinati sunt, sunt simoniace ordinati: ergo ex vi illius declarationis statim sunt suspensi, si- ve solverint pretium, si- ve non. Consequentia probatur, quia pœna legis extenditur ad omne delictum, quod sub verbis legis in omni proprietate, & rigore intellectus comprehenditur. Minor autem probatur primo, quia illi non sunt gratis ordinati; ergo simoniace sunt ordinati. Patet consequentia, & totum argum. ex cap. *Gratis* 1. r. q. 1. Ubi inter alia dicitur: *Qui non gratis accipiunt gratiam, quæ maxime in ecclesiasticis ordinibus operatur, illam non accipere, nec illam dare posse*, quia nimirum usum non recipiunt, & in c. *Gratiam*, 15. *Gratiam* (dicitur ibi) *cum ordinaveris, non suscepiisti, quia gratuito eam non meruisti.* Facit etiam cap. *Si quis neque* 115. ibi. *Vel sordidis precibus oris:* illæ enim preces sordidæ dicuntur, quæ promissionem temporalem, & pecuniariam clare, vel recte continent, & hæc dicuntur sufficere ad ingressum simoniacum. Et similia licet colligere ex discursu illius q. & seqq. Unde Gratian. in fine, q. 6. §. *Si autem*, pro eodem reputat, *pecuniam esse promissam, vel solutam.*

28 Hoc ipsum potest ex decretalibus suaderi, ex cap. penult. de Simon. ibi: *Promissionem, vel juramentum ab illo recipiens.* Et tamen subditur, id sufficere, ut tam ordinans, quam ordinatus, eo ipso suspensionem incurrant. Nec elevat efficaciam hujus textus, quod aliqui juristæ dicunt, illam non fuisse propriam simoniam, sed secundum quid, quia non fuit promissio dandi aliquid, sed tantum non petendi provisionem, seu alimentum ab ordinante, vel præsentante: nam præterquam quod mihi falsum videatur (ut in tom. 5. dixi, quia ad veram simoniam sufficit remissio debiti etiam futuri, ut in sequentibus declaravi) licet id admitatur, potius augebitur illius textus. Nam illa non dicitur a juristis im-

M m 2

pro:

propria simonia ratione promissionis, sed ratione rei promissæ, quæ non videtur fuisse proprium donum: si ergo remissio illa tantum promissa fuit sufficiens ad simoniacum ingressum dignum suspensione ipso facto, a fortiori promissio pecuniæ, vel alterius proprii doni erit sufficiens. Et in cap. *Nobis*, eodem dicitur: electionem factam sub quadam promissione, etiam ignorante electo, fuisse reprobendam propter simoniacam pravitatem præsumptam, nisi constitisset fuisse malitiose factum. Supponitur ergo, promissionem cum opere subsecuto ex parte rei spiritualis, sufficere ad simoniacam pravitatem, quam jus punit vel per seipsum, vel per sententiam pro ratione pœnæ. Et idem colligitur, ex cap. *Ex diligenti*, & expressius ex cap. 2. de Confess. ibi. *Quingentorum sacra-cenorum obligationem receperat*. Ubi Glossa notat, solam obligationem sufficere ad simoniam, licet non sit secuta receptio: oportet autem intelligi de simonia, quæ per canones punitur, nam ibi depositio ab officio, & beneficio pro illo crimine imposita est; ergo a fortiori sufficit ad incurrendam pœnam suspensionis ipso facto.

29 Atque hæc omnia, quæ de suspensione adduximus, applicari possunt ad excommunicationem, nam est eadem ratio. Sed ponderanda etiam sunt verba Extravag. in qua primum lata est talis excommunicationis pœna, prius enim locutus fuerat pontifex de ordine simoniace recepto, & de provisionibus, quas simoniaca labe fieri contigerit, & postea subdit: *Statuentes, quod universi, & singuli, qui quomodolibet dando, vel recipiendo simoniam commiserint, sententiam excommunicationis incurrant*. Ergo, quam simoniam voluerat esse sufficientem ad suspensionem ordinum, vel ad irrotationem provisionum, voluit etiam esse sufficientem ad excommunicationem ipso facto incurrendam; nam eodem tenore verborum loquitur, & ut supra dixi, illa excommunicatio ex præcedentibus clausulis, & materia determinatur; denique est eadem ratio. Ad verba autem, quæ in Extravag. habentur, & Navar. sæpe urget, *dando vel accipiendo*, quæ intelligenda esse censet ex utraque parte, cum non sit major ratio de una, quam de alia. Responderi potest, quod illa distinctio non cadit, nisi in rem spiritualement, & posita est ad comprehendendum tam ordinantem, quam ordinatum, conferentem, & recipientem beneficium. Et ideo, qui dat, vel accipit aliquid huiusmodi per simoniam excommunicatur. Unde ex parte pretii nulla alia datio, vel receptio postulat, nisi illa, quæ sufficeret ad reddendam simoniacam dationem, vel acceptionem rei spiritualis. Declarari hoc potest ex his, quæ Gomez tradit in Regul. de Trien. possess. quæst. 12. Ubi illa verba regulæ Cancel. *abque simoniaci ingressu*, dicit, intelligenda esse tam de simonia reali, quam etiam de conventionali; ergo idem dicendum est cum proportionem de dicta Extravag. Nam verba æque favent, ut ponderavimus, & rationes sunt eadem, ut legenti constabit. Immo ideo illa regula sic extenditur, quia simoniacus tam uno, quam alio modo non habet coloratum titulum beneficii, ut ipse ibi prosequitur; ergo signum est, utroque modo incurrisse pœnas.

30 His accedunt conjecturæ: primam sumo ex ratione textus in dicto cap. 2. de Confess. ibi: *Quoniam vitium huiusmodi persequi volumus, & debemus*. Unde sic arguor: nam jura intendunt persequi, & impedire ordinationem, & provisionem simoniacam, non solum quando in eis præcedit pecuniæ datio, sed etiam quando præcedit promissio; ergo quando imponunt censuram ipso facto incurrendam, intendunt statim, in ipsamet origine (ut sic dicam) factum illud irritare, & delere, ac punire, quantum per tales pœnas possunt, non expectata solutione pretii. Secundo, quia probabilissimum est, hanc simoniam vere, & simpliciter esse realem, ut supra cap. 41. tractatum est, quia est datio rei spiritualis non gratuita: nam in eo, quod dicitur datio rei spiritualis, satis ostenditur esse realis ex parte materiæ propriæ simoniæ, in quo differt multum a datione solius pretii; cum vero additur, non gratuita, completur sub-

stantia, & iniquitas simoniæ. Unde parum videtur referre, quod civili, vel humano modo loquendo emptio, & venditio non sit omnino completa quoad executionem ex utraque parte, quia ad completam rationem simoniæ hoc non est necessarium, sed quod sit datio rei spiritualis non gratuita. Tertio, quia omnes fatentur, non esse necessarium ad incurrendas has pœnas, ut totum pretium pro spirituali re promissum sit solutum, sed sufficere, quod sit ex parte solutum; nam tunc jam aliquid ex utraque parte traditur, ut in d. c. 41. declaravi, sed qui promittit rem temporalem, eo ipso dat aliquam rem temporalem, & alius acceptando aliquid etiam moraliter recipit aliquid temporale, scilicet jus ad talem rem; ergo.

31 Sed instat Navarrus in Commentariis cap. ult. de Sim. numer. 29. in fine, quod talis promissio est irrita, & nullius momenti; & ideo nihil dare videtur, etiam si per publicum instrumentum illam faciat. Sed contra, quia si ratio hæc esset alicujus momenti, nec simonia vera illa esset, quia nihil æstimabile datur, vel promittitur, quia non valide promittitur. Item idem argumentum fieri potest de datione pecuniæ, quia etiam illa est irrita, ut infra videbimus. Ergo in omni sententia necessario dicendum est, ibi dari vere temporale, & valide, quantum est ex parte dantis: quod autem jus irritet actum, non tollit malitiam simoniæ, nec rationem onerosi contractus, & dationis non gratuita. Denique confirmatur, quia multæ sunt obligationes simoniacæ, quæ, licet ex jure positivo sint nullæ, sufficiunt ad veram simoniam, ut obligatio ad gerendum negotium episcopi ordinantis, vel dantis beneficium, obligatio non petendi alimenta necessaria eo casu, quo episcopus dare tenebatur, vel obligatio non petendi debitum. Et præterea, in his vix potest assignari tempus, in quo completur simonia realis, quæ punitur, si in ipsa datione rei spiritualis sub tali obligatione non consummatur. Quando enim obligationis actus est negativus, ut non petendi alimenta, quando illa negatio sufficit? Idem est, si est de non petendo debito, quod si dicatur, ibi statim fieri remissionem, & ideo statim sequi pœnam, instabimus ad hominem, quia illa remissio fuit nulla, & irrita; ergo nihil per illam datum est. Denique etiam quando est actus positivus, videtur incredibile, quod recipiens beneficium sub obligatione famulatus, non maneat excommunicatus, & serviendo per diem, vel unum opus servitii inchoando, jam sit excommunicatus.

32 In hac controversia, quid sentiendum sit quoad privationem beneficiorum, vel nullitatem collationis simoniacæ, in c. seq. dicam, nunc enim solum de censuris agimus. In illis vero aliter de suspensione aliter de excommunicatione censendum arbitror. Dico ergo primum: Suspendio de ordine de rigore juris incurritur ipso facto in ipsamet ordinatione, etiam si datio pecuniæ non præcesserit, sed tantum promissio. Hanc assertionem quantum ad suspensionem de jure antiquo mihi probat sufficienter caput penult. de simonia. Quoad novum vero jus videtur efficaciter probari verbis ponderatis in dicta Extravag. adjunctis aliis antiquis juribus, & doctrinis: quid autem nunc sentiendum sit, statim dicam.

33 Dico secundo: Quoad pœnam excommunicationis, licet dubia videantur verba dictæ Extravag. & possint facile in utramque partem trahi, nihilominus verisimilius est, ex vi etiam verborum non incurri excommunicationem illam, donec utraque ex parte completa sit simonia. Hæc assertio quoad priorem partem ex relatione dictarum opinionum constat. Ultima vero pars suaderi potest ex his, quæ tractat Casador. decis. 5. de Constit. Ubi de pœna privationis beneficii ex professo disputat, refertque multa argumenta cujusdam advocati consistorialis pro secunda sententia quoad illam pœnam, & nihilominus tam ipse, quam advocatus, & (ut indicat) etiam Rota, ut manifestum supponebant, excommunicationem illam non incurri usque ad pecuniæ traditionem, supponentes, verba illa, *dando, vel accipiendo*, in pretium cadere. Et sic etiam Gomez in Reg. de Trien. quæst. 12. refert, absolute voluisse Rotam, Extravag. illam solam

Instantia
Navarri.

Expedi-
tur.

1. Assertio.

2. Assertio.

solum habere locum in simonia reali, per quam intelligitur utrinque completam, nam illam conventionalem ibi vocat. Cum ergo illa interpretatio non sit aliena a verborum proprietate, & sit mitior, & magis evitet animarum pericula, præferenda est. Accedit, quod, ut Casad. præcipue testatur, Romæ usu receptum est, ut tota illa Extrav. solum simoniam utrinque realem puniat, quod creditur esse receptum, vidente, & consentiente pontifice, quod sufficeret ad derogandum etiam rigori juris, si oporteret, quia stylus curiæ vim habet juris. Unde licet, quod diximus de suspensione, sit verum ex vi verborum, nihilominus consuetudo videtur ampliâsse illam derogationem, seu limitationem, non credo tamen restringisse jus commune antiquum, quoad suspensionem in ipsa lata.

34 Ultimo vero est advertendum, posita hac interpretatione, & moderatione, nihilominus Navar. supra adjungere, quando simonia prius incompleta per traditionem rei spiritualis, postea completur per traditionem pecuniæ, incurrere censuras, non solum ab illo tempore, sed etiam a die commissi criminis, per traditionem rei spiritualis sub promissione, ita ut censura retrotrahatur. Et ideo dicere solent aliqui auctores in traditione solius rei spiritualis, nec fuisse censuram incurram, nec omnino non fuisse, sed fuisse quasi suspensionem, ut extunc incurreretur, si postea realis simonia completur. Sed in primis hæc retrotractio non habet in Extravag. fundamentum: nam si illa loquitur de simonia reali utrinque completa, profecto non infert censuram usque ad complementum delicti cum effectu, & extunc inducit illam, & non antea. Sicut irregularitas ex homicidio tunc contrahitur, quando mors consummatur, & non retrotrahitur ad tempus inflicti vulneris mortiferi. Quare si talis retrotractio vera est, novo aliquo jure, vel stylo curiæ introducta est, de quo mihi etiam non satis constat: nec Gomez, aut Casad. de illo expresse loquuntur, maxime pro censuris.

35 Secundo sentio, illam retrotractionem non cadere vere, & proprie in censuram, neque in illos effectus, qui ab ipsa censura vere, & realiter contracta essentialiter dependent, sed ad summum posse pertinere ad quosdam effectus, qui sine censura possent incurrere, qui in præsentia vix possunt inveniri. Prima pars clara est, quia sic censura hæc non imponitur, nisi propter simoniam utrinque realem, quandiu ordinatus, vel beneficiatus simoniace non solvit pretium, in re ipsa, & coram Deo non fuit suspensus, vel excommunicatus, ut Navar. et omnes fatentur, & est evidens, posita hypothesi, quia in toto illo tempore non erat completum delictum, pro quo erat censura lata: ergo impossibile est, ut pro illo tempore censura unquam incurratur, quia ad præteritum non est potentia.

36 Secunda pars declaratur inductione: nam ille sic ordinatus, vel beneficiatus celebrans toto illo tempore irregularis non fit, ut Navar. etiam fatetur, & bene confirmat. Item, si ordinatus ille absolvat sacramentaliter, valida est absolutio, semperque erit: item, si beneficiatus ille jurisdictionem exerceat, actus sunt validi, neque unquam retractantur; ergo quoad hos effectus non retrotrahitur censura. Ratio vero est, quia hæc retrotractio ad summum est secundum quamdam fictionem juris: illi autem effectus requirunt realem existentiam censuræ; ut irregularitas ex celebratione non oritur, nisi supposita vera, & reali censura, & ex peccato violandi illam, ut constat, quod peccatum non est, quando absque censura celebratum est; ergo nec irregularitas; ergo nec postea pullulare poterit, cum delictum, quod est adæquata ejus causa, non præcesserit. Similiter nullitas sententiæ, vel absolutionis oritur adæquate in hoc casu ex reali suspensione, seu ablatione jurisdictionis; hæc autem facta, non fuit toto illo tempore simoniæ realis non completæ. Nec vero illi effectus prius validi possunt postea annullari propter complementum simoniæ additum, quia nec sacramentum semel validum est irritabile, nec sententia iuste, & valide lata debet annullari, hæc enim jam non esset pœna simoniaci, sed aliorum innocentium. Eademque ratio est de similibus effectibus.

Suarez Tom. XII.

37 Tertia vero pars in suspensione ab ordine est clara, nullus enim effectus in ea cogitari potest, qui per illam retrotractionem fingi possit pro tempore antecedente. In excommunicatione vero invenitur privatio fructuum beneficii, v.g. vel inhabilitas ad beneficia acquirenda, &c. Et quoad hos effectus potest retrotrahi pœna, quando consummatur simonia per traditionem pecuniæ: tamen hoc ipsum fieri posse sine censura, ut constat, & ideo nullam retrotractionem quoad hoc fingere necesse est in censura, sed solum in privatione beneficii, de qua postea dicemus. Unde licet Navar. multis exemplis declarare conetur, habere locum hanc retrotractionem in excommunicatione, in illis non immoror; tum quia, licet sit possibilis, in præsentia non est necessaria; tum etiam quia, si quando videtur fieri hæc retrotractio, revera non est in censura, sed in aliquo extrinseco, vel temporali effectu, qui potest induci per legem, vel sententiam sine censura, vel loco illius. Supponendo ergo in praxi, hanc sententiam posteriorem observandam esse, non oportet fingere retrotractionem pro censuris, nec rem obscuriorem reddere, sed simpliciter fateri, non incurrere censuram, donec pretium ex parte aliqua solvatur, & ex tunc tantum incipere, de aliis autem privationibus postea dicemus. Unde etiam concedendum est, esse in potestate simoniaci accipere simoniace ordinem, vel beneficium, & nunquam incurrere censuram, non solvendo pretium. Neque hoc est inconveniens, quia est in manu ejus, non consummare peccatum omnino. Quod si quis dicat, per hoc dari licentiam hominibus liberius committendi simonias conventionales usque ad obtentionem spiritualium. Respondetur, licentiam non dari, sed non tam rigoroze vindicari delictum, quod potuit aliis rationibus convenire.

C A P U T LVII.

*Utrum actio sacra, vel collatio beneficii
simoniace facta, sit valida, &
quo jure?*

PRÆTER censuras, altera pœna ipso jure lata, & potissima in simonia est irritatio actus, seu contractus simoniaci, & obligatio, quæ ex illa nascitur, vel ad non retinendam rem simoniace comparatam, vel ad pretium restituendum; ideoque de his dicere aggredimur: & prius dicemus de re spirituali, postea de pretio. Possunt autem hi effectus intelligi vel ex natura rei, vel solum per modum pœnæ, & utrumque tractandum est. Atque hinc fit, ut licet supra dixerimus, pœnas simoniæ solum habere locum in ordine, & religione, & beneficio, seu officio ecclesiastico, nihilominus de hac irritatione, ut ex natura rei esse potest absque pœna, dubitari possit, an habeat locum ex natura rei in aliis spiritualibus rebus, vel actionibus, quæ per simoniam conferuntur, aut fiunt? Ut ergo generales regulas de omnibus proponere possim, adverto, omnes res, quæ possunt esse materia simoniæ, ad duo capita reduci posse. Primum est actionum, seu functionum spiritualium, quæ interdum relinquunt post se effectum per illas denuo factum, & post illas permanentem physice, vel moraliter, ut sunt ordinatio sacerdotum, consecratio episcoporum, benedictio abbatum, aut aliarum rerum sacrarum: & in hoc ordine numerari possunt actiones sacramentorum, & professio religiosa. Interdum vero nullum relinquunt effectum proprium, præter impetrationem aliquam apud Deum, ut benedictio nubentium, vel ciborum, aut oratio, & similes. Secundum caput est rerum permanentium sacrarum, seu spiritualium, quæ non denuo fiunt, sed ab uno in alium transferuntur, vel alicui de novo conferuntur, cum antea vacarent. Nam per vacationem non destruantur, ut postea fiant de novo, sed manent in se, seu in bonis ecclesiæ, & per collationem tali personæ applicantur: & ad hunc ordinem reduci possunt omnes res sacræ, etiam corporales, & permanentes, quatenus aliquo modo spirituales sunt, ut reliquiæ, calix, &c.

Prænotanda.

¶ Concl.

2 Dico ergo primo, actiones, & functiones sacræ ratæ, & validæ sunt, etiam si factæ sint simoniace, suosque habent effectus, nisi vel irritabiles sint per ecclesiam, & lata sit lex irritans illas, vel talem habeant effectum, qui per pravam dispositionem, seu obicem operantis impedire possit. Probat, quia sola culpa simoniæ non potest sola vi, & natura sua irritare actiones sacræ, vel impedire effectus earum, plusquam alia peccata mortalia gravissima, quia nulla est major ratio simoniæ, quam aliorum peccatorum: sed peccata per se, & vi sua non irritant actiones sacræ peccaminose factas, si alioquin omnia, quæ sunt de substantia earum adhibeantur, maxime si non sint irritabiles per ecclesiam; vel etiam si sint irritabiles, si de facto non est lata lex irritans: nec etiam possunt impedire omnes effectus earum, sed solum illos, qui ex dispositione, vel obice operantis pendent, quia alias ratio culpæ, seu concomitantia ejus per accidens se habet ad talem effectum: ergo idem est de simonia sentiendum. Hæc tamen generalis regula melius intelligitur ad particularia descendendo, & illam applicando.

Ordinatio simoniace facta valida est.

3 Sequitur ergo primo, ordinationem simoniace factam ratam, & validam esse quoad substantiam suam, & quoad effectum characteris. Probat, quia non obstante culpa simoniæ intercedunt omnia, quæ sunt de substantia, & valore talis actionis, & effectus. Nec talis actio quoad hoc est irritabilis per ecclesiam, nec ille effectus pendet ex culpa recipientis, vel ministrantis ordines. Unde quoties jura dicunt, ordinationes simoniacas esse irritas, Doctores exponunt quoad usum, & executionem ordinum, seu quantum per ecclesiam irritari possunt, quod idem est, ac ipso facto suspendi, ut supra dictum est.

Idem dicendum de sacramentis.

4 Secundo sequitur, hoc extendi posse ad omnia sacramenta, quia omnia per se sunt valida, licet simoniace conferantur; ut de baptismo, & confirmatione est evidens: imprimunt enim suum characterem. Consecratio item eucharistiæ rite facta, licet pro pretio, sine dubio valida est, & quamvis sumatur simoniace eucharistia, vere recipitur realiter, & sacramentaliter Christus: non enim recedit Christus propter peccatum suscipientis, ut ex fide constat: & satis clare docuit Paul. 1. Corinth. 11. Idem est suo modo de extrema unctione, licet non imprimat characterem: non enim iteranda est propter simoniacam receptionem, vel collationem, sed agenda est poenitentia peccati. Unde cavendus est lapsus (qui calami forrasse fuit potius, quam mentis) apud Ugol. Tab. 1. cap. 17. §. 1. num. 4. ubi ait, extremam unctionem receptam a simoniaco non esse validam, quia sacramentum datum perseveranti in peccato mortali nullum est, quia gratiam non confert, in qua tota vis ejus posita est, & ideo, illa ablata, nullum est sacramentum, quia, ablato fundamento, reliqua adesse non possunt. Certum vero est, valorem sacramenti non pendere ex effectu, & gratiam non esse fundamentum sacramenti, sed effectum, ideoque sacramentum vere recipi a peccatore, licet non recipiatur effectus; immo pium, & probabile est, posse illud sacramentum postea habere effectum, recedente fitione. Denique etiam matrimonium, licet emere in ratione sacramenti, validum esset, ut constat. De his enim omnibus manifestum est, non esse irritabilia per ecclesiam, nec ratione indispositionis, si substantia aliorum adhibeatur. Idemque est suo modo in confessione, & absolutione poenitentiae. Sed in hoc sacramento sunt duo specialia: unum est, quod substantialis materia pendet aliquo modo ex dispositione poenitentis, & ex hac parte erit irritum, si actu committendo simoniam recipiatur: sed hoc commune est cuicumque actuali peccato mortali, & ita hoc accidentarium est ad rationem simoniæ. Unde si ponamus, a poenitente ipso non committi simoniam, sed a tertio, qui pecuniam dedit, ignorante alio, tunc ex parte recipientis validum erit sacramentum. Aliud est proprium hujus sacramenti, quod potest irritari per ecclesiam, auferendo a ministro jurisdictionem: verum tamen propter peccatum vendendi absolutionem non est talis poena inflictæ ab ecclesia, & ideo ex hoc capite nulla etiam est irritatio. Igitur absolute sa-

Circæ poenitentiam adversandum.

cramentorum collatio, licet simoniace fiat, valida est, & illos habent effectus qui ex gratia sanctificante non pendent: gratiam autem non conferunt propter obicem peccati: quod per ipsam simoniam maxime apponitur. Si tamen ponamus, recipientem sacramentum excusari a culpa propter ignorantiam, vel licet prius peccaverit, tunc sufficienter poenitere, habebit sacramentum totum suum effectum, quia nihil est, quod impediat.

5 Tertio infero, idem dicendum esse de consecratione ecclesiæ, vel calicis, ac denique de omnibus functionibus ordinum cum proportionem, & de omnibus benedictionibus sacramentalibus, quia in omnibus est eadem ratio: nam hæc omnia vel non sunt irritabilia per ecclesiam, stante tali institutione, vel nullibi inveniuntur irritata propter simoniam in eis commissam, cum nulla poena ipso jure afficiantur, ut dictum est: immo etiam si præcessisset suspensio ab ordine, vel a muneribus pontificalibus propter aliud crimen simoniæ, per suspensionem non irritantur tales actiones, ut ex materia de censuris suppono, & quia nihil tale in jure invenitur expressum. Objici potest c. Ecclesiæ 1. q. 4. ubi sic dicitur: *Ecclesiæ, quæ per passionem consecrata fuerit, potius execrata, quam consecrata dici debet.* Est ergo irrita talis consecratio. Gl. ibi dupliciter respondet: 1. consecrationem illam non fuisse factam juxta formam ecclesiæ, & ideo reprobari: sed hoc dicitur sine fundamento in textu, immo contra illum, quia ratio execrationis non ponitur nisi in pacto, & alioquin dicitur consecrata ecclesiæ. 2. ergo responder, illud esse dictum in odium, & detestationem criminis: sed non explicat, quomodo vere dicatur. Debet ergo intelligi, quantum est ex parte sic consecrantis: consecratio enim ex potestate, & auctoritate ecclesiæ, cujus officium exercetur, valida est, quia vero consecrans, quantum est ex se, polluit ecclesiam, & ut profanum locum illum contrectat, ideo ex parte sua execrare illam dicitur.

6 Quarto inferitur, actus ecclesiasticæ jurisdictionis per simoniam factos non fieri invalidos ipso facto ratione simoniæ extra provisiones beneficiorum, de quibus postea. Ratio est eadem, quia nullibi invenitur facta ipso jure talis irritatio. Dixi autem, ratione simoniæ, quia de illa tantum nobis sermo est. Alia enim quaestio est de generali ratione venditionis, an sententia venalis, id est, ob pretium facta invalida sit non ratione simoniæ, sed venditionis in quacumque materia, etiam temporali, quæ ad præsentem considerationem non spectat? Viderique potest Ugol. Tab. 1. cap. 16.

7 Quinto infero, professionem religionis per simoniam factam esse validam, ut omnes pro indubitato habent, & in jure clare supponitur, ut statim videbimus. Et ratio est, quia licet hæc professio potuerit per ecclesiam irritari, factum non est, nec invenitur, nec fuisset expediens. Et hic effectus talis est, ut non pendeat ex gratia, vel dispositione operantis, si intentionem profitendi habeat. Est tamen advertendum, quod licet ecclesiæ non irritaverit talem professionem, vetuit nihilominus, religiosum permanere in eo monasterio, in quo professus est, aut habere in illo jus ad suam sustentationem, quam aliqui vocant religiosam præbendam. Et olim quidem præcipiebatur transferri in alium locum religiosum, & actio: sic enim dicitur in capit. *De regularibus*, de simonia: *Respondemus, ut locum, quem taliter adepti sunt, omnino dimittant, & solitudines, vel alia strictiora monasteria adeant.* Et additur, quod licet ignorante religioso fuerit simonia commissæ in ejus ingressu, nihilominus cogatur religiosus loco renunciare, & postea auctoritate prælati, vel illuc reduci, si absque scandalo fieri possit, vel in alio monasterio ejusdem ordinis collocari. Idem in c. *Quoniam*, eodem, de monialibus dicitur: *tam recipiens quam recepta (utique simoniace) sine spe restitutionis de suo monasterio expellantur, & in locum arctioris regulæ, & c. collocentur.* Et extenditur in futurum ad omnes religiosos. Denique in capitulo *Veniens*, eodem, solum dicitur, præcipiendum esse tali religioso, ut in alio monasterio studeat in habitu.

bitu monastico Domino deservire: & additur, illi esse restituendam pecuniam, non quidem sibi retinendam, sed alteri monasterio tradendam, de quo textu plura inferius. Ex his ergo juribus satis aperte constat, professionem ralem esse validam, pœnam vero illam quasi relegationis a monasterio a jure humano esse impositam. Et ita sentiunt ibi communiter Doctores, Innocent. Abbas, & alii, quamvis nonnulli in re clara dubitationem moveri voluerint.

8 De illa vero pœna dubitari potest, an sit latae sententiae, vel ferendae. Nam in *c. Veniens*, & *c. Quoniam*, solum est ferendae, quia manifeste postulatur actus hominis, scilicet praeceptum, vel sententia: at vero in *c. De regularibus* indicatur, ipsum religiosum teneri in conscientia recedere: id enim significare videntur verba illa, *Locum omnino dimittant*; & extragens prima de simonia, ubi dicitur, necessariam esse dispensationem, ut sic receptus possit in monasterio eodem manere. Sed nihilominus dicendum est, hanc pœnam non obligare in conscientia, donec per superiorem legitime imponatur, quia priora jura aperte loquuntur, & postea priora non declarant aliud sufficienter: nam sub illis verbis, *Locum omnino dimittant*, recte subintelligitur, quando illis praeceptum fuerit, vel si convicti, & condemnati fuerint. Dispensatio autem vel necessaria esse potest post condemnationem, vel antea erit utilis, ut hominem liberet a periculo illius pœnae, & condemnationis. Et ita tenent Ugolin. sup. §. 4. Leonar. Less. d. c. 35. dub. 23.

9 Contrarium tamen indicat Navar. d. n. 25. distinguit enim duo in religioso: unum est substantia status religiosi, aliud est jus ad religiosam sustentationem, & locum in domo, in choro, & in capitulo, cum voce activa, & passiva. Et ait, licet religiosus acquirat primum per simoniacam professionem, non tamen secundum, quia est quoddam ecclesiasticum beneficium, ut ibi ex multis refert, & ita non potest illud retinere, vel illi uti, aut frui, nisi dispensationem obtineat: at si non acquirit illud jus, profecto tenetur in conscientia ante sententiam illud dimittere. Sed nihilominus priorem sententiam censo veram, tum quia monachus non est proprie beneficium ecclesiasticum, sed largo modo, & per quamdam imitationem, unde sine dubio non est irritum illud jus ex vi decretorum irritantium collationes beneficiorum simoniace factas, vel acquisitas; quia neque vox illa beneficiorum extendenda est in lege pœnali, neque talia decreta de professione religiosa loquuntur, ut patet. Neque etiam est irritum illud jus per propria decreta punientia simoniam in religione, quia nullum verbum continet sufficienter irritans, vel inhabilitans personam ad tale jus acquirendum. Alioquin incurreretur illa pœna, & obligatio etiam per delictum occultum, & cogeretur quis in se ipso exequi pœnam relegationis, & discessionis a suo monasterio, nullo cogente; vel manendo in illo, non posset tuta conscientia frui commotis, & juribus professorum, cum excusare non possit onera eorum, quae durissima sunt, & non imponenda sine expressis, & inevitabilibus, verbis legis.

10 Sexto possumus e contrario inferre, omnem actionem jurisdictionis, vel administrationis, seu juris ecclesiastici, quae ordinatur ad conferendum officium, vel beneficium ecclesiasticum, irritam esse ipso facto, nullumque jus, vel effectum conferre. Hoc constat de jure ecclesiastico in d. Extravag. 2. ubi in particulari nominantur electiones, postulationes, confirmationes, provisiones, seu quaevis aliae dispositiones, & additur, ut viribus omnino careant: unde non est dubium, quin ipso jure sint irritae. Sed quia haec irritatio eadem est cum privatione beneficii simoniace acquisiti, ideo simul cum sequenti regula haec pars explicabitur.

11 Dico ergo secundo: acquisitio spiritualium rerum, bonorum, aut beneficiorum seu officiorum ecclesiasticorum simoniace facta ex natura rei valida est, suumque habet effectum, nisi per jus ecclesiasticum irrita facta sit, ut in ecclesiasticis beneficiis, & officiis factum est. Ratio regulæ est, quia effectus hujus acquisitionis est, ut ex vi talis actionis, qui rem spiri-

tualem tradit, dominio, aut jure, quod in illam habet, se spoliaret, & illam in alium transferat, quantum in se est, & ita alius illam, & jus in illam acquirat, acceptando largitionem alterius, & hoc ipsum est, acquisitionem esse validam: sed totum hoc habet locum ex natura rei, non obstante simonia; ergo. Probatur minor, quia illa abdicatio, & acquisitio fit per voluntarium consensum contrahentium: sed hic consensus intervenit, ut supponimus, non obstante simonia; ergo simonia ut sic non potest impedire talem valorem, & effectum. Dices: hoc ad summum habere locum in rebus omnino propriis, de quibus potest quis privata voluntate disponere, non vero in ecclesiasticis beneficiis, quae nisi per canonicam institutionem dari, vel acquiri non possunt. Sed hoc non obstat; tum quia poterit committi simonia cum ipso collatore, cujus voluntas de se efficax est ad conferendum; voluntas autem simoniaca voluntas est; ergo ex natura rei eundem habebit effectum: tum etiam quia licet inter privatos intercedat pactio simoniaca, ut qui possidet beneficium pro pecunia praestet consensum, vel renunciet, nihilominus collatio fieri posset per Praelatum: tunc ergo valida esset collatio, si jus ecclesiasticum non interveniret, quia consensus renunciantis validus est, & voluntas collatoris sufficeret, nec tunc censeretur surreptitia, aut involuntaria, si jus non irritaret, quia censeretur conferens secundum jus conferre. Atque haec etiam regula ad particularia descendendo comprehenditur.

12 Ex illa ergo sequitur 1. si res sacrae permanentes simoniace acquirantur, valide acquiri: ita ut non teneatur in conscientia ille, qui sic eas acquisivit, a se abdicare, vel dimittere, aut restituere. Exemplum si quis emat grana benedicta, ut talia sunt, augendo pretium eorum propter indulgentiam, quam habent, idem est de calice consecrato, & illo titulo carius empto, vel de reliquiis sanctorum, & similibus: ista enim, & similia valide acquiruntur, licet turpiter, & simoniace acquirantur. Ratio est, quia nullum est jus ecclesiasticum irritans talem acquisitionem, irritatio enim illa esset pœna quaedam ipso jure lata: simoniae autem in his materiis commissae non puniuntur ab ecclesia talibus pœnis, ut cap. 54. positum est; non est ergo talis irritatio in jure. Nec etiam est ex sola rei natura, quia illa acquisitio non est cum injustitia alteri facta, qui talem rem vendit, immo ex parte ejus intercedit sufficiens causa translationis domini, quae est voluntas ejus, quia supponimus, dispositionem talium rerum subesse liberæ voluntati ejus, & potuisse illas libere donare, si vellet; ergo ex hac parte datur sufficiens causa translationis domini, vel quasi domini talis rei. Nec est aliqua causa, quae illam impediatur: si enim esset aliqua, maxime voluntas Dei: haec autem non: quia licet prohibeat illum modum acquirendi tales res, non tamen prohibet acquisitionem simpliciter, & ideo non irritat factum, ut paulo inferius, solvendo quamdam objectionem, magis declarabimus: ergo nullo ex capite est irrita talis acquisitio. Et consequenter ex illa non nascitur in conscientia obligatio restituendi, vel dimittendi talem rem: nunquam enim res acquisita est per se, & quasi ab intrinseco obnoxia restitutioni, nisi quando per talem acquisitionem non comparatur jus in ipsa re. Denique ubi non intercedit injustitia, licet interveniat turpitudine, non nascitur intrinseca obligatio restituendi, quia restitutio est actus justitiae commutativae, ut suppono ex propria materia, sed in hoc casu talis res sine injustitia acquiritur, ut constat; ergo.

13 Secundo infero, eum, qui acquirit jus patronatus simoniace, speciali pretio solvendo illud, nihilominus vere illud acquirere, nec teneri in conscientia ad dimittendum illud. Ita sentiunt communiter Doctores infra citandi. Et ratio est, quia talis acquisitio non est irrita ex vi juris naturae propter rationem factam, quae eodem modo in quacumque materia simili procedit. Nec invenitur ipso jure irritata per ecclesiam; ergo est valida: & consequenter non obnoxia de se restitutioni. Minor constat ex supra dictis, quia jus patronatus non est ex materiis spiritualibus, quarum simoniacas translationes ecclesia

Sequela
ex haec doct.
Ariana.

Sequela.

ipso jure punit, quia non est officium, aut beneficium ecclesiasticum. Atque idem eodem modo, & ratione dicendum est de pensione acquisita simoniace interveni pecunie, siue detur pecunia prelato imponenti pensionem, siue beneficiato, ut in illam consentiat, siue tertiae personae, ut pro illa obtinenda intercedat. Eadem procedit, quamvis pensio clericalis sit, quia in rigore non est beneficium ecclesiasticum, & ita non comprehenditur sub lege ecclesiastica irritante, & ex natura rei non datur talis irritatio. Idem est de vicaria, quae ad tempus, seu ad nutum conceditur sine titulo beneficii propter eandem rationem, quia, licet sit quid spirituale, non est beneficium, & ita in illa procedit ratio proxime facta.

3. Seque-
la.

14 Tercio idem dicendum videtur de officiis ecclesiasticis mere temporalibus, quae ex natura rei vendi possent, & jure ecclesiastico prohibentur in cap. *Salvator*, & cap. *Ex multis* 1. quaest. 3. Nam horum acquisitio per pecuniam non est irrita ex natura rei, ut constat: nec etiam est irrita ex vi illius prohibitionis ecclesiasticae, qua simpliciter vendi prohibentur, quia multa fieri prohibentur, quae facta tenent, quando scilicet lex prohibens non habet verba irritantia actum; talis autem est lex prohibens, vendi hanc officia, ut ex citatis capitulis constat. Item non habet majorem vim ad irritandam illam acquisitionem prohibitio illa juris ecclesiastici simpliciter facta, quam habeat lex naturalis prohibens simoniam per se malam in aliis materiis, sed ad summum facit, ut cum proportionem illa sit simonia, quia prohibita; ergo ex vi illius solius prohibitionis non impeditur requisitio. Nec etiam ex vi dictae extravag. ergo ex nullo alio jure ecclesiastico, quia nullum adduci potest, ut constat. Minor probatur ab aliquibus, quia venditio illorum officiorum tantum est simonia, quia prohibita, & valde impropria, & ideo non comprehenditur sub illa lege poenali. Sed haec ratio nobis non placet: nam cap. praecedens ostendimus, poenas illius extravagantis extendi ad simoniam contra leges ecclesiasticas, & idem paulo post ostendemus. Et in contrarium potest obijci capitulum *Consulere* de simonia, ubi haec simonia ut vera reprobatur, & graviter punitur. Nihilominus tamen censetur, non comprehendendi in illa extravaganti, quia loquitur tantum de officiis ecclesiasticis, quae sunt beneficia, & consequenter habent aliquam spirituales administrationem, functionem, vel jurisdictionem, & cum Navarro, & aliis paulo post explicabimus.

4. Seque-
la.

15 Quarto principaliter infertur ex dicta regula, beneficia ecclesiastica acquisita per simoniam, secluso jure ecclesiastico, & stando in puro jure Divino, ac naturali, valide acquiri, & tuta conscientia retineri potuisse, sine obligatione in conscientia dimittendi illa, vel restituendi fructus usque ad iudicis condemnationem. Hanc assertionem tractat Soto d. quaest. 8. artic. 1. in principio corporis, & ad 6. Et miratur, non tractari in specie a Doctoribus quaestione hanc, an acquisitio simoniaca beneficii sit nulla ex vi juris Divini. Et ipse in utramque partem ponit argumenta, & dubius est, magis tamen in hanc assertionem inclinat. Eodem fere modo procedit Covar. in Regul. *Peccatum*, p. §. 8. num. 7. ubi oppositum attribuit D. Thomae, de quo statim dicam. Contra hanc vero assertionem tenent clare Henr. Quodlib. 6. quaest. 26. & Adrian. Quodlib. 9. art. 3. immo Armcah. lib. 10. de Quaest. Armen. cap. 23. & 25. dixit, obtentionem beneficii per quodlibet peccatum esse nullam ipso facto ex vi juris Divini. Joan. 10. *Qui non intrat per ostium, ille fur est, & latro*. Sed est erronea sententia contra communem sensum ecclesiae: acceditque ad errorem Wiclephi, qui dixit, prelatus existentem in peccato mortali non esse prelatus: item est contra omnem rationem, ut a fortiori patebit ex dicendis. Nec verba Joannis quicquam efficiunt; tum quia non afferuntur in sensu intento per parabolam; tum etiam quia potest quis per ostium intrare, & non sine peccato intrare: per ostium enim intrat ad beneficium, quia a prelato illud recipit, licet non pura mente, vel conscientia illud recipiat.

16 Assertio igitur posita vera est, & conformis

communi sententiae Doctorum, qui fere illam non disputant, quia tanquam claram supponunt. Teneat in specie Palud. 4. d. 15. quaest. 5. num. 9. Silvest. verb. *Simonia*, quaest. 20. Cajetan. cod. Victor. 2. p. Relect. de Sim. num. 4. & 5. Redoan. p. 3. cap. 8. num. 4. Rebuff. in Praxi tit. de simonia in resignatione, num. 14. Probari potest 1. & a priori ex regula posita: quia propter peccatum simoniae non fit persona incapax beneficii ex vi juris Divini, nec etiam conferens sit impotens ad conferendum, sed ex parte conferentis (ut supponimus) concurrat voluntas vera, & absoluta conferendi, & ex parte recipientis intercedit etiam voluntatis consensus; ergo tenet datio, & acceptio, si jus humanum illi non obstat. Major videtur evidens, quia simonia nec ex natura rei habet illum effectum, eo quod peccatum mortale sit: hoc enim damnatum est ab ecclesia in Wiclepho, nec etiam quia tale peccatum est, quia non habet majorem repugnantiam ex natura sua cum capacitate beneficii, vel potestate conferendi illud, quam alia peccata. Minor vero supponitur ex facto.

17 Sed responderi potest, simoniam ex peculiari ratione opponi valori collationis, quia excludit gratiam donationem, ad quam solam data est a Christo potestas, qui dixit: *Gratis accepistis, gratis date*. Et ita, si proprie loquamur, simonia non aufert potestatem conferendi beneficium, sed supponit in prelato impotentiam ad sic conferendum, quia solum potest conferre modo sibi commissio a principali Domino tanquam dispensator ejus, & similiter in recipiente non ponit novam incapacitatem quasi in poenam delicti, sed supponit, ex vi Divini juris neminem esse capacem ad talem modum recipiendi, quia solum data est facultas hominibus ad recipienda haec gratis, non vero ad emenda illa. Et ideo talis emptio ex natura rei invalida est, utpote contraria voluntati principalis Domini; ergo per illam nihil acquiri potest. Quae ratio, si valida est, in universum probat de omni acquisitione simoniaca rei spiritualis, siue sit beneficium, siue quodcumque aliud spirituale donum, quod permanenter (ut sic dicam) acquiri possit. Et huic rationi vires adjicit auctoritas D. Thomae in d. artic. 6. Nam illa ratione praecipue probat in corpore ea, quae requiruntur per simoniam, dimittenda esse, & loquitur maxime de spiritualibus: unde videtur sentire, de jure Divino, esse dimittenda, ut Covar. voluit esse de mente D. Thomae.

18 Sed contra hoc est 1. quia lex illa vel Christi, vel naturalis *Gratis date*, non prohibet substantiam dationis, sed praescribit modum, ut ex forma verborum constat; non fuit enim voluntas Christi, ut spiritualia non darentur, sed ut non darentur tali modo: sed naturalis lex concedens actionem, & prohibens modum non essentialem, non irritat substantiam actionis, licet modus ille deficiat; ergo ex vi illius legis non irritatur largitio, nec impeditur acquisitio rei spiritualis sic comparatae, etiam si in modo committatur defectus. Major per se nota est ex verbis legis. Minor autem etiam est nota in materia de Legibus. Et explicatur breviter, quia lex prohibens non irritat actum, nisi vel expressis verbis id declarat (quod nec in illis verbis Christi fit, nec in lege pure naturali locum habet,) vel ex materia legis, & ex natura rei constet, modum esse de substantia, & essentia actus, ut est in matrimonio, quod traditio sit perpetua, vel aliquid simile, nam si modus sit accidentaliter, non est, cur defectus illius irritet actum, quando lex specialiter non exprimit. In praesenti autem modus ille gratis dandi postulat non propter substantiam actionis dandi, & acquirendi talem rem, nam haec revera posita est in voluntaria largitione, & acceptione; sed propter decentiam, & sanctitatem rei, ut digne tractetur: ergo talis defectus non irritat acquisitionem rei spiritualis ex natura rei.

19 Confirmatur 1. quia etiam lex naturalis dicit, gratis esse mutuandum, & tamen licet quis emat mutuum solvendo usuras, nihilominus vere acquirit pecuniam mutuam, & potest illa uti eodem modo, ac si fuisset gratis mutuo data, quia ille modus non est contra substantiam mutui ut sic, licet sit contra sub-

Respon-
sur respō-
sio.

substantiam venditionis ipsius mutui, de qua est ratio. Potest etiam id declarari, quia lex illa gratis mutuandi est in favorem mutuatarii, & non debet converti in detrimentum ejus: magnum autem esse detrimentum, si emendo beneficium mutui, impediretur acquisitio pecuniæ mutuaræ, & ideo valet mutuatio quoad hanc partem, licet non valeat quoad aliam; ergo similiter in præfenti. Simile est aliud exemplum, quod adducit Soto: nam si hæres, qui tenetur gratis pia legata implere, nolit id facere nisi pretio accepto, & ideo pauperes, vel ecclesia emant ab ipso talia legata, vere acquirunt illa, & quoad aliam partem tenet contractus, & largitio; ergo similiter in præfenti. Et in propria materia sunt multa exempla: nam Baptismus simoniace collatus, & ordo validus est, licet detur contra illud, *Gratis date*. Et electio digni prætermisso digniore valida est, licet in modo sit contra jus naturale.

20 Præterea confirmatur, quia alias etiam simoniaceus mentalis teneretur resignare beneficium sic adeptum contra cap. ult. de simonia. Sequela patet, quia obligatio naturalis cadit in occulta, & interna delicta, si injusta sunt, & habeant eundem effectum. Item confirmatur, quia alias etiam obtinens rem spiritualem, data pecunia ad redimendam vexationem, & absque simonia ex parte sua, non consequeretur illam ex natura rei, quia alter simoniace dedit; consequens est plane absurdum; ergo. Sequela patet, quia etiam ille non dat juxta commissionem Domini, & ita non utitur potestate ab illo concessa (ut illa sententia falso assumit:) ideo autem hoc non sequitur, quia licet ille male utatur potestate, illa tamen utitur; ita ergo est in præfenti. Simile argumentum fieri potest, quia si quis bona fide recipiat beneficium simoniace collatum, quia alius dedit pecuniam collatori, vel in odium alterius, vel ipso contradicente, valida est collatio, & non tenetur resignare cap. *Nobis*, & c. *Sicut de Simon*. Et tamen collator tunc non gratis dedit, ut constat; ergo signum est, ratione illius modi non fieri irritam collationem ex vi solius juris divini. Idem argumentum sumi potest ex electione papæ, quæ valida est, etiam si fiat simoniace, ut infra dicitur: non posset autem esse valida juxta contrariam sententiam, quia non gratis sit.

21 Denique incredibile est, quod si quis emat grana benedicta, ut talia, vel reliquias, &c. & similia, non possit illa retinere, sed teneatur a se abdicare, nulla enim ratione hoc fulcitur. Quia ille nullam injuriam fecit contra commutativam, sed tantum irreverentiam rebus sacris: non enim fecit injuriam ei, a quo illa emit, ut videtur per se norum, quia ille voluntarie contraxit, & vendidit, immo si aliquis passus est injuriam, fuit ille, qui pretium dare coactus est, ut cap. 59. dicemus. Nec etiam Deo fecit propriam injuriam, quia non invito Deo accepit (ut sic dicam) quoad acceptionem, sed solum quoad modum irreligiosum, & ideo peccatum illud revera non est contra justitiam; unde non habet, unde ex natura rei ad dimissionem rei obliget. Nec etiam designari potest, cui esset reddenda, quia non debetur illi, qui dedit, seu primo possessori, & non est cur alteri debeatur ex aliqua lege naturali. Nec etiam est cur dimitti deberet in manibus prælati, si esset beneficium: nam si collatio simoniaca non esset valida ex natura rei, etiam resignatio simoniaca non fuisset valida, unde maneret beneficium apud renunciantem, eique esset reddendum, quod dici non potest, ut ostensum est. Contra hanc vero assertionem inducuntur aliqua jura, quibus in sequenti puncto satisfaciemus, simulque ad D. Thomam respondebimus.

22 Quarto principaliter inferitur, acquisitionem beneficii ecclesiastici simoniacam ex jure ecclesiastico nullam esse, nullumque jus, aut verum titulum acquirenti conferre. Sententia est Div. Thom. dict. art. 3. ad 3. Ubi omnes, & in 4. dist. 15. & 25. Paludanus, & alii relati præcedenti assertionem Medin. Codice de Restit. q. 20. ad 3. Eadem est communis Juristarum, & videti potest Felinus cap. *In nostra* de Rescript. numero 13. & alii infra citandi. Rebuffus, & Redoanus supra illam probant, quia committens simoniam

in beneficio est excommunicatus; collatio autem beneficii facta excommunicato nulla est. Sed hæc ratio parum probat, quia prius fit collatio beneficii, quam incuratur excommunicatio, nam incurritur ratione talis acceptionis beneficii; ergo non annullatur collatio a tali excommunicatione. Ratio ergo propria est, quia expresse annullatur in jure, maxime in dicta Extravag. de simonia. Ubi in distinctis clausulis hæc poenæ feruntur, & prius irritantur collationes, provisiones, electiones, &c. & postea fertur generalioribus verbis excommunicatio, tanquam quid etiam posterius. Et hanc poenam confirmat Pius V. in sua quinta Constitutione distincte illam explicans in dignitatibus, & beneficiis. Ratio est optima, quia merito quis punitur in eo, quod deliquit, & punitur ipso iure, quia poena est in acquirendis, non in acquisitis, & delictum est gravissimum.

23 Quæri vero potest, an hæc poena sit antiquioris Juris Canonici. In quo sententia communis affirmat. Probatque solet ex cap. 1. & c. *Gratiam* 1. quæst. 1. Ubi fit hæc illatio. Gratis non accepisti; ergo gratiam non accepisti: quæ videtur favere opinioni dicentium, hoc esse de iure divino: sed ibi est sermo de simonia in ordine; & vel supponitur suspensio iam tunc lata ab ecclesia, vel solum inde concluditur, ordinem sic acceptum non dare gratiam, & sanctitatem, ut ordines sancte administrantur. Melius probatur ex c. *Si quis Episcopus*, eadem ibi: *Nihil ex hac ordinatione, vel promotione, quæ est per negotiationem facta, proficiat, sed sit alienus a dignitate*. Sed hæc etiam verba possent in rigore exponi de depositione, vel privatione facienda, ut expresse præcipitur in cap. *Presbyter*, & cap. *Erga*, eadem. At vero cap. *Si quis neque* non videtur pati expositionem, nam in eo dicitur, quod si tali modo dignitatem acceperit, & in vita sua non sponte reliquerit, &c. in æternum peribit. Sed nihilominus non probat; tum quia videtur loqui non tantum de simoniæ vitio, sed etiam de qualibet indigna acquisitione ecclesiasticæ dignitatis: tum quia posset intelligi, illum perituum, si manens ita indignus retineat dignitatem, non propter poenam privationis, sed quia est in malo statu, cum sit indignus. Unde nisi vel indignitatem tollat, vel dignitatem relinquat, & ita impenitens moriatur, (ut dicitur in fine textus) damnabitur: tum etiam quia clare loquitur de simonia in ordine, unde ad summum probat suspensionem ipso facto propter simoniam in ordine, ut ibi Glos. exponit, quod an sit verum, supra dictum est. Adducitur etiam caput *Si quis dator*, prima, questione tertia. Ubi de hoc simoniaco ait Greg. *Beneficio accepto frustratur: Rationis ergo vigore cogitur, quod injuste receperit, restituere*. Sed expendenda sunt antecedentia verba: *Perpetua mulsetur damnatione*. Eodem ergo modo frustratur beneficium, & cogitur illud, vel pecuniam (ut Glossa vult) restituere. Quod vero dicitur *Rationis vigore*, non ideo dicitur, quia hæc poena ex vi solius rationis incurritur, sed quia iustissima ratio ne imponitur.

24 Melius probatur hæc sententia ex ca. *Matthæus de Simon*. Ubi clare dicitur, illum, qui ingressum simoniacum habuit ad beneficium etiam occultum, teneri etiam in conscientia consulere animæ suæ, dimittendo illud. Et licet pontifex videatur dare consilium, cum dicit, *Consilium petisti*, non est quia non iudicet, id esse necessarium ad salutem, sed quia non imponit iple novum præceptum, cum res esset occulta, sed tantum declarat obligationem, quæ in re ipsa inerat, ut ibi notat Glos. Optime etiam probatur ex illis iuribus, quæ disponunt, etiam illum, qui bona fide recipit beneficium simoniace collatum, non posse illud retinere, nisi in certis casibus, ut statim dicitur: Resolut. nam illa jura clare supponunt, talem collationem irritam esse saltem ex ordinatione ecclesiæ. Videtur ergo dicendum, in antiquioribus iuribus Decretorum non esse poenam ipso facto satis expressam: tamen in Decretalibus satis clare contineri, ut sentiunt Canonistæ citatis locis, & in cap. ult. de Simonia, ex quo textu per argumentum a contrario id colligitur: nam in simonia mentali ut speciale dicitur, non oriri obligationem resignandi; ergo supponitur in reali oriri.

Et

Pius V.

An hæc poena sit antiquioris Juris Canonici, sententia communis affirmat.

Sequela.

Et ita docent ibi Abb. Anton. & alii in c. *Quod in dubiis* de Renunciacione. Et videri possunt Redoan. 2. p.c. 10. num. 33. Burgas de Irregularitat. de Simon. n. 74. Est ergo hæc pena infligata in antiquioribus Decretis, postea vero in Decretalibus quasi completa est; in dicta autem Extrav. expressius propofita, & declarata est.

Ad quid
teneatur
restituere
penam?

25. Ampliatur autem, & declaratur hæc poena multis modis. Primus est, quia tenetur is, qui sic beneficium accipit, ad relinquendum illud cum omnibus fructibus ab illo perceptis, vel sua culpa non perceptis sponte, & in conscientia ante omnem condemnationem, deductis expensis factis in utilitatem ecclesie, vel beneficii, vel in colligendis fructibus, juxta generales regulas restitutionum. Ut notavit D. Thom. d. art. 6. ad 3. & dicunt omnes, & bene explicat Cassad. decis. 6. Præben. Navarrus Consil. 90. de Simonia. Et ratio prioris partis est clara, quia ille non acquirit jus aliquod in beneficium, ut expresse dicitur in illa Extravag. nullus autem potest retinere in conscientia rem alienam, in qua nullum habet jus; ergo. Et inde ex natura rei sequitur altera pars, quia contra justitiam est percipere fructus rei non sue. Et præterea, id est, expresse declaratum in dicta Extravagan. Quocirca licet hæc privatio, seu irritatio sit de jure ecclesiastico, tamen illa supposita, obligatio relinquendi beneficium cum omnibus sui fructibus est de jure divino naturali, quia nascitur ex naturali præcepto restituendi alienum.

Declaratio
tradi-
tæ doctr.

26. Solum est advertendum, sermonem esse de fructibus beneficii, qui sunt omnes illi, qui competunt ratione tituli, licet mediante ministerio aliquo competant. Solent autem habenti beneficium provenire alia emolumenta occasione illius, ut stipendia Missarum, quæ tali personæ commendantur, vel quæ extraordinarie dantur pro suffragiis, & hæc non veniunt restituenda, quia non sunt fructus beneficii, sed stipendia personalium laborum, ut bene Cassad. & Navarr. supra. Qui idem dicunt de distributionibus quotidianis, quod est probabile, & benignum, quia videtur competere ratione personalis laboris; non caret tamen scrupulo, quia non respondent illi labori unumquemque, sed ut fundato tali titulo, curent non debentur intruso, qui sine titulo vult choro adesse, & cantare, sicut alii, & cum eadem remuneratione? Certe hoc videtur in rigore verius: maxime quia etiam distributiones suo modo inter fructus beneficii computantur, de quo alias. Addendum est, quod quia Summus pontifex est supremus dispensator tam beneficiorum, quam fructuum, licitum est compositionem e Summo pontifice obtinere, quæ obtenta, sine surreptione, & fraude tunc erit in conscientia. Si autem compositio non fiat cum pontifice, fructus restituendi sunt ecclesie beneficii, juxta commune jus: quia in illa semper manet jus ad illos. De quo Silvest. *Restitutio* 4. quest. 1. Navarrus in cap. 17. num. 18. & Consil. 72. de Simonia, & tractatu de Spoliis §. 12. num. 4. Ubi addit, posse etiam restitui hos fructus proxime succedenti in beneficio. Sed intelligendum hoc puto, ubi fuerit consuetudo, ut fructus beneficii vacantis reserventur successori, alioquin successor nullum habet jus, sed ecclesie, vel illi, ad quem pertinerent, si vacaret beneficium, sunt reddendi. Alii dicunt ex consuetudine restitui Curie Apostolicæ, quæ servanda est, ubi de illa constituerit.

Nisi episcopus
suo fructus
restituere
de iure
ecclesiæ;

Hæc poena
locum habet
in publica,
quam in
occulta
simonia.

27. Secunda ampliatio est, hanc poenam habere locum non solum in publica simonia, sed etiam in occultata. In quo, ut Covar. supra nota. ver. *Apud veteres*, antiqui Doctores solebant distinctionem constituere: sed revera immerito. Nam dicto cap. *Matthæus*, aperte loquitur de occulta simonia, & in jure nulla sit talis distinctio. Sed per novum jus Extravagantis ablatum est omne dubium, nam in ea dicitur: *Et eorum quemlibet, tam manifestum, quam occultum*. Nam licet hæc verba sint in principio, & cadant immediate in generalem renovationem, & ampliationem antiquarum penarum, tamen a fortiori cadunt in poenas particulares in illam et lege specialiter declaratas. Denique licet nulla esset de hoc specialis declaratio, ex ipsa natura talis poenæ sequitur intrinsece, ac necessario hic effectus. Quia irritatio collationis efficaciter fit per legem, & lex est absolute, ac sine distinctione irritans;

ergo sive occulte, sive publice fiat simonia, semper collatio est irrita. Sed obligatio dimittendi, & restituendi, quæ ex collatione irrita nascitur, intrinsece etiam sequitur ex natura rei, ex nullitate acquisitionis; ergo ad illam nihil refert, quod delictum sit occultum, magis quam publicum. Quod si quis objiciat, contra naturam esse obligare aliquem, ut se prodatur. Respondemus, non obligari hujusmodi simoniacum ad suum delictum prodendum, nec ad infamandum, sed ad renunciandum beneficio, quod potest facere aliquo onesto colore, non declarando suum delictum, & ad restituendos fructus, quod potest facere occulte.

Nō cogitur
simoni-
acus se
prodere
cū cogatur
restituere.

28. Tercio ampliatur assertio, ut locum habeat, non solum quando simonia commissæ est ab eodem, qui sic consecutus est beneficium, sed etiam per tertium interventorem commissæ sit. Quod potest contingere variis modis, scilicet vel sciente proviso, seu providendo de beneficio, vel ignorante. Et rursus uterque modus subdividendus est; nam esse potest, vel repugnante, & contradicente electo, vel tacente, & non repugnante, nec etiam positive concurrente. Primo, si alius dederit pecuniam, sciente illo, cui electio, vel beneficium procurabatur, & non contradicente, tunc est certum, collationem esse invalidam, quia ille sciens simoniacam intentionem deberet resistere; unde non resistendo tacite consentit. Item a fortiori hoc constabit ex dicendis; nam etiam respectu ignorantis, qui nullam præmisit contradictionem, collatio est infirma, ut dicemus; ergo multo magis si scivit, & non contradixit, quia ille non fuit particeps culpæ; ille vero non potest excusari, quia tacens, & non resistens, cum posset, & deberet, consentire censetur. Et ita sentit Glossa in c. *Sicut tuis*, verb. *Præbere*, tradunt Ugolin. Burgas, & alii citati.

Tercia
ampliatio
assertionis.

Varii in-
tervenien-
di modi
pro tertia
Modus.

29. Secundo si provisos scivit simoniam, quæ committrebat, & contradixit, ac declaravit, se illi non consentire, dicunt aliqui, illi non nocere, quominus valide consequatur beneficium. Ita sentit citata Glossa & Burgas supra, & Ugolin. Tab. 4. & cap. 6. numer. 3. & videtur posse colligi ex dicto cap. *Sicut tuis*. Quatenus prius videtur supponere scientiam ibi: *Cum hac fieri pro extorquenda pecunia comperisset*, &c. Et postea subdit, aliud esse non consentire, aliud contradicere, & qui contradicit, non debere pati ob peccatum alterius; ergo ex mente pontificis non obest scientia delicti, si contradicat eligendus. Contra hoc vero obstat semper textus, qui duas illas condiciones conjungit, *contra prohibitionem, & voluntatem tuam, & te penitus ignorante*. Et ita videtur illas requirere, ut delictum non imputetur, nec poena. Et ratione declaratur: nam si quis sciat, simoniam esse commissam, quantumvis ipso contradicente, commissam fuerit, nihilominus voluntarie suscipi beneficium per collationem, quam scit simoniace fieri; ergo non consequitur valide beneficium, sicut nec obtineret executionem ordinum, si ita simoniace ordinaretur. Distinguendum ergo mihi videtur de scientia: nam potest quis scire, electorem, vel provisorum beneficii affectare pecuniam, & habere pravam intentionem; ignorare tamen, quod aliquis eam dederit, & tunc si prohibitio, & contradictio ejus intercedat, & postea bona fide nesciens, largitionem fuisse factam, beneficium acquirat, valide acquirat. Et hic est casus dicto cap. *Sicut tuis*. Aliter vero accidere potest, ut sciat non obstante sua contradictione, largitionem esse factam, & ita collationem simoniace fieri, & tunc credo, non excusari, recipiendo beneficium a sic conferente, ut probant rationes posteriori loco factæ, quia ille revera simoniace recipit, non ignorans, sed sciens, & cooperans aliquo modo simoniæ saltem quoad executionem ejus.

2. Modus.

Distin-
ctio ad re-
intelligenda.

30. Ex his ergo constat tertio, quando ex parte recipientis beneficium, non intervenit scientia delicti, & præcedit contradictio, & repugnantia ex parte ejus, quia licet non præscierit delictum, potuit illud timere, vel suspicari; & ideo, quantum in ipso fuit, illi contradixit, tunc collationem esse validam, & firmam, ita ut nihil unquam possit nocere sic proviso aliorum peccatum, si ipse nunquam illi consenserit. Hæc enim est expressa definitio dicti cap. *Sicut tuis*. Ubi ratio red-

3. Modus.

redditur, quia alias contingeret, quod unius factum fortasse inimici, & insidias parantis alteri, ei noceret, cui penitus displiceret, & sic aliquis de fraude sua commodum reportaret. Quamvis autem in hac ratione fiat mentio inimici parantis insidias, id factum esse credendum est, ut clariori exemplo vis rationis intelligeretur: idem autem dicendum est, etiam si mediator ille, qui pecuniam dedit, ex humano, & indiffereto affectu, & amicitia id fecerit, nam ita factum fuerat in casu illius textus, ut ex narratione facti aperte colligitur in illis verbis: *Sed quidam de fratribus, te inconsulto, & ignorante*. Et tamen in illo etiam casu non potuit aliorum delictum innocenti, & contradicenti nocere, quia motivum aliorum odii, vel amoris parum refert, quia fundamentum illius decisionis non est, nisi innocentia, & contradictio ex parte alterius. Quamvis quoad presumptionem exteriori facilius credatur non consensisse, vel repugnasse, quando pecunia datur ab inimico, quam a non inimico, vel cum datur ab extraneo, quam si detur a consanguineo: & ideo in illo textu imponuntur illa verba: *Præsertim cum nulla sit tibi consanguinitate conjunctus*; non quia id pertineat ad veritatem rei, sed ad presumptionem.

31 Adduntur vero in illo textu hæc verba: *A qua postmodum non recessisti*, scil. a voluntate contradicendi, & iterum, *nisi postea consenserit, pecuniam solvendo promissam, aut reddendo solutam*. Circa quæ considerandum est, posse mutationem hanc accidere, vel ante obtentum beneficium, vel post. Quando præcedit, manifestum est, per eam revocari priorem contradicentem, & præberi consensum, & influxum, ac cooperationem ad simoniam, ac subinde reddere invalidam collationem, non minus, quam si contradictio non præcessisset. Et propter hoc videntur addita illa verba priora: *A qua postmodum non recessisti*; & tunc constat, eandem culpam, & poenam incurri. At vero quando consensus subsequitur, quærent in primis Glossa ibi, & Abb. An illa sit propria simonia, necne? Et resolvunt cum Tancred. non esse, quia ille solvens pecuniam non emit beneficium, sed consentit venditioni jam factæ. Nec ibi habet locum retrotractio, quia prius delictum non fuit factum nomine, & auctoritate consentientis postea, sed absolute peractum fuit: sed distinguendum est, nam vel ille solvit pecuniam amico, v. g. qui pro se dedit, non intendens approbare factum ejus interius, vel exterius, sed solum liberali animo, ne sua causa detrimentum illud patiatur, & tunc clarum est, non committere simoniam, ut in simili fere dixit Navar. Conf. 16. de Simonia, quæ solvit quasi approbando, & gratificando factum, & tunc plane involvitur vitio simoniæ, quia quoad intentionem illud habet pro objecto, & ex illa intentione imperat talem solutionem pecuniæ. Quamvis ergo non possit dici propria causa illius simoniæ, in quo sensu asseritur, non habere ibi locum rati habitationem, est tamen approbator simoniæ, quod ad malitiam illius speciei sufficit. Et ad utrumque optime induci potest cap. *Cum quis* de sententia excommuni, num. 6.

32 Tunc vero oritur optimum dubium circa poenam illius delicti, an ille sic consentiens privetur ipso beneficio acquisito. In quo licet possint esse opiniones, mihi quidem videtur non incurrere talem poenam ipso facto. Primo argum. d. c. *Cum quis*. Ubi in simili casu dicitur, non incurri poenam excommunicationis, & ita credo, neque hic incurri. Secundo, quia ille consensus subsequens jam supponit collationem validam, ut constat, quia bona fide, & cum contradictione perseverante receptum est beneficium, ideoque non existimo, per subsequens peccatum amitti ipso jure beneficium, nec collationem fuisse dependentem ex futuro eventu, ut incipiat esse invalida eo ipso, quod peccatum committitur, quia nullum est fundamentum ad tantum rigorem præsumendum. Illa ergo verba secundo loco posita ad denotandam novam culpam postea commissam, addita sunt, quæ in tali facto præsumitur, nisi oppositum clare probetur, ut sentit Navarrus supra. Et ideo probabile est, propter illud delictum postea commissum posse per judicem irritari priorem electionem, aut privari illum beneficio,

quia novum illud delictum tali poena dignum est. Quod vero hæc poena ipso facto incurratur, ex illo textu colligi non potest; tum quia proxime ante illa verba dictum fuerat: *Nihil debet tibi ad poenam, vel culpam imputari*; & postea subjungitur exceptio, *si postea consenserit*, &c. Unde in rigore solum concluditur, tunc imputari ad culpam, vel poenam, non vero quod ad utrumque simul imputetur: tum etiam quia licet demus, imputandum esse ad poenam, non tamen ad eandem eodem modo incurrendam, cum delictum sit longe diversum, & status causæ, & materiæ etiam variatus sit. Et hæc fuit opinio Tancredi, ut refert Glossa in dicto c. *Sicut*, a qua ipsa non recedit. Clarius tenet Adrianus dicto Quodlib. 9. art. 3. Panor. etiam in dicto c. *Sicut* in fin. solum sub distinctione dicit, quod iste tenetur dimittere beneficium, vel potest privari. D. Tho. autem d. q. 100. art. 6. ad 3. absolute dixit: *Non tenetur ad renunciandum, nisi postmodum pacto consenserit, solvendo, quod fuit promissum*. Sed intelligendum videtur cum limitatione dicta, si per sententiam ad hoc obligetur.

33 Tandem contingit, ut simonia committatur prorsus ignorante illo, qui consequitur beneficium, & non contradicente, quia nullam occasionem, vel suspensionem habuit ad contradicendum. Et tunc etiam distinctione utitur D. Tho. supra, quia vel illa pecunia data est in odium talis personæ, ut quando datur ab inimico solum ad impediendum, ne ille consequatur beneficium. Tunc enim ratio postulat, ut ecclesia non patiatur, innocentem injuste pati, ne detur occasio pessimis hominibus injurias inferendi innocentibus, & dignis, & impediendi promotiones, alioquin rite faciendas. Quæ ratio habetur in dicto cap. *Sicut tuis*, ut supra retuli, & ita hæc pars satis in illo insinuat: & expressius habetur illa exceptio in cap. *Nobis*, eodem, quibus locis Gloss. & omnes illam admittunt. Vel pecunia illa data fuit in favorem, & beneficentiam personæ provixæ, ipsa ignorante, & non contradicente: & tunc ait D. Tho. teneri provixum, statim ac fuerit de simonia conscius, relinquere beneficium, & fructus receptos restituere, his exceptis, quos bona fide perceperit. Quam sententiam referunt Covar. & Navar. & non audent illi contradicere: tamen quia in fundamento ejus non conveniunt, non satis consequenter loquuntur in aliis, ut jam dicam.

34 Dubitari ergo potest, an collatio beneficii per simoniam facta sic ignoranti valida sit? Navar. Conf. 95. de Simonia hoc ex professo disputans dicit, non esse irritam ipso facto, seu irritandam: eumque sequitur Ugolinus, Tab. 4. cap. 7. Fundatur, quia non explicatur hæc poena in jure per verba, quæ denotent, ipso facto, vel ipso jure incurri, sed per verba de futuro, quæ solent postulare condemnationem. Assumptum patet ex c. *Nobis* de Simon. Ubi de hac collatione dicitur: *Est penitus reprobanda*, id est, irritanda: & in cap. penul. de Electione. Idem probatur ibi: *Si contigerit reprobari*, quia non reprobat, nisi quod aliquo modo subsistit, male tamen factum est. *Post liberam resignationem*, quia non resignatur, nisi quod habetur. Denique in Extrav. 2. de Simon. solum irritantur collationes, præsentationes, &c. dando, vel recipiendo factæ, ac subinde a scientibus receptæ, non ab ignorantibus. Covarruvias etiam in Regul. Peccatum 2. part. §. 8. nu. 7. & 8. fatetur ex jure positivo non haberi talem irritationem ipso facto. Tamen quia credit juxta doctrinam Divi Thom. necessarium esse fateri, talem collationem esse irritam ipso facto, ideo recurrit ad jus divinum dicens, talem collationem ex vi juris divini non tenere. Sed hoc jam ostensum est esse falsum in re ipsa. Unde non credimus etiam, fuisse hanc intentionem D. Th. sed supposuisse jus ecclesiasticum, quod adducit in argum. *Sed contra*, & in corpore reddidisse congruentem rationem illius juris, non quia per se sufficiens esset ad inducendam irritationem, nisi accessisset ecclesiasticum jus, ut iterum in fine corporis concludit, & juxta hanc mentem procedit in solutionibus argumentorum. In quibus utitur distinctionibus sumptis ex jure ecclesiastico, ut si ignorans contradixit, vel non contradixit: si pecuniæ largitio facta est in odium, vel favorem provixi, quæ certe non possunt in solo divino jure fun-

Ule. modus.

An collatio simoniacæ sit valida ignoranti?

Dubium suboritur, & resolvitur.

fundari; loquitur ergo secundum jus humanum.

35 Dico ergo, collationem factam sic ignoranti esse ipso facto nullam, & consequenter habere hoc ex jure positivo. Ita sentiunt, mea sententia, reliqui Theologi cum D. Thom. & sumitur etiam ex Canonistis super jura citata, quæ nunc amplius ponderabimus, præsertim ex Abb. in cap. penult. de Elect. Cassador. & Ludov. Gomez apud Navar. supra. Probatum ergo assertio ex tribus effectibus ab omnibus receptis. Primus est, quia iste ignorans, cum primum sciverit vitium sup. collationis, tenetur in conscientia statim relinquere beneficium, nulla expectata condemnatione, vel sententia, seu ad Superiorem legitimum recurrere, ut de medio provideat. Hoc docet D. Th. clare sequuntur Cajetan. Sor. & alii; & Covar. non audeat negare, nec Navar. qui expresse hoc docet Conf. 97. de Sim. in princip. & idem sentit in Conf. 95. Fatetur etiam Ugolin. d. c. 7. §. 1. & colligitur clare ex c. *Ex insinuatione* de Simon. Ubi id notant Gloss. verb. *Resignasti*, Abb. & alii; & expresse ex d. c. *Sicut tuis* sic dicente: *Quamvis secundum sacrorum Canonum instituta etiam parvuli, qui cupiditate parentum ecclesias per pecuniam sunt adepti, eas dimittere teneantur*. Et habetur in cap. *Quicumque* l. qu. 5. ibi: *Postquam illas omnino dimiserint*. Tenentur ergo eas dimittere in conscientia, etiam si non cogantur exterius. Hic autem effectus non aliunde provenit, nisi quia rem alienam, invito domino, retinere non possunt, ut etiam Navar. & Ugolin. expresse fatentur; ergo beneficia sic accepta non sunt recipientis, quia non sunt sua, sed aliena, ideo enim tenetur ea dimittere; ergo collatio fuit nulla: tunc enim dicitur nulla, quando per eam non fit beneficium recipientis. Quæ ratio videtur mihi demonstratio moralis. Nam si quis dicat, beneficia fuisse vere sic possidentis, quandiu duravit ignorantia, statim vero, ac cognovit vitium, amisisse illa (quod insinuare videtur Navar. d. Conf. 95. nu. ver. *Tertio*, in ultimis ejus verbis) hoc profecto nulla probabilitate dicitur; tum quia multo difficilior privatur quis beneficio semel obtento valide, & quod vere fuit suum, quam impediatur ejus acquisitio; tum etiam quia nullum est jus declarans magis illam nullitatem ab illo tempore, quam antea; tum etiam quia nova scientia non attulit per se majorem culpam, vel rationem privationis beneficii, quam antea fuisset, sed ostendit defectum, qui inerat, & obligationem, quæ ignorabatur. Nec enim dici potest, interveniente scientia, illud fieri dignum privatione, quia non dimittit, quia ut hæc sit culpa, oportet supponere, quod ante commissam talem culpam ipse teneatur dimittere, & quod adveniens scientia statim ostendit talem obligationem, alias non peccaret non dimittens; ergo scientia ostendit, beneficium non esse suum, non facit; ergo a principio non fuit suum.

36 Secundus effectus, ex quo id evidentius ostenditur, est, quia tenetur iste talis restituere fructus omnes, non solum a die vitii cogniti, sed etiam a principio obtentionis beneficii, cum hac differentia, quod fructus prioris temporis tenetur restituere tanquam bonæ fidei possessor, & ideo non tenetur restituere, quos bona fide consumpsit, nec quos recepit tanquam condignum stipendium sui operis, ac ministerii, etiam si mediante titulo beneficii obtineantur, ut sunt distributiones quotidianæ, aut personales; quia bona fide totum hoc indubie operatur, estque maxime consentaneum rationi, & justitiæ: tenetur tamen restituere fructus alios extantes, ut Div. Thom. dixit. At vero fructus posterioris temporis, seu perceptos a scientia vitii ingressus, & a mora culpabili in dimittendo beneficio, tenetur restituere tanquam malæ fidei possessor, vel sicut diximus de illo, qui scienter acquisivit simoniace beneficium, in qua doctrina omnes etiam cū D. Tho. conveniunt Covar. supra, Navar. d. Conf. 90. 95. & 97. Cassador. d. decis. 6. Ugolin. dicto cap. 7. §. 2. Hæc autem obligatio restituendi antiquiores fructus, non potest suaderi, nisi in hoc, quod licet possidens naturaliter beneficium illos receperit bona fide, tamen revera recepit ex re non sua, & ideo non fecit illos suos, ac subinde nec retinere illos potest; ergo signum clarum est collationem a principio non fuisse validam. Nam si fuit valida; ergo recipiens vere possidebat be-

neficium suum; ergo faciebat suos omnes fructus ejus / quo ergo jure obligatur postea partem eorum extantem restituere, vel potius a se abdicare (cum sit sua) nullo cogente? Quin potius nec per sententiam posset illis juste privari, si statim dimisit beneficium, quia puniretur in re vere sua sine culpa, & sine ullo jure. Nullum enim jus speciale est positivum, quod de tali restitutione, vel oblatione horum fructuum disponat, ut fatetur Navar. dicto Conf. 95. num. 3. §. *Quarto*. Ubi videtur negare, esse necessariam hanc restitutionem, cum nihil de hoc disponatur. Cum vero postea, & sæpe alijs locis fateatur esse necessariam cum communi, & certa sententia, videtur ibi intelligere, non esse necessariam ex speciali dispositione juris: est ergo necessaria ex necessitate illationis alterius juris, quod non potest esse aliud nisi annullans collationem, ut ostensum est. Tunc autem restitutio facienda est ecclesiæ juxta supra dicta. Sed retorquet argumentum Navar. Nam si collatio beneficii a principio fuisset invalida, non tantum extantes fructus, sed omnes simpliciter essent restituendi; quia nulla (inquit) ratio excusari posset ab aliqua parte, si collatio non valuisset. Sed hoc nullius momenti est, nam quando obligatio restituendi non ex acceptione, sed ex re accepta oritur, illa non extante, & bona fide consumpta, ita ut ex illa non sit aliquis fructus ditionis, excusatur restitutio, ut est vulgare, & satis per se notum.

37 Tertius effectus est, quia non obstante ignorantia recipiens beneficium simoniace, manet inhabilis ad illud idem beneficium obtinendum, indiget enim dispensatione, vel papali in dignitatibus, & curatis beneficiis, vel saltem episcopali in simplicibus, ut dicitur in cap. penult. de Elect. in 6. ergo signum manifestum est, relictum fuisse impedimentum ad tale beneficium obtinendum, etiam de novo: alias cur dispensatio, & cum tanto rigore, ac distinctione postulatetur? Ergo multo magis erat inhabilis talis persona ad obtinendum valide a principio tale beneficium tali modo, scilicet per simoniacum ingressum, etiam a se ignoratum. Probatum consequentia, quia longe minus videtur iterum recipere beneficium libere dimissum, statim post cognitum defectum ab eo, qui alias potest illud confectis gratis, & sine ullo novo vitio, quam obtinere illud valide per vitiosum ingressum etiam ignoratum: sed ille ingressus (non obstante bona fide) reliquit impedimentum ad subsequentem collationem valide obtinendam, quantumvis alias honestam, & legitimam; ergo multo magis impedivit, ne prior valida extiterit.

38 Neque obstant motiva contraria, immo ex eis hoc ipsum confirmari poterit. Nego enim, hoc non esse satis expressum in jure. Primo quia sæpe hec penæ per effectus explicantur: sicut dicemus infra de prelio ex c. *De hoc de Simon*. Secundo verbum *reprobandi*, magis indicat declarationem nullitatis, quam irritationem novam, præsertim cum in ipsam electionem cadat: in d. c. *Nobis*, & cum additur: *penitus reprobanda*, satis indicatur, ab ipsa origine reprobanda non esse, ac subinde declaranda esse nullam. Ex verbis autem *resignationis*, aut *renovationis*, male colligitur, validam fuisse collationem: nam executionem, & factam significant sæpissime, etiam in materia simoniæ, ut patet ex c. ult. de Simon. unde alia jura utuntur verbo *dimittendi*, cum dicunt, *teneri ad dimittendum*, &c. Denique circa Extravag. *Dum detestabile*, primum nihil refert, quod in ea non continetur hæc annullatio, quia ex antiquiori jure provenit, quod per illam saltem non est sublatum, ut constat, immo confirmatum, & actum per generalem clausulam primam. Deinde etiam hæc annullatio videtur sufficienter comprehensa in illis verbis, *Per electiones, &c. quas contigerit simoniaca labe fieri*. Nam collatio hæc, de qua tractamus, simoniaca labe facta est, ut constat. Et infra dicitur: *Ut per eas, cuiquam jus nullatenus acquiratur*. Ubi non distinguit inter ignorantem, & scientem, sed absolute dicit, *cuiquam*; nihil ergo excipi potest, nisi quod alias jure est exceptum, scilicet de contradicente, vel per injuriam circumvenio. Quod vero postea dicitur de *dante*, & *recipiente*, ponitur in alia clausula pertinente ad excommunicationem, quam constat ab ignorante non posse incurri, & ibi non dicitur ad alios effectus necessarium esse, ut ipse, qui recipit

Qui si collat. facta fuisse simon. tenetur restituere pro non habente.

Responsio. Refutatur.

Non solum beneficium, sed fructus est restituendus.

Accipienda beneficii simoniace, licet ignoranter, manet inhabilis ad illud.

pit spirituale beneficium, det pecuniam, sed sufficit, ut simonia dando, & recipiendo perfecte completa sit. Ille ergo textus potius confirmat positam ampliacionem, quam verissimam censeo.

Differetia inter ignorantem, & consensum simoniae.
39 Est tamen differentia noranda inter hunc ignorantem, & alium, qui scienter simoniace accepit beneficium: quod ille prior, si bona fide illud possideat per triennium, non potest contra illum admitti actio, nec lis super beneficium, juxta regulam Cancellariae de Triennali possessore, quamvis res dubia sit, an veram praescriptionem in conscientia acquirat. At vero posterior, qui scienter est simoniace ingressus, non gaudet favore illius regulae, ut in ea expresse declaratur, & extenditur juxta probabiliorum sententiam ad simoniam conventionalem ex parte pretii non soluti, ut late videri potest in Lud. Gomez q. 1. 2. in eandem regulam, & in Ugolin. Tab. 4. c. 6. §. 1.

De simonia cum ignorantia collatoris.
40 Sed quid si collatio sit simoniaca, ignorante ipsomet collatore, quia nimirum cum mediatore intercessit, ignorante collatore. Respondeo breviter, sine dubio etiam esse nullam: & in primis si recipiens beneficium, illum non ignoravit, sed expresse, vel tacite consensit, res est clara, quia tunc ille simoniace acquirit. Verum tamen etiam si ipse ignoret, dummodo non contradixerit, nec in odium ejus facta sit, idem est dicendum: quia irritatio directe fertur in omnem provisionem, quam contingit simoniaca labe, & nihil dicitur de culpa conferentis scientia, vel ignorantia: illa autem acquisitio simpliciter sit per simoniacam labem; ergo nullas habet vires, vel jus aliquod confert.

5. Affer-tion-jam-pliatio.
41 Quinto principaliter ampliatur assertio, ut locum habeat tam in simonia contra jus ecclesiasticum, quam contra divinum. De hac posteriori parte nemo dubitat. De priori vero aliqui dixerunt, ut supra retuli, penas a jure latas non habere locum in simonia, quia prohibita haec autem nullitas acquisitionis una est ex penis; illa ergo non incurritur. Et specialiter refertur pro hac sententia Paris. l. 4. Conf. 29. & 30. dicens, non esse nullam acquisitionem beneficii factam per pactionem, vel per mutationem simoniacam inter spiritualia, quae solum est mala, quia prohibita. Fundamentum est, quia in penis benignior interpretatio facienda est, & ideo sunt coarctandae ad delictum maxime proprium, ac naturale. Item quia jura nunquam annullant in specie, & in particulari acquisitionem beneficiorum per simoniacam permutationem, aut alias similes pactiones. Tandem ponderatur c. *Constitutus* de Transf. Ubi propter simoniam in transactione commissam non fit privatio beneficiorum, quia erat simonia tantum in hac specie, & contra jus humanum, ut ibi Innocen. exponit, & sequuntur Host. Abb. & alii.

42 Nihilominus ampliatio posita conformis est communi sententiae Doctorum. in c. *Cum universorum* de Rer. per. ubi Abb. expresse n. 6. Idem Praepos. in c. *Ordinationes* 1. q. 1. n. 34. & seqq. Ubi plures alios refert Rebus. in Praxi Tit. de Sim. in resignat. n. 14. Redoan. 3. p. ca. 8. referens plures. Et potest ex jure antiquo confirmari haec sententia ex c. *Cum olim* de Rer. permut. Ubi quidam spoliantur beneficiis propter simoniacam permutationem. Nec est mihi verisimile, quod quidam dicunt, illos fuisse sic punitos, non propter solam simoniam, sed etiam quia sine Canonica institutione permutationem consummarunt, beneficia permutata recipiendo. Hoc enim nullum in textu habet fundamentum, sed oppositum potius colligitur: tum quia pro ratione poenae solum redditur, quia de uno constabat, suum praestitisse permutationi consensum, licet ipse id negaret, & alter id confessus fuerit; de alio vero delicto in intrusione propria auctoritate nihil dicitur: tum etiam quia si tale delictum commisissent occupando beneficia propria auctoritate, & sine institutione, posset de illo evidentissime constare, oppositum autem colligitur ex textus; nam potius pars quaedam allegabat resignationem simpliciter factam, & Canonicam receptionem, quae non rejiciuntur, & nisi tantum quoad negationem pacti simoniaci. Et ita egregie intellexit ibi Panorm. n. 4. Verum est tamen ibi non dictum, fuisse privatos beneficiis ipso jure, sed *Curavimus* (inquit pontifex) *spoliare*; sed tamen ibi non excluditur, quin illa fuerit declarativa sententia criminis, & executio poenae,

quam jus imponit. Nobis vero satis est, quod in jure illa punitur ut vera, & propria simonia, comprehensa sub juribus punientibus simoniam. Tunc enim necessario succedit jus Extravag. 2. annullantis omnes collationes, & provisiones simoniaca labe confectas, ut latius supra expendimus.

43 Ad fundamentum contrariae sententiae, ibidem responsum est, benignam interpretationem habere locum, salva bonorum proprietate, maxime juxta usum jurium. Unde ad secundum dicitur, non oportere, ut jura in particulari exprimant simoniam contra jus positivum; sed satis est, quod puniant tali modo simoniam in beneficiis commissam, quia qui omnia punit nihil excludit, quod sub genere illo proprie comprehenditur. Alias verum posset in dubium, an collatio beneficii, pecunia recepta, facta valida sit, quia sub opinione est, an talis simonia sit contra jus divinum, vel humanum tantum. Ad tertium ego facile dicerem in illo c. *Constitutus*, simoniam fuisse tantum conventionalem, & non processisse ad realem, ut ex casu constat: nam post transactionem pars quaedam retrocesserat, & ideo non merebatur ordinariam poenam. Item, ibi non fuerat ali-quod beneficium ex vi illius transactionis acquisitum, sed solum fuerat lis sopita; & ideo non poterant litigantes spoliari beneficiis ut simoniace acquisitis, sed oportebat spoliari beneficiis legitime acquisitis, quae poena gravior est, & non imponitur propter quamcumque imperfectam simoniam; immo jure expressa non invenitur, ut infra dicam, & poena depositionis excedebat gravitatem illius delicti. Et in hoc sensu loquuntur ibi Innocentius, & Abbas; & fortasse non aliud senserit Parisius in dictis Consiliis.

44 Sexto ampliatur simul, & restringitur praedicta regula, ut locum habeat in omnibus beneficiis ecclesiasticis, & in illis solis. Prior pars manifeste constat ex dicta Extravag. ubi prius in specie numerantur ecclesiae, monasteria, dignitates, personatus, & officia ecclesiastica; & postea additur generalis clausula: *Et quibuslibet beneficiis*; nihil ergo licet excipere, quod proprie beneficium sit. Ex contextu autem, & materia constat, ibi esse sermonem de beneficiis infra Summum pontificatum, de quo statim dicemus. Infra illum ergo omnia beneficia, etiam simplicissima, & infirma, & summa comprehenduntur: & a quocumque dentur, vel recipiantur, etiam si sint Cardinales, Patriarchae, &c. ut ibidem dicitur: & pater, quia jus illud est supra omnes illos. Declaratur etiam ibidem, id extendi ad omnes actiones ordinatas per se ad collationes beneficiorum, ut sunt praesentationes, nominationes, &c.

45 Posterior vero pars posita est ad excludenda jura, vel munera ecclesiastica, etiam spiritualia, quae non sunt proprie beneficia. Et ratio generalis est, quia verba legis poenalis stricte intelligenda sunt. Unde excluduntur primo pensiones, quae in titulum beneficii erectae non sunt: nam illae jam sunt beneficia, ut saepe dixi, & eadem ratione non excluduntur praestimonia, quia sunt vere beneficia; excluduntur ergo propriae pensiones. Et de temporalibus, seu laicalibus non est dubium. De spiritualibus autem aliqui oppositum sentiunt, quia sunt simillime beneficiis, maxime post motum Pii. Sed cum omnes doceant, per simoniam commissam circa pensionem non incurri excommunicationem, quia pensio non est beneficium: eadem ratione dicendum est, acquisitionem ejus non irritari ex vi illius Extravag. propter eandem rationem. Non est enim pensio censenda beneficium, quoad unam clausulam poenalem, & non quoad aliam: maxime cum generalius quoad verba feratur excommunicatio, quam irritatio, ut ex textu constat. Et ita docuit Navarrus absolute loquendo de pensionibus, etiam post motum Pii dicto cap. 23. num. 111. & Conf. 60. & 63. de Simonia, Ugolin. Tab. 4. cap. 5. & Salzed. supra. Qui idem asserunt de omni commissione ecclesiasticae functionis ad tempus facta, vel sine titulo beneficii; ut est in vicario ad tempus, vel ad nuncum amovibile sive episcopi, sive parochi, ex eodem principio, quod non est beneficium.

47 Sed in hoc specialis difficultas occurrit, quia in dicta Extravagante non irritantur solum provisiones beneficiorum, sed etiam officiorum ecclesiasticorum; **Difficultas suboritur.**

hæc autem videntur esse officia spiritualia, licet non sint beneficia, ut patet ex titulis de officio vicarii, legati, &c. In quo puncto Navar. d. n. 111. verb. *Septimo*, dicit, verba illa, *In officiis ecclesiasticis*, intelligenda esse de officiis, quæ sunt beneficia, quod nulla ratione probat: sed allegantur in margine c. *Cum accessissent* de Constit. &c. De multa de Præben. Sed in hoc capite posteriori nulla sit de officiis mentio, sed de dignitatibus, personatibus, & beneficiis: in priori autem Primiceriatus dicitur dignitas, personatus, & officium: ex quo aliqui colligunt, illas voces esse synonymas: unde in hoc sensu videntur a Navarro allegari: sentit ergo, in illa Extravag. officium, & beneficium tanquam synonyma accipienda esse. Et hanc sententiam alii multi Moderni secuti sunt, Salzedo ad Bern. Diaz. in Pract. cap. 91. §. Quarto, Ugol. Tab. 4. c. 5. n. 2. Lessius de c. 35. dub. 25. Fundamentum esse potest illud vulgare, quod lex penalis restringenda est, quantum verba permiserint: verba autem illa optime admittunt dictam restrictionem, cum sepe solent officium, & beneficium ecclesiasticum pro eodem sumi, ut d. c. *Cum accessissent*, & in c. *De multa*, Panor. & Doctores notant, &c.

47 Hæc vero sententia non caret dubitatione, & aliqua explicatione indiget. Nam in primis certissimum est, spiritualia officia religionum, vel prioris, abbatis, guardiani, provincialis, generalis, & similia, quæ habent jurisdictionem spirituales ordinariam, comprehendendi sub illa Extravag. quoad hanc nullitatem, & consequenter etiam quoad excommunicationem, juxta regulam supra positam. Ratio est, quia hæc sunt propriissime officia ecclesiastica. Item quia illa verba Extrav. *Electiones, postulationes, provisiones, &c.* Item in *ecclesiis, monasteriis, &c.* manifeste comprehendunt hæc officia. Et ita dixit Cajet. exponens illam Extravagantem quoad excommunicationem, in Sum. ver. *Excommunicationis* cap. 72. & Armil. c. 59. Et revera ratio prohibitionis est eadem, quia hæc officia sunt maxime spiritualia, & eorum venditione non minora detrimenta ecclesiæ sequuntur. Neque existimo, hoc voluisse negare Navar. sed hæc officia comprehendisse sub officiis, quæ sunt beneficia, quia hæc etiam habent suum modum præbendæ: sic enim etiam status religiosus solet a multis beneficium appellari.

48 Deinde sunt quedam officia ecclesiastica spirituali jurisdictionem habentia, quæ non sunt revera beneficia secundum loquendi morem, & secundum propriam rationem beneficii, quia non habent propriam præbendam annexam, ut supra dicebamus de Auditoratu, vel Clericatu Camera Apostolicæ. Simile censeri potest officium Inquisitoris; nam ecclesiasticum est, & valde spirituale: & quamvis censeatur habere jurisdictionem delegatam, potius quam ordinariam, ut dixit Eymer. in c. 3. p. Director. q. 4. cujus sententia communis est, ut ibi late refert Penna, Comm. 53. nihilominus, (ut ipse paulo post subjungit) parum ab ordinaria distaret videtur, quia inquisitores in sua materia valde universalem habent jurisdictionem, & satis permanentem, & ita ut illam committere possint: videtur ergo illud esse proprie officium ecclesiasticum: immo etiam officium legati, delegati, & vicarii simpliciter in jure vocantur ecclesiastica officia, licet non sint beneficia; in his ergo acquirendis certum est, posse simoniam committi, siue habeant jurisdictionem ordinariam, siue delegatam, ut ex supra dictis constat. Merito ergo dubitari potest, an simonia talis sub hac clausula derogatoria comprehendatur. Quia simpliciter sunt spiritualia officia: & Extravagans non sine causa distincte de officiis, & beneficiis loquitur. Nec est verum voces officiis, & beneficiis esse synonymas secundum proprias significationes: licet enim aliquando lato modo pro eodem sumantur, ut notavit Panor. & alii supra, tamen officium de se latius patet, quam beneficium, ut exempla adducta ostendunt: beneficium autem dici potest includere officium, quatenus beneficium propter officium datur. Solent etiam officium ecclesiasticum dici, quod habet aliquam jurisdictionem, vel administrationem ecclesiasticam, & sic beneficium simplex non tam proprie dicitur officium. Est ergo utraq; vox accipienda in illa Extravagante in tota sua latitudine, & proprietate: ideo enim conjunctæ videntur, ut omnia includerentur.

49 Nihilominus Navar. d. n. 111. §. *Ad decimum tertium*, generaliter loquens de quærente per pecuniam temporalem vicariam, & quamvis jurisdictionem, vel potestatem spirituales, etiam ad tempus episcopi, parochi, vel cujuscumque alterius beneficiarii, sentit, non incurrit in penam illius Extravag. dicit enim, non manere excommunicatum, quia illa non est simonia in beneficio. Et hoc sequuntur auctores supra citati: & videntur supponere antiquiores, qui absolute dicunt, illas penas tantum incurri in simonia in ordine, & beneficio, ut Silvest. Cajetan. Soto, & alii, quos supra retuli. Quæ sententia practice sequenda est; nam est benignior in materia penali; & quia considerando verba dictæ Extravagantis, semper videtur loqui de officiis ordinariis ecclesiarum, & monasteriorum, quæ per canonicam electionem, aut collationem providendi solent. Et post illa officia, addita sunt illa verba, *Quibusvis beneficiis*, & comprehendenda omnia beneficia, etiam simplicia, & quæcumque alia, etiam minima, quæ non solent officia appellari. Illa ergo officia, quæ solum sunt commissiones pendentes ex arbitrio delegantis, non censentur ibi comprehensa, etiam si sit vicaria episcopi, & similia. Solum de officio inquisitoris mihi superest aliquis scrupulus, quia videtur jam habere quasi ordinariam institutionem, & provisionem: sed nihilominus cum tantum sit delegatio quædam, & non sit beneficium, non oportet sine majori ratione, vel auctoritate exceptionem facere. Secus vero est de vicaria perpetua, quia illa est beneficium, ut omnes advertunt.

50 Addit vero Navar. supra unum valde notandum, Notabile: scilicet vicariam etiam temporalem sic emptam revera non acquiri, & teneri quemlibet ad illam relinquendam, ut iuste possit penitere, quia *contractus* (inquit) *est nullus*. Sed hoc mihi non videtur consequenter dictum, quia si vicaria illa temporalis, non comprehenditur sub illa Extravagante, quoad excommunicationem; ergo neque quoad annullationem acquisitionis ejus; ergo etiam non comprehenditur sub juribus antiquioribus, nam etiam loquuntur de beneficiis, ut visum est. Dices, id sequi ex eo, quod contractus est nullus, juxta ca. ult. de Pact. Sed contra: nam ex nullitate contractus ad summum sequitur, non inducere obligationem ad perseverandum in contractu, non vero sequitur, quod voluntas episcopi, v. gr. committentis suam jurisdictionem tali modo irritetur, ut non habeat effectum, nec vere committat vires suas. Nec etiam sequitur ex vi illius nullitatis, quod partes teneantur rescindere contractum, si velint in illo permanere: sicut infra tractantes de pretio iterum dicemus. Existimo ergo, talē commissionem, seu delegationem non esse nullam ipso jure, quævis teneatur denegans illam revocare, si ratione pretii illam conservare, & continuare intelligatur, etiam si necesse sit, vel pretium totum, vel partem ejus restituere, nulla interveniente sententia, sed rescindendo pactum iniquum. Sicut etiam licentia, v. gr. data a parcho suo subdito ad eligendum confessorum, non est irrita ipso facto, etiam si propter pecuniam data sit, quia nullo jure facta est talis irritatio, licet quamdam delegationem jurisdictionis contineat. Idem ergo censeo, etiam si delegatio fiat directe ex parte sacerdotis.

51 Septimo ab aliquibus ampliatur hæc pena ad simoniam conventionalem, & semitealem ex parte beneficii consecuti, etiam si non sit complete realis quoad traditionem pretii, ut scilicet etiam tunc collatio sit ipso jure nulla. Ita sentiunt Cajet. Sor. & alii supra relati. Tamen juxta superius dicta consequenter asserendum est, collationem illam tenere, & esse validam, si pretium re ipsa non solvatur, licet fuerit promissum. Ita Navar. & alii allegati ca. præc. in simili puncto de excommunicatione. Et fundamentum est idem, scilicet stylus Curie, & consuetudo: nam in rigore juris aliud dicendum videtur, ut ibi tractavi. Tunc autem insurgit difficultas supra etiam cum proportionem tacta, quid dicendum sit, quando post aliquod tempus pecunia solvitur ab habente beneficium, an ex tunc maneat ipso facto privatus beneficio; & an irritatio retrahatur, & si retrahatur, qualis fuerit collatio toto illo tempore antecedenti. In quo puncto Navar. d. c. 13. num. 104. & in Comment. cap. fin. de Simon. p. 31. quem alii Moderni sequuntur, dixit, collationem simoniacam factam ante

Officia ecclesiastica, quæ non sunt beneficia.

Etiam in his acquirendis intervenit simonia.

Quod non incurritur.

Notabile:

Evasio elaudatur:

De licentia eligendi confessorum data pro pretio.

Septima ampliatio

ante pretium solum, nec validam esse, nec invalidam, sed pendentem ex futuro eventu: nam si pretium nunquam solvatur, manebit valida: si vero solvatur, erit invalida a die factæ collationis. Fundamentum est, quia ita habet stylus Curiae, qui habet vim legis, & potuit derogare regulæ juris communis, quæ habet collationem beneficii non debere esse pendentem ex futuro effectu, sed statim ac fit, aut esse validam, vel invalidam juxta c. 2. de Elect. in 6. Neque reputant, hoc esse inconveniens, quia per leges humanas multa similia sunt, ut variis exemplis declarat Cassadorus decis. 3. & 4. de Locato, & Navar. supra, & Ugolin. Tab. 4. c. 6. §. 3.

Valida
probat
collatio
ante pre-
sentium

52 Sed contra hanc doctrinam objicere possumus speculative, quia ex duabus contradictoriis necessarium est, alteram esse veram; ergo instanti, in quo fit illa collatio, aut est valida, aut non est valida: non enim potest cogitari medium, alioquin darentur contradictoria simul falsa. Deinde, cum collatio pendere dicitur, interrogo, an suspensa maneat, quasi pendens ex futuro eventu conditione: & sic verum est dicere, nunc collationem non esse factam, & consequenter adhuc esse validam: sicut matrimonium factum per conditionatum consensum, pendente conditione invalidum est, id est, non factum. Si vero solum pendere dicitur, quia semper est obnoxia nullitati, si realis simonia compleatur, tunc dicendum erit, fuisse validam a principio, infirmam tamen, & retractabilem ipso facto, etiam a die, quo facta fuit per retractionem nullitatis; non ergo dici potest a principio ita pendens, ut nec valida fuerit, nec invalida. Tandem, alias nunquam illa collatio poterit esse valida, quod videtur absurdum. Probat sequela, quia solum dicitur futura valida, si non solvatur pretium promissum: at hæc conditio semper pendens est; nam semper solvi potest, etiam si per annum, vel duos, aut plures non fuerit solum, & ita etiam collatio semper est pendens. Denique moraliter magis rem inquirendo, ostendo, illam collationem a principio fuisse validam: quia ille, qui sic est consecutus beneficium, sciens, & videns, tuta conscientia, illud retinet; ergo vere possidet tanquam suum, quia rem non suam non potest tuta conscientia retinere; ergo collatio fuit valida, quia non facit quis beneficium suum, nisi per collationem validam. Item ille etiam vere facit fructus suos, & tuta conscientia illos expendit cum proposito nunquam solvendi pretium simoniæ: hoc autem etiam videtur apertum signum collationis validæ. Item ille potest renunciare gratis tale beneficium in favorem alterius in manibus pontificis, & valebit renunciare, & collatio alteri facta: at renunciatio vera supponit validam obtentionem beneficii; ergo

Prima
suppositio

53 In hoc puncto non est de nominibus contendendum, sed in primis attendendum, quid intendatur per illum modum loquendi, & quos veros effectus habeat illa pena sic explicata. Primo ergo supponitur, eum, qui ex promissione simoniaca beneficium accepit, quandiu promissionem non implet, nec realem simoniam consummat, non teneri in conscientia relinquere beneficium, vel fructus ejus, donec condemnetur, quia eadem ratio est de hac poena, & de excommunicatione, & ideo hoc suppositum eodem modo credendum est, quo supra diximus idem de excommunicatione. Secundo hoc non obstante, quamprimum talis beneficiarius solvit pretium, incipit obligari in conscientia, & ipso facto ad relinquendum beneficium, nulla expectata condemnatione. Ratio est, quia tunc est simonia realis completa, & ideo incipit habere effectum lex irritans in d. Extrav. Unde fit, ut ex tunc mala conscientia, recipiat fructus beneficii, & ut teneatur illos restituere tanquam perceptos de re non sua; quod est clarum ex dicta hypotesi. Tertio vero addunt dicti auctores, illum non solum teneri ad restituendos fructus perceptos a tempore solutionis pretii, sed etiam a tempore collationis, seu receptionis beneficii, & in hoc sensu dicunt, retrahi hanc poenam usque ad diem collationis. Hoc autem supponunt ex stylo Curiae, & ita hoc ex fide illorum credendum est, nec alia est expectanda lex, ut ratio; nam stylus valet pro lege. Quarto addunt alium effectum, quia si intra illud tempus acquiratur aliud beneficium modo legitimum, & postea compleatur prior simonia, irritabitur collatio alterius beneficii tanquam

facta excommunicato, & inhabili, quia etiam quoad hos effectus retrotrahitur poena, & ita etiam illa acquisitio alterius beneficii non fuit omnino valida, & firma. Quod etiam ex stylo, & usu supponitur.

54 His ergo in re suppositis solum superest quaestio de nomine, quomodo sit vocanda collatio prima, an valida, vel invalida, vel pendens: & videtur quaestio similis illi de hæretico, an amittat dominium bonorum quoad proprietatem a die commissi criminis, licet non perdat possessionem, & usum. Et certe non videtur posse negari, quin illa prima collatio valida fuerit aliquo modo, ut rationes factæ probant. Potest ergo dici valida, sed infirma, sicut aliqui dicunt dominium hæretici non amitti simpliciter, sed infirmari a die criminis. Item dici potest collatio valida pro tunc, non tamen absolute, sed dependenter a futuro eventu solutionis, ita ut illo posito destruat: hic enim effectus non est impossibilis, nec superat efficaciam legis humanæ, quam ita explicuit, vel inducit stylus Curiae. Neque est inconveniens, quod illa collatio semper maneat ita pendens, seu infirma, quandiu effectus non impletur, & nihilominus habere possit semper omnes effectus, quos habet vera, & firma collatio, si realis simonia non impletur, nec conventionalis facta in iudicium deducitur. Et hic videtur mihi clarior modus explicandi hanc poenam.

55 Semper tamen relinquitur scrupulus, quia videtur iste simoniacus propter astutiam, vel humanam infidelitatem fieri melioris conditionis. Nam conceditur illi, ut possit retinere beneficium, illoque frui, & non subire onus solvendi pecuniam, in quo ditor fit, & melioris conditionis. Item, quia vel ille, qui accepit beneficium, tenetur solvere pecuniam promissam, vel non tenetur: si tenetur, peccat non reddendo, & ita est perplexus, quia si reddat, simoniacus est, si vero non solvat contra obligationem facit. Si vero non tenetur (ut revera non potest) tenebitur dimittere beneficium, quia injustum videtur, quod utrumque retineat, vel saltem ab omni ratione alienum. Ad hoc in primis dico, similem incommodum inferri posse, quando aliquis sicte promissit, & sine animo solvendi, & cum effectu consequitur beneficium: nam tunc valida est collatio extra omnem controversiam, & non tenetur implere promissionem, nec damnum alterius reparare, quia res accepta non potest temporali dono restitui. Concedo igitur, illum non teneri ad solvendum pretium, quia non potest teneri ad faciendam rem illicitam; nec etiam potest dici, quod teneatur ad abdicandum a se illam pecuniam, & dandam pauperibus, verbi gratia, vel quid simile: quia hoc nullo jure fundari potest, & sine positiva lege illa obligatio ex natura rei non sequitur. Quod autem is, qui dedit beneficium, utroque maneat privatus, nullum est inconveniens, quia sua culpa contraxit, & meruit: quod vero alius temporale commodum, aut lucrum consequi videatur, per accidens est; nec possunt leges morales singulis incommodis occurrere, satisque reputatur, quod ille poenis maneat obnoxius, si in iudicium deferatur.

Dubia circa
traditæ
doctrinæ.

Qui simo-
niace pre-
sentium
promissum
non
tenetur
solvere, ne-
que qui
sicte.

56 Immo graves moderni auctores censent hunc simoniacum conventionalem, quamvis solvat pretium, non teneri in conscientia ad restituendos fructus ante solutionem pretii perceptos: nec ad relinquenda beneficia in illo tempore intermedio alias bene obtenta, donec condemnetur. Quod sumi potest ex Navar. d. nu. 104. ver. Non ignora. Ait enim, ibi facilius esse dicere, nullitatem tituli incipere a tempore simoniæ ex utraque parte perfectæ: Nisi contrarium servaret (inquit) stylus antiquus, cui standum est. At vero stylus non est de interiori foro, sed de exteriori; ergo sentit, in illo tantum obligare. Et ita sequitur Lessius d. c. 35. dub. 27. in fin. Et sumitur in simili ex Henr. lib. de excomm. cap. 19. Ugolin. autem d. cap. 6. in fine vult, illam retractionem in utroque foro obligare: Quia fictio hac (inquit) in utroque foro sibi vendicat, nam a longe fit, quæ juxta hoc habet faciendi. Et sumit argumentum a præscriptione, quæ in conscientia habet effectum. Sed hoc illi probandum erat, nimirum, fictionem illam hoc sensu esse introductam per legem, ut re ipsa auferat dominium talium fructuum ante sententiam, hoc enim ex solo stylo non videtur satis colligi posse: nec etiam habere.

Ante solu-
tionem pre-
sentium
fructus resti-
tuendi
iuxta alios
quos.

habemus legem scriptam, unde id colligamus. Nam Extravagans 2. (ut supponitur) non operatur suum effectum toto illo tempore, quia non est completum delictum, quod ipsa punit, & ideo non inducit excommunicationem, nec vero ipsamet postea operatur, retrahendo suum effectum (quia hoc non est in illa expressum) sed solum effectum irritandi collationem, statim ac simonia realis completa est; ergo nullo jure constare potest illa obligatio in conscientia, donec per sententiam imponatur.

hæret. in 6. ergo multo minus id potest affirmari in vicio simoniæ.

3 Adde vero ulterius, etiam isto modo non esse talem penam ipso facto incurrendam laram per aliquam ecclesiasticam legem. Hoc pro regula generali accipiendum est, ut excludamus casus speciales, ut est supra tractatum de simonia confidentiali: item posset esse exceptio de simonia commissa in electione papæ juxta Bulla Julii II. in ult. Concil. Later. sess. 5. sed illa vel non est in usu, vel revocata est, ut supra dixi. Alia exceptio est in Concil. Trid. sessione vigesima quarta cap. 18. de Reform. de examinadoribus ad beneficia, simoniam in examine committentibus: nam privantur beneficiis, quæ quomodocunque antea obtinebant, ita ut absolvi nequeant, nisi illis dimissis, & ad futura inhabiles fiunt. Extra hos vero casus non incurritur dicta privationis poena etiam per sententiam declaratoriam criminis. Immo quamvis illa prolata sit, si in ea nulla sit mentio de privatione beneficiorum, non manet illis privatus ille, qui punitur.

Rejicitur
ulterius
tradita o-
pinio, nisi
certis ca-
sibus.

4 Hæc est sententia communis Canonistarum, ut patet ex Abb. in cap. Cum Clerici de Pactis num. 2. Fel. in c. 1. sinuatum de Simon. Anton. in cap. Nisi cum pri- dem de Renunc. n. 6. & Præpos. in d. cap. Presbyter n. 6. Rebuff. in Pract. cap. de Simonia resignat. num. 13. & alii, quos refert, & sequitur Ugolin. Tab. 1. cap. 19. Et ratio evidens est, quia nullum invenitur decretum, in quo talis poena feratur, addito verb. Ipso jure, vel ipso facto, aut alio æquivalenti, sine quo nulla poena censetur lata, nisi in ordine ad sententiam condemnatoriam, ut est regula receptissima omnium Theologorum, & Juristarum, ut ex materia de Legibus constet, & videri potest late per Tiracellum in leg. Si unquam verbo revertatur a num. 206. Adferri tamen posset cap. Inquisitionis de accusatione. Ubi de simonia in adeptione beneficii dicitur, impedire retentionem beneficii etiam post peractam poenitentiam: immo etiam videtur idem dici de simonia in ordine suscepto. Et videtur intelligendum ipso jure, quandoquidem beneficium retineri non potest post peractam poenitentiam. Sed hic textus nihil probat, quia etiam si intelligeretur in privatione ipso facto, sufficienter exponeretur de beneficio simoniace recepto, sicut ibidem dicitur de simonia in ordine, impedire executionem ordinis, utique simoniace recepti, quantum est ex vi illius juris. Et ita illæ duæ penæ suspensionis, & privationis non sunt simul applicandæ ad singulas simonias, sed cum partitione accommodata, ut recte Panorm. notavit. Vel certe posset intelligi de privatione beneficiorum per sententiam faciendam, nam ibi fit æquiparatio cum homicidio, per quod non incurritur ipso facto talis privatio, ut statim dicemus. Sed dici ulterius potest, virtute contineri hanc poenam in aliâ, quæ imponitur ipso jure propter simoniam, scil. in suspensione perpetua ab officio, seu ab altari juxta c. Tanta de Sim. Sed respondeatur, & falsum esse, propter Simoniam in beneficio incurri suspensionem ab ordine, vel ab officio, ut supra visum est, & falsum etiam esse, suspensionem ab ordine etiam perpetuam includere privationem a beneficiis, cum neque irregularitas istam includat, ut in 5. tom. suis locis ostensum est.

5 Neque etiam obstat æquiparatio illa simoniæ cum hæresi: tum quia quoad culpam revera non æquiparantur quoad æqualitatem; multo enim gravior est hæresi: sed æquiparantur vel secundum quamdam imitationem, vel secundum originem simoniæ, ut in principio hujus materiæ diximus: tum etiam quia æquiparatio in poenis non habet locum, nisi vel in particulari, vel saltem per clausulam generalem sic expressa in jure, neutro autem modo invenitur, in jure facta talis æquiparatio: nam licet quoad aliquas circumstantias speciales interdum æquiparentur in modo procedendi circa punitionem utriusque delicti juxta c. Tanta de Simon. & c. 1. de Test. in 6. non licet tamen inde extensionem facere ad æquiparationem in omnibus penis. Possuntque huic æquiparationi aliam opponere: nam simonia etiam solet æquiparari homicidio: sed homicida non privatur ipso jure beneficiis, ut est magis recepta sententia, & sumitur in c. Clerici, ne clerici, vel monachi, ibi honore privetur (de quo alibi latius;) ergo

De æqui-
paratione
simoniæ
ad hæresin

Ultima
ampliatio

57 Ultimo ampliari posset prædicta regula etiam ad electionem Summi pontificis, ut ipsa etiam simoniace facta nulli ipso jure sit, juxta cap. Si quis pecunia, 79. distinct. ubi de inthronizato per pecuniam dicitur: Non Apostolicus, sed apostaticus habeatur. Sed si quis recte consideret, non sola pecuniæ largitio sufficere dicitur, sed additur: Sine concordia, & canonica electione Cardinalium, &c. Itaque ex illo textu non satis probatur, propter solam simoniam, electionem illam esse irritam. Verumtamen id postea expresse statuit Julius II. anno millesimo quingentesimo tertio, Constitutione 2. Cum tamen divino. Ubi irritat electionem, & concedit, ut contra electam opponi possit de simonia, sicut de hæresi, & plures alias poenas imponit tam electo, quam eligentibus. Verumtamen jure communi statutum est propter vitandam majus periculum schismatis, ut contra illam electionem canonice factam nulla exceptio admittatur: quod est speciale in ipsa, ut ibidem dicitur, quia pontifex nullum habet in terra superiorem, per quem commendari possit error in ejus electione commissus. Et hoc jus nunc suam vim retinet, non obstante Constitutione Julii II. quæ nunquam videtur fuisse recepta, & per Constitutionem octuagesimam quintam Pii Quarti derogata intelligitur. Et ita hæc potius debet esse restrictio, seu exceptio a generali regula.

C A P U T L V I I I.

An recipiens beneficium, vel ordinem simoniace privetur ipso facto beneficiis prius rite obtentis, & fiat inhabilis ad futura?

Dispositio
juris anti.

1 **M**ulta jura antiqua disponunt, ut committens simoniam beneficiis privetur, præsertim jura illa, quæ simoniacum deponendum esse tradunt, ut supra citatum est, & habetur in cap. Presbyter, cap. Erga, cap. De cetero 1. quæst. 1. & cap. 2. de Confessis, & cap. Sicut, & cap. De hoc, cum aliis de simonia, in quibus interdum est sermo generalis de simonia: interdum etiam in particulari de simonia in acquisitione beneficii, & ordinis; depositio autem ab homine lata solet includere privationem a beneficiis, vel habere conjunctam, juxta varias opiniones, de quibus diximus in quinto romano disp. 30. sect. 1. num. 13. & sequentibus. Hic vero, ut sæpe dixi non tractamus de poenis ferendis per sententiam condemnatoriam, quia ad hoc forum conscientie parum spectat. Difficultas erga est, an hæc poena incuratur ipso facto.

Opinio
affirmans
ampli.

2 Aliqui Canonistæ id affirmant, citatur Gloss. 1. in cap. Presbyter 1. quæst. 1. sed male: nam expresse loquitur de privatione per judicem, & requirit, ut talis simoniacus sit accusatus, & convictus, citatur etiam Felin. in cap. In nostra de Rescriptione Corol. 2. num. 13. solum tamen videtur loqui de beneficiis simoniace acquisitis, quia solum loquitur juxta Extrav. Pauli Secundi. Illam tamen opinionem tenet Rebuffus de pacificis possessoribus numero 265. & in practica beneficiarum tit. de modis amittendi beneficia num. 33. & sequentibus. Tenet etiam Bernhardus Diaz in Practica cap. 131. qui alios referunt. Hæc vero sententia in primis non potest intelligi de privatione ipso facto, ad quam exequendam in se ipso aliquis obligatur ante sententiam saltem declaratoriam criminis: tum quia poena, quæ privat bonis acquisitis, & legitime possessis, non solet cum tanto rigore per legem ferri: tum etiam quia ad summum potest simonia in hoc hæresi comparari, ut Rebuffus vult: sed hæreticus non privatur illo modo suis bonis ante sententiam declaratoriam, licet illa postea data retrahatur juxta cap. Cum secundum leges de

Hæc opi-
nio nõ po-
test intel-
ligi ipso
facto.

Aliquorū
placitum

6 Dicunt vero aliqui, licet hæc sint vera de jure antiquo, nihilominus de jure novo hanc penam incurri ipso facto per Extrav. 2. de Simon. quatenus renovat omnes penas simoniæ antiquorum Canonum, & disponit, ut ipso facto incurrantur. Nam hæc pena erat ferenda ex vi Canonum antiquorum; ergo nunc est lata sententiæ ex vi illius novæ dispositionis. Sed similem illationem sæpius negavimus, & improbavimus in superioribus, & in præfenti majori ratione admittenda non est: tum quia penæ privationem ipso facto beneficiorum legitime obtentorum est una ex gravissimis poenis juris, unde non est verisimile, fuisse de novo impositam sine ampliori explicatione: tum etiam quia illa poena formaliter, & expresse non invenitur imposita jure antiquo, etiam ut ferenda, sed quatenus in pena depositionis perpetuæ vel formaliter, vel radicaliter includitur: sed pena depositionis non incurritur ipso facto propter sola illa verba generalia dictæ Extravag. ut constat ex usu ecclesiæ, & iidem Doctores fatentur saltem ex benigna interpretatione juris; ergo multo minus sufficiunt illa verba, ut privatio beneficiorum ipso facto incurratur. Accedit præterea, quod in eadem Extrav. specialiter declaratur, incurri privationem beneficiorum simoniace acquiritorum, & Pius V. in d. Constit. 5. ponens privationem, prius restringit illam ad beneficia simoniace acquisita, & postea specialiter extendit ad beneficia in posterum acquirenda, ut mox dicemus; ergo satis judicat, circa beneficia prius legitime acquisita nihil esse innovatum. Ac tandem usus ipse satis hoc confirmat, & dictam Extrav. interpretatur. Nemo enim dubitat, quin simoniacus in beneficio, priusquam de illo crimine condemnetur, possit priora beneficia, quæ legitime habebat, resignare, & administrare tanquam verum jus in illa retinens. Et ita expresse tenet Navar. consil. 92. de Simon. & Ugolin. Tab. 4. cap. 6. §. 6. num. 3.

Per sequē-
tem actio-
nem simo-
niacā non
annulla-
tur prior
reclia

7 Unde obiter colligo, eodem modo, ac servata proportionem judicandum esse de actionibus ordinatis ad perfectam ejusdem beneficii obtentionem, & inter subordinatis, ut sunt electio, confirmatio, collatio. Nam licet quælibet illarum simoniace facta nulla sit, juxta dictam Extrav. 2. tamen si prior, v. g. electio rite facta sit, & confirmatio simoniace fiat, nihilominus sola confirmatio erit nulla, & electio rata manebit, donec per judicem annulletur. Quamvis contrarium sentire videtur Ugol. Tab. 4. c. 6. n. 4. §. At quid, citans Felinum, & alios in cap. Sicut tuis de Simon. quos intelligendos existimo de irritatione per condemnationem Judicis, nam in poenam simoniæ commissæ in confirmatione merito potest electio alias valida irritari. De irritatione autem ipso facto non credo, id esse verum; quia nullo jure est expressum, & alioquin ex natura rei potest electio esse valida, etiam si confirmatio sit irrita juxta c. Si confirmationem de Elect. in 6. quia prius non pendet ex posteriori. Item, quia per electionem acquisitum est aliquid jus, subsequens autem simonia non privat ipso facto juribus prius rite acquisitis, sicut non privat prioribus beneficiis, nam est eadem ratio. Secus vero est e contrario, si simonia præcedat in actu priori, ut in electione: tunc enim confirmatio nulla erit, etiam si absque simonia fiat. Et idem est cum proportionem de collatione respectu confirmationis. Ratio est; tum quia deest fundamentum, sine quo non potest esse validus subsequens actus; tum etiam quia per priorem simoniam manet quis inhabilis ad novas obtentiones beneficiorum, ut statim dicemus.

Secus si si-
monia sit
in actu
priori.

Simonia-
cus in uno
beneficio
non tene-
tur resti-
tuere fruc-
tus ante
ali-
us per-
ceptos.

An per
sententia
possit illis
ari.

8 Secundo colligo ex dictis, non teneri simoniacū in uno beneficio restituere fructus, quos ex beneficiis antea legitime obtentis percepit, si illi extent, siue consumpti sint quocumque modo, quia cum retinuerit jus in sua beneficia, etiam fecit fructus suos, quia, ut supra dixi, simonia in beneficio non inducit suspensionem in prioribus beneficiis; ergo simonia subsequens non impedit, quominus is faciat illos fructus suos; ergo nec est, unde obligatio restituendi illos oriatur. Quærent autem Jurisperiti, an per sententiam possit privari simoniacus illis fructibus etiam antea perceptis, quasi retrahendo privationem beneficii, de quo videri possunt Bernardus Diaz, & Rebuffus, ubi supra, & quos ipsi allegant, Ego (quia res est aliena) dico breviter, ex vi sententiæ, qua quis declaratur simoniacus in beneficio,

Suarez Tom. XII.

non privari illis fructibus: hoc enim aperte sequitur ex dictis. Item, etiam si per sententiam expresse condemnatur in privatione priorum beneficiorum, si de fructibus prius perceptis nulla fiat mentio, non teneri ad restituendum illos, nec sub tali condemnatione illos comprehendendi. Ratio est, quia illæ sunt poenæ valde distinctæ, & ideo talis extensio esset contra omnem rationem penæ, ut per se constat. At vero si condemnatio Judicis extendatur ad privationem talium fructuum, non possumus dicere, talem condemnationem semper esse injustam, quia tanta potest esse gravitas delicti, ut omnem illam poenam mereatur, cum etiam ad poenas corporales procedi possit, ut Pius V. in dicta Constit. expresse statuit; ergo multo magis poterit imponi in poenam privatio illorum fructuum. Si tamen res attente consideretur, illa solum est tanquam nova quædam poena pecuniaria, quæ in bonis etiam quocumque alio modo acquisitis justo arbitrio Judicis imponi possit. Per se tamen loquendo, & solum ex eo titulo, quod illi fructus percepti sunt ex beneficiis post commissum delictum consecutis, non existimo posse, vel debere quempiam illis fructibus privari, quod in generali copiose tractat Felin. in c. De quarta de præscript. n. 32. & 33.

Resolutio

De inha-
bilitate
per simon-

9 Ultimo addendum est, simoniacum in beneficio fieri inhabilem ad obtinenda beneficia. Hoc quidem indubitarum est, & de ipso beneficio simoniace obtento: nullo enim modo potest illud retinere, etiam per novam consecutionem, vel collationem sine speciali dispensatione, ut colligitur clare ex cap. penult. de elect. ubi id notant Panorm. & alii expositores, & in c. de Simoniace, de Simonia. De aliis autem beneficiis Navar. consil. 91. de simonia n. 5. & consil. 92. n. etiam 5. ex professo probat, hanc inhabilitatem ad futura beneficia non incurri ipso jure, donec aliquis condemnatur. Et conatur in hunc sensum adducere constitutionem Pii V. Sed aliquantulum confuse loquitur, nihil distinguendo inter beneficium simoniace acquisitum, & alia. Et ideo Ugol. Tab. 4. c. 6. §. 6. reprehendit Navarrum, ac si dixerit, simoniacum in beneficio non manere inhabilem etiam ad illud beneficium obtinendum, & quasi fenserit, Pium V. in hoc derogasse juri communi: quod merito ipse impugnat, cum in constitutione Pii V. nulum sit verbum revocans antiqua jura, immo confirmans, ut expresse constat ex verbis ejus, quæ etiam ostendunt potius intentionem augendi poenas, quam minuendi. Non existimo tamen, Navarrum docuisse contrarium, sed solum ex vi motus Pii V. non induci novam inhabilitatem ipso jure, quod videndum superest, quo sensu verum esse possit.

10 Quod ergo attinet ad alia beneficia, difficultatē ingerit, quia Pius expresse dicit tam de acquirentē dignitates, quam beneficia simoniace: *Illis sit ipso jure privatus, & perpetuo sit inhabilis ad ea, & quæcumque alia beneficia ecclesiastica obtinenda.* Cum ergo expresse dicat ipso jure, necesse est, ut particula illa aliquem effectum habeat. Et ideo certum existimo, & hanc penam esse impositam per illam legem, & incurri ante sententiā condemnatoriam: alias illa particula nullum haberet effectum. Sed dubitari potest, an incurrat etiam ante sententiā declaratoriam. Nam Ugol. supra affirmat, ante omnem sententiā incurri: tum quia inhabilitas talis pena est, ut sine actione hominis per ipsam legem immediate inferri possit; nam est veluti quædam irregularitas, quæ incurritur ex vi legis: tum etiam, quia eodem modo dicit Pius V. *Ipso jure sit inhabilis ad illa, & alia beneficia acquirenda.* Constat autem ad illa beneficia, quæ simoniace obtenta sunt, inhabilitatem incurri, ipso facto, absque ulla sententiā; ergo etiam ad alia. Contrariam nihilominus sententiā tenet Navarrus dict. consil. 92. quam præcipue fundat in illo verbo ejusdem Constitutionis: *Quicumque detestabile crimen simoniace pravitatis commisisse convictus fuerit in consequendo ordinibus:* nam hæc verba manifeste requirunt prævium judicium. Quod si respondeas, illa verba tantum esse posita in simonia in ordine: contra hoc objicit, quod cum ibi sint tres clausulæ, scilicet de ordine, dignitate, & beneficio, limitatio in una posita, intelligitur posita in aliis, quia clausula posita in una parte dispositionis intelligitur extendi ad totam dispositionem, quando est eadem ratio.

An inha-
bilitas in-
curratur
ante sen-
tentiam
declarato-
riam.

11 Sed certe in rigore illius juris videtur probabilius prior opinio, nam potius ipsa mutatio verborum, & diversus modus puniendi unam, vel aliam simoniam, indicat, verba illa non generaliter pro tota dispositione, sed specialiter pro simonia in ordine fuisse posita in prima clausula: nam in ea additur poena incarcerationis per annum, quæ manifeste requirit executionem per hominem, quæ poena non datur pro simonia indignitate, vel beneficio; & ideo illa limitatio ibi omittitur, & factum ipsum immediate punitur ipso jure privationibus, & inhabilitatibus, ad quas non requiritur factum hominis. Et de privatione beneficii, & dignitatis simoniace acquisitæ, & inhabilitate ad illa, certum est incurri ante omnem sententiam: ergo signum est, priorem limitationem non cadere in posteriores clausulas. Denique in quarta clausula, quia contra illos, qui sæpius committunt hoc crimen, voluit pontifex eandem limitationem habere locum, illam repetivit: ergo signum est, non posuisse illam in principio pro tota dispositione. Dixi autem, *in rigore illius juris*, quia Navar. ait, illam poenam quoad hunc effectum non esse usu receptam, quod nihil etiam ex his, quæ intelligere potui, est valde verisimile; quo posito, non incurreretur illa poena saltem ante sententiam declaratoriam, etiam si aliq. incurrantur, quia potest consuetudo derogare uni parti legis, & non alijs. Eo vel maxime quod aliæ poenæ nituntur etiam jure antiquiori, quod derogatum non est, ut dixi. Inhabilitas autem ad omnia alia beneficia in futurum acquirenda omnino nova est: & ideo, ubi clare non constituitur, Constitutionem Pii V. esse receptam in priori rigoroso sensu, existimo, posse in praxi servari tuta conscientia opinionem Navarri, & non esse necessariam dispensationem ad alia beneficia, quando delictum non est ad forum contentiosum deductum, & in eo declaratum.

CAPUTLIX.

Utrum pretium simoniace obtentum ex jure divino, & naturali restituendum sit?

1 **U**ltima poena simoniæ esse potest, ut accipiens temporale pretium pro re spirituali non possit pretium retinere, sed illud restituere obligetur: quia vero hic effectus interdum consequitur ad actionem turpem ex naturali obligatione absque ratione poenæ, ideo priusquam de illo sub ratione poenæ dicamus, videndum est, an sequatur ex simonia naturali obligatione. Hæc autem questio non habet locum, nisi in simonia reali, ex utraque parte, quia si pretium non est solutum, clarum est, non posse obligari eum, qui rem spiritualem ex simoniaco pacto tradidit, ad aliquid restituendum, quia nihil temporale accepit: tenebitur tamen illud non recipere vel ex iustitia, vel saltem ex religione, ne simoniacam actionem perficiat, & consummet, & ne in censuras incidat, juxta superius dicta. Si vero pretium anticipatum accepit, & rem spiritualement non tradidit, certum est apud omnes, obligari ex jure naturali ad pretium illud restituendum, quia nec potest dare beneficium, quia semper tenetur non complere simoniam, & multo magis ex parte rei spiritualis, nec etiam potest retento suo beneficio retinere etiam pretium, quia nullum habet justum titulum retinendi. Quia, qui illud dedit non absolute, vel liberaliter donavit, sub pacto oneroso, & sub conditione, ut sibi daretur beneficium, quæ conditio licet turpis sit, dum non impletur, sufficit, ut voluntas non habeat absolutum effectum transferendi pecuniam in dominium alterius, sed tantum sub conditione, & sub onere restituendi, si conditio non impleatur: & hoc tanquam indubitatim supponunt Doctores omnes.

2 Ex quo est consequenter inferendum, in eo casu, & in eo genere simoniæ restitutionem pecuniæ esse faciendam eidem, qui illam contulit, & non pauperibus, vel ecclesiæ. Ita Cajet. in Sum. ver. Simonia. Viñt. 2. p. Relect. nu. 6. Sor. quæst. 8. art. 5. Et idem sentit Navar. num. 104. Et est res clara stando in jure naturali. Probat, quia semper in illo mansit jus ad tale pre-

tium recuperandum, si res promissa ei non daretur: Hoc enim jus ex vi domini, quod habebat in illam pecuniam, ei convenit, & nunquam illud a se abdicavit, quia voluntas dandi, quam habuit, ad hoc non fuit efficax, ut explicatum est. Præterea ex vi solius juris naturalis, aut divini pecunia illa non debetur ecclesiæ, vel pauperibus. Ubi enim est, vel unde colligi potest tale jus? Certe non nisi gratis conungi potest, ut in sequentibus etiam dicemus; ergo cum non possit retineri a recipiente, ut ostensum est, restituenda est danti ex vi juris naturalis. Sed nec per ecclesiasticum jus est ille, qui dedit tale pretium, privatus jure suo ad talem rem recuperandam: quia, ut supra ostensum est, per hanc simoniam conventionalem completam tantum ex parte pretii, nulla poena ecclesiastica ipso jure incurritur: illa autem privatio esset poena; non ergo incurritur ipso jure.

3 Potest vero contra hoc objici, quia illa datio pecuniæ fuit turpis ex utraque parte tam dantis, quam accipientis; ergo non est restituenda danti, juxta quandam communem doctrinam Juristarum, quod turpe lucrum, si restituendum sit, non est reddendum danti, quando ille turpiter reddit, juxta leg. 1. 2. & 3. & leg. *Si ob turpem*, ff. d. Condict. ob turpem causam. Et lege 2. Codice eodem. Sed de intellectu hujus regulæ late disputatur in materia de Restitutione, & videri potest Covarruvias Regula *Peccatum*, 2. parte §. 2. numero 7. Medin. Cond. de Restitutione quæst. 19. & 20. Sor. lib. 4. de Justitia qu. 7. art. 1. Navarrus in Manual. cap. 17. num. 30. & sequentibus. Nunc breviter dico, illam regulam ad summum procedere post sententiam judicis, quia non potest fundari in sola rei natura, sed in poenali lege, quæ inducat talem privationem, quæ ordinarie non obligat ipso facto, sed post sententiam, & in præsentem est certum ex dictis. Per sententiam autem ille, qui sic dedit pecuniam, posset quidem puniri, & consequenter privari sua pecunia, & præcipi etiam posset, ut daretur pauperibus: sed hoc nihil ad rem præsentem spectat; solum ergo superest questio de simonia reali.

4 In qua prima opinio absolute, & universaliter affirmat, vendentem simoniace rem spiritualement tene-ri ex jure naturali ad restituendum pretium. Hæc sententia solet attribui D. Thom. d. quæst. 100. art. 6. quatenus in corpore probat, obligationem restituendi oriri ex divino jure, quia contra voluntatem domini venditur res spiritualis, & ideo quod pro illa accipitur, retineri non potest: & ita illam acriter defendit Sor. tanquam D. Thomæ sententiam dicta quæstione 8. articulo 1. & videtur consentire Cajetan. in illo art. 6. saltem quoad simoniam realem, nam respondendo ad objectionem primam videtur in hoc constituere differentiam inter simoniam mentalem, & conventionalem. Absolute tenet illam Adrian. Quodlib. 9. artic. 3. Item Henricus Quodlib. 6. quæst. 26. qui excipit simoniam, quia prohibitam, quando mentalis tantum est, & quæ statim. In hac sententia videtur esse Medina, Cod. de Rest. qu. 2. quatenus ait, obligationem restituendi oriri ex eo, quod pretium accipitur pro spiritualibus, quæ nullam æstimationem habent, quod etiam approbant Navar. cap. 17. num. 32. Covar. in Reg. *Peccatum* 2. p. §. 2. num. 7. & in eam propendit Panormit. in cap. ult. de Simon. in ultimis verbis.

5 Fundamentum hujus sententiæ est, quia illud pretium injuste accipitur, & ideo ex natura rei est restitutioni obnoxium, consequentia clara est ex materia de iustitia. Antecedens probatur primo, quia contractus ille venditionis est injustus: nam simoniacus venditor rem non suam contra voluntatem domini, qui gratis dare præcipit; ergo committit injustitiam vendendo; ergo & accipiendo pretium. Secundo ille, qui sic vendit, accipit pretium pro re, quæ non est pretio æstimabilis, sed hoc est contra æqualitatem iustitiæ, ut constat; ergo. Tertio ideo in usura obligatio restituendi nascitur ex intrinseca rei natura, absque alia poena, quia venditur in ea aliquid, quod proprio pretio æstimabile non est, sed hoc invenitur in simonia; ergo. Quarto, quia alias licet quis exigeret centum aureos pro missa dicenda, vel conferendo Baptismate, non teneretur ex natura rei aliquid restituere. Probat, quia, si non tene-

Qui dedit
sacrum, re-
neat non
recipere
pretium

pretium
ante acce-
ptum est
restitu-
endum.

Cui sit re-
stitutio fa-
cienda.

2. Opinio
asserens
vendentem
simoniam
teneri ad
restitu-
endum

Fundam.

teneretur propter pretium, ideo est, quia res, quam dat, alicujus æstimationis est, & ideo non censetur facere contra iustitiam, vendendo illam; ergo nec propter quantitatem pretii tenebitur, quia etiam non facit iniustitiam in illo. Quod probatur, quia res illa majoris æstimationis est, quam totum illud pretium. Quod si dicas, in æstimatione humana actionem illam non ita æstimari, eadem ratione nec pro ullo pretio potest iuste dari.

2. Opinio
contraria
negat.

6 Secunda opinio extreme contraria negat in universum, sequi ex natura rei obligationem restituendi ex venditione simoniaca. Hæc est sententia communis Canonistarum in cap. ult. de Simon. ut affirmat, & sequitur Navar. dicto cap. 23. nu. 103. & latius in Comment. ejusdem cap. num. 12. Tenet Victor. 2. p. Relect. num. 4. Silvester verb. *Simonia* quæst. 20. dist. 1. Armil. num. 59. Cajet. eod. verb. circa fin. Sumitur ex D. Tho. d. quæst. 100. art. 6. ad 6. ut videbimus. Probatur primo: quia simonia mentalis etiam opere subsecuto non obligat ad restituendum; ergo nec simonia realis obligat ex vi juris divini. Antecedens habetur in cap. ult. de Sim. Consequentia probatur, quia si ex reali simonia oritur illa obligatio ex natura rei, oportet, ut sequatur ex vi ipsius actionis secundum se, & ex iniustitia in illa inventa: sed eadem est actio, & iniustitia in opere subsecuto ex simonia mentali, & solum differunt in modo, quia in una simonia intercedit pactum explicatum, vel implicitum, & non in alia, quod parum refert ad restitutionem, si iniquitas est eadem. Et confirmatur, nam hac ratione usura mentalis cum opere subsecuto obligat ad restitutionem juxta cap. *Consuluit* de Usur. quia habet eandem malitiam, quam usura realis; ergo idem est in presenti.

7 Secundo probatur, quia pretium simoniæ ex natura rei non est restituendum ei, qui illud dedit; ergo nulli; ergo nec restituendum est. Secunda consequentia est evidens, quia restitutio est actus iustitiæ, quæ est ad alterum; unde si non datur alter, cui tale pretium debeatur, signum est non esse restitutioni obnoxium. Primam consequentiam probatur, quia naturalis obligatio restitutionis seclusa lege positiva per se tendit ad illum, qui est, vel fuit, & esse debet dominus rei restituendæ, & si illi non debetur, nemini debetur ex vi iustitiæ, quia non est unde oriatur talis obligatio: in presenti autem dominus pretii fuit, qui illud dedit, & non alius; ergo si illi non debetur, nemini debetur ex natura rei. Probatur ergo antecedens, quia ille voluntate sua abdicavit a se dominium talis rei, & transiit in alium; ergo jam non debetur illi ex iustitia. Dices, involuntarie dedisse, quia non potuit aliter habere spiritualem rem. Sed contra, nam hoc modo omnis, qui emit, involuntarie dat pretium, quia non potest aliter obtinere merces, nam si posset, mallet certe eas sine pretio habere; ergo hoc involuntarium non impedit translationem dominii.

Responsio
rebutatur.

3. Argum.

8 Unde argumentor tertio: nam alter, qui vendit, factus est Dominus illius pretii, ex natura rei loquendo, idque ex voluntate prioris domini absolute largientis illud, ut nunquam reddendum, dummodo causa largitionis impleatur; ergo qui recipit, non tenetur illud restituere, quia nec ratione acceptionis, quoniam a vero domino voluntarie largiente accepit, nec ratione rei acceptæ, quia est sua. Antecedens probatur, quia recipiens est capax talis dominii, per nullam enim legem inhabilis factus est, ut supponitur, & acceptat illud ab eo, qui dare potest; quid ergo impeditur potuit dominii acquisitionem? Ultimo (in quo solo est punctum difficultatis) accipiens pretium, nullam fecit injuriam danti; ergo non tenetur restituere. Consequentia supponitur, ut clara. Antecedens probatur; tum quia simonia, ut sic, non est iniustitia, sed irreligiositas; tum quia ibi nulla vis, aut decipio intervenit, sed voluntaria commutatio. Dices, in hoc esse iniustitiam, quod res pretio non æstimabilis pro pretio datur, talis enim est iniustitia usuræ. Sed contra, quia res spiritualis non ideo dicitur pretio inæstimabilis, quia nihil valeat, sicut est mutuum in usura; sed quia est majoris æstimationis, & valoris, quam sit omne temporale pretium.

9 Tertia opinio distinctione utitur inter simoniam

Suarez. Tom. XII.

intrinsece talem, vel solum quia prohibitam; & de priori affirmat, esse de jure divino restitutionem, de posteriori vero minime. Hæc distinctio sumitur ex Angelo ver. *Simonia*, septimo, numero primo, quatenus dicit, simoniam mentalem contra jus divinum obligare ad restitutionem; non vero contra jus humanum. Rationem differentiarum hanc significat, quia jus humanum in dicto capitulo ultimo de *Simonia* noluit obligare ad restitutionem in simonia mentali, quando est tantum mala, quia prohibita; ergo signum est, restitutionem in illa materia solum oriri juxta id, quod prescriptum est de jure positivo. Quod autem in alia materia non pendeat restitutio ex positivo jure, non tam probat, quam supponit, fortasse ex fundamentis primæ sententiæ. Pro hac sententia citat Panormitanum in dicto capite finali. Sed ille non adhæret firmiter illi sententiæ, sed in primam magis inclinat, ut supra dixi. Tenuit autem hanc sententiam Hostiensis sibi, & sequuntur Antoninus, & Caldeus, & Sylvester tribuit illam Innocentio, quod tamen Navarrus negat. Verum tamen Innocent. in cap. *Tu nos* de simonia aperte utitur illa distinctione; ait enim, in simonia contra jus divinum solam voluntatem facere simoniacum, non vero in simonia, quia prohibita, quod intelligi non potest absolute de culpa, esset enim intolerabilis error; intelligit ergo de simonia obligante ad restitutionem, seu punita ab ecclesia. In ca. autem ult. ego non invenio expositionem, quam Navarr. allegat. Eodem autem modo, quo de Innocent. diximus, potest pro hac sententia allegari Glos. in cap. *Ex parte* 1. de Offic. deleg. verb. *Dimittere*. Ac denique Henr. in dicto Quodl. videtur idem sentire. Hæc vero sententia communiter rejicitur, tanquam improbabilis, sed fortasse magna ex parte veritatem continet, licet non integre.

3. Opinio
respōd. a
cū distinc-
tione.

10 Pro resolutione suppono, illam pendere ex unico principio, videlicet, an simonia contineat injuriam contra iustitiam commutativam ex parte vendentis respectu ementis. Nam si illam continet, sine dubio obligat ad restitutionem ex divino iure naturali: si vero talem iniustitiam non continet, talem obligationem non inducit, & utraque pars tam in simonia naturali, quam prohibita locum habet. Quia restitutionis obligatio non oritur, nisi ex iustitia commutativa, unde supponit inæqualitatem factam contra eandem iustitiam; ergo in presenti regula restitutionis, seclusa lege positiva, sumenda est ex iniustitia commissa. Suppono autem ulterius ex dictis supra cap. quamvis ratio simoniæ formaliter opponatur religioni, & ideo malitiam hanc formaliter, & inseparabiliter habeat: nihilominus habere posse frequenter malitiam iniustitiæ adiunctam, quamvis non semper, nec necessario illam habeat, ut illo loco declaravi.

Supposi-
tio 2. ad
resol.

2. Suppos.

11 Juxta hæc ergo principia duabus regulis propositam quæstionem definiendam censeo. Dico ergo primo: quoties simoniacus iniuste agit, rem spiritualem vendendo: quod divino ac naturali iure tenetur restituere pretium pro tali re acceptum; non formaliter ratione simoniæ, sed ratione iniustitiæ. Hæc assertio data hypothese, scil. quod venditio hæc fiat cum iniustitia, est evidens ex principiis positis: suppono enim, semper esse sermonem de iniustitia contra commutativam iustitiam. Ex tali enim iniustitia semper nascitur obligatio restituendi, per se loquendo. Et declaratur, nam si ille peccat contra iustitiam, vendendo, ergo exigendo pretium iniuste agit, ergo & retinendo, quia eadem est utriusque ratio. Qui autem non potest iuste rem tenere, tenetur illam restituere, ut per se constat; ergo. Solum superest, ut in particulari explicemus, modos, casus, & rationes iniustitiæ; sic enim & regula, & ratio eius notior fiet.

1. Concl.

12 Primo ergo committit quis hanc iniustitiam simoniacam (ut sic dicam,) quando pro functione spirituali, ad quam præstendam ex iustitia tenetur, pretium exigit. Ut si parochus, qui ratione sui officii, & præbendæ tenetur ex iustitia confessionem audire suorum subditorum, vel missam facere, & similia, ipsamet ministeria suis subditis vendat, & sic de aliis: tunc ergo clara est obligatio restitutionis, quia clara est

2. Modus
iniustitiæ.

injustitia. Adde præterea, in tali casu non solum ex vera simonia contra jus divinum, sed etiam ex præsumpta, vel vera contra jus ecclesiasticum, oriri obligationem restituendi. Nam si ille non exigat novum illud emolumentum, ut pretium spiritualis ministerii, sed ut stipendium, formaliter, & ex vi intentionis non committit veram simoniam, sed vel præsumptam, vel contra ecclesiæ prohibitionem: & nihilominus, quia injustus est, tenetur restituere, quod sic extorquet. Ut si miles, vel famulus, qui accepit integrum, & sufficiens stipendium pro militia, vel servitio, noluit postea militare, vel servire, nisi novum stipendium accipiat, non erit simoniacus, sed injustus, & retinere non poterit, quod sic extorquet; ita ergo erit in præsentia, etiam si per modum stipendii duplicati, ut sic dicam, illud extorqueatur. Ergo a fortiori, quando exigitur per modum pretii, eadem nasceretur obligatio: nam adjectio malitiæ simoniæ non potest excusare obligationem ex injustitia ortam, ut per se constat. Et hæc assertio procedit in prælati petentibus aliquid pro dispensationibus, consecrationibus, & similibus, quæ ex vi sui muneris, & officii præstare tenentur, nam est eadem ratio. Neque oberit, quod fortasse dans pecuniam, etiam simoniam committat, quia deberet potius carere spirituali ministerio, quam illud emere, quia in hoc non peccat contra justitiam, sed contra religionem, & aliquin injuriam patitur, & qui illam facit, non fit melioris conditionis propter peccatum alterius; ergo illud nihil obstat, quominus exigens tale pretium ad restitutionem maneat obligatus.

3. Modus.

13. Secundo sequitur: prælatum ecclesiæ, qui vendit beneficia, vel officia ecclesiæ, quorum non est dominus, sed dispensator, vel distributor, teneri ex divino, ac naturali jure restituere pretium simoniace acceptum. Probat, quia ille non tantum contra religionem, sed etiam contra justitiam peccat. Probat, quia ille non est dominus beneficii, vel officii, neque habet jus aliquid in illis: sed qui vendit rem non suam, peccat contra justitiam; ergo. Item oeconomus, qui a patrefamilias haberet potestatem gratis conferendi officia domus suæ, peccaret contra justitiam, illa vendendo, & teneretur ad restituendum pretium: similiter hæres, qui ex voluntate testatoris teneretur distribuere dotes virginum, vel alia legata pia, prudenti arbitrio suo, contra justitiam peccaret, aliquid exigendo a talibus personis, solum pro eligendis illis ad implendam hæredis voluntatem: sed ita se habent prælati ecclesiæ in hac distributione, nam sunt meri dispensatores, & nulum habent jus in illis beneficiis, vel officiis, nec ad præoccupandum aliquo modo fructus illorum. Immo hic etiam habet locum ratio facta in præcedenti puncto, quia ex vi sui muneris, & officii tenentur hæc omnia gratis dispensare.

14. Arque hæc ratio concludit, non solum oriri hanc obligationem ex venditione beneficiorum, aut officiorum spiritualium, sed etiam ex venditione officiorum temporalium, quæ communi jure vendi prohibentur, sive in illorum venditione committatur simonia vera, sive impropria, quia satis est, quod committatur injustitia, ut revera committitur. Quia prælati nullum habent jus ad vendendum talia officia, unde pretium illorum injuste accipiunt, & per quamdam anticipatam extorsionem privant recipientes illa officia utilitate, & stipendio integro ipsi debito, juxta talem ecclesiæ institutionem, pro muneribus, & functionibus eorundem officiorum. Et eadem ratione electores ad beneficia, quando ratione alicujus muneris tenentur ad eligendum, ad restitutionem tenentur, si quid accipiunt pro eligendo digno, & non indigno, quia ad illud ex justitia commutativa tenentur. Aliqui vero censent, non esse idem, quando aliquis accipit pecuniam, ut eligat digniorem prætermissio digno, quia ad id non tenetur ex justitia commutativa, sed ex sola distributiva, cujus sola violatio non obligat ad restitutionem. Quod quidem ex hoc capite probabile est: tamen oportet considerare, illum ex officio teneri ad justam electionem faciendam; & ideo ex eo capite, quod munus ex officio debitum vendit, contra justitiam commutativam peccare videtur, & ideo probabilius censo, tunc etiam ad restitutionem teneri.

15. Tercio inferitur, eum, qui vendit functionem spirituales, ad quam ex officio, vel justitia non tenetur, nihilominus, si vendat illam, ut talis est, seu propter effectum spirituales, quem habere potest, teneri ad restituendum pretium pro illa acceptum ex vi justitiæ, & naturalis legis. Hæc assertio in primis declaratur, quia hæc functiones, prout inter omnes commutari possunt, nunquam sunt adeo spirituales, quin involvant aliquam actionem materiale, seu corporalem, ac mere humanam, quæ secundum se considerata esset pretio æstimabilis, si non esset elevata ad esse supernaturale, seu spirituale, ratione cuius simonia est, illam vendere, ut supra dictum est. Nihilominus tamen existimo, quod si de facto vendatur talis actio, non tamen pluri, quam ratione sui laboris, vel operis valere posset, si tantum esset quoddam corporale servitium, licet venditio sit simoniaca; nihilominus ex illa non oritur obligatio restituendi, quia in effectu, & in re ipsa intervenit æqualitas inter actionem illam materialiter spectatam, & pretium, quod pro illa datur. Nam licet conjunctio spiritualis cum illa functione materiali efficiat, ut secundum rectam rationem illa materialis actio iam non debeat pretio æstimari, quia est sacra effecta: nihilominus non potest efficere, quin illa materialis actio suam materialitatem, ut ita dicam, retineat, & consequenter suam æstimabilitatem intra latitudinem justitiæ, esto illa non possit exerceri sine sacrilegio, seu simonia. Hinc ergo fit, ut si in pretio non excedatur ultra illam materiale æstimationem, non fiat injustitia: & consequenter nec obligatio restituendi oritur.

Advertendum 1.

Advertendum 2.

16. Deinde adverte ex superioribus, pro his functionibus posse aliquid accipi per modum stipendii, licet non per modum pretii; si ergo ponamus, aliquem postulasse pretium sub ratione pretii, non tamen in quantitate, quæ excederet iustum stipendium, dico, illum, quamvis simoniam commiserit, in rigore non teneri ad restituendum, sed tantum ad mutandam intentionem, & posse retinere illud idem emolumentum per modum stipendii, & eum, qui dedit, non posse esse in hoc rationabiliter involuntarium, quia in re ipsa non fuit facta inæqualitas inter dantem, & recipientem; sed error fuit in intentione, & modo, ex quo non oritur obligatio restituendi, ut constat.

17. Procedit ergo assertio, quando in pretio exceditur ultra valorem materialis actionis præcise, & secundum se spectatæ, & ultra omnem considerationem iusti stipendii. Et sic probatur assertio, quia in tali actione nulla relinquitur iusta ratio exigendi tale pretium; ergo est iniusta exactio; ergo ex illa oritur ex natura rei obligatio restituendi. Antecedens patet, quia sola spiritualitas actionis non facit illam æstimabilem maiori pretio materiali, & humano: sed nullus alius titulus augendi pretium ibi intervenit, ut constat; ergo sine iusto titulo fit talis exactio. Maior patet duplici ratione sæpe tacta. Una est, quia illa spiritualitas est res alterius ordinis ab omni humano commercio, & consequenter ab omni collatione, & comparatione cum temporali pretio, ut in ea possit fieri variæ iustitiæ æqualitas. Unde nec per legem taxari posset pretium pro tali re, ita ut esset iustum, neque per prudentem hominis æstimationem; quod est signum, materiam illam esse prorsus incapacem talis æstimationis, ac subinde esse invendibilem, non solum ratione religionis, sed etiam ratione iustitiæ. Quod potest confirmari exemplo usuræ: ideo enim ex illa oritur obligatio naturalis restituendi, quidquid ultra capitale exigitur, quia capitale non plus valet ratione solius mutationis, eo quod mutuatio secundum rectam, & prudentem rationem, non est proprio pretio æstimabilis.

In quibus versatur questio.

Responsio.

18. Sed responderi potest, esto spiritualitas illa non habeat certam æstimationem per legem, vel communem usum, nihilominus ex conventionione partium contrahentium posse pretium constitui, ac designari mutuo consensu; nec fieri iniuria eimenti, quia res, quæ illi datur, revera est magnæ æstimationis, quæ licet sit in valore alterius ordinis, ex conventionione partium ad humanam æstimationem reducit. Nec erit simile de usura, quia ibi mutuatio præcise spectata non est aliquid pretio æstimabile, nec res ali-

alicujus valoris proprii, quia non est aliquid distinctum ab ipsa pecunia, quæ mutuo datur; hic vero spiritualis actio, ut talis est, aliquid est magni momenti, & æstimationis, quæ licet tania sit, ut non debeat pecunia comparari, nihilominus si compararetur, non videretur fieri injuria ei, cui propter pecuniam datur. Ut si Deus daret homini licentiam vendendi has functiones, vel gratias gratis datas, sicut fieri posse in superioribus diximus: tunc certe non faceret ille homo injuriam aliis, petendo pecuniam, & conventionem cum illis faciendo de certo pretio, non obstante excellentia rei vendite.

19 Propter hanc replicam addendum ulterius censeo, hæc officia spiritualia, ut talia sunt, non esse sub dominio humano, sed ad solum Deum, ut ad verum Dominum pertinere, ipsum autem solum dedisse hominibus potestatem illa gratis dispensandi, & transferendi, & ideo vendentes tales functiones ratione spiritualitatis injuste agere contra divinum, & naturale jus. Sicut peccat contra idem jus dispensator, aut eleemosynarius episcopi, aut hæres, qui pia legata, aut eleemosynas, quas Dominus, seu prælatus misericorditer fieri jubet, vendit, & tenetur ex iustitia totum pretium receptum restituere, ut est in confesso apud omnes: est enim in præsentem omnino eadem ratio. Declaratur hæc conclusio, quia Christus Dominus ita instituit has spirituales functiones, ut sacramenta, sacrificium, & similia, ut omnibus concefferit jus ad illa gratis obtinenda, solumque illis imposuit onus alendi ministros, & ipsi ministris non concessit jus, nisi ad stipendium sustentationis postulandum, juxta modum ab ecclesia præscriptum, vel præscribendum; & ipsa ecclesia eodem modo instituit alias actiones sacras, quæ ex illius proxima institutione aliquam utilitatem spirituales habent; ergo si aliud pretium exigant hi, qui hæc spiritualia administrant, injuriam faciunt fidelibus, quia & excedunt juri sibi datum, & privant fideles jure sibi a Christo concessio; ergo tenentur ad restitutionem talis pretii ex vi iustitiæ, quia sine iusto titulo, immo contra iustitiam illud exigunt. Unde obiter considerari potest magna differentia inter dantem spirituales functionem, & dantem pretium, quod dans spirituale exigendo pretium facit injustitiam, qui autem recipit spirituale petendo illud gratis dandum, non facit injustitiam. Item, qui pretio emittit, non facit contra substantiam (ut sic dicam) voluntatis Domini rei spiritualis, sic recipiendo illam; qui autem illam vendit, agit contra substantiam voluntatis Domini, qui non dedit talem facultatem, sed potius vetuit acceptionem pretii. Hoc ergo est præcipuum fundamentum restitutionis ex natura rei in talibus rebus, seu actionibus.

Ratio: 20 Dices, hoc ad summum procedere in illis ministris, qui ex officio tenentur ministrare hæc spiritualia, nam alii cum ex iustitia non teneantur illa ministrare, non faciunt injustitiam, pro illis exigendo pretium conveniens, licet peccent contra religionem, ac subinde non teneantur restituere. Respondeo, rationem factam universalem esse: nam omnes hi ministri tenentur ex officio, & ex iustitia gratis ministrare, sed diverso modo; nam præbendati, seu stipendiati ab ecclesia ad tale munus, tenentur ex iustitia ad exercitium actus, & ad servendum gratis; non solum prout gratis opponitur pretio, sed etiam ut excludit novum stipendium. Alii vero, qui non sic habent ab ecclesia stipendium, non obligantur ex iustitia simpliciter ad exercitium actus, id est, ad ministrandum; obligantur vero ex iustitia quasi ad specificationem actus, ut si ministrare voluerint, gratis id faciant, nec possint exigere nisi iustum stipendium: nam veluti sub hac conditione est illis concessa potestas ministrandi, & ita non habent jus aliquod amplius exigendi. Sicut si res publica crearet tabelliones, vel iudices arbitros, & illos non obligaret ex iustitia ad suum officium exercendum, constitueret tamen illis, & præscriberet, quid deberent exigere, & recipere, quando illud exercere velent, contra iustitiam peccarent, si plus exigent, etiam si absolute possent officium non exercere: sic autem Christus omnibus suis ministris, sive necessariis, sive voluntariis præscripsit, ut sustentationem possent recipere, & non aliud; utrique ergo contra iustitiam peccant, si plus exigant. Et hoc etiam confirmari po-

Suarez, Tom. XII.

test ex sensu, & usu ecclesiæ: nam sine dubio iniustus censeretur Sacerdos, qui ad suum arbitrium peteret excessivum stipendium pro una missa, vel pro uno baptismo, vel simili, fortasse propter inopiam sacerdotum, vel aliam similem causam, censereturque vexationem injustam facere; ergo multo magis, si ultra stipendium peteret pretium.

21 Sed quæres, in hoc etiam habeat locum in rebus sacris, seu spiritualibus permanentibus, quæ non habent annexam consequenter aliquam temporalitatem, sed tantum antecedenter, ut sunt vasa sacra, grana benedicta, agnus Dei, & similia. Respondeo, maxime habere in illis locum, proportionem servata: nam si ratio spiritualitatis (ut sic dicam) carius vendatur, quam alias valeant, non solum simonia, sed injustitia committitur, & ideo ille excessus jure naturæ restituendus est. Ratio est eadem cum proportionem applicata, quia consecratio, vel quid simile spirituale non augeat valorem rei temporalem, seu pecunia æstimabilem: tum quia hæc est prudens æstimatio omnium hominum prudentum, a qua solet valor rerum sumi, maxime quando lex illam non taxat: tum etiam quia spiritualitas illa non cadit per se sub dominio hominis, ut ab eo vendi possit, sed solum ratione materiæ, cui est veluti affixa, & ideo solum possunt tales res iuste vendi ratione materiæ. Dices: ergo reliquæ v.g. quæ ratione materiæ nihil valent, pro nullo omnino pretio vendi poterunt sine injustitia, quod videtur inconveniens, quia non tenetur quis gratis illas dare, cum vere sint suæ. Ad hoc aliqui fatentur, illam esse simoniam, non injustitiam, sed certe si religio obligat ad dandum illas gratis, si dentur, quamvis absolute non obliget ad dandum, non video cur non sit idem dicendum de iustitia, si illæ res non sunt in se dignæ pretio. Sicut iustitia non obligat ad mutuandum, obligat tamen ad gratis mutuandum, si quis mutuare velit. Respondeo ergo concedendo sequelam, si vere supponitur, illas res materialiter spectatas non habere ullum valorem temporalem: hoc tamen non videtur semper ita esse: nam sub aliqua ratione possunt sine injustitia aliquo pretio æstimari, ut declarabitur.

22 Ultimo constat a fortiori ex dictis, quoties simonia committitur per vexationem, quia nimirum is, qui dat pecuniam, solum dat ad redimendam vexationem, sive det, quando licite potest dare, sive illicite contra religionem, alium teneri ad restitutionem, quia iniuste extorquet, & ab invito recipit. Atque tora hæc doctrina hujus assertionis, & omnium, quæ ex illa intulimus, est consentanea menti D. Thom. 2.2. q.3.2. art.7. ubi aperte sentit, hanc obligationem restituendi in hac materia esse ex natura rei, & ex iustitia divinæ legis, ubi etiam Caiet. id late docet, & idem sentiunt ad minimum auctores primæ sententiæ, quorum rationes illas etiam suadent, & confirmant. Difficile autem est, quod in d. loco D. Th. subiungit, tunc non debere restitutionem fieri ei, qui dedit, sed debere in eleemosynas erogari: nam stando in sola lege divina non videtur hoc posse subsistere, quia dans pretium, etiam peccet contra religionem, non facit injuriam alteri, cui dat, sed potius eam patitur ab illo, ut explicavi; ergo ex vi solius rationis naturalis non potest iuste privari re sua.

23 Quarto ergo infero ex dictis, quoties restitutio simoniaci pretii est faciendæ, ex obligatione mera legis divinæ, ac naturalis ei, qui dedit illud, faciendam esse, non alius. Ita asseruit Sor. supra, & recte consequenter loquendo, & sequitur Bannez 2.2. q.3.2. art.7. Favet etiam Navar. in Man. c.17. num.30. quatenus generaliter docet id, quod ratione iniustæ acceptionis restituendum est, & a quo sumptum est, esse restituendum per se, & ex vi legis naturalis. Et probatur sufficienter ratione proxime facta, quia ille, qui dedit pecuniam, passus est injuriam; ergo illi faciendæ est restitutio; item, quia pauperes, vel ecclesiæ non habent ullum ius ad illud pretium, neque unquam est obligatio restituendi illis, nisi vel ratione legis positivæ applicantis illis talem pecuniam, (quod non fit nisi per modum pænæ, & ita non habet locum in pura lege naturæ, ut nunc loquimur) vel in locum veri Domini, quando ille haberi non potest, ut illi fiat restitutio (quod est per accidens, & ex interpretativa voluntate eius;) ergo per se loquendo

N a 3

prio;

Utrum hæc doctrina Ioseph habet in rebus sacris permanentibus? Respondeatur affirmativè.

De rest. quis.

De illo qui dat ad redimendam vexationem.

Restitutio ei faciendæ est, qui pretium dedit.

priori domino, quia pecuniam dedit, restitutio facienda est, & non alteri, nisi quatenus ejus personam gerit. Et confirmatur, quia restitutio est actus justitiæ, quo ad æqualitatem reducitur in equalitatem prius facta, sed respectu pauperum, vel ecclesiæ nulla est facta in equalitas; ergo ex vi justitiæ illis nihil debetur, ergo vel nulli debetur, vel debetur ei, a quo extorta est: restitutio ergo, ut sic proprie, & per se non fit pauperibus ex præcepto justitiæ, ut dixi: *Sed illis donat unusquisque, quæ sunt suæ, quæ autem rapuit, restituit a quo accepit*, ut dixit Aug. Epist. 54. ad Maced. & hæretur cap. ult. 14. q. 5.

24 Sed obijci contra hoc solet in primis c. *Cum sit*, de Judicis. Ubi bona turpiter acquisita, præcipiuntur restitui pauperibus, quia illi etiam, qui dederant, turpiter dederant; ergo similiter in præsentia dicendum est. Secundo, qui iis, qui dedit pecuniam pro re spirituali, voluntarie dedit, & habuit intentionem vere dandi, & abdicandi a se dominium talis rei, & transferendi in alium; ergo alius acquisivit vere dominium illius rei; ergo non est restituenda danti, quia jam non est dominus, & quia, ut supponimus, impleta est causa, propter quam dedit, nam rem spiritualement consecutus est. Tertio eadem est ratio de dante pretium pro re spirituali, & de dante judici pro judicio justo, vel testi pro veritate dicenda; sed iudex, vel testis recipiens talitudo pecuniam, non tenetur illam restituere danti, sed (ut sentit Aug. loco proxime citato) *Si convertitur ad meliorem viam, illam pecuniam dat pauperibus*, ut suam, & ex consilio, non ex præcepto, ut sentit Aug. ergo idem in præsentia. Quarto ille, qui pecuniam dedit, turpiter dedit, ut constat; ergo indignus est, ut illi reddatur, quod dedit, si enim D. Thom. supra colligit, quem multi Doctores imitantur; ergo non est illi restitutio facienda. Quinto, qui rem spiritualement accepit, data pecunia, non tenetur illam restituere iuxta dicta in cap. 57. ergo nec qui accepit pecuniam, tenetur illam restituere. Probatur consequentia, quia videtur esse contra rationem, ut restitutio pretii fiat danti, & ipse nihilominus retineat rem spiritualement, quam accepit, tum quia alius commodum ex iniquitate reportaret, turpiter enim egit, emendo rem spiritualement, recuperando autem pretium, & illud, & rem emptam retinebit. Tum etiam, quia vel contractus fuit validus, stando in lege naturæ, vel non: si fuit validus, certe non tenetur emptor pretium restituere; si non fuit validus, sicut venditor non comparavit temporale pretium, ita nec emptor acquisivit rem spiritualement, & consequenter tenebitur illam dimittere, quod est contra supra dicta. Unde possumus sexto argumentari, quia qui dedit rem spiritualement non voluit dare, nisi ob talem causam, scilicet ut ipse fieret pecuniæ dominus; ergo si hæc causa non habet effectum, nec datio rei spiritualis valet. Cum enim aliquid datur ob causam, quæ de iure non potest habere effectum, non censetur voluntarie, ac subinde valide datum argum. c. *Et sine esse* de Donationibus inter viros & uxores. & leg. 1. de Condict. ob causam, ergo vel pretium restituendum non est danti, vel ipse rem spiritualement retinere non potest ex iure naturæ.

Respon-
detur ad
primam
objectionem.

25 Ad primum responderetur textum illum non esse ad rem, quia ibi non præcipitur restitutio propter iniquitatem actionis, nec propter naturalem obligationem restituendi, sed est poena quædam, & onus impositum Judæis subditis Christianis exercentibus publica officia cum potestate, vel jurisdictione supra ipsos Christianos. Præcipiuntur enim convertere in usus pauperum Christianorum omnia lucra talium officiorum, etiam si alias iusta fuerint, nam si aliqua fuissent iniusta, & constasset, a quibus accepta fuissent, illis sine dubio essent restituenda; quia tamen ordinariæ sunt incerta, possent etiam restitui pauperibus, ut ibi Glossa, & Doctores norant, hic vero non agimus de poenali lege, sed de naturali justitiæ obligatione.

Ad 2.

26 Ad secundum dico in primis, diversam esse questionem, an rei dominium acquiratur, vel, an res sit obnoxia restitutioni: nam in usura Scot. & alii multi tenent, usurarium acquirere dominium, & nihilominus teneri ad restitutionem, quia licet dominium acquisierit ex voluntate dantis, nihilominus per injuriam obtinuit illud, & ratione injuriæ manet res illa resti-

tutioni obnoxia, & aliter, qui dedit semper retinuit jus justitiæ ad illam, cui furi non cessit, quando rem dedit. Sic ergo dici posset de simonia, perinde enim in utraque esse quoad hoc judicandum censuit Glossa in c. *Si quis iuram* 14. q. 4. Secundo, sicut in usura verior opinio habet, usurarium non acquirere dominium, ita hic dicimus de simoniaci iniusto. Et ratio est, quia ille, qui dedit, non voluit donare, sed dare quantum justitiæ ratio postularer, nec plus voluit a se abdicare, quam ex justitiâ deberet, & quia pretium illud, nec ex justitiâ debebatur, nec iuste exigi poterat, ideo voluntas illa dandi non habuit effectum, & hic melius applicantur illa iura, quæ dicunt, ubi causa dandi non subsistit, nec dationem subsistere. Cum autem instatur, quia causa est impleta, quandoquidem emens consecutus est rem spiritualement: respondeo causam dandi non fuisse illam, quasi materialiter tantum sumptam, sed illam ut tali pecunia æstimabilem, & ut sufficientem ad iustificandam exactionem talis pretii, saltem intra rationem justitiæ. Hæc enim est vere causa, ob quam usurarius non acquirit dominium usurarum, & eadem habet hic locum, & eadem applicari potest ad omnem iniustam extortionem.

27 Ad III. responderetur æquiparationem illam inter simoniacum, & judicem vendentem iustum iudicium, seu testem vendentem verum testimonium, esse cum proportionem faciendam: nam fieri potest, ut iudex contra justitiâ peccet, talem extortionem faciendo, & tunc procedit æquiparatio: & dico, tunc etiam iudicem teneri ad restituendum ei, qui dedit. Aliquando vero fieri potest, ut licet iudex turpiter accipiat, non tamen iniuste, quia sponte oblatum accipit, quando vel quomodo non deberet accipere secundum honestatem legalem; & tunc non obligatur ad restituendum munus acceptum ei, qui dedit, nec etiam pauperibus ex præcepto, sed tantum ex consilio, & in hoc casu locutus est Augustinus. & in hoc non comparabitur iudex cum simoniaci iniusto, sed cum alio, qui sine iniuria simoniam facit, ut statim diceretur. Ad 4. Ad IV. responderetur, simoniacum emptorem esse quidem ita indignum recuperatione sui pretii, ut illo privari mereatur in penam sui delicti: tamen hæc indignitas, neque illum obligat ad exequendum in se hanc penam, priusquam per iudicem puniatur, stando in solo iure naturali, nec etiam dat facultatem ei, qui tale pretium recipit ad puniendum illum sua auctoritate, quia punire est actus jurisdictionis, quæ ipse non habet in alio, & ideo non potest sua auctoritate illum privare re sua, nec illam dare pauperibus, sed eidem, a quo illam extorsit.

28 Ad quintum responderetur, non esse eandem rationem in accipiente rem spiritualement, vel pretium, nam prior non peccat contra justitiâ: posterior autem iniustitiâ committit, & ideo nihil mirum, quod prior non teneatur restituere, licet teneatur secundus. Itē vendens agit contra absolutam prohibitionem Christi non recipiendi pretium, hæc enim negatio includitur in verbo illo: *Gratis date*; emens autem non agit contra prohibitionem absolutam Christi circa acceptionem rei spiritualis, sed solum contra prohibitionem in modo accipiendi, & ideo receptio pretii est in se invalida, non autē receptio rei spiritualis. Negatur ergo consequentia argumenti, & ad primam probationem responderetur, illud non esse inconveniens, sed potius per illam restitutionem revocari rem ad statum, in quo futura erat secundum voluntatem Christi, qui est supremus Dominus rerum spiritualium, quæ voluntas est, ut hæc bona spiritualia gratis habeantur, & doneantur. Unde, inquam, non est inconveniens, quod non obstante restitutione pretii retineatur, quia tunc incipiet haberi gratis. Neque hoc commodum reportatur ex priori iniquitate, sed ex liberali voluntate principalis Domini, quæ voluntas potest ad effectum perducere, non obstante priori culpa ementis, quando per ecclesiasticam legem non impeditur, vel persona sit inhabilis ad illud bonum retinendum in odium talis criminis. Ad secundam autem probationem responderetur, contractum fuisse validum, quoad id, quod debuit gratis donari, non vero quoad pretii exactionem, vel collationem, quia in primo nulla invenitur iniuria, sicut in secundo. Explicatur exemplo adducto de herede, qui pro dāda dote virgini pauperi pretium extorquet, cum ex voluntate testatoris deberet illud dare gratis, quia

quia ille tenetur restituere, quod accepit, & nihilominus datio doris valide permanet, quia in datione doris nulla est iniustitia, immo per illam voluntas testatoris impletur: iniustitia vero fuit in modo, & ut ille revoce-
tur, & tollatur, pecunia restituenda est. Et hoc magis declarabitur in sequenti responsione.

Ad 6. res-
ponderetur
primo.

29 Ad VI. ergo responderi posset, negando anteceden-
dens, quia dans, vel ministrans rem spiritualem absolute vult illam dare, vel ministrare, etiam si ad volendum moveatur spe pretii, & licet fortasse non esset voliturus, si talem spem non haberet: quod patet aperte, quando pecunia non actu datur, sed promittitur, quæ promissio sine dubio non obligat in conscientia etiam ex vi juris naturæ, quia est de re turpi, & nihilominus ordo simoniace collatus validus est; ergo signum est, voluntatem dandi ordinem absolutam fuisse, & non dependentem a valore conditionis, quæ non est proprie conditio, sed modus, seu motivum. Idem ergo etiam, si tradatur pecunia, & traditio ex natura sua vel valida non sit, vel obnoxia restitutioni.

Secunda.

30 Secundo (quidquid sit de antecedenti) negatur consequentia, quia conditio illa turpis est, & iniusta, & ideo habetur pro non adjecta, ideoque illa non obstante tenet datio rei spiritualis, non vero acceptio pretii, quia est iniusta. Jura autem illa, quæ significant donationem ob certam causam non tenere, causa non subsistente, intelliguntur, quando causa est honesta, vel saltem non iniusta. Ut est causa matrimonii, de qua loquitur d. cap. Et sine neceſſe, nam licet in casu illius textus matrimonium esset contractum inter consanguineos, & ideo turpis causa, scilicet suprum videri posset: tamen fortasse contrahentes ignorabant impedimentum, (ut Glossa ibi inter alia responderi) vel licet non ignorarent, nihilominus ratio dandi non fuit tale matrimonium vitiosum, sed matrimonium secundum se, ut honestum, & validum esse potest. Et similiter de matrimonio loquitur lex illa Codicis, & plures alibi, & ff. eodem. Confirmaturque hæc responsio optime ex lege ult. ff. de Condict. ob turpem causam, quatenus habet pretium datum pro recuperanda re propria, & alteri commoda, quæ gratis esset reddenda, conditione repeti posse: *Quamvis enim* (inquit) *propter rem datum sit, & causa secuta sit, tamen turpiter datum est.* Sic ergo in presenti dicimus, pretium rei spiritualis iniuste receptum restituendum esse, etiam si causa sit secuta, & e contrario acceptionem rei spiritualis validam manere posse, etiam si acquisitio pretii valida non fuerit, quia turpiter, & iniuste postulatum est.

Diserimē
inter dan-
tem, & ac-
cipientem
simoniace

31 Unde ad hoc magis declarandum considero, licet uterque simoniacus emens, & vendens rem spiritualem turpiter agat, & velit dare pro causa involvente turpitudinem, longe tamen diverso modo. Nam qui dat pretium, ut rem spiritualem habeat, non dat pro causa secundum se mala, sed solum modum habendi reddit malum per ipsammet dationem pretii: ipse autem per se potius vellet rem illam gratis habere, sed ab alio quodammodo cogitur ad volendam rem turpem, scilicet consecutionem illam per modum venditionis, & non per modum gratuite largitionis. Et ideo licet illa datio, & acceptio non teneat in ratione emptionis, & venditionis, tenet in ratione dationis, & acceptionis. At vero qui dat rem spiritualem causa pretii, dat pro causa per se turpi, & iniusta, & ideo nec datio, nec acceptio pretii valida, aut firma in conscientia esse potest. Cujus signum est, quia si venditor rei spiritualis posset alio titulo accipere rem temporalem, utique sub ratione stipendii, tunc mutata intentione (ut dixi) posset temporale illud retinere, & ita illius acceptio permanere valida sub honesta ratione, licet non fuisset valida sub ratione pretii. Denique considero, hæc spiritualia bona, licet per ministros Christi conferantur, magis pendere ex voluntate, & dispositione ejus, quam ex privata intentione ministrorum, si sit intentioni Christi contraria, Christus autem voluit, ut hæc bona gratis darentur fidelibus, & ideo licet ministri illa vendere intendant, ipse ratam habet largitionem, quantum ad substantiam (ut sic dicam) venditionem autem ut sic relinquit invalidam, quia natura sua talis est tanquam iniusta, & sine voluntate Domini, & sine potestate ministri vendentis facta; ut

Suarez. Tom. XII.

facile intelligi potest exemplo heredis supra posito, illud cum proportionem applicando.

32 Declaratur præterea applicando prædictam doctrinam ad varias materias simoniæ, possunt enim esse aut functiones sacre, aut res sacre permanentes, aut beneficia: de his ultimis nunc non loquimur, quia magis pertinent ad regulam sequentem. Functiones autem sacre, cum solum habeant esse transiens, postquam factæ sint, infectæ esse non possunt: ostendimus autem, simoniam ministri operantis per se, & ex natura rei nihil obstat, quominus tales actiones valide sint, & apud Deum suos effectus spirituales habeant, qui ex merito, seu sanctitate operantis, vel recipientis non pendunt; unde si sint sacramenta, valida sunt, & firma. In his ergo non habet locum restitutio, nec rescissio contractus ex parte ejus, qui rem spiritualem accepit, etiam si is, qui talia opera facit, & contulit propter pretium, ad restitutionem ejus teneatur. Et in his constat, quod licet intentio conficiendi Sacramentum, vel faciendi opus sacrum, sit necessaria in ministro ad valorem operis: non tamen refert, quod illa intentio sit de vendendo Sacramento, & quod habeat pro causa acquisitionem pretii, quæ in re ipsa non subsistat, quia Deus, qui est principalis author talium operum illa intentione ministri contentus est, quia quoad opus faciendum absoluta est, etiam si ex relatione ad pretium habeat causam iniustam.

Applicatur hæc doctrina variis materiis.

33 At vero in rebus sacris permanentibus potest esse nonnulla major difficultas, quia & possunt esse magis sub proprio dominio, vel jure vendentis illas, & potest quoad illas rescindi contractus, quia cum permanent, possunt vendenti reddi, quando ille pretium restituit, nec videtur ille obligandus aliter ad pretium restituendum, cum non teneatur gratis rem illam donare. Sed in his etiam rebus considero, spiritualitatem earum semper esse quasi adjacentem alicui rei materiali, quæ dicitur annexa antecedenter rei spirituali, & ideo iusto pretio vendi posse: erit autem iustum, si non crescat ratione spiritualitatis, ut dixi. Dico ergo ex natura rei loquendo, contractum manere validum ex hac parte, nec posse compelli, qui rem sacram carius, & simoniace emit, ut rescindat contractum, quoad emptionem illius materialitatis, ut sic dicam; empti autem re illa materiali, spiritualitas cum illa transit tanquam accessio illi, & necesse est, ut transeat gratis, quia vendibilis non est, & licet vendens cogatur restituere pretium, quod pro spiritualitate accipit, non potest exigere rem sacram, sed solum retinere pretium, quod pro illa materiali re non potest iuste accipere. Contingit autem, materiale illam rem vel tam parvæ esse estimationis, ut quasi pro nihilo reputetur, ut granum benedictum, vel reliquia alicujus Sancti, ac subinde moraliter loquendo nihil posse de pretio retineri propter illam considerationem: sed hoc per accidens est, quia natura, seu conditio illius spiritualitatis est, ut cum tali re transeat sine ulla pretii consideratione, quia, ut sic magis pertinet ad bona propria Dei, quam ad temporalia bona. Et certe si res ipsa materialis vilis est, & fere pro nihilo æstimatur, nullum est inconveniens, ut pretium pro illa acceptum sit restituendum, etiam si res data non recuperetur. Interdum vero res sacra, licet ratione materiæ non videatur æstimabilis temporali pretio secundum se spectata, propter aliquos respectus humanos potest æstimari; & hac ratione posset aliquid temporalis pretii pro illa retineri, quod maxime videtur habere locum in reliquiis Sanctorum, quæ ad usus humanos parum valent, tamē propter aliquos effectus temporales, quos possunt habere annexos, ut honoris, salutis, &c. possunt sine iniustitia æstimari, quamvis non sine irreverentia, & simonia, ut in sequenti regula declaratur.

Difficultas circa res sacras permanentes.

34 Addi etiam potest limitatio, seu distinctio, ut hæc procedant, quando aliquis sciens rei qualitatem, & se non posse iuste illo titulo eam vendere, nihilominus voluit illam vendere sub tali ratione. Nam tunc videtur voluisse vendere duo, & materiam, & formam, & tenet contractus quoad id, quod vendere potuit, & non quoad aliud, quia utile per inutile non vitiatur, sicut qui mutuat sub usuris, & vere mutuat, & valide, tamen quatenus vendit ipsum mutuandi beneficium, contractum facit nullum, & tenet primus sine secundo,

Et ideo in dicto casu amittit spirituale, quia revocabile non est sine materiali. At vero quando venditor ignorabat conditionem illius qualitatis, & ideo credidit, illum fuisse iustum valorem illius rei: tunc probabile est, rescindendum esse contractum, quia involuntarie fuit factus, ac subinde ita illum tenet ad restituendum pretium, ut aliis sit res sacra reddenda, si extet, & possit reddi.

a. Regula

35 Secunda regula principalis sit, aliquando posse simoniam committi sine propria injuria, vel injustitia commissa contra commutativam inter vendentem, & ementem, & tunc ex natura rei non oriri obligationem restituendi pretium. Quoad hanc partem sequitur secundam sententiam. Ratio autem est clara stante hypothese in ipsa regula posita, quia obligatio restituendi, præsertim in contractu mutuo consensu facto, non potest oriri, nisi ex injustitia commissa in eodẽ contractu, quia nulla alia malitia, vel deformitas obligat ad restitutionem; ergo si injustitia non committitur, nec obligatio restituendi relinquitur. Quod autem possit esse simonia sine injustitia ex parte vendentis, supra c. 4. ostensum est, & descendendo ad particularia exempla, & corollaria clarius constabit: possunt autem exempla facile inveniri in simonia tantum, quia prohibita: tamen etiam inveniuntur in illa, quæ est prohibita, quia mala, & in aliqua, quæ potest esse dubia, quatenus utriusque materia potest habere aliquam temporali-
tatem annexam consequenter.

b. Corollarium

36 Primo ergo sequitur, illum, qui habet officium temporale ecclesiæ tanquam proprium, cui est annexum temporale commodum, licet simoniam committat vendendo illud, non obligari ad restitutionem pretii. Probat, quia officium illud secundum se est æstimabile pretio, & qui illo se spoliatur, temporalem incommoditatem sustinet ob eam causam, alter vero illam acquirit; ergo licet ratione prohibitionis ecclesiasticæ peccent contra religionem, & simoniam committant, qui illud officium vendit, non tenetur pretium restituere. Locutus sum autem de illo, qui habet talem officium tanquam proprium, & illo se spoliatur propter alium: quia si episcopus, vel prælatus ecclesiæ illud vendat, puto committere injustitiam, & teneri ad restituendum pretium ex natura rei, & consequenter esse restituendum illi, qui dedit, nisi alias per justum iudicium illo privetur in penam. Ratio est, quia episcopus non est dominus illius officii, nec habet jus peculiare in illud, nec potest temporale emolumentum ex ministerio ejus accipere, & ita non habet illum justum titulum exigendi pretium pro illo, quem privatus possessor habet.

c. Corollarium

37 Secundo infero, simoniam, quam committere potest beneficiarius vendendo suum beneficium, ex sola lege naturæ non obligare illum ad restituendum pretium, si in illo servata fuit debita moderatio, comparatione facta ad emolumentum temporale beneficii. Hæc assertio probari potest satis probabiliter ex cap. ult. de Simon. ut statim patebit. Probat, deinde ratione, quia emolumentum illud temporale, quod in beneficio est annexum spirituali officio, secundum se spectatum pretio æstimabile est; ergo licet æstimari non debeat, ne illa occasione vendatur spirituale officium, nihilominus licet vendatur, non venditur aliquid invendibile, seu inæstimabile pretio; sed simonia contra jus divinum ibi consistit in hoc, quod simul cum temporali venditur spirituale, vel potius quia ad vendendum temporale venditur prius spirituale. Tamen quia in effectu utrumque simul spirituale, & temporale non pluris venditur, quam temporale valere posset, si per se esset, vel si esset annexum temporali officio, ideo in tali venditione non committitur propria injustitia, & consequenter nec est obligatio restituendi pretium ex sola rei natura. Nam de statuto ecclesiæ cap. seq. dicemus. Et ideo apponui conditionem, & limitationem, ut servari debeat moderatio in pretio, quia alias committeretur injustitia. Hæc vero moderatio prudenti arbitrio præscribenda est, pensata temporali commoditate accipientis, & incommoditate dantis beneficium, & pensato etiam opere, labore, & obligatione, quam unus suscipit, & alius relinquit. Quæ consideratio licet nunc speculativa videatur in ordine ad simoniam realem, quia leges ecclesiasticæ circa illam aliud disposuerunt, ut videbimus: nihilominus in ordine ad simoniam mentalem poterit esse

se necessaria, quia obligatio restituendi in illi locum non habet, ut dicemus.

38 Locutus etiam sum in hac illatione de beneficiario, qui est suo modo dominus beneficii, quia ille est, qui habet proprium jus in illud, & qui sentit incommodum, relinquendo illud, juxta dicta in præc. corollario. Et eadem ratione existimo, non habere hoc locum in prælatis conferentibus beneficia, quia nullum habent jus proprium in illis, nec patiuntur temporale incommodum, dando illa, nec possunt alteri vendere commoditatem, quam gratis dare tenentur. Nam (ut dixi de aliis rebus spiritualibus) licet non teneantur dare huic potius, quam illi, tamen cui dederint, tenentur ex justitia dare gratis. Nec pro collatione ipsa possunt aliquid exigere, qui per suas præbendas sufficiens stipendium accipiunt pro toto suo ministerio, & illa collatio, ac distributio est pars quædam sui ministerii. Nec ab hac regula excipio Summum pontificem, quia licet ab aliquibus Canonistis dominus beneficiorum vocetur, revera non est dominus, sed dispensator, & ideo in rigore illa vendere non potest juste, aliquid accipiendo per modum pretii. Posset tamen in alio sensu fieri exceptio, quatenus ille potest partem fructuum beneficiorum ad suum emolumentum per modum stipendii applicare, & in recompensationem illius emolumenti, quod posset accipere, aliquid posset exigere; sed illud non est vendere beneficium, ut sæpe dictum est.

Episc. nō possunt pretium accipere pro collatione,

Nec Summus pontifex.

39 Dices: beneficiarius etiam non est dominus beneficii, nec potest illud transferre in alium; ergo non potest juste vendere illud, etiam ratione emolumenti temporalis, quia, ut venditio sit justa, non satis est, quod res tanti valeat, sed etiam necesse est, ut qui illam vendit, dominium, aut jus habeat ad vendendum illam. Respondetur, non deesse plures auctores, qui censeant, clericos beneficiarios esse dominos suorum beneficiorum, quia licet non habeant omnino liberam, & absolutam potestatem utendi illis, vel disponendi de illis suo arbitrio, habent tamen jus in illis, & specialem potestatem utendi illis. Sed non est hærendum in vocabulo, vocentur enim (si placet) usufructuarii, vel administratores perpetui: satis ergo est, quod ad illos pertinet temporale emolumentum beneficii, ut privare se illo sit ex natura rei pretio æstimabile, si per se, ac præcise spectetur: ex hoc ergo cap. cessat injustitia. Quod vero non possit transferre immediate beneficium in alium, non obstat, quia ipsa renunciatio proprii commodi temporalis in favorẽ alterius, seu incommutatas temporalis, quæ inde renunciante resultat, æstimabilis pretio est. Eo vel maxime quod is, qui emit, non plus exigit a venditore, quam ipse possit conferre, & secundum talem rei qualitatem debet etiam pretium esse moderatum.

Instantia.

Solvitur.

40 Sed instari potest, quia ille, qui emit beneficium, nunc non acquirit cum effectu ipsum beneficium; ergo injuste ab illo exigitur pretium pro emolumento, quod ille revera non consequitur. Propter hoc aliqui distinguunt, an emens beneficium sciat, collationem esse nullam, necne: nam si sciat, voluntarie emit illud solum, quod de facto fieri potest, sive jure teneat, sive non teneat: & hoc videtur clarum. Si autem ignoret vitium collationis, dicunt, restituendum esse illi pretium attendita rei natura, quia tunc involuntarie dat, quia non esset daturus, si sciret, se non posse consequi beneficium. Ita sentit Ugol. Tab. 4. c. 2. §. 1. in fin. Et potest sumi ex Glof. & Doctoribus juncto textu, in lege ultima, ff. de Conditionibus ob turpissimam causam. Sed nihilominus in præsentī materia non placet distinctio, quia principalis causa accipiendi pretium in præsentī materia est incommoditas, quam patitur, qui beneficium relinquit, & licet alterius acquisitio non sit valida, dimissio de facto valida est, & ita vere subsistit causa accipiendi pretium, quam alter ignorare non potuit, vel non debuit, & licet omnino ignoraverit, sibi imputet, nam alter juste posset se conservare indemnem, si solum naturale jus inspiciamus.

41 Tertio, principaliter infero, monasterium recipiens simoniace aliquem ad religionem, non teneri ex natura rei ad restituendum pretium. Hoc probatur ex d. c. ult. de Simonia, ubi declaratur, talem simoniacam receptionem, si mentalis sit, non obligare ad resti-

b. Corollarium

restitutionem, quod ideo est, quia restitutio illa non debetur ex jure naturæ. Ratio vero est, quia illa receptio, licet spiritualis sit, habet adjunctum temporale onus æstimabile pretio, scilicet sustentationem corporalem religiosi; ergo hac ratione non fit injustitia, licet alias fiat simonia, sive illa sit ex natura rei, sive quia prohibita, juxta varias opiniones. Declaratur etiam, quia, si is, qui dedit pretium, est ipse religiosus, præter alias rationes intervenit illa, quod omne jus ejus transit in religionem; si vero sit tertia persona, vel ipse religiosus ante professionem reliquit bona sua, & jura in alium transtulit per testamentum, nihilominus monasterium potest illud pretium, non ut pretium, sed ut stipendium sustentationis recipere; ergo non teneretur restituere, sed ad summum intentionem mutare. Subintelligenda vero hic est moderatio æquitatis, ut pretium non sit excessivum, ultra æquam æstimationem temporalis oneris, seu alimentorum; nam tunc excessus esset restituendus, quia pro re spirituali, & sine alio justo titulo extorqueretur, juxta dicta in priori regula.

4. Corollarium.

42 Quarto inferitur, qui vendit fundum habens conjunctum jus patronatus, & eo titulo carius vendatur, respectu habito ad temporales commoditates, quas secum afferre solet tale jus, & quibus privatur, qui illud in alium transfert, non teneri ad restituendum pretium ex vi naturalis justitiæ. Probatur eisdem rationibus, quia illa etiam incommoditas, vel commoditas est secundum se pretio æstimabilis, licet propter annexionem æstimari non debeat ex virtute religionis, quæ ad restitutionem non obligat. Idem censeo dicendum de quacumque re sacra, quæ antecederet haber annexam rem materiale æstimabilem pretio, & vendi non potest, etiam ratione materiæ sine simonia, propter positivam prohibitionem. Nam si de facto vendatur, & committatur simonia, dummodo non excedatur in valore materiæ, non oritur obligatio restituendi, ut in chrismate, vel oleo sancto, si supponamus, prohibitam esse venditionem etiam materiæ. Idem censeo dicendum de quacumque re sacra etiam, ut sacra est, si possessio ejus habeat temporalem commoditatem adjunctam, sive illa commoditas consistat in lucro, ut solet esse in miraculosa imagine: sive consistat in aliquo speciali honore humano, vel voluptate peculiari, quam aliquis capit ex aliquo usu, vel possessione talis rei. Nam si pro donatione talis rei aliquid exigit intuitu illius commoditatis, quæ se privat propter alium, esto sit simonia, non erit injustitia, nec obligatio restituendi orietur, propter eandem rationem cum proportionem applicatam.

An pretiū accipi possit pro incommoditate carendi reliqua vig.

43 Majus mihi dubium est, an pro sola incommoditate spirituali, quam quis patitur privando se reliquia, v. g. vel grano benedicto, possit sine injustitia aliquam recompensationem postulare, esto non possit sine simonia: & consequenter ad restitutionem non teneatur, si illam acceperit? Aliquibus enim videtur, non esse injustitiam, quia incommoditas illa est aliquid distinctum a re spirituali, & videtur esse compensabilis pretio. Declaratur: nam si ego habeam plura grana benedicta ejusdem rationis, vel plures agnos, licet multa ex illis donem, non patior incommodum; & ideo nec pro re, nec pro incommodo possum aliquid accipere, si autem unum tantum habeo, & a me petatur, patior incommodum, si me illo spoliem; ergo hoc titulo possum aliquid postulare sine injustitia, licet non pro re ipsa, nec inde sequeretur, quod possem sine simonia aliquid petere pro illo incommodo, quia propter annexionem non licet; cedit enim in irreverentiam rei sacræ. Nihilominus oppositum censeo securius, & verius, quia si incommoditas pure spiritualis est, natura sua non est pretio æstimabilis, alioquin non esset injustitia, missam vendere distincto pretio ab stipendio, propter incommoditatem, quam parior, privando me illo fructu, quem alteri applico. Et satisfactiones propriæ de se essent vendibiles sine injustitia, quod non videtur probandum. Unde etiam censeo, non posse aliquem, si per vim, vel furtum reliquia, grana benedicta, vel alia hujusmodi sibi rapiuntur, temporalem compensationem pro illis exigere, vel occulte facere, si alia via non possit, quia esset simonia, & non careret injustitia, quia illa esset virtualis quædam venditio.

An fieri possit compensatio temporalis pro furto sacrorum?

An simon.

44 Ultimo, ex dictis resolvitur facile illa quæstio

valde controversa, an simonia mentalis obliget ad restitutionem? In qua Major, Henric. Adrianus, & Sor. indistincte affirmant. Et ad illos accedunt Johan. Med. C. de Rest. Tract. de usur. q. 4. §. Jam ad rationem, & Barth. Med. in Sum. c. 14. §. 21. Contrarium autem docet D. Th. d. art. 6. ad 6. & ibi Cajet. & in Sum. verb. *Simonia*. Ubi alii summistæ, præsertim Silvester. Item Navar. Covar. & Victor. cum multis Canonistis locis supra cit. in 2. opin. & Redoan. r. p. c. 3. Petrus Navar. lib. 2. de Rest. c. 2. difficult. 11. a. n. 390. Fundamenta vero utriusque sententiæ in his continentur, quæ in principio pro duabus sententiis relatis adduximus: & ideo necessarium non est, illa repetere.

mentalis obliget ad restitutionem?

1. Assert.

45 Nos autem breviter subdistinctione data, respondendum esse, censemus. Primo enim dicimus: quando pretium simoniæ sine injustitia accipitur, mentalis simonia non obligat ad restitutionem pretii. Probatur clare, quia talis simonia etiam si realis sit, non obligat ad restitutionem ex vi legis naturalis, ut ostensum est: ergo multo minus obligabit, si sit tantum mentalis. Unde etiam obiter addere possumus, talem simoniam simpliciter, & absolute, nullo jure obligare ad restitutionem. Probatur, quia non obligat ex vi juris naturalis, ut ostensum est, nec etiam ex vi juris ecclesiastici, quia ubi jus ecclesiæ imponit hanc obligationem ultra naturalem obligationem, id non facit, nisi per modum pænæ, at vero pænæ ecclesiasticæ, contra simoniam non cadunt in simoniam mentalem, ut supra ostensum est: ergo. Atque hæc ratio probat ulterius, simoniam, in quacumque materia sit, & sive injustitiam involvat, sive non, si tantum mentalis sit cum opere subsecuto, non obligare ad restitutionem ex vi juris ecclesiastici, quidquid sit de alio jure. Et simili modo, si contingat, ex alio jure habere obligationem illam non immutari, nec alterari per leges ecclesiasticas, ut, v. g. quod huic potius, quam illi fiat restitutio, vel aliquid simile. Totum hoc pater, quia omnes dispositiones pænales circa simoniam, quæ sunt de jure ecclesiastico, non cadunt in simoniam mentalem, ut supra ostensum est, omnes autem hæc dispositiones pænales sunt, ut constat: ergo totum hoc. Et ad minimum probat c. ult. de Simon. de quo statim plura. Idemque sumitur ex c. *Tua nos*, eodem. ubi de dantibus, & recipientibus intentione simoniaca dicitur: *Sine dubio apud districtum judicem (qui scrutator est cordium, & cognitor secretorum) culpabiles judicantur*. Et prius dictum fuerat: *Nobis datum est de manifestis tantummodo judicare*. Idem sumitur ex cap. *Sicut tuis*. Eodem in fin. ibi. *Si excessus esset ecclesiæ manifestus, quæ non judicat de occultis, pænæ essent canonica feriendæ*.

2. Assert.

46 Dico secundo: Quando simonia includit injustitiam, etiam si mentalis sit cum opere subsecuto (ut loquimur) obligat ad restitutionem ex lege naturali, licet non obliget ex lege ecclesiastica. Probatur primo, quia omnis acceptio exterior de se injusta, & procedens ex intentione injusta, obligat ad restitutionem: sed talis est illa simonia, etiam si mentalis sit, quia procedit ex intentione iniqua proportionata materiæ, & consequenter ex injusta intentione, & in re exequitur actionem injustam, & infert nocumentum, accipiendo pecuniam contra justitiam: ergo obligat ad restitutionem. Secundo probatur exemplo usuræ mentalis, quæ ad restitutionem obligat in conscientia, & ex jure naturali, ut definitur in c. *Consultis*, de Usur. Ubi Urbanus III. satis declarat, se loqui in foro conscientiæ, dicens: *In animarum judicio*. Ergo idem est in simonia, de qua loquimur. Probatur consequentia: quia ratio cur usura obligat, est propter injustitiam, sed hæc locum habet in tali simonia; ergo. Ad quam rationem aliter Canonistæ, aliter Cajet. Navar. & Covar. respondent, sed omnes solutiones, & differentias, quæ assignantur, necessario supponunt, receptionem simoniacam non esse injustam, etiam si alias turpis sit, receptionem autem usurarum esse injustam. Supposito autem contrario fundamento ex parte simoniæ, ut nos supponimus, nulla differentia assignari potest.

Nonnullorum opinio.

47 Scio aliquos Theologos tentasse nerage, usuram mentalem obligare ad restitutionem, ut Scot. 4. d. 15. q. 1. art. 2. Conc. 4. & ibi Richard. 5. q. 5. & alii, qui videri possunt apud Cav. in Regul. *Peccatum* 2. p. in preface. n. 4. & sequentibus. Sed hi auctores intelligendi sunt, quan-

quando usura ita est mentalis, ut exterius nulla probabilis suspicio appareat, quod aliquid detur pro mutuo: sed vel mutans ex conscientia erronea putat, sibi dari pro mutuo, & nihilominus vult accipere, vel certe, licet sciat, sibi liberaliter dari, ita est affectus, quod si non daretur ei pro mutuo, non mutaret; tunc enim usura est pure mentalis, & revera non habet opus externum, & ideo in re non obligat ad restitutionem: sed in priori casu obligabit ex conscientia erronea, donec deponatur conscientia; in posteriori autem casu simpliciter non obligabit: & idem est cum proportionem in simonia. Nos autem non de hac usura, vel simonia mentali loquimur, sed de illa, quæ imperat actum externum, quia nimirum probabiliter aliquis credens dari pecuniam, ut pretium injustum mutui, vel rei sacræ illud accipit. Et de hac dubitari non potest, quin usura mentalis obliget ad restitutionem, id enim convincit & textus allegatus, & ratio facta. Et in hoc dicimus, eandem esse rationem de mentali simonia injusta.

47 Et hinc obiter intelligitur, hanc obligationem habere locum in pretio, non in acceptione rei spiritualis: & ideo fortasse auctores questionem hanc moverunt in pretio, & non in re spirituali, quia acceptio rei spiritualis, etiam si simoniaca sit, nunquam est injusta in accipiente respectu dantis, ut diximus, debet enim gratis recipere: & ideo non facit injuriam, recipiendo pro pretio, sed potius illum patitur. Et ideo nunquam tenetur ad restitutionem ex vi simoniæ realis, ne dum mentalis, sed tenetur interdum rem dimittere ex jure positivo, quod non obligat in simonia mentali: qui autem recipit pretium, injuriam committit, & ideo obligatur ex natura rei ad restitutionem: ac subinde talis obligatio cadit etiam in mentalem simoniam, qualem explicuimus.

48 Solum potest contra hanc resolutionem applicari c. ult. de Simon. quia in eo absolute, & sine distinctione negatur, simoniam mentalem obligare ad restitutionem. Ad quem textum varie respondent auctores. Primo respondet Adrian. & Sor. potius ex illo textu colligi, ex mentali simonia oriri obligationem restituendi, immo & resignandi spirituale acceptum simoniace, quia ibi dicitur *mandatum dispensandi extendi ad abbates, & ad resignationes spiritualium, & temporalium, quæ nullo pacto, sed affectu animi utrinque acquiruntur*. Ita enim dicti auctores construunt litteram textus: immo Soto intelligit, illam extensionem ad abbates, active, id est, ut ipsi dispensare possint, non passive, scilicet, ut cum eis dispensari possit.

49 Sed totum hoc repugnat cum verbis, & serie textus. Consultatio enim facta pontifici videtur fuisse, an mandatum legato commissum, ut cum monachis dispensaret in ingressu simoniaco, extenderetur ad abbates; & de qua simonia esset intelligendum? Et respondet pontifex in duabus clausulis: & in priori ait, extendi ad abbates, non ut ipsi dispensent, non enim illis mittebatur mandatū, sed ut cum eis dispensaretur, erant enim patricii criminis: in secunda vero declarat, pro simonia mentali eos ad resignandum spiritualia, vel temporalia non teneri. Unde non possunt illæ duæ clausulæ in unam confundi: nec verbum, *extendi*, referri ad sequentia verba, scilicet, *& ad resignationes*, quia alias ultima verba textus, scilicet, *eos pro simonia hujusmodi non teneri*, superflua essent, nec possent cum superioribus construui. Igitur illæ sunt duæ declarationes, quæ diversis verbis explicantur: prior est, mandatum extendi ad dispensandum cum abbatibus: alia est pro simonia sine pacto commissam non teneri, &c. Et hoc convincit ratio, quæ per parenthesis interponitur: *In quo casu delinquentibus sufficit per solam poenitentiam suo satisfacere creatori*. Ad quæ verba respondet Adrian. excusivam, *Solum*, non excludere restitutionem, sed mutationem loci, & ordinationis, quam fieri oportet juxta decretū Concilii Later. Sed repugnat contextui, & destruit rationem, quia expresse in textu dicitur, in eo casu non teneri ad resignationem: & pro ratione redditur, quia sola poenitentia sufficit: ergo si ly *Sola*, non excludit resignationes, inepta est ratio: illæ ergo potissimum excluduntur.

50 Hinc Bartholo. Medin. supra dixit, brevius responderi dicendo, pontificem secutum esse opinionem probabilem, sed probabiliorē esse contrariam. Brevior

quidem, sed non prudentior expositio, quæ profecto a temeritate excusari non potest: tum quia est contra torrentem omnium Doctorum, qui in omni opinione semper studuerunt definitionem illam sustinere: tum etiam, quia ibi pontifex respondet, ut pontifex, & de re morali pertinente ad salutem animarum; ergo nullo modo potest dici, falsum respondisse. Apparentius profecto alter Medin. respondet, pontificem ibi locutum esse in ordine ad forum externum. Et ponderat differentiam inter illum textum, & c. *Consultit*, de usur. Nam in c. *Consultit*, fuit consultus pontifex *in judicio animarum*, id est, in foro conscientiarum, in dicto autem c. ult. fuit consultus in foro ecclesiæ, scilicet in ordine ad dispensationem ecclesiasticam: & ita in priori respondit pontifex declarando obligationem in conscientia, in posteriori solum declarat, quando simonia fuit sine pacto in solo affectu, etiam si opus fuerit subsecutum, non indigere delinquentes dispensatione, sed sola poenitentia. Quæ expositio, si necessaria esset, non careret probabilitate: verum tamen necessaria non est, & aliquam vim facit textui, quia simpliciter dicit ad resignationem non teneri: unde per solam poenitentiam videtur excludere omnem restitutionem. Majorem vero vim infert textui Major supra: nam in summa exponit, pontificem loqui de illo, qui prius habuit affectum emendi rem spiritalem, & postea mutavit mentem, & licite illam consecutus est. Quæ responsio & facit ridiculam decisionem, & est contra vim illorum verborum: *Nullo pacto, sed affectu animi præcedente utrinque acquiruntur*: quæ aperte intelliguntur de acquisitione ex illo affectu proveniente. Item, ad quid esset necessaria poenitentia de tali acquisitione, si absque culpa facta esset?

51 Hostiensis ergo, quem aliqui secuti sunt, respondet, illam decisionem habere locum in mentali simonia contra jus humanum, non vero in ea, quæ est contra jus Divinum. Contra quam expositionem objiciunt Cajet. & alii, quia textus ille loquitur in simonia commissam in ingressu monasterii, quæ est contra jus Divinum. Sed hæc impugnatio non urget, quia licet simonia commissam in emptione, aut venditione ipsius professionis, aut status religiosi, sit contra jus Divinum, tamen aliquid recipere in illo ingressu prætextu paupertatis non est contra jus Divinum, & prohibitio contraria est de jure ecclesiastico; & de simonia, seu acceptione illi juri contraria loquitur aperte Gregorius IX. in dicto c. ult. ut patet ex illis verbis: *Secundum constitutionem generalis Concilii dispensares*: igitur ex hac parte non est rejicienda illa expositio. Immo in rigore (ut etiam Major fatetur) sufficeret, illam decisionem veram esse in materia, de qua loquitur, quia non dicit pontifex, idem esse in omnibus aliis, nec de aliis fuerat consultus. Nihilominus tamen verum credo, quod Hostiens. ait, in omni simonia mentali in materia, quæ solum est mala, quia prohibita, habere verum illam decisionem, quia sola prohibitio titulo religionis non facit, actionem esse injustam, quæ de se talis non erat, ut supponitur. Posset tamen fieri injusta, si lex ecclesiastica non solum prohiberet actum, sed etiam annullaret receptionem: tamen hoc etiam in præsentī non obstat, quia hæc annullatio non comprehendit simoniam mentalem, ut supra ostensum est, & ideo universaliter est verum, simoniam mentalem in materia solum mala, quia prohibita, non obligare ad restitutionem. Quod autem omnis simonia mentalis contra jus Divinum ad restitutionem obliget, non credo esse universaliter verum, quia potest interdum committi sine injuria, ut in materia beneficii. Unde etiam de simonia reali in tali materia diximus, non obligare semper ad restitutionem ex solo jure naturali, sed ad summam ex ecclesiastico, ut dicemus c. seq. ergo mentalis in eadem materia nullo modo obligabit, quia non ex jure naturali, eadem, seu majori ratione, nec ecclesiastico, quia non punit simoniam mentalem, ut sæpe dictum est.

52 Oportet ergo respondere, decisionem illam habere locum & in materia, in qua data fuerit responsio, & in quacunque alia, in qua fuerit similis ratio, non autem ubi fuerit dissimilis. In ingressu ergo religionis, licet simonia committatur, non tamen habet necessarium injuriam annexam, & ideo si mentalis sit, nullo modo obligat ad restitutionem, etiam suppositis legibus

Vera res
sponsio

ecclesie, quod in illa decisione maxime intenditur. Idem ergo erit in omni simonia non inferente injuriam ei, a quo pecunia recipitur, sive sit contra jus humanum tantum, sive etiam contra divinum. Ubi autem fuerit receptio pretii non tantum simoniaca, sed etiam injusta, licet mentalis simonia sit, oritur obligatio restituendi, non ex lege ecclesiastica (quod in illo cap. & in aliis negari potuit) sed ex naturali jure, quod nullibi negatur. Vel aliter (& in idem redit) in illo casu de simonia in religione, etiam si intentio fuerit prava, retineri potest pecunia, quia non deest titulus justus ad retinendum, scilicet, & ad alendum religiosum, & ad sustentanda onera status illius, & ideo mutata intentione tollitur pravitas, & ita per solam poenitentiam potest venia delicti comparari. Idem ergo erit in omni simonia mentali, quæ similis rationis fuerit, ut re vera est, quoties receptio pecunie non est injusta: eritque talis simonia simpliciter immunis a restitutione, non obstantibus etiam legibus ecclesiasticis. Hoc enim est semper addendum, & præ oculis habendum, tum ut aliquid speciale dicatur de simonia mentali, quod non sit commune reali, tum etiam ut intentioni illius c. ult. satisfiat. At vero, quando simonia est injusta, nullus superest titulus justus ad retinendam pecuniam, & ideo obligat ad restitutionem, & ad illam non extenditur decisio illius c. ult. nisi quoad hoc, quod illa etiam sub legibus ecclesiasticis punientibus non comprehenditur, sed per jus naturale merienda est.

CAPUT LX.

An pretium simoniace comparatum ex jure ecclesiastico sit in conscientia restituendum ante sententiam, & cui?

HÆc quaestio solum habet locum in illis casibus, in quibus diximus, pretium hoc non esse obnoxium restitutioni ex vi solius naturalis juris, quia ubi jus naturale obligat ad restituendum, clarum est, non esse expectandam sententiam judicis: nam ipsa conscientia satis eam profert. Unde neque est necessaria lex ecclesiastica id præcipientis, quia naturalis obligatio satis superque est, cum sit divina. Arque hinc colligo, solum habere locum præsentem questionem in simonia, in ordine, beneficio, aut ingressu religionis, nam si hæc obligatio restituendi interdum nascitur ex solo jure ecclesiastico solum est per modum ejusdem pænæ per illud jus impositæ, ut per se constat: dictum est autem supra, ecclesiasticas pœnas, quæ ipso facto, & ante sententiam incurruntur propter simoniam, solum habere locum in illis tribus materiis; ergo idem dicendum est de hac restitutione. Unde licet aliqui dicere voluerint, hanc obligationem restituendi pretium, inductam esse per ecclesiam in omni reali simonia, in quacunque materia, nullo jure probare id possunt, & ex dicendis a fortiori constabit, non ita esse. In aliis ergo materiis supponimus, ut veram partem negantem, & de cæteris inquirimus, & primo ac præcipue dicemus de materia beneficii, & inde facile constabit de reliquis.

2. Est igitur prima opinio absolute negans, venditorem simoniacum beneficii teneri in conscientia ad restituendum pretium acceptum, donec per judicem privetur. Pro hac sententia refertur D. Ant. 2. p. tit. 2. c. 5. quia ibi generaliter dicit, turpiter acquisita non esse necessario restituenda, sed tantum ex consilio, quando non sunt per injuriam accepta. Quod etiam asseruit Navar. in Man. c. 17. n. 30. cum aliis, quos allegat, sed immerito adducitur Anton. nam expresse addit exceptionem, nisi in casibus a jure expressis & adjungit, ut in simonia. Et idem sentit Nav. & alii ab ipso relati, ut videbimus. Quo circa opinio hæc destituta est auctoribus, quantum enim reperire potui, solus Ugolin. illam defendit sub quibusdam distinctionibus (de quibus infra) Tab. 4. c. 2. §. 1. in fin. & fundatur primo, quia nullum est jus ecclesiasticum obligans ipso facto ad hanc restitutionem, ergo non obligat in conscientia ante judicis condemnationem. Probatur consequentia ex generali principio, quod lex poenalis non obligat ad poenam ante judicis condemnationem, nisi expresse declararet: hæc autem lex, si datur, poenalis est quoad hanc partem, ut constat ex dictis c. præced. Antecedens autem probatur, quia tria jura adducuntur pro illis tribus materiis, quæ non videntur satis probare. Primum est c. De hoc de Simon.

ubi Papa dicit, principes, vel patronos, qui pecuniam acceperant, non potuisse illam retinere tuta conscientia, id autem non probat, quia illud dictum non videtur fundatum in culpa simoniæ, sed in hoc, quod bona illa fuerant data de bonis ecclesie ab illo, qui episcopatum ejus ambierat, ut ex text. colligitur. Et similiter non probat c. Venies, eod. nam ibi præcipitur restitui pecunia ei, qui dederat, quod non præciperetur, si ille vere simoniam commisisset: præcipitur ergo illi restitui, quia per deceptionem, & potentiam fuerat extorta. Denique non probat c. ult. eod. nam ex illo summum sumitur argumentum a contratio sensu, quod non est efficax præsertim ad inducendam tam gravem poenam ante sententiam, cum etiam possit textus ille commode intelligi de obligatione mediata sententia. Secundo argumentor, quia non apparet cui facienda sit illa restitutio ex sola conscientie obligatione, quia non debet fieri ei, qui dedit, ut omnes fateantur: & ratio est, quia ille, qui dedit quantum est in se, voluntate sua abdicavit a se dominium talis pecunie: ergo nisi impediatur per aliquam legem, voluntas illa habuit suum effectum, quando quidem (ut supponitur) impleta fuit causa, propter quam dare voluit illam pecuniam, & alter voluntarie illam accepit. Lex autem ecclesiastica non impedit quominus voluntas largientis sit efficax quoad hunc effectum abdicandi a se dominium, quia hoc cederet in favorem simoniaci, quem ecclesia non præstat, nec interdicit, ut per se constat; ergo cum ille voluntarie abdicaverit a se dominium, non potest manere obligatio ex iustitia ad restitutionem illi faciendam: ergo neque ad restituendum alicui alteri, ut ecclesie, vel pauperibus, &c. quia neque alii habent jus ad talem pecuniam: neque obligatio ad restituendum alteri solet oriri nisi in casibus, in quibus res erat restituenda priori domino, & illi fieri non potest, vel quia ignoratur, vel propter aliud legitimum impedimentum, ut supradictum est.

3. Nihilominus dicendum est primo pecuniam acceptam pro venditione beneficii seu electionis, aut præsentationis, &c. in foro conscientie restituendam esse ante omnem sententiam: unde cum hæc obligatio non sit ex vi solius juris naturalis, concluditur esse ex institutione, seu lege ecclesiastica. Hæc assertio sumitur ex D. Th. d. art. 6. ad 4. ubi eodem modo loquitur de pecunia, sicut de fructibus simoniace acceptis, & principalem partem fundamentalem ejus supponunt omnes citati in c. præced. pro utraque sententia: nam omnes admittunt hanc obligationem: unde qui negant esse de jure naturali, necessario sentiunt esse de jure positivo, & expresse id docet Ant. supra & tit. 1. c. 5. §. 7. Et Silv. ver. Simonia, q. 20. & Navar. d. c. 17. n. 3. Palud. d. q. 5. Med. C. de Rest. q. 20. ad 3. Burg. tract. de Ir regula. 6. p. tit. de Sim. n. 19. Redo. 1. p. c. 3. & 4. & 4. p. c. 8. Gl. & Doctores in d. c. De hoc, & d. c. Veniens. Probari autem solet hæc sententia ex illo generali principio: quod turpiter recepta a dante etiam ob turpem causam non debent manere apud recipientem: sed talia sunt accepta per simoniam: ergo qui recipit pecuniam, non potest illam retinere: debet ergo illam restituere. Major sumitur ex jure civili in l. 3. & l. Si ob turpe, ff. de Condict. ob turbam causam, & in leg. 2. C. eod. & in L. In heredem, in princ. ff. de Calumniator. Quod civile jus non contradicit canonico, immo cedit in favorem ejus, & ideo etiā in simonia locum habet. Hæc autem ratio licet optime probeat, jure posse puniri simoniacum in amissione pecunie, quæ accepit, immo in dupla quantitate, ut dicitur in c. Audivimus, de Sim. non tamen probat ipso facto, esse illa privatum propter solam turpitudinem receptionis: nam in illis legibus solum dicitur esse ab illo extorquendam, utique per fiscum seu judicium, juxta l. Fiscus, ff. de jure Fisci; nunquam vero illi imponitur onus illam offerendi, seu sponte a se abdicandi. Unde hæc pœna in omni simonia locum habet: signum ergo est, ex hoc titulo tantum esse sententia ferenda, non lata per legem.

4. Secundo probari potest ex c. ult. de Pact. quatenus ibi dicitur pactiones, & conventiones omnes in spiritalibus, nullius omnino esse momenti, hinc. n. fit, ut contractus simoniacus, quatenus est emptio quedam, & venditio, nullius momenti sit. Ergo ex vi illius non potest transferre dominium pretii in venditorem, sicut non potest ipse transferre dominium beneficii in emptorem;

item ergo qui accipit pretium, tenetur in conscientia illud restituere, quia non potest apud se retinere rem alienam, cuius non est factus dominus. Quæ ratio si est, ac esset, in omni materia simoniæ locum haberet, quia c. illud ult. absolute loquitur de pactione in spiritualibus: quod verum esse non credimus, nec ex illo textu probari. Immo existimo, decretum illud, si respiciat obligationem pactionis in futurum, non continere legem inducentem in irrationem de jure positivo, sed declarationem pactionis irriti ex natura sua, utpote existentis de turpi, & illiciti: quod patet; nam quia pactiones de rebus spiritualibus pro temporalibus conferendis hujusmodi sunt; tamen etiam quia statim subjungitur, idem esse de aliis conventionibus dicendum, *que observantia vergunt in animæ detrimentum*: & ita videntur intelligere ibi Gl. & Doctores. Est enim observandum aliud esse loqui de actionibus, vel traditionibus factis ex pacto simoniaco, vel de pactionibus ipsis: sunt enim hæc valde diversa: nam pactio consistit in mutua obligatione, & quia nemo potest obligari ad actum turpem, ideo tales pactiones ex natura rei invalidæ sunt: at vero executio obligationis consistit in traditione rei, vel pretii, quæ potest esse valida, & habere suum effectum, etiam si turpiter fiat: ut constat in mercede meretricis. Et in præsentī materia licet pactio de vendendo baptismate nulla sit, nihilominus baptismus traditus etiam simoniace validus est; ita ergo potest esse valida traditio pecuniæ, etiam si conventio fuerit nulla, quoad inducendam obligationem.

5 Tercio ergo specialiter probatur assertio ex d. cap. *De hoc*, ubi in fine ejus dicitur, temporalia sic recepta pro dando assensu electioni ecclesiasticæ non posse sine gravi salutis periculo retineri: quod plane intelligitur ex vi conscientie, etiam si nulla cunctio, vel sententia judicis intercedat, quamvis oppositum indicet Ugolin. d. §. 1. n. 1. Nam quod dixi, ex ipsis verbis, & contextu manifestum est. Et ideo ponit ex illa postrema parte textus nullam distinctionem facit, sicut fecerat in priori, *scilicet de delicto publico, vel occulto, probato, vel non probato*, sed simpliciter dicit, regem, & principes monendos fuisse, obligatos esse in conscientia ad restituendum, si quid receperant: & ita sentiant Gl. Host. Anr. Abb. & alii communiter ibi. Dicere autem, obligationem, de qua ibi pontifex loquitur, non fuisse ortâ ex receptione simoniace, sed ex receptione injusta, quia fuerat de bonis ecclesiæ, omnino voluntarium, & improbabile mihi videtur. Primo, quia nullum fundamentum habet in textu; Secundo, quia est contra absoluta verba textus, *ut si qua receperunt*, non enim dicit, *ut si qua bona ecclesiæ*, nec de illis mentio præcesserat, ut referri videantur per particulam, *si qua*: ergo voluntarie limitantur, & contra generalem regulam, quod ubi jus non distinguit, neque nos distinguere debemus. Tercio, quia non habet verisimilitudinem: nam ille episcopus dederat regi, & principibus aliquid, ut ejus electioni præstarent assensum; dedit ergo, antequam esset episcopus; non est ergo verisimile dedisse de bonis ecclesiæ. Unde notari potest differentia inter priorem, & posteriorem partem illius textus: nam in priori tantum promissio spiritualium præcesserat, quæ promissio optime fieri poterat a nondum episcopo sub spe, & conditione futuræ electionis; in posteriori vero non promissio, sed traditio temporalium intervenisse dicitur: & ideo (ut dixi) præsumi non potest, eum, qui nondum episcopus erat, de bonis ejusdem ecclesiæ, ad quam eligi optabat, largitiones illas fecisse.

6 Atque ita est intellecta decisio illius textus a jurisperitis, & Theologis, & convincit illos, ut pro certo haberent, pretium simoniacum saltem jure ecclesiastico tota conscientia retineri non posse. Quia jus ipsum impedit acquisitionem domini talis pretii; quod optime facere potuit in pœnam tam gravis delicti, sicut de acquisitione beneficii diximus. Quia vero textus ille in sola materia beneficii loquitur, ideo de sola illa videtur nobis probare, quia in his pœnis non habet locum exceptio ab una materia ad alias, ut ex hæcenus dictis constat; quia jura ipsa non eodem modo puniunt simoniam in beneficio, vel in ordine, &c.

7 Sed explicandum superest, cui tunc facienda sit restitutio: nam Sor. d. q. 8. art. 1. dicit, esse restituendam pecuniam ei, qui illam dedit ante sententiam, & sequitur Banhes 3. 2. 2. q. 3. art. 7. dub. 2. saltem quoad hoc,

ut liceat pretium reddere ei, qui dedit, quamvis etiam sufficiat illud dare ecclesiæ, vel pauperibus. Fundantur in hoc, quia putant dominum pretii semper manere apud dantem ex natura rei, & per legem pœnalem non privari illo ante sententiam. Sed existimo fundamentum esse falsum, quia ille contractus ex natura sua sufficiebat ad transferendum dominium in alium, & consequenter ad se spoliandum illo. Consecutio etiam non est necessaria: tum quia lex pœnalis potest per se ipsam privare dominio, quando id sufficienter exprimit, & maxime quando aliquis contra legem se ipsum spoliavit possessione pretii: tum etiam quia potuit lex precipere recipienti pecuniam, ut amplius illam non reddat largienti, sed in pios usus expēdat.

8 Dicendum ergo est, pretium illud restituendum esse ecclesiæ. Ita D. Th. 2. 2. q. 62. art. 5. ad 2. Cajet. ver. *Simonia*, Vic. p. 2. n. 6. Silv. d. q. 20. Nav. c. 17. n. 36. & plures alii, quos refert Cov. Reg. *Peccatum* 2. p. §. 2. n. 6. & communiter Doctores in d. c. *De hoc*, ubi hoc videtur expresse definitum; dicitur, n. ibi restitutionem esse ecclesiæ faciendam. Rationem argumentando supra posuimus, estque optima, & eandem indicat D. Th. quia dans voluntatem habuit, & habere debuit ex vi contractus abdicandi a se illam pecuniam, & transferendi illam in alium, secuta causa: ecclesiæ autem licet consecutionem domini in recipiente impediverit, non restitit abdicationi alterius, sed potius acceptavit illam in pœnam ejus, & applicavit jus illius pecuniæ ecclesiæ, quæ passa est injuriam, & ideo dicitur facienda restitutio in prædicto textu. Ergo de jure communi cum proportionem facienda est restitutio illi ecclesiæ, in qua est beneficium, circa quod simonia commissa est: & ita etiam docuit D. Th. d. q. 100. art. 6. ad 3. ubi solum addit, de arbitrio superioris ex causa justa posse interdum fieri pauperibus, & ideo docent communiter Doctores ibi, & c. *Veniens*, c. *Consulere*, de Sim. Silv. & Summistæ eod. ver. Dicunt vero aliqui, consuetudine receptum esse, ut pauperibus dari possit, & multi ex Dd. allegatis, præsertim a Cov. hanc licentiam præbere videntur, & favet D. Th. 2. 2. q. 3. art. 7. ad 2. Sed ibi generaliter loquitur de simonia, ut supra dixi. In illa vero, quæ committitur in beneficio, ex rigore juris servandum est, ut diximus: consuetudo autem consulenda est, essetque magis tolerabilis, si pauperibus ejusdem ecclesiæ elemosyna fieret: nam bona ecclesiæ quodammodo ad illos pertinent: tamē ut ordinate fiat, per prælatum ecclesiæ dispensanda est, ut recte D. Th. dixit. Alii etiam dicunt, ex consuetudine applicari cameræ apostolicæ, ut attigit Sor. d. q. 8. art. 1. ad 4. & Ugol. referens Quintilian. Mandos. Tab. 4. c. 2. §. 1. n. 7. Quod credo intelligi, quando applicatio fit per compositionem, vel per condemnationem ipsiusmet pontificis, aut ministrorum ejus; vel etiam si quis velit propria sponte restitutionem facere cameræ pontificiæ, nam sine dubio satisfaciens: non credo tamen ad hoc teneri, sed satisfacere in foro conscientie, restituendo propriæ ecclesiæ, & a propriis prælatis posse ad hoc cogi in foro exteriori, quando compositio cum pontifice non præcessit.

9 Dico Secundo: In simonia commissa in ingressu religionis non est obligatio in conscientia restituendi pretium, priusquam per sententiam religiosus simoniace receptus a monasterio excludatur. Ratio hujus assertio-^{4. Adversus} nis est, quia nihil aliud invenimus in jure expressum. Declaratur autem ex supra dictis in hunc modum: quia dupliciter potest hæc simonia committi. Primo, si pecunia detur ingressuro, ut velit monachari. Secundo, si ipse det pecuniam monasterio, ut illum recipiat. In priori modo simoniæ nihil invenio in jure dispositum, qui pecuniam recipit, non tenetur ad restituendam illam: quia ex jure naturæ non tenetur juxta d. præced. & nullum est jus, quod illum impediat, ne dominium illius pecuniæ acquirat. Igitur vel accepit pecuniam illam a monasterio, vel ab alio. Si ab alio: clarum est non esse illi faciendam restitutionem. Neque est cur fiat pauperibus, quia nullo jure caveatur, nec ex ratione naturali sequitur. Unde si ante ingressum monasterii pecuniam illam consumpsit, vel donavit, nihil in hoc peccavit, & donatio rata manebit: si vero permanet in bonis ejus, cum persona ipsius poterit ad monasterium redire non titulo restitutionis, sed jure consecutionis: nam bona sequuntur personam. Idemque cum proportionem erit quando pecunia a monasterio accepta est. Quia per hoc mo-¹¹⁰¹ nasterio

nafterium non est impeditum, quominus jus in talē personam, & in bona ejus acquirere possit valide, etiam si fortasse ipsummet monasterium talem simoniam commisisset, quia illud impedimentum non invenitur jure introductum in tali specie simoniæ, ut dixi, & per extirpationem, vel similitudinem extendendū non est, quia in penis hoc locū non habet, præsertim ubi non est identitas rationis, ut in præfenti revera nō est, quia hæc simonia & est rarior, & minus deformis, & in jure minus prohibita, solumque per generales regulas damnatur.

10 De altero modo simoniæ in religione habemus expressam decisionem textus in c. *Veniens*, de Sim. ubi in simili facto ita decernitur: *Abbatem, & monachos ad restituendam pecuniam præfato F. tam indigne acceptam compellas*. Ubi hoc est singulare, quod pecunia simoniaca eidem, qui illam dedit, restitui mandatur: de cujus ratione, & sensu multum a Dd. dubitatum est. Breviter tamen duobus modis potest ille textus intelligi. Primo, ut ille F. presbyter ante factam professionem, pontificem consuluerit de conventionē cū monasterio facta, quod (ut supra dixi) inde aliqui colligunt, quod ei mandatur pecunia tribui, cujus nō fuisset capax, si professus fuisset. Hoc ergo supposito, mandatur illi pecunia restitui, quia deceptus a monachis bona fide illam dederat, ut notavit Covar. supra n. 8. & potest colligi ex illis verbis: *Afferentes hoc esse de consuetudine monasterii*. Nam quod a religiosis afferebatur, bona fide credi poterat, & existimari honestum, quod ab eisdem in consuetudine habebatur. Et juxta hunc sensum nihil potest ex illo textu colligi ad rem præsentem, quia dici potest pecuniam illam ex justitia fuisse restituendam illi presbytero tanquam vero domino, quia & deceptus fuit, & causa non fuit impleta, ut supponitur.

11 Sed nihilominus, ut supra tetigi, sensus hic cum sine textus non bene quadrat: nam præcipitur illi, ut in alio monasterio in habitu monastico vivat, quod non præcipitur, nisi esset religiosus. Nam quod quidam dicunt, illud fuisse consilium, non præceptū, repugnat proprietati verbi, *Præcipias*, quo uritur pontifex, ut Gl. notavit, quam omnes approbant. Et ideo verius existimo, illum presbyterum factum esse religiosum, & propter ingressum simoniacum, sive bona, sive mala fide ab ipso factum, compelli transire ad aliud monasterium: & ideo præcipi pecuniā illi reddi, non in gratiam ejus, sed monasterii, ad quod transfertur: quæ est communis intelligentia. Juxta quam, si illa dicenda est restitutio (& non potius subventio rationabilis alterius monasterii) illa non fit proprie illi, qui dedit pecuniam, sed religioni: atque ita fit ecclesiæ proportionē servata. In hoc tamen considerandū est, quod supra diximus, monachum simoniace ingressum non teneri ad relinquendum monasterium, donec per sententiā in aliud transferatur. Sic ergo dicendum censeo, quandiu ibi religiosus permanet, non teneri monasterium ad restituendā pecuniam, quam accepit, quia cum restitutio illa ordinetur ad expulsionem religiosi sic ingressi, & ad subsidium alterius monasterii, in quod transfertur, quandiu hæc translatio executioni non mandatur, cessat ratio restitutionis, immo non est illi locus. Nam restitutio debet fieri danti juxta illum textum: ipse autem non est capax proprietatis in se ipso, sed datum illi transfertur in monasterium: ergo perseverante ibi persona, potest etiam monasterium retinere, quod accipit. Et ita Urbanus IV. in Extrav. 1. de Sim. concedendo dispensationem circa aliquas religiosas personas sic receptas in monasteriis, consequenter concessit, ut monasteria possent retinere, quæ receperant, dummodo ad communem usum applicata fuerint. Ita ergo fieri posse dicimus in foro conscientię, quandiu persona a monasterio non amovetur. Et ita constat ratio, & probatio assertionis, quia ex vi illius c. *Veniens* non oritur obligatio ante sententiā: sed ex alio jure non oritur; ergo.

12 Sed quid, si religiosus ipse simoniace ingressus sponte, & absque ulla coactione sententiæ vellet locum relinquere, & canones exequi, transendo ad aliud, nūquid tenebitur monasterium restituere illi pecuniam? Diximus enim, non teneri ante sententiā: ibi autem non intervenit sententiā; ergo nō tenetur. Respondeo, sine dubio teneri: primum quia illud est quasi alimentū talis personæ, & ille jure suo utitur: honeste facit tran-

sendo: unde aliud monasterium haberet actionem repetendi ex vero, & iusto titulo; ergo prius monasteriū habet obligationem dandi: denique prior contractus fuit nullus quoad temporalem conventionem; ergo religiosus habet jus irritandi illum, ergo etiam potest repetere in conscientia id, quod dedit, quandoquidem ipse etiam tollit a monasterio onus alendi ipsum, ratione cujus dedit. Atque ita hæc obligatio in eo casu magis oritur ex natura rei, quam per modum pænæ. Conclusio autem intelligitur in rigore pænæ.

13 Dico tertio: Pretium receptum in aliis materiis simoniæ, etiā in ordine non est obnoxium restitutioni in conscientia ipso facto ex vi ecclesiastici juris, donec per sententiā restitui præcipiatur. Probatur prior pars, quia nullum jus tale invenitur, nam præter jura citata nullum adducitur. Et c. ult. de Sim. non probat sufficienter hanc generalem obligationē in omni simonia reali; nam solum dicit, in mentali non esse talem obligationē, de aliis aut supponit quidem esse posse: an vero sit in aliquibus, vel in omnibus, vel qualiter, aut quomodo sit, non declarat. In c. autem *Audizimus* præcipitur duplicata restitutio, sed illa pœna est, quæ non obligat, donec per judicem exigatur, ut ibidem etiam significatur, ibi, *Exacta duplicata restituat*, & nullum habet verbū, quod indicet obligationem ipso facto, ut ibi Abb. notavit, quem alii sequuntur. Aliqui vero ex illo textu colligunt, pretiū simoniæ semper esse restituendū ecclesiæ, quia ibi dicitur, pecuniā illā duplicatam convertendam esse in utilitatem locorum, in quorum fuerint soluta dispendium. Sed oportet advertere, ibi non de simonia in omni materia, sed in institutionibus parochorum, & ingressu religionis, & in sepultura apud religiosos sermonem esse, & similiter non de quocumque modo simoniæ, sed de speciali exactiōne, & extorsione injusta, episcoporum in illo triplici genere rerū tractari. Quia ergo illæ exactiōnes fiebant in injuriam ecclesiarum, & locorum religioforum, ideo specialiter præcipitur, ut pœna eisdem locis applicetur. Inde autem non licet colligere, pecuniam acceptam pro ingressu religionis semper esse restituendā ipsi monasterio: nam si ab ipsomet monasterio recepta sit, servanda est regula c. *Veniens* supra explicata. De aliis vero simoniis nihil invenio in jure statutum, sed arbitrio judicis poterit applicari pœna vel ecclesiæ, vel pauperibus; ante condemnationem vero non videtur esse obligatio, nisi in casibus, in quibus ex natura rei nascitur, ut dictum est.

C A P U T LXI.

De dispensatione circa simoniam.

1 D Uobus modis intelligi potest, quod dispensatio cadat in simoniam, scilicet, vel quoad culpam, vel quoad pœnam. De priori genere dispensationis nihil fere dicere necesse est: nam si sit sermo de simonia, contra jus naturale manifestum est, non esse capacem dispensationis humanæ: nam de divina alia speculatio est, quam in superioribus sufficienter tetigimus. Si vero sit sermo de simonia lege tantum ecclesiastica prohibita, duo breviter dicenda sunt. Unum est, nullum prælatum ecclesiæ infra summum pontificem posse in illa dispensare, quia omnis simonia hujusmodi per ipsos pontifices prohibita est; nullus autem inferior potest in lege superioris dispensare, nisi forte ex commissione ejusdē superioris vel expressa, quæ in hac materia data non legitur, vel tacita, seu interpretativa, quæ ex gravi aliqua necessitate oriri solet: nam hæc etiā in præfenti materia locum habere non potest; nam est valde odiosa, & vix potest cogitari utilitas talis dispensationis, nedum necessitas, ut in sequenti assertionē magis declarabitur.

2 Secundo dico: Pontificem summum in rigore posse in hoc genere simoniæ dispensare, nunquam tamen id facere, moraliter loquendo. Prior pars probatur: quia pontifex potest dispensare in ecclesiasticis legibus: ergo potest dispensare in hac prohibitionē; ergo potest dispensare in hac simonia quoad culpam. Non quidem faciendo, ut maneat simonia, & nō sit culpa: hoc enim repugnat, quia simonia ex proprio conceptu significat rā inordinatam, & malis sed faciendo, ut emptio, vel venditio, quæ obligante lege esset simoniaca, ablata obligatione non sit. Unde hic etiam habet locum generalis regula de legib. humanis; quia licet talis dispensatio concederetur sine rationabili causa, & fortasse cum

Quandiu religiosus, permanens ad monasterium, non tenetur restituere pecuniam simoniacā ob ingressum.

3. Conclusio.

1. Assertio.

cum culpa dispensantis, nihilominus esset valida, & sufficiens ad excusandam culpam simoniæ, quidquid de alia sit. Addidi vero in posteriori parte assertionis, pontifices non solere has dispensationes facere: quia sibi non sunt necessariae, & aliis, vel ecclesiæ non possunt esse utiles, seu convenientes. Dico autem, illis non esse necessarias, quia quando expedit dare, vel accipere temporalia pro spiritualibus, non est necesse id fieri per modum pretii, nec unum pro alio commutando, sed alio superiori providentiæ genere, unum auferre, & aliud dare ad sustentationem personæ, vel ex alia simili causa. Quando vero necesse est, permutationes inter spiritualia facere, vel permittere, id ex ordinaria potestate fieri potest a pontifice sine ulla dispensatione: ergo ad nullum effectum est pontifici necessaria talis dispensatio. Quod vero moraliter loquendo aliis non sit utilis, nec ecclesiæ, probatur, quia expedire non potest, ut res ecclesiæ venales fiant, neque ut privata auctoritate liceat aliquibus beneficia permutare, aut similes negotiationes facere: & ita non constat nobis, tales dispensationes fieri, quavis interdum contingat renunciationes aliquas vel permutationes, quæ ordinario jure fieri non possunt nisi in manibus pontificis, committi inferioribus prælatis, ut ab eis approbati possint, quæ non est proprie dispensatio, sed delegatio pontifici jurisdictionis, quæ multis in casibus potest esse expediens.

De dispensatione
quoad pœnam.

3. Præcipue vero hic agimus de posteriori modo dispensationis, scilicet quoad pœnam, de qua supponendum est ex supra dictis, solum habere locum in simonia commissâ in ordine, beneficio, aut ingressu religionis: quia dispensatio in pœna, solum habet locum, supposita pœna, sed in illis tantum tribus materiis intervenit pœna; ergo & dispensatio. Quapropter immerito dixit Arm. ver. *Simonia*. n. 3. episcopum dispensare cum simonia circa officia mortuorum, benedictiones nubentium, sepulturas, Chrysma, & similia post peractam penitentiam referens hoc ex Host. Et hoc dixit, esse turius Præpos. in c. *Statuimus ut sicut*, l. q. 1. in fin. & latius l. q. 5. in princip. n. 5. Ubi refert Raymun. Gofred. Host. & Arch. Sed hi auctores vel supponunt falsum, scilicet per has simonias incurri censuram, vel aliam pœnam ipso facto, vel intelligendi sunt de pœna ferenda, in qua fortasse poterit dispensare episcopus ex iusta causa, saltem ut mitior sit: quod ad nos non spectat. Solum ergo agimus de pœna ipso jure lata, & in ea distinguendum est inter absolutionem, & dispensationem, hæc enim duo distincta sunt. Absolutio enim proprie cadit in censuras, dispensatio vero in alias inhabilitates, seu privationes, aut similes pœnas.

4. Primo ergo de absolutione breviter dicendum est, contra vitium simoniæ omnes tres censuras latas inveniri in diversis casibus, ut ex discursu præced. c. constat. Nam excommunicatione fertur tam in simoniam in ordine, quam in beneficio, & in religione quoad singulares personas dantes, vel accipientes pecuniam, & tam in dantes, quam in recipientes ordinem, aut beneficiū, & cum reservatione ad Summum pontificem, ut constat ex d. Extrav. 1. & 2. de Sim. Et idem in excommunicatione lata pro simonia conventionali, ut supra visum est. Immo idem invenitur in excommunicatione lata contra committentes simoniam in Curia datis, vel promissis pro gratia, vel iustitia, de qua videri potest late Navar. in Comment. de hac re ad bullâ Greg. XIII. quæ incipit *Ab ipso*, & Ugol. Tab. 1. c. 21. per totum; & videri potest etiam Abb. in c. *Cum essent*, de Sim. n. 3. & Joan. And. in c. *Nemo*, eod. & Fel. in c. *De cetero*, de re iudicata, qui ejusdem excommunicationis meminerunt juxta antiquam Extravag. Bonifacii 8. Est autem illa censura non propria simoniæ, sed generalior, & ideo plura de illa dicere in præsentem non est necesse; & aliquid de illa attingimus in 5. tom. disp. 22. sect. 5. n. 36. Quamvis autem absolutio cujuscunque excommunicationis propter simoniam incurse jure ordinario a solo pontifice auferri possit, ejus absolutio intelligitur commissâ per illas bullas, aut privilegia, in quibus conceduntur casus pontifici reservati, nisi in particulari excipiantur: quia non cõsetur habere singularem aliquam rationem, ob quam sub generali concessione non comprehendatur. Est ergo de illa judicandum per generales regulas, censurâ reservatam iri pontifici, de quibus in 4. & 5. to. dictum est.

Notabilis

5. Secundo fertur suspensio ab ordine specialiter propter simoniam in ordine commissam: circa cujus absolutionem, & dispensationem notandum est, in d. Extrav. 2. de Sim. nullam addi rationem, sed simpliciter dici, ut *simoniace ordinati a suorum sint ordinum executione suspensi*, & ideo dubitari posse: an inferiores prælati ex vi juris communis possint illam suspensionem auferre. Et ratio dubii sumitur ex c. *Nuper* de sent. excommunic. *Ubi conditor Canonis absolutionem sibi specialiter non retinuit; eo ipso concessisse videtur facultatem aliis relaxandi*. Sed dici potest, hanc reservationem factam esse in jure antiquiori in c. penul. de Sim. & ideo non fuisse a Paulo II. repetitam. Sed contra hoc est, quia in d. c. penul. solum est sermo de suspensione ab ordine simoniace recepto: & quoad hanc partem certum est, hanc dispensationem esse Pontifici reservatam, ut ibi Gl. & Doctores notant, & in c. de *Simoniace*, de Sim. & in c. *Per translationem*, de Remun. Unde fit, neminem præter pontificem posse cum sic ordinato dispensare, ut ad superiores ordines ascendat, quia non potest ascendere, nisi prius a suspensione in inferiori ordine absolvatur. Immo existimo, in præsentem hanc esse unam dispensationem, quia unum est tantum vinculum per se impediens usum ordinum, & consequenter ascensum. Solum ergo Romanus pontifex in hoc vinculo dispensat, immo difficile solet in hac pœna dispensare, ut Abb. & alii in cit. loc. dicunt. Quin etiam referunt, quosdam dixisse, non posse pontificem in hoc impedimento dispensare, quia character a principio fuit vitiosus, & mutari non potest. Sed hoc ridiculum est, nam character sicut semel impressus immutabilis est, & indelebilis, ita etiam a principio integer, ac perfectus imprimitur, & fortasse in se indivisibilis est, & non potest diminutus fieri, & longe certius est, de facto non imprimi diminutum propter hominis peccatum, vel ecclesiæ censuram. Illud ergo vitium non fuit aliud a principio, nisi morale impedimentum per ecclesiæ censuram impositum, quod sicut a jure positivo manavit, ita indubitatum est, posse per pontificem auferri.

6. Adhuc vero superest dubium de ista suspensione; quatenus aucta est per dictam Extrav. quoad usum inferiorum ordinum prius legitime receptorum, nam antiqua reservatio non potest ad hunc effectum extendi; tum quia in penis non habet locum similis extensio; tum etiam quia non est similis ratio, nam quoad ordines prius receptos multo facilius est dispensatio, ut constat, quia per illam restituitur homo ad statum, quem legitime acquisierat, per hanc vero conceditur illi, quod vel non acquisierat, vel non bene. Cum ergo hæc suspensio quoad hunc effectum in illa Extrav. reservata non sit, videtur inferioribus prælatis ejus facultas concessa. Nihil enim impedit, eandem censuram, vel pœnam esse reservatam quoad unum effectum, & non quoad alium, maxime quando illi effectus ordinatio jure inseparabiles sunt. Hoc dubium pendet ex quodam principio generali, an suspensio simpliciter lata pro delicto commissâ, eo ipso sit reservata auctori Canonis, etiam si specialiter non reservetur. In quo puncto probabilius censeo, si constet, suspensionem esse puram pœnam vindicativam (ut sic dicam) non posse tolli, nisi ab illo, qui eam posuit, ut dixi in n. 5. to. disp. 29. sect. 1. n. 18. & seq. In præsentem autem & ex verbis, & ex intentione prædictæ Extrav. videtur valde verisimile, illam suspensionem esse puram pœnam pro peccato commissâ, ideoque solum pontificem posse in illa dispensare. Hanc vero resolutionem certiore reddidit Sixtus V. in Constitut. sua contra male promotos, ubi vult, hanc suspensionem esse perpetuam, & sine spe ascendendi ad superiores ordines, & postea absolutionem sibi reservat etiam in foro cõscientie, & cum tanto rigore, ut facultas absolvendi in hoc casu non possit cõferri comprehensa sub quocumque generali indulto. Quæ reservatio hodie perseverat quoad simoniâ, quia Clemens VIII. non revocavit constitutionem illam quoad hanc partem, sed potius confirmavit. Aliqui addunt limitationem ad hanc regulam, ut procedat in eo, qui scienter sic ordinatur, nam cum eo, qui vitium simoniæ ignoravit, dicunt posse episcopum dispensare. Sed verius est, illum, qui bona fide ordinatur, non indigere dispensatione, ut dixi in 5. to. disp. 31. sect. 4. n. 40. & ita nulla limitatio, vel declaratio necessaria est, quia

Dubium

Resolutio

loquimur de suspensione, quando vere incurritur.

De suspē-
sione in-
cora ab
ordinan-
tibus si-
moniacis.

7 Atque hinc constat, quid dicendum sit de suspensione, quam incurrit ordinantes simoniace. Nam loquendo de jure communi in d. c. penult. de Sim. illa suspensio, ut ego opinor, erat præcise triennalis, ac subinde pura pœna propter delictum commissum, & consequenter ex vi ejusdem canonis auferri non poterat, nisi ab ejus auctore, juxta generalia principia de suspensione. Et idem cum proportionem dicendum de suspensione ibidem lata pro maiore, seu præsentatore ad talem ordinationem, circa quam nihil est innovatum. At vero circa ordinantem aucta est suspensio, ut supra dictum est, & cum eadem reservatione ad Summum pontificem, & ideo quoad hoc eadem est ratio de ordinante, & de ordinato. Tandem de suspensione imposita capitulo, vel Conventui regulari propter simoniacam receptionem, constat etiam esse reservatam, ita ut auferri nequeat absque Sedis apostolicæ licentia, ut dicitur Extrav. 1. de Sim. solus ergo papa potest in ea dispensare. De pœna autem, quæ religioso simoniace ingresso imponitur, expulsionis ab illo monasterio, cum dictum sit, non incurri ipso facto, non erit necessaria dispensatio ante condemnationem; post illam vero solus papa poterit dispensare, nisi in casu ignorantie, juxta formam præscriptam in c. De regularibus, de Simonia, vel in casu necessitatis juxta c. Quoniam, eodem.

De inter-
dicto.

8 Tertio de interdicto in duobus tantum casibus simoniæ invenitur positum ipso jure, & in utroque est tantum interdictum personale ab ingressu ecclesiæ, ut ex supra dictis constat. In primo fertur cum reservatione in constitutione Sixti V. sæpe citata, estque contra ordinatos simoniace, & reservatio fertur cum eodem tenore, quo de suspensione dictum est, & ita nihil de illa superest addendum. Alter casus interdicti est in simonia confidentiali, ferturque in bulla Pii IV. contra cardinales, & episcopos, ac similes prælatos recipientes beneficia quæcumque, vel pensiones, & similia in confidentiam, reservaturque Summo pontifici simpliciter, & sine ulla additione. Et ita licet jure ordinario non possit ab inferioribus relaxari, sequitur tamen, quoad jubileæ, & indulta, generalem regulam casuum reservatorum.

De penis
pro colla-
tione, vel
oblatione
beneficii.

9 Ultimo dicendum superest de dispensatione in aliis pœnis ipsos jure latis, quarum prima est irritatio collationis, seu obtentionis beneficii. Et in hanc proprie non cadit dispensatio, nisi fortasse cogitur antecedenter (ut sic dicam.) Nam stante lege, & efficacia ejus, necessarium est, ut collatio, vel electio sic facta sit invalida: si autem semel nulla est, per nullam dispensationem fieri potest, ut valida sit, aut fuerit; quia sicut habet regula juris: *Non firmatur tractu temporis, quod de jure ab initio non subsistit*: ita dicere possumus, non firmari dispensationem, quod a principio nullum fuit, licet possit iterum conferri, ut statim dicemus. Antecedenter autem posset dispensatione concedi, ut beneficia valide obineantur, etiam si interveniat simonia. Sed hoc magis potest cogitari, quam ferri: nam adeo est iniqua, & indecens talis dispensatio, ut timendum non sit, posse aliquando cum effectu concedi, quamvis potestas non desit.

De inhabi-
litate
ad benefi-
cium.

10 Secunda pœna numerari potest inhabilitas ad obtinendum idem beneficium, quod fuerat per simoniam obtentum. Et in hac pœna solus papa potest dispensare, si is, qui beneficium recipit, simoniam non ignoravit, & ad illam cooperatus est, vel expresse, aut tacite consensit. Hæc reservatio colligitur ex cap. penult. de Electione, ut statim declarabitur: sequitur etiam ex natura talis pœnæ, quæ ipso facto per legem pontificiam imponitur, & non est censura. Nam in his pœnis non possunt inferiores prælati dispensare, nisi in casibus sibi concessis: hic autem casus non legitur concessus episcopis; ergo est papalis. Dixi autem, si recipiens beneficium simoniace sit particeps criminis: nam si per ignorantiam bona fide illud recipiat, distinctione utendum est juxta d. c. penult. de Elect. Nā si beneficium sit simplex, post liberam ejus resignationem potest episcopus dispensare cum tali persona, & iterum illud beneficium eidem conferre. At vero si beneficium sit majus, non poterit episcopus pro illa vice

cum illo dispensare. Ita enim intelligo priorem partem illius capituli; nam licet de prælatione tantum loquatur, inter quam, & beneficium simplex sunt alia beneficia, quasi mediæ conditionis (ut sic dicam) nihilominus quia solum beneficium simplex excipit, quoad reliqua omnia regulam firmare videtur. Atque ita sentiunt Doctores ibi, & in c. De simoniace de Simon. Est autem ponderanda illa particula *illa vice*: nam ex illa colligitur, quod si beneficium illud semel alteri detur, & postea iterum vacet, tunc poterit episcopus dispensare cum priori, qui per ignorantiam simoniace illud receperat, ut ad illud eligatur, vel in illo provideatur: nam hoc sufficienter significatur per illam limitationem, ut omnes intelligunt. Atque ita etiam constat, extra casus ibi concessos episcopo, solum papam posse in hac inhabilitate dispensare vel per argumentum ab speciali, vel a contrario sensu, utrumque enim est efficax in tali materia, in qua lex ipsa veluti ex natura sua secum affert talem reservationem, ut dixi.

De inhabi-
litate
ad alia be-
neficia.

11 Tertia pœna est inhabilitas ad alia beneficia, de qua tractant Doctores in c. De simoniace de Sim. ubi Abb. Felin. & alii dicunt, quando simoniacus in beneficio voluntarie renunciat beneficio male acquisito ante condemnationem, episcopum posse dispensare cum illo ad alia beneficia obtinenda. Secus vero, si antequam renunciet, de simonia condemnatur, & ideo beneficio privetur: nam tunc, ajunt, non posse episcopum dispensare ad alia beneficia obtinenda, & hoc sequitur Ugol. Tab. 4. c. 6. §. 7. n. 2. Verumtamen hi auctores supponunt, hunc simoniacum ante condemnationem indigere dispensatione ad nova beneficia obtinenda, & consequenter supponunt esse inhabilem, ipso facto, ab obtinenda nova beneficia, quod non censo verum stando in jure communi, quia nullibi invenitur talis pœna lata ipso jure, ut supra visum est. Habere autem posset id locum juxta Const. 5. Pii V. quia per eam imposita est talis pœna, ut supra dixi. Et tunc illa supposita, non crederem, posse episcopum in illa dispensare, quia est pura pœna papalis, & præcise imposita propter delictum commissum, & cum illa adiectione: *Sit perpetuo inhabilis*: maxime, quia in jure communi episcopo non est concessa talis facultas. Quia vero supra cum Navar. diximus, hanc pœnam non esse usu receptam, ideo in vigore non credimus esse necessariam hanc dispensationem, ut receptio aliorum beneficiorum valida sit. Esse tamen poterit utilis, ut postea non possit quis per sententiam illis privari propter simoniam in alio commissam, & ad hoc merito exigitur, ut beneficium prius male acquisitum sponte reliquerit, arg. c. Quicumque 1. q. 1. ibi *Postquam eas omnino dimiserit*, & ibi, *Cum ea, quæ emerunt, dimiserint*. Quapropter si per sententiam prius deponantur, & inhabiles reddantur, merito dicitur, non posse episcopum cum eis dispensare arg. c. Nobis, de Sim. & aliorum, quæ dicti auctores allegant. Circa has vero pœnas, seu censuras, in quibus diximus, non posse episcopum dispensare, addenda est limitatio de casibus occultis, & ad forum contentiosum non deductis, juxta facultatem datam episcopis in Trid. sess. 24. c. 6. quæ extenditur ad excommunicationem, & ad quamcumque suspensionem occultam, quæ propter simoniam incurritur, quia eo ipso quod non excipitur, sub generali includitur, ut dictum est. Dubitari etiam potest an extendatur ad inhabilitatem ad beneficia, quæ ipso jure per simoniam incurritur: nam videtur esse irregularitas quædam, vel saltem partialis quidam effectus irregularitatis. Sed verius est, non extendi facultatem illam ad hanc inhabilitatem, quia illa non est irregularitas, sed particularis pœna: concilium autem non dat facultatem generalem dispensandi in omnib. pœnis occultis papæ reservatis, & ita de hac pœna in particulari declaratum est a cardinalibus in congregatione Romana. Duas autem declarationes in hoc iuncto: una sic habet: *Non potest episcopus habilitare ad beneficia in posterum obtinenda, quæ per simoniam occultam quis obtinuit*: alia sic: *Non tamen ad beneficia, quibus pro simonia privatus fuisset, nec ad obtinenda*. Quod ultimum verbum absolute probatum videtur extendi ad omnia beneficia, & non tantum ad acquisita simoniace. Quod verum

verum esse censeo, si supponatur, motum Pii V. inducentem hanc poenam observari: tum quia etiam illa inhabilitas non est vere irregularitas: tum quia etiam illa poena fuit introducta post Concilium, & illa facultas non extenditur ad casus nova lege pontificia reservatos post Concilium, juxta quamdam declarationem Gregorii XIII. audita prædicta congregatione, quæ inter responsa ejus refertur.

Tria dubia.

Primum.

12 Tria vero dubia supersunt explicanda. Primum est, an in restitutione pretii simoniace accepti possit papa dispensare? In quo distinguendum est, aut enim restitutio illa debita est ex naturali jure, ut in casibus supra tractatis: aut est tantum debita ex lege ecclesiastica. In priori casu dicendum est, per se loquendo non posse pontificem dispensare. Ratio est, quia tunc restitutio debetur certæ, & determinatæ personæ, non ratione pœnæ, sed ratione injuriæ; ergo non potest illa obligatio per dispensationem auferri: tum quia est de jure naturali: tum etiam quia non potest alter privari jure suo sine causa. Dixi autem per se, quia si is, qui pecuniam dedit, simoniam commisit, etiam si non fuerit ex illis, quæ habent illam poenam ipso jure annexam, posset per pontificem privari illa pecunia in poenam sui delicti, & mediante hac poena posset pontifex cum alio dispensare, ne illam solveret: oportet tamen, ut præcederet sufficiens probatio, & condemnatio delicti. At vero quando restitutio solum debetur ut ecclesiastica poena, tunc facile potest pontifex in illa dispensare, vel compositionem facere: tum quia potest dispensare in jure positivo: tum etiam quia illa pecunia jam pertinet ad ecclesiastica bona, nam ecclesiæ adjudicata est.

2. Dubiū

13 Secundum dubium pertinet ad modum, quo potest, aut solet hæc dispensatio conferri, an in ea præstanda debeat certa forma servari? In quo breviter distinguendum est inter pontificem, & inferiores prælatos. Et de inferioribus dicendum est, quamvis non habeant perscriptam formam verborum ad dispensationem concedendam, necessarium nihilominus esse, ut expressis verbis sufficienter declarent voluntatem dispensandi, & ut post causam cognitam id faciant, quia dispensant in lege superioris, & ideo si absque justa causa dispensent, non est valida dispensatio. Atque hinc referunt auctores statim referendi, episcopum conferendo beneficium simoniaco, etiam si sciens id faciat, non propterea dispensare, licet alias possit dispensare ordinato modo: sicut alibi diximus, episcopum communicando cum excommunicato non absolvere illum, etiam si velit in tom. 5. disp. 7. sect. 9. num. 13.

14 De summo vero pontifice dubitari solet, an conferendo beneficium ei, quem scit fuisse simoniacum in eodem beneficio, censeatur cum illo dispensare, etiam si id non declaret: nam si exprimat se velle dispensare, non est dubium, quin dispensatio teneat, quia si ve data sit sine causa, si ve cum illa, est valida, & pontifex non obligatur ad certam formam in ea servandam, quod a fortiori probari potest ex Clem. unic. de sentent. Excomm. Ex eodem vero textu oritur difficultas, quando pontifex talem voluntatem non exprimit: nam ibi dicitur, pontificem sciens communicando cum excommunicato non censi absolvere illum, nisi id exprimat: ergo similiter conferendo beneficium simoniaco, non censeatur dispensare. Eadem quaestio esse potest de quocumque inhabili. Sed nihilominus probabilius censeo, tunc eo ipso dispensare per tale factum, quantum necesse est ad validitatem ejus. Ita Pan. in c. Cum in cunctis, §. Inferiora, de Elect. n. 8. & Felin. in c. Præterea, de testibus cogendis n. 7. Ubi alios plures auctores refert, & in additione alii allegantur, & idem sentiunt auctores statim referendi. Ratio est, quia non censetur princeps supremus frustra beneficium conferre: frustra autem daret ei, quem novit inhabilem, nisi simul veller, illum habilem reddere, maxime quia decet, ut concessum a principe beneficium semper sit mansurum,

ut habet regula juris 16. n. 6. Ad dictam autem Clement. respondeo, quod licet pontifex non absolvat excommunicatum communicando cum illo, & nihil amplius exprimendo, nihilominus si sciens conferat illi beneficium, dispensare, quantum necesse est ad valorem illius effectus; idem ergo in præsentem dicimus, ex uno facto non inferri dispensationem simpliciter, & in omni poena, inferri tamen quoad habilitatem necessariam ad valorem illius concessionis.

15 Et juxta hæc expedienda est alia interrogatio, quæ hic fieri solet: an Romanus pontifex vendens alicui beneficium, & committens cum illo simoniam censeatur cum illo dispensare, saltem quoad pœnas juris? Nam quidam ita negant, ut dicant illum manere excommunicatum, & incurrere cæteras pœnas. Ita sensit Adrianus Quodlib. 9. art. 3. ad 4. Pano, non satis sibi constans in c. 1. de Sim. n. 8. Ubi refert Joannem And. & in additione citantur idem Abb. in c. Extirpanda, de Præbend. Felin. in c. Decetero, de re judicata, & alii. Tenuit etiam Major. in d. 25. q. 3. ad 4. Fundaturque in dicta Clement. & inclinatur Cajet. d. q. 100. art. 6. Contraria vero est communis sententia, quam tenet Palud. d. dist. 25. q. 4. & Sot. lib. 9. de Just. q. 5. art. 2. & q. 8. art. 2. Silvest. verb. Simonia, q. 4. & 19. Turrec. in c. Latorem 1. q. 1. n. 4. Covarr. in regula Peccatum, 2. p. §. 8. n. 9. ubi plures alios refert. Et videtur sententia magis rationi consentanea. Et in primis quoad pœnam nullitatis talis collationis, id est manifestum ex dictis in præcedenti puncto. Deinde quoad pœnam excommunicationis, certe non potest dici contumax contra legem papæ, qui cum ipso committit actum per legem prohibitum, & sine contumacia non incurritur excommunicatio. Præterea non est verisimile, principem velle punire opus, quod ipse simul efficit, vel fortasse ad illud invitari. Denique si simonia esset contra justantum positivum, etiam quoad culpam censeretur dispensare cum illo, & subditus ipse ita deberet existimare, quia non deberet præsumere, vel papam simoniam committere. Et ita sensit Felin. in d. c. Decetero, n. 18. Immo licet simonia alias videretur contra jus Divinum, si tamen excusari posset in papa per mutationem materiæ (juxta supra dicta,) ita etiam deberet subditus præsumere, & bona fide vitare culpam. Quando autem talis esset simonia, ut papa illam vitare non posset, involveretur quidem subditus cum ipso in crimine, cum eodem tamen a culpa excusaretur.

16 Ultimum dubium esse potest, an per consuetudinem possit induci dispensatio in simonia? Sed nulla fere indiget nova expositione: nam per consuetudinem proprie hic non introducitur dispensatio, sed interdum solet consuetudo abrogare legem humanam vel in totum, vel ex parte. Et interdum potest illam abrogare, etiam quoad vim directivam, & consequenter tollere rationem culpæ, quæ ex sola prohibitione nascebatur, aliquando vero potest abrogare legem solum quoad pœnam. Quod potest contingere, etiam si delictum, quod per eam punitur, contra jus Divinum sit, quia pœna solum nascitur ex lege humana, quam consuetudo abrogare potest. De consuetudine ergo, quæ in hac materia potest interdum excusare culpam, supra c. 48. sufficienter dictum est. De illa vero, quatenus in hac materia potest leges pœnales abrogare, vel mitigare, nihil peculiare adnotandum occurrit, sed consulendæ sunt generales regulæ de consuetudine & de conditionibus necessariis, ut contra legem præscribat: nam eadem ad hanc materiam applicandæ sunt. Et quoad usum observare oportet, ut de facto ipso sufficienter constet, talem pœnam non esse usum receptam, ut tuta conscientia possit quis ab illa hoc titulo excusari: constare autem poterit, vel communi sensu Doctorum, vel ex praxi prælatorum, & prudentum confessorum, maximeque ex usu Romanæ curiæ: & ideo tam de hoc dubio, quam de tota materia simoniæ hæcenus dixisse sufficiat.

An papa vendens beneficium censeatur dispensare cum emptore?

Ultimum dubium.

I N D E X

LOCORUM SACRÆ SCRIPTURÆ

QUÆ IN HOC VOLUME EXPLICANTUR.

Prior numerus paginam, secundus capita, tertius §. designat.

G E N E S I S.

- I***T sint in signa, & tempora, & dies, & annos.* Id est, ut sint in signa temporum, quæ tempora sunt dies, & anni: vel aliter, ut sint signa ætatis, & hyemis, ita ut alia tempus seminandi, alia metendi, alia navigandi indicent, p. 301. c. 11. n. 25
2. 3. *Benedixit die septimo, & sanctificavit illum.* Non posuit obligationem observandi illum ut festum, sed posuit fundamentum talis sanctificationis, p. 137. c. 1. n. 3
4. 4. *Abel quoque obtulit, &c.* Non constat hoc ex loco, utrum Abel fuerit sacerdos, p. 366. c. 6. n. 5
15. 8. *Unde scire possum.* Per hæc verba petit signum extraordinarium ad explorandam veritatem, p. 252. c. 2. n. 10
22. 12. *Nunc cognovi.* Id est, feci, ut omnibus notum sit, p. 250. c. 2. n. 1
24. 14. *Puella, cui ego dixero inclina hydriam tuam ut bibam, &c. Ipsa est, quam parasti servo tuo Isaac.* Nullam in hoc commisit Eliezer divinationis superstitutionem, late ostenditur, p. 294. 10. 9
24. 50. *Non possumus extra placitum ejus quidquam loqui.* Extra placitum, id est, extra objectum ab ejus voluntate approbatum, 205. 1. 8
28. 16. *Vere Deus est in loco isto, & ego nesciebam.* Non in somno judicium tulit de somnio præterito, sed postquam evigilavit, 314. 13. 23
31. 10. *Vidi in somnis ascendentes mares super fœminas, varios, maculosos, atque resperfos.* Rei futuræ formalis imago fuit hoc somnium, & significabat, fore ut oves parerent varios, & maculosos fœtus, 312. 13. 16
44. 15. *An ignoratis quod non sit similis mei in augurandi scientia?* Augurandi verbum late sumitur hic, prout est indifferens ad honestam, & pravam cognitionem. Explicatur late, 294. 10. 12. & 13

E X O D U S.

12. 26. *Quæ est ista Religio Victimæ.* Id est, quæ est ista cæremonia sacra, & actio Religiosa? 5. c. 2. n. 5
19. 22. *Sacerdotes, qui accedunt ad Dominum.* Hinc non probatur, Sacerdotes esse primogenitos, sed fuisse tantum in populo Dei ante institutum Leviticum Sacerdotium, 366. 6. 6
20. 3. *Non habebis Deos alienos coram me.* Id est, me solum habebis tanquam verum Deum, neque aliud consortium Deitatis tibi propones. 45. c. 1. n. 14
20. 8. *Memento ut diem Sabbathi sanctifices.* Sabbathi dies sanctificatur per opera Religionis, quæ in eo exercenda sunt, 46. c. 1. n. 16
20. 9. *Sex diebus operaberis, & facies omnia opera tua, septimo autem die Sabbathum Domini est, non facies omne opus in eo.* Ut extra Sabbathum æterna opera servilia permittuntur, sic in eo sola hæc prohibentur, & non alia, sive absque peccato fiant, sive cum illo, 186. c. 1. n. 11
31. 13. *Constituam tibi locum, in quem fugere debeas.* Locus iste ex multorum sententia templum erat. p. 260. c. 1. n. 10

Suarez. Tom. XII.

22. 18. *Maleficos non patieris vivere.* Per maleficos omnes intelliguntur, qui pactum habent cum dæmone, & aliquid ex illo operantur. 234. c. 19. n. 1
22. 29. *Decimas tuas, &c. Non tardabis reddere.* Ex verbo *tuas* probatur, decimas esse in dominio illorum, a quibus solvuntur, doneceas tradant, 128. c. 36. n. 5
9. 9. *Eruntque sacerdotes mihi Religione perpetua.* Id est, lege stabili ad Religionem pertinente, 5. c. 2. n. 5
34. 26. *Primitias frugum terre tue offeres.* Nominè frugum etiam fructus arborum comprehenduntur, 70. c. 8. n. 10

L E V I T I C U S.

2. 14. *Si obtuleris munus primitiarum frugum tuarum Domino de spiciis adhuc virentibus.* Sermo est de primitiis, quæ offerebantur ex fructibus ante generalem collectionem eorum, 62. c. 8. n. 11
7. 36. *Quæ præcepit, &c. Religione perpetua.* Id est, lege stabili ad Religionem pertinente, 5. c. 2. n. 5
16. 29. *Astigetis animas vestras.* Pœnitentiam interiorè de peccatis significat, 182. 1. 14
19. 31. *Non declinetis ad Magos, nec ab Ariolis aliquid sciscitemini.* Arioli divinatores proprie dicuntur: Magi ab illis videntur distinguì tanquam præstigiatores in operibus faciendis, vel tanquam malefici, 316. c. 14. n. 4

N U M E R I.

12. 6. *Si fuerit inter vos Propheta per somnium loquar ad eum.* Id est, per conceptus vocum in phantasia dormientis Prophetæ ita formatos, ac si eas voces per auditum corporis perciperet, 312. c. 13. n. 15
18. 12. *Omnem medullam olei, vini, ac frumenti quidquid offerunt primitiarum, tibi dedi.* Medulla vocantur primitiæ fructuum per metaphoram, vel quia multum solent æstimari, vel quia ordinariè solent esse præcipui hi fructus, 60. c. 8. n. 2
23. 23. *Non est augurium in Jacob, nec divinatio in Israel.* Divinatio sumitur hic pro prædictione rerum occultarum per media indebita. 282. c. 7. n. 2

D E U T E R O N O M.

12. 32. *Quod præcipio tibi, hoc tantum facite, neque addas quidquam, nec minuas.* Nihil addendum, vel minuendum præcipitur legi traditæ contrarium; non tamen prohibebantur omnia, quæ non erant præcepta, 266. 1. 9
14. 22. *Decimam partem separabis de cunctis fructibus tuis.* Ex verbo *tuis* indicatur, omnes fructus esse possidentis, quandiu sunt permixti, illumque tene-ri ex iis separare decimam, 128. c. 36. n. 5
13. 3. *Tentat vos Deus, ut palam fiat utrum diligatis eum.* *Tentat*, id est, tentatione examinis, ut palam fiat, non ipsi Deo, sed aliis, 250. c. 2. n. 1

R E G U M L I B R I.

1. Reg. c. 6. 9. *Si per viam finium suorum ascenderit contra Bethsames, ipse fecit nobis hoc malum.* Sacerdotes Philistinorum augurandi peccatum in hac signi observatione commiserunt, & Deum simul tentaverunt, 294. c. 10. n. 11

- 14.9. *Sitaliter loquuti fuerunt ad nos. Manete, &c. Stemus.* Jonathan in hoc nullum commisit peccatum divinationis, vel tentationis Dei, late ostenditur, 294.c.10.n.10
- 15.22. *Melior est obedientia, quam victima.* Licet obedientia praeferatur externo sacrificio, non ideo praeferitur toti Religioni, sed praeferitur sacrificium internum externo, 41.c.9.n.15
- 20.7. *Si dixerit, Bene, pax erit servo tuo, si autem fuerit iratus, &c.* Hoc non fuit nomen, sed humana conjectura prudens, quia ex vultu, & verbis cognoscitur affectus, 294.10.n.11
- 28.15. *Dixit autem Samuel ad Saul, quare inquietasti me, ut suscitarer?* Late disputatur, an vera Samuelis anima ad corpus redierat, nec ne, 327.16.15
- 2.Reg.20.5. *Moratus est extraplacitum, quod ei constituerat Rex.* Id est, ultra terminum a Rege praefinitum, 206.c.2.n.8
- 3.Reg.13.13. *Fecit de novissimis populis, & quicumque volebat, implebat manum, &c.* Non de manu Jeroboam, sed de manu sacerdotis est sermo, 364.c.5.n.10
- 4.Reg.13. *Nunquid non est Deus in Israel, ut eatis ad consulendum Beelzebub?* Quasi consulendo Beelzebub, contemnerent Deum, ac si nullus esset, 288.c.8.n.17

PARALIPOMENON.

- 2.Paralip.6.30. *Redde unicuique secundum vias suas; quas nosticum habere in corde suo.* Cogitationes, & affectus vocantur viæ hominum, 285.c.2.n.8
- 32.17. *Epistolas quoque scripsit plenas blasphemiae.* Blasphemia non solum in verbis prolatis, sed etiam in scriptis datur, 257.4.4

ESDRAS.

- 2.Esd.18. *Feceruntque blasphemias magnas. Non in factis blasphemiae consistebant, sed in verbis adjunctis,* 256.4.3

J O B.

- 36.32. *In manibus abscondit lucem.* Id est, in sua libera potestate, 295.c.11.n.15.&16
- 37.7. *Qui in manu omnium hominum signat.* Id est, qui per temporum varietates saepe homines impedit, & quasi claudit manus eorum, ne laborare possint. *Ut noverint singuli opera sua.* Id est, ut curam habeant suorum operum, nec oportunitatem tempus laborandi amittant, &c. Explicatur late, 295.c.11.n.15

P S A L M I.

- 18.1. *Opera manuum ejus annuntiat firmamentum.* Id est, opera Divinae omnipotentiae, 295.c.11.n.15
- 83.2. *Semper laus ejus in ore meo.* Laudis Divinae nomen in ore reperitur, 256.4.n.4
- 43.21. *Non erubescamus manus nostras ad Deum alienum.* Significat hanc manuum elevationem esse propriam legem adorationis veri Dei, 47.c.2.n.8
- 77.19. *Et male loquuti sunt de Deo, dixerunt. Nunquid poterit Deus parare mensam in deserto?* Blasphemia est in dubium revocare, quæ pertinet ad aliquam perfectionem Dei, ut ad potentiam, &c. 257.4.n.8
- 77.41. *Et tentaverunt Deum.* Tentaverunt, id est, ad iracundiam provocaverunt, 250.2.n.2
- 13.3. *Cor meum, & caro mea exultaverunt in Deum unum.* Nomine cordis spiritualis appetitus, nomine carnis sensitivus appetitus intelligitur, 17.c.2.n.8
- 94.4. *In manu ejus fines terræ.* In manu, id est, in Divina potentia, 295.c.2.n.15
- 95.5. *Omnes dii gentium demonia.* Appellat ita deos gentium, quia demones idolis se insinuant, ut ab hominibus deceptis colerentur, 274.4.c.1.n.9
- 117.14. *Hæc dies, quam fecit Dominus.* Diem Resurrectionis intelligit, quam per Antonomastiam Dominus fecisse dicitur, 142.c.4.n.1

P R O V E R B.

- 10.32. *Labia iusti considerant placita. Placita,* id est, quæ a Deo decreta, & statuta sunt, 205.c.1.n.8
- 14.22. *Errant, qui operantur malum.* Errant errore practico, 258.c.2.n.9
- 23.23. *Veritatem eme, & noli vendere sapientiam.*

Id est, acquire sapientiam, quantumvis magnis sumptibus, & postquam acquisiveris, eam noli perdere, 377.c.9.n.33

ECCLESIASTES.

- 5.6. *Ubi multa sunt somnia, plurime sunt vanitates.* De somniis, quæ demonum opere fiunt, hoc est intelligendum, 313.c.13.n.18

SAPIENTIA.

- 14.12. *Initium fornicationis est exquisitio idolorum.* Id est, ab idolis artefactis principium habuit idololatria, 277.c.5.n.13. *Et adinventio illorum corruptio vite est.* Corruptionem vitæ appellat idololatriam, quia illa est radix omnium vitiorum, vel per modum occasionis, 280.6.n.16

ECCLESIASTICUS.

- 18.23. *Ante orationem prepara animam tuam, & noli esse quasi homo, qui tentat Deum.* Id est, ne loco placandi Deum per orationem, illum ad iram provoces, p.250.c.2.n.2. Vel locus hic de tentatione Dei interpretativa intelligendus est, 255.c.3.n.7
- 34.7. *Multos errare fecerunt somnia.* De somniis demoniacis, & vanis intelligendum est, 313.c.13.n.18
21. *Immolantis ex iniquo, oblatio est maculata.* Immolari ex iniquo est idem, quod ex injuste acquisitis, p.57.c.6.n.6

I S A I A S.

- 6.2. *Duabus velabant faciem ejus, & duabus velabant pedes ejus.* Significabant Seraphin velantes capita, & pedes reverentialis timoris affectum erga Deum, cujus majestatem contemplari formidabant, p.44.c.1.n.7
- 34.4. *Complicabuntur, sicut liber, cæli.* Id est, jam tunc post diem judicii non significabunt, quod naturaliter significare possunt, serenitatem scilicet, & pluviam, ver, & hyemem, &c. Vel aliter: *Complicabuntur, sicut liber, cæli,* quia usus eorum, & ministeria cessabunt sicut liber, qui tunc complicatur, quando jam usui non est. Explicatur late, 301.c.11.n.25
- 41.23. *Annuntiate quæ ventura sunt in futurum, ut sciamus, quia Dii estis vos.* Ostenditur, infallibilem cognitionem futurorum contingentium propriam esse Dei, 283.7.9
- 46.10. *Ego Deus, &c. Nec similis mei annuntians ab exordio novissimum, & ab initio, quæ necdum facta sunt.* Ex certa cognitione, & prædictione futurorum probat suam Divinitatem, 286.8.n.10
- 47.13. *Sient, & salvent te angues cæli.* Angues cæli Mathematicos appellat, qui ex astrorum cursus res humanas regi arbitrantur, & ex astris eas prædicunt, 298.c.11.n.13
- 55.1. *Emite absque argento.* Non est hæc vera emptio humana, sed aliud genus acquisitionis: in qua licet aliquid ab homine petatur, res tamen datur gratis, 455.30.n.5

HIEREMIAS.

- 10.2. *Juxta vias gentium nolite discere, & a signis cæli nolite metuer.* Idololatrias vias gentium appellat, & divinationem per astra signa cæli vocat, 298.11.13

EZECHIEL.

- 22.26. *Inter sanctum & prophanum non habuerunt distantiam.* Prophanum omne illud appellat, quod sanctum, & religiosum non est, 221.c.3.n.1

DANIEL.

- 3.17. *Ecce Deus noster, quem colimus, potest eripere nos de camino ignis, &c. Quod si noluit notum tibi sit o Rex, quia deos tuos non colimus.* Deum non tentabant, sed ita sperabant miraculum, ut parati essent ad credendum, etiamsi illud non acciperent, p.253.c.3.n.13

ZACHARIAS.

- 11.17. *O pastor & Idolum.* Quia cum pastoris officium non exerceat, nomine solum, non re pastor est, sicut idolum nomine Deus vocatur, cum talis non sit. Vel sceleratus pastor idolum dicitur, dum (teste Hieron.) se appellat Deum, & vult ab hominibus adorari, 272.c.3.n.4

MALACHIAS.

- 1.8. *Si offeratis cecum ad immolandum nonne malum est?* Est contra reverentiam Deo debitam offerre illic cecum, aut claudum, vel quia Deus contemptui habetur ita: vel quia per talem oblationem non significatur ejus perfectio in efficiendis operibus suis, 60.c.7.1.22
- 1.14. *Maledictus dolosus, qui habet in grege suo mascululum, & votum faciens immolat debile.* Per mascululum intelligendum est integrum, & sine vitio, 60.c.7. n. 21
- 3.10. *Inferte omnem decimam, &c. Et probate me super hoc.* Id est, solvite decimas & penuriam non sentietis, 83.c.16.n.15

Testamentum novum.

MATTHÆUS.

- 4.5. *Tunc assumpsit eum Diabolus in sanctā civitatē.* Hoc totum per motum localem factum est, 324.164
- 4.6. *Mitte te deorsum.* Hac tentatione Dei non petebat dæmon, ut Christus probaret potentiam Divinam, sed affectum Dei erga ipsum, 253.c.2.n.16
- 9.13. *Misericordiam volo, & non sacrificium.* Per misericordiam omnia charitatis opera intelliguntur. Et sensus est, quod Deus non velit sacrificium externum sine interno: vel quod internum præferat externo. Vide alias expositiones, 41.c.9. nu. 14. Vel etiam eleemosynam docet anteponendam sacrificio, quando necessitas proximorum urget, 57.c.6. n.7
- 10.8. *Gratis accipitis, &c.* late exponit. a 360.c.4 n.14
- 12.5. *Sacerdotes in templo Sabbathum violant, & sine crimine sunt.* Violant (inquit) non quoad præceptum (alioquin non essent sine crimine) sed quoad quietem, 193.21.9
- 22.35. *Interrogavit eum unus ex eis legis Doctor, tentans eum.* Hæc tentatio potuit non esse in malam partem, tanquam volentis decipere inimicum, sed cauta volentis expediri ignotum, 252.c.2.n.9
- 24.36. *De die illa nemo scit, neque Angeli in cælo, neque Filius, &c.* Christus diem judicii absolute non ignorabat, sed solum certa quadam ratione, quia non ex humanitate sciebat, loquitur tamen cum tanta exaggeratione ad retundendam curiosam interrogationem discipulorum, 283.7.6
- 27.39. *Blasphemabant eum moventes capita sua, & dicentes, vab.* Non ratione facti dicuntur blasphemix istæ injuriæ, sed ratione verborum, quæ proferebantur, 256.4.3

MARCUS.

- 13.32. *De die illa nemo scit, neque Angeli in cælis, neque Filius, sed solus Pater.* Christus diem judicii absolute non ignorabat, sed solum certa quadam ratione, quia non ex humanitate sciebat: loquitur tamen cum hac exaggeratione ad retundendam curiosam interrogationem discipulorum, 283.7.6

LUCAS.

- 10.7. *Edentes & bibentes, &c. Dignus est enim operarius mercede sua.* Stipendium vocatur hic cibus, quia datur in sustentationem, appellatur etiam merces, quia debetur ex justitia, 419.21.3
- 14.26. *Si quis venit ad me, & non odit patrem & matrem suam, &c. propter me, non est me dignus.* Significatur, majus esse debitum honorandi Deum, quam parentes, 29.c.4. n.17
- Ult. 47. *Oportebat in nomine ejus predicari penitentiam in remissionem peccatorum.* His verbis Sacramentum regenerationis significatur, 141.4.14

JOANNES.

- 2.16. *Nolite facere domum Patris mei, domum negotiationis.* Reprehendit ad litteram irreverentiam, quæ per illas negotiationes templo fiebat, 226.4.19
- 4.24. *In spiritu & veritate.* Id est, sine ulla superfluitate, vel falsitate: falsitas enim veritati opponitur superfluitas spiritui, 267.2.2
- 15.12. *Hoc est preceptum meum, ut diligatis invicem, sicut dilexi vos.* De amore amicitix sermo est, quo ille nos etiam diligit ut amicos, 33.5.13
- 20.21. *Sicut misit me vivens Pater, & ego mitto vos.* Per hæc verba evangelii tubam, & prædicandi officium acceperunt apostoli, 144.4.14

Suarez, Tom. XII.

ACTA APOST.

- 1.17. *Possedit agrum de mercede de iniquitatis.* Judas simoniacus fuit, 364.5.9
- 1.26. *Et dederunt sortes eis, & cecidit fors super Matthiam.* Late explicatur, quæ fuerit hæc fors, 308. 12. a n. 21
- 4.32. *Multitudinis autem credentium erat cor unum, & anima una.* Hic amor ex charitate fuit, veraque, & propria amicitia, 33.5.13
- 7.7. *Non est vestrum nosse tempora, vel momenta.* Rejicit Christus interrogationem de re futura tanquam ineptam, & appetitum sciendi, ut curiosum, 282.7.5
8. *Date mihi hanc potestatem.* Spiritum sanctum emere tentasse ostenditur, 356.2.10
- 12.11. *Ad se reversus dixit: Nunc scio vere, quia misit Dominus Angelum suum, &c.* Videtur prius non perfecte vigilasse, ac proinde non tulisse judicium de somnio, nisi in perfecta vigilia, 314.13.23
- 19.19. *Qui fuerant curiose sectati contulerunt libros, & combusserunt eos coram omnibus.* De libris superstitionis divinationis per astra hoc est maxime intelligendum, 298.11.13
- 20.7. *Una autem Sabbathi, Una, id est, prima, Sabbathi, id est, post Sabbathum, quo dies Dominica significatur, 140.2.16. Cum venissemus ad frangendum panem, id est, ad missæ sacrificium & communionem, 141.2.2*
- 20.16. *Festinabat, &c. ut diem Pentecostes faceret Jerusalem.* id est, festum Pentecostes, & adventum Spiritus sancti a christianis celebratum, 157.7.2

AD ROMANOS.

- 1.21. *Qui cum cognovissent Deum, non sicut Deum glorificaverunt.* Significat inexcusabiles eos esse, qui cognoscentes verum Deum alios Deos cum illo coluerunt, 276.6.2
- 2.4. *Gentes, quæ legem non habent, naturaliter ea quæ legis sunt, faciunt, id est, ad ea obligantur naturali lege, quæ in lege sunt præcepta, 137.1.3*
- 10.10. *Corde creditur ad justitiam, ore autem confessio fit ad salutem.* De cultu religioso potest explicari, per quem exterius homo se præbet veri Dei servum, & cultorem. 45.1.13. Vel etiam ostenditur, non solum internam fidem, sed etiam externam illius confessionem esse de necessitate salutis, 278.6.5

AD CORINTHIOS.

1. ep. 5.12. *Quid enim mihi de his, qui foris sunt, judicare.* Infideles foris esse dicuntur, 81.16.2
- 8.4. *Scimus quia nihil est idolum in mundo: Nihil est, scilicet in ratione, qua Deum, vel personam summo honore dignam repræsentat, 272.3*
- 9.11. *Si vos vobis spiritualia seminamus, magnum est, si carnalia vestra metamus?* Id est, æquum est, ut qui laboramus vobis spiritualia ministrando, a vobis etiam corporaliter alimur, 63.9.2
- 10.20. *Quæ immolant gentes, demoniis immolant: demoniis, quia idola se insinuabant, ut ab hominibus deceptis colerentur, 274.1.9*
12. *Pastores, & Doctores, &c.* Pastores iidem sunt, qui Doctores, ut ostendatur, populum Dei docere ad pastores ecclesiæ pertinere, 410.18
- 13.13. *Nunc autem manent fides, spes, charitas, hæc tria: His tribus virtutibus quasi per antonomasiam tribuit excellentiam virtutis, 39.9.1*
- 16.1. *De collectis autem, quæ sunt in Sanctos: Eleemosynas intelligit, quæ in cleri, & pauperum sustentationem colligebantur, 111.28.5*
- 16.8. *Permanebo autem Ephesi usque ad Pentecosten.* Per Pentecosten festivitatem celebrem apud Christianos intelligit, 156.2

AD GALATAS.

- 4.10. *Dies observatis, & menses, & tempora. Timeo vos.* De observationib. Judaicarum festivitatum sermo est, 141.2. a n. 4. Vel etiā loquitur, (ut multi dicunt) de observatione harum rerum, ut sunt signa futurorum, 290.9

AD EPHESIOS.

- 5.5. *Avarus (quod est idolorum servitus.)* Per similitudinem hoc dicitur, quia ut idolatra subicitur idolo ad cultum, ita avarus subicitur pecuniæ ad usum, 44.1.4. Aliter exponitur, 271.3.2

AD PHILIPPENSES.

- 2.10. *In nomine Jesu omne genu flectatur, caelestium, &c.* Hanc adorationem exhibuerunt Angeli ad praesepe descendentes Christo nato, atque illum in caelum tendentem comitantes, 45.1.10
 3.19. *Quorum Deus venter est.* Quia totum affectum in esca habent, ideo ventrem tanquam Deum colere videntur, 271.3.1

AD COLOSSENSES.

- 2.16. *Nemo vos judicet in cibo, aut potu, aut in parte diei festi.* Id est, nemo vos reprehendat, quod non discernatis inter cibos mundos, & immundos, nec in ea parte temporis, quae ad festa Judaica deputata erat, 140.2.1
 2.18. *Nemo vos seducat volens in humilitate, & religione Angelorum, quam non vidit ambulans, &c.* Docet Apostolus cavendam superstitionem legalium caeremoniarum, & deceptores, qui illam sub specie humilitatis, & religionis per Angelos traditae introducere volebant, 266.1.9

AD TIMOTH. I. Epist.

- 5.12. *Habentes damnationem, qui primam fidem irritam fecerunt.* Primam fidem a viduis irritam fuisse factam asserit per violationem voti castitatis, 343.3.4
 5.17. *Qui bene praesunt presbyteri duplici honore digni habeantur.* Tripliciter explicatur ex patribus, quid per duplicem honorem sit intelligendum, 65.9.10

AD HEBRÆOS.

- 1.6. *Adorent cum omnes Angeli Dei.* Hanc adorationem exhibuerunt Angeli, vel quando nato Chri-

sto ad praesepe descenderunt, vel quando ascendentem in caelum comitati sunt, 45.1.10

- 5.1. *Omnis namque pontifex ex hominibus assumptus pro hominibus constituitur in his, quae sunt ad Deum, ut offerat.* Significat praecipuum munus pontificis esse sacrificium offerre, 48.2.14

- 12.14. *Pacem sequimini cum omnibus, & sanctimoniam.* Per sanctimoniam gratia significatur, quae proprie sancti efficitur, 25.2.14

- 12.16. *Prophanus ut Esau.* Cur prophanus appelletur, exponitur, 367.6.14

EPIST. JACOBI.

- 1.12. *Deus neminem tentat.* Id est, tentatione inductionis, quia neminem ad malum inducit, 250.2.1


- 1.27. *Religio munda, & immaculata haec est, visitare pupillos, & viduas, &c.* Non quod ii actus religionis sint, sed quia religio illos impetrat, 3.1.1. Vel religio hic non virtutem religionis, sed dotatum religiosum significat, cujus proprii sunt actus in hoc loco numerati: vel etiam magis ad mentem Jacobi intelligi potest religio christiana, 18.3.10

EPIST. PETRI.

- 2.ep. 2.v.15. *Sequuti viam Balaam, qui mercedem iniquitatis amavit.* Simoniacus amare mercedem iniquitatis ideo dicitur sicut Balaam, quia tanquam Ariolus mercede ad iniqua perpetranda conducitur, 363.5.9

APOCALYP.

- 6.14. *Et caelum recessit sicut liber involutus.* Recessit non motu locali, sed ab oculis hominum, ut recedere solet liber involutus, quia litterae ejus videri non possunt, 301.11.25



I N D E X

CAPITULORUM JURIS CANONICI,

QUAE IN HOC VOLUME PRÆCIPUE EXPLICANTUR.

Ex Decreto.

- Cap. *Non oportet* 2.d.42.229.c.6.n.7
 Cap. *Oblationes* d.90.p.58.c.6.n.10
 Cap. *Tua nos* 1.q.2. late 475.c.36.n.7
 Cap. *Eos* qu. 1. 362.5.5. 352.5.5. 364.5.10. 378.9.2. ibid.5. 386.12.8
 Cap. *Cito* 1.q.1. 358.3.3. 362.5.5
 Cap. *Dictum est* 1.q.1. 392.14.4. 397.4.23
 Cap. *Si quis neque* 1.q.1. 478.37.7
 Cap. *Gratiam*, cum aliis eadem 553.57.23
 Cap. *Quisquis* 1.q.1. 352.1.5. 357.3.2
 Cap. *Pueri* 1.q.1. 489.40.3
 Cap. *Quidquid* 1.q.1. 382.10.9
 Cap. *Latozem*, cap. *Filium* eadem q. ibid. n. 4
 Cap. *Qui studet* 1.q.1. 366.6.10. 378.9.2
 Cap. *Ordinationes* 1.q.1. 490.40.10 & 11
 Cap. *Reperiuntur* 1.q.1. 357.3.2
 Cap. *Sunt nonnulli* eadem 491.40.12
 Cap. *Placuit & seq.* 1.q.1. 393.14.4. 397.23
 Cap. *Judices* 1.q.1. 364.5.12
 Cap. *Quampio* 1.q.2. 459.31.20
 Cap. *Sicut Episcopum* eadem 517.50.7
 Cap. *Salvator* 1.q.3. 445.27.13. & 15. & 453.29.14
 Cap. *Si quis dator*, eadem 553.23
 Cap. ult. 1.q.7. 357.3.2
 Cap. *Euphemium* 2.q.3. 518.50.14
 Cap. *Quisquis* 2.q.8. 339.19.13
 Cap. *Quam periculosum* 7.q.1. 366.6.8. & 11
 Cap. 1.8. q.2. 489.40.3
 Cap. *Ea enim* §. *Hoc jus* 10.q.2. 395.14.15
 Cap. *De viro* 12.q.2. 59.c.6.n.10
 Cap. 1. 13.q.1. 97.21.4
 Cap. *In ecclesiastico* 13.q.2. 396.4.20. & 21
 Cap. *Clerici* 13.q.2. 56.n.25.c.5
 Cap. *Qui oblationes* 1. & 2. eadem ibid.
 Cap. *Nullus* 13.q.2. 233.c.1.n.7

- Cap. *Sane* 15.q.3. 358.3.2
 Cap. *Noverint* 16.q.1. 445.28.2
 Cap. *Quaest.* 16.q.1. 87.c.17.n.13. 90.c.17.n.30
 Cap. *Si quis laicus* 16.q.1. 88.c.17.n.22
 Cap. *Decimas* 16.q.1. 91.c.17.n.3. & 93.c.19.a.n.9
 Cap. *Ecclesie* 16.q.1. & cap. *Quicumque* eadem p.103 c.24.n.6
 Cap. *Moderamine* 16.q.1. late 129.c.36.n.9
 Cap. *Si quis laicus* 16.q.1. 135.c.38.n.9
 Cap. *Primo* 16.q.7. 111.c.28.n.6
 Cap. *Decimas* 16.q.63.c.8.n.14
 Cap. *Nemini* 16.q.7. 445.28.16
 Cap. *Miror* 17.q.4. 58.c.6.n.10
 Cap. *Id constituimus* 17.q.4. 239.11.3
 Cap. *Definivit* 17.q.4. 267.2.n.3
 Cap. *Quisquis* 17.q.4. late 245.13.7
 Cap. *Constituit* 17.q.4. 342.c.2.n.3
 Cap. *Si quis suadente* 17.q.4. ibid. n.6. 348.6.n.2
 Cap. *Luminoso* 18.q.2. 245.13.10
 Cap. *Movet* 22.q.1. 262.c.6.a.n.13
 Cap. *Si quis* 22.q.1. 263.7.2
 Cap. *Episcopus* 26.q.5. 329.c.16.n.26
 Cap. *Sortes* & cap. *Si quis Ariolos* ead. 337.c.19.a.n.2
 Cap. *Admonet* 26.q.7. 338.c.18.n.2
 Cap. *Nuptiarum* 27.q.1. 382.10.9
 Cap. *Honorantur* 32.q.2. 382.10.9
 Cap. *Connubia* 32.q.2. 382.10.9
 Cap. *Latozem* 33.q.2. 58.c.6.n.10
 Cap. *Consideret de poenitentia* d.5. 187.18.17
 Cap. *Raptoribus* 36.q.1. 242.c.2.n.17
 Cap. *Sacerdote*, de consecratione dist. 1. 180.c.2.n.8
 Cap. *Omnis Christianus* de consecratione d.1. 181.c.2.n.11
 Cap. *Didicimus* de consecratione d.2. 51.c.4.n.6
 Cap. 1. de consecratione d.3. 143.4.n.8. 139.1.n.11. 164.2.n.20. 166.2.n.3. 168.2.n.8. 156.7.n.1
 Cap.

Cap. *Crucis* de consecratione d. 3. 158. 7. a n. 10

Decretales.

Cap. *Statutum* de rescriptis 516. 49. 8

Cap. *Quia* propter de electione 304. c. 12. n. 9. & 10

Cap. *Penultimo* eod. 555. 34. & 575. 10 per totum.

Cap. *Ad audientiam* de his quæ vi, 479. 37. 13

Cap. 1. *De feriis* 187. c. 18. n. 17. 205. 29. 8

Cap. 2. *De feriis* 166. 10. 4

Cap. *Licet* eod. 140. c. 1. n. 15. 165. 10. 4

Cap. ult. *De feriis* late exponitur 148. 5. 15. 156. 7. 1. 164. 9.

20. & 21. 205. 29. 8. 213. 32. 7

Cap. *Causam*, quæ de præscriptionibus 74. 12. n. 17

Cap. *De quarta* eodem 112. c. 28. a n. 9

Cap. *Cum Apostolica* de his quæ fiunt a prælatis, &c. 109. c. 26. a n. 11

Cap. *Majores* de præbendis, 457. 31. 8

Cap. *Nisi* eodem 528. 51. 17. & 18

Cap. *Dilecto* eodem 470. 35. 3

Cap. *Quasitum* de rerum permutatione, 467. 34. 10

Cap. *Ad quaestiones*, eod. 469. 34. 16

Cap. *Cum olim*, eod. 61. 557. 42

Cap. 2. cap. *Super eo*, cap. *constitutus* de transact. 527. 51. 12

Cap. *Veniens* eod. 528. 51. 18

Cap. *Unico*, ut ecclesiastica beneficia, &c. late 483. 38. 10

Cap. ult. de pactis 571. 4

Cap. 2. *De decimis* 87. 14. 88. 17. 19

Cap. *Pervenit* de decimis 134. 38. 4

Cap. *Nuncios* eodem 123. 34. 4

Cap. *Cum homines*, eodem 112. 28. 11

Cap. *Dilecti*, eodem 93. 19. a n. 8

Cap. *Ex parte* 3. eodem late exponitur 102. 23. a n. 5

Cap. *Quoniam* de decimis late 104. c. 24. n. 9. & 112. c. 28. n. 9

Cap. *De terris* eodem 81. 15. 6

Cap. *Quamvis* eodem 115. 29. 10

Cap. *Cum sint homines* eodem 98. 21. 6

Cap. *Prohibemus*, eodem 107. c. 26. a n. 3. 108. c. 26. n. 7

Cap. *Ad Apostolicæ* eodem 100. c. 22. n. 8

Cap. *Non est* eodem 118. c. 31. n. 7. & 121. c. 33. n. 4

Cap. *Ex transmissa* eodem 81. c. 16. n. 2. 118. c. 31. n. 7. 120. c. 32. n. 7

Cap. *Tua* 1. §. ult. eodem late exponitur 102. c. 23. n. 5

Cap. *Tua* 2. eodem 85. c. 17. n. 8

Cap. *Pastoralis* eodem late exponitur 121. c. 33. nu. 2. 126. c. 35. n. 9. 130. c. 36. n. 15. 138. c. 38. n. 14

Cap. *Dudum* eodem 97. 21. n. 3

Cap. *In aliquibus* §. Ille eodem 72. c. 12. n. 10

Cap. *Cum non sit* eodem 129. c. 36. n. 10

Cap. *Nuper* eodem 92. c. 19. n. 2. 93. c. 19. n. 7

Cap. *Quoniam* de jure patronatus 445. 28. 2

Cap. *Quia clerici* eodem 446. 28. 5

Cap. *Præterea* 2. eodem ibidem,

Cap. *Quod autem*, cap. *Illud*, cap. *Nullus*, cap. *Laici*, eodem 445. 28. 16

Cap. *Ex literis* eodem ibidem 18

Cap. *Relinquit* de custodia Eucharistiæ, 228. 6. 1

Cap. 1. de immunitate ecclesiarum, 233. 8. 4

Cap. *Inter alia* eodem late 233. 8. 9

Cap. *Ultimo* de rebus ecclesiæ non alienandis 169. 12. 2

Cap. *Et si necesse* de donationibus inter virum, & uxorem 567. 59. 32

Cap. *Inquisitionis* de accusationibus, 560. 98. 4

Cap. *Quia in omnibus* de usuris, 57. 6. 6

Cap. *Consultuit*, eodem 570. 59. 50

Cap. *Quanto* eodem 81. 16

Cap. *Primo*, de homicidio 240. 11. 10

Cap. *Statuimus*, de maledictis 263. 7. 2

Cap. *Ecclesia*, de sortilegiis, 303. 12. 5. 304. 13. a n. 9

Cap. *Cum sit* de Judæis, 566. 59. 24

Cap. *Ad audientiam*, de simonia 54. 5. 12

Cap. *Mattheus* eodem 517. 50. 7

Cap. *Dilectus*, 1. & cap. *Quasitum*, eodem 516. 50. 2

Cap. *Sicut tuis*, & cap. *De hoc*, eodem 358. 3. 3. 362. 5. 5 ad 363. 5. 9

Cap. *Nemo*, eodem 427. 22. 20

Cap. *Cum in ecclesiæ*, eodem 381. 10. 5. 396. 4. 20

Cap. *Ad nostram* 398. 15. 3

Cap. *De regularibus*, eodem 406. 17. 13

Cap. *Tu nos*, 405. 17. 10

Cap. *Penult.* eodem 575. 61. 7

Cap. *In tantum*, eodem 493. 41. 10

Suarez Tom. XII.

Cap. *Consulere*, eodem 456. 29. 6

Cap. *Dilectus* eodem 389. 12. 22

Cap. *Et si quaestiones*, eodem 482. 38. 2

Cap. *Mattheus*, eodem 553. 57. 23

Cap. *Sicut tuis*, eodem 554. 57. 29

Cap. *Veniens*, eodem 571. 60. 2. & 572. 10

Cap. *De hoc*, eodem 571. 60. 3

Cap. *Audivimus*, eodem ibidem.

Cap. *De simoniace*, eodem.

Cap. *Ultimum*, eodem 571. 60. 2. latius 570. a n. 48

Cap. *Dudum*, de privilegiis, 92. 19. 3

Cap. *Si de terra*, & cap. *Accedentibus*, eodem 96. 20. 3

Cap. *Nuper*, de sententia excom. 574. 61. 5

Cap. *Nam & ego*, de verborum signific. 174. 14. 17

Cap. *Quod non licet*, de regulis juris, 204. 28. 10

Ex lib. 6.

Cap. *Cum Episcopus*, de officio ordinarii, 245. 13. 10

Cap. 1. de præscriptionibus, 74. 13. 1

Cap. 2. §. *Sane*, de decimis late 110. 28

Cap. *Unico*, de jure patronatus, 445. 28. 16

Cap. *Unico*, de rerum permutatione, 461. 32. 7. & 13

Cap. *Decet*, De immunitate ecclesiarum, 217. 1. 7. 224. 4. 8 246. 2. 13

Cap. *Causam*, §. *Sane*, de Hæreticis, 338. 19. 7

Cap. 1. de privilegiis, 245. 13. 10

Ex Clementinis.

Clementina unica, de rerum permutatione, 461. 32. 7

Clement. unica, de reliquiis, & veneratione Sanctorum, 157. 7. 3. 164. 9. 22

Extravagantes.

Extravagans 1. de simonia, 389. 13. 1

Extravagans 2. de simonia, 497. 43. 15. 537. 54. 9. 547. 56. 24. 555. 57. 24. 556. 57. 38. & late 537. 55. 4. & sequentibus,

Motus proprii.

3. Motus Sixti V. contra Astrologos exponitur, 298. 11. 12. & 13

Modus Pii V. Ex primo, qui est 138. Exponitur, 438. 26. 3

1. Motus ejusdem. Quanta ecclesia Dei, &c. 472. 35. a n. 17

Motus ejusdem, & Pii 4. de simonia confidentiali 496. 43. a num. 6

Gregor. 3. Omni certe studio, 394. 14. 10

Ex Concilio Tridentino.

Sessione 4. in fin. contra abutentes Scripturis in prophanis libellis, 263. 6. 17

Sessione 5. c. 2. de Ref. circa obligationem Pastorum ad concionandum, 180. 16. 7

Sessione 15. c. 3. de statu regulari, 407. 17. 17

Sess. 22. c. de observandis in missa, 181. 16. 10

Sess. 24. c. 4. ibid. & 180. 16. 7

Eadem Sess. c. 18. 368. 7. 4. 408. 18. 7

Sess. 25. c. 12. 134. 38. 3. c. 16. de regular. 450. 17. 19

Ex jure Civili.

§. Item pretium Inst. de empr. & vendit. 481. 38. 1

Auth. de Mandatis princip. §. Publicorum, 239. 11. 3

Leg. 1. C. de His, qui ad ecclesiam confugiunt, 238. 10. 10 239. 11. 2

L. Si servus, eodem 237. 10. 2

L. Præsentis, eodem & 2. 4. 243. 12. 2. 4

L. ult. eod. §. Cum autem, 239. 11. 3

L. Ut in die, C. de Feriis, 206. 30. 10. 207. 30. 17

L. ult. eod. 2. 7. 208. 30. 11

L. Quisquis, C. cert. per. 483. 38. 7

L. Pretii, C. de Rescind. vendit. 482. 38. 3

L. Ex placito, C. de rerum permut. 457. 31. 9

L. Si duobus, C. Communia, de leg. 303. 12. 4

Auth. Si quis ei, C. ad l. Jul. de adult. 244. 12. 1

L. Eorum, C. de maleficiis, & mathematicis. 339. 19. 14

L. Aut facta, ff. de Pœn. 226. 5. 2

L. Non possunt, ff. de jure fisci, 317. 14. 12

L. In summa, ibid.

L. Si quis, ff. de Pollicitationibus, 376. 8. 30. 31

L. In tantum, ff. de rerum divis. 215. 1. 1

L. 1. §. Sed excipiuntur, ff. de Feriis, 209. 30. 19

L. 2. & 3. eodem ibid.

L. Divus, eodem 203. 28. 7. 204. 28. 11

L. Sed et si, §. Consultit, ff. de Petit. hæred. 503. 45. 5

INDEX RERUM, QUÆ IN HOC VOLUMINE CONTINENTUR.

Prior numerus paginam, secundus §. indicat.

Abraham.

1. **A**braham quas ob causas decimas solverit Melchisedech, 64. n. 5
2. Non tentavit Deum dicendo (unde hoc sciam?) 252. 10
3. Utrum simoniacus fuerit cum Ephron, vide simoniam in lege naturæ.

Abel.

- Abel non constat, an Sacerdos fuerit, nec ne, 366. 5

Absolutio.

Vide simoniam in ejus materia.

Actio.

Vide simoniam ibidem.

Admiratio.

1. Potest esse & intellectus, & voluntatis actus, 43. 4
2. Genuflexio ex intentione habet, quod sit adoratio la-
trix, vel dulcis, 44. 5
3. Adoratio in intellectu, vel per modum cognitionis,
vel per modum locutionis datur, 43. 4
4. Qualis sit adoratio per modum locutionis, 44. 6
5. Qui actus voluntatis spectent ad adorationem, ibid. 7
6. Qualē adorationē Seraphim apud Isaiā exhibuerint, ib.
7. Quibus corporis actibus Deum adorare debemus, ib. 8
8. Naturæ spiritualis, & corporeæ actibus Deum adorare
debemus, ibid. 9
9. In lege naturæ, scripta, & in lege gratiæ hoc est usitatum, ib.
10. Spiritus separati per corpora sumpta possunt adoratio-
nem similem nostræ Deo exhibere, 45. 10
11. Hoc illis Deus potest præcipere, ibid.
12. Animæ purgatorii possunt Deum adorare, ibid. 11
13. Adoratio Dei tam spiritualis, quam corporalis est de
præcepto naturali, ibid. 12
14. Quotuplex sit, ibid.
15. Quare adoratio pure externa ficta sit, ibid.
16. Adoratio pure spiritualis non est in hac vita præcepta
hominibus, ibid.
17. Mixta est homini præcepta, etiam ex lege naturæ, ib. 13
18. Utile est exercere animum in adoratione pure spi-
rituali, ibid.
19. Præceptum adorandi Deum in primo præcepto deca-
logi indicatur, ibid. 14
20. Non fuit opus expressius tradi in Scriptura, 46. 17
21. Quo cultu interno teneatur homo Deum adorare ex vi
legis naturalis, 46. 2
22. Per adorationem mixtam potest homo satisfacere natu-
rali præcepto, 47. 4
23. In adoratione mentali nulla determinatio quoad exer-
cium præcepta est, ibid. 5
24. Ex lege naturali non est determinatus externus cultus
adorationis, ibid. 6
25. Datur tamen præceptum, & quale illud sit, ibid.
26. Externæ adorationes sunt indifferentes ad Deum, &
homines, ibid. 7. & seq.
27. Numerantur varia signa externæ adorationis, ib. 7. & 8
28. Adoratio externa privata per actum internum deter-
minanda est, 48. 10
29. Adoratio privata quæ, ibid.
30. Quid in eo observandum, quando sit occulte, ibid.
31. Quid observandum, quando sit publice, ibid. 11
32. Adoratio publica qualis sit, ibid. 13
33. Requirit externum signum, ibid.
34. Duo modi adorationis publicæ sunt in usu sacrificium,
& oratio publica, ibid. 14

Æquinoctium.

1. Duplex Æquinoctium aliud naturale aliud ecclesiasti-
cum, 155. 27
2. Greg. 13. Æquinoctii, & Calendarii errorem correxit, ibi.
3. Vel in Æquinoctio vernali, vel post illud mundus fuit
conditus, 153. 16

Affectio pia.

1. Habitus piæ affectionis manet in volūtate peccatoris, 8. 2
2. Quo pacto pia affectio tendat in Deum, ibid. 5
3. Habitus piæ affectionis est virtus moralis, 27. 7
4. Habitus fidei, & habitus piæ affectionis possunt dici
una virtus Theologica, ibid.
5. Pia affectio voluntatis est perfectior religione, 39. 2

Agnus Dei.

Vide simoniam in ejus materia.

Amicitia.

1. Probabile est non dari aliam amicitiam per se infusam
inter homines præter charitatem, 33. 15
2. Ex natura rei sunt homines capaces naturalis amicitiae
inter se, ibid.
3. Amici inæquales, quando se diligunt, obliviscuntur
quodammodo inæqualitatis, 34. 21
4. Amor amicitiae, vide verb. amor a n. 2

Amor.

1. Amore concupiscentiæ res irracionales possumus ama-
re, non vero amicitiae, 34. 22
2. Deus amat nos amore amicitiae, ibid.
3. Amor amicitiae, quid sit? 33. 14
4. Amor amicitiae fundatur in aliqua unitate, 34. 22

Angelus.

1. Neque iustitia, neq; religio ad Angelos ordinatur, 3. 3.
2. Vere Deum adorant, 43. 2
3. Qualem adorationem apud Isaiam Deo exhibuerint, 44. 7
4. Angeli in assumptis corporibus corpoream adoratio-
nem Deo possunt exhibere, 45. 10
5. Hanc illis Deus potest præcipere, ibid.
6. Ex duobus festis Angelorum incertum est, quod sit anti-
quius, 161. 6
7. Quod celebratur in mense Septembri, servatur sub præ-
cepto, non ita quod in Majo, ibid.
8. Multi philosophi credebant substantias separatas non
fuisse ab alio factas, 273. 7
9. Quas vires Angelus habeat naturales, vide verb. Dæmon,
a n. 1
10. Angeli ex solis astris non possunt cognoscere effectus
casuales, 301. 28
11. Angelus custos minimus, cur possit totius inferni po-
tentiae resistere, 324. 2
12. Quid Angeli possint circa corpora, vide verb. Dæmon,
a n. 16
13. Inferiores Angeli non sunt subordinati Dæmonibus
naturæ superioris, 324. 2

Anima.

1. Anima separata in corpore assumpto, potest Deum ado-
rare adoratione externa, 45. 10
2. Quomodo anima purgatorii potest Deū adorare, ib. 11
3. Effectus magiæ non possunt tribui animis mortuo-
rum, 318. 2
4. Non versantur inter nos, ibid.
5. Probabile est, animas separatas sua virtute nihil posse cir-
ca corpora, ibid.
6. Mortuorum animas non vere evocat Dæmon ad cor-
pora, 327. 14
7. An Samuelis anima vere apparuerit, ib. n. 15. & 328. 18

Annexio & annexum spiritualibus.

1. Annexio in spiritualibus consistit in aliquo vinculo
causalitatis, 428. 1
2. Annexorum tria genera, antecedenter scilicet, con-
sequenter, & concomitanter, ib. 2
3. Quæ sint annexa antecedenter, ib. 3
4. Functiones Sacerdotii non sunt annexa antecedenter, ib.
5. Non solum inter materiale, & spirituale, sed etiam
inter spiritualia datur connexio causalis, ib. 4
6. Materialia solum sunt proprie spiritualibus annexa, ib.
7. Ex

7. Ex his annexis non sunt spirituales functiones ecclesiæ.
ibid. 5
8. Vasa sacra sunt spiritualia, & annexa spirit. ibid.
9. Beneficium ratione præbendæ est annexum spirit.
ibid. 6
10. Annexa concomitanter vere dantur, & quæ sint,
429.7
11. Vendi non possunt ullo modo, ibid. 8
12. Annexum antecederet per se spectatum vendi po-
test, ibid.
13. Annexum consequenter vendi non potest, ibid.

Annus.

1. Annus lunaris observabatur a Judæis in Paschate,
153.15
1. Cur quarto quoque anno unus bisextilis sit, 155.27

Apostoli.

1. Festa observantur Apostoli, & aliqua instituerunt, 140.2
2. Apostolorum festa antiquissima, 162.9
3. Festa Apostolorum principalia sub præcepto celebran-
tur, non ita accessoria, ibid.
4. Festa singulorum Apostolorum, vide sub particulari-
bus nominibus.

Appetitus.

1. Quo pacto in appetitu consurgant motus propor-
tionati affectui voluntatis, 17.9
2. Aliquando applicatur appetitus ad res Divinas dire-
cte a voluntate, ibid.
3. Appetitus sensitivi motus qualiter ad cultum reli-
gionis spectent, ibid. 10
4. Qualis religionis habitus detur in appetitu, 22.12

Artefacta.

Vide verb. simonia in materia ejus.

Ascensionis festum.

1. Ascensionis Festum ab Apostolis manavit, 156.1
2. Generale est in tota ecclesia, ibid.

Astra, Astrologia.

1. Aliqua prædictio futurorum ex astris licita est, 295.1
2. Astrologiæ divisio in naturalem, & judiciariam, 296.2
3. Quod munus habeat, ibid.
4. In Astronomia facile datur error, ibid. 3
5. Non est malum conjectare ex astris effectus natu-
rales, ibid. 5
6. Quomodo peccat, qui pro certo effectus ex astris præ-
dicat, quod non est peccatum divinationis, 297.7
7. Non est malum conjectare ex astris nascentis pueri in-
clinationem, non tamen certo, ibid. 8
8. Divinatio ex astris quomodo sit illicita, vide verb. Di-
vinatio ex astris, a num. 1
9. Hæresis est dicere, astra esse causas futurorum contin-
gentium liberorum, 299.17
10. Si astra determinarent ad unum nostram volunta-
tem, eam necessitarent, ibid. 19
11. Imagines astronomicas defendit Cajet. impugnat
tamen, 321.18
12. D. Thom. eas damnat, 322.21

Attributa Dei.

1. Excellentia Divina, quatenus coalescit ex omnibus attri-
butis, est ratio, ob quam religio colit Deum, 9.4
2. Ratio primi principii non est distinctum attributum
ab aliis, ibid. 2

Auditoratus.

1. Auditoratus rotæ, vide simoniam.
2. Auditoratus, & clericatus Cameræ conveniunt cum
beneficiis in jure spirituali, & temporali, 434.28
3. Ex plurib. attributis coalescit ratio primi principii, ibid.

*B**Balaam.*

1. An Balaam vocatus fuit ut ariolus, non ut Pro-
pheta, 363.9
2. Balaam, vide simoniam.

S. Barnabas.

1. S. Barnabæ festum jure communi non observatur,
162.10

Beatus.

1. Religio in Beatorum voluntatibus reperitur, 21.7

Beatitudo.

1. Beatitudo, quando comparabilis pecunia, 378.3

Bellum.

1. Si segetes comburantur in bello iusto, anteneatur ad
solvendas decimas, qui combussit, 130.16
Suares. Tom. XII.

2. Bellandi actio an possit in festo fieri,

203. a n. 7

Beneficium.

1. Uniones perpetuæ beneficiorum difficiles, 101.3
2. Beneficium quid significet, 429.1
3. In eo datur jus ministrandi, & præbendæ,
ibid.
4. Descriptio illius, ibid. 2
5. Beneficia distinguuntur per titulos, ibid. 2
6. Titulus beneficii semper est spiritualis, ibid. 3
7. Benef. semper est annexum gradui clericali, ibid.
8. Est materia simoniæ contra jus Divinum, ibid. 4
9. Si dentur redditus ecclesiæ sine titulo hoc non erit
beneficium, ibid.
10. Quoad spirituale est in beneficio, est de jure Divi-
no quod substantiam, ibid. 5
11. Nec pontifici licet vendere beneficium secundum
jus spirituale, ibid.
12. Quod est temporale in beneficio non potest vendi
nunc sine simonia, ibid. 6
13. Sententia asserens, hanc simoniam esse contra jus
Divinum, ibid. 7
14. Opposita sententia proponitur, 431.12
15. An jus spirituale possit separari in venditione, &
non in traditione, 432.15
16. Tertia opinio distinguens inter beneficium simplex,
& curatum, 433.20
Impugnatur, ibid. 22
17. Quando præbenda est annexa officio mere tempo-
rali, potest dari laico, ibid. 21
18. In beneficio simplici, & curato datur jus spiritua-
le, ibid. 22
19. Papa potest separare præbendam ab officio, & sic
eam vendere, vel dare laico, ibid. 23
20. Potest vendere beneficium, quod hactenus fuit spiritua-
le officium, extinguendo spirituale officium, ibid.
21. Potest dare beneficium cum onere solvendi sibi,
vel aliis partem fructuum, 434.24
22. Hoc non est pretium accipere, ibid.
23. Probabile est, posse papam æstimare valorem pen-
sionis, & eum simul accipere, ibid. 25
24. Hoc non est vendere beneficium, ibid. 30
25. Nunquam hoc fecerunt pontif. 435.31
26. Quomodo pontifex media separatione possit exige-
re pecuniam dando beneficium, ibid. 32
27. Conciliantur opiniones de venditione beneficii, ibid.
28. Prælati inferiores non possunt sine simonia ven-
dere, aut ullo titulo pro beneficio pecuniam pete-
re, 436.35
29. Si non daretur jus positivum, possent pecuniam
petere, ibid.
30. Ex jure Divino prohibitum est privatis personis
vendere beneficium, ibid. 38
31. An beneficiatus stando in jure Divino possit locare
fructus separando illos a titulo benef. ibid. 39
32. Simonia est in privata persona petere quid ab eo,
cui benef. confert, 437.41
33. Probabile est, non esse hoc intrinsece malum: pro-
babilius tamen oppositum, ibid. 42
34. Præsimonia sunt beneficia ecclesiastica, materia
simoniæ, 438.4
35. Episcopus non potest facere divisionem in benef. 469.16
36. Indignus peccat sibi petendo beneficium, 489.6
37. Peccat etiam qui petit ad alterum indignum, ibid.
38. Non est necessaria paupertas, ut dignus possit pe-
tere benef. simplex, ibid.
39. Si quis moraliter se reputat dignum, non peccat
petendo benef. curatum, 490.7
40. Non est necesse, ut se præferat positive aliis, sed
satis est, quod non habeat principia, ut alium judicet
digniores, ibid.
41. Petere benef. pro indigno sacrilegium est, sed non
simoniacum, ibid. 8
42. Beneficii possessor redimere potest injustam expul-
sionem, 522.34
43. Quando liceat transactio in materia beneficiorum,
vide verb. transactio, a n. 9
44. Simoniacæ actio ordinata ad beneficium, quomo-
do irritetur, vide verb. simoniæ a actio quæ valida,
a num. 9. & seq.
An recipiens beneficium privetur benef. obtentis, vide
verb. pœna, a n. 46

Beneficiorum permutatio.

1. Ex sola conventionem partium facta, licet sit iniqua, non est simonia contra jus Divinum, 456.4
2. Est simonia contra jus ecclesiasticum, 457.6
3. Licet nulla pecunia interveniat. ibid. 8
4. In permutatione benef. auctoritate privata non distinguitur illicitum, quia prohibitum, & simoniacum, ibid. 11
5. Commutatio benef. privata auctoritate merito est prohibita, 458.12
6. Quando permutatio fit auctoritate episcopi, non dispensat in lege Pontif. ibid. 13
7. Permutatio cum pactione auctoritate privata occulte facta est simonia, ibid.
8. Commutationes facere in provisione beneficiorum est simonia, ibid. 14
9. Simonia est ita pacisci, tu elige hunc, & ego tibi eligam illum, ibid.
10. Simonia est permutare beneficium pro jure inchoato ad aliud.
11. Cedere praesentationi, ut alius sibi conferat expectationem, quam habet a Pontif. est simoniac. ibi. 17. & seq.
12. Potest fieri auctoritate praelati, 469.19
13. Permutatio beneficiorum, & eorum, quae illis sunt annexa, est prohibita, ibid.
14. Extra materiam beneficiorum non est in jure prohibitum commutare spiritualia, ibid. 20. & 21
15. Simonia est, si quis in permutatione solvat omnes sumptus bullarum: nisi id pontifici aperiatur, 469.19
16. Omnia beneficia proprie possunt inter se permutari, 465.1
17. Quid requiratur, ut, qui habet plura beneficia, ex dispensatione possit permutare cum habente unum, ibid.
18. Quando inaequalitas beneficii est in spirituali, non licet illam supplere per temporale, 466.3
19. Quot modis sint beneficia inaequalia, ibid. 2
20. Benefic. dignius & tenuius quomodo possit commutari propinquiori minus digno sine simonia, ibid. 3
21. Quando sunt inaequalia in fructibus, non licet compensatio per pecuniam, ibid. 4
22. Permutatio beneficiorum est materia odiosa, non favorabilis, 464.7

Beneficiorum permutatio cum pensione.

1. Permutatio cum pensione non potest fieri auctoritate privata, 463.1
2. Pensio in titulum beneficii erecta potest permutari cum beneficio in manibus episcopi, ibid. 2
3. Pro alia spirituali pensione solum papae auctoritate potest permutari beneficium, ibid. 3
4. Hoc etiam probabilius est, licet quis habeat licentiam pontif. ad transferendam pensionem, ibid.
5. Pensio non extinguitur, quando illi quis renuntiat sub conditione, ut in alium transferatur, 464.6
6. Pensio translata in alteram personam est eadem numero, ibid.
7. Cur non extendantur jura de permutatione beneficiorum ad eam, quae fit cum pensione, 464.7
8. Nec pensionum permutatio, nec collatio potest fieri ex auctoritate episc. ibid.
9. Pensio mere temporalis non potest mutari cum beneficio sine simonia contra jus Divinum, 465.9
10. Non potest fieri a pontifice per modum permutationis, quamvis ab eo possit idem effectus aliter, ibid.
11. Assignantur duo modi, quod idem effectus fiat, ibid. 10
12. Permutare beneficium ex praelati auctoritate, imposita pensione ex proprio arbitrio, est simonia, 469.15
13. Si pensio imponatur ex consensu praelati inferioris pontificis, similiter, ibid. 16
14. Permutatio beneficiorum cum pensione potest fieri auctoritate pontif. ibid. 17
15. Si beneficium unum sit dignius, videtur simonia, si in illo pensio ponatur a pontif. in commutatione, ibid. 18
16. Hoc non est intrinsece malum, nec per se damnandum, ibid.
17. An legatus papae possit imponere pensiones, 473.21

Beneficiis commutandis quae auctoritas praelati necessaria.

1. Auctoritas superioris requiritur, ut permutatio licite fiat, 460.2
2. Per eam non solum fit personarum translatio, sed etiam beneficiorum commutatio, ibid. 4
3. Licet patribus tractare permutationem inter se cum ordine ad consensum praelati, ibid. 5
4. Non solum tractare, sed etiam mutuo se obligare possunt, 461.7
5. Possunt se obligare ad perseverandum in conventionem, si praelatus consenserit, ibid.
6. Item ad non revocandam conventionem, donec praelatus consensum neget, ibid. 8
7. Episcopus potest dare hanc licentiam, si non adjungatur onus ex altera parte, ibid. 9
8. Qui praelati comprehendantur hic sub nomine episcopi, ibid. 10
9. Quando actus pertinet ad jurisdictionem, si nominetur episcopus, pertinet ad omnes habentes talem jurisd. ibid. 11
10. Non ita quando jurisdictio committitur episcopo ex delegatione pontif. ibid.
11. An ad permittenda benef. sufficiat auctoritas inferioris praelati, ad quem collatio beneficii spectat, 462.13.14
12. Permutatio beneficiorum licet differat a translatione personarum, ordinarie non fit sine illa, ibid. 14
13. Translatio personarum spectat ad episcopum, ibid.
14. Nulla potest fieri permutatio sine superioris auctoritate, ibid. 15
15. Nullus item potest se private titulo beneficii sui sine consensu praelati, ibid.
16. Quid dicendum de praebendae commutatione, & de fructibus, & de possessione annexa, 463.17
17. Non potest pontificis auctoritate permutari commendae, vel officium temporale cum beneficio, 465.11
18. Quomodo idem effectus praestari possit a pontif. ibid.
19. Permutare sine auctoritate beneficium pingue cum tenui data pecunia, quae simonia sit, 467.9
20. Factum hoc in manu praelati inferioris pontifice est simonia, 467.10. & 11.
21. Quomodo a pontifice hoc possit fieri mutando materiam, ibid. 12

Beneficiorum renunciatio.

1. Quid sit, 469.1
2. Ut sit valida, debet fieri in manibus praelati, ibid.
3. Quatuor modis potest fieri, ibid.
4. Si fiat sub conditione ut detur Petro benefic. non est simonia contra jus Divinum, ibid. 2
5. Communis opinio fert, esse simoniam contra jus positivum, ibid. 3
6. Sub conditione rigorosa, quae inducat obligationem praelato, non potest fieri nisi in manibus pontificis, 470.6
7. Si fiat in manu episcopi interveniente tali pacto, simoniaca est, ibid. 7
8. Probabile est non dato pacto dari simoniam, oppositum tamen probabilius, 471.8
9. Non erit simoniacus praelatus acceptans renuntiationem, & dans personae assignatae libera voluntate, ibi. 9
10. Non potest tamen id licite facere sine licentia pontificis, ibid. 11
11. Renuntiatio illa ex vi prohibitionis ecclesiae est nulla, ibid.
12. Non potest episcopus acceptare resignationem tanquam absolutam rejecta conditione, nec valide dare beneficium alteri, ibid. 12
13. Nec pontifex potest acceptare renuntiationem, quae fit in gratiam tertii, nisi donando ei beneficium, ibi. 13
14. Idem dicendum de Legato papae, ibid.
15. Quando possit renuntiatio sub conditione sacra ab episcopo valide acceptari, 472.15
16. Quomodo renunciens possit peccare in hoc casu, ibi.
17. Potest renunciens facta libera renuntiatione rogare praelatum, ut huic det beneficium, ibid. 16
18. Ex jure novo Pii 5. quae renuntiationes prohibeantur, ibidem 17
19. Prohibet dare beneficium consanguineis renuntiantium, ibid.

20. Intentio interior renuntiantis non prohibetur a pio V. *ibid.*

21. Renuntiationes reciproce non possunt fieri coram ordinariis titulo permutationis, *ibid.* 18

22. Cum fingitur permutatio, ut renuntiatio acceptetur ab episcopo, actio est nulla, 473.19

23. Renunciatio in favorem tertii, si addatur pensio, non potest fieri nisi in manibus pontif. *ibid.* 21

24. Simonia est contra jus Divinum renunciatio facta cum pensione in manibus episcopi, *ibid.* 22

25. Qui fecit expensas pro beneficio litigioso non potest renunciare in manibus episcopi sine simonia sub conditione, ut sibi solvantur expensæ, 474.24

26. Neque sub titulo solvendi expensas potest hoc fieri a pontifice, poterit tamen si ea occasione alius indigeret, *ibid.* 26

Blasphemia.

1. Ad irreligiositatem spectat, 249.8

2. Quid sit definitio ejus, 256.1

3. Dividitur in internam, & externam, *ibid.* 2

4. Affectus blasphemie distinguitur a blasphemia interna, *ibid.*

5. Blasphemia datur solum in verbis, non in aliis signis externis, *ibid.* 4

6. In scriptis etiam reperitur, *ibid.*

7. Signum blasphemum in facto non datur, si daretur, reduceretur ad blasphemiam. 257. 5

8. Uti Eucharistia ut pane communi non est blasphemia, sed sacrilegium, *ibid.*

9. Varii modi blasphemiarum, *ibid.* 8

10. Blasphemia est dubitare de aliquo, quod pertinet ad perfectionem Divinam, *ibid.*

11. Nominare ignominiose aliqua, quæ Deo conveniunt, secundum partes obsceniores humanitatis blasphemia est, *ibid.* 261.11

12. Falsitas non est de speciali ratione blasphemiarum, 257.9

13. Blasphemia, vel contra Deum, vel contra Sanctos, 258.1

14. An blasphemia in Sanctos sit distincta a blasphemia in Deum, *ibid.* 3. & seq.

15. Blasphemia dividitur in hæreticalem, & simplicem, 259.7

16. Vulgares blasphemie expenduntur, *ibid.* 8. & 261.11

17. Blasphemia mortale peccatum est, 259.1

18. Ad illam necesse est, quod verba serio proferantur, *ibi.*

19. Ex levitate materiæ nunquam est venialis, potest tamen esse ex indeliberatione, *ibid.* 2

20. Est maximum peccatum inter omnino religioni opposita, 260.3

21. Nec est infidelitas, nec illam supponit, *ibid.* a.n. 5

22. Distinguitur ab odio Dei, 261.9

23. Distinguitur a desperatione, *ibid.*

24. Ab irreligioso juramento distinguitur, sæpe tamen sunt conjuncta, *ibid.* a.n. 10

25. Ad eam non est necessaria formalis indignatio in Deum, *ibid.* 11

26. Nominare in juramento corpus & sanguinem Christi non est blasphemia, *ibid.*

27. Blasphemat, qui veritatem humanam Divinæ æquat. 262.12

28. Jurare per falsos deos est blasphemia, *ibid.* 3

29. Item per creaturam, ut creatura est, *ibid.*

30. An sit gravius peccatum jurare verum per falsos Deos, quam jurare falsum per verum Deum, *ibid.*

31. Quando in eodem actu datur perjurium, & blasphemia semper sunt malitiæ distinctæ, *ibid.* 16

32. Blasphemus est, qui promittit peccatum facere in Dei honorem, 263.17

33. Et qui ad laudandum Deum turpi utitur verbo, *ibid.*

34. Aliquando potest esse blasphemia abuti verbis Scripturæ, *ibid.*

35. An blasphemie omnes sint ejusdem speciei, *ibid.* 18

36. Blasphemia contra Sanctos alteram malitiam habet in Deum, alteram in Sanctos, *ibid.* 19

37. Malitia blasphemiarum quomodo explicanda in confessione, *ibid.*

38. Nulla est blasphemia irremissibilis, *ibid.* 1

39. Non incurritur censura ipso facto, propter blasphemiam, *ibid.* 2

40. Quæ poenæ in judicio humano pro blasphemia imponuntur, *ibid.* 3

Bonum.

1. Quæ bona extrinseca intellectuali personæ sint utilia, 10.4

2. Virtus principalis intendit bonum, licet versetur circa destructionem mali, 36.3

3. Bona fortunæ, & corporis, vide verb. simonia.

C.

Cain.

Quæ fuit ejus oblatio, quare Deo displicuit, 50.1

Capellanus, vide simoniam, *ibid.*

Castellanus.

Castellanus non potest vesci exitis animalium Sabbatho, dum per Lusitaniam transit, 177.29

Catechumenus.

Qui Catechumeni teneantur ad decimas, 81.3

Charitas.

1. Charitatis, & spei est Deus objectum, quod, 7.1

2. Eadem charitatis virtute Deum, & proximum diligimus, 32.11

3. Deum, & proximum diligit charitas amore amicitie, 33.12

4. Quomodo a religione distinguatur, 23.5

5. Inter homines non dari aliam amicitiam per se infusam præter charitatem, probabile est, 33.15

6. Amicitiam per se infusam non distingui a charitate, valde probabile est, *ibid.*

7. Discrimen inter charitatem, & religionem, prout circa Deum, & proximos versantur, 34.20

8. Detestatio peccati propter Deum potest esse actus charitatis, 44.5

9. Ad amandum Deum tenetur homo ex jure Divino, 46.2

10. Charitatis actus obedientiam necessariam ad salutem continet, *ibid.* 3

11. Dilectionis Dei actus non imperatur in festo, 181.12

Christus.

1. Religio in Christo locum habet, 21.7

2. An eadem virtute Christus, & ejus Vicarius colatur, 31.7

3. Christi festa, vide festivitates sub particularibus titulis, *ibid.*

Chrisma.

Vide verb. simonia.

Cisterciensis.

Cisterciensibus quæ privilegia concessa circa decimas, 91.5

Circumcisio.

1. Circumcisionis festum per antiquum, 147.8

2. Est Christo, & virgini dicatum, *ibid.*

3. In illo celebrabantur olim duæ Missæ, *ibid.*

Clericus.

1. Clerici per modum præscriptionis acquirunt jus oblationum, 55.20

2. Ille, cui oblationis donatio sit proxime, necesse est, ut sit clericus, vel persona cultui Divino dicata, 59.2

3. Consuetudine potest introduci, ut in aliquo festo clerici dent aliquid laicis, 60.20

4. An teneantur clerici ad decimas, vide verb. Decimas, *ibid.*

5. Clerici simplices non habent jus ad decimas, 115.6

6. Clericus obligatur ad officium divinum non debito justitiæ, sed religionis, *ibid.*

7. An peccata carnis in clericis sint sacrilegia, vide verb. sacrilegium contra personas, *ibid.*

8. Clerici quando simoniam committant, vide verb. simoniæ causa efficiens, *ibid.*

Clericatus.

Camere, vide simoniam.

Cœmeterium.

1. In cœmeterio placitum facere est sacrilegium, 224.5

2. An intra cœmeterium sit admittenda particularium suppellex, 281.1

Vide simoniam.

Commenda, & commendatarius.

1. Quid sit, 442.1
2. Commendæ aliæ perpetuæ, aliæ temporales, ibid. 2
3. Aliæ spirituales, aliæ militares, 443.2
4. Spirituales omnes sunt materia simoniæ contra jus divinum, ibid. 3
5. Simonia est vendere commendam datam, ut quis fruatur bonis serviendo per aliam, ibid. 4
6. Commendæ militares non sunt materiæ simoniæ, ibid. 6
7. Professio religionis non est titulus commendæ, sed conditio sine qua non, ibid. 7
8. Precum obligatio in commendatario ex professione oritur, ibid.
9. Non omnes commendæ habent jus præsentandi, 44.7
10. Licet illud habeant, non venditur vendita commenda, ibid.
11. Commenda in præmium laboris militiæ, ibid. 8
12. Non est simonia etiam contra jus humanum vendere commendam, est tamen injustum, ibid. 9
13. Vendere eam virtualiter, non est injustum, ibid. 10
14. Quomodo possit vendi ex licentia pontificis, ibid.
15. Non est simonia procurare commendæ obtentionem per pecuniam, ibid.

Compositio.

1. Compositionis, & transactionis discrimen, 525.1
2. Variis modis potest fieri compositio de spirituali, ibid. 3
3. In compositione super beneficia, in qua alter cedit juri suo, non committitur simonia, ibid.

Concilium.

1. Concilium generale potest decernere festa universalia, 142.3

Concio, Concionator.

1. An infideles teneantur ad decimas pro sustentatione suorum concionatorum, 83. 10. & seq.
2. Non obligantur fideles in festo ad concionem, 180.5
3. Pastores ecclesiæ tenentur ex officio ad prædicandum per se, vel per alios, ibid. 7
4. Non relinquenda est Missa propter concionem in festo, 181.10
5. Concionator non est superstitiosus utens falsis miraculis, & testimoniis ad fidem confirmandam, 269.12
6. Concio vide simoniam.

Confesser, & confessio.

1. Facultas eligendi confessorem consuetudine non comparatur, ex ea tamen legitima probatur, 110.5
2. Mendacium in confessione; si sit in materia partiali, & non necessaria, veniale est, secus si sit in materia necessaria vel totali, 268.10
3. Licentia a paroco per pecuniam subdita concessa ad eligendum confessorem, non est irrita. 558.57.50

Confraternitas.

Vide simoniam.

Consilium.

Vide simoniam.

Consanguineus.

Vide verb. simoniæ pretium, a n. 15

Consuetudo.

1. Quam obligationem inducat consuetudo oblationum, vide verb. oblatio, an. 25
2. Quid possit consuetudo circa decimas, vide verb. decimas, a n. 36
3. In quo differant consuetudo, & præscriptio, 74.3
4. In præscriptione requiritur bona fides, non ita in consuetudine, 75.8
5. Quando præsumatur bona fides in consuetudine, & quando mala, ibid. 8. & 9
6. Facultas eligendi confessorem consuetudine non comparatur, 110.5
7. Quo pacto consuetudo ecclesiæ possit inducere festa universalia, 142.3
8. Consuetudo laicorum, & clericorum non introducit diem festum, 169.5
9. An consuetudo queat honestare exactionem temporalium pro spiritualibus, 511.1
10. Laudabili consuetudine ministrantes spiritualia ex officio possunt jus acquirere ad oblationes extraordinarias, 512.2

11. Discrimen inter statutum & consuetudinem, ibid. 3
12. Quæ consuetudo honesta, & pia judicanda sit in exactione temporalis pro spirituali, 512.8
13. Si aliqua est juri contraria, non potest esse honesta, 513.8

Creatura.

1. Creatura, prout est in Deo, non tam dici potest Deo alligata, quam ipse Deus, 3.7
2. Creatura rationalis per naturale debitum ad colendum solum Deum ligata est, ibid. & 4.8

Crucis festum.

1. Festum inventionis sanctæ Crucis, 157.5
2. Crux quo pacto inventa, ibid.
3. Causæ celebrandi festum Crucis, 158.8
4. Ad decernendum festum Crucis satisfuit certitudo humana de ejus inventione, ibid. 9
5. Inventio Crucis non fuit a tempore Eusebii, ibid. 11
6. Hoc festum verisimile est incepisse a tempore Silvestri, 159.12
7. Festum exaltationis Crucis non præcipitur observari, ibid.

Cultus Dei.

1. Qui Deum colunt aliquo modo inter se ligantur, 3.6
2. Creatura rationalis per naturale debitum ad cultum Dei ligatur, 4.8
3. Cultus Dei esset exhibendus etiam sine præmio, 9.6
4. Ablata Dei providentia aufertur cultus Dei, ibid.
5. In cultu Dei non distinguuntur actus, quo significatur æstimatio Dei, & ipsa æstimatio, 10.7
6. Non solum cultus debitus Deo, sed etiam indebitus redditur per religionem, 12.1
7. Quales actus interni possint dici cultus, & quales non, 16.2
8. Existimatio Divinæ excellentiæ quomodo contineat cultum Dei, 14.3
9. Deum colimus, vel exhibendo illi aliquid, vel nobis assumendo aliquid Divinum, 16.6
10. Quotuplex cultus assignetur ad bona, 24.10
11. Cultum Dei, qui philosophi abjecerint, 43.1
12. Varii errores, circa cultum Deo debitum, ibid.
13. Cultus Dei per sacrificium est hominum naturæ conformis, 49.6

*D**Dæmon.*

1. Non potest sensibiles species per se efficere, 284.4
2. Quomodo illas sensibus objiciat, ibid.
3. Non cognoscit futura contingentia libera, nec cogitationes internas, nec mysteria supernaturalia, 285.6
4. Futura, quæ pendent a solis causis naturalibus, cognoscit, ibid.
5. Cognoscit suam voluntatem, & potest prædicere, ibid. 7
6. Ex indiciis cognoscit probabiliter cogitationes hominis, ibid.
7. Non omnes effectus præteritos cognoscit, ibid. 6
8. Dæmon semper intendit decipere, & nocere, 288.20
9. Qui credit responsum Dæmonis infallibile, implicitam idololatriam, & hæresim committit, ibid. 23
10. In consultatione Dæmonis quæ sint maliæ, ibid. col. 1. a num. 20
11. Qui petit a Dæmone cognitionem rerum per se occultarum, recognoscit in illo Divinam excellentiam, 286. a n. 10
12. Error negantium dari Dæmones, 316.5
13. Potest dari pactum inter Dæmones, & homines, ibid. 6
14. In Dæmone mansit post peccatum eadem virtus naturalis, quæ antea erat, 324.2
15. Dæmones naturæ superioris non habent subordinatos Angelos inferiores, ibid.
16. Dæmones possunt multa facere circa corpora, ibi. 3. & 4
17. Cur Dæmon non possit invertere ordinem universi, 16.4
18. Non potest movere corpus cujusvis magnitudinis, ibid.
19. Plures majus corpus movere posse, quam unum solum probabile est, ibid.
20. Applicando activa passivis inducunt formas, & qualitates in corpora, 325.5
21. Formationes rerum, quæ per agentia naturalia fieri non possunt apparenter tantum Dæmones faciunt, ibid.
22. Non potest hominem suscitare, nec generare, 326.13
23. Quo pacto generari possit homo ope Dæmo. ibid.
24. Non possunt generari a Dæmone animalia perfecta, 325.6

25. Transmutatio hominis in belluam apparenter solum
fit a Dæmone, ibid. & 327.14
26. Vere efficit animalia imperfecta, 325.7
27. Non possunt striges a Dæmone per januam clau-
sam intromitti, ibid.
28. Dæmon non potest subito infundere scientiam,
326.12
29. Quo pacto liberet corpus a læsionibus vulnerum.
ibid.
30. Mortuorum animas non vere evocat ad corpora,
ibid. 13
31. Quo pacto possit cognosci Dæmon, quando se in
Angelum lucis transfigurat, 328.20

Damnatus.

1. Voluntas damnati est religionis incapax, Daniel vi-
de simoniam.

Debitum.

1. Quale sit debitum legale, & quale morale, 13.4
2. Debitum relig. cur dicatur legale, ibid. 6
3. Est quodammodo infinitum, ibid. 7
4. Ipsa solutione crescit, ibid.
5. Non tam in exercitio, quam in specificatione actus
intelligitur, ibid. 8

Decima.

1. Ante decimarum computationem solvebatur aliquid
pro primitiis, 62.12
2. Præceptum decimarum est in ecclesia, & ad reli-
gionem spectat, 63.1
3. Sustentatio ministrorum ecclesiæ fuit primum fun-
damentum illarum, ibid. 2
4. Quæ decimæ dicantur reales, 64.4
5. Præceptum decimarum non est de puro jure naturali,
ibid. 5
6. Ante legem scriptam non dabatur, ibid. 4
7. Duas ob causas gentiles aliquando solvebant deci-
mas, ibid.
8. In lege veteri datum est Divinum præceptum decima-
rum, & quale illud fuerit, ibid. 6. & 7
9. Decimarum solutio non potest dici cæremonia, 65.9
10. Quid decimæ in lege veteri significarent, ibid. 7
11. Quid modo, ibid. 9
12. Dari præceptum decimarum christianis de fide est,
ibid. 10
13. Determinatio decimarum quoad quotam est de jure
ecclesiastico, 63.3
14. Præceptum decimarum ecclesiæ non est idem, quod
legis veteris, 66.5
15. Illud enim non obligat in lege gratiæ, 67.6
16. Præceptum decimarum in lege veteri de prædialibus
non de personalibus decimis fuit, 64.6
17. Explicantur jura, quæ dicunt decimas esse de jure
Divino, 67.7
18. Possunt dici de jure Divino, non actu, sed pote-
stare, ibid. 8
19. Determinatio earum quoad quotam pertinet ad potesta-
tem ecclesiæ spiritualem, non ad temporalem, ibid.
20. Causæ decimales sunt ecclesiasticæ, ibid.
21. Determinationis quoad quotam potestas competit soli
pontifici immediate, ibid. 9
22. Quando possit episcopus facere determinationem deci-
marum in sua diocesi, ibid. 9
23. Convenienter facta fuit in lege gratiæ decimarum de-
terminationis, ibid. 1. & 68.3
24. Hæreticorum errores in hac materia, 68.2
25. Probatur ex patribus, convenientem esse determinatio-
nem hanc, ibid. 3
26. Congruente ratione explicatur, ibid. 5
27. Quotam decimalem non esse rigorosam ex iis, ad
quæ fuit instituta, probatur, ibid. 6
28. Antiqua distributio decimarum in quatuor partes,
ibidem.
29. Bene posset ecclesia decimas instituere, ut subven-
nere pauperibus, 69.7
30. Sacerdotibus licet alias divitibus solvendæ sunt deci-
mæ, ibid. 9
31. Qui dixerint, sacerdotes divites esse solum decima-
rum dispensatores, ibid. 11
32. Decimæ in dominium ecclesiæ, & sacerdotum trans-
feruntur absolute, 70.13
33. Quæ personæ ex decimis sustententur, ibid. 14

34. Decimæ datæ clericis habent respectum subventio-
nis pauperum, ibid. 15
35. Decimarum partes possent a pontifice variis rebus
applicari, ibid. 16
36. An obligatio solvendi decimas possit auferri, aut mi-
nus per consuetudinem, 71.1
37. Unde possit introduci talis consuetudo, 72.9
38. Cur detur contra decimas præscriptio, & non contra
tributa regia, ibid.
39. Quo sensu verum sit non tolli decimas per consuetu-
dinem, ibid. n. 10
40. Ecclesiæ potest ponere decimam de novo etiam contra
consuetudinem, 73.11
41. Hoc ad solum pontificem spectat, ibid.
42. Non se potest privare pontifex potestate condendi
decimas, ibid.
43. Explicatur locus D. Thom. circa non solventes deci-
mas, ibid. 12
44. Quando sint in statu peccati mortalis, qui non
solvunt decimas, ibid.
45. Circumstantiæ decimarum possunt variari per con-
suetudinem, ibid. 15
46. Potest aliqua persona per consuetudinem liberari a
decimis sine injustitia, 74.16. & 18
47. Laicus non potest acquirere jus, ut decimæ sibi
solvantur, ibid.
48. Quantum tempus sufficiat ad præscriptionem in
decimis, ibid. 1
49. An pontifex possit capere decimas relinquendo eccle-
siasticis sufficiens stipendium, 76.2
50. An pontifex possit liberare a decimis aliquos, ibid.
& 77.11
51. Opinio canonistarum in hac materia refellitur,
76.5
52. Quo pacto pontifex posset decimas tollere valide,
77.9
53. Quomodo non posset pontifex legem decimarum ab-
rogare, ibid. 10
54. Dispensatio in decimis requirit justam causam,
ibid. 12
55. Data sine justa causa adhuc est valida, 78.13. & 2
56. Exemptio a decimis potest facile concedi ecclesia-
sticis, 78.13
57. Quomodo laicis concedi possit, ibid. 14
58. Pontifex potest applicare partem decimarum eccle-
siæ vel laicis, ibid. 3
59. Facta ecclesiasticis sine causa valida est, non ita
facta laicis, 79.4
60. Hæc applicatio injusta, & nulla omnino est, si mini-
ster sustentatione privatur, ibid. 7
61. Prælati inferiores non possunt jus decimarum mu-
tare, 80.11
62. Quæ personæ obligentur ad decimas, ibid. 1
63. Infideles non obligantur, ibid. 2
64. Hæretici obligantur, 81.3
65. Qui catechumeni teneantur ad decimas, ibid.
66. Judæi ad quas decimas obligentur, ibid. 6
67. Ecclesia dupliciter acquirit jus reale decim. ibid.
68. Gentiles ubicumque degant, decimas ecclesiæ debere
quidam falso dicunt, ibid. 8
69. Quid dicendum, quando habitant regiones, quæ ali-
quando fuerunt christianorum, ibid. 8
70. An teneantur ad decimas pro sustentatione suorum
predicatorum, 82.10
71. Qui pauperes teneantur ad decimas, 83.16. & 17
72. Probabile est excusari a decimis, qui est in gravi ne-
cessitate, ibid. 18
73. Qui ex necessitate decimas non solvit extra illam posi-
tus tenetur ad restitutionem, ibid.
74. An clerici teneantur ad decimas, ibidem 13. &
84.
75. An papa obligetur ad decimas, 85.8
76. An clerici debeant decimas de redditibus ecclesia-
sticis, 84.5
77. Episcopi debentq. reali, non personali tenentur ad
decimas, 86.11
78. Parochus similiter, 87.16
79. Non debet decimas ex prædiis ecclesiasticis, ibid.
80. Episcopus non potest parochos sibi subjectos ad deci-
mas obligare, 88.19

- 81 Clerici simplices tenentur ad decimas reali, & personali debito, *ibid.* 21
- 82 Quid dicendum de clericis inservientibus alicui ecclesie, *ibid.* 22
- 83 Religiosi ex vi juris communis tenentur ad decimas, 89.25
- 84 Aliqui ex jure obligati ad decimas possunt ab eis liberari, 90.1
- 85 Tres modi eximendi a decimis, *ibid.* 2
- 86 Privilegium non solvendi decimas odiosum est, 91.6
- 87 An ex bonis emphyteuticis debeat monasterium decimas, 94.11
- 88 Coloni religiosorum non eximuntur per privilegia monasterii, *ibid.* 13
- 89 Quatuor modi amittendi privilegium non solvendi decimas, 95.1
- 90 Primum est, si cedat in lationem enormem alterius, *ibid.*
- 91 An in hoc casu ipso jure amittatur privilegium, 95.1. & 2
- 92 Secundus modus est usus privilegio contrarius, 96.3
- 93 Tertius modus est conventio partium, *ibid.* 5
- 94 Quartus modus amittendi privilegium circa decimas est alienatio pradiorum, *ibid.* 6
- 95 Ex privilegio possunt decimæ solvi extra parochiam, 101.1
- 96 Hæc dispensatio difficilior est ad ecclesias alterius territorii, *ibid.* 2
- 97 An decimæ solvendæ ecclesie baptismali, vel parochiali, 103.3
- 98 Jus petendi decimas spirituale est, 104.1
- 99 Decimæ tales non debentur laicis per se, *ibid.* n.3
- 100 Hoc neque per præscriptionem, neque per humanam concessionem potest mutari, 105.4
- 101 Laici possunt licite percipere fructus decimarum, *ibid.* 6
- 102 Quibus modis hanc facultatem possint accipere, *ibid.* 7
- 103 Regula discernendi an laici jussu accipiant fructus decimarum, *ibid.* 8
- 104 Clericus ad breve tempus potest laico decimas locare non ad longum, *ibid.* 9
- 105 Laici pro stipendio possunt decimas accipere, 106.10
- 106 Decimæ possunt dari per liberales donationes, *ibid.* 11
- 107 Episcopi propria auctoritate possunt laicis decimas ad tempus dare, *ibid.* 1
- 108 Olim etiam in perpetuum feudum dabant, 107.2
- 109 A quo tempore sint irritæ tales concessiones, *ibid.* 3
- 110 An laici, qui decimas in feudum habent, possint illas trasferre, 108.7. & 8
- 111 Quando extinguitur linea, quid faciendum, *ibid.* 8
- 112 Ante mortem ultimi possessori potest fieri hæc translatio de consensu episcopi, *ibid.*
- 113 Post illius mortem posse etiam fieri est probabilis, *ibid.* 9
- 114 An laicus possit feudi decimas cuicumque ecclesie dare, *ibid.* 10
- 115 Quando requiratur ab hoc episcopi consensus, *ibid.*
- 116 An laici possint præscribere decimarum perceptionem, 109.1
- 117 Quo pacto ad hoc conducat consuetudo, 110.3
- 118 Decimæ cujusque diocesis ad illius clerum spectant, 111.4
- 119 Decimæ cujusque parochie ad illius clerum pertinent, *ibid.* 7
- 120 Decimæ quam antiquæ, *ibid.* 5
- 121 Decimas mediante parochia deberi episcopo, qui dicant, 112.10
- 122 Pontifex posset accipere partem decimarum in parochiis, *ibid.* 11
- 123 Quibus ministris ecclesie debeantur decimæ, *ibid.* 12
- 124 An ad ecclesie fabricam etiam spectent, 113.18
- 125 Primo debentur episcopo, 114.1
- 126 Post episcopos debentur parochis, *ibid.* 2
- 127 Quibus aliis debeantur, *ibid.* 3
- 128 Debitum decimarum non solum ad religionem, sed etiam ad justitiam spectat, *ibid.* 4
- 22 Clerici etiam divitibus, & malis solvendæ decimæ, pag. 114.5
- o Cisterciensibus, Templariis, & Hospitalariis, quæ privilegia fuerint concessa circa decimas, 91.5
- 131 Clerici simplices non habent jus ad decimas, 115.6
- 132 Religiosi non habent jus decimarum, *ibid.* 7
- 133 Religiosi avertentes alios a decimis excommunicantur, *ibid.* 8
- 134 Decimæ possunt conferri religiosis variis modis, etiam si laici sint, *ibid.* 9
- 135 Ecclesiastici possunt præscribere jus decimarum, 116.1
- 136 Jus retinendi decimas potest præscribi & a religiosis, & a laicis, *ibid.* 6
- 138 Religiosi possunt præscribere decimas ecclesie suscipiendo illius onera, *ibid.* 7
- 139 Quo pacto e præscriptione præsumi possit privilegium circa decimas, 117.8
- 140 Non potest quis præscribere jus decimarum sine parochia, *ibid.*
- 142 Non tantum ex justitia debentur decimæ, 127.1
- 143 An decimæ sint sub dominio ecclesie, quandiu non sunt separata, *ibid.* 2. & seq. & 129.8 & 130.14
- 144 Numerantur varii effectus Domini, quod ecclesia habet in decimas, antequam illas percipiat, 129.9
- 145 Qua actione petendæ sint decimæ in judicio, *ibid.*
- 147 Ecclesia potest petere decimam, a quocumque possidente fructus non decimatos, *ibid.* 10
- 148 Decimæ solvendæ sine mora, etiam non petita, 132.1
- 149 Ut mora sit culpabilis non est necessaria parochie monitio, *ibid.* 2
- 150 Non tenentur fideles deferre decimas parochis suis sumptibus, 133.7
- 151 Ecclesia semper habet jus petendi decimas, quandiu non remittit, vel alius non bona fide præscribit, *ibid.* 1
- 152 Parochus non potest sua auctoritate accipere decimas per vim, *ibid.* 2
- 153 Qui eas non solvit, non est excommunicatus ipso facto, *ibid.*
- 154 Potest tamen excommunicari, *ibid.* 3
- 155 Quomodo prælati teneantur cogere non solventes decimas, 134.4
- 156 Possunt facere cum illis positionem, *ibid.* 6
- 157 An decima pars agri empti pecunia obnoxia decimis sit ecclesie, 135.12
- 158 Qui negotiatur cum pecunia non decimata non debet lucrum ecclesie, 136.14
- 159 Causæ decimarum pertinent ad forum ecclesiasticum, *ibid.* 15
- Decimæ de quibus rebus solvendæ.*
- 1 Ex quibus lucris solvendæ sint decimæ, vide verba decimæ personales, a n. 11
- 2 De apum examiniibus non solvitur decima, 123.4
- 3 Ex venatione quæ decimæ solvendæ, 123.7
- 4 Ex partu ancillæ non debentur decimæ, *ibid.*
- 5 De herba pasta a propriis ovibus debentur, 124.9
- 6 Qualiter solvendæ decimæ ex duobus lucris, quæ sunt in pecore, *ibid.*
- 7 An minutæ decimæ solvendæ sint, *ibid.* 10
- 8 Semen non decimatur bis, licet non auferatur ante decimationem, 126.7
- Decimæ mixtæ.*
- 1 Decimæ mixtæ impugnantur, 64.4
- 2 Cui solvendæ decimæ mixtæ, quando Dominus habet domicilium in una parochia, & pecus pascitur in alia, 92. a n. 7
- 3 Quot anni requirantur ad præscribendum in decimis mixtis, 101.11
- 4 Animalium decimæ, quando solvendæ, 132.6
- Decimæ personales.*
- 1 In lege veteri non solvebantur, 67.7
- 2 Cur in lege nova imperentur, 70.17
- 3 Judæi non obligantur ad decimas personales, 81.5
- 4 An clerici teneantur ad decimas personales, 84.3
- 5 Qui in communi vivunt a decimis personalibus eximuntur, 90.2
- 6 Decimæ personales parochie propriæ ex jure communi debentur, 97.1
- 7 Sunt solvendæ in parochia, in qua quis habet domicilium, licet extra illam negotietur, *ibid.* 2
- 8 Quid faciendum, si duo habeat domicilia, *ibid.*
- 9 Decimæ personales fere sunt sublata, *ibid.*
- 10 De

- o Decimæ personales ad ecclesiam parochialem spectant, 103.3
 11 Decimæ personales solvendæ ex omnibus lucris stando in jure communi, 117. a n. 2
 12 Consuetudine fere sublata sunt, 118.4
 13 Ex iis, quæ per donationem acquiruntur, non debentur, ibid. a n. 7
 14 Ex elemosynis item, ibid. 9
 15 Quandores donatur cum fructibus, de his solvendæ decimæ, 119.10
 16 De lucris omnibus per actionem comparatis solvendæ sunt decimæ, ibid. 1
 17 Ex stipendio cathedralæ debentur, ibid.
 18 Item ex præda in militia capta, ibid. 3
 19 Quid dicendū de rebus immobilibus bello captis, ibid. 4
 20 Ex ludo licito debentur decimæ, 120.5
 21 De rebus injuste acquisitis, non debentur decimæ, ibid. 7
 22 Ex pretio homicidii, adulterii debentur, ibid.
 23 Idem dicendum de omnibus acquisitis turpiter, at non injuste, 121.9
 24 Meretrici non tenetur dare pauperibus decimam turpis lucri ab ecclesia non acceptatam, ibid.
 25 Quando possit decima turpis lucri accipi ab ecclesia, ibid.
 26 An publicus peccator post conversionem teneatur dare decimam omnium priorum luctorum, ibid. 10
 27 In decimis personalibus deducendæ sunt expensæ, ibid. 2
 28 Decimæ personales singulis annis solvendæ, 132.3

Decima prædiales.

- 1 Decimæ prædiales in ecclesia sunt ad imitationem legis antiquæ, personales vero additæ sunt, 67.7
 2 Cur Judæi obligentur ad decimas prædiales, 81.6
 3 An clerici teneantur ad decimas prædiales, 84.3
 4 An prædia unius ecclesiæ debeant decimas alteri, 89.27
 5 Probabile est eximi religiosos ab aliquibus decimis prædialibus, 91.3
 6 Privilegium non solvendi decimas prædiales liberat a debito reali, 91.1
 7 An extendatur etiam ad novalia, 92.4
 8 Hæc privilegia ad quæ prædia extendantur, 93.7
 9 Si agri sint conducti, tenentur religiosi ad decimas, ibid. 8
 10 An ex bonis emphiteutici debeat monasterium decimas, 94.11
 11 Coloni religiosorum eximuntur a decimis, ibid. 13
 12 Quando religio vendit prædium, ut aliud emat, emptum liberum est a decimis, 96.6
 13 Cui prædiales decimæ solvendæ, cum quis habet prædia in una parochia, & habitat in alia, 97.3
 14 Probabilius est requiri 40. annos ad præscriptionem in decimis prædialibus, 100.7
 15 An præscriptio hæc extendatur ad novalia antea non possessa, ibid. 9
 16 Decimæ prædiales ad ecclesiam parochialem spectant, etiam si baptismalis sit cathedralis, 103.4. & 104.8
 17 Decimæ novalium eidem parochiali solvendæ, ibid.
 18 Prædiales decimæ ad episcopalem mensam spectant, cum prædia non sunt intra territorium alicujus parochiæ, ibid. 9
 19 In decimis prædialibus non deducendæ expensæ, 125.1
 20 Decimæ prædiales solvendæ ex fructibus omnium rerum, 122.1
 21 Neque pensiones, neque tributa ante decimationem deducenda sunt, 126.10
 22 Quando ager colitur per colonos, vel per mercenarium, a quo decima solvi debeat, ibid. 13
 23 Qui pro pecunia transfert agrum in colonum non tenetur ad decimas, 127.14
 24 Decimas prædiales potest ecclesia ab eo petere, qui segetes conducit, 130.16
 25 Quid dicendum, si segetes comburantur in bello iusto, ibid. 17
 26 Ecclesia quomodo habeat actionem contra Dominum fundi, si ejus causa pereant fructus, 131.18
 27 Quid ecclesia sit factura, ne fraudetur decimis, quando Dominus non vult seminare agrum, ibid. 21
 28 Decimæ prædiales solvendæ simul ac fructus colliguntur, 132.5
 29 Fructus non condendi sunt in horrea indecimati sine consensu clericorum, 133.17

- 30 An decimæ præteritæ non solutæ possint peti ab alio, qui modo agrum emit, 134.8
 31 Quomodo clerici possint decimas prædiales recuperare, quando eis non solvuntur, vide verb. Decimæ, a numero 187

Delinquentes.

1. Vide verb. ecclesiæ immunitas erga delinquentes, a n. 1
 Deus.

Vide Relig. objectum.

- 1 Qui Deum colunt inter se manent ligati, 3.6
 2 Ad Deum colendum creatura rationalis ligatæ est per naturale debitum, ibid. 7
 3 Quorum virtutum sit objectum. Quod, 7.1
 4 Religio non potest in Deo dari, 21.4
 5 Voluntas quam Deus habet, ut sibi detur cultus, non spectat ad religionem, ibid. 5
 6 Dei bonitas, & excellentia quomodo communicetur creatis personis, 34.20
 7 D. Thomæ locus, in hac materia difficilis, explicatur, ibid. 21
 8 Placare Deum ne nobis iratus sit, ex quo affectu procedat, 37.6
 9 Duplex jus in Deo datur, ibid. 10
 10 Deus non est finis particularis justitiæ legalis, 41.11
 11 Stultum est existimare nullum esse verum Deum, 43.2
 12 Laus Dei sola mente potest fieri, 44.6
 13 Quibus corporis actibus possimus Deum adorare, ibid. 8
 14 Genuflexio ad Deum utroque genu sit, 47.8
 15 Soli Deo vero directe est offerenda oblatio, 59.1
 16 Multum a Deo animari quidam dicebant, 273.5
 17 Plato unum summum Deum, & alios minores colebat, ibid. 6
 18 Futurorum contingentium cognitio propria est Dei, 283.9
 19 Solus Deus cognoscit hominum cogitationes, & affectus, 287.10

Diaconus.

Vide verb. simonia 81

Dii Gentium.

- 1 Quomodo gentiles se habebant circa suos Deos, vide verb. gentilis, a n. 7
 2 Ignorantia invincibilis circa multitudinem deorum, vel nunquam datur, vel rarissime, 277.1.2

Dispensatio.

- 1 An Pontifex possit dispensare in jure divino positivo, 76.4
 2 Dispensatio in decimis requirit justam causam, data tamen sine illa adhuc est valida, 78.12.13
 3 De dispensatione ad laborandum in festo, vide verb. festi diei laborem quæ excusent.
 4 Prælato dispensatio sine causa valida est in lege propria, secus in lege superioris, 213.3
 5 Non omnis causa sufficiens ad dispensationem sufficit ad tollendam per se obligationem, ibid.
 6 Non est necessarium, ut prælatus semper, quando dispensat, cognoscat causam, 215.13
 7 Potest prælatus, quando dispensat ad laborandum in festo obligationem elemosynæ imponere, id tamen non est opus, 214.10
 8 Dispensatio Dei an possit cadere in præceptum naturale, 359.10
 9 Dispensatio, vide simoniam, 55. ad 88
 10 Dispensatio circa simoniam, vide verb. simoniæ dispensatio, a n. 1
 11 Dispensatio, & absolutio, in quo distinguantur, 574.61.3

Divinatio.

- 1 Quid sit, 282.2
 2 Est peccaminosa, & prohibita, ibid. 3. & 283. 11
 3 Ejus malitia consistit in inquirendo occulta cognitione interventu demonis, 282.5
 4 Cognitio per divinationem a dæmone petitur, 283.10
 5 Varii modi petendi a dæmone cognitionem, & discendi ab illo, 284.1
 6 Per Pythones solent homines consulere dæmonem, ibid. 2
 7 Cæremoniæ, quibus dæmon futura pronunciat, sunt ab eo traditæ, ibid. 3
 8 Varia divinandi genera explicantur, ibid.

- 9 Quo pacto demones varias species divinationis con-
ducunt sensibus obijciant, *ibid.* 4
10 Alia divinandi genera explicantur, 285.5
11 Postulare a dæmone scientiam rerum per se occultarum
& gravissima inter divinationes, 286.10
12 Qui hoc petit, recognoscit in dæmone divinam
excellentiā, *ibid.*
13 Quamcumque societatem cum dæmone inire est grave
peccatum, 288.19
14 In consultatione dæmonis quæ sint malitiæ, *ibid.* 10
15 Quando in divinatione committatur idololatria, *ibid.* 21
16 Ad divinationem sufficit implicitum pactum, 289.1
17 Quando detur pactum implicitum in divinatione, *ibid.* 2
18 Quale debeat esse medium inquisitionis, ne illa sit
divinativa, *ibid.*
19 Cognitio occultorum a Deo indita non dicitur di-
vinatio, sed prophetia, 282.2
20 Species divinationis quomodo distinguantur, 289.5
21 Si quis utatur signo divinationis otiose, non cum ani-
mo adhibendi fidem, peccat venialiter, 291.11
22 Solus dæmon est auctor impositionis signi divina-
torii, *ibid.* 15
23 Doctrinam hanc in libris scriptam, qui addiscunt,
docentur a dæmone, *ibid.*
24 Qui utitur signis divinatoriis expresse intendendo
non habere pactum cum dæmone, habet illud im-
plicitum, 292.17
25 Qui crediderit, hæc signa esse a Deo, excusatur ex
ignorantia, *ibid.*
26 Artes divinandi positivæ probantur esse a dæmone,
ibid. 19
27 Divinatio per pactum expressum non differt specie ab
ea, quæ sit per implicitum, *ibid.* 1
28 Observationes vanæ rerum occurrentium reducuntur
ad divinationem, 293.5
29 Sunt peccata mortalia, licet aliquando ex ignoran-
tia possint esse venialia, *ibid.* 6
30 Divinationes sunt intrinsece malæ, 294.8
31 Eliezer servus Abraham non commisit peccatum di-
vinationis, *ibid.* 9
32 Neque Jonathas, neque David, *ibid.* 10
33 Chiromantia, alia bona, alia vana est, 295.14
34 Prædicere futura, quæ pendent a libertate, est pecca-
tum in Scriptura maxime prohibitum, 298.13
35 In jure prohibetur, & a patribus reprehenditur,
ibid. 14

Divinatio ex astris.

- 1 Error asserentium hanc artem fuisse licitam usque ad
tempus, quo Christus fuit a Magis adoratus, 299.16
2 Cognoscere eventus liberos per astra, ut signa, est
superstitiosum, 300.21
3 Cur non possit quis uti arte divinandi per astra a
dæmone docta, possit tamen uti philosophia ab eo-
dem tradita, *ibid.* 22
4 Error asserentium astra esse signa a Deo imposita, *ibid.* 23
5 Ex astris non potest prædici voluntas Divina, 301.26
6 Præterita etiam, vel præsentia non cognoscuntur ex
astris, *ibid.* 27
7 Effectus casuales non liberos ex astris prædicere, est
superstitio divinativa, *ibid.* 28
8 Non solum non possunt prædici ut certi, sed nec ut
probabiliter eventuri ex solis astris, 302.30
9 Qui ita prædicat jure ecclesiastico damnatur, & gra-
vem culpam divinationis committit, *ibid.*

Doctrina.

Doctrina supernaturalis quæ, 407.1

Dominica dies.

- 1 Potestate humana mutari potest spatium 24. horo-
rarum in die Dominica, 138.9
2 Ubi approbetur septimi diei requies in novo testa-
mento, 140.16
3 Cur dies Dominica ita appelletur, 142.1
4 Ejus observationem antiquissimam esse, probatur ex Scri-
ptura, & patribus, *ibid.*
5 Dominica die jejunium fuit prohibitum, 143.6
6 Observatio illius non est de jure Divino, *ibid.* 7
7 Quo pacto dici possit immutabile præceptum ser-
vandi diem Dominicam, *ibid.* 9

- 8 Dies Dominicæ excellentiæ, & cur potius quam alia
celebretur, 144.11
9 Episcopi non nisi die Dominica consecrantur, *ibid.* 14
10 Die Dominica in Dei, ac Trinitatis cultum dica-
ta, 145.17
11 Resurrectionis festum semper Dominica die celebran-
dum, 150.3

Dos.

Dos, vide simoniam, 89

Dulia.

- 1 Dulia cultus non fundatur immediate in excellentia
increata, 31.5
2 Cultus Dulia non formaliter, sed virtualiter excel-
lentiā Divinam respicit, *ibid.* 6
3 Dulia respicit distinctionem inter honorantem, &
honoratum, 34.22
4 Actus externi ex intentione habent, quod sint ado-
ratio latriæ, vel dulia, 44.5

*E**Ecclesia.*

- 1 Oblationes ecclesiis factæ sunt licitæ, 51.6
2 An debeantur ex præcepto, 52.1
3 Determinatio decimarum pertinet ad potestatem spiri-
tualem ecclesiæ, non ad temporalem, 67.8
4 Ecclesia potest ponere decimam de novo, etiam contra
consuetudinem, 73.11
5 Dupliciter acquirit jus reale in decimis, 81.7
6 Quæ sit ecclesia baptismalis, 102.1
7 Cui ecclesiæ solvendæ sint decimæ, parochialine, an
baptismali, 103.3
8 An decimæ ad ecclesiæ fabricam spectent, 113.18
9 Ecclesia non habet decimam partem in possessionibus,
130.15
10 Ecclesia imposuit præceptum festorum, 141.3
11 Potest decernere festivitates universales, 142.2
12 Hæreticum est dicere, non esse peccatum agere con-
tra ecclesiæ præceptum, 125.7
13 Cultus illicitos positive non potest ecclesia appro-
bare, 159.2
14 An sit speciale præceptum colendi Deum in eccle-
sia, 216.4
15 Præceptum colendi loca sacra est negativum, *ibid.* 7
16 Jus prohibet, Christianos laicos in ecclesia sepeliri, con-
suetudine tamen id est introductum, 233.7

Ecclesia, ut est locus sacer, quæ sint contraria.

- 1 Omnis actus exterior continens irreverentiam in
templo vitandus, 217.9
2 Quæcumque actio directe facta in contumeliam tem-
pli est peccatum mortale, *ibid.*
3 Infans, & catechumenus, ante baptismum non sunt
in ecclesia sepeliendi, 220.14
4 Actus indifferens non est contra ecclesiæ sanctita-
tem, 221.1
5 Utrum omne peccatum in ecclesia factum sit sacri-
legium, 222.6
6 Placitum in ecclesia facere est sacrilegium, 224.5
7 In Cæmeterio item, *ibid.*
8 Qui placitum in ecclesia facit, non manet ipso jure
excommunicatus, *ibid.* 6
9 Placita ecclesiastica possunt in ecclesia fieri, *ibid.* 10
10 Mortaliter peccat, qui placitum in ecclesia facit,
225.12
11 Placitum in ecclesia factum irritatur, *ibid.* 13
12 In domibus ecclesiæ non potest fieri, 224.6
13 In eis factum non irritatur, 225.13
14 An actus jurisdictionis voluntariæ prohibeantur in ec-
clesia, & facti irritentur, *ibid.*
15 Doctoralis gradus potest in ecclesia conferri,
ibid. 15
16 Concilium seculare non potest ibi fieri, *ibid.* 16
17 Ecclesia non potest converti ad usum belli extra ne-
cessitatem, *ibid.* 17
18 Mercatus in templo fieri prohibetur, *ibid.* 18
19 Contractus mercium in templo facti, non irritan-
tur, *ibid.*
20 Furtum in ecclesia prohibetur jure ecclesiastico,
226.1
21 Quæ in ecclesia facta sint sacrilegia, vide verba
a n. 3
22 Intra

22. Intra ecclesiam non admittenda particularium supellex,

228.1

23. An id de cimiterio intelligendum, ibid.

24. Seditio prohibetur in ecclesia sub mortali, ibid. 4

25. Qui ludi in ecclesia prohibeantur, ibid.

26. Quæ concilia secularia in ecclesia facere non sit mortale, ibid. num. ibid. 5.

27. Non omnia colloquia in ea prohibentur, sed aliquomodo mala, ibid. 6.

28. Convivia prohibentur, 229.7

29. Aliqua de se non mala naturæ jure in templo fieri prohibentur, ibid. 1

30. Quæ sint contra ecclesiæ immunitatem, vide verb. ecclesiæ immunitas, a n. 1

ECCLESIAE POLLUTIO.

1. Quinque actus ecclesiam polluant, 217.2

2. Quod homicidium ecclesiam polluat, ibid.

3. Sanguinis effusio ecclesiam polluit, 218.3

4. Humani feminis effusio ecclesiam polluit, ibid.

5. Sepelire excommunicatum in ecclesia similiter, ibid.

6. Paganum in ecclesia sepelire, ibid.

7. Quando crematur ecclesia, non proprie polluitur, ibid. 4

8. Quando crematur ecclesia, consecrationem amittit, non benedictionem, ibid.

9. Corpus pagani, & excommunicati extrahendum ab ecclesia, & postea purganda, ibid. 5

10. Grave peccatum est agere aliquid in ecclesia, ex quo polluitur, ibid.

11. Actus ex eo solum, quod polluat ecclesiam, an sit peccatum mortale, 219.8

12. An actus polluentes ecclesiam sint sacrilegi, quia prohibiti, ibid. 10

13. Ecclesia potest tollere prohibitionem, ne excommunicatus sepeliatur in ecclesia, ibid.

14. Ex sepultura excommunicati vitandi non polluitur ecclesia ex natura rei, 220.11

15. Non polluitur ecclesia per sepulturam hominis personaliter interdicti, ibid. 13

16. Interdicti hominis corpus in ecclesia sepultum exhumandum, ibid. 14

17. Ecclesia non polluitur ex sepultura peccatoris publici, qui impenitens moritur, 221.15

18. Hic tamen non potest in ea sepeliri, ibid.

19. Ecclesia non polluitur per actus, qui sunt super tectum, vel in turri, 236.7

ECCLESIAE IMMUNITAS.

1. Immunitas ecclesiæ duplex, 232.1

2. Ecclesiam confringere est contra immunitatem, ibid. 3

3. Item violare ecclesiæ confinia, ibid.
Hæc immunitas respectu ecclesiæ est de jure Divino naturali, extensio ad confinia non ita, ibid.

4. Alia quæ ad hanc immunitatem pertinent, 233.4

5. Ecclesia diruta non potest ad prophanos usus converti, ibid. 5

6. Ex lapidibus prophanæ domus potest fieri ecclesia, ibid.

7. Ex prophanis vestibus possunt fieri sacra, ibi.

8. Immunitas ecclesiæ quoad officium loci, ibid. 6

9. Excommunicati majori excommunicatione non possunt in ecclesia sepeliri, ibid.

10. Excommunicatus minori potest, ibid.

11. Usurarii in ecclesia non sepeliuntur, ib. 7

ECCLESIAE IMMUNITAS ERGA DELINQUENTES.

1. Delinquentes non possunt extrahi ab ecclesia, 233.9

2. Hoc non est de jure Divino naturali, nec positivo, ibid.

3. A templo Judæorum probabile est posse delinquentes abstrahi, 234.10

4. Quo tempore cœperit hæc immunitas ecclesiæ, ibid. 12

5. Ecclesia ab episcopo consecrata, aut benedicta ea gaudet, 235.1

6. Etiam antequam celebrentur in ea Divina mysteria, ibid. 4

7. Ecclesia non consecrata, nec benedicta ea gaudet, si in ea celebrentur Divina mysteria, ibid. 2

8. Ecclesia interdicta, vel polluta ea gaudet, 236.6

9. Tota ecclesiæ fabrica, habitatio, & cœmiterium gaudet hac immunitate, ibid. 7

10. Ecclesiæ portæ clausæ qui adhæret, non potest inde abstrahi, ibid. 8

11. Neque qui est super tectum, ibid.

12. Ab hospitali non potest abstrahi delinquens, ibid. 9

13. An episcopi domus habeat hanc immunitatem, ibid.

14. Oratoria privata non illam habent, 237.10

15. Delinquens si apprehendat sacerdotem ferentem corpus Christi non potest inde abstrahi, ibid.

16. Omnes Christiani baptizati gaudent hac immunitate, ibid. 1

17. Servus Dominum timens, si ad ecclesiam fugiat, quid faciendum, ibid. 2

18. Fidelis excommunicatus hoc gaudet ecclesiæ privilegio, ibid. 3

19. Interdictus etiam, ibid.

20. A Monasterio toto non possunt abstrahi delinquentes, ibid. 6

21. Clerici possunt abstrahi a templo per judicem ecclesiasticum, non per secularem, ibid. a n. 6

22. Laici possunt abstrahi pro criminibus, de quibus corripuntur ab ecclesiasticis judicibus, 238.7

23. Infidelis fugiens ad ecclesiam, si petat baptismum non abstrahendus, ibid. 11

24. Hæreticus gaudet hoc privilegio in aliis criminibus, non in hæresi, 239.13

25. In causis civilibus an ii gaudeant hac immunitate, ibid. 3

26. Propter nullum crimen extrahendus est Reus ab ecclesia, nisi in casibus a jure exceptis, ibid.

27. Qui fures non gaudeant hoc privilegio, ibid.

28. Delinquentes graviter in ecclesia possunt abstrahi ab ea, 240.6

29. Item, qui existens in ecclesia ferit alium existentem extra illam, ibid. 17

30. Similiter, qui existens in ecclesia mandat vulnerari alium extra illam, ibid.

31. Qui existens extra ecclesiam ferit permanentem in ecclesia, non gaudet immunitate, ibid.

32. An ecclesia defendat latronem cum furto ad eam fugientem, ibid. 8

33. Qui delinquit prope ecclesiam spe fugiendi ad illam non abstrahendus, ibid. 9

34. Occidens per insidias potest abstrahi a templo, ibid. 11

35. Qui per industriam occidit non abstrahendus, 241.12

36. Vulnerans ex insidiis gaudet privilegio templi, ibid. 14

37. Utrum Assassini possint abstrahi ab ecclesia, ibid. 15

38. Mandans insidiosè interficere, si effectus sequatur, potest auferri a templo, ibid. 16

39. Qui hoc facit per Assassinos, probabile est non gaudere privilegio etiam effectu non securo, ibid.

40. Raptores virginum an possint abstrahi, 242.17

41. Fugiens ex carcere non potest separari ab ecclesia, ibid. 19

42. Qui vinctus ducitur per ecclesiam, an possit ab ea separari, ibid.

43. An gaudeat ecclesia privilegio, qui sub juramento redeundi exita carcere, ibid. 20

44. Non potest in ecclesia ligari, vel ullam pati violentiam delinquens, 243.2

45. Non potest spoliari in ecclesia bonis juste delatis, ibid. n. 3

46. Fugiens ad ecclesiam cum armis prohibitis potest illis spoliari, ibid.

47. An ecclesia obsideri possit, quando delinquens ad eam fugit, ibid. 4

48. Quando solum vestis pars est extra terminos ecclesiæ non potest delinquens per eam apprehendi, ibid.

49. Dum est in ecclesia, nec ad mortem, nec ad corporalem poenam potest damnari, ibid. 5

50. Quibus poenis possit multari, ibid. 6

51. Ad servitutem trahemini, & exilium non potest damnari, ibid.

52. In casibus a jure exceptis potest judex sine licentia prelati extrahere delinquentem ab ecclesia, 244.1

53. Judex per blanditias extrahens ab ecclesia Ruum non peccat, ibid. 2

54. Contra ecclesiæ immunitatem si rem abducatur, sacrilegium committitur, ibid. 4

55. Quo pacto possit ecclesia resistere judici conanti abstrahere Reum, *ibid.*
 56. Tenetur iudex restituere ecclesiæ Reum, *ibid.* 6
 57. Quam poenam incurrat propter hoc sacrilegium, *ibid.* 7
 58. Iudex extrahendo Reum, non solum peccat contra ecclesiam, sed etiam contra Reum, 245.9
 59. Hoc peccatum est contra iustitiam commutativam, *ibid.* 10
 60. Comprehensio delinquentis injuste in ecclesia facta, est irrita, *ibid.* 12
 61. Quando teneantur iudices reo restituere damnum secutum ex comprehensione, 246.15
 62. Iudex licite comprehendit extractum ab ecclesia ab alio particulari per fallaciam, *ibid.* 17

ELECTIO.

1. Electio per sortes ad beneficium ecclesiasticum, vide verbum Sortes, *a n.* 4
 2. Secularis electio non prohibetur fieri per sortes, 305.15
 3. Electio Matthiæ qualis fuerit, 307.21
 4. In Pontifici electione simonia non est redimere vexat. cum indignus, vel evidenter terminus dignus eligitur, 523.35
 5. Pecuniam dare, ut eligatur dignus in communi, non est illicitum, *ibid.* 36. & seq.
 6. An ecclesia habeat jus, ut eligatur dignissimus e pluribus, 524.40
 7. Non licet moraliter loquendo redimere hanc vexationem per pecuniam inducendo electores, ut hanc personam determinate eligant, quod illa sola sit digna, *ibid.* 41
 8. An dicta de pontificatus electione ad inferiores electiones accommodentur, *ibid.* 42
 9. Quæ electio sit invalida, vide verb. simoniaca actio, quæ valida, *a n.* 17

ELISEUS.

Cur noluit pretium Naaman, 362.5

EPIPHANIA.

Epiphaniæ festum ab Apostolis institutum, 147.9

EPHRON.

Vide simoniam.

EPISCOPUS.

1. Quid facere debeat, quando parochiani non possunt parochum sustentare, 54.9
 2. Quando possit facere determinationem decimarum in sua diocesi, 67.9
 3. Non potest jus decimarum mutare, 80.11
 4. Cura pauperum specialiter prælatis commissa est, 69.7
 5. Episcopus non potest obligare ad decimas parochos sibi subiectos, 83.13
 6. Tenetur ad decimas debito reali, non personali, 86. *a n.* 11
 7. An episcopus possit laicis decimas dare, vide verbum decimæ, *a n.* 107
 8. Episcopi digressis ad clerum cujuscunque parochiæ aliquo modo pertinent, 111.8
 9. Decimæ primo debentur episcopo, 116.1
 10. Bona prælati sunt obligata ecclesiæ pro mala administratione, 135.11
 11. Quomodo episcopi teneantur cogere non solventes decimas, 133.3
 12. Episcopus non nisi Dominica die consecratur, 144.14
 13. Potest instituire festum in sua diocesi sine auctoritate pontificis, 167. *a n.* 4
 14. Non potest canonizare Sanctum *ibid.* 5
 15. Quid olim in hoc possent, *ibid.*
 16. Quid supponendum, ut ab episcopo queat festum Dei præcipi, *ibid.*
 17. An a domo episcopi possint abstrahi delinquentes, 236.9
 18. Quæ episcopi licentia sit necessaria ad permutanda beneficia, vide verb. benefic. commutat. Quæ auctoritas necessaria, *a n.* 1
 19. Prælati inferiores pontifici non possunt dispensare bona ecclesiæ, nisi iusta concessione Canonum, 468.17
 20. An Cathedralicum episcop. persolvendum, 509.3
 21. Episcopis visitantibus procuraciones a jure concessæ persolvendæ, *ibid.*
 22. Quomodo inferiores prælati, & eorum officiales

simoniam committant, vide simoniæ causam efficientem, *a n.* 7

ESAU.

1. Quæ peccata commisit, 367.13
 2. Prophanus dicitur non propter spiritualis venditionem, sed propter contempionem, *ibid.* 14
 3. Primogenituram ejus sacerdotio annexam esse summo, certum est, 366.6
 4. Utrum simoniacus, vide simoniam, 65

EUCCHARISTIA.

1. Abstineri a frequentia Eucharistiæ potest esse actus religionis, 23.5
 2. Sacrificium Eucharistiæ est de jure Divino, 50.9
 3. Ejus præceptum datum est ecclesiæ, *ibid.* 10
 4. Quomodo per Sacerdotes, & per alios fideles offeratur, *ibid.*
 5. Utrum omnes audientes sacrum communicarent olim, 57.7
 6. A sacerdote Eucharistiam deferente non potest abstrahi delinquens, 237.10
 7. An liceat sumere Eucharistiam ad purgationem criminis, 255.15
 8. Uti Eucharistia ut pane communi non est blasphemia, sed sacrilegium, 257.3
 9. Eucharistiæ Sacramento debetur suprema adoratio latræ, 347.1
 10. Contra eam committitur gravius peccatum, quam sacrilegium, concomitanter tamen datur sacrilegium, *ibid.* 2
 11. Propter crimen injiciendi manus in Eucharistiam non incurritur excommunicatio, *ibid.*
 12. Eucharistiæ festum quando institutum 157.3
 13. Vide simoniam, 90

EXACTIO.

Vide verb. simonia conventionalis, *a n.* 8

EXAMINATOR.

Vide verb. simonia. 147

F**FERIÆ.**

1. Tria genera feriarum jure conceduntur, 148.15
 2. Feriæ passionis qualiter observandæ, vide verbum passio, *a n.* 2

FESTI DIES.

1. Observatio dierum festorum habet aliquid ex jure naturali, aliquid ex positivo, 46.1
 2. Præceptum festorum partim morale, partim ceremoniale est, 137.4
 3. Quid morale, & quid ceremoniale haberet tertium præceptum, 138.7
 4. Potestate humana mutari potest spatium, 24. horarum in die festo assignatur, *ibid.* 9
 5. Conveniens est festorum observatio in lege nova, 140.2
 6. Christus festos dies non instituit, *ibid.*
 7. Apostoli festa observarunt, & aliqua instituerunt, 141.3
 8. Ecclesia imposuit præceptum festorum, *ibid.*
 9. Potest decernere dies festos universales, 142.2
 10. Hæc potestas est in solo papa, *ibid.* 3
 11. Quo pacto consuetudo ecclesiæ possit indicare festum universale, *ibid.*
 12. Concilium generale hoc etiam potest, *ibid.*
 13. Festi dies dicati Virgini, vide verbum Maria, *a n.* 1
 14. Festi dies dicati Christo, vide ejus festivitatibus sub titulis particularibus.
 15. Festa Sanctorum, vide verb. Sancti, *a n.* 1
 16. Festa Angelorum, vide verb. Angelus, *n.* 3. & 6
 17. Festa Apostolorum, vide verb. Apostolus, *n.* 3. & 4
 18. Festa Sancti Lucæ, & S. Marci jure communi non observantur, 162.10
 19. Festum S. Bartholomæi diverso die Roma colit. 164.18
 20. Qui sanctorum dies sint festi, & observandi, vide Sanctorum festa, *a n.* 5
 21. Dies ex præcepto servandi sunt, 165.1
 22. In magnitudine temporis quæ festa sint æqualia, *ibid.* 2
 23. Aliqua inequalitas intensiva in eis reperitur, *ibid.* 3
 24. In solennitate, & in difficultate relaxandi observationem inæqualia sunt, *ibid.* 4
 25. Ali-

- 25 Aliquod festum potest observari in uno loco, & non in alio, 166. 2
- 26 Episcopi possunt instituere festa in suis diocesis sine auctoritate pontificis, 167. 4
- 27 Festa particulari præcepto imperata aliquando observantur per meridiem, 168. 11
- 28 Principes laici non possunt instituere dies festos, 169. 2
- 29 Sola consuetudo laicorum, & clericorum non introducit diem festum, ibid. 5
- 30 Peregrini dum sunt extra parochiam, vel episcopatum, non tenentur ad festum illius, 170. 2
- 31 Peregrini obligantur ad festa, & leges loci, in quo inveniuntur, 171. an. 1
- 32 Qui solum in transitu alicubi sunt, probabile est non teneri ad festa, & leges, contrarium tamen certius, 174. an. 17
- 33 Vagi homines, qui nullibi habent domicilium, tenentur ad festa loci, ubi inveniuntur, 175. 19
- 34 Quo pacto obligetur peregrinus ad festa generalia, quando consuetudine non servantur in ejus patria, vel in loco ubi est, 176. 27
- 35 Neque ad communionem, neque ad orationem tenetur quis ex præcepto colendi festum, 179. 2
- 36 In die festo non obligantur fideles ad oblationes, 181. 11
- 37 Ex præcepto non est elicienda in festo dilectio Dei, ibid.
- 38 Neque poenitentiae actus, 182. 14
- 39 Quam antiquum præceptum cessandi ab opere servili in festo, ibid. 2
- 40 An in die festo specialiter prohibeatur peccatum mortale, 184. 1
- 41 Probabile est, peccatum in festo factum habere peculiatem malitiam venialem, 187. 14
- 42 Festi præceptum violare est mortale, 210. 1
- 43 Ex limitata materia potest esse veniale, ibid. 2
- 44 Quantum tempus laboris satis sit ad mortale, ibid.
- 45 Dies festus a media nocte usque ad mediam noctem servandus, 211. 4
- 46 Si transferatur festum quoad officium in alium diem, non transferuntur aliæ obligationes, ibid.
- 47 An violatio festi dici sit sacrilegium, vide verbum sacrilegium contra loca, &c. 44. an. 1
- Festo die quæ liceant, vel non liceant.*
- 1 Probabile est peccatum in festo habere peculiatem malitiam venialem, 187. 16
- 2 Probabile est, copulam conjugalem non esse omnino licitam in festo, ibid. 14
- 3 Potest pro mercede fieri opus non servile in festo, 189. 10
- 4 Si occurrat necessitas faciendi opus servile in festo potest fieri pro mercede, ibid. 9
- 5 Non potest accipi pretium, quando datur dispensatio laborandi sine pretio in festo, ibid. 7
- 6 Scribere pro mercede nec servile, nec in festo prohibitum est, 190. 16
- 7 Comedere, & alia opera naturalia non sunt prohibita in festo, 192. 2
- 8 Opera, quibus cibi parantur, licet servilia, non prohibentur in festo, ibid. 3
- 9 Opera curandi proximum similiter, 193. 5
- 10 Opera cultui divino intrinseca, etsi gravia, licent in festo, ibid. 9
- 11 An opera mutandi templa, & similia sint servilia, & in festo prohibita, ibid. 10
- 12 Quid de aliis operibus mechanicis dicendum, 194. 12
- 13 Quo pacto opera servilia ex misericordia data liceant in festo, 194. 14
- 14 Qui dicunt non licere studium in festo, impugnantur, 195. 2. & 5
- 15 Liberalia opera non prohibentur in festo, ibid. 3
- 16 Quamcumque scientiam docere licet in festo, ibid. 6
- 17 Opus scribendi non est prohibitum in festo, neque ex mercede factum, 197. 1
- 18 Neque transcribendi opus, licet ex mercede fiat, 199. 3
- 19 Pingere est opus servile, & prohibetur in festo, 200. 7. & 1
- 20 Imprimere similiter, ibid. 8
- 21 Quomodo excusentur, qui recreationis gratia in festo depingunt brevi tempore, 201. 5
- 22 Iter agere non est servile, nec per se prohibitum in festo, ibid. 2
- 23 Quo pacto sit prohibitum iter incipere cum bestia onusta, ibid.
- 24 Cantare, & saltare non sunt in festo prohibita, 202. 4
- 25 Quæ venatio, & piscatio prohibeantur in festo, & quæ liceant ex consuetudine, 203. 5
- 26 Bellandi actio est servilis, & de se in festo prohibita, ibid. 7
- 27 Ex necessitate sit licita, 204. 10
- 28 Exercitationes militares in die festo licent, ibid. 11
- 29 Quæ opera liberalia jure prohibeantur in festo, ibid. 1
- 30 Nundinae non licent, ibid. 2
- 31 Consuetudine quo pacto liceant, 205. 4
- 32 Placitum non licet, ibid. 6
- 33 Quæ actiones judiciales prohibebantur in festo, 206. 9
- 34 Actiones judiciales in festo factæ, sunt irritæ, ibid. 12
- 35 Contractus in mercatu facti in die festo non sunt irriti, ibid.
- 36 An citatio licita, & valida fiat, 207. 15
- 37 Juramentum juridicum non potest exigi in festo, ibid. 6
- 38 Nec testes examinari, si causa sit temporalis, si spiritualis, ibid.
- 39 Sententia excommunicationis, & absolutio non prohibetur in festo, 208. 9
- 40 Executio sententiæ prohibetur, & irritatur in festo, ibid. 11
- 41 Appellatio potest fieri, licet non possit proficere, ibid. 13
- 42 Advocatio licet informari die festo, 209. 15
- 43 An judicium arbitri sit in die festo prohibitum, ibid.
- 44 Quæ juramenta sint in festo prohibita, ibid. 16
- 45 Quæ necessitas satisfacit, ut causa judicialis in festo tractetur, ibid. 18
- 46 Cur hæretici in festo publice judicentur, ibid.
- 47 Ob pietatem licet in festo judicalem causam tractare, ibid. 20
- 48 Halecia possunt in festis minoribus piscari, 213. 5
- 49 Omnes item pisces, in quibus datur eadem ratio, 214. 6
- 50 Qui piscantur in festo hos pisces ex ipso jure disponente, tenentur ad aliquam elemosynam, ibid. 7
- Festi diei laborem quæ excusent.*
- 1 Propria necessitas excusat laborem in festo, 212. 2
- 2 Pauperes excusantur in festo laborantes ad suam sustentationem, ibid. 3
- 3 Famulus item, qui cogitur præcepto Domini, ibid.
- 4 Necessitas rei publicæ excusat laborem in festo, ibid. 6
- 5 Necessitas proximi item, ibid. n. 6
- 6 Pietas vel in Deum, vel in proximum, 213. 7
- 7 Discrimen inter dispensationem, & excusationem a labore in festo, 212. 1
- 8 Dispensatio ad laborandum in festo potest dare & papa, & episcopus, 213. 2
- 9 In absentia episcopi quomodo possint etiam parochi, ibid.
- 10 An voluntas præsumpta prælati satisfacit, ut quis laboret in festo, ibid. 4
- 11 Consuetudo dispensationem ad laborandum in festo inducit, 214. 12
- 12 Ad hanc consuetudinem necessarius est consensus prælati, ibid.
- 13 Ex consuetudine licet in festo multa alioquin prohibita, 215. 41
- 14 Non licet ex vi juris personæ particulari operari in festo, ne amittat lucrum notabile, 214. 8
- Feudum.*
- 1 Episcopus poterat olim in perpetuum feudum dare decimas laicis, 107. 2
- 2 Quomodo tale feudum possit transferri, vide verbum Decimæ, an. 37
- Finis.*
- 1 Discrimen inter finem, & pretium, 498. 4
- 2 Multis modis ex parte operantis aliquid est finis proximus respectu intentionis ejus, 499. 6
- 3 Omnibus modis finis principalis de se abstrahit a ratione pretii, ibid.

Fides.

- 1 Est simul speculativa, & practica, 4. 2
- 2 Voluntas credendi est virtus, 8. 2
- 3 Quo pacto tendat in Deum, ibid. 5
- 4 In quibus conveniat, vel differat habitus fidei cum religionem, 23. 3
- 5 Habitus fidei, & piæ factionis possunt dici una virtus Theologica, 26. 7
- 6 Ad fidem tenetur homo ex jure Divino, 46. 2
- 7 Assensus fidei est ejusdem speciei, licet res a Deo reveletur per varia signa, verborum scilicet Scripturæ, &c. 293. 3

Fornicatio.

Fornicatio simplex in ecclesia occulte facta est sacrilega, 230. 4

Forum.

- 1 Causa decimarum ad forum ecclesiasticum pertinet, 136. 15
- 2 Spiritualia, & spiritualibus annexa pertinent ad forum ecclesiasticum, ibid.

Frater.

Fratrum dissidentium non sunt acceptandæ oblationes, 58. 9

Fructus.

- 1 De fructibus arborum solvebantur primitiæ, 62. 11
- 2 Qui fructus dicantur a juristis naturales, & qui industriales, 64. 4

Funeralia.

Quos actus habent spirituales, 399. 7

*G.**Græci.*

Græci ad Latinorum ritus cur non teneatur, quando inter eos est, 177. 26

Gentiles.

- 1 Falsa religio apud eos est, 4. 3
- 2 Gentiles sacrificia semper habuerunt, 49. 4
- 3 Aliquando ex voto, vel gratiarum actione decimas solvebant, 64. 5
- 4 Gentiles an teneantur ad decimas, vide verbum Decimarum, an. 68
- 5 Dies septima religiose observata, etiam apud Gentiles, 137. 3
- 6 Non est certum non fuisse Evangelium gentibus prædicatum ante revelationem Petro factam, 163. 14
- 7 Plato, & alii unum summum Deum, & alios minores colebant, 273. 6
- 8 Quid Gentiles sub Dei nomine intelligerent, 274. 9
- 9 Non statuas nudas adorabant, sed ratione alterius rei, ibid. 11
- 10 Quomodo existimare possunt dari plura numina, ibid.
- 11 Qui Gentiles Philosophi commiserint idololatriam solum externam, 279. 7
- 12 Ecclesia non potest statuere pœnam hominibus non baptizatis pro idololatria, 281. 20

Genusflexio.

- 1 Ordinarie fit ad hominem uno, ad Deum vero utroque genu, 47. 8
- 2 Utrumque genu pontifici flectitur, ibid.

Giezi.

Vide simoniam, 62

Gratia.

- 1 Ad actum Relig. naturalem non requiritur per se gratia, 14. 6
 - 2 Gratia sanctitas dicitur, 25. 14
 - 3 Gratia reddit personam, cui inest, dignam aliqua excellentia, 31. 6
 - 4 Qui potest vendi, & emi de facto, non de jure, 356. 10
 - 5 Cur in hoc nunquam dabitur materiæ levitas, 355. 5
 - 6 Gratiam non cadere sub creatum dominium probabiliter est, 356. 8
- Vide simoniam, 94

Gratitudo, & Gratuita donatio.

- 1 Gratitudinis obligatio intrinsece sequitur ex vi beneficii, 504. 11
- 2 Gratitudo affectum potius, quam datum respicit, 361. 7
- 3 Donatio antidotalis gratuita est, licet non sit omnibus modis liberalis, 503. 6

4 Donatio gratuita non excludit omnem obligationem, sed debitum justitiæ, 505. 14

Gregorius.

- 1 Gregorius 13. Equinoctii, & Kalendarii errorem correxit, 155. 27
- 2 S. Gregorius M. solus simoniacam hæresim sumpsit pro simonia, 405. 6

*H.**Habitus.*

- 1 In habitu finis proprius, terminus, & objectum idem sunt, 6. 3
- 2 Habitus non est principium per se, sed coadjuvans, 6. 7
- 3 Quomodo habitus unius potentiæ faciliat ad actionem alterius, 18. 6

Hæreticus.

Obligatur ad decimas, 81. 3

Hæresis.

Hæresis simoniaca quæ, 351. 1

Hali.

De filiis ejus, vide simoniam, 62

Hispania.

Cur Hispania celebret festum Sancti Jacobi, vide verb. Sanctus Jacobus, an. 10. 1

Homicidium.

Ex pretio homicidii, & adulterii debentur decimæ, 120. 7

Homo.

- 1 Homo physice a Deo distinctus est, moraliter tamen est quasi unus cum illo, 28. 9
- 2 Potest injuriam Deo facere infinitam, recompenfare autem ad æqualitatem nec per suas vires, nec per auxilium gratiæ potest, 38. 12
- 3 Externæ adorationes sunt indifferentes ad Deum, & homines, 47. 7
- 4 Genusflexio ad hominem ordinarie fit uno genu, ibid. 8
- 5 Manuum elevatio non solum ad Deum, sed ad homines etiam fit, ibid.

Honor.

- 1 Non est bonum intrinsecum ejus, qui honoratur, 9. 7
- 2 Honor & fama pro eodem reputantur in materia Relig. 10. 6
- 3 In nobis non sunt idem, & ita etiam in Deo considerantur, ibid.

Hospitalarii.

Hospitalariis quæ privilegia concessa circa decimas, 91. 5

Hospitale.

- 1 Hospitalia laica non sunt materiæ simoniæ, 444. 11
- 2 Hospitalia ecclesiastica quæ sint, ibid.
- 3 Quæ habent administrationem spirituales sunt materiæ simoniæ, ibid.
- 4 Quæ solum temporale regimen habent, non sunt materiæ simoniæ contra jus Divinum, ibid. 12
- 5 Sunt tamen materiæ simoniæ contra jus positivum, 445. 13

*I.**S. Jacobus.*

- 1 Quibus ex causis Hispania solenniter celebret festum S. Jacobi Majoris, 163. 13
- 2 Jacobus ante Martyrium adiit Hispaniam, ibid.
- 3 Beata virgo adhuc vivens apparuit Jacobo in urbe Cæsar-Augustana, ibid. 16
- 4 Jacobi corpus in Hispania est sepultum, ibid. 17

Idololatria.

- 1 Hæreticorum error non distinguendum inter idololatriam, & superstitionem, 264. 3
 - 2 Idololatriæ nomen variis rebus accommodatur, 271. 1
 - 3 Idololatra dicitur, qui mortaliter peccat, ibid.
 - 4 Quomodo actus latriæ concurrat in adoratione idoli, ibid.
 - 5 Idololatria, alia vera, alia ficta, 272. 3
 - 6 Omnis est falsa adoratio ex parte rei adoratæ, non ita ex parte adorantis, ibid.
 - 7 Ad idololatriam veram ex parte colentis requiritur existimatio divinæ excellentiæ in idolo, 273. 5
 - 8 Ad falsam idololatriam non est necessaria existimatio divinitatis in idolo, secus ad veram, 274. 13
9. Idol.

9 Idololatria falsa contra religionem est, 275. 14
 10 Aliqua sunt signa determinata ad colendum Deum, quæ si idolo præbeantur, committitur idololatria, ibid. 15. alia non ita, ibid.

11 Cultus ab ecclesia exhibitus sanctis non involvit idololatriam, ibid.

12 Idololatria sine idolis incepit ab ignorantia veri Dei, ibid. 2

13 Quæ cum idolorum cultu est, ex nimio affectu mortuorum orta fuit, 276. 3

14 Enos non fuit idololatra, ibid. 5

15 Neque ab eo incepit idololatria, ibid. 8

16 In prima mundi ætate non fuit idololatria, ibid.

17 Incertum est, quando cœpit, 277. 9

18 Fueritne prior idololatria cum imaginibus, an sine illis, ibid. 11

19 Hoc peccatum est gravissimum, ibid. 1

20 Sacrificium offerre creaturæ idololatria est, 276. 8

21 An gravior sit idololatria, quæ supponit mentis infidelitatem, an quæ supponit scientiam veri Dei, 278. 4

22 Primus modus idololatriæ datur cum errore intellectus, 277. 1

23 Secundus non involvit errorem mentis, habet tamen affectum verum colendi, 278. 3

24 Tertius solum habet affectum exhibendi externum signum, & hic levior est, ibid. 5

25 Qui Philosophi hanc idololatriam commiserint, ibid.

26 Probat, illam esse intrinsece malam, 279. 6

27 Tragædus sicte Deo offerens in theatro sacrificium non est idololatra, ibid.

28 Odium Dei, & infidelitas sunt graviora peccata, quam idololatria, 280. 12

29 Idololatria non includit formaliter odium Dei, neque infidelitatem, ibid. 13

30 Non est tam grave peccatum, ut contraria Theologice virtutibus, ibid. 15

31 Excedit peccata opposita virtutibus moralibus, ibid.

32 Quomodo sit causa omnium vitiorum, ibid. 17

33 Qui facit se coli ut Deum, casualiter est idololatra, & qui idololatriam alteri consulit, ibid.

34 Graves pœnæ a Deo infliguntur pro idololatria, 381. 19

35 Quæ pœna statuatur ab ecclesia homini baptizato pro idololatria, ibid. 20

36 Non incurrit censuras latas contra hæreticos, qui idololatriam committit sine interna infidelitate, ibid. 20

37 Idololatria quando committatur in ordinatione, ibid. 22

38 Idololatræ cur nihil vere sacrum habere possunt, vide simoniam 6

Idolum.

1 Quid sit idolum, 271. 2

2 Imago peccatoris, quæ colitur ut imago Sancti, est idolum, ibid. 4

3 Omnis res creata, quæ tamquam Deus adoranda proponitur, similiter, 272. 5

4 Non idola nuda adorabant Gentiles, sed ratione alterius rei, 274. 10

5 An Ninus primum fabricaverit idolum, 276. 4

6 Quæ fuerit idololatria cum idolis, & sine illis, 277. 11

Jejunium.

Dominica jejunium fuit prohibitum, 143. 6

Ignorantia.

Vide verb. simonia, 22. ad 23

Imago.

1 Imagines Astronomicas defendit Cajet. 321. 17. impugnatur, ibid. 18

Incarnationis festum.

1 Incarnationis festum est Christo, & Virgini dicatum, 145. 2

2 Bis in ecclesia celebratur, ibid.

3 Quo die sub præcepto servandum fuerit propositum, non constat, 146. 4

Injustitia.

1 Injustitia semper est venditio rei sacræ ut sic, 361. 7

2 Injustitia, vide simoniam, 15. & 41. a 43

Intellectus.

1 Intellectui attribuerunt aliqui religionem, 4. 1

2 In intellectu potest dari adoratio, vel per modum cognitionis, vel per modum locutionis, 43. 4

Suarez Tom. XII.

Joannes Baptista.

1 Ejus nativitas de jure communi observatur, 162. 7
 2 Cur nativitas Baptistæ potius quam mors præcepto servatur, ibid.

Joannes Evangelista.

1 Ejus festum jure communi observatur, 162. 12
 2 Est antiquissimum, ibid.

Joseph.

1 Joseph, qui petit auxilium a pincerna Pharaonis, 367. 16

2 In eo non diffusus est Deo secundum Augustinum, ibid.

3 Nec venialiter peccavit, ibid.

4 Utrum simoniacus, vide simoniam, 39

Irreligiositas.

1 Irreligiositas significat omnia vitia religioni opposita 248. 1

2 Habet unitatem genericam, ibid. 3

3 Irreligiositatis divisio, 249. 5

4 Habet oppositionem cum religione per defectum, ibid. 7

5 Blasphemia ad irreligiositatem spectat, ibid. 8

6 Infidelitas ad Deum in promissis, & ingratitude similiter, ibid.

7 Malitia, quæ in omni peccato includitur, non spectat ad irreligiositatem, 250. 11

Juda.

1 Judæorum cur modo sit falsa religio, 43

2 Judæi non obligantur ad decimas personales, 81. 5

3 Cur obligentur ad prædiales, ibid. 6

4 Judæos perdere septimam vitæ partem colendo sabbatum credidit Seneca, 139. 10

5 Festa Judæorum cessant in lege gratiæ quoad cærimonialia, ibid.

6 Quo die Judæi suum pascha celebrarent, 153. 15

Judas.

Judas, vide simoniam, 35

Judex.

1 Quo pacto se debeat habere circa reum fugientem ad ecclesiam, vide verb. ecclesiæ immunitas erga delinquentes, a num. 30

2 Quam pœnam incurrat, & ad quam restitutionem teneatur, si reum extrahat, ibid. n. 33. & 35

3 Judex sæcularis clericum comprehendens non solum sacrilegus, sed etiam injustus est, 244. 11

Judicialis Actus.

Qui actus judiciales in festo sint prohibiti, vide verb. Festo die quæ opera prohibeantur, a n. 18

Juramentum.

Quæ juramenta blasphemiam contineant, vide verb. Blasphemia, a n. 15

Jurisdictio.

1 Quibus actibus exercetur, 413. 3

2 Quibus confertur, ibid. 2

3 Quorupliciter potest in jurisdictione ad confessionem peccari, 412. 2. vide simoniam,

Juramentum.

Quæ juramenta blasphemiam contineant, vide verb. Blasphemia, a n. 15

Jus.

Vide simoniam, 24. ad 28. & 30 ad 33

Justitia.

1 Ordinatur justitia ad homines, & non ad Angelos, 5. 2

2 Multipliciter dividitur, 27. 5

3 Justitia legalis est propriissima virtus, 28. 7

4 Justitia, quæ inter homines datur, quas condiciones debet habere, ibid. 8

5 Justitia formalis habet sub se legalem, distributivam, & commutativam, ibid.

6 Justitia potentialis, quas habeat partes, ibid. 9

7 Partes potentialis justitiæ in aliquo deficiunt, & in aliquo habent majorem eminentiam, ibid.

8 Religio ponitur inter partes potentialis justitiæ, ibid. 10

9 Falso Durand. dixit pœnitentiam esse justitiam commutativam, 29. 13.

10 Justitia excedit a pietate in ratione debiti, ibid. 17

11 Justitiam excedit religio ex suo genere, ibid.

12 Dividitur justitia communissime sumpta, 30. 22

13 Erravit Durand. cum dixit dari identitatem inter justitiam humanam, & divinam, 37. 7

- 14 Ad justitiam humanam non spectat placere personam, ne sibi amplius sit offensa, *ibid.*
 15 Justitia ad Deum dividitur in religionem, & pœnitentiam, *ibid.* 10
 16 Inter justitiam, & religionem datur discrimen in solutionis inæqualitate, 38. 12
 17 Justitiam legalem religionis præfert Cajetan. 40. 5
 18 Quale sit objectum cur, & quod justitiæ legalis, *ibid.*
 19 Non comparatur ad religionem ut totum ad partem, *ibid.* 6
 20 Non tam proprie imperat virtutibus moralibus, & Theologicis, ut religio, *ibid.* 7
 21 Ordinatur a religione in suum finem, *ibid.*
 22 Aliquando religionem ordinat, *ibid.* 8
 23 Deus non est finis particularis justitiæ legalis, 41. 11
 24 Recipiens pecuniam, ut ab injusta vexatione desistat, injustus est, 519. 16
 25 Judex vendens justum judicium, & testis verum testimonium, possunt contra justitiam peccare, 566. 59. 27

L
Labor.

- 1 Discrimen inter laborem per se ex parte operis, & ex parte subjecti, 420. 7
 2 Labor per se, & per accidens qui, 422. 14
 3 Per accidens qui non ita: sed tantum casualiter, & ratione circumstantiarum, *ibid.* 15
 4 Vide simoniam. 55

Laicus.

- 1 Res oblata quando possit in laicorum usum converti, 59. 3
 2 Consuetudine potest introduci, ut laici in aliquo festo accipiant aliquid a clericis, 60. 20
 3 Laicus non potest acquirere jus, ut decimæ sibi solvantur, 74. 17
 4 Exemptio a decimis quomodo laicis concedi possit, 78. 14
 5 Applicatio decimarum facta laicis sine causa est invalida, 79. 5
 6 An laici possint licite decimas percipere, vide verbum decimæ, an. 57
 7 An episcopus possit laicis decimas dare, vide verbum decimas, an. 62
 8 Quo pacto laicus decimas, quas in feudum habet, possit transferre, vide verb. decimas, an. 64
 9 Laici Christiani in ecclesia sepeliri prohibentur, consuetudine tamen hoc licet, 233. 7

Latria.

- 1 Actus externi ex affectu, & intentione habent, quod sint adoratio latriæ, vel dulæ, 44. 5
 2 Latria est adoratio soli Deo debita, 272. 6
 3 Quos actus internos, & externos includat, *ibid.*
 4 Quomodo actus latriæ concurrant in adoratione idoli, *ibid.* 1

Leſtio.

- Vide simonia, 55

Legatum.

- 1 Est sufficiens titulus oblationis debita, 53. 5

Legitimatio.

- Legitimatio, vide simoniam, 84

Lex Divina.

- 1 An pontifex possit dispensare in lege de jure Divino positivo, 167. 7

Lex Gratia.

- 1 In lege gratiæ est præceptum solvendi primitias, 62. 14
 2 In lege gratiæ conveniens est determinatio decimarum, 68. 3
 3 Cur in ea imperentur decimæ, non in lege scripta, 70. 17
 4 In lege gratiæ cessarunt festa Judæorum quoad ceremonialia, 139. 11

Lex Humana.

- 1 Non datur de actibus mere internis, 46. 4
 2 Discrimen inter abrogationem legis, & præscriptionem, 55. 19
 3 Privata persona non eximitur ab obligatione legis, licet diu illam non servet, 75. 6

- 4 Diuturnus usus communitatis habet vim introducendi, & abrogandi legem, *ibid.* 7
 5 Quando princeps non potest ferre legem, neque potest pro illa pœnam exigere, 170. 7
 6 Princeps laicus potest leges condere in sua terra, etiam in ordine ad peregrinos, 173. 12
 7 Leges positivæ non extenduntur per similitudinem, 277. 4
 8 Lex principes non obligat, cum ex peculiari habitudine ad inferiores, ut tales sunt, pertinet, 531. 4
 9 Non est improbabile, principem sine causa secum valide non posse dispensare, *ibid.* 8
 10 Quid requiratur, ut lex in Romana curia abrogecur, 532. 11
 11 Lex prohibens quando actum irritet, 552. 18
 12 Legis transgressio quoad genus inobedientia est, 370. 9
 13 Rem potest mutare moraliter, licet non physice, *ibid.* 11

Lex Naturalis.

- 1 Lex naturalis in rigore non obligat hominem ad adorationem pure mentalem, 46. 2. & 4
 2 In lege naturali fuit usitatum Deum colere utriusque naturæ actibus, 44. 9
 3 Per adorationem mixtam potest homo satisfacere naturali præcepto, 47. 4
 4 Ex lege naturali non est determinatus externus cultus adorationis, *ibid.* 6
 5 Datur tamen præceptum de eo, & quale sit, *ibid.*
 6 In lege naturali non erat præceptum decimarum, 64. 5
 7 Lex naturalis vel pure, vel fidei lumine illustrata, 365. 2

Lex Scripta.

- 1 In lege scripta sæpe fuit latum præceptum de primitiis offerendis, 62. 10
 2 Quæ conditiones in lege scripta fuerint additæ primitiis, *ibid.*
 3 Lex scripta quoad præcepta judicialia, & ceremonialia cessavit, 63. 15
 4 In lege hac datum est divinum præceptum de solvendis decimis, 64. 6
 5 Solum fuit de decimis prædialibus non de personalibus, *ibid.*
 6 Quid decimæ in lege scripta significarent, 65. 7
 7 Præceptum decimarum non est idem in lege scripta, & in lege nova, 66. 5
 8 Cur decimæ personales in lege scripta non solvebantur, 70. 17
 9 Cur lex vetus sit mortua, & cur mortifera, 139. 12
 10 Festum Pentecostes, prout fuit in lege scripta, erat de jure Divino, 156. 2
 11 Purgationes aliquæ in lege scripta licebant, 255. 16

Liberaſe Opus.

- 1 Liberalia opera non prohibentur in festo, 195. 3
 2 An detur opus, quod nec servile sit, nec liberale, vide servile opus, n. 5

Liberalitas.

- 1 Datur in nobis erga homines, non erga Deum, 12. 4
 2 Non recipit ullam conditionem debiti, *ibid.*

Litania.

- Tres dies, quibus solennes litanie fiunt, non sunt festivi, 156. 1

Ludus.

- Ex ludo licito debentur decimæ, 120. 5

M

Magia, & Magus.

- 1 Magia sumitur pro Philosophia naturali, 315. 1
 2 Magia alia naturalis, alia superstitiosa, *ibid.* 2
 3 In quo differat magia stricte sumpta a divinatione, *ibid.* 3
 4 Discrimen inter magiam, & maleficium, *ibid.* 4
 5 Quidam magiam, & dæmones dari negant, 316. 5
 6 Hoc contra fidem est, 316. 7
 7 Effectus magiæ non possunt tribui animis mortuorum *ibid.*
 8 Magia est superstitio, & tacita idololatria, 317. 10
 9 Peccata divinationis, & magiæ ejusdem sunt rationis, *ibid.*
 10 Magia potest habere varias malitias adjunctas contra alias virtutes, *ibid.* 11
 11 Gra-

- 11 Graves iniustitiæ in ea committuntur, & magi tenentur ad restituenda damna, *ibid.* 12
 12 Applicans medium inutile, ut res fiat, tacite vult, ut illa a dæmone fiat, 318. 10
 13 Magia ex parte effectus in tres species dividitur, *ibid.* 2
 14 Notoria ars ad quam speciem pertineat, *ibid.* 4
 15 D. Thom. sentit, hanc artem ad magiam pertinere, easque mendosus locus corrigitur, *ibid.* 5
 16 Si quis ex ignorantia notoriam artem a Deo peteret non committeret magiam, sed tentaret Deum, 319. 6
 17 Omnis ars discendi scientiam ope dæmonis spectat ad primam speciem magiæ, *ibid.* 7
 18 Quæ res spectent ad secundam speciem magiæ, quæ dicitur sanitatum, *ibid.* 8
 19 Nulla opera magiæ sunt vera miracula, 325. 8
 20 Opera magiæ nec semper vera, nec semper falsa, 326. 11
 21 Divitiæ per magiam datæ ordinariæ vanæ sunt, *ibid.* 13
 22 Quæ per magiam acquiruntur, quando possint retineri, 330. a n. 2
 24 Magis conversis remedium contra desperationem adhibendum, *ibid.* 4
 25 Non opus est, ut Chirographus a Mago datus dæmoni iterum restituatur, *ibid.*
 26 Cur magi in Ægypto Cyniphes facere non potuerint, 325. 7
 27 Mago pœna imposita, vide verbum magiæ pœna, a n. 1
 28 Quo pacto cognosci possint magi suspecti de heresi, 338. 10

Magia prout efficit sanitatem.

- 1 Quæ res spectent ad magiam effectricem sanitatum, 319. 8
 2 Ais magica est, quando effectus ab ea promissi sunt supra vires causarum creaturarum, *ibid.* 9
 3 Effectus servandi corpus a læsionibus est magicus, *ibid.*
 4 Et si res, & verba sint sacra, si cum impertinentibus signis fiant, committitur magia, 320. 10
 5 Evangelium, aut verba sacra ferre sperando certum auxilium non caret superstitione, *ibid.*
 6 Quomodo cognoscendum, an verba adhibita sint superstitione, *ibid.* 11
 7 Signa, quæ adhibentur præter signum crucis ordinariæ continent superstitionem, & frequenter idololatriam, *ibid.* 12
 8 Ad magiam spectant effectus subito, vel loco distanti, vel facile exerciti, 321. 14
 9 Hi effectus non communicantur ab animæ imaginatione, vel affectu operantis, *ibid.* 15
 10 Neque cœlestibus influentiis, *ibid.* 16
 11 Cajetanus in hac materia defendit imagines Astronomicas, *ibid.* n. 27. impugnatur, *ibid.* 18
 12 Quid dicendum de his, qui curant per verba, & panniculi applicationem, 322. 23
 13 Quid de saluatoribus, 323. 25
 14 Facientes hos effectus per herbas accommodatas, quas subtiliter applicant, non committunt magiam, *ibid.* 24
 15 Quomodo aliquando peccent, *ibid.*
 16 Nisi herbas ostendant saltem magistratibus, non sunt publice admittendi, *ibid.*
 17 Potest quis uti postea herba a dæmone ostensa, *ibid.*
 18 Confessores non debent absolvere eos, qui curant per verba, & panniculi applicationes, *ibid.* 26
 19 Non potest præsumi, quod Deus hanc gratiam alicui sancto concessisset, *ibid.* 27

Magia effectrix maleficiorum.

- 1 Maleficium ad magiam spectat, 324. 28
 2 Effectus maleficiorum sunt semper veri, 328. 22
 3 Remedia supernaturalia ad tollenda maleficia utilia, 331. 6
 4 Licitum est signa destruere, ad quorum præsentiam sunt maleficia, *ibid.* 9
 5 Si hæc signa tollantur ex mala intentione, actio erit mala, sed non superstitione, 332. 11
 6 Hæc signa non solum licite, sed ex præcepto auferenda, *ibid.* 12

Suarez. Tom. XII.

- 7 Quæ signa positiva licite sunt, ut dæmon cesset a maleficio, 333. 16
 8 Non licet uti magia ad tollendum maleficium, 334. 1
 9 Non licet petere a dæmone, ut cesset a maleficio, 335. 5
 10 Non licet cogere minis maleficium ad tollenda maleficia per alia maleficia, *ibid.* 7
 11 Non licet petere a mago licet parato, ut tollat maleficium per aliud, 334. 2
 12 Potest petere a malefico, ut tollat maleficium, si ille sciat licito, & illicito modo tollere, etiam si illicito uti debeat, 336. 9

Magia pœna.

- 1 Divini, magi, & malefici eadem pœna afficiuntur, 336. 2
 2 Nullam censuram ipso facto incurrunt, 337. 3
 3 Explicatur caput si quis Ariolos, *ibid.* 4
 4 Quando datur hæresis in mago, ratione illius manet ipso facto excommunicatus, 338. 8
 5 Per quamcumque actionem externam suæ artis hanc pœnam incurrunt, *ibid.*
 6 An ad hoc forum pertineat hoc debitum, *ibid.* 11
 7 Quæ pœnæ per hoc crimen sint imponendæ clerico in judicio ecclesiastico, *ibid.* 12. quæ laico 339. 13
 8 Quæ pœna a jure civili imponatur, 339. 14

Magister.

- Ab ecclesia conductus, vide simoniam, 53

Maleficium.

- 1 Discrimen inter magiam, & maleficium, 316. 4
 2 Vide verb. magia effectrix maleficiorum, a n. 1

Manus.

- 1 Manuum elevatio ad cælum quid significet, 47. 8
 2 Non solum ad Deum, sed ad homines etiam fit, *ibid.*

Beata virgo Maria.

- 1 Incarnationis festum est Christo, & Virgini dicatum, 145. 2
 2 Circumcisionis festum similiter, & præsentationis, 147. 8. & 10
 3 Conceptio Virginis potuit ab ecclesia sub præcepto constitui, 159. 2
 4 Non est huc usque ad præceptum impositum, *ibid.* 3
 5 Hoc festum initium habuit in Anglia, *ibid.*
 6 Nativitas Virginis sub præcepto universali observatur, *ibid.* 4
 7 Quando celebrari cœperit, *ibid.*
 8 Festum præsentationis non est præcepti, sed devotionis, 160. 11
 9 Visitationis festum quando cœperit, *ibid.* 12
 10 Non observatur sub præcepto universali, *ibid.*
 11 Purificatio numeratur inter quatuor præcipuas Virginis sollemnitates, *ibid.*
 12 Assumptionis festum de jure communi observatur, *ibid.* 13
 13 Non est de jure Divino, *ibid.* 14
 14 Ab Apostolis manasse probabile est, *ibid.*
 15 Festum B. Mariæ ad Nives, *ibid.* 15
 16 Expectationis festum proprium est Hispaniæ, *ibid.*
 17 Descensionis similiter, *ibid.*
 18 Nulli Sanctorum, excepta Virgine, duo dies sub præcepto servantur, 162. 8
 19 Beata Virgo adhuc vivens apparuit Jacobo in urbe Cæsar-Augustana, 163. 16

Martyr & Martyrium.

- 1 Passio martyris non est effective ab ejus voluntate, est tamen objective voluntaria, 41. 11
 2 An martyrium sit actus designatus ad cultum Dei, 48. 1

Mathematicus.

- 1 Mathematicorum conjectura circa puerorum nativitatem debilis est, 298. 11
 2 Sixtus V. non prohibuit omnino illorum judicium circa puerorum inclinationem, *ibid.* 12

Matricida.

- 1 A matricida non est accipienda oblatio, 58. 9

Matrimonium.

- 1 Illius notanda differentia a reliquis sacramentis, 383. 6
 Vide simoniam, n. 85. 77. 52

Matthias.

- 1 Sors, qua electus fuit, non habuit imperfectionem, 307. 21

- Probabile est, datum fuisse aliquod signum divinum in hac electione, *ibid.* 23
- Merces & mercenarium opus.*
- 1 Quid sit opus mercenarium, 187. 1
 - 2 Lucrum & merces in quo differant, *ibid.* 5
 - 3 Utrum opus ex mercede fiat servile, *ibid.* 2. n. 6
- Meretrix.*
- 1 A publica meretrice non est accipienda oblatio, 57. 8
 - 2 Non tenetur dare pauperibus decimam ab ecclesia non acceptatam, 121. 9
- Miraculum.*
- 1 Quid sit miraculum, 325. 8
 - 2 Nulla opera magiæ sunt vera miracula, *ibid.*
- Misericordia.*
- 1 Est propria religiosi, 18. 10
 - 2 Cedit religioni, 4. 1
 - 3 Quibus virtutibus præster, *ibid.*
- Misericordia, vide simoniam,* 10
- Missæ.*
- 1 Materia oblationis, quæ sit in missa, est solum panis, & vinum aqua mixtum, 52. 8
 - 2 Utrum omnes audientes missam communicarent olim, *ibid.*
 - 3 Circumcisionis die duæ missæ olim celebrabantur, 147. 8
 - 4 Præceptum audiendi missam quomodo possit dici de iure Divino, 177. 2
 - 5 An sit in iure, *ibid.* 3
 - 6 An peregrini obligentur ad missam, quando brevi tempore sunt in loco, ubi dies est festus, 175. 22
 - 7 Antiquitas audiendi missam in festo, 177. 4
 - 8 Hoc præceptum missæ sub mortali obligat, *ibid.* 5
 - 9 Pro quo tempore obliget præceptum hoc in die festo, *ibid.* 7
 - 10 An qui mane discedit a loco, ubi festum agitur, teneatur prius ad missam, 179. 9
 - 11 Non relinquenda missa propter concionem in festo, 181. 10
 - 12 Cum non potest quis missam audire, non tenetur ad alias preces, 182. 16
 - 13 Qui in missa, vel officio accidentales ritus non servat, superstitionem committit venialem, 271. 19
- Mundus.*
- 1 Mundus vel in æquinoctio vernali, vel post illud fuit conditus, 153. 17
 - 2 Mundum a Deo animari quidam credebant, & ita illum ut Deum adorabant, 273. 5
- Mutuum.*
- 1 Emens mutuum solvendo usuras, vere acquirit pecuniam mutuam, 552. 19
- N
- Natalis Dies.*
- Nativitatis festum ab Apostolis institutum, 146. 6
- Necessitas.*
- 1 Qui in extrema necessitate aliena consumit, non tenetur postea restituere, 83. 16
 - 2 Quo pacto necessitas gravis excuset a decimis, vide verbum decimæ, n. 41. & 42
- Notoria ars.*
- 1 Notoria ars pertinet ad primam speciem magiæ, 318. 4
 - 2 Si quis ex ignorantia notoriam artem a Deo peteret non magiam committeret, sed tentaret Deum, 319. 6
 - 3 Quid D. Thomas de hac arte senserit, *ibid.* 8
- Notarius.*
- Quando committat simoniam, vide verb. simoniæ causa efficiens, a n. 9
- Novalia.*
- 1 An privilegium non solvendi decimas prædiales extendatur ad novalia, 93. 7
 - 2 An præscriptio contra decimas extendatur ad novalia antea non possessa, 100. 9
 - 3 An non alię comprehendantur, quando conceduntur uni ecclesiæ decimæ prædiorum alterius, 101. 4
- O
- Obedientia, vide religionem.*
- 1 Quo pacto Deum attingat, 8. 5
 - 2 Obedientia distinguitur a religione, 35. 3
 - 3 Obedientia immediate circa præceptum versatur, & aliquo etiam modo circa auctorem præcepti, *ibid.* 4
 - 4 Quomodo obedientia solvat debitum Deo, *ibid.* 5
 - 5 Eadem obedientia Deo & hominibus obtemperamus, 36. 7
 - 6 Obedientia præceptorum potest imperari a causis specie distinctis, *ibid.*
 - 7 Cedit obedientia religioni, 41. 15
 - 8 Actus obedientiæ necessarius ad salutem in perfecta dilectione Dei continetur, 46. 3
 - 9 Sub speciali formalitate virtutis moralis non est simpliciter necessarius ad salutem, *ibid.*
- Oblatio.*
- 1 Oblatio, & sacrificium differunt tanquam genus & species, 48. 1
 - 2 Quid sit propria oblatio, 49. 2
 - 3 Variæ ejus divisiones, *ibid.*
 - 4 Oblatio non est de lege naturali, *ibid.* 7
 - 5 Explicatur D. Tho. qui in hoc ponit discrimen inter sacrificium, & oblationem, *ibid.*
 - 6 Oblatio est actio minus sacra, & publica, quam sacrificium, 50. 8
 - 7 Ejus usus magis voluntarius semper fuit, quam sacrificium, *ibid.*
 - 8 Est legi naturali consentaneus, 50. 1
 - 9 Quæ oblatio Cain, & quare Deo displicuit, *ibid.*
 - 10 Oblationum usus in lege gratiæ licitus, & sanctus est, 51. 2
 - 11 Panis, & vini oblatio antiquissima in ecclesia, *ibid.*
 - 12 Oblationes Deo immediate factæ sunt licitæ, 52. 8
 - 13 Ecclesiis, vel piis locis factæ licitæ sunt, 51. 6
 - 14 Quædam sacerdotibus sunt ad eorum sustentationem, 52. 7
 - 15 Hæ non continent immediatum cultum Dei, *ibid.*
 - 16 Materia oblationis, quæ sit in missa, solum est panis, & vinum aqua mixtum, *ibid.* 8
 - 17 Oblationes legales ut tales cessarunt in lege nova, *ibid.* 9
 - 18 An oblationes ecclesiæ debeantur ex præcepto, *ibid.* 1
 - 19 Quo pacto hic sumenda oblatio, 53. 3
 - 20 Quatuor tituli ex quibus potest oriri oblationum obligatio, *ibid.*
 - 21 Primus est ex conventionione, *ibid.* 4
 - 22 Secundus ex voto, vel legato, *ibid.* 5
 - 23 Tertius causa sustentandi ministros ecclesiæ, *ibid.* 6
 - 24 Hic non datur, si decimæ sint sufficientes ad sustentationem ministrorum, *ibid.* 7
 - 25 Nec cum parochiani sunt ita pauperes, ut non habeant unde faciant oblationes, 54. 9
 - 26 Quid in hoc casu sit faciendum ad sustentationem ministrorum, *ibid.*
 - 27 Quartus titulus oblationum est consuetudo, *ibid.* 10
 - 28 Consuetudinem inducere obligationem oblationum est communis sententia, *ibid.* 12
 - 29 An consuetudo oblationum in principio spontanea vim habeat obligandi, si ex conscientia erronea sub obligatione continetur, 55. 16
 - 30 Consuetudo oblationum, potest obligare per modum præscriptionis, *ibid.* 19. & 20
 - 31 Ad hanc præscriptionem sufficit continuatio decem annorum, 56. 21
 - 32 Ad illam non est opus continuatio oblationum in eadem persona, sed sufficit in diversis, *ibid.*
 - 33 An possit negari sacramentum non solvendi oblationes, *ibid.* 23
 - 34 Post inductam consuetudinem oblationum non potest populus contra illam aliquid statuere, *ibid.* 24
 - 35 Qui oblationes non solvunt an incurrant aliquam censuram, vel poenam, *ibid.* 25
 - 36 Quæ circumstantiæ ad oblationes requirantur, *ibid.* 1
 - 37 Qualis debeat esse persona offerens, 57. 2
 - 38 Excommunicati non possunt facere oblationes, *ibid.* 3
 - 39 A re pro re non est accipienda oblatio, *ibid.* 6
 - 40 Ab usurario non est accipienda oblatio, *ibid.*
 - 41 A quibus peccatoribus non est accipienda oblatio, *ibid.* 4. 5
 - 42 Oblatio rei injustæ possessæ non est accipienda, *ibid.* 6
 - 43 Quando peccatum oblationem maculat, illa non est accipienda, *ibid.*

44 Quando vitium est personæ, & non rei oblata, potest recipi oblatio a peccatore, dummodo non sit scandalum, *ibid.* 8

45 A publica meretrice non est accipienda, *ibid.*

46 A fratribus decedentibus similiter, 58. 9
A matricida item, *ibid.*

47 Ab illis, qui speciali jure prohibentur offerre non est acceptanda oblatio, *ibid.*

48 Hæc prohibitio intelligenda solum de oblationibus factis ad altare, *ibid.* 10

49 Non solum intelligenda de oblationibus spontaneis, sed etiam de necessariis, *ibid.* 11. & 12

50 An expectanda condemnatio, & declaratio peccatoris, ut oblationes non accipiantur, 59. 13

51 Prohibitio vel sit peccatoribus, ne offerant, vel ministris, ne accipiant, *ibid.* 14

52 Necesse est, ut sit verus Deus is, cui directe sit oblatio, *ibid.* 1

53 Quando homini sit immediate, adhuc ratio offerendi est Deus, *ibid.* 2

54 Hic homo necesse est ut sit clericus, vel alia persona cultui Divino deputata, *ibid.* 2

55 Jus ad oblationes solis ecclesiasticis convenit, *ibid.* 3

56 Res oblata quando possit converti in usum laicorum, *ibid.*

57 Tribus modis sunt religiosi oblationum capaces, *ibid.* 19

58 Quas condiciones habere debeat res oblata, 60. 21

59 Qualis res offerenda, quando oblatio est spontanea, *ibid.* 21. & 22

60 Offerre cæcum, aut mancum in oblatione spontanea non videtur ex se grave peccatum, *ibid.*

OBLIGATIO.

Vide verb. simonia, 57. 58

OBSEQUIUM.

Vide verb. simoniæ pret. dictum munus ab obsequio, a n. 1

ODIUM.

1 Odium Dei est omnium peccatorum gravissimum, 280. 13

2 Omne peccatum mortale includit odium Dei interpretative, *ibid.* 14

OFFICIUM DIVINUM.

1 Clericus obligatur ad officium divinum non debito iustitiæ, sed religionis, 115. 6

OMISSIO.

1 Omissio actus jurisdictionis spiritualis potest esse, 424. 9

2 Omissio, vide simoniam, a 59. ad 60

OPINIO.

Quando dicenda opinio tutior, 188. 3

OFFICIA TEMPORALIA.

1 Officia temporalia, & eorum actus stando in jure Divino non sunt materiæ simoniæ, 450. 1

2 Actio distribuendi officia ecclesiastica, non est vendibilis, *ibid.* 2

3 Officia eccles. vendi non possunt sine simonia propter prohibitionem, *ibid.* 3

4 Dispensatoris officium vendi prohibetur, 451. 8

5 Ecclesiæ defensor non potest pecunia constitui, 452. 9

6 Qui ecclesiæ advocatus non possit pecunia constitui, *ibid.*

7 Qualis item iudex, *ibid.* 10

8 Quid sit mansionarius, *ibid.*

9 Officium sacristæ vendi prohibetur, *ibid.*

10 Officium primicerii vendere est contra jus canonicum, *ibid.* 12

11 Vendere functiones horum officiorum non est simonia, *ibid.* 13

ORATIO.

1 Quomodo spectet ad religionem, 10. 1

2 Oratio interna, ut est materia religionis primam honestatem a divino cultu habet, 12. 5

3 Oratio publica, & sacrificium sunt adorationes publicæ usitæ inter homines, 48. 14

4 Oratio dominica non est instituta, ut in persona tantum ecclesiæ dicatur, sed ut pro tota ecclesiâ fiat, 269. 16

ORDINES.

1 Ordines quatuor minores, vide simoniam, 81
Suarez Tom. XII.

2 Quomodo in recipiendis ordinibus committatur simonia, vide verb. simonia.

P

PACTUM.

1 Ad divinationem sufficit implicitum pactum cum demone, 289. 1

2 Pactum implicitum in quo consistat, 291. 11

3 In confessione aperiendum, an divinatio fuerit ex pacto expresso, 292. 1

4 Inter dæmones, & homines potest dari pactum, 284. 1

PANIS.

1 Panis benedicti usus, 51. 3

2 Panis, & vini oblatio antiquissima in ecclesiâ, *ibid.* 2

3 Materia oblationis, quæ fit in missa, non potest esse nisi panis, & vinum aqua mixtum, 52. 8

PAPA.

1 An eadem virtute Christus, & ejus vicarius Summus pontifex colatur, 31. 7

2 Utrumque genu pontifici flectitur, 47. 7

3 Quid possit papa circa decimas, vide verbum decimæ, a n. 49

4 Potestas determinandi quorum decimæ de jure Divino competit soli pontifici immediate, 67. 9

5 Potestas jurisdictionis spiritualis in solo pontifice est immediate, in aliis communicata, *ibid.*

6 Ponere decimam de novo ad solum pontificem spectat, 73. 11

7 Non se privare potest potestate condendi decimas, *ibid.*

8 An pontifex possit dispensare in jure Divino positivo, 77. 8

9 An papa obligetur ad decimas, 84. 4. & 85. 8

10 An attento jure divino naturali posset ab episcopis quorundam aliquam suorum reddituum petere, 86. 11

11 Quomodo in electione pontificis possit redimi vexatio, vide verb. electio, a n. 1

12 An papa possit committere simoniam, vide verb. simoniæ causa efficiens, a n. 1

13 Pontifex non ita pertinet ad clerum cujuscumque parochiæ, ut episcopi, 111. 8

14 Solus papa potest decernere festivitates universales, 142. 3

Vide simoniam, 85

PAROCHUS.

1 Quando decimæ non sufficiunt ad sustentationem parochi, quid faciendum, 53. 7

2 An possit negare sacramentum non solventi oblationes, 56. 23

3 Peccatori occulto publice petenti sacramentum debet dare, *ibid.* 24

4 Si nec pontifex, nec pensionarius aliat parochum, an populus ad id teneatur, 79. 8

5 An parochus teneatur ad decimas, vide verbum decimæ, n. 51. & 52

6 Parochus tenetur ex officio ad concionandum vel per se, vel per alios, 180. 7

7 Parochus quomodo in absentia episcopi possit dare licentiam ad laborandum in festo, 213. 2

PASCHA.

1 Paschatis festum ab Apostolis institutum, 149. 1

2 Non est de jure Divino, *ibid.*

3 Quot dies hebdomadæ paschalis observentur, 150. 2

4 Paschatis festum semper dominica die celebrandum, *ibid.* 3

5 Hæreticorum est sentire illicitum celebrare pascha die dominica, *ibid.* 5

6 Joannes Evangelista celebravit pascha 24. lunæ sine observatione dici dominicæ, 151. 9

7 Post ecclesiæ decretum hoc jam non potest fieri, *ibid.* 7

8 Pascha die dominica celebrari convenientius est, *ibid.* 10

9 Oppositum sentire est temerarium, *ibid.*

10 In decima quarta luna non celebratur pascha, ne cum Judæis celebretur, 152. 11

11 Cur non celebretur semper certo die mensis, *ibid.* 13

12 Celebrandum pascha proxima dominica post decimam quartam lunam primi mensis, *ibid.* 14

13 Annus lunaris observabatur a Judæis in paschate, 153. 15

- 14 Judæorum pascha quo die celebrabatur, *ibid.*
 15 An aliquando sit nostrum paschacelebrandum in luna, 154. 22
 16 Intra quot dies possit pascha celebrari, *ibid.* 23
 17 In toto orbe eodem die celebratur, 155. 28
PASSIO CHRISTI.
 1 Festum passionis, 148. 15
 2 Judicia cessant per septem dies passionis, *ibid.*
 4 Probabile est coli hos dies olim operum cessatione, *ibid.* 16
 5 Non ita modo, *ibid.*
 6 An ab officio missæ feriæ quintæ usque ad finem officii feriæ sextæ sit cessandum ab opere servili, *ibid.*
 7 Feriæ passionis cur solennes appellentur, 149. 18
PATRONUS, ET JUS patronatus.
 1 Aliud jus patronatus civile, aliud canonicum, 445. 1
 2 Cur honorificum, utile & operosum dicatur, *ibid.*
 3 Patronus habet jus præsentandi personas ad suas ecclesias, *ibid.* 2
 4 Jus patronatus, quoad honorem, utilitatem, & defensionem, non est materia simoniæ, *ibid.* 3
 5 Simonia est vendere jus patronatus, prout est jus præsentandi, 446. 5
 6 Hæc Simonia est contra jus Divinum naturale, *ibid.* 7
 7 Jus patronatus intrinsece est spirituale, dicitur tamen partim temporale, *ibid.*
 8 Jus præsentandi, quod est in patrono laico, est materia simoniæ, 447. 10
 9 Præsentatio ad beneficium est materia simoniæ in patrono, *ibid.* 11
 10 Jus patronatus licet vendi non possit, transire potest cum re vendita, *ibid.* 12
 11 Propter illud non potest res vendi carius, *ibid.* 13
 12 Jus patronatus non potest in alium transferri, nisi modis a jure expressis, 448. 15
 13 Primus modus est per jus hereditarium, *ibid.* 16
 14 Non solum ad hæredes necessarios, sed etiam ad voluntarios potest transire, *ibid.*
 15 Per liberalem donationem transfertur etiam, *ibid.*
 16 Quando ad hanc donationem requiratur episcopi licentia, *ibid.*
 17 Jus patronatus transfertur etiam cum re vendita, *ibid.* 17
 18 Dividitur in reale, & personale, *ibid.*
 19 Quando jus patronatus per se donatur, eget consensu episcopi, secus, transeat cum donatione villæ, *ibid.*
 20 Simoniaca non est venditio, quod in ea nominetur jus patronatus, si pretium non excedit valorem villæ, *ibid.* 18
 21 Si jus patronatus est personale, non transit ex vi venditionis, si vendatur pars bonorum a patrono, *ibid.* 19
 22 Neque si vendat omnia bona, 449. 20
 23 Cur transeat ad hæredem, *ibid.*
 24 Ex donatione quomodo possit dari clementi, *ibid.*
 25 Quid dicendum, quando jus patron. non adhæret bonis, sed bona juri, *ibid.* 21
PAUPER.
 1 Intuitu subventionis pauperum bene posset ecclesia decimas instituere, 69. 7
 2 Cura pauperum specialiter prælatis commissa est, *ibidem.*
 3 Decimæ datæ clericis habent respectum ad subventionem pauperum, 70. 15
 4 Qui pauperes teneantur ad decimas, 83. 15
 5 Cur decimæ ad pauperes non pertineant, 113. 14
PECCATOR.
 1 In voluntate peccatoris manet habitus piæ affectionis, 8. 2
 2 Religionis infusæ habitus non manet, *ibid.*
 3 Actus Relig. infusæ potest in eo dari, 22. 11
 4 A quibus peccatoribus non est accipienda oblatio, vide verb. oblatio, a n. 37
 5 Non est expectanda declaratio peccatoris, ut oblationes ab eo non accipiantur, 59. 13
 6 An publicus peccator teneatur post conversionem solvere decimas omnis prioris lucri, 121. 10
 7 Idololatra dicitur, qui mortaliter peccat, 271. 1
PECCATUM.
 1 Omne peccatum est contra personam rationalem, aut intellectualem, 6. 2
 2 Penitentia non supponit præcessisse peccatum in subjecto, in quo est, 36. 4
 3 Detestatio peccati potest esse actus charitatis, 44. 5
 4 An peccatum sit specialiter prohibitum in festo. Vide verb. festi dies, num. 40. & 41
 5 Malitia, quæ in omni peccato includitur non spectat ad irreligiositatem, 250. 11
 6 Omne peccatum mortale includit odium Dei interpretative, 280. 14
 7 Probabile est, peccare in die festo esse sacrilegium veniale, 345. 2
PECUS.
 1 Pecorum decimæ quando solvendæ, 132. 6
PENSIO.
 1 Probabile est posse Pontif. æstimare valorem pensionis, & eum simul accipere, 434. 29
 2 Episcopus non potest imponere pensionem, nisi in casibus a jure concessis, 436. 37
 3 An pensio sit res spiritualis, 438. 1
 4 Pensionum quædam conferuntur omnibus, aliæ solis clericis, *ibid.* 3
 5 Priores non sunt materia simoniæ, *ibid.* 5
 6 Secundum jus novum Pii V. pensiones sunt spirituales, & invendibiles, 439. 8
 7 Tenentur ad recitandum officium Virginis, quicquid eas habent, *ibid.*
 8 Pensionarius habens licentiam transferendi pensionem simoniacus erit, si pro pretio faciat, *ibid.* 9
 9 Qui habet licentiam transferendi totam, potest transferre partem retento spiritali titulo, *ibid.*
 10 Qui accipit partem, tenetur ad explendam obligationem Pii V. *ibid.*
 11 Ante Pium V. non erat contra jus Divinum pensiones redimere, *ibid.* 10
 12 Supposito jure Pii V. redimere pensiones est simonia contra jus Divinum, 440. 13
 13 Pensio injusta valida redimi non potest, invalida potest, *ibid.* 15
 14 Pensiones temporales vendere est simonia ex stylo curiæ, *ibid.* 16
 15 Si pensio redimatur manente pensionario obligato ad pensum spirituale, non sit simonia, *ibid.* 17
 16 Hæc non est venditio, sed locatio pensionis, *ibid.*
 17 Pensionarius potest renunciare pensioni manendo liber ab onere spiritali, 441. 18
 18 Pensio clericorum vel datur in stipendium, vel ratione beneficii, *ibid.* 19
 19 Stipendiaria nec vendi, nec redimi potest, *ibid.* 20
 20 Pensionarius retento officio, pro quo datur pensio, potest pacisci de illa, *ibid.*
 21 Episcopus non potest sine simonia dare munus, cui est annexa pensio, cogendo ad redemptionem, *ibid.*
 22 De pensione stipendiaria personali potest prælatus pacisci, *ibid.* 21
 23 Potest eam imminuere, quantum potuerit, si officium non habeant tum taxatum, *ibid.*
 24 Pensio alia datur in titulum beneficii, alia pro beneficiis, *ibid.* 23
 25 Prima benef. est, *ibid.*
 26 Pensio pro beneficiis triplex est, *ibid.*
 27 Opinio asserens posse illa vendi, & redimi, 442. 24
 28 Opinio asserens, neque modo, neque unquam vendi potuisse, *ibid.* 25
 29 Consulendus stylus curiæ, an pensiones ex jure antiquo essent vendibiles, & irredimibiles, *ibid.* 26
 30 Ex novo jure, Pii V. non possunt vendi, *ibid.*
 31 Vel est temporalis, vel spiritalis, 463. 1
 32 In titulum beneficii erectum est præstimonium, *ibid.*
 33 Neque pensionum permutatio, neque collatio potest fieri auctoritate episcopi, 464. 7
 34 Pensio translata in aliam personam est eadem numero, *ibid.* 6.
 35 Beneficiorum permutatio cum pensione, qui fieri possit, vide beneficiorum permut. cum pens. a n. 1
PENTECOSTES.
 1 Pentecostes cur numeretur inter Christi festum, 156. 2
 2 Prout fuit in lege veteri, erat de jure Divino, *ibid.*
 3 Non ita in lege gratiæ, *ibid.*
 PE-

PEREGRINUS.

- 1 An peregrini dum extra parochiam, oppidum, vel episcopatum versantur, teneantur ad festa, & leges illius, vide verb. festi diei, an. 17
- 2 Peregrinus debet cessare a servilibus, etiam si brevi tempore maneat in loco, ubi est dies festus, 175. 21
- 3 De missa quid dicendum, ibid. 22
- 4 Quæ mora obliget peregrinum ad præceptum negativum, & quæ ad positivum, 176. 24

PERFECTIO SIMPLICITER SIMPLEX.

- 1 Religio non dicit perfectionem simpliciter simplicem, 21. 4

PERMUTATIO.

- 1 Vide verb. beneficiorum permutatio, an. 1

PERSONA DIVINA.

- 1 Una persona divina non potest aliam colere, 21. 5
- 2 Religio in persona increata potest dari, ut in Christo, ibid. 7

S. PETRUS.

- 1 Petri, & Pauli festum a die martyrii eorum cepit, 162. 11
- 2 Non est certum non fuisse Evangelium Gentibus prædicatum ante revelationem Petro factam, 163. 14

PHILOSOPHI.

- 1 Qui cultum Dei abjecerint, 43. 1
- 2 Variæ philosophorum opiniones circa suos deos, 273. 5
- 3 Multi credebant substantias separatas non fuisse ab alio factas, ibid. 7
- 4 Triplicem Theologiam distinxerunt, physicam, civilem, & fabulosam, 273. 5

PISCATIO.

- 1 Prohibetur in festo, 203. 5
- 2 Quæ liceat ex consuetudine, ibid.

PLACITUM.

- 1 Placitum non licet in festo, 205. 6
- 2 Qui actus ad placitum pertinentes liceant in festo. Vide verbum festo die quæ liceant, an. 3. 2
- 3 Placitum quomodo sit prohibitum, & irritum in ecclesia. Vide verb. ecclesiæ quæ sint contraria, an. 6

POENITENTIA.

- 1 Non est justitia commutativa, ut falso Duran. dixit, 29. 12
- 2 Poenitentia, ut sit in subjecto non supponit præcessisse in eo peccatum, 36. 4
- 3 Recompensatio pro injuria facta Deo ad poenitentiam spectat, ibid. 5
- 4 Poenitentia æquiparatur injustitiæ in aliquibus, 37. 7
- 5 Poenitentiam non distingui a religione probabile est, contrarium tamen probabilius, ibid. 10
- 6 Justitia ad Deum dividitur in religionem, & poenitentiam, ibid.
- 7 Debitum poenitentiae est restrictius, quam religio, 38. 11
- 8 Poenitentia an necessario exerceat actum positivum erga Deum in effectu, vel affectu, ibid.
- 9 Nobilior est quam religio, 42. 17
- 10 In constituenda æqualitate magis deficit, quam religio, ibid.
- 11 Ad poenitentiam ex jure divino tenetur homo, si mortaliter peccavit, 46. 2
- 12 An necessaria sit ad salutem per modum specialis actus virtutis moralis, ibid. 3
- 13 Poenitentiae actus non est in festis imperatus, 182. 14

POLLUTIO ECCLESIAE.

- 1 Per quos actus ecclesia polluitur, Vide verb. ecclesiæ pollutio, an. 1

PRECES.

- 1 Vide verb. simoniæ pretium dictum munus a lingua, an. 2

PRÆCEPTA DECALOGI.

- 1 Præceptum adorandi Deum in quo decalogi præcepto continetur, 45. 14
- 2 Tertium præceptum quoad determinationem Sabbathi est caeremoniale, quoad substantiam tamen est morale, 46. 16
- 3 Quale fuerit tertium præceptum decalogi, Vide verb. festi dies, an. 2

PRÆSCRIPTIO.

- 1 An consuetudo oblationum possit obligare per modum præscriptionis, 55. 19
- 2 Præscriptio non requirit consensum ex parte ejus, super quem cadit, ibid.
- 3 Discrimen inter obligationem legis, & præscriptionem, ibidem.
- 4 Ad præscriptionem in oblationibus qualis continuatio actus requiratur, 56. 21
- 5 Cur datur contra decimas, non ita tamen contra tributa regia, 72. 9
- 6 Quantum tempus sufficiat ad præscriptionem in decimis, 74. 1
- 7 In qua differant consuetudo, & præscriptio, ibid. 3
- 8 In præscriptione requiritur bona fides, non ita in consuetudine, 75. 8
- 9 Quantum tempus requiratur ad præscribendum in decimis. Vide verb. decimæ prædiales, 15. & 16
- 10 An ecclesiastici, vel laici possint præscribere in decimis. Vide verb. decimæ, an. 135

PRÆSENTATIONIS FESTUM.

- 1 Christo simul, & Virgini celebratur, 147. 10
- 2 Quando incoepit, ibid. 11
- 3 Romæ celebratum ad abolenda lupercalia, ibid. 12

PRÆSTIMONIUM.

- 1 Præstimonia non sunt, quæ dantur laicis, 437. 2
- 2 Sunt perpetua, & clericorum propria, ibid.
- 3 Non ex hoc solum quod clericis dentur, sunt materia simoniæ, ibid. 3
- 4 Habent titulum spiritualem, cui temporale commodum est annexum, ibid.
- 5 Sunt beneficia ecclesiæ, & materia simoniæ, ibid. 4

PRETIUM.

- 1 Pretium dicitur per ordinem ad æstimationem operis, 421. 10
- 2 Vide verb. simoniæ pretium, an. 1

PRIMITIAE.

- 1 Sunt primi fructus frugum terræ, 60. 1
- 2 Non optimos fructus, sed tempore primos significat hoc nomen, ibid. 2
- 3 Primitiæ non sunt de jure divino naturali, 61. 4
- 4 Earum usus antiquissimus, ibid.
- 5 Quomodo possint dici de jure naturali, ibid.
- 6 An sint de jure naturæ, prout a sacrificio distinguuntur, ibid. 7
- 7 Per unam actionem satisficit obligationi primitiarum, & sacrificii, ibid. 8
- 8 Consentaneum est tamen, ut præter sacrificium, primitiæ offerantur, 62. 9
- 9 In lege veteri sæpius latum fuit præceptum primitiarum, ibidem.
- 10 Quales circumstantiæ in ea sint additæ primitiis, ibidem.
- 11 De fructibus arborum etiam primitiæ solvebantur, ibid. 11
- 12 Quædam primitiæ offerebantur ante collectionem fructuum, aliæ post illam, ibid.
- 13 Ante decimarum computationem solvebantur, ibidem 12
- 14 Earum quantitas non erat certa, qualis tamen esset in usu, ibid.
- 15 Quo pacto ex collectis fructibus, deducerentur primitiæ, ibid.
- 16 Quæ causæ essent primitiarum in lege veteri, ibid. 13
- 17 Cur Aaron, & aliis sacerdotibus fuerint applicatæ, ibid.
- 18 In lege gratiæ est præceptum solvendi primitias, ibid. 14
- 19 Præceptum hoc non durat in ecclesia, ex vi præcepti veteris legis, 63. 15
- 20 Quantitas primitiarum, quæ erat in lege veteri, non durat in ecclesia, ibid.
- 21 Obligatio primitiarum potest consuetudine variari, & auferri, ibid.

PRIMUM PRINCIPIUM.

- 1 Ratio primi principii non est in Deo attributum ab aliis distinctum, 9. 4
- 2 Formaliter ex pluribus attributis decrescit, ibid.
- 3 Primum principium concipi potest, vel in potentia

- ria ad se communicandum; vel in actis. *ibid.* 5
 4 Sub utroque modo est religionis fundamentum, *ibid.* 6
- PRIVILEGIUM.*
- 1 Privilegium non solvendi decimas est odiosum, 91. 6
 2 Discrimen inter privilegium reale, & personale, 94. 14
- PROCESSIO.*
- 1 Processio habet rationem officii ecclesiastici, 331. 7
 2 Vide simoniam, 72
- PROMISSIO.*
- 1 Ut est materia religionis, primam honestatem a divino cultu habet, 12. 5
 2 Promittere actus religionis, & illos implere ad religionem pertinet, 24. 11
 3 Promissio facta Deo majus debitum legale, & morale inducit, quam facta homini, 29. 17
 4 Quo pacto tollatur obligatio promissionis, 71. 4
- PRUDENTIA.*
- 1 Quomodo religio distinguatur a prudentia, 27. 1
 2 Prudentia non tantum moralis, sed intellectualis est virtus, 42. 18
- PUPILLUS.*
- 1 Bona tutoris sunt obligata pupillo pro mala administratione, 136. 15
- PURGATIO CRIMINIS.*
- Purgationes vulgares quo pacto non liceant. Vide verbum, Tentatio Dei, an. 11
- R*
- RAPTOR.*
- 1 A raptare non est accipienda obligatio, 57. 6
 2 An Virginis raptor possit ab ecclesia auferri, 242. 17
- RELIGIO.*
- 1 Religio non solum significat cultum Dei, sed etiam officium hominibus exhibitum teste Aug. 2. 1
 2 Religio quid proprie significet, *ibid.*
 3 Solum Deum, & ejus cultum respicit, 3. 2
 4 Ejus etymologiae variae referuntur, *ibid.*
 5 Religio dicitur, quia ligat homines Deo, 3. 6
 6 Discrimen inter August. & Lact. de significatione nominis, religio, *ibid.* 7
 7 Hoc nomen specialiter, cui statui quadret, 4. 8
 8 Cur apud Latinos religio sumatur pro anxia cura, *ibid.* 9
 9 Sumitur pro scrupulo conscientiae, *ibid.*
 10 In veram, & falsam dividitur, *ibid.* 1
 11 Aliqueam in intellectu, alii in voluntate consistere dixerunt, *ibid.*
 12 Aliquando religio sapientia dicitur, & vice versa, *ibid.* 2
 13 Vera, vel falsa formaliter dicitur secundum id, quod in intellectu supponit, *ibid.*
 14 Quibus modis falsitas in religione reperiatur, *ibid.* 3
 15 Apud Gentiles qualiter falsa fuerit, *ibid.*
 16 Qualiter apud Judaeos, *ibid.*
 17 Prout spectat ad affectum voluntatis, est formaliter religio, 5. 4
 18 Illa vera est, quae in vera fide fundatur, & falsa, quae in errore, *ibid.*
 19 Falsa non est virtus, *ibid.*
 20 Non solum actus internus, sed externus, quo Deus colitur, religio dicitur *ibid.* 5
 21 Quae honestas sit in rebus, quae participant nomen religionis, *ibid.* 6
 22 Haec vox aequivoca est, *ibid.* 7
 23 Ecclesia etiam religio dicitur, *ibid.*
 24 Religio ad Angelos non ordinatur, sed ad Deum, 6. 3
 25 Petitio quomodo spectet ad relig. 7. 6
 26 Religio infusa non manet in voluntate peccatoris, 8. 3
 27 Refert in Deum totam suam materiam, *ibid.* 6
 28 Datur una ratio, sub qua religio tendit in Deum, 9. 4
 29 Qualiter excellentia divina sit ratio, ob quam religio colit Deum, *ibid.*
 30 Relig. honorem, & gloriam intendit, 10. 6
- 31 Religionis usus per se est conveniens propter solam Dei gloriam, 11. 9
 32 Non solum reddit Deo cultum debitum, sed etiam non debitum, 12. 1
 33 Adequatum munus religionis est reddere Deo cultum debitum, *ibid.* 2
 34 Religio quomodo habeat efficientiam in actum exteriorem, 19. 5
 35 Quomodo distinguatur ab spe, 23. 4
 36 Quomodo distinguatur a charitate, 24. 6
 37 Bene D. Thom. asseruit, actus Theologicarum virtutum posse a religione imperari, *ibid.* 11
 38 Promittere actus, & implere ad religionem pertinet, *ibidem.*
 39 Religio sanctitas dicitur, 25. 13
 40 Non est virtus Theologica, 26. 3
 41 Non attingit Deum immediate, ut objectum quod, *ibid.* 5
 42 Est virtus moralis, *ibid.* 6
 43 Durandus asseruit, partim esse moralem, partim quasi Theologicam, *ibid.*
 44 Religio quod medium respiciat, *ibid.*
 45 Religio gloriam Deo praebet propter justitiae aequitatem, 27. 10
 46 Quomodo distinguatur a prudentia, *ibid.* 1
 47 Sub qua consideratione dici possit justitia, *ibid.* 4
 48 Quae conditiones ei desint, ut sit vera justitia, 28. 10
 49 Quomodo distinguatur a fortitudine, & temperantia, 27. 2
 50 Unde colligatur excellentia religionis inter alias virtutes morales, 31. 4
 51 Quomodo versari potest circa rem creatam, tanquam materiam immediatam, *ibid.* 5
 52 An eodem modo se habeat erga Deum, & Sanctos, quo charitas erga Deum, & proximum, *ibid.* 7
 53 Discrimen inter religionem, & charitatem, prout versantur inter Deum, & proximum, 32. 11
 54 Religio respicit distinctionem inter honorantem, & honoratum, 34. 22
 55 Distinguitur ad obedientiam, 35. 3
 56 Immediatius tendit in Deum, quam obedientia, *ibid.* 4
 57 Cur eadem obedientia circa Deum, & homines versetur, non ita eadem religio, 36. 7
 58 Recompensationem pro injuria Deo facta pertinere ad religionem quidam dicunt, *ibid.* 5
 59 Religionem non distingui a poenitentia probabile est, contrarium tamen probabilius, 37. 10
 60 Religio ex parte objecti postulat positivos actus divini cultus, *ibid.* 11
 61 Inter religionem, & justitiam datur discrimen in solutionis inaequalitate, 38. 13
 62 Religio ex sententia D. Thom. virtutes morales longe superat, 40. 3
 63 Rejicitur opinio Cajetan. justitiam legalem religionis praefertis, *ibid.*
 64 Religio non solum moralibus, sed etiam Theologicis virtutibus potest imperare, *ibid.* 7
 65 Ordinatur justitiam legalem in suum finem, *ibid.*
 66 Quomodo aliquando per justitiam ordinetur, *ibid.* 8
 67 Perfectior est, quam misericordia, 41. 13
 68 Quomodo poenitentia nobilior sit, quam religio, 42. 17
 69 Religio antecedit obedientiam, 41. 19
- RELIGIONIS ACTUS.*
- 1 Inter actum internum religionis, & Deum, semper mediat aliqua actio, 6. 5
 2 Religio nullum habet actum, quo versetur circa Deum, ut objectum quod, 7. 5
 3 Velle petere est actus ab habitu relig. elicited, non ipsa petitio, *ibid.*
 4 Alii actus relig. sunt primarii, alii secundarii, & quomodo Deus per eos colatur, *ibid.* 8
 5 Actus, quibus Sanctos colimus, non sunt religio, si in eorum excellentia consistant, *ibid.* 9
 6 Actus, quo Deus colitur in Sanctis, religionis est, *ibidem.*

- 7 Qui actus relig. habeant rationem signi ex impositione, 11. 1
 8 Quando debeat esse publicum, & quando privatum sufficiat signum in actu relig. ibid.
 9 Qui dicantur interiores, & qui exteriores relig. actus, 14. 1
 10 Actus relig. naturalis possibilis est, ibid. 5
 11 Ad eum per se non requiritur gratia, ibid. 6
 12 Voluntas perfecta colendi Deum fidei cultu est super-naturalis, ibid. 7
 13 Ex triplici capite potest considerari hujus actus super-naturalitas, ibid.
 14 Ex solis principiis non est supernaturalis actus religio-nis, 15. 9
 15 Actus religionis naturalis, & supernaturalis ex di-verso modo tendendi in objectum distinguuntur, ibid. 10
 16 Voluntas non perjurandi est actus religionis, & non justitiæ, ibid. 12
 17 Actus relig. distinguuntur etiam ex parte proximi mo-tivi, ibid. 14
 18 Omnes actus exteriores, circa quos versatur voluntas colendi Deum, spectant ad religionem, 16. 1
 19 Idem actus solitarie sumptus non potest esse affectus colendi Deum, & cultus ipse, ibid. 3
 20 Poterit, si fiat reflexio in eum per alium actum, ibidem.
 21 Quomodo actus interiores religionis inter se distin-guantur, 19. 5
 22 Impugnatur opinio asserens, quoties externi ac-tus distinguuntur specie, distribui etiam internos, ibid. 3
 23 A formali diversitate, quæ in actibus externis datur, distinguuntur specie actus interni circa illos versantes, ibid. 8
 24 Actus religionis distinguuntur inter se non solum per materialia, sed etiam per formalia objecta, 20. 11
 25 Actus religionis infusæ potest dari in peccatore, 21. 9
 26 Abstinere a frequentia communionis potest esse actus a religione elicitus, 23. 5
- Religionis habitus.*
 1 Religionis habitus, religio etiam dicitur, 5. 5
 2 Dari hunc habitum ostenditur, ibid. 7
 3 Velle petere est actus elicitus ab habitu relig. non ipsa petitio, 7. 5
 4 Habitus religionis certum est dari in nobis, 20. 1
 5 Velle est acquisitus, vel infusus, ibid.
 6 Essentialiter est virtus, 21. 2
 7 Proprius est naturæ intellectualis, vel rationalis, ibid. 4
 8 Non potest in Deo dari, ibid.
 9 Non dicit perfectionem simpliciter simplicem, ibid.
 10 Habet pro immediato, & proprio subjecto volunta-tem, ibid. 6
 11 In Christo locum habuit, ibid. 7
 12 Potest dari in persona increata, ibid.
 13 In Beatorum voluntatibus reperitur, ibid.
 14 Voluntas damnati est incapax hujus habitus, ibi-dem. 8
 15 Viator quilibet est capax illius, ibid.
 16 Habitus religionis infusæ non datur in peccatore, 22. 11
 17 In appetitu qualis habitus religionis detur, ibid. 12
 18 Quas causas habeat habitus religionis, ibid. 13
 19 Quos affectus habeat, ibid. 14
 20 Distinguitur saltem specie ab habitu fidei, spei, & charitatis, 23. 1
 21 In quibus conveniat, vel differat cum habitu fidei, ibid. 3
 22 Religio quomodo habeat efficientiam in actum ex-teriorem, 17. 5
 23 Opinio asserens religionem esse unam generice so-lum, 38. 2
 24 Opinio asserens religionem habitum esse specie u-num, ibid. 5
 25 Utraque probabilis judicatur, 39. 8
 26 Quando genus esse asseritur, quas species sub se habeat, ibid.

- 27 Cedit omnibus virtutibus Theologicis, ibid. 1
 28 Imperfectior est quam pia affectio voluntatis, ibidem,

Religionis objectum.

- 1 Deus ad objectum religionis pertinet, 5. 2
 2 Quo sensu Deus sit objectum proximum religionis, & quo remotum, 6. 5
 3 Deus potest dici objectum proximum religionis, sed indirectum, ibid. 6
 4 Quomodo Deus non sit objectum Quod, sed Cui re-ligionis, ibid. 7
 5 Quæ requirantur, ut Deus sit adæquatum objectum cui religionis, ibid. 1
 6 Religio nunquam attingit Deum ut objectum quod, sed ut cui, 7. 4
 7 Nullum habet actum religio, quo versetur circa Deum ut objectum quod, ibid. 5
 8 Deus est objectum cui adæquatum religionis, ibid. 8
 9 Neque religio aliud objectum, neque Deus aliam virtutem sub eandem habitudinem respicit, ibid. 1. & 8. 4
 10 Quid sit objectum quod religionis, 10. 1
 11 Sacra instrumenta quomodo ad objectum religionis spectent, ibid. 3
 12 Omnes actus humani, quibus Deus coli potest, continentur intra objectum relig. ibid. 4

Materia religionis. Vide objectum.

- 1 Qui actus cadant sub materiam religionis in ratione signi, 11. 1
 2 Interna Dei æstimatio, & actus, quibus signifi-catur, comprehenduntur in materia relig. ibid.
 3 Tam interni, quam externi actus possunt esse mate-ria religionis, ibid. 2
 4 Qualis esse debeant hi actus, ibid.
 5 Quilibet actus honestus est apta materia religionis, ibid. 3
 6 Unde actus externi habeant convenientem significa-tionem, ut sint materia relig. 12. 6

Religionis debitum.

- 1 Debitum relig. cur legale dicatur, 13. 6
 2 Debitum religionis est rigorosius, quam justitiæ, 29. 13
 3 Qualis impotentia reddendi æquale debitum variet rationem justitiæ, ibid. 14
 4 Religio in ratione debiti magis rigorosa est, quam propria justitiæ, ibid. 16
 5 Superat item omnes alias virtutes, quæ sunt ad alterum, 30. 18. & 19
 6 Non est faciendum contra religionem ad solvendum al-terius virtutis debitum, ibid. 20
 7 Non semper præferendum religionis opus aliis obliga-tionibus, ibid.
 8 In religione quomodo inveniantur duæ conditiones ne-cessariæ ad justitiæ, ibid. 23
 9 Religio re, & essentia distinguitur a dulia, 31. 4

Religio sumpta pro statu religioso.

- 1 Peculiariter quadrat nomen religio huic statui, 4. 8
 2 Status religiosus non constituit ministros ecclesiæ, 115. 8
 3 Religionis ingressus in jure alter ad probationem, ad professionem alter, 404. 4
 Vide simoniam, 63
 4 Religionis ingressus pro pretio, vide verb. simoniæ pretium ad restituendum, n. 16

Religiosus.

- 1 Religiosi propria est misericordia, 18. 10
 2 Tribus modis sunt religiosi oblationum capaces, 59. 19
 3 Qua tales non recipiunt oblationes, ibid.
 4 An religiosi, & eorum coloni teneantur ad decimas prædiales, vide verb. Decimæ prædiales, n. 5
 5 Privilegium non solvendi decimas etiam religiosi con-cessum odiosum est, 91. 6
 6 Qui in communi vivunt a decimis personalibus exi-muntur, 90. 2
 7 An religiosi possint accipere, vel præscribere jus deci-marum, vide verb. Decimæ, n. 76
 8 Simoniam committant, vide verb. Simonia causa ef-ficiens, n. 12
 9 Eorum

- 9 Eorum poenæ, vide verb. simoniæ poenæ, n. 16
 10 An validæ eorum possessiones simoniæ, vide verb. simoniæ actio, quæ valida, num. 3
 11 An poenæ simoniæ religionem ingredientibus sit Patre reservata, 575-61.7
- Regnum.*
- 1 Si Rex non solvat stipendium suis ministris, non tenetur regnum illa solvere, 80. 10
- Reliquiæ*
- 1 Qui falsas reliquias supponit, qualiter peccet, 270. 17
 2 Reliquiæ, & imagines Sanctorum sunt materiæ sacrilegii, 363. 9
 3 Colere reliquias Sanctorum cultu publico, si nondum canonizati, neque beatificati sunt, est sacrilegium, ibid.
- Renuntiatio.*
- Vide verb. benef. renuntiatio, num. 1
- Restitutio.*
- 1 Maleficus corporaliter punitus tenetur adhuc ad restitutionem, & ejus hæredes, si ille bona reliquit, 317. 12
 2 Nulla est obligatio restituendi ex re accepta, si illa bona fide fuerit consumpta, 556. 36
 3 Turpe lucrum tam ex parte dantis, quam ex parte recipientis, si debeat restitui, cui sit dandum, 562. 59. 3
 4 Cum jus naturale obligat ad restitutionem, judicis sententia non est expectanda, 571. 60. 1
 5 Pretium beneficii electionis, aut præsentationis restituendum est ante omnem sententiam 2. 3. & Cui, 572. 60. 7
- Reverentia.*
- Quid sit, & a quo virtute procedat, 23. 5
- Rex.*
- 1 Si rex non solvat stipendium suis ministris, non tenetur regnum illa solvere, 80. 10
 2 Reges accipiunt decimas a Pontifice per liberalem donationem, 106. 11
 3 Non possunt instituere dies festos, 169. 2
 4 Possunt præcipere subditis feriari a laboribus, ibid. 3
 5 Non possunt immediate processionem publicam præcipere, ibid.
 6 Quando princeps non potest ferre legem, neque potest pro illa poenam exigere, 170. 7
 7 Potest leges condere in sua terra etiam in ordine ad peregrinos, 173. 12
- S.*
- Sabbathum.*
- 1 Præceptum servandi sabbathum non obligante legem Moysis, 137. 3
 2 Dies septima etiam a Gentilibus religiose observatur, ibid.
 3 An præceptum sabbathi fuerit positivum, vel negativum, 138. 5
 4 Sabbathi quies, quid significabit, ibid. 8
 5 Sabbathum fuit determinatum a Deo per peculiarem revelationem, ibid.
 6 Male Seneca credidit, Judæos perdere septimam vitæ partem colendo sabbathum, 139. 10
 7 Præceptum sabbathi celsavit in lege gratiæ quoad ceremoniale, ibid. 11
 8 Sabbathi observatio mortifera modo est, ibid. 13
 9 Sabbathi observantiam excitabit Antichristus, ibidem. 11
 10 In lege veteri inæqualiter prohibebantur opera externa in sabbatho, & in aliis festis, 183. 8
- Sacerdos. Vide Parochus.*
- 1 Sacrificium Eucharistiæ qualiter per sacerdotes fiat, 50. 10
 2 In sustentationem sacerdotum quædam oblationes fiunt, 52. 7
 3 Cur primitiæ sacerdotibus fuerint applicatæ, 62. 13
 4 Cur sacerdotes novæ legis majori decimarum sumptu indigeant, quam veteris, 69. 8
 5 Illis solvendæ sunt decimæ, licet alias diutius, ibidem. 9
 6 Sacerdotibus non debentur alimenta ex justitia, eo quod tales sunt, sed quia ex officio ministrant, ibid.
 7 Sacerdotes divites esse solum decimarum dispensa-
- tores, quidam asserunt, ibid. 11
 8 Sustentatio sacerdotum est de jure naturali, non tamen modus, quo illis provideatur, 76. 5
 9 Castitas sacerdotibus maxime commendatur, etiam ab ethnicis, 344. 9
 10 Probabile est, peccata carnis, in sacerdote esse sacrilegia gravia, etiam præscindendo a voto, ibid.
- Sacerdotium.*
- 1 Sacerdotium Summum, vide Esau.
 2 Sacerdotium, vide simoniam, 9
- Sacramentum.*
- 1 Sacramenti duplex materia proxima, & remota, 383. 3
 2 Illius emptio intrinsece est mala contra Sotum, 385. 7
 3 Cujus opinio singularis, & improbabilis, 387. 16
 4 Sacramenti emptio potest esse contra charitatem, 381. 6
 5 Vide simoniam, 100. usque ad 118.
- Sacramentalia.*
- 1 Quæ dicantur, 391. 1
 2 Quæ transcurrentia, quæ permanentia, ibid.
- Sacrificium.*
- 1 Sacrificium, & oblatio differunt tanquam genus, & species, 48. 1
 2 Quid sit sacrificium, 49. 2
 3 Licet non sit in rigore de lege naturali, est quasi de jure gentium, ibid. 3
 4 Frequenter Patriarchæ in lege scripta sacrificium obtulerunt, ibid. 4
 5 Gens etiam sacrificium semper habuerunt, ibid.
 6 Modus colendi Deum per sacrificium est honestus, ibid. 5
 7 Est conformis hominum naturæ, ibid. 6
 8 Circumstantiæ necessariæ, ut sacrificium honeste offeratur, ibid.
 9 Est actio magis sacra, & publica, quam oblatio, 50. 8
 10 Non omnes fideles eodem modo sacrificarunt, ibidem.
 11 Sacrificiorum usus non ita voluntarius semper fuit, ut oblationum, ibid.
 12 Sacrificium in lege nova est de jure divino a Christo institutum, ibid. 9
 13 Celebratur in mysterio Eucharistiæ conficiendo, ibidem.
 14 Præceptum sacrificii hujus, datum est ecclesiæ, ibid. 10.
 15 Quomodo per sacerdotes offeratur, & quomodo per alios fideles, ibid.
 16 Sacrificium an sit offerendum distinctum a primitiis, vide verbum primitiæ, num. 7
 17 Sacrificium sub Sacramentis comprehenditur, 380. 1
- Sacrilegium.*
- 1 An peccatum omne in ecclesia factum sit sacrilegium, 231. 9
 2 Quomodo ex prohibitione ecclesiæ fiant actiones aliquæ sacrilegæ, 223. 1
 3 Furari rem, non sacram de loco sacro est sacrilegium mortale, 227. 7
 4 Ex solo jure divino non esset mortale, ibid. 8
 5 Quando ex levitate materiæ sit veniale, ibid.
 6 Fornicatio simplex in ecclesia occulte facta est sacrilega, 230. 4
 7 Probabile est, peccata mentalia in templo facta non esse sacrilegia, ibid. 7
 8 Actus impudici graviores in ecclesia mortalia sacrilegia sunt, 231. 11
 9 Aspectu turpis, & similia venialia sunt sacrilegia, si fiant in ecclesia, ibidem.
 10 Quid sit sacrilegium, 340. 1
 11 Divisio sacrilegii in tres species, 341. 5
 12 Sacrilegium peccatum mortale est ex suo genere, 349. 1
 13 Potest esse veniale ex levitate materiæ, vel inadvertentia, ibid. 2
 14 An malitia sacrilegii possit esse sola in actu, 350. 9
 15 Multiplicatio prohibitionum circa sacrilegia est in confessione aperienda, 342. 7
 16 Spe-

- 16 Species sacrilegii quo pacto inter se distinguantur, 346. 2
- 17 In tribus casibus, incurritur censura ipso facto pro sacrilegio, 351. 11
- 18 Poena pecuniaria est imposita pro sacrilegio, ibidem
- 19 Sacrilegium, vide simoniam, 25. & 26
Sacrilegium contra personas.
- 1 Persona quomodo fiat sacra, ut contra eam committatur sacrilegium, 341. 1
- 2 Sacrilegium non est injuria facta Christiano, vel homini justo, 342. 3
- 3 Quot sacrilegiorum genera dentur contra personas sacras, ibidem. 4
- 4 Injicere manus violentas in has personas sacrilegium est ex jure positivo, non ex natura rei, ibidem.
- 5 Exigere tributa a clerico est sacrilegium, 343. 8
- 6 Violatio voti castitatis similiter, ibid. 1
- 7 Ordinibus minoribus initiati peccando contra castitatem vel nullum, vel solum veniale sacrilegium committunt, 344. 8
- 8 Idem dicendum de Diaconatu, & Subdiaconatu praescindendo a voto, ibid.
- 9 An peccata carnis in sacerdote sint sacrilegia praescindendo a voto, 343. 1
- Sacrilegium contra loca, & alias res sacras.*
- 1 Violatio festi non audiendo missam non est sacrilegium, 345. 1
- 2 Violationem festi per opus servile probabile est esse sacrilegium, ibid. 2
- 3 Peccare in die festo probabile est esse sacrilegium veniale, ibid.
- 4 Cur sacrilegium contra tempus non constituat speciem sacrilegii particularem, ibid.
- 5 Opinio negans per violationem temporis sacrilegium committi, ibid. 3
- 6 Contra Eucharistiam cur non committatur sacrilegium, 347. 2
- 7 An irreverentia facta imaginibus, & reliquiis sit sacrilegium, 348. 3
- 8 Impugnatur opinio asserens, percussionem clerici non esse sacrilegium, ibid. 5
- 9 Quare in materia sacrilegii numerentur, 349. 8
- 10 Pervertere Scripturam sacram est sacrilegium, ibid. 9
- 11 Abuti Scriptura ad resturpes, grave peccatum est, ibidem.
- 12 Adorare imaginem Sancti cultu latriæ, an sit sacrilegium per excessum, 350. 7
- 13 Colere in missa, vel cultu publico Sanctum nondum canonizatum, vel beatificatum sacrilegium est per excessum, ibid.
- 14 Sacrilegium committi potest per excessum, & per defectum, ibid. 8
- Samuel.*
- Samuelis anima an vere apparuerit, 327. 15
- Sancti.*
- 1 Contra Sanctos etiam datur blasphemia, 258. 1
- 2 In blasphemia contra Sanctos altera malitia est contra Deum, altera contra Sanctos, 263. 19
- 3 Cultus ab ecclesia exhibitus Sanctis non involvit idololatriam, 275. 15
- 4 Sancti possunt coli religionis vel dulciæ actu, 348. 6
- 5 Adorare imaginem Sancti adoratione latriæ, quod sacrilegium sit, 350. 7
- Sanctorum festa.*
- 1 Sanctorum festa quam antiqua, 161. 1
- 2 Finis illorum, ibid. 2
- 3 Dupliciter errant hæretici circa Sanctorum festa, ibid. 4
- 4 Nulli Sanctorum excepta Deipara duo festa sub præcepto servantur, 162. 8
- 5 Sanctorum Innocentium festum jure communi celebratur, 164. 19
- 6 Sancti Laurentii festum juris præcepto servatur, ibid. 20
- 7 Nullus alius dies Martyrum juris præcepto colitur, ibid.

- 8 Confessorum festum nullum servatur generali præcepto, ibid.
- 9 Sancti Silvestri festum non observatur ex præcepto, ibid.
- 10 Similiter dicendum de festo Sancti Martini, ibidem. 21
- 11 Sanctorum Doctorum festa non observantur juris præcepto, ibid. 22
- 12 Similiter festum Sancti Nicolai, ibid.
- 13 Quid de Sancti Francisci festum dicendum, ibidem.
- 14 Nullum festum sanctorum mulierum servatur ex præcepto generali, ibid. 23
- 15 Festum omnium Sanctorum generali præcepto servatur, 165. 24
- 16 Coepit tempore Bonifacii IV. ibid.

Sanctitas.

- 1 Vox, Sanctitas, quid significet, 25. 14
- 2 Gratia, & charitas, sanctitas dicitur, ibid.

Sapientia.

- Aliquando religio dicitur sapientia, & vice versa, 4. 1

Scandalum.

- A peccatore publico potest aliquando accipi oblatio, si non detur scandalum, 57. 8

Scientia.

- 1 Cur pecunia pretiosior, & qui? 377. 33
- 2 Cur eam sapiens emere, non vendere consulit, ibidem.
- 3 Qui potest de facto vendi, 373. 12
- 4 Propter solam aliquam excellentiam licite venditur, ibid. 13
- 5 Hoc si absit, carius illam vendere injustum est, ibid. 16
- 6 Est ab Spiritu sancto, non ut auctor est gratiæ, sed naturæ, ibid. 15
- 7 Quando contra charitatem est eam gratis non docere, etiam in pura natura, 377. 33
- 8 Vide simoniam, 56

Scribere, & scripta.

- 1 Scribere est opus liberale, & nunquam est in festo prohibitum, 197. 3
- 2 Transcribere similiter, licet ex mercede fiat, 198. 2
- 3 In verbis scriptis reperitur blasphemia, 256. 4

Scriptura Sacra.

- Abuti verbis Scripturæ potest esse aliquando blasphemia, 263. 17

Seneca.

- 1 Male credidit, Judæos perdere septimam vitæ partem colendo Sabbathum, 139. 10
- 2 Quam graviter peccavit colendo idola, 279. 8

Sepultura.

- Quibus in ecclesia negetur sepultura, vide verbo, ecclesiæ immunitas, a num. 109

Seraphim. Vide Angelum.

- Qualem adorationem apud Isaiam exhibuerint, 44. 7

Servile opus.

- 1 Quæ sint opera servilia, & quæ liberalia, 184. 10
- 2 Opus non sit servile ex mercede, 188. 2
- 3 Variæ descriptiones operis servilis, ibid.
- 4 Quæ opera servilia liceant in festo, vide, festo die quæ opera prohibeantur, a num. 8
- 5 An dentur opera, quæ nec servilia sint, nec liberalia, 195. 1
- 6 Impugnatur opinio Cajet. affirmativa, ibid.
- 7 Opus non servile, non sit servile ex corporis labore, 196. 6

Signum.

- 1 Quando signum habet impositionem a Deo, observatio illius non est superstitiosa, 290. 7
- 2 Qui ex Irade cognoscit non futurum diluvium, sancte divinat, ibid.
- 3 Quo pacto cognoscenda divina impositio in signis, ibid. 8
- 4 Origenes credidit signa coelestia esse a Deo imposita ad significandum, 291. 16
- 5 De signis maleficiorum, vide verb. Magiæ effatrix maleficiorum, a num. 4

Simonia in communi.

- 1 Duplex est vel contra infusam, vel acquisitam religionem, 377. 32
 - 2 Hæc duo membra a religione sic differunt, ut privatio ab habitu, ibid.
 - 3 Inter se tantum, quantum hæc religiones inter se, ibidem.
 - 4 Quæ auctoritas prælati sit necessaria, ut permurentur beneficia sine simonia, vide beneficiis commutandis quæ auctoritas necessaria, a num. 1
 - 5 Permutatio beneficiorum qui fieri possit sine simonia, vide beneficiorum permutationem, a num. 1
 - 6 Quomodo beneficia cum pensione permurentur sine simonia, vide beneficiorum permutationem cum pensione, a num. 1
 - 7 Quando detur, vel non detur simonia in renuntiatione beneficii, vide beneficiorum renuntiationem, a num. 4
 - 8 Simonia dividitur in mentalem, conventionalem, & realem, 491. 1
 - 9 Alia bimembris divisio proponitur, ibid. 2
 - 10 In hac divisione, divis. est simonia externa, 492. 3
 - 11 Qualis simonia sit dare statim rem spiritualem, promittere pretium, 493. 7
- Simonia contra acquisitam religionem.*
- 1 Qui possibilis in pura natura, vel paganis, 376. 27
 - 2 Quando erit eo in statu positivo tantum, 377. 31
 - 3 Qualis inter idololatrias, 376. 27
 - 4 Distinguitur specie ab ea, quæ nunc est, ibid. & 377. 32

Simonia hujus materia.

- 1 Senti religiosa omnia naturalia, 376. 27
- 2 Ut sacerdotium, sacrificium, & similia sacra, ibidem, & seq.
- 3 Idque intrinsece, & indispensabiliter, 377. 31
- 4 Non bona corporis, & fortune, 371. 1
- 5 Consilium etiam in foro conscientie, 375. 21
- 6 Doctrinæ veritas etiam indirecte vendita, 373. 11
- 7 Exhortatio moralis publica, seu privata, 375. 23
- 8 Injustitia sive in politicis, sive in moralibus, ibidem. 25
- 9 Intellectus alia practica, & speculativa, 372. 8
- 10 Misericordiæ opera, aut similia, 375. 24
- 11 Spirituale mortale, 374. 20
- 12 Testimonium ferendum, 375. 25
- 13 Vitii, aut virtutis omisio, 376. 26
- 14 Quæ annexa spiritualibus sint materia simoniæ, vide verb. annexum spirit. a num. 11
- 15 Beneficia sunt materia simoniæ, vide verb. benef. a num. 8
- 16 Quomodo Pontifex possit separare præbendam, & sic eam vendere, vide benef. a num. 19
- 17 Præsimonia sunt materia simoniæ, 437. 3
- 18 Quæ pensiones sint materia simoniæ, vide verb. pensio, a num. 5
- 19 Episcopus simoniam committeret, si quid acciperet, ut unum potius, quam alium in vicarium sumeret, 441. 21
- 20 Simoniacus esset, qui pecuniam tertio daret, ut beneficium sibi ab episcopo obtineret, ibid.
- 21 Non est simoniacus, qui a clerico pretium accipit, ut illi potius, quam alteri det stipendium pro missis dicepdis, ibid. 22
- 22 Tertia decimarum data Regi vendi potest sine simonia, 438. 5. Jus patronatus non ita, ibid.
- 23 Privilegia clericorum vendi non possunt, 439. 7
- 24 Quæ commendæ sint materia simoniæ, & quæ non, vide Commendam, a num. 4
- 25 Opus ex eo, quod solum fiat ex voto non redditur materia simoniæ, 444. 8
- 26 Coadjutoria sunt materiæ simoniæ, 443. 5
- 27 Quæ hospitalia sunt materia simoniæ, & quæ non, vide hospitale, a num. 3
- 28 Jus patronatus quomodo sit materia simoniæ, vide Patronum, & jus patronat. a num. 4.
- 29 Character baptismalis est materia simoniæ, 447. 16
- 30 Simonia est præsentare aliquem in casu litigioso, ut suis expensis litiger, 445. 13

31 Non ita, si conditio ponatur a patrono in casu litigioso, ut alius a se præsentetur, nisi ad tempus statutum præsentationem prosequatur, ibid.

Simonia contra religionem infusam.

- 1 Quid significet vitium, 351. 1
 - 2 A Simone cur denominetur, 16. 2
 - 3 Simoniacæ hæresis, & Neophytorum cur dicitur, 352. 5
 - 4 In eam cur Simon ex concepta hæresi cecidit, ibidem. 4
 - 5 Ejus definitio, sacrilegium, &c. 353. 7
 - 6 Usurata vero voluntas studiosa, &c. 16. 8
 - 7 Nulla amplius desideratur particula, 354. 14
 - 8 Datio sufficit, quod sit quasi pretium. 371. 1
 - 9 Non opus, ut quid ab alio recipiat emens, 403. 18
 - 10 Sufficit quod factum tantum in alio tradat vendens, 379. 10
 - 11 Hi contractus quas sacrilegas significant actiones, 354. 13
 - 12 Simonia per se fidei non est contraria, 352. 6
 - 13 Verum sacrilegium, 340. 3
 - 14 Peccatum mortale gravissimum, 357. 2
 - 15 Cur, & qui super omnia exaggeratur in jure, ibidem.
 - 16 Ex levitate materiæ, 358. 5
 - 17 Ex parte pretii, ibid. 6
 - 18 Ex subreptione, vel indeliberatione, ibid. 7
 - 19 Erit tamen ex ignorantia vel facti, vel juris, ibidem.
 - 20 Ignorantia juris divini in illa dabitur raro, ibid.
 - 21 Cum injustitia ad Deum omnibus modis est idem, 358. 3
 - 22 Injustitiam proximi non habet per se, 361. 5
 - 23 Nisi quando spirituale æstimatur ut sic, ibid. 7
 - 24 Est vel contra jus divinum, vel ecclesiasticum, 354. 1
 - 25 Contra divinum naturale probatur de facto dari, 355. 6
 - 26 Hoc jus fundamentaliter est positivum, formaliter naturale, 360. 14
 - 27 Contra ecclesiasticum etiam vere, ac proprie de facto datur, 368. 1. & 2
 - 28 Quod contra illud sit in radice, sed quod immediate, 369. 5
 - 29 Idque tripliciter, ibid. 6
 - 30 Est peccatum mortale ex vi suæ speciei, & materiæ, ibidem. 13
 - 31 Ejusdem speciei cum simonia contra jus naturæ, ibidem.
 - 32 Simoniæ qui potest aliquid esse incapax, 362. 3
- Simonia in lege nova.*
- 1 Nulla contra jus divinum positivum tantum, 356. 12
 - 2 Quæ esset simul contra naturale, fuit a Christo Domino explicarum, 257. 12
 - 3 Gratis accepistis, præceptum continet positivum, ibidem. 13
 - 4 Illud est etiam naturale, ibid. 15
 - 5 Simonia contra jus ecclesiæ hujus legis est tantum propria, 370. 12
 - 6 Simon legis novæ heresiarcha primus simoniam invenit, 378. 3. 351. 2. & seq.
- Simonia in lege veteri.*
- 1 Contra jus divinum naturale de facto fuit, 362. 4
 - 2 Balaam, & Saule, & ejus puero, 363. 9. 364. 12
 - 3 Jeroboam, & uxore ejus, 364. 10
 - 4 Naaman Daniele, & Judæ vendente Christum, 363. 7. 364. 13. 378. 2
 - 5 Filius Heli, & Giezi, 365. 14. 362. 5
 - 6 Jafone, & Menelao, 364. 11
- Simonia in lege natura:*
- 1 Qui possibilis, 365. 3
 - 2 Illa si tunc in Ephron esset, esset etiam in Abraham, ibid. 4
 - 3 Nulla tamen fuit ratio præsumendi illam, ibid.
 - 4 Nec in Esau tam de jure, quam de facto, 366. 11
 - 5 Nec in Joseph, 367. 16
- Simoniæ materia absolute.*
- 1 Debet esse pure creata, 378. 4
- Circa

- 2 Circa quam possit negotiari exterius, 379. 7
3 Duplex vel spiritualis, vel spirituali annexa, 377. 1
4 Per accidens est, quod ex eo præsentatur, ad litigandum obligetur, ibid.
5 Quæ officia temporalia ecclesiæ sint materia simoniæ, vide officia temporalia, a num. 1
6 Lex ecclesiæ potest facere pactum simoniacum, liceat alioquin non esset, 369. 5
7 Vendere bona ecclesiæ iniuste non est simonia, etiam sacra bona, si non ut sacra vendantur, 453. 18
8 Non omnis electio digni prætermissio digniori est materia simoniæ, 478. 7
9 A quo dicitur, quod significat, 353. 11
10 In tria membra dividitur, 377. 1
11 Fere semper hæc membra conjunguntur in idem, p. ead. 2. 1
12 Spiritualis annexa quæ, & quoduplex, 353. 12
Simonia materia spirituale non est.
1 Absolutio, vide simoniam, 37. 38
2 Domini ab ecclesiastico, prout est dominus temporalis, 418. 17
3 Virtutis quoad servitium corporale, 399. 10
4 Agnus Dei quoad industriam, 395. 16
5 Artefacta sacra, quoad artificium, ibid.
6 Auditoratus Rotæ de jure naturæ quoad temporale, 416. 6
7 Chrisma quoad expensas de jure naturæ, 397. 23
8 Clericatus Camera. Vide simoniam, 81
9 Confraternitas quoad eleemosynam, 399. 7
10 Ad Romanam Curiam, 417. 12
11 Apud inferiores titulo stipendii pro officialibus, si sit consueudo, 418. 15
12 Titulo commutationis pro eleemosyna, ibid.
13 Dos, ut matrimonium commutatio est temporalis, 382. 10
14 Eucharistiæ redemptio ab infideli, 380. 3
15 Exactio pretii a discipulis per magistrum ab ecclesia conductum, 374. 17
16 Fundus emptus ab ecclesia, seu sepulchrum, 396. 17
17 Funeralia quoad stipendium in non obligato ad illa, 398. 6
18 Gratia unionis, 378. 3. 4. 5
19 Labor spiritualium ab extrinseco non necessarius, 418. 18
20 Lectio, aut lectionis vacatio quocumque die licet, 374. 18
21 Licentia quoad scientiam aliquam docendam, aut addiscendam, 418. 18
22 Materiale, cui est annexum spirituale de jure naturæ, 394. 11
23 Ad spiritualia quoad subsidium, 423. 17
24 Quoad laborem ab extrinseco non necessarium, ibidem.
25 Actus spiritualis debiti ex officio, 425. 13
26 Non proveniens a jurisdictione spirituali, ibidem. 11
27 Præva illius tantum circumstantiæ, cum ab spirituali provenit, 424. 8
28 Denuotiandi publicum peccatorem, 426. 14
29 Oratio privata quoad eleemosynam, seu stipendium, 442. 1. 9
30 Ornamenta reliquiarum Sanctorum, 399. 9
31 Primogenitura sacerdotis annexa in lege naturæ, 365. 5
32 Processiones quoad stipendium, 399. 8
33 Religionis ingressus quoad temporalem sustentationem, etiam de jure ecclesiæ, 405. 7
34 Quoad remotam materiam, 397. 24
35 Redimendam vexationem, vel tollendam prohibens, 387. 13
36 Extremam parvuli, vel adulti necessitatem, ibid.
37 Nolentem iniuste absolvere etiam extra necessitatem, 414. 8
38 Securius tamen in gravi tantum necessitate, ibid.
39 Petitum, & non datum juxta intentionem petentis, 387. 15
40 Sub juramento æquivoce promissum, in re denegatum, ibid. 16
41 Infectens odium ministrare nolentis, 388. 17
42 In quibus sacramentis hoc procedat, ibidem. 18. & 19
43 Quoad licentiam ad eam docendam, 410. 14
44 Doctrinam ejus etiam in beneficiato ad id obligato, 409. 9
45 Magisterium in quacumque persona, 410. 16
46 Consilium in foro externo, 411. 18
47 Consilium doctrinale in interno, ibid. 19
48 Catechismus ad memoriam tantum, 412. 24
49 Quoad removens prohibens, 399. 2
50 Quoad donum per modum eleemosynæ, aut amicitia, ibid. 3
51 Spem donantis, ut actus fiat, ibid. 4
52 Recipientis, ut munus detur, ibid.
53 Quoad pretium de præsentis, vel futuro, 401. 13
54 Quoad promissionem libertatis servandæ, 402. 15
55 Vel vitæ mortis reo, ibid. 16
56 Quoad sponsonem matrimonii cum infideli, ibidem.
Spirituale materia simonia sunt.
1 Prædicta omnia boni spiritualis intuitu, 427. 18
2 Absolutio, vide simonia, 30
3 Actio factiva gratiæ, 379. 11
4 Potestatis ordinis ex jure naturæ, 389. 1
5 Communicandi jurisdictionem spirituales, 415. 4
6 Jurisdictionis voluntariæ, & involuntariæ quoad spirituale, & temporale, 418. 15
7 Virtutis, ut est alteri meritorius, 399. 10
8 Diaconi, & Subdiaconi a quocumque factus, 391. 6
9 Quatuor minorum ordinum, ibid. 7
10 Actus domini temporale ab spirituali, 399. 10
11 Licentia studendi, seu docendi a Grammatica ad Theologiam, 374. 19
12 Causæ mere civiles inter clericos, ibid.
13 Legitimitas habilitans ad temporalia, ibid.
14 Agnus Dei quoad consecrationem, & materiam cereæ, 400. 6
15 Approbatio examinantis ad ecclesiasticas dignitates, 426. 17
16 Assistentia parochi in matrimonio suorum, 415. 11
17 Rotæ quoad spirituale de jure naturæ, 416. 6
18 Quoad temporale de jure ecclesiæ, ibid.
19 Capellania, vide simonia, 216
20 Quoad expensas de jure ecclesiæ, 397. 23
21 Quoad oleum in unctione consumptum de jure divino, ibid.
22 Clericatus Camera, vide simonia, 81
23 Confraternitas quoad pretium, 399. 7
24 Quoad benedictionem de jure naturæ, 396. 18
25 Quoad terram de jure ecclesiæ respectu Domini, 370. 10
26 Respectu clericorum de jure naturæ, ibid.
27 Auditionem ejus, ibid. 12
28 Electionem confessarii in habente facultatem, 413. 5
29 Procuracionem electionis in confessore, ibid.
30 Absolutionem cuicumque, & quocumque modo, 412. 2
31 Negationem illius propter pretium ab aliquo acceptum, 413. 3
32 Delegationem a proprio parochi ad non proprium, ibid. 5
33 Poenitentia levis impositionem, ibid. 4
34 Indulgentiarum concessionem, ibid. 6
35 Jubilæi favorum penitenti communicationem, 414. 12
36 Dispensationes (extra Papam) in bonum præcipue dispensantis, 417. 14
37 Epistolæ cantatio in choro per laicum, 391. 6
38 Fides eo modo quo vendibilis, 407. 1
39 Spirituales actiones, 399. 7
40 Pretium non in obligato ad ea, 398. 5
41 Stipendium jure naturæ, & ecclesiæ in obligato, ibidem.
42 Sanctificans, etiam ut nostro arbitrio subjacet, 416. 9
43 Gratis data ad fidem propagandam, &c., 399. 1
44 Sanctam Scripturam bene intelligendam, ibid.
45 In fide, vel moribus non errandum, ibid.
46 In-

- 46 Intellectualia per accidens infusa ad salutem anima-
rum, 423. 2
- 47 Quod sit potius sacra, quam profana, 395. 16
- 48 Quod Virginis sit potius, quam Francisci, ibid.
- 49 Jurisdictio, vide simoniam, a 137. ad 146
- 50 Jus eligendi ad dignitates ecclesiasticas conferendi,
&c. 397. 1
- 51 Intrinsecus sacro operi de jure naturæ, 420. 7
- 52 Ab extrinseco moraliter necessarius, 422. 14
- 53 Licentiæ vel quasi dispensationes parochi cum subdi-
tis, 401. 11
- 54 Locushonoratior sepulturæ, 396. 22
- 55 Materiale spiritali annexum, & concomitans,
374. 4
- 56 Matrimonium ut sacramentum est, 381. 8
- 57 Missæ administratio per quemlibet, 391. 7
- 58 Negatio justæ licentiæ eligendi confessorem, 395. 16
- 59 Negotiatio profana etiam quoad materiale spirita-
lum, 397. 25
- 60 Locare vasa sacra, verbi gratia, pro faciendo sa-
cro, ibid.
- 61 Permittere facere sacrum in sua parochia, ibid.
- 62 Negatio injusta eligendi confessorem, 388. 20
- 63 Obligatio ad spiritualia quoad pretium, ibid. 17
- 64 Officiadivina, 398. 3
- 65 A potestate spiritali proveniens, 493. 9. 10
- 66 Non proveniens sub respectu spiritali sumpta,
485. 8
- 67 In parcho non denunciante publicum peccatorem,
484. 5
- 68 Aliæ possunt esse de jure ecclesiæ, 518. 11
- 69 Oratio privata prout causa gratiæ, vel temporalitatis
etiam, 399. 9
- 70 Persona ad prælationem ecclesiasticam, 398. 6
- 71 Primatonsura, 391. 8
- 72 Religiosus status quoad pretium de jure naturæ,
404. 5
- 73 Reliquiæ Sanctorum, 402. 14
- 74 Sacramentalia transeuntia, & permanentia,
392. 2
- 75 Quoad actionem factivam ipsius, 380. 11
- 76 Materiam proximam, ibid. 3
- 77 Pretium datum pro illo ut sic, 387. 15
- 78 Ex contemptu religionis quamvis non datur juxta
intentionem petentis, ibid.
- 79 Ex odio sub juramento, & æquivoce non nega-
tum, ibid. 16
- 80 Quoad concionem publicam, & privatam, 412.
22. 23
- 81 Doctrinam Christianam catechizando, vel concio-
nando, ibid. 24
- 82 Supellex sacra solum quod melior, mundior, pretio-
sior, &c. 376. 29
- 83 Vicaria, Capellania, & similia, 416. 5
- 84 Obligans quoad pretium de præsentī, vel futuro,
432. 13
- 85 Promissionem libertatis servo, vel vitæ mortis reo,
403. 17
- 86 Sponsionem matrimonii cum infideli, ibid.
- 87 A prædictis de potentia ordinaria malitia inseparabi-
lis, 360. 15
- 88 Hæc malitia proportionata est, & naturalis ipsi simo-
niæ, ibid.
- 89 De potentia tamen absoluta potest auferri, 359. 12
- 90 Quamvis non sit æqualis decencia, 360. 16
- Simonia conventionalis.*
- 1 Quæ sit, 492. 4
- 2 Quando traditur solum pretium, & non res, sit simo-
nia conventionalis, 493. 6
- 3 Simoniam non est deducere in pactum stipendium susten-
tationis pro spiritali functione ex officio non de-
bita, 505. 1
- 4 Exigens aliud stipendium pro ministerio spiritali debi-
Et præsumitur simoniacus, ibid.
- 5 Stipendium ministrorum ecclesiæ non est pretium,
ibid. 10
- 6 An sit simonia stipendium exigere pro functione spi-
rituali debita ex officio, 509. 1
- 7 An cathedralicum episcopi persolvendum, & procu-
rationes, ibid. 3
- 8 Temporale stipendium pro ministerio spiritu ali pete-
re, cum exactio jure prohibetur, est grave pecca-
tum, 510. 5
- 9 An consuetudo queat honestare exactorem tempora-
lium pro spiritalibus, 151. 1
- Simonia confidentialis.*
- 1 Quando committatur, 495. 2
- 2 Qualis sit ejus regressus, & qualis ingressus,
ibidem.
- 3 Prohibentur collationes beneficiorum sub confidentia,
recipiendi certo tempore, ibid. 3
- 4 Materia simoniæ confidentialis sunt omnia beneficia
eccles. ibid. 4
- 5 Pensiones non sunt materia illius, ibid.
- 6 Hæc simonia spectat ad jus positivum, ibid.
- 7 Si confidentia extendatur ad commutationem spi-
ritualis pro temporali, erit contra jus divinum,
ibidem.
- 8 Quale sit pretium interveniens in simonia confidentia-
li, ibid. 5
- 9 Per Bullas Pii V. & Pii IV. fuerunt prohibiti confiden-
tiæ simoniæ, sed non omnes, ibid.
- 10 Ad simoniam confidentialem satis est, quod ti-
bi, vel alteri jus reserves recuperandi beneficii,
496. 6
- 11 Hæc confidentia committitur in renuntiationi-
bus beneficii, quæ sunt cum pacto tacito, vel ex-
presso, ibid. 9
- 12 Pro simonia confidentiali, quæ poenæ incurrantur,
497. 13
- 13 Poena privationis benef. legitime prius obtenti non
ita incurritur ipso facto, ut teneatur qui se spoliare,
ibidem.
- 14 Ad poenas incurrendas non opus est, ut utrinque in-
curratur simon. ibid. 14
- 15 Cur gravioribus poenis afficiatur hæc simonia, cum
non sit gravissima, ibid.
- 16 Mediatores in ea, quo pacto excommunicentur ipso
facto, ibid. 15
- 17 Ad hoc debet confidentia utrinque compleri,
ibidem.
- Simonia ficta.*
- 1 Quæ sit, 493. 1
- 2 Opinio asserens non esse simoniam, ibid. 2
- 3 Opinio dicens comprehendi sub simonia conventiona-
li, col. 494. 3
- 4 Quando fictio datur ex parte dantis rem spiritualem
non sit simonia exterior, ibid. 4
- 5 Tunc datur mendacium scandalosum, & sacrilegum,
ibidem.
- 6 Ex parte promittentis temporale, animo implendi da-
tur simonia mentalis, ibid.
- 7 Quando fictio ex utraque parte datur, vera simonia non
sit, ibid.
- 8 Quando fictio est solum ex parte promittentis pecu-
niam, non datur simonia, neque incurruntur poenæ,
ibidem. 5
- 9 Qui promittit centum aureos pro beneficio inten-
tione dandi illos ex aurichalco, simoniam committit,
495. 6
- Simonia mentalis.*
- 1 Potest sumi pro desiderio peccandi, etiam si non detur
simonia externa, 492. 3
- 2 Simoniam mentalis, quæ sit proprie, ibid.
- 3 Aliquando ex una, aliquando ex utraque parte da-
tur, ibid.
- 4 Quale propositum requiratur ad simon. mentalem,
497. 1
- 5 Quale debeat esse objectum hujus propositi, ibid.
- 6 Ad eum non sufficit ita intendi temporale, ut sine eo
non fieret spirituale, 398. 2
- 7 An sufficiat, quod temporale præcipue intendatur,
ibidem.
- 8 Discrimen inter finem, & pretium Simoniam,
ibidem. 4
- 9 Simoniam externam mentalem per quid constituatur;
499. 8
- 10 Quomodo sine exteriori pacto expresso, vel tacito
da.

- detur intentio dandi sub habitudine pretii in simo. mentali, ibid.
- 11 Ad simoniam mentalem quæ intentio sufficiat, ibid.
- 12 Simonia ment. quomodo fiat externa, ibid. 9
- 13 Concionari propter laudem non est simonia ment. 500. 12
- 14 Distinctio inter causam impulsivam, & finalem nihil refert in simonia mentali, ibid. 13
- 15 Exponitur D. Thom. explicans mentalem simoniam per intentionem rei temporalis, ut finis principalis, 501. 14
- 16 Simonia ment. non solum datur in simonia prohibita ex natura rei, sed etiam in prohibita ab ecclesia, ibid. 16
- 17 Quomodo lex ecclesiæ possit internum actum reddere malum, ibid. 17
- 18 Habere propositum emendi rem spirituales, est simonia pure mentalis, ibid.
- 19 Si ex intentione imperetur actus externus sine pacto, datur simonia externa mentalis, ibid.
- 20 An sit simon. mentalis intentio remunerandi spirituali dono, antidoralem obligationem ortam ex temporali, ibid. 1
- 21 Obsequium intuitu remunerationis per spirituale donum ex pura gratitudine non est simon. 532. 4
- 22 Simonia non est dare spirituale beneficium animo explendi obligationem, nec postulare remissionem, 505. 13

Simonia realis.

- 1 Addit ultra conventionalem rei traditionem, 492. 5
- 2 Quando datur traditio pretii, & rei spiritualis, tunc sit simonia maxime realis, ibid.
- 3 An possit committi vera simonia saltem prohibita per gratuitam largitionem, 514. 1
- 4 Seclusa ecclesiæ prohibitione nequit dari simonia realis sine conventionali, ibid. 2
- 5 Gratuita largitio in ministerio spirituali canonica lege potest prohiberi, ita ut vera simonia, 515. 5
- 6 Ad veram simon. non requiritur vera venditio rei spiritualis, sed potest sufficere præsumpta cum prohibitione, ibid. 6
- 7 Redemptio vexationis quando excuset a simonia, 516. 1
- 8 Quando sit simoniacus, qui pecuniam recipit, ut a vexando cesset, 518. 14
- 9 Jure nondum acquisito in beneficio simonia est, pecunia redimere vexationem, ab eo, qui daturus est spirituale, 519. 18. & 521. 27. 29
- 10 Non tamen ab eo, qui non potest conferri spirituale, 520. 23
- 11 Si eo tendant, ut subornans non tantum cesset, sed in contrarium officium inducatur, simonia fit, 521. 26
- 12 Simonia non est per se, & coram Deo redimere vexationem ab eo, qui impedit, non ut elector, sed ut privata persona, ibid. 28
- 13 Jure acquisito, per collationem licet vexationem facti circa possessionem acquirendam redimere, 522. 31
- 14 In Pontificis electione simonia non est redimere vexationem, quæ sit ut indignus, vel evidenter minus dignus eligatur, 523. 35
- 15 Pecuniam dare, ut eligatur dignus saltem in communi, non est illicitum, ib. 36. & seq.
- 16 In actibus non beneficialibus non semper est prohibita vexationis redemptio, 524. 43
- 17 An transactio ad terminandam litem habeat locum in spiritualibus absque simonia, vid. verbum transactio, a num. 1
- 18 In compositione super beneficia quando reperiatur simonia, vide verbum Compositio, a n. 2

Simonia pretium.

- 1 Ad rationem pretii quid requiratur, 554. 1
- 2 Ut detur simonia stando in jure divino pretium debet esse temporale, ibid. 4
- 3 Commutare spirituale pro spirituali non est simonia in jure divino, ibid. 5

Suarez Tom. XII.

- 4 Quod dominium habeamus in rebus spiritualibus, 455. 6
- 5 Non est simonia dare modo spirituale cum obligatione, ut aliud spirituale detur postea, 455. 7
- 6 Calicem pro beneficio commutare est simonia, ibid. 8
- 7 Rosarium benedictum pretiosum pro benedicto viliori ob majores indulgentias commutare est simonia, ibidem.
- 8 Calicem pro calice commutare licet, & pecunia recompensare alicujus excessum in materia, ibidem.
- 9 Sacrum pro sacro licet commutare, quando temporale est annexum antecederet, ibid.
- 10 Quando commutatur spirituale pro spirituali, in quo est temporale, cur debeat esse temporale, vel in utroque antecederet, vel in utroque consequenter annexum, ibid.
- 11 Petere a Deo aliquid offerendo aliqua dona non est simonia, ibid. 9
- 12 Commutare spiritualia inter se non est specialiter prohibitum extra materiam beneficiorum, 459. 20
- 13 Pretium simoniæ dividitur in munus a manu, a lingua, & obsequio, 477. 1
- 14 Obsequium, & preces, quando pecuniæ æquipollent, pretii rationem habent, ibid. 2
- 15 Qui dat beneficium propter consanguinitatem, non dat propter pretium, nec simoniace, 478. 6
- 16 Idem dicendum de motivo amicitiae, vel favoris, ibidem.
- 17 Per prohibitionem ecclesiæ non fieri potest, ut sit simonia dare beneficium consanguineo, licet aliter fiat illicitum, ibid. 7
- 18 Dare beneficium consanguineo alioquin digno non est simonia, nec injustitia, 479. 8
- 19 Dare quid spirituale propter timorem mali non est simonia contra jus divinum, ibid. 10
- 20 Neque contra jus positivum, ibid. 13
- 21 Dare beneficium ad acquirendam, vel conservandam amicitiam non est simonia, ibid. 11
- 22 Neque ex motivo sedandæ iræ, ibid.
- 23 Dare rem spirituales inimico ne noceat non est simon. 480. 14
- 24 Simonia est dare beneficium, ut aliud se obliget ad non nocendum in futurum, ibid. 16
- 25 An sit simonia dare beneficium ad petitionem principis ne offendatur, ibid. 17
- 26 Simonia non est dare beneficium debitori, ut tibi solvat debitum, ibid. 18
- 27 Si daretur novum pactum, & obligatio solvendi, esset simonia contra jus divinum, & humanum, ibid.
- 28 Iniquum est dare beneficium filio judicis, ut mitiget poenam rei plusquam potest, 481. 19
- 29 Simonia est, si interveniat pactum sub tali conditione, ibidem.
- 30 An sufficiat sola intentio, ibid.
- 31 Pretium promissum in generali sufficit ad simoniam, & quomodo per hoc non constituatur aliud membrum, ibid. 20
- 32 Discrimen inter finem, & pretium, 498. 4
- 33 Omnibus modis finis principalis de se abstrahit a ratione pretii, & si res, quæ intenditur, ut finis, sit temporalis, 499. 6
- 34 Ratio pretii non postulat, ut intendatur tanquam bonum propter amabile, ibid. 7
- 35 Non est de ratione pretii, ut aliquid propter ipsum intendatur tanquam propter fidem, ibid.
- 36 In quo consistat ratio pretii simoniaci, ibid.
- 37 Ad rationem hujus pretii per accidens est ratio finis, 500. 10
- 38 Potest aliquid intendi ut pretium, & secundario, ibidem.
- 39 Licet principaliter intendatur pro spirituale, si non intenditur ut pretium, non datur simonia, ibid. 11
- 40 Sacerdos in mortali faciens sacrum, ne perdat

stipendium, etsi præcipue illud intendit, tamen non est simoniacus,

Simoniacum pretium quale donum temporale sit.

- 1 Quibus modis possit dari temporale donum danti spirituale sine simonia, 474. 1
- 2 Si gratis detur sive ante, sive post datam rem spiritua- lem accipiatur, non sit simonia, ibid. 2
- 3 Dona antecedenter oblata cavenda propter præsumptionem, ibid.
- 4 Donum aliquando datur non in commutationem, sed in sustentationem, & stipendium debitum, 475. 3
- 5 Potest aliquid dari per modum pretii pro re comitante donum spirituale, & non esse pretium spiritualis rei, ibidem.
- 6 Quomodo donum constituatur in ratione pretii, ibidem. 4
- 7 In foro exteriori malitia simoniæ pender ex intentione operantis, ibid. 6
- 8 Intentio vel potest esse formalis, vel virtualis, ibidem.
- 9 Non satest ad simoniam missam applicare pro dante stipendium, quam non applicaret, si non daretur, ibid. 7
- 10 Simonia est petere stipendium pro missa alioquin debita, ibidem.
- 11 In foro externo satis est ad simoniam, quod datio, & acceptio sit prohibita intuitu religionis, 476. 8
- 12 Licet desit intentio, in ecclesiastico foro præsumitur simonia, ibid.
- 13 Si donatio non sit contra legem positivam, non sat est pactum, ut actio sit simoniaca, ibid.
- 14 Si sit causa in tali pacto, quæ illud honestet, non est præsumendum simoniacum, ibid. 9
- 15 Quando factum est capax bonæ, & malæ intentionis quomodo sit cognoscendum an sit simoniacum, ibid. 10
- 16 Si detur titulus aliquis probabilis inducens obligationem, non præsumendum dari dolum propter rem spiritua- lem, ibid.
- 17 Quæ conjecturæ adhibendæ, quando donum datur, ut gratuita donatio, ibid.
- 18 Si detur pactio, de qua constat, non potest præsumi gra- tuita donatio, ibid.
- 19 Item si detur taxatio, vel exactio, ibid.
- 20 Quando hæ circumstantiæ desunt utendum instructio- ne Cap. Et si, ibid. 12
- 21 Doli quantitas spectanda, & hæc sumenda per ordi- nem ad personam, ibid.
- 22 Temporis circumstantia expendenda cum aliis, 477. 14

Simonia pretium dictum munus a manu.

- 1 Pecunia est præcipuum inter munera a manu, 481. 1
- 2 In quacumq; minima quantitate sat est ad rationem pre- tii simoniæ, ibid. 2
- 3 Et ad grave peccatum simoniæ, licet ignorantia excu- sari possit, ibid.
- 4 Inter munera a manu comprehenditur quævis res tem- poralis pretio æstimabilis, 482. 3
- 5 Simonia est, seu res spiritualis dicatur pretium tempo- ralis, sive contra, ibid.
- 6 Qui pro re spirituali debitum remittit, simoniacus est, ibid. 4
- 7 Item promittens remissionem futuri debiti, ibid.
- 8 Constituere titulum alicui ex suis bonis ad ordi- nes sub promissione, quod nihil petet, simonia est, ibid. 5
- 9 Item si quis petet eligi in Canonicum promittens se re- missurum partem reddituum, ibid.
- 10 Ad munus a manu pertinet mutatio pecuniæ, ibid. 7
- 11 Non est simoniacus, qui episcopo indigenti mutuum dat, ut benevolum habeat ad beneficium, ibid.
- 12 Nec qui petit mutuum ab eo, cum quo beneficium per- mutat ad expediendas Bullas, ibid.
- 13 Si pactum præcedat ad hoc simonia dabitur, ibid.
- 14 Major injuria sit rei spirituali, cum datur pro vili, quam pro magno pretio, ibid.

15 Multæ conventiones licent in usura, quæ non licent in simonia, 483. 8

16 Non licet petere dilationem debiti pro re spirituali, ibid. 9

17 Simonia est dare spirituale pro anticipata solutione debiti, ibid.

18 An sit simonia dare spirituale pro solutione debiti in tempore debito ex justitia, ibid.

19 Ad munus a manu spectat pensio, quam sibi, vel con- sanguineo conservat dans beneficium, ibid. 10

20 Potest episcopus reservare fructus beneficii vacantis, antequam illud det, non vero pacisci cum accipiente de pensione, ibid.

21 Promissio pensionis admittendæ pro favore, & ad- monitione ad beneficium est munus a manu, ibid.

22 Procurare beneficium digno, sive indigno per munus a manu est simonia, 490. 8

Simonia pretium dictum munus ab obsequio.

1 Discrimen inter obsequium spirituale, & tempora- le, 484. 1

2 Obsequium temporale est sufficiens pretium simoniæ, ibid. 2

3 Non ita spirituale, ibid. 3

4 Multæ commutationes rerum spiritualium inter se prohibentur jure ecclesiastico, ibid.

5 Dare beneficium in solutionem præteriti obsequii ut pretium ex justitia simonia est, ibid. 5

6 Non est simonia moveri ex obsequio præterito ad dan- dum beneficium gratis, ibid.

7 Dans beneficium vicario, ne solvat salarium debitum ex ministerio spirituali, simoniacus est, ibid.

8 Ut sine simonia conferatur beneficium obsequenti fa- mulo, debet accipere temporale premium pro obsequio, ibid. 6

9 Non est opus distinguere de obsequio ad simoniacam rationem, ibid.

10 Deciditur, an detur simonia discurrendo per duo ge- nera obsequentium prælati, 485. 7

11 Si beneficium detur cum onere obsequii temporalis non annexi beneficio, simonia est, ibid. 8

12 Dare beneficium cum onere ut sibi doceatur scientia, est simonia, ibid.

13 Dare beneficium, cum vacat, illi annectendo aliquod obsequium ecclesiæ, licitum est, ibid. 9

14 Tale onus non est pretium, sed est opus, propter quod datur stipendium cum spirituali ministerio, ibid.

15 Hæc annexio obsequii temporalis solum habet locum, ubi rei spiritualis habet annexum temporale, 486. 10

16 Imponere pensionem pecuniariam super jus spirituale nullos habens redditus, est simonia, ibid.

17 Episcopus non potest facere annexionem obsequii tem- poralis in suam commoditatem, ibid.

18 Pontifex potest, ibid.

18 An obsequium spirituale jam exhibitum possit habere rationem pretii simoniæ, ibid. 11

19 Obligari ad obsequium spirituale pro beneficio spiri- tuali est simon. contra jus ecclesiasticum, non contra naturale, ibid. 12

20 Dare beneficium cum obligatione dicendi missas, ad quas beneficium non obligat, est sim. ibid. 13

21 Si electores conveniant, ut nunc unus amicum, postea alterius eligant, simon. committunt, ibid.

22 Si obsequium spirituale sit annexum beneficio spiri- tuali, non est simon. conferre beneficium sub tali onere, 487. 16

23 Ad episcopos, & prælatos habentes jurisdictionem epi- scopi spectat addere beneficiis nova onera spiritualia, ibid. 17

24 Res temporalis potest eccles. relinqui sub conditione præstandi aliquid spirituale ex justitia, ibid. 18

Simonia pretium dictum munus a lingua.

1 Munus a lingua temporale est, & mere humanum, 488. 1

2 Comprehendit preces, supplicationes, laudes humanas, & similia, ibid.

3 Dare beneficium ob pretium in sua natura manentes non est simonia, secus si transeant in ratione pretii, ibid. 2

- 4 Postulare a prælato, ut conferat beneficium alicui sine aliqua promissione, non est simonia, 489. 3
- 5 Et aliis, & sibi potest quis petere beneficium sine simon. ibidem. 5
- 6 Indignus peccat sibi petendo beneficium, ibid.
- 7 Petere beneficium pro indigno sacrilegium est, & simonia, 490. 8
- 8 Cur D. Thom. dicat, esse simoniam dare beneficium indigne pro precibus, ibid.
- 9 Non est simonia petere a potente, ut mihi a papa impetret beneficium, ibid. 9
- 10 Secus si pecunia eum conducam, ut preces fundat ad beneficium mihi consequendum, ibid.
- 11 Qui per collationem beneficiorum intendit obligare alium ad preces fundendas, recipit munus a lingua, ibid. 12
- 12 Si sub pacto implicito precum recipiatur beneficium, committitur simonia, ibid.
- 13 Si episcopus cum petente beneficium ita paciscatur, fac ut Paulus petat, & ego dabo, simonia fit, 491. 13
- 14 Quomodo hoc applicandum ad laudes, & cætera verborum genera, ibid. 14
- 15 Qui dat beneficium nobili tacite paciscens, ut se prostreatur suum consanguineum, simoniam committit, ibidem.
- 16 Quomodo munus a lingua distinguatur in absentia, ibid. 15

Simonia pretium an restituendum?

- 1 Pretium accipiens pro re spiritali antequam traditionem illud tenetur restituere, 562. 1
- 2 An vendens simoniace ex jure naturali teneatur pretium restituere, ibid. 4
- 3 Simonia injustitiæ malitiam potest habere adjunctam, 563. 10
- 4 Simoniacus injuste pretium accipiens ex naturali jure tenetur restituere, ibid. 11
- 5 Quando simoniacus sit injustus, ibid.
- 6 Vendens beneficia, vel officia ecclesiæ, quorum est dispensator, tenetur ex naturali jure pretium restituere, 564. 13
- 7 Electores ad beneficia si tenentur ex officio, & pro eligendo digno, vel digniori pecuniam accipiunt, sunt injusti, & tenentur restituere, ibid. 14
- 8 Vendens functiones spirituales, ut tales, pretium acceptum tenetur restituere ex vi naturalis legis, ibid. 15
- 9 Non vero si tantum vendat actionem materialiter spectatam pro pretio, ibid.
- 10 Deus potest homini concedere, ut vendat functiones spirituales, vel gratias datas, 565. 18
- 11 Videntes spiritualia cur injuste agant, & ad restitutionem obligentur, ibid. 19
- 12 Omnes ministri ecclesiæ tenentur gratis ministrare, sed non omnes eodem modo, ibid. 20
- 13 Res sacræ permanentes habentes annexam temporalitatem antecedenter si carius vendantur ratione spiritualitatis, excessus restituendus est jure naturæ, ibidem. 21
- 14 An pretium pro reliquiis acceptum sit restituendum, ibid.
- 15 Pretium datum ad redimendam vexationem est restituendum, ibid. 22
- 16 Pretium simoniacum restituendum ex obligatione legis divinæ præcise ei, qui dedit, est restituendum non aliis, ibid. 23
- 17 Recipiens pro pretio rem spiritualem stando in jure naturæ, illam non tenetur restituere, 566. 28
- 18 Quod sit discrimen inter dantem, & accipientem simoniace, 567. 31
- 19 Aliquando continget, ut pretium totum restituatur ementi, quin ille rem acceptam teneatur restituere, ibidem.
- 20 Cum in venditione simoniaca non violatur justitia commutativa ex natura rei non datur obligatio restituendi, 568. 35
- 21 Vendens ecclesiæ officium, aut beneficium, cui est annexum temporale commodum, si illud habet ut propriū, non tenetur pretium restituere, ibid. 36
- 22 Prælatus beneficium, aut officium, vendens ex lege naturali ad restitutionem obligatur, ibid. & 38

Suarez Tom. XII.

- 23 Summus Pontifex beneficium vendens ex natura rei pretium tenetur restituere, ibid.
- 24 Monasterium simoniace aliquem ad religionem recipiens, non tenetur ex natura rei pretium restituere, ibid. 40
- 25 Vendens rem spiritualem, ex qua temporale commodum provenit, stando in jure nihil tenetur restituere, 569. 41
- 26 Ex mentali simonia si sit sine injustitia, non oritur obligatio restituendi, ibid. 45
- 27 Secus quando includit injustitiam, nam tunc opere subsequuto obligat ad restitutionem, ibid.
- 28 Simonia pretium in religionis ingressu non est in conscientia restituendum ante sententiam, nisi religio sus ad aliam transeat, 572. 9
- 29 Cum pecunia datur ingressuro religionem causa subsequuta, nulla est obligatio restituendi, ibid.
- 30 Pretium receptum in aliis materiis simoniæ non est restituendum ex vi juris ecclesiastici ante sententiam. 573. 1

Simonia dispensatio.

- 1 In simonia lege tantum ecclesiastica prohibita nullus prælatus infra pontificem potest dispensare, 573. 1
- 2 Summus pontifex potest in rigore, moraliter tamen loquendo id nunquam faciet, ibid. 2
- 3 Dispensatio suspensionis ab ordine simoniace recepto pontifici est reservata, 574. 5
- 4 De suspensione, quam incurrunt simoniace ordinantes idem dicendum, quod de ordinatis, 575. 7
- 5 Suspendio capitulo, vel conventui imposita est Sedi Apostolicæ reservata, ibid.
- 6 An poena religioso simoniace ingressu imposita sit papæ reservata, ibid.
- 7 In duobus tantum casibus simonia interdictum est positum ipso jure, & cui sit reservatum, ibid. 8
- 8 An dispensatio habeat locum in irritatione collationis, vel obtentionis beneficii, ibid. 9
- 9 In poena inhabilitatis ad obtinendum beneficium, per simoniam obtentum, quando solus papa, & quando alii prælati dispensare possint, ibid. 10
- 10 Ad alia beneficia qui, & quando possint dispensare, ibid. 11
- 11 In restitutione pretii simoniace accepti, & debiti naturali jure non potest papæ dispensare per se loquendo, 576. 12 secus in restitutione poenali, ibidem.
- 12 An in præstanda dispensatione debeat certa forma servari, ibid. 13
- 13 Episcopus simoniaco conferens beneficium scienter non dispensat, licet alias possit, ibid.
- 14 Pontifex conferendo beneficium simoniaco censetur cum illo dispensari, ibid. 14
- 15 Pontifex alicui vendens beneficium, & committens cum illo simoniam eo ipso cum eo dispensat, quoad ea, quæ potest, ibid. 15
- 16 An per consuetudinem possit induci dispensatio in simonia, ibid. 16

Simonia poena.

- 1 In jure antiquo nulla poena fuit ipso jure lata contra omnes simoniacos, 537. 2 quid de jure novo, ibidem. 4
- 2 Pro simonia solum in ordine, beneficio, & religionis ingressu incurratur ipso jure, 538. 5
- 3 Per quam simoniam hæc poena incurratur ipso facto, 539. 10
- 4 Simonia conditionalis non punitur poenis juris in ipso facto latis, ibid. 12
- 5 Posset tamen puniri, 540. 15
- 6 Si ad excusationem processit ex parte tantum ementis spirituale, poenis ipso facto incurrendis non punitur simonia conventionalis, ibid. 16
- 7 Post acceptionem rei spiritualis, quæcumque pretii solutio efficit simoniam realem ipso jure puniendam, ibid. 17
- 8 An simonia commissa in permutandis beneficiis, quæ solum est contra jus ecclesiæ, subjiciatur poenis in simoniacos latis, ibid. 18
- 9 Penæ generatim in simoniacos a jure latæ, siue sint ferendæ, siue latæ sentent. comprehendunt ipso jure prohibitas, nisi contrarium ex lege colligatur. 541. 19

- 10 Lex puniens simoniam in beneficiis non extenditur ad puniendam venditionem in personibus, *ibid.* 22
- 11 Lex puniens simoniam in officiis ecclesiasticis probabile est non comprehendere officia oeconomi, advocati, &c. *ibidem.*
- 12 Lex potest punire simoniam contra jus humanum, & non contra jus divinum, 542. 23
- 20 Per simoniam in ordine, in beneficio, & religionis ingressu incurritur excommunicatione major parte reservata, 542. 2 non jure antiquo, num. 3. sed novo, *ibid.* 4
- 21 Non incurritur excommunicationem qui absque simonia ordines susceperit, licet postea det aliquid pro titulo, 543. 5
- 22 Notarius, vel minister pro literis dimissoriis aliquid suscipiens excommunicationem non incurrit. Episcopus qui pure ordinem dedit, licet postea aliquid accipiat, & peccet, non incurrit excommunicationem latam contra simoniam in ordine, *ibid.*
- 23 Per simoniam in beneficiis incurritur excommunicatione ipso facto, *ibid.* 6
- 24 An extendatur ad scientes, & non revelantes, *ibidem.*
- 25 Utrum incurratur per simoniam parvam ex parte pretii, *ibid.*
- 26 Monasterium aliquid exigens ab Ingressuro simoniam committit, & excommunicationem majorem incurrit, non ita si sponte oblata accipiat, *ibid.* 7
- 27 Ingrediens a monasterio aliquid exigens simoniacus est, non punitur tamen censura, *ibid.*
- 28 Qualis suspensio in religionis ingressu incurratur, *ibidem.* 8
- 29 Suspensio recipientium ordines simoniace culpam requirit ex parte ordinati, *ibid.* 9
- 30 Quid sit, 544. 10. & 545. 18
- 31 An conferens ordines simoniace sit suspensus ipso jure, 544. 11
- 32 Ordinans simoniace interdicitur ab ecclesie ingressu, 545. 16
- 33 Per simoniam in beneficio an suspensio incurratur, *ibid.* 19
- 34 Irregularitas non incurritur per crimen simoniæ, *ibid.* 20
- 35 Ordinatus simoniace non fit irregularis ratione excommunicationis, quam incurrit, *ibid.*
- 36 Utrum infamia inter simoniæ poenas sit numeranda, 546. 21
- 37 Depositi poena est simoniacis imponenda non ipso jure lata, *ibid.* 22
- 38 Non incuruntur censuræ per simoniam inchoatam per pretii solutionem, si spirituale non est collatum, 547. 24
- 39 Præsentans ad ordinationem simoniacam non est suspensus, nisi ordinatio subsequatur, *ibid.*
- 40 Suspensio de rigore juris incurritur ipso facto in ordinatione, licet tantum præcesserit pecuniæ promissio, 548. 32
- 41 Excommunicatio non incurritur ex vi juris, si tantum pecuniæ promissio præcedat, etiam si ordo suscipiatur, *ibid.* 33
- 42 An cum simonia completur solutione pecuniæ, antequam tradatur res spiritualis, censuræ sint retrahendæ usque ad diem commissi criminis per traditionem spiritualis, 549. 34
- 43 Accipiens beneficium simoniace, licet ignoranter, est inhabilis ad illud idem beneficium, 556. 37
- 44 Si bona fide per triennium possideat, non potest contra illum admitti actio, 557. 39
- 45 Si scienter simoniace acquisivit, non fruitur hoc privilegio, *ibidem.*
- 46 Per simoniam commissam in beneficii acquisitione non privatur quis beneficiis antea possessis, 560. 2
- 47 Examinatoris simoniam in examen committentes privantur antea obtentis, *ibid.* 3
- 48 Simoniacus in uno beneficio non tenetur fructus restituere ex beneficiis antea legitime obtentis, 561. 8
- 49 Quando possit iudex punire simoniam privatione fructuum prius perceptorum. *ibid.*
- 50 Acquirens beneficium simoniace ipso facto fit inhabilis ad illud, *ibid.* 9 & alia post sententiam declaratoriam non antea, *ibid.* 10
- Simonia causa efficiens.*
- 1 Simonia contra jus divinum potest a Pontifice committi, 530. 3
- 2 Simoniam contra jus positivum facile vitare potest Pontifex, 531. 4
- 3 Leges ecclesiasticæ positivæ simoniam prohibentes pontif. non obligare est probabile, *ibid.* 5
- 5 Et si pontifex simoniam committat, poenas non incurret, 532. 9
- 6 In Romana Curia potest committi simonia contra jus divinum, & ecclesiasticum, *ibid.* 10
- 7 Quomodo inferiores prælati, & eorum officiales, & intercessores, apud eos simoniam committant, *ibid.* 1
- 8 Ab omnibus personis simonia potest committi contra jus divinum, & humanum, *ibid.*
- 9 An pro sacris ordinibus conferendis possit episcopus, minister, notarius, archidiaconus, aut alius aliquid accipere, 533. 5
- 10 An notarius sit simoniacus aliquid contra legem accipiendo, *ibid.* 6
- 11 Advocato licet patrocinium suum vendere, etsi causa spiritualis sit, *ibid.* 9
- 12 Testes in causa spirituali si pecunia corrupti testimonium ferant, simoniam committunt, 534. 10
- 13 Dans pecuniam testi ad veritatem dicendam, si eam aliter nolit aperire, non committit simoniam. Testis vero simoniacus est, & injustus, *ibid.* 11
- 14 Notarii, & similes quando possint esse simoniaci in collationibus beneficiorum, *ibid.* 12
- 15 Simonia est contra jus divinum, & humanum dare pecuniam amicis prælatorum ad beneficia, vel dispensationem obtinendam, *ibid.* 13
- 16 Familiaris, ut aditum faciliorem præbeat ostium aperiendo, simoniam non committit pecuniam accipiens, 535. 17
- 17 An intercessor propter puram informationem pecuniam accipiens sit simoniacus, *ibid.*
- 18 Clerici omnes qui clerici possunt simoniam committere, *ibid.* 2
- 19 Recipiens primam tonsuram per pecuniam est simoniacus, *ibid.*
- 20 An peccet ut clericus, vel ut laicus, *ibid.*
- 21 Religiosi ut tales possunt simoniam committere, *ibid.* 3
- 22 In professione religiosa, vel habitus susceptione possunt simoniam committere, *ibid.* 4
- 23 Infideles etiam possunt simoniam committere, 536. 5. & 8
- 24 Quibus modis a laicis non infidelibus committitur hoc vitium, *ibid.* 5
- 25 Capitula, seu collegia possunt etiam simoniam committere, *ibid.* 9
- 26 Cum Capitula in simonia incidunt, non est ut omnes Capitulares coram Deo simoniace peccent, 537. 10
- Simoniaca actio, vel acquisitio vel valida, vel invalida.*
- 1 Actiones, & functiones sacræ validæ sunt, licet simoniace fiant, 550. 2
- 2 Sacramenta simoniace collata valida sunt, *ibid.* 4
- 3 Ecclesiæ, vel calicis consecratio simoniace valida est, *ibid.* 5
- 4 Idem dicendum de aliis functionibus ordinum, benedictionibus sacramentalibus, & consecrationibus, *ibidem.*
- 5 Jurisdictionis ecclesiasticæ actus non sunt invalidi ipso facto, ratione simoniæ exceptis beneficiorum promissionibus, *ibid.* 6
- 6 Professio religionis per simoniam facta valida est, *ibid.* 7
- 7 Religiosus simoniacam emittens professionem non potest permanere in monasterio, in quo professor est, nec habet in illo jus ad sustentationem, *ibid.*
- 8 Hæc poena in conscientia non obligat, donec per Superiorem legitime imponatur, 551. 8
- 9 Actio jurisdictionis, vel administrationis ordinata ad

- ad collationem beneficii, vel officii ecclesiastici simonice exercita, ipso facto est irrita, *ibid.* 10
- 10 Acquisitio rei spiritualis per simoniam ex natura rei valida est, per jus autem ecclesiasticum irritatur in officiis, & beneficiis ecclesiæ, *ibid.* 11
- 11 Res sacræ permanentes simoniace acquisitæ non sunt restituendæ, vel abdicandæ, *ibid.* 12
- 12 Acquirens jus patronatus simoniace non tenetur dimittere, *ibid.* 13
- 13 Acquisitio simoniaca vicariæ concessa sine titulo beneficii, licet simoniaca sit, valida est, *ibid.* 12
- 14 Officii ecclesiastici temporalis acquisitio simoniaca irrita non est, 552. 14
- 15 Erroneum est asserere, beneficii acquisitionem per quodlibet peccatum esse nullam ipso facto ex vi juris *ibid.* 15
- 16 Lex prohibens quando actum irritet, *ibid.* 18
- 17 Electio digni prætermisso digniori valida est, *ibid.* 19
- 18 Simoniacus mentalis non tenetur resignare beneficium sic adeptum, 553. 20
- 19 Pontificis electio valida est, etsi simoniace fiat, *ibid.*
- 20 Simoniace emens grana benedicta, & similia licite potest illa retinere, *ibid.* 21
- 21 Simoniaca beneficii acquisitio jure ecclesiastico nulla est, & verum titulum non confert, *ibid.* 22
- 22 Secus jure naturali, & Divino, 554. 27
- 23 Licet acquisitionis beneficii irritatio sit de jure ecclesiastico, illa supposita obligatio relinquendi beneficium cum fructibus est de jure divino, *ibid.* 25
- 24 Simoniaca beneficii acquisitio ratione alicujus tertii quando sit nulla, *ibid.* 28
- 25 Quando sit simonia post beneficii acquisitionem pecuniam solvere amico, quam post aliam acquisitionem scivi mei gratia fuisse donatam, 555. 31
- 26 Hæc simonia non punitur privatione beneficii, neque excommunicatione ipso facto, *ibid.* 32
- 27 Collatio simoniaca facta ignorantibus ipso facto est nulla jure positivo, 556. 35
- 28 Fructus omnes tenetur restituere a principio beneficii, *ibid.* 36
- 29 An fructus bona fide consumptos teneatur restituere, *ibid.*
- 30 Collatio simoniaca ex parte mediatoris quando invalida, 557. 40
- 31 Electio simoniaca ad spiritalia officia religionum, nullitate punitur, & excommunicatione, 558. 47
- 32 Quid sit intelligendum nomine officii, aut beneficii ecclesiastici, 557. 45
- 33 Licentia a paroco per pecuniam subito concessa ad eligendum confessorem, non est irrita, 558. 50
- 34 Beneficii collatio ratione pretii promissi nondum persoluti valida est, *ibid.* 51
- 35 Utrum sit nulla, si pecunia post aliquod tempus ab habente beneficium persolvatur, 559. 52
- 36 Facta pecuniæ solutione obligatur ipso facto ad relinquendum beneficium, *ibid.* 53
- 37 Electio rite facta non est irrita propter confirmationem simoniacam, 561. 7
- 38 Potest tamen per judicem irritari, *ibid.*
- 39 Electio simoniaca nullam reddit confirmationem: idem dicendum de confirmatione respectu collationis, *ibid.*
- 40 Baptismus traditus simoniace validus est, 572. 4
- Somnium.*
- 1 Quid sit, 309. 1
- 2 Ex somnio non potest aliquid colligi tamquam ex causa, *ibid.* 2
- 3 Sex causæ somniorum expenduntur, 310. 8
- 4 Somnia unde naturalia, divina, & dæmoniaca dicantur, *ibid.* 5
- 5 Per somnia investigare eorum causas malum non est, vix tamen probabiliter hoc cognoscitur, *ibid.* 6. & 7
- 6 Ex somnio tamquam ex effectu non potest cognosci alius effectus futurus, 311. 12
- 7 Ex eo neque influentia cæli, neque aliquid aliud ab ea pendens certo cognoscitur, 312. 13
- 8 Hæc inquisitio non est superstitiosa, si ad effectus liberos non extendatur, *ibid.* 14
- 9 Somniorum usus, quæ signa sunt, quomodo detur, *ibid.* 15
- 10 Somnia, quæ significant ut imagines, neque naturalia, neque animalia possunt esse, 313. 17
- 11 Et a Deo, & a dæmone possunt immitti, *ibid.* 18
- 12 Somnia divina aliquando ethnicis communicata, *ibid.*
- 13 Quomodo eis fides est habenda, *ibid.* 19
- 14 Non licet ea ordinarie petere a Deo, *ibid.*
- 15 Dæmoniis somniis fidem dare superstitio est, *ibid.* 20
- 16 Quoties adhibetur fides somniis sine sufficiente ratione, ut credatur illa esse a Deo, superstitio committitur, *ibid.*
- 17 Indicia ad discernendum, utrum somnia sint a Deo, 314. 22
- 18 Judicium de somnio non in somno, sed in vigilia, ferendum, *ibid.* 23
- 19 Somniis temere credere gravis culpa, 315. 25
- 20 Excusatur a gravi culpa, qui aliquid operatur non malum propter somnium, non tamen illi credens omnino, *ibid.*
- Sortes.*
- 1 Quæ sint sortes divinatoriæ, consultatoriæ, & divinatoriæ, 303. 2
- 2 Sortes divinatoriæ per se malæ non sunt, *ibid.* 3
- 3 Sortes aliquando approbantur, *ibid.* 4
- 4 Prohibentur in electionibus ecclesiasticis, & in compromissariis eligendis, *ibid.* 5
- 5 Sortes non possunt mitti inter duos habentes paria suffragia ad dignitatem Eccles. *ibid.* 6
- 6 Non possunt plures eligi, ut postea inter eos mittantur sortes, 304. 8
- 7 An electio per sortes facta sit irrita, *ibid.* 9
- 8 Litigantes de aliquo beneficio, qua auctoritate possunt inter se mittere sortes, 305. 12
- 9 Peccatum in fortibus commissum contra jura, non spectat ad divinationem, *ibid.* 14
- 10 Secularis electio non prohibetur fieri per sortes, *ibid.*
- 11 Varia peccata possunt intervenire in fortibus divinatoriis, 306. 16
- 12 Quando liceant hæc sortes, *ibid.* 17
- 13 Sortium usus ad cognoscendum occultum, illicitus est, nisi fiat inspiratione Dei, *ibid.* 18
- 14 Per expressum mandatum Dei cognovit Josue malefactorem per sortes, *ibid.*
- 15 De Saule quid dicendum, *ibid.* 19
- 16 Sors, qua electus fuit Matthias, non habuit imperfectionem, 307. 21
- 17 Non solum divinatoria, sed etiam consultatoria fuit, *ibid.* 22
- 18 Probabile est, datum fuisse aliquod signum divinum in hac electione, *ibid.* 23
- 19 Grave peccatum est uti fortibus consultatoriis temere, non est tamen divinatio, 308. 25
- 20 Quando licitæ sint, *ibid.* 26
- 21 Sortes divinatoriæ, vel sunt per expressam societatem cum dæmone, vel per tacitam, *ibid.* 27
- 22 Jure prohibentur, 309. 28
- 23 Aliæ ad cognitionem solum, aliæ ad operationem ordinantur, *ibid.*
- 24 Per sortes injuste punitur nocens, etiam si talis sit, *ibid.* 29
- Spes.*
- 1 Spei est Deus objectum quod, 7. 1
- 2 Quomodo distinguatur a religione, 23. 3
- 3 Quomodo immediate Deum attingat, 26. 8
- 4 Ad spem tenetur homo ex jure Divino, 46. 2
- Spirituale.*
- 1 Naturalia quæ triplicia in homine intelliguntur? 371. 4. & 372. 7. eorum venditio licita est, nisi sint religiosa, 372. 9
- 2 Spirituale naturale, vide simoniam, 12. ad 7
- 3 Spirituale supernaturale, vide simoniam, 40. ad 43. 57

S. Stephanus.

- 1 Ejus festum antiquissimum, 164. 19
2 Jure comuni celebratur, ibid.

Stipendium.

- 1 Stipendium dicitur per ordinem ad sustentationem personæ, 422. 21. 10
2 Stipendium ministrorum ecclesiæ non est pretium, 507. 10
3 Potest lege taxari, & consuetudine definiri, 508. 12

Striges.

- 1 An vere deferantur in loca distantissima, & intra domos, 325. 7
2 Aliquando vere deferuntur, aliquando solum per illusionem phantasie, 329. 25
3 Explicatur cap. episcopus de hac materia, ibid. 26
4 Dari Dianam deam quædam striges credebant, ibid.

Studium.

- 1 Qui dicunt non licere studium in festo, impugnantur, 205. 5

Subdiaconus.

- Vide verb. Simoniam, 81

Suffragia.

- Suffragia mortuorum, vide simoniam, 54

Superstitio.

- 1 Quid superstitio significet, 264. 1
2 In triplicem speciem dividitur, ibid. 2
3 Inter idololatriam, & superstitionem male hæretici non distinguunt, ibid. 3
4 In cultu veri Dei potest dari superstitio per excessum, 265. 5
5 In signo, quo Deus colitur potest dari superstitio, ibid. 6
6 Zelus indiscretus pro Deo est superstitio, ibid.
7 Judæus filium circumcidens, & Gentilis vitulum offerens Deo sunt superstitiosi, ibid.
8 Hæreticorum error dicentium omnem cultum, qui a Deo, vel evangelio non præcipitur, esse superstitiosum, 266. 9
9 Ex parte Dei non potest dari excessus in cultu, si ille sit rationi consentaneus, ibid. 11
10 Quomodo superstitio sit vitium per excessum, 267. 1
11 Dividitur in perniciosam, & superfluam, ibid. 2
12 Cultus superstitiosus quam falsitatem contineat, ibid. 6
13 Superstitio perniciofa alia habet facultatem ex parte rei significatæ, alia ex parte colentis, 268. 7
14 Circumcisio facta ex intentione se conformandi Christo in eo vulnere est superstitiosa, ibid. 8
15 Omnis superstitio, quæ in re significata falsitatem habet, est perniciofa, ibid. 10
16 Superstitio perniciofa non semper est mortalis, ibid.
17 Quando detur falsitas perniciofa ex parte colentis, 269. 11
18 In quo sit superstitiosus, qui sacrificium offert, cum sacerdos non sit, vel cum sit depositus, ibid.
19 Abusus caeremoniarum ecclesiæ non est superstitio, ibid. 12
20 Concionator falsis testimoniis, & miraculis utens non est superstitiosus, ibid.
21 An superstitio ex parte colentis sit solum in cultu communi, vel etiam in privato, ibid. 14
22 Superstitio perniciofa falsa ex parte colentis mortale peccatum est, 270. 18
23 Quando possit esse veniale, ibid.
24 Qui in missa, vel officio accidentales ritus non conservat, vel adjungit alios, superstitionem committit venialem, ibid.
25 Superstitio superflui cultus, in turpem, & levem cultum dividitur, ibid. 20
26 Superstitio turpis cultus semper moralis, ibid. 21
27 In superstitione variæ sunt malitiæ in confessione declarandæ, ibid. 23
28 Superstitio dividitur in divinationem, & magiam, 281. 1

Suspensio.

- Vide verbum simoniæ pœna, an. 17

T

Temperantia.

- 1 Temperantia, vide verb. Religio, an. 28
Templarii.

- 1 Templariis religiosi, quæ privilegia concessa circa decimas, 91. 5

Tentatio Dei.

- 1 Variis modis tentatur Deus ab hominibus, 250. 2
2 Tentatio vel est probationis, vel inductionis, ibid.
3 Deum tentat, qui ab eo petit auxilium ad malum, ibid.
4 Et qui petit ad sumendum experimentum, 251. 3
5 Tentare Deum ex formali intentione est per se malum, & peccatum mortale, ibid. 4
6 Hoc peccatum est religioni oppositum, ibid. 5
7 An in factis detur, ibid. 8
8 Quando, & quomodo liceat petere a Deo signum, & instructionem, 252. 11. & 13
9 Quando Sancti petunt aliquod miraculum, id faciunt ex particulari motione Spiritus sancti, 253. 13
10 Explorare voluntatem Dei de adventu futuro, est tentare Deum, ibid. 14
11 Petere a Deo commodam instructionem etiam miraculosam non semper est malum, ibid.
12 Explorare voluntatem Dei de eventu futuro mortale est ex suo genere, ibid. 16
13 Tentatio Dei, non solum est ex dubitatione divinæ perfectionis, sed etiam amoris erga homines, ibid.
14 Tentatio Dei interpretativa quæ sit, ibid. 1
15 Tentatio Dei est, uti miraculoso experimento, & probatione veritatis, ibid.
16 An tentatio Dei interpretativa habeat specialem malitiam contra religionem, 254. 3
17 Ut detur, necesse est, ut fiat opus, in quo illa consistit, cum respectu ad Deum, ibid. 4
18 In quo differat a tentatione formali, 255. 6
19 Purgationes vulgares prohibentur, ibid. 8
20 Cur Deus aliquando miraculose illas confirmaverit, ibid. 15
21 In lege veteri aliqua licebat, ibid. 16
22 An liceat sumere eucharistiam ad purgationem, ibid. 15

D. Thomas.

- 1 Recte asseruit actus Theologicarum virtutum posse a religione imperari, 24. 11
2 Explicatur locus difficilis D. Thom. quomodo divina excellentia, & bonitas communicetur creaturis, 34. 21
3 Explicatur alius circa non solventes decimas, 73. 13
4 Divi Thomæ locus mendosus corrigitur circa notoriam artem, 345. 5
5 Sentit hanc artem ad magiam pertinere, ibid.
6 D. Thomas imagines Astronomicas damnat, 322. 21
7 D. Thomæ rationes circa simoniam de jure naturæ defenduntur, 355. 2. ad 356. 12
8 Explicatur late circa venditionem veritatis, 373. 12

Theologia.

- 1 Theologiam in physicam, civilem, & fabulosam distinxerunt Philosophi, 273. 5
2 Discrimen inter civilem, & naturalem Theologiam, 274. 9
3 Qualis fuerit Theologia fabulosa, ibid. 10
4 Theologicus assensus perfectus supernaturalis potest esse, 409. 11
5 Hinc hæreticus habere non potest, ibid. 12
6 Ad eum non opus est gratiæ speciali auxilio distributive, sed collective, ibid. 13
Vide simoniam, a 69. usque ad 72

Timor.

- Timor reverentialis potest elici a religione, 23. 5

Transactio.

- 1 Utrum transactio, vel pactio ad determinandam litem habeat locum in spiritualibus absque simonia, 525. 1
2 Transactionis, & compositionis discrimen, ibid.
3 Quæ

- 3 Quæ requirantur ad propriam transactionem, ibidem.
- 4 Transactio, in qua res spiritualis pro aliqua temporali remittitur, vel retinetur, est simoniaca, 526. 6
- 5 Simonia est transigere in spiritualibus dando pecuniam, ibid. 7
- 6 Transactio in materia spirituali, non beneficii, cum spirituali tantum compensatione non est simoniaca, ibid. 8. & 9
- 7 Ad quid requiratur prælati auctoritas in transactione, ibid. 10
- 8 Transactio facta cum laicis super decimas indiget pontific. confirmatione, ibid.
- 9 In materia beneficii illicita est transactio auctoritate litigantium facta, & si spirituale pro spirituali transigatur, 527. 11
- 10 Solum est illicita jure positivo, ibid. 11. & 12
- 11 Quibus modis fieri possit in materia beneficii, ibid.
- 12 Transactio in materia beneficii, si prælati auctoritas interveniat licita est, 528. 16
- Etiā imposita pensione, & quomodo, ibid. 17
- 13 Permutatio, vel renunciatio benefic. cum pensione regulariter Summi pontif. indiget auctoritate, causa tamen transactionis, fit aliquando per episcopum, ibid. 20
- 14 Transactio in materia beneficii quomodo ex consensu tantum litigantium ad arbitrium privatorum iudicum possit fieri, 529. 24. & 25

Transfigurationis festum.

- Quam antiqua sit solennitas, 148. 13
- Tributa.*

- 1 Cur detur contra decimas præscriptio, non ita tamen contra tributa regia, 72. 9
- 2 Tributa & pensiones non sunt ante decimationem deducenda, 126. 10
- 3 Exigere tributa a clerico est sacrilegium, non ita tamen furari ejus bona, 290. 8

Trinitas.

- Dies dominica in Trinitatis cultum dicata, 145. 16

Tutor.

- Bona tutoris sunt obligata pupillo pro mala administratione, 135. 11

V

Venatio.

- 1 Venatio est opus servile, 203. 3
- 2 An sit in festo prohibita, ibid. 5

Vicaria.

- Vide verb. simonia, 124

Veritas.

- 1 Veritatem directe vendere, cur est grave peccatum, 373. 12
- 2 Veritas, vide simoniam, 13

Vexationis Redemptio.

- 1 Vide simoniam realem, an. 7
- 2 Vexationem justam redimere non licet, 517. 7
- 3 Litē futuram, quæ est evidenter injusta, licet per pecuniam remove, 518. 11
- 4 Conditiones necessariæ, ut redemptio vexationis illatæ in jure acquisito sit licita, ibid. 12
- 5 Recipiens pecuniam ut ab injusta vexatione desistat, injustus est, & tenetur restituere, 519. 16

Virtus sumpta pro habitu.

- 1 Religio falsa non est virtus, 5. 3
- 2 Morales virtutes aliæ ordinant passiones, aliæ operationes, circa alterum proficiunt, 5. 2
- 3 Aliquæ virtutes sunt in voluntate attingentes Deum, ut objectum Cui, 8. 4
- 4 Dupliciter spectat Deus ad objectum alicujus virtutis, 7. 1
- 5 Actus externi sunt materia, & objectum virtutum moralium, 10. 2
- 6 Discrimen inter virtutes, quæ ad solum operantem, & quæ ad alterum pertinent, 13. 5
- 7 Virtutum moralium actus, vel interni, vel externi sunt, 14. 1

- 8 Virtutes, quæ sunt ad alterum in voluntate sunt, 21. 6
- 9 Omnis virtus habet puram naturam virtutis moralis, vel Theologicæ, 26. 6
- 10 Virtus moralis consistit in medio, ibid.
- 11 Habitus piæ affectionis est virtus moralis, ibid. 7
- 12 Virtutes appetitivæ vel sunt ad alterum, vel ad se, 27. 2
- 13 Virtutes ad alterum diversam habent honestatem a virtutibus ad se, ibid.
- 14 Subjecto differre, qui dicant, ibid.
- 15 Omnes virtutes ad alterum conveniunt genericæ, ibid. 3
- 16 Virtus non respicit effectum, sed affectum, 29. 13
- 17 Virtutes, quæ sunt potentiales partes justitiæ, aliæ reddunt debitum proprie sumptum, aliæ late, ibid. 16
- 18 Unde colligatur differentia excellentiæ religionis, ab aliis virtutibus, 31. 4
- 19 Duobus modis potest aliqua virtus esse per se infusa, 33. 15
- 20 Nullo virtus ita versatur circa destructionem mali, quin principaliter intendat bonum, 36. 2
- 21 Distinctionem, vel unitatem specificam virtutum difficile est cognoscere, 38. 1

Virtus sumpta pro actu.

- 1 Eadem differentia constituit, actum in tali esse virtute, & in suo esse entitativo, 18. 2
- 2 Duas potest habere utilitates, corporalem scilicet, & spirituales, 399. 10
- 3 Adeum exercendum mater potest licite filium invitare donis, 401. 12
- 4 Excessus liberalitatis si cogat, peccatum est, 400. 4
- 5 Virtus, vide simoniam, 12. & a 72. usque ad 77. 80

Virtus Theologica.

- 1 Actus virtutum Theologicarum possunt a religione imperari, 24. 10
- 2 Possunt esse signum reverentiæ, ibid. 11
- 3 Religio non est virtus Theologica, 26. 3. & 4
- 4 Quid requiratur, ut aliqua virtus sit Theologica, ibid.
- 5 Non in omnibus actibus operatur, quatenus Theologica est, ibid. 9
- 6 Potest amare Deum finem, vel objectum alicui, 34. 17
- 7 Solum de tribus virtutibus Theologicis certum est esse per se infusas, de cæteris opinio solum probabilior, 39. 1
- 8 Theologicis virtutibus peccata contraria sunt graviora, quam idololatria, 280. 15

Virtus per se infusa.

- 1 Duobus modis potest aliqua virtus esse per se infusa, 33. 15
- 2 Probabile est, dari amicitiam, quæ sit virtus per se infusa, ibid.
- 3 Theologicas virtutes certum est esse per se infusas, alias non ita, 39. 1

Voluntas.

- 1 Intellectui aliqui religionem attribuerunt, alii voluntati, 4. 2
- 2 Voluntas, vel directe, vel indirecte ordinat motus appetitus per affectum in Deum, 17. 2
- 3 Quo pacto per sympathiam insurgant in appetitu motus proportionati affectui voluntatis, ibid.
- 4 Qui actus voluntatis spectent ad orationem, 44. 7
- 5 Admiratio ad voluntatem pertinet, ibid.
- 6 Si astra determinarent ad unum nostram voluntatem, eam necessitarent, 299. 19
- 7 Deus non determinat nostram voluntatem ad unum, influxu ab eo solum procedente, ibid.

Voluntarium.

- 1 Passio Christi, vel martyris non erat a voluntate effective, erat tamen voluntaria objective, 45. 11
- 2 Ad voluntarium indirectum satis est, quod potuerit, & debuerit res cogitari, 259. 6

Votum.

- 1 Religio specialiter illi statui quadrat, qui habet vinculum

- culum voti, 4. 8
- 2 Votum est sufficiens titulus oblationis debite, 53. 5
- 3 Probabile est violationem voti solam malitiam perditionis habere, 344. 5
- 4 Opus ex eo, quod fiat ex voto, non redditur in vendibile, 444. 8
- Usura & usurarius,*
- 1 Ab usurario non est accipienda oblatio, 57. 6
- 2 Usurarius non tenetur reddere lucrum, quod comparavit negociando cum pecunia usurarii, 136. 14
- 3 Non est usura nolle mutuare pecuniam, nisi sibi vendatur titicum, 435. 14
- 4 Dare mutuum de presenti cum obligatione accipiendi mutuum de futuro, est usura, 455. 7
- 5 Emens mutuum solvendo usuras veras acquirit pecuniam mutuatam, 552. 19
- 6 Pecunia ex usura accepta cur sit restituenda, p. 623. c. 11. n. 17. & 18
- 7 Usurarius dominium non acquirit pecunie per usuram acceptam, p. 625. c. 1. n. 26
- 8 Usura mentalis ad restitutionem obligat in conscientia ex jure naturali, p. 629. c. 1. n. 45. & 46
- Z
- Zelus.*
- Zelus indiscretus pro Deo est superstitio, 265. 6

